



The New Testament the Kusaal language (Ghana)

ପୁସ୍ତକ ଖୋଲା

The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

**ପୁସ୍ତକ ଖୋଲା,
କୁସାଲ ପୁସ୍ତକ ଖୋଲା, 2020**

The New Testament in Kuvi Language

The Word for the World International

All rights reserved.

2025-05-08

PDF generated using Haiola and XeLaTeX on 8 May 2025 from source files dated 8 May 2025
c688c8bf-38ac-5c00-90bd-6e4eaa165a20

Contents

ମାତିତ୍ତ୍ୱ	1
ମାର୍ଗ	46
ଲୁକ	75
ଜହନ	122
କାମା	157
ରମୟ	201
୧କରତ୍ତ୍ୱ	221
୨କରତ୍ତ୍ୱ	240
ଗାଲାତିୟ	252
ଏପିସ୍ତ	259
ପଲିପ	266
କଲସିୟ	271
୧ତେସଲନିକି	276
୨ତେସଲନିକି	281
୧ତିମତି	284
୨ତିମତି	290
ତିତିସ	294
ପଲିମନ	297
ଏବି	299
କାକୁର	313
୧ପିତର	318
୨ପିତର	324
୧କହନ	328
୨କହନ	334
୩କହନ	335
ଜାହୁଦା	336
୧କ୍ସକ୍ସି ରଲୁ	338

୩ ଜୀସୁ କ୍ରୀସ୍ତ ହାନାୟି ଅଡ଼େ ଖେଣ୍ଡେ ନିଜିନାୟି □
୨୭:୧-୨୮:୨୦

ମାଥୁର ଲିଖିତ ସୁସମାଚାର ମାତିୟୁ ରାଚାମାନି ନେହଁ କାବୁ ମୂଲୁ ହାଡ଼ା

ପୁଃନି ମେରାତି ସାରିଗଟା ନେହଁ କାବୁ ପତିୟାଁ ବିତ୍ରାତି ମାତିୟୁ ରାଚାମାନି ନେହଁ କାବୁ ଜୀସୁ କ୍ରୀସ୍ତ ଜୀସୁତି କାତା ରାସ୍‌କି ଆହାମାନେ □ ଇ ସାରିଗଟା ପତିୟାଁଲି ନେହଁ କାବୁ ଇନେରି □ ଏ ପତିୟାଁ ଜୀସୁ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାନେରି □ ମାତିୟୁ ରାଚିତି ନେହଁ କାବୁ ଏରେଲା ରାସ୍‌କି ଆହାମାନେ ଇଞ୍ଜି ବୁଦିଗାଟାରି ପୁଞ୍ଜାହିଲାଆତି ଜିକେଏ, ଇଦି ଜୀସୁ କ୍ରୀସ୍ତ ଜାର୍ନାଆଡ଼ି ୬୦ ବାର୍ସା ତାୟୁ ରାସ୍‌କି ଆହାମାନେ, ଅଡ଼େ ଆମିନି ଟାୟୁତା ରାସ୍‌କି ଆହାମାନେ, ଆମ୍ବାଆରି ପୁଞ୍ଜାହିଲଅରି, ଇ ନେହଁ କାବୁତି ପତି, ପାଲେସ୍ତାୟିନି ଦେସାତି ଜିରୁସାଲମ ଗାଡ଼ାତା ରାସ୍‌କି ଆହାମାନେ □

ଜୀସୁ ମାତିୟୁଇଁ ତାନି ସୀସୁ ଆହାଲି ହାଡ଼ିତି ନକେଏ ମାତିୟୁ ର ସିସୁ ରାହନାସି ମାଚେସି, ଇଞ୍ଜା ତାନି ଅଡ଼େ ର ଦରୁ ଲେବି ମାଚେ, ଏଞ୍ଜାସି ବାରଜାଣା ବିତ୍ରାତି ରଅସି ମାଚେସି, ଏଞ୍ଜାସି ଜୀହୁଦି ଲକୁତାକି ଇ କାବୁ ରାଚାମାନେସି □ ଜୀହୁଦିୟାଁ ଜୀସୁଇଁ, ଇ ରାଜିତା ସାଲଞ୍ଜି କିନି ରାଜା ଇଞ୍ଜି ଅଣ୍ଡିମାଚେରି, ସାମା ମାତିୟୁ ଏ ନାମୁତି ବାଦଲି କିହାନା ରାଚାମାନେସି; ଜୀସୁ ଦାରତିତି ରାଜି ଆଏ, ସାମା ଲାକପୁରୁ ଜୀସୁତି ରାଜି କାତା ଖେସିହଁ ଜାଗ୍ରାତା କିହାଁ ଖେସାମାନେସି, ମାହାପୁରୁ ଆଡ଼ିତି ଗେଲପିକିନି ରାଜା, ଆମିନି ଗାଟାଣି ତାକି ପୁଃଈ ମେରାତି ଦାର୍ମୁ ପତିତା ମାହାପୁରୁ ବଲୁ ଖେହନାରି ଖେସାମାନେରି, ଇଞ୍ଜିହଁ ପୁଣ୍ଡି କିହାଲି ଅଣ୍ଡିମାଚେସି, ଇ ଆକୁତା ମାହାପୁରୁ ରାଜିତି କାତା ହାରେକା ଖେସିମାନେସି □

ମାତିୟୁ ରାଚିତି ନେହଁ କାବୁ ପୁଃନି ମେରାତି ମୂଲୁ ପତି ଇଞ୍ଜି ତଞ୍ଜା ଆହାମାନେ, ଇତିହଁ ପୁଃଈ ମେରାତି ମାହାପୁରୁ ବଲୁ ହାରେକା ରାସ୍‌କି ଆହାମାନେ, ଇ ପତି ପୁଃଈ ମେରା ପୁଃନି ମେରା ତଲେ ଆଣ୍ଡାମାନେ, ଖେଡ଼ା ହପୁଞ୍ଜାକିତି ସଗୁପୁନାରି ଖେସିମାନେରି, ମାତିୟୁ ତାନି ଆକୁତା ମସାତି ମେରା ପାରିନାୟି □ ହରୁଲେକ ଜୀସୁ ଜାପୁନାୟି ମାତି ୫:୭, ମାହାପୁରୁ ମସାକି ହରୁଲେକ ମେରା ହାନାୟି ଖେ ମେରା ୧୯:୩; ୨୩-୩୩ □

ପତିତା ମାନାୟି

- ୧ ଜୀସୁ କ୍ରୀସ୍ତ ଜାର୍ନା ଅଡ଼େ ତାନି ସେବା କାମା □ ୧:୧-୪:୨୫
- ୨ ଜୀସୁ କ୍ରୀସ୍ତ ସେବା ଅଡ଼େ ତାନି ଜାପୁନାୟି □ ୫:୧-୨୫:୪୭

ଜୀସୁ କ୍ରୀସ୍ତ ଆକୁ ଆବାୟା
(ଲୁକ ୩:୨୩-୩୮)

୧ ଅବ୍ରାହାମ ମୀରୁଏସି ଅଡ଼େ ଦାଞ୍ଜୁଦତି ମୀରୁଏସି ଜୀସୁ କ୍ରୀସ୍ତ କୁଡ଼ା □

୨ ଅବ୍ରାହାମ ମୀରୁଏସି ଇସାହାକ, ଇସାହାକ ମୀରୁଏସି ଜାକୁବ, ଜାକୁବ ମୀରୁଏସି ଜୀହୁଦା ଇଞ୍ଜା ତାନି ତାୟିୟାଁ,

୩ ଜୀହୁଦା ଅଡ଼େ ତାମାର ମୀରୁଏସି ପେରସ ଅଡ଼େ ଜେରହ, ପେରସ ମୀରୁଏସି ହେସ୍ରାଣ, ହେସ୍ରାଣ ମୀରୁଏସି ଅରାମ,

୪ ଅରାମ ମୀରୁଏସି ଅମିନାଦାବ, ଅମିନାଦାବ ମୀରୁଏସି ନହସନ, ନହସନ ମୀରୁଏସି ସଲମନ,

୫ ସଲମନ ଅଡ଼େ ରାହାବ ମୀରୁଏସି ବୟାଜ, ବୟାଜ ଅଡ଼େ ରୁତ ମୀରୁଏସି ଅବେଦ, ଅବେଦ ମୀରୁଏସି ଜିସି □

୬ ଜିସି ମୀରୁଏସି ଦାଞ୍ଜୁଦ ରାଜା, ଦାଞ୍ଜୁଦ ଅଡ଼େ ଉରିୟ ଡକ୍ରିନି ତାଣାଟି ସଲମନ ଜାର୍ନା ଆଡେସି,

୭ ସଲମନ ମୀରୁଏସି ରିହବୟାମ, ରିହବୟାମ ମୀରୁଏସି ଅବିୟ, ଅବିୟ ମୀରୁଏସି ଅସା,

୮ ଅସା ମୀରୁଏସି ଜିହସାପାଟ୍, ଜିହସାପାଟ୍ ମୀରୁଏସି ଜରାମ, ଜରାମ ମୀରୁଏସି ଉଜିୟ,

୯ ଉଜିୟ ମୀରୁଏସି ଜତମ୍, ଜତମ୍ ମୀରୁଏସି ଆହାଜ, ଆହାଜ ମୀରୁଏସି ହିଜକିୟ,

୧୦ ହିଜକିୟ ମୀରୁଏସି ମନସି, ମନସି ମୀରୁଏସି ଆମନ, ଆମନ ମୀରୁଏସି ଜସିୟ,

୧୧ ଇସ୍ରାୟେଲଇଁ ବାବିଲନ ଦେସାତା ଦସାନା ଅନି ବେଲାତା ଜସିୟ ମୀରୁକା ଜିକନିୟ ଇଞ୍ଜା ତାନି ତାୟିୟାଁ ଜାର୍ନା ଆଡେରି □

୧୨ ବାବିଲନତା ଅଡ଼ିଆଡ଼ି ଜେତ ଜିକନିୟ ସଲଟିୟେଲଇଁ ଜାନ କିଡେସି, ସଲଟିୟେଲ ମୀରୁଏସି ଜିରୁବାବେଲ,

୧୩ ଜିରୁବାବେଲ ମୀରୁଏସି ଅବିହୁଦ, ଅବିହୁଦ ମୀରୁଏସି ଏଲିୟାକିମ, ଏଲିୟାକିମ ମୀରୁଏସି ଅସର,

୧୪ ଅସର, ମୀରୁଏସି ସାଦକ, ସାଦକ ମୀରୁଏସି ଆକିମ, ଆକିମ ମୀରୁଏସି ଏଲିହୁଦ,

୧୫ ଏଲିହୁଦ ମୀରୁଏସି ଏଲିୟାଜର, ଏଲିୟାଜର ମୀରୁଏସି ମତାନ, ମତାନ ମୀରୁଏସି ଜାକୁବ,

୧୬ ଜାକୁବ ମୀରୁଏସି ମରିୟମନି ଡକ୍ରିନା ଜସେପ, ଇ ମରିୟମନି ବାଣ୍ଡିଟି ଜୀସୁ ଜାର୍ନା ଆଡେସି, ଏଞ୍ଜାଣାଇଁ କ୍ରୀସ୍ତ ଇଣ୍ଡି ଆହିମାନେ □

୧୭ ଇଲେଆହଁ ଅବ୍ରାହାମ ତାଣାଟିଏ ଦାଞ୍ଜୁଦ ପାଡେକା ସଦ ଜାଣା ଆକୁୟାଁ, ଅଡ଼େ ଦାଞ୍ଜୁଦ ତାଣାଟିଏ ବାବିଲନ ଅଡ଼ିଆଡ଼ି ପାଡେକା ସଦ ମାଣ୍ଡି, ଇଞ୍ଜା ବାବିଲନ ଅଡ଼ିଆଡ଼ି ତାଣାଟିଏ ଜୀସୁ କ୍ରୀସ୍ତ ଜାର୍ନା ପାଡେକା ସଦ ମାଣ୍ଡି □

☆ ୧:୧୮ ୧:୧୮ ଲୁକ ୧:୨୭

ଜୀସୁ କ୍ରୀସ୍ତ ତି ଜାର୍ନା ଆନାୟି
(ଲୁକ ୧:୨୬-୩୮; ୨:୧-୬)

୧୮ *ଜୀସୁ କ୍ରୀସ୍ତ ତି ଜାର୍ନା ଇଲେକ୍ ଆଡେ □ ତାମି ଇୟା ମରିୟମ ଅଡେ ଜସେପ ତଲେ ବାହା ଆହାଲି ରୀସ୍ତି ଆହାମାତି ଜେଟ, ଏଝି କାଲୁଝି ଆଆ ନକେଏ, ଏଦି ସୁଦୁଜୀଝୁ ତଲେ ପୁରାମାସା ଆହାମାନେ ଇଞ୍ଜି ପୁଣ୍ଡି ଆଡେ □

୧୯ ଏଚେଟିଏ ତାନି ତକ୍ରା ଜସେପ ର. ଦାମ୍ବୁ ଲକୁ ମାଚାକି, ଇଞ୍ଜା ଏଦାଣି ଲକୁ ନକିତା ଦହ ଗାଟାୟି ଇଞ୍ଜି ତହୁଆପେର୍ଷି ଇଞ୍ଜି ଏଦାନି ତକ୍ରାହାନା ପିସାଲି ତାରି କିତେସି □

୨୦ ସାମା ଏଝାସି ଏଲେଇଞ୍ଜି ତାରିକିତି ତାୟୁ, ମେହଦୁ, ମାହାପୁରୁତି ର. ଦୁହୁ ଏଝାଣାଇଁ ହାପାନାତା ଏଲେଇଚେସି, “ଆଡେ ଦାଝୁଦ କୃତାତି ଜସେପ, ମରିୟମନି ତକ୍ରା କିହାଲିତାକି ଆଜାଆନି, ଏନାଆଁତାକି ଇଚିହୁଁ ମାହାପୁରୁତି ସୁଦୁଜୀଝୁ ତଲେ ପୁରାମାସା ଆହାମାନେ □

୨୧ *ଏଦି ର. କକାଣାଇଁ ଜାନି କିନେ, ଅଡେ ମୀରୁ ଏଝାଣି ଦରୁ ଜୀସୁ ଇଞ୍ଜି ଇଗାଦୁ, ଇଚିହୁଁ ଏଝାସି ତାମି ଲକୁଇଁ ତାମି ବାରେ ପାପୁଟି ଗେଲ୍ପିନେସି □”

୨୨ ମାହାପୁରୁ ଅଣ୍ପୁତି ବଲୁ ଝେହନାରି ତାଣାଟି ପ୍ରବୁତି ଇ କାତା ଏନିକ୍ ପୁରା ଆନେ, ଇଦାଆଁତାକି ଇ ବାରେ ଆଡେ,

୨୩ “ମେହଦୁ ର. ତାଆ ମାଞ୍ଜା ପୁରାମାସା ଆହାନା ର. କକାଣାଇଁ ଜାନି କିନେ, ଅଡେ ଲକୁ ଏଝାଣି ଦରୁ ‘ଇମାନୁୟେଲ’ ଇଚିନେରି □” ଇ ଦରୁତି ଅର୍ତ୍ତ “ମାହାପୁରୁ ମା ତଲେ ମାନେସି □”

୨୪ ଏମ୍ବାଟିଏ ଜସେପ ଇଦାଟି ନିଜିତି ତାୟୁ ପ୍ରବୁତି ଦୁହୁ ଏନିକ୍ ହୁକୁମି ହାହାମାଚେସି, ଏଲେକିହୁଁ ଏ କିତେସି, ଏଝାସି ମରିୟମଇଁ ବାହା ଆଡେସି;

୨୫ *ସାମା ଏଦି କକାଣାଇଁ ଜାନି କିଆ ପାତେକା ଏଦାଣି ତଲେ କୃତାଆଡେସି, ଅଡେ ଏ କକାଣି ଦରୁ ଜୀସୁ ଇଚିତେରି □

୨

ଝେଡା ହପୁଝାକିତି ସଗୁପୁନାରି

୧ ହେରଦ ରାଜା ବେଲାତା ଜୀହୁଦା ଦେସାତି ବେତଲିହିମ ଗାଡାତା ଜୀସୁ ଜାର୍ନାଆଡି ତାୟୁ, ମେହଦୁ, ଝେଡା ହପୁ ଝାକିଟି ଏଚରଜାଣା ସଗୁପୁନାରି ଜିରୁସାଲମତା ଝାହାନା ଝେଚେରି,

୨ “ଆମିନି କକାସି ଜୀହୁଦିଙ୍ଗା ରାଜା ଆହାଲି ଜାର୍ନା ଆହାମାନାସି, ଏଝାସି ଆମ୍ବିୟା ? ମାମ୍ବୁ ଝେଡା ହପୁ ଝାକିଟି ତାନି ହୁକା ମେସାନା ଏଝାଣାଇଁ ଜହରା କିହାଲି ଝାହାମାନମି □”

* ୧:୨୧ ୧:୨୧ ଲୁକ ୧:୩୧ * ୧:୨୫ ୧:୨୫ ଲୁକ ୨:୨୧

୩ ଇ କାତା ଝେଞ୍ଜାନା ହେରଦ ରାଜା ଅଡେ ତାନିତଲେ ଜିରୁସାଲମତି ବାରେ ଲକୁ କାବାଆହାନା ଆଜିତେରି □

୪ ଅଡେ ଏଝାସି ଲକୁତି କାଜା ପୂଜେରାଙ୍ଗା ଇଞ୍ଜା ମେରା ପୁନାରାଇଁ କୃଡି କିହାନା, କ୍ରୀସ୍ତ ଏମ୍ବିୟା ଜାର୍ନା ଆନେସି, ଏଦାଆଁ ଏଝାରି ତାଣାଟି ପୁଞ୍ଜାଲି ଅଣ୍ପିତେସି □

୫ ଏଝାରି ଏଝାଣାଇଁ ଏଲେଇଚେରି, ଜୀହୁଦା ଦେସାତି ବେତଲିହିମ ଗାଡାତା ମାହାପୁରୁ ଅଣ୍ପୁତି ବଲୁ ଝେହନାରି ତାଣାଟି ଇଲେଇଞ୍ଜି ରାସ୍କି ଆହାମାନେ;

୬ “ଏ ଜୀହୁଦା ଦେସାତି ବେତଲିହିମ, ଜୀହୁଦାତି କାଜା ନାସ୍କା ବିତ୍ରାଟି ନୀନୁ ଉଣା ଆଏ; ଇଚିହୁଁ ଆମ୍ବାଆସି ନା ଇସ୍ତାୟେଲ ଲକୁଣି ପହି କିନେସି, ଏଲେତି ର. ସାଲୁଝି କିନାସି ନୀ ତାଣାଟି ଝାନେସି □”

୭ ତାୟୁ ହେରଦ ସଗୁ ପୁନାରାଇଁ ମେଣେଏ ହାଟାନା, ଏ ହୁକା ଏଚେଲା ତଞ୍ଜାଆଡେ ଏ କାତା ଏଝାରି ତାଣାଟି ନେହୁଁକ୍ ଝେଚେସି □

୮ ଇଞ୍ଜା ଏଝାସି ଏଝାରାଇଁ ବେତଲିହିମତା ପାଣ୍ଡାନା ଏଲେଇଚେସି, “ମୀରୁ ହାଜାନା ଏ କକାଣି କାତା ନେହୁଁକ୍ ସିନିକିହାନା ନାଙ୍ଗେ ଜିକେଏ ଝେସ୍ତାଦୁ, ଇଚିହୁଁ ନୀନୁ ଜିକେଏ ହାଜାନା ଜହରା କିକାଇଁ □”

୯ ଏଚେଟିଏ ଏଝାରି ରାଜା କାତା ଝେଞ୍ଜାନା ହାଚେରି; ଅଡେ ମେହଦୁ, ଏଝାରି ଝେଡା ହପୁଝାକି ଆମିନି ହୁକା ମେସାମାଚେରି, ଏଦି ଏଝାରି ନକି ନକିତା ହାଜାନା, ଏମ୍ବିୟା କକାସି ମାଚେସି ଏ ଲାକ ହାଜାନା ନିତେ □

୧୦ ଏ ହୁକା ମେସାନା ଏଝାରି ହାଡେକା ରାହାତଲେ ରାହା ଆଡେରି □

୧୧ ଏଝାରି ଇଲୁ ବିତ୍ରା ହଡାନା ତାମି ଇୟା ମରିୟମ ଇଞ୍ଜା କକାଣି ତାଲୁଇଁ ମେସାନା, ଏଝାଣାଇଁ ମେଣ୍ଡାକୃତାନା ଜହରା କିତେରି, ଇଞ୍ଜା ତାମ୍ବୁ ତାଚାମାଟି ପେଡାୟାଟି ବାଂଗାରା, ଦୁପା ଦୁପାସି ଅଡେ ଗାନ୍ଦା ନିୟୁଁ ବେଟୁ ହାତେରି □

୧୨ ତାୟୁ ହେରଦ ରାଜା ତାଣା ଝେଣ୍ଡା ହାଲାଆପେରିଝା ଇଞ୍ଜି ମାହାପୁରୁ ଏଝାରାଇଁ ହାପାନାତା ହୁକୁମି ହାହାଲିଏ, ଏଝାରି ଅର ଜିରୁଟି ତାମି ଦେସାତା ଝେଣ୍ଡାହାଚେରି □

ମିସର ଦେସାତା ହାନାୟି

୧୩ ଏଝାରି ହାଟି ତାୟୁ, ମେହଦୁ, ମାହାପୁରୁତି ଦୁହୁ ଜସେପଇଁ ହାପାନାତା ଏଲେଇଚେସି, “ନିଙ୍ଗାମୁ କକାଣି ତାଲୁଇଁ ଅଡେ ତାମି ଇୟାନି ଅହୁଁ ମିସରତା ହାଲାମ୍ବୁ ନୀନୁ ମିଙ୍ଗେ ଝେସ୍ତାଆ ପାତେକା ଏମ୍ବାଆଁ ମାଞ୍ଜୁ, ଇଚିହୁଁ କକାଣି ତାଲୁଇଁ ପାୟାଲି ହେରଦ ଅଣ୍ପିମାନେସି □”

୧୪ ଜସେପ ନିଙ୍ଗାନା କକାଣି ତାଲୁ ଇଞ୍ଜା ତାମି ଇୟାନି ଆସାନା ଲାଆଁ ଲାଆଁୟାଁ ମିସର ଦେସାତା ଅହୁଁ ହାଚେସି,

୧୫ ହେରଦ ହାନି ପାତେକା ଏମ୍ବାଆଁ ଏଝାରି ତୟିତେରି, ଇ ବାରେ ଗଟଝି ଆନାଣି ମାହାପୁରୁ ଅଣ୍ପୁତି ବଲୁ ଝେହନାରି ତାଣାଟି ଇ ମାହାପୁରୁ ଅଣ୍ପୁତି ବଲୁ ପୁରା

ଆନେ, “ନା ମୀରୁଏଣାଇଁ ନାନୁ ମିସର ଦେସାଟି ହାଟା ତାତେଏଁ □”

କକାରି ତାଲୁକାଣି ପାୟିନାୟି

୧୭ ଖେଡ଼ା ହପୁ ଦେସାଟି ଖାହାମାଟି ସଗୁପୁନାରି ଏଞ୍ଜାଣାଇଁ ନାଡ଼ିକିହାନା ହାଜାମାନେରି ଇଞ୍ଜି ପୁଞ୍ଜାନା, ହେରଦ ହାରେକା କପା ଆତେସି, ହୁକାତି ଉଜେଡ଼ି ଆମିନି ବେଲ୍ଲାତା ତଞ୍ଜାଆହାମାଟେ ସଗୁପୁନାରି ତାଣାଟି ନେହୁଁକିଁ ପୁଞ୍ଜାମାଟେସି, ଏଦାଆଁ ପୁଞ୍ଜାନା ବେତଲିହିମ ଅଡ଼େ ତାନି ତାଗେ ମାଟି ନାସ୍କାଟି ରୀ ବାର୍ଯାଟିଏ ଉଣା କକାରାଇଁ ପାୟାଲି ତାକି ହୁକୁମି ହୀତେସି □

୧୮ ଏତିବେଲ୍ଲା ମାହାପୁରୁ ଅଣ୍ଟପୁତି ବଲୁ ଖେହ୍ନି ଜିରିମିୟ ଖେସ୍ତି ଇ ବଲୁ ସାତା ଆଡେ,

୧୮ “ରମାତା ହାଡ଼ା ଖେଲ୍ଲିମାନେ,
ଡ଼ାକି ଅଡ଼େ ହାରେକା ଦୁକୁତି ଗିୟାଁ
ରାହେଲ ତାନି ମୀରୁକା ତାକି ଡ଼ାହିମାଟେ;
ଅଡ଼େ ଏଞ୍ଜାରି ବାରେ ହାହାହାଟେରି ଇଞ୍ଜି,
ଏଡ଼ି ଦୁକୁ ତୁକ୍ହାଲି ମନ କିହି ହିଲ୍ଲାଆଡେ □”

ମିସରଟି ଖେଣ୍ଡାଞ୍ଜାନାୟି

୧୯ ହେରଦ ହାଡ଼ି ତାୟୁ, ମେହ୍ଦୁ, ପ୍ରବୁତି ର ଦୂଡୁ ମିସରତା ଜସେପଇଁ ହାପାନାତା ତଞ୍ଜାଆହାନା ଏଲେଇତେସି,

୨୦ “ନିଙ୍ଗାମୁ, କକାଣାଇଁ ଅଡ଼େ ତାନି ଇୟାନି ତଲେ ଇସାୟେଲ ଦେସାତା ହାଲ୍ଲାମୁ, ଇତିହୁଁ ଆମ୍ବାଆରି କକାଣି ଜୀଞ୍ଜୁ ଅହାଲି ତାକି ଅଣ୍ଟପିମାଟେରି ଏଞ୍ଜାରି ହାହାମାନେରି □”

୨୧ ଏତେଟିଏ ଜସେପ ନିଙ୍ଗାନା କକାଣାଇଁ ଇଞ୍ଜାଁ ତାନି ଇୟାନି ଆସାନା ଇସାୟେଲ ଦେସାତା ଖାଡ଼େସି □

୨୨ ସାମା ହେରଦ ଟାୟୁତା ତାନି ମୀରୁଏସି ଅକିଁଲ୍ଲାୟ ଜୀହୁଦାତି ରାଜା ଆହାମାନେସି ଇଞ୍ଜି ଖେଞ୍ଜାନା ଏଞ୍ଜାସି ଏମ୍ବାଆଁ ହାଜାଲି ଆଜିତେସି; ସାମା ହାପାନାତା ହୁକୁମି ବେଟାଆହାନା ଏଞ୍ଜାସି ଗାଲିଲି ରାଜି ଖାକି ହାଟେସି,

୨୩ ଇଞ୍ଜାଁ ନାଜରିତତି ଗାଡ଼ାତା ହାଜାନା ତୁୟିତେରି, ଏନିକିହୁଁ ମାହାପୁରୁ ଅଣ୍ଟପୁତି ବଲୁ ଖେହ୍ନାରି ରାଡ଼ିତି କାତା ସାତା ଆନେ, “ଏଞ୍ଜାସି ନାଜରିତତାସି ଇଞ୍ଜିଁ ଖେଲ୍ଲିନେସି □”

୩

ବାପ୍ତିସ୍ତା* ହାନି ଜହନତି ଖେକ୍ନାୟି

(ମାତି ୧:୧-୮; ଲୁକ ୩:୧-୧୮; ଜହ ୧:୧୯-୨୮)

୧ ଏ ବେଲ୍ଲାତା ବାପ୍ତିସ୍ତା* ହାନି ଜହନ ଜୀହୁଦା ଦେସାଟି ବାଠଲି ବାଟାଟି ଖାହାନା ବଲୁ ଖେକ୍ନାଲି ମାଟ୍ଟହେସି □

୨ * “ପାପୁ ପିସାନା ମନ ଖେହ୍ନା କଡ଼ାଦୁ, ଇତିହୁଁ ଲାକପୁରୁ ରାଜି ଏଗାଞ୍ଜାହିମାନେ □”

୩ ମାହାପୁରୁ ଅଣ୍ଟପୁତି ବଲୁ ଖେହ୍ନି ଜିସାୟ ତାଣାଟି ଇ ହାଡ଼ା ଖେସ୍ତି ଆହାମାଟେ,
ଏଞ୍ଜାସିଏ ଇଞ୍ଜାସି; “ରଅଣି ହାଡ଼ା ଲକୁ ହିଲ୍ଲାଆ ଟାୟୁତା ଖେଲ୍ଲିମାନେ,
ପ୍ରବୁ ତାକି ଜିରୁ ତିୟି କିଦୁ □”

୪ ଜହନ ଉରୁ ବାଣାୟାଁ ତଲେ କେପିତି ହିମ୍ବରିକା ତୁରୁହିମାଟେସି, ଇଞ୍ଜାଁ ତାନି ଟେଡେଲିତା ର ତଲୁତି ବୁଡ଼ପା ମାଡ଼ା ଦସା କଡ଼ଞ୍ଜିତେସି, ଗପ୍ଏରିକା ଅଡ଼େ ଜାଡ଼ାତି କ୍ରିୟାଁ ଏଞ୍ଜାଣି କାଡ଼ି ମାଟେ □

୫ ଏତିବେଲ୍ଲାତା ଜିରୁସାଲମ ଗାଡ଼ା ଇଞ୍ଜାଁ ବାରେ ଜୀହୁଦା ଦେସା ଅଡ଼େ ଜର୍ଦନ ଦାରିତି ନାସ୍କାଟି ବାରେ ଲକୁ ତାନି ତାଣା ଖାହାଲି ମାଟ୍ଟହେରି,

୬ ଏଞ୍ଜାରି ଜାହାରା ପାପୁ ଖେସାନା ଜହନ ତାଣାଟି ଜର୍ଦନ କାତାତା ବାପ୍ତିସ୍ତା* ଅଡ଼େରି □

୭ * ସାମା ହାରେକା ପାରୁସିୟାଁ ଅଡ଼େ ସାଦୁକିୟାଁ ବାପ୍ତିସ୍ତା* ଅହାଲି ଖାହିମାନାଣି ମେସାନା ଏଞ୍ଜାରାଇଁ ଏଲେଇତେସି, “ଅଡ଼େ ରାସ୍କା କୁଡ଼ାତାତେରି ମାହାପୁରୁ ତାଣାଟି ଖାହିମାନି କପାଟି ପିସ୍ପି କିହାକତାଲି ଆମ୍ବାଆସି ମିଙ୍ଗେ ସେଡ଼ନା ହିୟାତେସି

୮ ଇଦାଆଁତାକି ମନ ଖେହ୍ନାମାନାଣି ନେହୁଁ କାମାତା ତହୁପୁ,

୯ * ଅଡ଼େ ଅବ୍ରାହାମ ମା ଆବା ଇଞ୍ଜିଁ ମୀ ମନ ବିଡ଼ା ଅଣ୍ଟପାଆଦୁ, ଏନାଆଁତାକି ଇତିହୁଁ ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁ ଇ ଖାଲକାଟି ଜିକେଏ ଅବ୍ରାହାମତି ମୀରୁକାଣି ଗାଡ଼ି କିହାଲି ଆଡ଼ିମାନେସି □

୧୦ * ଅଡ଼େ ନୀସିଁ ଜିକେଏ ମାର୍ତ୍ତୁ ତାକିତା କାଃଆଲି ଆଟାମାନେ, ଆମିନି ମାର୍ତ୍ତୁ ନେହୁଁ ପାଡ଼େୟି ଆୟେଏ, ଏଦାନି ଟୁଣ୍ଡହାନା ହିରୁତା ମେଡ଼ପି ଆନେ □

୧୧ ନାନୁସାଁ ମିଙ୍ଗେ ପାପୁଟି ପିସ୍ପି କିହାଲି ଇଞ୍ଜାଁ ମନ ଖେହ୍ନି କିହାଲି ଏୟୁତଲେ ବାପ୍ତିସ୍ତା* ହାହିମାଞ୍ଜାଇଁ, ସାମା ନା ତାୟୁ ରଅସି ଖାହିମାନେସି ଏଞ୍ଜାସି ନା କିହାଁ ହାରେକା ବାଡ଼ୟୁ ଗାଟାସି, ଏଞ୍ଜାଣି ସେପୁୟାଁ ହୁକ୍ହାଲି ଜିକେଏ ନାନୁ ପାଡ଼ାଆଆଁ; ଏଞ୍ଜାସି ମିଙ୍ଗେ ସୁଦୁଜୀଞ୍ଜୁ ଇଞ୍ଜାଁ ହିରୁତଲେ ବାପ୍ତିସ୍ତା* ହିୟାନେସି □

୧୨ ଏଞ୍ଜାସି ତାନି କ୍ଲାନୁତି ନେହୁଁକିଁ ତାସାହାଁ, ତାନି ଆନାଟି କ୍ଲସାହାଁ ଗାଡ଼େୟିତା ଇଟାଲି ଏଞ୍ଜାଣି କେୟୁତା ହେଟି ମାନେ, ସାମା ଟାଟା ପଡ଼ୁଡ଼ି ଏବେଲ୍ଲା ତୁମ୍ବାଆଗାଟି ହିରୁତା ହୁଡ଼ା ତୁହ୍ନେସି □”

ଜୀସୁ ଏୟୁତା ବାପ୍ତିସ୍ତା* ଅନାୟି
(ମାର୍କ ୧:୯-୧୧; ଲୁକ ୩:୨୧-୨୨)

* ୨:୨୩ ୨:୨୩ ମାର୍କ ୧:୨୪; ଲୁକ ୨:୩୯; ଜହ ୧:୪୫ * ୩: ୩:୧ ମୁଞ୍ଜିନାୟି † ୩:୧ ୩:୧ ମୁଞ୍ଜିନାୟି * ୩:୨ ୩:୨ ମାତି ୪:୧୭; ମାର୍କ ୧:୧୫
‡ ୩:୬ ୩:୬ ମୁଞ୍ଜିନାୟି * ୩:୭ ୩:୭ ମାତି ୧୨:୩୪; ୨୩:୩୩ § ୩:୭ ୩:୭ ମୁଞ୍ଜିନାୟି * ୩:୯ ୩:୯ ଜହ ୮:୩୩ * ୩:୧୦ ୩:୧୦ ମାତି ୭:୧୯
* ୩:୧୧ ୩:୧୧ ମୁଞ୍ଜିନାୟି † ୩:୧୧ ୩:୧୧ ମୁଞ୍ଜିନାୟି ‡ ୩:୧୨ ୩:୧୩ ମୁଞ୍ଜିନାୟି § ୩:୧୩ ୩:୧୩ ମୁଞ୍ଜିନାୟି

୧୩ ଏଚିବେଲା ଜୀସୁ ଗାଲିଲିଟି ଖାହାନା ବାପ୍ତିସ୍ମା ଅହାଲି ତାକି ଜର୍ଦନ କାତାତା ଜହନ ତାଣା ଖାତେସି □

୧୪ ସାମା ଜହନ ଜୀସୁଙ୍କ କାହି କିହାଲି ଅଣ୍ଟାପାନା ଏଲେଇରେସି, “ନୀ ତାଣାଟି ନାନୁ ବାପ୍ତିସ୍ମା* ଅନାୟି ନା ଲଡ଼ାମାନେ, ଇଞ୍ଜା ନାନୁ ନା ତାଣା ଖାହାମାଞ୍ଜି ?”

୧୫ ସାମା ଜୀସୁ ଏଞ୍ଜାଣାଙ୍କ ଏଲେଇରେସି, “ନା ହାଡ଼ା ଆହ୍ମୁ, ଏନାଆଁତାକି ଇଚିହିଁ ଇଲେ ତଲେ ମାହାପୁରୁ ଦାମ୍ଭୁତି କାମା କିନାୟିମାନେ □” ଏଚେଟିଏ ଜହନ ମାନଞ୍ଜି ଆଡେସି □

୧୬ ଜୀସୁ ବାପ୍ତିସ୍ମା ଅଡି ଦେବୁଣିଏ ଏୟୁଟି ନିଜା ଖାତେସି □ ଏଚେଟିଏ ହାଗୁ ଦେପିଆଡେ, ଇଞ୍ଜା ମାହାପୁରୁଟି ସୁଦୁଜୀଞ୍ଜୁ ପାରଞ୍ଜା ପଟାଲେହେଁ ଜୀସୁ ଲାକ ରେଚା ଖାହିମାଚାଣି ଜହନ ମେସ୍ତେସି □

୧୭ *ଅଡେ ମେହ୍ମୁ, ହାଗୁଟି ଇ ହାଡ଼ା ଆଡେ, “ଇଞ୍ଜାସି ନା ଜୀଞ୍ଜୁଟି ମୀରଏସି ଇଞ୍ଜାଣି ତାଣା ନା ହାରେକା ରାହାଁ ମାନେ □”

୪

ଜୀସୁଙ୍କ ତାୟିପାରି କିନାୟି

(ମାର୍କ ୧:୧୨-୧୩; ଲୁକ ୪:୧-୧୩)

୧ *ଏଚିବେଲା ଜୀସୁ ସୟତାନ ତାଣାଟି ତାୟିପାରି କିଞ୍ଜି ଅହାଲି ସୁଦୁଜୀଞ୍ଜୁ ଲକୁ ହିଲାଆ ଟାୟୁତା ଅଡେ □

୨ ଜୀସୁ ରୀ କଡି ଦିନା ଲାଆଁୟା ମାଦେନା ଏନାଆଁ ତିନାଆନା ଉପାସା କିହାଁ ହାକି ଆଡେସି □

୩ ଏଚିବେଲା ସୟତାନ ତାନି ଦାରିତା ଖାହାନା ଏଲେଇରେ, “ନାନୁ ମାହାପୁରୁ ମୀରଏଣାଟି ଇଚିସାରେ ଇ ଖାଲକାଣି ରୁଟି ଆହାଲି ହୁକୁମି ହୀମୁ □”

୪ ସାମା ଜୀସୁ ଏଲେଇରେସି, “ଦାମ୍ଭୁ ସାସ୍ତେରିତା ରାସ୍କି ଆହାମାନେ ମାଣ୍ଡସି ଖାଉଇ ରୁଟି ତିଞ୍ଜାନା ନୀଡଅସି, ସାମା ମାହାପୁରୁ ଗୁଟିଟି ହଡିମାନି ବଲୁ ତଲେ ନୀଡିନେସି □”

୫ ତାୟୁ ସୟତାନ ଜୀସୁଙ୍କ ସୁଦୁ ଗାଡ଼ା ଜିରୁସାଲମତା ଅହାନା, ମାହାପୁରୁ ଇଲୁ ତୁଡିୟା ଲାକ ନିପହାନା,

୬ ଏଲେଇରେ, “ନାନୁ ମାହାପୁରୁ ମୀରଏଣାଟି ଇଚିହିଁ ଇମ୍ପାଟି ତୁଇକା ଗେମ୍ପାମୁ,” ଦାମ୍ଭୁ ସାସ୍ତେରିତା ରାସ୍କି ଆହାମାନେ,

ନିଜା ଜାଡନୁ କିହାଲିତାକି ମାହାପୁରୁ ତାନି ଦୂତୁୟାଙ୍କ ହୁକୁମି ହୀନେସି;

“ନୀ କତାୟାଁ ଏନିକିଁ ଖାଲକାଣା ଆଡାଉ ଇଞ୍ଜା ଦୂତୁୟାଁ ନିଜା କେସ୍ତାତଲେ ପେରହା ଆସ୍ତାନୁ □”

୭ ଜୀସୁ ଏଦାନି ଏଲେଇରେସି, “ଦାମ୍ଭୁ ସାସ୍ତେରିତା ରାସ୍କି ଆହାମାନେ, ନାନୁ ପ୍ରବୁ ନୀ ମାହାପୁରୁଙ୍କ ତାୟିପାରି କିଆନି □”

୮ ଅଡେ ଖେଣ୍ଡେ ସୟତାନ ଜୀସୁଙ୍କ କାଜା ହରୁ ଲାକ ଅହାନା ଦାରୁଟିଟି ବାରେ ରାଜି ଅଡେ ଏମ୍ପାଟି ବାରେ ଅକୁ ଅଡେ ଜୁପକା ତସାନା ଏଲେଇରେ,

୯ “ନାନୁ ନାଜେ ମେଣ୍ଡାକୁତାନା ଜହରା କିୟାଦି ଇଚିହିଁ ନାନୁ ଇ ବାରେ ନିଜା ହିୟାଙ୍କ □”

୧୦ ଏମ୍ପାଟିଏ ଜୀସୁ ଏଲେଇରେସି, “ଏ ସୟତାନ ନା ତାଣାଟି ହେକ ହାଲାମୁ! ଦାମ୍ଭୁ ସାସ୍ତେରିତା ରାସ୍କି ଆହାମାନେ, ‘ଖାଉଇ ନୀ ପ୍ରବୁ ମାହାପୁରୁଙ୍କ ଜହରା କିଦି ଅଡେ ଖାଉଇ ତାଜେଏ ସେବା କିଦି □’ ”

୧୧ ଏ ଦେବୁଣିଏ ସୟତାନ ଜୀସୁଙ୍କ ପିସାନା ହାଜାତୁସ୍ତେ; ଅଡେ ଦୂତୁୟାଁ ଖାହାନା ଏଞ୍ଜାଣି ସେବା କିଡୁ □

ଜୀସୁ ଗାଲିଲିତା ତାନି କାମା ମାଟ୍ନାୟି

(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ *ଜହନଙ୍କ କାୟିଦି ଇଲୁତା ଇଚିତେରି ଇଞ୍ଜାଁ ଖେଞ୍ଜାନା ଜୀସୁ ଏମ୍ପାଟିଏ ଗୁଚା ଆହାନା ଗାଲିଲିତା ଖାତେସି;

୧୩ *ଏଞ୍ଜାସି ନାଜୁରିତତା ତୁୟାଆଡେସି, ସାମା କପରନାହୁମତା ତୁୟାଲି, ସୁବୁଲୁନ୍ ଅଡେ ନପ୍ରାଲିତା ମାନି ର ଗାଲିଲି ସାମ୍ପୁରି ଗାଟୁତା ମାନି ଗାଡ଼ାତା ହାଚେସି □

୧୪ ଏନିକିହିଁ ମାହାପୁରୁ ଅଣ୍ଟପୁଟି ବଲୁ ଖେହ୍ନି ଜିସାୟତି ହାଡ଼ା ସାତା ଆନେ, ଏଞ୍ଜାସି ଏଲେଇଞ୍ଜାମାଚେସି;

୧୫ “ସୁବୁଲୁନ୍ ଦେସା ଅଡେ ନପ୍ରାଲି ଦେସା

ସାମ୍ପୁରି ତାଗେ ଇଞ୍ଜା ଜର୍ଦନ କାତା ଆତାଲାଞ୍ଜାକିତି, ଜୀହୁଦିଆଆତି ଗାଲିଲି!

୧୬ ଆନ୍ଦେରିତା ବାସା କିହିମାନି ଲକୁ କାଜା ଉଜେଡି ମେସ୍ତେରି

ହାକିତି ନାସ୍କା ଅଡେ ସାହ୍ଡାତା ମାନି ଲକୁତାକି ଉଜେଡି ତଞ୍ଜାଆନେ □”

୧୭ *ଏ ବେଲାଟିଏ ଜୀସୁ ତାନି କାତା ଖେକହାଲି ମାଟ୍ନହେସି, “ମୀ ପାପୁ ପିସାନା ମନ ଖେଟହା କତାଦୁ, ଏନାଆଁତାକି ଇଚିହିଁ ଲାକପୁରୁ ରାଜି ଏଗାଞ୍ଜାହିମାନେ □”

ସାରି ଜାଣା ମୀଶକା ଆହ୍ନାରାଙ୍କ ଜୀସୁ ହାଡିନାୟି

(ମାର୍କ ୧:୧୬-୨୦; ଲୁକ ୫:୧-୧୧)

୧୮ ଜୀସୁ ଗାଲିଲି ସାମ୍ପୁରି ଗାଟୁଟି ହାଜିମାଚାଟି ସିମନ ଇନି ପିତର ଅଡେ ତାନି ତାୟି ଆନ୍ଦିୟ, ଇ ତାୟି ରିଆରି ସାମ୍ପୁରିତା ଜାଲା ମେଡହୁ ମାଚାଣି ମେସ୍ତେସି, ଏନାଆଁତାକି ଇଚିହିଁ ଏଞ୍ଜାରି ମୀଶକା ଆହ୍ନାରି ମାଚେରି □

୧୯ ଜୀସୁ ଏଞ୍ଜାରାଙ୍କ ଏଲେଇରେସି, “ନା ଜେଚ ଖାଦୁ, ନାନୁ ମିଜା ଲକୁଣି ଆହ୍ନାଣି ଜାପହାଙ୍କ □”

୨୦ ଏଚେଟିଏ ଏଞ୍ଜାରି ଦେବୁଣିଏ ଜାଲା ପିସାନା ଏଞ୍ଜାଣି ଜେଚ ହାଚେରି □

* ୩:୧୪ ୩:୧୪ ମୁଞ୍ଜିନାୟି † ୩:୧୬ ୩:୧୬ ମୁଞ୍ଜିନାୟି ☆ ୩:୧୭ ୩:୧୭ ମାତି ୧୭:୧୮; ୧୭:୫; ମାର୍କ ୧:୧୧; ଲୁକ ୯:୩୫ ☆ ୪:୧ ୪:୧ ଏବୁ ୨:୧୮; ୪:୧୫ ☆ ୪:୧୨ ୪:୧୨ ମାତି ୧୪:୩; ମାର୍କ ୬:୧୭; ଲୁକ ୩:୧୯,୨୦ ☆ ୪:୧୩ ୪:୧୩ ଜହ ୨:୧୨ ☆ ୪:୧୭ ୪:୧୭ ମାତି ୩:୨

୨୧ ଏମ୍ବାଟିଏ ଜୀସୁ ନକିତା ହାଜାନା ଜେବଦି ମୀରକା ଜାକୁବ ଅଡ଼େ ଏଞ୍ଜାଣି ତାୟି ଜହନ ଦରୁଗାଟାସି ଇଞ୍ଜା ଅଡ଼େ ରିଆରି ତାୟିୟା ତାମି ଆବା ଜେବଦି ତଲେ ତଂଗତା ଜାଲା ମୁଦା କିହିମାଟାଣି ମେସାନା ଏଞ୍ଜାରାଇଁ ଜିକେଏ ହାଟିତେସି □

୨୨ ଏଚେଟିଏ ଏଞ୍ଜାରି ଏ ଦେବୁଣିଏ ତଂଗ ଅଡ଼େ ତାମି ଆବାଇଁ ପିସାନା ଜୀସୁ ଜେଟ ହାଚେରି □

ଜୀସୁ ସେବା କାମା ମାଟ୍‌ନାୟି
(ଲୁକ ୬:୧୭-୧୯)

୨୩ ✨ତାୟି ଜୀସୁ ଗାଲିଲି ଦେସାତା ରେଜି ରେଜିହିଁ ଜୀହୁଦି ଲକୁଡି କୁଟମି ଇଲକାଣା ଜାପୁହିହିଁ, ମାହାପୁରୁ ରାଜିତି ନେହିଁ କାରୁ ଖେସିହିଁ ରଗାଗାଟି ଲକୁଣି ନେହିଁ କିହାଲି ମାଟ୍‌ହେସି,

୨୪ ଅଡ଼େ ଏଞ୍ଜାଣି କାତା ଦେସାତି ସାରିଞ୍ଜାକି ଇଞ୍ଜା ସିରିୟା ଦେସାତା ଜିକେଏ ଖେଙ୍ଗାହାଚେ, ଇଞ୍ଜା ଲକୁ ବୁଡୁୟା ଆଲଗା ମାଟାରାଇଁ, କାଟିଖେତାରାଇଁ, ଇଞ୍ଜା ଟଟ ଖାୟିତାରାଇଁ; ଇଲେତି ହାରେକା ରଗାଟି କସ୍ତୁ ଆହିମାନାରାଇଁ ଜୀସୁ ନକିତା ତାଚେରି, ଇଞ୍ଜା ଏଞ୍ଜାସି ଏଞ୍ଜାରାଇଁ ନେହିଁ କିତେସି □

୨୫ ଅଡ଼େ ଗାଲିଲି, ଦସଗଟା ନାସ୍କା,* ଜିରୁସାଲମ, ଜୀହୁଦା ଅଡ଼େ ଜର୍ଦନତି ଏ ଗାଟୁତା ମାନି ନାସ୍କାଟି ହାରେକା ଲକୁ ଜୀସୁ ଜେଟ ହାଚେରି □

୫

ହରୁ ଲାକ ଜାପୁନାୟି

୧ ଜୀସୁ ହାରେକା ଲକୁଇଁ ମେସାନା ର ହରୁ ଲାକ ହାଜାନା କୁରିତେସି, ଇଞ୍ଜା ସୀସୁୟା ଏଞ୍ଜାଣି ତାଗେ ଖାଡ଼େରି □

୨ ଏମ୍ବାଟିଏ ଏଞ୍ଜାସି ଗୁତି ଏକ୍‌ହାନା ଜାପୁହାଲି ମାଟ୍‌ହେସି □

ଆମ୍ବାଆରି ନେହାରି
(ଲୁକ ୬:୨୦-୨୩)

୩ ଆମ୍ବାଆରି ଜୀସୁତା ଏନାଆଁ ହିଲାଆ ଗାଟାରାକି ନେହେଁ, ଏନିଇଟିହିଁ ଲାକପୁରୁ ରାଜି ଏଞ୍ଜାରି ଖାଇଁ □

୪ ଆମ୍ବାଆରି ଦୁକୁତା ଡାହିମାନି ଲକୁତାକି ନେହେଁ, ଏନାଆଁତାକି ଇଟିହିଁ ମାହାପୁରୁ ଏଞ୍ଜାରି ଦୁକୁ ଡୁକ୍‌ନେସି □

୫ କପା ହିଲାଆ ଗାଟାରି ନେହେଁ, ଏନାଆଁତାକି ଇଟିହିଁ ଦାର୍‌ତିତା ଏଞ୍ଜାରି ଅଦିକାରା ଆନେରି □

୬ ମାହାପୁରୁ ଦାମ୍‌ତି କାମା କିହାଲି ହାକି ଏସ୍କି ଗାଟାରି ଏଞ୍ଜାରାକି ନେହେଁ,

ଏନାଆଁତାକି ଇଟିହିଁ ମାହାପୁରୁ ଏଞ୍ଜାରାକି ଲଡ଼ାମାନାଣି ବାରେ ହୀନେସି □

୭ ଏଟ୍‌କା ଲକୁଣି କାର୍‌ମା ମେହ୍‌ନେରି, ଏଞ୍ଜାରାକି ନେହେଁ, ଏନିଇଟିହିଁ ମାହାପୁରୁ ଏଞ୍ଜାରାଇଁ କାର୍‌ମା ମେହ୍‌ନେସି,

୮ ଆମ୍ବାଆରି ସୁଦୁ ହିୟା ଗାଟାରି ଏଞ୍ଜାରାକି ନେହେଁ, ଏନିଇଟିହିଁ ଏଞ୍ଜାରି ମାହାପୁରୁଇଁ ମେହ୍‌ନେରି □

୯ ହିଡ଼ଡ଼ି ଗାଟି ଲକୁ ନେହେଁ, ଏନିଇଟିହିଁ ଏଞ୍ଜାରି ମାହାପୁରୁଟି ମୀରକା ଇଞ୍ଜା ଖେଙ୍ଗିନେରି □

୧୦ ✨ମାହାପୁରୁ ଦାମ୍‌ କାତାତାକି ଦୁକୁ ବେଟାଆନାରି ଏଞ୍ଜାରାକି ନେହେଁ, ଏନିଇଟିହିଁ ଲାକପୁରୁ ରାଜି ଏଞ୍ଜାରିଖାୟି □

୧୧ ✨ଏଟିବେଲା ଲକୁ ମିଙ୍ଗ ନା ତାକି ନିୟା କି ଲାଜା କିୟାନେରି, ଅଡ଼େ ନା ତାକି ଉଜେ ଉଜେଏ ମୀ କପାଟି ମିଟି କାତା ଜଲାନେରି, ଆତିହିଁ ମିଙ୍ଗେ ତାକି ନେହେଁ □

୧୨ ✨ରାହାଁ ଆହାନା ଏନ୍‌ଦାଦୁ, ଏନାଆଁତାକି ଇଟିହିଁ ଲାକପୁରୁତା ମୀ ତାକି ହାରେକା ଦାନା ମାନେ; ଏଲେକିହିଁଏ, ମୀ ନକିତି ମାହାପୁରୁ ଅଣ୍‌ପୁତି ବଲୁ ଖେହ୍‌ନାରାଇଁ ଜିକେଏ ଇଲେକିହିଁ ନିୟା କିହାମାଚେରି □

ହାରୁ ଅଡ଼େ ଉଜେଡ଼ି
(ମାର୍କ ୯:୫୦; ଲୁକ ୧:୩୪-୩୫)

୧୩ ✨ମୀରୁ ବାରେ ଦାର୍‌ତିତି ହାରୁ ଲେହେଁ, ସାମା ହାରୁ ମୁଆତିହିଁ, ଅଡ଼େ ଏନାଆଁ ଏମ୍‌ୟା ଜିକେଏ ଲେମ୍‌ୟାଲି ଆଏ, ଇଞ୍ଜା ଏଦି ଏନି କାମାତା ପାଡ଼ା ଆଏ, ଲକୁ ଏନାଆଁ କର୍‌ଡ଼ା ଡ଼ଇ ଖିସା ହାନେରି □

୧୪ ✨ମୀରୁ ଦାର୍‌ତିତି ଉଜେଡ଼ି ତେରି, ଆମିନି ଗାଡ଼ା ହରୁ ଲାକ କେପି ଆହାମାନେ, ଏଦି ଏଚେଲା ଡ଼ଗୁନା ଡ଼ୟାଲି ଆଡ଼େଏ □

୧୫ ✨ଅଡ଼େ ଦୀଞ୍ଜି ଡ଼ୀସାନା ଆମ୍ବାଆରି ମାଣା ପୁକ୍‌ହାନା ଇଟଅରି, ସାମା ଏଦାନି ଦୀଞ୍ଜି ସଡ଼ାତା ଇଟିନେରି, ଆତିହିଁ ଇଲୁତା ଖାନି ବାରେ ଲକୁ ଉଜେଡ଼ି ମେହ୍‌ନେରି □

୧୬ ✨ଏଲେକିହିଁଏ ମୀ ଉଜେଡ଼ି ଲକୁ ନକିତା ନେହିଁକିଁ ତଞ୍ଜାଆପେ, ଏନିକିଁ ଏଞ୍ଜାରି ମୀ ନେହିଁ କାମା ମେସାନା ଲାକପୁରୁଟି ଆବାତି ଗାଞ୍ଜୁରମି କିନେରି □

ମେରାତି କାତା ଜାପୁନାୟି

୧୭ ନାଙ୍ଗେ ମସାତି ମେରା ଅଡ଼େ ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି ମେରାତି ମେଲୁକ୍‌ହାଲି ଖାହାମାନେସି ଇଞ୍ଜା ଅଣ୍‌ପାଆଦୁ; ନାନୁ ମେଲୁକ୍‌ହାଲି ଖାହାହିଲଅଁ ସାମା ଇ ବାରେ ପୁରା କିହାଲି ଖାହାମାଇଁ □

✨ ୪:୨୩ ୪:୨୩ ମାତି ୯:୩୫; ମାର୍କ ୧:୩୯ ✨ ୪:୨୫ ୪:୨୫ ଦେକାପଲି ✨ ୫:୧୦ ୫:୧୦ ପିପିଟ ୩:୧୪ ✨ ୫:୧୧ ୫:୧୧ ପିପିଟ ୪:୧୪ ✨ ୫:୧୨ ୫:୧୨ କାମା ୭:୫୨ ✨ ୫:୧୩ ୫:୧୩ ମାର୍କ ୯:୫୦; ଲୁକ ୧୪:୩୪,୩୫ ✨ ୫:୧୪ ୫:୧୪ ଜହ ୮:୧୨; ୯:୫ ✨ ୫:୧୫ ୫:୧୫ ମାର୍କ ୪:୨୧; ଲୁକ ୮:୧୭; ୧୧:୩୩ ✨ ୫:୧୬ ୫:୧୬ ପିପିଟ ୨:୧୨ ✨ ୫:୧୮ ୫:୧୮ ଲୁକ ୧୭:୧୭

୧୮ ଏନାଆଁତାକି ଇଚିହଁ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ହାଗୁପାକା ଅଡେ ଦାରତି ମେଣ୍ଟାଆ ପାତେକା ଇଞ୍ଜାଁ ଇ ବାରେ ଆଆପାତେକା ମସା ମେରାତି ଇଚାୟି ସିନା ଜିକେଏ ମେଣ୍ଟାଙ୍ଗେଏ □

୧୯ ଏନାଆଁତାକି ଇଚିହଁ ଆମ୍ବାଆସି ଇ ହୁକୁମିଟି ର ଉଣା ହୁକୁମି ମାନଝି ଆଅସି ଅଡେ ଲକୁଇଁ ଏଲେକିହଁଏ ଜାପୁନେସି, ଏଞ୍ଜାସି ଲାକପୁରୁ ରାଜିତା ଉଣା ଇଞ୍ଜାଁ ଝେଙ୍ଗିନେସି; ସାମା ଆମ୍ବାଆସି ମାନଝି ଆନେସି ଅଡେ ଜାପୁନେସି ଏଞ୍ଜାସି ଲାକପୁରୁ କାଜାସି ଇଞ୍ଜାଁ ଝେଙ୍ଗିନେସି □

୨୦ ଏନାଆଁତାକି ଇଚିହଁ ନାନୁ ମିଙ୍ଗେ ଝେସିମାଞ୍ଜାଇଁ, ମୀ ଦାମ୍ବୁ ମେରା ପୁନାରି ଅଡେ ପାରୁସିୟାଁ ଦାମ୍ବୁ କିହାଁ ମୀ ନାମୁ ହାରେକା ଆଆତିହଁ, ମୀରୁ ଜିକେଏ ଲାକପୁରୁ ରାଜିତା ହଡାଲି ଆଡଅଡେରି □

କପା ଗାଗାଣି ଜାପୁନାୟି

୨୧ “ମୀରୁ ଝେଞ୍ଜାମାଞ୍ଜେରି, ତଲିକାଲାତି ଲକୁଇଁ ଝେସପିଆହାମାତେ, ‘ଲକୁଇଁ ପାୟାଆଦୁ, ଆମ୍ବାଆରି ଲକୁଇଁ ପାୟିନେରି, ଏଞ୍ଜାରି ନାହାଁୟି ପାଙ୍ଗାତା ତଣ୍ଡ ବେଟା ଆନେରି □’ ”

୨୨ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ଆମ୍ବାଆସି ତାନି ତାୟି ଲାକ କପାଆନେସି, ଏଞ୍ଜାସି ନାହାଁୟି ପିଣ୍ଡାତା ତଣ୍ଡ ବେଟା ଆନେସି, ଇଞ୍ଜାଁ ଆମ୍ବାଆସି ତାନି ତାୟିକା କାର୍ବିଗାଗାତି ଇଞ୍ଜାଁ ଇନେସି, ଏଞ୍ଜାସି ବେରଣିମାଣ୍ଡାତା ତଣ୍ଡ ବେଟା ଆନେସି; ଅଡେ ଆମ୍ବାଆସି ପଲୁଆଗାଗାତି ଇଞ୍ଜାଁ ଇନେସି, ଏଞ୍ଜାସି ହିରୁ ଗାଡ଼ୁୟିତା ମେଡପି ଆନେସି □

୨୩ ଅଡେ ମାହାପୁରୁତି ପୂଜା ପିଣ୍ଡାତା ଦାନା ତାଟିମାନାଟି ମୀ ତାୟି କପାଟି ଏନି ହାଡ଼ା ମାନେ ଇଞ୍ଜାଁ ଏମ୍ବାଆଁ ଅଣ୍ଡୁ ଖାନ୍ନେ,

୨୪ ଆତିହଁ ଏଦିଏମ୍ବାଆଁ ପୂଜା ପିଣ୍ଡାତା ମୀ ଦାନା ପିସାନା ହାଜୁ, ଇଞ୍ଜାଁ ମୀ ତାୟିତଲେ ଆଣ୍ଡିତି ଜେଟ ଝେଣ୍ଡା ଖାହାନା ମାହାପୁରୁ ନକିତା ଏ ଦାନା ହେରପାଦୁ □

୨୫ ନାନୁ ଗଡ଼ହା ଆତାଣି ତଲେ ନାହାଁୟି କିନାଣି ତାଣା ହାନିବେଲାତା ଜିରୁତେଏ କାଲୁଝି ଆୟାଲି ଅଣ୍ଡପାମୁ, ଆଆଡ଼ଁ ଏଞ୍ଜାସି ନିଙ୍ଗେ ନାହାଁୟି କିନାଣି ତାଣା ହେରପାନେସି, ଅଡେ ନାହାଁୟି କିନାସି ନିଙ୍ଗେ ଜାମାନାଙ୍ଗା କେୟୁତା ହେରପାନେସି, ଅଡେ ଏଞ୍ଜାରି କାୟିଦି ଇକୁତା ସୁଣ୍ଡାନେରି □

୨୬ ନାନୁ ମିଙ୍ଗେ ସାତା ଝେସିମାଞ୍ଜାଇଁ ମୀ ତାକି କିଝିଆହାମାନି ର କାନି ଜିକେଏ ହାଆ ପାତେକା ଏମ୍ବାଟି ଏନିଜିକେଏ ହଡ଼ାଞ୍ଜାହାଲି ଆଡଅଡେରି □

ଦାରିକାମା କିଆଦୁ ଇଞ୍ଜାଁ ଜାପୁନାୟି

୨୭ ମୀରୁ ଝେଞ୍ଜାମାଞ୍ଜେରି, ଇଲେଇଞ୍ଜାଁ ରାସ୍ତାକି ଆହାମାନେ, ଦାରିକାମା କିଆଦୁ □

୨୮ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ଆମ୍ବାଆସି ର ଇୟାନି ଲାଗେଏତି ଅଣ୍ଡୁ ତଲେ ସିନିକିନେସି, ଇଞ୍ଜାଁ ଏଞ୍ଜାସି ଏଦାନିତଲେ ମନ ମନତା ଦାରିକାମା କିଡେସିଏ □

୨୯ ଅଡେ ମୀ ଚିଝନି କାନୁ ମିଙ୍ଗେ ପାପୁ କିଝିକିୟାନେ ଇଚିହଁ ଏ କାନୁ ଡେଝା କୁତାଦୁ, ଇଚିହଁ ମୀ ବାରେ ଆଙ୍ଗା ନକିତା ରାନି କିହାଁ, ଆଙ୍ଗାତି ର ବାଗା ହିଲାଆଗାଗାଇ ନେହେଁ □

୩୦ ଇଞ୍ଜାଁ ମୀ ଚିଝନି କେୟୁ ମିଙ୍ଗେ ପାପୁ କିଝିକିୟାନେ ଇଚିହଁ ଏଦାଆଁ ଜାଡ଼ାନା କୁତାଦୁ, ଇଚିହଁ ମୀ ବାରେ ଆଙ୍ଗା ନକିତା ରିନିବାଟା ଆଙ୍ଗାତି ର କେୟୁ ହିଲାଆଗାଗାୟି ନେହେଁ □

ଡକ୍ରିନି ପିହ୍ନି କାତା

(ମାତି ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)

୩୧ ଅଡେ ରାସ୍ତାକି ଆହାମାନେ, ଆମ୍ବାଆସି ତାନି ଡକ୍ରିନି ପିହ୍ନେସି, ଇଚିହଁ ଏଞ୍ଜାସି ଏଦାନାକି ପିହ୍ନି ଆକୁ ରାଡ଼ାନା ହାପେସି □

୩୨ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ଆମ୍ବାଆସି ତାନି ଡକ୍ରିନି ଦାରି କାମାତି ଦହ ହିଲାଆନା ଡକ୍ରିନି ପିହ୍ନେସି, ଏଞ୍ଜାସି ଏଦାନି ଦାରେଣି କିନେସି; ଅଡେ ଆମ୍ବାଆସି ପିସି ଇୟାନି ବାହା ଆନେସି, ଏଞ୍ଜାସି ଜିକେଏ ଦାରେଲା ଆନେସି □

ପାରମାଣା

୩୩ ଅଡେ ମୀରୁ ଝେଞ୍ଜାମାଞ୍ଜେରି, ତଲିକାଲାତି ଲକୁଣି ଝେସପି ଆହିମାତେ, ମୀରୁ ମିଟି ପାରମାଣା କିଆଦୁ, ସାମା ପାରମାଣା କିହାମାନାଣି ଡକ୍ରିଆଦୁ, ମାହାପୁରୁ ନକିତା ପୁରା କିଦୁ □

୩୪ ସାମା ନାନୁ ମିଙ୍ଗେ ଝେସିମାଞ୍ଜାଇଁ ପାରମାଣା କିଝୁଏ କିଆଦୁ; ପାରମାଣା କିନି ବେଲା ଲାକପୁରୁତି ଦରୁତଲେ ପାରମାଣା କିଆଦୁ, ଏନାଆଁତାକି ଇଚିହଁ ଏଦି ମାହାପୁରୁତି ସିଂଗାସାଣି;

୩୫ ଅଡେ ଦାରତିତି ଦରୁତଲେ ପାରମାଣା କିଆଦୁ, ଏନାଆଁତାକି ଇଚିହଁ ଏଦି ମାହାପୁରୁତି କଡାୟାଁ ଇଚିନି ଟାୟୁ; ଜିରୁସାଲମ ଦରୁତଲେ ପାରମାଣା କିଆଦୁ, ଏଦି ଆହିମାନେ କାଜା ରାଜାତି ଗାଡ଼ା;

୩୬ ଇଞ୍ଜାଁ ମୀ ତାୟଁତୁଁ ପାରମାଣା କିଆଦୁ, ଇଚିହଁ ମୀ ତାୟଁତୁଁ ର ବାଣା କାଡ଼ିୟା ଆଆଡ଼ଁ ଦବ୍ଲା କିହାଲିତାକି ମୀ ବାଡ଼ୁୟି ହିଲେଏ,

୩୭ ସାମା ମୀଦି ହାଅ ଇନି କାତା ହାଅ ଆପେ, ଇଞ୍ଜାଁ ଆଏ ଇନି କାତା ଆଏ ଆପେ; ଇଦାଆଁ ପିସପେ ଏନାଆଁ ଇଚାଣି ଆଗାଡ଼ା କାଲୁହିହଁ ଏଦି ଲାଗେଏ ତାଣାଟି ଖାନ୍ନେ □

☆ ୫:୨୯ ୫:୨୯ ମାତି ୧୮:୯; ମାର୍କ ୯:୪୭ ☆ ୫:୩୦ ୫:୩୦ ମାତି ୧୮:୮; ମାର୍କ ୯:୪୩ ☆ ୫:୩୧ ୫:୩୧ ମାତି ୧୯:୭; ମାର୍କ ୧୦:୪ ☆ ୫:୩୨ ୫:୩୨ ମାତି ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮; ୧କର ୭:୧୦,୧୧ ☆ ୫:୩୪ ୫:୩୪ କାକୁବ ୫:୧୨; ମାତି ୨୩:୨୨

ରାକି ଆହୁନାୟି
(ଲୁକ ୬:୨୯-୩୦)

୩୮ ମୀରୁ ଇ କାତା ଖେଞ୍ଜାମାଞ୍ଜେରି, ରାସ୍ତକି ଆହୁମାନେ, କାନ୍ତୁତି ବାଦୁଲି କାନ୍ତୁ, ପାଲୁତି ବାଦୁଲି ପାଲୁ □

୩୯ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ମିଙ୍ଗେ ଲାଗେଏ କିୟାନାଣାଇଁ ବାଦୁଲି ଅଥାଦୁ, ସାମା ଆମ୍ବାଆସି ନୀ ଚିଃନି ଗେଏଲୀତା ସାପ୍ତା ଖେତାନେସି, ଏଞ୍ଜାଣାକି ଅର ଗେଏଲୀ ଜିକେଏ ତହୁଦୁ □

୪୦ ଇଞ୍ଜା ଆମ୍ବାଆସି ନୀହାୟି ପାଙ୍ଗାତା ମୀ ସକା ଅହାଲି ମନ କିତିହୁଁ ଏଞ୍ଜାଣାକି ମୀ ହିମ୍ବରି ଜିକେଏ ହୀଦୁ □

୪୧ ଆମିନି ଦେସା ସାଲୁଞ୍ଜି କିନାସି ମିଙ୍ଗେ ବଦୁ ଡେକାନା ତାନିତଲେ ର କିଲମିଟର ହାଜାଲିତାକି ଏଲେଇଞ୍ଜାନେସି, ଏଞ୍ଜାଣିତଲେ ରୀ କିଲମିଟର ହାଜୁ □

୪୨ ଆମ୍ବାଆସି ମିଙ୍ଗେ ରୀସ୍ତାନେସି, ଏଞ୍ଜାଣାକି ହୀଦୁ, ଅଡେ ଆମ୍ବାଆସି ମୀ ତାଣାଟି ରୀଶା ଅହାଲି ମନ କିନେସି ଏଞ୍ଜାଣାଇଁ ଆଏ ଇନାଆଦୁ □

ସାତୁୟାଁଇଁ ଜୀଞ୍ଜୁନଦୁ
(ଲୁକ ୭:୨୭-୩୬)

୪୩ ମୀରୁ ଖେଞ୍ଜାମାଞ୍ଜେରି, ରାସ୍ତକି ଆହୁମାନେ, ମୀ ପାଡ଼ିତାଣାଇଁ ଜୀଞ୍ଜୁନଦୁ ଇଞ୍ଜା ସାତୁୟାଁଣି ଅପାଆଦୁ □

୪୪ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ମୀ ସାତୁୟାଁଇଁ ଜୀଞ୍ଜୁନଦୁ, ଇଞ୍ଜା ଆମ୍ବାଆରି ମିଙ୍ଗେ ନିନ୍ଦା କିୟାନେରି, ଏଞ୍ଜାରି ତାକି ପ୍ରାତାନା କିଦୁ □

୪୫ ଏନିକିଁ ମୀରୁ ମୀ ଲାକପୁରୁ ଆବାତି ମୀରକା ଆଦେରି; ସାମା ମାହାପୁରୁ ନେହାରି ଅଡେ ଲାଗେଏ ପଲେଏତି ବାରେ ଲକୁଡାକି ଖେଡା ଉଜେଡି ହୀନାସି ଅଡେ ଦାମ୍ବୁଗାଟାରି ଅଡେ ଦାମ୍ବୁ ହିଲୀଆ ଗାଟାରାକି ଜିକେଏ ପିୟୁ ହୀନେସି □

୪୬ ଇଞ୍ଜା ଆମ୍ବାଆରି ମିଙ୍ଗେ ଜୀଞ୍ଜୁ ନୟାନେରି ଏ ଲକୁଇଁଦେଁ ଜୀଞ୍ଜୁ ନଡିହୁଁ ଏନାୟି ମେଡାଆୟାନେ ? ସିସ୍ତୁ ରୀହନାରି ଜିକେଏ ଏଦାଆଁ କିଅରିକି ?

୪୭ ଅଡେ ମୀରୁ ମୀ ତାୟିୟାଁଇଁ ଜହରା କିଦେରି, ଏମ୍ବାଟିଏ ଅଡେ ଏନି କାମା କିଦେରି ? ଜୀହୁଦିଆଆତାରି ଜିକେଏ ଏଦାଆଁ କିଅରିକି ?

୪୮ ଏଦାଆଁତାକି ମୀ ଲାକପୁରୁତି ଆବା ଏନିକିଁ ବାରେକିହାଁ ନେହାସି ମୀରୁ ଜିକେଏ ଏଲେକିଁ ନେହୁଁ ଆଦୁ □



ଦାନା ହୀନାଣି ଜାପ୍ନାୟି

୧ * ଲକୁ ମେସ୍ତାପେରିଞ୍ଜା ଇଞ୍ଜୁଁ ଲକୁ ନକିତା ଦାମ୍ବୁତି କାମା କିଆଦୁ, ଏଦାଆଁତାକି ମୀରୁ ଜାଗ୍ରାତା ଆଦୁ, ଆଆଡିହୁଁ ମୀ ଲାକପୁରୁତି ଆବା ନକିତା ମିଙ୍ଗେ ଦାନା ହିଲେଏ □

୨ ଏଦାଆଁତାକି ଦାନା ହୀନାଟି କୁରୁ ଗାଟାରିଲେହେଁ ଜାହାରା ନକିତା ତୀଡ଼ି ଉକାଆଦୁ; ଏଞ୍ଜାରି ଲକୁ ତାଣାଟି ମାନି ବେଟାଆହାଲି ଜୀହୁଦି ଲକୁଡି କୁଟମି ଇଲୁଡା* ଅଡେ ମାଡି ଆଂଗେଣିତା ଏଲେକିନେରି, ନାନୁ ମିଙ୍ଗେ ସାତା ଖେସିମାଞ୍ଜାଇଁ ଏଞ୍ଜାରି ତାମି ଦାନା ବେଟାଆହାମାନେରି □

୩ ସାମା ମୀରୁ ଦାନା ହୀନାଟି ମୀ ଚିଃନି କେୟୁ ଏନାଆଁ କିହିମାନେ ମୀ ଚେବୁ କେୟୁ ପୁନାଆପେ,

୪ ଏନିକିଁ ମୀ ଦାନା ହୀତାୟି ପୁନାଆରେଟୁ ଆନେ, ମୀ ଲାକପୁରୁତି ଆବା ଜିକେଏ ପୁନାଆରେଟୁ ମେହନାସି, ଏଞ୍ଜାସି ମିଙ୍ଗେ ଦାନା ହିୟାନେସି □

ପ୍ରାତାନା
(ଲୁକ ୧୧:୨-୪)

୫ * ପ୍ରାତାନା କିନାଟି କୁରୁ ଗାଟାରିଲେହେଁ ଆଆଦୁ, ଏଦାଆଁତାକି ଇଡିହୁଁ ଏଞ୍ଜାରି ଲକୁଣି ତସାଲି ତାକି, ଜୀହୁଦି ଲକୁଡି କୁଟମି ଇଲୁଡା† ଅଡେ ଡେଡା ଜିରୁଡି କନତା ନିଗାନା ପ୍ରାତାନା କିହାଲି ରାହାଁ ଆନେରି; ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଏଞ୍ଜାରି ତାମି ଦାନା ବେଟାଆହାମାନେରି □

୬ ସାମା ମୀରୁ ପ୍ରାତାନା କିନାଟି ମୀ ଇଲୁ ବିଡା ହାଜୁ, ଇଞ୍ଜା ଦାରା ସୁଣ୍ଡା କତାଦୁ ଅଡେ ତଞ୍ଜା ଆଆଗାଟି ମୀ ଆବା ମାହାପୁରୁ ତାଣା ପ୍ରାତାନା କିଦୁ; ଅଡେ ମୀ ଆବା ଆମ୍ବାଆସି ଡଗୁନା ମେସ୍ତାନେସି ଏଞ୍ଜାସି ମିଙ୍ଗେ ଦାନା ହିୟାନେସି □

୭ ମୀରୁ ପ୍ରାତାନା କିନାଟି ଜୀହୁଦିଆଆତାରି ଲେହେଁ ଉଜେ ଉଜେଏ ପେଟେପେଟେ ଜଲୀଆଦୁ, ଏଦାଆଁତାକି ଇଡିହୁଁ ଏଞ୍ଜାରି ଅଣ୍ଡିନେରି, ହାରେକା ପ୍ରାତାନା କିତିସାରେ ମା ପ୍ରାତାନା ମାହାପୁରୁ ଖେଞ୍ଜାନେସି □

୮ ଏଦାଆଁତାକି ଏଞ୍ଜାରିଲେହେଁ ଆଆଦୁ, ଏଦାଆଁତାକି ଇଡିହୁଁ ମିଙ୍ଗେ ଏନାୟି ଲଡାମାନେ, ରୀହୁଆ ନକେଏ ଏଦାଆଁ ମୀ ଆବା ମାହାପୁରୁ ବାରେ ପୁଞ୍ଜାମାନେସି □

୯ ଅଡେ ମୀରୁ ଇଲେକିହୁଁ ପ୍ରାତାନା କିଦୁ;

ଏ ମା ଲାକପୁରୁତି ଆବା,
ନୀ ଦରୁ ନେହାୟି ଇଞ୍ଜୁଁ ମାନୁଞ୍ଜି ଆପେ;

୧୦ ନୀ ରାଜି ଖାପେ;
ଲାକପୁରୁତି ଲେହେଁ ଦାରୁଡିତା ଜିକେଏ ନୀ କାତେଏ ଆପେ,

୧୧ ନୀଞ୍ଜୁ ମାଙ୍ଗେ ଲଡା ଆନି ରାନ୍ଦା ହିୟାମୁ,
୧୨ ମା କପାତଲେ ଦହ କିହାମାନି ଲକୁଣି ମାମୁ

ଏନିକିହୁଁ ଦହ ଆହୁଅମି,
ଏଲେକିହୁଁ ମା ଦହ ବାରେ ମ୍ବେକ୍‌ହାମୁ □

୧୩ ମାଙ୍ଗେ ପାନ୍ଦାତା ମେଡହୁଆନି ଲାଗେଏ ପଲେଏ ତାଣାଟି ପିସ୍ପି କିୟାମୁ,
ଏନିକିହୁଁ ରାଜି ବାଡ଼ୁୟୁ କାଜାପାଣା କାଲା

କାଲାତାକି ନାଦିଏ ଆପେ □ ଆମେନ୍ □

* ୬:୧ ୬:୧ ମାତ ୨୩:୫ * ୬:୨ ୬:୨ ସିନଗର ☆ ୬:୫ ୬:୫ ଲୁକ ୧୮:୧୦-୧୪ † ୬:୫ ୬:୫ ସିନଗର ☆ ୬:୧୪ ୬:୧୪ ମାର୍କ ୧୧:୨୫,୨୬

୧୪ *ଇତିହାସଂ ମୀରୁ ଏଟକା ଲକ୍ଷୁତି ପାପୁ ବାରେ ମ୍ଲେକ୍‌ହିସାରେ, ମୀ ଲାକପୁରୁତି ଆବା ମାହାପୁରୁ ଜିକେଏ ମୀ ପାପୁ ମ୍ଲେକ୍‌ହାନେସି;

୧୫ ସାମା ମୀରୁ ଲକ୍ଷୁତି ପାପୁ ମ୍ଲେକ୍‌ଆସାରେ, ମୀ ଆବା ଜିକେଏ ମୀ ପାପୁ ମ୍ଲେକ୍‌ହଅସି □

ଉପାସା କିନାଣି ଜାପୁନାୟି

୧୬ ଉପାସା କିନାଟି କୁରୁ ଗାଟାରିଲେହେଁ ମୀ ମୁମ୍‌ଡୁ ଖାଡ଼ି କିଆଦୁ, ଏନାଆଁତାକି ଇତିହାସଂ ଏଞ୍ଜାରି ଉପାସା କିହିମାନେରି ଇଞ୍ଜା ଲକ୍ଷୁଣି ତସାଲି ତାନି ମୁମ୍‌ ଖାଡ଼ି କିନେରି; ନାନୁ ମିଙ୍ଗେ ସାତା ଖେସିମାଞ୍ଜାଲ୍ ଏଞ୍ଜାରି ତାନି ଦାନା ବେଟାଆହାମାନେରି □

୧୭ ସାମା ମୀରୁ ଉପାସା କିନାଟି, ମୀ ତାୟ୍‌ ତୁା ନିୟ୍‌ ଉହ୍‌ଦୁ ଅଡ଼େ ମୁମ୍‌ ନୁରହା କତାଦୁ □

୧୮ ଏନିକ୍‌ ମୀରୁ ଉପାସା କିହିମାଞ୍ଜେରି ଇଞ୍ଜା ଲକ୍ଷୁ ନକିତା ତଞ୍ଜା ଆଆନା, ପୁନାଆରେରୁ ମାନି ମୀ ଲାକପୁରୁତି ଆବା ନକିତା ତଞ୍ଜା ଆଦେରି; ଅଡ଼େ ମୀ ଆବା ପୁନାଆରେରୁ ମେସାନା ମିଙ୍ଗେ ଦାନା ହିୟାନେସି □

ଲାକପୁରୁତି ଦନ

(ଲୁକ ୧୨:୩୩-୩୪)

୧୯ “ଏମ୍‌ୟା ସୀରନେ ଇଞ୍ଜା ଲୀମ୍‌ ତୁନେ ଅଡ଼େ ସରକା କାତି ତୁଡ଼ହାନା ସରୁ କିହା ଅନେରି, ଇଲେତି ଦାର୍‌ତିତା ମିଙ୍ଗେତାକି ଦନ କୁଡ଼ିକିହାଁ ଇଟାଆଦୁ □

୨୦ ସାମା ଆମ୍‌ୟା ସୀରଏ ଇଞ୍ଜା ଲୀମ୍‌ ତୁନେଏ ଅଡ଼େ ସରକା କାତି ତୁଡ଼ହାନା ମାଣ୍‌ଟା ଅଅରି ଇଲେତି ଲାକପୁରୁ ମିଙ୍ଗେତାକି ଦନ କୁଡ଼ି କିଦୁ,

୨୧ ଇତିହାସଂ ଆମ୍‌ୟା ମୀ ଦନ ଏମ୍‌ଏ ମୀ ମନ ଜିକେଏ ମାନେ □”

ଆଜ୍ଞାତି ଉଜେଡ଼ି

(ଲୁକ ୧୧:୩୪-୩୬)

୨୨ କାନୁ ଆଜ୍ଞାତି ଦୀଞ୍ଜି ଲେହେଁ, ଇତିହାସଂ ମୀ କାନୁ ନେହ୍‌ ମାନେ, ଆତିହାସଂ ମୀ ବାରେ ଆଜ୍ଞା ଉଜେଡ଼ି ଆନେ □

୨୩ ସାମା ମୀ କାନୁ ଲାଗେଏ ମାନେ, ଆତିହାସଂ ମୀ ବାରେ ଆଜ୍ଞା ଜିକେଏ ଆଦେରି ଆନେ □ ଏନାଆଁତାକି ଇତିହାସଂ ମୀ ଆଜ୍ଞାତି ଉଜେଡ଼ି ଆଦେରି ଆତିହାସଂ ଏ ଆଦେରି ଏରେକା ଆଜିନାୟି ଆନେ □

ମାହାପୁରୁ ଅଡ଼େ ଦନ

(ଲୁକ ୧୬:୧୩; ୧୨:୨୨-୩୧)

୨୪ ଆମ୍‌ଆସି ଜିକେଏ ରୀ ସାଞ୍ଜୁକାରି ତାଣା ହଲେଏସି ଆହାଲି ଆଡ଼ଅସି; ଏନାଆଁତାକି ଇତିହାସଂ ଏଞ୍ଜାସି ରଅଣାଲ୍ ଜୀଞ୍ଜୁ ନନେସି, ଅଡ଼େ ରଅଣାଲ୍ ଅପଅସି, ରଅଣାଲ୍ ମାନି କିନେସି ଅଡ଼େ ରଅଣାଲ୍ ମାନୁଞ୍ଜି ଆଅସି, ମୀରୁ ମାହାପୁରୁ ଅଡ଼େ ଦନତି ହଲିୟାଜ୍ଞା ଆହାଲି ଆଡ଼ଅଡ଼େରି □

୨୫ ଏନାଆଁତାକି ନାନୁ ମିଙ୍ଗେ ଖେସିମାଞ୍ଜାଲ୍, ଏନାଆଁ ତିନାୟି ଏନାଆଁ ଗହନାୟି, ଏଲେକ୍‌ ମୀ ଜୀଞ୍ଜୁତାକି, ଏନାଆଁ ତୁରନାୟି ଇଲେକ୍‌ ମୀ ଆଜ୍ଞା ତାକି ଅଣ୍‌ପାଆଦୁ, ରାନ୍‌କିହା ଜୀଞ୍ଜୁ, ହିମ୍‌ରିକା କିହାଁ ଆଜ୍ଞା କାଜାୟି ଆଏକି ?

୨୬ ପଟାୟାଣି ସିନିକିଦୁ, ଏଞ୍ଜି ମାଟାଉ କି ଦାଡ଼ କି ଗାଡ଼େୟିତା କୁଡ଼ିକିହାଁ ଇଟାଉ, ଏଲେଆଡ଼ିଞ୍ଜା ଲାକପୁରୁତି ଆବା ଏଞ୍ଜାସିକାକି ତାନି ରାନ୍‌ ହାହିମାନେସି, ଏଞ୍ଜାସିକା କିହାଁ ମୀରୁ କାଜାତେରି ଆଏକି ?

୨୭ ଅଡ଼େ ମୀ ବିତ୍ରାଟି ଆମ୍‌ଆସି ତାନି ଗାତି ଅଣ୍‌ପୁ ତଲେ ତାନି ଜୀଞ୍ଜୁତି ଆଗାଡ଼ା ପାଡ଼ିକିହାଲି ଆଡ଼ିମାନେସି ?

୨୮ ହିମ୍‌ରିକା ତାକି ଏନାଆଁତାକି ଅଣ୍‌ପିମାଞ୍ଜେରି ? ଜାଡ଼ାଡ଼ି ପୁଞ୍ଜାଣି ସିନିକିହାଁ ଅଣ୍‌ପାନା ଜାପାଦୁ, ଏଞ୍ଜି ଏନିକ୍‌ ପାତାଆନୁ; ଏଞ୍ଜି କସ୍ତୁ କିଉ କି ଲୁଲୁ ଦାଉ,

୨୯ ଆଡ଼ିଜିକେଏ ନାନୁ ମିଙ୍ଗେ ଖେସିମାଞ୍ଜାଲ୍, ରାଜା ସଲମନ ଗାତି ଦାରାତି ହିମ୍‌ରିକା ହୁତିମାଟିହ୍‌ ଜିକେଏ ଏ ପୁଞ୍ଜା ବିତ୍ରାଟି ର ପୁଞ୍ଜୁ ଲେହେଁ ଅଜା ହିଲଆତେସି □

୩୦ ସାମା ଗୁଡ଼ିୟାତା ତୁୟିନି ଗାକ୍‌ ଜାଡ଼ା ନୀଞ୍ଜୁ ମାନେ ଝିଏ ହଲୁତା ହୁଡ଼କିଆନେ, ଏଦାନାକି ମାହାପୁରୁ ଇତେକା ନେହ୍‌ ଅଜୁ ହାତିହାସଂ, ଏ ନାମୁ ହିଲଆଗାଟାତେରି ମିଙ୍ଗେ ହାରେକା ଗାତି ହିମ୍‌ରିକା ହିୟଅସିକି ?

୩୧ ଏନାଆଁତାକି ଏନାଆଁ ତିନମି, ଏନାଆଁ ଗହନମି, ଏନାଆଁ ପରନମି ଏଲେକିହାସଂ ଅଣ୍‌ପାଆଦୁ □

୩୨ ଇତିହାସଂ ଜୀହୁଦିଆଆତି ଲକ୍ଷୁ ଇ ବାରେ ପାରିନେରି, ଅଡ଼େ ଇ ବାରେ ମିଙ୍ଗେ ଲଡ଼ାମାନେ ଇଞ୍ଜା ମୀ ଲାକପୁରୁତି ଆବା ପୁଞ୍ଜାମାନେସି □

୩୩ ସାମା ମୀରୁ ନକେଏ ମାହାପୁରୁତି ରାଜି ଅଡ଼େ ଦାମ୍‌ତି ପାରାଦୁ, ଆତିହାସଂ ମୀ ଲଡ଼ାମାନି ବାରେ ହୀପକିଆନେ □

୩୪ ଇତିହାସଂ ଝିଏତାକି ଅଣ୍‌ପାଆଦୁ, ଏନାଆଁତାକି ଇତିହାସଂ ଝିଏତି ଅଣ୍‌ପୁ ଝିଏ ମୀରୁ ମିଙ୍ଗେତାକି ଅଣ୍‌ପିଦେରି, ଇତିହାସଂ ନୀଞ୍ଜୁତି କସ୍ତୁ ନୀଞ୍ଜୁତାକି ସାରି □



ଏଟକା ତାରାଲ୍ ନୀହାୟି କିନାୟି

(ଲୁକ ୬:୩୭-୩୮; ୪:୧-୪୨)

୧ ମୀରୁ ଏନିକ୍‌ ନୀହାୟି କିଞ୍ଜି ଆଅଡ଼େରି, ଏନାଆଁତାକି ମୀରୁ ଆମ୍‌ଆରାଲ୍ ନୀହାୟି କିଆଦୁ □

୨ *ଇତିହାସଂ ମୀରୁ ଏନିକ୍‌ ଲକ୍ଷୁଣି ନୀହାୟି କିଦେରି, ଏଲେକିହାସଂ ଏ ମୀରୁ ଜିକେଏ ନୀହାୟି କିଞ୍ଜିଆଦେରି; ଅଡ଼େ ଆମିନି ମାଣାତଲେ ଲାଡ଼ିଦେରି ଏ ମାଣା ତଲେ ମିଙ୍ଗେ ଲାଡ଼ା ହିୟାନେରି □

୩ ଅଡ଼େ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନେ, ଏନାଆଁ ଅଣ୍‌ପି ହିଲଅତି କି ?

* ୭:୨ ୭:୨ ମାର୍କ ୪:୨୪

୪ ଅତେ ନାନୁ ଏନିକିମ୍ ମୀ ତାୟିଇଁ ଏଲେଇଞ୍ଜି ଖାମ୍, ନୀ କାନୁତି ଲାଟା ଡେଝାଇଁ, ଅତେ ମେହମ୍ ନୀ କାନୁତେଏ କାଜା ଲାଟା ମାନେ!

୫ ଆତେ କୁଟୁ ଗାଟାତି ତଲିଏ ନୀ କାନୁତି ଲାଟା ଡେଝା କଡାମ୍, ଆତିହ୍ ମୀ ତାୟି କାନୁତି ଲାଟା ଡେଝାଲି ନେହ୍ କିମ୍ ମେସାଲି ଆଡିଦି □

୬ “ନେହ୍ ଆସ୍ତି ନେସକାକି ହୀଆଦୁ, ଏଝି ଖେଶ୍ଟେ ତିରଝାହାଁ କାଟାନୁ ଇଞ୍ଜା ବାଂଗାରା କିହାଁ ଆଗାଡା ଦାରାଗାଟି ହୀଜା ପାଜିୟାଁ ନକିତା ମେଡ଼ଆଦୁ, ଏଝି ଏଦାନି କାଦତା ତୁଡ଼ବିନୁ □”

ରୀହଦୁ, ପାରାଦୁ ଅତେ ଦୁଖେରିତା ଝେଦୁ (ଲୁକ ୧୧:୯-୧୩)

୭ “ରୀହଦୁ ଆତିହ୍ ମିଜେ ହୀପକିଆନେ; ପାରାଦୁ ଆତିହ୍ ମିଜେ ମେଡାଆୟାନେ; ଦୁଖେରିତା ଝେଦୁ, ଏଚେଟିଏ ମିଜେତାକି ଦୁଖେରି ଦେପିଆନେ □

୮ ଇତିହ୍ ଆମ୍ବାଆସି ରୀହନେସି, ଏଝାସି ବେଟାଆନେସି; ଆମ୍ବାଆସି ପାରିନେସି, ଏଝାସି ମେଡିକିନେସି; ଅତେ ଆମ୍ବାଆସି ଦୁଖେରିତା ଝେନେସି ଏଝାଣାକି ଦାରା ଦେପିଆନେ □

୯ ଇତିହ୍ ମୀ ବିତ୍ରା ଆମ୍ବାଆସି ଇଲେତି ମାଣ୍ଡି ମାନେସି, ତାନି ମାର୍ସସି ରୁଟି ରାସ୍ତିସାରେ ଏଝାଣାକି ଖାଲକା ହୀନେସି,

୧୦ ଅତେ ମାନୁ ରାସ୍ତିସାରେ ଏଝାଣାକି ରାଚୁ ହୀନେସି ?

୧୧ ଏଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡିଜିକେଏ ମୀ ମୀରକା ମାସକାକି ନେହାଁଣି ହୀହିମାଞ୍ଜେରି, ଆତିହ୍ ମୀ ଲାକପୁରୁତି ଆବା ନକିତା ରୀହନି ଲକୁକି ଏଚେକା ନେହା ନେହାଁଣି ହୀଅସି!”

୧୨ *“ଏଦାଆଁତାକି ଲକୁ ମିଜେ ତାକି ଏନିକିମ୍ ଲେମ୍ବାପେରି ଇଞ୍ଜି ମୀରୁ ଅଣ୍ଡିମାଞ୍ଜେରି, ମୀରୁ ଜିକେଏ ଏଝାରାଇଁ ଏଲେକିହ୍ କିଦୁ, ଏଦାଆଁତାକି ଇତିହ୍ ଇଦିଏ ମସାତି ମେରା ଅତେ ମାହାପୁରୁ ଅଣ୍ଡିପୁତି ବଲୁ ଝେହ୍ନି ଦାମ୍ ପତିତି କାତା □”

ଜାକଣି ଦୁଖେରି (ଲୁକ ୧୩:୨)

୧୩ ଜାକଣି ଦୁଖେରିଟି ହାଜୁ, ଏଦାଆଁତାକି ଇତିହ୍ ନକିତା ହାନି ଜିରୁ ଅସାରା ଅତେ ଉସାସା, ଏ ଜିରୁ ନାସା ଆନିଝାକି ଅନାୟି, ଏ ଜିରୁଟି ହାରେକା ଲକୁ ହାନେରି □

୧୪ ଅତେ ଜୀଝୁତା ଅନି ଦୁଖେରି ଜାକଣି ଇଞ୍ଜା ଏମ୍ବାଆଁ ହାନି ଜିରୁ କସ୍ତାଗାୟି ଏ ଜିରୁଟି ହାନି ଲକୁ ହାରେକା ଉଣା □

ମାର୍ନୁ ଅତେ ତାନି ପାଡ଼େୟି (ଲୁକ ୬:୪୩-୪୪)

୧୫ “ମାହାପୁରୁ ବଲୁ ଝେହ୍ନାତମି ଇଞ୍ଜି ଝେସାନା ମିତି କାତା ଝେହ୍ନାରି ତାଣାଟି ଜାଗାତା; ଏଝାରି ମେଶ୍ଟାୟାଁ ଖାଣା ଆସାନା ମୀ ତାଣା ଖାନ୍ନେରି, ସାମା ଏଝାରି ହିୟାତା କାର୍ବି ଆଡି କ୍ଳାଝନି!

୧୬ ଏଝାରି କାମା ମେସାନା ମୀରୁ ଏଝାରାଇଁ ପୁଞ୍ଜାଲି ଆଡିଦେରି, ଲକୁ ହାପକା ମାର୍ନୁତା ଅଜୁରି ପାଡ଼େୟି ଆଆତିହ୍ ଅଣ୍ଡା ମାର୍ନୁତା ତୟା ପାଡ଼େୟି ଏହ୍ନେରି ?

୧୭ ଏଲେକିହ୍ ଏ ନେହ୍ ମାର୍ନୁତା ବାରେ ନେହ୍ ପାଡ଼େୟି ଅତେ ଲାଗେଏତି ମାର୍ନୁତା ବାରେ ଲାଗେଏତି ପାଡ଼େୟି ଆୟିନେ □

୧୮ ନେହ୍ ମାର୍ନୁ ଲାଗେଏତି ପାଡ଼େୟି ଆୟାଲି ଆଡେଏ, ଅତେ ଲାଗେଏତି ମାର୍ନୁ ନେହ୍ ପାଡ଼େୟି ଆୟାଲି ଆଡେଏ □

୧୯ *ଆମିନି ମାର୍ନୁ ନେହ୍ ପାଡ଼େୟି ଆୟେଏ, ଏଦାନି ଟୁଣ୍ଡି ଆହାନା ହିତୁତା ମେଡ଼ପି ଆନେ □

୨୦ *ଏଲେକିହ୍ ଏ ମିତି ମାହାପୁରୁ ବଲୁ ଝେହ୍ନାରାଇଁ ତାମା କାମା ତଲେ ପୁଞ୍ଜାଲି ଆଡିନାୟି □”

ନାନୁ ମିଜେ ଏଚେଲାଝା ପୁଞ୍ଜାମାଞ୍ଜଅଁ (ଲୁକ ୧୩:୨୫-୨୭)

୨୧ “ନାଜେ ‘ପ୍ରୁ, ପ୍ରୁ’ ଇଞ୍ଜି ହାଟାନେରି, ଏଲେତି ବାରେଜାଣା ଲାକପୁରୁ ରାଜିତା ହାଲଅରି, ସାମା ଆମ୍ବାଆରି ନା ଲାକପୁରୁତି ଆବା ଝେସ୍ତି କାତା ମାନଝି ଆନେରି, ଏଝାରି ହାଜାଲି ଆଡିନେରି □

୨୨ ଏ ଦିନା ହାରେକା ନାଜେ ଏଲେଇଞ୍ଜାନେରି, ଏ ପ୍ରୁ ଏ ପ୍ରୁ ମାମ୍ ନୀ ଦରୁତଲେ ମାହାପୁରୁ ଅଣ୍ଡିପୁତି ବଲୁ ଝେହ୍ନାତମି କି ? ଅତେ ନୀ ଦରୁତଲେ ବୁଡୁୟାଁକି ପିସ୍ପି କିଆତମି କି ? ଅତେ ନୀ ଦରୁତଲେ ହାରେକା କାବାଆନି କାମା କିଆତମି କି ?

୨୩ ଏଚିବେଲା ନାନୁ ଏଝାରାଇଁ ତୀରେତଲେ ଏଲେଇଁକି ‘ଏ ଲାଗେଏ ପଲେଏ ଗାଟାତେରି, ନା ତାଣାଟି ହେକ ଆଦୁ, ନାନୁ ମିଜେ ଏଚେଲାଝା ପୁଞ୍ଜାମାଞ୍ଜଅଁ □”

ରୀ ଇଲକା କେପିନାରି (ଲୁକ ୬:୪୬-୪୯)

୨୪ “ଇଞ୍ଜା ଆମ୍ବାଆସି ଇ ନା ହାଡା ଝେନେସି ଅତେ ମାନଝି ଆନେସି, ଏଝାସି ପାକା ଖାଲି ଲାକ ଇଲୁ କିନି ର ବୁଦିଗାଟି ଲକୁ ଲେହେଁତାସି □

୨୫ ଗାଡି ପିୟୁ ରୀତେ ଝାରୁ ଝାଡେ ଅତେ ଗାଲି ଆଡେ, ଏ ଇଲୁତି ଗୁପିତେ, ସାମା ଏ ଇଲୁ ରିଆଡେ, ଇତିହ୍ ଏଡି ପାକାତା କାଦା କାର୍ହାନା ପୁନାଦି ଦସାମାଗାୟି □”

୨୬ “ଅତେ ଆମ୍ବାଆସି ଇ ନା ହାଡା ଝେଞ୍ଜାନା ମାନଝି ଆସ୍ତି ଏଝାସି ବାଝଲି ଲାକ ଇଲୁ କେପା ଡୟିନି ବୁଦି ହିଲାଆଗାଟି ଲକୁ ଲେହେଁତାସି □

୨୭ ଗାଡ଼ି ପିୟୁ ରୀତେ, ଖାରୁ ଖାଡେ ଅଡେ ଗାଲି ଆଡେ, ଏ ଇଲୁତି ଗୁପିତେ ଏମ୍ବାଟିଏ ଇଲୁ ତରଗାହାଜା ବୁମିତା ଆଣ୍ଡିତେ □”

ଜୀସୁତି କାଜାପାଣା

୨୮ *ଜୀସୁ ଇ ବାରେ କାତା ରାପୁହି ଜେତ ତାନି କାତା ଖେଚାରି କାବା ଆଡେରି □

୨୯ ଇତିହି ଏଞ୍ଜାସି ତାମି ବୁଦି ଗାଟାରିଲେହେଁ ଜାପୁଆନା ଅଦିକାରା ବେଟାଆହାମାନି ମାଣ୍ଡିଲେହେଁ ଜାପୁହି ମାଚେସି □



ଜୀସୁ କାଜା ରଗ ଗାଟାଣାଇଁ ନେହଁ କିନାୟି (ମାର୍କ ୧:୪୦-୪୫; ଲୁକ ୫:୧୨-୧୬)

୧ ଜୀସୁ ହରୁ ଲାକଟି ରେଟା ଖାଡ଼ି ତାୟୁ ମାୟା ଲକୁ ତାନି ଜେତ ହାଚେରି □

୨ ଏଚିବେଲା ର କାଜା ରଗ ଗାଟାସି ତାନି ନକିତା ଖାହାଁ ମେଣ୍ଡାକୁତାନା ଜହରା କିହାଁ ଏଲେଇଚେସି, “ପ୍ରବୁ ନୀନୁ ମନ କିତିହଁ ନାଙ୍ଗେ ନେହଁ କିହାଲି ଆଡାଦି □”

୩ ଏଚେଟିଏ ଜୀସୁ କେୟୁ ଦାସାହାଁ ତାଙ୍ଗ ତୀଗାନା ଏଲେଇଚେସି, “ନାନୁ ମନ କିହିମାଲ୍ ନୀନୁ ନେହଁ ଆମ୍ବୁ □” ଏ ଦେବୁଣିଏ କାଜା ରଗ ଗାଟାସି ନେହଁ ଆଡେତସି □

୪ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଜାଗାତା ଆମ୍ବାଆରାଇଁ ଖେହୁଆନି, ସାମା ନୀନୁ କାଜା ପୂଜେରା ତାଣା ହାଜାନା ନିଙ୍ଗ ତସାକତାମ୍ବୁ, ଅଡେ ମସା ଆମିନି ମେରା ହାହାମାନେସି ଏଦାଆଁ ଲକୁ ନକିତା ସାକି ହାନିଲେହେଁ ହେରପାମ୍ବୁ □”

ଜୀସୁ ର ରମିୟ କସକା ହଲେଏଣାଇଁ ନେହଁ କିନାୟି (ଲୁକ ୭:୧-୧୦)

୫ ଜୀସୁ କପରନାହୁମ ଗାଡାତା ହାଜାଲିଏ ର ରମିୟ ପାସାକଡ଼ି କସକା ମୁହେଁ କାଜାସି ଏଞ୍ଜାଣି ତାଣା ଖାହାନା ବାଡିମାଲିହଁ ଏଲେଇଚେସି,

୬ “ଏ ପ୍ରବୁ, ନା ହଲେଏସି ଟଟଖାୟାନା ହାରେକା କସୁ ଆହଁ ଇଜ କାଟେଲିତା ତୁରାମାନେସି □”

୭ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ଖାହାନା ଏଞ୍ଜାଣାଇଁ ନେହଁ କିଲ୍ □”

୮ ସାମା ପାସାକଡ଼ି କସକା ମୁହେଁ କାଜାସି ଏଲେଇଚେସି, “ଆଏ, ପ୍ରବୁ ନୀନୁ ନା ଇଜ ପାଞ୍ଜୁଲି ଇଚିଦି, ଏଲେଡି ଜଟେ ଆଏ; ସାମା ନୀନୁ ର ପଦୁ ଖେସା ପାଣ୍ଡାମ୍ବୁ, ନା ହଲେଏସି ନେହଁ ଆନେସି □

୯ ଇତିହି ନାନୁ ରଅଣି ତାଣା କାମା କିନି ମାଣସି ଆଡିହଁ ଜିକେଏ ନା ଅଦିକାରାତା ଅଡେ କସକା ମାନେରି; ନାନୁ ରଅଣାଇଁ ହାଲାମ୍ବୁ ଇତିହଁ ଏଞ୍ଜାସି ହାନେସି; ଅଡେ ରଅଣାଇଁ ଖାମ୍ବୁ ଇତିହଁ ଖାନ୍ନେସି; ଅଡେ

ନା ହଲେଏଣାଇଁ ଇଦାଆଁ କିମ୍ବୁ ଇଚିହଁ ଏଦାଆଁ କିନେସି □”

୧୦ ଜୀସୁ ଇ ବାରେ କାତା ଖେଞ୍ଜାନା କାବା ଆଡେସି, ଅଡେ ତାନି ଜେତ ଖାହିମାଟି ଲକୁଣି ଏଲେଇଚେସି, ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଇସାୟେଲ ବିତ୍ରା ଆମ୍ବାଆରି ତାଣା ଇଚେକା କାଜା ନାମ୍ବୁ ମେସାହିଲଅଁ □

୧୧ *ସାମା ନାନୁ ମିଙ୍ଗ ଖେସିମାଞ୍ଜାଇଁ, ହାରେକା ଲକୁ ଖେଡା ହପୁ ଖାକିଟି ଅଡେ ଖେଡା କୁଡନି ଖାକିଟି ଖାହାନା ଅବ୍ରାହାମ, ଇସାହାକ ଅଡେ ଜାକୁବ ତଲେ ଲାକପୁରୁ ରାଜିତା ତିଞ୍ଜାଲି କୁଗିନେରି □

୧୨ *ସାମା ରାଜିତି ମୀରକାଣି ପାଙ୍ଗାତି ଆନ୍ଦେରିତା ମେଡପି ଆନେ ଏମ୍ବାଆଁ ଏଞ୍ଜାରି ପାଲକା ଟୀଟି କିହଁ ତୀନେରି □

୧୩ ଅଡେ ଜୀସୁ ଏ କସକା ମୁହେଁ କାଜାଣାଇଁ ଏଲେଇଚେସି, ଇଜ ହାଲାମ୍ବୁ, ଏନିକିହଁ ନାମାମାଞ୍ଜି ନିଙ୍ଗେତାକି ଏଲେକିହଁ ଆପେ □ ଏ ଦେବୁଣିଏ ଏ ହଲେଏସି ନେହଁ ଆଡେସି □

ଜୀସୁ ହାରେକା ଲକୁଣି ନେହଁ କିନାୟି (ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ତାୟୁ ଜୀସୁ ପିତର ଇଜ ଖାହାନା ପିତରତି ପୟା ନମେରି ତାକି କାଟେଲିତା ତୁରାମାନାଣି ମେସେସି □

୧୫ ଏଚେଟିଏ ଜୀସୁ ତାନି କେୟୁ ତୀଗାଲିଏ ନମେରି ପିସେ, ଅଡେ ନିଙ୍ଗାନା ଏଞ୍ଜାଣି ସେବା କିହାଲି ମାଟୁହେ □

୧୬ ମିଡୁଅଲା ଆହାଲିଏ ଲକୁ ହାରେକା ବୁଡୁ ଆଲଗାମାଟି ଲକୁଣି ଜୀସୁ ତାଣା ତାଡେରି, ଏଚେଟିଏ ଜୀସୁତି ର ବଲୁ ତାକି ବୁଡୁୟାଁ ଏଞ୍ଜାରି ତାଣାଟି ହଡାହାଡୁ, ଅଡେ ହାରେକା ନମେରି ଗାଟାରାଇଁ ନେହଁ କିଡେସି □

୧୭ ଏନିକିହଁ ମାହାପୁରୁ ଅଣ୍ଟପୁଡି ବଲୁ ଖେହୁନି ଜିସାୟତି କାତା ସାତା ଆନେ, “ଏଞ୍ଜାସି ତାନୁଏ ମା ନମେରି ଦୁକା ଅଡେସି ଅଡେ ମା ରଗତି ଡେକିଡେସି □”

ଜୀସୁ ସୀସୁୟାଁ ଆହାଲି ମନ କିନାୟି (ଲୁକ ୯:୫୭-୬୨)

୧୮ ଜୀସୁ ତାନି ସାରିଖାକି ଲକୁଣି ମେସାନା, ସୀସୁୟାଁଇଁ ସାମ୍ବୁରି ଆତାଲା ହାଜାଲି ହୁକୁମି ହୀଡେସି □

୧୯ ର ମେରା ଜାପୁନାସି ଖାହାନା ଜୀସୁଇଁ ଏଲେଇଚେସି, “ଗୁରୁ, ନୀନୁ ଆମ୍ବିୟା ହାଜି, ନାନୁ ଜିକେଏ ନୀ ତଲେ ଖାଇଁ □”

୨୦ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନାକାୟାକି ଡୟିନି ପାଞ୍ଜୁୟାଁ ମାନୁ, ହାଗୁ ଲାକ ଉମ୍ବିନି ପଗାୟାକି ବାସାଟାୟୁ ମାନେ, ସାମା ମାଣ୍ଡି ମୀରଏଣାକି ତାୟୁଁ ନେଟୁହାଲି ବାସାଟାୟୁ ହିଲେଏ □”

୨୧ ଇଞ୍ଜା ସୀସୁୟାଁ ବିତ୍ରାଟି ଅଡେ ରଅସି ଜୀସୁଇଁ ଏଲେଇଚେସି “ପ୍ରବୁ, ନକେଏ ହାଜାନା ନା ଆବାଇଁ ମାହଣିଣା ମୁସାଲି ହେଲ ହିୟାମ୍ବୁ □”

☆ ୮:୧୧ ୮:୧୧ ଲୁକ ୧୩:୨୯ ☆ ୮:୧୨ ୮:୧୨ ମାତୃ ୨୨:୧୩; ୨୫:୩୦; ଲୁକ ୧୩:୨୮

୨୨ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ନା ଜେଚ ଖାମ୍ବୁ, ହାତାରାଇଁ ତାମି ହାଡ଼ି ଲକୁଣି ମୁସାଲି ପିହ୍ମୁ”

ଜୀସୁ ଗାଲି ପିୟୁ ସାପି କିନାୟି
(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଜୀସୁ ଡଂଗତା ହଚାଲିଏ ସୀସୁୟାଁ ତାନି ଜେଚ ହାଚେରି

୨୪ ଅଡେ ମେହ୍ମୁ ଦେବୁଣିଏ ସାମ୍ବୁରିତା କାଜା ଗାଲି ଆଡେ, ଇଞ୍ଜା ଡଂଗ ଏୟୁତା ମୁଞ୍ଜାଲି ମାଚ୍‌ହେ, ସାମା ଜୀସୁ ଡଂଗତା ତୁରାମାଚେସି

୨୫ ଏମ୍ବାଟିଏ ଏଞ୍ଜାରି ତାଗେ ଖାହାଁ ନିକୁହାନା ଏଲେଇଚେରି, “ପ୍ରବୁ, ମାଙ୍ଗ ଗେଲ୍‌ପାମ୍ବୁ, ଆଆତ ମାମ୍ବୁ ହାହିମାନମି

୨୬ ଜୀସୁ ଏଞ୍ଜାରାଇଁ ଏଲେଇଚେସି, “ଏ ଉଣା ନାମ୍ବୁ ଗାଟାଚେରି, ଏନାଆଁତାକି ଇଚେକା ଆଜିମାଞ୍ଜେରି ?” ଏମ୍ବାଟିଏ ଜୀସୁ ନିଙ୍ଗାନା ଗାଲି ଅଡେ ଖାଡ଼ିମାଟି ସାମ୍ବୁରିତ ଦାକା ହାଚେସି, ଇଞ୍ଜା ଦେବୁଣିଏ ସାପିଆଡେ

୨୭ ଏମ୍ବାଟିଏ ଏଞ୍ଜାରି କାବା ଆହାଁ ଏଲେଇଚେରି, “ଇଞ୍ଜାସି ଏନିଲେହେଡି ମାଣସି ? ଗାଲି ଅଡେ ସାମ୍ବୁରି ଜିକେଏ ଇଞ୍ଜାଣି ହାଡ଼ା ମାନୁଞ୍ଜି ଆହିମାନେ

ବୁତୁ ଆଲଗାମାଟି ରିଆରାଇଁ ଜୀସୁ ନେହ୍ମୁ କିନାୟି
(ମାର୍କ ୫:୧-୨୦; ଲୁକ ୮:୨୬-୩୯)

୨୮ ତାୟୁ ଜୀସୁ ସାମ୍ବୁରି ଆତାଲାଞ୍ଜାକିଟି ଗଦରିୟ ନାସ୍‌କାଣାଁ ଏଗାହାଜାଲିଏ ରୀ ବୁତୁୟାଁ ଆଲଗା ମାଚାରି ମାଡ଼ହା ମୁହ୍ନି ଟାୟୁଟି ଖାହାନା ଜୀସୁଇଁ ବେଟାଆଡେରି, ଏଞ୍ଜାରି ଇଲେଡି ଆଜିହ୍ମପେଡି ଲକୁ ମାଚେରି, ଏ ଜିରୁଟି ଲକୁ ରେଜାଲି ଆଡ଼ିହିଲଆଡେରି

୨୯ ଇଞ୍ଜା ମେହ୍ମୁ ଏଞ୍ଜାରି କିରଡ଼ିହ୍ମୁ ଏଲେଇଚେରି, “ଏ ମାହାପୁରୁ ମାର୍‌ଏଶାଡି! ନୀ ତଲେ ନାଙ୍ଗେ ଏନାୟି ମାନେ ? ମା ବେଲା ଖାଆନେଏ ମାଙ୍ଗେ କସ୍ ହିୟାଲି ଇମ୍ବାଆଁ ଖାଡ଼ିକି ?”

୩୦ ଇଞ୍ଜା ଏଞ୍ଜାରି ତାଣାଟି ହେକ ର ମାନ୍ଦା ପାଜିୟାଁ ମେୟିମାରୁ

୩୧ ଏ ଲକୁ ବିତ୍ରାଡି ବୁତୁୟାଁ ଜୀସୁଇଁ ବାଡିମାଲିହ୍ମୁ ଏଲେଇଚୁ, “ମାଙ୍ଗେ ପେରହାଦି ଇଚିହ୍ମୁ, ଏ ପାଜିୟାଁ ମାନ୍ଦା ବିତ୍ରା ପାଣ୍ଡାମୁ

୩୨ ଜୀସୁ ଏଞ୍ଜାସିକାଣି ଏଲେଇଚେସି, “ହାକୁ” ବୁତୁୟାଁ ଏ ଦେବୁଣିଏ ଲକୁଇଁ ପିସାନା ପାଜିୟାଁ ମାନ୍ଦା ବିତ୍ରା ହଚୁ; ଏ ପାଜିୟାଁ ହରୁ କାଡ଼ିଦିଟି ଦାବଡ଼ି ହଚାନା ଦାରିଡି ସାମ୍ବୁରିତା ମେଦାନା ହାହାହାଚୁ

୩୩ ପାଜିୟାଁ ମେଟିମାଟି ଗଡ଼କା ହଚିହ୍ମୁ ହାଜାନା ଗାଡ଼ାତା ବାରେ କାବୁ ଇଞ୍ଜା ବୁତୁୟାଁ ଆଲଗା ମାଚାରି ଏନି ଆଡେରି ଏ ବାରେ ହାଡ଼ା ଖେସ୍‌ପେରି

୩୪ ଅଡେ ନାସ୍‌କାଟି ବାରେ ଲକୁ ଜୀସୁଇଁ ମେସାଲି ଖାଡ଼େରି, ଇଞ୍ଜା ଜୀସୁଇଁ ମେସାନା ତାମି ହାଦିଟି ହାଜାଲି ବାଡିମାଲିଚେରି



ଜୀସୁ ର ଟଟଞ୍ଜାୟିଡି ଲକୁଇଁ ନେହ୍ମୁ କିନାୟି
(ମାର୍କ ୨:୧-୧୨; ଲୁକ ୫:୧୭-୨୬)

୧ ଏମ୍ବାଟିଏ ଜୀସୁ ଡଂଗତା ହଚାନା ସାମ୍ବୁରି ଗାଣ୍‌ଗାହାଁ ତାନୁ ବାସାଆହାମାନି ଗାଡ଼ାତା ଖାଡ଼େସି

୨ ଅଡେ ମେହ୍ମୁ କାଚେଲିତା ତୁରାମାଟି ର ଟଟଞ୍ଜାୟିଡି ଲକୁଇଁ ଡେକାନା ତାନି ତାଣା ତାଚେରି, ଇଞ୍ଜା ଏଞ୍ଜାରି ନାମ୍ବୁ ମେସାନା ଜୀସୁ ଏ ଟଟ ଖାୟିତାଣାଇଁ ଏଲେଇଚେସି, “ଏ ମାର୍‌ଏଶା, ସାସା ଆହ୍ମୁ ନୀ ପାପୁ ବାରେ ମେଣ୍‌ଜାହାଚେ

୩ ଏଚେକା ମେରା ଜାପ୍‌ନାରି ଇ ହାଡ଼ା ଖେଞ୍ଜାନା ଏଞ୍ଜାରି ଖେସ୍‌ପି ଆଡେରି, “ଇ ମାଣସି ମାହାପୁରୁଇଁ ନିନ୍ଦା କିହିମାନେସି

୪ ଜୀସୁ ଏଞ୍ଜାରି ମନଡି ହାଡ଼ା ପୁଞ୍ଜାନା ଏଲେଇଚେସି, “ମାରୁ ମୀ ମନଡା ଏନାଆଁତାକି ଇଚେକା ଲାଗେଏଡି ଅଶ୍‌ପୁ ଅଶ୍‌ପିମାଞ୍ଜେରି ?

୫ ଇଚିହ୍ମୁ ଏନାଆଁ ଇନାୟି ଉସାସା, ନୀ ପାପୁ ମେଣ୍‌ଜାହାଚେ, ଆଆତ ନିଙ୍ଗାନା ତାକାମୁ ?

୬ ସାମା ଦାରୁଡିଟି ପାପୁ ମେକ୍‌ହାଲି ତାକି ମାଣସି ମାର୍‌ଏଶାକି ଅଦିକାରା ମାନେ, ଇଦାଆଁ ଏନିକ ପୁଞ୍ଜାଲି ଆଡ଼ିନେରି,” ଏନାଆଁତାକି ଜୀସୁ ଟଟ ଖାୟିତାଣାଇଁ ଏଲେଇଚେସି, “ନିଙ୍ଗାମୁ ନୀ କାଚେଲି ଡେକାନା ଇଜ ହାଲାମୁ

୭ ଏମ୍ବାଟିଏ ଏଞ୍ଜାସି ନିଙ୍ଗାନା ତାମି ଇଜ ହାଚେସି

୮ ଇଦାଆଁ ମେସାନା ଲକୁ ଆଜିଚେରି, ଅଡେ ଆମିନି ମାହାପୁରୁ ମାଣସିୟାକି ଇଲେଡି ଅଦିକାରା ହାହାମାନେସି ଇଞ୍ଜିହ୍ମୁ ଏ ମାହାପୁରୁଡି ଗାଞ୍ଜୁରମି କିଚେରି

ଜୀସୁ ମାତିୟୁଇଁ ହାଡ଼ିନାୟି
(ମାର୍କ ୨:୧୩-୧୭; ଲୁକ ୫:୨୬-୩୨)

୯ ଜୀସୁ ଏମ୍ବାଟି ହାଜି ହାଜିହ୍ମୁ ମାତିୟୁ ଦରୁଗାଟି ର ସିସ୍ତୁରାହ୍‌ନାସି ତାନି ସିସ୍ତୁରାହ୍‌ନି ଟାୟୁତା କୁଗାମାନାଣି ମେସାନା ହାଚାନା ଏଲେଇଚେସି, “ନା ଜେଚ ଖାମ୍ବୁ

ଏମ୍ବାଟିଏ ମାତିୟୁ ନିଙ୍ଗାନା ତାନି ଜେଚ ହାଚେସି

୧୦ ଇଞ୍ଜା ଜୀସୁ ମାତିୟୁ ଇଜ ତାନି ବେଲା ଏଚେକା ସିସ୍ତୁରାହ୍‌ନାରି ଅଡେ ପାପୁଗାଟି ଲକୁ ତାମି ସୀସୁୟାଁ ତଲେ ଡିଞ୍ଜାଲି କୁଗିଚେରି

୧୧ ପାରୁସିୟାଁ ଇଦାଆଁ ମେସାନା ସୀସୁୟାଁଇଁ ଏଲେଇଚେରି, “ମୀ ଗୁରୁ ଏନାଆଁତାକି ସିସ୍ତୁରାହ୍‌ନାରି ଅଡେ ପାପୁ ଗାଟାରି ତଲେ ଡିଞ୍ଜି ମାନେସି

☆ ୯:୧୦ ୯:୧୦ ଲୁକ ୧୫:୧,୨ ☆ ୯:୧୩ ୯:୧୩ ମାତି ୧୨:୭

୧୨ ସାମା ଜୀସୁ ଏଞ୍ଜାରି ହାଡ଼ା ଖେଞ୍ଜାନା ଏଲେଇଚେସି, “ନେହୁଁ ଲକୁଡାକି ଅସଗୁରୁ ଲଡ଼ା ହିଲେଏ, ସାମା ରଠା ଗାଟାରାକି ଲଡ଼ାମାନେ □

୧୩ ☆ଇଦାଆଁତାକି ମୀରୁ ହାଜାନା ଇଦାନି କାତା ଜାପାଦୁ, ସାମା ପୂଜା ହୀନାୟି ଲଡ଼ାଆଏ, ସାମା ଲକୁଣି କାର୍ମାମେହନାୟି ନେହେଁ; ଇଚିହୁଁ ନାନୁ ଦାମ୍ବୁ ଗାଟାରାଇଁ ଆଏ ସାମା ପାପୁ ଗାଟାରାଇଁ ହାଟାଲି ଖାହାମାଇଁ □”

ଉପାସା କିନାଣି ଖେନାୟି (ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏଚିବେଲତା ବାପ୍ତିସ୍ତା* ହାନି ଜହନତି ସୀସୁୟାଁ ଜୀସୁଇଁ ଖାହାନା ଖେଚେରି, “ମାମୁ ଅଡ଼େ ପାରୁସିୟାଁ ଉପାସା କିହିମାନମି, ସାମା ମୀ ସୀସୁୟାଁ ଏନାଆଁତାକି ଉପାସା କିଅରି ?”

୧୫ ଜୀସୁ ଏଞ୍ଜାରାଇଁ ଏଲେଇଚେସି, “ବୀହା ହନେଏସି ଡ଼ୟିନି ପାତେକା ବୀହା ଲକୁ ଦୁକୁ ଆଅରି, ସାମା ଦିନା ଖାନ୍ଦେ, ଏଚିବେଲା ବୀହା ହନେଶାଇ ଅନ୍ଦେରି, ଏଚିବେଲା ଏଞ୍ଜାରି ଉପାସା କିନେରି □”

୧୬ “ଆମ୍ବାଆସି ପୁଃଇ ହିମ୍ବରତା ପୁଃନି ପାସକି ତାଚଅସି, ଏନାଆଁତାକି ଇଚିହୁଁ ଏ ପାସକି ପୁଃଇ ହିମ୍ବରତି ଗେସାଅନ୍ଦେ, ଇଞ୍ଜା ଏଦି ହାଟେକା କାଜାୟି ଆହୁଁ ଗେଞ୍ଜିନେ □

୧୭ ଅଡ଼େ ଲକୁ ପୁଃନି ଅଞ୍ଜୁରି ରାସା ପୁଃଇ ତ:କାତାଃ ଇଚଅରି; ଇଚିହୁଁ ଏ ତ:କା ଡ଼ାୟାହାନେ ଅଞ୍ଜୁରି ରାସା ବହାହାନେ, ସାମା ପୁଃନି ଅଞ୍ଜୁରି ରାସା ପୁଃନି ତ:କାତା ଇଚିନେରି, ଆତିହୁଁ ଅଞ୍ଜୁରି ରାସା ଅଡ଼େ ତ:କା ନେହୁଁ ଡ଼ୟିନେ □”

ର କାଜାଣି ମାଞ୍ଜା ଅଡ଼େ ର ଇୟା ଜୀସୁ ହିମ୍ବରି କୁଞ୍ଜୁ ଡ଼ାଗାନା ନେହୁଁ ଆନାୟି

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଏଚିବେଲା ଇ ବାରେ କାତା ଜୀସୁ ଏଞ୍ଜାରାଇଁ ଖେସିମାଟି ବେଲତା ର ଜୀହୁଦି କାଜାପାଣା ଗାଟାସି ତାଗେ ଖାହାନା ମେଣ୍ଡାକୁତାନା ଜହରା କିହାଁ ଏଲେଇଚେସି, “ନା ମାଞ୍ଜା ନୀଏଁ ହାହାହାଚେ, ସାମା ନୀନୁ ଖାହାନା ତାନି ଲାକ କେୟୁ ଇଚିତିହୁଁ ଏଦି ନୀତିନେ □”

୧୯ ଏମ୍ବାଟିଏ ଜୀସୁ ନିଜାମା ତାନି ସୀସୁୟାଁ ତଲେ ଏଞ୍ଜାଣି ଢେଟ ହାଚେରି □

୨୦ ଅଡ଼େ ମେହୁଦୁ ବାର ବାର୍ଯା ପାତେକା ନେତେରି ଖାଞ୍ଜିନି ରଟଗାଟି ର ଇୟା ଡ଼ାୟାଖାକିଟି ଖାହାନା ଜୀସୁତି ହିମ୍ବରି କୁଞ୍ଜୁ ଡ଼ାଗିତେ □

୨୧ ଇଚିହୁଁ ଏ ଇୟା ମନତା ଅଣ୍ଡିମାଚେ, “ଞ୍ଜାରଇ ତାନି ହିମ୍ବରି ଡ଼ାଗିତିହୁଁ ନାନୁ ନେହୁଁ ଆଇଁ □”

୨୨ ସାମା ଜୀସୁ ଖେଣ୍ଡେ ଡ଼ାୟାଖାକି ସିନିକିହାନା ଏଲେଇଚେସି, “ମାଞ୍ଜା ସାସା ଆହମ୍ବୁ, ନୀ ନାମୁ ନିଜେ

ନେହୁଁ କିହାମାଞ୍ଜାନେ” ଏ ଦେବୁଣିଏ ଏ ଇୟା ନେହୁଁ ଆଡ଼େ □

୨୩ ଡ଼ାୟୁ ଜୀସୁ ଏ କାଜାପାଣା ଗାଟାରି ଇଜ ହାଚେସି, ଏମ୍ବାଆଁ ପୀରୁଡ଼ି ଉକିନାରାଇଁ ଅଡ଼େ ଡ଼ାହୁଁ କାଲୁଞ୍ଜି ଆହିମାଟି ଲକୁଣି ମେସାନା ଏଲେଇଚେସି,

୨୪ ବାରେ ଇମ୍ବାଟି ପାଞ୍ଜାତା ହାଜୁ, ପଦା ହାହାହିଲେଏ, ସାମା ଡ଼ୁରାମାନେ, ଏଚେଟିଏ ତାନି ହାଡ଼ା ଖେଞ୍ଜାନା ଏଞ୍ଜାରି କାକହେରି □

୨୫ ସାମା ବାରେ ଲକୁ ପାଞ୍ଜାତା ହାଜାଲିଏ, ଜୀସୁ ଇଜ ବିଡ଼ା ହାଜାନା ପଦାନି କେୟୁ ଆସାନା ନିକହେସି ଅଡ଼େ ଏ ଦେବୁଣିଏ ନିଜିତେ □

୨୬ ଇଞ୍ଜା ଇ କାବୁ ଏ ଦେସାତି ସାରିଞ୍ଜାକି ଖେଞ୍ଜିତେ □

ଜୀସୁ ରିଆରି କାଣାୟାଁଇଁ ନେହୁଁ କିନାୟି

୨୭ ଜୀସୁ ଏମ୍ବାଟି ହାଜିମାଟି ବେଲତା ରିଆରି କାଣାୟାଁ କାଜା ଗିୟାତଲେ ହାଟିହୁଁ ଏଲେଇଚେରି, “ଏ ଦାଞ୍ଜୁଦ ମୀରୁଏଶାତି ମାଞ୍ଜା କାର୍ମା ମେସାମୁ □”

୨୮ ଇଞ୍ଜା ଜୀସୁ ଇଲୁ ବିଡ଼ା ହଡ଼ାଲିଏ ଏ କାଣାୟାଁ ଜିକେଏ ଏଞ୍ଜାଣି ତାଗେ ଖାଡ଼େରି, ଇଞ୍ଜା ଜୀସୁ ଏଞ୍ଜାରାଇଁ ଏଲେଇଚେସି, ମାଞ୍ଜେ ନେହୁଁ କିହାଲି ଆଡ଼ାନେସି ଇଞ୍ଜୁଁ ମୀରୁ ନାମିମାଞ୍ଜେରି ?

ଏଞ୍ଜାରି ଏଲେଇଚେରି “ହାଅ ପ୍ରବୁ □”

୨୯ ଏଚେଟିଏ ଜୀସୁ ଏଞ୍ଜାରି କାଣିକା ଡ଼ାଗାନା ଏଲେଇଚେସି, “ମୀ ନାମିନି ଲେହେଁ ମିଜେତାକି ଆପେ □”

୩୦ ଏଚେଟିଏ ଏଞ୍ଜାରି ମେସାଲି ଆଡ଼ିତେରି, ଅଡ଼େ ଜୀସୁ ଏଞ୍ଜାରାଇଁ ଜାଣ୍ଡେ ହୁକୁମି ହୀହାନା ଏଲେଇଚେସି, “ହେଣ୍ଡୁ ଇ ହାଡ଼ା ଆମ୍ବାଆରି ଜିକେଏ ପୁନଅରି □”

୩୧ ସାମା ଏଞ୍ଜାରି ପାଞ୍ଜାତା ହାଜାନା ଜୀସୁତି ହାଡ଼ା ଦେସାତି ସାରିଞ୍ଜାକି ଖେସ୍ତେରି □

ଜୀସୁ ର ଗୁଲାଇଁ ଜଲି କିତେସି

୩୨ ଏଞ୍ଜାରି ହଡ଼ା ହାଜିମାଟାଟି ଲକୁ ର ଜଲ୍ଲାଲି ଆଡ଼ାଆଗାଟି ବୁଡୁ ଆଲ୍ଗା ମାଟାଣାଇଁ ଜୀସୁ ନକିତା ତାତେରି □

୩୩ ଜୀସୁ ବୁଡୁଇଁ ପେରୁହା ପାଣ୍ଡିତି ଦେବୁଣିଏ ଏଞ୍ଜାସି ଜଲ୍ଲାଲି ଆଡ଼ିତେସି, ଏଚେଟିଏ ଲକୁ କାବାଆହାନା ଏଲେଇଚେରି, “ଇସ୍ରାୟେଲ ଦେସାତା ମାମୁ ଇଲେତି କାବାଆନି କାମା ଏଚେଲା ମେସାହିଲାଆତମି □”

୩୪ ☆ଏଚିବେଲା ପାରୁସିୟାଁ ଖେଚେରି, ଏଞ୍ଜାରି ଏଲେଇଚେରି, “ଇଞ୍ଜାସି ବୁଡୁୟାଁ ପିସ୍ପି କିହିମାନେସି” ଏନାଆଁତାକି ଇଚିହୁଁ ଏଞ୍ଜାସିକାଣି ସାଲୁଞ୍ଜି କିହିମାନି ବାଲୁପେନୁ ଏଞ୍ଜାଣାକି ବାଡ଼ୟୁ ହାହିମାନେ ଲାକା ଆଡ଼ିମାନେସି □

* ୯:୧୪ ୯:୧୪ ମୁଞ୍ଜିନାୟି † ୯:୧୨ ୯:୧୨ ତଲୁ ତଲେ କେପିତି ଅଞ୍ଜୁରି ରାସା ଇଚିନି ବାସା ଚୁପୁ ☆ ୯:୩୪ ୯:୩୪ ମାତି ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫ ☆ ୯:୩୫ ୯:୩୫ ମାତି ୪:୨୩; ମାର୍କ ୧:୩୯; ଲୁକ ୪:୪୪ ‡ ୯:୩୫ ୯:୩୫ ସିନଗର

୩୫ ☆ଏମ୍ବାଟିଏ ଜୀସୁ ଏଞ୍ଜାରି ଜୀହୁଦି ଲକ୍ଷ୍ମି କୁଟମି ଇଲ୍ଲକାଣାଃ ଜାପ୍ତହିହିଁ ମାହାପୁରୁ ରାଜିତି ନେହିଁ କାବୁ ଖେସିହିଁ ବାରେଲେହେତି ରଗ ନମେରି ଦୁକାଟି ନେହିଁ କିହିହିଁ, ବାରେ ଗାଡ଼ାୟାଁ ଇଞ୍ଜା ନାସ୍‌କାଣାଁ ରେଜାଲି ମାଟ୍‌ହେସି □

ଲକ୍ଷ୍ମିତାକି ଜୀସୁତି କାର୍ମା

୩୬ ☆ଅଡ଼େ ବାରେ ଲକ୍ଷ୍ମି ମେସାନା ଏଞ୍ଜାସି କାର୍ମା ଆଡେସି, ଇତିହିଁ ଏଞ୍ଜାରି ଗଡ଼ ହିଲ୍ଲାଆ ମେଶ୍ଟାୟାଁ ଲେହେଁ କାକୁଲିଟି ଇତାଲା ଆତାଲା ଆହିମାଚେରି □

୩୭ ☆ଏଟିବେଲା ଜୀସୁ ତାମି ସୀସୁୟାଁଇଁ ଏଲେଇଚେସି, “ପାଟି ହାରେକା ସାମା ଦାଃଆନାରି ଉଣା ଜାଣା □

୩୮ ଏଦାଆଁତାକି ପାଟି ଜାଟାଲି, ଲକ୍ଷ୍ମି ପାଣ୍ଡାଲିତାକି ଗୁଡ଼ିୟାତି ସାଞ୍ଜୁକାରିଇଁ ବାଟିମାଲାଦୁ □”

୧୦

ବାରଜାଣା ସୀସୁୟାଁ

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଏମ୍ବାଟିଏ ଜୀସୁ ତାମି ବାରଜାଣା ସୀସୁୟାଁଇଁ ତାଗେ ହାଟାନା ବୁଡୁୟାଁ ପିସ୍‌ପି କିହାଲି, ଇଞ୍ଜା ବାରେ ରଗ କସ୍‌ତି ନେହିଁ କିହାଲି ଏଞ୍ଜାରାକି ଅଦିକାରା ହାଡେସି □

୨ ଏ ବାରଜାଣା ପାଣ୍ଡାଆଡ଼ି ସୀସୁୟାଁ ଦରକା ଆଡୁ, ସିମନ, ଆମ୍ବାଆରାଇଁ ପିତର ଇନେରି, ଅଡ଼େ ତାମି ତାୟି ଆନ୍ଦିୟ, ଜେବଦି ମୀରଏସି ଜାକୁବ ଅଡ଼େ ତାମି ତାୟି ଜହନ,

୩ ପିଲିପ ଅଡ଼େ ବାର୍ତ୍ତଲମି, ତମା ଅଡ଼େ ସିସ୍ତୁରାହନି ମାତିୟୁ, ଆଲେପି ମୀରଏସି ଜାକୁବ ଅଡ଼େ ତଦିୟ,

୪ ଦେସାତି ଜୀସୁ ନନି ସିମନ ଅଡ଼େ ଇସ୍ତାରିୟତ ଜୀହୁଦା ଆମ୍ବାଆସି ଜୀସୁଇଁ ସାଡୁ କେୟୁତା ହେରପିତେସି □

ବାରଜାଣା ସୀସୁୟାଁଇଁ ପାଣ୍ଡିନାୟି

(ମାର୍କ ୬:୭-୧୩; ଲୁକ ୯:୧-୬)

୫ ଜୀସୁ ଇ ବାରଜାଣାତି ପାଣ୍ଡାନା ହୁକୁମି ହାହାଁ ଏଲେଇଚେସି, ମୀରୁ ଜୀହୁଦିଆଆତି ଲକ୍ଷ୍ମିତାଣା ହାଲାଆଦୁ, ଅଡ଼େ ଆମିନି ସମିରଣି ନାସ୍‌କାଣାଁ ହଡ଼ଆଦୁ,

୬ ସାମା ଜାଜ୍ଞାମାନି ମେଶ୍ଟାୟାଁ ଇତିହିଁ ଇସ୍ତାୟେଲ ଲକ୍ଷ୍ମିତାଣା ହାଜୁ □

୭ ଏଞ୍ଜାରିତାଣା ହାଜୁ ଅଡ଼େ ଝେକ୍‌ଦୁ ଲାକପୁରୁ ରାଜି ଏଗାଞ୍ଜାହିମାନେ □

୮ ଅଡ଼େ ନମେରି ଗାଟାରାଇଁ ନେହିଁ କିଦୁ, ହାଡ଼ାରାଇଁ ନିକ୍‌ଦୁ, କାଜା ରଗ ଗାଟାରାଇଁ ନେହିଁ କିଦୁ, ବୁଡୁୟାଁଇଁ ପେରୁଦୁ □ ମୀରୁ ଉଜେଏ ବେଟା ଆହାମାଞ୍ଜେରି ଏଦାଆଁ ଉଜେଏ ହୀଦୁ □

୯ ମୀ ତଲେ ବାଂଗାରା ଖେଣ୍ଡି କି ଅଟଡ଼ିତା ଟାକାୟାଁ ଅଆଦୁ,

୧୦ ☆ଅଡ଼େ ହାନାଟି ଲେଟା କଡ଼ିନି ମଣା, ରୀ ଜଡ଼ ସକାୟାଁ କି ସେପୁୟାଁ କି କୁତା ବାଡ଼ଗା ଜିକେଏ ପାରାଆଦୁ, କାମାକିନାସି ତାନି ରାନ୍ଦା ବେଟା ଆନେସି □

୧୧ ଅଡ଼େ ମୀରୁ ଆମିନି ନାୟୁତା କି ଗାଡ଼ାତା ହାଜେରି ଏମ୍ବାଆଁ ନେହାଁଣାଇଁ ପାରାଦୁ, ଅଡ଼େ ଏମ୍ବାଟି ଖେଣ୍ଡାହାନି ପାଡେକା ଏଞ୍ଜାଣି ଇଜ ଡ଼ୟାଦୁ □

୧୨ ଅଡ଼େ ଇଜ ହଡ଼ନାଟି ଏଞ୍ଜାରାଇଁ ହିଡ଼ି ଜୀସୁ ମିଙ୍ଗେ ଆୟାପେ ଇଞ୍ଜୁ;

୧୩ ଏଞ୍ଜାରି ଇଜତାରି ନେହାଁରି ଇତିହିଁ ଏଞ୍ଜାରିତଲେ ମୀ ହିଡ଼ି ଡ଼ୟାପେ, ସାମା ଏଞ୍ଜାରି ନେହାଁରି ଆଆଡ଼ି ମୀ ହିଡ଼ି ମିଙ୍ଗେ ଖେଣ୍ଡା ଖାପେ □

୧୪ ☆ଅଡ଼େ ଆମିନି ଲକ୍ଷ୍ମିତାକି ନାସ୍‌କାଣାଁ ମିଙ୍ଗ ଲକ୍ଷ୍ମି ଅପଅରି, ମୀ କାତାତି ଝେନଅରି, ଏ ଲକ୍ଷ୍ମି କି ଏ ଗାଡ଼ାଟି ହଟାଞ୍ଜାନାଟି ମୀ କତାତି ଦୁଡ଼ି ହାଣ୍ଡା କତାନା ଏ ଟାୟୁ ପିହ୍‌ଦୁ □

୧୫ ☆ନାନ୍ଦୁ ମିଙ୍ଗେ ସାତା ଖେସିମାଞ୍ଜାଇଁ, ମାହାପୁରୁତି ନାହାଁୟି ଦିନାତା ଏ ଗାଡ଼ାତି ତଣ୍ଡ କିହାଁ ସଦମ ଅଡ଼େ ଗମରା ଦେସାତି ତଣ୍ଡ ଉଣା କିଞ୍ଜିଆନେ □

ଞ୍ଜାହିମାନି କସ୍ତୁ ଅଡ଼େ ନିନ୍ଦା

(ମାର୍କ ୧୩:୯-୧୩; ଲୁକ ୨୧:୧୨-୧୬)

୧୬ ☆ହେଣ୍ଡୁ ମେଶ୍ଟାୟାଁଣି କ୍ଳାନ୍ତନିୟାଁ ବିତ୍ରା ପାଣ୍ଡିନିଲେହେଁ ନାନ୍ଦୁ ମିଙ୍ଗେ ପାଣ୍ଡିମାଞ୍ଜାଇଁ, ଏଦାଆଁତାକି ମୀରୁ ରାବୁ ଲେହେଁ ବୁଦି ଗାଟାଡେରି, ଅଡ଼େ ପାର୍‌ଞ୍ଜା ପଟାଲେହେଁ କପା ହିଲ୍ଲାଆ ଗାଟାଡେରି ଆଦୁ □

୧୭ ☆ସାମା ମାଣ୍ଡସିୟାଁ ତାଣାଟି ଜାଗ୍ରାତା ଆହାନା ଡ଼ୟାଦୁ, ଏନାଆଁତାକି ଇତିହିଁ ଏଞ୍ଜାରି ମିଙ୍ଗେ ଆସାନା ନାହାଁୟି କିନି ତାଣା ହେରପାନେରି, ଇଞ୍ଜା ଜୀହୁଦି ଲକ୍ଷ୍ମି କୁଟମି ଇଲ୍ଲକାଣା* ଏଞ୍ଜାରି ମିଙ୍ଗେ ସାଟ୍‌ଣି ତଲେ ଝେତାନେରି,

୧୮ ଅଡ଼େ ମୀରୁ ନା ତାକି ରାଜା ଅଡ଼େ ସାଲ୍‌ଞ୍ଜି କିନି ଲକ୍ଷ୍ମିତାଣା ଅହାନା ନାହାଁୟି କିଞ୍ଜିଆଦେରି; ଏଦି ଏଞ୍ଜାରାକି ଅଡ଼େ ଜୀହୁଦିଆଆତି ଲକ୍ଷ୍ମି ମାହାପୁରୁତି ନେହିଁ କାବୁ ଝେସାଲି ସାକି ଆନେ □

୧୯ ସାମା ଏଟିବେଲା ଏଞ୍ଜାରି ମିଙ୍ଗେ ହେରପାନେରି, ମୀରୁ ନାହାଁୟି ଆନିବେଲା ଏନାଆଁ ଜଲିଦେରି ଅଡ଼େ ଏନିକ୍ ଜଲିଦେରି, ଏ କାତା ଅଣ୍‌ପାଆଦୁ, ଇତିହିଁ ମୀରୁ ଏନାଆଁ ଜଲିଦେରି ଏ ବେଲାଡେଏ ମିଙ୍ଗେ ଝେସ୍ତାନେସି □

୨୦ □ ଇତିହିଁ ମୀରୁ ଜଲିନାଡେରି ଆଏ, ଆବା ମାହାପୁରୁତି ସୁଦୁଜୀସୁ ମୀ ଗୁଡ଼ି ହାହାନା ହାଡ଼ା ଜଲିନେ, ଏଦି ଜଲିନାୟି □

☆ ୯:୩୬ ୯:୩୬ ମାର୍କ ୬:୩୪ ☆ ୯:୩୬ ୯:୩୬ ଲୁକ ୧୦:୨ ☆ ୧୦:୧୦ ୧୦:୧୦ ୧କର ୯:୧୪; ୧ଡ଼ିମ ୫:୧୮ ☆ ୧୦:୧୪ ୧୦:୧୪ କାମା ୧୩:୫୧
☆ ୧୦:୧୫ ୧୦:୧୫ ମାତି ୧୧:୨୪ ☆ ୧୦:୧୫ ୧୦:୧୫ ଲୁକ ୧୦:୪-୧୨ ☆ ୧୦:୧୬ ୧୦:୧୬ ଲୁକ ୧୦:୩ ☆ ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧, ୧୨; ୨୧:୧୨-୧୫ * ୧୦:୧୭ ୧୦:୧୭ ସିନଗଗ୍ ☆ ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୬

୨୧ ☆ତାହି ତାହିଙ୍କ ଆବା ମୀରୁଏଣାଙ୍କ ପାୟାଲି ହେରପିନେସି, ମାୟାକା, ମୀରୁକା ଏଞ୍ଜାରି ତାମି ଇୟା ଆବା କପାଟି ହଚାନା, ଏଞ୍ଜାରାଙ୍କ ପାୟିନେରି □

୨୨ ☆ଅଡେ ନା ଦରୁ ତାକି ମୀରୁ ବାରେତାଣା ଅପାଆ ଗାଟାତେରି ଆଦେରି, ସାମା ଆମ୍ବାଆସି ରାନ୍ତି ପାତେକା ସାସା ତଲେ ମାନେସି ଏଞ୍ଜାସି ଗେଲପି ଆନେସି □

୨୩ ସାମା ଏଞ୍ଜାରି ଏତିବେଲା ର ଗାଡାତା ମିଙ୍ଗେ ନିନ୍ଦା କିୟାନେରି, ଏତିବେଲା ଏଟକା ଗାଡାତା ହାଜୁ, ଇତିହିଁ ନାନୁ ମିଙ୍ଗେ ସାତା ଝେସିମାଞ୍ଜାଙ୍କ, ମୀରୁ ଇସାୟେଲତି ବାରେ ଗାଡାୟାତା କାମା ରାପୁଆ ନକେଏ ମାଣସି ମୀରୁଏସି ଝାନେସି □

୨୪ ☆“ସୀସୁ ତାନି ଗୁରୁ କିହାଁ ହଲେଏସି ସାଞ୍ଜୁକାରି କିହାଁ କାଜାସି ଆଏ □

୨୫ ☆ସୀସୁ ତାନି ଗୁରୁ ଅଡେ ହଲେଏସି ତାନି ସାଞ୍ଜୁକାରି ଲେହେଁ ଆତିହିଁ ଏଞ୍ଜାରାକି ସମାନା ଆନେ, ଏଞ୍ଜାରି ଇଲୁତି ସାଞ୍ଜୁକାରିଙ୍କ ବାଲ୍‌ଜିବୁଲ୍ ଇନେରି ଇତିହିଁ ଏଞ୍ଜାଣି ଇଲୁତି ଲକୁବାକାଆଁ ହାରେକା ପଲୁଆ କାତା ଜଲିନେରି □”

ଆମ୍ବାଆରାଙ୍କ ଆଜିନାୟି ?
(ଲୁକ ୧୨:୨-୭)

୨୬ ☆“ଏଦାଆଁତାକି ଲକୁଙ୍କ ଆଜାଆଦୁ; ଇତିହିଁ ଡଗୁମାନାୟି ଏନାୟିଝା ର ଦିନା ତଞ୍ଜାଆନେ, ଏଲେକ୍ ତଞ୍ଜାଆଆନା ଡଗୁମାନାୟି ଏନାୟିଝା ହିଲେଏ, ଇଞ୍ଜା ପୁଣ୍ଡି କିଞ୍ଚିଆଗାଟାୟି ଇଲେକ୍ ଏନାୟି ଡଗୁ ହିଲେଏ □

୨୭ ନାନୁ ମିଙ୍ଗ ଏନାଆଁ ଆନ୍ଦେରିତା ଝେସ୍ତାଙ୍କ ଏଦାଆଁ ଉଜେଡିତା ଝେହ୍‌ଦୁ, ଅଡେ ଏନାଆଁ ଡଗୁନା ଝେଞ୍ଜେରି ଏଦାଆଁ ଇଲୁ ତୁଡିୟା ଲାକ ହଚାନା ଝେହ୍‌ଦୁ □

୨୮ ଅଡେ ଆମ୍ବାଆରି ଝାରୁକ ଆଙ୍ଗାତି ପାୟିନେରି, ସାମା ଜୀଞ୍ଜୁତି ପାୟାଲି ଆଡଅରି, ଏଞ୍ଜାରାଙ୍କ ଆଜାଆଦୁ; ସାମା ଆମ୍ବାଆସି ମୀ ଜୀଞ୍ଜୁ ଅଡେ ଆଙ୍ଗା ବାରେତି ନକତା ନାସା କିହାଲି ଆଡିନେସି ଏଞ୍ଜାଣାଙ୍କ ଆଜାଦୁ □

୨୯ ରୀ ଜେତା ପଟାୟାଁ ର କାନି ତାକି ପାରପି ଆଡୁ କି ? ଅଡେ ମୀ ଲାକପୁରୁତି ଆବା ହେଲ ହୀଆତି ଏଞ୍ଜାସିକା ବିତ୍ତାଟି ରଣ୍ଡି ଜିକେଏ ଡୁଇ ଡର୍‌ଗେଏ □

୩୦ ସାମା ମୀ ତାୟୁଁ ତୁଁ ବାରେ ବାଣାୟାଁ ଜିକେଏ ଏଜିକିଞ୍ଚି ଆହାମାନୁ □

୩୧ ଏଦାଆଁତାକି ଆଜାଆଦୁ, ମୀରୁ ହାରେକା ଜେତା ପଟାୟାଁ ତାଣାଟି ମୀ ଦାରା ହାରେକା □”

ଲକୁ ନକିତା ଜୀସୁଙ୍କ ଝେକନାୟି
(ଲୁକ ୧୨:୫୧-୫୩; ୧୪:୨୭-୨୭)

☆ ୧୦:୨୨ ୧୦:୨୨ ମାତି ୨୪:୯; ମାର୍କ ୧୩:୧୩; ଲୁକ ୨୧:୧୭; ମାତି ୨୪:୧୩; ମାର୍କ ୧୩:୧୩ ☆ ୧୦:୨୪ ୧୦:୨୪ ଲୁକ ୭:୪୦; ଜହ ୧୩:୧୭; ୧୫:୨୦
☆ ୧୦:୨୫ ୧୦:୨୫ ମାତି ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫ ☆ ୧୦:୨୬ ୧୦:୨୬ ମାର୍କ ୪:୨୨; ଲୁକ ୮:୧୭ ☆ ୧୦:୩୩ ୧୦:୩୩ ୨ତିମ ୨:୧୨ ☆ ୧୦:୩୮ ୧୦:୩୮ ମାତି ୧୭:୨୪; ମାର୍କ ୮:୩୪; ଲୁକ ୯:୨୩ ☆ ୧୦:୩୯ ୧୦:୩୯ ମାତି ୧୭:୨୫; ମାର୍କ ୮:୩୫; ଲୁକ ୯:୨୪; ୧୨:୩୩; ଜହ ୧୨:୨୫ ☆ ୧୦:୪୦ ୧୦:୪୦ ଲୁକ ୧୦:୧୨; ଜହ ୧୩:୨୦; ମାର୍କ ୯:୩୭; ଲୁକ ୯:୪୮

୩୨ “ଅଡେ ଆମ୍ବାଆସି ଲକୁ ନକିତା ନାଙ୍ଗେ ଆବାନେସି, ଇଞ୍ଜା ନାନୁ ଜିକେଏ ନା ଲାକପୁରୁତି ଆବା ନକିତା ଆବିଙ୍କ □

୩୩ ☆ସାମା ଆମ୍ବାଆସି ଲକୁ ନକିତା ନାଙ୍ଗେ ଆବଅସି, ନାନୁ ଜିକେଏ ନା ଲାକପୁରୁତି ଆବା ନକିତା ଆବଅଁ □”

ହିଡଡି ପିସପେ କାଣ୍ଡା
(ଲୁକ ୧୨:୫୧-୫୩; ୧୪:୨୭-୨୭)

୩୪ “ନାନୁ ଦାରତିତା ହିଡଡି ହୀହାଲି ଝାହାମାଙ୍କ ଇଞ୍ଜିଁ ମନ କିଆଦୁ; ହିଡଡି ହୀହାଲି ଝାଆନା, କାଣ୍ଡା ହୀହାଲି ଝାହାମାଙ୍କ □

୩୫ ଇତିହିଁ ନାନୁ ଆବା କପାଟି ମୀରୁଏଣାଙ୍କ, ଅଡେ ଇୟାନି କପାଟି ମାଙ୍ଗା ଇଞ୍ଜା ପୟାନି କପାଟି କୁଡିୟାନି ଗଡହା କିହାଲି ଝାହାମାଙ୍କ □

୩୬ ଅଡେ ମାଣସିତି ତାମି ଇଲୁତି ଲକୁଏ ବାରେଜାଣା ତାନି ସାତୁ ଆନେରି □”

୩୭ “ଆମ୍ବାଆସି ଆବା କି ଇୟାନି ନା କିହାଁ ହାରେକା ଜୀଞ୍ଜୁ ନନେସି, ଏଞ୍ଜାସି ନା ସୀସୁ ଆୟାଲି ପାଡାଆଅସି, ଅଡେ ଆମ୍ବାଆସି ନିଜେତି ମାଙ୍ଗା କି ମୀରୁଏଣାଙ୍କ ହାରେକା ଜୀଞ୍ଜୁ ନନେସି ଏଞ୍ଜାସି ନା ସୀସୁ ଆୟାଲି ପାଡାଆଅସି □

୩୮ ☆ଆମ୍ବାଆସି ନିଜେତି କୁସ ଡେକାନା ନା ଡେଟ ଝାଅସି, ଏଞ୍ଜାସି ନା ସୀସୁ ଆୟାଲି ପାଡାଆଅସି □

୩୯ ☆ଆମ୍ବାଆସି ନିଜେତି ଜୀଞ୍ଜୁ ନୀଟହା କଡିନେସି ଏଞ୍ଜାସି ହାନେସି, ଅଡେ ଆମ୍ବାଆସି ନା ତାକି ନିଜେତି ଜୀଞ୍ଜୁ ହାନେସି, ଏଞ୍ଜାସି ନୀଡିନେସି □”

ଦାନା ପାଣ୍ଡନାୟି
(ମାର୍କ ୯:୪୧)

୪୦ ☆“ଆମ୍ବାଆସି ମିଙ୍ଗେ ଆବାନେସି, ଏଞ୍ଜାସି ନାଙ୍ଗେ ଆବାନେସି; ଆମ୍ବାଆସି ନାଙ୍ଗେ ଆବାନେସି, ଏଞ୍ଜାସି ନାଙ୍ଗେ ପାଣ୍ଡାତାଣାଙ୍କ ଆବିନେସି □

୪୧ ଆମ୍ବାଆସି ମାହାପୁରୁ ଅଣ୍ଡପୁତି ବଲୁ ଝେହ୍‌ନାରାଙ୍କ, ମାହାପୁରୁ ବଲୁ ଝେହ୍‌ନାରି ଇଞ୍ଜିଁ ଆବିନେସି, ଏଞ୍ଜାସି ଏ ବଲୁ ଝେହ୍‌ନାରି ଦାନା ବେଟା ଆନେସି, ଅଡେ ଆମ୍ବାଆସି କି ତୀରିଗାଟାରାଙ୍କ, ତୀରିଗାଟାସି ଇଞ୍ଜିଁ ଆବିନେସି ଏଞ୍ଜାସି ତୀରିଗାଟାରି ଦାନା ବେଟା ଆନେସି □

୪୨ ଅଡେ ଆମ୍ବାଆସି ନା ସୀସୁୟାଁ ବିତ୍ତାଟି ରଅଣାଙ୍କ ନା ସୀସୁ ଇଞ୍ଜିଁ ଗିନାତା ଏୟୁ ଗସାଲି ହାନେସି, ନାନୁ ମିଙ୍ଗେ ସାତା ଝେସିମାଞ୍ଜାଙ୍କ, ଏଞ୍ଜାସି ତାନି ଦାନାତି ଜାକ୍‌ଅସି □”



ଜହନତି କାରୁ ହୀନାରି
(ଲୁକ ୭:୧୮-୩୫)

୧ ଜୀସୁ ତାନି ବାରଜାଣା ସୀସୁୟାଁଇଁ ଇ ବାରେ ହେଲ ହାତି ତାମ୍ଭୁ ଗାଲିଲି ଦାରିତା ମାନି ନାସକାଣାଁ ହାଜାନା ମାହାପୁରୁତି ହାଡ଼ା ଜାପୁହିହିଁ ଝେସିହିଁ ଏ ଗାୟୁତି ହାଚେସି ।

୨ ଏତିବେଲା ବାପ୍ତିସ୍ମା* ହାନି ଜହନ କାୟିଦିତା ମାଞ୍ଜାନା କ୍ରୀସ୍ତୁତି କାମା କିହିମାନାଣି ଝେଞ୍ଜାନା ଏ ବାରେ ପୁଞ୍ଜାଲି ତାନି ସୀସୁୟାଁଣି ଜୀସୁ ତାଣା ପାଣ୍ଡିତେସି ।

୩ ଏଝାରି ହାଜାନା ଜୀସୁଇଁ ଝେଚେରି, “ଆମିନି ଲକୁ ଝାନ୍ଦେସି ଇଞ୍ଜିଁ ଜହନ ଝେସାମାଚେସି, ନୀନୁ କି ଏଝାତି ? କି ଅଡ଼େ, ଆମ୍ବାଆରି ତାକି କାଚାନା ଡ଼ୟିନମି ?”

୪ ଜୀସୁ ଏଝାରାଇଁ ଏଲେଇଚେସି, “ମୀରୁ ଝେଣ୍ଡା ହାଜାନା ଏନାଆଁ ଝେଞ୍ଜାମାଞ୍ଜେରି ଅଡ଼େ ମେସିମାଞ୍ଜେରି, ଜହନଇଁ ଝେହଦୁ ।

୫ କାଣାୟାଁ ମେସିମାନେରି, ସଗାୟାଁ ତାକି ମାନେରି, କାଜା ରଗ ଗାଚାରି ନେହିଁ ଆହିମାନେରି, ବେରାୟାଁ ଝେଞ୍ଜିମାନେରି, ହାଡ଼ାରି ନିଜିମାନେରି ଅଡ଼େ କାଞ୍ଜାଲା ଗାଚାରି ନେହିଁ କାବୁ ଝେଞ୍ଜିମାନେରି;

୬ ନା ତାଣା ଆମ୍ବାଆରି ଆନାମାନା ଆଅରି ଏଝାରି ନେହେଁ ।”

୭ ଜହନତି ସୀସୁୟାଁ ଝେଣ୍ଡାହାଜିମାତି ବେଲା ଜୀସୁ ଲକୁଇଁ ଜହନତି କାତା ଏଲେଇଚେସି, “ମୀରୁ ଲକୁ ହିଲାଆ ରାଜିତା ଏନାଆଁ ମେସାଲି ହାଜାମାଚେରି ? ଗାଲିତା ଦାକ୍ଷିନି ତାଣ୍ଡି ଆକୁ ?

୮ ଏନାଆଁ ଆଆତିହିଁ ଏନାଆଁ ମେସାଲି ହାଜାମାଚେରି ? ନେହିଁ ଅଜିତି ପାଡ଼ାଡ଼ା ହିମ୍ବୁରି ହୁଚାମାନି ର ଲକୁଇଁ ? ମେହଦୁ ଅଜିତି ହିମ୍ବୁରି ହୁଚିତି ଲକୁ ରାଜା ଗାଡ଼ାତା ଡ଼ୟିନେରି ।

୯ ଏନାଆଁ ଆଆତହିଁ ଏନାଆଁ ମେସାଲି ହାଜାମାଚେରି ? ଏନାଆଁ ର ମାହାପୁରୁ ଅଣ୍ଡୁପୁତି ବଲୁ ଝେହନାଣାଇଁ ? ନୀନୁ ମିଙ୍ଗେ ସାତା ଝେସିମାଞ୍ଜାଇଁ, ମାହାପୁରୁ ଅଣ୍ଡୁପୁତି ବଲୁ ଝେହନାରି କିହାଁ ହାରେକା କାଜାଣାଇଁ;

୧୦ ଇଚିହିଁ ଏ ଜହନତି କାତା ରାସକି ଆହାମାନେ, ମାହାପୁରୁ ଏଲେଇଞ୍ଜି ମାନେସି, ନା ତାକି ଜିରୁ କେପାଲି ନୀନୁ ନକେଏ ନା ଦୁଡୁଇଁ ପାଣ୍ଡାଇଁ, ଏଝାସିଏ ଇ ମାଣ୍ଡସି ।

୧୧ ନୀନୁ ମିଙ୍ଗେ ସାତା ଝେସିମାଞ୍ଜାଇଁ, ନୀଞ୍ଜୁ ପାତେକା ଇ ଦାରୁତିତା ଏଚେକା ଜାର୍ନା ଆହାମାନେରି, ଏ ବାରେଜାଣା କିହାଁ ବାପ୍ତିସ୍ମା† ହାନି ଜହନ କାଜାସି; ଆଡ଼ିଜିକେଏ ଲାକପୁରୁ ରାଜିତା ଆମ୍ବାଆସି ବାରେକିହାଁ ଉଣା, ଏଝାସି ଜହନ କିହାଁ କାଜାସି ।

୧୨ ✠ବାପ୍ତିସ୍ମା‡ ହାନି ଜହନତି କାତା ଝେହନି ଦିନାଟିଏ ନୀଞ୍ଜୁପାତେକା ଲାକପୁରୁ ରାଜି ବାଡ଼ୁୟୁ ତଲେ ପାତାଆହିମାନେ; ଇଞ୍ଜାଁ ବାଡ଼ୁୟୁଟି ଆସାମାନାରି ଏନାଆଁ ବେଟାଆହାଲି ଅଣ୍ଡପିମାନେରି ।

୧୩ ଇଚିହିଁ ବାରେ ମସାତି ମେରାତା ଅଡ଼େ ମାହାପୁରୁ ଅଣ୍ଡପୁତି ବଲୁ ଝେହନାରି ତାଣା ଜହନତି ଝାନ୍ଦି ଦିନା ପାତେକା ଝେସପି ଆହାମାଚେ ।

୧୪ ✠ଅଡ଼େ ମୀରୁ ଏଝାରି କାତା ଆସାଲି ମୀ ମନ ମାଚିହିଁ ଆମିନି ଏଲିୟ ଝାନ୍ଦାୟି ମାଚେ ଜହନଏ ଏଝାସି ।

୧୫ ଆମ୍ବାଆରି କାର୍ନା ମାନୁ ଏଝାସି ଝେଣ୍ଡାସି ।”

୧୬ “ସାମା ନାନୁ ଆମ୍ବାରିତଲେ ଇ ଜୁଗୁତି ଲକୁଣି ତୁକଇଁ, ଆମିନି ହାଡ଼ା ମାଦି କୁଗାନା କାହି ଡ଼ୟିନି କକାରି ଲେହେଁ, ର ଗଚିତି କକାରି ଅର ଗଚିତି ଏଲେଇନେରି,

୧୭ ମାମ୍ବୁମୀ ନକିତା ପୀରୁଡ଼ି ଉକିତମି, ସାମା ମୀରୁ ଏନାଆତେରି; ମାମ୍ବୁଦୁକୁତି ପାରୁ ପାଡ଼ିତମି ସାମା ମୀରୁ ଡ଼ାଆତେରି, ନୀଏତି ଲକୁ ଏଲେତାରି ।

୧୮ ଇଚିହିଁ ଜହନ ଝାହାନା ରାନ୍ଦା ତିନାଆତେସି ଅଡ଼େ ଲକୁ ଏଝାଣାଇଁ ଏଲେଇଚେରି ବୁଡୁ ଆଲଗାମାନାସି ।

୧୯ ସାମା ମାଣ୍ଡସି ମୀରୁଏସି ଝାହାନା ରାନ୍ଦା ତିଚେସି ଉଚେସି, ଇଞ୍ଜାଁ ଲକୁ ବାରେଜାଣା ଏଲେଇଚେରି, ଇଝାସି ଚିଣ୍ଡିକାସୁ, କାଡ଼ବୁଡୁ, ଏଝାସି ସିସୁରୁହନାରି ଅଡ଼େ ପାପୁ ଗାଚାରି ତଣେଏସି; ସାମା ମାହାପୁରୁତି ବୁଦି ଏଝାଣି କାମାଟି ସାତା ଇଞ୍ଜିଁ ଝେଜିନେ ।”

**ନାମାଆଗାଟି ଗାଡ଼ାୟାଁ
(ଲୁକ ୧୦:୧୩-୧୫)**

୨୦ ଏତିବେଲା ଆମିନି ଗାଡ଼ାତା ହାରେକା କାବାଆନି କାମା କିଝି ଆହାମାଚେ, ଏ ଗାଡ଼ାତି ଲକୁ, ତାନି ପାପୁଟି ତାମା ମନ ଝେଚୁହା ହିଲାଆତେରି, ଇଞ୍ଜାଁ ଜୀସୁ ଏ ଗାଡ଼ାୟାଁତି ଲକୁଇଁ ଦାକା ହାହାନା ଏଲେଇଚେସି,

୨୧ ଆୟତା ତଣ୍ଡ ପାଣ୍ଡିନି କରାଜିନ୍ ଅଡ଼େ ବେଡ଼ସାୟିଦା, ଏନାଆଁତାକି ଇଚିହିଁ ମୀ ତାଣା ଆମିନି ବାଡ଼ୁୟୁତି କାମା କିଝିଆହାମାନେ, ଏ ବାରେ ସର ଅଡ଼େ ସିଦନତା କିଝି ଆହାମାଚିହିଁମା; ଏମ୍ବାତି ଲକୁ ଆକାମାତା ବାସ୍ତାୟାଁ ପରହାନା ଦାରମ୍ବୁଡ଼ା କୁଗାନା ମନ ଝେଚୁହାଲି ଅଣ୍ଡପିତେରିମା

୨୨ ଆଡ଼ିଜିକେଏ ନୀନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁତି ନୀହାଁୟି ଦିନାତା ମୀ ତଣ୍ଡ କିହାଁ ସର ଅଡ଼େ ସିଦନତି ତଣ୍ଡ ଅରୁହିନାୟି ଆନେ ।

୨୩ ଏ କପରନାହୁମ, ନୀନୁ ଏନାଆଁ ଲାକପୁରୁ ପାତେକା ପାତାଆଦି ? ନୀନୁ ହାଡ଼ାରି ମାନି ରାଜିତା ଅଝିଆଦି, ନୀ ତାଣା ଆମିନି ବାଡ଼ୁୟୁତି କାମା କିଝିଆହାମାନେ, ଏନାଆଁ ସଦମତା କିଝିଆଡ଼ିହିଁମା, ଏ ଗାଡ଼ା ନୀଞ୍ଜୁପାତେକା ଡ଼ୟିତେମା ।

୨୪ ✠ଆଡ଼ିଜିକେଏ ନୀନୁ ମିଙ୍ଗେ ଝେସିମାଞ୍ଜାଇଁ “ମାହାପୁରୁତି ନୀହାଁୟି ଦିନାତା ମୀ ତଣ୍ଡ କିହାଁ ସଦମ ଦେସାତି ତଣ୍ଡ ଅରୁହିନାୟି ଆନେ ।”

* ୧୧:୨ ୧୧:୨ ମୁଞ୍ଜିନାୟି † ୧୧:୧୧ ୧୧:୧୧ ମୁଞ୍ଜିନାୟି ✠ ୧୧:୧୨ ୧୧:୧୨ ଲୁକ ୧୭:୧୭ ‡ ୧୧:୧୨ ୧୧:୧୨ ମୁଞ୍ଜିନାୟି ✠ ୧୧:୧୪ ୧୧:୧୪ ମାତି ୧୭:୧୦-୧୩; ମାର୍କ ୯:୧୧-୧୩ ✠ ୧୧:୨୪ ୧୧:୨୪ ମାତି ୧୦:୧୫; ଲୁକ ୧୦:୧୨

ନା ତାଣା ଖାହାନା ଜମାଦୁ
(ଲୁକ ୧୦:୨୧-୨୨)

୨୫ ଏ ବେଳାତା ଜୀସୁ ପ୍ରାତାନା କିହି ଏଲେଇରେସି;
“ଏ ଆବା, ଲାକପୁରୁ ଅଡ଼େ ଦାରତିତି ପ୍ରବୁ, ଈ ବାରେ
ହାତା ନୀନୁ ବୁଦି ଅଡ଼େ ପୁନି ଲକୁତାଣାଟି ତୁଲୁହା ଇଟାନା,
ଈ ବାରେ କାତା ପୁନାଆଗାଟି ଲକୁତାଣା ତସିମାନାକି ନୀନୁ
ନିଜ ଜହରା କିହିମାଜାଇଁ □

୨୬ ହାଅ ଆବା, ଈଦି ନୀ ନକିତା ରାହାଁତି କାତା
ଆହିମାନେ □”

୨୭ ✨ “ନା ଆବା ନାଜେ ବାରେ ହାହାମାଜାନେସି, ଆବା
ପିସପେ ଆମ୍ବାଆରି ମୀରଏଣାଇଁ ପୁନଅରି ଅଡ଼େ ମୀରଏଣା
ପିସପେ ଆମ୍ବାଆରି ଆବାଇଁ ପୁନଅରି, ମୀରଏସି ଆମ୍ବାଆରି
ତାଣା ତହୁନେସି ଏଞ୍ଜାସି ପୁନେସି □”

୨୮ “ଏ ଖାହୁ ରାତା ଗାଟି ଲକୁ, ବାରେ ନା ତାଣା ଖାଦୁ,
ନୀନୁ ମିଜେ ଜମିକିୟାଇଁ □

୨୯ ନା ଜୁଖେଡ଼ି ମୀ ବମିତା ଡେକାନା ନା ତାଣାଟି
ଜାପାଦୁ, ଇଚିହିଁ ନୀନୁ କପା କାରବି ହିଲାଆନା ସୁଦୁ
ହିୟା ଗାଟାତେଏଁ, ଈଜାଁ ମୀରୁ ନା ତାଣାଟି ମୀ ଜୀଝୁତା
ଜମିଦେରି;

୩୦ ଇଚିହିଁ ନା ଜୁଖେଡ଼ି ଉସାସା ଅଡ଼େ ବଜୁ ଉଶା
ମାନେ □”

୧୨

ଜମିନି ଦିନାତି ମାନି
(ମାର୍କ ୨:୨୩-୨୮; ଲୁକ ୬:୧-୫)

୧ ଏଚରଦିନା ତାୟୁ ର ଜମିନି ଦିନାତା ଜୀସୁ ଗହଁ
ଗୁଡ଼ିୟାଟି ହାଜିମାରେସି, ଈଜାଁ ତାନି ସୀସୁୟାଁ ହାକି
ଆହାମାଚାକି ଗହଁ ଜେକା ତାପହାନା ତିଜାଲି ମାଟହେରି
□

୨ ସାମା ପାରୁସିୟାଁ ଏଦାଆଁ ମେସାନା ଜୀସୁଇଁ
ଏଲେଇଚେରି, “ମେହୁମୁ ଜମିନି ଦିନାତା ଏନାଆଁ କିନି
ମେରା ହିଲେଏ, ଏଦାଆଁ ମୀ ସୀସୁୟାଁ କିହିମାନେରି □”

୩ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ର ଦିନା
ଦାଝୁଦ ଅଡ଼େ ତାନି ତଣେସିଜା ହାକି ଆହାଲିଏ ଏନାଆଁ
କିହିମାଚେରି, ମୀରୁ ସାସ୍ତେରିତା ପଡ଼ଝି ଆହାହିଲଅତେରି
?”

୪ ଏଞ୍ଜାସି ଏନିକିହିଁ ମାହାପୁରୁ ଇଲୁତା ହତାନା ଆମିନି
ମାହାପୁରୁକି ହେରପାମାନି ରୁଟି ପୂଜେରାଜା ପିସପେ
ଆମ୍ବାଆରି ତିନାଆଗାଟି ମେରା ମାଚେ, ସାମା ଦାଝୁଦ ଅଡ଼େ
ତାନି ତଣେସିଜା ତିନାଆଗାଟାୟି ମାଚେ, ଏଦାଆଁ ଏଞ୍ଜାରି
ତିଚେରି □

୫ ଅଡ଼େ ଜମିନି ଦିନାତା ମାହାପୁରୁ ଇଲୁ ବିତ୍ରା
ପୂଜେରାଜା ମେରା ଉରିତି ଜିକେଏ ଦହଗାଟାରି ଆଅରି,
ମୀରୁ ଏନି ଏଦାଆଁ ପଡ଼ଝି ଆହାହିଲଅତେରି କି ?

୬ ସାମା ନୀନୁ ମିଜେ ସାତା ଝେସିମାଜାଇଁ, ଈ ଟାୟୁତା
ମାହାପୁରୁ ଇଲୁ କିହିଁ ହାରେକା କାଜାୟି ଇମ୍ବାଆଁ ମାନେ □

୭ ✨ “ସାସ୍ତେରି ଝେସିମାନେ, ସାମା ପୂଜା ହୀନାୟି
ଲଡ଼ାଆଏ, ସାମା ଲକୁଣି କାର୍ମାମେହନାୟି ନେହେଁ, ଈଦାଣି
କାତା ମୀରୁ ପୁଞ୍ଜାମାଚିହିଁ ମା ଈ ଦହ ହିଲାଆ ଗାଟାଣାଇଁ
ଦହ କିଆତେରିମା;

୮ ଇଚିହିଁ ମାଣସି ମୀରଏସି ଜମିନି ଦିନାତି ପ୍ରବୁ
ଆନେସି □”

ଖାୟିତି କେୟୁଗାଟାସି ନେହିଁ ଆନାୟି
(ମାର୍କ ୩:୧-୬; ଲୁକ ୬:୬-୧୧)

୯ ଜୀସୁ ଏମ୍ବାଟି ହାଜାନା ଜୀହୁଦି ଲକୁଡ଼ି କୁଟମି ଇଲୁତା*
ହାଚେସି □

୧୦ ଅଡ଼େ ମେହୁମୁ ଏମ୍ବାଆଁ ରଅସି ମାଚେସି, ଏଞ୍ଜାଣି ର
କେୟୁ ଖାୟାହାଜାମାଚେ, ଜୀସୁଇଁ ଦହ ଆସାଲି ଏଚେକା
ଲକୁ ଏମ୍ବାଆଁ କାଟାମାଚେରି, ଏଞ୍ଜାରି ଜୀସୁଇଁ ଝେଚେରି,
“ଜମିନି ଦିନାତା ନେହିଁ କିନାୟି ମେରା ମାନେକି ?”

୧୧ ✨ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀ ବିତ୍ରା
ରଅଶାକି ର ମେଣ୍ଡା ମାନେ, ଏମ୍ବାଟିଏ ଜମିନି ଦିନାତା ଏ
ମେଣ୍ଡା ଗାଡ଼ୟୁତା ତରଗିନେ, ଈଜାଁ ଆମ୍ବାଆସି ଏଦାନି
ନିକଅସି, ଈଲେତି ଲକୁ ଆମ୍ବାଆସି ମୀ ବିତ୍ରା ମାନେସି ?

୧୨ ଆତିହିଁ ର ମେଣ୍ଡାଟି ଦାରା କିହିଁ ମାଣସିତି ଦାରା
ହାରେକା □ ଏଦାଆଁତାକି ଜମିନି ଦିନାତା ନେହିଁ କାମା
କିନାୟି ମେରାତି କାମା □”

୧୩ ଏଚିବେଲା ଏଞ୍ଜାସି କେୟୁ ଖାୟିତାଣାଇଁ
ଏଲେଇଚେସି, “କେୟୁ ଦାହୁମୁ □”

ଈଜାଁ ଏଞ୍ଜାସି ଏ କେୟୁ ଦାସ୍ତେସି ଏମ୍ବାଟିଏ ଏ କେୟୁ ଅର
କେୟୁଲେହେଁ ନେହିଁ ଆଡ଼େ □

୧୪ ସାମା ପାରୁସିୟାଁ ପାଜାତା ହାଜାନା ଜୀସୁଇଁ ପାୟାଲି
ଏଞ୍ଜାଣି କପାଟି ପାରୁ ପାରିଚେରି □

ମାହାପୁରୁ ଆଚାମାନି ହଲେଏସି

୧୫ ଜୀସୁ ଏଦାଆଁ ପୁଞ୍ଜାନା ଏମ୍ବାଟି ଏଚକା ଆହାନା
ହଚାହାଚେସି, ଈଜାଁ ହାରେକା ଲକୁ ତାନି ଜେଟ ହାଚେରି,
ଅଡ଼େ ଏଞ୍ଜାସି ବାରେଜାଣାଟି ରଗଟି ନେହିଁ କିଚେସି □

୧୬ ଈଜାଁ ତାଜେ ଲକୁଇଁ ଝେକ୍‌ଆଦୁ ଈଜାଁ ହୁକୁମି
ହୀଚେସି □

୧୭ ଏନିକିହିଁ ମାହାପୁରୁ ଅଣପୁତି ବଲୁ ଝେହୁନି
ଜିସାୟିତି କାତା ସାତା ଆନେ,

୧୮ “ମେହୁମୁ ନା ହଲେଏସି, ଆମ୍ବାଆରାଇଁ ନୀନୁ
ଆଚାମାଇଁ;

ଏଞ୍ଜାସି ନା ଜୀଝୁତି ମୀରଏସି, ଆମ୍ବାଆରିତାଣା ନା
ହାରେକା ରାହାଁ ମାନେ;

ନୀନୁ ଏଞ୍ଜାଣିଲାକ ନା ସୁଦୁଜୀଝୁ ହୀଇଁ,

✨ ୧୧:୨୬ ୧୧:୨୭ ଜହ ୩:୩୫; ଜହ ୧:୧୮; ୧୦:୧୫ ✨ ୧୨:୬ ୧୨:୭ ମାତି ୯:୧୩ * ୧୨:୯ ୧୨:୯ ସିନଗଲ ✨ ୧୨:୧୧ ୧୨:୧୧ ଲୁକ ୧୪:୫

ଅଡ଼େ ଏଝାସି ଜାହୁଦିଆଆତି ଲକୁତାଣା ନୀହାଁୟିତି
 କାତା ଝେକନେସି □
 ୧୯ ଏଝାସି ଗଡ଼ହା କିଅସିକି କାଲଝି ଆଅସି,
 ଇଞ୍ଜା ଆଂଗେଣିତା ଏଝାଣି ହାଡ଼ା ଆମ୍ବାଆରି
 ଝେନଅରି □
 ୨୦ ନୀହାଁୟିତା ଜାଣା ଆଆପାତେକା,
 ଏଝାସି ଝାୟିତି ତାଣ୍ଡିତି ଡିକଅସି
 ବୟ୍ ଆହ୍ ଡ଼ାଞ୍ଜିମାନି ଦାଝିତି ତୁପଅସି □
 ୨୧ ଅଡ଼େ ଏଝାଣି ଦରୁତା ଜାହୁଦିଆଆତି ଲକୁ ବାସ୍ତୁ
 ଇଚିନେରି □”

ଜୀସୁ ଅଡ଼େ ବାଲ୍‌ଜିବୁଲ୍ ବୃତ୍ତ
 (ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ର ଦିନା ଲକୁ ବୃତ୍ତ ଆଲ୍‌ଗାମାଚି ର କାଣାଈଁ ତାତେରି
 ଏଝାଣାଈଁ ବୃତ୍ତ ଆଲ୍‌ଗା ମାଚାକି ଗୁଲ୍ଲା ଆହାମାଚେସି □
 ଜୀସୁ ଏଝାଣାଈଁ ନେହ୍ କିତେସି; ଇଞ୍ଜା ଏଝାସି ମେସାଲି
 ଅଡ଼େ ଜଲ୍ଲାଲି ଆଡ଼ିତେସି □

୨୩ ଇଞ୍ଜା ଲକୁ ବାରେ କାବାଆହାନା ଏଲେଇଚେରି,
 “ଇଝାସି ଏନାଆଁ ଏ ଦାଝୁଦ କୃତାତାସି ଆଏକି ?”

୨୪ *ପାରୁସିୟାଁ ଇ କାତା ଝେଞ୍ଜାନା ଏଲେଇଚେରି, ଇ
 ମାଣ୍ଡସି ବୃତ୍ତୟାଁ କିହାଁ କାଜା ବାଲ୍‌ଜିବୁଲ୍ ବୃତ୍ତ ହିଲ୍ଲାଆନା
 ବୃତ୍ତୟାଁ ପେରଅସି □

୨୫ ସାମା ଜୀସୁ ପାରୁସିୟାଁ ମନତି ଅଣ୍ପୁ ପୁଞ୍ଜାନା
 ଏଝାରାଈଁ ଏଲେଇଚେସି, “ର ରାଜି ତାନୁ ତାନୁଏ ଆସପି
 ଆହାନା ରା ବାଗା ତାନି ବାଗା ଆଡ଼ିସାରେ ଏ ରାଜି ଅଡ଼େ
 ତାରିତଲେ ମାଞ୍ଜାଲି ଆଡ଼େଏ, ଇଞ୍ଜା ର ଗାଡ଼ା କି ର ଇଲ୍ଲୁ
 କୁଟମି ତାମ୍ବୁତାମ୍ବୁ ଆସପି ଆହାନା ବାଗା ଆଡ଼ିସାରେ
 ତାରିତଲେ ମାଞ୍ଜାଲି ଆଡ଼େଏ □

୨୬ ଇଞ୍ଜା ସୟତାନ ସୟତାନଈଁ ପିସପି କିନେ ଆତିହ୍
 ଏଡ଼ି ବାଗା ଆହାନା ତାନି କପାଟି ନିଞ୍ଜିତେୟିଏ, ଆତିହ୍
 ଏଦାନି ରାଜି ଏନିକ୍ ତାରିଆହାଁ ଡ଼ୟିନେ ?

୨୭ ମାରୁ ଏଲେଇଞ୍ଜିମାଞ୍ଜେରି, ନାନୁ ପଲ୍‌ଆ ବୃତ୍ତୟାଁ
 ବାଲ୍‌ଜିବୁଲ୍ ତଲେ ବୃତ୍ତୟାଁ ପିସପି କିହିମାଈଁ, ଆତିହ୍
 ମୀ ମୀରକା ଆମ୍ବାଆରି ବାଡ଼ୟୁ ତଲେ ବୃତ୍ତୟାଁ ପେରନେରି
 □ ଇଦାଆଁତାକି ଏଝାରିଏ ମୀ ନୀହାଁୟି କିୟାନାରି ଆଡ଼ନେରି

୨୮ ସାମା ନାନୁ ମାହାପୁରୁ ଜୀଝୁତି ବାଡ଼ୟୁ ତଲେ ବୃତ୍ତୟାଁ
 ପେରହି ମାଈଁ, ଆତିହ୍ ମାହାପୁରୁତି ରାଜି ମୀ ତାଣା
 ଏଦାତେୟିଏ □”

୨୯ “ଇଞ୍ଜା ଆମ୍ବାଆସି ର ବାଡ଼ୟୁଗାଟି ଲକୁଈଁ ତଲିଏ
 ଦହଆନା, ଏନିକିହ୍ ଏଝାଣି ଇଜ ହଡ଼ାନା ତାନି ଇଲ୍ଲୁ
 କାଣ୍ଡା ବାରେ ସରୁ ଅୟାଲି ଆଡ଼ିନେସି ? ଏଝାଣାଈଁ ତଲିଏ
 ଦସ୍ତୁହ୍ ଦେ ଏଝାଣି ଇଲ୍ଲୁ କାଣ୍ଡା ସରୁ ଆହାଲି ଆଡ଼ିନେସି
 □”

୩୦ *ଆମ୍ବାଆସି ନା ଝାକିଟି ଆଆଗାଟାସି, ଏଝାସି ନା
 ସାତୁ, ଇଞ୍ଜା ଆମ୍ବାଆସି ନା ତଲେ କୃତି କିଅସି ଏଝାସି
 ଆଲ୍ଲାରା କିନେସି □

୩୧ ଇଦାଆଁତାକି ନାନୁ ମିଙ୍ଗେ ଝେସିମାଞ୍ଜାଈଁ, ମାଣ୍ଡସି
 ଲକୁତି ବାରେ ପାପୁ ଅଡ଼େ ଲାଗେଏ ପଲେଏଟି ଲକୁଣି
 ନିନ୍ଦା କାତା ଜଲ୍ଲାମାନାଣି ମ୍ଲେକହା ତୁସପିଆଡ଼େ, ସାମା
 ମାହାପୁରୁତି ସୁଦୁଜୀଝୁ ଦରୁତଲେ ଜଲ୍ଲିନାଣା ପାପୁ
 ମେଣ୍ଡାଈଁ କିଝିଆଏ □

୩୨ *ଅଡ଼େ ଆମ୍ବାଆସି ମାଣ୍ଡସି ମୀରଏଣା କପାଟି
 ଜଲ୍ଲିନେସି, ଏଝାଣି ପାପୁ ମେଣ୍ଡାଈଁ କିଝିଆଡ଼େ, ସାମା
 ଆମ୍ବାଆସି ମାହାପୁରୁତି ସୁଦୁଜୀଝୁତ କପାଟି ଜଲ୍ଲିନେସି, ଇ
 କାଲ୍ଲାତା କି ତାୟୁ କାଲ୍ଲାତା ଜିକେଏ ଏଝାଣି ପାପୁ ମେଣ୍ଡାଈଁ
 କିଝିଆଏ □”

ମାରୁ ଅଡ଼େ ତାନି ପାଡ଼େୟି
 (ଲୁକ ୬:୪୩-୪୫)

୩୩ *ମାରୁନୁତି ନେହାୟି ଇଞ୍ଜୁ ଅଡ଼େ ତାନି ପାଡ଼େୟିତି
 ନେହାୟି ଇଞ୍ଜୁ, ଆଆତ୍ ମାରୁନୁତି ଲାଗେଏତାୟି ଇଞ୍ଜୁ
 ଅଡ଼େ ତାନି ପାଡ଼େୟିତି ଲାଗେଏତାୟି ଇଞ୍ଜୁ, ଇଚିହ୍
 ପାଡ଼େୟି ତଲେ ମାରୁନୁତି ପୁଣ୍ଡାକି ଆଡ଼େ □

୩୪ *ଆଡ଼େ ରାସ୍‌କା କୃତାତେରି, ମୀରୁ ପଲ୍‌ଆ
 ଗାଟାତେରି ଆହାଁ ଏନିକ୍ ମୀରୁ ନେହ୍ ହାଡ଼ା ଝେସାଲି
 ଆଡ଼ିଦେରି ? ଇଚିହ୍ ହିୟାଁତା ମାନି କାତା ଗୁତି
 ଜଲ୍ଲିମାନେ □

୩୫ ନେହ୍ ଲକୁ ନେହ୍ ମନ ବିତ୍ରାଟି ନେହ୍ କାତା
 ହପ୍‌ନେସି, ଇଞ୍ଜା ପଲ୍‌ଆ ଗାଟାସି ପଲ୍‌ଆ ମନ ବିତ୍ରାଟି
 ପଲ୍‌ଆ କାତା ହପ୍‌ନେସି □”

୩୬ “ସାମା ନାନୁ ମିଙ୍ଗେ ସାତା ଝେସିମାଞ୍ଜାଈଁ,
 ବାରେଜାଣା ତାମ୍ବୁ ଝେସାମାନି ଉଜେଏତି କାତାତାକି
 ବିଚାରା କିନି ଦିନାତା ଏମ୍ବାତି କାତା ଜଲ୍ଲିନେରି;

୩୭ ଇଦାଆଁତାକି ମୀ ଗୁତିତି ହାଡ଼ାତଲେ ନୀହାଁୟି
 ଦିନାତା ମୀରୁ ଦହ ଗାଟାତେରି ଅଡ଼େ ଦହ
 ହିଲ୍ଲାଆଗାଟାତେରି ଆଡ଼େରି □”

ସିନା ପାରିନାୟି
 (ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ *ଏଚିବେଲ୍ଲା ମେରା ପୁନାରି ଅଡ଼େ ପାରୁସିୟାଁ ବିତ୍ରାଟି
 ଏଚରଜାଣା ଜୀସୁଈଁ ଏଲେଇଚେରି, “ଗୁରୁ, ମାମ୍ବୁ ନୀ
 ତାଣାଟି ର କାବାଆନି ସିନା ମେସାଲି ଅଣ୍ପିମାନମି □”

୩୯ *ସାମା ଜୀସୁ ଏଝାରାଈଁ ଏଲେଇଚେସି, “ପଲ୍‌ଆ
 ଗାଟାରି ଅଡ଼େ ମାହାପୁରୁଈଁ ନାମାଆ ଗାଟାରିଦେହେଁ
 ସିନାୟାଁ ପାରିନେରି, ସାମା ମାହାପୁରୁ ଅଣ୍ପୁତି ବଲ୍ଲୁ
 ଝେହ୍‌ନି ଜୁନସତି ସିନା ପିସପେ ଏଝାରିକି ଏଡ଼ି ସିନା
 ହାପ୍‌କି ଆଏ □

* ୧୨:୨୪ ୧୨:୨୪ ମାତି ୯:୩୪; ୧୦:୨୫ * ୧୨:୩୦ ୧୨:୩୦ ମାର୍କ ୯:୪୦ * ୧୨:୩୨ ୧୨:୩୨ ଲୁକ ୧୨:୧୦ * ୧୨:୩୩ ୧୨:୩୩ ମାତି ୭:୨୦;
 ଲୁକ ୬:୪୪ * ୧୨:୩୪ ୧୨:୩୪ ମାତି ୩:୭; ୨୩:୩୩; ଲୁକ ୩:୭; ମାତି ୧୫:୧୮; ଲୁକ ୬:୪୫ * ୧୨:୩୮ ୧୨:୩୮ ମାତି ୧୭:୧; ମାର୍କ ୮:୧୧; ଲୁକ
 ୧୧:୧୭ * ୧୨:୩୯ ୧୨:୩୯ ମାତି ୧୭:୪; ମାର୍କ ୮:୧୨

୪୦ ଇଚିହଁ ଜୁନସ ଏନିକଁ ତାନିଦିନା ତାନି ଲାଆଁୟାଁ କାଜା ମାନୁ ବାଣ୍ଡି ବିତ୍ରା ମାଚେସି, ଏଲେକଁ ମାଣ୍ଡିସି ମୀରଏସି ଜିକେଏ ବୁମି ବିତ୍ରା ତାନିଦିନା ତାନି ଲାଆଁୟାଁ ଡୟିନେସି □

୪୧ ନାହାଁୟି ଦିନାତା ନିନିବିତି ଲକୁ ଇ କାଲାତି ଲକୁ ନକିତା ନିଚାନା ଏଞ୍ଜାରାଇଁ ଦହ କିନେରି, ଇଚିହଁ ଏଞ୍ଜାରି ଜୁନସ ଝେସ୍ତି କାତା ଆସାନା ପାପୁଟି ମନ ଝେଟହା ମାଚେରି, ଅଡେ ମେହଦୁ ଜୁନସକିହାଁ କାଜାସି ଇମ୍ବାଆଁ ମାନେସି □

୪୨ ନାହାଁୟି ଦିନାତା ସିବା ଦେସାତି ରାଣି ଇ କାଲାତି ଲକୁ ନକିତା ନିଚାନା ଏଞ୍ଜାରାଇଁ ଦହ କିନେ, ଇଚିହଁ ସଲମନତି ବୁଦିତିକାତା ଝେଞ୍ଜାଲି ଦାରତିତି ହେକ ଦେସାତି ଖାହାମାଚେ, ଇଞ୍ଜା ମେହଦୁ ସଲମନକିହାଁ କାଜା କାତା ଇମ୍ବାଆଁ ମାନେ □”

ଲାଗେଏ ପଲେଏତି ବୁତୁ ଝେଣ୍ଡାଞ୍ଜାନାୟି
(ଲୁକ ୧୧:୨୪-୨୬)

୪୩ “ର ପଲୁଆ ବୁତୁ ର ମାଣ୍ଡିସି ତାଣାଟି ହଡା ହାଜାନା ଏମୁ ହିଲାଆ ଗାୟୁ ବାରେ ରେଜିହଁ ଜମାଲି ଗାୟୁ ପାରିଚେ, ଇଞ୍ଜା ଏଦାଆଁ ପୁଃଆଚେ,

୪୪ ଏଚେଟିଏ ଏଡି ଏଲେଇନେ, ନାନୁ ଆମିନି ଇଲୁଟି ହଡା ଖାହାମାଇଁ, ନା ଏ ଇଲୁତା ଝେଣ୍ଡେ ହାଇଁ; ଇଞ୍ଜା ଝେଣ୍ଡା ଖାହାନା ଖାରଆଣି ଇଞ୍ଜା ଅଜିତାଣି ମେହନେ □

୪୫ ଏଚିବେଲା ଏଡି ହାଜାନା ତାନିକିହାଁ ଆଗାଡା ପଲୁଆଗାଟି ସାତାଗଟା ଜୀଝୁୟାଁ ଆସାନା ଖାନ୍ଦେ, ଇଞ୍ଜା ଏଞ୍ଜି ବାରେ ଏମ୍ବାଆଁ ହଡାନା ବାସା କିନୁ, ଅଡେ ଏ ଲକୁତି ତଲିତି କସ୍ତ କିହାଁ ତାୟୁତି କସ୍ତ ହାରେକା ଆନ୍ଦେ, ଇ କାଲାତି ପଲୁଆ ଗାଟାରାକି ଜିକେଏ ଏଲେଆହଁ ଏ ଆନ୍ଦେ □”

ଜୀସୁତି ଇୟା ଅଡେ ତାୟିୟାଁ
(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜୀସୁ ବାରେ ଲକୁଇଁ ହାଡା ଆହିମାଚାଟି ତାମି ଇୟା ଅଡେ ତାୟିୟାଁ ପାଙ୍ଗାତା ନିଚାନା ହାଡା ଆହାଲି ମନ କିହିମାତୁ □

୪୭ ଏଚେଟିଏ ରଅସି ଖାହାନା ଜୀସୁଇଁ ଏଲେଇଚେସି, “ମେହଦୁ ମୀ ଇୟା ଅଡେ ନୀ ତାୟିୟାଁ ପାଙ୍ଗାତା ନିଚାନା ହାଡା ଆହାଲି ମନ କିହିମାନେରି □”

୪୮ ସାମା ଇ କାତା ଝେସ୍ତାଣାଇଁ ଜୀସୁ ଏଲେଇଚେସି, “ଆମ୍ବାଆୟି ନା ଇୟା ଇଞ୍ଜା ଆମ୍ବାଆରି ନା ତାୟିୟାଁ ?”

୪୯ ଅଡେ ସୀସୁୟାଁ ଖାକି କେୟୁ ଦାସାନା ଏଲେଇଚେସି, “ମେହଦୁ ମାୟା ଇଞ୍ଜା ମା ତାୟିୟାଁ,

୫୦ ଇଚିହଁ ଆମ୍ବାଆୟି ଜିକେଏ ନା ଲାକପୁରୁତି ଆବା କାତା ଆହନେସି ଏଞ୍ଜାସି ନା ତାୟି ଏଡି ନା ତାଙ୍ଗି ଅଡେ ମା ଇୟା □”

୧୩

ବିଚା ମାଟିନାଣି ପୁଣ୍ଡିକିନି କାତା
(ମାର୍କ ୪:୧-୯; ଲୁକ ୮:୪-୮)

୧ ଏ ଦିନା ଜୀସୁ ଇଲୁଟି ହଡା ହାଜାନା ସାମଦୁରି ତାକିତା ଲକୁଇଁ ଜାପୁହାଲି କୁଗିଚେସି □

୨ *ଏଚେଟିଏ ହାରେକା ଲକୁ କୁଡା ଆହାଲିଏ, ଏଞ୍ଜାସି ହାଜାନା ର ତଂଗତା କୁଗିଚେସି, ଇଞ୍ଜା ଲକୁ ବାରେ ସାମଦୁରି ଗାଟୁତା ନିଚାମାଚେରି □

୩ ଅଡେ ଜୀସୁ ପୁଣ୍ଡିକିନି କାତା ହାରେକା ଝେସ୍ତେସି, ଏଞ୍ଜାସି ଏଲେଇଚେସି □ “ମେହଦୁ ର ବିଚା ମାଟିନାସି ମାଟାଲି ହଡେସି □

୪ ଏଞ୍ଜାସି ବିଚା ମାଟିନି ବେଲା କଚେକା ବିଚା ଜିରୁତା ରୀଚେ ଇଞ୍ଜା ପଟାୟାଁ ଖାହାନା ଏ ପାଡେୟି ପେରହା ତିରୁ □

୫ ଅଡେ କଚେକା ବିଚା ଖାଲକାତି ପାଡାଡା ବୁମିତା ରୀଚେ, ଇଞ୍ଜା ଇରୁଆ ଗାଡି ହିଲାଆତାକି ପାଡେୟି ତବେ ଗଜା ଆଡେ □

୬ ସାମା ଝେଡା ହଚାଲିଏ, ଗଜା ଆହାମାଚାୟି ଝେହା ହାଚେ, ଇଞ୍ଜା ତାନି ହୀରୁ ଗାଡି ଡଇକା ହାଲାଆତାକି ଖାୟାହାଚେ □

୭ ଅଡେ କଚେକା ବିଚା ହାପକା ବୁଟା ଡଇ ରୀଚେ, ଇଞ୍ଜା ହାପକା ବୁଟାୟାଁ ବାରେ ପାଡାଆହାନା ଆନା ତାକିତି ପୁକହାଡୁସ୍ତେ □

୮ ଅଡେ କଚେକା ବିଚା ନେହଁ ବୁମିତା ରୀଚେ, ଇଞ୍ଜା କାମ୍ବାନା ର ପାଡେୟିଟିଏ ପାସାକଡି, ତାନିକଡି ଇଞ୍ଜା କଡେଦସ ପାଡେୟିକା କାମ୍ବିତୁ □”

୯ “ଆମ୍ବାଆରାକି କୀର୍କା ମାନୁ ଏଞ୍ଜାସି ଝେଣ୍ଡମ୍ବାସି □”

ପୁସପନି ପୁଣ୍ଡିକିନାୟି
(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏମ୍ବାଟିଏ ସୀସୁୟାଁ ଜୀସୁ ତାଣା ଖାହାନା ଝେଚେରି, “ଲକୁଣି ଜାପୁନାଟି ନୀନୁ ଏନାଆଁତାକି ପୁଣ୍ଡିକିନି କାତାୟାଁ ଝେସିହଁ ଜାପୁହିମାଞ୍ଜି ?”

୧୧ ଜୀସୁ ଏଲେଇଚେସି, “ଏନାଆଁତାକି ଇଚିହଁ ଲାକପୁରୁ ରାଜିତି ବାରେ ଡଗୁମାନି ହାଡା ପୁଞ୍ଜାଲି ମିଙ୍ଗେ ବାଡୁୟୁ ହାପକି ଆହାମାଞ୍ଜାନେ, ସାମା ଏଞ୍ଜାରାକି ହାପକି ଆହା ହିଲେଏ □

୧୨ *ଇଞ୍ଜା ଏମ୍ବାଆରାକି ମାନେ, ଏଞ୍ଜାରାକି ହାପକିଆନ୍ଦେ ଅଡେ ଏଞ୍ଜାଣାକି ଗାଡିଆନ୍ଦେ; ସାମା ଆମ୍ବାଆରାକି ହିଲେଏ ତାନିତାଣା ଏନାୟି ମାନେ, ଏଦାଆଁ ଜିକେଏ ଅଞ୍ଜିଆନ୍ଦେ □”

୧୩ ଏଞ୍ଜାରି ମେସି ମେସିହଁ ମେସାଲି ଆଡୁଅରି, ଅଡେ ଝେଞ୍ଜିଝେଞ୍ଜି ଝେନଅରି କି ପୁନଅରି; ଏଦାଆଁତାକି ନାନୁ ଏଞ୍ଜାରାଇଁ ପୁଣ୍ଡିକିନି କାତାତଲେ ଝେସିମାଇଁ □

୧୪ ଅଡେ ମାହାପୁରୁ ବଲୁ ଝେହ୍ନି ଜିସାୟତି ଇ କାତା ଏଞ୍ଜାରାକି ସାତା ଆନ୍ଦେ □

☆ ୧୩:୨ ୧୩:୨ ଲୁକ ୫:୧-୩ ☆ ୧୩:୧୨ ୧୩:୧୨ ମାତୃ ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୨

ଇ ଲକ୍ଷ୍ମୀ ଶ୍ରେଣୀଶ୍ରେଣୀ ହେଁ ଶ୍ରେଣୀରେ, ଏନାଆଁ ତେଲହଅରି,
ମେସି ମେସି ହେଁ ମେହନେରି ସାମା ଏନାଆଁ
ପୁନଅରି;

୧୫ ଇତିହାସ ଇ ଲକ୍ଷ୍ମୀ ହିୟାଁ ଅଣ୍ଟାପାଲି ଆଡ଼ାଆ ଗାଗାୟି,
ଏଞ୍ଜାରି କସ୍ତୁରି କୀର୍କା ତଲେ ଶ୍ରେଣୀରେ,
ଇଞ୍ଜା ତାମି କାଣ୍ଟା ପଟିତେରି,
ଏନିକ୍ ଏଞ୍ଜାରି କାଣ୍ଟା ତଲେ ମେହଅରି,
ଅଡ଼େ କୀର୍କା ତଲେ ଶ୍ରେଣୀରେ,
ଅଡ଼େ ହିୟାଁ ତଲେ ତେଲହଅରି

ଇଞ୍ଜା ଏଞ୍ଜାରି ନା ତାଣା ଶ୍ରେଣୀ ଖାଅରି,
ଅଡ଼େ ନାନୁ ଏଞ୍ଜାରି ନେହେଁ କିଅଁ □

୧୬ * “ସାମା ନେହେଁ ମୀ କାଣ୍ଟା ଇତିହାସ ଏଞ୍ଜା ମେସି
ମାନୁ, ନେହେଁ ମୀ କୀର୍କା ଇତିହାସ ଏଞ୍ଜା ଶ୍ରେଣୀମାନୁ □

୧୭ ଇତିହାସ ନାନୁ ମିଙ୍ଗେ ସାତା ଶ୍ରେଣୀମାଞ୍ଜାଲ, ମୀରୁ
ଏନା ଏନାଆଁ ମେସିମାଞ୍ଜେରି, ଏ ବାରେ ହାରେକା
ମାହାପୁରୁ ଅଣ୍ଟାପୁତି ବଲୁ ଶ୍ରେଣୀରେ ଇଞ୍ଜା ତାରିଗାଗାରି
ମେସାଲି ମନ କିତେରି, ସାମା ମେସାଲି ଆଡ଼ାଆତେରି;
ଅଡ଼େ ମୀରୁ ଏନା ଏନାଆଁ ଶ୍ରେଣୀମାଞ୍ଜେରି, ଏ ବାରେ
ଏଞ୍ଜାରି ଶ୍ରେଣୀଲି ମନ କିତେରି, ସାମା ଶ୍ରେଣୀଲି
ଆଡ଼ାଆତେରି □”

ଜୀସୁ ବିଚା ମାଟିନି କାତା ପୁଣ୍ଡିକିନାୟି
(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ ଆତିହାସ ମୀରୁ ବିଚା ମାଟିନି ପୁଣ୍ଡିକିନି କାତା ଶ୍ରେଣୀ
□

୧୯ ଆମ୍ବାଆସି ମାହାପୁରୁ ରାଜିତି କାତା ଶ୍ରେଣୀନା ପୁନାଆ
ଗାଗାସି, ଏଞ୍ଜାଣି ହିୟାତା ଶ୍ରେଣୀମାନି ମାହାପୁରୁ ବଲୁ
ସୟତାନ ଖାହାନା ମାଞ୍ଜା ଅନେସି, ଏଞ୍ଜାସି ଜିରୁ ଦାରି
ମାଟାମାନି ବିଚା ଲେହେଁତାସି □

୨୦ ଅଡ଼େ ଆମ୍ବାଆସି ଖାଲ୍‌କା ବୁମିତା ମାଟିତି ବିଚା
ଏଞ୍ଜାସି ଇଲେତାସି, ଆମ୍ବାଆସି ମାହାପୁରୁତି କାତା
ଶ୍ରେଣୀନା ରାହାତଲେ ନାମିନେସି,

୨୧ ସାମା ଏଞ୍ଜାଣି ତାଣା ହୀରୁ ଜୀଆତାକି ଗାଡ଼େକେଏ
ତାରିଆହାନା ମାନେସି, ତାୟୁ ମାହାପୁରୁ କାତାତାକି ବାଦା
ଅଡ଼େ ନିନ୍ଦା ବେଟାଆଡ଼ିସାରେ ଏ ବାରେ ପିସାତୁହନେସି,
ଏଞ୍ଜାସି ଖାଲ୍‌କା ବୁମିତା ରିତି ବିଚା ଲେହେଁତାସି □

୨୨ ଆମ୍ବାଆସି ମାହାପୁରୁତି କାତା ଶ୍ରେଣୀରେ, ଇଞ୍ଜା
ଦାର୍ତ୍ତିତି ଅଣ୍ଟା ଦନତି ଜୁପକା ଏଞ୍ଜାସି ଶ୍ରେଣୀମାନି
କାତାତି ପୁକ୍‌ହା ତୁସାଲିଏ, ତାନି ଜୀସୁତା ପାଡ଼େୟି
କାମ୍ବାଆତେ, ଏଞ୍ଜାସି ହାପକା ବୁଟା ଡଲ ରିତି ବିଚା
ଲେହେଁତାସି □

୨୩ ସାମା ଆମିନିଗାଗାସି କାତାତି ଶ୍ରେଣୀରେ ଇଞ୍ଜା
ନେହେଁ କି ପୁନେସି, ଅଡ଼େ ନେହେଁ ପାଡ଼େୟି
କାମ୍ବାନେସି, ଆମ୍ବାଆସି ପାସାକଡ଼ି, ଆମ୍ବାଆସି ତାନିକଡ଼ି,
ଆମ୍ବାଆସି କଡ଼େଦସ ପାଡ଼େୟିକା, ଏଞ୍ଜାସି ନେହେଁ ବୁମିତା
ରିତି ବିଚା ଲେହେଁତାସି □

* ୧୩:୧୬ ୧୩:୧୭ ଲୁକ ୧୦:୨୩,୨୪

ଚଲି ଜାଡ଼ାତି ପୁଣ୍ଡିକିନି କାତା

୨୪ ଜୀସୁ ଏଞ୍ଜାରିଲ୍ ଅଡ଼େ ର ପୁଣ୍ଡିକିନି କାତା
ଶ୍ରେଣୀରେ, ଲାକପୁରୁ ରାଜି ରଅସି ତାନି ଗୁଡ଼ିୟାତା ନେହେଁ
ବିଚା ମାଟାମାନି ମାଣସିଲେହେଁ;

୨୫ ସାମା ଲକ୍ଷ୍ମୀ ତୁରାମାନାଟି ତାନି ସାତୁ ଖାହାନା ଏ
ଗହଁୟାଁ ବିଚା ଚଲି ଜାଡ଼ାତି ବିଚା ମାଟାମାନା ହାତେସି □

୨୬ ଏତିବେଲା ଗହଁୟାଁ ପାତାଆହାନା ଡେକା ଆନିବେଲା
ଚଲି ଜାଡ଼ା ଜିକେଏ ତଞ୍ଜାଆତେ □

୨୭ ଏଚେଟିଏ ସାଞ୍ଜୁକାରିତି ହଲିୟାଙ୍ଗା ତାନି ତାଣା
ଖାହାନା ଏଲେଇଚେରି, ବାବୁ, ନୀନୁ ଏନାଆଁ ନୀ ଗୁଡ଼ିୟାତା
ନେହେଁ ବିଚା ମାଟା ହିଲାଆତି ? ସାମା ଇ ଚଲି ଜାଡ଼ା
ବାରେ ଏମିତି ଖାଡ଼େ ?

୨୮ ଏଞ୍ଜାସି ଏଞ୍ଜାରିଲ୍ ଏଲେଇଚେସି, ର ସାତୁ
ଇଦାଆଁ କିହାମାନେସି □ ଅଡ଼େ ହଲିୟାଙ୍ଗା ଏଞ୍ଜାଣାଲ୍
ଏଲେଇଚେରି, ନୀ ମନ ଏନାୟି, ମାମ୍ବୁ ହାଜାନା ଚଲି
ରେଜାନା କୁଡ଼ି କିନମି,

୨୯ ସାମା ଏଞ୍ଜାସି ଏଲେଇଚେସି, ଆଏ ଏଚେତା ମୀରୁ
ଚଲି ଜାଡ଼ା ରେଜି ରେଜିହେଁ ଗହଁୟାଁ ଜିକେଏ ରେଜେରି
□

୩୦ ଗହଁ ଦାଃନି ପାତେକା ଗହଁ ଅଡ଼େ ଚଲି ଜାଡ଼ା ରହେଁଏ
ପାତାଆପୁ, ଅଡ଼େ ଆନା ଦାଃନି ବେଲାତା ଦାଃଆନାରାଲ୍
ନାନୁ ଏଲେଇଲ୍, ତଲିଏ ଚଲି ଜାଡ଼ା ଦାଚାନା ହୁତାଲିତାକି
ପେଣ୍ଡାୟାଁ ଏଟକା କିଦୁ, ସାମା ଗହଁୟାଁ କୁଡ଼ି କିହାନା ନା
ଗାଡ଼େୟିତା ଇଟାବୁ □

ହାସୁ ପାଡ଼େୟିତି ପୁଣ୍ଡିକିନାୟି
(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜୀସୁ ଏଞ୍ଜାରିଲ୍ ଅଡ଼େ ର ପୁଣ୍ଡିକିନି କାତା
ଶ୍ରେଣୀରେ, ଲାକପୁରୁ ରାଜି ର ହାସୁ ପାଡ଼େୟି
ଲେହେଁତାୟି, ଏଦାଆଁ ଅହାନା ରଅସି ତାନି ବାଡ଼ାତା
ମାଟିତେସି □

୩୨ ଏ ପାଡ଼େୟି ବାରେ ପାଡ଼େୟିକା କିହାଁ ଉଣା, ସାମା
ଏଡ଼ି ପାତା ଆଡ଼ିସାରେ ବାରେ କୁଟା କିହାଁ କାଜାୟି ଆହାଁ
ଇଲେତି ମାର୍‌ନୁ ଆନେ, ଇଞ୍ଜା ହାଗୁତା ଉଦ୍‌ମାନି ପଚାୟାଁ
ଖାହାନା ଏଦାନି କମାତା ବଣ କିହାନା ବାସା କିଦୁ □

ପୁଲା ଏୟୁତି ପୁଣ୍ଡିକିନାୟି
(ମାର୍କ ୧୩:୨୦-୨୧)

୩୩ ଜୀସୁ ଏଞ୍ଜାରିଲ୍ ଅଡ଼େ ର ପୁଣ୍ଡିକିନି କାତା
ଶ୍ରେଣୀରେ, ଲାକପୁରୁ ରାଜି ର ପୁଲା ଏୟୁଲେହେଁତାୟି;
ର ଇୟା ଗହଁୟାଁ ଗୁଣ୍ଡାତା ପୁଲାଏୟୁ କାଲ୍‌ହାନା ଇତିତେ,
ଏଚେଟିଏ ଏ ଗୁଣ୍ଡା ପଞ୍ଜାନା ବାରେ ପୁଲା ଆଡ଼େ □

ଜୀସୁ ପୁଣ୍ଡିକିନି କାତାତି ଅର୍ତ୍ତ ଶ୍ରେଣୀରେ
(ମାର୍କ ୪:୩୩-୩୪)

୩୪ ଈ ବାରେ ପୁଣ୍ୟକିନି କାତାତଲେ ଜୀସୁ ଲକ୍ଷ୍ମଣି
ଝେସ୍ତେସି, ଇଞ୍ଜା ପୁଣ୍ୟକିନି କାତା ଆର୍ଥାନା ଏନାଆଁଝା
ଲକ୍ଷ୍ମଣି ଝେସି ହିଲାଆତେସି,

୩୫ ଏନିକ୍ ମାହାପୁରୁ ଅଣ୍ଠପୁତି ବଲୁ ଝେହ୍ନାଣି
ତାଣାଟି ଈ କାତା ସାତା ଆନେ,

“ନାନୁ ନା ଗୁତି ଏକ୍‌ହାନା ପୁଣ୍ୟକିନି କାତାତଲେ ଝେହ୍ନି;
ଦାର୍ତ୍ତି ଗାଡ଼ି ଆଡ଼ି ଦିନାଟିଏ ଡ଼ଗୁମାନି କାତା ବାରେ
ଝେହ୍ନି □”

**ଜୀସୁ ଟଲି ଜାଡ଼ାତି ପୁଣ୍ୟକିନି କାତାତି ଅର୍ଥ
ଝେହ୍ନାୟି**

୩୬ ତାୟୁ ଜୀସୁ ମାନ୍ଦା ଲକ୍ଷ୍ମଣି ପିସାନା ଇଲୁ ବିତ୍ତା
ହାଚେସି, ଇଞ୍ଜା ତାମି ସୀସୁୟାଁ ତାଗେ ଝାହାନା
ଏଲେଇଚେରି, “ଗୁଡ଼ିୟାତି ଟଲି ଜାଡ଼ାତି ପୁଣ୍ୟ କିନି
କାତା ମାଙ୍ଗେ ନେହ୍ନି କ୍ ଝେସ୍ତାମୁ □”

୩୭ ଜୀସୁ ଏଲେଇଚେସି, “ନେହ୍ନି ବିଚା ମାଟିନାସି
ଏଝାସି ମାଣ୍ଡସି ମୀରୁଏସି;

୩୮ ଈ ଦାର୍ତ୍ତି ଆହିମାନେ ଗୁଡ଼ିୟା, ନେହ୍ନି ବିଚା
ମାହାପୁରୁ ରାଜିତି ମୀରୁକା ମାସ୍‌କା; ଟଲି ଜାଡ଼ା
ସୟତାନତି ମୀରୁକା ମାସ୍‌କା;

୩୯ ଆମିନି ସାତୁ ଏଦାଆଁ ମାଟିତେସି ଏଝାସି ସୟତାନ;
ଆର୍ନା ଦାଃନି ଦିନା ଇଚିହ୍ନି ଜୁଗୁ ରାନ୍ତି ଦିନା, ଇଞ୍ଜା ଆର୍ନା
ଦାଃଆନାରି ମାହାପୁରୁତି ଦୁତୁୟାଁ □

୪୦ ଇଚିହ୍ନି ଟଲି ଜାଡ଼ାତି ଏନିକ୍ ର. ତାଣା କୁଡ଼ି
କିହାନା ହିଚୁତା ହୁଡ଼ିନାୟି, ଜୁଗୁ ରାନ୍ତି ଦିନାତା ଜିକେଏ
ଏଲେକିହ୍ନି ଆନେ □

୪୧ ମାଣ୍ଡସି ମୀରୁଏସି ତାନି ଦୁତୁୟାଁଣି ପାଣ୍ଡିନେସି, ଇଞ୍ଜା
ଏଝାରି ତାନି ରାଜିତି ବାରେ ଲାଗେଏ ପଲେଏତାରାଇଁ
ଅଡ଼େ ପାପୁ ଗାଟାରାଇଁ ରୁଣ୍ଡା କିନେରି □

୪୨ ଅଡ଼େ ଏଝାରାଇଁ ହିଚୁ ଗାଡ଼ିୟତା ମେଡ଼ନେରି,
ଏମ୍ବାଆଁ ଏଝାରି ଡ଼ାହ୍ନି ପାଲ୍‌କା ଟୀଟି କିନେରି □

୪୩ ଏରିବେଲା ତୀରିଗାଟାରି ତାମି ଆବା ରାଜିତା
ଝେଡ଼ାଲେହେଁ ଡ଼ାଞ୍ଜିହ୍ନି ତଞ୍ଜାଆନେରି □ ଆମ୍ବାଆରାକି
କୀର୍ନା ମାନୁ ଏଝାରି ଝେଣ୍ଡାରି □”

ଡ଼ଗୁମାନି ଦନ ପୁଣ୍ୟକିନି କାତା

୪୪ “ଲାକପୁରୁ ରାଜି ଗୁଡ଼ିୟାତା ଡ଼ଗୁମାନି ଦନ
ଲେହେଁତାୟି, ରଅସି ଏଦାଆଁ ମେସାନା ଡ଼ଗୁହା ଇଚିତେସି,
ଅଡ଼େ ରାହ୍ନାଟି ହାଜାନା ତାନି ଇସିତାସି ଆସି ପାରତାନା
ଝେଣ୍ଡେ ହାଜାନା ଏ ଗୁଡ଼ିୟାତି କଡ଼ିତେସି □”

ଦାରାଗାଟି ଅପ୍‌ନି ଝାଲିତି ପୁଣ୍ୟକିନି କାତା

୪୫ “ଅଡ଼େ ଲାକପୁରୁ ରାଜି ନେହ୍ନି ଅପ୍‌ନି ଝାଲି
ପାରିମାନି ର ବେବାରା କିନାଣିଲେହେଁ □

୪୬ ର ଦାରାଗାଟି ଅପ୍‌ନି ଝାଲି ମେସାନା ଏଝାସି ହାଜାନା
ତାନି ଇସିତାସି ଆସି ପାରତାନା ଏ ଅପ୍‌ନି ଝାଲିତି
କଡ଼ିତେସି □”

ମୀଣ୍ଡକା ଆହ୍‌ନି ଜାଲ୍‌ାତି ପୁଣ୍ୟକିନି କାତା

୪୭ “ଅଡ଼େ ଜିକେଏ ଲାକପୁରୁ ରାଜି ସାମ୍‌ଦୁରିତା ବାରେ
କୁଡ଼ାତି ମୀଣ୍ଡକା ଆସାଲି ମେଡ଼ନି ଜାଲ୍‌ା ଲେହେଁତାୟି □

୪୮ ଏ ଜାଲ୍‌ା ନେଞ୍ଜାଲିଏ ମୀଣ୍ଡକା ଆହ୍‌ନାରି ଏଦାଆଁ
ସାମ୍‌ଦୁରି ଗାଟୁତା ରେଜା ତାନେରି, ଇଞ୍ଜା କୁଗାନା
ନେହ୍ନାଆଁ ବାରେ ରୁଣ୍ଡା କିହାନା ତିରିତା ଇଚିନେରି, ସାମା
ଲାଗେଏ ପଲେଏ ଗାଟାଆଁ ବାରେ କୁଡ଼ା ତୁହ୍‌ନେରି □

୪୯ ଜୁଗୁ ରାନ୍ତି ଦିନାତା ଏଲେକିହ୍ନି ଆନେ;
ଦୁତୁୟାଁ ହଟାଝାହାନା ତୀରିଗାଟାରି ତାଣାଟିଏ ଲାଗେଏ
ପଲେଏତାରାଇଁ ଏଟକା କିନେରି □

୫୦ ଅଡ଼େ ଏଝାରାଇଁ ହିଚୁ ଗାଡ଼ିୟତା ମେଡ଼ହା
ତୁହ୍‌ନେରି, ଏମ୍ବାଆଁ ଡ଼ାନାୟି ଅଡ଼େ ପାଲ୍‌କା ଟୀଟି କିନାୟି
ଆନେ □”

ପ୍ଲାଃଆଣି ଅଡ଼େ ପୁଃନାଣି ଜାପ୍‌ନାୟି

୫୧ ଜୀସୁ ସୀସୁୟାଁ ଝେଚେସି, “ମୀରୁ ଈ ବାରେ କାତା
ପୁଚେରି ?”

ଏଝାରି ଏଲେଇଚେରି, “ହାଅ ପ୍ରବୁ □”

୫୨ ଏଚେଟିଏ ଜୀସୁ ଏଝାରାଇଁ ଏଲେଇଚେସି,
“ଆତିହ୍ନି ଆମିନି ଇଲୁଗାଟାସି ତାନି ଇଲୁଟି ପୁଃନାଣି
ପ୍ଲାଃଆଣି ହପ୍‌ନେସି, ଲାକପୁରୁ ରାଜିତି ସୀସୁ ଆହ୍‌ମାନି
ବାରେ ମେରା ପୁନାରି ଏଝାଣି ଲେହେଁତାରି □”

ଜୀସୁଇଁ ନାଜ୍‌ରିତତା ଅପାଆଗାଟାୟି

(ମାର୍କ ୭:୧-୭; ଲୁକ ୪:୧୭-୩୦)

୫୩ ଜୀସୁ ଈ ବାରେ ପୁଣ୍ୟକିନି କାତା ଝେସାଲି
ଆଡ଼ାଲିଏ, ତାୟୁ ଏମ୍ବାଟିଏ ହାଚେସି □

୫୪ ଇଞ୍ଜା ଏଝାସି ତାନୁ ପାତାଆଡ଼ି ନାୟୁତା ଝାହାନା
ଲକ୍ଷ୍ମଣି ତାମି ଜୀହୁଦି ଲକ୍ଷ୍ମଣି କୁଟି ଇଲୁତା* ଇଲେକିହ୍ନି
ଜାପ୍‌ହେସି, ଇଞ୍ଜା ଏଝାରି କାବାଆହ୍‌ନା ଏଲେଇଚେରି,
“ଇଝାଣାକି ଇଲେତି ବୁଦି ଇଞ୍ଜା ଇଲେତି କାବାଆଡ଼ି କାମା
କିହାଲି ଆମ୍ବିଟି ବାଡ଼ିୟୁ ବେଟାଆଡ଼େସି ?

୫୫ ଇଝାସି ଏ ବାଡ଼ିୟାତି ମୀରୁଏସି ଆଏକି ? ଇଝାଣି
ଇୟା ମରିୟମ ଆଏ ? ଅଡ଼େ ଇଝାଣି ତାୟିୟାଁ ଦରକା
ଜାକୁବ, ଜସେପ, ସିମନ ଇଞ୍ଜା ଜୀହୁଦା ଆଏ ?

୫୬ ଅଡ଼େ ଇଝାଣି ତାଜିସ୍‌ସା ମା ତଲେ ହିଲାତ ? ଇଞ୍ଜାହାଁ
ଇଝାସି ଏ ବାରେ ଆମ୍ବିଟି ମେଡ଼ାଆଡ଼େସି ?”

୫୭ *ଇଞ୍ଜା ଏଝାରି ଜୀସୁଇଁ ଅପାଆଡ଼େରି □ ସାମା
ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ଅଣ୍ଠପୁତି ବଲୁ
ଝେହ୍‌ନାରି ନିଜେତି ନାୟୁତା ଇଞ୍ଜା ନିଜେତି ଇଲୁ କୁଟିତା
ମାନ୍ତି ପ୍ଲାଃଅରି □”

* ୧୩:୫୪ ୧୩:୫୪ ସିନଗର ✪ ୧୩:୫୭ ୧୩:୫୭ ଜହ ୪:୪୪

୫୮ ଅଡ଼େ ଏଝାରି ନାମାଆତାକି ଏଝାସି ଏମ୍ବାଆଁ ହାରେକା କାବାଆନି କାମା କିଆତେସି □

୧୪

ବାପ୍ତିସ୍ତୁ* ହାନି ଜହନ ହାନାୟି
(ମାର୍କ ୬:୧୪-୨୯; ଲୁକ ୯:୭-୯)

୧ ଏଚିବେଲୀତା ଗାଲିଲିତି ସାଲୁଝି କିନି ରାଜା ହେରଦ ଜୀସୁତି କାରୁ ଝେରେସି,

୨ ଅଡ଼େ ତାନି ହଲିୟାକାଣି ଏଲେଇରେସି, “ଇଝାସି ବାପ୍ତିସ୍ତୁ† ହାନି ଜହନ ଏଝାସି ହାଡାରି ତାଣାଟି ନିଜାମାନେସି, ଏଦାଆଁତାକି ଇ ବାରେ ବାଡ଼ୁୟୁ ଏଝାଣି ତାଣା କାମା କିହିମାନେ □”

୩ *ଇଚିହୁଁ ତଲି ହେରଦ ତାନି ତାୟି ପିଲିପ ତକ୍ତି ହେରଦିୟାନି ତାକି ଜହନଇଁ ଦସ୍ପା ତାଚାନା କାୟିଦି ଇଲୁତା ଇଟାମାରେସି □

୪ ଇଚିହୁଁ ଜହନ ତାଙ୍ଗ ଏଲେଇଝିମାରେସି, ହେରଦିୟାନି ଇଚିନାୟି ନୀ ମେରା ହିଲେଏ □

୫ ଅଡ଼େ ହେରଦ ଏଝାଣାଇଁ ପାୟାଲି ମନ କିତି ଜିକେଏ ଲକୁଣି ଆଜିମାରେସି, ଏନାଆଁତାକି ଇଚିହୁଁ ଏଝାଣାଇଁ ର ମାହାପୁରୁ ଅଣ୍ଟପୁତି ବଲୁ ଝେହନାସି ଇଞ୍ଜୁଁ ମାନି କିହିମାରେସି □

୬ ସାମା ହେରଦତି ଜାନା ଦିନା ଝାହାଲିଏ, ହେରଦିୟାତି ମାଜା ରୁଣ୍ଡା ଆହାମାଟି ଲକୁ ନକିତା ଏହାନା ହେରଦଇଁ ରାହାଁ କିଝିକିତେ □

୭ ଏଚେଟିଏ ଏଝାସି ପାରମାଣା କିହାନା ଆଞ୍ଜିତେସି, ନୀନୁ ନାଙ୍ଗେ ଏନାଆଁ ରାସ୍ତାତିହୁଁ ଏଦି ନିଙ୍ଗ ହୀପକିଆନେ □

୮ ଇଞ୍ଜା ଏଦି ତାନି ଇୟାନି କାତା ଆସାହାଁ ଏଲେଇଚେ, “ବାପ୍ତିସ୍ତୁ‡ ହାନି ଜହନତି ତାୟୁଁ ନୀଏଁ ଇମ୍ବାଆଁ ର ସାଡ଼ଝାତା ନାଙ୍ଗେ ହିୟାମୁ □”

୯ ଇଦାଆଁ ଝେଞ୍ଜାନା ରାଜା ଦୁକୁ ଆଡ଼ିହୁଁ ଜିକେଏ ତାନୁ ପାରମାଣା କିହାଁ ଆଞ୍ଜାମାଚାକି ଅଡ଼େ ତାନିତଲେ ବକିତା କୁଗାମାଚାରି ନକିତା ଆଞ୍ଜାମାଚାକି ଏଦାନି ମନଲେହେଁ ହୀହାଲି ହୁକୁମି ହୀତେସି □

୧୦ ଇଞ୍ଜା ଲକୁଣି ପାଣ୍ଡାନା କାୟିଦି ଇଲୁତା ଜହନତି ତାୟୁଁ ଦାପିକିତେସି,

୧୧ ଅଡ଼େ ଏଝାଣି ତାୟୁଁ ର ସାଡ଼ଝାତା ତାଚାନା ଏ ପଦାକି ହୀତେରି, ଇଞ୍ଜା ଏଦି ଅହାନା ତାନି ଇୟାନି ତାଣା ଅଡ଼େ □

୧୨ ଏଚେଟିଏ ଜହନତି ସୀସୁୟାଁ ଝାହାନା ମାଡ଼ହା ଅହାନା ମୁସ୍ତେରି, ଅଡ଼େ ହାଜାନା ଜୀସୁଇଁ ଝେସ୍ତେରି □

ଜୀସୁ ପାସାମାଣା ଲକୁକି ତିଞ୍ଜାଲି ହାନାୟି
(ମାର୍କ ୬:୩୦-୪୪; ଲୁକ ୯:୧୦-୧୭)

୧୩ ଜହନ ହାଡ଼ି କାରୁ ଝେଞ୍ଜାନା, ଜୀସୁ ର ଡ଼ଗତା କୁଗାନା ଲକୁ ହିଲିଆ ଟାୟୁତା ହାଚେସି, ଲକୁ ଇ କାତା ଝେଞ୍ଜାନା ଗାଡ଼ାୟାଟି ଝାହାନା ତାକି ତାକିହୁଁ ଏଝାଣି ଢେଚ ହାଚେରି;

୧୪ ଅଡ଼େ ଏଝାସି ଡ଼ଗଟି ରେଚାନା ମାନ୍ଦା ଲକୁଣି ମେସାନା କାର୍ମା ଆହାନା ଏଝାରି ରଗ ଗାଟାରାଇଁ ନେହୁଁ କିତେସି □

୧୫ ଝେଡ଼ା ହାଜାଲିଏ ତାନି ସୀସୁୟାଁ ତାନି ତାଣା ଝାହାନା ଏଲେଇଚେରି, “ଇ ଟାୟୁ ଲକୁ ହିଲିଆ ଟାୟୁ ଇଞ୍ଜା ଆନ୍ଦେରି ଜିକେଏ ଆହିମାନେ; ଏଦାଆଁତାକି ବାରେ ଲକୁ ଏନିକିଁ ନାସ୍‌କାଣାଁ ହାଜାନା ତାମଙ୍ଗେ ତାକି ଲହୁଡ଼ି ପାରିନେରି, ଏଦାଆଁତାକି ଏଝାରାଇଁ ହାଜାଲି ହେଲ ହୀମୁ □”

୧୬ ସାମା ଜୀସୁ ଏଝାରାଇଁ ଏଲେଇଚେସି, “ଏଝାରି ହାନି ଲଡ଼ା ଆଏ, ମୀରୁ ଏଝାରାକି ତିଞ୍ଜାଲି ହୀଦୁ □”

୧୭ ଏଝାରି ଏଝାଣାଇଁ ଏଲେଇଚେରି, “ମାଙ୍ଗେ ଇମ୍ବାଆଁ ପାସାଗଟା ରୁଟି ଇଞ୍ଜା ରୀ ମୀଣ୍‌କା ମାନୁ □”

୧୮ ଜୀସୁ ଏଝାରାଇଁ ଏଲେଇଚେସି, “ଏଝାଆଁ ଇମ୍ବାଆଁ ନା ତାଣା ତାଦୁ □”

୧୯ ଅଡ଼େ ଏଝାସି ଲକୁଣି ଗାକିଁ ଜାଡ଼ା ଲାକ କୁଗାଲି ହୁକୁମି ହୀତେସି, ଅଡ଼େ ଏ ପାସାଗଟା ରୁଟି ଇଞ୍ଜା ରୀ ମୀଣ୍‌କାଣି ଅହାନା ଲାକପୁରୁ ଝାକି ସିନିକିହାନା ମାହାପୁରୁଇଁ ଜହରା କିତେସି, ଇଞ୍ଜା ରୁଟି ଡ଼ିକହାନା ତାନି ସୀସୁୟାଁକି ହୀତେସି, ଏଚେଟିଏ ସୀସୁୟାଁ ବାରେ ଲକୁକି ହୀତେରି □

୨୦ ଏଚେଟିଏ ବାରେଜାଣା ତିଞ୍ଜାନା ପାଞ୍ଜିତେରି, ଇଞ୍ଜା ସୀସୁୟାଁ ହାରାମାଟି ରୁଟି ଗାଣ୍‌ୟାଁ କୁଡ଼ି କିହାନା ବାରଗଟା ଡାଲିତା ନେଞ୍ଜିକିତେରି □

୨୧ ରାନ୍ଦା ତିଟି ଲକୁ ଇୟାସିକା ଇଞ୍ଜା କକାରି ପଦାଁଣି ପିସାନା ବାରେ ପାସାମାଣା ଆବାୟାଁ ମାଚେରି □

ଜୀସୁ ଏୟୁ ଲାକ ତାକିନାୟି
(ମାର୍କ ୬:୪୫-୫୨; ଜହ ୬:୧୫-୨୧)

୨୨ ଏ ଦେବୁଣିଏ ଜୀସୁ ତାନି ସୀସୁୟାଁଣି ଡ଼ଗତା ଏକହାନା ସାମ୍‌ଦୁରି ଆତାଲାଝାକି ତାନି ନକିତା ହାଜାଲି ଏଲେଇଚେସି, ଏଚେଟିଏ ବାରେ ଲକୁଣି ହାଜାଲି ହେଲ ହୀତେସି □

୨୩ ଜୀସୁ ଲକୁଣି ହେଲ ହୀତି ତାୟୁ ପ୍ରାଡାନା କିହାଲି ହୁରୁ ଲାକ ହାଚେସି, ଇଞ୍ଜା ମିଡ଼ଅଲିଆ ଆହାଲିଏ ଏଝାସି ଏମ୍ବାଆଁ ରଅସିଏ ମାଚେସି □

୨୪ ସାମା ଏଚିବେଲୀ ଡ଼ଗ ସାମ୍‌ଦୁରି ଗାଟୁଟିଏ ହାରେକା ହେକ ମାଚେ, ଇଞ୍ଜା ସାମ୍‌ଦୁରିତା ଗାଲି ଝେଟାଲିଏ ଏ ଡ଼ଗ ଝୀଡ଼ିମାଚେ □

୨୫ ସାମା ଝେୟା ନେକେରି ଜୀସୁ ଏୟୁ ଲାକ ତାକି ତାକିହୁଁ ସୀସୁୟାଁ ଡାଗେ ହାଚେସି □

* ୧୪: ୧୪:୧ ମୁଞ୍ଜନାୟି † ୧୪:୨ ୧୪:୨ ମୁଞ୍ଜନାୟି ✧ ୧୪:୩ ୧୪:୩ ଲୁକ ୩:୧୯,୨୦ ‡ ୧୪:୮ ୧୪:୮ ମୁଞ୍ଜନାୟି

୨୬ ଅତେ ସୀସୁୟାଁ ଏଞ୍ଜାଣାଇଁ ଏୟୁ ଲାକ ତାକି ମାନାଣି ମେସାନା ଆଜାହାଚେରି, ଇଞ୍ଜାଁ ଏଲେଇଚେରି, “ଇଦି ର ବୁତୁ!” ଇଞ୍ଜାଁ ଆଜିତାକି କିର୍ଡିତେରି □

୨୭ ସାମା ଜୀସୁ ଦେବୁଣିଏ ଏଞ୍ଜାରାଇଁ ଏଲେଇଚେସି, “ସାସା ଆହୁଦୁ ଆଜାଆଦୁ ନାନୁ ଜୀସୁତେଏଁ □”

୨୮ ଏଚେଟିଏ ପିତର ଏଲେଇଚେସି, “ଏ ପ୍ରବୁ ସାତେଏ ନାନୁ ଇଚିହୁଁ ଏୟୁଲାକଟି ତାକିହୁଁ ନୀପ ଖାହାଲି ହୁକୁମି ହିୟାମୁ □”

୨୯ ଜୀସୁ ଏଲେଇଚେସି “ଞ୍ଜାମୁ!” ଏଚେଟିଏ ପିତର ତଂଗଟି ରେଚାନା ଜୀସୁ ତାଣା ଏୟୁଲାକଟି ତାକିହୁଁ ହାଚେସି □

୩୦ ସାମା ଗାଲି ମେସାନା ଆଜିତେସି, ଇଞ୍ଜାଁ ଏୟୁଣାଁ ମୁଞ୍ଜିହୁଁ ଏଲେଇଚେସି, “ଏ ପ୍ରବୁ ନାଜେ ଗେଲୁପାମୁ □”

୩୧ ଏ ଦେବୁଣିଏ ଜୀସୁ କେୟୁ ଦାସାନା ପିତରଇଁ ଆସାନା ଏଲେଇଚେସି, “ଏ ଉଣା ନାମୁ ଗାଟାଟି! ଏନାଆଁ ତାକି ଆନାମାନା ଆଡି ?”

୩୨ ଅତେ ଏଞ୍ଜାରି ତଂଗତା ହଚାଲିଏ ଗାଲି ତୁଞ୍ଜିତେ □

୩୩ ଏଚେଟିଏ ତଂଗତା ମାଟି ସୀସୁୟାଁ ଜୀସୁଇଁ ଜହରା କିହାନା ଏଲେଇଚେରି, “ନାନୁ ସାତେଏ ମାହାପୁରୁ ମୀରଏଣାଡି □”

ଗେନେସର ରାଜିତା ଜୀସୁ ରଚା ଗାଟାରାଇଁ ନେହୁଁ କିନାୟି

(ମାର୍କ ୭:୫୩-୫୬)

୩୪ ଏଞ୍ଜାରି ସାମଦୁରି ଗାଟାନା ଗେନେସର ରାଜିତା ଏତେରି □

୩୫ ଅତେ ଏମାଡି ଲକୁ ଜୀସୁଇଁ ପୁଞ୍ଜାନା ସାରିଞ୍ଜାକି ମାନି ବାରେ ରାଜିତା କାରୁ ପାଣ୍ଡିତେରି, ଇଞ୍ଜାଁ ଲକୁ ବାରେ ରଚା ଗାଟାରାଇଁ ଜୀସୁ ତାଣା ତାତେରି;

୩୬ ଅତେ ରଚା ଗାଟାରି ଜୀସୁତି ହିମ୍ବୁରି କୁଞ୍ଜୁ ତୀଗିନେରି, ଏନାଆଁତାକି ଜୀସୁଇଁ ବାଟିମାଲିତେରି, ଇଞ୍ଜାଁ ଏଚେକା ଲକୁ ତୀଗିତେରି ବାରେ ନେହୁଁ ଆତେରି □

୧୫

ଆକୁ ଆବାୟାଁ ମେରା ଜାପୁନାୟି

(ମାର୍କ ୭:୧-୧୩)

୧ ଏଚିବେଲାତା ଜିରୁସାଲମଟି ପାରୁସିୟାଁ ଇଞ୍ଜାଁ ମେରାପୁନାରି ଜୀସୁ ତାଣା ଖାହାନା ଏଲେଇଚେରି,

୨ “ନୀ ସୀସୁୟାଁ ଏନାଆଁତାକି ତଲିତି ଆକୁ ଆବାୟାଁ ଜାପୁହି ମେରା ମାନ୍ତି କିହିଲଅରି ? ଇଚିହୁଁ ରାନ୍ଦା ତିନାଟି କେସ୍ନା ନରଅରି □”

୩ ଜୀସୁ ଏଞ୍ଜାରାଇଁ ଏଲେଇଚେସି, “ଏନାଆଁତାକି ମୀରୁ ଜିକେଏ ମୀ ପାଣାପାଟୁ ମେରାତାକି ମାହାପୁରୁତି ହୁକୁମି ମାନଞ୍ଜି ଆହି ହିଲଅତେରି ?”

୪ ମାହାପୁରୁ ଏଲେଇଞ୍ଜା ମାନେସି ଇୟା ଆବାଇଁ ମାନ୍ତି କିଦୁ, ଇଞ୍ଜାଁ ଆମ୍ବାଆସି ଇୟା କି ଆବାଇଁ ବାକା ଇଚିନେସି ଏଞ୍ଜାସି ହାନ୍ତି ତଣ୍ଡ ବେଟା ଆନେସି □

୫ ସାମା ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ଆପେସି ତାମି ଇୟା କି ଆବାଇଁ ଏଲେଇନେସି, ନା ତାଣାଟି ମିଙ୍ଗେ ଏନାଆଁ ହିୟାଡିହୁଁ ନେହେଁ ଆଡେମା, ଏ ବାରେ ମାହାପୁରୁକି ହେରପି ଆହାମାନେ,

୬ ଏଞ୍ଜାସି ସାତେଏ ତାମି ଇୟା ଆବାଇଁ ମାନ୍ତି କିଅସି □ ଇଲେକିହୁଁ ମୀରୁ ମୀ ପାଣାପାଟୁ ମେରା ତଲେ ମାହାପୁରୁ କାତା ଉଜେଏ କିହିମାଞ୍ଜେରି □

୭ ଆତେ କୁରୁ ଗାଟାତେରି, ମାହାପୁରୁ ଅଣ୍ଡପୁତି ବଲୁ ଝେହୁନି ଜିସାୟ ମିଙ୍ଗେତାକି ନେହୁଁ କି ଇ କାତା ଝେସାମାନେସି □

୮ ଇ କୁଡାତାରି ଖାରଇ ଗୁଡି ତଲେ ସେବା କିୟାନେରି, ସାମା ଏଞ୍ଜାରି ହିୟାଁ ନା ତାଣାଟି ହେକ ତୁୟିନେ □

୯ ଏଞ୍ଜାରି ମାଣ୍ଡି କେପିତି ପାଣା ପାଟୁତି ଦାମୁଡି ନେହୁଁ କାତା ଇଞ୍ଜାଁ ଜାପୁହାନା, ଉଜେଏ ନାଜେ ସେବା କିହିମାଞ୍ଜାନେରି □

ମାଣ୍ଡିଇଁ ଲାଗେଏ କିନାୟି

(ମାର୍କ ୭:୧୪-୨୩)

୧୦ ଅତେ ଜୀସୁ ଲକୁଣି ତାଗେ ହାଟାନା ଏଞ୍ଜାରାଇଁ ଏଲେଇଚେସି, “ଝେଞ୍ଜୁ ଇଞ୍ଜାଁ ପୁଞ୍ଜୁ □”

୧୧ ମାଣ୍ଡି ଗୁଡି ବିତ୍ରା ଏନାୟି ହଡନେ ଏଡି ଏଞ୍ଜାଣାଇଁ ଲାଗେଏ କିଏ, ସାମା ଗୁଡି ବିତ୍ରାଟି ଏନାୟି ହଡନେ ଏଡି ମାଣ୍ଡିଇଁ ଲାଗେଏ କିନେ □

୧୨ ଏଚିବେଲା ସୀସୁୟାଁ ଜୀସୁ ତାଣା ଖାହାନା ଏଲେଇଚେରି, ପାରୁସିୟାଁ ଇ କାତା ଝେଞ୍ଜାନା କସୁ ବେଟାଆହି ମାନେରି ଇଦାଆଁ ନାନୁ ପୁଞ୍ଜା ମାଞ୍ଜିକି ?

୧୩ ସାମା ଜୀସୁ ଏଲେଇଚେସି, “ନା ଲାକପୁରୁତି ଆବା ଆମିନି ମାରୁନୁ ଉହା ହିଲଅସି ଏ ବାରେ ରେଞ୍ଜି ଆନୁ □”

୧୪ ✠ପାରୁସିୟାଁ କାତା ଝେନାଆଦୁ, ଏଞ୍ଜାରି କାଣାୟାଁ ଆହାନା କାଣାୟାଁଇଁ ଜିରୁ ତହୁନେରି, ଇଞ୍ଜାଁ କାଣା ଅର କାଣାଇଁ ଜିରୁ ତସ୍ତୁହୁଁ ରିଆରି ଜିକେଏ ଗାଡୁୟୁତା ତରଗିନେରି □

୧୫ ପିତର ଏଲେଇଚେସି, “ଏ ପୁଣ୍ଡିକିନି କାତା ମାଜେ ଝେସ୍ତାମୁ □”

୧୬ ଜୀସୁ ଏଲେଇଚେସି, “ମୀରୁ ଜିକେଏ ନୀଏଁ ପାତେକା ପୁନାଆ ଗାଟାତେରି ?”

୧୭ ଏନାୟି ଗୁଡିଟି ହଡନେ ଏଡି ବାଣ୍ଡିତା ହାଜାନା ଏଡି ବାଣ୍ଡିହାନିଲେହେଁ ହଚା ହାନେ, ଇଦାଆଁ ପୁଞ୍ଜି ହିଲଅତେରି ?

୧୮ ✠ସାମା ଗୁଡିଟି ଏନାୟି ହଡିମାନେ ଏଡି ହିୟାଟି ହଡିମାନେ ଏଡିଏ ମାଣ୍ଡିଇଁ ଲାଗେଏ କିହିମାନେ □

୧୯ ଇଚିହୁଁ ହିୟାଟି ଲାଗେଏତି ଅଣ୍ଡପୁ ହନେ, ଇଚିହୁଁ ଲକୁଣି ପାୟିନାୟି, ଦାରି କାମା କିୟାଲି, ଲାଗେଏ ପଲେଏ

କାମା କିହାଲି, ସରୁ କାମା କିହାଲି, ମିଟି ସାକି ହାହାଲି
ଇଞ୍ଜା ନିନ୍ଦା କାତା ଜଲ୍ଲାଲି;

୨୦ ଇ ବାରେ କାମା ମାଣ୍ଠିକି ଲାଗେଏ କିନେ, ସାମା
କେୟୁ ନରଥାନା ତିନାୟି ମାଣ୍ଠିକି ଲାଗେଏ କିଏ □

ର ଇୟାନି ନାମୁ
(ମାର୍କ ୭:୨୪-୩୦)

୨୧ ଜୀସୁ ଏ ଗାୟୁ ପିସାନା ସର ଅଡେ ସିଦନ ରାଜିତା
ହାଚେସି □

୨୨ ଅଡେ ମେହୁଦୁ ଏ ହାନ୍ଦିଟି କିଶାନ ଦେସାତି ର ଇୟା
ଝାହାନା କାଜା ଗିୟାତଲେ ଏଲେଇଚେ, “ଏ ପ୍ରବୁ ଦାହୁଦ
ମୀରୁଏଣାତି ନାଜେ କାର୍ମା ମେସ୍ତାମୁ ଇଚିହିଁ ନା ମାଜ୍ଜାନି
ହାରେକା ଆଜିହପେତି ବୁତୁ ଆସାନା କସୁ ଆହିମାନେ □”

୨୩ ସାମା ଜୀସୁ ଏଦାନି ର ପଦୁ ଜିକେଏ ଜଲ୍ଲାଆତେସି
□ ଇଞ୍ଜା ତାନି ସୀସୁୟା ଝାହାନା ଏଝାଣାଇଁ ଏଲେଇଚେରି,
“ଇଦାନି ହେଲ ହାହାନା ପାଣ୍ଡାତୁହମୁ, ଏନାଆଁତାକି
ଇଚିହିଁ ଇଦି ମା ଜେଟ କାଲୁଝି ଆହିମାନେ □”

୨୪ ସାମା ଜୀସୁ ଏଲେଇଚେସି, “ନାମୁ ଇସ୍ତାୟେଲ
କୃତାତା ଜାଜ୍ଜାମାନି ମେସ୍ତାୟା ପିସପେ ଅଡେ ଆମ୍ବାଆରି
ତାଣା ପାଣ୍ଡୁଝି ଆହାହିଲଅଁ □”

୨୫ ଏ ଇୟା ଝାହାନା ଜହରା କିହାନା ଏଲେଇଚେ, “ଏ
ପ୍ରବୁ ନାଜେ କାର୍ମା ମେସ୍ତାମୁ □”

୨୬ ସାମା ଜୀସୁ ଏଲେଇଚେସି, “ମୀରୁକା ମାସ୍ତାକା କାଡି
ଅହାନା ନେସ୍ତାକା ତାଗେ ମେଡନାୟି ନେହେଁ ଆଏ □”

୨୭ ଏ ଇୟା ଏଲେଇଚେ, “ହାଅ ପ୍ରବୁ ଇଚିହିଁ ନେସ୍ତା
ତାନି ସାହୁକାରିୟା ତାଣାଟି ତରଗାମାନି ଜୁଟା ରାନ୍ଦା
ପେରହା ତିନୁ □”

୨୮ ଏଚେଟିଏ ଜୀସୁ ଏ ଇୟାନି ଏଲେଇଚେସି, “ଏ ଇୟା
ନାଦି ହାରେକା କାଜା ନାମୁ ନୀ ମନ ଲେହେଁଏ ନିଜ୍ଜ
ଆୟାପେ □” ଏ ଦେବୁଣିଏ ତାନି ମାଜ୍ଜା ନେହେଁ ଆଡେ
□

ଜୀସୁ ହାରେକା ଲକୁଣି ନେହିଁକିନାୟି

୨୯ ଜୀସୁ ଏମ୍ବାଟିଏ ହାଜାନା ଗାଲିଲି ସାମ୍ବୁରି ତାଗେ
ଝାଡେସି, ଅଡେ ହରୁ ଲାକ ହାଜାନା କୁଗିଚେସି □

୩୦ ଅଡେ ହାରେକା ଲକୁ ସଟାୟା, ଚୁଡୁଝାୟା, କାଣାୟା,
ଗୁଲ୍ଲାୟା, ହାରେକା ଲକୁଇଁ ତାମିତଲେ ତାଚାନା ଜୀସୁ
କଡ଼ା ତୁଇ ଇଚିଚେରି, ଅଡେ ଏଝାସି ଏଝାରାଇଁ ନେହିଁ
କିଚେସି □

୩୧ ଇଲେକିହିଁ ବେଦ୍ଡାୟା ଜଲିମାନେରି, ଚୁଡୁଝାୟା
ନେହିଁ ଆହିମାନେରି, ସଟାୟା ତାକି ମାନେରି ଅଡେ
କାଣାୟା ମେସିମାନେରି; ଇ ବାରେ ମେସାନା ଲକୁ
କାବା ଆଡେରି, ଇଞ୍ଜା ଇସ୍ତାୟେଲତି ମାହାପୁରୁଇଁ ଜହରା
କିଚେରି □

ଜୀସୁ ସାରି ମାଣା ଲକୁଣି ତାସେସି
(ମାର୍କ ୮:୧-୧୦)

୩୨ ଅଡେ ଜୀସୁ ତାନି ସୀସୁୟାଁଇଁ ତାଗେ ହାଟାନା
ଏଲେଇଚେସି, “ଇ ବାରେ ଲକୁତାକି ନାଜେ କାର୍ମା
ହଡିମାଞ୍ଜାନେ, ଏନାଆଁତାକି ଇଚିହିଁ ଇଝାରି ତାନିଦିନା
ଆଡେରିଏ ନା ତଲେ ମାଞ୍ଜାମାନେରି, ଅଡେ ଇଝାରି ତାଣା
ଏନାୟିଝା ତିଞ୍ଜାଲି ହିଲେଏ; ଇଝାରି ହାନାଟି ଜୀସୁ ହଡ଼ା
ହାଡିଲେହେଁ ଜିରୁତା ତରଗିନେରି, ଏନାଆଁତାକି ହାକିଟି
ପାଣ୍ଡାଲି ନା ମନ ହିଲେଏ □”

୩୩ ସୀସୁୟାଁ ଏଝାଣାଇଁ ଏଲେଇଚେରି, “ଇଚେକା
ଲକୁତାକି ବାଣ୍ଡି ପାଞ୍ଜିକିହାଲି ଇ ଏନାଆଁ ହିଲାଆ ଗାୟୁତା
ଏମ୍ବିଟି ରୁଟି ପାଣ୍ଡନାୟି □”

୩୪ ଜୀସୁ ଏଝାରାଇଁ ଝେଚେସି, “ମୀ ତାଣା ଏଚରଗଟା
ରୁଟି ମାନୁ ?”

ଏଝାରି ଏଲେଇଚେରି, “ସାଡାଗଟା ଇଞ୍ଜା ଏଚରଗଟା
ଝଣା ମୀଣ୍ଡକା ମାନୁ □”

୩୫ ଏଚେଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି
ହାଚେସି,

୩୬ ଅଡେ ଜୀସୁ ଏ ସାଡାଗଟା ରୁଟି ଇଞ୍ଜା ମୀଣ୍ଡକାଣି
ମାହାପୁରୁ ତାଣା ଜହରା କିହାନା ସୀସୁୟାକି ହାଚେସି;
ଏଝାରି ଲକୁତାକି ହାଚେରି □

୩୭ ଅଡେ ଲକୁ ତିଞ୍ଜାନା ପାଞ୍ଜିତି ତାୟୁ, ତାଗିତି ରୁଟି
ସାଡା ତାଲି ହାରିତାଣି କୁଡି କିଚେରି □

୩୮ ରୁଟି ତିଟି ଲକୁ ଇୟାସିକା ଅଡେ ଝଣା କକାରି
ପଦାଣି ପିସାନା ସାରି ମାଣା ଆବାୟା ମାଚେରି □

୩୯ ଏଚେଟିଏ ଏଝାସି ଲକୁଣି ହେଲ ହାହାନା ଡଂଗତା
ହଡାନା ମଗଦାନ ହାନ୍ଦିତା ଝାଡେସି □

୧୭

କାବାଆନି କାମା ତସାଲି ଏଲେଇନାୟି
(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ *ଏଚେକା ପାରୁସି ଅଡେ ସାଦୁକିୟାଁ ଜୀସୁ ତାଣା
ଝାହାନା ତାୟିପାରି କିହାଲି, ମାଜେ ହାଗୁ ଲାକଟି ର ସିନା
ତସ୍ତାମୁ ଇଞ୍ଜା ବାଡିମାଲିଚେରି □

୨ ସାମା ଜୀସୁ ଏଝାରାଇଁ ଏଲେଇଚେସି, “ମିଡୁଅଲା
ବେଲା ଏଲେଇଞ୍ଜେରି, ଝିଏ କାରା ଆନେ, ଇଚିହିଁ ହାଗୁ
ଗାଦ୍‌ଗା ଆହାମାନେ □”

୩ ଅଡେ ଲାକୁ ବେଲା ଏଲେଇଞ୍ଜେରି, ନୀଞ୍ଜୁ ପିୟୁ
ଆନେ, ଇଚିହିଁ ହାଗୁ ଗାଦ୍‌ଗା ଅଡେ ଦୁନ୍ଦ୍ରା ମୁଟାମାନେ
□ ମୀରୁ ହାଗୁତି ପାଗା ମେସାନା ନକିତି କାତା ପୁଞ୍ଜାଲି
ଆଡି ମାଞ୍ଜେରି, ସାମା ନୀଏତି କାତା ଅଡେ ସିନାୟା ପୁଞ୍ଜି
ହିଲଅତେରି □

୪ *ପଲ୍‌ଆ ଗାଟାରି ଇଞ୍ଜା ମାହାପୁରୁଇଁ ଅଣ୍ଡପାଆଗାଟି
କୃତାତାରି ସିନାୟା ପାରିନେରି, ସାମା ଜୁନସତି ସିନା

☆ ୧୭:୧ ୧୭:୧ ମାତୃ ୧୨:୩୮; ଲୁକ ୧୧:୧୭ ☆ ୧୭:୪ ୧୭:୪ ମାତୃ ୧୨:୩୯; ଲୁକ ୧୧:୨୯

ପିତୃପେ ଅଡ଼େ ଏଟକାତି ସିନା ଏଞ୍ଜାରାକି ହୀପକି ଆଏ, ଇଞ୍ଜା ଏଞ୍ଜାସି ଏଞ୍ଜାରାଇଁ ପିସାନା ହାଚେସି □

ପାରୁସିୟାଁ ଅଡ଼େ ସାଦୁକିୟାଁ ତାଣାଟି ଜାଗ୍ରାତା
(ମାର୍କ ୮:୧୪-୨୧)

* ସୀସୁୟାଁ ସାମଦୁରି ଆତାଲା ହାଜାନା ସିନିକିତେରି, ଏଞ୍ଜାରି ରୁଟି ଅହାଲି ବାଣା ଆହା ହାଜାମାନେରି □

୨ *ଜୀସୁ ଏଞ୍ଜାରାଇଁ ଏଲେଇଚେସି, “ଜାଗ୍ରାତା ଆଦୁ, ପାରୁସିୟାଁ ଅଡ଼େ ସାଦୁକିୟାଁ ପୁଲା ଏୟୁଟି ଜାଗ୍ରାତା ଆହାଁ ମାଞ୍ଜୁ □”

୩ ଏମ୍ବାଟିଏ ଏଞ୍ଜାରି ତାମ୍ବୁ ତାମ୍ବୁ ଜଲ୍ଲକି ଆହାଲି ମାଟ୍‌ହେସି, “ମାରୁ ରୁଟି ତାଟା ହିଲାଆୟି ଇଞ୍ଜାଁ ଏଞ୍ଜାସି ଏଲେଇଞ୍ଜିମାଞ୍ଜାନେସି □”

୮ ସାମା ଜୀସୁ ଏଦାଆଁ ପୁଞ୍ଜାନା ଏଲେଇଚେସି, “ଆଡ଼େ ଉଣା ନାମୁ ଗାଟାତେରି, ମୀ ବିତ୍ତା ରୁଟି ହିଲେଏ ଇଞ୍ଜାଁ ଏନାଆଁତାକି ଝେସ୍‌ପି ଆହିମାଞ୍ଜେରି ?

୯ *ମୀରୁ ନୀଏଁ ପାତେକା ପୁଞ୍ଜି ହିଲଅତେରି ? ଏ ପାସାମାଣା ଲକୁଡି ପାସାଗଟା ରୁଟି ଡିକ୍‌ହାନା ହୀହା ମାଚେଏଁ, ଇଞ୍ଜାଁ ମୀରୁ ଏଚର ତାଲି ହାରିତାଣି କୁଡି କିତେରି,

୧୦ *ଇଞ୍ଜାଁ ଏ ସାରି ମାଣା ଲକୁଡି ସାତା ଗଟା ରୁଟି, ଇଞ୍ଜାଁ ଏଚର ତାଲି ହାରିତାଣି କୁଡି କିତେରି, ଏ ବାରେ ମିଙ୍ଗେ ଅଣ୍‌ପୁ ହିଲେଏ ?

୧୧ ନାନୁ ମିଙ୍ଗେ ରୁଟି କାତା ଝେସାମାଞ୍ଜାଆତେଏଁ, ଇଦାଆଁ ଏନିକ୍‌ ପୁଞ୍ଜି ହିଲଅତେରି ? ସାମା ପାରୁସିୟାଁ ଅଡ଼େ ସାଦୁକିୟାଁ ପୁଲା ଏୟୁଟି ଜାଗ୍ରାତା ଆହାନା ମାଞ୍ଜୁ □”

୧୨ ଏଞ୍ଜାସି ରୁଟି ତାକି ଲଡ଼ାମାନି ପୁଲା ଏୟୁଟାକି ଜାଗ୍ରାତା ଆହାନା ମାଞ୍ଜାଲି ଝେହ୍‌ଆନା, ପାରୁସିୟାଁ ଅଡ଼େ ସାଦୁକିୟାଁ ଜାପ୍‌ନି ତାଣାଟି ଜାଗ୍ରାତା ଆହାଁ ମାଞ୍ଜାଲି ଏଞ୍ଜାରାଇଁ ଝେସାମାଚେସି, ଏଦାଆଁ ଏଞ୍ଜାରି ଏଚିବେଲା ପୁଚେରି □

ଜୀସୁଇଁ ପିତର ସାତା ଇଞ୍ଜାଁ ଝେହ୍‌ନାୟି
(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ତାୟୁ ଜୀସୁ କାୟିସରିୟା ପିଲିପି ରାଜିତା ଝାହାନା ତାନି ସୀସୁୟାଁଇଁ ଝେଚେସି, “ମାଣ୍‌ସି ମୀର୍‌ଏସି ଆମ୍ବାଆସି ଇଞ୍ଜାଁ ଲକୁ ଝେସିମାନେରି ?”

୧୪ *ଏଚେଟିଏ ଏଞ୍ଜାରି ଏଲେଇଚେରି, “ଆମ୍ବା ଆମ୍ବାଆସି ବାପ୍‌ସୁ* ହାନି ଜହନ, ଆମ୍ବା ଆମ୍ବାଆସି ଏଲିୟ, ଅଡ଼େ ଆମ୍ବା ଆମ୍ବାଆସି ଜିରିମିୟ ଆଆତ୍‌ ମାହାପୁରୁ ଅଣ୍‌ପୁଡି ବଲୁ ଝେହ୍‌ନାରି ତାଣାଟି ରଅସି □”

୧୫ ଜୀସୁ ଏଞ୍ଜାରାଇଁ ଝେଚେସି, “ସାମା ନାନୁ ଆମ୍ବାଆତେଏଁ ଇଞ୍ଜାଁ ମୀରୁ ଝେସିମାଞ୍ଜେରି ?”

୧୬ *ସିମନ ପିତର ଏଲେଇଚେସି, “ନୀନୁ ଜୀସୁ, ଜୀସୁଗାଟି ମାହାପୁରୁ ମୀର୍‌ଏଣାଟି □”

୧୭ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଏ ଜୁନସ ମୀର୍‌ଏଣାଟି ସିମନ, ନୀନୁ ନେହେଁ, ଇଚିହ୍‌ ମାଣ୍‌ସି ନୀ ତାଣାଟି ଇଦାଆଁ ଝେକ୍‌ହାମାଞ୍ଜଅସି, ସାମା ନା ଲାକପୁରୁଡି ଆବା ଝେକ୍‌ହାମାଞ୍ଜାନେସି □

୧୮ ଅଡ଼େ ନାନୁ ଜିକେଏ ନିଙ୍ଗେ ଝେସିମାଞ୍ଜାଇଁ, ନୀନୁ ପିତରଡି†, ଇଞ୍ଜାଁ ଇ ଝାଲି ଲାକ ନାନୁ ନା କୁଲମିଡି କେପିଇଁ, ଅଡ଼େ ହାକିଡି ବାଡ଼ୟୁ ଏଦାଆଁ ମେକ୍‌ହାଲି ଆଡ଼େଏ □

୧୯ *ନାନୁ ନିଙ୍ଗ ଲାକପୁରୁଡି କୁଟିକାଡି ହିୟାଇଁ, ଅଡ଼େ ନୀନୁ ଦାର୍‌ଡିତା ଏନାଆଁ ସୁଣ୍ଡି, ଏଡି ଲାକପୁରୁ ରାଜି ଜିକେଏ ସୁଣ୍ଡି ଆନେ, ଅଡ଼େ ଦାର୍‌ଡିତା ଏନାଆଁ ଦେଏଡି ଏଡି ଲାକପୁରୁ ଜିକେଏ ଦେପି ଆନେ □”

୨୦ ଏଚିବେଲା ଏଞ୍ଜାସିଏ ଜୀସୁ ଇଞ୍ଜାଁ ଆମ୍ବାଆରାଇଁ ଝେହ୍‌ଆଦୁ ଇଞ୍ଜାଁ ଏଞ୍ଜାସି ତାନି ସୀସୁୟାଁଣି ଜାଣେ କିହ୍‌ ହୁକୁମି ହୀତେସି □

ଜୀସୁ ତାନି ଦୁକୁ ବେଟାଆନାଣି ଅଡ଼େ ହାନାଣି ଝେହ୍‌ନାୟି
(ମାର୍କ ୮:୩୧; ୯:୧; ଲୁକ ୯:୨୨-୨୬)

୨୧ ଏଚିବେଲାଟିଏ ଜୀସୁ ତାନି ସୀସୁୟାଁଣି ଝେସାଲି ମାଟ୍‌ହେସି, ନାନୁ ଜିରୁସାଲମତା ହାନାୟିମାନେ, ଇଞ୍ଜାଁ ପ୍ରାଟିନାଙ୍ଗା, କାଜା ପୂଜେରାଙ୍ଗା ଅଡ଼େ ମେରାପୁନାରି ତାଣାଟି ହାରେକା ଦୁକୁ ବେଟାଆହାନା ହାନାୟି ମାନେ, ଇଞ୍ଜାଁ ତାନି ଦିନାଟିଏ ଝେଣ୍ଡେ ନିଙ୍ଗିନାୟି ମାନେ □

୨୨ ଏଚେଟିଏ ପିତର ଏଞ୍ଜାଣାଇଁ ଅରଞ୍ଜାକି ଅହାନା ଲାଗାନା ଏଲେଇଚେସି, “ଏ ପ୍ରୁ, ମାହାପୁରୁ ନିଙ୍ଗ କାର୍‌ମା ଆୟାପେସି, ଇଲେତାୟି ନିଙ୍ଗେ ଏଚେଲାଞ୍ଜା ଆୟାଆପେ □”

୨୩ ସାମା ଜୀସୁ ତାୟୁଞ୍ଜାକି ସିନିକିହାନା ପିତରଇଁ ଏଲେଇଚେସି, “ଏ ସୟତାନ ନା ତାଣାଟି ହେକ ଆମ୍ବୁ, ନୀନୁ ନା ସାତୁ ଲେହେଁ, ଇଚିହ୍‌ ନୀନୁ ମାହାପୁରୁ କାତା ଅଣ୍‌ପାଆନା ମାଣ୍‌ସିଡି କାତା ଅଣ୍‌ପିମାଞ୍ଜି □”

୨୪ *ଏଚିବେଲା ଜୀସୁ ତାନି ସୀସୁୟାଁଣି ଏଲେଇଚେସି, “ଆମ୍ବାଆସି ନା ଜେଟ ତାକାଲି ମନ୍ କିଡିହ୍‌, ଏଞ୍ଜାସି ତାନୁଏ ତାଙ୍ଗେ ଅପାକତାଆନା ତାନି ଜୁସ ଡେକାନାହାଁ ନା ଜେଟ ତାକାପେସି □

୨୫ *ଇଚିହ୍‌ ଆମ୍ବାଆସି ତାନି ଜୀସୁ ନୀର୍‌ହା କତାଲି ମନ୍ କିନେସି, ଏଞ୍ଜାସି ହାଞ୍ଜି କିନେସି; ସାମା ଆମ୍ବାଆସି ନା ତାକି ତାନି ଜୀସୁ ହୀନେସି ଏଞ୍ଜାସି ନୀର୍‌ହା କଡିନେସି □

୨୬ ଅଡ଼େ ମାଣ୍‌ସି ଇ ଦାର୍‌ଡିତା ମାନାଣି ବାରେ ମେଡି କିହାନା ତାନି ଜୀସୁଡି ହାଞ୍ଜି କିନେସି, ଆଡିହ୍‌ ଏଞ୍ଜାଣାକି

* ୧୭:୨ ୧୭:୨ ଲୁକ ୧୨:୧ * ୧୭:୯ ୧୭:୯ ମାତି ୧୪:୧୭-୨୧ * ୧୭:୧୦ ୧୭:୧୦ ମାତି ୧୫:୩୪-୩୮ * ୧୭:୧୪ ୧୭:୧୪ ମାତି ୧୪:୧,୨; ମାର୍କ ୬:୧୪,୧୫; ଲୁକ ୯:୨,୮ * ୧୭:୧୪ ୧୭:୧୪ ମୁଞ୍ଜିନାୟି * ୧୭:୧୭ ୧୭:୧୭ ଜହ ୬:୬୮,୭୯ † ୧୭:୧୮ ୧୭:୧୮ ପିତର ଇଚିହ୍‌ ଝାଲି * ୧୭:୧୯ ୧୭:୧୯ ମାତି ୧୮:୧୮; ଜହ ୨୦:୨୩ * ୧୭:୨୪ ୧୭:୨୪ ମାତି ୧୦:୩୮; ଲୁକ ୧୪:୨୭ * ୧୭:୨୫ ୧୭:୨୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫ * ୧୭:୨୭ ୧୭:୨୭ ମାତି ୨୫:୩୧; ରମି ୨:୬

ଏହି ଲାବା, ଇଞ୍ଜା ମାଣ୍ଡି ତାନି ଜୀବୁତି ବାଦୁଲି ଏନାଆଁ ହୀନେସି ?

୨୭ *ଇଞ୍ଜା ମାଣ୍ଡି ମୀରୁଏସି ତାନି ଆବାତି ଗାଞ୍ଜୁରମିତି ତାନି ଦୂତୁୟା ତଲେ ଖାନେସି, ଏତିବେଲା ଏଞ୍ଜାସି ବାରେ ଲକୁକି ତାନି କାମାତି ଲେକା ତଲେ ପାଡ଼େୟି ହୀନେସି □

୨୮ ନାନୁ ମିଙ୍ଗେ ସାତା ଖେସିମାଞ୍ଜାକ୍, ମାଣ୍ଡି ମୀରୁଏସି ତାନି ରାଜିତା ରାଜାଆହାଁ ଖାନାଣି ମେହୁଆ ପାତେକା ଇମ୍ପାଆଁ ମାନି ଲକୁ ବିତ୍ରାତି ଏଚରଜାଣା ହାଅରି □”

୧୭

ଜୀସୁ ଅର ଖାଣା ଆନାୟି

(ମାର୍କ ୯:୨-୧୩; ଲୁକ ୯:୨୮-୩୬)

୧ ଜୀସୁ ସ ଦିନା ତାୟୁ ପିତର, ଜାକୁବ, ଅଡ଼େ ତାନି ତାୟି ଜହନକ୍ ଏଚକା କିହାନା ଏଞ୍ଜାରାକ୍ ର ପାତାଆଡ଼ି ହରୁ ଲାକ ଅଡ଼େସି □

୨ ଅଡ଼େ ଏଞ୍ଜାସି ଏଞ୍ଜାରି ନକିତା ତାନି ଖାଣା ବାଦଲଖି ଆହାନା ତାନି ମୁମ୍ବୁ ଖେଡ଼ାଲେହେଁ ଉଜେଡ଼ି ଇଞ୍ଜା ତାନି ହିମ୍ବୁରି ଉଜେଡ଼ି ଲେହେଁ ଦବଲା ଆଡ଼େ □

୩ ଇଞ୍ଜା ମେହୁଦୁ ମସା ଅଡ଼େ ଏଲିୟ ଜୀସୁତଲେ କାତା ଆହିମାଚାଣି ମେସ୍ତେରି □

୪ ଏମ୍ପାଟିଏ ପିତର ଜୀସୁକ୍ ଏଲେଇଚେସି, “ଏ ପ୍ରବୁ ମାର ଇ ଚାୟୁତା ମାନାୟି ନେହେଁ; ନୀ ମନ ଆତିହୁଁ ନାନୁ ଇମ୍ପାଆଁ ତାନିଗଟା ଗୁଡ଼ାୟାଁ କେପିକ୍, ନିଙ୍ଗେତାକି ରଣ୍ଡାଆଁ ମସାକି ରଣ୍ଡାଆଁ ଇଞ୍ଜା ଏଲିୟକି ରଣ୍ଡାଆଁ □”

୫ **ଇ କାତା ଖେସପନିଏ ମେହୁଦୁ ଇଚାୟି ହାଗୁ ଖାହାନା ଏଞ୍ଜାରାକ୍ ପ୍ରିକହେ, ଇଞ୍ଜା ଏ ହାଗୁଟି ଇ ହାଡ଼ା ଖେଜିଚେ, “ଇଞ୍ଜାସି ନା ଜୀବୁତି ମୀରୁଏସି ଇଞ୍ଜାଣି ତାଣେଏ ନା ରାହାଁ ମାନେ, ଇଞ୍ଜାଣି ବଲୁ ଖେଞ୍ଜୁ □”

୬ ଇ ହାଡ଼ା ଖେଞ୍ଜାହାଁ ସୀସୁୟାଁ ମୁନୁ କୁତିହୁଁ ରିଚେରି ଇଞ୍ଜା ହାଚେକା ଆଜିଚେରି □

୭ ଏମ୍ପାଟିଏ ଜୀସୁ ଖାହାନା ଏଞ୍ଜାରାକ୍ ତୀଗାନା ଏଲେଇଚେସି, “ନିଙ୍ଗାଦୁ ମୀରୁ ଆଜାଆଦୁ □”

୮ ଇଞ୍ଜା ଏଞ୍ଜାରି ଲାକ ସିନିକିହାଲିଏ ଜୀସୁ ପିସ୍ପେ ଆମ୍ପାଆରାକ୍ ମେହୁଆଚେରି □

୯ ଏଞ୍ଜାରି ହରୁ ଲାକଟି ଚେଚା ଖାହିମାଚାଟି ଜୀସୁ ଏଞ୍ଜାରାକ୍ ହୁକୁମି ହାହାନା ଏଲେଇଚେସି, “ମାଣ୍ଡି ମୀରୁଏସି ହାଡ଼ାରି ତାଣାଟି ନିଙ୍ଗାଆ ପାତେକା ଇ ମେସାମାନି କାତା ଆମ୍ପାଆରାକ୍ ଖେହୁଅଚେରି □”

୧୦ ଏଦାଆଁତାକି ସୀସୁୟାଁ ଏଞ୍ଜାଣାକ୍ ଖେଚେରି, “ଆତିହୁଁ ନକେଏ ଏଲିୟ ଖାନାୟି ମାନେ ଇଞ୍ଜା ମେରାପୁନାରି ଏନାଆଁତାକି ଖେସିମାନେରି ?”

୧୧ ଏଞ୍ଜାସି ଏଲେଇଚେସି, “ଏଲିୟ ଖାହାନା ବାରେ ଅଡ଼େ ଖେଶ୍ଟେ ଇଚିନାୟି ସାତା”

୧୨ *ସାମା ନାନୁ ମିଙ୍ଗେ ଖେସିମାଞ୍ଜାକ୍, “ଏଲିୟ ଖାହା ରାଡ଼େସିଏ, ସାମା ଲକୁ ଏଞ୍ଜାଣାକ୍ ପୁନାଆନା ଏନିକିହାଲି ମନ ଏଲେକିଚେରି □ ଏଲେକିହୁଁ ଏ ମାଣ୍ଡି ମୀରୁଏସି ଜିକେଏ ଏଞ୍ଜାରି କେୟୁତା ଦୁକୁ ବେଟାଆହାଲି ହାଜିମାନେସି □”

୧୩ ଏତିବେଲା ଏଞ୍ଜାରାକ୍ ବାପ୍ତିସ୍ତ* ହୀନି ଜହନତି କାତା ଖେସିମାନେସି, ଏତିବେଲା ସୀସୁୟାଁ ପୁଚେରି □

ଜୀସୁ ବୁତୁ ଆଲଗାମାଟି କକାଣାକ୍ ନେହୁଁ କିନାୟି

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ତାୟୁ ଏଞ୍ଜାରି ଲକୁତାଣା ଖାହାଲିଏ, ରଅସି ଜୀସୁ ତାଣା ଖାହାଁ ମେଶ୍ଟାକୁତାନା ଏଲେଇଚେସି,

୧୫ “ପ୍ରବୁ ନା କକାଣାକ୍ କାର୍ମା ମେହୁମୁ, ଇଚିହୁଁ ଏଞ୍ଜାସି କାଟିଖେନି ନଚେରି ତାକି ହାଚେକା କସ୍ତୁ ଆହିମାନେସି, ଏଞ୍ଜାସି ଏଚର ପାଲି ହିରୁତା ଅଡ଼େ ଏୟୁଣାଁ ତରଗା ହାଜିମାନେସି □

୧୬ ନାନୁ ମୀ ସୀସୁୟାଁ ତାଣା ଏଞ୍ଜାଣାକ୍ ତାଚାମାଚେଏଁ, ସାମା ଏଞ୍ଜାରି ଏଞ୍ଜାଣାକ୍ ନେହୁଁ କିହାଲି ଆଡ଼ାଆଚେରି □”

୧୭ ଜୀସୁ ଏଲେଇଚେସି, “ଆଡ଼େ ନାମାଆଗାଟି ଲାଗେଏ ପଲେଏ କାମା କିନି କୁଡ଼ାତାଚେରି, ଏଚର କାଲ୍ଲା ପାତେକା ନାନୁ ମୀ ତଲେ ଡ଼ୟିକ୍ ? ଏଚର କାଲ୍ଲା ମୀ ଲେମ୍ପାନାଣି ଅରୁହିକ୍ ? କକାଣାକ୍ ଇମ୍ପାଆଁ ନା ତାଣା ତାଦୁ □”

୧୮ ଅଡ଼େ ଜୀସୁ ବୁତୁକ୍ ଦାକା ହାହାଲିଏ, ବୁତୁ ଏଞ୍ଜାଣାକ୍ ପିସା ହାଡୁସ୍ତେ, ଏ ଦେବୁଣିଏ କକାସି ନେହୁଁ ଆଡ଼େସି □

୧୯ ଏଚେଟିଏ ସୀସୁୟାଁ ମେଶେଏ ଜୀସୁ ତାଣା ଖାହାନା ଏଲେଇଚେରି, “ମାମ୍ବୁ ଏନାଆଁତାକି ଏ ବୁତୁ ପିସ୍ପି କିହାଲି ଆଡ଼ାଆଚେରି ?”

୨୦ *ଏଞ୍ଜାସି ଏଞ୍ଜାରାକ୍ ଏଲେଇଚେସି, “ମୀ ଡ଼ଣା ନାମୁ ତାକି, ଇଚିହୁଁ ନାନୁ ମିଙ୍ଗେ ସାତା ଖେସିମାଞ୍ଜାକ୍, ର ହାସୁଁ ପାଡ଼େୟି ସମାନା ମୀ ନାମୁ ମାଚିହୁଁ, ଇ ହରୁତି ଇମ୍ପାଟି ଏମ୍ପାଆଁ ଗୁଚାଆମୁ ଇଚିହୁଁ, ଏଡ଼ି ଗୁଚାଆନେ, ଅଡ଼େ ଏନାୟି ଜିକେଏ ଆଆଗାଚାୟି ହିଲେଏ □

୨୧ ସାମା ପ୍ରାତାନା ଅଡ଼େ ଉପାସା ପିସ୍ପେ ଅଡ଼େ ଏଡ଼ି ଡ଼ପେୟିଟି ଇଲେତି ବୁତୁ ହଡ଼ା ହାଲେଏ □”

ଜୀସୁ ତାନି ହାନି କାତାଟି ଅଡ଼େ ଖେଶ୍ଟେ ଖେହୁନାୟି

(ମାର୍କ ୯:୩୦-୩୧; ଲୁକ ୯:୪୩-୪୫)

୨୨ ଅଡ଼େ ଏଞ୍ଜାରି ଗାଲିଲିତା ରୁଣ୍ଡା ଆଡ଼ି ବେଲାତା ଜୀସୁ ଏଞ୍ଜାରାକ୍ ଖେସ୍ତେସି, “ମାଣ୍ଡି ମୀରୁଏସି ମାଣ୍ଡିୟାଁ କେୟୁତା ହେରପି ଆହାଲି ହାଜିମାନେସି,

୨୩ ଇଞ୍ଜା ଏଞ୍ଜାରି ଏଞ୍ଜାଣାକ୍ ପାୟିନେରି; ଅଡ଼େ ତାନି ଦିନାଟିଏ ଏଞ୍ଜାସି ଖେଶ୍ଟେ ନିଙ୍ଗିନେସି □”

ଏଚେଟିଏ ଏଞ୍ଜାରି ହାଚେକା ଦୁକୁ ଆଡ଼େରି □

* ୧୭:୫ ୧୭:୫ ମାତୃ ୩:୧୭; ୧୭:୧୮; ମାର୍କ ୧:୧୧; ଲୁକ ୩:୨୨ * ୧୭:୫ ୧୭:୫ ୨ପିତ ୧:୧୭,୧୮ * ୧୭:୧୨ ୧୭:୧୨ ମାତୃ ୧୧:୧୪ * ୧୭:୧୩ ୧୭:୧୩ ମୁଞ୍ଜିନାୟି * ୧୭:୨୦ ୧୭:୨୦ ମାତୃ ୨୧:୨୧; ମାର୍କ ୧୧:୨୩; ୧କର ୧୩:୨

ମାହାପୁରୁ ଇଲୁତାକି ସିସୁ ହୁାନାୟି

୨୪ ଏମ୍ବାଟିଏ ଏଞ୍ଜାରି କପରନାହୁମତା ଖାହାଲିଏ ମାହାପୁରୁ ଇଲୁତି ସିସୁ ରୀହନାରି ପିତରଇଁ ଖାହାନା ଖେଚେରି, “ମୀ ଗୁରୁ ମାହାପୁରୁ ଇଲୁତାକି ସିସୁ ହୁଅସିକି ?”

୨୫ ପିତର ଏଲେଇଚେସି, “ହାଅ ହାନେସି □”

ଅଡ଼େ ଏଞ୍ଜାସି ଇଜ ଖାହାଲିଏ ଜୀସୁ ନକେଏ ଏଞ୍ଜାଣାଇଁ ଏଲେଇଚେସି, “ସିମନ ନୀ ଅଣ୍ଡୁ ଏନାୟି, ଦାରତିତି ରାଜାୟା ଆମ୍ବାଆରି ତାଣାଟି ସିସୁ ରୀହନେରି, ଏଞ୍ଜାରି ମୀରକା ତାଣାଟି କି ଏଟକା ଦେସାତି ଲକୁ ତାଣାଟି ?”

୨୬ ଏଞ୍ଜାସି ଏଟକା ଦେସାତି ଲକୁ ତାଣାଟି ଏଲେଇଞ୍ଜାଲିଏ, ଜୀସୁ ଏଞ୍ଜାଣାଇଁ ଏଲେଇଚେସି, “ଆତିହୁଁ ମୀରକା ହିୟାଲି ଲଡ଼ାଆଏ □”

୨୭ ସାମା ମାର ଏନିକ୍ ଏଞ୍ଜାରାକି ବାଦା ହାନାତାୟି ଆଆୟି, ଏଦାଆଁତାକି ସାମ୍ବୁରିତା ହାଜାନା କାଟା ମେଡ଼ମ୍, ଇଞ୍ଜା ତଲିଏ ଆମିନି ମୀନୁ ଆହୁଦି, ଏଦାଣି ଆସାନା ତାନି ଗୁତି ଏକ୍‌ହସାରେ ର ଖେଣ୍ଡି ଟାକା ବେଟାଆଦି; ଏଦାଆଁ ଅହାନା ନାଙ୍ଗେ ଅଡ଼େ ନିଙ୍ଗେତାକି ଏଞ୍ଜାରାକି ହୀମ୍ବୁ □

୧୮

ଲାକପୁରୁ ରାଜିତା ଆମ୍ବାଆସି କାଜାସି

(ମାର୍କ ୯:୩୩-୩୭; ଲୁକ ୯:୪୭-୪୮)

୧ *ଏଟିରେଲା ସୀସୁୟା ଜୀସୁ ତାଣା ଖାହାନା ଖେଚେରି, “ଆତିହୁଁ ଲାକପୁରୁ ରାଜି ଆମ୍ବାଆସି କାଜାସି ?”

୨ ଏଞ୍ଜାସି ର ଉଣା କକାଣାଇଁ ତାଗେ ହାଟାହାଁ ନିପହାନା ଏଲେଇଚେସି,

୩ * “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଖେଣ୍ଡେ ର ଉଣା କକାଣି ଲେହେଁ ଆଆତିହୁଁ, ଏନିଜିକେଏ ଲାକପୁରୁ ରାଜିତା ହଡ଼ାଲି ଆଡ଼ଅଡ଼େରି □

୪ ଇଦାଆଁତାକି ଆମ୍ବାଆସି ଇ ଉଣା କକାଣି ଲେହେଁ ତାଙ୍ଗେତାକି ଉଣା କିହାକଡ଼ିନେସି, ଏଞ୍ଜାସି ଲାକପୁରୁ ରାଜିତା କାଜାସି □

୫ ଅଡ଼େ ଆମ୍ବାଆସି ଜିକେଏ ନା ଦରୁଟି ଇ ଉଣା କକାଣାଇଁ ଆବିନେସି, ଏଞ୍ଜାସି ନାଙ୍ଗେ ଆବାନେସି □”

ପାପୁ କିହାଲି ତାୟିପାରି କିନାୟି

(ମାର୍କ ୯:୪୭-୪୮; ଲୁକ ୧୭:୧-୨)

୬ “ସାମା ଆମ୍ବାଆସି ଜିକେଏ ନା ତାଣା ନାମାମାନି ଇ ଉଣାୟା ବିତ୍ରାଟି ରଅଣାଇଁ ତାୟିପାରି କିହାଲି ପାପୁ କିଞ୍ଜି କିନେସି, ଏଞ୍ଜାଣି ହେରକିତା ର କାଜା ଜେତାଖାଲି ଦସାନା ସାମ୍ବୁରିତି କୁଡ଼ନି ଏୟୁଣାଁ ମେଡ଼ହୁଁ ଏଞ୍ଜାଣାକି ନେହେଁ ଆଡ଼େମା □

୭ ଆୟଡ଼ା, ଦାରତିତି ଲାଗେଏ କିନାକି ତଣ୍ଡ ବେଟା ଆନାଡ଼େରି; ଲାଗେଏ ଆନାୟି ସାଡ଼େଏ ଆନେ, ଆୟଡ଼ା

ଆମିନି ଲକୁ ତାଣାଟି ଲାଗେଏ ଆନେ ଏଞ୍ଜାସି ତଣ୍ଡ ବେଟା ଆନେସି □”

୮ * “ମୀ କେୟୁ କି କତା ମିଙ୍ଗେ ପାପୁ କିଞ୍ଜିକିୟାନେ, ଇତିହୁଁ ଏଦାଆଁ ରାଡ଼ହାନା କୁତାଦୁ, ରୀ କେସ୍ତା ଅଡ଼େ ରୀ କତାୟା ଆସାନା କାଲାକାଲା ଡ଼ାଞ୍ଜିମାନି ହିରୁତା ହଡ଼ନି କିହାଁ କଲା ଅଡ଼େ ସଟା ଆହାନା କାଲେଏତି ଜୀଞ୍ଜୁ ବେଟାଆହାନା ମାହାପୁରୁ ରାଜିତା ହାନାୟି ମିଙ୍ଗେତାକି ନେହେଁ □

୯ * ଅଡ଼େ ମୀ କାନୁ ମିଙ୍ଗେ ଲାଗେଏ କିଞ୍ଜିକିୟାତିହୁଁ, ଏଦାଆଁ ଡ଼େଞ୍ଜା କୁତାଦୁ; ରୀ କାଣ୍ଡାକା ଆସାନା କାଲେଏ ଡ଼ାଞ୍ଜିମାନି ହିରୁ ଗାଡ଼ୟୁତା ମେଦିନି କିହାଁ ର କାନୁ ତଲେ କାଲେଏତି ଜୀଞ୍ଜୁ ବେଟାଆହାନା ମାହାପୁରୁ ରାଜିତା ହାନାୟି ମିଙ୍ଗେତାକି ନେହେଁ □”

ଜାଜିତି ମେଣ୍ଡାତି ପୁଣ୍ଡିକିନାୟି

(ଲୁକ ୧୫:୩-୭)

୧୦ * “ହେଣ୍ଡୁ ଇ ଉଣା କକାରି ବିତ୍ରାଟି ରଅଣାଇଁ ଜିକେଏ ହାଣି ମେହୁଆଦୁ, ଇତିହୁଁ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଲାକପୁରୁ ମାନି ଏଞ୍ଜାରି ଦୂଡ଼ୟାଁ ବାରେଦିନା ଲାକପୁରୁତି ମା ଆବାତି ମୁମ୍ବୁମେସେ ମାନୁ □

୧୧ ଇତିହୁଁ ଏନାୟି ଜାଙ୍ଗାମାନେ ଏଦାଆଁ ପାରାନା ଗେଲ୍‌ପାଲି ମାଣ୍ଡିସି ମୀରୁଏସି ଖାହାମାନେସି □”

୧୨ “ମୀରୁ ଏନାଆଁ ଅଣ୍ଡିମାଞ୍ଜେରି ? ରଅଣାକି ପାସାକଡ଼ି ମେଣ୍ଡାୟା ମାତିହୁଁ, ଏଞ୍ଜାସିକା ବିତ୍ରାଟି ରଣ୍ଡି ଜାଙ୍ଗାହାନେ, ଇଞ୍ଜା ରଣ୍ଡି ଉଣା ପାସାକଡ଼ି ମେଣ୍ଡାୟା ହରୁତା ପିସାନା ଏଞ୍ଜାସି ହାଜାନା ଏ ଜାଙ୍ଗାମାନି ମେଣ୍ଡାତି ପାରଅସି ?

୧୩ ଅଡ଼େ ଏଞ୍ଜାସି ଏଦାଆଁ ବେଟା ଆନେସି, ଇଞ୍ଜା ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଜାଙ୍ଗା ହିଲାଆଗାଟି ରଣ୍ଡି ଉଣା ପାସାକଡ଼ି ମେଣ୍ଡାୟା କିହାଁ ଜାଙ୍ଗାମାଟି ର ମେଣ୍ଡା ତାକି ହାଡ଼େରକା ରାହାଁ କିନେସି □

୧୪ ଏଲେକିହୁଁ ଏ ଇ ଉଣାୟା ବିତ୍ରାଟି ରଣ୍ଡି ଜିକେଏ ନସ୍ତ ଆଆପେ ଇଞ୍ଜୁଁ ମୀ ଲାକପୁରୁତି ଆବାତି ମନୁ □”

ପାପୁ କିତି ର ତାୟି

୧୫ * “ନୀ ତାୟି ପାପୁ କିତିହୁଁ, ନୀନୁ ଏଞ୍ଜାଣାଇଁ ମେଣ୍ଡେଏ ଏଲେକିଆନି ଇଞ୍ଜୁଁ ଖେସାନା ତାନି ପାପୁ ତହୁମ୍ବୁ; ଏଞ୍ଜାସି ନୀ କାତା ଆସିହୁଁ ନୀନୁ ଏଞ୍ଜାଣାଇଁ ନୀ ତାୟିଲେହେଁ ଖେଣ୍ଡେ ବେଟାଆଦି □

୧୬ ସାମା ଏଞ୍ଜାସି ନୀ କାତା ଖେନାଆତିହୁଁ, ନୀ ତଲେ ରଅଣାଇଁ କି ରିଆରାଇଁ ଅହିହୁଁ ହାଲାମ୍ବୁ, ଏନିକିହୁଁ ରିଆରି କି ତାନି ଜାଣା ସାକିୟା ନକିତା ବାରେ କାତା ତୀରି ଆନେ □

୧୭ ଏଞ୍ଜାସି ଏଞ୍ଜାରି କାତା ଜିକେଏ ଆହୁଆତିହୁଁ କୁଲମିତି ଖେହୁମ୍ବୁ, ଅଡ଼େ ଜିକେଏ କୁଲମି କାତା

* ୧୮:୧ ୧୮:୧ ଲୁକ ୨୨:୨୪ * ୧୮:୩ ୧୮:୩ ମାର୍କ ୧୦:୧୫; ଲୁକ ୧୮:୧୭ ୧୮:୧୦ ଲୁକ ୧୯:୧୦ * ୧୮:୧୫ ୧୮:୧୫ ଲୁକ ୧୭:୩

* ୧୮:୮ ୧୮:୮ ମାତି ୫:୩୦ * ୧୮:୯ ୧୮:୯ ମାତି ୫:୨୯ * ୧୮:୧୦

ଝେନଅସି, ଆତିହୁ ଏଝାସି ମୀ କାନୁତା ଜୀହୁଦିଆଆତାରି କି ସିସୁ ରୁୀହନାରି ଲେହେଁ ଆଠେସି □”

ଅଦିକାରା ହାନାୟି

୧୮ ☆“ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀରୁ ଦାରୁତିତା ଏନାଆଁ ସୁଣ୍ଡିଦେରି, ଲାକପୁରୁ ଜିକେଏ ସୁଣ୍ଡୁକିଆନେ, ଅଡ଼େ ଦାରୁତିତା ଏନାଆଁ ହେଲ ହୀଦେରି, ଲାକପୁରୁ ଜିକେଏ ହେଲ ହୀପକି ଆନେ □”

୧୯ “ଅଡ଼େ ମିଙ୍ଗେ ସାତା ଝେସିମାଞ୍ଜାଇଁ, ଦାରୁତିତା ମୀ ବିଭାଟି ରିଆରି ରଣ୍ଡିଏ ମନ ଆହାନା ଏନାଆଁ ଜିକେଏ ରୀସ୍ତିହୁଁ ଏଦି ଲାକପୁରୁତି ଆବା ତାଣାଟି ଏଝାରାକି ହୀପକିଆନେ □

୨୦ ଇଚିହୁଁ ଏମ୍ପିୟା ରିଆରି କି ତାନି ଜାଣା ନା ଦରୁତଲେ ରୁଣ୍ଡା ଆନେରି ଏମ୍ପାଆଁ ନାନୁ ଏଝାରିତଲେ ମାଇଁ □”

କାର୍ମା ମେହୁଆ ହଲେଏଣି କାତା ପୁଣ୍ଡିକିନାୟି

୨୧ ☆ଏଚିବେଲା ପିତର ଜୀସୁ ତାଗେ ଝାହାନା ଝେରେସି, “ଏ ପ୍ରବୁ ନା ତାୟି ଏତର ପାଲି ନା କପାଟି ପାପୁ କିତିସାରେ ନାନୁ ଏଝାଣି ପାପୁ ମ୍ବେକ୍‌କ୍‌ ?”

୨୨ ସାତା ଦେବା ପାତେକା କି ? ଜୀସୁ ଏଝାଣାଇଁ ଏଲେଇରେସି, ଝାରଇ ସାତା ଦେବା ପାତେକା ଆଏ, ସାତା ଗୁଣ୍ଡୁ ତାନିକଡ଼ି ଦସ ଦେବା ପାତେକା ମ୍ବେକ୍‌ନାୟି ମାନେ □

୨୩ ଇଚିହୁଁ ଲାକପୁରୁ ରାଜି ତାନି ହଲିୟାଙ୍ଗା ତଲେ ରୀଣା ଲେକା କିନି ର ରାଜା ଲେହେଁତାୟି □

୨୪ ଏଝାସି ଲେକା କିହାଲି ମାଟ୍‌ହାଲିଏ, ତାନି ଗାରହା ଦସ ମାଣା ଟାକାୟା ରୀଣା ଆହାମାନି ର ହଲେଏଣାଇଁ ଏଝାଣି ତାଣା ତାତେରି □

୨୫ ସାମା ଏ ବାରେ ଡିକ୍‌ହାଲି ଏଝାଣି ତାଣା ଏନାୟି ହିଲାଆତାକି ଏ ସାଝୁକାରି ଏଝାଣାଇଁ ଅଡ଼େ ତାନି ତକ୍‌ଜିନି ଇଞ୍ଜା ତାନି କକାରି ପଦାଁଣି ଇଞ୍ଜା ତାନି ଇଲୁତି ଆସ୍ତି ପାରତାନା ରୀଣା ଡିକ୍‌ହାଲି ହୁକୁମି ହୀତେସି □

୨୬ ଏଚେଟିଏ ଏ ହଲେଏସି ମେଣ୍ଡାକୁତାନା ଜହରା କିହାନା ଏଲେଇରେସି, ନାନୁ କାର୍ମାମେସାନା କାଡ଼ାମୁ, ନାନୁ ନିଙ୍ଗେ ବାରେ ଡିକ୍‌ହା ତୁସ୍ତାଇଁ □

୨୭ ଏଚେଟିଏ ସାଝୁକାରି ଏ ହଲେଏଣାଇଁ କାର୍ମାମେସାନା ତାନି ରୀଣା ପିସ୍‌ପି କିଝିଆଡ଼େ ଇଞ୍ଜା ତାନି ରୀଣା ମେଣ୍ଡାହାଚେ □

୨୮ ସାମା ଏ ହଲେଏସି ଏମ୍ପାଟି ପାଙ୍ଗାତା ହାଜାନା ତାନିତାଣାଟି ରୀ କଡ଼ି ଦସଟାକା ରୀଣା ଅହାମାନି ତାନି ତଲେତି ର ହଲେଏଣାଇଁ ମେସାନା ଏଝାଣି ହେରକିତା ଆସାନା ଏଲେଇରେସି, ନାନୁ ଅହାମାନି ରୀଣା ଡିକ୍‌ହା ତୁସ୍ତାମୁ □

୨୯ ଏଚେଟିଏ ତାନି ତଲେତି ହଲେଏସି ମେଣ୍ଡାକୁତାନା ଜହରା କିହୁଁ ଏଲେଇରେସି, ନାନୁ ନାଙ୍ଗେ କାର୍ମାମେସାନା କାଡ଼ାମୁ ନାନୁ ନିଙ୍ଗେ ବାରେ ଡିକ୍‌ହାଇଁ

୩୦ ସାମା ଏଝାସି ରାଜି ଆଆତେସି, ଇଞ୍ଜା ରୀଣା ଡିକ୍‌ଆ ପାତେକା ଏଝାଣାଇଁ କାୟିଦି ଇଲୁତା ସୁଣ୍ଡିତେସି □

୩୧ ଇଞ୍ଜା ତାନି ତଲେତି ହଲିୟାଙ୍ଗା ଏଦାଆଁ ମେସାନା ହାରେକା ଦୁକୁ କିତେରି ଅଡ଼େ ହାଜାନା ସାଝୁକାରିକ୍‌ ବାରେ କାତା ଝେସ୍ତେରି □

୩୨ ଏମ୍ପାଟିଏ ସାଝୁକାରି ଏଝାଣାଇଁ ତାଗେ ହାଟାନା ଏଲେଇରେସି, ଆଡ଼େ କାମାତା ଝାଆଗାଟି ହଲେଏଣାଟି ନାନୁ ନାଙ୍ଗେ ବାଡିମାଲାଇଏ ନାନୁ ନୀ ବାରେ ରୀଣା ପିସ୍ତାତେସ୍‌;

୩୩ ନାନୁ ଏନିକ୍‌ ନିଙ୍ଗେ କାର୍ମା ଆୟାତେସ୍‌, ଏଲେକିହୁଁ ଏ ନାନୁ ଜିକେଏ ନୀ ତଲେତି ହଲେଏଣାଇଁ କାର୍ମାମେହନାୟି ମାଚେ □

୩୪ ଅଡ଼େ ତାନି ପ୍ରବୁ ହାରେକା କପା ଆହାନା ବାରେ ରୀଣା ଡିକ୍‌ଆ ପାତେକା ଏ ହଲେଏଣାଇଁ କସ୍ତ ହୀନି ଲକୁ କେୟୁତା ହେରପିତେସି □

୩୫ ମୀରୁ ବାରେତେରି ମୀ ବାରେ ହିୟାଟି ମୀ ତାୟିକ୍‌ ତାନି ପାପୁ ମ୍ବେକ୍‌ଆତିହୁଁ ଲାକପୁରୁତି ମୀ ଆବା ଜିକେଏ ମିଙ୍ଗେ ଏଲେ କିୟାନେସି □

୧୯

ଜୀସୁ ତକ୍‌ଜିନି ପିହନାଣି ଜାପ୍‌ନାୟି

(ମାର୍କ ୧୦:୧-୧୨)

୧ ଜୀସୁ ଇ ବାରେ କାତା ଝେସାଲି ରାପ୍‌ହି ତାୟୁ ଗାଲିଲି ରାଜି ପିସାନା ଜର୍ଦନ କାତା ଆତାଲାତି ଜୀହୁଦା ରାଜିତି ହାୟିତା ଏତେସି □

୨ ଇଞ୍ଜା ହାରେକା ଲକୁ ତାନି ଜ୍ବେତ ହାଚେରି, ଅଡ଼େ ଏଝାସି ଏମ୍ପାଆଁ ଏଝାରି ରଗଟି ନେହୁଁ କିତେସି □

୩ ଏମ୍ପାଟିଏ ପାରୁସିୟାଁ ଏଝାଣି ତାଣା ଝାହାନା ଏଝାଣାଇଁ ତାୟିପାରିକିହୁଁ ଝେରେରି, “ରଅସି ଜାହାରା ତକ୍‌ଜିନି ଏନି କାତାତାକି ଜିକେଏ ପିସାଲି ମେରା ମାନେକି ?”

୪ ଜୀସୁ ଏଲେଇରେସି, “ମୀରୁ ପଡ଼ଝି ଆହାହିଲଅତେରି ? ଗାଡ଼ି କିନାସି ନକେଏଟିଏ ଏଝାରାଇଁ ଆୟା ଅଡ଼େ ଆବା କିହୁଁ ଗାଡ଼ିକିତେସି,

୫ ଅଡ଼େ ଏଦାଆଁତାକି ତକ୍‌ଜା ତାଲି ତାଞ୍ଜିକ୍‌ ପିସାନା ତାନି ତକ୍‌ଜି ତଲେ ଆଣ୍ଡିନେସି, ଅଡ଼େ ଏଝାରି ରଣ୍ଡିଏ ଆଙ୍ଗା ଆନେରି,

୬ ଏଦାଆଁତାକି ଏଝାରି ରିଆରି ଆଏ, ସାମା ରଣ୍ଡିଏ ଆଙ୍ଗା ଆନେରି □ ଇଞ୍ଜା ମାହାପୁରୁ ଏନାଆଁ ଆଣ୍ଡି କିହାମାନେସି, ମାଣ୍ଡିଏ ଏଦାଆଁ ଏଟ୍‌କା କିଆପେସି □”

୭ ☆ପାରୁସିୟାଁ ଏଝାଣାଇଁ ଝେରେରି, “ଆତିହୁଁ ମସା ଏନାଆଁତାକି ପିହନି ଆକୁ ରାଚାନା ତକ୍‌ଜିନି ପିସାଲି ହେଲ ହାହାମାନେସି ?”

୮ ଜୀସୁ ଏଝାରାଇଁ ଏଲେଇରେସି, “ଇଚିହୁଁ ମୀ ଆଟ୍‌ଝା ହିୟାଟି ମେସାନା ମସା ମିଙ୍ଗେ ମୀ ତକ୍‌ସିକାଣି

☆ ୧୮:୧୮ ୧୮:୧୮ ମାତୃ ୧୭:୧୯; ଜହ ୨୦:୨୩ ☆ ୧୮:୨୧ ୧୮:୨୧ ଲୁକ ୧୭:୩,୪ ☆ ୧୯:୭ ୧୯:୭ ମାତୃ ୫:୩୧ ☆ ୧୯:୯ ୧୯:୯ ମାତୃ ୫:୩୨; ୧କର ୭:୧୦,୧୧

ପିସାଲି ହେଲ ହିୟାତେସି, ସାମା ଗାଡ଼ିକିତି ଦିନାଟିଏ ଏଲେକିହିଁ ହିଲାଆତେ □

୯ *ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍ବାଆସି ତାନି ତକ୍ରିନି ଦାରି ଦହୁ ହିଲାଆନା ଏନି କାତାତାକି ପିସାନା ଅର ତକ୍ରିନି ତାତିହିଁ, ଏଞ୍ଜାସି ଦାରିକାମା କିନେସି □”

୧୦ ସାମୁୟାଁ ଏଞ୍ଜାଶାଇଁ ଏଲେଇଚେସି, “ତକ୍ରିନି ତଲେ ମାଣ୍ଡସିକି ଇଲେତାୟି ମାଟିହିଁ, ଏଞ୍ଜାସି ବାହା ଆଆତିହିଁ ନେହେଁ ଆତେମା □”

୧୧ ଜୀସୁ ଏଞ୍ଜାରାଇଁ ଏଲେଇଚେସି, “ବାରେଜାଣା ଇ କାତାତି ଆସାଲି ଆଡ଼ଅରି, ଇଚିହିଁ ଆମ୍ବାଆରାକି ମାହାପୁରୁ ବାଡ଼ୁ ହାହାମାନେସି, ଖାରଇ ଏଞ୍ଜାରିଦେହେଁ ଆସାଲି ଆଡ଼ିନେରି □

୧୨ ଇଚିହିଁ ଆମ୍ବା ଆମ୍ବାଆରି ଇୟାନି ବାଣ୍ଡିଟିଏ ବାହା ଆହାଲି ଆଡ଼ାଆରେଚୁ ଜାର୍ନା ଆହାମାନେରି; ଇଞ୍ଜା ଆମ୍ବା ଆମ୍ବାଆରି ଲକୁ ତାଣାଟି ଏଲେକିଞ୍ଜି ଆହାମାନେରି, ଅଡ଼େ ଆମ୍ବା ଆମ୍ବାଆରି ଲାକପୁରୁ ରାଜିତାକି ତାମ୍ବୁତାମ୍ବୁ ଏଲେ ଆହାମାନେରି, ଆମ୍ବାଆସି ଏ କାତାତି ଆସାଲି ଆଡ଼ିନାସି ଆସପାସି □”

ଜୀସୁ କକାରି ପଦାଁକି ବର ହାନାୟି

(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ଏଚିବେଲା ଜୀସୁ କକାରି ପଦାୟାଁ ମୁହେଁ କେୟୁ ଇଗାନା ପ୍ରାତାନା କିନେସି, ଏଦାଆଁତାକି ଲକୁ ଏଞ୍ଜାରାଇଁ ତାନି ତାଣା ତାତେରି, ସାମା ସାମୁୟାଁ ତାଟିମାଟି ଲକୁଣି ଦାକା ହାତେରି □

୧୪ ସାମା ଜୀସୁ ଏଲେଇଚେସି, “କକାରି ପଦାଁଣି ନା ତାଣା ଖାହାଲି ହାଦୁ, ଏଞ୍ଜାରାଇଁ ଆଁଗାଆଦୁ, ଏଦାଆଁତାକି ଇଚିହିଁ ଲାକପୁରୁ ରାଜି ଏଲେତାରାଞ୍ଜାୟି □”

୧୫ ଅଡ଼େ ଏଞ୍ଜାସି ଏଞ୍ଜାରି ଲାକ କେୟୁ ଇଗାନା ଏମ୍ବାଟି ହାଚେସି □

ର ଦନଗାଟି ଦାଂଗ୍‌ଶେଏସି

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ଅଡ଼େ ମେହ୍‌ଦୁ ରଅସି ଜୀସୁ ତାଣା ଖାହାନା ଖେଚେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଆମିନି ନେହିଁ କାମା କିଇଁ?”

୧୭ ଜୀସୁ ଏଞ୍ଜାଶାଇଁ ଏଲେଇଚେସି, “ନେହାୟି ଇନି କାତାତି ନାଙ୍ଗେ ଏଦାଆଁତାକି ଖେଞ୍ଜିମାଞ୍ଜାଦି ? ଖାରଇ ରଅସିଏ ନେହାଁସି; ସାମା ନାନୁ ଜୀସୁ ବେଟାଆହାଲି ମନ କିତିହିଁ, ବାରେ ହୁକୁମି ମାନୁଞ୍ଜି ଆମ୍ବୁ □”

୧୮ ଏଞ୍ଜାସି ଜୀସୁଇଁ ଏଲେଇଚେସି, “ଏନିଲେହେଁତି ହୁକୁମି?”

ଜୀସୁ ଏଲେଇଚେସି, “ଲକୁଣି ପାୟାଆନି, ଦାରିକାମା କିଆନି, ସରୁ କିଆନି, ମିଟି ସାକି ହାଆନି,

୧୯ ତାଲି ତାଞ୍ଜି କାତା ଆହମ୍ବୁ, ନୀ ପାଡ଼ିତି ଲକୁଣି ନୀ ଜୀସୁ ଲେହେଁ ଜୀସୁ ନମ୍ବୁ □”

୨୦ ଏ ଦାଂଗ୍‌ଶେଏସି ଜୀସୁଇଁ ଏଲେଇଚେସି, “ନାନୁ ଇ ବାରେ ମାନୁଞ୍ଜି ଆହାମାଇଁ, ନାଙ୍ଗେ ଅଡ଼େ ଏନୁଞ୍ଜା ଉଣା ମାନେ ?”

୨୧ ଜୀସୁ ଏଞ୍ଜାଶାଇଁ ଏଲେଇଚେସି, “ନାନୁ ନେହାଁତି ଆହାଲି ମନ କିତିହିଁ, ହାଜାନାହାଁ ନୀ ବାରେ ଦନ ପାରତାନାହାଁ ହିଲାଆ ଗାଟାରାକି ଦାନା ହାମ୍ବୁ, ଇଞ୍ଜା ନା ଜେଟ ଖାମ୍ବୁ, ଏଚେଟିଏ ଲାକପୁରୁ ନାନୁ ଦନ ବେଟାଆଦି □”

୨୨ ଇ କାତା ଖେଞ୍ଜାନା ଦାଂଗ୍‌ଶେଏସି ଦୁକୁ ଆହାନା ହାଚେସି, ଇଚିହିଁ ଏଞ୍ଜାଶାକି ହାରେକା ଦନ ମାଚେ □

୨୩ ଏଚେଟିଏ ଜୀସୁ ତାନି ସାମୁୟାଁଇଁ ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଦନ ଗାଟାରି ଲାକପୁରୁ ରାଜିତା ହଡ଼ାଲି ହାରେକା କସ୍ତୁ ଆନେ □

୨୪ ଅଡ଼େ ଖେଣ୍ଡେ ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁତି ରାଜିତା ଦନଗାଟାରି ହାନି କିହାଁ ଉଚୁ ସୁଜା କାଣିଟି ହଡ଼ା ହାନାୟି ଉସାସା ଆନେ □”

୨୫ ସାମୁୟାଁ ଇ କାତା ଖେଞ୍ଜାନା କାବାଆହାନା ଏଲେଇଚେସି, “ଆତିହିଁ ଆମ୍ବାଆସି ଗେଲ୍‌ପି ଆହାଲି ଆଡ଼ିନେସି ?”

୨୬ ଜୀସୁ ଏଞ୍ଜାରାଇଁ ସିନିକିହାନା ଏଲେଇଚେସି, “ଇଦି ମାଣ୍ଡସିତାକି ଆଆଗାଟାୟି, ସାମା ମାହାପୁରୁ ତାକି ବାରେ ଆନେ □”

୨୭ ଏଚେଟିଏ ପିତର ଏଲେଇଚେସି, “ମେହ୍‌ମ୍ବୁ ମାମ୍ବୁ ବାରେ ପିସାନା ନୀ ଜେଟ ଖାହାମାନମି; ଆତିହିଁ ମାମ୍ବୁ ଏଦାଆଁ ବେଟାଆନମି ?”

୨୮ *ଜୀସୁ ଏଞ୍ଜାରାଇଁ ଏଲେଇଚେସି, ନାନୁ ମିଙ୍ଗେ ସାତା ଖେସିମାଞ୍ଜାଇଁ, ପୁଃନି ଜୁଗୁ ଆନାଟି ଏଚେତା ମାଣ୍ଡସି ମାର୍‌ଏସି ତାନି ଗାଞ୍ଜୁରମିତି କାଜାପାଣା ତଲେ ସିଂଗାସାଣିତା କୁଗିନି ଦିନା ନା ଜେଟ ଖାହାମାନାତେରି ମୀରୁ, ମୀରୁ ଜିକେଏ ବାର ଗଟା ସିଂଗାସାଣିତା କୁଗାନା, ଇସ୍ରାୟେଲତି ବାର କୃତାତି ସାଲୁଞ୍ଜି କିଦେରି □

୨୯ ଇଞ୍ଜା ଆମ୍ବାଆସି ନା ଦରୁ ତାକି ଇଲୁ କାଣ୍ଡା, କି ତାୟି ତାଜିସ୍ତା, ତାଲି ତାଞ୍ଜି, କକାରି ପଦାୟାଁ, ଇଞ୍ଜା ବୁନି ବାଡ଼ା ପିସାମାନେସି, ଏଞ୍ଜାସି ଏ ବାରେକିହାଁ ହାରେକା ଗାଡ଼ି ବେଟା ଆନେସି, ଇଞ୍ଜା କାଲାକାଲାତି ଜୀସୁତି ବେଟା ଆନେସି □

୩୦ *ସାମା ନକିତା ମାନି ହାରେକା ଲକୁ ତାୟୁ ଆନେରି, ଇଞ୍ଜା ତାୟୁତା ମାନି ହାରେକା ଲକୁ ନକିତା ଆନେରି □

୨୦

ଅଙ୍ଗୁରି ବାଡ଼ାତା କାମାକିନାରି

୧ ଇଚିହିଁ ଲାକପୁରୁ ରାଜି ଇଲେତି ର ସାଞ୍ଜୁକାରି ଲେହେଁତାୟି, ଲାଲ ଖେୟାଲିଏ ତାନି ଅଙ୍ଗୁରି ବାଡ଼ାତା କୁଲି କାମା କିଞ୍ଜିକିହାଲି ହାଚେସି □

* ୧୯:୨୮ ୧୯:୨୮ ମାତି ୨୫:୩୧; ଲୁକ ୨୨:୩୦ * ୧୯:୩୦ ୧୯:୩୦ ମାତି ୨୦:୧୨; ଲୁକ ୧୩:୩୦

୨ ଅଡ଼େ ଏଝାସି କୁଲି ଗାଟାରାଇଁ ଦିନାତାକି ର ଝେଣ୍ଡି ଟାକା ହିୟାଇଁ ଇଞ୍ଜି ଏଝାରାଇଁ ତାନି ଅଞ୍ଜୁରି ବାଡ଼ାତା ପାଣ୍ଡିତେସି □

୩ ଅଡ଼େ ନ ଗଂଟା ବେଲାତା ଏଝାସି ପାଞ୍ଜାତା ହାଜାନା ଏଟକାତାରି କାମା ପୁଃଆନା ନିଟାମାଟାଣି ମେସାନା ଏଝାରାଇଁ ଜିକେଏ ଏଲେଇଚେସି,

୪ ମୀରୁ ଜିକେଏ ଅଞ୍ଜୁରି ବାଡ଼ାତା ହାଜାନା କାମା କିଦୁ, ଇଞ୍ଜା ଏନିକି ତାରି ଆହାମାନେ, ଏଲେକିହିଁ ମିଙ୍ଗେ ହିୟାଇଁ; ଇଞ୍ଜା ଏଝାରି ହାଚେରି □

୫ ଅଡ଼େ ମାଦେନା ବାର ଗଂଟା ଇଞ୍ଜା ତାନି ଗଂଟା ବେଲାତା ପାଞ୍ଜାତା ହାଜାନା ଏଲେକିତେସି □

୬ ଇଞ୍ଜା ମିଡ଼ଅଲ୍ଲା ପାସା ଗଂଟା ବେଲାତା ପାଞ୍ଜାତା ହାଜାନା ଏଚରଜାଣା ନିଟାମାଟାଣି ମେସାନା ଝେଚେସି, ମୀରୁ ଏନାଆଁତାକି ମାଦେନା ଝେଡ଼ାଡ଼ୁମ୍ବେ କାମା କିଆନା ଉଜେଏ ନିଟାମାଞ୍ଜେରି ?

୭ ଏଝାରି ଏଝାଣାଇଁ ଏଲେଇଚେରି, ଆମ୍ବାଆରି ମାଙ୍ଗେ କାମା ହେରପା ମାଞ୍ଜଅରି □ ଏଝାସି ଏଝାରାଇଁ ଏଲେଇଚେସି ମୀରୁ ଜିକେଏ ଅଞ୍ଜୁରି ବାଡ଼ାତା ହାଜୁ □

୮ ତାୟୁ ମିଡ଼ଅଲ୍ଲା ଆହାଲିଏ, ଅଞ୍ଜୁରି ବାଡ଼ାତି ସାଝୁକାରି ତାନି ଗୁମୁସ୍ତାଇଁ ଏଲେଇଚେସି, କୁଲି ଗାଟାରାଇଁ ହାଟାନା ତାୟୁ ଝାଡ଼ି ଲକୁ ତାଣାଟିଏ ମାଟହାନା ନକିତା ଝାଡ଼ି ଲକୁ ପାଡେକା କୁଲି ହୀମୁ □

୯ ଏଚେଟିଏ ଆମିନି ଗାଟାରି ପାସା ଗଂଟା ବେଲାତା କାମାତା ପାଣ୍ଡୁଝି ଆହାମାଚେରି, ଏଝାରି ଝାହାନା ର ଝେଣ୍ଡି ଟାକା ଲାକା ବେଟାଆଡେରି □

୧୦ ଇଞ୍ଜା ନକେଏ କାମାତା ପାଣ୍ଡୁଝି ଆହାମାନାରି ଝାହାନା ଗାଡ଼ି ବେଟାଆନେରି ଇଞ୍ଜି ଅଣ୍ଡିତେରି; ସାମା ଏଝାରି ଜିକେଏ ଏ ର ଝେଣ୍ଡି ଟାକା ଲାକା ବେଟାଆଡେରି □

୧୧ ସାମା ଏଲେକି ବେଟାଆହାନା ଏଝାରି ସାଝୁକାରିଲ୍ଲ କପା ଆହାନା ଲାଗିତେରି □

୧୨ ଇ ତାୟୁତି ଲକୁ ଝାରଇ ର ଗଂଟା କାମା କିତେରି, ଇଞ୍ଜା ମାୟୁ ଝେଡ଼ା ତୁମ୍ବେ ଝାହୁ ଆହିଁ କାରା ଝେହଁ କାମା କିତିହିଁ ଜିକେଏ ନୀନୁ ଏଝାରାକି ମା ସମାନା କିତି □

୧୩ ଏଝାରି ବିତ୍ରାଟି ରଅଣାଇଁ ସାଝୁକାରି ଏଲେଇଚେସି ଏ ତଣେ, ଝେନାମୁ, ନାନୁ ନିଙ୍ଗେ ନାଡ଼ି କିହିମାଞ୍ଜଅଁ; ନୀନୁ ନା ତଲେ ର ଝେଣ୍ଡି ଟାକା ତାକି ରାଜି ଆହାହିଲ୍ଲାଆତି କି ?

୧୪ ନୀନୁ ଏଚେକା ପାଣ୍ଡନାୟି ମାନେ ଏଚେକା ଆସାନା ହାଜାଡ଼ୁହମୁ, ସାମା ଇ ତାୟୁତି ଲକୁକି ଜିକେଏ ନୀ ଲେହେକି ହିୟାଲି ନା ମନ □

୧୫ ନା ଦନଡ଼ି ନା ମନ ଲେହେଁ ଲେମ୍ବାଲି ନା ଅଦିକାରା ହିଲେଏ କି ? ନାନୁ କାର୍ମାମେସାନା ହିୟାଲିଏ ନୀନୁ ଏନାଆଁତାକି ତାହାରା ଆହିମାଞ୍ଜାଦି □

୧୬ ଏଲେକିହିଁଏ ତାୟୁ ମାନି ଲକୁ ନକିତା ଆନେରି, ଇଞ୍ଜା ନକିତା ମାନି ଲକୁ ତାୟୁ ଆନେରି □

ତାନି ହାକିତି କାତା ଜୀସୁ ତାନି ପାଲି ଝେହ୍ନାୟି (ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଜୀସୁ ଜିରୁସାଲମତା ହାଜିମାଟାଟି ବାରଜାଣାଟି ସୀୟୁୟାଁଇଁ ଏଟକା କିହାନା, ଜିରୁତା ଏଝାରାଇଁ ଏଲେଇଚେସି,

୧୮ ମେହ୍ଦୁ ମାର ଜିରୁସାଲମତା ହାଜିମାନାୟି, ମାଣ୍ଡସି ମୀରୁଏସି କାଜା ପୂଜେରାଙ୍ଗା ଅଡ଼େ ମେରାପୁନାରି କେୟୁତା ହେରପିଆନେସି,

୧୯ ଅଡ଼େ ଏଝାରି ଏଝାଣାଇଁ ହାନି ତଣ୍ଡ ହାହାନା ଏଟକା କୃତାତାରି କେୟୁତା ହେରପିନେରି, ଏଚେଟିଏ ଏଝାରି ଏଝାଣାଇଁ କିଜଝି କିନେରି, ସାଟ୍ଟା ଡଃରିତଲେ ଝେନେରି, ଅଡ଼େ ପାସି ମୁଣ୍ଡାତା ଏକ୍ହାନା ପାୟିନେରି, ଇଞ୍ଜା ତାନି ଦିନାଟିଏ ହାକିଟି ଝେଣ୍ଡେ ନିଙ୍ଗିନେସି □

ର ଇୟାନି ବାଡ଼ିମାଲିନାୟି (ମାର୍କ ୧୦:୩୫-୪୫)

୨୦ ଏଚିବେଲା ଜେବଦି ତକ୍ତି ତାନି ରୀ ମୀରୁକା ତଲେ ଜୀସୁ ତାଣା ଝାହାନା ଜହରା କିହାନା ଏଝାଣି ତାଣା ବାଡ଼ିମାଲିହିଁ ଏଲେଇଚେ □

୨୧ ଏଚେଟିଏ ଜୀସୁ ଏଦାନି ଝେଚେସି, “ନୀନୁ ଏନାଆଁ ମନ କିହିମାଞ୍ଜ ?”

ଏଦି ଏଲେଇଚେ, “ନୀ ରାଜିତା ନା ରୀ ମୀରୁକା ବିତ୍ରାଟି ରଅସି ନୀ ଟିଃନିଝାକି ଅଡ଼େ ରଅସି ନୀ ଟେବୁଝାକି କୁଗିନେରି ଇଞ୍ଜି ହୁକୁମି ହୀମୁ □”

୨୨ ସାମା ଜୀସୁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏଦାଆଁ ପୁଞ୍ଜିହିଲଅତେରି □ ନାନୁ ଆମିନି ସଲ୍ଲାତା ଗସାଲି ହାଜିମାଇଁ, ଏଦାଆଁ ମୀରୁ ଗସାଲି ଆଡ଼ିଦେରି ?”

ଏଝାରି ଏଝାଣାଇଁ ଏଲେଇଚେରି, “ଆଡ଼ିନମି □”

୨୩ ଜୀସୁ ଏଝାରାଇଁ ଏଲେଇଚେସି, “ମୀରୁ ନା ସଲ୍ଲାତା ଗହ୍ଦେରି ସାତା, ସାମା ନା ଟିଃନି କି ଟେବୁଝାକି କୁଗାଲି ହାନି ନା ଅଦିକାରାତି କାତା ଆଏ, ଇତିହିଁ ଆମିନି ଗାଟାରାକି ନା ଆବା ତାଣାଟି ଟାୟୁ କିଝିଆହାମାନେ ଏଝାରି କୁଗିନେରି □”

୨୪ ଏଟକାଡ଼ି ଦସ ଜାଣା ଇ କାତା ଝେଞ୍ଜାନା ଏ ତାୟି ରିଆରାଇଁ କପା ଆଡେରି □

୨୫ ଏସାମା ଜୀସୁ ଏଝାରାଇଁ ତାଗେ ହାଟାନା ଏଲେଇଚେସି, “ଏଟକା କୃତାତାରି ସାଲ୍ଲଝି କିନାରି କାଜା ବାଡ଼ୟୁ ତଲେ ତାନି କାଜାପାଣା ତହ୍ନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି □

୨୬ ଏମୀ ବିତ୍ରା ଏଲେକିହିଁ ଆଏ, ସାମା ମୀ ବିତ୍ରା ଆମ୍ବାଆସି କାଜାସି ଆହାଲି ଅଣ୍ଡିନେସି, ଏଝାସି ମୀ ସେବା କିନାସି ଆଡପସି;

୨୭ ଅଡ଼େ ଆମ୍ବାଆସି କାଜାପାଣା ବେଟାଆହାଲି ମନ କିନାସି ଏଝାସି ମୀ ହଲେଏସି ଆଡପସି,

☆ ୨୦:୧୬ ୨୦:୧୭ ମାତି ୧୯:୩୦; ମାର୍କ ୧୦:୩୧; ଲୁକ ୧୩:୩୦ ☆ ୨୦:୨୫ ୨୦:୨୫ ଲୁକ ୨୨:୨୫,୨୬ ☆ ୨୦:୨୬ ୨୦:୨୬ ମାତି ୨୩:୧୧; ମାର୍କ ୯:୩୫; ଲୁକ ୨୨:୨୬

୨୮ ଏନିକିମ୍ ମାଣ୍ଡସି ମାର୍‌ଏସି ଜିକେଏ ସେବା ବେଟାଆହାଲି ଖାହାହିଲଅସି, ସାମା ସେବା କିହାଲି ଅଡ଼େ ହାରେକା ଲକୁଣି ଗେଲପାଲି ଜୀଝୁ ହୀହାଲି ଖାହାମାନେସି □”

ରୀ କାଣାୟାଣି ମେସାଲି ହୀନାୟି
(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ଜୀସୁ ଅଡ଼େ ତାନି ସୀସୁୟାଁ ଜିରିହଟି ହାଜିମାଗଟି ହାରେକା ମାନ୍ଦା ଲକୁ ତାନି ଜେଟ ହାଚେରି □

୩୦ ଅଡ଼େ ଜିରୁ ଦାରିତା ରିଆରି କାଣାୟାଁ ଜୀସୁ ଏ ଜିରୁଟି ହାଜିମାନେସି ଇଞ୍ଜିଁ ଖେଞ୍ଜାନା, କାଜା ଗିୟାତଲେ ଏଲେଇଚେରି, “ଏ ପ୍ରବୁ ଦାଝୁଦ ମାର୍‌ଏଶାତି! ମାଞ୍ଜେ କାର୍‌ମା ମେସ୍ତାମୁ □”

୩୧ ସାମା ଲକୁ ଏଞ୍ଜାରାଇଁ ପାଲେଏ ଆହାଲି ଦାକା ହୀଚେରି, ସାମା ଏଞ୍ଜାରି ଅଡ଼େ କାଜା ଗିୟାତଲେ ଏଲେଇଚେରି, “ଏ ପ୍ରବୁ ଦାଝୁଦ ମାର୍‌ଏଶାତି! ମାଞ୍ଜେ କାର୍‌ମା ମେସ୍ତାମୁ □”

୩୨ ଏମ୍ବାଟିଏ ଜୀସୁ ନିଚାନା ଏଞ୍ଜାରାଇଁ ହାଟାନା ଖେଚେସି, “ନାନୁ ମିଞ୍ଜେତାକି ଏନାଆଁ କିଇଁ ଇଞ୍ଜିଁ ମୀରୁ ଅଣ୍ଡପିମାଞ୍ଜେରି ?”

୩୩ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଏ ପ୍ରବୁ ଏନିକିମ୍ ମା କାଣ୍‌କା ଦେପି ଆନୁ □”

୩୪ ଅଡ଼େ ଜୀସୁ କାର୍‌ମା ଆହାନା ଏଞ୍ଜାରି କାଣ୍‌କା ଡାଗିଚେସି, ଇଞ୍ଜାଁ ଏ ଦେବୁଣିଏ ଏଞ୍ଜାରି ମେସ୍ତେରି ଇଞ୍ଜାଁ ଏଞ୍ଜାଣି ଜେଟ ହାଚେରି □

୨୧

ଜିରୁସାଲମତା ଜୀସୁ ରାହାଁଟି ହଡ଼ନାୟି
(ମାର୍କ ୧୧:୧-୧୧; ଲୁକ ୧୯:୨୮-୪୦)

୧ ଏଚିବେଲା ଜୀସୁ ଅଡ଼େ ତାନି ସୀସୁୟାଁ ଜିରୁସାଲମ ତାଗେ ଆହାନା ଜୀତ ଇନି ହରୁ ଦାରିତି ବେଡ଼ପାଗି ଏଜାଲିଏ ଏଚିବେଲା ଜୀସୁ ତାନି ରୀ ସୀସୁୟାଁଣି ଏଲେଇଞ୍ଜା ପାଣ୍ଡିଚେସି □

୨ “ମୀରୁ ନକିତା ମାନି ନାୟୁଁତା ହାଜୁ, ଇଞ୍ଜାଁ ହାଲୁଞ୍ଜିଏ ଦସାମାନି ର ଗାଡ଼ଦେ ଇଞ୍ଜାଁ ତାଲୁ ମେହ୍‌ଦେରି; ଏଞ୍ଜାଆଁ ହୁକହାନା ନା ତାଣା ତାଦୁ □

୩ ଅଡ଼େ ଆମ୍ବାଆରି ଏନାଆଁ ଇଞ୍ଜାତିହ୍, ଖେହ୍‌ଦୁ, ଇଞ୍ଜାସିକା ତାଣା ମା ପ୍ରବୁକି ଲଡ଼ାମାନେ, ଏ ଦେବୁଣିଏ ଏଞ୍ଜାସିକାଣି ପାଣ୍ଡାନେସି □”

୪ ମାହାପୁରୁ ଅଣ୍ଡପୁତି ବଲୁ ଖେହ୍‌ନାରି କାତା ଏନିକିମ୍ ସାତା ଆନେ, ଏଦାଆଁତାକି ଇ ବାରେ ଆଡ଼େ;

୫ “ସିୟନତି ଗାଡ଼ାଇଁ ଖେହ୍‌ଦୁ ମେହ୍‌ମୁ ନୀ ରାଜା ନୀ ତାଣା ଖାହିମାନେସି, ଏଞ୍ଜାସି ସୁଦୁଗାଟାସି ଇଞ୍ଜାଁ ଗାଡ଼ଦେ ଲାକ କୁଗାମାନେସି ଇଚିହ୍ ଗାଡ଼ଦେ ତାଲୁ ଲାକ କୁଗାମାନେସି □”

୬ ଏମ୍ବାଟିଏ ସୀସୁୟାଁ ହାଜାନା ଜୀସୁ ଖେସ୍ତିଲେହେଁ କାମା କିଚେରି,

୭ ଅଡ଼େ ଗାଡ଼ଦେ ଇଞ୍ଜାଁ ତାଲୁତି ତାଚାନା ଏଞ୍ଜାସିକା ଲାକ ହିମ୍ପରିକା ପାସ୍ତେରି, ଇଞ୍ଜାଁ ଜୀସୁଇଁ କୁଗିକିଚେରି □

୮ ଅଡ଼େ ହାରେକା ଲକୁ ତାମି ହିମ୍ପରିକା ଜିରୁତା ପାସ୍ତେରି, ଅଡ଼େ ଏଚେକା ଲକୁ ମାର୍‌କାତି ଗଚାୟାଁ ତାଚାନା ଜିରୁତା ପାସ୍ତେରି □

୯ ଅଡ଼େ ଜୀସୁତି ତାୟୁତା ନକିତା ହାଜିମାଟି ଲକୁ ବାରେ କାଜା ଗିୟାତଲେ ଏଲେଇଚେରି, “ହସାନା ଦାଝୁଦ ମାର୍‌ଏସି! ମାହାପୁରୁ ଦରୁଟି ଖାହିମାନେସି ନେହ୍‌ସି! ମାହାପୁରୁ ଏଞ୍ଜାଣାଇଁ ବର ହୀପାସି, ଲାକପୁରୁ ହସାନା □”

୧୦ ଅଡ଼େ ଏଞ୍ଜାସି ଜିରୁସାଲମତା ହଡ଼ାଲିଏ, ଗାଡ଼ାତାରି ବାରେଜାଣା “ଇଞ୍ଜାସି ଆମ୍ବାଆସି ?” ଇଞ୍ଜିଁ କାବାଆହାନା ଏଲେଇଚେରି □

୧୧ ଏଚେଟିଏ ବାରେ ଲକୁ ଏଲେଇଚେରି, “ଇଞ୍ଜାସି ଗାଲିଲି ଦେସାତା ମାନି ନାଜିରିତତି ମାହାପୁରୁ ଅଣ୍ଡପୁତି ବଲୁ ଖେହ୍‌ନି ଜୀସୁ □”

ମାହାପୁରୁ ଇଲୁତା ଜୀସୁ ହାନାୟି

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜହ ୨:୧୩-୨୨)

୧୨ ତାୟୁ ଜୀସୁ ମାହାପୁରୁ ଇଲୁତା ହଡ଼ାନା ଏ ଟାୟୁତା ଏମ୍ବାଆଁ ଆସ୍ତି ମାସ୍‌କି ମାଚାରାଇଁ ବାରେତି ପାଞ୍ଜାତା ପେର୍‌ହା ପାଣ୍ଡିଚେସି, ଇଞ୍ଜାଁ ଟାକାୟାଁ ବେବାରା ଗାଟାରି କୁଟିୟାଁ ଅଡ଼େ ପାର୍‌ଝା ପଚାୟାଁ ବେବାରା ଗାଟାରି ଜମ୍ବାୟାଁ ତିରିମ୍ପୁହେସି,

୧୩ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇଚେସି, ମାହାପୁରୁ ଦାମ୍‌ପୁତିତା ରାସ୍‌କି ଆହାମାନେ, “ନା ଇଲୁ ପ୍ରାତାନା ଇଲୁ ଇଞ୍ଜିଁ ଖେଞ୍ଜିନେ, ସାମା ମୀରୁ ଏଦାଆଁ ତଂଗାୟାଁ ପାଝୁ ମ୍ପୁହା ମାଞ୍ଜେରି □”

୧୪ ଇଞ୍ଜାଁ ମାହାପୁରୁ ଇଲୁତା କାଣାୟାଁ, ସଚାୟାଁ ତାନି ତାଣା ଖାଡ଼େରି ଇଞ୍ଜାଁ ଏଞ୍ଜାରାଇଁ ନେହ୍‌ କିଚେସି □

୧୫ ସାମା କାଜା ପୂଜେରାଞ୍ଜା ଅଡ଼େ ମେରାପୁନାରି ତାନୁ କିହିମାନି କାବାଆନି କାମା ମେସାନା ଅଡ଼େ “ମାହାପୁରୁ ଇଲୁତା ହସାନା ଦାଝୁଦ ମାର୍‌ଏସି” ଇଞ୍ଜିଁ କାଜା ଗିୟାତଲେ କକାରି ଜଲିମାନାଣି ଖେଞ୍ଜାନା କପା ଆଡ଼େରି □

୧୬ ଏଞ୍ଜାରି ଜୀସୁଇଁ ଖେଚେରି, “ଇଞ୍ଜାରି ଏନାଆଁ ଇଞ୍ଜିଁ ମାନେରି, ନୀନୁ ଏଦାଆଁ ଖେଞ୍ଜିମାଞ୍ଜି ?”

ଜୀସୁ ଏଞ୍ଜାରାଇଁ ଏଲେଇଚେସି, “ହାଅ, ଖେଞ୍ଜିମାଇଁ, ମୀରୁ କକାରି ଇଞ୍ଜାଁ ପାଲୁ ଗହ୍‌ନରାଇଁ ନିଞ୍ଜ ଜହରା ପାଟୁ ପାଟାଲି ଜାପୁହାମାଞ୍ଜି, ଦାମ୍‌ ପତିତି ଇ କାତାତି ମୀରୁ ଏଚେଲା ପଡ଼ଝି ଆହାହିଲଅଚେରି ?”

୧୭ ଅଡ଼େ ଏଞ୍ଜାସି ଏଞ୍ଜାରାଇଁ ପିସାନା ଗାଡ଼ାଟି ହଚାନା ବେଡ଼ନିୟାତା ହାଜାନା ଏମ୍ବାଆଁ ଲାଆଁୟାଁ ଡ଼ୟିଚେସି □

ଜୀସୁ ତୟା ମାର୍ଜୁଇଁ ବାକା ଇଟିନାୟି
(ମାର୍କ ୧୧:୧୨-୧୪, ୨୦-୨୪)

୧୮ ଜୀସୁ ଗାଡ଼ାତା ଝେଣ୍ଡା ହାଜିମାଗାଟି ହାକି ଆଡ଼େସି,

୧୯ ଅଡ଼େ ଜିରୁ ଦାରିତା ର ତୟା ମାର୍ଜୁ ମେସାନା ଦାରିତା ହାରେସି, ଇଞ୍ଜା ଖାରଇ ଆକା ପିସପେ ଏମ୍ବାଆଁ ଏନାଆଁ ମେହୁଆଡେସି ଇଞ୍ଜା ଏଦାନି ବାକା ଇଟାନା ଏଲେଇରେସି, “ନୀ ତାଣା ଏରେଲା ପାଡ଼େୟି ଆୟାଆପେ” ଇଞ୍ଜା ଏ ଦେବୁଣିଏ ଏ ତୟା ମାର୍ଜୁ ଖାୟାହାରେ □

୨୦ ସୀସୁୟାଁ ଏଦାଆଁ ମେସାନା କାବାଆହାନା ଏଲେଇରେରି, “ତୟା ମାର୍ଜୁ ଏନିକ” ଏ ଦେବୁଣିଏ ଖାୟା ହାରେ □”

୨୧ ☆ଜୀସୁ ଏଝାରାଇଁ ଏଲେଇରେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀ ନାନୁ ମାଟିହ” ଅଡ଼େ ମୀରୁ ଆନାମାନା ଆଆନା, ଇ ତୟା ମାର୍ଜୁତି ଏନି କିଞ୍ଚିଆହାମାନେ, ଏଲେକିହ”ଏ କିଦେରି ଏଦି ଆଏ, ‘ସାମା ଇ ହରୁତି ଜିକେଏ ନାନୁ ନିଙ୍ଗାନା ସାମାଦୁରିତା ତରଗାମୁ’ ଇଞ୍ଜେରି, ଆତିହ” ଏଦି ଆନେ □

୨୨ ଇଞ୍ଜା ନାନୁତଲେ ପ୍ରାତାନାତା ଏନାଆଁ ରାହଦେରି ଏ ବାରେ ମିଙ୍ଗେ ମେଡ଼ାଆୟାନେ □”

ଜୀସୁତି ଅଦିକାରା
(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ତାୟୁ ଜୀସୁ ମାହାପୁରୁ ଇଲୁତା ହଡ଼ାନା ଜାପୁହି ମାଗାଟି, କାଜା ପୂଜେରାଙ୍ଗା ଅଡ଼େ ଲକ୍ଷୁତି କାଜାରି ଏଝାଣି ତାଣା ଖାହାନା ଝେରେରି, “ନାନୁ ଆମିନି ଅଦିକାରା ତଲେ ଇ ବାରେ କାମା କିହିମାଞ୍ଜି ? ନିଙ୍ଗେ ଏ ଅଦିକାରା ଆମ୍ବାଆସି ହିୟାଡେସି ?”

୨୪ ଜୀସୁ ଏଝାରାଇଁ ଏଲେଇରେସି, “ନାନୁ ଜିକେଏ ମିଙ୍ଗେ ର କାତା ଝେଞ୍ଜାଇଁ, ମୀରୁ ଏଦାଆଁ ଝେଣ୍ଡେ ଝେସ୍ତାତିହ” ନାନୁ ଆମିନି ଅଦିକାରା ତଲେ ଇ ବାରେ କାମା କିହିମାଞ୍ଜି, ନାନୁ ଜିକେଏ ମିଙ୍ଗେ ଝେସ୍ତାଇଁ □

୨୫ ଜହନ ବାପ୍ତିସ୍ତା* ହୀହାଲି ଆମ୍ବାଆରି ତାଣାଟି ବେଟା ଆହାମାରେସି, ଲାକପୁରୁଟି କି ଲକ୍ଷୁ ତାଣାଟି ?”

ଏରେଟିଏ ଏଝାରି ତାମ୍ବୁ ତାମ୍ବୁ ଜଲ୍ଲକି ଆଡ଼େରି, “ମାହାପୁରୁ ତାଣାଟି ଇଞ୍ଜି ଝେସ୍ତାହି” ଏଝାସି ମାଙ୍ଗେ ଏଲେଇଞ୍ଜାନେସି, ‘ମୀରୁ ଏନାଆଁତାକି ଏଝାଣାଇଁ ନାମାଆଡେରି ?’

୨୬ ସାମା ମାଣ୍ଡସିୟାଁ ତାଣାଟି ଇନାୟି, ଲକ୍ଷୁତାକି ଆଜି, ଇଟିହ” ବାରେ ଲକ୍ଷୁ ଜହନଇଁ ମାହାପୁରୁ ଅଣ୍ଡପୁତି ବଲୁ ଝେହନାସି ଇଞ୍ଜିହ” ମାନୁଞ୍ଚି ଆହିମାନେରି □”

୨୭ ଏଦାଆଁତାକି ଏଝାରି ଜୀସୁଇଁ ଏଲେଇରେରି, “ମାମ୍ବୁ ପୁଞ୍ଜାହିଲଅମି □”

ଏଝାସି ଜିକେଏ ଏଝାରାଇଁ ଏଲେଇରେସି, “ଆତିହ” ନାନୁ ଜିକେଏ ଆମିନି ଅଦିକାରା ତଲେ ଇ ବାରେ କିହିମାଞ୍ଜି, ଏଦାଆଁ ନାନୁ ଜିକେଏ ମିଙ୍ଗେ ଝେସ୍ତାହି □”

ରୀ ମୀରକାତି ପୁଣ୍ଡିକିନି କାତା

୨୮ ମୀରୁ ଏନାଆଁ ଅଣ୍ଡପିମାଞ୍ଜେରି ? ରଅଣାକି ରୀ ମୀରକା ମାରେରି, ଏଝାସି କାଜା ମୀରଏଣି ତାଣା ଖାହାନା ଏଲେଇରେସି, “ମୀରଏଣା ନୀଞ୍ଜୁ ଅଞ୍ଜୁରି ବାଡ଼ାତା ହାଜାନା କାମା କିମୁ □”

୨୯ ଏଝାସି ଏଲେଇରେସି, “ନାଙ୍ଗେ କାମା କିହାଲି ମନ ହିଲେଏ” ସାମା ତାୟୁ ଏଝାସି ଅଣ୍ଡପାନା କାମା କିହାଲି ହାରେସି □

୩୦ ଇଞ୍ଜା ଉଣା ମୀରଏଣା ତାଣା ଖାହାନା ଏଲେଇଞ୍ଜି ଝେସ୍ତେସି, ଏଝାସି ଏଲେଇରେସି, “ହାଅ ଆଡ଼ା ନାନୁ ହାଜିମାଞ୍ଜି, ସାମା ଏଝାସି ହାଲାଆଡେସି □

୩୧ ଇ ରିଆରି ବିତ୍ରାଟି ଆମ୍ବାଆସି ଆଡ଼ା ମନ ଲେହେଁ କିଡେସି ?”

ଏଝାରି ଏଲେଇରେରି “କାଜାସି □”

ଜୀସୁ ଏଝାରାଇଁ ଏଲେଇରେସି, ନାନୁ ମିଙ୍ଗେ ସାତା ଝେସିମାଞ୍ଜାଇଁ, ସିସୁ ରାହନାରି ଇଞ୍ଜା ଦାରେଣିସିକା ମୀ ନକେଏ ମାହାପୁରୁ ରାଜିତା ହଡ଼ନୁ □

୩୨ ☆ବାପ୍ତିସ୍ତା ହୀନି ଜହନ ଖାହାନା ମୀ ତାଣା ଦାମ୍ବୁତି ଜିରୁ ତସ୍ତାଡେସି, ଅଡ଼େ ମୀରୁ ଏଝାଣାଇଁ ନାମାଆଡେରି, ସାମା ସିସୁ ରାହନାରି ଇଞ୍ଜା ଦାରେଣିସିକା ଏଝାଣାଇଁ ନାନିତୁ, ସାମା ମୀରୁ ଏନିକ” ନାନିଦେରି, ଏଦାଆଁତାକି ଏନାଆଁ ମେସାନା ଜିକେଏ ହିୟାଁ ବାଦ୍ଲି କିଆଡେରି □

ଅଞ୍ଜୁରି ବାଡ଼ାତା କାମାକିନାରି ପୁଣ୍ଡିକିନି କାତା
(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ ଅଡ଼େ ର ପୁଣ୍ଡିକିନି କାତା ଝେଞ୍ଜୁ, ର ବୁନି ଗାଟାସି ମାରେସି, ଏଝାସି ର ଅଞ୍ଜୁରି ବାଡ଼ା କିହାନା ସାରିଝାକି ବେୟ” ଗୁରଡେସି, ଇଞ୍ଜା ଅଞ୍ଜୁରି ପାଡ଼େୟି ପୀତାଲି ର ଗାଡ଼ୁୟୁ କାରହାନା ର ଗାଣା ହଲୁଲେହେଁ କିଡେସି, ଇଞ୍ଜା କାଃଆନି ଇଲୁ କେପାନା କାମା କିନାରାକି ଏ ବାଡ଼ାତି ବାଗା ହାହାନା ହେକ ଦେସାତା ହାରେସି □

୩୪ ତାୟୁ ପାଡ଼େୟି କାମ୍ବିନି ବେଲା ଆୟାଲିଏ, ଏଝାସି ତାନି ପାଡ଼େୟି ବାଗା ବେଟାଆହାଲି, ବାଡ଼ାତା କାମାକିନାରି ତାଣା, ତାନି ହଲିୟାଙ୍ଗାଣି ପାଣ୍ଡିଡେସି □

୩୫ ସାମା କାମାକିନାରି ତାନି ହଲିୟାଙ୍ଗାଣି ଆସାନା ରଅଣାଇଁ ଝେଡେରି ଇଞ୍ଜା ଅର ରଅଣାଇଁ ପାୟିଡେରି, ଅଡ଼େ ରଅଣାଇଁ ଖାଲକା ଝେଟାନା ପାୟା କୁତାଡୁସ୍ତେରି □

୩୬ ଅଡ଼େ ଏଝାସି ତଲିତି କିହାଁ ହାରେକା ଜାଣା ହଲିୟାଙ୍ଗାଣି ପାଣ୍ଡିଡେସି, ଅଡ଼େ ଏଝାରି ଏଝାରାଇଁ ଜିକେଏ ଏଲେକିଡେରି □

☆ ୨୧:୨୧ ୨୧:୨୧ ମାତି ୧୭:୨୦; ୧କର ୧୩:୨ * ୨୧:୨୫ ୨୧:୨୫ ମୁଞ୍ଜିନାୟି ☆ ୨୧:୩୨ ୨୧:୩୨ ଲୁକ ୩:୧୨; ୭:୨୯,୩୦ † ୨୧:୩୨ ୨୧:୩୨ ମୁଞ୍ଜିନାୟି

୩୭ ସାମା ନା ମୀରୁଏଣାଙ୍କୁ ଏଞ୍ଜେଲ୍ ମାନି କିନେରି ଇଞ୍ଜି ଅଣ୍ଡପାନା, ଏଞ୍ଜେଲ୍ ତାମ୍ଭୁ ତାନି ମୀରୁଏଣାଙ୍କୁ ଏଞ୍ଜେରିତାଣା ପାଣ୍ଡିତେସି □

୩୮ ସାମା ଏ କାମାକିନାରି ମୀରୁଏଣାଙ୍କୁ ମେସାନା ତାମ୍ଭୁ ତାମ୍ଭୁ ଖେସ୍ପି ଆଡେରି, ଇଞ୍ଜେରିତ ବାଡାତି ଅଦିକାରା ଗାଟାସି; ଖାଦୁ ଇଞ୍ଜେଣାଙ୍କୁ ପାୟାନା ଅଜୁରି ବାଡାତି ଅଦିକାରା କିହାକତିନ □

୩୯ ଇଞ୍ଜା ଏଞ୍ଜେରି ଏଞ୍ଜେଣାଙ୍କୁ ଅଜୁରି ବାଡା ଆତାଲା ମେଡହାନା ପାୟିତେରି □

୪୦ ଜୀସୁ ଏଞ୍ଜେରାଙ୍କୁ ଖେରେସି, “ଇଚିହୁ ଏଚିବେଲା ଏ ଅଜୁରି ବାଡାତି ସାଞ୍ଜୁକାରି ଖାନ୍ଦେସି, ଏଚିବେଲା ଏ କାମା କିନାରାଙ୍କୁ ଏନାଆଁ କିନେସି □”

୪୧ ଏଞ୍ଜେରି ଏଞ୍ଜେଣାଙ୍କୁ ଏଲେଇଚେରି, “ଏ ଲାଗେଏ ପଲେଏତି କାମା କିନାରାଙ୍କୁ କସ୍ତ ହାହୁ ପାୟିନେସି, ଇଞ୍ଜା ଏଞ୍ଜେଣାକି କାମ୍ବିନିସାରି ବାଟା ହାନି ଏଡକାତି କାମା କିନାରାକି ଅଜୁରି ବାଡାତି ହେରପିନେସି □”

୪୨ ଜୀସୁ ଏଞ୍ଜେରାଙ୍କୁ ଏଲେଇଚେସି, “ମୀରୁ ଦାମ୍ଭୁ ପତିତି ଇ କାତା ଏଚେଲାଖା ପଡ଼ି ଆହାହିଲଅଡେରି କି ?”

ଇଲୁ ଦହନାରି ଆମିନି ଖାଲିତି ମିଶ୍ ଏ ଇଞ୍ଜି କୁଡେରି, ଏଦିଏ ଇଲୁ କନତି ମୂଲୁ ଖାଲି ଆଡେ;

ମାହାପୁରୁ ତାଣାଟି ଇଦି ଆଡେ, ଇଞ୍ଜା ଏଦି ମା କାନୁତାକି କାବା ଆନାୟି □

୪୩ “ଏଦାଆଁତାକି ନାନୁ ମିଙ୍ଗେ ଖେସିମାଞ୍ଜାଙ୍କୁ, ମାହାପୁରୁତି ରାଜି ମୀ ତାଣାଟି ମୀଞ୍ଜା ଅଞ୍ଜିଆନ୍ଦେ, ଇଞ୍ଜା ଆମିନି ଜାଡିତି ଲକୁ ନେହୁ ପାଡ଼େୟି କାମ୍ବି କିନେରି ଏଞ୍ଜେରାକି ହାନେସି □

୪୪ ଅଡେ ଆମ୍ବାଆସି ଇ ଖାଲି ଲାକ ରିନେସି ଏଞ୍ଜେସି କାଣ୍ଡାମୁକା ଆନ୍ଦେସି, ଇଞ୍ଜା ଇ ଖାଲି ଆମ୍ବାଆରି ଲାକ ରିନେ ଏଦି ଏଞ୍ଜେଣାଙ୍କୁ ନାସାକିନେ □”

୪୫ କାଜା ପୁଜେରାଙ୍ଗା ଅଡେ ପାରୁସିୟା ଇଞ୍ଜାଣି ଇ ବାରେ ପୁଣ୍ଡିକିନି କାତା ଖେଞ୍ଜାନା, ଏଞ୍ଜେସି ଏଞ୍ଜେରି କାତା ଖେସିମାନେସି ଇଞ୍ଜି ପୁଚେରି,

୪୬ ଇଞ୍ଜା ଏଞ୍ଜେରି ଏଞ୍ଜେଣାଙ୍କୁ ଆସାଲି ଅଣ୍ଡପିମାଚେରି, ସାମା ଲକୁଙ୍କୁ ଆଜିତେରି, ଏନାଆଁତାକି ଇଚିହୁ ଏଞ୍ଜେଣାଙ୍କୁ ର ମାହାପୁରୁ ଅଣ୍ଡପୁତି ବଲୁ ଖେହନାସି ଇଞ୍ଜି ମାନି କିହିମାଚେରି □

୨୨

ବୀହା ବଜିତି ପୁଣ୍ଡିକିନି କାତା (ଲୁକ ୧୪:୧୫-୨୪)

୧ ଅଡେ ଖେଣ୍ଡେ ଜୀସୁ ପୁଣ୍ଡିକିନି କାତାତଲେ ଏଲେଇଚେସି,

୨ ଲାକପୁରୁତି ରାଜି ଇଲେତାୟି, ର ରାଜା ଲେହେଁ, ଏଞ୍ଜେସି ତାନି ମୀରୁଏଣା ବୀହା ବଜି କିତେସି,

✳ ୨୨:୧୩ ୨୨:୧୩ ମାତି ୮:୧୨; ୨୫:୩୦; ଲୁକ ୧୩:୨୮

୩ ଇଞ୍ଜା ଏ ବୀହା ବଜିତା ହାଟାମାନି ଲକୁଣି ବଜିତା ଖାଡ଼ପେରିଖା ଇଞ୍ଜି ତାନି ହଲିୟାଙ୍ଗାଣି ପାଣ୍ଡିତେସି, ସାମା ଏଞ୍ଜେରି ଖାହାଲି ମନ କିଆଡେରି □

୪ ଅଡେ ଖେଣ୍ଡେ ଏଡକାତି ହଲିୟାଙ୍ଗାଣି ପାଣ୍ଡାନା ଏଲେଇଚେସି, ହାଟି କିହାମାନି ଲକୁଣି ଖେହୁ, ମେହୁ ନାନୁ ନା ବଜି ଖାଜା ମାଙ୍କୁ, ଆଙ୍ଗା ଆଡି କଡିୟା ପାୟିଖି ଆହାମାନୁ, ବାରେ ରାନ୍ଦା ଆଡେୟିଏ, ମୀରୁ ବୀହା ବଜିତା ଖାଦୁ □

୫ ସାମା ଏଞ୍ଜେରି ଏଦାଆଁ ଅଣ୍ଡପାଆନା ଆମ୍ବାଆରି ତାନି ତାସା କାମାତା ହାଚେରି, ଇଞ୍ଜା ଆମ୍ବା ଆମ୍ବାଆରି ତାନି ବେବାରା କିୟାଲି ହାଚେରି,

୬ ଅଡେ ଏଚରଜାଣା ଲକୁ ତାନି ହଲିୟାଙ୍ଗାଣି ଆସାନା ପାୟିତେରି □

୭ ସାମା ରାଜା କପା ଆହାନା ତାନି କସ୍ତାଣି ପାଣ୍ଡାନା ଏ ପାୟିତାରାଙ୍କୁ ପାୟି କିତେସି ଇଞ୍ଜା ଏଞ୍ଜେରି ନାସ୍ତା ମେକ୍ତା ତୁସ୍ତେରି □

୮ ଏମ୍ବାଟିଏ ଏଞ୍ଜେସି ତାନି ହଲିୟାଙ୍ଗାଣି ଏଲେଇଚେସି, ବୀହା ବଜି ଆହାମାନେ, ସାମା ହାଟକି ଆହାମାନି ଲକୁ ପାଡା ଆଆଡାରି,

୯ ଏଦାଆଁତାକି ନୀଏଁ ମୀରୁ ଗାଡାତି କାଜା ତାଣ୍ଡେଣାଁ ହାଜାନା, ଏଚରଜାଣାତି ମେହୁଦେରି, ଏଞ୍ଜେରାଙ୍କୁ ବୀହା ବଜିତା ହାଟା ତାଦୁ □

୧୦ ଏମ୍ବାଟିଏ ଏ ହଲିୟାଙ୍ଗା କାଜା ତାଣ୍ଡେଣାଁ ହାଜାନା ଲାଗେଏ ପଲେଏତାରାଙ୍କୁ ଇଞ୍ଜା ଏଚେକା ନେହାଁରାଙ୍କୁ ମେସ୍ତେରି, ଏ ବାରେତି ରୁଣ୍ଡି କିହାନା ବୀହା ଇଲୁତା ତାଡେରି, ଇଞ୍ଜା ଖାହାମାନି ଲକୁ ବୀହା ଇଲୁତା ନେଞ୍ଜିତେରି □

୧୧ ସାମା ରାଜା ବୀହା ବଜିତା ଖାହାମାନି ଲକୁଣି ସିନିକିହାଲି ବିତ୍ରା ଖାହାନା ଏମ୍ବାଆଁ ବୀହା ହିମ୍ବୁରି ହୁଚାଆନା କୁଗାମାନି ରଅଣାଙ୍କୁ ମେସାନା ଏଞ୍ଜେଣାଙ୍କୁ ଏଲେଇଚେସି,

୧୨ ଏ ତଡେ, ନାନୁ ବୀହା ହିମ୍ବୁରି ହୁଚାଆନା ଏନିକି ଇମ୍ବାଆଁ ଖାଡି ? ସାମା ଏଞ୍ଜେସି ଏଦି ହାଡା ଆଆନା ଡିୟିତେସି □

୧୩ ଏମ୍ବାଟିଏ ରାଜା ଏମ୍ବାଆଁ ହଲିୟାଙ୍ଗାଙ୍କୁ ଏଲେଇଚେସି, ଇଞ୍ଜାଣି କେସ୍ତା କତାୟା ଦସାନା ପାଙ୍ଗାତି ଆନ୍ଦେରିତା ମେଡହା ତୁହୁ, ଏମ୍ବାଆଁ ଡାହୁଁ ପାଲ୍‌କା ଟାଟି କିନେସି □

୧୪ ଇଚିହୁ ହାଟକି ଆଡି ଲକୁ ହାଡେକା ଜାଣା ସାମା ଆଡିତି ଲକୁ ହାଡେକା ଡଣା ଜାଣା □

ସିସୁ ହୁନାଣି ଖେନାୟି (ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏଚିବେଲା ପାରୁସିୟାଁ ହାଜାନା ଜୀସୁଙ୍କୁ ତାନି ଖେସ୍ତି କାତାଟି ଦହ ଦସାଲି ପାରୁ ପାରିତେରି □

୧୬ ଇଞ୍ଜା ଏଞ୍ଜେରି ହେରଦ ଗଟି ବିତ୍ରାଟି ଏଚେକା ଲକୁତଲେ ତାନି ସୀସୁୟାଙ୍କୁ ଜୀସୁ ତାଣା ଖେସା

ପାଣ୍ଡିତେରି, “ଏ ଗୁରୁ ମାୟୁ ପୁଞ୍ଜାମାନମି ନାନୁ ସାତା
ଝେହନାତି ଇଞ୍ଜା ସାତା କହଁ ମାହାପୁରୁତି ଜିରୁ
ଜାପନାତି, ଇଞ୍ଜା ଆମ୍ବାଆରାଇଁ ଆଜଅତି ଅଡ଼େ ଆମ୍ବାଆରି
ପାର୍ଡ଼ା ବାଟିକିହଁ ଜଲିନାତି ଆଏ □

୧୭ ଇଦାଆଁତାକି ନାନୁ ମାଙ୍ଗେ ଝେସ୍ତାମ୍, ନୀ ଅଣପୁତା
ଏନାୟି ମାନେ ? କାୟିସରକି ସିସ୍ତ ହୁନାୟି ମେରା କି ଆଏ
?”

୧୮ ସାମା ଜୀସୁ ଏଞ୍ଜାରି କାର୍ବି ପୁଞ୍ଜାନା ଏଲେଇଚେସି,
“ଆଡ଼େ କୁଟୁ ଗାଟାତେରି ନାଙ୍ଗେ ଏନାଆଁତାକି ତାୟିପାରି
କିହିମାଞ୍ଜାଦେରି ?

୧୯ ଏ ସିସ୍ତ ହୁନା ଟାକା ନାଙ୍ଗେ ହିୟାଦୁ □” ଏମ୍ବାଟିଏ
ଏଞ୍ଜାଣି ତାଣା ର ଟାକା ଆଦଲି ହୀତେରି □

୨୦ ଜୀସୁ ଏଞ୍ଜାରାଇଁ ଝେଚେସି, “ଇ ଆଦଲି ଲାକ
ଆମ୍ବାଆରି ଦରୁ ଅଡ଼େ ତାୟିଁ ବୁମା ମାନେ ?”

୨୧ ଏଞ୍ଜାରି ଏଲେଇଚେରି, “କାୟିସରଞ୍ଜାୟି □”

ଜୀସୁ ଏଞ୍ଜାରାଇଁ ଏଲେଇଚେସି, “ଆତିହଁ ଆମିନାୟି
କାୟିସରଞ୍ଜାୟି ଏଦାଆଁ କାୟିସରକି ହୀଦୁ, ଅଡ଼େ
ଆମିନାୟି ମାହାପୁରୁଞ୍ଜାୟି ଏଦାଆଁ ମାହାପୁରୁକି ହୀଦୁ □”

୨୨ ଏଞ୍ଜାରି ଏଦାଆଁ ଝେଞ୍ଜାନା କାବାଆହାନା ଏଞ୍ଜାଣାଇଁ
ପିସାଁ ହାଜାତୁସ୍ତେରି □

ହାକିଟି ଝେଣ୍ଡେ ନିଜିନି କାତା

(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ *ହାକିଟି ଝେଣ୍ଡେ ନିଜିନାୟି ହିଲେଏ ଇଞ୍ଜିମାନି
ଏଚରଜାଣା ସାଦୁକିୟାଁ ଏ ଦିନା ଜୀସୁ ତାଣା ଝାହାନା
ଝେଚେରି □

୨୪ “ଏ ଗୁରୁ ମସା ଝେସାମାଞ୍ଜାନେସି, ରଅସି ପଡ଼ି ପଦା
ଆଆନା ହାଡ଼ିହଁ ତାନି ତାୟି ତାନି ଡକ୍ରିନି ଇଟାନା ଏ
ହାଡ଼ାଣି କୂଡ଼ା ଏପାକିନେସି □

୨୫ ମେହମ୍ ମା ତାଣା ସାଡ଼ା ଜାଣା ତାୟିୟାଁ ମାଚେରି;
ତଲି ମୂଲୁ ତାସି ବାହା ଆହାନା ହାହାହାଚେସି, ଇଞ୍ଜା
କକାରି ପଦାୟାଁ ହିଲାଆତାକି ଏଞ୍ଜାସି ତାନି ଡକ୍ରିନି ତାନି
ତାୟିକି ପିସାହାଚେସି;

୨୬ ଏଞ୍ଜାଣି ଜେଚତାସି ଅଡ଼େ ଏଞ୍ଜାଣି ଜେଚତାସି
ଏଲେକିହଁ ସାତା ଜାଣା ଜିକେଏ ହାଡ଼େରି □

୨୭ ବାରେଡି ତାୟି ଏ ଇୟାଟି ଜିକେଏ ହାଡ଼େ □

୨୮ ଆତିହଁ ଝେଣ୍ଡେ ନିଜିନାଟି ଏ ସାତା ଜାଣା ବିତ୍ରା
ଆମ୍ବାଆରି ଡକ୍ରି ଆନେ ? ଇତିହଁ ବାରେଜାଣା ଏଦାନି
ବାହା ଆହାମାଚେରି □”

୨୯ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଦାମ୍ବୁ
ସାସ୍ତେରି ଅଡ଼େ ମାହାପୁରୁତି ବାଡ଼ୁୟି ପୁନାଆନା ନାଡ଼ି
ଆହିମାଞ୍ଜେରି □

୩୦ ଇତିହଁ ହାହାନା ଝେଣ୍ଡେ ନିଜିସାରେ ଲକୁ
ବାହା ଆଅରି, କି ବାହା ହୀଅରି, ସାମା ଲାକପୁରୁତି
ଦୂତୁୟାଲେହେଁ ଆନେରି □

୩୧ ସାମା ହାଡ଼ାରି ଝେଣ୍ଡେ ନିଜିନି କାତା ମାହାପୁରୁ
ମିଙ୍ଗେ ଏନାଆଁ ଝେସାମାଞ୍ଜାନେସି ଏଦାଆଁ ମୀରୁ ପଡ଼ଞ୍ଜି
ଅହାହିଲଅଚେରି ?

୩୨ ନାନୁ ଅବ୍ରାହାମତି ମାହାପୁରୁ, ଇସାହାକତି
ମାହାପୁରୁ, ଅଡ଼େ ଜାକୁବତି ମାହାପୁରୁଚେଏଁ, ଏଞ୍ଜାସି ହାଡ଼ି
ଲକୁତି ମାହାପୁରୁ ଆଏ ସାମା ଜୀଞ୍ଜୁଗାଟାରି ମାହାପୁରୁ □”

୩୩ ଲକୁ ବାରେ ଏଞ୍ଜାଣି ଜାପନାଣି ଝେଞ୍ଜାନା କାବା
ଆହାହାଚେରି □

କାଜା ହୁକୁମି

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଜୀସୁଇଁ ସାଦୁକିୟାଁ ଝେଣ୍ଡେ ଝେସାଲି ଆଡ଼ି ହିଲଅରି
ଇଞ୍ଜା ପୁଞ୍ଜାନା ପାରୁସିୟାଁ ବିତ୍ରାଟି ରୁଣ୍ଡା ଆଚେରି,

୩୫ ଅଡ଼େ ଏଞ୍ଜାରି ବିତ୍ରାଟି ମେରା ପୁନାସି ରଅସି ଜୀସୁଇଁ
ତାୟିପାରିକିହଁ ଝେଚେସି,

୩୬ “ଗୁରୁ ବାରେ ହୁକୁମିକା ବିତ୍ରାଟି ଆମିନି ହୁକୁମି
କାଜାୟି ?”

୩୭ ଜୀସୁ ଏଞ୍ଜାଣାଇଁ ଏଲେଇଚେସି, ନୀନୁ ନୀ ବାରେ
ହିୟାଁ, ନୀ ବାରେ ଜୀଞ୍ଜୁ ବାରେ ଅଣପୁ ତଲେ ପ୍ରବୁ ନୀ
ମାହାପୁରୁଇଁ ଜୀଞ୍ଜୁ ନମ୍ବୁ □

୩୮ ଇଦିଏ ବାରେ ହୁକୁମିକା କିହାଁ କାଜାୟି ଇଞ୍ଜା ତଲିତି
ହୁକୁମି □

୩୯ ଏଦାଣି ଜେଚତି ହୁକୁମି ଜିକେଏ ଏଲେକିହଁଏ,
ନୀନୁ ନୀ ପାଡ଼ିତି ଲକୁଣି ନୀ ଜୀଞ୍ଜୁତି ଜୀଞ୍ଜୁ ନହାଁ କଡ଼ିନି
ଲେହେଁ ଜୀଞ୍ଜୁ ନମ୍ବୁ □

୪୦ *ଇ ରୀ ହୁକୁମିତା ମସାତି ବାରେ ମେରା, ଅଡ଼େ
ମାହାପୁରୁ ଅଣପୁତି ବଲୁ ଝେହନାରି କାତା ମାଞ୍ଜାମାନେ □

ଜୀସୁ ଆମ୍ବାଆସି

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ପାରୁସିୟାଁ ରୁଣ୍ଡା ଆହାମାଟାଟି ଜୀସୁ ଏଞ୍ଜାରାଇଁ
ଝେଚେସି,

୪୨ “ଜୀସୁଇଁ ମୀରୁ ଆମ୍ବାଆସି ଇଞ୍ଜା ମୀରୁ
ଅଣପିମାଞ୍ଜେରି ? ଏଞ୍ଜାସି ଆମ୍ବାଆରି ମୀରୁଏସି ?” ଏଞ୍ଜାରି
ଏଞ୍ଜାଣାଇଁ ଏଲେଇଚେରି “ଦାଞ୍ଜୁଦ ମୀରୁଏସି □”

୪୩ ଜୀସୁ ଏଞ୍ଜାରାଇଁ ଏଲେଇଚେସି, “ଆତିହଁ ଦାଞ୍ଜୁଦ
ଏନିକଁ ସୁଦୁଜୀଞ୍ଜୁ ତଲେ ଏଞ୍ଜାଣାଇଁ ପ୍ରବୁ ଇଞ୍ଜା ମାଚେସି
?” ଦାଞ୍ଜୁଦ ଏଲେଇଚେସି,

୪୪ “ପ୍ରବୁ ନା ପ୍ରବୁଇଁ ଝେସ୍ତେସି,
ନାନୁ ନୀ ସାତୁୟାଁଣି ନୀ କଡ଼ାୟାଁ ଡ଼ଲ ଇଟାଆ
ପାଡ଼େକା

ନା ଟିଞ୍ଜିନି ଟଚତା କୁଗାମାନାମ୍ବୁ □
୪୫ ଇତିହଁ ଦାଞ୍ଜୁଦ ତାନୁଏ ଏଞ୍ଜାଣାଇଁ ପ୍ରବୁ ଇତିହଁ,
ଜୀସୁ ଏନିକଁ ଦାଞ୍ଜୁଦ ମୀରୁଏସି ଆନେସି ?”

୪୬ ଏମ୍ବାଟି ଆମ୍ବାଆସି ଜିକେଏ ଏଞ୍ଜାଣାଇଁ ଝେଣ୍ଡେ
ଝେସାଲି ଆଡ଼ାଆଚେସି, ଅଡ଼େ ଏ ନେଚୁଟିଏ ଆମ୍ବାଆସି

☆ ୨୨:୨୩ ୨୨:୨୩ କାମା ୨୩:୮ ☆ ୨୨:୪୦ ୨୨:୪୦ ଲୁକ ୧୦:୨୫-୨୮

ଜିକେଏ ଜୀସୁଇଁ ଏନି କାତା ୱେଞ୍ଜାଲି ସାସା କିଆତେରି
□

୨୩

ମେରାପୁନାରି ଇଞ୍ଜା ପାରୁସିୟାଁ ତାଣାଟି ଜାଗ୍ରାତା
ଆନାୟି

(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ଏଟିବେଲ୍ୟାତା ଜୀସୁ ବାରେ ଲକ୍ଷୁଇଁ ଇଞ୍ଜା ତାନି
ସୀସୁୟାଁଇଁ ଏଲେଇତେସି,

୨ ମେରାପୁନାରି ଅଡ଼େ ପାରୁସିୟାଁ ମସାତି ମେରା
ଜାପ୍‌ହାଲି ପାଣା ବେଟାଆହାମାନେରି □

୩ ଏଦାଆଁତାକି ଏଞ୍ଜାରି ମିଙ୍ଗେ ଏନାଆଁ ୱେସ୍ତାତିହୁଁ
ଏଦାଆଁ ମାନୁଞ୍ଜି ଆଦୁ, ଅଡ଼େ ଏଞ୍ଜାରି ୱେସ୍ତିଲେହେଁ କିଦୁ,
ସାମା ଏଞ୍ଜାରି କାମା କିନିଲେହେଁ କାମା କିଆଦୁ, ଇତିହୁଁ
ଏଞ୍ଜାରି ଏନାଆଁ କିନାୟିମାନେ ଇଞ୍ଜୁଁ ୱେହ୍‌ନେରି ସାମା
ଏଞ୍ଜାରି କିଅରି □

୪ ଏଞ୍ଜାରି ବଜୁଗାଟି କାସ୍‌କା ଦସାନା ଲକ୍ଷୁ ବମିତା
ଏକ୍‌ନେରି ସାମା ତାମ୍‌ତାମି ର. ୱାଞ୍ଜୁ ତଲେ ଜିକେଏ
ପେରହାଲି ମନ କିଅରି □

୫ *ଏଞ୍ଜାରି ଲକ୍ଷୁଣି ତସାଲି ତାମି କିନି କାମା ବାରେ
କିନେରି, ଇତିହୁଁ ଏଞ୍ଜାରି ପାଟାୟାଣା ଦାମ୍‌ପି ପତିତି କାତା
ରାଚାନା ମପା ଅଡ଼େ ମୁଞ୍ଜୁତା ଦସା କତିନେରି, ଇଞ୍ଜା ତାମି
ହିମ୍‌ବିକାତି ପୁରଡ଼େୟାଁ କାଜା କାଜାଆଁ କିନେରି,

୬ ଅଡ଼େ ବଜିତା ନେହୁଁ ଟାୟୁ ଇଞ୍ଜା ଜୀହୁଦି ଲକ୍ଷୁତି
କୁଟମି ଇଲୁତା* ନେହୁଁ କାଜା ଟାୟୁ ପାରିନେରି,

୭ ଇଞ୍ଜା ହାଟା ବାଜାରାତା ଜହରା ବେଟାଆହାଲି ଅଡ଼େ
ଲକ୍ଷୁ ତାଣାଟି ଗୁରୁ ଇଞ୍ଜୁଁ ମାନି ବେଟାଆହାଲି ନେହାୟି
ଇଞ୍ଜୁଁ ଅଣ୍‌ପିନେରି □

୮ ସାମା ମୀରୁ ଗୁରୁ ଇଞ୍ଜୁଁ ମାନି ବେଟାଆହାଲି
ଅଣ୍‌ପାଆଦୁ, ଇତିହୁଁ ମୀ ଗୁରୁ ରଅସି ମାନେସି, ଇଞ୍ଜା
ମୀରୁ ବାରେତାୟି ତାୟିୟାଁତେରି □

୯ ଅଡ଼େ ଦାର୍‌ତିତା ଆମ୍‌ଆରାୟି ଜିକେଏ ଆବା ଇଞ୍ଜୁଁ
ମାନି କିଆଦୁ, ଇତିହୁଁ ମୀ ଆବା ରଅସିଏ ଲାକପୁରୁ
ମାନେସି □

୧୦ ଅଡ଼େ ମୀରୁ ସାଲୁଞ୍ଜି କିନାତମି ଇଞ୍ଜୁଁ ମାନି
ପ୍ଲାଞ୍ଜିଆଦୁ, ଇତିହୁଁ ମିଙ୍ଗେ ସାଲୁଞ୍ଜି କିୟାନାସି ରଅସିଏ
ଏଞ୍ଜାସି କ୍ରୀସ୍ତୁ □

୧୧ *ସାମା ମୀ ବିତ୍ତା ଆମ୍‌ଆସି କାଜାସି ଏଞ୍ଜାସି ମୀ
ସେବା କିନାସି ଆନେସି □

୧୨ *ଅଡ଼େ ଆମ୍‌ଆସି ତାଙ୍ଗେ କାଜାତେଏଁ ଇଞ୍ଜୁଁ
ଇଞ୍ଜା କତିନେସି, ଏଞ୍ଜାଣାୟି ଉଣା କିଞ୍ଜିଆନେ, ଇଞ୍ଜା
ଆମ୍‌ଆସି ତାଙ୍ଗେ ଉଣା କିହାକତିନେସି, ଏଞ୍ଜାଣାୟି
କାଜାସି କିଞ୍ଜିଆନେ □

ପାରୁସିୟାଁ ଅଡ଼େ ମେରା ପୁନାରାୟି ଦହ୍‌ ଦହ୍‌ନାୟି
(ମାର୍କ ୧୨:୪୦; ଲୁକ ୧୧:୩୯-୪୨, ୪୫, ୫୨; ୨୦:୪୭)

୧୩ ଆୟତା ତଣ୍ଡ ପାଣ୍ଡି କୁଚୁଗାଟି ପାରୁସିୟାଁ ଅଡ଼େ
ମେରା ପୁନାତେରି, ଇତିହୁଁ ମୀରୁ ଲକ୍ଷୁତାକି ଲାକପୁରୁ
ରାଜିତି ଦାରା ସୁଣ୍ଡିଦେରି; ମୀରୁ ମୀରୁଏ ଏମ୍‌ଆଁ ହଡ଼ି
ହିଲଅତେରି, ଇଞ୍ଜା ହଡ଼ାଲି ମନ ଗାଟି ଲକ୍ଷୁଣି ଜିକେଏ
ହଡ଼ାଲି ହାହି ହିଲଅତେରି □

୧୪ ଆୟତା ତଣ୍ଡ ପାଣ୍ଡି କୁଚୁଗାଟି ମେରା ପୁନାତେରି
ଅଡ଼େ ପାରୁସିୟାଁତେରି, ଇତିହୁଁ ମୀରୁ ଉଜେ
ଉଜେଏ ଲାମ୍‌ପା ପ୍ରାତାନା କିହାନା ରାଣ୍ଡେଣିସିକା ଇଲ୍‌କା
ସେଦିନାତେରି; ଏଦାଆଁତାକି ମୀରୁ ହାରେକା ତଣ୍ଡ
ବେଟାଆଦେରି □

୧୫ ଆୟତା ତଣ୍ଡ ପାଣ୍ଡି କୁଚୁଗାଟି ପାରୁସିୟାଁ ଅଡ଼େ
ମେରା ପୁନାତେରି, ଇତିହୁଁ ମୀରୁ ରଅଣାୟି ଜୀହୁଦି
ଦାମ୍‌ତା ଆଟ୍‌ହାଲି ସାମ୍‌ଦୁରି ଆତାଲା ଗାଣ୍ଡାଚାନା ଦେସା
ରେଜେରି, ଇଞ୍ଜା ଏଟିବେଲ୍ୟା ଏଞ୍ଜାସି ଆଣ୍ଡାନେସି,
ଏଟିବେଲ୍ୟାତା ମୀରୁ ଏଞ୍ଜାଣାୟି ମୀ କିହାଁ ହାରେକା ଆଗାଡ଼ା
ନର୍‌କତା ମେଡ଼ପି ଆନାସି କିହାନା ଲାଗେଏ କିଦେରି □

୧୬ ଆୟତା ତଣ୍ଡ ବେଟା ଆନାତେରି କାଣ୍ଡାୟାଁଇଁ ଜିରୁ
ତହ୍‌ନାତେରି, ମୀରୁ ଏଲେଇଞ୍ଜିମାଞ୍ଜେରି, ଆମ୍‌ଆସି
ମାହାପୁରୁ ଇଲୁତି ପାର୍‌ମାଣା କିତିହୁଁ ଏନାୟି ହିଲେଏ,
ସାମା ଆମ୍‌ଆସି ଇଲୁତି ବାଂଗାରାତି ପାର୍‌ମାଣା କିତିହୁଁ
ଏଞ୍ଜାସି ପାର୍‌ମାଣା କିତିଲେହେଁ ତାପାଆନା କାମା
କିନାୟିମାନେ □

୧୭ ଆଡ଼େ କାଣ୍ଡାୟାଁ ଅଡ଼େ ବୁଦି ହିଲାଆଗାଟାତେରି
ବାଂଗାରା କି ଏ ବାଂଗାରାତି ସୁଦୁ କିହାମାନି ଦେଞ୍ଜୁଡ଼ି, ଇ
ରୀ ବିତ୍ତାଟି ଆମିନାୟି କାଜାୟି ?

୧୮ ଅଡ଼େ ମୀରୁ ଏଲେଇଞ୍ଜିମାଞ୍ଜେରି, ଆମ୍‌ଆସି
ମାହାପୁରୁ ଇଲୁ ପିଣ୍ଡାତି ପାର୍‌ମାଣା କିତିହୁଁ ଏନାୟି
ଆଏ, ସାମା ଆମ୍‌ଆସି ପୂଜାପିଣ୍ଡା ଲାକ ମାନି ଦାନାତି
ପାର୍‌ମାଣା କିତିହୁଁ, ପାର୍‌ମାଣା କିତିଲେହେଁ ତାପାଆନା
କାମା କିନାୟିମାନେ □

୧୯ ଆଡ଼େ କାଣ୍ଡାୟାଁତେରି, ଦାନା କି ଏ ଦାନାତି ସୁଦୁ
କିହାମାନି ମାହାପୁରୁ ଇଲୁତି ପୂଜାପିଣ୍ଡା, ଇ ରୀ ବିତ୍ତାଟି
ଆମିନାୟି କାଜାୟି ?

୨୦ ଏଦାଆଁତାକି ଆମ୍‌ଆସି ଦାନାହାନି ପିଣ୍ଡାତି
ପାର୍‌ମାଣା କିନେସି, ଏଞ୍ଜାସି ଏ ପିଣ୍ଡା ଅଡ଼େ ପିଣ୍ଡାତା ମାନି
ଦାନାତି ପାର୍‌ମାଣା କିହାମାନେସି;

୨୧ ଅଡ଼େ ଆମ୍‌ଆସି ମାହାପୁରୁ ଇଲୁତି ପାର୍‌ମାଣା
କିନେସି, ଏଞ୍ଜାସି ମାହାପୁରୁ ଇଲୁ ଇଞ୍ଜା ଏମ୍‌ଆଁ
ବାସାଆହାମାନି ମାହାପୁରୁଇଁ ପାର୍‌ମାଣା କିନେସି;

୨୨ *ଅଡ଼େ ଆମ୍‌ଆସି ଲାକପୁରୁତି ପାର୍‌ମାଣା କିନେସି,
ଏଞ୍ଜାସି ମାହାପୁରୁତି ସିଂଗାସାଣି ଇଞ୍ଜା ଏମ୍‌ଆଁ କୁଗାମାନି
ମାହାପୁରୁଇଁ ପାର୍‌ମାଣା କିନେସି □

* ୨୩:୫ ୨୩:୫ ମାତୃ ୬:୧ * ୨୩:୬ ୨୩:୬ ସିନଗର * ୨୩:୧୧ ୨୩:୧୧ ମାତୃ ୨୦:୨୭, ୨୭; ମାର୍କ ୯:୩୫; ୧୦:୪୩, ୪୫; ଲୁକ ୨୨:୨୭ * ୨୩:୧୨
୨୩:୧୨ ଲୁକ ୧୪:୧୧; ୧୮:୧୪ * ୨୩:୨୨ ୨୩:୨୨ ମାତୃ ୫:୩୪

୨୩ ଆୟତ୍ତା ତଣ୍ଡ ପାଣ୍ଡନି କୁଟୁଗାଟି ମୋରା ପୁନାତେରି
 ଇଞ୍ଜା ପାରୁସିୟା, ଇଚିହଁ ମୀରୁ କୁମ୍ବରୁ କୁଟା, ରାୟି,
 ଜିରା ଇନି ଉଣା ତାସା ବିତ୍ରାଟି ଜିକେଏ ଦସ ବାଗାଟି ର
 ବାଗା ହାହିମାଞ୍ଜେରି, ଅଡେ ମସା ମୋରାଟି କାଜା କାତାୟା
 ଇଚିହଁ ସାତା ନୀହାୟି କିନାୟି, କାର୍ମା ତହୁନାୟି, ଇଞ୍ଜା
 ନାମ୍ବୁ, ଇ ବାରେ ପିସାମାଞ୍ଜେରି; ସାମା ଇ ବାରେ ମାନଞ୍ଜି
 ଆହାନା ଅଡେ ଏ ବାରେ ପିହୁଆୟି ମାନେ □

୨୪ ଆଡେ କାଣାୟା ଜିରୁ ତହୁନାତେରି, ମୀରୁ ଖାହାଁତି
 ହାଣି କିଦେରି ସାମା ଉଟୁଇ ଗୁହୁଦେରି □

୨୫ “ଆୟତ୍ତା ତଣ୍ଡ ପାଣ୍ଡନି କୁଟୁଗାଟି ମୋରା ପୁନାତେରି
 ଇଞ୍ଜା ପାରୁସିୟାତେରି, ଇଚିହଁ ମୀରୁ ଗିନା ଅଡେ
 ସାଡ଼ଞ୍ଜାଟି ପାଞ୍ଜାତା ନରୁହି ମାଞ୍ଜେରି, ସାମା ଏ ବିତ୍ରା
 ଜୁପକା ଆହାଁ ସରୁ କିତି ଆସି ବାରେ ନେଞ୍ଜି କିହାମାଞ୍ଜେରି
 □

୨୬ ଆଡେ କାଣକା ମେହୁଆଗାଟି ପାରୁସିୟା, ନକେଏ
 ଗିନାଟି ବିତ୍ରାତାଣି ନରୁଦୁ, ଏନିକଁ ପାଞ୍ଜାତା ଜିକେଏ
 ନରୁଞ୍ଜି ଆନେ □”

୨୭ *ଆୟତ୍ତା ତଣ୍ଡ ପାଣ୍ଡନି କୁଟୁଗାଟି ମୋରା ପୁନାତେରି
 ଇଞ୍ଜା ପାରୁସିୟା, ଏନାଆଁତାକି ଇଚିହଁ ମୀରୁ ହୁନୁ
 ଉସପିତି ମାଡ଼ହା ମୁହନି ଟାୟୁଲେହେଁ ତାତେରି □ ଏଡି
 ପାଞ୍ଜାତା ଅଜିକଁ ତଞ୍ଜାଆନେ, ସାମା ବିତ୍ରା ହାଡ଼ାରି
 ପେଣକା ଇଞ୍ଜା ସୀରୁତାୟି ନେଞ୍ଜାମାନେ;

୨୮ ଏଲେକିହଁ ଏ ମୀରୁ ଜିକେଏ ପାଞ୍ଜାଟି ଲକୁ ନକିତା
 ଦାମ୍ବୁଗାଟାତେରି ଲେହେଁ ତଞ୍ଜା ଆନେଦରି, ସାମା ମୀ ହିୟା
 ବିତ୍ରା କୁଟୁ ଅଡେ ପାପୁ ନେଞ୍ଜାମାନେ □

ଜୀସୁ ଏଞ୍ଜାରାଇଁ ତଣ୍ଡ ପାଣ୍ଡନି କାତା ଖେହୁନାୟି
 (ଲୁକ ୧୧:୪୭-୫୧)

୨୯ ଆୟତ୍ତା ତଣ୍ଡ ପାଣ୍ଡନି କୁଟୁଗାଟି ମୋରା ପୁନାତେରି
 ଇଞ୍ଜା ପାରୁସିୟା, ଇଚିହଁ ମୀରୁ ମାହାପୁରୁ ଅଣ୍ପୁତି
 ବଲୁ ଖେହୁନାରି ମାଡ଼ହା ମୁହନି ଟାୟୁ କେପାନା,
 ଦାମ୍ବୁଗାଟାରି ମାଡ଼ହା ମୁହନି ଟାୟୁଟି ମୁଣ୍ଡା ଅଜିକଁ
 କିହାନା ଏଲେଇଞ୍ଜିମାଞ୍ଜେରି;

୩୦ ମାମ୍ବୁ ମା ଆକୁ ଆବାୟା ବେଲତା ମାଟିହଁ ମା,
 ମାହାପୁରୁ ଅଣ୍ପୁତି ବଲୁ ଖେହୁନାରାଇଁ ପାୟାଲି
 ଆଣ୍ଡାଆତମିମା □

୩୧ ଏଦାଆଁତାକି ମୀରୁଏ ମାହାପୁରୁ ଅଣ୍ପୁତି ବଲୁ
 ଖେହୁନାରାଇଁ ପାୟାମାନି ଲକୁତି ମୀରୁକାତେରି, ଏ
 କାତାତାକି ମୀରୁଏ ମିଙ୍ଗେ ସାକି ହାହା କଡିମାଞ୍ଜେରି □

୩୨ ମୀରୁ ହାଜାନା ମୀ ଆକୁ ଆବାୟା କିତି କାମା ରାପୁଡୁ
 □

୩୩ *ଆଡେ ରାସକାତେରି, ଇଞ୍ଜା ବୀସା ଗାଟି ରାସକା
 କୁଡାଟି ମୀରୁକାତେରି, ମୀରୁ ବିଚାରା ଦିନାତା ଏନିକଁ
 ହିରୁ ଗୁଦଞ୍ଜାଟି ତଣ୍ଡଟି ପିସପି ଆନେଦରି ?

୩୪ ଏଦାଆଁତାକି ମେହୁମୁ ନାନୁ ମୀ ତାଣା ମାହାପୁରୁ
 ଅଣ୍ପୁତି ବଲୁ ଖେହୁନାରାଇଁ, ବୁଦି ଗାଟାରାଇଁ, ଇଞ୍ଜା
 ଜାପୁନି ଗୁରୁକାଇଁ ପାଣ୍ଡିମାଞ୍ଜାଇଁ; ଏଞ୍ଜାରି ବିତ୍ରାଟି ଆମ୍ବା
 ଆମ୍ବାଆରାଇଁ ପାୟିଦେରି, ପାସି ମୁଣ୍ଡାତା ଏକହାନା
 ପାୟିଦେରି, ଅଡେ ଆମ୍ବା ଆମ୍ବାଆରାଇଁ ଜୀହୁଦି ଲକୁତି
 କୁଟମି ଇଲୁତା† ସାଡ଼ଣି ତ:ରିତଲେ ଖେଦେରି, ଇଞ୍ଜା
 ଗାଡ଼ାତାକି ଗାଡ଼ା ଗଡ଼ହା ନିନ୍ଦା କିଦେରି □

୩୫ ଏନିକଁ ଦାମ୍ବୁଗାଟି ହେବଲଇଁ ପାୟିତି ଦିନାଟିଏ,
 ମାହାପୁରୁ ଇଲୁ ପିଣ୍ଡା ଦାରିତା ବେରିକୟ ମୀରୁଏସି
 ଜିକରିୟଇଁ ପାୟିତି ପାତେକା, ଦାରୁଡିତା ଏତେକା
 ନେହାଁରାଇଁ ପାୟାମାଞ୍ଜେରି, ଏ ବାରେ କାମାଟି ତଣ୍ଡ ମୀ
 ମୁହେଁ ଖାନେ □

୩୬ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଇ କାଲୀଟି ଲକୁ
 ମୁହେଁ ଇ ବାରେ ତଣ୍ଡ ରିନେ □

ଜିରୁସାଲମତି ଜୀସୁ ଜୀଞ୍ଜୁନନାୟି
 (ଲୁକ ୧୩:୩୪-୩୫)

୩୭ ଏ ଜିରୁସାଲମ, ଏ ଜିରୁସାଲମ! ମାହାପୁରୁ ଅଣ୍ପୁତି
 ବଲୁ ଖେହୁନାରାଇଁ ପାୟିନାଟି ନୀ ତାଣା ପାଣ୍ଡୁଞ୍ଜି ଆଡ଼ାରାଇଁ
 ଖାଲକାତଲେ ଖେନାଟି, କୟୁ ଏନିକଁ ତାନି ହାପାୟାଣି
 କୁଡି କିହାନା ମାରାୟା ତୁଇ ପୁକ୍ତହାନା ଜଞ୍ଜିନେ, ନାନୁ ନୀ
 ଲକୁଇଁ ଏତର ପାଲି ଏଲେକଁ କୁଡିକିହାଲି ମନ କିତେଏ,
 ସାମା ଏଞ୍ଜାରି ମନ ହାଆତେରି □

୩୮ ଅଡେ ମେହୁଦୁ ମୀ ମାହାପୁରୁ ଇଲୁ ମୀ କେୟୁତା
 ହାପୁକି ଆହାମାଞ୍ଜାନେ □

୩୯ ଇଚିହଁ ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁ
 ଦରୁଟି ଆମ୍ବାଆସି ଖାହିମାନେସି, ଏଞ୍ଜାସି ନେହାଁସି, ମୀରୁ
 ଏ କାତା ଜଲୀଆ ପାତେକା ନୀଞ୍ଜୁଟିଏ ନାଙ୍ଗେ ଅଡେ
 ମେସୁଅତେରି □

୨୪

ମାହାପୁରୁ ଇଲୁ ନସୁ ଆନି କାତା
 (ମାର୍କ ୧୩:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି ହଡ଼ା ହାଜିମାଟାଟି ତାନି
 ସୀସୁୟା ମାହାପୁରୁ ଇଲୁଟି ବାରେ ଇଲକାଣି ତସାଲି ତାନି
 ତାଣା ଖାଡେରି,

୨ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଇ
 ବାରେ ମେସି ହିଲଅତେରି ? ନାନୁ ମିଙ୍ଗେ ସାତା
 ଖେସିମାଞ୍ଜାଇଁ, ଇମ୍ବାଆଁ ମାନି ର ଖାଲି ଅର ଖାଲି ଲାକ
 ତୁୟେଏ, ଇ ବାରେଏ ମେଣ୍ଡାହାନ୍ତୁ □”

କସୁ ଅଡେ ନିନ୍ଦା ଖାନ୍ତି କାତା
 (ମାର୍କ ୧୩:୩-୧୩; ଲୁକ ୨୧:୭-୧୯)

୩ ତାୟୁ ଜୀସୁ ଜୀତ ହରୁ ଲାକ କୁଗାଲିଏ, ତାନି ସୀସୁୟା
 ମୋଣେଏ ଖାହାନା ଖେଚେରି, “ଇ ବାରେ ଏତେଲା ଆନେ,

☆ ୨୩:୨୭ ୨୩:୨୭ କାମା ୨୩:୩ ☆ ୨୩:୩୩ ୨୩:୩୩ ମାଟି ୩:୭; ୧୨:୩୪; ଲୁକ ୩:୭ † ୨୩:୩୪ ୨୩:୩୪ ସିନଗର

ଅଡ଼େ ନାନୁ ଖାନାୟି ଇଞ୍ଜା ଜୁଗୁ ରାନି ଦିନାତି ସିନା ଏନାୟି ଏଦାଆଁ ମାଜେ ଖେସ୍ତାମୁ □

୪ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଜାଗ୍ରାତା ଏନିକ୍ ଆମ୍ବାଆରି ମିଜେ ନାଡ଼ି କିୟଅରି □

୫ ଇଚିହ୍ ହାରେକା ନା ଦରୁଟି ଖାହାନା ନାନୁ ଜୀସୁତେଏଁ ଇଞ୍ଜା ଖେସାନା ହାରେକା ଲକୁଇଁ ନାଡ଼ି କିନେରି □

୬ ଅଡ଼େ ମୀରୁ ଜୁଜୁତି କାତା ଇଞ୍ଜା ଜୁଜୁତା କାଲୁଞ୍ଜି ଆହିମାନି ଲକୁତି ହାଡ଼ା ଖେଞ୍ଜେରି; ଜାଗ୍ରାତା କିଲିବିଲି ଆଆଦୁ □ ଏନାଆଁତାକି ଇଚିହ୍ ଇ ବାରେ ଆନାୟି ମାନେ, ସାମା ଏ କାଲା ଜୁଗୁ ରାନାୟି ଆଏ □

୭ ଇଚିହ୍ ଦେସା କପାଟି ଦେସା, ଅଡ଼େ ରାଜି କପାଟି ରାଜି ଗଡ଼ହା ନିଜିନେ, ଇଞ୍ଜା ଆମ୍ବି ଆମ୍ବିୟା କାର୍ଝୁ ଆନେ, ଅଡ଼େ ବୁମି ଖୀତିନେ □

୮ ସାମା ଇ ବାରେ କକାରି ପଦାୟାଁ ବେଟାଆନାଟି ତଲିଏ ଲୁଞ୍ଜିନି ବାସାଲେହେଁତାୟି □

୯ *ଏଚିବେଲାତା ଲକୁ ମିଜେ କସ୍ତ ହିୟାଲି ହେରୁପାନେରି, ଇଞ୍ଜା ମିଜେ ପାୟାନେରି, ଇଞ୍ଜା ନା ଦରୁ ତାକି ମୀରୁ ବାରେ କୃଡ଼ାତି ଲକୁ ତାଣା ଅପାଆ ଗାଟାତେରି ଆଡ଼େରି □

୧୦ ଏଚିବେଲା ହାରେକା ଲକୁ ତାମି ନାମୁତି ପିହନେରି, ଅଡ଼େ ରଅସି ରଅଶାଇଁ ଆସ୍ପି କିଞ୍ଜି କିନେରି, ଅଡ଼େ ରଅସି ରଅଶାଇଁ ଅପ୍ଝି ଆଅରି,

୧୧ ଅଡ଼େ ହାରେକା ମାହାପୁରୁତି ମିଚି ବଲୁ ଖେହନାରି ନିଜାନା ହାରେକା ଲକୁଇଁ ନାଡ଼ି କିନେରି,

୧୨ ଅଡ଼େ ଲାଗେଏ ପଲେଏ କାମା ଗାତି ଆଡ଼ିସାରେ, ହାରେକା ଲକୁତି ତାମି ଜୀସୁନନାୟି ଉଣା ଆନେ □

୧୩ *ସାମା ଆମ୍ବାଆସି ରାନି ପାତେକା ସାସା ଆସାନା ତୟିନେସି ଏଞ୍ଜାସି ଗେଲପି ଆନେସି □

୧୪ ଅଡ଼େ ବାରେ ଲକୁ ନକିତା ସାକି ଆହାଲିତାକି, ମାହାପୁରୁ ରାଜିତି ଇ ନେହ୍ କାରୁ ବାରେ ଦାର୍ଡିତା ଖେପକିଆନେ, ତାୟୁ ଜୁଗୁ ରାନେ □

**ନାସାକିନି ଅପାଆଗାଟି କାତା
(ମାର୍କ ୧୩:୧୪-୨୩; ଲୁକ ୨୧:୨୦-୨୪)**

୧୫ “ଏଦାଆଁତାକି ମୀରୁ ଏଚିବେଲା ମାହାପୁରୁ ଅଣ୍ଡପୁତି ବଲୁ ଖେହନି ଦାନିୟେଲ ଖେସ୍ତି କାତାଲେହେଁ ନାସାକିନି ଅପାଆଗାଟି ଆସ୍ପିତି ସୁଦୁ ଚାୟୁତା ଇଟାମାନାଣି ମେହଦେରି” ପଡ଼ଞ୍ଜି ଆନାସି ଜାଗ୍ରାତା ଆହାନା ପୁଣ୍ଡେସି

୧୬ ଏଚିବେଲା ଆମ୍ବାଆରି ଜୀହୁଦା ରାଜିତା ମାନେରି, ଏଞ୍ଜାରି ହରକା ଲାକ ହଣ୍ପାରି;

୧୭ *ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ତାନି ଇଲୁ ବିତ୍ରା ଆସ୍ପି ତାକାହାଜାଲି ରେଟା ଖାଆପେସି;

☆ ୨୪:୯ ୨୪:୯ ମାତି ୧୦:୨୨ ☆ ୨୪:୧୩ ୨୪:୧୩ ମାତି ୧୦:୨୨ ☆ ୨୪:୧୭ ୨୪:୧୭ ଲୁକ ୧୭:୩୧ ☆ ୨୪:୨୧ ୨୪:୨୧ ଖେ ବଲୁ ୭:୧୪ ☆ ୨୪:୨୭ ୨୪:୨୭ ଲୁକ ୧୭:୨୩, ୨୪ ☆ ୨୪:୨୮ ୨୪:୨୮ ଲୁକ ୧୭:୩୭ ☆ ୨୪:୨୯ ୨୪:୨୯ ଖେ ବଲୁ ୭:୧୨; ଖେ ବଲୁ ୭:୧୩ ☆ ୨୪:୩୦ ୨୪:୩୦ ଖେ ବଲୁ ୧:୭

୧୮ ଅଡ଼େ ଆମ୍ବାଆସି ଗୁଡ଼ିୟାତା ମାନେସି, ଏଞ୍ଜାସି ତାନି ହିମ୍ବିରି ଅହାଲି ଖେଶ୍ଟେ ହାଲାଆପେସି □

୧୯ ଏଚିବେଲାତା ପୁରାମାସା ଆହାମାନାଇଁ ଇଞ୍ଜା ପାଲୁ ଉଚ୍ଚିମାନାଇଁ ଆୟତା ଏଞ୍ଜି ଉଣେଏ କସ୍ତ ପାଣନ୍ତୁ,

୨୦ ସାମା ମୀ ହଣ୍ନାୟି ପେନି ବେଲାତା କି ଜମିନି ଦିନାତା ଆଆପେ, ଏଦାଆଁତାକି ପ୍ରାଡାନା କିଦୁ □

୨୧ *ଇଚିହ୍ ଏଚିବେଲାତା ଇଲେତି କସ୍ତ ଆନେ, ମାହାପୁରୁ ଦାର୍ଡିତି ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକ୍ ଆହା ହିଲେଏ, ଇଞ୍ଜା ଏଲେକ୍ ଏଚେଲାଖା ଆଏ □

୨୨ ଅଡ଼େ ମାହାପୁରୁ ଏ ବେଲାତି ଉଣା କିହା ହିଲାଆତିହ୍ ମା; ଦାର୍ଡିତା ଆମ୍ବାଆସି ଜିକେଏ ଗେଲପି ଆଆତେସିମା, ସାମା ତାନି ଆଡ଼ିତି ଲକୁତାକି ଏ କସ୍ତ ଉଣା କିନେସି □

୨୩ “ଏଚିବେଲା, ‘ମେହ୍ଦୁ ଜୀସୁ ଇମ୍ବାଆଁ ମାନେସି ଆଆତ୍ ଏମ୍ବାଆଁ ମାନେସି’ ଇଞ୍ଜା ଆମ୍ବାଆସି ମିଜେ ଏଲେକିହ୍ ଖେସ୍ତାନେସି ଇଚିହ୍ ଏଦାଆଁ ନାମାଆଦୁ □

୨୪ ଇଚିହ୍ ନାଡ଼ିକିନି ଜୀସୁୟାଁ ଅଡ଼େ ମାହାପୁରୁ ବଲୁ ମିଚି ଖେହନାରି ନିଜାନା ହାରେକା କାଜା ସିନା ଅଡ଼େ କାବାଆନି କାମାୟାଁ ତହ୍ନେରି, ଆଡ଼ିତିହ୍ ଆଡ଼ଞ୍ଜିଆଡ଼ି ଲକୁଣି ଜିକେଏ ନାଡ଼ି କିନେରି □

୨୫ ମେହ୍ଦୁ ନାନୁ ମିଜେ ତଲିଏ ଖେସାମାଞ୍ଜାଇଁ □”

୨୬ *ଇଦାଆଁତାକି ‘ମେହ୍ଦୁ ଏଞ୍ଜାସି ବାଟାତା ମାନେସି’ ଇଞ୍ଜା ଲକୁ ଖେସ୍ତାତିହ୍ ହାଲାଆଦୁ; ‘ମେହ୍ଦୁ ବିତ୍ରା ବାକ୍ରାତା ମାନେସି’ ଇଞ୍ଜା ଖେସ୍ତାତିହ୍ ଏଦାଆଁ ନାମାଆଦୁ □

୨୭ ଇଚିହ୍ ହାଗୁ ମୁହ୍ନି ବେଲାତି ଉଜେଡ଼ି ଏନିକ୍ ଖେଡ଼ା ହପୁ ଖାକିଟି ହଟାନା ଖେଡ଼ା କୃଡ଼ନି ପାତେକା ତଞ୍ଜାଆନେ, ଏଲେଆହ୍ ଏ ମାଣ୍ଡିସି ମୀରୁଏସି ଖାନ୍ନେସି □

୨୮ *ଏମ୍ବିୟା ମାଡ଼ହା ରିହାମାନେ ଏମ୍ବାଆଁ ରାମ୍‌ଣାୟାଁ ରୁଣ୍ଡା ଆନୁ □

**ମାଣ୍ଡିସି ମୀରୁଏସି ଖାନାୟି
(ମାର୍କ ୧୩:୨୪-୨୭; ଲୁକ ୨୧:୨୫-୨୮)**

୨୯ *ସାମା ଏଚିବେଲାତି କସ୍ତ ତାୟୁ ଦେବୁଣିଏ ଖେଡ଼ା ଆନ୍ଦେରି ଆନେ, ଅଡ଼େ ଲେଞ୍ଜୁ ଉଜେଡ଼ି ହୀଏ, ଅଡ଼େ ହାଗୁଟି ହୁକାୟାଁ ତରଗିନ୍ତୁ, ଇଞ୍ଜା ହାଗୁ ଲାକତି ବାଡ଼ୟୁ ବାରେ ଖୀତିନେ □

୩୦ *ଏଚିବେଲା ହାଗୁ ଲାକତି ମାଣ୍ଡିସି ମୀରୁଏଣି ସିନା ତଞ୍ଜାଆନେ, ଇଞ୍ଜା ମାଣ୍ଡିସି ମୀରୁଏଣାଇଁ କାଜା ବାଡ଼ୟୁ ଅଡ଼େ ଗାଞ୍ଜୁରମିଗାଟି ଉଜେଡ଼ି ତଲେ ହାଗୁତି ଦୁନ୍ଦ୍ରାଟି ଖାନାଣି ମେସାନା ଦାର୍ଡିତି ବାରେ କୃଡ଼ାତି ଲକୁ ହାରେକା ଦୁକୁତଲେ ଡ଼ାନେରି □

୩୧ ଅତେ ଏଞ୍ଜେଲ୍ ତାହା ଦେଖି ଯେତେବେଳେ ତାହା ଦୂରୁଥିବାର ଦେଖିଲେ ତାହାକୁ ଯିବାକୁ ନିର୍ଦ୍ଦେଶ ଦେଇଥିଲା ଏବଂ ତାହାକୁ ଯିବାକୁ ନିର୍ଦ୍ଦେଶ ଦେଇଥିଲା ଏବଂ ତାହାକୁ ଯିବାକୁ ନିର୍ଦ୍ଦେଶ ଦେଇଥିଲା

ତୟା ମାର୍ଦୁଚି କାତା
(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ତୟା ମାର୍ଦୁଚି ପୁଣି କିନ୍ତି କାତାଟି ଜାପାଦୁ; ଏତିବେଳା କମାତା ଆକା ଗାଲୁନାଣି ମେସ୍ତ୍ରୁହିଁ କାରାୟା ଖେଡ଼ା ଖାତେ ଇଞ୍ଜି ପୁଞ୍ଜେରି □

୩୩ ଏଲେକିହିଁ ଏ ମାରୁ ଜିକେଏ ଇ ବାରେ ମେସ୍ତ୍ରୁସାରେ ଏଞ୍ଜେରି ତାଗେ ମାନେସି ଇଞ୍ଜି ପୁଞ୍ଜେରି □

୩୪ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଇ ବାରେ ଗଟଞ୍ଜି ଆଆପାତେକା ଇ କାଲୁତି ଲକୁ ଏନିଜିକେଏ ମେଶ୍ଟାଅରି □

୩୫ ହାଗୁପାକା ଦାରୁତି ବାରେ ମେଶ୍ଟାମେ, ସାମା ନା ବଲୁ ଏବେଲାଖା ମେଶ୍ଟାଏ □”

ଝାନି ଦିନା ଅତେ ତଣ୍ଡୁତି ଆମ୍ବାଆସି ପୁନଅସି
(ମାର୍କ ୧୩:୩୨-୩୭; ଲୁକ ୧୭:୨୭-୩୦, ୩୪-୩୬)

୩୬ ସାମା ଏ ଦିନା ତଣ୍ଡୁତି କାତା ଆମ୍ବାଆସି ପୁନଅସି, ଲାକପୁରୁତି ଦୂରୁୟା କି ମାରୁଏସି ଜିକେଏ ପୁନଅସି, ଝାରୁଇ ଆବାଦେ ପୁନେସି □

୩୭ ଅତେ ନହ ବେଲତା ଏନିକିଁ ଆହାମାଚେ, ମାଶ୍ସି ମାରୁଏସି ଝାନି ବେଲତା ଏଲେକିଁ ଆନେ □

୩୮ ଇତିହିଁ ଝାରୁ କୁପୁନି ନକେଏ, ନହ ତଂଗତା ହଡୁନି ଦିନା ପାତେକା ଲକୁ ଏନିକିଁ ତିଞ୍ଜି ଉଣ୍ଡିହିଁ, ବାହା କିୟାଲି ବାହା ହିୟାଲି ହେରାମାଚେରି,

୩୯ ଇଞ୍ଜା କାଜା ପିୟୁତଲେ ଝାରୁ ଝାହାନା କୁପୁହା ଅନି ପାତେକା ଏନିକିଁ ଏଞ୍ଜେରି ପୁଞ୍ଜାହିଲଆତେରି, ମାଶ୍ସି ମାରୁଏଶା ଝାନାୟି ଜିକେଏ ଏଲେଆହିଁ ଏ ଆନେ □

୪୦ ଏତିବେଲତା ରିଆରି ଗୁଡିୟାତା ମାନେରି, ରଅସି ଅଞ୍ଜିଆନେସି ରଅସି ଏମ୍ବାଆଁ ତୁୟିନେସି □

୪୧ ରୀ ଇୟାସିକା ଜେତାତା ନୁୟିଁ ମାନୁ ରଣ୍ଡି ଅଞ୍ଜିଆନେ ଅତେ ରଣ୍ଡି ଏମ୍ବାଆଁ ତୁୟିନେ □

୪୨ ଇଦାଆଁତାକି ଜାଗ୍ରାତା ଆହାନା ମାଞ୍ଜୁ, ଏନାଆଁତାକି ଇତିହିଁ ମୀ ପ୍ରୁ ଆମିନି ଦିନା ଝାନେସି, ଏଦାଆଁ ମାରୁ ପୁଞ୍ଜାହିଲଅତେରି □

୪୩ ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ନେକେରିତା ସରୁ ଝାନେସି, ଏଦାଆଁ ସାଞ୍ଜୁକାରି ପୁଞ୍ଜାମାଚିହିଁ ମା, ଜାଗ୍ରାତା ଆହାନା ତାନି ଇଲୁତି କାତି ତୁଡ଼ହାଲି ହାଆତେସିମା □

୪୪ ଏଦାଆଁତାକି ମାରୁ ଜିକେଏ କାଚାନା ମାଞ୍ଜୁ, ଇତିହିଁ ଆମିନି ବେଲତା ମାରୁ ଅଶପା ହିଲଅତେରି, ଏ ବେଲତା ମାଶ୍ସି ମାରୁଏସି ଝାନେସି □

ଟିକାଣା ଗାଟାସି ଅତେ ଟିକାଣା ହିଲଆଗାଟି ହଲେଏସି
(ଲୁକ ୧୨:୪୧-୪୮)

୪୫ ସାଞ୍ଜୁକାରି, ତାନି ଇଲୁତି ଲକୁତାକି, ରାନ୍ଦା କାଟୁତା ରାନ୍ଦା ହାହାଲି, ତାନି ଗୁମୁସ୍ତା ପାଶା ଆମ୍ବାଆରାକି ହାହାମାନେସି, ଇଲେତି ନାନୁ ଅତେ ବୁଦିଗାଟି ଗୁମୁସ୍ତା ଆମ୍ବାଆସି,

୪୬ ପ୍ରୁ ଝାହାନା ତାନି ଆମିନି ହଲେଏଶାଇଁ ଏଲେକିହିଁ ମାନାଶାଇଁ ମେହନେସି, ଏଞ୍ଜେରି ନେହାସି □

୪୭ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଏଞ୍ଜେରି ଏଞ୍ଜେରି ତାନି ବାରେ ଦନତି ମୁହେଁ ଗୁମୁସ୍ତା କିନେସି □

୪୮ ସାମା ଏ ହଲେଏସି ଲାଗେଏ ପଲେଏତାସି ଆହାନା, ନା ସାଞ୍ଜୁକାରି ଝାନାୟି ମାନେୟିଏ ଇଞ୍ଜି ତାନି ମନତା ଅଶ୍ପାନା,

୪୯ ଏଞ୍ଜେରି ତାନି ତଲେତି ହଲିୟାକାଣି ଖେଚିହିଁ, କାଡୁ ଗହନାରି ତଲେ ତିଞ୍ଜିହିଁ ଗସିହିଁ ମାନେସି,

୫୦ ଆତିହିଁ ଆମିନି ନେରୁ ହଲେଏସି କାଟାହିଲଅସି ଅତେ ଏମିନି ବେଲତା ପୁଞ୍ଜାହିଲଅସି ଏ ଦିନା ଏ ବେଲତା ତାନି ପ୍ରୁ ଝାନେସି □

୫୧ ଇଞ୍ଜା ଏଞ୍ଜେରି ରୀ ବାଗା କିହିଁ ଦାଚାନା କୁଟୁ ଗାଟାରି ତଲେ ତାନି ବାଗା କିନେସି; ଏମ୍ବାଆଁ ତାନାୟି ଅତେ ପାଲକା ଟାଟି କିନାୟିମାନେ □

୨୫

ଦସ ଜାଣା ତାଆ ପଦାୟିତି ପୁଣ୍ଡିକିନି କାତା

୧ ଏତିବେଳା ଲାକପୁରୁତି ରାଜି ଦସ ଜାଣା ତାଆ ପଦାୟି ଲେହେଁ ଆନେ; ଏଞ୍ଜି ତାନି ଦୀଞ୍ଜିୟା ଆସାନା ବାହା ହନେଏଶାଇଁ ବେଟାଆହାଲି ହାରୁ □

୨ ଏଞ୍ଜେରିକା ବିତ୍ରା ପାସା ଜାଣା ବୁଦି ହିଲଆଗାଟାଇଁ ଇଞ୍ଜା ପାସା ଜାଣା ବୁଦି ଗାଟାଇଁ ମାରୁ □

୩ ବୁଦି ହିଲଆଗାଟାଇଁ ତାନି ଦୀଞ୍ଜିୟା ଅତୁ ସାମା ଏଟକା ନିୟୁଁ ଅଆତୁ,

୪ ସାମା ବୁଦି ଗାଟାଇଁ ତାନି ଦୀଞ୍ଜିୟା ତଲେ ଗାଜୁତା ନିୟୁଁ ଅହିଁ ହାରୁ □

୫ ବାହା ହନେଏସି ଝାନାୟି ଖେଡ଼ା ଆୟାଲିଏ, ବାରେଜାଣା କଟଣି ହଡ଼ିହିଁ ତୁରାତୁସୁ □

୬ ସାମା ମାଦି ଲାଆଁୟାଁ ମେହଦୁ ବାହା ଦାଂଗ୍ଗେଏସି ଝାହିମାନେସି, ବେଟାଆହାଲି ଝାନୁ ଇଞ୍ଜି ର କାଜା ହାଡ଼ା ଆଡ଼େ □

୭ ଏମ୍ବାଟିଏ ତାଆସିକା ନିଜ୍ଞାନା ତାନି ଦୀଞ୍ଜିୟା ପ୍ରତୁହୁ □

୮ ସାମା ବୁଦି ହିଲଆଗାଟାଇଁ ବୁଦିଗାଟି ତାଆସିକାଣି ଏଲେଇରୁ, ମୀ ନିୟୁଁ ଇଚାଣି ଲାକା ମାଙ୍ଗେ ହିୟାଦୁ, ଇତିହିଁ ମା ଦୀଞ୍ଜିୟା ତୁମ୍ବାହାଜିମାନୁ □

☆ ୨୪:୪୩ ୨୪:୪୩ ଲୁକ ୧୨:୩୯, ୪୦ ☆ ୨୫:୧ ୨୫:୧ ଲୁକ ୧୨:୩୫

୯ ସାମା ବୁଦିଗାଟାଇ ଏଲେଇରୁ, ଆଏ ମିଙ୍ଗେ ଅଡ଼େ ମାଙ୍ଗେତାକି ନିୟୁଁ ଏଡ଼େଏ, ବାଜାରାତା ହାଜାନା ମିଙ୍ଗେତାକି ନିୟୁଁ କତା ତାବୁ □

୧୦ ସାମା ଏଡ଼ି ନିୟୁଁ କତାଲି ହାଜିମାଗାଟି ହନେଏସି ଖାଡ଼େସି; ଇଞ୍ଜା ଆମିନି ଗାଟାଇ ତିୟାରା ଆହାନା କାଟାମାରୁ, ଏଡ଼ି ହନେଏଶା ତଲେ ବାହା ବଜି ଇଲୁତା ହରୁ, ଅଡ଼େ ଦାରା ସୁଣ୍ଡିତେରି □

୧୧ ☆ଏଚେଟିଏ ତାୟୁ ଅର ତାଆ ପଦାୟାଁ ଜିକେଏ ଖାହାନା ଏଲେଇରୁ, ଏ ପ୍ରବୁ ଏ ପ୍ରବୁ ମାଙ୍ଗେତାକି ଦାରା ଦେତାମୁ ଇଞ୍ଜା ହାଟିତୁ □

୧୨ ଏଚେଟିଏ ବାହା ହନେଏସି ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇ, ନାନୁ ମିଙ୍ଗେ ପୁଞ୍ଜାମାଞ୍ଜଅଁ □”

୧୩ ଇଦାଆଁତାକି ଜାଗ୍ରାତା ମାଞ୍ଜୁ ଏ ଦିନା କି ଏ ଡ଼ଣ୍ଡୁ ଆମ୍ବାଆରି ପୁନଅରି □

ତାନି ଜାଣା ହଲିୟାଙ୍ଗାତି ପୁଣ୍ଡିକିନି କାତା (ଲୁକ ୧୯:୧୧-୨୭)

୧୪ ☆ଲୀକପୁରୁ ରାଜି ଇଲେତାୟି, ଇଚିହଁ ହେକ ରାଜି ହାଜିମାନି ର ମାଣ୍ଡସି, ଏଞ୍ଜାସି ତାନି ହଲିୟାଙ୍ଗାଣି ହାଟାନା ତାନି ଦନତି ହେରପିତେସି □

୧୫ ଏଞ୍ଜାସି ରଅଣାକି ପାସାମାଣା, ଅଡ଼େ ରଅଣାକି ରୀ ମାଣା, ଇଞ୍ଜା ଅଡ଼େ ରଅଣାକି ର ମାଣା ଇଲେକିହଁ ବାରେତାକି ତାନି ଆଡ଼ିନି ବାଡ଼ୁୟୁ ତଲେ ହାହାନା ହେକ ରାଜିତା ହାଚେସି □

୧୬ ଆମିନିଗାଟାସି ପାସାମାଣା ବେଟା ଆହାମାଚେସି, ଏଞ୍ଜାସି ଏଞ୍ଜାଆଁ ଅହାନା ବେବାରା କିହାନା ଅଡ଼େ ପାସାମାଣା ଲାବା କିତେସି □

୧୭ ଏଲେକିହଁ ଏ ଆମିନିଗାଟାସି ରୀ ମାଣା ବେଟା ଆହାମାଚାସି ଏଞ୍ଜାସି ଜିକେଏ, ଅଡ଼େ ରୀ ମାଣା ଲାବା କିତେସି □

୧୮ ସାମା ଆମିନିଗାଟାସି ର ମାଣା ବେଟା ଆହାମାଚେସି, ଏଞ୍ଜାସି ହାଜାନା ବୁନି କାରହାନା ତାନି ସାଞ୍ଜୁକାରି ଟାକାୟାଁଣି ମୁସାନା ଡ଼କୁହା ଇଚିତେସି □

୧୯ ହାରେକା ଦିନା ହାଟି ତାୟୁ ଏ ହଲିୟାଙ୍ଗାତି ସାଞ୍ଜୁକାରି ଖାହାନା, ଏଞ୍ଜାରିତଲେ ଲେକା କିତେସି □

୨୦ ଅଡ଼େ ଆମିନିଗାଟାସି ପାସାମାଣା ବେଟା ଆହାମାଚେସି, ଏଞ୍ଜାସି ଅଡ଼େ ପାସାମାଣା ତାଚାନା ଏଲେଇଚେସି, ପ୍ରବୁ ନାନୁ ନାଙ୍ଗେ ପାସାମାଣା ହାହାମାଞ୍ଜାତି; ମେହ୍ମୁ ନାନୁ ଅଡ଼େ ପାସାମାଣା ଲାବା କିହାମାଇଁ □

୨୧ ତାନି ସାଞ୍ଜୁକାରି ତାଙ୍ଗେ ଏଲେଇଚେସି, ଆୟାଲେତା ନେହଁ ଟିକାଣାଗାଟି ହଲେଏଶାତି, ନାନୁ ଡ଼ଣା କାମାତା ନାମୁ ଗାଟାତି ଆହାମାଞ୍ଜି, ନାନୁ ନିଙ୍ଗ ହାରେକା କାଜା କାମାତା ହେରପାଇଁ, ନାନୁ ନା ତଲେ ରାହାଁ କିହାଲି ଖାମୁ □

୨୨ ଅଡ଼େ ଆମିନିଗାଟାସି ରୀ ମାଣା ବେଟା ଆହାମାଚେସି, ଏଞ୍ଜାସି ଜିକେଏ ଖାହାନା ଏଲେଇଚେସି, ଏ ପ୍ରବୁ ନାନୁ ନାଙ୍ଗେ ରୀ ମାଣା ହାହାମାଞ୍ଜାତି; ମେହ୍ମୁ ନାନୁ ଅଡ଼େ ରୀ ମାଣା ଲାବା କିହାମାଇଁ □

୨୩ ତାନି ସାଞ୍ଜୁକାରି ଏଞ୍ଜାଣାଇଁ ଜିକେଏ ଏଲେଇଚେସି, ଆୟାଲେତା ନେହଁ ଇଞ୍ଜା ଟିକାଣାଗାଟି ହଲେଏଶାତି, ନାନୁ ଡ଼ଣା କାମାତା ନାମୁ ଗାଟାତି ଆହାମାଞ୍ଜି, ନାନୁ ନିଙ୍ଗ ହାରେକା କାଜା କାମାତା ହେରପାଇଁ, ନାନୁ ନା ତଲେ ରାହାଁ କିହାଲି ଖାମୁ □

୨୪ ତାୟୁ ର ମାଣା ଟାକାୟାଁ ଅହାମାଟି ହଲେଏସି ଏଲେଇଚେସି, ସାଞ୍ଜୁକାରି, ନାନୁ ପୁଞ୍ଜାମାଇଁ, ନାନୁ ର ଆଟ୍‌ଞ୍ଜା ହିୟାଁ ଗାଟାତି □ ମାଟାଆତି ବୁନିତା ନାନୁ ଦାଃଆନାତି □ ବିଚା ମାଟାଆନା ଆର୍ନା କୃତି କିନାତି □

୨୫ ଏଦାଆଁତାକି ଆଜାହାଁ ନାନୁ ନୀ ଟାକାୟାଁଣି ବୁନିତା ମୁସାନା ଡ଼କୁହା ଇଚିତେସି; ମେହ୍ମୁ ନୀ ଦନ ନାନୁ ବେଟାଆଡ଼ି □

୨୬ ସାମା ତାନି ସାଞ୍ଜୁକାରି ଏଞ୍ଜାଣାଇଁ ଏଲେଇଚେସି, ଆଡ଼େ ଲାଗେଏ ଅଡ଼େ ନିସୁଗାଟି ହଲେଏଶାତି, ନାନୁ ଆମ୍ବିୟା ମାଟା ହିଲଅଁ ଏମ୍ବାଆଁ ଦାଃଆନାଚେସି, ଇଞ୍ଜା ଆମ୍ବିୟା ଆର୍ନା ଡ଼ପହା ହିଲଅଁ ଏମ୍ବାଆଁ କୃତି କିନାଚେସି, ଇଦାଆଁ ନାନୁ ପୁଞ୍ଜାମାଟି ?

୨୭ ଆତିହଁ ବେବାରା କିନାରି ତାଣା ନା ଟାକାୟାଁ ନାନୁ ଇଚିନାୟି ମାଚେ; ଆତିହଁ ନାନୁ ଖାହାନା ଅତିତଲେ ନା ଦନ ନାନୁ ବେଟାଆଡ଼େସିମା □

୨୮ ଇଦାଆଁତାକି ଇଞ୍ଜାଣି ତାଣାଟି ଇ ଟାକାୟାଁ ଅହାନା ଆମିନି ଗାଟାଣାକି ଦସ ମାଣା ମାନୁ ଏଞ୍ଜାଣାକି ହାବୁ □

୨୯ ଇଚିହଁ ଆମ୍ବାଆରାକି ମାନୁ, ଏଞ୍ଜାଣାକି ହାପକିଆନେ, ଇଞ୍ଜା ଏଞ୍ଜାଣିଖାୟି ହାରେକା ଗାଟିଆନେ; ସାମା ଆମ୍ବାଆରି ତାଣା ହିଲେଏ, ଏଞ୍ଜାଣି ତାଣା ଏନାୟି ମାନେ, ଏଦାଆଁ ଜିକେଏ ଏଞ୍ଜାଣି ତାଣାଟି ଅଡ଼ିଆନେ □

୩୦ ☆ଅଡ଼େ ମୀରୁ ଇ କାମା କିଆଗାଟି ହଲେଏଶାଜ୍ ପାଙ୍ଗାତି ଆନ୍ଦେରିତା ମେଡ଼ହା ତୁହୁ, ଏମ୍ବାଆଁ ଡ଼ାହଁ ପାଲକା ଟାଟି କିନେସି □

ରାଜି ବେଲାତି ନାହାଁୟି

୩୧ ☆ମାଣ୍ଡସି ମୀରୁଏସି ଏଚିବେଲା ବାରେ ଦୁତୁୟାଁ ତଲେ ତାନି କାଜାପାଣାଟି ଖାନେସି, ଏଚିବେଲା ଏଞ୍ଜାସି ତାନି ଗାଞ୍ଜୁରନିଗାଟି ସିଂଗାସାଣିତା କୁରିନେସି,

୩୨ ଇଞ୍ଜା ତାନି ନକିତା ବାରେ କୃତାତି ଲକୁଣି କୃତି କିଞ୍ଜିଆନେ, ଇଞ୍ଜା ମେଣ୍ଡାୟାଁ ଗଡ଼ୁ ଏନିକଁ ଗରିୟାଁ ତାଣାଟି ମେଣ୍ଡାୟାଁଣି ଏଟକା କିନେସି, ଏଲେକିହଁ ଏଞ୍ଜାସି ଏଞ୍ଜାରାଇଁ ଏଟକା କିହାନା,

୩୩ ମେଣ୍ଡାୟାଁଣି ତାନି ଟିଃନି ଟଟତା ଇଞ୍ଜା ଗରିୟାଁଣି ତାନି ଟେବୁ ଟଟତା ଇଚିନେସି □

☆ ୨୫:୧୧ ୨୫:୧୧ ଲୁକ ୧୩:୨୫ ☆ ୨୫:୧୪ ୨୫:୧୪ ଲୁକ ୧୯:୧୧-୨୭ ☆ ୨୫:୩୦ ୨୫:୩୦ ମାତି ୮:୧୨; ୨୨:୧୩; ଲୁକ ୧୩:୨୮ ☆ ୨୫:୩୧ ୨୫:୩୧ ମାତି ୧୭:୨୭; ମାତି ୧୯:୨୮

୩୪ ଏଚିବେଲା ରାଜା ତାନି ଚିଃନି ଚଟତି ଲକୁଣି ଏଲେଇନେସି, ଖାଦୁ ନା ଆବାତି ବର ବେଟା ଆନାତେରି, ମିଙ୍ଗେତାକି ଦାର୍ତ୍ତି ଗାଡ଼ି ଆଡ଼ି ଦିନାଟିଏ ଆମିନି ରାଜି ଗାଡ଼ି କିଞ୍ଚିଆହାମାନେ ଏମ୍ବାତି ଅଦିକାରା ଆଦୁ □

୩୫ ଇଚିହୁଁ ନାନୁ ହାକିଟି ମାଚେଏଁ, ମୀରୁ ନାଙ୍ଗେ ତିଞ୍ଜାଲି ହିୟାତେରି; ଏସ୍କିଟି ମାଚେଏଁ, ନାଙ୍ଗେ ଗସାଲି ଏୟୁ ହିୟାତେରି; ଏଟ୍ଟକା ମାଚେଏଁ ନାଙ୍ଗେ ଆଟ୍ଟହାତେରି;

୩୬ ନାଗୁଡ଼ାଟି ମାଚେଏଁ ନାଙ୍ଗେ ହିମ୍ବୁରି ହୁଟି କିୟାତେରି; ନମେରି ମାଚେଏଁ ନାଙ୍ଗେ କେରହାତେରି; କାୟିଦିତା ମାଚେଏଁ ନାଙ୍ଗେ ବେଟି ଖାଡ଼େରି □

୩୭ ଏମ୍ବାଟିଏ ଦାମ୍ବୁଗାଟାରି ଏଞ୍ଜାଗାଲ୍ ଏଲେଇନେରି, ଏ ପ୍ରବୁ ଏଚେଲା ହାକିଟି ମାନାଣି ମେସାନା ନିଙ୍ଗେ ତିଞ୍ଜାଲି ହିୟାତମି ? ଏଚେଲା ଏସ୍କି ଆଡ଼ାଣି ମେସାନା ଏୟୁ ହିୟାତମି ?

୩୮ ଅଡ଼େ ଏଚେଲା ଏଟ୍ଟକା ମାଚାଣି ମେସାନା ଆଟ୍ଟହାତମି ? ଏଚେଲା ନାଗୁଡ଼ା ମେସାନା ହିମ୍ବୁରି ହୁଟି କିୟାତମି ?

୩୯ ଅଡ଼େ ଏଚେଲା ନମେରିତା ଇଞ୍ଜା କାୟିଦି ମାନାଣି ମେସାନା ନୀ ତାଣା ଖାଡ଼ମି ?

୪୦ ଇଞ୍ଜା ରାଜା ଏଞ୍ଜାଗାଲ୍ ଏଲେଇନେସି, ନାନୁ ମିଙ୍ଗେ ସାତା ଖେସିମାଞ୍ଜାଲ୍, ମୀରୁ ନା ଇ ଉଣା ତାୟିୟାଲ୍ ରଥଣାଲ୍ ଏନାଆଁ କିହାମାଞ୍ଜେରି ଏ ବାରେ ନାଙ୍ଗେତାକି କିହାମାଞ୍ଜାଦେରି □

୪୧ ଏମ୍ବାଟିଏ ତାନି ଚେବୁ ଦାରିତି ଲକୁଣି ଜିକେଏ ଏଲେଇନେସି, ଆଡ଼େ ମାହାପୁରୁ ତାଣାଟି ବାକା ବେଟା ଆନାତେରି, ନା ନକିଟି ହେକ ଆହାନା ସୟତାନ ଇଞ୍ଜା ତାନି ଦୁଡୁୟାକି କିହାମାନି କାଲାକାଲା ଡ଼ାଞ୍ଜିମାନି ହିରୁ ଗାଡ଼ୁୟାତା ହାଜୁ □

୪୨ ଇଚିହୁଁ ନାନୁ ହାକିଟି ମାଚେଏଁ ନାଙ୍ଗେ ତିଞ୍ଜାଲି ହିୟାଆତେରି; ଏସ୍କିଟି ମାଚେଏଁ ନାଙ୍ଗେ ଗସାଲି ଏୟୁ ହିୟାଆତେରି;

୪୩ ଏଟ୍ଟକା ମାଚାଟି ନାଙ୍ଗେ ଆଟ୍ଟହାଆତେରି; ନାଗୁଡ଼ା ମାଚାଟି ନାଙ୍ଗେ ହିମ୍ବୁରି ହୁଟି କିୟାଆତେରି; ନମେରି ଇଞ୍ଜା କାୟିଦିତା ମାଚାଟି ନାଙ୍ଗେ କେରହାଆତେରି □

୪୪ ଏମ୍ବାଟିଏ ଏଞ୍ଜାରି ଜିକେଏ ଏଲେଇନେରି, ଏ ପ୍ରବୁ ଏଚେଲା ମାୟୁ ନିଙ୍ଗେ ହାକି କି ଏସ୍କି, ଏଟ୍ଟକା କି ନାଗୁଡ଼ା, ନମେରି କି କାୟିଦିତା ମାନାଣି ମେସାନା ନିଙ୍ଗେ ସେବା କିୟାଆତମି ?

୪୫ ଏଚେଟିଏ ରାଜା ଏଞ୍ଜାଗାଲ୍ ଏଲେଇନେସି, “ନାନୁ ମିଙ୍ଗେ ସାତା ଖେସିମାଞ୍ଜାଲ୍, ନା ଇ ଉଣା ଲକୁ ବିତ୍ରାଟି ରଥଣାଲ୍ କିହାହିଲାଆକି ନାଙ୍ଗେ କିହାମାଞ୍ଜାଅତେରି □

୪୬ ଅଡ଼େ ଇଞ୍ଜାରି କାଲାକାଲାତି ସାସ୍ତି ବେଟାଆନେରି, ସାମା ତୀରିଗାଟାରି କାଲାକାଲାତି ଜୀଞ୍ଜୁ ବେଟାଆନେରି □”

ଜୀସୁ କପାଟି ପାରୁ ପାରିନାୟି

(ମାର୍କ ୧୪:୧-୨; ଲୁକ ୨୨:୧-୨; ଜହ ୧୧:୪୫-୫୩)

୧ ଜୀସୁ ଇ ବାରେ କାତା ରାପୁହାନା ତାନି ସୀସୁୟାଲ୍ ଏଲେଇଚେସି,

୨ “ରାଇନି ଜେଚ ପିସ୍ପିଆନ୍ତି ପାରୁଁ ଆନେ, ଇଦାଆଁ ମୀରୁ ପୁଞ୍ଜାମାଞ୍ଜେରି, ଇଞ୍ଜା ମାଣ୍ଡିସି ମୀରୁଏସି ପାସି ମୁଣ୍ଡାତା ହାୟାଲି ହେରପିଆନେସି □”

୩ ଏଚିବେଲାତା କାଜା ପୂଜେରାଙ୍ଗା ଅଡ଼େ ଲକୁଟି କାଜାରି କୟାପା ଦରୁଗାଟି କାଜା ପୂଜେରା ଆଂଗେଣିତା ରୁଣ୍ଡା ଆଡ଼େରି,

୪ ଅଡ଼େ ଜୀସୁଲ୍ ଆସାନା ପାୟାଲି ପାରୁ ପାରିତେରି;

୫ ସାମା ଏଞ୍ଜାରି ଏଲେଇଚେରି, “ପାରୁଁ ବେଲାତା ଆଏ ଇଚିହୁଁ ଏଡ଼େତା ଲକୁ ଗଡ଼ହା କିନେରି □”

ବେତନିୟାତା ଜୀସୁ ତାୟି ତୁ ନିୟୁଁ ଖାକ୍ନାୟି

(ମାର୍କ ୧୪:୩-୯; ଜହ ୧୨:୧୮)

୬ ଜୀସୁ ବେତନିୟାତା କାଜା ରଗାଟି ସିମନ ଇଜ ତିଞ୍ଜାଲି କୁଗାମାଚାଟି,

୭ *ର ଇୟା ର ଗାଜୁତା ହାଡ଼େକା ଦାରାଗାଟି ଗାନ୍ଦା ନିୟୁଁ ତାଚାନା ଜୀସୁ ତାୟି ତୁ ଖାକ୍ନେ □

୮ ସାମା ଏଦାଆଁ ମେସାନା ସୀସୁୟା କପା ଆହାନା ଏଲେଇଚେରି, “ଇଚେକା ଉଜେଏ ଏନାଆଁତାକି କାରୁ ?

୯ ଇଦାଆଁ ହାଡ଼େକା ଟାକାୟାତାକି ପାର୍ପି ଆହାନା କାକୁଲି ଗାଟାରିକି ହିୟାଲି ଆଡ଼େମା □”

୧୦ ଜୀସୁ ଏଦାଆଁ ପୁଞ୍ଜାନା ଏଞ୍ଜାଗାଲ୍ ଏଲେଇଚେସି, “ଇ ଇୟାନି ଏନାଆଁତାକି କସ୍ତୁ ହୀହିମାଞ୍ଜେରି ? ଏଡ଼ି ନାଙ୍ଗେତାକି ହାଡ଼େକା ନେହୁଁ କାମା କିହାମାନେ □

୧୧ କାକୁଲି ଗାଟାରି କାଲେଏ ମୀ ତାଣା ମାନେରି, ସାମା ନାନୁ କାଲେଏ ମୀ ତାଣା ମାନଅଁ □

୧୨ ଇଞ୍ଜା ଏଡ଼ି ନା ଆଙ୍ଗାତା ନକେଏ ନିୟୁଁ ଖାକ୍ନାହାନା ମୁସାଲି ତାକି ନକେଏ ତିୟାରା କିହାମାନେ □

୧୩ ନାନୁ ମିଙ୍ଗେ ସାତା ଖେସିମାଞ୍ଜାଲ୍, ବାରେ ଦାର୍ତ୍ତିତା ଆମିନି ଟାୟୁତା ଇ ନେହୁଁ କାରୁ ଖେସ୍କି ଆନେ, ଏମ୍ବାଆଁ ଏ ଇୟାନି ଅଣ୍ଡାଲି ଏଦାନି ଇ କାମା ଜିକେଏ ଖେସ୍ପି ଆନେ □”

ଜୀହୁଦା ଜୀସୁଲ୍ ଆସ୍ପି କିହାଲି ରାଜି ଆନାୟି

(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏଚିବେଲା ବାରଜାଣା ବିତ୍ରାଟି ଇୟାରିୟତ ଜୀହୁଦା ଦରୁଗାଟାସି କାଜା ପୂଜେରାଙ୍ଗା ତାଣା ହାଜାନା ଏଲେଇଚେସି,

୧୫ “ନାଙ୍ଗେ ଏନାଆଁ ହିୟାଦେରି ଖେସ୍ତାଦୁ ? ନାନୁ ଜୀସୁଲ୍ ଆସ୍ପି କିୟାଲ୍ □” ଏମ୍ବାଟିଏ ଏଞ୍ଜାରି ଏଞ୍ଜାଣାକି କଡ଼େଦସ ଗଟା ଖେଣ୍ଡି ଟାକାୟା ଏଜିକିହାନା ହୀତେରି □

୧୬ ଅଡ଼େ ଏ ଦିନାଟିଏ ଏଞ୍ଜାସି ଜୀସୁଲ୍ ଏଞ୍ଜାରିତାଣା ହେରପାଲି ତାକି ପାରୁ ପାରାଲି ମାଟ୍ଟହେସି □



ଜୀସୁ ଅଡ଼େ ସୀସୁୟାଁ ପିସ୍ପିଆନ୍ତି ପାର୍ବୁ କିନାୟି

୧୭ ତାୟୁ ପୁଲ୍ୟାୟୁ ଆଣ୍ଡାଆତି ରୁଟି ତିନି ପାର୍ବୁତି ତଲିତି ଦିନାତା ସୀସୁୟାଁ ଜୀସୁ ତାଣା ଖାହାନା ଖେରେରି, “ମାୟୁ ଆମିନି ଚାୟୁତା ନିଜେତାକି ପିସ୍ପିଆନ୍ତି ପାର୍ବୁତି ବଜି କିନି ଇଞ୍ଜି ନାନୁ ଅଣ୍ଡାପିମାଞ୍ଜି ?”

୧୮ ଜୀସୁ ଏଲେଇରେସି, “ମାରୁ ଗାଡାତା ପାଲ୍ୟାଣା ଗାଗାଣି ତାଣା ହାଜାନା ଏଲେଇଞ୍ଜି, ମାୟୁ ଏଲେଇଞ୍ଜି ଖେସା ପାଣ୍ଡାତେସି, ନା କାଚୁ ଏଦାତେୟିଏ, ନାନୁ ନା ସୀସୁୟାଁ ତଲେ ମୀ ଇଜ ପିସ୍ପିଆନ୍ତି ପାର୍ବୁତି ବଜି କିନି □”

୧୯ ଏମ୍ବାଟିଏ ସୀସୁୟାଁ ଜୀସୁତି ହୁକୁମି ତଲେ କାମା କିହାନା ପିସ୍ପିଆନ୍ତି ପାର୍ବୁତି ବଜି କିତେରି □

୨୦ ତାୟୁ ମିଡ଼ଅଲ୍ୟା ଆୟାଲିଏ ଜୀସୁ ବାରେଜାଣା ସୀସୁୟାଁ ତଲେ ବଜିତା କୁରିତେସି □

୨୧ ଏଞ୍ଜାରି ତିଞ୍ଜିମାଟି ବେଲ୍ୟାତା ଜୀସୁ ଏଲେଇରେସି, “ନାନୁ ମିଜେ ସାତା ଖେସିମାଞ୍ଜାଲ୍, ମୀ ବିଡ୍ରାଟି ରଅସି ନାଜେ ସାତୁୟାଁ କେୟୁତା ହେରପାନେସି □”

୨୨ ଏମ୍ବାଟିଏ ଏଞ୍ଜାରି ହାରେକା ଦୁକୁ ଆହାନା ରଅ ରଅସି ଜୀସୁଲ୍ ଖେରେରି, “ଏ ପ୍ରବୁ ଏଞ୍ଜାତେଏଁ ନାନୁ କି ?”

୨୩ ଜୀସୁ ଏଲେଇରେସି, “ନା ତଲେ ଆମ୍ବାଆସି ସାଡ଼ଞ୍ଜାତା କେୟୁ ପାରକି ମାନେସି, ଏଞ୍ଜାସି ନାଜେ ସାତୁୟାଁ କେୟୁତା ହେରପାନେସି □

୨୪ ମାଣ୍ଡସି ମାରୁଏଣି କାତା ଏନିକ୍ ରାସକି ଆହାମାନେ ଏଲେକ୍ କିହିମାନେସି ସାତା; ସାମା ଆମିନି ଲକୁ ତାଣାଟି ସାତୁ କେୟୁତା ହେରପି ଆହିମାନେସି, ଆୟତା ଏଚେକା ତଣ୍ଡ ବେଟା ଆନେସି; ଏଞ୍ଜାସି ଜାର୍ନା ଆହାହିଲ୍ୟାଆତିହ୍ ଏଞ୍ଜାଣାକି ନେହେଁ ଆଡ଼େମା □”

୨୫ ଏଚେଟିଏ ଆମିନି ଜୀହୁଦା, ସାତୁୟାଁ କେୟୁତା ହେରପିତେସି, ଏଞ୍ଜାସି ଏଲେଇଞ୍ଜି ଇରେସି, “ଏ ଗୁରୁ ଏଞ୍ଜାତେଏଁ ନାନୁ କି ?”

ଜୀସୁ ଏଞ୍ଜାଣାଲ୍ ଏଲେଇରେସି, “ନାନୁତ ଏଲେ ଇଞ୍ଜିମାଞ୍ଜି □”

ପ୍ରବୁତି ବଜି

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧କର ୧୧:୨୩-୨୫)

୨୬ ଅଡ଼େ ଏଞ୍ଜାରି ତିଞ୍ଜିମାଟି ବେଲ୍ୟାତା, ଜୀସୁ ରୁଟି ଅହାନା ମାହାପୁରୁଲ୍ ଜହରା କିତେସି, ଇଞ୍ଜା ରୁଟି ଡିକହାନା ସୀସୁୟାଁକି ହାହାନା ଏଲେଇରେସି, “ଇଦାଆଁ ଅଦୁ ଇଞ୍ଜା ତିଞ୍ଜୁ ଇଦି ନା ଆଜା □”

୨୭ ଅଡ଼େ ଏଞ୍ଜାସି ଗହନି ସଲ୍ୟା ଆସାନା ମାହାପୁରୁଲ୍ ଜହରା କିତେସି ଇଞ୍ଜା ସୀସୁୟାଁକି ହାହାନା ଏଲେଇରେସି; “ଇଦାଆଁ ବାରେତେରି ଗହଦୁ”

୨୮ “ଇଚିହ୍ ଆମିନି ନେତେରିତି ରାଜିମାନା ହାରେକା ଲକୁତାକି ପାପୁତି ମେକ୍‌ହାଲି ଖାକ୍‌ହାମାନି ଇଦି ଏ ନା ନେତେରି □

୨୯ ସାମା ନାନୁ ମିଜେ ଖେସିମାଞ୍ଜାଲ୍, ଆମିନି ଦିନା ନା ଆଡାତି ରାଜିତା ମୀ ତଲେ ପୁଃନି ଅଜୁରି ରାସା ଗହ୍‌ଆ ପାତେକା ନୀଞ୍ଜୁଟିଏ ଏଚେଲ୍ୟାଞ୍ଜା ଅଜୁରି ରାସା ଗହ୍‌ଅଁ □”

୩୦ ଅଡ଼େ ଏଞ୍ଜାରି ଜହରା ପାରୁ ପାଟିତି ତାୟୁ ଜୀତ ହରୁତା ହଡ଼ା ହାଚେରି □

ପିତର ଜୀସୁଲ୍ ପୁଞ୍ଜାହିଲଅଁ ଇନି କାତା ତଲିଏ ଖେହ୍‌ନାୟି

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜହ ୧୩:୩୬-୩୮)

୩୧ ଏଚିବେଲ୍ୟା ଜୀସୁ ଏଞ୍ଜାରାଲ୍ ଏଲେଇରେସି, “ନୀଞ୍ଜୁ ଲ୍ୟାଆଁୟାଁ ମାରୁ ବାରେତେରି ନାଜେ ପିସାନା ହାଜାଦେରି, ଇଚିହ୍ ରାସକି ଆହାମାନେ, ନାନୁ ମେଣ୍ଡାୟାଁ ଗଡ଼ୁଲ୍ ଖେଲ୍ ଅଡ଼େ ମାନ୍ଦାତି ମେଣ୍ଡାୟାଁ ଆଲ୍ୟାରା ଆହାହାନୁ □

୩୨ ✠ସାମା ନାନୁ ହାହାନା ନିଜିତି ତାୟୁ ମୀ ନକିତା ଗାଲିଲିତା ହାଲ୍ □”

୩୩ ସାମା ପିତର ଜୀସୁଲ୍ ଏଲେଇରେସି, “ବାରେଜାଣା ନିଜେ ପିସ୍ପାତିହ୍ ଜିକେଏ, ନାନୁ କଡ଼େ ନିଜେ ଏଚେଲ୍ୟାଞ୍ଜା ପିସ୍ପଅଁ □”

୩୪ ଜୀସୁ ପିତରଲ୍ ଏଲେଇରେସି, “ନାନୁ ନିଜେ ସାତା ଖେସିମାଞ୍ଜାଲ୍, ନୀଞ୍ଜୁ ଲ୍ୟାଆଁୟାଁ କୟୁ କେଣ୍‌ଆ ନଡ଼େଏ ନାନୁ ନାଜେ ତାନିପାଲି ନାନୁ ପୁଞ୍ଜାହିଲଅଁ ଇଞ୍ଜି ଖେହ୍‌ଦି □”

୩୫ ପିତର ଏଞ୍ଜାଣାଲ୍ ଏଲେଇରେସି, “ନାନୁ ନୀ ତଲେ ହାହାଲି ଆଡି ଜିକେଏ ନାନୁ ନିଜେ ଏଚେଲ୍ୟା ପୁଞ୍ଜାହିଲଅଁ ଇଞ୍ଜି ଇନଅଁ!” ଇଞ୍ଜା ବାରେ ସୀସୁୟାଁ ଜିକେଏ ଏଲେଇରେରି □

ଗେଡ଼ସିମନିତା ଜୀସୁତି ପ୍ରାଡାନା

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ଏଚେଟିଏ ଜୀସୁ ତାନି ସୀସୁୟାଁ ତଲେ ଗେଡ଼ସିମନି ଇନି ର ଚାୟୁତା ହାଜାନା ଏଞ୍ଜାରାଲ୍ ଏଲେଇରେସି, “ନାନୁ ଏମ୍ବାଆଁ ହାଜାନା ପ୍ରାଡାନା କିନି ପାତେକା ମାରୁ ଇମ୍ବାଆଁ କୁଗା ମାଞ୍ଜୁ □”

୩୭ ଅଡ଼େ ଏଞ୍ଜାସି ପିତର ଇଞ୍ଜା ଜେବଦିତି ରୀ ମୀରକାଣି ଅହାନା ହିୟାତା କିଲିବିଲି ଆଡ଼େସି,

୩୮ ଇଞ୍ଜା ଏଚିବେଲ୍ୟା ଏଞ୍ଜାରାଲ୍ ଏଲେଇରେସି, “ନା ଜୀଞ୍ଜୁ ହାନିଲେହେଁ ହାରେକା କିଲିବିଲି ହଡ଼ି ମାଞ୍ଜାନେ, ମାରୁ ଇମ୍ବାଆଁ ଡ଼ୟାନା ନା ତଲେ କାଚିହ୍ ମାଞ୍ଜୁ □”

୩୯ ଇଞ୍ଜା ଏଞ୍ଜାସି ହିରେ ହେକ ହାଜାନା ମୁନୁ କୁତାନା ପ୍ରାଡାନା କିହିହ୍ ଏଲେଇରେସି, “ଏ ନା ଆଡା ଆତିହ୍ ଇ ନା ଦୁକୁ କସ୍ତଗାଟି ସଲ୍ୟାତି ହେକ କିମ୍ବୁ; ସାମା ନା ମନ କଡ଼େ ଆଏ ନୀ କାତେଏ ଆଡ଼େ □”

✠ ୨୨:୩୨ ୨୨:୩୭ ମାତୃ ୨୮:୧୭

୪୦ ଅଡ଼େ ଏଝାସି ସୀସୁୟାଁତାଣା ଖାହାନା ଏଝାରାଇଁ ଇଦା କିତାଣି ମେସ୍ତେସି ଇଞ୍ଜା ପିତରଇଁ ଏଲେଇଚେସି, “ମୀରୁ ନା ତଲେ ଗାଡ଼େକା ଜିକେଏ କାଚାଲି ଆଡାଆତେରି ?

୪୧ ପାନ୍ଦାତା ଏନିକିଁ ହେରଅତେରି, ଏଦାଆଁତାକି କାଚାହାଁ ପ୍ରାତାନା କିହିଁ ମାଞ୍ଜୁ; ଇଚିହିଁ ମନ ମାନେ ସାମା ଆଜ୍ଞାତା ବାଡ଼ୁୟୁ ହିଲେଏ □”

୪୨ ଅଡ଼େ ର ପାଲି ହାଜାନା ପ୍ରାତାନା କିହିହିଁ ଏଲେଇଚେସି, “ଏ ନା ଆବା ଇ ନା ଦୁକୁ କସ୍ତଗାଟି ସଲ୍ଲାନା ତାଣାଟି ହେକ ଆହାଲି ଆଡାଆତି, ନାନୁ ଏଦାଆଁ ଗହ୍ଲଇଁ ନା ମନ କଡ଼େ ଆଏ ନୀ କାତେଏ ଆଡ଼େ □”

୪୩ ଅଡ଼େ ଏଝାସି ଖାହାନା ଏଝାରାଇଁ ଇଦା କିହାମାନାଣି ମେସ୍ତେସି; ଇଚିହିଁ ଏଝାରି କଟଣି ହଟି ମାଚେରି □

୪୪ ଏମ୍ବାଟିଏ ଏଝାସି ଏଝାରାଇଁ ପିସାନା ଅଡ଼େ ଖେଣ୍ଡେ ହାଜାନା ଅଡ଼େ ଏ ପ୍ରାତାନା ତାନିପାଲି ତାକି କିତେସି □

୪୫ ତାୟୁ ସୀସୁୟାଁ ତାଣା ଖାହାନା ଏଲେଇଚେସି, “ଗାଡ଼େକା ତୁରାନା ଜମାଦୁ, ଇଚିହିଁ ମାଣସି ମୀରଏସି ପାପୁ ଗାଟାରି ତାଣା ହେରପି ଆନିବେଲ୍ଲା ଏଦାତେୟିଏ □

୪୬ ନିଜାଦୁ ମୀର ହାନ, ଇଞ୍ଜା ମେହ୍ଦୁ ଆମ୍ବାଆସି ନାଜେ ସାତୁୟାଁ କେୟୁତା ହେରପାନେସି, ଏଝାସି ତାଗେ ଖାଡ଼େସିଏ □”

ଜୀସୁଇଁ ସାତୁୟାଁ କେୟୁତା ହେରପିନାୟି

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜହ ୧୮:୩-୧୨)

୪୭ ଜୀସୁ ଇ କାତା ଖେସିମାଟି ବେଲ୍ଲାତା, ମେହ୍ଦୁ, ବାରଜାଣା ସୀସୁୟାଁ ବିତ୍ରାଟି ଜୀହୁଦା ଦରୁଗାଟାସି ରଅସି ଇଞ୍ଜା ଏଝାଣିତଲେ କାଜା ପୂଜେରାଜା ଅଡ଼େ ଲକ୍ଷୁତି କାଜାରି ତାଣାଟି ପାଣ୍ଡୁଆହାମାନି ହାରେକା ଲକୁ କାଣ୍ଡାୟାଁ ଅଡ଼େ ବାଡ଼ୁଗାୟାଁ ଆସାନା ଖାଡ଼େରି □

୪୮ ଜୀସୁଇଁ ସାତୁୟାଁ କେୟୁତା ହେରପିନାସି ଏଝାରାଇଁ ଇ ସିନା ଖେସାମାଚେସି, “ନାନୁ ଆମ୍ବାଆରାଇଁ ନଣ୍ଡିଇଁ ଏଝାସିଏ ଏଝାସି, ଏଝାଣାଇଁ ଆହ୍ଦେରି □”

୪୯ ଇଞ୍ଜା ଏଝାସି ଏ ଦେବୁଣିଏ ଜୀସୁ ତାଣା ଖାହାନା, “ଏ ଗୁରୁ ଜହରା ଇଚେସି” ଅଡ଼େ ଏଝାଣାଇଁ ହାରେକା ନଣ୍ଡିଚେସି □

୫୦ ସାମା ଜୀସୁ ଏଝାଣାଇଁ ଏଲେଇଚେସି, “ଏ ତଡ଼େଣ ଏନାଆଁ କିହାଲି ଖାହାମାଞ୍ଜି ଏଦାଆଁ କିମ୍ତୁ □”

ଏମ୍ବାଟିଏ ଏଝାରି ତାଗେ ଖାହାନା ଜୀସୁଇଁ ଆସେରି □

୫୧ ଅଡ଼େ ମେହ୍ଦୁ, ଜୀସୁତଲେ ମାଚାରି ବିତ୍ରାଟି ରଅସି କାଣ୍ଡା ହପ୍ତହେସି ଇଞ୍ଜା କାଜା ପୂଜେରା ହଲେଏଣାଇଁ କିୟିଁ ରାଡ଼ହେସି □

୫୨ ଏମ୍ବାଟିଏ ଜୀସୁ ଏଝାଣାଇଁ ଏଲେଇଚେସି, “ନୀ କାଣ୍ଡା ଖେଣ୍ଡେ ନୀ ପାଡ଼କାତା ଇଟାମ୍ତୁ, ଇଚିହିଁ ଆମ୍ବାଆରି କାଣ୍ଡା ଆହ୍ନେରି ଏଝାରି କାଣ୍ଡା ତଲେଏ ହାନ୍ଦେରି □

୫୩ ନାନୁ ଏନାଆଁ ଅଣ୍ଡିମାଞ୍ଜି, ନାନୁ ନା ଆବାଇଁ ବାଟିମାଲିତହିଁ ଇ ଦେବୁଣିଏ ବାର ଗଟି ରିଜାରି କସ୍ତକା କିହାଁ ହାରେକା ଦୂତୁୟାଁଇଁ ପାଣ୍ଡୁଅସି ?”

୫୪ ଇଚିହିଁ ଇଲେକିଁ ସାତେଏ ଆନ୍ଦେ ଇଞ୍ଜାମାନି ଦାମ୍ତୁ ପତିତି କାତା ଏନିକିଁ ସାତା ଆନ୍ଦେ ?

୫୫ ଏବଚେଟିଏ ଜୀସୁ ମାନ୍ଦା ଲକୁଣି ଏଲେଇଚେସି, ତଂଗା ଗାଟାରାଇଁ ଆହ୍ନିଲେହେଁ କାଣ୍ଡାୟାଁ ଅଡ଼େ ଟେଙ୍ଗାୟାଁ ଆସାନା ମୀରୁ ନାଜେ ଆସାଲି ଖାହାମାଞ୍ଜେରି ? ନାନୁ ବାରେଦିନା ମାହାପୁରୁ ଇଲୁତା କୁଗାନା ଜାପୁହିଁ ମାଚେଏ, ସାମା ମୀରୁ ନାଜେ ଆସ୍ତାଆତେରି □

୫୬ ସାମା ମାହାପୁରୁ ଅଣ୍ଡପୁତି ବଲୁ ଖେହ୍ନାରି ରାଚିତି ସାଡ଼େରି କାତା ଏନିକିଁ ସାତା ଆନ୍ଦେ, ଏଦାଆଁତାକି ଇ ବାରେ ଆହିମାନେ □ ଏଚିବେଲ୍ଲା ବାରେଜାଣା ସୀସୁୟାଁ ଏଝାଣାଇଁ ପିସାନା ହଟାତୁସେରି □

ବେରଣିମାଣ୍ଡାତା ଜୀସୁତି ନାହାଁୟି

(ମାର୍କ ୧୪:୫୩-୭୫; ଲୁକ ୨୨:୫୪,୫୫,୬୩-୭୧; ଜହ ୧୮:୧୩-୧୪,୧୯-୨୪)

୫୭ ତାୟୁ ଏମିନିଗାଟାରି ଜୀସୁଇଁ ଆସାମାଚେରି, ଏଝାରି ଜୀସୁଇଁ କୟାପା ଇନି କାଜା ପୂଜେରା ନକିତା ଅଡ଼େରି; ଏ ଗାୟୁତା ମେରାପୁନାରି ଅଡ଼େ ଲକ୍ଷୁତି କାଜାରି ରୁଣ୍ଡା ଆହାମାଚେରି □

୫୮ ସାମା ପିତର ହେକ ଡ଼ୟାନା କାଜା ପୂଜେରା ଆଂଗେଣି ପାତେକା ଏଝାରି ଜେଟ ହାଚେସି, ଇଞ୍ଜା ତାୟୁ ଏନି ଆନ୍ଦେ, ଏଦାଆଁ ସିନିକିହାଲି ଏଝାସି ବିତ୍ରା ହାଜାନା ଜାମାନାଜା ତଲେ କୁଗାମାଚେସି □

୫୯ ଏମ୍ବାଟିଏ କାଜା ପୂଜେରାଜା ଅଡ଼େ ବାରେ ବେରଣି ମାଣ୍ଡାତାରି ଜୀସୁଇଁ ପାୟାଲି ଏଝାଣି କପାଟି ମିଟି ସାକିୟାଁ ପାରିଚେରି,

୬୦ ଇଞ୍ଜା ହାରେକା ସାକିୟାଁ ଖେସି ଜିକେଏ, ଏଝାଣି ଏନି ଦହ ପୁଃଆତେରି □ ଇଞ୍ଜା ତାୟୁ ରିଆରି ନିଚାନା ଖେସେରି,

୬୧ ☆ଇଝାସି ଏଲେଇଞ୍ଜାମାଚେସି, “ନାନୁ ମାହାପୁରୁତି ଇଲୁ ଡିକହାନା ତାନି ଦିନାଟିଏ କେପାଲି ଆଡ଼ିଇଁ □”

୬୨ ଏମ୍ବାଟିଏ କାଜା ପୂଜେରା ନିଜାମା ଏଲେଇଚେସି, “ନୀ କପାଟି ଜଲିମାନାରାକି ଖେଣ୍ଡେ ଖେସାଲି ନୀ ଏନି କାତା ହିଲେଏ କି ?”

୬୩ ସାମା ଜୀସୁ ପାଲେଏ ଆହାନା ଡ଼ୟିଚେସି □ ଏମ୍ବାଟିଏ କାଜା ପୂଜେରା ଜୀସୁଇଁ ଏଲେଇଚେସି, “ନାନୁ ଜୀସୁତି ମାହାପୁରୁ ଦରୁତଲେ ପାରମାଣା କିଞ୍ଜି କିହାନା ଖେଞ୍ଜିମାଞ୍ଜାଇଁ, ନାଜେ ଖେସ୍ତାମ୍ତୁ, ନାନୁ ସାତେଏ ମାହାପୁରୁ ମୀରଏଣାତି କ୍ରୀସୁତିକି ?”

୬୪ ଜୀସୁ ଏଝାଣାଇଁ ଏଲେଇଚେସି, “ନାନୁତ ଖେସିମାଞ୍ଜି; ଅଡ଼େ ନାନୁ ନିଜେ ଖେସିମାଞ୍ଜାଇଁ, ନୀଞ୍ଜୁଟିଏ ମୀରୁ ମାଣସି ମୀରଏଣାଇଁ ବାଡ଼ୁଗାଟି ମାହାପୁରୁ ଚିଃନିଞ୍ଜାକି ନିଚାମାନାଣି ଅଡ଼େ ହାଗୁ ଦୁହାଟି ଖାନ୍ଦାଣି ମେହ୍ଦେରି □”

୨୫ ଏମ୍ବାଟିଏ କାଜା ପୂଜେରା ତାନି ହିମ୍ବରି ଗେସାନା ଏଲେଇଚେସି, “ଇଝାସି ମାହାପୁରୁ ନିନ୍ଦା କିହିମାନେସି, ଇଞ୍ଜା ମାଙ୍ଗେ ଅଡ଼େ ଏନି ସାକିୟାଁ ଲଡ଼ାମାନେ ? ମେହ୍‌ଦୁ ନୀର୍ବ ଜିକେଏ ମାହାପୁରୁ ନିନ୍ଦା କିତାଣି ଝେଚେରି,

୨୬ ମୀ ଅଣ୍‌ପୁତା ଏନାୟି ମାନେ ?” ଏମ୍ବାଟିଏ ଏଝାରି ଏଲେଇଚେରି ଏଝାସି ହାନ୍ତି ଡ଼ଣ୍ଡ ପାଣ୍‌ନାୟି ମାନେ □

୨୭ ଏଚିବେଲ୍ଲା ଏଝାରି ଏଝାଣି ମୁମ୍‌ତୁ ହୁପିଚେରି, ବିଦା ଝେଚେରି; ଇଞ୍ଜା ଆମ୍ବା ଆମ୍ବାଆରି ସାପ୍‌ଡ଼ା ଝେଚାନା ଏଲେଇଚେରି,

୨୮ “ଏ କ୍ରୀସ୍ତ ନୀନୁସାଁ ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନାତି, ମାଙ୍ଗେ ଝେସ୍ତାମୁ ନିଙ୍ଗ ଆମ୍ବାଆସି ଝେତାଚେସି □”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜାଁ ଇନାୟି

(ମାର୍କ ୧୪:୨୬-୨୭; ଲୁକ ୨୨:୫୬-୨୭; ଜହ ୧୮:୧୫-୧୮, ୨୫-୨୬)

୨୯ ଏମ୍ବାଟିଏ ପିତର ପାଙ୍ଗାତି ଆଂଗେଣିତା କୁଗାମାଚେସି, ଇଞ୍ଜା ର ହଲେଣି ପିତର ତାଗେ ଝାହାନା ଏଲେଇଚେ, “ନୀନୁ ଜିକେଏ ଗାଲିଲିତି ଜୀସୁତଲେ ମାତି □”

୩୦ ସାମା ଏଝାସି ବାରେତି ନକିତା “ନୀନୁ ଏଝାଣାଇଁ ପୁଞ୍ଜାହିଲଅଁ ନୀନୁ ଏନାଆଁ ଝେସିମାଞ୍ଜି ନୀନୁ ପୁଞ୍ଜାହିଲଅଁ □”

୩୧ ଅଡ଼େ ପିତର ଆଂଗେଣି ଦୁଝେରିତା ହାଜାଲିଏ ଅଡ଼େ ର ହଲେଣି ଏଝାଣାଇଁ ମେସାନା ଏ ଟାମ୍‌ଡ଼ି ଲକୁଣି ଏଲେଇଚେ, “ଇଝାସି ନାଜ୍‌ରିତ ଜୀସୁତଲେ ମାଚେସି □”

୩୨ ପିତର ପାର୍‌ମାଣା କିହାନା ଅଡ଼େ ଏଲେଇଚେସି, “ନୀନୁ ଏଝାଣାଇଁ ପୁଞ୍ଜାହିଲଅଁ □”

୩୩ ଅଡ଼େ ର ଗାଡ଼େକା ହାଜାଲିଏ ଦାରିତା ନିଚାମାଚାରି ପିତର ତାଗେ ଝାହାନା ଏଝାଣାଇଁ ଏଲେଇଚେରି, “ନୀନୁ ଜିକେଏ ସାଚେଏ ଏଝାରି ବିତ୍ରାଟି ରଅତି, ଇଚିହ୍‌ ନୀ ହାଡ଼ାଟି ପୁଣ୍‌ମି ଆହିମାନେ □”

୩୪ ଏମ୍ବାଟିଏ ପିତର ପାର୍‌ମାଣା ଅଡ଼େ ବାକା ଇଚିହ୍‌ ଏଲେଇଚେସି, “ନୀନୁ ଏଝାଣାଇଁ ପୁଞ୍ଜାହିଲଅଁ □”

ଏ ଦେବୁଣିଏ କୟ୍ କେଶତେ □

୩୫ ଏଚେଟିଏ “କୟ୍ କେଶଥା ନକେଏ ନାଙ୍ଗେ ତାନି ପାଲି ପୁଞ୍ଜାହିଲଅଁ ଇଞ୍ଜାଦି” ଇଞ୍ଜାଁ ଜୀସୁ ଝେସ୍ତି ଇ କାତା ପିତର ଅଣ୍‌ପୁତା ଝାଡ଼େ, ଇଞ୍ଜା ଏଝାସି ପାଙ୍ଗାତା ହାଜାନା ହାଡ଼େକା କିଲିବିଲି ଦୁକୁଆହ୍‌ ଡ଼ାଚେସି □

୨୨

ପିଲାତ ନକିତା ଜୀସୁ

(ମାର୍କ ୧୫:୧; ଲୁକ ୨୩:୧-୨; ଜହ ୧୮:୨୮-୩୨)

୧ ଲାଇଁ ଝେୟାଲିଏ ବାରେ କାଜା ପୂଜେରାଙ୍ଗା, ଇଞ୍ଜାଁ ଲକୁତି କାଜାରି ଜୀସୁଇଁ ପାୟାଲି ଏଝାଣି କପାଟି କାତା ଆଡ଼େରି,

☆ ୨୨:୩ ୨୨:୩ କାମା ୧:୧୮, ୧୯

୨ ଇଞ୍ଜାଁ ଏଝାରି ଏଝାଣାଇଁ ଦସା ଅହାନା ପିଲାତ ଇନି ସାଲ୍‌ଝି କିନାଣି ତାଣା ହେର୍‌ପିଚେରି □

ଇସ୍ତାରିୟତ ଜୀହୁଦା ହାନାୟି (କାମା ୧:୧୮-୧୯)

୩ ☆ଏଚିବେଲ୍ଲା ଜୀସୁଇଁ ସାତୁ କେୟ୍‌ତା ହେର୍‌ପିତି ଜୀହୁଦା, ଜୀସୁ ହାନ୍ତି ଡ଼ଣ୍ଡ ବେଟା ଆହାମାନେସି ଇଞ୍ଜାଁ ପୁଞ୍ଜାନା, ଜୀହୁତା ଅଣ୍‌ପାନା କାଜା ପୂଜେରାଙ୍ଗା ଅଡ଼େ ଲକୁତି କାଜାରି ତାଣା ଏ କଡ଼େଦସ ଟାକା ଝେଣ୍ଡେ ତାତାନା ଏଲେଇଚେସି,

୪ “ନୀନୁ ଦହ୍ ହିଲାଆଗାଟାଣି ନେଚେରି ହେର୍‌ପାନା ପାପୁ କିହାମାଇଁ □”

ସାମା ଏଝାରି ଏଲେଇଚେରି, “ମାଦି ଏମ୍ବାଆଁ ଏନାୟି ମାନେ ? ଏଦାଆଁ ନୀନୁ ଅଣ୍‌ପାମୁ □”

୫ ଏମ୍ବାଟିଏ ଏଝାସି ଟାକାୟାଁ ମାହାପୁରୁ ଇଲ୍ଲୁ ବିତ୍ରା କୁତାଦୁସାନା ହାଚେସି, ଇଞ୍ଜାଁ ହାଜାନା ହେର୍‌କି ଲେଜା ହାଚେସି □

୬ ସାମା କାଜା ପୂଜେରାଙ୍ଗା ଏ ଟାକାୟାଁ ଅହାନା ଏଲେଇଚେରି, “ଇଝାଆଁ ମାହାପୁରୁ ଇଲ୍ଲୁତି ଦନ୍ ତଲେ ଇଚିନାୟି ମେରା ହିଲେଏ, ଇଚିହ୍‌ ଇଝି ନେଚେରିତି ଟାକାୟାଁ □”

୭ ଇଞ୍ଜାଁ ଏଝାରି କାତା ଆହାନା ଏଟ୍‌କା ଦେସାତି ଲକୁତି ମାଡ଼ହା ମୁହ୍‌ନି ଟାକା ତାକି ଏ ଟାକାୟାଁ ହାହାନା ର କୁମ୍‌ଏ_ଏଣା ବୁମି କଡ଼ିଚେରି □

୮ ଏଦାଆଁତାକି ନୀଞ୍ଜୁପାଚେକା ଏଦାନି “ନେଚେରି ବୁମି” ଇଞ୍ଜାଁ ଇନେରି □

୯ ଏମ୍ବାଟିଏ ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନି ଜିରିମିୟ ତାଣାଟି ରାଡ଼ିତି ଇ କାତା ସାତା ଆଡ଼େ, ଇସ୍ତାୟେଲ ମୀର୍‌କା ଆମ୍ବାଆରି ତାକି ଏଚେକା ଲେକା ହୀନାୟି ମାନେ, ଏଝାଣି ଲେକାତଲେ ଏ କଡ଼େଦସ ଟାକା ଅହାନା,

୧୦ ନା ତାକି ମାହାପୁରୁତି ହୁକୁମି ଲେହେଁ କୁମ୍‌ଏ_ଏଣା ବୁମି ତାକି ହୀଚେରି □

ପିଲାତ ଜୀସୁଇଁ ଝେନାୟି

(ମାର୍କ ୧୫:୨-୫; ଲୁକ ୨୩:୩-୫; ଜହ ୧୮:୩୩-୩୮)

୧୧ ଏମ୍ବାଟିଏ ସାଲ୍‌ଝି କିନାଣି ନକିତା ଜୀସୁଇଁ ନିପ୍‌ହେରି, ଇଞ୍ଜାଁ ସାଲ୍‌ଝି କିନାସି ଏଝାଣାଇଁ ଝେଚେସି, “ନୀନୁ ଜୀହୁଦି ଲକୁତି ରାଜାତି ?”

ଜୀସୁ ଏଲେଇଚେସି, “ନୀନୁତ ଏଲେ ଇଞ୍ଜିମାଞ୍ଜି □”

୧୨ ସାମା କାଜା ପୂଜେରାଙ୍ଗା ଇଞ୍ଜାଁ ଲକୁତି କାଜାରି ଏଝାଣି କପାଟି ଝେସାଲିଏ, ଜୀସୁ ଏନାଆଁ ଇନାଆଚେସି □

୧୩ ଏଚେଟିଏ ପିଲାତ ଏଝାଣାଇଁ ଏଲେଇଚେସି, “ଇଝାରି ନୀ କପାଟି ହାଡ଼େକା କାତା ଝେସିମାନେରି, ଏଦାଆଁ ଝେଞ୍ଜି ହିଲଅତି କି ?”

୧୪ ସାମା ଏଞ୍ଜେଲ୍ ର କାତା ଜିକେଏ ଏଞ୍ଜେଲ୍ ଜଳାଆତେସି, ଏମ୍ବ୍ରାଟିଏ ସାଲ୍‌ଝି କିନାସି ହାରେକା କାବା ଆଡେସି □

ଜୀସୁଟି ହାନ୍ତି ତଣ୍ଡ

(ମାର୍କ ୧୫:୨-୧୫; ଲୁକ ୨୩:୧୩-୨୫; ଜହ ୧୮:୩୯; ୧୯:୧୭)

୧୫ ପିସିପିଆନ୍ତି ପାର୍ଟୁ ବେଲ୍‌ତା ଲକୁ, ଆମିନି କାୟିଦିତା ଇଟାମାନାରାଇଁ ରୀସିମାଚେରି ଏଞ୍ଜେଲ୍ ପିସାଲି ସାଲ୍‌ଝି କିନାସି ମେରା ମାଚେ □

୧୬ ଏଟିବେଲ୍‌ ଏଞ୍ଜେଲ୍ ବାରବା ଦରୁଗାଟି ର କାଜା ଝେଜ୍‌ଜିଟି କାୟିଦି ଗାଟାସି ମାଚେସି □

୧୭ ଏଦାଆଁତାକି ଏଞ୍ଜେଲ୍ ରୁଣ୍ଡା ଆହାମାନି ବେଲ୍‌ତା ପିଲାତ ଏଞ୍ଜେଲ୍ ଝେଚେସି, ନାନୁ ମିଜେତାକି ଆମ୍ବାଆରାଇଁ ପିସାହିୟାଇଁ ଇଞ୍ଜି ମୀରୁ ମନ କିହିମାଞ୍ଜେରି ? ବାରବାଇଁ କି ଆମ୍ବାଆରାଇଁ କ୍ରୀସ୍ତ ଇଞ୍ଜି ମାଞ୍ଜେରି ଏ ଜୀସୁଇଁ ?

୧୮ ଇଟିହିଁ ଏଞ୍ଜେଲ୍ ଏଞ୍ଜେଲ୍ କପାଟି ହେରପା ମାନେରି ଇଞ୍ଜି ପିଲାତ ପୁଞ୍ଜାମାଚେସି □

୧୯ ଇଞ୍ଜି ପିଲାତ ନୀହାୟି କିନି ଟାୟୁତା କୁଗାମାଚାଟି ତାନି ତକ୍ତି ତାନି ତାଣା ଝେସା ପାଣ୍ଡିତେ, “ଏ ଦାମ୍‌ଗାଟି ମାଣସିକ୍ ଏନାଆଁ କିଆନି, ଇଟିହିଁ ଏଞ୍ଜେଲ୍ ତାକି ନୀଞ୍ଜୁ ଲାଆଁୟାଁ ହାପାନାତା ହାରେକା କସ୍ତ ଆହାମାଇଁ □”

୨୦ ସାମା କାଜା ପୂଜେରାଜା ଅଡେ ଲକୁଟି କାଜାରି, ବାରବାଇଁ ରୀସାଲି ଇଞ୍ଜି ଜୀସୁଇଁ ନାସା କିହାଲି ଲକୁଣି ଜାପୁହେରି □

୨୧ ସାମା ପିଲାତ ଏଞ୍ଜେଲ୍ ଏଲେଇଚେସି, “ନାନୁ ଇ ରିଆରି ବିତ୍ରାଟି ଆମ୍ବାଆରାଇଁ ପିସାହିୟାଇଁ ଇଞ୍ଜି ମୀରୁ ମନ କିହିମାଞ୍ଜେରି ?”

ଏଞ୍ଜେଲ୍ ଏଲେଇଚେରି, “ବାରବାଇଁ □”

୨୨ ପିଲାତ ଏଞ୍ଜେଲ୍ ଝେଚେସି, ଆଡିହିଁ ଆମ୍ବାଆରାଇଁ କ୍ରୀସ୍ତ ଇନେରି ଏ ଜୀସୁଇଁ ନାନୁ ଏନାଆଁ କିଇଁ ?

ଏଞ୍ଜେଲ୍ ବାରେଜାଣା ଏଲେଇଚେରି, “ଏଞ୍ଜେଲ୍ ପାସି ମୁଣ୍ଡାତା ଏକଦୁ □”

୨୩ ସାମା ପିଲାତ ଝେଚେସି, “ଏନାଆଁତାକି, ଏଞ୍ଜେଲ୍ ଏନି ଦହ କିହାମାନେସି ?”

ସାମା ଏଞ୍ଜେଲ୍ ହାରେକା କାଲ୍‌ଝି ଆହିଁ ଏଲେଇଚେରି, “ଏଞ୍ଜେଲ୍ ପାସି ମୁଣ୍ଡାତା ଏକଦୁ □”

୨୪ ଏଟିବେଲ୍‌ ପିଲାତ ଏନାଆଁ କିହାଲି ଆଡିହିଲଅସି, ଇଞ୍ଜି ହାରେକା ଗଡ଼ହା ଆହିମାନାଣି ମେସାନା, ଏଟିବେଲ୍‌ ଲକୁ ନକିତା ଏୟୁ ଅହାନା କେସ୍ତା ନରହାଁ ଏଲେଇଚେସି, “ଇଞ୍ଜେଲ୍ ପାୟିନି ତାଣା ନା ଦହ ହିଲେଏ, ମୀରୁ ଏଦାଆଁ ପୁଞ୍ଜୁ □”

୨୫ ଏମ୍ବ୍ରାଟିଏ ବାରେ ଲକୁ ଏଲେଇଚେରି, “ଏଞ୍ଜେଲ୍ ନେଚେରିତି ତଣ୍ଡ ମା ଲାକ ଇଞ୍ଜି ମା ମୀରକା ମୁହେଁ ଝାପେ □”

୨୬ ଏମ୍ବ୍ରାଟିଏ ପିଲାତ ଏଞ୍ଜେଲ୍ ବାରବାଇଁ ପିସା ହାଚେସି, ଇଞ୍ଜି ଜୀସୁଇଁ ସାଟ୍‌ଣି ଝେଚାନା ପାସି ମୁଣ୍ଡାତା ଏକହାଲି ହେରପିଚେସି □

କସ୍‌କା ଜୀସୁଇଁ ନିନ୍ଦାକିହିଁ କାକ୍‌ନାୟି

(ମାର୍କ ୧୫:୧୭-୨୦; ଜହ ୧୯:୨-୩)

୨୬ ଏମ୍ବ୍ରାଟିଏ ସାଲ୍‌ଝି କିନାସି କସ୍‌କା ଜୀସୁଇଁ ମେଡା ଇଲୁ ବିତ୍ରା ଅହାନା ବାରେ କସ୍‌କା ଏଞ୍ଜେଲ୍ ନକିତା କୃତା ଆଚେରି □

୨୮ ଇଞ୍ଜି ଏଞ୍ଜେଲ୍ ଏଞ୍ଜେଲ୍ ହିମ୍ବରି ହୁକ୍‌ହାନା ଏଞ୍ଜେଲ୍ ହେୟାଁ ଝାଣାଗାଟି ହିମ୍ବରି ହୁଟିକିଚେରି,

୨୯ ଇଞ୍ଜି ହାପ୍‌କା ଚପେରି ଆଲାନା ଏଞ୍ଜେଲ୍ ତାୟିଁ ତୁ ଇଟିଚେରି ଅଡେ ଏଞ୍ଜେଲ୍ ଟିଝନି କେୟୁତା ର ବାଡ଼ଗା ଆସ୍‌ପି କିଚେରି, ଇଞ୍ଜି ଏଞ୍ଜେଲ୍ ନକିତା ମେଣ୍ଡା କୁଟିହିଁ “ଏ ଜୀହୁଦି ଲକୁଟି ରାଜା ଜହରା” ଇଞ୍ଜି ଲାଜାକିହିଁ କାକ୍‌ହେରି □

୩୦ ଅଡେ ଏଞ୍ଜେଲ୍‌ଲାକ ହୁପିଚେରି, ଅଡେ ଏ ବାଡ଼ଗା ଆସାନା ଏଞ୍ଜେଲ୍ ତାୟିଁ ତୁ ଝେଚେରି □

୩୧ ଅଡେ ଏଞ୍ଜେଲ୍ ଏଞ୍ଜେଲ୍ ଲାଜାକିହିଁ କାକ୍‌ହି ତାୟୁ, ଏ ହିମ୍ବରି ହୁକ୍‌ହା ଅହାନା ତାନି ହିମ୍ବରି ହୁଟିକିଚେରି, ଇଞ୍ଜି ଏଞ୍ଜେଲ୍ ପାସି ମୁଣ୍ଡାତା ଏକହାଲି ଅଚେରି □

ଜୀସୁ ପାସି ମୁଣ୍ଡାତା

(ମାର୍କ ୧୫:୨୧-୩୨; ଲୁକ ୨୩:୨୭-୪୩; ଜହ ୧୯:୧୭-୨୭)

୩୨ ଏଞ୍ଜେଲ୍ ହାଜିମାଚାଟି ସିମନ ଦରୁଗାଟି ର କୁରିଣି ଦେସାଟି ଲକୁଇଁ ମେସାନା ଜୀସୁଟି ପାସିମୁଣ୍ଡା ଡେକାଲି ଏଞ୍ଜେଲ୍ ବାଲାମାତମି କିଚେରି □

୩୩ ଇଞ୍ଜି ଏଞ୍ଜେଲ୍ ଗଲ୍‌ଗତା ଇନି ଟାୟୁତା ଇଟିହିଁ ଏମିନାଣି ତାୟିଁ ରୁପା ଇନେରି ଏମ୍ବାଆଁ ଅଚେରି □

୩୪ ଏମ୍ବାଆଁ ଏଞ୍ଜେଲ୍ ଏଞ୍ଜେଲ୍ କାମେଲି ଏୟୁ ଆଟ୍‌ହି ଅଙ୍ଗୁରି ରାସା ଗସାଲି ହାଚେରି, ସାମା ଏଞ୍ଜେଲ୍ ଏଞ୍ଜେଲ୍ ଝାଣ୍ଡାନା ଗସାଲି ମନ କିଆଚେସି □

୩୫ ତାୟୁ ଏଞ୍ଜେଲ୍ ଏଞ୍ଜେଲ୍ ପାସି ମୁଣ୍ଡାତା ଏକହାନା ତାନି ହିମ୍ବରିକା ପାଦି କିହାନା ତାନି ବିତ୍ରା ବାଟି କିହା ଅଚେରି,

୩୬ ଇଞ୍ଜି ଏମ୍ବାଆଁ କୁଗାନା ଏଞ୍ଜେଲ୍ କାଟିମାଚେରି □

୩୭ ଇଞ୍ଜି ଏଞ୍ଜେଲ୍ ଏଞ୍ଜେଲ୍ ତାୟିଁ ଲାକଟି ଇଲେଇଞ୍ଜି ରାଟାନା ଲେଚେରି, “ଇଞ୍ଜେଲ୍ ଜୀହୁଦି ଲକୁଟି ରାଜା ଜୀସୁ □”

୩୮ ଏଟିବେଲ୍‌ ତାନି ଟିଝନିଝାକି ରଅସି ଇଞ୍ଜି ତାନି ଚେବ୍‌ଝାକି ରଅସି ଇଲେକିହିଁ ରୀ ସରକାଣି ତାନିତଲେ ପାସି ମୁଣ୍ଡାତା ଏକହେରି □

୩୯ ଇଞ୍ଜି ଏ ଜିରୁଟି ହାଜିମାନି ଲକୁ ତାନି ତାକ୍‌ ଗୁଟ୍‌କିକିହିଁ ଏଞ୍ଜେଲ୍ ନିନ୍ଦାକିହିଁ ଏଲେଇଚେରି,

୪୦ *“ଆଡେ ମାହାପୁରୁ ଇଲୁ ଡିକ୍‌ନାଟି ଇଞ୍ଜି ତାନି ଦିନାଟିଏ ଏଦାଆଁ ଝେଣ୍ଡେ କେପିନାଟି, ନୀନୁ ମାହାପୁରୁ

✧ ୨୭:୪୦ ୨୭:୪୦ ମାତୃ ୨୭:୨୧; ଜହ ୨:୧୯

ମୀରଂଶାତି ଇତିହଂ, ନାନୁ ନିଙ୍ଗେ ଗେଲ୍ପା କତାନା ପାସି ମୁଣ୍ଡାଟି ରେଚା ଖାମୁ ।”

୪୧ କାଜା ପୂଜେରାଙ୍ଗା ଜିକେଏ ଏଲେକିହଂଏ ମେରାପୁନାରି ଇଞ୍ଜା ଲକ୍ଷୁତି କାଜାରି ତଲେ କିଜଞ୍ଜିକିହଂ କାକିହଂଏ ଏଲେଇଚେରି,

୪୨ “ଏଞ୍ଜାସି ଏଟ୍ଟକା ଲକ୍ଷୁଣି ପିସ୍ପି କିତେସି ତାଙ୍ଗେ ଗେଲ୍ପାଲି ଆଡ଼ିହିଲଅସି । ଏଞ୍ଜାସିତ ଇସ୍ତାୟେଲତି ରାଜା, ଏଞ୍ଜାସି ଦେବୁଣିଏ ପାସି ମୁଣ୍ଡାଟି ରେଚା ଖାପେସି, ଆତିହଂ ମାର ଏଞ୍ଜାଣି ତାଣା ନାମିନ ।”

୪୩ ଏଞ୍ଜାସି ମାହାପୁରୁ ତାଣା ନାମା ମାନେସି; ମାହାପୁରୁ ଏଞ୍ଜାଣାଇଁ ଜୀଞ୍ଜୁ ନହାଁ ମାନେସି, ଆତିହଂଏ ଦେବୁଣିଏ ଏଞ୍ଜାଣାଇଁ ଗେଲ୍ପାପେସି, ଏଞ୍ଜାସି ଖେସାମାଚେସି ନାନୁ ମାହାପୁରୁ ମୀରଂଶାତେସି ।”

୪୪ ଇଞ୍ଜା ଆମିନି ସରକା ତାନିତଲେ ପାସି ମୁଣ୍ଡାତା ଏକହା ମାଚେରି, ଏଞ୍ଜାରି ଜିକେଏ ଏଲେକିହଂ ନିୟା କିହାଲି ମାଚ୍‌ହେରି ।

ଜୀସୁତି ହାନାୟି

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜହ ୧୯:୨୮-୩୦)

୪୫ ତାୟୁ ବାର ଗଂଟାଟିଏ ତାନି ଗଂଟା ପାତେକା ଦେସା ବାରେ ଆନ୍ଦେରି ଆହାହାଚେ ।

୪୬ ମିଡ଼ଅଲ୍ଲା ତାନି ଗଂଟା ବେଲାତା ଜୀସୁ କାଜା ଗିୟାଁତଲେ ହାଟାନା ଏଲେଇଚେସି, “ଏଲି, ଏଲି, ଲାମା ସାବକ୍‌ତାନି ?” ଇତିହଂଏ “ଏ ନା ମାହାପୁରୁ ଏ ନା ମାହାପୁରୁ ନାନୁ ନାଙ୍ଗେ ଏନାଆଁତାକି ପିସ୍ତାତି ?”

୪୭ ଇ ହାଡ଼ା ଖେଞ୍ଜାନା ଦାରିତା ନିଚାମାଟି ଲକ୍ଷୁ ଏଲେଇଚେରି, “ଇଞ୍ଜାସି ଏଲିୟଇଁ ହାଟି ମାନେସି ।”

୪୮ ଅଡ଼େ ଏ ଦେବୁଣିଏ ରଅସି ଏଞ୍ଜାରି ବିତ୍ରାଟି ହଟିହଂଏ ହାଜାନା ର ଡ୍ରାଃଆଲି ପୁଲ୍ଲା ଅଙ୍ଗୁରି ରାସାତା ମୁସାନା ଏଦାଆଁ ର ବାଡ଼ଗାତା ଦସାନା ଜୀସୁକି ଗସାଲି ହାଚେସି ।

୪୯ ସାମା ଏଚେକା ଲକ୍ଷୁ ଏଲେଇଚେରି, “ହେଣ୍ଡୁ, ଏଲିୟ ଇଞ୍ଜାଣାଇଁ ଗେଲ୍ପାଲି ଖାହିମାନେସି କି ଆଏ ସିନିକିନ ।”

୫୦ ସାମା ଜୀସୁ ଅଡ଼େ ଖେଣ୍ଡେ କାଜା ଗିୟାଁତଲେ ହାଟାନା ହାଚେସି ।

୫୧ ଇଞ୍ଜା ମେହ୍‌ଦୁ ମାହାପୁରୁ ଇଲ୍ଲୁତା ଲେଚାମାନି ହିମ୍ପୁରି ଲାକଟିଏ ଡ଼ଇ ପାତେକା ଗେଞ୍ଜାନା ରୀ ବାଟା ଆଡ଼େ, ଇଞ୍ଜା ବୁମି ବାରେ ଖୀତିତେ ଅଡ଼େ ଖାଲ୍‌କା ଅୟାହାଚୁ,

୫୨ ଇଞ୍ଜା ମାଡ଼ହା ମୁହ୍‌ନି ଟାୟା ବାରେ ଦେପିଆଡୁ, ଅଡ଼େ ହାହାମାଟି ହାଚେକା ସୁଦୁ ଲକ୍ଷୁତି ଆଙ୍ଗା ମାଡ଼ହା ମୁହ୍‌ନି ଟାୟୁଟି ନିଙ୍ଗାନା ଖାଚେରି,

୫୩ ଇଞ୍ଜା ଜୀସୁ ଖେଣ୍ଡେ ନିଙ୍ଗିତି ତାୟୁ ଏଞ୍ଜାରି ମାଡ଼ହା ମୁହ୍‌ନି ଟାୟୁଟି ହଟାନା ସୁଦୁ ଗାଡ଼ାତା ହାଜାନା ହାଚେକା ଜାଣାତି ତଞ୍ଜାଆଚେସି ।

୫୪ ପାସାକଡ଼ି କସ୍‌କା ମୁହେଁ କାଜାସି ଇଞ୍ଜା ତାନିତଲେ ଜୀସୁଇଁ କାଚାମାଚାରି, ଏଞ୍ଜାରି ବୁମି ଖୀତିତାଣି ଅଡ଼େ ଏମ୍ବାଆଁ ଗଟଞ୍ଜି ଆତାଣି ମେସାନା ହାଚେକା ଆଜାନା ଏଲେଇଚେରି, “ସାତେଏ ଇଞ୍ଜାସି ମାହାପୁରୁ ମୀରଂସି ମାଚେସି ।”

୫୫ ଅଡ଼େ ହାଚେକା ଇୟାସିକା ଜିକେଏ ଏମ୍ବାଆଁ ମାଞ୍ଜାନା ହେକଟି ସିନିକିହିମାଚୁ; ଏଞ୍ଜି ଜୀସୁତି ସେବା କିହଂ ଗାଲିଲିଟି ଏଞ୍ଜାଣିତଲେ ଖାହାମାଚୁ;

୫୬ ଏଞ୍ଜାସିକା ବିତ୍ରାଟି ମଗ୍‌ଦଲିନି ମରିୟମ, ଜାକୁବ ଅଡ଼େ ଜସେପ ତାନି ଇୟା ମରିୟମ, ଅଡ଼େ ଜେବଦି ତାନି ଇୟା ମାଚୁ ।

ଜୀସୁଇଁ ମୁହ୍‌ନାୟି

(ମାର୍କ ୧୫:୩୩-୪୧; ଲୁକ ୨୩:୫୦-୫୬; ଜହ ୧୯:୨୮-୪୨)

୫୭ ଖେଡ଼ା ହାଜିମାଚାଟି ହାରାମାତିୟା ଜସେପ ଦରୁଗାଟି ହାରାମାତିୟାତି ର ଦନ ଗାଚାସି ଖାଚେସି, ଏଞ୍ଜାସି ଜିକେଏ ଜୀସୁତି ର ସୀସୁ ଆହାମାଚେସି ।

୫୮ ଏଞ୍ଜାସି ପିଲାତ ତାଣା ହାଜାନା ଜୀସୁତି ଆଙ୍ଗା ରୀସେସି, ପିଲାତ ଜୀସୁତି ମାଡ଼ହା ଏଞ୍ଜାଣାକି ହେର୍‌ପାଲି ହୁକୁମି ହାଚେସି ।

୫୯ ଜସେପ ମାଡ଼ହା ଆଙ୍ଗାଟି ଅହାନା ନେହଂ ପୁଃନି ପାଡ଼ାଡ଼ା ଦବ୍‌ଲା ହିମ୍ପୁରି ରୁପିଚେସି,

୬୦ ଇଞ୍ଜା ତାନୁ ତାଙ୍ଗେତାକି ହରୁତା କାର୍‌ଞ୍ଜି କିହାମାନି ମାଡ଼ହା ମୁହ୍‌ନି ପୁଃନି ଟାୟୁତା ମାଡ଼ହାତି ଇଚିଚେସି, ଇଞ୍ଜା ମାଡ଼ହାତି ମୁହ୍‌ନି ଟାୟୁତି ଦୁଖେରିତା ର କାଜା ଖାଲି ପୁକ୍‌ହାନା ହାଜାଚୁସେସି ।

୬୧ ମଗ୍‌ଦଲିନି ମରିୟମ ଅଡ଼େ ଏଟ୍ଟକାଟି ମରିୟମ ଏ ମାଡ଼ହା ମୁହ୍‌ନି ଟାୟୁତା କୁଗା ଡ଼ୟିଚୁ ।

ମାହ୍‌ଣି ମାଣ୍ଡାତା କସ୍‌କା

୬୨ ତାନି ଅର ଦିନା, ଇଚିହଂ ତିୟାରା ଆନି ଦିନାତି ତାୟୁତି ଦିନା କାଜା ପୂଜେରାଙ୍ଗା ଅଡ଼େ ପାୟୁସିୟାଁ ପିଲାତ ତାଣା ରୁଣ୍ଡା ଆହାନା ଏଲେଇଚେରି,

୬୩ ☆“ବାବୁ, ଏ ନାଡ଼ି କିନାସି ଜୀଞ୍ଜୁତା ମାଚାଟି, ‘ନାନୁ ତାନି ଦିନାଟିଏ ଖେଣ୍ଡେ ନିଙ୍ଗିଇଁ’ ଇଞ୍ଜା ଖେସାମାଚାଣି ନାଏଁ ମାମ୍ବୁ ଅଣପିମାନମି ।”

୬୪ ଏଦାଆଁତାକି ତାନିଦିନା ପାତେକା ଏ ମାଡ଼ହା ମୁହ୍‌ନି ଟାୟୁତା କାଚାଲି ତାକି ହୁକୁମି ହାମୁ, ଆଆତଂ ତାନି ସୀସୁୟାଁ ଖାହାନା ମାଡ଼ହାତି ତଂଗା ଆହାଁ ଏଞ୍ଜାସି ହାକିଟି ନିଙ୍ଗାମାନେସି ଇଞ୍ଜା ଲକ୍ଷୁଣି ଖେହ୍‌ନେରି; ଆତିହଂ ତଲି ନାଡ଼ି କିତାଣି କିହାଁ ତାୟୁତି ନାଡ଼ିକିନାୟି ହାଚେକା ଆଗାଡ଼ା ଆନେ ।”

୬୫ ପିଲାତ ଏଞ୍ଜାରାଇଁ ଏଲେଇଚେସି, “ମୀ କାଃଆନାରି ମାନେରି, ମୀରୁ ହାଜାନା ମୀ ଆଡ଼ିନି ପାତେକା କାଃଆଦୁ ।”

☆ ୨୭:୨୩ ୨୭:୨୩ ମାତି ୧୭:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩

୨୬ ଏଦାଆଁତାକି ଏଞ୍ଜାରି ହାଜାନା କାଃଆନାରି ତଲେ ଏ ଖାଲି ଗୁଚା ଆଆପେଞ୍ଜା ଇଞ୍ଜିଁ ଖାଲିତି ଜାଣି କିହଁ ସୀଲି ଖେଚାନା ମାଡ଼ହା ମୁହନି ଟାୟୁତା କାଃନାରାଇଁ କାପି କିତେରି □

୨୮

ଜୀସୁ ଖେଣ୍ଡେ ନିଜିନାୟି

(ମାର୍କ ୧୭:୧-୧୦; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାତି ତାୟୁ ଖାତାତି ତଲିତି ଦିନାତା ଲାଲି ଲାଇସିଏ ମଗଦଲିନି ମରିୟମ ଅଡ଼େ ଏଟକାତି ମରିୟମ ମାଡ଼ହା ମୁହନି ଟାୟୁତି ସିନିକିହାଲି ହାତୁ □

୨ ଅଡ଼େ ମେହଦୁ ଏ ଦେରୁଣିଏ ବୁମି ଖାତିତେ, ଇଚିହଁ ମାହାପୁରୁତି ର ଦୂତୁ ଲାକପୁରୁତି ରେଚାଞ୍ଜାହାନା ଏ ଖାଲିତି ଗୁଚି କିହାନା ଏଦାଣି ଲାକ କୁଗିତେସି □

୩ ତାନି ଖାଣା ମିଶସିମାନି ହାଗୁଲେହେଁ ମାଚେ ଅଡ଼େ ତାନି ହିମ୍ବରି ପେଣ୍ଡିଲେହେଁ ଦବ୍‌ଲା ମାଚେ □

୪ ଇଞ୍ଜା କାଃଆନାରି ଆଜିତାକି ତାର୍‌ଗିହଁ ହାଡ଼ିଲେହେଁ ଆଡ଼େରି □

୫ ସାମା ଦୂତୁ ଇୟାସିକାଣି ଏଲେଇଚେସି, “ମାରୁ ଆଜାଆଦୁ, ଇଚିହଁ ମାରୁ ପାସି ମୁଣ୍ଡାତା ହାଡ଼ି ଜୀସୁଇଁ ପାରିମାଞ୍ଜେରି, ଏଦାଆଁ ନାନୁ ପୁଞ୍ଜିମାଇଁ □”

୬ ଏଞ୍ଜାସି ଇମ୍ବାଆଁ ହିଲଅସି; ଇଚିହଁ ଏଞ୍ଜାସି ଏନିକଁ ଖେସାମାଚେସି, ଏଲେକିହଁ ଏ ନିଜାମାନେସି, ଖାଦୁ ଏଞ୍ଜାସି ଆମିନି ଟାୟୁତା ତୁରାମାଚେସି ଏ ଟାୟୁତି ସିନିକିଦୁ □

୭ ଅଡ଼େ ମାରୁ ତବେ ହାଜାନା ତାନି ସୀସୁୟାଣି ଖେହଦୁ, ଏଞ୍ଜାସି ହାଡ଼ାରି ତାଣାଟି ନିଜାମାନେସି, ଅଡ଼େ ମେହଦୁ ଏଞ୍ଜାସି ମୀ ନକି ନକିତା ଗାଲିଲିତା ହାଜିମାନେସି, ଏମ୍ବାଆଁ ମାରୁ ଏଞ୍ଜାଣାଇଁ ମେହଦେରି; ନାନୁ ଖେସ୍ତାତାଣି ଅଣ୍‌ପାଦୁ □

୮ ଏମ୍ବାଟିଏ ଆଜି ଅଡ଼େ ରାହୁଁଟି ମାହଣି ମାଣ୍ଡାଟି ତବେ ହାଜାନା ତାନି ସୀସୁୟାଣି ଖେସାଲି ଦାବଡ଼ି ହରୁ □

୯ ଅଡ଼େ ମେହଦୁ ଜୀସୁ ଏଞ୍ଜାସିକାଣି ବେଟାଆହାନା ଏଲେଇଚେସି, “ମିଜେ ହିଡ଼ଡ଼ି ଆୟାପେ” ଏମ୍ବାଟିଏ ଏଞ୍ଜି ତାଗେ ଖାହାନା ଏଞ୍ଜାଣି କତାୟା ଆସାନା ଏଞ୍ଜାଣାଇଁ ଜହରା କିତୁ □

୧୦ ଏଚେଟିଏ ଜୀସୁ ଏଞ୍ଜାସିକାଣି ଏଲେଇଚେସି, “ଆଜାଆଦୁ, ମାରୁ ହାଜାନା ନା ତାୟିୟାଁଇଁ ଖେହଦୁ, ଏଞ୍ଜାରି ଗାଲିଲିତା ହାଲାପେରି; ଏମ୍ବାଆଁ ଏଞ୍ଜାରି ନାଜେ ମେସ୍ତାନେରି □”

ମାହଣି ମାଣ୍ଡା କାଃଆନାରି

୧୧ ଆୟାସିକା ହାଜିମାଚାଟି, କାପୁ କାଡ଼ାମାଟି କସକା ବିତ୍ତାଟି ଏଚରଜାଣା ଗାଡ଼ାତା ହାଜାନା ଏ ବାରେ ଗଟଞ୍ଜି ଆଡ଼ାଣି କାଜା ପୂଜେରାଜାଣି ଖେସ୍ତେରି □

୧୨ ଏଞ୍ଜାରି ଲକୁଡି କାଜାରି ତଲେ ରୁଣ୍ଡା ଆହାନା ଅଣ୍‌ପିହଁ କାତା ତାରିକିତି ତାୟୁ, ଏ କସକାକି ହାଡ଼େକା ଟାକାୟା ହୀହାନା ଏଲେଇଚେରି,

୧୩ “ମାରୁ ଏଲେଇଞ୍ଜୁ, ମାମ୍ବୁ ତୁରାମାଟି ବେଲାତା ତାନି ସୀସୁୟାଁ ଲାଆଁୟାଁ ଖାହାନା ଏଞ୍ଜାଣାଇଁ ସରୁ ଆହାନା ଅଡ଼େରି □

୧୪ ଅଡ଼େ ଇ କାତା ସାଲଞ୍ଜି କିନାଣି କିୟଁ ତୁ ହାଚିହଁ, ମାମ୍ବୁ ଏଞ୍ଜାଣାଇଁ ନେହଁକଁ ଖେସାନା ମୀ ଅଣ୍‌ପୁଟି ପିସ୍‌ପି କିୟାନିମି □”

୧୫ ଏଞ୍ଜାରି ଟାକାୟାଁ ଅହାନା ଏନିକଁ ହୁକୁମି ବେଟାଆହା ମାଚେରି, ଏଲେକିହଁ କିତେରି □ ଏଦାଆଁତାକି ଇ କାତା ଜୀହୁଦି ଲକୁଡାଣା ଖେଜା ହାଜାନା ନୀଏଁ ପାଡେକା ମାନେ □

ଜୀସୁ ତାନି ସୀସୁୟାଁଇଁ ତଞ୍ଜା ଆନାୟି

(ମାର୍କ ୧୪:୩-୯; ଜହ ୧୨:୧-୮)

୧୬ ଶାମା ଏଗାର ଜାଣା ସୀସୁୟାଁ ଗାଲିଲିତା ହାଜାନା, ଜୀସୁ ଆମିନି ହରୁ କାତା ଏଞ୍ଜାଣାଇଁ ଖେସାମାଚେସି, ଏ ହରୁତା ହାଚେରି □

୧୭ ଅଡ଼େ ଏଞ୍ଜାରି ଏଞ୍ଜାଣାଇଁ ମେସାନା ଜହରା କିତେରି, ସାମା ଆମ୍ବା ଆମ୍ବାଆରି ନାମାଆତେରି □

୧୮ ଇଞ୍ଜା ଜୀସୁ ଏଞ୍ଜାରି ତାଗେ ଖାହାନା ଏଲେଇଚେସି, “ଲାକପୁରୁ ଅଡ଼େ ଦାର୍‌ତିତି ଅଦିକାରା ନାଜେ ମେଡ଼ା ଆହାମାଞ୍ଜାନେ □

୧୯ ଏଦାଆଁତାକି ମାରୁ ହାଜାନା ବାରେ କୁଡ଼ାତି ଲକୁଣି ଆବା, ମାର୍‌ଏସି ଅଡ଼େ ସୁଦୁଜୀଞ୍ଜୁ ଦରୁଟି ବାପ୍ତିସ୍ତା* ହୀହାନା,

୨୦ ନାନୁ ମିଜେ ହୀହାମାଞ୍ଜାନି ହୁକୁମି ବାରେ ମାନଞ୍ଜି ଆହାଲି ଜାପ୍‌ହାନା ଏଞ୍ଜାଣାଇଁ ନା ସୀସୁୟାଁ କିଦୁ; ମେହଦୁ ଜୁଗୁ ରାନ୍ତି ପାଡେକା ନାନୁ ବାରେବେଲା ମୀ ତଲେ ମାଞ୍ଜେ ମାଞ୍ଜାଇଁ □”

☆ ୨୮:୧୭ ୨୮:୧୭ ମାତୃ ୨୭:୩୨; ମାର୍କ ୧୪:୨୮ ☆ ୨୮:୧୯ ୨୮:୧୯ କାମା ୧:୮ * ୨୮:୧୯ ୨୮:୧୯ ମୁଞ୍ଜିନାୟି

ମାର୍କ ଲିଖିତ ସୁସମାଚାର ମାର୍କ ରାଫାମାନି ନେହୁଁ କାବୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀସୁ ଅଡ଼େ ଇ ଦାରତିତା ମାତି ତାନି କାତା ମାର୍କ ରାଫାମାନି ନେହୁଁ କାବୁ; ପୁଃନି ମେରାତି ସାରିଗଟା ନେହୁଁ କାବୁ ପତିୟାଁ ବିତ୍ରାତି ଇଦି ଆହିମାନେ ର.ପତି □ ଏ ବାରେ ନେହୁଁ କାବୁ ଇନେରି □ ଏ ପତିୟାଁ ଜୀସୁ କ୍ରୀସ୍ତ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଫାମାଚେରି □ ମାର୍କ ରାଫାମାନି ନେହୁଁ କାବୁ ସାରିଗଟା ନେହୁଁ କାବୁ ବିତ୍ରାତି ବାରେତି କିହାଁ ସବୁ କାବୁ □ ଇ ନେହୁଁ କାବୁ ବାରେ କିହାଁ ନକେଏ ଇତିହୁଁ ଜୀସୁ ଜାନୀଆଡ଼ି ତାୟୁ ୨୫-୨୦ ବାସୀ ବିତ୍ରା ରାସ୍କି ଆହାମାନେ ଇଞ୍ଜୁଁ ବାଇବଲ ପୁତି ବୁଦିଗାଟାରି ଏଲେଇଞ୍ଜିମାନେରି □ ରମ୍ ଗାଡ଼ାତା ମାତି କ୍ରୀସ୍ତାନା ଲକୁଣି ରାହାଁ କିହାଲିତାକି ଇ ପତି ରମ୍ ଗାଡ଼ାତା ରାଫାମାଚେସି □

ମାର୍କ ଅର ଦରୁ ଜହନ ମାର୍କ, ଏଞ୍ଜାସି ପାଞ୍ଜୁଲ ଅଡ଼େ ବର୍ନବା ତଣେ ମାଚେସି □ ସାମା ଏଞ୍ଜାସି ସେବା କାମାତାକି ହାଲାଆଲିଏ ଏଞ୍ଜାଣି ମନ ଉଣା ଆହାମାଚେ କାମା ୧୩:୧୩ □ ମାର୍କ ଅଡ଼େ ଖେଣ୍ଟେ ବର୍ନବା ତଲେ ସେବା କାମାତା ହାଚେସି କାମା ୧୫:୩୭-୩୯ □ ମାର୍କ ପିତରତି ନେହୁଁ ଜୀସୁ ମାଚେସି ୧ପିତ ୫:୧୩ □ ମାର୍କ ଜୀସୁ କ୍ରୀସ୍ତତି ଜୀସୁତି କାତା କି ସେବା କାମାତି ମେସା ହିଲାଆଚେସି, ବୁଦିଗାଟାରି ନାମିମାନେରି ମାର୍କ ରାଫାମାନି ନେହୁଁ କାବୁତା ପିତରତି କାତା ହାଚେକା ରାଫାମାନେସି □ ମାର୍କ ସୀସୁୟାଁତି କାମା ଇଞ୍ଜାଁ ଜୀସୁ ରାନ୍ତି ଦିନାତି କାତା ଜାପ୍ନାଣି ରାଫାମାନେସି □

ପତିତା ମାନାୟି

- ୧ ମାର୍କ ପତିତି ମୂଲୁ ହାଡ଼ା □ ୧:୧-୧୩
- ୨ ଗାଲିଲିତା ଜୀସୁ କ୍ରୀସ୍ତତି ସେବା କାମା □ ୧:୧୪-୮:୨୧
- ୩ ଜୀସୁ କ୍ରୀସ୍ତ ଜିରୁସାଲମତା ହାନାୟି □ ୮:୨୨-୧୦:୫୨
- ୪ ଜିରୁସାଲମତି କାତା, ଜୀସୁ କ୍ରୀସ୍ତ ହାନ୍ତି କାତା ଅଡ଼େ ଖେଣ୍ଟେ ନିଜିନି କାତା ରାଫାନା ରାପ୍ନାୟି □ ୧୧:୧-୧୨:୨୦

ବାପ୍ତିସ୍ମା* ହାନି ଜହନ ଖେକ୍ନାୟି
(ମାତି ୩:୧-୧୨; ଲୁକ ୩:୧-୧୮; ଜହ ୧:୧୯-୨୮)

୧ ମାହାପୁରୁ ମାର୍‌ଏସି ଜୀସୁ କ୍ରୀସ୍ତତି ନେହୁଁ କାବୁ ଇଲେକି ଆଡ଼େ,

* ୧: ୧:୧ ମୁଞ୍ଜନାୟି † ୧:୪ ୧:୪ ମୁଞ୍ଜନାୟି ‡ ୧:୪ ୧:୪ ମୁଞ୍ଜନାୟି § ୧:୪ ୧:୪ ମୁଞ୍ଜନାୟି * ୧:୫ ୧:୫ ମୁଞ୍ଜନାୟି † ୧:୮ ୧:୮ ମୁଞ୍ଜନାୟି
‡ ୧:୮ ୧:୮ ମୁଞ୍ଜନାୟି § ୧:୮ ୧:୯ ମୁଞ୍ଜନାୟି * ୧:୯ ୧:୯ ମୁଞ୍ଜନାୟି ☆ ୧:୧୧ ୧:୧୧ ମାତି ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨

୨ ମାହାପୁରୁ ଅଣ୍‌ପୁତି ବଲୁ ଖେହ୍ନି ଜିସାୟ ସାସ୍ତେରିତା ଏନିକିଁ ରାସ୍କି ଆହାମାନେ;

“ମାହାପୁରୁ ଏଲେଇଞ୍ଜି ମାନେସି, ମେହ୍ନୁ ନାନୁ ନା କାବୁ ଖେହ୍ନାଣାଇଁ ନୀ ନକିତା ପାଣ୍ଡିମାଞ୍ଜାଇଁ, ଏଞ୍ଜାସି ନିଜେତାକି ଜିରୁ ତିୟାରା କିନେସି;

୩ ଲକୁ ହିଲାଆ ଟାୟୁତା ରଅଣି ହାଡ଼ା ଖେଜିମାନେ, ପ୍ରବୁତି ଜିରୁ ତିୟାରା କିଦୁ, ଏଞ୍ଜାସି ତାକାଲି ତାକି ଜିରୁ ତିୟି କିଦୁ □”

୪ ଏମ୍‌ାଟିଏ ବାପ୍ତିସ୍ମାଁ ହାନି ଜହନ ଲକୁ ହିଲାଆ ଟାୟୁତା ଖାହାନା ବଲୁ ଖେକ୍‌ହେସି, ଅଡ଼େ ବାପ୍ତିସ୍ମାଁ ହାହାନା ଏଲେଇଚେସି, “ଜାହାରା ପାପୁତି ପିସି ଆୟାଲିତାକି ମନ ଖେଟ୍‌ହାନା ବାପ୍ତିସ୍ମାଁ ଅଦୁ, ଆତିହୁଁ ମାହାପୁରୁ ମୀ ପାପୁ ମେକ୍‌ହାନେସି □”

୫ ଏମ୍‌ାଟିଏ ଜୀହୁଦା ଦେସା ଇଞ୍ଜାଁ ଜିରୁସାଲମ ଗାଡ଼ାତି ବାରେ ଲକୁ ତାନି ତାଣା ଖାହାଲି ମାଟ୍‌ହେରି, ଇଞ୍ଜାଁ ତାମ୍‌ୁତାମି କିତି ପାପୁତି ଖେସାନା ଏଞ୍ଜାଣି ତାଣାଟି ଜର୍ଦନ କାତାତା ବାପ୍ତିସ୍ମା* ଅଡ଼େରି □

୬ ଜହନ ଉରୁ ବାଣାୟାଁ ତଲେ କେପିତି ହିମ୍‌ରକା ତୁର୍‌ହିମାଚେସି, ଅଡ଼େ ଟେଡେଲିତା ର.ତଲୁତି ବୁଡ଼ପା ମାଡ଼ା କିହାଁ ଦସା କଡ଼ିଚେସି, ଗପ୍‌ଏରିକା ଅଡ଼େ ଜାଡ଼ାତି କ୍ରିୟାଁ ଏଞ୍ଜାଣି କାଦି ମାଚେ □

୭ ଜହନ ଏଲେଇଞ୍ଜି ଖେକ୍‌ହାଲି ମାଟ୍‌ହେସି, “ଆମ୍‌ାଆସି ନା କିହାଁ ହାଚେକା ବାଡ଼ୁ ଗାଟାସି ଏଞ୍ଜାସି ନା ତାୟୁ ଖାହିମାନେସି; ନାନୁ ମେଣ୍ଡାକୁତାନା ଏଞ୍ଜାଣି ସେପୁୟାଁତି ତ:ରକା ଜିକେଏ ହୁକ୍‌ହାଲି ପାଡ଼ାଆଅଁ □

୮ ନାନୁ ମିଜେ ଏୟୁତଲେ ବାପ୍ତିସ୍ମାଁ ହାହିମାଞ୍ଜାଇଁ, ସାମା ଏଞ୍ଜାସି ମିଜେ ସୁଦୁଜୀସୁ ତଲେ ବାପ୍ତିସ୍ମାଁ ହିୟାନେସି □”

ଜୀସୁ ବାପ୍ତିସ୍ମାଁ ଅନାୟି ଇଞ୍ଜାଁ ତାୟିପାରି କିଞ୍ଜି ଆନାୟି (ମାତି ୩:୧୩; ୪:୧-୧୧; ଲୁକ ୩:୨୧-୨୨; ୪:୧-୧୩)

୯ ଏରିବେଲାତା ଜୀସୁ ଗାଲିଲିତି ନାଜିରିତତି ଖାହାନା ଜର୍ଦନ କାତାତା ଜହନ ତାଣାଟି ବାପ୍ତିସ୍ମା* ଅଡ଼େସି □

୧୦ ଜୀସୁ ଏୟୁଟି ନିଜା ଖାହିମାଚାଟି ଦେବୁଣିଏ ଲାକପୁରୁ ଦେପି ଆଡ଼େ ଇଞ୍ଜାଁ ସୁଦୁଜୀସୁ ପାର୍‌ଖା ପଟାଲେହେଁ ତାନି ଲାକ ରେଟା ଖାହିମାଚାଣି ମେସ୍ତେସି □

୧୧ *ଅଡ଼େ ଲାକପୁରୁତି ଇ ହାଡ଼ା ଆଡ଼େ, “ନୀନୁ ନା ଜୀସୁତି ମାର୍‌ଏଣାତି, ନୀ ତାଟେଏ ନା ହାଚେକା ରାହାଁ ମାନେ □”

୧୨ ଏ ଦେବୁଣିଏ ସୁଦୁଜୀସୁ ଏଞ୍ଜାଣାଇଁ ଲକୁ ହିଲାଆ ଟାୟୁତା ଅଡ଼େ,

୧୩ ଜୀସୁ ଲକୁ ହିଲାଆ ଟାୟୁତା ରୀ କଡ଼ି ଦିନା ପାତେକା ତୟାନା ସୟତାନ ତାଣାଟି ତାୟିପାରି କିଞ୍ଜିଆଡ଼େସି; ଏଞ୍ଜାସି ଜାଡ଼ାତି ଜଡ଼ ତଲେ ତୟିଚେସି, ଇଞ୍ଜାଁ ଲାକପୁରୁତି ଦୁଡ଼ୟାଁ ଖାହାନା ଏଞ୍ଜାଣି ସେବା କିହିମାଚୁ □

ଜୀସୁ ସାରି ଜାଣା ମୀଶକା ଆହୁନାରାଇଁ ହାଟିନାୟି
(ମାତି ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଜହନଇଁ କାୟିଦି ଇଲୁତା ଇଟାଲିଏ ଜୀସୁ ଗାଲିଲିତା
ଝାଡେସି ଇଞ୍ଜା ମାହାପୁରୁତି ନେହୁଁ କାରୁ ଝେକ୍‌ହେସି □

୧୫ ☆“କାଲ୍ଲା ଏଜିମାଞ୍ଜାନେ, ଲାକପୁରୁ ରାଜି
ଏଗାଝାହିମାନେ, ପାପୁତି ପିସାନା ମନ ଝେଟ୍‌ଦୁ ଇଞ୍ଜା
ମାହାପୁରୁତି ନେହୁଁ କାରୁତି ନାମାଦୁ □”

୧୬ ଜୀସୁ ଗାଲିଲି ସାମ୍ବୁରି ଗାରୁଟି ହାଜିମାଗାଟି ସିମନ
ଅଡେ ତାନି ତାୟି ଆହିୟଇଁ ସାମ୍ବୁରିତା ମୀଶକା ଜାଲ୍ଲା
ମେଡହି ମାଗାଣି ମେସ୍ତେସି, ଇତିହୁଁ ଏଝାରି ମୀଶକା
ଆହୁନାରି ମାଚେରି □

୧୭ ଜୀସୁ ଏଝାରାଇଁ ହାଟାନା ଏଲେଇଚେସି, “ନା ଜେଚ
ଝାଦୁ ନାନୁ ମିଙ୍ଗେ ଲକୁଣି ଆହୁନାଣି ଜାପୁହାଇଁ □”

୧୮ ଏଝାରି ଦେବୁଣିଏ ଜାଲ୍ଲାୟା ପିସାନା ଜୀସୁତି ଜେଚ
ହାଚେରି □

୧୯ ଏଚେଟିଏ ଜୀସୁ ହିରେ ହେକ ହାଜାଲିଏ ଜେବଦି
ମୀରକା ଜାକୁବ ଇଞ୍ଜା ତାନି ତାୟି ଜହନଇଁ ତଂଗତା ଜାଲ୍ଲା
ମୁଦା କିହିମାଗାଣି ମେସ୍ତେସି □

୨୦ ମେସ୍‌ପନିଏ ଜୀସୁ ଏଝାରାଇଁ ହାଟିଚେସି, ଇଞ୍ଜା
ଏଝାରି ତାନି ଆବା ଜେବଦିଇଁ ହଲିୟାଙ୍ଗା ତଲେ ତଂଗତା
ପିସାନା ଜୀସୁ ଜେଚ ହାଚେରି □

ବୁଡୁ ଆଲଗା ମାଗାସି
(ଲୁକ ୪:୩୧-୩୭)

୨୧ ଜୀସୁ ଅଡେ ତାନି ସୀସୁୟା କପରନାହୁମ ଗାଡାତା
ଝାଡେରି, ଇଞ୍ଜା ଅର ନେରୁ ଜମିନି ଦିନା ମାଗାକି ଜୀସୁ
ଜୀହୁଦି ଲକୁତି କୁଟମି ଇଲୁତାଁ ହାଜାନା ଜାପୁହାଲି
ମାଟ୍‌ହେସି □

୨୨ ☆ଲକୁ ତାନି ଜାପୁନାଣି ଝେଞ୍ଜାନା କାବା
ଆହାହାଚେରି; ଇତିହୁଁ ଏଝାସି ସାସ୍ତେରି ଝେହନାରି
ଲେହେଁ ଜାପୁଆନା ଅଦିକାରା ବେଟାଆହାମାନି ଲେହେଁ
ଜାପୁହି ମାଚେସି □

୨୩ ଜୀସୁ ଜାପୁହି ମାଟିବେଲତା ଜୀହୁଦି ଲକୁତି କୁଟମି
ଇଲୁଟିଃ ର ବୁଡୁ ଆଲଗା ମାଗାସି କାଲ୍‌ଝି ଆହୁଁ
ଏଲେଇଚେସି,

୨୪ “ଏ ନାଜରିତତି ଜୀସୁ ନୀ ତଲେ ମାଙ୍ଗେ ଏନି କାମା
ମାନେ, ନାନୁ କି ମାଙ୍ଗେ ନାସା କିହାଲି ଇମ୍ବାଆଁ ଝାହାମାଞ୍ଜି
? ନାନୁ ଆମ୍ବାଆତି ନାନୁ ପୁଞ୍ଜାମାଇଁ; ନାନୁ ମାହାପୁରୁ
ତାଣାଟି ଝାହାମାନି ଏ ସୁଦୁ ମାଣ୍‌ସିତି □”

୨୫ ଜୀସୁ ଏଦାନି ଦାକା ହାହାନା ଏଲେଇଚେସି,
“ପାଲେଏ ଆମ୍ବୁ ଇଞ୍ଜା ଇଝାଣି ତାଣାଟି ହଡାହାଲ୍ଲାମୁ □”

୨୬ ଏଚେଟିଏ ଏ ପଲ୍‌ଆ ବୁଡୁ ଏଝାଣାଇଁ ମୁଡମୁଡା
କିହାନା, କାଜା ଗିୟାତଲେ କିରଡିହୁଁ ଏଝାଣି ତାଣାଟି
ହଡାହାଚେ □

୨୭ ଏମ୍ବାଟିଏ ବାରେଜାଣା ହାରେକା କାବା
ଆଡେରି, ଇଞ୍ଜା ଇଲେକଁ ଜଲ୍‌କି ଆଡେରି, “ଇଦି
ଏନିଲେହେଁତାୟି ? ଇଦି ଅଦିକାରା ବେଟାଆହାମାନି
ଲେହେଁତି ପୁଞ୍ଜନି ଜାପୁନାୟି, ଏଝାସି ପଲ୍‌ଆ ବୁଡୁୟାଇଁ
ଜିକେଏ ହୁକୁମି ହାହିମାନେସି, ଅଡେ ଏଝି ଏଝାଣି କାତା
ଆସିମାଦୁ □”

୨୮ ଏମ୍ବାଟିଏ ଏଝାସି କିତି କାମାତି କାରୁ ଏ ରେଟୁଏ
ଗାଲିଲି ରାଜିତି ସାରିଝାକିତି ନାସ୍‌କାଣାଁ ଝେଙ୍ଗାହାଚେ □

ଜୀସୁ ହାରେକା ଲକୁଣି ନେହୁଁ କିନାୟି
(ମାତି ୮:୧୪-୧୭; ଲୁକ ୪:୩୮-୪୧)

୨୯ ଏମ୍ବାଟିଏ ଏଝାରି ଜୀହୁଦି ଲକୁତି କୁଟମି ଇଲୁଟିଃ
ହଡାନା ଜାକୁବ ଅଡେ ଜହନ ତଲେ ଏ ଦେବୁଣିଏ ସିମନ
ଇଞ୍ଜା ଆହିୟ ଇଜ ହାଚେରି □

୩୦ ସିମନ ପୟା ନମେରି ତାକି ତୁରାମାଚେ, ଅଡେ
ଏଝାରି ଏଦାଣି କାତା ରେଟୁଏ ଜୀସୁଇଁ ଝେସ୍ତେରି □

୩୧ ଏମ୍ବାଟିଏ ଏଝାସି ତାଗେ ହାଜାନା ତାନି କେୟୁ
ଆସାନା ଏଦାନି ନିକହେସି, ଅଡେ ଏଦାନି ନମେରି ପିସ୍ତେ,
ଇଞ୍ଜା ଏଦି ଏଝାରି ସେବା କିଚେ □

୩୨ ମିଡୁଆଲ୍ଲା ବେଲା ଝେଡା କୁଡହାଲିଏ ଲକୁ ରଗ
ଗାଟାରାଇଁ ଇଞ୍ଜା ବୁଡୁୟା ଆଲଗା ମାଗାରାଇଁ ଜୀସୁ ତାଣା
ତାଚେରି,

୩୩ ଇଞ୍ଜା ଗାଡାତାରି ବାରେ ଜୀସୁ ମାଟି ଇଲୁ ଦୁଝେରିତା
ରୁଣ୍ଡା ଆଡେରି □

୩୪ ଏମ୍ବାଟିଏ ଜୀସୁ ବାରେଲେହେଁତି ରଗ ଗାଟାରାଇଁ
ନେହୁଁ କିଚେସି, ଇଞ୍ଜା ହାରେକା ବୁଡୁଣି ପିସ୍‌ପି କିଚେସି,
ଇଞ୍ଜା ଏଝାସି ବୁଡୁୟାଣି ଜଲ୍‌ଲି ହାଆଡେସି, ଇତିହୁଁ ଏଝି
ଏଝାଣାଇଁ ପୁଞ୍ଜିମାଚୁ □

ଜୀସୁ ଗାଲିଲିତା ମାହାପୁରୁ କାତା ଝେକ୍‌ନାୟି
(ଲୁକ ୪:୪୨-୪୪)

୩୫ ଝେୟାଆ ମାଗାଟିଏ ଆନ୍ଦେରି ମାଞ୍ଜା ମାଞ୍ଜାନା ଏଝାସି
ନିଙ୍ଗା ହଡା ହାଜାନା ର ଲକୁ ହିଲାଆ ଚାୟୁତା ହାଜାନା
ପ୍ରାଡାନା କିହିମାଚେସି □

୩୬ ସିମନ ଇଞ୍ଜା ତାନି ଆଟ୍‌ହିତାରି ଏଝାଣାଇଁ ପାରାଲି
ମାଟ୍‌ହେରି,

୩୭ ଏଝାଣାଇଁ ବେଟାଆହାନା ଏଲେଇଚେରି,
“ବାରେଜାଣା ନିଙ୍ଗେ ପାରିମାଞ୍ଜାନେରି □”

୩୮ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ଝାଦୁ
ମାର ଏଟକା ଗାଡାତା, ଇତିହୁଁ ଦାରିମାରି ନାସ୍‌କାଣାଁ
ହାନ; ଏମ୍ବାଆଁ ଜିକେଏ ନାନୁ ମାହାପୁରୁତି ବଲୁ ଝେକ୍‌ଇଁ,
ଇତିହୁଁ ଏଦାଆଁତାକି ନାନୁ ଝାହାମାଇଁ □”

୩୯ ☆ଇଞ୍ଜା ଜୀସୁ ବାରେ ଗାଲିଲି ନାସ୍‌କାଣାଁ ରେଜି
ରେଜିହୁଁ ଏଝାରି ବାରେ ଜୀହୁଦି ଲକୁତି କୁଟମି

☆ ୧:୧୫ ୧:୧୫ ମାତି ୩:୨ † ୧:୨୧ ୧:୨୧ ସିନଗରୁ ☆ ୧:୨୨ ୧:୨୨ ମାତି ୭:୨୮,୨୯ ‡ ୧:୨୩ ୧:୨୩ ସିନଗରୁ § ୧:୨୯ ୧:୨୯ ସିନଗରୁ
☆ ୧:୩୯ ୧:୩୯ ମାତି ୪:୨୩; ୯:୩୫ * ୧:୩୯ ୧:୩୯ ସିନଗରୁ

ଇଲ୍‌କାଣା* ମାହାପୁରୁ ବଳୁ ଝେକ୍‌ହେସି ଇଞ୍ଜା ବୃତ୍ତୁୟାଣି ପିସ୍‌ପି କିତେସି □

କାଜା ରଗ ଗାଟାଣାଇଁ ଜୀସୁ ନେହୁଁ କିନାୟି
(ମାତି ୮:୧-୪; ଲୁକ ୫:୧୨-୧୬)

୪୦ ଏମ୍ବାଟିଏ ର କାଜା ରଗ ଗାଟାସି ଜୀସୁ ତାଣା ଖାହାନା ମେଣ୍ଟାକୁତାନା ବାତିମାଲିହୁଁ ଜୀସୁଇଁ ଏଲେଇଚେସି, “ନାନୁ ମନ କିତିହୁଁ ନାଙ୍ଗେ ନେହୁଁ କିହାଲି ଆଡ଼ାଦି □”

୪୧ ଏମ୍ବାଟିଏ ଜୀସୁ ଏଞ୍ଜାଣାଇଁ କାର୍ମା ମେସ୍‌ସେସି, ଇଞ୍ଜା କେନ୍ଦୁ ଦାସାନା ଏଞ୍ଜାଣାଇଁ ତାଗାନା ଏଲେଇଚେସି, “ନାନୁ ମନ କିହିମାଇଁ ନାନୁ ନେହୁଁ ଆମୁ □”

୪୨ ଏ ଦେବୁଣିଏ ଏଞ୍ଜାଣି ତାଣାଟି କାଜା ରଗ ଗୁଟାଆଡେ, ଇଞ୍ଜା ଏଞ୍ଜାସି ନେହୁଁ ଆଡେସି □

୪୩ ଇଞ୍ଜା ଏଞ୍ଜାସି ଏଞ୍ଜାଣାଇଁ ଜାଣ୍ଡେ ହୁକୁମି ହାହାନା ଝେସା ପାଣ୍ଡିତେସି,

୪୪ “ଜାଗ୍ରାତା ଆମ୍ବାଆରାଇଁ ଏନାଆଁ ଝେହୁଆନି, ସାମା ହାଲାମୁ ଇଞ୍ଜା ପୂଜେରା ତାଣା ହାଜାନା ନିଜ ତସାକତାମୁ, ଇଞ୍ଜା ମସା ଆମିନି ମେରା ହାହାମାନେସି ଏଦାଆଁ ଲକୁ ନକିତା ନେହୁଁ ଆଡ଼ାକି ସାକି ହାନିଲେହେଁ ହେରପାମୁ □”

୪୫ ସାମା ଏଞ୍ଜାସି ପାଙ୍ଗାତା ହାଜାନା ତାନୁ ନେହୁଁ ଆଡ଼ି କାତାତି ସାରିଞ୍ଜାକି ଝେକ୍‌ହାଲି ମାଟ୍‌ହେସି, ଇଞ୍ଜା ଜୀସୁ ଆମିନି ଗାଡ଼ାତା ପୁଣ୍ଡେ ହଡ଼ାଲି ଆଡ଼ାଆଡେସି, ସାମା ପାଙ୍ଗାତା ଲକୁ ହିଲାଆ ଟାମ୍ବାଣା ଡ଼ୟିତେସି; ଅଡେ ସାରି ଞ୍ଜାକିଟି ଲକୁ ଜୀସୁ ତାଣା ଖାହାଲି ମାଟ୍‌ହେରି □

୨

ଜୀସୁ ଟଟ ଖାୟିତାଣାଇଁ ନେହୁଁ କିନାୟି
(ମାତି ୯:୧-୮; ଲୁକ ୫:୧୭-୨୬)

୧ ଏଚରଦିନା ଆୟାଲିଏ ଜୀସୁ କପରନାହୁମତା ଝେଣ୍ଡେ ହାଚେସି, ଇଞ୍ଜା ଏଞ୍ଜାସି ଇଜ ମାନେସି ଇଞ୍ଜାଁ ସାରିଞ୍ଜାକି ଝେଙ୍ଗାହାଚେ □

୨ ଏମ୍ବାଆଁ ଇଚେକା ଲକୁ ରୁଣ୍ଡା ଆଡେରି ଇଞ୍ଜା ଦୁଝେରିତା ଜିକେଏ ଟାୟୁ ହିଲାଆଡେ, ଇଞ୍ଜା ଏଞ୍ଜାସି ଏଞ୍ଜାରାଇଁ ମାହାପୁରୁ କାତା ଝେକ୍‌ହେସି □

୩ ଏମ୍ବାଟିଏ ସାରି ଜାଣା ର ଟଟ ଖାୟିତାଣାଇଁ କାଚେଲିତା ଜୀସୁ ତାଣା ଡେକା ତାଡେରି □

୪ ସାମା ହାଡେକା ଲକୁ ମାଚାକି ଏଞ୍ଜାଣି ତାଣା ତାଚାଲି ଆଡ଼ାଆଡେରି, ଇଞ୍ଜା ଆମିନି ଟାୟୁତା ଜୀସୁ ମାଚେସି, ଏମ୍ବାଆଁ ଇଲୁଡି ଡେପରି ରିକ୍‌ହେରି, ଇଞ୍ଜା ଏ ଟଟ ଖାୟିତାଣାଇଁ କାଚେଲି ଝେଣ୍ଡେଏ ଇଲୁ ବିଡ଼ା ରେପ୍‌ହେରି □

୫ ଜୀସୁ ଏଞ୍ଜାରି ନାମୁ ମେସାନା, ଏ ଟଟ ଖାୟିତାଣାଇଁ ଏଲେଇଚେସି, “ଏ ମାର୍‌ଏଣା ନୀ ପାପୁ ବାରେ ମେଣ୍ଟାହାଚେ □”

* ୨:୧୪ ୨:୧୪ ମାତିୟୁ

୬ ସାମା ଏମ୍ବାଆଁ ମାତି ଏଚେକା ମେରା ଜାପ୍‌ନାରି କୁଗାନା ତାମି ମନତା ଅଣ୍‌ପିହୁଁ କାତାବାର୍ତା ଆହିମାଚେରି,

୭ “ଇଞ୍ଜାସି ଏନାଆଁତାକି ଏଲେଇଞ୍ଜି ମାନେସି ? ଇଞ୍ଜାସି ମାହାପୁରୁଇଁ ନିନ୍ଦା କିହିମାନେସି; ମାହାପୁରୁ ପିସ୍‌ପେ ଆମ୍ବାଆସି ପାପୁ ମ୍ଲେକ୍‌ହାଲି ଆଡ଼ିନେସି ?”

୮ ଏଞ୍ଜାରି ମନତା ଇଲେକ୍‌ ଅଣ୍‌ପିମାନାଣି ଜୀସୁ ଦେବୁଣିଏ ଜୀସୁତା ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ମୀରୁ ମୀ ମନ ବିଡ଼ା ଏନାଆଁତାକି ଇଲେକ୍‌ ଅଣ୍‌ପିମାଞ୍ଜେରି ?

୯ ଏନାଆଁ ଇନାୟି ଡସାସା ? ଏ କାଜା ରଗ ଗାଟାଣାଇଁ ‘ନୀ ପାପୁ ମେଣ୍ଟାଚେ ଇନାୟି କି ନିଙ୍ଗାମୁ ନୀ କାଚେଲି ଡେକାନା ତାକାମୁ ଇନାୟି ଡସାସା ?’

୧୦ ସାମା ଦାର୍‌ତିତା ପାପୁ ମ୍ଲେକ୍‌ହାଲି ମାଣ୍‌ସି ମୀରୁଏଣା ଅଦିକାରା ମାନେ, ଏଦାଆଁ ନୀଏ ମୀରୁ ପୁଞ୍ଜାଲି ଆଡ଼ିଦେରି □” ଏଦାଆଁତାକି ଏ ଟଟ ଖାୟିତାଣାଇଁ ଏଲେଇଚେସି,

୧୧ “ନାନୁ ନିଙ୍ଗେ ଝେସିମାଞ୍ଜାଇଁ ନିଙ୍ଗାନା ନୀ କାଚେଲି ଡେକାନା ନୀ ଇଜ ହାଲାମୁ □”

୧୨ ଏଚେଟିଏ ଏଞ୍ଜାସି ଦେବୁଣିଏ ନିଙ୍ଗାନା କାଚେଲି ଡେକାନା ବାରେଜାଣା ନକିଟି ହଡ଼ାହାଚେସି; ଏଚେଟିଏ ବାରେଜାଣା କାବାଆହାନା ମାହାପୁରୁଡି ଜହରା କିହି ଏଲେଇଚେରି, “ମାମୁ ଇଲେଡି କାବାଆନି କାମା ଏଚେଲା ଜିକେଏ ମେସାହିଲାଆଡମି □”

ଜୀସୁ ଲେବିଇଁ (ମାତିୟୁ) ହାଡ଼ିନାୟି
(ମାତି ୯:୯-୧୩; ଲୁକ ୫:୨୭-୩୨)

୧୩ ଜୀସୁ ଅଡେ ଝେଣ୍ଡେ ସାମ୍‌ଦୁରି ଗାଟୁତା ହାଚେସି, ଇଞ୍ଜା ଲକୁ ଏଞ୍ଜାଣି ତାଣା ଖାହାଲିଏ, ଏଞ୍ଜାରାଇଁ ଜାପ୍‌ହାଲି ମାଟ୍‌ହେସି □

୧୪ ଅଡେ ଜିରୁଟି ହାଜି ହାଜିହୁଁ ଜୀସୁ ଆଲେପି ମୀରୁଏସି ଲେବିଇଁ* ସିସୁ ରାହୁନି ତାଣା କୁଗାମାନାଣି ମେସ୍‌ସେସି, ଇଞ୍ଜା ଏଞ୍ଜାଣାଇଁ ଏଲେଇଚେସି, “ନା ଜେଚ ଖାମୁ” ଏଚେଟିଏ ଲେବି ନିଙ୍ଗାନା ଏଞ୍ଜାଣି ଜେଚ ହାଚେସି □

୧୫ ଅଡେ ଜୀସୁ ଲେବି ଇଜ ରାନ୍ଦା ତିଞ୍ଜାଲି କୁଗାମାଚାଟି ହାଡେକା ସିସୁ ରାହୁନାରି ଇଞ୍ଜା ପାପୁ ଗାଟାରି ତାମି ସୀସୁୟାଁ ତଲେ କୁରିତେରି; ଇଡିହୁଁ ଏଞ୍ଜାରି ହାଡେକା ମାଚେରି ଇଞ୍ଜା ଏଞ୍ଜାଣି ଜେଚ ହାଜିମାଚେରି □

୧୬ ଜୀସୁ ପାପୁ ଗାଟାରି ଇଞ୍ଜା ସିସୁ ରାହୁନାରି ତଲେ ତିଞ୍ଜି ମାନେସି, ଇଦାଆଁ ମେସାନା ପାରୁସି ଗଚିଡି ମେରାପୁନାରି ତାମି ସୀସୁୟାଁଣି ଏଲେଇଚେରି, “ଏଞ୍ଜାସି ଏନାଆଁତାକି ପାପୁ ଗାଟାରି ଅଡେ ସିସୁ ରାହୁନାରି ତଲେ ରାନ୍ଦା ତିଞ୍ଜି ମାନେସି ?”

୧୭ ଜୀସୁ ଇ କାତା ଝେଞ୍ଜାନା ଏଞ୍ଜାରାଇଁ ଏଲେଇଚେସି, “ନେହୁଁ ଲକୁତାକି ଅସଗୁରୁ ଲଡ଼ା ହିଲେଏ, ସାମା ରଗ

ଗାଟାରାକି ଲଡ଼ାମାନେ; ନାନୁ ଦାମ୍ନୁ ଲକୁତାକି ଖାହାହିଲଅଁ
ସାମା ପାପୁ ଗାଟାରାକି ଖାହାମାଇଁ □”

ଉପାସା କିନାଣି ଝେହ୍ନାୟି
(ମାତି ୯:୧୪-୧୭; ଲୁକ ୫:୩୩-୩୯)

୧୮ ଜହନତି ସୀସୁୟାଁ ଇଞ୍ଜାଁ ପାରୁସିୟାଁ ଉପାସା
କିହିମାଟାଟି, ଏତେକା ଲକୁ ଜୀସୁ ତାଣା ଖାହାନା
ଏଲେଇଚେରି, “ଜହନତି ସୀସୁୟାଁ ଇଞ୍ଜାଁ ପାରୁସିୟାଁତି
ସୀସୁୟାଁ ଉପାସା କିନେରି, ସାମା ନୀ ସୀସୁୟାଁ ଏନାଆଁତାକି
ଉପାସା କିଅରି ?”

୧୯ ଜୀସୁ ଏଞ୍ଜାରାଇଁ ଏଲେଇଚେସି, “ବୀହା ଲକୁତଲେ
ବୀହା ହନେଏସି ମାନି ପାତେକା ବୀହା ଲକୁ ହାକିଟି
ମାଞ୍ଜାଲି ଆଡ଼ିନେରିକି ? ବୀହା ହନେଏସି ଏଞ୍ଜାରିତଲେ
ମାନି ପାତେକା ଏଞ୍ଜାରି ଉପାସା କିଅରି □

୨୦ ସାମା ଦିନା ଖାନ୍ତେ ଏଚିବେଲା ଏଞ୍ଜାରି ତାଣାଟି
ବୀହା ହନେଏଶାଇଁ ହପ୍ତାହା ଅଡ଼ିସାରେ ଏଚିବେଲା ଏଞ୍ଜାରି
ଉପାସା କିନେରି □”

୨୧ “ଆମ୍ବାଆସି ପୁଃଈ ହିମ୍ବୁରିତା ପୁଃନି ପାସକି ତାଟୁଅସି;
ତାଟିସାରେ ପୁଃଈ ହିମ୍ବୁରିତି ପୁଃନି ପାସକି ମୁଦା ଆହାଁ ଗାଡ଼ି
ଗେଞ୍ଜିକିନେ □

୨୨ ଆମ୍ବାଆସି ପୁଃନି ଅଞ୍ଜୁରି ରାସା ପୁଃଈ ତ:କାତା†
ଇଟଅସି; ଇଟିସାରେ ତ:କା ଡାୟାହାନେ, ଇଞ୍ଜାଁ ଅଞ୍ଜୁରି
ରାସା ଅଡ଼େ ତ:କା ରିଣ୍ଡିଞ୍ଜା ନସ୍ତୁ ଆନୁ, ଏନାଆଁତାକି ପୁଃନି
ଅଞ୍ଜୁରି ରାସା ପୁଃନି ତ:କାତା ଇଟିନାୟି ମାନେ □”

ଜମିନି ଦିନାତି କାତା ଝେହ୍ନାୟି
(ମାତି ୧୨:୧-୮; ଲୁକ ୬:୧-୫)

୨୩ ର ପାଲି ଜୀସୁ ଜମିନି ଦିନା ତାନି ସୀସୁୟାଁ ତଲେ ଗହଁ
ଗୁଡ଼ିୟାଟି ହାଜିମାଚେସି, ତାନି ସୀସୁୟାଁ ହାଜି ହାଜିହଁ
ଗହଁୟାଁ ଜେକା ତାପହାଲି ମାଟ୍‌ହେରି □

୨୪ ଏମ୍ବାଟିଏ ପାରୁସିୟାଁ ଜୀସୁଇଁ ଏଲେଇଚେରି,
“ମେହ୍‌ମୁ ଜମିନି ଦିନାତା ଏନାଆଁ କିନାୟି ମେରା ହିଲେଏ,
ନୀ ସୀସୁୟାଁ ଏନାଆଁତାକି କିହିମାନେରି ?”

୨୫ ଜୀସୁ ଏଞ୍ଜାରାଇଁ ଏଲେଇଚେସି, “ଦାଞ୍ଜୁଦ
ଅଡ଼େ ତାନି ତଃସିଙ୍ଗା ହାକି ଆହାମାଟାଟି ଏଞ୍ଜାରି
ଏନାଆଁ କିହିମାଚେରି, ଏନାଆଁ ମୀରୁ ଏଚେଲା ପଡ଼଼ି
ଆହାହିଲଅଡେରି,

୨୬ ଅବିୟତର କାଜା ପୂଜେରା ମାଟିବେଲାତା ଏଞ୍ଜାସି
ଏନିକଁ ମାହାପୁରୁ ଇଲୁତା ହଡ଼ାନା ଆମିନି ମାହାପୁରୁକି
ହେରପିତି ରୁଟି କାଜା ପୂଜେରାଙ୍ଗା ପିସ୍‌ପେ ଆମ୍ବାଆରି
ତିନାଆଗାଟି ମେରା ମାଚେ, ସାମା ଏନାଆଁ ଦାଞ୍ଜୁଦ ତିଞ୍ଜା
ମାଚେସି ଇଞ୍ଜାଁ ତାନି ଆଟ୍‌ହି ତାରାକି ଜିକେଏ ତିଞ୍ଜାଲି
ହାହାମାଚେସି □”

୨୭ ତାୟୁ ଜୀସୁ ଏଞ୍ଜାରାଇଁ ଏଲେଇଚେସି, “ଜମିନି ଦିନା
ମାଣ୍‌ସିତାକି ଆହାମାନେ; ସାମା ମାଣ୍‌ସି ଜମିନି ଦିନାତାକି
ଆହାହିଲଅସି □”

୨୮ ଏନାଆଁତାକି ମାଣ୍‌ସି ମୀରୁଏସି ଜମିନି ଦିନାତି ପ୍ରବୁ
ଆଚେସି □

୩

ଖାୟିତି କେୟୁଗାଟାସି ନେହଁ ଆନାୟି
(ମାତି ୧୨:୯-୧୪; ଲୁକ ୬:୬-୧୧)

୧ ଜୀସୁ ଅଡ଼େ ଝେଣ୍ଡେ ଜୀହୁଦି ଲକୁଡି କୁଟମି ଇଲୁତା*
ହାଚେସି, ଏମ୍ବାଆଁ ରଅସି ମାଚେସି, ଏଞ୍ଜାଣି ର କେୟୁ
ଖାୟାହାଜାମାଚେ □

୨ ଜୀସୁ ଏଞ୍ଜାଣାଇଁ ଜମିନି ଦିନାତା ନେହଁ କିନେସିକି
ଆଏ, ଏଞ୍ଜାଣି କପାଟି ଦହ୍ ଦସାଲିତାକି ଗୁରି କିହିନା
ସିନିକିହିମାଚେରି □

୩ ଏମ୍ବାଟିଏ ଜୀସୁ ଆମିନି ଲକୁଡି କେୟୁ
ଖାୟାହାଜାମାଚେ, ଏଞ୍ଜାଣାଇଁ ଜୀସୁ ଏଲେଇଚେସି, “ଞ୍ଜାମୁ
ମାତି ନିମୁ □”

୪ ଇଞ୍ଜାଁ ଜୀସୁ ଏଞ୍ଜାରାଇଁ ଏଲେଇଚେସି, “ଜମିନି
ଦିନାତା ଏନାଆଁ କିନାୟି ମେରା ମାନେ ? ନେହଁ କିନାୟି
କି ଲାଗେଏ କିନାୟି ? ଜୀଞ୍ଜୁତି ଗେଲ୍‌ପିନାୟି କି ନାସା
କିନାୟି ?” ସାମା ଏଞ୍ଜାରି ଝେଣ୍ଡେ ହାଡ଼ା ଆୟାଲି
ଆଡ଼ାଆଚେରି □

୫ ଏମ୍ବାଟିଏ ଜୀସୁ ଏଞ୍ଜାରି ଆଟ୍‌ଞ୍ଜା ହିୟାଁତି ମେସାନା ଦୁକୁ
ଆଡେସି, ଇଞ୍ଜାଁ କପାଟି ସାରିଞ୍ଜାକି ଏଞ୍ଜାରାଇଁ ସିନିକିହିନା
ଏଲେଇଚେସି, “କେୟୁ ଲାକ ଦାହ୍‌ମୁ” ଏଞ୍ଜାସି ତାନି କେୟୁ
ଦାସ୍‌ପିଏ ଏଡ଼ି ନେହଁ ଆହାହାଚେ □

୬ ଏଚେଟିଏ ପାରୁସିୟାଁ ହଡ଼ା ହାଜାନା ଜୀସୁଇଁ ପାୟାଲି
ତାକି ହେରଦ ଗଟିତି ଲକୁତଲେ କାଲ୍‌ହାନା କାତା
ଆଡେରି □

ସାମ୍‌ଦୁରି ଗାଟୁତା ମାୟା ଲକୁ
(ମାତି ୪:୨୫; ମାର୍କ ୪:୧; ଲୁକ ୫:୧-୩)

୭ ଜୀସୁ ଅଡ଼େ ତାନି ସୀସୁୟାଁ ଗାଲିଲି ସାମ୍‌ଦୁରି ଗାଟୁତା
ହାଚେରି, ଇଞ୍ଜାଁ ହାଚେରକା ଲକୁ ଏଞ୍ଜାଣି ଜେଟ ହାଚେରି;
ଏଞ୍ଜାରି ଜୀହୁଦା,

୮ ଗାଲିଲି, ଜିରୁସାଲମ, ଇଦମ, ଜର୍ଦନ ଅରଞ୍ଜାକି, ସର
ଅଡ଼େ ସିଦନ ଗାଡ଼ା ଖାକିତି ଲକୁ ତାନି ବାରେ କିତି କାମାତି
କାତା ଝେଞ୍ଜାନା ତାନି ତାଣା ଖାଡେରି □

୯ ଏମ୍ବାଆଁ ଇଚେକା ମାୟା ଲକୁ ଆଡେରି ଏ ମାୟା
ଏନିକଁ ଏଞ୍ଜାଣିଲାକ ଝିହ୍‌ଅରି, ଏନାଆଁତାକି ଏଞ୍ଜାସି ତାନି
ସୀସୁୟାଁଣି ତାଙ୍ଗେତାକି ର ଡ଼ଣା ତଂଗ ପାରା ଇଟାଲି
ଝେସ୍‌ସି;

୧୦ ଏଞ୍ଜାସି ହାଚେରକା ଲକୁଣି ନେହଁ କିହିମାଟାକି ରଗୁ
ଗାଟାରି ବାରେ ଏଞ୍ଜାଣାଇଁ ତୀଗାଲି ଏଞ୍ଜାଣି ମୁହେଁ ମୁହେଁ
ଆହିମାଚେରି □

† ୨:୨୨ ୨:୨୨ ତଲୁ ତଲେ କେପିତି ଅଞ୍ଜୁରି ରାସା ଇଟିନି ବାସ୍ତା ରୁପୁ * ୩:୧ ୩:୧ ସିନଗର ଷ ୩:୯ ୩:୯ ମାର୍କ ୪:୧; ଲୁକ ୫:୧-୩

୧୧ ଇଞ୍ଜା ପଲ୍ଲଆ ବୃତ୍ତୁୟା ଆସାମାନାରି ଏଞ୍ଜାଣାଇଁ ମେସପନିଏ, ଏଞ୍ଜାଣି ନକିତା ରିହାନା କାଲୁଓ ଆହିଁ ଏଲେଇଞ୍ଜି ମାଚେରି, “ନାନୁଏ ମାହାପୁରୁ ମୀର୍ବଣାତି □”

୧୨ ଏଞ୍ଜାସି ଆମ୍ବାଆସି ଇ କାତା ଆମ୍ବାଆରାଇଁ ଖେହୁଆଦୁ ଇଞ୍ଜିଁ ଜୀସୁ ପଲ୍ଲଆ ବୃତ୍ତୁୟାଁ ଦାକା ହାହାନା ହୁକୁମି ହୀତେସି □

ଜୀସୁ ବାରଜାଣା ସୀସୁୟାଣି ଆଡିନାୟି
(ମାତି ୧୦:୧-୪; ଲୁକ ୬:୧୨-୧୬)

୧୩ ଜୀସୁ ହରୁ ଲାକ ହାଜାନା ଆମିନି ଗାଗରାଇଁ ମନ କିତେସି ଏଞ୍ଜାରାଇଁ ତାଗେ ହାଡିତେସି, ଇଞ୍ଜା ଏଞ୍ଜାରି ତାଗେ ଖାଡେତରି □

୧୪ ଇଞ୍ଜା ଏଞ୍ଜାସି ବାରଜାଣାତି ଆଚାନା ପାଶୁଓ ଆଡାରି ଇଞ୍ଜାନା, ଏଞ୍ଜାରାଇଁ ଏଲେଇଚେସି, “ନା ତଲେ ଡୟାଲି ନାନୁ ମିଜେ ଆଚାମାଞ୍ଜାଇଁ, ଇଞ୍ଜା ଖେକହାଲି ପାଶୁାଇଁ □

୧୫ ଇଞ୍ଜା ମୀରୁ ବୃତ୍ତୁୟାଁ ପେର୍ହାଲି ଜିକେଏ ଅଦିକାରା ବେଟାଆଡେରି □”

୧୬ ଜୀସୁ ଇ ବାରଜାଣାତି ଆଡିତେସି, ଏଞ୍ଜାରି ଆଡେତରି ସିମନ ଆମ୍ବାଆରାଇଁ ଜୀସୁ ପିତର ଇଞ୍ଜିଁ ଇଚିତେସି;

୧୭ ଜେବଦି ରୀ ମୀରକା ଜାକୁବ ଅଡେ ତାନି ତାୟି ଜହନ ଆମ୍ବାଆରାଇଁ ବିନେରିଗସ୍ ଇଚିହିଁ ଗୁଣ୍ଡିମାନି ହାଗୁଡି ମୀରକା ଇଞ୍ଜିହିଁ ଦରୁ ଇଚିତେସି;

୧୮ ଆନ୍ଦିୟ, ପିଲିପ, ବାର୍ତଲମି, ମାତିୟୁ, ତମା, ଆଲେପି ମୀର୍ବଣସି ଜାକୁବ, ଡଦିୟ, ଦେସାତି ଜୀସୁ ନଡି ସିମନ,

୧୯ ଅଡେ ଇସ୍ପାରିୟତ ଜୀହୁଦା, ଆମ୍ବାଆସି ଜୀସୁଇଁ ସାତୁୟାଁ କେୟୁତା ହେର୍ପିତେସି □

ଜୀସୁ ଅଡେ ବାଲ୍‌ଜିବୁଲ୍
(ମାତି ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ତାୟୁ ଜୀସୁ ଇଜ ଖାଡେସି; ଅଡେ ଖେଣ୍ଡେ ଇଚେକା ଲକୁ ରୁଣ୍ଡା ଆଡେତରି ଜୀସୁ ଇଞ୍ଜାଁ ତାନି ସୀସୁୟାଁକି ତିଞ୍ଜାଲି ଜିକେଏ ଆଆଡେ □

୨୧ “ଜୀସୁ ବାୟା ଆଡେସି” ଇଞ୍ଜିଁ ଲକୁ ଏଲେଇନାଣି ଖେଞ୍ଜାନା ତାନି କୁଟମି ଜୀସୁଇଁ ଅହାଲି ଖାଡେତରି □

୨୨ ଅଡେ ଜିରୁସାଲମଟି ଖାହାମାନି ମେରାପୁନାରି ଏଲେଇଚେରି, “ଇଞ୍ଜାଣାଇଁ ବାଲ୍‌ଜିବୁଲ୍ ବୃତ୍ତୁ ଆଲଗାମାନେ, ଲାକା ଇଞ୍ଜାସି ବୃତ୍ତୁୟାଣି ପିସପି କିହିମାନେସି □”

୨୩ ଏମ୍ବାଟିଏ ଜୀସୁ ଏଞ୍ଜାରାଇଁ ତାଗେ ହାଚାନା ପୁଣ୍ଡିକିନି କାତାତଲେ ଖେସ୍ତେସି, “ସୟତାନ ଏନିକିଁ ସୟତାନଇଁ ପେର୍ହାଲି ଆଡିନେ ?

୨୪ ର ରାଜି ବାଗା ଆହାନା ତାନି କପାଟି ନିଜିନେ, ଇଚିହିଁ ଏ ରାଜି ଅଡେ ତାରିତଲେ ଡୟାଲି ଆଡେଏ □

୨୫ ଇଞ୍ଜା ର ଇଲୁ କୁଟମିତାରି ବାଗା ଆହାନା ତାମ୍ବୁ ତାମି କପାଟି ନିଜିନେରି ଇଚିହିଁ ଏ ଇଲୁତାରି ତାରିତଲେ ଡୟାଲି ଆଡେଅରି □

୨୬ ଏଲେକିହିଁଏ ସୟତାନ ବାଗା ଆହାନା ତାନି କପାଟି ନିଜାମାନେ, ଆତିହିଁ ଏଡି ଅଡେ ତାରିତଲେ ଡୟାଲି ଆଡେଏ, ସାମା ଏଡାନି ବାରେ ନାସା ଆହିମାନେ □”

୨୭ “ସାମା ଆମ୍ବାଆସି ନକେଏ ବାଡୁୟୁ ଗାଗାଣାଇଁ ଦହୁଆତିହିଁ ତାନି ଇଜ ହତାନା ତାନି ଇଜତି ଆସି ସରୁ କିହାଲି ଆଡେଅସି; ଏଞ୍ଜାଣାଇଁ ତଲିଏ ଦସିହିଁ ଦେ ଏଞ୍ଜାସି ଏଞ୍ଜାଣି ଇଜତାଣି ସରୁ କିନେସି □”

୨୮ “ନାନୁ ମିଜା ସାତା ଖେସିମାଞ୍ଜାଇଁ, ଲକୁତି ବାରେ ପାପୁ ଇଞ୍ଜା ଏଞ୍ଜାରି ଏଚେକା ନିନ୍ଦା କାତାତଲେ ମାହାପୁରୁ ନିନ୍ଦା କିନେରି ଏ ବାରେ ପାପୁ ମେଣ୍ଡିଜିନେ □

୨୯ *ସାମା ଆମ୍ବାଆସି ସୁଦୁଜୀସୁ କପାଟି ନିନ୍ଦା କାତା ଜଲିନେସି, ଏଞ୍ଜାଣି ଆମିନି କାଲାତା ଜିକେଏ ଦହୁ ମେଣ୍ଡିଜେଏ, ସାମା ଏଞ୍ଜାସି କାଲାକାଲାତି ପାପୁତି ଦହୁଗାଟାସି ଆନେସି □”

୩୦ ଜୀସୁଇଁ ବୃତ୍ତୁ ଆଲଗାମାନେ ଇଞ୍ଜିଁ ଏଚେକା ଲକୁ ଏଲେଇଞ୍ଜାଲିଏ ଜୀସୁ ଇ କାତା ଖେସ୍ତେସି □

ଜୀସୁତି ଇୟା ଅଡେ ତାୟିୟାଁ
(ମାତି ୧୨:୪୬-୫୦; ଲୁକ ୮:୧୯-୨୧)

୩୧ ଏଚିବେଲା ଜୀସୁତି ଇୟା ଅଡେ ତାୟିୟାଁ ଖାହାନା ଇଲୁ ପାଞ୍ଜାତା ନିତାନା ଜୀସୁଇଁ ହାଟି କିତେରି □

୩୨ ଏମ୍ବାଟିଏ ସାରିଞ୍ଜାକି କୁଗାମାଟି ଲକୁ ଏଲେଇଚେରି, “ମେହ୍‌ମୁ ମୀ ଇୟା, ତାୟିୟାଁ ଅଡେ ତାଜିସ୍ତା ପାଞ୍ଜାତା ନିତାନା ନିଜେ ପାରିମାଞ୍ଜାନେରି □”

୩୩ ଜୀସୁ ଏଞ୍ଜାରାଇଁ ଏଲେଇଚେସି, “ନା ଇୟା ଇଞ୍ଜାଁ ନା ତାୟି ତାଜିସ୍ତା ଆମ୍ବାଆସି ?”

୩୪ ଇଞ୍ଜା ଏଞ୍ଜାସି ତାନି ସାରିଞ୍ଜାକି କୁଗାମାନି ଲକୁଣି ସିନିକିହାନା ଏଲେଇଚେସି, “ମେହ୍‌ଦୁ ନା ଇୟା ଅଡେ ନା ତାୟି ତାଜିସ୍ତା □

୩୫ ଆମ୍ବାଆସି ମାହାପୁରୁତି କାତା ଆହ୍‌ନେସି ଏଞ୍ଜାସିଦେଁ ନା ତାୟି, ତାଜି ଅଡେ ନା ଇୟା □”



ବିଚା ମାଟିନାଣି ପୁଣ୍ଡିକିନି କାତା
(ମାତି ୧୩:୧-୯; ଲୁକ ୮:୪-୮)

୧ *ଜୀସୁ ଗାଲିଲି ସାମ୍‌ଦୁରି ଗାଟୁତା ଅଡେ ଖେଣ୍ଡେ ଜାପ୍‌ହାଲି ମାଟ୍‌ହେସି, ଅଡେ ହାରେକା ଲକୁ ଏଞ୍ଜାଣି ତାଣା ରୁଣ୍ଡା ଆଡେତରି ଇଞ୍ଜାଁ ଜୀସୁ ସାମ୍‌ଦୁରିତା ମାନି ର ତ୍‌ଗତା ହାଜାନା କୁଗିତେସି ଇଞ୍ଜାଁ ଲକୁ ସାମ୍‌ଦୁରି ଗାଟୁତା ନିଚାମାଚେରି □

୨ ଏମ୍ବାଟିଏ ଜୀସୁ ଏଞ୍ଜାରାଇଁ ହାରେକା ପୁଣ୍ଡିକିନି କାତା ଜାପ୍‌ହିହିଁ ଏଲେଇଚେସି □

* ୩:୨୯ ୩:୨୯ ଲୁକ ୧୨:୧୦ ✦ ୪:୧ ୪:୧ ଲୁକ ୫:୧-୩

୩ “ଝେଞ୍ଜୁ, ମେହଦୁ ର ବିଚା ମାଟିନାସି ବିଚା ମାଟାଲି ହତେସି □

୪ ଇଞ୍ଜା ଏଝାସି ମାଟିମାଟାଟି କଚେକା ବିଚା ଜିରୁତା ରାତେ, ଇଞ୍ଜା ପଟାୟାଁ ଝାହାନା ଏ ପାଡ଼େୟି ପେରହା ତିରୁ □

୫ ଅଡ଼େ କଚେକା ବିଚା ଇଚାୟି ଇରଥା ମାନି ଝାଲକା ଲାକ ରାତେ, ଇଞ୍ଜା ଉଶା ଇରଥା ମାଟାକି ଗାଡ଼େକେଏ ନେୟିତେ,

୬ ସାମା ଝେଡ଼ା ଆଡ଼ାଲିଏ ନେୟାଁ ମାଟାୟି ଝେହା ହାଚେ ଇଞ୍ଜା ହୀରୁ ଜୀଆତାକି ଝାୟାନା ହାହାହାଚେ □

୭ ଅଡ଼େ କଚେକା ବିଚା ହାପକା ବୁଟାତା ରାତେ, ଇଞ୍ଜା ହାପକା ବୁଟା ପାତାଆହାନା ଆନା ତାକିତି ପୁକହାତୁସ୍ତେ ଇଞ୍ଜା ପାଡ଼େୟି ଆୟାଆତେ □

୮ ଅଡ଼େ କଚେକା ବିଚା ନେହୁଁ ବୁମିତା ରାତେ, ଏଡ଼ି ନେୟାହାଁ ପାତାଆହାନା, କଡ଼େଦସ, ତାନିକଡ଼ି, ପାସାକଡ଼ି ପାଡ଼େୟି କାମ୍ବିତେ □”

୯ ଅଡ଼େ ଏଝାସି ଏଲେଇଚେସି, “ଝେଞ୍ଜାଲି ଆମ୍ବାଆରାକି କୀର୍କା ମାନୁ ଏଝାସି ଝେଶ୍ମାସି □”

ପୁଶ୍ମିକିନି କାତାତି ଝେହନାୟି

(ମାତି ୧୩:୧୦-୧୭; ଲୁକ ୮:୯-୧୦)

୧୦ ଜୀସୁ ରଅସିଏ ମାଟାଟି ତାନି ତଲେତି ଏଚରଜାଣା ଇଞ୍ଜା ବାରଜାଣା ସୀସୁୟାଁ ତଲେ ଏ ପୁଶ୍ମିକିନି କାତା ଏନାୟି ଇଞ୍ଜୁଁ ଝେଚେରି □

୧୧ ଏମ୍ବାଟିଏ ଏଝାସି ଏଝାରାଇଁ ଏଲେଇଚେସି, ମାହାପୁରୁ ରାଜିତି ତରୁମାନାଣି ପୁଞ୍ଜାଲି ମିଙ୍ଗେ ବାଡ଼ୁୟୁ ହାପକି ଆହାମାନେ, ସାମା ପାଙ୍ଗାତି ବାରେ ଲକୁତାକି ଇ ପୁଶ୍ମିକିନି କାତାତଲେ ଝେସ୍ପି ଆହିମାନେ,

୧୨ ଏନିକିଁ,
“ଏଝାରି ମେସି ମେସିହୁଁ,
ମେହଅରି;

ଇଞ୍ଜା ଝେଞ୍ଜୁଝେଞ୍ଜୁହୁଁ,
ତେଲହଅରି,

ଏଝାରି ମାହାପୁରୁ ତାଣା ଝେଶ୍ମା ଝାଡ଼ିହୁଁମା,
ପାପୁଟି ପିସ୍ପି ଆଡ଼େରିମା □”

ବିଚା ମାଟିନି କାତା ପୁଶ୍ମିକିନାୟି

(ମାତି ୧୩:୧୮-୨୩; ଲୁକ ୮:୧୧-୧୫)

୧୩ ଜୀସୁ ଅଡ଼େ ଝେଶ୍ମେ ଏଝାରାଇଁ ଏଲେଇଚେସି, “ମୀରୁ ଇ ପୁଶ୍ମି କିନାଣି ପୁଞ୍ଜି ହିଲଅତେରି ? ଆତିହୁଁ ନା ପୁଶ୍ମିକିନି କାତା ଏନିକିଁ ପୁଞ୍ଜେରି ?

୧୪ ଆମ୍ବାଆସି ମାହାପୁରୁ ବଲୁ ଝେହନାସି ଏଝାସି ବିଚା ମାଟିନାସି □

୧୫ ଆମିନି ଗାଟାରି ଝେନେରି, ଇଞ୍ଜା ଝେଟି ଦେବୁଣିଏ ସୟତାନ ଝାହାନା ଏଝାରିତାଣା ଝେଶ୍ମି ଆହାମାନି ବଲୁ

ମୀଞ୍ଜାଅନେ, ଏଝାରି ଜିରୁ ଦାରିତା ରିତି ବିଚାଲେହେତାରି □

୧୬ ଏଲେକିହୁଁଏ ଝାଲି ଲାକ ରିହାମାନି ବିଚାଲେହେତାରି, ଏ ବଲୁ ଝେଶ୍ମିନିଏ ରାହାଟି ନାମିନେରି,

୧୭ ସାମା ଏଝାରିତାଣା ହୀରୁ ଜୀଆତାକି ଗାଡ଼େକା ତାକି ତାରି ମାନେରି, ତାୟୁ ମାହାପୁରୁ ବଲୁ ତାକି କସ୍ତ ବାଡ଼ା ଝାଡ଼ିସାରେ ଦେବୁଣିଏ ପିହନେରି, ଏଝାରି ଉଶା ଇରଥା ମାନି ଝାଲକା ଲାକତି ବିଚାଲେହେତାରି □

୧୮ ହାପକା ବୁଟାତା ମାଟିତି ବିଚା ଏଝାରି, ଆମ୍ବାଆରି ବଲୁତି ଝେନେରି,

୧୯ ଦାରତିତି ଅଶ୍ପୁ ଦନତି ବାରେ ଜୁପକା ହଡାନା ଏଝାରାଇଁ ପୁକହାତୁହନେ, ଇଞ୍ଜା ଏଡ଼ି ପାଡ଼େୟି ଆୟାଲି ଆଡ଼େଏ □

୨୦ ଅଡ଼େ ଆମିନି ଗାଟାରି କାତା ଝେନେରି, ଇଞ୍ଜା ନାମିନେରି, ଅଡ଼େ କଡ଼େଦସ, ତାନିକଡ଼ି, ଇଞ୍ଜା ପାସାକଡ଼ି ପାଡ଼େୟି କାମ୍ବିନେରି, ଏଝାରି ନେହୁଁ ବୁମିତା ମାଟିତି ବିଚାଲେହେତାରି □”

ମାଣା ପୁକ୍‌ହି ଦୀଝି

(ଲୁକ ୮:୧୬-୧୮)

୨୧ *ଜୀସୁ ଅଡ଼େ ଝେଶ୍ମେ ଏଝାରାଇଁ ଏଲେଇଚେସି, “ଆମ୍ବାଆସି ଦୀଝି ତ୍ତାସାନା ମାଣା ପୁକ୍‌ହାନା କି କାଚେଲି ତୁଲ ଇଟିନେସି ? ଏଦାଆଁ ଏନାଆଁ ଦୀଝି ସଡ଼ାତା ଇଚଅସି ?

୨୨ *ଇଚିହୁଁ ତଞ୍ଜା ଆଆଗାଟାୟି ଏନାୟି ଜିକେଏ ତରୁନା ତୟେଏ; ଏନାୟି ତରୁନା ଆହାମାନେ, ଏଡ଼ି ତଞ୍ଜାଆହାଲି ତରୁମାନେ □

୨୩ ଇଚିହୁଁ ଆମ୍ବାଆରାକି ଝେଞ୍ଜାଲି କୀର୍କା ମାନୁ ଏଝାସି ଝେଶ୍ମାସି □”

୨୪ *ଜୀସୁ ଅଡ଼େ ଏଲେଇଚେସି, “ଏନାଆଁ ଝେଞ୍ଜି ମାଞ୍ଜେରି ଏ କାତାତା ଜାଗାତା, ଆମିନି ମାଣା ତଲେ ଲାଡ଼ିଦେରି, ଏ ମାଣା ତଲେ ମିଙ୍ଗେ ଲାଡ଼ା ହିୟାନେରି, ଅଡ଼େ ମୀରୁ ହାଡ଼େକା ବେଟାଆଡ଼େରି □

୨୫ *ଇଚିହୁଁ ଆମ୍ବାଆରାକି ମାନେ ଏଝାଣାକି ହାପକି ଆନେ; ଅଡ଼େ ଆମ୍ବାଆରାକି ହିଲେଏ, ଏଝାଣି ତାଣା ଏନାୟି ମାନେ, ଏଦାଆଁ ଜିକେଏ ଏଝାଣି ତାଣାଟି ଅଝିଆନେ □”

ପାତାଆନି ବିଚାତି ପୁଶ୍ମିକିନାୟି

୨୬ ଜୀସୁ ଅଡ଼େ ଏଲେଇଚେସି, “ମାହାପୁରୁ ରାଜି ଇଲେତାୟି, ଏନିକିଁ ର ମାଣସି ବୁମିତା ବିଚା ମାଟିନେସି;

୨୭ ଇଞ୍ଜା ଲାଆଁୟାଁ ଇଦା କିନେସି ଅଡ଼େ ମାଦେନା ତେଃଏଲିନେସି, ଅଡ଼େ ବିଚା ଏନିଆହୁଁ ଗଜା ଆହାଁ ପାତାଆନେ ଏଦାଆଁ ଏଝାସି ପୁନଅସି □

୨୮ ଗହଁ ବୁମିଟି ତାନୁଏ ନେୟିନେ, ତଲିଏ ଆକୁ ଆନେ ତାୟୁ ଜେକୁ ଅଡ଼େ ତାୟୁ ଜେକୁତି ପାଡ଼େୟି ଆନେ □

☆ ୪:୨୧ ୪:୨୧ ମାତି ୫:୧୫; ଲୁକ ୧୧:୩୩ ☆ ୪:୨୨ ୪:୨୨ ମାତି ୧୦:୨୬; ଲୁକ ୧୨:୨ ☆ ୪:୨୪ ୪:୨୪ ମାତି ୭:୨; ଲୁକ ୭:୩୮ ☆ ୪:୨୫ ୪:୨୫ ମାତି ୧୩:୧୨; ୨୫:୨୯; ଲୁକ ୧୯:୨୭

୨୯ ସାମା ଆର୍ନା କାନ୍ଦିସାରେ ମାଟିତାସି ଏ ଆର୍ନାତି କଡ଼ାତଖେଲି ତଲେ ଦାଃଆନେସି □”

ରାୟି ପାଡ଼େୟି କାତା
(ମାତି ୧୩:୩୧-୩୨; ଲୁକ ୧୩:୧୮-୧୯)

୩୦ ଅଡ଼େ ଜୀସୁ ଏଲେଇଚେସି, “ମାର ମାହାପୁରୁ ରାଜି ଏନାଆଁତଲେ ତୁକନାୟି ? ଇଞ୍ଜା ଏନିଲେହେଁତି ପୁଣ୍ଠିକିନି କାତାତଲେ ଖେହ୍ନାୟି ?

୩୧ ଏଦି ର ହାସୁଁ ପାଡ଼େୟି ଲେହେଁ; ବୁମିତା ମାଟିନି ବେଲାତା ଏଦି ଦାରତିତି ବାରେ ପାଡ଼େୟି କିହାଁ ଉଣା,

୩୨ ସାମା ମାଟିତି କେଚ ପାତାଆହାନା ବାରେ କୁଟା କିହାଁ କାଜାୟି ଆନେ, ଇଞ୍ଜା ଏଦାନି କମାୟାଁ ଇଲେକିଁ କାଜାଇ ଆନୁ, ଇଞ୍ଜା ହାଗୁ ଲାକ ଉଦ୍ଦିନି ପଟାୟାଁ ଖାହାନା ଏଦାନି କମାଣାଁ ବଣ ଦସାଁ ବାସାଆନୁ □”

୩୩ ଜୀସୁ ଇଲେକିହଁ ହାରେକା ପୁଣ୍ଠିକିନି କାତା ଖେସିହଁ ଏଞ୍ଜାରି ପୁନିଲେହେକିଁ ମାହାପୁରୁ କାତା ଖେସିମାଚେସି,

୩୪ ଅଡ଼େ ପୁଣ୍ଠିକିନି କାତା ଆଟ୍‌ଆନା ଜୀସୁ ଏନାଆଁଞ୍ଜା ଖେସି ହିଲାଆତେସି, ସାମା ଲକୁ ହିଲାଆ ବେଲାତା ତାମି ସୀସୁୟାଁଣି ବାରେ ପୁଣ୍ଠି କିହିମାଚେସି □

ଜୀସୁ କାଜା ଗାଲିତି ସାପି କିନାୟି
(ମାତି ୮:୨୩-୨୭; ଲୁକ ୮:୨୨-୨୫)

୩୫ ଏ ଦିନା ମିଡ଼ଅଲା ବେଲା ଜୀସୁ ତାମି ସୀସୁୟାଁଇଁ ଏଲେଇଚେସି, “ଞ୍ଜାଦୁ ମାର ସାମ୍‌ଦୁରି ଆତାଲା ହାନ □”

୩୬ ଏମ୍ବାଟିଏ ଏଞ୍ଜାରି ଲକୁଣି ପିସାନା ଏଞ୍ଜାସି ଏନିକିଁ ତଂଗତା ମାଚେସି ଏଲେକିହଁ ଏ ଅଡ଼େରି, ଇଞ୍ଜା ଏମ୍ବାଆଁ ଏଚରଗଟା ତଂଗାୟାଁ ଜିକେଏ ମାରୁ □

୩୭ ଇଞ୍ଜା ଦେବୁଣିଏ ହାରେକା କାଜା ଗାଲି ଆଡେ, ଇଞ୍ଜା ତଂଗ ସାମ୍‌ଦୁରିତି ଗାଲିତାକି ମୁଞ୍ଜାଲି ମାଟ୍‌ହେ □

୩୮ ଏତିବେଲା ଜୀସୁ ତଂଗତି ତାୟୁଞ୍ଜାକି ର ମୁଲାତା ତାର୍‌ପୁ ଆଂଗାନା ଇଦା କିହିମାଚେସି; ଇଞ୍ଜା ସୀସୁୟାଁ ଏଞ୍ଜାଣାଇଁ ନିକ୍‌ହାନା ଏଲେଇଚେରି, “ଏ ଗୁରୁ ମାର ହାନାୟିଦେଁ ନିଜେ ଅଣ୍‌ପୁ ହିଲେଏ କି ?”

୩୯ ଏମ୍ବାଟିଏ ଜୀସୁ ନିଜ୍ଞାନା ଗାଲିତି ଦାକା ହାହାନା ଏଲେଇଚେସି, “ତୁଜ୍ଞାମୁ” ଇଞ୍ଜା ସାମ୍‌ଦୁରିତି ଏଲେଇଚେସି, “ସାପି ଆମୁ” ଏମ୍ବାଟିଏ ଗାଲି ପାଲେଏ ଆଡେ ଇଞ୍ଜା ବାରେ ସୂସି ଆଡେ □

୪୦ ଇଞ୍ଜା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଏନାଆଁତାକି ଇଚେକା ଆଜିମାଞ୍ଜେରି ? ମୀ ନାମୁ ହିଲେଏ କି ?”

୪୧ ଏମ୍ବାଟିଏ ଏଞ୍ଜାରି ହାରେକା ଆଜାନା ତାମୁତାମୁସୁ କାତା ଆଡେରି, “ଇଞ୍ଜାସି ଆମ୍ବାଆସି ? ଗାଲି ଅଡ଼େ ସାମ୍‌ଦୁରି ଜିକେଏ ଇଞ୍ଜାଣି ହାଡ଼ା ମାନୁଞ୍ଜି ଆହିମାନୁ □”



ଜୀସୁ ବୁଡୁୟାଁ ଆଲ୍‌ଗିତାଣାଇଁ ନେହଁକିନାୟି
(ମାତି ୮:୨୮-୩୪; ଲୁକ ୮:୨୬-୩୯)

୧ ତାୟୁ ଜୀସୁ ଅଡ଼େ ସୀସୁୟାଁ ଗାଲିଲି ଆତାଲାତି ଗରାସିୟ* ରାଜିତା ଏଗାହାଚେରି □

୨ ଜୀସୁ ତଂଗତି ରେପନିଏ ର ବୁଡୁ ଆଲ୍‌ଗା ମାଚାସି ମାଡ଼ହା ମୁହ୍‌ନି ଟାୟୁଟି ହଡ଼ାଞ୍ଜାହାନା ଜୀସୁଇଁ ବେଟାଆଡେସି □

୩ ଏଞ୍ଜାସି ମାଡ଼ହା ମୁହ୍‌ନି ଟାୟୁତା ବାସା କିହିମାଚେସି, ଇଞ୍ଜା ଆମ୍ବାଆସି ଜିକେଏ ଏଞ୍ଜାଣାଇଁ ହିକ୍‌ଣିୟାଁ ତଲେ ଦସାଲି ଆଡ଼ିହିଲାଆଡେରି;

୪ ଇଚିହଁ ଏଞ୍ଜାଣାଇଁ ହାରେକା ଦେବା ହିକ୍‌ଣିୟାଁ ତଲେ ଦସାମାଚେରି, ସାମା ଏ ହିକ୍‌ଣିୟାଁ ତାପ୍‌ହାନା କୁଟୁକୁଟା କିଡେସି, ଇଞ୍ଜା ଏଞ୍ଜାଣାଇଁ ଦସା ଇଟାଲି ଆମ୍ବାଆରାକି ଜିକେଏ ବାଡ଼ୁୟୁ ହିଲାଆଡେ □

୫ ଏଞ୍ଜାସି ଲାଆଁୟାଁ ମାଦେନା ବାରେବେଲା ମାଡ଼ହା ମୁହ୍‌ନି ଟାୟୁତା ଅଡ଼େ ହରୁତା ତୁୟାନା କିଡ଼ି ମାଚେସି, ଇଞ୍ଜା ଖାଲ୍‌କାତଲେ କଡ଼ହା କଡ଼ିହଁ ରାଣାରାକା କିହା କଡ଼ିମାଚେସି □

୬ ଏଞ୍ଜାସି ହେକଟିଏ ଜୀସୁଇଁ ମେସାନା ହଟି ହଟିହଁ ଖାହାନା ଏଞ୍ଜାଣି କଡ଼ାଣା ରିହାଁ ଜହରା କିଡେସି,

୭ ଅଡ଼େ କାଜା ଗିୟାଁତଲେ କିଡ଼ିହଁ ଏଲେଇଚେସି, “ଏ ବାଡ଼ୁୟୁଗାଟି ମାହାପୁରୁ ମୀରଏଣାତି ଜୀସୁ, ନୀ ତଲେ ନାଜେ ଏନାୟି ମାଚେ ? ନିଜେ ମାହାପୁରୁ ଦରୁତଲେ ପାରମାଣା କିହିମାଞ୍ଜାଇଁ, ନାଜେ କସୁ ହିୟାଆନି □”

୮ ଏନାଆଁତାକି ଇଚିହଁ ଜୀସୁ ଏଞ୍ଜାଣାଇଁ ଏନାଆଁ ଇଞ୍ଜାଲି ହାଜିମାଚେସି, “ଏ ପଲ୍‌ଆ ବୁଡୁତି ଇଞ୍ଜାଣି ତାଣାଟି ହଡ଼ାହାଲାମୁ □”

୯ ଜୀସୁ ଏଞ୍ଜାଣାଇଁ ଖେଚେସି, “ନୀ ଦରୁ ଏନାୟି ?” ଏଞ୍ଜାସି ଏଲେଇଚେସି, “ନା ଦରୁ ‘ମାନ୍ଦା’ ଇଚିହଁ ମାମୁ ହାରେକା ଜାଣାତମି □”

୧୦ ଇଞ୍ଜା ଜୀସୁ ଏନିକିଁ ଏ ପଲ୍‌ଆ ବୁଡୁୟାଁଣି ଏ ରାଜିଟି ଅର ରାଜିତା ପାଣ୍ଡାସି, ଏଦାଆଁତାକି ଏଞ୍ଜି ଜୀସୁଇଁ ହାରେକା ବାତିମାଲିତୁ □

୧୧ ଏମ୍ବାଆଁ ହରୁ ଦାରିତା ର ମାନ୍ଦା ପାଜିୟାଁ ମେୟିଁମାରୁ □

୧୨ ଅଡ଼େ ଏ ବୁଡୁୟାଁ ବାତିମାଲିହଁ ଏଲେଇଚୁ, “ମାଜେ ଏ ପାଜିୟାଁ ମାନ୍ଦାତା ହଡ଼ାଲି ପାଣ୍ଡାମୁ □”

୧୩ ଏଞ୍ଜାସି ଏଞ୍ଜାରାଇଁ ହୁକୁମି ହାହାଲିଏ, ଏ ପଲ୍‌ଆ ବୁଡୁୟାଁ ଏଞ୍ଜାଣି ତାଣାଟି ହଡ଼ାନା ପାଜିୟାଁ ମାନ୍ଦା ବିଡ଼ା ହରୁ; ଏମ୍ବାଟିଏ ମାନ୍ଦା ପାଜିୟାଁ ତବେ ହଟାନା ତାଗେ ମାଟି ସାମ୍‌ଦୁରିତା ମେଦାନା ହାହାହାରୁ, ବାରେ ରୀ ମାଣା ପାଜିୟାଁ ମାରୁ □

* ୫:୧ ୫:୧ କଚେକା ସାସ୍ତ୍ରେରିତା ଗଦରିୟ ରାସ୍‌କି ଆହାମାନେ

୧୪ ଏ ପାଜିୟାଁ ମେଟିମାଟି ଗଡ଼କା ଗାଡ଼ାତା ଅଡ଼େ ନାସ୍‌କାଣାଁ ଏ କାତା ଖେସ୍‌କା ହାଚେରି; ଏମ୍ବାଟିଏ ଲକୁ ଏନାଆଁ ଆହାମାନେ ଇଞ୍ଜିଁ ସିନିକିହାଲି ଖାଡ଼େତରି □

୧୫ ଅଡ଼େ ଏଞ୍ଜାରି ଜୀସୁ ତାଗେ ଖାହାନା, ଏ ବୃତୁ ଆଲଗା ମାଚାଣାଇଁ ଇଚିହିଁ ଆମ୍ବାଆରାକି ନକେଏ ମାନ୍ଦା ବୃତୁୟାଁ ଆସାମାଚୁ, ଏଞ୍ଜାଣାଇଁ ହିମ୍ବରି ହୁଚାନା ନେହିଁ ମନତଲେ କୁଗାମାଚାଣି ମେସାନା ଆଜିତେରି □

୧୬ ଆମ୍ବାଆରି ମେସାମାଚେରି, ବୃତୁ ଆଲଗା ମାଚାସି ଏନିକିଁ ନେହିଁ ଆଡେସି, ଅଡ଼େ ପାଜିୟାଁ ଏନିକିଁ ନାସା ଆତୁ ଏ ବାରେ ଖେସ୍‌ସେରି □

୧୭ ଏମ୍ବାଟିଏ ଏଞ୍ଜାରି ଜୀସୁଇଁ ତାନି ହାନ୍ଦିଟି ହାଜାଲି ବାଡ଼ିମାଲିତେରି □

୧୮ ତାୟୁ ଜୀସୁ ତଂଗତା ହଟିମାଚାଟି ଆମିନି ଗାଚାଣାକି ବୃତୁ ଆଲଗାମାଚେ, ଏଞ୍ଜାସି ତାନିତଲେ ଡୟାଲି ତାକି ବାଡ଼ିମାଲିତେସି □

୧୯ ସାମା ଜୀସୁ ହେଲ ହାଆନା ଏଞ୍ଜାଣାଇଁ ଏଲେଇଚେସି, “ନୀ ଇଜ ନୀ ଲକୁତାଣା ହାଲମ୍ବୁ, ଇଞ୍ଜାଁ ପ୍ରବୁ ନିଜେତାକି ଏନି କାମା ଅଡ଼େ ନିଜେତାକି ଏମିନି କାମା କିହାମାଞ୍ଜାନେସି, ଏ ବାରେ ଏଞ୍ଜାରାଇଁ ଖେହ୍‌ମୁ □”

୨୦ ଏମ୍ବାଟିଏ ଏଞ୍ଜାସି ହାଜାନା, ଜୀସୁ ଏଞ୍ଜାଣାକି ଏନି କାମା କିହାମାଚେସି, ଏଞ୍ଜାସି ଦେକାପଲିତା† ଖେକ୍‌ହାଲି ମାଚ୍‌ହେସି; ଏମ୍ବାଟିଏ ବାରେଜାଣା କାବା ଆଡେରି □

ଜାୟିରସ ମାକ୍‌ନାଜି ଜୀସୁ ଇଞ୍ଜାଁ ନେତେରି ଖାଜିମାଟି ଇୟା ନେହିଁ ଆନାୟି

(ମାଟି ୯:୧୮-୨୨; ଲୁକ ୮:୪୦-୫୨)

୨୧ ଜୀସୁ ତଂଗଟି ଗାଣ୍ଡାଚାନା ଅରଞ୍ଜାକି ଖେଣ୍ଡେ ଖାଡ଼େସି, ମାନ୍ଦା ଲକୁ ଏଞ୍ଜାଣି ତାଣା ରୁଣ୍ଡା ଆଡେରି; ଇଞ୍ଜାଁ ଏଞ୍ଜାସି ସାମଦୁରି ଗାଚୁତା ଡୟିତେସି □

୨୨ ଏଚିବେଲା ଜୀହୁଦି ଲକୁଡି କୁଚମି ଇଲୁଡିଃ କାଜାରି ବିତ୍ରାଟି ଜାୟିରସ ଦରୁଗାଚାସି ରଅସି ଜୀସୁଇଁ ମେସାନା ଏଞ୍ଜାଣି କତାଣା ରାଡେସି,

୨୩ ଇଞ୍ଜାଁ ହାରେକା ବାଡ଼ିମାଲିହିଁ ଏଲେଇଚେସି, “ନା ମାକ୍‌ନା ହାନ୍ଦିହ୍‌ଗେ ଆହାମାନେ; ଏଦି ଏନିକିଁ ନେହିଁ ଆହାନା ନୀଡନେ, ଏଦାଆଁତାକି ନୀନୁ ଖାହାନା ଏଦାନି ଲାକ କେୟୁ ଇଗାମୁ □”

୨୪ ଏମ୍ବାଟିଏ ଜୀସୁ ଏଞ୍ଜାଣିତଲେ ହାଚେସି, ଇଞ୍ଜାଁ ହାରେକା ଲକୁ ଏଞ୍ଜାଣିତଲେ ହାଜାଲି ମାଚ୍‌ହେରି, ଇଞ୍ଜାଁ ଏଞ୍ଜାଣି ମୁହେଁ ମୁହେଁ ଖିସପି ଆହିମାଚେରି □

୨୫ ଏଚିବେଲାତା ର ଇୟା ବାର ବାର୍ଯା ପାଡେକା ନେତେରି ଖାଜିନି ରଗତା ନେତେରି ତୁଙ୍ଗାଆନା ନେହିଁ ଆହି ହିଲାଆଡେ,

୨୬ ଇଞ୍ଜାଁ ଅସଗୁରୁ ତାଣା ହାଜାନା ଜିକେଏ ହାରେକା ଚାକାୟାଁ କାରୁଁ କିହାମାଚେ, ଅଡ଼େ ଜିକେଏ ନେହିଁ ଆହାହିଲାଆଡେ, ସାମା ହାରେକା କସ୍ତ ବେଗାଆହି ମାଚେ □

୨୭ ଏଦି ଜୀସୁତି କାତା ଖେଞ୍ଜାନା ଲକୁ ମାନ୍ଦାତା ଖାହାନା ତାୟୁ ଖାକିଟି ଏଞ୍ଜାଣି ହିମ୍ବରି ତାଗିତେ;

୨୮ ଇଚିହିଁ ଏଦି ଏଲେ ଇଞ୍ଜିମାଚେ, “ଏଞ୍ଜାଣି ହିମ୍ବରି ତାଗିତିହିଁ ନେହିଁ ଆଇଁ □”

୨୯ ଏ ଦେବୁଣିଏ ଏଦାଣି ନେତେରି ବନାୟି ତୁଙ୍ଗିତେ, ଇଞ୍ଜାଁ ଏଦି ରଗଟି ନେହିଁ ଆହାମାନେ ଏଦାଆଁ ତାନି ଆକ୍‌ମାତା ପୁଞ୍ଜା କଡିତେ □

୩୦ ଦେବୁଣିଏ ଜୀସୁ ତାନି ଆକ୍‌ମାଟି ବାଡ଼ୁୟୁ ହାଚାଣି ହିୟାତା ପୁଞ୍ଜାନା, ଲକୁ ମାନ୍ଦାତା ଖେଣ୍ଡେ ସିନିକିହାନା ଏଲେଇଚେସି, “ଏମ୍ବାଆୟି ନା ହିମ୍ବରି ତାଗାତେ ?”

୩୧ ଏମ୍ବାଟିଏ ତାନି ସୀସୁୟାଁ ଏଲେଇଚେରି, “ନୀନୁତ ମେସିମାଞ୍ଜି ଲକୁ ଏନିକିଁ ନୀ ମୁହେଁ ଆହିମାନେରି, ଅଡ଼େ ଏଲେ ଇଞ୍ଜିମାଞ୍ଜି ଆମ୍ବାଆୟି ନାକ୍‌କେ ତାଗାତେ ?”

୩୨ ସାମା ଏମ୍ବାଆୟି ତାକ୍‌କେ ତାଗିତେ ଏଦାଆଁ ମେସାଲି ଜୀସୁ ସାରିସୁଚୁଁ ସିନିକିତେସି □

୩୩ ଏମ୍ବାଟିଏ ଏ ଇୟା ଖାହାନା ତାକ୍‌କେତାକି ଏନାୟି ଆହାମାନେ ଏଦାଆଁ ପୁଞ୍ଜା ଆଜିତାକି ତୀରଗିହିଁ ଖାହାଁ ତାନି କତାଣା ରିହାନା ବାରେ ସାତା କାତା ଏଞ୍ଜାଣାଇଁ ଖେସ୍‌ସେ □

୩୪ ଏମ୍ବାଟିଏ ଜୀସୁ ଏ ଇୟାନି ଏଲେଇଚେସି, “ଆଲ ମାକ୍‌ନା ନୀ ନାମୁ ନିଜେ ନେହିଁ କିହାମାଞ୍ଜାନେ; ହିଡ଼ଡି ତଲେ ହାଲମ୍ବୁ ଇଞ୍ଜାଁ ନୀ ରଗଟି ନେହିଁ ଆମୁ □”

୩୫ ଜୀସୁ ଇ କାତା ଖେସିମାଚାଟି, ଜୀହୁଦି ଲକୁଡି କୁଚମି ଇଲୁଡି କାଜାଣା ଇଜଟି ରଅସି ଖାହାନା ଏଲେଇଚେସି, “ନୀ ମାକ୍‌ନା ହାଡେୟିଏ ଗୁରୁଇଁ ଅଡ଼େ ଏନାଆଁତାକି କସ୍ତ ହାହିମାଞ୍ଜି ?”

୩୬ ସାମା ଜୀସୁ ଏ କାତା ଖେଞ୍ଜାନା ଖେନାଆଡିଲେହେଁ ଆହାନା ଜାୟିରସଇଁ ଏଲେଇଚେସି, “ଆଜାଆନି ସାମା ନାମାମୁ □”

୩୭ ଅଡ଼େ ଏଞ୍ଜାସି ପିତର, ଜାକୁବ, ଅଡ଼େ ତାନି ତାୟି ଜହନ ପିସପେ ଆମ୍ବାଆରାଇଁ ତାନିତଲେ ଅଆଡେସି □

୩୮ ଏଞ୍ଜାରି ଜାୟିରସ ଇଜ ଏଜାଲିଏ, ଏମ୍ବାଆଁ ହାରେକା କାଲୁଓଁ ଆହିଁ ଡାହିମାନାଣି ମେସେସି,

୩୯ ଇଞ୍ଜାଁ ବିତ୍ରା ହାଜାନା ଏଞ୍ଜାସିକାଣି ଏଲେଇଚେସି, “ଏନାଆଁତାକି କାଲୁଓଁ ଆହିଁ ଡାହି ମାଞ୍ଜେରି, ଇ ପଦା ହାହାହିଲେଏ ସାମା ଇଦା କିହାମାନେ” ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ କାକ୍‌ହେରି □

୪୦ ଏଞ୍ଜାରି ଏଞ୍ଜାଣାଇଁ ଲାଜା କିହାନା କାକ୍‌ହେରି, ସାମା ଏଞ୍ଜାସି ବାରେଡି ପାକ୍‌ମାତା ପାଣ୍ଡାନା ପଦାନି ଇୟା ଆବା ଅଡ଼େ ତାନି ତାନି ଜାଣା ସୀସୁୟାଁ ତଲେ ଏ ପଦା ମାଟି ତାଣା ହାଚେରି,

୪୧ ଇଞ୍ଜାଁ ଏ ପଦାନି କେୟୁ ଆସାନା ଏଦାନି ଏଲେଇଚେସି, “ଟଲିତା କୁମ୍” ଇଚିହିଁ “ଆଲ ମାକ୍‌ନା ନୀନୁ ନିଜେ ଖେସିମାଞ୍ଜାଇଁ ନିକ୍‌ମାମୁ □”

† ୫:୨୦ ୫:୨୦ ଦସଗଟା ନାସ୍‌କା ‡ ୫:୨୨ ୫:୨୨ ସିନଗର

୪୨ ଏ ଦେବୁଣିଏ ପଦା ନିଜ୍ଞାନା ତାକିତେ (ଇଚିହଁ ଏଦି ବାର ବାର୍ଯା ଆହାମାଚେ) ଏମ୍ବାଟିଏ ଏଞ୍ଜାରି ହାରେକା କାବା ଆଡେରି □

୪୩ ଇଞ୍ଜା ଇ କାତା ଏନିକଁ ଆମ୍ବାଆରି ପୁନଅରି, ଏଦାଆଁତାକି ଏଞ୍ଜାସି ଏଞ୍ଜାରାଇଁ ଜାଣ୍ଡେ ହୁକୁମି ହୀତେସି, ଇଞ୍ଜା “ପଦାନାକି ଏନାଆଁ ତିଞ୍ଜାଲି ହୀଦୁ” ଇଚେସି □



ଜୀସୁଇଁ ନାଜରିତତା ଅପାଆଗାଟାୟି
(ମାତି ୧୩:୫୩-୫୮; ଲୁକ ୪:୧୬-୩୦)

୧ ଜୀସୁ ଏ ଗାୟୁ ପିସାନା ତାନୁ ପାତାଆଡି ନାୟୁଁତା ହାଚେସି ଇଞ୍ଜା ତାନି ସୀସୁୟାଁ ତାନି ଜେଚ ହାଚେରି □

୨ ଜମିନି ଦିନା ଖାହାଲିଏ, ଏଞ୍ଜାସି ଜୀହୁଦି ଲକୁଡି କୁଟମି ଇଲୁତା* ଜାପୁହାଲି ମାଟ୍‌ହେସି; ଇଞ୍ଜା ହାରେକା ତାନି କାତା ଖେଞ୍ଜାନା କାବା ଆହାଁ ଏଲେଇଚେରି, “ଇଞ୍ଜାଣାକି ଇ ବାରେ ଏମ୍ବିଟି ଆଡେ ? ଇଞ୍ଜାସି ଇଲେତି ବୁଦି ଏନିକଁ ପୁଚେସି ? ଇଞ୍ଜା ଇଲେତି କାବାଆନି କାମା ଏନି ବାଡୁୟୁ ତଲେ କିହିମାନେସି ?”

୩ ଇଞ୍ଜାସି ଏ ବାଡିୟାଡି ମାର୍‌ଏସି ଆଏକି ? ଇଞ୍ଜାସି ମରିୟମନି ମାର୍‌ଏସି ଇଞ୍ଜା ଜାକୁବ, ଜସି, ଜୀହୁଦା ଇଞ୍ଜା ସିମନତି ତାୟି ଆଏକି ? ଇଞ୍ଜା ତାନି ତାଜିସ୍ତା ଇମ୍ବାଆଁ ମା ତଲେ ହିଲାଡ କି ? ଅଡେ ଏଞ୍ଜାରି ଏଞ୍ଜାଣାଇଁ ଅପାଆଚେରି □

୪ ☆ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ଅଣ୍‌ପୁଡି ବଲୁ ଖେହନାରି ଏଟକା ଲକୁ ତାଣାଟି ମାନି ବେଟାଆନେରି ସାମା ତାନି ନାୟୁଁତି ଲକୁ ଇଞ୍ଜା ତାନି ଇଲୁ କୁଟମିତି ଲକୁ ଏଞ୍ଜାଣାଇଁ ମାନି କିଅରି □”

୫ ଇଞ୍ଜା ଏଚରଜାଣା ରଗ ଗାଟାରାଇଁ କେୟୁ ଇଟାନା ନେହଁ କିନାଣି ପିସପେ ଏ ଗାୟୁତା ଏନି ବାଡୁୟୁଡି କାମା କିହାଲି ଆଡାଆଚେସି □

୬ ଇଞ୍ଜା ଏଞ୍ଜାରି ନାମାଆତାକି ଜୀସୁ ହାରେକା କାବା ଆଡେସି ଏମ୍ବାଟି ବାରେ ନାୟୁକାଣାଁ ହାଜାନା ଜାପୁହେସି □

ଜୀସୁ ବାରଜାଣା ସୀସୁୟାଣି ପାଣ୍ଡିନାୟି
(ମାତି ୧୦:୫-୧୫; ଲୁକ ୯:୧-୬)

୭ ତାୟୁ ଏଞ୍ଜାସି ନାୟୁକା ନାୟୁକାଣାଁ ରେଜି ରେଜିହଁ ଜାପୁହାଲି ମାଟ୍‌ହେସି, ଏମ୍ବାଟିଏ ବାରଜାଣାତି ତାଗେ ହାଟାନା ଏଞ୍ଜାରାଇଁ ରିଆରି ଲାକା କିହାନା ପାଣ୍ଡାଲି ମାଟ୍‌ହେସି ଇଞ୍ଜା ଲାଗେଏ ପଲେଏଡି ଜୀସୁୟାଁ ଲାକ ଏଞ୍ଜାରାକି ଅଦିକାରା ହୀତେସି,

୮ ଅଡେ ହାଜାଲିତାକି ବାଡୁଗା ପିସପେ, ଲହଡ଼ି କି ମଣା କି ଅଟଡିତା ଚାକାୟାଁ ଅଆଦୁ ଇଞ୍ଜା ହୁକୁମି ହୀତେସି;

୯ ସାମା ଏଞ୍ଜାରାଇଁ କତାତା ସେପୁୟାଁ ତୁରହାଲି ଏଲେଇଚେସି, ଇଞ୍ଜା ରୀ ସକାୟାଁ ତୁରହାଲି କାହି କିତେସି □

୧୦ ଇଞ୍ଜା ଜୀସୁ ଏଞ୍ଜାରାଇଁ ଏଲେଇଚେସି, “ମିଙ୍ଗ ଆମିନି ଇଲୁତା ହାଟାନେରି, ଏମ୍ବାଟି ଖେଣ୍ଡା ଖାଆ ପାତେକା ଏମ୍ବାଆଁ ତୟାଦୁ □

୧୧ ☆ସାମା ଆମିନି ଗାୟୁତି ଲକୁ ମିଙ୍ଗ ଆବଅରି, କି ମୀ କାତା ଖେନଅରି, ଏମ୍ବାଟି ଖେଣ୍ଡା ଖାଟାଟି ଏଞ୍ଜାରି ନକିତା ସାକି ହାହାଲି ତାକି ମୀ କତାତି ଦୃଡ଼ି ହାଣ୍ଡୁ □”

୧୨ ଏମ୍ବାଟିଏ ଏଞ୍ଜାରି ରେଜି ରେଜିହଁ ପାପୁ ପିସାନା ମନ ଖେଟ୍‌ନି କାତା ଖେକ୍‌ହେରି,

୧୩ ☆ଇଞ୍ଜା ହାରେକା ବୁଡୁଣି ପିସପି କିତେରି, ଇଞ୍ଜା ହାରେକା ରଗ ଗାଟାରାଇଁ ନିୟୁଁ ରୁବାନା ନେହଁ କିତେରି □

ବାପ୍ତିସ୍ମାଁ ହାନି ଜହନତି ହାନାୟି
(ମାତି ୧୪:୧-୧୨; ଲୁକ ୯:୭-୯)

୧୪ ☆ଏମ୍ବାଟିଏ ଜୀସୁ ଦରୁ ସାରି ଖାକି ଖେଙ୍ଗା ହାଜାଲିଏ ହେରଦ ରାଜା ଏଞ୍ଜାଣି କାତା ଖେଚେସି, ଇଞ୍ଜା ଲକୁ ଏଲେଇଞ୍ଜିମାଚେରି, “ବାପ୍ତିସ୍ମାଁ ହାନି ଜହନ ହାଡାରି ତାଣାଟି ନିଜ୍ଞାନାସି, ଏଦାଆଁତାକି ଇ ବାରେ କାବାଆନି ବାଡୁୟୁଡି କାମା ଏଞ୍ଜାଣି ତାଣା ଆହିମାନେ □”

୧୫ ସାମା ଏଟକାତାରି ଏଲେଇଞ୍ଜିମାଚେରି, “ଇଞ୍ଜାସି ଏଲିୟୁ □”

ଇଞ୍ଜା ଅଡେ ଏଚରଜାଣା ଏଲେଇଞ୍ଜିମାଚେରି, “ମାହାପୁରୁ ଅଣ୍‌ପୁଡି ବଲୁ ଖେହନାରି ଲେହେଁ ଇଞ୍ଜାସି ଜିକେଏ ମାହାପୁରୁ ଅଣ୍‌ପୁଡି ବଲୁ ଖେହନାସି □”

୧୬ ସାମା ହେରଦ ଇଦାଆଁ ଖେଞ୍ଜାନା ଏଲେଇଚେସି, “ଆମିନି ଜହନତି ତାୟୁଁ ନାନୁ ଦାପି କିହାମାଇଁ, ଏଞ୍ଜାସି ନିଜ୍ଞାନାସି □”

୧୭ ☆ଇଚିହଁ ହେରଦ ତାନି ତାୟି ପିଲିପ ତକ୍ତି ହେରଦିୟାନି ବାହା ଆହାମାଚାକି, ଏଦାନି ତାକି ତାନୁ ଲକୁଣି ପାଣ୍ଡାନା ଜହନଇଁ ଦସପା ତାଟାନା କାୟିଦିତା ଇଟାମାଚେସି □

୧୮ ଇଚିହଁ ଜହନ ହେରଦଇଁ ଏଲେଇଞ୍ଜାମାଚେସି, “ନୀ ତାୟି ତକ୍ତିନି ଇଚିନାୟି ନୀ ମେରା ହିଲାଆଚେ □”

୧୯ ଏମ୍ବାଟିଏ ହେରଦିୟା କାରବି ଆହାନା ଜହନଇଁ ପାୟାଲି ମନ କିହିମାଚେ ସାମା ଏଡି ଏନାଆଁ କିହାଲି ଆଡ଼ିହିଲାଆଚେ □

୨୦ ଇଚିହଁ ହେରଦ ଜହନଇଁ ର ଦାମ୍‌ଗାଟାସି ଅଡେ ସୁଦୁଗାଟାସି ଇଞ୍ଜା ଆଜିମାଚେସି, ଇଞ୍ଜା ଏଞ୍ଜାଣାଇଁ ଗେଲ୍‌ପାଲି ଅଣ୍‌ପିମାଚେସି, ଏଞ୍ଜାଣି କାତା ଖେଞ୍ଜାନା ଆଜିତିହଁ ଜିକେଏ ଏଞ୍ଜାଣି କାତା ଖେଞ୍ଜାଲି ମନ କିହିମାଚେସି □

* ୬:୨ ୬:୨ ସିନଗର ☆ ୬:୪ ୬:୪ ଜହ ୪:୪୪ ☆ ୬:୧୧ ୬:୧୧ କାମା ୧୩:୫୧ ☆ ୬:୧୧ ୬:୧୧ ଲୁକ ୧୦:୪-୧୧ ☆ ୬:୧୩ ୬:୧୩ ଜାକୁବ ୫:୧୪
† ୬:୧୩ ୬:୧୪ ମୁଞ୍ଜିନାୟି ☆ ୬:୧୪ ୬:୧୪ ମାତି ୧୭:୧୪; ମାର୍କ ୮:୨୮; ଲୁକ ୯:୧୯ ‡ ୬:୧୪ ୬:୧୪ ମୁଞ୍ଜିନାୟି ☆ ୬:୧୭ ୬:୧୭ ଲୁକ ୩:୧୯,୨୦

୨୧ ତାମ୍ଭ ହେରଦିୟାକି ର ପାରୁ ମୋଡ଼ାଆଡ଼େ, ହେରଦ ତାନି ଜାନା ଦିନାତା କାଜା କାଜା ମନ୍ଦିୟାଣି ଇଞ୍ଜା ଗାଲିଲିତି କାଜା କାଜାରାଇଁ ଲାଆଁ ବେଲାତା ର ବଜିତା ହାଡ଼ିତେସି;

୨୨ ଇଞ୍ଜା ହେରଦିୟାନି ମାଜ୍ଜା ବିତ୍ତା ହାଜାନା ଏଦାହାଁ ହେରଦ ଇଞ୍ଜା ତାନିତଲେ ବଜିତା କୁଗାମାଟି ଲକୁଣି ରାହାଁ କିଞ୍ଜିକିତେ, ଏମ୍ବାଟିଏ ରାଜା ଏ ପଦାନି ଏଲେଇଚେସି, “ଏନାଆଁ ମନ କିହିମାଞ୍ଜି ରାସ୍ତାମୁ ନାନୁ ଏଦାଆଁ ନିଜେ ହିୟାଇଁ □”

୨୩ ଇଞ୍ଜା ଏଝାସି ପଦା ନକିତା ପାରମାଣା କିତେସି, “ନାନୁ ନାଜେ ଏନାଆଁ ରାସ୍ତାଦି, ରାଜିତି ଆଦା ଜିକେଏ ନାନୁ ନିଜେ ହିୟାଇଁ □”

୨୪ ଏମ୍ବାଟିଏ ଏ ପଦା ହାଜାନା ତାନି ଇୟାନି ଝେଚେ, “ନାନୁ ଏନାଆଁ ରାହୁଇଁ ?”

ଏମ୍ବାଟିଏ ଏଦି ଏଲେଇଚେ, “ବାପ୍ତିସ୍ତାଁ ହାନି ଜହନତି ତାୟଁ □”

୨୫ ଏ ଦେବୁଣିଏ ରାଜା ତାଣା ତବେ ଝାହାନା ଏଲେଇଞ୍ଜି ରାସ୍ତେ, “ନାଜେ ନାନୁ ବାପ୍ତିସ୍ତାଁ* ହାନି ଜହନତି ତାୟଁ □” ରୁ ସାଡ଼ଝାତା ନାଏଁ ନାଜେ ହିୟାମୁ □”

୨୬ ଏମ୍ବାଟିଏ ରାଜା ହାରେକା ଦୁକୁ ଆଡ଼ିହଁ ଜିକେଏ, ତାନୁ କିତି ପାରମାଣା ଅଡ଼େ ବଜିତା କୁଗାମାଟାରି ତାକି ଆଏ ଇଞ୍ଜାଲି ଆଡ଼ାଆଡେସି □

୨୭ ଏଦାଆଁତାକି ରାଜା ଦେବୁଣିଏ ର କହୁଏଣାଇଁ ପାଣ୍ଡାନା ତାନି ତାୟଁ ଦୁରାଲି ହୁକୁମି ହାତେସି, ଏମ୍ବାଟିଏ ଏଝାସି ହାଜାନା କାୟିଦି ଇଲୁତା ତାନି ତାୟଁ ଦୁାଡେସି;

୨୮ ଅଡ଼େ ଏଦାଆଁ ର ସାଡ଼ଝାତା ତାଚାନା ପଦାନାକି ହାତେସି, ଇଞ୍ଜା ପଦା ଏଦାଆଁ ଅହାନା ତାନି ଇୟାନାକି ହାତେ □

୨୯ ଇଞ୍ଜା ଜହନତି ସୀସୁୟାଁ ଏ କାତା ଝେଞ୍ଜାନା ଝାଡ଼େରି, ଇଞ୍ଜା ତାନି ମାଡ଼ହାତି ଅହାନା ମାଡ଼ହା ଇଟିନି ଟାୟୁତା ଇଟିଚେରି □

ଜୀସୁ ପାସାମାଣା ଲକୁତାକି ତାହନାୟି
(ମାତି ୧୪:୧୩-୨୧; ଲୁକ ୯:୧୦-୧୭; ଜହ ୨:୧-୧୪)

୩୦ ତାୟୁ ପାଣ୍ଡୁଞ୍ଜି ଆହାମାଟାରି ଜୀସୁ ତାଣା ଝାଡ଼େରି, ଇଞ୍ଜା ଏଝାରି ଏନା ଏନାଆଁ କିହାମାଚେରି, ଇଞ୍ଜା ଏନା ଏନାଆଁ ଜାପୁହା ମାଚେରି, ଏ ବାରେ ଏଝାଣାଇଁ ଝେସ୍ତେରି □

୩୧ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ମାର ଇମ୍ବାଟି ଲକୁ ହିଲାଆ ଟାୟୁତା ହାନ, ଏମ୍ବାଆଁ ମୀରୁ ଗାଡ଼େକା ଜମାଦୁ □” ଇଚିହଁ ହାରେକା ଲକୁ ହାଜି ଝାହି ଆହିମାଟାକି ଏଝାରାକି ତିଞ୍ଜାଲି ଜିକେଏ ମୁଆଡେ □

୩୨ ଏମ୍ବାଟିଏ ଏଝାରି ଏଟକା ଆହାନା ର ଡ଼ଗତା ହଚାନା ଲକୁ ହିଲାଆ ଟାୟୁତା ହାଚେରି □

୩୩ ସାମା ହାରେକା ଲକୁ ଏଝାରି ହଚା ହାଚାଣି ମେସ୍ତେରି ଅଡ଼େ ପୁଚେରି, ଇଞ୍ଜା ଲକୁ ବାରେ ଗାଡ଼ାୟାଟି ତାକିହଁ ହାଜାନା ଏଝାରି ନକିତା ଏଗାହାଚେରି □

୩୪ ✨ଏଝାସି ଡ଼ଗଟି ରେଚାନା ହାରେକା ଲକୁଣି ମେସାନା ଏଝାରାଇଁ କାର୍ମା ଆଡ଼େସି, ଇଚିହଁ ଏଝାରି ଗଡ଼ ହିଲାଆ ମେଶ୍ତାୟାଁ ଲେହେଁ ମାଚେରି; ଇଞ୍ଜା ଏଝାସି ଏଝାରାଇଁ ହାରେକା କାତା ଜାପୁହେସି □

୩୫ ଗାଡ଼ି ଝେଡ଼ାଆୟାଲିଏ ତାନି ସୀସୁୟାଁ ତାନି ତାଣା ଝାହାନା ଏଲେଇଚେରି, “ଇ ଟାୟୁ ଲକୁ ହିଲାଆ ଟାୟୁ ଇଞ୍ଜା ଆନ୍ଦେରି ଜିକେଏ ଆହିମାନ୍ଦେ;

୩୬ ଲକୁ ଏନିକଁ ସାରିଝାକି ମାନି ଝାଲହାଝାଡ଼ି ଅଡ଼େ ଗାଡ଼ାତା ହାଜାନା ତାମ୍ଭେ ତାକି ତିଞ୍ଜାଲି ରାନ୍ଦା କତାପେରିଝା, ଏଦାଆଁତାକି ଏଝାରାଇଁ ହେଲ ହାହାନା ପାଣ୍ଡାମୁ □”

୩୭ ସାମା ଜୀସୁ ତାନି ସୀସୁୟାଁଇଁ ଏଲେଇଚେସି, “ମୀରୁ ଏଝାରାକି ତିଞ୍ଜାଲି ହାଦୁ □”

ଏଝାରି ଏଲେଇଚେରି, “ମାର ରା ଝାଞ୍ଜା ଝେଣ୍ଡି ଟାକାୟାଟି† ରୁଟି ତାଚାନା ଇଝାରାକି ତିଞ୍ଜାଲି ହାନାୟି କି ?”

୩୮ ଜୀସୁ ଏଝାରାଇଁ ଏଲେଇଚେସି, “ମୀ ତାଣା ଏଚରଗଟା ରୁଟି ମାନୁ ? ହାଜାନା ସିନିକିଦୁ □”

ଏଝାରି ଝେଞ୍ଜା ଝାହାନା ଜୀସୁଇଁ ଏଲେଇଚେରି, “ପାସାଗଟା ରୁଟି ଇଞ୍ଜା ରୀ ମୀଣକା ମାନୁ □”

୩୯ ଇଞ୍ଜା ଜୀସୁ ତାନି ସୀସୁୟାଁଇଁ ଏଲେଇଚେସି, ବାରେ ଲକୁଇଁ ଗଟି ଗଟି କିହଁ କୁଟି ଜାଡ଼ା ଲାକ କୁଟିକିହାଲି ଝେସ୍ତେସି □

୪୦ ଏଚେଟିଏ ଏଝାରି ପାସାକଡ଼ି ଜାଣା ରୀ କଡ଼ି ଦସ ଜାଣା ଲାକା ମାନ୍ଦା ମାନ୍ଦା ଆହଁ କୁଟିଚେରି □

୪୧ ତାୟୁ ଜୀସୁ ଏ ପାସାଗଟା ରୁଟି ଇଞ୍ଜା ରୀ ମୀଣକା ଅହାନା ଲାକପୁରୁ ଝାକି ସିନିକିହାଁ ମାହାପୁରୁଇଁ ଜହରା କିତେସି, ଅଡ଼େ ରୁଟି ଡ଼କହାନା ଲକୁତାକି ବାଟି କିହା ହାହାଲି ତାନି ସୀସୁୟାଁକି ହାତେସି, ଇଞ୍ଜା ରୀ ମୀଣକା ଜିକେଏ ଏଲେକିହଁ ଏ ବାଗା କିହାନା ହାତେସି □

୪୨ ଏମ୍ବାଆଁ ବାରେଜାଣା ତିଞ୍ଜାନା ପାଞ୍ଜିଚେରି, ୪୩ ଇଞ୍ଜା ଏଝାରି ହାରାମାଟି ରୁଟି ଅଡ଼େ ମୀଣକା କୁଡ଼ି କିହାନା ବାରଗଟା ତାଲିତା ନେଞ୍ଜିକିତେରି □

୪୪ ରୁଟି ତିଟି ଲକୁ ପାସାମାଣା ଝାରଇ ଆବାୟାଁ ମାଚେରି □

ଜୀସୁ ଏୟୁ ଲାକ ତାକିନାୟି
(ମାତି ୧୪:୨୨-୩୩; ଜହ ୨:୧୫-୨୧)

୪୫ ଏ ଦେବୁଣିଏ ଏଝାସି ତାନି ସୀସୁୟାଁଣି ଡ଼ଗତା ହଚାନା ଆତାଲାଝାକି ମାନି ବେଡ଼ସାୟିଦା ଗାଡ଼ାତା ହାଜାଲି ତାନି ନକେଏ ପାଣ୍ଡିଚେସି, ଏମ୍ବାଟିଏ ବାରେ ଲକୁଣି ହାଜାଲିତାକି ହେଲ ହାହାନା ପାଣ୍ଡିଚେସି □

‡ ୨:୨୪ ୨:୨୪ ମୁଞ୍ଜନାୟି * ୨:୨୫ ୨:୨୫ ମୁଞ୍ଜନାୟି ✨ ୨:୩୪ ୨:୩୪ ମାତି ୯:୩୭ † ୨:୩୭ ୨:୩୭ ର ଦିନାତି ବୁଟି ର ଝେଣ୍ଡି ଗାକା

୪୬ ଏଞ୍ଜାରି ତାଣାଟି ହେଲ ଅଡ଼ି ତାୟୁ ଏଞ୍ଜାସି ପ୍ରାତାନା କିହାଲି ହରୁତା ହାଚେସି □

୪୭ ମିଡ଼ଅଲ୍ଲା ଆହାଲିଏ ଡଂଗ ସାମ୍ବୁରି ମାଦିଏ ମାଚେ, ଇଞ୍ଜା ଜୀସୁ ସାମ୍ବୁରି ଗାଟୁତା ରଅସିଏ ମାଚେସି □

୪୮ ଏମ୍ବାଟିଏ ହାରେକା ଗାଲି ଏଞ୍ଜାରି ଝାକି ଝେଟିମାଚାକି ଡଂଗ ତାକି କିହାଲି କସ୍ତୁ ଆହିମାଚାଣି ମେସାନା ଏଞ୍ଜାସି ଝେୟା ନେକେରି ସାମ୍ବୁରି ଏୟୁ ଲାକ ତାକିହିଁ ଏଞ୍ଜାରି ତାଗେ ଝାଡ଼େସି, ଇଞ୍ଜା ଏଞ୍ଜାରି ତାଗେଟି ଆଗାଡ଼ା ହାଜାଲି ଅଣ୍ଡାମାଚେସି,

୪୯ ସାମା ଏଞ୍ଜାରି ଏଞ୍ଜାଣାଲ୍ ସାମ୍ବୁରି ଲାକ ତାକି ମାନାଣି ମେସାନା ବୁଡୁ ଇଞ୍ଜା ଅଣ୍ଡାମା କାଲ୍‌ଝି ଆଡ଼େରି □

୫୦ ଇଚିହିଁ ବାରେଜାଣା ଏଞ୍ଜାଣାଲ୍ ମେସାନା ଆଜାହାଜା ମାଚେରି □

ସାମା ଜୀସୁ ଦେବୁଣିଏ ଏଞ୍ଜାରିତଲେ କାତା ଆହାନା ଏଞ୍ଜାରାଲ୍ ଏଲେଇଚେସି, “ସାସା ଆହ୍‌ଦୁ ନାନ୍ଦୁଏ ଏଞ୍ଜାଚେସି, ଆଜାଆଦୁ □”

୫୧ ଇଞ୍ଜା ଏଞ୍ଜାସି ଏଞ୍ଜାରିତାଣା ହାଜାନା ଡଂଗତା କୁରିଚେସି, ଇଞ୍ଜା ଗାଲି ତୁଞ୍ଜିଚେ, ଏମ୍ବାଟିଏ ଏଞ୍ଜାରି ମନ ମନତା ହାରେକା କାବା ଆଡ଼େରି □

୫୨ ଇଚିହିଁ ଏଞ୍ଜାରି ରୁଟିୟା କାତା ପୁଣ୍ଡୁସୁ ପୁଞ୍ଜାହିଲାଆଚେରି, ଏନାଆଁତାକି ଇଚିହିଁ ଏଞ୍ଜାରି ହିୟା ଆଡ଼ଝା ଆହାମାଚେ □

ଗେନେସର ରଗ ଗାଟାରାଲ୍ ନେହିଁ କିନାୟି (ମାତି ୧୪:୩୪-୩୬)

୫୩ ଏଞ୍ଜାରି ସାମ୍ବୁରି ଗାଟାଚାନା ଗେନେସର ରାଜିତା ଏଜାନା କାତା ଗାଟୁତା ଡଂଗତି ଦସ୍ତେରି □

୫୪ ଅଡ଼େ ଏଞ୍ଜାରି ଡଂଗଟି ରେଚାଲିଏ, ଦେବୁଣିଏ ଲକୁ ଏଞ୍ଜାଣାଲ୍ ପୁଞ୍ଜାନା,

୫୫ ଏ ରାଜିତି ସାରିଝାକି ହାଚେରି, ଏଞ୍ଜାରି ଆମିନି ଟାୟୁତା ମାନେରି ଇଞ୍ଜା ଝେଚେରି, ଅଡ଼େ ଜୀସୁ ମାନି ଟାୟୁତା ରଗ ଗାଟାରାଲ୍ କାଟେଲିତା ଡ଼େକା ତାଚାଲି ମାଟ୍‌ହେରି □

୫୬ ଇଞ୍ଜା ଏଞ୍ଜାସି ଆମିନି ନାସ୍‌କା, ଅଡ଼େ ଗାଡ଼ାତା ହାଚେସି, ଲକୁ ଏ ବାରେ ଟାୟୁତି ହାଟା ବାଜାରାଟି ରଗ ଗାଟାରାଲ୍ ଏଞ୍ଜାଣି ନକିତା ଏଞ୍ଜାରାଲ୍ ଇଚିଚେରି, ଏଞ୍ଜାରି ଏନିକ୍ ଏଞ୍ଜାଣି ହିମ୍ବୁରି କୁଞ୍ଜୁ ତାଗିନେରି, ଏନାଆଁତାକି ଏଞ୍ଜାଣାଲ୍ ବାତିମାଲିଚେରି; ଇଞ୍ଜା ଏଚେକା ଲକୁ ଏଞ୍ଜାଣାଲ୍ ତାଗିଚେରି ଏଞ୍ଜାରି ବାରେ ନେହିଁ ଆଡ଼େରି □



ଆକୁ ଆବାୟାତି ପାଣାପାବୁ (ମାତି ୧୫:୧-୯)

୧ ତାୟୁ ପାରୁସିୟା ଅଡ଼େ ଜିରୁସାଲମଟି ଝାହାମାନି ଏଚରଜାଣା ମୋରାପୁନାରି ଜୀସୁ ତାଣା ରୁଣ୍ଡା ଆଡ଼େରି □

୨ ଏଞ୍ଜାରି ସୀସୁୟା ବିତ୍ରାଟି ଏଚରଜାଣାଟି କେସ୍ତା ନରଥାନା ତିଞ୍ଜି ମାଚାଣି ମେସ୍ତେରି □

୩ ପାରୁସିୟା ଅଡ଼େ ବାରେ ଜୀହୁଦି ଲକୁ ଆକୁ ଆବାୟା ଇଟାମାନି ମୋରାଟି ମାନଝି ଆହାନା ନେହିଁ କି କେୟୁ ନରଥାସାରେ ତିଞ୍ଜି ହିଲାଆଚେରି,

୪ ଇଞ୍ଜା ହାଟା ବାଜାରାଟି ଝାହାନା ତାମି ଲାକ ଏୟୁ ଡ଼ାଞ୍ଜା କତାଆନା ତିଞ୍ଜି ହିଲାଆଚେରି; ଅଡ଼େ ଗିନା ମୁତା ଇଞ୍ଜା ପିତାଡ଼ା ତ:କାୟା, ପାସ୍‌ପନି ନରନାୟି, ଇଲେତି ହାରେକା ମୋରା ମାନଝି ଆହାଲି ହୁକୁମି ବେଟା ଆହାମାନେରି □

୫ ଏନାଆଁତାକି ପାରୁସିୟା ଅଡ଼େ ମୋରାପୁନାରି ଜୀସୁଲ୍ ଝେଚେରି, “ନୀ ସୀସୁୟା ତଲିତି ଆକୁ ଆବାୟା ମୋରା ତଲେ ତାକାଆନା ଏନାଆଁତାକି କେସ୍ତା ନରଥାନା ତିନେରି ?”

୬ ଜୀସୁ ଏଞ୍ଜାରାଲ୍ ଏଲେଇଚେସି, “ଆଡ଼େ କୁଟୁ ଗାଟାଚେରି, ମାହାପୁରୁ ଅଣ୍ଡାପୁତି ବଲୁ ଝେହ୍‌ନି ଜିସାୟ ନେହିଁ କି ଇ କାତା ଝେସାମାନେସି, ଏନିକ୍ ରାସ୍‌କି ଆହାମାନେ;

ଇ କୁଡ଼ାତାରି ଝାର୍‌ଇ ଗୁତି ତଲେ ନାଙ୍ଗେ ସେବା କିୟାନେରି,

ସାମା ଏଞ୍ଜାରି ହିୟା ନା ତାଣାଟିଏ ହାରେକା ହେକ ଡ଼ୟିନେ □

୭ ଏଞ୍ଜାରି ମାଣ୍‌ସିୟା କେପିତି ମୋରାଟି ଦାମ୍‌ପୁତି ନେହିଁ କାତା ଇଞ୍ଜା ଜାପ୍‌ହାନା, ଉଜେଏ ନା ସେବା କିୟାନେରି □

୮ ମୀରୁ ମାହାପୁରୁତି ହୁକୁମି ପିସାନା ମାଣ୍‌ସିୟା ମୋରାଟି ଆସାମାଞ୍ଜେରି □”

୯ ଅଡ଼େ ଜୀସୁ ଏଞ୍ଜାରାଲ୍ ଏଲେଇଚେସି, “ମାହାପୁରୁତି ହୁକୁମି ପିସାନା ମୀ ଜାପ୍‌ହାମାଞ୍ଜନାଣି ଆସାଲି ତାକି ମୀରୁ ହୁକୁମି ମାନି କିହିହିଲଅଚେରି □

୧୦ ଇଚିହିଁ ମସା ଏଲେଇଞ୍ଜା ମାନେସି, ‘ତାଲି ତାଞ୍ଜିଲ୍ ଜୀଝୁନପୁ, ଇଞ୍ଜା ଆମ୍ବାଆସି ତାଲି କି ତାଞ୍ଜିଲ୍ ବାକା ଇଚିନେସି, ଏଞ୍ଜାସି ହାନି ତଣ୍ଡ ବେଟା ଆନେସି □’

୧୧ ମୀରୁ ଜାପ୍‌ହି ମାଞ୍ଜେରି, ‘ଆମ୍ବାଆସି ତାଲି କି ତାଞ୍ଜିଲ୍ ଏଲେଇନେସି, ନା ତାଣାଟି ଏନାଆଁ ହିୟାତିହିଁ ନିଙ୍ଗେ ନେହେଁ ଆଡ଼େମା, ଏଦି କର୍ବାନ ଇଚିହିଁ ମାହାପୁରୁ ତାକି ହେର୍‌ପି ଆହାମାନାୟି □

୧୨ ଇଞ୍ଜା ମୀରୁ ଏଲେକିହିଁ ତାମି ଇୟା କି ଆବାୟା ଏନି ସାୟେମି କିହାଲି ହାହି ହିଲଅଚେରି;

୧୩ ଏଲେକିହିଁଏ ମୀରୁ ମୀ ତାଣା ମାନି ମୋରା ତଲେ ମାହାପୁରୁତି ବଲୁ ଉଜେଏ କିହିମାଞ୍ଜେରି, ଇଞ୍ଜା ଏଲେକିହିଁ ହାରେକା କାମା କିହିମାଞ୍ଜେରି □”

ମାଣ୍‌ସିଲ୍ ଲାଗେଏ କିନାୟି (ମାତି ୧୫:୧୦-୨୦)

୧୪ ଜୀସୁ ଅଡ଼େ ଝେଣ୍ଡେ ଲକୁଣି ତାଗେ ହାଟାନା ଏଞ୍ଜାରାଲ୍ ଏଲେଇଚେସି, “ମୀରୁ ବାରେ ନା କାତା ଝେଞ୍ଜୁ ଅଡ଼େ ଡେଲ୍‌ହାଦୁ □

୧୫ ମାଣ୍ଡିତ ପାଞ୍ଚାତା ଇଲେତି ଏନାୟି ହିଲେଏ, ଏଡ଼ି ମାଣ୍ଡି ବିତ୍ରା ହଡ଼ାନା ଏଞ୍ଜାଣାଇଁ ଲାଗେଏ କିହାଲି ଆଡ଼ିନେ, ସାମା ଏନା ଏନାୟି ମାଣ୍ଡି ତାଣ୍ଡାଟି ହଡ଼ିମାନେ, ଏ ବାରେ ଏଞ୍ଜାଣାଇଁ ଲାଗେଏ କିହିମାନେ □”*

୧୬ ୱେଞ୍ଜାଲି କୀର୍କା ମାନାସି ୱେଣ୍ଡାସି □

୧୭ ଅଡ଼େ ଏଞ୍ଜାସି ଲକୁ ତାଣ୍ଡାଟି ଇଲୁ ବିତ୍ରା ୱାହାଲିଏ ତାନି ସାସୁୟାଁ ଏଞ୍ଜାଣାଇଁ ପୁଣ୍ଡିକିନି କାତାତି ଅର୍ଡ଼ ୱେରେରି □

୧୮ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇରେସି, “ମୀରୁ ଜିକେଏ ଏଲେକିହ୍ ଏ ପୁନାଆ ଗାଟାତେରି ? ଏନାୟି ପାଞ୍ଚାଟି ମାଣ୍ଡି ବିତ୍ରା ହଡ଼ିହ୍ ଏଡ଼ି ଏଞ୍ଜାଣାଇଁ ଲାଗେଏ କିହାଲି ଆଡ଼େଏ,

୧୯ ଇଚିହ୍ ଏଡ଼ି ଏଞ୍ଜାଣି ହିୟାଁତା ହଡ଼ୁଆନା ବାଣ୍ଡିତା ହଡ଼ୁନେ ଇଞ୍ଜା ବାଣ୍ଡିହାନିଲେହେଁ ହଡ଼ାହାନେ ଇଲେଆହ୍ ବାରେ ରାନ୍ଦା ଅଡ଼ିହି ଆହିମାନେ, ଇଦାଆଁ ପୁଞ୍ଜି ହିଲଅତେରି ?”

୨୦ ଅଡ଼େ ଏଞ୍ଜାସି ଏଲେଇରେସି, “ଏନାୟି ମାଣ୍ଡି ତାଣ୍ଡାଟି ହଡ଼ିମାନେ ଏଡ଼ି ଏଞ୍ଜାଣାଇଁ ଲାଗେଏ କିହିମାନେ □

୨୧ ଇଚିହ୍ ମାଣ୍ଡି ହିୟାଁ ବିତ୍ରାଟି ଲାଗେଏତି ଅଣ୍ଡୁ ହନେ, ଦାରି କିୟାଲି, ସରୁ କିୟାଲି, ଲକୁଣି ପାୟିନାୟି,

୨୨ ଜୁପକା, ଲାଗେଏ ପଲେଏ କାମା, ନାଡ଼ିକିନାୟି, ତାହାରା, ନିନ୍ଦା କିନାୟି, ତାହାରା ଆନାୟି, କାରବି ଆନାୟି;

୨୩ ଏଲେତି ଲାଗେଏତାୟି ବିତ୍ରାଟି ହଡ଼ାଞ୍ଜାହାନା ମାଣ୍ଡିଇଁ ଲାଗେଏ କିହିମାନେ □”

ର ଇୟାନି ନାମୁ
(ମାତି ୧୫:୨୧-୨୮)

୨୪ ଏମ୍ବାଟିଏ ଜୀସୁ ଏ ଚାୟୁ ପିସାନା ସରତି ହାନ୍ଦି ୱାକି ହାରେସି, ଇଞ୍ଜା ର ଇଲୁତା ହଡ଼ାନା ଏନିକ୍ ଆମ୍ବାଆରି ପୁନଅରି ଇଞ୍ଜା ଅଣ୍ଡିମାରେସି, ସାମା ଏଞ୍ଜାସି ଡ଼ଗୁନା ଡ଼ୟାଲି ଆଡ଼ାଆତେସି □

୨୫ ଏ ଦେବୁଣିଏ ର ଇୟା, ଆମ୍ବାଆରି ମାଞ୍ଜାନି ବୁଡୁ ଆଲଗାମାରେ, ଏଡ଼ି ଜୀସୁ କାତା ୱେଞ୍ଜାନା ୱାହାଁ ଏଞ୍ଜାଣି କଡ଼ାଣା ରୀତେ □

୨୬ ଏ ଇୟା ସୁରପୟିନିକି ଜାଡ଼ିତି ର ଗ୍ରିକ୍ ଇୟା ମାରେ, ତାନି ମାଞ୍ଜାନି ତାଣ୍ଡାଟି ବୁଡୁ ପିସପି କିହାଲି ଏଡ଼ି ଜୀସୁଇଁ ବାଡ଼ିମାଲିତେ □

୨୭ ଏମ୍ବାଟିଏ ଜୀସୁ ଏଦାନି ଏଲେଇରେସି, “ତଲିଏ କକାରି ପଦାଁଣି ପାଞ୍ଜି କିଦୁ, ଇଚିହ୍ କକାରି ପଦାୟାଁ ରାନ୍ଦା ଅହାନା ନେସକା ନକିତା ମେଡ଼ନାୟି ନେହେଁ ଆଏ □”

୨୮ ସାମା ଏଡ଼ି ଏଞ୍ଜାଣାଇଁ ଏଲେଇରେ, “ହାଅ ପ୍ରବୁ ନେସକା ଜିକେଏ କକାରି ପଦାୟାଁ ବ୍ରହ୍ମାମାନି ଲିତାତି ପେରହା ତିନୁ □”

୨୯ ଏମ୍ବାଟିଏ ଜୀସୁ ଏଲେଇରେସି, “ଇ କାତାତାକି ନୀ ମାଞ୍ଜାନି ତାଣ୍ଡାଟି ବୁଡୁ ହଡ଼ା ହାରେୟିଏ, ହାଲାମୁ □”

୩୦ ଇଞ୍ଜା ଏଡ଼ି ଇଜ ହାଜାନା ତାନି ମାଞ୍ଜା ପାସ୍ପନିତା ହୁଞ୍ଜାମାନାଣି ଇଞ୍ଜା ବୁଡୁ ହଡ଼ା ହାଜା ମାନାଣି ମେସ୍ତେ □

ର ବେରା ଅଡ଼େ ଗୁଲାଇଁ ଜୀସୁ ନେହ୍ କିନାୟି

୩୧ ଅଡ଼େ ୱେଣ୍ଡେ ଏଞ୍ଜାସି ସର ହାନ୍ଦିଟି ହାଜାନା ସିଦନ ଅଡ଼େ ଦସଗଟା ନାସ୍କାଁ ହାନ୍ଦି ହାହାନା ଗାଲିଲି ସାମ୍ବୁରି ତାଗେ ୱାଡ଼େସି □

୩୨ ଇଞ୍ଜା ଲକୁ ର ବେରା ଅଡ଼େ ଗୁଲାଇଁ ଏଞ୍ଜାଣି ନକିତା ତାଚାନା ଏଞ୍ଜାଣିଲାକ କେୟୁ ଇଗାଲି ବାଡ଼ିମାଲିତେରି □

୩୩ ଜୀସୁ ଲକୁ ତାଣ୍ଡାଟି ରଅଣାଇଁଏ ଏଟକା କିହା ଅହାନା ଏଞ୍ଜାଣି ରୀ କୀର୍କାଣା ତାନି ୱାସକା ଇଚିତେସି ଅଡ଼େ ହୁପାନା ଏଞ୍ଜାଣି ୱେନ୍ଦରି ତୀଗିତେସି,

୩୪ ଅଡ଼େ ଲାକପୁରୁ ୱାକି ସିନିକିହାନା ଗାଡ଼ିକିହ୍ ନେଞ୍ଜାନା ଏଞ୍ଜାଣାଇଁ ଏଲେଇରେସି, “ଇପ୍ପତ” ଇଚିହ୍ “ଦେପି ଆମୁ □”

୩୫ ଏମ୍ବାଟିଏ ଏଞ୍ଜାଣି କୀର୍କା ଦେପିଆଡୁ, ଇଞ୍ଜା ୱେନ୍ଦରିତି ଜାଲା ଏ ଦେବୁଣିଏ ଗୁଟାଆଡ଼େ, ଇଞ୍ଜା ଏଞ୍ଜାସି ନେହ୍ କି ଜଲାଲି ଆଡ଼ିତେସି □

୩୬ ଇଞ୍ଜା ଏ କାତା ଆମ୍ବାଆରାଇଁ ୱେହ୍ଆଡୁ ଇଞ୍ଜା ଏଞ୍ଜାରାଇଁ ଗାଡ଼ିକିହ୍ ହୁକୁମି ହୀତେସି; ସାମା ଏଞ୍ଜାସି ଏଞ୍ଜାରାଇଁ ଏଚେକା କାହି କିତେସି, ଏଞ୍ଜାରି ଏଚେକା ଗାଡ଼ି ୱେକହେରି □

୩୭ ଅଡ଼େ ଲକୁ କାବାଆହାନା ଏଲେଇରେରି, “ଏଞ୍ଜାସି ବାରେ କାମା ନେହ୍ କି କିହିମାନେସି; ଏଞ୍ଜାସି ବେରାୟାଁଇଁ ୱେଞ୍ଜାଲି ଗୁଲାୟାଁଇଁ ଜଲିନି ବାଡ଼ୁୟୁ ଜିକେଏ ହାହିମାନେସି □”



ଜୀସୁ ସାରି ମାଣ୍ଡା ଲକୁକି ତିଞ୍ଜାଲି ହୀନାୟି
(ମାତି ୧୫:୩୨-୩୯)

୧ ଏଚିବେଲା ହାରେକା ମାନ୍ଦା ଲକୁ ରୁଣ୍ଡା ଆଡ଼େରି, ଅଡ଼େ ଏଞ୍ଜାରିତାଣା ତିନାୟି ଉନାୟି ଏନାୟି ହିଲାଆତାକି ଜୀସୁ ସାସୁୟାଁଣି ତାଗେ ହାଟାନା ଏଞ୍ଜାରାଇଁ ଏଲେଇରେସି,

୨ “ଲକୁତାକି ନାଜେ କାର୍ମା ହଡ଼ିମାଞ୍ଜାନେ, ଇଚିହ୍ ଇଞ୍ଜାରି ତାନିଦିନା ଆଡ଼େରିଏ ନା ତଲେ ମାଞ୍ଜାମାନେରି, ଅଡ଼େ ଇଞ୍ଜାରି ତାଣ୍ଡା ଏନାୟି ତିନାୟି ହିଲେଏ □

୩ ଏଞ୍ଜାରାଇଁ ତାହ୍ଆନାଁ ପାଣ୍ଡିସାରେ, ୱେଣ୍ଡାହାନାଟି ଏଞ୍ଜାରି ହାହା ଜିକେଏ ହାନ୍ଦେରି □ ଏଞ୍ଜାରି ବିତ୍ରାଟି ଏଚରଜାଣା ହେକଟି ୱାହାମାନେରି □”

୪ ସାସୁୟାଁ ଏଞ୍ଜାଣାଇଁ ଏଲେଇରେରି, “ଇମ୍ବାଆଁ ଇ ଲକୁ ହିଲାଆ ଚାୟୁତା ଆମ୍ବାଆସି ଆମ୍ବିଟି ରୁଟି ତାଚାନା ଇଞ୍ଜାରାଇଁ ପାଞ୍ଜି କିନେସି ?”

* ୨:୧୫ ୨:୧୫ ଏଚେକା ସାସ୍ତ୍ରିତା ୧୫ ପଦ କେଟ ଡ଼ଇକା ମାନି ବଲୁଡ଼ି ୧୭ ପଦୁତା ରାସ୍ତ୍ରି ଆହାମାନେ; † ୨:୩୧ ୨:୩୧ ଦେକାପଲି

୫ ଜୀସୁ ଏଝାରାଇଁ ଖେଚେସି, “ମୀ ତାଣା ଏଚରଗଟା ରୁଟି ମାନୁ ?”

ଏଝାରି ଏଲେଇଚେରି, “ସାତାଗଟା □”

୬ ଏମ୍ବାଟିଏ ଜୀସୁ ଲକ୍ଷ୍ମଣୀ ବୁମିତା କୁଗାଲି ହୁକୁମି ହୀତେସି; ଅଡ଼େ ଏଝାସି ସାତାଗଟା ରୁଟି ଅହାନା ଜହରା କିହାନା ଏ ବାରେ ଡିକହାନା ବାଟି କିହାଲି ତାନି ସୀସୁୟାଁକି ହୀତେସି, ଅଡ଼େ ଏଝାରି ଲକ୍ଷ୍ମଣୀକି ବାଟି କିହା ହୀତେରି □

୭ ଇଞ୍ଜା ଏଝାରିତାଣା ଏଚରଗଟା ଉଣା ମୀଣ୍ଟକା ମାତୁ; ଏ ବାରେତି ଜିକେଏ ଜୀସୁ ମାହାପୁରୁ ତାଣା ଜହରା କିହାନା ବାଟି କିହା ହୀହାଲି ସୀସୁୟାଁକି ଏଲେଇଚେସି □

୮ ଏମ୍ବାଟିଏ ଏଝାରି ତିଞ୍ଜାନା ପାଞ୍ଜିତେରି ଇଞ୍ଜା ହାରିତାଣି ସାତା ତାଲି କୁଡ଼ି କିତେରି □

୯ ଏଝାରି ବାରେ ସାରି ମାଣା ଲକ୍ଷ୍ମଣୀ ମାଚେରି □ ଏଚେଟିଏ ତାୟୁ ଏଝାରାଇଁ ହେଲ ହୀତେସି,

୧୦ ଇଞ୍ଜା ଦେବୁଣିଏ ତାନି ସୀସୁୟାଁ ତଲେ ତଂଗତା ହଡ଼ାନା ଦଲ୍‌ମନୁ ଗାଡ଼ାତା ହାଚେରି □

ପାରୁସିୟାଁ ସିନା ରାହନାୟି

(ମାତି ୧୭:୧-୪)

୧୧ *ତାୟୁ ପାରୁସିୟାଁ ଖାହାନା ଜୀସୁତଲେ ବାଦିବାଦା କିହାଲି ମାଟ୍‌ହେରି ଇଞ୍ଜା ଏଝାଣାଇଁ ତାୟିପାରି କିହାଲିତାକି ହାଗୁ ଲାକଟି ର ସିନା ରାସ୍ତେରି □

୧୨ *ଜୀସୁ ଜୀଝୁତା କିଲିବିଲି ଆହାନା ଗାତି ନେଞ୍ଜାନା ଖେସ୍ତେସି, “ଇ ଜୁଗୁତି ଲକ୍ଷ୍ମଣୀ ଏନାଆଁତାକି ସିନା ପାରିମାନେରି ? ନାନୁ ମିଙ୍ଗେ ସାତା ଖେସିମାଞ୍ଜାଇଁ, ନୀଏଁତି ମାଣ୍‌ସିକି ଏନ୍‌ ସିନା ହୀପକି ଆଏ □”

୧୩ ଅଡ଼େ ଏଝାସି ଏଝାରାଇଁ ପିସାନା ଅଡ଼େ ଖେଣ୍ଡେ ତଂଗତା ହଡ଼ାନା ଆତାଲାଞ୍ଜାକି ହାଚେସି □

ହେରଦ ଅଡ଼େ ପାରୁସିୟାଁ ପୂଲାଗୁଣ୍ଡା

(ମାତି ୧୭:୫-୧୨)

୧୪ ଏଚିବେଲାତା ସୀସୁୟାଁ ରୁଟି ଅହାଲି ବାଣାଆଡ଼େରି; ତଂଗତା ଏଝାରିତାଣା ରଣ୍ଡିଏ ରୁଟି ମାଚେ □

୧୫ *ତାୟୁ ଜୀସୁ ଏଝାରାଇଁ ଜାଣ୍ଡେ ହୁକୁମି ହୀତେସି, “ଜାଗ୍ରାତା ଆଦୁ, ପାରୁସିୟାଁ ଅଡ଼େ ହେରଦତି ପୂଲାଗୁଣ୍ଡାଟି ଜାଗ୍ରାତା ଆହାନା ମାଞ୍ଜୁ □”

୧୬ ଏଚେଟିଏ ଏଝାରି ତାୟୁ ତାୟୁ ଖେସ୍‌ପିଆହୁଁ ଏଲେଇଞ୍ଜାଲି ମାଟ୍‌ହେରି, “ମୀ ତାଣା ରୁଟି ହିଲେଏ ଇଞ୍ଜାଁ ଏଝାସି ମାଙ୍ଗେ ଏଲେଇଞ୍ଜିମାଞ୍ଜାନେସି □”

୧୭ ଜୀସୁ ଏନାଆଁ ପୁଞ୍ଜାନା ଏଝାରାଇଁ ଏଲେଇଚେସି, “ମୀ ତାଣା ରୁଟି ହିଲେଏ ଇଞ୍ଜାଁ ଏନାଆଁତାକି ମୀରୁ ମୀରୁ ଖେସ୍‌ପି ଆହିମାଞ୍ଜେରି ? ମୀରୁ ନୀଏଁ ପାତେକା ପୁଞ୍ଜି ହିଲଅଚେରି କି ତେଲ୍‌ହି ହିଲଅଚେରି ?

୧୮ *କାଣ୍ଟକା ମାଞ୍ଜାନା ମେସି ହିଲଅଚେରି ? ଅଡ଼େ, କୀର୍କା ମାଞ୍ଜାନା ଖେଞ୍ଜି ହିଲଅଚେରି ? ମୀରୁ ଇଦାଣି ଅଣ୍‌ପି ହିଲଅଚେରି ?

୧୯ ଏ ପାସାମାଣା ଲକ୍ଷ୍ମଣୀ ବିତ୍ରା ନାନୁ ଏଚିବେଲା ପାସାଗଟା ରୁଟି ଡିକହା ମାଚେଏଁ, ଏଚିବେଲା ମୀରୁ ଏଚର ତାଲି ହାରିତାଣି କୁଡ଼ି କିତେରି, ଏଡ଼ି ମୀ ଅଣ୍‌ପୁତା ହିଲେଏ କି ?” ଏଝାରି ଏଝାଣାଇଁ ଏଲେଇଚେରି, “ବାର ତାଲି □”

୨୦ “ଅଡ଼େ ଏ ସାରି ମାଣା ଲକ୍ଷ୍ମଣୀ ବିତ୍ରା ନାନୁ ଏଚିବେଲା ସାତାଗଟା ରୁଟି ଡିକହା ମାଚେଏଁ, ଏଚିବେଲା ମୀରୁ ଏଚର ତାଲି କୁଡ଼ି କିହାମାଚେରି ?” ଏଝାରି ଏଲେଇଚେରି, “ସାତା ତାଲି □”

୨୧ ଏଚିବେଲା ଜୀସୁ ଏଝାରାଇଁ ଏଲେଇଚେସି, “ମୀରୁ ଏନାଆଁ ନୀଏଁ ପାତେକା ତେଲ୍‌ହାଲି ଆଡ଼ିହିଲଅଚେରି ?”

ବେଡ଼ସାୟିଦାତା ର କାଣାକ୍ ମେସ୍‌ପିକିନାୟି

୨୨ ତାୟୁ ଏଝାରି ବେଡ଼ସାୟିଦାତା ଖାଡ଼େରି, ଅଡ଼େ, ଲକ୍ଷ୍ମଣୀ ର କାଣାକ୍ ଏଝାଣି ତାଣା ତାଚାନା ଏଝାଣାଇଁ ତୀଗାଲି ତାକି ଜୀସୁକ୍ ବାଡିମାଲିତେରି □

୨୩ ଏନାଆଁତାକି ଜୀସୁ କାଣାକି କେୟୁ ଆସାନା ଏଝାଣାଇଁ ନାୟୁଁ ପାଙ୍ଗାତା ଅଡ଼େସି, ଇଞ୍ଜା ଏଝାଣି କାଣ୍ଟକାଣାଁ ହୁପକା ରୁବାନା ଅଡ଼େ ଏଝାଣିଲାକ କେୟୁ ଇଚାନା ଏଝାଣାଇଁ ଖେଚେସି, “ନୀନୁ ଏନାଆଁ ମେସାଲି ଆଡ଼ିମାଞ୍ଜି କି ?”

୨୪ ଏଝାସି ସିନିକିହାନା ଏଲେଇଚେସି, “ନାନୁ ମାଣ୍‌ସିୟାଁକି ମେସିମାକ୍, ଇଚିହୁଁ ନାନୁ ମାରକା ଲେହେଁ ଏନାଇ ତାକି ମାନାଣି ମେସିମାକ୍ □”

୨୫ ତାୟୁ ଜୀସୁ ଅଡ଼େ ଖେଣ୍ଡେ ଏଝାଣି କାଣ୍ଟକାଣାଁ କେୟୁ ଇଚିତେସି; ଏମ୍ବାଟିଏ ଏଝାସି ନେହୁଁ କିଁ ମେସାଲି ଆଡ଼ିତେସି, ନେହୁଁ ଆହାନା ବାରେ ତୀରିତଲେ ସିନିକିହାଲି ମାଟ୍‌ହେସି □

୨୬ ତାୟୁ ଜୀସୁ ଏଝାଣାଇଁ ତାନି ଇଜ ପାଣ୍ଡାନା ଏଲେଇଚେସି, “ଏ ନାୟୁଁ ବିତ୍ରା ଜିକେଏ ଖେଣ୍ଡେ ହାଲାଆନି □”

ପିତର ଜୀସୁକ୍ କ୍ରୀସ୍ତ ଇଞ୍ଜାଁ ଖେକ୍‌ନାୟି

(ମାତି ୧୭:୧୩-୨୦; ଲୁକ ୯:୧୮-୨୧)

୨୭ ଏଚେଟିଏ ଜୀସୁ ଅଡ଼େ ତାନି ସୀସୁୟାଁ କାୟିସରିୟା ପିଲିପି ରାଜିତି ନାୟକାଞ୍ଜାକି ହାଚେରି, ଅଡ଼େ ଜିରୁତା ଏଝାସି ତାନି ସୀସୁୟାଁକି ଖେଚେସି, “ନାନୁ ଆମ୍ବାଆତେଏଁ ଇଞ୍ଜାଁ ଲକ୍ଷ୍ମଣୀ ଏଲେଇଞ୍ଜି ମାଞ୍ଜାନେରି ?”

୨୮ *ଏମ୍ବାଟିଏ ଏଝାରି ଏଝାଣାଇଁ ଏଲେଇଚେରି, “ବାପ୍ତିସ୍ତ* ହୀନି ଜହନ, ଅଡ଼େ ଆମ୍ବା ଆମ୍ବାଆରି ଏଲିୟ, ସାମା ଆମ୍ବା ଆମ୍ବାଆରି ଏଲେଇଞ୍ଜି ମାଞ୍ଜାନେରି ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି ବିତ୍ରାଟି ରଅସି □”

* ୮:୧୧ ୮:୧୧ ମାତି ୧୭:୩୮; ଲୁକ ୧୧:୧୭ * ୮:୧୨ ୮:୧୨ ମାତି ୧୭:୩୯; ଲୁକ ୧୧:୨୯ * ୮:୧୫ ୮:୧୫ ଲୁକ ୧୨:୧ * ୮:୧୮ ୮:୧୮ ମାର୍କ ୪:୧୨ * ୮:୨୮ ୮:୨୮ ମାର୍କ ୬:୧୪,୧୫; ଲୁକ ୯:୭,୮ * ୮:୨୮ ୮:୨୮ ମୁଞ୍ଜିନାୟି * ୮:୨୯ ୮:୨୯ ଜହ ୬:୬୮,୬୯

୨୯ ☆ଏଝାସି ଏଝାରାଇଁ ଖେଚେସି, “ସାମା ନାନୁ ଆମ୍ବାଆତେଏଁ ଇଞ୍ଜିଁ ମୀରୁ ଏଲେଇଞ୍ଜି ମାଞ୍ଜାଦେରି ?” ପିତର ଏଝାଣାଇଁ ଏଲେଇଚେସି, “ନୀନୁ କ୍ରୀସ୍ତତି □”

୩୦ ଏମ୍ବାଟିଏ ଜୀସୁ ଏଝାରାଇଁ ତାନି କାତାତି ଆମ୍ବାଆରାଇଁ ଏନାଆଁ ଖେହ୍‌ଆଦୁ ଇଞ୍ଜିଁ ଜାଣେ କିହଁ ହୁକୁମି ହୀତେସି □

ଜୀସୁ ତାନି ଦୁକୁ ଇଞ୍ଜା ଡଣ୍ଡ ପାଣ୍ଡନି କାତା ଖେହ୍‌ନାୟି (ମାତି ୧୭:୨୧-୨୮; ଲୁକ ୯:୨୨-୨୭)

୩୧ ଅଡେ, ଜୀସୁ ଏଝାରାଇଁ ଜାପୁହାଲି ମାଟ୍‌ହେସି, “ଇଚିହଁ ମାଣସି ମୀରୁଏସି ହାରେକା ଦୁକୁ କସ୍ତ ବେଟାଆନାୟି ମାନେ ଇଞ୍ଜା ପ୍ରାତିନାଙ୍ଗା, କାଜା ପୂଜେରାଙ୍ଗା, ଇଞ୍ଜା ମେରାପୁନାରି ତାଣାଟି ଅପାଆଗାଟାସି ଆହାନା ପାୟୁଝି ଆନାୟି ମାନେ, ଅଡେ ତାନିଦିନା ଜେଚ ଖେଣ୍ଡେ ନିଙ୍ଗିନାୟି ମାନେ □”

୩୨ ଇ କାତା ଏଝାସି ତୀରପୁତଲେ ଖେସ୍‌ସେସି □ ଏମ୍ବାଟିଏ ପିତର ଏଝାଣାଇଁ ଅରୁଝାକି ଅହାନା ଦାକା ହୀହାନା ଲାଗାଲି ମାଟ୍‌ହେସି □

୩୩ ସାମା ଏଝାସି ତାୟୁଝାକି ତିରୁଝାହାଁ ତାନି ସୀସୁୟାଁଣି ସିନିକିହାନା ପିତରଇଁ ଦାକା ହୀହାନା ଏଲେଇଚେସି, “ସୟତାନ, ନା ନକିଚି ହେକ ହାଲାମ୍, ଇଚିହଁ ନୀନୁ ମାହାପୁରୁ କାତା ଅଣ୍‌ପାଆନା ମାଣ୍‌ସିୟାଁ କାତା ଅଣ୍‌ପିମାଞ୍ଜି □”

୩୪ ☆ଏମ୍ବାଟିଏ ଜୀସୁ ତାନି ସୀସୁୟାଁ ତଲେ ଲକୁଣି ହାଟାନା ଏଲେଇଚେସି, “ଆମ୍ବାଆସି ନା ଜେଚ ଖାହାଲି ମନ କିନେସି, ଆତିହଁ ଏଝାସି ଜାହାରାଇଁ ପିସ୍‌ପେସି, ଇଞ୍ଜା ଏଝାସି ତାନି କୁସ ଡେକାନା ନା ଜେଚ ଖାପେସି □

୩୫ ☆ଇଚିହଁ ଆମ୍ବାଆସି ତାନି ଜୀସୁ ଗେଲପାଲି ମନ କିନେସି, ଏଝାସି ଏଦାଆଁ ହାଝି କିନେସି; ସାମା ଆମ୍ବାଆସି ନା ତାକି ଇଞ୍ଜା ନେହଁ କାବୁତାକି ତାନି ଜୀସୁ ହୀନେସି, ଏଝାସି ଏଦାଆଁ ନୀଟ୍‌ନେସି □

୩୬ ଅଡେ, ମାଣ୍‌ସି ଇ ଦାରୁତିତା ମାନାଣି ବାରେ ମେଡି କିହାନା ତାନି ଜୀସୁତି ହାଝି କିନେସି, ଆତିହଁ ଏଝାଣାକି ଏନି ଲାବା ?

୩୭ ଅଡେ, ମାଣ୍‌ସି ତାନି ଜୀସୁତି ବାଦୁଲି ଏନାଆଁ ହୀହାଲି ଆଡିନେସି ?

୩୮ ଏଦାଆଁତାକି ଆମ୍ବାଆସି ଇ କାଲାତି ଦାରି କିନାରି ଅଡେ ପାପୁଗାଟି ଲକୁ ବିତ୍ରା ନାଙ୍ଗେ ଅଡେ ନା ବଲୁ ତାକି ଲାଜା ଆନେସି, ମାଣ୍‌ସି ମୀରୁଏସି ଏଚିବେଲ୍ଲା ସୁଦୁ ଦୂତୁୟାଁ ତଲେ ତାନି ଆବାତି ଗାଝୁରମି ତଲେ ଖାନେସି, ଏଚିବେଲ୍ଲା ଏଝାସି ଜିକେଏ ଏଝାଣି କାତାତାକି ଲାଜା ଆନେସି □”



୧ ଅଡେ ଜୀସୁ ତାନି ସୀସୁଣି ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଇମ୍ବାଆଁ ଏଚରଜାଣା ମାନେରି

ମାହାପୁରୁତି ରାଜି ବାଡୁୟୁ ତଲେ ଖାନାଣି ମେହ୍‌ଆ ପାତେକା ହାଅରି □”

ଜୀସୁ ଅର ଖାଣା ଆନାୟି (ମାତି ୧୭:୧-୧୩; ଲୁକ ୯:୨୮-୩୬)

୨ ☆ସ ଦିନା ତାୟୁ ଜୀସୁ ଖାରଇଁ ପିତର, ଜାକୁବ ଅଡେ ଜହନଇଁ ତାନିତଲେ ଏଟ୍‌କା କିହାନା ଏଝାରାଇଁ ର ପାତାଆଡି ହରୁତା ଅଡେସି □ □

୩ ଅଡେ ଏଝାସି ଏଝାରି ନକିତା ଅର ଖାଣା ଆଡେସି, ଏଝାଣି ହିମ୍‌ପୁରି ଇଲେକିଁ ଉଜେଡି ଆହାନା ହାରେକା ଦବ୍‌ଲା ଆଡେ, ଇ ଦାରୁତିତା ଆମ୍ବାଆସି ଏଲେତି ଦବ୍‌ଲା କିହାଲି ଆଡଅସି □

୪ ମସା ଅଡେ ଏଲିୟ ଜୀସୁତଲେ ହାଡାକାତା ଆହିମାଚାଣି ତାନି ଜାଣା ସୀସୁୟାଁ ମେସ୍‌ପେରି □

୫ ଏମ୍ବାଟିଏ ପିତର ଜୀସୁଇଁ ଏଲେଇଚେସି, “ଏ ଗୁରୁ ମୀରୁ ଇ ଚାୟୁତା ମାନାୟି ହାରେକା ନେହାୟି; ମୀରୁ ତାନିଗଟା ଗୁଡାୟାଁ କେପିନ, ନିଙ୍ଗେତାକି ରଣ୍ଡାଆଁ, ମସାକି ରଣ୍ଡାଆଁ ଅଡେ ଏଲିୟକି ରଣ୍ଡାଆଁ □”

୬ ପିତର ଏନାଆଁ ଜଲାଲି ଆନେ ଇଞ୍ଜିଁ ପୁଞ୍ଜା ହିଲାଆଡେସି, ଏନାଆଁତାକି ଇଚିହଁ ଏଝାରି ହାରେକା ଆଜାମାଚେରି □

୭ ☆ଇଞ୍ଜା, ଇଚାୟି ଦୂନ୍ଦା ଖାହାନା ଏଝାରାଇଁ ପିକ୍‌ହେ, ଅଡେ ଏ ଦୂନ୍ଦାଟି ଇ ହାଡା ଖାଡେ, “ଇଝାସି ନା ଜୀସୁତି ମୀରୁଏସି, ଇଝାଣି ବଲୁ ଖେଞ୍ଜୁ □”

୮ ଦେବୁଣିଏ ଏଝାରି ସାରିଝାକି ସିନିକିଚେରି, ତାନିତଲେ ଜୀସୁଇଁ ପିସ୍‌ପେ ଆମ୍ବାଆରାଇଁ ମେହ୍‌ଆତେରି □

୯ ଏଝାରି ହରୁଚି ରେଟା ଖାହି ମାଚାଟି ଜୀସୁ ଏଝାରାଇଁ ଜାଣେ ହୁକୁମି ହୀହାନା ଏଲେଇଚେସି, “ମୀରୁ ଏନାଆଁ ମେସାମାଞ୍ଜେରି, ଏ ବାରେ ହାଡାରି ବିତ୍ରାଟି ମାଣ୍‌ସି ମୀରୁଏସି ଖେଣ୍ଡେ ନିଙ୍ଗିଆ ପାତେକା ଆମ୍ବାଆରାଇଁ ଖେହ୍‌ଆଦୁ □”

୧୦ ଏମ୍ବାଟିଏ ଏଝାରି ଏ କାତା ଆସାନା “ହାଡାରି ବିତ୍ରାଟି ଖେଣ୍ଡେ ନିଙ୍ଗିନାୟି ଏନାୟି ?” ଏ କାତାତି ତାନି ବିତ୍ରା ଖେସ୍‌ପି ଆଡେରି □

୧୧ ☆ଅଡେ ଏଝାରି ଜୀସୁଇଁ ଖେଚେରି, “ନକେଏ ଏଲିୟ ଖାନାୟି ଆନେ, ମେରାପୁନାରି ଏନିକିଁ ଇ କାତା ଖେହ୍‌ନେରି ?”

୧୨ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ଏଲିୟ ନକେଏ ଖାହାନା ବାରେ ମେରା ଅଡେ ଖେଣ୍ଡେ ଇଚିନାୟି ସାତା, ସାମା ମାଣ୍‌ସି ମୀରୁଏସି ହାରେକା ଦୁକୁ ବେଟାଆହାନା ଅପାଆଗାଟାସି ଆନେସି, ଇଦି ଏନିକିଁ ଏଝାଣି କାତା ରାସ୍‌କି ଆହାମାନେ ?

୧୩ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଏଲିୟ ଖାଡେସିଏ, ଅଡେ ଏଝାଣି କାତା ଏନିକିଁ ରାସ୍‌କି

☆ ୮:୩୪ ୮:୩୪ ମାତି ୧୦:୩୮; ଲୁକ ୧୪:୨୭ ☆ ୮:୩୫ ୮:୩୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫ ☆ ୯:୨ ୯:୨ ୨ପିତ ୧:୧୭,୧୮ ☆ ୯:୨ ୯:୨ ମାତି ୩:୧୭; ମାର୍କ ୧:୧୧; ଲୁକ ୩:୨୨ ☆ ୯:୧୧ ୯:୧୧ ମାତି ୧୧:୧୪

ଆହାମାନେ, ଏଲେକିହିଁ ଏଞ୍ଜାରି ଏଞ୍ଜାଣାଇଁ ଜିକେଏ ଏନାଆଁ ମନ ଏନାଆଁ କିହାମାନେରି □

ବୃତ୍ତ ଆଲ୍‌ଗାମାଟି କକାଣାଇଁ ନେହିଁକିନାୟି
(ମାତି ୧୭:୧୪-୨୧; ଲୁକ ୯:୩୭-୪୩)

୧୪ ତାୟୁ ଏଞ୍ଜାରି ସୀୟୁୟାଁ ତାଣା ଖାହାନା ମେସ୍ତେରି, ଏଞ୍ଜାରି ସାରିଞ୍ଜାକି ହାରେକା ମାନ୍ଦା ଲକୁ ଅଡ଼େ ମେରାପୁନାରି ଏଞ୍ଜାରିତଲେ ବାଦିବାଦା ଆହିମାନେରି □

୧୫ ଲକୁ ବାରେ ଏଞ୍ଜାଣାଇଁ ମେସ୍ତେରିଏ ହାରେକା କାବାଆହାନା ଅଡ଼େ ଦାବଡ଼ି ଖାହାନା ଜହରା କିତେରି □

୧୬ ଏମ୍ବାଟିଏ ଜୀସୁ ଏଞ୍ଜାରାଇଁ ଖେରେସି, “ମୀରୁ ଏଞ୍ଜାରିତଲେ ଏନାଆଁତାକି ବାଦିବାଦା ଆହିମାଖେରି ?”

୧୭ ଲକୁ ବିତ୍ରାଟି ରଅସି ଏଞ୍ଜାଣାଇଁ ଏଲେଇରେସି, “ଏ ଗୁରୁ, ନାନୁ ନା ମୀରଏଣାଇଁ ନୀ ତାଣା ତାତାମାଚେଏ; ଏଞ୍ଜାଣାଇଁ ର ଗୁଲ୍ଲା ବୃତ୍ତ ଆଲ୍‌ଗାମାନେ □

୧୮ ଏମିନି ଟାୟୁତା ଏଦି ଏଞ୍ଜାଣାଇଁ ଆହନେ, ଏଞ୍ଜାଣାଇଁ ଡ଼ଇ ତ୍ରକନେ, ଇଞ୍ଜାଁ ଏଞ୍ଜାଣି ଗୁଡ଼ିଟି ପମ୍ବଲି ହନେ, ଅଡ଼େ ଏଦି ପାଲ୍‌କା ଟୀଟି କିନେ, ଇଞ୍ଜାଁ ଏଞ୍ଜାସି ଖାୟାହାଜି ମାନେସି; ଏଞ୍ଜାଣାଇଁ ପିସ୍ପି କିହାଲି ନାନୁ ନୀ ସୀୟୁୟାଁଲ୍ ଏଲେଇରେଏ, ସାମା ଏଞ୍ଜାରି ଆଡ଼ାଆତେରି □

୧୯ ଜୀସୁ ଏଞ୍ଜାରାଇଁ ଏଲେଇରେସି, “ଆଡ଼େ ନାମାଆଗାଟି କୃତାତାତେରି, ଏଚରଦିନା ନାନୁ ମୀ ତଲେ ଡ଼ୟିଲ୍ ? ଏଚରଦିନା ମୀ ଲେମ୍ବାନାଣି ଅରୁହିଲ୍ ? କକାଣାଇଁ ନା ତାଣା ତାତୁ □

୨୦ ଏମ୍ବାଟିଏ ଏଞ୍ଜାଣାଇଁ ଜୀସୁ ତାଣା ତାତେରି □ ଅଡ଼େ, ଜୀସୁଲ୍ ମେସ୍ତେରିଏ ଏ ବୃତ୍ତ ଏଞ୍ଜାଣାଇଁ ହାରେକା ତିରୁଞ୍ଜି କିତେ ଇଞ୍ଜାଁ ବୁମିତା ତରଗାନା ଗୁଡ଼ିଟି ପମ୍ବଲି ହପ୍‌ହାନା ଉସାଲି ମାଟ୍‌ହେସି □

୨୧ ଏଚିରେଲ୍ଲା ଜୀସୁ ତାନି ଆବାଇଁ ଖେରେସି, “ଏଚରଦିନା ଆଡ଼େ ଇଞ୍ଜାଣାଇଁ ଇଲେ କିହିମାନେ ?” ଏଞ୍ଜାସି ଏଲେଇରେସି, “ଊଣା ଖେଡ଼ାଟିଏ

୨୨ ଏଦି ଏଞ୍ଜାଣାଇଁ ହାଞ୍ଜି କିହାଲି ଏଚେ ଏଚେତା ହିରୁତା ଅଡ଼େ ଏୟୁଣାଁ ମେଡ଼ହାମାନେ; ସାମା ନାନୁ ଏନାଆଁ କିହାଲି ଆଡ଼ିତ, ମାଜେ କାର୍ମା ଆହାନା ମା ସାୟେମି ଆୟାମୁ □

୨୩ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇରେସି, “ଏନାଆଁ ଇଚି ? କିହାଲି ଆଡ଼ିତ, ଆମ୍ବାଆସି ନାମିନେସି ଏଞ୍ଜାଣାକି ବାରେଏ ଆନେ □

୨୪ ଏ ଦେବୁଣିଏ କକାଣି ତାନି ଆବା କାଜା ଗିୟାତଲେ ଏଲେଇରେସି, “ନାନୁ ନାମିମାଇଁ ନା ନାମାଆଗାଟାଣି ଗୁଡ଼ି କିହାଲି ସାୟେମି କିୟାମୁ □

୨୫ ତାୟୁ ମାନ୍ଦା ଲକୁ ରହେଏ ହଟିହିଁ ଖାହି ମାଗାଣି ମେସାନା, ଜୀସୁ ଏ ପଲ୍‌ଆ ବୃତ୍ତୁତି ଦାକା ହାହାନା ଏଲେଇରେସି, “ଆଡ଼େ ଗୁଲ୍ଲା ଅଡ଼େ ବେରା ବୃତ୍ତୁତି, ନାନୁ

ନିଲେ ହୁକୁମି ହାହିମାଞ୍ଜାଇଁ, ଇଞ୍ଜାଣି ତାଣାଟି ହଚାହାଲ୍ଲାମୁ, ଇଞ୍ଜାଁ ଏଚେଲ୍ଲା ଜିକେଏ ଇଞ୍ଜାଣି ତାଣା ହଡ଼ୁଆନି □

୨୬ ଏମ୍ବାଟିଏ ଏଦି ହାରେକା କିରୁଡ଼ିହିଁ କକାଣାଇଁ ତିରୁଞ୍ଜି କିହାନା ବୁମିତା ତ୍ରକହାନା ହଚାହାଚେ, ଅଡ଼େ କକାସି ହାଡ଼ିଲେହେଁ ଆଡ଼େସି, ଇଲେକିହିଁ ହାରେକା ଲକୁ ଏଲେଇଞ୍ଜିମାଚେରି, “କକାସି ହାଡ଼େସି □

୨୭ ସାମା ଜୀସୁ ଏଞ୍ଜାଣି କେୟୁ ଆସାନା ନିକ୍‌ହେସି, ଇଞ୍ଜାଁ ଏଞ୍ଜାସି ନିତେସି □

୨୮ ଇଞ୍ଜାଁ ଜୀସୁ ଇଜ ଖାହାଲିଏ ତାନି ସୀୟୁୟାଁ ମେଣେଏ ଖେଚେରି, “ମାମ୍ବା ଏନାଆଁତାକି ଏଞ୍ଜାଣାଇଁ ପିସ୍ପି କିହାଲି ଆଡ଼ାଆତମି ?”

୨୯ ଜୀସୁ ଏଞ୍ଜାରାଇଁ ଏଲେଇରେସି, “ପ୍ରାତାନା* କିଆନା ଅଡ଼େ ଏନିକ୍ ଜିକେଏ ଇଲେଡି ବୃତ୍ତ ପେର୍‌ହାଲି ଆଡ଼ାଆୟି □

ତାନି ହାକିତି କାରୁ ଅଡ଼େ ଖେଣ୍ଡେ ଖେହ୍‌ନାୟି
(ମାତି ୧୭:୨୨-୨୩; ଲୁକ ୯:୪୩-୪୫)

୩୦ ଏଞ୍ଜାରି ଏ ଟାୟୁଟି ହାଜାନା ଗାଲିଲି ମାଦିଟି ହାଚେରି, ଇଞ୍ଜାଁ ଆମ୍ବାଆସି ପୁନାଆପେସି ଇଞ୍ଜାଁ ଏଞ୍ଜାଣି ମନ ହିଲ୍ଲାଆତେ;

୩୧ ଇଚିହିଁ ଜୀସୁ ତାନି ସୀୟୁୟାଁଣି ଇ କାତା ଖେସିହିଁ ଜାପ୍‌ହି ମାଚେସି, “ମାଣସି ମୀରଏସି ମାଣସିୟାଁ କେୟୁତା ହେରପିଆନେସି, ଅଡ଼େ ଏଞ୍ଜାରି ଏଞ୍ଜାଣାଇଁ ପାୟିନେରି, ଇଞ୍ଜାଁ ଏଞ୍ଜାସି ହାଡ଼ି ତାୟୁ ତାନିଦିନା ଜେଟ ଖେଣ୍ଡେ ନିଜିନେସି □

୩୨ ସାମା ଏଞ୍ଜାରି ଏ କାତାତି ତେଲ୍‌ହାଆତେରି, ସାମା ଏଞ୍ଜାଣାଇଁ ଖେଞ୍ଜାଲି ଆଜିମାଚେରି □

ଆମ୍ବାଆସି କାଜାସି
(ମାତି ୧୮:୧-୫; ଲୁକ ୯:୪୬-୪୮)

୩୩ ତାୟୁ ଏଞ୍ଜାରି କପରନାହୁମତା ଖାଡ଼େରି □ ଜୀସୁ ଇଜ ଏଜାନା ସୀୟୁୟାଁଣି ଖେଚେସି, “ମୀରୁ ଜିରୁତା ଏନାଆଁ କାତା ଆହିମାଚେରି ?”

୩୪ ☆ସାମା ଏଞ୍ଜାରି ହାଡ଼ା ଆଆନା ପାଲେଏ ଡ଼ୟିତେରି, ଇଚିହିଁ ଆମ୍ବାଆସି କାଜାସି ଇ କାତା ଆସାନା ଜିରୁତା କାତା ଆହିମାଚେରି □

୩୫ ☆ଏମ୍ବାଟିଏ ଜୀସୁ କୁଗାନା ବାର ଜାଣାଇଁ ହାଡ଼ିତେସି ଇଞ୍ଜାଁ ଏଞ୍ଜାରାଇଁ ଏଲେଇରେସି, “ଇଚିହିଁ ଆମ୍ବାଆସି କାଜାସି ଆହାଲି ମନ କିନେସି, ଆଡ଼ିହିଁ ଏଞ୍ଜାସି ବାରେଡି କିହାଁ ଊଣା ଅଡ଼େ ବାରେଡି ସେବା କିନାସି ଆପେସି □

୩୬ ଅଡ଼େ ଏଞ୍ଜାସି ର ଊଣା କକାଣାଇଁ ଅହାନା ଏଞ୍ଜାରି ମାଦି ନିପହେସି ଇଞ୍ଜାଁ ଏଞ୍ଜାଣାଇଁ ପମାନା ଏଞ୍ଜାରାଇଁ ଏଲେଇରେସି,

୩୭ ☆“ଆମ୍ବାଆସି ନା ଦରୁ ତାକି ଇଲେଡି ଊଣା କକାରି ବିତ୍ରାଟି ରଅଣାଇଁ ଆବିନେସି, ଏଞ୍ଜାସି ନାଜେ ଆବାନେସି; ଅଡ଼େ ଆମ୍ବାଆସି ନାଜେ ଆବାନେସି, ଏଞ୍ଜାସି ଖାର୍‌ଇ

* ୯:୨୯ ୯:୨୯ ଏଚେକା ସାସ୍ତେରିତା ପ୍ରାତାନା ଇଞ୍ଜାଁ ଉପାସା ରାସ୍‌କି ଆହାମାନେ □ ☆ ୯:୩୪ ୯:୩୪ ଲୁକ ୨୨:୨୪ ☆ ୯:୩୫ ୯:୩୫ ମାତି ୨୦:୨୨,୨୨; ୨୩:୧୧; ମାର୍ଚ୍ଚ ୧୦:୪୩,୪୪; ଲୁକ ୨୨:୨୭ ☆ ୯:୩୬ ୯:୩୬ ମାତି ୧୦:୪୦; ଲୁକ ୧୦:୧୨; ଜହ ୧୩:୨୦

ନାଙ୍ଗେ ଆବଅସି, ସାମା ନାଙ୍ଗେ ପାଶ୍ଚାତାଣାଙ୍କ ଜିକେଏ ଆବିନେସି □

ମା କପାଟି ନିଙ୍ଗାଆ ଗାଟାସି ମା ତଲେତାସି
(ଲୁକ ୯:୪୯-୫୦)

୩୮ ଜହନ ଏଞ୍ଜାଣାଙ୍କ ଏଲେଇଚେସି, “ଏ ଗୁରୁ ମା ଗତିତା ହିଲାଆଗାଟାସି ରଅସି ନୀ ଦରୁତଲେ ବୁଡୁଣି ପେର୍ହି ମାଗାଣି ମେସୁମି, ଇଞ୍ଜା ଏଞ୍ଜାସି ମା ଗତିତା ହିଲାଆତାକି ଏଞ୍ଜାଣାଙ୍କ କାହିକିତମି □”

୩୯ ସାମା ଜୀସୁ ଏଲେଇଚେସି, “ଏଞ୍ଜାଣାଙ୍କ କାହିକିଆଦୁ; ଇଚିହିଁ ନା ଦରୁତଲେ କାବାଆନି କାମା କିହାନା ଝେଣ୍ଡେ ନାଙ୍ଗେ ନିନ୍ଦା କିୟାନେସି, ଇଲେତି ଲକୁ ଆମ୍ବାଆସି ହିଲଅସି;

୪୦ *ଇଚିହିଁ ଆମ୍ବାଆସି ମା କପାଟି ନିଙ୍ଗାଆ ଗାଟାସି ଏଞ୍ଜାସି ମା ତଲେତାସି □

୪୧ *ନାନୁ ମିଙ୍ଗେ ସାତା ଝେସିମାଞ୍ଜାଙ୍କ, ମୀରୁ କ୍ରୀସ୍ତତି ଲକୁ ଇଞ୍ଜା ଆମ୍ବାଆସି ଜିକେଏ ମିଙ୍ଗେ ଜାଟେକା ଏମୁ ଗସାଲି ହିୟାନେସି, ଏଞ୍ଜାସି ଏନିଜିକେଏ ତାନି ଦାନାତି ଜାକ୍ଅସି □”

ନାମୁତା ପାପୁ କିଞ୍ଜି କିନାଣି ତଣ୍ଡ
(ମାତି ୧୮:୭-୯; ଲୁକ ୧୭:୧-୨)

୪୨ ଅଡେ ଆମ୍ବାଆସି ନାମାମାନି ଇ ଉଣାୟା ବିତ୍ରାଟି ରଅଣାଙ୍କ ପାପୁ କିଞ୍ଜି କିନେସି, ଏଞ୍ଜାଣି ହେର୍କିତା କାଜା ଜେତାଞ୍ଜାଲି ଦସାନା ଏଞ୍ଜାଣାଙ୍କ ସାମ୍ବୁରିତା ମେଡ଼ହିହିଁ ନେହେଁ ଆଡେମା □

୪୩ *ମୀ କେୟୁ ମିଙ୍ଗେ ପାପୁ କିଞ୍ଜିକିୟାନେ, ଇଚିହିଁ ଏଦାଆଁ ଜାଟାନା କୁତାଦୁ; ରୀ କେସ୍ତା ମାଞ୍ଜାନା ନର୍କ ଇଚିହିଁ ତୁମ୍ବାଆଗାଟି ହିରୁ ଗାଡ଼ୟୁତା ମେଡ଼ପି ଆନି ବାଟା କଲା ଆହାନା ଜୀଞ୍ଜୁତା ହଡ଼ନାୟି ମିଙ୍ଗେ ତାକି ନେହେଁ □

୪୪ ଇଚିହିଁ ନର୍କତା ଏମ୍ବାତି ପିଡ଼କା ଏଚେଲା ହାଡ଼, ଅଡେ ହିରୁ ଏଚେଲା ତୁମ୍ବେଏ □†

୪୫ ଅଡେ ମୀ କତା ମିଙ୍ଗେ ପାପୁ କିଞ୍ଜିକିୟାନେ, ଏଦାଣି ରାଡ଼ହା କୁତାଦୁ, ରୀ କତାୟା ନେହେଁ ମାଞ୍ଜାନା ନର୍କତା ମେଡ଼ପି ଆନି ବାଟା ସଟା ଆହାନା ଜୀଞ୍ଜୁତା ହଡ଼ନାୟି ମିଙ୍ଗେ ତାକି ନେହେଁ □

୪୬ ଇଚିହିଁ ନର୍କତା ଏମ୍ବାତି ପିଡ଼କା ଏଚେଲା ହାଡ଼, ଅଡେ ହିରୁ ଏଚେଲା ତୁମ୍ବେଏ □‡

୪୭ *ଇଞ୍ଜା ମୀ କାନୁ ମିଙ୍ଗେ ପାପୁ କିଞ୍ଜିକିୟାନେ ଇଚିହିଁ ଏଦାନି ଡେଞ୍ଜା କୁତାଦୁ, ରୀ କାଣ୍ଡକା ନେହେଁ ମାଞ୍ଜାନା ନର୍କତା ମେଡ଼ପି ଆନି କିହାଁ ର କାନୁ ତଲେ ମାହାପୁରୁ ରାଜିତା ହଡ଼ନାୟି ମିଙ୍ଗେ ତାକି ନେହେଁ □

୪୮ ଇଚିହିଁ ନର୍କତା ଏମ୍ବାତି ପିଡ଼କା ଏଚେଲା ହାଡ଼, ଅଡେ ହିରୁ ଏଚେଲା ତୁମ୍ବେଏ □

୪୯ “ହାରୁ ତଲେ ଏନିକିଁ ପୂଜା ହାନାୟି ସୁଦୁ ଆନେ, ଏଲେକିହିଁ ଏ ହିରୁତଲେ ବାରେ ସୁଦୁ କିଞ୍ଜିଆନେ □”

୫୦ * “ହାରୁ ନେହାୟି, ସାମା ହାରୁ ମୁଆସାରେ ଆତିହିଁ ଏନିକିଁ ମୁପି କିନାୟି ଆନେ ? ମୀରୁ ମୀ ତାଣା ହାରୁ ଲେହେଁ ଆଦୁ, ଅଡେ ରଅତେରି ରଅଣାକି ହିଡ଼ଡ଼ି ଜୀଞ୍ଜୁତଲେ ନେହିଁ ଆହିଁ ଡ଼ୟାଦୁ □”

୧୦

ତକ୍ତି ତକ୍ତା ପିସ୍ପିଆନି କାତା ଜୀସୁ ଜାପ୍ନାୟି
(ମାତି ୧୯:୧-୧୨; ଲୁକ ୧୭:୧୮)

୧ ଏ ଗାୟୁଟି ଜୀସୁ ହାଜାନା ଜୀହୁଦା ରାଜିତି ହାନ୍ଦି ଅଡେ ଜର୍ଦନ କାତା ଆତାଲାଞ୍ଜାକି ଝାଡେସି; ଇଞ୍ଜା ଲକୁ ଅଡେ ଝେଣ୍ଡେ ଏଞ୍ଜାଣି ତାଣା ରୁଣ୍ଡା ଆହାଲିଏ, ଏଞ୍ଜାସି ତାନି ମେରା ଲେହେଁ ଏଞ୍ଜାରାଙ୍କ ଅଡେ ଜାପ୍ନାଲି ମାଟ୍‌ହେସି □

୨ ଏମ୍ବାଟିଏ ପାରୁସିୟାଁ ଏଞ୍ଜାଣି ତାଣା ଝାହାନା ଏଞ୍ଜାଣାଙ୍କ ତାୟିପାରିକିହିଁ ଝେଚେରି, “ଜାହାରା ତକ୍ତିନି ପିସାଲି ଆବାୟାକି ମେରା କି ?”

୩ ଜୀସୁ ଏଞ୍ଜାରାଙ୍କ ଏଲେଇଚେସି, “ମସା ମିଙ୍ଗେ ଏନି ହୁକୁମି ହାହାମାଞ୍ଜାନେସି ?”

୪ *ଏଞ୍ଜାରି ଏଲେଇଚେରି, “ପିହିନି ଆକୁ ରାଟାନା ତକ୍ତିନି ପିସାଲି ମସା ହେଲ ହାହାମାଞ୍ଜାନେସି □”

୫ ଏମ୍ବାଟିଏ ଜୀସୁ ଏଞ୍ଜାରାଙ୍କ ଏଲେଇଚେସି, “ମୀ ଆଟ୍‌ଞ୍ଜା ହିୟାତି ମେସାନା ଏଞ୍ଜାସି ମିଙ୍ଗେତାକି ଇ ହୁକୁମି ରାଟାମାନେସି □

୬ ସାମା ମାଣ୍ଡି ଗାଡ଼ି ଆଡ଼ି ବେଲାଟିଏ ଏଞ୍ଜାସି ଏଞ୍ଜାରାଙ୍କ ଆୟା ଅଡେ ଆବା କିହିଁ ମାହାପୁରୁ ଗାଡ଼ିକିତେସି □

୭ ଏଦାଆଁତାକି ଆବା ତାଲି ତାଞ୍ଜିଙ୍କ ପିହିନେସି, ଇଞ୍ଜା ତାନି ତକ୍ତି ତଲେ ଆଣ୍ଡିନେସି,

୮ ଇଞ୍ଜା ଏଞ୍ଜାରି ରିଆରି ଆଏ, ସାମା ରଣ୍ଡିଏ ଆଙ୍ଗା ଆନେରି □

୯ ଇଞ୍ଜା ମାହାପୁରୁ ଏଦାଆଁ ଆଣ୍ଡି କିହାମାନେସି, ମାଣ୍ଡିଏ ଏଦାଆଁ ଏଟକା କିଆପେସି □”

୧୦ ତାୟୁ ସୀସୁୟାଁ ଇଜ ଇ କାତାତି ଜୀସୁଙ୍କ ଅଡେ ଝେଣ୍ଡେ ଝେଚେରି □

୧୧ *ଏମ୍ବାଟିଏ ଜୀସୁ ଏଞ୍ଜାରାଙ୍କ ଏଲେଇଚେସି, “ଆମ୍ବାଆସି ତାନି ତକ୍ତିନି ପିସାନା ଏଟକାତାଣି ବାହା ଆନେସି, ଏଞ୍ଜାସି ତଲିତି ତକ୍ତିନି କପାଟି ଦାରିକାମା କିନେସି □

୧୨ ଅଡେ ତକ୍ତି ତାନି ତକ୍ତାଙ୍କ ପିସାନା ଏଟକାତାଣାଙ୍କ ବାହା ଆନେ, ଆତିହିଁ ଏଡ଼ି ଦାରିକାମା କିନେ □”

କକାରି ପଦାଁଣି ଜୀସୁ ବର ହାନାୟି
(ମାତି ୧୯:୧୩-୧୫; ଲୁକ ୧୮:୧୫-୧୭)

☆ ୯:୪୦ ୯:୪୦ ମାତି ୧୨:୩୦; ଲୁକ ୧୧:୨୩ ☆ ୯:୪୧ ୯:୪୧ ମାତି ୧୦:୪୨ ☆ ୯:୪୩ ୯:୪୩ ମାତି ୫:୩୦ † ୯:୪୪ ୯:୪୪ କଚେକା ସାସ୍ତେରିତା ଇ କାତା ରାସ୍ତିକି ଆହାହିଲେଏ □ ‡ ୯:୪୬ ୯:୪୬ କଚେକା ସାସ୍ତେରିତା ଇ କାତା ରାସ୍ତିକି ଆହାହିଲେଏ □ ☆ ୯:୪୭ ୯:୪୭ ମାତି ୫:୨୯ ☆ ୯:୫୦ ୯:୫୦ ମାତି ୫:୧୩; ଲୁକ ୧୪:୩୫, ୩୫ ☆ ୧୦:୪ ୧୦:୪ ମାତି ୫:୩୧ ☆ ୧୦:୧୧ ୧୦:୧୧ ମାତି ୫:୩୨; ୧କର ୭:୧୦, ୧୧

୧୩ ଏଞ୍ଜେଲ୍ ଏନିକିହିନା କକାରି ପଦାଣି ତୀରିନେସି, ଏଦାଆଁତାକି ଲକୁ ଏଞ୍ଜେରାକ୍ ଜୀସୁ ତାଣା ତାଚାଲି ମାଟ୍‌ହେରି; ସାମା ସୀସୁୟାଁ ଏଞ୍ଜେରାକ୍ ଦାକା ହୀତେରି □

୧୪ ଜୀସୁ ଏଦାଆଁ ମେସାଁ କାର୍‌ବି ଆହାନା ଏଞ୍ଜେରାକ୍ ଏଲେଇଚେସି, “କକାରି ପଦାଣି ନା ତାଣା ଖାହାଲି ହୀଦୁ, ଏଞ୍ଜେରାକ୍ ଆଂଗାଆଦୁ; ଇଚିହ୍ମ ମାହାପୁରୁତି ରାଜି ଇଲେତି ଲକୁତାୟି □

୧୫ ନାନୁ ମିଙ୍ଗ ସାତା ଝେସିମାଞ୍ଜାକ୍, ଆମ୍ବାଆସି କକାରି ପଦାୟାଁ ଲେହେଁ ମାହାପୁରୁତି ରାଜି ଆବଅସି, ଏଞ୍ଜେଲ୍ ଏନିକିକେଏ ଏମ୍ବାଆଁ ହଡ଼ାଲି ଆଡ଼ଅସି □”

୧୬ ଇଞ୍ଜାଁ ଏଞ୍ଜେଲ୍ ଏଞ୍ଜେରାକ୍ କତାଣା ଜଙ୍ଗାମା ଏଞ୍ଜେରି ଲାକ କେୟୁ ଇଟାନା ବର ହୀତେସି □

ର ଦନ ଗାଟି ଦାଂଗ୍‌ଶେଏସି
(ମାତି ୧୯:୧୭-୩୦; ଲୁକ ୧୮:୧୮-୩୦)

୧୭ ଜୀସୁ ଅଡ଼େ ଝେଶ୍ଟେ ହାଜିମାଚାଟି ରଅସି ଦାବ୍‌ଡ଼ି ଖାହାନା ଏଞ୍ଜେଲି ନକିତା ମେଶ୍ଟାକ୍‌ତାନା ଏଞ୍ଜେରାକ୍ ଝେଚେସି, “ଏ ନେହ୍ମ୍ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏନାଆଁ କିକ୍?”

୧୮ ଏମ୍ବାଟିଏ ଜୀସୁ ଏଞ୍ଜେରାକ୍ ଏଲେଇଚେସି, “ନାଙ୍ଗେ ନେହ୍ମ୍‌ତି ଇଞ୍ଜିଁ ଏନାଆଁତାକି ଏଲେଇଞ୍ଜି ମାଞ୍ଜାଦି ? ରଅଣି ପିସ୍‌ପେ ଇଚିହ୍ମ୍ ମାହାପୁରୁ ପିସ୍‌ପେ ଅଡ଼େ ଆମ୍ବାଆସି ନେହ୍ମ୍‌ସି ହିଲଅସି □

୧୯ ନାନୁ ସାଢ଼େସ୍‌ପୁରିତି ବାରେ ହୁକୁମିକା ପୁଞ୍ଜାମାଞ୍ଜି, ଲକୁଣି ପାୟାଆଦୁ, ଦାରିକାମା କିଆଦୁ, ସରୁ କିଆଦୁ, ମିତି ସାକି ଜଲାଆଦୁ, ଲକୁଣି ନାଡ଼ି କିଆଦୁ, ଇଞ୍ଜାଁ ତାଲି ତାଞ୍ଜିକ୍ ଜୀସୁନଦୁ □”

୨୦ ଏଞ୍ଜେଲ୍ ଏଞ୍ଜେରାକ୍ ଏଲେଇଚେସି, “ଏ ଗୁରୁ ଇ ବାରେ ନାନୁ ଉଣା ଝେଡ଼ାଟିଏ ମାନଞ୍ଜି ଆହିମାକ୍ □”

୨୧ ଜୀସୁ ଏଞ୍ଜେରାକ୍ ତୀରେ ସିନିକିହ୍ମାଁ ଜୀସୁ ନଡ଼େସି ଇଞ୍ଜାଁ ଏଲେଇଚେସି, “ନାନୁ ର କାମାତା ଉଣା ମାଞ୍ଜି, ନାନୁ ହାଜାନା ନୀ ଦନ ବାରେ ପାରଚାନାହାଁ ହିଲଆ ଗାଟାରାକି ଦାନା ହୀମ୍, ଅଡ଼େ ନା ଜେଟ ଖାମ୍, ଇଞ୍ଜାଁ ନାନୁ ଲାକପୁରୁ ଦନ ବେଟାଆଦି □”

୨୨ ସାମା ଇ କାତାତା ଏଞ୍ଜେଲି ମୁମ୍ ହାପୁଲି ଆହାହାଚେ, ଇଞ୍ଜାଁ ଏଞ୍ଜେଲ୍ ଦୁକୁ ଆହାନା ହାଚେସି, ଇଚିହ୍ମ୍ ଏଞ୍ଜେରାକି ହାଚେକା ଦନ ମାଚେ □

୨୩ ଏମ୍ବାଟିଏ ଜୀସୁ ସାରିଖାକି ସିନିକିହାନା ତାନି ସୀସୁୟାଁଣି ଏଲେଇଚେସି, “ଦନ ଗାଟାରି ହାଚେକା କସ୍‌ତଲେ ମାହାପୁରୁ ରାଜିତା ହଡ଼ନେରି □”

୨୪ ଏଞ୍ଜେଲି କାତା ଝେଞ୍ଜାନା ସୀସୁୟାଁ କାବା ଆଡ଼େରି, ସାମା ଜୀସୁ ଅଡ଼େ ଝେଶ୍ଟେ ଏଞ୍ଜେରାକ୍ ଏଲେଇଚେସି, “ଆଡ଼େ କକାଚେରି ମାହାପୁରୁ ରାଜିତା ହଡ଼ନାୟି ହାଚେକା କସ୍‌ତ □

୨୫ ମାହାପୁରୁତି ରାଜିତା ଦନ ଗାଟାରି ହଡ଼ନି କିହାଁ ସୁଜା କାଣିଟି ଉଚୁ ହଡ଼ନାୟି ଉସାସା □”

୨୬ ଏମ୍ବାଟିଏ ଏଞ୍ଜେରି ହାଚେକା କାବାଆହାନା ତାମ୍ବୁ ତାମ୍ବୁ କାତା ଆଡ଼େରି, “ଆତିହ୍ମ୍ ଆମ୍ବାଆସି ଗେଲ୍‌ପି ଆହାଲି ଆଡ଼ିନେସି ?”

୨୭ ଜୀସୁ ଏଞ୍ଜେରାକ୍ ତୀରିତଲେ ସିନିକିହାନା ଏଲେଇଚେସି, “ଇଦି ମାଣ୍‌ସିକି ଆଡ଼ାଆଗାଟାୟି, ସାମା ମାହାପୁରୁକି ଆଏ; ଇଚିହ୍ମ୍ ମାହାପୁରୁ ବାରେ କିହାଲି ଆଡ଼ିନେସି □”

୨୮ ପିତର ଏଞ୍ଜେରାକ୍ ଏଲେଇଚେସି, “ମେହ୍‌ମୁ ମାମ୍ବୁ ବାରେ ପିସାମା ନୀ ଜେଟ ଖାହାମାନି □”

୨୯ ଜୀସୁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାକ୍, ଆମିନି ଲକୁ ନା ନେହ୍ମ୍ କାରୁତାକି ଇଲୁ କି ତାୟିକି ତାଜି କି ତାଲି, ତାଞ୍ଜି, କକାରି ପଦାଣି କି ବୁମି ବାଡ଼ା ପିସାମାନେରି,

୩୦ ଅଡ଼େ ଇ କାଲାତା କସ୍‌ ବେଟାଆହ୍ମ୍, ଖାଞ୍ଜା ଗୁଣ୍ଡୁତି ଇଲୁକା, ତାୟି, ତାଜି, ତାଲି ତାଞ୍ଜି, କକାରି ପଦାୟାଁ ଅଡ଼େ ବୁମି ବାଡ଼ା, ଇଞ୍ଜାଁ ଖାନି ଜୁଗୁତା କାଲାକାଲାତି ଜୀସୁ ବେଟାଆସି, ଇଲେତି ଲକୁ ଆମ୍ବାଆସି ହିଲଅସି □

୩୧ ସାମା ନକିତା ମାନି ହାଚେକା ଲକୁ ତାୟୁ ଆନେରି, ଇଞ୍ଜାଁ ତାୟୁ ମାନି ହାଚେକା ଲକୁ ନକିନେରି □”

ଜୀସୁ ତାନି ପାଲି ତାନି ହାନି କାତା ଝେହ୍‌ନାୟି
(ମାତି ୨୦:୧୭-୧୯; ଲୁକ ୧୮:୩୧-୩୪)

୩୨ ଏଞ୍ଜେରି ଜିରୁସାଲମତା ହାଜିମାଚାଟି ଜିରୁତା ମାଚେରି ଇଞ୍ଜାଁ ଜୀସୁ ଏଞ୍ଜେରି ନକି ନକିତା ହାଜିମାଚେସି, ଅଡ଼େ ଏଞ୍ଜେରି କାବାଆହାନା ତାୟୁ ଖାହିମାନି ଲକୁ ଆଜାମାଚେରି, ଇଞ୍ଜାଁ ଏଞ୍ଜେଲ୍ ଝେଶ୍ଟେ ବାରଜାଣାତି ଏଚ୍‌କା କିହାନା ତାଙ୍ଗେତାକି ଏନା ଏନାୟି ଆହାଲି ହାଜିମାନେ, ଏ ବାରେ ଏଞ୍ଜେରାକ୍ ଝେସାଲି ମାଟ୍‌ହେସି □

୩୩ ଜୀସୁ ଏଲେଇଚେସି, “ମେହ୍‌ଦୁ ମାର ଜିରୁସାଲମତା ହାଜିମାନାୟି; ମାଣ୍‌ସି ମୀର୍‌ସସି କାଜା ପୂଜେରାଙ୍ଗା ଅଡ଼େ ମେରାପୁନାରି କେୟୁତା ହେର୍‌ପିଆନେସି, ଅଡ଼େ ଏଞ୍ଜେରି ଏଞ୍ଜେରାକ୍ ହାନି ତଣ୍ଡ ହୀହାନା ଏଚ୍‌କା କୃଡ଼ାତାରି କେୟୁତା ହେର୍‌ପିନେରି,

୩୪ ଇଞ୍ଜାଁ ଏଞ୍ଜେରି ଏଞ୍ଜେରାକ୍ କିଜଞ୍ଜି କିନେରି, ଏଞ୍ଜେରିଲାକ ହୁପିନେରି, ଏଞ୍ଜେରାକ୍ ସାଟ୍‌ଣି ତଲେ ଝେନେରି, ଇଞ୍ଜାଁ ପାୟିନେରି, ଅଡ଼େ ତାନି ଦିନାଟିଏ ଝେଶ୍ଟେ ନିଙ୍ଗିନେସି □”

ଜାକୁବ ଅଡ଼େ ଜହନ ବାତିମାଲିନାୟି
(ମାତି ୨୦:୨୦-୨୮)

୩୫ ତାୟୁ ଜେବଦି ମୀର୍‌କା ଜାକୁବ ଅଡ଼େ ଜହନ ଜୀସୁ ତାଣା ଖାହାନା ଏଲେଇଚେରି, “ଏ ଗୁରୁ ମା ଅଣ୍‌ପୁ ମାମ୍ବୁ ନୀ ତାଣାଟି ଏନାଆଁ ରୀହନି ଏଦାଆଁ ମା ତାକି ନାନୁ କିମ୍ବୁ □”

୩୬ ଇଞ୍ଜାଁ ଜୀସୁ ଏଞ୍ଜେରାକ୍ ଝେଚେସି, “ନାନୁ ମୀ ତାକି ଏନାଆଁ କିକ୍ ଇଞ୍ଜିଁ ମୀରୁ ଅଣ୍‌ପିମାଞ୍ଜେରି ?”

☆ ୧୦:୧୫ ୧୦:୧୫ ମାତି ୧୮:୩ ☆ ୧୦:୩୧ ୧୦:୩୧ ମାତି ୨୦:୧୭; ଲୁକ ୧୩:୩୦

୩୭ ଏଞ୍ଜରୀ ଏଞ୍ଜାଣାଇଁ ଏଲେଇଚେରି, “ନାନୁ ଗାଞ୍ଜୁରମିଗାଟି ରାଜିତା କୁଗିସାରେ ଏନିକ୍ ମା ବିତ୍ରାଟି ରଅତମି ନୀ ଚିଃନି ଚଟ ଅଡେ ରଅତମି ନୀ ଚେବୁ ଚଟ କୁଗିନମି ଇ ବର ମାଜେ ହିୟାମୁ □”

୩୮ ☆ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଏନାଆଁ ରାସିମାଜେରି ଏଦାଆଁ ପୁଞ୍ଜାହିଲଅତେରି □ ନାନୁ ଆମିନି ସଲ୍ଲତା ଗସିମାଇଁ, ଏମ୍ବାଆଁ ମୀରୁ ଗସାଲି ଆଡିଦେରି ? ଇଞ୍ଜା ନାନୁ ଆମିନି ବାପ୍ତିସ୍ମା* ବାପ୍ତିସ୍ମା† ଅହିମାଇଁ ଏମ୍ବାଆଁ ମୀରୁ ବାପ୍ତିସ୍ମା‡ ଆହାଲି ଆଡିଦେରି ?”

୩୯ ଏଞ୍ଜରୀ ଏଲେଇଚେରି, “ଆଡିନମି □”

ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ଆମିନି ସଲ୍ଲତା ଗସିମାଇଁ ଏମ୍ବାଆଁ ଗସାଲି ଆଡିଦେରି, ଇଞ୍ଜା ନାନୁ ଆମିନି ବାପ୍ତିସ୍ମା§ ବାପ୍ତିସ୍ମା* ଅହିମାଇଁ ମୀରୁ ଏମ୍ବାଆଁ ବାପ୍ତିସ୍ମା† ଆଡେରି;

୪୦ ସାମା ନା ଚିଃନି ଅଡେ ଚେବୁଞ୍ଜାକି କୁଗାଲି ହୀହାଲି ନା ଅଦିକାରାତି କାତା ଆଏ, ଆମ୍ବାଆରାକି ମାହାପୁରୁ ଚାୟୁ କେପାମାନେସି ଏଞ୍ଜରୀ କୁଗିନେରି □”

୪୧ ଏଟକାତି ଦସ ଜାଣା ଇଦାଆଁ ଝେଞ୍ଜାନା ଜାକୁବ ଅଡେ ଜହନଇଁ କାରବି ଆହାଲି ମାଟୁହେରି □

୪୨ ☆ଏମ୍ବାଟିଏ ଜୀସୁ ଏଞ୍ଜାରାଇଁ ତାଗେ ହାଟାନା ଏଲେଇଚେସି, “ଆମିନି ଗାଟାରି ଏଟକା କୁଡାତି ସାଲୁଞ୍ଜି କିନାରି ଲେହେଁ ଆହାମାନେରି, ଏଞ୍ଜରୀ ଲାକ ସାଲୁଞ୍ଜି କିନେରି, ଅଡେ ଏଞ୍ଜରୀ କାଜାପାଣା ଗାଟାରି ଏଞ୍ଜରୀ ମୁହେଁ ସାଲୁଞ୍ଜି କିନେରି, ଇଦାଆଁ ମୀରୁ ପୁଞ୍ଜୁ □

୪୩ ☆ସାମା ମୀ ବିତ୍ରା ଏଲେକିହିଁ ଆଏ; ସାମା ମୀ ବିତ୍ରା ଆମ୍ବାଆସି କାଜାସି ଆହାଲି ମନ କିନେସି, ଏଞ୍ଜାସି ମୀ ସେବା କିପେସି,

୪୪ ଅଡେ ମୀ ବିତ୍ରା ଆମ୍ବାଆସି କାଜାସି ଆହାଲି ମନ କିନେସି, ଏଞ୍ଜାସି ବାରେଡି ହଲେଏସି ଆପେସି □

୪୫ ଇତିହିଁ ମାଣ୍ଡସି ମୀରୁଏସି ଜିକେଏ ସେବା ବେଟାଆହାଲି ଖାହାହିଲଅସି, ସାମା ସେବା କିହାଲି ଇଞ୍ଜା ହାରେକା ଲକୁଣି ପାପୁଟି ପିସ୍ପି କିହାଲିତାକି ତାନି ଜୀଞ୍ଜୁ ହୀହାଲି ଖାହାମାନେସି □”

ଜୀସୁ ବାଟି ମୟ କାଣାଇଁ ନେହିଁ କିନାୟି
(ମାତି ୨୦:୨୯-୩୪; ଲୁକ ୧୮:୩୫-୪୩)

୪୬ ତାୟୁ ଏଞ୍ଜରୀ ଜିରିହତା ଏଗାତେରି, ଅଡେ ଏଞ୍ଜାସି ତାନି ସୀୟୁୟାଁ ଇଞ୍ଜା ମାୟା ଲକୁତଲେ ଜିରିହତି ହାଜିମାନି ବେଲ୍ଲାତା ଟିମାୟ ମୀରୁଏସି ବାଟି ମୟ ଦରୁଗାଟି ର କାଣା, ରୀସ୍ପାଲି ଜିରୁ ଦାରିତା କୁଗାମାଚେସି □

୪୭ ଏଞ୍ଜାସି ନାଜରିତଡି ଜୀସୁ, ଇମ୍ବାଟି ହାଜିମାନେସି ଇଞ୍ଜାଁ ଝେଞ୍ଜାନା ଏଞ୍ଜାସି କାଜା ଗିୟାତଲେ ଏଲେଇଚେସି, “ଏ ଦାଞ୍ଜୁଦ ମୀରୁଏଶାତି ଜୀସୁ ନାଜେ କାର୍ମା ମେସ୍ତାମୁ □”

୪୮ ଏମ୍ବାଟିଏ ହାରେକା ଲକୁ ଏଞ୍ଜାଣାଇଁ ପାଲେଏ ଆହାଲି ଦାକା ହୀତେରି, ସାମା ଏଞ୍ଜାସି ଅଡେ କାଜା ହାଡାତଲେ ଏଲେଇଚେସି, “ଏ ଦାଞ୍ଜୁଦ ମୀରୁଏଶାତି ଜୀସୁ ନାଜେ କାର୍ମା ମେସ୍ତାମୁ □”

୪୯ ଏମ୍ବାଟିଏ ଜୀସୁ ନିଚାନା ଏଲେଇଚେସି, “ଏଞ୍ଜାଣାଇଁ ହାଟାନ୍ତୁ □” ଏଞ୍ଜାରି ଏ କାଣାଇଁ ହାଟାନା ଏଲେଇଚେରି, “ସାସା ଆହାନା ନିଜାମୁ, ଏଞ୍ଜାସି ନିଜେ ହାଟିମାଞ୍ଜାନେସି □”

୫୦ ଏମ୍ବାଟିଏ ଏଞ୍ଜାସି ନିଜାମା ତାନି ହିମ୍ବୁରି କୁତାନା ଜୀସୁ ତାଣା ଖାଡେସି □

୫୧ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ନିଜେତାକି ଏନାଆଁ କିଇଁ ଇଞ୍ଜାଁ ନାନୁ ଅଣ୍ପିମାଞ୍ଜି ?” ଏ କାଣା ଏଞ୍ଜାଣାଇଁ ଏଲେଇଚେସି, “ଏ ଗୁରୁ ନାନୁ ଏନିକ୍ ମେସାଲି ଆଡିଇଁ □”

୫୨ ଜୀସୁ ଏଞ୍ଜାଣାଇଁ ଏଲେଇଚେସି, “ହାଲ୍ଲାମୁ ନୀ ନାମୁ ନିଜେ ନେହିଁ କିୟାତେ □” ଏ ଦେବୁଣିଏ ଏଞ୍ଜାସି ମେସାଲି ଆଡିତେସି, ଇଞ୍ଜା ଏଞ୍ଜାରି ଜେତ ଜେତ ହାଚେସି □

୧୧

ଜୀସୁ ଜିରୁସାଲମତା ହଡନାୟି

(ମାତି ୨୧:୧-୧୧; ଲୁକ ୧୯:୨୮-୪୦; ଜହ ୧୨:୧୨-୧୯)

୧ ଏଚିବେଲ୍ଲା ଏଞ୍ଜରୀ ଜିରୁସାଲମ ତାଗେ ଆହାନା ଜୀତ ହରୁ ତାଗେ ବେଡପାଗି ଇଞ୍ଜା ବେତନିୟାଁ ତାଗେ ଖାଡେରି, ଏଚିବେଲ୍ଲା ଏଞ୍ଜାସି ତାନି ସୀୟୁୟାଁ ବିତ୍ରାଟି ରିଆରାଇଁ ଇ କାତା ଝେସା ପାଣ୍ଡିତେସି,

୨ “ମୀ ନକିତା ମାନି ଏ ନାୟୁଁତା ହାଜୁ; ଏ ନାୟୁଁତା ହଡ଼ଞ୍ଜିଏ ଆମିନି ଲାକ ଆମ୍ବାଆରି ଏଚେଲ୍ଲା ହଡ଼ା ହିଲଅରି ଇଲେତି ର ଗାଡ଼ଦେ ତାଲୁଡି ଦସାମାନାଣି ମେହ୍ଦେରି; ଏଦାନି ହୁକହାନା ତାଡୁ □

୩ ଅଡେ ଆମ୍ବାଆସି ଏନାଆଁ କିହିମାଜେରି ଇଞ୍ଜାଁ ମିଜେ ଝେଞ୍ଜାନେସି, ଆତିହିଁ ଏଲେଇଞ୍ଜୁ, ଇଦାଣି ତାଣା ମା ପ୍ରବୁକି ଲଡାମାନେ, ଅଡେ ଝେଣ୍ଡେ ଇଦାଣି ଝେଡାକିଆନା ପାଣ୍ଡାନେସି □”

୪ ଏଞ୍ଜାରି ହାଜାନା ଦୁଝେରିଦାରି ଆଂଗେଣିତା ର ଗାଡ଼ଦେ ତାଲୁଡି ଦସାମାନାଣି ମେସାନା ଏଦାଣି ହୁକହେରି,

୫ ଏମ୍ବାଟିଏ ଏମ୍ବାଆଁ ନିଚାମାଟି ଲକୁ ବିତ୍ରାଟି ଏଚରଜାଣା ଝେଚେରି, “ଗାଡ଼ଦେ ତାଲୁଡି ପିସାନା ଏନାଆଁ କିହିମାଜେରି ?”

୬ ଜୀସୁ ଏନିକ୍ ଝେସାମାଚେସି, ଏଞ୍ଜାରି ଏଲେକ୍ ଏଞ୍ଜାରାଇଁ ଏଲେଇଚେରି; ଏମ୍ବାଟିଏ ଏଞ୍ଜାରି ଏଞ୍ଜାରାଇଁ ହେଲ ହୀତେରି □

☆ ୧୦:୩୮ ୧୦:୩୮ ଲୁକ ୧୨:୫୦ * ୧୦:୩୮ ୧୦:୩୮ ମୁଞ୍ଜନାୟି † ୧୦:୩୮ ୧୦:୩୮ ମୁଞ୍ଜନାୟି ‡ ୧୦:୩୮ ୧୦:୩୮ ମୁଞ୍ଜନାୟି § ୧୦:୩୯ ୧୦:୩୯ ମୁଞ୍ଜନାୟି * ୧୦:୩୯ ୧୦:୩୯ ମୁଞ୍ଜନାୟି † ୧୦:୩୯ ୧୦:୩୯ ମୁଞ୍ଜନାୟି ☆ ୧୦:୪୨ ୧୦:୪୨ ଲୁକ ୨୨:୨୫, ୨୬ ☆ ୧୦:୪୩ ୧୦:୪୩ ମାତି ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୬

୭ ଜୀସୁ ନକିତା ଗାଡ଼ଦେ ତାଲୁତି ତାଚାନା ଏଞ୍ଜାରି ଏଦାଣି ଲାକ ତାମି ହିମ୍ବରକା ପାସ୍ତେରି, ଅଡ଼େ ଜୀସୁ ଏଦାନିଲେକ କୁରିତେସି □

୮ ଅଡ଼େ ହାରେକା ଜିରୁତା ତାମି ହିମ୍ବରକା ପାସ୍ତେରି ଅଡ଼େ ଏଟକାତାରି ଜାଡ଼ାତି ଗରାୟାଁ ଚୁଣ୍ଡା ତାଚାନା ପାସ୍ତେରି □

୯ ଇଞ୍ଜା ନକିତା ତାୟୁଞ୍ଜାକି ହାଜିମାନି ଲକୁ କାଜା ହାଡ଼ାତଲେ ଏଲେଇଚେରି, “ହସାନା ମାହାପୁରୁ ଦରୁତି ଆମ୍ବାଆସି ଖାହିମାନେସି, ଏଞ୍ଜାସି ନେହାସି □

୧୦ ମା ଆକୁ ଦାଞ୍ଜୁଦତି ଆମିନି ରାଜି ଖାହିମାନେ, ଏଦି ଜହରା, ଲାକପୁରୁତି ହସାନା □”

୧୧ ତାୟୁ ଜୀସୁ ଜିରୁସାଲମତା ଖାହାନା ମାହାପୁରୁ ଇଲୁତା ହାଚେସି, ଇଞ୍ଜା ସାରିଞ୍ଜାକି ମାନାଣି ବାରେ ସିନିକିହାନା ମିଡ଼ଅଲ୍ଲା ଆହାଲିଏ ବାରଜାଣା ସାସୁୟାଁ ତଲେ ବେତନିୟାତା ହାଚେସି □

ଜୀସୁ ତୟା ମାରୁନୁତି ବାକା ଇଟିନାୟି
(ମାତି ୨୧:୧୮-୧୯)

୧୨ ତାନି ଅର ଦିନା ବେତନିୟାତି ଖାହିମାଚାଟି ଜୀସୁ ହାକି ଆଡ଼େସି;

୧୩ ଇଞ୍ଜା ହେକଟି ଆକା ମାନି ର ତୟା ମାରୁନୁତି ଆକା ମେସାନା ଏମ୍ବାଆଁ ପାଡ଼େୟି ବେଟାଆନି ଆସା ତଲେ ତାଗେ ହାଚେସି □ ସାମା ତାଗେ ଖାହାନା ଏଞ୍ଜାସି ଆକା ପସ୍ତେ ଅଡ଼େ ଏନାଆଁ ପୁଞ୍ଜାଆଡେସି, ଇତିହାଁ ଏଦି ତୟା ଆୟିନି ଖେଡ଼ା ହିଲାଆଡେ □

୧୪ ଏମ୍ବାଟିଏ ଜୀସୁ ଏଦାଣି ଏଲେଇଚେସି, “ନୀ ପାଡ଼େୟି ଲକୁ ଏଚେଲା ତିନାଆପେରି □” ଏଞ୍ଜାଣି କାତା ତାମି ସାସୁୟାଁ ଖେଞ୍ଜାମାଚେରି □

ଜୀସୁ ମାହାପୁରୁ ଇଲୁତା ହାନାୟି
(ମାତି ୨୧:୧୨-୧୭; ଲୁକ ୧୯:୪୫-୪୮; ଜହ ୨:୧୩-୨୨)

୧୫ ତାୟୁ ଏଞ୍ଜାରି ଜିରୁସାଲମତା ଖାଡ଼େରି, ଅଡ଼େ ଜୀସୁ ମାହାପୁରୁ ଇଲୁତା ହଡ଼ାନା ଏ ଗାୟୁତା ବେବାରା କିହିମାତି ଲକୁଣି ପାଙ୍ଗାତା ପେର୍ହାଲି ମାଟ୍‌ହେସି, ଇଞ୍ଜା ଚାକାୟାଁ ବେବାରା ଗାଟାରି କୁଟିୟାଁ ଅଡ଼େ ପଗାୟାଁ ବେବାରା କୁଟିୟାଁ ତିରିମ୍ବୁପ୍‌ହେସି □

୧୬ ଇଞ୍ଜା ପ୍ରାଡ଼ାନା ଇଲୁ ବିଡ଼ାଟି ଆମ୍ବାଆରାକି ଏନାଆଁ ଅହାଲି ତାଚାଲି ହେଲ ହାଆଡେସି,

୧୭ ତାୟୁ ଜୀସୁ ଏଞ୍ଜାରାକ୍ ଜାପ୍‌ହିହାଁ ଏଲେଇଚେସି, “ଦାମ୍‌ ପଡ଼ିତା ରାସ୍‌କି ଆହାମାନେ, ନା ଇଲୁ ବାରେ କୁଡ଼ାତି ଲକୁତାକି ପ୍ରାଡ଼ାନା ଇଲୁ ଇଞ୍ଜାଁ ଖେଜିନେ ? ସାମା ମୀରୁ ଏଦାଆଁ ତଂଗାୟାଁ ପାଞ୍ଜୁ କିହାମାଞ୍ଜେରି □”

୧୮ ଇ କାତା ଖେଞ୍ଜାନା କାଜା ପୂଜେରାଙ୍ଗା ଅଡ଼େ ମେରାପୁନାରି ଏଞ୍ଜାଣାକ୍ ଏନିକାଁ ନାସା କିହାଲି

ଆଡ଼ିନେରି, ଏଦାଆଁ ପାରୁ ପାରାଲି ମାଟ୍‌ହେରି; ଇତିହାଁ ଲକୁ ଏଞ୍ଜାଣି ଜାପ୍‌ନି ତାଣା କାବା ଆହିମାଚାକି ଏଞ୍ଜାରି ଏଞ୍ଜାଣାକ୍ ଆଜିମାଚେରି □

୧୯ ଏ ଦିନା ମିଡ଼ଅଲ୍ଲା ବେଲା ଜୀସୁ ଅଡ଼େ ସାସୁୟାଁ ଗାଡ଼ାଟି ହାଚେରି □

ଞ୍ଜାୟିତି ତୟା ମାରୁନୁତି ଜାପିନାୟି
(ମାତି ୨୧:୨୦-୨୨)

୨୦ ଅର ଦିନା ଲାକଏ ଏ ଜିରୁଟି ହାଜିମାଚାଟି ଏଞ୍ଜାରି ତୟା ମାରୁନୁ ତାକିଟିଏ ଞ୍ଜାୟିତାଣି ମେସ୍ତେରି □

୨୧ ଏମ୍ବାଟିଏ ପିତର ତଲିତି କାତା ଅଣ୍ଡାପାନା ଏଲେଇଚେସି, “ଏ ଗୁରୁ ମେହ୍‌ମୁ ନୀନୁ ଆମିନି ତୟା ମାରୁନୁତି ବାକା ହାହାମାତି ଏଦି ଞ୍ଜାୟାହାଚେୟିଏ □”

୨୨ ଜୀସୁ ଏଞ୍ଜାରାକ୍ ଏଲେଇଚେସି, “ମାହାପୁରୁ ତାଣା ନାମାଦୁ □

୨୩ *ନାନୁ ମିଜେ ସାତା ଖେସିମାଞ୍ଜାକ୍, ଆମ୍ବାଆସି ଇ ହରୁତି ନୀନୁ ନିଙ୍ଗାନା ସାମ୍‌ଦୁରିତା ତରଗାମୁ ଇନେସି, ଇଞ୍ଜା ତାନି ହିୟାତା ଆନାମାନା ଆଆନା, ଏନାଆଁ ଜଲିମାକ୍ ଏଦି ଆନେ ଇଞ୍ଜାଁ ନାମିନେସି, ଏଞ୍ଜାଣାକି ଏଦି ଆନେ □

୨୪ ଏଦାଆଁତାକି ନାନୁ ମିଜେ ଖେସିମାଞ୍ଜାକ୍, ମୀରୁ ଏନାଆଁ ପ୍ରାଡ଼ାନା କିଦେରି ଅଡ଼େ ରାହ୍‌ଦେରି, ଏ ବାରେ ମିଜେ ମେଡ଼ା ଆୟାଡେ ଇଞ୍ଜାଁ ନାମାଦୁ, ଏଚେଟିଏ ଏ ବାରେ ସାଡେଏ ବେଟାଆଡେରି □

୨୫ *ଇଞ୍ଜା ମୀରୁ ଆମିନି ବେଲାତା ପ୍ରାଡ଼ାନା କିହାଲି ନିଦେରି, ଇଞ୍ଜା ଆମ୍ବାଆରି କପାଟି ଏଦି କାତା ମାତିହାଁ, ଏଞ୍ଜାଣି ପାପୁ ମ୍ବେକ୍‌ଦୁ, ଏନିକାଁ ମୀ ଲାକପୁରୁତି ଆବା ଜିକେଏ ମୀ ପାପୁତି ମ୍ବେକ୍‌ହାନେସି □

୨୬ ସାମା ମୀରୁ ଏଞ୍ଜାଣି ପାପୁ ମ୍ବେକ୍‌ଅଡେରି, ଆଡ଼ିହାଁ ମୀ ଲାକପୁରୁତି ଆବା ଜିକେଏ ମୀ ବାରେ ପାପୁତି ମ୍ବେକ୍‌ହଅସି □”*

ଜୀସୁତି ଅଦିକାରା
(ମାତି ୨୧:୨୩-୨୭; ଲୁକ ୨୦:୧-୮)

୨୭ ତାୟୁ ଏଞ୍ଜାରି ଅଡ଼େ ଖେଶ୍ଟେ ଜିରୁସାଲମତା ଖାଡ଼େରି; ଇଞ୍ଜା ଏଞ୍ଜାସି ପ୍ରାଡ଼ାନା ଇଲୁତା ହଡ଼ିମାତି ବେଲାତା କାଜା ପୂଜେରାଙ୍ଗା ମେରାପୁନାରି ଇଞ୍ଜାଁ ପ୍ରାଟିନାଙ୍ଗା ଏଞ୍ଜାଣି ତାଣା ଖାହାନା ଖେଚେରି,

୨୮ “ନୀନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି ? ଇଞ୍ଜା ଇ ବାରେ କିହାଲି ଆମ୍ବାଆସି ଇ ଅଦିକାରା ହିୟାଡେସି ?”

୨୯ ସାମା ଜୀସୁ ଏଞ୍ଜାରାକ୍ ଏଲେଇଚେସି, “ନାନୁ ମିଜେ ର କାତା ଖେଞ୍ଜାକ୍, ନାଜେ ଖେସ୍ତାଦୁ, ଆଡ଼ିହାଁ ନାନୁ ଆମିନି ଅଦିକାରା ତଲେ କିହିମାକ୍, ଏଦାଆଁ ମିଜେ ଖେସ୍ତାକ୍ □

* ୧୧:୨୩ ୧୧:୨୩ ମାତି ୧୭:୨୦; ୧କର ୧୩:୨ ଆହାହିଲେଏ □ † ୧୧:୩୦ ୧୧:୩୦ ମୁଞ୍ଜିନାୟି

* ୧୧:୨୫ ୧୧:୨୫ ମାତି ୬:୧୪,୧୫

* ୧୧:୨୬ ୧୧:୨୬ କଚେକା ସାସ୍ତେରିତା ଇ କାତା ରାସ୍‌କି

୩୦ ଜହନତି ବାପୁସ୍ତୁଠା ଲାକପୁରୁଟି କି ମାଣ୍ଡିୟାଁ ତାଣାଟି ଆହାମାତେ ? ଏଦାଆଁ ନାଙ୍ଗେ ୱେସ୍ତାଦୁ ।”

୩୧ ଏଚେଟିଏ ଏଞ୍ଜାରି ତାମ୍ବୁ ତାମ୍ବୁ କାତା ଆହାଲି ମାଟ୍‌ହେରି, “ଲାକପୁରୁଟି ଇନାୟି, ଆତିହ୍ ଏଞ୍ଜାସି ଏଲେଇଞ୍ଜାନେସି ମୀରୁ ଏନାଆଁତାକି ଏଞ୍ଜାଣାଲ୍ ନାମାଆତେରି ?

୩୨ ଅଡେ ମାଣ୍ଡିୟାଁ ତାଣାଟି ଇନାୟି, ଏଞ୍ଜାରି ଲକୁଣି ଆଜିମାଚେରି; ଇତିହ୍ ବାରେଜାଣା ଜହନ ସାତା ମାହାପୁରୁ ଅଣପୁଟି ବଲୁ ୱେହ୍‌ନାସି ଇଞ୍ଜା ମାନଞ୍ଜି ଆହିମାଚେରି ।”

୩୩ ଏଦାଆଁତାକି ଜୀସୁଇଁ ଏଞ୍ଜାରି ଏଲେଇଚେରି, “ମାମ୍ବୁ ପୁଞ୍ଜାହିଲଅମି ।” ଜୀସୁ ଏଞ୍ଜାରାଲ୍ ଏଲେଇଚେସି, “ନୀନୁ ଆମିନି ଅଦିକାରା ତଲେ କିହିମାଲ୍ ଏଦାଆଁ ନୀନୁ ଜିକେଏ ମିଙ୍ଗେ ୱେସ୍ତାସ୍ତୁ ।”

୧୨

ଅଙ୍ଗୁରି ବାଡ଼ାତା ଲାଗେଏତି ବାଗା କାମାକିନାରି
(ମାତି ୨୧:୩୩-୪୬; ଲୁକ ୨୦:୯-୧୯)

୧ ଏମ୍ବାଟିଏ ଏଞ୍ଜାସି ଏଞ୍ଜାରାଲ୍ ପୁଣ୍ଡାମିକିନି କାତାତଲେ ୱେସାଲି ମାଟ୍‌ହେସି, “ରଅସି ର ଅଙ୍ଗୁରି ବାଡ଼ା କିହାନା ବାଡ଼ା ସାରିଞ୍ଜାକି ବେୟ୍ ଗୁରତେସି, ଇଞ୍ଜା ଅଙ୍ଗୁରି ପାଡେୟି ପୀଚାଲି ର ଗାଡ଼ୟ୍ କାର୍‌ହାନା ଏମ୍ବାଆଁ କାଃଆନାରାକି କାଃଆନି ଇଲୁ କେପିତେସି, ଇଞ୍ଜା କାମା କିନାରାକି ଏ ବାଡ଼ା ବାଗା ହାହାନା ହେକ ରାକି ହାଚେସି ।”

୨ ତାମ୍ବୁ କାମାକିନାରି ତାଣାଟି ଅଙ୍ଗୁରି ବାଡ଼ାତି ପାଡେୟି ବାଗା ବେଟାଆହାଲି ଏଞ୍ଜାସି ର ହଲେଏଣାଲ୍ ପାଡେୟି କାମ୍ବିନିଞ୍ଜେଡ଼ା ଏଞ୍ଜାରିତାଣା ପାଣ୍ଡିତେସି ।

୩ ସାମା ଏଞ୍ଜାରି ଏଞ୍ଜାଣାଲ୍ ଆସାନା ୱେଚେରି ଇଞ୍ଜା ୱାରୁଇ କେୟୁଟି ପାଣ୍ଡିତେରି ।

୪ ଏଞ୍ଜାସି ଅଡେ ଏଞ୍ଜାରିତାଣା ଅଡେ ର ହଲେଏଣାଲ୍ ପାଣ୍ଡିତେସି; ଏଞ୍ଜାରି ଏଞ୍ଜାଣାଲ୍ ଜିକେଏ ତାୟ୍ ଡ଼ାୟେ ୱେଚାନା ହାଣି କିତେରି ।

୫ ଏଞ୍ଜାସି ଅଡେ ରଅଣାଲ୍ ପାଣ୍ଡିତେସି; ଏଞ୍ଜାରି ଏଞ୍ଜାଣାଲ୍ ଜିକେଏ ପାୟିତେରି, ଏମ୍ବାଟିଏ ଏଞ୍ଜାସି ଅଡେ ହାଚେକା ଜାଣାତି ପାଣ୍ଡିତେସି; ଏଞ୍ଜାରି ବିଡ଼ାଟି ଏଚରଜାଣାତି ୱେଚେରି ଇଞ୍ଜା ଏଚରଜାଣାତି ପାୟିତେରି ।

୬ ତାନି ତାଣା ରଅସିଏ ଡ଼ୟିତେସି, ଏଞ୍ଜାସି ତାନି ଜୀଞ୍ଜୁତି ମୀର୍‌ଏସି, ତାମ୍ବୁ ଅଣ୍ଡିତେସି ‘ଏଞ୍ଜାରି ନା ମୀର୍‌ଏଣାଲ୍ ମାନି କିନେରି’ ଇଞ୍ଜା ଏଞ୍ଜାସି ଏଞ୍ଜାଣାଲ୍ ପାଣ୍ଡିତେସି ।

୭ ସାମା ଏ କାମାକିନାରି ତାମ୍ବୁ ତାମ୍ବୁ କାତା ଆଡେରି, ‘ଇଞ୍ଜାସିତ ଅଦିକାରା ଗାଟାସି, ୱାଦୁ ଇଞ୍ଜାଣାଲ୍ ପାୟିନ; ଆତିହ୍ ବାଡ଼ାତି ଅଦିକାରା ମାଡି ଆନେ ।’

୮ ଏମ୍ବାଟିଏ ଏଞ୍ଜାରି ଏଞ୍ଜାଣାଲ୍ ଆସାନା ପାୟିତେରି ଇଞ୍ଜା ଅଙ୍ଗୁରି ବାଡ଼ାତି ପାଙ୍ଗାତା ମେଡ଼ହାଡୁସ୍ତେରି ।”

୯ ଜୀସୁ ଏଞ୍ଜାରାଲ୍ ୱେଚେସି, “ଞ୍ଜେସ୍ତାଦୁ, ଇଦାଆଁ ତାୟ୍ ଏ ଅଙ୍ଗୁରି ବାଡ଼ାତି ସାଞ୍ଜୁକାରି ଏନାଆଁ କିନେସି ? ଏଞ୍ଜାସି

ଞ୍ଜାହାନା କାମା କିନାରାଲ୍ ନାସା କିନେସି ଇଞ୍ଜା ଏଚକାତି କାମା କିନାରାକି ଏ ଅଙ୍ଗୁରି ବାଡ଼ା ହୀନେସି ।”

୧୦ ମୀରୁ ଦାମ୍ବୁ ପତିତା ଇ କାତା ପଡ଼ଞ୍ଜି ଆହାହିଲଅତେରି ?

ଇଲୁ କେପିନାରି ଆମିନି ୱାଲିତି ମିଣ୍ଡଏ ଇଞ୍ଜା ଅପାଆତେରି, ଏଡିଏ ଇଲୁତି ମୂଲୁ ୱାଲି ଆଡେ ।”

୧୧ ମାହାପୁରୁ ତାଣାଟି ଇଦି ଆଡେ, ଇଞ୍ଜା ଏଡି ମା କାନୁତାକି ର କାବା ଆନାୟି ।”

୧୨ ଏଚେଟିଏ ଜୀହୁଦି ଲକୁଡି କାଜାରି ଏଞ୍ଜାଣାଲ୍ ଆସାଲି ଅଣ୍ଡିମାଚେରି, ସାମା ଏଞ୍ଜାରି ଲକୁଣି ଆଜିତେରି; ଇତିହ୍ ଏ ପୁଣ୍ଡାମିକିନି କାତା ଏଞ୍ଜାରାଲ୍ ସିନିକିହାନା ୱେସିମାଚେସି ଇଞ୍ଜା ପୁଚେରି, ଇଞ୍ଜା ଏଞ୍ଜାରି ଏଞ୍ଜାଣାଲ୍ ପିସାନା ହାଜାଡୁସ୍ତେରି ।

ସିସୁ ହାନାଣି ୱେନାୟି

(ମାତି ୨୨:୧୫-୨୨; ଲୁକ ୨୦:୨୦-୨୬)

୧୩ ତାୟ୍ ଜୀସୁ କାତାତି ଦହ୍ ଆସାଲି ତାକି ଏଞ୍ଜାରି ପାରୁସି ଅଡେ ହେରଦ ଗଚିତି ଏଚେକା ଲକୁଣି ଏଞ୍ଜାଣି ତାଣା ପାଣ୍ଡିତେରି ।

୧୪ ଏଞ୍ଜାରି ୱାହାନା ଏଞ୍ଜାଣାଲ୍ ଏଲେଇଚେରି, “ଏ ଗୁରୁ ମାମ୍ବୁ ପୁଞ୍ଜାମାନମି, ନୀନୁ ସାତା କାତା ୱେହ୍‌ନାତି ଅଡେ ଆମ୍ବାଆରାଲ୍ ଆଜାଆ ଗାଟାତି; ଇତିହ୍ ନୀନୁ ମାଣ୍ଡିତି ମୁମ୍ବୁ ମେସାନା ଜଲ୍‌ଆ ଗାଟାତି ଇଞ୍ଜା ସାତା ତଲେ ମାହାପୁରୁଟି ଜିରୁ ଜାପ୍‌ନାତି, କାୟିସରକି ସିସୁ ହାନାୟି ମେରା କି ଆଏ, ମାମ୍ବୁ ହାନମି କି ଆଏ ?”

୧୫ ସାମା ଏଞ୍ଜାସି ଏଞ୍ଜାରି କାର୍‌ବିତି ପୁଞ୍ଜାନା ଏଞ୍ଜାରାଲ୍ ଏଲେଇଚେସି, “ଏନାଆଁତାକି ନାଙ୍ଗେ ତାୟିପାରି କିହିମାଞ୍ଜାଦେରି ? ର ୱେଣ୍ଡି ଟାକା ନା ତାଣା ତାଦୁ ନୀନୁ ଏଦାଆଁ ସିନିକିଲ୍ ।”

୧୬ ଏଚେଟିଏ ଏଞ୍ଜାରି ଏଦାଆଁ ତାତେରି, ଏଞ୍ଜାସି ଏଞ୍ଜାରାଲ୍ ୱେଚେସି, “ଇ ବମା ଅଡେ ଦରୁ ଆମ୍ବାଆରାଞ୍ଜାୟି ?” ଏଞ୍ଜାରି ଏଞ୍ଜାଣାଲ୍ ଏଲେଇଚେରି, “କାୟିସରଞ୍ଜାୟି ।”

୧୭ ଏମ୍ବାଟିଏ ଜୀସୁ ଏଞ୍ଜାରାଲ୍ ଏଲେଇଚେସି, “କାୟିସରଞ୍ଜାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜା ମାହାପୁରୁଞ୍ଜାୟି ଏନାୟି ଏଦାଆଁ ମାହାପୁରୁକି ହୀଦୁ ।” ଏଚେଟିଏ ଏଞ୍ଜାରି ଏଞ୍ଜାଣି କାତାତାକି କାବା ଆଡେରି ।

ସାଦୁକିୟାଁ ହାକିଟି ୱେଣ୍ଡେ ନିଜିନି କାତା ୱେନାୟି

(ମାତି ୨୨:୨୩-୩୩; ଲୁକ ୨୦:୨୭-୪୦)

୧୮ ଏମ୍ବାଟିଏ ହାକିଟି ୱେଣ୍ଡେ ନିଜିନାୟି ହିଲେଏ ଇଞ୍ଜିମାନି ସାଦୁକି ଲକୁ ଜୀସୁ ତାଣା ୱାହାନା ୱେଚେରି,

୧୯ “ଏ ଗୁରୁ ମସା ମାଙ୍ଗେତାକି ରାଟାମାନେସି, ଇତିହ୍ ଆମ୍ବାଆରି ତାୟି ହାଚେସି ଇଞ୍ଜା ତାନି ଡକ୍ରି ନୀତାମାନେ ଇଞ୍ଜା ଏଦାନି ଏନି କକାରି ପଦାୟାଁ ହିଲାଡ ଆତିହ୍

ତାନି ତାୟି ତାନି ଡକ୍ରିନି ଇଚାନା ତାନି ତାୟିକି କୃତା ଏପାକିନେସି □

୨୦ ମେହ୍ମୁ ସାଡ଼ା ଜାଣା ତାୟିୟା ମାରେରି; କାଜାସି ର ଆୟାନି ବୀହା ଆଡେସି, ଇଞ୍ଜା କକାରି ପଦା ଆଆନା ହାଡେସି;

୨୧ ଏଞ୍ଜାଣି ଜେରତାସି ଏ ଇୟାନି ଇଟିଡେସି ଇଞ୍ଜା କକାରି ପଦା ଆଆନା ହାଡେସି; ଅଡେ ଜେରତାସି ଏଲେକିଡେସି,

୨୨ ଇଞ୍ଜା ସାଡ଼ା ଜାଣା ଜିକେଏ କକାରି ପଦା ଆଆନା ହାଡେରି; ବାରେଡି ତାୟୁ ଏ ଇୟା ଜିକେଏ ହାଡେ □

୨୩ ୱେଣ୍ଡେ ନିଜିନି ବେଲାତା ଏଟିବେଲା ଏଞ୍ଜାରି ନିଜିନେରି, ଏଟିବେଲା ଏଞ୍ଜାରି ବିତ୍ରାଟି ଆମ୍ବାଆରି ଡକ୍ରି ଆନେ ? ସାଡ଼ା ଜାଣା ଜିକେଏ ଇଚାମାରେରି □”

୨୪ ଜାସୁ ଏଞ୍ଜାରାଇଁ ଏଲେଇରେସି, “ମିଜେ ହାରେକା ନାଡ଼ିକିନି ଅଣ୍ଡୁ ମାନେ □ ଦାମ୍ବୁ ସାସ୍ତେରି, ଇଞ୍ଜା ମାହାପୁରୁତି ବାଡ଼ୁଡ଼ି କାତା ପୁଞ୍ଜାହିଲଅଡେରି □

୨୫ ଏନାଆଁତାକି ଇଡିହ୍ଁ ହାଡାରି ନିଜିଡି ତାୟୁ ଲକୁ ବାହା ଆଆରି କି ବାହା ହାଆରି, ସାମା ଲାକପୁରୁତି ଦୃତୁୟାଲେହେଁ ଡୟିନେରି □

୨୬ ଇଞ୍ଜା ହାଡାରି ନିଜିନେରି ଏ କାତାଡି ମାରୁ ମସା ରାଡିଡି ପଡିତା ୱେହିମାନି ବୁଟାଡି କାରୁ ପଡ଼଼ି ଆହାହିଲଅଡେରି କି ? ମାହାପୁରୁ ଏନିକ୍ ଏଲେଇଞ୍ଜା ମାନେସି, ‘ନାନୁ ଅବ୍ରାହାମଡି ମାହାପୁରୁ, ଇସାହାକଡି ମାହାପୁରୁ, ଅଡେ ଜାକୁବଡି ମାହାପୁରୁଡେଏଁ □’

୨୭ ଏଞ୍ଜାସି ହାଡାରି ମାହାପୁରୁ ଆଏ, ସାମା ଜୀଞ୍ଜାଗାଟାରି ମାହାପୁରୁ ମାରୁ ହାରେକା ନାଡ଼ିକିଞ୍ଜି ଆହାମାଞ୍ଜରି □”

କାଜା ହୁକୁମି

(ମାଡି ୨୨:୩୪-୪୦; ଲୁକ ୧୦:୨୫-୨୮)

୨୮ ଏଟିବେଲା ର ମେରା ଜାପନାସି ତାଗେ ୱାହାନା ଏଞ୍ଜାରି ବାଦିବାଦା ଆହିମାଟାଣି ୱେଞ୍ଜାନା ଅଡେ ଜାସୁ ସାଦୁକି ଲକୁଇଁ ସମାନା କାତା ୱେଣ୍ଡେ ୱେସିମାଟାଣି ୱେଞ୍ଜାନା ଜୀସୁଇଁ ୱେରେସି, “ଆମିନି ହୁକୁମି ଦାମ୍ବୁପଡିତା ବାରେକିହାଁ କାଜାୟି ?”

୨୯ ଜାସୁ ଏଲେଇରେସି, “କାଜା ହୁକୁମି ଇଦି ‘ଏ ଇସ୍ରାୟେଲ ୱେଞ୍ଜୁ; ପ୍ରୁ ମା ମାହାପୁରୁ ରଣ୍ଡିଏ ପ୍ରୁ ମାନେସି;

୩୦ ଅଡେ ନାନୁ ନୀ ବାରେ ହିୟାଁ ବାରେ ଜୀଞ୍ଜୁ ମନ୍ ହାହାନା ଅଡେ ବାରେ ବାଡ଼ୁଡ଼ି ତଲେ ପ୍ରୁ ନୀ ମାହାପୁରୁଇଁ ଜୀଞ୍ଜୁ ନମୁ □”

୩୧ ଅଡେ ରଣ୍ଡି ଇଦି ନାନୁ ନୀ ପାଡ଼ିତାଣାଇଁ ନୀ ଜାହାରାଲେହେଁ ଜୀଞ୍ଜୁ ନମୁ □ ଇ ହୁକୁମିକା ପିସ୍ପେ ଅଡେ ଆମିନି କାଜା ହୁକୁମି ହିଲେଏ □

୩୨ ଏମ୍ବାଟିଏ ଏ ମେରା ପୁନାସି ଜୀସୁଇଁ ଏଲେଇରେସି, “ଏ ଗୁରୁ ଏଦି ସାତା ମାହାପୁରୁ ରଅସିଏ ଇଞ୍ଜା ଏଞ୍ଜାଣି

ପିସ୍ପେ ଅଡେ ଆମ୍ବାଆସି ହିଲଅସି, ଏଦାଆଁ ନାନୁ ନେହ୍ଁକ୍ ୱେସ୍ତାଡି;

୩୩ ଇଞ୍ଜା ବାରେ ହିୟାଁ, ବାରେ ବୁଦି, ବାରେ ବାଡ଼ୁଡ଼ି ହାହାନା ଏଞ୍ଜାଣାଇଁ ଜୀଞ୍ଜୁନନାୟି ଇଞ୍ଜା ପାଡ଼ିତାଣାଇଁ ମା ଜାହାରାଲେହେଁ ଜୀଞ୍ଜୁନନାୟି ବାରେ ଜଡ଼ିଡି ପୂଜା ହାନି* କିହାଁ କାଜାୟି □”

୩୪ ଏଞ୍ଜାସି ବୁଦିତଲେ ଜଲ୍ଲାମାଞ୍ଜାନେସି ଇଞ୍ଜା ମେସାନା ଜୀସୁ ଏଞ୍ଜାଣାଇଁ ଏଲେଇରେସି, “ମାହାପୁରୁଡି ରାଜିଡି ନାନୁ ହେକ ହିଲଅଡି □ ଏରେଟିଏ ଆମ୍ବାଆସି ଜୀସୁଇଁ ଏଦାଆଁ ୱେଞ୍ଜାଲି ସାସା କିଆଡେସି □”

ଜୀସୁ ଆମ୍ବାଆରି ମୀର୍ଏସି

(ମାଡି ୨୨:୪୧-୪୬; ଲୁକ ୨୦:୪୧-୪୪)

୩୫ ସାମା ଜୀସୁ ପ୍ରାତାନା ଇଲୁତା ଜାପୁହି ମାଟିବେଲାତା ଏଲେଇରେସି, “ଜୀସୁ ଦାଞ୍ଜୁଦ ମୀର୍ଏସି, ଇଦାଆଁ ମେରାପୁନାରି ଏନିକ୍ ଏଲେଇନେରି ?

୩୬ ଦାଞ୍ଜୁଦ ତାନୁଏ ମାହାପୁରୁଡି ସୁଦୁଜୀଞ୍ଜୁ ବେଟାଆହାନା ୱେସାମାରେସି,

‘ପ୍ରୁ ନା ପ୍ରୁଇଁ ଏଲେଇରେସି,

ନାନୁ ଏଡେ ପାଡେକା ନୀ ସାତୁୟାଁ ନୀ କଡାଁ ଡଇ କିହାହିଲଅଁ,

ଏଡେ ପାଡେକା ନା ଟିଞ୍ଜିଞ୍ଜାକି କୁଗାମାନାମୁ □’

୩୭ ଦାଞ୍ଜୁଦ ତାନୁଏ ଏଞ୍ଜାଣାଇଁ ପ୍ରୁ ଇଞ୍ଜିମାନେସି; ଆଡିହ୍ଁ ଏଞ୍ଜାସି ଏନିକ୍ ଦାଞ୍ଜୁଦ ମୀର୍ଏସି □ □

ମେରାପୁନାରି ତାଣାଟି ଜାଗ୍ରାତା କିନାୟି

(ମାଡି ୨୩:୧-୩୬; ଲୁକ ୨୦:୪୫-୪୬)

୩୮ ମାୟା ଲକୁ ରାହାଁଟି ତାନି କାତା ୱେଞ୍ଜିମାରେରି, ଅଡେ ୱେଣ୍ଡେ ଏଞ୍ଜାସି ତାନି ଜାପୁହି ମାଟି କାତାତା ଏଲେଇରେସି, “ମେରାପୁନାରି ତାଣାଟି ଜାଗ୍ରାତା, ଏଞ୍ଜାରି ଲାମ୍ବା ହିମ୍ବୁରିକା ହୁଚାନା ରେଜାଲି ଇଞ୍ଜା ହାଟା ବାଜାରାତା ଜହରା ବେଟାଆହାଲି ରାହାଁ ଆନେରି,

୩୯ ଜୀହୁଦି ଲକୁଡି କୁଟମି ଇଲୁତା† କାଜା କୁଟ, ବଜିତା ନେହ୍ଁ ଟାୟୁତା କୁଗାଲି ପାରିନେରି;

୪୦ ଏଞ୍ଜାରି ରାଣ୍ଡେଣିସିକା ଇଲୁକା ସେଦିନେରି, ଲକୁଣି ତସାଲି ଲାମ୍ବା ପ୍ରାତାନା କିନେରି; ଏଞ୍ଜାରି ହାରେକା ଡଣ୍ଡୁ ବେଟାଆନେରି □”

ରାଣ୍ଡେଣି ଇୟାନି ଦାନା

(ଲୁକ ୨୧:୧-୪)

୪୧ ତାୟୁ ଜୀସୁ ମାହାପୁରୁ ଇଲୁଡି ଦାନା ପେଡା ତାଗେ କୁଗାନା ଲକୁ ଏମ୍ବାଆଁ ଏନିକ୍ ଦାନା ହାହିମାନେରି, ଏଦାଆଁ ସିନିକିହିମାଡେସି □ ଏଟିବେଲାତା ହାରେକା ଦନ୍ ଗାଟାରି ଗାଡି ମେଡ଼ହେରି;

* ୧୨:୩୩ ୧୨:୩୩ ହେରୁପିନାୟି ☆ ୧୨:୩୪ ୧୨:୩୪ ଲୁକ ୧୦:୨୫-୨୮ † ୧୨:୩୯ ୧୨:୩୯ ସିନଗର ‡ ୧୨:୪୨ ୧୨:୪୨ ରା ଉଣା ତାମ୍ବାଡି ଆଦଲି, ରା ଆଟାଅଣା ର ଟାକାଡି କାଜା ଆଦଲି ସମାନା, ଏଦି ଗ୍ରନ୍ତ ତଲେ ଉଣା ଆଦଲିଡି “ଲେପରସ” କାଜା ଆଦଲିଡି “କଡ଼ାନ୍‌ରସ” ଇନେରି □

୪୨ ଅତେ ର ହାକି କାକୁଲିଗାଟି ରାଣ୍ଡେଣି ଇୟା ଖାହାନା ରୀ ଉଣା ତାମ୍ବାତି ଆଦଲିଃ ଏ ପେଡ଼ାତା ମେଡ଼ହେ □

୪୩ ଏଚେଟିଏ ଜୀସୁ ତାନି ସୀସୁଣି ତାଗେ ହାତାନା ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଦାନା ପେଡ଼ାତା ଟାକାୟାଁ ମେଡ଼ହିମାନି ବାରେ ଲକୁ କିହାଁ ଇ ହାକି କାକୁଲିଗାଟି ରାଣ୍ଡେଣି ଇୟା ଗାଡ଼ି ମେଡ଼ହାମାନେ;

୪୪ ଇଚିହଁ ବାରେଜାଣା ତାନି ହାରେକା ଦନଟି ଇଚାଣି ମେଡ଼ହା ମାନେରି, ସାମା ଇଦି ତାନି ହିଲାଆବେଲାତା ତାଙ୍ଗେ ନୀତାଲି ତାଙ୍ଗେ ଏନାୟି ମାଚେ, ଏ ବାରେ ମେଡ଼ହାମାନେ □”

୧୩

ପ୍ରାତାନା ଇଲୁ ନସୁ ଆନାଣି ଜୀସୁ ଝେହ୍ନାୟି
(ମାତି ୨୪:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି ହାଜିମାଚାଟି ତାନି ସୀସୁୟାଁ ବିତ୍ରାଟି ରଅସି ଏଞ୍ଜାଣାଇଁ ଏଲେଇଚେସି, “ଏ ଗୁରୁ ମେହ୍ନୁ ଏନିଲେହେଟି ଅଜିତି ଖାଲକା ଅତେ ଏନିଲେହେଟି ଅଜିତି ମେଡ଼ା ଇଲକା □”

୨ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ଏନାଆଁ ଇ କାଜା ମେଡ଼ା ମେସିମାଞ୍ଜି ? ର ଖାଲି ଅର ଖାଲି ଲାକ ଡ଼ୟେଏ, ବାରେ ମେଣ୍ଡାହାନୁ □”

କସୁ ଅତେ ସାସ୍ତି କାତା ଝେହ୍ନାୟି
(ମାତି ୨୪:୩-୧୪; ଲୁକ ୨୧:୭-୧୯)

୩ ତାୟୁ ପ୍ରାତାନା ଇଲୁ ନକିତା ମାନି ଜୀତ ହରୁ ଲାକ କୁଗାଲିଏ ପିତର, ଜାକୁବ, ଜହନ, ଅତେ ଆୟିୟ ତାନି ତାଣା ମେଣେଏ ଖାହାନା ଝେଚେରି, “ଇ ବାରେ ଏଚେଲା ଆନେ,

୪ ଅତେ ଆମିନି ବେଲାତା ଇ ବାରେ ଗଟଞ୍ଜି ଆନେ ଏ ବେଲାତି ସିନା ଏନାୟି, ଏଦାଆଁ ମାଙ୍ଗେ ଝେସ୍ତାମୁ □”

୫ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଜାଗ୍ରାତା, ଆମ୍ବାଆସି ଏନିକଁ ମିଙ୍ଗେ ନାଡ଼ି କିୟଅସି □

୬ ହାରେକା ନା ଦରୁତଲେ ଖାହାନା, ‘ନାନୁ ଏଞ୍ଜାତେଏଁ’ ଇଞ୍ଜଁ ହାରେକା ଲକୁଣି ନାଡ଼ି କିନେରି □

୭ ସାମା ମୀରୁ ଏଚିବେଲା ଜୁଜୁତି କାତା ଅତେ ଗଡ଼ହାତି ହାଡ଼ା ଝେଞ୍ଜେରି, ଏଚିବେଲା କିଲିବିଲି ଆଆଦୁ; ଏ ବାରେ ଆନାୟି ମାନେ, ସାମା ଏ କାଲା ଜିକେଏ ଜୁଗୁ ରାନାୟି ଆଏ □

୮ ଇଚିହଁ ଦେସା କପାଟି ଦେସା, ରାଜି କପାଟି ରାଜି ନିଜିନେ, ବାରେଖାକି ବୁମି ଖାତିନେ ଅତେ କାଡ଼ାରା ଆନେ; ଇ ବାରେ କକାରି ପଦାୟାଁ ଆନାଟି ଲୁଞ୍ଜିନି ବୀସା ଲେହେଁ □”

୯ *ସାମା ମୀରୁ ମିଙ୍ଗେ ତାକି ଜାଗ୍ରାତା ଆହାମାଞ୍ଜୁ; ଲକୁ ମିଙ୍ଗେ ନାହାୟି କିନି ତାଣା ଦସାନା ଅୟାନେରି, ଅତେ ମିଙ୍ଗେ ଜୀହୁଦି ଲକୁଡ଼ି କୁଟମି ଇଲକାଣା* ଝେତାନେରି,

ଇଞ୍ଜା ନା ତାକି ସାଲଞ୍ଜି କିନାରି ତାଣା ରାଜାୟାଁ ନକିତା ନିଦେରି, ଏଞ୍ଜାରି ନକିତା ସାକି ଆଦେରି □

୧୦ ଇଞ୍ଜା ବାରେ କୁଡ଼ା ନକିତା ନେହଁ କାରୁ ନକେଏ ଝେସ୍ପି ଆନେ □

୧୧ ଇଞ୍ଜା ଏଚିବେଲା ଲକୁ ମିଙ୍ଗେ ଅହାନା ହେର୍ପାନେରି, ଏଚିବେଲା ମୀରୁ ଏନାଆଁ ଜଲିଦେରି, ଏ କାତା ନକେଏ ଅଣ୍ପାଆଦୁ, ସାମା ଏ ବେଲାତା ମିଙ୍ଗେ ଏନାଆଁ ଜଲାଲି ହୀପକିଆନେ ଏଦାଆଁ ଝେହ୍ନୁ; ଇଚିହଁ ମୀରୁ ଜଲିନାଚେରି ଆଏ ସାମା ସୁଦୁଜୀଞ୍ଜୁ ଜଲିନାୟି □

୧୨ ତାୟି ତାୟିଇଁ ଅତେ ତାଞ୍ଜି ମୀରୁଏଣାଇଁ ହାହାଲି ତାକି ହେର୍ପାନେରି; ଇଞ୍ଜା ମୀରକା ତାଲି ତାଞ୍ଜି କପାଟି ନିଜାନା ଏଞ୍ଜାରାଇଁ ପାୟିନେରି;

୧୩ *ଅତେ ନାଙ୍ଗେତାକି ବାରେ ଲକୁ ମିଙ୍ଗେ ଅପଅରି; ସାମା ଆମ୍ବାଆସି ରାନ୍ତି ପାଚେକା ସାସା ଆସାନା ଡ଼ୟିନେସି ଏଞ୍ଜାସି ଗେଲପି ଆନେସି □

ନାସା ଆନି କାଲମି
(ମାତି ୨୪:୧୫-୨୮; ଲୁକ ୨୧:୨୦-୨୪)

୧୪ ମୀରୁ ଏଚିବେଲା ଏ ନାସାକିନି ଅପାଆଗାଟି ଆସି ଆମିନି ତାଣା ଡ଼ୟିନି କାତା ହିଲେଏ, ଏମ୍ବାଆଁ ଡ଼ୟାମାନାଣି ମେହ୍ନେଦେରି (ପଡ଼ଞ୍ଜି ଆନାରି ତେଲହାପେରି) ଏଚିବେଲା ଆମ୍ବାଆରି ଜୀହୁଦା ଦେସାତା ମାନେରି, ଏଞ୍ଜାରି ହରକାଣା ହଣପେରି;

୧୫ *ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ଇଲୁ ବିତ୍ରା ଖାହାନା ଏନି ଦିଶ୍ସୁ ଅହାଲି ରେଚା ଖାଆପେସି କି ବିତ୍ରା ହାଲାଆପେସି;

୧୬ ଇଞ୍ଜା ଆମ୍ବାଆସି ବାଡ଼ାତା ମାନେସି, ଏଞ୍ଜାସି ତାନି ହିମ୍ପୁରି ଅହାଲି ଝେଣ୍ଡେ ଖାଆପେସି □

୧୭ ଏ ବେଲାତା ଆମିନି ଗାଟାଇ ପୁରାମାସା ଆହାମାନୁ ଇଞ୍ଜା ପାଲୁ ଉଚ୍ଚିମାନୁ, ଏ ଦିନା ଆୟଡ଼ା ଏଞ୍ଜି ଏଚେକା କସୁ ବେଟାଆନୁ □

୧୮ ସାମା ଏଦି ଏନିକଁ ପେନି ବେଲାତା ଆଏ ଏଦାଆଁତାକି ପ୍ରାତାନା କିଦୁ □

୧୯ *ଇଚିହଁ ଏ କାଲାତା ଇଲେତି କସୁ ଖାନ୍ଦେ, ମାହାପୁରୁ ଗାଡ଼ିକିତି ଦିନାଟିଏ ନୀଞ୍ଜୁପାଚେକା ଏଲେକଁ ଆହା ହିଲେଏ, ଇଞ୍ଜା ଏଲେକଁ ଏଚେଲାଞ୍ଜା ଆଏ □

୨୦ ସାମା ପ୍ରୁ ଏ ଲାଗେଏତି କାଲାଇଁ ଉଣା କିହାମାନେସି □ ଏଲେ କିହାହିଲାଆତଁମା, ଏଦି ଏମ୍ବାଟି ଆମ୍ବାଆରି ଗେଲପି ଆଆତେରିମା □ ତାନି ଆଚ୍ଞିଆଡ଼ି ଲକୁତାକି ଏ କାଲା ଉଣା କିହାମାନେସି □

୨୧ “ଏଚିବେଲା ‘ମେହ୍ନୁ କ୍ରୀସୁ ଇମ୍ବାଆଁ’ ଅତେ ‘ଏମ୍ବାଆଁ’ ଇଞ୍ଜଁ ଲକୁ ମିଙ୍ଗେ ଝେସ୍ତାନେରି, ଆତିହଁ ମୀରୁ ଏଦାଆଁ ନାମାଆଦୁ □

୨୨ ନାଡ଼ିକିନି କ୍ରୀସୁ ଅତେ ମାହାପୁରୁ ବଲୁ ମିତି ଝେହ୍ନାରି ନିଜାନା ଇଲେତି ସିନା ଅତେ କାବାଆନି

* ୧୩:୯ ୧୩:୯ ମାତି ୧୦:୧୭-୨୦; ଲୁକ ୧୨:୧୧,୧୨ * ୧୩:୯ ୧୩:୯ ସିନଗଗ * ୧୩:୧୩ ୧୩:୧୩ ମାତି ୧୦:୨୨ * ୧୩:୧୫ ୧୩:୧୫ ଲୁକ ୧୭:୩୧ * ୧୩:୧୯ ୧୩:୧୯ ଝେ ବଲୁ ୭:୧୪

କାମାୟାଁ ତହୁନେରି, ଆଡ଼ିତିହୁଁ, ଆଡ଼ିଆଡ଼ି ଲକୁଣି ଜିକେଏ ନାଡ଼ି କିନେରି □

୨୩ ସାମା ମୀରୁ ଜାଗ୍ରାତା ଆହାମାଞ୍ଜୁ; ନାନୁ ମିଙ୍ଗେ ତଲିଏ ବାରେ ଖେସିମାଞ୍ଜାଇଁ □

ମାଣ୍ଡସି ମୀରୁଏସି ଖେଣ୍ଡେ ଖାନାୟି
(ମାତି ୨୪:୨୯-୩୧; ଲୁକ ୨୧:୨୫-୨୮)

୨୪ *ସାମା ଏ ବେଲାତି ଏ କସ୍ତୁ ତାୟୁ ଖେଡ଼ା ଆନ୍ଦେରି ଆନ୍ଦେ ଅଡ଼େ ଲେଞ୍ଜୁ ଉଜେଡ଼ି ହୀଏ,

୨୫ *ହୁକାୟାଁ ହାଗୁଟି ତରଗାଲି ମାଟ୍ଟୁ ଅଡ଼େ ହାଗୁ ଲାକତି ବାଡ଼ୟୁ ବାରେ କିଲିବିଲି ଆନ୍ଦେ □

୨୬ *ଏତିବେଲା ଲକୁ ମାଣ୍ଡସି ମୀରୁଏଶାଇଁ କାଜା ବାଡ଼ୟୁଟି କାଜାପାଣା ତଲେ ହାଗୁ ଲାକତି ଖାନାଣି ମେହୁନେରି □

୨୭ ଏତିବେଲା ଏଞ୍ଜାସି ଦୂତୁୟାଣି ପାଣ୍ଡାନା ଦାରତି ମୁଟ୍ଟପେତି ସାରିଖାକିଟି ତାନି ଆଚାମାନି ଲକୁଣି ରୁଣ୍ଡା କିନେସି □

ତୟା ମାରୁନୁଟି ଜାପିନାୟି
(ମାତି ୨୪:୩୨-୩୫; ଲୁକ ୨୧:୨୯-୩୩)

୨୮ ତୟା ମାରୁନୁ ପୁଣ୍ଡି କିନି କାତାଟି ଜାପାଦୁ □ ଏତିବେଲାତା ଏ ମାରୁନୁତା କଡ଼ଗି କମାୟାଁ ଅଡ଼େ ଗଞ୍ଜେଡ଼ି ଗାଲୁନୁ, କାରା କାଲମି ଖାଡ଼େ ଇଞ୍ଜୁଁ ପୁଞ୍ଜେରି □

୨୯ ଏଲେକିହୁଁ ଏ ମୀରୁ ଜିକେଏ ଇ ବାରେ ମେସିସାରେ ଏଞ୍ଜାସି ଦୁଞ୍ଜେରି ତାଗେ ମାନେସି ଇଞ୍ଜୁଁ ପୁଞ୍ଜେରି □

୩୦ ନାନୁ ମିଙ୍ଗେ ସାତା ଖେସିମାଞ୍ଜାଇଁ ଇ ବାରେ ଆଆପାଡେକା ଇ କାଲାତି ଲକୁ ଏନିଜିକେଏ ମେଶ୍ଟାଅରି □

୩୧ ହାଗୁପାକା ଦାରତି ବାରେ ମେଶ୍ଟାନ୍ଦେ, ସାମା ନା ବଲୁ ଏଡେଲାଖା ମେଶ୍ଟାନ୍ଦେଏ □

ଆମ୍ବାଆସି ଇ ଦିନା ଅଡ଼େ ବେଲାତି ପୁନଅସି
(ମାତି ୨୪:୩୬-୪୪)

୩୨ *ସାମା ଏ ଦିନା କି କାଲାତି କାତା ଆମ୍ବାଆରି ପୁନଅରି, ଲାକପୁରୁତି ଦୁତୁୟାଁ କି ମୀରୁଏସି ଜିକେଏ ପୁନଅସି, ଖାରଇ ଆବାଦେଁ ପୁନେସି □

୩୩ ମୀରୁ ଜାଗ୍ରାତା ଆହାନା ମାଞ୍ଜୁ, କାଚାନା ମାଞ୍ଜୁ; ଇତିହୁଁ ଏ ବେଲା ଏଡେଲା ଆନ୍ଦେ ଏଦାଆଁ ମୀରୁ ପୁନଅଡେରି □

୩୪ *ଏଡ଼ି ଇଲେକିହୁଁ, ର ମାଣ୍ଡସି ତାନି ଇଲୁ ପିସାନା ହେକ ରାଜିତା ହାନେସି, ଅଡ଼େ ତାନି ହଲିୟାଙ୍ଗାଣି ବାରେ କାମାତି ଅଦିକାରା ହୀଡେସି ଇଞ୍ଜା ଦୁଞ୍ଜେରିତା କାଚାଲି ଜିକେଏ ହୁକୁମି ହୀଡେସି □

୩୫ ଏଦାଆଁତାକି କାଚାନା ଡ଼ୟାମ୍ବୁ; ଇତିହୁଁ ନାନୁ ପୁଞ୍ଜାହିଲଅତି ଇଲୁତି ସାଞ୍ଜୁକାରି ଏଡେଲା ଖାନ୍ଦେସି,

ମିଡ଼ଥଲା କି ମାଦି ଲାଆଁୟାଁ, ଖେୟାଆ ନକେଏ କି ଖେଡ଼ା ହନି ବେଲାତା ଏଞ୍ଜାସି ଖାନ୍ଦେସି □

୩୬ ଏଞ୍ଜାସି ଦେବୁଣିଏ ଖାଡ଼ିସାରେ ମୀରୁ ହୁଞ୍ଜାମାନାଣି ମେସ୍ତାଆପେସି □

୩୭ ନାନୁ ମିଙ୍ଗେ ଏଦାଆଁ ଖେସିମାଞ୍ଜାଇଁ, ଏଦାଆଁ ବାରେତି ଖେସିମାଞ୍ଜାଇଁ, ଜାଗ୍ରାତା ମାଞ୍ଜୁ □

୧୪

ଜୀସୁଇଁ ଆସାଲି ପାରୁ ପାରିନାୟି
(ମାତି ୨୬:୨-୫; ଲୁକ ୨୨:୧-୨; ଜହ ୧୧:୪୫-୫୩)

୧ ପିସପିଆନ୍ତି ପାରୁ ଇଞ୍ଜା ପୁଲ୍ୟୟୁ ଆଣ୍ଡାଆତି ରୁଟି ତିନି ପାରୁ ଆହାଲି ରୀ ଦିନା ମାଡେ □ ଏତିବେଲାତା କାଜା ପୁଜେରାଙ୍ଗା ଇଞ୍ଜା ମେରା ପୁନାରି ଏନିକିଁ ଏଞ୍ଜାଶାଇଁ ନାଡ଼ିକିହୁଁ ଆସାନା ପାୟିନେରି ଏଦାଆଁତାକି ପାରୁ ପାରିମାଡେରି □

୨ ଇତିହୁଁ ଏଞ୍ଜାରି ଏଲେଇଚେରି, “ପାରୁ ବେଲାତା ଆଏ ଏଡେତା ଲକୁ ଗଡ଼ହା କିନେରି □”

ବେତନିୟାତା ଜୀସୁ ତାୟୁଁ ତୁ ନିୟୁଁ ଖାକ୍ନାୟି
(ମାତି ୨୬:୬-୧୩; ଜହ ୧୨:୧-୮)

୩ ଜୀସୁ ବେତନିୟାତା କାଜା ରଗାଗାଟି ସିମନ ଇଜ ଡିଞ୍ଜାଲି କୁଗାମାଚାଟି ର ଇୟା ର ଗାଜୁତା ହାରେକା ଦାରାତି ଗାନ୍ଦା ନିୟୁଁ ତାଚାନା ଗାଜୁତି ଦେଚାନା ଜୀସୁ ତାୟୁଁ ତୁ ଖାକ୍ନାଲି ମାଟ୍ଟହେ □

୪ ସାମା ଏଡେକା ଲକୁ କାରବି ଆହାନା, ତାମ୍ବୁତାମ୍ବୁ ଖେସପି ଆଡ଼େରି, “ନିୟୁଁ ଏଦାଆଁତାକି ନସ୍ତ ଆଡେ ?

୫ ଇ ନିୟୁଁ ସାଡାକଡ଼ି ଦସଟାକା କିହୁଁ ଆଗାଡ଼ା ପାରପି ଆହାନା ହାକି ଗାଟାରାକି ହୀପୁକି ଆହାଲି ଆଡ଼ିଡେମା” ଏଦାଆଁତାକି ଏଞ୍ଜାରି ଏ ଇୟାନି ଲାଗାଲି ମାଟ୍ଟହେରି □

୬ ସାମା ଜୀସୁ ଏଲେଇଚେସି, “ଏଦାନି ପିହୁଦୁ; ଏଦାଆଁତାକି କସ୍ତ ହୀହିମାଞ୍ଜେରି ? ଏଡ଼ି ନାଙ୍ଗେତାକି ନେହୁଁ କିହାମାନେ □

୭ ଇତିହୁଁ ହାକି ଗାଟାରି କାଲେଏ ମୀ ତାଣା ମାନେରି, ଅଡ଼େ ମିଙ୍ଗେ ଏଡେତା ମନ ଏଡେତା ଏଞ୍ଜାରି ସାନ୍ଦେମି କିହାଲି ଆଡ଼ିଦେରି; ସାମା ନାନୁ କାଲେଏ ମୀ ତାଣା ଡ଼ୟାଁ □

୮ ଏଡ଼ି ଏଦାଆଁ ଆଡ଼ିନାୟି ମାନେ ଏଦାଆଁ କିହାମାନେ; ଏଡ଼ି ନା ଆଙ୍ଗାତି ମୁସାଲି ତାକି ତଲିଏ ନିୟୁଁ ଖାକ୍ନାନ୍ଦା ତିୟାରା କିହାମାନେ □

୯ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ବାରେ ଦାରୁଡିତା ଆମ୍ବିୟା ଜିକେଏ ନେହୁଁ କାରୁ ଖେକ୍ନେରି, ଏ ଟାୟୁତା ଇ ଇୟାନି ଅଣ୍ଡପାଲିତାକି ଏଦାନି ଇ କାମାତି କାତା ଜିକେଏ ଖେସପି ଆନ୍ଦେ □”

* ୧୩:୨୪ ୧୩:୨୪ ଖେ ବଲୁ ୬:୧୨ * ୧୩:୨୫ ୧୩:୨୫ ଖେ ବଲୁ ୬:୧୩ * ୧୩:୨୬ ୧୩:୨୬ ଖେ ବଲୁ ୧:୭ * ୧୩:୩୨ ୧୩:୩୨ ମାତି ୨୪:୩୬ * ୧୩:୩୪ ୧୩:୩୪ ଲୁକ ୧୨:୩୬-୩୮

ଜୀହ୍ୱଦା ଜୀସୁ ଆସ୍ପଦି କିହାଲି ରାଜି ଆନାୟି
(ମାତି ୨୬:୧୪-୧୬; ଲୁକ ୨୨:୩-୬)

୧୦ ଏମ୍ବାଟିଏ ବାରଜାଣା ବିଦ୍ରାଟି ଇସ୍ପାରିୟତ ଜୀହ୍ୱଦା ଦରୁଗାଟାସି ରଅସି ଜୀସୁଇଁ କାଜା ପୂଜେରାଜା କେୟୁତା ହେରପାଲି ଏଝାରିତାଣା ହାଚେସି □

୧୧ ଏଝାରି ଏଦାଆଁ ଝେଞ୍ଜାନା ରାହାଁ ଆଚେରି, ଇଞ୍ଜାଁ ଏଝାଣାକି ଟାକାୟାଁ ହାହାଲି ଆଞ୍ଜିତେରି, ଏମ୍ବାଟିଏ ଏଝାସି ଏଝାଣାଇଁ ଆସ୍ପଦି କିହାଲି ନେହଁ ପାରୁ ପାରିତେସି □

ତାନି ସୀସୁୟାଁ ତଲେ ପିସ୍ପିଆନ୍ତି ପାର୍ବୁତି ବଜି
(ମାତି ୨୬:୧୭-୨୫; ଲୁକ ୨୨:୭-୧୪,୨୧-୨୩; ଜହ ୧୩:୨୧-୩୦)

୧୨ ତାୟୁ ପୂଲ୍ଲାଗୁଣ୍ଡା ଆଣ୍ଡାଆତି ରୁଟି ତିନି ପାର୍ବୁତି ମୂଲୁ ଦିନାତା ଆମିନି ନେରୁ ପିସ୍ପିଆନ୍ତି ପାର୍ବୁତି ମେଣ୍ଡା ତାଲୁତି ହେରପିଆନେ, ଏ ଦିନା ତାନି ସୀସୁୟାଁ ଏଝାଣାଇଁ ଝେଚେରି, “ମାମ୍ବୁ ହାଜାନା ଆମିନି ଟାୟୁତା ନିଞ୍ଜେତାକି ପିସ୍ପିଆନ୍ତି ପାର୍ବୁତି ବଜି କିନମି ଇଞ୍ଜାଁ ନାନୁ ଅଣ୍ଡିମାଞ୍ଜି ?”

୧୩ ଏମ୍ବାଟିଏ ଏଝାସି ତାନି ସୀସୁୟାଁ ବିଦ୍ରାଟି ରିଆରାଇଁ ଏଲେଇଞ୍ଜା ପାଣ୍ଡିତେସି, “ମୀରୁ ଗାଡ଼ାତା ହାଜୁ ଇଞ୍ଜାଁ ଏୟୁ ତ:କା ଅହିମାନି ରଅସି ମିଞ୍ଜେ ବେଟାଆୟାନେସି; ଏଝାଣି ଜ୍ଞେତ ଜ୍ଞେତ ହାଜୁ;

୧୪ ଏଝାସି ଆମିନି ଇଜ ହତ୍ତନେସି, ଏ ଇଲୁ ଗାଟାଣାଇଁ ଝେଞ୍ଜୁ, ‘ଗୁରୁ ଝେଞ୍ଜିମାଞ୍ଜାନେସି, ନାନୁ ନା ସୀସୁୟାଁ ତଲେ ଆମିନି ଟାୟୁତା ପିସ୍ପିଆନ୍ତି ପାର୍ବୁତି ବଜି କିହାଲି ଆନେ ଏ ବାକ୍ତା ଆମିନାୟି ?’

୧୫ ଏଚେଟିଏ ଏଝାସି ମିଞ୍ଜେ ନେହଁକଁ ତିୟାରା ଆହାମାନି ଲାକନି ପାରୁତି ର କାଜା ବାକ୍ତା ତସ୍ତନେସି; ଏମ୍ବାଆଁ ମାଞ୍ଜେତାକି ରାନ୍ଦା ଝାଜାଦୁ □”

୧୬ ଏମ୍ବାଟିଏ ସୀସୁୟାଁ ହାଜାନା ଗାଡ଼ାତା ହଚେରି, ଇଞ୍ଜାଁ ଏଝାସି ଏଝାରାଇଁ ଏନିକଁ ଝେସାମାଚେସି, ଏଲେକଁ ମେସାନା ପିସ୍ପିଆନ୍ତି ପାର୍ବୁତି ବଜି ଝାଜିତେରି □

୧୭ ମିଡ଼ଅଲ୍ଲ ଆହାଲିଏ ଜୀସୁ ବାରଜାଣା ସୀସୁୟାଁ ତଲେ ଝାଡ଼େସି □

୧୮ ଏଝାରି କୁଗାନା ରାନ୍ଦା ତିଞ୍ଜି ମାଚାଟି ଜୀସୁ ଏଲେଇଚେସି, “ନାନୁ ମିଞ୍ଜେ ସାତା ଝେସିମାଞ୍ଜାଇଁ, ମୀ ବିଦ୍ରାଟି ରଅଚେରି ନାଞ୍ଜେ ସାତୁ କେୟୁତା ହେରପାଦେରି □”

୧୯ ଏମ୍ବାଟିଏ ଏଝାରି ଦୁକୁ ଆହାନା ରଅ ରଅରି ଏଝାଣାଇଁ ଝେଞ୍ଜାଲି ମାଟ୍ତହେରି, “ନାନୁ ଏଝାଚେଏଁ କି ?”

୨୦ ଜୀସୁ ଏଝାରାଇଁ ଏଲେଇଚେସି, “ବାରଜାଣା ବିଦ୍ରାଟି ରଅସି, ଆମ୍ବାଆସି ନା ତଲେ ସାଡ଼ଝାତା କେୟୁ ମେଡ଼ହି ମାନେସି □

୨୧ ମାଣ୍ଡସି ମୀର୍ଏଣା କାତା ଏନିକଁ ରାସ୍କି ଆହାମାନେ, ଏଲେକିହଁଏ ହାନ୍ଦେସି ସାତା, ସାମା ଆମିନି ଲକୁ ତାଣାଟି ମାଣ୍ଡସି ମୀର୍ଏଣସି ସାତୁ କେୟୁତା

ହେରପିଆନେସି, ଆୟତା ଏଝାଣି ତଣ୍ଡା! ଏ ଲକୁତି ଜାନିଆ ହାହିଲ୍ଲାଆତିହଁ ଏଝାଣାକି ନେହେଁ ଆଡ଼େମା □”

ପ୍ରବୁତି ବଜି

(ମାତି ୨୬:୨୬-୩୦; ଲୁକ ୨୨:୧୪-୨୦; ୧କର ୧୧:୨୩-୨୫)

୨୨ ଏଝାରି ତିଞ୍ଜି ମାଚାଟି ଜୀସୁ ରୁଟି ଅହାନା ମାହାପୁରୁଇଁ ଜହରା କିହାନା ଏଦାଆଁ ଡିକ୍ତା ହାହାନା ଏଲେଇଚେସି, “ଅଦୁ ତିଞ୍ଜୁ, ଇଦି ନା ଆଜା □”

୨୩ ଇଞ୍ଜାଁ ଏଝାସି ଗହ୍ନି ସଲ୍ଲା ଆସାନା ମାହାପୁରୁଇଁ ଜହରା କିହାଁ ଏଝାରାକି ହାଚେସି, ଇଞ୍ଜାଁ ବାରେଜାଣା ଏଦାଆଁ ଗସ୍ତେରି □

୨୪ ଇଞ୍ଜାଁ ଜୀସୁ ଏଝାରାଇଁ ଏଲେଇଚେସି, “ଆମିନି ରାଜିମାନା ନେତେରି ହାଡ଼େକା ଲକୁତାକି ଝାଜାମାନେ, ଇଦି ଏ ନା ନେତେରି □

୨୫ ନାନୁ ମିଞ୍ଜେ ସାତା ଝେସିମାଞ୍ଜାଇଁ, ଆମିନି ଦିନା ମାହାପୁରୁତି ରାଜିତା ପୁଝନି କିହଁ ଅକ୍ସୁରି ପାଡ଼େୟିତି ରାସା ଗହ୍ନି ଏ ଦିନା ପାଚେକା ଇଦାଆଁ ଅଡ଼େ ନାନୁ ଏଚେଲା ଗହ୍ନି □”

୨୬ ଇଞ୍ଜାଁ ଏଝାରି ଜହରା ପାରୁ ପାଡ଼ିତି ତାୟୁ ଜୀତ ହରୁତା ହଚା ହାଚେରି □

ପିତର ଜୀସୁଇଁ ପୁଞ୍ଜାହିଲଅଁ ଇନି କାତା

(ମାତି ୨୬:୩୧-୩୫; ଲୁକ ୨୨:୩୧-୩୫; ଜହ ୧୩:୩୬-୩୮)

୨୭ ଏଚିବେଲା ଜୀସୁ ଏଝାରାଇଁ ଏଲେଇଚେସି, “ମୀରୁ ବାରେ ପିସା ହାଜାଦେରି, ଇଚିହଁ ରାସ୍କି ଆହାମାନେ, ନାନୁ ମେଣ୍ଡା ଗଡ଼ୁ ପାୟିଇଁ ଇଞ୍ଜାଁ ମେଣ୍ଡାୟାଁ ଆଲାରା ଆହାହାନୁ □

୨୮ ଏସାମା ନାନୁ ହାହାନା ଝେଣ୍ଡେ ନିଞ୍ଜିତି ତାୟୁ ମୀ ନକିତା ଗାଲିଲିତା ହାଇଁ □”

୨୯ ଏମ୍ବାଟିଏ ପିତର ଏଲେଇଚେସି, “ବାରେଜାଣା ପିସା ହାଜାନେରି ନାନୁ କଡ଼େ ନିଞ୍ଜେ ଏଚେଲା ପିସୁଅଁ □”

୩୦ ଜୀସୁ ପିତରଇଁ ଏଲେଇଚେସି, “ନାନୁ ନିଞ୍ଜେ ସାତା ଝେସିମାଞ୍ଜାଇଁ, ନୀଞ୍ଜୁ ଇ ଲାଆଁୟାଁ କୟୁ ରୀ ଦେବା କେଣ୍ଡାଆ ମାନାଟିଏ, ନାନୁ ଏଝାଣାଇଁ ପୁଞ୍ଜାହିଲଅଁ ଇଞ୍ଜାଁ ତାନିପାଲି ଏଲେଇଞ୍ଜି □”

୩୧ ସାମା ପିତର ଆଟ୍ତା ତଲେ ଏଲେଇଚେସି, “ନାଞ୍ଜେ ନୀ ତଲେ ହାହାଲି ଆଡ଼ି ଜିକେଏ ନାନୁ ନିଞ୍ଜେ ଏଚେଲା ପୁଞ୍ଜାହିଲଅଁ ଇଞ୍ଜାଁ □” ଇଞ୍ଜାଁ ବାରେଜାଣା ଜିକେଏ ଏଲେଇଚେରି □

ଜୀସୁ ଗେଡ଼ସିମିନିତା ପ୍ରାଡ଼ାନା କିନାୟି

(ମାତି ୨୬:୩୬-୪୬; ଲୁକ ୨୨:୩୯-୪୬)

୩୨ ତାୟୁ ଏଝାରି ଗେଡ଼ସିମିନି ଇନି ର ଟାୟୁତା ଝାଡ଼େରି, ଇଞ୍ଜାଁ ଜୀସୁ ତାନି ସୀସୁୟାଁଇଁ ଏଲେଇଚେସି, “ନାନୁ ପ୍ରାଡ଼ାନା କିହିମାନି ପାଚେକା ଇମ୍ବାଆଁ କୁଗାନା ମାଞ୍ଜୁ □”

୩୩ ଇଞ୍ଜା ଏଝାସି ପିତର, ଜାକୁବ ଅଡ଼େ ଜହନଇଁ ତାନିତଲେ ଅଡ଼େସି □ ଏଝାସି ହାରେକା ଦୁକୁତି କସ୍ତ ତାକି କିଲିବିଲି ଆଡ଼େସି □

୩୪ ଏଚେଟିଏ ଜୀସୁ ଏଝାରାଇଁ ଏଲେଇଚେସି, “ନା ଜୀସୁ ହାନିଲେହେଁ ହାରେକା କିଲିବିଲି ହଡ଼ିମାଞ୍ଜାନେ; ମୀରୁ ଇମ୍ପାଆଁ ତେଝଏଲାନା କାଚାମାଞ୍ଜୁ □”

୩୫ ଜୀସୁ ନକିତା ହାଜାନା ବୁମିତା ମୁନୁ କୁତିତେସି, ଅଡ଼େ ଆହାଲି ଆଡ଼ିତିହେଁ, ଏ ଦୁକୁ ଏଝାଣି ତାଣାଟି ଏନିକେଁ ହେକ ଆଚେନ, ଏଦାଆଁତାକି ପ୍ରାତାନା କିତେସି □

୩୬ ଇଞ୍ଜା ଜୀସୁ ଏଲେଇଚେସି, “ଆବା, ନୀନୁ ବାରେଏ କିହାଲି ଆଡ଼ିଦି; ଇ କସ୍ତ ବାଦା ନା ତାଣାଟି ହେକ କିମ୍ପୁ; ଆଡ଼ିଜିକେଏ ନା କାତା ଆଏ ନୀ କାତେଏ ଆପେ □”

୩୭ ଇଞ୍ଜା ଏଝାସି ଝାହାନା ସୀସୁୟାଁ ଇଦା କିତାଣି ମେସ୍ତେସି, ଇଞ୍ଜା ପିତରଇଁ ଏଲେଇଚେସି, “ସିମନ ନୀନୁ ତୁରିତିକି ? ଗାଡ଼େକା ଜିକେଏ କାଚାଲି ଆଡ଼ାଆତେରି ?

୩୮ ଏଦାଆଁତାକି କାଚାନା ପ୍ରାତାନା କିଦୁ; ଏନିକେଁ ମୀରୁ ପାନ୍ଦାତା ହେରଅତେରି, ମନ ମାନେ ସାତା, ଆଙ୍ଗାତା ବାଡ଼ୁୟାଁ ହିଲେଏ □”

୩୯ ଏଝାସି ଅଡ଼େ ଝେଣ୍ଡେ ହାଜାନା ତଲିତିଲେହେଁ ପ୍ରାତାନା କିତେସି □

୪୦ ଅଡ଼େ ଝେଣ୍ଡେ ଝାହାନା ଏଝାସି ଏଝାରାଇଁ ଇଦା କିହାମାନାଣି ମେସ୍ତେସି, ଇଚିହେଁ ଏଝାରି କାଣ୍ଡକା ପକ୍ସି ଆହିମାଚୁ, ଇଞ୍ଜା ଏଝାରି ଏଝାଣାଇଁ ଏନାଆଁ ଜଲିନେରି ପୁଞ୍ଜାଲି ଆଡ଼ାଆତେରି □

୪୧ ଜୀସୁ ତାନି ଦେବା ଝାହାନା ସୀସୁୟାଁଇଁ ଏଲେଇଚେସି, “ମୀରୁ ଗାଡ଼େକା ତୁରାନା ଜମାଦୁ; ହାରେକା ବେଲା ଆଡ଼େୟିଏ, ଏ ବେଲା ଏଗାଝାହିମାନେ; ମେହ୍ଦୁ ମାଣ୍ଡି ମୀରଏସି ସାତୁୟାଁ କେୟୁତା ହେରପି ଆହିମାନେସି □

୪୨ ନିଙ୍ଗାଦୁ, ମାର ହାନ, ମେହ୍ଦୁ ଆମ୍ବାଆସି ନାଙ୍ଗେ ସାତୁୟାଁ କେୟୁତା ହେରପାନେସି ଏଝାସି ଏଗାଝାଡ଼େସିଏ □”

ଜୀସୁ ସାତୁ କେୟୁତା ହେରପି ଆନାୟି

(ମାତି ୨୬:୪୭-୫୨; ଲୁକ ୨୨:୪୭-୫୩; ଜହ ୧୮:୩-୧୨)

୪୩ ଏ ଦେବୁଣିଏ ଜୀସୁ ଝେସିମାଟି ବେଲାତା, ବାରଜାଣା ବିତ୍ରାଟି ଜୀହୁଦା ଦରୁଗାଟାସି ରଅସି ଇଞ୍ଜା ତାନିତଲେ କାଜା ପୂଜେରାଙ୍ଗା, ମେରା ପୁନାରି ଇଞ୍ଜା ଲକୁତି କାଜାରି ତାଣାଟି କାଣ୍ଡା ଟେଙ୍ଗା ଆସାନା ଝାଡ଼େରି □

୪୪ ଜୀସୁଇଁ ସାତୁୟାଁ କେୟୁତା ହେରପିନାସି ଏଝାରାଇଁ ଇସିନା ଝେସାମାଚେସି, “ନାନୁ ଆମ୍ବାଆରାଇଁ ନଣ୍ଡିଇଁ ଏଝାସିଏ ଏଝାସି □ ଏଝାଣାଇଁ ଦସାନା ଜାଗାତା ତଲେ ଅଦୁ □”

୪୫ ଇଞ୍ଜା ଏଝାସି ଏ ଦେବୁଣିଏ ଏଝାଣି ତାଗେ ହାଜାନା, “ଏ ଗୁରୁ” ଇଞ୍ଜାନା ଏଝାଣାଇଁ ନଣ୍ଡିତେସି □

୪୬ ଏମ୍ବାଟିଏ ଏଝାରି ଏଝାଣାଇଁ ଆସାନା ଦସା ଅଡ଼େରି □

୪୭ ସାମା ତାଗେ ନିଚାମାଟି ଲକୁ ବିତ୍ରାଟି ରଅସି କାଣ୍ଡା ହପୁହେସି ଇଞ୍ଜା କାଜା ପୂଜେରା ହଲେଏଣା କିୟୁଁ ଦାଡ଼େସି □

୪୮ ଜୀସୁ ଏଝାରାଇଁ ଏଲେଇଚେସି, “ସରୁଇଁ ଆସାଲି ହାନିଲେହେଁ କାଣ୍ଡା ଅଡ଼େ ଟେଙ୍ଗା ଆସାନା ମୀରୁ ନାଙ୍ଗେ ଆସାଲି ଝାଡ଼େରି ?

୪୯ *ନାନୁ ବାରେଦିନା ମୀ ତଲେ ପ୍ରାତାନା ଇଲୁତା ମାଞ୍ଜାନା ଜାପୁହି ମାଞ୍ଜାତେଏଁ, ସାମା ମୀରୁ ନାଙ୍ଗେ ଆସୁଆତେରି; ସାମା ଦାମ୍ପୁ ପତିତି ରାସ୍ତକି ଆଡ଼ି ବଲୁ ଏନିକେଁ ସାତା ଆଚେନ, ଏଦାଆଁତାକି ଇ ବାରେ ଆହିମାନେ □

୫୦ ଏଚିବେଲା ବାରେଜାଣା ସୀସୁୟାଁ ଏଝାଣାଇଁ ପିସାନା ହାଚେରି □

୫୧ ର ଦାଂଗଣା କକାସି ର ହିମ୍ପରି ପିଡ଼ଗାହାଁ ଜୀସୁ ଜେଚ ଜେଚ ହାଜିମାଚେସି; ଏଝାରି ଏଝାଣାଇଁ ଆସାଲି ହାଜାଲିଏ,

୫୨ ଏଝାସି ଏ ପାତାଡ଼ା ହିମ୍ପରି ପିସାନା ଝାଡ଼ଇ ଆଙ୍ଗାଟି ହଚାତୁସ୍ତେସି □

ଜୀସୁଇଁ ବେରଣିମାଣ୍ଡାତା ନୀହାୟି କିନାୟି

(ମାତି ୨୬:୫୨-୬୮; ଲୁକ ୨୨:୫୪-୫୫,୬୩-୬୧; ଜହ ୧୮:୧୩-୧୪,୧୯-୨୪)

୫୩ ତାୟୁ ଏଝାରି ଜୀସୁଇଁ କାଜା ପୂଜେରା ନକିତା ଅଡ଼େରି, ଇଞ୍ଜା କାଜା ପୂଜେରା, ଲକୁତି କାଜାରି ଅଡ଼େ ମେରା ପୁନାରି ବାରେ ଝାହାନା ରୁଣ୍ଡା ଆଡ଼େରି □

୫୪ ପିତର ହେକ ମାଞ୍ଜାନା ଏଝାଣି ଜେଚ ଜେଚ କାଜା ପୂଜେରା ଆଂଗେଣି ବିତ୍ରା ହାଚେସି ଇଞ୍ଜା ଜାମାନାଙ୍ଗା ତଲେ କୁଗାନା ହିଚୁ କେରଞ୍ଜି ମାଚେସି □

୫୫ ଏମ୍ବାଟିଏ କାଜା ପୂଜେରାଙ୍ଗା ଇଞ୍ଜା ବେରଣି ମାଣ୍ଡାତି ବାରେଜାଣା ଜୀସୁଇଁ ପାୟାଲି ଏଝାଣି କପାଟି ସାକିୟାଁ ପାରିତେରି, ସାମା ଏନି ଦହ ବେଟାଆଆତେରି;

୫୬ ଇଚିହେଁ ହାରେକା ଏଝାଣି କପାଟି ମିତି ସାକିୟାଁ ହାଡ଼ି ଜିକେଏ ଏଝାରି ହାଡ଼ି ସାକି ଆଣ୍ଡାଆତେ □

୫୭ ତାୟୁ ଏଚରଜାଣା ହଚାନା ଏଝାଣି କପାଟି ମିତି ସାକି ହାହାନା ଏଲେଇଚେରି,

୫୮ “ମାୟୁଁ ଇଝାଣାଇଁ ଇ କାତା ଝେସିମାଚାଣି ଝେଞ୍ଜାମାନମି, ନାନୁ ଇ କେୟୁଟି କେପିତି ପ୍ରାତାନା ଇଲୁତି ଡିକ୍‌ହାନା ତାନିଦିନା ବିତ୍ରା ଅଡ଼େ ମାଣ୍ଡି କେପାଆତି ପ୍ରାତାନା ଇଲୁ କେପିଇଁ □

୫୯ ସାମା ଏମ୍ବାଆଁ ଜିକେଏ ସାକି ଆଣ୍ଡାଆତେ □”

୬୦ ଏଚେଟିଏ କାଜା ପୂଜେରା ମାଦିଏ ନିଚାନା ଜୀସୁଇଁ ଝେଚେସି, “ନୀ କପାଟି ଇଝାରି ଆମିନି ସାକି ହାହିମାନେରି, ଝେଣ୍ଡେ ଜଲ୍ଲାଲି ଏନି କାତା ହିଲେଏ କି ?”

୬୧ ସାମା ଏଝାସି ପାଲେଏ ଆହାନା ଏନି କାତା ଜଲ୍ଲାଆତେସି, କାଜା ପୂଜେରା ଅଡ଼େ ଝେଣ୍ଡେ ଏଝାଣାଇଁ

* ୧୪:୪୯ ୧୪:୪୯ ଲୁକ ୧୯:୪୭; ୨୧:୩୭

ଖେଚେସି, “ନାନୁ କି ମାନିଗାଟି ମାହାପୁରୁ ମାର୍ବଣାତି କ୍ରୀସୁ ?”

୨୭ ଜୀସୁ ଏଲେଇଚେସି, “ନାନୁ ଏଞ୍ଜାତେଏ, ମାରୁ ମାଣ୍ସି ମାର୍ବଣାଟି ବାଡ଼ୁଗାଟି ଟିଃନିଞ୍ଜାକି କୁଗାମାନାଣି ମେହ୍ଦେରି ଇଞ୍ଜା ହାଗୁ ଦୁହାଟି ଖେଣ୍ଡେ ଖାନାଣି ମେହ୍ଦେରି □”

୨୮ ଏଚେଟିଏ କାଜା ପୂଜେରା ତାନି ହିମ୍ବରି ଗେସାନା ଏଲେଇଚେସି, “ମାଜେ ଅଡ଼େ ଏନ୍ତି ସାକିୟା ଲଡ଼ା ହିଲେଏ □

୨୯ ମାରୁ ମାହାପୁରୁ ନିନ୍ଦା ଖେଚେରି; ମୀ ଅଣ୍ଡୁ ଏନାୟି ?”

ଏମ୍ବାଟିଏ ବାରେଜାଣା ଏଞ୍ଜାସି ହାନ୍ତି ତଣ୍ଡ ବେଟାଆପେସି ଇଞ୍ଜି ଏଲେଇଚେରି □

୩୦ ଇଞ୍ଜା ଆମ୍ବା ଆମ୍ବାଆରି ଏଞ୍ଜାଣିଲକ ହୁପିଚେରି ଇଞ୍ଜା ଏଞ୍ଜାଣି କାଣ୍ଡକା ପଜାନା ଏଞ୍ଜାଣାଟି ଖେଚାନା ଖେଚେରି, “ମାହାପୁରୁ ଅଣ୍ଡୁପୁତି ବଲୁ ଖେହ୍ନାତି ଆମ୍ବାଆସି ନିଜେ ଖେତାଚେସି, ଖେସ୍ତାମ୍ବା!” ଜାମାନାଜା ଜିକେଏ ଆସାନା ସାପ୍ତା ଖେଚିହିଁ ଅଡ଼େରି □

ପିତର ଜୀସୁଙ୍କ ପୁଞ୍ଜାହିଲଅଁ ଇନାୟି

(ମାତି ୨୨:୨୯-୩୫; ଲୁକ ୨୨:୫୭-୬୨; ଜହ ୧୮:୧୫-୧୮, ୨୫-୨୭)

୩୧ ଏମ୍ବାଟିଏ ପିତର ଆଁଗେଣିତା ମାଟିବେଲତା କାଜା ପୂଜେରା ହଲେଣି ଖାହାନା ପିତର ହିରୁ କେରଞ୍ଜି ମାଟାଣି ମେସ୍ତେ,

୩୨ ଇଞ୍ଜା ପିତରଙ୍କ ସିନିକିହାନା ଏଲେଇଚେ, “ନାନୁ ଜିକେଏ ନାଜରିତ ଜୀସୁତଲେ ମାତି □”

୩୩ ସାମା ଏଞ୍ଜାସି, ନାନୁ ଏଞ୍ଜାଣାଟି ପୁଞ୍ଜାହିଲଅଁ, ନାନୁ ଏନାଆଁ ଖେସିମାଞ୍ଜି ନାନୁ ପୁଞ୍ଜାହିଲଅଁ, ତାୟୁ ଏଞ୍ଜାସି ଆଁଗେଣି ଦୁଖେରିତା ହାଚେସି, ରେରୁଏ କୟୁ କେଣ୍ଡେ ଟେ □

୩୪ ଇଞ୍ଜା ଏ ହଲେଣି ଏଞ୍ଜାଣାଟି ମେସାନା ଦାରିତା ନିଟାମାନି ଲକୁଣି ଅଡ଼େ ଖେଣ୍ଡେ ଖେସାଲି ମାଟ୍‌ହେ, “ଇଞ୍ଜାସି ଏଞ୍ଜାରି ବିତ୍ରାଟି ରଅସି □”

୩୫ ସାମା ଏଞ୍ଜାସି ଅଡ଼େ ଖେଣ୍ଡେ ପୁଞ୍ଜାହିଲଅଁ ଇଚେସି, ଅଡ଼େ ଗାଡ଼କା ଆହାଲିଏ ଦାରିତା ମାତି ଲକୁ ପିତରଙ୍କ ଏଲେଇଚେରି, “ନାନୁ ସାତେଏ ଏଞ୍ଜାରି ବିତ୍ରାଟି ରଅତି, ଇଚିହିଁ ନାନୁ ର ଗାଲିଲି ଲକୁତି □”

୩୬ ସାମା ଏଞ୍ଜାସି ପାରମାଣା ଇଞ୍ଜା ବାକା ଇଟାନା ଏଲେଇଚେସି, ମାରୁ ଆମିନି ଲକୁତି କାତା ଖେସିମାଞ୍ଜେରି, ନାନୁ ଏଞ୍ଜାଣାଟି ପୁଞ୍ଜାହିଲଅଁ □

୩୭ ଏ ଦେବୁଣିଏ କୟୁ ରୀ ଦେବା କେଣ୍ଡେ □ ଏମ୍ବାଟିଏ କୟୁ ରୀ ଦେବା କେଣ୍ଡା ନକେଏ ନାନୁ ନାଜେ ତାନି ଦେବା ନାନୁ ପୁଞ୍ଜାହିଲଅଁ ଇଞ୍ଜାଦି, ଆମିନି କାତା ଜୀସୁ ପିତରଙ୍କ ଏଲେଇଞ୍ଜାମାଚେସି, ଏଦି ଏଞ୍ଜାଣି ମନତା ଖାଡ଼େ, ଇଞ୍ଜା ଏଞ୍ଜାସି ଏ କାତା ଅଣ୍ଡୁପିହିଁ ହାରେକା ଡ଼ାହାଲି ମାଟ୍‌ହେସି □

୧୫

ପିଲାତ ନକିତା ଜୀସୁ

(ମାତି ୨୭:୧-୨, ୧୧-୧୪; ଲୁକ ୨୩:୧-୫; ଜହ ୧୮:୨୮-୩୮)

୧ ଲାକ୍ ଖେୟାଲିଏ ବେରଣି ମାଣ୍ଡାତାରି, ଇଚିହିଁ ଲକୁତି କାଜାରି ଇଞ୍ଜା ମେରା ପୁନାରି ତଲେ କାଜା ପୂଜେରାଜା ବେରଣି କିହାନା କାତା ଆଡ଼େରି □ ଜୀସୁଙ୍କ ଦସ୍‌ପା ଅହାନା ପିଲାତ କେୟୁତା ହେରପିଚେରି □

୨ ପିଲାତ ଏଞ୍ଜାଣାଟି ଖେଚେସି, “ନାନୁ କି ଜୀହୁଦି ଲକୁତି ରାଜା ?”

ଜୀସୁ ଏଞ୍ଜାଣାଟି ଏଲେଇଚେସି, “ନାନୁଏ ଏଲେ ଇଞ୍ଜିମାଞ୍ଜି □”

୩ ଇଞ୍ଜା କାଜା ପୂଜେରାଜା ଜୀସୁ କପାଟି ହାରେକା କାତାୟା ଖେସ୍ତେରି □

୪ ଏମ୍ବାଟିଏ ପିଲାତ ଅଡ଼େ ଖେଣ୍ଡେ ଏଞ୍ଜାଣାଟି ଖେଚେସି, “ନାନୁ ଏନାଆଁତାକି ଖେସିମାଞ୍ଜିଅତି ? ମେହ୍‌ମୁ ଇଞ୍ଜାରି ନୀ କପାଟି ହାରେକା କାତା ଜଲିମାନେରି □”

୫ ସାମା ଜୀସୁ ଏନ୍ତି ହାଡ଼ା ଜଲିଆଚେସି, ଏଚେଟିଏ ପିଲାତ କାବା ଆଡ଼େସି □

ଜୀସୁ ହାନ୍ତି ତଣ୍ଡ

(ମାତି ୨୭:୧୫-୨୬; ଲୁକ ୨୩:୧୩-୨୫; ଜହ ୧୮:୩୯; ୧୯:୧୭)

୬ ସାମା ପାରୁ ବେଲତା ଲକୁ ଆମିନି କାୟିଦି ଗାଟାଣାଟି ରାସିମାଚେରି, ଏଞ୍ଜାଣାଟି ପିଲାତ ଏଞ୍ଜାରି ତାକି ପିସିମାଚେସି □

୭ ଆମିନି ଗଡ଼ହା ଗାଟାରି ଗଡ଼ହା ବେଲତା ଲକୁଣି ପାୟାମାଚେରି, ଏଞ୍ଜାରିତଲେ ବାରବା ଦରୁଗାଟାସି କାୟିଦିତା ମାଚେସି □

୮ ଏଦାଆଁତାକି ତାନି ମେରା ଲେହେଁ କିହାଲି ପିଲାତଙ୍କ ବାଡ଼ିମାଲିଚେରି □

୯ ଏମ୍ବାଟିଏ ପିଲାତ ଏଞ୍ଜାରାଟି ଏଲେଇଚେସି, “ମାରୁ ଏନାଆଁ ଅଣ୍ଡୁପିମାଞ୍ଜେରି ? ନାନୁ ମିଜେତାକି ଜୀହୁଦି ଲକୁତି ରାଜାଟି ପିସାହିୟାଟି ?”

୧୦ ଇଚିହିଁ କାଜା ପୂଜେରାଜା ଏଞ୍ଜାଣାଟି ତାହାରା ତଲେ ହେରପାମାଚେରି, ଏଦାଆଁ ଏଞ୍ଜାସି ପୁଚେସି □

୧୧ ସାମା ଏଞ୍ଜାସି ଏନିକିଁ ଏଞ୍ଜାରି ତାକି ବାରବାଟି ପିହ୍‌ନେସି, ଏଦାଆଁତାକି କାଜା ପୂଜେରାଜା ଲକୁଣି ଖେସ୍ତେରି □

୧୨ ସାମା ପିଲାତ ଖେଣ୍ଡେ ଏଞ୍ଜାରାଟି ଏଲେଇଚେସି, “ଆଡ଼ିହିଁ ଆମ୍ବାଆରାଟି ଜୀହୁଦି ଲକୁତି ରାଜା ଇଞ୍ଜି ମାଞ୍ଜେରି, ଜୀସୁଙ୍କ ନାନୁ ଏନାଆଁ କିଇଁ ?”

୧୩ ଲକୁ ବାରେ କାଲୁଞ୍ଜି ଆହାନା ଏଲେଇଚେରି, “ଏଞ୍ଜାଣାଟି ପାସି ଏକ୍‌ଦୁ □”

୧୪ ଏମ୍ବାଟିଏ ପିଲାତ ଏଞ୍ଜାରାଟି ଖେଚେସି, “ଏନାଆଁତାକି ଏଞ୍ଜାସି ଏନ୍ତି ଦହ୍ କିହାମାନେସି ?”

ସାମା ଏଞ୍ଜାରି ଗାଡ଼ି କାଲୁଞ୍ଜି ଆହାନା ଏଲେଇଚେରି,
“ଏଞ୍ଜାଣାଇଁ ପାସି ଏକଦୁ □”

୧୫ ଏଚେଟିଏ ପିଲାତ ଲକ୍ଷୁଣି ରାହାଁ କିହାଲି ମନ
କିହାନା ଏଞ୍ଜାରି ତାକି ବାରବାଇଁ ପିସ୍ତେସି, ଇଞ୍ଜା ଜୀସୁଇଁ
ସାଟ୍ଟି ତଲେ ଖେପି କିହାନା ପାସି ମୁଣ୍ଡାତା ଏକହାଲି
ହେରପିତେସି □

କସ୍କା ଜୀସୁଇଁ ନିନ୍ଦାକିହିଁ କାକନାୟି
(ମାତି ୨୭:୨୭-୩୧; ଜହ ୧୯:୨-୩)

୧୬ ଏମାଟିଏ କସ୍କା ଜୀସୁଇଁ ଆଂଗେଣିଟି ମେଡ଼ା ଇଲୁ
ବିତ୍ରା ଅହାନା ବାରେ କସ୍କାଣି ହାଟାନା ରୁଣ୍ଡା କିତେରି □

୧୭ ଏଞ୍ଜାରି ଏଞ୍ଜାଣାଇଁ ହେୟାଁ ଖାଣା ହିମ୍ବରି ହୁଟିକିତେରି
ଇଞ୍ଜା ହାପ୍ଟା ଚପେରି ଆଲାନା ଏଞ୍ଜାଣି ତାୟାଁ ତୁା ତୁରଞ୍ଜି
କିତେରି;

୧୮ ଅଡ଼େ “ଏ ଜୀହୁଦି ଲକ୍ଷୁଟି ରାଜା ଜହରା” ଇଞ୍ଜା
ଏଞ୍ଜାଣାଇଁ ନିନ୍ଦାକିତେରି □

୧୯ ଇଞ୍ଜା ଏଞ୍ଜାରି ର ବାଡ଼ଗା ଆସାନା ଏଞ୍ଜାଣି ତାୟାଁ ତୁା
ଖେତେରି ଇଞ୍ଜା ମେଣ୍ଡାକୁତାନା ଜହରା କିତେରି □

୨୦ ଏଞ୍ଜାରି ଏଞ୍ଜାଣାଇଁ ଲାଜାକିହିଁ କାକହି ତାୟାଁ, ଏ
ହେୟାଁ ଖାଣାଗାଟି ହିମ୍ବରି ହୁକହା ଅହାନା ତାନି ହିମ୍ବରି
ହୁଟିକିତେରି □ ଇଞ୍ଜା ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାତା
ଏକହାଲି ପାଙ୍ଗାତା ଅଡ଼େରି □

ଜୀସୁଇଁ ପାସି ଏକନାୟି

(ମାତି ୨୭:୩୨-୪୪; ଲୁକ ୨୩:୨୭-୪୩; ଜହ ୧୯:୧୭-
୨୭)

୨୧ ☆ଏଚିବେଲା ଆଲେକଜାଣ୍ଡାର ଇଞ୍ଜା ରୁପତାମି ଆବା
ସିମନ ଦରୁଗାଟି ର କୁରିଣିୟ ଲକ୍ଷୁ ନାୟୁଟି ଖାହାନା ଏ
ଜିରୁଟି ହାଜିମାଚେସି; ଏଞ୍ଜାରି ଏଞ୍ଜାଣାଇଁ ଜୀସୁଟି ପାସିମୁଣ୍ଡା
ଡ଼େକାଲି ବାଲାମାତମି କିତେରି □

୨୨ ଇଞ୍ଜା ଏଞ୍ଜାରି ଏଞ୍ଜାଣାଇଁ ଗଲଗତା ଇଚିହିଁ
“ତାୟାଁ ଗୁପା” ଇନି ଗାୟାତା ତାତେରି □

୨୩ ଇଞ୍ଜା ଏଞ୍ଜାରି ଏଞ୍ଜାଣାକି ପୁଲା ଆଣ୍ଡିତି ଅଜୁରି ରାସା
ଗସାଲି ହୀତେରି, ସାମା ଏଞ୍ଜାସି ଏଞ୍ଜାଆଁ ଗହୁଆତେସି □

୨୪ ଏଚେଟିଏ ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାତା
ଏକହେରି, ଇଞ୍ଜା ଆମ୍ବାଆସି ଏନାଆଁ ବେଟା ଆନେସି,
ଏଦାଆଁ ପାଦି କିହାନା ତାନି ହିମ୍ବରିକା ତାୟାଁତାୟାଁ ବାଟି
କିହାନା ଅଡ଼େରି □

୨୫ ଦିନା ନ ଗଂଟା ବେଲାତା ଏଞ୍ଜାରି ଏଞ୍ଜାଣାଇଁ ପାସି
ମୁଣ୍ଡାତା ଏକହେରି □

୨୬ ଇଞ୍ଜା ଏଞ୍ଜାଣିଲାକ ଇଲେଇଞ୍ଜାଁ ରାସ୍କି
ଆହାମାଚେ, “ଇଞ୍ଜାସି ଜୀହୁଦି ଲକ୍ଷୁଟି ରାଜା □”

୨୭ ଇଞ୍ଜା ଏଞ୍ଜାଣି ଚିଝନିଞ୍ଜାକି ରଅଣାଇଁ ଅଡ଼େ
ଚେକ୍ରିଞ୍ଜାକି ରଅଣାଇଁ, ଇଲେକିହିଁ ରୀ ସରକାଣି ଏଞ୍ଜାରି
ଏଞ୍ଜାଣିତଲେ ପାସି ମୁଣ୍ଡାତା ଏକହେରି □

୨୮ ଏଚେଟିଏ ଦାମ୍ବୁ ପତିତି କାତା ସାତା ଆଡ଼େ, ଏଞ୍ଜାସି
ପାପୁ ଗାଟାରି ତଲେ ଲେକା କିଞ୍ଜିଆଡ଼େସି □*

୨୯ ☆ଏ ଜିରୁଟି ହାଜିମାନି ଲକ୍ଷୁ ତାମି ତାର୍କା ଗୁଟକିକିହିଁ
ଏଞ୍ଜାଣାଇଁ ନିନ୍ଦାକିହିଁ ଏଲେଇଚେରି, “ଆବା, ମାହାପୁରୁ
ଇଲୁଟି ତିକ୍ନାତି ଇଞ୍ଜା ତାନି ଦିନାଟିଏ ଏଦାଆଁ
କେପିନାତି,

୩୦ ପାସି ମୁଣ୍ଡାଟି ରେଟାଞ୍ଜାହାନା ନିଙ୍ଗେ ଗେଲପା କତାମୁ
□”

୩୧ କାଜା ପୂଜେରାଙ୍ଗା ଜିକେଏ ଏଲେକିହିଁ
ମେରାପୁନାରି ତଲେ ତାୟାଁତାୟାଁ ଏଞ୍ଜାଣାଇଁ ନିନ୍ଦାକିହିଁ
ଏଲେଇଚେରି, “ଏଞ୍ଜାସି ଅର ଲକ୍ଷୁଇଁ ଗେଲପିତେସି, ସାମା
ତାଙ୍ଗେ ଗେଲପାଲି ଆଡ଼ିହିଲଅସି □

୩୨ ଇସ୍ରାୟେଲତି ରାଜା କ୍ରୀସ୍ତୁଟି ଇଚିହିଁ ଦେବୁଣିଏ
ପାସି ମୁଣ୍ଡାଟି ରେଟା ଖାମ୍ବୁ, ଏନିକିହିଁ ମାୟାଁ ଏଦାଆଁ
ମେସାନା ନାମାନମି □”

ଇଞ୍ଜା ଆମିନି ଗାଟାରାଇଁ ଜୀସୁତଲେ ପାସି ମୁଣ୍ଡାତା
ଏକହା ମାଚେରି, ଏଞ୍ଜାରି ଜିକେଏ ଏଞ୍ଜାଣାଇଁ ନିନ୍ଦାକିତେରି
□

ଜୀସୁ ହାନାୟି

(ମାତି ୨୭:୪୫-୫୬; ଲୁକ ୨୩:୪୪-୪୯; ଜହ ୧୯:୨୮-
୩୦)

୩୩ ବାର ଗଂଟା ବେଲା ଏ ଦେସା ଆନେରି ଆହାନା ତାନି
ଗଂଟା ପାତେକା ତୁୟିତେ □

୩୪ ତାନି ଗଂଟା ବେଲାତା ଜୀସୁ କାଜା ହାଡ଼ାତଲେ
ହାଟାନା ଏଲେଇଚେସି, “ଏଲହି ଏଲହି ଲାମା ସାବକତାନି
?” ଇଚିହିଁ “ଏ ନା ମାହାପୁରୁ ଏ ନା ମାହାପୁରୁ ନୀନୁ
ନାଙ୍ଗେ ଏନାଆଁତାକି ପିସ୍ତାତି ?”

୩୫ ଈ ହାଡ଼ା ଖେଞ୍ଜାନା ଦାରିତା ନିଗାମାନି ଲକ୍ଷୁ ଆମ୍ବା
ଆମ୍ବାଆରି ଏଲେଇଚେରି, “ମେହୁଦୁ ଏଞ୍ଜାସି ଏଲିୟଇଁ
ହାଟି ମାନେସି □”

୩୬ ଇଞ୍ଜା ରଅସି ହଟିହିଁ ହାଜାନା ର ଡ୍ରାଃଆଲି ପୁଲା
ଅଜୁରି ରାସାତା ମେଡ଼ହାନା ଏଦାଆଁ ର ବାଡ଼ଗାତା ରୁପାନା
ଏଞ୍ଜାଣାକି ଗସାଲି ହୀହାନା ଏଲେଇଚେସି, “ହେଣୁ ଏଲିୟ
ଇଞ୍ଜାଣାଇଁ ଗେଲପାଲି ଖାହିମାନେସି କି ଆଏ ସିନିକିନ □”

୩୭ ସାମା ଜୀସୁ କାଜା ଗିୟାତଲେ ଜଲାନା ହାଡ଼େସି □

୩୮ ଇଞ୍ଜା ମାହାପୁରୁ ଇଲୁତା ଲେଟାମାନି ହିମ୍ବରି
ଲାକଟିଏ ଡ଼ଇ ପାତେକା ଗେଞ୍ଜାନା ରୀ ବାଗା ଆଡ଼େ □

୩୯ ଏଞ୍ଜାଣି ନକିତା ନିଗାମାନି ପାସାକଡ଼ି କସ୍କା ମୁହେଁ
କାଜାସି ଏଞ୍ଜାଣି ଇଲେଟି ହାଡ଼ାଣି ମେସାନା ଏଲେଇଚେସି,
“ସାତେଏ, ଇଞ୍ଜାସି ମାହାପୁରୁଟି ମୀରୁଏସି ମାଚେସି □”

୪୦ ☆ଏଚେକା ଇୟାସିକା ଜିକେଏ ହେକଟି
ସିନିକିହିମାତୁ; ଏଞ୍ଜାସିକା ବିତ୍ରାଟି ମଗଦଲିନି ମରିୟମ,
ଡ଼ଣା ଜାକୁବ ଇଞ୍ଜା ଜସିତି ଇୟା ମରିୟମ, ଅଡ଼େ ସାଲମି
ମାତୁ;

☆ ୧୫:୨୧ ୧୫:୨୧ ରମି ୧୭:୧୩ * ୧୫:୨୮ ୧୫:୨୮ ଜିସାୟ ୫୩:୧୨ କଚେକା ସାସ୍ତେରିତା ଇ କାତା ରାସ୍କି ଆହାହିଲେଏ □ ☆ ୧୫:୨୯ ୧୫:୨୯
ମାର୍ଚ୍ଚ ୧୪:୫୮; ଜହ ୨:୧୯ ☆ ୧୫:୪୦ ୧୫:୪୦ ଲୁକ ୮:୨,୩

୪୧ ଏଞ୍ଜେଲ୍ ଗାଲିଲିତା ମାତାଟି ଏଞ୍ଜେଲ୍ ଏଞ୍ଜେଲି ଢେଟ ହାଜାନା ଏଞ୍ଜେଲି ସେବା କିହିମାତୁ; ଏଞ୍ଜେଲିକା ତଲେ ଜିରୁସାଲମତା ଖାହାମାନି ହାରେକା ଇୟାସିକା ସିନିକିହିମାତୁ □

ଜୀସୁଙ୍କ ମାହଣି ମାଣ୍ଡାତା ମୁହନାୟି

(ମାତି ୨୭:୫୭-୬୧; ଲୁକ ୨୩:୫୦-୫୬; ଜହ ୧୯:୩୮-୪୨)

୪୨ ଖେଡ଼ା ହାଜିମାତାଟି, ଏ ଦିନା ତିୟାରା ଆନି ଦିନା ଇତିହାସି ଜମିନି ଦିନାତି ନକିତି ଦିନା ମାତାକି,

୪୩ ହାରାମାତିୟାତି ଜସେପ ଦରୁଗାଟି କାଜା ବେରଣିମାଣ୍ଡାତି ମାନିଗାଟାସି ମାତେସି, ଇଞ୍ଜା ଆମିନିଗାଟାସି ତାନୁଏ ମାହାପୁରୁତି ରାଜି କାଟିମାତେସି, ଏଞ୍ଜେସି ସାସାତଲେ ପିଲାତ ତାଣା ହାଜାନା ଜୀସୁତି ଆଜ୍ଞା ରାସ୍ତେସି □

୪୪ ସାମା ଏଞ୍ଜେସି ହାତେସିଏ ଇ କାତା ପିଲାତ ଖେଞ୍ଜାନା କାବା ଆତେସି, ଇଞ୍ଜା ପାସାକଡ଼ି କସକା ମୁହେଁ କାଜାଣାଇଁ ତାଗେ ହାଟାନା ଖେତେସି, “ଏଞ୍ଜେସି ହାହାନା ହାରେକା ବେଲା ଆତେୟିଏ ?”

୪୫ ପାସାକଡ଼ି କସକା ମୁହେଁ କାଜାଣି ତାଣାଟି ଏ କାତା ପୁଞ୍ଜାନା ଆଜ୍ଞାତି ଅହାଲି ଜସେପଙ୍କ ହେଲ ହୀତେସି □

୪୬ ଏଞ୍ଜେସି ର ପାତାଡ଼ା ହିମ୍ବୁରି କତାନା ଏଞ୍ଜେଣାଇଁ ରେପହା ତାଗାନା ଏ ହିମ୍ବୁରି ରୁପିତେସି ଇଞ୍ଜା ହରୁତା କାରହାମାନି ମାଡ଼ହା ମୁହନି ଚାୟୁତା ଏଞ୍ଜେଣାଇଁ ଇଟାନା ଦୁଖେରିତା ର କାଜା ଖାଲି ଉସି କିତେରି □

୪୭ ଏଞ୍ଜେଣାଇଁ ଆମିନି ଚାୟୁତା ଇଚକି ଆହାମାନେ, ଏଦାଆଁ ମଗଦଲିନି ମରିୟମ ଇଞ୍ଜା ଜସି ତାମି ଇୟା ମରିୟମ ମେସାମାତୁ □

୧୭

ଜୀସୁ ଖେଣ୍ଡେ ନିଜିନାୟି

(ମାତି ୨୮:୧-୮; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାୟାଲିଏ ମଗଦଲିନି ମରିୟମ, ଜାକୁବ ତାମି ଇୟା ମରିୟମ, ଇଞ୍ଜା ସାଲମି ଗାନ୍ଦାଗାଟି ନିୟୁଁ କଡ଼ିରୁ, ଏନିକି ଏଞ୍ଜେ ହାଜାନା ଜୀସୁ ଆଜ୍ଞାତା ରୁବାଲି ଆଡ଼ିନୁ □

୨ ଏଞ୍ଜେ ଖାରାତି ମୁଲୁ ଦିନା ଲାଲ ଖେଡ଼ା ହନି ବେଲାତା ମାହଣି ମାଣ୍ଡାତା ହାତୁ □

୩ ଏଞ୍ଜେ ତାମ୍ବୁ ତାମ୍ବୁ ଖେସ୍ପି ଆହିମାତୁ, “ଆମ୍ବାଆସି ମାଜେତାକି ମାହଣି ମାଣ୍ଡା ଦୁଖେରିତି ଖାଲି ଉସକିହା ହିୟାନେସି ?” ଏନାଆଁତାକି ଇତିହାସି ଏ ଖାଲି ହାରେକା କାଜାୟି ମାତେ □

୪ ସାମା ଏଞ୍ଜେ ଏମ୍ବାଆଁ ସିନିକିନି ବେଲାତା, ଖାଲି ଉସକିଞ୍ଜେ ଆହାମାତେ □

୫ ଏଞ୍ଜେ ମାହଣି ମାଣ୍ଡାତା ହତାନା ଦବଲା ହିମ୍ବୁରି ହୁତାମାନି ର ଦାଂଗଣେଏଣାଇଁ ଚିଝନିଖାକି କୁଗାମାନାଣି ମେସାନା ହାରେକା କାବାଆତୁ □

୬ ଏମ୍ବାଟିଏ ଏଞ୍ଜେସି ଏଞ୍ଜେସିକାଣି ଏଲେଇବେସି, “ଆଜାଆଦୁ; ମୀରୁ ପାସି ମୁଣ୍ଡାତା ହାହାମାନି ନାଜ୍ଜରିତ ଜୀସୁଙ୍କ ପାରିମାଞ୍ଜେରି; ଏଞ୍ଜେସି ନିଜାମାନେସି, ଏଞ୍ଜେସି ଇମ୍ବାଆଁ ହିଲଅସି, ମେହଦୁ ଇମ୍ବାଆଁ ଏଞ୍ଜେଣାଇଁ ଇଟାମାତେରି □

୭ ଶସାମା ମୀରୁ ହାଜାନା ତାମି ସୀସୁୟାଁ ଇଞ୍ଜା ପିତରଙ୍କ ଖେହଦୁ, ଏଞ୍ଜେସି ମୀ ନକି ନକିତା ଗାଲିଲିତା ହାଜିମାନେସି; ଏଞ୍ଜେସି ମିଜେ ଏନିକି ଖେସାମାଞ୍ଜାତେସି, ଏଲେକିହାସି ଏ ମୀରୁ ଏଞ୍ଜେଣାଇଁ ଏମ୍ବାଆଁ ମେହଦେରି □”

୮ ଏମ୍ବାଟିଏ ଏଞ୍ଜେ ମାହଣି ମାଣ୍ଡାଟି ହତୁ, ଇତିହାସି ଏଞ୍ଜେ କାବା ଆହାନା ଆଜିତାକି ତୀରଗିମାତୁ, ଇଞ୍ଜା ଆମ୍ବାଆରାଇଁ ଏନାଆଁ ଖେହଆତୁ* □

ଜୀସୁ ମଗଦଲିନି ମରିୟମଙ୍କ ତଞ୍ଜା ଆନାୟି

(ମାତି ୨୮:୯-୧୦; ଜହ ୨୦:୧୧-୧୮)

୯ ଖାରାତି ମୁଲୁତି ଦିନା ଲାଲସିଏ ଏଞ୍ଜେସି ଖେଣ୍ଡେ ନିଜାମାନା, ଆମିନିଗାଟାଣି ସାତାଗଟା ବୁଡୁୟାଁ ପିସ୍ପି କିହାମାତେସି, ଏ ମଗଦଲିନି ମରିୟମନି ତଲିଏ ତଞ୍ଜାଆତେସି □

୧୦ ଏଡ଼ି ହାଜାନା ଆମିନି ଗାଟାରି ତାମିତଲେ ମାତେରି, ଏଞ୍ଜେରାଇଁ ଖେସ୍ତେ; ଇତିହାସି ଏଞ୍ଜେରି ଦୁକୁଟି ଡାହି ମାତେରି □

୧୧ ଜୀସୁ ନୀତାମାନେସି, ଇଞ୍ଜା ଏଦାନି ତଞ୍ଜା ଆହାମାନେସି, ଇଦାଆଁ ଖେଞ୍ଜାନା ଏଞ୍ଜେରି ନାମାଆତେରି □

ଜୀସୁ ରୀ ସୀସୁୟାଁଣି ତଞ୍ଜା ଆନାୟି

(ଲୁକ ୨୪:୧୩-୩୫)

୧୨ ଏବେଟିଏ ଇ ବାରେ ଆଡ଼ି ତାୟୁ ଏଞ୍ଜେରି ବିତାଟି ରୀ ସୀସୁୟାଁ ର ନାୟୁଁତା ହାଜିମାତାଟି ଏଞ୍ଜେସି ଅର ଖାଣା ତଲେ ଏଞ୍ଜେରାଇଁ ତଞ୍ଜାଆତେସି,

୧୩ ଇଞ୍ଜା ଏଞ୍ଜେରି ହାଜାନା ଏଟକା ତାରାଇଁ ଖେସ୍ତେରି; ସାମା ଏଞ୍ଜେରି କାତା ଜିକେଏ ଏଞ୍ଜେରି ନାମାଆତେରି □

ଜୀସୁ ଏଗାର ଜାଣା ସୀସୁୟାଁଙ୍କ ତଞ୍ଜା ଆନାୟି

(ମାତି ୨୮:୧୭-୨୦; ଲୁକ ୨୪:୩୬-୪୯; ଜହ ୨୦:୧୯-୨୩; କାମା ୧:୬-୮)

୧୪ ଏମ୍ବାଟିଏ ଏଗାର ଜାଣା ସୀସୁୟାଁ ତିଞ୍ଜାଲି କୁଗାମାତାଟି ଜୀସୁ ଏଞ୍ଜେରାଇଁ ତଞ୍ଜାଆତେସି ଇଞ୍ଜା ଏଞ୍ଜେରି ନାମିହିଲାଆତାକି ଇଞ୍ଜା ହିୟାତି ଆଟ୍ଠାତାକି ଏଞ୍ଜେରାଇଁ ଦାକା ହୀତେସି, ଇତିହାସି ଆମିନି ଗାଟାରି ଏଞ୍ଜେସି ଖେଣ୍ଡେ ନିଜିତାଣି ମେସାମାତେରି, ଏଞ୍ଜେରି କାତା ଏଞ୍ଜେରି ନାମା ହିଲାଆତେରି □

* ୧୭:୨ ୧୭:୨ ମାତି ୨୭:୩୨; ମାର୍କ ୧୪:୨୮ * ୧୭:୮ ୧୭:୮ ଏଞ୍ଜେ ପିତର ତଲେ ମାତି ବାରେ ଲକୁତାଣା ଏ କାତା ଖେସ୍ତୁ ୧୭:୨୦ ଇଦାଆଁ ତାୟୁ, ଜୀସୁ ତାନୁଏ ଜିକେଏ ଏଞ୍ଜେସିକା ତଲେ ସୁଦୁ ଅଡ଼େ କାଳାକାଲାତି ଗେଲ୍ପି ଆନାଣି ଖେକହାଲି ତାକି ଖେଡ଼ା ହପୁ ଖାକିଟି ଖେଡ଼ା ହାନି ଖାକି ପାଣ୍ଡିତେସି □

୧୫ ଇଞ୍ଜାଁ ଜୀସୁ ଏଝାରାଇଁ ଏଲେଇଚେସି, “ମୀରୁ ବାରେ ଦାର୍ତ୍ତିତା ହାଜାନା ବାରେ କୁଡ଼ାତି ଲକୁଡାଣା ନେହିଁ କାରୁ ଝେହ୍ନୁ □

୧୬ ଆମ୍ବାଆସି ନାମାନା ବାପ୍ତିସ୍ମା† ଅନେସି ଏଝାସି ଗେଲ୍ପି ଆନେସି; ସାମା ଆମ୍ବାଆସି ନାମଅସି ଏଝାସି ଡଣ୍ଡ ବେଟାଆନେସି □

୧୭ ଇଞ୍ଜାଁ ନାମିନାରାକି ଇ ସିନାୟାଁ ଆନୁ, ଏଝାରି ନା ଦରୁତଲେ ବୁଡୁୟାଁ ପିସ୍ପି କିନେରି, ପୁଝନି ପୁଝନି ହାଡ଼ାତଲେ ଜଲିନେରି,

୧୮ କେସ୍ମାତଲେ ରାସକା ଆହ୍ନେରି, ଇଞ୍ଜାଁ ହାନ୍ତି ଅସ ଗସ୍ତିହିଁ ଜିକେଏ ଏଝାରି ଏନାଆଁ ଆଅରି; ଏଝାରି ନମେରି ଦୁକା ଗାଟାରି ଲାକ କେୟୁ ଇଟିଡିହିଁ ଏଝାରି ନେହିଁ ଆନେରି □”

ଜୀସୁ ଲାକପୁରୁ ଅଝିଆନାୟି

(ଲୁକ ୨୪:୫୦-୫୩; କାମା ୧:୯-୧୧)

୧୯ ☆ଇଲେକିହିଁ ଏଝାରାଇଁ ବାରେ କାତା ଝେସ୍ତି ଡାୟୁ ଜୀସୁ ଲାକପୁରୁ ଅଝିଆହାନା ମାହାପୁରୁତି ଚିଝନିଝାକି କୁରିତେସି □

୨୦ ସାମା ଏଝାରି ହାଜାନା ବାରେଝାକି କାରୁ ଝେସ୍ତେରି, ଇଞ୍ଜାଁ ପ୍ରୁ ଜୀସୁ ଏଝାରିତଲେ କାମା କିହାନା ତାନି ବାରେ ସିନାୟାଁ ତଲେ ଏଝାରି ଝେକ୍‌ହାମାନାଣି ସାତା ଇଞ୍ଜାଁ ତସ୍ତେସି □

† ୧୭:୧୭ ୧୭:୧୭ ମୁଞ୍ଜନାୟି ☆ ୧୭:୧୯ ୧୭:୧୯ କାମା ୧:୯-୧୧

ଲୁକ ଲିଖିତ ସୁସମାଚାର ଲୁକ ରାଚାମାନି ନେହଁ କାରୁ ମୂଲୁ ହାଡ଼ା

ଲୁକ ରାଚାମାନି ନେହଁ କାରୁତା ଜୀସୁ କ୍ରୀସ୍ତ ଜୀଝୁତି କାତା ରାସ୍ତକି ଆହାମାନେ □ ପୁଃନି ମେରାତି ସାରିଗଟା ନେହଁ କାରୁ ପତିୟା ବିତ୍ରାଟି ଇଦି ରଣ୍ଡି “ନେହଁ କାରୁ” ଇନେରି □ ଇ ବାରେ ପ୍ରବୁ ଜୀସୁ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାନେରି □ ଲୁକ ଜୀସୁ ମାହାପୁରୁଖାଣି ଏନାଆଁ ଗଟ଼ି ଆହାମାନେ ଅଡ଼େ ଜୀସୁ ହାହାନା ଝେଣ୍ଡେ ନିଜିତି ତାୟୁ ଲାକପୁରୁ ହାଚାଣି ଇଞ୍ଜା ତାମି ସୀସୁୟା ଏନିକଁ କାମା କିତେରି ଏ ବାରେ ରାଚାମାନେସି □ ଏ ପତିଇଁ “ପାଣ୍ଡୁ଼ି ଆହାମାନାରି କାମା” ଇଞ୍ଜା ଇନେରି □ ଇ ପତି ଏଚେତା ରାସ୍ତକି ଆହାମାନେ, ଅଡ଼େ ଆମିନି ଟାୟୁତା ରାସ୍ତକି ଆହାମାନେ, ଏ କାତା ଆମ୍ବାଆସି ନେହଁ କାରୁ ପୁଞ୍ଜାହିଲଅସି, ଇ ପତି ଜୀସୁ କ୍ରୀସ୍ତ ଜାର୍ନା ଆଡ଼ି ୭୨ ବାର୍ସା ତାୟୁ ରାସ୍ତକି ଆହାମାନେ □

ଇ ପତିତା ଜୀସୁ ଇସ୍ରାୟେଲତି ଗେଲପିନାସି ଅଡ଼େ ବାରେ କୁଡ଼ାତି ଲକୁଣି ଗେଲପିନାସି ଇଞ୍ଜା ଲୁକ ତାନି ନେହଁ କାରୁତା ରାଚାନା ତସାମାନେସି □ ହିଲଆ ଗାଟାରି ତାଣା ନେହଁ କାରୁ ଝେକହାଲି, ମାହାପୁରୁତି ସୁଦୁଜୀଝୁ ଜୀସୁଇଁ ଆଚାମାଚେ, ଇଞ୍ଜା ଜୀସୁ ଏନିକଁ ହାରେକା ଦେବା ଦୁକୁ କସ୍ତ ଗାଟାରାଇଁ ଅଡ଼େ ହିଲଆଗାଟାରାଇଁ ସାୟେମି କହାମାଚେସି ଲୁକ ରାଚାମାନେସି □

ଜୀସୁ ଜାର୍ନାଆଡ଼ି ବେଲତା ଦୁତୁୟା ପାଚୁ ପାଡ଼ିନାୟି ଅଡ଼େ ମେଣ୍ଡା ଗଡ଼କା ଜୀସୁଇଁ ବେତି ହାନାୟି, ଜୀସୁ ବାର ବାର୍ସା ଆହାମାଚାଟି ମାହାପୁରୁ ଇଲୁତା ହାନାୟି, ଇଞ୍ଜା ନେହଁ ସମିରଣି ଅଡ଼େ ଜାଜିତି ମୀରଏଣି ପୁଣ୍ଡିକିନି କାତା ଇ ବାରେ ସାରିଗଟା ନେହଁ କାରୁ ରାଚାମାନାରି ବିତ୍ରା ଲୁକ ନେହଁ କାରୁ ରାଚାନା ତସାମାନେସି □ ଅଡ଼େ ମାହାପୁରୁ ତାଣା ପ୍ରାତାନା କିନାଣି ଜିକେଏ ଲୁକ ହାରେକା ରାଚାନା ତସାମାନେସି ୩:୨୧; ୬:୧୬; ୬:୧୨; ୧୧:୧-୧୨ □ ସୁଦୁଜୀଝୁ ବେଟାଆନି କାତା, ଜୀସୁଇଁ ସେବାକିନି ଇୟାସିକା କାତା ଇଞ୍ଜା ମାହାପୁରୁ ଲକୁଇଁ ତାମି ପାପୁ ମ୍ଲେକ୍ନି କାତା ଇ ବାରେ କାତା ଲୁକ ହାରେଏ ନେହଁ କାରୁ ରାଚାନା ଝେସାମାନେସି ୩:୩; ୧୧:୪; ୧୭:୩-୪; ୨୩:୩୪; ୨୪:୪୭ □

ପତିତା ମାନାୟି

- ୧ ଲୁକ ଝେକନାୟି ଅଡ଼େ ଏନାଆଁତାକି ରାଚାମାନାଣି ଝେହନାୟି □ ୧:୧-୪
- ୨ ଜୀସୁ କ୍ରୀସ୍ତ ଜାର୍ନା ଅଡ଼େ ସେବା କାମା ମାଚୁନାୟି □ ୧:୫-୪:୧୩

* ୧:୪ ୧:୫ ମୁଞ୍ଜନାୟି

- ୩ ଜୀସୁ କ୍ରୀସ୍ତ କାବାଆନି କାମାୟା ଅଡ଼େ ଜାପନାୟି □ ୪:୧୪-୨୧:୩୮
- ୪ ଜୀସୁ କ୍ରୀସ୍ତ ହାନାୟି, ମାହାଣିଣା ମୁହନାୟି ଅଡ଼େ ଝେଣ୍ଡେ ନିଜିନାୟି □ ୨୨:୧-୨୪

ମାଚୁନି କାତା
 ୧ ମୂଲୁଟିଏ ଆମ୍ବାଆରି ତୀରେ ମେସ୍ତାରି ଇଞ୍ଜା ବଲୁ ଝେକନାରି, ଏଝାରି ମାଜେ ହେରପା ମାଞ୍ଜାନି ଲେହେଁ,
 ୨ ମା ବିତ୍ରା ଆହାମାନି କାମା ବାରେ ହାରେକା ନେହଁ କାରୁ ରାଚାଲି ଜାଗ୍ରାତା ଆହାମାନେରି □
 ୩ ଜୀଝୁତି ତିୟପିଲ, ମୂଲୁଟିଏ ବାରେ କାତା ନେହଁ କାରୁ ସିନିକିହାନା ଏମ୍ବାଆଁ ଏନାୟି ମାନେ ଏଦାଆଁ ନିଜେତାକି ରାଚାଲି ନାନ୍ତୁ ଜିକେଏ ନେହେଁ ଇଞ୍ଜା ଅଶପିତେସ୍ତା □
 ୪ ଏନିକଁ ନୀନ୍ତୁ ଏ ବାରେ କାତା ଜାପାମାଞ୍ଜି, ଏଦି ସାତା ଇଞ୍ଜା ପୁଞ୍ଜାଲି ଆଡ଼ିଦ □

ବାପ୍ତିସ୍ତ* ହୀନି ଜହନତି ଜାର୍ନାତି କାରୁ
 * ଜୀହୁଦା ଦେସାତି ରାଜା ହେରଦ ବେଲତା ଅବିୟ କୁଡ଼ାତି ଜିକରିୟ ଦରୁଗାଟି ର ପୂଜେରା ମାଚେସି; ତାନି ତକ୍ତି ହାରଣ କୁଡ଼ାତି ମାଜା, ଏଦାନି ଦରୁ ଏଲିସାବେତ □
 ୨ ଜିକରିୟ ଅଡ଼େ ଏଲିସାବେତ ମାହାପୁରୁତି ହୁକୁମି ଇଞ୍ଜା ମେରା ତଲେ ଦହ ହିଲଆଗାଟାଇ ଆହାନା ମାହାପୁରୁ ନକିତା ଦାମ୍ବୁ ଗାଟାଇ ମାଚୁ □
 ୩ ସାମା ଏଝାରାକି କକାରି ପଦାୟା ହିଲଆତୁ, ଇଚିହଁ ଏଲିସାବେତ ବାଝେଣି ମାଚେ, ଅଡ଼େ ତକ୍ତି ତକ୍ତା ରିଆରି ଜିକେଏ ଗାଡ଼ି ବୁଡ଼ହି ବୁଡ଼ହା ଆହାମାଚେରି □
 ୮ ର ଦିନା ଜିକରିୟ ତାମି ଗତିତି ପାଲି ଏଜାଲିଏ ମାହାପୁରୁ ନକିତା ପୂଜେରା କାମା କିନି ବେଲତା,
 ୯ ପୂଜେରା କାମାତି ମେରା ତଲେ ଆଡ଼଼ି ଆହାନା ଏଝାଣାକି ମାହାପୁରୁ ଇଲୁତା ହଡାନା ଦୁପ୍ତାଣି ହାହାଲି ଆଡ଼େ,
 ୧୦ ଇଞ୍ଜା ଦୁପ୍ତାଣି ହୀନି ବେଲତା ବାରେ ଲକୁ ପାଜାତା ପ୍ରାତାନା କିହିମାଚେରି □
 ୧୧ ଏଚିବେଲା ମାହାପୁରୁତି ର ଦୁତୁ ଦୁପ୍ତାଣି ପିଣ୍ଡା ଟିଃନିଝାକି ନିଚାନା ଏଝାଣାଇ ତଞ୍ଜାଆଡ଼େ □
 ୧୨ ଜିକରିୟ ଏଦାଣି ମେସାନା କାବାଆହାନା ଆଜିତେସି □
 ୧୩ ସାମା ଦୁତୁ ଏଝାଣାଇ ଏଲେଇଚେ, “ଜିକରିୟ, ଆଜାଆନି, ଇଚିହଁ ମୀ ଗହାରା ଝେଣ୍ଡି ଆହାମାନେ, ଇଞ୍ଜା ନୀ ତକ୍ତି ଏଲିସାବେତ ନିଜେତାକି ର କକାଣାଇ ଜାନି କିନେ, ଇଞ୍ଜା ଏଝାଣି ଦରୁ ଜହନ ଇଞ୍ଜା ହୀଦେରି □
 ୧୪ ଇଚିହଁ ଏଝାସି ମୀ ରାହାଁତି ରାହାଁ ଆଚେସି, ଇଞ୍ଜା ହାରେକା ଏଝାଣି ଜାର୍ନାତା ରାହାଁ କିନେରି □

୧୫ ଇଞ୍ଜା ଏଝାସି ମାହାପୁରୁ ନକିତା କାଜାସି ଆନେସି; ଏଝାସି ଅଙ୍ଗୁରି ରାସା କି କାଡୁ ଏଚେଲାଝା ଗହଅସି, ଇଞ୍ଜା ତାଲିନି ବାଣ୍ଟିଟିଏ ସୁଦୁଜୀଝୁତା ବେଟାଆନେସି,

୧୬ ଏଝାସି ଇସ୍ରାୟେଲ ମୀରକା ବିତ୍ରାଟି ହାରେକା ଲକୁଇଁ ମାହାପୁରୁ ଝାକି ଝେଟ୍ଟହା ତାନେସି □

୧୭ ତାଞ୍ଜିୟାଁ ହିୟାଁ ମୀରକା ଝାକି ଇଞ୍ଜା କାତା ମାନଝି ଆଆଗାଗାରାଇଁ ତାରିଗାଟି ବୁଦିତା ତାକାଲି ଝେଟ୍ଟହା ତାଚାଲି ଇଞ୍ଜା ମାହାପୁରୁ ତାକି ତିୟାରା ଆହାମାନି ର ଲକୁତି କୁଲମି ଜାଗ୍ରାତା କିହାଲି ବାପ୍ତିସ୍ମାଁ ହାନି ଜହନ ଏଲିୟତି ଜୀଝୁ ଅଡ଼େ ବାଡ଼ୁୟୁ ତଲେ ପ୍ରବୁତି ନକିତା ତାକିନେସି □”

୧୮ ଏଚେଟିଏ ଜିକରିୟ ଦୁତୁଇଁ ଏଲେଇଚେସି, “ନାନୁ ଆମିନି ସିନା ତଲେ ପୁଇଁ ? ଇଚିହଁ ନାନୁ ବୁଡ଼ହାଚେଏ, ଇଞ୍ଜା ନା ତକ୍ତିନି ବାସା ଗାଡି ଆଡ଼େୟିଏ □”

୧୯ ଦୁତୁ ଏଝାଣାଇଁ ଏଲେଇଚେ, “ନାନୁ ଗାବ୍ରିୟେଲ, ନାନୁ ମାହାପୁରୁ ନକିତା ନିଚା ତୟିନାଚେଏ, ଇଞ୍ଜା ନିଙ୍ଗେ ଝେସାଲି ଅଡ଼େ ଇ ନେହଁ କାବୁ ପୁଣିମି କିହାଲି ନାନୁ ପାଣ୍ଡି ଆହାମାଇଁ □

୨୦ ମେହମୁ ଇ ବାରେ ଆଆପାଚେକା ନାନୁ ବେବଡ଼ା ଆହାନା ତୟିଦି, ଇଚିହଁ ନା ଆମିନି କାତା ସାତା ଆନେ ଏ ବାରେ ନାନୁ ନାମାଆଡି □”

୨୧ ଏମ୍ବାଟିଏ ଲକୁ ଜିକରିୟଇଁ କାଟିମାଚେରି, ଇଞ୍ଜା ମାହାପୁରୁ ଇଲୁତା ଇଚେକା ଝେଡ଼ା ଆଡ଼ାକି କାବା ଆହିମାଚେରି □

୨୨ ସାମା ଏଝାସି ପାଙ୍ଗାତା ଝାହାନା ଏଝାରାଇଁ କାତା ଆହାଲି ଆଡ଼ାଆଚେସି; ଏମ୍ବାଟିଏ ଏଝାସି ମାହାପୁରୁ ଇଲୁତା ଏନାଆଁ ମେସାମାନେସି ଇଞ୍ଜାଁ ଏଝାରି ପୁଚେରି, ଇଞ୍ଜା ଏଝାସି ଏଝାରାଇଁ କେୟୁ ହୁଟିହଁ ତସାଲି ମାଟ୍‌ହେସି ଇଞ୍ଜା ବେବଡ଼ା ଆହାନା ତୟିଚେସି □

୨୩ ତାୟୁ ମାହାପୁରୁ ଇଲୁତି ସେବା କାମା ରାୟାଲିଏ, ଏଝାସି ତାମି ଇଜ ହାଚେସି □

୨୪ ଏଚରଦିନା ହାଟି ତାୟୁ ତାନି ତକ୍ତି ଏଲିସାବେତ ପୁରାମାସା ଆଡେ ଅଡ଼େ ଏଡି ପାସା ଲେଞ୍ଜୁ ପାଚେକା ଲକୁଣି ତଞ୍ଜା ଆଆଡେ □

୨୫ ଏଡି ଏଲେଇଚେ, “ନୀଏଁ ନାଙ୍ଗେ ପ୍ରବୁ କାର୍ମାମେସାନା ଲକୁ ନାଙ୍ଗେ ଲାଜା କିହିମାଞ୍ଜାତାଣି ପିସପି କିହାଲି ନାଙ୍ଗେ ଇଲେକଁ କିହାମାଞ୍ଜାନେସି □”

ଜୀସୁ ଜାର୍ନାତି କାବୁ

୨୬ ଏଲିସାବେତ ପୁରାମାସା ଆହାନା ସ ଲେଞ୍ଜୁ ଆହାଲିଏ ଗାବ୍ରିୟେଲ ଦୁତୁ ମାହାପୁରୁ ତାଣାଟି ଗାଲିଲିତି ନାଜ୍‌ରିତ ଗାଡ଼ାତି ର ଡାଆ ପଦାନି ତାଣା ପାଣ୍ଡିଆଡେ;

୨୭ *ଏ ଡାଆ ପଦାନି ଦାଝୁଦ କୁଡ଼ାତି ଜସେପ ଇନାଣାକି ରାସା ମାଚେରି; ଏ ଡାଆ ପଦା ଦରୁ ମରିୟମ □

୨୮ ଦୁତୁ ପଦା ତାଣା ଝାହାନା ଏଲେଇଚେ, “ଆଲ ମାହାପୁରୁତି କାର୍ମା ମେହନାତି ନିଙ୍ଗେ ହିଡ଼ଡି ଆୟାପେ □”

୨୯ ମରିୟମ ଏ ହାଡ଼ା ଝେଞ୍ଜାନା ଇଦି ଏନିଲେହେଁତି କାତା ଇଞ୍ଜାଁ ଆଜାନା ମନତା ଅଣ୍ଡିପିଚେ □

୩୦ ଏମ୍ବାଟିଏ ଦୁତୁ ଏଲେଇଚେ, “ଆଲ ମରିୟମ ଆଜାଆନି; ନିଙ୍ଗେ ମାହାପୁରୁ କାର୍ମା ମେସାମାଞ୍ଜାନେସି □

୩୧ *ନାନୁ ପୁରାମାସା ଆହାନା ର ମୀରଏଣାଇଁ ବେଟାଆଡି ଏଝାଣି ଦରୁ ଜୀସୁ ଇଞ୍ଜାଁ ଇଚିଦେରି □

୩୨ ଏଝାସି କାଜାସି ଆନେସି ଇଞ୍ଜାଁ ମାହାପୁରୁ ମୀରଏସି ଇଞ୍ଜାଁ ଝେଙ୍ଗିନେସି; ପ୍ରବୁ ମାହାପୁରୁ ଏଝାଣାକି ତାମି ଆକୁ ଦାଝୁଦତି ସିଂଗାସାଣି ହାନେସି,

୩୩ ଏଝାସି ଜାକୁବ କୁଡ଼ାତା ଜୁଗୁ ଜୁଗୁତାକି ରାଜି କିନେସି, ଇଞ୍ଜାଁ ଏଝାଣି ରାଜି ଏଚେଲାଝା ରାଏ □”

୩୪ ସାମା ମରିୟମ ଦୁତୁଇଁ ଏଲେଇଚେ, “ଇଦି ଏନିକଁ ଆନେ ? ନାନୁ ତକ୍ରାଇଁ ଜିକେଏ ପୁଞ୍ଜାହିଲଅଁ □”

୩୫ ଦୁତୁ ଏଲେଇଚେ, “ସୁଦୁଜୀଝୁ ନୀ ଲାକ ରେଚାଝାଚେନ ଅଡ଼େ ମାହାପୁରୁତି ବାଡ଼ୁୟୁ ଝାଚେନ, ଏଡାଆଁତାକି ନୀ ତାଣାଟି ଜାର୍ନା ଆନେସି, ଏଝାସି ମାହାପୁରୁତି ମୀରଏସି ଇଞ୍ଜାଁ ଝେଙ୍ଗିନେସି □

୩୬ ଅଡ଼େ ମେହମୁ ନୀ କୁଡ଼ାତି ଏଲିସାବେତ ଜିକେଏ ବୁଡ଼ହି ବେଲାତା ପୁରାମାସା ଆହାମାନେ □ ଆମିନି ଇୟା ବାଝେଣି ଇଞ୍ଜାଁ ଝେଙ୍ଗାମାନେ, ଏଡି ନୀଏଁ ସ ଲେଞ୍ଜୁ ଆହାମାନେ;

୩୭ ଇଚିହଁ ମାହାପୁରୁତି ବଲୁ ବାଡ଼ୁୟୁ ହିଲାଆଗାଗାୟି ଆଏ □”

୩୮ ଏମ୍ବାଟିଏ ମରିୟମ ଏଲେଇଚେ, “ନାନୁତ ପ୍ରବୁତି ହଲେଣିଚେଏ; ନୀ କାଚେଏ ନାଙ୍ଗେତାକି ଆୟାପେ □” ଏମ୍ବାଟିଏ ଦୁତୁ ଏଡାନି ତାଣାଟିଏ ହାଚେ □

ମରିୟମ ଏଲିସାବେତ ଇଜ ହାନାୟି

୩୯ ଏମ୍ବାଟିଏ ମରିୟମ ନିଙ୍ଗାନା ଜୀହୁଦା ଦେସାତି ହରକା ରାଜିତି ର ଗାଡ଼ାତା ତବେ ହାଚେ,

୪୦ ଅଡ଼େ ଜିକରିୟ ଇଜ ହାଜାନା ଏଲିସାବେତନି ଜହରା କିଚେ □

୪୧ ଅଡ଼େ ଏଲିସାବେତ ମରିୟମନି ଜହରା ଝେଣ୍‌ମୁନିଏ ତାନି ବାଣ୍ଟିତି ମୀଲା ଝୀଡିଚେ, ଇଞ୍ଜାଁ ଏଲିସାବେତ ସୁଦୁଜୀଝୁଟି,

୪୨ କାଜା ଗିୟାଁତଲେ ଏଲେଇଚେ, “ଇୟାସିକା ବିତ୍ରାଟି ନାନୁ ହାରେକା ନେହାଁତି, ଇଞ୍ଜାଁ ନୀ ବାଣ୍ଟିତି ମୀଲା ଜିକେଏ ନେହାୟି □

୪୩ ଅଡ଼େ ନା ପ୍ରବୁତି ଇୟା ନା ତାଣା ଝାଚେନ ଇ କାର୍ମା ନାଙ୍ଗେ ଏମ୍ବିଟି ଝାଚେ ?

୪୪ ଇଚିହଁ ନୀ ଜହରା ହାଡ଼ା ନା କିୟଁ ଝୁଝେଣ୍‌ମୁନିଏ ନା ବାଣ୍ଟିତି ମୀଲା ରାହାଁଟି ଝୀଡିଚେ

† ୧:୧୭ ୧:୧୭ ମୁଞ୍ଜିନାୟି * ୧:୨୭ ୧:୨୭ ମାତି ୧:୧୮ * ୧:୩୧ ୧:୩୧ ମାତି ୧:୨୧

୪୫ ଆମିନି ଗାଟାୟି ନାମିତେ ଏଦାନାକି ନେହେଁ, ଇଚିହଁ ପ୍ରବୁ ତାଣାଟି ଏଦାନାକି ଏନାଆଁ ଝେସ୍ପି ଆହାମାନେ ଏ ବାରେ ପୂରା ଆନେ ।”

ମରିୟମତି ଜହରା ପାରୁ

୪୬ ଏଚେଟିଏ ମରିୟମ ଏଲେଇଚେ, “ନା ଜୀଝୁ ପ୍ରବୁତି ଜହରା କିହିମାନେ;

୪୭ ଅଡେ ନା ଜୀଝୁ ନାଜେ ଗେଲ୍ପାନି ମାହାପୁରୁ ତାଣା ରାହାଁ ଆହିମାନେ,

୪୮ ଇଚିହଁ ଏଝାସି ତାନି ହଢେଣିନି କାର୍ମା କାକୁଲି ମେସାମାନେସି ।

ଏନିଇଚିହଁ ନୀଞ୍ଜୁଟିଏ ବାରେ ଲକୁ ନାଜେ ନେହାୟି ଇଞ୍ଜି ଜଲ୍ଲାନେରି,

୪୯ ଇଚିହଁ ଆମ୍ବାଆସି ବାରେକିହାଁ ବାଡ଼ୟୁଗାଟି ମାହାପୁରୁ ଏଝାସି ନା ତାକି କାଜା କାମା କିହାମାନେସି,

ଏଝାଣି ଦରୁ ସୁଦୁ;

୫୦ ଇଞ୍ଜା ତାଜେ ଆଜିନାରାକି ପାରୁ ପାରୁ ତାକି ତାନି କାର୍ମାମେହନାୟି ଡୟିନେ ।

୫୧ ଏଝାସି ତାନି ବାଡ଼ୟୁଗାଟି କେୟୁଟି କାଜା କାମା କିହାମାନେସି,

ତାହାରା ଗାଟାରାଇଁ ଏଝାରି ହିୟାଁତି ଅଣ୍ପୁତା ମାନାଣି ଗୁତି କିହାମାନେସି;

୫୨ ଏଝାସି ସାଲଝି କିନାରାଇଁ ତାନି ରାଜା ଗାଦି ପିସ୍ପି କିହାମାନେସି,

କାକୁଲି ଗାଟାରାଇଁ ନିକ୍ହାମାନେସି,

୫୩ ଏଝାସି ହାକି ଗାଟାରାଇଁ ନେହଁ ଆସ୍ତି ହାହାନା ପାଞ୍ଜି କିହାମାନେସି,

ଇଞ୍ଜା ଦନ ଗାଟାରାଇଁ ଝାରଇ କେୟୁଟି ପାଣ୍ଡାମାନେସି ।

୫୪ କାଲ୍ଲକାଲ୍ଲା ତାକି ଅଣ୍ପାଲି ତାନି ହଢେଣସି ଇସ୍ତାୟେଲତି କାର୍ମା ଆହାମାନେସି ।

୫୫ କାଲ୍ଲକାଲ୍ଲା ତାକି ଅବ୍ରାହାମ ଅଡେ ତାନି ବାରେ କୃତାତାରାଇଁ କାର୍ମାମେହନାଣି ବାଣା ଆହାହିଲଅସି ।”

୫୬ ଅଡେ ମରିୟମ ତାନି ଲେଞ୍ଜୁ ଏଲିସାବେତ ତଲେ ଡୟାନା ତାନି ଇଜ ଝାଡେ ।

ବାପ୍ତିସ୍ମା ହାନି ଜହନତି ଜାର୍ନା

୫୭ ତାୟୁ ଏଲିସାବେତ ପୂରାମାସା ଏଜାଲିଏ ର କକାସି ଜାର୍ନା ଆଡେସି,

୫୮ ଅଡେ ମାହାପୁରୁ ଏଦାନି ହାରେକା କାର୍ମା ମେସାମାନାଣି ଝେଞ୍ଜାନା ତାନି କୃତାତାରି ଇଞ୍ଜା ଅଡେ ଆବ୍‌ହିତାରି ଏଦାନିତଲେ ହାରେକା ରାହାଁ କିଡେରି ।

୫୯ କକାସି ଝାରେକା ଆହାଲିଏ, ଏଝାରି ତଲୁ ଦାଚାଲି ଝାହାନା ତାନି ଆବା ଦରୁଲେହେଁ ତାନି ଦରୁ ଜିକରିୟ ଇଗାଲି ମନ କିଡେରି ।

୬୦ ସାମା ତାନି ଇୟା ଏଲେଇଚେ, “ଆଏ! ଏଝାଣି ଦରୁ ଜହନ ଆନେ ।”

୬୧ ଏଝାରି ଏଲେଇଚେରି, “ମୀ କୃତାତା ଆମ୍ବାଆରାକି ଏଲେତି ଦରୁ ହିଲେଏ!”

୬୨ ଏମ୍ବାଟିଏ ଏଝାରି ତାଞ୍ଜିଗାଟାଣାଇଁ କେୟୁ ହୃତାନା କକାଣାଇଁ ଏନି ଦରୁ ଇଚିନାୟି ଇଞ୍ଜି ଝେଚେରି ।

୬୩ ଜିକରିୟ ର ରାଚିନି ପାଟା ରୀସାନା ଏଝାଣି ଦରୁ ଜହନ ଇଞ୍ଜି ରାଚିଡେସି, ଏଦାଆଁ ମେସାନା ବାରେଜାଣା କାବା ଆଡେରି ।

୬୪ ଅଡେ ଏ ଦେବୁଣିଏ ଏଝାଣି ଗୁତି ଅଡେ ଝେନ୍ଦରି ପିସ୍ପି ଆଡେ ଅଡେ ଏଝାସି ଜଲିହଁ ମାହାପୁରୁତି ଜହରା କିଡେସି ।

୬୫ ଏମ୍ବାଟିଏ ତାନି ଲକୁ ବାରେ ଆଜାହାଚେରି, ଅଡେ ଇ କାତା ଜୀହୁଦା ଦେସାତି ହରକା ରାଜିତା ବାରେଝାକି ଝେଜିଡେ,

୬୬ ଇଞ୍ଜା ଝେନି ବାରେ ଲକୁ ଏ କାତା ତାନି ମନତା ଇଟାନା ଏଲେଇଚେରି, “ଆଡିହଁ ଇ କକାସି ଏନିଲେହେଁତାସି ଆନେସି ?” ଏନିଇଚିହଁ ପ୍ରବୁ ଇଝାଣି ତଲେ ମାନେସି ଇଞ୍ଜି ପୁଚେରି ।

ଜିକରିୟତି ତାୟୁ ଆନି କାତା ଝେକ୍‌ନାୟି

୬୭ ଅଡେ ଜିକରିୟ ସୁଦୁଜୀଝୁ ତଲେ ଇ ତାୟୁ ଆନି କାତା ଏଲେଇଚେସି,

୬୮ ଇସ୍ତାୟେଲତି ମାହାପୁରୁ ଜହରା ।

ଏନିଇଚିହଁ ଏଝାସି ତାନି ଲକୁଣି କାର୍ମାମେସାନା ଗେଲ୍ପି କିହାମାନେସି;

୬୯ ଏଝାସି ତାନି ହଢେଣସି ଦାଝୁଦ କୃତାଟି ମା ତାକି ର ଗେଲ୍ପିନାଣାଇଁ ହାହାମାଞ୍ଜାନେସି ।

୭୦ ତଲି କାଲ୍ଲାଟିଏ ତାନି ନେହଁ ମାହାପୁରୁ ଅଣ୍ପୁତି ବଲୁ ଝେହ୍‌ନାରି ଗୁତି ତଲେ ଏନିକ ଜଲ୍ଲା ମାଚେରି,

୭୧ ଏଲେକିହଁଏ ମାଜେ ମା ସାଡୁୟାଁ ତାଣାଟି ଅଡେ ମାଜେ ଅପାଆଗାଟାରି ତାଣାଟି ଗେଲ୍ପି କିହାମାଞ୍ଜାନେସି,

୭୨ ଏଝାସି ଏଲେ ଇଞ୍ଜାମାନେସି, ଏଝାସି ମା ଆକୁୟାଁଣି କାର୍ମା ମେସାମାଇଁ ଅଡେ ତାନି ସୁଦୁଗାଟି ରାଜିମାନାତି ଅଣ୍ପିନେସି ।

୭୩ ମା ଆବା ଅବ୍ରାହାମ ତାଣା ଏନିମି ପାର୍‌ମାଣା କିହାଁ ଆଞ୍ଜାମାନାଣି ଅଣ୍ପାନା ପୂରା କିହାମାନେସି,

୭୪ ଅଡେ ମା ସାଡୁୟାଁ ତାଣାଟି ଗେଲ୍ପି ଆହାନା, ଆଜାଆନା କାଲେଏ ତାଜେ ସେବା କିହାଲି ଆଡିନାୟି,

୭୫ ତାନି ନକିତା ମାର ନୀତାମାନି ପାଡେକା ସୁଦୁ ଅଡେ ଦାମ୍‌ ଗାଟାତାୟି ଆହାନା ଡୟିନାୟି ।

୭୬ ଏ ନା ମାର୍‌ଏଣାତି ନୀନୁ ବାରେତି କିହାଁ ବାଡ଼ୟୁଗାଟି ମାହାପୁରୁ ଅଣ୍ପୁତି ବଲୁ ଝେହ୍‌ନାତି ଇଞ୍ଜି ଝେଜିଡି;

‡ ୧:୫୭ ୧:୫୭ ମୁଞ୍ଜିନାୟି

୭୭ ପାପୁ ମ୍ଲେପକି ଆହାନା ଏଞ୍ଜାରି ଗେଲପି ଆନାଣି ବେଟାଆନେରି, ଏ କାତା ପୁଣ୍ଡି କିହାଲି ତାକି ତାନି ଲକ୍ଷୁତାଣା ହାଜି □

୭୮ ଇଞ୍ଜା ମାଜେ ହିଡ଼ି ଜିରୁତା ତାଗାଲି ମା.ମାହାପୁରୁତି ଜୀଝୁନନି କାର୍ମାତଲେ ଲାକପୁରୁତି ମାଜେତାକି ଝେଡ଼ା ହଡ଼ିମାନି ଲେହେଁ ଆନେ,

୭୯ ଆମ୍ବାଆରି ହାନିଲେହେଁତି ତାଣା ବାସା କିନେରି, ହିଡ଼ି ଜିରୁତା ଅହାଲି ତାକି ଏଞ୍ଜାସି ବାରେତି ଲାକ ଲାକପୁରୁତି ଉଜେଡ଼ି ହୀନେସି □

୮୦ ଇଞ୍ଜା ଏ କକାସି ଆଜାତା ଜୀଝୁତା ପାତାଆହାନା ଇସାୟେଲ ଲକ୍ଷୁତାଣା ଝେଜାଆ ପାତେକା ଲକ୍ଷୁ ହିଲାଆ ଚାୟୁତା ଡ଼ୟିତେସି □

୨

ଜୀସୁତି ଜାର୍ନ (ମାତି ୧:୧୮-୨୫)

୧ ଏତିବେଲାତା ରମ୍ ଦେସାତି ବାରେ ଲକ୍ଷୁ ଦରୁ ରାଡ଼ି କିହାଲି କାୟିସର ଅଗସ୍ତସ୍ ତାଣାଟି ହୁକୁମି ଆଡେ □

୨ ସିରିୟାତି ସାଲୁଝି କିନାସି କୁରିଣିୟ ବେଲାତା ତଲି ମୁଲୁ ଦରୁ ରାସ୍ତକି ଆହାମାଚେ □

୩ ଏଦାଆଁତାକି ବାରେଜାଣା ଦରୁ ରାଡ଼ି କିହାଲି ନାୟୁଟିଏ ଜାହାରା ଗାଡ଼ାତା ହାଚେରି □

୪ ଜସେପ ଜିକେଏ ଦରୁ ରାଡ଼ି କିହାଲି ମରିୟମନି ତଲେ ଗାଲିଲିତି ନାଜରିତ ଗାଡ଼ାଟି ଜୀହୁଦା ରାଜ୍ଜିତି ବେତଲିହିମ ଇନି ଦାଝୁଦ ଗାଡ଼ାତା ହାଚେସି, ଇଚିହଁ ଏଞ୍ଜାସି ଦାଝୁଦ କୁଡ଼ା ଇଞ୍ଜାହାଁ ଏ ଗତିତାସି ମାଚେସି;

୫ ଏଞ୍ଜାସି ଦରୁ ରାଡ଼ି କିୟାଲି ମରିୟମନି ତଲେ ହାଚେସି, ଏଡ଼ି ଏଞ୍ଜାଣାକି ବାହା ଆହାଲି ରାସ୍ପି ଆହାମାଚେ ଅଡେ ଏଡ଼ି ପୁରାମାସା ଆହାମାଚେ □

୬ ଅଡେ ଏ ଲକ୍ଷୁ ବେତଲିହିମତା ମାନିବେଲା, ଏଦାନାକି ଜାନ କିନି କାରୁ ଏଗାଞ୍ଜାଡେ,

୭ ଇଞ୍ଜା ଏଡ଼ି ତାନି ପାଣ୍ଡା ମୀରଏଣାଲ୍ ଜାନ କିଚେ ଇଞ୍ଜା ହିମ୍ବରି ପୁକ୍ହାନା କଡ଼ିୟାଁ ଗହ୍ନି ଡ଼ଗତା ତ୍ରିପହେ, ଇଚିହଁ ଏ ଲକ୍ଷୁତାକି ବାସାଗାୟୁ ହିଲାଆତେ □

ମେଣ୍ଡା ଗଡ଼କା ଅଡେ ଦୂଡୁୟାଁ

୮ ଏ ଦାରିମାରି ନାସ୍‌କାଣାଁ ମେଣ୍ଡା ଗଡ଼କା ଲାଆଁୟାଁ ପାଜାତା ଡ଼ୟାନା ମେଣ୍ଡାୟାଁ କାଡ଼ିମାଚେରି □

୯ ପ୍ରବୁତି ର ଦୂଡୁ ଏଞ୍ଜାରିତାଣା ଝାଡେ ଇଞ୍ଜା ପ୍ରବୁତି ଗାଝୁରମିତି ଉଜେଡ଼ି ଏଞ୍ଜାରି ସାରିଝାକି ତଞ୍ଜାଆଡେ, ଅଡେ ଏଞ୍ଜାରି ହାଚେକା ଆଜିତେରି □

୧୦ ଏମ୍ବାଟିଏ ଦୂଡୁ ଏଞ୍ଜାରାଲ୍ ଏଲେଇଚେ, “ମୀରୁ ଆଜାଆଦୁ! ନାନୁ ମୀ ବାରେ ଲକ୍ଷୁତାକି ହାଚେକା ରାହାଁତି କାରୁ ମିଜେ ଝେସିମାଞ୍ଜାଲ୍,

୧୧ ଇଚିହଁ ନୀଞ୍ଜୁ ଦାଝୁଦ ଗାଡ଼ାତା ମିଜେ ଗେଲପାନାସି ଜାର୍ନା ଆହାମାନେସି, ଏଞ୍ଜାସି କ୍ରୀସ୍ତ ପ୍ରବୁ □

୧୨ ଅଡେ ଇଦି ମିଜେତାକି ସିନାଲେହେଁ ଆନେ, ମୀରୁ ର କକାଣାଲ୍ ହିମ୍ବରି ପୁକ୍ହାନା କଡ଼ିୟାଁ ଗହ୍ନି ଡ଼ଗତା ତ୍ରିରାମାନାଣି ମେହ୍‌ଦେରି □”

୧୩ ଦେବୁଣିଏ ଏ ଦୂଡୁ ତଲେ ଲାକପୁରୁତି ହାଚେକା ଦୂଡୁୟାଁ ଝାହାନା ମାହାପୁରୁଲ୍ ଜହରା ପାରୁ ପାଡ଼ିଡୁ,

୧୪ “ଲାକପୁରୁ ମାହାପୁରୁତି ଗାଝୁରମି, ଅଡେ ଦାର୍‌ତିତା ଏଞ୍ଜାଣି ରାହାଁ ଇଞ୍ଜା ମାଣ୍‌ସିୟାଁ ବିତ୍ରା ହିଡ଼ି □”

୧୫ ଦୂଡୁୟାଁ ଏମ୍ବାଟି ଲାକପୁରୁ ହାଜାଲିଏ ମେଣ୍ଡା ଗଡ଼କା ତାମ୍ବୁଡାମ୍ବୁ କୁକାତା ଆଡେରି, “ମୀର ବେତଲିହିମ ପାତେକା ହାଜାନା ପ୍ରବୁ ମାଜେ ଆମିନି କାତା ଝେସାମାଞ୍ଜାନେସି ଏଦାଆଁ ସିନି କିକାନ □”

୧୬ ଏମ୍ବାଟିଏ ତବେ ହାଜାନା ପାରାନା ମରିୟମ ଅଡେ ଜସେପ ଇଞ୍ଜା କଡ଼ିୟାଁ ଗହ୍ନି ଡ଼ଗତା ପୁଃନି ଜାର୍ନାଆଡ଼ି କକାଣାଲ୍ ତ୍ରିରାମାନାଣି ମେସ୍ତେରି □

୧୭ ଏଞ୍ଜାରି ଇ ବାରେ ମେସାନା ଏ କକାଣି କାତା ଏନାଆଁ ଇଣ୍‌ମ୍ବି ଆହାମାଚେ ଏଦାଆଁ ଝେକହେରି □

୧୮ ଅଡେ ଏଚେକା ଲକ୍ଷୁ ମେଣ୍ଡା ଗଡ଼କା ତାଣାଟି ଏ ବାରେ କାତା ଝେଚେରି, ଏଞ୍ଜାରି ବାରେ ଏ କାତାତାକି କାବା ଆଡେରି □

୧୯ ସାମା ମରିୟମ ଇ ବାରେ କାତା ହିୟାଁତା ଇଟାନା ହାଚେକା ଅଣ୍‌ପାଲି ମାଟ୍‌ହେ □

୨୦ ଅଡେ ମେଣ୍ଡା ଗଡ଼କାକି ଏନିକଁ ଝେସ୍ପି ଆହାମାଚେ, ଏଲେକିହଁଏ ଏଞ୍ଜାରି ଏନା ଏନାଆଁ ଝେଚେରି ଇଞ୍ଜା ମେସ୍ତେରି ଏ ବାରେତାକି ମାହାପୁରୁତି ଗାଝୁରମି ଅଡେ ଜହରା କିହଁ ଝେଣ୍ଡା ହାଚେରି □

ଜୀସୁଲ୍ ଦରୁ ଇଚିନାୟି

୨୧ ଏଞ୍ଜାଣାକି ଆଟାଦିନା ଆଡେ ଅଡେ ତଲୁ ଦାଃନି ଦିନା ଝାଡେ ଇଞ୍ଜା ଏଞ୍ଜାଣି ଦରୁ ଜୀସୁ ଇଞ୍ଜା ଇଚିତେରି; ଇ ଦରୁ ତାନି ପୁରାମାସା ଆନି ନକେଏ ଦୂଡୁ ତାଣାଟି ଝେସ୍ପି ଆହାମାଚେ □

ମାହାପୁରୁ ଇଲୁତା ଜୀସୁ

୨୨ ଅଡେ ଏଚେତା ମସାତି ମେରା ତଲେ ଏଞ୍ଜାରି ଅଡ଼ହା କଡ଼ିନି ଦିନା ଏଗାଞ୍ଜାଡେ, ଏଚେଟିଏ ଜସେପ ଅଡେ ମରିୟମ ଜୀସୁଲ୍ ମାହାପୁରୁ ନକିତା ଜିରୁସାଲମତା ଅହଁ ହାଚେରି □

୨୩ ଏନିକଁ ମାହାପୁରୁତି ସାସ୍ତେରିତା ରାସ୍ତକି ଆହାମାନେ, “ବାରେ ପାଣ୍ଡା ମୀରକା ପ୍ରବୁ ତାକି ସୁଦୁଗାଟାରି ଇଞ୍ଜା ଝେଜିନେରି □”

୨୪ ଅଡେ ମେରାତା ରାସ୍ତକି ଆହାମାନି ଇ ମେରା ତଲେ ରୀ କୁଗୁରି ପଟାୟାଁ ଆଆଡ଼଼ି ରୀ ପାର୍‌ଝା ପଟାୟାଁ ମାହାପୁରୁ ନକିତା ପୂଜା କିହାଲି ଏଞ୍ଜାଣାଲ୍ ଜିରୁସାଲମତା ଅଡେରି □

୨୫ ଏତିବେଲା ଜିରୁସାଲମତା ସିମିୟନ ଦରୁଗାଟି ର ମାଣସି ମାରେସି; ଏଞ୍ଜାସି ର ଦାମ୍ବୁଗାଟାସି ଅଡ଼େ ମାହାପୁରୁଇଁ ଆଜିନାସି ମାରେସି, ଅଡ଼େ ଇସ୍ରାୟେଲ ଲକୁ ବାସୁଁ ବେଟାଆନାଣି କାଟିମାରେସି, ଇଞ୍ଜା ସୁଦୁଜୀଝୁ ଏଞ୍ଜାଣି ତାଣା ମାରେ □

୨୬ ମାହାପୁରୁ ପାଣ୍ଡାନି କ୍ରୀସୁଇଁ ମେହୁଆ ପାତେକା ଏଞ୍ଜାସି ହାଅସି ଇଞ୍ଜା ସୁଦୁଜୀଝୁ ତଲିଏ ଝେସାମାରେ □

୨୭ ସିମିୟନ ସୁଦୁଜୀଝୁଟି ମାହାପୁରୁ ଇଲୁତା ଖାଡ଼େସି; ଅଡ଼େ ତାଲି ତାଞ୍ଜି ମସାତି ମେରାଲେହେଁ କହାଲି ଜୀସୁଇଁ ବିତ୍ରା ତାଡ଼ୁ,

୨୮ ଏତିବେଲା ସିମିୟନ କକାଣାଇଁ ପମାନା ମାହାପୁରୁଇଁ ଜହରା କିଡେସି;

୨୯ “ଏ ପ୍ରବୁ ନୀଏଁ ନୀନୁ ଝେସିଲେହେଁ ନୀ ହଲେଏଣା ଜୀଝୁ ହିଡ଼ଡିତଲେ ଅମ୍ବୁ;

୩୦ ନା କାନୁ ନୀ ଗେଲୁପିନାଣାଇଁ ମେସାମାନେ □

୩୧ ଏନିଇତିହୁଁ ବାରେ ଲକୁତାକି କେପାମାନି

୩୨ ଜୀହୁଦିଆଆତାରାକି ସାତା ତହୁନି ର ଉଜେଡ଼ି ଆନେସି, ଅଡ଼େ ନୀ ଇସ୍ରାୟେଲ ଲକୁତି ଗାଝୁରମି ଲେହେଁ କିହାମାଞ୍ଜି □”

୩୩ ଇଞ୍ଜା ତାମି ଇୟା ଅଡ଼େ ଆବା ଏଞ୍ଜାଣି ତାକି ଝେସପି ଆହିମାନି ବାରେ କାତାତାକି କାବା ଆହିମାରେରି □

୩୪ ଏତେଟିଏ ସିମିୟନ କକାଣାଇଁ ବର ହୀହାନା ତାମି ଇୟା ମରିୟମନି ଏଲେଇଚେସି, “ମେହୁମୁ ଇଞ୍ଜାସି ଇସ୍ରାୟେଲତି ହାରେକା ଲକୁଣି ନାସା କିହାଲି ଅଡ଼େ ଗେଲୁପାଲି ଆର୍ଝି ଆହାମାନେସି, ଆମ୍ବାଆରି କପାଟି ହାରେକା ଜଲିନେରି □ ଏଞ୍ଜାସି ମାହାପୁରୁ ତାଣାଟି ର ସିନାଲେହେଁ ଆନେସି □

୩୫ ଆଆତ ନୀ ଜୀଝୁତା ଜିକେଏ କାଣ୍ଡାତଲେ ଗୁକ୍‌ହିସାରେ ହଡ଼ାହାନି ଲେହେଁ, ଏ କସ୍ତ ନୀ ହିୟାତା ଆୟାନେ □”

୩୬ ଅଡ଼େ ହାନା ଦରୁଗାଟି ର ମାହାପୁରୁ ଅଣ୍‌ପୁତି ବଲୁ ଝେହୁନାୟି ମାରେ; ଏଡ଼ି ଆସେର କୃଡ଼ାତି ପନୁଏଲ ମାଙ୍ଗା □ ଏଦାନାକି ହାରେକା ବାସା ଆହାମାରେ; ଏଡ଼ି ତାଆ ଆଡ଼ି ଜେଟ ସାତା ବାସା ତକ୍ରାତଲେ ବାସା କିହାମାରେ, ଅଡ଼େ ସାରିକଡ଼ି ସାରି ବାସା ରାଣ୍ଡେଣି ଆହାନା ନୀତାମାରେ □

୩୭ ଏଡ଼ି ମାହାପୁରୁ ଇଲୁ ପିହୁଆନା ବାତିମାଲିହୁଁ ଲାଆଁ ମାଦେନା ରାନ୍ଦା ତିନାଆନା ପ୍ରାତାନା କିହିମାରେ □

୩୮ ଏ ଦେବୁଣିଏ ଏଡ଼ି ଖାହାନା ମାହାପୁରୁଟି ଜହରା କିହୁଁ ଜିରୁସାଲମତି ଗେଲୁପିନାଣାଇଁ କାଟି ମାନାରାଇଁ ଏଞ୍ଜାଣି କାତା ଝେସାଲି ମାଟ୍‌ହେ □

ନାଜରିତତା ଝେଣ୍ଡା ଖାନାୟି

୩୯ ଧାମ୍ବୁ ଜସେପ ଅଡ଼େ ମରିୟମ ମାହାପୁରୁଟି ମେରା ତଲେ ବାରେ କାମା ରାପୁହାନା ଗାଲିଲିତି ତାମି ଗାଡ଼ା ନାଜରିତତା ଝେଣ୍ଡା ଖାଡ଼େରି

୪୦ ଅଡ଼େ ଜୀସୁ ଆଙ୍ଗାତା ବୁଦିତା ଅଡ଼େ ବାଡ଼ୁୟୁତା ପାତା ଆଡ଼େସି, ଅଡ଼େ ମାହାପୁରୁଟି କାର୍ମା ଏଞ୍ଜାଣିଲାକ ମାରେ □

ଜୀସୁ ମାହାପୁରୁ ଇଲୁତା

୪୧ ତାମି ଇୟା ଆବା ବାରେ ବାସା ପିସ୍‌ପିଆନି ପାରୁତାକି ଜିରୁସାଲମତା ହାଜିମାରେରି □

୪୨ ଜୀସୁ ବାର ବାସା ଆହାଲିଏ ଏଞ୍ଜାରି ପାରୁତି ମେରାଲେହେଁ ଜିରୁସାଲମତା ହାଚେରି □

୪୩ ଅଡ଼େ ପାରୁତି ଦିନା ରାପୁହାନା ଏଚେତା ଏଞ୍ଜାରି ଝେଣ୍ଡା ଖାହିମାରେରି, ଏତିବେଲାତା ଉଣା କକାସି ଜୀସୁ ଜିରୁସାଲମତା ଡ଼ୟାହାଚେସି, ସାମା ତାମି ଇୟା ଆବା ପୁଞ୍ଜାହିଲାଆତେରି;

୪୪ ସାମା ଏଞ୍ଜାରି ତାମିତଲେ ଖାହାମାଟି ଲକୁତଲେ ମାନେସି ଇଞ୍ଜା ଅଣ୍‌ପାନା ର ଦିନାତି ଜିରୁ ହାଚେରି, ଅଡ଼େ ତାମି ଲକୁ ଇଞ୍ଜା ପୁଟି ଲକୁତାଣା ପାରାଲି ମାଟ୍‌ହେରି,

୪୫ ଇଞ୍ଜା ଏଞ୍ଜାଣାଇଁ ମେଡ଼ା ଆଆନା ପାରି ପାରି ଜିରୁସାଲମତା ଝେଣ୍ଡା ହାଚେରି □

୪୬ ତାମିଦିନା ତାୟୁ ଏଞ୍ଜାରି ଏଞ୍ଜାଣାଇଁ ମାହାପୁରୁ ଇଲୁତା ବେଟାଆଡ଼େରି; ଏଞ୍ଜାସି ମେରାପୁନାରି କାତା ଝେଞ୍ଜିହୁଁ ଏଞ୍ଜାରାଇଁ ଝେଣ୍ଡେ କାତା ଝେଞ୍ଜିମାରେସି,

୪୭ ଅଡ଼େ ଏତେକା ଲକୁ ଏଞ୍ଜାଣି କାତା ଝେଞ୍ଜିମାରେରି, ବାରେଜାଣା ଏଞ୍ଜାଣି ବୁଦିତା ଅଡ଼େ ଝେହୁନି କାତାତା କାବା ଆହିମାରେରି □

୪୮ ଏତିବେଲା ତାମି ଇୟା ଆବା କକାଣାଇଁ ମେସାମାନା କାବାଆତୁ ଇଞ୍ଜା ତାମି ଇୟା ଏଞ୍ଜାଣାଇଁ ଏଲେଇଚେ, “ମୀରଏଣା ମାଙ୍ଗେ ଏନାଆଁତାକି ଇଚେକା ଦୁକୁ ହିୟାତି ? ମେହୁମୁ ନାନୁ ଅଡ଼େ ମୀ ଆବା ଏଚେକା ଦୁକୁଆହୁଁ ନିଙ୍ଗେ ପାରିମାଞ୍ଜାନମି □”

୪୯ ଏମ୍ବାଟିଏ ଜୀସୁ ଏଲେଇଚେସି, “ମୀରୁ ନାଙ୍ଗେ ଏନାଆଁତାକି ପାରିମାଞ୍ଜାଦେରି ? ନା ଆବା ଇଜ ନାନୁ ମାନାଣି ମୀରୁ ପୁଞ୍ଜାହିଲଅଡ଼େରି ?”

୫୦ ସାମା ଏଞ୍ଜାସି ଆମିନି କାତା ଜଲିତେସି, ତାମି ଇୟା ଆବା ପୁଞ୍ଜାଲି ଆଡ଼ାଆତେରି □

୫୧ ତାୟୁ ଜୀସୁ ତାମି ଇୟା ଆବା ତଲେ ଝେଣ୍ଡେ ନାଜରିତତା ଖାଡ଼େସି, ଇଞ୍ଜା ଏଞ୍ଜାରି କାତା ମାନଝି ଆହାନା ଡ଼ୟିତେସି, ଅଡ଼େ ତାମି ଇୟା ଇ ବାରେ କାତା ଜାଗ୍ରାତା ତଲେ ମନତା ଇଟାମାରେ □

୫୨ ଅଡ଼େ ଜୀସୁ ଆଙ୍ଗାତା, ବୁଦିତା ଇଞ୍ଜା ମାହାପୁରୁ ଅଡ଼େ ମାଣ୍‌ସିୟା କାର୍ମାଟି ପାତା ଆଡ଼େସି □

୩

ବାପ୍ତିସ୍ମ* ହାନି ଜହନ ଝେକ୍‌ନାୟି

(ମାତି ୩:୧-୧୨; ମାର୍କ ୧:୧-୮; ଜହ ୧:୧୯-୨୮)

୧ ତିବିରିୟା କାୟିସରତି ସାଲଝି କିନି ପହର ବାସା ଆୟାଲିଏ, ଏତିବେଲା ପନ୍ତୟ ପିଲାତ ଜୀହୁଦା ରାଜିତି

☆ ୨:୩୯ ୨:୩୯ ମାତି ୨:୨୩ * ୩: ୩:୧ ମୁଞ୍ଜିନାୟି

ସାଲଖି କିନାସି ଅଡ଼େ ହେରଦ ଗାଲିଲି ରାଜିତି ରାଜା ମାଚେସି, ଅଡ଼େ ତାନି ତାୟି ପିଲିପ ଇଡୁରିୟା ଅଡ଼େ ଭ୍ରାକନିତି ରାଜି ଅଡ଼େ ଲୁସାନିୟା ଅବିଲିନିତି ରାଜା ମାଚେସି □

୨ ହାନାନ ଅଡ଼େ କୟାପା କାଜା ପୂଜେରା ମାଚେରି, ଏତିବେଲାତା ମାହାପୁରୁତି ବଲୁ ଲକୁ ହିଲାଆ ଟାୟୁତା ଜିକରିୟ ମାର୍‌ଏସି ଜହନ ତାଣା ଖାଡ଼େ □

୩ ଏମ୍ବାଟିଏ ବାପ୍ତିସ୍ତା ହାନି ଜହନ ଜର୍ଦନ ଦାରିତି ବାରେ ନାସ୍କାଖାକି ହାଜାନା ପାପୁ ମ୍ଲେପକି ଆହାଲି ମନ ଖେଟ୍‌ହାନା ବାପ୍ତିସ୍ତା ଅନି କାତା ଖେକ୍‌ହାଲି ମାଟ୍‌ହେସି,

୪ ଏନିଇତିହିଁ ମାହାପୁରୁ ଅଣ୍‌ପୁତି ବଲୁ ଖେହ୍‌ନି ଜିସାୟ ପତିତା ରାସ୍କି ଆହାମାନେ,

“ଲକୁ ହିଲାଆ ଟାୟୁତା ରଅଣି ହାଡ଼ା ଖେଜିମାନେ;
ପ୍ରବୁତି ଜିରୁ ନେହିଁ କେପାଦୁ;
ଅଡ଼େ ଏଝାଣି କାଜା ଆଂଗେଣି ତିୟି କିଦୁ □

୫ ବାରେ ଗାଡ଼ଙ୍ଗା ନେଞ୍ଜି କିଝିଆନୁ,
ବାରେ ହରକା ମେଟାୟା ଡଣା କିଝିଆନୁ,
ତଂଗିତି ଜିରୁ ତିୟି କିଝିଆନେ,
କାଡ଼ଦି ତେପା ବୁମିତି ବାରେ ସମାନା କିଝିଆନେ □

୬ ବାରେ ଦାରତିତି ଲକୁ ମାହାପୁରୁତି ଗେଲ୍‌ପିନାଣି ମେହ୍‌ନେରି □”

୭ ☆ଏଲେକିହିଁ, ଜହନ ତାଣାଟି ବାପ୍ତିସ୍ତା ଅହାଲି ଖାହିମାନି ଲକୁଣି ମେସାନା ଏଝାରାଉଁ ଏଲେଇଚେସି,
“ଆଡ଼େ ରାସ୍କା କୁଡ଼ାତାଚେରି ମାହାପୁରୁ ପାଣ୍ଡାମାଞ୍ଜାନି କପାଟି ପିସପି ଆହାଲି ମାଜେ ଆମ୍ବାଆସି ସେଡନା ହିୟାଚେସି ?

୮ ☆ଏଦାଆଁତାକି ମନ ଖେଟ୍‌ହାକତିତି ନେହିଁ କାମା ତହ୍‌ଦୁ; ଅଡ଼େ ଅବ୍ରାହାମ ମା ଆବା ଇଞ୍ଜିହିଁ ଅଣ୍‌ପାଆଦୁ, ନାନୁ ମିଙ୍ଗ ଖେସିମାଞ୍ଜାଉଁ, ମାହାପୁରୁ ଇ ଖାଲକାଟି ଜିକେଏ ଅବ୍ରାହାମତି ମାରକାଣି ଗାଡ଼ି କିହାଲି ଆଡ଼ିମାନେସି □

୯ ☆ଅଡ଼େ ନାଏଁ ଜିକେଏ ମାର୍‌ନୁ ତାକିତା କାଃଆଲି ଆଗାମାନେ; ଆମିନି ମାର୍‌ନୁ ନେହିଁ ପାଡ଼େୟି ଆରେଏ ଏଦାନି ଟୁଣ୍‌ହାନା ହିରୁତା ମେଡ଼ପି ଆନେ □”

୧୦ ଏମ୍ବାଟିଏ ଲକୁ ଏଝାଣାଉଁ ଖେଚେରି, “ଆତିହିଁ ମାମ୍ବା ଏନାଆଁ କିନମି ?”

୧୧ ଏଝାସି ଏଲେଇଚେସି, “ଆମ୍ବାଆରାକି ଜଡ଼େକା ସକାୟା ମାନୁ, ଏଝାସି ଆମ୍ବାଆରାକି ହିଲାଉ ଏଝାଣାକି ରଣ୍ଡାଆଁ ହାପେସି; ଇଞ୍ଜା ଆମ୍ବାଆରାକି କାଡ଼ି ମାନେ ଏଝାସି ଜିକେଏ ଏଲେକିପାସି □”

୧୨ ☆ସିସୁ ରୁାହ୍‌ନାରି ଜିକେଏ ବାପ୍ତିସ୍ତା* ଅହାଲି ଖାହାନା ଏଲେଇଚେରି, “ଏ ଗୁରୁ ମାମ୍ବା ଏନାଆଁ କିନମି ?”

୧୩ ଏଝାସି ଏଝାରାଉଁ ଏଲେଇଚେସି, “ମିଙ୍ଗେତାକି ଏଚେକା ମେରା ମାନେ ଏଚେକାଟିଏ ଆଗାଡ଼ା ରାହ୍‌ଆଦୁ □”

୧୪ ଏଚରଜାଣା ରିଜାରି କସ୍କା ଖାହାନା ଏଲେଇଚେରି, “ମାମ୍ବା ଏନାଆଁ କିନମି ?”

ଏଝାସି ଏଝାରାଉଁ ଏଲେଇଚେସି, “ବାଡ଼ୁୟୁଟି କି ନାଡ଼ିକିହାନା ଆମ୍ବାଆରି ଦନ ମାଞ୍ଜା ଅଥାଦୁ, ଅଡ଼େ ମାରୁ ଏଚେକା ବେଟାଆଡ଼େରି ଏଚେକା ତଲେଏ ନୀତାଦୁ □”

୧୫ ଲକୁ ମସିହାଉଁ କାଡ଼ିମାଚେରି, ଇଞ୍ଜା ଜହନଏ କ୍ରୀସୁ ହାରୁଲା ଇଞ୍ଜା ଅଣ୍‌ପାମା ବାରେଜାଣା ତାନି ମନତା କାତା ଆହିମାଚାକି,

୧୬ ଜହନ ଏଝାରାଉଁ ଏଲେଇଚେସି, “ନାନୁଆଁ ଏୟୁତଲେ ବାପ୍ତିସ୍ତା ହାହିମାଞ୍ଜାଉଁ, ସାମା ନା କିହାଁ ଆମ୍ବାଆସି ବାଡ଼ୁୟୁ ଗାଟାସି ଏଝାସି ଖାହିମାନେସି, ଏଝାଣି ସେପୁୟାତି ତ:ରକା ଜିକେଏ ହୁକ୍‌ହାଲି ନାନୁ ପାଡ଼ାଆଅଁ; ଏଝାସି ମିଙ୍ଗେ ସୁଦୁଜୀଝୁ ଅଡ଼େ ହିରୁତଲେ ବାପ୍ତିସ୍ତା ହିୟାନେସି □

୧୭ ତାନି କ୍ଳାନୁତି ତାସାଲି ଅଡ଼େ ତାନି ଆନାତି କ୍ଳୁସାହାଁ କୁଡ଼ି କିହାନା ଗାଡ଼େୟିତା ଇଟାଲି ଏଝାଣି କେୟୁତା ହେତି ମାନେ, ଇଞ୍ଜା ଟାଟା ପଡ଼ୁତି ଏଚେଲା ତୁମ୍ବାଆଗାଟି ହିରୁତା ହୁଡ଼ା ତୁହ୍‌ନେସି □”

୧୮ ଏଝାସି ଇଲେତି ହାରେକା କାତା ଖେସିହିଁ ଅଡ଼େ ରାହାଁତି କାତା ଜଲିହିଁ ଲକୁତାଣା ନେହିଁ କାବୁ ଖେକ୍‌ହି ମାଚେସି;

୧୯ ☆ସାମା ରାଜା ହେରଦ ତାନି ତାୟି ଡକ୍‌ଜି ହେରଦିୟାନି କାତା ଅଡ଼େ ତାନୁ କିହାମାନି ବାରେ ଲାଗେଏତି କାମାତାକି ଜହନ ତାଣାଟି ଲାଗି ବେଟା ଆହାମାଚାକି,

୨୦ ହେରଦ ଜହନଉଁ ଦସ୍‌ପାନା କାୟିଦିତା ଇଟାନା ହାରେକା ଲାଗେଏତି କାମା କିଡେସି □

ଜୀସୁତି ବାପ୍ତିସ୍ତା
(ମାତି ୩:୧୩-୧୭; ମାର୍କ ୧:୯-୧୧)

୨୧ ବାରେ ଲକୁ ବାପ୍ତିସ୍ତା* ଅଡ଼ି ତାୟୁ ଜୀସୁ ଜିକେଏ ବାପ୍ତିସ୍ତା ଅହାନା ପ୍ରାତାନା କିହିମାଚାଟି ହାଗୁ ଦେପିଆଡ଼େ,

୨୨ ☆ଅଡ଼େ ସୁଦୁଜୀଝୁ ପାଡ଼ା ପଟାଲେହେଁ ଏଝାଣିଲାକ ରେଟାଖାଡ଼େ; ଇଞ୍ଜା ହାଗୁଟି ଇ ହାଡ଼ା ଆଡ଼େ, “ନାନୁ ନା ଜୀଝୁତି ମାର୍‌ଏଣାତି ନୀ ତାଣା ନା ରାହାଁ ମାନେ □”

ଜୀସୁତି ଆକୁ ଆବାୟା
(ମାତି ୧:୧-୧୭)

୨୩ ଜୀସୁ ସେବା କାମା ମାଡ଼ୁହି ବେଲାତା ଏଝାଣାକି କଡ଼େଦସ ବାସା ଆହାମାଚେ; ଲକୁତି କାତାତଲେ ଏଝାସି ଜସେପ ମାର୍‌ଏସି; ଜସେପ ଏଲି ମାର୍‌ଏସି,

† ୩:୩ ୩:୩ ମୁଞ୍ଜନାୟି ‡ ୩:୩ ୩:୩ ମୁଞ୍ଜନାୟି ☆ ୩:୭ ୩:୭ ମାତି ୧୨:୩୪; ୨୩:୩୩ S ୩:୭ ୩:୭ ମୁଞ୍ଜନାୟି ☆ ୩:୮ ୩:୮ ଜହ ୮:୩୩ ☆ ୩:୯ ୩:୯ ମାତି ୭:୧୯ ☆ ୩:୧୨ ୩:୧୨ ଲୁକ ୭:୨୯ * ୩:୧୨ ୩:୧୨ ମୁଞ୍ଜନାୟି † ୩:୧୨ ୩:୧୨ ମୁଞ୍ଜନାୟି ‡ ୩:୧୨ ୩:୧୨ ମୁଞ୍ଜନାୟି ☆ ୩:୧୯ ୩:୧୯ ମାତି ୧୪:୩,୪; ମାର୍କ ୭:୧୭,୧୮ S ୩:୨୦ ୩:୨୧ ମୁଞ୍ଜନାୟି * ୩:୨୧ ୩:୨୧ ମୁଞ୍ଜନାୟି † ୩:୨୧ ୩:୨୧ ମୁଞ୍ଜନାୟି ☆ ୩:୨୨ ୩:୨୨ ମାତି ୩:୧୭; ମାର୍କ ୧:୧୧; ଲୁକ ୯:୩୫

୨୪ ଏଲି ମତାତ ମୀରୁଏସି, ମତାତ ଲେବି ମୀରୁଏସି, ଲେବି ମଲ୍କି ମୀରୁଏସି, ମଲ୍କି ଜନୟ ମୀରୁଏସି, ଜନୟ ଜସେପ ମୀରୁଏସି,

୨୫ ଜସେପ ମତିତିୟା ମୀରୁଏସି, ମତିତିୟା ଆମସ ମୀରୁଏସି, ଆମସ ନାହୁମ ମୀରୁଏସି, ନାହୁମ ହେସଲି ମୀରୁଏସି, ହେସଲି ନଗୟ ମୀରୁଏସି,

୨୬ ନଗୟ ମହତ ମୀରୁଏସି, ମହତ ମତିତିୟସ୍ ମୀରୁଏସି, ମତିତିୟସ୍ ସିମିୟି ମୀରୁଏସି, ସିମିୟି ଜସେକ ମୀରୁଏସି, ଜସେକ ଜଦା ମୀରୁଏସି,

୨୭ ଜଦା ଜହନ ମୀରୁଏସି, ଜହନ ରେସା ମୀରୁଏସି, ରେସା ଜିରୁବାବେଲ ମୀରୁଏସି, ଜିରୁବାବିଲ ସଲ୍ଟିୟେଲ୍ ମୀରୁଏସି, ସଲ୍ଟିୟେଲ୍ ନେରି ମୀରୁଏସି,

୨୮ ନେରି ମଲ୍କି ମୀରୁଏସି, ମଲ୍କି ଅଦଦି ମୀରୁଏସି, ଅଦଦି କସାମ ମୀରୁଏସି, କସାମ ଏଲାଦାନ ମୀରୁଏସି, ଏଲାଦାନ ଏର ମୀରୁଏସି,

୨୯ ଏର ଜିହସୁୟ ମୀରୁଏସି, ଜିହସୁୟ ଏଲିୟାଜର ମୀରୁଏସି, ଏଲିୟାଜର ଜରିମ ମୀରୁଏସି, ଜରିମ ମତାତ ମୀରୁଏସି, ମତାତ ଲେବି ମୀରୁଏସି,

୩୦ ଲେବି ସିମିୟନ ମୀରୁଏସି, ସିମିୟନ ଜୀହୁଦା ମୀରୁଏସି, ଜୀହୁଦା ଜସେପ ମୀରୁଏସି, ଜସେପ ଜନାମ ମୀରୁଏସି, ଜନାମ ଏଲିୟାକିମ ମୀରୁଏସି,

୩୧ ଏଲିୟାକିମ ମଲାହ ମୀରୁଏସି, ମଲାହ ମନ୍ନା ମୀରୁଏସି, ମନ୍ନା ମତତା ମୀରୁଏସି, ମତତା ନାତନ ମୀରୁଏସି, ନାତନ ଦାସୁଦ ମୀରୁଏସି,

୩୨ ଦାସୁଦ ଜିସି ମୀରୁଏସି, ଜିସି ଅବେଦ ମୀରୁଏସି, ଅବେଦ ବୟାଜ ମୀରୁଏସି, ବୟାଜ ସେଲହ ମୀରୁଏସି, ସେଲହ ନହସନ ମୀରୁଏସି,

୩୩ ନହସନ ଅମିନାଦାବ ମୀରୁଏସି, ଅମିନାଦାବ ଅଦମିନି ମୀରୁଏସି, ଅଦମିନି ଅରନି ମୀରୁଏସି, ଅରନି ହେସ୍ରା ମୀରୁଏସି, ହେସ୍ରା ପେରସ ମୀରୁଏସି, ପେରସ ଜୀହୁଦା ମୀରୁଏସି,

୩୪ ଜୀହୁଦା ଜାକୁବ ମୀରୁଏସି, ଜାକୁବ ଇସାହାକ ମୀରୁଏସି, ଇସାହାକ ଅବ୍ରାହାମ ମୀରୁଏସି, ଅବ୍ରାହାମ ତେରହ ମୀରୁଏସି, ତେରହ ନାହର ମୀରୁଏସି,

୩୫ ନାହର ସରୁଗ ମୀରୁଏସି, ସରୁଗ ରଗୁ ମୀରୁଏସି, ରଗୁ ପେଲଗ ମୀରୁଏସି, ପେଲଗ ଏବର ମୀରୁଏସି, ଏବର ସେଲହ ମୀରୁଏସି,

୩୬ ସେଲହ କେନାନ ମୀରୁଏସି, କେନାନ ଅର୍ପକ୍ୟଦ ମୀରୁଏସି, ଅର୍ପକ୍ୟଦ ସେମ ମୀରୁଏସି, ସେମ ନହ୍ ମୀରୁଏସି, ନହ୍ ଲେମକ ମୀରୁଏସି,

୩୭ ଲେମକ ମତୁସେଲହ ମୀରୁଏସି, ମତୁସେଲହ ହନକ ମୀରୁଏସି, ହନକ ଜେରଦ ମୀରୁଏସି, ଜେରଦ ମହଲଲେଲ ମୀରୁଏସି, ମହଲଲେଲ କେନାନ ମୀରୁଏସି,

୩୮ କେନାନ ଏନସ ମୀରୁଏସି, ଏନସ ସେତ ମୀରୁଏସି, ସେତ ଆଦମ ମୀରୁଏସି, ଆଦମ ମାହାପୁରୁ ମୀରୁଏସି □

ଜୀସୁଇଁ ତାୟିପାରି କିନାୟି

(ମାତି ୪:୧-୧୧; ମାର୍କ ୧:୧୨-୧୩)

୧ ଜୀସୁ ସୁଦୁଜୀସୁ ବେଟାଆହାନା ଜର୍ଦନ କାତାଟି ଝେଣ୍ଡାଝାତେସି ଇଞ୍ଜା ରୀ କଡ଼ି ଦିନା ପାତେକା ସୁଦୁଜୀସୁ ତଲେ ଲକୁ ହିଲାଆ ଟାୟୁତା ହାତେସି □

୨ ଏମ୍ବାଆଁ ଏଝାସି ସୟତାନ ତାଣାଟି ତାୟିପାରି କିଞ୍ଜିଆତେସି □ ଇ ରୀ କଡ଼ି ଦିନା ଏଝାସି ଏନାଆଁ ତିନାଆତେସି, ଅଡ଼େ ଏ ରୀ କଡ଼ି ଦିନା ରାହାଲିଏ ଏଝାସି ହାକି ଆଡ଼େସି □

୩ ଏମ୍ବାଟିଏ ସୟତାନ ଏଝାଣାଇଁ ଏଲେଇତେ, “ନୀନୁ ମାହାପୁରୁ ମୀରୁଏଣାତି ଇଚିହ୍ଁ ଇ ଖାଲ୍‌କାଣି ରୁଟି ଆହାଲି ହୁକୁମି ହୀମୁ □”

୪ ସାମା ଜୀସୁ ଏଲେଇତେସି, “ଦୀର୍ମୁ ସାସ୍ତେରିତା ରାସ୍‌କି ଆହାମାନେ, ମାଣ୍‌ସି ଖାର୍‌ଇ ରୁଟି ତିଞ୍ଜାନା ନୀତଅସି □”

୫ ଅଡ଼େ ସୟତାନ କାଜା ହରୁ ଲାକ ଅହାନା ଗାଡ଼େକା ତାକି ଦାରୁତିତି ବାରେ ରାକି ଏଝାଣାଇଁ ତସ୍ତେ □

୬ ଇଞ୍ଜା ସୟତାନ ଏଝାଣାଇଁ ଏଲେଇତେ, “ନୀନୁ ନିଙ୍ଗେ ଇ ବାରେ ଦନତି ଅଦିକାରା କିୟାଲ୍, ଏନାଆଁତାକି ଇଚିହ୍ଁ ବାରେ ନାଙ୍ଗେ ହେରପି ଆହାମାଞ୍ଜାନେ, ଅଡ଼େ ନୀନୁ ଆମ୍ବାଆରାକି ମନ ଏଝାଣାକି ହୀଇଁ □

୭ ଇଦାଆଁତାକି ନୀନୁ ନା ନକିତା ମେଣ୍ଡାକୁତାନା ଜହରା କିୟାଦି, ଇଚିହ୍ଁ ଇ ବାରେ ନୀଦି ଆନେ □”

୮ ଜୀସୁ ଏଲେଇତେସି, “ରାସ୍‌କି ଆହାମାନେ, ‘ନୀନୁ ନୀ ମାହାପୁରୁଇଁ ଜହରା କିଦି, ଅଡ଼େ ଖାର୍‌ଇ ଏଝାଣି ସେବା କିଦି □”

୯ ଅଡ଼େ ସୟତାନ ଏଝାଣାଇଁ ଜିରୁସାଲମତା ଅହାନା ମାହାପୁରୁ ଇଲୁ ତୁଡ଼ିୟା ଲାକ ନିପ୍‌ହାନା ଏଲେଇତେ, “ନୀନୁ ମାହାପୁରୁତି ମୀରୁଏଣାତି ଇଚିହ୍ଁ ଇମ୍ବାଟି ଡ଼ଇକା ଗେମ୍‌ମାମୁ;”

୧୦ ଇଚିହ୍ଁ ରାସ୍‌କି ଆହାମାନେ, ‘ନିଙ୍ଗେ ଗେଲ୍‌ପାଲିତାକି ମାହାପୁରୁ ତାନି ଦୁଡୁୟାଁଇଁ ହୁକୁମି ହୀନେସି □’

୧୧ ଅଡ଼େ ରାସ୍‌କି ଆହାମାନେ, ‘ନୀ କତାୟାଁ ଏନିକ୍ଁ ଖାଲ୍‌କାଣା ଆଡ଼ାଉ ଏଦାଆଁତାକି ଏଞ୍ଜି ନିଙ୍ଗେ କେସ୍‌ତଲେ ପେରହା ଆସ୍ତାନୁ □”

୧୨ ସାମା ଜୀସୁ ଏଦାନି ଏଲେଇତେସି, “ଦୀର୍ମୁ ସାସ୍ତେରିତା ରାସ୍‌କି ଆହାମାନେ, ନୀନୁ ପ୍ରବୁ ନୀ ମାହାପୁରୁଇଁ ତାୟିପାରି କିଆନି □”

୧୩ ସୟତାନ ଜୀସୁଇଁ ବାରେ ତାୟିପାରି କିନାଣି ରାପ୍‌ହାନା ଗାଡ଼େକା ତାକି ଏଝାଣାଇଁ ପିସାନା ହାତେ □

ଜୀସୁ ଗାଲିଲିତା ସେବା କାମା ମାଟ୍‌ନାୟି

(ମାତି ୪:୧୨-୧୭; ମାର୍କ ୧:୧୪-୧୫)

୧୪ ଏ ଡାୟୁ ଜୀସୁ ସୁଦୁଜୀସୁତି ବାଡ଼ୁୟୁ ତଲେ ଗାଲିଲିତା ଖାଡ଼େସି, ଅଡ଼େ ସାରିଝାକି ଏଝାଣି କାତା ଝେଙ୍ଗିତେ □



୧୫ ଅଡ଼େ ଏଝାସି ଏଝାରି ଜୀହୁଦି ଲକୁତି କୁଟମି ଇଲୁକାଣା* ଜାପୁହିହୁଁ ବାରେ ଲକୁ ତାଣାଟି ଗାଝୁରମି ବେଟାଆଡେସି □

ଜୀସୁଇଁ ନାଜରିତତା ଅପାଆଡେରି
(ମାତି ୧୩:୫୩-୫୮; ମାର୍କ ୬:୧-୬)

୧୬ ଅଡ଼େ ଏଝାସି ଆମିନି ନାଜରିତତା ପହିପାତି ଆହାମାରେସି, ଏରେତା ଏ ଟାୟୁତା ହାରେସି ଅଡ଼େ ତାମି ମେରାଲେହେଁ ଜମିନି ଦିନାତା ଜୀହୁଦି ଲକୁତି କୁଟମି ଇଲୁକା† ହାରେସି ଇଞ୍ଜା ପଡ଼ଝି ଆହାଲି ନିତେସି,

୧୭ ଏମ୍ବାଟିଏ ମାହାପୁରୁ ଅଣ୍ଟପୁତି ବଲୁ ଝେହ୍ନି ଜିସାୟତି ପତି ହାତେରି, ଜୀସୁ ଏଦାଆଁ ଏକହାନା ଏମିନିତାଣା ଇ କାତା ରାସ୍ତି ଆହାମାନେ ଏ କାତା ବେଟାଆଡେସି;

୧୮ “ପ୍ରବୁତି ଜୀସୁ ନା ତାଣା ମାନେ,
ଏନିଇତିହୁଁ ହିଲିଆ ଗାଟାରି ତାଣା ନେହୁଁ କାରୁ
ଝେକହାଲି ଏଝାସି ନାଜେ ଆଟାମାଞ୍ଜାନେସି;

କାୟିଦିତା ମାନାରାଇଁ ପିସପି ଆନାଣି ଝେକହାଲି,
କାଣକା ମେହୁଆଗାଟାରାଇଁ ମେସପି କିହାଲି,
ଦୁକୁ ବେଟାଆହି ମାନାରାଇଁ ଗେଲପାଲି,

୧୯ ଇଞ୍ଜା ମାହାପୁରୁ କାର୍ମା ମେସ୍ତାନି ବେଲାତି ବାର୍ସା
ଝେକହାଲି
ପ୍ରବୁ ନାଜେ ପାଣ୍ଡାମାଞ୍ଜାନେସି □”

୨୦ ଏମ୍ବାଟିଏ ଜୀସୁ ପତିତି ମୁଦା କିହାନା ସେବା କିନାଣି କେୟୁତା ହାହାନା କୁଟିତେସି □ ଅଡ଼େ ଜୀହୁଦି ଲକୁତି କୁଟମି ଇଲୁକା‡ କୁଗାମାନି ବାରେ ଲକୁ ଜୀସୁ ଝାକି ସିନିକିତେରି □

୨୧ ଇଞ୍ଜା ଜୀସୁ ଏଝାରାଇଁ ଏଲେଇରେସି, “ନୀଞ୍ଜୁଟିଏ ଦାମ୍ବୁ ପତିତି ଇ କାତା ମୀରୁ ଝେଣ୍ଡମିଏ ପୁରା ଆଡେ □”

୨୨ ଅଡ଼େ ବାରେଜାଣା ତାନି କାତାତାକି ସାକି ହାତେରି, ଅଡ଼େ ତାନି ଗୁତିଟି ହଟିମାନି କାର୍ମାଟି ବଲୁତା କାବା ଆଡେରି ଇଞ୍ଜା ଏଲେଇରେରି, “ଇଝାସି ଏନାଆଁ ଜସେପ ମୀରଏସି ଆଏକି ?”

୨୩ ଏମ୍ବାଟିଏ ଏଝାସି ଏଝାରାଇଁ ଏଲେଇରେସି, “ମୀରୁ ସାତେଏ ନାଜେ ଏଲେ ଇଞ୍ଜାଦେରି, ଏ ଅସଗୁରୁ ନୀନୁଏ ନିଜେ ନେହୁଁ କିହାକତାମ୍ବୁ; କପରନାହୁମତା ଏନା ଏନାଆଁ କିହାମାଞ୍ଜି ଇଞ୍ଜୁଁ ମାମ୍ବୁ ଝେଞ୍ଜାମାନମି ଏଲେକିଁ ମୀ ଆକୁ ଆବାୟାଁ ନାୟୁତା ଜିକେଏ କିମ୍ବୁ □”

୨୪ ✨ଅଡ଼େ ଏଝାସି ଏଲେଇରେସି, “ନାନୁ ମିଜେ ସାତା ଝେସିମାଞ୍ଜାଇଁ, ମାହାପୁରୁ ଅଣ୍ଟପୁତି ବଲୁ ଝେହ୍ନାରାଇଁ ତାନୁ ପାତାଆଡ଼ି ନାୟୁତି ଲକୁ ଅପଅରି □

୨୫ ସାମା ନାନୁ ମିଜେ ସାତା ଝେସିମାଞ୍ଜାଇଁ, ଏଲିୟ ବେଲାତା ଏନିକିଁ ତାନି ବାର୍ସା ସ ଲେଞ୍ଜୁ ପାତେକା ହାଗୁଟି ପିୟୁ ରିଆତାକି ବାରେ ଦେସା କାର୍ଝୁ ଆହାମାଟେ,

ଏଟିବେଲା ଇସାୟେଲତା ହାରେକା ରାଣ୍ଡେଣିସିକା ମାଟିହୁଁ ଜିକେଏ;

୨୬ ଏଲିୟ ଏଝାସିକା ତାଣା ପାଣ୍ଡୁଝି ଆଆନା ସିଦନ ଦେସାତି ସାରିପତ ନାୟୁତି ର ରାଣ୍ଡେଣିନି ତାଣା ପାଣ୍ଡୁଝି ଆଡେସି □

୨୭ ଅଡ଼େ ମାହାପୁରୁ ଅଣ୍ଟପୁତି ବଲୁ ଝେହ୍ନି ଏଲିସାୟ ମାଟାଟି ଇସାୟେଲ ବିତ୍ରା ହାରେକା କାଜା ରଗା ଗାଟାରି ମାରେରି; ଆଡ଼ିଜିକେଏ ଏଝାରି ବିତ୍ରାଟି ରଅସି ଜିକେଏ ନେହୁଁ ଆଆଡେସି, ସାମା ସିରିୟା ଦେସାତି ନାମାନ ନେହୁଁ କିଝିଆଡେସି □”

୨୮ ଜୀହୁଦି ଲକୁତି କୁଟମି ଇଲୁକା§ ଇ ବାରେ କାତା ଝେଞ୍ଜାନା ବାରେଜାଣା କାର୍ବି ଆଡେରି,

୨୯ ଅଡ଼େ ଏଝାରି ନିଜ୍ଞାନା ଏଝାଣାଇଁ ଗାଡ଼ାଟି ପାଙ୍ଗାତା ପେରହେରି ଇଞ୍ଜା ଏଝାରି ଏମିନି ଗାଡ଼ା ହରୁଲେକ ଦସାମାଟେରି ଏ ହରୁ ଲାକଟି ଡ଼ଇକା ମେଡ଼ହାଲି ଏଝାଣାଇଁ ଅଡେରି;

୩୦ ସାମା ଏଝାସି ଏଝାରି ମାଦିଟି ହଟାହାଟେସି □

ଜୀସୁ ବୁଡୁ ଆଲଗା ମାଟାଣାଇଁ ନେହୁଁ କିନାୟି
(ମାର୍କ ୧:୨୧-୨୮)

୩୧ ଜୀସୁ କପରନାହୁମ ଦରୁଗାଟି ଗାଲିଲିତି ର ଗାଡ଼ାତା ଝାଡେସି, ଇଞ୍ଜା ଜମିନି ଦିନା ଲକୁଣି ଜାପୁହି ମାରେସି,

୩୨ ✨ଅଡ଼େ ଏଝାରି ଏଝାଣି ଜାପୁହି ତାଣା କାବା ଆଡେରି, ଏନାଆଁତାକି ଇତିହୁଁ ଏଝାଣି ଜଲିନାୟି ଅଦିକାରା ଗାଟାୟି ଲେହେଁ ମାଟେ □

୩୩ ର ଦିନା ଜୀହୁଦି ଲକୁତି କୁଟମି ଇଲୁକା* ର ପଲୁଆ ବୁଡୁ ଆଲଗାମାଟି ଲକୁ ମାଟେସି; ଏଝାସି କିରଡ଼ିହୁଁ ଏଲେଇରେସି,

୩୪ “ଏ ନାଜରିତତି ଜୀସୁ ନୀ ତଲେ ମାଜେ ଏନାୟି ମାନେ ? ନୀନୁ ମାଜେ ନାସା କିହାଲି ଝାହାମାଞ୍ଜି କି ? ନୀନୁ ଆମ୍ବାଆଡ଼ି ନାନୁ ପୁଞ୍ଜାମାଇଁ; ନୀନୁ ମାହାପୁରୁତି ସୁଦୁ ମାଣ୍ଡିତି □”

୩୫ ଜୀସୁ ଏଦାନି ଦାକା ହାହାନା ଏଲେଇରେସି, “ପାଲେଏ ଆମ୍ବୁ ଇଞ୍ଜା ଇଝାଣି ତାଣାଟି ହଟାହାଲାମ୍ବୁ □” ଏମ୍ବାଟିଏ ଏ ବୁଡୁ ଏଝାଣାଇଁ ମାଦିଏ ତ୍ରକହାନା ଏଝାଣାଇଁ ଏନାଆଁ କିଆନା ହଟାହାଟେ □

୩୬ ଏମ୍ବାଟିଏ ବାରେଜାଣା କାବାଆହାନା ଏଲେଇଣ୍ଡି ଆଡେରି, “ଇଦି ଏନିଲେହେଁଟି କାତା ? ଏଝାସି ବୁଡୁୟାଁ ଅଦିକାରା ଅଡ଼େ ବାଡ଼ୟୁଟି ହୁକୁମି ହାହିମାନେସି ଇଞ୍ଜା ଏଝି ହଟା ହାଜିମାନୁ □”

୩୭ ଏମ୍ବାଟିଏ ଏଝାଣି ହାଡ଼ାଟି କାରୁ ଦେସାତି ସାରିଝାକି ଝେଞ୍ଜାହାଟେ □

ଜୀସୁ ହାରେକା ଲକୁଇଁ ନେହୁଁ କିନାୟି
(ମାତି ୮:୧୪-୧୭; ମାର୍କ ୧:୧୯-୩୪)

* ୪:୧୫ ୪:୧୫ ସିନଗରୁ † ୪:୧୬ ୪:୧୬ ସିନଗରୁ ‡ ୪:୨୦ ୪:୨୦ ସିନଗରୁ ✨ ୪:୨୪ ୪:୨୪ ଜହ ୪:୪୪ § ୪:୨୮ ୪:୨୮ ସିନଗରୁ ☆ ୪:୩୨ ୪:୩୨ ମାତି ୭:୨୮,୨୯ * ୪:୩୩ ୪:୩୩ ସିନଗରୁ † ୪:୩୮ ୪:୩୮ ସିନଗରୁ

୩୮ ଏମ୍ବାଟିଏ ଜୀସୁ ଜୀହୁଦି ଲକୁଡି କୁଟମି ଇଲୁଟିଂ ହଟାନା ସିମନ ଇଜ ହାଚେସି □ ସିମନ ପୟା ଗାଡି ନମେରି ଆହାମାଚେ, ଅଡ଼େ ଏଝାରି ଇ କାତା ଜୀସୁଇଁ ଏଲେଇଚେରି □

୩୯ ଏମ୍ବାଟିଏ ଏଝାସି ଏଦାନି ତାଗେ ନିଚାନା ନମେରିତି ଦାକା ହାଚେସି, ଇଞ୍ଜା ଏଦାନାକି ନମେରି ପିସ୍ତେ, ଏଡି ଏ ଦେବୁଣିଏ ନିଜ୍ଜାନା ଏଝାରି ସେବା କିତେ □

୪୦ ଝେଡ଼ା କୁଡ଼ହି ମାଚାଟି ଆମ୍ବାଆରି ତାଣା ଏନିଲେହେତି ରଗ ମାଚେ, ଏଲେତି ରଗ ଲକୁଣି ଜୀସୁ ତାଣା ତାଚେରି, ଇଞ୍ଜା ତାମି ତାକାଣା କେୟୁ ଇଚାନା ବାରେତି ନେହଁ କିତେସି □

୪୧ ଅଡ଼େ ବୁଡୁୟା ଜିକେଏ କିରଡ଼ିହଁ ହାଚେକା ଲକୁ ତାଣାଟି ଏଲେଇଞ୍ଜି ହଟାହାଚୁ, “ନୀନୁ ମାହାପୁରୁ ମୀରଏଣାତି □”

ଅଡ଼େ ଜୀସୁ ଏ ବାରେତି କାତା ଆହାଲି ହୀଆନା ଦାକା ହାଚେସି, ଇଚିହଁ ଏଝାସି କ୍ରୀସ୍ତ ଇଦାଆଁ ଏଝି ପୁଞ୍ଜାମାଚୁ □

ଜୀସୁ ଜୀହୁଦି ଲକୁଡି କୁଟମି ଇଲୁତା ଝେକ୍ନାୟି
(ମାର୍କ ୧:୩୫-୩୯)

୪୨ ଲାଲୁ ଝେୟାଲିଏ ଏଝାସି ହଟାନା ଲକୁ ହିଲାଆ ଚାୟୁତା ହାଚେସି; ଅଡ଼େ ଲକୁ ଏଝାଣାଇଁ ପାରି ପାରିହଁ ଏଝାଣି ତାଣା ଝାଚେରି, ଅଡ଼େ ଏଝାସି ଏନିକଁ ଏଝାରି ତାଣାଟି ହାଲଅସି, ଏଦାଆଁତାକି ଏଝାଣାଇଁ ମାଞ୍ଜାଲି ବାଡିମାଲିଚେରି □

୪୩ ସାମା ଏଝାସି ଏଝାରାଇଁ ଏଲେଇଚେସି, “ଏଟକା ଗାଡ଼ାତା ଜିକେଏ ନୀନୁ ମାହାପୁରୁ ରାଜିତି ନେହଁ କାରୁ ଝେକ୍ନାୟି ମାନେ, ଇଚିହଁ ଏଦାଆଁତାକି ନୀନୁ ପାଣୁଝି ଆହାମାଇଁ □”

୪୪ ଇଞ୍ଜା ଏଝାସି ଜୀହୁଦା ଦେସାତି ଜୀହୁଦି ଲକୁଡି କୁଟମି ଇଲୁକାଣାଃ ହାଜାନା ନେହଁ କାରୁ ଝେକ୍ହେସି □



ଜୀସୁ ମୀଣ୍ଡକା ଆହନାରାଇଁ ହାଟିନାୟି
(ମାତି ୪:୧୮-୨୨; ମାର୍କ ୧:୧୭-୨୦)

୧ *ର ଦିନା ଜୀସୁ ଗେନେସର ବାନ୍ଦା ଗାଚୁତା ନିଚାମାଚାଟି ହାଚେକା ଲକୁ ମାହାପୁରୁତି କାତା ଝେଞ୍ଜାଲି ଏଝାଣି ସାରିସୁଚୁ ରୁଣ୍ଡା ଆଚେରି □

୨ ଇଞ୍ଜା ଏଝାସି ବାନ୍ଦା ଗାଚୁତା ରୀ ତଂଗାୟାଁ ମାନାଣି ମେସ୍ତେସି; ଏମ୍ବାଟି ମୀଣ୍ଡକା ଆହନାରି ଏମ୍ବାଟି ରେଚାନା ତାମି ଜାଲାଇଁ ନରହି ମାଚେରି □

୩ ଏ ତଂଗ ବିତାଟି ଏମିନାୟି ସିମନଝାୟି ମାଚେ, ଏ ତଂଗତା କୁଗାନା ଗାଚୁଟିଏ ହିରେ ହେକ ହାଜାଲି ବାଡିମାଲିଚେସି; ଇଞ୍ଜା ଏଝାସି କୁଗାନା ଲକୁଣି ଜାପୁହେସି □

୪ ଏଝାସି ତାନି କାତା ରାପୁହାଲିଏ ସିମନଇଁ ଏଲେଇଚେସି, “ମୀଣ୍ଡକା ଆସାଲି କୁଡ଼ନି ଏୟୁଞ୍ଜାକି ହାଜାନା ମୀ ଜାଲାଇଁ ମେଡ଼ବୁ □”

୫ *ଏମ୍ବାଟିଏ ସିମନ ଏଲେଇଚେସି, “ଏ ଗୁରୁ ମାୟୁଲାଇଁ ଝେୟେ କସ୍ତ କିଡିଞ୍ଜା ର ମୀନୁ ଜିକେଏ ବେଟାଆଆତମି; ସାମା ନୀ କାତା ଆସାନା ଜାଲାଇଁ ମେଡ଼ଇଁ □”

୬ *ଇଞ୍ଜା ଏଝାରି ଜାଲାଇଁ ମେଡ଼ହାଲିଏ ଏମ୍ବାଆଁ ଜାଲାଇଁ ନେଞ୍ଜେ ମୀଣ୍ଡକା ହଚୁ, ଇଞ୍ଜା ଏଝାରି ଜାଲାଇଁ ତାମ୍ବାଲି ମାଚୁହେ □

୭ ଏମ୍ବାଟିଏ ଏଝାରି ଆମିନି ତଡ଼ଗୁାଚାରି ଅର ତଂଗତା ମାଚେରି, ଏଝାରି ଏନିକଁ ଝାହାନା ସାୟେମି କିନେରି, ଏଦାଆଁତାକି ଏଝାରି ଏଝାରାଇଁ କେୟୁ ଜୀଞ୍ଜିଚେରି, ଏମ୍ବାଟିଏ ଏଝାରି ଝାହାନା ରୀ ତଂଗାଣା ମୀଣ୍ଡକା ନେଞ୍ଜି କିୟାଲିଏ ଏ ତଂଗାୟାଁ ମୁଞ୍ଜିମାଚୁ □

୮ ସାମା ସିମନ ପିତର ଏଦାଆଁ ମେସାନା ଜୀସୁ କତାଣା ରିହାନା ଏଲେଇଚେସି, “ଏ ପ୍ରବୁ ନା ତାଣାଟି ହାଜାତୁହମୁ ଏନାଆଁତାକି ଇଚିହଁ ନୀନୁ ପାପୁଗାଟି ମାଣ୍ଡସିଚେସି □”

୯ ଇଚିହଁ ଏଝାରି ହାଚେକା ମୀଣ୍ଡକା ଆସାମାଚାକି ତାନୁ ଅଡ଼େ ତାନିତଲେ ମାଚାରି କାବା ଆହାହାଚେରି;

୧୦ ଜେବଦିତି ରୀ ମୀରକା ଜାକୁବ ଅଡ଼େ ଜହନ, ଆମ୍ବାଆରି ସିମନ ଆଚୁହିତାରି ମାଚେରି, ଏଝାରି ଜିକେଏ କାବା ଆହାହାଚେରି □ ଅଡ଼େ ଜୀସୁ ସିମନଇଁ ଏଲେଇଚେସି, “ଆଜାଆନି ନୀଞ୍ଜୁଟିଏ ନୀନୁ ଲକୁଣି ଆହୁଦି □”

୧୧ ଏଚେଟିଏ ଏଝାରି ତଂଗାୟାଁ ଗାଚୁତା ତାଚାନା ଏମ୍ବାଆଁ ବାରେ ପିସାନା ଜୀସୁ ଜେଚ ହାଚେରି □

କାଜା ରଗ ଗାଚାଣାଇଁ ନେହଁକିନାୟି
(ମାତି ୮:୧-୪; ମାର୍କ ୧:୪୦-୪୫)

୧୨ ଜୀସୁ ର ଗାଡ଼ାତା ମାଚାଟି ମେହୁଦୁ ଏମ୍ବାଆଁ ଗୁଡ଼ା ଆଜ୍ଞା କାଜା ରଗ ଗାଚାସି ମାଚେସି; ଏଝାସି ଜୀସୁଇଁ ମେସାନା ମୁନୁ କୁତାନା ଏଝାଣାଇଁ ଏଲେଇଚେସି, “ଏ ପ୍ରବୁ ନୀନୁ ମନ କିଡିହଁ ନାଜେ ନେହଁ କିହାଲି ଆଡ଼ାଦି □”

୧୩ ଏଚେଟିଏ ଏଝାସି କେୟୁ ଦାସାହାଁ ତାଗାନା ଏଲେଇଚେସି, “ନୀନୁ ମନ କିହିମାଇଁ ନୀନୁ ନେହଁଆମୁ □” ଏ ଦେବୁଣିଏ କାଜା ରଗଟି ଏଝାସି ନେହଁଆଚେସି □

୧୪ ଜୀସୁ ଏଝାଣାଇଁ ହୁକୁମି ହାହାନା ଏଲେଇଚେସି, “ଆମ୍ବାଆରାଇଁ ଝେହୁଆନି, ସାମା ହାଜାନା ପୂଜେରାଜାଣି ତହୁମୁ, ଅଡ଼େ ମସାତି ମୋରାଲେହେଁ ନୀନୁ ନେହଁ ଆଡ଼ାଣି ସାକି ହାହାଲି ପୂଜା ହୀମୁ □”

୧୫ ସାମା ଏଝାଣି କାତା ହାଚେକା ଝେଞ୍ଜାହାଚେ, ଅଡ଼େ ହାଚେକା ଲକୁ ଝେଞ୍ଜାଲିତାକି ଅଡ଼େ ରଗଟି ନେହଁ ଆହାଲିତାକି ରୁଣ୍ଡା ଆଚେରି □

‡ ୪:୪୪ ୪:୪୪ ସିନଗର ☆ ୫:୧ ୫:୧ ମାତି ୧୩:୧,୨; ମାର୍କ ୩:୯,୧୦; ୪:୧ ☆ ୫:୫ ୫:୫ ଜହ ୨୧:୩ ☆ ୫:୭ ୫:୭ ଜହ ୨୧:୭

୧୭ ସାମା ଜୀସୁ ଲକ୍ଷ୍ମ ହିଲୀଆ ଚାୟୁତା ହାଜାନା ପ୍ରାତାନା କିହିମାଚେସି □

ଜୀସୁ ର ଚଟ ଖାୟିତାଣାଇଁ ନେହଁ କିନାୟି
(ମାତି ୯:୧-୮; ମାର୍କ ୨:୧-୧୨)

୧୭ ର ଦିନା ଜାପୁହି ମାଚାଟି, ଗାଲିଲି ଦେସାତି ବାରେ ନାୟକାଟି, ଜୀହୁଦା ଦେସା ଇଞ୍ଜା ଜିରୁସାଲମଟି ଖାହାମାନି ପାରୁସିୟାଁ ଅଡେ ମେରାପୁନାରି ଜୀସୁ ତାଣା କୁଗାମାଚେରି, ଇଞ୍ଜା ଏଞ୍ଜାସି ଏନିକଁ ନେହଁ କିନେସି ଇଦାଆଁତାକି ପ୍ରବୁତି ନେହଁ କିନି ବାଡ଼ୁରୁ ଜୀସୁ ତାଣା ମାଚେ □

୧୮ ଏଚରଜାଣା ଲକ୍ଷ୍ମ ର ଚଟ ଖାୟିତାଣାଇଁ କାଚେଲିତା ଡେକା ତାଚାନା ଜୀସୁ ନକିତା ବିତ୍ରା ଅହାଲି ଅଣପିତେରି □

୧୯ ସାମା ଏମ୍ବାଆଁ ହାରେକା ଲକ୍ଷ୍ମ ମାଚାକି ଜିରୁ ବେଟାଆଥାତେରି, ଇଞ୍ଜା ଏଞ୍ଜାରି ଇଲୁ ଡେପରିତା ଡେକା ଅହାନା ତୁଡ଼ିୟାତି ଚାୟିଲି ହୁକହାନା କାଚେଲି ତଲେ ଜୀସୁ ନକିତା ରେପହେରି □

୨୦ ଜୀସୁ ଏଞ୍ଜାରି ନାମୁ ମେସାନା ଚଟ ଖାୟିତାଣାଇଁ ଏଲେଇଚେସି, “ତଢେ ନୀ ପାପୁ ବାରେ ମେଣ୍ଟାମାନେ □”

୨୧ ଏଚେଟିଏ ମେରା ଜାପୁନାରି ଅଡେ ପାରୁସିୟାଁ କାତା ଆହଁ ଏଲେଇଣ୍ଡି ଆଡେରି, “ଇଞ୍ଜାସି ମାହାପୁରୁ ନିନ୍ଦା କିହିମାନେସି, ଇଞ୍ଜାସି ଆମ୍ବାଆସି! ମାହାପୁରୁ ପିସପେ ଅଡେ ଆମ୍ବାଆସି ପାପୁ ମ୍ଲେକହାଲି ଆଡ଼ିମାନେସି □”

୨୨ ସାମା ଜୀସୁ ଏଞ୍ଜାରି କାତାବାର୍ତା ଆହିମାନାଣି ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ମୀରୁ ମୀ ମନତା ଏନାଆଁତାକି ଏଲେକଁ ଅଣ୍ଡିମାଞ୍ଜେରି ?

୨୩ ଏନାଆଁ ଇନାୟି ଉପାସା ‘ନୀ ପାପୁ ବାରେ ମେଣ୍ଟାଚେ ଇନାୟି କି ନିଙ୍ଗାନା ତାକାମୁ ଇନାୟି ?’

୨୪ ଦାରୁତିତା ପାପୁ ମ୍ଲେକହାଲି ମାଣ୍ଡିସି ମୀରୁଏଣାକି ଅଦିକାରା ମାନେ, ଇଦାଆଁ ମୀରୁ ଏନିକଁ ପୁଞ୍ଜାଲି ଆଡ଼ିଦେରି” ଇଦାଆଁତାକି ଚଟ ଖାୟିତାଣାଇଁ ଏଲେଇଚେସି, “ନାନୁ ନିଙ୍ଗେ ଝେସିମାଞ୍ଜାଇଁ, ନିଙ୍ଗାନା ନୀ କାଚେଲି ଡେକାନା ନୀ ଇଜ ହାଲାମୁ □”

୨୫ ଏଚେଟିଏ ଏଞ୍ଜାସି ଏ ଦେବୁଣିଏ ଏଞ୍ଜାରି ନକିତା ନିଙ୍ଗାନା ଆମିନି କାଚେଲିତା ତୁରାମାଚେସି, ଏଦାଆଁ ଡେକାନା ମାହାପୁରୁଇଁ ଜହରା କିହଁ ତାମି ଇଜ ହାଚେସି □

୨୬ ଏଚେଟିଏ ବାରେଜାଣା କାବାଆହାନା ମାହାପୁରୁଇଁ ଜହରା କିତେରି, ଅଡେ ଆଜିତଲେ ଏଲେଇଚେରି, “ନୀଞ୍ଜୁ ମାମୁ କାବାଆନି କାମା ମେସୁମି □”

ଜୀସୁ ଲେବିଇଁ ହାଡ଼ିନାୟି
(ମାତି ୯:୯-୧୩; ମାର୍କ ୨:୧୩-୧୭)

୨୭ ଏମ୍ବାଟିଏ ଜୀସୁ ପାଙ୍ଗାତା ହାଜାନା ଲେବି* ଦରୁଗାଟି ର ସିସ୍ତୁରାହନାସି ସିସ୍ତୁରାହନି ଚାୟୁତା କୁଗାମାନାଣି ମେସାନା ଏଞ୍ଜାଣାଇଁ ଏଲେଇଚେସି, “ନା ଢେଚ ଝାମୁ □”

୨୮ ଏମ୍ବାଟିଏ ଏଞ୍ଜାସି ବାରେ ପିସାନା ନିଙ୍ଗାନା ଏଞ୍ଜାଣି ଢେଚ ହାଚେସି □

୨୯ ଅଡେ ଲେବି ତାମି ଇଜ ର କାଜା ବଜି କିତେସି, ଇଞ୍ଜା ହାରେକା ସିସ୍ତୁରାହନାରି ଅଡେ ଏଚକାଟି ଲକ୍ଷ୍ମ ବାରେ ଏଞ୍ଜାରିତଲେ ତିଞ୍ଜାଲି କୁଗିତେରି □

୩୦ ଏଚେଟିଏ ପାରୁସିୟାଁ ଅଡେ ଏଞ୍ଜାରି ଗଚିତି ମେରାପୁନାରି ତାମି ସାସୁୟାଁ ଏଲେଇଚେରି, “ମୀରୁ ଏନାଆଁତାକି ସିସ୍ତୁରାହନାରି ଅଡେ ପାପୁ ଗାଚାରି ତଲେ ତିଞ୍ଜି ଉଣ୍ଡି ମାଞ୍ଜେରି ?”

୩୧ ଜୀସୁ ଏଞ୍ଜାରାଇଁ ଏଲେଇଚେସି, “ନେହଁ ମାନାରାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଚାରାକି ଲଡ଼ାମାନେ □

୩୨ ନାନୁ ତାରିଗାଚାରାଇଁ ହାଟାଲି ଝାହାହିଲଅଁ, ସାମା ମନ ଝେଟପି କିହାଲି ପାପୁ ଗାଚାରାଇଁ ହାଟାଲି ଝାହାମାଇଁ □”

ଉପାସା କିନି କାତା ଝେନାୟି
(ମାତି ୯:୧୪-୧୭; ମାର୍କ ୨:୧୮-୨୨)

୩୩ ଏଚେକା ଲକ୍ଷ୍ମ ଜୀସୁଇଁ ଝେଚେରି, “ଜହନତି ସାସୁୟାଁ ଅଡେ ପାରୁସିୟାଁତି ସାସୁୟାଁ ଅଲେ ଅଲେ ଉପାସା ଅଡେ ପ୍ରାତାନା କିହିମାନେରି, ସାମା ନୀ ସାସୁୟାଁ ତିଞ୍ଜି ଉଣ୍ଡି ମାନେରି □”

୩୪ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ବୀହା ଲକ୍ଷ୍ମତଲେ ହନେଏସି ମାନି ପାତେକା ବୀହା ଲକ୍ଷ୍ମ ଉପାସା ମାଞ୍ଜାଲି ଆଡ଼ିନେରି ?

୩୫ ସାମା ର ଦିନା ଝାନ୍ନେ; ଏଞ୍ଜାରି ତାଣାଟି ହନେଏସି ହାନେସି, ଏଚେଟିଏ ଏଞ୍ଜାରି ଉପାସା କିନେରି □”

୩୬ ଇଞ୍ଜା ଏଞ୍ଜାସି ର ପୁଣ୍ଡିକିନି କାତା ଜିକେଏ ଝେସେସି, “ଆମ୍ବାଆସି ପୁଞ୍ଜଇ ହିମ୍ବୁରିତା ପୁଞ୍ଜି ପାସକି ତାଚଅସି; ତାଡ଼ିଡ଼ିଞ୍ଜା ଏ ପୁଞ୍ଜି ପାସକି ଗେହନେ ଇଞ୍ଜା ପୁଞ୍ଜି ପାସକି ପୁଞ୍ଜଇ ପାସକି ତଲେ ଆଣ୍ଡେଏ □

୩୭ ଅଡେ ଆମ୍ବାଆସି ପୁଞ୍ଜି ଅଜୁରି ରାସା ପୁଞ୍ଜଇ ତ:କାତା† ଇଚଅସି; ଇଚିତିହଁ ଅଜୁରି ରାସା ତ:କାତି ଅୟି କିହାନା ବହାହାନେ ଅଡେ ତ:କା ଜିକେଏ ନସ୍ତ ଆନ୍ନେ,

୩୮ ସାମା ପୁଞ୍ଜି ଅଜୁରି ରାସା ପୁଞ୍ଜି ତ:କାତା ଇଚିନାୟି ମାନେ □

୩୯ ଆମ୍ବାଆରି ପୁଞ୍ଜଇ ଅଜୁରି ରାସା ଗସ୍ତି ତାୟୁ ପୁଞ୍ଜି ଅଜୁରି ରାସା ଗହଅତେରି □ ପୁଞ୍ଜଆୟି ନେହେଁ ଇଞ୍ଜେରି □”

* ୫:୨୭ ୫:୨୭ ମାତିରୁ ☆ ୫:୩୦ ୫:୩୦ ଲୁକ ୧୫:୧,୨ † ୫:୩୭ ୫:୩୭ ତଲୁ ତଲେ କେପିତି ଅଜୁରି ରାସା ଇଚିନି ବାସା ଚୁପୁ



ଜନ୍ମିନି ଦିନାତି ପ୍ରବୁ

(ମାତି ୧୨:୧-୮; ମାର୍କ ୨:୨୩-୨୮)

୧ ର ଜନ୍ମିନି ଦିନା ଜୀସୁ ତାନି ସୀସୁୟାଁ ତଲେ ଗହଁ ଗୁଡ଼ିୟାତି ହାଜିମାଗାଟି ସୀସୁୟାଁ ଗହଁ ଜେକା ତାପହାନା କେୟୁତଲେ ରାକ୍‌ହା ତିଞ୍ଜିମାଚେରି □

୨ ସାମା ପାରୁସିୟାଁ ବିତ୍ରାଟି ଏଚରଜାଣା ଏଲେଇଚେରି, “ଜନ୍ମିନି ଦିନାତା ଏନାଆଁ କିନାୟି ଫେରା ହିଲେଏ ମୀରୁ ଏନାଆଁତାକି କିହିମାଞ୍ଜେରି □”

୩ ଜୀସୁ ଏଞ୍ଜରାକ୍ ଏଲେଇଚେସି, “ଦାଝୁଦ ଅଡ଼େ ତାନି ତଣେସିଙ୍ଗା ହାକିଟି ମାଗାଟି ଏନାଆଁ କିହାମାଚେରି, ଏନାଆଁ ମୀରୁ ଏଚେଲା ପଡ଼ୁଞ୍ଜି ଆହାହିଲଅଚେରି ?

୪ ଏଞ୍ଜସି ମାହାପୁରୁ ଇଲୁତା ହଡ଼ାନା ଆମିନି ହେରପିଆହାମାନି ରୁଟି ପୂଜେରାଜା ପିସ୍‌ପେ ଆମ୍ବାଆରି ତିନି ଫେରା ହିଲାଆତେ ଏନାଆଁ ତିଚେସି ଇଞ୍ଜା ତାନି ତଣେସିଙ୍ଗାକି ଜିକେଏ ହୀତେସି □”

୫ ଅଡ଼େ ଏଞ୍ଜସି ଏଞ୍ଜରାକ୍ ଏଲେଇଚେସି, “ମାଣ୍‌ସି ମୀରୁଏସି ଜନ୍ମିନି ଦିନାତି ପ୍ରବୁ ଆନେସି □”

ଝାୟିତି କେୟୁ ଗାଟାଣାକ୍ ନେହଁକିନାୟି

(ମାତି ୧୨:୯-୧୪; ମାର୍କ ୩:୧-୬)

୬ ଏଞ୍ଜସି ର ଜନ୍ମିନି ଦିନାତା ଜୀହୁଦି ଲକୁଡି କୁଟମି ଇଲୁତା* ହାଜାନା ଜାପୁହି ମାଚେସି; ଏମ୍ବାଆଁ ରଅସି ମାଚେସି ଏଞ୍ଜାଣି ଚିଃନି କେୟୁ ଝାୟାହାଜାମାଚେ □

୭ ଅଡ଼େ ଏଞ୍ଜସି ଜନ୍ମିନି ଦିନାତା ନେହଁକିନେସିକି ଆଏ ଏନାଆଁ ସିନିକିହାଲି ଫେରାପୁନାରି ଅଡ଼େ ପାରୁସିୟାଁ କୁଗାନା ସିନିକିହିମାଚେରି, ଏନିକଁ ଏଞ୍ଜାଣାକ୍ ଦହ ଆସାଲି ପାରୁ ବେଟାଆନେରି □

୮ ସାମା ଏଞ୍ଜସି ଏଞ୍ଜାରି ହିୟାତି ଅଣ୍‌ପୁ ପୁଞ୍ଜାନା ଆମିନି ଲକୁଡି କେୟୁ ଝାୟାହାଜାମାଚେ ଏଞ୍ଜାଣାକ୍ ଏଲେଇଚେସି, “ନିଙ୍ଗାମୁ ମାଦି ନିମୁ □” ଏଚେଟିଏ ଏଞ୍ଜସି ନିଚେସି □

୯ ଏମ୍ବାଟିଏ ଜୀସୁ ଏଞ୍ଜରାକ୍ ଏଲେଇଚେସି, “ନାନୁ ମିଙ୍ଗେ ଝେଞ୍ଜିମାଞ୍ଜାକ୍ ଜନ୍ମିନି ଦିନାତା ଏନାଆଁ କିନାୟି ଫେରା ମାନେ ? ନେହଁକିନାୟି କି ଲାଗେଏ କିନାୟି ? ଜୀହୁଡି ଗେଲ୍‌ପିନାୟି କି ନାସା କିନାୟି ?”

୧୦ ଅଡ଼େ ଏଞ୍ଜସି ସାରିଞ୍ଜାକି ଲକୁଣି ସିନିକିହାନା ଏଞ୍ଜାଣାକ୍ ଏଲେଇଚେସି, “ନୀ କେୟୁ ଦାହ୍‌ମୁ □” ଏମ୍ବାଟିଏ ଦାସ୍‌ସି, ଇଞ୍ଜା ଏଞ୍ଜାଣି କେୟୁ ନେହଁ ଆହାହାଚେ □

୧୧ ଏନାଆଁ ମେସାନା ଏଞ୍ଜାରି କାର୍‌ବି ଆହାହାଚେରି ଅଡ଼େ ଜୀସୁକ୍ ଏନିକିହାଲି ଆନେ ଇଞ୍ଜା ତାମ୍ବୁତାମ୍ବୁ କାତା ଆଡ଼େରି □

ଜୀସୁ ବାରଜାଣା ସୀସୁୟାଁକ୍ ଆଡ଼ିନାୟି

(ମାତି ୧୦:୧-୪; ମାର୍କ ୩:୧୩-୧୯)

୧୨ ଏଚିବେଲାତା ଏ ଦିନା ପ୍ରାତାନା କିହାଲି ହରୁ ଲାକ ହାଚେସି ଇଞ୍ଜା ଲାଆଁ ଝେୟେ ମାହାପୁରୁ ତାଣା ପ୍ରାତାନା କିଚେସି □

୧୩ ଲାକ୍ ଝେୟାଲିଏ ଏଞ୍ଜସି ତାନି ସୀସୁୟାଁ ତାଗେ ହାଟାନା ଏଞ୍ଜାରି ବିତ୍ରାଟି ବାରଜାଣାତି ଆଡ଼ିଚେସି; ଇଞ୍ଜା ଏଞ୍ଜରାକ୍ ପାଣ୍ଡୁଞ୍ଜି ଆଡ଼ାରି ଇଞ୍ଜା ଦରୁ ଇଚିଚେସି,

୧୪ ଏଞ୍ଜାରି ଆଡ଼େରି ସିମନ ଆମ୍ବାଆରାକ୍ ଏଞ୍ଜସି ପିତର ଦରୁ ହୀତେସି, ଅଡ଼େ ତାନି ତାୟି ଆହିୟ, ଜାକୁବ ଅଡ଼େ ଜହନ, ପିଲିପ, ବାର୍ତଲମି,

୧୫ ମାତିୟୁ ଅଡ଼େ ତମା, ଆଲେପି ମୀରୁଏସି ଜାକୁବ ଅଡ଼େ ସିମନ, ଆମିନି ଗାଟାଣାକ୍ ତାନି ଦେସାତି ଜୀହୁ ନନାସି ଇନେରି,

୧୬ ଜାକୁବ ମୀରୁଏସି ଜୀହୁଦା ଅଡ଼େ ଇୟାରିୟତ ଜୀହୁଦା, ଆମ୍ବାଆସି ଜୀସୁକ୍ ସାତୁ କେୟୁତା ହେରପିଚେସି □

ଜୀସୁଡି ଜାପୁନାୟି ଅଡ଼େ ରଗଟି ନେହଁକିନାୟି

(ମାତି ୪:୨୩-୨୫)

୧୭ ଅଡ଼େ ଏଞ୍ଜସି ଏଞ୍ଜାରିତଲେ ରେଟାଞ୍ଜାହାନା ନିମା ଗାଟି ଗାୟୁତା ନିଚେସି, ଇଞ୍ଜା ତାନି ହାଡ଼େକା ସୀସୁୟାଁ ଅଡ଼େ ବାରେ ଜୀହୁଦା ଦେସା ଜିରୁସାଲମ ଇଞ୍ଜା ସର ଅଡ଼େ ସିଦନ ଦାରିଟି ହାଡ଼େକା ଝାଡ଼େରି □

୧୮ ଏଞ୍ଜାରି ଜୀସୁଡି କାତା ଝେଞ୍ଜାଲି ଅଡ଼େ ତାମି ରଗଟି ନେହଁ ଆହାଲି ଝାହାମାଚେରି, ଅଡ଼େ ଆମିନି ଗାଟାରି ବୁଡୁୟାଁ ତାଣାଟି କସ୍ତ୍ର ବେଟାଆହି ମାଚେରି, ଏଞ୍ଜାରି ଜିକେଏ ନେହଁ ଆଚେରି;

୧୯ ବାରେଜାଣା ଏଞ୍ଜାଣାକ୍ ତୀଗାଲି ମନ୍ କିହିମାଚେରି, ଇଚିହଁ ଏଞ୍ଜାଣି ତାଣାଟି ବାଡ଼ୁୟୁ ହଡ଼ାନା ବାରେଜାଣାତି ନେହଁ କିହିମାଚେ □

ଆମ୍ବାଆରି ନେହେଁ

(ମାତି ୫:୧-୧୨)

୨୦ ଏଚିବେଲାତା ଜୀସୁ ତାନି ସୀସୁୟାଣି ସିନିକିହାନା ଏଲେଇଚେସି,

“ହିଲାଆଗାଟାଚେରି ମୀରୁ; ମିଙ୍ଗେ ନେହେଁ,

ଇଚିହଁ ମାହାପୁରୁ ରାଜି ମୀଦିଏ □

୨୧ ନୀଏଁ ହାକି ଗାଟାଚେରି ମୀରୁ; ମିଙ୍ଗେ ନେହେଁ,

ଇଚିହଁ ମୀରୁ ତାୟୁ ପାଞ୍ଜିଦେରି □

ନୀଏଁ ଡ଼ାହିମାନାଚେରି ମୀରୁ; ମିଙ୍ଗେ ନେହେଁ,

ଇଚିହଁ ମୀରୁ ତାୟୁ କାକ୍‌ଦେରି □”

୨୨ * “ଏଚେତା ଲକୁ ମିଙ୍ଗେ ଅପଅରି ଅଡ଼େ ମାଣ୍‌ସି ମୀରୁଏଣା ତାକି ଏଟକା କିୟାନେରି, ଅଡ଼େ ନିନ୍ଦା କିୟାନେରି ଇଞ୍ଜା ମୀ ଦରୁଡି ଲାଗେଏତାୟି ଇଞ୍ଜା ଅପଅରି, ଆତିହଁ ମୀରୁ ନେହେଁ □

୨୩ *ଏ ବେଲାତା ରାହାତଲେ ଏନାପୁ, ଏନିଇଚିହଁ ଲାକପୁରୁ ମିଙ୍ଗେତାକି ହାଡ଼େକା ଦାନା ମାନେ; ଅଡ଼େ

* ୨:୨ ୨:୨ ସିନଗର ☆ ୨:୨୨ ୨:୨୨ ଯିପତ ୪:୧୪ ☆ ୨:୨୩ ୨:୨୩ କାମା ୨:୫୨

ଏଲେକିହି ଏ ଏଞ୍ଜାରି ଆକୁ ଆବାୟାଁ ମାହାପୁରୁ ଅଣ୍ଟପୁତି ବଲୁ ଝେହ୍ନାରାଇଁ କିହିମାତେରି □

୨୪ “ସାମା ଆୟତା ଡଣ୍ଡ ବେଟାଆନ୍ତି ଦନ୍ ଗାଟାତେରି ମୀରୁ;

ମୀରୁ ମୀ ଅଣ୍ଟପିମାତି ସୁକୁ ବେଟା ଆହାମାଞ୍ଜେରି □

୨୫ ଆୟତା ଡଣ୍ଡ ବେଟାଆନ୍ତାତେରି ନୀର୍ବ ପାଞ୍ଜାମାନାତେରି ମୀରୁ;

ଇତିହିଁ ତାୟୁ ମୀରୁ ହାକି ଆଦେରି □

ଆୟତା ନୀର୍ବ କାକ୍‌ହି ମାନାତେରି ମୀରୁ;

ଇତିହିଁ ତାୟୁ ମୀରୁ ଦୁକୁ ଆହାନା ଡୀଦେରି □”

୨୬ “ଏତିବେଲା ବାରେ ଲକୁ ମିଙ୍ଗେ ନେହାଁତେରି ଇଞ୍ଜାନେରି, ଏତିବେଲା ଆୟତା ଡଣ୍ଡ ବେଟା ଆନ୍ତାତେରି; ଏଲେକିହିଁ ଏ ଏଞ୍ଜାରି ଆକୁ ଆବାୟାଁ ମିତି ବଲୁ ଝେହ୍ନାରାଇଁ କିହିମାତେରି □”

ସାତୁୟାଁଇଁ ଜୀଞ୍ଜୁନନ୍ଦାୟି

(ମାତି ୫:୩୮-୪୮; ୭:୧୨)

୨୭ ସାମା ମୀରୁ ଝେଞ୍ଜିମାଞ୍ଜେରି, ନାନୁ ମିଙ୍ଗେ ଝେସିମାଞ୍ଜାଇଁ, ମୀ ସାତୁୟାଁଇଁ ଜୀଞ୍ଜୁନଦୁ; ଆମ୍ବାଆରି ମିଙ୍ଗ ଅପଅରି ଏଞ୍ଜାରି ନେହଁ କିଦୁ;

୨୮ ଆମ୍ବାଆରି ମିଙ୍ଗ ବାକା ଇଟାନେରି, ଏଞ୍ଜାରାଇଁ ବର ହୀଦୁ; ଆମ୍ବାଆରି ମିଙ୍ଗେ ଲାଗେଏ କିହିଁ ଲେମ୍ବାନେରି ଏଞ୍ଜାରି କସମି ପ୍ରାତାନା କିଦୁ □

୨୯ ଆମ୍ବାଆସି ମିଙ୍ଗେ ର ଗେଏଲାତା ସାପ୍ରତା ଝେତାନେସି, ଏଞ୍ଜାଣାକି ଅର ଗେଏଲା ଜିକେଏ ଅଗାହୀଦୁ; ଇଞ୍ଜା ଆମ୍ବାଆସି ମୀ ହିମ୍ବୁରି ଅନେସି ଏଞ୍ଜାଣାଇଁ ମୀ ସକା ଜିକେଏ ଅହାଲି କାହିକିଆଦୁ □

୩୦ ଆମ୍ବାଆସି ମିଙ୍ଗେ ରାସ୍ତାନେସି, ଏଞ୍ଜାଣାକି ହୀଦୁ; ଇଞ୍ଜା ଆମ୍ବାଆସି ଦନ୍ ଅନେସି, ଏଞ୍ଜାଣାଇଁ ଝେଣ୍ଡେ ରାହିଆଦୁ □

୩୧ ☆ଲକୁ ମିଙ୍ଗେ ଏନିକଁ ଲେମ୍ବାପେରି ଇଞ୍ଜଁ ଅଣ୍ଟପିମାଞ୍ଜେରି, ମୀରୁ ଜିକେଏ ଏଞ୍ଜାରାଇଁ ଏଲେକିହିଁ ଲେମ୍ବାଦୁ □

୩୨ ଇଞ୍ଜା ଆମ୍ବାଆରି ମିଙ୍ଗେ ଜୀଞ୍ଜୁ ନନ୍ଦାନେରି, ଏଞ୍ଜାରାଇଁ ଜୀଞ୍ଜୁ ନଡ଼ିହିଁ ଏନି ବର ବେଟାଆଦେରି ? ଇତିହିଁ ପାପୁ ଗାଟାରି ଜିକେଏ ତାମ୍‌ଙ୍ଗେ ଜୀଞ୍ଜୁ ନନ୍ଦାରାଇଁ ଜୀଞ୍ଜୁ ନନେରି □

୩୩ ଅଡ଼େ ଆମ୍ବାଆରି ମିଙ୍ଗେତାକି ନେହଁ କିୟାନେରି, ମୀରୁ ଏଞ୍ଜାରି ନେହଁ କିଦେରି, ଆତିହିଁ ମୀରୁ ଏନି ବର ବେଟାଆଦେରି ? ଇତିହିଁ ପାପୁ ଗାଟାରି ଜିକେଏ ଏଲେକିନେରି □

୩୪ ଇଞ୍ଜା ଆମ୍ବାଆରି ତାଣାତି ବେଟାଆହାଲି ଆସା ମାନେ, ଏଞ୍ଜାରାକି ରାଣା ହୀତିସାରେ ମୀରୁ ଏନି ବର ବେଟାଆଦେରି ? ପାପୁ ଗାଟାରି ଜିକେଏ ସମାନା ଲେକାତଲେ ବେଟାଆହାଲି ପାପୁ ଗାଟାରାକି ରାଣା ହୀନେରି □

୩୫ ସାମା ମୀ ସାତୁୟାଁଣି ଜୀଞ୍ଜୁନଦୁ ଇଞ୍ଜା ଏଞ୍ଜାରି ନେହଁ କିଦୁ, ଝେଣ୍ଡେ ବେଟାଆହାଲି ଆସା କିଆନା ଉଦାରା ହୀଦୁ; ଆତିହିଁ ମିଙ୍ଗେତାକି କାଜା ଦାନା ମାନେ, ଇଞ୍ଜା ମୀରୁ କାଜା ମାହାପୁରୁତି ମୀରକା ଆଦେରି, ଇତିହିଁ ଏଞ୍ଜାସି ଜୀଞ୍ଜୁ ନଆଗାଟାରାଇଁ ଅଡ଼େ ପାପୁ ଗାଟାରାଇଁ ଜିକେଏ ଜୀଞ୍ଜୁ ନନ୍ଦାସି □

୩୬ ମୀ ଲାକପୁରୁତି ଆବା ଏନିକଁ କାର୍ମା ମେହ୍‌ନାସି ମୀରୁ ଜିକେଏ ଏଲେକିହିଁ ଏ କାର୍ମା ମେହ୍‌ନାତେରି ଆଦୁ □

ଏଟକା ତାରାଇଁ ନୀହାଁୟି କିଆଦୁ (ମାତି ୭:୧-୫)

୩୭ “ଅଡ଼େ ନୀହାଁୟି କିଆଦୁ, ଆତିହିଁ ମୀରୁ ମାହାପୁରୁ ତାଣା ନୀହାଁୟି କିଞ୍ଚି ଆଅତେରି; ଦହ୍ ଦହ୍‌ଆଦୁ, ଆତିହିଁ ମୀରୁ ମାହାପୁରୁ ତାଣା ଦହ୍ ଗାଟାତେରି ଆଅତେରି; ଦହ୍ ମ୍ଲେକ୍‌ଦୁ, ଆତିହିଁ ମାହାପୁରୁ ମୀ ଦହ୍ ଜିକେଏ ମ୍ଲେକ୍‌ହାନେସି;

୩୮ ହୀଦୁ ଆତିହିଁ ମିଙ୍ଗେ ଜିକେଏ ହୀପ୍‌କିଆନେ; ଲକୁ ମାଣାତି ନେଞ୍ଜିକିହାନା ଏଦାନି ନାବ୍‌ଗାନା ଦାକ୍‌ହାନା ତେଲି କିହାନା ମୀ ଅଟଡ଼ିତା ହିୟାନେରି; ଇତିହିଁ ଆମିନି ମାଣାତଲେ ଲାଡ଼ିଦେରି, ମିଙ୍ଗେ ଜିକେଏ ଏ ମାଣା ତଲେଏ ଲାଡ଼ା ହିୟାନେରି □”

୩୯ ☆ଏଞ୍ଜାସି ଏଞ୍ଜାରାଇଁ ର ପୁଣ୍ଡିକିନି କାତା ଜିକେଏ ଏଲେଇଚେସି, “ର କାଣା ଅର କାଣାଇଁ ଜିରୁ ତସାଲି ଆଡ଼ିନେସିକି ? ଏଞ୍ଜାରି ରିଆରି ଜିକେଏ ରହେଏ ଗାଡ଼ୟୁତା ତରଗଅରି କି ?

୪୦ ☆ସୀସୁ ତାନି ଗୁରୁ କିହାଁ କାଜାସି ଆଏ; ସାମା ବାରେଜାଣା ସୀସୁୟାଁ ନେହଁ କଁ ଜାପାଲି ଆଡ଼ିସାରେ ତାନି ଗୁରୁ ସମାନା ଆନେରି □”

୪୧ ଅଡ଼େ ଏନାଆଁତାକି ମୀ ତାୟି କାନୁତି ଲାଟା ସିନକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନାଣି ଏନାଆଁତାକି ଅଣ୍ଟପି ହିଲଅତି ?

୪୨ ନୀରୁ ନୀ କାନୁତା ମାନି କାଜା ଲାଟା ଅଣ୍ଟପାଆନା, ଏନିକଁ ନୀ ତାୟିଇଁ ଏଲେଇଞ୍ଜାଲି ଆଡ଼ିଦି, ତାୟି ଝାମୁ ନୀ କାନୁତା ମାନି ଲାଟା ଡେଞ୍ଜାଇଁ, ଆଡ଼େ କୁଚୁ ଗାଟାତି ତଲିଏ ନୀ କାନୁତି କାଜା ଲାଟା ଡେଞ୍ଜା କତାମୁ, ତାୟୁ ମୀ ତାୟି କାନୁତି ଲାଟା ନେହଁ କଁ ମେସାଲି ଆଡ଼ିଦି □

ମାରୁନୁ ଅଡ଼େ ତାନି ପାଡ଼େୟି (ମାତି ୭:୧୭-୨୦; ୧୨:୩୩-୩୫)

୪୩ “ଇତିହିଁ ଇଲେତି ଏନି ର ନେହଁ ମାରୁନୁ ହିଲେଏ, ଏମିନାୟି ଲାଗେଏତି ପାଡ଼େୟି ଆୟିନେ, ଅରଞ୍ଜାକି ଇଲେତି ଏନି ମାରୁନୁ ହିଲେଏ ଏମିନାୟି ନେହଁ ପାଡ଼େୟି ଆୟିନେ □

☆ ୨:୩୧ ୨:୩୧ ମାତି ୭:୧୨ ☆ ୨:୩୯ ୨:୩୯ ମାତି ୧୫:୧୪ ☆ ୨:୪୦ ୨:୪୦ ମାତି ୧୦:୨୪,୨୫; ଜହ୍ ୧୩:୧୭; ୧୫:୨୦ ☆ ୨:୪୪ ୨:୪୪ ମାତି ୧୨:୩୩

୪୪ *ଇତିହାସ ବାରେ ମାରକାଣି ତାନି ପାଡ଼େୟି ତଲେ ପୁନାୟି; ହାପକା ମାରନୁଟି ଲକୁ ତୟା ପାଡ଼େୟି ଏହଅରି, ଇଞ୍ଜା ହାପକା ବୁଟାଟି ଅକୁରି ପାଡ଼େୟି ଏହଅରି □

୪୫ *ନେହା ଲକୁ ନେହା ମନ ବିତ୍ରାଟି ନେହା କାତା ହପନେସି, ଇଞ୍ଜା ପଲୁଆ ଗାଗାସି ପଲୁଆ ମନ ବିତ୍ରାଟି ପଲୁଆ କାତା ହପନେସି; ଇତିହାସ ହିୟା ବିତ୍ରା ମାନାଣି ଗୁଡ଼ିଟି ଜଲିନେସି □

ରୀ ଇଲକା କେପିନାରି
(ମାତି ୭:୨୪-୨୭)

୪୬ ଅଡ଼େ ମୀରୁ ଏନାଆଁତାକି ନାକ୍ଷେ ପ୍ରୁ ପ୍ରୁ ଇଞ୍ଜା ମାଞ୍ଜାଦେରି, ସାମା ନା କାତା ମାନୁଞ୍ଜି ଆହି ହିଲଅତେରି ?

୪୭ ଆମ୍ବାଆସି ନା ତାଣା ଖାହାନା ନା କାତା ଖେଞ୍ଜାନା ବାରେ ମାନୁଞ୍ଜି ଆନେସି, ଏଞ୍ଜାସି ଏନିଲେହେତାସି, ନାନୁ ମିକ୍ଷେ ଖେସ୍ତାଇଁ □

୪୮ ଏଞ୍ଜାସି ଇଲେତି ର ଇଲୁ ଦହନିଲେହେତି ଲକୁ, ଏମିନିଗାଟାସି ଗାତି ଗାଡ଼ୟୁ କାରହାନା ପୁନାଦି ଖାଲକାତଲେ କାତି ନିପନେସି; କାଜା କାତା ଖାହାନା ଏ ଇଲୁତି ଗୁପିତେ, ଖାଲକାତଲେ ଇଲୁ ଦସାମାଟାକି କାତା ଇଲୁତି ଦାକହାଲି ଆଡ଼ାଆତେ □

୪୯ ସାମା ଆମ୍ବାଆସି ଖେଞ୍ଜାନା ମାନୁଞ୍ଜି ଆଅସି ଏଞ୍ଜାସି ଗାଡ଼ୟୁଟିଏ ପୁନାଦି କିଆନା ଇରଥା ଲାକ ଇଲୁ କିହାମାନି ଲକୁ ଲେହେତାସି; କାଜା କାତା ଖାହାନା ଇଲୁତି ଗୁପାଲିଏ ଦେବୁଣିଏ ଇଲୁ ରିହା ହାଚେ ଇଞ୍ଜା କୁଡ଼ପୁନାସା ଆହାହାଚେ □



ଜୀସୁ ର ରମିୟ ହଲେଏଣାଇଁ ନେହା କିନାୟି
(ମାତି ୮:୫-୧୩)

୧ ଜୀସୁ ଲକୁ ନକିତା ବାରେ କାତା ଖେସାଲି ରାପୁହାଲିଏ କପରନାହୁମ ଗାଡ଼ାତା ହାଚେସି □

୨ ଏତିବେଲାତା ରଅସି ପାସାକଡ଼ି କସକା ମୁହେଁ କାଜାଣା ହଲେଏସି ହାନିଲେହେଁ ନମେରି ଆହାମାଚେସି; ଏ ହଲେଏଣାଇଁ ଏଞ୍ଜାସି ହାଚେକା ଜୀସୁ ନହା ମାଚେସି □

୩ ଏଞ୍ଜାସି ଜୀସୁ କାତା ଖେଞ୍ଜାନା, ଏଞ୍ଜାସି ଏନିକ୍ ଖାହାନା ତାନି ହଲେଏଣାଇଁ ନେହା କିନେସି, ଇଦାଆଁତାକି ଜୀହୁଦି ଲକୁତି କାଜାରି ବିତ୍ରାଟି ଏଚରଜାଣାତି ଏଞ୍ଜାଣି ତାଣା ପାଣ୍ଡାନା ବାତିମାଲିତେସି □

୪ ଏଞ୍ଜାରି ଜୀସୁ ତାଣା ଖାହାନା ହାଚେକା ବାତିମାଲିହା ଖେସ୍ତେରି, “ଏଞ୍ଜାସି ନୀ ତାଣାଟି ହାଚେକା ସାୟେମି ବେଟାଆହାଲି ପାଡ଼ା ଆନାସି;

୫ ଇତିହାସ ଏଞ୍ଜାସି ମା ଜୀହୁଦି ଲକୁଣି ଜୀସୁ ନନେସି ଅଡ଼େ ତାନୁଏ ମାକ୍ଷେତାକି ଜୀହୁଦି ଲକୁଡ଼ି କୁଟି ଇଲୁ* କିହାମାନେସି □”

୬ ଏମ୍ବାଟିଏ ଜୀସୁ ଏଞ୍ଜାରିତଲେ ହାଚେସି, ଏଞ୍ଜାସି କାଜାଣି ଇଲୁଟିଏ ହିରେ ହେକ ମାଟାଟିଏ, କସକା ମୁହେଁ

କାଜାସି ତାନି ତଣେସିକାଣି ଖେସା ପାଣ୍ଡିତେସି, “ଏ ପ୍ରୁ ନାନୁ ଅଡ଼େ କସ ପୁଃଆନିଦେ; ଇତିହାସ ନାନୁ ନା ଇଜ ପାଞ୍ଜୁଲି ଇଟିଦି ଇଲେକ୍ ପାଡ଼ାଆଆତାଚେସି;

୭ ଇଦାଆଁତାକି ନାନୁ ନୀ ତାଣା ଖାହାଲି ପାଡ଼ାଆଆଁ ଇଞ୍ଜା ଅଣ୍ଡିତେସି; ସାମା ନାନୁ ର ପଦୁ ଖେସା ପାଣ୍ଡାନୁ ନା ହଲେଏସି ନେହା ଆନେସି □

୮ ଇତିହାସ ନାନୁ ରଅଣି ତାଣା କାମା କିନି ମାଣ୍ଡି ଆଡ଼ିହା ଜିକେଏ ନା ଅଦିକାରାତା ଅଡ଼େ କସକା ମାନେରି; ଅଡ଼େ ନାନୁ ରଅଣାଇଁ ହାଲାନୁ ଇତିହାସ ହାନେସି; ରଅଣାଇଁ ଖାମୁ ଇତିହାସ ଖାନେସି; ଇଞ୍ଜା ନା ହଲେଏଣାଇଁ ଇଦାଆଁ କିମୁ ଇତିହାସ ଏଞ୍ଜାସି କିନେସି □”

୯ ଜୀସୁ ଇ ବାରେ କାତା ଖେଞ୍ଜାନା କାବା ଆଚେସି, ଅଡ଼େ ଜେଚ ଖାହିମାନି ଲକୁଖାକି ସିନିକିହାନା ଏଲେଇଚେସି, “ନାନୁ ମିକ୍ଷେ ଖେସିମାଞ୍ଜାଇଁ ଇସ୍ତାୟେଲ ଲକୁ ବିତ୍ରା ଜିକେଏ ନାନୁ ଇଲେତି ନାମୁ ମେସାହିଲଅଁ □”

୧୦ ଅଡ଼େ ପାଣ୍ଡୁଞ୍ଜି ଆହାମାଟି ଲକୁ ଇଜ ଖାହାନା ହଲେଏସି ନେହା ଆହାମାନାଣି ମେସ୍ତେରି □

ରାଣ୍ଡେଣି ଇୟାନି ମୀରୁଏଣାଇଁ ଜୀସୁ ହୀନାୟି

୧୧ ଏମ୍ବାଟିଏ ନାଇନ ଦରୁଗାଟି ଗାଡ଼ାତା ହାଚେସି, ତାନି ସୀସୁୟାଁ ଇଞ୍ଜା ହାଚେକା ଲକୁ ଏଞ୍ଜାଣିତଲେ ହାଜିମାଚେରି □

୧୨ ଏଞ୍ଜାସି ଗାଡ଼ାଟି ଗଲିମୁଗାତା ଏଜାଲିଏ ଲକୁ ର ମାଡ଼ହାତି ପାଞ୍ଜାତା ଡେକା ତାଟି ମାଚେରି, ଏଞ୍ଜାସି ତାନି ଇୟାନି ରଣ୍ଡିଏ ମୀରୁଏସି ମାଚେସି, ଇଞ୍ଜା ଏ ଇୟା ରାଣ୍ଡେଣି ମାଚେ; ଅଡ଼େ ଗାଡ଼ାଟି ହାଚେକା ଲକୁ ଏଦାନିତଲେ ମାଚେରି □

୧୩ ଏଦାନି ମେସାନା ଜୀସୁ ହାଚେକା କାର୍ମା ଅଣ୍ଡପାନା ଏଦାନି ଏଲେଇଚେସି, “ଡ଼ାଆନି □”

୧୪ ଅଡ଼େ ଏଞ୍ଜାସି ତାଗେ ହାଜାନା ଡେକାମାଟି ଚେଚେଣିତି ତୀଗିତେସି, ଇଞ୍ଜା ଡେକା ଅହିମାଟି ଲକୁ ନିଚାଲିଏ ଜୀସୁ ଏଲେଇଚେସି, “ଆଡ଼େ ଦାଂଗ୍‌ଶେଣାଟି! ନାନୁ ଏଲେଇଞ୍ଜିମାଞ୍ଜାଇଁ ନିକ୍ଷାମୁ □”

୧୫ ଏଚେଟିଏ ହାହାମାଟି ଦାଂଗ୍‌ଶେଏସି ନିକ୍ଷାନା କୁଗିତେସି ଇଞ୍ଜା ଜଲିତେସି, ଇଞ୍ଜା ଏଞ୍ଜାସି ତାନି ଇୟାନି କେୟୁତା ହେରପିତେସି □

୧୬ ଏଚେଟିଏ ବାରେଜାଣା ଆଜିତାକି ମାହାପୁରୁଇଁ ଜହରା କିହା ଏଲେଇଚେରି; “ମା ବିତ୍ରା ର ମାହାପୁରୁ ଅଣ୍ଡପୁଡ଼ି ବଲୁ ଖେହନାସି ହଚାମାନେସି, ଇତିହାସ ମାହାପୁରୁ ତାନି ଲକୁଣି କାର୍ମା ମେସାମାନେସି □”

୧୭ ଇଞ୍ଜା ଜୀସୁ କିତି ଇ କାତା ବାରେ ଜୀହୁଦା ଦେସାତା ଅଡ଼େ ସାରିସୁଟୁ ମାନି ରାଜିତା ଖେଞ୍ଜାହାଚେ □

ବାପ୍ତିସ୍ମା ହାନି ଜହନତି କାରୁ ଖେହନାରି
(ମାତି ୧୧:୨-୧୯)

☆ ୨:୪୫ ୨:୪୫ ମାତି ୧୨:୩୪ * ୭:୫ ୭:୫ ସିନଗର † ୭:୧୭ ୭:୧୮ ମୁଞ୍ଜିନାୟି ‡ ୭:୧୮ ୭:୧୮ ମୁଞ୍ଜିନାୟି

୧୮ ତାମ୍ଭେ ବାପ୍ତିସ୍ମାଃ ହାନି ଜହନତି ସୀସୁୟାଁ ଇ ବାରେ କାତା ଏଞ୍ଜାଣାଇଁ ଝେସ୍ତେରି □

୧୯ ଏଚେଟିଏ ଜହନ ତାନି ରୀ ସୀସୁୟାଁ ତାଗେ ହାଟାନା ପ୍ରବୁ ତାଣା ଏଲେଇଞ୍ଜା ପାଣ୍ଡିତେସି, “ଆମ୍ବାଆସି ଖାନାୟି ମାଚେ, ନାନୁଏ ଏଞ୍ଜାତିକି, ଆଆତ୍ ମାମ୍ବୁଅର ରଅଣାଇଁ କାଃଆନମି ?”

୨୦ ଏଞ୍ଜାରି ଜୀସୁ ତାଣା ଖାହାନା ଏଲେଇଚେରି, “ବାପ୍ତିସ୍ମାଃ ହାନି ଜହନ ମାଚେ ଏଲେଇଞ୍ଜା ପାଣ୍ଡିତେସି, ଆମ୍ବାଆସି ଖାନାୟି ମାଚେ ଏଞ୍ଜାତି ନାନୁଏ କି ଆଆତ୍ ମାମ୍ବୁଅର ରଅଣାଇଁ କାଃଆନମି ?”

୨୧ ଏଚିବେଲା ଏଞ୍ଜାସି ହାରେକା ରଗ, କସ୍ତ ଅଡ଼େ ପଲ୍ଲଆ ବୁଡୁୟାଁ ତାଣାଟି ହାରେକା ଲକୁଣି ନେହଁ କିତେସି, ଇଞ୍ଜା ହାରେକା କାଣ୍ଡକା ମେହ୍‌ଆଗାଟାରାଇଁ ମେହ୍‌ନି ବାଡ଼ୁୟାଁ ହାତେସି □

୨୨ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁ ହାଜାନା ଏନା ଏନାଆଁ ମେସାମାଞ୍ଜେରି ଅଡ଼େ ଝେଞ୍ଜାମାଞ୍ଜେରି, ଏ ବାରେ ଜହନଇଁ ଝେହ୍‌ଦୁ; କାଣ୍ଡକା ମେହ୍‌ଆଗାଟାରି ମେସାଲି ଆଡ଼ିମାନେରି, ସଟାୟାଁ ତାକାଲି ଆଡ଼ିମାନେରି, କାଜା ରଗ ଗାଟାରି ନେହଁ ଆହିମାନେରି, ବେରାୟାଁ ଝେଞ୍ଜିମାନେରି, ହାଡ଼ାରି ନୀତିମାନେରି, ଅଡ଼େ ହିଲାଆ ଗାଟାରି ନେହଁ କାରୁ ଝେଞ୍ଜିମାନେରି;

୨୩ ନା ତାଣା ଆମ୍ବାଆରି ଆନାମାନା ଆଆନା ନାମାନେରି, ତାମ୍ବେଏ ନେହେଁ □”

୨୪ ଜହନ ସୀସୁୟାଁ ହାଜାଲିଏ, ଜୀସୁ ଲକୁଣି ଜହନତି କାତା ଏଲେଇଚେସି, “ଏଚିବେଲା ବାଃଲି ବାଟାତା ମୀରୁ ହାଜାମାଚେରି, ଏମ୍ବାଆଁ ଏନାଆଁ ମେସାଲି କାଟାମାଚେରି ? ଏନାଆଁ ଗାଲି ତଲେ ଖାଲିମାନି ତାଣ୍ଡିତି ?

୨୫ ଏଦାଆଁ ଆଆତିହଁ ଏନାଆଁ ମେସାଲି ହାଜାମାଚେରି ? ନେହଁ ଅଜିତି ପାଡ଼ାଡ଼ା ହିମ୍ବୁରି ହୁଟାମାନି ର ମାଣ୍ଡିଲି ? ମେହ୍‌ଦୁ ଆମ୍ବାଆରି ନେହଁ ନେହଁ ହିମ୍ବୁରିକା ହୁଟାନା ସୁକୁ ତଲେ ତୁୟିନାରି ଏଞ୍ଜାରି ରାଜା ଗାଡ଼ାତା ତୁୟିନେରି □

୨୬ ଏଦାଆଁ ଆଆତ୍ ଏନାଆଁ ମେସାଲି ହାଜାମାଚେରି ? ଏନାଆଁ ର ମାହାପୁରୁ ଅଣ୍ଡପୁତି ବଲୁ ଝେହ୍‌ନାଣାଇଁ ? ନାନୁ ମିଚେ ସାତା ଝେସିମାଞ୍ଜାଇଁ, ମାହାପୁରୁ ବଲୁ ଝେହ୍‌ନାରି କିହାଁ କାଜାଣାଇଁ □

୨୭ ଆମ୍ବାଆରି କାତା ରାସ୍‌କି ଆହାମାନେ, ‘ହେଶୁ ନାନୁ ନା କାରୁ ଝେହ୍‌ନାଣାଇଁ ନୀ ନକିତା ପାଣ୍ଡିମାଞ୍ଜାଇଁ, ଏଞ୍ଜାସି ନୀ ନକିତା ଜିରୁ ତିୟାରା କିନେସି, ଏଞ୍ଜାସି ଏ ମାଣ୍ଡିସି □’

୨୮ ନାନୁ ମିଚେ ସାତା ଝେସିମାଞ୍ଜାଇଁ ଇୟାନି ବାଣ୍ଡିତି ଜାନାଁ ଆହାମାନାରି ବିତ୍ରା ଜହନ ବାରେକିହାଁ କାଜାସି; ଆଡ଼ିଜିକେଏ ମାହାପୁରୁ ରାଜିତା ଆମ୍ବାଆସି ଉଣା ଏଞ୍ଜାସି ଏଞ୍ଜାଣି କିହାଁ କାଜାସି □”

୨୯ ✠ବାରେଜାଣା ଇ କାତା ଝେଞ୍ଜାନା, ସିସୁରୀହ୍‌ନାରି ଜିକେଏ ଜହନ ତାଣାଟି ବାପ୍ତିସ୍ମା* ଅହାମାଚାକି ମାହାପୁରୁଇଁ

ସାତା ଇଞ୍ଜାଁ ଇଚେରି;

୩୦ ସାମା ପାରୁସିୟାଁ ଅଡ଼େ ମେରାପୁନାରି ଏଞ୍ଜାଣି ତାଣାଟି ବାପ୍ତିସ୍ମାଃ ପୁଃଆନାହାଁ ତାମ୍ବେ ତାକି ମାହାପୁରୁ ଅଣ୍ଡପିମାଚାଣି କୂତେରି □

୩୧ “ଇ କାଲାତି ଲକୁଣି ଆମ୍ବାଆରି ତଲେ ତୁକ୍‌ଇଁ, ଇଞ୍ଜା ଏଞ୍ଜାରି ଆମ୍ବାଆରି ଲେହେଁ ?

୩୨ ଏମିନି କକାରି ହାଟା ବାଜାରାତା କୁଗାନା ତାମ୍ବୁ ଏଲେଇଶ୍‌ମି ଆନେରି, ‘ମାମ୍ବୁ ମୁଜାତାକି ପୀରୁଡ଼ି ଉକିତମି, ମୀରୁ ଏଦାଆଚେରି; ମାମ୍ବୁ ଦୁକୁତଲେ ତୀତମି ମୀରୁ ତୀଆଚେରି □’ ଏଞ୍ଜାରି ଇଲେତାରି ଇଞ୍ଜାଁ ଜୀସୁ ଝେସ୍ତେସି □

୩୩ ଇଚିହଁ ବାପ୍ତିସ୍ମାଃ ହାନି ଜହନ ଖାହାନା ରାନ୍ଦା ତିନାଆଚେସି କି ଅଲ୍ଲୁରି ରାସା ଗହ୍‌ଆଚେସି, ଅଡ଼େ ମୀରୁ ଏଲେଇଚେରି, ‘ଏଞ୍ଜାଣାଇଁ ବୁଡୁ ଆଲ୍‌ଗାମାଚେ □’

୩୪ ମାଣ୍ଡିସି ମୀରୁଏସି ଖାହାନା ରାନ୍ଦା ତିଚେସି ଉଚେସି, ଅଡ଼େ ମୀରୁ ଏଲେ ଇଞ୍ଜିମାଞ୍ଜେରି, ‘ମେହ୍‌ଦୁ ଇଞ୍ଜାସି ଟିଶ୍‌କାଞ୍ଜୁ, କାଡ଼ବୁଡୁ, ସିସୁରୀହ୍‌ନାରି ଅଡ଼େ ପାପୁ ଗାଟାରି ତଣେଏସି □’

୩୫ ମାହାପୁରୁତି ବୁଦି ତାନି ବାରେ ମୀରୁକା ତାଣାଟି ସାତା ଇଞ୍ଜାଁ ତଞ୍ଜାଆନେ □”

ପାରୁସି ସିମନ ଇଜ ଜୀସୁ ହାନାୟି

୩୬ ଅଡ଼େ ପାରୁସିୟାଁ ବିତ୍ରାଟି ରଅସି ଜୀସୁଇଁ ତାନି ଇଜ ତିଞ୍ଜାଲି ଏଲେଇଚେସି, ଏମ୍ବାଟିଏ ଜୀସୁ ଏ ପାରୁସି ଇଜ ହଡାନା ରାନ୍ଦା ତିଞ୍ଜାଲି କୁଗିତେସି □

୩୭ ✠ମେହ୍‌ଦୁ ଏ ଗାଡ଼ାତା ପାପୁଗାଟି ର ଇୟା ମାଚେ; ଜୀସୁ ପାରୁସିୟାଁ ଇଜ ତିଞ୍ଜାଲି କୁଗାମାନେସି ଇଞ୍ଜାଁ ପୁଞ୍ଜାନା ଏଦି ର ଗାଜୁତା ଗାନ୍ଦାଗାଟି ନିୟୁଁ ତାଚାନା,

୩୮ ତାମ୍ଭେଖାକି ଜୀସୁ କତାୟାଁଦାରି ନିଚାନା ତାହି ତାହି କାଣ୍ଡୁ ବକ୍‌ହାନା ଏଞ୍ଜାଣି ପାଃଆନାୟାଁ ଉଦି କିହାନା ତାନି ତାୟାଁ ବାଣାୟାଁ ତଲେ ଜୀସୁ ପାଃଆନାୟାଁ କେଜିହଁ ଏଞ୍ଜାଣି ପାଃଆନାୟାଁ ନଶ୍‌ତିଚେ ଅଡ଼େ ଗାନ୍ଦା ନିୟୁଁ ରୁବିଚେ □

୩୯ ଏଦାଆଁ ମେସାନା ଆମିନି ପାରୁସି ହାଟାମାଚେସି, ଏଞ୍ଜାସି ମନ ମନତା ଅଣ୍ଡପିଚେସି, “ଇଞ୍ଜାସି ମାହାପୁରୁ ଅଣ୍ଡପୁତି ବଲୁ ଝେହ୍‌ନାସି ଆହାମାଚିହଁମା, ତାଚେ ତୀଗିମାନି ଇୟାଟି ଏନିଲେହେଁତାୟି ପୁଚେସିମା, ଇଚିହଁ ଏଦି ପାପୁ ଗାଟାୟି □”

୪୦ ଜୀସୁ ଏଞ୍ଜାଣାଇଁ ଏଲେଇଚେସି, “ଆଡ଼େ ସିମନ ନାନୁ ନିଚେ ର କାତା ଝେସ୍ତାନାୟିମାନେ □”

ଏଞ୍ଜାସି ଏଲେଇଚେସି, “ହାଅ ପ୍ରବୁ ଝେସ୍ତାମ୍ବୁ □”

୪୧ “ର ସାଞ୍ଜୁକାରି ତାଣା ରିଆରି ରୀଣାଗାଟାରି ମାଚେରି; ରଅସି ପାସାଞ୍ଜା ଅଡ଼େ ରଅସି ରୀ କଡ଼ି ଦସଟାକା ରୀଣା ଗାଟାସି □

§ ୭:୨୦ ୭:୨୦ ମୁଞ୍ଜିନାୟି ✠ ୭:୨୯ ୭:୨୯ ମାତି ୨୧:୩୨; ଲୁକ ୩:୧୨ ମୁଞ୍ଜିନାୟି ✠ ୭:୩୭ ୭:୩୭ ମାତି ୨୭:୭; ମାର୍କ ୧୪:୩; ଜହ ୧୨:୩

* ୭:୨୯ ୭:୨୯ ମୁଞ୍ଜିନାୟି † ୭:୩୦ ୭:୩୦ ମୁଞ୍ଜିନାୟି ‡ ୭:୩୩ ୭:୩୩

୪୨ ଏଞ୍ଜେଲ ରୀଣା ଡିକହାଲି ଆଡାଆଲିଏ, ଏଞ୍ଜେଲି ସାଞ୍ଜୁକାରି ରିଆରି ରୀଣାତି ଜିକେଏ ପିସାଡୁସ୍ତେସି □ ଇଞ୍ଜା ଏଞ୍ଜେଲି ବିଡ୍ରାଟି ଆମ୍ବାଆସି ଏଞ୍ଜେଲାଇଁ ହାରେକା ଜୀଞ୍ଜୁ ନନେସି ?”

୪୩ ସିମନ ଏଲେଇଚେସି, “ନା ଅଣ୍ଟପୁତା ଆମ୍ବାଆରାକି ଗାଡି ରୀଣା ପିସପିଆଡେ ଏଞ୍ଜେସି □”

ଜୀସୁ ଏଲେଇଚେସି, “ନୀନୁ ନେହଁ ଅଣ୍ଟପାମାଞ୍ଜି □”

୪୪ ଅଡେ ଏଞ୍ଜେସି ଏ ଇୟାନିଞ୍ଜାକି ସିନିକିହାନା ସିମନଇଁ ଏଲେଇଚେସି, “ଇ ଇୟାନି ମେସିମାଞ୍ଜି ? ନୀନୁ ମୀ ଇଜ ଖାଡେଏଁ, ନା କଡାୟାଁ ତାକି ଏୟୁ ହିୟାଆତି, ସାମା କାଣ୍ଡୁତୁଲେ ନା ପାଞ୍ଜାଆନାୟାଁ ଉଦି କିହାନା ତାନି ତାୟାଁ ବାଣାୟାଁ ତଲେ ଜେଜାତେ □

୪୫ ନୀନୁ ନାଜେ ନଣ୍ଡାଆତି ? ସାମା ନୀନୁ ବିଡ୍ରା ଖାଞ୍ଜନିଏ ନା ପାଞ୍ଜାଆନାୟାଁ ନଣ୍ଡାଲି ପିସିମାଞ୍ଜେଏ □

୪୬ ନୀନୁ ନା ତାୟାଁ ତୁ ନିୟୁଁ ରୁବାଆତି ? ସାମା ଇଦି ନା ପାଞ୍ଜାଆନାୟାଁ ଗାନ୍ଦା ନିୟୁଁ ରୁବାତେ □

୪୭ ଇଦାଆଁତାକି ନୀନୁ ନିଜ୍ଞ ଖେସିମାଞ୍ଜାଇଁ, ଇଦାନି ହାରେକା ପାପୁ ମେଣ୍ଟାମାନେ ଏଦାଣିତାକି ଏଦି ହାରେକା ଜୀଞ୍ଜୁନହଁ ମାଞ୍ଜାନେ; ସାମା ଆମ୍ବାଆରାକି ଉଣା ପାପୁ ମେଣ୍ଟାମାନେ ଏଞ୍ଜେସି ଉଣା ଜୀଞ୍ଜୁ ନନେସି □”

୪୮ ଅଡେ ଜୀସୁ ଏ ଇୟାନି ଏଲେଇଚେସି, “ନୀ ପାପୁ ବାରେ ମେଣ୍ଟାମାନେ □”

୪୯ ଏମ୍ବାଟିଏ ଏଞ୍ଜେଣିତଲେ ଡିଞ୍ଜାଲି କୁଗାମାଚାରି ମନ ମନତା ଏଲେଇଚେସି, “ପାପୁ ଜିକେଏ ମେଣ୍ଟା କିହିମାନେସି ଇଞ୍ଜେସି ଆମ୍ବାଆସି ?”

୫୦ ସାମା ଜୀସୁ ଏ ଇୟାନି ଏଲେଇଚେସି, “ନୀ ନୀନୁ ନିଜେ ଗେଲ୍‌ପାମାଞ୍ଜାନେ; ହିଡ଼ଡି ତଲେ ହାଲୀମୁ □”

┌

ଜୀସୁତଲେ ଡିୟିନି ଇୟାସିକା

୧ ଏଚରଦିନା ତାୟୁ ଜୀସୁ ଗାଡାତାକି ଗାଡା ନାୟୁଁ ତାକି ନାୟୁଁ ରେଜିହଁ ମାହାପୁରୁ ରାଜିତି ନେହଁ କାଡୁ ଖେକହେସି, ଅଡେ ବାରଜାଣା ସୀସୁୟାଁ ଏଞ୍ଜେଣିତଲେ ମାଚେରି,

୨ ଅଡେ ଏମିନିଗାଟି ଇୟାସିକା ପଲ୍‌ଆ ବୁଡୁୟାଁ ତାଣାଟି ରଗଟି ନେହଁ କିଞ୍ଜି ଆହାମାଡୁ, ଇଚିହଁ ମଗ୍‌ଦଲିନି ମରିୟମ, ଆମ୍ବାଆରି ତାଣାଟି ସାଡାଗାଟା ବୁଡୁୟାଁ ହଚାହାଜାମାଡୁ,

୩ ହେରଦ ଇଜତି ଗୁମୁସ୍ତା କୁଜା ଅଡେ ତାନି ଡକ୍ତି ଜହାନା, ସସାନା ଅଡେ ହାରେକା ଇୟାସିକା ଏଞ୍ଜେଣିତଲେ ମାଞ୍ଜାନା ତାନି ଦନ ହୀହାନା ଏଞ୍ଜେରି ସେବା କିହିମାଡୁ □

ବିଚା ମାଟିନି ପୁଣ୍ଡିକିନି କାତା

(ମାଡି ୧୩:୧-୧୯; ମାର୍କ ୪:୧-୯)

୪ ଲକୁ ବାରେ ଗାଡାୟାଁଟି ଖାହିମାଚାକି ହାରେକା ଲକୁ ଏଞ୍ଜେଣି ତାଣା ରୁଣ୍ଡା ଆଡେରି ଇଞ୍ଜା ଏଞ୍ଜେସି ଏଞ୍ଜେରାଇଁ ପୁଣ୍ଡିକିନି କାତାତଲେ ଖେସ୍ତେସି □

୫ “ରଅସି ବିଚା ମାଟିନାସି ବିଚା ମାଟାଲି ହଡେସି □ ଏଞ୍ଜେସି ମାଟି ମାଟିହଁ କଚେକା ବିଚା ଜିରୁତା ରୀତେ ଏଦାଆଁ ଲକୁ ଖିସାଡୁସ୍ତେରି, ଅଡେ ହାଗୁ ଲାକ ଉମ୍ବିନି ପଟା କାଟି ପେର୍‌ହା ତିରୁ □

୬ ଅଡେ କଚେକା ଖାଲକା ଲାକ ରୀତେ, ଇଞ୍ଜା ନେୟାନା ବୁମି ଅଲୁ ହିଲୀଆତାକି ଖାୟାହାଚେ □

୭ ଅଡେ କଚେକା ହାପ୍‌କା ବୁଟାତା ରୀତେ, ଇଞ୍ଜା ହାପ୍‌କା ବୁଟା ପାତାଆହାନା ଆନାଁ ତାକିତି ପୁକହାଡୁସ୍ତେ □

୮ ଅଡେ କଚେକା ବିଚା ନେହଁ ବୁମିତା ରୀତେ, ଇଞ୍ଜା ପାତାଆହାନା ପାସାକଡି ପାଡେୟି ଆୟିତେ □” ଏଚେଟିଏ ଜୀସୁ କାଜା ଗିୟାତଲେ ଏଲେଇଚେସି, “ଆମ୍ବାଆରାକି ଖେଞ୍ଜାଲି କାର୍କା ମାନୁ ଏଞ୍ଜେରି ଖେଣ୍ଡାରି □”

ପୁଣ୍ଡିକିନି କାତାତି ଅଣ୍ଟପୁ

(ମାଡି ୧୩:୧୦-୧୭; ମାର୍କ ୪:୧୦-୧୭)

୯ ତାନି ସୀସୁୟାଁ ଇ ପୁଣ୍ଡିକିନି କାତାତି ଅର୍ତ ଏନାୟି ଇଞ୍ଜାଁ ଖେଚେରି,

୧୦ ଏଞ୍ଜେସି ଏଲେଇଚେସି, “ମାହାପୁରୁ ରାଜିତି କାତା ପୁଞ୍ଜାଲି ମିଜେ ବାଡୁୟୁ ହାପ୍‌କି ଆହାମାନେ, ସାମା ଏଟ୍‌କା ତାରାଇଁ ପୁଣ୍ଡିକିନି କାତାତଲେ ଖେସ୍‌ପିଆନେ, ଇଚିହଁ ଏଞ୍ଜେରି ମେସି ମେସିହଁ ମେହ୍‌ଅରି ଅଡେ ଖେଞ୍ଜିଖେଞ୍ଜି ତେଲ୍‌ହଅରି □”

ଜୀସୁ ବିଚା ମାଟିନି କାତାତି ପୁଣ୍ଡିକିନାୟି

(ମାଡି ୧୩:୧୮-୨୩; ମାର୍କ ୪:୧୩-୨୦)

୧୧ ପୁଣ୍ଡିକିନି କାତା ଅର୍ତ ଇଦି, ବିଚା ମାହାପୁରୁ ବଲୁ,

୧୨ ଜିରୁ ଦାରିତି ପାଡେୟି ଇଲେତାରି, ଏଞ୍ଜେରି ମାହାପୁରୁ କାତା ଖେନେରି; ତାୟୁ ସୟତାନ ଖାହାନା ଏଞ୍ଜେରି ଏନିକଁ ନାମାଆପେରିଞ୍ଜା ଅଡେ ଗେଲ୍‌ପି ଆଆପେରିଞ୍ଜା ଇଞ୍ଜାଁ ଏଞ୍ଜେରି ହିୟାତା ଖେଞ୍ଜାମାନାଣି ମାଞ୍ଜାଅନେ □

୧୩ ଖାଲକା ବୁମିତା ରିତି ଲକୁ ଇଲେତାରି, ଏଞ୍ଜେରି କାତା ଖେଞ୍ଜାନା ରାହାଁଟି ଆହନେରି; ଏଞ୍ଜେରିତାଣା ହୀରୁ ଜୀଆତାକି ଗାଡେକା ତାକି ନାମିନେରି, ଅଡେ ତାୟିପାରି କିନାୟି ଖାଡିସାରେ ମାହାପୁରୁଇଁ ପିସା ତୁହନେରି □

୧୪ ଅଡେ ହାପ୍‌କା ବୁଟାତା ରିତି ଲକୁ ଇଲେତାରି ଆମିନି ଗାଟାରି ମାହାପୁରୁ କାତା ଖେଞ୍ଜାନା ଦାର୍‌ତିତି ଦୁକୁ କାକୁଲି, ଦନତି ଜୁପ୍‌କା ଅଡେ ଦାର୍‌ତିତି ରାହାଁ ଏଞ୍ଜେରାଇଁ ପୁକହାଡୁସାମାନାକି ନେହଁ କଁ କାମ୍ବାଲି ଆଡଅରି □

୧୫ ନେହଁ ବୁମିତା ରିତି ପାଡେୟି ଇଲେତାରି, ଏମିନିଗାଟାରି ନେହଁ ସୁଡୁଜୀଞ୍ଜୁ ହିୟାଟି କାତା ଖେଞ୍ଜାନା ଆହନେରି, ଅଡେ ବାରେ ଅର୍‌ହାନା କାମା କିହାନା ପାଡେୟି ଆୟିନେରି □

ମାଣା ପୁକ୍‌ହି ଦୀଞ୍ଜି

(ମାର୍କ ୪:୨୧-୨୫)

୧୬ *ଦୀର୍ଘ ଡ଼ାସାନା ଆମ୍ବାଆରି ମାଣା ପୁକ୍‌ହାନା କି କାଟେଲି ଡ଼କ୍କା ଇଟଅରି, ସାମା ଦୀର୍ଘ ସଡ଼ାତା ଇଟିନେରି, ଏନିକ୍ ଇଜ଼ାନି ଲକୁ ଉଜେଡ଼ି ମେହ୍‌ନେରି □

୧୭ *ଡ଼ଗୁମାନାୟି ଏନାୟି଼ା ହିଲେଏ, ଏନାୟି ଡ଼ଞ୍ଜା ଆଏ ଇଲେକ୍ ଏନାୟି ଜିକେଏ ହିଲେଏ, ଷ୍ଟେସପି ଆହାନା ଡ଼ଞ୍ଜା ଆଏ ଇଲେତି ଡ଼ଗୁମାନାୟି ଏନାୟି ହିଲେଏ □

୧୮ ଏନିକ୍ ଷ୍ଟେଞ୍ଜାମାଞ୍ଜେରି ଏଦାଆଁତାକି ଜାଗ୍ରାତା; ଇଟିହ୍ ଆମ୍ବାଆରା଼ାୟି ମାନେ ଏ଼ାଣାକି ହାପକିଆନେ, ଅଡ଼େ ଆମ୍ବାଆରା଼ାୟି ହିଲେଏ ଏ଼ାସି ନାଡ଼ି ମାନେ ଇଞ୍ଜ୍ ଅଣ୍ଡିମାନେସି, ଏଦାଆଁ ଜିକେଏ ଅ଼ିଆନେ □

ଜୀସୁତି ଇୟା ଅଡ଼େ ତାୟିୟାଁ

(ମାତି ୧୨:୪୭-୫୦; ମାର୍କ ୩:୩୧-୩୫)

୧୯ ଜୀସୁତି ଇୟା ଅଡ଼େ ତାମି ତାୟିୟାଁ ଏ଼ାଣା ତାଣା ଖାଡ଼େରି, ସାମା ଲକୁ ମାନ୍ଦା ମାଚାକି ଏ଼ାଣା ତାଣା ହାଜାଲି ଆଡ଼ାଆଡ଼େରି □

୨୦ ଏମ୍ବାଟିଏ ଜୀସୁଇଁ ଷ୍ଟେସ୍ତେରି, “ମୀ ଇୟା ଅଡ଼େ ମୀ ତାୟିୟାଁ ନିଜେ ମେସାଲି ପାଙ୍ଗାତା ନିଚାମାନେରି □”

୨୧ ସାମା ଏ଼ାସି ବାରେତି ଏଲେଇଚେସି, “ମାୟା ଅଡ଼େ ମା ତାୟିୟାଁ ଏ଼ାରି, ଆମ୍ବାଆରି ମାହାପୁରୁତି କାତା ଷ୍ଟେନେରି ଅଡ଼େ ମାନ଼ି ଆନେରି □”

ଜୀସୁ କାଜା ଗାଲିତି ସାପି କିନାୟି

(ମାତି ୮:୨୩-୨୭; ମାର୍କ ୪:୩୫-୪୧)

୨୨ ର ଦିନା ଜୀସୁ ଅଡ଼େ ତାନି ସୀସୁୟାଁ ତଂଗତା କୁଗିଡେରି, ଇଞ୍ଜା ଜୀସୁ ଏ଼ାରିଇଁ ଏଲେଇଚେସି, “଼ାଦୁ ମାର ସାମ୍‌ଦୁରି ଆତାଲା ହାନ □” ଏମ୍ବାଟିଏ ଏ଼ାରି ତଂଗତି ହାଚେରି □

୨୩ ସାମା ଏ଼ାରି ତଂଗତା ହାଜିମାନି ବେଲ୍‌ମାତା ଜୀସୁ ତୁରିଡେସି □ ଏଟିବେଲ୍‌ ସାମ୍‌ଦୁରିତା କାଜା ଗାଲି ଆଡ଼େ, ଅଡ଼େ ଏୟୁ ତଂଗତା ହଡ଼ିମାଚାକି ଏ଼ାରି ହାଚେରକା କସ୍ତ ଆଡ଼େରି ଇଞ୍ଜା ଆଜିଡେରି □

୨୪ ଏଚେଟିଏ ସୀସୁୟାଁ ତାଗେ ଖାହାନା ନିକ୍‌ହାଁ ଏଲେଇଚେରି, “ଏ ଗୁରୁ ଏ ଗୁରୁ ମାର ହାହିମାନାୟି □” ଏମ୍ବାଟିଏ ଏ଼ାସି ନିଙ୍ଗାନା କାଜା ଗାଲିତି ଦାକା ହାଚେସି, ଇଞ୍ଜା ଏ ବାରେ ସାପି ଆହାନା ସୁସ୍ତି ଆଡ଼େ □

୨୫ ଇଞ୍ଜା ଏ଼ାସି ଏ଼ାରିଇଁ ଏଲେଇଚେସି, “ମୀ ନାମ୍ ଆମ୍ବିୟା ?” ସାମା ଏ଼ାରି ଆଜି ଅଡ଼େ କାବାଆହାନା ତାମ୍‌ ଏଲେଇଶ୍‌ମି ଆଡ଼େରି, “ଇ଼ାସି ଏନିଲେହେଁତାସି ଇଟିହ୍ ଗାଲି ଅଡ଼େ ଖାଡ଼ିମାନି ଏୟୁଣି ଜିକେଏ ହୁକୁମି ହାହିମାନେସି □”

ବୁଡୁୟାଁ ଆଲ୍‌ଗା ମାଚାଣାଇଁ ଜୀସୁ ନେହ୍ କିନାୟି

(ମାତି ୮:୨୮-୩୪; ମାର୍କ ୫:୧-୨୦)

୨୬ ତାୟୁ ଏ଼ାରି ଗାଲିଲି ନକିତି ଆତାଲା଼ାକି ଗରାସିୟ ଦେସାତା ଏଡ଼େରି □

୨୭ ଜୀସୁ ତଂଗତି ରେଚାନା ଗାଡୁତା ଖାହାଲିଏ, ଏ ଗାଡ଼ାତି ର ବୁଡୁ ଆଲ୍‌ଗା ମାଚାସି ଖାହାନା ଏ଼ାଣାଇଁ ବେଗାଆଡ଼େସି; ଏ଼ାସି ଗାଡୁ ଦିନାଟିଏ ହିମ୍ବିରକା ହୁଚାଆନା ଅଡ଼େ ଇଜ ମାନାଆନା ମାଡ଼ହା ମୁହନି ଚାୟୁତା ଡ଼ୟିମାଚେସି □

୨୮ ଏ଼ାସି କିରଡ଼ିହ୍ ଜୀସୁ କତାଣା ରିହାନା କାଜା ଗିୟାତଲେ ଏଲେଇଚେସି, “ଏ ବାଡ଼ୟୁଗାଟି ମାହାପୁରୁ ମୀରଏଣାତି ଜୀସୁ ନୀ ତଲେ ନାଜେ ଏନାୟି ମାନେ ? ନାନୁ ବାଡ଼ିମାଲିମାଞ୍ଜାଇଁ ନାଜେ ଅଡ଼େ କସ୍ତ ହିୟାଆନି □”

୨୯ ଇଟିହ୍ ଜୀସୁ ଏ ପଲ୍‌ଆ ବୁଡୁତି ଏ ମାଣ୍‌ସି ତାଣାଟି ହଡ଼ା ହାଜାଲି ହୁକୁମି ହାହାଲି ହାଜିମାଚେସି □ ଏ ପଲ୍‌ଆ ବୁଡୁ ହାଚେରକା ପାଲି ଏ଼ାଣାଇଁ ଆଲ୍‌ଗାମାଚେ, ଇଞ୍ଜା ଲକୁ ଏ଼ାଣାଇଁ କେସ୍ତା କତାଣା ହିକ୍‌ଶିୟାଁ ତଲେ ଦସପା ଇଟିମାଚେରି, ସାମା ଏ ଦସପା ମାଚାଣା ତାପହାନା ବୁଡୁ ତଲେ ବାୟା ଆହାନା ଲକୁ ହିଲାଆ ଚାୟୁତା ହଡ଼ିମାଚେସି □

୩୦ ଜୀସୁ ଏ଼ାଣାଇଁ ଏଲେଇଚେସି, “ନୀ ଦରୁ ଏନାୟି ?”

“ନା ଦରୁ ମାନ୍ଦା” ଇଞ୍ଜ୍ ଇଚେସି, ଏନାଆଁତାକି ଇଟିହ୍ ହାଚେରକା ବୁଡୁୟାଁ ଆଲ୍‌ଗାମାଚୁ □

୩୧ ଇଞ୍ଜା ଜୀସୁ ଏ଼ାସିକାଣି ତାଡ଼େପୁରୁ ପାଣ୍ଡାଲି ହୁକୁମି ହାଅସି, ଇଦାଆଁତାକି ଏ଼ାଣାଇଁ ବାଡ଼ିମାଲିତୁ □

୩୨ ଏମ୍ବାଆଁ ହରୁ ଦାରିତା ର ମାନ୍ଦା ପାଜିୟାଁ ମେୟିମାଚୁ, ଇଞ୍ଜା ଜୀସୁଇଁ ଏ ବୁଡୁୟାଁ ପାଜିୟାଁ ମାନ୍ଦା ବିଡ଼ା ହାଜାଲି ହେଲ ରୀସୁ □

୩୩ ଏ଼ାସି ହେଲ ହାହାଲିଏ, ବୁଡୁୟାଁ ଏ ମାଣ୍‌ସି ତାଣାଟି ହଡ଼ା ହାଜାନା ପାଜିୟାଁ ବିଡ଼ା ହରୁ; ଏଚେଟିଏ ଏ ପାଜିୟାଁ ଏ ହରୁଟି ଦାବଡ଼ି ହାଜାନା ଦାରିତା ମାଟି ସାମ୍‌ଦୁରିତା ମେଦା ହାହାହାଚୁ □

୩୪ ଏ ପାଜିୟାଁ ମାନ୍ଦା ମେଟିମାଟି ଗଡ଼କା ଏଦାଆଁ ମେସାନା ହଚେରି ଇଞ୍ଜା ଗାଡ଼ା ଅଡ଼େ ନାସ୍‌କାଣାଁ ଏ କାତା ଷ୍ଟେସ୍ତେରି □

୩୫ ଏନାୟି ଆହାମାନେ ଏଦାଆଁ ମେସାଲି ଲକୁ ହଡ଼ା଼ାଡ଼େରି; ଇଞ୍ଜା ଏ଼ାରି ଜୀସୁ ତାଗେ ଖାହାନା, ଆମିନି ମାଣ୍‌ସି ତାଣାଟି ବୁଡୁୟାଁ ହଡ଼ା ହାଜାମାଚୁ, ଏ଼ାଣାଇଁ ନେହ୍ ହିମ୍ବିରକା ହୁଚାନା ନେହ୍ ମନତଲେ ଜୀସୁ କର୍ତ୍ତା ଡ଼କ୍ କୁଗାମାଚାଣି ମେସାନା ଆଜିଡେରି □

୩୬ ଅଡ଼େ ଆମିନି ଗାଟାରି ମେସାମାଚେରି ଏ଼ାରି ଏ ବୁଡୁ ଆଲ୍‌ଗା ମାଚାସି ଏନିକ୍ ନେହ୍ ଆଡ଼େସି, ଏଦାଆଁ ଏ଼ାରିଇଁ ଷ୍ଟେସ୍ତେରି □

୩୭ ଏମ୍ବାଟିଏ ଗରାସିୟ ବାରେ ନାସ୍‌କାତି ସାରି଼ାକି ବାରେ ଲକୁ ଜୀସୁଇଁ ତାମି ଦେସାଟି ହାଜାଲି

☆ ୮:୧୭ ୮:୧୭ ମାତି ୫:୧୫; ଲୁକ ୧୧:୩୩ ☆ ୮:୧୭ ୮:୧୭ ମାତି ୧୦:୨୬; ଲୁକ ୧୨:୨

ବାତିମାଲିତେରି, ଇତିହଂ ଏଞ୍ଜାରି ହାରେକା ଆଜିମାଚେରି
□ ଇଞ୍ଜା ଏଞ୍ଜାରି ର ଡଂଗତା ହଚାନା ଖେଣ୍ଡାହାଚେସି □

୩୮ ସାମା ଏମିନିଗାଟାଣି ତାଣାଟି ବୁଡୁୟା ହଚା
ହାଜାମାରୁ, “ନାଙ୍ଗେ ନୀ ତଲେ ହାଜଲି ହେଲ ହିୟାମୁ”
ଇଞ୍ଜା ବାତିମାଲିତେସି;

୩୯ ସାମା ଜୀସୁ ଏଞ୍ଜାଣାଇଁ ହେଲ ହାହାନା, “ମୀ ଇଜ
ଖେଣ୍ଡା ହାଲାନୁ, ଇଞ୍ଜା ମାହାପୁରୁ ନିଙ୍ଗେତାକି ଆମିନି କାମା
କିହାମାଞ୍ଜାନେସି ଏ କାତା ଖେକ୍ମୁ □” ଏଚେଟିଏ ଏଞ୍ଜାସି
ହାଜାନା ଜୀସୁ ତାଙ୍ଗେତାକି ଆମିନି କାମା କିହାମାଚେସି, ଏ
ବାରେ ଗାଡ଼ାତା ଖେକ୍ହେସି □

ଜାୟିରସତି ମାଙ୍ଗା ଅଡେ ଜୀସୁତି ହିମ୍ବରି କୁଞ୍ଜୁ ତାଗିତି
ଇୟା

(ମାତି ୯:୧୮-୨୬; ମାର୍କ ୫:୨୧-୪୩)

୪୦ ଜୀସୁ ଖେଣ୍ଡା ଖାହାଲିଏ ମାନ୍ଦା ଲକୁ ଏଞ୍ଜାଣାଇଁ
ରାହାତଲେ ବେଟାଆଚେରି, ଇତିହଂ ଏଞ୍ଜାରି ବାରେଜାଣା
ଏଞ୍ଜାଣାଇଁ କାଡ଼ିମାଚେରି □

୪୧ ଏମ୍ବାଟିଏ ଜାୟିରସ ଦରୁଗାଟାସି ଖାଚେସି; ଏଞ୍ଜାସି
ଜୀହୁଦି ଲକୁତି କୁଟମି ଇଲୁତି* କାଜାସି ମାଚେସି □ ଏଞ୍ଜାସି
ଜୀସୁ କଡାଣା ରିହାନା ତାମି ଇଜ ହାଜାଲି ବାତିମାଲିତେସି,

୪୨ ଇତିହଂ ଏଞ୍ଜାଣାକି ବାର ବାର୍ଯାତି ରଣ୍ଡିଏ ମାଙ୍ଗା
ମାଚେ, ଏଡି ହାନ୍ଦିଲେହେଁ ନଚେରି ଆହାମାଚେ □

ସାମା ଏଞ୍ଜାସି ହାଜିମାଚାଟି ଲକୁ ଏଞ୍ଜାଣି ମୁହେଁ ମୁହେଁ
ଆହିମାଚେରି □

୪୩ ଏଚିବେଲାତା ବାର ବାର୍ଯା ପାଚେକା ନେତେରି
ଞ୍ଜାଜିନି ରଗାଟାଟି ର ଇୟା, ଏମିନି ଗାଟାୟି ଆମ୍ବାଆରି
ତାଣାଟି ଜିକେଏ ନେହଂ ଆହାଲି ଆଡ଼ିହଲାଆଚେ,

୪୪ ଏଡି ତାୟୁ ଖାକିଟି ଖାହାନା ଜୀସୁତି ହିମ୍ବରି କୁଞ୍ଜୁ
ତାଗିତେ, ଏ ଦେବୁଣିଏ ଏଦାନି ନେତେରି ବନ୍ଦାୟି ପିସ୍ତେ
□

୪୫ ଏମ୍ବାଟିଏ “ନାଙ୍ଗେ ଆମ୍ବାଆୟି ତାଗାଚେ” ଇଞ୍ଜା
ଜୀସୁ ଖେଚେସି ?

ସାମା ବାରେଜାଣା ଆଏ ଇଞ୍ଜାଲିଏ, ପିତର
ଏଲେଇଚେସି, “ଏ ଗୁରୁ ଲକୁ ବାରେ ମୁହେଁ ମୁହେଁ
ଆହିମାଚେରି □”

୪୬ ସାମା ଜୀସୁ ଏଲେଇଚେସି, “ନାଙ୍ଗେ ଆମ୍ବାଆୟିମା
ତାଗାଚେ, ଇତିହଂ ନା ତାଣାଟି ର ବାଡ଼ୁୟା ହଚାକି ନାନୁ
ପୁଚେଏଁ □”

୪୭ ଏମ୍ବାଟିଏ ଏ ଇୟା ଖାହାନା ଅଣ୍ପିପିତେ ନାନୁ ଅଡେ
ଡ଼ୁନାନା ମାଞ୍ଜାଲି ଆଡ଼ଅଁ ଇଞ୍ଜା ଅଣ୍ପିପାନା ଆଜିତାକି
ତାରା ତାରା ଆହଂ ଜୀସୁ କଡାଣା ରିହାନା, ଏନାଆଁତାକି
ତାଗିତେ ଇଞ୍ଜା ଦେବୁଣିଏ ଏନିକଂ ନେହଂ ଆଚେ,
ବାରେ ଲକୁ ନକିତା ଖେସ୍ତେ □

୪୮ ଏମ୍ବାଟିଏ ଜୀସୁ ଏଦାନି ଏଲେଇଚେସି, “ମାଙ୍ଗା ନୀ
ନାମୁ ନିଙ୍ଗେ ନେହଂ କିହାମାଞ୍ଜାନେ, ହିଡ଼ଡ଼ିଟି ହାଲାନୁ □”

୪୯ ଜୀସୁ ଇ କାତା ଖେସିମାଟି ବେଲାତା ଜୀହୁଦି
ଲକୁତି କୁଟମି ଇଲୁତି† କାଜାଣା ଇଜଟି ରଅସି ଖାହାନା
ଜାୟିରସଇଁ ଏଲେଇଚେସି, “ନୀ ମାଙ୍ଗା ହାହାହାଚେୟିଏ
ଗୁରୁଇଁ ଅଡେ କସ୍ତ ହାଆନିଦେହେଁ □”

୫୦ ସାମା ଜୀସୁ ଏ କାତା ଖେଞ୍ଜାନା ଏଞ୍ଜାଣାଇଁ
ଏଲେଇଚେସି, “ଆଜାଆନି ନାମାମୁ ଏଡି ନୀତିନେ □”

୫୧ ଅଡେ ଜୀସୁ ଇଜ ଖାହାନା ପିତର, ଜହନ ଅଡେ
ଜାକୁବ ଇଞ୍ଜା ପଦାନି ତାମି ଆଡା ଇୟାନି ପିସ୍ପେ
ଆମ୍ବାଆରାଇଁ ବିତ୍ରା ହାଜାଲି ହାଆଚେସି □

୫୨ ସାମା ବାରେଜାଣା ଡାହି ଡାହି ବକତା ଖେଚା
କଡିମାରୁ □ ଏମ୍ବାଟିଏ ଜୀସୁ ଏଲେଇଚେସି, “ଡାଆଦୁ; ଏଡି
ହାହାହିଲେଏ, ସାମା ତୁରାମାନେ □”

୫୩ ସାମା ପଦା ହାହାମାନାଣି ପୁଞ୍ଜାନା ଏଡ଼ି ଏଞ୍ଜାଣାଇଁ
କାକ୍ତୁ □

୫୪ ସାମା ଜୀସୁ ପଦାନି କେୟୁ ଆସାନା ହାଡାହାଁ
ଏଲେଇଚେସି, “ଆକେ ପଦା, ନିଙ୍ଗାମୁ □”

୫୫ ଏମ୍ବାଟିଏ ପଦାନି ଜୀସୁ ଖେଣ୍ଡା ଖାଚେ ଅଡେ ଏ
ଦେବୁଣିଏ ନିଙ୍ଗିତେ, ଇଞ୍ଜା ଇଚାଣି ତିଞ୍ଜାଲି ହୀଦୁ ଇଚେସି
□

୫୬ ଏମ୍ବାଟିଏ ତାମି ତାଲି ତାଞ୍ଜି କାବାଆଡୁ; ସାମା ଇ
ପଦା ନେହଂ ଆଡାଣି ଆମ୍ବାଆରାଇଁ ଖେହ୍‌ଆଦୁ ଇଞ୍ଜା
ଏଞ୍ଜାସିକାଣି ହୁକୁମି ହାଚେସି □



ଜୀସୁ ବାରେଜାଣା ସୀସୁୟାଁଇଁ ପାଣ୍ଡିନାୟି

(ମାତି ୧୦:୫-୧୫; ମାର୍କ ୬:୭-୧୩)

୧ ଏଚେଟିଏ ଜୀସୁ ବାରେଜାଣାଟି ହାଚାନା ରୁଣ୍ଡା କିହାନା
ଏଞ୍ଜାରାଇଁ ବାରେ ବୁଡୁୟା ଲାକ ଅଡେ ରଚାଟି ନେହଂ
କିହାଲି ବାଡ଼ୁୟା ଅଡେ ଅଦିକାରା ହାଚେସି □

୨ ଅଡେ ଏଞ୍ଜାସି ଏଞ୍ଜାରାଇଁ ମାହାପୁରୁତି ରାଜିତି କାତା
ଖେକ୍‌ହାଲି ଅଡେ ରଚା ଗାଟାରାଇଁ ନେହଂ କିହାଲି
ପାଣ୍ଡିଚେସି

୩ ଇଞ୍ଜା ଏଞ୍ଜାରାଇଁ ଏଲେଇଚେସି, “ମୀରୁ ହାଜାଲିତାକି
କୁତା ବାଡ଼ଗା କି ମଣା କି ରୁଟି କି ଏନି ଟାକାୟା ଜିକେଏ
ଅଆଦୁ, ଅଡେ ଜଡେକା ସକାୟା ଜିକେଏ ଅଆଦୁ □

୪ ଅଡେ ମୀରୁ ଆମିନି ଇଜ ହାଜେରି, ଏମ୍ବାଟି ଖେଣ୍ଡାହାନି
ପାଚେକା ଏମ୍ବାଆଁ ଡ଼ୟାଦୁ;

୫ **ଅଡେ ଏଚେକା ଲକୁ ମିଙ୍ଗେ ଆବଅରି ଏଞ୍ଜାରି
କପାଟି ସାକ୍ତି ହାହାଲି ଏ ଗାଡ଼ାଟି ହଚା ଖାନ୍ଦାଟି ମୀ କଡାଟି
ପୁଡ଼ି ହାଣ୍ଡାହାନା ଖାଦୁ □”

୬ ଏମ୍ବାଟିଏ ଏଞ୍ଜାରି ହାଜାନା ସାରିଖାକି ନେହଂ କାରୁ
ଖେକ୍‌ହେହଂ ରଚା ଗାଟାରାଇଁ ନେହଂ କିହିହଂ ନାୟୁ
ନାୟୁତା ରେଚେରି □

* ୮:୪୧ ୮:୪୧ ସିନଗର † ୮:୪୯ ୮:୪୯ ସିନଗର ☆ ୯:୫ ୯:୫ କାମା ୧୩:୫୧ ☆ ୯:୫ ୯:୫ ଲୁକ ୧୦:୪-୧୧

ହେରଦ ରାଜା ବିଲକି ଆନାୟି
(ମାତି ୧୪:୧-୧୨; ମାର୍କ ୬:୧୪-୨୯)

୭ *ଏମ୍ବାଟିଏ ଏ ଦେସାତି ରାଜା ହେରଦ ଇ ବାରେ କାତା
ଝେଞ୍ଜାନା କାବା ଆଡେସି, ଇଚିହ୍ ବାପ୍ତିସ୍ମ* ହାନି ଜହନ
ହାଡାରି ତାଣାଟି ନିଙ୍ଗାମାନେସି ଇଞ୍ଜି ଆମ୍ବା ଆମ୍ବାଆରି
ଏଲେଇଞ୍ଜିମାଚେରି;

୮ ଅଡେ ଆମ୍ବା ଆମ୍ବାଆରି ଏଲିୟ ତଞ୍ଜା ଆହାମାନେସି
ଇଞ୍ଜା ଏଡକାତାରି ତଲିକାଲାତି ମାହାପୁରୁ ଅଣ୍ପୁତି
ବଲୁ ଝେହ୍ନାରି ବିତ୍ରାଟି ରଅସି ନିଙ୍ଗାମାନେସି ଇଞ୍ଜି
ଝେସିମାନେରି □

୯ ସାମା ହେରଦ ଏଲେଇଚେସି, “ଜହନତି ତାୟ୍
ମାରୁତ ଦାଡା ମାନାୟି, ସାମା ଆମ୍ବାଆରି କାତା ମାରୁ
ଝେଞ୍ଜିମାନାୟି ଏଝାସି ଆମ୍ବାଆସି ?” ଅଡେ ଏଝାସି
ଏଝାଣାଇଁ ମେସାଲି ମନ କିହିମାଚେସି □

ଜୀସୁ ପାସାମାଣା ଲକୁଣି ତାହ୍ନାୟି
(ମାତି ୧୪:୧୩-୨୧; ମାର୍କ ୬:୩୦-୪୪; ଜହ ୬:୧-୧୪)

୧୦ ତାୟ୍ ପାଶୁଝି ଆହାମାଚାରି ଝାହାନା ଏନା ଏନାଆଁ
କିହାମାଚେରି, ଏ ବାରେ ଏଝାଣାଇଁ ଝେସ୍ପେରି □ ଅଡେ
ଏଝାସି ଏଝାରିତଲେ ଏଡକା ଆହାନା ବେଡସାୟିଦା
ଦରୁଗାଟି ଗାଡାତା ହାଚେରି □

୧୧ ସାମା ଲକୁ ଏଦାଆଁ ପୁଞ୍ଜାନା ଏଝାଣି ଜେଚ ଜେଚ
ହାଚେରି; ଇଞ୍ଜା ଏଝାସି ଏଝାରାଇଁ କାର୍ମା ଆହାଁ ଆବାନା
ମାହାପୁରୁ ରାକ୍ତି କାତା ଝେସ୍ପେସି, ଅଡେ ଏନିନିଗାଟାରି
ରଗଟି ନେହ୍ ଆନାୟି ମାଚେ, ଏଝାରାଇଁ ନେହ୍
କିଚେସି □

୧୨ ଏଚେତା ମିଡଅଲ୍ଲା ଆହାଲି ମାଟ୍‌ହେ; ଏଚେଟିଏ
ବାରେଜାଣା ସୀସୁୟାଁ ତାନି ତାଣା ଝାହାନା ଏଲେଇଚେରି,
“ଲକୁ ଏନିକ୍ ନାସକା ଅଡେ ଗାଡାତା ହାଜାନା
ବାସାଟାୟ୍ ଅଡେ ତିଞ୍ଜାଲି କାଡି ପାରିନେରି, ଏଦାଆଁତାକି
ଏଝାରାଇଁ ହେଲ ହୀମୁ ଇଚିହ୍ ମାରୁ ଲକୁ ହିଲାଆ
ଟାୟ୍‌ତା ମାନାୟି □”

୧୩ ସାମା ଏଝାସି ଏଝାରାଇଁ ଏଲେଇଚେସି, “ମାରୁ
ଏଝାରାକି ତିଞ୍ଜାଲି ହୀଦୁ □”

ଏଝାରି ଏଲେଇଚେରି, “ମା ତାଣା ପାସାଗଟା ରୁଟି ଇଞ୍ଜା
ରୀ ମୀଣକା ପିସ୍‌ପେ ଆଗାଡା ହିଲାଡ; ଏନାଆଁ ମାରୁ
ହାଜାନା ଇ ବାରେତାକି କାଡି କଡିନାୟି ?”

୧୪ ଇଚିହ୍ ଏଝାରି ପାସାମାଣା ଆବାୟାଁ ମାଚେରି □

ଇଞ୍ଜା ଏଝାସି ତାନି ସୀସୁଣି ଏଲେଇଚେସି, “କଡେଦସ
ଜାଣା ଲାକା କୁଗିକିଦୁ □”

୧୫ ଏଚେଟିଏ ଏଝାରି ଏଲେକିହ୍ ଏ ବାରେତି
କୁଗିକିଚେରି □

୧୬ ଅଡେ ଏଝାସି ପାସାଗଟା ରୁଟି ଅଡେ ରୀ ମୀଣକାଣି
ଆସାନା ଲାକପୁରୁ ଝାକି ସିନିକିହାନା ବରୁ ହୀଚେସି, ଇଞ୍ଜା
ରୁଟି ଡିକିହାନା ଲକୁକି ହାସ୍‌ପାଲି ସୀସୁୟାଁକି ହୀଚେସି □

୧୭ ଏଚେଟିଏ ବାରେଜାଣା ତିଞ୍ଜା ପାଞ୍ଜିଚେରି, ଅଡେ
ହାରିତାଣି ବାର ତାଲି ରୁଟି କୁଡି କିଚେରି □

ଜୀସୁଇଁ ପିତର କ୍ରୀସୁ ଇଞ୍ଜି ଝେକ୍‌ନାୟି
(ମାତି ୧୬:୧୩-୧୯; ମାର୍କ ୮:୨୭-୨୯)

୧୮ ର ଦିନା ଜୀସୁ ରଅସିଏ ପ୍ରାଡାନା କିନି ବେଲାତା
ସୀସୁୟାଁ ଏଝାରିତଲେ ମାଚେରି, ଅଡେ ଏଝାସି
ଏଝାରାଇଁ ଝେଚେସି, “ନାନୁ ଆମ୍ବାଆଚେଏଁ ଇଞ୍ଜି ଲକୁ
ଏଲେଇଞ୍ଜିମାନେରି ?”

୧୯ *ଏଚେଟିଏ ଏଝାରି ଏଲେଇଚେରି, “ଆମ୍ବାଆରି
ବାପ୍ତିସ୍ମାଁ ହାନି ଜହନ, ଆମ୍ବାଆରି ଏଲିୟ, ଅଡେ ଆମ୍ବାଆରି
ତଲିକାଲାତି ମାହାପୁରୁ ଅଣ୍ପୁତି ବଲୁ ଝେହ୍ନାରି ବିତ୍ରାଟି
ରଅସି ନିଙ୍ଗାମାନେସି □”

୨୦ *ଏଝାସି ଏଝାରାଇଁ ଏଲେଇଚେସି, “ନାନୁ
ଆମ୍ବାଆଚେଏଁ ମାରୁ ଏନାଆଁ ଇଞ୍ଜି ମାଞ୍ଜେରି ?”
ପିତର ଏଲେଇଚେସି, “ନାନୁ ମାହାପୁରୁତି କ୍ରୀସୁ □”

ଜୀସୁ ତାନି ଦୁକୁ ଅଡେ ହାକିତି କାତା ଝେହ୍‌ନାୟି
(ମାତି ୧୬:୨୦-୨୮; ମାର୍କ ୮:୩୦-୯:୧)

୨୧ ଏଚେଟିଏ ଏଝାସି ଏଝାରାଇଁ ଆମ୍ବାଆରାଇଁ ଝେହ୍‌ଆଦୁ
ଇଞ୍ଜି ଜାଣ୍ଡେ କିହ୍ ହୁକୁମି ହୀଚେସି,

୨୨ “ମାଣ୍‌ସି ମୀର୍‌ଏସି ହାରେକା ଦୁକୁ ପାଣ୍‌ନାୟି
ମାନେ ଇଞ୍ଜା ଲକୁତି କାଜାରି, କାଜା ପୂଜେରାଞ୍ଜା ଇଞ୍ଜା
ମେରାପୁନାରି ତାଣାଟି ଅପାଆନା ଏଝାଣାଇଁ ପାୟିନେରି,
ଇଞ୍ଜା ତାନି ଦିନାଟିଏ ନିଙ୍ଗିନେସି □”

୨୩ *ଏଚେଟିଏ ଏଝାସି ବାରେତି ଏଲେଇଚେସି,
“ଆମ୍ବାଆସି ନା ଜେଚ ତାକାଲି ମନ କିନେସି, ଏଝାସି
ତାଞ୍ଜେ ଅପାଆନା ବାରେଦିନା ତାନି କୁସ ଡେକାନାହାଁ ନା
ଜେଚ ତାକାପେସି □

୨୪ *ଇଚିହ୍ ଆମ୍ବାଆସି ଜାହାରା ଜୀଝୁ ଗେଲ୍‌ପାଲି
ମନ କିନେସି ଏଝାସି ନାସା କିନେସି; ସାମା ଆମ୍ବାଆସି
ନା ତାକି ଜାହାରା ଜୀଝୁ ନାସା କିନେସି ଏଝାସି ଗେଲ୍‌ପି
କିହାକଡିନେସି □

୨୫ ଅଡେ ମାଣ୍‌ସି ଇ ଦାରୁତିତା ମାନାଣି ବାରେ ମେଡି
କିହାନା ତାନି ଜୀଝୁତି ନାସା କିନେସି, ଇଚିହ୍ ଏଝାଣାକି
ଏନି ଲାବା ?

୨୬ ଇଚିହ୍ ଆମ୍ବାଆସି ନାଞ୍ଜେତାକି ଅଡେ ନା
କାତାତାକି ଲାଜା ଆନେସି, ମାଣ୍‌ସି ମୀର୍‌ଏସି ତାନି
କାଜାପାଣା ତଲେ ଇଞ୍ଜାହାଁ ମାହାପୁରୁ ଆବା ଅଡେ ତାନି
ସୁଦୁଗାଟି ଦୁଦୁୟାଁ ତଲେ କାଜାପାଣାଟି ଝାନ୍‌ନେସି ଏଚିବେଲା
ଏଝାସି ଜିକେଏ ଏଝାଣି ତାକି ଲାଜା ଆନେସି □

* ୯:୭ ୯:୭ ମାତି ୧୬:୧୪; ମାର୍କ ୮:୨୮; ଲୁକ ୯:୧୯ * ୯:୭ ୯:୭ ମୁଞ୍ଜିନାୟି * ୯:୧୯ ୯:୧୯ ମାତି ୧୪:୧,୨; ମାର୍କ ୬:୧୪,୧୫; ଲୁକ ୯:୭,୮
† ୯:୧୯ ୯:୧୯ ମୁଞ୍ଜିନାୟି * ୯:୨୦ ୯:୨୦ ଜହ ୬:୨୮,୨୯ * ୯:୨୩ ୯:୨୩ ମାତି ୧୦:୩୮; ଲୁକ ୧୪:୨୭ * ୯:୨୪ ୯:୨୪ ମାତି ୧୦:୩୯; ଲୁକ
୧୭:୩୩; ଜହ ୧୨:୨୫

୨୭ ସାମା ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମାହାପୁରୁତି ରାଜି ମେହୁଆ ପାତେକା ଇମ୍ପାଆଁ ନିଚାମାନାରି ଏଚରଜାଣା ହାଅରି □

ଜୀସୁ ଅର ଖାଣା ଆନାୟି
(ମାତି ୧୭:୧-୮; ମାର୍କ ୯:୨-୮)

୨୮ ଈ କାତା ଖେସାନା ଆଟ୍ଟାଦିନା ହାଜାଲିଏ ପିତର, ଜହନ ଅଡେ ଜାକୁବଇଁ ଅହଁ ହାଜାନା ପ୍ରାତାନା କିହାଲି ହରୁତା ହାଚେସି □

୨୯ ଅଡେ ଏଝାସି ପ୍ରାତାନା କିହିମାଚାଟି ତାନି ମୁମ୍ବୁଡ଼ି ଖାଣା ତିରିମୁହେ ଇଞ୍ଜା ତାନି ହିମ୍ବୁରି ଦବଲା ଆହାନା ହାରେକା ଉଜେଡ଼ି ଅଡେ □

୩୦ ମସା ଅଡେ ଏଲିୟ ଏଝାଣିତଲେ କାତା ଆହିମାଚେରି;

୩୧ ଏଝାରି ଗାଝୁରମିଟି ତଞ୍ଜାଆହାନା ଜୀସୁ ଜିରୁସାଲମତା ହାନିକାତା ଜଲ୍ଲକି ଆହିମାଚେରି □

୩୨ ଏଚିବେଲା ପିତର ଅଡେ ତାନି ତଣେସିଙ୍ଗାକି ଗାଡ଼ି ଇଦାକାଣ୍ଟକା ହଡ଼ିମାଚୁ; ସାମା ଏଝାରି ଇଦାଟି ନିଙ୍ଗାଲିଏ ତାନି ଗାଝୁରମି ଇଞ୍ଜା ଏଝାଣିତଲେ ରିଆରି ନିଚାମାନାଣି ମେସ୍ତେରି □

୩୩ ଇଞ୍ଜା ଏଝାରି ତାଣାଟି ହାଜିମାଚାଟି ପିତର ଜୀସୁଇଁ ଏଲେଇଚେସି, “ଗୁରୁ ମାମ୍ବୁ ଇମ୍ପାଆଁ ମାନାୟି ନେହେଁ; ମାମ୍ବୁ ଇମ୍ପାଆଁ ତାନିଗଟା ଗୁଡ଼ାୟାଁ କେପିନମି, ନିଙ୍ଗେତାକି ରଣ୍ଡାଆଁ, ମସାକି ରଣ୍ଡାଆଁ ଅଡେ ଏଲିୟକି ରଣ୍ଡାଆଁ □” ସାମା ତାନୁ ଏନାଆଁ ଇଞ୍ଜିମାଚେସି ତାନୁଏ ପୁଞ୍ଜି ହିଲାଆଚେସି □

୩୪ ଏଝାସି ଏଲେଇଞ୍ଜି ମାଚାଟି ଇଚାୟି ହାଗୁ ଦୁନ୍ଦା ଖାହାନା ଏଝାରାଇଁ ପୁକହେ, ଇଞ୍ଜା ଏଝାରି ଦୁନ୍ଦାତା ହଡ଼ି ମାଚାଟି ଆଜିଚେରି □

୩୫ ☆ଇଞ୍ଜା ଏ ଦୁନ୍ଦାଟି ଈ ହାଡ଼ା ଖାଡ଼େ, “ଇଝାସି ନା ମୀରଏସି, ନାନୁ ଆଡ଼ିତାସି, ଇଝାଣି ବଲୁ ଖେଞ୍ଜୁ □”

୩୬ ଏଲେଇଞ୍ଜି ଖେସ୍ତି ତାୟୁ ଜୀସୁ ରଅସିଏ ତଞ୍ଜାଆଚେସି □ ଏଝାରି ଈ କାତାତାକି ପାଲେଏ ମାଞ୍ଜାନା, ଏନା ଏନାଆଁ ମେସାମାଚେରି ଏ ବେଲାତା ଆମ୍ବାଆରାଇଁ ଜିକେଏ ଖେହୁଆଚେରି □

ଜୀସୁ ବୁଡୁ ଆଲ୍‌ଗାମାଟି କକାଣାଇଁ ନେହଁକିନାୟି
(ମାତି ୧୭:୧୪-୧୮; ମାର୍କ ୯:୧୪-୨୭)

୩୭ ଅଡେ ର ନେରୁ ହରୁଟି ରେଟା ଖାହାଲିଏ ହାରେକା ଲକୁ ଏଝାଣାଇଁ ବେଟା ଆୟାଲି ଖାଡ଼େରି □

୩୮ ଅଡେ ଏ ମାନ୍ଦା ଲକୁ ବିତ୍ରାଟି କାଜା ଗିୟାତଲେ ହାଟାନା ଏଲେଇଚେସି, “ଏ ଗୁରୁ ନାନୁ ବାତିମାଲିମାଞ୍ଜାଇଁ ନା ମୀରଏଣାଇଁ କାର୍ମା ଆମ୍ବୁ, ଇଚିହଁ ଏଝାସି ନା ରଣ୍ଡିଏ ମୀରଏସି;

୩୯ ଏଝାଣାଇଁ ର ବୁଡୁ ଆଲ୍‌ଗାମାଚେ, ଇଞ୍ଜା ଏଝାସି ପେଦରାହାଁ ଦେବୁଣିଏ କିରଡ଼ି ମାନେସି, ଇଞ୍ଜା ଏଝାଣାଇଁ

ଇଲେକଁ ବୁମିତା ବୁକହାନା ଗୁଡ଼ିଟି ପମ୍ବୁଲି ହପୁହି ମାନେ, ଇଞ୍ଜା ଏଝାଣାଇଁ ଗାଡ଼ି ବାଡ଼ା କିହାନା ଏଝାଣି ତାଣାଟି କାକୁଲିଟି ହଡ଼ାହାନେ □

୪୦ ନାନୁ ବୁଡୁଟି ପିସ୍ପି କିହାଲି ନୀ ସୀସୁୟାଁଣି ବାତିମାଲିଚେଏ, ସାମା ଏଝାରି ପିସ୍ପି କିହାଲି ଆଡ଼ାଆଚେରି □”

୪୧ ଜୀସୁ ଏଲେଇଚେସି, “ଆଡେ ନାମାଆଗାଟି ଏଚକା ଜିରୁ ଆହୁନି କୃଡ଼ା, ନାନୁ ଅଡେ ଏଚେକା ମୀ ତଲେ ମାଞ୍ଜାନା ମୀ କାତା ଅରହାଇଁ ? ନୀ ମୀରଏଣାଇଁ ଇମ୍ପାଆଁ ତାମ୍ବୁ □”

୪୨ ବୁଡୁ ଆଲ୍‌ଗାମାଟି କକାସି ଖାହିମାଚାଟି ବୁଡୁ ଏ କକାଣାଇଁ ବୁମିତା ତାଡ଼ି କିହାନା ତ୍ରେପହାତୁସ୍ତେ, ସାମା ଜୀସୁ ଏ ପଲ୍‌ଆ ବୁଡୁଟି ଦାକା ହାଚେସି ଇଞ୍ଜା କକାଣାଇଁ ନେହଁ କିହାନା ତାନି ଆଡ଼ା କେୟୁତା ହେରପିଚେସି □

୪୩ ଏଚେଟିଏ ବାରେ ଲକୁ ମାହାପୁରୁଟି ବାଡ଼ୁୟୁ ମେସାନା ଜାଗଲା ଆଡ଼େରି □ ସାମା ଏଝାସି କିହାମାନି ବାରେ କାମାତାକି ଜାଗଲା ଆହିମାଚାକି ଜୀସୁ ତାନି ସୀସୁୟାଁଇଁ ଏଲେଇଚେସି □

ଜୀସୁ ତାନି ହାକିତି କାତା ଅଡେ ଖେଣ୍ଡେ ଖେହୁନାୟି
(ମାତି ୧୭:୨୨,୨୩; ମାର୍କ ୯:୩୦-୩୨)

୪୪ “ଇ ବାରେ କାତା ମୀ କୀକା ଅତାନା ଖେଞ୍ଜୁ; ଇଚିହଁ ମାଣ୍ଡସି ମୀରଏସି ସାଡୁୟାଁ କେୟୁତା ହେରପିଆନେସି □”

୪୫ ସାମା ଏଝାରି ଏ କାତା ତେଲହାଆଚେରି, ଏଝାରି ତେଲହାଲି ଆଡ଼ାଆରେଟୁ ଏଝାରି ତାଣାଟି ତୁଗୁମାଚେ, ଇଞ୍ଜା ଏଝାରି ଏ କାତା ଜିକେଏ ଜୀସୁଇଁ ଖେଞ୍ଜାଲି ଆଜିମାଚେରି □

ବାରେକିହାଁ କାଜାସି ଆମ୍ବାଆସି
(ମାତି ୧୮:୧-୫; ମାର୍କ ୯:୩୩-୩୭)

୪୬ ☆ଏଝାରି ବିତ୍ରାଟି ଆମ୍ବାଆସି କାଜାସି, ଈ କାତାତାକି ଏଝାରି ବିତ୍ରା ବାଡ଼ିବାଡ଼ା ଆଡ଼େରି □

୪୭ ସାମା ଜୀସୁ ଏଝାରି ବିତ୍ରା ବାଡ଼ିବାଡ଼ା ଆହିମାନାଣି ପୁଞ୍ଜାନା, ର ଉଣା କକାଣାଇଁ ତାନି ନକିତା ନିପହାନା ଏଝାରାଇଁ ଏଲେଇଚେସି,

୪୮ ☆“ଆମ୍ବାଆସି ନା ଦରୁଟି ଈ ଉଣା କକାଣାଇଁ ଆବିନେସି, ଏଝାସି ନାଙ୍ଗେ ଆବାନେସି, ଅଡେ ଏଝାସି ନାଙ୍ଗେ ପାଣ୍ଡାତାଣାଇଁ ଆବିନେସି; ଇଚିହଁ ମୀ ବିତ୍ରାଟି ଆମ୍ବାଆସି ବାରେକିହାଁ ଉଣା ଏଝାସି କାଜାସି □”

ମୀ କପାଟି ନିଙ୍ଗାଆ ଗାଟାସି ମୀ ତଲେତାସି
(ମାର୍କ ୯:୩୮-୪୦)

୪୯ ଏଚେଟିଏ ଜହନ ଏଲେଇଚେସି, “ଗୁରୁ, ମାମ୍ବୁ ନୀ ଦରୁଟି ବୁଡୁୟାଁ ପେରହି ମାଚାଣି ମେସ୍ତମି ଇଞ୍ଜା ଏଝାସି ମା ତଲେ ନୀ ଜେତ ଖାଆଲିଏ କାହିକିତମି □”

☆ ୯:୩୫ ୯:୩୫ ମାତି ୩:୧୭; ୧୭:୧୮; ମାର୍କ ୧:୧୧; ଲୁକ ୩:୨୨ ☆ ୯:୩୫ ୯:୩୫ ୨ପିତ ୧:୧୭,୧୮ ☆ ୯:୪୭ ୯:୪୭ ଲୁକ ୨୨:୨୪ ☆ ୯:୪୮ ୯:୪୮ ମାତି ୧୦:୪୦; ଲୁକ ୧୦:୧୭; ଜହ ୧୩:୨୦

୫୦ ସାମା ଜୀସୁ ଏଝାରାଇଁ ଏଲେଇରେସି, “କାହିଁକିଆଦୁ, ଇଚିହୁଁ ଆମ୍ବାଆସି ମୀ କପାଟି ନିଙ୍ଗା ହିଲଅସି ଏଝାସି ମୀ ତଲେତାସି □”

ସମିରଣି ନାସ୍କାଣାଁ ଜୀସୁଇଁ ଆବାଆତାୟି

୫୧ ଏଚିବେଲା ଜୀସୁ ଲାକପୁରୁ ହାନି ବେଲା ଏଗାଝାହିମାଚାକି ଏଚିବେଲା ଜୀସୁ ଜିରୁସାଲମତା ହାଜାଲି ମନତି ତାରି କିତେସି □

୫୨ ଅଡେ ତାନି ନକେଏ କସ୍କାଣି ପାଣ୍ଡିତେସି, ଏଝାରି ହାଜାନା ର ସମିରଣି ନାୟୁଁତା ଜୀସୁ ଝାନେସି ଇଞ୍ଜୁଁ ଜାଗ୍ରାତା କିହାନା କାଡେରି;

୫୩ ସାମା ଏଝାସି ଜିରୁସାଲମତା ହାଜାଲି ମନ କିହାନାନ୍ଦେସି ଇଞ୍ଜୁଁ ପୁଞ୍ଜାନା ଏଝାଣାଇଁ ଆବାଆତେରି □

୫୪ ଇଦାଆଁ ମେସାନା ଜାକୁବ ଅଡେ ଜହନ ଇ ରୀ ସୀସୁୟାଁ ଏଲେଇରେରି, “ଏ ପ୍ରବୁ ଏଲିୟ ଏନିକଁ ଏଲେଇଞ୍ଜାମାରେସି, ଏଲେକିହୁଁ ଏ ହାଗୁଲକଟି ହିରୁ ରିହାନା ଏଝାରାଇଁ ନାସା କିପେ, ଏଲେଇଞ୍ଜାଲି ନୀ ମନ ମାନେକି ?”

୫୫ ସାମା ଏଝାସି ଝେଣ୍ଡେ ସିନିକିହାନା ଏଝାରାଇଁ ଲାଗାନା ଏଲେଇରେସି, “ମୀରୁ ଏନିଲେହେତି ଜୀସୁ ଗାଟାତେରି, ମୀରୁ ପୁଞ୍ଜାହିଲଅତେରି ମାଣ୍ଡିସି ମୀରୁଏସି ମାଣ୍ଡିସିୟାଁତି ଜୀସୁ ନାସା କିହାଲି ଝାଆନା ଗେଲୁପାଲି ଝାହାମାନେସି □

୫୬ ଏଚେଟିଏ ଏଝାରି ଅର ନାୟୁଁତା ହାଚେରି □”

ଜୀସୁତି ସୀସୁ ଆହାଲି ପାଡା ଆନାୟି (ମାତି ୭:୧୯-୨୨)

୫୭ ଏଝାରି ଜିରୁତା ହାଜିମାଚାଟି ରଅସି ଝାହାନା ଜୀସୁଇଁ ଏଲେଇରେସି, “ନୀନୁ ଆସିୟା ହାଜି, ନୀନୁ ଜିକେଏ ନୀ ତଲେ ଝାଇଁ □”

୫୮ ଜୀସୁ ଏଝାଣାଇଁ ଏଲେଇରେସି, “ନାକାୟାଁକି ତୟିନି ପାଝୁୟାଁ ମୀନୁ, ହାଗୁ ଲାକ ଉସିନି ପଟାୟାଁକି ବାସାଟାୟୁ ମାନେ, ସାମା ମାଣ୍ଡିସି ମୀରୁଏଶାକି ତାୟୁଁ ନେବହାଲି ଟାୟୁ ହିଲେଏ □”

୫୯ ଇଞ୍ଜାଁ ଏଝାସି ଅଡେ ରଅଣାଇଁ ଏଲେଇରେସି, “ନା ଜେତ ଝାମୁ □” ସାମା ଏଝାସି ଏଲେଇରେସି, “ପ୍ରବୁ ନକେଏ ହାଜାନା ନା ଆବାଇଁ ମାହଣିଶା ମୁସାଲି ହେଲ ହିୟାମୁ □”

୬୦ ଜୀସୁ ଏଲେଇରେସି, “ହାଡାରାଇଁ ତାମି ହାଡି ଲକୁଣି ମୁସାଲି ପିହୁଦୁ, ସାମା ମୀରୁ ହାଜାନା ମାହାପୁରୁ ରାଜିତି କାତା ଝେହୁଦୁ □”

୬୧ ଅଡେ ରଅସି ଝାହାନା ଏଲେଇରେସି, “ପ୍ରବୁ ନୀନୁ ଜେତ ଝାଇଁ ସାମା ନକେଏ ଇଜତି ଲକୁ ତାଣାଟି ହେଲ ଅହାଲି ହିୟାମୁ □”

୬୨ ସାମା ଜୀସୁ ଏଝାଣାଇଁ ଏଲେଇରେସି, “ଆମ୍ବାଆସି ନାଞ୍ଜେଲି କେୟୁତା ଆସାନା ତାୟୁଝାକି ସିନିକିନେସି ଏଝାସି ମାହାପୁରୁ ରାଜିତା ପାଡା ଆଅସି □”

୧୦

ଜୀସୁ ତାନିକଡ଼ି ବାରଜାଣାତି ପାଣ୍ଡିନାୟି

୧ ଏମ୍ବାଟିଏ ପ୍ରବୁ ଅଡେ ତାନିକଡ଼ି ବାରଜାଣାତି ଆଚାନା ତାନୁ ଆମିନି ଗାଡା ଅଡେ ନାସ୍କାଣାଁ ହାଜାଲି ମନ କିହାମାରେସି, ଏ ନାସ୍କା ଅଡେ ଗାଡାୟାଁଣା ରିଆରି ଲାକା କିହାଁ ପାଣ୍ଡିତେସି □

୨ *ଇଞ୍ଜାଁ ଏଝାସି ଏଝାରାଇଁ ଏଲେଇରେସି, “ପାଟି ହାଡେକା ସାମା ଦାଝଆନାରି ଉଶା ଜାଣା; ଇଦାଆଁତାକି ଗୁଡିୟାତା କାମା କିନାରାଇଁ ପାଣ୍ଡାଲିତାକି ଗୁଡିୟାତି ସାଝୁକାରିଇଁ ବାତିମାଲାଦୁ □

୩ *ମୀରୁ ହାଜୁ; ନୀନୁ ମିଙ୍ଗା କ୍ଳାଝନିୟାଁ ବିତ୍ରା ମେଣ୍ଡା ତାଲୁକା ଲେହେଁ ମିଙ୍ଗେ ପାଣ୍ଡିମାଞ୍ଜାଇଁ □

୪ ତାରୁୟାଁ, ମଣା କି ସେପୁୟାଁ ଜିକେଏ ଅଆଦୁ, ଅଡେ ଜିରୁତା ଆମ୍ବାଆରାଇଁ ଜହରା କିଆଦୁ □

୫ ଅଡେ ମୀରୁ ଆମିନି ଇଲୁତା ହଡ଼ଦେରି ନକେଏ ଇ ଇଲୁତାକି ହିଡ଼ଡ଼ି ଆପେ ଇଞ୍ଜୁ □

୬ ଅଡେ ଏ ଇଜ ହିଡ଼ଡ଼ିତି ମାଣ୍ଡିସି ରଅସି ମାତିହୁଁ ମୀ ହିଡ଼ଡ଼ି ଏଝାଣାକି ଆପେ; ଅଡେ ହିଲଆତିହୁଁ ମୀ ହିଡ଼ଡ଼ି ମିଙ୍ଗେ ଝେଣ୍ଡେ ଝାନେ □

୭ *ଇଞ୍ଜାଁ ଏଝାରିତାଣା ଏନାୟି ମାନେ ଏଦାଆଁ ତିଞ୍ଜା ଉଣ୍ଡାନା ଏ ଇଜ ମାଞ୍ଜୁ, ଇଚିହୁଁ କାମାକିନାସି ତାନି କାମାତି ବୁତି ମେଡା ଆନାୟି ମାନେ □ ଏ ଇଜ ପିସାନା ଅର ଇଜ ହାଲାଆଦୁ □

୮ ଅଡେ ଆମିନି ଗାଡାତା ହାଜେରି ଅଡେ ଲକୁ ମିଙ୍ଗେ ଅପାନେରି ଅଡେ ଏମ୍ବାଆଁ ଏନାଆଁ ତିଞ୍ଜାଲି ହିୟାନେରି ଏଦାଆଁ ତିଞ୍ଜୁ □

୯ ଏମ୍ବାଆଁ ମାନି ରଗ ଗାଟାରାଇଁ ନେହୁଁ କିଦୁ, ଅଡେ ଏଝାରାଇଁ ଏଲେଇଞ୍ଜୁ ‘ମାହାପୁରୁତି ରାଜି ମୀ ତାଣା ଏଦାତେୟିଏ □’

୧୦ *ସାମା ମୀରୁ ଆମିନି ଗାଡାତା ହାଜେରି ଇଞ୍ଜାଁ ଲକୁ ମିଙ୍ଗେ ଅପଅରି, ଏମ୍ବାତି ଆଂଗେଣିକାଟି ପାଙ୍ଗାତା ହାଜାନା ଏଲେଇଞ୍ଜୁ,

୧୧ *‘ମୀ ଗାଡାତି ଆମିନି ଦୁଡ଼ି ମା କତାୟାଁଣା ଆଟାମାଚେ, ଏଦାଆଁ ଜିକେଏ ମିଙ୍ଗେ ତାକି ହାଣ୍ଡି ମାନମି; ସାମା ମାହାପୁରୁତି ରାଜି ଏଗାଝାହିମାନେ ଇଦାଆଁ ପୁଞ୍ଜୁ □’

୧୨ *ନୀନୁ ମିଙ୍ଗେ ଝେସିମାଞ୍ଜାଇଁ, ନୀହାୟି ଦିନାତା ଏ ଗାଡାତି ତଣ୍ଡ କିହାଁ ସଦମ ଗାଡାତି ତଣ୍ଡ ଉଶା କିଞ୍ଜିଆନେ □

ନାମାଆଗାଟି ନାସ୍କା (ମାତି ୧୧:୨୦-୨୪)

* ୧୦:୨ ୧୦:୨ ମାତି ୯:୩୭,୩୮ * ୧୦:୩ ୧୦:୩ ମାତି ୧୦:୧୨ * ୧୦:୭ ୧୦:୭ ଡକର ୯:୧୪; ୧ତିମ ୫:୧୮ * ୧୦:୧୦ ୧୦:୧୦ କାମା ୧୩:୫୧ * ୧୦:୧୧ ୧୦:୧୧ ମାତି ୧୦:୭-୧୪; ମାର୍କ ୭:୮-୧୧; ଲୁକ ୯:୩-୫ * ୧୦:୧୨ ୧୦:୧୨ ମାତି ୧୧:୨୪ମାତି ୧୦:୧୫

୧୩ ଆୟତା ଡଣ୍ଡ ପାଣ୍ଡି କରାଜିନ୍ ଅଡ଼େ ବେତ୍‌ସାୟିଦା ଇଚିହ୍ମି ମୀ ତାଣା ଆମି ଆମିନି କାବାଆନି କାମାୟା କିଞ୍ଚିଆହାମାନୁ, ଏ ବାରେ ସର ଅଡ଼େ ସିଦନତା କିଞ୍ଚି ଆହାମାଚିହ୍ମି ମା, ଏଞ୍ଜାରି ହାରେକା ଦିନା ନକେଏ ବାସାୟା ପରହାଁ ଦାରମ୍ପତ୍ତା କୁଗାନା ମନ ଖେଟ୍‌ହେରିମା □

୧୪ ଆଡ଼ିଜିକେଏ ନୀହାଁୟି ଦିନାତା ସର ଅଡ଼େ ସିଦନତି ଡଣ୍ଡ ଉଣା କିଞ୍ଚିଆନେ □

୧୫ ଏ କପରନାହୁମ ନୀନୁ ଲାକପୁରୁ ପାତେକା ପାତାଆଦି ? ହାଡ଼ାରି ମାନି ରାଜିତା ମେଡ଼ପି ଆଦି □”

୧୬ *ଜୀସୁ ଏଲେଇରେସି “ଆମ୍ବାଆସି ମୀ କାତା ଖେନେସି, ଏଞ୍ଜାସି ନା କାତା ଖେନେସି, ଇଞ୍ଜା ଆମ୍ବାଆସି ମିଜେ ଅପଅସି ଏଞ୍ଜାସି ନାଜେ ଅପଅସି, ଅଡ଼େ ଆମ୍ବାଆସି ନାଜେ ଅପଅସି ଏଞ୍ଜାସି ନାଜେ ପାଣ୍ଡାତାଣାଇଁ ଅପଅସି □”

ତାନିକଡ଼ି ବାରଜାଣା ଖେଣ୍ଡା ଖାନାୟି

୧୭ ଏମ୍ବାଟିଏ ତାନିକଡ଼ି ବାରଜାଣା ଖେଣ୍ଡା ଖାହାନା ରାହାଁଟି ଏଲେଇରେସି, “ପ୍ରବୁ ବୃତୁୟା ଜିକେଏ ନୀ ଦରୁଟି ମା ଡ଼ଇକା ହେରପି ଆହିମାନୁ □”

୧୮ ସାମା ଜୀସୁ ଏଞ୍ଜାରାଇଁ ଏଲେଇରେସି, “ହାଗୁ ମ୍ଲିହ୍ନିଲେହେଁ ଲାକଟି ସୟତାନ ରିହିମାନାଣି ମେସ୍ତେଏଁ □

୧୯ ମେହ୍‌ଦୁ ନାନୁ ମିଜେ ରାସ୍କା, କାଚାକୁପିୟା ମୁହେଁ ତାକାଲି ଅଡ଼େ ସାଡୁଡ଼ି ବାରେ ବାଡ଼ୁୟୁ ମୁହେଁ ଜିକେଏ ଅଦିକାରା ହାହିମାଞ୍ଜାଇଁ, ଅଡ଼େ ଏନାୟି ଜିକେଏ ମିଜେ ନସ୍ତୁ କିହାଲି ଆଡେଏ □

୨୦ ସାମା ପଲ୍‌ଆ ବୃତୁୟା ବାଡ଼ୁୟୁ ମୀ ଡ଼ଇକା ମାନେ ଇଞ୍ଜିଁ ରାହାଁ ଆଆନୁ, ସାମା ମୀ ଦରୁ ଲାକପୁରୁ ରାସ୍କି ଆହାମାନେ ଏଦାଆଁତାକି ରାହାଁ କିଦୁ □”

ଜୀସୁତି ରାହାଁ

(ମାତି ୧୧:୨୫-୨୭; ୧୩:୧୬,୧୭)

୨୧ ଏତିବେଲା ଜୀସୁ ସୁଦୁଜୀଞ୍ଜୁ ତଲେ ରାହାଁ ଆହାନା ଏଲେଇରେସି, “ଆବା ଲାକପୁରୁ ଅଡ଼େ ଦାରତିତି ପ୍ରବୁ, ନୀନୁ ବୁଦିଗାଟି ଲକୁଡାଣା ଇ ବାରେ କାତା ଡ଼କୁହାନା ଉଣା କକାରି ତାଣା ତସାମାଞ୍ଜି, ଇଦାଆଁତାକି ନିଜେ ଜହରା କିହିମାଞ୍ଜାଇଁ; ଏ ଆବା ଇଦିଏ ନୀ ନକିତା ନେହାୟି ଆଡେ □”

୨୨ * “ନା ଆଡ଼ାତି ବାରେ ଅଦିକାରା ନାଜେ ହେରପି ଆହାମାନେ; ଅଡ଼େ ମୀରଏସି ଆମ୍ବାଆସି, ଇଦାଆଁ ଆବା ପିସ୍‌ପେ ଆମ୍ବାଆସି ପୁନଅସି, ଅଡ଼େ ଆବା ଆମ୍ବାଆସି ଇଦାଆଁ ମୀରଏଣା ପିସ୍‌ପେ ଆମ୍ବାଆସି ପୁନଅସି, ଇଞ୍ଜା ମୀରଏସି ଆମ୍ବାଆସି ତାଣା ଏଞ୍ଜାଣାଇଁ ତସାଲି ମନ କିନେସି, ଏଞ୍ଜାସିଦେଁ ପୁନେସି □”

୨୩ ଅଡ଼େ ଜୀସୁ ତାୟୁ ସିନିକିହାନା ତାମି ସୀସୁୟାଁଇ ଏଟ୍‌କେଏ ଏଲେଇରେସି, “ହାରେକା ନେହେଁ ଏ କାଣ୍‌କା ଏମିନିଗାଟାଣି ମେସିମାନୁ, ଏନାଆଁ ମୀରୁ ମେସିମାଞ୍ଜେରି □

୨୪ ଇଚିହ୍ମି ନାନୁ ମିଜେ ଖେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି ଏ ବାରେ ହାରେକା ମାହାପୁରୁ ଅଣ୍ଡପୁତି ବଲୁ ଖେହ୍‌ନାରି ଅଡ଼େ ରାଜାୟା ମେସାଲି ମନ କିହାମାଚେରି, ସାମା ମେସାଲି ଆଡ଼ାଆତେରି; ଅଡ଼େ ମୀରୁ ଏନା ଏନାଆଁ ଖେଞ୍ଜିମାଞ୍ଜେରି, ଏ ବାରେ ଏଞ୍ଜାରି ଖେଞ୍ଜାଲି ମନ କିତେରି ସାମା ଖେଞ୍ଜାଲି ଆଡ଼ାଆତେରି □”

ନେହ୍‌ ସମିରଣତି ପୁଣ୍ଡିକିନି କାତା

୨୫ *ମେହ୍‌ଦୁ ର ମସାତି ମେରା ଜାପୁନାସି ଖାହାନା ଜୀସୁଇଁ ତାୟିପାରିକିହ୍ମି ଖେରେସି, “ଏ ଗୁରୁ କାଲାକାଲାତି ଜୀଞ୍ଜୁ ବେଟାଆହାଲି ନାନୁ ଏନାଆଁ କିଇ ?”

୨୬ ଏଚେଟିଏ ଜୀସୁ ଏଲେଇରେସି, “ମସାତି ମେରାତା ଏନାଆଁ ରାସ୍କି ଆହାମାନେ, ନୀନୁ ଏନିକ୍‌ ପଡ଼ଞ୍ଜି ଆହିମାଞ୍ଜି ?”

୨୭ ଏଞ୍ଜାସି ଏଲେଇରେସି, “ନୀନୁ ନୀ ବାରେ ହିୟାଁ, ବାରେ ଜୀଞ୍ଜୁ, ବାରେ ବାଡ଼ୁୟୁ ଅଡ଼େ ବାରେ ମନ ହାହାନା ପ୍ରବୁ ନୀ ମାହାପୁରୁଇଁ ଜୀଞ୍ଜୁନମ୍ପୁ; ଅଡ଼େ ପାଡ଼ିତି ଲକୁଣି ନୀ ଜୀଞ୍ଜୁ ଲେହେଁ ଜୀଞ୍ଜୁ ନମ୍ପୁ □”

୨୮ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇରେସି, “ନୀନୁ ନେହ୍‌ କ୍‌ ଖେସାମାଞ୍ଜି; ଏଲେଏ କିମୁ ଆତିହ୍ମି ଏ ଜୀଞ୍ଜୁ ମେଡ଼ିକିଦି □”

୨୯ ସାମା ଏଞ୍ଜାସି ତାଜେ ତାରିତାସି କିହାକତାଲି ମନ କିହାନା ଜୀସୁଇଁ ଖେରେସି, “ଆତିହ୍ମି ନା ପାଡ଼ିତାସି ଆମ୍ବାଆସି ?”

୩୦ ଜୀସୁ ଏ କାତା ଆସାନା ଏଲେଇରେସି, “ର ଲକୁ ଜିରୁସାଲମଟିଏ ଜିରିହତା ହାଜିମାଟାଟି ସରକା ତାଣା ହେରହେସି □ ଏଞ୍ଜାରି ଏଞ୍ଜାଣି ହିମ୍ପୁରିଦୁକି ମୀଞ୍ଜାନା ହାନ୍‌ଲେହେଁ ମାଡ଼ା ଖେଚାନା ପିସା ହାଚେରି □

୩୧ ଏତିବେଲାତା ର ପୁଜେରା ଏ ଜିରୁଟି ହାଜିମାଚେସି, ଇଞ୍ଜା ଏଞ୍ଜାସି ଏଞ୍ଜାଣାଇଁ ମେସାନା ଜିରୁ ପିସାନା ଅର ଜିରୁଟି ହାଚେସି □

୩୨ ଏଲେକିହ୍ମିଏ ର ଲେବି କୁଡ଼ାତାସି ଜିକେଏ ଏ ଜିରୁଟି ଖାହାନା ଏଞ୍ଜାଣାଇଁ ମେସାନା ଅର ଜିରୁ ହାହାନା ହାଚେସି □

୩୩ ସାମା ର ସମିରଣ ଲକୁ ଏ ଜିରୁଟି ହାଜିମାଚେସି, ଇଞ୍ଜା ଏଞ୍ଜାଣାଇଁ ମେସାନା ହାରେକା କାର୍ମା ଆଡେସି,

୩୪ ଅଡ଼େ ତାଗେ ହାଜାନା ଏଞ୍ଜାଣି ଗାହାଁୟା ବାରେ ନିୟୁଁ ଅଡ଼େ ଅକ୍ଠୁରି ରାସା ରୁବାନା ଗାହାଁୟାଣା ଦସପାନା ଏଞ୍ଜାଣାଇଁ ର ଗାଡ଼ଦେ ଲାକ କୁରିକିହାନା ର ସେବାକିନି ଇଲୁତା ଅହାନା ଏଞ୍ଜାଣି ସେବା କିତେସି □

୩୫ ଅର ଦିନା ସେବାକିନି ଇଲୁ ଗାଟାଣାକି ରୀ କାନି ହାହାନା ଏଲେଇରେସି, ‘ଇଞ୍ଜାଣି ସେବା କିମୁ, ଅଡ଼େ ଏଚେକା ଗାଡ଼ି କାରୁଁ ଆନୁ, ଖେଣ୍ଡା ଖାନାଟି ବାରେ ହିୟାଁଇ □’ ”

☆ ୧୦:୧୬ ୧୦:୧୭ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ଜହ ୧୩:୨୦ ୨୨:୩୫-୪୦; ମାର୍କ ୧୨:୨୮-୩୪

☆ ୧୦:୨୨ ୧୦:୨୨ ଜହ ୩:୩୫; ଜହ ୧୦:୧୫ ☆ ୧୦:୨୫ ୧୦:୨୫ ମାତି

୩୬ ଜୀସୁ ଏଲେଇରେସି, “ଇ ତାନି ଜାଣାତି ବିତ୍ତା ଆମ୍ବାଆସି ସରକାତାଣା ହେରହା ମାଚାଣି ପାଡ଼ିତାସି ଇଞ୍ଜି ଅଣପିମାଞ୍ଜେରି ?”

୩୭ ଏ ମେରା ଜାପ୍ନାସି ଏଲେଇରେସି, “ଆମ୍ବାଆସି ଏଞ୍ଜାଣାଇଁ କାର୍ମା ଆଡେସି ଏଞ୍ଜାସି □”

ଜୀସୁ ଏଲେଇରେସି, “ହାଲାନୁ ନୀନୁ ଜିକେଏ ଏଲେଏ କିମ୍ପୁ □”

ଜୀସୁ ମାର୍ତ୍ତା ଅଡେ ମରିୟମନି ଇଜ

୩୮ ☆ଏଞ୍ଜାରି ହାଜିମାନି ବେଲୀତା ର ନାୟୁତା ହାଚେରି, ଇଞ୍ଜା ମାର୍ତ୍ତା ଦରୁଗାଟି ର ଇୟା ଜୀସୁଇଁ ତାନି ଇଜ ହାଟିଡେ □

୩୯ ଏଦାନାକି ର ତାଙ୍ଗି ମାଚେ ଏଦାନି ଦରୁ ମରିୟମ, ଏଡି ପ୍ରବୁତି କର୍ତ୍ତା ଡ଼ଇ କୁଗାନା ଏଞ୍ଜାଣି କାତା ଖେଞ୍ଜିମାଚେ □

୪୦ ସାମା ମାର୍ତ୍ତା ରାନ୍ଦା ଖାଜାଲି ହାରେକା କିଲିବିଲି ଆହିମାଚେ; ଇଦାଆଁତାକି ଜୀସୁ ତାଣା ଖାହାନା ଏଲେଇଚେ, “ଏ ପ୍ରବୁ ନା ତାଙ୍ଗି ଖାଜିନି କାମା ବାରେ ନା ଲାକ ହେରପା ମାଞ୍ଜାନେ ଇଦାଆଁ ଅଣପି ହିଲଅତି କି ? ଇଦାଆଁତାକି ନାଞ୍ଜେ ସାଢେୟି କିହାଲି ଏଲେଇନାମ୍ପୁ □”

୪୧ ସାମା ପ୍ରବୁ ଏଲେଇଚେସି, “ମାର୍ତ୍ତା, ମାର୍ତ୍ତା ନୀନୁ ହାରେକା କାମାତା ଅଣପିହିଁ କିଲିବିଲି ଆହିମାଞ୍ଜି,

୪୨ ସାମା ଖାରଇ ର କାତା ଲଡ଼ାମାନେ □ ମରିୟମ ଏ ନେହିଁ କାତା ବାଟି କିହାମାନେ; ଏଦାଆଁ ଏଦାନି ତାଣାଟି ଅଞ୍ଜି ଆଏ □”

୧୧

ଜୀସୁ ଜାପ୍ନାସାନି ପ୍ରାତାନା

(ମାତି ୭:୯-୧୩; ମାତି ୭:୭-୧୧)

୧ ର ଦିନା ଜୀସୁ ର ଗାୟୁତା ପ୍ରାତାନା କିହିମାଚେସି; ଏଞ୍ଜାସି ପ୍ରାତାନା କିହାଲି ରାପ୍ନାଲିଏ, ତାନି ସୀସୁୟାଁ ବିତ୍ତାଟି ରଅସି ଏଲେଇଚେସି, “ଏ ପ୍ରବୁ, ଜହନ ଏନିକିଁ ତାନି ସୀସୁୟାଁଇଁ ପ୍ରାତାନା କିହାଲି ଜାପ୍ନାହି ମାଚେସି, ନୀନୁ ଜିକେଏ ମାଞ୍ଜେ ଏଲେକିହିଁ ଏ ପ୍ରାତାନା କିହାଲି ଜାପ୍ନାହାମ୍ପୁ □”

୨ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏଚିବେଲା ମୀରୁ ଏଲେଇଞ୍ଜି ପ୍ରାତାନା କିଦୁ; ‘ଏ ଆବା

ନୀ ଦରୁ ନେହାୟି ଇଞ୍ଜିଁ ମାନଞ୍ଜି ଆପେ;

ନୀ ରାକ୍ତି ଖାପେ □

୩ ବାରେଦିନା ମାଞ୍ଜେ ଲଡ଼ା ଆନି ରାନ୍ଦା ହିୟାମ୍ପୁ □

୪ ମା ଦହ ବାରେ ମ୍ପେକ୍‌ହାମ୍ପୁ,

ଇଚିହିଁ ମାମ୍ପୁ ଜିକେଏ ମା ଦହ କିତାରାଇଁ

ମ୍ପେକ୍‌ନମି □

ମାଞ୍ଜେ ପାନ୍ଦାତା ମେଡ଼ହାଆନି □”

୫ ଅଡେ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ତାଣା ଆମ୍ବାଆସି ଇଲେତି ତଢେଏସି ମାନେସି, ଆମ୍ବାଆରି ତାଣା ମାଦି ଲାଆଁୟାଁ ହାଜାନା ଏଲେଇନେସି, ‘ଏ ତଢେ ନାଞ୍ଜେ ତାନିଗଟା ରୁଟି ହିୟାମ୍ପୁ,

୬ ଇଚିହିଁ ନା ଗତାଗାଟି ତଢେଏସି ନା ତାଣା ଖାହାମାନେସି, ଏଞ୍ଜାଣାକି ତିଞ୍ଜାଲି ହାହାଲି ନା ତାଣା ଏନାୟିଞ୍ଜା ହିଲେଏ □’

୭ ଅଡେ ବିତ୍ତାଟି ଏଲେଇନେସି, ‘ନାଞ୍ଜେ କସ୍ତ ହିୟାଆନି; ଦାରା ସୁଶୁକି ଆଡେୟିଏ, ଇଞ୍ଜା ନା ମୀରକା ନା ତଲେ ତୁରା ମାନେରି; ନାନୁ ନିଞ୍ଜାନା ହାହାଲି ଆଡ଼ଅଁ □’

୮ ନାନୁ ମିଞ୍ଜେ ଖେସିମାଞ୍ଜାଇଁ, ଏଞ୍ଜାସି ତାନି ତଢେଏସି ଆହାମାନାକି ଲାଜା ପିସାନା ଅଲେ ଅଲେ ରାସ୍ତାକି ଏଞ୍ଜାସି ନିଞ୍ଜାନା ଏଞ୍ଜାଣି ଲଡ଼ାମାନି ପାଡେକା ଏଞ୍ଜାସି ଏଞ୍ଜାଣାକି ହାନେସି □”

୯ ନାନୁ ଜିକେଏ ମିଞ୍ଜେ ଖେସିମାଞ୍ଜାଇଁ, ରୀହଦୁ ଆତିହିଁ ମିଞ୍ଜେ ହାପକିଆନେ; ପାରାଦୁ ଆତିହିଁ ମେଡ଼ି କିଦେରି; ଦୁଞ୍ଜେରିତା ଖେଦୁ ଆତିହିଁ ମିଞ୍ଜେତାକି ଦାରା ଦେପି ଆନେ □

୧୦ ଇଚିହିଁ ଆମ୍ବାଆସି ରୀହନେସି ଏଞ୍ଜାସି ବେଗାଆନେସି; ଆମ୍ବାଆସି ପାରିନେସି ଏଞ୍ଜାସି ମେଡ଼ି କିନେସି; ଅଡେ ଆମ୍ବାଆସି ଦୁଞ୍ଜେରିତା ଖେନେସି ଏଞ୍ଜାଣି ତାକି ଦାରା ଦେପିଆନେ □

୧୧ “ଅଡେ ମୀ ତାଣା ଇଲେତି ଆମିନି ଆବା ମାନେସି, ତାନି ମୀରଏସି ମୀନୁ ରୀସିସାରେ ଏଞ୍ଜାସି ମୀନୁତି ବାଦୁଲି ରାଚୁ ହାନେସି ?

୧୨ ଅଡେ ଗୁଡୁ ରୀସିସାରେ ଏଞ୍ଜାଣାକି କାଚାକୁପି ହାନେସି ?

୧୩ ଇଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡ଼ିଜିକେଏ ମୀ ମୀରକା ମାସକାକି ନେହାଁଣି ହାହିମାଞ୍ଜେରି, ଆତିହିଁ ଆମିନି ଆବା ଲାକପୁରୁଟି ହାହିମାଞ୍ଜାନେସି, ଏଞ୍ଜାସି ତାନି ତାଣା ରୀହନି ଲକୁକି ଏଚେ ହାରେକା ସୁଦୁଜାଞ୍ଜୁ ହାଅସି □”

ଜୀସୁ ଅଡେ ପଲ୍‌ଆ ବୁଡୁ

(ମାତି ୧୨:୨୨-୩୦; ମାର୍କ ୩:୨୦-୨୭)

୧୪ ଜୀସୁ ର ପାଲି ବୁଡୁ ପେରହି ମାଚେସି ଏ ବୁଡୁ ଗୁଲା □ ବୁଡୁ ଏଞ୍ଜାଣି ତାଣାଟି ହଟା ହାଜାଲିଏ ଏ ଗୁଲା ଜଲିଡେସି; ଏମ୍ବାଟିଏ ଲକୁ ବାରେ କାବା ଆଡେରି □

୧୫ ☆ସାମା ଏଞ୍ଜାରି ବିତ୍ତାଟି ଆମ୍ବା ଆମ୍ବାଆରି ଏଲେଇଚେରି, “ଏଞ୍ଜାସି ପଲ୍‌ଆ ବୁଡୁୟାଁ କାଜା ପେନୁ ବାଲ୍‌ଜିବୁଲ୍ ବୁଡୁ ତଲେ ବୁଡୁୟାଁ ପିସ୍‌ପି କିହିମାନେସି □”

୧୬ ☆ଇଞ୍ଜା ଏଚକାତାରି ଏଞ୍ଜାଣାଇଁ ତାୟିପାରି କିହାଲିତାକି ଏଞ୍ଜାଣି ତାଣାଟି ହାଗୁଟି ର ସିନା ରୀସ୍ତେରି □

☆ ୧୦:୩୮ ୧୦:୩୮ ଜହ ୧୧:୧ ☆ ୧୧:୧୫ ୧୧:୧୫ ମାତି ୯:୩୪; ୧୦:୨୫ ☆ ୧୧:୧୭ ୧୧:୧୭ ମାତି ୧୨:୩୮; ୧୨:୧; ମାର୍କ ୮:୧୧

୧୭ ସାମା ଏଝାସି ଏଝାରି ମନତି ଅଣ୍ଠୁ ପୁଞ୍ଜାନା ଏଝାରାଇଁ ଏଲେଇଚେସି, ଆମିନି ରାଜି ବାଗା ଆହାନା ତାନି କପାଟି ନିଜ୍ଞନେ ଏଡି ନାସା ଆହାହାନେ ଇଞ୍ଜା ଇଲୁ ଲାକ ବାରେ ରିହାହାନେ □

୧୮ ଇଞ୍ଜା ସୟତାନ ବାଗା ଆହାନା ଜାହାରା କପାଟି ନିଜ୍ଞନେ, ଇଚିହଁ ତାନି ରାଜି ଏନିକଁ ତାରିଆହାନା ଡୟିନେ ? ନାନୁ ପଲୁଆ ବୁତୁୟାଁ ବାଲ୍‌ଜିବୁଲ୍ ତଲେ ବୁତୁୟାଁ ପିସ୍‌ପି କିହିମାଇଁ ଇଞ୍ଜିମାଞ୍ଜେରି □

୧୯ ସାମା ନାନୁ ପଲୁଆ ବୁତୁୟାଁ ବାଲ୍‌ଜିବୁଲ୍ ତଲେ ବୁତୁୟାଁ ପିସ୍‌ପି କିହିମାଇଁ, ଆତିହଁ ମୀ ମୀରକା ଆମ୍ବାଆରି ବାଡ଼ୟୁ ତଲେ ପିସ୍‌ପି କିନେରି ? ଇଞ୍ଜା ଏଝିଏ ମିଙ୍ଗେ ନାହାଁୟି କିୟାନୁ □

୨୦ ସାମା ନାନୁ ମାହାପୁରୁ ବାଡ଼ୟୁ ତଲେ ବୁତୁୟାଁ ପିସ୍‌ପି କିହିମାଇଁ ଇଚିହଁ ମାହାପୁରୁତି ରାଜି ମୀ ତାଣା ଏଗାଞ୍ଜାଚେୟିଏ □

୨୧ ବାଡ଼ୟୁଗାଟି ଲକୁ ଏଚେପାଚେକା ଆସ୍ତି ଆସାନା ତାନି ଗାଡ଼ାତି ଗେଲ୍‌ପିନେସି, ଏଚିବେଲା ପାଚେକା ତାନି ଦନ୍ ଗେଲ୍‌ପିଆହାନା ଡୟିନେ;

୨୨ ସାମା ଏଚିବେଲା ଏଝାଣି କିହାଁ ହାରେକା ବାଡ଼ୟୁଗାଟି ଲକୁ ଏଝାଣିତଲେ ଜୁଜୁ କିହାନା ଜୀଣା ଆନେସି, ଏଚିବେଲା ଏଝାସି ଆମିନି ଆସ୍ତି ବାସୁଁ କିହାମାଚେସି, ଏ ବାରେ ଏଝାସି ମୀଞ୍ଜା ଅନେସି, ଇଞ୍ଜା ମୀଞ୍ଜା ଅହାମାନି ଦନ୍ ବାଟିକିହା ଅନେରି □

୨୩ ✨ଆମ୍ବାଆସି ନା ଝାକିଟି ଆଆଗାଟାସି ଏଝାସି ନା ସାଡ଼ୁ; ଇଞ୍ଜା ଆମ୍ବାଆସି ନା ତଲେ କୁଡ଼ି କିଅସି ଏଝାସି ଆଲାରା କିନାସି □

ପଲୁଆ ବୁତୁ ଝେଣ୍ଡା ଝାନାୟି
(ମାତି ୧୨:୪୩-୪୫)

୨୪ “ର ପଲୁଆ ବୁତୁ ର ମାଣସି ତାଣାଟି ହଡ଼ା ହାଜାନା ଏୟୁ ହିଲାଆ ଝାୟିତି ଟାୟୁତା ଜମାଲି ପାରିନେ, ଇଞ୍ଜା ମେଡ଼ି କିଆନା ଏଲେଇନେ, ‘ନାନୁ ଆମିନି ଇଲୁଟି ହଡ଼ା ଝାହାମାଚେସି, ଏ ଇଲୁତା ଝେଣ୍ଡା ହାଇଁ □’

୨୫ ଇଞ୍ଜା ଏଡି ଝେଣ୍ଡା ଝାହାନା ଏଦାଆଁ ଅଜିହଁ ନେହଁ ଆହାମାନାଣି ମେହ୍‌ନେ □

୨୬ ଏଚିବେଲା ଏଡି ହାଜାନା ତାନିକିହାଁ ହାରେକା ପଲୁଆଗାଟି ସାଡ଼ାଗଟା ବୁତୁୟାଁ ଆସାନା ଝାନେ, ଅଡ଼େ ବାରେଜାଣା ଏମ୍ବାଆଁ ହଡ଼ାନା ବାସା କିନୁ, ଇଞ୍ଜା ଏ ମାଣସିତି ତଲିତି କସ୍ କିହାଁ ଡାୟୁତି କସ୍ ହାରେକା ଆନେ □”

ଆସୁଲି ରାହାଁ

୨୭ ଜୀସୁ ଇ ବାରେ କାତା ଝେସିମାଟାଟି ଲକୁ ମାୟା ବିତ୍ରାଟି ର ଇୟା କାଜା ଗିୟାତଲେ ଏଲେଇଚେ, “ଆମିନିଗାଟି ଇୟା ନିଙ୍ଗେ ଜାନଁ କିହାନା ପାଲୁ ଉଚ୍‌ହାଚେ ଏ ଇୟା ହାରେକା ନେହେଁ □”

୨୮ ସାମା ଜୀସୁ ଏଲେଇଚେସି, “ଆମ୍ବାଆରି ମାହାପୁରୁତି ବଲୁ ଝେନେରି ଅଡ଼େ ମାନଝି ଆନେରି ଏଝାରାକିଦେହେଁ ନେହେଁ □”

ସିନା ପାରିନାୟି
(ମାତି ୧୨:୩୮-୪୨)

୨୯ ✨ଲକୁ ମାୟା ମାୟା ଆହାନା ଏଝାଣି ତାଣା ରୁଣ୍ଡା ଆହାଲିଏ ଜୀସୁ ଏଝାରାଇଁ ଝେସ୍ତେସି, “ଇ କାଲାଟି ଲକୁ ହାରେକା ଲାଗେଏତାରି; ଇଝାରି ବାରେ ସିନାୟାଁ ପାରିନେରି, ସାମା ଏଝାରାକି ଜୁନସତି ସିନା ପିସ୍‌ପେ ଏଡି ସିନା ହୀପ୍‌କିଆଏ □

୩୦ ଇଚିହଁ ଜୁନସ ଏନିକଁ ନିନିବି ଲକୁତାକି ର ସିନାଲେହେଁ, ମାଣସି ମୀରଏସି ଜିକେଏ ଏଲେକିହଁ ଏ ଇ ଜୁଗୁତି ଲକୁତାକି ଆନେସି □

୩୧ ନାହାଁୟି ଦିନାତା ସିବା ଦେସାଟି ରାଣି ଇ କାଲାଟି ଲକୁ ନକିତା ନିତାନା ଏଝାରି କପାଟି ସାକିହାନେ, ଇଚିହଁ ଏଡି ସଲମନତି ବୁଦିତିକାତା ଝେଞ୍ଜାଲି ଦାରୁତିତି ହେକ ଦେସାଟି ଝାହାମାଚେ; ମେହ୍‌ଦୁ ସଲମନକିହାଁ କାଜାସି ଇମ୍ବାଆଁ ମାନେସି □

୩୨ ନାହାଁୟି ଦିନାତା ନିନିବି ଗାଡ଼ାତି ଲକୁ ନିତାନା ଏଝାରି କପାଟି ସାକି ହୀନେରି, ଇଚିହଁ ଏଝାରି ଜୁନସ ଝେସ୍ତି କାତା ଝେଞ୍ଜାନା ଅଣ୍ଡା କତାନା ମନ୍ ଝେଟ୍‌ହେରି; ମେହ୍‌ଦୁ ଜୁନସକିହାଁ ହାରେକା କାଜାସି ଇମ୍ବାଆଁ ମାନେସି □”

ଆଜ୍ଞାତି ଉଜେଡ଼ି
(ମାତି ୫:୧୫; ୭:୨୨,୨୩)

୩୩ ✨“ଆମ୍ବାଆରି ଦୀଝଁ ଡ଼ୀସାନା ଡ଼ୁଜୁନି ଟାୟୁତା କି ମାଣା ପୁକ୍‌ହାନା ଇଟଅରି, ସାମା ଦୀଝଁ ସଡ଼ାତା ଇଚିନେରି, ଏନିକଁ ଇଲୁ ବିତ୍ରା ଝାନି ଲକୁ ଉଜେଡ଼ି ମେହ୍‌ନେରି □

୩୪ ମୀ କାଣକା ଆଜ୍ଞାତି ଦୀଝଁ ଏଚେତା ମୀ କାଣକା ନେହଁ ମାନୁ ଏଚିବେଲା ପାଚେକା ମୀ ଆଜ୍ଞା ବାରେ ଉଜେଡ଼ି ଆନେ; ସାମା ଏଚେତା ମୀ କାଣକା ନେହଁ ହିଲାଉ ଇଚିହଁ ଏଚେତା ମୀ ଗୁଡ଼ା ଆଜ୍ଞା ଜିକେଏ ଆନ୍ଦେରି ଆନେ □

୩୫ ଇଦାଆଁତାକି ଜାଗ୍ରାତା ଏନିକଁ ମୀ ହିୟାତା ମାନି ଉଜେଡ଼ି ଆନ୍ଦେରି ଆଏ □

୩୬ ଏନାଆଁତାକି ଇଚିହଁ ମୀ ଗୁଡ଼ା ଆଜ୍ଞା ବାରେ ଉଜେଡ଼ି ଆନେ ଇଞ୍ଜା ଏମ୍ବାଆଁ ଏଡି ଆନ୍ଦେରି ଡ଼ୟେଏ, ଆତିହଁ ଦୀଝଁ ଏନିକଁ ମିଙ୍ଗେ ତାହାଣା ଉଜେଡ଼ିତା ଉଜେଡ଼ି କିୟାନେ, ଏଲେକିହଁଏ ମୀ ଗୁଡ଼ା ଆଜ୍ଞା ଉଜେଡ଼ି ଆନେ □”

ଜୀସୁ ପାରୁସି ଅଡ଼େ ମେରା ଜାପ୍‌ନାରାଇଁ ଦହ୍ ଦହ୍‌ନାୟି

(ମାତି ୧୩:୧-୩୭; ମାର୍କ ୧୨:୩୮-୪୦)

✨ ୧୧:୨୩ ୧୧:୨୩ ମାର୍କ ୯:୪୦ ✨ ୧୧:୨୯ ୧୧:୨୯ ମାତି ୧୭:୪; ମାର୍କ ୮:୧୨ ✨ ୧୧:୩୩ ୧୧:୩୩ ମାତି ୫:୧୫; ମାର୍କ ୪:୨୧; ଲୁକ ୮:୧୭

୩୭ ଜୀସୁ ଇ କାତା ୱେସ୍ତି ତାୟ୍ ର ପାରୁସି ଏଞ୍ଜାଣାକ୍ ତାନି ଇଜ ତିଞ୍ଜାଲି ଏଲେଇଚେସି; ଇଞ୍ଜା ଏଞ୍ଜାସି ଇଜ ହାଜାନା ତିଞ୍ଜାଲି କୁଗିତେସି □

୩୮ ସାମା ତିଞ୍ଜାଲି କୁଗିନି ନକେଏ ଏଞ୍ଜାସି କେସ୍ମା କତାୟ୍ ନରହା ହିଲାଆତେସି, ଇଦାଆଁ ମେସାନା ଏ ପାରୁସି କାବା ଆତେସି □

୩୯ ଏଚେଟିଏ ପ୍ରୁ ଏଞ୍ଜାଣାକ୍ ଏଲେଇଚେସି, “ମୀ ପାରୁସିୟାତେରି ଗିନାୟାଁ ଅଡେ ସାଡ଼ଞ୍ଜାୟାଁ ପାଙ୍ଗାତା ନରହି ମାଞ୍ଜେରି, ସାମା ମୀ ବିତ୍ରା ଜୁପକା ଅଡେ ଲାଗେଏତାୟି ନେଞ୍ଜାମାନେ □

୪୦ ଆଡେ ବୁଦି ହିଲାଆଗାଟାତେରି, ଆମ୍ବାଆସି ପାଙ୍ଗାତାଣି ଗାଡ଼ିକିତେସି, ଏଞ୍ଜାସି ବିତ୍ରାତାଣି ଜିକେଏ ଗାଡ଼ି କିହାହିଲଅସି କି ?

୪୧ ସାମା ମୀ ସାଡ଼ଞ୍ଜାୟାଁ ଅଡେ ଗିନାୟାଁଣା ମାନାଣି ହିଲାଆ ଗାଟାଟାକି ହାଡିହଁ ମିଙ୍ଗେତାକି ବାରେଏ ଅଟହାୟି ଆନେ □”

୪୨ ସାମା ଆୟଡା ତଣ୍ଡ ପାଣ୍ଡି ପାରୁସିୟାତେରି, ଇଚିହଁ ମୀରୁ ହାସ୍ତ, ରାୟି ଇଞ୍ଜା ବାରେ କୁଗାତି ଦସ ବାଗାଟି ର ବାଗା ହାହିମାଞ୍ଜେରି, ସାମା ନୀହାୟିତା ଅଡେ ମାହାପୁରୁତି ଜୀଞ୍ଜୁ ନନି ତାଣା ଅଣ୍ଡି ହିଲଅତେରି; ସାମା ଇ ବାରେ ମାନଞ୍ଜି ଆହାନା ଏଟକାତାଣି ହେଲା ଆନାୟି ହିଲେଏ □

୪୩ “ଆୟଡା ତଣ୍ଡ ପାଣ୍ଡି ପାରୁସିୟାତେରି, ଇଚିହଁ ମୀରୁ ମାହାପୁରୁ ଇଲୁତା କାଜା ଟାୟ୍ ଇଞ୍ଜା ହାଟା ବାଜାରାତା ଜହରା ବେଟାଆହାଲି ନେହେ ଅଣ୍ଡିଦେରି □

୪୪ ଆୟଡା ମୀରୁ ତଣ୍ଡ ବେଟା ଆନାତେରି, ଇଚିହଁ ମୀରୁ ତଞ୍ଜା ଆଆଗାଟି ମାଡ଼ହା ମୁହନି ଟାୟ୍ଲେହେଁ ତାତେରି; ଇଚିହଁ ପୁନାଆନା ଲକୁ ଲାକ ତାକି ମାନେରି □”

୪୫ ଏଚେଟିଏ ମସାତି ମେରାପୁନାରି ବିତ୍ରାଟି ରଅସି ଏଲେଇଚେସି, “ଏ ଗୁରୁ ନୀନୁ ଏଲେଇଞ୍ଜି ମାଙ୍ଗେ ଲାଜା କିହିମାଞ୍ଜାଦି □”

୪୬ ଜୀସୁ ଏଲେଇଚେସି, ଆୟଡା ମସାତି ମେରା ପୁନାତେରି ମୀରୁ, ମୀରୁ ଜିକେଏ ତଣ୍ଡ ବେଟାଆଦେରି, ଇଚିହଁ ମୀରୁ ମାଣ୍ଡିୟାଁ ଲାକ ବଜୁଗାଟି କାସ୍କା ଏକ୍ହି ମାଞ୍ଜେରି ଅଡେ ଏ ବଜୁତି ମୀରୁ ର ଞ୍ଜାଞ୍ଜୁ ତଲେ ଜିକେଏ ତାଗଅତେରି □

୪୭ ଆୟଡା ତଣ୍ଡ ବେଟା ଆନାତେରି ମୀରୁ ମାହାପୁରୁ ଅଣ୍ଡପୁତି ବଲୁ ୱେହନାରାକ୍ ପାୟାନା ଏଞ୍ଜାରି ମାଡ଼ହା ମୁହନି ଟାୟ୍ ତିୟାରା କିହିମାଞ୍ଜେରି □

୪୮ ଇଚିହଁ ମୀରୁ ମୀ ଆକୁ ଆବାୟାଁ କାମାତା ସାକି ତସି ମାଞ୍ଜେରି ଇଞ୍ଜା ଏଞ୍ଜାରିଲେହେଁ ଆହିମାଞ୍ଜେରି; ଇଚିହଁ ଏଞ୍ଜାରିୟାଁ ଏଞ୍ଜାରାକ୍ ପାୟାମାଚେରି, ସାମା ମୀରୁ ଏଞ୍ଜାରି ମୁହନି ଟାୟ୍ କାତିୟାଁ ନିପ୍ହି ମାଞ୍ଜେରି □

୪୯ ଇଦାଆଁତାକି ମାହାପୁରୁ ଜିକେଏ ତାନି ବୁଦିତଲେ ଏଲେଇଞ୍ଜା ମାନେସି, ନାନୁ ଏଞ୍ଜାରି ନକିତା ମାହାପୁରୁ ଅଣ୍ଡପୁତି ବଲୁ ୱେହନାରାକ୍ ଅଡେ ପାଣ୍ଡି ଆହାମାନାରାକ୍ ପାଣ୍ଡିକ୍; ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରାକ୍ ପାୟିନେରି ଇଞ୍ଜା ନିୟା କିନେରି,

୫୦ ଇ ଜୁଗୁତି ଲକୁ ଦାରତି ଗାଡ଼ି ଆଡ଼ି ନକେଏଟିଏ ବାରେ ମାହାପୁରୁ ଅଣ୍ଡପୁତି ବଲୁ ୱେହନାରାକ୍ ପାୟିତାକି ତଣ୍ଡ ବେଟାଆନେରି,

୫୧ ଏନିକଁ ହେବଲକ୍ ପାୟିତି ଦିନାଟିଏ ଜିକରିୟ ପାତେକା ଆମ୍ବାଆରାକ୍ ମାହାପୁରୁ ଇଲୁତି ତାକିନି ପିଣ୍ଡା ଅଡେ ସୁଦୁ ବାକ୍ତା ମାଦିଏ ପାୟିତି ଆହାମାଚେ □ ହାଅ, ନାନୁ ମିଙ୍ଗେ ସାତା ୱେସିମାଞ୍ଜାକ୍, ଏଦାନି ବାଦୁଲି ଇ ଜୁଗୁତି ଲକୁ ଏ ବାରେତାକି ତଣ୍ଡ ବେଟାଆନେରି □

୫୨ ଆୟଡା ତଣ୍ଡ ପାଣ୍ଡି ମେରା ପୁନାତେରି ମୀରୁ, ଇଚିହଁ ବୁଦି ଦେନି କୁଚିତି ଅହାମାଞ୍ଜେରି; ମୀରୁତ ହଡ଼ି ହିଲଅତେରି ସାମା ହଡ଼ାଲି ଅଣ୍ଡି ମାନାରାକ୍ ଆଁଗିମାଞ୍ଜେରି □

୫୩ ଜୀସୁ ଏ ଇଜଟି ହାଜାଲିଏ ପାରୁସିୟାଁ ଅଡେ ମେରାପୁନାରି ହାରେକା ତାହାରା ଆହାନା □

୫୪ ଏଞ୍ଜାଣି ଜଲିନି ହାଡ଼ାତା ଦହ ଆସାଲି ଏଞ୍ଜାଣାକ୍ ହାରେକା କାତା ୱେଚେରି □

୧୨

କୁଚୁ ଗାଟାରି ତାଣାଟି ଜାଗ୍ରାତା (ମାତି ୧୦:୨୬,୨୭)

୧*ଏଚିବେଲାତା ମାଣା ମାଣା ଲକୁ ରୁଣ୍ଡା ଆହାନା ଝିସ୍ପି ଆହିମାଚେରି; ଏଚିବେଲା ଏଞ୍ଜାସି ନକେଏ ତାନି ସୀସୁୟାକ୍ ଏଲେଇଚେସି, ପାରୁସିୟାଁ ଲାଗେଏତି କୁଚୁଗାଟି ତାଣାଟି ଜାଗ୍ରାତା ଆହାନା ମାଞ୍ଜୁ □

୨*ସାମା ଏନାୟି ତଞ୍ଜା ଆଏ, ଇଲେକଁ ପ୍ଲୁପକି ଆହା ହିଲେଏ, ଅଡେ ଏନାୟି ପୁନାଆରେଟୁ ଇଲେକଁ ତଗୁମାନାୟି ଏନାୟି ହିଲେଏ □

୩ ଇଚିହଁ ମୀରୁ ଏନା ଏନାଆଁ ଆନ୍ଦେରିତା ୱେସାମାଞ୍ଜେରି, ଏ ବାରେ ଉଜେଡିତା ୱେଣ୍ଡିଆନେ, ଏନା ଏନାଆଁ ପୁନାଆ ରେଟୁ ଇଲୁ ବିତ୍ରା ତଗୁମାନା ୱେସାମାଞ୍ଜେରି, ଏଦାଆଁ ଇଲୁ ତୁଡିୟାତା ୱେପକି ଆନେ □

ଆମ୍ବାଆରାକ୍ ଆଜିନାୟି (ମାତି ୧୦:୨୮-୩୧)

୪ ଇଚିହଁ ନା ତଣ୍ଡେସିଙ୍ଗାତେରି ମୀରୁ, ନାନୁ ମିଙ୍ଗେ ୱେସିମାଞ୍ଜାକ୍, “ଆମ୍ବାଆରି ଆଙ୍ଗାତି ପାୟିନେରି ସାମା ତାୟ୍ ଏନାଆଁ କିହାଲି ଆଡ଼ଅରି, ଏଞ୍ଜାରାକ୍ ଆଜାଆଦୁ □

୫ ସାମା ଆମ୍ବାଆରାକ୍ ଆଜିଦେରି ଏଦାଆଁ ମିଙ୍ଗେ ୱେସାକ୍; ପାୟିତି ଜେଟ ହିଚୁ ଗାଡ଼ୟିତା ମେଡ଼ହାଲି

* ୧୨:୧ ୧୨:୧ ମାତି ୧୭:୬; ମାର୍କ ୮:୧୫ * ୧୨:୨ ୧୨:୨ ମାର୍କ ୪:୨୨; ଲୁକ ୮:୧୭

ଆମ୍ଭାଆରି ଅଦିକାରା ମାନେ, ଏଝାଣାଇଁ ଆଜାଦୁ; ହାଅ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଝାଣାଇଁ ଆଜାଦୁ □”

୨ ପାସାଗଟା ଜେତା ପଟାୟାଁ ରୀ କାନ୍ତି ତାକି ପାର୍ପି ଆଡ଼ କି ? ଆଡ଼ିଜିକେଏ ଏଝାସିକା ବିତ୍ରାଟି ରଣ୍ଣାଣି ଜିକେଏ ମାହାପୁରୁ ବାଣା ଆଅସି □

୩ ସାମା ମୀ ତାୟାଁ ତୁ ବାରେ ବାଣାୟାଁ ଜିକେଏ ଏଜିକିଝି ଆହାମାନୁ □ ଆଜା ଆଦୁ; ଏନାଆଁତାକି ଇଚିହଁ ମୀରୁ ଜେତା ପଟାୟାଁ କିହାଁ ହାରେକା ଦାରା ଗାଟାତେରି □

ଲକୁ ନକିତା ଜୀସୁଇଁ ଝେକ୍ନାୟି
(ମାତି ୧୦:୩୨,୩୩; ୧୨:୩୨; ୧୦:୧୯-୨୦)

୮ “ଅଡ଼େ, ନାନୁ ମିଙ୍ଗେ ଝେସିମାଞ୍ଜାଇଁ, ଆମ୍ଭାଆସି ଲକୁ ନକିତା ନାଙ୍ଗେ ଝେକ୍ନାୟି, ମାଣସି ମୀରୁଏସି ଜିକେଏ ମାହାପୁରୁତି ଦୁତୁୟାଁ ନକିତା ଝେକ୍ନାୟି □

୯ ସାମା ଆମ୍ଭାଆସି ଲକୁ ନକିତା ନାଙ୍ଗେ ଝେକ୍ନାୟି, ଏଝାଣାଇଁ ଜିକେଏ ମାହାପୁରୁ ଦୁତୁୟାଁ ନକିତା ଝେକ୍ନାୟି □

୧୦ ☆ଇଞ୍ଜାଁ ଆମ୍ଭାଆସି ମାଣସି ମୀରୁଏଣା କପାଟି ଜଲିନେସି, ଏଝାଣି ପାପୁ ମେଣ୍ଟିନେ; ସାମା ଆମ୍ଭାଆସି ସୁଦୁଜୀଝୁ କପାଟି ନିନ୍ଦା କାତା ଜଲିନେସି, ଏଝାଣି ପାପୁ ମେଣ୍ଟିନେ □

୧୧ ☆ଏଚିବେଲା ଏଝାରି ମିଙ୍ଗେ ଜୀହୁଦି ଲକୁତି କୁଟମି ଇଲ୍ଲକାଣା*, ସାଲଝି କିନାରି ତାଣା ଇଞ୍ଜାଁ ଅଦିକାରା ବେଟା ଆହାମାନାରି ତାଣା ଅହାନା ନିପୁହାନେରି ଏଚିବେଲା ନା ଝାକିଟି ଆହାନା ଏନା ଏନାଆଁ ଜଲିନମି ଇଞ୍ଜାଁ ଅର୍ଶପାଆଦୁ;

୧୨ ଇଚିହଁ ଏନାଆଁ ଜଲିନାୟି ମାନେ, ଏଦାଣି ଏଚିବେଲାତେଏ ସୁଦୁଜୀଝୁ ମିଙ୍ଗେ ଜାପୁହାନେ □”

ବୁଦି ହିଲାଆ ଦନ ଗାଟାସି

୧୩ ଲକୁ ମାନ୍ଦା ବିତ୍ରାଟି ରଅସି ଜୀସୁଇଁ ଏଲେଇଚେସି, ଏ ଗୁରୁ ନା ତାୟିଇଁ ମା ଆବାତି ଦନ ବାଟି କିହାଲି ଏଲେଇଞ୍ଜା ହିୟାମୁ □

୧୪ ସାମା ଜୀସୁ ଏଲେଇଚେସି, ଏ ତାୟି ଆମ୍ଭାଆସି ନାଙ୍ଗେ ମୀ ମୁହେଁ ନୀହାଁୟି କିହାଲି ମାଦି କିହାନା ଆଡ଼ାମାଞ୍ଜାନେସି ?

୧୫ ଇଞ୍ଜାଁ ଏଝାସି ଏଝାରାଇଁ ଏଲେଇଚେସି, ଜାଗାତା, ବାରେଝାକିତି ଜୁପକାଟି ମିଙ୍ଗେ ଗେଲପିକିହା କତାଦୁ, ଇଚିହଁ ର ମାଣସିତି ଜୀଝୁ ତାନି ଦନତି ବାର୍ସୁ କିନେ □

୧୬ ଜୀସୁ ଏଝାରାଇଁ ଇ ପୁଣ୍ଡିକିନି କାତା ଝେସ୍ତେସି, “ର ସାଝୁକାରିକି ବୁମିତା ଗାତି ତାସା କାମ୍ପିତେ □

୧୭ ଏମ୍ପାଟିଏ ଏଝାସି ମନ ମନତା ଅର୍ଶପାନା ଏଲେଇଚେସି, ‘ନାନୁ ନୀଏଁ ଏନାଆଁ କିଇଁ ? ନା ଆର୍ନା କୁଡ଼ି କିହାନା ଇଟାଲି ଟାୟୁ ହିଲେଏ □’

୧୮ ଅଡ଼େ ଏଲେଇଚେସି; ‘ନୀଏଁ ଇଲେ କିଇଁ ମାନି ଗାଦେୟିକା ରିକ୍ହାନା କାଜାଆଁ କିହାନା ଏମ୍ପାଆଁ ଗହଁୟାଁ ଇଞ୍ଜାଁ ଏନି ଏନି ଆର୍ନା କୁଡ଼ି କିହାନା ଇଚିଇଁ,

୧୯ ଅଡ଼େ ନା ଜୀଝୁତି ଏଲେଇଇଁ, ଏ ଜୀଝୁ ହାରେକା ବାର୍ସା ତାକି ନିଙ୍ଗେ ତାକି ଗାତି ଆର୍ନା କୁଡ଼ି କିଝିଆହାମାନେ, ନୀଏଟି ଜମାନା ମନକିତି ଲେହେଁ ତିଞ୍ଜା ଉଣ୍ଣାନା ରାହାଁ କିମୁ □’

୨୦ ସାମା ମାହାପୁରୁ ଏଝାଣାଇଁ ଏଲେଇଚେସି, ଆଡ଼େ ବୁଦି ହିଲାଆଗାଟାଟି, ନୀଞ୍ଜୁ ଲାଆଁୟାଁ ନୀ ଜୀଝୁ ନୀ ତାଣାଟି ଅଝିଆନେ; ଏଚେଟିଏ ନୀନୁ କୁଡ଼ିକିହା ଇଟାମାନି ବାରେ ଦନ ଆମ୍ଭାଆରାଝାୟି ଆନେ □”

୨୧ ଜୀସୁ ଏଲେଇଚେସି, “ଆମ୍ଭାଆସି ତାଙ୍ଗେତାକି ଦନ କୁଡ଼ି କିନେସି, ସାମା ମାହାପୁରୁ ତାଣା ଦନଗାଟାସି ଆଅସି, ଏଝାସି ଇଝାଣି ଲେହେଁତାସି □”

ଅର୍ଶପାଆଦୁ
(ମାତି ୬:୨୫-୩୪)

୨୨ ଜୀସୁ ତାନି ସୀସୁୟାଣି ଏଲେଇଚେସି, ଇଦାଆଁତାକି ମିଙ୍ଗେ ଝେସିମାଞ୍ଜାଇଁ, ଏନାଆଁ ତିନାୟି, ଇଲେକଁ ମୀ ଜୀଝୁତାକି, ଏନାଆଁ ଦୁରନାୟି ଇଲେକଁ ମୀ ଆଙ୍ଗା ତାକି ଜିକେଏ ମୀରୁ ଅର୍ଶପାଆଦୁ □

୨୩ ଇଚିହଁ ରାନ୍ଦା କିହାଁ ଜୀଝୁ କାଜାୟି ଅଡ଼େ ହିମ୍ପରିକା କିହାଁ ଆଙ୍ଗା କାଜାୟି □

୨୪ ପଟାୟାଁଣି ସିନିକିଦୁ, ଏଝି ମାଟାଉ କି ଦାଉ, ଇଞ୍ଜାଁ ଏଝାସିକା ଗାଦେୟିକା ହିଲାଉ, ଅଡ଼େ ମାହାପୁରୁ ଏଝାସିକାକି ତିନି କାଦି ହାନେସି; ମୀରୁ ପଟାୟାଁ କିହାଁ ଏଚେକା କାଜାତେରି □

୨୫ ଅଡ଼େ ମୀ ବିତ୍ରାଟି ଆମ୍ଭାଆତେରି ଅର୍ଶପି ଅର୍ଶପିହଁ ମୀ ଜୀଝୁତି ଆଗାଡ଼ା ପାଡ଼ିକିହାଲି ଆଡ଼ିଦେରି ?

୨୬ ମୀରୁ ର ଉଣା କାମାତି କିହାଲି ଆଡ଼ିହିଲଅତେରି, ଆଡ଼ିହଁ ଏଟକାତି କାତା ଏନାଆଁତାକି ଗାତି ଅର୍ଶପିମାଞ୍ଜେରି ?

୨୭ ଜାଡ଼ାତି ପୁଙ୍ଗାଣି ସିନିକିହାଁ ଅର୍ଶପାଦୁ, ଏଝି ଏନି କାମା କିଉ; ଆଡ଼ିଜିକେଏ ନାନୁ ମିଙ୍ଗେ ଝେସିମାଞ୍ଜାଇଁ, ସଲମନକି ବାରେ ଅଜିତାୟି ମାଟିହଁ ଜିକେଏ ଏଝାଣାକି ଇ ପୁଙ୍ଗା ଏଚେକା ଅଜିତି ହିମ୍ପରିକା ହିଲାଆଡୁ □

୨୮ ଆମିନି ଜାଡ଼ା ନୀଞ୍ଜୁ ମାନେ, ଝିଏ ଝାୟା ହାନେ ଅଡ଼େ ହଲୁତା ହୁଡ଼କିଆନେ, ମାହାପୁରୁ ଏ ଜାଡ଼ାତି ଇଲେତି ଝାଣା ହାନେସି, ଏନାଆଁ ଏଝାସି ମିଙ୍ଗେ ହିମ୍ପରିକା ପର୍ଝି କିୟଅସି ? ମୀ ନାମୁ ଏଚେକା ଉଣା □

୨୯ ଏଦାଆଁତାକି ଏନାଆଁ ତିନାୟି ଏନାଆଁ ଗହ୍ନାୟି, ଏଦାଆଁ ମୀରୁ ପାରିହଁ ରେଆଦୁ କି ଅର୍ଶପାଆଦୁ,

୩୦ ଇଚିହଁ ଦାର୍ତତି ଜୀହୁଦିଆଆଡାରି ଏ ବାରେ ପାରିହଁ ରେନେରି; ସାମା ଇ ବାରେ ମୀ ଲଡ଼ାମାନେ ଏଦାଆଁ ମୀ ଲାକପୁରୁତି ଆଡ଼ା ପୁଞ୍ଜାମାନେସି □

☆ ୧୨:୧୦ ୧୨:୧୦ ମାତି ୧୨:୩୨; ମାର୍କ ୩:୨୯ ☆ ୧୨:୧୧ ୧୨:୧୧ ମାତି ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫ * ୧୨:୧୧ ୧୨:୧୧ ସିନଗର୍

୩୧ ମୀରୁ ମାହାପୁରୁତି ରାଜି ପାରାଦୁ, ଆତିହିଁ ଇ ବାରେ ମିଙ୍ଗେ ହୀପକିଆନେ □

**ଲକପୁରୁତି ଦନ
(ମାତି ୬:୧୯-୨୧)**

୩୨ ଏ ଉଣା ମେଣ୍ଟାୟାଁ ମାନ୍ଦାତେରି ଆଜାଆଦୁ, ଇତିହିଁ ମିଙ୍ଗେ ଏ ରାଜିତି ହୀହାଲି ମୀ ଲକପୁରୁତି ଆବାକି ଏଚେକା ରାହାଁ □

୩୩ ମୀରୁ ମୀ ଦନତି ପାରଚାନା ହିଲାଆ ଗାଟାରକି ହୀଦୁ; ମୀରୁ ମିଙ୍ଗେତାକି ଇଲେତି ବଟ୍‌ଝା କେପାଦୁ; ଇତିହିଁ ଏମିୟା ସରୁ ଝାଅସି ଅଡ଼େ ଲାମ୍ବୁ ତିନେଏ ଇଲେତି ଲକପୁରୁ ଦନ କୁଡ଼ି କିଦୁ,

୩୪ ଇତିହିଁ ଆମିୟା ଦନ ଏମେଏ ଜିକେଏ ମୀ ମନ ମାଞ୍ଜେମାନେ □

ଜାଗ୍ରତା ହଲେଏସି

୩୫ ✨ “ମୀ ଟେତେଲି ଦସା କତାନା ମାଞ୍ଜୁ ଅଡ଼େ ମୀ ଦାଝିୟାଁ ତାଞ୍ଜିହିଁ ମାଣ୍ଟୁ;”

୩୬ ✨ ଅଡ଼େ ପ୍ରବୁ ବୀହା ଇଜ ହାଜାନା ଝେଣ୍ଟା ଝାନାଟି ଏଝାଣାଇଁ ଦାରା ଦେନମିଝା ଇଞ୍ଜିଁ କାଟାମାନାରି, ମୀରୁ ଜିକେଏ ଏଝାରିଲେହେଁ କାଟାହାଁ ମାଞ୍ଜୁ □

୩୭ ପ୍ରବୁ ଝାହାନା ଆମିନି ହଲିୟାଙ୍ଗାଣି ଜାଗ୍ରତା ମାନାଣି ମେହ୍‌ନେସି, ଏଝାରି ନେହେଁ; ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଝାସି ତାନି ଟେତେଲି ରୁପାନା ଏଝାରିଇଁ ତିଞ୍ଜାଲି କୁଗି କିହାଁ ତାଗେ ହାଜାନା ସେବା କିନେସି □

୩୮ ଅଡ଼େ ଏଝାସି ମାଦି ଲାଆଁୟାଁ କି ଝେୟା ନେକେରିତା ଜିକେଏ ଝାହାନା ଏଝାରିଇଁ ଏଲେକିଁ କାଟାମାନାଣି ମେହ୍‌ନେସି ଏ ହଲିୟାଙ୍ଗା ନେହେଁ □

୩୯ ✨ ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ବେଲାତା ସରୁ ଝାନେସି, ଇଦାଆଁ ଲକୁଗାଟାସି ପୁଡ଼ିହିଁ ଏଝାସି ତାନି କୁଡ଼ୁ ତୁଡ଼ହାଲି ହୀଆତେସିମା □

୪୦ ମୀରୁ ଜିକେଏ ଜାଗ୍ରତା ଆହାନା ମାଞ୍ଜୁ, ଇତିହିଁ ମୀରୁ ଆମିନି ବେଲାତା ଅଣ୍ପା ହିଲଅତେରି, ଏଟିବେଲାତା ମାଣ୍ଟସି ମୀରୁଏସି ଝାନେସି □”

**ଟିକାଣା ହିଲାଆଗାଟି ହଲେଏସି
(ମାତି ୨୪:୪୫-୫୧)**

୪୧ ଏଚେଟିଏ ପିତର ଏଲେଇଚେସି, “ଏ ପ୍ରବୁ ନୀନୁ ପୁଣ୍ଡିକିନି କାତା ମାଙ୍ଗେ କି ବାରେତାକି ଝେସିମାଞ୍ଜି ?”

୪୨ ପ୍ରବୁ ଏଲେଇଚେସି, “ସାଝୁକାରି ତାନି ଇଲୁତି ଲକୁତାକି ତାନି ରାନ୍ଦା କାଟୁତା ରାନ୍ଦା ହୀହାଲି ତାନି ଗୁମୁସ୍ତା ପାଣା ହେରପିନେସି, ଇଲେତି ଟିକାଣାଗାଟି ଅଡ଼େ ବୁଦିଗାଟି ହଲେଏସି ଆମ୍ବାଆସି ?”

୪୩ ପ୍ରବୁ ଝାହାନା ତାନି ଆମିନି ହଲେଏଣାଇଁ ଏଲେ କିହିମାନାଣି ମେହ୍‌ନେସି ଏଝାସି ନେହେଁ □

୪୪ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଝାସି ଏଝାଣାଇଁ ତାନି ବାରେ ଦନତି ମୁହେଁ ଗୁମୁସ୍ତା କିହା ଇଟିନେସି □

୪୫ ସାମା ଏ ହଲେଏସି ନା ସାଝୁକାରି ଝାନାୟି ମାନେୟିଏ ଇଞ୍ଜିଁ ମନତା ଅଣ୍ପାନା ହଲିୟାଙ୍ଗା ହଲେଣିସିକାଣି ଝେଟାଲି ଇଞ୍ଜା ତିଞ୍ଜି ଉଣ୍ଡିହିଁ କାଡ଼ ହୁଟାଲି ମାଟ୍‌ନେସି,

୪୬ ଆତିହିଁ ଏମିନି ଦିନା ହଲେଏସି କାଟାହିଲଅସି ଇଞ୍ଜା ଏମିନି ବେଲା ଏଝାସି ପୁଞ୍ଜାହିଲଅସି, ଏ ଦିନା ଏ ବେଲାତା ତାନି ପ୍ରବୁ ଝାନେସି, ଇଞ୍ଜା ଏଝାସି ଏଝାଣାଇଁ ରୀ ବାଟା କିହାନା ନାମୁ ହିଲାଆଗାଟାରି ତଲେ ଏଝାଣାଇଁ କାଲ୍‌ନେସି □

୪୭ ଅଡ଼େ ଆମିନି ହଲେଏସି ତାନି ସାଝୁକାରିତି ମନ ଅଣ୍ପାନା ଜାଗ୍ରତା ଆଅସି କି ଏଝାଣି ମନତଲେ କାମା କିଅସି, ଏଝାସି ଗାଡ଼ି ମାଡ଼ା ବେଟା ଆନେସି;

୪୮ ସାମା ଆମ୍ବାଆସି ପୁନାଆନା ମାଡ଼ା ପାଣ୍ଡି କାମା କିନେସି, ଏଝାସି ଉଣା ମାଡ଼ା ବେଟା ଆନେସି □ ଆମ୍ବାଆରାକି ଗାଡ଼ି ହୀପକି ଆହାମାନେ, ଏଝାଣି ତାଣାଟି ହାରେକା ରୀହ୍‌ନାୟି ମାନେ; ଇଞ୍ଜା ଲକୁ ଆମ୍ବାଆରାକି ଗାଡ଼ି ହୀହାମାନେରି ଏଝାଣି ତାଣାଟି ହାରେକା ଆଗାଡ଼ା ରୀହ୍‌ନେରି □

**ଜୀପୁ ଲକୁଣି ବାଟା କିଝିକିନାୟି
(ମାତି ୧୦:୩୪-୩୬)**

୪୯ “ନାନୁ ଇ ଦାରତିତା ହିତୁ ପ୍ରଡ଼ହାଲି ଝାହାମାଇଁ, ଇଦି ନୀଏଁ ଗୁଦୁ ଗୁଦୁ ଆହିମାନେ ଆତିହିଁ ନାଙ୍ଗେ ଏନି ଅଣ୍ପୁ ?

୫୦ ✨ ସାମା ନାନୁ ର ବାପ୍ତିସ୍ତାଁ ପାଣ୍ଡନାୟି ମାନେ, ଅଡ଼େ ଏଦି ରାଆ ପାତେକା ନାଙ୍ଗେ ଏଚେକା କସ୍ତୁ ହଡ଼ି ମାଞ୍ଜାନେ □

୫୧ ନାନୁ ଦାରତିତା ହିଡ଼ି ହୀହାଲି ଝାହାମାଇଁ ଇଞ୍ଜିଁ ମୀରୁ ଅଣ୍ପିମାଞ୍ଜେରି ? ନାନୁ ମିଙ୍ଗେ ଝେସିମାଞ୍ଜାଇଁ, ଆଏ, ବାଟା କିହାଲି ଝାହାମାଇଁ □

୫୨ ଇତିହିଁ ର ଇଜ ପାସାଜାଣା ମାନେରି, ରିଆରି କପାଟି ତାନିଜାଣା ଅଡ଼େ ତାନିଜାଣା କପାଟି ରିଆରି ଏଟକା ଆନେରି □

୫୩ ମୀରୁଏଣା କପାଟି ତାଞ୍ଜି, ତାଞ୍ଜି କପାଟି ମୀରୁଏସି, ମାଙ୍ଗା କପାଟି ତାଲି, ତାଲି କପାଟି ମାଙ୍ଗା, କୁଡ଼ିୟାନି କପାଟି ପୟା, ଅଡ଼େ ପୟା କପାଟି କୁଡ଼ିୟା ଏଟକା ଆନୁ □”

**କାଲାତି ପୁନାୟି
(ମାତି ୧୨:୨,୩)**

୫୪ ଇଞ୍ଜା ଏଝାସି ଲକୁଣି ଜିକେଏ ଏଲେଇଚେସି, “ଝେଡ଼ା କୁଡ଼ିଝାକି ହାଗୁ ନିଙ୍ଗି ମାନାଣି ମେସିସାରେ ଦେବୁଣିଏ ଏଲେଇଞ୍ଜେରି ପିୟୁ ଝାନେ, ଅଡ଼େ ଏଲେକିହିଁ ଏ ଆନେ;

✨ ୧୨:୩୫ ୧୨:୩୫ ମାତି ୨୫:୧-୧୩ ✨ ୧୨:୩୬ ୧୨:୩୬ ମାର୍କ ୧୩:୩୪-୩୬ ✨ ୧୨:୩୯ ୧୨:୩୯ ମାତି ୨୪:୪୩,୪୪ ✨ ୧୨:୫୦ ୧୨:୫୦ ମାର୍କ ୧୦:୩୮ † ୧୨:୫୦ ୧୨:୫୦ ମୁଞ୍ଜିନାୟି

୫୫ ଅଡ଼େ ଟିଅନି ଖାକିଟି ଗାଲି ଖେନାଣି ମେସିସାରେ ମୀରୁ ଏଲେଇଞ୍ଜେରି, ଗାତି କାରା ଆନେ, ଅଡ଼େ ଏଲେଏ ଆନେ □

୫୬ ଆଡ଼େ କୁଟୁ ଗାଟାତେରି, ମୀରୁ ଦାରତି ଅଡ଼େ ହାଗୁତି ସିନାୟା ପୁଞ୍ଜିମାଞ୍ଜେରି, ସାମା ଇ କାଲାତି ସିନାୟା ଏନିଲେହେତାଇ ପୁଞ୍ଜି ହିଲଅତେରି ?”

ଗଡ଼ହା ଆଡ଼ାଣି ତଲେ ଆଣ୍ଡିନାୟି
(ମାତି ୫:୨୫,୨୬)

୫୭ ଏନାଆଁ କିନାୟିମାନେ ଇଞ୍ଜି ମୀରୁ ଏନାଆଁତାକି ମୀ ବିତ୍ରା ନୀହାୟି କିହିହିଲଅତେରି ?

୫୮ ଇତିହିଁ ମୀ ଗଡ଼ହା ଆଡ଼ାଣି ତଲେ ନୀହାୟି କିନାଣି ତାଣା ହାନିବେଲାତା ଜିରୁତେଏ କାଲ୍‌ଝିଆନି ଉପେୟି ଅଣ୍ଡିପାମୁ, ଏଲାଆଆତିହିଁ ଏଞ୍ଜାସି ନିଞ୍ଜେ ଅଡ଼େ ଖେଣ୍ଡେ ନୀହାୟି କିନାଣି ତାଣା ରେଜା ଅୟାନେସି, ଅଡ଼େ ନୀହାୟି କିନାସି କସ୍‌କା କେୟୁତା ହେରପାନେସି, ଅଡ଼େ କସ୍‌କା ନିଞ୍ଜେ କାୟିଦି ଇଲୁତା ଇଟାନେରି □

୫୯ ନାନୁ ମିଞ୍ଜେ ଖେସିମାଞ୍ଜାଇ, “ମୀରୁ ର କାନି ଜିକେଏ ପିହ୍‌ଆନାହା ହାତିହିଁ ଦେଁ ଏମ୍ବାଟି ହଟା ଖାହାଲି ଆଡ଼ିଦେରି □”

୧୩

ମନ ଖେଟ୍‌ଆତିହିଁ ନାସା ଆନାୟି

୧ ଏଟିବେଲାତା ଏରେକା ଲକୁ ଖାହାନା, ପିଲାତ ଏମିନି ଗାଲିଲି ଲକୁତି ନେତେରି ଏଞ୍ଜାରି ପୂଜା ତଲେ ଆଟ୍‌ହାମାରେସି, ଏ କାତା ଜୀସୁଇଁ ଖେସ୍ତେରି □

୨ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏ ଗାଲିଲିତାରି ଡ଼ଣ୍ଡ ବେଟାଆହାଲିଏ ଏଞ୍ଜାରି ଅର ଗାଲିଲିତାରି କିହାଁ ହାରେକା ପାପୁ ଗାଟାରି ଇଞ୍ଜି ମୀରୁ ଅଣ୍ଡିପିମାଞ୍ଜେରି ?

୩ ନାନୁ ମିଞ୍ଜେ ଖେସିମାଞ୍ଜାଇ, ଏଲେକିଁ ଆଏ, ସାମା ମୀରୁ ମନ ଖେଟ୍‌ଆତିହିଁ ବାରେ ଜାଣାତେରି ଏଞ୍ଜାରିଲେହେଁ ହାଦେରି □

୪ ସିଲହତା ଆମିନି ଅଟ୍‌ର ଜାଣାତି ଲାକ ପାତାଆଡ଼ି କଟା ଇଲୁ ରିହାନା ହାଟେରି, ଏଞ୍ଜାରି ବାରେଜାଣା ଜିରୁସାଲମତି ଲକୁ କିହାଁ ହାରେକା ପାପୁ ଗାଟାରି ଇଞ୍ଜି ମୀରୁ ଅଣ୍ଡିପିମାଞ୍ଜେରି ?

୫ ନାନୁ ମିଞ୍ଜେ ଖେସିମାଞ୍ଜାଇ, ଏଲେକିଁ ଆଏ, ମୀରୁ ମନ ଖେଟ୍‌ଆତିହିଁ ବାରେଜାଣା ତେରି ଏଲେକିହିଁ ଏ ନାସା ଆଦେରି □”

ପାଡ଼େୟି ଆୟାଆଗାଟି ତୟା ମାର୍‌ନୁ

୬ ଜୀସୁ ଇ ପୁଣ୍ଡିକିନି କାତା ଖେସ୍ତେସି, ରଅଣି ଅଞ୍ଜୁରି ବାଡ଼ାତା ର ତୟା ମାର୍‌ନୁ ଉହି ଆହାମାରେ □ ଏଞ୍ଜାସି ଖାହାନା ପାଡ଼େୟି ପାରିତେସି ସାମା ମେଡ଼ିକିଆତେସି □

୭ ଇଞ୍ଜା ଏଞ୍ଜାସି କାମା କିନାଣାଇଁ ଏଲେଇଚେସି, “ମେହ୍‌ମୁ ନାନୁ ତାନି ବାର୍‌ଆ ଆଡ଼େୟିଏ ଇ ତୟା ମାର୍‌ନୁତା ଖାହାନା ପାଡ଼େୟି ପାରିମାଇଁ, ସାମା ମେଡ଼ିକିହିଁ ହିଲଅଁ; ଏଦାଣି ଚୁଣ୍ଡା ତୁହ୍‌ମୁ, ଇଦି ଏନାଆଁତାକି ବୁମିତି ପାଡ଼ିୟା କିନେ ?”

୮ ସାମା କାମାକିନାସି ଏଲେଇଚେସି, “ପ୍ରବୁ ଇଦି ଇୟନା ତାକି ମାଣ୍‌ମେ, ନାନୁ ଇଦାଣି ସାରିସୁଟୁ କାର୍‌ହାନା ଗାତା ହାଇଁ,

୯ ଅଡ଼େ ତାୟୁ ପାଡ଼େୟି ଆୟିତିହିଁ ନେହେଁ ଆୟାଆତିହିଁ ଏଦାଣି ଚୁଣ୍ଡା ତୁହ୍‌ମୁ □”

ଜୀସୁ ଜମିନି ଦିନା ର ଚୁଡ଼ୁଝା ଇୟାନି ନେହଁ କିନାୟି

୧୦ ର ଦିନା ଜୀସୁ ଜମିନି ଦିନା ର ଜୀହୁଦି ଲକୁତି କୁଟମି ଇଲୁତା* ଜାପୁହିଁ ମାରେସି □

୧୧ ଏମ୍ବାଆଁ ର ଇୟା ମାଚେ, ଏଦି ଅଟର ବାର୍‌ଆ ପାତେକା ପଲ୍‌ଆ ବୁଡୁ ତଲେ କସ୍‌ ଆହିମାଚେ, ଏଦି ଚୁଡ଼ୁଝା ଆହାନା ସଲକେ ଆହିଁ ତାକାଲି ଆଡ଼ିହିଲିଆତେ □

୧୨ ଜୀସୁ ଏଦାନି ମେସାନା ତାଗେ ହାଟାନା ଏଲେଇଚେସି, “ଏ ଇୟା ନୀନୁ ନୀ ଆଡ଼ାଆ କସ୍‌ଟି ନେହଁ ଆଡ଼ି □”

୧୩ ଅଡ଼େ ଏଞ୍ଜାସି ଏଦାନିଲେକ କେୟୁ ଇଟିଚେସି, ଏମ୍ବାଟିଏ ଏଦି ଏ ଦେବୁଣିଏ ସଲକେ ଆହାନା ମାହାପୁରୁତି ଜହରା କିଚେ □

୧୪ ସାମା ଜୀସୁ ଜମିନି ଦିନାତା ନେହଁ କିହିମାତାକି ଜୀହୁଦି ଲକୁତି କୁଟମି ଇଲୁତି† କାଜାସି କାର୍‌ବି ଆହାନା ଲକୁଣି ଏଲେଇଚେସି, “କାମା କିହାଲି ସ ଦିନା ମିଞ୍ଜେ ମାନେ; ଏଦାଣିତାକି ସ ଦିନା ନେହଁ ଆହାଲି ଖାଦୁ, ଜମିନି ଦିନାତା ଖାଆଦୁ □”

୧୫ ସାମା ପ୍ରବୁ ଏଞ୍ଜାଣାଇଁ ଏଲେଇଚେସି, “ଆଡ଼େ କୁଟୁ ଗାଟାତେରି, ମୀରୁ ବାରେଜାଣା ତେରି ଜମିନି ଦିନାତା ମୀ କଡ଼ି କି ଗାଡ଼ଦେତି ହାଃଅଲାଟି ଅହାନା ଏୟୁ ଉଟ୍‌ହିଁ ହିଲଅତେରି କି ?

୧୬ ଅଟର ବାର୍‌ଆ ପାତେକା ସୟତାନ ତାଣାଟି ଦସ୍‌ପି ଆହାମାନି ଅଗ୍ରାହାମ କୃଡ଼ାତି ଇ ଇୟାନି ଜମିନି ଦିନାତା ନେହଁ କିନାୟି ହିଲଆତେ କି ?”

୧୭ ଏଞ୍ଜାସି ଇ ବାରେ କାତା ଖେସାଲିଏ, ତାନି ସାତୁୟାଁ ବାରେ ଲାଜା ବେଟାଆଡ଼େରି, ସାମା ଜୀସୁ କିହାମାନି କାମା ମେସାନା ଲକୁ ରାହାଁ ଆଡ଼େରି □

ହାସ୍‌ ପାଡ଼େୟି

(ମାତି ୧୩:୩୧,୩୨; ମାର୍କ ୪:୩୦-୩୨)

୧୮ ଜୀସୁ ଏଲେଇଚେସି, “ମାହାପୁରୁ ରାକି ଏନିଲେହେତାୟି ? ଆମ୍ବାରିତଲେ ଏଦାନି ତୁକଇଁ ?

୧୯ ଏଦି ଇଲେତି ର ହାସ୍‌ ପାଡ଼େୟି ଲେହେଁ, ଏଦାଆଁ ଅହାନା ରଅସି ତାନି ବାଡ଼ାତା ମାଟିଚେସି, ଅଡ଼େ ଏଦି

* ୧୩:୧୦ ୧୩:୧୦ ସିନଗର † ୧୩:୧୪ ୧୩:୧୪ ସିନଗର

ପାତାଆହାନା ର ମାର୍ବନ୍ ଆଡେ, ଅଡେ ହାଗୁ ଲାକ ଉଦ୍ଦିନି ପଚାୟାଁ ଖାହାନା ଏ କମାତା ବାସା କିତୁ □”

ପୁଲାଏୟୁ
(ମାତି ୧୩:୩୩)

୨୦ ଜୀସୁ ଅଡେ ଏଲେଇଚେସି, “ନାନୁ ଆମ୍ବାରିତଲେ ମାହାପୁରୁତି ରାଜି ତୁକ୍‌କ ?

୨୧ ଏଦି ପୁଲା ଏୟୁଲେହେଁତାୟି, ର ଇୟା ତାନିମାଣା ଗୁଣ୍ଡାତା କାଲହା ଇଚିତେ, ତାୟୁ ବାରେ ଗୁଣ୍ଡା ପୁଲା ଆଡେ □”

ଜାକ୍‌ଣି ଦୁଝେରି
(ମାତି ୭:୧୩,୧୪,୨୧-୨୩)

୨୨ ତାୟୁ ଜୀସୁ ଗାଡାତାକି ଗାଡା ନାୟୁଁ ତାକି ନାୟୁଁ ରେଜିହଁ ଜାପୁହିହଁ ଜିରୁସାଲମ ଖାକି ହାଜିମାଚେସି □

୨୩ ରଅସି ଏଝାଣାକ୍‌କେ ଝେଚେସି, “ପ୍ରବୁ ଗେଲ୍‌ପି ଆନାରି ଝାବରଇ ଇଚରା ଜାଣାକି ?”

ଜୀସୁ ଏଝାରାକ୍‌କେ ଏଲେଇଚେସି,

୨୪ “ଜୀସୁ ତୁସାନା ଜାକ୍‌ଣି ଦୁଝେରିଚି ହାଜୁ; ଇଚିହଁ ନାନୁ ମିଜେ ଝେସିମାଞ୍ଜାକ୍‌କେ, ହାରେକା ହଡାଲି ଅଣ୍‌ପିନେରି, ସାମା ହଡାଲି ଆଡଅରି □

୨୫ ଇଲୁଗାଟାସି ନିଜୀନା ଦାରା ସୁଣ୍ଡିତ ତାୟୁ ଏଚେତା ମୀରୁ ପାଙ୍ଗାତା ନିଚାନା ଦାରା ତୀ ତୀ ଝେଚିହଁ ‘ଏ ପ୍ରବୁ ମାଙ୍ଗେତାକି ଦାରା ଦେତାମୁ’ ଇଞ୍ଜଁ ହାଚିଦେରି, ଏଚେତା ଏଝାସି ମିଜେ ଏଲେଇଞ୍ଜାନେସି, ‘ମୀରୁ ଏମ୍ବିତାତେରି ନାନୁ ପୁଞ୍ଜାମାଞ୍ଜଅଁ’ □

୨୬ ଏଚିବେଲା ମୀରୁ ଏଲେଇଞ୍ଜେରି, ‘ଏ ପ୍ରବୁ ମାମ୍ବୁ ନୀ ତଲେ ଚିଚା ଉଚାତମି, ଅଡେ ନାନୁ ମା ଆଁଗେଣିକାଣା ଜାପୁହିମାଞ୍ଜାତି □’

୨୭ ଅଡେ ଏଝାସି ମିଜେ ଏଲେଇଞ୍ଜାନେସି, ‘ମୀରୁ ଆମିନି ଟାୟୁତି ଲକୁତେରି ନାନୁ ପୁଞ୍ଜାମାଞ୍ଜଅଁ; ଏ ଲାଗେଏ ପଲେଏ ତାତେରି ନା ତାଣାଚି ହେକ ଆଦୁ □’

୨୮ ✠ଏଚିବେଲା ମୀରୁ ଅବାହାମ, ଇସାହାକ, ଜାକୁବ ଇଞ୍ଜା ବାରେ ମାହାପୁରୁ ଅଣ୍‌ପୁତି ବଲୁ ଝେହ୍‌ନାରାକ୍‌କେ ମାହାପୁରୁ ରାଜିତା ମାନାଣି ଅଡେ ମିଜେ ପାଙ୍ଗାତା କୁତା ମାଞ୍ଜାନାଣି ଅଣ୍‌ପାନା ପାଲକା ଟୀଚି କିହଁ ତୀଦେରି □

୨୯ ଅଡେ ହାରେକା ଲକୁ ଝେଡା ହପୁ ଝାକିଚି ଅଡେ ଝେଡା କୁଡନି ଝାକିଚି, ଟିଝନି ଝାକିଚି ଚେବୁ ଝାକିଚି ଝାହାନା ମାହାପୁରୁତି ରାଜିତି ବଜିତା କୁଗିନେରି □

୩୦ ✠ଅଡେ ମେହ୍‌ଦୁ ତାୟୁ ମାନି କଚେକା ନକିତା ଆନେରି ଅଡେ ନକିତା ମାନି କଚେକା ତାୟୁ ଆନେରି □”

ଜୀସୁ ଜିରୁସାଲମତି ଜୀସୁନନାୟି
(ମାତି ୨୩:୩୭-୩୯)

୩୧ ଏଚିବେଲାତେଏ ଏଚରଜାଣା ପାରୁସିୟାଁ ଝାହାନା ଜୀସୁକ୍‌କେ ଝେସ୍ତେରି, “ନାନୁ ଇ ଟାୟୁ ପିସାନା ହାଜାତୁହ୍‌ମୁ

ଏନାଆଁତାକି ଇଚିହଁ ହେରଦ ନିଜେ ପାୟାଲି ଅଣ୍‌ପିମାନେସି □”

୩୨ ଜୀସୁ ଏଝାରାକ୍‌କେ ଏଲେଇଚେସି, “ମୀରୁ ହାଜାନା ଏ ନାକାକ୍‌କେ ଝେହ୍‌ଦୁ, ‘ମେହ୍‌ମୁ ନାନୁ ନୀଞ୍ଜୁ ଅଡେ ଝିଏ ବୁତୁୟାଁ ପିସପି କିହିମାକ୍‌କେ ଅଡେ ନେହଁ କିହିମାକ୍‌କେ ଇଞ୍ଜା ତାନି ଦିନାଟିଏ ନା କାମା ରାପୁକ୍‌କେ □’

୩୩ ଏନିଜିକେଏ ନୀଞ୍ଜୁ ଝିଏ ଅଡେ ମାର୍‌ବଁ ନାଜେ ତାକିହଁ ହାଜାଲି ଆନେ, ଇଚିହଁ ମାହାପୁରୁ ଅଣ୍‌ପୁତି ବଲୁ ଝେହ୍‌ନାସି ଜିରୁସାଲମ ପିସପେ ପାଙ୍ଗାତା ହାନାୟି ନେହେଁ ଆଏ □”

୩୪ “ଏ ଜିରୁସାଲମ, ଏ ଜିରୁସାଲମ ମାହାପୁରୁ ଅଣ୍‌ପୁତି ବଲୁ ଝେହ୍‌ନାରାକ୍‌କେ ପାୟିନାତି ଅଡେ ନୀ ତାଣା ପାଣ୍ଡୁଝି ଆହାମାନାରାକ୍‌କେ ଝାଲକାତଲେ ଝେନାତି, ତାଲି କୟୁ ଏନିକଁ ତାନି ହୀପାୟାଁଣି ତାନି ମାରାୟାଁ ଡଇ ଜକ୍‌ନେ, ଏଲେକଁ ଏଚର ଦେବା ନୀ ପଦି ପଦାତି ପୁକହାନା ଇଚିକ୍‌କେ ଇଞ୍ଜଁ ଅଣ୍‌ପିମାଚେସଁ ସାମା ମୀରୁ ଏଲେକିହାଲି ହିୟାଆତେରି □

୩୫ ମେହ୍‌ଦୁ ମୀ ଇଲୁ ମୀ କେୟୁତା ହୀପକି ଆହିମାଞ୍ଜାନେ; ଅଡେ ନାନୁ ମିଜେ ଏଲେଇଞ୍ଜିମାଞ୍ଜାକ୍‌କେ ମାହାପୁରୁ ଦରୁଚି ଆମ୍ବାଆସି ଝାହିମାନେସି ଏଝାସି ନେହଁସି ଇଞ୍ଜଁ ଏମିନି ନେରୁ ଇ କାତା ଏଲେଇଞ୍ଜେରି ଏ ଦିନା ଝାଆ ପାତେକା ମୀରୁ ଅଡେ ନାଜେ ମେସୁଅତେରି □”

୧୪

ଜୀସୁ ରଗ ଗାଟାଣାକ୍‌କେ ନେହଁକିନାୟି

୧ ଜୀସୁ ର ଜମିନି ଦିନା ରାନ୍ଦା ତିଞ୍ଜାଲି ପାରୁସିୟାଁ ବିତ୍ରାଟି ର କାଜାଣି ଇଜ ହଡାଲିଏ ଏଝାରି ଏଝାଣାକ୍‌କେ ଦହ ଦସାଲି ପରୁହି ମାଚେରି □

୨ ଅଡେ ମେହ୍‌ଦୁ ଏଝାଣି ନକିତା କେସ୍ତା କତାୟାଁ ପଂଗିତାସି ରଅସି ମାଚେସି □

୩ ଏମ୍ବାଟିଏ ଜୀସୁ ମସାତି ମେରାପୁନାରି ଅଡେ ପାରୁସିୟାଁକ୍‌କେ ଏଲେଇଚେସି, “ଜମିନି ଦିନାତା ରଅଣାକ୍‌କେ ନେହଁକିନି ମେରା ମାନେକି ଆଏ ?”

୪ ଏମ୍ବାଟିଏ ଚାରେଜାଣା ପାଲେଏ ଆଡେରି □ ଇଞ୍ଜା ଜୀସୁ ଏଝାଣାକ୍‌କେ ତୀଗାହାଁ ନେହଁ କିହାନା ମୀ ଇଜ ହାଲାମୁ ଇଞ୍ଜଁ ହେଲ ହୀତେସି □

୫ ✠ଇଞ୍ଜା ଏଝାସି ଏଝାରାକ୍‌କେ ଏଲେଇଚେସି, “ମୀ ବିତ୍ରାଟି ଆମ୍ବାଆସି ମୀରୁଏସି କି କଡି ଜମିନି ଦିନାତା କୁହିତା ରିଚିହଁ ଏ ଦେବୁଣିଏ ଡେଝା କଡଅସି କି ?”

୬ ଅଡେ ଏଝାରି ଇ ବାରେ କାତା ଝେଞ୍ଜାନା ଏନାଆଁ ଜଲାଲି ଆଡାଆତେରି □

ସେବା କିନାୟି ଅଡେ ତାମ୍‌ଜେ ଡଃଣା କିହା କଡିନାୟି

✠ ୧୩:୨୮ ୧୩:୨୮ ମାତି ୨୨:୧୩; ୨୫:୩୦ ✠ ୧୩:୨୮ ୧୩:୨୮ ମାତି ୮:୧୧,୧୨ ✠ ୧୩:୩୦ ୧୩:୩୦ ମାତି ୧୯:୩୦; ୨୦:୧୭; ମାର୍କ ୧୦:୩୧ ✠ ୧୪:୫ ୧୪:୫ ମାତି ୧୨:୧୧

୭ ବଢ଼ିତା ହାଟୁକି ଆହାମାଚାରି ନେହଁ ନେହଁ ଟାୟୁତା କୁଗାଲି ବାଟି କିହିମାଚାଣି ମେସାନା, ଏଞ୍ଜାରାକ୍ ର ପୁଣ୍ଡିକିନି କାତା ଝେସ୍ତେସି,

୮ “ଏଟିବେଲ୍ଲା ରଅସି ମିଜେ ବାହା ବଢ଼ିତା ହାଟାନ୍ଦେସି, ଏମ୍ବାଆଁ ନେହଁ ଟାୟୁତା କୁଗାଆଦୁ, ଇଚିହଁ ଏମ୍ବାଆଁ ମୀ କିହାଁ କାଜାସି ଜିକେଏ ହାଟୁକି ଆହାଡ଼ୟିନେସି,

୯ ଏଚେତା ନିଜେ ଅଡ଼େ ଏଞ୍ଜାଣାକ୍ ହାଟା ମାନାସି, ଏଞ୍ଜାସି ଖାହାନା ଇଞ୍ଜାଣାକି ଇ ଟାୟୁ ପିସାହାମୁ ଇଞ୍ଜାନ୍ଦେସି, ଏଚେତା ନୀନୁ ଲାଜାତଲେ ଉଣା ଟାୟୁତା କୁଗିଦି □

୧୦ ସାମା ଏଟିବେଲ୍ଲା ନୀନୁ ହାଟୁକି ଆହାମାନି ତାଣା ହାଜାନା ଡ଼ଇତି ଟାୟୁତା କୁଗାମୁ, ଏଚେଟିଏ ନିଜେ ହାଟି କିହାମାଞ୍ଜାନାସି, ଏ ତଣେ ନୀନୁ ଇ ନେହଁ ଟାୟୁତା କୁଗାମୁ ଇଞ୍ଜଁ ହାଟାସାରେ ଏଟିବେଲ୍ଲା କୂଡ଼ା ଆହାମାନି ଲକୁ ନକିତା ଗାଡ଼ି ମାନି ବେଟାଆଦି □

୧୧ *ଇଚିହଁ ଆମ୍ବାଆସି ନାନୁ କାଜାତେଏଁ ଇଞ୍ଜଁ ଇଞ୍ଜା କଡ଼ିନାଣାକ୍ ଉଣା କିଞ୍ଜିଆନ୍ଦେ, ଅଡ଼େ ଆମ୍ବାଆସି ତାଜେ ଉଣା କିହାକଡ଼ିନେସି ଏଞ୍ଜାଣାକ୍ କାଜାସି କିଞ୍ଜିଆନ୍ଦେ □”

୧୨ ଇଞ୍ଜା ଜୀସୁ ତାଜେ ହାଟି କିହା ମାଚାଣାକ୍ ଜିକେଏ ଏଲେଇଚେସି, “ନୀନୁ ବଢ଼ି ହୀନାଟି ନୀ ତଣେସିଜାଣି, ତାୟିୟାଁ, ସାମ୍ବିୟାଁ କି ନୀ ନାୟୁତା ମାନି ଦନ୍ ଗାଟାରାକ୍ ହାଟାଆନି, ଇଚିହଁ ଏଞ୍ଜାରି ଜିକେଏ ନିଜେ ହାଟାଲି ଆଡ଼ାନେରି ଅଡ଼େ ନୀନୁ ଝେଶ୍ଟେ ବେଟାଆଦି □

୧୩ ସାମା ବଢ଼ି କିଡ଼ିସାରେ ହିଲୀଆ ଗାଟାରି, କଲାୟାଁ, ସଟାୟାଁ, କାଣାୟାଁଣି ହାଟାମୁ; ଆଡ଼ିହଁ ନୀନୁ ନେହାଡ଼ି ଆଦି,

୧୪ ଆଡ଼ିହଁ ନିଜେତାକି ନେହେଁ, ଇଚିହଁ ନିଜେ ଝେଶ୍ଟେ ହୀହାଲି ଏଞ୍ଜାରିତାଣା ଏନାୟି ହିଲେଏ; ଇଞ୍ଜା ତୀରିଗାଟାରି ଝେଶ୍ଟେ ନିଜିନାଟି ମାହାପୁରୁ ନିଜେ ଝେଶ୍ଟେ ହିୟାନେସି □”

କାଜା ବଢ଼ିତି ପୁଣ୍ଡିକିନାୟି
(ମାତି ୨୨:୧-୧୦)

୧୫ ଇ କାତା ଝେଞ୍ଜାନା ଏଞ୍ଜାଣିତଲେ ତିଞ୍ଜାଲି କୁଗାମାଚାରି ବିତ୍ରାଟି ରଅସି ଜୀସୁକ୍ ଏଲେଇଚେସି, “ଆମିନିଗାଟାସି ମାହାପୁରୁ ରାଜିତା ବଢ଼ି ତିନାସି ଏଞ୍ଜାସି ନେହାସି □”

୧୬ ସାମା ଜୀସୁ ଏଞ୍ଜାଣାକ୍ ଏଲେଇଚେସି, “ରଅସି ର କାଜା ବଢ଼ି ଲକୁକି ହୀକ୍ ଇଞ୍ଜଁ ଅଣ୍ପାନା ହାଟ୍ରେକା ଲକୁକ୍ ହାଟିଚେସି;

୧୭ ଅଡ଼େ ତିନି କାରୁ ଆୟାଲିଏ, ଏଞ୍ଜାସି ହାଟାମାନି ଲକୁତାଣା ତାନି ହଲେଏଣାକ୍ ପାଣ୍ଡାନା ଏଲେଇଚେସି, ‘ବାରେ ଆଡ଼େୟିଏ ନୀଏଟି ମୀରୁ ତିଞ୍ଜାଲି ଖାଦୁ □’

୧୮ ସାମା ବାରେଜାଣା ଏଞ୍ଜାଣାକ୍ ରଣ୍ଡିଏ କାତା ଏଲେଇଚେରି, ରଅସି ଝେସ୍ତେସି, ‘ନୀନୁ ଇଚାଣି ବୁ଼ି କତାମାକ୍ ଏଦାଆଁ ସିନିକିହାଲି ହାନାୟିମାନେ;

ଏଦାଆଁତାକି ନାଜେ କାର୍ମା ଅଣ୍ପାମୁ ନାନୁ ଖାହାଲି ଆଡ଼ଥଁ □’

୧୯ ଅଡ଼େ ରଅସି ଏଲେଇଚେସି, ‘ନୀନୁ ପାସା ହେରୁ କଡ଼ିୟାଁ କତାମାକ୍, ନୀନୁ ଏଞ୍ଜାସିକାଣି ମାଡ଼ନାୟି ମାନେ ଏଦାଣିତାକି ନାଜେ କାର୍ମା ଅଣ୍ପାମୁ ନାନୁ ଖାହାଲି ଆଡ଼ଥଁ □’

୨୦ ଅଡ଼େ ରଅସି ଏଲେଇଚେସି, ‘ନୀନୁ ନୀଞ୍ଜୁ ବାହା ଆହାମାକ୍ ଏଦାଆଁତାକି ନାନୁ ଖାହାଲି ଆଡ଼ଥଁ □’

୨୧ ଇଞ୍ଜା ଏ ହଲେଏସି ଖାହାନା ବାରେ ତାନି ସାଞ୍ଜୁକାରିକ୍ ଝେସ୍ତେସି □ ଏଚେଟିଏ ଏ କାତା ଝେଞ୍ଜାନା ଏଞ୍ଜାସି କାର୍ବି ଆହାନା ତାନି ହଲେଏଣାକ୍ ଏଲେଇଚେସି, ନୀନୁ ତବେ ଗାଡ଼ାଡ଼ି ସାହଡ଼ାୟାଁ ଅଡ଼େ ତାଣ୍ଡେଣାଁ ହାଜାନା ହିଲୀଆଗାଟାରାକ୍, କଲାୟାକ୍, ସଟାୟାକ୍ ଇଞ୍ଜା କାଣାୟାକ୍ ଇମ୍ବାଆଁ ହାଟାତାମୁ □

୨୨ ତାୟୁ ଏ ହଲେଏସି ଏଲେଇଚେସି, ‘ଏ ପୁରୁ ନୀ କାତାତଲେ ବାରେ କିଡ଼ି ସାମା ଇଲୁ ନେଞ୍ଜା ହିଲେଏ □’

୨୩ ଏମ୍ବାଟିଏ ସାଞ୍ଜୁକାରି ହଲେଏଣାକ୍ ଟାଣ୍ଡିଚେସି, ‘କାଜା ଆଂଗେଣି ଅଡ଼େ ମାରୁନୁ ଡ଼ଇ ହାଜାନା ନା ଇଲୁ ଏନିକଁ ନେଞ୍ଜିନେ ଏଦାଆଁତାକି ଲକୁଣି ଖାହାଲି ଏଲେଇନାମୁ □

୨୪ ନୀନୁ ଝେସିମାଞ୍ଜାକ୍ ତଲି ହାଟାମାଚାରି ବିତ୍ରାଟି ରଅସି ଜିକେଏ ନା ବଢ଼ି ଖାଣ୍ଡାଲି ବେଟାଆଅସି □”

ଏନିଲେହେଁତାସି ଜୀସୁତି ସୀସୁ ଆନ୍ଦେସି
(ମାତି ୧୦:୩୭,୩୮)

୨୫ ମାନ୍ଦା ଲକୁ ଜୀସୁତଲେ ହାଜିମାଚେରି, ଏଞ୍ଜାସି ତାୟୁଖାକି ସିନିକିହାନା ଏଞ୍ଜାରାକ୍ ଏଲେଇଚେସି,

୨୬ *“ଆମ୍ବାଆସି ନା ତାଣା ଖାହାନା ତାନି ତାଲି, ତାଞ୍ଜି, ଡ଼କ୍ତି, ମୀରକା, ମାସ୍କା, ତାୟି ତାଜିସ୍ତାଣି ଅଡ଼େ ତାନି ଜୀସୁତି ଜିକେଏ ଅପିନେସି ଏଞ୍ଜାସି ନା ସୀସୁ ଆୟାଲି ଆଡ଼ଅସି □

୨୭ *ଆମ୍ବାଆସି ତାନି କୁସ ଡ଼େକାନା ନା ଜେଚ ଜେଚ ଖାଅସି, ଏଞ୍ଜାସି ନା ସୀସୁ ଆୟାଲି ଆଡ଼ଅସି □

୨୮ ମୀ ବିତ୍ରାଟି ଆମ୍ବାଆସି ପାଡ଼ିକିହଁ କଟା ଇଲୁ ଦସାଲି ଅଣ୍ପିନେସି, ଦହନି କାମା ରାପହାଲି ଟାକାୟାଁ ଏନୁ କି ଏଡ଼ ଇଞ୍ଜିହଁ ଏମ୍ବାଡ଼ି ଲେକା କିଅସିକି ?

୨୯ ଏଚେତା ଏଞ୍ଜାସି ପୁନାଦି ନିପହାନା ରାପହାଲି ଆଡ଼ାଆସାରେ, ଏଚେକା ଲକୁ ଏଦାଆଁ ମେହ୍ନେରି, ବାରେଜାଣା ଏଞ୍ଜାଣାକ୍ କାକନେରି,

୩୦ ଲକୁ ଏଞ୍ଜାଣାକ୍ ଲାଜାକିହଁ ଏଲେଇନେରି, ଇଞ୍ଜାସି ଇଲୁ ଦସାଲି ମାଟ୍ରେସି ରାପହାଲି ଆଡ଼ାଆଡେସି □

୩୧ ର ରାଜା ଅର ରାଜା କପାଟି ଜୁଜୁ କିହାଲି ହାଜିମାନାଟି ଦସ ମାଣା କସ୍କା ଏଞ୍ଜାଣି କଡ଼େ ମାଣା କସ୍କା କପାଟି ଜୁଜୁ କିହାଲି ଆଡ଼ିନେରିକି ଆଏ ଇଞ୍ଜଁ ଅଣ୍ପଅସିକି ?

☆ ୧୪:୧୧ ୧୪:୧୧ ମାତି ୨୩:୧୨; ଲୁକ ୧୮:୧୪ ☆ ୧୪:୨୬ ୧୪:୨୬ ମାତି ୧୦:୩୭ ☆ ୧୪:୨୭ ୧୪:୨୭ ମାତି ୧୦:୩୮; ୧୨:୨୪; ମାର୍କ ୮:୩୪; ଲୁକ ୯:୨୩

୩୨ ଆଡ଼ାଆଲେହେଁ ଇଚିହଁ ଏ ରାଜା ହେକ ମାନାଟିଏ ଏଞ୍ଜାସି ରାଜିମାନା ଆୟାଲି କସକାଣି ହିତଡ଼ି ତାକି ଏଲେଇଞ୍ଜା ପାଣ୍ଡିନେସି □

୩୩ ଏଲେକିହଁ ଏ ମୀ ବିତ୍ରାଟି ଜିକେଏ ଆମ୍ବାଆସି ତାନି ବାରେ ପିହ୍‌ଆତିହଁ ଏଞ୍ଜାସି ନା ସୀସୁ ଆୟାଲି ଆଡ଼ଅସି □”

ମୁଆ ହାରୁ

(ମାତି ୫:୧୩; ମାର୍କ ୯:୫୦)

୩୪ “ହାରୁତ ନେହାୟି; ସାମା ହାରୁ ମୁଆସାରେ ଏଦାଆଁ ଏନିକଁ ଅଡ଼େ ଏନାଆଁତଲେ ହାରୁ ଲେହେଁ ମୁପି କିନାୟି ?

୩୫ ଏଦି ବୁମିତା କି ଗାତା କଚୁତା କୁତୁସାଲି ଜିକେଏ ଜଡ଼େ ଆଏ □ ଲକୁ ଏଦାନି ପାଙ୍ଗାତା କୁତା ତୁହ୍‌ନେରି □ ଆମ୍ବାଆରି ଖେଞ୍ଜାଲି କାର୍କା ମାଚିହଁ, ଖେଞ୍ଜୁ □”

୧୫

ଜାଜ୍ଜିତି ମେଣ୍ଡା

(ମାତି ୧୮:୧୨-୧୪)

୧ *ର ଦିନା ସିସୁ ରାହ୍‌ନାରି ଅଡ଼େ ପାପୁ ଗାଟାରି ବାରେଜାଣା ତାନି କାତା ଖେଞ୍ଜାଲି ଖାହିମାଚେରି □

୨ ଏଚେଟିଏ ପାରୁସିୟାଁ ଅଡ଼େ ମେରାପୁନାରି ଜୀସୁଇଁ ଗୁରୁମୁରୁ ଆହଁ ଏଲେଇଚେରି, “ଇଞ୍ଜାସି ପାପୁ ଗାଟାରାଇଁ ଆବିମାନେସି, ଇଞ୍ଜା ଏଞ୍ଜାରିତଲେ ତିଞ୍ଜି ଉଣ୍ଡି ମାନେସି □”

୩ ଏମ୍ବାଟିଏ ଜୀସୁ ଏଞ୍ଜାରାଇଁ ଇ ପୁଣ୍ଡିମିକିନି କାତା ଖେସ୍ତେସି □

୪ “ମୀ ବିତ୍ରାଟି ଆମ୍ବାଆଚେରି ଇଲେତି ଲକୁ ମାଞ୍ଜେରି, ଏଞ୍ଜାଣାକି ପାସାକଡ଼ି ମେଣ୍ଡାୟାଁ ମାଚିହଁ, ଏଞ୍ଜାସିକା ବିତ୍ରାଟି ରଣ୍ଡି ଜାଜ୍ଜିତିହଁ ଏଞ୍ଜାସି ଏନାଆଁ କିନେସି, ରଣ୍ଡି ଉଣା ପାସାକଡ଼ି ମେଣ୍ଡାୟାଁ ବାଟାତା ପିସାନା ଜାଙ୍ଗାମାନି ମେଣ୍ଡା ବେଟାଆନ୍ତି ପାତେକା ପାରଅସି କି ?

୫ ଇଞ୍ଜା ବେଟାଆଡ଼ିସାରେ ରାହ୍‌ତଲେ ଡେକାନା ଇଜ ତାନେସି,

୬ ଇଞ୍ଜା ତାନି ତଣେସିଙ୍ଗାଣି ଅଡ଼େ ନାୟୁଁତାରାଇଁ ହାଟାନା ଏଲେଇନେସି, ମୀରୁ ନା ତଲେ ରାହ୍‌ କିଦୁ, ଏନାଆଁତାକି ଇଚିହଁ ଜାଙ୍ଗାମାଟି ନା ମେଣ୍ଡା ବେଟାଆଡ଼େଏଁ □

୭ ନାନୁ ମିଙ୍ଗେ ଖେସିମାଞ୍ଜାଇଁ, ଏଲେକିହଁ ଏ ମନ ଖେଟ୍‌ହାଲି ଲଡ଼ା ଆଆଗାଟି ରଅସି ଉଣା ପାସାକଡ଼ି ତାରିଗାଟାରି କିହ୍‌ ପାପୁ ଗାଟାସି ରଅସି ତାନି ମନ ଖେଟ୍‌ହା କଡ଼ିତିହଁ, ଏଞ୍ଜାଣି କସମି ଲାକପୁରୁ ହାଡ଼େକା ରାହ୍‌ ଆଡ଼େନ □”

ଜାଜ୍ଜିତି ଟାକା

୮ “ଅଡ଼େ ଇଲେତି ଆମିନି ଇୟା ମାନେ, ଏ ଇୟାନାକି ଦସଗଟା ଖେଣ୍ଡି ଟାକା ମାଚିହଁ ରଣ୍ଡାଆଁ ଜାକ୍‌ହିହଁ ଏଦି ଏନାଆଁ କିନେ, ଦୀଞ୍ଜି ଡ଼ସାନା ଇଲୁ ହେପାନା ଏ ଜାକ୍‌ହି ଟାକା ବେଟାଆନ୍ତି ପାତେକା ଜାଡ଼ନୁ ତଲେ ପାରେଏକି ?

☆ ୧୫:୧ ୧୫:୧ ଲୁକ ୫:୨୯,୩୦

୯ ଇଞ୍ଜାହ୍‌ ଏ ଟାକା ବେଟାଆଡ଼ିସାରେ ଏଦି ତାନି ତଡ଼ୁ ଲକୁଣି ଇଞ୍ଜା ନାସକାତି ଲକୁଣି ରୁଣ୍ଡି କିହାନା ଏଲେଇନେ ନା ତଲେ ରାହ୍‌ କିଦୁ, ଏନାଆଁତାକି ଇଚିହଁ ଜାକ୍‌ହାମାଟି ଟାକା ବେଟାଆଡ଼େଏଁ □

୧୦ ନାନୁ ମିଙ୍ଗେ ଖେସିମାଞ୍ଜାଇଁ, ଏଲେକିହଁ ଆମ୍ବାଆସି ମନ ଖେଟ୍‌ନେସି, ଇଲେତି ପାପୁ ଗାଟାରାକି ମାହାପୁରୁତି ଦୁତୁୟାଁ ନକିତା ରାହ୍‌ ଆଡ଼େନ □”

ଜାଜ୍ଜିତି ମୀରଏସି

୧୧ ଜୀସୁ ଅଡ଼େ ଏଲେଇଚେସି, ରଅଣାକି ରିଆରି ମୀରକା ମାଚେରି □

୧୨ ଏଞ୍ଜାରି ବିତ୍ରାଟି ଉଣା ମୀରଏସି ଆବାଇଁ ଏଲେଇଚେସି, ଆବା ଇଲୁତି ଦନ ବାଟି କିହାନା ନାଙ୍ଗେ ଆୟାନି ବାଗା ହିୟାମୁ □ ଏଚେଟିଏ ତାନି ଆବା ତାନି ଦନ ବାଟି କିହାନା ରୀ ମୀରକାକି ହାତେସି □

୧୩ ଏମ୍ବାଟିଏ ଏଚରଦିନା ହାଜାଲିଏ ଇଚି ମୀରଏସି ଇଲୁ ବାଗା ହାହାମାଟାଣି ପାରୁହାଁ ଟାକାୟାଁ ଆସାହାଁ ହେକରାଜି ହାଜାତୁସେସି, ଇଞ୍ଜା ଲେନିପନିଏ ତାୟୁ ଏସକି ଅଣପାଆନା ଲାଗେଏତି କାମାତା ତାନି ଦନ ରାପ୍‌ହେସି □

୧୪ ସାମା ବାରେ ଦନ ରାପ୍‌ହି ଜେତ ଏ ଦେସାତା କାରୁଞ୍ଜୁ କାତାରା ଆହାଲିଏ ଏଞ୍ଜାସି କାକୁଲି ଆଡ଼େସି □

୧୫ ଏଚେଟିଏ ଏଞ୍ଜାସି ହାଜାନା ଏ ଦେସାତି ର ସାଞ୍ଜୁକାରି ତାଣା ଗତି ଡ଼ୟିତେସି, ଏଞ୍ଜାସି ଏଞ୍ଜାଣାକି ପାଜିୟାଁ ମେଟାଲି ଗୁଡ଼ିୟାତା ପାଣ୍ଡିତେସି;

୧୬ ଇଞ୍ଜା ପାଜିୟାଁ ଆମିନି କାଙ୍ଗା ସାଲିୟାଁ ତିଞ୍ଜି ମାଚୁ, ଏଞ୍ଜାଆଁ ତିଞ୍ଜାଲି ମନ କିତେସି, ସାମା ଆମ୍ବାଆରି ଏଞ୍ଜାଣାକି ତିଞ୍ଜାଲି ହାହି ହିଲାଆଚେରି □

୧୭ ର ଦିନା ତୀରପୁ ଆହାନା ଅଣ୍ଡିପିତେସି, ମା ଆବା ତାଣାଟି ଗତି ବୁଡ଼ି ତିନି ରାଡ଼େଏ ହାଡ଼ା ହାଜିମାନେ, ସାମା ନାନୁ ଇମ୍ବାଆଁ ହାକି ତାକି ହାହିମାଇଁ □

୧୮ ନାନୁ ନିଙ୍ଗାନା ମା ଆବା ତାଣା ହାଇଁ ଇଞ୍ଜା ଏଞ୍ଜାଣାଇଁ ଖେହ୍‌ଇଁ, “ଲାକପୁରୁତି ଆବା କପାଟି ଅଡ଼େ ନୀ ନକିତା ନାନୁ ପାପୁ କିତେସି;

୧୯ ନୀ ମୀରଏଣାତେଏଁ ଇଞ୍ଜା ନାନୁ ଅଡ଼େ ପାଡ଼ା ଆର୍ଥ; ନାଙ୍ଗେ ର ହଲେଏଣା ଲେହେଁ ଇଟାମୁ □” ଏମ୍ବାଟିଏ ଏଞ୍ଜାସି ନିଙ୍ଗାନା ତାନି ଆବା ଖାକି ହାଚେସି □

୨୦ ସାମା ଆବା ତାନି ମୀରଏଣା ଖାହିମାନାଣି ହେକଟିଏ ମେସାନା କାର୍ମା ଆହାନା ହଟି ହଟିହଁ ହାଜାନା ପମାହାଁ ନଣ୍ଡିତେସି □

୨୧ ଏମ୍ବାଟିଏ ମୀରଏ ଗାଟାସି ଏଲେଇଚେସି, “ଲାକପୁରୁ ଆବା କପାଟି ଅଡ଼େ ନୀ ନକିତା ନାନୁ ପାପୁ କିତେସି, ନୀ ମୀରଏଣାତେଏଁ ଆୟାଲି ପାଡ଼ା ଆର୍ଥ □”

୨୨ ସାମା ଆବା ତାନି ହଲିୟାଙ୍ଗାଣି ଏଲେଇଚେସି, “ଅଜିତି ହିମ୍ବୁରି ତବେ ତାଟାନା ଇଞ୍ଜାଣାକି ହୁଟି କିଦୁ, ଇଞ୍ଜାଣି କେୟୁତା ମୁଡ଼ି ଅଡ଼େ କତାୟାଁଣା ସେପୁୟାଁ ତୁରୁଞ୍ଜି କିଦୁ,

୨୩ ଇଞ୍ଜାହାଁ ଆଜ୍ଞା ଆଡ଼ି କଡ଼ି ତାଲୁ ତାକା ହାଜାନା ପାୟାଦୁ; ମାର ତିଞ୍ଜା ଉଣ୍ଣାନା ରାହାଁ କିନ,

୨୪ ଇଚିହଁ ନା ମାରଏସି ହାହା ହାଜାମାରେସି, ଖେଣ୍ଡେ ନୀତାମାନେସି; ଜାଜ୍ଞା ହାଜାମାରେସି ଅଡ଼େ ମେଡ଼ା ଆୟାତେସି □” ଏମ୍ବାଟିଏ ଏଞ୍ଜାରି ରାହାଁ କିହିମାରେରି □

୨୫ ଏଚିବେଲୀତା କାଜା ମାରଏସି ଗୁଡ଼ିୟାତା ମାରେସି, ଏଞ୍ଜାସି କାମା କିହାଁ ଇଲୁ ତାଗେ ଖାୟାଲିଏ, ତାମି ଇଜ ବାଜାଗାଜା ଅଡ଼େ ରାହାଁ କିହିମାନି ହାଲି ଖେଞ୍ଜାନା,

୨୬ ର ହଲେଏଣାଲ୍ ହାଟାନା ଖେରେସି, “ମାଜ ଏନାଆଁ କିହିମାନେରି □”

୨୭ ଏଞ୍ଜାସି ଏଞ୍ଜାଣାଲ୍ ଏଲେଇରେସି, “ନୀ ଉଣା ତାୟି ଖେଣ୍ଡା ଖାହାମାନେସି, ଅଡ଼େ ଏଞ୍ଜାସି ନେହଁ ଆଜ୍ଞା ତଲେ ଖେଣ୍ଡା ଖାତାଣି ମେସାନା ମୀ ଆବା ଆଜ୍ଞା ଆଡ଼ି କଡ଼ି ପାୟାମାନେସି □”

୨୮ ଏମ୍ବାଟିଏ କାଜା ତାୟି କାର୍ବି ଆହାନା ଇଜ ହାଲାଆତେସି; ସାମା ତାମି ଆବା ପାଜ୍ଞାତା ଖାହାନା ଏଞ୍ଜାଣାଲ୍ କାହିବା କପା ଆଆନି ଇଜ ଖାମୁ ଇଞ୍ଜଁ ବାଡ଼ିମାଲିତେସି □

୨୯ ଇଞ୍ଜା ଏଞ୍ଜାସି ତାମି ଆବାଲ୍ ଏଲେଇରେସି, “ମେହ୍ମୁ ନାନୁ ଇଚର ବାସା ଆଡ଼େ ନୀ ହଲେଏଣା ଲେହେଁ କାମା କିହିମାଲ୍, ଏଚେଲା ଜିକେଏ ନୀ ହୁକୁମି ଉରାହିଲଅଁ, ଆଡ଼ିଜିକେଏ ନା ତଡ଼େସିଜ୍ଞା ତଲେ ବଜି କିହାଲି ନୀନୁ ନାଜେ ର ଗରି ତାଲୁ ଜିକେଏ ହାହାମାଞ୍ଜଅଡ଼ି;

୩୦ ସାମା ଇ ନୀ ମାରଏସି ଇଲୁଡ଼ି ବାରେ ଦନ ଅହାନା ସାନେଣିସ୍ତାତଲେ ମାଞ୍ଜାନା ବାରେ ରାପହେସି, ଏଚେତା ଇଞ୍ଜାସି ଖେଣ୍ଡାଖାଡ଼େସି, ଏଚେତା ଏଞ୍ଜାଣାକି ଆଜ୍ଞା ଆଡ଼ି କଡ଼ି ପାୟାମାଞ୍ଜି □”

୩୧ ଏଚେଟିଏ ତାଞ୍ଜି ଗାଟାସି ଏଲେଇରେସି, “ମାରଏଣା ନୀନୁତ କାଲେଏ ନା ତଲେ ମାଞ୍ଜାମାଞ୍ଜି, ଅଡ଼େ ଏନା ଏନାୟି ନାଡ଼ି ଏ ବାରେତ ନୀଡ଼ି;

୩୨ ସାମା ଇ ନୀ ତାୟି ହାହା ହାଜାମାରେସି, ଖେଣ୍ଡେ ନୀତାମାନେସି, ଜାଜ୍ଞା ହାଜାମାରେସି, ମେଡ଼ା ଆୟାତେସି, ଏଦାଆଁତାକି ରାହାଁ କିନାୟି ମାଚେ □”

୧୭

ଲାଗେଏଡ଼ି ଗୁମୁସ୍ତା

୧ ଜୀସୁ ତାନି ସୀସୁୟାଲ୍ ଏଲେଇରେସି, “ର ଦନଗାଟାସି ମାରେସି; ଏଞ୍ଜାଣାକି ର ଗୁମୁସ୍ତା ମାରେସି, ଏଞ୍ଜାସି ତାନି ଦନଡ଼ି ଆଲାବା କିହାମାନାଣି ପୁଞ୍ଜାନା,

୨ ଏଞ୍ଜାସି ଏଞ୍ଜାଣାଲ୍ ହାଟାନା ଏଲେଇରେସି, ‘ନାନୁ ନୀ କାତା ଖେଚେଏଁ ନୀନୁ ନୀ ଗୁମୁସ୍ତା କାମା ଏନି କିହିମାଞ୍ଜି ଲେକା ତସ୍ତାମୁ, ଇଚିହଁ ନୀନୁ ଅଡ଼େ ଗୁମୁସ୍ତା ଆହା ମାଞ୍ଜାଲି ଆଡ଼ଅଡ଼ି □’

୩ ଏମ୍ବାଟିଏ ଏ ଗୁମୁସ୍ତା ଅଣ୍ପା କଡ଼ିତେସି, ‘ନା ସାଞ୍ଜୁକାରି ନା ଗୁମୁସ୍ତା କାମା ପିସ୍ପି କିହିମାଞ୍ଜାନେସି, ନାନୁ ଏନାଆଁ

କିଲ୍ ? ଇଚିହଁ କାରହାଲି ନାଜେ ବପୁ ହିଲେଏ, ଅଡ଼େ ରାସ୍ପା ତିଞ୍ଜାଲି ଲାଜା ହଡ଼ି ମାଞ୍ଜାନେ □

୪ ନୀଏଁ ପୁଚେଏଁ, ନାଜେ ଗୁମୁସ୍ତା ପାଣାଟି ପିସ୍ପି କିୟାଡ଼ି ତାୟି ଲକୁ ନାଜେ ତାମି ଇଲ୍‌କାଣା ଆବାନିଲେହେଁ କିଲ୍ □’

୫ ଇଞ୍ଜା ଏଞ୍ଜାସି ତାମି ସାଞ୍ଜୁକାରି ତାଣାଟି ରୀଣା ଅହାମାଚାରାଲ୍ ହାଟାନାହାଁ ତଲିତାଣାଲ୍ ଖେଚେସି, ‘ନା ସାଞ୍ଜୁକାରି ତାଣା ନୀ ରୀଣା ଏଚେକା ମାନେ ?’

୬ ଏଞ୍ଜାସି ଏଲେଇରେସି, ‘ପାସାକଡ଼ି ତାବା ନିହୁଁ’ ଗୁମୁସ୍ତା ଏଞ୍ଜାଣାଲ୍ ଏଲେଇରେସି, ‘ନୀନୁ ତବେ ଇମ୍ବାଆଁ କୁଗାନା ରୀ କଡ଼ି ଦସ ଇଞ୍ଜଁ ରାଟାମୁ □’

୭ ତାୟି ଅଡ଼େ ରଅଣାଲ୍ ଖେଚେସି, ‘ନୀନୁ ଏଚେକା ରୀଣା ଅହାମାଞ୍ଜି ?’ ଏଞ୍ଜାସି ଏଲେଇରେସି, ‘ର ମାଣା ବାସ୍ତା ଗହଁୟା’ ଗୁମୁସ୍ତା ଏଞ୍ଜାଣାଲ୍ ଏଲେଇରେସି, ‘ନୀନୁ ତବେ ଇମ୍ବାଆଁ କୁଗାନା ଆଟା ଖାଞ୍ଜା ଇଞ୍ଜଁ ରାଟାମୁ □’

୮ ଏ ଲାଗେଏଡ଼ି ଗୁମୁସ୍ତା ବୁଦିତଲେ କାମା କିହାମାନାକି ସାଞ୍ଜୁକାରି ଏଞ୍ଜାଣାଲ୍ ନୀନୁ ନେହଁ କାମା କିହାମାଞ୍ଜି ଇଚେସି; ଏନାଆଁତାକି ଇଚିହଁ ଉଜେଡ଼ିତି ମୀରକା କିହାଁ ଇ ଦାରଡ଼ିତାରି ତାମି କାମାତା ହାରେକା ବୁଦିଗାଟାରି □”

୯ ନାନୁ ଜିକେଏ ମିଜେ ଖେସିମାଞ୍ଜାଲ୍, “ମୀରୁ ଦାରଡ଼ିତି ଲାଗେଏଡ଼ି ଦନ ତଲେ ତଡ଼େ ଦହଦୁ, ଏଡ଼ି ରାଡ଼ିସାରେ ମିଜେ କାଲାକାଲାତି ବାସା ଚାୟୁତା ମିଜେ ଆବାନେରି □

୧୦ ଆମ୍ବାଆସି ଉଣା କାମାତା ନାମୁଗାଟାସି ଆନେସି ଏଞ୍ଜାସି କାଜା କାମାତା ଜିକେଏ ନାମୁଗାଟାସି ଆନେସି, ଇଞ୍ଜା ଆମ୍ବାଆସି ଉଣା କାମାତା ନାମୁଗାଟାସି ଆଆସାରେ ଏଞ୍ଜାସି କାଜା କାମାତା ଜିକେଏ ନାମୁଗାଟାସି ଆଅସି □

୧୧ ଲାଗେଏଡ଼ି ଦନତା ନାମୁ ଗାଟାଚେରି ଆହାହିଲଅଚେରି, ଆଡ଼ିହଁ ଆମ୍ବାଆସି ମିଜେ ନାମାହାଁ ସାତା ଦନ ମୀ କେୟୁତା ହେରପାନେସି ?

୧୨ ମୀରୁ ଏଚକାତାଣା ଦନଡ଼ି ନାମୁତଲେ ଲେମ୍ବା ହିଲାଆସାରେ ମିଜେ ମୀ ଲଡ଼ାମାନାଣି ଆମ୍ବାଆସି ହିୟାନେସି ?”

୧୩ ✧ “ର ହଲେଏସି ରୀ ସାଞ୍ଜୁକାରି ତାଣା ହଲେଏସି ଆହାଲି ଆଡ଼ଅସି; ଇଚିହଁ ରଅଣାଲ୍ ଜୀଞ୍ଜୁ ନନେସି ରଅଣାଲ୍ ଜୀଞ୍ଜୁ ନନେସି, ଆଆଡ଼ଁ ରଅଣାଲ୍ ମାନୁଞ୍ଜି ଆନେସି ରଅଣାଲ୍ ଅପଅସି □ ମୀରୁ ମାହାପୁରୁ ଅଡ଼େ ଦନଡ଼ି ହଲିୟାଜା ଆହାଲି ଆଡ଼ଅଚେରି □”

ଜୀସୁ ଖେସ୍ତି କାତାୟି

(ମାଡ଼ି ୧୧:୧୨, ୧୩; ୫:୩୧, ୩୨; ମାର୍କ ୧୦:୧୧, ୧୨)

୧୪ ଇ ବାରେ କାତା ଖେଞ୍ଜାନା ଦନ ଜୁପକା ପାରୁସିୟାଁ ଜୀସୁଲ୍ କାକହେରି □

୧୫ ଏଚେଟିଏ ଜୀସୁ ଏଞ୍ଜାଣାଲ୍ ଏଲେଇରେସି, “ଆମ୍ବାଆରି ମାଣ୍ଡସି ନକିତା ତୀରିଗାଟାରି ଇଞ୍ଜଁ ତସା କଡ଼ିମାନେରି, ମୀରୁ ଏଲେଡ଼ି ଲକୁ, ସାମା ମାହାପୁରୁ ମୀ ହିୟାଡ଼ି ପୁନାସି ଇଚିହଁ ଏନାୟି ମାଣ୍ଡସି ଅଣ୍ପାତା

କାଜାୟି ଲେହେଁ ତଞ୍ଜା ଆନେ, ଏଦି ମାହାପୁରୁ ନକିତା ଅପାଆଗାଟାୟି □

୧୭ *“ମସାତି ମେରା ଅଡ଼େ ମାହାପୁରୁ ଅଣପୁତି ବଲୁ ଖେହନାରି ରାଡ଼ିତି ପତି ଜହନ ପାତେକା ସାଲୁଝି ଆହିମାତୁ; ଏରିବେଲାଟିଏ ମାହାପୁରୁ ରାଜିତି ନେହେଁ କାରୁ ଖେକହି ମାନେରି ଇଞ୍ଜା ବାରେଜାଣା ତାମି ବାଡ଼ୁୟୁ ତଲେ ମାହାପୁରୁ ରାଜିତା ହଡ଼ିମାନେରି □

୧୭*ହାଗୁପାକା ଅଡ଼େ ଦାରତି ବାରେ ମେଣ୍ଟିନେ ସାମା ମେରାତି ଇରାୟି ସିନା ଜିକେଏ ମେଣ୍ଟିକେଏ □”

୧୮ *“ଆମ୍ବାଆସି ତାନି ତକ୍ରିନି ପିସାନା ଏଡ଼କାତାଣି ବାହା ଆନେସି, ଏଝାସି ଦାରି କିନେସି; ଇଞ୍ଜା ଆମ୍ବାଆସି ପିସି ତକ୍ରିନି ବାହା ଆନେସି, ଏଝାସି ଦାରେଲା ଆନେସି □”

ଦନ ଗାଟାସି ଅଡ଼େ ଲାଜର

୧୯ “ର ଦନ ଗାଟାସି ମାରେସି, ଏଝାସି ହାରେକା ଅଜିତି ହିମ୍ବୁରିଦୁକି ହୁଟାନା ନେହେଁ ରାନ୍ଦା ତିଞ୍ଜିହେଁ ହାରେକା ରାହାଁତଲେ ଡ଼ୟିମାରେସି □

୨୦ ସାମା ଏଝାଣି ଦୁଖେରି ଦାରିତା ଲାଜର ଦରୁଗାଟି ରାସପା ତିନାସି ଡ଼ୟାମାରେସି,

୨୧ ଗୁଡ଼ା ଆଙ୍ଗା ଗାହାଁୟାଁ ଆହାମାରେସି; ଏ ଦନ ଗାଟାଣି ଜୁଟା ଲିତା ତିଞ୍ଜାନା ତାନି ବାଣ୍ଡି ପାଞ୍ଜିକିହାଲି ଆସା କିହିମାରେସି; ଇଞ୍ଜା ନେସକା ଝାହି ତାନି ଗାହାଁୟାଁ ନାକିମାତୁ □

୨୨ ର ଦିନା କାର୍ମାଗାଟି ଲାଜର ହାହାହାରେସି ଇଞ୍ଜା ଲାକପୁରୁତି ଦୁଡ଼ୁୟାଁ ତଲେ ଅବ୍ରାହାମ ମାଟିତାଣା ଅଝିଆଡ଼େସି; ତାୟୁ ଏ ଦନ ଗାଟାସି ଜିକେଏ ହାହାହାରେସି ଇଞ୍ଜା ମାହଣି ମାଣ୍ଡାତା ମୁସପି ଆଡ଼େସି,

୨୩ ଅଡ଼େ ଏଝାସି ହାଡ଼ାରି ମାନି ରାଜିତି କସ୍ତଲେ କିଲିବିଲି ଆହେଁ ଲାକ ସିନିକିହାଲିଏ ହେକଟି ଅବ୍ରାହାମ ଅଡ଼େ ତାନିତଲେ ଲାଜରଇଁ ମେସ୍ତେସି □

୨୪ ଏଚେଟିଏ ଏଝାସି ହାଡ଼ିତେସି, ‘ଏ ଆବା ଅବ୍ରାହାମ, ନାଞ୍ଜେ କାର୍ମା ଅଣପାନା ଲାଜରଇଁ ନା ତାଣା ପାଣ୍ଡାମୁ, ଏଝାସି ତାନି ଝାଞ୍ଜୁତା ଏୟୁ ବନ୍ଦା ତାଗାନା ନା ଖେନ୍ଦରିତି ହିଡ଼ଡ଼ି କିୟାପେସି, ଇତିହେଁ ନାନୁ ଇ ହିରୁତା କିଲିବିଲି ଆହିମାଲ୍’ □

୨୫ ସାମା ଅବ୍ରାହାମ ଏଲେଇଚେସି, ‘ମୀରଏଣା ନୀନୁ ନୀତାମାଟି ବେଲାତା ନୀ ନେହାଁଣି ବେଟାଆଡ଼ି, ଇଞ୍ଜା ଲାଜର ଏଲେକିହେଁଏ ପଲୁଆ ଗାଟାଣି ବେଟାଆଡ଼େସି, ଇଦାଆଁ ଅଣପାମୁ; ସାମା ନୀଏଁ ଏଝାସି ଇମ୍ବାଆଁ ସୁକୁ ବେଟାଆହି ମାନେସି, ଅଡ଼େ ନୀନୁ କିଲିବିଲି ଆହିମାଞ୍ଜି □

୨୬ ଅଡ଼େ ର କାତା ମୀ ମାଦି ମା ମାଦି ର କାଜା ଗାଡ଼ୁୟୁ ମାନେ, ଆମ୍ବାଆରି ଇ ଟାୟୁଟି ମୀ ତାଣା ହାଜାଲି ମନ କିନେରି, ଏଝାରି ହାଜାଲି ଆଡ଼ଅରି ଆଆଡ଼ ଏ ଟାୟୁଟି ଇ ଟାୟୁତା ଗାଣ୍ଟାନା ଝାୟାଲି ଆଡ଼ଅରି □’

୨୭ ଏମ୍ବାଟିଏ ଦନ ଗାଟାସି ଏଲେଇଚେସି, ‘ଏ ଆବା, ଆତିହେଁ ନାନୁ ନିଞ୍ଜେ ବାତିମାଲିମାଞ୍ଜାଇଁ, ଲାଜରଇଁ ମା ଆବା ଇଜ ପାଣ୍ଡାମୁ,

୨୮ ଇତିହେଁ ନା ପାସାଜାଣା ତାୟିୟାଁ ମାନେରି; ଏଝାରି ଜିକେଏ ଏନିକେଁ ଇ କସ୍ତଗାଟି ଟାୟୁତା ଝାଅରି, ଏଦାଆଁତାକି ଏଝାସି ଏଝାରିତାଣା ସାକି ହାନେସି □’

୨୯ ସାମା ଅବ୍ରାହାମ ଏଲେଇଚେସି, ‘ଏଝାରିତାଣା ମସା ଅଡ଼େ ମାହାପୁରୁ ଅଣପୁତି ବଲୁ ଖେହନାରି ପତିୟାଁ ମାନୁ, ଏଝାରି ଏ କାତାତି ଖେଣ୍ଟାରି □’

୩୦ ଏମ୍ବାଟିଏ ଦନ ଗାଟାସି ଏଲେଇଚେସି, ‘ଏ ଆବା ଅବ୍ରାହାମ, ଏଚେକେଏ ସାରି ଆଏ, ସାମା ହାଡ଼ାରି ବିଡ଼ାଟି ରଅସି ଏଝାରିତାଣା ହାନେସି ଆତିହେଁ ଏଝାରି ମନ ଖେଟ୍ଟନେରି □’

୩୧ ସାମା ଅବ୍ରାହାମ ଏଲେଇଚେସି, ଏଝାରି ମସା ଅଡ଼େ ମାହାପୁରୁ ଅଣପୁତି ବଲୁ ଖେହନାରି କାତା ଖେନଅରି, ଆତିହେଁ ହାଡ଼ାରି ବିଡ଼ାଟି ଖେଣ୍ଟେ ନିଞ୍ଜିତେଁ ଜିକେଏ ଏଝାଣି କାତା ନାମଅରି □”



ପାପୁ

(ମାତି ୧୮:୭,୭,୨୧,୨୨; ମାର୍କ ୯:୪୨)

୧ ଜୀସୁ ତାନି ସୀସୁୟାଁଇଁ ଏଲେଇଚେସି, “ଏମିନି ତାୟିପାରି କିନି ତାଣାଟି ଲକୁ ପାପୁତା ହେରନେରି, ଏ ବାରେ ପିଟଝିଆଏ, ସାମା ତାୟିପାରି କିଝି କିନାସି ଆୟତା ଏଝାସି ଗାତି ତଣ୍ଡ ବେଟାଆନେସି;

୨ ଡ଼ଣା କକାରି ବିଡ଼ାଟି ରଅଣାଇଁ ତାୟିପାରି କିନିବାଟା ତାନି ହେରକିତା କାଜା ଜେତାଝାଲି ଦସାନା ସାମଦୁରିତା ମେଡ଼ହିହେଁ ଏଝାଣାକି ନେହେଁ ଆଡ଼େମା □

୩ *ମୀରୁ ମୀ ତାକି ଜାଗ୍ରାତା ଆହାମାଞ୍ଜୁ □” “ନୀ ତାୟି ପାପୁ କିନେସି, ଆତିହେଁ ଏଝାଣାଇଁ ଲାଗାମୁ; ଏଝାସି ନାନୁ ପାପୁ କିତେଏଁ ଇଞ୍ଜେଁ ମନ ଖେଟ୍ଟହିହେଁ, ଏଝାଣି ପାପୁ ମ୍ବେକ୍‌ହା ତୁହମୁ □

୪ ଅଡ଼େ ଏଝାସି ସାତା ପାଲି ନୀ କପାଟି ପାପୁ କିନେସି ଅଡ଼େ ସାତା ପାଲି ନୀ ତାଣା ଖେଣ୍ଡା ଝାହାନା ନାନୁ ମନ ଖେଟ୍ଟହିମାଲ୍ ଇଞ୍ଜେଁ ଇଞ୍ଜାନେସି ଆତିହେଁ ଏଝାଣି ପାପୁ ମ୍ବେକ୍‌ହା ତୁହମୁ □”

ନାମୁ

୫ ଏଚେଟିଏ ପାଣ୍ଡୁଝି ଆହାମାନାରି ପ୍ରବୁଇଁ ଏଲେଇଚେରି, “ମା ନାମୁତି ପାତି କିୟାମୁ □”

୬ ପ୍ରବୁ ଏଲେଇଚେସି, “ର ହାସୁଁ ପାଡ଼େୟି ଏଚେକା ମୀ ନାମୁ ମାଟିହେଁମା, ଇ ତୁଡ଼ୁକଲି ମାରୁନୁତି ହୀରୁତଲେ ମେଗାହାଜାନା ସାମଦୁରିତା ଉହି ଆମୁ ଇତିହେଁ ଏଦି ମୀ କାତା ମାନଝି ଆନେ □”

ର ହଲେଏସି କିନି କାମା

* ୧୭:୧୭ ୧୭:୧୭ ମାତି ୧୧:୧୨,୧୩ * ୧୭:୧୭ ୧୭:୧୭ ମାତି ୫:୧୮ * ୧୭:୧୮ ୧୭:୧୮ ମାତି ୫:୩୨; ୧କର ୭:୧୦,୧୧ * ୧୭:୩ ୧୭:୩ ମାତି ୧୮:୧୫

୭ “ସାମା ମୀ ବିତ୍ରାଟି ଇଲେତାସି ଆମ୍ବାଆସି ମାନେସି, ତାନି ହଲେଏସି ହେରୁ ଡହୁନା କି କଡ଼ିୟାଁ ମେତାନା ଖାଡ଼ିସାରେ ଏଞ୍ଜାସି ଏଞ୍ଜାଣାଇଁ ଜୁରୁୟାଁ ଗହମୁଦେଁ ଇନେସି ?

୮ ନାଙ୍ଗେ ତିଞ୍ଜାଲି ହିୟାମୁ, ନାନୁ ତିଞ୍ଜାଲି ଆଡ଼ାଆ ପାତେକା ଟେଡେଲି ହିମ୍ବରି ରୁପାନା ନା ସେବା କିୟାମୁ, ଇଞ୍ଜା ତାୟୁ ନାନୁ ତିନାମୁ ଇଞ୍ଜିଁ ଏଞ୍ଜାଣାଇଁ ଏଲେଇନଅସି ?

୯ ର ହଲେଏସି ସାଞ୍ଜୁକାରି କାତା ମାନଞ୍ଜି ଆହାନା କାମା କିନାକି ଏଞ୍ଜାଣାଇଁ ଜହରା କିନେସିକି ?

୧୦ ଏଲେକିହିଁଏ ମୀରୁ ଜିକେଏ ହୁକୁମି ତଲେ କାମା କିତି ତାୟୁ ‘ମାମ୍ବୁ ପାଡ଼ା ଆଆ ହଲିୟାଙ୍ଗାତମି; ଏନାୟି ମାମ୍ବୁ କିନାୟି ମାଚେ ଏଦାଆଁ କିହାମାନମି’ ଇଞ୍ଜେରି []”

ଜୀସୁ ଦସଜାଣା କାଜା ରଗ ଗାଟାରାଇଁ ନେହଁ କିନାୟି

୧୧ ଜୀସୁ ଜିରୁସାଲମତା ହାଜିମାଚାଟି ଗାଲିଲି ଅଡ଼େ ସମିରଣି ଦେସା ମାଦିଟି ହାଜିମାଚେସି []

୧୨ ଏମ୍ବାଟିଏ ଏଞ୍ଜାସି ର ନାୟୁତା ଏଗାହାଜାଲିଏ ଦସଜାଣା କାଜା ରଗ ଗାଟାରି ଏଞ୍ଜାଣାଇଁ ବେଟାଆତେରି;

୧୩ ଏଞ୍ଜାରି ହେକ ନିଚାନା କାଜା ଗିୟାତଲେ ଏଲେଇଚେରି, “ଏ ଜୀସୁ ଗୁରୁ ମାଙ୍ଗେ କାର୍ମା ମେସ୍ତାମୁ []”

୧୪ ଜୀସୁ ଏଞ୍ଜାଣାଇଁ ମେସାନା ଏଲେଇଚେସି, “ମୀରୁ ହାଜାନା ପୂଜେରାଙ୍ଗା ତାଣା ତଞ୍ଜା ଆକାଦୁ []” ଅଡ଼େ ଏଞ୍ଜାରି ହାଜି ହାଜିହିଁ ନେହଁ ଆଚେରି []

୧୫ ସାମା ଏଞ୍ଜାରି ବିତ୍ରାଟି ରଅସି ତାନୁ ନେହଁ ଆଡ଼ାଣି ମେସାନା କାଜା ଗିୟାତଲେ ମାହାପୁରୁତି ଜହରା କିହିଁ କିହିଁ ଖେଣ୍ଡା ଖାହାନା,

୧୬ ଜୀସୁତି କତାୟାଁ ଡ଼କ ମୁନୁ କୁତାନା ଜହରା କିଚେସି; ଏଞ୍ଜାସି ସମିରଣି ଲକୁ ମାଚେସି []

୧୭ ଏଚେଟିଏ ଜୀସୁ ଏଲେଇଚେସି, “ଦସଜାଣା ନେହଁ ଆଆତେରିକି ? ଅଡ଼େ ନ ଜାଣା ଏମ୍ବିୟା ମାନେରି ?

୧୮ ମାହାପୁରୁଇଁ ଜହରା କିହାଲି ଇ ଜୀହୁଦିଆଆତି ଲକୁ ପିସ୍ପେ ଆମ୍ବାଆସି ଖେଣ୍ଡା ଖାଆତେସି ?”

୧୯ ଇଞ୍ଜା ଜୀସୁ ଏଞ୍ଜାଣାଇଁ ଏଲେଇଚେସି, “ନିଙ୍ଗାନା ହାଲାମୁ ନୀ ନାମୁ ନିଙ୍ଗେ ନେହଁ କିହାମାଞ୍ଜାନେ []”

ମାହାପୁରୁ ରାଜି ଖାନାୟି (ମାତି ୨୪:୨୩-୨୮,୩୭-୪୧)

୨୦ ମାହାପୁରୁତି ରାଜି ଏଚେଲା ଖାହିମାନେ, ଇ କାତା ପାରୁସିୟାଁ ଖେଞ୍ଜାଲିଏ ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ମାହାପୁରୁତି ରାଜି ତଞ୍ଜା ଆହିଁ ଖାଏ;

୨୧ ଇମ୍ବାଆଁ ମାନେକି ଏମ୍ବାଆଁ ମାନେ ଇଞ୍ଜିଁ ଲକୁ ଖେସ୍ତଅରି; ଇତିହିଁ ମାହାପୁରୁତି ରାଜି ମୀ ବିତ୍ରେଏ ମାନେ []”

୨୨ ଇଞ୍ଜା ଜୀସୁ ତାନି ସୀସୁୟାଁଇଁ ଏଲେଇଚେସି, “ଇଲେତି ବେଲା ଖାଚେ, ଏଚିବେଲା ମାଣ୍ଡି ମୀରଏଣାତି ର ଦିନା ମେସାଲି ମନ କିତିହିଁ ଜିକେଏ ମେହ୍ଅତେରି []

୨୩ ଏଚିବେଲା ଲକୁ ମିଙ୍ଗେ ଖେସ୍ତାନେରି, ଏଞ୍ଜାସି ଇମ୍ବାଆଁ ମାନେସି ଏମ୍ବାଆଁ ମାନେସି; ସାମା ଏଞ୍ଜାରି କାତା ଆହ୍‌ଆଦୁ କି ଏଞ୍ଜାରିତଲେ ତାକାଆଦୁ []

୨୪ ଏନିଇଚିହିଁ ହାଗୁ ମିହ୍‌ନାଟି ର କନଟି ଅର କନଞ୍ଜାକି ଉଜେଡ଼ି ଆଚେ, ଏଲେକିହିଁଏ ମାଣ୍ଡି ମୀରଏଣା ଦିନାତା ଆଚେ []

୨୫ ସାମା ଏଞ୍ଜାସି ଗାଡ଼ି କସ୍ତ ପାଣ୍ଡନାୟି ମାନେ, ଇଞ୍ଜା ଇ କାଲାତି ଲକୁ ଏଞ୍ଜାଣାଇଁ ଅପଅରି []

୨୬ ଅଡ଼େ ନହ୍ ବେଲାତା ଏନିକିଁ ଆହାମାଚେ, ମାଣ୍ଡି ମୀରଏସି ଖାନ୍ତି ଦିନାତା ଜିକେଏ ଏଲେକିହିଁଏ ଆଚେ;

୨୭ ନହ୍ ଜାଜାତା ହଡ଼ନି ଦିନା ପାତେକା ଲକୁ ତିଞ୍ଜି ଉଣ୍ଡିହିଁ ବାହା କିୟାଲି ବାହା ହିୟାଲି ହେରାମାଚେରି, ଏଚିବେଲା କାଜା ପିୟୁ ଖାଡ଼େ ଇଞ୍ଜା ବାରେଡ଼ି କୁପହାଦୁସ୍ତେ []

୨୮ ଲଟ ବେଲାତା ଜିକେଏ ଏଲେଏ ଆଚେ, ଲକୁ ତିଞ୍ଜି ଉଣ୍ଡି ମାଚେରି, କଡ଼ି ମାଚେରି, ପାରୁଟି ମାଚେରି, ମାରୁକା ଉହି ମାଚେରି ଅଡ଼େ ଇଲୁକା କିହାଲି ହେରାମାଚେରି,

୨୯ ସାମା ଲଟ ସଦମ ଗାଡ଼ାଟି ହଡ଼ା ହାଲୁଞ୍ଜିଏ, ଲାକପୁରୁଟି ହିରୁ ଅଡ଼େ ଗାନ୍ଦାଗୁଣ୍ଡା ଖାହାନା ବାରେଡ଼ି ନାସା କିଚେ []

୩୦ ମାଣ୍ଡି ମୀରଏସି ଖାନ୍ତି ଦିନାତା ଜିକେଏ ଏଲେଆହିଁଏ ଆଚେ []”

୩୧ ☆ “ଏ ଦିନା ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ଇଲୁ ବିତ୍ରାମାନି ତାନି ଆସ୍ତି ଅହାଲି ରେଚା ଖାଆପେସି; ଏଲେକିହିଁଏ ଆମ୍ବାଆସି ନେଃଏଲାତା ମାନାସି ଇଜ ଖେଣ୍ଡା ଖାଆପେସି []

୩୨ ଲଟ ଡ଼କ୍ରିନି କାତା ଅଣ୍ଡାଦୁ []

୩୩ ☆ଆମ୍ବାଆସି ତାନି ଜୀଞ୍ଜୁତି ନୀଟହାଲି ମନ କିନାସି, ଏଞ୍ଜାସି ନାସା ଆନେସି, ଅଡ଼େ ଆମ୍ବାଆସି ତାନି ଜୀଞ୍ଜୁତି ଆସା କିଆଗାଟାସି ଏଞ୍ଜାସି ନୀଡିନେସି []

୩୪ ନାନୁ ମିଙ୍ଗେ ଖେସିମାଞ୍ଜାଇଁ, ଏ ଲାଆଁୟାଁ ରିଆରି କାଚେଲିତା ଡ଼ରା ଡ଼ୟିନେରି, ରଅସି ଅଞ୍ଜିଆଚେସି ଅଡ଼େ ରଅସି ଏମ୍ବାଆଁ ଡ଼ୟିନେସି []

୩୫ ରୀ ଇୟାସିକା ରଣ୍ଡିଏ ତାଣା ନୁୟିଁମାନୁ, ରଣ୍ଡି ଅଞ୍ଜିଆଚେ ରଣ୍ଡି ଏମ୍ବାଆଁ ଡ଼ୟିନେ []

୩୬ ରିଆରି ନେଃଏଲାତା ମାନେରି, ରଅସି ଅଞ୍ଜିଆଚେସି, ରଅସି ଏମ୍ବାଆଁ ଡ଼ୟିନେସି []”

୩୭ ଏଚେଟିଏ ସୀସୁୟାଁ ଏଲେଇଚେରି, “ଏ ପୁରୁ ଏମ୍ବିୟା ?” ଜୀସୁ ଏଲେଇଚେସି, “ମାଡ଼ହା ଏମ୍ବିୟାମାନେ ଏମ୍ବାଆଁ ରାମ୍‌ଣାୟାଁ ରୁଣ୍ଡା ଆନୁ []”

☆ ୧୭:୩୧ ୧୭:୩୧ ମାତି ୨୪:୧୭,୧୮; ମାର୍କ ୧୩:୧୫,୧୬ ☆ ୧୭:୩୩ ୧୭:୩୩ ମାତି ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ଜହ ୧୨:୨୫

୧୮

ରାଣ୍ଠେଣି ଇୟାନି ନାହାଁୟି

୧ ଖାହାଆନା ଅଲେ ଅଲେ ପ୍ରାତାନା କିନାୟିମାନେ, ଇ କାତାତ ଜୀସୁ ସୀସୁୟାଁଇ ପୁଣ୍ଡିକିନି କାତାତଲେ ଖେସ୍ତେସି

୨ “ର ଗାଡ଼ାତା ର ନାହାଁୟି କିନାସି ମାଚେସି, ଏଞ୍ଜାସି ମାହାପୁରୁଇ ଆଜି ହିଲାଆତେସି କି ମାଣ୍ଡିୟାଁଇ ଜିକେଏ ଅଣ୍ଡି ହିଲାଆତେସି □

୩ ଏ ଗାଡ଼ାତା ର ରାଣ୍ଠେଣି ମାଚେ, ଏଡ଼ି ନାହାଁୟି କିନାଣି ତାଣା ଅଲେ ଅଲେ ହାଜିହଁ ନାନୁ ନେହଁ ନାହାଁୟି କିହଁ ନା କପାଟି ନିଙ୍ଗାମାଜାନାଣା ତାଣାଟି ଗେଲ୍‌ପାମୁ ଇଞ୍ଜାଁ ବାତିମାଲିମାଚେ □

୪ ଅଡ଼େ ଏଞ୍ଜାସି ଏଦାନି କାତା ଖେଞ୍ଜି ହିଲାଆତେସି; ତାୟୁ ଏଞ୍ଜାସି ମନ ମନତା ଅଣ୍ଡିତେସି, ନାନୁ ମାହାପୁରୁଇ ଆଜିହିଲଅଁ କି ମାଣ୍ଡିୟାଁ ଅଣ୍ଡି ହିଲଅଁ,

୫ ଆଡ଼ିଜିକେଏ ଇ ରାଣ୍ଠେଣି ନାଙ୍ଗେ କସ୍ତୁ ହାହିମାଜାନାକି ନାନୁ ତାନି କପାଟି ନିଙ୍ଗାମାନି ନାହାଁୟି ଡିକ୍‌ହାଡୁହଇଁ, ଆଆତଁ ଏଡ଼ି ନାଙ୍ଗେ ବାରେବେଲା ଗିଜିଗିଜା କହେମାଜାନେ □”

୬ ଏମ୍ବାଟିଏ ପ୍ରବୁ ଏଲେଇଚେସି, “ଇ ଲାଗେଏଡ଼ି ନାହାଁୟି କିନାଣି କାତା ଅଣ୍ଡିପାଦୁ □

୭ ଆଡ଼ିହଁ ମାହାପୁରୁ ଆଡ଼ିତି ଲକୁ ଲାଆଁ ମାଦେନା ଏଞ୍ଜାଣାଇଁ ହାଟିହଁ ଡ଼ୟିନେରି, ଏଞ୍ଜାସି କି ଏଞ୍ଜାରି ନାହାଁୟି କିଅସି ? ଆଡ଼ିଜିକେଏ ଏଞ୍ଜାସି ଏଞ୍ଜାରି ସାଡୁୟାଁକି ହାରେକା ଅରୁହିନାସି ଆନେସି କି ?

୮ ନାନୁ ମିଙ୍ଗେ ଖେସିମାଜାଇଁ, ଏଞ୍ଜାସି ତବେ ଏଞ୍ଜାରି ତାକି କିଞ୍ଜି ଆହାମାନି ପଲ୍‌ଆ କାମାତି ନାହାଁୟି କିନେସି, ଆଡ଼ିଜିକେଏ ମାଣ୍ଡିୟାଁ ମୀରଏସି ଦାର୍‌ଡିତା ଖାହାନା ନାମୁଡି ମେହ୍‌ନେସି ?”

ପାରୁସି ଅଡ଼େ ସିସୁ ରୁାହନାଣି ପୁଣ୍ଡିକିନି କାତା

୯ ତାମ୍‌ଙ୍ଗେ ତୀରିଗାଟାତମି ଇଞ୍ଜାଁ ଅଣ୍ଡିପାନା ଏଟକା ତାରାଇଁ ହାଣି କିନି ଲକୁଣି ଜୀସୁ ଇ ପୁଣ୍ଡିକିନି କାତା ଖେସ୍ତେସି,

୧୦ ରିଆରି ପ୍ରାତାନା କିହାଲି ର ପ୍ରାତାନା ଇଲୁତା ହାଚେରି, ରଅସି ପାରୁସି ଅଡ଼େ ରଅସି ସିସୁ ରୁାହନାସି □

୧୧ ପାରୁସି ନିଚାନା ଇଲେକିହଁ ପ୍ରାତାନା କିଚେସି, “ଏ ମାହାପୁରୁ ନାନୁ ନିଙ୍ଗେ ଜହରା କିହିମାଜାଇଁ, ନାନୁ ଏଟକା ଲକୁ ଲେହେଁ ଦାମ୍‌ ହିଲାଆ ଗାଟାତେଏଁ ଆଏ, ସରୁ, ଦାରି ଗାଟାତେଏଁ ଆଏ କି ଇ ସିସୁ ରୁାହନାଣି ଲେହେଁ ଜିକେଏ ଆଏ;

୧୨ ନାନୁ ଖାରା ତାକି ରୀ ଦେବା ଉପାସା କିହିମାଇଁ, ଅଡ଼େ ନାନୁ ବେଟାଆହି ମାନାଣି ବାରେ ଦସ ବାଗାଟି ର ବାଗା ହାହିମାଇଁ □”

୧୩ ସାମା ସିସୁ ରୁାହନାସି ହେକ ନିଚାନା ତାନି କାନୁ ଲାକପୁରୁ ଖାକି ଜିକେଏ ପେରୁହାଁ ସିନିକିହାଲି ସାସା କିଆତେସି, ସାମା ତାନି ବକତା ଖେଟା କତାନା

ଏଲେଇଚେସି, “ଏ ମାହାପୁରୁ ନାନୁ ପାପୁ ଗାଟାତେଏଁ ନାଙ୍ଗେ କାର୍ମା ମେସ୍ତାମୁ □”

୧୪ * “ନାନୁ ମିଙ୍ଗେ ଖେସିମାଜାଇଁ, ଏଞ୍ଜାସି ଆଏ ସାମା ସିସୁ ରୁାହନାସି ତୀରିଗାଟାସି ଆହାନା ତାନି ଇଜ ହାଚେସି; ଏଡ଼ିଇଚିହଁ ଆମ୍ବାଆସି ନାନୁ କାଜାତେଏଁ ଇଞ୍ଜାଁ କଡିନେସି, ଏଞ୍ଜାଣାଇଁ ଉଣା କିଞ୍ଜିଆନେ, ସାମା ଆମ୍ବାଆସି ନାନୁ ଉଣାତେଏଁ ଇନେସି, ଏଞ୍ଜାଣାଇଁ କାଜାସି କିଞ୍ଜିଆନେ □”

ଜୀସୁ ଉଣା ପଡ଼ି ପଦାୟାଣି ବର ହାନାୟି

(ମାତି ୧୯:୧୩-୧୫; ମାର୍କ ୧୦:୧୩-୧୬)

୧୫ ଏଞ୍ଜାସି ଏନିକଁ କକାରି ପଦାଁଣି ତୀରିନେସି, ଏଦାଆଁତାକି ଲକୁ ଏଞ୍ଜାରାଇଁ ଜୀସୁ ତାଣା ତାଗାଲି ମାଟ୍‌ହେରି; ସାମା ସୀସୁୟାଁ ଏଦାଆଁ ମେସାନା ଏଞ୍ଜାରାଇଁ ଦାକା ହୀତେରି □

୧୬ ସାମା ଜୀସୁ କକାରି ପଦାଁଣି ତାଗେ ହାଟାନା ଏଲେଇଚେସି, “କକାରି ପଦାଁଣି ନା ତାଗେ ଖାହାଲି ହୀଦୁ, ଏଞ୍ଜାରାଇଁ କାହିକିଆଦୁ; ଏଡ଼ିଇଚିହଁ ମାହାପୁରୁତି ରାଡ଼ି ଇଲେତାରାଞ୍ଜାୟି □

୧୭ ନାନୁ ମିଙ୍ଗେ ସାତା ଖେସିମାଜାଇଁ, ଆମ୍ବାଆସି ଉଣା କକାରି ପଦାୟାଁ ଲେହେଁ ମାହାପୁରୁ ରାଡ଼ି ଆହ୍‌ଅସି ଏଞ୍ଜାସି ଏନିକଁ ଜିକେଏ ଏମ୍ବାଆଁ ହଡାଲି ଆଡ଼ଅସି □”

ର ଦନ ଗାଟାସି

(ମାତି ୧୯:୧୬-୩୦; ମାର୍କ ୧୦:୧୭-୩୧)

୧୮ ଜୀହୁଦି ଲକୁ ବିତ୍ରାଟି କାଜାସି ଜୀସୁଇଁ ଖେଚେସି, “ଏ ନେହଁ ଗୁରୁ କାଲାକାଲାତି ଜୀଞ୍ଜୁ ବେଟାଆହାଲି ନାନୁ ଏଦାଆଁ କିଇଁ ?”

୧୯ ଜୀସୁ ଏଞ୍ଜାଣାଇଁ ଏଲେଇଚେସି, “ନାଙ୍ଗେ ନେହାଁତି ଇଞ୍ଜାଁ ଏଦାଆଁତାକି ଏଲେଇଞ୍ଜିମାଞ୍ଜି ? ଇଚିହଁ ମାହାପୁରୁ ରଅସିଏ ନେହାଁସି ମାନେସି ଏଞ୍ଜାଣି ପିସ୍‌ପେ ଆମ୍ବାଆସି ନେହାଁସି ହିଲଅସି □

୨୦ ହୁକୁମିକା ପୁଞ୍ଜାମାଞ୍ଜି, ‘ଦାରି କିଆନି, ଲକୁଣି ପାୟାଆନି, ସରୁ କିଆନି, ମିଟିସାକି ହୀଆନି, ତାଲି ତାଞ୍ଜି କାତା ମାନି କିମୁ □’ ”

୨୧ ଦନଗାଟାସି ଏଲେଇଚେସି, “ନାନୁ ଇ ବାରେ ଉଣାଖେଡାଟିଏ କିହିମାଇଁ □”

୨୨ ଜୀସୁ ଇ କାତା ଖେଞ୍ଜାନା ଏଞ୍ଜାଣାଇଁ ଏଲେଇଚେସି, “ନାନୁ ର କାମା କିନାୟିମାନେ; ନାନୁ ନୀ ତାଣା ମାନି ବାରେ ଦନବିତି ପାର୍‌ଚାନାହାଁ ହିଲାଆ ଗାଟାରାକି ଦାନା ହୀମୁ, ଇଞ୍ଜାଁ ତାୟୁ ନାନୁ ଲାକପୁରୁତା ଦନ ବେଟାଆଡ଼ି; ଏଚେଟିଏ ନା ଜେଚ ଜେଚ ଖାମୁ □”

୨୩ ସାମା ଏଞ୍ଜାସି ଇ ବାରେ କାତା ଖେଞ୍ଜାନା ହାରେକା ଦୁକୁ ଆଡ଼େସି, ଇଚିହଁ ଏଞ୍ଜାସି ବାଡ଼କୁ ଗାଟାସି ମାଚେସି □

* ୧୮:୧୪ ୧୮:୧୫ ମାତି ୨୩:୧୨; ଲୁକ ୧୪:୧୧

୨୪ ଏବେଟିଏ ଜୀସୁ ଏଞ୍ଜାଣାଙ୍କୁ ମେସାନା ଏଲେଇରେସି, “ଆମ୍ବାଆରି ଦନ ମାନେ, ଏଞ୍ଜାରି ହାରେକା କସ୍ତଲେ ମାହାପୁରୁତି ରାଜିତା ହଡ଼ନେରି □

୨୫ ଇତିହାସି ମାହାପୁରୁତି ରାଜିତା ଦନଗାଟାସି ହଡ଼ନି କିହାଁ ଉଚ୍ଚ ସୁଜା କାଣିଟି ହଡ଼ାହାନାୟି ଉସାସା □”

୨୬ ଏ କାତା ଖେଞ୍ଜିମାଟାରି ଏଲେଇରେରି, “ଆତିହାସି ଆମ୍ବାଆସି ଗେଲ୍ପି ଆହାଲି ଆଡ଼ିନେସି ?”

୨୭ ଜୀସୁ ଏଲେଇରେସି, “ଏନାଆଁ ଲକୁ କିୟାଲି ଆଡ଼ାଆଗାଟାଣି ମାହାପୁରୁ କିହାଲି ଆଡ଼ିନେସି □”

୨୮ ଏବେତା ପିତର ଜୀସୁଙ୍କୁ ଖେରେସି, “ମେହ୍ମୁ ମାମ୍ବୁ ବାରେ ପିସାନା ନୀ ଜେଟ ଖାହିମାନମି □”

୨୯ ଜୀସୁ ଏଞ୍ଜାଣାଙ୍କୁ ଖେସେସି, “ନାନୁ ମିଙ୍ଗେ ସାତା ଖେସିମାଞ୍ଜାଙ୍କୁ, ଆମିନି ଗାଟାରି ମାହାପୁରୁ ରାଜିତାକି ଇଲୁକାଣ୍ଡା, ତକ୍ତିନି, ତାୟି, ତାଲି ତାଞ୍ଜି, ଅଡ଼େ ମୀରକା ମାସ୍କାଣି ପିସାମାନେରି,

୩୦ ଏଞ୍ଜାରି ଇ ଜୁଗୁତା ହାରେକା ଆଗାଡ଼ା ବେଟାଆହାନା, ଖାନ୍ତି ଜୁଗୁତା କାଲାକାଲାତି ଜୀସୁ ବେଟା ଆନେରି □”

ଜୀସୁ ତାନି ଦେବା ତାନି ହାକିତି ଖେହ୍ନାୟି

(ମାତି ୨୦:୧୭-୧୯; ମାର୍କ ୧୦:୩୨-୩୪)

୩୧ ଜୀସୁ ତାନି ବାରଜାଣା ସୀସୁୟାଙ୍କୁ ହାଟାନା ଖେସେସି, “ମେହ୍ମୁ ମାର ଜିରୁସାଲମତା ହାଜିମାନାୟି, ଏମ୍ବାଆଁ ମାଣ୍ଡି ମୀରଏଣି ତାକି ମାହାପୁରୁ ଅଣ୍ପୁତି ବଲୁ ଖେହ୍ନାରି ଏନା ଏନାଆଁ ରାଟାମାନେରି, ଏ ବାରେ ମାଣ୍ଡି ମୀରଏଣା ତାଣ୍ଡା ସାତା ଆନେ;

୩୨ ଇତିହାସି ଏଞ୍ଜାଣାଙ୍କୁ ଏଟକା କୁଡ଼ାତାରି କେୟୁତା ହେରପିନେସି, ଇଞ୍ଜା ଏଞ୍ଜାରି ଏଞ୍ଜାଣାଙ୍କୁ କାକନେରି, ଏଞ୍ଜାଣାଙ୍କୁ ହୀଣି କିହାନା ହୁପିନେରି,

୩୩ ଏଞ୍ଜାଣାଙ୍କୁ ସାଟ୍ଟି ତ:ରିତଲେ ଖେଚାନା ପାୟିନେରି, ଇଞ୍ଜା ତାନି ଦିନାଟିଏ ନିଜିନେସି □”

୩୪ ସାମା ସୀସୁୟା ଇ ବାରେ କାତା ପୁଞ୍ଜାଲି ଆଡ଼ାଆଡେରି; ଇ କାତା ଏଞ୍ଜାରିତାଣା ତୁଗୁନା ମାଟେ, ଏନାଆଁ ଖେସ୍ପି ଆହିମାଟେ ଏ ବାରେ ପୁଞ୍ଜିହିଲାଆଡେରି □

ରୀସପାତିନି କାଣାଙ୍କୁ ଜୀସୁ ନେହ୍ନିକିନାୟି

(ମାତି ୨୦:୨୪-୩୪; ମାର୍କ ୧୦:୪୬-୫୨)

୩୫ ଜୀସୁ ଜିରିହ ଗାଡ଼ାତା ଏଜିମାଟାଟି ର କାଣା ଜିରୁତା କୁଗାନା ରୀସପିମାଟେସି □

୩୬ ଏଞ୍ଜାସି ଲକୁତି ହାଜିମାନି ହାଡ଼ା ଖେଞ୍ଜାନା, “ଇଦି ଏନାୟି ଆହିମାନେ ଇଞ୍ଜା ଖେରେସି □”

୩୭ “ନାଜିରିତତି ଜୀସୁ ଇମ୍ପାଟି ହାଜିମାନେସି” ଇଞ୍ଜା ଖେସେସି □

୩୮ ଏବେଟିଏ କାଣା କାଜା ଗିୟାତଲେ ଏଲେଇଞ୍ଜି ଇରେସି, “ଏ ଜୀସୁ ଦାଞ୍ଜୁଦ ମୀରଏଣାତି ନାଙ୍ଗେ କାର୍ମା ମେସ୍ତାମୁ □”

୩୯ ସାମା ନକିତା ହାଜିମାଟାରି ଏଞ୍ଜାଣାଙ୍କୁ ପାଲେଏ ମାଞ୍ଜାଲି ଦାକା ହୀଡେରି, ସାମା ଏଞ୍ଜାସି ଅଡ଼େ କାଜା

ଗିୟାତଲେ ଏଲେଇରେସି, “ଏ ଜୀସୁ ଦାଞ୍ଜୁଦ ମୀରଏଣାତି ନାଙ୍ଗେ କାର୍ମା ମେସ୍ତାମୁ □”

୪୦ ଏବେଟିଏ ଜୀସୁ ଏମ୍ବାଆଁ ନିଚାନା କାଣାଙ୍କୁ ତାନି ଦାରିତା ତାଟାଲି ଗାଣ୍ଡିତେସି; ଏବେତା କାଣା ତାଗେ ଖାଡେସି ଇଞ୍ଜା ଜୀସୁ ଏଞ୍ଜାଣାଙ୍କୁ ଖେରେସି,

୪୧ “ନାନୁ ନିଙ୍ଗେତାକି ଏନାଆଁ କିଇଁ ଇଞ୍ଜା ମନ କିହିମାଞ୍ଜି ?”

କାଣା ଏଲେଇରେସି, “ଏ ପ୍ରବୁ ନାନୁ ଏନିକି ମେସାଲି ଆଡ଼ିଇଁ □”

୪୨ ଜୀସୁ ଖେସେସି, “ନାନୁ ମେହ୍ମୁ, ନୀ ନାମୁ ନିଙ୍ଗେ ନେହ୍ନି କିୟାତେ □”

୪୩ ଏ ଦେବୁଣିଏ ଏଞ୍ଜାସି ମେସାଲି ଆଡ଼ିତେସି ଇଞ୍ଜା ମାହାପୁରୁତି ଜହରା କିହ୍ନି କିହ୍ନି ଜୀସୁ ଜେଟ ହାରେସି, ଅଡ଼େ ଲକୁ ଏନାଆଁ ମେସାନା ମାହାପୁରୁଇଁ ଜହରା କିତେରି □

୧୯

ଜୀସୁ ଅଡ଼େ ଜକିୟ

୧ ଜୀସୁ ଜିରିହତା ହଡ଼ାନା ଗାଡ଼ା ମାଦିଟି ହାଜିମାଟେସି □

୨ ଏମ୍ବାଆଁ ଜକିୟ ଦରୁଗାଟାସି ରଅସି ମାଟେସି, ଏଞ୍ଜାସି ସିସୁ ରୀହ୍ନାରି ବିତ୍ରାଟି କାଜାସି ଅଡ଼େ ଏଞ୍ଜାଣାକି ହାରେକା ଦନ ମାଟେ □

୩ ଜୀସୁ ଏନିଲେହେତାସି ଇଞ୍ଜା ଏଞ୍ଜାଣାଙ୍କୁ ମେସାଲି ହାରେକା ମନ ମାଟେ, ସାମା ହାରେକା ଲକୁ ମାଟାକି ମେସାଲି ଆଡ଼ିହିଲାଆଡେସି, ଏନାଆଁତାକି ଇତିହାସି ଏଞ୍ଜାସି କୁଜା ମାଟେସି □

୪ ଏମ୍ପାଟିଏ ଏଞ୍ଜାସି ନକିତା ହଟି ହଟି ହାଜାନା ଜୀସୁ ହାନି ଜିରୁତା ଏଞ୍ଜାଣାଙ୍କୁ ମେସାଲି ର ତୟା ମାରୁନୁତା ହଡେସି, ଇତିହାସି ଜୀସୁ ଏ ଜିରୁଟି ହାନାୟି ମାଟେ □

୫ ଜୀସୁ ଏମ୍ବାଆଁ ଏଜାନା ଲାକ ସିନିକିହାନା ହାଟିତେସି, “ଆଡେ ଜକିୟ ତବେ ରେଟାଞ୍ଜାମୁ ଇତିହାସି ନୀଞ୍ଜୁ ନାନୁ ମୀ ଇଜ ଗତା ଖାନ୍ତାୟି ମାନେ □”

୬ ଏଞ୍ଜାସି ତବେ ରେଟାଞ୍ଜାହାନା ଏଞ୍ଜାଣାଙ୍କୁ ରାହାଟି ତାନି ଇଜ ହାଟିତେସି □

୭ ଇଦାଆଁ ମେସାନା ବାରେ ଲକୁ ମୁରୁ ମୁରୁ ଆହ୍ନି କାତା ଆଡେରି, “ଇଞ୍ଜାସି ର ପାପୁ ଗାଟାରି ଇଜ ଗତା ହାଜିମାନେସି □”

୮ ସାମା ଜକିୟ ନିଚାନା ପ୍ରବୁଙ୍କୁ ଏଲେଇରେସି, “ଏ ପ୍ରବୁ ନାନୁ ନା ଦନତି ର ବାଗା ହିଲାଆ ଗାଟାଟାକି ହୀଇଁ, ଅଡ଼େ ନାନୁ ଆମ୍ବାଆରି ତାଣାଟି ଏନାଆଁ ତାଟାମାଟିହ୍ନି ସାରି ବାଗା ଆଗାଡ଼ା ଖେଟ୍ଟିକିଁ □”

୯ ଏମ୍ପାଟିଏ ଜୀସୁ ଏଲେଇରେସି, “ନୀଞ୍ଜୁ ଇ ଇଜତି ଲକୁତାକି ଗେଲ୍ପିନାୟି ଖାହାମାନେ, ଇତିହାସି ଇଞ୍ଜାସି ଜିକେଏ ଅଗ୍ରାହାମତି କୁଡ଼ାତାସି □

୧୦ ✨ଇତିହାସ ଏନାୟି ଜାକ୍ସା ହାଜାମାନେ ଏଦାଆଁ ପାରାନା ଗେଲ୍‌ପାଲି ମାଣ୍ଡି ମୀରୁଏସି ଖାହାମାନେସି □

ବାଂଗାରା ଟାକା
(ମାତି ୨୫:୧୪-୩୦)

୧୧ ଲକ୍ଷ୍ମ ଜ କାତା ଖେଞ୍ଜି ମାଟାଟି ଏଝାସି ଅଡ଼େ ର ପୁଣ୍ଡିକିନି କାତା ଖେସ୍ତେସି, ଇତିହାସ ଏଝାସି ଜିରୁସାଲମ ତାଗେ ଆହାମାଚେସି, ଇତିହାସ ମାହାପୁରୁ ରାଜି ତବେ ତଞ୍ଜାଆନେ ଇଞ୍ଜି ଅଣ୍ଡିମାଚେରି □

୧୨ ଏଝାସି ଏଲେଇଚେସି, “ର କାଜା କୁଡ଼ାତାସି ରାଜା ପାଣା ବେଟାଆହାଁ ଖେଣ୍ଡା ଖାଇଁ ଇଞ୍ଜି ର ହେକ ରାଜି ହାଚେସି □

୧୩ ଏଝାସି ତାନି ଦସଜାଣା ହଲିୟାକାଣି ହାଟାନା ଏଝାରାକି ଦସଗଟା ଖେଣ୍ଡି ଟାକା ଲାକା ହାହାନା ଏଲେଇଚେସି, ‘ନାନୁ ଖେଣ୍ଡା ଖାନ୍ତି ପାତେକା ମୀରୁ ଇ ଟାକା ତଲେ ବେବାରା କିନ୍ତୁ □’

୧୪ ସାମା ତାନି ଦେସାତାରି ଏଝାଣାଇଁ ଅପିହିଲାଆଚେରି, ‘ଇଝାସି ମାଜେତାକି ରାଜା ଆୟାଆପେସି’ ଇଞ୍ଜି ତାନି ଜେତଏ କସ୍‌କାଣି କାରୁ ଖେସା ପାଣ୍ଡିଚେରି □”

୧୫ ତାୟୁ ଏଝାସି ରାଜା ପାଣା ବେଟାଆହାନା ତାନି ରାଜିତା ଖେଣ୍ଡାଖାଡ଼େସି, ଇଞ୍ଜା ତାନୁ ଟାକାୟାଁ ହାହାମାଟି ହଲିୟାକା ବେବାରା କିହାଁ ଏଚେକା ଲାବା କିହାମାନେରି ଏଦାଆଁ ପୁଞ୍ଜାଲି ଏଝାରାଇଁ ହାଟିକିଚେସି, ଇଞ୍ଜା ଖେଚେସି □

୧୬ ତଲିତାସି ଖାହାନା ଏଲେଇଚେସି, “ବାରୁ ନୀନୁ ହାହାମାଞ୍ଜାତି ର ଟାକା ତଲେ ବେବାରା କିହାନା ଦସଟାକା ଲାବା କିହାମାଇଁ □”

୧୭ ଏଝାସି ଏଝାଣାଇଁ ଏଲେଇଚେସି, “ନେହୁଁ ଟିକାଣାଗାଟି ନାମୁଡ଼ି ହଠେଲଏଣାତି, ନୀନୁ ଉଣା କାମାତାକି ନେହୁଁ କାମା କିହାମାନାକି ନୀନୁ ଦସଗଟା ଗାଡ଼ାୟାଁ ସାଲଞ୍ଜି କିନି ଅଦିକାରା କିମ୍ତୁ □”

୧୮ ଅଡ଼େ ରଅସି ଖାହାନା ଏଲେଇଚେସି, “ବାରୁ ନୀନୁ ହାହାମାଞ୍ଜାତି ଟାକା ତଲେ ପାସାଗଟା ଲାବା କିହାମାଇଁ □”

୧୯ ଏଝାସି ଏଝାଣାଇଁ ଜିକେଏ ଏଲେଇଚେସି, “ନୀନୁ ଜିକେଏ ପାସାଗଟା ଗାଡ଼ାୟାଁ ମୁହେଁ ଅଦିକାରା ଆମ୍ତୁ □”

୨୦ ଅଡ଼େ ରଅସି ଖାହାନା ଏଲେଇଚେସି, “ପ୍ରବୁ ମେହମୁ ଇଦି ନୀନୁ ହାହାମାଞ୍ଜାତି ଟାକା; ଇଦାଆଁ ନାନୁ ଡ୍ରାଃଆଲିତା ରୁପାନା ଇଟାମାଚେସି □

୨୧ ଇତିହାସ ନାନୁ ନିଜେ ଆଜାଚେସି, ନୀନୁ ର ଗିରିଗିରା ଗାଟାଟି, ଇଟା ହିଲାଆଗାଟାଣି ପାରିନାଟି, ମାଟା ହିଲାଆତାଣା ଦାଃଆନାଟି □”

୨୨ ଏଝାସି ଏଝାଣାଇଁ ଏଲେଇଚେସି, ଆଡ଼େ ପଲ୍‌ଆଗାଟି ହଠେଲଏଣାତି, ନୀ ଗୁଡ଼ିତି ହାଡ଼ାତଲେ ନୀ ନୀହାୟି କିୟାଇଁ, ନାନୁ ଗିରିଗିରା ଗାଟାଚେସି, ଇଟାହିଲାଆ ତାଣା ପାରିନାଚେସି ମାଟାଆତି ତାଣା ଦାଃଆନାଚେସି ଇଦାଆଁ ପୁଞ୍ଜାମାଟି ?

୨୩ ଆତିହାସ ଏନାଆଁତାକି ନା ଟାକାଟି ରୀଣା ଅନାରାକି ହାଆତି, ନାନୁ ଖାହାନା ଅତିତଲେ ବେଟାଆଡ଼େସିମା □

୨୪ ଇଞ୍ଜା ଦାରିତା ନିଗାମାଚାରାଇଁ ଖେସ୍ତେସି, “ଇଝାଣି ତାଣାଟି ଏ ଟାକା ମୀଞ୍ଜା ଅହାନା ଆମ୍ବାଆରିକି ଦସଟାକା ମାନୁ ଏଝାଣାକି ହୀଦୁ □”

୨୫ ଏଚେଟିଏ ଏଝାରି ଖେସ୍ତେରି, “ପ୍ରବୁ ଏଝାଣାକି ଦସଟାକା ମାନୁ □”

୨୬ ✨ନାନୁ ମିଜେ ଖେସିମାଞ୍ଜାଇଁ, “ଆମିନିଗାଟାଣାକି ମାନେ, ଏଝାଣାକି ଗାଡ଼ି ହୀପକିଆନେ □ ସାମା ଆମ୍ବାଆରାଞ୍ଜାୟି ହିଲେଏ ଏଝାଣି ତାଣା ଏନାୟି ମାନେ ଏଦାଆଁ ଜିକେଏ ଏଝାଣି ତାଣାଟି ଅଞ୍ଜିଆନେ □

୨୭ ✨ସାମା ନାଜେ ତାନି ରାଜା ଆହାଲି କୁହାମାଞ୍ଜାନି ସାତୁୟାଁ ଇମ୍ବାଆଁ ତାକା ହାଜାନା ଏଝାରାଇଁ ନା ନକିତା ଟୁଣ୍ଡିହାଡୁହୁଡୁ □”

ଜୀସୁ ଜିରୁସାଲମତା ରାହାଁଟି ହାନାୟି

(ମାତି ୨୧:୧-୧୧; ମାର୍କ ୧୧:୧-୧୧; ଜହ ୧୨:୧୨-୧୯)

୨୮ ଇ ବାରେ କାତା ଖେସ୍ତି ତାୟୁ ଜୀସୁ ଜିରୁସାଲମ ଖାକି ହାଚେସି □

୨୯ ଏଝାସି ଜୀତ ହରୁ ଦାରିତା ମାନି ବେତନିୟାଁ ଅଡ଼େ ବେଡ଼ପାଟି ନାସ୍‌କାଣାଁ ଏଜାନା ତାନି ସୀସୁୟାଁ ବିତ୍ରାଟି ରିଆରାଇଁ ଇ କାତା ଖେସା ପାଣ୍ଡିଚେସି □

୩୦ “ମୀରୁ ହାଜାନା ମୀ ନକିତି ନାୟୁଁତା ହଡ଼ଦୁ ଇଞ୍ଜା ଲକ୍ଷ୍ମ ଏଚେଲା ହଟା ହିଲଅରି; ଇଲେଟି ର ଗାଡ଼ଦେ ତାଲୁଡ଼ି ଦସାମାନାଣି ମେହଦେରି; ଏଦାଆଁ ଦାଞ୍ଜା ହୁକ୍‌ହାଁ ନା ତାଣା ତାଟିହୁଁ ଖାଦୁ □

୩୧ ଆମ୍ବାଆସି ଏନାଆଁତାକି ହୁକ୍‌ହିମାଞ୍ଜେରି ଇଞ୍ଜି ଖେଞ୍ଜାତିହୁଁ, ଇଦାନି ମା ପ୍ରବୁକି ଲଡ଼ାମାନେ ଇଞ୍ଜି ଖେହୁଡୁ □”

୩୨ ଏମ୍ବାଟି ଜୀସୁ ପାଣ୍ଡାମାଚାରି ଏଝାସି ଏନିକ୍‌ ଖେସାମାଚେସି, ଏଲେହେଁ ମେସ୍ତେରି □

୩୩ ଇଞ୍ଜା ଏଝାରି ଗାଡ଼ଦେ ତାଲୁଡ଼ି ଦାଞ୍ଜା ହୁକ୍‌ହିମାଚାଟି ଗାଡ଼ଦେ ସାଞ୍ଜୁକାରିୟାଁ “ଏନାଆଁତାକି ହୁକ୍‌ହିମାଞ୍ଜେରି ଇଞ୍ଜି ଖେଚେରି ?”

୩୪ ଏଝାରି ଏଲେଇଚେରି, “ଇଦାନି ମା ପ୍ରବୁକି ଲଡ଼ାମାନେ □”

୩୫ ଏମ୍ବାଟିଏ ଗାଡ଼ଦେ ଜୀସୁ ତାଣା ତାଚାନା ଏଦାନିଲେକ ହିମ୍ବରିକା ପାସାନା ଜୀସୁଇଁ ଲାକ କୁରିକିଚେରି □

୩୬ ଅଡ଼େ ଏଝାସି ନକିତା ହାଜିମାଚାଟି ଲକ୍ଷ୍ମ ଜିରୁତା ତାନି ହିମ୍ବରିକା ପାସ୍ତେରି □

୩୭ ଇଞ୍ଜା ଏଝାସି ଜିରୁସାଲମ ତାଗେ ମାନି ଜୀତ ହରୁଟି ଖାନ୍ତି ବେଲାତା ଏଝାସି ଇଞ୍ଜା ତାନି ସୀସୁୟାଁ ଜୀସୁ କିତି ବାଡ଼ୟୁଡ଼ି କାମାତାକି ମାହାପୁରୁଇଁ ଜହରା କିହିହୁଁ ରାହାଁଟି ପାରୁ ପାଟିଚେରି □

☆ ୧୯:୧୦ ୧୯:୧୦ ମାତି ୧୮:୧୧ ☆ ୧୯:୨୬ ୧୯:୨୬ ମାତି ୧୩:୧୨; ମାର୍କ ୪:୨୫; ଲୁକ ୮:୧୮ ☆ ୧୯:୨୭ ୧୯:୨୭ ମାତି ୨୫:୧୪-୩୦

୩୮ “ପ୍ରଭୃତି ଦରୁତି ଆମିନି ରାଜା ଖାହିମାନେସି ଏଞ୍ଜାଣାକି ନେହେଁ □ ଲାକପୁରୁ ହିତ୍ତି ଅଡେ ଲାକପୁରୁତି ମାହାପୁରୁଇଁ ଗାଞ୍ଜୁରମି ଆପେ □”

୩୯ ଏଚେଟିଏ ଲକୁ ମାନ୍ଦାଟି ଏଚରଜାଣା ପାରୁସିୟାଁ ଜୀସୁଇଁ ଏଲେଇଚେରି, “ଏ ଗୁରୁ ନୀ ସୀସୁୟାଁଇଁ ଲାଗାମୁ □”

୪୦ ନାନୁ ମିଙ୍ଗେ ଖେସିମାଞ୍ଜାଇଁ, “ଇଞ୍ଜାରି ପାଲେଏ ଆଡିସାରେ, ଖାଲକା ହାଲେହେଁ କାଜା ଗିୟାତଲେ ଜଲିତୁମା □”

ଜୀସୁ ଜିରୁସାଲମ ତାକି ଡାନାୟି

୪୧ ଅଡେ ଏଚେତା ଗାଡ଼ା ତାଗେ ଖାଡେସି, ଏଚିବେଲା ଗାଡ଼ାତି ମେସାନା ଡାହିହଁ ଏଲେଇଚେସି,

୪୨ “ନାନୁ, ହାଅ, ନାନୁ ନୀଞ୍ଜୁ ହିତ୍ତି ଜିରୁ ପୁଚିହଁ ଅଜିତେମା! ସାମା ଏଡି ନୀ ତାଣାଟି ତୁଗାମାନେ □

୪୩ ଏଚିବେଲା ମାହାପୁରୁ ନିଙ୍ଗେ ଗେଲପାଲି ଅଣ୍ଡାମାଞ୍ଜାତେସି ଏଦାଆଁ ପୁନାଆତାକି ଏଚିବେଲାତା ନୀ ସାତୁୟାଁ ନୀ ସାରିସୁଟୁ କାଜା କଟା ଦସାନା ମୁଚାନେରି,

୪୪ ଇଞ୍ଜା ନିଙ୍ଗେ ଅଡେ ନୀ ତାଣା ମାନି ନୀ ମୀରକାଣି କୁଡପୁନାସା କିୟାନେରି, ଅଡେ ର ଖାଲିତି ଅର ଖାଲି ଲାକ ତୀରି ଆହାଲି ହିୟଅରି, ଇଲେତି ଦିନା ଖାହିମାନେ □”

ମାହାପୁରୁ ଇଲୁତା ଜୀସୁ ହଡନାୟି

(ମାତି ୨୧:୧୨-୧୭; ମାର୍କ ୧୧:୧୫-୧୯; ଜହ ୨:୧୩-୨୨)

୪୫ ଏମ୍ବାଟିଏ ଜୀସୁ ମାହାପୁରୁ ଇଲୁତା ହଡନାହାଁ ବେବାରା କିନାରାଇଁ ଏମ୍ବାଟି ହାସା ପେରହାତୁସେସି,

୪୬ ଦାମ୍ବୁପତିତା ରାସ୍କି ଆହାମାନେ, “ନା ଇଲୁ ପ୍ରାତାନା ଇଲୁ ଆନେ, ସାମା ମୀରୁ ଏଦାଆଁ ଡଂଗାୟାଁ ପାଞ୍ଜୁ ମ୍ବୁହାତୁସେରି □”

୪୭ ଅଡେ ଜୀସୁ ଦିନାତାକି ଦିନା ପ୍ରାତାନା ଇଲୁତା ଜାପୁହି ମାଚେସି, ସାମା କାଜା ପୂଜେରାଙ୍ଗା ଅଡେ ମେରାପୁନାରି ଲକୁତି କାଜାରି ତଲେ ଜୀସୁଇଁ ପାୟାଲି ଅଣ୍ଡିମାଚେରି,

୪୮ ସାମା ଲକୁ ରାହାଟି ଏଞ୍ଜାଣି ଜାପୁନାଣି ଖେଞ୍ଜିମାଚାକି ଏଞ୍ଜାରି ଏନିକିହାଲି ଆନେ ପାରୁ ବେଗାଆହି ହିଲାଆଚେରି □

୨୦

ଜୀସୁତି ଅଦିକାରା

୧ ର ଦିନା ଜୀସୁ ମାହାପୁରୁ ଇଲୁତା ଲକୁଣି ଜାପୁହି ମାଚେସି, ଅଡେ ନେହଁ କାରୁ ଖେକ୍‌ହି ମାଚେସି, ଏଚିବେଲା କାଜା ପୂଜେରାଙ୍ଗା ଅଡେ ମେରାପୁନାରି ପ୍ରାଚିନାଙ୍ଗା ତଲେ ଖାହାନା ଖେଚେରି,

୨ “ନାନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜୁ, ଏଲେକିହାଲି ଆମ୍ବାଆସି ଅଦିକାରା ହାହାମାଞ୍ଜାନେସି, ମାଙ୍ଗେ ଖେସ୍ତାମୁ □”

୩ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ଜିକେଏ ର କାତା ଖେଞ୍ଜାଇଁ, ନାଙ୍ଗେ ଖେସ୍ତାମୁ

୪ ଜହନଇଁ ବାପ୍ତିସ୍ତା* ହୀମୁ ଇଞ୍ଜି ଆମ୍ବାଆସି ଚାଣ୍ଡିତେସି, ଲାକପୁରୁଟି କି ମାଣ୍ଡି ତାଣାଟି ?”

୫ ଏଚେଟିଏ ଏଞ୍ଜାରି ତାମ୍ବୁ ତାମ୍ବୁ ଜଲକି ଆଚେରି, “ଲାକପୁରୁଟି ଇନାୟି, ଆତିହଁ ଏଞ୍ଜାସି ଏଲେଇଞ୍ଜାନେସି ଏନାଆଁତାକି ଏଞ୍ଜାଣାଇଁ ନାମାଆଚେରି ?

୬ ସାମା ମାଣ୍ଡି ତାଣାଟି ଇନାୟି, ଇଞ୍ଜା ଲକୁ ମାଙ୍ଗେ ଖାଲକାତଲେ ପାୟାନେରି, ଇତିହଁ ଜହନଇଁ ମାହାପୁରୁ ଅଣ୍ଡପୁତି ବଲୁ ଖେହନାରି ତାଣାଟି ରଅସି ଇଞ୍ଜି ହାଡେରକା ନାମାମାନେରି □”

୭ ଏଞ୍ଜାରି ଏଲେଇଚେରି, “ମାମ୍ବୁ ପୁଞ୍ଜାହିଲଅମି ଏଡି ଏମ୍ବିଟି ଆହାମାନେ □”

୮ ଜୀସୁ ଏଞ୍ଜାରାଇଁ ଏଲେଇଚେସି, “ଆତିହଁ ନାନୁ ଆମିନି ଅଦିକାରା ତଲେ କିହିମାଇଁ ନାନୁ ଜିକେଏ ଖେସ୍ତାଆଁ □”

ଅଞ୍ଜୁରି ବାଡ଼ାତା ବାଗା କାମାକିନାରି ପୁଣ୍ଡିକିନି କାତା (ମାତି ୨୧:୩୩-୪୭; ମାର୍କ ୧୨:୧-୧୨)

୯ ଏମ୍ବାଟିଏ ଜୀସୁ ଇ ପୁଣ୍ଡିକିନି କାତା ଖେସ୍ତେସି, “ରଅସି ର ଅଞ୍ଜୁରି ବାଡ଼ା କିହାନା କାମା କିନାରାକି ବାଗା ହାହାନା ହାଡେରକା ଦିନାତାକି ଅର ଦେସାତା ହାଚେସି □

୧୦ ଅଞ୍ଜୁରି ପାଡେୟି କାମ୍ବିନି ବେଲା ଏଞ୍ଜାସି ତାନି ବାଗା ବେଗାଆହାଲି ର ହଲେଏଣାଇଁ ପାଣ୍ଡିତେସି, ସାମା ଅଞ୍ଜୁରି ବାଡ଼ାତା କାମାକିନାରି ଏଞ୍ଜାଣାଇଁ ମାଡ଼ା ଖେଚାନା ଖାର୍‌ଇ କେୟୁଟି ପେରହାତୁସେରି □

୧୧ ଏଞ୍ଜାସି ଅଡେ ର ହଲେଏଣାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଣାଇଁ ଜିକେଏ ଖେଚାନା ନିନ୍ଦା କିହାଁ ଖାର୍‌ଇ କେୟୁଟି ପେରହା ପାଣ୍ଡିତେରି;

୧୨ ତାମ୍ବୁ ଅଡେ ରଅଣାଇଁ ପାଣ୍ଡିତେସି, ସାମା ଏଞ୍ଜାଣାଇଁ ଜିକେଏ ରାଣାରକା କିହାନା ବାଡ଼ାତି ପାଙ୍ଗାତା ମେଡହାତୁସେରି □

୧୩ ଏମ୍ବାଟିଏ ଅଞ୍ଜୁରି ବାଡ଼ାତି ସାଞ୍ଜୁକାରି ନୀଏଟି ଏନାଆଁ କିଇଁ ଇଞ୍ଜି ଅଣ୍ଡପାନା, ନା ଜୀସୁତି ମୀରଏଣାଇଁ ପାଣ୍ଡିଇଁ ଆତିହଁ ଏଞ୍ଜାଣାଇଁ ମାନ୍ତି କିନେରି □

୧୪ ସାମା କାମାକିନାରି ଏଞ୍ଜାଣାଇଁ ମେସାନା ତାମ୍ବୁ ତାମ୍ବୁ ଏଲେଇଣ୍ଡି ଆଚେରି ‘ଇଞ୍ଜାସି ଅଦିକାରା ଗାଚାସି, ଇଞ୍ଜାଣାଇଁ ପାୟାତୁହନ, ଆତିହଁ ଇ ଅଞ୍ଜୁରି ବାଡ଼ା ମାଙ୍ଗେ ଆୟାନେ □’

୧୫ ଅଡେ ଏଞ୍ଜାଣାଇଁ ଅଞ୍ଜୁରି ବାଡ଼ା ପାଙ୍ଗାତା ମେଡହାନା ପାୟିତେରି □”

“ଆତିହଁ ଅଞ୍ଜୁରି ବାଡ଼ାତି ସାଞ୍ଜୁକାରି ଏଞ୍ଜାରାଇଁ ଏନାଆଁ କିନେସି ?

୧୬ ଏଞ୍ଜାସି ଖାହାନା ଇ କାମା କିନାରାଇଁ ପାୟାତୁହନେସି, ଅଡେ ଏଚକାତାରାକି ଏ ଅଞ୍ଜୁରି ବାଡ଼ା ହୀନେସି □”

* ୧୯:୪୭ ୧୯:୪୭ ଲୁକ ୨୧:୩୭ * ୨୦:୪ ୨୦:୪ ମୁଞ୍ଜିନାୟି

ଲକ୍ଷ୍ମୀ ଲକ୍ଷ୍ମୀ କାତା ଖେଞ୍ଜାନା ଏଲେଇଚେରି, “ଏଲେକିହିଁ ଆଖୁଏ ଆଆପେ □”

୧୭ ସାମା ଜାସୁ ଏଞ୍ଜାରାଲ୍ ଖେସ୍ତେସି, “ଆତିହିଁ ରାତାମାନି ଇ ବଲୁ ଏନାୟି ?

ଇଲୁ କେପିନାରି ଆମିନି ଖାଲିତି କୂତେରି,
ଏଡି ଇଲୁ କନତି ମୁଲୁ ଖାଲି ଆଡେ □

୧୮ ଆମ୍ବାଆସି ଏ ଖାଲି ଲାକ ତରରିନେସି, ଏଞ୍ଜାସି କାଣ୍ଡାମୁକା ଆନେସି; ଇଞ୍ଜା ଏ ଖାଲି ଆମ୍ବାଆରି ମୁହେଁ ତରରିନେ ଏଞ୍ଜାଣାଲ୍ ଗୁଣ୍ଡାଗୁଣ୍ଡା କିନେ □”

ସିସୁ ହୁାନି କାତା

(ମାତି ୨୨:୧୫-୨୨; ମାର୍କ ୧୨:୧୩-୧୭)

୧୯ ଏଚେଟିଏ ମେରାପୁନାରି ଅଡେ କାଜା ପୂଜେରାଜା ଦେବୁଣିଏ ଜାସୁଲ୍ ଆସାଲି ଅଣ୍ଡପିତେରି, ସାମା ଲକ୍ଷ୍ମୀ ମାନ୍ଦାତି ଆଜିତେରି, ଇତିହିଁ ଏଞ୍ଜାସି ଏ ପୁଣ୍ଡିକିନି କାତା ଏଞ୍ଜାରାଲ୍ ସିନିକିହାନା ଖେସାମାଚେସି ଇଞ୍ଜା ଏଞ୍ଜାରି ପୁଚେରି □

୨୦ ଏମ୍ବାଟିଏ ଏଞ୍ଜାରି ଜାସୁଲ୍ ପାଣା ଅଡେ ବାଡ଼ୁଗାଟି ସାଲୁଞ୍ଜି କିନାରି କେମ୍ବୁତା ଏଞ୍ଜାଣାଲ୍ ହେର୍ପାଲି ପାରୁ ପାରିତେରି, ଇଞ୍ଜା ଏଚରଜାଣା ତାମ୍ବୁ ତାମ୍ବେ ଦାମ୍ବୁଗାଟାରି ଇଞ୍ଜା ତସା କଡିନି ନାଡ଼ିକିନାରି ଜାସୁଲ୍ ତାନି ଖେହ୍ନି କାତାତା ଦହ ଦସାଲି ଏଞ୍ଜାଣି ତାଣା ପାଣ୍ଡିତେରି □

୨୧ ଏଞ୍ଜାରି ଜାସୁଲ୍ ଖେଚେରି, “ଗୁରୁ, ମାମ୍ବୁ ପୁଞ୍ଜାମାନମି, ନାନୁ ଏନାଆଁ ଖେସାମାଞ୍ଜି ଅଡେ ଜାପୁହାମାଞ୍ଜି ଏଡି ସାତା, ଅଡେ ଆମ୍ବାଆରାଲ୍ ପାରତା ବାଟି କିଅତି, ସାମା ସାତା ମାହାପୁରୁତି ଜିରୁତି କାତା ଜାପୁଦି □

୨୨ ଆତିହିଁ କାୟିସରକି ସିସୁ ହୁାନାୟି ମେରା ମାନେକି ଆଏ □”

୨୩ ସାମା ଜାସୁ ଏଞ୍ଜାରି ନାଡ଼ିକିନି ଅଣ୍ଡପୁତି ପୁଞ୍ଜାନା ଏଞ୍ଜାରାଲ୍ ଖେସ୍ତେସି, “ନାଜେ ର ଖେଣ୍ଡି ଟାକା ହିୟାଦୁ □”

୨୪ ଏ ଖେଣ୍ଡି ଟାକାତା ଆମ୍ବାଆରି ବମା ଅଡେ ଦରୁ ମାନେ, ଏଞ୍ଜାରି ଖେସ୍ତେରି, “କାୟିସରଖାୟି □”

୨୫ ଏଚେଟିଏ ଜାସୁ ଏଞ୍ଜାରାଲ୍ ଖେସ୍ତେସି, “ଆତିହିଁ କାୟିସରଖାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜା ମାହାପୁରୁଖାୟି ଏନାୟି ଏଦାଆଁ ମାହାପୁରୁକି ହୀଦୁ □”

୨୬ ଏଚେଟିଏ ଏଞ୍ଜାରି ଲକ୍ଷ୍ମୀ ନକିତା ଏଞ୍ଜାଣାଲ୍ ଏଡି ଦହ ଦସାଲି ଆଡାଆତେରି, ଇଞ୍ଜା ଏଞ୍ଜାରି ଜାସୁ ଖେସ୍ତେ କାତାତାକି ଆଡାଜାକା ଆହାନା ପାଲେଏ ମାଚେରି □

ହାଡାରି ଖେଣ୍ଡେ ନିଜିନି କାତା

(ମାତି ୨୨:୨୩-୩୩; ମାର୍କ ୧୨:୧୮-୨୭)

୨୭ ☆ଏମ୍ବାଟିଏ ହାଡାରି ଖେଣ୍ଡେ ନିଜିନାଣି ନାନିହିଲିଆଗାଟି ଏଚରଜାଣା ସାଦୁକିୟା ଜାସୁତାଣା ଖାହାନା ଖେଚେରି,

୨୮ “ଏ ଗୁରୁ ମସା ମାଜେତାକି ରାତାମାନେସି, ରଅସି ବାହା ଆହାଁ କକାରି ପଦାଁ ଆଆନା ହାଡିହିଁ, ଏଞ୍ଜାଣି ତାୟି ତାନି ତକ୍ତିନି ଇଟାନା ଏଞ୍ଜାଣି କୂଡା ଏପିକିୟାଲି ଆନେ □

୨୯ ସାତା ଜାଣା ତାୟିୟାଁ ମାଚେରି; କାଜାସି ବାହା ଆହାନା କକାରି ପଦାଁ ଆଆନା ହାଡେସି;

୩୦ ତାୟି ଏଞ୍ଜାଣି ଜେଚତାସି ଇଚିତେସି, ଅଡେ ଏଞ୍ଜାଣି ଜେଚତାସି ଇଚିତେସି;

୩୧ ଏଲେକିହିଁଏ ସାତା ଜାଣା ଜିକେଏ କକାରି ପଦାଁ ଆଆନା ହାଡେଚି □

୩୨ ତାୟି ଏ ଇୟା ଜିକେଏ ହାଡେ □

୩୩ ଆତିହିଁ ଖେଣ୍ଡେ ନିଜିନି ଦିନା ଏଞ୍ଜାରି ବିତ୍ରାଟି ଏ ଇୟା ଆମ୍ବାଆରି ତକ୍ତି ଆନେ ? ଇତିହିଁ ସାତା ଜାଣା ଜିକେଏ ଏଦାନି ଇଟାମାଚେରି □”

୩୪ ଜାସୁ ଏଞ୍ଜାରାଲ୍ ଏଲେଇଚେସି, “ଇ ଦାର୍ତତି ଲକ୍ଷ୍ମୀ ବାହା କିନେରି ଅଡେ ଆନେରି,

୩୫ ସାମା ଖାନ୍ତି ଜୁଗୁତାକି ଇଞ୍ଜା ହାକିଟି ନିଜାଲିତାକି ପାଡା ଆନାରି ବାହା ଆଅରି କି ବାହା ହୀଅରି;

୩୬ ଇତିହିଁ ଏଞ୍ଜାରି ଦୂତୁୟାଲେହେଁ ଆହାନା ଏଚେଲାଖା ହୀଅରି, ଇଞ୍ଜା ହାକିଟି ନିଜାମାନାକି ଏଞ୍ଜାରି ମାହାପୁରୁତି ମୀରକା ଆନେରି □

୩୭ ସାମା ହାଡାରି ସାତେଏ ନିଜିନେରି ଇଞ୍ଜା ମସାଲ୍ ଜିକେଏ ଖେହିମାନି ବୁଟାଟି କାରୁତଲେ ନେହିଁକି ତସାମାଚେସି, ଇତିହିଁ ଏଞ୍ଜାସି ପ୍ରବୁଲ୍ ଅପାହାମତି ମାହାପୁରୁ, ଇସାହାକତି ମାହାପୁରୁ ଅଡେ ଜାକୁବତି ମାହାପୁରୁ ଇଞ୍ଜାମାଚେସି □

୩୮ ଏଞ୍ଜାସି ହାଡାରି ମାହାପୁରୁ ଆଏ ସାମା ଜାଖୁଗାଟାରି ମାହାପୁରୁ; ଇତିହିଁ ମାହାପୁରୁ ନକିତା ବାରେଜାଣା ନୀତାମାନେରି □”

୩୯ ଏମ୍ବାଟିଏ ମେରାପୁନାରି ବିତ୍ରାଟି ଏଚରଜାଣା ଏଲେଇଚେରି, “ହାଅ, ଗୁରୁ ନାନୁ ଅଜେ ଖେସ୍ତାତି □”

୪୦ ଇତିହିଁ ଏଞ୍ଜାଣାଲ୍ ଅଡେ ଏନାଆଁ ଖେଞ୍ଜାଲି ଏଞ୍ଜାରାକି ସାସା ହିଲିଆତେ □

କ୍ରୀସୁ ଆମ୍ବାଆସି

(ମାତି ୨୨:୪୧-୪୬; ମାର୍କ ୧୨:୩୫-୩୭)

୪୧ ଏମ୍ବାଟିଏ ଜାସୁ ଏଞ୍ଜାରାଲ୍ ଖେଚେସି, କ୍ରୀସୁ ଦାଖୁଦ ମୀରଏସି, ଲକ୍ଷ୍ମୀ ଏନିକି ଏଲେଇନେରି ?

୪୨ ଇତିହିଁ ଦାଖୁଦ ତାନୁଏ ପାରୁ ପତିତା ଏଲେଇଞ୍ଜି ମାନେସି,

ପ୍ରବୁ ନା ପ୍ରବୁଲ୍ ଖେସ୍ତେସି,

୪୩ ନାନୁ ନୀ ସାତୁୟାଣି ନୀ କତାୟାଁ ଡ଼ଇ ଇଟାଆ ପାଡେକା,

ନାନୁ ନା ଚିଃନିଖାକି କୁଗାମାନାମୁ □

୪୪ ଦାଖୁଦ ତାନୁଏ ଏଞ୍ଜାଣାଲ୍ ପ୍ରବୁ ଇଞ୍ଜା ମାନେସି; ଆତିହିଁ କ୍ରୀସୁ ଏନିକି ଏଞ୍ଜାଣି ମୀରଏସି ?

☆ ୨୦:୨୭ ୨୦:୨୭ କାମା ୨୩:୮

ମେରାପୁନାରି ତାଣାଟି ଜାଗ୍ରାତା

(ମାତି ୨୩:୧-୩୬; ମାର୍କ ୧୨:୩୮-୪୦)

୪୫ ତାମ୍ଭୁ ବାରେ ଲକୁ ନକିତା ସୀସୁୟାଁଙ୍କ ଝେପ୍ରେସି,

୪୬ “ମେରା ଜାପୁନାରି ତାଣାଟି ଜାଗ୍ରାତା! ଇଚିହିଁ, ଏଞ୍ଜାରି ଲାମ୍ବା ଲାମ୍ବା ହିମ୍ବୁରିକା ହୁଚାନା ତିରୁଝିହିଁ ରେଜାଲି, ଅଡ଼େ ହାଟା ବାଜାରାତା ଜହରା ବେଟାଆହାଲି, ପ୍ରାତାନା ଇଲକାଣା ନେହିଁ ନେହିଁ କୁଟିୟାଁ ଅଡ଼େ ବକିତା ନେହିଁ ଟାମ୍ଭୁ ବେଟାଆହାଲି ଅଣ୍ପିନେରି;

୪୭ ଏଞ୍ଜାରି ରାଣ୍ଡେଣିସିକା ଇଲୁ ସେଦିନେରି ଅଡ଼େ ଉଜେ ଉଜେଏ ଲାମ୍ବା ଲାମ୍ବା ପ୍ରାତାନା କିନେରି; ଏଞ୍ଜାରି ହାଟେରକା ତଣ୍ଡ ବେଟାଆନେରି □”

୨୧

ରାଣ୍ଡେଣିନି ଦାନା

(ମାତି ୧୨:୪୧-୪୪)

୧ ଏଚିବେଲା ଦନଗାଟାରି ଦାନା ପେଡ଼ାତା ତାନି ଦାନା ମେଡ଼ହି ମାଟାଣି ଜୀସୁ ସିନକିହିମାଟେସି,

୨ ଅଡ଼େ ର କାର୍ମାଗାଟି ରାଣ୍ଡେଣି ଖାହାନା ଏମ୍ବାଆଁ ରା ଉଣା ତାମ୍ବାତି ଆଦଲି ମେଡ଼ହାଣି ମେସାନା ଏଲେଇଚେସି,

୩ “ନାନୁ ମିଙ୍ଗ ସାତା ଝେସିମାଞ୍ଜାଙ୍କ ଇ କାର୍ମାଗାଟି ରାଣ୍ଡେଣି ଗାଡ଼ି ଦାନା ହୀହାମାନେ,

୪ ଇଚିହିଁ ଦନ ଗାଟାରି ତାନି ଗାଡ଼ି ଦନଟି ଇଟାଣି ତାତାନା ବେଟୁ ହୀହାମାନେରି, ସାମା କାର୍ମାଗାଟି ରାଣ୍ଡେଣି ତାନି ହିଲାଆବେଲାତା ତାଙ୍ଗେ ନୀତାଲିତାକି ଏନାୟି ମାଟେ ଏ ବାରେ ହୀହାମାନେ □”

ମାହାପୁରୁ ଇଲୁ ନସ୍ତୁ ଆନି କାତା

(ମାତି ୧୪:୩-୧୪; ମାର୍କ ୧୩:୩-୧୩)

୫ ଅଡ଼େ ଆମ୍ବା ଆମ୍ବାଆରି ମାହାପୁରୁ ଇଲୁ ଅଜି ଅଜିତି ଖାଲକା ଅଡ଼େ ଦାନା ହୀନାଣି ତଲେ ଅଜିକି ଅଜାମାନେ ଇଞ୍ଜି ଇଞ୍ଜାଲିଏ ଜୀସୁ ଏଲେଇଚେସି,

୬ “ମୀରୁ ନୀଏଁ ଏନା ଏନାଆଁ ମେସିମାଞ୍ଜେରି, ଦିନା ଖାନେ, ଏଚିବେଲା ର ଖାଲି ଅର ଖାଲି ଲାକ ତୟେଏ, ଇ ବାରେ ମେଣ୍ଡାଙ୍ଗାହାନେ □”

କସ୍ତୁ ଅଡ଼େ ନିନ୍ଦା ଖାନି କାତା

(ମାତି ୨୪:୩-୧୪; ମାର୍କ ୧୩:୩-୧୩)

୭ ଏଚିବେଲା ଏଞ୍ଜାରି ଏଞ୍ଜାଣାଙ୍କ ଝେଚେରି, “ଏ ଗୁରୁ ଆଡ଼ିହିଁ ଇ ବାରେ ଏଚେଲା ଆନେ ? ଇଞ୍ଜା ଇ ବାରେ ଆମିନି ବେଲାତା ଆନେ, ଏ ବେଲାତି ସିନା ଏନାୟି ?”

୮ ଜୀସୁ ଏଲେଇଚେସି, “ଜାଗ୍ରାତା ମୀରୁ ଏନିକିଁ ଆନ୍ଦା ଆଅଚେରି; ଇଚିହିଁ ହାଟେରକା ନା ଦରୁଟି ଖାହାନା ନାନୁ ଏଞ୍ଜାଚେଏଁ ଅଡ଼େ ଏ ଦିନା ଏଦାଚେୟିଏ ଇଞ୍ଜି ଇଞ୍ଜାନେରି; ଏଞ୍ଜାରି ଜେଟ ହାଲାଆଦୁ □

୯ ଇଞ୍ଜା ମୀରୁ ଏଚେତା ଜୁଜୁ ଇଞ୍ଜା ମେଲି ଆହିମାନାଣି ଝେଟିସାରେ ଆଜାଆଦୁ; ଏନିଇଚିହିଁ ଇ ବାରେ ନକେଏ ଆୟାଲି ଆନେ, ଆଡ଼ିଜକେଏ ଏଚିବେଲା ଜୁଗୁ ରାଏ □”

୧୦ ତାମ୍ଭୁ ଏଞ୍ଜାରାଙ୍କ ଏଲେଇଚେସି, “ଦେସା କପାଟି ଦେସା, ରାଜି କପାଟି ରାଜି ମେଲି ନିଜିନେ,

୧୧ ଇଞ୍ଜା ଇମ୍ବାଆଁ ଏମ୍ବାଆଁ ବୁମି ଖୀତିନେ, ହାଟେରକା ଟାମ୍ଭୁତା ମରଡ଼ି ଇଞ୍ଜା କାରଖୁ ଖାନେ, ଅଡ଼େ ହାଗୁ ପାକାତା ଆଜିହପେତି ସିନାୟାଁ ତଞ୍ଜା ଆନୁ □

୧୨ ସାମା ଇ ବାରେ ଆଆ ନକେଏ ଲକୁ ମିଙ୍ଗେ ଆସାନା ନା ଦରୁ ତାକି ନିନ୍ଦା କିହାନା ଜୀହୁଦି ଲକୁତି କୁଟମି ଇଲକାଣା*, କାୟିଦି ଇଲକାଣା, ରାଜା ଇଞ୍ଜା ନୀହାୟି କିନାରି ତାଣା ହେରପାନେରି;

୧୩ ଇଦି ମିଙ୍ଗେତାକି ସାକି ଆନେ □

୧୪ *ଇଞ୍ଜା ଏନାଆଁ ଜଲିଇଁ ଏନାଆଁ ଝେହୁଇଁ ଇଞ୍ଜି ତଲିଏ ମନତା ଅଣ୍ପାଆଦୁ;

୧୫ ଏନାଆଁତାକି ଇଚିହିଁ ମୀ ସାତୁୟାଁ ମିଙ୍ଗେ ଝେଣ୍ଡେ ଜଲାଲି କି ଝେସାଲି ଆଡ଼ାଆପେରିଖା ଇଞ୍ଜି ନାନୁ ମିଙ୍ଗେ ଏଚିବେଲାତା ନେହିଁ ବୁଦି ଅଡ଼େ ସୁଞ୍ଜା ହିୟାଙ୍କ □

୧୬ ସାମା ମୀ ତାଲି ତାଞ୍ଜି ତାୟିୟାଁ ସାମ୍ବଦିୟାଁ ଇଞ୍ଜା ମୀ ତଣ୍ଡେସିଙ୍ଗା ଜିକେଏ ମିଙ୍ଗେ ହେରପାନେରି, ଅଡ଼େ ମୀ ବିତ୍ରାଟି ଆମ୍ବା ଆମ୍ବାଆରାଙ୍କ ଇଚ୍ଚହାନା ପାୟିନେରି,

୧୭ ଇଞ୍ଜା ନା ଦରୁ ତାକି ବାରେ ଲକୁତାଣା ଲାଜା ବେଟାଆଦେରି ଅଡ଼େ ଅପଅରି □

୧୮ ସାମା ମୀ ତାୟିଁ ତୁ ର ବାଣା ଜିକେଏ ନସ୍ତୁ ଆଏ;

୧୯ ଅରୁହିନି ତାଣାଟି ମୀରୁ ମୀ ଜୀଞ୍ଜୁତି ଗେଲପିକିହା କଡ଼ିଦେରି □”

ଜିରୁସାଲମ ନାସା ଆନି କାତା

(ମାତି ୨୪:୧୫-୨୧; ମାର୍କ ୧୩:୧୪-୧୯)

୨୦ “ସାମା ମୀରୁ ଏଚିବେଲା ସାତୁୟାଁ ଜିରୁସାଲମ ଗାଡ଼ାତା ମୁଚାମାନାଣି ମେହୁଦେରି, ଏଚିବେଲା ଏଦି ନାସା ଆନି କାଲା ଏଦାଚେ ଇଞ୍ଜି ପୁଞ୍ଜୁ □

୨୧ ଏଚିବେଲା ଏମିନିଗାଟାରି ଜୀହୁଦା ଦେସାତା ମାନେରି, ଏଞ୍ଜାରି ହରକାଣା ହଣ୍ଡାରି; ଇଞ୍ଜା ଏମିନିଗାଟାରି ଗାଡ଼ା ବିତ୍ରା ମାନେରି, ଏଞ୍ଜାରି ହଟା ହାଲବେରି; ଏମିନିଗାଟାରି ନାସକାଣାଁ ମାନେରି, ଏଞ୍ଜାରି ଗାଡ଼ାତା ହଡ଼ଆପେରି;

୨୨ ଏନିଇଚିହିଁ ମାହାପୁରୁ ପତିତା ରାସ୍ତକି ଆହାମାନି ବାରେ କାତାଲେହେଁ ଆୟାଲିତାକି ଏଦି ତଣ୍ଡ ହୀନି କାଲା □

୨୩ ଆୟତା ଏଚିବେଲା ପୁରାମାସା ଆହାମାନୁ କି ପାଲୁ ଉଚ୍ଚିମାନୁ ଏଞ୍ଜି ଉଣେଏ କସ୍ତୁ ପାଣ୍ଡୁକି! ଏନିଇଚିହିଁ ଏଚିବେଲା ଇ ଦାରୁତିତା କାଜା ତଣ୍ଡ ଅଡ଼େ ଇ ଲକୁତାକି ମାହାପୁରୁତି କପା ଆନେ,

୨୪ ଏଚରଜାଣା କାଣ୍ଡାତଲେ ଚୁଣ୍ଡି ଆନେରି, ଇଞ୍ଜା ଏଚର ଜାଣାଙ୍କ ଦସ୍ପି କିହାଁ ଏଟକା କୁଡ଼ାତି ଲକୁତାଣା ଆନେରି, ଇଞ୍ଜା ଏଟକା ଜାଡ଼ିତି ଲକୁତି କାଲା ଏଆ ପାଚେକା ଏଞ୍ଜାରି କଡ଼ାୟାଁ ତଇ ଜିରୁସାଲମ ଗାଡ଼ା ଝିସ୍ପିଆହିଁ ତୟିନେ □”

* ୨୧:୧୨ ୨୧:୧୨ ସିନଗର ☆ ୨୧:୧୪ ୨୧:୧୪ ଲୁକ ୧୨:୧୧,୧୨

ମାଣ୍ଡସି ମୀରଏସି ୱେଣ୍ଡା ୱାନାୟି
(ମାତି ୨୪:୨୯-୩୧; ମାର୍କ ୧୩:୨୪-୨୭)

୨୫ ✨ “ଏମ୍ବାଟିଏ ୱେଡ଼ା ଲେଞ୍ଜୁ ଅଡ଼େ ହୁକାୟାଁ ବିଦ୍ରାଟି ଏନ୍ତି ଏନ୍ତି ସିନାୟାଁ ତଞ୍ଜାଆନେ, ସାମଦୁରି ଗାଜିନାଣି ଇଞ୍ଜା ଏୟୁ ନିଜିନାଣି ମେସାନା ଦାରତିତି ବାରେ ଦେସାତି ଲକୁ ଆତାଜାକା ଆନେରି,

୨୬ ଇଞ୍ଜା ଦାରତିତା ଏନା ଏନାୟି ଗଟଞ୍ଜି ଆହିମାନେ ଇଞ୍ଜି କାଚାନା ଲକୁ ଆଜିତାକି ଜୀଞ୍ଜୁ ପିସ୍ତଲେହେଁ ଆନେରି, ଏନ୍ତିଇତିହଁ ହାଗୁ ପାକାତି ବାଡ଼ୟୁ ବାରେ ୱାଡ଼ିନେ □

୨୭ ✨ ଏଚିବେଲା ମାଣ୍ଡସି ମୀରଏସି କାଜା ବାଡ଼ୟୁ ଅଡ଼େ ଗାଞ୍ଜୁରମି ତଲେ ହାଗୁ ଲାକତି ଦୁୟାଟି ୱାନାଣି ମେହ୍ଦେରି □

୨୮ ସାମା ଇ ବାରେ ଗଟଞ୍ଜି ଆୟାଲି ମାଟ୍‌ହସାରେ ମୀରୁ ଲାକ ସିନିକିଦୁ ଏନ୍ତିଇତିହଁ ମିଜେ ଗେଲ୍‌ପିନି କାତା ଏଜିମାଞ୍ଜାନେ □”

ତୟା ମାର୍‌ନୁଟି ଜାପିନାୟି
(ମାତି ୨୪:୩୨-୩୫; ମାର୍କ ୧୩:୨୮-୩୧)

୨୯ ଅଡ଼େ ଜୀସୁ ଏଞ୍ଜାରାଇଁ ର ପୁଣ୍ଡିକିନି କାତା ୱେସ୍ତେସି, “ତୟା ମାର୍‌ନୁ ଅଡ଼େ ବାରେ ମାର୍‌କାଣି ସିନିକିଦୁ;

୩୦ ଏଚିବେଲା ଏଞ୍ଜି ଗଞ୍ଜେଡ଼ି ଗାଲ୍‌ନୁ, ଏ ଗଞ୍ଜେଡ଼ି ଗାଲ୍‌ନାଣି ମେସାନା କାରା ୱେଡ଼ା ୱାଡ଼େ ଇଞ୍ଜି ମୀରୁ ପୁଞ୍ଜେରି;

୩୧ ଏଲେକିହଁଏ ମୀରୁ ଇ ବାରେ ମେସାନା ମାହାପୁରୁତି ରାଜି ଏଜିମାଞ୍ଜାନେ ଇଞ୍ଜି ପୁଞ୍ଜେରି □”

୩୨ “ନାନୁ ମିଜା ସାତା ୱେସିମାଞ୍ଜାଇଁ, ଇ ବାରେ ଆଆପାତେକା ଇ କାଲାତି ଲକୁ ଏନ୍ତିଜିକେଏ ମେଣ୍‌ଜଅରି □

୩୩ ହାଗୁପାକା ଦାରତି ବାରେ ମେଣ୍‌ଜିନେ, ସାମା ନା ବଲୁ ଏଚେଲାଞ୍ଜା ମେଣ୍‌ଜେଏ □”

କାଡ଼ିହଁ ମାନାୟି
(ମାତି ୨୪:୩୬-୪୪; ମାର୍କ ୧୩:୩୨-୩୬)

୩୪ “ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ, ଆଆତିହଁ ତିନାଣି ଉନାଣି ଅଡ଼େ ବାଡ଼କିନି ଅଣ୍ଡୁ ମୀ ହିୟାତା ନେଞ୍ଜିନେ ଅଡ଼େ ଏ ଦିନା ଦେବୁଣିଏ ପାନ୍ଦାଲେହେଁ ମୀ ମୁହେଁ ୱାଡ଼େ;

୩୫ ଏନ୍ତିଇତିହଁ ଏଦି ପାନ୍ଦା ଲେହେଁ ଦାରତିତି ବାରେ ଜାଡ଼ିତି ଲକୁ ମୁହେଁ ୱାଡ଼େ □

୩୬ ସାମା ମୀରୁ ଏନ୍ତିକିଁ ଇ ବାରେ ୱାହିମାନି ତଣ୍ଡି ଗେଲ୍‌ପି ଆହାଲି ଅଡ଼େ ମାଣ୍ଡସି ମୀରଏଣି ନକିତା ନିଚାଲି ଆଡ଼ିଦେରି, ଏଦାଆଁତାକି ବାରେବେଲା କାଚାନା ପ୍ରାତାନା କିହେମାଞ୍ଜୁ □”

୩୭ ✨ ଜୀସୁ ଏଚିବେଲା ପ୍ରାତାନା ଇଲୁତା ଜାପ୍‌ହି ମାଚେସି, ଇଞ୍ଜା ଲାଆଁୟାଁ ଗାଡ଼ାଟି ହଡ଼ା ହାଜାନା ଜୀତ ଇନି ହରୁତା ମାଣ୍ଡସିତେସି □

୩୮ ଅଡ଼େ ବାରେ ଲକୁ ପ୍ରାତାନା ଇଲୁତା ଜୀସୁ କାତା ୱେଞ୍ଜାଲି ଲାଈ ଲାଈସିଏ ରୁଣ୍ଡା ଆହିମାଚେରି □

୨୨

ଜୀସୁଇଁ ପାୟାଲି ପାରୁ ପାରିନାୟି
(ମାତି ୨୪:୧-୫; ମାର୍କ ୧୪:୧,୨; ଜହ ୧୧:୪୫-୫୩)

୧ ପିସ୍‌ପିଆନି ପାରୁ ଦରୁଗାଟି ପୁଲାଏୟୁ ଆଣ୍ଡାଆତି ରୁଟି ତିନି ପାରୁ ତାଗେ ଆହିମାଚେ □

୨ ଇଞ୍ଜା କାଜା ପୂଜେରା ଅଡ଼େ ମେରାପୁନାରି, ଜୀସୁଇଁ ଏନ୍ତିକିଁ ପାୟାଲି ଆଡ଼ିନେରି, ଏଦାଆଁତାକି ପାରୁ ପାରିମାଚେରି, ସାମା ଏଞ୍ଜାରି ଲକୁଣି ଆଜିମାଚେରି □

ଜୀହୁଦା ଜୀସୁଇଁ ଆସ୍‌ପି କିହାଲି ରାଜି ଆନାୟି
(ମାତି ୨୬:୧୨-୨୬; ମାର୍କ ୧୪:୧୦,୧୧)

୩ ଏଚିବେଲା ବାରଜାଣା ସୀସୁୟାଁ ବିଦ୍ରାମାନି ଇସ୍‌ପାରିୟତ ଦରୁଗାଟି ଜୀହୁଦା ହିୟାତା ସୟତାନ ହଟେ;

୪ ଅଡ଼େ ଜୀହୁଦା ହାଜାନା ଏନ୍ତିକିଁ କାଜା ପୂଜେରାଞ୍ଜା ଅଡ଼େ ମାହାପୁରୁ ଇଲୁ କାପୁଗାଟି କାଜାରି କେୟୁତା ଆସ୍‌ପି କିନେସି, ଏଦାଆଁତାକି ଏଞ୍ଜାରିତଲେ କାତାବାର୍ତ୍ତା ଆଡ଼େସି □

୫ ଏମ୍ବାଟିଏ ଏଞ୍ଜାରି ରାହାଁ ଆହାନା ଏଞ୍ଜାଣାକି ଟାକାୟାଁ ହାହାଲି ଆଞ୍ଜିତେରି □

୬ ଅଡ଼େ ଜୀହୁଦା ରାଜି ଆହାନା ଲକୁ ହିଲାଆବେଲାତା ଜୀସୁଇଁ ଏଞ୍ଜାରି କେୟୁତା ହେର୍‌ପାଲି ପାରୁ ପାରିତେସି □

ପିସ୍‌ପିଆନି ପାରୁଟି ବକ୍ତି ତିୟାରା କିନାୟି

(ମାତି ୨୬:୧୭-୨୫; ମାର୍କ ୧୪:୧୨-୨୧; ଜହ ୧୩:୨୧-୩୦)

୭ ତାୟୁ ଆମିନି ଦିନା ପୁଲାଏୟୁ ଆଣ୍ଡାଆତି ରୁଟି ତିନି ପିସ୍‌ପିଆନି ପାରୁଟାକି ମେଣ୍ଡା ତାଲକାଣି ପୂଜା କିନି ଦିନା ଏଡେ;

୮ ଏଚେଟିଏ ଜୀସୁ ପିତର ଅଡ଼େ ଜହନଇଁ ଇ କାତା ୱେସା ପାଣ୍ଡିତେସି, “ମୀରୁ ହାଜାନା ମାଜେତାକି ପିସ୍‌ପିଆନି ପାରୁଟାକି ରାନ୍ଦା ୱାଜାଦୁ ମାର ତିନିଞ୍ଜା □”

୯ ଏମ୍ବାଟିଏ ଏଞ୍ଜାରି ଜୀସୁଇଁ ୱେଚେରି, “ମାୟୁ ଆୟିୟା ହାଜାନା ରାନ୍ଦା ୱାଜିହାଲାପାରି ଇଞ୍ଜି ନୀନୁ ଅଣ୍ଡିମାଞ୍ଜି ?”

୧୦ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁ ଗାଡ଼ା ହଟିସାରେ ତ:କାତା ଏୟୁ ଅହିମାନାଣାଇଁ ମେହ୍‌ଦେରି; ଏଞ୍ଜାଣି ଜେଚ ଜେଚ ହାଜାନା ଏଞ୍ଜାସି ଆମିନି ଇଜ ହଡ଼ନେସି ଏ ଇଲୁ ଗାଟାଣାଇଁ ୱେହ୍‌ଦୁ,

☆ ୨୧:୨୫ ୨୧:୨୫ ୱେ ବଲୁ ୬:୧୨,୧୩ ☆ ୨୧:୨୬ ୨୧:୨୬ ୱେ ବଲୁ ୧:୭ ☆ ୨୧:୩୨ ୨୧:୩୨ ଲୁକ ୧୯:୪୭

୧୧ ଗୁରୁ ନିଜ ଇଲେଇଜିମ୍ ଝେସା ପାଣ୍ଡାମାଞ୍ଜାନେସି, ନାନୁ ନା ସାସୁୟାଁ ତଲେ ପିସ୍‌ପିଆନି ପାର୍ବୁତି ବଜି ଏମିନି ଇଲୁତା ତିଲ୍ ଏ ବାକ୍ରା ଆମିନାୟି ତସ୍ତାମୁ ?

୧୨ ଏମ୍ବାଟିଏ ଏଝାସି ନେହୁଁ ତିୟାରା ଆହାମାନି ଲାକନି ପାରୁତି ର କାଜା ବାକ୍ରା ତସ୍ତାନେସି; ଏମ୍ବାଆଁ ମାଜେତାକି ରାନ୍ଦା ଝାଜାଦୁ ।”

୧୩ ଏଝାରି ହାଜାନା ଜୀସୁ ଏଝାରାଇଁ ଏନିକିଁ ଝେସାମାରେସି, ଏଲେକିଁ ମେସାନା ପିସ୍‌ପିଆନି ପାର୍ବୁତି ରାନ୍ଦା ଝାଜିତେରି ।

ପ୍ରବୁତି ବଜି

(ମାତି ୨୭:୨୭-୩୦; ମାର୍କ ୧୪:୨୨-୨୬; ଏକର ୧୧:୨୩-୨୫)

୧୪ ପିସ୍‌ପିଆନି ପାର୍ବୁତି ବେଲା ଆୟାଲିଏ, ଜୀସୁ ଅଡେ ତାନି ପାଣ୍ଡାଟି ଆଡି ସାସୁୟାଁ ତଲେ ତିଞ୍ଜାଲି କୁଗିତେରି ।

୧୫ ଅଡେ ଏଝାସି ଏଝାରାଇଁ ଏଲେଇଚେସି, “ନାନୁ ଦୁକୁ କସ୍ତୁ ପ୍ଲାଠଆ ନକେଏ ମୀ ତଲେ ଇ ପିସ୍‌ପିଆନି ପାର୍ବୁତି ବଜି ତିଞ୍ଜାଲି ହାରେକା ଅଣ୍‌ପାମାରେଏଁ ।

୧୬ ଏନିଇଚିହୁଁ ନାନୁ ମିଜେ ଝେସିମାଞ୍ଜାଇଁ, ମାହାପୁରୁ ରାଜିତା ଇ କାତା ବାରେ ପୁରା ଆଥାପାତେକା ନାନୁ ଅଡେ ଏଚେଲାଝା ଏଦାଆଁ ତିନଅଁ ।”

୧୭ ଇଞ୍ଜା ଏଝାସି ର ସଲା ଆସାନା ମାହାପୁରୁଇଁ ଜହରା କିହାନା ଏଲେଇଚେସି, “ମୀରୁ ଇଦାଆଁ ଅହାନା ମୀ ବିତ୍ରା ବାଟିକିଦୁ ।

୧୮ ଇଚିହୁଁ ନାନୁ ମିଜେ ଝେସିମାଞ୍ଜାଇଁ, ମାହାପୁରୁ ରାଜି ଝାଆ ପାତେକା ନାନୁ ନୀଞ୍ଜୁଟିଏ ଅଞ୍ଜୁରି ରାସା ଏଚେଲାଝା ଗହୁଁ ।”

୧୯ ଅଡେ ଏଝାସି ରୁଟି ଅହାନା ମାହାପୁରୁଇଁ ଜହରା କିହାଁ ତିକହାନା ହାହାଁ ଏଲେଇଚେସି, “ମିଜେତାକି ହାପକି ଆହାମାନି ନା ଆଜା ଇଦି; ନାଜେ ଅଣ୍‌ପାଲି ଇଦାଆଁ କିଦୁ ।”

୨୦ ଏଲେକିହୁଁଏ ତିଚି ତାୟୁ ଏଝାସି ଗହୁନି ସଲା ଆସାନା ଏଲେଇଚେସି, “ଇ ସଲାତା ମିଜେତାକି ଝାକ୍‌ହିମାନି ନା ନେତେରିତି ପୁଠନି ରାଜିମାନା ।”

୨୧ “ସାମା ମେହୁଦୁ ଆମ୍ବାଆସି ନାଜେ ସାତୁ କେୟୁତା ହେରପିମାଞ୍ଜାନେସି, ଏଝାସି ନା ତଲେ ବଜିତା କୁଗାମାନେସି ।

୨୨ ଏନିଇଚିହୁଁ ମାହାପୁରୁ ତୀରି କିହାମାଟି ଲେହେଁ ମାଣ୍‌ସି ମୀରୁଏସି ହାଚେସି, ସାମା ଏଝାଣାଇଁ ସାତୁ ତାଣା ହେରପିନାସି ଆୟଡା ଏଝାସି ଉଣେଏ ଡଣ୍‌ ବେଟା ଆନେସି ।”

୨୩ ଏମ୍ବାଟିଏ ଏଝାରି ମା ବିତ୍ରାଟି ଆମ୍ବାଆସି ଇଲେତି କାମା କିନେସି ଇଞ୍ଜିଁ ତାମ୍ବୁ ତାମ୍ବୁସୁ ଜଲ୍‌କି ଆଡେତି ।

ଆମ୍ବାଆସି କାଜାସି ଇଞ୍ଜିଁ ବାଦିବାଦା

୨୪ ଇଞ୍ଜା ଏଝାରି ବିତ୍ରାଟି ଆମ୍ବାଆସି କାଜାସି ଆନେସି ଇଞ୍ଜିଁ ସାସୁୟାଁ ବିତ୍ରା ଆସ୍‌ପି ଆଡେତି ।

୨୫ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ଏଡକା କୁଡାତି ରାଜାୟାଁ ଏଝାରି ମୁହେଁ ସାଲ୍‌ଝି କିନେରି, ଅଡେ ଆମିନି ଗାଟାରି ଏଝାରାଇଁ ସାଲ୍‌ଝି କିନେରି, ଏଝାରି ଲକୁତାଣା ନେହାଁରି ଇଞ୍ଜିଁ ଝେଜାଲି ଅଣ୍‌ପିନେରି ।

୨୬ **ସାମା ମୀ ବିତ୍ରା ଏଲେଆଥାଦୁ ଇଚିହୁଁ ମୀ ବିତ୍ରା ଆମ୍ବାଆସି କାଜାସି ଏଝାସି ଉଣା ଆପେସି, ଇଞ୍ଜା ଆମ୍ବାଆସି ସାଲ୍‌ଝି କିନାସି ଏଝାସି ସେବା କିନାସି ଆପେସି ।

୨୭ *ଆମ୍ବାଆସି କାଜାସି ? ତିଞ୍ଜାଲି କୁଗିନାସି କାଜାସି କି ସେବା କିନାସି କାଜାସି ? ତିଞ୍ଜାଲି କୁଗିନାସି କାଜାସି ଆଏକି ? ସାମା ନାନୁ ମୀ ବିତ୍ରା ସେବା କିନାତେଏଁଲେହେଁ ଆହାମାଇଁ ।”

୨୮ “ସାମା ମୀରୁ ନା ବାରେ କସ୍ତତା ନା ତଲେ ମାଞ୍ଜାମାଞ୍ଜେରି;

୨୯ ଇଞ୍ଜା ନା ଆବା ଏନିକିଁ ନାଜେ ସାଲ୍‌ଝି କିହାଲି ପାଣା ହାହାମାଞ୍ଜାନେସି, ନାନୁ ଜିକେଏ ଏଲେକିହୁଁଏ ମିଜେ ହିୟାଇଁ,

୩୦ *ଏନିକିଁ ମୀରୁ ନା ରାଜିତା ନା ତଲେ କୁଗାନା ତିଞ୍ଜେରି, ଇଞ୍ଜା ସିଂଗାସାଣିତା କୁଗାନା ଇସ୍ତାୟେଲତି ବାର କୁଡାତି ସାଲ୍‌ଝି କିଦେରି ।”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜିଁ ଝେହୁନି କାତା

(ମାତି ୨୭:୩୧-୩୫; ମାର୍କ ୧୪:୨୭-୩୧; ଜହ ୧୩:୩୬-୩୮)

୩୧ “ସିମନ, ସିମନ ମେହୁମୁ ସୟତାନ ଗହୁଁ ହାଣିକିନିଲେହେଁ ସୟତାନ ମାହାପୁରୁ ତାଣାଟି ହେଲ ବେଟାଆହାମାନେ;

୩୨ ସାମା ନୀ ନାମୁ ଏନିକିଁ ମେଣ୍‌ଜେଏ, ଇଦାଆଁତାକି ନାନୁ ନୀ ତାକି ପ୍ରାତାନା କିତେଏଁ; ଇଞ୍ଜା ନାନୁ ନେହୁଁ ଆହାନା ଝେଣ୍ଡାସାରେ ନୀ ତାୟିୟାଣି ତୀରପୁକିମୁ ।”

୩୩ ସାମା ପିତର ଏଲେଇଚେସି, “ଏ ପ୍ରବୁ ନାନୁ ନୀ ତଲେ କାୟିଦିତା ହାଜାଲି ଅଡେ ହାହାଲି ଜିକେଏ ଆଣ୍ଡାଇଁ ।”

୩୪ ସାମା ଜୀସୁ ଏଲେଇଚେସି, “ଏ ପିତର ନାନୁ ଏଲେଇଞ୍ଜିମାଞ୍ଜାଇଁ, ନୀଞ୍ଜୁ କୟୁ କେଣ୍‌ଆ ନକେଏ ନୀନୁ ନାଜେ ତାନିପାଲି ପୁଞ୍ଜାହିଲଅଁ ଇଞ୍ଜିଁ ଝେହୁଦି ।”

ଚାକାୟାଁ ମଣା ଅଡେ କାଣ୍ଡା

୩୫ *ଜୀସୁ ଏଝାରାଇଁ ଏଲେଇଚେସି, “ଏଚିବେଲା ନାନୁ ମିଜେ ତାରୁୟାଁ ମଣା ଇଞ୍ଜା ସେପୁୟାଁ ଅଥାନା ହାକୁ ଇଞ୍ଜିଁ ପାଣ୍ଡା ମାଞ୍ଜାତେଏଁ ଏ ବେଲା ମିଜେ ଏନାୟି ଉଣା ଆୟାତେକି ?” ଏଝାରି ଏଲେଇଚେରି, “ଏନାୟି ଆଏ ।”

୩୬ ଏମ୍ବାଟିଏ ଜୀସୁ ଏଲେଇଚେସି, “ସାମା ନୀଏଁ ଆମ୍ବାଆରାକି ତାରୁୟାଁ ମାନୁ ଏଝାସି ଏଝାଆଁ ଅପେସି,

☆ ୨୨:୨୪ ୨୨:୨୪ ମାତି ୧୮:୧; ମାର୍କ ୯:୩୪; ଲୁକ ୯:୪୭ ☆ ୨୨:୨୭ ୨୨:୨୭ ମାତି ୨୩:୧୧; ମାର୍କ ୯:୩୫ ☆ ୨୨:୨୭ ୨୨:୨୭ ମାତି ୨୦:୨୫-୨୭; ମାର୍କ ୧୦:୪୨-୪୪ ☆ ୨୨:୨୭ ୨୨:୨୭ ଜହ ୧୩:୧୨-୧୫ ☆ ୨୨:୩୦ ୨୨:୩୦ ମାତି ୧୯:୨୮ ☆ ୨୨:୩୫ ୨୨:୩୫ ମାତି ୧୦:୯,୧୦; ମାର୍କ ୭:୮,୯; ଲୁକ ୯:୩; ୧୦:୪

ଏଲେକିହିଁଏ ମଣା ଜିକେଏ ଅପେସି, ଅଡ଼େ ଆମ୍ବାଆରାକି କାଣ୍ଡା ହିଲେଏ ଏଞ୍ଜାସି ତାନି ହିଁମ୍ବରି ପାର୍ତ୍ତନା କଡାପେସି □

୩୭ ଇରିହିଁ ନାନୁ ମିଙ୍ଗା ଝେସିମାଞ୍ଜାଇଁ, ମାହାପୁରୁ ପତିତା ରାସ୍ତକି ଆହାମାନାୟି ସାତେଏ ନାଙ୍ଗେତାକି ଆନାୟି ମାନେ, ଏଞ୍ଜାସି ପାପୁ ଗାଟାରି ତଲେ ଲେକା ଆନେସି, ଏଲେଆହିଁଏ ଏ ବାରେ ନାଙ୍ଗେ ଏଜାତାଟିମାନେ □”

୩୮ ଏମ୍ବାଟିଏ ଏଞ୍ଜାରି ଏଲେଇରେସି, “ଏ ପ୍ରବୁ ଇମ୍ବାଆଁ ରୀ କାଣ୍ଡା ମାନୁ □” ଇଞ୍ଜା ଏଞ୍ଜାସି ଏଲେଇରେସି, “ହାଅ, ଏଞ୍ଜିଏ ସାରି ଆନୁ ଇରେସି □”

ଜୀସୁ ଜୀତ ହରୁତା ପ୍ରାତ୍ନା କିନାୟି
(ମାତି ୨୨:୩୭-୪୨; ମାର୍କ ୧୪:୩୨-୪୨)

୩୯ ଏଞ୍ଜାସି ଗାଡ଼ାଟି ହଡ଼ା ହାଜାନା ତାନୁ ହାଲୁଝିତିଲେହେଁ ଜୀତ ହରୁତା ହାରେସି, ଅଡ଼େ ସୀସୁୟାଁ ଜିକେଏ ଏଞ୍ଜାଣି ଢେଟ ହାରେରି □

୪୦ ଏମ୍ବାଆଁ ଏଜାନା ଏଞ୍ଜାସି ତାନି ସୀସୁୟାଁଲ୍ ଝେସୁସି, “ମୀରୁ ଏନିକିଁ ପାନ୍ଦାତା ହେରୁଝି ଆଅଡେରି, ଇଦାଆଁତାକି ପ୍ରାତ୍ନା କିଦୁ □”

୪୧ ଅଡ଼େ ଏଞ୍ଜାସି ଏଞ୍ଜାରି ତାଣାଟି ହିରେ ହେକ ହାଜାନା ମେଣ୍ଡାକୁତାନା ପ୍ରାତ୍ନା କିହିଁ ଝେସୁସି,

୪୨ “ଏ ଆବା ନାନୁ ମନ କିତିହିଁ ଇ ଦୁକୁ କସୁ ନା ତାଣାଟି ଗୁଟି କିମ୍ବ; ସାମା ନା ମନ କଡ଼େ ଆଏ ନୀ କାତେଏ ଆପେ □”

୪୩ ଅଡ଼େ ଲାକପୁରୁତି ର ଦୁଡୁ ତଞ୍ଜାଆହାନା ଏଞ୍ଜାଣାକି ବାଡ଼ୁୟୁ ହାତେ □

୪୪ ଏରେଟିଏ ଏଞ୍ଜାସି ହାରେକା ଦୁକୁତଲେ ଅଡ଼େ ଗାଡ଼ିକିହିଁ ପ୍ରାତ୍ନା କିତେସି, ଇଞ୍ଜା ଏଞ୍ଜାଣି ଗାମା ନେତେରିଲେହେଁ ବୁମିତା ତରଗିମାରେ □

୪୫ ଅଡ଼େ ଏଞ୍ଜାସି ପ୍ରାତ୍ନାଟି ନିଙ୍ଗା ଝାହାନା ତାନି ସୀସୁୟାଁଣି ଦୁକୁତଲେ ଇଦା କିତାଣି ମେସୁସି;

୪୬ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇରେସି, “ଏନାଆଁତାକି ତୁରାମାଞ୍ଜେରି ? ପାନ୍ଦାତା ଏନିକିଁ ହେରୁଝିଅଡେରି ଏଦାଆଁତାକି ନିଙ୍ଗାନା ପ୍ରାତ୍ନା କିଦୁ □”

ଜୀସୁଇଁ ଦହନି କାତା

(ମାତି ୨୨:୪୨-୫୨; ମାର୍କ ୧୪:୪୩-୫୦; ଜହ ୧୮:୩-୧୧)

୪୭ ଏଞ୍ଜାସି ଜଲିମାଟାଟି ର ମାନ୍ଦା ଲକୁ ଏମ୍ବାଆଁ ଏଗା ଝାଡ଼େରି, ଅଡ଼େ ବାରଜାଣା ସୀସୁୟାଁ ବିତ୍ରାଟି ଜୀହୁଦା ଦରୁଗାଟାସି ଏଞ୍ଜାରି ନକିତା ଝାହାନା ଜୀସୁଇଁ ନଣ୍ଡାଲି ତାନି ତାଣା ହାରେସି □

୪୮ ସାମା ଜୀସୁ ଏଞ୍ଜାଣାଇଁ ଏଲେଇରେସି, “ଏ ଜୀହୁଦା ନଣ୍ଡାନା ମାଣ୍ଡସି ମୀରୁଏଣାଇଁ ସାଡୁୟାଁ କେୟୁତା ହେରୁପିମାଞ୍ଜି ?”

୪୯ ଏମ୍ବାଟିଏ ଜୀସୁତଲେ ମାଟାରି ଇଦି ଏନାୟି ଇଞ୍ଜିଁ ପୁଞ୍ଜାନା ଜୀସୁଇଁ ଏଲେଇରେସି, “ଏ ପ୍ରବୁ ମାମ୍ବୁ ଛୁଞ୍ଜାରାଇଁ କାଣ୍ଡାତଲେ ପାୟିନମି କି ?”

୫୦ ଅଡ଼େ ଏଞ୍ଜାରି ରଅସି କାଜା ପୂଜେରା ହଲେଏଣାଇଁ ଇରୁହାନା ତାନି ଚିଝନି କିୟିଁ ଦ୍ଵାଡ଼ାଡୁସୁସି □

୫୧ ସାମା ଜୀସୁ ଏଲେଇରେସି, “ଇରେକେଏ ଆଡ଼େ” ଇଞ୍ଜାନା ଏଞ୍ଜାଣି କିୟିଁ ତୁଗାନା ନେହିଁ କିତେସି □

୫୨ ଅଡ଼େ ଜୀସୁ ତାଙ୍ଗେ ଆସାଲି ଝାହାମାଟି କାଜା ପୂଜେରା, ମାହାପୁରୁ ଇଲୁତି କାପୁଗାଟାରି ଅଡ଼େ ଲକୁଡି କାଜାରାଇଁ ଏଲେଇରେସି, “ମୀରୁ ସରୁଇଁ ଆହନିଲେହେଁ ଇଟା କାଣ୍ଡା ଅଡ଼େ ଟେଙ୍ଗାୟାଁ ଆସାନା ଝାହାମାଞ୍ଜେରି ?

୫୩ *ନାନୁ କାଲେଏ ମୀ ତଲେ ମାହାପୁରୁ ଇଲୁତା ମାରେଏ, ଏଚିରେଲା ମୀରୁ ନାଙ୍ଗେ ଆସୁଆଡେରି; ସାମା ଇ ଦିନା ମାଦିଏ ଅଡ଼େ ଆନ୍ଦେରିତି ବାଡ଼ୁୟୁ ରାଜିକିନି ଦିନା □”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜିଁ ଇନାୟି

(ମାତି ୨୨:୫୭,୫୮,୬୯-୭୫; ମାର୍କ ୧୪:୫୩,୫୪,୬୬-୭୨; ଜହ ୧୮:୧୨-୧୮,୨୫-୨୭)

୫୪ ତାୟୁ ଏଞ୍ଜାରି ଏଞ୍ଜାଣାଇଁ ଅହାନା କାଜା ପୂଜେରା ଇଜ ତାଡେରି; ସାମା ପିତର ହେକ ମାଞ୍ଜାନା ଢେଟ ଢେଟ ହାରେସି □

୫୫ ଅଡ଼େ ଏଞ୍ଜାରି ଆଂଗେଣିତା ହିରୁ ତାସାନା ହିରୁ ସାରିସୁରୁ କୁଗିତେରି, ଇଞ୍ଜା ପିତର ଜିକେଏ ଏଞ୍ଜାରିତଲେ କୁଗିତେସି □

୫୬ ଏମ୍ବାଟିଏ ର ହଲେଣି ପିତର ହିରୁ ମାଣ୍ଡାତା କୁଗାମାନାଣି ମେସାନା, ଏଞ୍ଜାଣାଇଁ ସିନିକିହାନା ଏଲେଇରେ, “ଇଞ୍ଜାସି ଜିକେଏ ଏଞ୍ଜାଣିତଲେ ମାଟାସି □”

୫୭ ସାମା ପିତର ଏଲେଇରେସି, “ଆଏକା ନାନୁ କଡ଼େ ଏଞ୍ଜାଣାଇଁ ପୁଣ୍ଡସୁ ପୁଞ୍ଜାହିଲଅଁ □”

୫୮ ଅଡ଼େ ଗାଡ଼େକା ହାଜାଲିଏ ଅଡ଼େ ରଅସି ଏଲେଇରେସି, “ନୀନୁ ଜିକେଏ ଏଞ୍ଜାରି ବିତ୍ରାଟି ରଅତି □” ସାମା ପିତର ଏଲେଇରେସି, “ଆଏ ତାୟି ନାନୁ କଡ଼େ ଆଏ □”

୫୯ ଅଡ଼େ ର ଗଂଟା ହାଜାଲିଏ ଅର ରଅସି ଏଲେଇରେସି, “ସାତେଏ ଇଞ୍ଜାସି ଏଞ୍ଜାରିତଲେ ମାଟାସି, ଏନିଇତିହିଁ ଇଞ୍ଜାସି ଗାଲିଲି ଦେସାତାସି □”

୬୦ ସାମା ପିତର ଏଲେଇରେସି, “ନୀନୁ ଏନାଆଁ ଇଞ୍ଜିମାଞ୍ଜି ତାୟି ନାନୁ ଏଦାଆଁ ପୁଞ୍ଜାହିଲଅଁ □”

ଏ ଦେବୁଣିଏ କୟୁ କେଣ୍ଡେ;

୬୧ ଏମ୍ବାଟିଏ ପ୍ରବୁ ମୁମ୍ବୁ ପେରୁହାନା ପିତରଇଁ ସିନିକିତେସି; ଏମ୍ବାଟିଏ ନୀଞ୍ଜୁ କୟୁ କେଣ୍ଡାଆ ନକେଏ ନାନୁ ପୁଞ୍ଜାହିଲଅଁ ଇଞ୍ଜାଦି, ପ୍ରବୁ ଝେସି ଇ କାତା ତାନି ମନତା ଝାଡ଼େ,

୬୨ ଇଞ୍ଜା ଏଞ୍ଜାସି ପାଙ୍ଗାତା ହାଜାନା ଗାଡ଼ି ଦୁକୁ ଆହାନା ଡ଼ାଡ଼େସି □

* ୨୨:୫୩ ୨୨:୫୩ ଲୁକ ୧୯:୪୭; ୨୧:୩୭

ଜୀସୁଙ୍କ ନିନ୍ଦାକିହିଁ କାକ୍‌ନାୟି ଅଡ଼େ ଝେନାୟି
(ମାତି ୨୭:୨୭,୨୮; ମାର୍କ ୧୪:୨୫)

୨୩ ଅଡ଼େ ଆମିନିଗାଟାରି ଜୀସୁଙ୍କ ଆସା ଇଟାମାଚେରି,
ଏଞ୍ଜାରି ଏଞ୍ଜାଣାଇଁ ଝେଟି ଝେଟିହିଁ କାକ୍‌ହେରି,
୨୪ ଅଡ଼େ ଏଞ୍ଜାଣି ମୁମ୍‌ତୁ ହିମ୍‌ପୁରି ପୁକ୍‌ହାନା ଝେଚେରି,
“ନାନୁସାଁ ମାହାପୁରୁ ଅଣ୍‌ପୁତି ବଲୁ ଝେହ୍‌ନାତି! ଝେସ୍‌ତାମୁ
ନିଜେ ଆମ୍‌ଆସି ଝେତାତେସି?”
୨୫ ଅଡ଼େ ଏଞ୍ଜାରି ହାରେକା କାତା ଏଞ୍ଜାଣି କପାଟି
ଜଲାନା ଏଞ୍ଜାଣି ନିନ୍ଦାକିତେରି □

ବେରଣିମାଣ୍ଡା ନକିତା ଜୀସୁ

(ମାତି ୨୭:୪୯-୨୭; ମାର୍କ ୧୪:୫୫-୨୪; ଜହ ୧୮:୧୯-୨୪)

୨୬ ଲାଇଁ ଝେୟାଲିଏ ଲକ୍‌କୃତି କାଜାରି, କାଜା
ପୂଜେରାଜା ଅଡ଼େ ମୋରାପୁନାରି ରୁଣ୍ଡା ଆହାନା ତାମି
ବେରଣିମାଣ୍ଡାତା ଜୀସୁଙ୍କ ଅହାନା ଝେଚେରି,
୨୭ “ନାନୁ କ୍ରୀସ୍‌ତିକି ମାଜେ ଝେସ୍‌ତାମୁ □” ସାମା ଏଞ୍ଜାସି
ଏଞ୍ଜାରାଇଁ ଏଲେଇଚେସି, “ନାନୁ ମିଜେ ଝେସ୍‌ତାସାରେ
ମୀରୁ ନାମଅତେରି;
୨୮ ଅଡ଼େ ନାନୁ ଝେଞ୍ଜାତିହିଁ ମୀରୁ ଝେସାଲି
ଆଡ଼ଅତେରି □
୨୯ ସାମା ନାଏଁଟିଏ ମାଣ୍ଡସି ମୀରୁଏସି ବାଡ଼ମୁଗାଟି
ମାହାପୁରୁ ଚିଠିନି ଚଟତା କୁଟିନେସି □”
୩୦ ଏମ୍‌ପାଟିଏ ବାରେଜାଣା ଝେଚେରି, “ଆତିହିଁ ନାନୁ
ମାହାପୁରୁ ମୀରୁଏଣାତିକି?”
ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁତ
ଝେସିମାଞ୍ଜାଦେରି, ନାନୁ ଏଞ୍ଜାତେସି □”
୩୧ ଏଚେଟିଏ ଏଞ୍ଜାରି ଏଲେଇଚେରି, “ମାଜେ ଅଡ଼େ
ଏନ୍‌ ସାକି ଲଡ଼ା, ମାରତ ଇ କାତା ତାନି ଗୁଟିଟିଏ ଝେଚାୟି
□”

୨୩

ପିଲାତ ନକିତା ଜୀସୁ

(ମାତି ୨୭:୧,୨; ୨୭:୧୧-୧୪; ମାର୍କ ୧୫:୧-୫; ଜହ ୧୮:୨୮-୩୮)

୧ ଏଚେଟିଏ ତାୟୁ ବାରେଜାଣା ନିଜାମା ଜୀସୁଙ୍କ ପିଲାତ
ନକିତା ଅତେରି □
୨ ଇଞ୍ଜା ଏଞ୍ଜାରି ଜୀସୁ କପାଟି ଦହ୍‌ ଦସାନା
ଏଲେଇଚେରି, “ମାମ୍‌ପୁଚମି ଇଞ୍ଜାସି ମା କୁଡ଼ାତି ଲକ୍‌କୃଣି
ପଲ୍‌ଆ ଜାପୁହିମାନେସି, ଇଚିହିଁ ଇଞ୍ଜାସି କାୟିସରକି
ସିସ୍‌ତୁଆନୁ ଇଞ୍ଜା, ତାନୁ ନାନୁଏ କ୍ରୀସ୍‌ ଅଡ଼େ ରାଜାତେସି
ଇଞ୍ଜା ଝେସା କତିମାନେସି □”
୩ ଏଚେଟିଏ ପିଲାତ ଜୀସୁଙ୍କ ଝେଚେସି, “ନାନୁ କି
ଜୀସୁଦି ଲକ୍‌କୃତି ରାଜାତି?”
ଜୀସୁ ଝେସେସି, “ନାନୁତ ଝେସିମାଞ୍ଜି □”

୪ ଏଚେଟିଏ ପିଲାତ କାଜା ପୂଜେରା ଅଡ଼େ ବାରେ
ଲକ୍‌କୃଣି ଏଲେଇଚେସି, “ନାନୁ ଇଞ୍ଜାଣି ତାଣା ଏନ୍‌ି ଦହ୍‌
ପ୍ଲାଃଆତେସି □”

୫ ସାମା ଏଞ୍ଜାରି ଗାଡ଼ିକିହିଁ ଜଲିତେରି, “ଇଞ୍ଜାସି
ଗାଲିଲିଟିଏ ମାଟ୍‌ହାନା ଇମ୍‌ା ପାତେକା ବାରେ ଜୀସୁଦା
ଦେସାତି ଲକ୍‌କୃଣି ଜାପୁହାନା ଲାଗେଏ କିହିମାନେସି □”

ହେରଦ ନକିତା ଜୀସୁ

୬ ସାମା ପିଲାତ ଇ କାତା ଝେଞ୍ଜାନା ଝେଚେସି, “ଇଞ୍ଜାସି
ଗାଲିଲିତାସିକ?”
୭ ଇଞ୍ଜା ଏଞ୍ଜାସି ହେରଦ ରାଜା ରାଜି ତାସି
ଇଞ୍ଜା ପୁଞ୍ଜାନା ଏଞ୍ଜାଣାଇଁ ହେରଦ ତାଣା ପାଣ୍ଡିତେସି,
ଏନ୍‌ିଇଚିହିଁ ଏଚିବେଲା ହେରଦ ଜିରୁସାଲମତା ମାଚେସି
□
୮ ହେରଦ ଜୀସୁଙ୍କ ମେସାନା ହାରେକା ରାହାଁ ଆଡ଼େସି,
ଏନ୍‌ିଇଚିହିଁ ଏଞ୍ଜାସି ଏଞ୍ଜାଣି କାତା ଝେଞ୍ଜା ମାଚାକି
ଏଞ୍ଜାଣାଇଁ ହାରେକା ଦିନାଟିଏ ମେସାଲି ମନ୍‌ କିହିମାଚେସି,
ଇଞ୍ଜା ଏଞ୍ଜାଣି ତାଣାଟି ଏନ୍‌ି କାବାଆନ୍‌ି କାମାକିନାଣି
ମେହ୍‌ଇଁ ଇଞ୍ଜା ଆସା କିହିମାଚେସି □
୯ ହେରଦ ଜୀସୁଙ୍କ ଏନ୍‌ି ଏନ୍‌ି କାତାୟାଁ ଝେଚେସି, ସାମା
ଜୀସୁ ଏଞ୍ଜାଣାଇଁ ଏନ୍‌ି କାତାଞ୍ଜା ଝେଣ୍ଡେ ଝେହ୍‌ଆତେସି □
୧୦ ସାମା କାଜା ପୂଜେରାଜା ଅଡ଼େ ମୋରାପୁନାରି
ନିଚାନା ଏଞ୍ଜାଣି କପାଟି ଆଜିହ୍‌ପେତି କାତାୟାଁ
ଜଲିମାଚେରି □
୧୧ ଏଚେଟିଏ ହେରଦ ତାନି କସ୍‌କା ତଲେ ଏଞ୍ଜାଣାଇଁ
କାକ୍‌ହି କାକ୍‌ହିହିଁ ନିନ୍ଦାକିତେରି ଏଚେଟିଏ ର. ପାଟୁ
ହିମ୍‌ପୁରି ଏଞ୍ଜାଣାଇଁ ହୁଟି କିହାନା ପିଲାତ ତାଣା ଝେଣ୍ଡେ
ପାଣ୍ଡିତେରି □
୧୨ ଏ ଦିନାଟିଏ ପିଲାତ ଅଡ଼େ ହେରଦ ତଣେ ଆଡ଼େରି;
ଏଞ୍ଜାରି ନକେଏ ସାତୁୟାଲେହେଁ ମେସ୍‌ପି ଆଞ୍ଜିତେରି □

ଜୀସୁକି ହାନ୍‌ି ତଣ୍ଡ

(ମାତି ୨୭:୧୫-୨୬; ମାର୍କ ୧୫:୨-୧୫; ଜହ ୧୮:୩୯; ୧୯:୧୭)

୧୩ ଏମ୍‌ପାଟିଏ ପିଲାତ କାଜା ପୂଜେରା ଜୀସୁଦି ଲକ୍‌କୃତି
କାଜାରି ଅଡ଼େ ବାରେ ଲକ୍‌କୃଙ୍କ ହାଟି କିହାନା ଏଞ୍ଜାରାଇଁ
ଏଲେଇଚେସି,
୧୪ “ଇଞ୍ଜାସି ଲକ୍‌କୃଣି ପଲ୍‌ଆ ଜାପୁହିମାନେସି ଇଞ୍ଜା
ମୀରୁ ନା. ତାଣା ତାତେରି; ସାମା ନାନୁ ଏଞ୍ଜାଣାଇଁ ମୀ
ନକିତା ତାୟିପାରି କିତେସି ଇଞ୍ଜା ମୀରୁ ଝେସାମାଞ୍ଜାତି ଏନ୍‌ି
ଦହ୍‌ ଏଞ୍ଜାଣି ତାଣା ପ୍ଲାଃଆତେସି, ଇଞ୍ଜା ହେରଦ ଜିକେଏ
ପ୍ଲାଃଆତେସି,
୧୫ ଏନ୍‌ିଇଚିହିଁ ହେରଦ ଅଡ଼େ ଝେଣ୍ଡେ ନା. ତାଣା
ପାଣ୍ଡିତେସି; ଇଞ୍ଜା ମେହ୍‌ପୁ ଇଞ୍ଜାସି ହାନ୍‌ି ତଣ୍ଡ ପାଣ୍ଡି ଏନ୍‌ି
ଦହ୍‌ଞ୍ଜା କିହାହିଲଅସି;
୧୬ ଏଦାଆଁତାକି ନାନୁ ଇଞ୍ଜାଣାଇଁ ସାଟ୍‌ଣି ତଲେ ଝେଚାନା
ପିହ୍‌ଇଁ □”

୧୭ ପିସ୍‌ପିଆନ୍ତି ପାର୍ଟୁ ବେଲା କାୟିଦି ମାନାରି ବିଦ୍ରାଟି
ରଥଣାକ୍ ଏଞ୍ଜାରକି ପିସାଲି ମେରା ମାତେ □

୧୮ ସାମା ଏଞ୍ଜାରି ରହେଁଏ ଗାଡ଼ିକିହିଁ ଏଲେଇଚେରି,
“ଇଞ୍ଜାଣାକ୍ ପାୟାଦୁ ବାରବାକ୍ ମାଜେ ପିସାହିୟାମୁ □”

୧୯ ଇ ବାରବାକ୍ ଗାଡ଼ାତି ଗଡ଼ହା ତାକି ଇଞ୍ଜା ରଥଣାକ୍
ପାୟାମାତାକି କାୟିଦି ଇଟାମାତେରି □

୨୦ ସାମା ପିଲାତ ଜୀସୁକ୍ ପିସାଲି ଅଣ୍‌ପାନା ଲକୁ
ମାନ୍ଦାତି ଅଡେ ପୁଣ୍ଡି କିହାଲି ଖେସେସି □

୨୧ ସାମା ଏଞ୍ଜାରି କାଜା ହାଡ଼ାତଲେ ଏଲେଇଚେରି,
“ଏଞ୍ଜାଣାକ୍ ପାସି ମୁଣ୍ଡାତା ଏକ୍‌ଦୁ ପାସି ମୁଣ୍ଡାତା ଏକ୍‌ଦୁ
ଇଞ୍ଜା ଇଚେରି □”

୨୨ ଇଞ୍ଜା ଏଞ୍ଜାସି ଅଡେ ତାନି ପାଲି ଖେସେସି,
“ଏନାଆଁତାକି, ଏଞ୍ଜାସି ଏନି ଦହ କିହାମାନେସି ? ନାନୁ
ଏଞ୍ଜାଣି ତାଣା ଏନି ହାନିହଗେତି ଦହ ପୁଃଆତେଏ;
ଏନାଆଁତାକି ନାନୁ ଏଞ୍ଜାଣାକ୍ ସାସି ହାହାନା ପିହକ୍ □”

୨୩ ସାମା ଏଞ୍ଜାରି କାଜା ଗିୟାତଲେ ଏଞ୍ଜାଣାକ୍ ପାସି
ମୁଣ୍ଡାତା ଏକ୍‌ହାଲି ଖେସେସି, ତାୟୁ ଏଞ୍ଜାରି ଖେସାୟିଏ
ଆଡେ □

୨୪ ଇଞ୍ଜା ଏଞ୍ଜାରି ଖେସିଲେହେଁଏ କିୟାଲି ପିଲାତ ହୁକୁମି
ହୀତେସି;

୨୫ ସାମା ଆମିନିଗାଟାସି ଗଡ଼ହା ଅଡେ ଲକୁଣି
ପାୟାଲିଏ କାୟିଦିତା ଇଟାମାତାଣାକ୍ ରୀସା ମାତେରି
ପିସେସି, ଅଡେ ଜୀସୁକ୍ ଏଞ୍ଜାସି ଏଞ୍ଜାରି ଅଣ୍‌ପିତି ଲେହେଁ
କିୟାଲି ଏଞ୍ଜାରିତାଣା ହେର୍‌ପିତେସି □

ଜୀସୁକ୍ ପାସି ଏକ୍‌ନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଜହ ୧୯:୧୭-
୨୭)

୨୬ ଏଞ୍ଜାରି ଜୀସୁକ୍ ଅହିମାଟାଟି ସିମନ ଦରୁଗାଟି କୁରିଣି
ଦେସାତି ର ନାୟୁଟି ଖାହିମାତେସି, ଏଞ୍ଜାରି ଏଞ୍ଜାଣାକ୍
ପାସିମୁଣ୍ଡା ଡେକି କିହାନା ଜୀସୁ ଜେଚ ଜେଚ ଅଡେରି □

୨୭ ମାନ୍ଦା ଲକୁ ଜୀସୁ ଜେଚ ହାଜିମାତେରି ଅଡେ ତାନି
ତାକି ବକତା ଖେଟା କଡିହିଁ ଡାହି ଡାହିଁ ଏଚରଜାଣା
ଇୟାସିକା ଜିକେଏ ଏଞ୍ଜାଣି ଜେଚ ହାଜିମାତୁ □

୨୮ ସାମା ଜୀସୁ ଏଞ୍ଜାସିକା ଖାକି ସିନିକିହାନା
ଏଲେଇଚେସି, “ଆଲ, ଜିରୁସାଲମତି ମାୟକାତେରି ନା
ତାକି ଡାଆଦୁ ସାମା ମୀ ତାକି ଅଡେ ମୀ କକାରି ପଦାଁ
ତାକି ଡାଦୁ;

୨୯ ହେଣ୍ଡୁ ଇଲେତି ଦିନା ଖାହିମାନେ, ଆମ୍ବାଆୟି
ବାଞ୍ଜେଣିସିକା, ଆମ୍ବାଆୟି ଏଚେଲା ପୂରାମାସା
ଆହାହିଲାତ ଅଡେ ପାଲୁ ଉର୍‌ହା ହିଲାତ ଲକୁ ଏଞ୍ଜାସିକାଣି
ମିଜେଏ ନେହେଁ ଇଞ୍ଜାନେରି □

୩୦ ☆ଏଚିବେଲା ଲକୁ ହର୍‌କାଣି ଏଲେଇଚେସି ମା ଲାକ
ତରଗାଦୁ ଅଡେ ଉଣା ହର୍‌କାଣି ଏଲେଇଚେସି ମାଜେ
ପୁକ୍‌ହାନା ଡକୁହାଦୁ □

୩୧ ଏନିଇଚିହିଁ ଲକୁ ହିଇଲି ମାର୍‌ନୁତି ଏଲେକିତିହିଁ,
ଏଡି ଖାୟିସାରେ ଏନାଆଁ କିହାଁ ଆଗାଡ଼ା କିଅରିକି ?”

୩୨ ଦହଗାଟାରି ରିଆରି ଜିକେଏ ପାସି ଏକ୍‌ହାଲି
ଜୀସୁତଲେ ଅଞ୍ଜିଆଡେରି □

୩୩ ଏମ୍ବାଟିଏ ଏଞ୍ଜାରି ତାୟୁଁ ରୁପା ଇନି ଟାୟୁତା ଏଜାନା
ଏମ୍ବାଆଁ ଜୀସୁକ୍ ପାସି ମୁଣ୍ଡାତା ଏକ୍‌ହାନା ଏ ରୀ ଦହଗାଟାରି
ବିଦ୍ରାଟି ରଥଣାକ୍ ଏଞ୍ଜାଣି ଟିଃନିଞ୍ଜାକି ଅଡେ ରଥଣାକ୍
ଏଞ୍ଜାଣି ଟେବୁଞ୍ଜାକି ପାସି ଏକ୍‌ହେରି □

୩୪ ଏଚିବେଲା ଜୀସୁ ଏଲେଇଚେସି, “ଏ ଆଦା ଏଞ୍ଜାରି
ଦହ ଆହୁଆନି, ଇଚିହିଁ ଏଞ୍ଜାରି ଏନାଆଁ କିହିମାନେରି
ଏନାଆଁ ପୁଞ୍ଜାହିଲଅରି □”

ଅଡେ ଏଞ୍ଜାରି ଏଞ୍ଜାଣି ହିମ୍ବୁରି ବାଟିକିହାଲି ପାଦି କିତେରି
□

୩୫ ଇଞ୍ଜା ଲକୁ ବାରେ ନିଚାନା ସିନିକିହିମାତେରି, ଏଞ୍ଜାରି
ବିଦ୍ରାଟି କାଜାରି ଜିକେଏ ନିନ୍ଦାକିହିଁ ଏଲେଇଚେରି,
“ଏଞ୍ଜାସି ଏଟକା ଲକୁଣି ଗେଲ୍‌ପିତେସି; ଏଞ୍ଜାସି ମାହାପୁରୁ
ଆଡିତି କ୍ରୀସୁ ଇଚିହିଁ ତାୟୁଏ ତାଜେ ଗେଲ୍‌ପିକିହା
କତାପେସି □”

୩୬ କସକା ଜିକେଏ ଏଞ୍ଜାଣି ତାଗେ ହାଜାନା ପୁଲାଏୟୁ
ଗସାଲି ହାହାଁ ଏଞ୍ଜାଣାକ୍ କାକ୍‌ହିହିଁ ଏଲେଇଚେରି,

୩୭ “ନାନୁ ଜୀହୁଦି ଲକୁଟି ରାଜାତି ଇଚିହିଁ ନାନୁଏ
ନିଜେ ପିସ୍‌ପି କିହାକତାମୁ □”

୩୮ ଇଞ୍ଜା ଏଞ୍ଜାଣି ପାସିମୁଣ୍ଡା ଲାକ ଇଲେଇଞ୍ଜାଁ ରାୟକି
ଆହାମାତେ, “ଇଞ୍ଜାସି ଜୀହୁଦି ଲକୁଟି ରାଜା □”

୩୯ ଅଡେ ପାସି ମୁଣ୍ଡାତା ପାସି ଏକ୍‌ହାମାତି ଦହଗାଟାରି
ବିଦ୍ରାଟି ଜିକେଏ ରଅସି ଏଞ୍ଜାଣାକ୍ ନିନ୍ଦାକିହିଁ
ଏଲେଇଚେସି, “ନାନୁ କ୍ରୀସୁତି ଆଏକି ? ନିଜେ ଅଡେ
ମାଜେ ପିସ୍‌ପି କିୟାମୁ □”

୪୦ ସାମା ଅଡେ ରଅସି ଏଞ୍ଜାଣାକ୍ ଦାକା ହାହାନା
ଏଲେଇଚେସି, “ନାନୁ ଏଞ୍ଜାଣିଲେହେଁ ଡଣ୍ଡ ବେଟାଆହିଁ
ଜିକେଏ ନିଜେ ମାହାପୁରୁକ୍ ଆଜି ହିଲେଏ ?

୪୧ ଅଡେ ମାରୁସା ନାହାୟି ତଲେ ଡଣ୍ଡ ବେଟାଆହିଁ
ମାନାୟି, ଇଚିହିଁ ମା କିତି କାମାତି ପାଡେୟି ବେଟାଆହିଁ
ମାନାୟି; ସାମା ଇଞ୍ଜାସି ଏନି ଦହ କିହାହିଲଅସି □”

୪୨ ଇଞ୍ଜା ଏଞ୍ଜାସି ଜୀସୁକ୍ ଏଲେଇଚେସି, “ଏ ଜୀସୁ ନାନୁ
ନୀ ରାଜିତା ହାଟିସାରେ ନାଜେ ଅଣ୍‌ପାମୁ □”

୪୩ ଏମ୍ବାଟିଏ ଜୀସୁ ଏଞ୍ଜାଣାକ୍ ଏଲେଇଚେସି, “ନାନୁ
ନିଜା ସାତା ଖେସିମାଞ୍ଜାକ୍, ନୀଞ୍ଜୁ ନାନୁ ପାରଦେସାତା* ନା
ତଲେ ମାଞ୍ଜି □”

ଜୀସୁତି ହାକି

(ମାତି ୨୭:୪୫-୪୭; ମାର୍କ ୧୫:୩୩-୪୧; ଜହ ୧୯:୨୮-
୩୦)

୪୪ ଏଚିବେଲା ସମାନା ବାରଗଟା ଆହାମାତେ, ଅଡେ
ଢେଡ଼ା ଉଜେଡ଼ି ହାଆତାକି ତାନି ଗଟା ପାତେକା ଦେସା
ବାରେ ଆନ୍ଦେରି ଆହାମାତେ,

☆ ୨୩:୩୦ ୨୩:୩୦ ଖେ ବଲୁ ୬:୧୭ * ୨୩:୪୩ 23:43 ପାରଦେସା/ହାଡ଼ାରି ଡୟିନି ଟାୟୁ

୪୫ ଇଞ୍ଜା ମାହାପୁରୁ ଇଲୁତା ଲେଟାମାନି ହିମ୍ବରି ରା ବାଗା ଆହୁଁ ଗେଞ୍ଜା ହାଚେ □

୪୬ ଅଡ଼େ ଜୀସୁ କାଜା ଗିୟାତଲେ ହାଡ଼ିହୁଁ ଏଲେଇଚେସି, “ଏ ଆବା ନୀ କେୟୁତା ନା ଜୀସୁତି ହେରପିମାଞ୍ଜାଇଁ □” ଏଲେଇଞ୍ଜି ଜଲ୍ଲାନା ତାନି ଜୀସୁ ହାଚେ □

୪୭ ଏଦାଆଁ ମେସାନା ପାସାକଡ଼ି କସକା ମୁହେଁ କାଜାସି ମାହାପୁରୁଇଁ ଜହରା କିହୁଁ ଏଲେଇଚେସି, “ଇଞ୍ଜାସି ସାତେଏ ତୀରିଗାଟାସି ମାଚେସି □”

୪୮ ଇଞ୍ଜା ଏଞ୍ଜାଣାଇଁ ମେସାଲି ରୁଣ୍ଡା ଆହାମାଟି ବାରେ ଲକୁ ଇ ବାରେ ମେସାନା ବକତା ଝେଟା କଡ଼ିହୁଁ ଝେଣ୍ଡା ହାଚେରି □

୪୯ ସାମା ଜୀସୁଇଁ ପୁଞ୍ଜାମାଟି ବାରେ ଲକୁ ଇଞ୍ଜା ଗାଲିଲିଟି ରହେଏ ଆଣ୍ଡାନା ତାନି ଜେଚ ଜେଚ ଝାହାମାଟି ଇୟାସିକା ହେକ ନିତାନା ଏ ବାରେ ସିନିକିହିମାତୁ □

ଜୀସୁଇଁ ମୁହନାୟି

(ମାତି ୨୭:୫୭-୬୧; ମାର୍କ ୧୫:୪୨-୪୬; ଜହ ୧୯:୩୮-୪୨)

୫୦ ଇଞ୍ଜା ଜୀହୁଦି ଦେସାତି ହାରାମାତିୟା ଇନି ଗାଡ଼ାତି ଜସେପ ଇନାସି ଜୀହୁଦି ଲକୁତି କାଜା କୁଲମିତି ରଅସି ମାଚେସି; ଏଞ୍ଜାସି ନେହାସି ଇଞ୍ଜା ତୀରିଗାଟାସି ମାଚେସି □

୫୧ ଜୀହୁଦାତି ହାରାମାତିୟା ଇନି ନାୟୁତି ଜସେପ ଇନାସି ର ମାଣ୍ଡସି ମାଚେସି □ ଏଞ୍ଜାସି ଦାମ୍ବୁଗାଟାସି ଇଞ୍ଜା ମାନିଗାଟାସି ମାଚେସି ଅଡ଼େ ମାହାପୁରୁତି ରାଜି ଝାନ୍ଦାଣି କାଡ଼ିମାଚେସି □ କାଜା ବେରଣିତି ମାଣ୍ଡସି ମାଚିହୁଁ ଜିକେଏ, ଏଞ୍ଜାସି ଏଞ୍ଜାରି କାତା ଅଡ଼େ କାମାତା ଆଣ୍ଡିହିଲାଆତେସି □

୫୨ ଏଞ୍ଜାସି ପିଲାତ ତାଣ୍ଡା ହାଜାନା ଜୀସୁ ମାଡ଼ହାତି ରାସ୍ତେସି,

୫୩ ଇଞ୍ଜା ମାଡ଼ହାତି ରେପହାନା ନେହୁଁ ପାଡ଼ାଡ଼ା ହିମ୍ବରି ରୁପାନା ଏମ୍ବାଆଁ ହୁରତା କାରହାମାଟି ଏଚେଲା ଆମ୍ବାଆରି ମୁସାହିଲାଆ ମାଡ଼ହା ମୁହନି ଟାୟୁତା ଏଞ୍ଜାଣାଇଁ ମୁସ୍ତେରି □

୫୪ ଏ ଦିନା ତିୟାରା ଆନି ଦିନା ମାଚେ ଅଡ଼େ ଜମିନି ଦିନା ଏଗା ଝାହିମାଚେ □

୫୫ ଅଡ଼େ ଗାଲିଲିଟି ଝାହାମାନି ଇୟାସିକା ଜେଚ ଜେଚ ହାଜାନା ମାହଣି ମାଣ୍ଡା ଅଡ଼େ ତାନି ମାଡ଼ହା ଏନିକିଁ ମୁସାମାଚାଣି ମେସୁ

୫୬ ଇଞ୍ଜା ଏଞ୍ଜି ଝେଣ୍ଡା ହାଜାନା ଗାନ୍ଦା ନିୟୁଁ ଇଞ୍ଜା ଗାନ୍ଦାଗାଟି ଆସି ତିୟାରା କିତୁ □ ଇଞ୍ଜା ଜମିନି ଦିନାତା ତାନି ମେରାଲେହେଁ ଜମିତୁ □

୨୪

ଜୀସୁ ହାହାନା ଝେଣ୍ଡେ ନିଜିନାୟି

(ମାତି ୨୮:୧-୧୦; ମାର୍କ ୧୬:୧-୮; ଜହ ୨୦:୧-୧୦)

୧ ଅଡ଼େ ଜମିନି ଦିନାତି ମେରା ତଲେ ଜମିତୁ, ସାମା ଝାରାତି ତଲିତି ଦିନାତା ଜୁଲୁପୁଲୁ ଝେୟାଲିଏ ଏଞ୍ଜି ତାମ୍ବୁ କିହାମାଟି ଗାନ୍ଦାନିୟୁଁ ଆସାନା ମାହଣି ମାଣ୍ଡାତା ହାତୁ □

୨ ଇଞ୍ଜା ମାହଣି ମାଣ୍ଡାତା ପୁକହାମାଟି ଝାଲି ଗୁଚା ଆହାମାନାଣି ମେସୁ □

୩ ସାମା ଏଞ୍ଜି ବିତ୍ରା ହାଜାନା ପ୍ରବୁ ଜୀସୁତି ମାଡ଼ହା ଏମ୍ବାଆଁ ମେହୁଆତୁ □

୪ ଏଞ୍ଜି ଏଦାଆଁତାକି ବିଲୁକି ଆହିମାଟି ଦେବୁଣିଏ ମୁହନି ହିମ୍ବରି ହୁଚାମାଟି ରିଆରି ଏଞ୍ଜାସିକା ନକିତା ନିତାମାନେରି □

୫ ଏମ୍ବାଟିଏ ଏଞ୍ଜି ଆତାଜାକା ଆହାନା ବୁମିତା ତାର୍କା ଲେସୁ ଇଞ୍ଜା ଏଞ୍ଜାରି ଏଞ୍ଜାସିକାଣି ଏଲେଇଚେରି, “ମୀରୁ ଏନାଆଁତାକି ହାଡ଼ାରି ବିତ୍ରାଟି ନୀତାମାନାରାଇଁ ପାରିମାଞ୍ଜେରି ?

୬ *ଏଞ୍ଜାସି ଇମ୍ବାଆଁ ହିଲଅସି, ଏଞ୍ଜାସି ନିଜାମାନେସି, ଏଞ୍ଜାସି ଗାଲିଲିତା ମାଚାଟି ଝେସାମାଞ୍ଜାତାଣି ଅଣ୍ଡାପୁ □

୭ ମାଣ୍ଡସି ମୀରୁଏସି ପାସି ମୁଣ୍ଡାତା ହାୟାଲି ପାପୁ ଗାଟାରି ତାଣ୍ଡା ହେରପି ଆନାୟି ମାନେ ଇଞ୍ଜା ତାନି ଦିନାଟିଏ ହାକିଟି ଝେଣ୍ଡେ ନିଜିନେସି □”

୮ ଏମ୍ବାଟିଏ ଏଞ୍ଜି ଏଞ୍ଜାଣି ଝେସୁ କାତା ଅଣ୍ଡପିତୁ,

୯ ଇଞ୍ଜା ଏଞ୍ଜି ମାହଣି ମାଣ୍ଡାଟି ଝେଣ୍ଡା ହାଜାନା ଏଗାର ଜାଣା ସୀୟୁୟାଁ ଅଡ଼େ ଏଟକା ତାରାଇଁ ଇ ବାରେ କାତା ଝେସୁ □

୧୦ ଏଞ୍ଜି ମଗ୍ଦଲିନି ମରିୟମ, ଜହାନା, ଜାକୁବ ତାନି ଇୟା ମରିୟମ ଅଡ଼େ ଏଞ୍ଜାସିକାତଲେ ମାଟି ଏଟକାତି ଇୟାସିକା; ଇଞ୍ଜି ପାଣ୍ଡୁଞ୍ଜି ଆହାମାନାରାଇଁ ଇ ବାରେ କାତା ଝେସୁ □

୧୧ ସାମା ଇ ବାରେ କାତା ଏଞ୍ଜାରି ନକିତା ମନତା ଗାଡ଼ିକିତି ର ପୁସ୍ପପନି ଲେହେଁ ଆଡ଼େ, ଅଡ଼େ ଏଞ୍ଜାରି ଏଞ୍ଜାସିକାଣି ନାମାଆତେରି □

୧୨ ସାମା ପିତର ନିଜାମା ମାଡ଼ହା ମୁହନି ଟାୟୁତା ହଟି ହଟିହୁଁ ହାଚେସି, ଇଞ୍ଜା କାପାନା ସିନିକିତେସି ଏମ୍ବାଆଁ ପାଡ଼ାଡ଼ା ହିମ୍ବରିକା ମେସ୍ତେସି, ଇଞ୍ଜା ଇଦି ଏନି ଆଡ଼େ ଇଞ୍ଜିଁ କାବାଆହାନା ତାନି ଇଜ ହାଚେସି □

**ଇମାୟୁତା ହାନାୟି
(ମାତି ୧୬:୧୨,୧୩)**

୧୩ ଏ ନେରୁ ଏଞ୍ଜାରି ବିତ୍ରାଟି ରିଆରି ଜିରୁସାଲମଟିଏ ଏଗାର କିଲମିଟରଲେହେଁ ହେକ ମାଟି ଇମାୟୁ ଇନି ନାୟୁତା ହାଜିମାଚେରି □

୧୪ ଅଡ଼େ ହାଜି ହାଜିହୁଁ ଇ ବାରେ କାତା ଜଲୁକି ଆହିମାଚେରି □

୧୫ ଏଲେକିଁ ଝେସ୍ପି ଆହୁଁ ତାମ୍ବୁ ତାମ୍ବୁ ଜଲୁକି ଆହିମାଚାଟି ଜୀସୁ ତାନୁଏ ଏଞ୍ଜାରିତାଣା ଝାହାନା ଏଞ୍ଜାରିତଲେ ହାଚେସି;

☆ ୨୪:୨ ୨୪:୩ ମାତି ୧୬:୨୧; ୧୭:୨୨,୨୩; ୨୦:୧୮,୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩

୧୭ ସାମା ଏଝାରି ଏଝାଣାଇଁ ମେସ୍ତି ଜିକେଏ ପୁଞ୍ଜାଲି ଆଡାଆତେରି □

୧୭ ଜୀସୁ ଏଝାରାଇଁ ଖେରେସି, “ମୀରୁ ହାଜି ହାଜିହିଁ ଏନା ଏନାଆଁ ଜଲ୍ଲକି ଆହିମାଞ୍ଜେରି ?” ଏମ୍ବାଟିଏ ଏଝାରି ମୁମ୍ବୁଞ୍ଜାଡ଼ି କିହାନା ନିତେରି □

୧୮ ଅଡ଼େ ଏଝାରି ବିତ୍ରାଟି କ୍ଲେୟାପା ଇନାସି ରଅସି ଏଝାଣାଇଁ ଖେସ୍ତେସି, “ଇ ଖାରା ବିତ୍ରା ଜିରୁସାଲମତା ଏନା ଏନାୟି ଆଡ଼େ ଏମ୍ବାଆଁ ମାନାରି ବିତ୍ରାଟି ନୀନୁ ରଅତିଏ ପୁଞ୍ଜାହିଲଅତିକି ?”

୧୯ ଏଝାସି ଏଝାରାଇଁ ଖେରେସି, “ଏନା ଏନାୟି ଆଡ଼େ ?”

ଏଝାରି ଏଝାଣାଇଁ ଖେସ୍ତେରି, “ନାଜରିତ ଜୀସୁତି କାତା; ମାହାପୁରୁ ନକିତା ଅଡ଼େ ବାରେ ଲକୁ ନକିତା ଏ ଜୀସୁ କାମାତା ଅଡ଼େ କାତାତା ର ବାଡ଼ମୁଗାଟି ମାହାପୁରୁ ଅଣ୍ପୁତି ବଲୁ ଖେହନାସି ମାରେସି,

୨୦ ଅଡ଼େ ମା କାଜା ପୂଜେରାଜା ଅଡ଼େ ସାଲଞ୍ଜି କିନାରି ଏଝାଣାଇଁ ହାକି ଡ଼ଣ୍ଡ ହାହାଲି ହେରପାନା ଏଝାଣାଇଁ ପାସି ମୁଣ୍ଡାତା ଏକହାନା ପାୟିତି କାତା □

୨୧ ସାମା ଏଝାସି ଇସ୍ତାୟେଲ ଲକୁଣି ପିସପି କିନାସି ଇଞ୍ଜିଁ ମାମ୍ବୁ ଆସା କିହାମାତମି; ସାମା ଇ ବାରେ ଆହାନା ନୀଞ୍ଜୁଟିଏ ତାନିଦିନା ଆହିମାନେ □

୨୨ ଅଡ଼େ ଜିକେଏ ମା ବିତ୍ରାଟି ଏଚରଜାଣା ଇୟାସିକା ମାଙ୍ଗେ ଆତାଜାକା କିହାମାଞ୍ଜାନ୍ତୁ; ଏଞ୍ଜି ଲାଇସିଏ ମାଡ଼ହା ମୁହନି ଟାମୁତା ହାଜାମାଡ଼ୁ,

୨୩ ଏମ୍ବାଆଁ ଏଞ୍ଜି ଏଝାଣି ମାଡ଼ହା ମେହଆନା ଖାହାନା ଖେସ୍ତାଡ଼ୁ, ଇଞ୍ଜା ଦୁତୁୟାଁ ତଞ୍ଜାଆହାନା ଖେସ୍ତାତେରି, ଏଝାସି ନୀତାମାନେସି □

୨୪ ଅଡ଼େ ମା ବିତ୍ରାଟି ଏଚରଜାଣା ମାଡ଼ହା ମୁହନି ଟାମୁତା ହାଜାନା ଇୟାସିକା ଖେସ୍ତିଲେହେଁଏ ମେସ୍ତେରି ସାମା ଏଝାଣାଇଁ ମେହଆତେରି □”

୨୫ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ଆଡ଼େ ରୁଦି ହିଲାଆଗାଟାତେରି, ଅଡ଼େ ମାହାପୁରୁ ଅଣ୍ପୁତି ବଲୁ ଖେହନାରି ବାରେ କାତାତି ନାମାଲି ଆଡାଆଲେହେଁତି ହିୟାଁ ଗାଟାତେରି,

୨୬ କ୍ରୀସ୍ତ ଇ ବାରେ କସ୍ତ ବେଟାଆହାନା ତାନି ଗାଞ୍ଜୁରମିତା ହଡ଼ନାୟି ହିଲାଆତେ କି ?”

୨୭ ମସା ଇଞ୍ଜା ବାରେଜାଣା ମାହାପୁରୁ ଅଣ୍ପୁତି ବଲୁ ଖେହନାରି ତାଣାଟି ମାଡ଼ହାନା ଦାମ୍ବୁ ସାସ୍ତେରିତା ତାନି ତାକି ରାସ୍ତକି ଆହାମାନି ବାରେ କାତା ଏଝାସି ଏଝାରାଇଁ ପୁଣ୍ଡି କିତେସି □

୨୮ ଏଝାରି ହାଜିମାଟି ନାୟୁଁ ତାଗେ ଏଜାଲିଏ ଜୀସୁ ଅଡ଼େ ନକିତା ହାନି ଅଣ୍ପୁ ତସ୍ତେସି □

୨୯ ସାମା ଏଝାରି ଏଝାଣାଇଁ ଆଂଗିହିଁ ଏଲେଇଚେରି, “ମା ତଲେ ଡ଼ୟାହାଲାମୁ ଏନିଇଚିହିଁ ଆନ୍ଦେରି ଆହିମାନେ, ଖେଡ଼ାହାରେୟିଏ □” ଏମ୍ବାଟିଏ ଏଝାସି ଏଝାରିତଲେ ଡ଼ୟାଲି ଇଲୁ ବିତ୍ରା ହାରେସି □

୩୦ ଅଡ଼େ ଏଝାରିତଲେ ରାନ୍ଦା ତିଞ୍ଜାଲି କୁଗିତି ତାମ୍ବୁ ଏଝାସି ରୁଟି ଆସାଁ ମାହାପୁରୁଇଁ ଜହରା କିତେସି, ଇଞ୍ଜା ଡ଼ିକହାନା ଏଝାରାକି ହୀତେସି □

୩୧ ଏମ୍ବାଟିଏ ଏଝାରି କାଣ୍ଟା ଦେପିଆଡ଼ୁ ଇଞ୍ଜା ଏଝାରି ଏଝାଣାଇଁ ପୁରେରି; ଅଡ଼େ ଏ ଦେବୁଣିଏ ଏଝାସି ଏଝାରି କାଣ୍ଟାତା ତଞ୍ଜା ଆଆତେସି □

୩୨ ଏଚେଟିଏ ଏଝାରି ତାମ୍ବୁ ତାମ୍ବୁ ଏଲେଇଚେରି, “ଏଚିବେଲା ଏଝାସି ମାଙ୍ଗେ ଜିରୁତା କାତାବାର୍ତ୍ତା ଆହିମାରେସି ଅଡ଼େ ମାଙ୍ଗେ ଦାମ୍ବୁ ସାସ୍ତେରି ତେଲହି କିହିମାଞ୍ଜାତେସି, ଏଚିବେଲା ମା ହିୟାଁ କାଡ଼ି ମାଞ୍ଜାଆତେ କି ?”

୩୩ ଅଡ଼େ ଏଝାରି ଦେବୁଣିଏ ନିଙ୍ଗାନା ଜିରୁସାଲମତା ଖେଣ୍ଡା ହାଜାନା କୁଡ଼ା ଆହାମାଟି ଏଗାର ଜାଣା ସୀସୁୟାଁ ଅଡ଼େ ଏଝାରି ଆଡ଼ହିତାରାଇଁ ମେସ୍ତେରି;

୩୪ ଏଝାରି ଏଲେଇଞ୍ଜିମାରେରି, “ପ୍ରବୁ ସାତେଏ ନିଙ୍ଗାମାନେସି ଅଡ଼େ ସିମନଇଁ ତଞ୍ଜାଆଡ଼େସି □”

୩୫ ଅଡ଼େ ଏଝାରି ଜିକେଏ ଜିରୁତି ବାରେ କାତା ଅଡ଼େ ରୁଟି ଡ଼ିକହାଟିଏ ଏଝାରି ପୁଞ୍ଜାଲି ଆଡ଼ିତମି ଇଞ୍ଜିଁ ଏଝାରି ଖେସ୍ତେରି □

ଜୀସୁ ତାନି ସୀସୁୟାଁଇଁ ତଞ୍ଜା ଆନାୟି

(ମାତି ୨୮:୧୭-୨୦; ମାର୍କ ୧୬:୧୪-୧୮; ଜହ ୨୦:୧୯-୨୩; କାମା ୧:୬-୮)

୩୬ ସାମା ଏଝାରି ଇ ବାରେ କାତା ଜଲ୍ଲକି ଆହିମାଟାଟି ଜୀସୁ ଏଝାରି ମାଦି ନିତାନା ଏଲେଇଚେସି, “ମିଙ୍ଗେ ହିଡ଼ି ଆୟାପେ □”

୩୭ ଏମ୍ବାଟିଏ ଏଝାରି ବୁଡୁ ମେସ୍ତମି ଇଞ୍ଜିଁ ଅଣ୍ପାଦାନା ଆତାଜାକା ଆଡ଼େରି □

୩୮ ଏଚେଟିଏ ଏଝାସି ଏଝାରାଇଁ ଏଲେଇଚେସି, “ମୀ ହିୟାଁତା ଏନାଆଁତାକି ଆଜିମାଞ୍ଜେରି, ଇଞ୍ଜା ମୀ ହିୟାଁ ଏନାଆଁତାକି ଆନାମାନା ଆହିମାନେ ?

୩୯ ନାନୁଏ ଏଝାତେସିଁ ନା କେସ୍ତା କତାୟାଁ ମେହଡ଼ୁ, ନାଙ୍ଗେ ତୀଗାବୁ ମୀରୁ ନାଙ୍ଗେ ଡ଼ଙ୍ଗା ପେଣ୍ଟକା ମାନାଣି ମେସ୍ତିଲେହେଁ ବୁଡୁକି ହିଲାଡ଼ □”

୪୦ ଅଡ଼େ ଏଝାସି ଏଲେଇଞ୍ଜାନା ଏଝାରାଇଁ ତାନି କେସ୍ତା କତାୟାଁ ତସ୍ତେସି □

୪୧ ଏଲେଜିକେଏ ଏଝାରି ରାହାଁତାକି ନାମାଲି ଆଡାଆନା ଆନାମାନା ଆହାଁ କାବା ଆହିମାଟାକି ଜୀସୁ ଏଲେଇଚେସି, “ମିଙ୍ଗେ ଇମ୍ବାଆଁ ଏନି ରାନ୍ଦା ମାନେକି ?”

୪୨ ଏମ୍ବାଟିଏ ଏଝାରି ଏଝାଣାକି ର ଖାସ୍ତି ମୀନୁ ହୀତେରି,

୪୩ ଅଡ଼େ ଏଝାସି ଏଦାଆଁ ଆସାନା ଏଝାରି ନକିତା ତିଚେସି □

୪୪ ଇଞ୍ଜା ଏଝାସି ଏଝାରାଇଁ ଏଲେଇଚେସି, “ମସାତି ମେରା ପତିତା ଇଞ୍ଜା ମାହାପୁରୁ ଅଣ୍ପୁତି ବଲୁ ଖେହନାରି ପତିତା ଅଡ଼େ ପାରୁ ପତିତା ନାଙ୍ଗେତାକି ଏନାୟି ରାସ୍ତକି ଆହାମାନେ, ଏ ବାରେ ସାତା ଆନାୟି ମାନେ, ନାନୁ ମୀ ତଲେ ମାଟାଟି ଇ ବାରେ ଖେସାମାଞ୍ଜାତେସିଁ □”

୪୫ ଏବେଟିଏ ଏଞ୍ଜାରି ଏନିକିଁ ଦାମ୍ନୁ ସାସ୍ତେରି
ତେଲହାଲି ଆଡ଼ିନେରି, ଏଦାଆଁତାକି ଏଞ୍ଜାରି ହିୟାତି ଦାରା
ଦେତେସି;

୪୬ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇରେସି,
“ଏଲେଆହିଁ ରାସ୍ତାକି ଆହାମାନେ, କ୍ରୀସ୍ତ ଦୁକୁ କସ୍ତ
ବେଟା ଆଡ଼ିନେସି ଅଡ଼େ ତାନି ଦିନାଟିଏ ହାଡ଼ାରି ତାଣାଟି
ଝେଣ୍ଡେ ନିକ୍ଷିନେସି,

୪୭ ଇଞ୍ଜା ଜିରୁସାଲମଟିଏ ମାଟ୍‌ହାନା ବାରେ କୂଡ଼ା ତାଣା
ଏଞ୍ଜାଣି ଦରୁଟି ପାପୁ ମ୍ବେପ୍‌କି ଆୟାଲି ମନ୍ ଝେଟ୍‌ନି କାତା
ଝେକ୍‌ନାୟି ମାନେ □

୪୮ ମୀରୁ ଇ ବାରେତାକି ସାକି ଆଡ଼େରି □

୪୯ ☆ଅଡ଼େ ହେଶୁ ଆବା ଏନାଆଁ ଆଞ୍ଜାମାନେସି ଏଦାଆଁ
ନାନୁ ମୀ ତାଣା ପାଣ୍ଡିମାଞ୍ଜାଇଁ, ସାମା ଲାକପୁରୁଟି ବାଡ଼ୁ
ପୁଞ୍ଜା ପାତେକା ମୀରୁ ଇ ଗାଡ଼ାତେଏ ମାଞ୍ଜୁ □”

ଜୀସୁ ଲାକପୁରୁ ଅଞ୍ଜିଆନାୟି

(ମାର୍କ ୧୬:୧୯,୨୦; କାମା ୧:୯-୧୧)

୫୦ ☆ଏମ୍‌ବାଟିଏ ଜୀସୁ ଏଞ୍ଜାରାଇଁ ବେତନିୟାଁ ପାତେକା
ଅଡ଼େସି ଇଞ୍ଜା ତାନି କେସ୍ତା ପେର୍‌ହାନା ଏଞ୍ଜାରାଇଁ ବର
ହୀତେସି □

୫୧ ଇଞ୍ଜା ଏଞ୍ଜାରାଇଁ ବର ହୀହି ହୀହିଁ ଏଞ୍ଜାସି ଏଞ୍ଜାରି
ତାଣାଟି ଏଟ୍‌କା ଆହାନା ଲାକପୁରୁ ଅଞ୍ଜିଆଡ଼େସି □

୫୨ ଏବେଟିଏ ଏଞ୍ଜାରି ଏଞ୍ଜାରାଇଁ ଜହରା କିହାନା
ହାରେକା ରାହାଁତଲେ ଜିରୁସାଲମତା ଝେଣ୍ଡା ହାଚେରି,

୫୩ ଇଞ୍ଜା ଏ ଦିନାଟିଏ କାଟ୍‌ଲେଏ ମାହାପୁରୁ ଇଲୁଡା
ମାଞ୍ଜାନା ମାହାପୁରୁଇଁ ଜହରା କିହେମାଚେରି □

ଯୋହନ ଲିଖିତ ସୁସମାଚାର ଜହନ ରାଚାମାନି ନେହଁ କାରୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀସୁ ଅଡ଼େ ଇ ଦାର୍ତତିତା ମାତି କାତା ଜହନ ରାଚାମାନି ନେହଁ କାରୁ; ପୁଃନି ମେରାତି ସାରିଗଟା ନେହଁ କାରୁ ପତିୟା ବିଦ୍ରାଟି ଇଦି ଆହିମାନେ ର ପତି □ ଏ ବାରେ ପତିୟାକ୍ ନେହଁ କାରୁ ଇନେରି □ ଏ ପତିୟା ଜୀସୁ କ୍ରୀସ୍ତ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାରେରି □ ପାଣ୍ଡୁଆଡ଼ି ଜହନ ଜୀସୁ କ୍ରୀସ୍ତ ଜାର୍ନାଆଡ଼ି ୯୦ ବାର୍ଯା ତାୟୁ ଜହନ ରାଚାମାନି ନେହଁ କାରୁ ରାଚାମାରେସି □ ଇ ପତିତା ଜହନ ରାଚିତି କାତା ଖେସା ହିଲାଆତି ଜିକେଏ; ୧ଜହ୨ଜହ ଇଞ୍ଜା ଶଜହ ଆକୁ ସମାନା ମାନୁ □ ଜହନ ଏପିସିୟ ଗାଡ଼ାତା ମାଚାକି ଇ ପତି ଏପିସତା ରାସ୍କି ଆହାମାନେ ଇଞ୍ଜିହଁ ଇନେରି □

ଜୀସୁକ୍ କ୍ରୀସ୍ତ ଜୀସୁତି ମାହାପୁରୁ ମାର୍ଏସି ଇଞ୍ଜିହଁ ଲକୁ ଏନିକ୍ ନାମିନେରି, ଏଦାଆଁତାକି ଜହନ ଇ ପତି ରାଚାମାରେସି ୨୦:୩୧ □ ଇଦାଆଁ ନାମାହାଁ ଏଞ୍ଜାଣି ଦରୁତଲେ ମାର ଜୀସୁ ବେଟାଆନାୟି □ ଇ ପତି ଜୀହୁଦି ଅଡ଼େ ଜୀହୁଦିଆଆତି ଲକୁତାକି ରାସ୍କି ଆହାମାରେ □ ଜହନ ରାଚାମାନି ନେହଁ କାରୁ ଏ ତାନିଗଟା ନେହଁ କାରୁ କିହାଁ ରଲେ ମାନେ □ ଜହନ ଜୀସୁ କିତି କାବାଆନି କାମାୟାଁ ହାରେକା ରାଚାମାନେସି ସାମା ପୁଣ୍ଡିକିନି ପୁସ୍ପପନିକା ହାରେକା ରାଚାହିଲଅସି □ ଏଟକା ପତିୟାଣା ଜୀସୁ ବାପ୍ତିସ୍ତ ଅନାଣି ଅଡ଼େ ଲକୁ ହିଲାଆ ଟାୟୁତା ତାୟିପାରି ଆଡାଣି ରାସ୍କି ଆହାମାନେ ଏଦାଆଁ ଇ ପତିତା ରାସ୍କି ଆହା ହିଲେଏ □

ପତିତା ମାନାୟି;

- ୧ ତଲିତି ହାଡ଼ା □ ୧:୧-୧୮
- ୨ ବାପ୍ତିସ୍ତ ହାନି ଜହନ ଅଡ଼େ ଜୀସୁତି ମୂଲୁ ସୀସୁୟାଁ □ ୧:୧୯-୫୧
- ୩ ଜୀସୁ ସେବା କାମା ମାଟ୍ନାୟି □ ୨:୧-୧୨:୫୦
- ୪ ଜିରୁସାଲମ ଅଡ଼େ ଦାରିମାରି ଜୀସୁତି କାମା □ ୧୩:୧-୧୯:୪୨
- ୫ ଜୀସୁ ହାକିଟି ଖେଶ୍ଟେ ନିଜିନାୟି ଅଡ଼େ ସୀସୁୟାଁକ୍ ତଞ୍ଜା ଆନାୟି □ ୨୦:୧-୩୧
- ୬ ଗାଲିଲିତା ଖେଶ୍ଟେ ତଞ୍ଜା ଆନାୟି □ ୨୧:୧-୨୫

ଜୀସୁତି ବଲୁ

- ୧ ମୂଲୁଏ ବଲୁ ମାଚେ, ବଲୁ ମାହାପୁରୁ ତଲେ ମାଚେ, ଏ ବଲୁଏ ମାହାପୁରୁ ମାଚେସି □
- ୨ ମୂଲୁଏ ଏ ବଲୁ ମାହାପୁରୁ ତଲେ ମାଚେ □

☆ ୧:୬ ୧:୬ ମାତି ୩:୧; ମାର୍କ ୧:୪; ଲୁକ ୩:୧,୨ * ୧:୧୮ ୧:୧୯ ମୁଞ୍ଜନାୟି

୩ ଏ ବଲୁ ତଲେ ମାହାପୁରୁ ବାରେ ଗାଡ଼ିକିତେସି; ଅଡ଼େ ଏନାୟି ବାରେ ଗାଡ଼ି ଆହାମାନେ, ଏ ବିଦ୍ରାଟି ରଣ୍ଡି ଜିକେଏ ଏ ବଲୁ ପିସ୍ପେ ରାଚି ଆହା ହିଲେଏ □

୪ ଏ ବଲୁତା ଜୀସୁ ମାଚେ ଅଡ଼େ ଏ ଜୀସୁ ମାଣ୍ଡିୟାତି ଉଜେଡ଼ି □

୫ ଏ ଉଜେଡ଼ି ଆନ୍ଦେରିତା ତୀଞ୍ଜିହଁ ଖାହିମାନେ, ଇଞ୍ଜା ଆନ୍ଦେରି ଏଦାଆଁ ଏଚେଲା ଜିକେଏ ଅପାହିଲେଏ □

୬ *ମାହାପୁରୁ ତାଣାଟି ତାନି କାରୁ ଖେହ୍ନାଣାକ୍ ପାଣ୍ଡାତେସି; ଏଞ୍ଜାଣି ଦରୁ ଜହନ □

୭ ଏଞ୍ଜାସି ଉଜେଡ଼ିତି କାତା ଲକୁକ୍ ଖେସାଲି ଖାଡ଼େସି, ଅଡ଼େ ଏନିକିହଁ ବାରେଜାଣା ଏଞ୍ଜାଣି ତାଣାଟି ନାମିନେରି, ଏଦାଆଁତାକି ଏଞ୍ଜାସି ସାକି ହୀହାଲି ଖାଡ଼େସି □

୮ ଏଞ୍ଜାସିଏ ତାନୁଏ ଉଜେଡ଼ି ହିଲାଆତେସି; ସାମା ଏଞ୍ଜାସି ଏ ଉଜେଡ଼ିତି କାତା ଖେସାଲି ଖାଡ଼େସି □

୯ ଏମିନି ସାତା ଉଜେଡ଼ି ବାରେ ଲକୁକି ଉଜେଡ଼ି ହୀନେ, ଏଞ୍ଜାସି ଦାର୍ତତିତା ଖାଡ଼େସି □

୧୦ ଏଞ୍ଜାସି ଦାର୍ତତିତା ମାଚେସି ଅଡ଼େ ଏଞ୍ଜାଣି ତାଣାଟି ଦାର୍ତତି ବାରେ ରାଚି ଆଡ଼େ, ଆଡ଼ିଜିକେଏ ଇ ଦାର୍ତତି ଏଞ୍ଜାଣାକ୍ ପୁଞ୍ଜାଲି ଆଡ଼ାଆଡ଼େ □

୧୧ ଏଞ୍ଜାସି ତାନି ରାଜ୍ଜିତା ଖାଡ଼େସି, ଆଡ଼ିଜିକେଏ ତାନି ଜାହାରା ଲକୁ ଏଞ୍ଜାଣାକ୍ ଆବାଆଡ଼େରି □

୧୨ ଆମ୍ବାଆରି ଏଞ୍ଜାଣାକ୍ ଆବିତେରି ଇଞ୍ଜା ଏଞ୍ଜାଣି ତାଣା ନାମିତେରି; ଏଞ୍ଜାସି ଏଞ୍ଜାରାକ୍ ମାହାପୁରୁତି ମାର୍କା ମାସ୍କା ଆହାଲି ଅଦିକାରା ହୀଡ଼େସି □

୧୩ ମାଣ୍ଡିସିତା ତାଞ୍ଜିୟାଁ ତାଣାଟି ଜାର୍ନା ଆଡାକି ଏଞ୍ଜାରି ମାହାପୁରୁତି ମାର୍କା ଆହାହିଲଅରି, ମାହାପୁରୁ ତାନୁଏ ଏଞ୍ଜାରି ତାଞ୍ଜି ଆଡ଼େସି □

୧୪ ଅଡ଼େ, ଏ ବଲୁ ମାଣ୍ଡି ଖାଣା ଆଡ଼େ, ମାହାପୁରୁତି କାର୍ନା ଇଞ୍ଜା ସାତା ତଲେ ମା ତାଣା ବାସା କିତେସି, ଅଡ଼େ ଆଡ଼ା ତାଣାଟି ଖାହାମାନି ରଣ୍ଡିଏ ମାର୍ଏଶାତି ଗାଞ୍ଜୁରମି ଲେହେଁ ମାର ଏଞ୍ଜାଣି ଗାଞ୍ଜୁରମି ମେସାୟି □

୧୫ ଜହନ ଏଞ୍ଜାଣି କାତାତି ସାକି ହୀହାନା କାଜା ଗିୟାତଲେ ଏଲେଇଚେସି, “ଆମ୍ବାଆସି ନା ତାୟୁ ଖାହିମାନେସି, ଏଞ୍ଜାସି ନା କିହାଁ କାଜାସି, ଏନାଆଁତାକି ଇଚିହଁ ଏଞ୍ଜାସି ନାନୁ ଜାର୍ନାଆଡ଼ି ନକେଏ ମାଚେସି, ଇଞ୍ଜା ଏଞ୍ଜାଣି କାତା ନାନୁ ତଲିଏ ଏଲେଇଞ୍ଜି ଖେସାମାଞ୍ଜାତେସି, ଏଞ୍ଜାସିଏ ଇଞ୍ଜାସି □”

୧୬ ଏଦାଆଁତାକି ତାନୁ ପୁରା କିନି ତାଣାଟି ମାର ବାରେ ଜାଣାତାୟି ବାରେ ବେଟାଆହାନା, କାର୍ନା ମୁହେଁ କାର୍ନାମେହ୍ନାଣି ବେଟାଆହାମାନାୟି □

୧୭ ମାହାପୁରୁ ମସା ତାଣାଟି ମେରା ହିୟାତେସି, ସାମା ଜୀସୁ କ୍ରୀସ୍ତ ତାଣାଟି କାର୍ନାମେହ୍ନାୟି ଅଡ଼େ ସାତା ଖାଡ଼େ □

୧୮ ଆତ୍ମାଆସି ଏଚେଲା ମାହାପୁରୁଙ୍କ ମେସାହିଲଅସି, ତାନିତଲେ ମାନି ରଣ୍ଡିଏ ମାର୍‌ଏସି ଏଝାସି ମାହାପୁରୁ ଆବାଇଁ ପୁଣ୍ଡି କିହାମାଞ୍ଜାନେସି □

ବାପ୍ତିସ୍ତା* ହାନି ଜହନତି କାତୁ
(ମାତି ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ନାନୁ ଆତ୍ମାଆତି ଇଞ୍ଜି ଜହନଇଁ ଝେଞ୍ଜାଲି ଜାହୁଦିୟାଁ ଏଚିବେଲା ଜିରୁସାଲମଟି କାଜା ପୂଜେରାଙ୍ଗା ଇଞ୍ଜା ଲେବିୟଙ୍ଗାଣି ଜହନ ତାଣା ପାଣ୍ଡିତେରି, ଏଝାସି ଇ କାତା ଝେସ୍ତେସି □

୨୦ ଜହନ ସାତା କାତା ଝେସ୍ତେସି, ଆଏ ଇଞ୍ଜି ଇନାଆତେସି, ତାର୍‌ପୁତଲେ ଝେସ୍ତେସି, “ନାନୁ ମସିହା ଆଏ □”

୨୧ ଏଝାରି ଏଝାଣାଇଁ ଝେଚେରି, ଆତିହ୍ “ନାନୁ ଆତ୍ମାଆତି ? ନାନୁ ଏନାଆଁ ଏଲିୟତି କି ?”

ଜହନ ଏଲେଇଚେସି, “ନାନୁ ଏଲିୟତେଏଁ ଆଏ □”

ଏଝାରି ଝେଚେରି, “ନାନୁ ଏନାଆଁ ମାହାପୁରୁ ଅଣ୍ଡପୁତି ବଲୁ ଝେହ୍ନାତି କି ?” ଏଝାସି ଏଲେଇଚେସି, “ନାନୁ ଆଏ □”

୨୨ ଏମ୍ବାଟିଏ ଏଝାରି ଏଝାଣାଇଁ ଏଲେଇଚେରି, “ମାଙ୍ଗେ ଝେସ୍ତାମ୍, ମାମ୍‌ମାଙ୍ଗେ ପାଣ୍ଡା ମାଞ୍ଜାନାରାଇଁ ଏନି କାତା ଝେହ୍ନମି □ ନାନୁ ଆତ୍ମାଆତେଏଁ ଇଞ୍ଜି ଝେସାକତିମାଞ୍ଜି ?”

୨୩ ଜହନ ଏଲେଇଚେସି, “ମାହାପୁରୁ ଅଣ୍ଡପୁତି ବଲୁ ଝେହ୍ନି ଜିସାୟ ଏନିକ୍ ଜଲ୍ଲାମାଚେସି,

‘ନାନୁ ଲକୁ ହିଲାଆ ଚାୟୁତା କାଜା ଗିୟାତଲେ କାଲଝି ଆହିମାନି ରଅଣି ହାଡାଲେହେଁ ତାତେଏଁ,

ପ୍ରବୁତି ଜିରୁ ସଲକେ କିଦୁ □’ ”

୨୪ ଅଡେ, ପାରୁସିୟାଁ ବିତ୍ରାଟି ଏଚରଜାଣା ପାଣ୍ଡି ଆହାମାଚେରି,

୨୫ ଏଝାରି ଜହନଇଁ ଝେଚେରି, “ନାନୁ କ୍ରୀସ୍ତ କି ଏଲିୟ କି ମାହାପୁରୁ ଅଣ୍ଡପୁତି ବଲୁ ଝେହ୍ନାତି ଆଏ, ଆତିହ୍ ନାନୁ ଏନାଆଁତାକି ବାପ୍ତିସ୍ତା ହାହିମାଞ୍ଜି ?”

୨୬ ଜହନ ଏଝାରାଇଁ ଏଲେଇଚେସି, “ନାନୁ ଏୟୁତା ବାପ୍ତିସ୍ତା ହାହିମାଇଁ; ଆତ୍ମାଆରାଇଁ ମୀରୁ ପୁଞ୍ଜାହିଲଅତେରି, ଏଝାସି ମୀ ବିତ୍ରା ମାନେସି □

୨୭ ଏଝାସି ନା ତାୟୁ ଝାହିମାନେସି, ନାନୁ ଏଝାଣି ସେପୁୟାତି ତ:ରକା ଜିକେଏ ହୁକହାଲି ଜଗେ ଆଏ □”

୨୮ ଏମିନି ଜର୍ଦନ କାତାତି ଝେଡା ହପୁଞ୍ଜାକିତି ବେତନିୟାତା ଜହନ ବାପ୍ତିସ୍ତା ହାହିମାଚେସି, ଏ ଚାୟୁତା ଇ ବାରେ ଆହାମାଚେ □

ମାହାପୁରୁତି ମେଣ୍ଡା ତାଲୁ

୨୯ ଏ ଅର ନେରୁ ଜହନ ଜୀସୁଇଁ ତାନି ଝାକି ଝାହିମାନାଣି ମେସାନା ଏଲେଇଚେସି, “ସିନିକିଦୁ ମାହାପୁରୁତି ମେଣ୍ଡା

ତାଲୁ, ଆମିନିଗାଟାସି ଇ ଦାର୍‌ତିତି ପାପୁ ବାରେ ଡେକା ଅନେସି □

୩୦ ଇଝାସିଏ ଏଝାସି, ଆତ୍ମାଆରି କାତା ନାନୁ ଝେସାମାଞ୍ଜାତେଏଁ, ‘ର ମାଣ୍ଡି ନା ତାୟୁ ଝାହିମାନେସି, ସାମା ଏଝାସି ନା କିହାଁ କାଜାସି, ଇଞ୍ଜା ଏଝାସି ନାନୁ ଜାର୍ନାଆତି ନକେଏ ମାଚେସି □’

୩୧ ନାନୁ ଜିକେଏ ଏଝାଣାଇଁ ପୁଞ୍ଜା ହିଲାଆତେଏଁ, ସାମା ଏଝାସି ଏନିକିହ୍ ଇସ୍ରାୟେଲ ଲକୁ ନକିତା ତଞ୍ଜାଆନେସି, ଇଦାଆଁତାକି ନାନୁ ଏୟୁତା ବାପ୍ତିସ୍ତା* ହାହିଲି ଝାହିମାଇଁ □”

୩୨ ଅଡେ ଜହନ ସାକି ହାହାନା ଝେସ୍ତେସି, “ନାନୁ ସୁଦୁଜୀଝୁ ପାରୁଝା ପଚାଲେହେଁ ଲାକପୁରୁଟି ରେଚା ଝାହିମାନାଣି ମେସ୍ତେଏଁ, ଇଞ୍ଜା ଏଡି ଏଝାଣିଲାକ କୁଗିତେ □

୩୩ ନାନୁ ଜିକେଏ ଏଝାଣାଇଁ ପୁଞ୍ଜା ହିଲାଆତେଏଁ, ସାମା ଆତ୍ମାଆସି ନାଙ୍ଗେ ଏୟୁତା ବାପ୍ତିସ୍ତା ହାହିଲି ପାଣ୍ଡାମାଞ୍ଜାନେସି, ଏଝାସି ନାଙ୍ଗେ ଝେସ୍ତାତେସି, ‘ଆମିନିଗାଟାଣି ଲାକ ସୁଦୁଜୀଝୁ ରେଚା ଝାହାଣି ଅଡେ କୁଗିନାଣି ମେହ୍‌ଦି, ଆତ୍ମାଆସି ସୁଦୁଜୀଝୁ ତଲେ ବାପ୍ତିସ୍ତା ହାନେସି, ଏଝାସି ଏ ମାଣ୍ଡି □’ ”

୩୪ ଜହନ ଏଲେଇଚେସି, “ନାନୁ ଏଦାଆଁ ମେସାମାଇଁ, ଏଦାଆଁତାକି ନାନୁ ମିଙ୍ଗ ଝେସିମାଞ୍ଜାଇଁ, ଏଝାସି ମାହାପୁରୁ ମାର୍‌ଏସି □”

ଜୀସୁତି ମୂଲୁ ସୀସୁ

୩୫ ତାନି ଅର ନେରୁ ଜହନ ତାନି ରୀ ସୀସୁୟାଁ ତଲେ ନିଚାମାଚେସି;

୩୬ ଏଝାସି ଜୀସୁଇଁ ଏ ଜିରୁଟି ହାଜିମାନାଣି ମେସାନା ଏଲେଇଚେସି, “ସିନିକିଦୁ ମାହାପୁରୁତି ମେଣ୍ଡା ତାଲୁ □”

୩୭ ଏ ରୀ ସୀସୁୟାଁ ଏଝାଣି ହାଡା ଝେଞ୍ଜାନା ଜୀସୁ ଜେଚ ଜେଚ ହାଚେରି □

୩୮ ଜୀସୁ ଝେଣ୍ଡେ ତିରୁଝାନା ଏଝାରାଇଁ ତାନି ଜେଚ ଜେଚ ହାଜିମାନାଣି ମେସାନା ଝେଚେସି, “ମୀରୁ ଏନାଆଁ ପାରିମାଞ୍ଜେରି ?” ଏଝାରି ଝେଚେରି, “ରାବିଟି ନାନୁ ଆମ୍ବିୟା ଡିୟିମାଞ୍ଜି ?”

୩୯ ଜୀସୁ ଏଝାରାଇଁ ଏଲେଇଚେସି, ଝାଦୁ, ମେହ୍‌ଦେରି □ ଏମ୍ବାଟିଏ ଏଝାରି ହାଜାନା ତାନି ଡିୟିନି ଚାୟୁ ମେସ୍ତେରି, ଇଞ୍ଜା, ଏ ଦିନା ଏଝାଣିତଲେ ଡିୟିତେରି; ଏନାଆଁତାକି ଇଚିହ୍ ଏଚିବେଲା ଲାକ୍‌ତି ଦସ ଗଂଟା ଆହାମାଚେ □

୪୦ ଜହନତି କାତା ଝେଞ୍ଜାନା ଆମିନି ରିଆରି ଜୀସୁ ଜେଚ ଜେଚ ହାଜାମାଚେରି, ଏଝାରି ବିତ୍ରା ରଅସି ସିମନ ପିତରତି ତାୟି ଆହିୟ ମାଚେସି □

୪୧ ଏଝାସି ତଲିଏ ତାନି ତାୟି ସିମନଇଁ ମେସାନା ଏଲେଇଚେସି, “ମାମ୍‌ମୁସିହାଇଁ* ମେସ୍ତମି □”

† ୧:୨୫ ୧:୨୫ ମୁଞ୍ଜନାୟି ‡ ୧:୨୬ ୧:୨୬ ମୁଞ୍ଜନାୟି § ୧:୨୮ ୧:୨୮ ମୁଞ୍ଜନାୟି * ୧:୩୧ ୧:୩୧ ମୁଞ୍ଜନାୟି † ୧:୩୩ ୧:୩୩ ମୁଞ୍ଜନାୟି ‡ ୧:୩୩ ୧:୩୩ ମୁଞ୍ଜନାୟି § ୧:୩୩ ୧:୩୩ ଗୁରୁ * ୧:୪୧ ୧:୪୧ ମସିହାତି ଇଚିହ୍ କ୍ରୀସ୍ତ † ୧:୪୨ ୧:୪୨ କେପା ଇଚିହ୍ ପିତର

୪୨ ଆନ୍ଦ୍ରିୟ ସିମନଙ୍କ ଜୀସୁ ତାଣା ତାତେସି □ ଜୀସୁ ଏଞ୍ଜାଣାଙ୍କ ଆଟେ ସିନିକିହାନା ଏଲେଇରେସି, “ନୀନୁ ଜହନ ମୀର୍ଏଣା ସିମନତି □ ନୀନୁ କେପା† ଦରୁତି ଖେଜିଦି □”

ଜୀସୁ ପିଲିପ ଅଡ଼େ ନିତନିୟେଲଙ୍କ ହାଡ଼ିନାୟି

୪୩ ଅର ନେଚୁ ଜୀସୁ ଗାଲିଲିତା ହାଜାଲି ଅଣ୍ଡିପତେସି, ଏଞ୍ଜାସି ପିଲିପଙ୍କ ମେସାନା ଏଲେଇରେସି, “ନା ଜେଚ ଖାମ୍ନୁ!”

୪୪ ପିଲିପ ବେଡ଼ସାୟିଦା ଗାଡ଼ାତାସି ମାରେସି, ଏଡ଼ି ଆନ୍ଦ୍ରିୟ ଇଞ୍ଜା ପିତରତି ଗାଡ଼ା ମାରେ □

୪୫ ପିଲିପ ନିତନିୟେଲଙ୍କ ମେସାନା ଏଞ୍ଜାଣାଙ୍କ ଏଲେଇରେସି, “ଆମ୍ବାଆରି କାତା ମସାତି ମେରାତା ରାଚାମାନେରି, ଅଡ଼େ, ମାହାପୁରୁ ଅଣ୍ଡପୁତି ବଲୁ ଖେହନାରି ଜିକେଏ ରାଚାମାନେରି, ମାମ୍ବୁ ଏଞ୍ଜାଣାଙ୍କ ବେଟାଆହାମାନମି □ ଏଞ୍ଜାସି ଜସେପ ମୀର୍ଏସି ନାଜରିତତି ଜୀସୁ □”

୪୬ ନିତନିୟେଲ ଏଞ୍ଜାଣାଙ୍କ ଖେରେସି, “ନାଜରିତତା କି ଏନି ନେହଁ କାମା ଆହିମାନେ ?”

ପିଲିପ ଏଲେଇରେସି, “ଞ୍ଜାହାନା ସିନିକିମ୍ନୁ □”

୪୭ ଜୀସୁ ନିତନିୟେଲଙ୍କ ତାନି ତାଣା ଖାହିମାନାଣି ମେସାନା ଜୀସୁ ଏଞ୍ଜାଣି କାତା ଖେସ୍ତେସି, “ମେହ୍ଦୁ ଇଞ୍ଜାସି ସାତା ତଲେ ଇସ୍ତାୟେଲତି ଲକୁ; ଇଞ୍ଜାଣି ତାଣା ଏନାୟି ନାଡ଼ିକିନି ବୁଦି ହିଲେଏ □”

୪୮ ନିତନିୟେଲ ଜୀସୁଙ୍କ ଖେରେସି, “ନୀନୁ ନାଜେ ଏନିକିହଁ ପୁଞ୍ଜାତି ?”

ଜୀସୁ ଏଲେଇରେସି, “ପିଲିପ ନିଜେ ହାଟାତି ନକେଏ ନୀନୁ ତୟା ମାରୁନୁ ଡ଼ଇ ମାତି, ଏରେତା ନୀନୁ ନିଜ ମେସାମାଞ୍ଜାତେଏଁ □”

୪୯ ନିତନିୟେଲ ଏଲେଇରେସି, “ଏ ଗୁରୁ ନୀନୁ ମାହାପୁରୁ ମୀର୍ଏଣାତି! ନୀନୁଏ ଇସ୍ତାୟେଲ ରାଜାତି □”

୫୦ ଜୀସୁ ଏଲେଇରେସି, “ନୀନୁ ନିଜେ ତୟା ମାରୁନୁ ଡ଼ଇ ମେସାତେଏଁ ଇଞ୍ଜାଁ ଖେସାଲିଏ ନୀନୁ ନାମିମାଞ୍ଜି ?” ନୀନୁ ଇଦାଆଁ କିହଁ ହାରେକା କାଜା କାମାୟାଁ ମେହ୍ଦି □

୫୧ ଜୀସୁ ନିତନିୟେଲଙ୍କ ଏଲେଇରେସି, “ନୀନୁ ନିଜେ ସାତା ଖେସିମାଞ୍ଜାଙ୍କ ନୀନୁ ଲାକପୁରୁ ଦେପିଆହାମାନାଣି ଇଞ୍ଜାଁ ମାଣ୍ଡସି ମୀର୍ଏଣା ତାଣା ମାହାପୁରୁତି ଦୁରୁୟାଁ ଲାକ ହାଜିମାନାଣି ଅଡ଼େ ଡ଼ଇ ଖାହିମାନାଣି ମେହ୍ଦି □”

୨

କାନା ଗାଡ଼ାତି ବାହା ବଜିତା ଜୀସୁ

୧ ତାନି ଦିନା ଜେଚ ଗାଲିଲିତି କାନା ଗାଡ଼ାତା ର ବାହା ମାରେ, ଜୀସୁ ତାନି ଇୟା ମରିୟମ ଜିକେଏ ଏମ୍ବାଆଁ ମାରେ;

୨ ଜୀସୁ ଜିକେଏ ତାନି ସୀସୁୟାଁ ତଲେ ବାହାତା ହାଜାଲି ହାଟୁକି ଆହାମାରେସି □

☆ ୨:୧୨ ୨:୧୨ ମାତି ୪:୧୩

୩ ଏଚିବେଲା ଅଜୁରି ରାସା ରାହାହାଚୁ, ଜୀସୁଙ୍କ ତାନି ଇୟା ଏଲେଇରେ, “ଏଞ୍ଜାରି ଅଜୁରି ରାସା ରାହାହାଚେ □”

୪ ଏମ୍ବାଟିଏ ଜୀସୁ ତାନି ଇୟାନି ଏଲେଇରେସି, “ଇୟା, ନୀନୁ ନାଜେ ଏନାଆଁ କିନାୟିମାନେ ଏନାଆଁକି ଖେସିମାଞ୍ଜାତି ? ନା କାଲା ନୀଏଁ ପାତେକା ଖାହାହିଲେଏ □”

୫ ଜୀସୁ ତାନି ଇୟା କାମା କିନାରାଙ୍କ ଏଲେଇରେ, “ଏଞ୍ଜାସି ମିଜେ ଏନାଆଁ ଖେସ୍ତାନେସି ଏଲେକିହଁଏ କିଦୁ □”

୬ ଅଡ଼େ, ଏମ୍ବାଆଁ ଜୀହୁଦିୟାଁ ସୁଦୁ କିହାଲି ନରନି ମେରାତାକି ସ ଗଟା କାଜା ଖାଲକାତି ଏୟୁ ଗୁନାୟାଁ ମାରୁ □

୭ ଜୀସୁ ହଲିୟାକାଣି ଏଲେଇରେସି, “ଇ ଗୁନାୟାଁଣା ଏୟୁ ନେଞ୍ଜିକିଦୁ □” ଏଞ୍ଜାରି ଏମ୍ବାଆଁ ନେଞ୍ଜିକିତେରି □

୮ ଜୀସୁ ଏଞ୍ଜାରାଙ୍କ ଏଲେଇରେସି, “ଇମ୍ବାଟି ଇଚରା ଅହାନା ବଜିତି ଗୁମ୍ବସାକି ହୀଦୁ □” ଏମ୍ବାଟିଏ ଏଞ୍ଜାରି ଅଡ଼େରି □

୯ ବଜିତି ଗୁମ୍ବସା ଅଜୁରି ରାସା ଆହାମାନି ଏ ଏୟୁତି ଖାଣ୍ଡାହାଁ ଏଞ୍ଜି ଏମ୍ବିଟି ତାପିଆଡୁ, ପୁଞ୍ଜା ହିଲାଆତେସି □ ସାମା ଏ ହଲିୟାକା ଏୟୁ ଖାକହା ମାଚାରି ପୁଞ୍ଜାମାରେରି ଏଦାଆଁତାକି ହନେଏଣାଙ୍କ ହାଟାହାଁ ଏଲେଇରେସି □

୧୦ ବାରେଜାଣା ତଲିଏ ନେହଁ ଅଜୁରି ରାସା ହୀନେରି ଅଡ଼େ ଏମ୍ବାଆଁ ଖାହାଡ଼ୟିନି ଲକୁ ହଟିସାରେ ତାୟୁ ଲାଗେଏତି ଅଜୁରି ରାସା ହୀନେରି; ସାମା ମୀରୁ ବାରେ ନେହଁ ଅଜୁରି ରାସା ନୀଏଁ ପାତେକା ଇଚାମାଞ୍ଜେରି □

୧୧ ଜୀସୁ ଇଲେକଁ ଗାଲିଲିତି କାନା ଗାଡ଼ାତା କାବାଆନି କାମା ମାଟୁହାନା ତାନି ଗାଡ଼ୁରମି ତଡ଼େସି, ଅଡ଼େ ସୀସୁୟାଁ ଏଞ୍ଜାଣି ତାଣା ନାମିତେରି □

୧୨ *ଏଦାଆଁ ତାୟୁ ଜୀସୁ ତାନି ଇୟା, ତାୟିୟାଁ ଅଡ଼େ ସୀସୁୟାଁ ତଲେ କପରନାହୁମତା ହାରେରି; ଇଞ୍ଜା ଏମ୍ବାଆଁ ହାରେକା ଦିନା ଡ଼ୟାଆତେରି □

ଜୀସୁ ଜିରୁସାଲମତା ହାନାୟି

(ମାତି ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୬)

୧୩ ଏଚିବେଲାତା ଜୀହୁଦିକା ପିସ୍ପିଆନି ପାର୍ବୁ ତାଗେ ଆହାମାରେ, ଅଡ଼େ ଜୀସୁ ଜିରୁସାଲମତା ହାରେସି □

୧୪ ଏମ୍ବାଆଁ ଜୀସୁ ମେସ୍ତେସି, ମାହାପୁରୁ ଇଲୁ ବିତ୍ରା ଲକୁ କଡ଼ିୟାଁ ମେଶ୍ତାୟାଁ ଅଡ଼େ ପଚାୟାଁ ବେବାରା କିନାରି ଅଡ଼େ ତାରୁୟାଁ ବେବାରା କିନାରି କୁଗାମାରେରି;

୧୫ ଏମ୍ବାଟିଏ ଜୀସୁ ତ:ରିତି ସାଟୁଣି କେପାନା କଡ଼ିୟାଁ, ମେଶ୍ତାୟାଁ ମାହାପୁରୁ ଇଲୁଟି ପାକାତା ପେର୍ହା ପାଣ୍ଡାନା ଟାକାୟାଁ ବେବାରା ଗାଟାରି କୁଟିୟାଁ ତିରିମ୍ବୁହାନା ଟାକାୟାଁ ବାରେ ଡ଼ାଞ୍ଜିତେସି □

୧୬ ପଚାରିବୁ ବେବାରା ଗାଟାରାଇଁ ଏଲେଇରେସି, “ଇ ବାରେଡି ଇମ୍ପାଟି ଅହାଡ଼ହୁଦୁ, ନା ଆବା ଇଲୁଡି ବେବାରା ଇଲୁ କିଆଦୁ □”

୧୭ ଇଦାଆଁ ମେସାନା ସାସ୍ତେରିତା ରାସ୍‌କି ଆହାମାନି ର କାତା ସୀସୁୟାଁ ମନତା ଖାଡ଼େ, “ନୀ ଇଲୁଡାକି ନା ରାହାଁ ନାଲୋ ହାରେକା ନାସା କିୟାନେ □”

୧୮ ଜୀହୁଦିୟାଁ ଜୀସୁଇଁ ଖେରେରି, “ନୀନୁ ଇ ବାରେ କାମା କିହାଲିତାକି ଅଦିକାରା ବେଟାଆହାମାଞ୍ଜି, ଏମ୍ପାଟି ସିନା ମାଲୋ ଏନାଆଁ ତସିମାଞ୍ଜାଦି ?”

୧୯ *ଜୀସୁ ଏଲେଇରେସି, “ଇ ଦେଖୁଡିତି ନାସା କିଦୁ, ଅଡ଼େ ତାନି ଦିନାଟିଏ ନୀନୁ ଏଦାଆଁ ଖେଣ୍ଡେ କେପିଇଁ □”

୨୦ ଏଚେଟିଏ ଜୀହୁଦି ଲକୁ ଏଲେଇରେରି, “ଏନାଆଁ ତାନିଦିନା ବିତ୍ତା ନୀନୁ ଇଦାଆଁ କେପାଲି ଆଡ଼ିଦି ? ଇ ଦେଖୁଡି କିହାଲିତାକି ରା କଡ଼ି ସ ବାସୀ ଆହାମାନେ □”

୨୧ ସାମା ଜୀସୁ ଜାହାରା ଆଲ୍ମା ଲେହେଡି ଦେଖୁଡିତି ତସାନା ଇଦାଆଁ ଖେସାମାଚେସି □

୨୨ ଇଦାଆଁତାକି ଜୀସୁ ହାହାନା ନିଜ୍ଞାଲିଏ ତାନି ସୀସୁୟାଁ ଜୀସୁ ଇ କାତା ଖେସାମାଚେସି ଇଞ୍ଜି ଅଣ୍ଡିଚେରେ; ଅଡ଼େ ଦାମ୍ବୁ ସାସ୍ତେରି ଅଡ଼େ ଜୀସୁ ଖେସାମାଚି କାତାତି ନାମିତେରି □

ଜୀସୁ ଲକୁଡି ଗୁଣୁ ପୁନାସି

୨୩ ପିସ୍‌ପିଆନି ପାରୁ ଆହିମାଟି ବେଲାତା ଜିରୁସାଲମତା ଜୀସୁ ମାଚାଟି ହାରେକା ତାନି କାବାଆନି କାମା ମେସାନା ତାନି ଦରୁତା ହାରେକା ଜାଣା ନାମିତେରି □

୨୪ ସାମା ଜୀସୁ ଏ ଲକୁଣି ନାମାଆନା ଏଞ୍ଜାରି ତାଣାଟି ଏଟକା ଡ଼ୟିତେସି, ଏନାଆଁତାକି ଇଚିହଁ ଏଞ୍ଜାରାଇଁ ନେହଁକଁ ପୁଞ୍ଜାମାଚେସି □

୨୫ ଅଡ଼େ ଆମ୍ବାଆସି ମାଣ୍ଡସି କାତା ସାକି ହୀନେସି, ଇଦି ଏଞ୍ଜାଣାକି ଲଡ଼ା ହିଲାଆତେ, ଇଚିହଁ ମାଣ୍ଡସି ବିତ୍ତା ଏନାୟି ମାନେ ଏଞ୍ଜାସି ତାନୁଏ ପୁଞ୍ଜାଲି ଆଡ଼ିମାଚେସି □

୩

ଜୀସୁ ଅଡ଼େ ନିକଦିମ

୧ ପାରୁସିୟାଁ ଗଟିଟି ନିକଦିମ ଇଞ୍ଜି ର ମାଣ୍ଡସି ମାଚେସି, ଏଞ୍ଜାସି ଜୀହୁଦି ଲକୁଣି ସାଲଞ୍ଜି କିନାସି ମାଚେସି □

୨ ଏଞ୍ଜାସି ଲାଆଁ ବେଲାତା ଜୀସୁ ତାଣା ଖାହାନା ଏଲେଇରେସି, “ଏ ରାବି,* ମାମ୍ବୁ ପୁଞ୍ଜାମାନି ନୀନୁ ମାହାପୁରୁ ପାଣ୍ଡାମାଞ୍ଜାନି ଗୁରୁ □ ନୀନୁ ଆମିନି ବାରେ କାବାଆନି କାମା କିହିମାଞ୍ଜି, ମାହାପୁରୁ ସାୟେମି ହିଲାଆସାରେ ଏଦାଆଁ ଆମ୍ବାଆରି କିହାଲି ଆଡ଼ଅରି □”

୩ ଜୀସୁ ଏଞ୍ଜାଣାଇଁ ଏଲେଇରେସି, ସାତା ସାତା ନୀନୁ ନିଜ୍ଞ ଖେସିମାଞ୍ଜାଇଁ, ଅଡ଼େ ଖେଣ୍ଡେ ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜି ମେସାଲି ଆଡ଼ଅସି □

୪ ନିକଦିମ ଏଞ୍ଜାଣାଇଁ ଖେରେସି, “ବୁଡ଼ହା ଆଡ଼ିସାରେ ମାଣ୍ଡସି ଅଡ଼େ ଖେଣ୍ଡେ ଏନିକଁ ଜାର୍ନା ଆହାଲି ଆଡ଼ିନେସି ? ତାଲିନି ବାଣ୍ଡିତା ହଡ଼ାନା ଏଞ୍ଜାସି ଖେଣ୍ଡେ ଜାର୍ନା ଆହାଲି ଆଡ଼ିନେସି ?”

୫ ଜୀସୁ ଏଲେଇରେସି; “ସାତା ସାତା ନୀନୁ ନିଜ୍ଞ ଖେସିମାଞ୍ଜାଇଁ” ଏୟୁ ଅଡ଼େ ସୁଦୁଜୀଞ୍ଜୁଟି ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜିତା ହଡ଼ାଲି ଆଡ଼ଅସି □

୬ ଆଲ୍ମାଟି ଏନାୟି ଜାର୍ନା, ଏଦି ଆଲ୍ମା; ଅଡ଼େ ସୁଦୁଜୀଞ୍ଜୁଟି ଏନାୟି ଜାର୍ନା ଆନେ, ଏଦି ସୁଦୁଜୀଞ୍ଜୁ □

୭ ନିଜ୍ଞେ ଖେଣ୍ଡେ ଜାର୍ନା ଆନାୟି ଲଡ଼ାମାନେ ଇଞ୍ଜି ନୀନୁ ନିଜ୍ଞ ଖେସାତେସି, ଏଦାଆଁତାକି କାବା ଆଆନି □

୮ ଗାଲି ଆମ୍ବିୟାଞ୍ଜାକି ମନ କିନେ, ଏତାଲା ଖାକି ହାନେ, ଅଡ଼େ ନୀନୁ ଖାରଇ ଏଦାନି ହାଡ଼ା ଖେଞ୍ଜାଲି ଆଡ଼ିଦି, ସାମା ଏଦି ଏମିନି ତାଣାଟି ଖାଡ଼େ ଅଡ଼େ, ଏମ୍ବିୟା ହାନେ, ଏଦାଆଁ ପୁନଅଡ଼ି; ସୁଦୁଜୀଞ୍ଜୁଟି ଜାର୍ନା ଆହାମାନି ବାରେଜାଣା ଏଲେକିହଁଏ □

୯ ନିକଦିମ ଏଞ୍ଜାଣାଇଁ ଏଲେଇରେସି, “ଏଦି ଏନିକଁ ଆହାଲି ଆଡ଼ିନେ ?”

୧୦ ଜୀସୁ ଏଞ୍ଜାଣାଇଁ ଏଲେଇରେସି; “ନୀନୁ ଇସାୟେଲଡି ଗୁରୁ ଆହାନା ଜିକେଏ, ଇ ବାରେ ତେଲ୍‌ହି ହିଲଅଡି କି ?

୧୧ ନୀନୁ ନିଜ୍ଞ ସାତା ଖେସିମାଞ୍ଜାଇଁ, ନୀନୁ ଏନାଆଁ ପୁଞ୍ଜାମାଇଁ, ଏଦାନି କାତା ଖେସିମାଞ୍ଜାଇଁ, ଏନାଆଁ ମେସାମାଇଁ, ଅଡ଼େ ନୀନୁ ନା କାତା ନାମିହିଲଅଡି □

୧୨ ନୀନୁ ଦାରୁଡି କାତାତି ଖେସାସାରେ ନୀନୁ ନାମଅଡି, ଆଡିହଁ ଲାକପୁରୁଡି ହାଡ଼ା ଖେସାସାରେ ଏନିକଁ ନାମିଦି ?

୧୩ ଆମିନି ମାଣ୍ଡସି ମୀରଏସି ଲାକପୁରୁଡି ରେଟା ଖାଡ଼େସି, ଏଞ୍ଜାଣି ପିସ୍‌ପେ ଅଡ଼େ ଆମ୍ବାଆସି ଲାକପୁରୁ ହାଜାହିଲଅସି □”

୧୪ ଅଡ଼େ, ମସା ଏନିକଁ ଲକୁ ହିଲାଆ ଟାୟୁତା ପିତାଡ଼ା ରାରୁଡି ଲାକ ପେରହା ମାଚେସି, ମାଣ୍ଡସି ମୀରଏସି ଜିକେଏ ଏଲେକିହଁଏ ଲାକ ପେରଞ୍ଜି ଆନେସି □

୧୫ ଏନିକିହଁ ଆମ୍ବାଆସି ତାନି ତାଣା ନାମିନେସି, ଏଞ୍ଜାସି କାଲାକାଲାତି ଜୀଞ୍ଜୁ ବେଟା ଆନେସି □

୧୬ ଇଚିହଁ ମାହାପୁରୁ ଦାରୁଡିତି ଏଚେକା ଜୀଞ୍ଜୁ ନଡେସି, ଏଞ୍ଜାସି ତାନି ରଣ୍ଡିଏ ମୀରଏଣାଇଁ ଦାନା ହାଡେସି, ଏନିକିହଁ ଏଞ୍ଜାଣି ତାଣା ନାମିନାସି ନାସା ଆଆନା କାଲାକାଲାତି ଜୀଞ୍ଜୁ ବେଟା ଆନେସି □

୧୭ ଇଚିହଁ ଦାରୁଡିତା ନୀହାୟି କିହାଲିତାକି ମାହାପୁରୁ ତାନି ମୀରଏଣାଇଁ ଦାରୁଡିତା ପାଣ୍ଡାଆନା, ଦାରୁଡି ଏନିକଁ ତାନିତାଣାଟି ଗେଲ୍‌ପିଆନେ, ଏଦାଆଁତାକି ତାନି ମୀରଏଣାଇଁ ପାଣ୍ଡାତେସି □

୧୮ ଆମ୍ବାଆସି ତାନି ତାଣା ନାମିନେସି, ଏଞ୍ଜାସି ନୀହାୟି କିଞ୍ଜି ଆଆସି ଆମ୍ବାଆସି ନାମଅସି, ଏଞ୍ଜାସି ନୀହାୟି କିଞ୍ଜି

* ୨:୧୯ ୨:୧୯ ମାଡି ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯ * ୩:୨ ୩:୨ ଗୁରୁ

ଆଡେସିଏ, ଏନାଆଁତାକି ଇଚିହ୍ନି ମାହାପୁରୁତି ରଣ୍ଡିଏ ମାର୍‌ଏଣା ଦରୁତି ନାମାହିଲଅସି □

୧୯ ଅଡେ ଏ ନାହାଁୟି ଇଦି, ଇ ଦାର୍‌ତିତା ଉଜେଡି ତଞ୍ଜା ଆହାମାନେ, ଅଡେ ଲକୁ ଉଜେଡି ପିସାନା ଆନ୍ଦେରିତି ଜୀଝୁ ନଡେରି, ଏଦାଆଁତାକି ଏଞ୍ଜାରି ବାରେ କାମା ଲାଗେଏତାୟି □

୨୦ ଇଚିହ୍ନି ଆମ୍ବାଆସି ଲାଗେଏତି କାମାକିନାରି, ଉଜେଡିତି ଅପଅରି, ଅଡେ ଏଡେତା ତାମି ପାପୁ କାମା ତଞ୍ଜାଆନେ, ଏଦାଆଁତାକି ଉଜେଡିତା ଖାଅରି □

୨୧ ସାମା ଆମ୍ବାଆସି ସାତା କାମା କିନେରି, ଏଞ୍ଜାରି ଉଜେଡିତା ଖାନ୍ଦେରି, ଏନିକି ତାମି କାମା ବାରେ ମାହାପୁରୁ ତାଣାଟି ତାରି ଆଡାୟି ଇଞ୍ଜି ତଞ୍ଜାଆନେ □

ଜୀସୁ ଅଡେ ଜହନ

୨୨ ଇଦାଆଁ ତାୟୁ ଜୀସୁ ଅଡେ ତାନି ସୀସୁୟାଁ ଜୀହୁଦା ରାଜିତା ହାରେରି, ଅଡେ ଏଞ୍ଜାସି ଏ ଗାୟୁତା ଡୟାନା ବାପ୍ତିସ୍ମାଁ ହାହାଲି ମାଟ୍‌ହେସି □

୨୩ ଜହନ ଜିକେଏ ସାଲମତି ତାଗେ ଏନନ୍‌ତା ବାପ୍ତିସ୍ମାଁ ହାହିମାନେସି, ଇଚିହ୍ନି ଏମ୍ବାଆଁ ଗାତି ଏୟୁ ମାଟୁ, ଅଡେ ଲକୁ ଖାହାନା ବାପ୍ତିସ୍ମାଁ ଅହିମାନେରି □

୨୪ ଏରିବେଲା ପାତେକା ଜହନ କାୟିଦିତା ହାଜାହିଲାଆଡେସି □

୨୫ ଏମ୍ବାଟିଏ ଜହନତି ଏଚରଜାଣା ସୀସୁୟାଁ ର ଜୀହୁଦି ତଲେ ମେରାତାକି ନରନ୍ କାତାତାକି ବାଦିବାଦା ଆଡେରି □

୨୬ ଏଞ୍ଜାରି ଜହନଇଁ ଏଲେଇଚେରି, “ଗୁରୁ ଆମ୍ବାଆସି ଜର୍ଦନ କାତାତି ଅରଞ୍ଜାକି ନୀ ତଲେ ମାଚେସି, ଆମ୍ବାଆସି କାତା ନୀନୁ ସାକି ହାହାମାଞ୍ଜାତି, ମେହ୍‌ମୁ ଏଞ୍ଜାସି ବାପ୍ତିସ୍ମାଁ ହାହିମାନେସି ଅଡେ ବାରେଜାଣା ଏଞ୍ଜାଣି ତାଣା ହାଜିମାନେରି □”

୨୭ ଜହନ ଏଲେଇଚେସି, “ଲାକପୁରୁତି ମାହାପୁରୁ ହାଆସାରେ ମାଣ୍‌ସି ଏନାଆଁ ମେଡାଆହାଲି ଆଡଅସି □

୨୮ ନାନୁ କ୍ରୀସ୍ତେସି ଆଏ, ସାମା ଏଞ୍ଜାଣି ନକିତା ପାଣ୍ଡି ଆହାମାଇଁ, ଇ କାତା ନାନୁ ମିଜେ ଖେସାମାଞ୍ଜାତେସି ଇଞ୍ଜି ମୀରୁ ନା ସାକି □

୨୯ ମାଜ୍ଜାନି ଅନାସି, ଏଞ୍ଜାସି ହନେଏସି, ସାମା ହନେଏଣି ଏମିନି ତଡୁ ନିଗାନା ତାନି ହାଡା ଖେନେସି, ଏଞ୍ଜାସି ହନେଏଣି ହାଡା ଖେଞ୍ଜାନା ହାଡେକା ରାହାଁ ଆନେସି □ ଏଲେକିହ୍ନି ଏ ନା ରାହାଁ ଜିକେଏ ପୁରା ଆଡେ □

୩୦ ସାତେଏ ଏଞ୍ଜାସି କାଜାସି ଆନାୟି ମାନେ, ଅଡେ ନାଜେ ଡାଣା ଆନାୟି ମାନେ □”

ଲାକପୁରୁତି ଖାନ୍ଦାସି

୩୧ ଆମ୍ବାଆସି ଲାକପୁରୁତି ଖାନ୍ଦେସି, ଏଞ୍ଜାସି ବାରେକିହାଁ କାଜାସି, ଆମ୍ବାଆସି ଦାର୍‌ତିତି ଜାନ୍‌ନା ଆନେସି, ଏଞ୍ଜାସି

ଦାର୍‌ତିତି କାତା ଖେହ୍‌ନେସି; ଆମ୍ବାଆସି ଲାକପୁରୁତି ଖାନ୍ଦେସି ଏଞ୍ଜାସି ବାରେଜାଣା କିହାଁ କାଜାସି □

୩୨ ଏଞ୍ଜାସି ଏନାଆଁ ମେସାମାନେସି ଅଡେ ଏନାଆଁ ଖେଞ୍ଜାମାନେସି, ଏଦାଆଁ ଏଞ୍ଜାସି ସାକି ହାହିମାନେସି, ସାମା ଆମ୍ବାଆସି ତାନି ହାଡାତି ଅପଅସି □

୩୩ ଇଞ୍ଜା ଆମ୍ବାଆସି ତାନି କାତାତି ଅପିନେସି, ଏଞ୍ଜାସି ମାହାପୁରୁ ସାତା ଇଞ୍ଜି ଏ କାତାତି ଆବା ମାନେସି □

୩୪ ସାମା ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜାନେସି, ଏଞ୍ଜାସି ମାହାପୁରୁ ବଲୁ ଖେହ୍‌ନେସି, ଏଞ୍ଜାଣାକି ମାହାପୁରୁ ସୁଦୁଜୀଝୁ ହାନେସି □

୩୫ ଆଦା ମାର୍‌ଏଣାଇଁ ଜୀଝୁ ନଡେସି, ଅଡେ ବାରେ ତାନି କେୟୁତା ହେରପା ମାନେସି □

୩୬ ଆମ୍ବାଆସି ମାର୍‌ଏଣାଇଁ ନାମିନେସି, ଏଞ୍ଜାସି କାଲାକାଲାତି ଜୀଝୁ ବେଗାଆହାମାନେସି, ସାମା ଆମ୍ବାଆସି ମାର୍‌ଏଣାଇଁ ଅପଅସି, ଏଞ୍ଜାସି ଜୀଝୁ ଜିକେଏ ମେହ୍‌ଅସି, ସାମା ଏଞ୍ଜାସି ମାହାପୁରୁତି ତଣ୍ଡା ଡୟିନେସି □

୪

ଜୀସୁ ଅଡେ ସମିରଣ ଇୟା

୧ ପାରୁସିୟାଁ ଖେଚେରି, ଜୀସୁ ଜହନ କିହାଁ ଗାତି ସୀସୁୟାଁ କିହିମାନେସି ଅଡେ ବାପ୍ତିସ୍ମାଁ ହାହିମାନେସି □

୨ ଜୀସୁ ତାନୁ ବାପ୍ତିସ୍ମାଁ ହାହିହିଲାଆଡେସି, ସାମା ତାନି ସୀସୁୟାଁ ବାପ୍ତିସ୍ମାଁ ହାହିମାନେରି, ଇ କାତା ପାରୁସିୟାଁ ଖେଞ୍ଜାମାନେରି ଇଞ୍ଜି ପ୍ରବୁ ଏଡେତା ପୁଚେସି,

୩ ଏଡେତା ଜୀହୁଦା ଦେସା ପିସାନା ଅଡେ ଖେଣ୍ଡେ ଗାଲିଲିତା ହାଚେରି □

୪ ସାମା ତାଜେ ସମିରଣ ଜିରୁଟି ହାଜାଲି ଲାଗିତେ □

୫ ଅଡେ ଏଞ୍ଜାସି ହାଜାନା ଜାକୁବ ତାନି ମାର୍‌ଏସି ଜସେପକି ଏମିନି ବୁମି ହାହାମାନେସି ଏ ତାଗେ ସମିରଣତି ସୁକାର ଦରୁଗାଟି ର ନାୟୁତା ଏଗାହାଚେସି □

୬ ଏ ଗାୟୁତା ଜାକୁବତି କୁହି ମାଚେ, ଇଞ୍ଜା ଜୀସୁ ଖାହାହାଜାମାତାକି ଏ କୁହି ତାଗେ କୁଗିତେସି □ ଏଡେତା ମାଦେନା ଆହାମାଚେ □

୭ ଅଡେ ର ସମିରଣ ଇୟା ଏୟୁ ଅହାଲି ଖାଡେ □ ଜୀସୁ ଏଦାନି ଏଲେଇଚେସି “ନାଜେ ଏୟୁ ଗସାଲି ହିୟାମୁ □”

୮ ତାନି ସୀସୁୟାଁ କାଡି କତାଲି ଗାଡାତା ହାଜାମାନେରି □

୯ ଏମ୍ବାଟିଏ ସମିରଣ ଇୟା ଜୀସୁଇଁ ଏଲେଇଚେ, “ନୀନୁ ର ଜୀହୁଦି ଲକୁ ଆହାଁ, ନାନୁ ସମିରଣ ଆୟାତେସି, ଏନିକି ନା କେୟୁଟି ଏୟୁ ଗସାଲି ରୀସି ମାଞ୍ଜାଦି ?” ଏନିକିହ୍ନି ଜୀହୁଦିୟାଁ ତଲେ ସମିରଣ ଲକୁତି ଲେମ୍ବିନାୟି ହିଲେଏ □

୧୦ ଜୀସୁ ଏଦାନି ଏଲେଇଚେସି, “ମାହାପୁରୁତି ଦାନା ଅଡେ ନାଜେ ଗସାଲି ହିୟାମୁ ଇଞ୍ଜି ଆମ୍ବାଆସି ନିଜେ

† ୩:୨୨ ୩:୨୨ ମୁଞ୍ଜିନାୟି ‡ ୩:୨୩ ୩:୨୩ ମୁଞ୍ଜିନାୟି § ୩:୨୭ ୩:୨୭ ମୁଞ୍ଜିନାୟି ☆ ୩:୨୮ ୩:୨୮ ଜହ ୧:୨୦ * ୪:୧ ୪:୧ ମୁଞ୍ଜିନାୟି † ୪:୨ ୪:୨ ମୁଞ୍ଜିନାୟି ‡ ୪:୨ ୪:୨ ମୁଞ୍ଜିନାୟି

ଏଲେଇଞ୍ଜିମାଞ୍ଜାନେସି, ଏଞ୍ଜାସି ଆମ୍ବାଆସି, ଇଦାଆଁ ନାନୁ ପୁଟିହୁଁମା, ନାନୁ ଏଞ୍ଜାଣାକ୍ ରାସ୍ତାମା, ଅଡ଼େ ଏଞ୍ଜାସି ନିଙ୍ଗେ ଜୀଞ୍ଜୁତି ଏୟୁ ହିୟାତେସିମା □”

୧୧ ଏ ଆୟାଟି ଏଲେଇଚେ, “ଗୁରୁ ନୀ ତାଣା ଏୟୁ କଡାଲି ତାକି ନକି ହିଲେଏ, ଅଡ଼େ ଇ କୁହି କୃତହାମାନେ; ଆତିହୁଁ ନାନୁ ଏମ୍ବିଟି ଏ ଜୀଞ୍ଜୁଗାଟି ଏୟୁ ବେଟାଆହାମାଞ୍ଜି ?

୧୨ ମା ଆକୁୟାଁତି ଆବା ଜାକୁବ ଇ କୁହି ମାଙ୍ଗେ ହାହାମାଞ୍ଜାତେସି, ଅଡ଼େ, ତାନି ମୀରକା ଅଡ଼େ ତାନି କଡ଼ି ଗରି ଇମ୍ବାତି ଏୟୁ ଗସିମାରୁ, ଏଞ୍ଜାଣି କିହାଁ ନାନୁ କି କାଜାତି ?”

୧୩ ଜୀସୁ ଏଲେଇଚେସି, “ଆମ୍ବାଆସି ଇ ଏୟୁ ଗହ୍ନେସି, ଅଡ଼େ ଖେଶ୍ଟେ ଏସ୍ତକି ଆନେସି;

୧୪ ସାମା ନାନୁ ଏମିନି ଏୟୁ ହିୟାକ୍, ଏଞ୍ଜାଆଁ ଆମ୍ବାଆସି ଗହ୍ନେସି, ଏଞ୍ଜାସି ଏଚେଲାଞ୍ଜା ଏସ୍ତକି ଆଅସି, ଇଚିହୁଁ ନାନୁ ଏମିନି ଏୟୁ ହାକ୍, ଏଦି କାଲାକାଲାତି ଜୀଞ୍ଜୁତି ଉସା ଲେହେଁ ଏଞ୍ଜାଣି ତାଣାଟି ଡେଲାବୟା ହାନୁ □”

୧୫ ଆୟାଟି ଏଲେଇଚେ, “ଗୁରୁ, ନାଙ୍ଗେ ଏନିକ୍ ଏସ୍ତକି ଆୟେଏ, ଅଡ଼େ ଏୟୁତାକି ଇଚେକା ହେକ ଇ କୁହିତା ଖାୟାଲି ଆଏ, ଏଦାଆଁତାକି ଏ ଏୟୁ ନାଙ୍ଗେ ହିୟାମୁ □”

୧୬ ଜୀସୁ ଏଦାନି ଏଲେଇଚେସି, “ହାଲାମୁ, ନୀ ତକ୍ରାକ୍ ହାଟାତାମୁ □”

୧୭ ଏ ଆୟାଟି ଏଲେଇଚେ, “ନା ତକ୍ରା ହିଲଅସି □” ଜୀସୁ ଏଦାନି ଏଲେଇଚେସି “ନୀ ତକ୍ରା ହିଲଅସି ଇଞ୍ଜୁଁ ସାତା ଖେସାମାଞ୍ଜି □

୧୮ ନିଙ୍ଗେ ପାସାଜାଣା ତକ୍ରାୟାଁ ମାଚେରି, ଅଡ଼େ ନୀଏଁ ନୀ ତଲେ ଆମ୍ବାଆସି ମାନେସି ଏଞ୍ଜାସି ନୀ ତକ୍ରା ଆଏ ଇଦାଆଁ ସାତା ଖେସାମାଞ୍ଜି □”

୧୯ ଆୟାଟି ଏଲେଇଚେ, “ଗୁରୁ, ନାନୁ ପୁଞ୍ଜିମାକ୍ ନାନୁ ର ମାହାପୁରୁ ଅଣ୍ଟପୁତି ବଲୁ ଖେହ୍ନାତି, ଇଦାଆଁ ନାନୁ ପୁଞ୍ଜିମାକ୍ □

୨୦ ମା ଆକୁ ଆବାୟାଁ ଇ ହରୁ ଲାକ ପ୍ରାତାନା କିହିମାଚେରି; ଅଡ଼େ ମୀ ଜୀହୁଦି ଲକୁ ଏଲେଇଚେରି, ପ୍ରାତାନା କିନି ଟାୟୁ ଆହିମାନେ ଜିରୁସାଲମ □”

୨୧ ଜୀସୁ ଏଦାନି ଏଲେଇଚେସି, “ଇୟା ନା ହାଡାତି ନାମାମୁ, ଏମିନି ବେଲାତା ମୀରୁ ଇ ହରୁତା କି ଜିରୁସାଲମତା ଆବା ତାଣା ପ୍ରାତାନା କିଅଚେରି ଇଲେତି କାଲମି ଖାଚେନ □

୨୨ ଆମ୍ବାଆରାକ୍ ମୀରୁ ପୁଞ୍ଜାହିଲଅଚେରି, ଏଞ୍ଜାଣାକ୍ ପ୍ରାତାନା କିହିମାଞ୍ଜେରି; ଆମ୍ବାଆରାକ୍ ମୀରୁ ପୁଞ୍ଜାମାନାୟି, ଏଞ୍ଜାଣାକ୍ ପ୍ରାତାନା କିହିମାନାୟି, ଇଚିହୁଁ ଗେଲ୍ପିନାୟି ଜୀହୁଦି ଲକୁ ତାଣାଟି ଖାଚେନ □

୨୩ ସାମା ଏମିନି କାଲମିତା ସାତା ତଲେ ପ୍ରାତାନା କିନି ଲକୁ ଜୀଞ୍ଜୁତଲେ ଅଡ଼େ ସାତା ତଲେ ଆବାକ୍ ପ୍ରାତାନା କିନେରି, ଇଲେତି କାଲମି ଖାହିମାନେ; ଅଡ଼େ,

ନୀଏଁ ଜିକେଏ ମାନେ; ଇଚିହୁଁ ଆବା ଇଲେତି ପ୍ରାତାନା କିନାରାକ୍ ପାରିମାନେସି □

୨୪ ମାହାପୁରୁ ସୁଦୁଜୀଞ୍ଜୁ ଗାଟାସି, ଅଡ଼େ ଆମ୍ବାଆରି ତାନି ପ୍ରାତାନା କିନେରି, ଏଞ୍ଜାରି ଜୀଞ୍ଜୁ ଇଞ୍ଜାଁ ସାତା ତଲେ ତାନି ପ୍ରାତାନା କିନାୟିମାନେ □”

୨୫ ଏ ଆୟାଟି ଜୀସୁକ୍ ଏଲେଇଚେ, “ନାନୁ ପୁଞ୍ଜାମାକ୍, ମସିହା, ଆମ୍ବାଆରାକ୍ କ୍ରୀସୁ ଇନେରି, ଏଞ୍ଜାସି ଖାଚେନସି; ଏଚେତା ଏଞ୍ଜାସି ଖାଚେନସି ମାଙ୍ଗେ ବାରେ କାତା ପୁଣ୍ଡି କିୟାନେସି □”

୨୬ ଜୀସୁ ଏଦାନି ଏଲେଇଚେସି, “ନୀଏଁ ନୀ ତଲେ ହାଡା ଆହିମାନାତେଏଁ ନାନୁ, ନାନୁ ଏଞ୍ଜାତେଏଁ □”

୨୭ ଏଚିବେଲାତା ତାନି ସୀସୁୟାଁ ଖାହାନା ତାନୁ ର ଆୟାଟି ତଲେ ହାଡା ଆହିମାନାଣି ମେସାନା କାବା ଆଚେରି, ଆଡ଼ିଜିକେଏ ନୀନୁ ଏନାଆଁ ମନ କିହିମାଞ୍ଜି, ଆଆଡ଼ି ଏନାଆଁତାକି ଏଦାନିତଲେ ହାଡା ଆହିମାଞ୍ଜି ଇଞ୍ଜୁଁ ? ଆମ୍ବାଆରି ଖେନାଆଚେରି □

୨୮ ଏମ୍ବାଟିଏ ଆୟାଟି ଏମ୍ବାଆଁ ତାନି ଏୟୁ ତ:କା ପିସାନା ଗାଡାତା ହାଜାନା ଲକୁଣି ଖେସେ, “ଖାଡୁ, ରଅଣାକ୍ ମେହ୍ଦେରି,

୨୯ ନାନୁ ଏନା ଏନାଆଁ ନା ଜୀଞ୍ଜୁତା କିହାମାକ୍, ଏଞ୍ଜାସି ନାଙ୍ଗେ ବାରେ ଖେସ୍ତାତେସି; ଏଞ୍ଜାସି ମସିହା ଆହାଡ଼ୟିନେସି ?”

୩୦ ଏମ୍ବାଟିଏ ଏମ୍ବାତି ଲକୁ ଗାଡାଟି ହଡାନା ଜୀସୁ ତାଣା ହାଚେରି □

୩୧ ଏଚିବେଲାତା ସୀସୁୟାଁ ବାତିମାଲିହୁଁ ଏଲେଇଚେରି, “ଏ ଗୁରୁ, ତିନାମୁ □”

୩୨ ସାମା ଜୀସୁ ଏଞ୍ଜାରାକ୍ ଏଲେଇଚେସି, “ତିଞ୍ଜାଲି ତାକି ଏମିନି କାଦି ନା ତାଣା ମାନେ, ମୀରୁ ଏ କାଦିତି କାତା ପୁଞ୍ଜାହିଲଅଚେରି □”

୩୩ ସୀସୁୟାଁ ତାମୁ ତାମୁ ହାଡାକାତା ଆଚେରି, “ଆମ୍ବାଆୟି ତାଙ୍ଗେତାକି କାଦି ତାଚା ହାହାମାନେ ହାବୁଲା ?”

୩୪ ଜୀସୁ ଏଞ୍ଜାରାକ୍ ଏଲେଇଚେସି, “ନାଙ୍ଗେ ପାଣ୍ଡାମାଞ୍ଜାନାଣା ଅଣ୍ଟପୁ ଅଡ଼େ ତାନି କାମା ରାପ୍ତନାୟି ଏଦିଏ ନା କାଦି □

୩୫ ଆର୍ନା ଦାଚାଲି ଅଡ଼େ ସାରି ଲେଞ୍ଜୁ ମାନେ, ଇ କାତା ମୀରୁ ଖେସିହିଲଅଚେରି ସାମା ନାନୁ ମିଙ୍ଗେ ଖେସିମାଞ୍ଜାକ୍, ଗୁଡିୟାକା ବାରେ ସିନିକିଦୁ ଏ ବାରେ ଦାଚାଲି ତାକି କାମ୍ବାହାଚେୟିଏ □

୩୬ ନୀଏଁ ଜିକେଏ ଦାଃଆନାରାକି କୁଲି ହୀପ୍ତି ଆହିମାନେ ଅଡ଼େ କାଲାକାଲାତି ଜୀଞ୍ଜୁତାକି ପାଡ଼େୟି କୃଡ଼ି କିହିମାନେରି, ଏନିକିହୁଁ ଦାଃଆନାସି ଅଡ଼େ କୃଡ଼ିକିନାସି ରହେଁଏ ରାହାଁ କିନେରି □

୩୭ ଏନାଆଁତାକି ଇଚିହୁଁ ରଅସି ମାଚିନେସି ଅଡ଼େ ଅଚ ରଅସି ଦାଃଆନେସି ଇ କାତା ସାତା □

୩୮ ମୀରୁ ଏନାଆଁତାକି କାମା କିହାହିଲଅଚେରି, ଏଦାଆଁ ଦାଚାଲି ତାକି ନାନୁ ପାଣ୍ଡାତେଏଁ; ଏଚକାଚାରି କାମା

କିହାମାନେରି, ଅଡ଼େ ମୀରୁ ଏଞ୍ଜାରି କାମାତି ଲାବା ବେଟାଆହିମାଞ୍ଜେରି □

୩୯ “ନାନୁ ଏନା ଏନାଆଁ କିହାମାଲ୍, ଏ କାତା ଏଞ୍ଜାସି ନାଞ୍ଜେ ବାରେ ଖେସ୍ତାତେସି” ଇଞ୍ଜି ଏମିନି ଆୟାଟି ସାକି ହୀହାମାଚେ, ଏଦାନି କାତାତାକି ଏ ଗାଡ଼ାତି ସମିରଣ ଲକୁ ବିତ୍ରାଟି ହାରେକା ଜୀସୁଇଁ ନାମିତେରି □

୪୦ ଅଡ଼େ ସମିରଣ ଲକୁ ଜୀସୁ ତାଣା ଖାହାନା ତାମିତଲେ ଡ଼ୟାଲି ତାକି ତାଞ୍ଜେ ବାଡ଼ିମାଲିତେରି ଜୀସୁ ଏଞ୍ଜାରିତଲେ ଅଡ଼େ ରୀ ଦିନା ଡ଼ୟିତେସି □

୪୧ ଜୀସୁତି ବଲୁ ଖେଞ୍ଜାନା ହାରେକା ଲକୁ ନାମିତେରି □

୪୨ ଏଞ୍ଜାରି ଏ ଆୟାଟିଇଁ ଏଲେଇଚେରି, “ଞ୍ଜାରୁଇ ନୀନୁ ଏଲେଇଞ୍ଜାତାକି ମାମ୍ବୁ ନାମାହିଲଅମି, ସାମା ମାମ୍ବୁ ଖେଞ୍ଜାମାନମି, ଅଡ଼େ, ଇଞ୍ଜାସି ସାତେଏ ଦାର୍ତତିଟି ଗେଲ୍ପିନାସି, ଇଦାଆଁ ମାମ୍ବୁ ପୁଞ୍ଜାମାନମି □”

ଜୀସୁ ସାଲୁଞ୍ଜି କିନାଣି ମୀରୁଏଣାଲ୍ ନେହଁ କିନାୟି

୪୩ ରୀ ଦିନା ତାୟୁ ଜୀସୁ ଏମ୍ବାଟି ହଡ଼ାନା ଗାଲିଲିତା ହାଚେସି □

୪୪ ✨ଇଚିହଁ ଜୀସୁ ତାଞ୍ଜେତାକି ସାକି ହୀହଁ ଏଲେଇଚେସି, “ମାହାପୁରୁ ଅଣ୍ପୁତି ବଲୁ ଖେହ୍ନାରି ଜାହାରା ଦେସାତା ମାନି ବେଟାଆଅରି □”

୪୫ ✨ଅଡ଼େ ଏଞ୍ଜାସି ଗାଲିଲିତା ଏଜାଲିଏ ଏ ଗାଲିଲିତାରି ଏଞ୍ଜାଣାଲ୍ ଆବିତେରି, ଇଚିହଁ ପିସ୍ପିଆନି ପାର୍ବୁ ବେଲ୍ଲାତା ଜୀସୁ ଜିରୁସାଲମତା ଏନା ଏନାଆଁ କିହାମାଚେସି ବାରେ ମେସାମାଚେରି ଏଞ୍ଜାରି ଜିକେଏ ପାର୍ବୁତା ହାଜାମାଚେରି □

୪୬ ✨ଏମ୍ବାଟିଏ ଜୀସୁ ଗାଲିଲିତି କାନା ଗାଡ଼ାତା ଖେଣ୍ଡେ ହାଚେସି, ଏମ୍ବିୟା ଜୀସୁ ଏୟୁଣି ଅଞ୍ଜୁରି ରାସା କିହାମାଚେସି, ଏମ୍ବାଆଁ ପାସାକଡ଼ି କସ୍କା ମୁହେଁ କାଜାସି ରଅସି ମାଚେସି, ତାନି ମୀରୁଏସି କପରନାହୁମତା ଆଡ଼ିହିଲ୍ଲାଆଚେସି □

୪୭ ଜୀସୁ ଜୀହୁଦା ଗାଡ଼ାଟି ଗାଲିଲିତା ଖାହାମାନେସି ଇଞ୍ଜି ଖେଞ୍ଜାନା, ତାନି ତାଣା ହାଜାନା ଏଞ୍ଜାସି ଖାହାନା ଏନିକଁ ତାନି ମୀରୁଏଣାଲ୍ ନେହଁ କିନେସି ଏଦାଆଁତାକି ବାଡ଼ିମାଲିତେସି, ଇଚିହଁ ଏଞ୍ଜାସି ହାନିହ୍ରେ ଥାହାମାଚେସି

୪୮ ଜୀସୁ ଏଞ୍ଜାଣାଲ୍ ଏଲେଇଚେସି, “ସିନା ଅଡ଼େ କାବାଆନି କାମାୟାଁ ମେହ୍ଆତିହଁ ମୀରୁ ଏନିଜିକେଏ ନାମଅତେରି □”

୪୯ ଏ ସାଲୁଞ୍ଜି କିନାସି ଏଲେଇଚେସି, “ଏ ପ୍ରବୁ, ନା ମୀରୁଏସି ହାନି ନକେଏ ନା ତଲେ ଖାମ୍ବୁ □”

୫୦ ଜୀସୁ ଏଞ୍ଜାଣାଲ୍ ଏଲେଇଚେସି, “ହାଲ୍ଲାମ୍ବୁ, ନୀ ମୀରୁଏସି ନୀତିନେସି □” ଏ ମାଣସିଇଁ ଜୀସୁ ଏମିନି ହାଡ଼ା ଖେସ୍ତେସି, ଏଞ୍ଜାସି ଏଦାଆଁ ନାମାନା ହାଚେସି □

୫୧ ଅଡ଼େ, ଏଞ୍ଜାସି ହାଲ୍ଝନିଏ ତାନି ହଲିୟାଞ୍ଜା ଜିରୁତେଏ ନୀ ମୀରୁଏସି ନୀତିତେସି ଇଞ୍ଜି ଖେସ୍ତେରି □

୫୨ ଏଚିବେଲ୍ଲାତା କକାସି ନେହଁ ଆଚେସି, ଏଦାଆଁ ଏଞ୍ଜାସି ଖେଚେସି □ ଏମ୍ବାଟିଏ ଏଞ୍ଜାରି ଏଲେଇଚେରି, “ରେଞ୍ଝନି ସାଡ଼ା ଗଂଟା ବେଲ୍ଲାତା ନଡ଼େରି ପିସ୍ତେ □”

୫୩ ଏମ୍ବାଟି ତାନି ଆବା ପୁଚେସି ଜୀସୁ ଆମିନି ବେଲ୍ଲାତା “ନୀ ମୀରୁଏସି ନୀତିତେସି” ଇଞ୍ଜି ଖେସାମାଚେସି, ଏଚିବେଲ୍ଲାତେଏ ଏଦି ଗଟଞ୍ଜି ଆଚେ □ ଏମ୍ବାଟିଏ, ଏଞ୍ଜାସି ଅଡ଼େ ତାନି ଇଜତି ବାରେ ଇଲୁ କୁଟମି ଜୀସୁ ତାଣା ନାମିତେରି □

୫୪ ଜୀହୁଦାଟିଏ ଗାଲିଲିତା ଖେଣ୍ଡା ଖାହାଁ, ଜୀସୁ ରୀ ପାଲି ତାକି ଇ କାବାଆନି କାମା କିତେସି □



ଜୀସୁ କଡ଼େ ଅଟର ବାର୍ସା ତାଣାଲ୍ ନେହଁ କିନାୟି

୧ ଇଦାଣି ତାୟୁ ଜୀହୁଦି ଲକୁତି ର ପାର୍ବୁ ଆଚେ, ଅଡ଼େ ଜୀସୁ ଜିରୁସାଲମତା ହାଚେସି □

୨ ଜିରୁସାଲମତି ମେଣ୍ଡାୟାଁ ଦୁଖେରି ତାଗେ ର ବାନ୍ଦା ମାନେ; ଏବି ହାଡ଼ାତଲେ ବେଡ଼ସାୟିଦା ଇନେରି, ଏ ବାନ୍ଦାତା ପାସାଗଟା ପିଣ୍ଡାୟାଁ ମାନ୍ବୁ □

୩ ଏମ୍ବାଆଁ କାଣାୟାଁ, ସଗାୟାଁ ଅଡ଼େ ଆଞ୍ଜା ଖାୟିତି ରଗ ଗାଟାରି ହାରେକା ଜାଣା ନେହଁ ଆୟାଲି କାଡ଼ାହାଁ ମାଣ୍ଡିତେରି;

୪ ଇଚିହଁ ଏଚିବେଲ୍ଲାତା ପ୍ରବୁତି ର ଦୂତୁ ବାନ୍ଦାତା ରେଚାନା ଏୟୁ ଖୀଟିହସାରେ, ଅଡ଼େ ଏୟୁ ଖୀତିତି ତାୟୁ ଆମ୍ବାଆସି ତଲିଏ ହଡ଼ନେସି, ଏଞ୍ଜାଣାକି ଏନି ରଗ ଆହାମାଟି ଜିକେଏ ନେହଁ ଆହିମାଚେସି* □

୫ କଡ଼େ ଅଟର ବାର୍ସା ପାଡେକା ରଗ ଗାଟାସି ରଅସି ଏମ୍ବାଆଁ ମାଚେସି □

୬ ଜୀସୁ ଏଞ୍ଜାଣାଲ୍ ଡ଼ୟାମାନାଣି ମେସାନା ଗାଡୁ ଦିନାତି ରଗ ଗାଟାସି ଇଞ୍ଜି ପୁଞ୍ଜାହାଁ ଏଞ୍ଜାଣାଲ୍ ଖେଚେସି, “ନୀନୁ ଏନାଆଁ ନେହଁ ଆହାଲି ମନ କିହିମାଞ୍ଜି ?”

୭ ରଗ ଗାଟାସି ଏଞ୍ଜାଣାଲ୍ ଏଲେଇଚେସି, “ବାବୁ, ଏୟୁ ଖୀତିନାଟି ନାଞ୍ଜେ ବାନ୍ଦାତା ଅହାଲି ତାକି ଆମ୍ବାଆସି ହିଲଅସି; ଅଡ଼େ, ନାନୁ ହାନିବେଲ୍ଲାତା ଅଡ଼େ ରଅସି ନା ନକେଏ ହଡ଼ାହାନେସି □”

୮ ଜୀସୁ ଏଞ୍ଜାଣାଲ୍ ଏଲେଇଚେସି, “ନିଞ୍ଜାମ୍ବୁ, ନୀ ପାସ୍ପନି ଡେକାହାଁ ତାକାମ୍ବୁ □”

୯ ଏ ଦେବୁଣିଏ ଏଞ୍ଜାସି ନେହଁ ଆଚେସି ଅଡ଼େ ତାନି ପାସ୍ପନି ଡେକାନା ତାକାଲି ମାଟ୍‌ହେସି □

ଏ ଦିନା ଜମିନି ଦିନା ମାଚେ □

୧୦ ଇଦାଆଁତାକି, ଜୀହୁଦିୟାଁ ନେହଁ ଆହାମାନି ମାଣ୍ଡିଇଁ ଏଲେଇଚେରି, “ନୀଞ୍ଜୁ ଜମିନି ଦିନା, ପାସ୍ପନି ଡେକା ଅହାଲି ନିଞ୍ଜେତାକି ମେରା ଆଏ □”

✧ ୪:୪୪ ୪:୪୪ ମାତି ୧୩:୫୭; ମାର୍କ ୭:୪; ଲୁକ ୪:୨୪ ✧ ୪:୪୫ ୪:୪୫ ଜହ ୨:୨୩ ✧ ୪:୪୭ ୪:୪୭ ଜହ ୨:୧-୧୧ * ୫:୪ ୫:୪ ଇ କାତା ପୁଞ୍ଜା ପଡ଼ିତା ହିଲେଏ □

୧୧ ସାମା, ଏଞ୍ଜାସି ଏଞ୍ଜାରାଙ୍କ ଏଲେଇରେସି, “ଆମ୍ବାଆସି ନାଙ୍ଗେ ନେହ୍ କିୟାତେସି, ଏଞ୍ଜାସି ନାଙ୍ଗେ ଏଲେଇଞ୍ଜାତେସି, ନୀ ପାସ୍ପନି ତେକାନା ତାକାମୁ □”

୧୨ ଏଞ୍ଜାରି ଏଞ୍ଜାଣାଙ୍କ ଝେରେରି, “ନୀ ପାସ୍ପନି ତେକାନା ତାକାମୁ ଇଞ୍ଜ୍ ଏଲେଇଞ୍ଜାତାସି, ଏଞ୍ଜାସି ଆମ୍ବାଆସି ?”

୧୩ ସାମା ଏଞ୍ଜାସି ଆମ୍ବାଆସି, ଏ ନେହ୍ ଆତାସି ପୁଞ୍ଜା ହିଲାଆତେସି, ଇଚିହ୍ ଏମ୍ବାଆଁ ଲକୁ ମାନ୍ଦା ମାଚାକି ଜୀସୁ ମେହ୍ଆରେଚୁ ହାଜାମାରେସି □

୧୪ ଇଦାଆଁ ତାୟୁ ଜୀସୁ ମାହାପୁରୁ ଇଲୁତା ଏଞ୍ଜାଣାଙ୍କ ମେସାନା ଏଲେଇରେସି, “ମେହ୍ମୁ, ନୀନୁ ନେହ୍ ଆହାମାଞ୍ଜି, ଅଡେ ପାପୁ କିଆନି, ଏନିକ୍ ନିଙ୍ଗେତାକି ଗାଡି କସ୍ତୁ ଖାଏ □”

୧୫ ଏ ମାଣସି ଝେଣ୍ଡା ହାଜାନା, ଆମ୍ବାଆସି ତାଙ୍ଗେ ନେହ୍ କିହାମାରେସି, ଏଞ୍ଜାସି ଜୀସୁ ଇଞ୍ଜ୍ ଜୀହୁଦିଙ୍ଗାଣି ଝେସ୍ତେସି □

୧୬ ଇଦାଆଁତାକି ଜୀସୁ ଜମିନି ଦିନାତା ଇଦାଆଁ କିହିମାଚାକି ଜୀହୁଦିଙ୍ଗା ଏଞ୍ଜାଣାଙ୍କ ନିନ୍ଦା କିହାଲି ମାରୁହେରି □

୧୭ ସାମା ଜୀସୁ ଏଞ୍ଜାରାଙ୍କ ଏଲେଇରେସି, “ନା ଆବା ନୀଏଁ ପାତେକା କାମା କିହିମାନେସି, ଅଡେ ନାନୁ ଜିକେଏ କାମା କିହିମାଙ୍କ □”

୧୮ ଇ ହାଡା ତାକି ଜୀହୁଦିଙ୍ଗା ଜୀସୁଙ୍କ ପାୟାଲି ତାକି ଅଡେ ଗାଡି ଅଣପିତେରି, ଏଞ୍ଜାସି ଜମିନି ଦିନାତ ମେରାଡି ଉରିତେସି ଝାରଇ ଏଦି ଆଏ, ସାମା ମାହାପୁରୁଙ୍କ ନା ଆବା ଇଞ୍ଜ୍ ଝେସାନା ତାଙ୍ଗେ ମାହାପୁରୁ ତଲେ ସମାନା କିହିମାରେସି □

ମୀରୁଏଣି ଅଦିକାରା

୧୯ ଜୀସୁ ଏଞ୍ଜାରାଙ୍କ ଏଲେଇରେସି, “ସାତା ସାତା ନାନୁ ମିଙ୍ଗେ ଝେସିମାଞ୍ଜାଙ୍କ, ମୀରୁଏସି ଆବାଙ୍କ ଏନାଆଁ କିହିମାନାଣି ମେହ୍ନେସି, ଏଦାଆଁ ପିସ୍ପେ ଏଞ୍ଜାସି ତାନୁଏ ଏନାଆଁ କିହାଲି ଆଡଅସି □ ଇଚିହ୍ ଆବା ଏନା ଏନାଆଁ କିନେସି, ମୀରୁଏସି ଜିକେଏ ଏଦାଆଁ ବାରେ ଏଲେକିହ୍ ଏ କିନେସି □

୨୦ ଇଚିହ୍ ଆବା ମୀରୁଏଣାଙ୍କ ଜୀସୁ ନନେସି, ଅଡେ ଏଞ୍ଜାସି ତାନୁ ଏନା ଏନାଆଁ କିନେସି, ଏଦାଆଁ ବାରେ ମୀରୁଏଣାଙ୍କ ତହ୍ନେସି, ଅଡେ ମୀରୁ ଏନିକ୍ କାବା ଆଦେରି, ଏଦାଆଁତାକି ଏଞ୍ଜାସି ଏଞ୍ଜାଣି ତାଣାଟି ଇଦାନି କିହାଁ ଆଡେ କାଜା କାଜା କାମା ତହ୍ନେସି □

୨୧ ଆବା ଏନିକ୍ ହାଡି ଲକୁଣି ନିକହାନା ଜୀସୁ ହୀନେସି, ଏଲେକିହ୍ ଏ ମୀରୁଏସି ଜିକେଏ ଆମ୍ବା ଆମ୍ବାଆରାଙ୍କ ମନ କିନେସି ଏଞ୍ଜାରାଙ୍କ ଜୀସୁ ହୀନେସି □

୨୨ ଆବା ତାନୁଏ ଆମ୍ବାଆରାଙ୍କ ନୀହାଁୟି କିଅସି, ସାମା ବାରେଜାଣା ଏନିକ୍ ଆବାଙ୍କ ମାନି କିହିମାନେରି, ଏଲେକିହ୍ ଏ ମୀରୁଏଣାଙ୍କ ଜିକେଏ ମାନି କିନେରି,

ଏଦାଆଁତାକି ମୀରୁଏଣାକି ବାରେ ନୀହାଁୟି କିହାଲି ଅଦିକାରା ହୀହାମାନେସି □

୨୩ ଆମ୍ବାଆସି ମୀରୁଏଣାଙ୍କ ମାନି କିଅସି, ଏଞ୍ଜାସି ତାଙ୍ଗେ ପାଣ୍ଡାଡି ଆବାଙ୍କ ଜିକେଏ ମାନି କିଅସି □”

୨୪ “ନାନୁ ମିଙ୍ଗେ ସାତା ଝେସିମାଞ୍ଜାଙ୍କ, ଆମ୍ବାଆସି ନା ବଲୁ ଝେଞ୍ଜାନା ନାଙ୍ଗେ ପାଣ୍ଡାତାଣାଙ୍କ ନାମିନାସି, ଏଞ୍ଜାସି କାଲ୍ଲକାଲ୍ଲାଡି ଜୀସୁ ବେଟା ଆହାମାନେସି, ଅଡେ, ଏଞ୍ଜାସି ନୀହାଁୟି କିଞ୍ଜିଆଆନା ହାକିଡି ଜୀଣାଆହାନା ରାଆଗାଟି ଜୀସୁତା ହଡାମାନେସି □

୨୫ ନାନୁ ମିଙ୍ଗେ ସାତା ଝେସିମାଞ୍ଜାଙ୍କ, ର ଦିନା ଝାଡେ ନୀଏଁ ଜିକେଏ ଏଦାତେୟିଏ, ଏମିନି ଦିନାତା ହାଡାରି ମାହାପୁରୁ ମୀରୁଏଣି ହାଡାଡି ଝେନେରି ଅଡେ ଆମ୍ବାଆରି ଝେନାରି ଏଞ୍ଜାରି ନୀଡିନେରି □

୨୬ ଇଚିହ୍ ଆବା ଏନିକ୍ ତାନୁଏ ଜୀସୁ ଗାଚାସି, ଏଲେକିହ୍ ଏ ଏଞ୍ଜାସି ମୀରୁଏଣାଙ୍କ ଜିକେଏ ଜୀସୁ ଗାଚାସି ଆହାଲି ହୀହାମାନେସି □

୨୭ ଅଡେ, ଏଞ୍ଜାସି ମାଣସି ମୀରୁଏସି ଆହାମାନାକି ଏଞ୍ଜାସି ଏଞ୍ଜାଣାକି ନୀହାଁୟି କିନି ଅଦିକାରା ହୀତେସି □

୨୮ ଇଦାଆଁତାକି କାବା ଆଆଦୁ, ଇଚିହ୍ ଏଚିବେଲା ହାଡି ଲକୁ ମାହ୍ଣି ମାଣ୍ଡାଟି ତାନି ଗିୟାଁ ଝେନେରି ଅଡେ ଆମ୍ବାଆରି ସାତା କାମା କିହିମାନେରି,

୨୯ ଏଞ୍ଜାରି ଜୀସୁତା ଝେଣ୍ଡେ ନୀତାଲିତାକି ଅଡେ ଆମ୍ବାଆରି ଲାଗେଏଡି କାମା କିହିମାନେରି, ଏଞ୍ଜାରି ନୀହାଁୟିଡି ତଣ୍ଡ ତାକି ଝେଣ୍ଡେ ନିଙ୍ଗା ଝାଡେରି, ଇଲେଡି ଦିନା ଝାହିମାନେ □”

ଜୀସୁ ଝାକିଟି ସାକି

୩୦ “ନାନୁ ନା ତାଣାଟି ଏନାଆଁ କିହାଲି ଆଡଅଁ; ନାନୁ ଏନିକ୍ ଝେଙ୍କ, ଏଲେକିହ୍ ଏ ନୀହାଁୟି କିଙ୍କ, ଅଡେ ନା ନୀହାଁୟି ଟିକାଣାତାୟି, ଇଚିହ୍ ନାନୁ ନା ମନତଲେ କିହାଲି ଅଣପାଆନା, ନାଙ୍ଗେ ପାଣ୍ଡାତାଣା ମନ ଲେହେଁ କିହାଲି ଅଣପିମାଙ୍କ □”

୩୧ “ନାନୁ ନାଙ୍ଗେତାକି ସାକି ହୀଙ୍କ, ଆଡିଜିକେଏ ନା ସାକି ସାତା ଆଏ □

୩୨ ନା କାତାଡି ଆମ୍ବାଆସି ସାକି ହୀନେସି, ଏଞ୍ଜାସି ଅର ରଅସି; ଅଡେ, ନା କାତାତାକି ଏଞ୍ଜାଣି ସାକି ସାତା, ଏଦାଆଁ ନାନୁ ପୁଞ୍ଜାମାଙ୍କ □

୩୩ ☆ମୀରୁ ଜହନ ତାଣା ଲକୁଣି ପାଣ୍ଡାମାଞ୍ଜେରି ଅଡେ ଏଞ୍ଜାସି ସାତା ତାକି ସାକି ହୀହାମାନେସି □

୩୪ ସାମା ନାଙ୍ଗେ ମାଣସି ତାଣାଟି ସାକି ଲଡା ଆଏ, ସାମା ମୀରୁ ଏନିକ୍ ଗେଲ୍ପି ଆଦେରି, ଏଦାଆଁତାକି ଇ ବାରେ ଝେସିମାଞ୍ଜାଙ୍କ □

୩୫ ଜହନ ଡୀଞ୍ଜିଡି ମିଣସିମାନି ଦୀଞ୍ଜ୍ ମାରେସି, ଇଞ୍ଜା ମୀରୁ ଏଞ୍ଜାଣି ଉଜେଡିତା ଗାଡେକା ତାକିଏ ରାହାଁ ଆହାଁ ମାଞ୍ଜାଲି ମନ କିହିମାରେରି □

୩୬ ସାମା ଜହନତି ସାକି କିହାଁ ନା ତାଣା ହାରେକା କାଜା ସାକି ମାନେ, ଏନାଆଁତାକି ଇଚିହଁ ଆବା ନାଜେ ଏନି ଏନି କାମା ରାପୁହାଲି ହାହାମାଞ୍ଜାନେସି, ନାନୁ ଏନିନି କାମା କିହିମାଲି, ଆବା ନାଜେ ପାଣ୍ଡାମାଞ୍ଜାନେସି ଇଞ୍ଜି ଏ ବାରେ ନା ଖାକିଟି ସାକି ହାହିମାନେସି □

୩୭ ଅଡେ ଏନିନି ଆବା ନାଜେ ପାଣ୍ଡାତେସି, ଏଞ୍ଜାସି ନା ତାକି ସାକି ହାହାମାନେସି □ ମୀରୁ ଏଚେଲା ଏଞ୍ଜାଣି ହାଡ଼ା ଖେଞ୍ଜା ହିଲଅତେରି କି ତାନି ମୁମୁ ଚେସା ହିଲଅତେରି □

୩୮ ଅଡେ ଏଞ୍ଜାଣି ବଲୁ ମୀ ହିୟାତା ଇଚାହିଲଅତେରି, ଇଚିହଁ ଏଞ୍ଜାସି ଆମ୍ବାଆରାଲି ପାଣ୍ଡାତେସି ମୀରୁ ଏଞ୍ଜାଣାଲି ନାମିହିଲଅତେରି □

୩୯ ମୀରୁ ଦାମୁ ପତିତି କାତା ପାରିମାଞ୍ଜେରି, ଇଚିହଁ ଏମ୍ବାଆଁ କାଲକାଲାତି ଜୀଞ୍ଜୁ ବେଟାଆହାମାନମି ଇଞ୍ଜି ଅଣ୍ଡପିମାଞ୍ଜେରି ଅଡେ ଏ ଦାମୁ ପତି ନା ଖାକିଟି ସାକି ହାହିମାନେ □

୪୦ ସାମା ମୀରୁ ଜୀଞ୍ଜୁ ବେଟାଆହାଲି ତାକି ନା ତାଣା ଖାହାଲି ମନ କିହିହିଲଅତେରି □

୪୧ “ନାନୁ ମାଣ୍ଡସିୟାଁ ତାଣାଟି ଗାଞ୍ଜୁରମି ପାରିହିଲଅଁ □

୪୨ ସାମା ନାନୁ ମିଜେ ପୁଞ୍ଜାମାଞ୍ଜାଲି, ମୀ ହିୟାତା ମାହାପୁରୁତି ଜୀଞ୍ଜୁନନାୟି ହିଲେଏ □

୪୩ ନାନୁ ନା ଆବା ଦରୁଟି ଖାହାମାଲି, ଅଡେ ମୀରୁ ନାଜେ ଅପିମାଞ୍ଜଅତେରି; ଅର ରଅସି ତାନି ଦରୁଟି ଖାଡ଼ିହଁ, ମୀରୁ ଏଞ୍ଜାଣାଲି ଅପିଦେରି □

୪୪ ମୀରୁ ଏନିକଁ ନାମିମାଞ୍ଜେରି ? ମୀରୁ ମୀ ତାଣାଟି ଗାଞ୍ଜୁରମି ବେଟାଆହି ମାଞ୍ଜେରି, ଅଡେ ଏନିନି ରଣ୍ଡିଏ ମାହାପୁରୁ ତାଣାଟି ଗାଞ୍ଜୁରମି ଏଦାଆଁ ବେଟାଆହାଲି ମନ କିହିହିଲଅତେରି

୪୫ ନାନୁ ଆବା ନକିତା ମୀ କପାଟି ଦହ ଦସ୍ତାଲି, ଏଲେଇଞ୍ଜି ଅଣ୍ଡପାଆଦୁ; ଆମିନି ମସା ତାଣା ମୀରୁ ବାସୁ ଇଚାମାଞ୍ଜେରି, ଏଞ୍ଜାସିଏ ମୀ କପାଟି ଦହ ଦସି ମାଞ୍ଜାନେସି □

୪୬ ଇଚିହଁ ମୀରୁ ମସାଲି ନାମା ମାଚିହଁ, ନାଜେ ଜିକେଏ ନାମାତେରିମା, ଇଚିହଁ ଏଞ୍ଜାସି ନା କାତେଏ ରାଚାମାନେସି □

୪୭ ସାମା ମୀରୁ ଏଞ୍ଜାଣି ରାଚାମାନି କାତା ନାମା ହିଲଅତେରି, ଆତିହଁ ନା କାତା ଏନିକଁ ନାମିଦେରି ?”



ଜୀସୁ ପାସାମାଣା ଲକୁଣି ତୀହନାୟି

(ମାତି ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

୧ ଇଦାଆଁ ତାୟୁ ଜୀସୁ ଗାଲିଲି ସାମ୍ବୁରି, ଇଚିହଁ ଡିବିରିୟା ସାମ୍ବୁରି ଆତାଲାଞ୍ଜାକି ହାଚେସି □

୨ ଅଡେ ଏଞ୍ଜାସି ରଗ ଗାଟାରାଲି ଏନି ଏନି କାବାଆନି କାମା କିହାମାଚେସି, ଏ ବାରେ ମେସାନା ହାରେକା ଲକୁ ଏଞ୍ଜାଣି କେଚ କେଚ ହାଚେରି □

୩ ଏମ୍ବାଟିଏ ଜୀସୁ ସୀସୁୟାଁ ତଲେ ର ହରୁ ଲାକ ହାଜାନା କୁରିତେସି □

୪ ଏଚିବେଲା ଜୀହୁଦି ଲକୁଡି ପିସ୍ପିଆନି ପାରୁଁ ତାଗେ ଆହାମାଚେ □

୫ ହାରେକା ଲକୁ ତାନି ତାଣା ଖାହିମାନାଣି ମେସାନା, ଜୀସୁ ପିଲିପଲି ଏଲେଇଚେସି, “ଇଞ୍ଜାରାକି ତିଞ୍ଜାଲି ମାର ଆମ୍ବିଟି ରାନ୍ଦା କତିନାୟି ?”

୬ ସାମା ଏଞ୍ଜାସି ପିଲିପଲି ତାୟିପାରି କିୟାଲି ଏଲେଇଚେସି, ଇଚିହଁ ଏଞ୍ଜାସି ଏନାଆଁ କିନାୟିମାନେ, ଏଦାଆଁ ତାନ୍ଦୁଏ ପୁଞ୍ଜାମାଚେସି □

୭ ପିଲିପ ଏଞ୍ଜାଣାଲି ଏଲେଇଚେସି, “ବାରେ ଲକୁତାକି ଇଚା ଇଚାଣି ତିଞ୍ଜାଲି ରୀ ଖାଞ୍ଜାଟିଏ ଆଗାଡ଼ା ଖେଣ୍ଡି ଟାକାୟାଟି* ରୁଟି ଜିକେଏ ହାଲାଡ଼ □”

୮ ତାନି ସୀସୁୟାଁ ବିତ୍ରାଟି, ସିମନ ପିତର ତାୟି ଆହିୟ ଦରୁଗାଟାସି ଜୀସୁଲି ଏଲେଇଚେସି,

୯ “ଇମ୍ବାଆଁ ର କକାସି ମାନେସି, ତାନିତାଣା ପାସାଗଟା ରୁଟି ଇଞ୍ଜା ଖାଜିତି ମୀଣ୍ଡକା ରିଣ୍ଡି ମାନୁ, ସାମା ଇଚେକା ଲକୁତାକି ଏଞ୍ଜି ହାଲିନୁ କି ?”

୧୦ ଜୀସୁ ଏଲେଇଚେସି, “ଲକୁଣି କୁପକି କିଦୁ □” ଏ ଗାୟୁତା ହାରେକା ଗାକଁ ଜାଡ଼ା ମାଚେ □ ଏମ୍ବାଆଁ ପାସାମାଣା ଆବାୟାଁ କୁରିତେରି □

୧୧ ଏମ୍ବାଟିଏ ଜୀସୁ ରୁଟି ଆସାନା ମାହାପୁରୁଲି ଜହରା ହାହାନା ଏମ୍ବାଆଁ କୁଗାମାନାରାକି ଏଦାଆଁ ବାଟିକିହାଁ ହାଚେରି, ମୀଣ୍ଡକା ଜିକେଏ ଏଲେକିହଁ ଏ ବାଟିକିଚେରି, ଏଚେକା ମନ କିଚେରି ଏଞ୍ଜାରାକି ଏଚେକା ହାଚେରି □

୧୨ ଅଡେ ଏଞ୍ଜାରି ବାରେ ପାଞ୍ଜିତି ତାୟୁ, ଜୀସୁ ତାନି ସୀସୁୟାଁଲି ଏଲେଇଚେସି, “ଏଚେକା ହାରାମାନେ, ଏଦାଆଁ ବାରେ କୁଡ଼ି କିଦୁ ଏନିକଁ ଇଚାୟି ଜିକେଏ ନସ୍ତ ଆଏ □”

୧୩ ଏଚେଟିଏ ଲକୁ ଡିଟି ତାୟୁ ପାସାଗଟା ରୁଟି ବିତ୍ରାଟି ହାରାମାଟି ମୁକାୟାଁ ବାର ତାଲି କୁଡ଼ି କିଚେରି □

୧୪ ଜୀସୁଡି ଇ କାବାଆନି କାମା ମେସାନା ଲକୁ ଏଲେଇଚେରି, “ଆମିନି ମାହାପୁରୁ ଅଣ୍ଡପୁଡି ବଲୁ ଖେକନାସି ଦାରୁଡିତା ଖାନାୟି ମାଚେ, ଏଞ୍ଜାସି ସାତେଏ ଇଞ୍ଜାସି □”

୧୫ ଏଦାଆଁତାକି ଏଞ୍ଜାରି ଖାହାନା ରାଜା କିୟାଲି ବାଲ୍‌ମିଟି ଆସା ଅୟାନେରି ଇଞ୍ଜି ପୁଞ୍ଜାନା ଜୀସୁ ଏଚକା ଆହାନା ରଅସିଏ ଦାରିତା ମାଚି ହରୁ ଲାକ ହଚାହାଚେସି □

ଜୀସୁ ଏୟୁ ଲାକ ତାକିନାୟି

(ମାତି ୧୪:୨୨-୩୩; ମାର୍କ ୬:୪୫-୫୨)

୧୬ ମିଡ଼ଅଲା ଆହାଲିଏ ତାନି ସୀସୁୟାଁ ସାମ୍ବୁରି ଗାରୁତା ହାଚେରି □

୧୭ ଅଡେ ସାମ୍ବୁରି ଆତାଲା ମାନି କପରନାହୁମ ଖାକି ହାଜାଲି ତଂଗତା ହଚେରି □ ଆନ୍ଦେରି ଆହାହାଚେ,

* ୬:୭ ଖେଣ୍ଡି ଟାକା ର ରୁପାଟାକା ର ଦିନାଡି କୁଲି ମାତି ୨୦:୨

ଅଡ଼େ, ଜୀସୁ ଏଚିବେଲା ପାତେକା ଏଞ୍ଜାରିତାଣା ଖାହା ହିଲାଆତେସି □

୧୮ ଇଞ୍ଜା କାଜା ଗାଲି ଖେଟିମାଚାକି ସାମ୍ବୁରିତା ଆଜିହପେତି ଏୟୁ ଉଣ୍ଡାୟା ନିଜିମାଚୁ □

୧୯ ଏଚିବେଲା ଏଞ୍ଜାରି ସ କିଲମିଟର ହେକ ହାଜାଲିଏ ଜୀସୁ ସାମ୍ବୁରିତା ତାକିହଁ ତଂଗ ଖାକି ଖାହିମାନାଣି ମେସାନା ଆଜିତେରି □

୨୦ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ଆଜାଆତୁ ଇଞ୍ଜାତେସି ନାନୁ □”

୨୧ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ତଂଗତା ଅହାଲି ମନ କିତେରି, ଅଡ଼େ, ଏମିନି ସାମ୍ବୁରି ଗାଚୁତା ହାଜିମାଚେରି, ଦେବୁଣିଏ ଏ ଗାୟୁତା ତଂଗ ଏତେ □

ଜୀସୁଇଁ ଲକୁ ପାରିନାୟି

୨୨ ଏ ଗାୟୁତା ର ତଂଗ ପିସପେ ଏଟକାତି ତଂଗୟାଁ ହିଲାଆତୁ, ଅଡ଼େ ଏମ୍ବାଆଁ ଜୀସୁ ତାନି ସାସୁୟାଁ ତଲେ ହାଜାହିଲାଆତେସି, ସାମା ଖାଚଇ ସାସୁୟାଁ ହାଜାମାଚେରି, ଇଦାଆଁ ଆମିନି ଲକୁ ତାନି ଅର ନେଚୁ ସାମ୍ବୁରି ଆତାଲା ନିତାମାଚେରି ଏଞ୍ଜାରି ମେସାମାଚେରି □

୨୩ ଆମିନି ତାଣା ଜୀସୁ ଜହରା କିହାନା ଲକୁଣି ରୁଟି ତିଞ୍ଜାଲି ହାହାମାଚେସି, ତିବିରିୟାତି ଅଡ଼େ ଏଚରଗଟା ତଂଗାୟାଁ ଏ ଗାୟୁତା ଖାଚୁ □

୨୪ ଇଞ୍ଜା ଜୀସୁ ତାନି ସାସୁୟାଁ ଏମ୍ବାଆଁ ହିଲାଆତେରି, ଇଦାଆଁ ମେସାନା ବାରେ ଲକୁ ଇ ତଂଗତା ହଚାନା ଜୀସୁଇଁ ପାରି ପାରିହଁ କପରନାହୁମତା ଖାଚେରି □

ଜୀସୁ ଜୀଞ୍ଜୁତି ରାନ୍ଦା

୨୫ ଏଞ୍ଜାରି ସାମ୍ବୁରି ଆତାଲା ଜୀସୁଇଁ ବେଟାଆହାନା ଖେଚେରି, ଏ “ଗୁରୁ, ନାନୁ ଏଚିବେଲା ଇମ୍ବାଆଁ ଖାଚି ?”

୨୬ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଇଁ, ନା କାବାଆନି କାମା ମେସ୍ତାକି ନାଜେ ପାରିମାଞ୍ଜାଦେରି ଏଡି ଆଏ, ସାମା ରୁଟି ତିଞ୍ଜା ପାଞ୍ଜିତାକି ମୀରୁ ନାଜେ ପାରିମାଞ୍ଜାଦେରି □

୨୭ ସୀରୁନି ରାନ୍ଦା ତାକି କାମା କିଆନା, କାଲାକାଲାତି ଜୀଞ୍ଜୁତାକି ତୟିନି ରାନ୍ଦା ତାକି କାମା କିଦୁ, ଏ ରାନ୍ଦା ମାଣ୍ଡସି ମୀରୁଏସି ମିଜେ ହିୟାନେସି, ଇଚିହଁ ତାନି ଆବା ମାହାପୁରୁ ଏଞ୍ଜାଣାକି ଅଦିକାରା ହାହାମାନେସି □”

୨୮ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଖେଚେରି, “ମାହାପୁରୁତି ବାରେ କାମା କିହାଲିତାକି ମାଜେ ଏନାଆଁ କିହାଲି ଆଚେନ ?”

୨୯ ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜାନେସି, ଏଞ୍ଜାଣି ତାଣା ନାମିନାୟି ମାହାପୁରୁତି କାମା □”

୩୦ ଏଚେଟିଏ ଏଞ୍ଜାରି ଏଞ୍ଜାଣାଇଁ ଖେଚେରି, “ଆତିହଁ ନାନୁ ସିନାଲେହେଁ ଏନାଆଁ କିହିମାଞ୍ଜି, ଏଦାଆଁ ମେସାନା ମାମ୍ବୁ ନିଜେ ନାମାନମି ?

୩୧ ମା ଆକୁ ଆବାୟାଁ ଲକୁ ତୟାଆ ଚାୟୁତା ‘ମାନା’† ତିଞ୍ଜା ମାଚେରି, ଦାମ୍ବୁପତିତା ରାୟକି ଆହାମାନେ, ତିଞ୍ଜାଲି ଏଞ୍ଜାସି ଏଞ୍ଜାରାକି ଲାକପୁରୁଟି ରାନ୍ଦା ହାତେସି □”

୩୨ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ସାତା ସାତା ନାନୁ ମିଜେ ଖେସିମାଞ୍ଜାଇଁ, ମସା ମିଜେ ଲାକପୁରୁଟି ରାନ୍ଦା ହାହାମାଞ୍ଜାଅସି, ସାମା ନା ଆବା ମିଜେ ଲାକପୁରୁଟି ସାତା ରାନ୍ଦା ହିୟାନେସି;

୩୩ ଇଚିହଁ ଆମିନି ରାନ୍ଦା ଲାକପୁରୁଟି ଖାହାନା ଦାରୁତି ଲକୁଣି ଜୀଞ୍ଜୁ ହାନେ, ଏଡି ମାହାପୁରୁ ହିୟାତି ରାନ୍ଦା □”

୩୪ ଏଞ୍ଜାରି ଜୀସୁଇଁ ଏଲେଇଚେରି, “ପୁବୁ, ମାଜେ ବାରେଦିନା ଏ ରାନ୍ଦା ହିୟାମୁ □”

୩୫ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁଏ ଜୀଞ୍ଜୁତି ରାନ୍ଦାତେସି; ଆମ୍ବାଆସି ନା ତାଣା ଖାଚେସି, ଏଞ୍ଜାସି ଏଚେଲା ହାକି ଆଅସି, ଅଡ଼େ ନା ତାଣା ନାମିନାସି, ଏଚେଲା ଏସକି ଆଅସି □

୩୬ ସାମା ନାନୁ ମିଜେ ଖେସିମାଞ୍ଜାଇଁ, ମୀରୁ ନାଜେ ମେସ୍ତାତି ଜିକେଏ ନାମିମାଞ୍ଜାଅତେରି □

୩୭ ଆବା ନାଜେ ଆମ୍ବାଆରାଇଁ ହିୟାନେସି, ଏଞ୍ଜାରି ବାରେଜାଣା ନା ତାଣା ଖାଚେରି; ଅଡ଼େ ନା ତାଣା ଖାନ୍ଦାଣାଇଁ, ନାନୁ ଏଚେଲାଖା ପାଙ୍ଗାତା ପିହୁଅଁ □

୩୮ ଇଚିହଁ ନାନୁ ଅଣ୍ଡପିନି ଲେହେଁ କିହାଲି ଖାହାହିଲଅଁ, ସାମା ନାଜେ ପାଣ୍ଡାତାଣା ଅଣ୍ଡୁ ତଲେ କିହାଲି ଲାକପୁରୁଟି ଖାହାମାଇଁ □

୩୯ ଅଡ଼େ ନାଜେ ପାଣ୍ଡାମାଞ୍ଜାନାସି ଆମିନି ଗାଟାରାଇଁ ନାଜେ ହିୟାନେସି, ଏଞ୍ଜାରି ବିତ୍ରାଟି ଆମ୍ବାଆରାଇଁ ଜିକେଏ ଏନିକଁ ନାନୁ ଜାକ୍ଅଁ, ସାମା ରାନି ଦିନାତା ଏଞ୍ଜାରାଇଁ ହାତାରି ତାଣାଟି ନିକ୍ଇଁ, ଇଦି ଏଞ୍ଜାଣି ଅଣ୍ଡୁ □

୪୦ ଇଚିହଁ ଆମ୍ବାଆସି ମୀରୁଏଣାଇଁ ମେସାନା ଏଞ୍ଜାଣି ତାଣା ନାମିନେସି, ଏଞ୍ଜାସି ଏନିକଁ କାଲାକାଲାତି ଜୀଞ୍ଜୁ ବେଟା ଆଚେସି, ଇଦି ନା ଆବାତି ଅଣ୍ଡୁ, ଅଡ଼େ ନାନୁ ଏଞ୍ଜାଣାଇଁ ରାନି ଦିନାତା ହାତାରି ତାଣାଟି ନିକ୍ଇଁ □”

୪୧ ନାନୁ ଲାକପୁରୁଟି ରେଟା ଖାହାମାନି ରାନ୍ଦାତେସି ଇଞ୍ଜୁ ଏଞ୍ଜାସି ଏଲେଇଞ୍ଜାଲିଏ ଜୀହୁଦିୟାଁ ଏଞ୍ଜାଣି କପାଟି ଏଲେଇଞ୍ଜି ଜଲ୍ଲକି ଆଚେରି □

୪୨ “ଇଞ୍ଜାସି ଜସେପ ମୀରୁଏସି ଜୀସୁ ଆଏକି, ଅଡ଼େ ମୀରୁ ଇଞ୍ଜାଣି ଇୟା ଆବାତି ପୁଞ୍ଜାହିଲାଆୟି କି ? ଆତିହଁ ନାନୁ ଲାକପୁରୁଟି ରେଟା ଖାହାମାଇଁ ଇଞ୍ଜୁ ଏଞ୍ଜାସି ନୀଏଁ ଏନିକଁ ଖେସିମାନେସି ?”

୪୩ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ମୀରୁ ମୁରୁମୁର ଜଲ୍ଲକି ଆଆଦୁ □”

୪୪ ନାଜେ ପାଣ୍ଡାମାଞ୍ଜାନି ଆବା ଆମ୍ବାଆରାଇଁ ରେଜା କତିନେସି, ଏଞ୍ଜାସିଦେଁ ନା ତାଣା ଖାହାଲି ଆଡିନେସି, ଅଡ଼େ ନାନୁ ରାନି ଦିନାତା ଏଞ୍ଜାଣାଇଁ ହାତାରି ତାଣାଟି ନିକ୍ଇଁ □

† ୬:୩୧ ୬:୩୧ ମାନା ଇଚିସାରେ ଇସ୍ରାୟେଲ ଲକୁକି ମାହାପୁରୁ ହାହାମାଟି କାଡିତି ଦରୁ

୪୫ ମାହାପୁରୁ ଅଶ୍ଵତ୍ଠି ବଲୁ ଝେହନାରି ଦାମ୍ଭୁପତିତା ରାସ୍ତି ଆହାମାନେ, “ବାରେଜାଣା ମାହାପୁରୁ ତାଣାଟି ଜାପିନେରି □ ଆମ୍ବାଆସି ଆବାତି କାତା ଝେଞ୍ଜାନା ଜାପାମାନେସି, ଏଝାସି ନା ତାଣା ଝାନେସି □

୪୬ ଆମ୍ବାଆସି ଆବାଇଁ ମେସାହିଲଅସି, ଆମ୍ବାଆସି ମାହାପୁରୁ ତାଣାଟି ଝାହାମାନାସି, ଝାରଇ ଏଝାସି ମେସାମାନେସି □

୪୭ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମ୍ବାଆସି ନାମିନେସି, ଏଝାସି କାଲାକାଲାତି ଜୀଝୁ ବେଟା ଆହାମାନେସି □

୪୮ ନାନୁ ଜୀଝୁତି ରାନ୍ଦାତେଏଁ □

୪୯ ମୀ ଆକୁ ଆବାୟାଁ ଲକୁ ଡୟାଆ ଟାୟୁତା ମାନା ତିଞ୍ଜାନା, ହାଡେରି □

୫୦ ଆମ୍ବାଆରି ଏନିକ୍ ରାନ୍ଦା ତିଞ୍ଜାନା ହାଅରି, ଏଦାଆଁତାକି ଲାକପୁରୁଟି ଝାନି ରାନ୍ଦା ଇଦି □

୫୧ ନାନୁ ଲାକପୁରୁଟି ଝାହାମାନି ଏ ଜୀଝୁଗାଟି ରାନ୍ଦାତେଏଁ; ଆମ୍ବାଆସି ଏ ରାନ୍ଦା ତିନେସି, କାଲାକାଲା ତାକି ନୀତିନେସି; ହାଅ, ନାନୁ ଏମିନି ରାନ୍ଦା ହାଇଁ, ଏଝି ନା ଡଙ୍ଗା, ନାନୁ ଏଝାଆଁ ଦାରତିତି ଜୀଝୁତାକି ହାଇଁ □”

୫୨ ଇ ହାଡା ଝେଞ୍ଜାନା ଜୀହୁଦିୟାଁ କାର୍ବି ଆହାନା ଏଲେଇଶ୍ଵି ଆଡେରି, “ଇଝାସି ଏନିକ୍ ମାଙ୍ଗେ ତାନି ଡଙ୍ଗା ତିଞ୍ଜାଲି ହିୟାଲି ଆଡାନେସି ?”

୫୩ ଜୀସୁ ଏଝାରାଇଁ ଏଲେଇଚେସି, “ନାନୁ ସାତା ଝେସିମାଞ୍ଜାଇଁ, ମାଣସି ମୀରଏଣା ଡଙ୍ଗା ତିନାଆସାରେ ଅଡେ ତାନି ନେଡେରି ଗହଆସାରେ, ମୀ ତାଣା ଜୀଝୁ ହିଲେଏ □

୫୪ ଆମ୍ବାଆସି ନା ଡଙ୍ଗା ତିନେସି ଅଡେ ନା ନେଡେରି ଗହନେସି, କାଲାକାଲାତି ଜୀଝୁ ବେଟା ଆନେସି, ଅଡେ ନାନୁ ଏଝାଣାଇଁ ରାନ୍ଦି ଦିନାତା ହାଡାରି ତାଣାଟି ନିକ୍ଇଁ □

୫୫ ଇଚିହ୍ ନା ଡଙ୍ଗା ସାତା ରାନ୍ଦା ଅଡେ ନା ନେଡେରି ସାତା ଗହନାୟି □

୫୬ ଆମ୍ବାଆସି ନା ଡଙ୍ଗା ତିନେସି ଅଡେ ନା ନେଡେରି ଗହନେସି, ଏଝାସି ନା ତାଣା ଡୟିନେସି ଅଡେ ନାନୁ ଏଝାଣା ତାଣା ଡୟିଇଁ □

୫୭ ଜୀଝୁତି ଆବା ନାଙ୍ଗେ ଏନିକ୍ ପାଣ୍ଡାମାଞ୍ଜାନେସି ଅଡେ ନାନୁ ତାନିତାଣାଟି ନୀତାମାଇଁ, ଏଲେକିହ୍ ଏ ଆମ୍ବାଆସି ନାଙ୍ଗେ ତିଞ୍ଜାନେସି, ଏଝାସି ଜିକେଏ ନା ତାଣାଟି ନୀତିନେସି □

୫୮ ଆମିନି ରାନ୍ଦା ଲାକପୁରୁଟି ଝାହାମାନେ, ଏଦି ଇଦି; ମୀ ଆକୁ ଆବାୟାଁ ଏନିକ୍ ତିଞ୍ଜାନା ହାଡେରି, ଇଦି ଏଲେତାୟି ଆଏ, ଆମ୍ବାଆସି ଇ ରାନ୍ଦା ତିନାସି ଏଝାସି କାଲାକାଲା ତାକି ଜୀଝୁତଲେ ଡୟିନେସି □”

୫୯ ଜୀସୁ କପରନାହୁମତି ର ଜୀହୁଦି ଲକୁତି କୁଟମି ଇଲୁତାଃ ମାହାପୁରୁ ବଲୁ ଝେସିମାଟାଟି ଇ ବାରେ କାତା ଝେସେସି □

କାଲାକାଲା ଜୀଝୁତି ବଲୁ

୬୦ ଜୀସୁତି ସୀସୁୟାଁ ବିତ୍ରାଟି ହାଡେରକା ଇ ବାରେ କାତା ଝେଞ୍ଜାନା ଏଲେଇଚେରି, “ଇଦି ଅପାଆଗାଟି କାତା, ଆମ୍ବାଆସି ଇଦାଆଁ ଝେଞ୍ଜାଲି ଆଡିନେସି ?”

୬୧ ଏଝାରି ଇ କାତାତାକି ଝେସ୍ପି ଆହିମାନେରି ଇଞ୍ଜି ଜୀସୁ ପୁଞ୍ଜାନା ସୀସୁୟାଁଇଁ ଏଲେଇଚେସି, “ଇ କାତା ମିଙ୍ଗେ ଅପାଆଗାଟାୟି ଆହିମାନେ କି ?

୬୨ ଆଡିହ୍ ମାଣସି ମୀରଏସି ତଲିଏ ମାଟି ଟାୟୁତା, ଝେଣ୍ଡେ ହାନାଣି ମେସ୍ପିହ୍, ଏନାଆଁ ଇଞ୍ଜେରି ?

୬୩ ମାହାପୁରୁଟି ଜୀଝୁ ନୀତାଲି ହୀନାୟି; ମାଣସିତି ଆଙ୍ଗା ଏନାଆଁ କିୟାଲି ଆଡେଏ; ନାନୁ ମିଙ୍ଗେ ଝେସ୍ପାତି ବଲୁ ବାରେ, ସୁଦୁଜୀଝୁ ଅଡେ ନୀତିନି ବଲୁ □

୬୪ ସାମା ମୀ ବିତ୍ରାଟି ଏଚରଜାଣା ନାମିହିଲଅରି” ଇଚିହ୍ ଆମ୍ବାଆରି ନାମି ହିଲାଆଡେରି ଅଡେ ଆମ୍ବାଆସି ଏଝାଣାଇଁ ସାତୁ କେୟୁତା ହେରପିନେସି ଏଦାଆଁ ଜୀସୁ ତଲିଏ ପୁଞ୍ଜାମାଚେସି □

୬୫ ଅଡେ ଏଝାସି ଏଲେଇଚେସି, “ଏଦାଆଁତାକି ନାନୁ ମିଙ୍ଗେ ଝେସିମାଞ୍ଜାଇଁ, ଆବା ହେଲ ହୀଆଡିହ୍ ଆମ୍ବାଆସି ନା ତାଣା ଝାୟାଲି ଆଡଅସି □”

୬୬ ଏ ଦିନାଟିଏ ତାନି ସୀସୁୟାଁ ବିତ୍ରାଟି ହାଡେରକା ଜାଣା ଅପାଆନାହାଁ ହାଜାଡୁସ୍ପେରି, ଇଞ୍ଜା, ଏଝାଣିତଲେ ଅଡେ ହାଲାଆଡେରି □

୬୭ ଏମ୍ବାଟିଏ ଜୀସୁ ବାରଜାଣା ସୀସୁୟାଁଣି ଝେଚେସି, “ମୀରୁ ଜିକେଏ ହାଜାଲି ମନ କିହିମାଞ୍ଜେରି କି ?”

୬୮ ଶସିମନ ପିତର ଏଝାଣାଇଁ ଏଲେଇଚେସି, “ପ୍ରବୁ ଆମ୍ବାଆରି ତାଣା ହାନମି ? କାଲାକାଲାତି ଜୀଝୁତି ବଲୁ ନୀ ତାଣା ମାନେ □

୬୯ ନାନୁ, ମାହାପୁରୁ ତାଣାଟି ଝାହାମାନି ଏ ସୁଦୁ ମାଣସିତି ଇଦାଆଁ ମାମ୍ବୁନାମା ମାନମି ଅଡେ ପୁଞ୍ଜାମାନମି □”

୭୦ ଜୀସୁ ଏଝାରାଇଁ ଏଲେଇଚେସି, “ନାନୁ ଏନାଆଁ ମୀ ବାରଜାଣାଡେରି ମିଙ୍ଗେ ଆଡାମାଞ୍ଜଅଁ କି ? ଅଡେ ମୀ ବିତ୍ରାଟି ରଅସି ସୟତାନ □”

୭୧ ଏଝାସି ଇସ୍ପାରିୟତ ସିମନ ମୀରଏସି ଜୀହୁଦାଇଁ ସିନିକିହାନା ଏଲେଇଚେସି, ଇଚିହ୍ ଏଝାସି ବାରଜାଣା ସୀସୁୟାଁ ବିତ୍ରାଟି ରଅସି, ଅଡେ ଏଝାସି ଜୀସୁଇଁ ସାତୁ କେୟୁତା ହେରପାଲି ହାଜିମାଚେସି □



ଜୀସୁ ଅଡେ ତାନି ତାୟିୟାଁ

୧ ଇଦାଆଁ ଡାୟୁ ଜୀସୁ ଗାଲିଲିତା ରେଜିମାଚେସି, ଇଚିହ୍ ଜୀହୁଦିୟାଁ ଏଝାଣାଇଁ ପାୟାଲି ଅଣ୍ପି ମାଚାକି ଏଝାସି ଜୀହୁଦା ରାଜିତା ରେଜାଲି ମନ କିହି ହିଲାଆଡେସି □

‡ ୭:୫୯ ୭:୫୯ ସିନଗର ✱ ୭:୬୮ ୭:୬୮ ମାତି ୧୭:୧୭; ମାର୍କ ୮:୨୯; ଲୁକ ୯:୨୦

୨ ସାମା ଜୀହୁଦି ଲକ୍ଷ୍ମଣ “ଗରାୟା ଗୁଡ଼ାତା ବାସାଆନ୍ତି” ପାର୍ଶୁ ତାଗେ ଖାହିମାତାକି □

୩ ଜୀହୁତି ତାୟିୟା ଏଝାଣାକ୍ ଏଲେଇଚେରି, “ନାନୁ କିହିମାନି କାମାୟା, ନୀ ସୀସୁୟା ଜିକେଏ ମେହ୍ନେରି ଇଦାଆଁତାକି ନାନୁ ଇମ୍ପାଟି ହଚା ହାଜାନା ଜୀହୁଦା ରାଜିତା ହାଲମୁ □

୪ ଇଚିହ୍ ଲକ୍ଷ୍ମଣାଣା ଝେଙ୍ଗାଲି ମନ୍ କିନାସି ତାନି କାମା ତୁଗୁଆଁ କିଅସି □ ନାନୁ ଇ ବାରେ କାମା କିହିମାଞ୍ଜି, ଆତିହ୍ ନାନୁ ଦାର୍ତ୍ତି ନକିତା ତସାକତାମୁ □”

୫ ଇଚିହ୍ ତାନି ତାୟିୟା ଜିକେଏ ତାଙ୍ଗେ ନାମି ହିଲାଆତେରି □

୬ ଏମ୍ପାଟିଏ ଜୀସୁ ଏଝାରାକ୍ ଏଲେଇଚେସି, “ନୀଏଁ ପାତେକା ନା ଦିନା ଏଜାମାଞ୍ଜେଏ, ସାମା ମୀ ଦିନା କାରେଲଏ ମାନେ □”

୭ ଦାର୍ତ୍ତିତାରି ମିଙ୍ଗେ ଅପାନେରି ସାମା ନାଙ୍ଗେ ଅପଅରି ଏନାଆଁତାକି ଇଚିହ୍ ତାନି କାମା ବାରେ ଲାଗେଏତାୟି ଇଞ୍ଜି ନାନୁ ସାକି ହାହାନା ତସିମାକ୍ □

୮ ମୀରୁ ଇ ପାର୍ଶୁତା ହାଜୁ, ନାନୁ ନୀଏଁ ଇ ପାର୍ଶୁତା ହାଜିହିଲଅଁ, ଇଚିହ୍ ନା ଦିନା ଖାହାହିଲେଏ □

୯ ଏଝାସି ଏଝାରାକ୍ ଇ ବାରେ କାତା ଝେସାନା ଗାଲିଲିତା ତୟିତେସି □

ଗରାୟା ଗୁଡ଼ାତା ବାସାଆନ୍ତି ପାର୍ଶୁତା ଜୀସୁ

୧୦ ଜୀହୁତି ତାୟିୟା ଏ ପାର୍ଶୁତା ହାଚି ତାୟୁ, ଜୀସୁ ଜିକେଏ ହାଚେସି ସାମା ଲକ୍ଷ୍ମଣ ମେହ୍ନାଆରେଚୁ ମେଣେଏ ହାଚେସି □

୧୧ ପାର୍ଶୁ ବେଲ୍ଲାତା ଜୀହୁଦି ଲକ୍ଷ୍ମଣ ଏଝାଣାକ୍ ପାରି ପାରିହ୍, “ଏଝାସି ଏମ୍ପାୟା ମାନେସି ଇଞ୍ଜି ଝେଚେରି?”

୧୨ ବାରେ ଲକ୍ଷ୍ମଣ ଏଝାଣି ତାକି କିଲିବିଲି ଆହିମାଚେରି, ଏଚରଜାଣା “ଏଝାସି ନେହ୍ ମାଣସି” ଇଚେରି; ଅଡ଼େ ଏଚରଜାଣା “ଆଏ, ଏଝାସି ଲକ୍ଷ୍ମଣି ନାଡ଼ି କିହିମାନେସି” ଇଞ୍ଜି ଇଚେରି □

୧୩ ସାମା ଜୀହୁଦିୟା ଆଜିତାକି ଆମ୍ପାଆରି ତାନି କାତା ପାଙ୍ଗାଝେଙ୍ଗେ ଝେସି ହିଲାଆତେରି □

୧୪ ସାମା ପାର୍ଶୁତି ମାଦି ପାତେକା ରାହାଲିଏ, ଜୀସୁ ମାହାପୁରୁ ଇଲୁତା ହାଜାନା ଜାପ୍‌ହାଲି ମାଟ୍‌ହେସି □

୧୫ ଏମ୍ପାଟିଏ ଜୀହୁଦିୟା କାବାଆହାନା ଏଲେଇଚେରି, “ଇଝାସି ପାଟା ଜାପାଆନାହାଁ ଏନିକ୍ ଇଚେକା ବୁଦି ପୁଚେସି?”

୧୬ ଜୀସୁ ଏଝାରାକ୍ ଏଲେଇଚେସି, “ନାନୁ ଜାପ୍‌ହିମାନାୟି ନା ତାଣାଟି ଆଏ, ସାମା ନାଙ୍ଗେ ପାଣ୍ଡାତାଣାଝାୟି □

୧୭ ଆମ୍ପାଆସି ତାନି ଅଶ୍‌ପୁ ତଲେ କିହାଲି ଅଶ୍‌ପିନେସି, ଆଡ଼ିସାରେ ଇ ଜାପ୍‌ନାୟି ମାହାପୁରୁ ତାଣାଟି ଝାହାମାନେ, କି, ନା ତାଣାଟି ଝେସିମାକ୍, ଏଦାଣି ଏଝାସି ପୁନେସି □

୧୮ ଆମ୍ପାଆସି ନାଦିଏ ଇନେସି, ଏଝାସି ତାନି ଗାଝୁରମି ପାରିନେସି, ସାମା ଆମ୍ପାଆସି ତାଙ୍ଗେ ପାଣ୍ଡାମାଞ୍ଜାନାଣା ଗାଝୁରମି ପାରିନେସି, ଏଝାସି ସାତା, ଅଡ଼େ ଏଝାଣି ତାଣା ଏନାୟି ଲାଗେଏ କିନାୟି ହିଲେଏ □

୧୯ ମସା ମିଙ୍ଗେ ମେରା ହାହାମାଞ୍ଜଅସି କି ? ଆଡ଼ିଜିକେଏ ମୀ ବିତ୍ତାଟି ଆମ୍ପାଆତେରି ମେରାଟି ମାନଝି ଆହି ହିଲଅତେରି, ମୀରୁ ଏନାଆଁତାକି ନାଙ୍ଗେ ପାୟାଲି ଅଶ୍‌ପି ମାଞ୍ଜାଦେରି ?”

୨୦ ଲକ୍ଷ୍ମଣ ବାରେ ଏଲେଇଚେରି, “ନିଙ୍ଗେ ବୁଡୁ ଆଲ୍‌ଗାମାଞ୍ଜାନେ, ନିଙ୍ଗେ ଆମ୍ପାଆସି ପାୟାଲି ଅଶ୍‌ପି ମାଞ୍ଜାନେସି ?”

୨୧ ଜୀସୁ ଏଝାରାକ୍ ଏଲେଇଚେସି, “ନାନୁ ର କାବାଆନ୍ତି କାମା କିତେଏଁ, ଅଡ଼େ ମୀରୁ ବାରେ କାବା ଆଚେରି □

୨୨ ଇଦାଆଁତାକି ମସା ମିଙ୍ଗେ ତଲୁ ଦାପି କିନି ମେରା ହାହାମାଞ୍ଜାନେସି, ଇ ମେରା ମସା ତାଣାଟି ଆହାମାନେ, ଏଦି ଆଏ, ସାମା ଆକୁ ଆବାୟା ତାଣାଟି, ଇଞ୍ଜା ମୀରୁ ଜମିନି ଦିନାତା ଜିକେଏ କକାରି ତଲୁ ଦାପି କିହିମାଞ୍ଜେରି ?

୨୩ ଜମିନି ଦିନାତା ର କକାଣି ତଲୁ ଦାପି କିନାଣିତାକି ମସାଟି ମେରା ଉରିହିଲଅତେରି, ଆତିହ୍ ନାନୁ ଜମିନି ଦିନାତା ର ମାଣ୍‌ସିତି ଗୁଡ଼ା ଆଙ୍ଗା ନେହ୍ କିୟାଲିଏ ମୀରୁ ନାଙ୍ଗେ ଏନାଆଁତାକି କପା ଆହିମାଞ୍ଜାଦେରି ?

୨୪ ଝାରଇ ଲାକ ଲାକ କାତା ମେସାନା ନୀହାୟି କିଆଦୁ ସାତା ତଲେ ନୀହାୟି କିଦୁ □”

ଇଝାସି ଏନାଆଁ ମସିହା ?

୨୫ ଏଚେଟିଏ ଜିରୁସାଲମତା ମାନାରି ବିତ୍ତାଟି ଏଚରଜାଣା ଝେସ୍‌ପି ଆଚେରି, “ଆମ୍ପାଆରାକ୍ ଇଝାରି ପାୟାଲି ଅଶ୍‌ପିମାନେରି ଇଝାସି ଏଝାସି ଆଏକି ?

୨୬ ଅଡ଼େ ମେହ୍‌ଦୁ, ଏଝାସି ଲକ୍ଷ୍ମଣ ପୁଣ୍ଡେ କାତା ଝେସିମାନେସି, ଇଞ୍ଜା ଏଝାଣାକ୍ ସାଲଝି କିନାରି ଏନାଆଁ କିହିହିଲଅରି □ ଏଝାସି କ୍ରୀସ୍ ଇଞ୍ଜି ଏଝାରି ଏନାଆଁ ସାତା ତଲେ ପୁଚେରି କି ?

୨୭ ଆତିହ୍ ଏଝାସି, ଆମ୍ପାଟି ଝାହାମାନେସି, ଇଦାଆଁ ମୀରୁ ପୁଞ୍ଜାମାନାୟି, ସାମା କ୍ରୀସ୍ ଏଚିବେଲ୍ଲା ଝାଚେସି, ଏଚିବେଲ୍ଲାତା ଆମ୍ପାଆସି ପୁନଅସି, ଇଚିହ୍ ଏଝାସି ଆମ୍ପାଟି ଝାହାମାନେସି □”

୨୮ ଜୀସୁ ମାହାପୁରୁ ଇଲୁତା ମାହାପୁରୁ କାତା ଝେସି ଝେସିହ୍ କାଜା ଗିୟାତଲେ ଏଲେଇଚେସି, “ମୀରୁ ସାତେଏ ନାଙ୍ଗେ ପୁଞ୍ଜାମାଞ୍ଜାଦେରି ଅଡ଼େ ନାନୁ ଏମ୍ପାଟି ଝାହାମାକ୍ ଏଦାଆଁ ସାତେଏ ପୁଞ୍ଜାମାଞ୍ଜେରି; ନାନୁ ନା ଅଶ୍‌ପୁ ତଲେ ଝାହାହିଲଅଁ, ସାମା ନାଙ୍ଗେ ପାଣ୍ଡାତାସି ଏଝାସି ସାତା, ମୀରୁ ଏଝାଣାକ୍ ପୁଞ୍ଜାହିଲଅତେରି □

୨୯ ନାନୁ ଏଝାଣାକ୍ ପୁଞ୍ଜାମାକ୍, ଇଚିହ୍ ନାନୁ ଏଝାଣି ତାଣାଟି ଝାହାମାକ୍, ଅଡ଼େ ଏଝାସି ନାଙ୍ଗେ ପାଣ୍ଡାତେସି □”

୩୦ ଏମ୍ବାଟିଏ ଜୀସୁଇଁ ଆସାଲି ତାକି ଅଣ୍ଡପିତେରି; ସାମା ଆମ୍ବାଆରି କେୟୁ ଏଞ୍ଜାଣି ମୁହେଁ ଏଆଡେ, ଇଟିହୁଁ ଏଞ୍ଜାଣାଇଁ ଆହୁନି କାଟୁ ଏଡେତା ଏଜାହିଲାଆଡେ □

୩୧ ସାମା ଲକୁ ବିତ୍ରାଟି ହାରେକା ଏଞ୍ଜାଣି ତାଣା ନାମାନା ଏଲେଇଚେରି, “ଇଞ୍ଜାସି ଏନି ଏନି କାବାଆନି କାମା ବାରେ କିହିମାନେସି, କ୍ରୀସୁ ଖାହାନା ଇଞ୍ଜାଣି କିହାଁ ଏନାଆଁ ଆଗାଡ଼ା କିନେସି ?”

ଜୀସୁଇଁ ଦସାଲି କସକାଣି ପାଣ୍ଡିନାୟି

୩୨ ଲକୁ ଜୀସୁ କାତା ତାମି ବିତ୍ରା ଝେସ୍ପି ଆହିମାଗାଣି ପାରୁସିୟାଁ ଝେଚେରି ଅଡେ ପାରୁସିୟାଁ ଅଡେ କାଜା ପୂଜେରାଜା ଜୀସୁଇଁ ଦସାଲି ଜାମାନାଜାଣି ପାଣ୍ଡିଚେରି □

୩୩ ଏମ୍ବାଟିଏ ଜୀସୁ ଏଲେଇଚେସି, “ନାନୁ ମୀ ତଲେ ଗାଡେକା ତାକି ଡୟାହାଁ ନାଜେ ପାଣ୍ଡାତାଣା ତାଣା ହାଇଁ □

୩୪ ମୀରୁ ନାଜେ ପାରାଦେରି, ସାମା ବେଟାଆୟଅଡେରି; ଅଡେ, ନାନୁ ଏସ୍ପିୟା ମାଇଁ, ମୀରୁ ଏମ୍ବାଆଁ ଖାହାଲି ଆଡ଼ଅଡେରି □”

୩୫ ଜୀହୁଦିୟାଁ ତାମ୍ବୁ ତାମ୍ବୁ ଝେସ୍ପି ଆଡେରି, “ଇଞ୍ଜାସି ଆସ୍ପିୟା ହାଜିମାନେସି, ମାର ଏଞ୍ଜାଣାଇଁ ବେଟାଆହାଲି ଆଡ଼ାଆୟି ଏନାଆଁ ଇଞ୍ଜାସି ଇତାଲା ଆତାଲା ଜାଜାହାଜାମାନି ଗ୍ରିକ୍ ଲକୁଇଁ ଜାପୁହାଲି ହାଜିମାନେସି କି ?”

୩୬ “ମୀରୁ ନାଜେ ପାରାଦେରି, ସାମା ବେଟାଆୟଅଡେରି, ଅଡେ ନାନୁ ଏସ୍ପିୟା ମାଇଁ, ମୀରୁ ଏମ୍ବାଆଁ ଖାହାଲି ଆଡ଼ଅଡେରି, ଇଞ୍ଜାଁ ଏଞ୍ଜାସି ଝେସ୍ପାତି ଇ କାତା ଏନାୟି ଇଞ୍ଜାଁ ଝେସ୍ପି ଆଡେରି ?”

ଜୀସୁହାନି ଜାରଣା ଏୟୁ

୩୭ ରାନି ଦିନା, ଇଟିସାରେ ପାର୍ବୁତି କାଜା ଦିନା, ଜୀସୁ ନିଚାନା କାଜା ଗିୟାତଲେ ଏଲେଇଚେସି, ଆମ୍ବାଆସି ଏସ୍କି ଆଡ଼ିହୁଁ, ଏଞ୍ଜାସି ନା ତାଗେ ଖାହାନା ଗସ୍ପେସି □

୩୮ ଅଡେ ଆମ୍ବାଆସି ନା ତାଣା ନାମିନେସି, “ଦାମ୍ବୁ ପତିତା ରାସ୍କି ଆହାମାନି ଲେହେଁ, ଏଞ୍ଜାଣି ହିୟାଟି ଜୀସୁଟି ଜାରଣା ଏୟୁ ହୁନୁ* □”

୩୯ ଜୀସୁ ସୁଦୁଜୀସୁଟି କାତା ଝେସିମାଚେସି, ଆମିନି ଗାଗାରି ଜୀସୁ ତାଣା ନାମି ମାଚେରି, ଏଞ୍ଜାରି ସୁଦୁଜୀସୁ ବେଟାଆନାୟି ମାଚେ, ଜୀସୁ ଗାଞ୍ଜୁରମି ବେଟାଆହା ହିଲାଆତାକି ଏଞ୍ଜାରାକି ଏଡେତା ସୁଦୁଜୀସୁ ହାପକି ଆହାହିଲାଆଡେ □

ଲକୁ ବିତ୍ରା ବାଗା ଆନାୟି

୪୦ ଏଡେତା, ଲକୁ ଏ କାତା ଝେଚେରି, ଏଞ୍ଜାରି ବିତ୍ରାଟି ଏଚରଜାଣା ଏଲେଇଚେରି, “ଇଞ୍ଜାସି ସାତେଏ ମାହାପୁରୁ ଅଣ୍ଡପୁତି ବଲୁ ଝେହନାସି □”

୪୧ ଏଡକାତାରି ଏଲେଇଚେରି, “ଏଞ୍ଜାସି ମସିହା!”† ସାମା ଆମ୍ବା ଆମ୍ବାଆରି ଏଲେଇଚେରି, “ମସିହା!‡ ଏନାଆଁ ଗାଲିଲିଟି ଖାଚେସି କି ?

୪୨ ଦାମ୍ବୁ ସାସ୍ପେରିତା ରାସ୍କି ଆହାମାନେ, କ୍ରୀସୁ ଦାଞ୍ଜୁଦ ରଜା କୁଡାଟି ଇଞ୍ଜାଁ ଦାଞ୍ଜୁଦ ଏମିନି ଟାୟୁତା ବାସା ଆହାମାଚେସି, ଏ ବେତଲିହିମ ନାୟୁଟି ଖାଚେସି □”

୪୩ ଇଦାଆଁତାକି ଲକୁ ତାମି ବିତ୍ରାଟି ଏଞ୍ଜାଣି ତାକି ବାଗା ଆଡେରି;

୪୪ ଅଡେ, ତାମି ବିତ୍ରାଟି ଆମ୍ବା ଆମ୍ବାଆରି ଏଞ୍ଜାଣାଇଁ ଆସାଲି ଅଣ୍ଡପି ମାଚେରି, ସାମା ଆମ୍ବା ଆମ୍ବାଆରି ତାମି ଲାକ କେୟୁ ଇଟାଲି ଆଡ଼ାଆଡେରି □

ସାଲୁଝି କିନି ଜୀହୁଦିୟାଁ ନାମାଆ ଗାଗାୟି

୪୫ ଏଚେଟିଏ ଜାମାନାଜା କାଜା ପୂଜେରା ଅଡେ ପାରୁସିୟାଁ ତାଣା ଝେଣ୍ଡା ହାଚେରି, ଅଡେ ଏଞ୍ଜାରି ଏଞ୍ଜାରାଇଁ ଝେଚେରି, “ଏଞ୍ଜାଣାଇଁ ଏନାଆଁତାକି ଆସା ତାଆଡେରି ?”

୪୬ ଜାମାନାଜା ଏଞ୍ଜାରାଇଁ ଏଲେଇଚେରି, “ଇ ମାଣ୍ଡସି ଏନିକିଁ ହାଡ଼ା ଝେହନାସି, ଏଲେକିହୁଁ ଏମିନି ମାଣ୍ଡସି ଏଚେଲା ଝେସାହିଲଅସି □”

୪୭ ପାରୁସିୟାଁ ଏଞ୍ଜାରାଇଁ ଏଲେଇଚେରି, “ଏନାଆଁ ମୀରୁ ଜିକେଏ ନାଡ଼ିକିଝି ଆଡେରି ?

୪୮ ପାରୁସିୟାଁ ବିତ୍ରାଟି କି ସାଲୁଝି କିନାରି ବିତ୍ରାଟି ଆମ୍ବାଆରି ଏଞ୍ଜାଣି ତାଣା ନାମାମାନେରି କି ?

୪୯ ସାମା ଇ ଏମିନି ଲକୁ ମସାତି ମେରା ପୁଞ୍ଜାହିଲଅରି, ଏଦାଆଁତାକି ଇଞ୍ଜାରି ବାକା ଗାଟି ଲକୁ □”

୫୦ ☆ଏମିନି ନିକଦିମ ଇଦାଆଁ ନକେଏ ଜୀସୁଇଁ ମେସାଲି ତାକି ଖାହାମାଚେସି ଇଞ୍ଜାଁ ଏଞ୍ଜାସି ଏଞ୍ଜାରି ବିତ୍ରାଟି ପାରୁସି ମାଚେସି, ଏଞ୍ଜାସି ଏଞ୍ଜାରାଇଁ ଝେଚେସି,

୫୧ “ରଥଣି ତାଣାଟି ନକେଏ ଝେନାଆନା ଇଞ୍ଜାଁ ତାନି ମାଣ୍ଡକି ପୁନାଆନା ମା ମସାତି ମେରା ଏନାଆଁ ଏଞ୍ଜାଣାଇଁ ଦହ କିନେ ?”

୫୨ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ନାନୁ ଜିକେଏ ଏନାଆଁ ଗାଲିଲିଟି ଲକୁ କି ? ଗାଲିଲିଟି ଏନି ମାହାପୁରୁ ଅଣ୍ଡପୁତି ବଲୁ ଝେହନାରି ଏଚେଲା ଖାହାଲି ଆଡ଼ଅରି, ଇଦାଆଁ ସାସ୍ପେରିତା ସିନିକିମୁ □”

୫୩ ଅଡେ ଏଞ୍ଜାରି ବାରେଜାଣା ଜାହାରା ଇଜ ହାଚେରି □



ଦାରେଣି ଆୟାଟି

୧ ସାମା ଜୀସୁ ଜୀତ ହରୁତା ହାଚେସି □

୨ ଅର ଦିନା ଲାଲ ଏଞ୍ଜାସି ମାହାପୁରୁ ଇଲୁତା ଝେଣ୍ଡା ଖାଡେସି, ଅଡେ, ବାରେ ଲକୁ ଏଞ୍ଜାଣି ତାଣା ଖାହାଲିଏ, ଏଞ୍ଜାସି କୁଗାନା ଜାପୁହାଲି ମାଟୁହେସି □

* ୭:୩୮ ୭:୩୮ ଇ କାତା ପୁଞ୍ଜଇ ପତିତା ହିଲେଏ † ୭:୪୧ ୭:୪୧ କ୍ରୀସୁ ‡ ୭:୪୧ ୭:୪୧ କ୍ରୀସୁ ☆ ୭:୫୦ ୭:୫୦ ଜହ ୩:୧,୨

୩୩ ମେରା ଜାମ୍ବୁନାରି ଅଡ଼େ ପାରୁସିୟାଁ ଦାରି କାମାତା ଆସ୍ପି ଆହାମାନି ର ଇୟାନି ତାତେରି, ବାରେଜାଣା ନକିତା ନିପହାନା ଜୀସୁଇଁ ଏଲେଇଚେରି □

୪ “ଗୁରୁ, ଇ ଇୟା ଦାରିକାମା କିହିମାଚାଟି ଆସ୍ପି ଆଡ଼େ □

୫ ଇଲେତି ଇୟାସିକାଣି ଖାଲକା କୁତାନା ଝେଚାଲିତାକି ମସା ମା ମେରାତା ହୁକୁମି ହୀହାମାଞ୍ଜାନେସି; ଆତିହୁଁ ନାନୁ ଏନାଆଁ ଝେସିମାଞ୍ଜାଦି ?”

୬ ଏଞ୍ଜାରି ଜୀସୁଇଁ ଏନିକୁଁ ପାନ୍ଦାତା ମେଡ଼ହାଲି ଆଡ଼ିନେରି, ଇଦାଆଁତାକି ଏଞ୍ଜାରି ଏଞ୍ଜାଣାଇଁ ତାୟିପାରି କିହାଲି ଝେଚେରି, ସାମା ଜୀସୁ ମୁନୁକାପାନା ଖାଞ୍ଜୁ ତଲେ ବୁମିତା ରାଚାଲି ମାଟୁହେସି □

୭ ଏଞ୍ଜାରି ଏମ୍ବାଆଁ ନିଚାନା ଝେଶ୍ଟେ ଝେଞ୍ଜାଲିଏ, ଜୀସୁ ତାୟିଁ ଚୁପରହାନା ଏଞ୍ଜାରାଇଁ ଏଲେଇଚେସି, “ମୀ ବିତ୍ରାଟି ଆମ୍ବାଆସି ଏଚେଲା ଏନି ପାପୁ କିହାହିଲଅସି, ଏଞ୍ଜାସି ମୁଲୁଏ ଖାଲି କୁତାପେସି □”

୮ ଅଡ଼େ ଝେଶ୍ଟେ ଜୀସୁ ମୁନୁକାପାନା ବୁମିତା ରାଚାଲି ମାଟୁହେସି □

୯ ଜୀସୁତି ହାଡ଼ା ଝେଞ୍ଜାନା ଏଞ୍ଜାରି କାଜାରିଟିଏ ମାଟୁହାଁ ରଅଣି କେଚ ରଅସି ହାଜାଲି ମାଟୁହେରି, ଏମ୍ବାଆଁ ଖାରଇ ଜୀସୁ ଅଡ଼େ ମାଦି ମାନି ଏ ଇୟା ଡ଼ୟିତେ □

୧୦ ଜୀସୁ ତାୟିଁ ଚୁପରହାନା ଏଦାନି ଏଲେଇଚେସି, “ଏ ଇୟା ଏଞ୍ଜାରି ଏମ୍ବିୟା ? ଆମ୍ବାଆରି ନିଜେ ତଣ୍ଡ ହୀହାଲି ହିଲଅରି କି ?”

୧୧ ଏଦି ଏଲେଇଚେ, “ଆଏ, ପ୍ରବୁ, ଆମ୍ବାଆରି ହିଲଅରି □”

ଏମ୍ବାଟିଏ ଜୀସୁ ଏଦାନି ଏଲେଇଚେସି; “ନାନୁ ଜିକେଏ ନିଜେ ତଣ୍ଡ ହିୟଅଁ; ହାଲାମ୍, ସାମା ଅଡ଼େ ପାପୁ କିଆନି* □”

ଜୀସୁ ଦାର୍ତତି ଉଜେଡ଼ି

୧୨ *ଜୀସୁ ଝେଶ୍ଟେ ପାରୁସିୟାଁଇଁ ଏଲେଇଚେସି, “ନାନୁ ଦାର୍ତତି ଉଜେଡ଼ି, ଆମ୍ବାଆସି ନା କେଚ ଖାନେସି, ଏଞ୍ଜାସି ଜୀସୁତି ଉଜେଡ଼ି ବେଚା ଆନେସି ଅଡ଼େ ଏଚେଲା ଜିକେଏ ଆନେରିତା ତାକଅସି □”

୧୩ *ପାରୁସିୟାଁ ଏଞ୍ଜାଣାଇଁ ଏଲେଇଚେରି, “ନୀଏଁ ନାନୁ ନିଜେତାକି ସାକି ହୀହିମାଞ୍ଜି, ନାନୁ ଏନାଆଁ ଏଲେ ଇଞ୍ଜିମାଞ୍ଜି ଏଦି ସାତା ପାରମାଣା ହିଲାଆଗାଟାୟି □”

୧୪ ଜୀସୁ ଏଞ୍ଜାରାଇଁ ଏଲେଇଚେସି, “ଆଏ ନାନୁ ନା ତାକି ସାକି ହାତି ଜିକେଏ, ନାନୁ ଏନାଆଁ ଝେସିମାଞ୍ଜାଇଁ ଏଦି ସାତା, ଇଚିହୁଁ ନାନୁ ଆମ୍ବିଟି ଖାହାମାଇଁ ଅଡ଼େ ଏମ୍ବିୟା ହାଜିମାଇଁ ଏଦାଆଁ ପୁଞ୍ଜାମାଇଁ, ମୀରୁ ପୁଞ୍ଜାହିଲଅତେରି ଏମ୍ବାଟି ଖାଇଁ ଅଡ଼େ ଏମ୍ବିୟା ହାଇଁ □

୧୫ ମୀରୁ ଖାରଇ ମାଣ୍ଡସିୟାଁ ଲେହେଁ ବିଚାରା କିହିମାଞ୍ଜେରି, ନାନୁ ଆମ୍ବାଆରି ବିଚାରା କିଅଁ □

୧୬ ସାମା ନାନୁ ବିଚାରା କିଇଁ, ଆଡ଼ିଜିକେଏ ନା ବିଚାରା ସାତା; ଇଚିହୁଁ ନାନୁ ରଅଡେଏଁ ଆଏ ସାମା ଏମିନି ଆବା ନାଜେ ପାଣ୍ଡାମାଞ୍ଜାନାସି ନା ତଲେ ମାନେସି □

୧୭ ମୀ ମସାତି ମେରାତା ରାସ୍କି ଆହାମାନେ, ରିଆରି ସାକି ହାଡ଼ା ରଲେଏ ଆଡ଼ିସାରେ, ଏଞ୍ଜାରି ଏନାଆଁ ଇନେରି ଏଦି ସାତା □

୧୮ ନାନୁ ନାଜେତାକି ସାକି ହୀହିମାଇଁ, ଅଡ଼େ, ନାଜେ ପାଣ୍ଡାମାଞ୍ଜାନି ଆବା ଜିକେଏ ନା ଖାକିଟି ସାକି ହୀହିମାନେସି □”

୧୯ ଏଞ୍ଜାଣାଇଁ ଏଞ୍ଜାରି ଝେଚେରି, “ନୀ ଆବା ଏମ୍ବିୟା ?” ଜୀସୁ ଏଲେଇଚେସି, “ନାଜେ କି ନା ଆବାଇଁ ମୀରୁ ପୁଞ୍ଜାହିଲଅତେରି; ନାଜେ ପୁଞ୍ଜାତିହୁଁ ମା, ନା ଆବାଇଁ ଜିକେଏ ପୁଚେରିମା □”

୨୦ ମାହାପୁରୁ ଇଲୁତି ଦାନା ଇଚିନି ବାକ୍ରାତା ଜୀସୁ ଏ ବାରେ କାତା ଜାପୁହିମାଚେସି, ସାମା ଆମ୍ବାଆରି ଜିକେଏ ଏଞ୍ଜାଣାଇଁ ଆହୁଆତେରି ଏନାଆଁତାକି ଇଚିହୁଁ ତାନି ବେଲା ଖାହା ହିଲାଆଡେ □

ନାନୁ ହାନି ତାଣା ମୀରୁ ହାଜାଲି ଆଡ଼ଅତେରି

୨୧ ଜୀସୁ ଅଡ଼େ ଝେଶ୍ଟେ ଏଞ୍ଜାରାଇଁ ଏଲେଇଚେସି, “ନାନୁ ହାଜିମାଇଁ, ମୀରୁ ନାଜେ ପାରାଦେରି, ଅଡ଼େ ମୀରୁ ମୀ ପାପୁତା ହାଦେରି □ ନାନୁ ଏମ୍ବିୟା ହାଜିମାଇଁ, ଏମ୍ବାଆଁ ମୀରୁ ହାଜାଲି ଆଡ଼ଅତେରି □”

୨୨ ଇଞ୍ଜା ଜୀହୁଦିୟାଁ ଏଲେଇଚେରି, “ଇଞ୍ଜାସି ଏନାଆଁ ହାହାଲି ଏଲେଇଞ୍ଜି ମାନେସି, ନାନୁ ଏମ୍ବିୟା ହାଇଁ ମୀରୁ ଏମ୍ବାଆଁ ହାଜାଲି ଆଡ଼ଅତେରି ?”

୨୩ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଇ ଡ଼ଇପୁରୁଟି ଜାନା ଆହାମାଞ୍ଜେରି, ସାମା ନାନୁ ଲାକଟି ଖାହାମାଇଁ □ ମୀରୁ ଇ ଦାର୍ତତି, ନାନୁ ଇ ଦାର୍ତତି ଆଏ □

୨୪ ଏଦାଆଁତାକି ନାନୁ ଝେସିମାଞ୍ଜାଇଁ, ମୀରୁ ମୀ ପାପୁ ତଲେ ହାଦେରି □ ନାନୁ ଏଞ୍ଜାଡେଏଁ ଇଞ୍ଜୁଁ ଝେସ୍ତାସାରେ ମୀରୁ ନାମାଆସାରେ, ମୀ ପାପୁତା ହାଦେରି □”

୨୫ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଝେଚେରି, “ନାନୁ ଆମ୍ବାଆତି ?”

ଜୀସୁ ଏଞ୍ଜାରାଇଁ ଏଲେଇଚେସି, “ଇ ହାଡ଼ା ନାନୁ ମୁଲୁଟିଏ ଝେସାମାଞ୍ଜାଇଁ □

୨୬ ମିଜେତାକି କାତା ଜଲ୍ଲାଲି ଅଡ଼େ ବିଚାରା କିହାଲି ନା ତାଣା ହାରେକା କାତା ମାନେ; ସାମା ନାଜେ ପାଣ୍ଡାମାଞ୍ଜାନାସି, ଏଞ୍ଜାସି ସାତା, ଅଡ଼େ ନାନୁ ଏନାଆଁ ଝେଞ୍ଜାମାଇଁ; ଏ ବାରେ ଦାର୍ତତି ଝେସିମାଇଁ □”

୨୭ ଏଞ୍ଜାସି ମାହାପୁରୁ ଆବା କାତା ଝେସିମାଚେସି, ଏଞ୍ଜାରି ତେଲହାଲି ଆଡ଼ାଆତେରି □

୨୮ ଏଦାଆଁତାକି ଜୀସୁ ଏଲେଇଚେସି; “ଏଚେତା ମୀରୁ ମାଣ୍ଡସି ମୀରୁଏଣାଇଁ ଗାଞ୍ଜୁରମି ହାଦେରି, ଏଚେତା ନାନୁ ଏ ମାଣ୍ଡସିଡେଏଁ ଅଡ଼େ ନାନୁ ଜାହାରାଖାଣି ଏନାଆଁ କିଆନା,

* ୮:୧୧ ୮:୧୧ ଇ ବାରେ କାତା ବାରେ ପଡ଼ିଣାଁ ହିଲେଏ ☆ ୮:୧୨ ୮:୧୨ ମାତି ୫:୧୪; ଜହ ୯:୫ ☆ ୮:୧୩ ୮:୧୩ ଜହ ୫:୩୧

ଆବା ନାଜେ ଏନିକିଁ ଜାପୁହା ମାଞ୍ଜାନେସି, ଏଲେକିଁ
ଇ ବାରେ କାତା ଖେସିମାଞ୍ଜାଇଁ ଇଦାଆଁ ମୀରୁ ପୁଞ୍ଜାଲି
ଆଡ଼ିଦେରି □

୨୯ ଆମ୍ବାଆସି ନାଜେ ପାଣ୍ଡାମାଞ୍ଜାନାସି ଏଞ୍ଜାସି ନା ତଲେ
ମାନେସି, ଏଞ୍ଜାସି ନାଜେ ରଅତେଏଁ କିହିଁ ପିସାମାଞ୍ଜଅସି,
ଇଚିହିଁ ନାନୁ ତାନି ରାହାଁ ଆନି କାମା କିଇଁ □”

୩୦ ଜୀସୁ ଇ ବାରେ ହାଡ଼ା ଖେଞ୍ଜାନା ହାରେକା ଜାଣା
ତାନି ତାଣା ନାମିତେରି □

ପିସ୍ପିଆଡ଼ି ଲକୁ ଅଡ଼େ କଡ଼ିତି ହଲିୟାଙ୍ଗା

୩୧ ଏମ୍ବାଟିଏ ଜୀସୁ ତାନି ତାଣା ନାମିତି ଜୀହୁଦିଙ୍ଗାଣି
ଏଲେଇଚେସି, “ନା ବଲୁତା ତାରିଆହାଁ ଡ଼ୟିଦେରି,
ଆଡ଼ିହିଁ ମୀରୁ ସାତେଏ ନା ସୀସୁୟାଁତେରି □

୩୨ ମୀରୁ ସାତାତି ପୁଞ୍ଜେରି ଅଡ଼େ ଏ ସାତା ମିଜେ
ଗେଲପାନେ □”

୩୩ ✧ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ମାମ୍ବୁ
ଅବ୍ରାହାମତି କୃତାତମି, ଅଡ଼େ ଏଚେଲା ଆମ୍ବାଆରି ହଲିୟା
ଆହାହିଲଅମି, ଆଡ଼ିହିଁ ମୀରୁ ମୁକଲଞ୍ଜି ଆଦେରି ଇଞ୍ଜି
ଏନିକିଁ ଖେସିମାଞ୍ଜାଦି ?”

୩୪ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ମିଜେ ସାତା
ଖେସିମାଞ୍ଜାଇଁ, ଆମିନିଗାଟାସି ପାପୁ କିନେସି, ଏଞ୍ଜାସି
ପାପୁତି ହଲେଏସି □

୩୫ ହଲେଏସି କାଲେଏ ତାକି ଇଲୁ କୁଟମିତା ଡ଼ୟିଅସି,
ମୀରଏସି ଇଲୁ କୁଟମିତା କାଲେଏ ତାକି ଡ଼ୟିନେସି □

୩୬ ମୀରଏସି ମିଜେ ମୁକଲଞ୍ଜି କିୟାନେସି, ମୀରୁ
ସାତେଏ ମୁକଲଞ୍ଜି ଆଦେରି □

୩୭ ମୀରୁ ଅବ୍ରାହାମତି କୃତାତାତେରି ନାନୁ ପୁଞ୍ଜାମାଇଁ;
ସାମା ନା ବଲୁ ମୀ ହିୟାଁତି ଗାୟୁତା ହିଲାଆକି ମୀରୁ ନାଜେ
ପାୟାଲି ଅଣ୍ପିମାଞ୍ଜେରି □

୩୮ ନା ଆବା ତାଣା ନାନୁ ଏନାଆଁ ମେସାମାଇଁ, ଏ ବାରେ
ନାନୁ ଖେସିମାଞ୍ଜାଇଁ □ ଏଦାଆଁତାକି ମୀରୁ ଜିକେଏ ମୀ
ଆବା ତାଣାଟି ଏନାଆଁ ଖେଞ୍ଜାମାଞ୍ଜେରି ଏ ବାରେ କିଦୁ □”

୩୯ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଅବ୍ରାହାମ ମା
ଆବା □” ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ
ଅବ୍ରାହାମତି ମୀରକା ମାସକାତେରି, ଆଡ଼ିହିଁ ଅବ୍ରାହାମ
କିହାମାଟି କାମା କିଦୁ;

୪୦ ମାହାପୁରୁ ତାଣାଟି ଖେଞ୍ଜାମାନି ସାତାତି ମିଜେ
ଖେସିମାଞ୍ଜାଇଁ, ନାନୁ ଇଲେତି ଲକୁ, ମୀରୁ ନାଜେ
ପାୟାଲି ତାକି ଅଣ୍ପିମାଞ୍ଜାଦେରି; ଅବ୍ରାହାମ ଇଲେତି
କାମା କିଆତେସି □

୪୧ ମୀରୁ ମୀ ଆବାତି ବାରେ କାମା କିହିମାଞ୍ଜେରି □”

ଏଞ୍ଜାରି ଜୀସୁଇଁ ଏଲେଇଚେରି; “ମାମ୍ବୁ ଦାରିକାମାଟି
ଜାର୍ନା ଆହାହିଲଅମି; ମା ରଣିଏ ଆବା, ଏଞ୍ଜାସି ମାହାପୁରୁ
□”

୪୨ ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ସାତେଏ
ମୀ ଆବା ଆଡ଼ିହିଁ ମା, ମୀରୁ ନାଜେ ଜୀସୁ ନୟାତେରିମା,

ଇଚିହିଁ ନାନୁ ମାହାପୁରୁ ତାଣାଟି ଖାହାମାଇଁ; ନାନୁ ନା
ତାଣାଟି ଖାହାହିଲଅଁ, ସାମା ଏଞ୍ଜାସି ନାଜେ ପାଣ୍ଡାତେସି □

୪୩ ନାନୁ ଏନାଆଁ ଖେସିମାଞ୍ଜାଇଁ, ମୀରୁ ଏନାଆଁତାକି ନା
ହାଡ଼ାତି ତେଲହାଲି ଆଡ଼ିହିଲଅତେରି ? ଇଦାନି କାତା
ଆହିମାନେ ମୀରୁ ନା ବଲୁତି ଖେଞ୍ଜାଲି ଆଡ଼ିହିଲଅତେରି
□

୪୪ ମୀରୁ ମୀ ଆବା ସୟତାନତି ମୀରକା ମାସକାତେରି,
ଅଡ଼େ ମୀରୁ ମୀ ଆବାତି କାମା କିହାଲି ମୀ ଅଣ୍ପୁ □
ଏଞ୍ଜାସି ମୁଲୁଟିଏ ଲକୁଣି ପାୟନାସି, ଅଡ଼େ ଏଞ୍ଜାସି ସାତାତା
ଡ଼ୟିଅସି, ଇଚିହିଁ ଏଞ୍ଜାଣି ତାଣା ସାତା ହିଲେଏ □
ଏଚିବେଲା ଏଞ୍ଜାସି ମିତି ଜଲିନେସି, ଏଚେତା ତାନିତାଣାଟି
ଜଲିନେସି; ଇଚିହିଁ ଏଞ୍ଜାସି ମିତି ଗାଟାସି ଇଞ୍ଜା ମିତିତି
ତାଞ୍ଜି □

୪୫ ସାମା ନାନୁ ସାତା ଜଲିମାନାକି, ମୀରୁ ନାଜେ
ନାମିମାଞ୍ଜଅତେରି □

୪୬ ନାନୁ ପାପୁ ଗାଟାତେଏଁ ଇଞ୍ଜିଁ ମୀ ବିତାଟି
ଆମ୍ବାଆତେରି ପାରମାଣା କିହାଲି ଆଡ଼ିଦେରି ? ନାନୁ
ସାତା ଖେସ୍ତାସାରେ, ନାଜେ ମୀରୁ ଏନାଆଁତାକି
ନାମିମାଞ୍ଜଅତେରି ?

୪୭ ଆମ୍ବାଆସି ମାହାପୁରୁ ତାଣାଟି ଖାହାମାନେସି,
ଏଞ୍ଜାସି ମାହାପୁରୁତି ବଲୁ ଖେନେସି; ମୀରୁ ମାହାପୁରୁ
ତାଣାଟି ଖାହାହିଲଅତେରି, ଏଦାଆଁତାକି ଇ ବଲୁ
ଖେଞ୍ଜିହିଲଅତେରି □”

ଜୀସୁ ଅଡ଼େ ଅବ୍ରାହାମ

୪୮ ଜୀହୁଦିୟାଁ ଜୀସୁଇଁ ଏଲେଇଚେରି, “ନାନୁ
ସମିରଣତି ଇଞ୍ଜାଁ ନିଜେ ବୁଡୁ ଆଲ୍‌ଗାମାଞ୍ଜାନେ, ଏଦାଆଁ
ମାମ୍ବୁ ସାତା ଖେସି ହିଲଅମି କି ?”

୪୯ ଜୀସୁ ଏଞ୍ଜାରାଇଁ ଏଲେଇଚେସି; “ନାଜେ ବୁଡୁ
ଆଲ୍‌ଗା ମାଞ୍ଜେଏ, ନାନୁ ନା ଆବାଇଁ ମାନି କିହିମାଇଁ, ସାମା
ମୀରୁ ନାଜେ ଲାଜା କିହିମାଞ୍ଜାଦେରି □

୫୦ ନାନୁ ନା ଗାଞ୍ଜୁରମି କିହାଲି ଅଣ୍ପି ହିଲଅଁ; ରଅସି
ଅଣ୍ପିମାନେସି ଏଞ୍ଜାସି ନା ଖାକିଟି ବିଚାରା କିନେସି □

୫୧ ନାନୁ ସାତା ଖେସିମାଞ୍ଜାଇଁ, ଆମ୍ବାଆସି ନା ବଲୁତି
ମାନଞ୍ଜି ଆନେସି, ଏଞ୍ଜାସି ଏଚେଲା ହାଅସି □”

୫୨ ଜୀହୁଦିୟାଁ ଏଞ୍ଜାଣାଇଁ ଏଲେଇଚେରି, “ନୀଏଁ ମାମ୍ବୁ
ପୁଟମି, ନିଜେ ବୁଡୁ ଆଲ୍‌ଗାମାଞ୍ଜାନେ, ଅବ୍ରାହାମ ଅଡ଼େ
ମାହାପୁରୁ ଅଣ୍ପୁତି ବଲୁ ଖେହନାରି ବାରେଜାଣା ହାଡ଼େରି,
ଅଡ଼େ ନୀନୁ ଖେସିମାଞ୍ଜି, ଆମ୍ବାଆସି ନା ବଲୁ ମାନଞ୍ଜି
ଆନେସି, ଏଞ୍ଜାସି ଏଚେଲା ଜିକେଏ ହାଅସି □

୫୩ ମା ଆକୁ ଅବ୍ରାହାମ ହାଡ଼େସି, ନୀନୁ ଏନାଆଁ ଅବ୍ରାହାମ
କିହାଁ କାଜାତି ଇଞ୍ଜିଁ ଅଣ୍ପିମାଞ୍ଜି ? ମାହାପୁରୁ ଅଣ୍ପୁତି
ବଲୁ ଖେହନାରି ଜିକେଏ ହାଡ଼େରି; ନୀନୁ ଆମ୍ବାଆତି
ଇଞ୍ଜିଁ ଖେସିମାଞ୍ଜି ?”

୫୪ ଜୀସୁ ଏଲେଇଚେସି, “ନାନୁ ନା ଗାଞ୍ଜୁରମି କିହିମାଇଁ,
ଆଡ଼ିହିଁ ନା ଗାଞ୍ଜୁରମି ଏନାୟି ଆଏ; ଆମ୍ବାଆସି ନାଜେ

✧ ୮:୩୩ ୮:୩୩ ମାତି ୩:୯; ଲୁକ ୩:୮

ଗାଧୁରମି କିୟାନେସି ଏଝାସି ନା ଆବା ଆମ୍ବାଆରାଇଁ ମୀରୁ
ମୀ ମାହାପୁରୁ ଇଞ୍ଜି ଏଲେ ଇଞ୍ଜିମାଞ୍ଜେରି;

୫୫ ମୀରୁ ଏଝାଣାଇଁ ଏରେଲା ପୁଞ୍ଜାହିଲଅତେରି, ସାମା
ନାନୁ ଏଝାଣାଇଁ ପୁଞ୍ଜାମାଇଁ □ ଏଝାଣାଇଁ ପୁଞ୍ଜାହିଲଅଁ
ଇଞ୍ଜି ନାନୁ ଝେସ୍ତୁହଁ, ମୀ ଲେହେଁ ନାନୁ ଜିକେଏ ମିତି
ଗାଟାତେଏଁ ଆଇଁ, ସାମା ନାନୁ ଏଝାଣାଇଁ ପୁଞ୍ଜାମାଇଁ ଅଡ଼େ
ତାନି ବଲୁଡି ମାନୁଝି ଆଇଁ □

୫୬ ମୀ ଆବା ଅବ୍ରାହାମ ନା ଦିନା ମେସାଲି ତାକି ଆସା
କିହାନା ରାହାଁ କିତେସି, ଅଡ଼େ ଏଦାଆଁ ମେସାନା ଏଝାସି
ରାହାଁ ଆଡ଼େସି □

୫୭ ଜୀହୁଦିୟାଁ ଏଝାଣାଇଁ ଏଲେଇରେସି, “ନିଞ୍ଜେ ରୀ
କଡ଼ି ଦସ ବାସୀ ଆହାମାଞ୍ଜେଏ, ନୀନୁ ଏନାଆଁ ଅବ୍ରାହାମଇଁ
ମେସାମାଞ୍ଜି ?”

୫୮ ଜୀସୁ ଏଝାଣାଇଁ ଏଲେଇରେସି, “ନାନୁ ମିଞ୍ଜେ ସାତା
ଝେସିମାଞ୍ଜାଇଁ, ଅବ୍ରାହାମତି ଜାର୍ନା ନକେଏ ନାନୁ ମାଇଁ □”

୫୯ ଏଝାରି ଏଝାଣାଇଁ ଝେଚାଲିତାକି ଖାଲକା ପେରହା
କଡ଼ିତେରି, ସାମା ଜୀସୁ ମାହାପୁରୁ ଇଲୁଟି ମେହ୍‌ଆରେଟୁ
ହରାହାରେସି □



ଜୀସୁ ଜାର୍ନାଟିଏ କାଣାଇଁ ନେହଁ କିନାୟି

୧ ଜୀସୁ ହାଜିମାଟାଟି ର ଜାର୍ନାଟିଏ କାଣାଇଁ
ବେଟାଆଡ଼େସି □

୨ ତାନି ସୀସୁୟାଁ ଝେଚେରି, “ଗୁରୁ, ଆମ୍ବାଆସି ପାପୁ
କିହାଲିଏ ଇଝାସି କାଣା ଆହାନା ଜାର୍ନା ଆଡ଼େସି, ତାନୁ କି
ତାନି ଇୟା ଆବା ପାପୁ କିତାକି ?”

୩ ଜୀସୁ ଏଲେଇରେସି, “ଇଝାସି କି ତାନି ଇୟା
ଆବା ପାପୁ କିତାକି ଆଏ, ସାମା ମାହାପୁରୁତି କାମା
ଏନିକଁ ଇଝାଣି ତାଣାଟି ତସ୍‌ପିଆନେ, ଏଦାଆଁତାକି ଇଦି
ଆହାମାନେ □

୪ ଦିନା ମାଞ୍ଜା ମାଞ୍ଜାନା, ନାଞ୍ଜେ ପାଣ୍ଡାମାଞ୍ଜାନାଣା କାମା
କିନାୟିମାନେ; ଏମିନି ବେଲାତା ଆମ୍ବାଆସି କାମା କିହାଲି
ଆଡ଼ଅସି, ଇଲେତି ଲାଆଁ ଖାହୁମାନେ □

୫ ନାନୁ ଏଡ଼େପାତେକା ଦାରୁଡିତା ମାଇଁ,
ଏଡ଼େପାତେକା ନାନୁ ଦାରୁଡିତି ଉଜେଡ଼ିତେଏଁ □”

୬ ଇ କାତା ଏଲେଇଞ୍ଜାନା, ଜୀସୁ ଇରୁଆତା ହୁପାନା
ହୁପକା ତଲେ କାଡ଼ କିତେସି; ଅଡ଼େ ତାନି ରୀ କାଣିକାଣାଁ
ରୁବିତେସି ଅଡ଼େ ଏଝାଣାଇଁ ଏଲେଇରେସି,

୭ ହାଲାମୁ “ସିଲହ* ବାନ୍ଦାତା ମୁମ୍ବୁ ନରହା ଝାମୁ
□” ଏମ୍ବାଟିଏ ଏଝାସି ହାଜାନା ନରହା କତାନା ଝେଣ୍ଡା
ଝାହୁମାଟାଟି ମେସାଲି ଆଡ଼ିତେସି □

୮ ତାନି ପାଡ଼ିତାରି, ଅଡ଼େ ଏମିନିଗାଟାରି ଏଝାଣାଇଁ
ନକେଏ ରୀସ୍‌ପି ମାଟାଣି ମେସାମାଚେରି, ଏଝାରି
ଝେଚେରି, “ଇଝାସି ଏନାଆଁ କୁଗାନା ରୀସ୍‌ପି ମାଚେସି
ଏଝାସି ଆଏକି ?”

୯ ଏଚରଜାଣା ଏଲେଇରେସି, “ଇଝାସିଏ ଏଝାସି;”
ଅଡ଼େ ଏଚରଜାଣା ଏଲେଇରେସି, “ଆଏ, ଏଝାଣିଲେହେଁ
ତାସି □” ଏଝାସି ଏଲେଇରେସି, “ନାନୁଏ ଏଝାତେଏଁ □”

୧୦ ଲକୁ ଏଝାଣାଇଁ ଝେଚେରି, “ଆଡ଼ିହଁ, ନୀନୁ ନୀଏଁ
ଏନିକଁ ମେସାଲି ଆଡ଼ିମାଞ୍ଜି ?”

୧୧ ଏଝାସି ଏଲେଇରେସି, “ଆମ୍ବାଆରାଇଁ ଜୀସୁ
ଇନେରି, ଏଝାସି ଇରୁଆତି କାଡ଼ କିହାନା ନା କାଣିକାଣାଁ
ରୁବାତେସି ଅଡ଼େ ସିଲହତା ହାଜାହାଁ ମୁମ୍ବୁ ନରହା
କତାମୁ ଏଲେଇଞ୍ଜାତେସି; ଏଚେଟିଏ ନାନୁ ହାଜାନା ମୁମ୍ବୁ
ନରହାଲିଏ ମେସାଲି ଆଡ଼ିତେଏଁ □”

୧୨ “ଏଝାସି ଆମ୍ବିୟା ?” ଇଞ୍ଜି ଏଝାଣାଇଁ ଝେଚେରି,
ଏଝାସି ଏଲେଇରେସି, “ନାନୁ, ପୁଞ୍ଜାହିଲଅଁ □”

ପାରୁସିୟାଁ ଇ କାମାତି ତାୟିପାରି କିନାୟି

୧୩ ଆମ୍ବାଆସି ନକେଏ କାଣା ମାଚେସି, ଏଝାଣାଇଁ
ପାରୁସିୟାଁ ତାଣା ତାଚେରି □

୧୪ ଜୀସୁ ଏମିନି ଦିନା କାଡ଼ କିହାନା ତାନି କାଣିକା
ନେହଁ କିହାମାଚେସି, ଏ ଦିନା ଜମିନି ଦିନା ମାଚେ □

୧୫ ପାରୁସିୟାଁ ଏଝାଣାଇଁ ଝେଚେରି, ଏନିକଁ ଏଝାସି
ମେସାଲି ଆଡ଼ିତେସି ? ଏଝାସି ଏଲେଇରେସି, “ନା
କାଣିକାଣାଁ ଏଝାସି ଇଚାଣି କାଡ଼ ରୁବାତେସି, ନାନୁ ହାଜାନା
ମୁମ୍ବୁ ନରହାନା ଝାଡ଼େଏଁ ଅଡ଼େ ମେସାଲି ଆଡ଼ିମାଇଁ □”

୧୬ ପାରୁସିୟାଁ ତାନି ବିତ୍ରାଟି ଏଚରଜାଣା ଏଲେଇରେସି,
“ଏଝାସି ମାହାପୁରୁ ତାଣାଟି ଝାହାହିଲଅସି, ଇଡ଼ିହଁ
ଏଝାସି ଜମିନି ଦିନାତି ମାନୁଝି ଆହିହିଲଅସି □” ଅଡ଼େ
ଏଚରଜାଣା ଏଲେଇରେସି, “ପାପୁ ଲକୁ ଆହାନା ଇଲେତି
କାବାଆନି କାମା ଏନିକଁ କିହାଲି ଆଡ଼ିନେସି ?”
ଇଲେଆହଁ ଏଝାରି ତାନି ବିତ୍ରା ବାଟା ଆଡ଼େ ?

୧୭ ପାରୁସିୟାଁ ଅଡ଼େ ଝେଣ୍ଡେ ଏ କାଣାଇଁ ଝେଚେରି,
“ଏଝାସି ନୀ କାଣିକା ନେହଁ କିୟାତେସି, ଏଝାଣି କାତା
ନୀନୁ ଏନାଆଁ ଇଞ୍ଜିମାଞ୍ଜି ?” ଏଝାସି ଏଲେଇରେସି “ଏଝାସି
ର ମାହାପୁରୁ ଅଶ୍‌ପୁତି ବଲୁ ଝେହ୍‌ନାସି □”

୧୮ ଏଝାସି ଜାର୍ନାଟିଏ କାଣା ମାଚେସି ଅଡ଼େ ନୀଏଁ, ଇ
ହାଡ଼ା ତାନି ଇୟା ଆବାତି ଝେନାଆ ପାତେକା, ଜୀହୁଦିୟାଁ
ନାମାଆତେରି □

୧୯ ଏଝାରି ତାନି ଇୟା ଆବାତି ଝେଚେରି, “ମୀ ଆମିନି
ମୀରୁଏସି କାଣା ଆହାନା ଜାର୍ନା ଆହାମାଚେସି ଇଞ୍ଜି
ଏଲେଇଶ୍‌ମ୍ବିତେରି ଇଝାସି ଏନାଆଁ ଏ ମୀ ମୀରୁଏସି ?
ଆଡ଼ିହଁ ଏଝାସି ନୀଏଁ ଏନିକଁ ମେସାଲି ଆଡ଼ିମାନେସି ?”

୨୦ ଏମ୍ବାଟିଏ ତାନି ଇୟା ଆବା ଏଲେଇଚୁ, “ହାଅ,
ଏଝାସି ମା ମୀରୁଏସି, ଏଝାସି କାଣା ଆହାନା ଜାର୍ନା
ଆହାମାଚେସି ଏଦାଆଁ ମାମ୍ବୁ ପୁଞ୍ଜାମାନମି;

୨୧ ସାମା ଏଝାସି ନୀଏଁ ଏନିକଁ ମେସାଲି ଆଡ଼ିମାନେସି,
ଏଦାଆଁ ମାମ୍ବୁ ପୁଞ୍ଜାହିଲଅମି, ଅଡ଼େ ଆମ୍ବାଆସି
ଏଝାଣାଇଁ ମେସ୍‌ପି କିହାମାନେସି, ମାମ୍ବୁ ଏଦାଆଁ ଜିକେଏ

* ୯:୫ ୯:୫ ମାତି ୫:୧୪; ଜହ ୮:୧୨ * ୯:୭ ୯:୭ ସିଲହ ଇଚିସାରେ ପାଣ୍ଡୁଝି ଆହାମାନାୟି

ପୁଞ୍ଜାହିଲଅମି; ଏଝାଣାଙ୍କୁ ଖେଞ୍ଜୁ, ଏଝାସି କାଜାସି ଆଡ଼େସିଏ, ଏଝାସି ତାନି କାତା ତାନୁଏ ଖେସାଲି ଆଡ଼ିନେସି □”

୨୯ ଏଝାଣି ତାନି ଇୟା ଆବା ଜାହୁଦି ଲକୁଡି କାଜାରାଙ୍କୁ ଆଜିମାଟାକି ଇ ବାରେ କାତା ଖେସୁ, ଏନାଆଁତାକି ଇଚିହିଁ ଆମ୍ବାଆସି ଜୀସୁଙ୍କୁ କ୍ରୀସୁ ଇଞ୍ଜିଁ ଇନେସି, ଏଝାଣାଙ୍କୁ ଜାହୁଦି ଲକୁଡି କୁଟମି ଇଲୁଟିଃ ଯେରୁଝି ଆନେ ଇଞ୍ଜିଁ ଜାହୁଦି ଲକୁ ଏ ନକେଏ କାତା ଆହାମାରେରି □

୩୦ ଏଦାଆଁତାକି ତାନି ଇୟା ଆବା ଏଲେଇଚୁ, “ଏଝାସି କାଜାସି ଆଡ଼େସିଏ, ଏଝାଣାଙ୍କୁ ଖେଞ୍ଜୁ □”

୩୧ ପାରୁସିୟାଁ ଏ ଜାର୍ନାଟିଏ କାଣାଙ୍କୁ ଅଡ଼େ ଖେଶ୍ଟେ ହାଟାନା ଏଲେଇଚେରି, “ମାହାପୁରୁଙ୍କୁ ଗାସ୍ତୁରମି କିହାନା ଏଲେଇନାମୁ, ଆମ୍ବାଆସି ନିଞ୍ଜେ ନେହିଁ କିହାମାଞ୍ଜାନେସି, ଏଝାସି ର ପାପୁ ଗାଟାସି ଇ କାତା ମାମ୍ବୁ ପୁଞ୍ଜାମାନମି □”

୩୨ ଏଝାସି ଏଲେଇଚେସି, “ଏଝାସି ପାପୁ ଗାଟାସି କି ଆଏ, ନାନୁ ପୁଞ୍ଜାହିଲଅଁ; ନାନୁ ର କାତା ପୁଞ୍ଜାମାଙ୍କୁ; ନାନୁ କାଣା ମାଚେଏ, ନାଏଁ ମେସାଲି ଆଡ଼ିମାଙ୍କୁ □”

୩୩ ଏଝାରି ଏଝାଣାଙ୍କୁ ଏଲେଇଚେରି, “ଏଝାସି ନିଞ୍ଜେ ଏନାଆଁ କିୟାତେସି? ଏନିକିଁ ଏଝାସି ନୀ କାଣକା ଦେପି କିୟାତେସି?”

୩୪ ଏଝାସି ଏଲେଇଚେସି, “ନକେଏ ଖେସା ରାହାମାଞ୍ଜାଙ୍କୁ, ଅଡ଼େ ମୀରୁ ଖେନାଆତେରି; ଅଡ଼େ ଖେଶ୍ଟେ ଏନାଆଁତାକି ଖେଞ୍ଜାଲି ଅଣ୍ଡିମାଞ୍ଜେରି? ମୀରୁ ଜିକେଏ ଏନାଆଁ ତାନି ସୀସୁ ଆହାଲି ଅଣ୍ଡିମାଞ୍ଜେରି □”

୩୫ ଏଝାରି ଏଝାଣାଙ୍କୁ ଲାଗାନା ଏଲେଇଚେରି, “ନାନୁ ତାନି ସୀସୁତି, ସାମା ମାମ୍ବୁ ମୁସାତି ସୀସୁୟାଁତମି □

୩୬ ମାମ୍ବୁ ପୁଞ୍ଜାମାନମି, ମାହାପୁରୁ ମସାଙ୍କୁ କାତା ଆହାମାରେସି, ସାମା ଇ ମାଣ୍ଡସି ଆମ୍ବିଟି ଖାହାମାନେସି, ଏଦାଆଁ ମାମ୍ବୁ ପୁଞ୍ଜାହିଲଅମି □”

୩୭ ଏଝାସି ଏଝାଣାଙ୍କୁ ଏଲେଇଚେସି, “ଇଦି ରଣ୍ଡି କାବାଆନି କାତା ଏଝାସି ଏମ୍ବିଟି ଖାହାମାନେସି, ମୀରୁ ପୁଞ୍ଜାହିଲଅତେରି, ସାମା ଏଝାସି ନାଞ୍ଜେ କାଣକା ଦେପି କିୟାତେସି □

୩୮ ମାମ୍ବୁ ପୁଞ୍ଜାମାନମି, ମାହାପୁରୁ ପାପୁଗାଟି ଲକୁଡି ହାଡ଼ା ଖେନଅସି, ଆମିନି ଗାଟାରି ମାହାପୁରୁଙ୍କୁ ମାନି କିନେରି ଅଡ଼େ ତାନି ଅଣ୍ଡପୁ ତଲେ କାମା କିନେରି, ଏଝାରି ହାଡ଼ାତି ଏଝାସି ଖେନେସି □

୩୯ ତଲି କାଲ୍ଲାଟିଏ ଆମ୍ବାଆସି ଜାର୍ନା କାଣାଙ୍କୁ ମେସପିକିତି କାତା ଏଚେଲା ଖେଶ୍ଟି ଆହାହିଲଆତେ □

୪୦ ଇଝାସି ମାହାପୁରୁ ତାଣାଟି ଖାହା ହିଲାଆତ, ଏନାଆଁ କିହାଲି ଆଡ଼ାଆତେସିମା □”

୪୧ ଏଝାରି ଏଝାଣାଙ୍କୁ ଏଲେଇଚେରି, “ପାପୁ ତଲେ ନାନୁ ଜାର୍ନା ଆହାନା ପାପୁ ତଲେ ପାଡାଆଡ଼ି, ନାନୁ ମାଞ୍ଜେ

ଜାପୁହି ମାଞ୍ଜାଦି ?” ଏଦାଆଁତାକି ଏଝାରି ଏଝାଣାଙ୍କୁ ଜାହୁଦି ଲକୁଡି କୁଟମି ଇଲୁଟିଃ ଯେରୁହାଡୁସେରି □

ସୁଦୁଗାଟି ମାଣ୍ଡକି ମେହୁଆ ଗାଟାସି

୧୫ ଏଝାରି ଏଝାଣାଙ୍କୁ ଯେରୁହା ମାନେରି, ଇଞ୍ଜା ଜୀସୁ ଇ କାତା ଖେଞ୍ଜାନା, ଏଝାଣାଙ୍କୁ ମେସାନା ଏଲେଇଚେସି, “ନାନୁ ଏନାଆଁ ମାଣ୍ଡସି ମୀରୁଏଣି ତାଣା ନାମିମାଞ୍ଜି ?”

୧୬ ଏଝାସି ଏଝାଣାଙ୍କୁ ଏଲେଇଚେସି, “ପୁରୁ, ଖେସ୍ତାମୁ ଏଝାସି ଆମ୍ବାଆସି, ଆତିହିଁ ନାନୁ ଏଝାଣାଙ୍କୁ ନାମିଙ୍କୁ □”

୧୭ ଜୀସୁ ଏଝାଣାଙ୍କୁ ଏଲେଇଚେସି, “ନାନୁ ଏଝାଣାଙ୍କୁ ମେସାମାଞ୍ଜି, ନୀ ତଲେ ଆମ୍ବାଆସି ନାଏଁ କାତା ଆହିମାନେସି, ଏଝାସିଏ □”

୧୮ ଏମ୍ବାଟିଏ ଏଝାସି ଏଲେଇଚେସି, “ନାନୁ ନାମିମାଙ୍କୁ, ପୁରୁ!” ଇଞ୍ଜା ଜୀସୁ ନକିତା ମେଶ୍ଟାକୁତାନା ଜହରା କିତେସି □

୧୯ ଜୀସୁ ଏଲେଇଚେସି, “ମେହୁଆଗାଟି ଲକୁ ଏନିକିଁ ମେହୁନେରି ଇଞ୍ଜା ମେହୁନି ଲକୁ ଏନିକିଁ କାଣା ଆନେରି, ଇ ବିଚାରା କିହାଲି ନାନୁ ଦାର୍ତତା ଖାହାମାଙ୍କୁ □”

୨୦ ଏମ୍ବାଆଁ ମାଟି ଏଚରଜାଣା ପାରୁସିୟାଁ ଇ କାତା ଖେଞ୍ଜାନା, ଏଝାଣାଙ୍କୁ ଏଲେଇଚେରି, “ମାମ୍ବୁ ଜିକେଏ ଏନାଆଁ କାଣାୟାଁତମି ?”

୨୧ ଜୀସୁ ଏଝାଣାଙ୍କୁ ଏଲେଇଚେସି, “କାଣାୟାଁ ଆହାମାଟିହିଁ ମୀରୁ ଦହୁ ହିଲାଆଗାଟାତେରି ଆଡ଼େରିମା, ସାମା ମେସାଲି ଆଡ଼ିମାନମି ଇଞ୍ଜିମାନାକି ମୀରୁ ହାଡ଼େକା ପାପୁତା ମାଞ୍ଜେରି □”

୧୦

ମେଶ୍ଟାୟାଁ ଅଡ଼େ ଗଡୁ

୧ ଜୀସୁ ଏଲେଇଚେସି, “ନାନୁ ମିଞ୍ଜେ ସାତା ଖେସିମାଞ୍ଜାଙ୍କୁ, ଆମ୍ବାଆସି ଦାରା ଖାକିଟି ମେଶ୍ଟାୟାଁ ମାନ୍ଦାତା ହଡୁଅସି, ସାମା ଅର ଖାକିଟି ଡେଞ୍ଜାନା ହଡୁନେସି, ଏଝାସି ସରୁ ଇଞ୍ଜା ତଂଗେଏସି;

୨ ସାମା ଆମ୍ବାଆସି ଦାରା ଖାକିଟି ହଡୁନେସି, ଏଝାସି ମେଶ୍ଟା ଗଡୁ □

୩ ଦାରାତା କାଃଆନାସି ଏଝାଣାକି ଦାରା ଦେଚା ହାନେସି, ଅଡ଼େ, ଏଝାସି ତାନି ମେଶ୍ଟାୟାଁଆଁ ଦରୁ ଆସାନା ହାଟିନେସି, ଏଞ୍ଜି ତାନି ହାଟିନାଣି ଖେନୁ ଅଡ଼େ ଏଝାସି ଏ ମାନ୍ଦାତି ପାଞ୍ଜାତା ଜିରୁ ନକି କିହାନା ଅନେସି □

୪ ମେଶ୍ଟାୟାଁଣି ପାଞ୍ଜାତା ଅନାଟି ମେଶ୍ଟାୟାଁ ଗଡୁ ନକି ନକିତା ତାକିନେସି, ଅଡ଼େ ମେଶ୍ଟାୟାଁ ତାନି ଜେତ ଜେତ ତାକିନୁ, ଇଚିହିଁ ଏଞ୍ଜି ଏଝାଣି ଗିୟାଁ ତେଲ୍‌ହାଉ □

୫ ସାମା ଏଞ୍ଜି ପୁନାଆତି ଲକୁ ଜେତ ଏଚେଲା ଜିକେଏ ତାକାଉ, ସାମା ଏଝାଣି ଦାରି ଦାରିଟି ହଟାଡୁହନୁ, ଇଚିହିଁ ଏଞ୍ଜି ପୁନାଆତାରି ଗିୟାଁ ତେଲ୍‌ହିନୁ □”

† ୯:୨୨ ୯:୨୨ ସିନଗଗ ‡ ୯:୩୪ ୯:୩୪ ସିନଗଗ

୬ ଜୀସୁ ଏଞ୍ଜରାଲ୍ ଇ ପୁଣ୍ଡିକିନି କାତା ୱେସାନା ଏଲେଇଚେସି, ସାମା ଏଞ୍ଜସି ଏନା ଏନାଆଁ ୱେସିମାଚେସି, ଏ ବାରେ ଏନାୟି ଇଞ୍ଜି ଏଞ୍ଜାରି ପୁନାଆତେରି □

ଜୀସୁ ନେହ୍ ମେଣ୍ଡାୟି ଗଡୁ

୭ ଜୀସୁ ଅଡେ ୱେଣ୍ଡେ ଏଲେଇଚେସି, “ସାତା ସାତା ନାନୁ ମିଙ୍ଗେ ୱେସିମାଞ୍ଜାଲ୍, ନାନୁ ମେଣ୍ଡାୟି ଦୁଝେରିତେଏଁ □

୮ ଏଚକାତାରି ନା ନକେଏ ୱାହାମାନେରି, ଏଞ୍ଜାରି ବାରେ ସରକା ଅଡେ ତଂଗାୟି, ସାମା ମେଣ୍ଡାୟି ଏଞ୍ଜାରି କାତା ୱେନାଆତୁ □

୯ ନାନୁ ଆହମାଲ୍ ଦାବା □ ଆମ୍ବାଆସି ନା ତାଣାଟି ହଡନେସି, ଏଞ୍ଜସି ଗେଲ୍ପି ଆନେସି ଇଞ୍ଜା ବିତ୍ତା ୱାହାନା ଅଡେ ପାଙ୍ଗାତା ହାଜାନା ହାରା ବେଟାଆନେସି □

୧୦ ସରୁ ୱାରୁଇ ସରୁ କିହାଲି, ପାୟାଲି ଅଡେ ନାସା କିହାଲି ୱାନେସି; ଏଞ୍ଜାରି ଏନିକ୍ ଜୀସୁ ବେଟାଆନେରି ଅଡେ ହାରେକା ବେଟାଆନେରି ଏଦାଆଁତାକି ନାନୁ ୱାହାମାଲ୍ □”

୧୧ “ନାନୁ ନେହ୍ ମେଣ୍ଡାୟି ଗଡୁତେଏଁ; ନେହ୍ ମେଣ୍ଡାୟି ଗଡୁ ମେଣ୍ଡାୟି ତାକି ତାନି ଜୀସୁ ହାନେସି □

୧୨ ଆମ୍ବାଆସି ମେଣ୍ଡାୟି ଗଡୁ ଆଏ, ଗତି ଦଂଗ୍‌ଶେଏସି, ଜାହାରା ମେଣ୍ଡାୟି ହିଲାଡ ଏଞ୍ଜସି କ୍ଲୁଠନି ୱାନାଣି ମେସାନା ମେଣ୍ଡାୟି ପିସା ହଶ୍‌ନେସି ଅଡେ କ୍ଲୁଠନି ୱାହାନା ଏ ବାରେତି ସିନାସାତ୍ରା କିନେ,

୧୩ ଇଚିହ୍ ଏଞ୍ଜସି ଗତି ଦଂଗ୍‌ଶେଏସି, ଇଞ୍ଜା ମେଣ୍ଡାୟିକି ଅଶ୍‌ପୁ ହିଲେଏ,

୧୪ ନାନୁ ନେହ୍ ମେଣ୍ଡାୟି ଗଡୁ ଆବା ଏନିକ୍ ନାଙ୍ଗେ ପୁଞ୍ଜାମାଞ୍ଜାନେସି ଅଡେ ନାନୁ ଆବାଲ୍ ପୁଞ୍ଜାମାଲ୍,

୧୫ ଏନିକ୍ ଆବା ନାଙ୍ଗେ ପୁଞ୍ଜାମାଞ୍ଜାନେସି, ଅଡେ ନାନୁ ଆବାଲ୍ ପୁଞ୍ଜାମାଲ୍, ଏଲେକିହ୍ ଏ ନାନୁ ନା ମେଣ୍ଡାୟିଲ୍ ପୁଲ୍, ଅଡେ ନା ମେଣ୍ଡାୟି ଜିକେଏ ନାଙ୍ଗେ ପୁଞ୍ଜାନୁ, ଅଡେ ମେଣ୍ଡାୟି ତାକି ନାନୁ ନା ଜୀସୁ ହାଇଲ୍ □

୧୬ ଏମିନି ମେଣ୍ଡାୟି ଇ ମାନ୍ଦାତାଇ ଆଏ, ନା ଇଲେତି ମେଣ୍ଡାୟି ମାନୁ, ଏଞ୍ଜାଆଁ ଜିକେଏ ନାଙ୍ଗେ ତାନାୟି ଆନେ, ଅଡେ ଏଞ୍ଜି ନା ହାଡା ତେଲ୍‌ହିନୁ; ଏମ୍ବାଟିଏ ରଶ୍‌ସିଏ ମାନ୍ଦା ଅଡେ ରଶ୍‌ସିଏ ଗଡୁ ଆନେସି □”

୧୭ “ନାନୁ ନା ଜୀସୁ ହାନାକି ଆବା ନାଙ୍ଗେ ଜୀସୁ ନୟାନେସି, ଅଡେ ନାନୁ ନା ଜୀସୁ ୱେଣ୍ଡେ ଅହାକତାଲି ନାନୁ ଏଦାଆଁ ହାଇଲ୍ □

୧୮ ନା ଜୀସୁ ଏଚକାତାରି ଆମ୍ବାଆରି ଅହାଲି ଆଡଅରି, ଏଦାଆଁ ନାନୁ ନା ଅଶ୍‌ପୁ ତଲେ ହାଇଲ୍, ନା ଜୀସୁ ହାହାଲିତାକି ଅଡେ ଏଦାଆଁ ୱେଣ୍ଡେ ଅହାକତାଲି ତାକି ନା ଅଦିକାରା ମାନେ □ ଇଦାଆଁ କିହାଲି ଆବା ମାହାପୁରୁ ନାଙ୍ଗେ ହୁକୁମି ହାହାମାଞ୍ଜାନେସି □”

୧୯ ଜୀସୁତି ଇ ବାରେ କାତାତାକି ଜୀହୁଦି ଲକୁତାଣା ଗଡହା ହଡେ □

୨୦ ଏଞ୍ଜାରି ବିତ୍ତାଟି ଏଚରଜାଣା ଏଲେଇଚେରି, “ଏଞ୍ଜାଣାଲ୍ ବୁତୁ ଆଲ୍‌ଗାମାନେ, ଏଞ୍ଜସି ବାୟା ଆହାମାନେସି, ଏନାଆଁତାକି ଏଞ୍ଜାଣି କାତା ୱେଞ୍ଜିମାଞ୍ଜେରି ?”

୨୧ ଏଚକାତାରି ଏଲେଇଚେରି, “ଇ ବାରେ କାତା ବୁତୁ ଆଲ୍‌ଗାମାନାରି କାତା ଆଏ; ବୁତୁ ଏନାଆଁ କାଣାଟି କାଣ୍‌କା ମେସ୍‌ପି କିହାଲି ଆଡନେ □”

ଜୀସୁଲ୍ ଅପାଆଗାଚାୟି

୨୨ ଏଚିବେଲା ଜିରୁସାଲମତା ମାହାପୁରୁ ଇଲୁତି ମାହାପୁରୁ ଦରୁଟି ହେର୍‌ପିନି ପାର୍ବୁ ଆଡେ; ଏଦି ପେନିବେଲା ମାଚେ,

୨୩ ଜୀସୁ ମାହାପୁରୁ ଇଲୁତି ସଲମନ ପିଣ୍ଡାତା ରେଜିମାଚେସି □

୨୪ ଏମ୍ବାଟିଏ ଜୀହୁଦି ଲକୁ ସାରିଞ୍ଜାକି ମୁଚାନା ୱେଞ୍ଜାଲି ମାଟ୍‌ହେରି, “ଏଚରଦିନା ପାତେକା ମା ମନତା ଆନାମାନା କିୟାଦି ? ନାନୁ ଜୀସୁତି ଇଚିହ୍ ମାଙ୍ଗେ ନେହ୍ କି ୱେସ୍‌ମା □”

୨୫ ଜୀସୁ ଏଞ୍ଜରାଲ୍ ଏଲେଇଚେସି, “ନାନୁ ମିଙ୍ଗେ ୱେସାମାଞ୍ଜାଲ୍, ସାମା ମାରୁ ନାମିହିଲଅତେରି; ନା ଆବା ଦରୁଟି ନାନୁ ଏମିନି ବାରେ କାମା କିହିମାଲ୍, ଏ ବାରେ ନା ୱାକିଟି ସାକି ହାହିମାନେ;

୨୬ ଆଡିଜିକେଏ ମାରୁ ନାମିହିଲଅତେରି, ଇଚିହ୍ ମାରୁ ନା ମେଣ୍ଡାୟିତେରି ଆଏ □

୨୭ ନା ମେଣ୍ଡାୟି ନା ହାଡା ୱେନ୍‌ନୁ ଅଡେ ନାନୁ ଏଞ୍ଜାଆଁ ପୁଲ୍, ଅଡେ ଏଞ୍ଜି ନା ଜେଚ ଜେଚ ତାକିନୁ,

୨୮ ଅଡେ ନାନୁ ଏଞ୍ଜସିକାକି କାଲ୍‌କାଲ୍‌କାଟି ଜୀସୁ ହାଇଲ୍, ଅଡେ ଏଞ୍ଜି ଏଚେଲା ଜିକେଏ ନାସା ଆଡ, ଆମ୍ବାଆସି ନା କେନ୍‌ଚି ଏଞ୍ଜାଆଁ ମାଞ୍ଜା ଅୟସି □

୨୯ ନା ଆବା ନାଙ୍ଗେ ଏନାଆଁ ହାହାମାଞ୍ଜାନେସି, ଏଦି ବାରେକିହାଁ ଦାରାଗାଚାୟି,* ଇଞ୍ଜା ଆବା ତାଣାଟି ଆମ୍ବାଆସି ମାଞ୍ଜାଲି ଆଡଅସି □

୩୦ ଆବା ଅଡେ ନାନୁ ରଅଡମିଏ □”

୩୧ ଜୀହୁଦି ଲକୁ ଏଞ୍ଜାଣାଲ୍ ୱେଚାଲି ଅଡେ ୱେଣ୍ଡେ ୱାଲ୍‌କା ତାଚିହ୍ ୱାଡେରି □

୩୨ ଜୀସୁ ଏଞ୍ଜରାଲ୍ ଏଲେଇଚେସି, “ନାନୁ ଆବା ତାଣାଟି ହାରେକା ନେହ୍ କାମାୟି ମିଙ୍ଗେ ତସାମାଞ୍ଜାଲ୍; ଏ ବାରେ କାମାୟି ବିତ୍ତାଟି ଏମିନି କାମାତାକି ନାଙ୍ଗେ ୱାଲ୍‌କା ୱେଚି ମାଞ୍ଜାଦେରି ?”

୩୩ ଜୀହୁଦିୟାଁ ଏଞ୍ଜାଣାଲ୍ ଏଲେଇଚେରି, “ନେହ୍ କାମାତାକି ନିଙ୍ଗେ ୱାଲ୍‌କା ୱେଚିମାଞ୍ଜଅମି, ସାମା ମାହାପୁରୁ ନିନ୍ଦା କିହିମାନାକି, ନାନୁ ମାଣ୍‌ସି ଆହାନା ମାହାପୁରୁତେଏଁ ଇଞ୍ଜିମାନାକି □”

☆ ୧୦:୧୪ ୧୦:୧୪ ମାଚି ୧୧:୨୭; ଲୁକ ୧୦:୨୨ * ୧୦:୨୯ ୧୦:୨୯ ଆବା ନାଙ୍ଗେ ଏନାଆଁ ହାହାମାଞ୍ଜାନେସି, ଏଦି ବାରେକିହାଁ ଦାରାଗାଚାୟି, ଇଦାଣି ଅର୍ଥ ଆମିନି ଆବା ନାଙ୍ଗେ ଇ ଲକୁଲ୍ ହାହାମାଞ୍ଜାନେସି, ଏଞ୍ଜସି ଏଞ୍ଜାରି କିହାଁ କାଜାସି □

୩୪ ଜୀସୁ ଏଞ୍ଜରାଲ୍ ଏଲେଇରେସି, “ମୀ ମସା ମେରାତା ରାସ୍ତା ଆହାହିଲେଏ, ନାନୁ ଏଲେଇଞ୍ଜାତେଏ ‘ମୀରୁ ମାହାପୁରୁୟାଁତେରି □’

୩୫ ଆମ୍ବାଆରି ତାଣା ମାହାପୁରୁତି ବଲୁ ତଞ୍ଜାଆଡେ, ଏଞ୍ଜାରି ମାହାପୁରୁୟାଁ ଇଚିହିଁ ଦାମ୍ବୁ ସାସ୍ତେରି ଉଜେଏ କିହାଲି ଆଡଅସି,

୩୬ ଆବା ମାହାପୁରୁ ନାଙ୍ଗେ ସୁଦୁ କିହାନା ଦାରତିତା ପାଣ୍ଡାମାଞ୍ଜାନେସି □ ଇଞ୍ଜା ନାନୁ ନାଙ୍ଗେ ମାହାପୁରୁ ମୀରଏଣାତେଏ ଇଞ୍ଜିମାନାକି ମାହାପୁରୁ ନିନ୍ଦା କିହିମାଞ୍ଜି ଇଞ୍ଜି ଏନିକିଁ ଏଲେଇଞ୍ଜି ମାଞ୍ଜାଦେରି ?

୩୭ ନାନୁ ନା ଆବାତି ବାରେ କାମା କିହା ହିଲାଆତିହିଁ ନାଙ୍ଗେ ନାମାଆଦୁ;

୩୮ ସାମା ନାନୁ କିହିମାଲ୍, ଆତିହିଁ ମୀରୁ ନାଙ୍ଗେ ନାମି ମାଞ୍ଜାଅତେରି, ଆତିକିକେଏ ଆବା ନା ତାଣା ମାନେସି ଅଡେ ନାନୁ ଆବା ତାଣା ମାଲ୍, ଇଦାଆଁ ମୀରୁ ଏନିକିଁ ପୁଞ୍ଜେରି ଅଡେ ତେଲ୍‌ହିଦେରି, ଇଦାଆଁତାକି ବାରେ କାମାତି ନାମାଦୁ □”

୩୯ ଏମ୍ବାଟିଏ ଏଞ୍ଜାରି ଜୀସୁଲ୍ ଆସାଲି ଅଣ୍ପିତେରି, ସାମା ଏଞ୍ଜାସି ଏଞ୍ଜାରି କେୟୁତା ହେର୍ପି ଆଆନା ଏମ୍ବାଟି ହଡାହାତେସି □

୪୦ ✨ଏମ୍ବାଟି ଏଞ୍ଜାସି ଅଡେ ଖେଣ୍ଡେ ଜର୍ଦନ ଆତାଲା ହାଜାନା, ତଲି ଜହନ ଏମିନି ଚାୟୁତା ବାପ୍ତିସ୍ମାଁ ହାହିମାତେସି, ଏ ଚାୟୁତା ଖାହାନା ଡୟିତେସି □

୪୧ ଅଡେ ହାରେକା ଲକୁ ଏଞ୍ଜାଣି ତାଣା ଖାହାନା ଏଲେଇରେସି, “ଜହନ ଏନି କାବାଆନି କାମା କିଆତେସି, ସାମା ଇ ମାଣ୍ଡି କାତା ଜହନ ଏନା ଏନାଆଁ ଖେସାମାତେସି, ଏ ବାରେ ସାତା □”

୪୨ ଏମ୍ବାଆଁ ହାରେକା ଲକୁ ଏଞ୍ଜାଣି ତାଣା ନାମିତେରି □

୧୧

ଲାଜର ହାନାୟି

୧ ✨ବେତନିୟାଁତି ଲାଜର ଦରୁଗାଟାସି ରଅସି ନମେରି ଆହାମାତେସି; ତାମି ତାଙ୍ଗିସ୍ତା ମରିୟମ ଅଡେ ମାର୍ତା ଏ ନାୟୁତା ଡୟିମାରୁ □

୨ ✨ଏମିନି ଇୟା ପ୍ରବୁଲ୍ ନିୟୁଁ ଖାକ୍‌ହାନା ତାନି ତାୟୁଁ ବାଣାୟାଁ ତଲେ ଏଞ୍ଜାଣି ପାଃଆନାୟାଁ କେଜା ମାତେ, ଇଦି ଏ ମରିୟମ; ତାମି ତାୟି ଲାଜର ନମେରି ଆହାମାତେସି □

୩ ଏଦାଆଁତାକି ଏ ତାଙ୍ଗିସ୍ତା ଜୀସୁ ତାଣା କାରୁ ପାଣ୍ଡିତୁ, “ପ୍ରବୁ, ନାନୁ ଆମ୍ବାଆରାଲ୍ ଜୀସୁ ନହିଁମାଞ୍ଜି ଏଞ୍ଜାସି ନମେରି ଆହାମାନେସି □”

୪ ସାମା ଜୀସୁ ଇ କାତା ଖେଞ୍ଜାନା ଏଲେଇରେସି, “ଇ ନମେରି ହାହାଲି ତାକି ଆଏ, ସାମା ମାହାପୁରୁତି ଗାଞ୍ଜୁରମି ତାକି, ଏନିକିଁ ଏମ୍ବାଟି ମାହାପୁରୁତି ମୀରଏସି ଗାଞ୍ଜୁରମି ବେଟା ଆନେସି □”

୫ ଜୀସୁ ମାର୍ତା, ତାନି ତାଙ୍ଗି ମରିୟମଲ୍ ଅଡେ ଲାଜରଲ୍ ଜୀସୁ ନହିଁମାତେସି □

୬ ଏଡେତା ଏଞ୍ଜାସି ନମେରି ଆହାମାନେସି ଇଞ୍ଜିଁ ଖେରେସି, ଏଡେତା ଏଞ୍ଜାସି ଏମିନିତାଣା ମାତେସି, ଏ ଚାୟୁତା ରା ଦିନା ଡୟିତେସି □

୭ ଏବେଟିଏ ଏଞ୍ଜାସି ସୀସୁୟାଁଲ୍ ଏଲେଇରେସି, “ଜାଦୁ ମାର ଖେଣ୍ଡେ ଜୀହୁଦା ରାଜିତା ହାନ □”

୮ ସୀସୁୟାଁ ଏଞ୍ଜାଣାଲ୍ ଏଲେଇରେସି, “ଏ ଗୁରୁ ଜୀହୁଦିୟାଁ ନୀଏଁ ନିଙ୍ଗେ ଖାଲକାତଲେ ଖେଚାଲି ଅଣ୍ପି ମାଞ୍ଜାତେରି, ଅଡେ ଖେଣ୍ଡେ ନୀନୁ ଏମ୍ବାଆଁ ହାଜିମାଞ୍ଜି ?”

୯ ଜୀସୁ ଏଲେଇରେସି, “ଦିନାତାକି ବାର ଗଂଟା ହିଲେଏ ? ଆମ୍ବାଆସି ମାଦେନା ତାକିସାରେ ପୁଟିକିଅସି, ଇଚିହିଁ ଏଞ୍ଜାସି ଦାରତିତି ଉଜେଡି;

୧୦ ସାମା ଲାଆଁୟାଁ ତାକିସାରେ ଏଞ୍ଜାସି ପୁଟିକିନେସି, ଇଚିହିଁ ଏଞ୍ଜାଣି ହିୟାତା ଉଜେଡି ହିଲେଏ □”

୧୧ ଇ ବାରେ କାତା ଖେସ୍ତି ତାୟୁ ଏଞ୍ଜାରାଲ୍ ଅଡେ ଏଲେଇରେସି, “ମା ତଣେ ଲାଜର ଇଦା କିହାମାନେସି, ସାମା ଏଞ୍ଜାଣାଲ୍ ଇଦାଟି ନିକ୍‌ହାଲି ନାନୁ ହାଜିମାଲ୍ □”

୧୨ ଏମ୍ବାଟିଏ ସୀସୁୟାଁ ଏଞ୍ଜାଣାଲ୍ ଏଲେଇରେସି, “ପ୍ରବୁ ଏଞ୍ଜାସି ତୁରାନା ଇଦା କିହାମାତିହିଁ ନେହିଁ ଆନେସି □”

୧୩ ଜୀସୁ ଲାଜର ହାହାମାନାକି ଏ କାତା ଏଲେଇରେସି, ସାମା ଏଞ୍ଜାଣି ଇଦା କିହାମାନି କାତା ଖେସ୍ତାତେସି ଇଞ୍ଜିଁ ଅଣ୍ପିମାତେରି □

୧୪ ଏଟିବେଲା ଜୀସୁ ତୀରେତଲେ ଏଲେଇରେସି, “ଲାଜର ହାହାମାନେସି;

୧୫ ଅଡେ ନାନୁ ଏମ୍ବାଆଁ ହିଲାଆତେଏଁ, ଏଦାଆଁତାକି ମୀ ତାକି ରାହାଁ କିହିମାଲ୍, ଏନିକିଁ ମୀରୁ ନାମିଦେରି; ସାମା ଜାଦୁ ମାର ଏଞ୍ଜାଣି ତାଣା ହାନ □”

୧୬ ଏମ୍ବାଟିଏ ତମା, ଆମ୍ବାଆରାଲ୍ ଦିଦୁମ ଇଞ୍ଜିଁ ଇନେରି, ଏଞ୍ଜାସି ତାମି ତଣେ ସୀସୁୟାଁଲ୍ ଏଲେଇରେସି, “ଜାଦୁ, ମାର ଜିକେଏ ହାଜାନା ଏଞ୍ଜାଣିତଲେ ହାନ □”

ଜୀସୁଏ ଖେଣ୍ଡେ ନିଙ୍ଗିନାସି ଅଡେ ଜୀସୁ

୧୭ ଜୀସୁ ବେତନିୟାଁତା ଏଜାନା ଖେରେସି, ଏଞ୍ଜାସି ସାରି ଦିନା ଆଡେସି ମାହାଣି ମାଣ୍ଡାତା ଇଟାମାନେରି □

୧୮ ବେତନିୟାଁ ଜିରୁସାଲମଟି ରୀ କିଲମିଟର ହେକ ମାତେ,

୧୯ ଅଡେ ଜୀହୁଦିୟାଁ ବିତ୍ରାଟି ହାରେକା ମାର୍ତା ଇଞ୍ଜା ମରିୟମଲ୍ ତାମି ତାୟିତି ଦୁକୁ ତୁକ୍‌ହାଲି ଏମ୍ବାଆଁ ଖାହାମାତେରି □

୨୦ ଜୀସୁ ଖାହିମାନେସି ଇଞ୍ଜିଁ ଏଡେତା ମାର୍ତା ଖେଚେ, ଏଡେତା ମାର୍ତା ଏଞ୍ଜାଣାଲ୍ ବେଟାଆୟାଲି ହାଚେ, ସାମା ମରିୟମ ଇଜ କୁଗାନା ଡୟିତେ □

୨୧ ମାର୍ତା ଜୀସୁଲ୍ ଏଲେଇରେ, “ପ୍ରବୁ ନୀନୁ ଇମ୍ବାଆଁ ମାତିହିଁମା, ନା ତାୟି ହାଆତେସିମା,

୨୨ ସାମା ନାନୁ ମାହାପୁରୁଙ୍କ ଏନାଆଁ ରାହୁଦି, ମାହାପୁରୁ ନିଜେ ଏଦାଆଁ ହିୟାନେସି, ଏଦାଆଁ ନୀଏଁ ଜିକେଏ ପୁଞ୍ଜାମାଇଁ ।”

୨୩ ଜୀସୁ ଏଦାନି ଏଲେଇରେସି, “ନୀ ତାୟି ଅଡ଼େ ଖେଣ୍ଡେ ନିଜିନେସି ।”

୨୪ “ମାର୍ତ୍ତା ଜୀସୁଙ୍କ ଏଲେଇରେ, ଏଞ୍ଜାସି ତାୟି ଖେଣ୍ଡେ ନିଜିନି ଦିନାତା ନିଜିନେସି, ଇଦାଆଁ ନାନୁ ପୁଞ୍ଜାମାଇଁ ।”

୨୫ ଜୀସୁ ଏଦାନି ଏଲେଇରେସି, “ନାନୁ ଖେଣ୍ଡେ ନିଜିନାତେଏଁ ଅଡ଼େ ଜୀସୁତେଏଁ; ଆମ୍ବାଆସି ନାଜେ ନାମାନେସି, ଏଞ୍ଜାସି ହାଡ଼ି ଜିକେଏ ନୀତିନେସି,

୨୬ ଆମ୍ବାଆସି ନୀତିନେସି ଅଡ଼େ ନାନିନେସି, ଏଞ୍ଜାସି ଏରେଲା ଜିକେଏ ହାଅସି; ଇ କାତା ନାନିମାଞ୍ଜି ?”

୨୭ ମାର୍ତ୍ତା ଏଲେଇରେ, “ଏ ପ୍ରବୁ ଆମ୍ବାଆସି ଦାର୍ତତିତା ଖାନାୟି ମାରେ, ନାନୁ ଏ କ୍ରୀସ୍ତ ମାହାପୁରୁ ମୀରଏଣାତି, ଇ କାତା ନାନିମାଇଁ ।”

ଜୀସୁ ଡ଼ାତେସି

୨୮ ଇ କାତା ଖେସାନା ମାର୍ତ୍ତା ହାଜାନା ତାନି ତାଜି ମରିୟମଙ୍କ ଏଟକା ହାଟାନା ଏଲେଇରେ, “ଗୁରୁ ଖାଡ଼େସିଏ ନିଜେ ପାରିମାଞ୍ଜାନେସି ।”

୨୯ ମରିୟମ ଇ କାତା ଖେଞ୍ଜାନା ଦାପେ ନିଜାନା ଏଞ୍ଜାଣି ତାଣା ହାରେ ।

୩୦ ଏଚିବେଲା ଜୀସୁ ନାୟୁଁ ବିଦ୍ରା ଖାହାହିଲାଆତେସି, ସାମା ମାର୍ତ୍ତା ଏଞ୍ଜାଣାଇଁ ଏମିନି ଟାୟୁତା ବେଟାଆହାମାରେ, ଏଡ଼େପାତେକା ଏ ଟାୟୁତେଏ ମାରେସି ।

୩୧ ଏମିନି ଜୀହୁଦିୟାଁ ଏଦାନିତଲେ ଏ ଇଲୁତା ଦୁକୁ ଡୁକ୍‌ହିମାରେରି, ଏଞ୍ଜାରି ମରିୟମ ଦାପେ ନିଜାନା ପାଙ୍ଗାତା ହାଚାଣି ମେସାନା, ଏଦି ମାହଣି ମାଣ୍ଡାତା ଡ଼ାହାଲି ହାଜିମାନେ, ଇ କାତା ଅଣ୍ପାନା ଏଦାନି ଜେଟ ଜେଟ ହାରେରି ।

୩୨ ଏମ୍ବାଟିଏ ଜୀସୁ ଏମିନି ଟାୟୁତା ମାରେସି, ମରିୟମ ଏ ଟାୟୁତା ହାଜାନା ଏଞ୍ଜାଣାଇଁ ମେସାନା ଏଞ୍ଜାଣି କତାୟାଁ ଡ଼ଇ ରିହାନା ଏଲେଇରେ, “ପ୍ରବୁ ନାନୁ ଇମ୍ବାଆଁ ମାଡିହୁଁ ମା ନା ତାୟି ହାଆତେସିମା ।”

୩୩ ଜୀସୁ ମରିୟମ ଅଡ଼େ ତାନିତଲେ ଖାହାମାନି ଜୀହୁଦି ଲକୁ ଡ଼ାହିମାନାଣି ମେସାନା ଜୀସୁତା ହାରେକା ଦୁକୁ ଆହାନା ଖେରେସି,

୩୪ “ଏଞ୍ଜାଣାଇଁ ଆମ୍ବିୟା ଇଟାମାଞ୍ଜେରି ?” ଏଞ୍ଜାରି ଏଲେଇରେରି, “ପ୍ରବୁ, ଖାହାନା ସିନିକିମୁ ?”

୩୫ ଜୀସୁ ଡ଼ାତେସି ।

୩୬ ଏଚେଟିଏ ଜୀହୁଦି ଲକୁ ଏଲେଇଣ୍ଡି ଆଡ଼େରି, “ଏଞ୍ଜାସି ଏଞ୍ଜାଣାଇଁ ଏଚେକା ଜୀସୁ ନହୁଁ ମାରେସି ।”

୩୭ ସାମା ଏଞ୍ଜାରି ବିଦ୍ରାଟି ଏଚରଜାଣା ଏଲେଇରେରି, “ଇ ମାଣ୍ଡସି ଏ କାଣାଇଁ ମେସପି କିହାମାରେସି, ଏଞ୍ଜାସି ଇଞ୍ଜାଣାଇଁ ହାକିଟି ଗେଲ୍‌ପାଲି ଆଡ଼ିତେସିମା ?”

ହାଡ଼ି ଲାଜରଙ୍କ ଜୀସୁ ହାନାୟି

୩୮ ଏମ୍ବାଟିଏ ଜୀସୁ ଦୁକୁ ଆହାନା ମାହଣି ମାଣ୍ଡା ତାଗେ ଖାଡ଼େସି; ଏଦି ର ପାସୁ ମାରେ, ଇଞ୍ଜା ପାସୁ ଦୁଖେରିତା ର କାଜା ଖାଲି ମାରେ ।

୩୯ ଜୀସୁ ଏଲେଇରେସି, “ଇ ଖାଲି ଗୁଟି କିଦୁ ।” ହାଡ଼ାଣି ତାଜି ମାର୍ତ୍ତା ଏଲେଇରେ, “ପ୍ରବୁ, ଏଞ୍ଜାସି ଗାନ୍ଦା ଆହାହାରେସିଏ, ଇଚିହୁଁ ହାହାନା ସାରି ଦିନା ଆଡ଼େସିଏ ।”

୪୦ ଜୀସୁ ଏଦାନି ଏଲେଇରେସି, “ନାନୁ ନାନିଦି, ଆଡ଼ିହୁଁ ମାହାପୁରୁଟି ଗାସୁରମି ମେହୁଦି, ଇ କାତା ନାନୁ ନିଜେ ଖେସାମାଞ୍ଜାଆତେଏଁ ?”

୪୧ ଅଡ଼େ ଏଞ୍ଜାରି ଖାଲି ଗୁଟି କିତେରି । ଅଡ଼େ ଜୀସୁ ଲାକଖାକି ସିନିକିହାନା ଏଲେଇରେସି, “ଆବା ନା ପ୍ରାଡାନା ଖେଚି ଇଞ୍ଜୁଁ ନାନୁ ନିଜେ ଜହରା କିହିମାଞ୍ଜାଇଁ ।

୪୨ ନାନୁ କାଲେଏ ନା ପ୍ରାଡାନା ଖେଞ୍ଜିମାଞ୍ଜି, ଇ କାତା ନାନୁ ପୁଞ୍ଜାମାଇଁ; ସାମା ଏମିନି ଲକୁ ସାରିସୁଟୁ ନିଟାମାନେରି, ନାନୁ ନାଜେ ପାଣ୍ଡାମାଞ୍ଜାଦି ଇଞ୍ଜୁଁ ଏଞ୍ଜାରି ଏନିକିଁ ନାନିନେରି, ଏଦାଆଁତାକି ଏଞ୍ଜାରି ତାକି ନାନୁ ଏଲେଇରେଏଁ ।”

୪୩ ଏଞ୍ଜାସି ଏଲେଇଞ୍ଜାନା କାଜା ଗିୟାତଲେ ଏଲେଇରେସି, “ଲାଜର ପାଙ୍ଗାତା ହଟା ଖାମୁ ।”

୪୪ ଦେବୁଣିଏ ଲାଜର ପାଙ୍ଗାତା ହଟାଖାଡ଼େସି; ତାନି କେସ୍ତା କତାଣା ମାହଣି ମାଣ୍ଡାଟି ହିମ୍ବରିକା ତଲେ ରୁପି ଆହାମାରୁ, ଇଞ୍ଜା ତାନି ମୁମ୍ବୁଟୁ ଇଚାୟି ପାସକି ପିଡ଼ଗିଞ୍ଜି ଆହାମାରେ । ଜୀସୁ ଏଞ୍ଜାରାଇଁ ଏଲେଇରେସି, “ହିମ୍ବରିକା ହୁକ୍‌ଦୁ ଏଞ୍ଜାସି ତାକାପେସି ।”

**ଜୀସୁଙ୍କ ପାୟାଲି ପାରୁ ପାରିନାୟି
(ମାଡି ୨୭:୧-୫; ମାର୍କ ୧୪:୧,୨; ଲୁକ ୨୨:୧,୨)**

୪୫ ହାରେକା ଜୀହୁଦି ଲକୁ, ଇଚିହୁଁ ଆମ୍ବାଆରି ମରିୟମ ତାଣା ଖାହାମାରେରି ଅଡ଼େ ଜୀସୁଟି କାମା ମେସାମାରେରି, ଏଞ୍ଜାରି ଏଞ୍ଜାଣାଇଁ ନାନିତେରି ।

୪୬ ଅଡ଼େ ଏଞ୍ଜାରି ବିଦ୍ରାଟି ଆମ୍ବା ଆମ୍ବାଆରି ପାରୁସିୟାଁ ତାଣା ହାଜାନା ଜୀସୁ ଏନା ଏନାଆଁ କିହାମାରେସି ଏ ବାରେ ଏଞ୍ଜାରାଇଁ ଖେସ୍ତେରି ।

୪୭ ଇ କାତା ଖେଞ୍ଜାନା ପାରୁସିୟାଁ ଅଡ଼େ କାଜା ପୂଜେରାଙ୍ଗା କାଜା ବେରଣିମାଣ୍ଡାତା ଏଲେଇରେରି, “ମାରୁ ଏନି କିନାୟି ଇ ମାଣ୍ଡସି ହାରେକା କାବାଆନି କାମାୟାଁ କିହିମାନେସି ।

୪୮ ମାରୁ ଏଞ୍ଜାଣାଇଁ ଏଲେକିହୁଁ ପିସ୍ତିହୁଁ ବାରେ ଲକୁ ଏଞ୍ଜାଣି ତାଣା ନାନିନେରି, ଅଡ଼େ ରମିୟ ଲକୁ ଖାହାନା ଇ ଟାୟୁ କୁଡ଼ା ବାରେତି ନାସା କିନେରି ।”

୪୯ ସାମା ଏଞ୍ଜାରି ବିଦ୍ରାଟି ର କାଜା ପୂଜେରା, ଇଚିହୁଁ କୟାପା ଏ ବାସ୍ୟାତି କାଜା ପୂଜେରା ଏଞ୍ଜାରାଇଁ ଏଲେଇରେସି, “ମାରୁ ଏନାଆଁ ପୁଞ୍ଜାହିଲଅତେରି ?

୫୦ ବାରେ କୁଡ଼ାତାରି ନାସା ଆନି କିହାଁ ବାରେ ଲକୁ ତାକି ରଅସି ହାନାୟି ମିଜେ ତାକି ନେହେଁ, ଇଦାଆଁ ମାରୁ ଅଣ୍ପି ହିଲଅତେରି ।”

୫୧ ଏଞ୍ଜେଲ୍ ତାମିତାଣାଟି ଏଲେଇଞ୍ଜା ହିଲ୍ଲାଆତେସି, ସାମା ଏଞ୍ଜେଲ୍ ଏ ବାସୀତି କାଜା ପୂଜେରା ମାଚାକି ଇ ତାୟୁ ଆନି କାତା ତାନି ଗୁଡିଟି ହଟାମାଚେ, ଜୀସୁ ଏ କୁଡାତି ଲକୁ ତାକି,

୫୨ ଅଡେ ଖାରଇ ଏ କୁଡା ତାକି ଆଏ, ସାମା ମାହାପୁରୁତି ଇତାଲା ଆତାଲା ଆହାମାନି ମୀରକାଣି ଜିକେଏ କୁଡି କିହାନା ରଣିଏ କିହାଲିତାକି ହାହାଲି ହାଜିମାନେସି, ଇଦାଆଁତାକି ଇ କାତା ଖେକହେସି □

୫୩ ଇଞ୍ଜା ଏ ଦିନାଟିଏ ଏଞ୍ଜାଣାଇଁ ପାୟାଲି ତାକି ପାରୁ ପାରିତେରି □

୫୪ ଏଦାଆଁତାକି ଜୀସୁ ଜୀହୁଦି ଲକୁ ବିତ୍ରା ପାଙ୍ଗାଖେଜେ ରେଆତେସି, ସାମା ଏଞ୍ଜେଲ୍ ଏ ଟାୟୁଟି ହଟା ହାଜାନା ଲକୁ ହିଲ୍ଲାଆ ଟାୟୁ ଦାରି ମାନି ଏପ୍ରିୟମ ଦରୁଗାଟି ର ଗାଡାତା ହାଚେସି, ଅଡେ ସୀସୁୟାଁ ତଲେ ଏମ୍ପାଆଁ ଡୟିତେସି □

୫୫ ଏଚିବେଲା ଜୀହୁଦି ଲକୁତି ପିସ୍ପିଆନି ପାରୁଁ ତାଗେ ମାଚେ, ଅଡେ ନାସ୍କାଟି ହାରେକା ଲକୁ ଜାହାରାଇଁ ଅଟ୍ଟା କଡାଲି ପିସ୍ପିଆନି ପାରୁଁ ନକେଏ ଜିରୁସାଲମତା ହାଚେରି □

୫୬ ଏମ୍ପାଟିଏ ଏଞ୍ଜାରି ଜୀସୁଇଁ ପାରି ପାରିହୁଁ ମାହାପୁରୁ ଇଲୁତା ନିଚାମାଚାଟି ତାୟୁ ତାୟୁ ଏଲେଇଶ୍ମି ଆଡେରି, “ମୀରୁ ଏନାଆଁ ଅଣ୍ପିମାଖେରି ? ଏଞ୍ଜେଲ୍ କି ପାରୁଁତା ଖାଅସି ?”

୫୭ କାଜା ପୂଜେରାଙ୍ଗା ଅଡେ ପାରୁସିୟାଁ ଏଞ୍ଜାଣାଇଁ ଆସାଲି ତାକି, ଏଞ୍ଜେଲ୍ ଏମ୍ପିୟା ମାନେସି, ଇ କାତା ଆମ୍ପାଆସି ପୁଞ୍ଜାମାନେସି, ଏ କାତା ଖେସାଲି ତାକି ହୁକୁମି ହୀହାମାଚେରି □

୧୨

ଜୀସୁଇଁ ନିୟୁଁ ରୁବିନାୟି (ମାତି ୨୬:୬-୧୩; ମାର୍କ ୧୪:୩-୯)

୯ ଏମ୍ପାଟିଏ ଜୀସୁ ପିସ୍ପିଆନି ପାରୁଁତି ସ ଦିନା ନକେଏ ବେତନିୟାତା ଖାଡେସି; ଏମିନି ଲାଜରଇଁ ହାଡାରି ତାଣାଟି ନିକ୍‌ହା ମାଚେସି, ଏଞ୍ଜେଲ୍ ଏ ଟାୟୁତା ମାଚେସି □

୧୦ ଏଦାଆଁତାକି ଏଞ୍ଜାରି ଏଞ୍ଜାଣାକି ଏ ଟାୟୁତା ଲାଆଁୟାଁ ର ବକ୍ତି କିତେରି; ମାର୍ତା ବାଟି କିହିମାଚେ, ଅଡେ ଆମିନି ଗାଟାରି ଏଞ୍ଜାଣିତଲେ ତିଞ୍ଜାଲି କୁଗାମାଚେରି, ଲାଜର ଏଞ୍ଜାରି ବିତ୍ରାଟି ରଅସି ମାଚେସି □

୧୧ ଏଚିବେଲା ମରିୟମ ଆଦା ଗାଜୁ ଗାନ୍ଦା ନିୟୁଁ ତାଚାନା ଜୀସୁ କଡାଣା ରୁବାନା ତାନି ତାୟୁଁ ବାଣାୟାଁ ତଲେ ତାନି କଡାଣି ଜେତେ, ଅଡେ ବାରେ ଇଲୁତା ନିୟୁଁ ଗାନ୍ଦା ଆଡେ □

୧୨ ସାମା ତାନି ସୀସୁୟାଁ ବିତ୍ରାଟି ଇସ୍ପାରିୟତ ଜୀହୁଦା ଆମିନି ସୀସୁ ଜୀସୁଇଁ ସାଡୁୟାଁ କେୟୁତା ହେରପାଲି ହାଜିମାଚେସି, ଏଞ୍ଜେଲ୍ ଏଲେଇଚେସି,

୫ “ଇ ନିୟୁଁ ତାନି ଖାଞ୍ଜା ଟାକାୟାଁ ତାକି ପାରପି ଆହାନା ଏନାଆଁତାକି କାକୁଲି ଗାଟାଚାକି ହୀପକି ଆଆତେ ?”

୬ ଏଞ୍ଜେଲ୍ କାକୁଲି ଗାଟାଚାକି ଅଣ୍ପିମାଚେସି ଇଞ୍ଜେଁ ଏଲେଇଚେସି, ଏଡି ଆଏ, ସାମା ଏଞ୍ଜେଲ୍ ର ସରୁ ଅଡେ ଏଞ୍ଜାଣି ତାଣା ଟାକାୟାଁ ମଣା ମାଚାକି, ଏମ୍ପାଆଁ ଏନା ଏନାଆଁ ଇଚକି ଆହିମାଚେ, ଏଦାଆଁ ସରୁ କିହିମାଚେସି □

୭ ସାମା ଜୀସୁ ଏଲେଇଚେସି, “ଇଦାଆଁ ପିହୁଦୁ, ଏନିକ୍ ନା ମାଡହା ମୁହନି ଦିନାତାକି ଏଡି ଏଦାଆଁ ଇଟାଲି ଆଡିନେ □

୮ କାକୁଲି ଗାଟାରି ବାରେଦିନା ମୀ ତାଣା ମାନେରି, ସାମା ନାନ୍ତୁ ବାରେବେଲା ମୀ ତଲେ ମାନଅଁ □”

ଲାଜର କପାଟି ପାରୁ ପାରିନାୟି

୯ ଏଚେଟିଏ ହାରେକା ଜୀହୁଦି ଲକୁ ଏଞ୍ଜେଲ୍ ଏମ୍ପାଆଁ ମାନେସି ଇଞ୍ଜେଁ ପୁଞ୍ଜାନା ଖାରଇ ଜୀସୁ ତାକି ଆଏ, ସାମା ଏମିନି ଲାଜରଇଁ ଏଞ୍ଜେଲ୍ ହାକିଟି ନିକ୍‌ହା ମାଚେସି, ଏଞ୍ଜାଣାଇଁ ମେସାଲି ଖାଡେରି □

୧୦ ସାମା ଲାଜରଇଁ ଜିକେଏ ପାୟାଲି କାଜା ପୂଜେରାଙ୍ଗା ପାରୁ ପାରିତେରି,

୧୧ ଇଚିହୁଁ ଏଞ୍ଜାଣି ତାକି ଜୀହୁଦିୟାଁ ବିତ୍ରାଟି ହାରେକା ହାଜାନା ଜୀସୁ ତାଣା ନାମି ମାଚେରି □

ଜୀସୁ ଜିରୁସାଲମତା ରାହାଁଟି ହଡନାୟି

(ମାତି ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ତାନି ଅର ଦିନା ପାରୁଁତା ଖାହାମାନି ହାରେକା ଲକୁ ଜୀସୁ ଜିରୁସାଲମତା ଖାହାମାନେସି ଇଞ୍ଜେଁ ଖେଚେରି

୧୩ ଇଞ୍ଜା କାକୁରି ମାଟାୟାଁ ଆସାନା ଜୀସୁଇଁ ବେଟାଆହାଲି ଖାଡେରି ଅଡେ କାଜା ଗିୟାତଲେ ଏଲେଇଚେରି, “ହସାନା □ ପ୍ରବୁତି ଦରୁତଲେ ଆମ୍ପାଆସି ଖାହିମାନେସି, ଏଞ୍ଜେଲ୍ ନେହେଁ; ଇସ୍ରାୟେଲତି ରାଜାଇଁ ମାହାପୁରୁ ବର ହୀପାସି □”

୧୪ ଜୀସୁ ର ଗାଡଦେ ତାଲୁ ଲାକ କୁଗାନା ଖାହିମାଚେସି, ଏନିକ୍ ରାସ୍‌କି ଆହାମାନେ,

୧୫ “ଆକେ ସିୟନତି ମାସ୍କା, ଆଜାଆଦୁ ମେହୁଦୁ ମୀ ରାଜା ଖାହିମାନେସି,

ଏଞ୍ଜେଲ୍ ଗାଡଦେ ତାଲୁ ଲାକ କୁଗାନା ଖାହିମାନେସି □”

୧୬ ଏଚିବେଲା ସୀସୁୟାଁ ଏଦାନି କାତା ପୁଞ୍ଜାଲି ଆଡାଆତେରି, ସାମା ଜୀସୁ ଗାଞ୍ଜୁରମିଟି ଖେଶ୍ଟେ ନିଙ୍ଗାଲିଏ ଏଞ୍ଜାରି ଅଣ୍ପୁତା ଖାଡେ, ଇ ବାରେ କାତା ସାସ୍ତେରିତା ରାସ୍‌କି ଆହାମାନେ, ଇଚିହୁଁ ଏଲେକିହୁଁଏ ଏଞ୍ଜାରି କାମା କିହାମାଚେରି □

୧୭ ଜୀସୁ ହାଡି ଲାଜରଇଁ ମାହିଣି ମାଣ୍ଡାଟି ହାଟାନା ନିକ୍‌ହାମାଚି ବେଲାତା ଏମିନିଗାଟାରି ଏଞ୍ଜାଣିତଲେ

☆ ୧୨:୩ ୧୨:୩ ଲୁକ ୭:୩୭,୩୮

ମାତେରି, ଏଞ୍ଜାରି ଇ ବାରେ କାତା ସାରିଞ୍ଜାକି ଝେକହା ମାତେରି □

୧୮ ଇଦାଆଁତାକି ଲକୁ ବାରେ ଏଞ୍ଜାଣାଇଁ ବେଟାଆହାଲି ହାଜାମାତେରି, ଅଡେ ଏଞ୍ଜାସି ଇ କାବାଆନି କାମା କିହାମାତେସି ଇଞ୍ଜିଁ ଝେଞ୍ଜାମାତେରି □

୧୯ ଇଦାଆଁ ମେସାନା ପାରୁସିୟାଁ ତାମି ବିତ୍ରା କାତା ଆତେରି, “ମେସିମାଞ୍ଜେରି ମାର ଏନାଆଁ କିହାଲି ଆଡିହିଲିଆୟି; ଦାରୁତିତି ବାରେ ଲକୁ ଏଞ୍ଜାଣି ଜେଟ ହାଜିମାନେରି □”

ଏଚେକା ଗ୍ରିକ୍ ଲକୁ ଜୀସୁଇଁ ପାରିନାୟି

୨୦ ପାରୁଁ ବେଲାତା ପ୍ରାତାନା କିହାଲି ଜିରୁସାଲମତା ଝାହାମାନି ଲକୁ ବିତ୍ରା ଏଚେକା ଗ୍ରିକ୍ ଲକୁ ମାତେରି □

୨୧ ଏଞ୍ଜାରି ଗାଲିଲିତି ବେଡସାୟିଦାତି ପିଲିପ ତାଣା ଝାହାନା ବାଡିମାଲିହିଁ ଏଲେଇଚେରି, “ବାବୁ, ମାମ୍ମୁ ଜୀସୁଇଁ ମେସାଲି ଅଣ୍ଡିମାନମି □”

୨୨ ପିଲିପ ହାଜାନା ଆନ୍ଦ୍ରିୟଇଁ କାରୁ ହୀତେସି ଅଡେ ରିଆରି ହାଜାନା ଜୀସୁଇଁ ଝେସ୍ତେରି □

୨୩ ଜୀସୁ ଏଞ୍ଜାରାଇଁ ଏଲେଇଚେସି, “ମାଣ୍ଡସି ମୀରଏସି ଗାଝୁରମି ଆନି ବେଲା ଝାହାମାନେ □

୨୪ ନାନୁ ମିଜେ ସାତା ଝେସିମାଞ୍ଜାଇଁ ଗହଁ ପାଡେୟି ବୁନିତା ରିହାନା ହାନ୍ତି ପାତେକା ଏଡି ରଣ୍ଡିଏ ପାଡେୟି ଆହାନା ଡୟିନେ, ସାମା ଏଡି ହାଡିସାରେ ଏମ୍ପାଟି ହାରେକା ପାଡେୟିକା ଆନୁ □

୨୫ ✨ଆମ୍ବାଆସି ଜାହାରା ଜୀଝୁତି ଜୀଝୁ ନନେସି, ଏଞ୍ଜାସି ଏଦାଆଁ ହାରୁଝି କିନେସି, ଆମ୍ବାଆସି ଜାହାରା ଜୀଝୁତି ଇ ଦାରୁତିତା ଅପଅସି, ଏଞ୍ଜାସି ଏଦାଆଁ କାଲାକାଲା ତାକି ଗେଲ୍ପିନେସି □

୨୬ ଆମ୍ବାଆସି ନା ସେବା କାମାକିନାସି ଆନେସି, ଆଡିହିଁ ଏଞ୍ଜାସି ନା ଜେଟ ଝାପେସି; ଅଡେ ନାନୁ ଆମ୍ବିୟା ଡୟିଇଁ, ନା ସେବା କାମାକିନାସି ଜିକେଏ ଏମ୍ବାଆଁ ଡୟିନେସି; ଆମ୍ବାଆସି ନା ସେବା କିନେସି, ଆଡିହିଁ ଆବା ଏଞ୍ଜାଣାଇଁ ମାନି କିନେସି □

ଜୀସୁ ତାନି ହାକିତି କାତା ଏଲେଇନାୟି

୨୭ ନୀଏଁ ନା ଜୀଝୁ କିଲିବିଲି ଆହିମାନେ, ଇଞ୍ଜାଁ ନାନୁ ଏନାଆଁ ଇଞ୍ଜାଇଁ? ଆବା ଇ ଲାଗେଏ ତାଣାଟି ଗେଲ୍ପାମ୍, ସାମା ଏଦାଆଁତାକି ନାନୁ ଇ ଟାମ୍ମୁତା ଝାହାମାଇଁ □

୨୮ ଆବା ନୀ ଦରୁ ଗାଝୁରମି ଆପେ □”
ଏଚିବେଲାତା ହାଗୁ ଲାକଟି ଇ ହାଡା ଆତେ ନାନୁ ଏଞ୍ଜାଣାଇଁ ଗାଝୁରମି କିହାମାଇଁ ଅଡେ ଗାଝୁରମି କିଇଁ □

୨୯ ଇଞ୍ଜାଁ ଏମ୍ବାଆଁ ଦାରି ନିଚାମାଟି ଲକୁ ବାରେ ଇ ହାଡା ଝେଞ୍ଜାନା ଏଲେଇଚେରି, “ଇଦି ହାଗୁ ଗୁଣ୍ଡିମାନେ □” ଅଡେ ଏଚକାତାରି ଏଲେଇଚେରି, “ଲାକପୁରୁତି ଦୁଡୁ ଏଞ୍ଜାଣିତଲେ କାତା ଆହିମାନେ □”

୩୦ ଜୀସୁ ଏଲେଇଚେସି, “ଇ ହାଡା ନାଜେତାକି ଆହା ହିଲେଏ, ସାମା ଇ ହାଡା ମିଜେତାକି ଆହାମାନେ □

୩୧ ନୀଏଁ ଇ ଦାରୁତି ବିଚାରା କିନି ଦିନା; ନୀଏଁ ଇ ଦାରୁତିତି ସାଲୁଝି କିନାଇ ଡଇ ମେଡପିଆନୁ □

୩୨ ନାନୁ ଏଚିବେଲା ଦାରୁତିଟି ଲାକପୁରୁ ଅଝିଆଇଁ, ଏଚିବେଲା ବାରେତି ନା ତାଣା ରେଜା ଅଇଁ □”

୩୩ ଏଞ୍ଜାସି ଏନିକିଁ ହାହାଲି ହାଜିମାନେସି, ଏଞ୍ଜାସି ଇ କାତାତା ଏଲେଇଚେସି □

୩୪ ଲକୁ ଏଞ୍ଜାଣାଇଁ ଏଲେଇଚେରି, “ମସିହା କାଲେଏ ଡୟିନେସି ଇଞ୍ଜିଁ ମାମ୍ମୁ ମୁସାତି ମେରାତା ଝେଞ୍ଜାମାନମି, ଆଡିହିଁ ମାଣ୍ଡସି ମୀରଏସି ଲାକ ପେରୁଝି ଆନେସି ଇଞ୍ଜିଁ ନାନୁ ଏନିକିଁ ଏଲେ ଇଞ୍ଜିମାଞ୍ଜି ? ଏ ମାଣ୍ଡସି ମୀରଏସି ଆମ୍ବାଆସି ?”

୩୫ ଜୀସୁ ଏଞ୍ଜାରାଇଁ ଏଲେଇଚେସି, “ଅଡେ ଗାଡେକା ତାକି ଉଜେଡି ମୀ ତାଣା ମାନେ □ ଆନେରି ମିଜେ ଏନିକିଁ ଗୁସ୍ତେଏ, ଏଦାଆଁତାକି ମୀ ତାଣା ଉଜେଡି ମାଞ୍ଜା ମାଞ୍ଜାନା ତାକାଦୁ; ଆମ୍ବାଆସି ଆନେରିତା ତାକିନେସି, ଏଞ୍ଜାସି ଆମ୍ବିୟା ହାଜିମାନେସି ପୁଞ୍ଜାଲି ଆଡଅସି □

୩୬ ମୀରୁ ଏନିକିଁ ଉଜେଡିତି ମୀରକା ମାସ୍କା ଆଦେରି, ଏଦାଆଁତାକି ଉଜେଡି ମୀ ତାଣା ମାଞ୍ଜା ମାଞ୍ଜାନା ଉଜେଡିତା ନାମାଦୁ □” ଜୀସୁ ଇ ବାରେ କାତା ଝେସାନା ହାଚେସି ଇଞ୍ଜାଁ ଏଞ୍ଜାରି ତାଣାଟି ଡଗୁନା ଡୟିତେସି □

ଲକୁ ନାମାଆ ଗାଚାୟି

୩୭ ଏଞ୍ଜାରି ନକିତା ଏଚେକା କାବାଆନି କାମାୟାଁ କିହାମାତେସି, ଆଡିଜିକେଏ ଏଞ୍ଜାରି ଏଞ୍ଜାଣି ତାଣା ନାମା ହିଲାଆତେରି,

୩୮ ଏନିକିଁ ମାହାପୁରୁ ଅଣ୍ଡପୁତି ବଲୁ ଝେହ୍ନି ଜିସାୟ ତାଣାଟି ରାଚାମାନି କାତା ପୁରା ଆନେ,

“ପ୍ରବୁ ମା ହାଡା ଝେଞ୍ଜାନା ଆମ୍ବାଆସି ନାମା ମାନେସି ? ଆମ୍ବାଆରି ତାଣା ପ୍ରବୁ ତାନି ବାଡୁମୁ ତସାମାନେସି ?”

୩୯ ଇଦାଆଁତାକି ଏଞ୍ଜାରି ନାମାଲି ଆଡିହିଲିଆତେରି, ଇଞ୍ଜାଁ ଜିସାୟ ଏଲେଇଞ୍ଜାମାତେସି,

୪୦ ସାତେଏ ମାହାପୁରୁ ଏଞ୍ଜାରି କାଣ୍ଡକା କାଣା କିହାମାନେସି □

ଏଦାଆଁତାକି ଏଞ୍ଜାରି ହିୟାତା ଏନାଆଁ ମେସାଲି ଆଡଅରି, ଇଞ୍ଜାଁ ହିୟାତା ଏନାଆଁ ତେଲ୍ହାଲି ଆଡଅରି

ମାହାପୁରୁ ଏଲେଇଞ୍ଜି ମାନେସି,
“ନେହିଁ ଆହାଲିତାକି ଏଞ୍ଜାରି ନା ତାଣା ଝେଣ୍ଡା ଝାହିହିଲଅରି □”

୪୧ ଜିସାୟ ଜୀସୁ କ୍ରୀସ୍ତତି ଗାଝୁରମି ମେସ୍ତେସି ଏଦାଆଁତାକି ଏଞ୍ଜାସି ଏଞ୍ଜାଣି କାତା ଝେସ୍ତେସି □

୪୨ ଆଡିଜିକେଏ ଜୀହୁଦି ଲକୁତି କାଜାରି ହାରେକା ଏଞ୍ଜାଣି ତାଣା ନାମିତେରି, ସାମା ଏଡେତା ଜୀହୁଦି କୁଲମିତି

☆ ୧୨:୨୫ ୧୨:୨୫ ମାତି ୧୦:୩୯; ୧୨:୨୫; ମାର୍କ ୮:୩୫; ଲୁକ ୯:୨୪; ୧୭:୩୩

ଫେରହାନେରି ଇଞ୍ଜି ପାରୁସିୟା ଆଜିତାକି ବାରେଜାଣା
 ଏ କାତାବାର୍ତ୍ତା ଆହି ହିଲିଆତେରି,
 ୪୩ ଇଚିହିଁ ଏଞ୍ଜାରି ମାହାପୁରୁ ତାଣାଟି ଗାଞ୍ଜୁରମି କିହାଁ
 ମାଣସିୟା ତାଣାଟି ଗାଞ୍ଜୁରମି ଜୀଞ୍ଜୁ ନହିମାଚେରି □

ମାଣସିୟା ତାଣାଟି ଜୀଞ୍ଜୁଟି କାତା ବିଚାରା କିନାୟି

୪୪ ଜୀଞ୍ଜୁ କାଜା ଗିୟାତଲେ ଏଲେଇଚେସି, “ଆମ୍ବାଆସି
 ନା ତାଣା ନାମିନେସି, ଏଞ୍ଜାସି ନା ତାଣା ନାମଅସି, ସାମା
 ନାଙ୍ଗେ ପାଣ୍ଡାତାଣାକି ନାମିନେସି;
 ୪୫ ଆମ୍ବାଆସି ନାଙ୍ଗେ ମେସ୍ତାନେସି, ଏଞ୍ଜାସି ନାଙ୍ଗେ
 ପାଣ୍ଡାତାଣାକି ମେହ୍ନେସି □
 ୪୬ ଆମ୍ବାଆସି ନା ତାଣା ନାମିନେସି, ଏଞ୍ଜାସି ଏନିକି
 ଆନ୍ଦେରିତା ବାସା କିଅସି, ଏଦାଆଁତାକି ନାନୁ ଦାର୍ତତିତା
 ଉଜେଡି ଆହାନା ଖାହାମାକି □
 ୪୭ ଆମ୍ବାଆସି ନା ବଲୁ ଖେଞ୍ଜାନା ମାନୁଞ୍ଜି ଆଅସି,
 ଆଡିହିଁ ନାନୁ ଏଞ୍ଜାଣି ବିଚାରା କିଅଁ; ଇଚିହିଁ ନାନୁ
 ଦାର୍ତତିତା ବିଚାରା କିହାଲି ଖାଆନା ଦାର୍ତତିତ ଗେଲପାଲି
 ଖାହାମାକି □
 ୪୮ ଆମ୍ବାଆସି ନାଙ୍ଗେ ଅପଅସି ଅଡେ ନା ବଲୁଟି
 ଆବଅସି, ନାନୁ ଏମିନି ବଲୁ ଜଲମାକି, ନା ଗୁଡିତି ବଲୁ
 ତାୟୁତି ଦିନାତା ଏଞ୍ଜାଣି ବିଚାରା କିନେ;
 ୪୯ ଇଚିହିଁ ନାନୁ ନା ତାଣାଟି ଜଲ ହିଲଅଁ, ସାମା ନାନୁ
 ଏନାଆଁ ଜଲିକି ଅଡେ ଏନାଆଁ ଖେକକି, ଏଦାଆଁ ନାଙ୍ଗେ
 ପାଣ୍ଡାମାଞ୍ଜାନି ଆବା ହୁକୁମି ହାହାମାଞ୍ଜାନେସି
 ୫୦ ଇଞ୍ଜା ନାନୁ ପୁଞ୍ଜାମାକି ତାନି ହୁକୁମି କାଲକାଲିତି
 ଜୀଞ୍ଜୁ ହାନେ □ ନା ଆବା ନାଙ୍ଗେ ଏନାଆଁ ଜଲଲି ହୁକୁମି
 ହାହାମାଞ୍ଜାନେସି, ଖାରଇ ଏଲେକିହିଁ ଏ ଖେହକି □”

୧୩

ଜୀଞ୍ଜୁ ସୀସୁୟା କତାୟା ନରନାୟି

୧ ପିସପିଆନି ପାରୁ ନକେଏ ଜୀଞ୍ଜୁ ଇ ଦାର୍ତତିଟି ଆବା
 ତାଣା ହାନି କାଟୁ ଆହାଲିଏ, ଦାର୍ତତିତା ମାନି ତାନି ଲକୁଣି
 ଏଞ୍ଜାସି ଜୀଞ୍ଜୁ ନହିଁ ମାଚେସି, ଏଞ୍ଜାରାକି ହାରେକା ଜୀଞ୍ଜୁ
 ନନାଣି ତସାମାଚେସି □
 ୨ ଜୀଞ୍ଜୁ ତାନି ସୀସୁୟା ତଲେ ଲାଆଁୟା ତିନି ବେଲତା
 ସୟତାନ ସିମନ ମୀରଏସି ଇସ୍ତାରିୟତ ଜୀଞ୍ଜୁଦା ହିୟାତା
 ଜୀଞ୍ଜୁକି ସାତୁ କେୟୁତା ହେରପାଲି ଅଣ୍ଡି କିହାମାଚେ □
 ୩ ଏଚିବେଲା ଆବା ତାନି କେୟୁତା ବାରେ ହେରପା
 ମାନେସି ଅଡେ ଏଞ୍ଜାସି ମାହାପୁରୁ ତାଣାଟି ଖାହାମାନେସି,
 ଅଡେ ମାହାପୁରୁ ତାଣା ହାଜିମାନେସି,
 ୪ ଇଦାଆଁ ପୁଞ୍ଜାନା ରାନ୍ଦା ତିନି ତାଣାଟି ନିଙ୍ଗାନା, ତାନି
 ହିମ୍ବୁରି ଇଚିତେସି ଇଞ୍ଜା ର ତୁଞ୍ଜାଲା ତାନି ଟେଡେଲିତା
 ରୁପା କଡିତେସି □

୫ ତାୟୁ ଏଞ୍ଜାସି ମୁତାତା ଏୟୁ କଡିତେସି, ଅଡେ
 ସୀସୁୟାକି କତାୟା ନରହାନା ତାନି ଟେଡେଲିତା ମାନି
 ତୁଞ୍ଜାଲା ତଲେ ଜେଜାଲି ମାଟ୍ରେସି □
 ୬ ଏଚିବେଲା ଜୀଞ୍ଜୁ ସିମନ ପିତର ଦାରିତା ଖାଡେସି;
 ଏଞ୍ଜାସି ଏଞ୍ଜାଣାକି ଏଲେଇଚେସି, “ପ୍ରବୁ ନୀନୁ ନା କତାୟା
 ନରହି ମାଞ୍ଜାଦି ?”
 ୭ ଜୀଞ୍ଜୁ ଏଞ୍ଜାଣାକି ଏଲେଇଚେସି, “ନାନୁ ଏନାଆଁ
 କିହିମାକି ନୀନୁ ନୀଏ ଏଦାଆଁ ପୁଞ୍ଜାଲି ଆଡଅତି, ତାୟୁ
 ପୁଞ୍ଜି □”
 ୮ ପିତର ଏଲେଇଚେସି, “ଆଏ, ନା କତାୟା
 ଏଚେଲାଖା ନରହଅତି □” ସାମା ଜୀଞ୍ଜୁ ଏଲେଇଚେସି,
 “ନାନୁ ନୀ କତାୟା ନରହଆଡିହିଁ ନୀନୁ ଅଡେ ନା ସୀସୁ
 ଆୟାଲି ଆଡଅତି □”
 ୯ ସିମନ ପିତର ଏଲେଇଚେସି, “ପ୍ରବୁ, ଆଡିହିଁ
 କତାୟା ଏନାଆଁକି, ନା କେସ୍ତା ଅଡେ ତାୟୁ ଉଜିକେଏ
 ନରହାମୁ □”
 ୧୦ ଜୀଞ୍ଜୁ ଏଞ୍ଜାଣାକି ଏଲେଇଚେସି, “ଆମ୍ବାଆସି ଏୟୁ
 ମାହାମାନେସି, ଏଞ୍ଜାଣି କତାୟା ନରନି କିହାଁ ଏନାୟି ଲଡା
 ହିଲେଏ, ମୀରୁ ଅଡ଼ି ଆହାମାଞ୍ଜେରି; ସାମା ବାରେଜାଣା
 ଆଏ □”
 ୧୧ ଇଚିହିଁ ଆମ୍ବାଆସି ଏଞ୍ଜାଣାକି ସାତୁୟା କେୟୁତା
 ହେରପିନେସି ଜୀଞ୍ଜୁ ତଲିଏ ଏଞ୍ଜାଣାକି ପୁଞ୍ଜାମାଚେସି;
 ଏଦାଆଁତାକି ଏଞ୍ଜାସି ଏଲେଇଚେସି, “ମୀରୁ ବାରେଜାଣା
 ଅଡ଼ି ଆହାହିଲଅଚେରି □”
 ୧୨ *ତାୟୁ ଜୀଞ୍ଜୁ ଏଞ୍ଜାରି କତାୟା ନରହାନା ତାନି ହିମ୍ବୁରି
 ପରହାନା ଖେଶ୍ଟେ ତିଞ୍ଜାଲି କୁରିତେସି ଇଞ୍ଜା ଖେଚେସି,
 “ନାନୁ ମିଙ୍ଗେ ତାକି ଏନାଆଁ କିହାମାକି ମୀରୁ ପୁଞ୍ଜାଲି
 ଆଡିତେରି କି ?
 ୧୩ ମୀରୁ ନାଙ୍ଗେ ଗୁରୁ ଇଞ୍ଜି ହାଡିମାଞ୍ଜାଦେରି, ଏଦି
 ସାତା; ଇଚିହିଁ ନାନୁ ଏଞ୍ଜାଚେଏଁ □
 ୧୪ ମୀ ଗୁରୁ ଅଡେ ପ୍ରବୁଚେଏଁ ନାନୁ, ନାନୁ ମୀ କତାୟା
 ନରହାମାଞ୍ଜାକି ଆଡିହିଁ ମୀରୁ ଜିକେଏ ରଅଚେରି ରଅଣି
 କତାୟା ନରନାୟି ମାନେ □
 ୧୫ ଇଚିହିଁ ନାନୁ ମିଙ୍ଗେତାକି ଏନିକି କିହାମାକି
 ମୀରୁ ଜିକେଏ ଏଲେକିହିଁ କିବୁ, ଇଦାଆଁତାକି ଇଦାଆଁ
 ତସାମାଞ୍ଜାକି □
 ୧୬ *ସାତା ସାତା ନାନୁ ମିଙ୍ଗେ ଖେସିମାଞ୍ଜାକି, ହେଲଏସି
 ତାନି ସାଞ୍ଜୁକାରି କିହାଁ କାଜାସି ଆଏ, ଅଡେ ପାଣ୍ଡୁଡି ଆଡାସି
 ତାନି ପାଣ୍ଡୁତାଣା କିହାଁ କାଜାସି ଆଏ □
 ୧୭ ମୀରୁ ଇ ବାରେ ପୁଞ୍ଜାନା ଏଲେକିହିଁ କିଦେରି
 ଇଚିହିଁ ମୀରୁ ନେହାତେରି □”
 ୧୮ “ନାନୁ ମୀ କାତା ଖେସିହିଲଅଁ; ଏନିଲେହେଡି ଲକୁଣି
 ନାନୁ ଆଡାମାକି, ଏ କାତା ନାନୁ ପୁଞ୍ଜାମାକି; ସାମା ଦାମ୍ବୁ
 ପଡିତି ଇ ବଲୁ ଏନିକି ପୁରା ଆନେ, ଇଦାଆଁତାକି ଇ

☆ ୧୩:୧୨ ୧୩:୧୨ ଲୁକ ୨୨:୨୭ ☆ ୧୩:୧୬ ୧୩:୧୭ ମାତି ୧୦:୨୪; ଲୁକ ୬:୪୦; ଜହ ୧୫:୨୦

ବାରେ ଆହିମାନେ, ‘ଆମ୍ବାଆସି ନା କାଦି ତିନେସି ଏଝାସି ନା କପାଟି ନିଜିତେସି’

୯୯ ଏଦି ଗଟଝି ଆନାଟି ନାନୁ ଏଝାତେଏଁ ଇଞ୍ଜି ମୀରୁ ନାମିଦେରି, ଏଦାଆଁତାକି ଗଟଝି ଆନି ନକେଏ ନାନୁ ମିଜେ ଝେସିମାଞ୍ଜାଇଁ

୧୦ ✨ସାତା ସାତା ନାନୁ ମିଜା ଝେସିମାଞ୍ଜାଇଁ, ଆମ୍ବାଆସି ନା ତାଣାଟି ପାଣ୍ଡୁଝି ଆତାଣାଇଁ ଆବିନେସି, ଏଝାସି ନାଜେ ଆବାନେସି, ଅଡ଼େ ଆମ୍ବାଆସି ନାଜେ ଆବାନେସି ଏଝାସି ନାଜେ ପାଣ୍ଡୁତାଣାଇଁ ଆବିନେସି

ସାତୁୟା କେୟୁତା ହେରପିନି କାତା ଝେହନାୟି

(ମାତି ୨୬:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଜୀସୁ ଇ ବାରେ କାତା ଝେସି ତାୟୁ ଜୀସୁତା ହାରେକା ଦୁକୁ ଆହାନା ବାରେତି ନକିତା ଝେକହେସି, “ନାନୁ ମିଜେ ସାତା ଝେସିମାଞ୍ଜାଇଁ ମୀ ବିତ୍ରାଟି ରଅସି ନାଜେ ସାତୁୟା କେୟୁତା ହେରପାନେସି

୨୨ ଏଝାସି ଆମ୍ବାଆରି କାତା ଏଲେଇଚେସି, ପୁନାଆନା କାବାଆହାନା ସୀସୁୟା ତାମ୍ବୁ ତାମ୍ବୁ ସିନିକିଝି ଆଡ଼େରି

୨୩ ଏଝାରି ବିତ୍ରାଟି ଏମିନି ସୀସୁୟା ଜୀସୁ ହାରେକା ଜୀସୁ ନହଁ ମାଚେସି, ଏଝାସି ଜୀସୁତି ଚିଝନିଝାକି କୁଗାନା ତିଞ୍ଜିମାଚେସି

୨୪ ସିମନ ପିତର ଏଝାଣାଇଁ କେୟୁ ତସାନା ଏଲେଇଚେସି, “ଏଝାସି ଆମ୍ବାଆରି କାତା ଏଲେଇଞ୍ଜି ମାନେସି, ଏଦାଆଁ ଝେଞ୍ଜୁ

୨୫ ଏ ସୀସୁ ଅଡ଼େ ତାଗେ ଆହାନା ଜୀସୁୟା ଝେଚେସି, “ଏଝାସି ଆମ୍ବାଆସି ପ୍ରୁ

୨୬ ଜୀସୁ ଏଲେଇଚେସି, “ଇ ରୁଟି ଗିନାତା କୁତି କିହାନା ହାଇଁ ଏଝାସି” ଏଲେଇଞ୍ଜାନା ଜୀସୁ ରୁଟି ଗିନାତା କୁତି କିହାନା ସିମନ ମୀରୁଏସି ଇସ୍ପାରିୟତ ଜୀହୁଦାକି ହୀତେସି

୨୭ ରୁଟି ରାସାଲିଏ ସୟତାନା ଏଝାଣି ହିୟାତା ହଚେ ଏଚେଟିଏ ଜୀସୁ ଏଲେଇଚେସି, “ଏଦାଆଁ କିନାୟିମାନେ ତବେ କିମୁ

୨୮ ଜୀସୁ ଏଝାଣାଇଁ ଇ କାତା ଏଦାଆଁତାକି ଏଲେଇଚେସି ଏଚକାତାରି ଆମ୍ବାଆରି ପୁଞ୍ଜାଲି ଆଡ଼ାଆତେରି

୨୯ ଜୀହୁଦା କେୟୁତା ଟାକାୟା ମଣା ମାଚାକି, ପାର୍ବୁତାକି ଏନା ଏନାଆଁ ଲତାମାନେ, ଏଦାଆଁ କତାଲି ଆଆତ କାକୁଲି ଗାଟାରାକି ହାହାଲିତାକି ଜୀସୁ ଏଝାଣାଇଁ ଏଲେଇଚେସି ଇଞ୍ଜି ଆମ୍ବା ଆମ୍ବାଆରି ଅଣପିତେରି

୩୦ ରୁଟି ତିଞ୍ଜାନା ଜୀହୁଦା ଏ ଦେବୁଣିଏ ପାଙ୍ଗାତା ହାଚେସି, ଏଚେତା ଲାଆଁୟା ଆହାମାଚେ

ପୁଝନି ମେରା

୩୧ ଜୀହୁଦା ପାଙ୍ଗାତା ହାଜାଲିଏ ଜୀସୁ ଏଲେଇଚେସି, “ନୀଏଁ ମାଣ୍ଡି ମୀରୁଏସି ଗାଝୁରମି ଆନି ବେଲା

ଝାହାମାନେ; ଅଡ଼େ ତାନିତାଣାଟି ମାହାପୁରୁ ଗାଝୁରମି ଆନେସି

୩୨ ମାହାପୁରୁ ମାଣ୍ଡି ମୀରୁଏଣା ତାଣାଟି ଗାଝୁରମି ଆଡ଼ିହଁ, ମାହାପୁରୁ ତାନୁଏ ଗାଝୁରମିଟି ମାଣ୍ଡି ମୀରୁଏଣାଇଁ ଗାଝୁରମି କିନେସି ତବେ ଏଝାଣାଇଁ ଗାଝୁରମି କିହାଲି ହାଜିମାନେସି

୩୩ ✨କକାଚେରି ନାନୁ ଅଡ଼େ ଗାଡ଼ି ଦିନା ଡ଼ୟଅଁ, ମୀରୁ ନାଜେ ପାରାଦେରି, ସାମା ନାନୁ ଆମ୍ବିୟା ହାଜିମାଇଁ ମୀରୁ ଏମ୍ବାଆଁ ହାଜାଲି ଆଡ଼ଅଚେରି, ଇ କାତା ଜୀହୁଦି ଲକୁତି କାଜାରାଇଁ ଏଲେଇଞ୍ଜା ମାଚେଏଁ ଏଲେକିହଁ ମିଜେ ଜିକେଏ ଝେସିମାଞ୍ଜାଇଁ

୩୪ ✨ମୀରୁ ରଅଚେରି ରଅଣାଇଁ ଜୀସୁନଦୁ, ଇ ପୁଝନି ମେରା ମିଜେ ହାହିମାଞ୍ଜାଇଁ; ନାନୁ ଏନିକଁ ମିଜେ ଜୀସୁନହାଁମାଞ୍ଜାଇଁ, ମୀରୁ ଜିକେଏ ଏଲେକିହଁ ଏ ରଅଚେରି ରଅଣାଇଁ ଜୀସୁନଦୁ

୩୫ ମୀ ତାଣା ରଅସି ରଅଣାଇଁ ଜୀସୁନନାୟି ମାନେ, ଆଡ଼ିହଁ ମୀରୁ ନା ସୀସୁୟାଚେରି, ଇ କାତା ବାରେଜାଣା ପୁଞ୍ଜେରି

ପିତର ପୁଞ୍ଜାହିଲଅଁ ଇନି କାତା ତଲିଏ ଝେହନାୟି

(ମାତି ୨୬:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମନ ପିତର ଏଝାଣାଇଁ ଝେଚେସି, “ପ୍ରୁ ନୀନୁ ଆମ୍ବିୟା ହାଜିମାଞ୍ଜି ?”

ଜୀସୁ ଏଲେଇଚେସି, “ନାନୁ ଆମ୍ବିୟା ହାଜିମାଇଁ, ନୀନୁ ନୀଏଁ ନା ଜେଚ ଜେଚ ହାଜାଲି ଆଡ଼ଅତି, ସାମା ତାୟୁ ହାଜି

୩୭ ପିତର ଏଝାଣାଇଁ ଏଲେଇଚେସି, “ପ୍ରୁ ନୀଏଁ ନାନୁ ଏନାଆଁକି ହାଜାଲି ଆଡ଼ଅଁ ? ନାନୁ ନୀ ତାକି ନା ଜୀସୁ ଜିକେଏ ହାଇଁ

୩୮ ଜୀସୁ ଏଲେଇଚେସି, “ଏଦାଆଁ ନୀନୁ ନା ତାକି ନୀ ଜୀସୁ ହାଦି ? ନାନୁ ମିଜେ ସାତା ଝେସିମାଞ୍ଜାଇଁ, କୟୁ କେଣ୍ଡା ନକେଏ ନୀନୁ ନାଜେ ତାନିପାଲି ପୁଞ୍ଜାହିଲଅଁ ଇଞ୍ଜି ଇଞ୍ଜାଦି

୧୪

ଜୀସୁ ଜିରୁ, ସାତା ଅଡ଼େ ଜୀସୁ

୧ “ମୀ ହିୟାଁ ଆତାଜାକା ଆଆପେ; ମୀରୁ ମାହାପୁରୁ ତାଣା ନାମାଦୁ, ଅଡ଼େ ନା ତାଣା ଜିକେଏ ନାମାଦୁ

୨ ନା ଆବାତି ଇଜ ହାରେକା ବାସାଟାୟୁ ମାନେ; ବାସାଟାୟୁ ହିଲାଆଡ଼ିହଁମା ନାନୁ ମିଜେ ଝେସ୍ତାଆତେଏଁମା, ନାନୁ ମିଜେତାକି ଟାୟୁ ତିୟାରା କିହାଲି ହାଜିମାଇଁ;

୩ ଅଡ଼େ ନାନୁ ହାଜାନା ମିଜେତାକି ଟାୟୁ କେପିତି ତାୟୁ, ଝେଣ୍ଡେ ଝାଇଁ, ଅଡ଼େ ନାନୁ ଆମ୍ବିୟା ମାଇଁ, ମୀରୁ ଜିକେଏ

☆ ୧୩:୨୦ ୧୩:୨୦ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭ ☆ ୧୩:୩୩ ୧୩:୩୩ ଜହ ୭:୩୪ ☆ ୧୩:୩୪ ୧୩:୩୪ ଜହ ୧୫:୧୨,୧୭; ୧ଜହ ୩:୨୩; ୨ଜହ ୧:୫

ଏନିକି ଏ ଗାୟତା ଡ଼ୟିଦେରି, ଏଦାଆଁତାକି ମିଙ୍ଗେ ଏ ଗାୟତା ଅହିଁ ହାଜାଇଁ □

୪ ନାନୁ ଆମ୍ବିୟା ହାଜିମାଇଁ ଏ ଜିରୁ ପୁଞ୍ଜାମାଞ୍ଜେରି □”

୫ ତମା ଏଲେଇଚେସି, “ପ୍ରବୁ, ନାନୁ ଆମ୍ବିୟା ହାଜିମାଞ୍ଜି, ମାମ୍ବୁ ପୁଞ୍ଜାହିଲଅମି, ଏମ୍ବିୟା ହାଜି ଏ ଜିରୁତି ଏନିକି ପୁନମି ?”

୬ ଜୀସୁ ଏଲେଇଚେସି, “ନାନୁ ଜିରୁ, ସାତା ଅଡ଼େ ଜୀସୁତେଏ; ନା ତାଣାଟି ତାକାଆସାରେ ଆମ୍ବାଆସି ଆବା ତାଣା ହାଜାଲି ଆଡ଼ଅସି □

୭ ମୀରୁ ନାଙ୍ଗେ ପୁଞ୍ଜାତିହିଁମା, ନା ଆବାଇଁ ଜିକେଏ ପୁଚେରିମା; ନୀଏଁ ଜିକେଏ ଏଞ୍ଜାଣାଇଁ ପୁଞ୍ଜିମାଞ୍ଜେରି ଅଡ଼େ ଏଞ୍ଜାଣାଇଁ ମେସାମାଞ୍ଜେରି □”

୮ ପିଲିପ ଏଞ୍ଜାଣାଇଁ ଏଲେଇଚେସି, “ପ୍ରବୁ, ମାଙ୍ଗେ ଆବାଇଁ ତସ୍ତାମ୍ବୁ, ଏଚେକେଏ ମାଙ୍ଗେତାକି ସାରି □”

୯ ଜୀସୁ ଏଲେଇଚେସି, “ପିଲିପ ଇଚର ଦିନା ନାନୁ ମୀ ତଲେ ଡ଼ୟାମାଇଁ, ମୀରୁ ଏନାଆଁ ନାଙ୍ଗେ ପୁଞ୍ଜାଆତେରି ? ଆମ୍ବାଆସି ନାଙ୍ଗେ ମେସାମାଞ୍ଜାନେସି ଏଞ୍ଜାସି ଆବାଇଁ ମେସାମାନେସି; ମାଙ୍ଗେ ଆବାଇଁ ତସ୍ତାମ୍ବୁ ଇଞ୍ଜି ଏନିକି ଏଲେ ଇଞ୍ଜିମାଞ୍ଜି ?

୧୦ ନାନୁ ଆବା ତାଣା ଅଡ଼େ ଆବା ନା ତାଣା ମାନେସି, ଇ କାତା ଏନାଆଁ ମୀରୁ ନାମିହିଲଅତେରି ? ନାନୁ ମିଙ୍ଗେ ଏମିନି କାତା ଝେସିମାଞ୍ଜାଇଁ, ଏ ବାରେ ନା ତାଣାଟି ଝେସିମାଞ୍ଜିଆଁ, ସାମା ଆବା ନା ତାଣା ମାଞ୍ଜାନା ତାନି କାମା କିହିମାନେସି □

୧୧ ନାନୁ ଆବା ତାଣା ମାଇଁ ଅଡ଼େ ଆବା ନା ତାଣା ମାନେସି ଇ କାତା ନାମାଦୁ, ଆଆତ କାମାତି ମେସାନା ନାମାଦୁ □

୧୨ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମ୍ବାଆସି ନା ତାଣା ନାମିନେସି, ନାନୁ ଏନି ଏନି କାମା କିହିମାଇଁ, ଏଞ୍ଜାସି ଜିକେଏ ଏ ବାରେ କିନେସି, ଅଡ଼େ ଏ ବାରେକିହିଁ ହାରେକା କାଜା କାମା କିନେସି, ଇଚିହିଁ ନାନୁ ଆବା ତାଣା ହାଜିମାଇଁ □

୧୩ ଆବା ଏନିକି ମୀରୁଏଣା ତାଣା ଗାଞ୍ଜୁରମି ଆନେସି, ଏଦାଆଁତାକି ମୀରୁ ନା ଦରୁଚି ଏନାଆଁ ରୀହ୍‌ଦେରି, ଏ ବାରେ ନାନୁ ହିୟାଇଁ □

୧୪ ମୀରୁ ନା ଦରୁଚି ଏନାଆଁ ନାଙ୍ଗେ ରୀସ୍ତାଦେରି, ନାନୁ ମିଙ୍ଗେ ଏ ବାରେ ହିୟାଇଁ □”

ସୁଦୁଜୀଞ୍ଜୁତି ହୀହାଲି ଆଞ୍ଜିନାୟି

୧୫ “ମୀରୁ ନାଙ୍ଗେ ଜୀଞ୍ଜୁନହିଁ ମାଞ୍ଜାଦେରି, ଆତିହିଁ ନା ହୁକୁମି ମାନଞ୍ଜି ଆଦୁ □

୧୬ ଅଡ଼େ ନାନୁ ନା ଆବାଇଁ ବାତିମାଲିଇଁ, ଅଡ଼େ ମୀ ତଲେ କାଚ୍‌ଲେଏ ଡ଼ୟାଲି ତାକି ଏଞ୍ଜାସି ମିଙ୍ଗେ ଅଡ଼େ ର ସାଚ୍‌ୟେମି କିନାଣାଇଁ,

୧୭ ଇଚିହିଁ ଏ ସାତା ଜୀଞ୍ଜୁତି ହିୟାନେସି □ ଦାର୍‌ତି ଏଦାଣି ଆବାଲି ଆଡ଼େଏ, ଇଚିହିଁ ଦାର୍‌ତି ଏଦାଣି ମେସା

ହିଲେଏ କି ପୁଞ୍ଜା ହିଲେଏ; ମୀରୁ ଏଦାଣି ପୁଞ୍ଜାମାଞ୍ଜେରି, ଇଚିହିଁ ଏଦି ମୀ ତଲେ ମାନେ, ଅଡ଼େ ଏଦି ମୀ ହିୟାଁତା ଡ଼ୟିନେ □”

୧୮ “ନାନୁ ମିଙ୍ଗେ କାର୍‌ମା କିହା ହାଜଅଁ, ନାନୁ ମୀ ତାଣା ଝେଶ୍ଟା ଝାଇଁ □

୧୯ ଗାଡ଼େକା କେଚ ଦାର୍‌ତି ଅଡ଼େ ନାଙ୍ଗେ ମେସାଲି ଆଡ଼େଏ; ସାମା ମୀରୁ ନାଙ୍ଗେ ମେସ୍ତାଦେରି, ଇଚିହିଁ ନାନୁ ନୀତାମାଇଁ, ଅଡ଼େ ମୀରୁ ଜିକେଏ ନୀତାନା ଡ଼ୟିଦେରି □

୨୦ ନାନୁ ନା ଆବା ତାଣା ଅଡ଼େ ମୀରୁ ନା ତାଣା ଅଡ଼େ ନାନୁ ମୀ ତାଣା ଡ଼ୟିଇଁ, ଇଦାଆଁ ଏ ଦିନା ମୀରୁ ପୁଞ୍ଜେରି □”

୨୧ “ଆମ୍ବାଆସି ନା ହୁକୁମି ଆବାହାଁ ମାନଞ୍ଜି ଆନେସି, ଏଞ୍ଜାସି ନାଙ୍ଗେ ଜୀଞ୍ଜୁ ନୟାନେସି, ଅଡ଼େ ଆମ୍ବାଆସି ନାଙ୍ଗେ ଜୀଞ୍ଜୁ ନୟାନେସି, ନା ଆବା ଏଞ୍ଜାଣାଇଁ ଜୀଞ୍ଜୁ ନନେସି, ଅଡ଼େ ନାନୁ ଏଞ୍ଜାଣାଇଁ ଜୀଞ୍ଜୁ ନଇଁ ଅଡ଼େ ଏଞ୍ଜାଣି ତାଣା ତସାକତିଇଁ □”

୨୨ ଜୀହୁଦା* ଏଞ୍ଜାଣାଇଁ ଏଲେଇଚେସି, “ଏ ପ୍ରବୁ, ଏନାଆଁ ଆଡ଼େ, ନାନୁ ଦାର୍‌ତିତା ନିଙ୍ଗେ ତସା କତାଆନା ମା ତାଣା ତସିମାଞ୍ଜାଦି ?”

୨୩ ଜୀସୁ ଏଞ୍ଜାଣାଇଁ ଏଲେଇଚେସି, “ଆମ୍ବାଆସି ନାଙ୍ଗେ ଜୀଞ୍ଜୁ ନୟାନେସି ଆତିହିଁ ଏଞ୍ଜାସି ନା ବଲୁଚି ମାନଞ୍ଜି ଆନେସି, ଅଡ଼େ ନା ଆବା ଏଞ୍ଜାଣାଇଁ ଜୀଞ୍ଜୁ ନନେସି, ଅଡ଼େ ନାନୁ ଏଞ୍ଜାଣି ତାଣା ଝାହାନା ଏଞ୍ଜାଣିତଲେ ବାସା କଇଁ □

୨୪ ଆମ୍ବାଆସି ନାଙ୍ଗେ ଜୀଞ୍ଜୁ ନୟାଅସି, ଏଞ୍ଜାସି ନା ବଲୁଚି ମାନଞ୍ଜି ଆଅସି, ଅଡ଼େ ମୀରୁ ଏମିନି ବଲୁ ଝେଞ୍ଜାମାଞ୍ଜେରି, ଏଦି ନାଦି ଆଏ, ସାମା ନାଙ୍ଗେ ପାଶ୍ଟାମାଞ୍ଜାନି ଆବା ମାହାପୁରୁଞ୍ଜାୟି □”

୨୫ “ନାନୁ ମୀ ତାଣା ମାଞ୍ଜା ମାଞ୍ଜାନା ମିଙ୍ଗେ ଇ କାତା ଝେସ୍ତାତେଏ □

୨୬ ସାମା ଏ ସାଚ୍‌ୟେମି କିନାୟି, ଇଚିହିଁ ଏମିନି ସୁଦୁଜୀଞ୍ଜୁ ଆବା ନା ଦରୁଚି ହିୟାନେସି, ଏଦି ମିଙ୍ଗେ ବାରେ ଜାପୁହାନେ, ଅଡ଼େ ନାନୁ ମିଙ୍ଗେ ଏନା ଏନାଆଁ ଝେସାମାଞ୍ଜାଇଁ, ଏ ବାରେ ମିଙ୍ଗେ ଅଶ୍‌ପି କିୟାନେ □”

୨୭ “ନାନୁ ମିଙ୍ଗେ ହିଡ଼ଡ଼ି ହୀହାନା ହାଜିମାଇଁ, ନା ହିଡ଼ଡ଼ି ମିଙ୍ଗେ ଦାନା କିହିମାଞ୍ଜାଇଁ; ଦାର୍‌ତି ଏନିକି ଦାନା କିନେ ନାନୁ ମିଙ୍ଗେ ଏଲେକି ଦାନା କିହିହିଲଅଁ, ମୀ ହିୟାଁ କିଲିବିଲି ଅଡ଼େ ଆଜି ଗାଟାୟି ଆଆପେ □

୨୮ ନାନୁ ହାଜିମାଇଁ ଅଡ଼େ ମୀ ତାଣା ଝେଶ୍ଟା ଝାଇଁ, ଇ ନା କାତା ଝେଞ୍ଜାମାଞ୍ଜେରି □ ମୀରୁ ନାଙ୍ଗେ ଜୀଞ୍ଜୁ ନୟାତିହିଁମା, ନାନୁ ନା ଆବା ତାଣା ହାଜିମାଇଁ ଇଞ୍ଜି ରାହାଁ କିଚେରିମା, ଇଚିହିଁ ଆବା ନା କିହାଁ କାଜାସି □

୨୯ ଏନାୟି ବାରେ ଗଟଞ୍ଜି ଆନାୟି ମାନେ, ଏ ନକେଏ ନାନୁ ମିଙ୍ଗେ ଝେସ୍ତାତେଏ □ ଏ ବାରେ ଗଟଞ୍ଜି ଆଡ଼ିସାରେ ମୀରୁ ନାଙ୍ଗେ ନାମାଦେରି □

* ୧୪:୨୨ ୧୪:୨୨ ଇସ୍ତାରିୟତ ଜୀହୁଦା ଆଏ

୩୦ ନାନୁ ମୀ ତଲେ ହାରେକା କାତା ଆୟଅଁ, ଇଚିହଁ ଦାର୍ତ୍ତିତି ସାଲୁଝି କିନାୟି ଖାହିମାନେ; ଅଡ଼େ ନା ତାଣା ତାନିଖାୟି ଏନାୟି ହିଲେଏ;

୩୧ ସାମା ଆବା ନାଜେ ଏନିକଁ ହୁକୁମି ହୀହାମାଞ୍ଜାନେସି, ଏଲେକିହଁ ନାନୁ କାମା କିଇଁ । ଆତିହଁ ନାନୁ ଆବାଇଁ ଜୀଝୁ ନହଁ ମାଇଁ ଇଞ୍ଜଁ ଦାର୍ତ୍ତି ପୁନେ ।।”

“ଖାଦୁ ମାର, ଇମ୍ବାଟି ହାନ ।।”

୧୫

ଜୀସୁ ସାତା ଅଞ୍ଜୁରିମାଡ଼ା

୧ “ନାନୁ ସାତା ଅଞ୍ଜୁରିମାଡ଼ା, ଅଡ଼େ ନା ଆବା କାମାକିନାସି ।।

୨ ନା ତାଣା ମାନି ଏମିନି କମା ପାଡ଼େୟି ଆୟେଏ, ଏଦାନି ଏଝାସି ଚୁଣ୍ଡାହାତୁହନେସି; ଅଡ଼େ ଏମିନି କମା ପାଡ଼େୟି ଆୟିନେ, ଗାତି ପାଡ଼େୟି ଆୟାଲି ତାକି ଜାଡ଼ନୁ କିନେସି ।।

୩ ନାନୁ ମିଜେ ଏମିନି ବଲୁ ଝେସାମାଞ୍ଜାଇଁ, ଏଦାଆଁତାକି ଜାଡ଼ନୁ ଆହାମାଞ୍ଜେରି ।।

୪ ନା ତାଣା ଡୟାଦୁ ଆତିହଁ ନାନୁ ମୀ ତାଣା ଡୟିଇଁ ।। କମା ଏନିକଁ ଅଞ୍ଜୁରିମାଡ଼ାତା ଡୟାଆସାରେ ତାନିତାଣାଟି ପାଡ଼େୟି ଆୟାଲି ଆଡେଏ, ଏଲେକିହଁ ଏ ମୀରୁ ଜିକେଏ ନା ତାଣା ଡୟାଆସାରେ ପାଡ଼େୟି ଆୟାଲି ଆଡ଼ଅଡେରି ।।”

୫ “ନାନୁ ଅଞ୍ଜୁରିମାଡ଼ା ମୀରୁ କମାୟାଁ, ଆମ୍ବାଆସି ନା ତାଣା ଡୟିନେସି ଅଡ଼େ ନାନୁ ଆମ୍ବାଆରି ତାଣା ଡୟିଇଁ, ଏଝାସି ହାରେକା ପାଡ଼େୟି ଆୟିନେସି; ଇଚିହଁ ନା ପିସପେ ମୀରୁ ଏନାଆଁ କିହାଲି ଆଡ଼ଅଡେରି ।।

୬ ଆମ୍ବାଆସି ନା ତାଣା ଡୟଅସି, ଆତିହଁ ଏଝାସି କମା ଲେହେଁ ପାଙ୍ଗାତା ମେଡ଼ପି ଆନେସି ଅଡ଼େ ଖାୟା ହାନେସି, ଇଞ୍ଜା ଲକୁ ଏଝାଆଁ କୁଡ଼ି କିହାନା ହିଚୁତା ମେଡ଼ନେରି ଅଡ଼େ ଏଝି ବାରେ ଝେହାହାନୁ ।।

୭ ମୀରୁ ନା ତାଣା ଡୟିଦେରି, ଅଡ଼େ ନା ବଲୁ ମୀ ତାଣା ଡୟିନେ, ଆତିହଁ ମୀରୁ ଏନାଆଁ ମନ କିଦେରି, ଏଦାଆଁ ରାହୁଦୁ, ଆତିହଁ ଏଡ଼ି ମିଜେତାକି କିଝିଆନେ ।।

୮ ମୀରୁ ହାରେକା ପାଡ଼େୟି ଆୟିସାରେ ନା ଆବା ଗାଝୁରମି ଆନେସି, ଅଡ଼େ ମୀରୁ ନା ସାତା ସୀସୁ ଆଦେରି ।।

୯ ଏନିକଁ ଆବା ନାଜେ ଜୀଝୁ ନହଁମାଞ୍ଜାନେସି, ନାନୁ ଜିକେଏ ଏଲେକିହଁ ଏ ମିଜେ ଜୀଝୁନହଁମାଞ୍ଜାଇଁ; ନା ଜୀଝୁ ନଝୁତା ତୀରିଆହାନା ଡୟାଦୁ ।।

୧୦ ନାନୁ ଏନିକଁ ନା ଆବାତି ହୁକୁମି ମାନଝି ଆହାନା ତାନି ଜୀଝୁ ନଝୁତା ତୀରିଆହାନା ଡୟିମାଇଁ, ଏଲେକିହଁ ଏ ମୀରୁ ଜିକେଏ ନା କାତା ମାନଝି ଆଦେରି, ଆତିହଁ ନା ଜୀଝୁ ନଝୁତା ତୀରିଆହାନା ଡୟିଦେରି ।।”

୧୧ “ଏନିକଁ ନା ରାହାଁ ମୀ ତାଣା ଡୟିନେ, ଅଡ଼େ ମୀ ରାହାଁ ଏନିକଁ ପୁରାଆନେ, ଏଦାଆଁତାକି ଇ ବାରେ ମିଜେ ଝେସାତେଏଁ ।।

୧୨ ନାନୁ ଏନିକଁ ମିଜେ ଜୀଝୁନହଁମାଞ୍ଜାଇଁ, ମୀରୁ ଜିକେଏ ଏଲେକିହଁ ଏ ରଅଡେରି ରଅଣାଇଁ ଜୀଝୁନଦୁ, ଇଦି ନା ହୁକୁମି ।।

୧୩ ଜାହାରା ତଡ଼େସିଙ୍ଗା ତାକି ଜୀଝୁହାନି କିହାଁ ଅଡ଼େ କାଜା ଜୀଝୁନନାୟି ହିଲେଏ ।।

୧୪ ନାନୁ ମିଜେ ଆମିନି ହୁକୁମି ହୀହାମାଞ୍ଜାଇଁ, ଏଦାଆଁ ମୀରୁ ମାନଝି ଆଦେରି ଆତିହଁ ମୀରୁ ନା ତଡ଼େସିଙ୍ଗା ।।

୧୫ ନାନୁ ମିଜେ ଅଡ଼େ ହଲେଏସି ଇଞ୍ଜଁ ମାଞ୍ଜଅଁ, ଇଚିହଁ ସାଝୁକାରି ଏନାଆଁ କିନେସି, ହଲେଏସି ଏଦାଆଁ ପୁନଅସି, ସାମା ନାନୁ ମିଜେ ତଡ଼େ ଇଞ୍ଜିମାଞ୍ଜାଇଁ, ଇଚିହଁ ନାନୁ ନା ଆବା ତାଣାଟି ଏନା ଏନାଆଁ ଝେଞ୍ଜାମାଇଁ, ଏ ବାରେ ମିଜେ ଝେସାମାଞ୍ଜାଇଁ ।।

୧୬ ମୀରୁ ନାଜେ ଆଡ଼ା ମାଞ୍ଜଅଡେରି, ସାମା ନାନୁ ମିଜେ ଆଡ଼ାମାଞ୍ଜାଇଁ, ଅଡ଼େ ମୀରୁ ଏନିକଁ ପାଡ଼େୟି ଆୟାଲି ଆଡ଼ିଦେରି ଅଡ଼େ ମୀ ପାଡ଼େୟି ତୀରିଆହାନା ଡୟିନେ, ଏଦାଆଁତାକି ମିଜେ ଆଡ଼ାମାଞ୍ଜାଇଁ ।। ଏଚେଟିଏ ମୀରୁ ନା ଦରୁତଲେ ଆବାଇଁ ଏନାଆଁ ରାହୁଦେରି ଏଝାସି ମିଜେ ହିୟାନେସି ।।

୧୭ ମୀରୁ ଏନିକଁ ରଅଡେରି ରଅଣାଇଁ ଜୀଝୁ ନଦେରି, ଏଦାଆଁତାକି ନାନୁ ଇ ବାରେ ହୁକୁମି ହୀହିମାଞ୍ଜାଇଁ ।।”

ଦାର୍ତ୍ତିତି ଅପାଆଗାଟାୟି

୧୮ “ଦାର୍ତ୍ତି ମିଜେ ଅପେଏ, ଆତିହଁ ମିଜେ ଅପାଆ ନକେଏ ନାଜେ ଅପାମାଞ୍ଜେଏ, ଇଦାଆଁ ପୁଞ୍ଜାମାଞ୍ଜୁ ।।

୧୯ ମୀରୁ ଦାର୍ତ୍ତିତାଡେରି ଆହାମାଟିହଁ ମା, ଦାର୍ତ୍ତି ମିଜେ ନା ଲକୁ ଇଞ୍ଜଁ ପୁଞ୍ଜାନା ଜୀଝୁ ନୟାଡେମା; ମୀରୁ ଦାର୍ତ୍ତିଟି ଖାହା ହିଲଅଡେରି, ସାମା ନାନୁ ମିଜେ ଦାର୍ତ୍ତିଟି ଆଡ଼ାମାଞ୍ଜାଇଁ, ଏଦାଆଁତାକି ଦାର୍ତ୍ତି ମିଜେ ଅପେଏ ।।

୨୦ ହଲେଏସି ସାଝୁକାରି କିହାଁ କାଜାସି ଆଏ, ନାନୁ ମିଜେ ଏମିନି ବଲୁ ଝେସାମାଞ୍ଜାଇଁ, ଏଦାଆଁ ଅଣ୍ପାଦୁ ।। ଏଝାରି ନାଜେ ସାସ୍ତି ହୀହାମାଞ୍ଜାନେରି, ଆତିହଁ ମିଜେ ଜିକେଏ ସାସ୍ତି ହିୟାନେରି; ଅଡ଼େ ଏଝାରି ନା ବଲୁଡି ମାନଝି ଆହାମାନେରି, ଆତିହଁ ମୀ ବଲୁ ଜିକେଏ ମାନଝି ଆନେରି ।।

୨୧ ସାମା ଏଝାରି ନାଜେ ପାଣ୍ଡାତାଣାଇଁ ପୁଞ୍ଜାହିଲାଆକି, ନା ଦରୁ ତାକି ମିଜେ ଇ ବାରେ ଆନେ ।।

୨୨ ନାନୁ ଖାହାନା ଏଝାରାଇଁ ଝେହୁଆତିହଁ, ଏଝାରି ପାପୁ ଗାଟାରି ଆଆଡେରିମା; ସାମା ନୀଏଁ ଇ ପାପୁ ତାକି ଏନି ମିଟି କାତା ଝେସାଲି ଆଡ଼ଅରି ।।

୨୩ ଆମ୍ବାଆସି ନାଜେ ଅପଅସି, ଏଝାସି ନା ଆବାଇଁ ଜିକେଏ ଅପଅସି ।।

☆ ୧୫:୧୨ ୧୫:୧୨ ଜହ ୧୩:୩୪; ୧୫:୧୭; ୧ଜହ ୩:୨୩; ୨ଜହ ୧:୫ ☆ ୧୫:୨୦ ୧୫:୨୦ ମାତି ୧୦:୨୪; ଲୁକ ୬:୪୦; ଜହ ୧୩:୧୭

୨୪ ନାନୁ ଏଞ୍ଜରୀତାଣା ଏନ୍ଦି କାବାଆନ୍ଦି କାମା କିହାହିଲିଆତ, ଏଞ୍ଜରୀ ପାପୁ ଗାଟାରି ଇଞ୍ଜି ଏଜିକିଫି ଆଆତେରିମା □ ସାମା ନା ବାରେ କାମା ମେସାନା ଜିକେଏ ଏଞ୍ଜରୀ ନାଞ୍ଜେ ଅଡେ ନା ଆବାଇଁ ଅପାହିଲଅରି □

୨୫ ସାମା ଏଞ୍ଜରୀ ନାଞ୍ଜେ ଉଜେଏ ଅପାମାଞ୍ଜଅରି, ମସା ମେରାତା ରାସ୍ତକି ଆହାମାନାୟି ଏନ୍ଦିକ ପୁରା ଆନ୍ଦେ ଇଦାଆଁତାକି ଇ ବାରେ ଆହିମାନେ □

୨୬ “ଆବା ତାଣାଟି ନାନୁ ମୀ ତାଣା ଏମିନି ସାୟେମି କିନାଣି ପାଣ୍ଡାଲ, ଆବା ତାଣାଟି ଖାନ୍ଦି ଏ ସାତା ଜୀଝୁ ଖାଡ଼ିହିଁ ନା କାତା ସାକି ହିୟାନେ;

୨୭ ମୀରୁ ଜିକେଏ ନା କାତାତାକି ସାକି ହୀଦେରି, ଇଚିହିଁ ମୁଲୁଟିଏ ମୀରୁ ବାରେ ନା ତଲେ ମାଚେରି □”

୧୭

୧ “ମୀ ନାମୁତି ଏନ୍ଦିକ ପିହ୍‌ଅଚେରି, ଇଦାଆଁତାକି ଇ ବାରେ କାତା ଝେସାମାଞ୍ଜାଇଁ □

୨ ଏଞ୍ଜରୀ ମିଞ୍ଜେ କୁଲମଟି ହପୁହାନେରି, ଇଲେତି ଦିନା ଖାହିମାନେ, ଏଚେତା ଆମ୍ବାଆସି ମିଞ୍ଜେ ପାୟାନେସି, ଏଞ୍ଜସି ମାହାପୁରୁ ତାକି ଜହରାତି ପୂଜା କିହିମାଇଁ ଇଞ୍ଜି ଅଣ୍ଡପିନେସି □

୩ ଲକୁ ଇ ବାରେ କିୟାନେରି, ଇଚିହିଁ ଏଞ୍ଜରୀ ଆବା ଆଆତ ନାଞ୍ଜେ ପୁଞ୍ଜାମାଞ୍ଜଅରି □

୪ ଇ ବାରେ ଗଟଞ୍ଜି ଆଡ଼ିସାରେ, ନାନୁ ମିଞ୍ଜେ ଝେସାମାଞ୍ଜାତେଏଁ ଇ କାତା ମୀରୁ ଏନ୍ଦିକ ଅଣ୍ଡପିଦେରି, ଇଦାଆଁତାକି ଇ ବାରେ କାତା ମିଞ୍ଜେ ଝେସାମାଞ୍ଜାଇଁ □ ନାନୁ ମୀ ତଲେ ମାଚାକି ମୁଲୁଟିଏ ଇ ବାରେ କାତା ମିଞ୍ଜେ ଝେସାମାଞ୍ଜଅଁ □”

ସୁକୁଜୀଝୁତି କାମା

୫ “ସାମା ନାନୁ ନୀଏଁ ନା ପାଣ୍ଡାତାଣା ତାଣା ହାଜିମାଇଁ, ଅଡେ ମୀରୁ ଆମ୍ବିୟା ହାଜିମାଞ୍ଜି ଇଞ୍ଜି ମୀ ବିତ୍ରାଟି ଆମ୍ବାଆତେରି ନାଞ୍ଜେ ଝେଞ୍ଜି ମାଞ୍ଜଅଚେରି □

୬ ସାମା ନାନୁ ଇ ବାରେ କାତା ଝେସାମାଞ୍ଜାନାକି ମୀ ହିୟାଁ ହାରେକା ଦୁକୁ ଆହିମାନେ □

୭ ସାମା ନାନୁ ମିଞ୍ଜେ ସାତା ଝେସିମାଞ୍ଜାଇଁ, ନାନୁ ହାନାୟି ମିଞ୍ଜେତାକି ନେହେଁ, ଇଚିହିଁ ନାନୁ ହାଲାଆସାରେ ଏ ସାୟେମି କିନାୟି ମୀ ତାଣା ଖାଏ, ସାମା ନାନୁ ହାଚିସାରେ ଏଦାଣି ମୀ ତାଣା ପାଣ୍ଡାଇଁ □

୮ ଏଦି ଖାହାନା ପାପୁ, ଦାମ୍ବୁ ଅଡେ ମାହାପୁରୁତି ବିଚାରାତି କାତା ଇ ଦାର୍ତତି ଲକୁଣି ଝେହ୍‌ନେ;

୯ ପାପୁତି କାତା, ଇଚିହିଁ ଏଞ୍ଜରୀ ନା ତାଣା ନାମା ହିଲଅରି;

୧୦ ଦାମ୍ବୁତି କାତା, ଇଚିହିଁ ନାନୁ ଆବା ତାଣା ହାଜିମାଇଁ ମୀରୁ ଅଡେ ନାଞ୍ଜେ ମେସୁଅଚେରି;

୧୧ ବିଚାରାତି କାତା, ଇଚିହିଁ ଇ ଦାର୍ତତି ସାଲଞ୍ଜି କିନାରି ବିଚାରା କିଞ୍ଜି ଆହାମାନେରି □”

୧୨ “ମିଞ୍ଜେ ନାନୁ ଅଡେ ହାରେକା କାତା ଝେସୁନାୟିମାନେ, ସାମା ନୀଏଁ ମୀରୁ ଏ ବାରେ ଅହାଲି ଆଡ଼ଅଚେରି

୧୩ ସାମା ସାତାତି ଜୀଝୁ ଖାଡ଼ିସାରେ, ଏଦି ବାରେ ସାତାତି ତେଲହାଲି ବାଡ଼ୁୟି ହିୟାନେ, ଏଦି ମିଞ୍ଜେ ଜିରୁ ତସାନା ତାନିତାଣାଟି ଏନାଆଁ ଝେହ୍‌ଏ, ମାହାପୁରୁ ତାଣାଟି ଏନା ଏନାଆଁ ଝେଞ୍ଜାମାନେ ଖାରଇ ଏଚେକେଏ ଝେହ୍‌ନେ, ଅଡେ ଏନାୟି ଆହାଲି ହାଜିମାନେ ଏଦାଆଁ ଏଦି ଝେସୁନେ □

୧୪ ଏଞ୍ଜସି ନାଞ୍ଜେ ଗାଝୁରମି କିୟାନେସି, ଇଚିହିଁ ନା ତାଣାଟି ବାରେ କାତା ପୁଞ୍ଜାନା ଏଦି ଏଦାଆଁ ମୀ ତାଣା ଝେସୁନେ □

୧୫ ଏନା ଏନାୟି ଆବାଞ୍ଜାୟି, ଏ ବାରେ ନାଦି; ଇଦାଆଁତାକି ନାନୁ ଏଲେଇଞ୍ଜାତେଏଁ, ଏଞ୍ଜସି ନା କାତା ଅହାନା ମିଞ୍ଜେ ଝେସୁନେସି □”

ଦୁକୁ ଅଡେ ରାହାଁ

୧୬ “ଗାଡ଼େକା ଜେଚ ମୀରୁ ଅଡେ ନାଞ୍ଜେ ମେସୁଅଚେରି, ସାମା ଏଚରଦିନା ଜେଚ ମେସୁଦେରି □”

୧୭ ଏଚେଟିଏ ତାନି ସୀସୁୟାଁ ବିତ୍ରାଟି ଆମ୍ବା ଆମ୍ବାଆରି ଏଲେଇଚେରି, “ଗାଡ଼େକା ଜେଚ ନାଞ୍ଜେ ମେସୁଅଚେରି, ଅଡେ ଏଚରଦିନା ହାଚି ତାୟୁ ନାଞ୍ଜେ ମେସୁଦେରି, ନାନୁ ଆବା ତାଣା ହାଜିମାଇଁ, ଏଞ୍ଜସି ଏମିନି କାତା ମାଞ୍ଜେ ଝେସୁତେସି, ଇଦି ଏନାୟି ?”

୧୮ ଏଞ୍ଜରୀ ଏଲେଇଚେରି, “ଗାଡ଼େକା ଇଞ୍ଜି ଏନାଆଁ ଏଲେଇଞ୍ଜି ମାନେସି? ଏଞ୍ଜସି ଏନାଆଁ ଏଲେଇଞ୍ଜି ମାନେସି ମାୟୁ ତେଲହାଲି ଆଡ଼ିହିଲଅମି □”

୧୯ ସୀସୁୟାଁ ତାଙ୍ଗ ଝେଞ୍ଜାଲି ଅଣ୍ଡପିମାନେରି ଇଞ୍ଜି ପୁଞ୍ଜାନା ଜୀସୁ ଏଞ୍ଜରାଇଁ ଏଲେଇଚେସି, “ଗାଡ଼େକା ଜେଚ ନାଞ୍ଜେ ମେସୁଅଚେରି, ଅଡେ ଏଚରଦିନା ହାଚି ତାୟୁ ନାଞ୍ଜେ ମେସୁଦେରି, ନାନୁ ଇ ଏମିନି କାତା ମିଞ୍ଜେ ଝେସୁତେଏଁ, ଏ କାତାତାକି ଏନାଆଁତାକି ମୀରୁ ବାଦିବାଦା ଆହିମାଞ୍ଜେରି ?

୨୦ ନାନୁ ମିଞ୍ଜେ ସାତା ଝେସିମାଞ୍ଜାଇଁ, ମୀରୁ ଦୁକୁଆହିଁ ଡୀଦେରି, ସାମା ଦାର୍ତତି ରାହାଁ କିନେ; ମୀରୁ ଦୁକୁ ଆଦେରି, ସାମା ମୀ ଦୁକୁ ରାହାଁତା ତିରି ମୀଣ୍ଡନେ □

୨୧ ଜାନ କିନି ବେଲା ଖାଡ଼ିସାରେ ଇୟା ଦୁକୁ ବେଟାଆନେ; ସାମା ଏଦି କକାଣାଇଁ ଜାନ କିତି ତାୟୁ ଦାର୍ତତିତା ର ମାଣ୍ଡସି ଜାନା ଆହାମାନେସି, ଇ ରାହାଁତାକି କସ୍ତତି ଅଣ୍ଡପେଏଦେଁ □

୨୨ ଏଲେକିହିଁ ଏ ମୀରୁ ନୀଏଁ ଦୁକୁ ବେଟାଆହିମାଞ୍ଜେରି, ସାମା ନାନୁ ଅଡେ ଝେଶ୍‌ଶେ ମିଞ୍ଜେ ତଞ୍ଜା ଆୟାଇଁ, ଅଡେ ମୀ ହିୟାଁ ରାହାଁ ଆନେ ଅଡେ ଆମ୍ବାଆସି ମୀ ତାଣାଟି ମୀ ରାହାଁ ମୀଞ୍ଜା ଅୟଅସି □”

୨୩ “ଏ ଦିନା ମୀରୁ ନାଞ୍ଜେ ଏନାଆଁ ଝେଞ୍ଜଅଚେରି □ ନାନୁ ମିଞ୍ଜେ ସାତା ଝେସିମାଞ୍ଜାଇଁ, ମୀରୁ ଆବାଇଁ ଏନାଆଁ ରୀହ୍‌ଦେରି, ଏଞ୍ଜସି ନା ଦରୁତଲେ ମିଞ୍ଜେ ହିୟାନେସି □

୨୪ ନୀର୍ବ ପାତେକା ନା ଦରୁତଲେ ଏନାଆଁ ରାସା ହିଲଅତେରି; ରାହ୍‌ଦୁ, ଏନିକ୍ ମୀ ରାହ୍‌ ଗାତି ଆନେ, ଏଦାଆଁତାକି ମୀରୁ ଏଦାଆଁ ବେଟାଆଦେରି □

ଦାର୍ତ୍ତିତା ଜୀଣା ଆନାୟି

୨୫ “ନାନୁ ମିଙ୍ଗେ ପୁଣ୍ଡିକିନି କାତାତଲେ ଇ ବାରେ ଝେସାମାଞ୍ଜାଇଁ; ଦିନା ଝାହିମାନେ, ଏତିବେଲା ନାନୁ ଅଡ଼େ ପୁଣ୍ଡିକିନି କାତାତଲେ ମିଙ୍ଗେ ଝେସୁଅଁ, ଆବାତି କାତା ତୀରେତଲେ ଝେସୁାଇଁ □

୨୬ ଏ ଦିନା ମୀରୁ ନା ଦରୁତଲେ ରାହ୍‌ଦେରି; ଅଡ଼େ ନାନୁ ମୀ ଝାକିଟି ଆବାଇଁ ବାତିମାଲିଇଁ, ଇ କାତା ନାନୁ ମିଙ୍ଗେ ଝେସିମାଞ୍ଜୁଅଁ;

୨୭ ଇତିହ୍ ଆବା ତାନୁଏ ମିଙ୍ଗେ ଜୀଝୁ ନହ୍‌ମାଞ୍ଜାନେସି, ମୀରୁ ନାଙ୍ଗେ ଜୀଝୁନହ୍‌ ମାଞ୍ଜାଦେରି ଅଡ଼େ ନାନୁ ମାହାପୁରୁ ତାଣାଟି ଝାହାମାଇଁ, ଏଦାଆଁ ମୀରୁ ନାମାମାଞ୍ଜେରି □

୨୮ ନାନୁ ଆବା ତାଣାଟି ଦାର୍ତ୍ତିତା ଝାହାମାଇଁ; ଦାର୍ତ୍ତି ପିସାନା ଝେଣ୍ଡେ ଆବା ତାଣା ହାଜିମାଇଁ □”

୨୯ ଇ ହାଡ଼ା ଝେଞ୍ଜାନା ସୀସୁୟାଁ ଏଝାଣାଇଁ ଏଲେଇଚେରି, “ନୀର୍ବ ନାନୁ ପୁଣ୍ଡିକିନି କାତା ଲେୟାଆନା ତୀରେତଲେ ଝେସିମାଞ୍ଜୁ □

୩୦ ନାନୁ ବାରେ କାତା ପୁଞ୍ଜାମାଞ୍ଜି, ଆମ୍ବାଆସି ନିଙ୍ଗେ ଝେଞ୍ଜାନାୟି ଲଡ଼ା ହିଲେଏ, ଏଦାଆଁ ନୀର୍ବ ମାନ୍ସୁପୁଚିନି; ମାହାପୁରୁ ତାଣାଟି ଝାହାମାଞ୍ଜି ଇଞ୍ଜି ମାନ୍ସୁ ଇ କାତା ନାମି ମାନମି □”

୩୧ ଜୀସୁ ଏଝାରାଇଁ ଏଲେଇଚେସି, “ମୀରୁ ଏନାଆଁ ନୀର୍ବ ନାମିମାଞ୍ଜେରି ?

୩୨ ମେହ୍‌ଦୁ ଦିନା ଝାହିମାନେ, ଏ ବେଲା ଝାଡ଼େୟିଏ, ଏତିବେଲା ମୀରୁ ଇତାଲା ଆତାଲା ଆହାନା ବାରେଜାଣା ଜାହାରା ଇଜ ହାଜେରି, ଅଡ଼େ ନାଙ୍ଗେ ରଅତେର୍ବ କିୟାଦେରି; ଆଡ଼ିଜିକେଏ ନାନୁ ରଅତେର୍ବ ଆଏ, ଇତିହ୍ ଆବା ନା ତଲେ ମାନେସି □

୩୩ ମୀରୁ ଏନିକ୍ ନା ତାଣାଟି ହିଡ଼ଡ଼ି ବେଟାଆଦେରି, ଏଦାଆଁତାକି ନାନୁ ମିଙ୍ଗେ ଇ ବାରେ କାତା ଝେସାମାଞ୍ଜାଇଁ □ ଦାର୍ତ୍ତିତା ମିଙ୍ଗେତାକି ହାରେକା ସାସ୍ତି ମାନେ, ସାମା ସାସା ଆହ୍‌ଦୁ; ଇତିହ୍ ନାନୁ ଦାର୍ତ୍ତିତା ଜୀଣା ଆହାମାଇଁ □”

୧୭

ଜୀସୁ ତାନି ସୀସୁୟାଁକି ପ୍ରାତାନା କିନାୟି

୧ ଜୀସୁ ଇ ବାରେ କାତା ଏଲେଇଞ୍ଜା ଲାକପୁରୁ ଝାକି ସିନିକିହାନା ଏଲେଇଚେସି, “ଆବା, ବେଲା ଆଡ଼େୟିଏ; ନୀ ମୀରୁଏଣାଇଁ ଗାଝୁରମି କିମ୍, ଏନିକ୍ ମୀରୁଏସି ନିଙ୍ଗେ ଗାଝୁରମି କିୟାନେସି □

୨ ନାନୁ ଏଝାଣାଇଁ ବାରେ ମାଣ୍ଡସି କୃତାତି ମୁହେଁ ଅଦିକାରା ହାହାମାଞ୍ଜି □ ଅଡ଼େ ଆମ୍ବାଆରାଇଁ ଏଝାଣି କେୟୁତା କାଲାକାଲାତି ଜୀଝୁ ହାହାଲିତାକି ହେର୍‌ପାମାଞ୍ଜି ଏଝାଣାକି ବାଡ଼ୁୟୁ ହାହାମାଞ୍ଜି □

୩ ଅଡ଼େ ରଣ୍ଡିଏ ସାତା ମାହାପୁରୁତି ନାନୁ, ନିଙ୍ଗେ ଅଡ଼େ ନୀ ତାଣାଟି ପାଣ୍ଡିଆହାମାନି ଜୀସୁ ଜୀସୁଇଁ ପୁନାୟି ଆହିମାନେ କାଲାକାଲାତି ଜୀଝୁ □

୪ ନାନୁ ନାଙ୍ଗେ ଏମିନି କାମା କିହାଲି ହାହାମାଞ୍ଜାଦି, ଏଦାଆଁ ନାନୁ ରାପୁହାନା ଦାର୍ତ୍ତିତା ନିଙ୍ଗେ ଗାଝୁରମି କିହାମାଞ୍ଜାଇଁ □

୫ ଏ ଆବା ଦାର୍ତ୍ତି ଗାଡ଼ି ଆଆ ନକେଏ ନୀ ତଲେ ନା ଏମିନି ଗାଝୁରମି ମାଚେ, ଏମ୍ବାଟି ନାନୁ ନାଙ୍ଗେ ନୀ ତଲେ ଗାଝୁରମି କିୟାମୁ □”

୬ “ନାନୁ ନାଙ୍ଗେ ଦାର୍ତ୍ତି ବିତ୍ରାଟି ଏମିନି ଲକୁଣି ନାଙ୍ଗେ ହାହାମାଞ୍ଜାଦି, ନାନୁ ନୀ ଦରୁ ଏଝାରି ନକିତା ତସାମାଇଁ; ଏଝାରି ନୀ ଲକୁ ମାଚେରି ଅଡ଼େ ନାନୁ ଏଝାରାଇଁ ନାଙ୍ଗେ ହାହାମାଞ୍ଜାତି, ଏଝାରି ନୀ ବଲୁତି ମାନୁଝି ଆହାମାନେରି □

୭ ନାନୁ ନାଙ୍ଗେ ଏନା ଏନାଆଁ ହାହାମାଞ୍ଜାଦି, ଏ ବାରେ ନୀ ତାଣାଟି ଝାହାମାନେ, ଇଦାଆଁ ନୀର୍ବ ଏଝାରି ପୁଞ୍ଜାମାନେରି □

୮ ଇତିହ୍ ନାନୁ ନାଙ୍ଗେ ହାହାମାଞ୍ଜାନି ବଲୁ ନାନୁ ଏଝାରାକି ହାହାମାଇଁ, ଅଡ଼େ ଏଝାରି ଆବା ମାନେରି ଇଞ୍ଜା ନାନୁ ନୀ ତାଣାଟି ଝାହାମାଇଁ, ଏଦାଆଁ ସାତା ତଲେ ପୁଞ୍ଜାମାନେରି, ଅଡ଼େ ନାନୁ ନାଙ୍ଗେ ପାଣ୍ଡାମାଞ୍ଜାଦି ଇଞ୍ଜି ଏଝାରି ନାମାମାନେରି □”

୯ “ନାନୁ ଏଝାରି ତାକି ପ୍ରାତାନା କିହିମାଇଁ; ଦାର୍ତ୍ତି ତାକି ପ୍ରାତାନା କିହିହିଲଅଁ, ସାମା ନାନୁ ନାଙ୍ଗେ ଏମିନି ଗାଟାରାଇଁ ହାହାମାଞ୍ଜାଦି, ଏଝାରି ତାକି ପ୍ରାତାନା କିହିମାଇଁ, ଇତିହ୍ ଏଝାରି ନୀ ଲକୁ;

୧୦ ଏନା ଏନାୟି ନାଦି ମାନେ ଏ ବାରେ ନୀଦି, ଅଡ଼େ ଏନା ଏନାୟି ନୀଦି ମାନେ, ଏ ବାରେ ନାଦି ଅଡ଼େ ଏଝାରି ତାଣାଟି ନାନୁ ଗାଝୁରମି ଆହିମାଇଁ □

୧୧ ନାନୁ ଅଡ଼େ ଇ ଦାର୍ତ୍ତିତା ଡ଼ୟିହିଲଅଁ, ସାମା ଇଝାରି ଦାର୍ତ୍ତିତା ଡ଼ୟିମାନେରି, ଇଞ୍ଜା ନାନୁ ନୀ ତାଣା ଝାହିମାଇଁ; ସୁଦୁଗାଟି ଆବା ଆମିନି ଗାଟାରାଇଁ ନୀ ଦରୁତି ବାଡ଼ୁୟୁ ତଲେ ନାଙ୍ଗେ ହେର୍‌ପା ମାଞ୍ଜାଦି ଏଝାରାଇଁ ଗେଲ୍‌ପାମୁ, * ନାନୁ ଅଡ଼େ ନାନୁ ଏନିକ୍ ରଣ୍ଡିଏ ଆହାମାନାୟି ଏଲେକିହ୍ ଏ ଏଝାରାଇଁ ଜିକେଏ ରଣ୍ଡିଏ କିହାଲି ସାଢ଼େମି କିମ୍ □

୧୨ *ଏଝାରିତଲେ ମାତିବେଲାତା ନାନୁ ଏଝାରାଇଁ ନୀ ଦରୁତଲେ ଗେଲ୍‌ପାମାଇଁ, ଆମିନି ଦରୁ ନାନୁ ନାଙ୍ଗେ ହାହାମାଞ୍ଜାଦି, ଅଡ଼େ ନାନୁ ଏଝାରାଇଁ ଜାଗ୍ରାତା ତଲେ ଗେଲ୍‌ପାମାଇଁ, † ଦାମ୍‌ ପତି ଏନିକ୍ ପୁରା ଆନେ,

* ୧୭:୧୧ ୧୭:୧୧ ଇ କାତା ପୁଞ୍ଜାଇ ପତିତା ହିଲେଏ □ ☆ ୧୭:୧୨ ୧୭:୧୨ ଜହ ୧୩:୧୮ † ୧୭:୧୨ ୧୭:୧୨ ଇ କାତା ପୁଞ୍ଜାଇ ପତିତା ହିଲେଏ □

ଏଦାଆଁତାକି ଏଞ୍ଜାରି ନାସା ଆନାୟି ମାଟି ଜିକେଏ, ରଅସି ଜିକେଏ ନାସା ଆହାହିଲଅସି □

୧୩ ସାମା ନୀର୍ବ୍ୟ ନାନୁ ନୀ ତାଣା ଖାହିମାଲ୍, ଅଡ଼େ ଦାରତିତା ମାଞ୍ଜା ମାଞ୍ଜାନା ନା ରାହାଁତା ଏଞ୍ଜାରି ହିୟାଁ ଏନିକ୍ ରାହାଁ ଆନେ, ଏଦାଆଁତାକି ନାନୁ ଇ ବାରେ କାତା ଖେସିମାଞ୍ଜାଇ □

୧୪ ନାନୁ ଏଞ୍ଜାରାକି ନୀ ବଲୁ ହାହାମାଲ୍, ଏଦାଆଁତାକି ଦାରତି ଏଞ୍ଜାରାଲ୍ ଅପିହିଲେଏ, ନାନୁ ଏନିକ୍ ଦାରତିଟି ଖାହାହିଲଅଁ ଏଞ୍ଜାରି ଜିକେଏ ଇ ଦାରତିତାରି ଆଏ □

୧୫ ନାନୁ ଏଞ୍ଜାରାଲ୍ ଇ ଦାରତିଟି ଅହ୍ ହାଲମୁ ଇଞ୍ଜି ବାତିମାଲି ମାଞ୍ଜଅଁ, ସାମା ଏଞ୍ଜାରାଲ୍ ଲାଗେଏତି ପାନ୍ଦାଟି ଗେଲ୍ପାମୁ ଇଞ୍ଜି ବାତିମାଲିମାଞ୍ଜାଇ □

୧୬ ନାନୁ ଏନିକ୍ ଦାରତିଟି ଖାହାହିଲଅଁ, ଏଞ୍ଜାରି ଏଲେକ୍ ଦାରତିଟି ଖାହାହିଲଅରି □

୧୭ ସାତା ତଲେ ଏଞ୍ଜାରାଲ୍ ସୁତୁ କିମୁ, ଇଚିହ୍ ନୀ ବଲୁଏ ସାତା □

୧୮ ନାନୁ ଏନିକ୍ ନାଜେ ଦାରତିତା ପାଣ୍ଡାମାଞ୍ଜାଦି, ନାନୁ ଜିକେଏ ଏଞ୍ଜାରାଲ୍ ଦାରତିତା ପାଣ୍ଡାମାଲ୍ □

୧୯ ଅଡ଼େ ଏଞ୍ଜାରି ଜିକେଏ ଏନିକ୍ ସାତା ତଲେ ସୁତୁ ଆନେରି, ଏଦାଆଁତାକି ନାନୁ ଏଞ୍ଜାରି ତାକି ନାଜେ ସୁତୁ କିହିମାଲ୍ □

୨୦ “ନାନୁ ଖାରଇ ଏଞ୍ଜାରି ତାକି ପ୍ରାତାନା କିହିହିଲଅଁ, ଏଞ୍ଜାରି ବଲୁ ଖେଞ୍ଜାନା ଆମ୍ବାଆସି ନା ତାଣା ନାମିନେସି, ଏଞ୍ଜାରି ତାକି ଜିକେଏ ପ୍ରାତାନା କିହିମାଲ୍ □

୨୧ ଏନିକ୍ ଏଞ୍ଜାରି ବାରେ ରଣ୍ଡିଏ ଆନେରି; ଏ, ଆବା ନାନୁ ଏନିକ୍ ନା ତାଣା ମାଞ୍ଜି ଅଡ଼େ ନାନୁ ନୀ ତାଣା ମାଲ୍, ଏଞ୍ଜାରି ଜିକେଏ ଏଲେକିହ୍ ଏ ମା ତାଣା ତୁୟାପେରି, ଏନିକ୍ ନାନୁ ନାଜେ ପାଣ୍ଡାତି ଇଞ୍ଜି ଦାରତି ନାମିନେ □

୨୨ ଅଡ଼େ ନାନୁ ନାଜେ ଏମିନି ଗାଞ୍ଜୁରମି ହାହାମାଞ୍ଜାଦି, ନାନୁ ଏଦାଆଁ ଏଞ୍ଜାରାକି ହାହାମାଲ୍, ମାର ଏନିକ୍ ରଣ୍ଡିଏ ଏଞ୍ଜାରି ଏଲେକ୍ ରଣ୍ଡିଏ ଆନେରି;

୨୩ ନାନୁ ଏନିକ୍ ନା ତାଣା ନାନୁ ଏଲେକିହ୍ ଏଞ୍ଜାରିତାଣା ତୁୟିଲ୍ □ ଏନିକ୍ ଏଞ୍ଜାରି ମାନି ତଲେ ରଣ୍ଡିଏ ଆନେରି, ଇଞ୍ଜା ଦାରତି ପୁନେ କି ନାନୁ ନାଜେ ପାଣ୍ଡାମାଞ୍ଜାଦି, ନାଜେ ଏନିକ୍ ଜୀଞ୍ଜୁ ନହ୍ ମାଞ୍ଜାଦି ଏଞ୍ଜାରାଲ୍ ଜିକେଏ ଏଲେକିହ୍ ଏ ଜୀଞ୍ଜୁ ନହ୍ ମାଞ୍ଜି □

୨୪ “ଏ ଆବା! ନାନୁ ଏଞ୍ଜାରାଲ୍ ନା କେୟୁତା ହାହାମାଞ୍ଜାଦି □ ନାନୁ ଆମ୍ବିୟା ତୁୟିଲ୍, ଏଞ୍ଜାରି ଜିକେଏ ଏନିକ୍ ଏମ୍ବାଆଁ ତୁୟିନେରି ଅଡ଼େ ଦାରତି ଗାଡ଼ି ଆଆ ନକେଏ ନାନୁ ନାଜେ ଜୀଞ୍ଜୁ ନହ୍ ମାଞ୍ଜାନାକି ନାଜେ ଏମିନି ଗାଞ୍ଜୁରମି ହାହାମାଞ୍ଜାଦି, ନା ଏ ଗାଞ୍ଜୁରମି ଏନିକ୍ ଏଞ୍ଜାରି ମେସାଲି ଆଡ଼ିନେରି ଇଦି ନା ଅର୍ପୁ □

୨୫ ଏ ଦାମ୍ବୁଗାଟି ଆବା, ଦାରତି ନିଜେ ପୁଞ୍ଜାମାଞ୍ଜେଏ, ସାମା ନାନୁ ନିଜେ ପୁଞ୍ଜାମାଞ୍ଜାଇ; ଅଡ଼େ ନାନୁ ନାଜେ

ପାଣ୍ଡାମାଞ୍ଜାଦି, ଏଦାଆଁ ଇଞ୍ଜାରି ପୁଞ୍ଜାମାଞ୍ଜାନେରି; ୨୬ ନାନୁ ନାଜେ ଏମିନି ଜୀଞ୍ଜୁ ନହ୍ ଜୀଞ୍ଜୁ ନହ୍ ମାଞ୍ଜାଦି, ଏଦି ଏନିକ୍ ଏଞ୍ଜାରିତାଣା ତୁୟିନେ ଅଡ଼େ ନାନୁ ଏଞ୍ଜାରିତାଣା ତୁୟିଲ୍, ଏଦାଆଁତାକି ନାନୁ ଏଞ୍ଜାରାଲ୍ ଖେସାମାଲ୍ ଅଡ଼େ ଖେହ୍ଲ୍ □”

୧୮

ଜୀସୁ ସାତୁୟାଁ କେୟୁତା ହେର୍ପି ଆନାୟି

(ମାତି ୨୭:୪୭-୫୨; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜୀସୁ ଇ ପ୍ରାତାନା ରାପୁହି ତାୟୁ ତାନି ସୀସୁୟାଁ ତଲେ କିଦୁଣ କାତା ଆତାଲା ହାଚେରି, ଏମ୍ବାଆଁ ର ବାଡ଼ା ମାଚେ, ଇଞ୍ଜା ଏଞ୍ଜାସି ତାନି ସୀସୁୟାଁ ତଲେ ଏମ୍ବାଆଁ ହଟେରି □

୨ ଏମିନି ଜୀହୁଦା ଏଞ୍ଜାଣାଲ୍ ସାତୁୟାଁ କେୟୁତା ହେର୍ପିତେସି, ଏଞ୍ଜାସି ଜିକେଏ ଏ ଗାୟୁତି ପୁଞ୍ଜାମାଚେସି, ଇଚିହ୍ ଜୀସୁ ହାଚେରକା ପାଲି ସୀସୁୟାଁ ତଲେ ଏ ଗାୟୁତା ହାଜାମାଚେସି □

୩ ଏଦାଆଁତାକି ଜୀହୁଦା ଜାମାନାଞ୍ଜା ଇଞ୍ଜା କାଜା ପୂଜେରା ଅଡ଼େ ପାରୁସିୟାଁ ତାଣାଟି ମାହାପୁରୁ ଇଲୁତି ଜାମାନାଞ୍ଜା ଲକୁ ଦୀଞ୍ଜି, ହିତୁ ବନ୍ଦାୟାଁ ଅଡ଼େ ଟେଞ୍ଜା ବାଲ୍ଲାୟାଁ ଆସାନା ଏମ୍ବାଆଁ ଖାଡ଼େରି □

୪ ଏମ୍ବାଟିଏ ଜୀସୁ ତାଜେତାକି ଏନା ଏନାଆଁ ଆହାଲି ହାଜିମାନେ ଏ ବାରେ ପୁଞ୍ଜାନା, ନକିତା ହାଜାନା ଏଞ୍ଜାରାଲ୍ ଖେଚେସି, “ମୀରୁ ଆମ୍ବାଆରାଲ୍ ପାରିମାଞ୍ଜେରି ?”

୫ ଏଞ୍ଜାରି ଏଲେଇଚେରି, “ନାଜରିତତି ଜୀସୁ □”
ଜୀସୁ ଏଞ୍ଜାରାଲ୍ ଏଲେଇଚେସି, “ନାନୁ ଏଞ୍ଜାତେଏ ?”

ଏମିନି ଜୀହୁଦା ଏଞ୍ଜାଣାଲ୍ ସାତୁୟାଁ କେୟୁତା ହେର୍ପିତେସି, ଏଞ୍ଜାସି ଜିକେଏ ଏଞ୍ଜାରିତଲେ ଏମ୍ବାଆଁ ନିତାମାଚେସି □

୬ ଜୀସୁ ଏଚିବେଲା ଏଞ୍ଜାରାଲ୍ ଏଲେଇଚେସି, “ନାନୁ ଏଞ୍ଜାତେଏ” ଏଚିବେଲା ଏଞ୍ଜାରି ତାୟୁଞ୍ଜାକି ଗୁତା ଆହାନା ବୁମିତା ତରଗା ହାଚେରି □

୭ ଜୀସୁ ଖେଣ୍ଡେ ଖେଚେସି, “ମୀରୁ ଆମ୍ବାଆରାଲ୍ ପାରିମାଞ୍ଜେରି ?” ଏଞ୍ଜାରି ଏଲେଇଚେରି, “ନାଜରିତତି ଜୀସୁଲ୍ □”

୮ ଜୀସୁ ଏଲେଇଚେସି, “ନାନୁ ଖେସାମାଞ୍ଜାଇ, ନାନୁ ଏଞ୍ଜାତେଏ □ ମୀରୁ ନାଜେ ପାରିମାଞ୍ଜାଦେରି ଇଚିହ୍ ଇଞ୍ଜାରାଲ୍ ପିହ୍ଦୁ □

୯ ଆମ୍ବାଆରାଲ୍ ନାଜେ ହାହାମାଞ୍ଜାଦି, ଏଞ୍ଜାରି ବିତ୍ରାଟି ରଅଣାଲ୍ ଜିକେଏ ଜାକ୍ହା ହିଲଅଁ □” ଏନିକ୍ ଦାମ୍ବୁ ପତିତି କାତା ସାତା ଆନେ ଏଦାଆଁତାକି ଏଲେ ଇଚେସି □

୧୦ ସିମନ ପିତର ତାନି ତାଣା କାଣ୍ଡା ମାଚାକି ଏଞ୍ଜାସି କାଜା ପୂଜେରା ହଚେଲଏଣା ଚିଠିନି କିୟାଁ ଦୁାଡ଼େସି, ଏଞ୍ଜାଣି ଦରୁ ମାଲ୍ଲକସ୍ □

* ୧୮:୧୧ ୧୮:୧୧ ମାତି ୨୭:୩୯; ମାର୍କ ୧୪:୩୭; ଲୁକ ୨୨:୪୨

୧୧ ☆ଏବେଟିଏ ଜୀବୁ ପିତରଙ୍କ ଏଲେଇରେସି, “କାଣ୍ଡା, କାଣ୍ଡା ଇଟିନି ଟାୟୁତା ଇଟାମ୍ବୁ; ନାନୁ ଏନାଆଁ ଅଣ୍ଡିପିମାଞ୍ଜି, ଆବା ମାହାପୁରୁ ନାଙ୍ଗେ ହାହାମାଞ୍ଜାନି ଦୁକୁଡି ସକ୍ଲାତା ଗସାଲି ଆଡ଼ଅଁ କି ?”

ହାନାନ ନକିତା ଜୀସୁ

୧୨ ଏମ୍ବାଟିଏ ରମିୟ କସ୍କା, ଇଞ୍ଜା ରିଜାରି କସ୍କା ମୁହେଁ କାଜାସି, ଅଡ଼େ ଜୀହୁଦି ଲକୁଡି କସ୍କା ଜୀସୁଙ୍କ ଆସାନା ଦସ୍ପିତେରି □

୧୩ ଏଞ୍ଜାଣାଙ୍କ ଦସ୍ପାନା ମୂଲୁଏ ହାନାନ ତାଣା ଅଡ଼େରି, ଇଟିହୁଁ ଏଞ୍ଜାସି ଏ ବାସୀତି କାଜା ପୂଜେରା କୟାପାତି ପଡ଼ଲେଏସି ମାଚେସି □

୧୪ ☆ଏ କୟାପା ବାରେ ଲକୁ ତାକି ରଅସି ହାନାୟି ମିଙ୍ଗେ ତାକି ନେହେଁ ଇଞ୍ଜା ଜୀହୁଦି ଲକୁଣି ଝେସାମାଚେସି □

ପିତର ଜୀସୁଙ୍କ ପୁଞ୍ଜାହିଲଅଁ ଇନାୟି

(ମାତି ୨୬:୨୯-୩୦; ମାର୍କ ୧୪:୨୭-୨୮; ଲୁକ ୨୨:୫୫-୫୯)

୧୫ ସିମନ ପିତର ଅଡ଼େ ର ସୀସୁ ଜୀସୁଡି ଜେଟ ଜେଟ ହାଜିମାଚେରି □ ଏ ସୀସୁ କାଜା ପୂଜେରା ତଲେ ପୁଣ୍ଡି ଆହାମାଚେରି ଅଡ଼େ ଜୀସୁତଲେ କାଜା ପୂଜେରା ଆଂଗେଣିତା ହାଚେସି;

୧୬ ସାମା ପିତର ପାଙ୍ଗାତି ଦୁଝେରି ଦାରିତା ନିଚାନା ଡିୟିତେସି □ ସାମା ଏମିନି ସୀସୁ କାଜା ପୂଜେରା ତଲେ ପୁଣ୍ଡି ଆହାମାଚେରି, ଏଞ୍ଜାସି ପାଙ୍ଗାତା ହାଜାନା ଦୁଝେରିତା କାଃଆନାଣାଙ୍କ ଏଲେଇଞ୍ଜାନା ପିତରଙ୍କ ବିତ୍ରା ଅଡ଼େସି □

୧୭ ଏମ୍ବାଟିଏ ଦୁଝେରିତା କାଃଆନାଣି ହଲେଣି ପିତରଙ୍କ ଏଲେଇଚେ, “ନାନୁ ଜିକେଏ ଏନାଆଁ ଇ ଲକୁଡି ସୀସୁୟାଁ ବିତ୍ରାଟି ରଅତି ଆଏକି ?”

ପିତର ଏଲେଇଚେସି, “ନାନୁ ଏଞ୍ଜାଚେଏଁ ଆଏ □”

୧୮ ଏଟିବେଲାତା ପେନି ଆହିମାଚାକି ହଲିୟାଙ୍ଗା ଅଡ଼େ କାଃଆନାରି ହିରୁ ତାସାନା ସାରିଝାକି ନିଚାନା କେରଞ୍ଜି ମାଚେରି; ପିତର ଜିକେଏ ଏଞ୍ଜାରିତଲେ ନିଚାନା ହିରୁ କେରଞ୍ଜି ମାଚେସି □

କାଜା ପୂଜେରା ଜୀସୁଙ୍କ ଝେନାୟି

(ମାତି ୨୬:୫୯-୬୨; ମାର୍କ ୧୪:୫୫-୬୪; ଲୁକ ୨୨:୬୬-୭୧)

୧୯ କାଜା ପୂଜେରା ଜୀସୁଙ୍କ ତାନି ଜାପ୍ନାଣି ଇଞ୍ଜା ସୀସୁୟାଁତି କାତା ଝେଚେସି □

୨୦ ଜୀସୁ ଏଲେଇଚେସି, “ନାନୁ ବାରେ ଦାର୍ଡିତି ନକିତା ତସାନା ଜାପ୍ନାମାଙ୍କ, ଆମ୍ବିୟା ବାରେ ଜୀହୁଦି ଲକୁ କୁଡା ଆନେରି, ମାହାପୁରୁ ଇଲୁତା ଅଡ଼େ ଜୀହୁଦି ଲକୁଡି କୁଟମି ଇଲୁକାଣା*, ଲକୁ କୁଡା ଆହାମାନି ବେଲାତା ନାନୁ ଜାପ୍ନାମାଙ୍କ, ଡକୁହାନା ଏନାଆଁ କିହାହିଲଅଁ □

୨୧ ନାଙ୍ଗେ ଏନାଆଁତାକି ଝେଞ୍ଜିମାଞ୍ଜାଦି ? ନାନୁ ଏଞ୍ଜାରାଙ୍କ ଏନାଆଁ ଏଲେଇଞ୍ଜାମାଙ୍କ, ଆମ୍ବାଆରି ଝେଞ୍ଜାମାନେରି ଏଞ୍ଜାରାଙ୍କ ଝେନାମ୍ବୁ; ନାନୁ ଏନା ଏନାଆଁ ଏଲେଇଞ୍ଜାମାଙ୍କ, ଏଞ୍ଜାରି ବାରେ ପୁଞ୍ଜାମାନେରି □”

୨୨ ଜୀସୁ ଏଲେ ଇଞ୍ଜିମାନାଣି ଝେଞ୍ଜାନା ଦାରିତା ନିଚାମାଟି ମାହାପୁରୁ ଇଲୁ ଜାମାନାଙ୍ଗା ବିତ୍ରାଟି ରଅସି ଏଞ୍ଜାଣାଙ୍କ ସାପୁଡା ଝେଚାନା ଏଲେଇଚେସି, “ନିଙ୍ଗେ ଇଚେକା ସାସା କାଜା ପୂଜେରାଙ୍କ ଏଲେ ଇଞ୍ଜିମାଞ୍ଜି ?”

୨୩ ଜୀସୁ ଏଞ୍ଜାଣାଙ୍କ ଏଲେଇଚେସି, “ନାନୁ ଲାଗେଏ ଜଲ୍ଲାମାଟିହୁଁ, ଏ ଲାଗେଏତି ପାରମାଣା ହିୟାଦୁ; ନେହୁଁ ଜଲ୍ଲାମାଙ୍କ ଇଟିହୁଁ ଏନାଆଁତାକି ନାଙ୍ଗେ ଝେଟିମାଞ୍ଜାଦି ?”

୨୪ ଏମ୍ବାଟିଏ ହାନାନ ଜୀସୁଙ୍କ ଏଲେକିହୁଁଏ ଦସ୍ପି ଆହାମାନାଣାଙ୍କ କାଜା ପୂଜେରା କୟାପା ତାଣା ପାଣ୍ଡିତେସି □

ପିତର ଜୀସୁଙ୍କ ଅଡ଼େ ଝେଣ୍ଡେ ପୁଞ୍ଜାହିଲଅଁ ଇନାୟି

(ମାତି ୨୬:୩୧-୩୫; ମାର୍କ ୧୪:୨୯-୩୧; ଲୁକ ୨୨:୫୮-୬୨)

୨୫ ସିମନ ପିତର ହିରୁ ତାଗେ ନିଚାନା ହିରୁ କେରଞ୍ଜି ମାଚେସି, ଏମ୍ବାଟିଏ ଏଞ୍ଜାରି ଏଞ୍ଜାଣାଙ୍କ ଝେଚେରି, “ନାନୁ ଜିକେଏ ଏଞ୍ଜାଣି ସୀସୁୟାଁ ବିତ୍ରାଟି ରଅତି ଆଏକି ?”

ପିତର ଏଲେଇଚେସି, “ନାନୁ ଆଏ □”

୨୬ ପିତର, ଏମିନି କାଜା ପୂଜେରା ହଲିୟାଙ୍ଗା ବିତ୍ରାଟି ରଅଣି କିୟୁଁ ଦାଡା ମାଚେସି, ଏଞ୍ଜାଣି କୁଟମିତାସି ଏଲେଇଚେସି, “ନାନୁ ନିଙ୍ଗେ ବାଡାତା ଏଞ୍ଜାଣିତଲେ ମାଚାଣି ମେସାମାଞ୍ଜାଆଚେଏଁ କି ?”

୨୭ ପିତର ଅଡ଼େ ଝେଣ୍ଡେ ଏଲେଇଚେସି, “ଆଏ ପୁଞ୍ଜାହିଲଅଁ □” ଏଟିବେଲାତା କୟୁ କେଣ୍ଡେ □

ପିଲାତ ତାଣା ଜୀସୁ

(ମାତି ୨୭:୧,୨,୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ତାନି ଅର ନେରୁ ଲାଈ ଏଞ୍ଜାରି ଜୀସୁଙ୍କ କୟାପା ଇଲୁଟି ଅହାନା ରମିୟ ରାକ୍ତି ସାଲଝି କିନାଣି ମେଡା ଇଲୁତା ଏଡେରି, ଜୀହୁଦି ଲକୁ ମେଡା ଇଲୁ ବିତ୍ରା ହାଲାଆଚେରି, ଇଟିହୁଁ ଏନାଆଁ ତଲେ ପିସ୍ପିଆଡି ପାର୍ଗୁଡି ବକ୍ତି ତାକି ତାମ୍ବେ ଲାଗେଏ କିହାକଡାଲି ଅଣ୍ଡି ହିଲାଆଚେରି □

୨୯ ଏନାଆଁତାକି ସାଲଝି କିନି ପିଲାତ ଏଞ୍ଜାରିତାଣା ପାଙ୍ଗାତା ଝାହାନା ଝେଚେସି, “ଇ ମାଣ୍ଡି କପାଟି ମୀ ଏନିଲେହେଡି ଦାଞ୍ଜା ମାନେ ?”

୩୦ ଏଞ୍ଜାରି ଏଞ୍ଜାଣାଙ୍କ ଏଲେଇଚେରି, “ଇ ମାଣ୍ଡି ଲାଗେଏତି କାମା କିହା ହିଲାଆଡିହୁଁମା, ମାମ୍ବୁଏଞ୍ଜାଣାଙ୍କ ନୀ ତାଣା ତାଆତମିମା □”

☆ ୧୮:୧୪ ୧୮:୧୪ ଜହ ୧୧:୪୯,୫୦ * ୧୮:୨୦ ୧୮:୨୦ ସିନଗଗ

୩୧ ପିଲାତ ଏଝାରାଇଁ ଏଲେଇଚେସି, “ଆତିହୁଁ ଇଝାଣାଇଁ ଅହାନା ମୀ ଫେରା ତଲେ ନୀହାୟି କିଦୁ □” ଜୀହୁଦିୟାଁ ଏଝାଣାଇଁ ଏଲେଇଚେରି, “ଆମ୍ବାଆରାଇଁ ହାନ୍ତି ତଣ୍ଡ ହୀହାଲି ମା ଅଦିକାରା ହିଲେଏ □”

୩୨ ✱ଜୀସୁ ଏନ୍ଦିକିଁ ହାହାଲି ହାଜିମାନେସି, ଏ କାତା ଜୀସୁ ଏନାଆଁ ଏଲେଇଞ୍ଜାମାଚେସି, ଏଦି ଏନ୍ଦିକିଁ ପୂରା ଆନେ, ଏଦାଆଁତାକି ଏଝାରି ଏଲେଇଚେରି □

୩୩ ପିଲାତ ଖେଣ୍ଡେ ଫେଡ଼ା ଇଲୁ ବିଡ଼ା ହାଜାନା ଜୀସୁଇଁ ଖେଚେସି, “ଏନାଆଁ ନୀନୁ ଜୀହୁଦି ଲକୁଡି ରାଜାତି ?”

୩୪ ଜୀସୁ ଏଲେଇଚେସି, “ଇ କାତା ନୀ ମନଚି ଖେଞ୍ଜିମାଞ୍ଜାଦି କି ଏଚକାତାରି ନା କାତାତି ନିଙ୍ଗେ ଏନାଆଁ ଏଲେଇଞ୍ଜା ମାଞ୍ଜାନେରି ?”

୩୫ ପିଲାତ ଏଲେଇଚେସି, “ନୀନୁ ଏନାଆଁ ଅଣ୍ପାମାଞ୍ଜି, ନୀନୁ ର ଜୀହୁଦିଚେଏଁ ? ନୀ କୁଡ଼ାତି ଲକୁ ଇଞ୍ଜା କାଜା ପୂଜେରାଞ୍ଜା ନିଙ୍ଗେ ତାଚାନା ନା କେୟୁତା ହେରପା ମାଞ୍ଜାନେରି □ ଖେସ୍ତାମୁ ନୀନୁ ଏନାଆଁ କିହାମାଞ୍ଜି ?”

୩୬ ଜୀସୁ ଏଲେଇଚେସି, ନା ରାଜି ଇ ଦାର୍ତତିତାୟି ଆଏ; ନା ରାଜି ଦାର୍ତତିତାୟି ଆତିହୁଁମା, ନୀନୁ ଜୀହୁଦି ଲକୁତାଣା ହେରପି ଆଆରେଚୁ ନାଙ୍ଗେ ସେବା କିୟାନାରି ନା ତାକି ଜୁଜୁ କିଚେରିମା, ସାମା ନା ରାଜି ସାତେଏ ଇ ଦାର୍ତତିତାୟି ଆଏ □

୩୭ ପିଲାତ ଏଝାଣାଇଁ ଖେଚେସି, “ଆତିହୁଁ ନୀନୁ ଜୀହୁଦି ଲକୁଡି ରାଜାତି ?”

ଜୀସୁ ଏଲେଇଚେସି, “ନୀନୁ ଏଲେ ଇଞ୍ଜିମାଞ୍ଜି ନୀନୁ ର ରାଜାଚେଏଁ □ ନୀନୁ ସାତା ଝାକିଟି ସାକି ହୀହାଲି ଜାର୍ନା ଆହାମାଇଁ ଅଡେ ଦାର୍ତତିତା ଝାହାମାଇଁ □ ଆମ୍ବାଆସି ସାତାତି ମୀରଏସି ଏଝାସି ନା କାତା ଖେନେସି □”

ଜୀସୁଇଁ ହାନ୍ତି ତଣ୍ଡ ହୀନାୟି

(ମାତି ୨୭:୧୫-୩୧; ମାର୍କ ୧୫:୨-୨୦; ଲୁକ ୨୩:୧୩-୨୫)

୩୮ ପିଲାତ ଖେଚେସି, “ସାତା ଏନାୟି ?”

ପିଲାତ ପାଞ୍ଜାତା ହାଜାନା ଜୀହୁଦି ଲକୁଣି ଏଲେଇଚେସି, “ନୀନୁ ଇଝାଣି ତାଣା ଏନ୍ଦି ଦହ ବେଗାଆହି ହିଲଅଁ □

୩୯ ସାମା ନୀନୁ ପିସ୍ପିଆନ୍ତି ପାର୍ବୁ ବେଲୀତା ମିଙ୍ଗେତାକି କାୟିଦିତା ମାନାରାଇଁ ରଅଣାଇଁ ପିସାଲି ତାକି ମୀ ଫେରା ମାନେ, ଏଦାଆଁତାକି ଜୀହୁଦି ଲକୁଡି ରାଜାଇଁ ମାଙ୍ଗେତାକି ପିସା ହିୟାପେସି ଇଞ୍ଜିଁ ମୀ ମନ ମାନେକି ?”

୪୦ ଏମ୍ବାଟିଏ ଏଝାରି କାଲୁଝି ଆହୁଁ ଏଲେଇଚେରି, “ଇଝାଣାଇଁ ଆଏ, ସାମା ବାରବାଇଁ †ପିସାହିୟାମୁ □”

୧୯

୧ ତାୟୁ ପିଲାତ ଜୀସୁଇଁ ଅହାନା ସାଟ୍‌ଣି ମାଡ଼ା କିଝି କିଚେସି □

୨ ଅଡେ ରିଜାରି କସ୍‌କା ହାପ୍‌କା ଟପେରି ଆଲାନା ଜୀସୁ ତାୟୁଁ ତୁ ଇଟିଚେରି, ଅଡେ ଏଝାଣାଇଁ ହେୟାଁ ଝାଣା ହିମ୍ବୁରି ହୁଚିକିଚେରି;

୩ ଏଝାରି ଏଝାଣି ତାଣା ଝାହାନା ଏଲେଇଚେରି, “ଏ ଜୀହୁଦିୟାଁ ରାଜା ଜହରା;” ଇଞ୍ଜା ଏଝାରି ଏଝାଣାଇଁ ସାପ୍‌ଡ଼ା ଖେଚେରି □

୪ ପିଲାତ ଖେଣ୍ଡେ ପାଞ୍ଜାତା ହାଜାନା ଏଲେଇଚେସି, “ନୀନୁ ଏଝାଣି ତାଣା ଏନ୍ଦି ଦହ ବେଗାଆହି ହିଲଅଁ, ଇଦାଆଁ ଏନ୍ଦିକିଁ ମୀରୁ ପୁଞ୍ଜେରି, ଇଦାଆଁତାକି ନୀନୁ ଏଝାଣାଇଁ ମୀ ତାଣା ତାଟିମାଇଁ □”

୫ ଏମ୍ବାଟିଏ ଜୀସୁ ଏ ହାପ୍‌କା ଟପେରି ଅଡେ ହେୟାଁ ଝାଣା ହିମ୍ବୁରି ପରହାନା ପାଞ୍ଜାତା ଝାଚେସି, ପିଲାତ ଏଝାରାଇଁ ଏଲେଇଚେସି, “ମେହୁଦୁ ଇଝାସି ଏ ମାଣ୍ଡସି □”

୬ ଏମ୍ବାଟିଏ କାଜା ପୂଜେରାଞ୍ଜା ଅଡେ ମାହାପୁରୁ ଇଲୁ କାଃଆନ୍ତି ଜାମାନାଞ୍ଜା ଏଝାଣାଇଁ ମେସାନା କାଲୁଝି ଆହୁଁ ଏଲେଇଚେରି, “ଏଝାଣାଇଁ ପାସି ଏକ୍‌ଦୁ ପାସି ଏକ୍‌ଦୁ □” ପିଲାତ ଏଝାରାଇଁ ଏଲେଇଚେସି, “ମୀରୁ ଏଝାଣାଇଁ ଅହାନା ପାସି ଏକ୍‌ଦୁ, ଇଚିହୁଁ ନୀନୁ ଏଝାଣି ତାଣା ଏନ୍ଦି ଦହ ବେଗାଆହି ହିଲଅଁ □”

୭ ଜୀହୁଦି ଲକୁ ଏଝାଣାଇଁ ଏଲେଇଚେରି, “ଇଚିହୁଁ ମାଙ୍ଗେ ରଣ୍ଡିଏ ଫେରା ମାନେ, ଏ ଫେରାଲେହେଏ ଏଝାସି ହାନ୍ତି ତଣ୍ଡ ବେଗାଆନାୟି ମାନେ, ଇଚିହୁଁ ଏଝାସି ତାଙ୍ଗେ ମାହାପୁରୁତି ମୀରଏସି ଇଞ୍ଜିଁ ଖେସାମାନେସି □”

୮ ଏମ୍ବାଟିଏ ପିଲାତ ଇ କାତା ଖେଞ୍ଜାନା ଗାତି ଆଜିଚେସି □

୯ ଖେଣ୍ଡେ ଫେଡ଼ା ଇଲୁତା ହାଜାନା, ଜୀସୁଇଁ ଖେଚେସି, “ନୀନୁ ଆମ୍ବିଟି ଝାହାମାଞ୍ଜି ?” ସାମା ଜୀସୁ ସାପି ଆହାନା ଡୟିଚେସି □

୧୦ ପିଲାତ ଏଲେଇଚେସି, “ନାଙ୍ଗେ ଜଲିମାଞ୍ଜଅତି ? ନିଙ୍ଗେ ଗେଲ୍‌ପାଲି ନା ଅଦିକାରା ମାନେ ଅଡେ ପାସିତା ଏକ୍‌ହାଲି ନା ଅଦିକାରା ମାନେ ଇ କାତା ନୀନୁ ପୁଞ୍ଜାହିଲଅତି ?”

୧୧ ଜୀସୁ ଏଲେଇଚେସି, “ମାହାପୁରୁ ତାଣାଟି ନିଙ୍ଗେ ଅଦିକାରା ହୀଆତିହୁଁ, ନା ଲାକ ନୀ ଏନ୍ଦି ଅଦିକାରା ହିଲାଆତେମା; ଇଞ୍ଜା ଆମ୍ବାଆସି ନାଙ୍ଗେ ନୀ କେୟୁତା ହେରପା ମାଞ୍ଜାନେସି ଏଝାଣି ପାପୁ ହାରେକା □”

୧୨ ଇ କାତା ଖେଞ୍ଜାନା ପିଲାତ ଜୀସୁଇଁ ପିସାଲି ତାକି ଅଣ୍ପିଚେସି, ସାମା ଜୀହୁଦି ଲକୁ କାଲୁଝି ଆହୁଁ ଏଲେଇଚେରି, “ନୀନୁ ଇଝାଣାଇଁ ପିହୁଦି ଆତିହୁଁ ନୀନୁ କାୟିସରତି ତଣ୍ଡେତି ଆଏ; ଆମ୍ବାଆସି ଜାହାରାଇଁ ରାଜା ଇନେସି ଏଝାସି କାୟିସର କପାଟି କାତା ଜଲିମାନେସି □”

୧୩ ପିଲାତ ଇ କାତା ଖେଞ୍ଜାନା ଜୀସୁଇଁ ପାଞ୍ଜାତା ଝାଲକାତି ବେରଣିମାଣ୍ଡାତା ତାଚେରି □ ଏମିନାଣି ଏହି ହାଡ଼ାତଲେ “ଗବ୍‌ବତା” ଇଞ୍ଜିଁ ଇନେରି, ଏ ଟାୟୁଟି ବିଚାରା କିନି ଟାୟୁତା କୁଚିଚେସି □

✱ ୧୮:୩୨ ୧୮:୩୨ ଜହ ୩:୧୪; ୧୨:୩୨ † ୧୮:୪୦ ୧୮:୪୦ ଇ ବାରବା ର ଡ଼ାଗେଏସି ମାଚେସି

୧୪ ଏ ଦିନା ପିସ୍‌ପିଆନ୍ତି ପାର୍ବୁତି ତଲିତି ଦିନା ମାତେ, ଏଚିବେଲା ଲାଭ ସ ଗଂଟା ଆହାମାତେ □ ଇଞ୍ଜା ଏଞ୍ଜାସି ଜୀହୁଦି ଲକ୍ଷ୍ମଣି ଏଲେଇଚେସି, “ଇଞ୍ଜାସି ମେହ୍‌ଦୁ ମୀ ରାଜା □”

୧୫ ଏମ୍ବାଟିଏ ଏଞ୍ଜାରି ଏଲେଇଚେରି, “ଏଞ୍ଜାଣାଇଁ ପାୟାଦୁ, ପାୟାଦୁ, ପାସି ଏକ୍‌ଦୁ □” ପିଲାତ ଏଞ୍ଜାରାଇଁ ଏଲେଇଚେସି, “ନାନୁ ମୀ ରାଜାଇଁ ପାସିତା ଏକ୍‌ଇଁ ?” କାଜା ପୂଜେରାଜା ଏଲେଇଚେରି, “କାୟିସର ପିସ୍‌ପେ ମା ରାଜା ଆମ୍ବାଆସି ହିଲଅସି □”

୧୬ ତାୟୁ ପିଲାତ ଜୀସୁଇଁ ପାସି ମୁଣ୍ଡାତା ଏକ୍‌ହାଲି ତାକି ଏଞ୍ଜାରି କେୟୁତା ହେରପିତେସି, ଇଞ୍ଜା ତାୟୁ ଏଞ୍ଜାରି ଜୀସୁଇଁ ଅହ୍‌ ହାଚେରି □

ଜୀସୁତି ପାସି ଆନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୬-୪୩)

୧୭ ଏଚେଟିଏ ଏଞ୍ଜାରି ଜୀସୁଇଁ ଅଡେରି; ଅଡେ ଜୀସୁ ଜାହାରା ପାସିମୁଣ୍ଡା ଡେକାନା “ତାୟୁଁ ରୁପା” ଇନି ଟାୟୁତା, ଇଚିହ୍‌ ଏମିନାଣି ଏବି ହାଡାତଲେ “ଗଲ୍‌ଗତା” ଇଞ୍ଜା ଇନେରି ଏମ୍ବାଆଁ ହାଚେସି □

୧୮ ଏମ୍ବାଆଁ ଏଞ୍ଜାରି ଜୀସୁଇଁ ପାସି ମୁଣ୍ଡାତା ଏକ୍‌ହେରି, ଏଞ୍ଜାଣିତଲେ ଅଡେ ରିଆରାଇଁ ପାସି ମୁଣ୍ଡାତା ଏକ୍‌ହେରି, ରିକଞ୍ଜାକି ରିଆରି ଅଡେ ମାଦିଏ ଜୀସୁ □

୧୯ ଅଡେ ପିଲାତ ର ଆକୁତା ରାଡାନା ପାସିମୁଣ୍ଡା ଲାକ ଆଟିକିତେସି, ଏମ୍ବାଆଁ ରାସ୍‌କି ଆହାମାତେ, “ନାଜ୍‌ରିତତି ଜୀସୁ ଜୀହୁଦିୟାଁ ରାଜା □”

୨୦ ଜୀହୁଦିୟାଁ ବିତ୍ରାଟି ହାରେକା ଏ ଆକୁତି ପଡ଼଼ି ଆଡେରି, ଇଚିହ୍‌ ଜୀସୁଇଁ ଏମିନିତାଣା ପାସି ଏପକି ଆହାମାତେ, ଏଦି ଗାଡା ତାଗେ ମାତେ; ଇଞ୍ଜା ଏ ଆକୁ ଏବି, ଲାଟିନ୍ ଅଡେ ଗ୍ରିକ୍ ହାଡାତଲେ ରାସ୍‌କି ଆହାମାତେ □

୨୧ ଜୀହୁଦି ଲକ୍ଷ୍ମଣି କାଜା ପୂଜେରାଜା ପିଲାତଇଁ ଏଲେଇଚେରି, “ଜୀହୁଦିୟାଁ ରାଜା ଇଞ୍ଜା ରାଡାଆନା, ନାନୁ ଜୀହୁଦି ଲକ୍ଷ୍ମଣି ରାଜା ଇଞ୍ଜାମାତେସି ଇଞ୍ଜା ରାଡାମୁ □”

୨୨ ସାମା ପିଲାତ ଏଲେଇଚେସି, “ନାନୁ ଏନାଆଁ ରାଡାମାଇଁ ଏଲେକିହ୍‌ଏ ଡୁୟିନେ □”

୨୩ ରିଜାରି କସ୍‌କା ଜୀସୁଇଁ ପାସିତା ଏକ୍‌ହି ଜେଟ ଏଞ୍ଜାଣି ହିମ୍ବୁରିକା ଅହାନା ସାରି ବାଗା କିତେରି, ର ର କହ୍‌ଏଣାକି ରଣ୍ଡାଲକା, ଅଡେ ଏଞ୍ଜାଣି ଲାମ୍ବା ସକା ଜିକେଏ ଅଡେରି □ ଏ ଲାମ୍ବା ସକା ତାଗାନା ହେରକି ଟିଏ ପାଃଆନା କତାୟାଁ ପାତେକା କିଞ୍ଜି ଆହାମାତେ □

୨୪ ଏଦାଆଁତାକି ଏଞ୍ଜାରି ଏଲେଇଚେରି, “ଇଦାଆଁ ଗେହ୍‌ଆପ, ସାମା ଇଦି ଆମ୍ବାଆରାଞ୍ଜାୟି ଆନେ, ଏଦାଆଁତାକି ପାଦି କିନ □” ଏନିକ୍‌ ଦାମ୍ବୁ ପତିତି କାତା ପୂରା ଆନେ, “ଏଞ୍ଜାରି ତାମି ବିତ୍ରା ନା ହିମ୍ବୁରିକା ବାଗା କିତେରି,

ଅଡେ ନା ଲାମ୍ବା ସକାତାକି ପାଦି କିତେରି □” ରିଜାରି କସ୍‌କା ସମାନା ଏଲେକିହ୍‌ଏ କିତେରି □

୨୫ ସାମା ଜୀସୁତି ପାସିମୁଣ୍ଡା ତାଗେ ତାମି ଇୟା, ତାମି ଇୟାନି ତାଜି, କ୍ଲପାତି ତକ୍ତି ମରିୟମ ଅଡେ ମଗ୍‌ଦଲିନି ମରିୟମ ନିଚାମାରୁ □

୨୬ ଜୀସୁ ତାମି ଇୟା ଅଡେ ଏମିନି ସୀସୁଇଁ ଜୀସୁ ନହ୍‌ମାଚେସି, ଏଞ୍ଜାସି ତାଗେ ନିଚାମାନାଣି ମେସାନା ଏଲେଇଚେସି, “ଏ ଇୟା ମେହ୍‌ମୁ ନୀ ମୀରଏସି □”

୨୭ ତାୟୁ ଜୀସୁ ଏ ସୀସୁଇଁ ଏଲେଇଚେସି, “ଇଦି ମୀ ଇୟା □” ଏ ଦିନାଟିଏ ଏ ସୀସୁ ଜୀସୁତି ଇୟାନି ତାମି ଇଜ ଅଡେସି □

ଜୀସୁ ହାକି

(ମାତି ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ତାୟୁ ଜୀସୁ ଦାମ୍ବୁ ପତିତି ବଲୁ ଏନିକ୍‌ ପୂରା ଆନେ, ଏଦାଆଁତାକି ବାରେ ରାହାମାନେ ଇଞ୍ଜା ପୁଞ୍ଜାନା ଏଲେଇଚେସି, “ନାଜେ ଏସ୍‌କି ହିଚିମାଞ୍ଜାନେ □”

୨୯ ଏମ୍ବାଆଁ ପୁଲାଏୟୁ ନେଞ୍ଜାମାନି ର ତ:କା ମାତେ; ଏଞ୍ଜାରି ଏମ୍ବାଆଁ ର ଡ୍ରାଃଆଲି ମୁସାନା ବାଲ୍‌କାଟି ମୁନ୍‌ତା ରୂପାନା ଜୀସୁତି ଗୁଡିତା ହାଚେରି □

୩୦ ଏଚେଟିଏ ଜୀସୁ ଏ ପୁଲାଏୟୁ ଗସାନା ଏଲେଇଚେସି, “ରାହାହାଚେ” ଏଲେଇଞ୍ଜାନା ତାୟୁଁ ଲେସାନା ହାଚେସି □

ଜୀସୁ ପାଡ଼କା ଟଟତା ବାଲ୍‌କା ତଲେ ଉହ୍‌ନାୟି

୩୧ ପାସି ଏପକି ଆହାମାନାରି କତାୟାଁ ଡିକ୍‌ହାନା ଏଞ୍ଜାରି ହାଡି ମାଡ଼ହାଡି ପାସି ମୁଣ୍ଡାଟି ରେପହା ତାଚାଲି ଜୀହୁଦି ଲକ୍ଷ୍ମଣି କାଜାରି ପିଲାତଇଁ ବାଡିମାଲିତେରି, ଇଚିହ୍‌ ଏ ଦିନା ସୁକ୍ତି ତାନି ଅର ଦିନା ସୁଦୁ ଜମିନି ଦିନାତା ହାଡି ମାଡ଼ହା ପାସିମୁଣ୍ଡା ଲାକ ପିସାଲି ଏଞ୍ଜାରି ମନ୍ କିହିଲିଆତେରି □

୩୨ ଇଞ୍ଜା ରିଜାରି କସ୍‌କା ଖାହାନା ଜୀସୁତଲେ ପାସି ମୁଣ୍ଡାତା ଏକ୍‌ହାମାଟି ରିଆରି କତାୟାଁ ଡିକ୍‌ହେରି □

୩୩ ସାମା ଏଞ୍ଜାରି ଜୀସୁ ତାଣା ଖାହାନା ଏଞ୍ଜାସି ହାହାମାନାଣି ମେସ୍‌ପେରି, ଏଦାଆଁତାକି ଏଞ୍ଜାରି ଏଞ୍ଜାଣି କତାୟାଁ ଡିକ୍‌ଆତେରି □

୩୪ ଆଡିଜିକେଏ କସ୍‌କା ବିତ୍ରାଟି ରଅସି ଜୀସୁତି ପାଡ଼କା ଟଟତା ବାଲ୍‌କା ତଲେ ଗ୍ଲୁକ୍‌ହେସି ଇଞ୍ଜା ଦେବୁଣିଏ ଏମ୍ବାଟି ଏୟୁ ଅଡେ ନେତେରି ହଡେ □

୩୫ ଆମ୍ବାଆସି ମେସାମାନେସି, ଏଞ୍ଜାସି ସାକି ହାହାମାନେସି, ଏନିକ୍‌ ମୀରୁ ଜିକେଏ ନାମିଦେରି; ଇଞ୍ଜା ଏଞ୍ଜାଣି ସାକି ସାତା, ଏଞ୍ଜାସି ସାତା ଖେସାମାନେସି ଇ କାତା ଏଞ୍ଜାସି ପୁଞ୍ଜାମାନେସି □

୩୬ ଇଚିହ୍‌ ଦାମ୍ବୁ ପତିତି କାତା ପୂରା ଆହାଲିତାକି ଇ ବାରେ ଆଡେ, “ଏଞ୍ଜାଣି ର ତୁମୁ ଜିକେଏ ଡିକ୍‌ଅରି □”

୩୭ ☆ଦୀର୍ଘ ପତିତି ଅର କାତା ଇଦି, “ଏଞ୍ଜାରି ଆମ୍ବାଆରାଇଁ ବାଲା ତଲେ ଗୁକ୍‌ହା ମାଚାରି ଜିକେଏ ଏଞ୍ଜାଣାଇଁ ସିନିକିନେରି □”

ଜୀସୁଇଁ ମୁହନାୟି

(ମାତି ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬)

୩୮ ଇଦାଆଁ ତାୟୁ ହାରାମାତିୟାତି ଜସେପ ଇନାସି ପିଲାତ ତାଣା ହାଜାନା ଜୀସୁତି ଆଜ୍ଞା ଅହାଲି ବାତିମାଲିତେସି □ ଇ ଜସେପ ଜୀସୁତି ର ସୀସୁ ମାରେସି, ସାମା ଜୀହୁଦି ଲକ୍ଷୁତି କାଜାରି ଆଜିତାକି ତ୍ତଗ୍ନାନା ମାରେସି, ପିଲାତ ଏଞ୍ଜାଣାଇଁ ହେଲ ହାହାଲିଏ ଏଞ୍ଜାସି ଜୀସୁତି ଆଜ୍ଞା ମୁସାଲି ଅଡେସି □

୩୯ ☆ଏଞ୍ଜାଣିତଲେ ନିକଦିମ ମାରେସି □ ଇ ନିକଦିମ ର ଦିନା ଲାଆୟିଁ ଜୀସୁତଲେ କାତା ଆହାଲି ଖାହାମାରେସି, ଏ ନିକଦିମ କଡେଦସ କେଜି ଗାନ୍ଦା ନିୟୁଁ ତାତିହୁଁ ଖାହାମାରେସି □

୪୦ ଏଞ୍ଜାରି ଜୀସୁତି ଆଜ୍ଞା ଅହାନା ଜୀହୁଦି ଲକ୍ଷୁତି ମୁହନି ମେରା ତଲେ ଏଦାଆଁ ଗାନ୍ଦା ନିୟୁଁତଲେ ପାଡାଡା ହିମ୍ବୁରି ରୁପିତେରି □

୪୧ ଜୀସୁ ଏମିନି ଟାୟୁତା ପାସି ମୁଣ୍ଡାତା ଏପକି ଆହାମାରେସି ଏ ଦାରିତା ର ବାଡା ମାରେ, ଏ ବିତ୍ରା ର ପୁଃନି ମାହଣି ମାଣ୍ଡା ମାରେ, ଏମ୍ବାଆଁ ନକେଏ ଆମ୍ବାଆରାଇଁ ଇଟ୍‌ଞ୍ଜି ଆହାହିଲିଆଡେ □

୪୨ ଏ ଦିନା ଜୀହୁଦି ଲକ୍ଷୁତି ଜମିନି ଦାନାତି ନକିତି ଦିନା ମାଚାକି, ଗାତି ହେକ ହାଲାଆନା ଏଞ୍ଜାରି ଜୀସୁତି ଆଜ୍ଞା ଅହାନା ମାହଣି ମାଣ୍ଡାତା ଇଟିତେରି □

୨୦

ଞ୍ଜାରିଇ ମାହଣି ମାଣ୍ଡା

(ମାତି ୨୮:୧-୮; ମାର୍କ ୧୬:୧-୮; ଲୁକ ୨୪:୧-୧୨)

୧ ଞ୍ଜାରିତି ମୁଲୁ ଦିନା ଲାଇଁ ଲାଇଁ ଆନ୍ଦେରି ମାଞ୍ଜା ମାଞ୍ଜାନା ମଗ୍‌ଦଲିନି ମରିୟମ ମାହଣି ମାଣ୍ଡା ଦାରିତା ଖାହାନା ଏମ୍ବାତି ଖାଲି ଗୁଚା ଆହାମାନାଣି ମେସ୍ତେ □

୨ ଇଞ୍ଜା ଏଦି ହଟି ହଟି ହାଜାନା ସିମନ ପିତର ଆମ୍ବାଆରାଇଁ ଜୀସୁ ଜୀସୁ ନହୁଁମାରେସି, ଏ ସୀସୁୟିଁଇଁ ଏଲେଇଚେ, “ଆମ୍ବାଆରି ପ୍ରବୁଇଁ ମାହଣି ମାଣ୍ଡାଟି ଅହାମାନେରି, ଇଞ୍ଜା ଆମ୍ବିୟା ଇଟାମାନେରି ଏଦାଆଁ ମାମ୍ବୁ ପୁଞ୍ଜାହିଲଅମି □”

୩ ଇ କାତା ଖେଞ୍ଜାନା ପିତର ଅଡେ ଅର ସୀସୁ ମାହଣି ମାଣ୍ଡା ଖାକି ହଚେରି □

୪ ଏଞ୍ଜାରି ରିଆରି ରହେଁଏ ହଚେରି, ଅର ସୀସୁ ପିତରଇଁ ତାୟୁ ପିସାନା ତଲିଏ ମାହଣି ମାଣ୍ଡା ଏଡେସି □

୫ ଏଞ୍ଜାସି ବଙ୍ଗାହାଁ ଏମିନି ପାଡାଡା ହିମ୍ବୁରି ଆଜ୍ଞାତା ରୁପା ମାଚେରି ଏମ୍ବାଆଁ ରିହାମାଚାଣି ମେସ୍ତେସି, ସାମା ବିତ୍ରା ହାଲାଆଡେସି □

୬ ତାୟୁ ସିମନ ପିତର ଜିକେଏ ଖାଡେସି ଇଞ୍ଜା ମାହଣି ମାଣ୍ଡା ବିତ୍ରା ହଡାନା ସିନିକିତେସି ଏମ୍ବାଆଁ ପାଡାଡା ହିମ୍ବୁରିକା ମାମ୍ବୁ,

୭ ଇଞ୍ଜା ତାନି ତାୟୁଁ ତୁ ଦସାମାଟି ଏ ପାଡାଡା ହିମ୍ବୁରିକା ତଲେ ହିଲାଆଡେ ଏଦି ଏଟ୍‌କା ମାଚେ □

୮ ଏଟିବେଲା ଏମିନି ସୀସୁ ତଲିଏ ମାହଣି ମାଣ୍ଡା ତାଗେ ଖାହାମାରେସି, ଏଞ୍ଜାସି ଜିକେଏ ବିତ୍ରା ହଡାନା ମେସ୍ତେସି ଅଡେ ନାମିତେସି;

୯ ଇଟିହୁଁ ହାଡାରି ବିତ୍ରାଟି ଏଞ୍ଜାଣାକି ନିଜ୍ଞାଲି ଆନେ, ଦୀର୍ଘ ପତିତି ଇ ବଲୁ ଏଚେ ପାଡେକା ତେଲ୍‌ହା ହିଲାଆଡେରି □

୧୦ ତାୟୁ ସୀସୁୟିଁ ଖେଶ୍ତେ ଇଜ ହାଚେରି □

ଜୀସୁ ମଗ୍‌ଦଲିନି ମରିୟମଇଁ ତଞ୍ଜା ଆନାୟି

(ମାତି ୨୮:୯,୧୦; ମାର୍କ ୧୬:୯-୧୧)

୧୧ ସାମା ମରିୟମ ତ୍ତାହି ତ୍ତାହି ପାଜ୍ଞାତା ନିଚା ତ୍ତୟିତେ; ଇଞ୍ଜା ତ୍ତାହି ତ୍ତାହି ବଙ୍ଗାହାଁ ମାହଣି ମାଣ୍ଡା ବିତ୍ରା ସିନିକିତେ,

୧୨ ଜୀସୁତି ଆଜ୍ଞା ଏମିନି ଟାୟୁତା ଇଟ୍‌କି ଆହାମାଚେ, ଏମ୍ବାଆଁ ତାୟୁଁ ଖାକି ରଅସି ଅଡେ କତାୟିଁ ଖାକି ରଅସି ଦବ୍‌ଲା ହିମ୍ବୁରିକା ପରହାନା ରିଆରି ଦୁତୁୟିଁ କୁଗାମାନାଣି ମେସ୍ତେ □

୧୩ ଏଞ୍ଜାରି ଏଦାନି ଏଲେଇଚେରି, “ଏ ଇୟା ଏନାଆଁତାକି ତ୍ତାହିମାଞ୍ଜି ?” ଏଦି ଏଞ୍ଜାରିଇଁ ଏଲେଇଚେ, “ଆମ୍ବାଆରି ନା ପ୍ରବୁଇଁ ଅହାମାନେରି, ଅଡେ ଏଞ୍ଜାଣାଇଁ ଆମ୍ବିୟା ଇଟାମାନେରି ପୁଞ୍ଜାହିଲଅଁ □”

୧୪ ଏଦି ଏଲେଇଞ୍ଜାନା ତାୟୁଖାକି ସିନିକିହାନା ଜୀସୁଇଁ ମେସ୍ତେ, ସାମା ଏଞ୍ଜାସି ଜୀସୁ ପୁଞ୍ଜାଲି ଆଡାଆଡେ □

୧୫ ଜୀସୁ ଏଦାନି ଏଲେଇଚେସି, “ଏ ଇୟା ଏନାଆଁତାକି ତ୍ତାହିମାଞ୍ଜି ? ଆମ୍ବାଆରାଇଁ ପାରିମାଞ୍ଜି ?”

ଏଦି ଏଞ୍ଜାଣାଇଁ ବାଡା ଗାଟାସି ଇଞ୍ଜୁଁ ଅଣପାନା ଏଲେଇଚେ, “ବାବୁ ନୀନୁ ଏଞ୍ଜାଣାଇଁ ଅହାମାଞ୍ଜି ଇଟିହୁଁ ଆମ୍ବିୟା ଇଟାମାଞ୍ଜି, ନାଜେ ଖେସ୍ତାମୁ ନୀନୁ ଅଇଁ □”

୧୬ ଜୀସୁ ଏଦାନି ଏଲେଇଚେସି, “ମରିୟମ!” ମରିୟମ ଏଞ୍ଜାଣି ଖାକି ସିନିକିହାନା ଏବୁ ହାଡାତଲେ ଏଲେଇଚେ, “ରାବ୍‌ବୁନି” ଇଟିହୁଁ ଏ ଗୁରୁ □

୧୭ ଜୀସୁ ଏଦାନି ଏଲେଇଚେସି, “ନାଜେ ଆସା ଇଟାଲି ଅଣପାଆନି, ଇଟିହୁଁ ନୀନୁ ନୀଏଁ ପାଡେକା ଆଡା ତାଣା ହାଜାହିଲଅଁ; ସାମା ନା ତାୟିୟିଁ ତାଣା ହାଜାନା କାବୁ ହୀମୁ, ନୀନୁ ନା ଆବା ମୀ ଆବା ନା ମାହାପୁରୁ ମୀ ମାହାପୁରୁ ତାଣା ହାଜିମାଇଁ □”

୧୮ ମଗ୍‌ଦଲିନି ମରିୟମ ହାଜାନା ସୀସୁୟିଁଇଁ କାବୁ ହୀଡେ, ନୀନୁ ପ୍ରବୁଇଁ ମେସାମାଇଁ ଏଞ୍ଜାସି ନାଜେ ଇ ବାରେ କାତା ଖେସାମାଞ୍ଜାନେସି □

☆ ୧୯:୩୭ ୧୯:୩୭ ଖେ ବଲୁ ୧:୭ ☆ ୧୯:୩୯ ୧୯:୩୯ ଜହ ୩:୧,୨

ଜୀସୁ ସୀସୁୟାଁଙ୍କ ତଞ୍ଜା ଆନାୟି

(ମାତି ୨୮:୧୭-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

୧୯ ଏ ଦିନା ଇଚିହ୍ମି ଖାରାତି ତଲିତି ଦିନା ମିଡ଼ଅଲ୍ଲା ବେଲ୍ଲା ଏଚେତା ସୀସୁୟାଁ ଏମିନି ଇଲୁତା ଜୀହୁଦି ଲକ୍ଷୁତି ଆଜିତାକି ଦାରାୟାଁ ସୁଶ୍ଟାମାଚେରି, ଏଚିବେଲ୍ଲା ଜୀସୁ ଖାହାନା ମାଦିଏ ନିଚାନା ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ □”

୨୦ ଏଞ୍ଜାସି ଏଲେଇଞ୍ଜାନା ତାନି କେସ୍ତା, ପାଡ଼କା ଡ଼ଇକା ତସ୍ତେସି, ଏମ୍ବାଟିଏ ସୀସୁୟାଁ ପ୍ରବୁଇ ମେସାନା ରାହାଁ ଆଡେରି □

୨୧ ଜୀସୁ ଖେଶ୍ଟେ ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ ଆବା ଏନିକ୍ ନାଙ୍ଗେ ପାଶ୍ଟାମାଞ୍ଜାନେସି, ନାନୁ ଜିକେଏ ମିଙ୍ଗେ ଏଲେକିହ୍ମିଏ ପାଶ୍ଟିମାଞ୍ଜାଇଁ □”

୨୨ ଏଲେଇଞ୍ଜାନା ଏଞ୍ଜାରି ଲାକ ନେଞ୍ଜାନା ଏଲେଇଚେସି, “ସୁଦୁଜୀଞ୍ଜୁଇଁ ଆବାକଡାଦୁ,

୨୩ *ମୀରୁ ମାଣସିୟାଁ ପାପୁ ମ୍ଲେକ୍‌ହିସାରେ, ମାହାପୁରୁ ଜିକେଏ ଏଞ୍ଜାରି ପାପୁ ମ୍ଲେକ୍‌ନେସି; ଇଞ୍ଜା ଆମ୍ବାଆରି ପାପୁ ମ୍ଲେକ୍‌ଅଚେରି, ଇଚିହ୍ମି ଏଞ୍ଜାଣି ପାପୁ ମେଶ୍‌କେଏ □”

ଜୀସୁ ଅଡେ ତମା

୨୪ ସାମା ଜୀସୁ ଏଚିବେଲ୍ଲା ଖାହାମାଚେସି, ଏଚିବେଲ୍ଲାତା ବାରଜାଣା ବିଡ଼ା ତମା ଆମ୍ବାଆରାଇଁ ଦିଦୁମ ଇନେରି, ଏଞ୍ଜାସି ଏଞ୍ଜାରିତଲେ ହିଲ୍ଲାଆଚେସି □

୨୫ ଏଚକାତି ସୀସୁୟାଁ ଏଲେଇଚେରି, “ମାମ୍ବୁଜୀସୁଇଁ ମେସ୍ତମି □” ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଏଞ୍ଜାଣି କେୟୁତି କୁଟିୟାଁ ସିନା ମେହ୍‌ଆତିହ୍ମି ଅଡେ ଏ ବାରେ ତାଣା ନା ଖାଞ୍ଜୁ ଉହ୍‌ଆନା ଇଞ୍ଜା ଏଞ୍ଜାଣି ପାଡ଼କା ଡ଼ଇକା ତୀଗାଆନା ନାନୁ ଏଚେଲ୍ଲା ଜିକେଏ ନାମଅଁ □”

୨୬ ଆଟାଦିନା କେଚ ତାନି ସୀସୁୟାଁ ଏ ଇଲୁତେଏ ମାଚେରି, ଅଡେ ତମା ଜିକେଏ ଏଞ୍ଜାରିତଲେ ମାଚେସି, ଦାରାୟାଁ ସୁଶ୍ଟକି ଆହାମାଚୁ, ସାମା ଜୀସୁ ଖାହାନା ଏଞ୍ଜାରି ମାଦି ନିଚାନା ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ □”

୨୭ ତାୟୁ ଏଞ୍ଜାସି ତମାଇଁ ଏଲେଇଚେସି, “ଇମ୍ବାଆଁ ନୀ ଖାଞ୍ଜୁ ଉସାନା ସିନିକିମ୍ବୁ, କେୟୁ ଦାସାନା ନା ପାଡ଼କା ଡ଼ଇକା ତୀଗାମ୍ବୁ; ଆନାମାନା ଆଆନା ନାମାମ୍ବୁ □”

୨୮ ତମା ଜୀସୁଇଁ ଏଲେଇଚେସି, “ନା ପ୍ରବୁ ନା ମାହାପୁରୁ □”

୨୯ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ନାଙ୍ଗେ ମେସାନା ନାମିମାଞ୍ଜାଦି, ଆମ୍ବାଆରି ମେହ୍‌ଆନା ନାମିନେରି ଏଞ୍ଜାରି ନେହେଁ □”

ଇ ପତି ଏନାଆଁତାକି ରାସ୍‌କି ଆହାମାନେ

୩୦ ଜୀସୁ ସୀସୁୟାଁ ନକିତା ହାରେକା କାବାଆନ୍ତି କାମାୟାଁ କିହାମାଚେସି, ଏଞ୍ଜି ବାରେ ଇ ପତିତା ରାସ୍‌କି ଆହାହିଲ୍ଲାତ;

୩୧ ସାମା ମୀରୁ ଏନିକ୍ ନାମିଦେରି, ଜୀସୁ ମାହାପୁରୁ ମୀରୁଏସି ମସିହା,* ଇ କାତା ନାମାହାଁ ଏନିକ୍ ମୀରୁ ଏଞ୍ଜାଣି ଦରୁଟି ଜୀଞ୍ଜୁ ବେଚାଆଦେରି, ଏଡାଆଁତାକି ଇ ବାରେ ରାସ୍‌କି ଆହାମାନେ □

୨୧

ସାଡା ଜାଣା ସୀସୁୟାଁଙ୍କ ଜୀସୁ ତଞ୍ଜା ଆନାୟି

୧ ଇଦାଆଁ ତାୟୁ ଜୀସୁ ତିବିରିୟା ସାମ୍‌ଦୁରି ଗାଟୁତା ସୀସୁୟାଁଙ୍କ ଖେଶ୍ଟେ ତଞ୍ଜାଆଚେସି;

୨ ଏମ୍ବାଆଁ ସିମନ ପିତର ତମା ଆମ୍ବାଆରାଇଁ ଦିଦୁମ ଇନେରି, ଗାଲିଲିତି କାନା ଗାଡ଼ାତି ନିତନିୟେଲ, ଜେବଦିତି ମୀରକା ଅଡେ ତାନି ସୀସୁୟାଁ ବିଡ଼ାଟି ରିଆରି କୃଡ଼ା ଆହାମାଚେରି □

୩ *ସିମନ ପିତର ଏଞ୍ଜାରାଇଁ ଏଲେଇଚେସି, “ନାନୁ ମୀଶକା ଆସାଲି ହାଜିମାଇଁ □” ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ମାମ୍ବୁଜିକେଏ ନୀ ତଲେ ଖାନମି □” ଏଞ୍ଜାରି ହାଜାନା ତଂଗତା ହଡେରି, ଏ ଲାଆଁୟାଁ ଏଞ୍ଜାରି ଏନାଆଁ ଜିକେଏ ବେଚାଆଆଚେରି □

୪ ସାମା ଜୁଲୁପୁଲୁ ଆହାଲିଏ ଜୀସୁ ଗାଟୁତା ନିତେସି; ଆଡ଼ିଜିକେଏ ଏଞ୍ଜାସି ଜୀସୁ ଇଞ୍ଜି ସୀସୁୟାଁ ପୁନାଆଚେରି □

୫ ଜୀସୁ ଏଞ୍ଜାରାଇଁ ଏଲେଇଚେସି, “ଏ କକାଚେରି ମୀ ତାଣା ଏନାଆଁ ମୀଶକା ମାନୁ କି ?” ଏଞ୍ଜାରି “ଆଏ” ଇଚେରି □

୬ *ଏଞ୍ଜାସି ଏଞ୍ଜାରାଇଁ ଏଲେଇଚେସି, “ତଂଗତି ଚିଃନିଞ୍ଜାକି ଜାଲ୍ଲା ମେଡ଼ଦୁ, ଆତିହ୍ମି ମୀରୁ ବେଚାଆଦେରି □” ଏମ୍ବାଟିଏ ଏଞ୍ଜାରି ଜାଲ୍ଲା ମେଡ଼ହେରି, ଏମ୍ବାଆଁ ଇଚେକା ମୀଶକା ଖାଟୁ ଏଞ୍ଜାରି ଏଡାଆଁ ରେଜାଲି ଆଡ଼ାଆଚେରି □

୭ ଏମ୍ବାଟିଏ ଜୀସୁ ଏମିନି ସୀସୁଇଁ ଜୀଞ୍ଜୁ ନହ୍‌ମାଚେସି, ଏ ପିତରଇଁ ଏଲେଇଚେରି, “ଇଞ୍ଜାସିତ ପ୍ରବୁ □” ସିମନ ପିତର ଇ କାତା ଖେଞ୍ଜାନା ତୁମ୍‌ଶ୍ଟା ମାଚାକି ତାନି ସକା ତୁରହାନା ସାମ୍‌ଦୁରିତା ଡେଞ୍ଜିଚେସି;

୮ ସାମା ଏଚକାତି ସୀସୁୟାଁ ନେଞ୍ଜାମାନି ମୀଶକା ଜାଲ୍ଲାତି ରେଜି ରେଜି ତଂଗତି ଗାଟୁତା ତାଚେରି, ଇଚିହ୍ମି ଏଞ୍ଜାରି ଗାଟୁଟିଏ ହାରେକା ହେକ ହାଜା ହିଲ୍ଲାଆଚେରି □

୯ ଏଞ୍ଜାରି ସାମ୍‌ଦୁରି ଗାଟୁତା ରେଚାନା, ଏମ୍ବାଆଁ ରୀକ୍‌ମାୟାଁତି ହିଡୁ ଇଞ୍ଜା ହିଡୁ ଲାକ ମୀଶକା ଅଡେ ରୁଟି ଇଚାମାନାଣି ମେସ୍ତେରି □

୧୦ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ନୀଏଁ ଏମିନି ମୀଶକା ଆସାମାଞ୍ଜେରି ଏମ୍ବାଟି ଇଚରା ତାଚିହ୍ମି ଖାଦୁ □”

୧୧ ସିମନ ପିତର ହାଜାନା ସାଡାକଡ଼ି ଡେରଗଚା ମୀଶକା ମାଟି ଜାଲ୍ଲାତି ଗାଟୁତା ରେଜା ତାଚେସି; ଇଚେକା ମୀଶକା ତାକି ଜିକେଏ ଜାଲ୍ଲା ତାମ୍ବାଆଚେ □

☆ ୨୦:୨୩ ୨୦:୨୩ ମାତି ୧୭:୧୯; ୧୮:୧୮ * ୨୦:୩୧ ୨୦:୩୧ କ୍ରାସୁ ☆ ୨୧:୩ ୨୧:୩ ଲୁକ ୫:୫ ☆ ୨୧:୭ ୨୧:୭ ଲୁକ ୫:୭

୧୨ ଜୀସୁ ଏଝାଣାଇଁ ଏଲେଇଚେସି, “ଝାଦୁ ତିଞ୍ଜୁ □” ସୀସୁୟାଁ ବିତାଟି ଆମ୍ବାଆରି ଏଝାଣାଇଁ ନୀନୁ ଆମ୍ବାଆତି ଇଞ୍ଜିଁ ଖେଞ୍ଜାଲି ସାସା କିଆଚେରି, ଇଚିହିଁ ଏଝାସି ପ୍ରବୁ ଇ କାତା ଏଝାରି ପୁଞ୍ଜାମାଚେରି □

୧୩ ଜୀସୁ ଝାହାନା ରୁଟି ଅହାନା ହୀଚେସି, ଇଞ୍ଜା ମୀଣକା ଜିକେଏ ଏଲେକିହିଁ ଏ ହୀଚେସି □

୧୪ ଜୀସୁ ହାକିଟି ନିଜିତି ତାୟୁ ଇଦି ତାନି ପାଲି ତାକି ସୀସୁୟାଁଇଁ ତଞ୍ଜାଆଚେସି □

ଜୀସୁ ଅଡ଼େ ପିତର

୧୫ ଏଝାରି ତିଞ୍ଜାଲି ଆଡ଼ିତି ଜେଚ ଜୀସୁ ସିମନ ପିତରଇଁ ଖେଚେସି, “ଏ ଜହନତି ମୀରଏଣା ସିମନ ଏନାଆଁ ନୀନୁ ନାଞ୍ଜେ ଇଝାରି କିହା ହାରେକା ଜୀଝୁ ନହିଁ ମାଞ୍ଜାଦି ?” ଏଝାସି ଏଲେଇଚେସି, “ଏ ପ୍ରବୁ ନୀନୁ ନିଜେ ଜୀଝୁନହିଁ ମାଞ୍ଜାଇଁ ନୀନୁ ଏଦାଆଁ ପୁଞ୍ଜାମାଞ୍ଜି □” ଜୀସୁ ଏଝାଣାଇଁ ଏଲେଇଚେସି, “ନା ମେଣ୍ଡା ତାଲକାଣି ତୀହମୁ □”

୧୬ ଜୀସୁ ଖେଣ୍ଡେ ରୀ ପାଲି ତାକି ଖେଚେସି, “ଏ ଜହନତି ମୀରଏଣା ସିମନ ଏନାଆଁ ନୀନୁ ନାଞ୍ଜେ ଜୀଝୁ ନହିଁ ମାଞ୍ଜାଦି ?” ଏଝାସି ଏଲେଇଚେସି, “ଏ ପ୍ରବୁ ନୀନୁ ନିଜେ ଜୀଝୁନହିଁ ମାଞ୍ଜାଇଁ ନୀନୁ ଏଦାଆଁ ପୁଞ୍ଜାମାଞ୍ଜି □” ଏଝାସି ଏଝାଣାଇଁ ଏଲେଇଚେସି, “ନା ମେଣ୍ଡାୟାଁଣି ପହିକିମୁ □”

୧୭ ଜୀସୁ ଅଡ଼େ ତାନି ପାଲି ତାକି ଖେଚେସି, “ଏ ଜହନତି ମୀରଏଣା ସିମନ ଏନାଆଁ ନୀନୁ ନାଞ୍ଜେ ଜୀଝୁ ନହିଁ ମାଞ୍ଜାଦି ?” ଏଲେଇଞ୍ଜି ତାନି ପାଲି ଖେଞ୍ଜାଲିଏ ଏଝାସି ଦୁକୁ ଆହାନା ଏଲେଇଚେସି, “ଏ ପ୍ରବୁ ନୀନୁ ବାରେ ପୁଞ୍ଜାମାଞ୍ଜି; ନୀନୁ ନିଜେ ଜୀଝୁନହିଁ ମାଞ୍ଜାଇଁ, ଏଦାଆଁ ନୀନୁ ପୁଞ୍ଜାମାଞ୍ଜି □” ଜୀସୁ ଏଝାଣାଇଁ ଏଲେଇଚେସି, “ନା ମେଣ୍ଡାୟାଁଣି ଜାଡ଼ନୁ ଅମୁ □”

୧୮ ନୀନୁ ନିଜେ ସାତା ଖେସିମାଞ୍ଜାଇଁ, ନୀନୁ ଦାଂରଣା ମାନି ବେଲାତା ନୀ ଚେତେଲି ରୁପା କତାନା ଆମ୍ବିୟାଝାକି ନୀ ମନ ଏନିକା ରେଜିମାଟି, ସାମା ବୁଡ଼ହା ଆଡ଼ିହିଁ ନୀନୁ ନୀ କେସ୍ତା ଦାହୁଦି ଇଞ୍ଜା ଅର ରଅସି ନୀ ଚେତେଲିତା ଦସାନା ଆମ୍ବିୟା ନୀ ମନ ହିଲେଏ ଏନିକା ରେଜା ଅୟାନେସି □

୧୯ ପିତର ଏନିଲେହେଁତି ହାକି ତଲେ ମାହାପୁରୁଇଁ ଗାଝୁରମି କିନେସି, ଏଦାଆଁ ପୁଣ୍ଡି କିହାଲି ଏଲେଇଞ୍ଜାମାଚେସି □ ଏଲେଇଚି ତାୟୁ ଏଝାସି ଏଝାଣାଇଁ ଏଲେଇଚେସି, “ନା ଜେଚ ଝାମୁ □”

ଜୀସୁ ତାନି ଜୀଝୁତି ସୀସୁ

୨୦ ✠ଜୀସୁ ଏମିନି ସୀସୁଇଁ ଜୀଝୁ ନହିଁ ମାଚେସି, ଅଡ଼େ ଲାଆଁୟାଁ ବଜି ବେଲାତା ତାନି ବକତା ଲାବାନା ପ୍ରବୁ ନିଜେ ଆମ୍ବାଆସି ସାତୁୟାଁ କେୟୁତା ହେରପାନେସି ଇଞ୍ଜିଁ ଖେଞ୍ଜାମାଚେସି, ଏ ସୀସୁ ଜେଚ ଝାହିମାନାଣି ପିତର ଖେଣ୍ଡେ ତିରଝାନା ମେସ୍ତେସି □

୨୧ ପିତର ଏଝାଣାଇଁ ମେସାନା ଜୀସୁଇଁ ଖେଚେସି, “ପ୍ରବୁ ଇଝାଣି କାତା ଏନାଆଁ ଇଞ୍ଜିମାଞ୍ଜି ?”

୨୨ ଜୀସୁ ଏଝାଣାଇଁ ଏଲେଇଚେସି, “ନା ଝାନ୍ତି ଦିନା ପାଚେକା ତୟାପେସି ଇଞ୍ଜିଁ ନୀନୁ ମନ କିଇଁ, ଆଡ଼ିହିଁ ଏମ୍ବାଆଁ ନୀଦି ଏନାୟି ମାନେ ? ନୀନୁ ନା ଜେଚ ଝାମୁ □”

୨୩ ଏମ୍ବାଟିଏ ଏ ସୀସୁ ହାଅସି, ଇ କାତା ତାୟିୟାଁ ବିତା ଖେଞ୍ଜାହାଚେ, ସାମା ଏଝାସି ହାଅସି ଇଞ୍ଜିଁ ଜୀସୁ ଏଝାଣାଇଁ ଏଲେଇଞ୍ଜା ହିଲାଆଚେସି, ସାମା ନା ଝାନ୍ତି ଦିନା ପାଚେକା ଏଝାସି ତୟାପେସି ଇଞ୍ଜିଁ ନୀନୁ ମନ କିଇଁ, ଆଡ଼ିହିଁ ଏମ୍ବାଆଁ ମୀ ଏନାୟି ମାନେ ଇଞ୍ଜିଁ ଖେସାମାଚେସି □

୨୪ ଆମ୍ବାଆସି ଇ ବାରେ ସାକି ହାହିମାନେସି, ଅଡ଼େ ଇ ବାରେ ରାଟାମାନେସି, ଏଝାସି ଏ ସୀସୁ; ଅଡ଼େ ଏଝାଣି ସାକି ସାତା ଇଦାଆଁ ମାମୁ ପୁଞ୍ଜାମାନମି □

ରାନ୍ତି ହାଡ଼ା

୨୫ ଜୀସୁ ହାରେ ହାରେକା କାମାୟାଁ କିହାମାଚେସି; ଏ ବାରେ ରଣ୍ଡା ରଣ୍ଡାଆଁ କିହିଁ ରାଟିତିହିଁ ମା, ଇଚେକା ପତିୟାଁ ରାସ୍ତକି ଆତୁମା, ଇଚିହିଁ ନା ଅଣପୁତା ବାରେ ଦାରତିତା ଜିକେଏ ଏ ବାରେ ଇଟାଲି ଟାୟୁ ଆଆଚେମା □

✠ ୨୧:୨୦ ୨୧:୨୦ ଜହ ୧୩:୨୫

ପ୍ରେରିତ ମାନଙ୍କ କାର୍ଯ୍ୟ ପାଣ୍ଡୁ ଆହ୍ୱାନାନାରି କାମା ମୂଳୁ ହାଡ଼ା

ପାଣ୍ଡୁ ଆହ୍ୱାନାନାରି କାମାତ ପତି କୁଲମିକା ମାଟୁହି କାତା ଅଡ଼େ ଜୀସୁ ଲାକପୁରୁ ହାନି ନକେଏ ତାନି ସୀସୁୟାଣି ଖେସାମାଟି ଲେହେ, ଏନିକି ଜିରୁସାଲମଟିଏ ଜୀହୁଦା, ସମିରଣ, ଅଡ଼େ ସାରିଖାକି ଏଡେ, ଏ କାତାତି ପୁସ୍ପପନି ୧:୮ ଇ ପତି ଲୁକ ରାଟାମାଟେସି, ଆମ୍ବାଆସି ଲୁକ ରାଟାମାନି ନେହୁ କାରୁ ରାଟାମାଟେସି □ ଏଝାସି ତାଙ୍କାଦର ମାଟେସି ଇଞ୍ଜା ବାରେ କାତା ଜାଡ଼ନୁ ତଲେ ରାଟାମାଟେସି □ ଏଝାସି ତାନି ଲୁକ ନେହୁ କାରୁ ପାଣ୍ଡୁ ଆହ୍ୱାନାନାରି କାମା ଇ ରୀ ପତିତା ଜିକେଏ ତିୟପିଲ ଇଞ୍ଜା ଖେସାମାନେସି, ଏଝାସି ଗ୍ରିକ୍ ଲକୁ ମାଟେସି, ସାମା ଗ୍ରିକ୍ ଅଡ଼େ ଜୀହୁଦି ଲକୁଣି ଆଟୁହି କ୍ରୀସ୍ତାନା ଲକୁକି ଜିକେଏ ଇ ପତି ରାସ୍ତକି ଆହ୍ୱାନାଟେ ୧:୧ □

କ୍ରୀସ୍ତ ଜାର୍ନାଆଡ଼ି ତାମୁ ୭୦-୭୪ ବାର୍ଯା ବିତ୍ରା ପାଣ୍ଡୁଆଡ଼ି ପତି ରାସ୍ତକି ଆହ୍ୱାନାଣ୍ଡିନେ, ଏନାଆଁତାକି ଇଚିହୁ ପାଣ୍ଡୁଲ କାୟିଦିଟି ପିସ୍ପିଆଡ଼ି ନକେଏ ପତି ରାଟାଲି ରାହ୍ୱାନାଟେ □ ଲୁକ ଜିକେଏ ପାଣ୍ଡୁଆଡ଼ି ପାଣ୍ଡୁଲ ତଲେ ରେଜିମାଟେସି ଅଡ଼େ ଆଡ଼ିୟକତି ଗାଡ଼ାତା ଇ ପାଣ୍ଡୁ ଆହ୍ୱାନାନାରି କାମା ପତି ରାଟାମାଟେସି □ ପାଣ୍ଡୁ ଆହ୍ୱାନାନାରି କାମା ପତି “ଲୁକ ରାଟାମାନି ନେହୁ କାରୁ” ରାଡ଼ିତି ଜେଟ ଜେଟ ଜୀସୁ ଲାକପୁରୁ ହାଜାଲିଏ ରାଟାଲି ମାଟୁହା ମାଟେସି □ ଲୁକ ତାନି ନେହୁ କାରୁ ଏନାଆଁତାକି ରାଟାମାଟେସି, ଏଲେକିହୁଏ ଇ ପାଣ୍ଡୁ ଆହ୍ୱାନାନାରି କାମା ପତି ରାଟାମାଟେସି □ ଏଝାସି ତିୟପିଲ ଅଡ଼େ ଗାଡ଼ି ଜାନା ଆହିମାନି କ୍ରୀସ୍ତାନା ଲକୁଇଁ ଏନାଆଁ ଜାପୁଡ଼ି ଆହ୍ୱାନାଟେ, ଏମ୍ବାଆଁ ତୀରି ଆହ୍ୱାଲି ଅଣ୍ଡିମାଟେସି, ଏଦାଆଁତାକି ଜୀସୁତି ବାରେ କାତା ଅଡ଼େ କ୍ରୀସ୍ତାନା ଲକୁ ବାରେଖାକି ଆହିମାନି କାତା ରାଟାମାନେସି □

ପାଣ୍ଡୁ ଆହ୍ୱାନାନାରି କାମା ପତି ମୂଲୁଏ ଆଡ଼ି କୁଲମିକାତି କାତା ଅଡ଼େ ଜୀସୁ ତାଣା ନାମୁତଲେ ନୀତିନାୟି ଏନିଆହୁ ତଞ୍ଜା ଆନାୟି ଏଦାଆଁ ମାଜେ ଖେସ୍ତାନେ □ ସୁଦୁଜୀଖୁତି ବାଡ଼ୟୁ ତଲେ ଏନିକିହୁ ଏଟକା ଲକୁତାଣା ନେହୁ କାରୁ ଏପ୍ନାୟି ପାଣ୍ଡୁ ଆହ୍ୱାନାନାରି କାତା ଖେସ୍ତାନେ □

ପତିତା ମାନାୟି

- ୧ ମୂଲୁଏ ସୀସୁୟାଁ ଲାକ ସୁଦୁଜୀଖୁ ଖାନାୟି ଅଡ଼େ କୁଲମି ପାତାଆନାୟି □ ୧:୧-୮:୧
- ୨ କୁଲମି ସାସ୍ତି ବେଟାଆନାୟି ଅଡ଼େ ଜିରୁସାଲମ ସାରିଖାକି ଏନାୟି □ ୮:୨-୧୨:୨୩

- ୩ ପାଣ୍ଡୁଲ ମୂଲୁଏ ତାନି ସେବା କାମାତାକି ହାନାୟି □ ୧୨:୨୪-୧୪:୨୮
- ୪ ଜିରୁସାଲମତା କୁଟମି କୁଟିନାୟି □ ୧୫:୧-୩୫
- ୫ ପାଣ୍ଡୁଲ ରୀ ପାଲି ତାନି ସେବା କାମାତା ହାନାୟି □ ୧୫:୩୬-୧୮:୨୨
- ୬ ପାଣ୍ଡୁଲ ତାନି ପାଲି ତାନି ସେବା କାମାତା ହାନାୟି □ ୧୮:୨୩-୨୦:୩୮
- ୭ ପାଣ୍ଡୁଲ ଜିରୁସାଲମତା ଦସ୍ପି ଆନାୟି □ ୨୧-୨୭
- ୮ ରମ୍ପତା ପାଣ୍ଡୁଲଇଁ ପାଣ୍ଡିନାୟି □ ୨୭-୨୮

ସୁଦୁଜୀଖୁ ତାକି ଆଞ୍ଜିନାୟି

୧ *ଏ ଜୀଖୁତି ତିୟପିଲ, ନା ମୂଲୁତି ପତିତା ଇ ବାରେ କାତା ରାଟାମାଟେ, ଜୀସୁ ଏମିନି କାମା ମାଟୁହେସି ଅଡ଼େ ଜାପୁହେସି,

୨ ଏ ଦିନା ପାତେକା ଏଝାସି ପାଣ୍ଡୁ ଆହ୍ୱାନାନାରି ଆହ୍ୱାନାଟେସି, ସୁଦୁଜୀଖୁ ତଲେ ହୁକୁମି ହୀହାନା ଲାକପୁରୁ ଅଡ଼ି ଆହ୍ୱାନାଟେସି □

୩ ଏଚେଟିଏ ଜୀସୁ ତାନି ଦୁକୁ ବେଟାଆଡ଼ି ତାମୁ ହାରେକା ଦିନା ଏଝାସି ଜୀଖୁତଲେ ମାଟେସି ଇଦାଆଁ ପାଣ୍ଡୁ ଆହ୍ୱାନାନାରି ତାଣା ପାରମାଣା କିଟେସି, ଇଞ୍ଜା ରୀ କଡ଼ି ଦିନା ପାତେକା ହାରେକା ଦେବା ତଞ୍ଜାଆହ୍ୱାନା ମାହାପୁରୁ ରାଜିତି କାତା ଜାପୁହେସି □

୪ *ର ଦିନା ଏଝାରି ରଣିଏ ତାଣା ତିଞ୍ଜାଲି କୃତା ଆହ୍ୱାନାଟି ବେଲାତା ଜୀସୁ ଏଝାରାକି ଇ ହୁକୁମି ହୀଟେସି; “ମୀରୁ ଜିରୁସାଲମ ପିସ୍ତା ଆମ୍ବିୟା ହାଲାଆଦୁ, ସାମା ମୀରୁ ମାହାପୁରୁ ଆବାଡ଼ି ଆଞ୍ଜାମାନାଣି ନା ତାଣାଟି ଖେଞ୍ଜା ମାଞ୍ଜେରି, ଏଦାଆଁ ପାଣ୍ଡିନି ପାତେକା କାଟାନା ଡ଼ୟାଦୁ;

* ଇଚିହୁ ଜହନ ଏୟୁତା ବାପ୍ତିସ୍ମ* ହୀଟେସି ସାତା, ସାମା ମୀରୁ ଏଚରଦିନା ଜେଟ ସୁଦୁଜୀଖୁ ତଲେ ବାପ୍ତିସ୍ମ† ବେଟାଆଡ଼େରି □”

ଜୀସୁ ଲାକପୁରୁ ହାନାୟି

(ମାର୍କ ୧୭:୧୯-୨୦; ଲୁକ ୨୪:୫୦-୫୩)

୨ ର ଦିନା ପାଣ୍ଡୁ ଆହ୍ୱାନାନାରି ରୁଣ୍ଡା ଆହ୍ୱାନାଟି ବେଲା ଜୀସୁଇଁ ଖେଚେରି, “ପ୍ରୁ, ନୀନୁ ଏନାଆଁ ନୀଏଁ ଇସ୍ତାୟେଲ କେୟୁତା ଅଡ଼େ ଖେଣ୍ଡେ ଇ ରାଜିତି ହେରପିଦି ?”

୩ ଜୀସୁ ଏଝାରାଇଁ ଏଲେକଚେସି, “ଆମିନି ଦିନା ଅଡ଼େ କାଲା ନା ଆବା ତାନି ଅଦିକାରାତା ଇଟାମାନେସି, ଏ ବାରେ ମିଙ୍ଗେ ପୁଞ୍ଜାଲି ଲଡ଼ା ଆଏ □

୮ *ସାମା ସୁଦୁଜୀଖୁ ମୀ ତାଣା ଖାଡ଼ିସାରେ, ମୀରୁ ବାଡ଼ୟୁ ବେଟାଆଡ଼େରି, ଇଞ୍ଜା ଜିରୁସାଲମ ବାରେ ଜୀହୁଦା ଦେସା ଇଞ୍ଜା ସମିରଣତା ଅଡ଼େ ବୁମି ମୁଟପେ ତାକି ନା ସାକି ଆଡ଼େରି □”

୯ *ଏଝାସି ଇ ବାରେ କାତା ଖେସ୍ତି ତାମୁ ଏଝାରି ମେସ୍ପପନିଏ ଜୀସୁ ଲାକପୁରୁ ହାଟେସି, ଅଡ଼େ ଇଚାୟି ଦୁହା

☆ ୧:୧ ୧:୧ ଲୁକ ୧:୧-୪ ☆ ୧:୪ ୧:୪ ଲୁକ ୨୪:୪୯ ☆ ୧:୫ ୧:୫ ମାତି ୩:୧୧; ମାର୍କ ୧:୮; ଲୁକ ୩:୧୭; ଜହ ୧:୩୩ * ୧:୫ ୧:୫ ମୁଞ୍ଜିନାୟି † ୧:୫ ୧:୫ ମୁଞ୍ଜିନାୟି ☆ ୧:୮ ୧:୮ ମାତି ୨୮:୧୯; ମାର୍କ ୧୭:୧୫; ଲୁକ ୨୪:୪୭,୪୮ ☆ ୧:୯ ୧:୯ ମାର୍କ ୧୭:୧୯; ଲୁକ ୨୪:୫୦,୫୧

ଏଞ୍ଜାଣାଙ୍କୁ ଏଞ୍ଜାରି ତାଣାଟି ଅହଁ ହାଚେ, ଏଞ୍ଜାରି ଅଡ଼େ ଏଞ୍ଜାଣାଙ୍କୁ ମେହୁଆଚେରି □

୧୦ ଏଞ୍ଜାସି ଲାକପୁରୁ ହାଜାଲିଏ ଜିକେଏ ଏଞ୍ଜାରି ହାଗୁଞ୍ଜାକି ମୁମୁ କିହାନା ସିନିକିହି ମାନେରି; ଏତିବେଲା ଦବଲା ହିମୁରିକା ହୁଚାମାନି ରିଆରି ଦେବୁଣିଏ ଏଞ୍ଜାରି ନକିତା ନିଚେରି,

୧୧ ଇଞ୍ଜା ଏଞ୍ଜାରି ଏଲେଇଚେରି “ଏ ଗାଲିଲିତି ଲକୁଚେରି, ଏନାଆଁତାକି ହାଗୁଞ୍ଜାକି ମୁମୁ କିହାନା ନିଚାମାଞ୍ଜେରି ? ଇ ଆମିନି ଜୀସୁ ମୀ ତାଣାଟି ଲାକପୁରୁ ଅଞ୍ଜିଆଡ଼େସି, ଏଞ୍ଜାଣାଙ୍କୁ ଏନିକଁ ଲାକପୁରୁ ହାଚାଣି ମୀରୁ ମେସ୍ତେରି, ଅଡ଼େ ଏଲେକିହଁଏ ଖେଣ୍ଡେ ଖାନାଣି ମେହୁଦେରି □”

ଜୀହୁଦା ଚାୟୁତା ମାତିୟୁଙ୍କୁ ଆଡ଼ିନାୟି

୧୨ ଏମାଟିଏ ତାୟୁ ଏଞ୍ଜାରି ଜୀତ ଇନି ହୁରୁ ଲାକଟି ଜିରୁସାଲମତା ଖେଣ୍ଡାଖେଡ଼େରି, ଏ ଜୀତ ହୁରୁଟିଏ ଜିରୁସାଲମ ର କିଲମିଟର ହେକ ମାଚେ □

୧୩ ✨ଇଞ୍ଜା ଏଞ୍ଜାରି ପିତର, ଜହନ, ଜାକୁବ, ଆହିୟ, ପିଲିପ, ତମା, ବାର୍ତଲମି, ମାତିୟୁ, ଆଲେପି ମୀରଏସି ଜାକୁବ, ଦେସାତି ଜୀସୁ ନନି ସିମନ ଅଡ଼େ ଜାକୁବ ମୀରଏସି ଜୀହୁଦା, ଗାଡ଼ାତା ଏଜାନା, ଏମିନି ଲାକନି ଇଲୁତା ବାସା ଆହାମାଚେରି, ଏମାଆଁ ହାଚେରି □

୧୪ ଏଞ୍ଜାରି ବାରେଜାଣା ଇୟାସିକା ତଲେ ଇଞ୍ଜା ଜୀସୁତି ଇୟା ମରିୟମ ଅଡ଼େ ତାନି ତାୟିୟାଁ ତଲେ ରଣ୍ଡିଏ ଅଣ୍ଡପୁ ତଲେ ପ୍ରାତାନା କିହଁ ରୁଣ୍ଡା ଆହାମାଚେରି □

୧୫ ଏଚରଦିନା ତାୟୁ ନାନିତାରି କୁଡ଼ା ଆହାମାଚେରି, ଏମାଆଁ ସ କଡ଼ି ଜାଣା ଲକୁ କୁଡ଼ା ଆହାମାଚେରି, ପିତର ତାୟିୟାଁ ବିତ୍ରାଟି ନିଚାନା ଏଲେଇଚେସି,

୧୬ “ଜୀସୁତି ତାୟିୟାଁ ଅଡ଼େ ତାଜିସ୍ତା, ଆମିନି ଇସ୍ତାରିୟତ ଜୀହୁଦା ଜୀସୁଙ୍କୁ ସାତୁୟାଁ କେୟୁତା ଆସପି କିହାଲିତାକି ଜିରୁ ତସାମାଚେସି, ଏଞ୍ଜାଣି ତାକି ସୁଦୁଜୀସୁ ନକେଏ ଦାସୁଦ ଗୁଡ଼ିଟି ଏନାଆଁ ଖେସାମାଚେସି, ଏ ଦାମୁ ସାସ୍ତେରି ପୁରା ଆନାୟି ମାଚେ;

୧୭ ଇତିହଁଏ ଏଞ୍ଜାସି ମା ବିତ୍ରାଟି ରଅସି ଇଞ୍ଜଁଏଜିକିଞ୍ଜି ଆହିମାଚେସି, ଅଡ଼େ ଇ ସେବା କାମାତା ପାଣା ବେଚାଆହା ମାଚେସି □”

୧୮ ✨ଇ ଇସ୍ତାରିୟତ ଜୀହୁଦା ଲାଗେଏ କାମା କିତି ତାବୁୟାଁ ତଲେ ରଚାଣି ବୁନି କଡ଼ଞ୍ଜି ଆହାମାଚେ, ଅଡ଼େ ଏଞ୍ଜାସି ହାଡ଼ି ତାଣା ତାୟୁ ତୁଇ କିହଁ ତରଗାଲିଏ ତାନି ବାଣ୍ଡି ତାୟାହାଚେ ଇଞ୍ଜା ଖାହିୟାଁ ହଚାହାଚୁ □

୧୯ ଅଡ଼େ, ଇଦାଆଁ ଜିରୁସାଲମ ଗାଡ଼ାତା ବାସା କିହିମାନି ଲକୁ ବାରେ ପୁଞ୍ଜାଲିଏ ଏ ବୁନିତି ଏଞ୍ଜାରି ହାଡ଼ାତଲେ “ହକଲଦାମା” ଇତିହଁଏ “ନେଚେରି ବୁନି” ଇଞ୍ଜଁଏ ଖେଜିତେ □

୨୦ ଅଡ଼େ ପାରୁ ପତିତା ରାସ୍ତକି ଆହାମାନେ, “ଏଞ୍ଜାଣି ବାସାଚାୟୁ ଖାଚୁଆୟି ଆପେ;

ଏମାଆଁ ଆମାଆରି ବାସା କିଆପେରି □” ଅଡ଼େ ଜିକେଏ ରାସ୍ତକି ଆହାମାନେ;

“ଏଞ୍ଜାଣି କାମାତି ପାଣା ଅର ରଅସି ବେଚା ଆପେସି □”

୨୧ ✨“ଏଦାଆଁତାକି, ପ୍ରବୁ ଜୀସୁ ଖେଣ୍ଡେ ନିଜିତି କାତା ସାକି ଆହାଲି ଅର ରଅସି ମା ତଲେ ଆଣ୍ଡାନାୟି ମାନେ □

୨୨ ଜୀସୁ ଜହନ ତାଣାଟି ବାପ୍ତିସ୍ତା ଅଡ଼ି ବେଲାଟିଏ ଲାକପୁରୁ ହାନି ପାଚେକା ପ୍ରବୁ ଜୀସୁ ମା ତଲେ ନୀତାମାଟି ବେଲାତା, ଆମିନି ଲକୁ ମା ଗତିତା ମାଚେରି, ଏଞ୍ଜାରି ତାଣାଟି ରଅସି ଖେଣ୍ଡେ ନିଜିନି ସାକି ଆନାୟି ମାନେ □”

୨୩ ଏଚେଟିଏ ଏଞ୍ଜାରି ରିଆରାଙ୍କୁ ଇତିହଁଏ ଜସେପଙ୍କୁ, ଆମାଆରାଙ୍କୁ ବର୍ସବା ଇନେରି ଅଡ଼େ ଆମାଆରି ହାଡ଼ା ଦରୁ ଜୁସ୍ତ ଏଞ୍ଜାଣାଙ୍କୁ ଇଞ୍ଜା ମତିୟୁଙ୍କୁ ବାଟି କିହାନା,

୨୪ ଇ ପ୍ରାତାନା କିଚେରି, “ପ୍ରବୁ ନୀନୁ ବାରେଡ଼ି ହିୟାଁତି ଅଣ୍ଡପୁ ପୁନାତି, ଜୀହୁଦା ଏମିନି ଚାୟୁତା ତୟିନାୟି ମାନେ ଏଞ୍ଜାସି ହାଜାଲିଏ, ଏଞ୍ଜାଣି ଚାୟୁତା ଇ ରିଆରି ବିତ୍ରାଟି ନୀ ତାଣାଟି ଆଡ଼ିତାସି ଆମାଆସି,

୨୫ ଏ ପାଣ୍ଡ଼ି ଆହାମାନାରି ସେବା କାମା କିହାଲି ଆମାଆରାଙ୍କୁ ଜୀହୁଦା ପାଣାତା ବାଟି କିହାମାଞ୍ଜି ତସାମୁ □”

୨୬ ଅଡ଼େ ଏଞ୍ଜାରି ଏ ରିଆରି ତାକି ପାଦି କିହାଲିଏ ମତିୟୁ ଦରୁତଲେ ଆଚେ; ଅଡ଼େ ଏଞ୍ଜାସି ଏଗାର ଜାଣା ପାଣ୍ଡ଼ି ଆହାମାନାରି ଗତିତା ଆଣ୍ଡିତେସି □

୨

ସୁଦୁଜୀସୁ ରେଚା ଖାନାୟି

୧ ପେନ୍ତିକସ୍ତୁ* ଦିନାତା କ୍ରୀସ୍ତୁଙ୍କୁ ନାନିତି ବାରେଜାଣା ର ଚାୟୁତା ରୁଣ୍ଡା ଆହାମାଚେରି □

୨ ଏ ଦେବୁଣିଏ କାଜା ଗାଲି ଖାହିମାନି ଲେହେଁ ର ହାଡ଼ା ଲାକପୁରୁଟି ଖାହିଁ, ଆମିନି ଇଲୁତା ଏଞ୍ଜାରି କୁଗାମାଚେରି, ଏ ଇଲୁତି ବାରେଖାକି ଖେଜିତେ □

୩ ଇଞ୍ଜା ହିରୁ ଗୁଦ୍‌ଖା ଲେହେଁ ତଞ୍ଜାଆହାନା ଏଞ୍ଜାରି ନକିତା ରଣ୍ଡି ରଣ୍ଡି ଆହଁଏ ବାରେଜାଣାଟି ଲାକ ରେଚାଖାଚେ □

୪ ଏମାଟିଏ ଏଞ୍ଜାରି ବାରେଜାଣା ସୁଦୁଜୀସୁ ବେଚାଆହାନା ଏ ଜୀସୁ ଏନିକଁ ଜଲ୍ଲାଲି ବାଡ଼ୁୟୁ ହୀଚେ, ଏଲେକଁଏ ଏଞ୍ଜାରି ଏଚକା ଏଚକା ହାଡ଼ାତଲେ ଜଲ୍ଲାଲି ମାଚୁହେରି □

୫ ଏତିବେଲାତା ପେନ୍ତିକସ୍ତୁ ପାର୍ବୁତାକି ହାଗୁ ତୁଇତି ଏଚକା ଏଚକା ଦେସାଟି ଖାହାମାଟି ଜୀହୁଦି ଲକୁ ଜିରୁସାଲମତା ତୟା ମାଚେରି;

୬ ଅଡ଼େ, ଏ ହାଡ଼ା ଖେଜାଲିଏ, ହାରେକା ଲକୁ କୁଡ଼ା ଆହାନା ବାରେଜାଣା ଜାହା ଜାହାରା ହାଡ଼ାତଲେ ଏଞ୍ଜାରି ଜଲ୍ଲିମାନାଣି ଖେଜାନା କାବା ଆହାହାଚେରି □

✨ ୧:୧୩ ୧:୧୩ ମାତି ୧୦:୨-୪; ମାର୍କ ୩:୧୭-୧୯; ଲୁକ ୬:୧୪-୧୬ ✨ ୧:୧୮ ୧:୧୮ ମାତି ୨୭:୩-୮ ✨ ୧:୨୧ ୧:୨୧ ମାତି ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୫୧ ‡ ୧:୨୨ ୧:୨୨ ମୁଞ୍ଜନାୟି ✨ ୨:୧ ୨:୧ ପିସପିଆଡ଼ି ପାର୍ବୁତି ରା କଡ଼ି ଦସ ଦିନା

୭ ଇଞ୍ଜା ଏଞ୍ଜାରି ଆଡାଜାକା ଅଡେ କାବାଆହାନା ଏଲେଇଚେରି, “ମେହଦୁ ଇ ଆମିନି ଲକୁ ହାଡା ଜଲିମାନେରି, ଏଞ୍ଜାରି ବାରେ ଗାଲିଲିତାରି ଆଏକି ?

୮ ଆଡିହ, ମାର ଏନିକ ବାରେଜାଣା ଜାହା ଜାହାରା ଜାର୍ନା ଟାୟୁତି ହାଡାତଲେ ଜଲିମାନାଣି ଖେଞ୍ଜିମାନାୟି ?

୯ ପାତୟ, ମାଦିୟ, ଏଲାମିୟ, ଅଡେ ମେସପଟାମିୟା, ଜୀହୁଦା ଦେସା, କାପାଦକିୟା; ପନ୍ତ ଅଡେ ଆସିୟା,

୧୦ ପୁଗୟା, ପଂପୁଲିୟା, ମିସର ଇଞ୍ଜା କୁରିଣି ଦାରିତା ଡଇନି ଲିବିୟା ନାୟକାଣା ବାସା କିନାରି, ଇଞ୍ଜା ରମ୍ପି ଖାହାମାନି ଜୀହୁଦି,

୧୧ ଅଡେ ଏଟକା କୃଡାତି ଲକୁ ଜୀହୁଦି ଦାମ୍ପୁତି ନାମାହାଁ ଡୟାମାନାରି; ଅଡେ କ୍ରିତି ଇଞ୍ଜା ଆରବିୟ ଦେସାତି ଲକୁତାୟି ମାର, ମାର ଜାହା ଜାହାରା ହାଡାତଲେ ମାହାପୁରୁତି କାଜା କାଜା କାମାତି କାତା ଜଲିମାନାଣି ଖେଞ୍ଜିମାନାୟି □”

୧୨ ଅଡେ ବାରେଜାଣା ଆଡାଜାକା ଅଡେ କାବାଆହାନା ତାମ୍ପୁଡାମ୍ପୁ ହାଡାକାତା ଆଡେରି, “ଇଦାଣି ଅର୍ତ ଏନାୟି ?”

୧୩ ସାମା ଏଟକାତାରି ଲାଜାକିହ ଏଲେଇଚେରି, “ଇଞ୍ଜାରି ପୁଃନି ଡାକ୍ତ ହି ଅଙ୍ଗୁରି ରାସା ଗସାନା ହଡା ହାଜାମାନେରି □”

ପିତର କାବୁ ଖେକ୍ନାୟି

୧୪ ସାମା ପିତର ଏଗାର ଜାଣା ସୀସୁୟା ତଲେ ନିତାନା କାଜା ଗିୟାତଲେ ଏଲେଇଚେସି, “ଜୀହୁଦି ତାୟିୟା ଅଡେ ଜିରୁସାଲମତା ବାସା କିହିମାନାତେରି, ମୀରୁ ନା କାତାତି ଖେଞ୍ଜାଦୁ ଅଡେ ଇଦାଆଁ ପୁଞ୍ଜୁ □

୧୫ ଇଚିହ ମୀରୁ ଏନିକ ଅଣ୍ପିମାଞ୍ଜେରି, ଇଞ୍ଜାରି ଏଲେକିହ ଅଙ୍ଗୁରି ରାସା ଗସାହାଁ ହଡା ହିଲଅରି; ଇଦି ଆଡେ ଲାଈତି ନ ଗଟା ଆହାମାନେ □

୧୬ ସାମା ମାହାପୁରୁ ଅଣ୍ପୁତି ବଲୁ ଖେହନି ଆମିନି ଜୟେଲ ତାଣାଟି ରାସ୍କି ଆହାମାନେ ଇଦି ଆହିମାନେ ଏଦି;

୧୭ ‘ମାହାପୁରୁ ଖେସିମାନେସି ରାନ୍ତି ଦିନାତା ଇ ବାରେ ଗଟଞ୍ଜି ଆନେ,

ନାନୁ ବାରେ ଲକୁତାକି ନା ଜୀଞ୍ଜୁ ପାଣ୍ଡାଈ, ଏଚେଟିଏ ମୀ ମୀରକା ମାସ୍କା ମାହାପୁରୁ ଅଣ୍ପୁତି ବଲୁ ଖେହନେରି,

ମୀ ଦାଂଗଣାୟାଁ କାବା ଆନାଣି ମେହନେରି, ଅଡେ ମୀ ବୁଡହାୟାଁ ହାପାନା ହେଣନେରି □

୧୮ ହାଅ, ଏ କାଲ୍ଲାତା ନା ହଲିୟାଞ୍ଜା ଇଞ୍ଜା ହଲେଣିସିକା ଲାକି,

ନାନୁ ନା ଜୀଞ୍ଜୁତି ଏଞ୍ଜାରି ଲାକ ଖାକ୍‌ଇ, ଏଚେଟିଏ ଏଞ୍ଜାରି ମାହାପୁରୁ ଅଣ୍ପୁତି ବଲୁ ଖେହନେରି □

୧୯ ନାନୁ ହାଗୁ ଲାକ କାବାଆନ୍ତି କାମା;

ଅଡେ ଡଇ ଦାର୍ତିତା କାବାଆନ୍ତି ସିନାୟାଁ, ଏମ୍ପାଆଁ ନେତେରି, ହିରୁ ଇଞ୍ଜା ହାରେକା ବୟ ତହ୍‌ଇ;

୨୦ ପ୍ରୁତି କାଜା ଗାଞ୍ଜୁରମି ଦିନା ଖାନ୍ତି ନକେଏ, ଖେଡା ଆନେରି ଆନେ,

ଅଡେ ଲେଞ୍ଜୁ ନେତେରିଲେହେଁ ଆନେ □

୨୧ ଅଡେ ଇଲେକିହ ଆନେ, ଆମ୍ପାଆସି ପ୍ରୁ ଦରୁ ଆସାନା ପ୍ରାତାନା କିନେସି, ଏଞ୍ଜାସି ଗେଲ୍‌ପି ଆନେସି □”

୨୨ “ଇସ୍ରାୟେଲ ଲକୁତେରି, ଇ ବାରେ କାତା ଖେଞ୍ଜୁ! ନାଜରିତ ଜୀସୁ ହାରେକା ବାଡ଼ୟୁତି କାମା, କାବାଆନ୍ତି କାମା ଇଞ୍ଜା ସିନାୟାଁ ତଲେ ମୀ ନକିତା ମାହାପୁରୁତି ପାଣ୍ଡୁଞ୍ଜି ଆଡାସି ଇଞ୍ଜୁ ପାରମାଣା ଆହାମାନେସି, ଏଞ୍ଜାଣି ତାଣାଟି ମାହାପୁରୁ ମୀ ତାଣା ଇ ବାରେ କାମା କିହିମାନେସି, ଇଦାଆଁ ମୀରୁ ପୁଞ୍ଜାମାଞ୍ଜେରି □

୨୩ *ଏ ଜୀସୁ ମାହାପୁରୁ କିହିମାନି ଅଣ୍ପୁ ଅଡେ ତଲିତି କାତାତଲେ ହେର୍‌ପି ଆହାଲିଏ, ମୀରୁ ଏଞ୍ଜାଣାଈ ପାପୁ ଗାଟାରି କେୟୁଟି ପାସି ମୁଣ୍ଡାତା ଏକ୍‌ହାନା ପାୟାମାଚେରି □

୨୪ *ସାମା ମାହାପୁରୁ ଏଞ୍ଜାଣାଈ ହାକିତି ବାଡ଼ୟୁଟି ଗେଲ୍‌ପାନା ନୀଟହା ମାଚେସି, ଇଚିହ ଏଞ୍ଜାସି ହାକିତି ଦସ୍‌ପି ଆହା ଡୟିନେସି ଏଦି ଆହାଲି ଆଡେଏ □”

୨୫ ଦାଞ୍ଜୁଦ ଏ କାତାତି ଖେସାମାନେସି, “ନାନୁ ବାରେବେଲ୍‌ଲା ନା ନକିତା ପ୍ରୁଇଁ ମେସିମାଚେଏ; ଇଚିହ ନାନୁ ଏନିକ କିଲିବିଲି ଆଅଁ, ଏଦାଆଁତାକି ଏଞ୍ଜାସି ନା ଚିଃନି ଟଟତା ମାନେସି □

୨୬ ଏଦାଆଁତାକି ନା ହିୟାଁ ରାହାଁ ଅଡେ ନା ଖେନ୍‌ରି ରାହାଁ ଆଡେ, ଅଡେ ନା ଆଞ୍ଜା ଜିକେଏ ବାସୁଁ ତଲେ ବାସା କିନେ,

୨୭ ଇଚିହ ନାନୁ ନା ଜୀଞ୍ଜୁତି ହାକିପୁରୁତା ପିହଅତି; ଅଡେ ନୀ ନାମୁ ଅଡେ ସୁଡୁ ଗାଟାଣାଈ ମାହ୍‌ଣି ମାଣ୍ଡାତା ସୀରହାଲି ହାଅତି □

୨୮ ନାନୁ ନାଞ୍ଜେ ଜୀଞ୍ଜୁତି ଜିରୁ ତସାମାଞ୍ଜାଦି, ଅଡେ ନାନୁ ନାଞ୍ଜେ ନୀ ନକିତା ରାହାଁତା ନେଞ୍ଜିକିୟାଦି □”

୨୯ “ଇସ୍ରାୟେଲତି ତାୟିୟାଁ ଅଡେ ତାଞ୍ଜିସ୍ମାତେରି, ମା ଆକୁ ଦାଞ୍ଜୁଦତି କାତା ନାନୁ ମିଞ୍ଜେ କାଜା ହାଡାତଲେ ଖେସାଲି ଆଡାଈ, ଇଚିହ ଏଞ୍ଜାସି ହାଡେସି ଇଞ୍ଜା ମୁସ୍‌ପି ଆଡେସି, ଇଞ୍ଜା ଏଞ୍ଜାଣି ମାହ୍‌ଣି ମାଣ୍ଡା ନୀଏଁ ପାଡେକା ଇମ୍ପାଆଁ ମା ବିଡ୍ରା ମାନେ □

୩୦ ରାଜା ଦାଞ୍ଜୁଦ ର ମାହାପୁରୁ ଅଣ୍ପୁତି ବଲୁ ଖେହନାସି ଲେହେଁ, ତାନି ନେତେରି ତଲେ ଜାନ ଆଡାଣାଈ ମାହାପୁରୁ ତାନି ସିଂଗାସାଣିତା କୁଗିକିହାଲି ତାନି ତାଣା ଆଞ୍ଜାମାଚେସି ଇଞ୍ଜୁ ପୁଞ୍ଜାମାଚେସି □

☆ ୨:୨୩ ୨:୨୩ ମାତି ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଜହ ୧୯:୧୮

☆ ୨:୨୪ ୨:୨୪ ମାତି ୨୮:୫,୬; ମାର୍କ ୧୭:୬; ଲୁକ ୨୪:୫

୩୧ ଦାସୁଦ ଇଦାଆଁ ପୁଞ୍ଜାମାଚାକି, କ୍ରୀସୁତି ଖେଣ୍ଡେ ନିଜିନି କାତା ଖେସାମାଚେସି □

“ଇଚିହିଁ ଏଞ୍ଜାସି ହାଡ଼ାରି ତାଣା ଡୟାଆତେସି; ଇଞ୍ଜା ଏଞ୍ଜାଣି ଆଜ୍ଞା ମାହୁଣି ମାଣ୍ଡାତା ସୀରୁଆତେ □”

୩୨ ମାହାପୁରୁ ଇ ଜୀସୁଇଁ ଅଡ଼େ ଖେଣ୍ଡେ ହାକିଟି ନିକ୍‌ହାମାନେସି ଇଦାଣି ତାକି ମାମୁ ବାରେ ସାକି □

୩୩ ଏଦାଆଁତାକି ଆବା ମାହାପୁରୁ ଜୀସୁଇଁ କାଜାସି କିହାନା ତାନି ଚିଃନିଞ୍ଜାକି କୁଟିକିହାନା ତାନିତଲେ ସାଲୁଞ୍ଜି କିହାଲି ହୀତେସି, ଇଞ୍ଜା ଏଞ୍ଜାସି ମାଜେ ଆଞ୍ଜାମାଟି ସୁଦୁଜୀଞ୍ଜୁ ହିୟାତେସି, ଇଦି ମୀରୁ ବାରେ ଆମିନିଗାଟାଣି ମେସିମାଞ୍ଜେରି ଇଞ୍ଜା ଖେଞ୍ଜିମାଞ୍ଜେରି □

୩୪ ଇଚିହିଁ ଦାସୁଦ ଲାକପୁରୁ ହାଜାହଲିଆତେସି; ଏଞ୍ଜାସି ତାନୁଏ ଖେସାମାଚେସି,

“ପ୍ରବୁ ନା ପ୍ରବୁଇଁ ଏଲେଇଚେସି;

୩୫ ନାନୁ ନୀ ସାତୁୟାଣି ନୀ କଡାୟାଁ ଡ଼ଇ ଇଟାଆ ପାତେକା,

ନାନୁ ନା ଚିଃନିଞ୍ଜାକି କୁଗାମାନାମୁ □”

୩୬ “ଇଦାଆଁତାକି ବାରେ ଇସାୟେଲତି ଲକୁ ସାତେଏ ପୁନାପେରି, ଇଚିହିଁ ଆମିନି ଜୀସୁଇଁ କୁସତା ପାୟିତେରି, ସାତେଏ ଏଞ୍ଜାଣାଇଁ ମାହାପୁରୁ, ପ୍ରବୁ ଅଡ଼େ ମସିହା ପାଣା ହୀତେସି □”

୩୭ ଇ କାତା ଖେଞ୍ଜାନା ଲକୁତି ହିୟାଁ ତୀହାହାଚେ, ଇଞ୍ଜା ଏଞ୍ଜାରି ପିତର ଅଡ଼େ ଏମ୍ବାଆଁ ମାଟି ପାଣୁଞ୍ଜି ଆଡ଼ାରାଇଁ ଏଲେଇଚେରି, “ତାୟିୟାଁ ମାମୁ ଏନାଆଁ କିନମି ?”

୩୮ ପିତର ଏଞ୍ଜାରାଇଁ ଏଲେଇଚେସି, “ମୀରୁ ମୀ ହିୟାଁ ଖେଟ୍‌ହା କଡାଦୁ, ଅଡ଼େ ଜାହାରା ପାପୁତି ମ୍ବେକ୍‌ହାଲି ବାରେଜାଣା ଜୀସୁ କ୍ରୀସୁ ଦରୁତଲେ ବାପ୍ରିସ୍ତାଁ ଅଦୁ; ଆତିହିଁ ଦେଁ ମୀରୁ ସୁଦୁଜୀଞ୍ଜୁତି ଦାନା ବେଟାଆଦେରି □

୩୯ ଇଚିହିଁ ମାହାପୁରୁ ଆଞ୍ଜାମାନାୟି ମିଜେତାକି, ଇଞ୍ଜା ମୀ ମୀରକା ମାସ୍‌କା ତାକି, ଅଡ଼େ ହେକତି ଏଚେକା ଲକୁ ମା ପ୍ରବୁ ମାହାପୁରୁ ତାନି ତାଣା ହାଟିନେସି, ଏ ବାରେ ଲକୁତାକି ଆନେ □”

୪୦ ଅଡ଼େ ପିତର ଏଞ୍ଜାରାଇଁ ହାରେକା କାତାତଲେ ବାଡ଼ିମାଲିହିଁ ଅଡ଼େ ଏଞ୍ଜାରାଇଁ ଜାପୁନି ହାଡ଼ା ଖେସିହିଁ ସାକି ହୀତେସି, “ଇ କୁଟୁଗାଟି କୁଡ଼ାତି ଲକୁଟିଏ ମୀରୁ ଗେଲପି ଆଦୁ □”

୪୧ ହାରେକା ଲକୁ ଏଞ୍ଜାଣି ହାଡ଼ା ନାମିତେରି ଇଞ୍ଜା ବାପ୍ରିସ୍ତାଁ ଅଡ଼େରି, ଅଡ଼େ ଏ ଦିନା ବାରେ ତାନି ମାଣା ଲକୁ କୁଲମି ତଲେ ଆଣ୍ଡିତେରି □

୪୨ ଏ ଦିନାଟିଏ ଏଞ୍ଜାରି ପାଣୁଞ୍ଜି ଆଡ଼ାରି ଜାପୁନି ତାଣା, ଏଞ୍ଜାରିତଲେ ଆଣ୍ଡାନା ରୁଟି ଡ଼ିକ୍‌ହାଲି, ପ୍ରାଡ଼ାନା କିହାଲି ଆଣୁଞ୍ଜି ଆହାଁ ଡ଼ୟିତେରି □

ନାମୁଗାଟାରି ମାଣ୍ଡକି

† ୨:୩୮ ୨:୩୮ ମୁଞ୍ଜିନାୟି ‡ ୨:୪୧ ୨:୪୧ ମୁଞ୍ଜିନାୟି ☆ ୨:୪୪ ୨:୪୪ କାମା ୪:୩୨-୩୫

୪୩ ପାଣୁଞ୍ଜି ଆଡ଼ାରି ତାଣାଟି ହାରେ ହାରେକା କାବାଆଡ଼ି କାମା ଇଞ୍ଜା ସିନାୟାଁ ତଞ୍ଜାଆହାଲି ମାଟ୍‌ହେ; ଅଡ଼େ, ଲକୁ ବାରେ ଆଜାଲି ମାଟ୍‌ହେରି □

୪୪ ✠ସାମା ବାରେ ନାମିତାରି, ଏଞ୍ଜାରି ବାରେଜାଣା ରଣ୍ଡିଏ ତାଣା ଡ଼ୟାନା ବାରେ ଦନତି ବାରେତାୟି ଇଞ୍ଜା ଅଣପିତେରି,

୪୫ ଅଡ଼େ ଏଞ୍ଜାରି ଜାହାରା ଦନତି ଆସ୍ତି ମାଟାଣି ପାରଗାନା, ଆମ୍ବାଆରାକି ଏନାୟି ଲଡ଼ାମାନେ, ଏଲେକିହିଁ ବାରେତାକି ବାଟିକିହାଁ ହୀହାଲି ମାଟ୍‌ହେରି □

୪୬ ଅଡ଼େ, ଏଞ୍ଜାରି ରଣ୍ଡିଏ ହିୟାଁ ଆହାଁ ବାରେଦିନା ପ୍ରାଡ଼ାନା ଇଲୁତା ରୁଣ୍ଡା ଆହାନା ଡ଼ୟିମାଚେରି, ଇଞ୍ଜା ଇଲୁତାକି ଇଲୁ ରୁଟି ଡ଼ିକ୍‌ହିଁ ରାହାଁ ଅଡ଼େ ହିଡ଼ଡ଼ି ହିୟାଁ ତଲେ ଡ଼ିଞ୍ଜି ଡ଼ଣ୍ଡିହିଁ,

୪୭ ମାହାପୁରୁତି ଜହରା କିହିମାଚେରି ଇଞ୍ଜା ବାରେ ଲକୁତି ଜୀଞ୍ଜୁ ନନାରି ଆହିମାଚେରି □ ଅଡ଼େ ପ୍ରବୁ ତାଣା ଗେଲପି ଆହିମାନି ଲକୁଣି ବାରେଦିନା କୁଲମି ତଲେ କାଲ୍‌ହାଲି ମାଟ୍‌ହେରି □

୩

ପିତର ସଟାଇଁ ନେହିଁ କିନାୟି

୧ ପିତର ଅଡ଼େ ଜହନ ର ଦିନା ପ୍ରାଡ଼ାନା କିନି କାରୁତା ଇଚିହିଁ ତାନି ଗଂଟା ବେଲାତା ପ୍ରାଡ଼ାନା ଇଲୁତା ହାଜିମାଚେରି □

୨ ଏଚିବେଲାତା ଜାର୍ନାଟିଏ ସଟା ରଅସି ଡ଼େକି କିଞ୍ଜି ଆହାଁ “ଅଜିତି” ଦରୁଗାଟି ଦୁଞ୍ଜେରିତା ଇଟ୍‌ଞ୍ଜି ଆହିମାଚେସି; ଇଞ୍ଜା ଏଞ୍ଜାସି ପ୍ରାଡ଼ାନା ଇଲୁତା ଞ୍ଜାଡ଼ି ଲକୁଣି ରୀସିମାଚେସି □

୩ ଅଡ଼େ ଏଞ୍ଜାସି ପିତର ଇଞ୍ଜା ଜହନଇଁ ପ୍ରାଡ଼ାନା ଇଲୁ ବିଡ଼ା ହାଜିମାନାଣି ମେସାନା ଏଞ୍ଜାରାଇଁ ରୀସାଲି ମାଟ୍‌ହେସି □

୪ ପିତର ଅଡ଼େ ଜହନ ଏଞ୍ଜାଣାଇଁ ଆଚେ ସିନିକିତେରି, ଇଞ୍ଜା ପିତର ଏଲେଇଚେସି “ମା ଞ୍ଜାକି ସିନିକିୟାମୁ □”

୫ ଏମ୍ବାଟିଏ ଏଞ୍ଜାସି ଏଞ୍ଜାରି ତାଣାଟି ଇଟାଣି ବେଟାଆହାଲି ଏଞ୍ଜାରି ଞ୍ଜାକି ସିନିକିତେସି □

୬ ସାମା ପିତର ଏଲେଇଚେସି, “ନା ତାଣା ବାଂଗାରା କି ଖେଣ୍ଡି ହିଲେଏ, ସାମା ନା ତାଣା ଏନାୟି ମାନେ ଏଦାଆଁ ହୀହିମାଞ୍ଜାଇଁ; ନାକ୍‌ରିତ ଜୀସୁ କ୍ରୀସୁ ଦରୁତଲେ ହୁକୁମି ହୀହିମାଞ୍ଜାଇଁ ନିଜ୍ଞାନା ତାକାମୁ!”

୭ ଅଡ଼େ, ଏଞ୍ଜାସି ଏଞ୍ଜାଣି ଚିଃନି କେମୁ ଆସାନା ଏଞ୍ଜାଣାଇଁ ନିକ୍‌ହେସି, ଏଚେଟିଏ ଏ ଦେବୁଣିଏ ଏଞ୍ଜାଣି କଡାୟାଁତି ହାନ୍ଦୁଲିକା ବାଡ଼ୁଆଦୁ;

୮ ଏଞ୍ଜାସି ଡ଼େଞ୍ଜି ଡ଼େଞ୍ଜି ତାନି କଡାତଲେ ନିତେସି, ଅଡ଼େ ତାକାଲି ମାଟ୍‌ହେସି □ ଏଚେଟିଏ ଏଞ୍ଜାସି ଏଞ୍ଜାରିତଲେ ପ୍ରାଡ଼ାନା ଇଲୁତା ତାକ୍‌ହିଁ ଅଡ଼େ ଡ଼େଞ୍ଜିହିଁ ଇଞ୍ଜା ମାହାପୁରୁଇଁ ଗାଞ୍ଜୁରମି କିହିଁ ହାଚେସି □

୯ ଏମାଆଁ ମାନି ଲକୁ ବାରେ ଏଞ୍ଜାଣି ତାକିନାଣି ଅଡ଼େ ମାହାପୁରୁତି ଗାଞ୍ଜୁରମି କିହିମାନାଣି ମେସ୍ତେରି;

୧୦ ଅଡ଼େ ଆମିନିଗାଟାସି ପ୍ରାତାନା ଇଲୁତି ଅଜିତି ଦୁଞ୍ଜେରିତା କୁଗାନା ରାସିମାଟେସି, ଏଞ୍ଜାସିଏ ଇଞ୍ଜାସି ଇଞ୍ଜୁ ପୁରେରି, ଏଞ୍ଜାଣାକି ଏନାଆଁ କିଞ୍ଜି ଆହାମାଟେ ଏଦାଆଁ ମେସାନା ଆତାଜାକା ଆହାନା କାବା ଆଡ଼େରି □

ପ୍ରାତାନା ଇଲୁତା ପିତର ଝେକ୍ନାୟି

୧୧ ଏଞ୍ଜାସି ପିତର ଇଞ୍ଜା ଜହନ ତଲେ ସଲମନତି ପିଣ୍ଡାତା ମାନାଣି ମେସାନା, ବାରେ ଲକୁ ଆତାଜାକା ଆହାନା ଏଞ୍ଜାରି ତାଗେ ହଟାଟେରି □

୧୨ ପିତର ଏଞ୍ଜାରାକ୍ ମେସାନା ଏଲେଇଟେସି, “ଇସାୟେଲ ଲକୁତେରି, ମୀରୁ ଏନାଆଁତାକି ଆତାଜାକା ଆହିମାଞ୍ଜେରି ? ମାମ୍ବୁ ମା ବାଡ଼ୁଲୁ କି ମାହାପୁରୁ ଆଜିତଲେ ଇଞ୍ଜାଣାକି ତାକାଲି ବାଡ଼ୁଲୁ ହାହାମାନମି, ଏଦାଆଁ ଅଣପାନା ମାଞ୍ଜେ ରଣ୍ଡିଏ ଅଣପୁ ତଲେ ଏନାଆଁତାକି ସିନିକିହିମାଞ୍ଜାଦେରି ?

୧୩ ଅବ୍ରାହାମ, ଇସାହାକ ଅଡ଼େ ଜାକୁବତି ମାହାପୁରୁ, ମା ଆକୁ ଆବାୟାତି ମାହାପୁରୁ, ତାନି ହଲେଏସି ଜୀସୁଇଁ ମାହାପୁରୁତି ଗାଞ୍ଜୁରମି ହାହାମାନେସି □ ସାମା ଜୀସୁଇଁ ମୀରୁଏ ସାଲୁଞ୍ଜି କିନାରି କେମୁତା ହେରପିତେରି, ଏତିବେଲା ପିଲାତ ଜୀସୁଇଁ ପିସାଲି ଅଣପା ମାଟିହୁଁ ଜିକେଏ, ଏଞ୍ଜାଣାକ୍ ମୀରୁ ପିଲାତ ନକିତା ଅପାଆଡେରି □

୧୪ ✽ଏଞ୍ଜାସି ସୁଦୁ ଅଡ଼େ ଦାମ୍ବୁଗାଟାସି ମାଟେସି, ସାମା ମୀରୁ ଏଞ୍ଜାଣାକ୍ ଅପାଆଡେରି, ଅଡ଼େ ଏଞ୍ଜାଣି ଟାମୁତା ର ଲକୁଣି ପାୟିନାଣାକ୍ ପିସାଲି ପିଲାତକ୍ ବାତିମାଲିତେରି,

୧୫ ଆମ୍ବାଆସି ଜୀଞ୍ଜୁତି ଜିରୁ ତହୁନାସି ଏଞ୍ଜାଣାକ୍ ମୀରୁ ପାୟିତେରି; ଏଞ୍ଜାଣାକ୍ ମାହାପୁରୁ ହାଡ଼ାରି ତାଣାଟି ନିକହାମାନେସି, ମାମ୍ବୁ ଲୁଦାଣି ସାକି □

୧୬ ଏଞ୍ଜାଣି ଦରୁତି ବାଡ଼ୁଲୁ ଇ ସଗାକ୍ ନେହୁଁ କିହାମାନେ, ମୀରୁ ଏନାଆଁ ମେସାନା ସାତା ଇଞ୍ଜୁ ପୁଞ୍ଜାମାଞ୍ଜେରି, ଏଞ୍ଜାଣି ଦରୁତଲେ ନାମିତାକି ଆହାମାନେ □ ଜୀସୁଇଁ ନାମିତାକି ଏଞ୍ଜାସି ନେହୁଁ ଆହାମାନେସି ଇଦାଆଁ ମୀରୁ ମେସାମାଞ୍ଜେରି □”

୧୭ “ଅଡ଼େ ନୀଏଁ ଇସାୟେଲତି ତାୟିୟାଁ ଅଡ଼େ ତାଜିସ୍ତାତେରି, ମୀ କାଜାରି ଏନିକ୍, ମୀରୁ ଜିକେଏ ଏଲେକ୍ ବୁଦି ହିଲାଆକି ଇଦାଆଁ କିହାମାନେରି ଇଞ୍ଜୁଁ ନାନୁ ପୁଞ୍ଜିମାକ୍ □

୧୮ ତଲି କାଲାଟିଏ ମାହାପୁରୁ ଅଣପୁତି ବଲୁ ଝେହ୍ନାରି ତାଣାଟି ମାହାପୁରୁ ଝେସାମାଟେସି ମସିହାତି ଦୁକୁ ପାଣନାୟି ମାନେ; ଏ ବାରେ ଏଞ୍ଜାସି ଇଲେକ୍ ପୁରା କିହାମାନେସି □

୧୯ ଇତିହୁଁ, ଏନିକ୍ ମୀ ପାପୁ ମେଣ୍ଡାକିନେ, ଏଦାଆଁତାକି ମନ ଝେଟହାନା ମାହାପୁରୁ ତାଣା ଝେଣ୍ଡା ଝାଦୁ,

୨୦ ପ୍ରୁ ତାଣାଟି ମୀରୁ ଜୀଞ୍ଜୁତି ବାଡ଼ୁଲୁ ବେଟାଆଦେରି, ମାହାପୁରୁ ମିଞ୍ଜେତାକି ତଲିଏ ଆଡ଼ାମାନି ମସିହା ଜୀସୁଇଁ ପାଣ୍ଡାନ୍ଦେସି □

୨୧ ବାରେ କାତାତି ଝେଣ୍ଡେ କିନାଣି ଆମିନି ବେଲାତି କାତା ତଲି କାଲାଟିଏ ମାହାପୁରୁ ତାନି ସୁଦୁ ମାହାପୁରୁ ଅଣପୁତି ବଲୁ ଝେହ୍ନାରି ତାଣାଟି ଝେକ୍ନା ମାଟେସି, ଏ କାଲା ଝାଆ ପାଡେକା ଏଞ୍ଜାଣାକି ସାତେଏ ଲାକପୁରୁ ହାଜାଲି ଆନେ □

୨୨ ମସା ଝେସାମାଟେସି, ‘ପ୍ରୁ ମାହାପୁରୁ ମୀ ତାୟିୟାଁ ବିତ୍ରାଟି ମିଞ୍ଜେତାକି ନା ଲେହେକି ର ମାହାପୁରୁ ଅଣପୁତି ବଲୁ ଝେହ୍ନାଣାକ୍ ନିକ୍ନେସି; ଏନା ଏନାଆଁ ମିଞ୍ଜେ ଝେସାନ୍ଦେସି, ଏ ବାରେ ମୀରୁ ଏଞ୍ଜାଣି କାତା ଝେଞ୍ଜେରି □

୨୩ ଆମିନିଗାଟାସି ମାହାପୁରୁ ଅଣପୁତି ବଲୁ ଝେହ୍ନାରି କାତା ନାମଅରି ଏଞ୍ଜାରି ମାହାପୁରୁତି ଲକୁ ତାଣାଟି ଏଟକା କିଞ୍ଜିଆନେରି ଅଡ଼େ ନାସା କିଞ୍ଜିଆନେରି □’

୨୪ ସାମୁୟେଲ ଇଞ୍ଜା ତାନି ତାୟିତି ଏଚରଜାଣା ମାହାପୁରୁ ଅଣପୁତି ବଲୁ ଝେହ୍ନାରି ଝେସାମାନେରି, ଏଞ୍ଜାରି ବାରେ ଇ କାଲାତା ଆହିମାନି କାତା ଝେସାମାନେରି □

୨୫ ମାହାପୁରୁତି ଆଞ୍ଜାମାନି ମାହାପୁରୁ ଅଣପୁତି ବଲୁ ଝେହ୍ନାରି ତାଣାଟି ମିଞ୍ଜେତାକି ନେହେ, ମାହାପୁରୁ ମୀ ଆକୁ ଆବାୟାଁ ତଲେ କିତି ରାଜିମାନା ମୀରୁ କିହିମାଞ୍ଜେରି □ ଏନିକ୍ ଏଞ୍ଜାସି ଅବ୍ରାହାମକ୍ ଏଲେଇଟେସି, ‘ନାନୁ ମୀ କୁଡ଼ାଟି ବାରେ ଦାରତିତି ଲକୁକି ବର ହାକ୍ □’

୨୬ ମାହାପୁରୁ ତଲିଏ ତାନି ହଲେଏଣାକ୍ ମିଞ୍ଜେତାକି ବାଟି କିହାନା ପାଣ୍ଡାତେସି, ଏନିକ୍ ଏଞ୍ଜାସି ମୀ ବାରେଜାଣା ତେରି ମିଞ୍ଜେ ଲାଗେଏ ଜିରୁଟି ଝେଟହାନା ବର ହିୟାନେସି □”



ପିତର ଅଡ଼େ ଜହନ ବେରଣିମାଣ୍ଡାତା

୧ ପିତର ଅଡ଼େ ଜହନ ଲକୁ ନକିତା ଝେସିମାଟି ବେଲାତା ପୂଜେରାଜା, ମାହାପୁରୁ ଇଲୁତି କାଜାରି ଇଞ୍ଜା ସାଦୁକିୟାଁ ଏଞ୍ଜାରି ନକିତା ଝାଡ଼େରି □

୨ ଏଞ୍ଜାରି କପା ଆହିମାଟେରି, ଇତିହୁଁ ପାଣ୍ଡୁଞ୍ଜି ଆହାମାନାରି ଲକୁଣି ଜାପୁହି ମାଟେରି, ଇଞ୍ଜା ଜୀସୁତି କାତା ଆସାନା ହାଡ଼ାରି ବିତ୍ରାଟି ଝେଣ୍ଡେ ନିଞ୍ଜିତି କାତା ଝେକ୍ନି ମାଟେରି □

୩ ଏତିବେଲା ମିଡ଼ଅଲା ଆହିମାଟେ, ଏଦାଆଁତାକି ଏଞ୍ଜାରି ସୀସୁୟାଁଣି ଦସପାନା ଅର ନେରୁ ପାଡେକା କାୟିଦି ଇଲୁତା ଇଟିତେରି □

✽ ୩:୧୪ ୩:୧୪ ମାଟି ୨୭:୧୫-୨୩; ମାର୍କ ୧୫:୬-୧୪; ଲୁକ ୨୩:୧୩-୨୩; ଜହ ୧୯:୧୨-୧୫

୪ ସାମା ଏଚେକା ଲକୁ ବଲୁ ଖେଚାରି ନାମିତେରି, ଇଞ୍ଜା ଖାରଇ ଆବାୟା ପାସାମାଣା ଆଡେତରି □

୫ ତାନି ଅର ଦିନା ଜୀହୁଦିକାତି କାଜାରି, ଇଞ୍ଜା ପ୍ରାଚିନାକ୍ଷା, ଜାପ୍ନାରି ଅଡେ ମେରାପୁନାରି ଜିରୁସାଲମତା କୁଡ଼ା ଆଡେତରି □

୬ ଏମ୍ବାଆଁ କାଜା ପୂଜେରା ହାନାନ, କୟାପା, ଜହନ, ଆଲେକ୍‌ଜାଣ୍ଡରତି କାଜା ପୂଜେରାକ୍ଷା କୁଡ଼ାତି ବାରେ ଲକୁ କୁଡ଼ା ଆଡେତରି □

୭ ଏଞ୍ଜାରି ପାଣ୍ଡୁ଼ି ଆଡାରାଇଁ ମାଦିଏ ନିପ୍‌ହାନା ଖେଚେରି, “ଏନିକିହିଁ କିତେରି ? ଏନି ବାଡ଼ୁଲୁ ଇଞ୍ଜା ଆମ୍ବାଆରି ଦରୁତଲେ ମୀରୁ ଇ ବାରେ କାମା କିହିମାଖେରି ?”

୮ ଏମ୍ବାଟିଏ ପିତର ସୁଦୁଜୀଞ୍ଜୁତା ନେଞ୍ଜାନା ଏଞ୍ଜାରାଇଁ ଏଲେଇଚେସି, “ଲକୁତି କାଜାତେରି ଇଞ୍ଜା ପ୍ରାଚିନାକ୍ଷାତେରି,

୯ ନୀଞ୍ଜୁ ମାମ୍ବୁ ସଗାକି କିହାମାନି ନେହିଁ କାମାତାକି ମୀରୁ ଖେଞ୍ଜି ମାଞ୍ଜାଦେରି, ଏଞ୍ଜାସି ଏନିକିହିଁ ନେହିଁ ଆଡେସି ଇଞ୍ଜି ପୁଞ୍ଜାଲି ଅଣ୍ଡିମାଖେରି,

୧୦ ଆତିହିଁ ମୀରୁ ବାରେଜାଣା ତେରି ପୁନିକାତା, ଇସ୍ରାୟେଲତି ବାରେ ଲକୁ ପୁନାୟିମାନେ, ଆମିନି ନାଜରିତ ଜୀସୁ କ୍ରୀସ୍ତାଇଁ ମୀରୁ କୁସତା ପାୟିତେରି, ଆମ୍ବାଆରାଇଁ ମାହାପୁରୁ ହାକିତି ନିକହାମାନେସି ଏ ଜୀସୁ ଦରୁତି ଇ ମାଣ୍ଡି ନେହିଁ ଆହାନା ମୀ ନକିତା ନିଚାମାନେସି □”

୧୧ ଜୀସୁ ରଅସିଏ, ଦାମ୍ବୁ ସାସ୍ତେରି ଖେସିମାଞ୍ଜାନେ, “ଇଲୁ କେପିନାତେରି ମୀରୁ, ମୀ ତାଣାଟି ଆମିନି ଖାଲି ଲାଗେଏତାୟି ଆହାମାଚେ, ସାମା ଆମିନାୟି କନତି କାଜା ଖାଲି ଆଡେ, ଏଞ୍ଜାସି ଏ ଖାଲି □”

୧୨ ଏଞ୍ଜାଣି ପିସ୍‌ପେ ଅଡେ ଆମ୍ବାଆରି ତାଣା ଗେଲ୍‌ପିନାୟି ହିଲେଏ; ଇରିହିଁ ଆମ୍ବାଆରି ତାଣାଟି ମାର ଗେଲ୍‌ପି ଆନାୟି ଆନେ, ହାଗୁ ଡ଼ଇ ମାଣ୍ଡିୟା ବିତ୍ତା ଏନି ଦରୁ ହୀପକି ଆହା ହିଲେଏ □

୧୩ ଏଞ୍ଜାରି ପିତର ଅଡେ ଜହନତି ସାସା ମେସାନା ଇଞ୍ଜା ଏଞ୍ଜାରି ଏନାଆଁ ପୁନାଆତାରି ଅଡେ ବୁଦି ହିଲାଆ ଲକୁ, ଇଦାଆଁ ପୁଞ୍ଜାନା ଆଡାଜାକା ଆହାହାଚେରି, ଇଞ୍ଜା ଏଞ୍ଜାରି ଜୀସୁତଲେ ମାଚେରି ଇଞ୍ଜି ପୁଚେରି,

୧୪ ସାମା ଏ ନେହିଁ ଆହାମାଚାସି ଜହନ ଇଞ୍ଜା ପିତର ତଲେ ନିଚାମାଚାଣି ମେସାନା ଏଞ୍ଜାରି କପାଟି ଏନାଆଁ ଜଲ୍‌ଲି ଆଡାଆତେରି □

୧୫ ତାମ୍ବୁ ଏଞ୍ଜାରାଇଁ ବେରଣି ମାଣ୍ଡାଟି ହଡ଼ା ହାଜାଲି ହୁକୁମି ହୀହାନା ଏଞ୍ଜାରି ତାମ୍ବୁ ତାମ୍ବୁ ଖେସ୍‌ପି ଆଡେରି

୧୬ “ଇ ଲକୁଣି ଏନାଆଁ କିନାୟି ?” ଏଞ୍ଜାରି ଏଲେଇଚେରି, “ଇରିହିଁ ଇଞ୍ଜାରି ତାଣାଟି କାବାଆନି କାମା କିଞ୍ଜିଆହାମାନେ, ଇଦି ଜିରୁସାଲମତି ବାରେଜାଣା

ନକିତା ତଞ୍ଜା ଆହାମାନେ, ଇଞ୍ଜା ମାର ଏଦାଆଁ ଆଏ ଇଞ୍ଜାଲି ଆଡାଆୟି;

୧୭ ସାମା ଇ କାତା ଲକୁତାଣା ଏନିକିଁ ଗାତି ଖେଚେଏ, ଏଦାଆଁତାକି ଏଞ୍ଜାରାଇଁ ଜୀସୁ ଦରୁ ଏଚେଲା ଆମ୍ବାଆରି ନକିତା ଆସାଲି ଏଞ୍ଜାରାଇଁ କାହିକିନାୟି ମାନେ □”

୧୮ ତାମ୍ବୁ ଏଞ୍ଜାରି ଜହନ ଅଡେ ପିତରଇଁ ହାଟାନା ଜୀସୁତି ଦରୁ ଖେହ୍‌ଆଦୁ କି ଜାପ୍‌ଆଦୁ ଇଞ୍ଜି ହୁକୁମି ହୀତେରି □

୧୯ ସାମା ପିତର ଅଡେ ଜହନ ଏଞ୍ଜାରାଇଁ ଏଲେଇଚେରି, “ମାହାପୁରୁ କାତା ଖେନିକିହିଁ ମୀ କାତା ଖେନାୟି ମାହାପୁରୁ ନକିତା ନେହେଁ କି ଆଏ, ଏଦାଆଁ ମୀରୁ ଅଣ୍ଡିପା କତାଦୁ □

୨୦ ଇରିହିଁ ମାମ୍ବୁ ଏନାଆଁ ମେସାମାନମି ଇଞ୍ଜା ଖେଞ୍ଜାମାନମି, ଏ ବାରେ ଖେହ୍‌ଆନା ଡ଼ୟାଲି ଆଡ଼ଅମି □”

୨୧ ସାମା ଏ ବେରଣି ମାଣ୍ଡାଚାରି ଏଞ୍ଜାରାଇଁ ଅଡେ ହାରେକା ଆଜି କିହାନା ପିସ୍ତେରି, ଏଞ୍ଜାରାଇଁ ତଣ୍ଡୁ ହୀହାଲି ଆଏ ଇଞ୍ଜି ଏଞ୍ଜାରି ପୁଚେରି, ଏନାଆଁତାକି ଇରିହିଁ ଏ କାମାତାକି ଲକୁ ବାରେ ମାହାପୁରୁଇଁ ଜହରା କିତେରି □

୨୨ ଇରିହିଁ ଆମିନିଗାଚାଣି ତାଣା କାବାଆନି ନେହିଁ କାମା କିଞ୍ଜି ଆହାମାଚେ, ଏଞ୍ଜାସି ରୀ କଡ଼ି ବାସାଟିଏ ଲାକ ମାଚେସି □

ପାଣ୍ଡୁ଼ି ଆହାମାନାରି ବାଡ଼ୁଲୁ ତାକି ପ୍ରାଚାନା

୨୩ ପିତର ଅଡେ ଜହନ ପିସ୍‌ପିଆଡ଼ି ଦେବୁଣିଏ ତାମି ତଣ୍ଡେସିକ୍ଷା ତାଣା ହାଚେରି ଇଞ୍ଜା କାଜା ପୂଜେରାକ୍ଷା ଅଡେ ପ୍ରାଚିନାକ୍ଷା ଏନାଆଁ ଖେସାମାଚେରି, ଏ ବାରେ ଏଞ୍ଜାରାଇଁ ଖେସ୍ତେରି □

୨୪ ଏଞ୍ଜାରି ଏଦାଆଁ ଖେଞ୍ଜାନା ରଣ୍ଡିଏ ହିୟା ତଲେ ମାହାପୁରୁ ନକିତା କାଜା ହାଡ଼ାତଲେ ପ୍ରାଚାନା କିହିଁ ଏଲେଇଚେରି, “ପ୍ରବୁ ନୀନୁ ହାଗୁ, ଦାର୍‌ତି, ସାମ୍‌ଦୁରି ଇଞ୍ଜା ଏ ବାରେ ତାଣା ମାନାଣି ବାରେ ଗାଡ଼ି କିହାମାଞ୍ଜି □

୨୫ ସୁଦୁଜୀଞ୍ଜୁ ତଲେ ନୀନୁ ମା ଆକୁ ଦାଞ୍ଜୁଦ ନୀ ହଲେଏଣା ଗୁଡ଼ିଟି, ଇ କାତା ଖେସାମାଚି;

‘ଜୀହୁଦିଆଆତାରି ଏନାଆଁତାକି କାର୍‌ବି ଆଡେତରି;

ଇଞ୍ଜା ଲକୁ ଏନାଆଁତାକି ଉଜେଏତାଣି ଅଣ୍ଡିପିତେରି ?

୨୬ ପ୍ରବୁ ଅଡେ ତାନି ବର ବେଟାଆହାମାନି ମସିହା କପାଟି, ଦାର୍‌ତିତି ରାଜାୟା ନିଜିତେରି,

ଇଞ୍ଜା ସାଲ୍‌ଞ୍ଜି କିନାରି କୁଡ଼ା ଆଡେତରି □”

୨୭ ଇରିହିଁ ନୀ ସୁଦୁଗାଟି ହଲେଏସି ଜୀସୁଇଁ ବର ହୀତି, ସାତେଏ ଏଞ୍ଜାଣି କପାଟି ହେରଦ ଅଡେ ପଡ଼ିୟ ପିଲାତ ଇ ରିଆରି ଜୀହୁଦିଆଆତାରି ଅଡେ ଇସ୍ରାୟେଲ ଲକୁତଲେ ଇ ଗାଡ଼ାତା ପାରୁ ପାରିତେରି,

୨୮ ମୀ ଅଣ୍ଡିପୁ ତଲେ ଏନାୟି ବାରେ ଗଟଞ୍ଜି ଆନେ ଇଞ୍ଜି ତଲିଟିଏ କିଞ୍ଜି ଆହାମାଚେ, ଏଦାଆଁ କିହାଲି କୁଡ଼ା ଆଡେତରି □

୨୯ ଅଡେ ନୀଏ, ଏ ପ୍ରବୁ, ଏଞ୍ଜାରି ମାଜେ ଆଜି କିହିମାଞ୍ଜାନାଣି ସିନିକିୟାମ୍ବୁ; ଅଡେ ନୀ ହଲିୟାକାଣି ହାରେକା ସାସାତଲେ ନୀ ବଲୁ ଖେସାଲି ବାଡ଼ୁଲୁ ହୀମ୍ବୁ,

୩୦ ଇଞ୍ଜା ଏଦାଆଁ ତଲେ ନୀ ସୁଦୁ ହଲେଏସି ଜୀସୁତି ଦରୁତଲେ ନେହଁ କିହାଲି ଅଡ଼େ ସିନାୟାଁ ଇଞ୍ଜା କାବାଆନ୍ତି କାମାୟାଁ କିହାଲିତାକି ନୀ କେୟୁ ଦାସା ଡୟାମ୍ବୁ □

୩୧ ଏଞ୍ଜାରି ପ୍ରାତାନା ରାପୁହି ତାୟୁ, ଆମିନି ଟାୟୁତା ରୁଣ୍ଡା ଆହାମାଚେରି, ଏଦି ଖୀଡ଼ିତେ □ ଇଞ୍ଜା ବାରେଜାଣା ସୁଦୁଜୀଝୁ ତଲେ ନେଜାନା ବାଡ଼ୟୁ ତଲେ ମାହାପୁରୁତି ବଲୁ ଝେକହାଲି ମାଟୁହେରି □

ନାମୁଗାଟାରି ଦନତି ସମାନା ବାଗା ବେଟାଆଡ଼େରି

୩୨ *ନାମୁଗାଟି ଲକୁ ରଣ୍ଡିଏ ହିୟାଁ ରଣ୍ଡିଏ ମନତଲେ ମାଚେରି; ଏଞ୍ଜାରି ବିତ୍ରାଟି ଆମ୍ବାଆରି ଜିକେଏ ତାମି ଦନତି ମାଦି ଇଞ୍ଜା ଅଣପି ହିଲାଆଡେରି, ସାମା ଏଞ୍ଜାରିଝାୟି ବାରେ ସମାନା ଇଞ୍ଜା ଅଣପିମାଚେରି □

୩୩ ପାଣ୍ଡୁଝି ଆହାମାନାରି ଗାତି ବାଡ଼ୟୁ ତଲେ ପ୍ରବୁ ଜୀସୁତି ଝେଣ୍ଡେ ନିଜିତି କାତା ଝେସାଲି ମାଟୁହେରି, ଇଞ୍ଜା ବାରେତି ଲାକ ମାହାପୁରୁତି ହାଡ଼େକା କାମା ମାଚେ □

୩୪ ଇଚିହଁ ଏଞ୍ଜାରି ବିତ୍ରା ଆମ୍ବାଆରାକି ଏନାୟି ଉଣା ଆହି ହିଲାଆଡେ, ଇଚିହଁ ଏଚେକା ଲକୁତି ବୁମି ଇଞ୍ଜା ଇଲକା ମାରୁ ପାରୁତି ମାଚେରି

୩୫ ଅଡ଼େ ପାଣ୍ଡୁଝି ଆଡ଼ାରି କଡ଼ାଁ ତୁଇକା ଏ ତାବୁୟାଁ ହାହିମାଚେରି, ଅଡ଼େ ବାରେ ଲକୁତାକି ତାମି ଲଡ଼ାମାନି ଲେହେଁ ଏ ତାବୁୟାଁ ବାଟିକିଝି ଆହିମାଚେ □

୩୬ କୁପ୍ର ଇନି ଟାୟୁତା ଜାର୍ନା ଆହାମାଟି ଲେବି କୃତାତି ଜସେପ, ଆମିନାଣାଲ୍ ପାଣ୍ଡୁଝି ଆଡ଼ାରି ବର୍ନବା ଇଞ୍ଜା ମାଚେରି, ଇ ଦରୁ ଅର୍ତ୍ତ “ବାସୁଁ ହାନାସି,”

୩୭ ଏଞ୍ଜାଣିଝାୟି ଇଚାୟି ବୁମି ମାଚେ, ଏଞ୍ଜାସି ଏଦାଆଁ ପାରୁତାନା ଏମ୍ବାତି ଟାକାୟାଁ ତାଚାନା ପାଣ୍ଡୁଝି ଆଡ଼ାରି କଡ଼ାୟାଁ ତୁଇ ଇଚିତେସି □



ହନନିୟ ଅଡ଼େ ସପିରା

୧ ହନନିୟ ଦରୁଗାଟାସି ରଅସି ମାଚେସି, ଏଞ୍ଜାସି ତାନି ତକ୍ତି ସପିରା ତଲେ ଇଚାଣି ବୁମି ପାରୁତେସି □

୨ ହନନିୟ ତାନି ତକ୍ତି ତଲେ ଏ ଟାକାୟାଁ ବିତ୍ରାଟି କଚେକା ତୁକୁହା ଇଚାନା କଚେକା ତାଚାନା ପାଣ୍ଡୁଝି ଆଡ଼ାରିକି ହାଡ଼େସି □

୩ ପିତର ଏଞ୍ଜାଣାଲ୍ ଏଲେଇଚେସି, “ହନନିୟ, ସୁଦୁଜୀଝୁ ନକିତା ମିଚି ଜଲ୍ଲାଲି ଇଞ୍ଜା ବୁମି ପାରୁତାନା କଚେକା ତୁକୁହା ଇଚାଲି ସୟତାନ ଏନାଆଁତାକି ମୀ ହିୟାଁତି ଲକହାମାନେ ?

୪ ପାରୁନି ନକେଏ ଏଦି ନୀ ଅଦିକାରାତା ହିଲାଆଡେ କି ? ପାରୁତି ତାୟୁ ଜିକେଏ ଏମ୍ବାତି ଟାକାୟାଁ ଜିକେଏ ନୀଝି ଆହାହିଲାଆଡୁ କି ? ଆଡିହଁ ନୀନୁ ଏନିକଁ ନୀ ହିୟାଁତା ଇ ଅଣ୍ଡୁ ଅଣ୍ଡପିତି ? ଏଦାଆଁ ନୀନୁ ମାଣସି

ନକିତା ମିଚି ଜଲ୍ଲାମାଞ୍ଜି ଏଦି ଆଏ, ସାମା ମାହାପୁରୁ ନକିତା ମିଚି ଜଲ୍ଲାମାଞ୍ଜି □”

୫ ହନନିୟ ଇ ହାଡ଼ା ଝେଣ୍ଡମ୍ବିଏ ତୁଇ ତରଗାନା ହାହାହାଚେସି; ଏମ୍ବାଆଁ ଏଚେକା ଲକୁ ଇ କାତା ଝେଚେରି, ଏଞ୍ଜାରି ବାରେ ହାଡ଼େକା ଆଜିତେରି □

୬ ଅଡ଼େ, ଦାଂଗଣାୟାଁ ବିତ୍ରା ଝାହାନା ହିମ୍ବୁରି ପୁାକହେରି ଇଞ୍ଜା ପାଙ୍ଗାତା ଅହାନା ମାହୁଣି ମାଣ୍ଡାତା ମୁସ୍ତେରି □

୭ ତାନି ଗଂଟା ତାୟୁ ତାନି ତକ୍ତି ଝାଡ଼େ, ସାମା ଏନାଆଁ ଆହାମାନେ, ଏଦାଆଁ ଏଦି ପୁଞ୍ଜା ହିଲାଆଡେ □

୮ ପିତର ଏଦାନି ଝେଚେସି, “ନୀନୁ ଅଡ଼େ ନୀ ତକ୍ତା ଇଚେକା ଟାକାୟାଁତାକି କି ମୀ ବୁମି ପାରୁତେରି ?” ଏଦି ଏଲେଇଚେ, “ହାଅ ଏଚେକା ତାକିଏ □”

୯ ପିତର ଏଦାନି ଏଲେଇଚେସି, “ପ୍ରବୁତି ଜୀସୁତି ତାୟିପାରି କିହାଲି ମୀରୁ ଏନାଆଁତାକି ରଣ୍ଡିଏ କାତା ଆଡ଼େରି ? ମେହ୍ମୁ ଆମିନି ଗାଟାରି ନୀ ତକ୍ତାଲ୍ ମୁସାନା ଝାହିମାନେରି, ଏଞ୍ଜାରି ଦୁଝେରିତା ଝାଡ଼େରିଏ, ଇଞ୍ଜା ଏଞ୍ଜାରି ନିଜେ ପାଙ୍ଗାତା ଡେକା ଅୟାନେରି □”

୧୦ ଏ କାତା ଝେଣ୍ଡମ୍ବିଏ ଏଦି ପିତର କଡ଼ାଁ ତୁଇ ତରଗାନା ହାହାହାଚେ, ଇଞ୍ଜା ଦାଂଗଣାୟାଁ ବିତ୍ରା ଝାହାନା ହାହାମାନାଣି ମେସ୍ତେରି ଇଞ୍ଜା ପାଙ୍ଗାତା ଡେକା ଅହାନା ତାନି ତକ୍ତା ଟଟତା ମୁସ୍ତେରି □

୧୧ ଏମ୍ବାଟିଏ ବାରେ କୁଲମି ଇଞ୍ଜା ଏଚେକା ଲକୁ ଇ ବାରେ କାତା ଝେଚେରି, ଏଞ୍ଜାରି ବାରେ ହାଡ଼େକା ଆଜିତେରି □

କାବାଆନ୍ତି ସିନାୟାଁ

୧୨ ପାଣ୍ଡୁଝି ଆଡ଼ାରି ତାଣାଟି ହାଡ଼େକା କାବାଆନ୍ତି କାମାୟାଁ ଅଡ଼େ ସିନାୟାଁ ଆହାଲି ମାଟୁହେ, ଇଞ୍ଜା ବାରେ ନାମିତାରି ରଣ୍ଡିଏ ଅଣ୍ଡୁ ତଲେ ସଲମନତି ପିଣ୍ଡାତା କୃଡ଼ା ଆହିମାଚେରି,

୧୩ ସାମା ଏଚକାତି ଲକୁ ଆମ୍ବାଆରି ଏଞ୍ଜାରିତଲେ କୃଡ଼ାଲି ସାସା କିହିହିଲାଆଡେରି; ଆଡିଜିକେଏ ଲକୁ ଏଞ୍ଜାରି ଗାଝୁରମି କିହିମାଚେରି,

୧୪ ଇଞ୍ଜା, ହାଡ଼େ ହାଡ଼େକା ଇୟାସିକା ଅଡ଼େ ଆବାୟାଁ ନାମାହାଁ ପ୍ରବୁ ତାଣା କୃଡ଼ାଲି ଆଣ୍ଡିତେରି,

୧୫ ପାଣ୍ଡୁଝି ଆଡ଼ାରି କାମା ଦିନାତାକି ଦିନା ପାତାଆଡେ, ଇଲାଆହଁ, କି ପିତର ଝାନ୍ତି ବେଲାତା ଏନିକଁ ତାନି ସାୟଁ ରଗ ଗାଟାରି ଲାକ ଆଡିନେ, ଏଦାଆଁତାକି ରଗ ଗାଟାରିଲ୍ ଆଂଗେଣିତା ଡେକା ତାଚାନା କାଚେଲି ଇଞ୍ଜା ପାୟପିନିତା ଇଚିମାଚେରି □

୧୬ ଜିରୁସାଲମତି ସାରିସୁଟୁ ଗାଡ଼ାୟାଁତି ହାଡ଼େକା ଲକୁ ରଗ ଗାଟାରିଲ୍ ଅଡ଼େ ବୁଡୁୟାଁ ଆଲଗିତାରିଲ୍ ତାଚିହଁ ଝାଡ଼େରି, ଅଡ଼େ ଏଞ୍ଜାରି ବାରେଜାଣା ନେହଁ ଆଡ଼େରି □

ପାଣ୍ଡୁଝି ଆଡ଼ାରିଲ୍ ସାସି

☆ ୪:୩୨ ୪:୩୨ କାମା ୨:୪୪,୪୫

୧୭ ଏଚେଟିଏ କାଜା ପୂଜେରାଜା ଅଡ଼େ ଏଝାଣି ବାରେ ତଡ଼ ଲୁକୁ ନାୟୁତି ସାଦୁକିୟା ଗଚିତାରି ପାଣ୍ଡୁଝି ଆଡ଼ାରାଇଁ ତାହାରା ଆହାନା ଏଝାରି କପାଟି ନିଜିତେରି □

୧୮ ଏଝାରି ପାଣ୍ଡୁଝି ଆହାନାନାରାଇଁ ଆସାନା କାୟିଦି ଇଲୁତା ଇଟିତେରି □

୧୯ ସାମା ଲାଆୟାଁ ବେଲାତା ପ୍ରବୁତି ର ଦୁତୁ କାୟିଦି ଇଲୁତି ଦାରାୟାଁ ବାରେ ଦେଚାତୁସ୍ତେ, ଇଞ୍ଜା ଏଝାରାଇଁ ପାଞ୍ଜାତା ତାଚାନା ଏଲେଇଚେ,

୨୦ “ହାକୁ, ଇଞ୍ଜା ମାହାପୁରୁ ଇଲୁତା ନିଚାନା ଲକୁଣି ଇ ଜାଝୁତି ବାରେ କାତା ଝେହ୍ଦୁ □”

୨୧ ଇ କାତା ଝେଞ୍ଜାନା ଏଝାରି ଲାକଅଲି ମାହାପୁରୁ ଇଲୁତା ହଡାନା ଜାପହାଲି ମାଟ୍‌ହେରି □

ଏମ୍ବାଟିଏ କାଜା ପୂଜେରାଜା ଅଡ଼େ ତାମି ତଣେସିଜା ଝାହାନା କୁଟମିତି କାଜାରାଇଁ ଅଡ଼େ ଇସାୟେଲ ଲକୁତି ପ୍ରାଚିନାଜାଣି ହାଟାନା କୁଡ଼ି କିତେରି; ଇଞ୍ଜା ପାଣ୍ଡୁଝି ଆଡ଼ାରାଇଁ ତାଚାଲି କାୟିଦି ଇଲୁତା ଲକୁଣି ପାଣ୍ଡୁଝିତେରି □

୨୨ ସାମା କାମାକିନାରି ହାଜାନା କାୟିଦି ଇଲୁତା ପାଣ୍ଡୁଝି ଆଡ଼ାରାଇଁ ବେଟାଆଆନା ଝେଣ୍ଡା ଝାହାନା ବେରଣି ମାଣ୍ଡାତାରାଇଁ ଝେସ୍ତେରି,

୨୩ “ମାମ୍ବୁ କାୟିଦି ଇଜ ହାଜାନା ସିନିକିତମି, କାୟିଦି ଇଲୁ ଦାରା ଆଟ୍‌ଝା ତଲେ ସୁଣ୍ଡୁଝିଆହାମାଚେ; ଇଞ୍ଜା ଦୁଝେରିକାଣା କାଟାମାଟି କସକା ନିଚାମାଚେରି, ସାମା ଦାରା ଦେଚାଲିଏ ବିତ୍ରା ଆମ୍ବାଆରାଇଁ ଜିକେଏ ବେଟାଆଆତମି □”

୨୪ ଇ ହାଡ଼ା ଝେଞ୍ଜାନା କାଜା ପୂଜେରାଜା ଅଡ଼େ ମାହାପୁରୁ ଇଲୁତି କସକା ମୁହେଁ କାଜାସି ପାଣ୍ଡୁଝି ଆଡ଼ାରାକି ଏନାଆଁ ଆଡ଼େ ଅଣ୍‌ପାନା ଏଝାରି କାତାତା ଆତାଜାକା ଆହାହାଚେରି □

୨୫ ଏଚିବେଲା ରଅସି ଝାହାନା ଏଝାରାଇଁ ଏଲେଇଚେସି, “ମେହ୍‌ଦୁ ମୀରୁ ଆମିନି ଗାଟାରାଇଁ କାୟିଦି ଇଲୁତା ଇଟାମାଚେରି, ଏଝାରି ମାହାପୁରୁ ଇଲୁତା ଜାପହାମାନେରି □”

୨୬ ଏଚେଟିଏ କସକା ମୁହେଁ କାଜାସି, କାମାକିନାରି ତଲେ ହାଜାନା ପାଣ୍ଡୁଝି ଆଡ଼ାରାଇଁ ଝେଣ୍ଡେ ହାଟା ତାଚେରି, ସାମା ବାଡ଼ୁୟୁ ତଲେ ଆଏ, ଇଚିହଁ ଲକୁ ଝାଲକାତଲେ ଝେଟାନେରି ଜିକେଏ ଇଞ୍ଜା ଆଜିମାଚେରି □

୨୭ ଏଝାରି ଏଝାରାଇଁ ତାଚାନା କୁଲମି ପାଞ୍ଜାତା ନିପ୍‌ହେରି, ଏମ୍ବାଟିଏ କାଜା ପୂଜେରା ଏଝାରାଇଁ ଝେଚେସି □

୨୮ ☆ “ଇ ମାଣ୍ଡୁସି ଦରୁତଲେ ଆମ୍ବାଆରାଇଁ ଜିକେଏ ଝେହ୍‌ଆଦୁ ଇଞ୍ଜା ମାମ୍ବୁ ଜାଣ୍ଡେ ହୁକୁମି ହାହାମାଞ୍ଜାତମି, ସାମା ସିନିକିଦୁ, ମୀରୁ ଏନାଆଁ କିହାମାଞ୍ଜେରି! ଜିରୁସାଲମତି ସାରିଝାକି ମୀରୁ ଏ କାତା ଜାପହା ମାଞ୍ଜେରି ଇଞ୍ଜା ଏଝାଣାଇଁ ନେତେରିତି ଦହ୍ ମା ମୁହେଁ ଏକହାଲି ଅଣ୍‌ପିମାଞ୍ଜେରି □”

୨୯ ସାମା ପିତର ଇଞ୍ଜା ଏଟକାଟି ପାଣ୍ଡୁଝି ଆହାମାନାରି ଏଲେଇଚେରି, “ମାଣ୍ଡୁସିୟାତି ହୁକୁମି ମାନି କିନି କିହାଁ ମାହାପୁରୁତି ହୁକୁମି ମାନି କିନାୟିମାନେ □

୩୦ ଆମିନି ଜାସୁଇଁ ମୀରୁ ପାସି ମୁଣ୍ଡାତା ଏକହାନା ପାୟାମାଚେରି, ମା ଆକୁ ଆବାୟାତି ମାହାପୁରୁ ଏଝାଣାଇଁ ଝେଣ୍ଡେ ନିକହାମାନେସି □

୩୧ ଇଞ୍ଜା ଏଝାସି ଏନିକଁ ଇସାୟେଲତି ମନ ଝେଟ୍‌ପି କିହାଁ ପାପୁ ମେଣ୍‌ଜି କିନେସି, ଏଡାଆଁତାକି ମାହାପୁରୁ ତାନି ଚିଝନି କେୟୁତଲେ ଏଝାଣାଇଁ କାଜାପାଣା ଇଞ୍ଜା ଗେଲ୍‌ପିନାଣା ଲେହେଁ କାଜାସି କିହାମାନେସି □

୩୨ ଅଡ଼େ, ମାମ୍ବୁ ଇ ବାରେତି ସାକି, ଇଞ୍ଜା ଆମିନି ସୁଦୁଜାଝୁଇଁ ମାହାପୁରୁ ତାନି ହୁକୁମି ମାନିଝି ଆନାରାକି ହାହାମାଞ୍ଜାନେସି, ଏଦି ଜିକେଏ ସାକି □”

୩୩ ଇ କାତା ଝେଞ୍ଜାନା କୁଟମିତି କାଜାରି ହାରେକା କାରବି ଆହାହାଚେରି, ଇଞ୍ଜା ଏଝାରାଇଁ ପାୟାଲି ତାକି କାତା ଆଚେରି □

୩୪ ସାମା ଗମଲିୟେଲ ଦରୁଗାଟି ର ମାନିଗାଟି ପାରୁସି, ଆମିନିଗାଟାସି ମସାତି ମେରା ଜାପ୍‌ନାସି ମାଚେସି, ଏଝାସି ବେରଣିମାଣ୍ଡାତା ନିଚାନା ପାଣ୍ଡୁଝି ଆହାମାନାରାଇଁ ଗାଡ଼କା ତାକି ପାଞ୍ଜାତା ପାଣ୍ଡୁଲି ହୁକୁମି ହୀତେସି □

୩୫ ଇଞ୍ଜା ଏଝାସି ଏଝାରାଇଁ ଏଲେଇଚେସି “ଏ ଇସାୟେଲ ଲକୁତେରି, ଇଝାରି ତାକି ମୀରୁ ଏନାଆଁ କିହାଲି ଅଣ୍‌ପିମାଞ୍ଜେରି, ଏ କାତାତା ଜାଗ୍ରାତା ଆହାମାଞ୍ଜୁ □

୩୬ ଇଚିହଁ ଇଦାଆଁ ନକେଏ ତିଝୁଦା ଇନାସି ହଡାନା ତାନୁ ର କାଜା ମାଣ୍ଡୁସି କିହା କଡିତେସି, ଇଞ୍ଜା ସାରି ଝାଞ୍ଜା ଲକୁ ଏଝାଣିତଲେ ଆଣ୍ଡିତେରି; ଏଝାସି ପାୟୁଝି ଆଚେସି, ଇଞ୍ଜା ଏଚେକା ଲକୁ ଏଝାଣି ତାଣା ବାସୁଁ କିହାମାଚେରି, ଏଝାରି ବାରେ ଇତାଲା ଆତାଲା ଆହାଁ ଏଦି କାମାତା ହାଆଚେରି □

୩୭ ଏ ଲକୁତି ଜେଟ ଲକୁଣି ଏଜିକିନି ବେଲାତା ଗାଲିଲିତି ଜୀହୁଦା ଇନାସି ହଡାନା ଲକୁଣି ତାନି ଝାକି ରେଜା ଅହାନା ତାନି ସାସୁୟାଁ କିତେସି; ଏଝାସି ଜିକେଏ ପାୟୁଝି ଆଚେସି, ଇଞ୍ଜା ଏଚେକା ଲକୁ ଏଝାଣି ଜେଟ ଆଣ୍ଡାମାଚେରି, ଏଝାରି ବାରେ ଇତାଲା ଆତାଲା ଆହାହାଚେରି □

୩୮ ଇଞ୍ଜା ନୀସଁ ନାନୁ ମିଜେ ଝେସିମାଞ୍ଜାଇଁ, ମୀରୁ ଇ ଲକୁଣି ଏନାଆଁ କିଆନା ଏଝାରାଇଁ ପିସାତୁହ୍‌ଦୁ, ଇଚିହଁ ଇ କାତା କି କାମା ମାଣ୍ଡୁସି ତାଣାଟି ଆହାମାନେ, ଇଚିହଁ ଏଦି ଉଜେଏ ଆନେ;

୩୯ ସାମା ଏଦି ମାହାପୁରୁ ତାଣାଟି ଆହାମାନେ, ଇଚିହଁ ମୀରୁ ଏଝାରାଇଁ ଜୀଣା ଆନି ସାସା ହିଲେଏ, ଇଚିହଁ ମୀରୁ ମାହାପୁରୁ କପାଟି ଜୁଜୁ କିହିମାଞ୍ଜେରି ଇଞ୍ଜା ତଞ୍ଜା ଆଦେରି □” ଏ ବାରେ କୁଟମି ଗମଲିୟେଲ କାତାଟି ଝେଚେରି □

୪୦ ଇଞ୍ଜା ପାଶୁଓି ଆତାରାଇଁ ବିଦ୍ରା ହାଟାନା ସାଟୁଣି ମାଡ଼ା
ଝେଟାନା ଜୀସୁ ଦରୁତି କାତା ଝେହୁଆଦୁ ଇଞ୍ଜା ହୁକୁମି
ହୀହାନା ପିସ୍ତେରି □

୪୧ ମାହାପୁରୁ ନକିତା ଏଝାରି ଜୀସୁ ଦରୁ ତାକି
ଲାଜା ବେଟାଆହାଲି ଜଟେ ଇଞ୍ଜା ଅଣ୍ଟାପାମାଚେରି,
ଏଦାଆଁତାକି ଏଝାରି ରାହାଁ କିହୁଁ କୁଟମି ବିଦ୍ରାଟି
ହଟାଝାଟେରି;

୪୨ ଅଡ଼େ, ଏଝାରି ଦିନାତାକି ଦିନା ମାହାପୁରୁ ଇଲୁତା
ଇଞ୍ଜା ଇଲୁତାକି ଇଲୁ ଜାପୁହାଲି ଇଞ୍ଜା ଜୀସୁଏ ମସିହା, ଇ
ନେହୁଁ କାରୁ ଝେକହାଲି ଉଣା ଆଆଡେରି □



ସାତା ଜାଣାତି କାମା ହେରପିନାୟି

୧ ଏମ୍ବାଟିଏ ସୀସୁୟାଁ ହାରେ ହାରେକା ଜାଣା ଆହାଲି
ମାଟୁହେରି, ଗ୍ରିକ୍ ଜଲିନି ଜୀହୁଦି ଲକୁ ଏବୁ ଜଲିନି
ନାମିତି ଲକୁଣି ଲାଜା କିହାଲି ମାଟୁହେରି, ଏଦାଆଁତାକି
ଇତିହୁଁ ଦିନାତାକି ଦିନା କାଦିକଣ୍ଡା ବାଟିକିନି ବେଲାତା
ରାଣ୍ଡେଣିସିକାକି ହୀହି ହିଲାଆଡେରି □

୨ ଏମ୍ବାଟିଏ ବାରଜାଣା ସୀସୁୟାଁ ବାରେ ନାମିତି ଲକୁଇଁ
ର ତାଣା କୁଡ଼ି କିହାନା ଏଲେଇଚେରି, “ମାହାପୁରୁତି ବଲୁ
ଝେକହାଲି ପିସାହାଁ ବାଟି କିହାଲି ହିକିତିହୁଁ ନେହେଁ ଆଏ
□

୩ ଇଦାଆଁତାକି ଏ ତାୟିୟାଁ ଅଡ଼େ ତାଜିସ୍ତା, ମୀ ବିଦ୍ରାଟି
ନେହାଁରି ଇଞ୍ଜା ଝେଜିତି ସୁଦୁଜୀଝୁ ତଲେ ନେଞ୍ଜାମାନି
ବୁଦିଗାଟି ସାତା ଜାଣାଇଁ ଆଟାଦୁ, ଏଝାରାକି ଇ ବାଟିକିନି
କାମା ହେରପାଦୁ □

୪ ଆତିହୁଁ ମାମ୍ବୁ ପ୍ରାତାନାତା ଇଞ୍ଜା ବଲୁ ଝେହୁନି ସେବା
କାମାତା ରଣ୍ଡିଏ ଅଣ୍ଟାପୁ ତଲେ ଡ଼ୟିନମି □”

୫ ଇ କାତା ବାରେ ଲକୁଡ଼ି କାନୁତା ନେହୁଁ ତଞ୍ଜାଆଡେ,
ଇଞ୍ଜା ଏଝାରି ନାମ୍ବୁ ଅଡ଼େ ସୁଦୁଜୀଝୁତା ନେଞ୍ଜାମାନି ସ୍ତ୍ରୀପାନ
ଦରୁ ଗାଟାଣାଇଁ ଇଞ୍ଜା ପିଲପ, ପ୍ରକର, ନିକାନର, ତିମନ,
ପାର୍ମନା, ଅଡ଼େ ଆନ୍ତିୟକିୟାତି ତଲି ଜୀହୁଦି ଦାମ୍ବୁତା
ଆଣ୍ଡାମାଟି ନିକଲାୟଇଁ ଆଟିଡେରି,

୬ ଏଝାରି ଏଝାରାଇଁ ପାଶୁଓି ଆଡ଼ାରି ତାଣା ତାଡେରି,
ଇଞ୍ଜା ଏଝାରି ଲାକ କେସ୍ତା ଇଟାନା ପ୍ରାତାନା କିଡେରି □

୭ ଏଚେଟିଏ ମାହାପୁରୁତି ବଲୁ ହାରେକା ଝେଜିଡେ,
ଇଞ୍ଜା ଜିରୁସାଲମତା ସୀସୁୟାଁ ହାରେକା ପାତାଆହାଲି
ମାଟୁହେରି; ଅଡ଼େ ପୂଜେରାଜା ବିଦ୍ରାଟି ହାରେକା ଜାଣା
କ୍ରୀସୁଇଁ ନାମାଲି ମାଟୁହେରି □

ବେରଣିମାଣ୍ଡାତା ସ୍ତ୍ରୀପାନ

୮ ସ୍ତ୍ରୀପାନ ମାହାପୁରୁତି କାର୍ମା ଇଞ୍ଜା ବାଡ଼ୁୟୁ
ବେଟାଆହାନା ଲକୁ ବିଦ୍ରା କାଜା କାଜା କାବାଆନି କାମା
ଅଡ଼େ ସିନାୟାଁ କିହାଲି ମାଟୁହେସି □

୯ ସାମା ଲିବର୍ଡନ, କୁରିଣି ଅଡ଼େ ଆଲେକ୍ଜାଣ୍ଡ୍ରିୟା
ଗାଡ଼ାୟାଁଣା ବାସା କିହାମାନି ଦରୁତା ଝେଜାମାନି ଜୀହୁଦି
ଲକୁଡ଼ି ପ୍ରାତାନା ଇଲୁଡ଼ି ଏଚେକା ଲକୁ ଅଡ଼େ କିଲିକିୟା

ଇଞ୍ଜା ଆସିୟା ଦେସାତି ଏଟକା ଜୀହୁଦିକା ନିଜାନା ସ୍ତ୍ରୀପାନ
ତଲେ ବାଦିବାଦା ଆଡେରି □

୧୦ ସାମା ଏଝାସି ଆମିନି ସୁଦୁଜୀଝୁ ଅଡ଼େ ବୁଦିତଲେ
ଜଲିମାଚେସି, ଏଝାରି ଏ କାତାତି ଝେଣ୍ଡେ ଜଲାଲି ସାସା
କିହିହିଲାଆଡେରି □

୧୧ ଏଚେଟିଏ ଏଝାରି ଏଚରଜାଣାତି ମାଡ଼ଓି କିହାନା
ଏଲେଇଞ୍ଜି ଝେସାଲି ଜାପୁହେରି, “ମାମ୍ବୁ ଇଝାଣି ତାଣାଟି
ମସା ଅଡ଼େ ମାହାପୁରୁ ନିନ୍ଦା କାତା ଜଲିମାଚାଣି
ଝେଞ୍ଜାମାନମି □”

୧୨ ଅଡ଼େ, ଏଝାରି ବାରେ ଲକୁଣି, ଇଞ୍ଜା ପ୍ରାଟିନାଜାଣି
ଅଡ଼େ ମେରା ପୁନାରାଇଁ କାର୍ବି କିହାନା ଏଝାଣାଇଁ ବାଡ଼ୁୟୁ
ତଲେ ଆସାନା ବେରଣିମାଣ୍ଡାତା ତାଡେରି,

୧୩ ଇଞ୍ଜା ମିଟି ସାକି ହୀନାରାଇଁ ନିପହାନା; ଏଝାରାଇଁ
ଏଲେଇଚେରି, “ଇଝାସି ଇ ସୁଦୁ ପ୍ରାତାନା ଇଲୁ ଇଞ୍ଜା ମସା
ମେରାତି କପାଟି ଜଲାଲି ଉଣା ଆହିହିଲଅସି,

୧୪ ଇତିହୁଁ ନାଜରିତ ଜୀସୁ ମାହାପୁରୁ ଇଲୁଡ଼ି
ମ୍ଲେକ୍ନେସି, ଇଞ୍ଜା ମସା ମାଜେ ଆମିନି ମେରା
ହୀହାମାଞ୍ଜାନେସି, ଏ ବାରେ ତିରିମ୍ବୁପନେସି ଇଞ୍ଜା
ଝେସିମାଚାଣି ମାମ୍ବୁ ଝେଞ୍ଜାମାନମି □”

୧୫ ଏଚିବେଲା ବେରଣିମାଣ୍ଡାତା କୁଗାମାଟି ବାରେ ଲକୁ
ସ୍ତ୍ରୀପାନଇଁ ଆଟେ ସିନିକିଡେରି, ଏଝାଣି ମ୍ବୁଦୁଡ଼ୁତି ମ୍ବୁ
ଲେହେଁ ଉଜେଡ଼ି ତଞ୍ଜାଆଡେ □



ସ୍ତ୍ରୀପାନ ଝେହୁନାୟି

୧ ଏଚେଟିଏ କାଜା ପୂଜେରା ସ୍ତ୍ରୀପାନଇଁ ଝେଚେସି, “ଇ
ବାରେ କାତା ସାତା କି ?”

୨ ସ୍ତ୍ରୀପାନ ଏଲେଇଚେସି, “ତାୟିୟାଁ ଅଡ଼େ
ଆବାୟାଡେରି ଝେଞ୍ଜୁ! ମା ଆବା ଅବ୍ରାହାମ ହାରଣତା
ବାସାଆନି ନକେଏ ଏଚିବେଲା ଏଝାସି ମେସପଟାମିୟାଁ
ଦେସାତା ମାଚେସି, ଏଚିବେଲା ଗାଝୁରମିଗାଟି ମାହାପୁରୁ
ଏଝାଣାଇଁ ତଞ୍ଜାଆଡେସି,

୩ ଅଡ଼େ ଏଲେଇଚେସି ‘ନୀନୁ ମୀ ଇଲୁ କୁଟମି ଇଞ୍ଜା ମୀ
ଦେସାଟି ହଟା ଝାମ୍ବୁ, ଇଞ୍ଜା ନୀନୁ ଏମିନି ଦେସା ତସ୍ତାଇଁ ଏ
ଦେସାତା ହାଲାମ୍ବୁ □’

୪ ଏଚେଟିଏ ତାନି କଲ୍ଦୟିୟାଁ ଦେସାଟି ହଟାଝାହାନା
ହାରଣତା ବାସା କିଡେସି, ଇଞ୍ଜା ଅବ୍ରାହାମଟି ଆବା ହାଡ଼ି
ତାୟୁ ଏମ୍ବାଟିଏ ମୀରୁ ନୀଏଁ ଆମିନି ଦେସାତା ବାସା
କିହାମାଞ୍ଜେରି, ମାହାପୁରୁ ଏ ଦେସାତା ଏଝାଣାଇଁ ତାଟିହୁଁ
ଝାଡେସି,

୫ ଅଡ଼େ, ମାହାପୁରୁ ଅବ୍ରାହାମକି ଏମ୍ବାଆଁ ଏନି ଅଦିକାରା
ହୀଆଡେସି, ଅଡ଼େ ର ପାଝୁଲି ଓହ୍ଲିନି ବୁମିଗାରି ଜିକେଏ
ହୀଆଡେସି, ଇଞ୍ଜା ଏଚିବେଲା ଏଝାଣାକି ପଦି ପଡ଼ା
ହିଲାଆତି ଜିକେଏ ଏଝାସି ଏଝାଣାଇଁ ଇଞ୍ଜା ତାନି ଝାହିମାନି
କୁଡ଼ାତାରିକି ଏଦାଆଁ ଅଦିକାରା କିହାଲିତାକି ହୀଇଁ ଇଞ୍ଜା
ଆଞ୍ଜିଡେସି □

୭ ଇଞ୍ଜା ମାହାପୁରୁ ଇଲେଇଞ୍ଜିଁ ଖେସ୍ତେସି, ‘ତାନି କୁଡ଼ାତାରି ଏଟକା ଦେସାତା ବାସା କିନେରି ଇଞ୍ଜା ଏ ଟାୟୁତି ଲକୁ ଏଞ୍ଜାରାଇଁ ସାରି ଖାଞ୍ଜା ବାର୍ଯା ପାତେକା ହଲିୟାଙ୍ଗା କିହା ଏଞ୍ଜାରାଇଁ ଖେଟି କାମା କିଞ୍ଜି କିହାନା ସାସ୍ତି ହାନେରି □’

୭ ଅଡ଼େ ମାହାପୁରୁ ଏଲେଇଚେସି, ନାନୁ ଏଞ୍ଜାରାଇଁ ହଲିୟା କାମା କିଞ୍ଜିକିନାରାଇଁ ବିଚାରା କିଇଁ; ଅଡ଼େ ତାୟୁ ମୀ କୁଡ଼ାତାରି ଏ ଦେସାଟି ହଟା ଖାନେରି ଅଡ଼େ ଇ ଟାୟୁତା ନାଙ୍ଗେ ପ୍ରାତାନା କିୟାନେରି □

୮ ଅଡ଼େ ମାହାପୁରୁ ଅବ୍ରାହାମକି ତଲୁ ଦାଃନି ରାଜିମାନା ସିନାତି ହୀତେସି, ଇଞ୍ଜା ଏଲେକିହଁ ଏ ଅବ୍ରାହାମ ଇସାହାକଇଁ ଜାନଁ କିହାନା ଆଟାଦିନା ଆହାଲିଏ ଏଞ୍ଜାଣି ତଲୁ ଦାଡ଼େସି; ଇସାହାକ ଜାକୁବଇଁ, ଅଡ଼େ ଜାକୁବ ବାରଜାଣା ଖେଙ୍ଗିତି ଆକୁ ଆବାୟାଣି ଜାନଁ କିହାନା ତଲୁ ଦାପିକିତେସି □”

୯ “ଜାକୁବ ମୀରଏସି ଜସେପଇଁ ତାନି ତାୟିୟାଁ ତାହାରା ଆହାନା ମିସର ଦେସାତା ଅଞ୍ଜିଆୟାଲି ଏଞ୍ଜାଣାଇଁ ପାର୍ତେରି; ସାମା ମାହାପୁରୁ ଏଞ୍ଜାଣିତଲେ ମାଚେସି,

୧୦ ଅଡ଼େ ବାରେ କସ୍ତୁଟି ଜସେପଇଁ ଗେଲ୍‌ପାହାଁ ମିସରତି ପାର ରାଜା ନକିତା ମାହାପୁରୁ କାର୍ମା ତସାହାଁ ବୁଦି ହୀତେସି; ଏମ୍ବାଟିଏ ପାର ଜସେପଇଁ ମିସର ଦେସା ଇଞ୍ଜା ତାନି ଇଲୁତି ସାଲ୍‌ଞ୍ଜି କିହାଲି ଅଦିକାରା ହୀତେସି □

୧୧ ତାୟୁ ମିସର ଇଞ୍ଜା କିଶାନ ଦେସାତା କାର୍‌ଞ୍ଜୁ କାଡ଼ାରା ଆଡ଼େ, ଲକୁ ହାରେକା କସ୍ତୁ ଆଡ଼େରି, ମା ଆକୁ ଆବାୟାଁ ତିଞ୍ଜାଲି କାଦିକଣ୍ଡା ବେଟାଆଆଡ଼େରି,

୧୨ ସାମା ମିସର ଦେସାତା ଆର୍ନା ମାନେ ଇଞ୍ଜିଁ ଖେଞ୍ଜାନା, ଜାକୁବ ତାନି ମୀରକା ଇତିହଁ ମା ଆକୁ ଆବାୟାଁଣି ତଲିଏ ପାଣ୍ଡିତେସି □

୧୩ ଏଞ୍ଜାରି ଅର ଦେବା ହାଜାଲିଏ ଜସେପ ତାନି ତାୟିୟାଁ ତାଣା ପୁଣ୍ଡି କିହା କଡ଼ିତେସି, ଇଞ୍ଜା ମିସରତି ରାଜା ପାର ଜସେପ କୁଡ଼ାତାରି ଇଞ୍ଜିଁ ପୁରେସି □

୧୪ ଏମ୍ବାଟିଏ ଜସେପ ତାନି ଆଡ଼ା ଜାକୁବ ଇଞ୍ଜା ତାନିକଡ଼ି ପନ୍ଦର ଜାଣା ତାନି କୁଟମିତି ହାଟାଲି ପାଣ୍ଡିତେସି,

୧୫ ଏମ୍ବାଟିଏ ଜାକୁବ ମିସର ଦେସାତା ହାଚେସି; ଇଞ୍ଜା ଏଞ୍ଜାସି ଅଡ଼େ ତାନି ମୀରକା ଏମ୍ବାଆଁ ହାଡ଼େରି □

୧୬ ଇଞ୍ଜା ଏଞ୍ଜାରି ମାଡ଼ହା ସିକିମତା ଅଞ୍ଜିଆଡ଼େ, ଇଞ୍ଜା ଅବ୍ରାହାମ ଏମ୍ବାଆଁ ହମର ମୀରକା ତାଣାଟି ଆମିନି ମାହାଣି ମାଣ୍ଡା ଟାକାୟାଁ ହାହାଁ କତାମାଚେସି, ଏମ୍ବାଆଁ ମୁସ୍‌ପି ଆଡ଼େରି □”

୧୭ “ସାମା, ମାହାପୁରୁ ଅବ୍ରାହାମ ନକିତା ଆଞ୍ଜାମାତି ଲେହେଁ, ଏ ଆଞ୍ଜାମାନାୟି ପୁରା ଆନି କାଲା ଖାହାଲିଏ ମା ଲକୁ ମିସର ଦେସାତା ହାରେକା ଗାଡ଼ି ପାଡ଼ା ଆଡ଼େରି □

୧୮ ତାୟୁ ମିସର ଦେସାତା ଅଡ଼େ ର ରାଜା ଆଡ଼େସି, ଏଞ୍ଜାସି ଜସେପଇଁ ପୁଞ୍ଜା ହିଲାଆଡ଼େସି □

୧୯ ଏଞ୍ଜାସି ମା ଆକୁ ଆବାଣି ଖେପିକିତେସି ଅଡ଼େ ସାସ୍ତି ହୀତେସି, ତାନି କକାରି ହାପାରିଖା ଇଞ୍ଜିଁ ଇଲୁଟି

ପାଙ୍ଗାତା କୁଡ଼ୁସାଲି ହୁକୁମି ହୀତେସି □

୨୦ ଏଚିବେଲାତା ମସା ଜାର୍ନା ଆଡ଼େସି, ଏଞ୍ଜାସି ମାହାପୁରୁ ନକିତା ହାରେକା ଅଜିତାସି ଇଞ୍ଜା ତାନି ଲେଞ୍ଜୁ ପାତେକା ତାନି ଆଡ଼ା ଇଜ ପହିକିଞ୍ଜି ଆଡ଼େସି □

୨୧ ତାୟୁ ଏଚିବେଲା ଏଞ୍ଜାସି ପାଙ୍ଗାତା ମେଡ଼ପି ଆଡ଼େସି, ଏଚିବେଲା ପାର ରାଜା ମାଙ୍ଗା ଏଞ୍ଜାଣାଇଁ ଅହାନା ତାନି ମୀରଏଣା ଲେହେଁ ପହିକିତେ □

୨୨ ଅଡ଼େ ମସା ମିସର ଲକୁତି ବାରେ ବୁଦି ଜାପାନା କାତାତା ଅଡ଼େ କାମାତା ଖେଙ୍ଗିତେସି □”

୨୩ “ମସାକି ରୀ କଡ଼ି ବାର୍ଯା ଆୟାଲିଏ ତାନି ତାୟିୟାଁ ଇତିହଁ ଇସ୍ରାୟେଲ ଲକୁତି ମାସ୍‌କା ମୀରକାଣି ଏନିକିହଁ ଲେମ୍‌ଞ୍ଜି ଆହିମାନେ ଇଞ୍ଜିଁ ପୁଞ୍ଜାଲି ଅଣପିତେସି □

୨୪ ଏଞ୍ଜାସି ରଅଣାଇଁ ମିସରତାସି ଗଡ଼ହା କିହିମାଚାଣି ମେସ୍ତେସି, ଏଞ୍ଜାଣାଇଁ ସାୟେମି କିହାଲି ହାଚେସି ଅଡ଼େ ବାଦୁଲି ଅହାନା ଏଞ୍ଜାଣାଇଁ ପାୟିତେସି □

୨୫ ଏଞ୍ଜାଣି କେୟୁଟି ମାହାପୁରୁ ତାନି ତାୟିୟାଁଣି ଗେଲ୍‌ପି ମାନେସି, ଇଦାଆଁ ଏଞ୍ଜାରି ପୁଞ୍ଜାଲି ଆଡ଼ିନେରି ଇଞ୍ଜିଁ ଅଣପିମାଚେସି, ସାମା ଏଞ୍ଜାରି ପୁଞ୍ଜାଲି ଆଡ଼ାଆଡ଼େରି □

୨୬ ତାନି ଅର ଦିନା ଇସ୍ରାୟେଲ ଲକୁ ରିଆରି ମାଡ଼ା ଆହିମାଚାଣି ମେସ୍ତେସି, ଇଞ୍ଜା ଏଞ୍ଜାରାଇଁ ଆଣ୍ଡୁଞ୍ଜି କିହାଲି ମାଦି ଆହାଁ ଏଲେଇଚେସି, ‘ଆଡ଼େ, ମୀରୁଡ଼ ଇସ୍ରାୟେଲ ତାୟିୟାଁତେରି; ଏଦାଆଁତାକି ଇଲେଆହଁ ଗଡ଼ହା ଆହିମାଞ୍ଜେରି?’

୨୭ ସାମା ଆମିନିଗାଟାସି ପାଡ଼ିତାଣାଇଁ ଲାଗେଏ କିହିମାଚେସି, ଏଞ୍ଜାସି ମସାଲ୍ ମେଡ଼ାନା ଏଲେଇଚେସି, ‘ଆମ୍ବାଆସି ନିଙ୍ଗେ ମା ଲାକ ସାଲ୍‌ଞ୍ଜି କିହାଲି ଅଡ଼େ ନୀହାୟି କିହାଲି ହିୟାତେସି?’

୨୮ ‘ରେଃଏନି ଏନିକଁ ମିସର ତାଣାଇଁ ପାୟାମାତି, ଏଲେକିହଁ କି ନାନୁ ନାଙ୍ଗେ ପାୟାଲି ଅଣପିମାଞ୍ଜାଦି?’

୨୯ ଇ କାତା ଖେଞ୍ଜାନା ମସା ମିଦିୟନ ଦେସାତା ହାଜାନା ବାସା କିତେସି; ଇଞ୍ଜା ଏମ୍ବାଆଁ ରୀ ମୀରକା ଜାର୍ନା ଆଡ଼େରି □”

୩୦ ତାୟୁ ରୀ କଡ଼ି ବାର୍ଯା ଆୟାଲିଏ, ସିନୟ ହରୁ ତାଗେତି ଜାଡ଼ାତା ର ବୁଡୁ ର ବୁଟାତା ହିରୁ ଡ଼ାଞ୍ଜାନା ତଞ୍ଜାଆଡ଼େସି □

୩୧ ମସା ଏଦାଆଁ ମେସାନା ଆତାଜାକା ଆଡ଼େସି, ଇଞ୍ଜା ନେହଁକଁ ସିନିକିହାଲି ତାଗେ ହାଜିମାତି ବେଲାତା ପ୍ରବୁତି ଇ ହାଡ଼ା ଖେଚେସି,

୩୨ “ନାନୁ ମୀ ଆକୁ ଆବାୟାଁ ମାହାପୁରୁ, ଅବ୍ରାହାମତି, ଇସାହାକ ଅଡ଼େ ଜାକୁବତି ମାହାପୁରୁ” ଏଚେଟିଏ ମସା ଆଜିତାକି ନେହଁକଁ ସିନିକିହାଲି ସାସା କିଆଡ଼େସି □

୩୩ ପ୍ରବୁ ଏଞ୍ଜାଣାଇଁ ଏଲେଇଚେସି, “ନୀ କଡ଼ାତି ସେପୁୟାଁ ହୁକୁମି, ଇତିହଁ ନାନୁ ଆମିନି ଟାୟୁତା ନିଚାମାଞ୍ଜି ଏଦି ସୁଡୁଗାଟି ଟାୟୁ □

୩୪ ମିସରତା ନା ଆମିନି ଲକୁ ମାନେରି, ନାନୁ ଏଞ୍ଜାରି କସ୍ତୁ ମେସାମାଇଁ, ଅଡ଼େ ଏଞ୍ଜାରି ଡ଼ାହିମାନାଣି ଖେଞ୍ଜାମାଇଁ,

ଇଞ୍ଜା ଏଞ୍ଜାରାଇଁ ଗେଲ୍‌ପାଲି ରେଟା ଖାହାମାଇଁ; ଇଞ୍ଜା ନୀର୍ବ୍ୟ ଖାମୁ ନାନୁ ନିଙ୍ଗେ ମିସର ଦେସାତା ପାଣ୍ଡାଇଁ ।”

୩୫ “ମସାଇଁ ଇସ୍ରାୟେଲତି ଲକୁ ଅପାଆତେରି । ଏଞ୍ଜାରି ଏଞ୍ଜାଣାଇଁ ଏଲେଇରେରି, ‘ମାଙ୍ଗେ ସାଲୁଞ୍ଜି କିହାଲି ଅଡେ ନୀହାୟି କିହାଲି ଆମ୍ବିଟି ଅଦିକାରା ବେଟାଆଡି ? ଏଞ୍ଜାଣାଇଁ ମାହାପୁରୁ ଲକୁଣି ସାଲୁଞ୍ଜି କିହାଲି ଅଡେ ମୁକଲୁଞ୍ଜି କିହାଲି ଦୁତୁଡି ସାୟେମି ତଲେ ହିରୁ ଡଞ୍ଜିମାନି ବୁଟାତା ତଞ୍ଜାଆହାନା ପାଣ୍ଡାତେସି ।”

୩୬ ଏଞ୍ଜାସି ଲକୁଣି ମିସର ଦେସାଟି, ସୁପ ସାମ୍‌ଦୁରି, ଇଞ୍ଜା ରୀ କଡ଼ି ବାସୀ ପାତେକା ବାଟାତା ହାରେକା କାବାଆନି କାମା ଅଡେ ସିନାୟାଁ ତସାହାଁ ଏଞ୍ଜାରାଇଁ ହପ୍‌ହା ତାତେସି ।”

୩୭ ଏ ମସା ତାନୁଏ ଇସ୍ରାୟେଲ ମୀରକାଣି ଏଲେଇରେସି, ମାହାପୁରୁ ମୀ ତାୟିୟାଁ ବିତ୍ରାଟି ମିଙ୍ଗେତାକି ନା ଲେହେକି ର ମାହାପୁରୁ ଅଣ୍‌ପୁଡି ବଲୁ ଖେହ୍‌ନାଣାଇଁ ହିୟାନେସି ।”

୩୮ ଏ ମସା ବାଠଲି ବାଟାତା କୁଡ଼ା ଆହାମାନି ଇସ୍ରାୟେଲ ଲକୁତଲେ ମାରେସି । ସିନୟ ହରୁତା ତାନିତଲେ କାତା ଆହିମାଟି ଦୁତୁ ଇଞ୍ଜା ମା ଆକୁ ଆବାୟାଁ ବିତ୍ରା ମାଦିତାସି ମାରେସି; ଏଞ୍ଜାସି ମିଙ୍ଗେ ହାହାଲିତାକି ମାହାପୁରୁ ତାଣ୍ଡାଟି ଜୀଞ୍ଜୁଡି ବଲୁ ବେଟାଆଡେସି ।”

୩୯ “ସାମା ମା ଆକୁ ଆବାୟାଁ ଏଞ୍ଜାଣି କାତା ଆହିଆନା ଏଞ୍ଜାଣାଇଁ ଅପାଆତେରି, ଅଡେ ମିସର ଦେସାତା ଖେଣ୍ଡା ହାଜାଲି ମନ କିତେରି,

୪୦ ଏଦାଆଁତାକି ଏଞ୍ଜାରି ହାରଣାଇଁ ଏଲେଇରେରି । ‘ମା ନକି ନକିତା ହାଜାଲି ମାଙ୍ଗେତାକି ପେଣ୍‌କାଣି କେପାମୁ, ଇତିହ ମାଙ୍ଗେ ମିସର ଦେସାଟି ହପ୍‌ହା ତାତାତି ମସାକି ଏଦାଆଁ ଆଡେ ମାମୁ ପୁଞ୍ଜାହିଲଅମି ।”

୪୧ ଅଡେ, ଏତିବେଲାତା ଏଞ୍ଜାରି ର କଡ଼ି ଡାଲୁଡି ବମା କେପାନା ଏ ବମା ତାକି ପୂଜା ହାହାନା ତାନି କେୟୁଡି କେପିତି ଆସି ତାକି ରାହାଁ କିତେରି ।”

୪୨ ସାମା ମାହାପୁରୁ ଏଞ୍ଜାରି ତାଣ୍ଡାଟି ଏଟକା ଆହାନା ଏଞ୍ଜାରାଇଁ ହାଗୁଲକାକି ହୁକାୟାଁଣି ସେବା କିୟାଲି ପିସ୍ତେସି, ଏନିକ ମାହାପୁରୁ ଅଣ୍‌ପୁଡି ବଲୁ ଖେହ୍‌ନାରି ପତିତା ରାସ୍‌କି ଆହାମାନେ;

‘ଏ ଇସ୍ରାୟେଲ କୁଡ଼ାତେରି, ବାଟାତା ରୀ କଡ଼ି ବାସୀ ପାତେକା ମୀରୁ ନାଙ୍ଗେତାକି କଡ଼ି ଗରି ପୂଜା କିହାହିଲାଆତେରି ।”

୪୩ ମୀରୁ ପୂଜା କିହାଲି ଆମିନି ବମାୟାଁ କେପାମାରେରି, ଏ ମଲକ ପେନୁଡି ତୁମୁ ଅଡେ ରମ୍‌ପାନ ପେନୁଡି ହୁକାତି ମୀରୁ ଆସାନା ସେବା କିତେରି, ଏଦାଆଁତାକି ନାନୁ ମିଙ୍ଗେ ବାବିଲନ ଆତାଲା ବାସା ଆୟାଲି ପାଣ୍ଡାଇଁ ।”

୪୪ “ନାନୁ ଏନିକ ମେସାମାଞ୍ଜି, ଏଲେକିହ ଏ ସାକି ହାନି ତୁମୁ ଇଲୁ କେପାମୁ ଇଞ୍ଜା ମସାକି ଆମ୍ବାଆସି

ଖେସାମାରେସି, ଏଞ୍ଜାଣି ହୁକୁମି ତଲେ ମା ଆକୁୟାଁ ବାଟାତା ସାକି ହାନି ତୁମୁ ଇଲେ କେପାମାରେରି ।”

୪୫ ତାମୁ ମା ଆକୁ ଆବାୟାଁ ଏଦାଆଁ ତାନି ଆବାୟାଁ ତାଣ୍ଡାଟି ବେଟାଆଡେରି ଇଞ୍ଜା ଜିହସୁୟ ତଲେ ତାକିମାଟିବେଲା ଏଞ୍ଜାରି ଏଦାଆଁ ଡେକା ଅଡେରି, ଏମ୍ବାଟିଏ ମାହାପୁରୁ ଏଞ୍ଜାରି ନକିତା ମାଟି ବାରେ କୁଡ଼ାଡି ଲକୁଣି ପେରହା ତୁସାଲିଏ, ଇସ୍ରାୟେଲ ଲକୁ ଇଞ୍ଜାରି ଦେସା ଜୀଣାଆହାନା ଇ କୁଡ଼ାଆନି ତୁମୁ ଇଲୁ ଏମ୍ବାଆଁ ତାଟାନା ଇଟିତେରି, ଇଞ୍ଜା ଏଡି ଦାଞ୍ଜୁଦ ରାଜା ପାତେକା ଏମ୍ବାଆଁ ଡିୟିତେ ।”

୪୬ ଦାଞ୍ଜୁଦ ମାହାପୁରୁ ନକିତା କାର୍ମା ବେଟାଆହାନା, ଜାକୁବତି ମାହାପୁରୁକି ର ବାସାଟାୟୁ କିହାଲି ପ୍ରାତାନା କିତେସି ।”

୪୭ ସାମା ସଲମନ ମାହାପୁରୁକି ଏ ଇଲୁ କେପିତେସି ।”

୪୮ “ସାମା ବାଡ଼ୟୁ ଗାଟି ମାହାପୁରୁ ମାଣ୍‌ସି କେୟୁଡଲେ କେପିତି ଇଲୁତା ବାସା କିଅସି; ଏନିକ ମାହାପୁରୁ ଅଣ୍‌ପୁଡି ବଲୁ ଖେହ୍‌ନାରି ଖେସାମାନେରି ।”

୪୯ ପ୍ରୁ ଏଲେଇଞ୍ଜା ମାନେସି, “ଲାକପୁରୁ ନା ସିଂଗାସାଣି, ଦାରୁଡି ନା କଡ଼ା ଇଟିନି ଟାୟୁ,

ମୀରୁ ନା ତାକି ଏନିଲେହେଡି ଇଲୁ କେପିଦେରି ? ଇଞ୍ଜା ନା ଜମିନି ଟାୟୁ ଏନିୟାମାନେ ?

୫୦ ନା କେୟୁ ଇ ବାରେ ଗାଡ଼ି କିହାହିଲେଏ କି ?”

୫୧ ସ୍ତ୍ରୀପାନ ଏଲେଇରେସି, “ମୀରୁ ଏତେକା ମୁଣ୍ଡି ଗାଟାତେରି, ଇଞ୍ଜା ଅଟହା କଡ଼ାଆଡି ହିୟାଁ ଗାଟାତେରି ଅଡେ ମାହାପୁରୁଡି ବଲୁ ତାକି କୀର୍କା ଖେନାଆ ଗାଟାତେରି, ମୀରୁ କାଲେଏ ସୁଦୁଜୀଞ୍ଜୁଡି କସ୍ତ୍ର ହାହିମାଞ୍ଜେରି; ମୀ ଆକୁ ଆବାୟାଁ ଏନିକ ମୀରୁ ଜିକେଏ ଏଲେତାତେରି ।”

୫୨ ମାହାପୁରୁ ଅଣ୍‌ପୁଡି ବଲୁ ଖେହ୍‌ନାରାଇଁ ଆମ୍ବାଆରାଇଁ ଜିକେଏ ମୀ ଆକୁ ଆବାୟାଁ ନିନ୍ଦା କିହାହିଲାଆତେରି ? ଆମିନି ଗାଟାରି ଏ ଦାମ୍‌ଗାଟାସି ଖାନ୍ତି କାତା ନକେଏ ଖେସାମାରେରି, ଏଞ୍ଜାରାଇଁ ଏଞ୍ଜାରି ପାୟିତେରି; ନୀର୍ବ୍ୟ ମୀରୁ ଏଞ୍ଜାଣାଇଁ ସାତୁୟାଁ କେୟୁଡା ହେରପାନା ପାୟିତେରି ।”

୫୩ ମୀରୁ ମାହାପୁରୁଡି ମେରା ବେଟାଆହା ମାରେରି, ଏ ମେରା ଦୁତୁୟାଁ ତାଣ୍ଡାଟି ହାପୁକି ଆହାମାରେ, ଆଡିଜିକେଏ ମୀରୁ ଏଦାଆଁ ନାମାଆତେରି ।”

ଞ୍ଜାଲକାତଲେ ସ୍ତ୍ରୀପାନଇଁ ପାୟିନାୟି

୫୪ ସ୍ତ୍ରୀପାନ ବେରଣିମାଣ୍ଡାତା କୁଗାମାଟି ଲକୁଇଁ ଇ ବାରେ କାତା ଖେସ୍ତେସି, ଏମ୍ବାଆଁ ମାଟି ପାରୁସି ଇଞ୍ଜା ବାରେ କୁଡ଼ା ଆହାମାଟାରି କାରବି ଆହାଁ ପାଲକା ଟୀଟି କିହାଲି ମାଟୁହେରି ।”

୫୫ ସାମା ସ୍ତ୍ରୀପାନ ସୁଦୁଜୀଞ୍ଜୁ ତଲେ ନେଞ୍ଜାନା ଲାକପୁରୁ ଞ୍ଜାକି ସିନିକିତେସି, ଇଞ୍ଜା ମାହାପୁରୁଡି ଗାଞ୍ଜୁରମି ଅଡେ ଜୀୟୁଇଁ ମାହାପୁରୁଡି ଚିଃନିଞ୍ଜାକି ନିଟାମାନାଣି ମେସାନା ଏଲେଇରେସି ।”

୫୭ “ମେହଦୁ ନାନୁ ଲାକପୁରୁ ଦେପିଆହାମାନାଣି ଅଡ଼େ ମାଣ୍ଡି ମୀରୁଏସି ମାହାପୁରୁତି ଚିଃନିଝାକି ନିଚାମାନାଣି ମେସିମାଲ୍”

୫୮ ଏ କାତା ଝେନାଆପ ଇଞ୍ଜି କାଲୁଝି ଆହୁଁ ବେରଣି ମାଣ୍ଡାତାରି କାକା ମୁଚାକତିତେରି ଠାୟୁ ବାରେଜାଣା ରୁଣ୍ଡା ଆହାନା ଏଝାଣାଲ୍ ମୁଚିତେରି

୫୯ ଅଡ଼େ ଏଝାରି ଏଝାଣାଲ୍ ଗାଡ଼ାଟିଏ ପାଙ୍ଗାତା ରେଜା ଅହାନା ଏଝାଣାଲ୍ ଝାଲକାତଲେ ଝେଚାଲି ମାଟୁହେରି; ଅଡ଼େ ସାକିୟା ବିତ୍ରାଟି ସାଝୁଲ କତାୟା ତୁଇ ହିମ୍ବରକା କାଟିମାରେସି

୬୦ ଏଚିବେଲା ଏଝାରି ସ୍ତ୍ରୀପାନଲ୍ ଝାଲକା ଝେଚି ମାରେରି, ଏଚିବେଲା ଏଝାସି ମାହାପୁରୁ ତାଣା ପ୍ରାତାନା କିହାନା ଏଲେଇରେସି, “ପ୍ରୁ ଜୀସୁ, ନା. ଜୀଝୁତି ଅହାକତାମୁ”

୬୧ ଇଞ୍ଜା ଏଝାସି ମେଣ୍ଡାକୁତାନା କାଜା ଗିୟାତଲେ ଏଲେଇରେସି, “ପ୍ରୁ! ଇ ପାପୁ ଇଝାରି ତାଣା ଲେକା କିଆନି” ଏଲେଇଞ୍ଜାହାଁ ହାଡ଼େସି



ସାଝୁଲ କ୍ରୀସ୍ତାନା କୁଲମିତି ସାସ୍ତି ହାନାୟି

୧ ସ୍ତ୍ରୀପାନଲ୍ ପାୟିତାୟି ନେହେଁ ଆଡ଼େ ଇଞ୍ଜି ସାଝୁଲ ଅଣ୍ଡିମାରେସି ଏ ଦିନାଟିଏ ଜିରୁସାଲମତା ମାନି କୁଲମିକାକି ହାରେକା ନିନ୍ଦା ସାସ୍ତି ଝାଡ଼େ; ଏମ୍ବାଟିଏ ପାଣ୍ଡୁଝି ଆହାମାନାରି ପିସପେ ବାରେ ନାମିତାରି, ଜୀହୁଦା ଦେସା ଇଞ୍ଜା ସମିରଣ ନାସ୍କା ସାରିସୁରୁ ଇତାଲା ଆତାଲା ଆଡ଼େରି

୨ ଆଡ଼ିଜିକେଏ ଏରେକା ନାମୁଗାଟି ଲକୁ ସ୍ତ୍ରୀପାନଲ୍ ମୁସ୍ତେରି ଇଞ୍ଜା ହାରେକା ଦୁକୁତଲେ ଡୀତେରି

୩ ସାମା ସାଝୁଲ କୁଲମିତା ହାଜିହୁଁ ଇଲୁତାକି ଇଲୁ ହଡ଼ିହୁଁ ନାମିତି ଆୟାସିକା, ଆବାଣି ରେଜା ତାଚାନା କାୟିଦି ଇଲୁତା ହେର୍ପିହୁଁ କୁଲମିତି ନାସା କିହାଲି ମାଟୁହେସି

ସମିରଣତା ନେହୁଁ କାରୁ ଝେକନାୟି

୪ ଏମ୍ବାଟିଏ ଆମିନି ଗାଟାରି ଇତାଲା ଆତାଲା ଆହାମାରେରି, ଏଝାରି ସାରିସୁରୁ ରେଜି ରେଜି ନେହୁଁ କାରୁ ଝେକହେରି

୫ ଇଞ୍ଜା ପିଲିପ ସମିରଣତି କାଜା ଗାଡ଼ାତା ହାଜାନା ଲକୁ ନକିତା ମସିହାତି କାତା ଝେକହେସି

୬ ଅଡ଼େ, ଲକୁ ବାରେ ପିଲିପ ହାଡ଼ା ଝେଚେରି ଇଞ୍ଜା ଏଝାସି କିହାମାନି କାବାଆନି କାମା ମେସାନା ରଣ୍ଡିଏ ହିୟାଁ ତଲେ ଏଝାଣି କାତାତି ଝେଞ୍ଜିମାରେରି

୭ ଇଚିହୁଁ ଆଲଗାମାଟି ପଲ୍‌ଆ ବୁଡୁ ହାରେକା ଲକୁ ତାଣାଟି କାଜା ଗିୟାତଲେ କିର୍ଡ଼ିହୁଁ ହଡ଼ାହାଡୁ, ଇଞ୍ଜା

ଟଟ ଝାୟିତାରି ଅଡ଼େ ସଚାୟାଁ ହାରେକା ଜାଣା ନେହୁଁ ଆଡ଼େରି

୮ ଏଦାଆଁତାକି ଏ ଗାଡ଼ାତା ହାରେକା କାଜା ରାହାଁ ଆଡ଼େ

୯ ସାମା ସିମନ ଦରୁଗାଟାସି ରଅସି ଇ ନକେଏ ଏ ଗାଡ଼ାତା ଗାରଡ଼ି କିହୁଁ ନାନୁ କାଜାତେଏଁ ଇଞ୍ଜି ଝେସା କଡ଼ିହୁଁ ସମିରଣତି ଲକୁଣି କାବା କିହିମାରେସି

୧୦ ମାହାପୁରୁତି ଆମିନି ବାଡ଼ୁୟୁତି କାଜାୟି ଇଞ୍ଜି ଇଣ୍ଡି ଆନେ, ଉଣାଟିଏ କାଜାରି ପାତେକା ବାରେଜାଣା ଇଝାସିଏ ଏଝାସି ଇଞ୍ଜି ଏଝାଣାଲ୍ ମାନି କିହିମାରେରି

୧୧ ଏଝାରି ଏଝାଣାଲ୍ ମାନି କିହିମାନାୟି ଆଡ଼େ, ହାରେକା ଦିନାଟିଏ ତାନି ଗାରଡ଼ି କାମା ତଲେ ଏଝାରାଲ୍ କାବା କିହିମାରେସି

୧୨ ସାମା ପିଲିପ ମାହାପୁରୁତି ରାଜି ଇଞ୍ଜା ଜୀସୁ କ୍ରୀସ୍ତ ଦରୁତି ନେହୁଁ କାରୁ ଝେକହାଲିଏ ଏଝାରି ଏଚିବେଲା ଏଝାଣି କାତାତା ନାମିତେରି, ଇଞ୍ଜା ଆୟାସିକା ଅଡ଼େ ଆବାୟାଁ ବାପ୍ତିସ୍ମ* ଅହାଲି ମାଟୁହେରି

୧୩ ଅଡ଼େ ସିମନ ତାନୁଏ ନାମିତେସି ଇଞ୍ଜା ବାପ୍ତିସ୍ମ† ଅଡ଼େସି, ଇଞ୍ଜା ପିଲିପ ତଲେ ଡ଼ୟିତେସି, ଅଡ଼େ ହାରେକା ସିନାୟାଁ ଇଞ୍ଜା ହାରେକା ବାଡ଼ୁୟୁତି କାବାଆନି କାମାୟାଁ ମେସାନା କାବା ଆହାହାରେସି

୧୪ ସମିରଣତି ଲକୁ ଜିକେଏ ମାହାପୁରୁ ବଲୁଡ଼ି ନାମିମାନେରି, ଇଞ୍ଜି ଜିରୁସାଲମତା ମାନି ପାଣ୍ଡୁଝି ଆଡ଼ାରି ଝେଚେରି, ଏମ୍ବାଟିଏ ଏଝାରି ପିତର ଅଡ଼େ ଜହନଲ୍ ଏଝାରିତାଣା ପାଣ୍ଡିତେରି

୧୫ ଏଝାରି ଏଗାହାଜାନା, ଏଝାରି ଏନିକିଁ ସୁଦୁଜୀଝୁ ବେଟାଆନେରି, ଏଦାଆଁତାକି ଏଝାରି ତାକି ପ୍ରାତାନା କିତେରି

୧୬ ଇଚିହୁଁ ନୀଏଁ ପାତେକା ଏଝାରିତାଣା ଆମ୍ବାଆରି ଲାକ ସୁଦୁଜୀଝୁ ରେଟା ହିଲାଆଡେ, ଇଚିହୁଁ ଏଝାରି ଝାରଇ ପ୍ରୁ ଜୀସୁ ଦରୁତଲେ ବାପ୍ତିସ୍ମ‡ ଅହାମାରେରି

୧୭ ପିତର ଅଡ଼େ ଜହନ ଏଝାରି ଲାକ କେୟୁ ଇଚିତେରି ଇଞ୍ଜା ଏଝାରି ସୁଦୁଜୀଝୁ ବେଟାଆଡେରି

୧୮ ପାଣ୍ଡୁଝି ଆଡ଼ାରି କେୟୁ ଇଚିସାରେ ସୁଦୁଜୀଝୁ ଝାହିମାନାଣି ମେସାନା, ସିମନ ଏଝାରାକି ଟାକାୟାଁ ହାହାନା ଏଲେଇରେସି,

୧୯ “ନାଜେ ଜିକେଏ ଇ ବାଡ଼ୁୟୁ ହିୟାଦୁ, ଏନିକିଁ ନାନୁ ଆମିନି ଗାଟାଣା ଲାକ କେୟୁ ଇଚିଲ୍ ଏଝାସି ସୁଦୁଜୀଝୁ ବେଟାଆନେସି”

୨୦ ସାମା ପିତର ଏଝାଣାଲ୍ ଏଲେଇରେସି “ନୀ ଟାକାୟାଁ ନୀ ତଲେ ନସ୍ତ୍ର ଆପୁ, ଇଚିହୁଁ ନାନୁ ଟାକାୟାଁ ହାହାନା ମାହାପୁରୁତି ଦାନା କତାଲି ଅଣ୍ଡିପିତି

୨୧ ଇ କାମାତା ନୀଦି ଏନି ବାଗା କି ଅଦିକାରା ହିଲେଏ, ଇଚିହୁଁ ମାହାପୁରୁ ତାଣା ନୀ ହିୟାଁ ଟିକାଣା ହିଲେଏ

* ୮:୩ ୮:୩ କାମା ୨୨:୪,୫; ୨୭:୯-୧୧ * ୮:୧୨ ୮:୧୨ ମୁଞ୍ଜନାୟି † ୮:୧୩ ୮:୧୩ ମୁଞ୍ଜନାୟି ‡ ୮:୧୭ ୮:୧୭ ମୁଞ୍ଜନାୟି

୨୨ ଇଦାଆଁତାକି ନୀ ଲାଗେଏତି ଅଣ୍ଟପୁଟି ମନୁ ଖେଟ୍‌ହାଁ ପ୍ରବୁ ତାଣା ପ୍ରାତାନା କିମ୍ପୁ, ଏନିଆଡ଼ିହଁ ନୀ ହିୟାଁତା ମାନି ଲାଗେଏତି ଅଣ୍ଟପୁ ମ୍ପେକ୍‌ନେସି;

୨୩ ଇତିହଁ ନାନୁ ମେସିମାଞ୍ଜାଇଁ ନୀ ହିୟାଁ ବିତ୍ରା ତାହାରା ଆନାୟି ମାନେ, ନୀନୁ ଲାଗେଏତି ପାନ୍ଦାତା ଦସ୍‌ପି ଆହାମାଞ୍ଜି □

୨୪ ଏଚେଟିଏ ସିମନ, ପିତର ଅଡ଼େ ଜହନଇଁ ଏଲେଇଚେସି, “ମୀରୁ କାର୍ମା ଅଣ୍ଟପାନା ନା ତାକି ପ୍ରବୁ ତାଣା ପ୍ରାତାନା କିମ୍ପୁ, ମୀରୁ ଏନାଆଁ ଜଲିତେରି ଏ ବାରେ ଏନିକଁ ନାଞ୍ଜେତାକି ଏଲେଆହଁ ଆଏ □”

୨୫ ଇଲେକିହଁ ପିତର ଅଡ଼େ ଜହନ ସାକି ହାହଁ ପ୍ରବୁତି ବଲ୍ଲୁ ଖେସିହଁ, ହାରେକା ସମିରଣ ନାୟିକାଣାଁ ନେହଁ କାବୁ ଖେସି ଖେସିହଁ ଜିରୁସାଲମତା ଖେଣ୍ଡା ହାଚେରି □

ପିଲିପ ଅଡ଼େ ଇତିୟପିୟାତି କାମାକିନାସି

୨୬ ତାୟୁ ପ୍ରବୁତି ର ଦୂତୁ ପିଲିପଇଁ ଏଲେଇଚେସି, “ନିଙ୍ଗାମୁ ଇଞ୍ଜା ଚିଃନି ଖାକିତି ଆମିନି ଜିରୁ ଜିରୁସାଲମତିଏ ଗଜା ଖାକି ମାନେ ଏ ଜିରୁତା ହାଲ୍ଲାମୁ □” ଏ ଜିରୁଟି ଅଡ଼େ ଲକୁ ତାକିହିଲଅରିଃ □

୨୭ ଏମ୍ପାଟିଏ ଏଝାସି ନିଙ୍ଗାନା ହାଚେସି, ଇତିୟପିୟା ଦେସାତି କାଣ୍ଡାକି ଦରୁଗାଟି ରାଣିନି ତୁଇ ର କାଜାପାଣା ବେଟାଆହାମାନି ପେକୁ ଆମିନିଗାଟାସି ଇତିୟପିୟା ରାଣିନି ବାରେ ଦନତି ଗୁମୁସ୍ତା ମାଚେସି, ଏଝାସି ମାହାପୁରୁ ତାଣା ପ୍ରାତାନା କିହାଲି ଜିରୁସାଲମତା ଖାହାମାଚେସି;

୨୮ ଏଝାସି ମାହାପୁରୁ ଅଣ୍ଟପୁଟି ବଲ୍ଲୁ ଖେହ୍‌ନି ଜିସାୟତି ପତି କାଜା ଗିୟାଁତଲେ ପଡ଼଼ି ଆହଁ ରାତାତା କୁଗାନା ଖେଣ୍ଡା ହାଜିମାଚେସି □

୨୯ ଏଚିବେଲା ସୁଦୁଜୀଝୁ ପିଲିପଇଁ ଏଲେଇଚେ, “ନକିତା ହାଜାନା ରାତାତା ହାଜିମାନାଣି ତାଣା ହାଲ୍ଲାମୁ;”

୩୦ ଏଚେଟିଏ ପିଲିପ ହଟି ହଟି ହାଜାନା ଜିସାୟତି ପତି କାଜା ଗିୟାଁତଲେ ମାହାପୁରୁ ଅଣ୍ଟପୁଟି ବଲ୍ଲୁ ପଡ଼଼ି ଆହିମାନାଣି ଖେଞ୍ଜାନା ଖେଚେସି, “ନୀନୁ ଆମିନିଗାଟାଣି ପଡ଼଼ି ଆହିମାଞ୍ଜି ଏଦାଆଁ ପୁଞ୍ଜାଲି ଆଡ଼ିମାଞ୍ଜି କି ?”

୩୧ ପେକୁ ଏଲେଇଚେସି, “ଆମ୍ପାଆସି ନାଞ୍ଜେ ଖେସ୍ତାଆସାରେ ନାନୁ ଏନିକଁ ପୁଇଁ ?” ଇଞ୍ଜା ଏଝାସି ପିଲିପଇଁ ରାତାତା ହଚାନା ତାନିତଲେ କୁଗାଲି ଏଲେଇଚେସି □

୩୨ ଏଝାସି ଦାମ୍ପୁ ପତିତା ପଡ଼଼ି ଆହିମାଟି କାତା ଇଦି; “ଏଝାସି ପାୟିଝିଆନି ମେଣ୍ଡା ତାଲୁ ଲେହେଁ ଅଞ୍ଜିଆଡ଼େସି, ଇଞ୍ଜା ମେଣ୍ଡା ତାଲୁ ବାଣାୟାଁ ଦାଃନି ବେଲାତା ମେଣ୍ଡା ତାଲୁ ଏନିକଁ ତୀଆନା ପାଲେଏ ତୟିନେ, ଏଲେକିହଁ ଏ ଏଝାସି ତାନି ଗୁତି ଏକ୍‌ଆଡେସି □

୩୩ ଏଝାଣାଇଁ ଉଣା କିହାଁ ନୀହାୟି କିଆଚେରି,

ଏଝାଣି କୁଡ଼ାତି କାତା ଆମ୍ପାଆସି ଖେସାଲି ଆଡ଼ଅସି, ଇଚିହଁ ତାନି ଜୀଝୁ ଦାର୍ତତିତା ରାଡ଼େ □”

୩୪ ଏ ପେକୁ ପିଲିପଇଁ ଏଲେଇଚେସି, “ନାଞ୍ଜେ ଖେସ୍ତାମୁ, ମାହାପୁରୁ ଅଣ୍ଟପୁଟି ବଲ୍ଲୁ ଖେହ୍‌ନାସି ଆମ୍ପାଆରି କାତା ଖେସିମାନେସି ? ତାନି କାତା କି ଅର ରଅଣି କାତା ?”

୩୫ ଏମ୍ପାଟିଏ ପିଲିପ ଗୁତି ଦେଚାନା ଦାମ୍ପୁ ସାସ୍ତେରିଟିଏ ମାଟ୍‌ହାନା ଏଝାଣି ତାଣା ଜୀସୁତି ନେହଁ କାବୁ ଖେସ୍ତେସି □

୩୬ ଏଝାରି ଜିରୁତା ହାଜିମାଟାଟି ଏୟୁ ମାନି ର ଗାୟୁତା ଏଗାହାଚେରି; ଏଚେଟିଏ ପେକୁ ଏଲେଇଚେସି,

୩୭ “ଇମ୍ପାଆଁ ଏୟୁ ମାନୁ, ଏନାଆଁ ନାନୁ ବାପ୍ତିସ୍ମ* ଅହାଲି ଆଡ଼ିଇଁ ?”

୩୮ ଇଞ୍ଜା ଏଝାସି ରାତା ନିପହାଲି ହୁକୁମି ହାଚେସି, ଇଞ୍ଜା ପିଲିପ ଅଡ଼େ ପେକୁ ଏୟୁଣାଁ ରେଚେରି, ଇଞ୍ଜା ପିଲିପ ଏଝାଣାଇଁ ବାପ୍ତିସ୍ମ‡ ହାଚେସି □

୩୯ ଏଝାରି ଏୟୁଟି ହଚା ଖାଡ଼ି ତାୟୁ, ପ୍ରବୁତି ସୁଦୁଜୀଝୁ ପିଲିପଇଁ ଅହଁ ହାଚେ, ଇଞ୍ଜା ପେକୁ ଅଡ଼େ ଏଝାଣାଇଁ ମେହ୍‌ଆଚେସି; ଆଡ଼ିଜିକେଏ ରାହାଁ କିହଁ ତାନି ଜିରୁତା ହାଚେସି □

୪୦ ସାମା ପିଲିପ ଅସଦଦ୍ ଗାଡ଼ାତା ତଞ୍ଜାଆଚେସି; ଇଞ୍ଜା ଏଝାସି ଗାଡ଼ାତାକି ଗାଡ଼ାତା ହାଜାହାଁ ନେହଁ କାବୁ ଖେସ୍ତେସି ଇଞ୍ଜା କାୟିସରିୟାତା ଏଗାହାଚେସି □



ସାଝୁଲ ମନ ଖେଟ୍‌ନାୟି (କାମା ୨୨:୨-୧୬; ୨୬:୧୨-୧୮)

୧ ସାମା ସାଝୁଲ ନୀଏଁ ପାଚେକା ପ୍ରବୁତି ସୀସୁୟାଁ କପାଟି ଆଜି ତସାନା ଅଡ଼େ ଜୀଝୁ ନାସାକିନି କାତାୟାଁ ଜଲିହଁ କାଜା ପୂଜେରାଙ୍ଗା ତାଣା ହାଚେସି □

୨ ଅଡ଼େ ପ୍ରବୁ ଜିରୁଟି ତାକିମାନି ଆମିନି ଇୟାସିକା ଆବାୟାଁଣି ମେସିହଁ, ବାରେଜାଣାଟି ଦସ୍‌ପାନା ଜିରୁସାଲମତା ତାଚାଲି ଆଡ଼ିମାନେସି, ଏଦାଆଁତାକି ଏଝାସି କାଜା ପୂଜେରାଙ୍ଗା ତାଣା ହାଜାନା ଦମେସକତା ମାନି ଜୀଝୁଦି ଲକୁତି କୁଟମି ଇଲ୍‌କାଣା* ହିୟାଲି ଏଝାରି ତାଣାଟି ଆକୁ ରୀସ୍ତେସି □

୩ ସାଝୁଲ ଦମେସକ ତାଗେ ଖାହିମାଟାଟି ଦେବୁଣିଏ ର ଉଜେଡ଼ି ହାଗୁଲ୍‌କଟି ତାନି ସାରିଝାକି ମୁସ୍ତେ □

୪ ଏମ୍ପାଟିଏ ଏଝାସି ବୁମିତା ତରଗା ହାଚେସି ଇଞ୍ଜା ତାଞ୍ଜେତାକି ଇ ହାଡ଼ା ଖେଚେସି, “ଏ ସାଝୁଲ, ଏ ସାଝୁଲ! ନୀନୁ ଏନାଆଁତାକି ନାଞ୍ଜେ ନିନ୍ଦା କିହିମାଞ୍ଜାଦି ?”

୫ ଏଝାସି ଏଲେଇଚେସି, “ପ୍ରବୁ, ନୀନୁ ଆମ୍ପାଆତି ?” ଏଝାସି ଏଲେଇଚେସି, “ନୀନୁ ଆମ୍ପାଆରାଇଁ ନିନ୍ଦା କିହିମାଞ୍ଜି ଏ ଜୀସୁତେଏଁ ନାନୁ □

§ ୮:୨୨ ୮:୨୨ ଲକୁ ହିଲ୍‌ଆ ଗାୟୁ * ୮:୩୭ ୮:୩୭ ମୁଞ୍ଜିନାୟି † ୮:୩୭ ୮:୩୭ ପିଲିପ ଏଲେଇଚେସି, “ନୀନୁ ବାରେ ହିୟାଁ ତଲେ ନାନିସାରେ ଅହାଲି ଆଡ଼ିକି” ଏମ୍ପାଟିଏ ଏଝାସି ଏଲେଇଚେସି, “ଜୀସୁ କ୍ରୀସ୍ତ ମାହାପୁରୁଟି ମାଟ୍‌ସସି ଇଦାଆଁ ନାନୁ ନାନିମାଇଁ □” ‡ ୮:୩୮ ୮:୩୮ ମୁଞ୍ଜିନାୟି * ୯:୨ ୯:୨ ସିନଗଗ

୭ ସାମା ନିଜାମୁ ଇଞ୍ଜା ଗାଡ଼ାତା ହାଲମୁ, ଏନାଆଁ କିହାଲି ଆନେ, ଏମ୍ବାଆଁ ନିଜେ ଖେସ୍‌ସି ଆୟାନେ □

୮ ଏଞ୍ଜାଣିତଲେ ଆମିନି ଲକୁ ହାଜିମାରେରି, ଏଞ୍ଜାରି ଏ ହାଡ଼ା ଖେଞ୍ଜାନା ଆମ୍ବାଆରାଇଁ ମେହ୍‌ଆତେରି, ଇଞ୍ଜା ଆଡ଼ାଜାକା ଆହାହାରେରି □

୯ ଅଡ଼େ ସାଞ୍ଜୁଲ ରୁମିଟି ନିଜାନା ତାନି କାଣକା ଦେତେସି, ସାମା ଏଞ୍ଜାସି ଏନାଆଁ ମେସାଲି ଆଡ଼ାଆତେସି □ ଇଞ୍ଜା ଏଞ୍ଜାରି ତାନି କେୟୁ ଆସାନା ଦମେସକତା ଅଡ଼େରି □

୧୦ ଅଡ଼େ ତାନିଦିନା ପାତେକା ଏଞ୍ଜାସି ଏନାଆଁ ମେସାଲି ଆଡ଼ାଆତେସି, ଅଡ଼େ ଏନାଆଁ ତିନାଆତେସି ଏନାଆଁ ଗହ୍‌ଆତେସି □

୧୧ ଦମେସକତା ହନନିୟ ଦରୁଗାଟାସି ର ସାସୁ ମାରେସି; ପ୍ରବୁ ଏଞ୍ଜାଣାଇଁ ତଞ୍ଜାଆହାଁ ଏଲେଇରେସି, “ଏ ହନନିୟ!” ଏଞ୍ଜାସି ଏଲେଇରେସି, “ଏ ପ୍ରବୁ ନାଜେ ଖେସ୍‌ସାମୁ □”

୧୨ ଏଚେଟିଏ ପ୍ରବୁ ଏଞ୍ଜାଣାଇଁ ଏଲେଇରେସି, “ତିୟାରା ଆହାନା ‘ସଲକ’ ଦରୁଗାଟି ଜିରୁ ଆସାଁ ଜୀହୁଦା ଲକୁତା ତାର୍‌ସି ଗାଡ଼ାତି ସାଞ୍ଜୁଲ ଇନାଣାଇଁ ପାରାମୁ; ଇଚିହ୍‌ ଏଞ୍ଜାସି ପ୍ରାଡ଼ାନା କିହିମାନେସି;

୧୩ ଅଡ଼େ, ଏଞ୍ଜାସି ସେୟାଁଣା ହାପାନା ମେସାମାନେସି, ହନନିୟ ଇନାସି ର ମାଣ୍‌ସି ଖାହାନା ତାନି ଲାକ କେୟୁ ଇଚିମାନେସି, ଏନିକ୍ ଏଞ୍ଜାସି ମେସାଲି ଆଡ଼ିମାନେସି □”

୧୪ ହନନିୟ ଏଲେଇରେସି, “ପ୍ରବୁ, ଜିରୁସାଲମତା ମାହାପୁରୁ ଲକୁଇଁ ଇଞ୍ଜାସି ଏଚେକା ନିନ୍ଦା କିହାମାନେସି ଇଞ୍ଜା ନାନୁ ହାରେକା ଲକୁ ତାଣାଟି ଇ ଲକୁତି କାତା ଖେଞ୍ଜାମାଇଁ □

୧୫ ଅଡ଼େ ଇ ଟାୟୁତା ନୀ ଦରୁଟି ପ୍ରାଡ଼ାନା କିହିମାନାରାଇଁ ବାରେଜାଣାତି ଦସା ଅୟାଲି ଏଞ୍ଜାସି କାଜା ପୂଜେରାଜା ତାଣାଟି ଅଦିକାରା ଆକୁ ବେଟାଆହାମାନେସି □”

୧୬ ସାମା ପ୍ରବୁ ଏଞ୍ଜାଣାଇଁ ଏଲେଇରେସି, “ହାଲମୁ; ଇଚିହ୍‌ ଏଞ୍ଜାସି ଏଚକା କୁଡ଼ାତି ରାଜାୟାଁ ଅଡ଼େ ଇସାୟେଲ ଲକୁତି ମାସ୍କା ମୀରକା ନକିତା ନା ଦରୁ ଖେକହାଲି ନାନୁ ଏଞ୍ଜାଣାଇଁ ନା ସେବା କିନାସି କିହାନା ଆଡ଼ାମାଇଁ;

୧୭ ଅଡ଼େ ନା ଦରୁ ତାକି ଏଞ୍ଜାସି ଏଚେକା ଦୁକୁ ବେଟାଆନେସି, ଏଡ଼ାଆଁ ନାନୁ ଏଞ୍ଜାଣାଇଁ ଖେହ୍‌ଇଁ □”

୧୮ ଏଚେଟିଏ ହନନିୟ ହାଜାନା, ଏ ଲକୁତା ହଚେସି, ଇଞ୍ଜା ତାନି ଲାକ କେୟୁ ଇଚାନା ଏଲେଇରେସି, “ତାୟି ସାଞ୍ଜୁଲ, ଇମ୍ବାଆଁ ଖାନି ଜିରୁତା ଆମିନି ପ୍ରବୁ ଜୀସୁ ନିଜେ ତଞ୍ଜା ଆୟାତେସି, ଏଞ୍ଜାସି ନାଜେ ପାଣ୍ଡାମାଞ୍ଜାନେସି, ନାନୁ ଏନିକ୍ ଖେଶ୍‌ସେ ମେହ୍‌ମୁ ଇଞ୍ଜା ସୁଦୁଜୀସୁ ବେଟାଆମୁ □”

୧୯ ଏ ଦେବୁଣିଏ ଏଞ୍ଜାଣି କାଣକାଟି ମାନୁ ହିପି ଲେହେଁତାୟି ତୁଲିତେ, ଇଞ୍ଜା ଏଞ୍ଜାସି ଖେଶ୍‌ସେ ମେସାଲି ଆଡ଼ିତେସି, ଅଡ଼େ ନିଜାନା ବାପ୍ତିସ୍ତା ଅଡ଼େସି,

୨୦ ଅଡ଼େ ଏଞ୍ଜାସି ତିଞ୍ଜା ଉଣ୍ଡାନା ବାଡ଼ୁୟୁ ବେଟାଆଡ଼େସି, ଏଚେଟିଏ ସାଞ୍ଜୁଲ ଏଚେରିନା ସୀସୁୟାଁ ତଲେ ଦମେସକତା ଡ଼ୟିତେସି □

ଦମେସକତା ସାଞ୍ଜୁଲ ଖେକ୍‌ନାୟି □

୨୧ ଅଡ଼େ, ଜୀସୁ ମାହାପୁରୁଟି ମୀରଏସି ଇଞ୍ଜା ଆଚ୍‌ଖା ତଲେ ଜୀହୁଦି ଲକୁତି କୁଟମି ଇଲକାଣା ଖେସାଲି ମାଟ୍‌ହେସି □

୨୨ ଅଡ଼େ, ଆମିନି ଗାଟାରି ତାନି ହାଡ଼ା ଖେଚେରି, ଏଞ୍ଜାରି କାବାଆହାନା ଏଲେଇରେରି, “ଜୀସୁ ଦରୁ ଆସାନା ପ୍ରାଡ଼ାନା କିନି ଲକୁଣି ଆମ୍ବାଆସି ଜିରୁସାଲମତା ପାୟି କିହିମାରେସି, ଅଡ଼େ ଏଞ୍ଜାଣାଇଁ ଦସ୍‌ପାହାଁ କାଜା ପୂଜେରାଜା ତାଣା ଅହାଲି ତାକି ଇମ୍ବାଆଁ ଖାହାମାରେସି, ଏଞ୍ଜାସି କି ଇଞ୍ଜାସି ଆଏ ?”

୨୩ ସାମା, ସାଞ୍ଜୁଲତି ଖେକ୍‌ନାୟି ହାରେକା ବାଡ଼ୁୟୁ ଗାଟାୟି ମାଚେ, ଅଡ଼େ ଏଞ୍ଜାସି ପାରମାଣା କିହାଁ ଖେସ୍‌ସେସି ଜୀସୁ ଏ ମସିହା, ଇଦାଣି ଦମେସକତା ବାସା କିହାମାନି ଜୀହୁଦି ଲକୁଣି ଖେଶ୍‌ସେ ଖେସାଲି ଆଡ଼ାଆତେରି □

୨୪ ☆ଏଚେରିନା ହାଟି ତାୟୁ ଜୀହୁଦିୟାଁ ରୁଣ୍ଡା ଆହାନା ଏଞ୍ଜାଣାଇଁ ପାୟାଲି କାତା ଆଡ଼େରି;

୨୫ ସାମା ଏଞ୍ଜାରି କାତା ଆହିମାଟାଣି ସାଞ୍ଜୁଲ କିୟି ତୁ ହାଚେ, ଅଡ଼େ ଏଞ୍ଜାରି ଏନିକ୍ ସାଞ୍ଜୁଲଇଁ ପାୟାଲି ଆଡ଼ିନେରି, ଏଡ଼ାଆଁତାକି ଲାଆଁ ମାଦେନା ଗାଡ଼ାତି ଦୁଖେରିକାଣା କାଟିହ୍‌ ଡ଼ୟିତେରି □

୨୬ ସାମା ସାଞ୍ଜୁଲତି ସୀସୁୟାଁ ଲାଆଁୟାଁ ବେଲାତା ଏଞ୍ଜାଣାଇଁ ର ତାଲିତା ରସାହାଁ କଟା କାଟିଟି ଡ଼ଇ ରେପ୍‌ହେରି □

ଜିରୁସାଲମତା ସାଞ୍ଜୁଲ

୨୭ ତାୟୁ ଏଞ୍ଜାସି ଜିରୁସାଲମତା ହାଜାନା ସୀସୁୟାଁ ତଲେ ଆଣ୍ଡାଲି ଅଣ୍ଡିମାରେସି; ସାମା ଏଞ୍ଜାସି ର ସୀସୁ ଇଞ୍ଜା ଏଞ୍ଜାରି ଇଚାଣି ନାମାଆନା, ବାରେଜାଣା ଏଞ୍ଜାଣାଇଁ ଆଜିମାରେରି □

୨୮ ସାମା ବର୍ନବା ଏଞ୍ଜାଣାଇଁ ଆସାନା ପାଣ୍ଡୁ ଆଡ଼ାରି ତାଣା ତାତେସି, ଇଞ୍ଜା ଜିରୁତା ଏଞ୍ଜାସି ଏନିକ୍ ପ୍ରବୁଇଁ ମେସ୍‌ସେସି ଇଞ୍ଜା ପ୍ରବୁ ଏନାଆଁ ତାଜେ ହାଡ଼ା ଆଡ଼େସି, ଦମେସକତା ଜୀସୁ ଦରୁଟି ସାସାତଲେ ସାଞ୍ଜୁଲ ଏନିକ୍ ଖେସାମାରେସି, ଇ ବାରେ କାତା ଏଞ୍ଜାରି ନକିତା ଖେସ୍‌ସେସି □

୨୯ ଅଡ଼େ ସାଞ୍ଜୁଲ ଏଞ୍ଜାରିତଲେ ଡ଼ୟିତେସି ଅଡ଼େ ଜିରୁସାଲମତି ବାରେଖାକି ହାଜାନା ସାସାତଲେ ପ୍ରବୁଟି ଦରୁ ଖେକ୍‌ହେସି □

୩୦ ଇଞ୍ଜା ଏଞ୍ଜାସି ଗ୍ରିକ୍ ଜଲିନି ଜୀହୁଦି ଲକୁତଲେ ବାଦିବାଦା କିହିମାରେସି, ସାମା ଏଞ୍ଜାରି ଏଞ୍ଜାଣାଇଁ ପାୟାଲି ପାରୁ ପାରିମାରେରି □

† ୯:୧୮ ୯:୧୮ ମୁଞ୍ଜିନାୟି ‡ ୯:୨୦ ୯:୨୦ ସିନଗର୍ ☆ ୯:୨୩ ୯:୨୩ ୨କର ୧୧:୩୨,୩୩

୩୦ ନାମିତି ତାୟିୟାଁ ଏଦାଆଁ ପୁଞ୍ଜାଲିଏ, ସାଞ୍ଜୁଲଇଁ କାୟିସରିୟାତା ଅହାନା ଏମ୍ବାଟି ଏଞ୍ଜାଣାଇଁ ତାର୍ଯତା ପାଣ୍ଡିତେରି □

୩୧ ଇଲେଆହ୍ ଏ ବାରେ ଜୀହୁଦା ରାଜି, ଗାଲିଲି ଅଡେ ସମିରଣତି କୁଲମି ବାର୍ସୁ ଆହାନା ପ୍ରବୁଇଁ ଆଜାନା ହିଡ଼ଡି ଜୀହୁତଲେ ମାଚେରି, ଇଞ୍ଜା ସୁଦୁଜୀହୁତି ସାୟେମି ତଲେ ପାତାଆହାଲି ମାଟ୍‌ହେରି □

ଲୁଦ ଅଡେ ଜାପତା ପିତର

୩୨ ଏଚେଟିଏ ପିତର ବାରେ ରାଜିତା ରେଜି ରେଜିହ୍ ଲୁଦତା ଡୟିନି ମାହାପୁରୁ ଲକୁଣି ଆଣ୍ଡାଲି ହାଚେସି □

୩୩ ଏମ୍ବାଆଁ ଏଞ୍ଜାସି ଏନିୟ ଦରୁଗାଟି ରଅଣାଇଁ ବେଟାଆଡେସି, ଏଞ୍ଜାସି ଆଟା ବାର୍ଯା ପାତେକା ଟଟ ଖାୟିତି ରଗ ଆହାନା କାଟେଲିଟି ନିଜାଲି ଆଡ଼ିହିଲାଆଡେସି □

୩୪ ପିତର ଏଞ୍ଜାଣାଇଁ ଏଲେଇଚେସି, “ଏନିୟ, ଜୀସୁ କ୍ରୀସ୍ତ ନିଜେ ନେହ୍ କିହାମାଞ୍ଜାନେସି; ନିଜାମୁ ନୀ ପାସ୍‌ପନି ମୁଦା କିମୁ” ଏଚେଟିଏ ଏଞ୍ଜାସି ଏ ଦେବୁଣିଏ ନିଜିତେସି □

୩୫ ଏଚେଟିଏ ଲୁଦ ଇଞ୍ଜା ସାରଣତା ବାସା କିହାମାନି ଲକୁ ଏଞ୍ଜାଣାଇଁ ମେସାନା, ପ୍ରବୁ ତାଣା ହିୟାଁ ଖେଟ୍‌ହେରି □

ଦର୍କା ଖେଣ୍ଡେ ନୀତିନାୟି

୩୬ ଜାପତା ଟାବିତା ଦରୁଗାଟି ମାହାପୁରୁଇଁ ନାମିତି ର ଇୟା ମାଚେ, ଗ୍ରିକ୍ ତଲେ ଦର୍କା ଇଚିସାରେ ତାନି ଦରୁ “ର କୁର୍ହୁ □” ଏଡି ବାରେବେଲା ନେହ୍ କାମା କିହ୍, ହିଲାଆ ଗାଟାରାକି ସାୟେମି କିହିମାଚେ □

୩୭ ଏଚିବେଲାତା ଏଡି ନମେରି ଆହାନା ହାହାହାଚେ, ଲକୁ ଏଦାନି ଏୟୁ ମୀଡ଼ହାନା ଲାକନି ପାରୁତି ର ବାକ୍ରାତା ତ୍ରିପୁହୁ □

୩୮ ଇଞ୍ଜା ଲୁଦ ଜାପ ତାଗେ ମାଚାକି ସୀସୁୟାଁ ପିତର ଜାପତା ମାନେସି ଇଞ୍ଜାଁ ଖେଞ୍ଜାନା, ରୀ ଲକୁଣି ଏଞ୍ଜାଣି ତାଣା ପାଣ୍ଡାନା ଇ କାତା ବାଡିମାଲିତେରି, “ମା ତାଣା ଖାହାଲି ଖେଡ଼ା କିଆନି □”

୩୯ ପିତର ନିଜାନା ଏଞ୍ଜାରିତଲେ ହାଚେସି, ଏମ୍ବାଆଁ ଏଞ୍ଜାସି ଖାହାଲିଏ ଏଞ୍ଜାଣାଇଁ ଲାକନି ପାରୁତି ବାକ୍ରାତା ଅଡେରି, ଅଡେ ରାଣ୍ଡେଣିସିକା ସାରିସୁଟୁ ମୁଚାନା ଡୀହି ଡୀହ୍ ଦର୍କା ନୀତାମାଟି ବେଲାତା କେପାମାଟି ହିମ୍‌ରିକା ବାରେ ଏଞ୍ଜାଣାଇଁ ତସୁ □

୪୦ ସାମା ପିତର ବାରେଜାଣାଟି ପାଜାତା ପାଣ୍ଡାନା ମେଣ୍ଡାକୁତାନା ପ୍ରାତାନା କିତେସି; ଇଞ୍ଜା ମାଡ଼ହା ଖାକି ତିରୁଞ୍ଜାନା ଏଲେଇଚେସି, “ଟାବିତା, ନିଜାମୁ” ଏଚେଟିଏ ଏଡି କାଣ୍‌କା ଦେତାନା ପିତରଇଁ ମେସ୍ତେ ଇଞ୍ଜା ନିଜାନା କୁଗିତେ □

୪୧ ଇଞ୍ଜା ପିତର କେୟୁ ଦାସାନା ଦର୍କାଇଁ ନିକ୍‌ହେସି, ଇଞ୍ଜା ମାହାପୁରୁ ଲକୁ ଅଡେ ରାଣ୍ଡେଣିସିକାଣି ହାଟାନା ଏଦାନି ନୀତାମାନାଣି ତସ୍ତେସି □

୪୨ ଇ କାତା ଜାପତି ସାରିସୁଟୁ ଖେଞ୍ଜାହାଚେ ଅଡେ ହାଟେକା ଲକୁ ପ୍ରବୁଇଁ ନାମିତେରି □

୪୩ ଅଡେ, ପିତର ହାଚେକା ଦିନା ପାତେକା ଜାପତି ସିମନ ଦରୁଗାଟି ତଲ୍‌କା କାମାକିନାଣି ଇଜ ଡୟିତେସି □

୧୦

ପିତର ଅଡେ କର୍ନଲିୟ

୧ କାୟିସରିୟା ଗାଡ଼ାତା କର୍ନଲିୟ ଦରୁଗାଟାସି ର ଲକୁ ମାଚେସି, ଏଞ୍ଜାସି ଇତାଲିକ ଦରୁଗାଟି ରମିୟ ରିଜାରି କସ୍‌କାଟି ପାସ୍‌କଡ଼ି କସ୍‌କା ମୁହେଁ କାଜାସି ମାଚେସି □

୨ ଏଞ୍ଜାସି ର ଦାମ୍‌ ଲକୁ ମାଚେସି; ତାନି ଇକୁ କୁଟମି ତଲେ ମାହାପୁରୁଇଁ ଆଜିମାଚେସି, ଏଞ୍ଜାସି କାକୁଲି ଲକୁତାକି ଦାନା ହୀହିମାଚେସି, ଅଡେ ମାହାପୁରୁ ତାଣା କାଟ୍‌ଲେଏ ପ୍ରାତାନା କିହିମାଚେସି □

୩ ର ଦିନା ମିଡ଼ଅଲା ତାନି ଗଂଟା ବେଲାତା ଏଞ୍ଜାସି ସେୟାଁଣା ହାପାନାତା ତୀରପୁତଲେ ମେସ୍ତେସି, ର ମାହାପୁରୁତି ଦୁଡୁ ଖାହାନା ଏଞ୍ଜାଣାଇଁ ଏଲେଇଚେସି, “କର୍ନଲିୟ □”

୪ ଏଞ୍ଜାସି ଆଜିତଲେ ଦୁଡୁ ଖାକି ସିନିକିତେସି ଅଡେ ଖେଚେସି, “ଇଦି ଏନାୟି ପ୍ରବୁ ?” ଦୁଡୁ ଏଞ୍ଜାଣାଇଁ ଏଲେଇଚେସି, “ନୀ ପ୍ରାତାନା ଅଡେ ଦାନା ହୀନାୟି ଲାକ ମାହାପୁରୁ ନକିତା ଏଜାମାନେ □

୫ ନୀଏଁ ନୀନୁ ଜାପତା ଲକୁଣି ପାଣ୍ଡାନା ସିମନ ପିତର ଦରୁଗାଟି ଲକୁଇଁ ହାଟାତାମୁ, ଏଞ୍ଜାଣି ହାଟା ଦରୁ ପିତର ଇନେରି;

୬ ଏଞ୍ଜାସି ସିମନ ଦରୁଗାଟି ର ତଲ୍‌କା କାମାକିନାଣି ଇଜ ଗତାଗାଟାସି ଆହାମାନେସି, ଏଞ୍ଜାଣି ଇକୁ ସାମ୍‌ଦୁରି ଗାଟୁତା □”

୭ ତାନିତଲେ କାତା ଆହିମାଟି ଦୁଡୁ ହାଜାଲିଏ, ଏଞ୍ଜାସି ତାନି ଇଜ କାମା କିନି ରୀ ହଲିୟାଜାଣି ଇଞ୍ଜା ତାଜେ ସେବାକିନି ରିଜାରି କସ୍‌କା ବିତ୍ରାଟି ର ଦାମ୍‌ଡି କହ୍‌ଏଣାଇଁ ହାଟିତେସି,

୮ ଅଡେ ଏଞ୍ଜାସି ଏଞ୍ଜାରାଇଁ ଏମ୍ବାଆଁ ଆହାମାଟି ବାରେ କାତା ଖେସାନା ଜାପତା ପାଣ୍ଡିତେସି □

ପିତର ସେୟାଁଣା ହାପାନା ହେଣ୍ଡନାୟି

୯ ଅର ଦିନା ଏଞ୍ଜାରି ହାଜି ହାଜିହ୍ ଏ ଗାଡ଼ାଟି ତାଗେ ଆଡେରି, ଏଚିବେଲା ପିତର ମାଦେନା ବାର ଗଂଟା ବେଲାତା ପ୍ରାତାନା କିହାଲି ଇକୁ ଲାକ ହାଚେସି,

୧୦ ଏଞ୍ଜାସି ହାକି ଆଡେସି ଅଡେ ଏନାଆଁ ତିଞ୍ଜାଲି ମନ କିତେସି; ସାମା ଏଞ୍ଜାରି ରାନ୍ଦା ଖାଜିମାଟି ବେଲାତା, ଏଞ୍ଜାସି ସେୟାଁଣା ହାପାନା ମେସ୍ତେସି,

୧୧ ଲାକପୁରୁ ଦେପିଆହାମାନେ, ଇଞ୍ଜା ଏନିକ୍ ର ହିମ୍‌ରିତି ସାରି କନତା ଆସ୍‌ପି ଆହାନା ଦାର୍‌ଡି ଲାକ ରେଟା ଖାହିମାନେ;

୧୨ ଏମ୍ବାଆଁ ଦାରତ୍ତି ବାରେ କୃତାତି ସାରିଗଟା କଡା ଗାଟି ଜନ୍ତ ଜାଝେଡିକା, ରାସ୍‌କା ଭୁଗିୟାଁ ଅଡେ ହାଗୁତି ପଗାୟାଁ ମାନୁ □

୧୩ ଇଞ୍ଜା ଏଞ୍ଜାଣାକି ଇ ହାଡା ଆଡେ, “ପିତର; ନିଙ୍ଗାମୁ, ପାୟାନା ତିନାମୁ □”

୧୪ ସାମା ପିତର ଏଲେଇଚେସି, “ଆଏ ପ୍ରୁ, ନାନୁ ଏରେଲାଞ୍ଜା ଏନି ଲାଗେଏ ପଲେଏତି ଦିଶ୍‌ସୁ ତିଞ୍ଜାହିଲଅଁ □”

୧୫ ଅଡେ ର ପାଲି ଇ ହାଡା ଆଡେ, “ମାହାପୁରୁ ଏନାଆଁ ସୁରୁ କିହାମାନେସି, ଏଦାଆଁ ନାନୁ ଲାଗେଏତାୟି ଇନାଆନି □”

୧୬ ଇଲେକିହଁ ତାନି ପାଲି ଆଡେ, ତାୟୁ ଏ ହିମ୍ବରି ଲାକପୁରୁ ଅଞ୍ଜିଆଡେ □

୧୭ ପିତର ଏନାଆଁ ସେୟାଁଣା ହାପାନା ହେଣ୍ଡାମାଚେସି, ଏନି ଏନାୟି, ଇଞ୍ଜାଁ ଅଣ୍ଡପିହଁ ଆତାଜାକା ଆହାମାନି ବେଲାତା, କର୍ନଲିୟ ତାଣାଟି ପାଣ୍ଡୁ ଆହାମାନାରି ସିମନ ଇଲୁ ପାରିହଁ ଦୁଝେରିତା ନିକା ଖାଡେରି,

୧୮ ଇଞ୍ଜା ଏଞ୍ଜାରି ଝେଚେରି, “ସିମନ ଇନି ପିତର ଦରୁଗାଟାସି ରଅସି ଇମ୍ବାଆଁ ଗଡେଏସି ମାନେସି କି ?”

୧୯ ପିତର ଏ ସେୟାଁଣା ହାପାନା ହେଟାଣି ଅଣ୍ଡପିମାଟି ବେଲାତା ଜାଞ୍ଜୁ ଏଞ୍ଜାଣାକି ଏଲେଇଚେ, “ମେହ୍‌ମୁ! ତାନି ଜାଣା ଲକୁ ନିଙ୍ଗେ ପାରିମାଞ୍ଜାନେରି □

୨୦ ଏଦାଆଁତାକି ତିୟାରା ଆମୁ ଅଡେ ଡଲ ହାଲାମୁ, ଅଡେ ଆନାମାନା ଆଆନା ଏଞ୍ଜାରିତଲେ ହାଲାମୁ, ଏନାଆଁତାକି ଇଚିହଁ ନାନୁ ଏଞ୍ଜାରାକି ପାଣ୍ଡାମାଞ୍ଜାକି □”

୨୧ ଏରେଟିଏ ପିତର ଏ ଲକୁତାଣା ରେଚାଞ୍ଜାହାନା ଏଲେଇଚେସି, “ମୀରୁ ଆମ୍ବାଆରାକି ପାରିମାଞ୍ଜେରି, ନାନୁ ଏଞ୍ଜାଡେଏଁ □ ମୀରୁ ଏନାଆଁତାକି ଖାହାମାଞ୍ଜେରି ?”

୨୨ ଏଞ୍ଜାରି ଏଲେଇଚେରି, “କର୍ନଲିୟ ଦରୁଗାଟି ପାସାକଡି କସ୍‌କା ମୁହେଁ କାଜାସି ମାଙ୍ଗେ ପାଣ୍ଡାମାଞ୍ଜାନେସି, ଏଞ୍ଜାସି ର ସୁରୁ, ଦାମ୍ବାଗାଟାସି ଇଞ୍ଜାଁ ମାହାପୁରୁକି ଆଜିନାସି, ଅଡେ ବାରେ ଜାହୁଦି କୃତାତା ଝେଙ୍ଗିତାସି, ଏଞ୍ଜାସି ନିଙ୍ଗେ ତାନି ଇଜ ହାଟାନା ନୀ ଜାପ୍‌ନାଣି ଝେଞ୍ଜାଲିତାକି ମାହାପୁରୁତି ଦୁରୁ ତାଣାଟି ହୁକୁମି ବେଟା ଆହାମାନେସି □”

୨୩ ପିତର ବିତ୍ରା ହାଟା ଅହାନା ଏଞ୍ଜାରାକି ସେବା କିତେସି □ ଅର ନେରୁ ନିଙ୍ଗାନା ତିୟାରା ଆହାନା ଏଞ୍ଜାରିତଲେ ହାଚେସି; ଜାପତି ଏଚରଜାଣା ନାମିତି ତାୟିୟାଁ ଏଞ୍ଜାରିତଲେ ହାଚେରି □

୨୪ ଅର ନେରୁ ଏଞ୍ଜାରି କାୟିସରିୟାତା ଏଚେରି, ଏମ୍ବାଆଁ କର୍ନଲିୟ ତାନି କୁଟମି ଇଞ୍ଜାଁ ଅଡେ ଜାଗୁତି ତଣେସିଙ୍ଗାଣି ହାଟାହାଁ କୃଡି କିହାନା ଏଞ୍ଜାରାକି କାଟିମାଚେରି □

୨୫ ପିତର ବିତ୍ରା ହାଜାଲିଏ କର୍ନଲିୟ ଏଞ୍ଜାଣି କଡାଁ ଡଲ ମୁନୁ କୁତାନା ଜହରା କିତେସି □

୨୬ ସାମା ପିତର ତାଙ୍ଗେ ନିକହାନା ଏଲେଇଚେସି, “ନିଙ୍ଗାମୁ, ନାନୁ ଜିକେଏ ର ମାଣ୍ଡସିଡେଏଁ □”

୨୭ ଏରେଟିଏ ପିତର କର୍ନଲିୟ ତଲେ କାତା ଆହଁ ଆହଁ ଇଲୁ ବିତ୍ରା ହାଜାନା ଏମ୍ବାଆଁ ହାରେକା ଲକୁ ରୁଣ୍ଡା ଆହାମାନାଣି ମେସ୍‌ସେସି □

୨୮ ଅଡେ ଏଞ୍ଜାସି ଏଞ୍ଜାରାକି ଏଲେଇଚେସି, “ଏଟକା କୃତାତି ଏନି ଲକୁତଲେ ଆଣ୍ଡିନାୟି କି ଏ ଲକୁ ତାଗେ ହାନାୟି ଜାହୁଦି ଲକୁତାକି ଏନିକିହଁ ମେରା ହିଲେଏ, ଏଦାଆଁ ମୀରୁ ନେହଁ କଁ ପୁଞ୍ଜାମାଞ୍ଜେରି ଆଡିଜିକେଏ ଆମିନି ଲକୁକି ସୁରୁ ହିଲାଆ ଗାଟାରି କି ଲାଗେଏତାରି ଇଞ୍ଜିହଁ ଇନାଆନି ଇଞ୍ଜାଁ ମାହାପୁରୁ ନାଙ୍ଗେ ତସାମାଞ୍ଜାନେସି □

୨୯ ଏଦାଆଁତାକି ହାଟନିଏ ନାନୁ ଏନାଆଁ ଅଣ୍ଡପାଆନା ଖାଡେଏଁ □ ଇଦାଆଁତାକି ନାନୁ ଝେଞ୍ଜିମାଞ୍ଜାକି, ଏନାଆଁ କିହାଲି ମୀରୁ ନାଙ୍ଗେ ହାଟାଚେରି ?”

୩୦ କର୍ନଲିୟ ଏଲେଇଚେସି, “ତାନିଦିନା ନକେଏ ଇ ବେଲାତା ମିଡ଼ଅଲା ତାନି ଗଂଟା ବେଲା ନାନୁ ନା ଇଜ ପ୍ରାତାନା କିହିମାଚେଏଁ; ମେହ୍‌ମୁ ଏମ୍ବାଆଁ ଉଜେଡିଗାଟି ଦବଲା ହିମ୍ବରିକା ଦୁରହାମାନି ର ଲକୁ ନା ନକିତା ନିତେସି,

୩୧ ଅଡେ ଏଞ୍ଜାସି ଏଲେଇଞ୍ଜାଚେସି, ‘କର୍ନଲିୟ! ମାହାପୁରୁ ନୀ ପ୍ରାତାନା ଝେଞ୍ଜାମାନେସି; ଇଞ୍ଜାଁ ହିଲାଆ ଗାଟାରାକି ନୀ ଦାନା ହାନାୟି ବାରେ ମାହାପୁରୁ ନକିତା ନେହଁ ତଞ୍ଜା ଆହାମାନେ □

୩୨ ଇଦାଆଁତାକି ସିମନ ଦରୁଗାଟି ପିତରକି ହାଟା ତାଚାଲି ଜାପତା ଲକୁକି ପାଣ୍ଡାମୁ, ଏଞ୍ଜାସି ସାମ୍‌ଦୁରି ଗାଟୁତା ଡୟିନି ତଲୁକା କାମା କିନି ସିମନ ଇଜ ଗତାଗାଟାସି ଆହାମାନେସି □’

୩୩ ଏଦାଆଁତାକି ଝେଡାକିଆନା ନାନୁ ନୀ ତାଣା ଲକୁ ପାଣ୍ଡାଚେଏଁ, ଅଡେ ନାନୁ ଖାହାମାଞ୍ଜି ନେହଁ କିହାମାଞ୍ଜି, ଇଚିହଁ ପ୍ରୁ ନିଙ୍ଗେ ଏନାଆଁ ହୁକୁମି ହୀହାମାଞ୍ଜାନେସି, ଏଦାଆଁ ଝେଞ୍ଜାଲିତାକି ମାମ୍‌ରୁ ବାରେ ମାହାପୁରୁ ନକିତା କୃତା ଆହାମାନମି □”

ପିତର ଜାପ୍‌ନାୟି

୩୪ ଏରେଟିଏ ପିତର ଗୁଡି ଏକହାନା ଏଲେଇଚେସି, “ମାହାପୁରୁ ସାଡେଏ ବାରେ ଲକୁଣି ପାରଡା ବାଟି କିଅସି,

୩୫ ଆମିନି ଲକୁ ଏଞ୍ଜାଣାକି ଆଜିନେରି ଅଡେ ଏଞ୍ଜାସି ଅପିନି ଲେହେଁ ନେହଁ କାମା କିନେରି ଏଞ୍ଜାରି ଆମିନି କୃତାତାରି ଇଚିହଁ ଜିକେଏ, ଏଞ୍ଜାସି ଆବିନେସି □

୩୬ ଏଞ୍ଜାସି ଜୀସୁ କ୍ରୀସୁ ତାଣାଟି ହିଡ଼ଡିତି ନେହଁ କାରୁ ଝେସାନା ଇସାୟେଲ ମୀରକା ନକିତା ଇ ବଲୁ ପାଣ୍ଡିଚେସି; ଏ ଜୀସୁ କ୍ରୀସୁ ବାରେତି ପ୍ରୁ □

୩୭ ମୀରୁ ପୁଞ୍ଜାମାଞ୍ଜେରି ଜହନ ବାପ୍‌ସ୍‌ସୁ* କାତା ଝେକ୍‌ହି ତାଣାଟିଏ ଏ ନେହଁ କାରୁ ଗାଲିଲିଟିଏ ମାଟ୍‌ହାନା ବାରେ ଜାହୁଦା ରାଜିତି ଲକୁତାଣା ଝେଙ୍ଗାମାନେ,

୩୮ ଇଚିହଁ ନାଜ୍‌ରିତ ଜୀସୁତି କାତା ପୁଞ୍ଜାମାଞ୍ଜେରି, ଏନିକଁ ମାହାପୁରୁ ଏଞ୍ଜାଣାକି ସୁରୁଜୀଞ୍ଜୁ ଇଞ୍ଜାଁ ବାଡ଼ୟୁ

* ୧୦:୩୭ ୧୦:୩୭ ମୁଞ୍ଜିନାୟି

ହାହାନା ବର ହୀତେସି, ଇଞ୍ଜା ନେହଁ କାମା କିହଁ
ସୟତାନ ପାନ୍ଦାତା ଦସପି ଆହାମାନି ଲକୁଣି ନେହଁ
କିହଁ ବାରେଝାକି ରେରେସି, ଇଚିହଁ ମାହାପୁରୁ
ଏଝାଣିତଲେ ମାତେସି □

୩୯ ଏଝାସି ଜୀହୁଦି ଲକୁତି ଦେସାତା ଅଡ଼େ
ଜିରୁସାଲମତା ଏନା ଏନାଆଁ କିତେସି, ମାମ୍ନୁଏ ବାରେତି
ସାକି; ଏଝାରି ଏଝାଣାକ୍ ପାସି ମୁଣ୍ଡାତା ଏକହାନା
ପାୟିତେରି □

୪୦ ସାମା ମାହାପୁରୁ ଏଝାଣାକ୍ ତାନି ଦିନାତା ନିକହେସି
ଅଡ଼େ ତଞ୍ଜାଆଝି କିତେସି;

୪୧ ବାରେଜାଣା ତାକି ଆଏ, ଝାରଇ ମାହାପୁରୁ ଆଡ଼ିତି
ସାକି, ଇଚିହଁ ମା ନକିତା ତଞ୍ଜାଆଡ଼େସି □ ମାହାପୁରୁ
ଏଝାଣାକ୍ ହାକିଟି ନିକହେ ଜେଚ ମାମ୍ନୁଏଝାଣିତଲେ ତିଚମି
ଉଚମି □

୪୨ ଅଡ଼େ ଲକୁ ନକିତା ଇ ନେହଁ କାରୁ ଝେକହାଲି,
ଇଞ୍ଜା ହାଡ଼ାରି ଅଡ଼େ ଜୀଝୁତା ନୀତାମାନାରି ନୀହାୟି
କିନାସି ଆହାଲି ମାହାପୁରୁ ଏଝାଣାକ୍ ଆଚାମାନେସି ଇଞ୍ଜା
ସାକି ହାହାଲି ଏଝାସି ମାଜେ ହୁକୁମି ହିୟାତେସି □

୪୩ ଆମ୍ବାଆସି ଏଝାଣି ତାଣା ନାମିନେସି, ଏଝାସି ଏଝାଣି
ଦରୁତଲେ ପାପୁ ମେପକି ଆନେସି, ଇଦାଆଁ ବାରେ
ମାହାପୁରୁ ଅଣପୁତି ବଲୁ ଝେହନାରି ଏଝାଣି କାତାତି ସାକି
ହାହାମାନେରି □”

ଜୀହୁଦିଆଆତି ଲକୁ ସୁଦୁଜୀଝୁ ବେଟାଆନାୟି

୪୪ ପିତର ଇ ବାରେ କାତା ଝେସିମାତି ବେଲ୍ଲାତା ଆମିନି
ଗାଟାରି ତାନି ବଲୁ ଝେଞ୍ଜିମାଚେରି, ଏ ବାରେଜାଣାତି ମୁହେଁ
ସୁଦୁଜୀଝୁ ରେଚାଝାଡ଼େ □

୪୫ ଜୀହୁଦିଆଆତି ଲକୁତାଣା ଜିକେଏ ସୁଦୁଜୀଝୁ ରେଚା
ଝାଡ଼ାଣି ମେସାନା ପିତର ତଲେ ଜାପଟି ଝାହାମାତି ତଲୁ
ଦାପି ଆଡ଼ି ନାମିତି ଜୀହୁଦିୟାଁ, ଏଝାରି ବାରେଜାଣା କାବା
ଆଡ଼େରି □

୪୬ ଇଚିହଁ ଏଝାରି ଏଚକା ଏଚକା ହାଡ଼ାତଲେ
କାତା ଆହିମାଚାଣି ଇଞ୍ଜା ମାହାପୁରୁତି ଜହରା କିହିମାନାଣି
ଝେଚେରି □ ଏଚିବେଲ୍ଲା ପିତର ଏଲେଇଚେସି □

୪୭ “ଇଝାରି ଆମିନି ଲକୁ ମା ଲେହେଁ ସୁଦୁଜୀଝୁ
ବେଟାଆହାମାନେରି, ଇଝାରି ଏୟୁତଲେ ବାପ୍ତିସ୍ମା
ବେଟାଆହାଲି ଆମ୍ବାଆସି କାହି କିୟାଲି ଆଡ଼ିମାନେସି ?”

୪୮ ଇଞ୍ଜା, ଏଝାସି ଏଝାରାକ୍ ଜୀସୁ କ୍ରୀସ୍ତ ଦରୁତଲେ
ବାପ୍ତିସ୍ମା ହାହାଲି ହୁକୁମି ହୀତେସି, ତାୟୁ ଏଝାରି
ଏଚରଦିନା ତୟାଲି ଏଝାଣାକ୍ ବାତିମାଲିତେରି □

୧୧

ପିତର କାମାତି କାତା ଜିରୁସାଲମ କୁଲମିତା
ଝେହନାୟି

୧ ଜୀହୁଦିଆଆତାରି ଜିକେଏ ମାହାପୁରୁତି ବଲୁ
ନାମିତେରି, ଇ କାତା ପାଣ୍ଡୁଝି ଆଡ଼ାରି ଇଞ୍ଜା ଜୀହୁଦା
ରାଜିତା ମାନି ତାୟିୟାଁ ଝେଚେରି □

୨ ପିତର ଏଚିବେଲ୍ଲା ଜିରୁସାଲମତା ଝାଡ଼େସି,
ଏଚିବେଲ୍ଲା ତଲୁ ଦାପି ଆଡ଼ି ସୀସୁୟାଁ ପିତର ତଲେ
ବାଦିବାଦା ଆଡ଼େରି,

୩ “ନାନୁ ଜୀହୁଦିଆଆତି ଲକୁ ଇଲ୍ଲକାଣା ହାଜାନା
ଏଝାରିତଲେ ତିଞ୍ଜାମାଞ୍ଜି □”

୪ ସାମା ପିତର ଇ ବାରେ କାତାତି ମୂଲୁଟିଏ ଝେସାଲି
ମାଟହାନା ଏଲେଇଚେସି □

୫ “ନାନୁ ଜାପ ଗାଡ଼ାତା ପ୍ରାତାନା କିହିମାଚେସଁ, ଇଞ୍ଜା
ସେୟାଁଣା ହାପାନାତା ମେସ୍ତେସଁ, ଏନିକଁ ର କାଜା
ହିମ୍ବରିତି ସାରି କନତା ଆସାହାଁ ଲାକପୁରୁଟି ତଇ ରେଚା
ଝାହିମାଚେ, ଅଡ଼େ ଏଦି ନା ପାତେକା ଝାଡ଼େ;

୬ ନାନୁ ଏମ୍ବାଆଁ ସିନିକିହାନା ଅଣ୍ଡାପାଲି ମାଟହେସଁ,
ଏମ୍ବାଆଁ ଦାରୁତିତି ସାରିଗଟା କତାୟାଁ ତଲେ ତାକିନି
ନାସକାତି ଜନ୍ତ ଇଞ୍ଜା ଜାଡ଼ାତି ଜନ୍ତ ତ୍ରୁଗିୟାଁ ରାସକା ଅଡ଼େ
ହାଗୁତି ପଟାୟାଁ ମେସ୍ତେସଁ,

୭ ଅଡ଼େ ନାଜେ ଝେସାମାଞ୍ଜାନି ଇ ହାଡ଼ା ଜିକେଏ
ଝେଚେସଁ, ‘ପିତର; ନିଜାମ୍ନୁ ପାୟାନା ତିନାମ୍ନୁ!’

୮ ସାମା ନାନୁ ଏଲେଇଚେସଁ, ‘ଆଏ ପ୍ରବୁ! ତୀଗାଆଗାତି
ଲାଗେଏ ପଲେଏତି କାଡ଼ି ନାନୁ ଏଚେଲ୍ଲାଝା ନା ଗୁତିତା
ଅହାହିଲଅଁ □’

୯ ସାମା ଅର ଦେବା ଲାକପୁରୁଟି ଇ ହାଡ଼ା ଝେସ୍ତାତେ,
‘ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନାନୁ
ଲାଗେଏତାୟି ଇନାଆନି □’

୧୦ ଇଲାଆହଁ ତାନି ପାଲି ଆଡ଼େ, ଅଡ଼େ ତାୟୁ ଏ
ବାରେ ଝେଶ୍ଟେ ଲାକପୁରୁ ଅଝିଆଡ଼େ □

୧୧ ଅଡ଼େ ମେହଦୁ, ଦେବୁଣିଏ ତାନି ଜାଣା ଲକୁ ମାମ୍ନୁ
ଆମିନି ଇଲୁତା ମାଚମି ଏମ୍ବାଆଁ ଝାହାନା ନିତେରି, ଏଝାରି
କାୟିସରିୟାଟିଏ ନା ତାଣା ପାଣ୍ଡୁଝି ଆହାମାଚେରି □

୧୨ ଇଞ୍ଜା ଆନାମାନା ଆଆନା ଏଝାରିତଲେ ହାଜାଲି
ଜୀଝୁ ନାଜେ ଝେସ୍ତାତେ, ଅଡ଼େ ଇ ସ ଜାଣା ତାୟିୟାଁ
ଜିକେଏ ନା ତଲେ ଜାପଟି କାୟିସରିୟାତା ଝାଡ଼େରି, ଇଞ୍ଜା
ମାମ୍ନୁଏ କନିଲିୟ ଇଜ ହାଚମି □

୧୩ ଏଝାସି ଏନିକଁ ର ଦୂତୁକ୍ ସେୟାଁଣା ହାପାନାତା
ମେସାମାଚେସି, ଏଦାଆଁ ମାଜେ ଝେସ୍ତାତେସି, ଏ ଦୂତୁ
ଏନିକଁ ଏଝାଣି ଇଜ ନିଚାନା ଝେସ୍ତେ, ଜାପତା ଲକୁଣି
ପାଣ୍ଡାନା ପିତର ଇନି ସିମନକ୍ ହାଟାତାମ୍ନୁ;

୧୪ ଏଝାସି ମିଜେ ଝେସ୍ତାନି କାତାତଲେ ‘ମୀରୁ ଅଡ଼େ
ମୀ ବାରେ କୁଚମି ଗେଲ୍ପି ଆଡ଼େରି □’

୧୫ ତାୟୁ ନାନୁ ଜଲ୍ଲାଲି ମାଟହାଲିଏ ସୁଦୁଜୀଝୁ ମା ଲାକ
ଏନିକଁ ରେଚାଝାଡ଼େ, ଏଲେକଁ ଏଝାରି ଲାକ ଜିକେଏ
ରେଚାଝାଡ଼େ □

† ୧୦:୪୭ ୧୦:୪୭ ମୁଞ୍ଜିନାୟି ‡ ୧୦:୪୮ ୧୦:୪୮ ମୁଞ୍ଜିନାୟି ☆ ୧୧:୧୭ ୧୧:୧୭ କାମା ୧:୫ * ୧୧:୧୭ ୧୧:୧୭ ମୁଞ୍ଜିନାୟି † ୧୧:୧୭ ୧୧:୧୭ ମୁଞ୍ଜିନାୟି

୧୬ ☆ଏଚିବେଲା ପ୍ରବୁ ଖେସ୍ତି ଇ ହାଡ଼ା ନା ଅଶ୍ପୁତା ଖାଡ଼େ; ‘ଜହନ ଏମୁତଲେ ବାପ୍ତିସ୍ତା* ହୀତେସି ସାତା, ସାମା ମୀରୁ ସୁଦୁଜୀସ୍ତୁ ତଲେ ବାପ୍ତିସ୍ତା ଆଦେରି □’

୧୭ ଇଚିହ୍ନି ମାର ପ୍ରବୁ ଜୀସୁ କ୍ରୀସ୍ତ ତାଣା ନାମିତି ବେଲାତା ମାହାପୁରୁ ଏନିକ୍ ମାଜେ ଆମିନି ଦାନା ହୀହାମାଜାତେସି, ଏଲେକିହ୍ନିଏ ଏଞ୍ଜାରାକି ଜିକେଏ ସମାନା ଦାନା ହୀତେସି; ନାନୁ ଆମ୍ବାଆତେଏ ମାହାପୁରୁଇଁ କାହି କିହାଲି ଆଡ଼ିଇଁ □”

୧୮ ଏଞ୍ଜାରି ଇ ବାରେ କାତା ଖେଞ୍ଜାଲିଏ ଏଞ୍ଜାରି ପାଲେଏ ଆଡେରି, ଇଞ୍ଜା ମାହାପୁରୁଇଁ ଜହରା କିହ୍ନି ଏଲେଇଚେରି, “ଆଡ଼ିହ୍ନି ମାହାପୁରୁ ଜୀହୁଦିଆଆତି ଲକୁକି ଜିକେଏ ହିୟା ଖେର୍ହାଲି ଅଡେ ନୀତାଲି ପାରୁ ହୀହାମାନେସି □”

ଆନ୍ତିୟକିୟା କୁଲମି

୧୯ ☆ଏଚେଟିଏ ସିପାନ ହାଡ଼ି ତାୟୁ, ଏଚେକା ନାମୁଗାଟାରି କସ୍ତ ନିୟା ଆଡାକି ଆଲାରା ଆହାମାଟାରି ବିତ୍ରାଟି, ପୟିନିକିୟା, କୁପ୍ର ଅଡେ ଆନ୍ତିୟକିୟା ପାତେକା ରେଜାନା ଖାରୁଇ ଜୀହୁଦି ଲକୁ ପିସ୍ପେ ଅଡେ ଆମ୍ବାଆରି ତାଣା ନେହ୍ନି କାରୁ ଖେସିହିଲିଆଡେରି □

୨୦ ସାମା ଏଞ୍ଜାରି ବିତ୍ରାଟି ଏଚରଜାଣା କୁପ୍ର ଅଡେ କୁରିଣିୟ ଲକୁ ଆନ୍ତିୟକିୟା ଖାହାନା ଗ୍ରିକ୍ ଲକୁତାଣା ଜିକେଏ କାତା ଖେସିହ୍ନି ପ୍ରବୁ ଜୀସୁତି ନେହ୍ନି କାରୁ ଖେକ୍ହେରି □

୨୧ ଅଡେ, ଏଞ୍ଜାରିତଲେ ପ୍ରବୁତି ବାଡ଼ୁୟ ମାଚେ, ଅଡେ ହାରେ ହାରେକା ଲକୁ ନାମାହାଁ ପ୍ରବୁ ଖାକି ଖେଶ୍ଟାଖାଡେରି □

୨୨ ଏଞ୍ଜାରି ହାଡ଼ା ଜିରୁସାଲମତି କୁଲମିତା ଏଗାହାଚେ, ଏମ୍ବାଟିଏ ଏଞ୍ଜାରି ଆନ୍ତିୟକିୟା ପାତେକା ବର୍ନବାଇଁ ପାଶ୍ଟାତେରି □

୨୩ ଏଞ୍ଜାସି ଏମ୍ବାଆଁ ଏଜାନା ମାହାପୁରୁତି କାର୍ମାମେସାନା ରାହାଁ ଆଡେସି, ଇଞ୍ଜା ଏଞ୍ଜାରି ଏନିକ୍ ହିୟାତା ରଣ୍ଡିଏ ରାହାଁତଲେ ପ୍ରବୁ ତାଣା ମାନାପେରି ଇଞ୍ଜା ଏଞ୍ଜାରାକି ବାସ୍ତୁ ହୀତେସି □

୨୪ ବର୍ନବା ର ନେହ୍ନି ଲକୁ, ନାମୁତା ଇଞ୍ଜା ସୁଦୁଜୀସ୍ତୁ ବେଟାଆହାମାନାସି ମାଚେସି, ଇଞ୍ଜା ଇଲେତି ବଲୁ ଖେକ୍ନି ତାଣା ହାରେକା ଲକୁ ପ୍ରବୁ ତାଣା ଆଣ୍ଡିତେରି □

୨୫ ତାୟୁ ବର୍ନବା ସାଖୁଲଇଁ ପାରାଲି ତାର୍ସ ଗାଡ଼ାତା ହାଚେସି,

୨୬ ଇଞ୍ଜା, ଏଞ୍ଜାସି ଏଞ୍ଜାଣାଇଁ ବେଟାଆହାନା ଆନ୍ତିୟକିୟାତା ତାଡ଼ିହ୍ନି ଖାଡ଼େସି, ଏଞ୍ଜାରି ର ବାର୍ସା ପାତେକା କୁଲମି ତଲେ ମାଜାନା ହାରେକା ଲକୁଣି ଜାପ୍ହେରି, ଅଡେ ଆନ୍ତିୟକିୟାତି ସୀସୁୟା ତଲିଏ କ୍ରୀସ୍ତାନା ଇଞ୍ଜା ଖେଜିତେରି □

୨୭ ଏଚିବେଲାତା ଏଚରଜାଣା ମାହାପୁରୁ ଅଶ୍ପୁତି ବଲୁ ଖେହ୍ନାରି ଜିରୁସାଲମତି ଆନ୍ତିୟକିୟାତା ଖାଡ଼େରି □

୨୮ ☆ଏଞ୍ଜାରି ବିତ୍ରାଟି ଆଗାବ ଦରୁଗାଟି ର ଲକୁ ନିକ୍ମାନା ବାରେ ଦାଡ଼ିତା କାଜା କାଡ଼ାରା ଆନେ ଇଞ୍ଜା ଜୀସୁତି ବାଡ଼ୁୟ ତଲେ ଖେସ୍ତେସି; ଏଡ଼ି କ୍ଲାସ୍ତୁଦିୟା ସାଲଖି କିନାଣି ବେଲାତା ଆଡେ □

୨୯ ଏମ୍ବାଟିଏ ସୀସୁୟା ତାମ୍ବୁତାମି ଆଡ଼ିନି ଲେହେଁ ଜୀହୁଦା ରାଜିତା ମାନି ନାମିତି ତାୟିୟାକି ସାୟେମି କିୟାଲି ତାରି କିତେରି,

୩୦ ଅଡେ, ଏଞ୍ଜାରି ଜିକେଏ ଟାକାୟା କୃଡ଼ି କିହାନା ଏ କୁଲମିତି ପ୍ରାଟିନାଜା କେୟୁତା ହୀହାଲି ବର୍ନବା ଅଡେ, ସାଖୁଲ କେୟୁତା ଟାକାୟା ପାଣ୍ଡିତେରି □

୧୨

ହାରେକା ସାସ୍ତି ପାଶ୍ଟାନାୟି

୧ ଏଚିବେଲାତା ରାଜା ହେରଦ କୁଲମିତି ଏଚର ଜାଣାଇଁ ସାସ୍ତି ହୀହାଲି ମାଟ୍ହେସି □

୨ ଏଞ୍ଜାସି ଜହନତି ତାୟି ଜାକୁବଇଁ କାଶ୍ଟାତଲେ ପାୟି କିତେସି □

୩ ଅଡେ, ଜୀହୁଦି ଲକୁ ଏଞ୍ଜାଣି ତାକି ରାହାଁ ଆହାମାନାଣି ମେସାନା ଏଞ୍ଜାସି ପିତରଇଁ ଜିକେଏ ଆସ୍ତେସି, ଏଚିବେଲାତା ପୁଲା ଆଣ୍ଡାଆତି ରୁଟି ତିନି ପାର୍ବୁ ମାଚେ □

୪ ଏଚେଟିଏ ଏଞ୍ଜାସି ପିତରଇଁ ଦସ୍ପାନା କାୟିଦି ଇଲୁତା ଇଚିତେସି, ଇଞ୍ଜା ପିସ୍ପିଆନି ପାର୍ବୁ ରାଡ଼ି ତାୟୁ ଏଞ୍ଜାଣାଇଁ ବାରେ ଲକୁ ନକିତା ତାଚାଲି ଅଶ୍ପାନା ଏଞ୍ଜାଣାଇଁ କାଚାଲି ସାରି ଜାଣା ଲାକା ସାରି ଗତି କସ୍କା କେୟୁତା ହେର୍ପିତେସି □

୫ ପିତରଇଁ କାୟିଦିତା ସୁଣ୍ଡିତେରି, ସାମା ଏଞ୍ଜାଣି ତାକି କୁଲମି ରଣ୍ଡିଏ ହିୟା ତଲେ ମାହାପୁରୁ ତାଣା ପ୍ରାଡ଼ାନା କିହିମାଚେରି □

ପିତର କାୟିଦି ଇଲୁଟି ଗେଲ୍ପି ଆନାୟି

୬ ତାୟୁ ହେରଦ ଆମିନି ଦିନା ପିତରଇଁ ହପ୍ହାଲି ଅଶ୍ପାମାଚେସି, ଏ ନେରୁ ଲାଆଁୟାଁ ପିତର ରୀ ହିକ୍ଣିୟାଁ ତଲେ ଦସ୍ପି ଆହାନା ରୀ କସ୍କା ମାଦି ତୁରାମାଚେସି, ଅଡେ କାଃଆନାରି କାୟିଦି ଇଲୁ ଦୁଖେରିତା କାଡ଼ାମାଚେରି □

୭ ଅଡେ ମେହ୍ଦୁ, ଦେବୁଣିଏ ପ୍ରବୁତି ର ଦୁତୁ ଏମ୍ବାଆଁ ତଞ୍ଜାଆଡେ, ଇଞ୍ଜା ଇଲୁ ବିତ୍ରା ଉଜେଡ଼ି ଆହାହାଚେ, ଅଡେ ପିତରଇଁ ବମିତା ତୀଗାହାଁ ନିକ୍ହାନା ଏଲେଇଚେ, “ତବେ ନିକ୍ମାମ୍ବୁ,” ଏମ୍ବାଟିଏ ଏଞ୍ଜାଣି କେସ୍ତାତି ହିକ୍ଣିୟାଁ ହୁକ୍ମାହାଚୁ □

୮ ଏଚେଟିଏ ଦୁତୁ ଏଞ୍ଜାଣାଇଁ ଏଲେଇଚେ, “ଚେତେଲି ରୁପା କଡ଼ାମୁ ଇଞ୍ଜା ସେପୁୟାଁ ତୁରମ୍ବୁ” ଇଞ୍ଜା ପିତର ଏଲେକିତେସି, ଅଡେ ଦୁତୁ ଏଲେଇଚେ, “ନୀ ହିମ୍ବୁରି ପର୍ହାନା ନା ଜେଚ ଜେଚ ଖାମ୍ବୁ □”

☆ ୧୧:୧୯ ୧୧:୧୯ କାମା ୮:୧-୪ ☆ ୧୧:୨୮ ୧୧:୨୮ କାମା ୨୧:୧୦

୯ ପିତର ହରାଣା ଏଞ୍ଜାଣି ଜେଟ ଜେଟ ହାଚେସି; ସାମା ଦୁତୁ ତାଣାଟି ଏନାଆଁ କିଞ୍ଜିଆଡେ, ଏଦି ସାତେଏ ଏଦାଆଁ ପୁନାଆନା ଏଞ୍ଜାସି ହାପାନା ହେଣ୍ଡିମାଲ୍ ଇଞ୍ଜି ଅଣ୍ଡିମାଚେସି □

୧୦ ଏଚିବେଲାତା ଏଞ୍ଜାରି ନକିତି ଅଡେ ଏଦାଣି ତାୟୁ କାଟାମାଚାରାଇଁ ଗାଣ୍ଡାଚାନା ଆମିନି ଲହ ଦୁଞ୍ଜେରି ହୀହାନା ଗାଡାତା ହଡାଲି ଆନେ, ଏଦାଆଁ ତାଗେ ଖାହାଲିଏ, ଏଚେତା ଏ ଦୁଞ୍ଜେରି ତାନୁ ତାନୁଏ ଏଞ୍ଜାରାକି ଦେପି ଆହାହାଚେ, ଅଡେ ଏଞ୍ଜାରି ହରା ହାଜାନା ର ଆଂଗେଣି ମୁଟହାମାନି ପାତେକା ହାଚେରି, ଇଞ୍ଜା ଦେବୁଣିଏ ଏ ଦୁତୁ ଏଞ୍ଜାଣାଇଁ ପିସା ହାଚେ □

୧୧ ଏଚେଟିଏ ପିତର ସେତନା ଆହାନା ଏଲେଇଚେସି, “ପ୍ରବୁ ତାନି ଦୁତୁଇଁ ପାଣ୍ଡାନା ହେରଦ କେୟୁଟି ଅଡେ ବାରେ ଜୀହୁଦି ଲକୁ ଅଣ୍ଡିମାଚି ତାଣାଟି ପିସ୍ପି କିହାଁ ମାଞ୍ଜାନେସି, ଇଦାଆଁ ନୀଏଁ ନାନୁ ସାତେଏ ପୁଚେଏଁ □”

୧୨ ଏଞ୍ଜାସି ଇ କାତା ଅଣ୍ଡିମାଚି ମାର୍କ ଦରୁଗାଟି ଜହନ ତାମି ଇୟା ମରିୟମନି ଇଜ ହାଚେସି; ଏମ୍ବାଆଁ ହାଚେକା ଲକୁ ରୁଣ୍ଡା ଆହାନା ପ୍ରାଡାନା କିହିମାଚେରି □

୧୩ ପିତର ପାଞ୍ଜାତି ଦୁଞ୍ଜେରିତା ଖେଚାଲିଏ, ରଦା ଦରୁଗାଟି ର ହଲେଣି ଆମ୍ବାଆତେରି ଇଞ୍ଜି ଖେଞ୍ଜାଲି ହାଚେ □

୧୪ ଏଦି ପିତରତି ହାଡା ଖେଞ୍ଜାନା ରାହାଁତାକି ଦାରା ଦେଝଆନା ବିତ୍ରା ଦାବୁଡି ହାଜାନା ଦାରା ତାକିତା ପିତର ନିଚାମାନେସି ଇଞ୍ଜି ଖେସ୍ତେ □

୧୫ ଏଞ୍ଜାରି ଏଦାନି ଏଲେଇଚେରି, “ନୀନୁ ବାୟା ଆଡିକି ଇଞ୍ଜି ଇଚେରି,” ସାମା ଏଦି ଏଦାଆଁ ସାତା ଇଞ୍ଜି ଗାଡକିହଁ ଖେସ୍ତେ, ଇଞ୍ଜା ଏଞ୍ଜାରି ଏଲେଇଚେରି, “ଏଦି ଏଞ୍ଜାଣି ଦୁତୁ □”

୧୬ ସାମା ପିତର ଦାରାତା ଅଲେ ଅଲେ ଖେଚିମାଚାକି, ଏଞ୍ଜାରି ଦାରା ଦେଚାନା ଏଞ୍ଜାଣାଇଁ ମେସାନା କାବା ଆଡେରି □

୧୭ ସାମା ଏଞ୍ଜାସି ଏଞ୍ଜାରାଇଁ ପାଲେଏ ମାଞ୍ଜାଲି କେୟୁ ଜୀଞ୍ଜିଚେସି, ଇଞ୍ଜା ପ୍ରବୁ ଏଞ୍ଜାଣାଇଁ ଏନିକିଁ କାୟିଦି ଇଲୁଟି ହପୁହା ତାଚେସି ଏଞ୍ଜାରାଇଁ ଖେସ୍ତେସି, ଅଡେ ଏଞ୍ଜାସି ଏଲେଇଚେସି “ଇ ବାରେ କାତା ଜାକୁବ ଅଡେ ବାରେ ନାମିତି ତାୟିୟାଲ୍ ଖେହୁଦୁ,” ଇଞ୍ଜା ଏଞ୍ଜାସି ତାକିହଁ ଅର ଗାୟୁତା ହାଜାତୁସେସି □

୧୮ ଲାଈ ଖେୟାଲିଏ ପିତର ଆମ୍ବିୟା ହାଚେସି ଇଞ୍ଜି କାପୁ କାଝଆନି କସ୍କା କାବାଆହାନା ହାଚେକା ବିଲକି ଆଡେରି ?

୧୯ ଅଡେ, ହେରଦ ଏଞ୍ଜାଣାଇଁ ପାରି କିହାନା ପ୍ଲାଝଆଲିଏ, କାପୁ କାଝନାରାଇଁ ଖେଚି ତାୟୁ, ଏଞ୍ଜାରାଇଁ ପାୟାଲି ହୁକୁମି ହୀଚେସି □ ଏଦାଆଁ ତାୟୁ ହେରଦ ଜୀହୁଦା ରାକ୍ରିଟି କାୟିସରିୟାତା ହାଜାନା ଏମ୍ବାଆଁ ଡୟିଚେସି □

ହେରଦ ହାନାୟି

* ୧୩:୫ ୧୩:୫ ସିନଗଗ

୨୦ ଏଚିବେଲା ହେରଦ ସର ଅଡେ ସିଦନତି ଲକୁତାକି ଆଜିହପେତି କପା ଆହାମାଚେସି, ଅଡେ ଏଞ୍ଜାରି ରଣ୍ଡିଏ କାତା ଆହାନା ଏଞ୍ଜାଣି ତାଣା ଖାଚେରି, ଇଞ୍ଜା ରାଜା ଇଲୁଟି ଗ୍ଲାସ୍ପ୍ ଇନି ସାଲଞ୍ଜି କିନାଣାଇଁ ତାମି ଖାକି କିହାନା, ରାଜାଇଁ ହିଡଡି ତାକି ବାତିମାଲିଚେରି, ଇଚିହଁ ହେରଦ ରାଜା ଦେସାଟି ସର ଅଡେ ସିଦନ ଦେସାତା ଆନାଁ ହାଜିମାଚେ □

୨୧ ଏଚେଟିଏ ହେରଦ ତୀରିକିତି ଦିନାତା ରାଜା ହୁଚିନି ହିମ୍ବୁରିକା ହୁଚାନା ସିଂଗାସାଣିତା କୁଗାନା ଲକୁ ନକିତା ର କାତା ଖେସ୍ତେସି;

୨୨ ଏଚେଟିଏ ଲକୁ କାଲଞ୍ଜି ଆହଁ ଏଲେଇଚେରି, “ଇଦି ମାହାପୁରୁତି ଗିୟାଁ, ମାଣ୍ଡସିତି ଗିୟାଁ ଆଏ □”

୨୩ ଏ ଦେବୁଣିଏ ପ୍ରବୁତି ର ଦୁତୁ ହେରଦଇଁ ତୀରିଚେ, ଇଚିହଁ ଏଞ୍ଜାସି ମାହାପୁରୁଇଁ ଜହରା କିଆଚେସି, ଇଞ୍ଜା ଏଞ୍ଜାଣାଇଁ ପିଡ଼ୁଲି ତିଞ୍ଜାଲିଏ ଏଞ୍ଜାସି ହାଚେସି □

୨୪ ସାମା ମାହାପୁରୁତି ବଲୁ ପାତାଆହାନା ହାଚେକା ଖେଚିଚେ □

୨୫ ତାୟୁ ବର୍ନବା ଅଡେ ସାଞ୍ଜୁଲ ତାମି ସେବା କାମା ରାପୁହାନା ଜହନ ଇନି ମାର୍କଇଁ ତଡ଼ କିହାନା ଜିରୁସାଲମତି ଖେଣ୍ଡା ହାଚେରି □

୧୩

ବର୍ନବା ଅଡେ ସାଞ୍ଜୁଲଇଁ ଆଚାନା ପାଣ୍ଡିନାୟି

୧ ଏଚିବେଲା ଆକ୍ରିୟକିୟାତି କୁଲମିତା ବର୍ନବା, ସିମିୟନ କାଡିୟା ଇନାସି, କୁରିଣି ଦେସାଟି ଲୁକିୟ, ହେରଦ ରାଜା ତାୟିଲେହେଁ ପାତାଆଡି ମନହେମ ଅଡେ ସାଞ୍ଜୁଲ, ଆକ୍ରିୟକିୟାତା ମାଚି କୁଲମିତା ମାହାପୁରୁ ଅଣ୍ଡିପୁତି ବଲୁ ଖେହନାରି ଅଡେ ଜାପୁନାରି ମାଚେରି □

୨ ଏଞ୍ଜାରି ପ୍ରବୁତି ସେବା ଅଡେ ଉପାସା କିହିମାଚାଟି, ସୁଦୁଜୀଞ୍ଜୁ ଏଞ୍ଜାରାଇଁ ଏଲେଇଚେ, “ନୀନୁ ଆମିନି କାମାତାକି ବର୍ନବା ଅଡେ ସାଞ୍ଜୁଲଇଁ ହାଚାମାଇଁ, ଏ କାମାତାକି ଏଞ୍ଜାରାଇଁ ଏଚକା କିଦୁ □”

୩ ଏଚେଟିଏ ଏଞ୍ଜାରି ଉପାସା ଅଡେ ପ୍ରାଡାନା କିତି ତାୟୁ ଏଞ୍ଜାରି ତାକାଣା କେସ୍ତା ଇଚାନା ଏଞ୍ଜାରାଇଁ ହେରପାନା ପାଣ୍ଡିଚେରି □

କୁପ୍ରତା କାମା

୪ ଇଲେଆହଁ ବର୍ନବା ଅଡେ ସାଞ୍ଜୁଲ ସୁଦୁଜୀଞ୍ଜୁ ତଲେ ପାଣ୍ଡି ଆହାନା ସେଲୁକିୟାତା ହାଚେରି; ଇଞ୍ଜା ର ସାମ୍ପୁରି ଜାଜାତା ହରାଣା କୁପ୍ରତା ହାଚେରି □

୫ ଏଞ୍ଜାରି ସାଲମି ଗାଡାତା ଏଗାହାଜାଲିଏ ଜୀହୁଦି ଲକୁଟି ବାରେ ଜୀହୁଦି ଲକୁଟି କୁଟମି ଇଲକାଣା* ମାହାପୁରୁତି ବଲୁ ଖେକହାଲି ମାଚୁହେରି; ଅଡେ, ଜହନ ମାର୍କ ଜିକେଏ ସାୟେମି କିୟାଲି ଏଞ୍ଜାରିତଲେ ମାଚେସି □

୭ ଇଞ୍ଜା ଏଞ୍ଜାରି ଏ ଦେସା ମାଦିଟି ରେଜିହଁ ପାପସ୍ତ
ଗାଡ଼ାତା ହାଚେରି; ଏମ୍ବାଆଁ ଏଞ୍ଜାରି ବାର-ଜାସୁ, ଦରୁଗାଟି
ର ଜୀହୁଦି ଗାରୁଡ଼ି ଗାଟାଣାଲ୍ ବେଟାଆଡ଼େରି, ଏଞ୍ଜାସି ମିଟି
ମାହାପୁରୁ ବଲୁ ଖେହ୍ନାସି □

୮ ଏ ଦେସା ସାଲୁଞ୍ଜି କିନି ସେଗର୍ଯ୍ୟ ପାଞ୍ଜୁଲ ତଲେ
ମାଚେସି, ଏ ସାଲୁଞ୍ଜି କିନାସି ର ବୁଦିଗାଟାସି, ଏଞ୍ଜାସି
ସାଞ୍ଜୁଲ ଅଡ଼େ ବର୍ନବାଲ୍ ହାଟି କିହାନା ମାହାପୁରୁତି କାତା
ଖେଞ୍ଜାଲି ଅଣ୍ପିମାଚେସି □

୯ ସାମା ଏ ଗାରୁଡ଼ିଗାଟି “ଏଲିମା” ଇଦି ଗ୍ରିକ୍ ଦରୁ
ଏ ସାଲୁଞ୍ଜି କିନାଣାଲ୍ ନାମୁଟି ପିସ୍ପିକିନି ଅଣ୍ପୁ ତଲେ
ଏଞ୍ଜାରାଲ୍ ବାଡ଼ା ହାତେସି □

୧୦ ସାମା ସାଞ୍ଜୁଲ ଆମ୍ବାଆରାଲ୍ ପାଞ୍ଜୁଲ ଜିକେଏ ଇନେରି,
ସୁଦୁଜୀଞ୍ଜୁଟି ନେଞ୍ଜାନା; ଏଲିମାଲ୍ ସିନିକିତେସି,

୧୧ ଅଡ଼େ ଏଲେଇଚେସି, “ଆଡ଼େ ସୟତାନ
ମୀରଏଣାତି, ବାରେଲେହେଡ଼ି ନାଡ଼ିକିନି ଲାଗେଏଡ଼ି
ଅଣ୍ପୁତା ନେଞ୍ଜାମାନାତି, ଅଡ଼େ ବାରେ ନେହଁ କାମାତି
ସାଡୁ, ନୀନୁ ପ୍ରବୁତି ସଲ୍ଲକେ ଜିରୁଡ଼ି ଲାଗେଏ କିହାଲି
ପିହ୍ଅତି କି ?

୧୨ ଅଡ଼େ ନୀର୍ବ ମେହ୍ନୁ ପ୍ରବୁତି କେୟୁ ନୀ ଲାକ ମାନେ;
ଇଞ୍ଜା ନୀନୁ କାଣା ଆହାନା ଗାଡ଼େକା ତାକି ଖେଡ଼ାତି
ଉଜେଡ଼ି ମେହ୍ଅତି □” ଏ ଦେବୁଣିଏ ଏଲିମା କାଣ୍ଡକାତା
ଦୁନ୍ଦା ପଜିତି ଲେହେଁ ଆଡ଼େ ଇଞ୍ଜା ତାନି କେୟୁ ଆସାଁ ଜିରୁ
ତସାଲି ରଅଣାଲ୍ ପାରିତେସି □

୧୩ ଇଦାଆଁ ମେସାନା ସାଲୁଞ୍ଜି କିନାସି ପ୍ରବୁତି ଜାପ୍ନାଣି
ଖେଞ୍ଜାନା କାବାଆହାନା ନାମିତେସି □

ପିସିଦିୟାତି ଆନ୍ତିୟକିୟାତା କାମା

୧୪ ତାୟୁ ପାଞ୍ଜୁଲ ଅଡ଼େ ତାନି ତଣେସିଜ୍ଞା ପାପସ୍ତିଏ
ସାମ୍ବୁରି ଜିରୁଡ଼ି ହାଜାନା ପଂପୁଲିୟା ଗାଡ଼ାତି ପଗର୍ତା
ଞ୍ଜାଡ଼େରି; ସାମା ଜହନ ମାର୍କ ଏଞ୍ଜାରାଲ୍ ପିସାନା
ଜିରୁସାଲମତା ଖେଣ୍ଡାହାଚେସି □

୧୫ ଏଞ୍ଜାରି ପଗର୍ଟି ହାଜାନା ପିସିଦିୟାତି
ଆନ୍ତିୟକିୟାତା ଏଗାହାଚେରି, ଅଡ଼େ ଜମିନି ଦିନା ଜୀହୁଦି
ଲକୁଡ଼ି କୁଟମି ଇଲୁଡାଁ ହାଜାନା କୁଗିତେରି □

୧୬ ଅଡ଼େ, ମସା ରାଡ଼ିତି ମେରା ଇଞ୍ଜା ମାହାପୁରୁ
ଅଣ୍ପୁତି ବଲୁ ଖେହ୍ନାରି ପତି ପଡ଼ଞ୍ଜି ଆଡ଼ି ତାୟୁ,
ପ୍ରାତାନା ଇଲୁଡ଼ି କାଜାରି ଏଞ୍ଜାରିତାଣା ଏଲେଇଞ୍ଜି ଖେସା
ପାଣ୍ଡିତେରି; “ତାୟିୟାଁ, ଲକୁଡାକି ବାସୁଁ ହାନି କାତା
ମାଟିହଁ ଖେହ୍ନୁ □”

୧୭ ଏଚେଟିଏ ପାଞ୍ଜୁଲ ନିତାନା ଲକୁଣି କେୟୁ
ତସିହଁ ଏଲେଇଚେସି; “ଇସ୍ରାୟେଲ ଲକୁଡେରି
ଇଞ୍ଜା ଜୀହୁଦିଆଆତି ଲକୁଡେରି ଅଡ଼େ ମାହାପୁରୁଲ୍
ଆଜିନାଚେରି ନା କାତା ଖେଞ୍ଜୁ □”

୧୮ ଇ ଇସ୍ରାୟେଲ କୁଡାତି ମାହାପୁରୁ ମା ଆକୁ
ଆବାୟାଣି ଆଡ଼ିତେସି, ଅଡ଼େ ଏଞ୍ଜାରି ମିସର ଦେସାତା
ବାସା କିହାମାନି ବେଲାତା, ଏଞ୍ଜାରାଲ୍ ପାତି କିତେସି, ଇଞ୍ଜା
ବାଡ଼ୟୁ ଗାଟି କେୟୁତଲେ ଏଞ୍ଜାରାଲ୍ ହପ୍ହା ତାଚେସି,

୧୯ ତାୟୁ ରୀ କଡ଼ି ବାସା ପାତେକା ବାଞ୍ଜି ବାଟାତା
ଏଞ୍ଜାସି ଏଞ୍ଜାରି ଲେଦିନାଣି ଅରୁହିତେସି □

୨୦ ଏଞ୍ଜାସି କିଣାନ ଦେସାତି ସାଡାଗଟା କୁଡାତି ଲକୁଣି
ନାସା କିହାନା ତାନି ଆଡାମାନି ଲକୁକି ଏ ଦେସାତି
ଅଦିକାରା ହାତେସି □

୨୧ ସାରି ଞ୍ଜାଞ୍ଜା ରୀ କଡ଼ି ଦସ ବାସା ବିଡ୍ରା ଇ ବାରେ
ଆଡ଼େ □ ଏଚେଟିଏ ମାହାପୁରୁ ଅଣ୍ପୁତି ବଲୁ ଖେହ୍ନି
ସାମୁୟେଲ ପାତେକା ବିଚାରା କିନାରାଲ୍ ଆଡ଼ିତେସି □

୨୨ ଏମ୍ବାଟିଏ ଏଞ୍ଜାରି ର ରାଜାଲ୍ ହିୟାମୁ ଇଞ୍ଜା
ରୀସାଲିଏ ମାହାପୁରୁ ରୀ କଡ଼ି ବାସା ପାତେକା ବିନ୍ୟାମିନ୍
କୁଡାତି କିସ୍ ମୀରଏସି ସାଞ୍ଜୁଲ୍ ରାଜା ଆହାଲି ହାତେସି □

୨୩ ତାୟୁ ମାହାପୁରୁ ଏଞ୍ଜାଣାଲ୍ ରାଜା ପାଣା ପିସ୍ପି
କିହାନା, ଏଞ୍ଜାରି ରାଜା ଆହାଲିତାକି ଦାଞ୍ଜୁଦଲ୍ ଆଡ଼ିତେସି,
ମାହାପୁରୁ ଜିକେଏ ଏଞ୍ଜାଣି କାତା ସାକି ହାହାନା
ଏଲେଇଚେସି; “ନାନୁ ଜିସି ମୀରଏସି ଦାଞ୍ଜୁଦଲ୍
ବେଟାଆହାମାଲ୍, ଏଞ୍ଜାସି ନା ହିୟାତି ଅଣ୍ପୁ ଲେହେଁତାସି,
ଏଞ୍ଜାସି ବାରେ କାତାତା ନା କାତା ମାନୁଡ଼ି ଆନେସି □”

୨୪ ଏଞ୍ଜାଣି କୁଡାତି ମାହାପୁରୁ ଆଞ୍ଜାମାଟି ଲେହେଁ
ଇସ୍ରାୟେଲ ଲକୁଡାକି ର ଗେଲ୍ପିନାଣାଲ୍ ଇଡିହଁ
ଜୀସୁଲ୍ ଜାନ କିହାମାନେସି □

୨୫ ଶଜୀସୁ ତାନି କାମା ମାଟ୍ଟିନି ନକେଏ, ଜହନ
ଇସ୍ରାୟେଲତି ବାରେ ଲକୁ ନକିତା ପାପୁଟି ଖେଣ୍ଡିନି କାତା
ଅଡ଼େ ବାପ୍ରିସ୍ଟ୍ ଅନି କାତା ଖେକହା ମାଚେସି □

୨୬ ଅଡ଼େ ଜହନ ତାନି କାମା ରାପ୍ହିମାଟି ବେଲାତା
ଲକୁଣି ଏଲେଇଚେସି, “ନାଜେ ମୀରୁ ଆମ୍ବାଆସି ଇଞ୍ଜା
ଅଣ୍ପିମାଞ୍ଜାଦେରି ନାନୁ ଏଞ୍ଜାତେଏଁ ଆଏ, ସାମା ମେହ୍ନୁ
ନା ତାୟୁ ରଅସି ଞ୍ଜାହିମାନେସି, ଏଞ୍ଜାଣି କତାତି ସେପୁୟା
ହୁକହାଲି ନାନୁ ଜଗେ ଆଆଁ □”

୨୭ ଏ ତାୟି ତାଜିସ୍ଲା, ଅବ୍ରାହାମ କୁଡାତି ମୀରକା
ମାସ୍କାଚେରି, ଅଡ଼େ ମୀ ତାଣାଟି ମାହାପୁରୁଲ୍ ଆଜିମାନି
ଜୀହୁଦିଆଆତି ଲକୁଡେରି; ମା ତାଣା ଇ ଗେଲ୍ପିଆନି
ବଲୁ ପାଣ୍ଡୁଞ୍ଜି ଆହାମାଞ୍ଜାନେ □

୨୮ ସାମା ଏଞ୍ଜାସି ଗେଲ୍ପିନାସି, ଜିରୁସାଲମତା ମାନାରି
ଅଡ଼େ ତାନି ବାରେ କାଜାରି ଏଦାଆଁ ପୁଞ୍ଜାହିଲାଆଚେରି,
ଅଡ଼େ ବାରେ ଜମିନି ଦିନା ପଡ଼ଞ୍ଜି ଆହିମାନି ମାହାପୁରୁ
ଅଣ୍ପୁତି ବଲୁ ଖେହ୍ନାରି କାତା ପୁଞ୍ଜିହିଲାଆଚେରି,
ଆଡ଼ିଜିକେଏ ଜୀସୁଲ୍ ଦହ୍ କିହାନା ମାହାପୁରୁ ବଲୁ
ଖେହ୍ନାରି କାତା ପୁରା କିତେରି □

† ୧୩:୧୪ ୧୩:୧୪ ସିନଗର ☆ ୧୩:୨୪ ୧୩:୨୪ ମାର୍କ ୧:୪; ଲୁକ ୩:୩ ‡ ୧୩:୨୪ ୧୩:୨୪ ଲୁକ ୧:୨୦; ମାତି ୩:୧୧; ମାର୍କ ୧:୭; ଲୁକ ୩:୧୭; ଜହ ୧:୭୭ ☆ ୧୩:୨୮ ୧୩:୨୮ ମାତି ୨୭:୨୭, ୨୮; ମାର୍କ ୧୫:୧୩, ୧୪; ଲୁକ ୨୩:୨୧-୨୩; ଜହ ୧୯:୧୫

୨୮ ଅଡ଼େ ଏଞ୍ଜାଣାକି ହାନ୍ତି ତଣ୍ଡୁତି ଏନ୍ତି ଦହ୍ ପୁଃଅଥାତି ଜିକେଏ ଏଞ୍ଜାଣାକି ପାୟାଲି ପିଲାତକ୍ ବାତିମାଲିତେରି □

୨୯ ଏଞ୍ଜାଣି ତାକି ଦାମ୍ବୁ ସାସ୍ତେରିତା ବାରେ କାତା ରାସ୍ତିକି ଆହାମାନେ, ଏଲେଆହ୍ ବାରେ ଗଟ୍ଝି ଆଡ଼ି କ୍ରେଟ ଏଞ୍ଜାରି ଏଞ୍ଜାଣାକି ପାସ୍ତି ମୁଣ୍ଡାଟି ରେପ୍‌ହା ତାଚାନା, ମାଡ଼ହା ଇଟିନି ଟାୟୁତା ଇଟିତେରି □

୩୦ ସାମା ମାହାପୁରୁ ଏଞ୍ଜାଣାକି ହାଡ଼ାରି ତାଣାଟି ନିକହେସି,

୩୧ ଅଡ଼େ ଆମିନି ଗାଟାରି ଗାଲିଲିଟି ଜିରୁସାଲମତା ତାନିତଲେ ଖାହାମାଚେରି, ଏଞ୍ଜାରି ହାରେକା ଦିନା ପାତେକା ଏଞ୍ଜାଣାକି ମେସ୍ତେରି; ଏଞ୍ଜାରି ଇସ୍ରାୟେଲ ଲକୁତାଣା ନାଏ ଏଞ୍ଜାରି ସାକି □

୩୨ ଅଡ଼େ ଆକୁ ଆବାୟା ନକିତା ମାହାପୁରୁ ଆଞ୍ଜାମାନାଣି ମାମ୍ବୁ ମିଙ୍ଗେ ଇ ନେହ୍ କାବୁ ଖେସିମାଞ୍ଜାନମି;

୩୩ ଜାସୁକ୍ ମାହାପୁରୁ ନିକହାନା ଏଞ୍ଜାରି ମୀରକାତାୟି ମାର, ମାଙ୍ଗେତାକି ଏ ଆଞ୍ଜାମାନାଣି ପୁରା କିହାମାନେସି, ଏନିକ୍ ରୀ ଲମ୍ବର ପାରୁ ପତିତା ରାସ୍ତିକି ଆହାମାନ, “ନାନୁ ନା ମୀରଏଣାତି;

ନୀଞ୍ଜୁଟିଏ ନାନୁ ନୀ ଆବାତେଏଁ □”

୩୪ ଏଞ୍ଜାସି ହାଡ଼ାରି ତାଣାଟି ଖେଣ୍ଡେ ନିକହାମାନେସି, ଏଞ୍ଜାସି ସୀରନି ତାଣା ହାଲଅସି ଇଞ୍ଜା ମାହାପୁରୁ ଖେସାମାନେସି; “ନାନୁ ଦାଞ୍ଜୁଦ ନକିତା ଆଞ୍ଜାମାନି ସୁଦୁ,

ଇଞ୍ଜା ତାରି ଆନି ବର ମିଙ୍ଗେ ସାତେଏ ହିୟାକ୍ □”

୩୫ ଇଞ୍ଜା ଏଞ୍ଜାସି ଅଡ଼େ ର ପତିତା ଏଲେଇଞ୍ଜା ମାନେସି, “ନାନୁ ନୀ ତାରି ଗାଟାଣାକି ସୀରହାଲି ହାଅତି □”

୩୬ ଦାଞ୍ଜୁଦ ତାନୁ ରାଜି କିହିମାଟି ବେଲାତା ଲକୁ ବିତ୍ରା ମାହାପୁରୁ ଅଣ୍ପୁ ତଲେ ସେବା କାମା କିତି ତାୟୁ ହାଡ଼େସି, ଇଞ୍ଜା ତାମି ଆକୁ ଆବାୟା ଟଟତା ମୁସ୍‌ପି ଆହାନା ସୀରହେସି □

୩୭ ସାମା ମାହାପୁରୁ ଆମ୍ବାଆରାକି ହାକିଟି ନିକହାମାନେସି ଏଞ୍ଜାସି ସୀରହା ହିଲଅସି □

୩୮ ଇଦାଆଁତାକି ଏ ତାୟିୟା ଇଦାଆଁ ପୁଞ୍ଜୁ, ଇ ଜାସୁ ତାଣାଟି ମୀ ନକିତା ପାପୁତି ମ୍ଲେକ୍‌ନି କାତା ଖେସ୍‌ପି ଆହାମାନେ;

୩୯ ଅଡ଼େ ମସାତି ଆମିନି ମେରାତି ବାରେ ତାଣାଟି ମୀରୁ ପିସ୍‌ପି ଆହାଁ ଦାମ୍ବୁଗାଟାଚେରି ଆହାଲି ଆଡ଼ାଆତେରି, ଇଞ୍ଜା ନାମିମାନି ବାରେ ଲକୁ ଏଞ୍ଜାଣି ତାଣାଟି ଏ ବାରେ ତାଣାଟି ପିସ୍‌ପି ଆହାନା ଦାମ୍ବୁଗାଟାରି ଆନେରି □

୪୦ ଏଦାଆଁତାକି ଜାଗ୍ରାତା, ମାହାପୁରୁ ଅଣ୍ପୁତି ବଲୁ ଖେହ୍‌ନାରି ସାସ୍ତେରିତା ଏନାୟି ଖେସ୍‌ପି ଆହାମାନେ, ଏଦି ଏନିକ୍ ମିଙ୍ଗେତାକି ଆୟେଏ;

୪୧ “ମାହାପୁରୁକ୍ ଅପାଆ ଗାଟାଚେରି ମୀରୁ ମେସାନା, କାବା ଆହାଁ, ନାସା ଆଦୁ;

ଇଟିହ୍ ମୀ ବେଲାତା ମାମ୍ବୁର କାମା କିହିମାନମି,

ଅଡ଼େ ଏ କାମାତି ଆମ୍ବାଆସି ମୀ ନକିତା ଖେସ୍‌ସାନେସି, ଏଦାଆଁ ମୀରୁ ଏନିଜିକେଏ ନାମଅତେରି □”

୪୨ ପାଞ୍ଜୁଲ ଅଡ଼େ ବର୍ନବା ଜାହୁଦି ଲକୁତି କୁଟମି ଇଲୁଟି ହଡ଼ାହାନି ବେଲାତା ଖାନି ଜମିନି ଦିନାତା ମାଙ୍ଗେ ଇ ବାରେ କାତା ଅଡ଼େ ଖେସ୍‌ସାଦୁ ଇଞ୍ଜା ଲକୁ ଏଞ୍ଜାରାକି ବାତିମାଲିତେରି □

୪୩ ବେରଣି ରାତି ତାୟୁ ଏଚେକା ଜାହୁଦି ଅଡ଼େ, ଜାହୁଦି ଦାମ୍ବୁ ନାମିତି ଏଟକା କୁଡ଼ାତି ଲକୁ ବିତ୍ରାଟି ହାରେକା ପାଞ୍ଜୁଲ ଅଡ଼େ ବର୍ନବା କ୍ରେଟ ହାଚେରି; ପାଣ୍ଡୁ ଆଡ଼ାରି ଏଞ୍ଜାରିତଲେ କାତାବାର୍ତା ଆହ୍ ମାହାପୁରୁ କାର୍ମାତା ତୀରୁ ଆହ୍ ମାଞ୍ଜାଲି ଏଞ୍ଜାରାକି ଖେସ୍‌ସେରି □

୪୪ ଇଞ୍ଜା ଅର ଜମିନି ଦିନାତା ଗାଡ଼ାଟି ବାରେ ଲକୁ ମାହାପୁରୁ ବଲୁ ଖେଞ୍ଜାଲି ରୁଣ୍ଡା ଆଡ଼େରି □

୪୫ ସାମା ଜାହୁଦିୟା ଲକୁ ମାନ୍ଦାତି ମେସାନା ତାହାରା ଆଡ଼େରି, ଇଞ୍ଜା ପାଞ୍ଜୁଲ କାତା କପାଟି ନିନ୍ଦାକିହ୍ ବାଦିବାଦା ଆଡ଼େରି □

୪୬ ଏଚେଟିଏ ପାଞ୍ଜୁଲ ଅଡ଼େ ବର୍ନବା ସାସା ଆସାନା ଖେସ୍‌ସେରି, “ତଲିଏ ମୀ ତାଣା ମାହାପୁରୁତି ବଲୁ ଖେସ୍‌ସାନାୟି ମାଚେ, ମୀରୁ ଏଦାଆଁ ଅପାଆନା ମୀରୁ ମୀରୁଏ କାଲେଏତି ଜାଞ୍ଜୁ ବେଟାଆହାଲି ପାଡ଼ା ଆଅମି ଇଞ୍ଜା ଅଣ୍ପି ମାନାକି ମେହ୍‌ଦୁ ମାମ୍ବୁ ମିଙ୍ଗେ ପିସାନା ଜାହୁଦିଆଆତି ଲକୁତାଣା ହାଜିମାନମି □

୪୭ ଇଟିହ୍ ପୁରୁ ମାଙ୍ଗେ ଇ ହୁକୁମି ହାହାମାଞ୍ଜାନେସି; ‘ନାନୁ ମିଙ୍ଗେ ଜାହୁଦିଆଆତି ଲକୁତାକି ଉଜେଡ଼ି ଲେହେଁ କିହାମାଞ୍ଜାକ୍, ଏନିକ୍ ନାନୁ ଦାରତିତି ହାନ୍ତି ମୁଟ୍‌ପେ ଗେଲ୍‌ପିନାଣି ତାଦି □’”

୪୮ ଜାହୁଦିଆଆତାରି ଇ ହାଡ଼ା ଖେଞ୍ଜାନା ରାହାଁ ଆଡ଼େରି; ଅଡ଼େ ମାହାପୁରୁତି ବଲୁତି ଗାଞ୍ଜୁରମି କିହାଲି ମାଟ୍‌ହେରି, ଅଡ଼େ ଏଚେକା ଲକୁ କାଲାକାଲାତି ଜାଞ୍ଜୁତାକି ଆଡ଼ଞ୍ଜି ଆହାମାଚେରି, ଏଞ୍ଜାରି ନାମିତେରି □

୪୯ ଇଞ୍ଜା ପ୍ରବୁତି ବଲୁ ଏ ରାଜିତା ବାରେଞ୍ଜାକି ଏଜାହାଚେ □

୫୦ ସାମା ଜାହୁଦି ଲକୁ ଗାଡ଼ାଟି ଆବାୟାଣି ଅଡ଼େ ମାହାପୁରୁକ୍ ମାନି କିହିମାନି ପାଙ୍ଗାଞ୍ଜେଙ୍ଗିଟି ଆୟାସିକାଣି ରୁଣ୍ଡି କିହାନା ପାଞ୍ଜୁଲ ଅଡ଼େ ବର୍ନବାକ୍ ସାସ୍ତି ହାହାନା ତାମି ରାଜିଟି ପେରହାଡୁସ୍ତେରି □

୫୧ ଏଚେଟିଏ ପାଣ୍ଡୁ ଆଡ଼ାରି ଜାହାରା କତାୟିତି ଦୃଡ଼ି ଏଞ୍ଜାରି କପାଟି ହାଣ୍ଡାଁନା ଇକନିୟତା ହାଚେରି □

୫୨ ଅଡ଼େ ଆଡ଼ିୟକିୟାତି ସୀସୁୟା ସୁଦୁଜାଞ୍ଜୁ ବେଟାଆହାନା ରାହାଁତଲେ ଡ଼ୟିତେରି □

୧୪

ଇକନିୟତା ସେବା କାମା

☆ ୧୩:୨୯ ୧୩:୨୯ ମାତି ୨୭:୫୭-୬୧; ମାର୍କି ୧୫:୪୭-୪୭; ଲୁକ ୨୩:୫୦-୫୨; ଜହ ୧୯:୩୮-୪୨ § ୧୩:୪୨ ୧୩:୪୨ ସିନଗର ☆ ୧୩:୫୧ ୧୩:୫୧ ମାତି ୧୦:୧୪; ମାର୍କି ୬:୧୧; ଲୁକ ୯:୫; ୧୦:୧୧

୧ ଇକନିୟତା ଜିକେଏ ଏଲେଆହୁଏ ଆଡେ; ପାଞ୍ଜୁଲ ଅଡେ ବର୍ନବା ଜୀହୁଦି ଲକୁତି ଜୀହୁଦି ଲକୁତି କୁଟି ଇଲୁତା* ହାଜାନା ଇଲେକ୍ ଖେସ୍ତେରି, ଇଞ୍ଜା ଜୀହୁଦି ଅଡେ ଜୀହୁଦିଆଆତି ଲକୁ ବିତ୍ରାଟି ହାରେକା ନାମିତେରି

୨ ସାମା ଆମିନି ଜୀହୁଦିକ୍ଷା ନାମାଆତେରି, ଜୀହୁଦିଆଆତି ଲକୁତି ମନତି କିଲିବିଲି କିହାନା, ଏଞ୍ଜାରାକ୍ ନାମିତି ତାୟିୟା କପାଟି ଲାଗେଏତି ଅଣ୍ପୁ ଅଣ୍ପି କିତେରି

୩ ପାଞ୍ଜୁଲ ଅଡେ ବର୍ନବା ହାରେକା ଦିନା ପାତେକା ଏ ଚାୟୁତା ଡୟାନା ପ୍ରବୁ ତାଣା ବାସୁ ଇଟାନା ସାସାତଲେ ପ୍ରବୁତି କାତା ଖେସ୍ତେରି; ଇଞ୍ଜା ଏଞ୍ଜାରି ତାଣାଟି ହାରେକା ସିନାୟା ଅଡେ କାବାଆନି କାମାୟା କିହାନା ତାନି କାର୍ମାତି ବଲୁ ସାତା ଇଞ୍ଜା ସାକି ହାତେରି

୪ ସାମା ଗାଡାତି ଲକୁ ରୀ ବାଗା ଆଡେରି ର ବାଗା ଜୀହୁଦି ଲକୁ ଖାକି ଅଡେ ର ବାଗା ପାଣ୍ଡୁ ଆହାମାନାରି ଖାକି ଆଡେରି

୫ ଏଟିବେଲ୍ମା ଜୀହୁଦିଆଆତି ଲକୁ ଅଡେ ଜୀହୁଦି ଲକୁ ତାମି କାଜାରି ତଲେ ଆଣ୍ଡାନା, ପାଣ୍ଡୁ ଆହାମାନାରାକ୍ ଲାଗେଏ କିୟାଲି ଅଡେ ଖାଲକାତଲେ ଇର୍ହାଲି ଅଣ୍ପିତେରି,

୬ ଏଟିବେଲ୍ମା ପାଞ୍ଜୁଲ ଅଡେ ବର୍ନବା ଏଦାଆଁ ପୁଞ୍ଜାନା ଲୁକାୟନିୟା ଦେସାତି ଲୁସ୍ତା ଅଡେ ଦବ ଗାଡା ଅଡେ ସାରିଖାକିତି ନାସ୍କାଣା ହଟେରି,

୭ ଅଡେ ଏଞ୍ଜାରି ଏମ୍ବାଆଁ ନେହୁ କାବୁ ଖେକହାଲି ମାଟ୍‌ହେରି

ଲୁସ୍ତା ଅଡେ ଦବ ଗାଡା ସେବା କାମା

୮ ଲୁସ୍ତାତା ର ଲକୁ ମାଚେସି, ଏଞ୍ଜାସି ସଟା ମାଚେସି, ଏଞ୍ଜାସି ଜାର୍ନାଟିଏ ସଟା, ଏଞ୍ଜାସି ଏଚେଲାଞ୍ଜା ତାକା ହିଲାଆତେସି

୯ ଏଞ୍ଜାସି ପାଞ୍ଜୁଲ ଖେହୁନି କାତା ଖେଞ୍ଜିମାଚେସି, ଏଞ୍ଜାସି ହିୟାତା ନାମା ମାନେସି ଇଞ୍ଜା ଏଞ୍ଜାସି ନେହୁ ଆହାଲି ଆଡିମାନେସି ଇଞ୍ଜା ପୁଞ୍ଜାନା ଆଚେ ସିନିକିତେସି,

୧୦ ଏଞ୍ଜାଣାକ୍ କାଜା ଗିୟାତଲେ ଏଲେଇଚେସି, “ନୀ କତାତି ବାଡୁୟୁ ହାହାନା ସଲକେ ନିମୁ” ଏଚେଟିଏ ଏଞ୍ଜାସି ଡେଞ୍ଜିହୁ ତାକାଲି ମାଟ୍‌ହେସି

୧୧ ପାଞ୍ଜୁଲ ଏନାଆଁ କିହାମାନେସି, ଲକୁ ବାରେ ଏଦାଆଁ ମେସାନା ଲୁକାୟନିୟା କାଜା ହାଡାତଲେ ଏଲେଇଞ୍ଜାଲି ମାଟ୍‌ହେରି, “ମାହାପୁରୁୟା ମା ତାଣା ରେଚା ଖାହାମାନୁ

୧୨ ଏଞ୍ଜାରି ବର୍ନବାକ୍ ରୁହସ୍‌ପତି ଇଞ୍ଜା ଇଚେରି, ଅଡେ ପାଞ୍ଜୁଲ ଗାଡି କାତା ଖେହୁନାସି ମାଚାକି ଏଞ୍ଜାଣାକ୍ ବୁଦ ଇଞ୍ଜା ଇଚେରି

୧୩ ଗାଡା ତାଗେ ମାନି ରୁହସ୍‌ପତି ଦେଞ୍ଜୁଡିତି ପୁଜେରାକ୍ଷା ଏଚେକା ଡକୁ କଡିୟା ଇଞ୍ଜା ପୁଞ୍ଜା

ପେତାୟା ଗାଡା ଦୁଖେରିତା ତାଚାହାଁ ଏଞ୍ଜାସି ବାରେ ଲକୁତଲେ ଆଣ୍ଡାନା ପାଣ୍ଡୁ ଆଡାରି ନକିତା ପୂଜା ହାହାଲି ଅଣ୍ପିମାଚେସି

୧୪ “ସାମା ପାଣ୍ଡୁଆହାମାନି ବର୍ନବା ଅଡେ ପାଞ୍ଜୁଲ, ଇଦାଆଁ ଖେଞ୍ଜାନା ତାମି ହିମ୍ବୁରିକା ଗେସାନା ଲକୁ ମାଦିଟି ହଟି ହଟି ହାଜାନା କାଜା ଗିୟାତଲେ ଏଲେଇଚେରି,

୧୫ ଏ ମାନିଗାଟି ଲକୁତେରି, ଏନାଆଁତାକି ଇ ବାରେ କିହିମାଞ୍ଜେରି, ମାନ୍ସୁ ଜିକେଏ ମୀ ଲେହେଡି ମାଣ୍ଡସିୟାତମି, ମୀ ତାଣା ଇ ନେହୁ କାବୁ ଖେସିମାଞ୍ଜାନମି, ଏନିକ୍ ମୀରୁ ଇ ବାରେ ଉଜେଏତି ପେଶକା ବମାୟାଟି ହେକ ଆହାନା ଜୀହୁଗାଟି ମାହାପୁରୁ ତାଣା ଖେଶ୍ତା ଖାଦେରି, ଏଞ୍ଜାସି ହାଗୁପାକା ଦାରଡି, ସାମ୍‌ଦୁରି ଅଡେ ଏମ୍ବାଆଁ ମାନି ବାରେଡି ରାଟି କିହାମାନେସି;

୧୬ ମାହାପୁରୁ ତଲିଏ ବାରେ ଲକୁଣି ତାମି ମନତଲେ ଡୟାଲି ପିସାମାଚେସି

୧୭ ସାମା ଏଞ୍ଜାସି ବାରେ ନେହୁ କାମାଟି ଏଞ୍ଜାସି କାଲେଏ ତାନି ଗୁଣ୍ଡୁତି ତସାମାନେସି; ଏଞ୍ଜାସି ହାଗୁଟି ପିୟୁ ଅଡେ ସମାନା ବେଲାତା ଆନା ହିୟାନାସି, କାଦି ଅଡେ ମୀ ହିୟାତା ରାହା ହିୟାନାସି

୧୮ ଇ ବାରେ କାତା ଖେସାନା ପାଣ୍ଡୁ ଆହାମାନାରି ଲକୁ ମାନ୍ଦାତି ହାରେକା କସ୍ତଲେ ତାମ୍‌ଜେ ତାକି ପୂଜା କିହାଲି କାହି କିହାଲି ଆଡିତେରି

୧୯ ସାମା ପିସିଦିୟାତି ଆଡିୟକିୟା ଅଡେ ଇକନିୟତି ଏଚେକା ଜୀହୁଦି ଏମ୍ବାଆଁ ଖାଡେରି, ଏଞ୍ଜାରି ଲକୁ ମାନ୍ଦାତି ତାମି ଖାକି କିହାନା ପାଞ୍ଜୁଲକ୍ ଖାଲକାତଲେ ଇର୍ହାନା ଏଞ୍ଜାସି ହାହାହାଚେସି ଇଞ୍ଜା ଅଣ୍ପିପାନା ଗାଡାତି ପାଞ୍ଜାତା ରେଜା ଅଡେରି

୨୦ ସାମା ନାମିତି ସାସୁୟାଁ ସାରି ଖାକିଟି ନିଚାମାଚାକି ଏଞ୍ଜାସି ନିଞ୍ଜାନା ଗାଡା ବିତ୍ରା ହାଚେସି, ଅର ନେଚୁ ବର୍ନବା ତଲେ ଦବ ଗାଡା ହାଚେସି

ପିସିଦିୟାତି ଆଡିୟକିୟାତା ଖେଶ୍ତାଖାନାୟି

୨୧ ପାଞ୍ଜୁଲ ଅଡେ ବର୍ନବା ଦବ ଗାଡା ନେହୁ କାବୁ ଖେସାହାଁ ହାରେକା ସାସୁୟାଁ କିତି ତାୟୁ ଏଞ୍ଜାରି ଲୁସ୍ତା, ଇକନିୟ ଅଡେ ପିସିଦିୟାତି ଆଡିୟକିୟାତା ଖେଶ୍ତାହାଚେରି

୨୨ ଅଡେ, ଏ ଚାୟୁତି ନାମିତି ସାସୁୟାଁ ମନତି ସୁସ୍ତି କିହାନା ନାମୁତା ଗାଡିକିହୁ ଆଟ୍‌ଞ୍ଜା ତଲେ ଡୟାଲି ବାସୁ ହାହାନା ଏଲେଇଚେରି, “ମାହାପୁରୁ ରାଜିତା ହଡାଲି ତାକି ହାରେକା କସ୍ତ ପାଣ୍ଡନାୟି ମାନେ

୨୩ ଅଡେ, ବାରେ କୁଲମିତା ଏଞ୍ଜାରି ପ୍ରାତିନାଞ୍ଜାଣି ଆଚାନା ଉପାସା ତଲେ ପ୍ରାଚାନା କିତେରି, ଅଡେ ଆମିନି ପ୍ରବୁ ତାଣା ନାମା ମାଚେରି, ଏଞ୍ଜାଣି କେୟୁତା ଏଞ୍ଜାରାକ୍ ହେର୍‌ପିତେରି

୨୪ ତାୟୁ ଏଞ୍ଜାରି ପିସିଦିୟା ନାସ୍କାଟି ପଂପୁଲିୟାତା ଖାଡେରି,

* ୧୪:୧ ୧୪:୧ ସିନଗଗ

୨୫ ଅତେ ପଗର୍ତା ନେହଁ କାବୁ ଖେସାନା ଆତାଲିୟାତା ହାଚେରି □

୨୬ ଏମ୍ବାଟି ଏଞ୍ଜାରି ଜାଜାତା ହଡ଼ାନା ଆନ୍ତିୟକିୟାତା ହାଚେରି; ଏଞ୍ଜାରି ଆମିନି କାମା କିହାମାଚେରି, ଏଦାଆଁ କିହାଲି ମାହାପୁରୁତି କାର୍ମାତା ହେରପି ଆହାନା ଏମ୍ବାଟି ହାଚେରି □

୨୭ ଏଚିବେଲା ଏଞ୍ଜାରି ଆନ୍ତିୟକିୟାତା ଏଗାହାଜାନା କୁଲମିତି ଲକୁଣି କୃଡ଼ି କିଚେରି; ଅତେ ମାହାପୁରୁ ଏଞ୍ଜାରିତଲେ ମାଞ୍ଜାନା କିହାମାଚି କାମାତାକି, ଅତେ ଜାହୁଦିଆଆତି ଲକୁ ନାମାଲି ଦୁଖେରି ଦେତାମାଚାଣି ବାରେ ଏଞ୍ଜାରାଇଁ ଖେସ୍ତେରି □

୨୮ ଅତେ ଏଞ୍ଜାରି ନାମିତି ସୀସୁୟାଁ ତଲେ ହାରେକା ଦିନା ତୟିତେରି □

୧୫

ଜିରୁସାଲମତା ନାମିତାରି ବେରଣି କିନାୟି

୧ ଏମ୍ବାଟିଏ ଏଚରଜାଣା ଲକୁ ଜାହୁଦା ରାଜିତି ଆନ୍ତିୟକିୟାତା ଖାହାନା ନାମିତି ତାୟିୟାଣି ଇ କାତା ଖେସିହଁ ଜାପୁହେରି, “ମସାତି ମେରା ଲେହେଁ ମୀ ତଲୁ ଦାପି ଆଆତିହଁ ମୀରୁ ଗେଲପିଆୟାଲି ଆଡ଼ଅତେରି □”

୨ ଏମ୍ବାଟିଏ ପାଞ୍ଜୁଲ ବର୍ନବା ତଲେ ହାରେକା ଆସ୍ପି ଆହାନା ବାଦିବାଦା ଆୟାଲିଏ ପାଞ୍ଜୁଲ, ବର୍ନବା ଅତେ ଆନ୍ତିୟକିୟାତି ଏଚରଜାଣା ତାୟିୟାଁ ଇ କାତା ଆସାନା ଜିରୁସାଲମତା ମାନି ପାଣ୍ଡୁ଼ି ଆଡ଼ାରି ଇଞ୍ଜା କୁଲମିତି ପ୍ରାଚିନାଙ୍ଗା ତାଣା ହାଲବେରି ଇଞ୍ଜାଁ ତାୟିୟାଁ ତାରି କିଚେରି □

୩ ଏଚେଟିଏ କୁଲମି ଏଞ୍ଜାରାଇଁ ପାଣ୍ଡୁଲି ଜିରୁ ତସ୍ତି କେଚ, ଏଞ୍ଜାରି ପୟିନିକିୟା ଅତେ ସମିରଣା ଖାକି ହାଜି ହାଜିହଁ ଜାହୁଦିଆଆତି ଲକୁ ହିୟାଁ ଖେଟ୍‌ହାମାଚି କାତା ଖେସିହଁ ବାରେ ତାୟିୟାଁ ହାରେକା ରାହାଁ କିଚେରି □

୪ ତାୟୁ ଏଞ୍ଜାରି ଜିରୁସାଲମତା ଏଗାହାଜାଲିଏ, କୁଲମି ଇଞ୍ଜା, ପାଣ୍ଡୁ଼ି ଆଡ଼ାରି ଅତେ ପ୍ରାଚିନାଙ୍ଗା ଏଞ୍ଜାରାଇଁ ଆବିତେରି, ଅତେ ମାହାପୁରୁ ଏଞ୍ଜାରିତଲେ ମାଞ୍ଜାନା ଆମିନି କାମା କିହାମାଚେସି, ଏ ବାରେ କାତା ଏଞ୍ଜାରାଇଁ ଖେସ୍ତେରି □

୫ ସାମା ପାରୁସିୟାଁ ଗଚିଟି ଏଚେକା ନାମୁଗାଚାରି ନିଚାନା ଏଲେଇଚେରି, “ନାମାମାନି ଜାହୁଦିଆଆତାରି ତଲୁ ଦାପି କିନାୟିମାନେ, ଅତେ ମସାତି ମେରା ମାନ଼ି ଆୟାଲି ଏଞ୍ଜାରାଇଁ ହୁକୁମି ହୀନାୟି ମାନେ □”

୬ ତାୟୁ ଇ କାତା, କାତା ଆହାଲିତାକି ପାଣ୍ଡୁ଼ି ଆଡ଼ାରି ଅତେ ପ୍ରାଚିନାଙ୍ଗା ରୁଣ୍ଡା ଆଚେରି □

୭ ହାରେକା ଜଲୁକି ଆଡ଼ି ତାୟୁ ପିତର ନିଙ୍ଗାନା ଏଞ୍ଜାରାଇଁ ଏଲେଇଚେସି, “ତାୟିୟାଁ ଅତେ ତାଜିସ୍ତା ମୀରୁ ପୁଞ୍ଜାମାଞ୍ଜେରି, ନା ଗୁତିଟି ଜାହୁଦିଆଆତାରି ନେହଁ କାବୁ

ଖେଞ୍ଜାନା ନାମାପେରିଖା ଇଞ୍ଜାଁ ହାରେକା ଦିନା ନକେଏ ମାହାପୁରୁ ନାଙ୍ଗେ ଆଚାମାଞ୍ଜାଚେସି □

୮ ବାରେ ଲକୁତି ହିୟାଁ ପୁନି ମାହାପୁରୁ ମାଙ୍ଗେ ଏନିକଁ ସୁଦୁଜୀ଼ୁ ହୀହାମାଞ୍ଜାନେସି, ଜାହୁଦିଆଆତି ଲକୁକି ଜିକେଏ ଏଲେକିହଁ ହୀହାନା ଏଞ୍ଜାରି ତାକି ସାକି ହୀହାମାନେସି □

୯ ଅତେ ଏଞ୍ଜାସି, ମା ବିତ୍ରା ଅତେ ଏଞ୍ଜାରି ବିତ୍ରା ଏନି ପାରଡ଼ା ବାଚି କିହାମାଞ୍ଜଅସି; ଇଞ୍ଜାଁ ନାମୁତଲେ ଏଞ୍ଜାସି ଏଞ୍ଜାରି ହିୟାଁ ସୁଦୁ କିହାମାନେସି □

୧୦ ଇଦାଆଁତାକି ଆମିନି ଜୁଖେଡ଼ି ମା ଆକୁ ଆବାୟାଁ ଅତେ ମାର ଡେକାଲି ଆଡ଼ାଆତାୟି, ଏ ଜୁଖେଡ଼ି ସୀସୁୟାଁ ବମିତା ଏକହାନା ମୀରୁ ଏନାଆଁତାକି ମାହାପୁରୁଇଁ ତାୟିପାରି କିହିମାଞ୍ଜେରି ?

୧୧ ଇଦି ନେହେଁ ଆଏ, ସାମା ଏଞ୍ଜାରି ଏନିକିହଁ ନାମାହାଁ ଗେଲପି ଆହାମାନେରି ମାର ଜିକେଏ ଏଲେକିହଁଏ ନାମାହାଁ ପ୍ରୁ ଜୀସୁତି କାର୍ମାମେହନାଣି ତଲେ ଗେଲପି ଆହାମାନାୟି □”

୧୨ ଏଚେଟିଏ ଏମ୍ବାଆଁ ରୁଣ୍ଡା ଆହାମାଚାରି ବାରେ ଲକୁ ପାଲେଏ ଆଚେରି, ଇଞ୍ଜାଁ ପାଞ୍ଜୁଲ ଅତେ ବର୍ନବା ତାଣାଟି ଜାହୁଦିଆଆତି ଲକୁତାଣା ମାହାପୁରୁ ତାଣାଟି ଆହିମାନି ସିନାୟାଁ ଅତେ କାବାଆନି କାମାୟାଁ କିହାଁ ମାଚେସି ଏଞ୍ଜାଆଁ ଏଞ୍ଜାରି ତାଣାଟି ଖେଞ୍ଜାଲି ମାଟ୍‌ହେରି □

୧୩ ଏଞ୍ଜାରି କାତା ରାଡ଼ି ତାୟୁ ଜାକୁବ ନିଙ୍ଗାନା ଏଲେଇଚେସି; “ତାୟିୟାଁ ଅତେ ତାଜିସ୍ତା, ନା କାତା ଖେଞ୍ଜା,

୧୪ ମାହାପୁରୁ ତଲିଏ ତାନି ଦରୁ ତାକି ଜାହୁଦିଆଆତି ଲକୁ ବିତ୍ରାଟି ତାନି ଲକୁ କିୟାଲି ଏଞ୍ଜାରାଇଁ କାର୍ମାମେସାନା ଆଚାମାନେସି ଇଞ୍ଜାଁ ସିମନ ଖେସାମାଞ୍ଜାନେସି □

୧୫ ଅତେ, ମାହାପୁରୁ ଅଣ୍ଡପୁତି ବଲୁ ଖେହନାରି କାତାତଲେ ଆଣ୍ଡିମାନେ, ଏନିକଁ ଦାମ୍ବୁ ସାସ୍ତେରିତା ରାସ୍‌କି ଆହାମାନେ □”

୧୬ ପ୍ରୁ ଏଲେଇଞ୍ଜା ମାନେସି,
“ତାୟୁ ନାନ୍ତୁ ଖେଣ୍ଡା ଖାହାନା, ଦାଞ୍ଜୁଦ ବାସାଟାୟୁ ଖେଣ୍ଡେ ଗେଲପିଇଁ,
ଇଞ୍ଜାଁ ଏମ୍ବାଟି ବିଡ଼ହାମାନି କାତିୟାଁ ବାରେ ଖେଣ୍ଡେ କେପାନା ଆଟ୍‌ଞ୍ଜା କିଇଁ,

୧୭ ଏନିକଁ ତୟାମାଚି କୃଡ଼ାତି ଲକୁ ଅତେ ଏଚେକା ଜାହୁଦିଆଆତାରି ନା ଦରୁଟି ଖେଙ୍ଗାମାନେରି,
ଏଞ୍ଜାରି ବାରେ ପ୍ରୁଇଁ ପାରିନେରି, ବାରେ ଗାଡ଼ିକିତି ପ୍ରୁ ଏଲେ ଇଞ୍ଜାମାନେସି □

୧୮ ପ୍ରୁ ଇ କାତା ଏଲେଇଞ୍ଜା ମାନେସି, ଆମ୍ବାଆସି ତଲି କାଲାଟିଏ ଇ କାତା ତସାମାନେସି □”

୧୯ ଜାକୁବ ଅତେ ଜିକେଏ ଏଲେଇଚେସି, “ନା ଅଣ୍ଡପୁ ଇଦି, ଜାହୁଦିଆଆତି ଲକୁ ବିତ୍ରାଟି ଆମ୍ବାଆରି ମାହାପୁରୁ ଖାକି ଖେଣ୍ଡା ଖାଚେରି, ଏଞ୍ଜାରାକି ମାର ବଜୁ ହୀଆପ;

☆ ୧୫:୨ ୧୫:୨ କାମା ୧୦:୧-୪୩ ☆ ୧୫:୮ ୧୫:୮ କାମା ୧୦:୪୪; ୨:୪

୨୦ ସାମା ଏଞ୍ଜରାକି ଇଲେକ୍ ଆକୁ ରାତାନା ଝେହ୍ନ, ପେଣ୍ଡକା ବମାୟାଁ ତାକି ପୂଜା କିହାମାନି ଲାଗେଏତାଣି ତିନାଆଦୁ; ଦାରିକାମାଟି ଏଟ୍ଟକା ଆଦୁ; ହେରକି ଦାଆନା ପାୟିତି ଜନ୍ତତି ଉଙ୍ଗା ଅଡେ ନେତେରି ତିନାଆଦୁ □

୨୧ ଏନାଆଁତାକି ଇଚିହିଁ ତଲି କାଲାଟିଏ ବାରେ ଗାଡ଼ାଣା ମସା ମେରାତି କାତା ଝେକ୍ନାରି ମାନେରି, ଇଞ୍ଜା ବାରେ ଜମିନି ଦିନାତା ଜୀହୁଦି ଲକୁତି କୁଟମି ଇଲ୍‌କାଣା* ଏଞ୍ଜାଣି ମେରାତି କାତା ପଡ଼଼ି ଆହିମାନେ □”

ଜୀହୁଦିଆଆତି ନାମିତି ଲକୁତାକି ଆକୁ

୨୨ ଏଚିବେଲା ପାଣ୍ଡୁ଼ି ଆହାମାନାରି ଅଡେ ପ୍ରାଚିନାଙ୍ଗା ବାରେ କୁଲମି ତଲେ ତାମି ବିତ୍ରାଟି ଲକୁଇଁ, ଇଚିହିଁ ତାୟିୟାଁ ବିତ୍ରାଟି ମାନିଗାଟି ବର୍ସବା, ଦରୁଗାଟି ଜୀହୁଦା ଇଞ୍ଜା ସିଲାଇଁ ଆତାନା ପାଞ୍ଜୁଲ ଅଡେ ବର୍ନବା ତଲେ, ଆନ୍ତିୟକିୟାତା ପାଣ୍ଡୁଲି ତୀରି କିତେରି □

୨୩ ନାମିତାରି ତାଣାଟି ରାସ୍‌କି ଆହାମାନି ଆକୁ ଏ ରିଆରି କେୟୁତା ପାଣ୍ଡୁତେରି □

“ମାମ୍ବୁ ପାଣ୍ଡୁ଼ି ଆତାତମି ଅଡେ ପ୍ରାଚିନାଙ୍ଗା, ମୀ ତାୟିୟାଁତମି ମା ବାରେ ଜୀହୁଦିଆଆତି ତାୟିୟାଁ ଆମିନି ଗାଟାରି ଆନ୍ତିୟକିୟା, ସିରିୟା ଅଡେ କିଲିକିୟାତା ମାନେରି ଏଞ୍ଜରାକି ଜହରା □

୨୪ ମାମ୍ବୁ ଝେଞ୍ଜାମାନମି, ମାମ୍ବୁ ଆମିନି ଲକୁଇଁ ଏନି ହୁକୁମି ହାହାହିଲଅମି, ମା ତାଣାଟି ଏଲେତି ଏଚେକା ଲକୁ ମୀ ତାଣା ଝାହାନା ତାମି କାତାତଲେ ମୀ ମନତି ଏଟ୍ଟକା କିହାନା କିଲିବିଲି କିହାମାଞ୍ଜାନେରି;

୨୫ ଅଡେ ମାମ୍ବୁ ବାରେଜାଣା ରୁଣ୍ଡା ଆହାନା ରଣ୍ଡିଏ ହିୟାଁ ତଲେ ଏଚରଜାଣାଟି ଆତାନା ମୀ ତାଣା ପାଣ୍ଡୁଲି ତୀରି କିହାମାନମି, ଏଞ୍ଜାରି ମା ଜୀହୁତି ତଣେ ବର୍ନବା ଅଡେ ପାଞ୍ଜୁଲ ତଲେ ହାନେରି □

୨୬ ଏଞ୍ଜାରି ଇଲେତି ମାଣ୍ଡସିୟାଁ ମା ପ୍ରବୁ ଜୀସୁ କ୍ରୀସୁ ଦରୁ ତାକି ଜୀହୁ ତୁସାନା କାମା କିହାମାନେରି □

୨୭ ଏଦାଆଁତାକି ମାମ୍ବୁ ଜୀହୁଦା ଅଡେ ସିଲାଇଁ ମୀ ତାଣା ପାଣ୍ଡୁମାଞ୍ଜାନମି □ ମାମ୍ବୁ ଏନାଆଁ ରାତାମାନମି, ଏଞ୍ଜାରି ମିଙ୍ଗେ ଝେସ୍ତାନେରି □

୨୮ ଏଚରଗଟା ଲଡ଼ାମାନି ମେରା ପିସ୍‌ପେ ମୀ ଲାକ ଅଡେ ଏନି ବକୁ ହେରପାଲି ମାମ୍ବୁ ସୁଦୁଜୀହୁଟି ହୁକୁମି ବେଟାଆହାମାନମି □

୨୯ ଏ ମେରାୟାଁ ଆହିମାନୁ, ପେଣ୍ଡକା ବମାୟାଁକି ହେରପିଆହାମାନି ରାନ୍ଦା ତିନାଆଦୁ, ନେତେରି ତିନାଆଦୁ, ହେରକି ଦାଆନା ପାୟିତି ଆହାମାନି ଜନ୍ତତି ଉଙ୍ଗା ତିନାଆଦୁ, ଦାରି କିଆଦୁ, ଇ ବାରେ କାମାଟି ହେକ ଆହାଲି ଜାଗାତା ମାଟିହିଁ ମିଙ୍ଗେ ନେହେଁ ଆନେ □ ନେହିଁକିଁ ମାଞ୍ଜୁ □”

୩୦ ଏଚେଟିଏ କାବୁ ଅନାରାଇଁ ପାଣ୍ଡୁଲିଏ ଆନ୍ତିୟକିୟାତା ହାଚେରି, ଇଞ୍ଜା ବାରେ ନାମିତାରାଇଁ ରୁଣ୍ଡି କିହାନା ଏ ଆକୁ ହାତେରି □

୩୧ ଏ ଲକୁ ବାରେ ଏଦାଆଁ ପଡ଼଼ି ଆହାନା ବାର୍ସୁ ବେଟାଆହାନା ରାହାଁ ଆତେରି □

୩୨ ଜୀହୁଦା ଅଡେ ସିଲା ତାମ୍ବୁ ଜିକେଏ ମାହାପୁର ଅଣ୍ଡପୁତି ବକୁ ଝେହ୍ନାରି ମାଟାକି ହାରେକା କାତାତଲେ ତାୟିୟାଁଇଁ ବାର୍ସୁ ହାହାନା ସୂସ୍ତି କିତେରି □

୩୩ ଅଡେ, ଏଞ୍ଜାରି ଏମ୍ବାଆଁ ଏଚରଦିନା ମାଟି ତାମ୍ବୁ ଏଞ୍ଜରାଇଁ ପାଣ୍ଡୁମାଟି ଲକୁତାଣା ଝେଣ୍ଡାହାଜାଲି ତାୟିୟାଁ ତାଣାଟି ହେଲ ବେଟାଆହାନା ହିଡ଼ି ଜୀହୁତଲେ ଝେଣ୍ଡା ହାଚେରି □

୩୪ ସାମା ସିଲା ଏମ୍ବାଆଁ ତୁୟାଲି ତୀରି କିହାମାଚେସି† □

୩୫ ପାଞ୍ଜୁଲ ଅଡେ ବର୍ନବା ଆନ୍ତିୟକିୟାତା ମାଞ୍ଜାନା ଏଟ୍ଟକାଟି ଏଚେକା ଲକୁତାଣା ଜିକେଏ ପ୍ରବୁତି ନେହିଁ ବକୁ ଜାପ୍‌ହାନା ଝେକ୍‌ହାଲି ମାଟ୍‌ହେରି □

ପାଞ୍ଜୁଲ ଅଡେ ବର୍ନବା ଏଟ୍ଟକା ଆନାୟି

୩୬ ଏଚରଦିନା ହାଜାଲିଏ ପାଞ୍ଜୁଲ ବର୍ନବାଇଁ ଏଲେଇଚେସି, “ଞ୍ଜାମ୍ବୁ, ମାର ପ୍ରବୁତି ବକୁ ଝେକ୍‌ହାମାନି ବାରେ ଗାଡ଼ାୟାଁଣା ଝେଣ୍ଡା ହାଜାନା, ତାୟିୟାଁ ନୀଏଁ ଏନିଆହିଁ ମାନେରି ଇଞ୍ଜା ବେଟିହାନ □”

୩୭ ଏଚେଟିଏ ଜହନ ଇନି ମାର୍କଇଁ ଜିକେଏ ତାମିତଲେ ଅୟାଲି ବର୍ନବା ଅଣ୍ଡପିମାଚେସି □

୩୮ ✱ସାମା ଏଞ୍ଜାସି ଏଞ୍ଜରାଇଁ ପିସାନା ପଂପୁଲିୟାଟି ଝେଣ୍ଡାହାଚାସି ଅଡେ କାମା ରାନି ପାତେକା ଏଞ୍ଜାରିତଲେ ମାନାଆତାକି ତାମିତଲେ ଅୟାଲି ପାଞ୍ଜୁଲ କୂତେସି □

୩୯ ଏମ୍ବାଟିଏ ଏଞ୍ଜାରି ହାରେକା ବାଡ଼ିବାଡ଼ା ଆୟାଲିଏ ତାମ୍ବୁଏଟ୍ଟକା ଆତେରି, ଇଞ୍ଜା ବର୍ନବା ଜହନ ମାର୍କଇଁ ତାମିତଲେ ଅହିଁ ଜାଜାତା ହତାନା କୁପ୍ରତା ହାଚେରି,

୪୦ ସାମା ପାଞ୍ଜୁଲ ସିଲାଇଁ ଆତାନା ତାୟିୟାଁ ତାଣାଟି ପ୍ରବୁତି କାର୍ମାତଲେ ହେରପି ଆହାନା ହାଚେରି,

୪୧ ଅଡେ ଏଞ୍ଜାସି ସିରିୟା ଅଡେ କିଲିକିୟାଟି ହାଜାହାଁ ବାରେ କୁଲମିକାଣି ନାମୁତା ଆଟ୍‌ଞ୍ଜା କିତେସି □



ପାଞ୍ଜୁଲ ଅଡେ ସିଲା ତଲେ ତିମତି ହାନାୟି

୧ ତାୟିୟାଁ ପାଞ୍ଜୁଲ ଦବିଁ ଅଡେ ଲୁସ୍ତାତା ହାଚେସି, ଏମ୍ବାଆଁ ତିମତି ଦରୁଗାଟାସି ର ସୀସୁ ମାଚେସି, ଏଞ୍ଜାସି ର ନାମିତି ଜୀହୁଦି କ୍ରୀସ୍ତାନା ଇୟାନି ମାର୍‌ଏସି ମାଚେସି, ସାମା ତାମି ଆବା ର ଗ୍ରିକ୍ ଲକୁ □

୨ ଲୁସ୍ତା ଅଡେ ଇକନିୟତା ମାନି ବାରେ ନାମିତି ତାୟିୟାଁ ଏଞ୍ଜାଣାଇଁ ନେହାଁସି ଇଞ୍ଜା ଏଲେଇଚେରି □

୩ ପାଞ୍ଜୁଲ ତାମିତଲେ ତିମତିଇଁ ଅହାଲି ଅଣ୍ଡପିତେସି, ଅଡେ ଏ ନାସ୍‌କାଣାଁ ମାନି ଜୀହୁଦି ଲକୁତାକି ଏଞ୍ଜାଣି ତଲୁ

* ୧୫:୨୧ ୧୫:୨୧ ସିନଗର † ୧୫:୩୪ ୧୫:୩୪ ଇ କାତା ପୁଃଇ ପତିତା ହିଲେଏ □ ✱ ୧୫:୩୮ ୧୫:୩୮ କାମା ୧୩:୧୩

ଦାପିକିତେସି; ଇଚିହଁ ତାମି ଆବା ଗିକ୍ ଲକୁ ଇଞ୍ଜଁ
ବାରେ ପୁଞ୍ଜାମାଚେରି □

୪ ଇଞ୍ଜା ଏଞ୍ଜାରି ଗାଡ଼ାୟାଟି ହାଜି ହାଜିହଁ
ଜିରୁସାଲମତି ପାଣ୍ଡୁଞ୍ଜି ଆଡ଼ାରି ଅଡ଼େ ପ୍ରାଚିନାଙ୍ଗା ତାଣାଟି
କିଞ୍ଜି ଆହାମାନି ମେରା ମାନଞ୍ଜି ଆହାଲି ଏଞ୍ଜାରିତାଣା
ହେରପି ମାଚେସି □

୫ ଏଲେକିହଁ କୁଲମିକା ବାରେ ନାମୁତା ଆବଞ୍ଜା
ଆହାନା ଦିନାତାକି ଦିନା ପାତା ଆତୁ □

ତ୍ରୟାତା ପାଞ୍ଜୁଲ ହାପାନା ହେଶ୍ନାୟି

୬ ଏଞ୍ଜାରି ଆସିୟାତା ମାହାପୁରୁ କାତା ଝେସାଲି
ସୁଦୁଜୀଞ୍ଜୁ କାହି କିୟାଲିଏ, ଏଞ୍ଜାରି ପୁଗଁୟା ଅଡ଼େ
ଗାଲାତିୟ ରାଜି ମାଦିଟି ରେଜିହଁ ହାଚେରି □

୭ ଅଡ଼େ, ଏଞ୍ଜାରି ମୁସିଆ ରାଜି ତାଗେ ଏଗାହାଜାନା
ବେତନିୟାତା ହାଜାଲିତାକି ଅଶ୍ପିତେରି, ସାମା ଜୀସୁତି
ଜୀଞ୍ଜୁ ଏଞ୍ଜାରାକ୍ ହାଜାଲି ହେଲ ହାଆତେ □

୮ ଏଞ୍ଜାରି ମୁସିଆ ମାଦିଟି ହାଜାନା ତ୍ରୟାତା ଝାଡ଼େରି □

୯ ଅଡ଼େ ଲାଆଁ ବେଲାତା ପାଞ୍ଜୁଲ ର ସେୟାଣା ହାପାନା
ହେଚେସି, ମାକିଦନିୟାତି ର ଲକୁ ନିଚାନା ଏଞ୍ଜାଣାକ୍
ବାଡ଼ିମାଲିହଁ ଏଲେଇଚେସି, “ମାଙ୍ଗେ ସାୟେମି କିୟାଲି
ମାକିଦନିୟାତା ଗାଣ୍ଡା ଝାମୁ □”

୧୦ ଏଞ୍ଜାସି ସେୟାଣା ହାପାନାତା ମେସାଲିଏ ମାମୁ
ଦେବୁଣିଏ ମାକିଦନିୟାତା ହାଜାଲି ତିୟାରା ଆଡ଼ମି,
ଇଚିହଁ ଏଞ୍ଜାରିତାଣା ନେହଁ କାରୁ ଝେସାଲି ତାକି
ମାହାପୁରୁ ମାଙ୍ଗେ ହାଚାମାଞ୍ଜାନେସି ଇଞ୍ଜଁ ମାମୁ ପୁଚମି
□

ଲୁଦିୟା ମନ ଝେଚ୍ଚନାୟି

୧୧ ଏଚେଟିଏ ମାମୁ ତ୍ରୟାଟି ଜାଜାତା ହଚାନା ତିୟିତି
ଜିରୁଟି ହାଜାନା ସାମତ୍ରାକିତା ଅଡ଼େ ଅର ନେଚୁ
ନୟାପଲିତା ଏଗାହାଚମି □

୧୨ ଏମ୍ବାଟିଏ ପିଲିପିତା ହାଚମି, ଇଦି ମାକିଦନିୟା
ଜିଲାତି ର କାଜା ଗାଡ଼ା, ଇଞ୍ଜା ରମ୍ ଦେସାତାରି ତ୍ରୟିନି
ଚାୟୁ ମାଚେ; ଏ ଗାଡ଼ାତା ମାମୁ ଏଚରଦିନା ମାଚମି □

୧୩ ଜମିନି ଦିନାତା ମାମୁ ଗାଡ଼ାଟି ହଚାନା କାତା ତାଗେ
ହାଚମି, ଏମ୍ବାଆଁ ପ୍ରାତାନା କିନି ଚାୟୁ ମାନେ ଇଞ୍ଜଁ
ଅଶ୍ପାମାଚମି, ଅଡ଼େ ମାମୁ କୁଗାନା ରୁଣ୍ଡା ଆହାମାଟି
ଇୟାସିକା ତଲେ କାତା ଆଡ଼ମି □

୧୪ ଅଡ଼େ, ତ୍ରୟାତିରା ଗାଡ଼ାତି ହେୟାଁ ଝାଣା ହିମ୍ବରିକା
ପାର୍ଚ୍ଚି ଲୁଦିୟା ଦରୁଗାଟି ର ଇୟା ମା କାତା ଝେଞ୍ଜିମାଚେ,
ଏଦି ମାହାପୁରୁ ସେବା କିନାୟି, ଏଦି ଏନିକଁ ପାଞ୍ଜୁଲତି
କାତାତି ମନ ହାନେ ଏଦାଆଁତାକି ପ୍ରବୁ ଏଦାନି ହିୟାଁ
ଦେଚାମାଚେସି □

୧୫ ଅଡ଼େ ଏଦି ଇଞ୍ଜା ତାମି କୁଟମି ବାପ୍ରିସ୍ତ* ଅଡ଼ି ତାୟୁ
ମାଙ୍ଗେ ବାଡ଼ିମାଲିହଁ ଏଲେଇଞ୍ଜାଚେ, “ମାରୁ ନାଙ୍ଗେ
ପ୍ରବୁ ତାଣା ନାମୁଗାଚାୟି ଇଞ୍ଜଁ ଅଶ୍ପିମାଚିହଁ, ନା ଇଜ

ଞ୍ଜାହାନା ବାସା ଆଦୁ,” ଇଞ୍ଜଁ ବାଲାମାତମି କିହଁ ହାଚା
ଅୟାଚେ □

ପିଲିପିତି କାୟିଦି ଇଲୁତା ପାଞ୍ଜୁଲ ଅଡ଼େ ସିଲା

୧୬ ର ଦିନା ମାମୁ ପ୍ରାତାନା ଚାୟୁତା ହାନିବେଲାତା
ର ହଲେଣି ପଦାକ୍ ବେଚାଆଡ଼ମି ଏଦି ପଲ୍ଲଆ ପେନୁ
ଆଲ୍‌ଗାନା ତାୟୁ ଆନି କାତାୟାଁ ଝେସାଲି ଆଡ଼ିମାଚେ □
ତାୟୁ ଆନି କାତାୟାଁ ଝେସାନା ତାନି ସାଞ୍ଜୁକାରିକି ହାଚେକା
ତାବୁୟାଁ କୁଡ଼ି କିହିମାଚେ □

୧୭ ଏଦି ପାଞ୍ଜୁଲ ଅଡ଼େ ମା ଜେଚ ଜେଚ ଞ୍ଜାହାନା
କିଚ୍ଚିହଁ ଏଲେଇଞ୍ଜାଲି ମାଟ୍‌ହେ, “ଇ ଲକୁ ବାରେକିହଁ
କାଜା ମାହାପୁରୁଟି ହଲିୟାଙ୍ଗା, ଏଞ୍ଜାରି ମିଙ୍ଗେ
ଗେଲ୍‌ପିଆନି ଜିରୁତି ଝେକ୍‌ହି ମାଞ୍ଜାନେରି □”

୧୮ ଏଦି ହାଚେକା ଦିନା ପାଚେକା ଏଲେକିୟାଚେ, ସାମା
ପାଞ୍ଜୁଲ କପା ଆହାନା ଝେଶ୍ଚେ ସିନିକିହାନା ଏ ବୁଡୁକ୍
ଏଲେଇଚେସି, “ଏଦାନି ତାଣାଟି ହଚା ହାଜାଲି ନାନୁ
ନିଙ୍ଗେ ଜୀସୁ କ୍ରୀସ୍ତ ଦରୁତଲେ ହୁକୁମି ହାହିମାଞ୍ଜାକ୍,” ଏ
ଦେବୁଣିଏ ଏଦି ହଚାହାଚେ □

୧୯ ସାମା ଏଦାନି ସାଞ୍ଜୁକାରିୟାଁ ତାମି ଲାବା ପାଣ୍ଡୁନି ଆସା
ହାଚେ, ଇଞ୍ଜଁ ପୁଞ୍ଜାନା ପାଞ୍ଜୁଲ ଅଡ଼େ ସିଲାକ୍ ଦସାନା
ବେରଣିମାଣ୍ଡାତା ସାଲ୍‌ଞ୍ଜି କିନାରି ତାଣା ରେଜା ଅଡ଼େରି □

୨୦ ଅଡ଼େ, ଏଞ୍ଜାରି ରମିୟ ସାଲ୍‌ଞ୍ଜି କିନାରି ତାଣା ତାଚାନା
ଏଲେଇଚେରି, “ଇଞ୍ଜାରି ଜୀହୁଦି ଲକୁ ମା ଗାଡ଼ାତା ଗଡ଼ହା
କିହିମାନେରି □

୨୧ ମାରୁ ରମିୟ ଲକୁଡ଼ି ମେରା ପାଣାପାରୁ ଆବାଲି
କି ମାନଞ୍ଜି ଆହାଲି ମେରା ହିଲେଏ, ଏଦାଆଁ ଇଞ୍ଜାରି
ଝେସିମାନେରି □”

୨୨ ଏମ୍ବାଟିଏ ବାରେ ଲକୁ ପାଞ୍ଜୁଲ ଅଡ଼େ ସିଲା କପାଟି
ନିଙ୍ଗିଚେରି □ ଅଡ଼େ ନୀହାୟି କିନାରି ପାଞ୍ଜୁଲ ଅଡ଼େ ସିଲା
ହିମ୍ବରିକା ହୁକ୍‌ହାନା ଏଞ୍ଜାରାକ୍ ବାଡ଼ଗା ତଲେ ଝେଚାଲି
ହୁକୁମି ହାଚେରି □

୨୩ ଏଞ୍ଜାରି ଏଞ୍ଜାରାକ୍ ହାଚେକା ଝେଡ଼ି ତାୟୁ କାୟିଦି
ଇଲୁତା ଇଚିଚେରି, ଇଞ୍ଜା ଏଞ୍ଜାରାକ୍ ଜାଗ୍ରାତା କିହଁ କାପୁ
କାଚାଲି କାୟିଦି ଇଲୁତି କାଃଆନାଣାକ୍ ହୁକୁମି ହାଚେରି □

୨୪ କାୟିଦି କାଃଆନାସି ଇଲେତି ହୁକୁମି ବେଚାଆହାନା
ଏଞ୍ଜାରାକ୍ କାୟିଦି ଇଲୁତି ବାରେକିହାଁ ବିତ୍ରାତି ବାକ୍ରାତା
ମେଡ଼ହାନା ଏଞ୍ଜାରି କତାଣା ବଜୁଗାଟି ମାରୁ କୁଡୁଲିକା
ଦସା ପିସ୍ତେସି □

୨୫ ସାମା ମାଦି ଲାଆଁୟାଁ ପାଞ୍ଜୁଲ ଅଡ଼େ ସିଲା ମାହାପୁରୁ
ତାଣା ପ୍ରାତାନା ଅଡ଼େ ଜହରା ପାରୁ ପାଡ଼ିମାଚେରି,
ଇଞ୍ଜା ଏଞ୍ଜାରିତଲେ କାୟିଦି ଇଲୁତା ମାଚାରି ବାରେ
ଝେଞ୍ଜିମାଚେରି □

୨୬ ଏଚିବେଲାତା ଦେବୁଣିଏ ବୁମି ଝାଡ଼ିଚେ, ଇଞ୍ଜା
କାୟିଦି ଇଲୁତି ପୁନାଦି ଜିକେଏ ଝାଡ଼ାଲିଏ ବାରେ
ଦୁଝେରିକା ଦେପି ଆହାହାରୁ, ଇଞ୍ଜା ବାରେଜାଣାତି
ଦସାମାଚି ହିକ୍‌ଣିୟାଁ ହୁଙ୍ଗାହାରୁ □

* ୧୭:୧୫ ୧୭:୧୫ମୁଞ୍ଜନାୟି

୨୭ ଏତେଟିଏ କାୟିଦି ଇଲୁ କାଃଆନାସି ଇଦାଟି ନିଙ୍ଗାନା, ଦାରାୟାଁ ଦେପିଆହାମାନାଣି ମେସାନା, କାୟିଦିତାରି ହଣପି ଆଡେରି ଇଞ୍ଜି ଅଣ୍ପାନା, କାଣ୍ଡା ହପ୍‌ହାନା ଗୁକ୍‌ହା କଡିମାରେସି □

୨୮ ସାମା ପାଞ୍ଜୁଲ କାଜା ଗିୟାତଲେ ହାଟାନା ଏଲେଇରେସି, “ନୀନୁ ନିଙ୍ଗେ ନାସା କିହା କଡାଆନି, ଏନାଆଁତାକି ଇଚିହିଁ ମାମ୍‌ସୁବାରେଡନି ଇମ୍‌ଆଁ ମାନନି □”

୨୯ କାୟିଦି ଇଲୁ କାଃଆନାସି ଦୀଞ୍ଜି ତାଚାଲି ଏଲେଇରେସି, ତବେ ବିତ୍ରା ହାଚେସି ଇଞ୍ଜା ତୀରଗି ତୀରଗିହିଁ ପାଞ୍ଜୁଲ ଅଡେ ସିଲା କଡାୟାଁ ଡଞ୍ଜ ରୀତେସି □

୩୦ ଅଡେ ଏଞ୍ଜାରାଇଁ ପାଙ୍ଗାତା ତାଚାନା ଏଲେଇରେସି, “ବାବୁୟାଁ ଗେଲ୍‌ପିଆୟାଲି ନାନୁ ଏନାଆଁ କିଇଁ ?”

୩୧ ଏଞ୍ଜାରି ଏଲେଇରେରି, “ପ୍ରବୁ ଜୀସୁ ତାଣା ନାମାଦୁ, ଆତିହିଁ ନାନୁ ଅଡେ ନୀ ଇଲୁ କୁଟନି ବାରେ ଗେଲ୍‌ପି ଆଦେରି □”

୩୨ ତାୟୁ ଏଞ୍ଜାରି ଏଞ୍ଜାଣାଇଁ ଅଡେ ଏଞ୍ଜାଣି ଇଜ ମାଟି ବାରେ ଲକୁଣି ମାହାପୁରୁତି ବଲୁ ଝେସ୍‌ସେରି □

୩୩ ଅଡେ, ଏ କାୟିଦି ଇଲୁ କାଃଆନାସି ଏଞ୍ଜାରାଇଁ ଏ ଲାଆଁୟାଁ ବେଲାତା ଅହାନା ଏଞ୍ଜାରି ଗାହାଁୟାଁ ନରହେସି, ଇଞ୍ଜା ଏଞ୍ଜାସି ଅଡେ ଏଞ୍ଜାଣି ଇଲୁ କୁଟନି ବାରେ ଏ ଦେବୁଣିଏ ବାପ୍‌ସ୍‌ଟି ଅଡେରି □

୩୪ ଏତେଟିଏ ଏଞ୍ଜାସି ଏଞ୍ଜାରାଇଁ ତାନି ଇଜ ଅହାନା ତିଞ୍ଜାଲି ରାନ୍ଦା ବାଟିକିହାଁ ହାତେସି, ଅଡେ ବାରେ କୁଟନି ମାହାପୁରୁ ତାଣା ନାମାନା ହାରେକା ରାହାଁ ଆଡେରି □

୩୫ ଲାଈ ଝେୟାଲିଏ ରମିୟ ଲକୁତି କାଜାରି ରିଜାରି କସ୍‌କାଣି ଇଲେଇଞ୍ଜି ଝେସା ପାଣ୍ଡିତେରି, “ଏ ଲକୁଣି ପିସାତୁହ୍‌ଦୁ □”

୩୬ ଏତେଟିଏ କାୟିଦି ଇଲୁ କାଃଆନାସି ପାଞ୍ଜୁଲଇଁ ଇ କାତା ଝେସ୍‌ସେସି, “ନୀହାଁୟି କିନାରି ନିଙ୍ଗେ ଅଡେ ସିଲାଇଁ ପିସାଲି କାବୁ ପାଣ୍ଡା ମାଞ୍ଜାନେରି, ଇଞ୍ଜା ନୀଏଁ ହଡ଼ାଞ୍ଜାହାନା ହିଡ଼ି ତଲେ ହାଜୁ □”

୩୭ ସାମା ପାଞ୍ଜୁଲ କସ୍‌କାଣି ଏଲେଇରେସି, “ମାମ୍‌ସୁ ରମିୟ ଦେସାତି ଲକୁଟନି, ମାଙ୍ଗେ ନୀହାଁୟି କିଆନା ଝେଡାତି ତାୟୁ କାୟିଦି ଇଲୁତା ସୁଣ୍ଡାତେରି, ଅଡେ ନୀଏଁ ଡଞ୍ଜୁହାନା ପିସିମାଞ୍ଜାନେରି, ଏଦି ମିଣ୍ଡଏ, ସାମା ଏଞ୍ଜାରି ତାମ୍‌ସୁ ଝାହାନା ମାଙ୍ଗେ ପାଙ୍ଗାତା ଅୟାପେରି □”

୩୮ ଏତେଟିଏ କସ୍‌କା ହାଜାନା ନୀହାଁୟି କିନାରାଇଁ ବାରେ କାତା ଝେସ୍‌ସେରି, ଇଞ୍ଜା ଇଞ୍ଜାରି ରମିୟ ଲକୁ ଇଞ୍ଜି ପୁଞ୍ଜାନା ଆଜିତେରି,

୩୯ ଏମ୍‌ପାଟିଏ ଏଞ୍ଜାରି ଝାହାନା ମାମ୍‌ସୁ ପୁନାଆନା ଏଲେକିତନି ଇଞ୍ଜି ବାତିମାଲିହିଁ ଏଞ୍ଜାରାଇଁ ପାଙ୍ଗାତା ହପ୍‌ହା ତାଚାନା, ଗାଡ଼ା ପିସାନା ହାଜାଲି ବାତିମାଲିତେରି □

୪୦ ଏତେଟିଏ ପାଞ୍ଜୁଲ ଅଡେ ସିଲା କାୟିଦି ଇଲୁଟି ହଟାନା ଲୁଦିୟା ଇଜ ହାଚେରି, ଅଡେ ତାୟିୟାଁ ତଲେ ଆଣ୍ଡାନା ଏଞ୍ଜାରାଇଁ ବାର୍ସୁ ହାହାନା ହାଜାତୁସ୍‌ସେରି □

୧୭

ତେସଲନିକିତା କାମା

୧ ତାୟୁ ଏଞ୍ଜାରି ଆପିପଲି ଅଡେ ଆପଲନିୟା ହାହାନା ତେସଲନିକିତା ଝାଡେରି; ଏମ୍‌ପାଆଁ ଜୀହୁଦି ଲକୁତି ର ଜୀହୁଦି ଲକୁତି କୁଟନି ଇଲୁ* ମାଟେ □

୨ ଅଡେ, ପାଞ୍ଜୁଲ ତାନି ମେରା ଲେହେଁ ଜୀହୁଦି ଲକୁତି କୁଟନି ଇଲୁତାଁ ହାଚେସି, ଇଞ୍ଜା ତାନିଗଟା ଜମିନି ଦିନା ପାତେକା ଦାମ୍‌ସୁ ପତିତି କାତା ଆସାନା ଲକୁତଲେ ଜଲ୍‌କି ଆଡେସି,

୩ ଦାମ୍‌ସୁ ସାସ୍‌ସେରି ତେଲ୍‌ହି କିହାନା ଏ କାତା ଇଦି ଇଞ୍ଜି ଇଚେସି, ମସିହା ସାସ୍ତି ପାଣ୍ଡନାୟି ଅଡେ ହାକିଟି ନିଙ୍ଗିନାୟି ଲଡ଼ାମାନେ □ ପାଞ୍ଜୁଲ ଏଲେଇରେସି, “ଆମିନି ଜୀସୁତି କାତା ଝେସିମାଞ୍ଜାଇଁ, ଏଞ୍ଜାସି ଏ ମସିହା □”

୪ ଏମ୍‌ପାଟିଏ ଏଞ୍ଜାରି ବିତ୍ରାଟି ଏଚରଜାଣା ନାମାହାଁ ପାଞ୍ଜୁଲ ଅଡେ ସିଲା କାତାତା ଆଣ୍ଡିତେରି; ଅଡେ, ଜୀହୁଦି ଦାମ୍‌ସୁ ନାମାମାନି ଗ୍ରିକ୍ ଲକୁ ବିତ୍ରାଟି ହାରେକା ଲକୁ ଅଡେ ମାନ୍‌ଗାଟି ହାରେକା ଇୟାସିକା ବିତ୍ରାଟି ଏଞ୍ଜାରିତଲେ ମାହାପୁରୁ ସେବାତା ଆଣ୍ଡିତୁ □

୫ ସାମା ଜୀହୁଦିୟାଁ ତାହାରା ଆହାନା ଏଚେକା ଲାଗେଏତାରାଇଁ ପାହେରିତା କୁଡି କିତେରି, ଇଞ୍ଜା ଲକୁଣି ମାନ୍ଦା କିହାନା ଗାଡ଼ାତା ଗଡ଼ହା ହପ୍‌ହେରି, ଇଞ୍ଜା ପାଞ୍ଜୁଲ ଅଡେ ସିଲାଇଁ ସାଲ୍‌ଝି କିନାରି ନକିତା ହପ୍‌ହାତାଚାଲି ଏଞ୍ଜାରି ହାଜାନା ଜାସନ ଇଲୁଟି ମୁଚାନା ପାରିତେରି □

୬ ସାମା ଏଞ୍ଜାରାଇଁ ବେଟାଆଆଲିଏ ଏଞ୍ଜାରି ଜାସନ ଅଡେ ଏଚେକା ତାୟିୟାଁ ଗାଡ଼ାତି ସାଲ୍‌ଝି କିନାରି ନକିତା ରେଜା ତାଚାନା କାଜା ଗିୟାତଲେ କାଲ୍‌ଝି ଆହ୍ ଏଲେଇରେରି, “ଆମିନି ଲକୁ ଦାର୍‌ତିତି ଇତାଲା ଆତାଲା କିହିମାନେରି, ଏଞ୍ଜାରି ଇମ୍‌ପାଆଁ ଜିକେଏ ଝାହାମାନେରି;

୭ ଜାସନ ଏଞ୍ଜାରାଇଁ ଆବାମାନେସି, ଜୀସୁ ଦରୁଗାଟି ଅଡେ ର ରାଜା ମାନେସି ଇଞ୍ଜି ଝେସାନା ଇଞ୍ଜାରି ବାରେଜାଣା କାୟିସରତି ହୁକୁମିତି ମାନ୍‌ଝି କିହିଲିଅରି □”

୮ ଇ କାତା ଆସାନା ଲକୁ ଅଡେ ସାଲ୍‌ଝି କିନାରି ବିତ୍ରା ହାରେକା କାର୍‌ବି ଆଡେରି ଅଡେ ଗଡ଼ହା ଆଡେ □

୯ ତାୟୁ ସାଲ୍‌ଝି କିନାରି ଜାସନ ଅଡେ ଏଚକା ଲକୁଣି ତାବୁୟାଁ ରୀସାନା ଜାମ୍‌ଲି ତଲେ ଏଞ୍ଜାରାଇଁ ପିସ୍‌ସେରି □

ବେରିୟାତା କାମା

୧୦ ଅଡେ, ତାୟିୟାଁ ଝେଡାକିଆନା ପାଞ୍ଜୁଲ ଅଡେ ସିଲାଇଁ ଲାଆଁ ବେଲାତା ବେରିୟାତା ପାଣ୍ଡିତେରି; ଏଞ୍ଜାରି

† ୧୭:୩୩ ୧୭:୩୩ ମୁଞ୍ଜିନାୟି * ୧୭:୧ ୧୭:୧ ସିନଗର † ୧୭:୨ ୧୭:୨ ସିନଗର ‡ ୧୭:୧୦ ୧୭:୧୦ ସିନଗର

ଏମ୍ବାଆଁ ଏଜାନା ଜାହୁଦି ଲକୁଡି ଜାହୁଦି ଲକୁଡି କୁଟମି ଇଲୁତାଃ ହାଚେରି □

୧୧ ତେସଲନିକିତା ମାନି ଜାହୁଦି ଲକୁ କିହାଁ ଇଝାରି ସାତାପାଣା ଗାଟାରି ମାଚେରି, ଇଝାରି ହାରେକା ରାହାତଲେ ମାହାପୁରୁ କାତା ଝେଚେରି, ଅଡ଼େ ପାଝୁଲ ଝେସ୍ତି କାତା ସାତା କି ଆଏ ଏଦାଆଁ ପୁଞ୍ଜାଲି ବାରେଦିନା ଦାମ୍ବୁ ପତି ପଡ଼ଝି ଆହିମାଚେରି □

୧୨ ଇଦାଆଁତାକି ଏଝାରି ବିତ୍ରାଟି ହାରେକା ଲକୁ ନାମିତେରି ଅଡ଼େ ଗ୍ରିକ୍ ଲକୁଡି କାଜାରି ବିତ୍ରାଟି ହାରେକା ଇୟାସିକା ଅଡ଼େ ଆବାୟାଁ ଜିକେଏ ନାମିତେରି □

୧୩ ସାମା ଏଟିବେଲା ତେସଲନିକିତି ଜାହୁଦିଙ୍ଗା ପୁଚେରି, କି ବେରିୟାତା ଜିକେଏ ପାଝୁଲ ତାଣାଟି ମାହାପୁରୁତ ବଲୁ ଝେସପି ଆହିମାନେ, ଏଟିବେଲା ଏଝାରି ଏମ୍ବାଆଁ ଜିକେଏ ଖାହାନା ଲକୁ ମାନ୍ଦାତି ନିକହାନା ଗଡ଼ହା କିଞ୍ଜିକତେରି □

୧୪ ଏଚେଟିଏ ତାୟିୟାଁ ଝେଡାକିଆନା ପାଝୁଲଇଁ ସାମପୁରି ଝାକି ହାଜାଲି ପାଣ୍ଡିତେରି; ଇଞ୍ଜାଁ ସିଲା ଅଡ଼େ ତିମତି ବେରିୟାତା ଡ଼ୟିତେରି □

୧୫ ସାମା ଆମ୍ବାଆରି ପାଝୁଲଇଁ ଇଟିହାଚାରି ଏଝାରି ଆତିନି ପାତେକା ହାଚେରି, ଇଞ୍ଜାଁ ସିଲା ଅଡ଼େ ତିମତି ତବେ ନା ତାଣା ଝାପେରି ଇଞ୍ଜାଁ ପାଝୁଲ ତାଣାଟି ହୁକୁମି ବେଟାଆହାନା ଏଝାରି ବେରିୟାତା ଝେଣ୍ଡେ ଝାଡ଼େରି □

ଆତିନିତା ପାଝୁଲତି ସେବା କାମା

୧୬ ଆତିନିତା ପାଝୁଲ, ସିଲା ଅଡ଼େ ତିମତିଇଁ କାଟିମାଚେସି, ଏଝାସି ଏ ଗାଡ଼ାତା ହାରେକା ପେଣ୍ଡକା ବମାୟାଁ ମାନାଣି ମେସାନା ତାନି ଜୀଝୁ ହାରେକା ଝାଡ଼ିତେ □

୧୭ ଏଦାଆଁତାକି ଏଝାସି ଜାହୁଦି ଲକୁଡି କୁଟମି ଇଲୁତାଃ ଜାହୁଦି ଲକୁଡଲେ ମାହାପୁରୁଇଁ ନାମାମାନି ଜାହୁଦିଆଆତି ଲକୁଡଲେ ଇ କାତା ବାରେଦିନା ଝେକହେସି □ ଗାଡ଼ାତି ଜିରୁ ଗାଟାତା ହାଜି ଝାହିମାନି ଲକୁଡଲେ ଏ କାତାତି ଝେସ୍ତିସି □

୧୮ ଏଚରଜାଣା ଏପିକୁରିୟା ଇଞ୍ଜାଁ ସ୍ତୟିକ୍ ଜାପୁନି ଗୁରକା ତଲେ ଏଝାରି ରୁଜୁବାଡ଼ି ଆଡ଼େ □ ଏଝାରି ବିତ୍ରାଟି ଏଚରଜାଣା ଏଲେଇଚେରି, “ଇ ବୁଦି ହିଲାଆ ହାଡ଼ାକାଣ୍ଡ ଏନାଆଁ ଝେସାଲି ଅଣ୍ଡପିମାନେସି ?” ଅଡ଼େ ଏଚରଜାଣା ଏଲେଇଚେରି, “ଏଝାସି ପୁନାଆତି ପେଣ୍ଡକାତି କାତା ଝେହନିଲେହେଁ ଝେସିମାନେସି;” ଇଟିହୁଁ ଏଝାସି ଜାସୁ ଅଡ଼େ ତାନି ଝେଣ୍ଡେ ନିଜ୍ଜତି କାତାତି ନେହୁଁ କାବୁ ଝେକହି ମାଚେସି □

୧୯ ଏଦାଆଁତାକି ଏଝାରି ପାଝୁଲଇଁ ଆରିୟପାଗ ଗାଡ଼ାତି ବେରଣି ନକିତା ତାତେରି, “ନୀନୁ ଆମିନି ପୁଝନି କାତା ଜାପୁହିମାଞ୍ଜି ଏଦି ଏନାୟି ଇଞ୍ଜାଁ ମାମ୍ବୁ ପୁଞ୍ଜାଲି ଆଡ଼ିନମି କି ?

୨୦ ଇଟିହୁଁ ନୀନୁ ଏଚେକା କାବାଆନ୍ତି କାତା ମାଙ୍ଗେ ଝେଣ୍ଡି କିହିମାଞ୍ଜାଦି; ଇ ବାରେ କାତା ଏନାୟି ଏଦାଆଁ ମାମ୍ବୁ ପୁଞ୍ଜାଲି ଅଣ୍ଡପିମାନମି □”

୨୧ ଆତିନି ଗାଡ଼ାତି ଲକୁ ଅଡ଼େ ଏମ୍ବାଆଁ ବାସାଆହାମାନି ଏଚକା ଦେସାତି ଲକୁ ପୁଝନି କାତା ଝେସାଲି ଇଞ୍ଜାଁ ଝେଞ୍ଜାଲି ରାହାଁ ଆହିମାଚେରି □ ଏମ୍ବାଆଁ ଏଝାରି ଦିନା ରାପୁହି ମାଚେରି □

୨୨ ଏଚେଟିଏ ପାଝୁଲ ଆରିୟପାଗତି ବେରଣି ମାଦିଏ ନିତାନା ଏଲେଇଚେସି, “ଏ ଆତିନିତି ଲକୁ, ମୀରୁ ବାରେ ଗାତି ଦାମ୍ବୁଗାଟାଚେରି, ଇଞ୍ଜାଁ ହାରେକା ପେଣ୍ଡକାଣି ସେବା କିନାଚେରି, ଏଦାଆଁ ନାନୁ ମେସିମାଇଁ □

୨୩ ଇଟିହୁଁ ନାନୁ ମୀ ଗାଡ଼ାଟି ହାଜିମାଚେଏଁ, ଅଡ଼େ ମୀରୁ ପୂଜା କିନି ଟାୟୁତା ସିନିକିତେଏଁ, ନାନୁ ପୂଜା ପିଣ୍ଡାତା ମେସ୍ତେଏଁ ଏମ୍ବାଆଁ ରାସ୍ତିକି ଆହାମାନେ, ‘ପୁନାଆତି ମାହାପୁରୁ □’ ଆମିନିଗାଟାଣି ମୀରୁ ପୂଜା କିହିମାଞ୍ଜେରି, ଏଦାଆଁ ମୀରୁ ପୁଞ୍ଜାହିଲାଆତିହୁଁ ଜିକେଏ, ଏଦେଏ ନାନୁ ମିଙ୍ଗେ ଝେସିମାଞ୍ଜାଇଁ □

୨୪ *ଆମିନି ମାହାପୁରୁ ଦାରତି ଅଡ଼େ ଏମ୍ବାଆଁ ମାନି ବାରେ ରାତି କିହାମାନେସି, ଏଝାସି ଲାକପୁରୁ ଅଡ଼େ ଦାରତିତି ପ୍ରବୁ ଆହାମାନାକି ମାଣ୍ଡସି କେୟୁଟି କେପିତି ଦେଝୁଡ଼ିତା ବାସା କିଅସି □

୨୫ ଇଟିହୁଁ ଏଝାଣାକି ଏନାୟି ଲଡ଼ା ମାନାୟି ହିଲାଆକି ମାଣ୍ଡସି କେୟୁଟି ସେବା ଆଅସି, ଇଟିହୁଁ ଏଝାସି ତାନୁଏ ବାରେତାକି ଜୀଝୁ, ନେଞ୍ଜାଲି ଇଞ୍ଜାଁ ବାରେ ଲଡ଼ାମାନାଣି ଇନେସି □

୨୬ ର ମାଣ୍ଡସି ତାଣାଟି ଏଝାସି ବାରେ ଲକୁ ବାକାଇଁ ରାତି କିହାମାନେସି; ଇଞ୍ଜାଁ ଏଝାଣି ହୁକୁମି ତଲେ ଏଝାରି ଦାରତିତି ବାରେଝାକି ବାସା କିହାମାନେରି □ ଆମିନି ବେଲାତା, ଆମ୍ବାଆସି ଆମିନି ତାଣା ବାସା କିନେସି, ମାହାପୁରୁ ମୂଲୁଟିଏ ଏଦାଆଁ ତୀରି କିହାମାନେସି □

୨୭ ମାହାପୁରୁତି ଅଣ୍ଡପୁ ମାଚେ, ବାରେଜାଣା ଏନିକିହୁଁ ଏଝାଣାଇଁ ପାରାନା ବେଟାଆଚେରି □ ସାମା ମାହାପୁରୁ ଆମ୍ବାଆରି ତାଣାଟି ହେକ ହିଲଅସି □”

୨୮ ଏନିଇଟିହୁଁ ରଅସି ଝେସାମାନେସି, “ଏଝାଣି ତାଣା ମାର ନୀତିନାୟି, ତାକିନାୟି ଅଡ଼େ ଡ଼ୟିନାୟି □

ଇଞ୍ଜାଁ ମୀ ବିତ୍ରାଟି ଜିକେଏ ଏଚରଜାଣା ଝେସାମାନେରି, ମାର ଜିକେଏ ଏଝାଣି ମୀରକା ମାସ୍କା □”

୨୯ “ଇଟିହୁଁ ମାର ମାହାପୁରୁତି ମୀରକା ମାସ୍କା ଆଡ଼ାକି ଇ ମାହାପୁରୁ ଲେହେଁ ମାଣ୍ଡସି ବୁଦି ଅଡ଼େ ଅଣ୍ଡପୁ ତଲେ କେପିତି ବାଂଗାରା, ଝେଣ୍ଡି କି ଝାଲକାତି ବମା ଲେହେଁ ଅଣ୍ଡପିନାୟି ଆଏ □

୩୦ ଲକୁ ମାହାପୁରୁଇଁ ପୁଞ୍ଜା ହିଲାଆ ବେଲାତା ଏଝାସି ଦହ ଆସା ହିଲାଆତେସି, ସାମା ନୀଏଁ ଏଝାସି ବାରେଜାଣାତି

ବାରେଖାକି ତାମି ପାପୁ ଜିରୁଟି ଖେଣ୍ଡା ଖାହାଲି
ଖେସିମାନେସି □

୩୧ ଇଚିହଁ ଆମିନି ଦିନା ତାନୁ ଆଚିତି ମାଣସି ତାଣାଟି
ଦାମ୍ଭୁତଲେ ଦାରୁତି ନିହାଁୟି କିନେସି, ଇଲେତି ର ଦିନା
ତାରି କିହାମାନେସି, ଇଞ୍ଜା ଇ ବାରେ ସାତା ଇଞ୍ଜା ତସାଲି
ଏଞ୍ଜାସି ଏଞ୍ଜାଣାଈଁ ହାତାରି ତାଣାଟି ନିକହାମାନେସି □”

୩୨ ପାଞ୍ଜୁଲ ତାଣାଟି ହାତାରି ଖେଣ୍ଡେ ନିଜିନି କାତା
ଖେଞ୍ଜାନା ଏଚରଜାଣା ଲାଜା କିତେରି, ଅଡ଼େ ଏଚରଜାଣା
ଏଲେଇଚେସି, “ମାଞ୍ଜେ ଅଡ଼େ ଖେଣ୍ଡେ ଖେସ୍ତାମ୍ଭୁ, ନୀ
ତାଣାଟି ଇ କାତା ଖେନମି □”

୩୩ ଏଚେଟିଏ ପାଞ୍ଜୁଲ ବେରଣିଟି ହଚାହାଚେସି □

୩୪ ଆରିୟପାରି ଦିୟନୁସିୟ ଗଚିତି ଦାମାରି ଇନି ର
ଇୟା ଇଞ୍ଜା ଅଡ଼େ ଏଚେକା ଲକୁ ନାମିତେରି ଇଞ୍ଜା
ଏଞ୍ଜାଣିତଲେ ଆଣ୍ଡିତେରି □

୧୮

କରନ୍ତିତା ପାଞ୍ଜୁଲତି କାମା

୧ ଏମ୍ବାଟିଏ ପାଞ୍ଜୁଲ ଆତିନି ଗାଡ଼ା ପିସାନା କରନ୍ତିତା
ହାଚେସି □

୨ ଇଞ୍ଜା ଏଞ୍ଜାସି ଆକ୍ଞିଲା ଦରୁଗାଟି ର ଜୀହୁଦି ଲକୁଈଁ
ବେଟାଆଡ଼େସି, ପନ୍ତୁ ଏଞ୍ଜାଣି ଜାନା ଟାୟ; ଏଚରଦିନା
ନକେଏ ଏଞ୍ଜାସି ତାନି ତକ୍ତି ପ୍ରିୟିଲା ତଲେ ଇଚାଲିଟି
ଖାହାମାଚେସି, ଇଚିହଁ କ୍ଲାଞ୍ଜୁଦିୟା ବାରେ ଜୀହୁଦି ଲକୁଈଁ
ରମ୍ ପିସା ହାଜାଲି ହୁକୁମି ହାହାମାଚେସି, ପାଞ୍ଜୁଲ
ଏଞ୍ଜାସିକାଣି ବେଟି ହାଚେସି,

୩ ଅଡ଼େ ଏଞ୍ଜାରି ଏଞ୍ଜାଣିଲେହେଁ ତୁମ୍ଭୁ ବେବାରା କିନାରି
ମାଚାକି ଏଞ୍ଜାରିତଲେ ତୁୟିତେସି, ଅଡ଼େ ଏଞ୍ଜାରି କାମା
କିହାଲି ମାଚୁହେରି, ଏନାଆଁତାକି ଇଚିହଁ ବେବାରାତା
ଏଞ୍ଜାରି ତୁମ୍ଭୁ କିନାରି ମାଚେରି □

୪ ଅଡ଼େ ବାରେ ଜମିନି ଦିନାତା ଏଞ୍ଜାସି ଜୀହୁଦି ଲକୁତି
କୁଟମି ଇଲୁତା* ଜଲୁକି ଆହଁ ଜାପୁହେସି, ଜୀହୁଦି ଅଡ଼େ
ପ୍ରିକ୍ ଲକୁଣି ନାମି କିଞ୍ଜିକିହାଲି ଅଣ୍ଡିପିମାଚେସି □

୫ ଏଚିବେଲା ସିଲା ଅଡ଼େ ତିମତି ମାକିଦନିୟାଟି
ଖାଡ଼େରି, ଏଚିବେଲା ପାଞ୍ଜୁଲ ନେହଁ ବଲୁ ଖେକ୍ନି କାମା
ଜମାଆନା କିହିମାଚେସି, ଅଡ଼େ ଜୀସୁଈଁ ମସିହା ଇଞ୍ଜା
ଜୀହୁଦି ଲକୁତାଣା ସାକି ହାହିମାଚେସି □

୬ ସାମା ଏଞ୍ଜାରି ଅପାଆନା ନିନ୍ଦା କିହାଲିଏ ଏଞ୍ଜାସି ତାନି
ହିମ୍ଭୁରି ହାଣହାଁନା ଏଲେଇଚେସି, “ମୀରୁ ନାସା ଆତିହଁ
ଏଦାଆଁତାକି ମୀରୁ ଦାୟି ଆଦେରି □ ଏଦାଆଁତାକି ନାନୁ
ଦାୟି ଆଏ, ନାଏଁ ନାନୁ ଜୀହୁଦିଆଆତି ଲକୁତାଣା
ହାଜିମାଈଁ □”

୭ ଏମ୍ବାଟିଏ ଏଞ୍ଜାସି ଏ ଟାୟୁଟି ହଚା ହାଜାନା ତିତସ ଜୁସ୍ତ
ଇନି ଜୀହୁଦିଆଆତି ମାହାପୁରୁ ସେବା କିନାସି ଏଞ୍ଜାଣି ଇଜ
ହାଚେସି, ଏଞ୍ଜାଣି ଇଲୁ ଜୀହୁଦି ଲକୁତି କୁଟମି ଇଲୁ† ତାଗେ
ମାଚେ □

୮ ସାମା ଜୀହୁଦି ଲକୁତି କୁଟମି ଇଲୁତି‡ କାଜାସି କ୍ରିସ୍ପ
ବାରେ ଇଲୁ କୁଟମି ତଲେ ପ୍ରବୁ ତାଣା ନାମିତେରି, ଅଡ଼େ
କରନ୍ତି ଗାଡ଼ାଟି ଲକୁ ବିତ୍ତାଟି ହାଚେକା ପାଞ୍ଜୁଲତି କାତା
ଖେଞ୍ଜାନା ନାମିତେରି ଅଡ଼େ ବାପ୍ରିସ୍ତ୍ସ ଅଡ଼େରି □

୯ ଅଡ଼େ ପ୍ରବୁ ଲାଆଁୟାଁ ବେଲାତା ସେୟାଁଣା ହାପାନାତା
ପାଞ୍ଜୁଲଈଁ ଏଲେଇଚେସି, “ଆଜାଆନି, ସାପି ତୁୟାଆନା
ଜଲ୍ଲାମ୍ଭୁ,

୧୦ ଇଚିହଁ ନାନୁ ନୀ ତଲେ ମାଈଁ, ଆମିନି ଲକୁ
ଜିକେଏ ନୀ କପାଟି ନିଜ୍ଞାନା ନିଜ୍ଞେ ନାସା କିହାଲି
ଆଡ଼ଅସି, ଇଚିହଁ ଇ ଗାଡ଼ାତା ହାଚେକା ନା ଲକୁ
ମାନେରି □”

୧୧ ଇଞ୍ଜା ପାଞ୍ଜୁଲ ଏଞ୍ଜାରିତାଣା ମାହାପୁରୁତି କାତା
ଜାପୁହିହଁ ର ବାସୀ ସ ଲେଞ୍ଜୁ ତୁୟିତେସି □

୧୨ ସାମା ଗାଲିୟ ଆକାୟାତି ରମିୟ ସାଲୁଞ୍ଜି କିନାସି
ମାଚିବେଲାତା, ଜୀହୁଦି ଲକୁ ପାଞ୍ଜୁଲ କପାଟି ନିଜ୍ଞାନା
ଏଞ୍ଜାଣାଈଁ ନାହାଁୟି କିନାରି ତାଣା ଦସା ଅହାନା
ଏଲେଇଚେରି,

୧୩ “ଇଞ୍ଜାସି ମସାତି ମେରା କପାଟି ଅର ରଲେକଁ
ମାହାପୁରୁତି ସେବା କିହାଲି ଲକୁଣି ଜାପୁହିମାନେସି □”

୧୪ ସାମା ପାଞ୍ଜୁଲ ଗୁତି ଏକହାନା ଜଲ୍ଲାଲି ମାଚୁହି
ମାଚାଟି, ଗାଲିୟନ ଜୀହୁଦି ଲକୁଣି ଏଲେଇଚେସି,
“ଆଡ଼େ ଜୀହୁଦି ଲକୁତେରି ଏନିଲେହେଁତି ଦହ୍ କି
ଲାଗେଏତି କାମା ଆତିହଁ ମା ସୁସ୍ତି ତଲେ ମୀ କାତା
ଖେନାୟି ନାଞ୍ଜେତାକି ନେହେଁ ଆଡ଼େମା,

୧୫ ସାମା ଇଦି ଖାରଇ ବଲୁ ଅଡ଼େ ଦରୁ ଅଡ଼େ ମୀ
ମେରାତି କାତା ମୀରୁଏ ଇଦାଆଁ ସୁସ୍ତି କିଦୁ □ ଇଲେତି
କାତାଟି ନାନୁ ନାହାଁୟି କିଅଁ □”

୧୬ ଏଲେଇଞ୍ଜାନା ଏଞ୍ଜାସି ଏଞ୍ଜାରାଈଁ ନାହାଁୟି କିନି
ତାଣାଟି ପେରହା ତୁସ୍ତେସି □

୧୭ ଏଚେଟିଏ ବାରେଜାଣା ସସ୍ତାନ ଇନି ଜୀହୁଦି ଲକୁତି
କୁଟମି ଇଲୁତି* କାଜାଣାଈଁ ଆସାନା ନାହାଁୟି ପାଞ୍ଜାତା
ଖେଡ଼େରି; ସାମା ଗାଲିୟନ ଏ ବାରେ କାତାତା ମନ୍
ହାଆଡ଼େସି □

ପାଞ୍ଜୁଲ ଆନ୍ତ୍ରିୟକିୟାତା ଖେଣ୍ଡାଖାନାୟି

୧୮ ପାଞ୍ଜୁଲ କରନ୍ତିତା ନାମିତି ତାୟି ତାଜିସ୍ତା ତଲେ
ହାଚେକା ଦିନା ତୁୟାନା ତାୟିୟାଁ ତାଣାଟି ହେଲ
ବେଟାଆହାନା ଏୟୁ ଜାଜାଟି ସିରିୟାତା ହାଚେସି, ପ୍ରିୟିଲା
ଅଡ଼େ ଆକ୍ଞିଲା ତାନିତଲେ ହାଚେରି, ତାନି ଆଞ୍ଜିତାୟି
ମାଚାକି ଏଞ୍ଜାସି କେକ୍ଞେୟାତା ତାନି ତାୟିଁ ହିଣ୍ଡିହେସି
□

୧୯ ତାୟୁ ଏଞ୍ଜାରି ଏପିସିୟତା ଖାଡ଼େରି, ଅଡ଼େ ଏଞ୍ଜାସି
ଏ ଟାୟୁତା ଆକ୍ଞିଲା ଅଡ଼େ ପ୍ରିୟିଲାଈଁ ହେଲ ହାହାନା
ପାଞ୍ଜୁଲ ରଅସିଏ ଜୀହୁଦି ଲକୁତି କୁଟମି ଇଲୁତା† ହତାନା
ଜୀହୁଦିୟାଁ ତଲେ ହାଡ଼ାକାତା ଆଡ଼େରି □

* ୧୮:୪ ୧୮:୪ ସିନଗର † ୧୮:୭ ୧୮:୭ ସିନଗର ‡ ୧୮:୮ ୧୮:୮ ସିନଗର § ୧୮:୮ ୧୮:୮ ମୁଞ୍ଜନାୟି * ୧୮:୧୭ ୧୮:୧୭ ସିନଗର † ୧୮:୧୯ ୧୮:୧୯ ସିନଗର

୨୦ ଇଞ୍ଜା ଏଞ୍ଜାରି ଏଞ୍ଜାଣାଇଁ ହାରେକା ଦିନା ଡୟାଲି ବାତିମାଲିତିହିଁ ଏଞ୍ଜାସି ଡୟାଲି କୂତେସି □

୨୧ ସାମା ଏଞ୍ଜାରି ତାଣାଟି ହେଲ ଅହାନା ଏଲେଇରେସି, “ମାହାପୁରୁତି ମନ ଆତିହିଁ ଅଡେ ର ଦେବା ମୀ ତାଣା ଖେଣ୍ଡା ଖାଇଁ,” ଇଞ୍ଜା ଏଞ୍ଜାସି ଏପିସିୟଟି ହାରେସି □

୨୨ କାୟିସରିୟାତା ଏଗାହାଜାନା ଏମ୍ବାଟି ଜିରୁସାଲମତା ହାରେସି, ଅଡେ କୁଲମିତି ଜହରା କିହାନା ଏମ୍ବାଟିଏ ଆଡ୍ରିୟକିୟାତା ହାରେସି □

୨୩ ଏମ୍ବାଆଁ ଏଚରଦିନା ଡୟିତି ତାୟୁ, ଏଞ୍ଜାସି ଅଡେ ଖେଣ୍ଡେ ହାଜାନା ଗାଲାତିୟ ଇଞ୍ଜା ପୁଗିୟା ନାସକା ହାହାନା ହାରେସି, ଅଡେ ଜିରୁତା ସୀସୁୟାଣି ତାନି ନାମୁତା ଆଡ୍‌ଝା ତଲେ ଡୟାଲି ରାହାଁ ହାତେସି □

ଏପିସିୟ ଅଡେ କରନ୍ତିତା ଆପଲ

୨୪ ଏମ୍ବାଟିଏ ଆପଲ ଦରୁଗାଟି ର ଜୀହୁଦି ଏପିସିୟତା ଖାଡେସି, ଏଞ୍ଜାସି ଆଲେକଜାଣ୍ଡିୟାତା ଜାର୍ନା ଆହାମାରେସି, ଏଞ୍ଜାସି ନେହିଁକିଁ ଖେସାଲି ଆଡ୍‌ନାସି ଅଡେ ଦାର୍ମୁ ପତିତି କାତା ଗାଡି ପୁନାସି ମାରେସି □

୨୫ ଇଞ୍ଜାସି ପ୍ରୁ ଜିରୁତି କାତା ନେହିଁକିଁ ଜାପାମାରେସି, ଇଞ୍ଜା ଜୀହୁତଲେ ବାଡୟୁ ବେଟାଆହାନା ଜୀସୁତି କାତା ନେହିଁକିଁ ଜାପୁହିଁ ମାରେସି, ଏଞ୍ଜାସି ଖାରଇ ଜହନତି ବାପ୍ରିସ୍‌ଝି କାତା ପୁଞ୍ଜାମାରେସି □

୨୬ ଏଞ୍ଜାସି ସାସାତଲେ ଜୀହୁଦି ଲକୁଡି କୁଚମି ଇଲୁତାଟି ଜଲାଇ ମାଟ୍‌ହେସି, ସାମା ଆକ୍‌ଝିଲା ଅଡେ ପ୍ରିସ୍‌ଲି ଏଞ୍ଜାଣି କାତା ଖେଞ୍ଜାନା ଏଞ୍ଜାଣାଇଁ ତାନି ଇଜ ଅହାନା ଏମ୍ବାଆଁ ହାରେକା ନେହେଁ ମାହାପୁରୁ ଜିରୁତି କାତା ପୁଣ୍ଡିକିତୁ □

୨୭ ତାୟୁ ଆପଲ ଆକାୟା ଦେସାତା ହାଜାଲି ମନ କିହାଲିଏ ଏପିସିୟତି ନାମିତି ତାୟିୟାଁ ଏଞ୍ଜାଣାଇଁ ସାୟେମି କିତେରି, ଇଞ୍ଜା ଏଞ୍ଜାଣାଇଁ ରାହାଁତଲେ ଆବାଲି ଆକାୟାତା ମାନି ସୀସୁୟାକି ର ଆକୁ ରାଟିତେରି, ଏଞ୍ଜାସି ଏମ୍ବାଆଁ ଏଗାହାଜାନା ମାହାପୁରୁ କାର୍ମାଟି ନାମା ମାନାରାକି ହାରେକା ସାୟେମି କିତେସି □

୨୮ ଇତିହିଁ ଜୀସୁଏ ମସିହା ଇଞ୍ଜିଁ ଦାର୍ମୁ ପତିତି ନେହିଁକିଁ ତସାହାଁ ଏଞ୍ଜାସି ବାରେଜାଣା ନକିତା ତାନିତଲେ ଆସ୍‌ପି ଆହିମାନି ଜୀହୁଦି ଲକୁଣି ହାର୍‌ଝି କିତେସି □

୧୯

ଏପିସିୟତା ପାଝୁଲ

୧ ଆପଲ କରନ୍ତିତା ମାଟିବେଲାତା ପାଝୁଲ ଖେଡା ହପୁଞ୍ଜାକିତି ରାଜି ରେଜାନା ଏପିସିୟ ଗାଡାତା ଏଗାଞ୍ଜାଡେସି □ ଏମ୍ବାଆଁ ଏଚରଜାଣା ସୀସୁୟାଣି ବେଟାଆଡେସି,

୨ ଏଞ୍ଜାସି ଏଞ୍ଜାଣାଇଁ ଖେଚେସି, “ମୀରୁ ନାମିତି ରେଚୁଏ ସୁଦୁଜୀଝୁ ବେଟାଆହା ମାଚେରି କି ?” ଏଞ୍ଜାରି ଏଲେଇଚେରି, “ଆଏ ସୁଦୁଜୀଝୁ ମାନେ ଇଞ୍ଜିଁ ମାମୁଁ ଖେଞ୍ଜା ଜିକେଏ ହିଲଅମି □”

୩ ପାଝୁଲ ଏଞ୍ଜାଣାଇଁ ଖେଚେସି, “ଆତିହିଁ ମୀରୁ ଏନିଲେହେଁତି ବାପ୍ରିସ୍‌ଝି* ବେଟାଆହା ମାଚେରି □” ଏଞ୍ଜାରି ଏଲେଇଚେରି, “ମାମୁଁ ଜହନତି ବାପ୍ରିସ୍‌ଝି† ଅହାମାଚମି □”

୪*ଏମ୍ବାଟିଏ ପାଝୁଲ ଏଲେଇଚେସି, “ଜହନତି ବାପ୍ରିସ୍‌ଝି‡ ହିୟାଁ ଖେଚ୍‌ପି କିଝିକିନି ବାପ୍ରିସ୍‌ଝି§ ଜହନ ଇସାୟେଲ ଲକୁଣି ବାପ୍ରିସ୍‌ଝି* ହାହାନା ଏଲେଇଚେସି, ନା ଜେଚ ଆମ୍ବାଆସି ଖାହିମାନେସି, ଏଞ୍ଜାଣାଇଁ ଇତିହିଁ ଜୀସୁଇଁ ନାମାପୁ ଇଞ୍ଜିଁ ଖେସିମାରେସି □”

୫ ଇଦାଆଁ ଖେଞ୍ଜାନା ଏଞ୍ଜାରି ପ୍ରୁ ଜୀସୁ ଦରୁତଲେ ବାପ୍ରିସ୍‌ଝି† ଅଡେରି □

୬ ଅଡେ ପାଝୁଲ ଏଞ୍ଜାରି ଲାକ କେସ୍‌ସା ଇଚାଲିଏ ସୁଦୁଜୀଝୁ ଏଞ୍ଜାରି ଲାକ ରେଟାଞ୍ଜାଡେ, ଇଞ୍ଜା ଏଞ୍ଜାରି ଏଚକା ଏଚକା ହାଡାତଲେ କାତା ଜଲାନା ମାହାପୁରୁତି ତାୟୁ ଆନି କାତା ଜିକେଏ ଖେକ୍‌ହେରି □

୭ ଏଞ୍ଜାରି ବାରେ ବାରଜାଣା ଆବାୟାଁ ମାଚେରି □

୮ ତାୟୁ ପାଝୁଲ ଜୀହୁଦି ଲକୁଡି ଜୀହୁଦି ଲକୁଡି କୁଚମି ଇଲୁତା‡ ହାଜାନା ତାନି ଲେଞ୍ଜୁ ପାତେକା ସାସାତଲେ ମାହାପୁରୁ ରାଜିତି କାତା ଖେକ୍‌ହିହିଁ ଲକୁଡି ମନତି ନାନି କିହାଲି ଅଶ୍‌ପିତେସି □

୯ ସାମା ଏଚିବେଲା ଏଚେକା ଲକୁ ଆଡ୍‌ଝା ହିୟାଁ ଅଡେ ମୁଣ୍ଡି ଆହାନା ଲକୁ ନକିତା ପ୍ରୁ ଜିରୁ କପାତି ନିଙ୍ଗାନା ନିନ୍ଦା କାତା ଖେସ୍‌ସେରି, ଏଚିବେଲା ପାଝୁଲ ଏଞ୍ଜାଣାଇଁ ପିସାନା ସୀସୁୟାଁ ଏଚକା କିତେସି, ଇଞ୍ଜା ତୁରାନନ୍ ଇନି ଜାପ୍‌ନି ଇଲୁତା ବାରେଦିନା ଜାପୁହିଁ ମାଚେସି □

୧୦ ଇଲେଆହିଁ ରୀ ବାର୍ଯା ପାତେକା ଆଡେ; ଏଚେଟିଏ ଆସିୟା ଦେସାତା ବାସାଆହାମାନି ହାରେକା ଜୀହୁଦି ଅଡେ ଜୀହୁଦିଆଆତି ଲକୁ ବାରେଜାଣା ପ୍ରୁତି କାତା ଖେଚେରି □

ସ୍ତେବା ମୀରକା

୧୧ ଅଡେ, ମାହାପୁରୁ ପାଝୁଲ ତାଣାଟି ହାରେକା ବାଡୟୁତି କାମାୟାଁ କିହିମାଚେସି □

୧୨ ଇଲାଆହିଁ ପାଝୁଲ ଲେମ୍‌ମାନି ପାଙ୍ଗାତା ତୁରନି ସକା କି ତୁଞ୍ଜାଲା ରଗ ଗାଟାରି ତାଣା ତାତିସାରେ ଏଞ୍ଜାରି ତାଣାଟି ରଗ ପିସିମାଚେ ଅଡେ ବୁଡୁୟାଁ ହଡା ହାଜିମାରୁ □

୧୩ ସାମା ରେଜି ରେଜିହିଁ ବୁଡୁୟାଁ ପେରନି ଜୀହୁଦିୟାଁ ବିତ୍ରାଟି ଏଚରଜାଣା ପଲ୍‌ଆ ବୁଡୁୟାଁ ଆସାମାନାରି ଲାକ ପ୍ରୁ ଜୀସୁ ଦରୁ ଆସାନା ପେରୁହାଲି ଅଶ୍‌ପାନା ଏଲେଇଚେରି, “ପାଝୁଲ ଆମିନି ଜୀସୁଇଁ ଖେକ୍‌ହିଁ ମାନେସି ନାନୁ ଏଞ୍ଜାଣି ଦରୁଟି ନିଙ୍ଗେ ହୁକୁମି ହାହିମାଞ୍ଜାଇଁ □”

‡ ୧୮:୨୫ ୧୮:୨୫ମୁଞ୍ଜିନାୟି § ୧୮:୨୭ ୧୮:୨୭ ସିନଗଗ * ୧୯:୩ ୧୯:୩ମୁଞ୍ଜିନାୟି † ୧୯:୩ ୧୯:୩ମୁଞ୍ଜିନାୟି ☆ ୧୯:୪ ୧୯:୪ ମାତି ୩:୧୧; ମାର୍କି ୧:୪,୭,୮; ଲୁକ ୩:୪,୧୭; ଜହ ୧:୨୭,୨୭ ‡ ୧୯:୪ ୧୯:୪ମୁଞ୍ଜିନାୟି § ୧୯:୪ ୧୯:୪ମୁଞ୍ଜିନାୟି * ୧୯:୪ ୧୯:୪ମୁଞ୍ଜିନାୟି † ୧୯:୫ ୧୯:୫ମୁଞ୍ଜିନାୟି ‡ ୧୯:୮ ୧୯:୮ ସିନଗଗ

୧୪ ସ୍ୱେବା ଦରୁଗାଟି ର ଜୀହୁଦି କାଜା ପୂଜେରାତି ସାଡ଼ା ଜାଣା ମୀରକା ଏଲେ କିହିମାଚେରି □

୧୫ ସାମା ପଲୁଆ ବୃହୁୟା ଏଞ୍ଜାରାଲ୍ ଏଲେଇରୁ, “ନାନୁ ଜୀହୁଇ ପୁଞ୍ଜାମାଲ୍ ଅଡ଼େ ପାଞ୍ଜୁଲଇ ପୁଞ୍ଜାମାଲ୍; ସାମା ମୀରୁ ଆମ୍ବାଆଡେରି ?”

୧୬ ଏଚେଟିଏ ଏ ପଲୁଆ ବୃହୁ ଆଲୁଗା ମାଚାସି ଏଞ୍ଜାରି ଲାକ ଡେଞ୍ଜାନା ଏଞ୍ଜାରାଲ୍ ଇରହାଲିଏ ଏଞ୍ଜାରି ନାଗ୍ଡ଼ା ଉଗଡ଼ା ରାଣାରାକା ଆହାନା ଏ ଇଲୁଟି ହଚେରି □

୧୭ ଇ କାତା ଏପିସିୟତା ମାନି ଜୀହୁଦି ଅଡ଼େ ଜୀହୁଦିଆଆତି ଲକୁ ବାରେଜାଣା ପୁଚେରି, ଇଞ୍ଜା ବାରେଜାଣା ଆଜିତେରି, ଅଡ଼େ ଏମ୍ବାଆଁ ପ୍ରୁ ଜୀହୁତି ଦରୁ ହାରେକା ଗାଞ୍ଜୁରମି କିତେରି □

୧୮ ଅଡ଼େ ନାମୁଗାଟାରି ବିତ୍ରାଟି ହାରେକା ଖାହାନା ତାମ୍ବୁ କିହାମାନି ପଲୁଆ କାମାତି ଖେସ୍ତେରି □

୧୯ ଅଡ଼େ ଗାରୁଡ଼ି କାମା କିହିମାତି ହାରେକା ଜାଣା ତାମ୍ବୁ ତାମି ପତିୟା ତାତିହୁଁ ରୁଣ୍ଡା କିହାନା ବାରେଜାଣା ନକିତା ହୁତିତେରି; ଏଞ୍ଜାରି ଏ ବାରେତି ଲେକା କିହାଲିଏ ରୀ କଡ଼ି ଦସ ମାଣା ଖେଣ୍ଡି ଟାକାୟାତି ପତିୟା ମାରୁ □

୨୦ ଇଲେଆହୁଁ ପ୍ରୁତି ବଲୁ ବାଡ଼ୟୁ ତଲେ ପାଡ଼ାଆଡ଼େ ସାରିସୁରୁ ଖେଙ୍ଗିଡେ □

ଏପିସିୟ ଗାଡ଼ାତା ଗଡ଼ହା

୨୧ ଇ ବାରେ କାତା ରାଡ଼ି ତାୟୁ ପାଞ୍ଜୁଲ ମାକିଦନିୟା ଅଡ଼େ ଆକାୟା ମାଦିଟି ଜିରୁସାଲମତା ହାଜାଲି ମନତା ତାରି କିତେସି □ ଏଞ୍ଜାସି ଏଲେଇଚେସି, “ଏମ୍ବାଆଁ ହାତି ତାୟୁ ନାନୁ ରମ୍ବତା ଜିକେଏ ହାନାୟିମାନେ □”

୨୨ ଅଡ଼େ ଆମ୍ବାଆରି ଏଞ୍ଜାଣି ସେବା କିହିମାଚେରି, ଏଞ୍ଜାରି ବିତ୍ରାଟି ତିମତି ଅଡ଼େ ଏରାସ୍ତ ଇ ରିଆରାଲ୍ ମାକିଦନିୟାତା ପାଣ୍ଡାମା ଏଞ୍ଜାସି ଏଚରଦିନା ପାତେକା ଆସିୟାତା ତୁୟିତେସି □

୨୩ ଏଚିବେଲ୍ଲାତା ପ୍ରୁ ତସାମାନି ଜିରୁତି କାତା ଅହାନା ଏପିସିୟତା ହାରେକା ଗଡ଼ହା ଆଡ଼େ □

୨୪ ଦିମିଡ଼ିୟ ଦରୁଗାଟି ର ଖେଣ୍ଡି କାମାକିନାସି ଆଚେର୍ମି ପେନୁତି ର ଖେଣ୍ଡିତି ଦେଞ୍ଜୁଡ଼ି କିହିମାଚେସି, ଇଞ୍ଜା ଏଞ୍ଜାଣି ଇ ବେବାରା କାମା କିନାରାକି ହାରେକା ଲାବା ଆହିମାଚେ □

୨୫ ଏମ୍ବାଟିଏ ଏଞ୍ଜାସି ଇଞ୍ଜା ଏଞ୍ଜାରିଲେହେଁ କାମା କିନାରାଲ୍ ହାଟାନା ଏଲେଇଚେସି, “ବାବୁୟା ଇ କାମାଟି ମାର ଦନ ବେଟାଆହି ମାନାୟି ଇଞ୍ଜାଁ ମୀରୁ ବାରେ ପୁଞ୍ଜାମାଞ୍ଜେରି;

୨୬ ଅଡ଼େ, କେସ୍ତାତଲେ କେପିତି ପେଣକା ମାହାପୁରୁ ଆଏ ଇଞ୍ଜାଁ ଖେସାନା ପାଞ୍ଜୁଲ ଖାରଇ ଏପିସିୟତା ଆଏ, ସାମା ବାରେ ଆସିୟାତା ଜିକେଏ ହାରେକା ଲକୁଣି ଜାପହାନା ଏମ୍ବାଟି ମାଡ଼଼ି କିହିମାନେସି, ଇଦାଆଁ ମୀରୁ ମେସାମାଞ୍ଜେରି ଅଡ଼େ ଖେଞ୍ଜାମାଞ୍ଜେରି □

୨୭ ଇମ୍ବାଆଁ ଖାରଇ ମା ବେବାରା କାମା ଲାଗେଏ ଆନେ, ଏଦି ଆଏ, ସାମା ଆମିନି କାଜା ପେନୁ ଆଚେର୍ମିଲ୍ ବାରେ

ଆସିୟା ଅଡ଼େ ଦାରଡ଼ିତି ଲକୁ ପୂଜା କିହିମାନେରି, ଏଦାନି ଦେଞ୍ଜୁଡ଼ିତି ଜିକେଏ ଲକୁ ମାନି କିଅରି, ଇଞ୍ଜା ଆଚେର୍ମି ପେନୁତି ଦରୁ କାଜା ଦରୁ ଇଞ୍ଜାଁ ଖେଙ୍ଗେଏ □”

୨୮ ଇ କାତା ଖେଞ୍ଜାନା ବାରେଜାଣା କାର୍ବି ଆହାନା କାଜା ଗିୟାତଲେ ଏଲେଇଚେରି, “ଏପିସିୟ ଲକୁତି ଆଚେର୍ମିଏ କାଜା ପେନୁ □”

୨୯ ଏଚେଟିଏ ଗାଡ଼ା ବାରେ ଗଡ଼ହା ଆଡ଼େ, ଇଞ୍ଜା ଲକୁ ବାରେ କାଲୁଞ୍ଜି ଆହାନା ପାଞ୍ଜୁଲ ତଲେ ହାଜିମାତି ମାକିଦନିୟାତି ଗାୟ ଅଡ଼େ ଆରିସ୍ତାକିଲ୍ ଦସାନା କାହିନି ବାଟାତା ହଚେରି □

୩୦ ଏମ୍ବାଟିଏ ପାଞ୍ଜୁଲ ଲକୁ ମାନ୍ଦା ବିତ୍ରା ହାଜାଲି ଅଣ୍ଡିତେସି, ସାମା ସୀସୁୟା ଏଞ୍ଜାଣାଲ୍ ହାଜାଲି ହାଆତେରି □

୩୧ ଅଡ଼େ ଆସିୟାତି ସାଲୁଞ୍ଜି କିନାରି ବିତ୍ରାଟି ଜିକେଏ ଏଞ୍ଜାରି ତଡ଼ୁ ଗାଟାରି ମାଚାକି କାହିନି ବାଟା ମାଦି ହାଲାଆପେସି ଇଞ୍ଜାଁ ଲକୁଣି ଖେସା ପାଣ୍ଡାମା ଏଞ୍ଜାଣାଲ୍ ବାତିମାଲିତେରି □

୩୨ ଏଚିବେଲ୍ଲା ହାରେକା ଗଡ଼ହା ଆହିମାଚେ, ଇଞ୍ଜା ଲକୁ ମାନ୍ଦା ମାନ୍ଦା ଆହୁଁ ଏଚରଜାଣା ଇ କାତା ଅଡ଼େ ଏଚରଜାଣା ଏ କାତା ଇଞ୍ଜାଁ କାଲୁଞ୍ଜି ଆହିମାଚେରି, ଅଡ଼େ ଏଞ୍ଜାରି ଏନାଆଁତାକି ରୁଣ୍ଡା ଆହାମାନେରି ହାରେକା ଲକୁ ପୁଞ୍ଜାହିଲାଆତେରି □

୩୩ ଲକୁ ବିତ୍ରାଟି ଏଚରଜାଣା ଏଲେଇଚେରି, ଆଲେକ୍ଜାଣ୍ଡାର ଇଦାଆଁତାକି ଦାୟି, ଇଚିହୁଁ ଜୀହୁଦି ଲକୁ ଏଞ୍ଜାଣାଲ୍ ନକିତା ନିପହା ମାଚେରି, ଆଲେକ୍ଜାଣ୍ଡାର କେୟୁ ପେରହାନା ଲକୁଣି ପାଲେଏ ଆହାଲି କେୟୁ ଜୀଞ୍ଜିତେସି, ଅଡ଼େ ନାମୁଗାଟାରି ଖାକିଟି ଖେସାଲି ଅଣ୍ଡିତେସି □

୩୪ ସାମା ଏଞ୍ଜାସି ର ଜୀହୁଦି ଇଞ୍ଜାଁ ଏଚିବେଲ୍ଲା ଏଞ୍ଜାରି ପୁଚେରି; ଏଚିବେଲ୍ଲା ବାରେଜାଣା କାଜା ଗିୟାତଲେ ରୀ ଗଂଟା ପାତେକା କାଲୁଞ୍ଜି ଆହାନା ଏଲେଇଚେରି, “ଆଚେର୍ମିଏ ଏପିସିୟ ଲକୁତି କାଜା ପେନୁ □”

୩୫ ତାୟୁ ଗାଡ଼ାତି କାଜାସି ଲକୁଣି ସୂସି କିହାଲି ଖେସ୍ତେସି, “ଏ ଏପିସିୟତା ମାନି ତାୟିୟାତେରି ବାରେଜାଣା ପୁଞ୍ଜାମାନେରି ଏପିସିୟ ଗାଡ଼ାତି କାଜା ପେନୁ ଆଚେର୍ମିତି ଦେଞ୍ଜୁଡ଼ି ଇଞ୍ଜାଁ ହାଗୁଲକଟି ରେଟା ଖାହାମାନି ସୁଦୁତି ବମା ଗେଲ୍ପିକିଞ୍ଜି ଆହାମାନେ □

୩୬ ଆମ୍ବାଆସି ଇଦାଆଁ ଆଏ ଇଞ୍ଜାଲି ଆଡ଼ଅସି, ଏଦାଆଁତାକି ମୀରୁ ବାରେ ସୂସି ଆଦୁ, ଏଦି ବୁଦି ହିଲାଆ କାମା କିଆଦୁ □

୩୭ ଇଚିହୁଁ ଇ ଆମିନି ଲକୁଇଁ ମୀରୁ ଦସା ତାଚାମାଞ୍ଜେରି, ଇଞ୍ଜାରି ଦେଞ୍ଜୁଡ଼ିତି ସରୁ କିହାହିଲଅରି, ଇଞ୍ଜା ମା ପେଣକା କପାଟି ଏଦି ନିନ୍ଦା କାତା ଜଲ୍ଲା ହିଲଅରି □

୩୮ ଏଦାଆଁତାକି ଦିମିଡ଼ିୟ ଅଡ଼େ ଏଞ୍ଜାଣିତଲେ କାମାକିନାରି ଆମ୍ବାଆରି କପାଟି ଏଦି କାତା ମାଚିହୁଁ,

ନୀହାୟି କିହାଲି ନୀହାୟି ଇଲୁ ଦେପିଆହାମାନେ, ଇଞ୍ଜା ନୀହାୟି କିନାରି ମାନେରି, ଏଞ୍ଜାରି ନକିତା ତାମ୍ନୁତାମି ଦାଞ୍ଜା କିପେରି □

୩୯ ଇଦାଣିକିହା ଆଗାଡ଼ା ଅଣ୍ଡପିମାଟିହ, ଲକୁ ତାଣାଟି ମେରା କିଞ୍ଜି ଆହାମାନି ନୀହାୟି କିନି ତାଣା ଏଦାଆଁ ତିକନାୟି ଆନେ □

୪୦ ଇତିହ ସାତେଏ ନୀଞ୍ଜୁତି ଗଡ଼ହା ତାକି ମା କପାଟି ଦାଞ୍ଜା ଆନାୟି ମାନେ; ଏନିଇତିହ ଏ ଗଡ଼ହା ଏନାଆଁତାକି ହଡେ ଏଦାଆଁ ମାର ଏନି କାତାତଲେ ତସାଲି ଆଡ଼ାଆୟି □

୪୧ ଇ ବାରେ କାତା ଝେସାନା ଲକୁଣି ସୁସ୍ତି କିହାନା ନୀହାୟି ତୁକହେସି □

୨୦

ମାକିଦନିୟା ଅଡେ ଆକାୟାତା ହାନାୟି

୧ ଏ ଗଡ଼ହା ତୁଞ୍ଜିତି ତାୟୁ ପାଞ୍ଜୁଲ ସୀସୁୟାଣି କୁଡ଼ି କିହାନା ଏଞ୍ଜାରାଇଁ ବାସୁତି କାତା ଝେସେସି, ଏଞ୍ଜାରି ତାଣାଟି ହେଲ ଅହାନା ମାକିଦନିୟାତା ହାଚେସି □

୨ ଏଞ୍ଜାସି ବାରେ ନାସକାଟି ହାଜିହ, ହାରେକା ସୀସୁୟାଣି ବାସୁ ହାହାନା ଗ୍ରିସ ଦେସାତା ହାଚେସି □

୩ ଏମ୍ବାଟିଏ ଏଞ୍ଜାସି ଏମ୍ବାଆଁ ତାନି ଲେଞ୍ଜୁ ତୁୟିତେସି, ଏଞ୍ଜାସି ସିରିୟାତା ହାଜାଲି ତିୟାରା ଆହିମାଟି ବେଲାତା, ଜୀହୁଦି ଲକୁ ଏଞ୍ଜାଣାଇଁ ପାୟାଲି ତୀରି କିହାମାନେରି ଇଞ୍ଜା କାତୁ ପୁଞ୍ଜାନା ମାକିଦନିୟା ଝାକିଟି ଝେଶ୍ଟେ ହାଜାଲି ତୀରି କିତେସି □

୪ ଅଡେ ବେରିୟା ତାସି ପୁରତି ମୀରଏସି ସପାତର, ଅଡେ ତେସଲନିକି ଗାଡ଼ାତି ଆରିସ୍ତାକ, ସେକ୍ସୁନ୍, ଦବିତି ଗାୟ, ତିମତି ଅଡେ ଆସିୟାତି ଲକୁ ବିତ୍ରାଟି ତୁକିକ ଅଡେ ତୁପିମ ଏଞ୍ଜାଣିତଲେ ହାଚେରି □

୫ ଏଞ୍ଜାରି ବାରେଜାଣା ନକେଏ ହାଜାନା ତୁୟାତା ମାଞ୍ଜେ କାଟିମାଞ୍ଜାତେରି □

୬ ଅଡେ ପୁଲା ଗୁଣ୍ଡା ଆଣ୍ଡାଆତି ରୁଟି ତିନି ପାରୁ ତାୟୁ ମାମ୍ନୁ ପିଲିପିଟି ଏୟୁ ଜାଜାଟି ହାଚମି, ଇଞ୍ଜା ପାସା ଦିନା ତାୟୁ ତୁୟାତା ଏଞ୍ଜାରାଇଁ ବେଟାଆହାନା; ଏମ୍ବାଆଁ ର ଝାଡ଼ା ତୁୟିତମି □

ତୁୟାତା ପାଞ୍ଜୁଲ ତାୟୁ ପାଲି ହାନାୟି

୭ ଝାଡ଼ାତି ମୁଲୁ ଦିନାତି ମିଡ଼ଅଲ୍ଲା ରାନ୍ଦା ତିଞ୍ଜାଲି ରୁଣ୍ଡା ଆହାମାଚମି, ପାଞ୍ଜୁଲ ଅର ନେରୁ ହାନାୟି ମାଚାକି ଏଞ୍ଜାସି ଲକୁଣି ମାଦି ନେକେରି ପାତେକା ନେହ କାତା ଝେସିମାଚେସି □

୮ ମାମ୍ନୁ କୁଡ଼ା ଆହାମାନି ଲାକନି ପାରୁତି ଇଲୁତା ଏମ୍ବାଆଁ ହାଚେକା ଦୀଞ୍ଜୟାଁ ତୀଞ୍ଜିମାରୁ □

୯ ଅଡେ ଇଞ୍ଜୁତୁକ ଇନି ର ଦାଂଗଣେଏସି କିଡ଼କି ଲାକ କୁଗାମାଚେସି, ଏଞ୍ଜାଣାକି ହାଚେକା ଇଦା ଝାହିମାଚେ; ଇଞ୍ଜା ପାଞ୍ଜୁଲ କାତା ହାଚେକା ଲାମ୍ବା କିହ ଝେସିମାଚାକି ଇଞ୍ଜୁତୁକ ତାନି ପାରୁ ଗାଟି ଇଲୁ ଲାକଟି ତୁଇ ରାତେସି,

ଏଚିବେଲା ଏଞ୍ଜାରି ଇଞ୍ଜୁତୁକଇଁ ନିକହେରି, ଏଞ୍ଜାସି ହାହାମାଚେସି □

୧୦ ସାମା ପାଞ୍ଜୁଲ ତୁଇ ରେଟାଞ୍ଜାହାନା ଏଞ୍ଜାଣି ମୁହେଁ ମାରହାନା ଏଞ୍ଜାଣାଇଁ ପମାନା ଏଲେଇଚେସି, “ଆଜାଆତୁ ଇଚିହ ଇଞ୍ଜାଣି ତାଣା ଜୀଞ୍ଜୁ ମାନେ □”

୧୧ ତାୟୁ ଲାକ ହାଜାନା ରୁଟି ବାଟିକିହାଁ ତିଚେରି, ଇଞ୍ଜା ଲାକ ଝେୟିନି ପାତେକା ହାଡ଼ାକାତା ଆହାନା ପାଞ୍ଜୁଲ ହାଚେସି □

୧୨ ଅଡେ ଲକୁ ଏ ଦାଂଗଣା କକାଣାଇଁ ଜୀଞ୍ଜୁତଲେ ଇଜ ଅହ ହାଚେରି ଇଞ୍ଜା ଏଞ୍ଜାରି ହାଚେକା ବାସୁ ବେଟାଆଡେରି □

ତୁୟାଟିଏ ମିଲିତତା ହାନାୟି

୧୩ ସାମା ମାମ୍ନୁ ନକେଏ ଜାଜାତା ହଚାନା ଆସସତା ହାଚମି, ଏମ୍ବାଟିଏ ମାମ୍ନୁ ପାଞ୍ଜୁଲଇଁ ଅହାଲି ଅଣ୍ଡପାମାଚମି, ଇଚିହ ଏଞ୍ଜାସି ତାନ୍ତୁଏ ତାକିହ ହାଜାଲି ତୀରି କିହାମାଚେସି □

୧୪ ଏଚିବେଲା ଏଞ୍ଜାସି ଆସସତା ମାଞ୍ଜେ ବେଟା ଆୟାଲିଏ, ମାମ୍ନୁ ଜୁଜାତା ଏଞ୍ଜାଣାଇଁ ମିତିଲିନିତା ତାଟିହ ଝାଡ଼ମି,

୧୫ ଅଡେ ଏମ୍ବାଟି ହାଜାନା ଏ ଅର ନେରୁ କିଅସତା ଏଗାହାଚମି, ଅଡେ ର ଦିନାତି କେଚ ସାମସତା ଏଜାହାଁ, ତାନି ଅର ନେରୁ ମିଲିତତା ଏଗାହାଚମି □

୧୬ ଇଚିହ ପାଞ୍ଜୁଲ ଆସିୟା ରାଜିତା ହାଚେକା ଦିନା ତୁୟାଆନା, ଇଦାଆଁତାକି ଏଞ୍ଜାସି ଏପିସିୟ ପିସାନା ହାଜାଲି ତୀରି କିହାମାଚେସି, ଆଡ଼ିସାରେ ପେଡ଼ିକସ୍ତ ଦିନା ଜିରୁସାଲମତା ଏଗାହାଜାଲି ଦାଗା ଆହିମାଚେସି □

ଏପିସିୟ କୁଲମିତି କାଜାରାଇଁ ପାଞ୍ଜୁଲ ଝେହନାୟି

୧୭ ମିଲିତଟିଏ ପାଞ୍ଜୁଲ ଏପିସିୟ କୁଲମିତି କାଜା ଲକୁଣି କାତୁ ପାଣ୍ଡାନା ହାଟିକିତେସି □

୧୮ ଏଞ୍ଜାରି ତାନି ତାଣା ଝାୟାଲିଏ, ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଆସିୟାତା ନାନୁ ଏଦାତି ଦିନାଟିଏ ମୀ ତଲେ ଏନିକିହ ମାଚେଏଁ ମୀରୁ ପୁଞ୍ଜାମାଞ୍ଜେରି,

୧୯ ପ୍ରବୁତି ହଲେଏଣା ଆହାନା ଜାହାରାଇଁ ଡଣା କିହାଁ ଅଡେ କାଣ୍ଡୁ ବକହାଁ ନାଞ୍ଜେ ସାସ୍ତି ଝାଡ଼ାଟି ନାନୁ ପ୍ରବୁତି ସେବା କିତେଏଁ, ଏନାଆଁତାକି ଇଚିହ ଏଚରଜାଣା ଜୀହୁଦି ଲକୁତି ପାରୁ ପାରିମାଚାକି □

୨୦ ମୀରୁ ପୁଞ୍ଜାମାଞ୍ଜେରି, ନାନୁ ପାଞ୍ଜାଞ୍ଜେଲେ ଲକୁତାଣା ଝେହନାଟି ଅଡେ ମିଞ୍ଜେତାକି ଇଲୁତା ଝେସ୍ତାନି ବେଲାତା ମୀ ନେହେଁ ଆନିଲେହେଁତି ଏନାଆଁ ଜିକେଏ ତୁକୁହା ହିଲାଆତେଏଁ,

୨୧ ଜୀହୁଦି ଅଡେ ଜୀହୁଦିଆଆତି ଲକୁ ନକିତା ଜାଗାତା କିହ ସାକି ହାହାନା ଝେସାମାଚେଏଁ, ଏଞ୍ଜାରି ପାପୁଟି ଏଚକା ଆହାନା ମାହାପୁରୁ ଝାକି ମନ୍ ଝେଚହା କତାନା ମା ପ୍ରବୁ ଜୀସୁଇଁ ନାମିନେରି □

୨୨ ନୀର୍ବ୍ୟ ମେହଦୁ, ନାନୁ ସୁଦୁଜୀଝୁଇଁ ମାନଝି ଆହାନା ଜିରୁସାଲମତା ହାଜିମାଇଁ, ଏମ୍ବାଆଁ ନାଜେତାକି ଏନାଆଁ ଆନେ ନାନୁ ପୁଞ୍ଜାହିଲଅଁ;

୨୩ ସୁଦୁଜୀଝୁ ନାଜେ ଜାଗ୍ରାତା କିହାଁ ସାକି ହାହିମାଞ୍ଜାନେ, ଗାଡ଼ାତାକି ଗାଡ଼ା କାୟିଦି ଆହାନା କସ୍ତ ବେଟାଆଇଁ □

୨୪ ସାମା ନାନୁ ଏନିକଁ ନା ତାରିଆହାନାନ୍ତି ଚାୟୁ ପାତେକା ହଟାଲି ଆଡ଼ିଇଁ, ଅଡ଼େ ମାହାପୁରୁତି କାର୍ମାଟି ନେହଁ କାବୁତା ସାକି ହାହାଲିତାକି ଜାସୁ ତାଣାଟିଏ ଏମିନି ସେବା କାମା ବେଟାଆହାମାଇଁ, ଏଦାଆଁ ଏନିକଁ ରାପ୍ତହାଲି ଆଡ଼ିଇଁ, ଏଦାଆଁତାକି ନା ଜୀଝୁତି କାଜାୟି ଇଞ୍ଜି ଅଣ୍ଡି ହିଲଅଁ □”

୨୫ “ଅଡ଼େ ନୀର୍ବ୍ୟ ନାନୁ ପୁଞ୍ଜିମାଇଁ ମୀରୁ ଅଡ଼େ ନାଜେ ଝେଣ୍ଡେ ମେସ୍ତଅତେରି □ ନାନୁ ମୀ ବାରେ ତାଣା ମାହାପୁରୁ ରାକ୍ତିତି କାତା ରେଜିହଁ ଝେସାମାଞ୍ଜାଇଁ □

୨୬ ଏଦାଆଁତାକି ନାନୁ ନୀଞ୍ଜୁତି ଇ ପାରୁତାକି ଆବଞ୍ଜା ତଲେ ଝେସିମାଇଁ, ମୀ ବିତ୍ରାଟି ଆମ୍ବାଆସି ନାସା ଆଡ଼ିହଁ ଏମ୍ବାଟି ଦାୟି ନାନୁ ଆଏ

୨୭ ଇତିହଁ ମାହାପୁରୁ ଅଣ୍ଡିମାନାଣି ବାରେ ମିଜେ ଝେସାଲି ନାନୁ ପିସା ହିଲଅଁ □

୨୮ ମୀରୁ ମିଜେ ଜାହାରା କାତା ଅଡ଼େ ଆମିନି କୁଲମିତି ମାହାପୁରୁ ତାନି ନେତେରି ତଲେ କତାମାନେସି, ତାନି ଏ କୁଲମିତି ପହି ପାଡ଼ିକିହାଲିତାକି ସୁଦୁଜୀଝୁ ବାରେ ମାନ୍ଦା ବିତ୍ରାଟି ଗୁମ୍ବସା କିହାଁ ମିଜା ଆଚାମାଞ୍ଜାନେସି, ଏଞ୍ଜାରାଇଁ ଜାଗ୍ରାତା କିଦୁ □

୨୯ ନାନୁ ହାଟି ତାୟୁ ଆଜିହପେତି ଗଦ କ୍ଷାନ୍ଧଁ ଝାନୁ, ଅଡ଼େ ମେଣ୍ଡାୟାଁ ମାନ୍ଦାତି ରାଣାରାକା କିଆନା ପିହଡ଼,

୩୦ ଦିନା ଝାନେ, ଏତିବେଲା ମୀ ଗତିତି ଏବେକା ସୀସୁୟାଁ ନିଜ୍ଞାନା ନାମ୍ବୁ ଗାଟାରାଇଁ ମିତି କାତା ଝେସାନା ଏଟକା ଜିରୁତା ଅନେରି,

୩୧ ଏତିବେଲା ଜାଗ୍ରାତା ତୟାଦୁ, ନାନୁ ଲାଆଁ ମାଦେନା କାଣ୍ଡୁ ଝାକ୍ତୁହଁ ତାନି ବାସୀ ପାତେକା ବାରେତେରି ମିଜେ ଜାପହା ମାଞ୍ଜାଇଁ, ଇ କାତା ଅଣ୍ଡପୁତା ଇଟାଦୁ □”

୩୨ ନୀର୍ବ୍ୟ ନାନୁ ମିଜେ ମାହାପୁରୁ ଇଞ୍ଜା ତାନି କାର୍ମାମେହନି ବଲୁ ନକିତା ହେରପିମାଞ୍ଜାଇଁ, ଇ କାର୍ମାଟି କାତା ମିଜେ ବାଡ଼ୟୁ ତଲେ ପାଡ଼ିକିହାଲିତାକି ଅଡ଼େ ସୁଦୁ ଆହାମାନି ବାରେ ଲକୁ ବିତ୍ରା ଅଦିକାରା ହାହାଲି ଆଡ଼ାନେସି □

୩୩ ନାନୁ ଆମ୍ବାଆରି ବାଂଗାରା, ଝେଣ୍ଡି କି ହିମ୍ବରିକା ଜୁପକା ଆହାହିଲାଆତେଏଁ □

୩୪ ମୀରୁ ପୁଞ୍ଜାମାଞ୍ଜେରି ଇ ନା ରୀ କେସ୍ତାତଲେ କାମା କିହାନା ନାଜେ ଅଡ଼େ ନା ତଡ଼ ଲକୁତି ବାରେ ଲଡ଼ାମାନାଣି ବେଟାଆହାମାଇଁ □

୩୫ ଇଲେକିହଁ କସ୍ତ କିହାନା ଆଡ଼ାଆ ଗାଟାରି ସାୟେମି କିନାୟି, “ଇତିହଁ ରାହନି କିହାଁ ହାନାୟି

ହାରେକା ନେହାୟି” ପ୍ରବୁ ଜୀସୁ ତାନୁଏ ଇ କାତା ଝେସାମାଞ୍ଜାନେସି, ଇ କାତା ମୀରୁ ଅଣ୍ଡପିନାୟି ମାନେ, ଇ ବାରେ କାତାତଲେ ମିଜେ ପୁଣ୍ଡି କିହିମାଞ୍ଜାଇଁ □

୩୬ ଇ ବାରେ କାତା ଝେସାଲି ରାପ୍ତହି ତାୟୁ ପାଝୁଲ ମେଣ୍ଡାକୁତାନା ବାରେଜାଣା ତଲେ ପ୍ରାତାନା କିତେସି □

୩୭ ଅଡ଼େ, ଏଞ୍ଜାରି ବାରେଜାଣା ଡ଼ାହି ଡ଼ାହଁ ପାଝୁଲଇଁ ପମାହାଁ ନଣ୍ଡିତେରି □

୩୮ ଏଞ୍ଜାରି ଅଡ଼େ ତାନି ମୁମ୍ବୁ ଝେଣ୍ଡେ ମେସାଲି ଆଡ଼ଅରି, ଏଞ୍ଜାସି ଝେସାମାଟି କାତାତାକି ହାରେକା ଦୁକୁ କିତେରି, ତାୟୁ ଏଞ୍ଜାରି ଏଞ୍ଜାଣାଇଁ ଏୟୁ ଜାଜା ପାତେକା ଇଟି ହାଚେରି □

୨୧

ପାଝୁଲ ଜିରୁସାଲମତା ହାନାୟି

୧ ଏଞ୍ଜାରି ତାଣାଟି ହେଲ ବେଟାଆହାନା ମାମ୍ବୁଏୟୁ ଜାଜାତା ହଟାହାଁ ସଲକେ ଜିରୁଟି କସ୍ତା ଝାଡ଼ମି, ତାନି ଅର ନେରୁ ରଦାତା, ଇଞ୍ଜା ଏମ୍ବାଟିଏ ପାତାରାତା ଝାଡ଼ମି □

୨ ଏମ୍ବାଟିଏ ପୟିନିକିୟା ହାନି ଏୟୁ ଜାଜା ବେଟାଆହାନା ଏମ୍ବାଆଁ ହଟାହାଁ ହାଟମି □

୩ ତାୟୁ କୁପ୍ର ତଞ୍ଜା ଆହାଲିଏ ତାନି ଚେବୁଝାକି ପିସାନା ମାମ୍ବୁ ସିରିୟାତା ହାଜାନା ସରତା ଏଗାତମି, ମାମ୍ବୁ ଟାୟରତା ଜାଜାଟି ରେତମି, ଇତିହଁ ଏମ୍ବାଆଁ ଜାଜାତି ଆସ୍ତି ରେପନାୟି ମାଚେ □

୪ ଏମ୍ବାଆଁ ନାମିତି ସୀସୁୟାଁ ପାରାନା ଏଞ୍ଜାରାଇଁ ବେଟାଆହାନା ଏମ୍ବାଆଁ ସାଡ଼ା ଦିନା ତୟିତମି; ଇଞ୍ଜା ପାଝୁଲ ଏନିକଁ ଜିରୁସାଲମତା ହାଲଅସି ଏଦାଆଁତାକି ଏଞ୍ଜାରି ସୁଦୁଜୀଝୁ ତଲେ ବାଡ଼ିମାଲିତେରି □

୫ ମାମ୍ବୁ ସାଡ଼ା ଦିନା ତୟିତି ତାୟୁ, ଏଞ୍ଜାରାଇଁ ପିସାନା ଜାହାରା ଜିରୁତା ହାଟମି, ଅଡ଼େ ମାଜେ ହେଲ ହିୟାଲି ଏଞ୍ଜାରି ବାରେଜାଣା ଇୟାସିକା କକାରି ପଦାୟାଁ ତଲେ ଗାଡ଼ାତି ପାଜାତା ମାନି ସାମଦୁରି ଗାଟୁ ପାତେକା ଇଟି ଝାଡ଼େରି, ଏମ୍ବାଆଁ ମେଣ୍ଡାକୁତାନା ମାମ୍ବୁ ବୁାରେତମି ପ୍ରାତାନା କିତମି,

୬ ତାୟୁ ମାମ୍ବୁ ବାରେଜାଣାଟି ହେଲ ହାହାନା; ଜାଜାତା ହଟମି, ଇଞ୍ଜା ଏଞ୍ଜାରି ତାନି ଇଜ ଝେଣ୍ଡା ହାଚେରି □

୭ ମାମ୍ବୁ ସର ଗାଡ଼ାଟି ପତଲମାୟିତା ଏଗାହାଟମି, ଇଞ୍ଜା ଏମ୍ବାଆଁ ତାୟିୟାଁ ଜହରା କିହାନା ଏମ୍ବାଆଁ ର ଦିନା ଏଞ୍ଜାରିତଲେ ତୟିତମି □

୮ ଅଡ଼େ ଅର ନେରୁ ହାଜାନା କାୟିସରିୟାତା ଏଗାହାଟମି, ଏମ୍ବାଆଁ ମାମ୍ବୁ ନେହଁ ବଲୁ ଝେକ୍ନି ପିଲିପ ଇଜ ହାଜାନା ତୟିତମି, ଜିରୁସାଲମତା ସେବା କାମା କିହାଲି ଆଚାମାନି ସାଡ଼ା ଜାଣା ବିତ୍ରାଟି ଏଞ୍ଜାସି ରଅସି ମାଚେସି □

୯ ଏଞ୍ଜାଣାକି ସାରି ଜାଣା ଡ଼ାଆ ମାସ୍ତକା ମାଟୁ, ଏଞ୍ଜି ବାରେ ମାହାପୁରୁ ଅଣ୍ଡପୁତି ବଲୁ ଝେହନାଇ ମାଟୁ □

☆ ୨୧:୮ ୨୧:୮ କାମା ୨:୫; ୮:୫

୧୦ ☆ଏମ୍ବାଆଁ ହାରେକା ଦିନା ଡ଼ୟିତି ତାୟୁ ଆଗାବ ଦରୁଗାଟି ର ମାହାପୁରୁ ଅଣ୍ଟପୁତି ବଲୁ ଝେହ୍ନାସି ଜାହୁଦା ଦେସାଟି ଖାଡେସି □

୧୧ ଏଝାସି ମା ତାଣା ଝାହାନା ପାଝୁଲତି ଜାଟି ତ:ରି ଅହାନା ତାନି କେସ୍ନା କତାଣା ଦସା କତାନା ଏଲେଇଚେସି, “ସୁଦୁଜୀଝୁ ଏଲେଇଞ୍ଜି ଝେସିମାଞ୍ଜାନେ, ଇଦାଆଁ ଦସା କତିନି ଜାଟି ତ:ରି ଗାଟାଣାଇଁ ଜିରୁସାଲମତି ଜାହୁଦି ଲକୁ ଇଲେକ~ ଦସାନା ଜାହୁଦିଆଆତି ଲକୁତି କେୟୁତା ହେରପିନେରି □”

୧୨ ଇ ବାରେ କାତା ଝେଞ୍ଜାନା ଜିରୁସାଲମତା ହାଲାଆନି ଇଞ୍ଜି~ ମାମ୍ବୁ ଅଡେ ଏମ୍ବାତି ଲକୁ ବାତିମାଲିତମି □

୧୩ ସାମା ପାଝୁଲ ଏଲେଇଚେସି, “ମୀରୁ ଡ଼ାହି ଡ଼ାହି~ ଏନାଆଁତାକି ନା ହିୟାଁତି କାଡ଼ି କିହିମାଞ୍ଜେରି, ଏନିଇଚିହି~ ନାନୁ ପ୍ରବୁ ଜୀସୁ ତାକି ଜିରୁସାଲମତା ଦସପି ଆହାଲି ଆଏ ସାମା ହାହାଲି ଜିକେଏ ଅଣ୍ଟପିମାଇଁ, ଇଞ୍ଜି~ ଇଚେସି □”

୧୪ ଏଝାସି ମା କାତା ମାନଝି ଆଆତାକି ମାମ୍ବୁ ବାରେ ପାଲେଏ ଆଡମି, ଇଞ୍ଜି “ପ୍ରବୁତି କାଡେଏ ଆଡେ” ଇଞ୍ଜି~ ଇଚମି □

୧୫ ଏମ୍ବାଆଁ ଏଚରଦିନା ମାଟି ତାୟୁ ମାମ୍ବୁ ମା ଆସ୍ତି ଆସାନା ଜିରୁସାଲମତା ହାଚମି □

୧୬ ଅଡେ କୁପୁତି ମନାସନ ଦରୁଗାଟି ର ନାମୁଗାଟାସି ଅଡେ କାୟିସରିୟାଟି ଏଚରଜାଣା ସୀସୁୟାଁ ମା ତଲେ ହାଚେରି; ମନାସନ ଇଜ ମାମ୍ବୁ ଡ଼ୟିନାୟି ମାଚେ □

ଜାକୁବ ତଲେ ପାଝୁଲ ବେଟାଆନାୟି

୧୭ ମାମ୍ବୁ ଜିରୁସାଲମତା ଏଗାହାଜାଲିଏ ନାମିତି ତାୟିୟାଁ ମାଲେ ରାହାଁଟି ହାଟା ଅୟାଚେରି □

୧୮ ଏ ଅର ନେରୁ ପାଝୁଲ ମା ତଲେ ଜାକୁବ ଇଜ ହାଚେସି; ଅଡେ ବାରେ ପ୍ରାଚିନାଜା ଏମ୍ବାଆଁ କୃତା ଆଡେରି □

୧୯ ପାଝୁଲ ଏଝାରାଇଁ ଜହରା କିତି ତାୟୁ, ମାହାପୁରୁ ତାନି ସେବା କାମାତା ଜାହୁଦିଆଆତି ଲକୁତାଣା ଏନି ଏନି କାମା କିହାମାନେସି ଏ ବାରେ ଝେସ୍ତେସି □

୨୦ ଏଝାରି ଏଦାଆଁ ଝେଞ୍ଜାନା ମାହାପୁରୁତି ଜହରା କିଚେରି, ଅଡେ ଏଝାଣାଇଁ ଏଲେଇଚେରି, “ଏ ତାୟି, ପାଝୁଲ ନୀଏଁ ମେସିମାଞ୍ଜି ଜାହୁଦିୟାଁ ବିତ୍ରାଟି ମାଣା ମାଣା ଲକୁ ନାମିମାନେରି, ଏଝାରି ବାରେଜାଣା ମେରାତି ମାନଝି ଆହିମାନେରି □

୨୧ ଏଝାରି କାରୁ ବେଟାଆହା ମାନେରି, ନୀନୁ ଏଟକା କୃତାତାରି ତାଣା ବାସା ଆହାମାନି ବାରେ ଜାହୁଦି ଲକୁଣି ମସାତି ମେରା ପିସାଲି, ଏଝାରି କକାରି ତଲୁ ଦାଦୁ, ଅଡେ ଜାହୁଦି ଲକୁତି ପାଣାପାରୁ ମାନଝି ଆଆଦୁ ଇଞ୍ଜି~ ଜାପୁହିମାଞ୍ଜି □

୨୨ ନୀନୁ ଇମ୍ବାଆଁ ଝାହାମାନି କାରୁ ସାଚେଏ ଏଝାରି ଝେନେରି, ଆଡିହି~ ଏନି କିନାୟି ?

୨୩ ଏଦାଆଁତାକି ମାମ୍ବୁ ନିଲେ ଏଦାଆଁ ଝେସିମାଞ୍ଜାନମି ଏଦାଆଁ କିମ୍ବୁ, ମା ତାଣା ସାରି ଜାଣା ମାନେରି, ଏଝାରି ପାରମାଣା କିହାମାନେରି;

୨୪ ଏଝାରିତଲେ ହାଲାମ୍ବୁ ଇଞ୍ଜି~ ଏଝାରିତଲେ ଆଣ୍ଡାନା ନିଲେ ଅଟହା କତାମ୍ବୁ, ଇଞ୍ଜି~ ଏଝାରି ତାକାଁ ହିଶ୍ନି କାରୁଁ ହାମ୍ବୁ, ଆଡିହି~ ବାରେ ଲକୁ ମେସାନା ଏଝାରି ନୀ କପାଟି ଝେସାମାନି କାତା ଏନି ସାତା ହିଲେଏ, ସାମା ନୀନୁ ଜିକେଏ ମସା ମେରା ମାନଝି ଆହିମାଞ୍ଜି ଇଞ୍ଜି~ ପୁଞ୍ଜାମାନେରି □

୨୫ ☆ସାମା ଆମିନି ଏଟକା କୃତାତାରି ନାମାମାନେରି, ଏଝାରି ପେଣକା ବମାୟାଁକି ପୂଜା ହୀହାମାନି ବଗୁ, ନେଚେରି ଇଞ୍ଜି~ ହେରକି ତିଶ୍ତାନା ପାୟିତି ଜନ୍ତୁତି ଉଜ୍ଜା ତିନାଆଦୁ, ଇଞ୍ଜି~ ଦାରିକାମାଟି ଏଟକା ଆଦୁ, ଇଞ୍ଜି~ ମାମ୍ବୁ ତୀରିକିହାଁ ଏଝାରାକି ର ଆକୁ ରାଟାମାନମି □”

୨୬ ଏମ୍ବାଟିଏ ପାଝୁଲ ଅର ଦିନା ଏଝାରିତଲେ ହାଜାନା ଅଟହା କତିନି ମେରା ମାନଝି ଆଡେସି, ଇଞ୍ଜି~ ମାହାପୁରୁ ଇଲୁତା ହାଜାନା ତାନି ଅଟହା କତିନି ଦିନାୟାଁ ଏଚେଲା ରାଚେ ଅଡେ ବାରେଜାଣା ତାକି ଏନି ଏନି ପୂଜା କିନାୟିମାନେ ଏ ବାରେ ଝେସ୍ତେସି □

ମାହାପୁରୁ ଇଲୁତା ପାଝୁଲ ଦସପି ଆନାୟି

୨୭ ଏ ସାତା ଦିନା ପୂରା ଆହିମାଚାଟି ଆସିୟା ଦେସାଟି ଏଚେକା ଜାହୁଦି ଲକୁ ମାହାପୁରୁ ଇଲୁତା ପାଝୁଲଇଁ ମେସାନା ଏଝାରି ଏମ୍ବାଆଁ କୃତା ଆହାମାନି ମାନ୍ଦା ଲକୁଣି ମାଡ଼ଝି କିଚେରି, ଅଡେ ଏଝାଣାଇଁ ଆସାନା କାଲଝି ଆହି~ ଏଲେଇଚେରି □

୨୮ “ଏ ଇସ୍ତାୟେଲତି ଲକୁ ସାୟେମି କିୟାଦୁ; ଇଝାସି ସାରିଝାକି ହାଜାନା ଇସ୍ତାୟେଲ ଲକୁତି କପାଟି ଅଡେ ମସା ହୀତି ମେରା ଇଞ୍ଜି~ ଇ ମାହାପୁରୁ ଇଲୁ କପାଟି ଜାପୁହିମାନେସି □ ଇଞ୍ଜି~ ନୀଏଁ ଏଚରଜାଣା ଜାହୁଦିଆଆତି ଲକୁଣି ମାହାପୁରୁ ଇଲୁତା ତାଚାନା ସୁଦୁ ଟାୟୁତି ପଲୁଆ କିହିମାନେସି □”

୨୯ ☆ଇଚିହି~ ଏଝାରି ଗାଡ଼ାତା ଏପିସିୟତି ତ୍ରପିମଇଁ ପାଝୁଲ ତଲେ ମେସାମାଚେରି, ଅଡେ ଏଝାଣାଇଁ ମାହାପୁରୁ ଇଲୁତା ତାଚାମାନେସି ଇଞ୍ଜି~ ଅଣ୍ଟପିମାଚେରି □

୩୦ ଏମ୍ବାଟିଏ ବାରେ ଗାଡ଼ା କିଲିବିଲି ଆଡେ, ଇଞ୍ଜି~ ଲକୁ ମାନ୍ଦା ମାନ୍ଦା ଆହି~ ହଟାନା ପାଝୁଲଇଁ ଆସାନା ମାହାପୁରୁ ଇଲୁଟି ରେଜା ତାଚେରି; ଇଞ୍ଜି~ ଏ ଦେବୁଣିଏ ମାହାପୁରୁ ଇଲୁତି ଦାରାୟାଁ ସୁଣ୍ଡିଚେରି □

୩୧ ଅଡେ ଏଝାରି ପାଝୁଲଇଁ ପାୟାଲି ଅଣ୍ଟପିଚେରି, ଇଞ୍ଜି~ ଜିରୁସାଲମତା କାଜା ଗଡ଼ହା ଆହାମାନେ ଇଞ୍ଜି~ ରିଜାରି କସକାତି କାଜାଣି ତାଣା କାରୁ ହୀଚେରି □

୩୨ ଏମ୍ବାଟିଏ ଏଝାସି ଦେବୁଣିଏ ରିଜାରି କସକା ଇଞ୍ଜି~ ପାସାକଡ଼ି କସକା ମୁହେଁ କାଜାରାଇଁ ଆସାନା ଏଝାରିତାଣା ଦାବଡ଼ି ହାଚେସି, ଲକୁ ରିଜାରି କସକା ଅଡେ କସକା ମୁହେଁ

କାଜାରାଙ୍କ ମେସାନା ଏଞ୍ଜର ପାଞ୍ଜୁଲଙ୍କ ଝେଟାଲି ପିସ୍ତେରି
□

୩୩ ଏମ୍ବାଟିଏ କସକା ମୁହେଁ କାଜାସି ପାଞ୍ଜୁଲ ତାଗେ
ହାଜାନା ଏଞ୍ଜାଣାଙ୍କ ଆସାନା ରୀ ହିକ୍‌ଣିୟା ତଲେ ଦସାଲି
ହୁକୁମି ହୀତେସି, ଅଡ଼େ “ଇଞ୍ଜାସି ଆମ୍ବାଆସି ? ଏନାଆଁ
କିହାମାନେସି ଇଞ୍ଜିଁ ଝେରେସି ?”

୩୪ ଏଚେଟିଏ ଲକୁ ବାରେ ଆମ୍ବାଆରି ଇ କାତା
ଆମ୍ବାଆରି ଏ କାତା ଇଞ୍ଜିଁ କାଲୁଞ୍ଜି ଆତେରି, ଇଞ୍ଜା
ଏନାଆଁ ଆହାମାନେ ଇଞ୍ଜିଁ ତୀରପୁତି କାତା ପୁନାଆନା
ପାଞ୍ଜୁଲଙ୍କ କଟା ଇଲୁତା ଅହାଲି କସକାଣି ହୁକୁମି ହୀତେସି
□

୩୫ ଏଚିରେଲା ଏଞ୍ଜାସି ପାଞ୍ଜୁଜି ପିଣ୍ଡାଣା ଏଗାହାଜାଲିଏ,
ଲକୁତି ମାନ୍ଦା କାରବିଟି କାଲୁଞ୍ଜି ଆୟାଲିଏ କସକା
ପାଞ୍ଜୁଲଙ୍କ ଇଲୁ ବିତ୍ରା ତେକା ଅଡ଼େରି □

୩୬ ଇତିହୁଁ ମାନ୍ଦା ମାନ୍ଦା ଲକୁ ଜେତ ଝାହିହୁଁ
“ଏଞ୍ଜାଣାଙ୍କ ପାୟାବୁ” ଇଞ୍ଜିଁ କାଲୁଞ୍ଜି ଆହିମାରେରି □

ପାଞ୍ଜୁଲ ତାନୁଏ ତାଙ୍ଗେତାକି ଝେହ୍‌ନାୟି

୩୭ ଏଞ୍ଜାରି ପାଞ୍ଜୁଲଙ୍କ କଟା ଇଲୁ ବିତ୍ରା ଅହିମାଚାଟି
ଏଞ୍ଜାସି କସକା ମୁହେଁ କାଜାଣାଙ୍କ ଏଲେଇଚେସି, “ନାନୁ
ନିଙ୍ଗେ ର କାତା ଝେସାଲି ଆଡ଼ାଙ୍କ କି ?” ଏମ୍ବାଟିଏ କାଜାସି
ଏଲେଇଚେସି “ନାନୁ ଗିକ୍ ହାଡ଼ା ପୁଞ୍ଜି କି ?

୩୮ ଆତିହୁଁ ଇଦାଆଁ ନକେଏ ଏମିନି ମିସରତି ଲକୁ
ଗଡ଼ହା ହପହାନା ସାରି ମାଣା କାଗଂରାଣି ଲକୁ ହିଲାଆ
ଚାୟୁତା ଅହାମାଚାଟି ନାନୁ ଏଞ୍ଜାତି ଆଏ କି ?”

୩୯ ଏମ୍ବାଟିଏ ପାଞ୍ଜୁଲ ଏଲେଇଚେସି “ନାନୁତ ର ଜୀହୁଦି
କିଲିକିୟା ଦେସାତି ତାର୍ସ ଇଞ୍ଜିହୁଁ ଝେଙ୍ଗିତି ଗାଡ଼ାତା
ଜାନା ଆଡ଼ାତେସି; ଇ ଲକୁଣି କାତା ଝେସାଲି ନାଙ୍ଗେ
ହେଲ ହିୟାମୁ □”

୪୦ ଏ କାଜାସି ହେଲ ହିୟାଲିଏ, ପାଞ୍ଜୁଲ ପାଞ୍ଜୁଜିକାଣା
ନିଚାନା ଲକୁଣି କେୟୁତଲେ ସାପି କଡେସି; ଇଞ୍ଜା
ବାରେଜାଣା ସାପି ଆହାଲିଏ ଏଞ୍ଜାସି ଏବୁ ହାଡ଼ାତଲେ
ଏଞ୍ଜାରାଙ୍କ ଏଲେଇଚେସି □

୨୨

୧ “ଏ ତାୟିୟା ଅଡ଼େ ତାଞ୍ଜିୟାତେରି, ନାନୁ ନୀଏଁ ମୀ
ନକିତା ନା ଝାକିଟି କାତା ଝେସିମାଞ୍ଜାଙ୍କ, ଝେଞ୍ଜାଦୁ!”

୨ ପାଞ୍ଜୁଲ ଏଞ୍ଜାରି ନକିତା ଏବୁ ହାଡ଼ାତଲେ ଜଲିମାନାଣି
ଝେଞ୍ଜାନା; ଏଞ୍ଜାରି ହାଡ଼ା ଆଆନା ପାଲେଏ ଆଡ଼େରି, ଅଡ଼େ
ପାଞ୍ଜୁଲ ଜଲାଲି ମାଟ୍‌ହେସି □

୩ ☆ଏମ୍ବାଟିଏ ଏଞ୍ଜାସି ଏଲେଇଚେସି, “ନାନୁ ର ଜୀହୁଦି
ଲକୁତେସି, କିଲିକିୟାତି ତାର୍ସତା ନା ଜାନା, ସାମା ନାନୁ ଇ
ଜିରୁସାଲମ ଗାଡ଼ାତା ପହିପାତି ଆହାମାଙ୍କ, ଗମଲିୟେଲ
ତାଣା କୁଗାନା ଜାପାମାଙ୍କ, ମା ଆକୁ ଆବାୟାତି ମେରାତି
ନେହୁଁ କିଁ ଜାପାମାଙ୍କ; ମୀରୁ ଏନିକିଁ ମାହାପୁରୁତି

ସେବା କିହିମାଞ୍ଜେରି ନାନୁ ଜିକେଏ ଏଲେକିହୁଁ ମାନୁଞ୍ଜି
ଆନାତେସି ମାଚେସି;

୪ ☆ନାନୁ ଇ ଜିରୁତା ତାକିମାନି ଇୟାସିକା ଆବାୟାଣି
ହାନ୍ତି ପାତେକା ସାସ୍ତି କିହିମାଚେସି, ଅଡ଼େ ଦସପାନା
କାୟିଦି ଇଲୁକାଣା ହେରପିମାଚେସି □

୫ ନା ଇ କାତା ସାତା, କାଜା ପୁଜେରାଙ୍ଗା ଅଡ଼େ
କାଜା ବେରଣି ମାଣ୍ଡାତାରି ନା ସାକି; ନାନୁ ଏଞ୍ଜାରି
ତାଣାଟି ତାୟିୟାକି ଆକୁ ରୀସାନା ଲକୁଣି ହିକ୍‌ଣିୟା ତଲେ
ଦସପାନା ଜିରୁସାଲମତା ତାଚାଲି ତାକି ନାନୁ ଦମେସକତା
ମାନି ଜୀହୁଦି ଲକୁତାଣା ହାଜାମାଚେସି □”

**ପାଞ୍ଜୁଲ ତାନି ମନ ଝେଡ଼ହାଣି ଝେହ୍‌ନାୟି
(କାମା ୯:୧-୧୯; ୨୭:୧୨-୧୮)**

୬ “ନାନୁ ଦମେସକ ତାଗେ ଏଜିମାଚାଟି ମାଦେନା
ବେଲାତା ଦେବୁଣିଏ ନା ସାରିଝାକି ହାଗୁଲାକଟି ର ତାହାଣା
ଉଜେଡ଼ି ଡ଼ୀଞ୍ଜିତେ □

୭ ଏମ୍ବାଟିଏ ନାନୁ ବୁମିତା ତରଗିତେସି, ଇଞ୍ଜା ନାଙ୍ଗେ
ତାକି ଝେସିମାଟି ଇ ହାଡ଼ା ଝେଚେସି, ‘ସାଞ୍ଜୁଲ, ସାଞ୍ଜୁଲ
ଏନାଆଁତାକି ନାଙ୍ଗେ ସାସ୍ତି ହାହିମାଞ୍ଜାଦି ?’

୮ ନାନୁ ଏଲେଇଚେସି, ‘ପ୍ରବୁ ନାନୁ ଆମ୍ବାଆତି ?’
ଏମ୍ବାଟିଏ ଏଞ୍ଜାସି ନାଙ୍ଗେ ଏଲେଇଞ୍ଜାତେସି, ‘ନାନୁ
ଆମ୍ବାଆରାଙ୍କ ସାସ୍ତି ହାହିମାଞ୍ଜି ନାଜରିତତି ଜୀସୁତେସି ନାନୁ
□’

୯ ନା ତଲେ ମାଟି ଲକୁ ଏ ଉଜେଡ଼ି ମେସ୍ତେରି ସାତା,
ସାମା ନାଙ୍ଗେ ଝେସ୍ତାତି ହାଡ଼ା ଝେନାଆତେରି □

୧୦ ଏଚେଟିଏ ନାନୁ ଏଲେଇଚେସି, ‘ପ୍ରବୁ ନାନୁ ଏନାଆଁ
କିଲି ?’ ଏଚେଟିଏ ପ୍ରବୁ ନାଙ୍ଗେ ଝେସ୍ତାତେସି, ‘ନିଙ୍ଗାନା
ଦମେସକତା ହାଲାମୁ, ଅଡ଼େ ନିଙ୍ଗେ ଏନାଆଁ କିହାଲି
ଆନେ ଏଦାଆଁ ଏମ୍ବାଆଁ ଝେସ୍ତାଙ୍କ □’

୧୧ ଏ ଉଜେଡ଼ି ମିଣ୍ଡିସି ମାଚାକି ନାନୁ କାଣା
ଆହାହାଚେଏ, ଇଞ୍ଜା ନା ତଲେ ଝାହିମାଚାରି ନାଙ୍ଗେ କେୟୁ
ଆସାନା ଦମେସକତା ଅୟାତେରି □”

୧୨ “ଏ ଗାଡ଼ାତା ହନନିୟ ଇଞ୍ଜିହୁଁ ର ଦାମ୍ବୁଗାଚାସି
ମାଚେସି, ଏଞ୍ଜାସି ମା ମେରାତି ମାନୁଞ୍ଜି ଆନାସି, ଇଞ୍ଜା
ଦମେସକତି ଜୀହୁଦି ଲକୁତାଣା ମାନ୍‌ଗାଚାସି ଅଡ଼େ
ଝେଙ୍ଗିତାସି ମାଚେସି □

୧୩ ଏଞ୍ଜାସି ନା ତାଣା ଝାହାନା ଦାରିତା ନିଚାନା ନାଙ୍ଗେ
ଏଲେଇଞ୍ଜାତେସି, ‘ଏ ସାଞ୍ଜୁଲ ତାୟି ମେହ୍‌ମୁ’ ଏ ଦେବୁଣିଏ
ନା କାଣ୍‌କା ଦେପିଆଡୁ ଇଞ୍ଜା ନାନୁ ଏଞ୍ଜାଣାଙ୍କ ମେସାଲି
ଆଡ଼ିତେସି □

୧୪ ଏଞ୍ଜାସି ଏଲେଇଞ୍ଜାତେସି, ‘ମା ଆକୁ ଆବାୟାତି
ମାହାପୁରୁ ତାନି କାତା ପୁଞ୍ଜାଲି ଅଡ଼େ ଏ ତୀରି ଗାଗାଣାଙ୍କ
ମେସାଲି, ଅଡ଼େ ତାନି ଗୁଡିଟି ହଡ଼ିମାନି ହାଡ଼ା ଝେଞ୍ଜାଲି
ଆଚାମାଞ୍ଜାତେସି □

☆ ୨୨:୩ ୨୨:୩ କାମା ୫:୩୪-୩୯ ☆ ୨୨:୪ ୨୨:୪ କାମା ୮:୩; ୨୭:୯-୧୧

୧୫ ଇଚିହଁ ନୀନୁ ଏନାଆଁ ମେସାମାଞ୍ଜି ଇଞ୍ଜା ଖେଞ୍ଜାମାଞ୍ଜି, ଏ ବାରେତାକି ବାରେ ଲକୁତାଣା ଖେସାଲି ନୀନୁ ସାକି ଆଦି □

୧୬ ଅଡ଼େ ନୀଏଁ ଏନାଆଁତାକି ଖେଡ଼ା କିହିମାଞ୍ଜି, ନିଙ୍ଗାମୁ ବାପ୍ପିସ୍ତ* ଆହାନା ତାନି ତାଣା ପ୍ରାତାନା କିହାନା ନୀ ପାପୁ ବାରେ ନରଞ୍ଜି କିହାକତାମୁ □ ”

ପାଞ୍ଜୁଲ ଜୀହୁଦିଆଆତି ଲକୁତାଣା ପାଣ୍ଡୁଞ୍ଜି ଆନାୟି

୧୭ “ଏମ୍ବାଟିଏ ନାନୁ ଜିରୁସାଲମତା ଖେଣ୍ଡା ଖାହାନା ମାହାପୁରୁ ଇଲୁତା ପ୍ରାତାନା କିହିମାଟାଟି, ସେୟାଣା ହାପାନାତା ମେସ୍ତେସ୍, ”

୧୮ ନାନୁ ସେୟାଣା ହାପାନାତା ପ୍ରବୁଇଁ ମେସ୍ତେସ୍, ଏଞ୍ଜାସି ନାଙ୍ଗେ ଏଲେଇଞ୍ଜାତେସି, ‘ତବେ ଜିରୁସାଲମ ପିହ୍ମୁ, ଇଚିହଁ ଇମ୍ବାଟି ଲକୁ ନା ସାକି ହୀନାଟି ନୀ କାତା ଆହୁଅରି □’

୧୯ ଏମ୍ବାଟିଏ ନାନୁ ଏଲେଇଚେସ୍ ‘ପ୍ରବୁ ନାନୁ ଜୀହୁଦି ଲକୁତି କୁଟେମି ଇଲୁକାଣା† ହାଜାନା ନିଙ୍ଗେ ନାମାନାରାଇଁ ଖେଚାନା କାୟିଦି ଇଲୁତା ସୁଣ୍ଡିମାଟାଣି ଏଞ୍ଜାରି ନେହଁକଁ ପୁଞ୍ଜାମାନେରି;

୨୦ *ଅଡ଼େ ଏଚିବେଲା ନୀ ସାକି ସ୍ତ୍ରୀପାନଇଁ ପାୟିତେରି, ନାନୁଏ ଏମ୍ବାଆଁ ମାଚେସ୍; ଇଞ୍ଜା ବେଲେଏ ହାପେସି ଇଞ୍ଜଁ ଅଣ୍ଡିମାଚେସ୍, ଅଡ଼େ ପାୟିମାଟାରି ହିମ୍ବରିକା କାଟିମାଚେସ୍ □’

୨୧ ସାମା ପ୍ରବୁ ନାଙ୍ଗେ ଏଲେଇଞ୍ଜାତେସି, ‘ହାଲାମୁ ଇଚିହଁ ନାନୁ ନିଙ୍ଗେ ହେକ ଦେସାତି ଜୀହୁଦିଆଆତି ଲକୁତାଣା ପାଣ୍ଡାଇଁ □’ ”

୨୨ ପାଞ୍ଜୁଲ ଏଲେଇଞ୍ଜି ଖେହ୍ନି ପାତେକା ଲକୁ ଖେଞ୍ଜିମାଚେରି, ସାମା ଏ ଦେବୁଣିଏ ଏଞ୍ଜାରି କାଜା ଗିୟାତଲେ କାଲୁଞ୍ଜି ଆହାନା ଏଲେଇଚେରି, “ଏଞ୍ଜାଣାଇଁ ପାଙ୍ଗାତା ତାଟାହାଁ ପାୟାନା ଦାରତିଟି ମ୍ଲେକ୍ହା ତୁହ୍ମୁ, ଏଞ୍ଜାସି ନୀତାଲି ପାଡ଼ାଆଅସି □”

୨୩ ଅଡ଼େ ଏଚିବେଲା ଏଞ୍ଜାରି କିଲଡ଼ି କିହଁ ତାନି ହିମ୍ବରିକା କୁତିହଁ ଲାକଞ୍ଜାକି ଦୂଡ଼ି ଡ଼ାଞ୍ଜିତେରି,

୨୪ ଏଚିବେଲା ପାସାକଡ଼ି କସ୍‌କା ମୁହେଁ କାଜାସି ପାଞ୍ଜୁଲଇଁ କଟା ଇଲୁ ବିତ୍ତା ଅହାଲି ହୁକୁମି ହୀତେସି, ଅଡ଼େ ଜୀହୁଦି ଲକୁ ଏନାଆଁତାକି ଏଞ୍ଜାଣି କପାଟି ଗଡ଼ହା କିହିମାନେରି, ଏଦାଆଁ ପୁଞ୍ଜାଲି ପାଞ୍ଜୁଲଇଁ ସାଟ୍‌ଣି ତଲେ ଖେଚାନା ଖେଞ୍ଜୁ ଇଞ୍ଜଁ ହୁକୁମି ହୀତେସି □

୨୫ ସାମା ଏଞ୍ଜାରି ଏଞ୍ଜାଣାଇଁ ସାଟ୍‌ଣି ତଲେ ଖେଚାଲି ତ:ରିତଲେ ଦସାଲିଏ, ପାଞ୍ଜୁଲ ଦାରିତା ମାଟି ପାସାକଡ଼ି କସ୍‌କା ମୁହେଁ କାଜାଣାଇଁ ଏଲେଇଚେସି, “ଏମିନି ଦହ୍‌ତା ନୀହାୟି କିଞ୍ଜି ଆହାହିଲାଆ ର ରମ୍ ଦେସା ତାଣାଇଁ ସାଟ୍‌ଣି ତଲେ ଖେଚାଲି ଏନି ମେରା ମାନେ କି ?”

୨୬ ଇଦାଆଁ ଖେଞ୍ଜାନା କହ୍‌ସ୍‌ସି ପାସାକଡ଼ି କସ୍‌କା ମୁହେଁ କାଜାଣା ତାଣା ହାଜାନା ଏଲେଇଚେସି, “ନୀନୁ ଏନାଆଁ କିହାଲି ହାଜିମାଞ୍ଜି, ଇଚିହଁ ଇଞ୍ଜାସି ରମିୟ ଲକୁ □”

୨୭ ଏମ୍ବାଟିଏ ପାସାକଡ଼ି କସ୍‌କା ମୁହେଁ କାଜାସି ଖାହାନା ପାଞ୍ଜୁଲଇଁ ଖେଚେସି, “ନୀନୁ ନାଙ୍ଗେ ଖେସ୍ତାମୁ ନୀନୁ ରମ୍ ଦେସାତାତି କି ?” ପାଞ୍ଜୁଲ ଏଲେଇଚେସି “ହାଅ □”

୨୮ ଏମ୍ବାଟିଏ ପାସାକଡ଼ି କସ୍‌କା ମୁହେଁ କାଜାସି ଏଲେଇଚେସି, “ନାନୁ ହାଚେକା ଟାକାୟାଁ ହାହାନା ରମ୍ ଦେସାତାତେସ୍ ଆହାମାଇଁ □” ସାମା ପାଞ୍ଜୁଲ ଏଲେଇଚେସି, “ନାନୁତ ଜାନ୍‌ଟିଏ □”

୨୯ ଏମ୍ବାଟିଏ ଆମ୍ବାଆରି ପାଞ୍ଜୁଲଇଁ ଖେଞ୍ଜାଲି ତିୟାରା ଆହାମାଚେରି, ଦେବୁଣିଏ ଗୁଟା ଆହାହାଚେରି, ଇଚିହଁ ପାଞ୍ଜୁଲ ରମ୍ ଦେସାତାସି ଇଞ୍ଜଁ ପୁଞ୍ଜାନା ର ମାଣା କସ୍‌କା ମୁହେଁ କାଜାସି ଏଞ୍ଜାଣାଇଁ ହିକ୍‌ଣିୟାଁ ତଲେ ଦସ୍‌ପି କିହାମାଟାକି ତାନୁଏ ଆଜିତେସି □

କାଜା ବେରଣିମାଣ୍ଡା ନକିତା ପାଞ୍ଜୁଲ

୩୦ ଜୀହୁଦି ଲକୁ ପାଞ୍ଜୁଲ କପାଟି ଏନି ଦାଞ୍ଜା କିହାମାନେରି, ଏଦାଆଁ ସାତା ତଲେ ପୁଞ୍ଜାଲିତାକି ର ମାଣା କସ୍‌କା ମୁହେଁ କାଜାସି ତାନି ଅର ନେରୁ ପାଞ୍ଜୁଲତି ହିକ୍‌ଣିୟାଁ ହୁକ୍‌ହାନା କାଜା ବେରଣିମାଣ୍ଡାଟି ବାରେଜାଣାଟି କୁଡ଼ିକିହାଲି ପୂଜେରାଙ୍ଗାଣି ହୁକୁମି ହୀତେସି □ ତାୟୁ ପାଞ୍ଜୁଲଇଁ ଏଞ୍ଜାରି ନକିତା ନିପ୍‌ହେସି □

୨୩

୧ ପାଞ୍ଜୁଲ ଜୀହୁଦି ଲକୁତି କାଜା ବେରଣିମାଣ୍ଡାତା କୁଗାମାନି ଲକୁଣି ଆଚେ ସିନିକିହାନା ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ନାନୁ ନୀଞ୍ଜୁପାତେକା ମାହାପୁରୁ ନକିତା ନେହଁ ଅଣ୍ଡୁ ତଲେ ନୀତାମାଇଁ, ଏଦାଆଁତାକି ନା ହିୟାଁ ହାଚେକା ଅତିତାୟି □”

୨ ଇ କାତା ଖେଞ୍ଜାନା କାଜା ପୂଜେରା ହାନାନ ପାଞ୍ଜୁଲ ଦାରିତା ନିଚାମାନି ଲକୁଇଁ ତାନି ଗୁଡିତା ଖେଦୁ ଇଞ୍ଜଁ ହୁକୁମି ହୀତେସି □

୩ *ପାଞ୍ଜୁଲ ଏଞ୍ଜାଣାଇଁ ଏଲେଇଚେସି, “ଏ ହୁନୁ ଉସ୍‌ପିତି ଦବଲା କାତି ମାହାପୁରୁ ନିଙ୍ଗେ ଖେଡ଼ାନେସି, ନୀନୁ ମସାତି ମେରା ଲେହେଁ ନାଙ୍ଗେ ନୀହାୟି କିହାଲି କୁଗାମାଟି ଜିକେଏ, ନୀନୁ ନାଙ୍ଗେ ଖେଚାଲି ହୁକୁମି ହୀହାନା ନୀନୁଏ ମସାତି ମେରା ଉରିମାଞ୍ଜି □”

୪ ଏଚେଟିଏ ଦାରିତା ନିଚାମାଟି ଲକୁ ପାଞ୍ଜୁଲଇଁ ଏଲେଇଚେରି, “ନୀନୁ ମାହାପୁରୁତି କାଜା ପୂଜେରାଲ୍ ଲାଜା କିହିମାଞ୍ଜି □”

୫ ପାଞ୍ଜୁଲ ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ଏଞ୍ଜାଣାଇଁ ନାନୁ କାଜା ପୂଜେରା ଇଞ୍ଜଁ ପୁଞ୍ଜା ହିଲାଆତେସ୍; ଇଚିହଁ ଦାମ୍‌ପିତିତା ରାସ୍‌କି

* ୨୨:୧୭ ୨୨:୧୭ ମୁଞ୍ଜିନାୟି † ୨୨:୧୯ ୨୨:୧୯ ସିନଗର ☆ ୨୨:୨୦ ୨୨:୨୦ କାମା ୭:୫୮ ☆ ୨୩:୩ ୨୩:୩ ମାଟି ୨୩:୨୭,୨୮ ☆ ୨୩:୭ ୨୩:୭ କାମା ୨୭:୫; ପିଲିପି ୩:୫

ଆହାମାନେ, 'ମୀରୁ ମୀ ସାଲୁକି କିନାରାଇଁ ବାକା ଇଟାଆଦୁ
□'

୭ *ସାମା ପାଞ୍ଜୁଲ ର ବାଗା ସାଦୁକିୟା ଅଡ଼େ ର
ବାଗା ପାରୁସିୟା ମାନେରି ଇଞ୍ଜି ପୁଞ୍ଜାନା, କାଜା
ବେରଣିମାଣ୍ଡାତା କାଜା ଗିୟାତଲେ ଏଲେଇଚେସି, "ଏ
ଇସ୍ରାୟେଲ ତାୟିୟାତେରି ନାନୁ ର ପାରୁସିତେଏଁ ଇଞ୍ଜି
ପାରୁସି ମୀରଏଣାତେଏଁ; ଇଞ୍ଜି ହାଡ଼ାରି ଖେଣ୍ଡେ ନିଜିନେରି
ଇଞ୍ଜି ଆସା କିହିମାନାକି ମୀରୁ ନାଙ୍ଗେ ନୀହାୟି
କିହିମାଞ୍ଜାଦେରି □"

୮ ଏଞ୍ଜାସି ଇ କାତା ଏଲେଇଶ୍ୱମ୍ବନିଏ ପାରୁସି ଅଡ଼େ
ସାଦୁକି ଲକୁ ବିତ୍ରା ଗଡ଼ହା ହଡ଼େ, ଇଞ୍ଜି କାଜା ବେରଣି
ମାଣ୍ଡାତାରି ଗଟି ଗଟି ଆହାଁ ରୀ ବାଗା ଆଡ଼େରି □

୯ *ଇଚିହଁ ସାଦୁକିୟା ଖେଣ୍ଡେ ନିଜିନାୟି ହିଲେଏ,
ଦୂତୁୟା ଅଡ଼େ ଜୀଞ୍ଜୁୟା ହିଲାଉ ଇନେରି, ସାମା ପାରୁସିୟା
ଏ ବାରେଡି ନାମିନେରି □

୧୦ ଏମ୍ବାଟିଏ କାଜା ଗଡ଼ହା ଆଡ଼େ, ଅଡ଼େ ପାରୁସିୟା
ବିତ୍ରାଟି ଏଚରଜାଣା ମେରାପୁନାରି ନିଜାନା ଏଲେଇଚେରି;
"ମାମୁ ଇଞ୍ଜାଣି ତାଣାଟି ଏନି ଦହ ବେଟାଆଥାତମି,
ସାତେଏ ଏଞ୍ଜାଣି ତାଣାଟି ର ଜୀଞ୍ଜୁ ଆଥାତ ଲାକପୁରୁତି
ଦୂତୁ କାତା ଖେସାମାନେ □"

୧୧ ଇଲେଆହଁ କାଜା ଗଡ଼ହା ଆହାଲିଏ, ପାଞ୍ଜୁଲଇଁ
ଏଞ୍ଜାରି କାଣ୍ଡାମୁକା କିନେରି ଇଞ୍ଜି ଆଜିତାକି ର ମାଣା
କସ୍କା ମୁହେଁ କାଜାସି ପାଞ୍ଜୁଲଇଁ ଏଞ୍ଜାରି ତାଣାଟି
ଗେଲପାନା ବାଲ୍ଲମିଟି କଟା ଇଲୁ ବିତ୍ରା ଅହାଲି କସ୍କାଣି
ହୁକୁମି ହୀତେସି □

୧୨ ଏ ନେରୁ ଲାଆଁୟା ପ୍ରୁ ପାଞ୍ଜୁଲଇଁ ଏଲେଇଚେସି,
"ଆଜାଆନି, ସାସା ଆହମୁ ଇଚିହଁ ନୀନୁ ଜିରୁସାଲମତା
ଏନିକଁ ନା ସାକି ହୀତି, ରମ୍ ଗାଡ଼ାତା ଜିକେଏ
ଏଲେକିହଁ ନା ସାକି ହୀନାୟି ମାନେ □"

ପାଞ୍ଜୁଲଇଁ ପାୟାଲି ଅଣ୍ଡିନାୟି

୧୩ ଅର ଦିନା ଲାଉ, ଜୀହୁଦିୟା ଜାଟୁ ଆହାନା ପାଞ୍ଜୁଲଇଁ
ପାୟାଆ ପାତେକା ଏନି ରାନ୍ଦା କି ଏନୁ ତୀଗାଆପ ଇଞ୍ଜି
ତାମୁ ତାମୁସୁ ପାରମାଣା କିହାମାଚେରି □

୧୪ ଏଲେଇଞ୍ଜି ଅଣ୍ଡି ମାଚାରି ରୀ କଡ଼ି ଜାଣାଟିଏ
ଆଗାଡ଼ା ମାଚେରି □

୧୫ ଏଞ୍ଜାରି କାଜା ପୂଜେରାଜା ଅଡ଼େ ପ୍ରାଟିନାଜା ତାଣା
ଞ୍ଜାହାଁ ଏଲେଇଚେରି, "ମାମୁ ପାଞ୍ଜୁଲଇଁ ପାୟାଲି ଆଡ଼ାଆ
ପାତେକା ଏନାଆଁ ତିନଅମି କି ତୀଗଅମି ଇଞ୍ଜି ମାମୁ
ମାଙ୍ଗେତାକି ପାରମାଣା କିହାମାନମି □

୧୬ ଏଦାଆଁତାକି କାଜା ବେରଣିମାଣ୍ଡାତା କାଜାରି
ହାଜାନା, ର ମାଣା କସ୍କା ମୁହେଁ କାଜାଣାଇଁ ନାଡ଼ି
କିହଁ ଏଲେଇଞ୍ଜି, ମାମୁ ପାଞ୍ଜୁଲ ଏନାଆଁ କିହାମାନାଣି
ନେହଁକଁ ଖେନମି ଇଞ୍ଜିହଁ ମୀ ତାଣା ହାଟିକିଦୁ,
ଏଚେଟିଏ ଏଞ୍ଜାସି ମୀ ତାଣା ଏଗାଞ୍ଜାଆ ନକେଏ ପାୟାଲି
ଜାଗ୍ରାତା ଆହା ଡ଼ୟିନମି □"

୧୭ ସାମା ପାଞ୍ଜୁଲ ତାମି ବାଣ୍ଡା କସ୍କା ଜଲ୍ଲକି
ଆହିମାଟି କାତା ଡ଼ଗୁାନା ଖେଚେସି; ଇଞ୍ଜି କଟା ଇଲୁ ବିତ୍ରା
ଞ୍ଜାହାନା ପାଞ୍ଜୁଲଇଁ ଇ ବାରେ କାତା ଖେସ୍ତେସି □

୧୮ ଏଚେଟିଏ ପାଞ୍ଜୁଲ ର ରମିୟ କହୁଏଣାଇଁ ହାଟାନା
ଏଲେଇଚେସି, "ଇ ଦାଂଗଣେଣାଇଁ ର ମାଣା କସ୍କା ମୁହେଁ
କାଜାଣି ତାଣା ଅମୁ, ଇଚିହଁ ଇଞ୍ଜାସି ର କାତା ଏଞ୍ଜାଣାଇଁ
ଖେହୁନାୟି ମାନେ □"

୧୯ ଏଚେଟିଏ ଏଞ୍ଜାସି ର ମାଣା କସ୍କା ମୁହେଁ କାଜାଣି
ତାଣା ଅହାନା ଏଲେଇଚେସି, "କାୟିଦିତା ମାନି ପାଞ୍ଜୁଲ
ନାଙ୍ଗେ ହାଟାନା ନୀ ତାଣା ଇ ଦାଂଗଣେଣାଇଁ ତାଚାଲି
ବାଡ଼ିମାଲ୍ଲାତେସି, ନିଙ୍ଗେ ଖେସାଲି ଇଞ୍ଜାଣାକି ର କାତା
ମାନେ □"

୨୦ ର ମାଣା କସ୍କା ମୁହେଁ କାଜାସି ଏଞ୍ଜାଣି କେନ୍ଦୁ
ଆସାନା ଲକୁ ହିଲାଆ ତାଣା ଅହାନା ଖେଚେସି, "ନାଙ୍ଗେ
ନୀନୁ ଏନାଆଁ ଖେସ୍ତାନାୟିମାନେ ଖେସ୍ତାମୁ □"

୨୧ ଏଞ୍ଜାସି ଏଲେଇଚେସି, "ପାଞ୍ଜୁଲ ଏନାଆଁ
କିହାମାନେସି ଏଦାଆଁ ନେହଁକଁ ପୁଞ୍ଜାଲି ଏଞ୍ଜାଣାଇଁ
ଞ୍ଜିଏ କାଜା ବେରଣିମାଣ୍ଡାତା ମା ତାଣା ତାମୁ ଇଞ୍ଜି ଜୀହୁଦି
ଲକୁତି କାଜାରି ନାଡ଼ିକିହାନା ନିଙ୍ଗେ ବାଡ଼ିମାଲ୍ଲାନେରି,

୨୨ ସାମା ନୀନୁ ଏଞ୍ଜାରି କାତା ମାନୁଞ୍ଜି ଆଆନି, ଇଚିହଁ
ଏଞ୍ଜାଣାଇଁ ପାୟାଲି ଆଡ଼ାଆ ପାତେକା ରାନ୍ଦା ଚିଚିହଁ କି
ତୀଗିଚିହଁ ମାଙ୍ଗେ ବାକା ଆଟାପେ ଇଞ୍ଜି ମାନି କିହାନା
ରୀ କଡ଼ିଟିଏ ଆଗାଡ଼ା ଲକୁ ଡ଼ଗୁାହାଁ କାଟାମାନେରି, ନୀଏଁ
ଏଞ୍ଜାରି ନୀ ତାଣାଟି ହେଲ ବେଟାଆହାଲି କାଟିମାନେରି □"

୨୩ ଏଚେଟିଏ ର ମାଣା କସ୍କା ମୁହେଁ କାଜାସି
ଏଲେଇଚେସି, "ନୀନୁ ନାଙ୍ଗେ ଖେସ୍ତାତି କାତା
ଆମ୍ବାଆରାଇଁ ଖେହୁଆନି" ଇଞ୍ଜି ଖେସାନା ଏ
ଦାଂଗଣେଣାଇଁ ପାଣ୍ଡିତେସି □

ପେଲିକସ୍ ତାଣା ପାଞ୍ଜୁଲଇଁ ପାଣ୍ଡିନାୟି

୨୪ ର ମାଣା କସ୍କା ମୁହେଁ କାଜାସି ତାନି ଡ଼ଇ କାମା କିନି
ପାୟାକଡ଼ି କସ୍କା ମୁହେଁ କାଜାରାଇଁ ରିଆରାଇଁ ହାଟାନା
ଏଲେଇଚେସି, "ନୀଞ୍ଜୁ ଲାଆଁୟା ନ ଗଂଟା ବେଲାତା
କାୟିସରିୟାତା ହାଜାଲିତାକି ତୀନିକଡ଼ି ଦସ ଜାଣା ଗଡ଼ାତା
ହାନାରି ଅଡ଼େ ରୀ ଞ୍ଜାଞ୍ଜା ବାଲ୍ଲା ଗାଟାରି ତଲେ ରୀ ଞ୍ଜାଞ୍ଜା
କସ୍କାଣି ତିୟାରା କିଦୁ □

୨୫ ଅଡ଼େ ଏଞ୍ଜାରି ଏନିକଁ ପାଞ୍ଜୁଲଇଁ ଗଡ଼ା ଲାକ
କୁଗିକିହାନା ସାଲୁକି କିନି ପେଲିକସ୍ ତାଣା ଜାଗ୍ରାତା ତଲେ
ଅନେରି, ଏଦାଆଁତାକି ବାରେ କିହାଲି ହୁକୁମି ହୀତେସି □"

୨୬ ର ମାଣା କସ୍କା ମୁହେଁ କାଜାସି ଇଲେଇଞ୍ଜି ର
ଆକୁ ରାଡ଼ିତେସି;

୨୭ "ଏ ମାନିଗାଟି ଦେସା ସାଲୁକି କିନି ପେଲିକସ୍
କ୍ଲାଞ୍ଜୁଦିୟା ଲୁସିୟାତି ଜହରା □

୨୮ ଜୀହୁଦିୟା ଇ ଲକୁଲ୍ ଆସାନା ପାୟାଲି
ଅଣ୍ଡିମାଟି ବେଲାତା, ଏଞ୍ଜାସି ର ରମିୟ ଲକୁ ଇଞ୍ଜି

* ୨୩:୮ ୨୩:୮ ମାଡ଼ି ୨୨:୨୩; ମାର୍କ ୧୨:୧୮; ଲୁକ ୨୦:୨୭

ପୁଞ୍ଜାନା, ନାନୁ କସକା ତଲେ ହାଜାନା ଏଞ୍ଜାଣାଇଁ ପିସ୍ପି କିତେର୍ସ୍ ।

୨୮ ଏଞ୍ଜାସି ଏଞ୍ଜାରି କପାଟି ଏନି ଦହ୍ କିହାମାନେସି ପୁଞ୍ଜାଲି ନାନୁ ଏଞ୍ଜାଣାଇଁ ତାମି କାଜା ବେରଣିମାଣ୍ଡାତା ଅହାମାଚେର୍ସ୍ ।

୨୯ ସାମା ଏଞ୍ଜାସି ହାନି ତଣ୍ଡୁ କି କାୟିଦି ତଣ୍ଡୁ ବେଟାଆନି ଲେହେଟି ଏନି ଦହ୍ କିହାସିଲଅସି ଇଞ୍ଜି ନାନୁ ପୁଚେର୍ସ୍, ତାନି କପାଟି ଖାରୁଇ ତାମି ମେରାତି କାତାତାକି ଏଞ୍ଜାଣାଇଁ ଦହ୍ ଦସାମାନେରି ।

୩୦ ଏଞ୍ଜାରି ନାଡ଼ିକିହାଁ ଏଞ୍ଜାଣାଇଁ ପାୟାଲି ଅଣ୍ଡିମାନେରି ଇଞ୍ଜି ନାଜେ କାରୁ ହିୟାଲିଏ ନାନୁ ଇଞ୍ଜାଣାଇଁ ଖେଡାକିଆନା ନୀ ତାଣା ପାଣ୍ଡାଚେର୍ସ୍; ଏଞ୍ଜାଣାଇଁ ଦହ୍ ଦସାମାନାରାଇଁ ଜିକେଏ ନୀ ନକିତା ଏଞ୍ଜାଣି କପାଟି ସାକି ହାହାଲି ଖେସା ପାଣ୍ଡାଚେର୍ସ୍ ।

୩୧ ଏମ୍ପାଟିଏ କସକା ହୁକୁମି ବେଟାଆହାନା ପାଞ୍ଜୁଲଇଁ ଅହାନା ଲାଆଁୟାଁ ବେଲାତା ଏଞ୍ଜାଣାଇଁ ଆଡ଼ିପାଡ଼ିତା ତାତେରି ।

୩୨ ଅର ଦିନା ଗଡ଼ାୟାଁ ଗାଟାରାଇଁ ଏଞ୍ଜାଣିତଲେ ହାଜାଲି ପିସାନା, କସକା କଟା ଇଲୁତା ଖେଣ୍ଡା ଖାଡେରି ।

୩୩ ଗଡ଼ାୟାଁ ଗାଟାରି କାୟିସରିୟାତା ଖାହାନା, ସାଲୁଝି କିନି ପେଲିକସକି ଆକୁ ହାହାନା ପାଞ୍ଜୁଲଇଁ ଏଞ୍ଜାଣି ତାଣା ହେରପିତେରି ।

୩୪ ଏଞ୍ଜାସି ଏ ଆକୁ ପଡ଼ୁଝି ଆଡ଼ି ତାୟୁ ନାନୁ ଏମିନି ରାଡ଼ିତାଡ଼ି ଇଞ୍ଜି ଖେଚେସି; ଅଡେ ଏଞ୍ଜାସି କିଲିକିୟାଡ଼ି ଲକୁ ଇଞ୍ଜି ପୁଚେସି,

୩୫ ଇଞ୍ଜା ଏଞ୍ଜାସି ଏଲେଇଚେସି, “ନିଜେ ଦହ୍ ଦସାମାଞ୍ଜାନାରି ଇମ୍ପାଆଁ ଖାଡ଼ିସାରେ ନାନୁ ନୀ କାତା ଖେଞ୍ଜାଇଁ” ଅଡେ ଏଞ୍ଜାସି ପାଞ୍ଜୁଲଇଁ ହେରଦତି ଇଜ ଇଗାଲି ହୁକୁମି ହୀତେସି ।

୨୪

ଜୀହୁଦି ଲକୁ ପାଞ୍ଜୁଲ କପାଟି ଦାଞ୍ଜା କିନାୟି

୧ ପାସା ଦିନା ତାୟୁ କାଜା ପୂଜେରା ହାନାନ, ଏଚେକା ପ୍ରାଟିନାଜା ଅଡେ ତରୁତୁଲ ଦରୁଗାଟି ଅକିଲା ତଲେ କାୟିସରିୟାତା ଖାଡେରି, ଅଡେ ଏଞ୍ଜାରି ପାଞ୍ଜୁଲ କପାଟି ସାଲୁଝି କିନି ପେଲିକସ୍ ତାଣା ଦାଞ୍ଜା କିତେରି ।

୨ ପାଞ୍ଜୁଲଇଁ ଏମ୍ପାଆଁ ତାଚାଲିଏ, ତରୁତୁଲ ଏଞ୍ଜାଣି କପାଟି ଏଲେଇଚେସି, “ଏ ମାନିଗାଟି ପେଲିକସ୍ ନୀ ତାଣାଟି ମାମ୍ପୁ ହାରେକା ଦିନାଟିଏ ହିଡ଼ଡ଼ି ବେଟାଆହି ମାନମି, ଇଞ୍ଜା ନାନୁ ମା ଦେସାତାକି କିହାମାନି କାମା ବାରେ ଇ କୃଡ଼ା ତାରାକି ହାରେକା ନେହେଁ ଆହାମାନେ ।

୩ ଇଦାଆଁ ମାମ୍ପୁ ବାରେଜାଣା ତଲେ ବାରେ ତାଣା ହାରେକା ମାନିତଲେ ପେଲିକସଇଁ ମାନୁଝି ଆହିମାନମି ।

୪ ସାମା ନାନୁ ନିଜେ ଏନିକିଁ ହାରେକା ବିତିବିତା କିୟଅଁ, ଇଦାଆଁତାକି ନାନୁ ନାଜେ କାର୍ମାମେସାନା ମା

ଏଚରଗଟା କାତା ଖେଞ୍ଜାଲିତାକି ନିଜେ ବାଡ଼ିମାଲିମାଞ୍ଜାଇଁ ।

୫ ଇଚିହଁ ଇ ମାଣ୍ଡସି ଆଜିହପେଡ଼ି ଗଡ଼ହା ଗାଟାସି, ଏଞ୍ଜାସି ଦାରୁଡ଼ିତି ବାରେଖାକି ମାନି ଜୀହୁଦିୟାଁ ତାଣା ଗଡ଼ହା ହପ୍ନାସି, ଅଡେ ନାଜରିତ ଗଚିତି ର କାଜାସି ଇଞ୍ଜି ମାମ୍ପୁ ପୁଞ୍ଜାମାନମି;

୬ ଅଡେ ଜିକେଏ ମାହାପୁରୁ ଇଲୁଡି ଲାଗେଏ କିହାଲି ଅଣ୍ଡାମାଚେସି, ଏଚିବେଲା ମାମ୍ପୁ ଇଞ୍ଜାଣାଇଁ ଆସୁମି, ଅଡେ ମା ମେରାତି ଲେହେଁ ଇଞ୍ଜାଣାଇଁ ନାହାଁୟି କିୟାଲି ଅଣ୍ଡାମାଚମି ।

୭ ସାମା ର ମାଣା କସକା ମୁହେଁ କାଜାସି ଲୁସିୟା ଖାହାନା ଏଞ୍ଜାଣାଇଁ ମା ତାଣାଟି ବାଡ଼ୁତୁ ତଲେ ମାଞ୍ଜା ଅୟାତେସି,

୮ ଅଡେ ଇଞ୍ଜାଣାଇଁ ଦହ୍ ଦସିମାନାରାଇଁ ନୀ ତାଣା ଖାହାଲି ହୁକୁମି ହୀତେସି, ଇ ବାରେ କାତାତାକି ନାନୁ ଇଞ୍ଜାଣାଇଁ ଖେଚିହଁ ମାମ୍ପୁ ଏଞ୍ଜାଣି କପାଟି ଦାଞ୍ଜା କିହାମାନାଣି ପୁଞ୍ଜାଲି ଆଡ଼ିଦି ।

୯ କୃଡ଼ା ଆହାମାଟି ଜୀହୁଦିୟାଁ ଜିକେଏ ଦାଞ୍ଜା କିହାମାନାରି ତଲେ ଆଣ୍ଡାନା ଇ ବାରେ କାତା ସାତା ଇଞ୍ଜି ଇଚେରି ।

ତାନି ଖାକିଟି ପାଞ୍ଜୁଲ ପେଲିକସ୍ ନକିତା ଖେହ୍ନାୟି

୧୦ ଏଚେଟିଏ ସାଲୁଝି କିନାସି ଖାଞ୍ଜୁ ହୁଟାନା ପାଞ୍ଜୁଲଇଁ ଜଲାଲି ହେଲ ହୀତେସି, ଇଞ୍ଜା ପାଞ୍ଜୁଲ ଏଲେଇଚେସି, “ନାନୁ ହାରେକା ବାର୍ଯ୍ୟା ଆଡେ ଇ କୃଡ଼ାତାରାଇଁ ନାହାଁୟି କିନାଡ଼ି ଆହାମାଞ୍ଜି ଇଞ୍ଜି ପୁଞ୍ଜାନା, ନାନୁ ସାସାତଲେ ନା ଖାକିଟି ଖେସିମାଞ୍ଜାଇଁ ।

୧୧ ବାର ଦିନାଟିଏ ଆଗାଡ଼ା ଆଏ, ନାନୁ ମାହାପୁରୁଡ଼ି ସେବା କିହାଲି ଜିରୁସାଲମତା ହାଜାମାଚେର୍ସ୍, ଇଦାଆଁ ନାନୁ ଖେଞ୍ଜାନା ପୁଞ୍ଜାଲି ଆଡ଼ିଦି ।

୧୨ ଅଡେ ଇଞ୍ଜାରି ମାହାପୁରୁ ଇଲୁଡାକି ଜୀହୁଦି ଲକୁଡ଼ି କୁଚମି ଇଲୁଡା* କି ଗାଡ଼ାଡ଼ି ଆମିନି ଚାୟୁତା ଆମ୍ପାଆରି ତଲେ ବାଡ଼ିବାଡ଼ା କିତାଣି କି ଗଡ଼ହା ହପ୍ନାହାଣି ଇଞ୍ଜା ଜୀହୁଦିୟାଁଣି ମାଡ଼ୁଝି କିହିମାଚାଣି ଇଞ୍ଜାରି ମେସାମାଞ୍ଜଅରି,

୧୩ ଇଞ୍ଜା ନୀଏଁ ନା କପାଟି ତାଚାମାନି ଦହ୍ ତାକି, ଏଞ୍ଜାରି ନୀ ନକିତା ଏନି ପାରମାଣା ତସାଲି ଆଡ଼ଅରି ।

୧୪ ସାମା ନାନୁ ନିଜେ ଇଦାଆଁ ଖେସିମାଞ୍ଜାଇଁ; ଇଞ୍ଜାରି ଏମିନି ଜିରୁଡ଼ି ମିଚି ଇଞ୍ଜିମାନେରି, ଏ ଜିରୁ ତାକାନା ନାନୁ ମା ଆକୁ ଆବାୟାଡ଼ି ମାହାପୁରୁଇଁ ଜହରା କିହିମାଇଁ, ସାମା ନାନୁ ଜିକେଏ ମସାଡ଼ି ମେରା ଅଡେ ମାହାପୁରୁ ଅଣ୍ଡପୁଡ଼ି ବଲୁ ଖେହ୍ନାରି ପଡ଼ିତା ଏନାୟି ରାସକି ଆହାମାନେ ଏ ବାରେ ନାମିମାଇଁ;

୧୫ ଇଞ୍ଜାରି ଲେହେଁ ମାହାପୁରୁ ତାଣା ନା ଏ ରଣ୍ଡିଏ ଆସା ମାନେ ଦାମ୍ପୁଗାଟାରି ଅଡେ ଦାମ୍ପୁ ହିଲାଆ ଗାଟାରି ବାରେ ଲକୁ ହାଡ଼ାରି ତାଣାଟି ଖେଣ୍ଡେ ନିଜିନେରି ଇଞ୍ଜି ନୀ ନକିତା ଖେସିମାଞ୍ଜାଇଁ ।

* ୨୪:୧୨ ୨୪:୧୨ ସିନଗଗ

୧୭ ଏଦାଆଁତାକି ନାନୁ ଜିକେଏ ମାହାପୁରୁ ଅଡ଼େ ଲକୁ ନକିତା ବାରେଦିନା ନେହୁଁ ଅଣ୍ଟୁ ତଲେ ଡ଼ୟାଲି ଅଣ୍ଟପିମାଲ୍ ।”

୧୭ “ହାରେକା ବାସୀ ଜେତ ନାନୁ ମା ଲକୁତାଣା ଦାନା ତାତାଲି ଅଡ଼େ ମାହାପୁରୁ ତାଣା ପୂଜା କିୟାଲି ଜିରୁସାଲମତା ଖାହାମାତେଏଁ ।”

୧୮ ଏତିବେଲାତା ନାନୁ ମାହାପୁରୁ ଲକୁତା ଅଟହା କଡ଼ିନି ମେରା ରାପୁହିମାଟି ବେଲାତା ଇଝାରି ନାଙ୍ଗେ ମାହାପୁରୁ ଇଲୁତା ମେସ୍ତାତେରି; ଏତିବେଲା ନା ତଲେ ମାନ୍ଦା ଲକୁ ହିଲାଆତେରି କି ଏମ୍ବାଆଁ ଏନି ଗଡ଼ହା ହିଲାଆତେ,

୧୯ ସାମା ଆସିୟାତି ଏତରଜାଣା ଜୀହୁଦିୟାଁ ଏମ୍ବାଆଁ ମାତେରି; ନା କପାଟି ଏଝାରି ଏନି କାତା ମାଟିହୁଁ ଏଝାରି ନୀ ନକିତା ଖାହାନା ଦାଝା କିତିହୁଁ ନେହେଁ ଆତେମା ।

୨୦ ନାନୁ କାଜା ବେରଣିମାଣ୍ଡା ନକିତା ନିତାମାଟି ବେଲାତା ଏନି ଦହ ମେସାମାଟିହୁଁ ଇମ୍ବାଆଁ ମାନି ଇ ଲକୁ ନାଙ୍ଗେ ଖେସ୍ତାପେରି,

୨୧ *ନାନୁ ରଣ୍ଡିଏ କାତା ଖେସାମାତେଏଁ ଏଝାରି ନକିତା ନିତାମାଟି ବେଲାତା ନାନୁ ଆଟ୍ଠାତଲେ ଏଲେଇଞ୍ଜା ମାତେଏଁ, ‘ହାତାରି ଖେଣ୍ଡେ ନିଙ୍ଗିନେରି ଇଞ୍ଜୁଁ ନାନୁ ନାମାମାନାକି ନୀଞ୍ଜୁ ମୀ ତାଣାଟି ନୀହାଁୟି କିଝି ଆହିମାଲ୍ ।’ ”

୨୨ ସାମା ପେଲିକସ୍ ଏ ଜିରୁତି କାତା ପୁଞ୍ଜାମାଚାକି ନୀହାଁୟି କିହାଲି ବାୟିଦା କିହାନା ଏଲେଇଚେସି, “ର ମାଣା କସ୍ତା ମୁହେଁ କାଜାସି ଲୁସିୟା ଖାଡ଼ିଦେହେଁ ନାନୁ ମୀ ନୀହାଁୟି ଡିକ୍‌ହାଲ୍,” ଇଞ୍ଜୁଁ ଖେସା ପାଣ୍ଡିତେସି ।

୨୩ ଏଝାସି ପାସାକଡ଼ି କସ୍ତା ମୁହେଁ କାଜାଣାଲ୍ ଏଲେଇଚେସି, ତାନି ଲକୁ ଅଡ଼େ ତଟେସିଙ୍ଗା ତାନି ସେବା କିହାଲି କାହି କିଆନି, ଅଡ଼େ ତାନି କାୟିଦିତା ମାନସି ଇଞ୍ଜୁଁ ଗେଲ୍‌ପାନା ଏଝାଣାଲ୍ ହିଡ଼ଡ଼ି ତଲେ ଲେମ୍ବାଲି ଏଲେଇଚେସି ।

ପେଲିକସ୍ ଅଡ଼େ ଦୁସିଲା ନକିତା ପାଞ୍ଚୁଲ

୨୪ ଏଚରଦିନା ତାୟୁ ପେଲିକସ୍ ଦୁସିଲା ଦରୁଗାଟି ଜୀହୁଦି ତାନି ତକ୍ତି ତଲେ ଖାଡ଼େସି, ଏଝାସି ପାଞ୍ଚୁଲଇ ହାଟି କିହାନା କ୍ରୀସ୍ତ ଜୀସୁ ତାଣା ନାମିନି କାତା ଏଝାଣି ତାଣାଟି ଖେଚେସି ।

୨୫ ସାମା ପାଞ୍ଚୁଲ ଦାମ୍ଭୁତି କାତା, ତୀରପୁ ହିୟାଁ ଅଡ଼େ ଖାହିମାନି ନୀହାଁୟି ଦିନାଟି କାତା ଖେସିମାଚାକି, ପେଲିକସ୍ ଆଜାନା ଏଲେଇଚେସି, “ନୀଏଁ ନାନୁ ହାଲାମୁ ବେଲା ସିନିକିହାନା ଅଡ଼େ ର ଦିନା ହାଟି କିୟାଲ୍ ।”

୨୬ ପାଞ୍ଚୁଲ ନାଙ୍ଗେ ଟାକାୟାଁ ହିୟାନ୍ଦେସି ଇଞ୍ଜୁଁ ଏଝାସି ଆସା କିହାମାତେସି, ଏଦାଆଁତାକି ଏଝାସି ଅଲେ ଅଲେ ଏଝାଣାଲ୍ ହାଟି କିହାନା ଏଝାଣିତଲେ କାତା ଆଝିତେସି ।

୨୭ ଏଲେକିହୁଁ ରୀ ବାସୀ ଆଡ଼ି ତାୟୁ ପକ୍‌ୟ ପେସ୍ତସ୍, ପେଲିକସ୍ ଟାୟୁତା ସାଲ୍‌ଝି କିନାସି ଆଡ଼େସି, ଅଡ଼େ ପେଲିକସ୍ ଜୀହୁଦିୟାଁ ନେହାଁସି ଇଞ୍ଜୁଁ

ଇଞ୍ଜାପେରିଝା ଇଞ୍ଜୁଁ ଅଣ୍ଟପାନା ପାଞ୍ଚୁଲଇଁ କାୟିଦିତା ଇଟାନା ହାଚେସି ।

୨୫

ସାଲ୍‌ଝି କିନାଣି ତାଣା ପାଞ୍ଚୁଲ ଗହାରା କିନାୟି

୧ ଏମ୍ବାଟିଏ ପେସ୍ତସ୍ ଇ ରାଜିତା ଖାହାନା ତାନିଦିନା ଆୟାଲିଏ କାୟିସରିୟାଟି ଜିରୁସାଲମତା ହାଚେସି,

୨ ଅଡ଼େ ଏମ୍ବାଆଁ କାଜା ପୂଜେରାଙ୍ଗା ଇଞ୍ଜାଁ ଜୀହୁଦି ଲକୁତି କାଜାରି ପାଞ୍ଚୁଲ କପାଟି ପେସ୍ତସ୍ ତାଣା ଖେଣ୍ଡେ ଦାଝା କିଚେରି,

୩ ଅଡ଼େ ଏଝାସି ଏନିକ୍ ପାଞ୍ଚୁଲଇଁ ଜିରୁସାଲମତା ହାଟା ପାଣ୍ଡାନ୍ଦେସି, ଏଦାଆଁତାକି ଗହାରା କିହାନା ଏଝାଣି କପାଟି କାର୍ମାଆନି ଲେହେଁ ପେସ୍ତସ୍ ବାତିମାଲିଚେରି; ଇଞ୍ଜାଁ ଏଝାରି ଜିରୁତା ଡ଼ଗୁହାଁ ପାୟାଲି ଅଣ୍ଟପିମାତେରି ।

୪ ପେସ୍ତସ୍ ଏଲେଇଚେସି, “ପାଞ୍ଚୁଲ କାୟିସରିୟାତା କାୟିଦିତା ମାନେସି, ଇଞ୍ଜାଁ ନାନୁ ଜିକେଏ ତବେ ଏମ୍ବାଆଁ ଖେଣ୍ଡା ହାଜିମାଲ୍,

୫ ଏଝାସି ଏନି ଦହ କିହାମାନେସି, ଆତିହୁଁ ମୀ କାଜାରି ନା ତଲେ କାୟିସରତା ହାଲାପେରି ଅଡ଼େ ଏଝାଣି କପାଟି ତାନି ଦାଝା କିପାରି ।”

୬ ପେସ୍ତସ୍ ଏମ୍ବାଆଁ ଆଟା କି ଦସ ଦିନା ଏଝାରିତଲେ ଡ଼ୟାହାଁ କାୟିସରିୟାତା ଖେଣ୍ଡେ ହାଚେସି, ଏ ଅର ନେଚୁ ନୀହାଁୟି କିନି ଟାୟୁତା କୁଗାନା ପାଞ୍ଚୁଲଇଁ ତାଗାଲି ହୁକୁମି ହାଚେସି ।

୭ ପାଞ୍ଚୁଲ ଖାହାଲିଏ ଜିରୁସାଲମଟି ଖାହାମାନି ଜୀହୁଦିୟାଁ ତାନି ସାରିସୁଚୁ ନିଗାନା ଏଝାଣି କପାଟି ହାରେକା ଦହ ଦସାଲି ମାଟ୍‌ହେରି, ସାମା ଏଝାରି ଏ ବାରେଡି ପାର୍‌ମାଣା କିହାଲି ଆଡ଼ାଆତେରି ।

୮ ଏଚେଟିଏ ପାଞ୍ଚୁଲ ତାନି ଖାକିଟି ଖେସାକତାନା ଏଲେଇଚେସି, “ଜୀହୁଦିୟାଁ ମେରା କପାଟି ଆଆତ୍ ମାହାପୁରୁ ଇଲୁ କପାଟି କି କାୟିସର କପାଟି ଜିକେଏ ନାନୁ ଏନି ଦହ କିହାହିଲଅଁ ।”

୯ ସାମା ପେସ୍ତସ୍, ଜୀହୁଦି ଲକୁ ନକିତା ନେହାଁସି ଆୟାଲି ପାଞ୍ଚୁଲଇଁ ଖେଚେସି, “ନାନୁ ଜିରୁସାଲମତା ହାଜାନା ଏମ୍ବାଆଁ ନା ନକିତା ଇ ବାରେତାକି ନୀହାଁୟି ଆୟାଲି ମନ୍ କିହିମାଞ୍ଜି କି ?”

୧୦ ସାମା ପାଞ୍ଚୁଲ ଏଲେଇଚେସି, “ନାନୁ କାୟିସର ନକିତା ନୀହାଁୟି କିନି ଟାୟୁତା ନିଗାମାଲ୍, ଏମ୍ବାଆଁ ନା ନୀହାଁୟି ଆନାୟି ମାନେ, ନାନୁ ଜୀହୁଦିୟାଁ କପାଟି ଏନି ଲାଗେଏ କାମା କିହାହିଲଅଁ, ଏଦାଆଁ ନାନୁ ଜିକେଏ ନେହୁଁକ୍ ପୁଞ୍ଜାମାଞ୍ଜି ।

୧୧ ମେରା ମାନି କିଆନା ଲାଗେଏତି କାମା କିହାମାଟିହୁଁ, ନାନୁ ହାହାଲି ଆଜିହିଲଅଁ; ସାମା ଇଝାରି ନା କପାଟି ଆମିନି ବାରେ ଦାଝା କିହିମାନେରି, ଏ ବାରେ ବିତ୍ରାଟି ଆମିନି ର ପଦୁ ଜିକେଏ ସାତା ଆଆଡ଼ିହୁଁ, ଆମ୍ବାଆସି ଏଝାରି କେୟୁତା ନାଙ୍ଗେ ହେର୍‌ପାଲି ଆଡ଼ଅସି,

ନାନୁ କାୟିସର ନକିତା ନାହାଁୟି କିଞ୍ଚିଆୟାଲି ଗହାରା କିହିମାଇଁ □”

୧୨ ଏମ୍ବାଟିଏ ପେସ୍ତସ୍ ତାନି ନାହାଁୟିତି କାଜାରି ତଲେ ଜଲ୍ଲକି ଆହାନା ଏଲେଇରେସି, “ନାନୁ କାୟିସର ନକିତା ନାହାଁୟି କିଞ୍ଚିଆୟାଲି ରାସିମାଞ୍ଜି, ଆତିହ୍ ନାନୁ କାୟିସର ତାଣେଏ ହାଜି □”

ଆଗ୍ରିପା ଅଡ଼େ ବନିକି ନକିତା ପାଞ୍ଜୁଲ

୧୩ ଏଚରଦିନା ତାୟୁ ରାଜା ଆଗ୍ରିପା ଅଡ଼େ ବନିକି କାୟିସରିୟାତା ଖାହାନା ପେସ୍ତସ୍ ଆଣ୍ଡାଲି ହାଚେରି □

୧୪ ଏଞ୍ଜାରି ଏମ୍ବାଆଁ ଏଚରଦିନା ଡ଼ୟିତି ତାୟୁ, ପେସ୍ତସ୍ ରାଜା ନକିତା ପାଞ୍ଜୁଲ କାତା ଖେସ୍ତେସି, “ପେଲିକସ୍ କାୟିସିତା ଇଟାମାନାସି ରଅସି ଇମ୍ବାଆଁ ମାନେସି;

୧୫ ନାନୁ ଏଚିବେଲା ଜିରୁସାଲମତା ହାଜାମାଚେଏଁ ଏଚିବେଲାତା ଜାହୁଦି ଲକୁଡି କାଜା ପୂଜେରାଜା ଅଡ଼େ ପ୍ରାଚିନାଜା ଏଞ୍ଜାଣି କପାଟି ଖେସାନା ଏଞ୍ଜାଣାଇଁ ତଣ୍ଡ ହାହାଲି ନାଜେ ବାତିମାଲି ମାଞ୍ଜାତେରି □

୧୬ ସାମା ନାନୁ ଏଞ୍ଜାଣାଇଁ ଏଲେଇରେସି, ଦହଗାଟାସି ତାନି ଦହ ଦସାମାନାରା ନକିତା ନିଆ ପାତେକା ଇଞ୍ଜା ତାଜେ ତାନି ଖାକିଟି ଜଲ୍ଲାଲି ହାଆ ପାତେକା ଏଞ୍ଜାଣାଇଁ ତଣ୍ଡ ହାହାଲି ମା ରମ୍ ଲକୁଡି ମେରା ହିଲେଏ □

୧୭ ଏଞ୍ଜାରି ନା ତଲେ ଇମ୍ବାଆଁ ଖାୟାଲିଏ, ନାନୁ ଖେଡାକିଆନା ତାନି ଅର ନେରୁ ନାହାଁୟି କିନି ତାଣା କୁଗାନା, ଏଞ୍ଜାଣାଇଁ ତାଚାଲି ହୁକୁମି ହାତେଏଁ □

୧୮ ଏଞ୍ଜାଣାଇଁ ଦହ ଦସାମାନାରି ଖାହାନା ନିତେରି, ସାମା ଏଞ୍ଜାରି ଏନିଲେହେତି ଦାଞ୍ଜା କିନେରି ଇଞ୍ଜା ନାନୁ ଅଣ୍ଡପିମାଚେଏଁ, ଏଞ୍ଜାରି ଏନି ଦହ ଏଞ୍ଜାଣି କପାଟି ଖେସ୍ତାଆତେରି □

୧୯ ଏଞ୍ଜାରି ଖାରଇ ତାନି ଦାମ୍ବୁତି କାତା ଇଞ୍ଜା ଜାସୁ ଦରୁଗାଟି ଏମିନି ହାତାଣାଇଁ ପାଞ୍ଜୁଲ ନୀତାମାନେସି ଇଞ୍ଜା ଖେସିମାନେସି, ତାନି କାତାତାକି ଆସ୍ପି ଆଡେରି □

୨୦ ଇ ବାରେ କାତା ନେହ୍ କି ପୁଞ୍ଜାଲିତାକି ଏନାଆଁ କିହାଲି ଆନେ, ଏନାଆଁ ତୀରି କିହାଲି ଆଡାଆନା ଇ ଦାଞ୍ଜା ତାକି ନାହାଁୟି ଆହାଲିତାକି ପାଞ୍ଜୁଲ ଜିରୁସାଲମତା ହାନେସି କି ଆଏ ଏଦାଆଁ ନାନୁ ଖେଚେଏଁ □

୨୧ ସାମା ପାଞ୍ଜୁଲ ସାଲ୍ଡି କିନି କାୟିସର ନକିତା ନାହାଁୟି କିଞ୍ଚିଆୟାଲି ନାନୁ ହାଇଁ ଇଞ୍ଜା ଖେସିମାଚାକି, ନାନୁ ଏଞ୍ଜାଣାଇଁ କାୟିସର ତାଣା ପାଣ୍ଡିନି ପାତେକା କାୟିସିତା ଇଟାଲି ହୁକୁମି ହାତେଏଁ □”

୨୨ ଆଗ୍ରିପା ପେସ୍ତସ୍ ଏଲେଇରେସି, “ନାନୁ ଜିକେଏ ଇଞ୍ଜାଣି କାତା ଖେଞ୍ଜାଲି ମନ୍ କିହିମାଇଁ □ ହାଅ ଓଏ ନାନୁ ଏଞ୍ଜାଣି କାତା ଖେଞ୍ଜା ଇଞ୍ଜା ପେସ୍ତସ୍ ଏଲେଇରେସି □

୨୩ ତାନି ଅର ଦିନା ଆଗ୍ରିପା ଇଞ୍ଜା ବନିକି କାଜାପାଣା ଅଡ଼େ ଗାଞ୍ଜୁରମିଗାଟି କସକା ଇଞ୍ଜା ଗାଡାଡି କାଜାରି ତଲେ

ହାଜାନା ନାହାଁୟି କିନି ଟାୟୁତା ଖାତେସି, ଏମ୍ବାଟିଏ ପେସ୍ତସ୍ ହୁକୁମି ତଲେ ପାଞ୍ଜୁଲ ଏମ୍ବାଆଁ ତାପିଆଡେସି □

୨୪ ଏମ୍ବାଟିଏ ପେସ୍ତସ୍ ଏଲେଇରେସି, “ଏ ରାଜା ଆଗ୍ରିପା ଅଡ଼େ ଇମ୍ବାଆଁ ମାନି ମାନିଗାଟି କାଜାତେରି, ମୀରୁ ବାରେ ଇଞ୍ଜାଣାଇଁ ମେସିମାଞ୍ଜେରି; ଇଞ୍ଜାଣି କପାଟି ଜିରୁସାଲମ ଇଞ୍ଜା ଇମ୍ବାଆଁ ମାନି ଜାହୁଦି ଲକୁ ନା ତାଣା ଦାଞ୍ଜା କିହାମାନେରି, ଇଞ୍ଜାସି ନୀତାମାନାୟି ଲଡା ହିଲେଏ ଇଞ୍ଜା ବାରେଜାଣା କାଲ୍ଡି ଆଡେରି □

୨୫ ସାମା ଇଞ୍ଜାସି ହାନ୍ତିଲେହେତି ଏନି ଦହ କିହାମାନାଣି ନାନୁ ମେସାହିଲଅଁ ଇଞ୍ଜା ଏଞ୍ଜାସି ତାନୁଏ କାୟିସର ତାଣା ନାହାଁୟି କିଞ୍ଚିଆୟାଲି ବାତିମାଲିତାକି ନାନୁ ଏଞ୍ଜାଣାଇଁ ଏମ୍ବାଆଁ ପାଣ୍ଡାଲି ତାକି ତୀରି କିତେଏଁ □

୨୬ ସାମା ରାଜା କାୟିସର ତାଣା ଏଞ୍ଜାଣି ତାକି ରାଚାଲି ନାଜେ ଏନି କାତା ହିଲେଏ, ଏଦାଆଁତାକି ନାନୁ ଏଞ୍ଜାଣାଇଁ, ବାରେକିହାଁ ରାଜା ଆଗ୍ରିପା ନୀ ତାଣା ଏଞ୍ଜାଣାଇଁ ତାଚାମାଇଁ, ଏନିକି ଏଞ୍ଜାଣି କାତା ଖେଞ୍ଜାନା, ପୁଡିତାୟୁ ନାନୁ ଏଞ୍ଜାଣାକି ଇଚାଣି ରାଚାଲି ଆଡିଇଁ □

୨୭ ଇତିହ୍ ର କାୟିସି ଗାଟାଣାଇଁ ପାଣ୍ଡିନି ବେଲାତା ତାନି କପାଟି କିହାମାନି ଦାଞ୍ଜା ନେହ୍ କି ତହ୍ ଆନା ପାଣ୍ଡାଲି ନେହେ ଆଏ ଇଞ୍ଜା ନାନୁ ଅଣ୍ଡପିମାଇଁ □”

୨୬

ରାଜା ଆଗ୍ରିପା ନକିତା ପାଞ୍ଜୁଲ ତାଜେତାକି ଖେହ୍ନାୟି

୧ ଆଗ୍ରିପା ପାଞ୍ଜୁଲାଇଁ ଏଲେଇରେସି, “ନିଜେ ନୀ ଖାକିଟି କାତା ଜଲ୍ଲାଲି ହେଲ ହାପକିଆଡେ” ଏମ୍ବାଟିଏ ପାଞ୍ଜୁଲ କେୟୁ ଦାସାନା ତାନି ଖାକିଟି ଏଲେଇରେସି □

୨ “ରାଜା ଆଗ୍ରିପା, ଜାହୁଦିୟାଁ ନା କପାଟି ଏନି ଦହ ଦସାମାଞ୍ଜାନେରି, ଏଦାଆଁ ନୀଞ୍ଜୁ ନୀ ନକିତା ଖେସାଲି ନାନୁ ହେଲ ବେଟାଆହାମାନାକି ନାନୁ ନାଜେ କପଲ ଗାଟାତେଏଁ ଇଞ୍ଜା ଅଣ୍ଡପା କଡିମାଇଁ,

୩ ଏନାଆଁତାକି ଇତିହ୍, ନାନୁ ଜାହୁଦିୟାଁ ପାଣାପାରୁ ଅଡ଼େ କାତା ନେହ୍ କି ପୁଞ୍ଜାମାଞ୍ଜି; ଏଦାଆଁତାକି ନା କାତା ସାସାତଲେ ଖେଞ୍ଜାଲି ନିଜେ ବାତିମାଲିମାଞ୍ଜାଇଁ □”

୪ “ନା ଦାଂଗ୍ଣା ଖେଡାଟିଏ ନୀଏଁ ପାତେକା ନାନୁ ତଲି ମା କୁଡାତାରି ତଲେ ଅଡ଼େ ଜିରୁସାଲମତା ଏନିଆହ୍ ନୀତା ମାଚେଏଁ ଏଦାଆଁ ଜାହୁଦିୟାଁ ବାରେ ନେହ୍ କି ପୁଞ୍ଜାମାନେରି;

୫ ନାନୁ ମା ମାହାପୁରୁତି ମେରା ହାରେକା ନେହ୍ କି ମାନ୍ଡି ଆହିମାନି ପାରୁସିୟାଁ ଗତିତା ମାଚେଏଁ, ଏଞ୍ଜାରି ନାଜେ ତଲିଟିଏ ପୁଞ୍ଜାମାଞ୍ଜାନେରି, ଏଞ୍ଜାରି ମନ୍ କିଡିହ୍ ସାକି ହାହାଲି ଆଡିନେରି □

୬ ମାହାପୁରୁ ମା ଆକୁ ଆବାୟାଣି ଏମିନି କାତା ଆଞ୍ଜାମାଚେସି, ଏ କାତା ହାହାମାନାଣି ବାସୁଁ କିହାମାନାକି ନୀଞ୍ଜୁ ନାନୁ ଇମ୍ବାଆଁ ନାହାଁୟି କିଞ୍ଚିଆୟାଲି ନିଚାମାଇଁ

☆ ୨୬:୫ ୨୬:୫ କାମା ୨୩:୬; ପିଲିପି ୩:୫

୭ ମା ଲକ୍ଷ୍ମି ବାର କୃତାତାରି ଲାଆଁ ମାଦେନା ମାହାପୁରୁତି ସେବା କିହାନା ଏ ରଣିଏ କାତା ବେଟାଆହାଲି ତାକି ଆସା କିନେରି, ଏ ରାଜା, ନା ଏ ବାର୍ଷୁ ତାକି ଜାହୁଦିୟା ନାଜେ ଦହ କିହିମାଞ୍ଜାନେରି □

୮ ମାହାପୁରୁ ହାତାରାଇଁ ନିକ୍ନେସି, ଇଦାଆଁ ନାମାଲି ଆଡାଆ ଗାଟାୟି ଇଞ୍ଜି ମାରୁ ଏନାଆଁତାକି ଅଣ୍ପିମାଞ୍ଜେରି ?”

୯ * “ନାଜ୍ଜରିତ ଜୀସୁ ଦରୁ କପାଟି ନାଜେ ହାରେକା କାମା କିନାୟିମାନେ ଇଞ୍ଜି ନାନୁ ଅଣ୍ପିମାଚେଏଁ □

୧୦ ଜିରୁସାଲମତା ନାନୁ ଏଲେଜିକେଏ କିତେଏଁ □ କାଜା ପୂଜେରାଜା ତାଣାଟି ଅଦିକାରା ଆକୁ ବେଟାଆହାନା, ମାହାପୁରୁ ଲକୁ ତାଣାଟି ହାରେକା ଜାଣାଇଁ କାୟିଦିତା ସୁଣ୍ଡିକିହାମାଚେଏଁ ଇଞ୍ଜି ଏଞ୍ଜାରାଇଁ ପାୟିନାଟି ନାନୁ ଜିକେଏ ଆଣ୍ଡିମାଚେଏଁ □

୧୧ ହାରେକା ଦେବା ଜାହୁଦି ଲକ୍ଷ୍ମି କୁଟମି ଇଲକାଣା* ନାନୁ ଏଞ୍ଜାରାଇଁ ଲାଜାକିହଁ ଡଣ୍ଡ ହାହିମାଚେଏଁ ଇଞ୍ଜି ଏଞ୍ଜାରି ନାମୁତି ଏଟକା କିହାଲି ଅଣ୍ପାମାଚେଏଁ, ନାନୁ ଏଞ୍ଜାରି କପାଟି ହାରେକା କାର୍ବି ଆହାମାଚେଏଁ, ଏଞ୍ଜାରାଇଁ ସାସ୍ତି ହାହାଲି ଏଟକା ଦେସାତା ଜିକେଏ ହାଜାମାଚେଏଁ □”

ପାଞ୍ଜୁଲ ତାନି ମନ ଝେଟ୍ଟି କାତା ଝେହ୍ନାୟି
(କାମା ୯:୧-୧୯; ୨୨:୬-୧୬)

୧୨ ଇଦାଆଁତାକି କାଜା ପୂଜେରାଜା ତାଣାଟି ଅଦିକାରା ଆକୁ ଅଡେ ହୁକୁମି ବେଟାଆହାନା ନାନୁ ଦମେସକ ହାଜାମାଚେଏଁ □

୧୩ ଏ ରାଜା ଆଗ୍ରିପା, ର ଦିନା ମାଦେନା ବେଲା ଜିରୁତା ହାଗୁଲକଟି ଝେଡାକିହଁ ହାରେକା ଉଜେଡି ମେସ୍ତେଏଁ, ଏ ଉଜେଡି ନାଜେ ଅଡେ ନା ତଲେ ହାଜିମାଚାରି ସାରିଝାକି ତଞ୍ଜାଆଡେ □

୧୪ ମାମ୍ବୁ ବାରେଜାଣା ବୁମିତା ତରଗାଲିଏ, ଏବି ହାଡାତଲେ ନାଜେତାକି ଇ ହାଡା ଝେଚେଏଁ, “ଆଡେ ସାଞ୍ଜୁଲ ଆଡେ ସାଞ୍ଜୁଲ ଏନାଆଁତାକି ନାଜେ ସାସ୍ତି ହାହିମାଞ୍ଜାଦି ? ଏନିକଁ ତକ୍ତି କଡି ହେରୁ ତନୁଣି ହୁଡୁ ବାଡଗାତା ଦୟିନେ ଏଲେକିହଁ ନାନୁ ତାୟୁଝାକି ଦୟାହାଁ ଜାହାରା କତାତା ଗାଣ୍ଡି ମାଞ୍ଜି □”

୧୫ ଏମ୍ପାଟିଏ ନାନୁ ଝେଚେଏଁ, “ପ୍ରୁ ନାନୁ ଆମ୍ପାଆତି ?” ଏଚେଟିଏ ପ୍ରୁ ଏଲେଇଞ୍ଜାତେସି “ନାନୁ ଆମ୍ପାଆରାଇଁ ସାସ୍ତି ହାହିମାଞ୍ଜି ନାନୁ ଏ ଜାସୁତେଏଁ □

୧୬ ସାମା ନିଜାମ୍ପୁ କତାତା ବାଡୁୟୁ ହାହାନା ନିମ୍ପୁ, ଇଟିହଁ ନାନୁ ନିଜେ ନା ସେବା କାମା କିହାଲିତାକି ତଞ୍ଜା ଆହାମାଞ୍ଜାଇଁ, ନୀଞ୍ଜୁ ନାନୁ ଏନାଆଁ ମେସାମାଞ୍ଜି ତାୟୁ ନାନୁ ନିଜେ ଏନାଆଁ ତସ୍ତାଇଁ ଏ କାତା ଏଟକା ତାରାଇଁ ସାକି ହାଦି □

୧୭ ଜାହୁଦି ଅଡେ ଜାହୁଦିଆଆତି ଲକୁତାଣା ନାନୁ ନିଜେ ପାଣ୍ଡାଇଁ, ଏଞ୍ଜାରି ତାଣାଟି ନାନୁ ନିଜେ ଗେଲପାଇଁ □

୧୮ ନିଜେ ଏଞ୍ଜାରି କାଣ୍ଡା ଦେଚାଲି ଆନେ, ଅଡେ ଏଞ୍ଜାରାଇଁ ଆନ୍ଦେରିଟି ଉଜେଡିତା ଅଡେ ସୟତାନ ପାନ୍ଦାଟି ମାହାପୁରୁ ତାଣା ଝେଟ୍ଟିହା ତାନାୟି ଆନେ, ଏନିକଁ ନା ତାଣା ନାମିନି ତାଣାଟି ସୁଦୁ କିଝି ଆହାନା ଏଞ୍ଜାରି ପାପୁ ମେଣ୍ଡିଜିନେ ଅଡେ ମାହାପୁରୁ ଆଡିତି ଲକୁ ବିତ୍ରା ଏଞ୍ଜାରି ଟାୟୁ ବେଟାଆନେରି □”

ପାଞ୍ଜୁଲ ତାନି କାମାଟି ଝେହ୍ନାୟି

୧୯ “ରାଜା ଆଗ୍ରିପା, ଏ ଲାକପୁରୁଟି ମେସ୍ତାଣି ନାନୁ ଉରାଆଡେଏଁ,

୨୦ ତଲିଏ ଦମେସକତା ଇଞ୍ଜି ଜିରୁସାଲମତି ଲକୁତାଣା ତାୟୁ ଜାହୁଦା ରାଜିତି ବାରେ ନାୟକାଣାଁ, ଅଡେ ଜାହୁଦିଆଆତି ଲକୁତାଣା ଜିକେଏ ଝେକ୍ହେଏଁ, ଏନିକଁ ଏଞ୍ଜାରି ମନ ଝେଟ୍ଟିହାନା ମାହାପୁରୁ ତାଣା ଝାନ୍ଦେରି, ଇଞ୍ଜି ଏଞ୍ଜାରି ମନ ଝେଟ୍ଟିହା କତାମାନେରି, ଏଦାଆଁ କାମାତା ତହ୍ନେରି □

୨୧ ଏଦାଆଁତାକି ନାନୁ ମାହାପୁରୁ ଇଲୁତା ମାଚାଟି ଜାହୁଦିୟାଁ ନାଜେ ଆସାନା ପାୟାଲି ଅଣ୍ପି ମାଞ୍ଜାତେରି □

୨୨ ସାମା ନୀଞ୍ଜୁପାତେକା ମାହାପୁରୁ ନାଜେ ସାୟେମି କିହାମାଞ୍ଜାନେସି, ଏଦାଆଁତାକି ନୀଞ୍ଜୁ ନାନୁ ଉଣା କାଜାରି ବାରେଡି ନକିତା ସାକି ହାହାଲି ନିଚାମାଇଁ □ ମାହାପୁରୁ ଅଣ୍ପୁତି ବଲୁ ଝେହ୍ନାରି ଅଡେ ମସା ଏନାଆଁ ଆନେ ଇଞ୍ଜି ଝେସାମାନେସି ନାନୁ ଏ କାତା ଝେସିମାଇଁ,

୨୩ * ଇଟିହଁ ମସିହା ସାତେଏ ଦୁକୁ ବେଟାଆହାନା ହାଡାରି ବିତ୍ରାଟି ତଲିଏ ନିଜାମା ଜାହୁଦି ଲକୁ ଇଞ୍ଜି ଜାହୁଦିଆଆତି ଲକୁ ନକିତା ଗେଲପିନି ଉଜେଡି ତହ୍ନେସି □”

୨୪ ପାଞ୍ଜୁଲ ଇଲେକିହଁ ତାନି ଝାକିଟି ଜଲିମାଚାଟି ପେସ୍ତସ୍ କାଜା ଗିୟାତଲେ ଏଲେଇଚେସି, “ପାଞ୍ଜୁଲ ନାନୁ ବାୟା ଆଡି; ଗାଡି ଜାପିତାକି ନାନୁ ବାୟା ଆହାମାଞ୍ଜି □”

୨୫ ସାମା ପାଞ୍ଜୁଲ ଏଲେଇଚେସି, “ଏ ମାନ୍ତିଗାଟି ପେସ୍ତସ୍ ନାନୁ ବାୟା ଆହାହିଲଅଁ; ସାମା ନାନୁ ଏନାଆଁ ଜଲିମାଇଁ ଏଦି ସାତା, ତାରି ବୁଦିତଲେ ଝେସିମାଇଁ □

୨୬ ରାଜା ଆଗ୍ରିପା ନାନୁ ଇ ବାରେ ପୁଞ୍ଜାମାନାକି, ନାନୁ ନୀ ନକିତା ସାସାତଲେ କାତା ଜଲିମାଇଁ, ନାନୁ ସାତେଏ ନାମିମାଇଁ, ଇ ବାରେ ନାନୁ ପୁନାଆରେଟୁ ଆହା ହିଲେଏ; ଅଡେ ଇ ବାରେ କାତା ତନୁାନା ମେଣ୍ଡେଏ ଆହାହିଲେଏ □

୨୭ ଏ ରାଜା ଆଗ୍ରିପା, ନାନୁ ମାହାପୁରୁ ଅଣ୍ପୁତି ବଲୁ ଝେହ୍ନାରି କାତା ନାମିମାଞ୍ଜି କି ? ହାଅ ନାନୁ ନାମିମାଞ୍ଜି ଇଞ୍ଜି ନାନୁ ପୁଞ୍ଜାମାଇଁ □”

୨୮ ଆଗ୍ରିପା ପାଞ୍ଜୁଲଇଁ ଏଲେଇଚେସି, “ନାନୁ ନାଜେ ଗାଡେକେଏ କ୍ରୀସ୍ତାନା କିଇଁ ଇଞ୍ଜି ଅଣ୍ପିମାଞ୍ଜାଦି ?”

୨୯ ପାଞ୍ଜୁଲ ଏଲେଇଚେସି, “ଗାଡେକା ତାକି ଆପେ କି ଗାଡିତାକି ଆପେ ମାହାପୁରୁ ତାଣା ଇଚେକେଏ ନା

☆ ୨୭:୯ ୨୭:୯ କାମା ୮:୩; ୨୨:୪,୫ * ୨୭:୧୧ ୨୭:୧୧ ସିନଗର ☆ ୨୭:୨୩ ୨୭:୨୩ ୧କର ୧୫:୨୦

ପ୍ରାତୀନା, ନୀନୁ, ଅଡ଼େ ଏଚରଜାଣା ନୀଞ୍ଜୁ ନା କାତା
ଝେଞ୍ଜିମାନେରି, ବାରେଜାଣା ନାଲେହେଁ ଆପେରି ସାମା
ନାଲେହେଁ ହିକଣିୟା ତଲେ ଦସପି ଆପେରି ଇଞ୍ଜି ନୀନୁ
ଝେସିମାଞ୍ଜିଅଁ”

୩୦ ଏଚେଟିଏ ରାଜା, ସାଲୁଝି କିନାସି ଅଡ଼େ ବନିକି
ଇଞ୍ଜା ଏଚକାତାରି ବାରେ ହାଜାଲି ନିଞ୍ଜିତେରି,

୩୧ ଏଞ୍ଜାରି ହାନିବେଲାତା ତାମ୍ବୁ ତାମ୍ବୁ ଜଲୁକି
ଆଡ଼େରି, “ଇ ମାଣସି ଇଲେତି ଏନି କାମା କିହାହିଲଅସି
ଏନାଆଁତାକି ଏଞ୍ଜାସି ଦସପି ଆନେସି କି ପାୟୁଝି ଆନେସି
”

୩୨ ଅଡ଼େ ଆଗିପା ପେସୁସଇଁ ଏଲେଇଚେସି,
“ଇ ମାଣସି କାୟିସର ତାଣା ନୀହାୟି କିଝିଆୟାଲି
ବାତିମାଲୀଆତିହଁମା ମାମ୍ବୁ ଏଞ୍ଜାଣାଇଁ ପିସାଲି
ଆଡ଼ିତମିମା”

୨୭

ପାଞ୍ଜୁଲ ସାମ୍ବୁରିଟି ରମ୍ଭତା ହାନାୟି

୧ ମାମ୍ବୁ ଇଟାଲି ଦେସାତା ଏୟୁ ଜାଜା ତଲେ ହାଜାଲି
ତାରି କିଝିଆଡ଼ି ତାୟୁ ପାଞ୍ଜୁଲ ଅଡ଼େ ଏଚରଜାଣା
କାୟିଦିତା ମାଚାରାଇଁ, ରାଜାତି କସକା ଜୁଲିୟସ ଦରୁଗାଟି
ପାସାକଡ଼ି କସକା ମୁହେଁ କାଜାଣି କେୟୁତା ହେରପିତେରି
”

୨ ଏମ୍ବାଟିଏ ମାମ୍ବୁ ଆସିୟା ଦେସାତି ଏଚକା ଏଚକା
ଟାୟୁତା ହାନି ଏୟୁ ଜାଜା ନିନି ଟାୟୁଟି ଆଦ୍ରାମୁତିୟ
ଜାଜାତା ହଡ଼ମି; ଇଞ୍ଜା ମାକଦନିୟା ଦେସାତି ତେସଲନିକି
ଗାଡ଼ାତି ଆରିସ୍ବାକି ମା ତଲେ ମାଚେସି”

୩ ତାନି ଅର ନେରୁ ମାମ୍ବୁ ସିଦନତା ଏଗାତମି, ଅଡ଼େ
ଜୁଲିୟସ ପାଞ୍ଜୁଲଇଁ କାର୍ମା ଆହାନା ତାନି ତଣେସିଙ୍ଗା
ତାଣା ହାଜାନା ଲଡ଼ାମାନାଣି ସେବା ବେଟାଆହାଲି ହେଲ
ହାତେସି”

୪ ଏମ୍ବାଟି ଜାଜାତା ହଡ଼ାମାଚାଟି ମା ଝାକି ଗାଲି
ଝେଟାଲିଏ ମାମ୍ବୁ ଜୁପ୍ର ଦାରି ଦାରିଟି ହାଚମି,

୫ କିଲିକିୟା ଅଡ଼େ ପଂପୁଲିୟା ନକିତା ମାନି ସାମ୍ବୁରି
ଗାଣ୍ଡାଚାନା ଲୁକିୟାତି ମୁରାତା ଝାଡ଼ମି”

୬ ଏମ୍ବାଆଁ ପାସାକଡ଼ି କସକା ମୁହେଁ କାଜାସି, ଇଟାଲିତା
ହାଜିମାନି ର ଆଲେକଜାଣ୍ଡିୟା ଏୟୁ ଜାଜା ବେଟାଆହାନା
ମାଙ୍ଗେ କୁଗି କିୟାତେସି”

୭ ତାୟୁ ହାରେକା ଦିନାତାକି ଦୀରେ ଦୀରେ ହାଜାନା
କସୁତଲେ କ୍ଲିଦ ଗାଡ଼ା ତାଗେ ହାଚମି” ନକିତି ଗାଲି
ମାଙ୍ଗେ ନକିତା ହାଜାଲି ହିୟାଆଲିଏ ସାଲ୍‌ମନିତି ଅରଝାକି
କ୍ରିତି ଦାରି ଦାରିଟି ହାଚମି”

୮ ଅଡ଼େ କସୁତଲେ ଗାଟୁ ଗାଟୁଟି ହାଜାନା “ଅକ୍ରିତି
ବାନ୍ଦା” ଇନି ଟାୟୁତା ହାଚମି, ଏଡ଼ି ଲାସାୟା ଗାଡ଼ାତି
ତାଗେ ମାଚେ”

୯ ଇଲାଆହଁ ହାରେକା ଦିନା ଆହାହାଚେ, ଇଞ୍ଜା
ସାମ୍ବୁରିଟି ହାନାୟି କସୁ ଆହାହାଚେ, ଇଚିହଁ

ଏଚିବେଲା ଉପାସା ପାର୍ବୁ ରାହାମାଚେ, ଏଦାଆଁତାକି
ପାଞ୍ଜୁଲ ଜାଗ୍ରାତା କିହାନା ଏଲେଇଚେସି”

୧୦ “ବାବୁୟାତେରି ଇ ସାମ୍ବୁରିଟି ହାନାଟି ଜାଜାତି ଆସି
ଅଡ଼େ ଏୟୁ ଜାଜା ନସୁ ଆନେ ଏଡ଼ି ଆଏ, ସାମା ଜାଜାତା
ହାଜିମାନାରି ଜୀଞ୍ଜୁ ଜିକେଏ ନସୁ ଆନେ ନୀନୁ ପୁଞ୍ଜିମାଇଁ
”

୧୧ ସାମା ପାସାକଡ଼ି କସକା ମୁହେଁ କାଜାସି, ପାଞ୍ଜୁଲତି
କାତା କିହାଁ ଜାଜାତି ସାଲୁଝି କିନାଣାଇଁ ଇଞ୍ଜା ସାଞ୍ଜୁକାରି
କାତାତି ହାରେକା ନାମିତେସି”

୧୨ ଇ ବାନ୍ଦାତା ପେନିଝେଡ଼ା ଡ଼ୟାଲି ନେହେଁ
ହିଲାଆତେ, ଇଦାଆଁତାକି ଜାଜାତା ହାଜିମାଚାରି ହାରେକା
ସାମ୍ବୁରିଟି ହାଜାନା ପିନିକସତା ପେନିବେଲା ରାପହାଲି
ଅଣ୍ଡିମାଚେରି, ଏ ପିନିକସ କ୍ରିତିତି ର ଜାଜାୟା ନିନି କାଜା
ଟାୟୁ ମାଚେ, ଏଡ଼ି ଝେଡ଼ା କୁଡ଼ନି ଟିଝନିଝାକି ଅଡ଼େ, ଝେଡ଼ା
କୁଡ଼ନି ଚେବୁଝାକି ମୁମ୍ବୁ କିହାମାଚେ”

ସାମ୍ବୁରିତା ଗାଲି ପିୟୁ

୧୩ ଏଚିବେଲା ଟିଝନି ଝାକିତି ଗାଲି ଦୀରେ ଦୀରେ
ଝାଡ଼େ, ହାଜିମାଚାରି ନୀଏଟି ମା ଅଣ୍ଡିମାଚି ଲେହେଁ
ଆଡ଼େ ଇଞ୍ଜି ଅଣ୍ଡିପିତେରି, ଜାଜା ନିପହାମାଚି କାଜା
ଲହଡ଼ି ରେଜାନା କ୍ରିତିତି ଗାଟୁ ଗାଟୁଟି ହାଜାଲି ମାଟୁହେରି,

୧୪ ସାମା ଗାଡ଼େକା ହାଜାଲିଏ ଇୟୁରକ୍‌ଝିଲ ଇନି
ଆଜିହପେତି କାଜା ଗାଲି ଝେଡ଼ା ହନି ଚେବୁ ଝାକିଟି
ହଡ଼ାନା ଜାଜା ମାଟିଝାକି ଝାଡ଼େ”

୧୫ ଗାଲି ଜାଜାତି ଝେଟାଲିଏ, ଜାଜାତି ଗାଲିଝାକି
ଅୟାଲି ଆଡ଼ାଆନା ଜାଜାତି ଗାଲି ତଲେ ଅଝିଆୟାଲି
ପିସୁମି”

୧୬ ମାମ୍ବୁ କ୍ଲାଞ୍ଜୁଦାତି ସାମ୍ବୁରି ମାଦି ମାନି ଉଣା ବୁମିତି
ଜମିନି ଟାୟୁ ବେଟାଆଡ଼ମି” ଏମ୍ବାଟି ହାରେକା କସୁଟି ଏୟୁ
ଜାଜାତି ଉଣା ଡ଼ଗ ତଲେ ଗେଲ୍‌ପି ଆଡ଼ମି”

୧୭ ଜାଜା ସାଲୁଝି କିନାରି ଏଦାଆଁ ଜାଜା ଲାକ ଅଡ଼ି ତାୟୁ
ଡ଼:ରକା ତଲେ ଜାଜା ସାରିସୁରୁ ଦସ୍ତେରି, ଇଞ୍ଜା ଜାଜା
ଲିବିୟାତି ସୁରତି ଇନି ବାଝଲି ଡିବାତା ଗୁପିନେ ଇଞ୍ଜି
ଆଜିତାକି ଜାଜା ସାଲୁଝି କିନାରି ଜାଜାତା ଗଞ୍ଜାମାଚି
ହିମ୍ବୁରିକା ହୁକହାନା ଜାଜାତି ଗାଲି ତଲେ ସାମ୍ବୁରି ବିତ୍ରା
ଡ଼ୟାଲି ପିସ୍ତେରି”

୧୮ କାଜା ଗାଲି ପିୟୁ ତାକି ହାରେକା କସୁ ଆହାଲିଏ
ତାନି ଅର ନେରୁ ଜାଜାତି ସାଲୁଝି କିନାରି ଜାଜାତା ମାଚି
ଆସୁତି ସାମ୍ବୁରିତା ମେଡ଼ହାଲି ମାଟୁହେରି,

୧୯ ଅଡ଼େ ତାନିଦିନା ନେରୁ ଏଞ୍ଜାରି ତାନି ଜାଜାତି
କଚେକା କାଣ୍ଡା ମୁଣ୍ଡା ଏୟୁଣାଁ ମେଡ଼ହେରି”

୨୦ ହାରେକା ଦିନା ପାଚେକା ଝେଡ଼ା କି ହୁକାୟାଁ
ମେସାଲି ଆଡ଼ାଆଡ଼ମି, ଅଡ଼େ ହାରେକା ଗାଲି ପିୟୁ
ପିହୁଆଲିଏ ମାମ୍ବୁ ଇମ୍ବାଟି ଗେଲ୍‌ପିଆନି ଆସା ପିସାତୁସୁମି
”

୨୧ ବାରେଜାଣା ହାରେକା ଦିନା ପାଚେକା ରାନ୍ଦା
ଡିନାଆନା ଡ଼ୟିତି ତାୟୁ, ପାଞ୍ଜୁଲ ଏଞ୍ଜାରି ବିତ୍ରା ନିଚାନା

ଏଲେଇଚେସି, “ବାବୁୟାଁ ନା କାତା ଆସାନା କ୍ରିତିଚି ସାମ୍ବୁରି ଜାଜା ହୁକହା ହିଲୀଆତିହୁଁ ମାଦି ଏନାୟିଝା ନସ୍ତୁ ଆଆତେମା ।

୨୭ ସାମା ନୀର୍ବ୍ୟ ନାନୁ ମିଙ୍ଗେ ଝେସିମାଞ୍ଜାଇଁ, ସାସା ଆହୁଦୁ, ଇଚିହୁଁ ମୀ ବିତ୍ତା ଆମ୍ବାଆରି ଜୀଝୁ ଜିକେଏ ନାସା ଆଏ; ଖାରୁଇ ଜାଜାଦେ ନସ୍ତୁ ଆନେ ।

୨୮ ଇଚିହୁଁ ନାନୁ ଏମିନି ମାହାପୁରୁତି ସେବା କିହିମାଇଁ, ନୀଞ୍ଜୁ ଲାଆଁୟାଁ ଏଞ୍ଜାଣି ର ଲାକପୁରୁତି ଦୁତୁ ନା ତାଗେ ଖାହାନା ଏଲେଇଞ୍ଜାତେ,

୨୯ ଏ ପାଝୁଲ ‘ଆଜାଆନି; ନୀନୁ ସାଲୁଝି କିନି କାୟିସର ନକିତା ନିନାୟି ମାନେ, ମାହାପୁରୁ ନିଙ୍ଗେ କାର୍ମା ଆହାମାଞ୍ଜାନାକି ନୀ ତଲେ ଖାହିମାନି ବାରେତି ଜୀଝୁ ଏଞ୍ଜାସି ଗେଲ୍ପିନେସି ।’

୩୦ ଏଦାଆଁତାକି ଏ ବାବୁୟାଁତେରି ସାସା ଆହୁଦୁ ଇଚିହୁଁ ନାନୁ ମାହାପୁରୁ ତାଣା ନା ନାମୁ ମାନେ, ନାଙ୍ଗେ ଏନିକଁ ଝେସ୍ପି ଆହାମାନେ, ଏଲେଆହୁଁ ଏ ଆନେ ।

୩୧ ସାମା ମାଙ୍ଗେ ର ସାମ୍ବୁରି ମାଦିଏ ମାନି ଦେସାତା ଏଗାହାନାୟି ମାନେ ।”

୩୨ ଇଲେକିହୁଁ ମାମ୍ବୁ ଆଦୁଆ ସାମ୍ବୁରି ଇତାଲା ଆତାଲା ଆହୁଁ ରୀ ଖାରା ଆୟାଲିଏ, ମାଦି ଲାଆଁୟାଁ ଜାଜା ସାଲୁଝି କିନାରି ର ବୁମି ଦାରିତା ଏଜିମାନାୟି ଇଞ୍ଜୁଁ ଅଣ୍ପିମାରେରି ।

୩୩ ଏମ୍ବାଟିଏ ଏଞ୍ଜାରି ଏୟୁଣି ଲାଟାଲିଏ ପଦର ହାତା ଏୟୁ କୁଡହା ମାରୁ, ଇଞ୍ଜାଁ ଅଡେ ନକିତା ହାଜାନା ଝେଶ୍ଟେ ଲାଟାଲିଏ ଏଗାର ହାତା ଏୟୁ କୁଡହା ମାରୁ ।

୩୪ ମାରୁ ହାଜାନା ଜାଜା ଖାଲକା ବୁମିତା ଗୁପିକିନାୟି ଇଞ୍ଜୁଁ ଅଣ୍ପିମାନା ଆଜିତାକି ଏଞ୍ଜାରି ଜାଜାତି ତାୟୁଝାକି ସାରିଗଟା ବନ୍ଧୁ ଗାଟି ଲହୁ ମୁଣ୍ଡାୟାଁ ରେପହାନା ଏଚେଲା ଝେୟିନେ ଇଞ୍ଜୁଁ ପ୍ରାତାନା କିହିମାରେରି ।

୩୫ ଇଞ୍ଜାଁ ଜାଜାତି ସାଲୁଝି କିନାରି ଜାଜାତି ରେତାନା ହଟାତୁସାଲି ଅଣ୍ପିମାନା ନାଡିକିହାଁ ଜାଜାତି ନକିଝାକି ଲହୁ ମୁଣ୍ଡାୟାଁ ରେପ୍ନି ଲେହେଁ ଉଣା ତଂଗତି ସାମ୍ବୁରିତା ରେପହେରି ।

୩୬ ସାମା ପାଝୁଲ ପାସାକଡ଼ି କସ୍କା ମୁହେଁ କାଜାଣାଇଁ ଇଞ୍ଜାଁ କସ୍କାଣି ଏଲେଇଚେସି, “ଜାଜା ସାଲୁଝି କିନାରି ଜାଜାତା ମାନାଆତିହୁଁ ମୀରୁ ଗେଲ୍ପିଆଦି ଆସା ହିଲେଏ ।”

୩୭ ଏମ୍ବାଟିଏ ଜାମାନାଙ୍ଗା ଉଣା ତଂଗତି ତ:ରକା ଦାଚାନା ସାମ୍ବୁରିତା ପିସ୍ତେରି ।

୩୮ ଲାଲ୍ ଜୁଲୁପୁଲୁ ଝେୟି ମାଚାଟି ପାଝୁଲ ଏଞ୍ଜାରାଇଁ ଏନି ରାନ୍ଦା ମାଟିହୁଁ ତିଞ୍ଜାଲି ବାସୁଁ ହୀହାନା ଏଲେଇଚେସି, “ନୀଞ୍ଜୁଟିଏ ରୀ ଖାରା ଆଡେ ମୀରୁ ଏନାଆଁ ତିନାଆନାହାଁ ହାକିଟିଏ ମାଞ୍ଜାମାଞ୍ଜେରି ।

୩୯ ବାତିମାଲିମାଞ୍ଜାଇଁ, ନୀର୍ବ୍ୟ ଇଚାଣି ତିଞ୍ଜୁ, ମୀ ଜୀଝୁ ଗେଲ୍ପାଲିତାକି ତିନାୟିମାନେ, ଆଜାଆଦୁ, ମୀ ତାର୍କାତି ର ବାଣା ଜିକେଏ ନାସା ଆଏ ।”

୩୫ ପାଝୁଲ ଇ ବାରେ କାତା ଜଲାନା ରୁଟି ଆସାନା ବାରେଜାଣା ନକିତା ମାହାପୁରୁଇଁ ଜହରା କିହାନା ରୁଟି ତିକହାନା ତିଞ୍ଜାଲି ମାଟହେସି ।

୩୬ ଏମ୍ବାଟିଏ ଏଞ୍ଜାରି ବାରେଜାଣା ବାସୁଁ ବେଟାଆହାନା ବାରେଜାଣା କାଦି ତିଚେରି ।

୩୭ ମାମ୍ବୁ ଜାଜାତା ରୀ ଖାଞ୍ଜା ତାନିକଡ଼ି ସଡ଼ ଜାଣାତମି ମାଚମି ।

୩୮ ଏଞ୍ଜାରି ପାଞ୍ଜେ ତିଚି ତାୟୁ ଜାଜାତି ବନ୍ଧୁ ଉଣା ଆପେଝା ଇଞ୍ଜୁଁ ଜାଜାତି ବାରେ ଗହୁଁୟାଁ ସାମ୍ବୁରିତା ମେଡହେରି ।

ଜାଜା ତାନାୟି

୩୯ ଅର ନେରୁ ଲାଲ୍ ଝେୟାଲିଏ ଏଞ୍ଜାରି ଏମିନି ଦେସାତି ଟାୟୁତା ଖାଡେରି ପୁଞ୍ଜାଲି ଆଡାଆତେରି, ସାମା ଏଞ୍ଜାରି ଗାରୁ ଦାରି ର ବାଝଲି ଟାୟୁ ମେସାନା ଏନିକଁ ଜିକେଏ ଏମ୍ବାଆଁ ଜାଜାତି ନିପହାଲି ଅଣ୍ପିତେରି ।

୪୦ ଏଦାଆଁତାକି ଏଞ୍ଜାରି ଲହୁ ମୁଣ୍ଡାୟାଁତି ତ:ରକା ଦାଚାନା ସାମ୍ବୁରିତା ମୁଞ୍ଜାଲି ପିସ୍ତେରି, ଇଞ୍ଜାଁ ଦେବୁଣିଏ ଏୟୁ ଜାଜାତି ହାଟଝା ବାଡ଼ଗାୟାଁତି ତ:ରକା ବାରେ ହୁକହାନା ଜାଜା ନକିତା ଗାଲିଝାକି ହିମ୍ବୁରିକା ଗଞ୍ଜାନା ଗାରୁଝାକି ହାଜାଲି ଅଣ୍ପିତେରି ।

୪୧ ସାମା ଏଞ୍ଜାରି ରୀ ସାମ୍ବୁରିକା କାଲୁଝି ଆହିମାନି ଟାୟୁତା ଏଜାଲିଏ ଜାଜା ସାମ୍ବୁରି ଗାରୁତି ର ବାଝଲି ତିବାତା ଗୁପିତେ, ଜାଜାତି ନକି ଖାକିତାୟି ଜାଣ୍ଡାନା ତୟାହାଚେ, ସାମା ତାୟୁତାୟି ସାମ୍ବୁରିତି ଏୟୁ ଉଣ୍ଡାୟାଁ ଗୁପାଲିଏ ତୀହାଲି ମାଟହେ ।

୪୨ କାୟିଦି ଗାଟାରି ସାମ୍ବୁରି ଗାରୁଟି ପରହୁଁ ପରହୁଁ ହଶନେରି ଇଞ୍ଜୁଁ ଅଣ୍ପିମାନା କସ୍କା ଏଞ୍ଜାରାଇଁ ପାୟାଲି ଅଣ୍ପିତେରି ।

୪୩ ସାମା ପାସାକଡ଼ି କସ୍କା ମୁହେଁ କାଜାସି ପାଝୁଲଇଁ ଗେଲ୍ପାଲି ମନ କିହାନା, ଏଞ୍ଜାରି ଅଣ୍ପୁତି କାହି କିହାନା ଏଲେଇଞ୍ଜି ହୁକୁମି ହୀତେସି, ଆମ୍ବାଆସି ପରହାଲି ପୁନାସି ଏଞ୍ଜାସି ସାମ୍ବୁରିତା ତେଞ୍ଜାନା ତଲିଏ ଗାରୁତା ହାଲାପେସି;

୪୪ ତୟାମାନାରି ଜାଜାତି ମାରକା ପାଟାୟାଁ ଇଞ୍ଜାଁ ଏନି ଏନି ତୀତି ମୁକାୟାଁ ଆସାନା ହାଲାପେରି ଇଞ୍ଜାଲିଏ, ଇଲେକିହୁଁ ବାରେଜାଣା ନେହୁଁ ଆହୁଁ ଗାରୁତା ଏତେରି ।

୨୮

ମେଲିତି ଦେସାତା ପାଝୁଲ

୧ ମାମ୍ବୁ ଏମ୍ବାଟି ଗେଲ୍ପିଆଡ଼ି ତାୟୁ ସାମ୍ବୁରି ମାଦି ମାନି ଟାୟୁ ମେଲିତି ଇଞ୍ଜିହୁଁ ପୁଚମି ।

୨ ଏମ୍ବାଆଁ ବାସାଆହାମାନି ପାଙ୍ଗାତି ଲକୁ ମାଙ୍ଗେ ତଣେସିଙ୍ଗା ଲେହେଁ କାର୍ମା ଆୟାତେରି, ଇଚିହୁଁ ପିୟୁ ଇଞ୍ଜାଁ ପେନି ଆହିମାଚାକି ଏଞ୍ଜାରି ମାଙ୍ଗେ ହିରୁ ତାସାନା କେରଞ୍ଜାଲି ହିୟାତେରି ।

୩ ସାମା ପାଞ୍ଚଲ ର ପେଣ୍ଡା ଖେସକା ହିରୁତା କୁମ୍ଭାଲିଏ, ଉସମି ତାକି ର ରାତୁ ହରାନା ପାଞ୍ଚଲ କେୟୁତା କାଚାହାଁ ଆଚା ତୁୟିତେ □

୪ ଏମ୍ପାଆଁ ବାସା ଆହାମାଟି ପାଞ୍ଚାଟି ଲକୁ ପାଞ୍ଚଲ କେୟୁତା ଏ ରାତୁ ଲେଜା ମାନାଣି ମେସାନା ତାମ୍ପୁତାମ୍ପୁ ଖେସପି ଆଡେତରି, “ଇ ମାଣସି ସାତେଏ ଲକୁଣି ପାୟିନାସି, ସାମଦୁରିଟି ଗେଲହାଲିଏ ଜିକେଏ ଦାମ୍ପୁ ନୀତାଲି ହାହି ହିଲେଏ □”

୫ ସାମା ପାଞ୍ଚଲ ଏ ରାତୁଟି ହିରୁତା ହାଣହାଁନା ମେଡହା ତୁସେସି, ଇଞ୍ଜା ଏଞ୍ଜାଣାକି ଏନି ନସ୍ତୁ ଆଆଡେ □

୬ ଏଞ୍ଜାଣି ଆଞ୍ଜା ପଞ୍ଜା ହାନେ ଆଆଡେ ଦେବୁଣିଏ ହାନେସି ଇଞ୍ଜା କାଟିମାଚେରି; ସାମା ହାରେକା ବେଲା ଆଡି ତାମ୍ପୁ ଏଞ୍ଜାଣାକି ଏନି ନସ୍ତୁ ଆଆତାଣି ମେସାନା ଏଞ୍ଜାରି ତାମି ହିୟା ଖେଟହାନା ଏଲେଇଚେରି, “ଇଞ୍ଜାସି ର ମାହାପୁରୁ □”

୭ ଏ ଚାମ୍ପୁ ତାଗେ ପୁଲ୍ଲିୟ ଦରୁଗାଟି ଏ ଚାମ୍ପୁଟି କାଜାଣି ଇଲୁ ଅଡେ ବୁମି ମାଚେ; ଏଞ୍ଜାସି ମାଞ୍ଜେ ହାଚା ଅହାନା ତାନିଦିନା ପାଡେକା କାମା ଆହାନା ରାହାଁଟି ସେବା କିୟାତେସି □

୮ ଏଟିବେଲାତା ପୁଲ୍ଲିୟ ତାମି ଆବା ନମେରି ଇଞ୍ଜା ନେତେରି ବାଣ୍ଡି ତାକି ପାସ୍ପନିତା ତୁରାମାଚେସି, ଇଞ୍ଜା ପାଞ୍ଚଲ ତାନି ବାକ୍ରାତା ହାଜାନା ପ୍ରାତାନା କିହାନା ତାନି ଲାକ କେୟୁ ଇଚାନା ନେହଁ କିତେସି □

୯ ଇଦି ଆଡି ତାମ୍ପୁ ଏମ୍ପାଆଁ ମାନି ରଗ ଗାଚାରି ବାରେ ପାଞ୍ଚଲ ତାଣା ଖାହାନା ନେହଁ ଆଡେତରି;

୧୦ ଏଞ୍ଜାରି ମାଞ୍ଜେ ଜିକେଏ ହାରେକା ମାନି ତଲେ ଜୀଞ୍ଜୁ ନୟାତେରି, ଅଡେ ମାମ୍ପୁ ହାଜିମାଚାଟି ମା ଲଡାମାନାଣି ହାହାନା ପାଣ୍ଡାତେରି □

ମେଲିଟିଏ ରମ୍ପତା ପାଞ୍ଚଲ ହାନାୟି

୧୧ ତାନି ଲେଞ୍ଜୁ କେଚ ମାମ୍ପୁ ର ଆଲେକଜାଣ୍ଡିୟାତି ଏୟୁ ଜାଜାତା ହରାନା ହାଚମି, ଏୟୁ ଜାଜା ପେନିବେଲା ହାଲ୍ଲେଏ ଏ ଚାମ୍ପୁତା ତୁୟାମାଚେ, ଏଦାନି ଦରୁ “ଜାଣ୍ଡା ପେଣ୍ଡକା,” ଇଞ୍ଜିମାଚେରି □

୧୨ ସୁରାକୁସା ଗାଡାତା ଏଜାନା ଏମ୍ପାଆଁ ମାମ୍ପୁ ତାନିଦିନା ମାଚମି □

୧୩ ଅଡେ ଏମ୍ପାଟି ଏୟୁ ଜାଜା ତଲେ ହାଜାନା ରେଗିୟା ଗାଡାତା ଏତମି, ତାନି ଅର ଦିନା ଚିଃନି ଖାକିଟି ଗାଲି ଖେଚାଲିଏ ଅଡେ ରା ଦିନା ତାମ୍ପୁ ପୁତେଅଲି ଗାଡାତା ଏତମି;

୧୪ ଏମ୍ପାଆଁ ମାମ୍ପୁ ଏଚେକା କ୍ରୀସ୍ତାନା ତାୟିୟାଁ ଅଡେ ତାଜିସ୍ତାଣି ବେଟାଆଡମି, ଏଞ୍ଜାରିତଲେ ର ଖାଚା ତୁୟାଲି ମାଞ୍ଜେ ବାତିମାଲାତେରି; ଇଲାଆହଁ ମାମ୍ପୁ ରମ୍ପତା ଏଗାତମି □

୧୫ ରମ୍ପତା ମାନି ତାୟିୟାଁ ଅଡେ ତାଜିସ୍ତା ମା କାବୁ ପୁଞ୍ଜାନା ଏମ୍ପାଟିଏ ଅପିୟତି ହାଚା ଇଞ୍ଜା ତାନିଗଚା ବାଡା

ଇଲକା ପାଡେକା ମାଞ୍ଜେ ମେସାଲି ଖାଡେତରି, ଇଞ୍ଜା ପାଞ୍ଚଲ ଏଞ୍ଜାରାଞ୍ଜ ମେସାନା ମାହାପୁରୁଞ୍ଜ ଜହରା କିହାନା ବାସୁ ବେଟାଆଡେସି □

ରମ୍ପ ଗାଡାତା ପାଞ୍ଚଲ

୧୬ ମାମ୍ପୁ ରମ୍ପ ଏଜାଲିଏ, ପାଞ୍ଚଲଞ୍ଜ କାଃଆନି କସକା ତଲେ ତାନି ମନତଲେ ବାସା ଆୟାଲି ହେଲ ହାପକିଆଡେ □

୧୭ ତାନିଦିନା ତାମ୍ପୁ ପାଞ୍ଚଲ ଜୀହୁଦିୟାଁଟି କାଜାରାଞ୍ଜ ହାଚାନା କୃଡି କିତେସି, ଅଡେ ଏଞ୍ଜାରି ରୁଣ୍ଡା ଆୟାଲିଏ, ପାଞ୍ଚଲ ଏଞ୍ଜାରାଞ୍ଜ ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ନାନୁ ମା ଲକୁ କପାଟି କି ମା ଆକୁ ଆବାୟାଁଟି ପାଣାପାଟୁ କପାଟି ଏନାଆଁ କିହା ହିଲାଆଡି ଜିକେଏ ଜିରୁସାଲମତା ଦସ୍ପି ଆହାନା ରମ୍ପ ଦେସାଟି ଲକୁତାଣା ହେରପି ଆହାମାଞ୍ଜ □

୧୮ ଏଞ୍ଜାରି ନାଞ୍ଜେ ନୀହାଁୟି କିହାନା ନା ତାଣାଟି ହାନି ତଣ୍ଡ ପାଣ୍ଡି ଏନି ଦହ ବେଟାଆଆଲିଏ ନାଞ୍ଜେ ପିସାଲି ଅଣ୍ଡପାମାଚେରି;

୧୯ ଏସାମା ଜୀହୁଦିୟାଁ ଏଦାଣି କପାଟି ଖେସାଲିଏ ନାନୁ କାୟିସର ନକିତା ନୀହାଁୟି କିୟାଦୁ ଇଞ୍ଜା ବାତିମାଲିତେଏଁ; ଏଲେଆଡି ଜିକେଏ ନାଞ୍ଜେ ମା ଲକୁ କପାଟି ଏନି କାତା ଖେସାଲି ହିଲାଆଡେ, ଏଦି ଆଏ □

୨୦ ଏଦାଆଁତାକି ନାନୁ ମିଞ୍ଜେ ନା ତଲେ ବେଟାଆହାନା ଜଲ୍ଲକି ଆହାଲି ବାତିମାଲାତେଏଁ, ଏନାଆଁତାକି ଇଚିହଁ ଆମ୍ପାଆରି ଲାକ ଇସ୍ରାୟେଲ ଲକୁ ବାସୁ କିହାମାନେରି, ଏଞ୍ଜାରି ତାକି ନାନୁ ନୀଞ୍ଜୁ ଇ ହିକ୍ସିୟାଁ ତଲେ ଦସ୍ପି ଆହାମାଞ୍ଜ □”

୨୧ ଏଞ୍ଜାରି ଏଲେଇଚେରି, “ମାମ୍ପୁ ଜୀହୁଦା ଦେସାଟି ନୀ କପାଟି ଏନି ଆକୁ ବେଟାଆହା ହିଲଅମି, ଅଡେ ନୀ କାବୁ ଆସାନା କି ନୀ କପାଟି ଦହ ଦସାନା ଖେସାଲି ମା ତାୟିୟାଁ ବିତ୍ରାଟି ଆମ୍ପାଆରି ଇମ୍ପାଆଁ ଖାହାହିଲଅରି □

୨୨ ସାମା ନୀ ଅଣ୍ଡପୁ ଏନାୟି ଏଦାଆଁ ମାମ୍ପୁ ନୀ ତାଣାଟି ଖେଞ୍ଜାଲି ମନ କିହିମାନମି, ଇଚିହଁ ବାରେଖାକିଟି ଲକୁ ଇ ଗଟି କପାଟି କାତା ଖେସିମାନେରି ଇଞ୍ଜା ମାମ୍ପୁ ପୁଞ୍ଜିମାନମି □”

୨୩ ଏଚେଟିଏ ଏଞ୍ଜାରି ର ଦିନା ତାରି କିହାନା ହାରେକା ଲକୁ ପାଞ୍ଚଲ ମାଟି ଇଲୁତା ଖାଡେତରି, ଅଡେ ଏଞ୍ଜାସି ଲାକଟିଏ ଲାଆଁ ପାଡେକା ଏଞ୍ଜାରି ନକିତା ମାହାପୁରୁଟି ରାକ୍ତିକି କାତାତାକି ସାକି ହୀତେସି, ଅଡେ ମସାଟି ମେରା ଇଞ୍ଜା ମାହାପୁରୁ ଅଣ୍ଡପୁଟି ବଲୁ ଖେହନାରି କାତା ଆସାନା ଏଞ୍ଜାସି ଜୀସୁଞ୍ଜ ନାମି କିଞ୍ଜି କିୟାଲି ଅଣ୍ଡପିତେସି □

୨୪ ଏମ୍ପାଟିଏ ଆମ୍ପା ଆମ୍ପାଆରି ତାନି ଖେସ୍ତି କାତାଟି ନାମିତେରି ଇଞ୍ଜା ଆମ୍ପା ଆମ୍ପାଆରି ନାମାଆଡେରି □

୨୫ ଏ କାତାତାକି ଏଞ୍ଜାରି ତାମି ବିତ୍ରା ରଣ୍ଡିଏ କାତା ଆଆଲିଏ ହେଲ ଅଡେତରି; ଏଞ୍ଜାରି ହାନି ନକେଏ ପାଞ୍ଚଲ ର କାତା ଖେସ୍ତେସି, “ସୁଦୁକୀଞ୍ଜୁ ମୀ ଆକୁ ଆବାୟାଁଣି

ମାହାପୁରୁ ଅଶ୍ୱପୁତି ବଲୁ ଖେହ୍ନି ଜିସାୟ ତାଣାଟି
ଖେସାମାରେସି □”

୨୭ ଏଝାସି ଏଲେଇଞ୍ଜି ମାନେସି, “ଇ ଲକୁତାଣା ହାଜାନା
ଖେହ୍ନୁ,

ମୀରୁ ଖେଞ୍ଜିଖେଞ୍ଜି ଖେଞ୍ଜେରି, ସାମା ଏନାଆଁ ତେଲ୍‌ହଅ
ତେରି,

ଇଞ୍ଜା ମୀରୁ ମେସି ମେସି ମେହ୍‌ଦେରି, ସାମା ଏନାଆଁ
ପୁଞ୍ଜାଲି ଆଡ଼ଅତେରି,

୨୮ ଇରିହ୍ ଇ ଲକୁ ହିୟାତା ଉଣା ରୁଦିଗାଟାରି,

ଏଝାରି ଜାହା ଜାହାରା କୀକା କାଣ୍‌କା ମୁତା
କତାମାନେରି,

ଏଲେଆହାଁ ହିଲାଆଡ଼ିହ୍ ମା,

ଏଝାରି କାଣ୍‌କା ଦେତାନା ମେସାଲି ଆଡ଼ିତେରିମା,

ଅଡ଼େ କୀକା ତଲେ ଖେଞ୍ଜାଲି ଆଡ଼ିତେରିମା □

ଏଝାରି ହିୟାତା ତେଲ୍‌ହାଲି ଆଡ଼ିନି ବାଡ଼ୁ
ଡ଼ୟିତେମା;

ଏଝାରି ମାହାପୁରୁ ଝାକି ଖେଣ୍ଡା ଝାତେରିମା,

ଅଡ଼େ ନାନୁ ଏଝାରାଇଁ ନେହ୍ କିତେର୍‌ମା □”

୨୮ ତାୟୁ ପାଝୁଲ ଏଲେଇରେସି, “ଏଦାଆଁତାକି
ମାହାପୁରୁତି ଇ ଗେଲ୍‌ପିନାଣି ଏଟକା କୁଡ଼ାତି ଲକୁତାଣା
ପାଣ୍ଡୁଝି ଆହାମାନେ, ଇଦାଆଁ ମୀରୁ ପୁଞ୍ଜୁ; ଏଝାରି ଜିକେଏ
ଖେନେରି □”

୨୯ ପାଝୁଲ ଇ ବାରେ କାତା ଖେସାଲିଏ, ଜୀହୁଦିୟାଁ ତାୟୁ
ତାମି ବିତ୍ରା ବାଦିବାଡ଼ା ଆହ୍ ହାରେରି* □

୩୦ ପାଝୁଲ ରୀ ବାର୍ଯା ପାତେକା ତାନି ବାଡ଼ା ଇଲୁତା
ଡ଼ୟିତେସି, ଅଡ଼େ ଏରେକା ଲକୁ ଏଝାଣି ତାଣା
ଝାହିମାରେରି, ବାରେତି ଇଜ ହାଟା ଅହିମାରେସି □

୩୧ ଇଞ୍ଜା ସାସାତଲେ ନୀରାସା ଆଆନା ମାହାପୁରୁ
ରାଜିତି କାତା ଖେସିମାରେସି, ଇଞ୍ଜା ପ୍ରୁ ଜୀସୁ କ୍ରୀସ୍ତତି
କାତା ଜାପ୍‌ହି ମାରେସି □

* ୨୮:୨୯ ୨୮:୨୯ ଇ କାତା ପୁଞ୍ଜୁଲ ପତିତା ହିଲେଏ □

ରମିୟ ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପତ୍ର ରମିୟ କୁଲମିକି ପାସ୍ତୁଲ ରାଚାମାନି ଆକୁ ମୂଲୁ ହାଡ଼ା

ଜୀସୁ କ୍ରୀସ୍ତ ଜାର୍ନାଆଡ଼ି ତାୟୁ ରମିୟ ପତି ୫୪ ଟିଏ ୫୮ ବାର୍ଷା ବିତ୍ରା ପାଣ୍ଡୁଆଡ଼ି ପାସ୍ତୁଲ ରାଚାମାନେସି ଇଞ୍ଜିଁ ଇନେରି □ ପାସ୍ତୁଲ ରମ୍ତା ହାନି ନକେଏ ଜୀହୁଦି ଅଡ଼େ ଜୀହୁଦିଆଆଡ଼ି କ୍ରୀସ୍ତାନା ଲକୁଣି ଜାପୁହାଲି ଇ ଆକୁ ରାଚାମାନେସି □ ବାରେ କୁଡ଼ାତି ଲକୁ ଏନିକିଁ ଜୀସୁ କ୍ରୀସ୍ତଙ୍କ ନାମିନେରି ଇଞ୍ଜାଁ ମାନି କିନେରି ୧୭:୨୨ ଏଦାଆଁତାକି ପାସ୍ତୁଲ କରନ୍ତି ଗାଡ଼ାତା ମାଚାଟି ରମ୍ତା ମାନି କ୍ରୀସ୍ତାନା ଲକୁଣି ଜାପୁହାଲି ଇ ଆକୁ ରାଚାମାନେସି □

ବାରେ ଟାୟୁତି ବାରେ ବେଲାତି କ୍ରୀସ୍ତାନା ଲକୁତାକି ରମିୟ ର ଲଡ଼ାମାନି ପତି, ଏନାଆଁତାକି ଇତିହଁ ମାର ଏନିକିଁ ଜୀସୁ କ୍ରୀସ୍ତ ତାଣାଟି ଗେଲପି ଆହାଲି ଆଡ଼ିନାୟି, ପାସ୍ତୁଲ ଅଜିକିହଁ ରଚାଣି ପିହୁଆନାହାଁ ତେଲୁହି କିହାମାନେସି □ ପାସ୍ତୁଲ ପୁଃଈ ମେରାତି ଜୀସୁ କ୍ରୀସ୍ତତି ନେହଁ ବଲୁ ତଲେ ଆଚହାମାନେସି □ ଇ ପତିତି ୧-୧୭ ପଦୁତି ହାରେକା ବୁଦିଗାଟାରି ନେହଁ କିଁ ଅଣପାନା ଖେସାମାନେରି, ଇ ବଲୁ ମାଦିତାୟି □ ଇମ୍ବାଆଁ ଖେସପି ଆହାମାନେ, “ନାନ୍ତୁ ନେହଁ ବଲୁ ଖେକହାଲି ଲାଜା ଆର୍ଥ ଏନାଆଁତାକି ଇତିହଁ ଆମିନି ଗାଟାରି ନାମିନେରି ବାରେଜାଣା ତାକି ଇଦି ମାହାପୁରୁତି ବାଡ଼ୁୟୁ □ ନକେଏ ଜୀହୁଦି ଲକୁକି ତାୟୁ ଜୀହୁଦିଆଆଡ଼ି ଲକୁତାକି ଜିକେଏ □”

ମୂଲୁ ବାଗା ୧-୧୨ ହାରେକା ମାହାପୁରୁତି କାତା ଅଡ଼େ ଅର ବାଗା ୧୩-୧୫ କ୍ରୀସ୍ତାନା ଜୀସ୍ତୁତା ଲଡ଼ାମାନି କାତା ଜାପିନାୟି ମାନେ □

ପତିତା ମାନାୟି

- ୧ ପାସ୍ତୁଲ ତାନି କାତା ପୁଣ୍ଡି କିହାନା, ଆମ୍ବାଆରାକି ଆକୁ ରାଚିମାନେସି ଏଦାଆଁ ଖେସାନା ଆକୁ ରାଚିନାୟି □ ୧:୧-୧୫
- ୨ ମାଣ୍ଡସି କୁଡ଼ାତି ରାଜି ଅଡ଼େ ଜୀସୁ କ୍ରୀସ୍ତ ତାଣାଟି ଗେଲପି ଆନାୟି □ ୧:୧୬-୧୧:୩୭
- ୩ କ୍ରୀସ୍ତାନା ଲକୁ ଏନିକିଁ ନୀଡିନାୟି ଏ କାତା ହାରେକା ଜାପୁହାମାନେସି □ ୧୨:୧-୧୫:୧୩
- ୪ ରମ୍ତା ମାନି କୁଲମିକାଣି ଜହରା କିହାନା ରାପୁନାୟି □ ୧୬

ପାସ୍ତୁଲତି ଜହରା ଖେହ୍ନି କାତା

* ୧:୪ ୧:୪ କ୍ରୀସ୍ତ ☆ ୧:୧୩ ୧:୧୩ କାମା ୧୯:୨୧

୧ କ୍ରୀସ୍ତ ଜୀସୁତି ହଲେଏସି ଅଡ଼େ ମାହାପୁରୁ ହୀହାମାନି ନେହଁ ବଲୁ ଖେକହାଲି ପାଣ୍ଡୁ ଆହାଁ ଆଚାନା ହାଚକି ଆହାମାନି ସୀସୁ ପାସ୍ତୁଲତି ଆକୁ □

୨ ଦାର୍ମୁ ସାପ୍ତେରିତା ରାସକି ଆହାମାନି ଲେହେଁ ଇ ନେହଁ କାବୁତି କାତା ତଲି କାଲାଟିଏ ମାହାପୁରୁ ଅଣପୁତି ବଲୁ ଖେହ୍ନାରି ତାଣାଟି ଆଞ୍ଜାମାନେସି □

୩ ଇଦି ମାହାପୁରୁ ମୀରଏଣାତି କାତା, ମା ପ୍ରବୁ ଜୀସୁ କ୍ରୀସ୍ତ ମାଣ୍ଡସି ଆହାଁ ଏଞ୍ଜାସି ଦାସ୍ତୁଦ କୁଡ଼ାତା ଜାର୍ନା ଆଡ଼େସି □

୪ ସାମା ତାନି ଲାକପୁରୁତି ସୁଦୁଜୀସୁ ତାକି, କାଜା ହାକିଟି ନିଜ୍ଞାନା ଏଞ୍ଜାସି ବାଡ଼ୁୟୁ ତଲେ ଜୀସୁ ମାହାପୁରୁତି ମୀରଏସି ମସିହା* ଇଞ୍ଜିଁ ଖେଜିଡେସି,

୫ କ୍ରୀସ୍ତ ତାକି, ମାହାପୁରୁ ନାଜେ ପାଣ୍ଡୁଆହାମାନି ସୀସୁ ଲେହେଁ ହାଚାନା, ବାରେ କୁଡ଼ାତି ଲକୁତାଣା ନେହଁ ବଲୁ ଖେକହାଲି ପାରୁ ହୀହାମାଞ୍ଜାନେସି, ଏନିକିହଁ ଏଞ୍ଜାରି କ୍ରୀସ୍ତ ଜୀସୁ ତାଣା ନାମାନା ତାଜେ ମାନୁଞ୍ଜି ଆହାନା ଡ଼ୟିନେରି □

୬ ରମ୍ତା ଗାଡ଼ାତା ବାସାଆହାମାନି ଲକୁତେରି, ମୀରୁ ଜିକେଏ ଜୀସୁ କ୍ରୀସ୍ତତି ଲକୁ ଆହାଲି ହାଚକି ଆହାମାଞ୍ଜେରି □

୭ ରମ୍ତା ଆମିନି ଲକୁଣି ମାହାପୁରୁ ଜୀସୁ ନହାମାନେସି ଇଞ୍ଜାଁ ତାନି ଲକୁ ଆହାଲିତାକି ହାଚାମାନେସି, ଏ ବାରେ ଲକୁତାକି ନାନ୍ତୁ ଇ ଆକୁ ରାଚିମାଲ, ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି ମିଜେ କାର୍ମାମେହ୍ନାୟି ଅଡ଼େ ହିଡ଼ି ଆୟାପେ □

ଜହରା କିନି ପ୍ରାଚାନା

୮ ମୂଲୁଏ, ମୀ ନାମୁତି ନେହଁ ହାଡ଼ା ବାରେ ଦାରୁତିତା ଖେଜିମାନେ, ଏଦାଆଁତାକି ନାନ୍ତୁ ମୀ ବାରେଜାଣା ତାକି ଜୀସୁ କ୍ରୀସ୍ତ ତାଣାଟି ନା ମାହାପୁରୁଙ୍କ ଜହରା କିହିମାଲ □

୯ ନା ବାରେ ହିୟାଁ ଜୀସ୍ତୁତଲେ ନାନ୍ତୁ ଆମିନି ମାହାପୁରୁତି ସେବା କିହିମାଲ ଇଞ୍ଜାଁ ଆମିନି ମାହାପୁରୁତି ମୀରଏଣାଟି ନେହଁ କାବୁ ଖେକହାଲି, ଏ ମାହାପୁରୁ ନା ସାକି □

୧୦ ପ୍ରାଚାନା କିନାଟି ନାନ୍ତୁ କାଲେଏ ମିଜେ ଅଣପାଲ ଇଞ୍ଜାଁ ମୀ ତାଣା ଖାହାଲି ନାଜେ ପାରୁ ହିୟାନି ମାହାପୁରୁ ତାଣା ବାଡ଼ିମାଲିମାଲ □

୧୧ ଇତିହଁ ନାନ୍ତୁ ମିଜେ ଆଣ୍ଡାଲି ହାରେକା ମନ୍ କିହିମାଲ, ଇଞ୍ଜାଁ ମିଜେ ର ଜୀସ୍ତୁତି ବର ହିୟାଲ, ଏନିକିଁ ମୀରୁ ତୀରିଆହାନା ମାଞ୍ଜେରି □

୧୨ ଇଦାଆଁ ତଲେ ମାର ରଅତଞ୍ଜି ରଅଣା ନାମୁତି ଆଚଞ୍ଜା କିହାଲି ଆଡ଼ିନାୟି □

୧୩ ଏ ତାୟିୟାଁ ଅଡ଼େ ତାଜିସ୍ତାତେରି, ମୀ ତାଣା ଖାହାଲି ତାକି ନାନ୍ତୁ ହାରେକା ଦେବା ଅଣପାମାଲ, ସାମା ହାରେକା ବାଦା ବେଟାଆଡ଼ାକି, ନୀଏଁ ପାତେକା ଖାହାଲି ଆଡ଼ାଆଡେଏଁ □ ଏଚକା କୁଡ଼ାତି ଲକୁତାଣା ଜିକେଏ ବଲୁ

ଝେକ୍‌ହାନା ଏନିକିହିଁ ପାଡ଼େୟି ବେଟାଆହାମାଲ୍, ମୀ ତାଣା ଜିକେଏ ଏଲେକିହାଲି ନା ଅଣ୍‌ପୁ □*

୧୪ ଏନାଆଁତାକି ଇଚିହିଁ ବୁଦିଗାଟାରି† ଅଡ଼େ ପାଙ୍ଗାତାରି‡ ଜାପିତାରି ଅଡ଼େ ଜାପାଆତି ଲକୁ ବାରେ ଗଚିତି ଲକୁତାକି ନା ଦାୟିପତି ମାନେ □

୧୫ ଏଦାଆଁତାକି ରମ୍ ଗାଡ଼ା ତାତେରି ମୀରୁ, ମୀ ତାଣା ଜିକେଏ ନେହିଁ ବଲୁ ଝେକ୍‌ହାଲି ନା ଅଣ୍‌ପୁ □

ନେହିଁ କାରୁତି ବାଡ଼ୁ

୧୬ ଇଚିହିଁ ନାନୁ ନେହିଁ କାରୁ ଝେକ୍‌ହାଲି ଲାଜା ଆଅଁ, ଏଦି ନାମିମାନି ବାରେ ଲକୁତାକି ଗେଲ୍‌ପି ଆହାଲିତାକି ମାହାପୁରୁତି ବାଡ଼ୁ, ମୁଲୁଏ ଜୀହୁଦି ଅଡ଼େ ତାୟୁ ଜୀହୁଦିଆଆତି ନାମିତି ଲକୁତାକି □*

୧୭ ମାଣ୍‌ସି ଏନିକିହିଁ ମାହାପୁରୁ ନକିତା ଦାମ୍‌ଗାଟାସି ଇଞ୍ଜିଁ ତଞ୍ଜାଆନେସି, ଏ ଉପେୟି ଏମ୍‌ଆଁ ତସ୍‌ପି ଆହାମାନେ □ ମୁଲୁଟିଏ ରାନି ପାତେକା ଗେଲ୍‌ପିଆନାଣି ବେଟାଆନି ଉପେୟି ନାମ୍ □ ଦାମ୍ ସାସ୍‌ସେରିତା ରାସ୍‌କି ଆହାମାନେ, “ଦାମ୍‌ଗାଟାସି ନାମୁତଲେ ନାଡିନେସି □”*

ପାପୁ ତାକି ମାହାପୁରୁତି କାର୍‌ବି

୧୮ ଆମିନି ଲକୁ ବାରେ ଲାଗେଏ କାମାଟି ସାତାଲ୍ ଆକ୍‌ମାନେରି, ଏଞ୍ଜାରି କପାଟି ଲାକପୁରୁତି ମାହାପୁରୁତି କାର୍‌ବି ତଞ୍ଜା ଆହାମାନେ □

୧୯ ଏନାଆଁତାକି ଇଚିହିଁ ମାହାପୁରୁତି କାତା ଏନାଆଁ ପୁନାୟି ମାଟେ, ଏଦାଆଁ ଏଞ୍ଜାରି ପୁଞ୍ଜାମାନେରି, ମାହାପୁରୁ ଏଞ୍ଜାରି ନକିତା ଏଦାଆଁ ଝେସାମାନେସି □

୨୦ ମାହାପୁରୁ ଦାର୍‌ତି ଗାଡ଼ିକିତି ତାଣାଟିଏ, ତାନି ତଞ୍ଜା ଆଆଗାଟି ଗୁଣ୍‌ୟାଁ, ତାନି ରାଆଗାଟି ବାଡ଼ୁ ଅଡ଼େ ଲାକପୁରୁତି ଗୁଣ୍, ନେହିଁକିଁ ତଞ୍ଜା ଆହିମାନୁ; ତାନି ଗାଡ଼ିକିତାଆଁ ବାରେ ଏଞ୍ଜାଆଁ ମେସାଲି ଆଡ଼ିନାୟି □ ଏଦାଆଁତାକି ଏଞ୍ଜାରି ପୁଞ୍ଜାହିଲଅମି ଇଞ୍ଜିଁ ଇଞ୍ଜାଲି ଆଡ଼ଅରି □

୨୧ *ଏଞ୍ଜାରି ମାହାପୁରୁଲ୍ ପୁଞ୍ଜା ଜିକେଏ ଏଞ୍ଜାଣାଲ୍ ଗାଞ୍ଜୁରମି କିଆତେରି କି ଏଞ୍ଜାଣାଲ୍ ଜହରା କିଆତେରି □ ସାମା ଏଞ୍ଜାରି ଅଣ୍‌ପୁ ବାରେ ଉଜେଏତି ଅଣ୍‌ପୁ ଅଡ଼େ ଏଞ୍ଜାରି ତେଲ୍‌ହାଆଗାଟି ମନ ଆନ୍ଦେରି ଆହାମାନେ □*

୨୨ ଏଞ୍ଜାରି ଜାହାରାଲ୍ ବୁଦିଗାଟାତମି ଇଞ୍ଜିଁ ଇନେରି, ସାମା ସାତା ତଲେ ଏଞ୍ଜାରି ବୁଦି ହିଲାଆ ଗାଟାରି;

୨୩ ଅଡ଼େ ନାସା ଆଆଗାଟି ମାହାପୁରୁତି ଗାଞ୍ଜୁରମିତି ନାସା ଆନି ମାଣ୍‌ସି, ସାରିଗଟା କତାୟାଁ ଗାଟି ଜନ୍ତ, ପଗାୟାଁ ଅଡ଼େ ରାସ୍‌କା କୁଡ଼ାତି ବମାୟାଁ କିହାନା ଏଞ୍ଜାଆଁତି ପୂଜା କିହିମାନେରି □*

୨୪ ଏଦାଆଁତାକି ମାହାପୁରୁ ଏଞ୍ଜାରି ହିୟାଁତି ଲାଗେଏତି ଜୁପକାତାକି ଏଞ୍ଜାରାଲ୍ ଲାଗେଏତି ତାଣା ହେରପିତେସି,

ଏନିକିହିଁ ଏଞ୍ଜାରି ଆଙ୍ଗା ରଅସି ରଅଣି ତଲେ ଲାଜାଗାଟି କାମା କିହିମାନେରି □

୨୫ ଏଞ୍ଜାରି ମାହାପୁରୁ କାତାତି ସାତା ପିସାନା ମିଚିତି ବାସ୍ କିହିମାନେରି □ ଗାଡ଼ିକିତି ମାହାପୁରୁଲ୍ ପୂଜା କିଆନା, ଗାଡ଼ିଆଡ଼ି ଦିଣ୍‌ସୁ ପୂଜା କିହିମାନେରି; ଏ ଗାଡ଼ି କିତାଣାଲ୍ କାଲାକାଲାତାକି ଜହରା □ ଆମେନ୍ □

୨୬ ଏଞ୍ଜାରି ଏଲେକିତାକି ମାହାପୁରୁ ଏଞ୍ଜାରାଲ୍ ଲାଜାଗାଟି ପାପୁ କାମାତା ହେରପିତେସି, ଇଚିହିଁ ଏଞ୍ଜାରି ତକ୍‌ସିକା ତକ୍‌ୟାଁ ତଲେ କୁଡ଼ାଲି ପିସାନା ଏଞ୍ଜି ତାମ୍‌ତୁତାୟୁ କିଆଗାଟି ଲାଜା କାମାୟାଁ କିତୁ

୨୭ ଏଲେକିହିଁଏ ଆବାୟାଁ ଜିକେଏ ଜାହାରା ତକ୍‌ ତଲେ କୁଡ଼ାଆନା ଜାହା ଜାହାରା ବିତ୍ରା ଲାଗେଏତି କାମା କିତେରି □ ଆବା ଆବାୟାଁ ତଲେ ଲାଜା ଆନି କାମା କିତେରି, ଏଦାଆଁତାକି ଏଞ୍ଜାରି ଲାଗେଏ କାମାତି ତଣ୍ ବେଟା ଆହିମାନେରି □

୨୮ ଅଡ଼େ ଏନିକିହିଁ ଏଞ୍ଜାରି ମାହାପୁରୁତି ବୁଦିତି କୁହାଲିଏ, ଏଲେକିହିଁଏ ମାହାପୁରୁ କିଆଗାଟି କାମା କିହାଲି ଏଞ୍ଜାରାଲ୍ ଲାଗେଏତି ଅଣ୍‌ପୁତା ହେରପିତେସି □

୨୯ ଏଞ୍ଜାରି ଦାମ୍ ହିଲାଆଗାଟାୟି, ଲାଗେଏ ପଲେଏ, ଜୁପକା ଅଡ଼େ ଇର୍‌ସା, ଲକୁଲ୍ ପାୟିନାୟି, ଗଡ଼ହା କିନାୟି, ନାଡ଼ିକିନାୟି ଅଡ଼େ ଲାଗେଏତି କାମା ନେଞ୍ଜାମାନେ;

୩୦ ଏଞ୍ଜାରି ଉଡୁପାତି, ନିନ୍‌ କିନାରି, ମାହାପୁରୁଲ୍ ଅପାଆଗାଟାୟି, ଲାଗେଏତି କାମା କିନାୟି, ଏଞ୍ଜାରି ଲାଗେଏ କାମା କିହାଲି ପାରୁ ପାରିନେରି; ଏଞ୍ଜାରି ତାଲି ତାଞ୍ଜିଲ୍ ମାନି କିଆଗାଟାରି,

୩୧ ଏଞ୍ଜାରି ବୁଦି ହିଲାଆ ଗାଟାରି, ଜାହାରା ହାତିକାତା ଆହଅରି □ ଇଞ୍ଜାଁ ଏଟ୍‌କାତାରାକି ଇଚାଣି କାମାଁ ହିଲେଏ □

୩୨ ଏଞ୍ଜାରି ପୁଞ୍ଜାମାନେରି, ମାହାପୁରୁତି ମେରା ଲେହେଁ ଇଲେତି ଲକୁ ହାନି ତଣ୍ ପାଣ୍‌ନାୟି ମାନେ, ଇଦାଆଁ ପୁଞ୍ଜାହାଁ ଜିକେଏ ଏଞ୍ଜାରି ଏଲେକିହିଁଏ ଲାଗେଏତି କାମା କିହିମାନେରି, ଅଡ଼େ ଏଲେତି କାମା କିହିମାନି ଲକୁତଲେ ରାହାଁତଲେ ଆଣ୍‌ନେରି □

୨

ମାହାପୁରୁତି ନୀହାୟି

୧ *ଏ ତାୟି ଅଡ଼େ ତାଜି, ମୀମ୍ ଏନାଆଁ ଏଟ୍‌କା ଲକୁଣି ନୀହାୟି କିହିମାଞ୍ଜେରି ? ମୀରୁ ଆମ୍‌ଆତେରି ଆଡ଼ିଜିକେଏ, ଇଲେ କିନାୟି ମିଙ୍ଗେ ତାକି ନେହେଁ ଆଏ, ଏଟ୍‌କା ଲକୁଣି ଦହ୍ ଦସାନା ମୀମ୍‌ସୁ ଏଲେତି କାମା କିହାନା ଏମ୍‌ାଟି ମୀରୁଏ ଦହ୍ କିହିମାଞ୍ଜେରି □*

† ୧:୧୪ ୧:୧୪ ଗ୍ରିକ୍ ‡ ୧:୧୪ ୧:୧୪ ବୁଦି ହିଲାଆ ଗାଟାରି, * ୧:୧୭ ୧:୧୭ ମାର୍କ ୮:୩୮ * ୧:୧୭ ୧:୧୭ ଏଡ଼ି ୨:୪ * ୧:୨୧ ୧:୨୧ ଏପିସି ୪:୧୭,୧୮ * ୧:୨୧ ୧:୨୧ ଏପିସି ୪:୧୭,୧୮ * ୧:୨୩ ୧:୨୩ ଝେ ମେରା ୪:୧୭-୧୮ * ୨:୧ ୨:୧ ମାତି ୭:୧; ଲୁକ ୬:୩୭ * ୨:୧ ୨:୧ ମାତି ୭:୧; ଲୁକ ୬:୩୭

୨ ଆମିନି ଗାଟାରି ଇଲେତି କାମା କିନେରି, ମାହାପୁରୁ ଏଲେତି ଲକୁଣି ସାତା ତଲେ ନୀହାୟି କିନେସି, ଇଦାଆଁ ମାମୁ ପୁଞ୍ଜାମାନମି □

୩ ଏ ତାୟି ଅଡେ ତାଜି, ଆମିନି ଗାଟାରି ଲାଗେଏତି କାମା କିନେରି, ଏଞ୍ଜାରାଇଁ ନୀହାୟି କିହାନା, ମାମୁଏ ଏଲେତି କାମା କିହିମାଞ୍ଜେରି, ମୀରୁ ମାହାପୁରୁତି ନୀହାୟିଟି ଜୀଣା ଆନାୟି ଇଞ୍ଜି ଅଣ୍ଡିମାଞ୍ଜେରି କି ?

୪ ଆଆତ, ମାହାପୁରୁତି ହାରେକା କାର୍ମାମେହନାୟି ମୀ ହିୟା ବାଦଲି କିନି ଖାକି ଅହାଲି ଅଣ୍ଡିମେ, ଇଦାଆଁ ପୁନାଆନା ମୀରୁ କି ତାନି କାର୍ମାମେହନାଣି, ସାସା, ଅରହାନା ଡୟିନି ଲେହେତି ଦନଇଁ ଅପିହିଲଅତେରି କି ?

୫ ସାମା ମୀରୁ ମୀ ଆବୁଞ୍ଜା ଅଡେ ବାଦଲି ଆଆଗାଟି ହିୟା ଲେହେ, ଆମିନି ଦିନା ମାହାପୁରୁତି ନୀହାୟି ତଞ୍ଜାଆନେ, ଏ କାରବିତି ଦିନାତାକି ଜାହାରାତାକି କାରବି କୁଡି କିହିମାଞ୍ଜେରି;

୬ ଏଞ୍ଜାସି ବାରେ ଲକୁତାକି ତାନି କିହାମାନି କାମାତି ପାଡେୟି ହୀନେସି;*

୭ ଆମିନି ଗାଟାରି ସାସାତଲେ ନେହୁଁ କାମା କିହାନା ଗାଧୁରମି, ମାନି ଇଞ୍ଜା ହାଆଗାଟାଣି ପାରିନେରି, ଏଞ୍ଜାରାକି କାଲାକାଲାତି ଜୀଞ୍ଜୁ ହୀନେସି,

୮ ଆମ୍ବାଆରି ଖାରଇ ତାମଙ୍ଗେ ଅଣ୍ଡିମେରି, ଇଞ୍ଜା ସାତାତି ମାନୁଞ୍ଜି ଆଅରି, ସାମା ଲାଗେଏତାଣି ମାନୁଞ୍ଜି ଆନେରି; ଏଞ୍ଜାରାକି କାରବି ଅଡେ କପା ଖାନେ,

୯ ଆମ୍ବାଆରି ଲାଗେଏତି କାମା କିହିମାନେରି ଏଞ୍ଜାରାକି କାକୁଲି ଅଡେ କସୁତି ଦିନା ଖାହିମାନେ, ମୁଲୁଏ ଜୀହୁଦି ଲକୁତାକି ଇଞ୍ଜା ତାୟି ଜୀହୁଦିଆଆତି ଲକୁତାକି ଆନେ □

୧୦ ସାମା ମୁଲୁଏ ଜୀହୁଦି ଲକୁକି ଅଡେ ଜିକେଏ ଜୀହୁଦିଆଆତି ଲକୁତାକି, ନେହୁଁ କାମା କିହାମାନି ବାରେଜାଣା ତାକି ଗାଧୁରମି, ମାନି ଇଞ୍ଜା ହିଡଡି ହିୟାନେସି □

୧୧ ଇତିହୁଁ ମାହାପୁରୁ ତାଣା ପାରଡା ବାଟି କିନାୟି ହିଲେଏ □*

୧୨ ଜୀହୁଦିଆଆତି ଲକୁକି ମସାତି ମେରା ହିଲାଆନା ପାପୁ କିହାମାନେରି; ଏଞ୍ଜାରି ଜିକେଏ ମସାତି ମେରା ହିଲାଆନା ନାସା ଆନେରି, ଅଡେ ଏଚେକା ଜୀହୁଦି ଲକୁକି ମସାତି ମେରା ପୁଞ୍ଜାମାନାକି; ଏଞ୍ଜାରି ପାପୁ କିହାମାନେରି ଅଡେ ଏ ମେରା ତଲେ ନୀହାୟି କିଞ୍ଜିଆନେରି □

୧୩ ଇତିହୁଁ ମେରାତି ଖେଞ୍ଜାନା ଲକୁ ମାହାପୁରୁ ନକିତା ଦାମୁଗାଟାରି ଆଅରି, ସାମା ମେରାତି ମାନୁଞ୍ଜି ଆଡିସାରେ ଦାମୁଗାଟାରି ଆନେରି □

୧୪ ଜୀହୁଦିଆଆତି ଲକୁକି ମେରା ହିଲାଆତିହୁଁ ଜିକେଏ ଏତିବେଲା ଏଞ୍ଜାରି ମେରାତା ମାନି ଲେହେଁ କାମା କିନେରି, ଏତିବେଲା ଏଞ୍ଜାରି ମେରା ବେଟା ଆଆତିହୁଁ ଜିକେଏ ତାମଙ୍ଗେ ମେରା ଲେହେଁ ଆନେ;

୧୫ ଏଞ୍ଜାରି କିହିମାନି କାମାତି ଇଦି ନେହୁଁ ତଲେ ତଞ୍ଜା ଆହିମାନେ, ମେରାତି ମାନି ଏଞ୍ଜାରି ହିୟାତା ରାସକି ଆହାମାନେ □ ଇ କାତାତି ସାତା ଏଞ୍ଜାରି ଅଣ୍ଡିପୁତା ଜିକେଏ ପାରମାଣା ସାତା ତଲେ ଅଣ୍ଡିମାଟି ଅଣ୍ଡିମି ଅଣ୍ଡିପୁ ଏଞ୍ଜାରି କାତାତା ରାକି ଆହିମାନେ, ସାତା ଅଣ୍ଡିପୁ ଅଣ୍ଡିମାଟି ଅଣ୍ଡିପୁ ଏଞ୍ଜାରାଇଁ ନେହାରି କିନେ, ଲାଗେଏତି ଅଣ୍ଡିପୁ ଅଣ୍ଡିମାଟି ଦହ କିହିମାନେ □

୧୬ ଏମିନି ଦିନା ମାହାପୁରୁ କ୍ରୀସୁ ଜୀସୁ ତାଣାଟି ମାଣସିତି ତରୁମାନି କାତା ବାରେ ନୀହାୟି କିନେସି, ଏ ଦିନା ନାନୁ ଖେକିହିମାନି ନେହୁଁ କାବୁ ଲେହେଁ ଇ ବାରେ ଆନେ □

ଜୀହୁଦି ଲକୁ ଅଡେ ମେରା

୧୭ ମୀରୁ ଜାହାରାଇଁ ଜୀହୁଦିତମି ଇଞ୍ଜା କଡିମାଞ୍ଜେରି; ମେରାତି ବାର୍ସୁ ଇଟାମାଞ୍ଜେରି ଅଡେ ମାହାପୁରୁ ତାଣା ବତପଣ କିହିମାଞ୍ଜେରି;

୧୮ ଅଡେ ମସାତି ମେରାଟି ଜାପାନା ଏଞ୍ଜାଣି ଅଣ୍ଡିପୁ ପୁଞ୍ଜିମାଞ୍ଜେରି, ଇଞ୍ଜା ନେହାଣି ଲାଗେଏତାଣି ବାଟି କିହିମାଞ୍ଜେରି,

୧୯ ସାତେଏ ମୀରୁ ନେହୁଁ କିହୁଁ ପୁଞ୍ଜାମାଞ୍ଜେରି, ମୀରୁ କାଣାୟାଣି ଜିରୁ ତହନାତେରି, ଆନେରିତା ମାନି ଲକୁତାକି ଉଜେଡି ଲେହେଁ,

୨୦ ବୁଦି ହିଲାଆ ଲକୁଣି ଖେହନାତେରି, ପୁନାଆତି ଲକୁଣି ଜାପନାତେରି □ ମୀ ନାମୁ, ମେରାଟି ମୀରୁ ସାତା ଅଡେ ବୁଦି ମେଡା ଆହାମାଞ୍ଜେରି □

୨୧ ମୀରୁ ଏଚକାତି ଲକୁଣି ଜାପୁହି ମାଞ୍ଜେରି, ସାମା ଜାହାରାଇଁ ଏନାଆଁତାକି ଜାପୁହି ହିଲଅତେରି ? ସରୁ କିଆଦୁ ଇଞ୍ଜି ଜାପୁହାନା ମୀରୁଏ ଏନାଆଁତାକି ସରୁ କିହିମାଞ୍ଜେରି ?

୨୨ ଦାରି କିଆଦୁ ଇଞ୍ଜି ଇଞ୍ଜାନା ମୀରୁଏ ଦାରି କିହିମାଞ୍ଜେରି ? ମୀରୁ ପେଣକା ବମାୟା ପୂଜା ଅପାଆନା ଦେଖୁଡିକାତି ଦିଶ୍ସୁ ମାଣ୍ଡି ହିଲଅତେରି କି ?

୨୩ ମୀରୁ ମାହାପୁରୁତି ମେରା ବେଟା ଆହାମାନମି ଇଞ୍ଜି ବତପଣ ଆହିମାଞ୍ଜେରି, ସାମା ଏଦାଆଁ ମାନି କିଆନା ମାହାପୁରୁଇଁ ଲାଜା ପାଣ୍ଡି କିହିମାଞ୍ଜେରି କି ?

୨୪ ସାସ୍ତେରିତା ରାସକି ଆହାମାନେ, “ମିଙ୍ଗେ ତାକି ଜୀହୁଦିଆଆତି ଲକୁତାଣା ମାହାପୁରୁ ଦରୁ ନିନ୍ଦା ବେଟା ଆହିମାନେ □”*

୨୫ ମୀରୁ ମେରାତି ମାନି କିହିମାଟିସାରେ, ମୀ ତଲୁ ଦାପିଆନାୟି ଲାବା ମାନେ □ ସାମା ମେରାତି ମାନି କିଆସାରେ, ମୀ ତଲୁ ଦାପି ଆଡାୟି ତଲୁ ଦାପିଆଆତି ଲକୁତଲେ ସମାନା □

୨୬ ର ଜୀହୁଦିଆଆତି ଲକୁ ମେରାତି ହୁକୁମିକା ମାନି କିଟିସାରେ ମାହାପୁରୁ ଏଞ୍ଜାଣାଇଁ ତଲୁ ଦାପି ଆଡାସି ଲେହେଁ ଇନଅସି କି ?

୨୭ ଏଦାଆଁତାକି ଆଙ୍ଗା ତଲେ ତଲୁ ଦାପିଆଆତି, ଆମିନି ଜୀହୁଦିଆଆତାରି ମସାତି ମେରା ମାନି କିନେରି,

☆ ୨:୨ ୨:୨ ପାଚୁ ୨୨:୧୨ ☆ ୨:୧୧ ୨:୧୧ ଖେ ମେରା ୧୦:୧୭ ☆ ୨:୨୪ ୨:୨୪ କିସା ୫୨:୫

ଆତିହାସିକ ମସା ରାଚିତି ମେରା ଅଡ଼େ ତଲୁ ଦାପି ଆତିଜିକେଏ ମେରା ମାନି କିହିହିଲଅତେରି, ଏଝାରି ମିଜେ ବିଚାରା କିୟାନେରି □

୨୮ ଝାଝର ଆଜା ତଲେ ତଲୁ ଦାପି ଆହାନା ପାଜାତା ଜାହୁଦି ଇଞ୍ଜିହିଁ ତସାକତିମାନି ଲକୁ ଜାହୁଦି ଆଏ □

୨୯ ଆମ୍ବାଆସି ହିୟାଁ ବିତା ଜାହୁଦି, ଏଝାସି ସାତା ତଲେ ଜାହୁଦି, ଅଙ୍କରି ତଲେ ଆଏ, ଜାହୁ ଅଡ଼େ ହିୟାଁ ତଲେ ଆମ୍ବାଆସି ତଲୁ ଦାପି ଆଡାସି, ଏଦି ସାତା ତଲୁ ଦାପି ଆନାୟି □ ଏଲେତି ଲକୁ ମାଣ୍ଠସି ତାଣାଟି ମାନି ବେଟାଆସି, ସାମା ମାହାପୁରୁ ତାଣାଟି ମାନି ବେଟା ଆନେସି □

୩

୧ ଆତିହାସିକ ଜାହୁଦିଆଆତି ଲକୁ କିହାଁ ଜାହୁଦି ଲକୁକି ଏନାୟି ଗାତି ଲାଡା ମାନେ ? ତଲୁ ଦାଝନାୟି ଏନି ଲଡାମାନେ ?

୨ ହାରେକାତି, ମୁଲୁଏ ମାହାପୁରୁ ତାନି ନେହଁ କାରୁ ଝେକହାଲି ଦାୟିପତି ଜାହୁଦି ଲକୁକି ହେରପିତେସି □

୩ ଆତିହାସିକ ଏନାୟି ? ଜାହୁଦିଜା ତାଣାଟି ଏଚରଜାଣା ନାମାଆସାରେ, ଏଝାରି ମାନି କିଆଗାଟାୟି ଏନାଆଁ ମାହାପୁରୁ ନାମୁତି ଉଜେଏ କିନେ ?

୪ ଏଲେଆହଁ ଆଆପେ, ଲକୁ ବାରେଜାଣା ମିତିତାରି ଆତିହାସିକ ଜିକେଏ ମାହାପୁରୁ ସାତା □ ସାଝେରିତା ରାସ୍‌କି ଆହାମାନେ;

“ନୀ ବଲୁ ତଲେ ନୀନୁ ଦାମ୍ବୁ ଗାଟାତି ଇଞ୍ଜିହିଁ ଝେଜିଦି, ନୀହାୟି ଆନି ବେଲାତା ନୀନୁ ଜାଣା ଆଦି □” *

୫ ମା ଲାଗେଏତି କାମା ମାହାପୁରୁତି ନେହଁ କାମାତି ପାରମାଣା କିନେ, ଆତିହାସିକ ମାର ଏନାଆଁ ଇନାୟି ? ଆମିନି ମାହାପୁରୁ ଲାଗେଏତି କାମାତାକି ତଣ୍ଡ ହାନେସି, ଏଝାସି କି ଦାମ୍ବୁ ହିଲାଆଗାଟାସି ? ନାନୁ ମାଣ୍ଠସିଲେହେଁ ଝେସିମାଲ୍ □

୬ ଏଲେଆହଁ ଆଏ □ ମାହାପୁରୁ ଦାମ୍ବୁଗାଟାସି ଆଆତିହାସିକ, ଏଝାସି ଏନିକିହଁ ଦାରତିତି ନୀହାୟି କିନେସି ?

୭ ସାମା ନା ମିତି ତଲେ ମାହାପୁରୁତି ସାତାତାୟି ତାନି ଗାଝୁରମି ତାକି ହାରେକା ଗାତି ଆଡେ, ଆତିହାସିକ ନାନୁ ପାପୁ ଗାଟାଟେଏଁ ଇଞ୍ଜିହିଁ ଏନାଆଁତାକି ନୀହାୟି କିଝି ଆଇଁ ?

୮ ମାର ଏନାଆଁତାକି ଏଲେଇନାଆୟି, “ଝାଦୁ ମାର ଲାଗେଏତି କାମା କିନ, ଆତିହାସିକ ମାଜେତାକି ନେହେଁ ଆନେ ?” ନାନୁ ଇଲେତି କାତା ଝେସିମାନାକି ଦାଝା କିହାନା ଏତେକା ଲକୁ ନାଜେ ନିନ୍ଦା କିହିମାଜାନେରି, ଏଝାରି ଇଦାଆଁତାକି ଆମିନି ତଣ୍ଡ ପାଣ୍ଠନାୟି ମାନେ, ସାତାତଲେ ବେଟାଆନେରି □

ଦାମ୍ବୁଗାଟାସି ଆମ୍ବାଆସି ହିଲଅସି

୯ ଆତିହାସିକ ଜାହୁଦି ଲକୁ ଜାହୁଦିଆଆତି ଲକୁ କିହାଁ ହାରେକା ନେହାଁରି ମାନେରି ? ଏତେଲାଝା ଆଏ, ନାନୁ ନକେଏ ଝେସାମାଞ୍ଜାଇଁ ଜାହୁଦି ଅଡ଼େ ଜାହୁଦିଆଆତି ଲକୁ ପାପୁତି ବାଡ଼ୟୁତା ମାନେରି,

୧୦ ଦାମ୍ବୁ ସାଝେରିତା ରାସ୍‌କି ଆହାମାନେ;

“ଦାମ୍ବୁଗାଟାସି ଆମ୍ବାଆସି ହିଲଅସି, ରଅସି ଜିକେଏ ହିଲଅସି,★

୧୧ ରଅସି ଜିକେଏ ବୁଦିଗାଟାସି ହିଲଅସି;

କି ମାହାପୁରୁଇଁ ପାରିନାସି ହିଲଅସି □

୧୨ ଏଝାରି ବାରେଜାଣା ମାହାପୁରୁ ତାଣାଟିଏ ହେକ ହାଜାମାନେରି;

ଏଝାରି ବାରେଜାଣା ଲାଗେଏ ଜିରୁତା ହାଜାମାନେରି;

ଆମ୍ବାଆସି ଜିକେଏ ରଅସି ସାତାପାଣାଟି କାମାକିନାସି ହିଲଅସି □

୧୩ ଏଝାରି ହାଡା ଦେପିଆତି ମାଡ଼ହା ମୁହନି ଟାୟୁ,

ଏଝାରି ଗୁତିଟି ମିତି କାତା ହଡ଼ିମାନେ,

ଲୁଡା ତଇ ଅରୁ କାଟାମାନି ରାଚୁତି ବୀସାମାନେ □★

୧୪ ଏଝାରି ଗୁତିଟି କାତା କାମ୍ବେଲି ଗାଟାୟି ଇଞ୍ଜାଁ ବାକା ତଲେ ନେଞ୍ଜାମାନେ □ ★

୧୫ ଏଝାରି ଇର୍ହାଲି ଅଡ଼େ ପାୟାଲି ଦେବୁଣିଏ ହନେରି □★

୧୬ ଏଝାରି ଆମ୍ବିୟାଝାକି ହାନେରି, ଏମ୍ବାଆଁ ନାସା ଇଞ୍ଜାଁ ସାସ୍ତି ବେଟାଆନେରି □

୧୭ ଏଝାରି ହିଡ଼ିତି ଜିରୁ ପୁଞ୍ଜାହିଲଅରି,

୧୮ ମାହାପୁରୁଇଁ ଆଜିନାୟି ଏଝାରି ନକିତା ହିଲେଏ □”★

୧୯ ମାର ପୁଞ୍ଜାମାନାୟି, ମେରା ମାନି କିହିମାନେରି, ଏମ୍ବାତି ବାରେ ହୁକୁମିଇଁ ଏଝାରି ମାନି କିନାୟିମାନେ □ ମାହାପୁରୁ ଏତିବେଲା ବାରେ ଦାରତିତି ବିଚାରା କିନେସି, ମେରାତି ମାନି କିଆଗାଟି ଲକୁ ଜାହାରାଇଁ ଦହ୍ ହିଲାଆ ଗାଟାତମି ଇଞ୍ଜିହିଁ ଇଞ୍ଜାଲି ଆଡ଼ଅରି □

୨୦ ★ସାମା ମେରା ତଲେ କିନି କାମା ମାନି କିହାଁ ଆମ୍ବାଆସି ଜିକେଏ ମାହାପୁରୁ ନକିତା ଦାମ୍ବୁଗାଟାସି ଆହାଲି ଆଡ଼ଅସି □ ଇତିହାସିକ ମେରାଟି ମାଣ୍ଠସି ଝାଝର ପାପୁତି ପୁଞ୍ଜାଲି ଆଡ଼ିମାନେସି □★

ନାମୁତଲେ ଦାମ୍ବୁଗାଟି ଲକୁ ଆନାୟି

୨୧ ମାହାପୁରୁ ମାଣ୍ଠସିଇଁ ତାନିତଲେ ନେହଁକଁ ଆଣ୍ଡାଲି ତାକି ମେରା ପିସପେ ଏନାଆଁ କିହାମାନେସି, ଏଦି ନୀଏଁ ତଞ୍ଜା ଆହିମାନେ □ ଏ କାତା ମସାତି ମେରା ଇଞ୍ଜାଁ ମାହାପୁରୁ ଅଣ୍ଡପୁତି ବଲୁ ଝେହ୍‌ନାରି ଜିକେଏ ସାକି ହାହାମାନେରି □

★ ୩:୪ ୩:୪ ପାରୁ ୫୧:୧୫ ★ ୩:୧୦ ୩:୧୦ ପାରୁ ୧୪:୧-୩; ୫୩:୧-୩ ★ ୩:୧୩ ୩:୧୩ ପାରୁ ୫:୯; ୧୪୦:୩ ★ ୩:୧୪ ୩:୧୪ ପାରୁ ୧୦:୭ ★ ୩:୧୫ ୩:୧୫ ଜିସା ୫୯:୭,୮ ★ ୩:୧୮ ୩:୧୮ ପାରୁ ୩୭:୧ ★ ୩:୨୦ ୩:୨୦ ଗାଲା ୨:୧୭ ★ ୩:୨୦ ୩:୨୦ ପାରୁ ୧୪୩:୨; ଗାଲା ୨:୧୭ ★ ୩:୨୨ ୩:୨୨ ଗାଲା ୨:୧୭

୨୨ ☆ଝାରଈ ଜୀସୁ କ୍ରୀସ୍ତ ତାଣା ନାମିତାକି ଲକ୍ଷୁ ମାହାପୁରୁ ନକିତା ଦାମ୍ଭୁଗାଟାରି ଆନେରି □ ମାହାପୁରୁ ଆମ୍ବାଆରାଈ ପାରତ୍ତା ବାଟି କିଆନା କ୍ରୀସ୍ତଈ ନାମିତି ବାରେ ଜାଣାକି ର ପାରୁ ହୀନେସି □☆

୨୩ ବାରେଜାଣା ପାପୁ କିହାମାନେରି ଅଡେ ମାହାପୁରୁତି ଗାଝୁରମିଟି ହେକ ଆହାମାନେରି □

୨୪ ସାମା, ଏଝାରି ଉଜେଏ ମାହାପୁରୁତି କାମ୍ବାମେହୁନି ଦାନା ତଲେ କ୍ରୀସ୍ତ ଜୀସୁ ତାଣା ଆମିନି ଗେଲ୍ପି ଆନାୟି ମାନେ, ଏଦାଆଁ ତଲେ ଦାମ୍ଭୁଗାଟାରି ଆନେରି □

୨୫ ମାହାପୁରୁ ଜୀସୁଈ ଦାନା ହୀତେସି, ଏନିକ୍ ଏଝାଣି ହାକି, ଏଝାଣି ତାଣା ନାମାମାନି ଲକ୍ଷୁତାକି ପାପୁ ମେଣ୍ଡାଜିନି ଉପେୟି ଆନେ □ ମାହାପୁରୁ ଅର୍ହାନା ଲକ୍ଷୁ କିହାମାନି ତଲିତି ପାପୁତି ତସାହିଲଅସି □

୨୬ ସାମା ନୀଏଁ ଏଝାସି ଜାହାରା ଦାମ୍ଭୁ ଗାଟାଣି ତସାଲି ତାକି ପାପୁ ମେକ୍ନି ମେରା କିହାମାନେସି □ ଈଦାଆଁ ତଲେ ମାହାପୁରୁ ତସାମାନେସି, ଏଝାସି ତାନ୍ତୁଏ ଦାମ୍ଭୁଗାଟାସି ଇଞ୍ଜା ଆମ୍ବାଆସି ଜୀସୁ ତାଣା ନାମିନେସି, ଏଝାସି ବାରେଜାଣାତି ଦାମ୍ଭୁ ଗାଟାରିଲେହେଁ ଆବିନେସି □

୨୭ ଆତିହ୍ ଆମିନି କାତାତା ମାର ବତପଣ ଆନାୟି ଆଏ, ଏଲେତି କାତା ଏନାୟି ହିଲେଏ □ ବତପଣ ଆହାଲିତାକି ମା ତାଣା ଏନାୟି ମାନେ ? ମାର ବାରେ ହୁକ୍ମି ମାନଝି ଆହିମାନାୟି ଇଞ୍ଜହ୍ କି ? ଆଏ, ଝାରଈ ନାମ୍ବୁଏ ମା ବତପଣ ଆନେ □

୨୮ ମାର ନେହ୍ କ୍ ତେଲ୍ହାଲି ଆଡିନାୟି ରଅସି ଝାରଈ ତାନି ନାମୁତଲେ ମାହାପୁରୁ ନକିତା ଦାମ୍ଭୁଗାଟାସି ଇଞ୍ଜା ଝେଙ୍ଗାମେସି, ମେରାତି ମାନି କିତିସାରେ ଆଏ □

୨୯ ମାହାପୁରୁ ଝାରଈ ଜୀହୁଦି ଲକ୍ଷୁତି ମାହାପୁରୁକି ? ଏଝାସି ଜୀହୁଦିଆଆତି ଲକ୍ଷୁତି ମାହାପୁରୁ ଆଏକି ? ସାତେଏ ଏଝାସି ବାରେ ଲକ୍ଷୁତି ମାହାପୁରୁ □

୩୦ ଏନାଆଁତାକି ଇତିହ୍, ମାହାପୁରୁ ରଅସିଏ, ଅଡେ ଏଝାସି ଜୀହୁଦି ଇଞ୍ଜା ଜୀହୁଦିଆଆତି ଲକ୍ଷୁତି ନାମୁ ତାକି ଏଝାସି ଏଝାରାଈ ଦାମ୍ଭୁ ଗାଟାରିଲେହେଁ ଆବିନେସି □☆

୩୧ ଆତିହ୍, ମାର କି ନାମୁତଲେ ମସାତି ମେରା ମେକ୍ନି ମାନାୟି ? ଏଡି ଏଚେଲା ଜିକେଏ ଆଆପେ, ସାମା ମାର ନାମୁତଲେ ମସାତି ମେରାଈ ଜାଣେ ତାରି କିହିମାନାୟି □

୪

ଅବ୍ରାହାମତି ମାଣ୍ଡକି

୧ ଆତିହ୍ ଆଜା ତଲେ ମା ଆକୁ ଅବ୍ରାହାମ ଏନାଆଁ ବେଟାଆହାମାନେସି ଇଞ୍ଜହ୍ ମାର ଏଲେଇନାୟି ?

୨ ଅବ୍ରାହାମ ତାନି ଜାହାରା କାମାତି ମାହାପୁରୁ ତାଣା ଦାମ୍ଭୁଗାଟାସି ଆହା ମାତିହ୍ ମା, ଏଝାଣାକି ବତପଣ

କିନି କାତା ମାଚେ □ ସାମା ମାହାପୁରୁ ଝାକିଟି ଏଡି ଆହାହିଲାଆତେ □

୩ ☆ଦାମ୍ଭୁ ସାସ୍ତେରି ଲେହେଁ, “ଅବ୍ରାହାମ ମାହାପୁରୁଈ ନାମିତେସି, ଅଡେ ଏ ନାମୁତାକି ମାହାପୁରୁ ଏଝାଣାଈ ଦାମ୍ଭୁ ଗାଟାଣି ଲେହେଁ ଅପିତେସି □”

୪ ଆମ୍ବାଆସି କାମା କିନେସି, ଏଝାଣାକି ତାନି କୂଲି ମେଡାଆନେ, ଏଡି ଦାନା ହୀନାୟି ଆହାଲି ଆଡେଏ, ଏଡି କାମାତି ପାଡେୟି ଇଞ୍ଜା ଇଣ୍ଡି ଆନେ □

୫ ସାମା ଆମ୍ବାଆସି ତାନି କାମାତା ଆସା କିଆନା, ଦାମ୍ଭୁ ହିଲାଆଗାଟାଣାଈ ଏମିନି ମାହାପୁରୁ ଦାମ୍ଭୁଗାଟାସି ଇଞ୍ଜା ଆବିନେସି, ଏଝାଣି ତାଣା ନାମିନେସି, ଏଝାଣି ନକିତା ଏଝାଣି ନାମୁ ଦାମ୍ଭୁଗାଟାୟି ଇଞ୍ଜା ଝେଙ୍ଗାମେ □

୬ ଆମିନି ଲକ୍ଷୁଈ କାମା ଲଡାତି ସିନି କିଆନା ମାହାପୁରୁ ଏଝାଣାଈ ଦାମ୍ଭୁଗାଟାସି ଇଞ୍ଜା ଆବିନେସି, ଏଝାଣାଈ ନେହ୍ସି ଇଞ୍ଜା ଦାଝୁଦ ଏଲେଇଞ୍ଜା ମାନେସି;

୭ ☆“ଆମ୍ବାଆରି ଦହ୍ ମେଣ୍ଡାଜି କିଝିଆହାମାନେ, ଆମ୍ବାଆରି ପାପୁ ମେଣ୍ଡାଜି କିଝିଆହାମାନେ, ଏଝାରାକି ନେହେଁ □

୮ ପ୍ରବୁ ଆମ୍ବାଆରି ପାପୁ ଆହ୍ ଅସି, ଏଝାଣାକି ନେହେଁ □”

୯ ଈମ୍ବାଆଁ ଦାଝୁଦ ଆମ୍ବାଆରାଈ ନେହେଁ ଇଞ୍ଜା ଝେସାମାନେସି, ଏଝାରି କି ଝାରଈ ତଲୁ ଦାପି ଆଡି ଲକ୍ଷୁ ମାଚେରି ? କି, ତଲୁ ଦାପିଆଆତି ଲକ୍ଷୁ ଜିକେଏ ନେହ୍ସି ଆହାଲି ଆଡିନେରି □ ମାର ଏଲେ ଇଞ୍ଜିମାନାୟି, “ଅବ୍ରାହାମ ନାମୁତଲେ ଦାମ୍ଭୁଗାଟାସି ଇଞ୍ଜା ଝେଙ୍ଗାମେସି □”

୧୦ ଆତିହ୍ ଏଡି ଏଚେଲା ଆହାମାଚେ ? ଅବ୍ରାହାମ ତଲୁ ଦାପି ଆଡି ତାୟି କି, ତାନି ନକେଏ ? ତଲୁ ଦାପି ଆଆନକେଏ, ତାୟି ଆଏ □

୧୧ ତଲୁ ଦାପି ଆଡି ନକେଏ ଅବ୍ରାହାମ ନାମୁ ତାକି ମାହାପୁରୁ ଏଝାଣାଈ ଦାମ୍ଭୁ ଗାଟାଣା ଲେହେଁ ଆବା ମାଚେସି □ ଈଦାଆଁ ପୁଣ୍ଡି କିହାଲିତାକି ର ସିନାଲେହେଁ ଅବ୍ରାହାମ ଈ ତଲୁ ଦାପିଆଡି ମେରା ବେଟାଆହା ମାଚେସି, ଇତିହ୍, ଆମିନି ଗାଟାରି ତଲୁ ଦାପି ଆଆନା ଜିକେଏ ମାହାପୁରୁ ତାଣାତି ଦାମ୍ଭୁଗାଟାସି ଇଞ୍ଜହ୍ ଆବିତାସି, ସୁଦୁ ମାଣ୍ଡକିଟି ଅବ୍ରାହାମ ଏଝାରି ତାଞ୍ଜି □☆

୧୨ ଆବା ଅବ୍ରାହାମ ତଲୁ ଦାପି ଆଡି ନକେଏଟିଏ ଆମିନି ନାମୁତି କାତା ତସାମାଚେସି, ତଲୁ ଦାପିଆଆତି ଲକ୍ଷୁ ଜାହାରା ଜୀଝୁତା ଏଲେତି ନାମୁ ତସାଲି ଆଡିସାରେ, ଅବ୍ରାହାମ ଏଝାରାକି ଜିକେଏ ତାଞ୍ଜି ଆନେସି □

ମାହାପୁରୁତି ଆଞ୍ଜାମାନାଣି ନାମୁତଲେ ବେଟାଆନାୟି

୧୩ ☆ଅବ୍ରାହାମ ମେରାତି ମାନି କିହାମାନାକି ଆଏ □ ଝାରଈ ତାନି ନାମୁ ତାକି ମାହାପୁରୁ ତାଣାତି ଦାମ୍ଭୁଗାଟାସି ଇଞ୍ଜା ଝେଙ୍ଗାମାଚେସି ଇଞ୍ଜା ଏଦାଆଁତାକି ତାନି ମୀରକା

☆ ୩:୨୨ ୩:୨୨ ଗାଲା ୨:୧୭ ☆ ୩:୩୦ ୩:୩୦ ଝେ ମେରା ୭:୪; ଗାଲା ୩:୨୦ ☆ ୪:୩ ୪:୩ ମୂଲୁ ୧୫:୭; ଗାଲା ୩:୭ ☆ ୪:୭ ୪:୭ ପାରୁ ୩୨:୧,୨ ☆ ୪:୧୧ ୪:୧୧ ମୂଲୁ ୧୭:୧୦ ☆ ୪:୧୩ ୪:୧୩ ଗାଲା ୩:୨୯ ☆ ୪:୧୩ ୪:୧୩ ମୂଲୁ ୧୭:୪-୭; ୨୨:୧୭,୧୮; ଗାଲା ୩:୨୯

ମାୟକା ଦାର୍ତ୍ତି ଅଦିକାରା ବେଟାଆନେରି ଇଞ୍ଜି
ମାହାପୁରୁ ଆଞ୍ଜାମାତେସି □*

୧୪ *ଆମ୍ବାଆରି ମେରାତି ମାନି କିନାରି, ଖାରୁଇ
ଏଞ୍ଜାରି ମାହାପୁରୁତି ଦାନା ବେଟାଆନେରି ଇଚିସାରେ,
ମାଣସିତି ନାମୁ ଉଜେଏ, ମାହାପୁରୁ ଆଞ୍ଜାମାନାୟି ଜିକେଏ
ଉଜେଏତାୟି ଆନେ □*

୧୫ ଇଚିହିଁ ମସାତି ମେରା ଉରିନି ତାଣାଟି ମାହାପୁରୁତି
କାର୍ବି ଗାଟାସି ଆନେସି, ସାମା ଆମ୍ବିୟା ମେରା ହିଲେଏ,
ଏମ୍ବାଆଁ ମେରା ଉରିନି କାତା ହିଲେଏ □

୧୬ *ଏଦାଆଁତାକି ମାହାପୁରୁତି ଆଞ୍ଜାମାନାୟି ନାମୁ
ଅଡ଼େ କାର୍ମାତି ଲାକ ଇଚ୍ଚକି ଆହାମାନେ □ ଆମିନି
ଗାଟାରି ମେରାତି ମାନି କିନେରି, ଖାରୁଇ ଏଞ୍ଜାରିକିଦେହେଁ
ମାହାପୁରୁତି ଆଞ୍ଜାମାନାୟି ଆଏ □ ଅବ୍ରାହାମ ଲେହେଁ
ନାମିମାନି ବାରେ ଲକୁତାକି ଜିକେଏ ଆନେ, ଏଦାଆଁତାକି
ଇଚିହିଁ ଅବ୍ରାହାମ ଏଞ୍ଜାରି ସୁଦୁ ମାଣକିତି ତାଞ୍ଜି;*

୧୭ ଆମିନି ମାହାପୁରୁଇଁ ଅବ୍ରାହାମ ନାମିମାତେସି,
ଆମ୍ବାଆସି ହାତାରାଇଁ ଖେଣ୍ଡେ ଜୀଝୁ କିନେସି, ଅଡ଼େ
ହିଲାଆଗାଟି ଦିଶ୍‌ସୁତି ମାନି ଲେହେଁ ହାଟିନେସି, ଏ
ମାହାପୁରୁ ନକିତା ଏଞ୍ଜାସି ମା ତାଞ୍ଜି ଆହାମାନେସି, ଇ
କାତା ଦାମ୍ବୁ ସାସ୍ତେରିତା ରାସ୍‌କି ଆହାମାନେ, “ନିଜେ
ହାରେକା କୃତାତି ଲକୁତି ତାଞ୍ଜି କିହାମାଞ୍ଜାନମି □”*

୧୮ ଆସା କିନାୟି ଏନାୟି ହିଲାଆତି ଜିକେଏ ଅବ୍ରାହାମ
ନାମିତେସି ଇଞ୍ଜା ଆସା ଇଚିତେସି, ଏଦାଆଁତାକି
“ହାରେକା କୃତାତି ତାଞ୍ଜି” ଆଡେସି □ ଦାମ୍ବୁ ସାସ୍ତେରିତା
ରାସ୍‌କି ଆହାମାନେ, “ନୀ କୃତା ହୁକାୟାଁ ଲେହେଁ
ଏଦାଆନେରି □”*

୧୯ ଏଞ୍ଜାଣାକି ଏଚିବେଲା ପାସାକଡ଼ି ବାର୍ଯ୍ୟା ଆହାମାତାକି
ଏଞ୍ଜାସି ତାନି ଆଜାତି ହାତାୟି ଇଞ୍ଜା ସାରା ଅଡ଼େ କକାରି
ପଦାଁ ଆନି ଗାରା ଜିକେଏ ହାତାୟି ଇଞ୍ଜି ଅଣ୍ଡପିତି
ଜିକେଏ ନାମୁତା ଉଣା ଆଆତେସି □ *

୨୦ ଏଞ୍ଜାସି ତାନି ନାମୁ ପିହୁଆତେସି, କି ମାହାପୁରୁ
ଆଞ୍ଜାମାନାଣି ଆନାମାନା ଆଆତେସି □ ଏଞ୍ଜାସି ନାମୁତା
ବାଡ଼ୁୟୁ ଆଡେସି ଇଞ୍ଜା ମାହାପୁରୁଇଁ ଜହରା କିତେସି □

୨୧ ମାହାପୁରୁ ଏନାଆଁ ଆଞ୍ଜାମାତେସି, ଏଞ୍ଜାସି ଏଦାଆଁ
ମାନି କିନେସି ଇଞ୍ଜି ଏଞ୍ଜାଣାକି ଜାଣ୍ଡେ ନାମୁ ମାତେ □

୨୨ ଏଦାଆଁତାକି ତାନି ନାମୁତଲେ ଅବ୍ରାହାମ,
“ମାହାପୁରୁ ତାଣାଟି ଦାମ୍ବୁଗାଟାସି ଆହାମାତେସି □”*

୨୩ “ଅବ୍ରାହାମ ଦାମ୍ବୁଗାଟାସି ଇଞ୍ଜି ଖେଙ୍ଗାମାତି” କାତା
ଖାରୁଇ ଏଞ୍ଜାଣି ତାକିଏଦେଁ ରାସ୍‌କି ଆହାହିଲେଏ □

୨୪ ସାମା ଇ କାତା ମାଜେତାକି ଜିକେଏ ରାସ୍‌କି
ଆହାମାନେ; ଇଚିହିଁ ଆମ୍ବାଆସି ମା ପ୍ରବୁ ଜୀସୁଇଁ ହାତାରି
ତାଣାଟି ନିକହାମାନେସି, ଏଞ୍ଜାଣି ତାଣା ମାର ନାମିମାନାୟି,
ମାଜେତାକି ଜିକେଏ ଏଦି ଆନେ □

୨୫ ଏ ପ୍ରବୁ ଜୀସୁ ମା ପାପୁତି ବାଦୁଲି ହାହାଲି
ହେରପିଆହା ମାତେସି ଇଞ୍ଜା ମାହାପୁରୁ ନକିତା ମାଜେ
ଦାମ୍ବୁ ଗାଟାତାୟି କିହାଲି ଖେଣ୍ଡେ ନିଜାତେସି □*



ମାହାପୁରୁ ନକିତା ନେହିଁ ତଞ୍ଜା ଆନାୟି

୧ ନୀଏଁ ନାମୁତଲେ ମାର ମାହାପୁରୁ ନକିତା ଦାମ୍ବୁ
ଗାଟାତାୟି ଆହାମାନାୟି ଇଞ୍ଜା ପ୍ରବୁ ଜୀସୁ କ୍ରୀସୁ ତାଣାଟି
ମାହାପୁରୁ ତଲେ ମାର ହିଡ଼ଡ଼ି ତଲେ ମାନାୟି;

୨ ଏମିନି କାର୍ମାତା ମାର ମାଞ୍ଜାମାନାୟି, ଏମ୍ବାଟି ଏଞ୍ଜାଣି
ତାଣାଟି ନାମୁତା ଜିକେଏ ମାନାୟି; ଇଞ୍ଜା ମାର ମାହାପୁରୁତି
ଗାଝୁରମିତି ବାର୍ଯ୍ୟୁତା ବଡପଣ କିହିମାନାୟି □

୩ ଖାରୁଇ ଏଦି ଆଏ, ବାରେ ଦୁକୁ କସ୍ତା ଜିକେଏ ମାର
ରାହାଁ କିହିମାନାୟି, ଇଚିହିଁ କସ୍ତା ସାସା ଖାନେ,

୪ ସାସାଟି ବାଡ଼ୁୟୁ ମାଣକି ଖାନେ ଇଞ୍ଜା ବାଡ଼ୁୟୁ ମାଣକିତି
ବାର୍ଯ୍ୟୁ ଖାନେ □

୫ ବାମ୍ବୁ ମାଜେ ହୀଣି ଆହାଲି ହିୟେଏ, ଏନାଆଁତାକି
ଇଚିହିଁ ମାହାପୁରୁ ମାଜେ ସୁଦୁଜୀଝୁ ହାହାନା ମା ହିୟାତା
ତାନି ଜୀଝୁ ନନାଣି ହୀହାମାଞ୍ଜାନେସି □

୬ ଏଚିବେଲାତା ମାର ଏନି ଉପେୟି ହିଲାଆଗାଟାତାୟି
ମାତାୟି, ଏଚିବେଲା ମାହାପୁରୁ ତାରି କିହାମାତି ବେଲାତା
କ୍ରୀସୁ ପାପୁ ଲକୁତାକି ହାଡେସି □

୭ ଦାମ୍ବୁତି ଲକୁତାକି ଆମ୍ବାଆସି ଜିକେଏ ହାଅସି,
ନେହିଁ ଲକୁତାକି ଆମ୍ବାଆସି ଜୀଝୁ ହୀହାଲି ଅଣ୍ଡପିନେସି
□

୮ ସାମା ମାର ପାପୁଗାଟି ଲକୁ ମାତାଟି ଜିକେଏ
କ୍ରୀସୁ ମା ତାକି ତାନି ଜୀଝୁ ହୀତେସି, ଇଦାଆଁ ତଲେ
ମାହାପୁରୁ ମାଜେ ଏତେକା ଜୀଝୁନହିଁ ମାଞ୍ଜାନେସି,
ଏଦାଆଁ ତସାମାଞ୍ଜାନେସି □

୯ ଏଦାଆଁତାକି ଇ କାତା ସାତା, ମାର ନୀଏଁ ଏଞ୍ଜାଣି
ନେତେରି ତଲେ ଦାମ୍ବୁ ଗାଟାତଞ୍ଜି ଆହାମାନାକି ଏଞ୍ଜାଣି
ତାଣାଟି ମାହାପୁରୁ କପାଟି ଗେଲ୍‌ପି ଆହାଲି ଆଡ଼ିନାୟି □

୧୦ ମାର ମାହାପୁରୁତି ସାଡ଼ୁୟାଁ ମାତାୟି, ସାମା ମାର
ତାନି ମୀରଏଣା ହାକିତି ତାନିତଲେ ଆଣ୍ଡିତାୟି, ନୀଏଁ ମାର
ମାହାପୁରୁ ତଲେ ଆଣ୍ଡାନା କ୍ରୀସୁତି ଜୀଝୁତଲେ ଗେଲ୍‌ପି
ଆନାୟି □

୧୧ ଖାରୁଇ ଏତେକା ଆଏ, ସାମା ପ୍ରବୁ ଜୀସୁ କ୍ରୀସୁ
ତାକି ମାର ନୀଏଁ ମାହାପୁରୁ ତଲେ ଆଣ୍ଡାନାୟି;
ଏଞ୍ଜାଣି ତାଣାଟି ମାର ମାହାପୁରୁ ତାଣା ବଡପଣ ଜିକେଏ
ଆହିମାନାୟି □

ଆଦମ ଅଡ଼େ କ୍ରୀସୁ

☆ ୪:୧୪ ୪:୧୪ ଗାଲା ୩:୧୮ ☆ ୪:୧୪ ୪:୧୪ ଗାଲା ୩:୧୮ ☆ ୪:୧୭ ୪:୧୭ ଗାଲା ୩:୭ ☆ ୪:୧୭ ୪:୧୭ ଗାଲା ୩:୭ ☆ ୪:୧୭ ୪:୧୭ ଗାଲା ୩:୭
୧୭:୫ ☆ ୪:୧୮ ୪:୧୮ ମୂଲୁ ୧୫:୫ ☆ ୪:୧୯ ୪:୧୯ ମୂଲୁ ୧୭:୧୭ ☆ ୪:୨୨ ୪:୨୨ ମୂଲୁ ୧୫:୭ ☆ ୪:୨୫ ୪:୨୫ ଜିସା ୫୩:୪,୫ ☆ ୫:୧୨
୫:୧୨ ମୂଲୁ ୩:୭

୧୨ ରଅଣି ତାଣାଟି ପାପୁ ଦାର୍ତ୍ତିତା ଖାତେ ଅଡେ ପାପୁ ତଲେ ହାକି ଖାତେ, ବାରେଜାଣା ପାପୁ କିତାକି ହାକି ବାରେ ମାଣସିତାକି ଖାତେ, ଇଞ୍ଜା ବାରେଜାଣା ପାପୁ କିତେରି □^୬

୧୩ ମେରା ହାପକି ଆଡି ନକେଏ ଦାର୍ତ୍ତିତା ପାପୁ ମାତେ; ସାମା ମେରା ହିଲାଆଟି ପାପୁଟି ଏଜିକିଞ୍ଚି ଆହି ହିଲାଆତେ □

୧୪ ଆଦମ ତାଣାଟିଏ ମସା ପାତେକା ଆମ୍ବାଆସି ଜିକେଏ ଆଦମ ଲେହେଁ ହୁକୁମି ମାନି କିଆନା ପାପୁ କିହାହିଲାଆତେ ଜିକେଏ ବାରେଜାଣା ହାକିତି ତଲ ମାତେରି; ଆମିନିଗାଟାସି ଖାନାୟି ମାତେ, ଆଦମ ଏଞ୍ଜାଣି ର ଖାଣା □

୧୫ ସାମା ଦହ ଏନିକିହିଁ, ମାହାପୁରୁତି କାର୍ମା ଜିକେଏ ଏଲେକିହିଁ, ଏଡି ଆଏ, ଇତିହିଁ ରଅଣି ଦହ ତାକି ହାରେକା ଲକୁତି ହାକି ଆଡେ, ଆତିହିଁ ମାହାପୁରୁତି କାର୍ମା ଅଡେ ର ମାଣସି ଇତିହିଁ ଜୀସୁ କ୍ରୀସୁ ହାତି କାର୍ମାତି ଦାନା ହାରେକା ଲକୁତାକି ହାରେକା ଗାତି ଆଡେ □

୧୬ ର ମାଣସି ପାପୁ କିତାକି ଏନିକିହିଁ ପାଡେୟି ଆତେ, ଇ ଦାନାତି ପାଡେୟି ଏଲେକିହିଁ ଆଏ, ଇତିହିଁ ରଅଣି ତାକି ଏମିନି ନୀହାୟି, ଏମ୍ବାତି ପାଡେୟି ତଣୁ ଆଡେ, ସାମା ହାରେକା ଲକୁତି ଦହ ତାକି ଏମିନି କାର୍ମାତି ଦାନା, ଏମ୍ବାତି ପାଡେୟି ଦହ ହିଲାଆଗାଟାୟି ଆଡେ □

୧୭ ର ମାଣସିତି ପାପୁ ତାକି, ହାକି ସାଲୁଞ୍ଚି କିତେ; ସାମା ଅର ରଅସି ଇତିହିଁ ଜୀସୁ କ୍ରୀସୁ ଏନାଆଁ କିହାମାନେସି, ଏଡି ଏଚେକା କାଜାୟି □ ଆମିନି ବାରେଜାଣା ମାହାପୁରୁତି ହାରେକା କାର୍ମାମେହନାୟି ଉଜେଏ ମେଡା ଆନାଣି ତଲେ ମାହାପୁରୁତି ନକିତା ଦାର୍ମୁଗାଟାରି ଇଞ୍ଜା ଝେଞ୍ଜିନେରି, ଏଞ୍ଜାରି କ୍ରୀସୁ ତଲେ ଜୀଣାଆହାନା ନୀତିନେରି □

୧୮ ରଅଣି ପାପୁ ଏନିକିହିଁ ବାରେ ମାଣସି କୁଡାଲ୍ ତଣୁ ବେଟା ଆଞ୍ଜିକିତେ, ଏଲେକିହିଁଏ ରଅଣି ଦାର୍ମୁତି କାମା ବାରେ ମାଣସି କୁଡା ତାକି ଗେଲ୍ପି ଆନାଣି ଇଞ୍ଜା ରାଆଗାଟି ଜୀସୁ ତାଗାହାତେ □

୧୯ ରଅସି ମାନି କିଆତାକି ଏନିକିହିଁ ହାରେକା ଲକୁ ପାପୁ ଗାଟାରି ଆଡେରି, ଏଲେକିହିଁଏ ରଅଣି ମାନି କିନାଣି ତଲେ ବାରେଜାଣା ମାହାପୁରୁ ନକିତା ଦାର୍ମୁଗାଟାରି ଆନେରି □

୨୦ ଇଦାଆଁ ପିସ୍ପେ ମେରା ଜିକେଏ ଖାତେ, ଏନିକିହିଁ ଦହ ହାରେକା ଗାତିଆନେ; ସାମା ଆମ୍ବିୟା ପାପୁ ପାତାଆଡେ, ଏମ୍ବାଆଁ ମାହାପୁରୁତି କାର୍ମାମେହନାୟି ଜିକେଏ ହାରେକା ପାତାଆଡେ □

୨୧ ଏନିକିହିଁ ପାପୁ ହାକି ତଲେ ସାଲୁଞ୍ଚି କିତେ, ଏଲେକିହିଁଏ ମାହାପୁରୁତି କାର୍ମାମେହନାୟି ଜୀସୁ କ୍ରୀସୁ ତାଣାଟି ମାଙ୍ଗେ ଦାର୍ମୁ ଗାଟାତାୟି କିହାଁ ରାଆଗାଟି ଜୀସୁ ହିୟାତେ □



ପାପୁଟି ହାକି କ୍ରୀସୁ ତାଣାଟି ଜୀସୁ

୧ ଆତିହିଁ ମାର ଏନାଆଁ ଇନାୟି ? ମାହାପୁରୁତି କାର୍ମାମେହନାୟି ଏନିକିହିଁ ହାରେକା ଆନେ, ଏଦାଆଁତାକି କି ପାପୁତେଏ ମାଞ୍ଜେମାନାୟି ?

୨ ଏଡି ଏଚେଲା ଜିକେଏ ଆଆପେ □ ପାପୁ ତାକି ମାର ହାହାମାନାୟି, ଏନିକିହିଁ ଏମ୍ବାଆଁ ଅଡେ ମାର ନୀତିନାୟି ?

୩ ମାର ଏଚେକା ଲକୁତାୟି କ୍ରୀସୁ ଜୀସୁ ତାଣା ବାପ୍ତିସ୍ମା* ଅହାମାନାୟି, ବାରେ ଜାଣାତାୟି ତାନି ହାକିତା ବାପ୍ତିସ୍ମା† ଅହାମାନାୟି, ଇଦାଆଁ କି ମାରୁ ପୁଞ୍ଜାହିଲଅତେରି ?

୪ ଏଦାଆଁତାକି ମାର ବାପ୍ତିସ୍ମା‡ ଅହାନା ହାକିତା ତାନିତଲେ ମୁସ୍ପି ଆହାମାନାୟି, କ୍ରୀସୁ ଏନିକିହିଁ ଆଗାତି ଗାଞ୍ଜୁରମି ତଲେ ହାଡାରି ତାଣାଟି ଝେଣ୍ଡେ ନିଞ୍ଜିତେସି, ମାର ଜିକେଏ ଏଲେକିହିଁଏ ପୁଞ୍ଜି ଜୀସୁତି ମାଣ୍ଡି ତଲେ ନୀତିନ □^୬

୫ ଏନାଆଁତାକି ଇତିହିଁ ମାର ଏଞ୍ଜାଣି ହାକିତା ଆଣ୍ଡାନା ଏଞ୍ଜାଣିତଲେ ରଣ୍ଡିଏ ଆହାମାନାୟି, ଆତିହିଁ ସାତେଏ ଏଞ୍ଜାସି ଝେଣ୍ଡେ ନିଞ୍ଜିତି ଲେହେଁ ମାର ଜିକେଏ ନିଞ୍ଜାନା ଏଞ୍ଜାଣିତଲେ ରଣ୍ଡିଏ ଆନାୟି □

୬ ମାର ପୁଞ୍ଜାମାନାୟି, ପାପୁଟି ହଲିୟାଙ୍ଗା ଆଆପ, ଇଦାଆଁତାକି ପାପୁଟି ଆଙ୍ଗା ନସା କିହାଲିତାକି ମା ପୁଞ୍ଜି ମାଣ୍ଡି ତାନିତଲେ ପାସି ମୁଣ୍ଡାତା ହାହାମାନେ □

୭ ଏନାଆଁତାକି ଇତିହିଁ ମାଣସି ହାଡିସାରେ, ପାପୁଟି ବାଡୁୟୁଟି ଗେଲ୍ପି ଆନେସି □

୮ ସାମା ମାର କ୍ରୀସୁ ତଲେ ହାଡାକି, ତାନିତଲେ ମାର ଜିକେଏ ନୀତିନାୟି ଇଞ୍ଜା ନାମାମାନାୟି □

୯ ମାର ପୁଞ୍ଜାମାନାୟି, କ୍ରୀସୁ ହାକିତି ନିଞ୍ଜାମାନାକି, ଏଞ୍ଜାସି ଅଡେ ଝେଣ୍ଡେ ହାଅସିଦେଁ, ଏଞ୍ଜାଣାଲ୍ ଅଡେ ହାକି ସାଲୁଞ୍ଚି କିହାଲି ଆଡେଏ □

୧୦ ଏଞ୍ଜାସି ଆମିନି ହାକିତା ହାଡେସି, ଏଦାଆଁ ତଲେ ପାପୁଟି ବାଡୁୟୁଟି ରଣ୍ଡିଏ ଦେବେଏ ଜୀଣା ଆଡେସି □ ଅଡେ ନୀଏଁ ଆମିନି ଜୀସୁତଲେ ନୀତାମାନେସି, ଏଡି ମାହାପୁରୁ ତଲେ ଆଣ୍ଡିତି ଜୀସୁ □

୧୧ ଏଲେକିହିଁଏ ମାରୁ ଜିକେଏ ପାପୁତା ହାହାମାଞ୍ଜେରି ଇଞ୍ଜା ଅଣ୍ଡାଦୁ □ ସାମା କ୍ରୀସୁ ଜୀସୁ ତାଣାଟି ଆଣ୍ଡାନା ମାହାପୁରୁ ତାକି ଜୀସୁ ଗାଟାତମି ଇଞ୍ଜା □

୧୨ ମୀ ହାନି ଆଙ୍ଗାତା ପାପୁ ସାଲୁଞ୍ଚି କିୟାଆପେ; ମାରୁ ଅଡେ ଆଙ୍ଗାତି ଲାଗେଏତି ଅଣ୍ଡୁ ତଲେ ତାକାଆଦୁ □

୧୩ ମୀ ଆଙ୍ଗା ଉଡେଲିତି ଲାଗେଏ କାମାତି ଜୁତି ଲେହେଁ ପାପୁ କାମାତା ହେରପାଆଦୁ, ସାମା ହାଡାରି ତାଣାଟି ନୀତାମାନି ଲେହେଁ ଜାହା ଜାହାରାଲ୍ ମାହାପୁରୁ ନକିତା ହେରପା କଡାଦୁ, ଇଞ୍ଜା ଜାହା ଜାହାରା ଆଙ୍ଗା ଉଡେଲିତି ଦାର୍ମୁତି ଜୁତି ଲେହେଁ ମାହାପୁରୁ ନକିତା ହେରପାଦୁ □

* ୬:୩ ୬:୩ ମୁଞ୍ଜିନାୟି † ୬:୩ ୬:୩ ମୁଞ୍ଜିନାୟି ☆ ୬:୪ ୬:୪ କଲସି ୨:୧୨ ‡ ୬:୪ ୬:୪ ମୁଞ୍ଜିନାୟି ☆ ୬:୪ ୬:୪ କଲସି ୨:୧୨

୧୪ ପାପୁ ମିଙ୍ଗେ ସାଲୁଣି କିୟାଆପେ, ମୀରୁ ଅଡ଼େ ମସାତି ମେରା ଡ଼ଇ ହିଲଅତେରି, ସାମା ମାହାପୁରୁତି କାର୍ମାତି ଡ଼ଇ ମାଞ୍ଜେରି □

ଦାମ୍ଭୁତି ହଲିୟାଙ୍ଗା

୧୫ ଆତିହୁଁ ଏନାଆଁ ? ମୀରୁ ମସାତି ମେରା ଡ଼ଇ ହିଲଆୟି, ସାମା ମାହାପୁରୁତି କାର୍ମାମେହୁନି ଡ଼ଇ ମାନାୟି, ଇଦାଆଁତାକି କି ପାପୁ କିନାୟି ? ଏଲେଆହୁଁ ଏଚେଲା ଜିକେଏ ଆଆପେ □

୧୬ ମୀରୁ ସାତେଏ ପୁଞ୍ଜାମାଞ୍ଜେରି, ମୀରୁ ରଅଣି ହଲିୟାଙ୍ଗା ଆହାନା ଏଞ୍ଜାଣି କାତା ମାନୁଞ୍ଜି ଆଡ଼ିସାରେ, ଆତିହୁଁ ମୀରୁ ଏଞ୍ଜାଣି ହଲିୟାଙ୍ଗାତେରି, ପାପୁତି ହଲିୟାଙ୍ଗା ଆଡ଼ିସାରେ, ପାପୁ ମାଣକିଟି ହାକି ଖାନେ; ଦାମ୍ଭୁତି କେଟ ହାତିସାରେ, ଜୀଞ୍ଜୁ ବେଟାଆଡ଼େରି □

୧୭ ସାମା ମାହାପୁରୁତି ଜହରା କିହିମାଲ୍, ମୀରୁ ର ଦିନା ପାପୁତି ହଲିୟାଙ୍ଗାତେରି ମାଚେରି, ମୀରୁ ନୀର୍ବ ନେହୁଁ ବଲୁତି ଜାପୁନି ତାଣା ହେରପିଆହା ମାଞ୍ଜେରି, ଅଡ଼େ ହିୟାଁ ତଲେ ଏମ୍ବାତି ମାନି କିହିମାଞ୍ଜେରି □

୧୮ ପାପୁତି ପିସପି ଆହାନା ଦାମ୍ଭୁତି ହଲିୟାଙ୍ଗା ଆହାମାଞ୍ଜେରି □

୧୯ ମୀ ଆଙ୍ଗାତି ବାଡ଼ୁୟୁ ହିଲଆକି ମାଣ୍ଡିତି ହାଡ଼ାତଲେ ଖେସିମାଞ୍ଜାଇ; ମୀରୁ ଏନିକିହୁଁ ଲାଗେଏତି କାମାତାକି ଜାହାରା ଆଙ୍ଗା ଉଡ଼େଲିତି ପରେଏତି ଇଞ୍ଜା ଦାମ୍ଭୁ ହିଲଆତାଣା ହଲିୟାଙ୍ଗା ଲେହେଁ ହେରପାମାଚେରି, ଏଲେକିହୁଁ ଏ ନୀର୍ବ ଜାହାରା ଆଙ୍ଗା ଉଡ଼େଲିତି ସୁଦୁଜୀଞ୍ଜୁ ତାକି ଦାମ୍ଭୁତି ନକିତା ହଲିୟାଙ୍ଗା ଲେହେଁ ହେରପାଦୁ □

୨୦ ମୀରୁ ପାପୁତି ହଲିୟାଙ୍ଗା ମାଚାଟି, ଦାମ୍ଭୁତାକି ମେଲା ପିସପି ଆହାମାଚେରି □

୨୧ ଆତିହୁଁ ନୀର୍ବ ମିଙ୍ଗେ ଆମିନି କାମା କିହାଲିତାକି ଲାଜା ହତିମାଞ୍ଜାନେ, ଏତିବେଲା ବାରେ କିହିମାଚେରି, ଏଡ଼ି ଏମ୍ବାତି ଏନାଆଁ ଲାବା ବେଟାଆଡ଼େରି ? ଏ ବାରେ କାମାତି ପାଡ଼େୟି ହାକି □

୨୨ ସାମା ନୀର୍ବ ମୀରୁ ପାପୁତି ପିସପି ଆହାନା ମାହାପୁରୁତି ହଲିୟାଙ୍ଗା ଆହାମାଞ୍ଜେରି □ ଇଦାଆଁତି ଲାବା ଆହିମାନେ, ମାହାପୁରୁ ତାଣା ସୁଦୁଜୀଞ୍ଜୁ ତଲେ ହେରପି ଆନାୟି ଇଞ୍ଜା ରାଆଗାଟି ଜୀଞ୍ଜୁ ବେଟାଆନାୟି □

୨୩ ଏନାଆଁତାକି ଇତିହୁଁ ପାପୁତି କୁଲି ହାକି, ସାମା ମାହାପୁରୁତି କାର୍ମାମେହୁନି ଦାନା ମା ପ୍ରବୁ ଜୀସୁ କ୍ରୀସ୍ତ ତଲେ ଆଣ୍ଡିନି ତାଣା ରାଆଗାଟି ଜୀଞ୍ଜୁ ମାନେ □



ବାହା ଆନି କାତା

୧ ତାୟି ତାଙ୍ଗିସ୍ତାତେରି, ନୀର୍ବ ଏନାଆଁ ଖେସାଲି ଅଣ୍ଡିମାଲ୍, ଏଦାଆଁ ମୀରୁ ତେଲ୍‌ହେଦେରି, ଏନାଆଁତାକି ଇତିହୁଁ ମୀରୁ ପୁଞ୍ଜାମାଞ୍ଜେରି, “ମେରା” ଏନାୟି □

ମାଣ୍ଡିସି ଖାରଇ ତାନି ନୀତାମାନି ପାତେକା ମେରାତି ଡ଼ଇ ଡ଼ୟିନେସି □

୨ ଡ଼କ୍ରା ନୀତାମାନି ପାତେକା ତାନି ଡ଼କ୍ରା ଏଞ୍ଜାଣିତଲେ ବୀହା ମେରା ତଲେ ଦସପି ଆହାନା ଡ଼ୟିନେ □ ସାମା ଡ଼କ୍ରା ହାଡ଼ିସାରେ, ଏଞ୍ଜାଣି ଡ଼କ୍ରା ଇ ମେରାଟି ପିସପି ଆନେ □

୩ ଡ଼କ୍ରା ନୀତା ମାନାଟିଏ, ଡ଼କ୍ରା ଅରୁ ରଅଣାକି ବୀହା ଆଡ଼ିସାରେ, ଏଦାନି ଦାରେଣି ଇଞ୍ଜାଁ ଇନେରି; ସାମା ଡ଼କ୍ରା ହାଡ଼ି ତାୟୁ ମେରାଟି ପିସପି ଆନେ, ଅଡ଼େ ଏଡ଼ି ଅରୁ ରଅଣାକି ବୀହା ଆଡ଼ିସାରେ, ଏଡ଼ି ଦାରେଣି ଆଏ □

୪ ଇଦାଆଁତାକି ତାୟି ତାଙ୍ଗିସ୍ତାତେରି, କ୍ରୀସ୍ତୁତି ଆଙ୍ଗା ତଲେ ମୀରୁ ଜିକେଏ ମେରାତାକି ହାହାମାଞ୍ଜେରି, ଏନିକିହୁଁ ମୀରୁ ଏଚକାତାରି ତଲେ ଆଣ୍ଡିଦେରି, ଇତିହୁଁ ମା ମାହାପୁରୁ ତାକି ପାଡ଼େୟି ଆୟାଲି ଆମ୍ବାଆସି ହାଡ଼ାରି ତାଣାଟି ନୀତାମାନେସି, ଏଞ୍ଜାଣିତଲେ ଆଣ୍ଡାଦୁ □

୫ ଏଚରଦିନା ପାତେକା ମୀରୁ ଆଙ୍ଗାତି ମାଣ୍ଡିକି ତଲେ ମାଚାୟି, ଏଚରଦିନା ପାତେକା ମସା ମେରାଟି ପାପୁତି ଜୁପକା ମା ଆଙ୍ଗା ବିତ୍ରା ଜୀଞ୍ଜୁତି ହାଡ଼ି କିହାଲି କାମା କିହିମାଚେ □

୬ ସାମା ଏନାଆଁତଲେ ଦସପି ଆହାମାଚାୟି, ଏମ୍ବାତି ହାହାନା ନୀର୍ବ ମୀରୁ ମେରାଟି ଅଦିକାରାଟି ମୁକଲ୍‌ଞ୍ଜି ଆହାମାନାୟି; ମୀରୁ ଅଡ଼େ ତଲିତିଲେହେଁ ରାସ୍ତକି ଆହାମାନି ମେରାଟି ସେବା କିହି ହିଲଆୟି, ସୁଦୁଜୀଞ୍ଜୁ ତସାମାଞ୍ଜାନି ପୁଞ୍ଜି ଜିରୁତା ନୀର୍ବ ତାକି ମାନାୟି □

ମେରା ଅଡ଼େ ପାପୁ

୭ ଆତିହୁଁ ଏନାଆଁ ଇନାୟି, ମେରା ପାପୁ ଗାଟାୟି ? ଏଡ଼ି ଏଚେଲାଞ୍ଜା ଆଏ □ ସାମା ପାପୁ ଏନାୟି, ଏଦାଆଁ ମେରା ନାଙ୍ଗେ ଖେସା ମାଞ୍ଜାନେ, “ଏଚକା ଲକୁଡ଼ି ଦିଶସୁ ଜୁପକା ଆଆଦୁ,” ଇ ହୁକୁମି ମେରା ଖେସା ମାଞ୍ଜାଆତିହୁଁ ମା, ଜୁପକା ଏନାୟି, ନାନୁ ପୁନାଆତେଏମା □[☆]

୮ ସାମା ପାପୁ ପାରୁ ବେଟାଆହାନା ହୁକୁମି ତଲେ ନା ତାଣା ବାରେଲେହେଁତି ଜୁପକା କିନାଣି ହିୟାତେ, ମେରା ପିସପେ ପାପୁ ହାଡ଼ାୟି □

୯ ର ଦିନା ନାନୁ ମେରା ପୁନାଆନା ନୀତିମାଚେଏଁ, ସାମା ହୁକୁମି ଖାହାଲିଏ ପାପୁ ନୀତିତେ, ଇଞ୍ଜାଁ ନାନୁ ହାଡ଼େଏଁ;

୧୦ ଆମିନି ମେରା ଜୀଞ୍ଜୁ ହାହାଲିତାକି ଟିକାଣା ତାୟି ମାଚେ, ଏଡ଼ି ନା ଜୀଞ୍ଜୁତା ହାକି ଖାଡ଼େ □

୧୧ ଇତିହୁଁ ପାପୁ ପାରୁ ବେଟାଆହାନା ହୁକୁମିଟି ନାଙ୍ଗେ ନୀଡ଼ି କିୟାତେ ଇଞ୍ଜାଁ ଏମ୍ବାତି ନାଙ୍ଗେ ପାୟାତେ □[☆]

୧୨ ମେରା ସୁଦୁଗାଟାୟି, ଏଦାଣି ହୁକୁମିକା ବାରେ ସୁଦୁ ଗାଟାଇ, ଦାମ୍ଭୁଗାଟାୟି ଇଞ୍ଜାଁ ନେହାୟି □

୧୩ ଆତିହୁଁ, ଏନାୟି ନେହାୟି, ଏଡ଼ି କି ନାଙ୍ଗେ ହାଡ଼ି କିୟାନେ ? ଏଡ଼ି ଏଚେଲାଞ୍ଜା ଆଆପେ, ପାପୁଏ ଏଦାଆଁ କିତେ, ନେହୁଁ ମେରାଟି ଲେମ୍ବାନା ପାପୁ ନାଙ୍ଗେ ହାଡ଼ି କିୟାତେ, ଏଦାଆଁ ତଲେ ପାପୁତି ସାତା ଖାଣା ତଞ୍ଜାଆଡ଼େ,

☆ ୭:୭ ୭:୭ ହାନାୟି ୨୦:୧୭; ଖେ ମେରା ୫:୨୧ ☆ ୭:୧୧ ୭:୧୧ ମୂଲୁ ୩:୧୩

ଏଦାଆଁତାକି ଫେରା ତଲେ ପାପୁ ହାରେକା ଆଜିହପେତାୟି ପୁଣ୍ଡିଆଡେ ।

ମାଣ୍ଡି ଆଜ୍ଞାତା ମାନି ଗଡ଼ହା

୧୪ ମସାତି ଫେରା ସୁଦୁଜୀଝୁ ଗାଗାୟି, ଇଦାଆଁ ମାର ପୁଞ୍ଜାମାନାୟି; ସାମା ନାନୁ ପାପୁତି ଆଜ୍ଞାତା କଡ଼ଝିଆଡି ହଲେଏଣାତେଏଁ ।

୧୫ ନାନୁ ଏନାଆଁ କିହିମାଲ୍, ଏଦାଆଁ ନାନୁ ପୁଞ୍ଜିହିଲଅଁ; ଏନାଆଁ କିହାଲି ନା ଅଣ୍ପୁ, ଏଦାଆଁ ନାନୁ କିଅଁ; ସାମା ଏନାଆଁ ଅପଅଁ, ଏଦାଆଁ କିଲ୍ ।

୧୬ ସାମା ଏନାଆଁ ନାନୁ ଅଣ୍ପଅଁ, ଏଦାଆଁ କିତିସାରେ, ଆତିହଁ ମସାତି ଫେରା ନେହାୟି ଏଦାଆଁ ନାନୁ ଜଲିମାଲ୍ ।

୧୭ ଏଦାଆଁତାକି ଏ କାମା ସାତେଏ ନାନୁ କିଆନା ନା ବିତ୍ରାମାନି ପାପୁଏ ଏଦାଆଁ କିହିମାନେ ।

୧୮ ନାନୁ ପୁଞ୍ଜାମାଲ୍, ନା ବିତ୍ରା ଇତିହଁ ମାଣ୍ଡି ମାଣ୍ଡିକିତା ନେହାୟି ଏନାୟି ଜିକେଏ ହିଲେଏ, ଇତିହଁ ନେହଁ କାମା କିହାଲି ନାଜେ ଅଣ୍ପୁ ମାତିହଁ ଜିକେଏ ଏଦାଆଁ କିହାଲି ଆଡ଼ଅଁ ।

୧୯ ଇତିହଁ ଏମିନି ନେହଁ କାମା କିହାଲି ନାନୁ ମନ କିଲ୍, ଏଦାଆଁ କିଅଁ, ସାମା ଏମିନି ଲାଗେଏତି କାମା କିହାଲି ନାନୁ ମନ କିଅଁ, ଏଦାଆଁ କିଲ୍ ।

୨୦ ନାନୁ ଏନାଆଁ ଅଣ୍ପି ହିଲଅଁ, ଏଦାଆଁ କିହିମାଲ୍, ଆତିହଁ ଏଦାଆଁ ନାନୁ ଅଡ଼େ କିଅଁ, ସାମା ନା ତାଣା ବାସା କିହାମାନି ପାପୁ ଏଦାଆଁ କିନେ ।

୨୧ ଏଦାଆଁତାକି ନାନୁ ନେହଁ କାମା କିହାଲି ମନ କିହିମାଲ୍, ଏତିବେଲା ନା ତାଣା ଖାର୍‌ଇ ଲାଗେଏତାୟି ତଞ୍ଜା ଆହିମାନେ, ଇଦାଆଁ ଫେରାତା ମେସିମାଲ୍ ।

୨୨ ଇତିହଁ ହିୟାତା ଅଣ୍ପିନି ମାଣ୍ଡିଲେହେଁ, ମାହାପୁରୁତି ଫେରା ମାନି କିହାଲି ନାଜେ ରାହାଁ,

୨୩ ସାମା ନାନୁ ନା ଆଜ୍ଞାତା ଅର ରଲେତି ଫେରା ତଞ୍ଜା ଆହିମାନେ, ଏଡି ନା ମନତି ଫେରା କପାଟି ଜୁଜୁ କିହିମାନେ, ଅଡ଼େ ନା ଆଜ୍ଞାତା ଏମିନି ପାପୁତି ଫେରା ମାନେ, ନାଜେ ଏମାଆଁ ଦସ୍‌ପାନା ।

୨୪ ଆୟଡ଼ା, କାମା କପଲ ହିଲାଆଗାଟି ମାଣ୍ଡିତେଏଁ ନାନୁ, ଇ ହାଝିକିନି ଆଜ୍ଞାଟି ନାଜେ ଆମ୍ବାଆସି ଗେଲ୍‌ପାନେସି ?

୨୫ ମା ପୁରୁ ଜୀସୁ କ୍ରୀସ୍ତ ତାଣାଟି ଗେଲ୍‌ପି ଆହାମାନାକି ମାହାପୁରୁଇ ଜହରା ଆପେ । ଏନାଆଁତାକି ଇତିହଁ ନାନୁଏ ନା ମନତଲେ ମାହାପୁରୁତି ଫେରାତି ହଲେଏଣାତେଏଁ, ସାମା ଆଜ୍ଞା ତଲେ ପାପୁ ଫେରାତି ହଲିୟା ଆହାମାନେ ।

୮

ସୁଦୁଗାଟି ଜୀଝୁ

୧ ଆମିନି ଗାଗାରି କ୍ରୀସ୍ତ ଜୀସୁତଲେ ଆଣ୍ଡାନା ନାତିମାନେରି, ଏଞ୍ଜାରାକି ନାଏଁ ଏନି ତଣ୍ଡ ହିଲେଏ ।

୨ ଇତିହଁ ଜୀଝୁ ହିୟାନି ଜୀଝୁତି ଫେରା କ୍ରୀସ୍ତ ଜୀସୁ ତାଣା ଆଣ୍ଡାନା ମିଜେ ପାପୁ ଅଡ଼େ ହାଝିକିନି ଫେରାଟି ମୁକ୍‌ଲଝି କିହାମାଜ୍ଞାନେ ।

୩ ମାଣ୍ଡିତି ଆଜ୍ଞାତା ବାଡ଼ୁ ହିଲାଆକି ମସା ହୀହାମାନି ଫେରା ଏନାଆଁ କିହାଲି ଆଡ଼ାଆତେ, ମାହାପୁରୁ ଏଦାଆଁ ତାନି ମାରଏଣାଲ୍ ପାପୁଗାଟି ମାଣ୍ଡିଲେହେଁ ପାପୁଇଁ ନାସା କିହାଲି ପାଣ୍ଡାନା ଆଜ୍ଞାତି ପାପୁତି ତଣ୍ଡ ହୀହାଲି କିତେସି ।

୪ ଏଦାଆଁତାକି ମାର ମାଣ୍ଡିତି ମାଣ୍ଡିକିତା ମାନାଆନା ସୁଦୁଜୀଝୁତି ମାଣ୍ଡିକିତା ମାଜ୍ଞାନା ଇଞ୍ଜା ଇଦାଆଁ ତଲେ ମାର ଫେରାତି ପାଣ୍ଡାପାରୁ ମାନି କିହିମାନାୟି ।

୫ ଆମିନି ଗାଗାରି ଆଜ୍ଞାତି ମାଣ୍ଡିକି ତଲେ ନାତିନାରି ଏଞ୍ଜାରି ଆଜ୍ଞାତି ମାଣ୍ଡିକି କାତାତା ମନ ହୀନେରି, ସାମା ଆମିନି ଗାଗାରି ସୁଦୁଜୀଝୁତି ମାଣ୍ଡିକି ତଲେ ନାତିନେରି, ଏଞ୍ଜାରି ହିୟାଁ ସୁଦୁଜୀଝୁତି କାତାତା ମନ ହୀନେରି ।

୬ ଇତିହଁ ଆଜ୍ଞାତି ମାଣ୍ଡିକି ମନ ହାଝିକିନେ; ସାମା ସୁଦୁଜୀଝୁତି ମାଣ୍ଡିକି ମନ ଜୀଝୁ ଇଞ୍ଜା ହିଡ଼ି ହିୟାନେ ।

୭ ଇତିହଁ ଆଜ୍ଞାତି ମନତଲେ ନାତିନାସି ମାହାପୁରୁ କପାଟି ସାଡୁ ଆନେସି; ଇତିହଁ ଏଞ୍ଜାସି ମାହାପୁରୁ ଫେରାତି ମାନି କିଅସି; ଇଞ୍ଜା ଏଞ୍ଜାସି ମାନଝି ଆହାଲି ଆଡ଼ଅସି ।

୮ ଆମିନି ଗାଗାରି ଆଜ୍ଞାତି ମାଣ୍ଡିକି ତଲେ କାମା କିନେରି, ଏଞ୍ଜାରି ମାହାପୁରୁଇଁ ରାହାଁ କିହାଲି ଆଡ଼ଅରି ।

୯ ମାହାପୁରୁତି ସୁଦୁଜୀଝୁ ସାତା ତଲେ ମୀ ତାଣା ମାଟିସାରେ, ମୀରୁ ଅଡ଼େ ଆଜ୍ଞାତି ମାଣ୍ଡିକି ଲେହେଁ ନୀଡ଼ଅତେରି, ସାମା ସୁଦୁଜୀଝୁତି ହୁକୁମି ମାନି କିହିମାଞ୍ଜେରି । କ୍ରୀସ୍ତ ଜୀଝୁ ଆମ୍ବାଆରି ତାଣା ହିଲେଏ, ଏଞ୍ଜାସି ଏତେଲା ଜିକେଏ ଏଞ୍ଜାଣି ଲକୁ ଆହାଲି ଆଡ଼ଅସି ।

୧୦ ସାମା କ୍ରୀସ୍ତ ମୀ ତାଣା ମାଟିସାରେ, ମୀ ଆଜ୍ଞା ପାପୁ ତାକି ନାସା ଆହାଲି ହାଜିମାଟିହଁ ଜିକେଏ, ସୁଦୁଜୀଝୁ ମିଜେ ଜୀଝୁ ହୀୟାନେ, ଏନାଆଁତାକି ଇତିହଁ ମାହାପୁରୁ ନକିତା ମୀରୁ ଦାମ୍‌ଗାଟାତେରି ଆହାମାଞ୍ଜେରି ।

୧୧ ଆମ୍ବାଆସି ହାଡ଼ାରି ତାଣାଟି ଜୀସୁଇଁ ନିକହେସି, ଏଞ୍ଜାଣି ଜୀଝୁ ମୀ ତାଣା ମାଟିସାରେ, ଆତିହଁ ଆମ୍ବାଆସି ହାଡ଼ାରି ତାଣାଟି କ୍ରୀସ୍ତ ଜୀସୁଇଁ ନିକହେସି, ଏଞ୍ଜାସି ମୀ ତାଣା ମାନି ତାନି ଜୀଝୁତଲେ ମୀ ହାଡ଼ି ଆଜ୍ଞାତି ଜିକେଏ ନୀଟ୍‌ନେସି ।

୧୨ ଏଦାଆଁତାକି, ତାୟି ତାଜିସ୍ତାତେରି, ମାର ରୀଣାଗାଟାତାୟି, ସାମା ଆଜ୍ଞାତି ମାଣ୍ଡିକି ତଲେ ନୀତାଲି ଆଏ ।

୧୩ ଇତିହଁ ଆଜ୍ଞାତି ମାଣ୍ଡିକି ତଲେ ମୀରୁ ନୀତିଦେରି, ଆତିହଁ ସାତେଏ ହାଡ଼େରି, ସାମା ସୁଦୁଜୀଝୁତି ସାଡ଼େମି

☆ ୭:୧୫ ୭:୧୫ ଗାଲା ୫:୧୭ ☆ ୭:୧୫ ୭:୧୫ ମୂଲୁ ୫:୧୭ ☆ ୮:୧୧ ୮:୧୧ ବକର ୩:୧୭

ତଳେ ଆଜ୍ଞାତି କାମା ବାରେ ନାସା କିଦେରି, ଆତିହୁଁ ନୀତିଦେରି □

୧୪ ଆମିନି ଗାଟାରି ମାହାପୁରୁତି ସୁଦୁଜୀଝୁ ତଳେ ତାକିନେରି, ଏଝାରି ମାହାପୁରୁତି ମୀରକା □

୧୫ ✠✠ଇତିହୁଁ ମୀରୁ ଝେଣ୍ଣେ ଆଜାଲି ହଲିୟାଜ୍ଞାତି ଜୀଝୁ ବେଟାଆହା ହିଲଅତେରି, ସାମା ମୀରଏଣାତି ଜୀଝୁ ବେଟାଆହାମାଞ୍ଜେରି; ଏମ୍ପାଟି ମାର “ଆଟା ତାଞ୍ଜି” ଇଞ୍ଜି ହାଟିମାନାୟି □

୧୬ ମାର ମାହାପୁରୁତି ମୀରକା ମାସକା ଇଞ୍ଜି ଏ ଜୀଝୁଏ ମା ଜୀଝୁତଳେ ଆଣ୍ଣାନା ସାକି ହାହିମାନେ □

୧୭ ଏନାଆଁତାକି ଇତିହୁଁ ମାର ମାହାପୁରୁତି ମୀରକା ମାସକାତାୟି, ତାନି ଲକୁତାକି ଲଡ଼ାମାନି ବରତି ବାଗା ପାଣ୍ଣନାୟି, ଇଞ୍ଜା କ୍ରୀସ୍ତ ତଳେ ଗାଝୁରମି ବେଟାଆହାଲି ମାର ଜିକେଏ ଏଝାଣିତଳେ ଦୁକୁ କସ୍ତ ପାଣ୍ଣନାୟି ମାନେ, ଆତିହୁଁ ମାହାପୁରୁତି ବରତି ବାଗା ଅଡ଼େ କ୍ରୀସ୍ତ ତଳେ ବାଗାତା ଆଣ୍ଣାଲି ଆଡ଼ିନାୟି □

ଝାହିମାନି ଗାଝୁରମି

୧୮ ଅଣ୍ପାଦୁ, ଆମିନି ଗାଝୁରମିତା ଝାହିମାନି ଦିନାତା ମାର ଏଗାହାନାୟି, ଏଦାଆଁ କିହାଁ ନୀଏଁତି ଦୁକୁ କାକୁଲି ଇଟାୟି ଜିକେଏ ଆଏ, ଏତିବେଲାତା ମାହାପୁରୁ ତାନି ମୀରକା ମାସକାଣି ତହୁନେସି □

୧୯ ମାହାପୁରୁ ତାନି ମୀରକା ମାସକାଣି ତଞ୍ଜାଆନାଣି ମେସାଲି ବାରେ ଗାଡ଼ି ଆଡ଼ାୟି କାପୁ କାଟାମାନେ □

୨୦ ଏନାଆଁତାକି ଇତିହୁଁ ଗାଡ଼ିଆଡ଼ାୟି ମାହାପୁରୁ ତାଣାଟି ବାକା ବେଟାଆହାନା ତାନି ଏଗାହାନି ଟାୟୁ ବାଣା ଆହାମାନେ □ ଆଡ଼ିଜିକେଏ ତାନି ଆସା ମାନେ,

୨୧ ଅଡ଼େ ଏଡ଼ି ବାସୁଁ ବେଟାଆଡ଼େ, ଇଞ୍ଜା ଗାଡ଼ି ଆଡ଼ାୟି ତାନୁଏ ଜିକେଏ ମାହାପୁରୁତି ମୀରକା ଗାଝୁରମି ତାକି ପିସ୍ପି ଆହାଲିତାକି ନାସା ଆନି ହଲିୟାଟି ପିସ୍ପି ଆନେ

୨୨ ସାମା ନୀଏଁ ପାତେକା ବାରେ ଦାରତି ଜାନି କିନି ବୀସା ତଳେ କସ୍ତ ପାଣ୍ଣନି ଲେହେଁ କସ୍ତ ତାକି ଡ଼ାହିମାନେ □

୨୩ ✠ସାମା ମାର ମୂଲୁତି ପାଡ଼େୟି ଲେହେଁ ସୁଦୁଜୀଝୁତି ବେଟାଆହାମାନାୟି, ଆତିହୁଁ ଜିକେଏ ମାର ମାହାପୁରୁତି ମୀରକା ଇତିହୁଁ ଜାହା ଜାହାରା ଆଜ୍ଞାଟି ବାରେଜାଣା ଗେଲ୍ପି ଆୟାଲିତାକି କାପୁ କାଟାନା ମା ହିୟାତା ଡ଼ାହି ମାନାୟି □

୨୪ ଏନାଆଁତାକି ଇତିହୁଁ ବାସୁଁଟି ମାର ଗେଲ୍ପି ଆହାମାନାୟି; ସାମା ଏନାୟି ତଞ୍ଜା ଆନାୟି, ଏଦାଆଁତାକି ବାସୁଁ ଇତିନାୟି ଏଡ଼ି ସାତାତି ବାସୁଁ ଆଏ, ଇତିହୁଁ ଏନାଆଁ ମେସିମାନାୟି ଏଦାଆଁତାକି ଏନାଆଁତାକି ବାସୁଁ ଇତିନାୟି ?

୨୫ ସାମା ମାର ଏନାଆଁ ମେସି ହିଲାଆୟି ଏଦାଆଁତାକି ବାସୁଁ ଇତିନାୟି, ଆତିହୁଁ ମାଜେ ସାସାତଳେ କାପୁ କାଃଆନାୟି ମାନେ □

୨୬ ମାର ବାଡ଼ୁୟି ହିଲାଆଗାଟାତାୟି, ସାମା ସୁଦୁଜୀଝୁ ମାଜ ସାୟେମି କିୟାନେ; ଏନିକିହୁଁ ପ୍ରାତାନା କିନାୟି, ଏଦାଆଁ ମାର ପୁଞ୍ଜାହିଲାଆୟି, ଏଦାଆଁତାକି ସୁଦୁଜୀଝୁ ଜଲିନି ହାଡ଼ାତଳେ ମା ତାକି ମାହାପୁରୁଟି ଗହାରା କିନେ;

୨୭ ଆମ୍ପାଆସି ମା ହିୟାଁ ବିତ୍ରା ମାନାଣି ପୁନେସି, ଏଝାସି ସୁଦୁଜୀଝୁତି ଅଣ୍ପୁ ଏନାୟି ଏଦାଆଁ ପୁନେସି, ଇତିହୁଁ ଏଝାସି ମାହାପୁରୁତି ଅଣ୍ପୁ ତଳେ ମାହାପୁରୁ ଲକୁତାକି ଗହାରା କିନେସି □

୨୮ ମାର ପୁଞ୍ଜାମାନାୟି, ଆମିନି ଗାଟାରି ମାହାପୁରୁଟି ଜୀଝୁ ନନେରି ଇଞ୍ଜା ମାହାପୁରୁତି ଲଡ଼ା ତାକି ବାଟି କିଝି ଆହାମାନେରି, ଏଝାରାକି ବାରେ ନେହାୟି ଆନେ □

୨୯ ଆମ୍ପାଆରାକି ମାହାପୁରୁ ହାଟାମାନେସି, ଏଝାରାକି ତାନି ମୀରଏଣା ଝାଣା ଲେହେଁ ଆହାଲି ତଲିଟିଏ ତାରି କିହାମାନେସି, ଆତିହୁଁ ମାହାପୁରୁତି ମୀରଏସି, ଏନିକିହୁଁ ଏଝାସି ହାରେକା ତାୟି ତାଜିସ୍ତା କିହାଁ ମୂଲୁ ଜାର୍ନା ଆଡ଼ାସି ଆନେସି □

୩୦ ଆମ୍ପାଆରାକି ନଟକଏ ଆଟାମାଟେସି, ଏଝାରାକି ଏଝାସି ହାଟିତେସି, ଏଝାରି ମାହାପୁରୁ ନକିତା ଦାମ୍ପୁଗାଟାରି ଇଞ୍ଜି ତଞ୍ଜି କିତେସି, ଅଡ଼େ ଆମିନି ଗାଟାରାକି ଦାମ୍ପୁଗାଟାରି ଇଞ୍ଜି ତଞ୍ଜି କିତେସି ଏଝାରାକି ଜିକେଏ ଏଝାସି ଗାଝୁରମି କିତେସି □

ମାହାପୁରୁତି ଜୀଝୁନନାୟି

୩୧ ଆତିହୁଁ ଇ ବାରେତି ମେସାନା ମାର ଏନାଆଁ ଇନାୟି ? ମାହାପୁରୁ ମା ଝାକି ମାଟିସାରେ, ଆମ୍ପାଆସି ମା କପାତଳେ ନିଜିନେସି ?

୩୨ ଆମ୍ପାଆସି ତାନି ମୀରଏଣାକି ଜିକେଏ ଗେଲ୍ପାଆତେସି, ସାମା ମା ବାରେତାକି ଏଝାଣାକି ହେର୍ପିତେସି, ଏଝାସି ଏନିକି ଏଝାଣିତଳେ ମାଜେ ଜିକେଏ ବାରେ କାର୍ମାତି ଦାନା ହିୟଅସିକି ?

୩୩ ମାହାପୁରୁ ହାଟାମାନି ଲକୁ କପାତଳେ ଆମ୍ପାଆସି ଦହ ଦସାଲି ଆଡ଼ିନେସି ? ଏଝାରି ଦହ ହିଲାଆ ଗାଟାରି ଇଞ୍ଜି ମାହାପୁରୁ ତାନୁଏ ଝେକହା ମାନେସି □

୩୪ ଆମ୍ପାଆସି ତଣ୍ଡ ହାନେସି ? କ୍ରୀସ୍ତ ଜୀସୁ ହାଡ଼ାରି ତାଣାଟି ଝେଣ୍ଣେ ନିଜ୍ଞାନା ମାହାପୁରୁତି ଟିଝନି ଟଟତା ମାଞ୍ଜାନା ମାଜେତାକି ଗହାରା କିହିମାନେସି □

୩୫ ଆତିହୁଁ ଆମ୍ପାଆସି ମାଜେ କ୍ରୀସ୍ତତି ଜୀଝୁ ନନି ତାଣାଟି ଏଟକା କିୟାନେସି ? ଦୁକୁ, କସ୍ତ, କାକୁଲି କି କାଟାରା, ହାକି, ଏସ୍କି, ସନି କି କାଣ୍ଡା, ଏନାୟି ଜିକେଏ ଏଦାଆଁ କିହାଲି ଆଡ଼େଏ □

୩୬ ସାସ୍ତେରିତା ରାସ୍କି ଆହାମାନେ; “ମିଜେ ତାକି ମାମ୍ପୁରାରେଦିନା ହାକିତି ନକିତା, ହାହାଲି ହାଜିମାନି ମେଣ୍ଡା ଲେହେଁ ମାମ୍ପୁ ତଞ୍ଜା ଆହିମାନମି □”

✠ ୮:୧୫ ୮:୧୫ ଗାଲା ୪:୫-୭ ✠ ୮:୧୫ ୮:୧୫ ମାର୍କ ୧୪:୩୭; ଗାଲା ୪:୭ ✠ ୮:୨୩ ୮:୨୩ ୨କର ୫:୨-୪

୩୭ ଆଡ଼ିଜିକେଏ ଆମ୍ବାଆସି ମାଙ୍ଗେ ଜୀଝୁ ନୟାଁତେସି, ଏଞ୍ଜାଣି ସାୟେମି ତଲେ ମାର ଇ ବାରେତ ଲାକ ଜୀଶା ଆହାମାନାୟି ।

୩୮ ନାନୁ ସାତେଏ ନେହୁଁ କୁଁ ପୁଞ୍ଜାମାଲ୍ ତାନି ଜୀଝୁ ନନ୍ତି ତାଣାଟି ମାର ଏଚେଲା ଜିକେଏ ଏଟକା ଆଆୟି, ହାକି କି ଜୀଝୁ, ଲାକପୁରୁତି ଦୁରୁୟାଁ କି ସାଲୁଞ୍ଜି କିହିମାନାଇ କି ବାଡ଼ୁୟୁ ଗାଟାଇ, ନୀଏଁ କି ଖାନ୍ତି ଦିନା କି ଏନ୍ତି ବାଡ଼ୁୟୁ,

୩୯ ଲାକପୁରୁତି କାତା କି ତୁଇପୁରୁତି କାତା ଏନାୟି ଜିକେଏ; ବାରେ ଗାଡ଼ିଆଡ଼ି ଦିଶ୍‌ସୁ ପ୍ରବୁ କ୍ରୀସୁ ଜୀସୁ ତାଣାଟି ତଞ୍ଜାଆହାମାନି ମାହାପୁରୁତି ଜୀଝୁ ନନ୍ତି ତାଣାଟି ମାଙ୍ଗେ ଏଟକା କିୟାନେ ।



ମାହାପୁରୁ ଅଡ଼େ ତାନି ଲକୁ

୧ ନାନୁ କ୍ରୀସୁତି ଲକୁ ଆହାମାନାକି ସାତା ୱେସିମାଲ୍, ମିତି ୱେସିହିଲଅଁ । ସୁଦୁଜୀଝୁତି ସେଡନା ହାନାଣି ତଲେ ନା ଅଶ୍‌ପୁ ଇଦାଣିତି ସାକି ।

୨ ନାନୁ ଏଚେକା ଦୁକୁ ଅଡ଼େ କସ୍‌ତଲେ ନା ହିୟାଁତା ଏଚେକା ବଦୁ ଆହାମାନେ, ଇଦାଆଁ ନାଡ଼ିକିହାଁ ୱେସିହିଲଅଁ ।

୩ ନା ଜାହାରା କୁଡ଼ାତି ତାୟିୟାଁକି ନାନୁ କ୍ରୀସୁ ତାଣାଟି ଏଟକା ଆହାନା ମାହାପୁରୁ ତାଣାଟି ବାକା ବେଟାଆହାଲି ନା ଅଶ୍‌ପୁ, ଇତିହୁଁ ଏଞ୍ଜାରି ମାହାପୁରୁତି ଲକୁ ।

୪ ଏନାଆଁତାକି ଇତିହୁଁ ଏଞ୍ଜାରି ଇସ୍‌ସାୟେଲ ଲକୁ; ତାନି ମୀରକା ଲେହେଁ ଆବାନା ଏଞ୍ଜାରି ନକିତା ତାନି ଗାଝୁରମି ତସାମାରେସି; ଏଞ୍ଜାରିତଲେ ରାଜିମାନା ଆହାନା ଏଞ୍ଜାରାକି ମେରା ହାହାମାରେସି, ଏଞ୍ଜାରି ସାତା ତଲେ ସେବା କିନାରି; ଏଞ୍ଜାରି ମାହାପୁରୁ ତାଣାଟି ଆଞ୍ଜାମାନାଣି ବେଟାଆହାମାନେରି;

୫ ଏଞ୍ଜାରି ବାରେଜାଣା ୱେଙ୍ଗାମାନି ଆକୁ ଆବାୟାଁତି ମୀରକା ଇଞ୍ଜା ମାଶ୍‌ସି ୱାଣାଟି କ୍ରୀସୁ ଏଞ୍ଜାରି ତାଣାଟି ଜାର୍ନା ଆହାମାରେସି; ବାରେ ଅଦିକାରାଗାଟି ମାହାପୁରୁକି କାଲାକାଲାତାକି ଜହରା ଆପେ । ଆଫେନ୍ ।

୬ ମାହାପୁରୁତି ବକୁ ଉଜେଏ ଆହାମାନେ ଇଞ୍ଜୁଁ ନାନୁ ୱେସିହିଲଅଁ, ଇତିହୁଁ ଇସ୍‌ସାୟେଲ କୁଡ଼ାତି ବାରେ ଲକୁ ମାହାପୁରୁତି ଲକୁ ଆଏ,

୭ ଅବ୍ରାହାମ କୁଡ଼ାତି ବାରେ ଲକୁ ମାହାପୁରୁ ମୀରକା ମାସକା ଏଡି ଆଏ; ମାହାପୁରୁ ଅବ୍ରାହାମଲ୍ ୱେସାମାରେସି, “ଇସାହାକ ତାଣାଟି ନୀ କୁଡ଼ା ୱେଙ୍ଗିନେରି ।”

୮ ଇଦାଣି କାତା ଇଦି, ମାଶ୍‌ସି ମୀରକା ମାସକା ମାହାପୁରୁ ମୀରକା ମାସକା ଆହାଲି ଆଡ଼ଅରି, ମାହାପୁରୁତି ଆଞ୍ଜାମାନି ଲେହେଁ ଜାର୍ନା ଆହାମାନି ମୀରକା ମାସକା ମାହାପୁରୁ ନକିତା ସାତା ମୀରକା ମାସକା ଲେହେଁ ଆନେରି ।

୯ ମାହାପୁରୁ ଇଦାଆଁ ଆଞ୍ଜାମାରେସି, “ଇ କାଲମିତା ମାମ୍ବୁ ୱେଞ୍ଜେ ୱାନ୍‌ମି, ଏଚିବେଲାତା ସାରା ର ମୀରଏଶାଇଁ ଜାର୍ନା କିହାମାଶ୍‌ମିନେ ।”

୧୦ ଅଡ଼େ ୱାଉଇ ଏଚେକା ଆଏ, ରିବିକାନି ତାଣା ଜିକେଏ ଜାଣ୍‌ଞ୍ଜା ମୀରକା ର ତାଞ୍ଜି ଇସାହାକ ତାଣାଟି ଜାର୍ନା ଆହାମାରେରି,

୧୧ ଏଞ୍ଜାରି ଜାର୍ନା ଆନ୍ତି ନକେଏ, ଅଡ଼େ ଏଞ୍ଜାରି ନେହାଁଣି ଲାଗେଏତାଣି କିନି ନକେଏ, ଇଞ୍ଜାରି ବିତ୍ରାଟି ରଅସି ମାହାପୁରୁ ଲଡ଼ା ତାକି ବାଟି କିଞ୍ଜିଆଡ଼େସି,

୧୨ ରିବିକାଇଁ ମାହାପୁରୁ ଏଲେଇଞ୍ଜାମାରେସି, “କାଜା ତାୟି ଉଶା ତାୟିତି ସେବା କିନେସି ।” ମାହାପୁରୁ ଏଦାଆଁ ୱେସାମାରେସି ଏଞ୍ଜାରି କାମା କିତି ତାଣାଟି ଆଏ, ୱାଉଇ ମାହାପୁରୁ ଆଡ଼ିତାକି ଏଞ୍ଜାରି ହାଟୁକି ଆଡ଼େରି ।

୧୩ ସାସ୍‌ସେରିତା ରାସ୍‌କି ଆହାମାନେ, “ନାନୁ ଜାକୁବଇଁ ଜୀଝୁ ନଡ଼େଏଁ, ସାମା ଏସାଝୁଇଁ ଅପାଆଡ଼େଏଁ ।”

୧୪ ଆତିହୁଁ ଏନାଆଁ ଇନାୟି, ମାହାପୁରୁ ଲାଗେଏତି କାମାକିନାସି କି ? ଏଡି ଏଚେଲା ଜିକେଏ ଆଆପେ ।

୧୫ ଏଦାଆଁତାକି ମସାଇଁ ଏଲେଇଚେସି, “ଆମ୍ବାଆରାଇଁ ନା କାର୍ନା ଆନାୟି ମାନେ ଏଞ୍ଜାଣାଇଁ କାର୍ନା ଆଇଁ, ଆମ୍ବାଆରାଇଁ ସାୟେମି କିନାୟିମାନେ ଏଞ୍ଜାଣାଇଁ ନାନୁ ସାୟେମି କିଇଁ ।”

୧୬ ଏଦାଆଁତାକି ଆମ୍ବାଆସି ମନ୍ କିନେସି, ଆଆଡ଼ି ଆମ୍ବାଆସି ପାରିନାସି କି କିନାସି, ଏଞ୍ଜାଣି ତାଣାଟି ଏନାୟି ଆହାଲି ଆଡ଼େଏ, ସାମା କାର୍ନାମେହ୍‌ନି ମାହାପୁରୁ ତାଣାଟି ଆନେ ।

୧୭ ଦାର୍ମୁ ସାସ୍‌ସେରିତା ରାସ୍‌କି ଆହାମାନି ଲେହେଁ, ମାହାପୁରୁ ମିସରତି ରାଜା ପାରଇଁ ଏଲେଇଚେସି, “ନୀ ତାଣାଟି ନା ବାଡ଼ୁୟୁ ତସାଲି ଇଞ୍ଜା ବାରେ ଦାରୁତିତା ନା ଗାଝୁରମି ତସାଲି ତାକି ନାନୁ ନିଙ୍ଗେ ରାଜା କିହାମାଞ୍ଜାଇଁ ।”

୧୮ ଏଦାଆଁତାକି ମାହାପୁରୁତି ଅଶ୍‌ପୁ ଲେହେଁ ଆମ୍ବାଆରାଇଁ କାର୍ନା ମେହ୍‌ନେସି ଇଞ୍ଜା ଆମ୍ବାଆରାଇଁ ଆଟୁଞ୍ଜା ହିୟାଁ କିନେସି ।

ମାହାପୁରୁତି କାର୍‌ବି ଇଞ୍ଜା କାର୍‌ମାମେହ୍‌ନାୟି

୧୯ ଏମ୍ବାଟିଏ ନୀନୁ ନାଙ୍ଗେ ଏଲେଇଞ୍ଜାଦି, “ମାହାପୁରୁ ଏନାଆଁତାକି ଦହ ଆହ୍‌ନେସି ? ଆମ୍ବାଆସି ମାହାପୁରୁତି କପାତଲେ ଏନାଆଁ କିହାଲି ଆଡ଼ିମାନେସି ?”

୨୦ ସାମା ଏ ସୟି, ନୀନୁ ଆମ୍ବାଆଡ଼ି, ମାହାପୁରୁଇଁ ୱେଞ୍ଜେ ୱେସାଲି ନିଙ୍ଗେ ସାସା ମାନେକି, ଗାଡ଼ି ଆଡ଼ି ଆସ୍ତି ଗାଡ଼ି କିତାଣାଇଁ “ନାଙ୍ଗେ ଏନାଆଁତାକି ଇଲେକଁ ଗାଡ଼ି କିୟାତି ଇଞ୍ଜୁଁ ଏଲେଇଞ୍ଜାଲି ଆଡ଼ିନେ କି ?”

୨୧ ର ଇରଆ ଡେପଲାଟି ଜାହାରା ଇଚା ତଲେ ତ:କା କେପାଲି କୁମ୍ବେ_ଏଶାକି ବାରେ ଅଦିକାରା ମାନେ, ରଣ୍ଡାଆଁ ବାରେ କାମାତି ଦିନାତା ଲେମ୍ବାଲି ଅଡ଼େ ରଣ୍ଡାଆଁ ଉଜେଏ ଦିନାତା ଲେମ୍ବାଲି ତାକି ।

୨୨ ମାହାପୁରୁ ଜିକେଏ ଏଲେକ୍ସ କିହାମାନେସି, ତାନି କାରବି ତସାଲି ଇଞ୍ଜା ବାଡ଼ୁୟୁତି ପୁଣ୍ଡି କିହାଲି ଅଣ୍ଡପିମାରେସି, ସାମା ଆମିନି ଗାଟାରି ଏଞ୍ଜାଣି କପାତଲେ ନାସା ଆନାୟି ମାଟେ, ଏଞ୍ଜାରି ତାକି ମାହାପୁରୁ ହାରେକା କାର୍ମା ଆହାନା ଅରୁହା ମାନେସି □

୨୩ ଅଡେ ଗାଞ୍ଜୁରମି ତାକି ତାନିତାଣାଟି ନକେଏ ଆହାମାନି ସାୟେମିତି ଲକୁ ମାର ଇତିହ୍, ମା ତାଣା ତାନି ଗାଞ୍ଜୁରମିତି ଦନ ତସାଲି କିହାମାନେସି, ଆତିହ୍ ନାନୁ ଏନାଆଁ ଇଞ୍ଜା ?

୨୪ ଏଦାଆଁତାକି ଏଞ୍ଜାସି ଖାରଇ ଜୀହୁଦି ଲକୁ ତାଣାଟି ମାଞ୍ଜେ ହାଟା ମାଞ୍ଜଅସି, ସାମା ଜୀହୁଦିଆଆତି ଲକୁ ତାଣାଟି ଜିକେଏ ମାଞ୍ଜେ ହାଟାମାଞ୍ଜାନେସି,

୨୫ ଇ କାତାତି ହସେୟ ପତିତା ମାହାପୁରୁ ଖେସାମାନେସି;

“ଆମ୍ବାଆରି ମା ଲକୁ ହିଲ୍ଲାଆତେରି, ଏଞ୍ଜାରାଇଁ ‘ମା ଲକୁ’ ଲେହେଁ ହାଟା କଡିତମି;

ଆମିନି କୁଡାତାରାଇଁ ଜୀହୁ ନହାଁ ହିଲ୍ଲାଆତମି ଏଞ୍ଜାରାଇଁ ମା ‘ଜୀହୁତି ଲକୁ’ ଇତିମି,

୨୬ ଆମିନି ଟାୟୁତା ଏଞ୍ଜାରାଇଁ ଖେସାମାଟମି, ‘ମୀରୁ ମା ଲକୁ ଆଏ’

ଏମ୍ବାଆଁ ଏଞ୍ଜାରି ଜୀହୁଗାଟି ମାହାପୁରୁତି ମୀରକା ଇଞ୍ଜାଁ ଖେଞ୍ଜାନେରି □”

୨୭ ଇଞ୍ଜା ଇସ୍ରାୟେଲ ଲକୁତି କାତା ଜିସାୟ କାଜା ଗିୟାତଲେ ଖେସାମାନେସି, “ଇସ୍ରାୟେଲତି ଲକୁ ସାମଦୁରିତି ଏଜିକିହାଲି ଆଡାଆଗାଟି ବାଃଲି ଲେହେଁ ଆତିହ୍ ଜିକେଏ, ଏଞ୍ଜାରି ବିତ୍ରାଟି ଏଚର ଜାଣାଦେଁ ଗେଲ୍ପି ଆନେରି;

୨୮ ଏନାଆଁତାକି ଇତିହ୍ ପ୍ରବୁ ତବେ ଦାର୍ତିତା ବାରେ ନାହାଁୟି ବିଚାରା କିନେସି □”

୨୯ ଏନିକିହ୍ ଜିସାୟ ତଲିଏ ଅଡେ ଖେସାମାନେସି, “ବାରେ ବାଡ଼ୁୟୁ ଗାଟି ପ୍ରବୁ ଏଚେକା ମା କୁଡାତି ଲକୁଣି ଗେଲ୍ପାଆତିମା, ସଦମ ଅଡେ ଗମରାତି ଲକୁଲେହେଁ ମାଞ୍ଜେ ଜିକେଏ ଆୟାତେମା □”

ପାଞ୍ଜୁଲ ଇସ୍ରାୟେଲ ତାକି ପ୍ରାତାନ

୩୦ ଏଦାଆଁତାକି ଜୀହୁଦିଆଆତି ଲକୁତି କାତାତା ଇଲେ ଇଞ୍ଜାଲି ଆଡିନାୟି, ଏଞ୍ଜାରି ଦାର୍ମୁଗାଟାରି ଆହାଲି ଅଣ୍ଡପି ହିଲ୍ଲାଆତେରି, ସାମା ଏଞ୍ଜାରି ନାମୁ ତାକି ଦାର୍ମୁଗାଟାରି ଆଡେତରି □

୩୧ ସାମା ଇସ୍ରାୟେଲ ଲକୁ ଦାର୍ମୁଗାଟାରି ଆହାଲି ଅଣ୍ଡପାନା ମେରା ତଲେ ଦାର୍ମୁଗାଟାରି ଆହାଲି ଆଡାଆତେରି □

୩୨ ଏନାଆଁତାକି ଇତିହ୍ ଏଞ୍ଜାରି ନାମୁତଲେ ଏଦାଆଁ ପାରାଆନା, କାମା ତଲେ ପାରିମାଟେରି □ ଏଦାଆଁତାକି ଏଞ୍ଜାରି ଆଜ୍ଜିମାନି ଖାଲିତା ପୁଟି କିହାନା ତରଗିତେରି □

୩୩ ସାସ୍ତେରିତା ରାସ୍କି ଆହାମାନେ; “ସିନିକିଦୁ, ମାମ୍ବୁ ସିୟନତା ର ପୁଟିକିନି କଟା ଖାଲି

ଇଞ୍ଜା ଆଜ୍ଜିନି ପାକା ଖାଲି କେପାମାନମି, ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଲାଜା ବେଟାଆଅସି □”

୧୦

୧ ଏ ତାୟି ତାଜ୍ଜିସ୍ତାତେରି, ମା ଲକୁ ଏନିକିହ୍ ଗେଲ୍ପି ଆନେରି, ଏଡି ନା ହିୟାତି ଅଣ୍ଡପୁ, ଇଞ୍ଜା ଏଞ୍ଜାରି ତାକି ମାହାପୁରୁ ତାଣା ରଣ୍ଡିଏ ଅଣ୍ଡପୁ ତଲେ ନା ପ୍ରାତାନା □

୨ ଇତିହ୍ ମାହାପୁରୁ ସେବା କିହାଲି ଏଞ୍ଜାରାକି ହାରେକା ମନ ଅଡେ ରାହାଁ ମାନେ, ଇଦାଆଁ ନାନୁ ଏଞ୍ଜାରି ଖାକିଟି ଖେସିମାଇଁ, ସାମା ଏ ମନ ଅଡେ ରାହାଁ ବୁଦିଗାଟାୟି ଆଏ □

୩ ମାହାପୁରୁ ହାତି ଦାର୍ମୁତି ଜିରୁ ପୁନାଆନା ଜାହାରା ତାରି କିହାମାନି ଦାର୍ମୁତି ଜିରୁଟି ତାକାନା ମାହାପୁରୁ ହାତି ଦାର୍ମୁତି ଜିରୁ ଆସିହିଲଅରି □

୪ କ୍ରୀସ୍ତ ମେରାତି ରାପ୍ନାସି, ଖାରଇ ଏଞ୍ଜାଣି ତାଣା ନାମିସାରେ ମାଣ୍ଡସି ମାହାପୁରୁ ନକିତା ଦାର୍ମୁଗାଟାସି ଆନେସି □

ବାରେ ଜାଣାକି ଗେଲ୍ପି ଆନାୟି

୫ ମସା ରାଟାମାନେସି, “ଆମିନି ମାଣ୍ଡସି ମେରା ମାନି କିହାନା ଦାର୍ମୁଗାଟାସି ଆନେସି, ଏଞ୍ଜାସି ଏମ୍ବାଟି ନୀତିନେସି □”

୬ ସାମା ନାମୁତଲେ ଦାର୍ମୁ ଗାଟାତାୟି ଆନାୟି ଇଞ୍ଜାଁ ସାସ୍ତେରିତା ରାସ୍କି ଆହାମାନେ, “କ୍ରୀସ୍ତଇଁ ରେପ୍ତହା ତାଚାଲି ତାକି ଆମ୍ବାଆସି ଲାକପୁରୁ ହାଜାଲି ଆଡିନେସି?” ମୀରୁ ଇ କାତା ଏଲେଇନାଆଦୁ □

୭ ଇଞ୍ଜା “କ୍ରୀସ୍ତଇଁ ହାଡାରି ତାଣାଟି ନିକହା ତାଚାଲି, ଆମ୍ବାଆସି ତାଡେପୁରୁ ହାନେସି? ଇ କାତା ଜିକେଏ ମୀରୁ ଏଲେଇନାଆଦୁ □”

୮ ଏନାଆଁତାକି ଇତିହ୍ ସାସ୍ତେରିତା ରାସ୍କି ଆହାମାନି ଲେହେଁ, “ମାହାପୁରୁତି ବଲୁ ମୀ ତାଣା ମାନେ, ଅଡେ ମୀ ଗୁଡି ଇଞ୍ଜା ହିୟାତା ମାନେ, ଆମିନି ନାମୁତି ବଲୁ ମାମ୍ବୁ ଖେକ୍‌ହି ମାନମି, ଏ ବଲୁ □”

୯ ମୀରୁ ଜୀସ୍ତଇଁ ଗୁଡି ତଲେ ପ୍ରବୁ ଇଞ୍ଜାଁ ଜଲିଦେରି, ଇଞ୍ଜାଁ ମାହାପୁରୁ ଏଞ୍ଜାଣାଇଁ ହାଡାରି ତାଣାଟି ନିକହାମାନେସି ଇଞ୍ଜାଁ ହିୟାଁ ତଲେ ନାମିସାରେ, ଆତିହ୍ ମୀରୁ ଗେଲ୍ପି ଆଡେରି;

୧୦ ଇତିହ୍ ଦାର୍ମୁଗାଟି ଲକୁ ଆହାଲି ମାଣ୍ଡସି ହିୟାଁ ତଲେ ନାମିନେସି, ଇଞ୍ଜାଁ ଗେଲ୍ପି ଆହାଲି ଗୁଡି ତଲେ ଜଲିନେସି □

୧୧ ଦାର୍ମୁ ସାସ୍ତେରିତା ରାସ୍କି ଆହାମାନେ, “ଆମ୍ବାଆସି ଜିକେଏ ତାନି ତାଣା ନାମିନେସି, ଏଞ୍ଜାସି ଲାଜା ବେଟାଆଅସି □”

୧୨ ଜୀହୁଦି ଇଞ୍ଜାଁ ଜୀହୁଦିଆଆତାରି ବିତ୍ରା ପାର୍ଡା ବାଟି କିନାୟି ହିଲେଏ; ବାରେଜାଣା ତାକି ରଣ୍ଡିଏ ପ୍ରବୁ, ଏଚେକା

ଲକୁ ଏଝାଣି ତାଣା ପ୍ରାତାନା କିନେରି, ବାରେ ଜାଣାକି ଏ କାର୍ମାମେହନାୟି ଆନେ ।

୧୩ “ଆମ୍ବାଆସି ପ୍ରବୁତି ଦରୁ ଆସାନା ପ୍ରାତାନା କିନେସି, ଏଝାସି ଗେଲ୍ପି ଆନେସି ।”

୧୪ ସାମା ଆମ୍ବାଆରାଇଁ ନାମା ହିଲଅରି ଏନିକିହିଁ ଏଝାରି ଏଝାଣି ତାଣା ପ୍ରାତାନା କିନେରି ? ଇଞ୍ଜା ଏଝାଣି ନେହିଁ ବଲୁ ଝେନାଆନା ଏଝାରି ଏନିକିହିଁ ନାମିନେରି ? ଝେକନାରି ଝେକଆସାରେ ଏ ବଲୁ ଏଝାରି ଏନିକିହିଁ ଝେନେରି ?

୧୫ ଅଡେ ବଲୁ ଝେକହାଲି ତାକି ପାଣୁଝି ଆଆସାରେ ରଅସି ଏନିକିହିଁ ବଲୁ ଝେକନେସି ? ଇ କାତା ସାସ୍ତେରିତା ରାସ୍କି ଆହାମାନେ, “ଆମିନି ଗାଟାରି ନେହିଁ ବଲୁତି କାଟୁ ତାନେରି ଏଝାରି କତାୟାଁ ଏତେକା ଅଜିତାଇ ।”

୧୬ ସାମା ବାରେଜାଣା ଏ ନେହିଁ ବଲୁ ଆବା ହିଲଅରି, ଏଦାଆଁତାକି ଜିସାୟ ଏଲେଇଞ୍ଜି ମାନେସି, “ପ୍ରବୁ ମା ହାଡ଼ା ଝେଞ୍ଜାନା ଆମ୍ବାଆସି ନାମା ମାନେସି ?”

୧୭ ଏନିକିହିଁ ନାମୁ ଝେନି ତାଣାଟି ଝାନେ, ଅଡେ ଝେନାୟି କ୍ରାସ୍ତି ନେହିଁ ବଲୁଟି ।

୧୮ ସାମା ନାନୁ ଏଲେଇଇ, ଏଝାରି ଏନାଆଁ ଏ ବଲୁ ଝେଞ୍ଜାହିଲଅରି କି ? ଝେଞ୍ଜାମାନେରି, ଏନାଆଁତାକି ଇତିହିଁ ସାସ୍ତେରିତା ରାସ୍କି ଆହାମାନେ;

“ଏଝାରି ହାଡ଼ା ବାରେ ଦାର୍ତ୍ତିତା ଝେଙ୍ଗାମାନେ, ଏଝାରି କାତା ବାରେ ଦାର୍ତ୍ତି ମୁଟ୍ପୁଲି ପାତେକା ଝେଙ୍ଗାମାନେ ।”

୧୯ ଅଡେ ର ଦେବା ନାନୁ ଝେଞ୍ଜାଲି ଅଶ୍ପିମାଇଁ, ଇସ୍ତାୟେଲ ଲକୁ ଏଦାଆଁ ତେଲହାଲି ଆଡ଼ାଆତେରି କି ? ହାରେକା ବାସା ନକେଏ ମସା ଇ କାତା ଝେସାମାନେସି, “ମା ଲକୁଣି କାର୍ବି କିହାଲିତାକି ର ଉଣା କୁଡ଼ାତି ଲେମ୍ବିନମି,

ଏଲେକିହିଁ ଏ ବୁଦି ହିଲଆଗାଟି କୁଡ଼ା ତଲେ ଏଝାରାଇଁ କାର୍ବି କିଝି କିନମି ।”

୨୦ ଅଡେ ଜିସାୟ ସାସାତଲେ ଝେସାମାନେସି, “ଆମିନି ଗାଟାରି ମାଙ୍ଗେ ପାରିମାଞ୍ଜାଆତେରି, ଏ ଲକୁ ମାଙ୍ଗେ ବେଟାଆୟାତେରି;

ଆମିନି ଗାଟାରି ମା କାତା ଝେଞ୍ଜିମାଞ୍ଜାଆତେରି, ଏଝାରି ନକିତା ମାମ୍ବୁ ତୁଞ୍ଜାଆଡ଼ମି ।”

୨୧ ସାମା ଏଝାସି ଇସ୍ତାୟେଲ ଲକୁତି କାତା ଝେସାମାନେସି, “ର ମାନ୍ତି କିଆନା ନା କପାଟି ନିଙ୍ଗିନି କୁଡ଼ାତି ନାନୁ ଝେଡ଼ା ତୁମ୍ବେ କେୟୁ ଦାସା ମାଇଁ ।”

୧୧

ଇସ୍ତାୟେଲ ଲକୁଣି ମାହାପୁରୁତି କାର୍ମା

୧ *ଅଡେ ନାନୁ ଝେଞ୍ଜାଲି ଆଡ଼ିଇଁ, ଆତିହିଁ ମାହାପୁରୁ ତାନି ଲକୁଣି ପିସାମାନେସି କି ? ଏଲେଆହିଁ

ଏତେଲା ଜିକେଏ ଆଆପେ, ଏନାଆଁତାକି ଇତିହିଁ ନାନୁ ଜିକେଏ ଅବ୍ରାହାମତି କୁଡ଼ାତା ଜାର୍ନାଆଡ଼ି ବିନାମିନ୍ ଗତିତି ଇସ୍ତାୟେଲ ଲକୁତେଏ ।

୨ ମାହାପୁରୁ ତଲିଟିଏ ବାଟି କିହାଁ ହାଟାମାନି ତାନି ଲକୁଣି ଏତେଲା ଜିକେଏ ପିସାହିଲଅସି, ମୀରୁ ଦାମ୍ବୁ ସାସ୍ତେରିତା ପଡ଼ଝି ଆହାହିଲଅତେରି ? ଏନିକିହିଁ ଏଲିୟ ମାହାପୁରୁ ନକିତା ଇସ୍ତାୟେଲ ଲକୁ କପାତଲେ କାତା ଜଲ୍ମାମାଟେସି,

୩ “ପ୍ରବୁ ଏଝାରି ମାହାପୁରୁ ଅଶ୍ପୁତି ବଲୁ ଝେହନାରାଇଁ ଏନିକିହିଁ ପାୟାମାନେରି ଇଞ୍ଜା ପୂଜା ପିଣ୍ଡାଣି ଡିକହାନା ନାସଝି କିହାମାନେରି, ଝାରଇ ନାନୁ ରଅତେଏଁ ଗେଲ୍ପି ଆହାମାଇଁ; ଏଝାରି ନା ଜୀଝୁ ଜିକେଏ ଅହାଲି ଅଶ୍ପିମାଞ୍ଜାନେରି ।”

୪ ଏଲିୟଇଁ ମାହାପୁରୁ ଝେଣ୍ଡେ ଏନାଆଁ ଏଲେଇଟେସି, “ନାଡ଼ିକିନି ବାଲ୍ ପେମୁ, ପୂତଲ୍ମା ନକିତା ମେଣ୍ଡା କୁଡ଼ା ହିଲଅରି ଇଲେତି ସାତା ମାଣା ଲକୁଣି ମାଙ୍ଗେତାକି ଇଟାମାନମି ।”

୫ ଏଲେକିହିଁ ଏ ନୀଏଁ ଜିକେଏ କାର୍ମାମେସାନା ଆଟାମାଟେସି, ଏଝାରି ବିତ୍ରାଟି ଏତର ଜାଣାଦେଁ ମାନେରି ।

୬ ସାମା ତାନି କାର୍ମାମେହନି ତାଣାଟି ଆତିହିଁ, ଏଡ଼ି କାମାଲଡ଼ା ତାକି ଆହାଲି ଆଡେଏ; ଇଞ୍ଜା ତାନି କାର୍ମାମେହନାୟି ସାତା ତଲେ କାର୍ମାମେହନାୟି ଆଏ ।

୭ ଆତିହିଁ ଏନାଆଁ ଆଡେ ? ଇସ୍ତାୟେଲତି ଲକୁ ଏନାଆଁ ପାରିମାଟେରି, ଏଦାଆଁ ବେଟାଆଆତେରି; ଝାରଇ ମାହାପୁରୁ ଆଟାମାନି ଏତରଜାଣା ଲକୁ ଏଦାଆଁ ବେଟାଆଡେରି, ଏଟକାତାରି ଆମ୍ବାଆରି ଜିକେଏ ମାହାପୁରୁ ହାଟାମାନାଣି ମନ ହୀଆତେରି ।

୮ ସାସ୍ତେରିତା ରାସ୍କି ଆହାମାନେ, “ମାହାପୁରୁ ନୀଞ୍ଜୁପାତେକା ଏଝାରାକି ଆଟ୍ଝା ଜୀଝୁ ହୀହାମାନେସି, ଅଡେ ଇଲେତି କାଶ୍କା ହୀହାମାନେସି, ଏନିକିହିଁ ଏଝାରି ମେସାଲି ଆଡ଼ି ହିଲଅରି, ଅଡେ ଇଲେତି କାର୍ମା ହୀହାମାନେସି ଏଝାରି ଝେଞ୍ଜାଲି ଆଡ଼ିହିଲଅରି ।”

୯ ଏଝାରି କାତା ଦାଝୁଦ ରାଟାମାନେସି, “ଏଝାରି ପାର୍ବୁତି ରାନ୍ଦା ତିନା ଉନାଟି ପାନ୍ଦାତା ରିପାରି, ଏଝାରି ତରଗାନା ତଣ୍ଡ ବେଟାଆପେରି ।

୧୦ ଏଝାରି ଏନିକିହିଁ ମେସାଲି ଆଡ଼ଅରି, ଏଦାଆଁତାକି ଏଝାରି କାଣାୟାଁ ଆପେରି, କାଲେଏ ଦୁକୁ କସ୍ତ ବେଟାଆହାନା ଏଝାରି ଟେଡେଲି ଟୁଡ଼ଝା ଆପେ ।”

୧୧ ନାନୁ ଏଲେ ଇଞ୍ଜିମାଇଁ, ଏଝାରି ନାସଝି ଆହାଲି ପୁଟି କିହା ମାନେରି କି ? ଆଏ ଏତେଲା ଜିକେଏ ଆଆପେ, ସାମା ଏଝାରି ପାପୁ କିତାକି, ଏଝାରାଇଁ କାର୍ବି କିହାଲିତାକି ଜୀହୁଦିଆଆତାରି ନକିତା ଗେଲ୍ପିଆନି ଅଦିକାରା ମୋଡ଼ାଆଡେ ।

☆ ୧୧:୧ ୧୧:୧ ପିଲିପି ୩:୫

୧୭ ଜୀହୁଦି ଲକୁଡି ପାପୁ ଦାରତ୍ତି ବାରେ ଲକୁଡାକି ହାରେକା ବାଡକୁ ଲେହେ ଆହାମାନେ, ଜୀହୁଦି ଲକୁ ରିଡାକି ଜୀହୁଦିଆଆତି ଲକୁଡାକି ବର ହାରେଏ ଗାଡି ଲାଡା କିହାମାନେରି, ଇଞ୍ଜା ବାରେ ଜୀହୁଦି କୁଡା ଗେଲ୍ପି ଆଡିହୁଁମା ଏମ୍ବାଟି ଏଚେକା ଗାଡି ବର ବେଟାଆଅରି □

ଜୀହୁଦିଆଆତାରି ଗେଲ୍ପି ଆନାୟି

୧୩ ଜୀହୁଦିଆଆତି ଲକୁଣି ନାନୁ ଏଲେ ଇଞ୍ଜିମାଲ୍, ନାନୁ ଜୀହୁଦିଆଆତି ଲକୁଡାକି ପାଶୁଞ୍ଜି ଆହାମାନାକି ନା ସେବା କାମାତି ପାଶା ତାକି ନାନୁ ବଡପଣ ଆହିମାଲ୍ □

୧୪ ଏନିକିହୁଁ ଆପେ ଜାହାରା କୁଡାତି ଲକୁଣି ରାହୁଁ କିଞ୍ଜିକିହାନା ଏଞ୍ଜାରି ତାଶାଟି ଏଚର ଜାଶାଲ୍ ଗେଲ୍ପାଲି ଆଡିଲ୍ □

୧୫ ଏନାଆଁତାକି ଇଚିହୁଁ ଏଞ୍ଜାରି ପିସ୍ପିଆଡାକି ଦାର୍ଡି ତରେ ଆଡେ □ ଆତିହୁଁ, ମାହାପୁରୁ ବାରେ ଜୀହୁଦି କୁଡାତି ଆବିସାରେ, ଏଦାଆଁତି ପାଡେୟି ଏନାଆଁ ଆନେ ? ଏଡି ହାଡି ମାଶ୍ପି ଜୀଞ୍ଜୁ ବେଟାଆତି ଲେହେଁ □

୧୬ ରଚାଣି ରୁଟି ମାହାପୁରୁ ଦରୁତଲେ ହେରପି ଆହାମାଚିହୁଁ, ବାରେ ରୁଟି ଜିକେଏ ହେରପି ଆହାମାନେ ଇଞ୍ଜୁଁ ଇନାୟି; ର ମାର୍ନୁଡି ହୀରୁ ହେରପି ଆହାମାଚିହୁଁ, ଏଦାଣି କମା କାନ୍ଦି ଜିକେଏ ହେରପି ଆହାମାନୁ ଇଞ୍ଜୁଁ ଅଶ୍ପିନାୟି □

୧୭ ସାମା ଏଚେକା କମାୟାଁ ରାଡପି ଆଡୁ ଅଡେ ମୀରୁ ଜାଡାତି ଜୀତ ମାର୍ନୁଡି କମାୟାଁ ଆଡିଜିକେଏ ଏ ବିଡା ଦୁସ୍ପିଆଡେରେ, ଅଡେ ଏଞ୍ଜାରିତଲେ ଜୀତ ମାର୍ନୁଡି ତାକିତି ରାସାତା ଆଣ୍ଡିତେରି □

୧୮ ଆତିହୁଁ ଏ କମାୟାଁ କପାତଲେ ବଡପଣ ଆଆଡୁ; ସାମା ମୀରୁ ବଡପଣ କିଦେରି, ମୀରୁ ମାର୍ନୁଡି ତାକିତି ଆସା ହିଲଅତେରି, ସାମା ତାକି ମିଙ୍ଗେ ଆସାମାଞ୍ଜାନେ, ଇଦାଆଁ ମୀରୁ ପୁଞ୍ଜା ଡୟାଦୁ □

୧୯ ଆତିହୁଁ ମୀରୁ ଏଲେଇଞ୍ଜାଲି ଆଡିଦେରି, “ନାଙ୍ଗେ ଟାୟୁ ହୀହାନା ଦୁର୍ସାଲି ତାକି ଏ କମାଣି ରାଡପି ଆହାମାରୁ □”

୨୦ ଏଡି ସାତା, ଏଞ୍ଜାରି ନାମାଆଲିଏ ରାଡପି ଆଡେରି, ମୀରୁ ଖାରୁଇ ନାମାଲିଏ ଏ ଟାୟୁ ଅଦିକାରା କିହାମାଞ୍ଜେରି, ସାମା ବଡପଣ ଆଆନା ଆଜାଡୁ;

୨୧ ମାର୍ନୁଡା ଗାଲ୍ହାମାନି କମାୟାଁ ଲେହେଁ ଜୀହୁଦି ଲକୁଣି ମାହାପୁରୁ ଡଶ୍ପ ହୀଆନା ପିସାହିଲଅସି ଇଚିସାରେ, ଏଞ୍ଜାସି ମିଙ୍ଗେ ଜିକେଏ ପିସ୍ପିଅସି □

୨୨ ଇମ୍ବାଆଁ ସିନିକିନି କାତା, ମାହାପୁରୁ ଏନିକିହୁଁ କାର୍ମା ମେହ୍ନାସି ଇଞ୍ଜା କାର୍ବି ଆନାସି; ଆମ୍ବାଆରି ପାପୁତା ତରଗା ମାନେରି, ଏଞ୍ଜାରାଲ୍ ଏଞ୍ଜାସି କାର୍ବି ଆନେସି; ସାମା ଏଚରଦିନା ପାଡେକା ତାନି କାର୍ମାମେହ୍ନି ତାଶା ଡୟିଦେରି, ଏଚରଦିନା ମିଙ୍ଗେତାକି କାର୍ମା ମେସ୍ତାନେସି, ତାନି କାର୍ମାମେହ୍ନାଣି ଜାକ୍ହସାରେ; ମୀରୁ ଜିକେଏ ରାଡପି ଆଡେରି □

୨୩ ଜୀହୁଦି ଲକୁ ଏଞ୍ଜାରି ନାମୁଡି ପିହୁଅରି, ଆତିହୁଁ ଏଞ୍ଜାରି ତଲିମାତି ଟାୟୁତା ଖେଶ୍ଟେ ତୀରି ଆନେରି □ ମାହାପୁରୁ ଇଦାଆଁ କିହାଲି ଆଡିମାନେସି □

୨୪ ଜୀହୁଦିଆଆତି ଲକୁ ଜାଡାତି ଜୀତ ମାର୍ନୁଡି ଗମାୟାଁ ଲେହେଁ □ ଏଞ୍ଜି ରାଡପି ଆହାନା ଏମ୍ବାତାଇ ଆଆତି ଜିକେଏ ବାଡାତା ପାଡିକିହାମାନି ଜୀତ ମାର୍ନୁ ତଲେ ଦୁସ୍ପି ଆହାମାନୁ □ ଜୀହୁଦି କୁଡାତି ଲକୁ ବାଡାତା ପାଡିକିହାମାନି ଜୀତ ମାର୍ନୁ ଲେହେଁ □ ଇ ମାର୍ନୁଡି ରାଡପି ଆହାମାନି ଗମାଣି ଖେଶ୍ଟେ ମାର୍ନୁ ତଲେ ଦୁର୍ସାଲି ମାହାପୁରୁ ଆଡିନେସି □

ବାରେ ଜାଶାକି ମାହାପୁରୁଡି କାର୍ମାମେହ୍ନାୟି

୨୫ ଏ ତାୟି ତାଙ୍ଗିସ୍ତାତେରି, ମୀରୁ ଏନିକିଁ ମିଙ୍ଗେତାକି ମୀରୁଏ ବୁଦିଗାଟାତମି ଇଞ୍ଜୁଁ ଅଶ୍ପଅତେରି, ଇଦାଆଁତାକି ମୀରୁ ଇ ଡଗ୍ଲାମାନି କାତାତି ପୁନାଆନା ମାଶ୍ମେରି ଇଞ୍ଜୁଁ ନା ମନ ହିଲେଏ, ଇଚିହୁଁ ଜୀହୁଦିଆଆତି ଲକୁ ବାରେ ହଡଥା ପାଡେକା ଇସ୍ତାୟେଲତି ଏଚେକା ଲକୁ ନାମାଆନା ଡୟିନେରି;

୨୬ ଇଲେଆହୁଁ ବାରେ ଇସ୍ତାୟେଲ ଲକୁ ଗେଲ୍ପି ଆନେରି, ଏନିକିଁ ରାସ୍ପି ଆହାମାନେ, “ଗେଲ୍ପି କିନାସି ସିୟନଟି ଖାନେସି,

ଜାକୁବ କୁଡାତା ମାନି ବାରେ ଲାଗେଏତାଣି ହେକ କିନେସି □

୨୭ ଏଚିବେଲା ନାନୁ ଏଞ୍ଜାରି ପାପୁ ବାରେ ହେକ କିଲ୍, ଏଚିବେଲା ଏଞ୍ଜାରିତଲେ ଇ ରାଜିମାନା କିନମି □”

୨୮ ନେହୁଁ କାରୁଡି ଆହୁଆ ଜୀହୁଦି ଲକୁ ମିଙ୍ଗେତାକି ମାହାପୁରୁକି ସାଡୁୟାଁ ଆହାମାନେରି, ସାମା ମାହାପୁରୁ ଆଡାମାନି ଆକୁ ଆଦାୟାଁ ତାକି ଏଞ୍ଜାରି ମାହାପୁରୁକି ଜୀଞ୍ଜୁ ନନାରି ଆହାମାନେରି □

୨୯ ଇଚିହୁଁ ମାହାପୁରୁ ଆଡାମାନାୟି ଅଡେ ତାନି କାର୍ମାତି ଦାନା ଏଚେଲାଞ୍ଜା ଉଜେଏ ଆଏ □

୩୦ ଜୀହୁଦିଆଆତି ଲକୁତେରି ତଲି ମୀରୁ ମାହାପୁରୁଲ୍ ମାନି କିହାହିଲାଆତେରି; ସାମା ନୀଏଁ ଜୀହୁଦି ଲକୁ ମାନି କିଆତାକି ମାହାପୁରୁଡି କାର୍ମାମେହ୍ନାଣି ବେଟାଆଡେରି,

୩୧ ଏଲେଆହୁଁ ଏ ଏଞ୍ଜାରି ଜିକେଏ ନୀଏଁ ମାନି କିହାହିଲଅରି, ଏନିକିହୁଁ ମିଙ୍ଗେତାକି ତଞ୍ଜାଆହାମାନି କାର୍ମାମେହ୍ନାଣି ତଲେ ଏଞ୍ଜାରି ଜିକେଏ ନୀଏଁ କାର୍ମାମେହ୍ନାଣି ବେଟାଆନେରି □

୩୨ ଏନିକିହୁଁ ମାହାପୁରୁ ବାରେ ଜାଶାଲ୍ କାର୍ମା ମେସାଲି ତାକି ମାହାପୁରୁ ବାରେଜାଶାତି ମାନି କିଆରେଟୁ ହେରପା ମାନେସି □

ମାହାପୁରୁକି ଗାଞ୍ଜୁରମି

୩୩ ଅହତା! ମାହାପୁରୁଡି ବୁଦି ଇଞ୍ଜା ପୁନି ବାଡୁୟୁ ଏଚେକା କାଜାୟି! ତାନି ଅଶ୍ପୁଡି ଆମ୍ବାଆସି ତେଲ୍ହୁ କିୟାନେସି ? ଇଞ୍ଜା ତାନି ଜିରୁଡି ଆମ୍ବାଆସି ପୁଞ୍ଜାଲି ଆଡିମାନେସି ?

୩୪ ସାପ୍ତେରିତା ରାସ୍ତକି ଆହାମାନେ;
 “ଆମ୍ବାଆସି ମାହାପୁରୁତି ଅଣ୍ଠପୁତା ମାନାଣି ତେଲ୍‌ହିନେସି ?
 ଆମ୍ବାଆସି ଏଞ୍ଜାଣାକ୍ ଝେସାଲି ଆଡ଼ିନେସି ?
 ୩୫ ମାହାପୁରୁକି ଆମ୍ବାଆସି ଏଚେଲା ଏନାଆଁ
 ହୀହାମାନେସି,
 ଏଦାଆଁତାକି ଏଞ୍ଜାଣାକି ଏଞ୍ଜାସି ଝେଣ୍ଡେ ହୀନାୟି
 ମାନେ ?”
 ୩୬ *ବାରେ ଗାଡ଼ି ଆଡାୟି ତାନିତାଣାଟି, ତାନି
 କେନ୍ଦୁତଲେ, ଅଡ଼େ ତାଙ୍ଗେତାକି ଆହାମାନେ; କାଳାକାଳା
 ତାକି ଏଞ୍ଜାଣାକି ଗାଞ୍ଜୁରମି ଆପେ, ଆମେନ୍ ।

୧୨

କ୍ରୀସ୍ତ ତାଣା ପୁଃନି ଜୀଞ୍ଜୁ

୧ ଇଦାଆଁତାକି ତାୟି ତାଙ୍ଗିସ୍ତାତେରି, ମାଙ୍ଗେତାକି
 ମାହାପୁରୁତି ହାରେକା କାର୍ମାମେହନାଣି ତାକି ମିଙ୍ଗେ ନାନୁ
 ବାଡ଼ିମାଲିମାଞ୍ଜାକ୍, ମୀରୁ ମୀ ଆଙ୍ଗାତି ଜୀଞ୍ଜୁ, ସୁଦୁ ତଲେ
 ଇଞ୍ଜା ମାହାପୁରୁ ଅପିନି ଲେହେତି ପୂଜା ହୀଦୁ, ଇଦିଏ
 ମାହାପୁରୁତି ସାତା ସେବା ।

୨ ମୀରୁ ଇ ଜୁଗୁତି ମାଣ୍ଡକିତା ମାନାଆଦୁ, ସାମା
 ଏନିକିହିଁ ମାହାପୁରୁତି ଅଣ୍ଠପୁ ଏନାୟି, ଇଚିହିଁ
 ନେହାୟି, ଅପିନାୟି ଇଞ୍ଜା ଟିକ୍‌ଶାତାୟି ଏନାୟି, ଇଦାଆଁ
 ତାୟିପାରି କିହାନା ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ
 ହିୟାତି ପୁଃନି କିହାନା ବାଦଲି କିଦୁ ।

୩ ମାହାପୁରୁ ନାଙ୍ଗେ କାର୍ମାମେହନାଣି ହୀହାମାଞ୍ଜାନାକି
 ବାରେଜାଣା ତେରି ମିଙ୍ଗେ ନାନୁ ଝେସିମାଞ୍ଜାକ୍,
 ଆମ୍ବାଆତେରି ଜିକେଏ ମୀ ତାକି ମୀରୁ ଏନିକିହିଁ
 ଅଣ୍ଠପିନାୟି ମାନେ ଏଦାଆଁ କିହାଁ କାଜାତମି ଇଞ୍ଜା
 ଅଣ୍ଠପାଆଦୁ; ସାମା ମାହାପୁରୁ ଆମ୍ବାଆରାକି ଏଚେକା ନାନୁ
 ହୀହାମାନେସି, ଏଲେକିହିଁ ଏ ବାରେଜାଣା ପୁଞ୍ଜାକତିନି
 ଲେହେଁ ମୀ ତାକି ମୀରୁ ଅଣ୍ଠପା କଡାଦୁ ।

୪ *ଇଚିହିଁ ଏନିକିହିଁ ମା ଆଙ୍ଗାତା ହାରେକା ଆଙ୍ଗା
 ଉଡ଼େଲିକା ମାନୁ, ସାମା ବାରେ ଆଙ୍ଗା ଉଡ଼େଲିକାତି କାମା
 ରଲେଏତାୟି ଆଏ ।

୫ ଏଲେଆହିଁଏ, ମାର ହାରେକା ଜାଣାତାୟି, ସାମା
 ବାରେଜାଣା କ୍ରୀସ୍ତ ତଲେ ଆଣ୍ଡାମାନାକି, ମାର ରଣ୍ଡିଏ
 ଆଙ୍ଗା ଇଞ୍ଜା ଆଙ୍ଗାତି ଆଙ୍ଗା ଉଡ଼େଲିକା ଲେହେଁ ମାର
 ରଅସି ରଅଶା ତଲେ ଆଣ୍ଡାମାନାୟି ।

୬ *ଏଦାଆଁତାକି ମାଙ୍ଗେ ମାହାପୁରୁ ହୀହାମାଞ୍ଜାନି
 କାର୍ମାତଲେ ହାରେକା ଦାନା ବେଟା ଆହାମାନାୟି, ମାର
 ମାହାପୁରୁତି ବଲୁ ଝେକ୍‌ହାଲି ତାକି ବାଡ଼ୁୟି ବେଟା
 ଆହାମାନାୟି, ମାର ଆଟ୍‌ଞ୍ଜା ନାମୁତଲେ ଏ କାମା
 କିନାୟିମାନେ;

୭ ଏଦାଆଁ ସେବା କାମା କିହାଲି ବାଡ଼ୁୟି
 ବେଟାଆହାମାନାୟି, ଆତିହିଁ ମାର ସେବା କାମା

କିନାୟିମାନେ; ଜାପ୍‌ହାଲି ବାଡ଼ୁୟି ବେଟାଆହାମାନାୟି,
 ଆତିହିଁ ଜାପ୍‌ନାୟି ମାନେ;

୮ ବାର୍ସୁତି କାତା ଝେସାଲି ବାଡ଼ୁୟି ବେଟାଆହାମାତିହିଁ,
 ବାର୍ସୁତି କାତା ଝେସପାସି; ଦାନା କିହାଲି ବାଡ଼ୁୟି
 ବେଟାଆହାମାନି ମାଣ୍ଡି ରାହାତଲେ ଦାନା ହୀପେସି
 । ଏଚକା ଲକୁତି କାମାତି ସିନିକିହାଲି ଅଦିକାରା
 ବେଟାଆହାମାତିହିଁ ଝାହୁତଲେ କାମା କିନାୟିମାନେ;
 ଆମ୍ବାଆସି କାର୍ମା ମେହନାସି, ରାହାଁ ମନତଲେ ସାଝେମି
 କିପାସି ।

୯ ଜୀଞ୍ଜୁନନାୟି କୁରୁ ହିଲାଆଗାଟାୟି ଆପେ; ଏନାୟି
 ଲାଗେଏତାୟି ଏଦାଆଁ ଅପାଆଦୁ; ଏନାୟି ନେହାୟି
 ଏଦାଆଁ ଆହଦୁ;

୧୦ କ୍ରୀସ୍ତ ନାମୁତି ତାୟି ତାଙ୍ଗି ଲେହେଁ ରଅତେରି
 ରଅଣାକ୍ ଜୀଞ୍ଜୁ ନଦୁ; ଇଞ୍ଜା ରଅତେରି ରଅଣାକ୍ ମାନି
 କିହାଲି ରାହାଁ ଆଦୁ;

୧୧ ରାହାଁତା ଉଣା ଆଆଦୁ; ସୁଦୁଜୀଞ୍ଜୁତା ପାର୍‌ସାଡ଼ା
 ଆହାଁ ଡୟାଦୁ; ହିୟାଁ ଜୀଞ୍ଜୁ ହୀହାନା ପ୍ରବୁକ୍ ସେବା କିଦୁ
 ।

୧୨ ବାର୍ସୁ ଇଗାନା ରାହାଁ କିଦୁ; ଦୁକୁ କସ୍ତ ବେଲାତା ସାସା
 ଆହଦୁ; ଜମାଆନା ପ୍ରାଡାନା କିଦୁ;

୧୩ ମାହାପୁରୁ ଲକୁକି ଲଡ଼ାମାନାଣି ସାଝେମି କିଦୁ; ଇଜ
 ଞ୍ଜା ଗତାୟାଣି ସେବା କିଦୁ ।

୧୪ *ଆମ୍ବାଆରି ମିଙ୍ଗେ ସାସି ହିୟାନେରି, ଏଞ୍ଜାରି
 ନେହେଁତାକି ମାହାପୁରୁ ତାଣା ପ୍ରାଡାନା କିଦୁ; ଏଞ୍ଜାରାକି
 ବର ହୀଦୁ; ବାକା ଇଟାଆଦୁ ।

୧୫ ଆମିନି ଗାଟାରି ରାହାଁ କିନେରି ଏଞ୍ଜାରିତଲେ ରାହାଁ
 କିଦୁ; ଆମ୍ବାଆରି ଡାନେରି ଏଞ୍ଜାରିତଲେ ଡାଦୁ ।

୧୬ ବାରେଜାଣା ରଣ୍ଡିଏ ଅଣ୍ଠପୁ ଅଣ୍ଠପାଦୁ, ଝାବ୍‌ଇ
 କାଜାରି ତଲେ ତଣେ ଦହ୍‌ଆନା ଇତାରି ତଲେ
 ଜିକେଏ ଆଣ୍ଡି ଆହାନା ମାଞ୍ଜୁ । ମୀରୁ ମୀ ବୁଦିତଲେ
 ବୁଦିଗାଟାତମି ଇଞ୍ଜା କଡାଆଦୁ ।

୧୭ ଆମ୍ବାଆସି ମିଙ୍ଗେ ଲାଗେଏ କିୟାତିହିଁ, ଏଞ୍ଜାଣାକ୍
 ଲାଗେଏ କିଆଦୁ; ବାରେ ଲକୁ ନକିତା ଏନାୟି ନେହାୟି,
 ଏଦାଆଁ କିଦୁ ।

୧୮ ଆଡ଼ିତିହିଁ ବାରେଜାଣା ତଲେ ହିଡ଼ତି ତଲେ
 ନୀତାବାଡ଼କାଲି ତାକି ଏନି କିନାୟିମାନେ ଏଲେକିଦୁ ।

୧୯ ଏ ଜୀଞ୍ଜୁତି ତଣେସିଙ୍ଗା, ମୀରୁ ଆମ୍ବାଆରି କପାତି
 ବାଦୁଲି ଅଆଦୁ । ମାହାପୁରୁତି କପାତି ଲକୁ ଆହାଲି
 ପିସାଡ଼ୁହଦୁ । ଏନାଆଁତାକି ଇଚିହିଁ ସାପ୍ତେରିତା ରାସ୍ତକି
 ଆହାମାନେ, ପ୍ରବୁ ଏଲେଇଞ୍ଜା ମାନେସି, “ବାଦୁଲି ଅନାୟି
 ନା ଅଦିକାରା, ନାନୁ ତାନି କାମାତି ପାଡ଼େୟି ହୀକ୍ ।”

୨୦ ଅଡ଼େ ଜିକେଏ, “ମୀ ସାଡ଼ୁ ହାକି ଆହାମାତିସାରେ,
 ଏଞ୍ଜାଣାକି ଡିଞ୍ଜାଲି ହୀଦୁ; ଏଞ୍ଜାସି ଏସ୍‌କି ଆହାମାତିସାରେ

☆ ୧୧:୩୬ ୧୧:୩୭ ଏକର ୮:୬ ☆ ୧୨:୪ ୧୨:୪ ଏକର ୧୨:୧୨ ☆ ୧୨:୬ ୧୨:୬ ଏକର ୧୨:୪-୧୧ ☆ ୧୨:୧୪ ୧୨:୧୪ ମାତି ୫:୪୪; ଲୁକ ୬:୨୮

ଗସାଲି ହୀଦୁ; ଇଲେ କିତିସାରେ ଏଞ୍ଜାଣିଲାକ ଡ଼ାଞ୍ଜିମାନି ହିରୁତି ରାଜାମାୟା ଏକ୍‌ହି ମାଞ୍ଜେରି □”

୨୧ ଲାଗେଏତି କାମା ତଲେ ଜୀଣା ଆଆନା, ନେହ୍ କାମା ତଲେ ଲାଗେଏତି କାମାତି ଜୀଣା ଆଦୁ □

୧୩

ସାଲୁଝି କିନାରାଇଁ ମାନି କିନାୟି

୧ ବାରେଜାଣା ସାଲୁଝି କିନାରାଇଁ ମାନି କିନାୟିମାନେ, ଏନାଆଁତାକି ଇତିହ୍ ମାହାପୁରୁତି ହେଲ ଆଆତିହ୍ ଆମ୍ବାଆସି ଜିକେଏ ସାଲୁଝି କିନି ପାଣା ବେଟାଆଅସି, ପାଣାତା ମାନି, ସାଲୁଝି କିନାରି ମାନେରି; ଏଞ୍ଜାରି ମାହାପୁରୁ ତାଣାଟି ଆଡ଼ୁଝି ଆହାମାନେରି □

୨ ଏଦାଆଁତାକି ଆମ୍ବାଆସି ପାଣାତା ମାନି ସାଲୁଝି କିନାରି କପାତଲେ ନିଜ୍‌ନେସି, ଏଞ୍ଜାସି ମାହାପୁରୁ ମେରାତି କପାତଲେ ନିଜ୍‌ନେସି; ଆମ୍ବାଆରି ଏଲେକିନେରି ଏଞ୍ଜାରି ତାମ୍ବୁତାମଙ୍ଗେ ଡ଼ଣ୍ଡ ବେଟାଆହାଲି ତାକି କିନେରି □

୩ ଇତିହ୍ ସାଲୁଝି କିନାରି ନେହ୍ କାମାତାକି ଆଜିଗାଟାରି ଆଏ, ସାମା ଲାଗେଏତି କାମାତାକି ଆଜିଗାଟାରି ଆନେରି □ ସାଲୁଝି କିନାରାଇଁ ଆଜାଆନା ଡ଼ୟାଲି ମନ ମାନେକି ? ଆତିହ୍ ନେହ୍ କାମା କିଦୁ, ଆତିହ୍ ଏଞ୍ଜାରି ତାଣାଟି ନେହ୍ ବେଟାଆଦେରି,

୪ ମୀ ନେହ୍ ତାକି ଏଞ୍ଜାସି ମାହାପୁରୁତି ସେବା କାମା କିନାସି ଆହାମାନେସି □ ସାମା ମୀରୁ ଲାଗେଏତି କାମା କିଦେରି, ଆତିହ୍ ସାଲୁଝି କିନାଣାଇଁ ଆଜାଦୁ, ଏନାଆଁତାକି ଇତିହ୍ ଏଞ୍ଜାସି ଉଜେଏ କାଣ୍ଡା ଆହ୍‌ଅସି, ଏନିଇତିହ୍ ଏଞ୍ଜାସି ମାହାପୁରୁତି ସେବା କିନାସି, ଇତିହ୍ ଏଞ୍ଜାସି ତାନି କପାତଲେ ଲାଗେଏତି କାମା କିନାରାକି ଡ଼ଣ୍ଡ ହୀନାସି □

୫ ଏନିଇତିହ୍, ଝାରଇ କାରବିତି ଆଜିତାକି ଆଏ, ସାମା ମା ହିୟାତା ମାନି ଅଣ୍ଡୁ ପୁଞ୍ଜାହାଁ ସାଲୁଝି କିନାରି କାତା ମାନି କିନାୟିମାନେ □

୬ *ଇଦାଆଁତାକି ମୀରୁ ସିସୁ ଜିକେଏ ହାହିମାଞ୍ଜେରି, ଏନାଆଁତାକି ଇତିହ୍ ମାହାପୁରୁତି ସେବା କିନାରି ଲେହେଁ ଆହାନା ସାଲୁଝି କିନି କାମା ଜିକେଏ କିନେରି □

୭ ଏଦାଆଁତାକି ଏଞ୍ଜାରି ଏନାଆଁ ବେଟାଆନାୟି ମାନେ, ଏଦାଆଁ ହୀଦୁ; ଆମ୍ବାଆରାକି ସିସୁ ହୀନାୟି ମାନେ ଏଞ୍ଜାଣାକି ସିସୁ ହୀଦୁ; ଆମ୍ବାଆରାକି ଆସ୍‌ଲି ହୀନାୟି ମାନେ ଏଞ୍ଜାଣାକି ଆସ୍‌ଲି ହୀଦୁ; ଆମ୍ବାଆରାଇଁ ଆଜିନାୟି ମାନେ ଏଞ୍ଜାଣାଇଁ ଆଜାଦୁ; ଆମ୍ବାଆରାଇଁ ମାନି କିନାୟିମାନେ ଏଞ୍ଜାଣାଇଁ ମାନି କିଦୁ □

ରଅସି ରଅଣାଇଁ ଜୀଞ୍ଜୁନନାୟି

୮ ରଅତେରି ରଅଣାଇଁ ଜୀଞ୍ଜୁ ନଞ୍ଜିଆନି ପିସପେ ଅଡ଼େ ଏନଞ୍ଜା ଆମ୍ବାଆରି ତାଣା ଜିକେଏ ରାଣା ଆଆଦୁ; ଏନାଆଁତାକି ଇତିହ୍ ଆମ୍ବାଆସି ଏଟ୍‌କାତାଣାଇଁ ଜୀଞ୍ଜୁ ନନେସି, ଏଞ୍ଜାସି ମସାତି ମେରା ମାନଞ୍ଜି ଆହିମାନେସି □

୯ “ଦାରି କିଆଦୁ, ଲକୁଣି ପାୟାଆଦୁ, ସରୁ କିଆଦୁ, ଏଟ୍‌କା ଲକୁତି ଦିଶ୍‌ସୁତି ଜୁପ୍‌କା ଆଆଦୁ,” ଇ ବାରେ ହୁକୁମି ର ହୁକୁମିତା ମାନେ, “ପାଡ଼ିତି ଲକୁଇଁ ମୀ ଜୀଞ୍ଜୁତି ଜୀଞ୍ଜୁ ନହାଁ କତିନି ଲେହେଁ ଜୀଞ୍ଜୁନଦୁ □”

୧୦ ଜୀଞ୍ଜୁନନାୟି ପାଡ଼ିତି ଲକୁଣି ଲାଗେଏ କିଏ; ଏନିଇତିହ୍ ଜୀଞ୍ଜୁନନାୟି ମସାତି ମେରା ପୂରା କିନେ □

୧୧ ଇତିହ୍ ଇଦାଟି ତେଝଏଲିନି ବେଲା ଏଦାତେୟିଏ, ଇଦାଆଁ ପୁଞ୍ଜା ନୀଏଁ ମୀରୁ ଇ ବାରେ କିଦୁ; ଇତିହ୍ ମୀର ନାମିତି ଦିନାଟିଏ ଗେଲ୍‌ପି ଆନାୟି ତଲିତି କିହାଁ ହାଡ଼େକା ତାଗେ ଝାଡ଼େୟିଏ □

୧୨ ଆନେରି ହାଜିମାନେ, ଲାଇ ଝେୟିମାନେ □ ଏଦାଆଁତାକି ଝାଦୁ ମୀରୁ ଆନେରିତି କାମା ବାରେ ପିସାନା ଉଜେଡ଼ିତା ଜୁକୁ କିହାଲି ଟିକାଣାତି ସାକୁ ତୁରନ □

୧୩ କାଡ଼ୁ ଗସାହାଁ ମନକିତି ରାହାଁ, କାଡ଼ୁ ଗସାହାଁ ହଡ଼ିନାୟି, ମାନି ହିଲାଆଗାଟାୟି, ଲାଗେଏତି ମାଣ୍ଡକି, ତାହାରା, ଗଡ଼ହା କିନିତାଣା କାମାତା ଆଣ୍ଡାଆନା ଝାଦୁ, ଉଜେଡ଼ିତି କାମାତା ମାନି ଲକୁ ଲେହେଁ ନେହ୍ ମାଣ୍ଡକି ତଲେ ମାନ □

୧୪ ପ୍ରୁ ଜୀସୁ କ୍ରୀସ୍‌ଇଁ ମୀରୁ ହିମ୍‌ରିଲେହେଁ ପରୁଦୁ, ପାପୁ ଇଞ୍ଜା ଆଜାତି ଲାଗେଏତି ଅଣ୍ଡୁ ତଲେ ରାହାଁ କିହାଲିତାକି ହିୟାତା ଅଣ୍ଡାଆଦୁ □

୧୪

ଏଟ୍‌କା ଲକୁଣି ଦହ୍ ଦହ୍‌ଆଦୁ

୧ *ନାମୁତା ଆଟ୍‌ଝା ହିଲାଆଗାଟାରାଇଁ ଆବାଦୁ, ସାମା ତାନି କାତାତି ଅଣ୍ଡୁ ତାକି ତାନିତଲେ ବାଡ଼ହାରା କିଆଦୁ □

୨ ବାରେ ତିଞ୍ଜାଲି ତାକି ରଅଣାକି ନାମୁ ମାନେ, ସାମା ଆମ୍ବାଆସି ନାମୁତା ଉଣା ମାନେସି ଏଞ୍ଜାସି ଝାରଇ ଜାୟୁ କୁଟା ତିନାପେସି □

୩ ଆମ୍ବାଆସି ବାରେ ତିନେସି, ଏଞ୍ଜାସି ତିନାଆଗାଟାଣାଇଁ ହୀଣି କିଆପେସି; ଇଞ୍ଜା ତିନାଆଗାଟାସି ତିନାଣାଇଁ ନୀହାୟି କିଆପେସି, ଏନିଇତିହ୍ ମାହାପୁରୁ ଏଞ୍ଜାଣାଇଁ ଆବା ମାନେସି □

୪ ନୀନୁ ଆମ୍ବାଆତି ଅର ରଅଣି ହଲେଏଣାଇଁ ନୀହାୟି କିହିମାଞ୍ଜି ? ଏଞ୍ଜାସି ତାନି ସାଞ୍ଜୁକାରି ତାଣା ତୀରି ଆନେସି କି ତୀରି ଆଅସି; ଏଞ୍ଜାଣାଇଁ ତୀରିକିହାଁ ଇଟାଲି ପ୍ରୁ କେୟୁତା ବାଡ଼ୁ ମାନେ □

୫ ରଅସି ର ଦିନାତି କିହାଁ ଅର ଦିନାତି ହାଡ଼େକା ମାନି କିନେସି, ଅଡ଼େ ରଅସି ବାରେ ଦିନାତି ରଲେଏତାଇ ଇଞ୍ଜି ଅଣ୍ଡପିନେସି, ବାରେଜାଣା ତାନି ମନତା ତୀରି କିହାନା ମାନଞ୍ଜି ଆପେରି □

୬ ଆମ୍ବାଆସି ର ଦିନାତି ହାଡ଼େକା ନେହାୟି ଇଞ୍ଜି ଅଣ୍ଡପିମାନେସି, ମାହାପୁରୁତି ଗାଞ୍ଜୁରମି ତାକି ଏଲେଇଞ୍ଜି ଅଣ୍ଡପାପେସି □ ଆମ୍ବାଆସି ବାରେ ତିନେସି, ମାହାପୁରୁ

☆ ୧୩:୬ ୧୩:୬ ମାତି ୨୨:୨୧; ମାର୍କ ୧୨:୧୭; ଲୁକ ୨୦:୨୫ ☆ ୧୪:୧ ୧୪:୧ କଲସି ୨:୧୭

ଦରୁତଲେ ତିନେସି ଇଞ୍ଜା ମାହାପୁରୁଇଁ ଜହରା କିନେସି; ଆମ୍ବାଆସି ତିଞ୍ଜାଲି କୁନେସି, ଏଝାସି ମାହାପୁରୁ ଦରୁତଲେ କୁନେସି ଇଞ୍ଜା ମାହାପୁରୁଇଁ ଜହରା କିନେସି □

୭ ଆମ୍ବାଆସି ତାଙ୍ଗେତାକି ନୀତଅସି, କି ଆମ୍ବାଆସି ତାଙ୍ଗେତାକି ହାଅସି □

୮ ମାର ନୀତାମାନାୟି ଇଚିସାରେ, ପ୍ରବୁ ତାକି ନୀତାମାନାୟି ଇଞ୍ଜା ହାଡ଼ିସାରେ ପ୍ରବୁ ତାକି ହାନାୟି □ ଏଦାଆଁତାକି ନୀତନାୟି କି ହାନାୟି ମାର ପ୍ରବୁତି ଲକୁ □

୯ ଏଦାଆଁତାକି ଇଚିହୁଁ କ୍ରୀସ୍ତ ହାହାନା ଝେଣ୍ଡେ ନିଙ୍ଗାମାନି ତାଣାଟି ନୀତାମାନାରି ଇଞ୍ଜା ହାଡ଼ାରି ବାରେଜାଣାତି ପ୍ରବୁ ଆହାମାନେସି □

୧୦ *ନାନୁ ଏଦାଆଁତାକି ମୀ ତାୟିଇଁ ବେରଣି କିହିମାଞ୍ଜି ? ଏଦାଆଁତାକି ମୀ ତାୟିଇଁ ହାଣି କିହିମାଞ୍ଜି ? ମାର ବାରେଜାଣା ବେରଣି ଆହାଲି ମାହାପୁରୁ ନକିତା ନିନାୟି □

୧୧ ଏଦାଆଁତାକି ଇଚିହୁଁ ସାସ୍ତେରିତା ରାସ୍ତକି ଆହାମାନେ;

“ପ୍ରବୁ ଏଲେଇଞ୍ଜି ମାନେସି, ଇଚିହୁଁ ନାନୁ ଜୀଝୁଗାଟି ମାହାପୁରୁ, ବାରେଜାଣା ନା ନକିତା ମେଣ୍ଡା କୁତିନେରି, ବାରେଜାଣା ନାଙ୍ଗେ ମାହାପୁରୁ ଇଞ୍ଜୁଁ ଜଲିନେରି □”

୧୨ ମାର ବାରେଜାଣା ମାହାପୁରୁ ନକିତା ମାର କିତି କାମାତି ଲେକା ହାନାୟି □

ତାୟିଇଁ ପାପୁ କିଝି କିଆଦୁ

୧୩ ଏଦାଆଁତାକି ରଅତେରି ରଅଣାଇଁ ବେରଣି କିଆଦୁ; ଇଲେକିହୁଁ ଏଦାଆଁ ଜିକେଏ କିଆଦୁ, ଏନିକିଁ ମୀ ତାୟି ପୁଟି କିହାନା ପାପୁତି ପାନ୍ଦାତା ରିଅସି □

୧୪ ପ୍ରବୁ ଜୀସୁ ତାଣାଟି ପୁଞ୍ଜାନା ସାତା ତଲେ ଝେସିମାଞ୍ଜାଇଁ, ଏନି କାଡ଼ି ତାନୁଏ ଲାଗେଏତାୟି ଆଏ □ ସାମା ଆମ୍ବାଆସି ଏନି କାଡ଼ିତି ଲାଗେଏତାୟି ଇଞ୍ଜୁଁ ଅଣ୍ଡପିନେସି, ଏଝାଣାକି ଏଡ଼ି ଲାଗେଏତାୟି ଆନେ □

୧୫ ମୀରୁ ଏନି କାଡ଼ି ତିନି ତାଣାଟି ର ତାୟି ଅଣ୍ଡପୁତା କସ୍ତ ହାହିମାଞ୍ଜେରି, ଆତିହୁଁ ଏଝାଣାଇଁ ମୀରୁ ଜୀଝୁନଝୁତା ତାକି ହିଲଅତେରି, ଆମିନି ତାୟି ତାକି କ୍ରୀସ୍ତ ହାଡ଼େସି, ଏ କାଡ଼ି ତାକି ଏଝାଣାଇଁ ଲାଗେଏ କିଆଦୁ □

୧୬ ମୀରୁ ଏଦାଆଁ ନେହାୟି ଇଞ୍ଜୁଁ ଅଣ୍ଡପିମାଞ୍ଜେରି, ଏଦାଆଁତାକି ମୀରୁ ଲାଗେଏତାତେରି ଆଆଦୁ;

୧୭ ମାହାପୁରୁତି ରାକି ତିନାୟି ଉନାୟି ଆଏ □ ସାମା ଏଡ଼ି ଦାମ୍ବୁ, ହିଡ଼ଡ଼ି ଇଞ୍ଜା ସୁଦୁଜୀଝୁ ହାତି ରାହାଁଗାଟାୟି □

୧୮ ଆମ୍ବାଆସି ଇଲେକିହୁଁ କ୍ରୀସ୍ତତି ସେବା କିନେସି; ଏଝାସି ମାହାପୁରୁ ନକିତା ନେହାସି ଇଞ୍ଜା ମାଣ୍ଡସିୟାଁ ନକିତି ତାୟିପାରିତା ଜୀଣା ଆଡ଼ାସି ତଞ୍ଜାଆନେସି □

୧୯ ଏଦାଆଁତାକି ଝାଦୁ, ଏନା ଏନାୟି ହିଡ଼ଡ଼ି ଗାଟାୟି, ଅଡ଼େ ଏନା ଏନାଆଁତଲେ ରଅସି ରଅଣାକି ବାସୁଁ ହାନେସି, ଏ ବାରେତି ମାର ଅଣ୍ଡପିନ

୨୦ ଏ ଉଜେଏତି କାଡ଼ି ତାକି ମାହାପୁରୁତି କାମାଇଁ ନାସଝି କିଆଦୁ, ବାରେଏ ସୁଦୁ କିଝିଆହାମାନେ, ସାମା ଏନି କାଡ଼ି ତିନି ତାଣାଟି ମୀରୁ ଏଟକା ଲକୁଣି କସ୍ତ ହାହିମାଞ୍ଜେରି, ଆତିହୁଁ ଏ କାଡ଼ି ତିନାଆଦୁ □

୨୧ ମୀରୁ ଉଙ୍ଗା ତିନାୟି, ଅଙ୍ଗୁରି ରାସା ଗହନି ତାଣାଟି ମୀ ତାୟିକି କସ୍ତ ଆହିମାଟିସାରେ ତିନି ଉନି ତାଣାଟି ହେକ ଆନାୟି ନେହେଁ □

୨୨ ମୀ ଏମିନି ନାମୁ ମାନେ, ଏଦାଆଁ ମୀରୁ ମୀ ହିୟାଁତା ମାହାପୁରୁଇଁ ନକିତା ଇଟାଦୁ, ଆମ୍ବାଆସି ଏଦାଆଁ ନେହାୟି ଇଞ୍ଜୁଁ ଅଣ୍ଡପିନେସି, ଏଝାସି ଏଦାଆଁ ତାଙ୍ଗେ ଦହଗାଟାସି କିଅସି, ଆତିହୁଁ ଏଝାସି ନେହାସି □

୨୩ ସାମା ଆମ୍ବାଆସି ଆନାମାନା ଆହାନା ରାନ୍ଦା ତିନେସି, ଏଝାସି ମାହାପୁରୁ ନକିତା ଦହଗାଟାସି ଆନେସି, ଇଚିହୁଁ ଏଝାସି ନାମୁତଲେ ତିଞ୍ଜା ହିଲଅସି; ଅଡ଼େ ଏନାୟି ନାମୁତଲେ ଆଏ, ଏଡ଼ି ପାପୁ □

୧୫

ଏଟକା ଲକୁଣି ରାହାଁ କିଦୁ

୧ ମାର ନାମୁତା ଆଟ୍ଝା ଗାଟାତାୟି, ବାଡ଼ୁଲୁ ହିଲଆଗାଟି ଲକୁଣି ମାର ସାସା ହାନାୟି ମାନେ, ଆମ୍ବାଆସି ଜିକେଏ ଜାହାରାଇଁ ରାହାଁ କିହାଲି ଅଣ୍ଡପାଆପେସି □

୨ ସାମା ଏଟକା ଲକୁତି ନେହେଁତାକି ଇଞ୍ଜା ଏଝାରି ନାମୁତି ଆଟ୍ଝା କିହାଲିତାକି ଏଝାରାଇଁ ରାହାଁତଲେ ଇଚିନାୟି ମା କାମା □

୩ କ୍ରୀସ୍ତ ଜିକେଏ ତାନି ସୁକୁ ତାକି ଏଦାଆଁ କିହି ହିଲଆତେସି; ସାମା ସାସ୍ତେରିତା ରାସ୍ତକି ଆହାମାନି ଲେହେଁ, “ମିଙ୍ଗେ ନିନ୍ଦା କିୟାତାରା ନିନ୍ଦା ନା ମୁହେଁ ଝାଡ଼େ □”

୪ ସାସ୍ତେରିତି ଜାମ୍ନାଇ ବାରେ ମା ନେହେଁତାକି ଲଡ଼ା ଆନୁ □ ବାସୁଁ ତଲେ ତୀରିଆହାଁ ଡ଼ୟାଲି ତାକି ସାସ୍ତେରି ମାଙ୍ଗେ ସାସା ଇଞ୍ଜା ରାହାଁ ହାହିମାଞ୍ଜାନେ □

୫ ଆଟ୍ଝା ଅଡ଼େ ଦୁକୁ ଡ଼କହାନି ମାହାପୁରୁ ମିଙ୍ଗେ କ୍ରୀସ୍ତ ଜୀସୁତି ମାଣ୍ଡକି ତଲେ ବାରେତେରି ମିଙ୍ଗେ ରଣ୍ଡିଏ ମନ୍ ଆହାଲି ହିୟାପେସି,

୬ ବାରେଜାଣା ଆଣ୍ଡୁଝି ଆହାନା ରଣ୍ଡିଏ ହିୟାଁ ରଣ୍ଡିଏ ଗୁତି ତଲେ ପ୍ରବୁ ଜୀସୁ କ୍ରୀସ୍ତ ଆବା ମାହାପୁରୁତି ଜହରା କିତେରି □

ଜୀହୁଦି ଇଞ୍ଜା ଜୀହୁଦିଆଆତି ଲକୁତାକି ନେହୁଁ କାବୁ

୭ ମାହାପୁରୁତି ଗାଝୁରମି ତାକି କ୍ରୀସ୍ତ ଏନିକିହୁଁ ମିଙ୍ଗେ ଆବା ମାଞ୍ଜାନେସି, ମୀରୁ ଜିକେଏ ଏଲେକିହୁଁ ରଅତେରି ରଅଣାଇଁ ଆବାଦୁ □

୮ ଇତିହାସ ନାନୁ ଏଲେ ଇଞ୍ଜିମାଲ୍, କ୍ରୀସ୍ତ ମାହାପୁରୁତି ସାତା ତାକି ତଲୁ ଦାପି ଆଡି ଲକୁତି ସେବା କିନାସି କିଞ୍ଜିଆହା ମାରେସି, ଏନିକି ଏଞ୍ଜାସି ଆକୁ ଆବାୟାକି ଆଞ୍ଜାନା ହାହାମାନାଣି ତୀରି କିନେସି,

୯ ଅଡେ ମାହାପୁରୁତି କାର୍ମାମେହନାଣି ତାକି ଜୀହୁଦିଆଆତି ଲକୁ ଜିକେଏ ଏଞ୍ଜାଣି ଗାଞ୍ଜୁରମି କିନେରି; ଈ କାତା ସାଢେସ୍ପରିତା ରାସ୍ତକି ଆହାମାନେ;

“ଇଦାଆଁତାକି ଜୀହୁଦିଆଆତି ଲକୁତାଣା ନୀ ଜହରା କିଲ୍, ବାରେଦିନା ନୀ ପାରୁ ପାଡିଲ୍”

୧୦ ଅଡେ ଜିକେଏ ଏଲେଇଞ୍ଜି ମାନେସି, “ଜୀହୁଦିଆଆତି ଲକୁ ମାହାପୁରୁତି ଲକୁତଲେ ରାହାଁ କିଦୁ”

୧୧ ଅଡେ ଜିକେଏ, “ଜୀହୁଦିଆଆତି ଲକୁ ବାରେ ପ୍ରବୁଲ୍ ଜହରା କିଦୁ, ଅଡେ ବାରେ ଲକୁ ଏଞ୍ଜାଣି ପାରୁ ପାଡାପେରି”

୧୨ ଅଡେ ଖେଣ୍ଡେ ଜିସାୟ ଖେସାମାନେସି, “ଜିସି କୁଡାଟି ରଅସି ତଞ୍ଜାଆନେସି, ଏଞ୍ଜାସି ଜୀହୁଦିଆଆତି ଲକୁଣି ସାଲୁକି କିନେସି, ଇଞ୍ଜା ଜୀହୁଦିଆଆତାରି ଏଞ୍ଜାଣି ତାଣା ବାସ୍ତୁ ଇଟିନେରି”

୧୩ ବାରେ ବାସ୍ତୁଗାଟି, ମାହାପୁରୁ ମୀ ନାମୁ ତାକି ମିଙ୍ଗେ ରାହାଁ ଇଞ୍ଜା ହିଡଡି ହିୟାପେସି ଏନିକି ସୁଦୁଜୀଞ୍ଜୁତି ବାଡ଼ୁଲୁ ତଲେ ମୀ ବାସ୍ତୁ ପାତାଆନେ

ଜୀହୁଦିଆଆତି ଲକୁତାଣା ପାଞ୍ଜୁଲତି ସେବା

୧୪ ତାୟି ତାଜିସ୍ତାତେରି, ମୀରୁ ବାରେ ନେହୁ ଗୁଣ୍ଡୁ, ଏନିକିହୁ ବାରେ ବୁଦିତଲେ ଇଞ୍ଜା ରଅତେରି ରଅଣାଲ୍ ଜାପୁହାଲି ତାକି ଆଡିଦେରି ନା ନାମୁ ମାନେ

୧୫ ଆଡିଜିକେଏ ମାହାପୁରୁ ହାହାମାଞ୍ଜାନି କାର୍ମାତି ବାଡ଼ୁଲୁଟି ନାନୁ ମିଙ୍ଗେ ଅଣ୍ଡପି କିହାଲି ହାଡେରକା ସାସାତଲେ ମୀ ତାଣା ଈ ଆକୁ ରାଡିମାଞ୍ଜାଲ୍

୧୬ ଏନାଆଁତାକି ଇତିହାସ କ୍ରୀସ୍ତ ଜୀସୁତି ହଡେଲଏଣା ଲେହେଁ ଜୀହୁଦିଆଆତି ଲକୁତାକି କାମା କିହାଲି ମାହାପୁରୁ ନାଙ୍ଗେ ପାରୁ ହାହାମାଞ୍ଜାନେସି ମାହାପୁରୁତି ନେହୁ କାରୁ ଖେକହାଲି ତାକି ନାନୁ ର ପୁଜେରାତି କାମା କିହିମାଲ୍ ଜୀହୁଦିଆଆତି ଲକୁ ସୁଦୁଜୀଞ୍ଜୁ ତଲେ ହେରପିଆଡି ଲେହେଁ ମାହାପୁରୁ ତାଣା ଆବିନାରି ଆଡପେରି, ଇଦି ନା ଅଣ୍ଡପୁ

୧୭ କ୍ରୀସ୍ତ ଜୀସୁତଲେ ଆଣ୍ଡାନା ମାହାପୁରୁ ତାକି ଈ ସେବା କାମା କିହାମାନାକି ନାନୁ ବଡପଣ ଆହୁମାଲ୍

୧୮ ଇତିହାସ ଜୀହୁଦିଆଆତାରାଲ୍ ମାହାପୁରୁ ତାଣା ତାଚାଲି କ୍ରୀସ୍ତ ନା ତାଣାଟି ବଲୁତା ଅଡେ କାମାତା ଇତିହାସ ହାଡେରକା ସିନାୟା କାବାଆନି କାମାୟା ତଲେ, ସୁଦୁଜୀଞ୍ଜୁତି ବାଡ଼ୁଲୁଟି ଏନା ଏନାଆଁ କିହାହିଲଅସି, ଇଲେତି ଏନି କାମା କିହାଲି ସାସା କିହିହିଲଅଁ

୧୯ ସିନା ଅଡେ କାବାଆନି କାମାତି ବାଡ଼ୁଲୁଟି ଅଡେ ମାହାପୁରୁ ସୁଦୁଜୀଞ୍ଜୁତି ବାଡ଼ୁଲୁଟି ନା ତାଣାଟି କିହାମାନେସି ଏନିକି ନାନୁ ଜିରୁସାଲମ ଟଟ ସାରିଞ୍ଜାକି ଇଞ୍ଜା ଇଲୁରିକମ ପାତେକା କ୍ରୀସ୍ତତି ନେହୁ କାରୁ ଖେକହାମାଲ୍

୨୦ ଆସ୍ତିୟା ଲକୁ କ୍ରୀସ୍ତତି କାତା ଖେଞ୍ଜାହିଲଅରି, ଏମ୍ବାଆଁ ଏଞ୍ଜାଣି ବଲୁ ଖେକହାଲି ନା ଅଣ୍ଡପୁ, ଏନାଆଁତାକି ଇତିହାସ ଏଡକାତି ଲକୁ କିହାମାନି ପୁନାଦି ଲାକ ଇଲୁ କିହାଲି ନାନୁ ଅଣ୍ଡପି ହିଲଅଁ

୨୧ ସାଢେସ୍ପରିତା ଏନିକିହୁ ରାସ୍ତକି ଆହାମାନେ; “ଆମିନି ଗାଟାରି ଏଞ୍ଜାଣି ବଲୁ ବେଟାଆହା ହିଲଅରି, ଏଞ୍ଜାରି ମେହନେରି; ଆମ୍ବାଆରି ଖେଞ୍ଜାହିଲଅରି, ଏଞ୍ଜାରି ତେଲ୍ହିନେରି”

ରମ୍ଭା ହାଜାଲି ପାଞ୍ଜୁଲତି ଅଣ୍ଡପୁ

୨୨ ହାଡେରକା ଦେବା ମୀ ତାଣା ଖାହାଲି ତାକି ନା ଅଣ୍ଡପୁ ଉଜେଏତାୟି ଆଡେ

୨୩ ସାମା ଈ ରାକିତା ନା ସେବା କାମା ରାହାମାନେ ଅଡେ ନା ଆସା, ମିଙ୍ଗେ ମେସାଲି ତାକି ନା ହାଡେରକା ବାସାତି ଅଣ୍ଡପୁ ନାସଁ ପୁରା ଆନେ

୨୪ ନାନୁ ସ୍ପେନ୍ ଦେସା ହାନିବେଲାତା ମୀ ତାଣା ଖାଲ୍; ଇତିହାସ ଜିରୁତା ମୀ ତଲେ ତଲିଏ ଆଣ୍ଡାନା କାତା ଆହାଁ ଏତରଦିନା ଡୟିତି ତାୟୁ ଏ ଟାୟୁତା ହାଜାଲି ଜିରୁତା ଇଟିଞ୍ଜାୟାଦେରି ଇଞ୍ଜା ଆସା କିହିମାଲ୍

୨୫ ନାସଁ ମାହାପୁରୁ ଲକୁତି ସେବା କିହାଲି ନାନୁ ଜିରୁସାଲମତା ହାଜିମାଲ୍

୨୬ ଜିରୁସାଲମତା ମାହାପୁରୁ ଲକୁ, ଆମ୍ବାଆରି ହିଲାଆ ଗାଟାରି ମାନେରି, ଏଞ୍ଜାରି ତାକି ମାକିଦନିୟା ଅଡେ ଆକାୟତି କୁଲମିକା ଆଣ୍ଡାଲି ତାରୁୟା କୁଡିକିହାଲି ତୀରି କିହାମାନେରି

୨୭ ହାଅ ଏଞ୍ଜାରି ଏଦାଆଁ ନେହେଁ ଅଣ୍ଡପା ମାନେରି ସାତା, ଆଡିହୁ ଏଞ୍ଜାରି ଏଞ୍ଜାରିତାଣା ରାଣା ଜିକେଏ ଆହାମାନେରି; ଜୀହୁଦିଆଆତାରି ଏଞ୍ଜାରି ଦାମୁତି ଜୀଞ୍ଜୁତା ଆଣ୍ଡାମାନେରି ଇତିହାସ, ଏଞ୍ଜାରି ଦାରୁତି କାମାତା ଜିକେଏ ସେବା କିହାଲି ରାଣା ଆହାମାନେରି

୨୮ ଜିରୁସାଲମତା ଏ ତାରୁୟା ଲକୁକି ହାହାନା ନା କାମା ରାପୁହି ତାୟୁ, ନାନୁ ସ୍ପେନ୍ ଦେସାତା ହାନାଟି ଏ ଜିରୁଟିଏ ମିଙ୍ଗେ ବେଟି ଖାଲ୍

୨୯ ନାନୁ ପୁଞ୍ଜାମାଲ୍, କ୍ରୀସ୍ତ ତାଣାଟି ହାଡେରପୁରେ ବଡ ବେଟାଆହାନା ନାନୁ ମୀ ତାଣା ଖାଲ୍

୩୦ ଜୀଞ୍ଜୁତି ତାୟି ତାଜି, ନାନୁ ମା ପ୍ରବୁ ଜୀସୁ କ୍ରୀସ୍ତ ଦରୁତଲେ ଇଞ୍ଜା ସୁଦୁଜୀଞ୍ଜୁ ହାହାମାଞ୍ଜାନି ଜୀଞ୍ଜୁ ନନାଣି ତାକି ମିଙ୍ଗେ ବାଡିମାଲିମାଞ୍ଜାଲ୍, ନାଙ୍ଗେ ତାକି ମାହାପୁରୁ ତାଣା ରଣିଏ ଅଣ୍ଡପୁ ତଲେ ପ୍ରାଡାନା କିଦୁ

☆ ୧୫:୨୨ ୧୫:୨୨ ରମି ୧:୧୩ ☆ ୧୫:୨୫ ୧୫:୨୫ ୧କର ୧୭:୧-୪ ☆ ୧୫:୨୭ ୧୫:୨୭ ୧କର ୯:୧୧

୩୧ ନାନୁ ଜୀହ୍ୱଦା ଦେସାତି ନାମାଆତି ଲକୁ ତାଣାଟି ଏନିକିହି ଗେଲୁପି ଆକ୍ ଇଞ୍ଜା ଜିରୁସାଲମତା ନା ଏନିନି ସେବା କାମା, ଏଦିଏମ୍ବାଆଁ ମାହାପୁରୁ ଲକୁ ଅପିନେରି, ଏଦାଆଁତାକି ପ୍ରାତାନା କିହେମାଞ୍ଜୁ □

୩୨ ମାହାପୁରୁ ଅଶ୍ୱପୁ ତଲେ, ନାନୁ ମୀ ତାଣା ହାରେକା ରାହାଁତଲେ ଖାକ୍ ଇଞ୍ଜା ମୀ ତଲେ ଏତରଦିନା ପାତେକା ଡୟାନା ନା ହିୟାଁତା ରାହାଁ ବେଟାଆକ୍ □

୩୩ ବାରେ ହିଡ଼ଡ଼ି ହିୟାନି ମାହାପୁରୁ ମୀ ତଲେ ମାଶ୍ୱେସି □ ଆମେନ୍ □

୧୭

ପାଞ୍ଚୁଲତି ଜହରା

୧ କେକ୍ଲେୟା କୁଲମିତା ସେବା କାମା କିହିମାନି ମା ତାଜି ପୟିବିକ୍ ମୀ ତାଣା ପାଣ୍ଡିମାଞ୍ଜାକ୍,

୨ ପ୍ରବୁତି ଦରୁତଲେ ଏଦାନି ଆବାଦୁ, ମାହାପୁରୁ ଲକୁ ଲେହେଁ ଲେମ୍ବାଦୁ □ ତାନି ଲଡ଼ାମାନି ଲେହେଁ ସାୟେମି କିଦୁ □ ଏଦି ନାକ୍ଷେତାକି ଅଡ଼େ ହାରେକା ଲକୁତି ସାୟେମିତି ତଡ଼ୁ □

୩ ☆କ୍ରୀସ୍ତ ଜୀସୁତି ସେବା କାମାତା ନା ତଲେ କାମା କିହିମାନି ପ୍ରସ୍ତାଲି ଇଞ୍ଜା ଆକ୍ଷିଲାକ୍ ନା ଜହରା ଖେହ୍ଦୁ □

୪ ଏ ଲକୁ ନା ତାକି ତାନି ଜୀଞ୍ଜୁତା କସ୍ତ ଆହାମାନେ □ ଖାରଇ ନାନୁ ଆଏ, ବାରେ ଜୀହ୍ୱଦିଆଆତି କୁଲମି ତାନି ତାଣା ଜହରା □

୫ ଏ ଲକୁତି ଇଜ ରୁଣ୍ଡା ଆହିମାନି କୁଲମିତି ଲକୁଣି ଜିକେଏ ନା ଜହରା ଖେସିମାକ୍ □ ନା ଜୀଞ୍ଜୁତି ତଡ଼ୁ ଏପାୟିନେତକ୍ ନା ଜହରା ଖେହ୍ଦୁ □ ଆସିୟା ଦେସାତି ଏଞ୍ଜାସି ରଅସି ମୁଲୁଏ କ୍ରୀସ୍ତକ୍ ନାମିତାସି □

୬ ମୀ ନେହେଁତାକି ଜମାଆନା କାମା କିହିମାନି ମରିୟମକ୍ ନା ଜହରା □

୭ ଆନ୍ତନିକ ଇଞ୍ଜା ଜୁନିୟାକ୍ ନା ଜହରା □ ଇ ରିଆରି ଜୀହ୍ୱଦିୟା ନା ତଲେ କାୟିଦି ଇଲୁତା ମାଚେରି □ ନା ନକେଏ କ୍ରୀସ୍ତକ୍ ନାମା ମାଚେରି ଇଞ୍ଜା ପାଣ୍ଡିଆଡ଼ି ସୀସୁ ତାଣାଟି ଏଞ୍ଜାରି ପୁଣ୍ଡି ଆଡ଼ାରି □

୮ ପ୍ରବୁ ତାଣା ନା ଜୀଞ୍ଜୁତି ତଡ଼ୁ ଆମ୍ବିୟାତକ୍ ଜହରା □

୯ କ୍ରୀସ୍ତ ସେବା କାମାତା ନାକ୍ଷେ ସାୟେମି କିହିମାଞ୍ଜାନି ଉର୍ବାନ ଇଞ୍ଜା ଜୀଞ୍ଜୁତି ତଡ଼ୁ ସ୍ତାକିୟକ୍ ଜିକେଏ ନା ଜହରା □

୧୦ କ୍ରୀସ୍ତ ମାନି ତଲେ କାମା କିନି ଆପେଲା ଇଞ୍ଜା ଆରିସ୍ତୁଲ କୁଚମିତି ବାରେ ଜାଣାକ୍ ନା ଜହରା ଖେହ୍ଦୁ □

୧୧ ନା କୁଡ଼ାତି ହେରଦିୟନ ଇଞ୍ଜା ନାକ୍ସ କୁଚମିତି କ୍ରୀସ୍ତ ତାୟିୟାଣି ଜିକେଏ ନା ଜହରା □

୧୨ ପ୍ରବୁତି ସେବା କାମାତା ମାନି ତ୍ରିପେନା ଇଞ୍ଜା ତ୍ରିପସାକ୍ ଇଞ୍ଜା ପ୍ରବୁ ତାକି ହାରେକା କାମା କିହିମାନି ଜୀଞ୍ଜୁତି ପସିସକ୍ ନା ଜହରା □

୧୩ ☆ପ୍ରବୁ ଆଡ଼ାମାନି ରୁପସ ଇଞ୍ଜା ନା ତାଲି ଲେହେଁତି ତାନି ଇୟାନି ଜିକେଏ ନା ଜହରା □

୧୪ ଅସୁକ୍ତିତ, ପ୍ଲେଗନ, ହର୍ମସ, ପାତ୍ରବା, ହର୍ମସ ଇଞ୍ଜା ଏଞ୍ଜାରିତଲେ ମାନି ବାରେ କ୍ରୀସ୍ତକ୍ ନାମିମାନି ତାୟି ତାଜିକ୍ ଜହରା ଖେହ୍ଦୁ □

୧୫ ପିଲଲଗ ଇଞ୍ଜା ଜୁଲିୟା, ନିରୁସ୍ ଇଞ୍ଜା ତାନି ତାଜି ଅଡ଼େ ଅଲୁମ୍ପା ଅଡ଼େ ଏଞ୍ଜାରିତଲେ ମାନି ବାରେ ମାହାପୁରୁ ଲକୁଣି ନା ଜହରା ଖେହ୍ଦୁ □

୧୬ ସୁଦୁ ହିୟାଁ ତଲେ ନଶ୍ୱୁଞ୍ଜି ଆହାନା ଜହରା ଖେହ୍ଦୁ □ କ୍ରୀସ୍ତ ବାରେ କୁଲମିକା ମିକ୍ଷେ ଜହରା କିହିମାଞ୍ଜାନୁ □

ପାଞ୍ଚୁଲତି ରାନ୍ତି ବେଲାତି ବଲୁ

୧୭ ତାୟି ତାଜିସ୍ତାତେରି, ମୀରୁ ଆମିନି କାତା ଜାପାମାଞ୍ଜେରି, ଏ କାତାତି ପସାନା ଗତି ଗତି କିନାସି ଅଡ଼େ ଲାଗେଏ କିୟାନେସି ଏଞ୍ଜାରାକ୍ ପୁଞ୍ଜା ଡୟାଦୁ, ଏଞ୍ଜାରି ତାଣାଟି ଏଡ଼କା ଆୟାଲି ନାନୁ ବାତିମାଲିମାଞ୍ଜାକ୍ □

୧୮ ଇତିହିଁ ଇଲେତି ଲକୁ ମା ପ୍ରବୁ କ୍ରୀସ୍ତ ହିଲିୟାକ୍ ଆଏ, ସାମା ତାନି ବାଣ୍ଡିତି ହିଲିୟାକ୍ ଆହାମାନେରି, ଅଡ଼େ ସୁଞ୍ଜାଲା ହାଡ଼ାତଲେ ଲକୁ ମନତି ନାଡ଼ି କିନେରି □

୧୯ ନେହିଁ ବଲୁ ତାକି ମୀ ତୀରପୁ କାମା ବାରେ ଲକୁ ଖେଞ୍ଜାମାନେରି, ଇଦାଆଁତାକି ନାନୁ ହାରେକା ରାହାଁ □ ନାନୁ ଅଶ୍ୱପିମାକ୍, ମୀରୁ ସାତା କାତାତା ବୁଦି ଗାଟାତେରି ଆଦୁ ଇଞ୍ଜା ଉଜେଏତି କାତାତା ଆଣ୍ଡାଆଦୁ □

୨୦ ଆତିହିଁ ହିଡ଼ଡ଼ି ହିୟାନି ମାହାପୁରୁ ତବେ ସୟତାନକ୍ ମୀ କଡ଼ା ଡ଼ଇ କିନେସି □ ମା ପ୍ରବୁ ଜୀସୁତି କାର୍ମାମେହ୍ନାୟି ମୀ ତଲେ ମାଶ୍ୱେ □

୨୧ ☆ନା ତଲେ କାମା କିହିମାନି ତିମତି ଇଞ୍ଜା ମା ଜୀହ୍ୱଦି ତାୟିୟାଁ ଲୁକିୟ, ଜାସନ ଇଞ୍ଜା ସସିପାତ୍ର ମିକ୍ଷେ ଜହରା କିହିମାଞ୍ଜାନେରି □

୨୨ ଇ ଆକୁ ରାଡ଼ାମାନି ତତ୍ତୟ, ପ୍ରବୁତି ଦରୁତଲେ ମିକ୍ଷେ ଜହରା କିହିମାଞ୍ଜାକ୍ □

୨୩ ☆ନାକ୍ଷେ ଅଡ଼େ କୁଲମିତି ସେବା କିନି ଗାୟସ ମିକ୍ଷେ ଜହରା କିହିମାଞ୍ଜାନେସି, ଅଡ଼େ ଇ ଗାଡ଼ାତି ଗୁମୁସ୍ତା ଏରାସ୍ତ ଇଞ୍ଜା ତାୟି କ୍ଷାଡ଼ ଜିକେଏ ମିକ୍ଷେ ଜହରା କିହିମାଞ୍ଜାନେରି □

୨୪ ପ୍ରବୁ ଜୀସୁତି କାର୍ମାମେହ୍ନାୟି ମୀ ବାରେ ଜାଣାକି ଆପେ □

ପ୍ରାତାନା ଇଞ୍ଜା ଜହରା ତଲେ ଆକୁ ରାପ୍ତନାୟି

୨୫ ଖାଦୁ, ମାର ମାହାପୁରୁତି ଗାଞ୍ଜୁରମି କିନି □ ନାନୁ ଖେକ୍ହାମାନି ଜୀସୁ କ୍ରୀସ୍ତ ନେହିଁ ବଲୁ ଇଞ୍ଜା ତଲି

☆ ୧୭:୩ ୧୭:୩ କାମା ୧୮:୨ ☆ ୧୭:୧୩ ୧୭:୧୩ ମାର୍କ ୧୫:୨୧ ☆ ୧୭:୨୧ ୧୭:୨୧ କାମା ୧୭:୧ ☆ ୧୭:୨୩ ୧୭:୨୩ କାମା ୧୯:୨୯; ୧କର ୧:୧୪; ୨ଡ଼ିମ ୪:୨୦

କାଲୀତିଏ ଡରୁମାନି ସାତା ଲେହେଁ ମୀ ନାମୁ ତୀରିକିହାଁ
 ଇଟାଲି ମାହାପୁରୁ ଆଡ଼ିନେସି □

୨୭ ଏ ଡରୁମାନି ସାତା ମାହାପୁରୁ ଅଣପୁତି ବଲୁ
 ଝେହୁନାରି ସାସ୍ତେରିତା ରାସ୍‌କି ଆହାମାନେ ଅଡ଼େ ଏଡ଼ି
 ନୀର୍ବ କାଲୀକାଲୀତି ପ୍ରୁ ମାହାପୁରୁ ତାଣାଟି ବାରେ କୁଡ଼ା
 ବିତ୍ରା ଝେପକି ଆହିମାନେ □ ଇଦାଆଁ ତଲେ ବାରେଜାଣା
 ନାମାନା ମାହାପୁରୁଇଁ ମାନି କିହାଲି ଆଡ଼ିନେରି □

୨୭ ବାରେ କାତା ପୁନି ମାହାପୁରୁ ପ୍ରୁ ଜୀସୁ ତାଣା
 କାଲୀକାଲୀ ତାକି ଗାଝୁରମି ବେଟାଆପେସି □ ଆମେନ୍ □

କରକ୍ତି ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପ୍ରଥମ ପତ୍ର କରକ୍ତି କୁଲମିତାକି ପାଞ୍ଚଲ ରାଡ଼ାମାନି ର ଲମ୍ବର ଆକୁ ମୂଳୁ ହାଡ଼ା

କରକ୍ତି କୁଲମିତି ର ଲମ୍ବର ଆକୁ ପାଣ୍ଡୁଆହାମାନି ପାଞ୍ଚଲ ତାଣ୍ଡାଟି ଜୀସୁ କ୍ରୀସ୍ତତି ଜାନୀତି ୫୫ ବାର୍ଷୀ କେଟ ରାସ୍ତକି ଆହାମାଟେ ୧:୧ □ ପାଞ୍ଚଲ ତାଣ୍ଡାଟି ରାସ୍ତକି ଆହାମାନି ଜଡ଼େକା ଆକା ବିତ୍ରାଟି ଇଦି ଆହିମାନେ ର ଲମ୍ବର ଆକୁ □ ଏଝାସି ଏପିସିୟତା ମାଟିବେଲାତା ଇ ଆକୁ ରାଡ଼ା ମାଣ୍ଡିତେସି ୧୭:୫-୯ □ ମାକିଦନିୟାଟି କରକ୍ତିତା ହାଜାଲି ମନ କିନି ନକେଏ ଇ ଆକୁ ରାଡ଼ାମାଟେସି □

ପାଞ୍ଚଲ ଇ ଆକୁତା କୁଲମି ଗଟି ଗଟି ଆନାୟି ଲାଗେଏତି କାମାତି ଜୁପକା ତଲେ ହାଡ଼େକା ପାପୁ କାମା ଆହିମାନାଣି କୁଲମିତି ଲକୁ ତାଣ୍ଡାଟି ଝେଞ୍ଜାନା ଝେଣ୍ଡେ ଝେସାଲି ମନ ହାହିମାନେସି □ କରକ୍ତି ଗାଡ଼ା ଲାଗେଏ ପଲେଏ ପାପୁ କାମାୟାଁ କିହିମାନାୟି ଝେଞ୍ଜାମାଟେ □ ଇଞ୍ଜା ଗାଡ଼ାତା ମାଟି କୁଲମି ହାଡ଼େକା କାଞ୍ଜାଲ ଆହିମାଟେରି □ ଏଦାଆଁ ଅଣ୍ଠପାନା ଏଝାରାକି ତିନା ଉନାଣି, ବୀହା ଆନାଣି ଅଡ଼େ କିନାଣି, ହାକି ଅଡ଼େ ଝେଣ୍ଡେ ନିଞ୍ଜିନାଣି, ସାତା ଜୀଞ୍ଜୁନନାୟି ଏନାୟି ଇ ବାରେ କାତା ଆକୁତା ରାଡ଼ାନା ତସାମାନେସି ୧୩ □

ପତେତା ମାନାୟି

- ୧ ଜହରା କିହାନା ପୁଣ୍ଡିକିନାୟି □ ୧:୧-୯
- ୨ କୁଲମିକା ଗଟି ଆନି କାତା ଜାପ୍ନାୟି □ ୧:୧୦-୪:୨୧
- ୩ ଲାଗେଏତି ପାପୁ କାମା ଅଡ଼େ ଦାଝାକିନି କାତା □ ୫:୧-୭:୨୦
- ୪ ବୀହା, ପେଣ୍ଡକା ବମାୟାଁତି ବଗୁ, ଜାରୁ ଆହାନା ପ୍ରାଡାନା, ସୁଦୁଜୀଞ୍ଜୁତି ଦାନା, ଇଞ୍ଜା ଝେଣ୍ଡେ ନିଞ୍ଜିନି କାତା □ ୭:୧-୧୫:୫୮
- ୫ ଲେମ୍ବିନି କାତା, ଜାହାରା ଅଣ୍ଠପୁ ଇଞ୍ଜା ରାପ୍ନାୟି □ ୧୭

୧ ନାନୁ ପାଞ୍ଚଲ, ମାହାପୁରୁତି ମନତଲେ କ୍ରୀସ୍ତ ଜୀସୁ ତାଣ୍ଡାଟି ଆଡାନା ପାଣ୍ଡୁଝି ଆହାମାନାଟେଏଁ, ଅଡ଼େ ମା ତାୟି ସସ୍ତିନା ତଲେ,

୨ *କରକ୍ତି ଗାଡ଼ାତା ମାନି ମାହାପୁରୁ କୁଲମିତାକି ଇ ଆକୁ ରାଟିମାନେରି; ଆମିନି ବାରେଜାଣା ଏଝାରିତାଣା, ପ୍ରବୁ ଜୀସୁ କ୍ରୀସ୍ତ ଦରୁତଲେ ପ୍ରାଡାନା କିହିମାନେରି, ଏଝାରିତଲେ କ୍ରୀସ୍ତ ଜୀସୁ ତାଣ୍ଡା ସୁଦୁ ଆହାନା ହାଟ୍ଟକି ଆହାମାନି ମାହାପୁରୁ ଲକୁତେରି ମୀରୁ □

୩ ମିଙ୍ଗେତାକି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହ୍ନାୟି ଅଡ଼େ ହିଡ଼ଡ଼ି ଆପେ □

କ୍ରୀସ୍ତ ତାଣ୍ଡାଟି ବର

୪ କ୍ରୀସ୍ତ ଜୀସୁ ତାଣ୍ଡାଟି ମିଙ୍ଗେ ହାହାମାଞ୍ଜାନି ମାହାପୁରୁତି ଆମିନି କାର୍ମାମେହ୍ନାୟି, ଏଦାଆଁତାକି ନାନୁ କାଲେଏ ମିଙ୍ଗେତାକି ମାହାପୁରୁକୁ ଜହରା କିହିମାଇଁ,

୫ ଏଦାଆଁତାକି ଇତିହିଁ ଏଝାଣି ତାଣ୍ଡା ବାରେ କାତାତା, ହାଡ଼େକା କିହିଁ ବାରେଲେହେଁତି ଜାପ୍ନି ତାଣ୍ଡା ଅଡ଼େ ବାରେଲେହେଁତି ବୁଦିତା ମୀରୁ ଗାତି ବାଡ଼କା ମାଞ୍ଜେରି;

୬ ଇଲେଆହିଁ କ୍ରୀସ୍ତତି ସାକି ମୀ ତାଣ୍ଡା ତୀରି ଆହାମାନେ □

୭ ଇଦାଆଁତାକି ମୀରୁ ମା ପ୍ରବୁ ଜୀସୁ କ୍ରୀସ୍ତତି ତଞ୍ଜା ଆହାଲିତାକି କାପୁ କାଡାନା ଏନି କାର୍ମାଟି ଦାନାତା ଉଣା ଆହାହିଲଅଡେରି;

୮ ମା ପ୍ରବୁ ଜୀସୁ କ୍ରୀସ୍ତତି ଦିନାତା ଏନିକିଁ ମୀରୁ ଦହ ହିଲଆଗାଟାତେରି ଆଡେରି, ଇଦାଆଁତାକି ଏଝାସି ମିଙ୍ଗେ ରାନ୍ତି ଦିନା ପାତେକା ତୀରିକିହା ଇଟାନେସି □

୯ ମାହାପୁରୁ ନାମୁଗାଟାସି, ଆମ୍ବାଆରି ତାଣ୍ଡାଟି ମୀରୁ ତାନି ମୀରଏସି ଜୀସୁ କ୍ରୀସ୍ତ, ମା ପ୍ରବୁ ତାଣ୍ଡା ଆଣ୍ଡିନାଣାକି ହାଟ୍ଟକି ଆହାମାଞ୍ଜେରି □

ନାମିତି କୁଲମି ବିତ୍ରା ଗଟି ଆନାୟି

୧୦ ଏ ତାୟିୟାଁ ଅଡ଼େ ତାଞ୍ଜିସ୍ତାତେରି, ମା ପ୍ରବୁ ଜୀସୁ କ୍ରୀସ୍ତ ଦରୁତଲେ ନାନୁ ମିଙ୍ଗେ ବାତିମାଲିମାଞ୍ଜାଇଁ, ଏନିକିଁ ମୀରୁ ବାରେଜାଣା ତେରି ରଣ୍ଡିଏ କାତା ଜଲିଦେରି, ଅଡ଼େ ମୀ ବିତ୍ରା ଗଟି ଆଅଡେରି, ସାମା ମୀରୁ ରଣ୍ଡିଏ ମନ ରଣ୍ଡିଏ ଅଣ୍ଠପୁ ତଲେ କାଲ୍ଝି ଆଦୁ □

୧୧ ଇତିହିଁ, ଏ ନା ତାୟିୟାଁ ଅଡ଼େ ତାଞ୍ଜିସ୍ତାତେରି, କ୍ଲୟିତି କୁଟମିଟି ମୀ କାତା ନା ତାଣ୍ଡା ଇଦି ତଞ୍ଜା ଆହାମାନେ, ମୀ ବିତ୍ରା ଗଡ଼ହା ମାନେ □

୧୨ *ନାନୁ ଝେସ୍ତାନି କାତା ଇଦି, ମୀ ବିତ୍ରାଟି ଆମ୍ବା ଆମ୍ବାଆରି ଏଲେଇନେରି, ନାନୁ ପାଞ୍ଚଲ ଝାକି ତାଡେଏଁ, ଇଞ୍ଜା ଆମ୍ବାଆରି ନାନୁ ଆପଲ ଝାକି ତାଡେଏଁ, ନାନୁ କେପା ଝାକି ତାଡେଏଁ ଅଡ଼େ ଏଚରଜାଣା ନାନୁ କ୍ରୀସ୍ତ ଝାକି ତାଡେଏଁ ଇଞ୍ଜିଁ ମାନେରି □

୧୩ କ୍ରୀସ୍ତ ବାଗା ଆହାମାନେସି କି ? ମିଙ୍ଗେତାକି ପାଞ୍ଚଲ କି ପାସି ମୁଣ୍ଡାତା ହାହାମାନେସି ? ଆଆତାଁ ମୀରୁ କି ପାଞ୍ଚଲ ଦରୁତଲେ ବାପ୍ତିସ୍ତ* ଆହାମାଞ୍ଜେରି ?

୧୪ *ଇଦାଆଁତାକି କ୍ରିସ୍ତ ଅଡ଼େ ଗାୟ ପିସ୍ତପେ ମୀ ବିତ୍ରା ଆମ୍ବାଆରାଇଁ ଜିକେଏ ବାପ୍ତିସ୍ତ† ହାହାହିଲଅଁ ଇଞ୍ଜିଁ ନାନୁ ମାହାପୁରୁକୁ ଜହରା କିହିମାଇଁ,

୧୫ ଏଚେତା ମୀରୁ ନୀ ଦରୁତଲେ ବାପ୍ତିସ୍ତ‡ ଆହାମାଇଁ ଇଞ୍ଜିଁ ଆମ୍ବାଆରି ଏଲେଇଞ୍ଜଅରି □

☆ ୧:୨ ୧:୨ କାମା ୧୮:୧ ☆ ୧:୧୭ ୧:୧୭ କାମା ୧୮:୨୪ * ୧:୧୩ ୧:୧୩ମୁଞ୍ଜିନାୟି ☆ ୧:୧୪ ୧:୧୪ କାମା ୧୮:୮; କାମା ୧୯:୨୯; ରିନି ୧୭:୨୩ † ୧:୧୪ ୧:୧୪ମୁଞ୍ଜିନାୟି ‡ ୧:୧୫ ୧:୧୫ମୁଞ୍ଜିନାୟି

୧୬ *ଅଡ଼େ ସ୍ତ୍ରୀପାନତି କୁଟମିଇଁ ଜିକେଏ ବାପ୍ତିସ୍ମାଟ୍ ହାହାମାଇଁ; ଇଞ୍ଜାରି ପିସ୍ପେ ନାନୁ ଅଡ଼େ ଆମ୍ବାଆରାଇଁ ବାପ୍ତିସ୍ମା* ହାହାମାଇଁ ଇଞ୍ଜି ନା ଅଣ୍ପୁତା ହିଲେଏ □

୧୭ ଇଚିହିଁ କ୍ରୀସ୍ତ ନାଜେ ବାପ୍ତିସ୍ମା† ହାହାଲିତାକି ପାଣ୍ଡାମାଞ୍ଜାଅସି, ସାମା ନେହିଁ କାରୁ ଝେସାଲି ପାଣ୍ଡାମାଞ୍ଜାନେସି; ଏଡି ଜିକେଏ ବଲୁତି ରାହାଁ କିନି ତାଣା ଆଏ, ଏଡେତା ପାଟେ କ୍ରୀସ୍ତତି ପାସିମୁଣ୍ଡା ଉଜେଏ ଆନେ □

କ୍ରୀସ୍ତ ମାହାପୁରୁତି ବାଡ଼ୟୁ ଅଡ଼େ ବୁଦି

୧୮ ଇଚିହିଁ ନାସା ଆହିମାନି ଲକ୍ଷ୍ମତାକି ପାସି ମୁଣ୍ଡାତି କାତା ଉଜେଏତାୟି, ସାମା ଗେଲ୍ପି ଆହିମାନି ମା ବାରେଜାଣା ତାକି ଏଡି ମାହାପୁରୁତି ବାଡ଼ୟୁ □

୧୯ ଇଦାଆଁତାକି ରାସ୍ତକି ଆହାମାନେ, “ନାନୁ ବୁଦିଗାଟାରି ବୁଦି ନାସଞ୍ଜି କିଇଁ, ଅଡ଼େ ବୁଦିଗାଟାରି ବୁଦି ଅପଅଁ □”

୨୦ ବୁଦିଗାଟାରି ଆମ୍ବିୟା ? ମେରା ଜାପ୍ନାରି ଆମ୍ବିୟା ? ଇ ଜୁଗୁତି କାତା କାଟଞ୍ଜିକିହାଁ ଝେହ୍ନାରି ଆମ୍ବିୟା ? ମାହାପୁରୁ କି ଦାର୍ତତି ବୁଦିଇଁ ଉଜେଏତାୟି ଇଞ୍ଜି ଝେସାହିଲଅସି ?

୨୧ ଇଚିହିଁ ମାହାପୁରୁତି ବୁଦି ତଞ୍ଜାଆହାମାତି ଜିକେଏ ଦାର୍ତତି ଜାହାରା ବୁଦିତଲେ ମାହାପୁରୁଇଁ ପୁନାଆତାକି ମାମ୍ବୁ ଝେକହାମାନି କାତା ଉଜେଏତାୟି, ଆଡିଜିକେଏ ନାମୁ ଗାଟାରାଇଁ ଗେଲ୍ପାଲିତାକି ମାହାପୁରୁ ଅଣ୍ପିତେସି □

୨୨ ଇଚିହିଁ ଜାହୁଦିଜା ସିନା ପାରିନେରି, ସାମା ଗ୍ରିକ୍ ଲକୁ ବୁଦିତି ପାରିନେରି □

୨୩ ସାମା ମାମ୍ବୁ ପାସି ମୁଣ୍ଡାତା ହାଡି କ୍ରୀସ୍ତତି କାତା ଝେକହି ମାନମି, ଏଞ୍ଜାସି ଜାହୁଦି ଲକ୍ଷ୍ମତାକି ସାଡୁ ଲେହେତାସି ଅଡ଼େ ଜାହୁଦିଆଆତି ଲକ୍ଷ୍ମତାକି ବୁଦି ହିଲାଇଲେହେଁ □

୨୪ ସାମା ଜାହୁଦି ଆପାରି କି ଜାହୁଦିଆଆତାରି ଆପାରି, ଆମ୍ବାଆରି ହାଟକି ଆତାରି, ଏଞ୍ଜାରାକି କ୍ରୀସ୍ତ ମାହାପୁରୁତି ବାଡ଼ୟୁ ଅଡ଼େ ମାହାପୁରୁତି ବୁଦି ଲେହେଁ □

୨୫ ଇଚିହିଁ ମାହାପୁରୁତି ବୁଦି ହିଲାଇଲେହେଁ ମାଣ୍ଡିୟାତି ବୁଦି କିହାଁ ହାରେକା ବୁଦି, ଅଡ଼େ ମାହାପୁରୁତି ଆଡାଆ ଗାଟାୟି ମାଣ୍ଡିୟାତି ବାଡ଼ୟୁ କିହାଁ ହାରେକା ବାଡ଼ୟୁ ଗାଟାୟି □

୨୬ ଏ ତାୟିୟାଁ ଅଡ଼େ ତାଜିସ୍ତା ମିଜେ ହାଟାମାନି କାତା ଅଣ୍ପାପୁ, ଦାର୍ତତି ଲକ୍ଷ୍ମତି ଅଣ୍ପୁ ଲେହେଁ ହାରେକା ବୁଦିଗାଟାରି, ହାରେକା ବାଡ଼ୟୁ ଗାଟାରି, କି କାଜା କୁଡା ଗାଟାରି ହାଟକି ଆହାହିଲଅରି;

୨୭ ଏଦାଆଁତାକି ମାହାପୁରୁ ବୁଦି ଗାଟାରାଇଁ ଲାଜା କିହାଲିତାକି ଦାର୍ତତି ବୁଦି ହିଲାଇଲେହେଁ ଆଡିତେସି,

ଅଡ଼େ ବାଡ଼ୟୁ ଗାଟାଣି ଲାଜା କିହାଲିତାକି ମାହାପୁରୁ ଦାର୍ତତି ବାଡ଼ୟୁ ହିଲାଇଲେହେଁ ଆଡିତେସି □

୨୮ ଅଡ଼େ ଏନାୟି ଦାର୍ତତି ନକିତା ମାନି ଗାଟାୟି, ଏ ବାରେ ଉଜେଏ କିହାଲି, ମାହାପୁରୁ ଦାର୍ତତି ହାଣି, ଇଞ୍ଜା ଅପାଆଗାଟାଣି, ହାଅ, ମାନି ହିଲାଇଲେହେଁ ଆଡିତେସି □

୨୯ ଅଡ଼େ ଏନାୟି ଦାର୍ତତି ନକିତା ମାନି ଗାଟାୟି, ଏ ବାରେତି ଉଜେଏ କିହାଲିତାକି ମାହାପୁରୁ ଦାର୍ତତି ଉଣା ଅଡ଼େ ଅପାଆଗାଟାଣି ହାଅ ଉଜେଏତାଣି ଆଡିତେସି □

୩୦ ସାମା ଏଞ୍ଜାଣି ତାକି ମାରୁ କ୍ରୀସ୍ତ ଜୀସୁ ତାଣା ମାଞ୍ଜେରି, ଏଞ୍ଜାସି ମାହାପୁରୁ ତାଣାଟି ମାଞ୍ଜେତାକି ବୁଦି, ଇଚିହିଁ ଦାମ୍ବୁଗାଟାସି, ସୁଦୁଗାଟାସି ଅଡ଼େ ଗେଲ୍ପିନି ଲେହେଁ ଆହାମାନେସି □

୩୧ ଇଦାଆଁତାକି, ଦାମ୍ବୁପତିତା ରାସ୍ତକି ଆହାମାନେ, “ଆମ୍ବାଆସି ବଡପଣ ଆନେସି, ଏଞ୍ଜାସି ମାହାପୁରୁ ତାଣା ବଡପଣ ଆପାସି □”

୨

ପାସି ମୁଣ୍ଡାତା କ୍ରୀସ୍ତ ହାଡି କାରୁ

୧ ଏଦାଆଁତାକି ଏ ତାୟିୟାଁ ଅଡ଼େ ତାଜିସ୍ତାତେରି, ଏଡେତା ନାନୁ ମା ତାଣା ହାଜାମାଟେଏଁ, ଏଚିବେଲା ମାହାପୁରୁତି ତ୍ତୁମାନି ସାତା କାତାଟି ଗାଡି ବୁଦି ଗାଟାରିଲେହେଁ ମା ତାଣା ଝେକହାମାଟେଏଁ ଏଲେକ୍ ଆଏ □

୨ ଇଚିହିଁ ଜୀସୁ କ୍ରୀସ୍ତ, ଇଚିହିଁ ପାସି ମୁଣ୍ଡାତା ହାଡି ଜୀସୁ କ୍ରୀସ୍ତ ପିସ୍ପେ ମା ତାଣା ଅଡ଼େ ଏନାଆଁ ଜିକେଏ ପୁଞ୍ଜାଲି ଅଣ୍ପାଆତେଏଁ □

୩ *ଅଡ଼େ, ନାନୁ ବାଡ଼ୟୁ ହିଲାଇଲେହେଁ ଆଜି ଅଡ଼େ ତୀରଗି ତୀରଗିହିଁ ମା ତାଣା ମାଟେଏଁ;

୪ ଇଦାଆଁତାକି ନା ଜାପ୍ନାୟି ଅଡ଼େ ଝେକନାୟି ମାଣ୍ଡି ବୁଦିତି ନେହିଁ ହାଡାଲେହେଁ ଆଆନା ମାହାପୁରୁତି ସୁଦୁଜାଞ୍ଜୁତି ବାଡ଼ୟୁ ତସ୍ପି ଆହାମାନେ □

୫ ମା ନାମୁ ଏନିକିଁ ମାଣ୍ଡିୟାତି ବୁଦିତା ତୀରି ଆଆନା ମାହାପୁରୁତି ବାଡ଼ୟୁତା ତୀରି ଆନେ □

ମାହାପୁରୁତି ବୁଦି

୬ ଆଡିଜିକେଏ ମାମ୍ବୁ ସୁଦୁଜାଞ୍ଜୁତା ପାତାଆନି ବୁଦିଗାଟି ଲକ୍ଷ୍ମତାଣା ବୁଦିତିକାତା ଝେହ୍ନମି, ସାମା ଏଡି ଇ ଜୁଗୁତି ବୁଦି ଆଏ, ଅଡ଼େ ଇ ଜୁଗୁତି ଗାଡ଼େକା ତାକି ନାସା ଆନି ସାଲଞ୍ଜି କିନାରି ବାଡ଼ୟୁତି ହାଟକି କିନାରି ବୁଦି ଆଏ □

୭ ସାମା ନାନୁ ତ୍ତୁମାନି ଲେହେଁତି ମାହାପୁରୁତି ବୁଦିତିକାତା ଝେସିମାଇଁ; ଏ ତ୍ତୁମାନି ମାହାପୁରୁ ବୁଦି ମା ଗାଞ୍ଜୁରମି ତାକି ଦାର୍ତତି ଗାଡ଼ି ଆଆ ନକେଏ ଆତାନା ଇଟକି ଆହାମାଟେ □

୮ ଇ ଜୁଗୁତି ସାଲଞ୍ଜି କିନାରି ଜିକେଏ ଆମ୍ବାଆରି ଏଦାଆଁ ପୁଞ୍ଜାହିଲଅରି, ଏଦାଆଁତାକି ଇଚିହିଁ ଏଞ୍ଜାରି

* ୧:୧୭ ୧:୧୭ ୧କର ୧୭:୧୫ § ୧:୧୭ ୧:୧୭ମୁଞ୍ଜନାୟି * ୧:୧୭ ୧:୧୭ମୁଞ୍ଜନାୟି † ୧:୧୭ ୧:୧୭ମୁଞ୍ଜନାୟି * ୨:୩ ୨:୩ କାମା ୧୮:୯

ଏଦାଆଁ ପୁଞ୍ଜାମାତିହଁମା ଗାଞ୍ଜୁରମିଗାଟି ପ୍ରବୁଝଁ କୁସତା ପାୟାଆତେରିମା □

୯ ସାମା ଏନିକିହଁ ଦାମ୍ବୁପତିତା ରାସ୍ତକି ଆହାମାନେ, “କାନୁ ଏମିନାଣି ମେସା ହିଲେଏ, କିୟଁ ଏମିନାଣି ଖେଞ୍ଜା ହିଲେଏ, ଅଡ଼େ ମାଣ୍ଠସିୟାଁ ହିୟାଁତା ଏମିନାଣି ଅଣ୍ଠପା ହିଲଅରି, ଏ ବାରେତି ମାହାପୁରୁ ତାଙ୍ଗେ ଜୀଞ୍ଜୁ ନନାରାକି କିହାମାନେସି □”

୧୦ ସାମା ମାହାପୁରୁ ମାଙ୍ଗେତାକି ସୁଦୁଜୀଞ୍ଜୁ ତଲେ ବାରେ ତସାମାଞ୍ଜାନେସି; ଏନିକିଁ ଏ ସୁଦୁଜୀଞ୍ଜୁ ବାରେ କାତା, ହାଅ, ମାହାପୁରୁତି ତରୁମାନି କାତା ଜିକେଏ ପାରିନେସି □

୧୧ ମାଣ୍ଠସିତି କାତା ବାରେ ମାଣ୍ଠସି ତାଣା ମାନି ଜୀଞ୍ଜୁ ପିସ୍ପେ ଅଡ଼େ ଆମ୍ବାଆସି ପୁନେସି ? ଏଲେକିହଁଏ ମାହାପୁରୁ କାତା ବାରେ ମାହାପୁରୁ ଜୀଞ୍ଜୁ ପିସ୍ପେ ଆମ୍ବାଆସି ପୁନଅସି □

୧୨ ଏନିକିଁ ମାହାପୁରୁ ତାଣାଟି ମାଙ୍ଗେ କାର୍ମାମେହ୍ନି ତାଣାଟି ହୀପକି ଆହାମାନି କାତା ବାରେ ମାର ପୁଞ୍ଜାଲି ଆଡ଼ିନାୟି, ଏଦାଆଁତାକି ମାର ଦାରତିତି ଜୀଞ୍ଜୁ ପ୍ଲାଞ୍ଜାନା ମାହାପୁରୁତି ଜୀଞ୍ଜୁ ବେଟା ଆହାମାନାୟି □

୧୩ ଏ ବାରେ କାତା ଜିକେଏ ମାର ମାଣ୍ଠସିତି ରୁଦିତି ଜାପାମାନି ବଲୁ ତଲେ ଖେସିହିଲିଆୟି, ସାମା ସୁଦୁଜୀଞ୍ଜୁତି କାତା ବାରେ ସୁଦୁଜୀଞ୍ଜୁତି କାତାତଲେ ତେଲୁହି କିହାନା ସୁଦୁଜୀଞ୍ଜୁ ତଲେ ଜାପାମାନି ବଲୁ ତଲେ ଖେସିମାନାୟି □

୧୪ ସାମା ଦାରତିତି ମାଣ୍ଠସି ମାହାପୁରୁତି ସୁଦୁଜୀଞ୍ଜୁତି କାତା ବାରେ ଅପଅସି, ଏନାଆଁତାକି ଇତିହଁଏ ବାରେ ତାନି ନକିତା ଉଜେଏତାୟି, ଅଡ଼େ ଏଞ୍ଜାସି ଏ ବାରେତି ତେଲୁହାଲି ଆଡ଼ଅସି, ଇତିହଁଏ ବାରେ ସୁଦୁଜୀଞ୍ଜୁ ତଲେ ନୀହାୟି କିଞ୍ଜିଆନେ □

୧୫ ସାମା ଆମ୍ବାଆରାକି ସୁଦୁଜୀଞ୍ଜୁ ମାନେ, ଏଞ୍ଜାସି ବାରେ କାତା ନେହଁକିଁ ଅଣ୍ଠପିନେସି, ଆଡ଼ିଜିକେଏ ଆମ୍ବାଆସି ଏଞ୍ଜାଣାଇଁ ଅଣ୍ଠପଅସି □

୧୬ ଏନାଆଁତାକି ଇତିହଁଏ, “ଆମ୍ବାଆସି ମାହାପୁରୁତି ଅଣ୍ଠପୁ ପୁଞ୍ଜାମାନେସି, ଇଞ୍ଜା ଏଞ୍ଜାସି ଏଞ୍ଜାଣାଇଁ ଜାପୁହାଲି ଆଡ଼ିନେସି ?” ସାମା ମାମ୍ବୁ କ୍ରୀସ୍ତତି ମନ ବେଟା ଆହାମାନମି □

୩

କୁଲମିତା ଗଡ଼ହା

୧ ଏ ନା ତାୟିୟାଁ ଅଡ଼େ ତାଙ୍ଗିସ୍ତାତେରି ନାନୁ ସୁଦୁଜୀଞ୍ଜୁ ବେଟାଆହାମାନି ଲକୁଣି ଖେହ୍ନିଲେହେଁ ମିଙ୍ଗେ ଖେସାଲି ଆଡ଼ାଆତେଏଁ, ସାମା ଆଙ୍ଗା ତଲେ ମାନି ଲକୁ ଅଡ଼େ କ୍ରୀସ୍ତ ତାଣା ନାମୁତି କକାରି ପଦାଁଣି ଖେହ୍ନିଲେହେଁ ମିଙ୍ଗେ ଖେସ୍ତାତେଏଁ □

୨ *ନାନୁ ମିଙ୍ଗେ ପାଲୁ ଉର୍ହାନା ଆର୍ହା ରାନ୍ଦା ହିୟାଆତେଏଁ, ଏନାଆଁତାକି ଇତିହଁଏ ଏଲେତି ରାନ୍ଦା ତିଞ୍ଜାଲି ଆଡ଼ିହିଲିଆତେରି, ଅଡ଼େ ନୀଏଁ ଜିକେଏ ଆଡ଼ଅତେରି,

୩ ନୀଏଁ ପାତେକା ମୀରୁ ଦାରତିତି ନାମାଆତି ଲକୁ ମାଣ୍ଠକି ତଲେ ମାଞ୍ଜେରି, ଏନାଆଁତାକି ଇତିହଁଏ ମୀ ବିତ୍ତା ତାହାରା ଅଡ଼େ ଗଡ଼ହା କିନାୟିମାନେ, ଏଦାଆଁତାକି ମୀରୁ ଦାରତିତି ନାମାଆତି ଲକୁତେରି ଆଏକି ଇଞ୍ଜା ମାଣ୍ଠସି ନୀଡ଼ିନି ଲେହେଁ ନୀଡ଼ି ହିଲଅତେରି ?

୪ *ଏଡ଼େତା ରଅସି ଏଲେଇନେସି, “ନାନୁ ପାଞ୍ଜୁଲ ତାଣା ତାତେଏଁ” ଅଡ଼େ ରଅସି ଏଲେଇନେସି “ନାନୁ ଆପଲ ତାଣା ତାତେଏଁ” ଏଚେଟିଏ ମୀରୁ ଦାରତିତି ନାମାଆତି ଲକୁତେରି ଆଏକି ?

୫ ଆପଲ ଆମ୍ବାଆସି ? ପାଞ୍ଜୁଲ ଆମ୍ବାଆସି ? ଏଞ୍ଜାରି ଖାରଇ ସେବା କିନାରି, ଆମ୍ବାଆରି ତାଣାଟି ବାରେତାକି ପ୍ରବୁ ଏନିକିଁ ହୀହାମାନେସି ଏଲେକିଁ ମୀରୁ ନାମାମାଞ୍ଜେରି □

୬ *ନାନୁ ଉହାମାଇଁ, ଆପଲ ଏୟୁ ହୀହାମାନେସି, ସାମା ମାହାପୁରୁ ପାତି କିହାମାନେସି □

୭ ଇତିହଁଏ ଆମ୍ବାଆସି ଉହିନେସି ଇଞ୍ଜା ଆମ୍ବାଆସି ଏୟୁ ହୀନେସି ଏଞ୍ଜାସି ଏନାସି ଆଏ, ସାମା ଆମ୍ବାଆସି ପାତି କିନି ମାହାପୁରୁ ଏଞ୍ଜାସି କାଜାସି □

୮ ଆମ୍ବାଆସି ଉହିନେସି ଅଡ଼େ ଆମ୍ବାଆସି ଏୟୁ ହୀନେସି ଏଞ୍ଜାରି ରିଆରି ରଲେଏତାରି, ସାମା ବାରେଜାଣା ତାନି କସ୍ତତି ଲେକାତଲେ କୁଲି ବେଟାଆନେରି □

୯ ଇତିହଁଏ ମାମ୍ବୁ ମାହାପୁରୁ ତଲେ ଆଣ୍ଡାନା କାମା କିନାତମି, ମୀରୁ ମାହାପୁରୁତି ତାସା ରୁମି ଅଡ଼େ ମାହାପୁରୁତି ଇଲୁ □

୧୦ ନାଙ୍ଗେ ହୀପକି ଆହାମାଞ୍ଜାନି ମାହାପୁରୁତି କାର୍ମାତଲେ ନାନୁ ର ରୁଦିଗାଟି ଇଲୁ ଦହ୍ନି ଲକୁ ଲେହେଁ ପୁନାଦି କିହାମାଇଁ, ଅର ରଅସି ଏଦାଣି ଲାକ ଇଲୁ ଦସି ମାନେସି, ସାମା ବାରେଜାଣା ତାନି ଲାକ ଏନିକିଁ ଦସି ମାନେରି ଏଦାଆଁତାକି ଜାଗ୍ରାତା ଆପେରି □

୧୧ ଇତିହଁଏ ଆମିନି ପୁନାଦି କିଞ୍ଜିଆହାମାନେ, ଏଦାଣି ପିସ୍ପେ ଏଡ଼କାତି ପୁନାଦି ଆମ୍ବାଆସି କିହାଲି ଆଡ଼ଅସି, ଏ ପୁନାଦି ଜୀସୁ କ୍ରୀସ୍ତ □

୧୨ ସାମା ଆମ୍ବାଆସି ଏ ପୁନାଦି ଲାକ ବାଂଗାରା, ଖେଣ୍ଡି, ଗାଡ଼ି ଦାରାଗାଟି ଖାଲକା, ମାରକା, ଜାଡ଼ା, ଅଡ଼େ ଝିକା ତଲେ କିନେସି,

୧୩ ଆଡ଼ିହଁଏ ଆମ୍ବାଆରି କାମା ଏନିଲେହେଁତାୟି ଏଡ଼ି ତଞ୍ଜାଆନେ, ଇତିହଁଏ ଏ ନେରୁ ଏଡ଼ି ତହ୍ନେ, ଏ ନେରୁ ହିରୁତଲେ ତଞ୍ଜାଆନେ, ଇଞ୍ଜା ବାରେଜାଣାଟି କାମା ଏନିଲେହେଁତାୟି ଏ ହିରୁ ତାୟିପାରି କିନେ □

୧୪ ଆମ୍ବାଆସି ଏନିକିଁ ଇଲୁ ଦସା ମାନେସି ଏଞ୍ଜାଣି କାମା ଏଲେକିଁ ଡ଼ୟିତିହଁଏ ଏଞ୍ଜାସି ଏ ଦାନା ବେଟା

☆ ୩:୨ ୩:୨ ଏଡ଼ି ୫:୧୨,୧୩ ☆ ୩:୪ ୩:୪ ୧କର ୧:୧୨ ☆ ୩:୭ ୩:୭ କାମା ୧୮:୪-୧୧; କାମା ୧୮:୨୪-୨୮

ଆନେସି □

୧୫ ଇଞ୍ଜା ଆମ୍ବାଆରି କାମା ଝେହାହାନେ, ଏଞ୍ଜାଣିଞ୍ଜାୟି ନାସଞ୍ଜି ଆନେ, ଆଡ଼ିଜିକେଏ ଏଞ୍ଜାସି ଗେଲପି ଆନେସି, ସାମା ଏଦି ହିରୁ ବିତ୍ରାଟି ହଟା ହାଟି ସମାନା ଆନେ □

୧୬ *ମୀରୁ ପୁଞ୍ଜାହିଲଅତେରି କି ମୀରୁ ମାହାପୁରୁତି ଇଲୁତେରି, ଅଡ଼େ ମାହାପୁରୁତି ସୁଦୁଜୀଞ୍ଜୁ ମୀ ହିୟାତା ବାସା କିନେ □

୧୭ ଆମ୍ବାଆସି ମାହାପୁରୁ ଲକୁଇଁ ନାସା କିନେସି, ମାହାପୁରୁ ଏଞ୍ଜାଣାଇଁ ନାସା କିନେସି, ଇତିହିଁ ମାହାପୁରୁତି ଇଲୁ ଅଡ଼ହାୟି ଇଞ୍ଜା ମୀରୁଏ ଏଞ୍ଜାଣି ଇଲୁ □

୧୮ ଆମ୍ବାଆସି ତାନୁଏ ତାଙ୍ଗେ ନାଡ଼ିକିହା କତାଆପେସି, ଆମିନି ଲକୁ ଇ ଦାରୁଡ଼ିତା ବୁଦି ଗାଟାତେଏଁ ଇଞ୍ଜି ଅଣ୍ପିନେସି, ଆଡ଼ିହିଁ ଏଞ୍ଜାସି ଏନିକିଁ ବୁଦିଗାଟାସି ଆନେସି ଏଦାଆଁତାକି ଦାରୁଡ଼ିତି ଲକୁତାଣା ବୁଦି ହିଲାଆଗାଟି ଲକୁ ଲେହେଁ ଆପେସି □

୧୯ ଇତିହିଁ ଇ ଦାରୁଡ଼ିତି ବୁଦି ମାହାପୁରୁ ନକିତା ବୁଦି ହିଲାଆଗାଟାୟି, ଏଦାଆଁତାକି ରାସ୍‌କି ଆହାମାନେ, “ମାହାପୁରୁ ବୁଦି ଗାଟାରାଇଁ ତାମି ସୁତ୍ରମି ତଲେ ପାନ୍ଦାତା ଆହନେସି;”

୨୦ ଅଡ଼େ ରାସ୍‌କି ଆହାମାନେ “ବୁଦିଗାଟାରି ଅଣ୍ପୁ ବାରେ ଉଜେଏତାୟି ଇଞ୍ଜି ପ୍ରୁ ପୁଞ୍ଜାମାନେସି □”

୨୧ ମାଣସି ତାଣା ଆମ୍ବାଆସି ବତପଣ ଆଆପେସି, ଇତିହିଁ ବାରେ ମୀଦିଏ □

୨୨ ପାଞ୍ଜୁଲ, ଇଞ୍ଜୁ କି ଆପଲ, ଇଞ୍ଜୁ କେପା*, ଇଞ୍ଜୁ ଅଡ଼େ ଦାରୁଡ଼ି ଇଞ୍ଜୁ କି ଜୀଞ୍ଜୁ ଇଞ୍ଜୁ, କି ହାନାୟି ଆପେ, ନୀଏଁ ତାୟି ଆପେ, କି ତାୟିତାୟି ଆପେ, ଏ ବାରେଏ ମୀଦି □

୨୩ ସାମା ମୀରୁ କ୍ରୀସ୍ତୁତି ଲକୁତେରି ଅଡ଼େ କ୍ରୀସ୍ତୁ ମାହାପୁରୁ ତାଣାତାସି □

୪

ଜୀସୁ ତାଣାଟି ପାଣ୍ଡୁଞ୍ଜି ଆହାମାନାରି

୧ ଲକୁ ମାଙ୍ଗେ କ୍ରୀସ୍ତୁତି ସେବା କିନାରି, ଅଡ଼େ ମାହାପୁରୁତି ତ୍ରୁମାମାନି ଇଲୁତି ଗୁମୁସ୍ତା ଇଞ୍ଜି ଅଣ୍ପାପେରି □

୨ ଇଲେଆହିଁ ଗୁମୁସ୍ତା ବେଟାଆହାମାନି ମାଣ୍‌ସି ଜାହାରା ପ୍ରୁ ତାଣା ମାନିଗାଟାସି ତଞ୍ଜା ଆପାସି □

୩ ସାମା ମୀ ତାଣାଟି ଆପେ କି ଆମିନି ନାହାଁୟି କିନି ତାଣା ନାହାଁୟି କିଞ୍ଜି ଆନାୟି ନା ତାକି ଏଦି କାଜା କାତା ଆଏ, ଇଲେକିଁ ନାନୁ ଜାହାରାଇଁ ନାହାଁୟି କିହା କତଅଁ □

୪ ଇତିହିଁ ନାନୁ ନା କପାଟି ଏନାଆଁ ପୁଞ୍ଜାହିଲଅଁ, ଆଡ଼ିଜିକେଏ ନାନୁ ଇମ୍ବାଆଁ ଦହ ହିଲାଆ ଗାଟାତେଏଁ ଇଞ୍ଜି ତଞ୍ଜା ଆହାହିଲଅଁ, ସାମା ଆମ୍ବାଆସି ନା ନାହାଁୟି କିୟାନେସି, ଏଞ୍ଜାସି ପ୍ରୁ □

୫ ଏଦାଆଁତାକି, ତୀରିକିତି ଦିନା ଖାଆ ନକେଏ ଇତିହିଁ ପ୍ରୁ ଖାଆ ନକେଏ ମୀରୁ ଆମ୍ବାଆରାଇଁ ନାହାଁୟି କିଆବୁ, ଏଞ୍ଜାସି ଆନେରିତା ତ୍ରୁମାମାନି ବାରେ ଉଜେଡ଼ିତା ତହ୍‌ନେସି, ଅଡ଼େ ହିୟାତି ଅଣ୍ପୁ ବାରେ ଏଞ୍ଜାସି ଝେହ୍‌ନେସି, ଏତିବେଲା ବାରେଜାଣା ମାହାପୁରୁ ତାଣାଟି ଗାଞ୍ଜୁରମି ବେଟାଆଦେରି □

୬ ଏ ତାୟିୟାଁ ଅଡ଼େ ତାଙ୍ଗିସ୍ତାତେରି, ନାନୁ ମୀରୁ ଜାପାଲି ତାକି ଇ ବାରେ କାତା ନାନୁ ନାଙ୍ଗେ ଅଡ଼େ ଆପଲଇଁ ତସାଁ ଝେସିମାଞ୍ଜାଇଁ, “ଇତିହିଁ ଏନାୟି ରାସ୍‌କି ଆହାମାନେ ଏ କାତାଟି ଗାଣ୍‌ଆଦୁ,” ଇଦାଆଁ ମୀରୁ ମା ତାଣାଟି ଜାପାଦୁ, ଅଡ଼େ ଏନିକିଁ ମୀ ବିତ୍ରାଟି ଆମ୍ବାଆସି ରଅଣି ଖାକିଟି ଅଡ଼େ ରଅଣାଇଁ ଅପାଆନା ବତପଣ ଆଆଦୁ □

୭ ମିଙ୍ଗେ ଆମ୍ବାଆସି କାଜାସି କିହାଁ ମାଞ୍ଜାନେସି ? ଅଡ଼େ ମୀରୁ ଏନାଆଁ ଦାନା ଲେହେଁ ବେଟାଆହା ହିଲଅତେରି, ଇଲେକିଁ ମୀଦି ଏନାୟି ମାନେ ? ସାମା ମୀରୁ ଏଦାଆଁ ଦାନା ଲେହେଁ ବେଟାଆହାମାଞ୍ଜେରି, ଆଡ଼ିହିଁ ମୀରୁ ଦାନା ଆଏ ଇନି ଲେହେଁ ଏନାଆଁତାକି ବତପଣ ଆହିମାଞ୍ଜେରି ?

୮ ମୀ ବାରେ ଲତାମାନାଣି ବେଟାଆଡ଼େରିଏ କି ? ଇଚେକାଟିଏ ମୀରୁ ବାଡ଼କା ହାଚେରିଏ କି ? ମା ପିସ୍‌ପେ ମୀରୁ ରାଜା ଆହାମାଞ୍ଜେରି ? ହାଅ, ମୀରୁ ରାଜା ଆହାମାଟିହିଁ ନେହିଁ ଆଡ଼େମା, ଏନିକିଁ ମାମ୍ବୁ ଜିକେଏ ମୀ ତଲେ ସାଲଞ୍ଜି କିହାଲି ଆଡ଼ିତମିମା □

୯ ଏନାଆଁତାକି ଇତିହିଁ ନା ଅଣ୍ପୁତା ମାର ପାଣ୍ଡୁଞ୍ଜି ଆହାମାନାତାୟି, ମାର ମାହାପୁରୁତି ତଣ୍ଡୁତା ହେରପି ଆହାମାନି ତାୟୁତି ଲକୁ ସମାନା ତସାମାଞ୍ଜାନେସି, ଇତିହିଁ ମାମ୍ବୁ ଦାରୁଡ଼ିତା, ମାହାପୁରୁତି ଦୁତୁୟାଁ ଇଞ୍ଜା ମାଣ୍‌ସିୟାଁ ନକିତା ଲାଜାକିଞ୍ଜି ଆନାତମି ଲେହେଁ ଆହାମାନମି □

୧୦ ମାମ୍ବୁ କ୍ରୀସ୍ତୁ ତାକି ବୁଦି ହିଲାଆ ଗାଟାତମି, ସାମା ମୀରୁ କ୍ରୀସ୍ତୁତି ତାକି ବୁଦି ଗାଟାତେରି; ମାମ୍ବୁ ବାଡ଼ୁୟି ହିଲାଆ ଗାଟାତମି, ସାମା ମୀରୁ ବାଡ଼ୁୟି ଗାଟାତେରି; ମୀରୁ ଗାଞ୍ଜୁରମି ବେଟା ଆନାତେରି, ସାମା ମାମ୍ବୁ ବେଟା ଆଆଗାଟାତମି □

୧୧ ନୀଏଁ ପାତେକା ମାମ୍ବୁ ହାକି, ଅଡ଼େ ଏସ୍‌କି ଗାଟାତମି, ଗେଞ୍ଜିତି ହିମ୍ବୁରି ହୁଟାମାନମି, ଅଡ଼େ ମାଡ଼ା ବେଟାଆହି ମାନମି, ଇଞ୍ଜା ବାସାଟାୟି ହିଲାଆନା ରେଜିମାନମି □

୧୨ *ମା କେୟୁଟି ଖାହୁତି କାମା କିହିମାନମି, ଆମ୍ବାଆସି ବାକା ଇଟାସାରେ, ମାମ୍ବୁ ଏଞ୍ଜାରାଇଁ ବର ହାହିମାନମି, ସାସ୍ତ୍ର ହିୟାତିହିଁ ଜିକେଏ ଅରୁହିମାନମି □

୧୩ ମାଙ୍ଗେ ଲାଜା କିୟାତିହିଁ ଜିକେଏ ମାମ୍ବୁ ଆଣ୍ଡୁଞ୍ଜିଆନି କାତା ଝେସିମାନମି; ନୀଏଁ ପାତେକା ମାମ୍ବୁ ଦାରୁଡ଼ିତି ତୁକିଁ ଜାଣୁ ଅଡ଼େ କିଟସି ରୁଡ଼ିତି ଲେହେଁ ଆହାମାନମି □

୧୪ ନାନୁ ମିଙ୍ଗେ ଲାଜା ହାହାଲି ଇ ବାରେ କାତା ରାଡ଼ିମାଞ୍ଜଅଁ, ସାମା ନା ଜୀଞ୍ଜୁତି ମୀରକା ଇଞ୍ଜି

☆ ୩:୧୬ ୩:୧୬ ଏକର ୭:୧୯; ୨କର ୭:୧୭ * ୩:୨୨ ୩:୨୨ ପିତର ☆ ୪:୧୨ ୪:୧୨ କାମା ୧୮:୩

ଅଣ୍ଠପାନା ମିଙ୍ଗେ ସେତୁନା ହୀହାଲିତାକି ଇ ବାରେ କାତା ରାତିମାଞ୍ଜାଇଁ □

୧୫ ଇଚିହଁ କ୍ରୀସ୍ତତି କାତା ମିଙ୍ଗେ ଜାପୁନାରି ଦସ ମାଣା ଲକୁ ଡୟିନେରି, ଆଡିଜିକେଏ ହାରେକା ତାଞ୍ଜିୟାଁ ହିଲଅରି; ଇଚିହଁ କ୍ରୀସ୍ତ ଜୀସୁ ତାଣା ନାନୁ ମିଙ୍ଗେ ନେହଁ କାରୁତଲେ ମୀ ତାଞ୍ଜି ଲେହେଁ ଆହାମାଇଁ □

୧୬ ଏଦାଆଁତାକି ନାନୁ ମିଙ୍ଗେ ବାତିମାଲିମାଞ୍ଜାଇଁ ନାନୁ କିହିମାନି ଲେହେଁ କିଦୁ □

୧୭ ଏଦାଆଁତାକି ନାନୁ ତିମତିଇଁ ମୀ ତାଣା ପାଣ୍ଡିମାଞ୍ଜାଇଁ, ଏଞ୍ଜାସି ମାହାପୁରୁ ତାଣା ନା ଜୀସୁତି ନାମୁତି ମୀରୁଏସି; ଏନିକଁ ନାନୁ ବାରେଞ୍ଜାକି ବାରେ କୁଲମିକାଣା ଜାପୁହି ମାଇଁ, ଏଲେକଁ ଏଞ୍ଜାସି ମିଙ୍ଗେ ନା କ୍ରୀସ୍ତତି ଲେମ୍ବିନାଣି ଅଣ୍ଠପି କିୟାନେସି □

୧୮ ନାନୁ ମୀ ତାଣା ଖାହି ହିଲଅଁ ଇଞ୍ଜଁ ଅଣ୍ଠପାନା ଏଚରଜାଣା ବତପଣ ଆହିମାଞ୍ଜେରି □

୧୯ ସାମା ମାହାପୁରୁ ମନ କିତିହଁ, ନାନୁ ମୀ ତାଣା ତବେ ଖାଇଁ; ଅଡେ ଆମ୍ବାଆରି ବତପଣ ଆହିମାନେରି, ଏଞ୍ଜାରି କାତାତଲେ ଆଏ, ସାମା ବାଡୁୟୁତି ସିନିକିଇଁ □

୨୦ ଇଚିହଁ ମାହାପୁରୁତି ରାଜି ଖାରଇ ଜଲିନି କାତାତଲେ ଆଏ, ସାମା ବାଡୁୟୁ ତଲେ ତଞ୍ଜାଆନେ □

୨୧ ମୀ ଅଣ୍ଠପୁ ଏନାୟି ? ନାନୁ ବାଡୁଗା ଆସାଁ ମୀ ତାଣା ଖାଇଁ କି ଜୀସୁ ନନାଣି ଆସାନା ଇଞ୍ଜାଁ ସୁଦୁ ସୁଖାଲା ଗାଟି ଜୀସୁ ଆସାଁ ଖାଇଁ ?

୫

କୁଲମି ବିତ୍ରାମାନି ଲାଗେଏତାୟି

୧ ସାତେଏ ଝେଙ୍ଗାମାନେ କି ମୀ ବିତ୍ରା ଦାରିକାମା ମାନେ, ଅଡେ ମୀ ତାଣା ଇଲେତି ଦାରିକାମା ମାନେ, ଅଡେ ଇଲେତାୟି ଜୀହୁଦିଆଆତାରି ତାଣା ଜିକେଏ ଆଏ, ଇଲେକଁ ରଅସି ତାମି ଆବା ତକ୍ରିନି ଇଟାମାନେସି □

୨ ଅଡେ, ଆମ୍ବାଆସି ଇଲେତି କାମା କିହାମାନେସି, ଏଞ୍ଜାସି ଏନିକଁ ମୀ ତାଣାଟି ହେକ କିଞ୍ଜିଆନେସି, ଏଦାଆଁତାକି ଦୁକୁଆହଁ ଡୀଆନା ବତପଣ ଆହିମାଞ୍ଜେରି ?

୩ ସାମା ନାନୁ ଆଙ୍ଗା ତଲେ ହିଲାଆତି ଜିକେଏ ଏମ୍ବାଆଁ ମାନିଲେହେଁ ମାଇଁ, ଆମ୍ବାଆସି ଇଲେତି କାମା କିହାମାନେସି, ନାନୁ ମାନି ଲେହେଁ ପ୍ରବୁ ଜୀସୁ ଦରୁତଲେ ଏଞ୍ଜାଣି ବିଚାରା କିହା ରାହାମାଇଁ,

୪ ଇଚିହଁ ମୀରୁ ଅଡେ ନା ପ୍ରବୁ ଜୀସୁ ବାଡୁୟୁ ତଲେ କୁଡା ଆନାଟି ନା ଜୀସୁ ଜିକେଏ ଏମ୍ବାଆଁ ଡୟିନେ ଇଞ୍ଜଁ ପୁଞ୍ଜାମାଇଁ,

୫ ଇଞ୍ଜାଁ ଇଲେତି ଲକୁଇଁ ଆଙ୍ଗା ତଲେ ନାସା ଆହାଲି ସୟତାନ କେୟୁତା ହେର୍ପିନାୟି ମାନେ, ଏନିକଁ ପ୍ରବୁ ଜୀସୁତି ଦିନାତା ଏଞ୍ଜାଣି ଜୀସୁ ଗେଲ୍ପି ଆହାଲି ଆଡିନେ □

୬ ମୀରୁ ଇଲେଆହଁ ବତପଣ ଆନାୟି ନେହେଁ ଆଏ □ ମୀରୁ ପୁଞ୍ଜାହିଲଅତେରି, “ଇଚରା ପୁଲାଏୟୁ ବିତିତା ମାନି ଗୁଣ୍ଡାତି ପୁଲା କିନେ □”

୭ ମୀରୁ ପୁଲା ତିନାଆ ଲକୁତେରି, ଏଦାଆଁତାକି ଏନିକଁ ମୀରୁ ପୁଞ୍ଜି ତ:କା ଆହାଲି ଆଡିଦେରି, ଏଦାଆଁତାକି ପୁଞ୍ଜଇ ପୁଲା ଏୟୁତି ହପହା ତୁହଦୁ; ଏନାଆଁତାକି ଇଚିହଁ ମା ପିସ୍ପିଆନି ପାରୁତି ମେଣ୍ଡା ତାଲୁ, ଇଚିହଁ କ୍ରୀସ୍ତ, ଜିକେଏ ପୂଜା କିଞ୍ଜିଆହାମାନେସି □

୮ ଏଦାଆଁତାକି ଖାଦୁ, ମାର ପାପୁ ଅଡେ ଲାଗେଏତି ପୁଞ୍ଜଇ କାମାତି ରୁଟି ପକିକିନି ଗୁଣ୍ଡା ତଲେ ପାରୁ କିଆନା ତାରି ଅଡେ ସାତା ତଲେ ପୁଲାଏୟୁ ହିଲାଆ ରୁଟିତି ପାରୁ କିନ □

୯ ଦାରି କାମାକିନାରି ତଲେ ଆଣ୍ଡାଆଦୁ ଇଞ୍ଜଁ ନାନୁ ନା ଆକୁତା ରାଟାମାତେଏଁ;

୧୦ ଇ ଦାର୍ତତି ଦାରିକାମା କି ଦନ ଜୁପକା, ଏଟକାତାରି ଦିଶସୁ ସରୁ ଆନାରି, ପେଣକା ବମାୟାଁ ପୂଜା କିନାରି ତଲେ ଆମ୍ବାଆସି ଏଚେଲା ଆଣ୍ଡୁଆସି, ଏଡି ଆଏ, ଏଲେଆଡିହଁ ଦାର୍ତତି ହଟା ହାନାୟିମାନେ;

୧୧ ଇଚିହଁ ନା ରାଡିନି ଅଣ୍ଠପୁ ଇଦି ମାଚେ, ଇଚିହଁ ଆମିନି ଲକୁତି ତାୟି ଇଞ୍ଜଁ ଝେଙ୍ଗାମା, ଦାରିକାମା, ଦନ ଜୁପକା, ପେଣକା ବମାୟାଁ ପୂଜା, ନିନ୍ଦା ଗାଟାରି, କାଡୁ ବୁଡୁ, ଏଟକାତାରି ଦିଶସୁତି ସରୁ ଆନେରି, ଆତିହଁ ଏଲେତାରି ତଲେ କୁଡାଆଦୁ, ଅଡେ ଏଞ୍ଜାରିତଲେ ରାନ୍ଦା ଜିକେଏ ତିନାଆଦୁ □

୧୨ ପାଙ୍ଗାତି ଲକୁତି ନୀହାଁୟି କିହାଲି ନାନୁ ଆମ୍ବାଆତେଏଁ ? ସାମା କୁଲମି ବିତ୍ରା ଆମ୍ବାଆରି ମାନେରି ଏଞ୍ଜାରି ବିଚାରା ମୀରୁ କିଅତେରି କି ?

୧୩ ସାମା ଆମ୍ବାଆରି ପାଙ୍ଗାତା ମାନେରି ମାହାପୁରୁ ଏଞ୍ଜାରି ବିଚାରା କିନେସି □ ଦାର୍ମୁ ସାସ୍ତେରିତା ରାସ୍ତି ଆହାମାନେ, “ମୀ ତାଣାଟି ଲାଗେଏତି ଲକୁଣି ଏଟକା କିଦୁ □”

୬

କ୍ରୀସ୍ତାନା ତାୟିୟାଣି ଦାଞ୍ଜାକିନି ମେରା

୧ ମୀ ବିତ୍ରାଟି ଆମ୍ବାଆରି କପାଟି କାତା ମାଟିସାରେ ଏଞ୍ଜାସି ନୀହାଁୟି କିହାଲି ମାହାପୁରୁ ଲକୁତାଣା ହାଲାଆନା ଦାର୍ମୁ ହିଲାଆଗାଟି ନୀହାଁୟି କିନାଣି ତାଣା ଅହାଲି ଏନିକଁ ସାସା ମାନେ ?

୨ ମାହାପୁରୁ ଲକୁ ଇ ଦାର୍ତତି ନୀହାଁୟି କିନେରି, ଇ କାତା କି ମୀରୁ ପୁଞ୍ଜାହିଲଅତେରି ? ଇଞ୍ଜାଁ ଦାର୍ତ ମୀ ତାଣା ନୀହାଁୟି କିଞ୍ଜିଆନେ, ଆତିହଁ ଇ ଇଚି ଇଚି କାତାଟି ନୀହାଁୟି କିୟାଲି ଆଡୁଅତେରି କି ?

୩ ମାର ଲାକପୁରୁତି ଦୁଡୁୟାଁଇଁ ଜିକେଏ ବିଚାରା କିନାୟି ଇ କାତା ମୀରୁ ପୁଞ୍ଜାହିଲଅତେରି କି ? ଆତିହଁ ଦାର୍ତତି

☆ ୪:୧୭ ୪:୧୭ ଏକର ୧୧:୧; ପିଲିପି ୩:୧୭ ☆ ୫:୬ ୫:୬ ଗାଲା ୫:୯

ଜାମ୍ବଲିତି ଜିକେଏ ନୀହାଁୟି କିନାୟି ମାଙ୍ଗେତାକି ଉସାସା ଆୟେଏ କି ?

୪ ମୀ ଜୀସୁତି କାତା ଏନାୟି, ସାମା ନୀହାଁୟି କିୟାଲି ଏନି ଦାରତିତି କାତା ମାତିହୁଁ, ଏଦାଆଁ ନୀହାଁୟି କିୟାଲି କୁଲମିତି ପୁନାଆ ଗାଟାରାଇଁ ନୀହାଁୟି କିୟାଲି ହାଟିଦେରି କି ?

୫ ନାନୁ ମିଙ୍ଗେ ଲାଜା ହୀହାଲିତାକି ଇଦାଆଁ ୱେସିମାଞ୍ଜାଇଁ □ କ୍ରୀସୁଇଁ ନାମାମାନି ତାୟିୟାଁ ବିତା ଆହିମାନି ଗଡ଼ହାତି ତୁକହାଲି, ଇଲେତି ର. ବୁଦିଗାଟାସି ଜିକେଏ କୁଲମିତା ଆମ୍ବାଆସି ହିଲଅସି କି ?

୬ ସାମା ନାମୁଗାଟି ତାୟି ଅର ତାୟି କପାଟି ନୀହାଁୟି ଇଲୁତା ଦାଞ୍ଜା କିନେସି, ଏଦି ଜିକେଏ ନାମାଆଗାଟାରି ତାଣା □

୭ ସାମା ମୀ ମୀ ବିତାତି କାତାତାକି କର୍ତ୍ତା ଦାଞ୍ଜା କିହିମାଞ୍ଜେରି, ଏମ୍ବାଆଁ ସାତେଏ ଦହ ଗାଟାତେରି, ଏନାଆଁତାକି ଲାଗେଏତାଣି ଅରହି ହିଲଅତେରି ? ଏନାଆଁତାକି ନାସଞ୍ଜି ଆନାଣି ଅପିହିଲଅତେରି ?

୮ ସାମା ମୀରୁ ମୀରୁଏ ଲାଗେଏ ଅଡ଼େ ନାସା କିହିମାଞ୍ଜେରି, ଅଡ଼େ ଏଦାଆଁ ତାୟିୟାଁ କିହିମାଞ୍ଜେରି □

୯ ଅଡ଼େ ଦାମ୍ବୁ ହିଲାଆ ଗାଟାରି ମାହାପୁରୁ ରାଜିତି ଅଦିକାରା ଆଅରି, ଇଦାଆଁ କି ମୀରୁ ପୁଞ୍ଜାହିଲଅତେରି ? ନାଡ଼ିକିଞ୍ଜି ଆଆଦୁ, ଦାରିକାମା, କି ପେଣ୍ଟାକା ବମାୟାଁ ପୂଜା କିନାରି, ଲାଗେଏତି କାମାକିନାରି, ଆବା ଆବାୟାଁ ଦହ କିଞ୍ଜିଆନାରି,

୧୦ ସରୁ କିନାରି, ଦନ ଜୁପକା, କାଡ଼ ହୁଡୁ, ଲକୁଣି ନିନ୍ଦା କିନାରି, ଏଟକାତାରି ଦିଶସୁ ମୀଞ୍ଜିନାରି, ଇଞ୍ଜାରି ମାହାପୁରୁ ରାଜିତା ଅଦିକାରା କିହାଲି ଆଡ଼ଅରି □

୧୧ ଅଡ଼େ, ମୀ ବିତା ଆମ୍ବା ଆମ୍ବାଆରି ଇଲେକିଁ ମାଟେରି; ସାମା ପ୍ରୁ ଜୀସୁ କ୍ରୀସୁ ଦରୁତଲେ ଇଞ୍ଜା ମାହାପୁରୁତି ସୁଦୁଜୀସୁ ତଲେ ମୀରୁ ନବଞ୍ଜି ଆହାମାଞ୍ଜେରି, ଇଞ୍ଜା ସୁଦୁଗାଟାତେରି ଆହାନା ତୀରିଗାଟାତେରି ଇଞ୍ଜା ୱେଙ୍ଗା ମାଞ୍ଜେରି □

ମାହାପୁରୁତି ଗାଞ୍ଜୁରମି ତାକି ଆଙ୍ଗାତି ଲେମ୍ବିନାୟି

୧୨ *ଆମ୍ବାଆସି ଏଲେଇନେସି “ନାଙ୍ଗେ ବାରେ କାମା କିହାଲି ଅଦିକାରା ହୀପକି ଆହାମାଞ୍ଜାନେ,” ସାତା କାତା, ସାମା ବାରେ କାମା ନିଙ୍ଗେତାକି ନେହାୟି ଆଏ, ନାଙ୍ଗେ ବାରେ କାମା କିହାଲି ହେଲ ମାନେ ସାମା ନାଙ୍ଗେ ଲକହାଲି ଆମ୍ବାଆରାକି ଏଚେଲା ପାରୁ ହୀଅଁ □

୧୩ ଏଚରଜାଣା ଏଲେଇନେରି “ରାନ୍ଦା ବାଣ୍ଡି ତାକି ଇଞ୍ଜା ବାଣ୍ଡି ରାନ୍ଦା ତାକି □” ସାମା ମାହାପୁରୁ ଇ ରିଶ୍ଟାଆଁତି ଜିକେଏ ମେକ୍ନେସି □ ଆଙ୍ଗା ଦାରି କାମାତାକି ଆଏ, ସାମା ପ୍ରୁତି ସେବାତାକି, ଅଡ଼େ ପ୍ରୁ ଆଙ୍ଗା ତାକି □

୧୪ ମାହାପୁରୁ ପ୍ରୁ ଜୀସୁଇଁ ହାକିଟି ନିକହେସି, ଇଞ୍ଜା ତାନି ବାଡ଼ୟୁ ତଲେ ମାଙ୍ଗେ ଜିକେଏ ନିକହାନେସି □

୧୫ ମୀ ଆଙ୍ଗା କ୍ରୀସୁତି ଆଙ୍ଗା ଲେହେଁ, ଇଦାଆଁ ପୁଞ୍ଜାହିଲଅତେରି କି ? ଆତିହୁଁ ନାନୁ କ୍ରୀସୁତି ର ଆଙ୍ଗା

ଅହାନା ଦାରେଣି ଆଙ୍ଗା କିଇଁ ? ଏଦି ଏଚେଲା ଜିକେଏ ଆଆପେ □

୧୬ ଅଡ଼େ ଆମ୍ବାଆସି ଦାରେଣି ତଲେ ଆଣ୍ଡିନେସି ଏଞ୍ଜାସି ଏଦାନିତଲେ ରଣ୍ଡିଏ ଆଙ୍ଗା ଆନେସି, ଇଦାଆଁ ମୀରୁ ପୁଞ୍ଜାହିଲଅତେରି ? ଏଦାଆଁତାକି ଦାମ୍ବୁପତିତା ରାସ୍ତିକି ଆହାମାନେ “ଏ ତକ୍ତି ତକ୍ତା ରଣ୍ଡିଏ ଆଙ୍ଗା ଆନୁ □”

୧୭ ସାମା ଆମ୍ବାଆସି ପ୍ରୁ ତଲେ ଆଣ୍ଡିନେସି, ଏଞ୍ଜାସି ଏଞ୍ଜାଣିତଲେ ରଣ୍ଡିଏ ଜୀସୁ ଆନେସି □

୧୮ ଦାରିକାମାଟି ହେକ ଆଦୁ, ମାଣ୍ଡିଏ ଏନି ପାପୁ କିନେସି, ଏଦି ଆଙ୍ଗାତି ଲାଗେଏ କିନେସି, ସାମା ଆମ୍ବାଆସି ଦାରିକାମା କିନେସି, ଏଞ୍ଜାସି ତାନି ଆଙ୍ଗା କପାଟି ପାପୁ କିହିମାନେସି □

୧୯ *ମୀ ଆଙ୍ଗା ମାହାପୁରୁ ତାଣାଟି ବେଟାଆହାମାନି ମୀ ହିୟାଁ ବିତା ସୁଦୁଜୀସୁ ବାସାଆନି ଦେଞ୍ଜୁଡ଼ି, ଇଦାଆଁ ମୀରୁ ପୁଞ୍ଜାହିଲଅତେରି କି ? ଅଡ଼େ ମୀରୁ ମୀରୁଏ ମିଆତେରି ଆଏ; ସାମା ମାହାପୁରୁତି ଲକୁତେରି □

୨୦ ଇତିହୁଁ ମୀରୁ ଗାଡ଼ି ଦାରାତଲେ କଡ଼ଞ୍ଜି ଆହାମାଞ୍ଜେରି; ଏଦାଆଁତାକି ମୀ ଆଙ୍ଗା ତଲେ ମାହାପୁରୁତି ଗାଞ୍ଜୁରମି କିଦୁ □



ବୀହା ଆନି ମେରା

୧ ମୀରୁ ମୀ ଆକ୍ରୁତା ଆମିନି କାତା ରାଟା ମାଞ୍ଜେରି, ଏ ବାରେତାକି ନାନୁ ୱେସ୍ତାନାୟି ଇଦି, “ଇୟାନି ତୀଗାଆ ଗାଟାୟି ଆବାକି ନେହେଁ;”

୨ ସାମା ଦାରି କାମାଟି ଆଜିତାକି ବାରେ ଆବାୟାଁକି ଜାହାରା ତକ୍ତି ମାଣ୍ଡେ, ଅଡ଼େ ଇୟାସିକାକି ଜାହାରା ତକ୍ତା ମାଣ୍ଡେସି □

୩ ତକ୍ତା, ତକ୍ତିନାକି ଏନାୟି ଲଡ଼ା ଏଦାଆଁ ହୀପାସି, ଇଞ୍ଜା ଏଲେକିହୁଁଏ ତକ୍ତି ତକ୍ତାକି ତାନି ଲଡ଼ାମାନାଣି ହୀପେ, ଅଡ଼େ ତାମ୍ଗେ ଏନାୟି ଲଡ଼ାମାନାଣି ପୁରା କିନାୟିମାନେ □

୪ ତକ୍ତି ତାନି ଆଙ୍ଗାତି ମୁହେଁ ଅଦିକାରା ହିଲେଏ, ସାମା ତକ୍ତାକି ମାନେ □ ଏଲେକିହୁଁଏ ତକ୍ତାକି ତାନି ଆଙ୍ଗାତି ମୁହେଁ ଅଦିକାରା ହିଲେଏ, ସାମା ତକ୍ତିନାକି ମାନେ □

୫ ତାମ୍ବୁତାମି ତାଣାଟି ଏଟକା ଆହାନା ତୁୟାଆପୁ; ସାମା ପ୍ରାତାନା କିହାଲି ଏଚରଦିନା ପାତେକା ରିଆତେରି ରଣ୍ଡିଏ ମନ ଆହାନା ଏଟକା ତୁୟାଲି ଆଡ଼ିଦେରି; ଅଡ଼େ ମୀ ଆଙ୍ଗାତି ଜୁପକାତାକି ତୁୟାଲି ଆଡ଼ାଆକି ସୟତାନ ଏନିକିଁ ମିଙ୍ଗେ ତାୟିପାରି କିୟେଏ, ଏଦାଆଁତାକି ୱେଣ୍ଡେ ଆଣ୍ଡିଆଦୁ □

୬ ସାମା ନାନୁ ହୁକୁମି ହୀନି ଲେହେଁ ୱେହୁଆନାହାଁ ଜାପ୍ନି ଲେହେଁ ୱେସିମାଞ୍ଜାଇଁ □

୭ ଆତିହୁଁ ଜିକେଏ ଏନିକିଁ ବାରେ ଲକୁ ନାଲେହେଁକିଁ ଆନେରି, ଇଦି ନା ଅଣ୍ଡୁ □ ସାମା

☆ ୭:୧୨ ୭:୧୨ ୧କର ୧୦:୨୩ ☆ ୭:୧୯ ୭:୧୯ ୧କର ୩:୧୬; ୨କର ୬:୧୬

ଆମ୍ବାଆରି ଇଲେତି ଦାନା, ଅଡ଼େ ଆମ୍ବାଆରି ଏଲେତି ଦାନା
ମାହାପୁରୁ ତାଣାଟି ବେଟାଆହାମାନେରି □

୮ ସାମା ନାନୁ ବାହା ଆଆତି ଲକୁଇଁ ଇଞ୍ଜା
ରାଣ୍ଡେଣିସିକାଣି ଖେସିମାଇଁ, ଏଞ୍ଜି ନାଲେହେଁକ
ଡ଼ୟିତିହଁ ଏଞ୍ଜାସିକାକି ନେହେଁ □

୯ ସାମା ଏଞ୍ଜି ଆଙ୍ଗାତି ଲକୁହାଲି ଆଡ଼ିହିଲାର ଇତିହଁ
ଏଞ୍ଜି ବାହା ଆପୁ; ଇତିହଁ ଆଙ୍ଗା ଲାଗେଏତି କାମାତା
ଖେନିକିହାଁ, ବାହା ଆନାୟି ନେହେଁ □

୧୦ *ସାମା ବାହା ଆଡ଼ି ଲକୁଇଁ ନାନୁ ହୁକୁମି ହାହିମାଇଁ,
ନାନୁ ଆଏ ସାମା ପ୍ରୁ ହୁକୁମି ହାହିମାନେସି, ତକ୍ତି ତାନି
ତକ୍ତା ତାଣାଟି ଏଟକା ଆଆପେ □

୧୧ ସାମା ଏଡ଼ି ରଣ୍ଡିଏ ଏଟକା ଆନେ, ଆଡ଼ିହଁ ଏଡ଼ି
ବାହା ଆଆପେ, ଇଞ୍ଜା ତାନି ତକ୍ତାତଲେ ଅଡ଼େ ଆଣ୍ଡାପେ;
ଅଡ଼େ ତକ୍ତା ତାନି ତକ୍ତିନି ହେଲ ହାଆପେସି □

୧୨ ଏଟକା ତାରାଇଁ ନାନୁ ଖେସିମାଇଁ, ମା ବିତ୍ରା
ଆମ୍ବାଆରି ତକ୍ତି କ୍ରୀସୁଇଁ ନାମାହିଲଆତି ଜିକେଏ
ତକ୍ତାତଲେ ଡ଼ୟାଲି ମନ କିତିସାରେ, ଆଡ଼ିହଁ ଏ ତାୟି
ଏ ତାଙ୍ଗିନି ହେଲ ହାଆପେସି □

୧୩ ଏଲେକିହଁ ଆମିନି ତକ୍ତି ମାହାପୁରୁଇଁ ନାମାଆତି
ତକ୍ତାକି ବାହା ଆହାମାନେ, ଇଞ୍ଜା ଏଡ଼ି ଏଞ୍ଜାଣିତଲେ
ଡ଼ୟାଲି ମନ କିନେ, ଏଡ଼ି ତାନି ତକ୍ତାଇଁ ପିହାଆପେ □

୧୪ ଇତିହଁ ନାମାଆତି ତକ୍ତା ନାମିତି ତକ୍ତି ତାକି
ମାହାପୁରୁ ତାଣାଟି ସୁଦୁ ଆହାମାନେସି, ଅଡ଼େ ନାମାଆତି
ତକ୍ତି ନାମିତି ତକ୍ତା ତାକି ମାହାପୁରୁ ତାଣାଟି ସୁଦୁ
ଆହାମାନେ; ଆଆଡ଼ିହଁ ମୀ ମୀରକା ମାସ୍କା ଲାଗେଏ
ଆଡ଼େରିମା, ସାମା ନୀଏଁ ଏଞ୍ଜାରି ସୁଦୁଗାଟାରି □

୧୫ ସାମା ନାମାଆ ଗାଟାସି କି ନାମାଆ ଗାଟାୟି ଏଟକା
ଆହାଲି ମନ କିତିହଁ ତାନି ମନଲେହେଁ ଏଟକା ଆପାରି;
ଇଲେତି ତାଣା ତାୟି କି ତାଙ୍ଗି ଦସ୍ପି ଆହାହିଲାର;
ମାହାପୁରୁ ମିଙ୍ଗେ ହିଡ଼ଡ଼ି ତଲେ ମାଞ୍ଜାଲି ଆଟାମାଞ୍ଜାନେସି
□

୧୬ ନାନୁ ନାମିତି ତକ୍ତି ଆହାନା ନୀ ତକ୍ତାକି ଗେଲପିନାତି
ଆଡ଼ି, ଇଦାଆଁ ପୁଞ୍ଜାହିଲଅତିକି ? ଇଞ୍ଜା ନାନୁ ନାମିତି
ତକ୍ତା ଆହାନା ନୀ ତକ୍ତିନାକି ଗେଲପିନାତି ଆଡ଼ି, ଇଦାଆଁ
ପୁଞ୍ଜାହିଲଅତିକି ?

ମାହାପୁରୁ ଆଟାମାନି ମାଣକି ଲେହେଁ ନୀତିନାୟି

୧୭ ଇତିହଁ ପ୍ରୁ ଆମ୍ବାଆରାକି ଏନିକଁ ଦାନା
ହାହାମାନେସି, ମାହାପୁରୁ ଆମ୍ବାଆରାଇଁ ଏନିକଁ
ହାଟାମାନେସି, ଏଞ୍ଜାସି ଏଲେକଁ ତାକାପେସି, ନାନୁ
ବାରେ କୁଲମିତି ଏଲେକିହଁଏ ହୁକୁମି ହାହିମାଇଁ □

୧୮ ଆମ୍ବାଆସି ତଲୁ ଦାପିଆହାଁ ହାଟୁକି ଆହାମାନେସି ?
ଏଞ୍ଜାସି ତଲୁ ଦାପି ଆଡ଼ି ସିନାତି ଡ଼କୁଆପେସି; ଆମ୍ବାଆସି
ତଲୁ ଦାପି ଆଆନା ହାଟୁକି ଆହାମାନେସି ? ଏଞ୍ଜାସି ତଲୁ
ଦାପି ଆଆପେସି □

୧୯ ତଲୁ ଦାପି ଆନାୟି କି ଆଆଗାଟାୟି କାଜା କାତା
ଆଏ, ସାମା ମାହାପୁରୁ ହୁକୁମି ମାନୁଞ୍ଜି ଆନାୟି କାଜା କାତା
□

୨୦ ବାରେ ଜାଣାଇଁ ଏନିକଁ ମାହାପୁରୁ ହାଟାମାନେସି
ଏଲେକଁ ମାଣ୍ଡେସି □

୨୧ ମୀରୁ ହଲିୟାଙ୍ଗା ଆହାମାଟାଟି ହାଟୁକି
ଆହାମାଞ୍ଜେରି ? ଅଟ୍ପାଆଦୁ; ସାମା ଗେଲପିଆୟାଲି
ଆଡ଼ିଦେରି ଆଡ଼ିହଁ ଗେଲପି ଆୟାଲି ପାରୁ ପାରାଦୁ □

୨୨ ଆମ୍ବାଆସି ହଲେଏସି ଆହାଁ ପ୍ରୁ ତାଣା ହାଟୁକି
ଆହାମାନେସି, ଏଞ୍ଜାସି ପ୍ରୁତ ଗେଲପି ଆଡ଼ାସି;
ଏଲେକିହଁଏ ଆମ୍ବାଆସି ଗେଲପିଆହାଁ ହାଟୁକି
ଆହାମାନେସି ଏଞ୍ଜାସି କ୍ରୀସୁତି ହଲେଏସି □

୨୩ ମୀରୁ ହାଟେକା ଦାରାତଲେ କଡ଼ଞ୍ଜି ଆହାମାଞ୍ଜେରି;
ମାଣ୍ଡିୟାତି ହଲିୟାଙ୍ଗାତେରି ଆଆଦୁ □

୨୪ ତାୟିୟାଁ ଅଡ଼େ ତାଙ୍ଗିସ୍ତାତେରି, ମାହାପୁରୁ ମିଙ୍ଗେ
ହାଟାଟାଟି ମୀରୁ ଏନିକଁ ମାଟେରି ଏଲେଆହଁଏ
ମାହାପୁରୁ ତଲେ ଡ଼ୟିନାୟି ମାନେ □

ବାହା ଆଆତି ଲକୁ ଇଞ୍ଜା ରାଣ୍ଡେଣିସିକା କାତା

୨୫ ଡ଼ାଆସିକା କାତା, ନାନୁ ପ୍ରୁ ତାଣାଟି ଏନି ହୁକୁମି
ବେଟା ଆହାହିଲଅଁ; ସାମା ପ୍ରୁତି କାର୍ମାଟି ନାମୁଗାଟାସି
ଆହାନା ନା ଅଟ୍ପୁତା ଖେସିମାଞ୍ଜାଇଁ □

୨୬ ନାନୁ ଅଟ୍ପିମାଇଁ, ମାଣ୍ଡି ଏନିକଁ ମାନେସି,
ନୀଏଁତି କସ୍ତ ବାଦା ତାକି ଏଲେକିହଁଏ ମାନାୟି ନେହେଁ
□

୨୭ ନାନୁ ତକ୍ତି ତଲେ ଦସ୍ପି ଆହାମାଞ୍ଜି ? ଆଡ଼ିହଁ
ପିସ୍ପି ଆହାଲି ଅଟ୍ପାଆନି, ଇଞ୍ଜା ନାନୁ ତକ୍ତି ତାଣାଟି
ପିସ୍ପି ଆହାମାଞ୍ଜି ? ଆଡ଼ିହଁ ତକ୍ତିନି ଇଟାଲି ଅଟ୍ପାଆନି
□

୨୮ ସାମା ନାନୁ ବାହା ଆହାମାଞ୍ଜି, ଆଡ଼ିଜିକେଏ ପାପୁ
କିହାହିଲଅତି; ଅଡ଼େ ଡ଼ାଆପଦା ବାହା ଆହାମାନେ,
ଆଡ଼ିଜିକେଏ ଏଡ଼ି ପାପୁ କିହାହିଲେଏ, ଆଡ଼ିଜିକେଏ
ଇଲେତି ଲକୁ ଆଙ୍ଗାତା ହାଟେକା କସ୍ତ ବେଟାଆନୁ, ଅଡ଼େ
ମୀରୁ ଏମ୍ବାଟି ଏନିକଁ ଗେଲପି ଆଡ଼େରି ଇଦି ନା ଅଟ୍ପୁ
□

୨୯ ସାମା ଏ ତାୟିୟାଁ ଅଡ଼େ ତାଙ୍ଗିସ୍ତାତେରି ନା
ଅଟ୍ପୁ ଇଦି, ଦିନା ତାଗେ ଏଦାତେୟିଏ, ଏଦାଆଁତାକି
ଆମ୍ବାଆରାକି ତକ୍ତି ମାନେ, ଏଞ୍ଜାସି ତକ୍ତି ହିଲାଆଲେହେଁ
ମାଣ୍ଡେସି □

୩୦ ଅଡ଼େ ଆମ୍ବାଆରି ଡ଼ାହି ମାନେରି, ଏଞ୍ଜାରି ଡ଼ାହି
ହିଲାଆ ଲକୁ ଲେହେଁ ଆପେରି; ଅଡ଼େ ଆମ୍ବାଆରି ରାହାଁ
କିହିମାନେରି, ଏଞ୍ଜାରି ରାହାଁ କିହି ହିଲାଆ ଲକୁ ଲେହେଁ
ଆପେରି; ଇଞ୍ଜା ଆମ୍ବାଆରି କଡ଼ିନେରି ଏଞ୍ଜାରି ଅଦିକାରା
ବେଟାଆଆତି ଲେହେଁ ଆପେରି;

* ୭:୧୦ ୭:୧୦ ମାତି ୫:୩୨; ୧୯:୯; ମାର୍ଜ ୧୦:୧୧,୧୨; ଲୁକ ୧୭:୧୮

୩୧ ଅଡ଼େ ଆମ୍ବାଆରି ଦାର୍ତ୍ତିତ ଦିଶ୍ଵୁ ଲେନ୍ଦିମାନେରି ଏଞ୍ଜାରି ଲେନ୍ଦାଆଗାଟି ଲକୁ ଲେହେଁ ଆପେରି; ଏନାଆଁତାକି ଇତିହିଁ ଇ ଦାର୍ତ୍ତିତ ଖାଣା ତିରିମ୍ବୁହି ମାନେ □

୩୨ ସାମା ମାରୁ ଏନିକିଁ ଅଣ୍ପଅଡ଼େରି ଏଡ଼ି ନା ଅଣ୍ପୁ, ଆମ୍ବାଆସି ବାହା ଆଆତାସି ଏଞ୍ଜାସି ଏନିକିଁ ପ୍ରବୁଇଁ ରାହାଁ କିଞ୍ଜିକିହାଲି ଖାରଇ ପ୍ରବୁତି କାମା ଅଣ୍ପିନେସି;

୩୩ ସାମା ଆମ୍ବାଆସି ବାହା ଆହାମାନେସି ଏଞ୍ଜାସି ଏନିକିଁ ତାନି ତକ୍ତିନି ରାହାଁ ଗାଟାସି ଆନେସି, ଏଦାଆଁତାକି ଦାର୍ତ୍ତିତ କାତା ଅଣ୍ପିନେସି ଇଞ୍ଜା ତାନି ମନ ବାଗା ଆନେ □

୩୪ ବାହା ଆଆତି ଇୟାସିକା ଅଡ଼େ ଡାଆସିକା ଆଜା ଇଞ୍ଜା ଜୀଞ୍ଜୁତା ସୁଦୁ ଆହାଲି ପ୍ରବୁତି କାତା ଆସାନା ଅଣ୍ପିନୁ; ସାମା ଆମ୍ବାଆସି ବାହା ଆହାମାନେ ଏଡ଼ି ଏନିକିଁ ଜାହାରା ତକ୍ତାଁ ରାହାଁ କିୟାଲି ଆଡ଼ିନେ, ଏଦାଆଁତାକି ଦାର୍ତ୍ତିତ କାତା ଅଣ୍ପିନେ □

୩୫ ଇ କାତା ନାନୁ ମୀ ନେହେଁତାକି ଝେସିମାଞ୍ଜାଇଁ, ମିଙ୍ଗେ କସ୍ତୁ ହାନି ମେରା ତଲେ ଦସ୍ପି ଆହାଲି ଝେସିମାଞ୍ଜାଅଁ, ସାମା ମାରୁ ଏନିକିଁ ମାନି କିହାଁ ରଣ୍ଡିଏ ମନତଲେ ପ୍ରବୁ ତାଣା ଡ଼ୟିଦେରି, ଏଦାଆଁତାକି ଝେସିମାଞ୍ଜାଇଁ □

୩୬ ସାମା, ଆମ୍ବାଆସି ତାଙ୍ଗେତାକି ରାସ୍ପଅଡ଼ି ମାଜ୍ଞାନି ଡାଆବେଲା ରାଡ଼େୟିଏ ଇଞ୍ଜାଁ ଅଣ୍ପିନେସି, ଅଡ଼େ ଏଞ୍ଜାସି ମୁର୍ସାନା ମାଞ୍ଜାଲି ଆଡାଆସାରେ ଅଡ଼େ ତାଙ୍ଗେ ଲଡାଆନେ ଆତିହିଁ ତାନି ମନତା ଏନାୟି ମାନେ ଏଲେଆହିଁ ବାହା ଆନାୟି ମାନେ, ଏମ୍ବାଆଁ ପାପୁ ହିଲେଏ, ଏଦାଆଁତାକି ଏଞ୍ଜି ବାହା ଆପୁ □

୩୭ ସାମା ଆମ୍ବାଆସି ହିୟାଁତା ତୀରି ମାନେସି, ଅଡ଼େ ବାହା ଆହାଲି ମନ କିଅସି ଇଞ୍ଜା ଆମ୍ବାଆସି ତାନି ମନତି ଲକ୍ତାଲି ଆଡ଼ିନେସି ଅଡ଼େ ଏଞ୍ଜାସି ତାନି ମନତା ଏନାଆଁ କିହାଲି ଅଣ୍ପାମାନେସି ଆତିହିଁ ଏଞ୍ଜାସି ତାଙ୍ଗେ ରାସାମାନି ଡାଆ ପଡାଇଁ ବାହା ଆଆତାଁ ନେହେଁ □

୩୮ ଏଦାଆଁତାକି ଆମ୍ବାଆସି ତାଙ୍ଗେ ରାସାମାନି ଡାଆ ମାଜ୍ଞାନି ବାହା କିନେସି ଏଞ୍ଜାସି ନେହିଁ କିନେସି, ଅଡ଼େ ଆମ୍ବାଆସି ବାହା ଆଆସି ଏଞ୍ଜାସି ଏଦାଆଁ କିହାଁ ହାରେକା ନେହିଁ କିନେସି □

୩୯ ବାହା ଆଡ଼ି ତକ୍ତି ତାନି ତକ୍ତା ଜୀଞ୍ଜୁ ମାନି ପାତେକା ଦସ୍ପି ଆହା ଡ଼ୟିନେ; ସାମା ତକ୍ତା ହାଡ଼ିସାରେ ଏ ତକ୍ତି କ୍ରୀସ୍ତ ତାଣା ନାମାମାନି ଆମ୍ବାଆରାଇଁ ମନ ଏଞ୍ଜାଣାକି ବାହା ଆୟାଲି ଆଡ଼ିନେ □

୪୦ ସାମା ନା ଅଣ୍ପୁତା, ଏଡ଼ି ଏନିକିଁ ମାନେ ଏଲେକିହିଁଏ ଡ଼ୟିତିହିଁ ହାରେକା ରାହାଁତଲେ ଡ଼ୟିନେ, ଇଦି ମାହାପୁରୁ ଜୀଞ୍ଜୁତି ହେଲ ଇଞ୍ଜାଁ ନାନୁ ଅଣ୍ପିମାଇଁ □



ପେଶକା ବମାୟାକି ଡାକାମାନି ରାହାତି କାତା

୧ ପେଶକା ବମାୟାକି ଡାକାମାନି ବଗୁତି କାତା ନାନୁ ଝେହ୍ନାୟି ଇଦି, “ବାରେତାକି ବୁଦି ମାନେ” ଇଞ୍ଜାଁ ମାରୁ ଝେସିମାଞ୍ଜେରି, ଏଦାଆଁ ମାମ୍ ପୁଞ୍ଜାମାନମି □ ବୁଦି ଡାହାରା କିଞ୍ଜିକିୟାନେ, ସାମା ଜୀଞ୍ଜୁନନାୟି କାଲୁଞ୍ଜି କିୟାନେ □

୨ ଆମ୍ବାଆସି ଏନି କାତାତା ଜିକେଏ ନାନୁ ପୁଞ୍ଜାମାଇଁ ଇଞ୍ଜାଁ ଅଣ୍ପିନେସି, ଆତିହିଁ ଏଞ୍ଜାଣାକି ଏନିକିଁ ପୁନାୟିମାନେ, ଏଞ୍ଜାସି ନୀଏଁ ପାତେକା ଏଲେକିଁ ପୁଞ୍ଜାହିଲଅସି □

୩ ସାମା ଆମ୍ବାଆସି ମାହାପୁରୁଇଁ ଜୀଞ୍ଜୁ ନନେସି, ଏଞ୍ଜାଣାଇଁ ମାହାପୁରୁ ପୁଞ୍ଜାମାନେସି □

୪ ଏଦାଆଁତାକି ପେଶକା ବମାୟାକି ଡାକାମାନି ବଗୁତି ତିନି କାତା ମାରୁ ପୁଞ୍ଜାମାନାୟି, ଦାର୍ତ୍ତିତା ପେଶକା ଇଞ୍ଜାହିଁ ଏନାଲ ହିଲାତ, ଅଡ଼େ ରଣ୍ଡିଏ ମାହାପୁରୁ ପିସ୍ପେ ଅଡ଼େ ରଅସି ହିଲଅସି □

୫ ଇତିହିଁ ଲାକପୁରୁ ଆପେ କି ଦାର୍ତ୍ତିତା ଆପେ, ଆମ୍ବାଆରାଇଁ ମାହାପୁରୁ ଇନେରି, ପେଶକା ମାତିହିଁ ଜିକେଏ ସାତେଏ ହାରେକା “ପେଶକା” ଅଡ଼େ ହାରେକା “ପ୍ରବୁୟା” ମାନୁ,

୬ ଆଡ଼ିଜିକେଏ ମାଙ୍ଗେତାକି ରଣ୍ଡିଏ ମାହାପୁରୁ ଇତିହିଁ ଏ ଆଦା ତାଣାଟି ବାରେ ଗାଡ଼ି ଆହାମାନେ, ଇଞ୍ଜା ମାରୁ ଏଞ୍ଜାଣି ତାକି ନୀତାମାନାୟି; ଇଞ୍ଜା ରଣ୍ଡିଏ ପ୍ରବୁ ଇତିହିଁ ଜୀସୁ କ୍ରୀସ୍ତ, ଏଞ୍ଜାଣି ତାଣାଟି ବାରେ ଗାଡ଼ି ଆହାମାନେ, ଅଡ଼େ ମାରୁ ଏଞ୍ଜାଣି ତାଣାଟି ନୀତାମାନାୟି □

୭ ଆଡ଼ିଜିକେଏ ବାରେତାକି ଇ ବୁଦି ହିଲେଏ; ସାମା ଏତେକା ଲକୁ ନୀଏଁ ପାତେକା ପେଶକା ମାନୁ ଇଞ୍ଜାଁ ଅଣ୍ପାପାନା ପେଶକା ବମାୟାକି ଡାକାମାନି ବଗୁ ତିନେରି, ଇଞ୍ଜା ଏଞ୍ଜାରି ଅଣ୍ପୁତି ବାଡ଼ୁୟୁ ଡ଼ଣା ମାନାକି ଦହ୍ନଗାଟାରି ଆନେରି □

୮ ସାମା ତାନି ରାହା ମାଙ୍ଗେ ମାହାପୁରୁ ନକିତା ନେହିଁ କି ଲାଗେଏ କିୟେଏ; ତିନାଆତିହିଁ ମା ଏନାୟି ନସ୍ତ ଆଏ ଅଡ଼େ ତିତି ସାରେ ମାଙ୍ଗେ ଏନି ଲାହା ଆଏ □

୯ ସାମା ଜାଗ୍ରାତା, ନଲେ ମୀ ତାଣା ମାନି ଅଦିକାରା ନାମୁତା ବାଡ଼ୁୟୁ ହିଲାଆ ଗାଟାରାକି କସ୍ତ ବାଦା ହୀନାୟି ଆନେ □

୧୦ ବୁଦି ଗାଟାତେରି ମାରୁ, ମିଙ୍ଗେ ଆମ୍ବାଆସି ପେନୁତି ଦେଞ୍ଜୁଡ଼ି ବଜିତା କୁଗାମାନାଣି ମେସ୍ତାତିହିଁ, ଏଞ୍ଜାସି ନାମୁତା ଡ଼ଣା ମାତିହିଁ, ତାନି ଅଣ୍ପୁତି ବାଡ଼ୁୟୁ ଡ଼ଣା ମାନାକି ପେଶକା ବମାୟାକି ଡାକାମାନି ବଗୁ ତିଞ୍ଜାଲି ସାସା ଆଅସି କି ?

୧୧ ଇଞ୍ଜା ଆମିନି ବାଡ଼ୁୟୁ ହିଲାଆ ନାମିତି ତାୟି କି ତାଙ୍ଗି ତାକି କ୍ରୀସ୍ତ ହାଡ଼େସି, ଏଞ୍ଜାସି ନୀ ଏ “ବୁଦି” ତଲେ ନାସା ଆହିମାନେସି □

୧୨ ଇଲେକିହିଁ ମୀ ତାଣା ମାନି ନାମିତି ତାୟିୟାଁ କପାଟି ପାପୁ କିହାଁ ଇଞ୍ଜା ଏଞ୍ଜାରି ବାଡ଼ୁୟୁ ହିଲାଆ ଅଣ୍ପୁତି କସ୍ତ ହୀହାନା ମୀ କ୍ରୀସ୍ତ କପାଟି ପାପୁ କିହିମାଞ୍ଜେରି □

୧୩ ଇଦାଆଁତାକି ତିନି କାନ୍ତି ନା ତାୟିକି କସ୍ତ ହନେ, ଆତିହ୍ ନା ତାୟି ଏନିକ୍ ନା ତାଣାଟି କସ୍ତ ଆଅସି, ଏଦାଆଁତାକି ନାନୁ ଏବେଲା ଉଜ୍ଜା ତିନଅଁ ।



ପାଣ୍ଡୁ ଆଡ଼ାରି ଅଦିକାରା ଅଡ଼େ ଦାୟିପତି

୧ ନାନୁ ନା ମନତଲେ ମାଞ୍ଜାଲି ଆଡ଼ଅଁ ? ନାନୁ ର ପାଣ୍ଡୁ ଆଡ଼ାତେଏଁ ଆଏ ? ନାନୁ ଏଦାଆଁ ମା ପ୍ରବୁ ଜୀସୁଇଁ ମେସାହିଲଅଁ ? ମାରୁ କି ମାହାପୁରୁ ତାଣା ନା କିତି କାମାତି ପାଡ଼େୟି ଆଏ ?

୨ ନାନୁ ଏବକାତାରି ତାଣା ପାଣ୍ଡୁ ଆହାହିଲାଆତି ଜିକେଏ, ମିଜେତାକି ନାନୁ ସାତେଏ ପାଣ୍ଡୁ ଆହାମାନାତେଏଁ, ଇତିହ୍ ପ୍ରବୁ ତାଣା ମାରୁ ନା ପାଣ୍ଡୁଆହାମାନି ପାଣାତା ଝେଟାମାନି ବୁଟୁ ମୁଦ୍ରା ଲେହେଁ ଆହାମାଞ୍ଜେରି ।

୩ ନାଜେ ନୀହାୟି କିୟାନାରିକି ନାନୁ ଝେଣ୍ଡେ ଝେସ୍ତାନି କାତା ଇଦି ।

୪ ନା କାମାତାକି ତିଞ୍ଜା ଉଣ୍ଡାଲି ମାଜେ ଅଦିକାରା ହିଲେଏ ?

୫ ଅର ପାଣ୍ଡୁ ଆହାମାନାରି ପ୍ରବୁତି ତାୟିୟାଁ ଅଡ଼େ କେପା* ଲେହେଁ କ୍ରୀସ୍ତାନା ତାଜିନି ବାହା ଆହାଁ ଏ ଇୟାନି ତଲେ ରେଜାଲି ମାଜେ ଅଦିକାରା ହିଲେଏ କି ?

୬ ଅଡ଼େ ଜୀହୁତା ନୀତାଲିତାକି କାମାତି ପିସାଲି ନାଜେ ଅଡ଼େ ବର୍ନବାତି ଅଦିକାରା ହିଲେଏ କି ?

୭ ର ଜୁଜୁ କିନାସି ଜୁଜୁତା ମାନି ବେଲା ତାନୁଏ ତାଜେତାକି କାରୁଁ କିନେସିକି ? ଇଞ୍ଜା ଆମ୍ବାଆସି ଅଜୁରି ବାଡ଼ା କିହାଁ ଏମ୍ବାତି ପାଡ଼େୟି ତିନଅସି କି ? ଇଞ୍ଜା ର ଗଡ଼ ତାନି ମାନ୍ଦାତି ପାଲୁ ଗହ୍‌ଅସି କି ?

୮ ନାନୁ ମାଣ୍ଡସି ଆହାଁ ଇ ବାରେ କାତା ଝେସିମାଞ୍ଜାଇଁ ? ଇଞ୍ଜା ସାସ୍ତେରି ଜିକେଏ ଇ ବାରେ କାତା ଝେସିମାଞ୍ଜେଏ କି ?

୯ *ଇତିହ୍ ମସାତି ମେରାତା ଇଲେଇଞ୍ଜୁଁ ରାସ୍‌କି ଆହାମାନେ, “ନପ୍‌ମାନି କଡ଼ିତି ଗୁତିତା କଡ଼ା ଦହ୍‌ଆଦୁ,” ମାହାପୁରୁ ଝାରଇ ଏ କଡ଼ିତି ଅଣ୍ଡିମାନେସି କି ?

୧୦ ଏଞ୍ଜାସି ଇଦାଆଁ ମାଜେତାକି ଝେସା ମାଞ୍ଜଅସି ? ହାଅ, ମାଜେତାକି ଇଦି ରାସ୍‌କି ଆହାମାନେ, ଏଦାଆଁତାକି ଇତିହ୍ ଆମ୍ବାଆସି ତାସା କିନେସି ଆସା ତଲେ ତାସା କିନାୟିମାନେ, ଅଡ଼େ ନପ୍‌ନାସି ଗାଡ଼ି ବାଗା ବେଟାଆହାଲି କଡ଼ା ଦହ୍‌ନେସି ।

୧୧ ମାମ୍ବୁ ମିଜେତାକି ନେହ୍ ଜୀହୁତି ବିତା ମାଟା ମାଟାମାନମି, ଅଡ଼େ ମୀ ତାଣାଟି ଇ ଦାର୍‌ଡିତି ତାସା ଦାଡ଼ିହ୍ ଏଦି ଏନି କାଜା କାତା ଆଏକି ?

୧୨ ଏବକା ଲକୁ ମୀ ତାଣାଟି ବାଗା ବେଟାଆହାଲି ଅଦିକାରା ମାତିହ୍, ଏଦାଆଁ କିହାଁ ଆଗାଡ଼ା ବେଟାଆହାଲି ମା ଅଦିକାରା ହିଲେଏ କି ? ଆଡ଼ିଜିକେଏ ମାମ୍ବୁଏ

ଅଦିକାରା ଲେମ୍ବା ହିଲଅମି । ସାମା ଏନିକ୍ ମାମ୍ବୁ ଜୀସୁତି ନେହ୍ କାରୁ ଝେଜି କିନି କାମାତା ଏନି ବାଡ଼ା ଝାଆପେ ଇଞ୍ଜୁଁ ବାରେ ଅରହିମାନମି

୧୩ ଆମ୍ବାଆରି ଦେଝୁଡ଼ିତା ପୂଜା କିନାରି ଏଞ୍ଜାରି ଦେଝୁଡ଼ିତି ରାନ୍ଦା ବେଟାଆନେରି, ଇଞ୍ଜା ଆମ୍ବାଆରି ପୂଜା କିନାରି ପୂଜା କିହାଲି ପୂଜା ପିଣ୍ଡାତା ଇତିତି ବଗୁଡ଼ି ବାଗା ବେଟାଆନେରି, ଇଞ୍ଜୁଁ ମାରୁ ପୁଞ୍ଜାହିଲଅତେରି କି ?

୧୪ *ଏଲେକିହ୍ ଏ ଆମ୍ବାଆରି ନେହ୍ କାରୁତି ଝେକ୍‌ହି ମାନେରି, ଏଞ୍ଜାରି ନେହ୍ କାରୁ ଝେକ୍‌ନି ତାଣାଟିଏ ନୀତିନେରି, ଇ କାତା ପ୍ରବୁ ହୁକୁମି ହାହାମାନେସି ।

୧୫ ସାମା ନାନୁ ଇ ବାରେ ଏଦାଆଁଞ୍ଜା ଲେମ୍ବାହିଲଅଁ, ଅଡ଼େ ନାଜେତାକି ଏଲେ କିଞ୍ଜିଆପେ, ଏଦାଆଁତାକି ରାଡ଼ିମାଞ୍ଜଅଁ; ଇତିହ୍ ଆମ୍ବାଆରି ନା ନେହ୍ ବଡ଼ପଣତି ଉଜେଏ କିନି କିହାଁ ନାନୁ ହାହାହାନାୟି ନେହେଁ ।

୧୬ ଇତିହ୍ ନାନୁ ନେହ୍ କାରୁ ଝେକ୍‌ଇଁ, ଏମ୍ବାଆଁ ନା ବଡ଼ପଣ ଆନାୟି ହିଲେଏ, ଏଦାଆଁତାକି ଇତିହ୍ ଏଦାଆଁ କିହାଲି ହୁକୁମି ବେଟାଆହାମାଇଁ, ଇଞ୍ଜା ନାନୁ ନେହ୍ କାରୁ ଝେକ୍‌ଆତେଏଁ ଇତିହ୍ ନାନୁ ଏବେକା ଉଣ୍ଡ ବେଟାଆନାତେଏଁ ।

୧୭ ଇତିହ୍ ନାନୁ ଜାହାରା ମନତଲେ ଇ କାମା କିଇଁ, ଆତିହ୍ ନାଜେତାକି ଦାନା ମାନେ; ସାମା ନାନୁ ନା ମନତଲେ କାମା କିଆତିହ୍ ଜିକେଏ ମାହାପୁରୁ ନାଜେ ସେବାକିନି କାମାତି ବଜୁ ହେରପା ମାଞ୍ଜାନେସି ।

୧୮ ଆତିହ୍ ନା ଦାନା ଏନାୟି ? ଏଦି ଇଦି ନାନୁ ନା ନେହ୍ କାରୁତା ମାନି ଅଦିକାରା ଲେମ୍ବାଆନା ନେହ୍ କାରୁ ଝେସି ଝେସି ଏ ନେହ୍ କାରୁତି ଉଜେଏ ଝେକ୍‌ଇଁ ।

୧୯ ନାନୁ ଆମ୍ବାଆରି ହଲେଏଣା ଆଆତି ଜିକେଏ, ଏନିକ୍ ନାନୁ ହାରେକା ଗାଡ଼ି ଲକୁଣି ବେଟାଆହାଲି ଆଡ଼ିଇଁ, ଏଦାଆଁତାକି ନାନୁ ଜାହାରାଇଁ ବାରେତି ହଲେଏସି କିତେଏଁ ।

୨୦ ଏନିକ୍ ନାନୁ ଜୀହୁଦିୟାଣି କ୍ରୀସ୍ତ ତାକି ଜୀଣା ଆହାଲି ଆଡ଼ିଇଁ, ଏଦାଆଁତାକି ଜୀହୁଦି ଲକୁ ନକିତା ନାନୁ ଜୀହୁଦି ଲେହେଁ ଆହିମାଇଁ; ଏନିକ୍ ମସାତି ମେରାତା ଦସ୍‌ପି ଆହାମାନାରାଇଁ ଜୀଣା ଆହାଲି ଆଡ଼ିଇଁ, ଏଦାଆଁତାକି ନାନୁ ମେରାତା ଦସ୍‌ପି ଆଆତି ଜିକେଏ ମେରାତା ଦସ୍‌ପି ଆଡ଼ି ଲକୁଲେହେଁ ଆତେଏଁ ।

୨୧ ଏନିକ୍ ନାନୁ ମସାତି ମେରା ପୁନାଆତି ଏବକା କୁଡ଼ାଡ଼ି ଲକୁଣି ବେଟାଆହାଲି ଆଡ଼ିଇଁ, ଇଦାଆଁତାକି ନାନୁ ମାହାପୁରୁତି ମେରାତା ହିଲାଆ ଲକୁ ଆଆନା କ୍ରୀସ୍ତି ମେରା ମାନଞ୍ଜି ଆଡ଼ିଜିକେଏ ମସାତି ମେରାତା ହିଲାଆ ଲକୁ ନକିତା ମସାତି ମେରାତା ହିଲାଆ ଲକୁଲେହେଁ ଆତେଏଁ ।

* ୯:୫ ୯:୫ ପିତର * ୯:୯ ୯:୯ ଉତିମ ୫:୧୮ * ୯:୧୪ ୯:୧୪ ମାତି ୧୦:୧୦; ଲୁକ ୧୦:୭

୨୨ ଏନିକ୍ ନାନୁ ବାଡ଼ୁୟୁ ହିଲାଆଗାଟାରାଇଁ ଜୀଣା ଆହାଲି ଆଡ଼ିଇଁ, ଏଦାଆଁତାକି ବାଡ଼ୁୟୁ ହିଲାଆ ଗାଟାରି ନକିତା ବାଡ଼ୁୟୁ ହିଲାଆଲେହେଁ ଆଡେଏଁ; ଏନିଇଚିହଁ ଜିକେଏ ନାନୁ ଏଚର ଜାଣାଇଁ ଗେଲପାଲି ଆଡ଼ିଇଁ, ଇଦାଆଁତାକି ବାରେ ଲକୁ ଏନିଲେହେତାରି ନାନୁ ଏଞ୍ଜାରିଲେହେଁ ଆଡେଏଁ □

୨୩ ନାନୁ ଏନିକ୍ ନେହଁ କାରୁଡି ବରତା ଆଣ୍ଡାଲି ଆଡ଼ିଇଁ, ଏଦାଆଁତାକି ନାନୁ ନେହଁ କାରୁଡାକି ବାରେ କିଇଁ □

୨୪ ଆମ୍ବାଆରି କାହିନି ତାଣା ହଣ୍ଡନେରି ଏଞ୍ଜାରି ବାରେଜାଣା ହଣ୍ଡନେରି ସାତା, ସାମା ରଅସିଏ ଜୀଣା ଆହଁ ଦାନା ବେଟା ଆଡେସି, ଇଦାଆଁ ମୀରୁ ପୁଞ୍ଜାହିଲଅତେରି ? ମୀରୁ ଏନିକ୍ ଦାନା ବେଟାଆଡେରି ଏଦାଆଁତାକି ଏଲେକ୍ ହଣ୍ଡୁ □

୨୫ ଆମ୍ବାଆସି ବାଦୁହାରା ତଲେ କାହିନି ତାଣା ଆଣ୍ଡିନେସି ଏଞ୍ଜାସି ବାରେ ନେହଁକ୍ ଜାପିନେସି; ଏଞ୍ଜାରି ଗାଡେକେଏ ନାସଞ୍ଜି ଆନି ଟପେରି ବେଟାଆହାଲି କାହିମାନେରି; ସାମା ମାର ଏଚେଲାଞ୍ଜା ନାସା ଆଆଗାଟି ଟପେରି ବେଟାଆହାଲି ଏଲେ କିନି □

୨୬ ଏଦାଆଁତାକି ନାନୁ ହଟିମାଇଁ, ସାମା ଗୁରି ହିଲାଆ ତାଣା ଆଏ, ନାନୁ ମୁଟିତଲେ କୁଡକି ଆନି ଜୁଜୁ କିହିମାଇଁ, ସାମା ଖାରଇ ଗାଲିତି ଝେନି ଲକୁଲେହେଁ ଆଏ □

୨୭ ଏଚକା ଲକୁତାଣା ନେହଁ କାରୁ ଝେସିହଁ ନାନୁ ଏନିକ୍ ଅପାଆ ଗାଟାତେଏଁ ଆଅଁ ଏଦାଆଁତାକି ନା ଆଜାପତି କସ୍ତ ବାଦା ହାହାନା ଲକହିମାଇଁ □

୧୦

ପେଣ୍ଡକା ବମାୟାଁ ସେବାଟି ଜାଗ୍ରାତା କିନାୟି

୧ ଇଚିହଁ ଏ ତାୟିୟାଁ ଅଡେ ତାଜିସ୍ତାତେରି ମା ଆକୁ ଆବାୟାଁ ବାରେ ଦୁନ୍ଦା ଡଇକା ମାଚେରି □

୨ ଅଡେ ବାରେଜାଣା ସାମ୍ବୁରି ବିତ୍ରାଟି ହାଚେରି, ଇଞ୍ଜା ବାରେଜାଣା ଦୁନ୍ଦା ଅଡେ ସାମ୍ବୁରିତା ମସା ତାଣାଟି ବାପ୍ପିସ୍ତ* ଅଡେରି □

୩ ଅଡେ ଏଞ୍ଜାରି ବାରେଜାଣା ରଣ୍ଡିଏ ଜୀଞ୍ଜୁତି ରାନ୍ଦା ତିଚେରି □

୪ ଅଡେ ବାରେଜାଣା ରଣ୍ଡିଏ ମାହାପୁରୁ ହାତି ଜୀଞ୍ଜୁତି ଏୟୁ ଗସ୍ପେରି, ଇଚିହଁ ଏଞ୍ଜାରିତଲେ ହାଜିମାଟି ମାହାପୁରୁ ହାତି ଜୀଞ୍ଜୁତି ପାକା ଖାଲିତି ଏୟୁ ଗସ୍ପେରି ଏ ପାକା ଖାଲି କ୍ରୀସ୍ତ,

୫ ଆଡ଼ିଜିକେଏ ଏଞ୍ଜାରି ବିତ୍ରାଟି ହାଚେରକା ଲକୁତାଣା ମାହାପୁରୁଟି ରାହାଁ ହିଲାଆତେ, ଇଞ୍ଜା ଏଞ୍ଜାରି ଲକୁ ହିଲାଆ ଟାୟୁତା ହାହାହାଚେରି, ଇ ବାରେ କାତା ମୀରୁ ପୁନାଆନା ମାଞ୍ଜୁ ଇଞ୍ଜି ନା ମନ ହିଲେଏ □

୬ ଏଞ୍ଜାରି ଏନିକ୍ ଲାଗେଏ ପଲେଏତାଣି ତାକି ଜୁପକା ଆହାମାଚେରି, ଏଲେକ୍ ମାର ଏଲେତି ଜୁପକା ଆଆୟି,

ଏଦାଣିତାକି ଇ ବାରେ କାତା ମାଜେତାକି ପୁଣ୍ଡିକିନାୟି ଆହାମାନେ □

୭ ଏନିକ୍ ଏଞ୍ଜାରି ବିତ୍ରାଟି ଏଚରଜାଣା ପେଣ୍ଡକା ପୂଜା କିନାରି ଆଡେରି, ଏଲେକ୍ ମୀରୁ ପେଣ୍ଡକା ପୂଜା କିନାତେରି ଆଆଦୁ; ଏନିକ୍ ରାସ୍ତକି ଆହାମାନେ, “ଲକୁ ତିଞ୍ଜା ଉଣ୍ଡାଲି କୁଗିତେରି, ଅଡେ ଏନିହଁ ରାହାଁ କିହାଲି ନିଜିତେରି □”

୮ ଏନିକ୍ ଏଞ୍ଜାରିତାଣା ଏଚରଜାଣା ଦାରିକାମା କିହାନା ରଣ୍ଡିଏ ନେରୁ କଡେ ତାନି ମାଣା ଲକୁ ହାଡେରି, ଏଲେକ୍ ମାର ଦାରିକାମା କିଆପ □

୯ ଏନିକ୍ ଏଞ୍ଜାରି ବିତ୍ରାଟି ଏଚରଜାଣା ପ୍ରବୁଇଁ ତାୟିପାରି କିହାଁ ରାତୁ ତଲେ ହାଡେରି, ଏଲେକ୍ ମାର ପ୍ରବୁଇଁ ତାୟିପାରି କିଆପ □

୧୦ ଏନିକ୍ ଏଞ୍ଜାରି ବିତ୍ରାଟି ଏଚରଜାଣା ବାଟା କିହାଲିଏ ନାସାକିନି ଦୁଡୁ କେୟୁଟି ହାଡେରି, ଏଲେକ୍ ମୀରୁ ବାଟା କିଆଦୁ □

୧୧ ଇ ବାରେ ପୁଣ୍ଡିକିନିଲେହେଁ ଏଞ୍ଜାରାକି ଆଡେ, ଅଡେ ଆମ୍ବାଆରି ବେଲାତା ଜୁଗୁରାନ୍ତି ଦିନା ଏଜିମାଞ୍ଜାନେ, ଏଲେକିହଁ ମାର ମା ସେଡନା ତାକି ଏ ବାରେ ରାସ୍ତକି ଆହାମାନେ □

୧୨ ଏଦାଆଁତାକି ଆମ୍ବାଆସି ନାନୁ ତାରି ଗାଟାତେଏଁ ଇଞ୍ଜିହଁ ଅଣ୍ଡପି ମାନାସି, ଏଞ୍ଜାସି ଏନିକ୍ ଡରଗଅସି, ଏଦାଆଁତାକି ଏଞ୍ଜାସି ଜାଗ୍ରାତା ଆପାସି □

୧୩ ମାଣ୍ଡିତାକି ଏନିଲେହେଁତି ତାୟିପାରି କିନାୟି କସ୍ତଗାଟାୟି ଆଏ, ଏଦାଆଁ ପିସପେ ମିଜେତାକି ଏଚକାଟି ତାୟିପାରି କିନାୟି ଆହା ହିଲେଏ, ସାମା ମାହାପୁରୁ ଟିକାଣାତାସି, ଏଞ୍ଜାସି ମିଜେ ଏନି ଆଡାଆଗାଟି ତାୟିପାରି କିହାଲି ହିୟଅସି, ସାମା ମୀରୁ ଏନିକ୍ ଅରହାଲି ଆଡ଼ିଦେରି, ଏଦାଆଁତାକି ତାୟିପାରି କିଞ୍ଜିନିଏ ଏଞ୍ଜାସି ଗେଲପିନି ଜିରୁ ଜିକେଏ କେପିନେସି □

୧୪ ଏ ନା ଜୀଞ୍ଜୁତି ତାୟିୟାଁ ଅଡେ ତାଜିସ୍ତାତେରି ପେଣ୍ଡକା ବମାୟାଁ ପୂଜା କିନି ତାଣାଟି ଏଚକା ଆଦୁ □

୧୫ ନାନୁ ବୁଦିଗାଟି ଲକୁଣି ଝେହ୍ନିଲେହେଁ ଝେସିମାଞ୍ଜାଇଁ, ନାନୁ ଏନାଆଁ ଝେସିମାଇଁ ଏଦାଆଁ ମୀରୁ ମୀରୁଏ ଅଣ୍ଡପାଦୁ □

୧୬ *ଆମିନି ପ୍ରବୁତି ବଜି ସଲା ତାକି ଜହରା କିନାୟି, ଏଦି କ୍ରୀସ୍ତି ନେତେରିତା ଆଣ୍ଡିହିଲେଏ ? ଆମିନି ରୁଟି ମାର ତିକ୍‌ହି ମାନାୟି ଏଦି କି କ୍ରୀସ୍ତି ଆଜାପା ଆଣ୍ଡିହିଲେଏ ?

୧୭ ଇଚିହଁ ରୁଟି ରଣ୍ଡିଏ ଆଡାକି ମାର ହାଚେରକା ଆଡ଼ିଜିକେଏ ରଣ୍ଡିଏ ଆଜାପା ଲେହେଁ, ଏଦାଆଁତାକି ମାର ବାରେଜାଣା ରଣ୍ଡିଏ ରୁଟିତି ବାଟା □

୧୮ ଆଜାପତି ଜାନା ତଲେ ଆମ୍ବାଆରି ଇସ୍ତାୟେଲ ଲକୁ, ଏଞ୍ଜାରାଇଁ ସିନିକିଦୁ ଆମ୍ବାଆରି ପୂଜା କିତି ଡଜାପା ତିନେରି, ଏଞ୍ଜାରି ପୂଜା ପିଣ୍ଡାତି ପୂଜାତା ଆଣ୍ଡିହିଲଅରି ?

* ୧୦:୨ ୧୦:୨ ମୁଞ୍ଜିନାୟି * ୧୦:୧୭ ୧୦:୧୭ ମାତି ୨୭:୨୭-୨୮; ମାର୍କ ୧୪:୨୨-୨୪; ଲୁକ ୨୨:୧୯,୨୦

୧୯ ଆତିହ୍ୟଂ ପେଶକା ବମାୟାଂ ବଗୁ ଇଞ୍ଜିହ୍ୟଂ ଏନାୟି ମାନେ, ଅଡ଼େ ପେଶକା ବମାୟାଂ ଇଞ୍ଜିଂ ଏନାଇ ମାନୁ, ଏଦାଆଁ କି ନାନୁ ଝେସିମାଞ୍ଜାଇ ?

୨୦ ଆଏ, ସାମା ନାନୁ ଝେସିମାଞ୍ଜାଇ, ଏନାଆଁ ଜୀହୁଦିଆଆତାରି ପୂଜା କିନେରି ଏ ବାରେ ଏଞ୍ଜାରି ମାହାପୁରୁ ତାକି ପୂଜା କିଆନା ବୃତୁୟାକି କିନେରି, ଅଡ଼େ ମୀରୁ ବୃତୁୟା ତଲେ ଆଶ୍ଟାଦୁ, ଇଦି ନା ମନ ଅଶ୍ପୁଟି ଆଏ □

୨୧ ମୀରୁ ପ୍ରବୁ ବଜିତା ରାସା ଗହନିତାଶା ଅଡ଼େ ବୃତୁୟା ଗହନିତାଶା ଗସାଲି ଆଡ଼ଅଡେରି; ମୀରୁ ପ୍ରବୁତି ବଜି ଅଡ଼େ ବୃତୁ ବଜିତା ଆଶ୍ଟାଲି ଆଡ଼ଅଡେରି □

୨୨ ମୀରୁ ଏନାଆଁ ପ୍ରବୁଇଁ କାରୁବି କିନାୟି ? ମୀରୁ କି ଏଞ୍ଜାଣି କିହାଁ ଗାଡ଼ି ବାଡ଼ୟୁ ଗାଟାତାୟି ?

୨୩ ବାରେ କିହାଲି ମୀରୁ ଆଡ଼ିନାୟି, ସାମା ବାରେ ମା ତାକି ନେହାୟି ଆଏ, ବାରେ କିହାଲି ଆଡ଼ିନାୟି, ସାମା ବାରେ ମା ତାକି ଲାବାଗାଟାୟି ଆଏ □

୨୪ ଆମ୍ବାଆସି ଜାହାରାତାକି ଅଶ୍ପାଆପେସି, ସାମା ବାରେଜାଶା ତାକି ନେହାଁଣି ଅଶ୍ପାଆପେସି □

୨୫ ମନୁତି ନେହ୍ୟକ୍ୟ ଇଟାଲି ହାଟା ବାଜାରାତା ପାରୁପି ଆହିମାନି ଉଜ୍ଜା, ଆମ୍ବାଆରାଇଁ ଝେନାଆନା ଅଡ଼େ ଇଟାଣି ଅଶ୍ପାଆନା ତିଞ୍ଜୁ □

୨୬ ଦାମ୍ବୁପତିତା ରାସକି ଆହାମାନେ; “ଇତିହ୍ୟଂ ଦାରୁତି ଅଡ଼େ ଏମ୍ବାଆଁ ମାନାୟି ବାରେ ମାହାପୁରୁଞ୍ଜାୟି □”

୨୭ ନାମାଆତାରି ମିଙ୍ଗେ ତିଞ୍ଜାଲି ହାଟାତିହ୍ୟଂ, ଇଞ୍ଜା ମୀରୁ ହାଜାଲି ମନୁ କିତିସାରେ, ଅଡ଼େ ଏମ୍ବାଆଁ ଏନାଆଁ ତିଞ୍ଜାଲି ହାପକିଆନେ, ମୀ ଅଶ୍ପୁ ତାକି ଇଟାଣି ଝେନାଆନା ତିଞ୍ଜୁ □

୨୮ ସାମା ଆମ୍ବାଆସି ମିଙ୍ଗେ ଏଲେଇଞ୍ଜାନେସି, ଇଦି ପେଶକା ବମାୟାକି ତାକି କିଞ୍ଜିଆହାମାନେ, ଆତିହ୍ୟଂ ଏଞ୍ଜାଣି ତାକି ଇଞ୍ଜା ମୀ ଅଶ୍ପୁ ତାକି ତିନାଆଦୁ;

୨୯ ମୀ ଅଶ୍ପୁ ତାକି ଇଞ୍ଜିଂ ଝେସିମାଞ୍ଜାଅଁ, ସାମା ଏଞ୍ଜାଣି ଅଶ୍ପୁ ତାକି □ ଏନାଆଁତାକି ନା ମନତଲେ ମାନାୟି ଏଟକା ଲକୁତି ନେହାଁଣି ଲାଗେଏତାଣି ପୁନାଣି ତଲେ ବିଚାରା ଆନେ ?

୩୦ “ନାନୁ ମାହାପୁରୁଇଁ ଜହରା କିହାନା ଆମିନି ରାନ୍ଦା ତିଞ୍ଜିମାଇଁ, ଏ ରାନ୍ଦା ତାକି ନାଙ୍ଗେ ଏନାଆଁତାକି ରଅସି ଲାଜାକିହ୍ୟଂ ଜଲାନେସି ?”

୩୧ ଏଦାଆଁତାକି ମୀରୁ ତିଞ୍ଜୁ ଉଣ୍ଡୁକି ଏନାଆଁ କିଦୁ, ଏଦାଆଁ ମାହାପୁରୁତି ଗାଞ୍ଜୁରମି ତାକି କିଦୁ □

୩୨ ଜୀହୁଦି ଆପେ, ଜୀହୁଦିଆଆତାରି, ଇଞ୍ଜା ମାହାପୁରୁତି କୁଲମିତି ଲକୁ ଆପାରି, ଆମ୍ବାଆରାକି କସୁ ହୀନାତେରି ଆଆଦୁ □

୩୩ ଏନିକ୍ୟଂ ନାନୁ ଜିକେଏ ଜାହାରାତାକି ଅଶ୍ପାଆନା ହାଟେକା ଲକୁତି ଗେଲପି ଆୟାଲିତାକି ଏଞ୍ଜାରି ନେହାଁଣି

ଅଶ୍ପାମାଇଁ, ଅଡ଼େ ବାରେ କାତାତା ବାରେ ଜାଶାଇଁ ରାହାଁ କିୟାଲି ଅଶ୍ପାମାଇଁ □

୧୧

୧ *ନାନୁ ଏନିକ୍ୟଂ କ୍ରୀସୁ କିତିଲେହେଁ କାମା କିହିମାଇଁ, ମୀରୁ ଜିକେଏ ନାନୁ କିହିମାନି ଲେହେଁ କିଦୁ □

ପ୍ରାତାନା କିନାଟି ତାୟଂ ପୁଠିକନାୟି

୨ ନାନୁ ମିଙ୍ଗେ ଗାଞ୍ଜୁରମି କିହିମାଞ୍ଜାଇଁ ଏନାଆଁତାକି ଇତିହ୍ୟଂ ମୀରୁ ନାଙ୍ଗେ ବାରେବେଲା ଅଶ୍ପାମାଞ୍ଜାଦେରି ଅଡ଼େ ନାନୁ ଆମିନି ମେରା ହାହାମାଞ୍ଜାଇଁ, ଏଦାଆଁ ବାରେ ମାନୁଞ୍ଜି ଆହିମାଞ୍ଜେରି □

୩ ସାମା କ୍ରୀସୁ ବାରେ ଆବାୟାଁ ତାୟଂ ଲେହେଁ ଅଡ଼େ ଆବା ଇୟାନି ତାୟଂ ଲେହେଁ ଇଞ୍ଜା ମାହାପୁରୁ କ୍ରୀସୁତି ତାୟଂ ଲେହେଁ, ଇଦାଆଁ ମୀରୁ ପୁଞ୍ଜୁ ଇଞ୍ଜିଂ ନା ଅଶ୍ପୁ □

୪ ଆମିନି ଆବା ତାନି ତାୟଂ ପୁଠିକହାନା ପ୍ରାତାନା କିନେସି, ତାୟୁ ଆନି କାତା ଝେହନେସି, ଏଞ୍ଜାସି ତାନି ତାୟଂ ତୁ ହାଣି ପାଶ୍ପି କିନେସି □

୫ ସାମା ଆମିନି ଆୟାଟି ତାନି ତାୟଂ ପୁଠିଗାଆନା ପ୍ରାତାନା କିନେ ଅଡ଼େ ମାହାପୁରୁ ଅଶ୍ପୁତି ବଲୁ ଝେକନେ ଏଦି ତାନି ତାୟଂ ତୁ ଲାଜା ପାଶ୍ପି କିନେ ଇତିହ୍ୟଂ ତାନି ତାୟଂ ହୁଶ୍ପି ଆଡ଼ି ଇୟା ସମାନା □

୬ ଇତିହ୍ୟଂ ତାୟଂ ପୁଠିଗାଆଗାଟି ଆୟାଟି ତାନି ତାୟଂ ବାଶାୟାଁ ରାଡ଼ହା କତାପେ; ଇତିହ୍ୟଂ ଇୟାନାକି ତାୟଂ ରାଡ଼ନାୟି କି ହିଶ୍ନାୟି ଲାଜାଟି କାତା ଆତିହ୍ୟଂ ଏଦି ତାୟଂ ପୁଠିଗାପେ □

୭ ଆବା ମାହାପୁରୁତି ଝାଶା ଇଞ୍ଜା ଗାଞ୍ଜୁରମି ଲେହେଁ ଆଡ଼ାକି ତାନି ତାୟଂ ତୁ ପୁଠିକନାୟି ଲଡ଼ା ହିଲେଏ, ସାମା ଇୟା ଆବାଟି ଗାଞ୍ଜୁରମି ଲେହେଁ □

୮ ଇତିହ୍ୟଂ ଆବା ଇୟାନି ତାଶାଟି ଗାଡ଼ି ଆହାହିଲଅସି ସାମା ଇୟା ଆବା ତାଶାଟି ଗାଡ଼ି ଆହାମାନେ □

୯ ଅଡ଼େ ଇୟା କି ଆବା ଗାଡ଼ି ଆହାହିଲଅସି ସାମା ଆବାକି ଇୟା ଗାଡ଼ି ଆହାମାନେ □

୧୦ ଏଦାଆଁତାକି ଦୃତୁୟା ତାକି ତକ୍ତି ତାନି ତକ୍ତାତି ଅଦିକାରାଟି ସିନାଲେହେଁ ତାୟଂ ତୁ ପୁଠିକହା କତାପେ □

୧୧ ଆଡ଼ିକିକେଏ ପ୍ରବୁ ତାଶା ଆବା ତାଶାଟି ଆୟାଟି କାଜାୟି ଆଏ, ସାମା ଇୟା ତାଶାଟି ଆବା କାଜାସି ଆଏ,

୧୨ ଇତିହ୍ୟଂ ଆୟାଟି ଏନିକ୍ୟଂ ଆବା ତାଶାଟି ଗାଡ଼ି ଆହାମାନେ □ ଏଲେକିହ୍ୟଂ ଏ ଆବା ଜିକେଏ ଇୟା ତାଶାଟି ଗାଡ଼ି ଆହାମାନେସି, ସାମା ବାରେ ମାହାପୁରୁ ତାଶାଟି ଗାଡ଼ି ଆହାମାନେ □

୧୩ ମୀରୁ ମୀରୁଏ ବିଚାରା କିହାଁ କତାଦୁ, ତାୟଂ ପୁଠିଗାଆନା ମାହାପୁରୁ ନକିତା ପ୍ରାତାନା କିନାୟି ଇୟାନାକି ନେହେଁ କି ?

* ୧୧:୧ ୧୧:୧ ଏକର ୪:୧୭; ପିଲିପି ୩:୧୭

୧୪ ମାଣ୍ଡଳି ମାଙ୍ଗେ ଖେସିମାଞ୍ଜାନେ ଆବା ଲାମ୍ବା ତାୟ୍ ରୁଣ୍ଡା ପିହ୍ନାୟି ତାଙ୍ଗେତାକି ଲାଜାତି କାତା □

୧୫ ସାମା ଆୟାଟି ଲାମ୍ବା ତାୟ୍ ରୁଣ୍ଡାୟା ପିସ୍ତି ସାରେ ତାଙ୍ଗେତାକି ଗାଝୁରମି ସମାନା, ଇଚିହ୍ ତାୟ୍ ପୁଷ୍ଟିକି ଆୟାଲି ଇୟାନାକି ଲାମ୍ବା ତାୟ୍ ରୁଣ୍ଡାୟା ହାପକି ଆହାମାନେ □

୧୬ ସାମା ଆମ୍ବାଆସି ଏ କାତାତାକି ବାଦିବାଦା କିହାଲି ଅଣ୍ପିତିହ୍ ଏଝାସି ପୁନାପେସି, ମାଙ୍ଗେ ଇଲେତି ମେରା ହିଲେଏ, ଇଞ୍ଜା ମାହାପୁରୁ କୁଲମିତା ଜିକେଏ ହିଲେଏ □

ପ୍ରବୁତି ବଜି

୧୭ ସାମା ମୀ ଆଣ୍ଡି ଆନାୟି ନେହାୟି ଆଆନା ସାମା ଲାଗେଏ ପଲେଏତାୟି ଆହିମାନେ, ଏଦାଆଁତାକି ମିଙ୍ଗେ ନେହାଁତେରି ଇଞ୍ଜାଲି ଆଡାଆନା ଇ ହୁକୁମି ହାହାମାଞ୍ଜାଇଁ □

୧୮ ଏଦାଆଁତାକି ଇଚିହ୍ ନାନୁ ତଲିଏ ଖେଞ୍ଜିମାଇଁ, କୁଲମି ଲେହେଁ ରୁଣ୍ଡା ଆନାଟି, ମୀ ବିତ୍ରା ଗତି ଗତି ଆହିମାଞ୍ଜେରି, ଇଞ୍ଜା ଇ କାତା ବିତ୍ରା ଏଚେକା ସାତା ଇଞ୍ଜା ନାନୁ ନାମିମାଇଁ □

୧୯ ଏନିକ୍ ମୀ ବିତ୍ରାଟି ଆମ୍ବାଆରି ସାତା ତାୟିପାରିତା ଜୀଣା ଆଡାରି ଏ ତଞ୍ଜାଆନେରି, ଏଦାଣିତାକି ମୀ ବିତ୍ରା ଗତି ଗତି ଆନାୟି ପିଟ୍ଟି ଆଏ □

୨୦ ଏଚେତା ମୀରୁ କୁଲମିତା ରୁଣ୍ଡା ଆଦେରି, “ଏଡି ପ୍ରବୁତି ବଜି ଆଏ,”

୨୧ ଏଦାଆଁତାକି ଇଚିହ୍ ବଜି ତିନାଟି, ରଅସି ଅଡେ ରଅଣାଇଁ କାଆନା ତାନି ରାଦା ତିନେରି, ଏଦାଆଁତାକି ରଅସି ହାକିଟି ମାନାଟି ଅଡେ ରଅସି ହଚାହାଁ ଡୟିମାନେସି □

୨୨ ଏଦାଆଁ ମିଙ୍ଗେ ତିଞ୍ଜା ଉଣ୍ଡାଲି ଇଲକା ହିଲାଉ ? ମୀରୁ ଏଦାଆଁ ମାହାପୁରୁ କୁଲମିତି ମାନଞ୍ଜି ଆହି ହିଲଅଡେରି, ଅଡେ ଆମ୍ବାଆରାକି ହିଲାଉ ଏଝାରାଇଁ ଲାଜା କିହିମାଞ୍ଜେରି, ନାନୁ ମିଙ୍ଗେ ଏଦାଆଁ ଖେସ୍ତାଇଁ ? ମିଙ୍ଗେ ଏନିକ୍ ଗାଝୁରମି କିୟାଇଁ ? ଇଦାଆଁତାକି ମିଙ୍ଗେ ଗାଝୁରମି କିହିମାଞ୍ଜାଅଁ □

୨୩ ଇଚିହ୍ ନାନୁ ପ୍ରବୁ ତାଣାଟି ବେଟାଆହାମାନି ଜାପୁନାଣି ମିଙ୍ଗେ ଜାପୁହି ମାଞ୍ଜାଇଁ, ଏଡି ଇଦି ପ୍ରବୁ ଜୀସୁ ସାତୁୟାଁ କେୟୁତା ହେର୍ପିଆଡି ଲାଆଁୟାଁ ରୁଟି ଅହାନା, ମାହାପୁରୁଇଁ ଜହରା କିହାନା, ଏଦାଆଁ ଡିକ୍‌ହାନା ଏଲେଇଚେସି,

୨୪ ଇଦି ମିଙ୍ଗେତାକି ନା ଆଜା; ନାଙ୍ଗେ ଅଣ୍ପାଲିତାକି ଇଦାଆଁ କିଦୁ □

୨୫ ଏଲେକିହ୍ ଏ ତିଚି ତାୟୁ ଗହ୍ନି ସଲା ଅହାନା ଏଲେଇଚେସି, ଇ ସଲା ନା ନେତେରିତା ତୀରିକିତି ପୁଠନି ରାଜିମାନା; ମୀରୁ ଇ ସଲାଟି ଏଚର ଦେବା ଗହ୍ନେରି ଏଚର ଦେବା ନାଙ୍ଗେ ଅଣ୍ପାଲିତାକି କିଦୁ □

୨୬ ଇଚିହ୍ ଏଚର ଦେବା ମୀରୁ ଇ ରୁଟି ତିଞ୍ଜେରି ଅଡେ ଇ ସଲାଟି ଗହ୍ନେରି, ଏଚର ଦେବା ମୀରୁ ପ୍ରବୁତି ଖାନି ଦିନା ପାତେକା ତାନି ହାକିତି କାବୁ ଖେକ୍‌ଦେରି □

୨୭ ଇଚିହ୍ ଆମ୍ବାଆସି ଜଗେ ଆଆନା ପ୍ରବୁ ବଜିତି ରୁଟି ତିନେସି ଅଡେ ଇ ସଲାଟି ଗହ୍ନେସି, ଏଝାସି ପ୍ରବୁତି ଆଜା ଅଡେ ନେତେରିତି ଦାୟି ଆନେସି □

୨୮ ଏଦାଆଁତାକି ମାଣ୍ଡସି ତଲିଏ ତାନୁଏ ତାଙ୍ଗେ ତାୟିପାରି କିହାଁ କତାହାଁ ଇ ରୁଟି ତିଣ୍ଡେସି ଅଡେ ଇ ଗହ୍ନି ସଲାଟି ଗସ୍‌ପେସି □

୨୯ ଇଚିହ୍ ଆମ୍ବାଆସି ପ୍ରବୁତି ଆଜାତି ଏନାୟି ଇଞ୍ଜା ଅଣ୍ପାଆନା ତିନେସି ଅଡେ ଗହ୍ନେସି ଏଝାସି ତାନି ମୁହେଁ ତଣ୍ଡ ବେଟାଆହାଲି ତିନେସି ଅଡେ ଗହ୍ନେସି □

୩୦ ଏଦାଆଁତାକି ମୀ ବିତ୍ରାଟି ହାରେକା ଲକୁ ବାଡ଼ୁୟୁ ହିଲାଆଗାଟାତେରି ଇଞ୍ଜା ହାରେକା ଲକୁ ନମେରି ଗାଟାରି ଅଡେ ହାରେକା ଜାଣା ହାହା ହାଜାମାନେରି □

୩୧ ସାମା ମାର ତଲିଏ ଜାହା ଜାହାରାଇଁ ତାୟିପାରି କିତିହ୍ ମା ମାହାପୁରୁ ମାଙ୍ଗେ ବିଚାରା କିୟାଆତେସିମା □

୩୨ ଅଡେ ଦାବ୍‌ତି ତଲେ ଏନିକ୍ ମାର ତଣ୍ଡ ପୁଃଆୟି, ଏଦାଆଁତାକି ପ୍ରବୁତି ତାଣା ବିଚାରା କିଞ୍ଜି ଆହାଁ ସାସି ବେଟାଆହି ମାନାୟି □

୩୩ ଏଦାଆଁତାକି ନା ତାୟିୟାଁ, ମୀରୁ ପ୍ରବୁତି ବଜି ତିଞ୍ଜାଲି ତାକି ରୁଣ୍ଡା ଆନାଟି ମୀରୁ ରଅତେରି ରଅଣାଇଁ କାଦୁ □

୩୪ ମୀରୁ ରୁଣ୍ଡା ଆନାୟି ଏନିକ୍ ମାହାପୁରୁତି ତଣ୍ଡ ବେଟାଆହାଲି ଆଏ, ଏଦାଆଁତାକି ଆମ୍ବାଆସି ହାକି ଆହାମାନେସି ଏଝାସି ତାନି ଇଜ ତିନାପେସି, ଅଡେ ଆଗାଡା ଖେସ୍ତାନି କାତା ନାନୁ ଖାଡିସାରେ ତେଲ୍‌ହି କିୟାଇଁ □

୧୨

ସୁଦୁଜୀଝୁତି ଦାନା

୧ ତାୟିୟାଁ ଅଡେ ତାଜିସ୍ତାତେରି ସୁଦୁଜୀଝୁ ଦାନାତି କାତା ମୀରୁ ନେହ୍ କି ପୁଞ୍ଜୁ ଇଞ୍ଜା ନାନୁ ଅଣ୍ପିମାଇଁ □

୨ ମୀରୁ ପୁଞ୍ଜାମାଞ୍ଜେରି, ଏଚିବେଲା ମୀରୁ ଜୀହୁଦିଆଆତାତେରି ମାଚେରି, ଏଚେତା ଏନିକ୍ ସାଲଞ୍ଜି ଆହିମାଚେରି, ଏଲେକିହ୍ ଏ ନାଡିକିଞ୍ଜି ଆହାନା ଜୀଝୁ ହିଲାଆଗାଟି ପେଣ୍‌କା ବମାୟାଁତି ଜ୍ଞେଟ ହାଜିମାଚେରି □

୩ ଏଦାଆଁତାକି ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁତି ସୁଦୁଜୀଝୁ ତଲେ ସାଲଞ୍ଜି ଆହାନା ଆମ୍ବାଆସି ଜିକେଏ ଜୀସୁଇଁ ବାକା ଇଚାଲି ଆଡ଼ଅସି, ଅଡେ ଆମ୍ବାଆସି ସୁଦୁଜୀଝୁ ପୁଃଆତାସି ଜୀସୁଇଁ ପ୍ରବୁ ଇଞ୍ଜା ଖେସାଲି ଆଡ଼ଅସି □

୪ ସୁଦୁଜୀଝୁ ହାନି ଦାନା ଏଚକା ଏଚକାତାୟି ସାମା ଏ ରଣ୍ଡିଏ ସୁଦୁଜୀଝୁ □

୫ ସେବା ଏଚକା ଏଚକାତାୟି ସାମା ପ୍ରବୁ ରଅସିଏ □

☆ ୧୨:୪ ୧୨:୪ ରମି ୧୨:୬-୮

୬ କାମା କିନି ବାଡ଼ୁଛୁ ଏବଂକା ଏବଂକାତାୟି ସାମା ମାହାପୁରୁ ରଅସିଏ, ଏଞ୍ଜାସି ବାରେ ତାଣା ବାରେ କାମା କିନେସି □

୭ ସାମା ବାରେ ଜାଣାତାତି ସୁଦୁଜୀଝୁତି ଗୁଣୁ ତହୁନି ଦାନା ବାରେ ଲକ୍ଷୁତି ନେହେଁତାକି ହୀପକିଆନେ □

୮ ରଅଣାକି ସୁଦୁଜୀଝୁ ତଲେ ବୁଦିତି କାରୁ ଝେସାଲି ହୀନେ, ଅଡ଼େ ରଅଣାକି ଏ ସୁଦୁଜୀଝୁ ତଲେ ବୁଦିତିକାତା ଜାପହାଲି ହୀନେ,

୯ ଅଡ଼େ ରଅଣାକି ଏ ସୁଦୁଜୀଝୁ ତଲେ ନାମାଲି, ଅଡ଼େ ରଅଣାକି ଏ ରଣିଏ ଜୀଝୁତି ଦାନା ତଲେ ରଗଟି ନେହୁଁ କିୟାଲି ବାଡ଼ୁଛୁ ହୀନେ,

୧୦ ରଅଣାକି କାବାଆନି ବାଡ଼ୁଛୁତି କାମାୟା କିୟାଲି, ଅଡ଼େ ରଅଣାକି ମାହାପୁରୁ ଅଣ୍ପୁତି କାତା ଝେକହାଲି, ଅଡ଼େ ରଅଣାକି ଏବଂକା ଏବଂକାତି ଜୀଝୁୟାଲି ପୁଞ୍ଜାଲି ଆଡ଼ିନି ବାଡ଼ୁଛୁ, ଅଡ଼େ ରଅଣାକି ପୁନାଆତି ପୁଞ୍ଜନି ହାଡ଼ା ଜଲ୍ଲାଲି, ଅଡ଼େ ଏବଂକାତାରାକି ପୁନାଆତି ହାଡ଼ାତି ଅର୍ତ ପୁଣ୍ଡିକିନି ବାଡ଼ୁଛୁତି ଦାନା ହୀପକିଆନେ □

୧୧ ସାମା ଏ ରଣିଏ ଜୀଝୁ ତାନି ମନ କିତିଲେହେଁ ବାରେଜାଣାତି ଏବଂକା ଏବଂକାତି ଦାନା ହୀହାନା ଇ ବାରେ କାମା କିହମାନେ □

ରଣିଏ ଆଜ୍ଞାତି ଆଜ୍ଞା ଉଡ଼େଲି

୧୨ *ଇତିହୁଁ ଏନିକି ଆଜ୍ଞା ରଣିଏ, ଅଡ଼େ ଆଜ୍ଞାତି ଏବଂକା ଏବଂକା ବାଗାୟା ମାନୁ, ସାମା ଆଜ୍ଞାତି ବାଗାୟା ହାରେକା ଆଡ଼ିଜିକେଏ ରଣିଏ ଆଜ୍ଞା ଆନେ, ଏଲେକିହୁଁ ଏ କ୍ରୀସୁ □

୧୩ ଇତିହୁଁ ମାର ଜୀହୁଦି କି ଜୀହୁଦିଆଆତି ଜିକେଏ, ହଲେଏସି ଆପେସି ହଲେଏସି ଆଆପେସି, ବାରେତାୟି ରଣିଏ ଜୀଝୁତଲେ ରଣିଏ ଆଜ୍ଞା ଆହାଲି ବାପୁସ୍ତ* ଆହାମାନାୟି; ଅଡ଼େ ବାରେତାୟି ରଣିଏ ଜୀଝୁତଲେ ଗସି ମାନାୟି □

୧୪ ଏଦାଆଁତାକି ଆଜ୍ଞା ରଣିଏ ବାଗା ଆଏ, ସାମା ଆଜ୍ଞାତି ଏବଂକା ଏବଂକା ବାଗାୟା ଆଣ୍ଡାନା ର ଆଜ୍ଞା ଆହାମାନେ □

୧୫ କତା ଏଲେଇନେ ନାନୁ କେୟୁଡେଏଁ ଆଏ, ଏଡ଼ି ଆଜ୍ଞାତି ବାଗା ଆଏ, ଏଦାଆଁତାକି ଏଡ଼ି ଆଜ୍ଞାତି ବାଗା ଆଏ ଏଲେକି ଆଏ □

୧୬ ଅଡ଼େ କିୟୁଁ ଏଲେଇନେ ନାନୁ କାନୁ ଆଏ, ଏଡ଼ି ଆଜ୍ଞାତି ବାଗା ଆଏ, ଏଦାଆଁତାକି ଏଡ଼ି ଆଜ୍ଞାତି ବାଗା ଆଏ ଏଲେକି ଆଏ □

୧୭ ବାରେ ଆଜ୍ଞା କାଶକା ଆନୁ, ଆଡ଼ିହୁଁ ଏନିକିଁ ଝେନାୟି ? ବାରେ ଆଜ୍ଞା କୀକା ଆନୁ ଆଡ଼ିହୁଁ ଆମ୍ବିତି ମୁଞ୍ଜିନାୟି ?

୧୮ ସାମା ମାହାପୁରୁ ଆଜ୍ଞା ଉଡ଼େଲିକିଁ ରଣ୍ଡା ରଣ୍ଡାଆଁ କିହୁଁ ତାନି ମନତଲେ ଆଜ୍ଞାତା ଆଟହାମାନେସି □

୧୯ ଅଡ଼େ ଏ ବାରେ ଆଜ୍ଞାତି ରଣିଏ ବାଗା ଆଡ଼ିହୁଁ ମା ଆଡ଼ିହୁଁ ଆଜ୍ଞା ଆମ୍ବିୟା ?

୨୦ ସାମା ସାତେଏ ଆଜ୍ଞାତି ବାଗାୟା ହାରେକା, ସାମା ଆଜ୍ଞା ରଣିଏ □

୨୧ ନୀ ତାଣା ନାଜେ ଲଡ଼ା ହିଲେଏ ଇଞ୍ଜୁଁ କାନୁ କେୟୁଡି ଏଲେଇଞ୍ଜାଲି ଆଡ଼େଏ, ଇଞ୍ଜାଁ ନୀ ତାଣା ନା ଲଡ଼ା ହିଲେଏ ଇଞ୍ଜୁଁ ତାୟୁଁ କୁତାତି ଏଲେଇଞ୍ଜାଲି ଆଡ଼େଏ □

୨୨ ଅରଞ୍ଜାକି ଆଜ୍ଞାତି ଆମିନି ଆଜ୍ଞା ଉଡ଼େଲି ବାଡ଼ୁଛୁ ହିଲାଆଗାଟାଇ ଇଞ୍ଜୁଁ ପୁଡ଼ିହୁଁ ଜିକେଏ ଏଞ୍ଜି ବାରେ ଲଡ଼ାତା ମାନୁ;

୨୩ ଅଡ଼େ ଆଜ୍ଞାତି ଆମିନି ଆଜ୍ଞା ଉଡ଼େଲି ଲଡ଼ାହିଲାଆ ଗାଟାଇ ଇଞ୍ଜୁଁ ଅଣ୍ପିନାୟି, ଏ ବାରେ ଆଜ୍ଞାତି ଆଜ୍ଞା ଉଡ଼େଲିକାକିଁ ମାର ହାରେକା ଜାଡ଼ୁ କିନାୟି; ଅଡ଼େ ମା ଲଡ଼ାହିଲାଆ ଆଜ୍ଞା ଉଡ଼େଲି ହାରେକା ନେହୁଁ ତଞ୍ଜିକିୟାନ୍ତୁ,

୨୪ ସାମା ମା ଅଜ୍ଞିତି ଆଜ୍ଞା ଉଡ଼େଲି ନେହୁଁ କିଁ ତଞ୍ଜା ଆନାୟି ଲଡ଼ା ଆଏ,

୨୫ ସାମା ଏନିକିଁ ଆଜ୍ଞାତି ବିତ୍ରା ଗଡ଼ହା ଆଏ, ଇଞ୍ଜାଁ ଆଜ୍ଞାତି ବାଗାୟା ସମାନା ତଲେ ବାରେଜାଣାତି ନେହୁଁଣି ଅଣ୍ପିନୁ □ ଏଦାଆଁତାକି ଲଡ଼ାହିଲାଆ ଆଜ୍ଞାତି ହାରେକା ଅଜ୍ଞି କିହାନା ମାହାପୁରୁ ଜାରୁ କିହାମାନେସି □

୨୬ ଏଦାଆଁତାକି ର ଆଜ୍ଞା କସୁ ବେଟାଆଡ଼ିସାରେ ବାରେ ଆଜ୍ଞା ତାନିତଲେ ଦୁକୁ କିନୁ, ସାମା ର ଆଜ୍ଞା ଗାଝୁରମି ବେଟାଆଡ଼ିସାରେ ବାରେ ଆଜ୍ଞା ତାନିତଲେ ରାହୁଁ କିନୁ □

୨୭ ଏଲେକିହୁଁ ଏ ମୀରୁ କ୍ରୀସୁତି ଆଜ୍ଞାତି ବାଗାୟାତେରି, ଅଡ଼େ ର ର ଲକ୍ଷୁ ର ର ଆଜ୍ଞାତି ବାଗାୟା ଲେହେଁ □

୨୮ *ଅଡ଼େ ମାହାପୁରୁ କୁଲମିତା ତଲିଏ ପାଣ୍ଡୁଞ୍ଜି ଆଡ଼ାରାଇଁ, ଇଞ୍ଜାଁ ତାୟୁଁ ମାହାପୁରୁ ଅଣ୍ପୁତି ବଲୁ ଝେହନାରାଇଁ, ତାୟୁଁ ଜାପନାରାଇଁ, ଏଲେକିହୁଁ ହାରେକା ଲକ୍ଷୁଣି ନିପହାମାନେସି; ଅଡ଼େ କାବାଆନି କାମା କିନାରାଇଁ, ତାୟୁଁ ରଗଟି ନେହୁଁ କିନାରାଇଁ, ଇଞ୍ଜାଁ ଲକ୍ଷୁକିଁ ସାୟେମି କିନାୟି, ସାଲଞ୍ଜି କିନାରି ବାଡ଼ୁଛୁ ଅଡ଼େ ଏବଂକାତି ପୁନାଆତି ହାଡ଼ା ଜଲ୍ଲିନି ଦାନା ହୀହାମାନେସି □

୨୯ ବାରେଜାଣା କି ପାଣ୍ଡୁଞ୍ଜି ଆହାମାନାରି ? ବାରେଜାଣା କି ମାହାପୁରୁ ଅଣ୍ପୁତି ବଲୁ ଝେହନାରି ? ବାରେଜାଣା କି ଜାପନାରି ? ବାରେଜାଣା କି କାବାଆନି କାମାକିନାରି ?

୩୦ ବାରେଜାଣା କି ନେହୁଁକିନି ବାଡ଼ୁଛୁତି ଦାନା ବେଟା ଆହାମାନାରି ? ବାରେ ଜାଣାକି ଏବଂକା ହାଡ଼ାତଲେ ଜଲ୍ଲିନେରି ? ବାରେଜାଣା କି ଏବଂକା ହାଡ଼ାତି ଅର୍ତ ଝେହନେରି ?

୩୧ ସାମା ବାରେତେରି ନେହୁଁ ଦାନା ବେଟାଆହାଲି ଅଣ୍ପପାଦୁ, ସାମା ଏ ବାରେକିହୁଁ ଅଡ଼େ ହାରେକା ଆଗାଡ଼ା ମାନି ର ନେହୁଁ ଜିରୁ ତସିମାଞ୍ଜାଇଁ □

☆ ୧୨:୧୨ ୧୨:୧୨ ରମି ୧୨:୪,୫ * ୧୨:୧୩ ୧୨:୧୩ ମୁଞ୍ଜିନାୟି ☆ ୧୨:୨୮ ୧୨:୨୮ ଏପିସି ୪:୧୧

୧୩

ଜୀଝୁନନାୟି

୧ ଇଚିହଁ ନାନୁ ମାଣସିୟାଁ ଅଡ଼େ ଦୃତୁୟାଁ ହାଡ଼ାତଲେ ଜଲିଇଁ, ସାମା ନା ଜୀଝୁନନାୟି ହିଲେଏ, ଆତିହଁ ନାନୁ ଚିଣି ଚିଣି ଆନି ଜିଣ୍ଠା ଅଡ଼େ ଚାପୁଡ଼ି ଝେନି ହାଡ଼ାଲେହେଁ ତାତେଏଁ ।

୨ *ଇଚିହଁ ନାନୁ ମାହାପୁରୁ ଅଣ୍ଠପୁତି ବଲୁ ଝେହ୍ନି ବାଡ଼ୁୟୁ ମାନେ, ଅଡ଼େ ବାରେ ଡ଼ଗୁମାନାଣି ଇଞ୍ଜା ବୁଦିତିକାତା ପୁନାତେଏଁ, ଅଡ଼େ ହରୁଇଁ ଏଟକା ଗୁଚି କିହାଲି ନାଈ ହାରେକା ନାମୁ ମାଚି ଜିକେଏ, ସାମା ନା ତାଣା ଜୀଝୁନନାୟି ହିଲେଏ, ଆତିହଁ ନାନୁ ଏନାତେଏଁ ଆଏ ।

୩ ଇଚିହଁ ନାନୁ ହିଲାଆଗାଟି ଲକୁଡାକି ତିଞ୍ଜାଲି ବାରେ ଦନ ହାଈ, ଅଡ଼େ ନାନୁ ନା ଆଜ୍ଞାତି ଝେହାଲି ତାକି ହେରପିଇଁ, ସାମା ନା ତାଣା ଜୀଝୁନନାୟି ହିଲେଏ ଇଚିହଁ ନାଦି ଏନି ଲାବା ଆଏ ।

୪ ଜୀଝୁନନାୟି ଅରୁହିନାୟି, ଜୀଝୁନନାୟି ନେହାଣି ଅଣ୍ଠିନାୟି, ତାହାରା କିଆଗାଟାୟି, ବତପଣ ଆଆଗାଟାୟି, ଆଜ୍ଞାରା କିଆଗାଟାୟି ।

୫ ଲାଗେଏ କିହଁ ଲେମ୍ବେଏ, ଜାହାରା ତାକି ଅଣ୍ଠପେଏ, ବିରିବିରା ଆଏ, ଲାଗେଏ କିହାଲି ଅଣ୍ଠପୁତା ଇଚେଏ ।

୬ ଲାଗେଏତି କାମାତାକି ରାହାଁ ଆଆଗାଟାୟି, ସାମା ସାତାତା ରାହାଁ କିନାୟି;

୭ ଜୀଝୁ ନନିତାଣା ବାରେ ଅରୁହିନାୟି, ବାରେ ତାଣା ନାମିନାୟି, ବାରେ ତାଣା ବାସୁଁ ହୀନାୟି, ବାରେ କାତାତା ସାସା ଆହ୍ନାୟି ।

୮ ଜୀଝୁନନାୟି ଏଚେଲା ରାଏ; ସାମା ମାହାପୁରୁ ଅଣ୍ଠପୁତି ବଲୁ ଝେକହା ମାନାୟି, ଦିନା ଝାଡ଼ିସାରେ ମିତି ଜିକେଏ ଆନେ; ଏଟକା ଏଟକା ଜଲିନି ହାଡ଼ା ମାଚି ଜିକେଏ ଏଦି ର ଦିନା ସାପି ଆନେ; ବୁଦିତିକାତା ମାଚି ଜିକେଏ ଏଦି ମେଣ୍ଠାହାନେ ।

୯ ଇଚିହଁ ମାର ରଗାଣିଏ ପୁନାୟି ଅଡ଼େ ମାହାପୁରୁ ଅଣ୍ଠପୁତି ବଲୁ ଇଚେକେଏ ଝେକହାଲି ଆଡ଼ିନାୟି ।

୧୦ ସାମା ପୁରା ଆନାୟି ଝାଡ଼ିହଁ ଉଜେଏତାୟି ମେଣ୍ଠାହାନେ ।

୧୧ ନାନୁ ଉଣା ମାଚିବେଲା ଉଣା କକାରି ଲେହେଁ ଜଲି ମାଚେଏଁ, ଉଣା କକାରି ଲେହେଁ ଅଣ୍ଠିମାଚେଏଁ, ଉଣା କକାରି ଲେହେଁ ପୁଞ୍ଜିମାଚେଏଁ; ନାନୁ ପାତାଆଡ଼ି ମାଣସି ଆୟାଲିଏ ନାନୁ ଉଣା କକାରି କାତା ପିସାତୁସ୍ତେଏଁ ।

୧୨ ଇଚିହଁ ନୀଏଁ ମାର ଡ଼ଗୁମାନି କାତା ଲେହେଁତି ଦାପେଣିତା ମେସିମାନାୟି, ସାମା ଏଚିବେଲା ମୁମୁ ମୁମୁଡ଼ା ମେସପି ଆନାୟି; ନୀଏଁ ନାନୁ ଏନିକଁ ପୁଞ୍ଜାମାଇ, ସାମା ଏଚିବେଲା ନାଈ ଏନିକଁ ପୁଞ୍ଜାମାଞ୍ଜାନେସି, ନାନୁ ଜିକେଏ ଏଲେକଁ ତାୟୁ ପୁଇଁ ।

* ୧୩:୨ ୧୩:୨ ମାଚି ୧୭:୨୦; ୨୧:୨୧; ମାର୍ଚ୍ଚ ୧୧:୨୩

୧୩ ଏଦାଆଁତାକି ନାମିନାୟି, ଆସା କିନାୟି, ଜୀଝୁନନାୟି, ଇ ତାନିଗଟା କାଲେଏତାଇ, ସାମା ଇ ବିତ୍ରାଟି ଜୀଝୁନନାୟି ବାରେକିହାଁ କାଜାୟି ।

୧୪

ମାହାପୁରୁ ଜୀଝୁତି କାତା ପୁନାୟି

୧ ଜୀଝୁ ନନାଣି ପାରାଦୁ, ଅଡ଼େ ସୁଦୁଜୀଝୁତି ଦାନା ବେଟାଆହାଲି ବାରେତି କିହାଁ ଏନିକଁ ମାହାପୁରୁ ଅଣ୍ଠପୁତି ବଲୁ ଝେକହାଲି ଆଡ଼ିଦେରି, ଇଦାଆଁତାକି ହାରେକା ଅଣ୍ଠପାଦୁ ।

୨ ଇଚିହଁ ଆମ୍ବାଆସି ଏଟକା ଏଟକାତି ହାଡ଼ାତଲେ ଜଲିନେସି, ଏଞ୍ଜାସି ମାଣସିୟାଁଇଁ ଜଲଅସି, ସାମା ମାହାପୁରୁଇଁ ଜଲିନେସି, ଆମ୍ବାଆସି ଏଦାଆଁ ତେଲହଅସି, ସାମା ଏଞ୍ଜାସି ସୁଦୁଜୀଝୁ ବାଡ଼ୁୟୁଟି ଡ଼ଗୁମାନାଣି ଝେହ୍ନେସି ।

୩ ସାମା ଆମ୍ବାଆସି ମାହାପୁରୁ ଅଣ୍ଠପୁତି ବଲୁ ଝେହ୍ନେସି, ଏଞ୍ଜାସି ଲକୁଇଁ ସାୟେମି କିହାନା, ସାସା ଅଡ଼େ ବାସୁତି କାତା ଝେହ୍ନେସି ।

୪ ଆମ୍ବାଆସି ଏଟକାତି ହାଡ଼ାତଲେ ଜଲିନେସି ଏଞ୍ଜାସି ଜାହାରା ନାମୁତା ପାତିକିହାଁ କଡ଼ିନେସି, ସାମା ଆମ୍ବାଆସି ମାହାପୁରୁ ଅଣ୍ଠପୁତି ବଲୁ ଝେକ୍ନେସି ଏଞ୍ଜାସି କୁଲମିଇଁ ନାମୁତା ପାତିକିନେସି ।

୫ ମୀରୁ ବାରେତେରି ଏଟକା ହାଡ଼ାତଲେ ଜଲ୍ଲାଦୁ ଇଞ୍ଜଁ ନା ଅଣ୍ଠପୁ, ସାମା ମୀରୁ ମାହାପୁରୁ ଅଣ୍ଠପୁତି ବଲୁ ଝେହ୍ନୁ ଇଦି ହାରେକା ନା ଅଣ୍ଠପୁ; ଆମ୍ବାଆସି ଏଟକା ଏଟକାତି ହାଡ଼ାତଲେ ଜଲିନେସି ଏଞ୍ଜାସି କୁଲମିତି ପାତିକିହାଲି ଏ କାତାତି ଅର୍ତ୍ତ ଝେହ୍ନଅସି ଇଚିହଁ ଏଦାଣିକିହାଁ ଆମ୍ବାଆସି ମାହାପୁରୁ ଅଣ୍ଠପୁତି ବଲୁ ଝେକ୍ନେସି ଏଞ୍ଜାସି କାଜାୟି ।

୬ ଏଦାଆଁତାକି ତାୟିୟାଁତେରି ନାନୁ ମୀ ତାଣା ଝାହାନା ମାହାପୁରୁତି ଝେକ୍ନି ବଲୁ, ବୁଦିତିକାତା, ମାହାପୁରୁ ଅଣ୍ଠପୁତି କାତା ଝେକ୍ନାଣି କି ଜାପୁନି କାତା ଝେହ୍ନଆନା, ଏଟକା ଏଟକାତି ହାଡ଼ାତଲେ ଜଲିଇଁ, ଆତିହଁ ଏମ୍ବାଆଁ ନାନୁ ମୀ ଏନି ଲାବା କିତେଏଁ ।

୭ ପୀରୁଡ଼ି ଅଡ଼େ ସେରଈ ଲେହେଁତି ଜୀଝୁ ହିଲାଆଗାଟି ବାଜାୟାଁ ଉକିତିହଁ ଜିକେଏ ଏମ୍ବାଆଁ ତାନି ତିସା ହଏ ଇଚିହଁ ପୀରୁଡ଼ି ଏନିକଁ ଡ଼ାହିମାନେ ସେରଈ ଏନିକଁ ଡ଼ାହିମାନେ ଏଦାନି ତିସା ଏନିକଁ ପୁନେରି ?

୮ ଇଞ୍ଜା ତୀଡ଼ି ଉକିନାସି ନେହଁକଁ ଉକଅସି ଆତିହଁ ଆମ୍ବାଆସି ଜୁଜୁ ତାକି ତିୟାରା ଆନେସି ।

୯ ଏଲେକିହଁଏ ମୀରୁ ଜିକେଏ ଏଟକା ହାଡ଼ାତଲେ ନେହଁ ତୀରିତଲେ ଜଲଅତେରି, ମୀରୁ ଏଦାଆଁ ଜଲିତେରି ଏନିକଁ ପୁନେରି, ଇଚିହଁ ମୀରୁ ଜଲିନାୟି ଗାଲିତି ଜଲିନିଲେହେଁ ଆନେ ।

୧୦ ଦାର୍ଡିତା ହାରେକା ତିସା ମାନେ, ଅଡ଼େ ଆମିନି ତିସାତି ଅର୍ତ୍ତ ହିଲାଆଗାଟାଇ ଆଏ ।

୧୧ ସାମା ନାନୁ ଏ ଜଳିନି ହାଡ଼ା ତେଲହଅଁ ଆତିହଁ ଆମ୍ବାଆସି ଜଳିନେସି ନାନୁ ଏଝାଣାକି ପୁନାଆତାତେଏଁ ଲେହେଁ ଆଇଁ, ଅଡ଼େ ଏଝାସି ନା ତାଣାଟି ପୁନାଆତାସି ଲେହେଁ ଆନେସି □

୧୨ ଏଲେକିହଁ ଏ ମୀରୁ ଜିକେଏ ଜୀଝୁତି ଦାନା ବେଟାଆହାଲି ଅଣ୍ଡପି ମାନାକି କୁଲମିତି ପାଡ଼ିକିହାଲି ଗାଡ଼ି ବେଟାଆହାଲି ଅଣ୍ଡପାଦୁ □

୧୩ ଆମ୍ବାଆସି ଏଟକାତି ହାଡ଼ାତଲେ ଜଳିନେସି, ଏଝାସି ଏନିକଁ ଏମ୍ବାତି ଅର୍ତ୍ତ ଝେସାଲି ଆଡ଼ିନେସି, ଏଦାଆଁତାକି ପ୍ରାଡ଼ାନା କିପେସି □

୧୪ ଇଚିହଁ ନାନୁ ଏଟକା ହାଡ଼ାତଲେ ପ୍ରାଡ଼ାନା କିଇଁ, ଇଚିହଁ ନା ଜୀଝୁ ପ୍ରାଡ଼ାନା କିନେ, ସାମା ନା ଅଣ୍ଡପୁ ଏମ୍ବାତି ଏନି ଲାବା ହିଲେଏ □

୧୫ ଆତିହଁ ନାନୁ ଏଦାଆଁ କିନାୟିମାନେ, ନାନୁ ସୁଦୁଜୀଝୁ ତଲେ ପ୍ରାଡ଼ାନା କିଇଁ; ଇଞ୍ଜା ବୁଦିତଲେ ଜିକେଏ ପ୍ରାଡ଼ାନା କିଇଁ; ସୁଦୁଜୀଝୁ ତଲେ ଜହରା ପାଚୁ ପାଚିଇଁ, ଅଡ଼େ ବୁଦିତଲେ ଜିକେଏ ଜହରା ପାଚୁ ପାଚିଇଁ □

୧୬ ନାନୁ ଝାରୁଇ ସୁଦୁଜୀଝୁ ତଲେ ମାହାପୁରୁଇଁ ଜହରା କିଦି, ଏମ୍ବାଆଁ କୁଗାମାନାସି ପୁନାଆନା ଏନିକଁ ନୀ ପ୍ରାଡ଼ାନାତା ତାୟୁ ଆନେନ୍ ଇନେସି □

୧୭ ଇଚିହଁ ନାନୁ ନେହଁକଁ ମାହାପୁରୁଇଁ ଜହରା କିହିମାଞ୍ଜି ସାତା, ସାମା ଏଟକାତାସି ପାଡ଼ାଆଅସି □

୧୮ ନାନୁ ମୀ ବାରେକିହଁ ହାରେକା ଗାଡ଼ି ଏଟକାତି ହାଡ଼ାତଲେ ଜଳିଇଁ ଇଞ୍ଜା ନାନୁ ମାହାପୁରୁଇଁ ଜହରା କିହିମାଇଁ;

୧୯ ଆଡ଼ିଜିକେଏ ନାନୁ ଏନିକଁ ଏଟକାତାରାଇଁ ଜାପୁହାଲି ଆଡ଼ିଇଁ, ଏଦାଆଁତାକି କୁଲମିତା ଦସ ମାଣା ଏଟକାତି କାତାୟାଁ ଜଳିନି କିହଁ ବୁଦିତଲେ ପାସାଗଟା କାତା ଝେହ୍ନାୟି ନେହେଁ □

୨୦ ଏ ତାୟିୟାଁତେରି ବୁଦିତା ଉଣା କକାରି ଲେହେଁ ଆଆଦୁ, ସାମା ଲାଗେଏ ପରେଲଏ କାତାତାକି ଉଣା କକାରି ଲେହେଁ ଆଦୁ, ସାମା ବୁଦିତା ଅଡ଼େ ଅଣ୍ଡପୁତା ପାଡ଼ାଆଡ଼ି ଲକୁଲେହେଁ ଆଦୁ □

୨୧ ମସା ମେରାତା ରାସ୍‌କି ଆହାମାନେ, “ପ୍ରବୁ ଏଲେ ଇଞ୍ଜିମାନେସି, ଏଟକା ଦେସାତି ଜଳିମାନି ହାଡ଼ାତଲେ, ଏଟକା ଲକୁତି ଗୁଡ଼ି ତଲେ ନାନୁ ଇ ଲକୁଣି ଜଳିଇଁ,

ଆଡ଼ିଜିକେଏ ଏଝାରି ନା କାତା ଝେନଅରି □”

୨୨ ଏଦାଆଁତାକି ଏଟକା ହାଡ଼ାତଲେ ଜଳିନାୟି ନାନୁ ଗାଟାରାକି ର ସିନାଲେହେଁ ଆଏ, ସାମା ନାମାଆ ଗାଟାରାକି ସିନା ସମାନା; ଅଡ଼େ ଅରଝାକି ମାହାପୁରୁ ଅଣ୍ଡପୁତି ବଲୁ ଝେକନାୟି ନାମାଆ ଗାଟାରାକି ସିନାଲେହେଁ ଆଏ, ସାମା ନାମାନାରାକି ସିନା ସମାନା □

୨୩ ଅଡ଼େ ଜିକେଏ ବାରେ କୁଲମିତି ଲକୁ ରୁଣ୍ଡା ଆତିହଁ, ଇଞ୍ଜା ବାରେଜାଣା ଏଟକା ଏଟକା ହାଡ଼ାତଲେ ଜଳିନେରି, ଅଡ଼େ ପୁନାଆତାରି କି ନାମାଆତାରି ଏମ୍ବାଆଁ

ଝାନେରି, ଆତିହଁ ମିଙ୍ଗେ ବାୟା ଆଡ଼ାରି ଇଞ୍ଜାଁ ଇନଅରି କି ?

୨୪ ସାମା ବାରେଜାଣା ମାହାପୁରୁ ଅଣ୍ଡପୁତି ବଲୁ ଝେକନେରି, ରଅସି ପୁନାଆତାସି କି ନାମାଆତାସି ଝାନେସି, ଆତିହଁ ଏଝାସି ନାନୁ ପାପୁ ଗାଟାତେଏଁ ଇଞ୍ଜାଁ ପୁଞ୍ଜା କଡ଼ିନେସି ଅଡ଼େ ଏଝାସି ବାରେ ଲକୁତାଣା ଦହଗାଟାସି ଇଞ୍ଜାଁ ବିଚାରା ଆନେସି □

୨୫ ଅଡ଼େ ତାନି ହିୟାଁତା ଡ଼ଗୁମାନି ପାପୁତି ଅଣ୍ଡପୁ ବାରେ ତଞ୍ଜାଆନେ; ଇଞ୍ଜାଁ ଏଝାସି ମୁନୁ କୁତାହଁ ମାହାପୁରୁଇଁ ଜହରା କିନେସି, ଇଞ୍ଜାଁ “ସାତେଏ ମାହାପୁରୁ ମୀ ତାଣା ମାନେସି ଇଞ୍ଜାଁ ଇନେସି □”

କୁଲମିତି ମେରା

୨୬ ଏଦାଆଁତାକି ଏ ତାୟିୟାଁ ଅଡ଼େ ତାଞ୍ଜିସ୍ତାତେରି, ଏଦାଆଁ କିନାୟିମାନେ ? ମୀରୁ ରୁଣ୍ଡା ଆନାଟି ଆମ୍ବାଆରି ର ପାଚୁ, ଆମ୍ବାଆରି ର କାତା ଜାପୁନାୟି, ଆମ୍ବାଆରି ମାହାପୁରୁ ତସାମାନି ବଲୁ ଝେକନାୟି, ଆମ୍ବାଆରି ଏଟକା ଏଟକାତି ହାଡ଼ା ଜଳିନାୟି, ଆମ୍ବାଆରି ହାଡ଼ାତି ଅର୍ତ୍ତ ପୁଣ୍ଡିକିନାୟି, ଇଲେକଁ ବାରେତାକି ଏନାୟି ଆଆତଁ ଏନାୟି ମାନେ, ଇ ବାରେ କୁଲମିତି ପାଡ଼ିକିହାଲି କିଝିଆପେ □

୨୭ ଆମ୍ବାଆରି ଏଟକା ହାଡ଼ାତଲେ ଜଳିନେରି ଇଚିହଁ ରିଆରି ଆଆତଁ ତାନିଜାଣା ପାଲି କିହଁ ଜଲାପେରି ଅଡ଼େ ରଅସି ତାନି ଅର୍ତ୍ତ ଝେସପାସି □

୨୮ ସାମା ଆମ୍ବାଆସି ଅର୍ତ୍ତ ତେଲହି କିନାସି ହିଲଅସି ଇଚିହଁ ଏଝାସି କୁଲମିତା ପାଲେଏ ମାଣ୍ଡମେସି, ଇଞ୍ଜାଁ ତାନୁ ତାନି ହିୟାଁତା ମାହାପୁରୁଇଁ ଝେସପାସି □

୨୯ ଅଡ଼େ ରିଆରି କି ତାନି ଜାଣା ମାହାପୁରୁ ଅଣ୍ଡପୁତି ବଲୁ ଝେସପେରି, ଅଡ଼େ ଏଟକାତାରି ଝେସିମାନାଣି ନେହଁକଁ ଝେଣ୍ଡାରି □

୩୦ ସାମା ଏମ୍ବାଆଁ କୁଗାମାନାରି ବିଡ଼ା ଆମ୍ବାଆରାକି ମାହାପୁରୁତି ଏନି ବଲୁ ଝାଡ଼ିସାରେ ନକେଏ ଝେସିମାନାସି ପାଲେଏ ମାଣ୍ଡମେସି □

୩୧ ଇଚିହଁ ଏନିକଁ ବାରେଜାଣା ଜାପିନେରି, ଇଞ୍ଜାଁ ବାରେଜାଣା ସେଡ଼ନା ଆନେରି, ଏଦାଆଁତାକି ରଅ ରଅତେରି ମାହାପୁରୁ ଅଣ୍ଡପୁତି ବଲୁ ଝେସାଲି ଆଡ଼ିଦେରି □

୩୨ ସାମା ମାହାପୁରୁତି ବଲୁ ଝେହ୍ନି ବାଡ଼ୁୟୁ ଝେହ୍ନାଣି ତାଣାଟି ଲପକି ଆନାୟି ମାନେ □

୩୩ ଏଦାଆଁତାକି ଇଚିହଁ ମାହାପୁରୁ ଗଡ଼ହା କିନି ମାହାପୁରୁ ଆଏ, ସାମା ହିଡ଼ଡ଼ିତି ମାହାପୁରୁ □ ଏନିକଁ ମାହାପୁରୁ ସୁଦୁ ଲକୁତି କୁଲମିତା ଆନେ □

୩୪ ଏଲେକଁ ଇୟାସିକା କୁଲମିତା ପାଲେଏ ମାଣ୍ଡମେ, ଇଚିହଁ କାତା ଜଲାଲି ଏଝି ହେଲ ବେଟା ଆହାହିଲାଡ଼, ମସା ମେରାତା ରାସ୍‌କି ଆହାମାନି ଲେହେଁ ଏଝି ମାନି ତଲେ ମାନାପୁ □

୩୫ ସାମା ଇୟାସିକା ଏନାଆଁ ପୁଞ୍ଜାଲି ଅଣ୍ଡପିତିହୁଁ, ତାମି ଇଜ ତାମି ତକ୍ରାୟାଣି ଝେଣ୍ଡମ୍ବୁ ଇତିହୁଁ କୁଲମିତା କାତା ଜଲିନାୟି ଇୟାନାକି ଲାଜାତି କାତା ।

୩୬ ମାହାପୁରୁତି ବଲୁ ମୀ ତାଣାଟି ହଡ଼ାମାନେ କି ? ଇଞ୍ଜା ଝାରୁଇ ମିଙ୍ଗେତାକି ଝାହାମାନେ କି ?

୩୭ ଆମ୍ବାଆସି ନାନୁ ମାହାପୁରୁ ଅଣ୍ଡପୁତି ବଲୁ ଝେହନାତେଏଁ, ଇଞ୍ଜା ନେହୁଁ ଜାହୁତି ଦାନା ବେଟାଆହାମାଲ୍ ଇଞ୍ଜା ଅଣ୍ଡପିନେସି, ଆତିହୁଁ ନାନୁ ମିଜ ଏନା ଏନାଆଁ ରାଡ଼ିମାଞ୍ଜାଲ୍, ଏଡ଼ି ବାରେ ମାହାପୁରୁତି ହୁକୁମି ଏଦାଆଁ ଏଝାସି ପୁନାପେସି ।

୩୮ ସାମା ଆମ୍ବାଆସି ତେଲହଅସି ଆତିହୁଁ ଏଝାସି ଏନାଆଁ ତେଲହାଆନା ମାନାପେସି ।

୩୯ ଏଦାଆଁତାକି ତାୟିୟାଁ, ମାହାପୁରୁ ଅଣ୍ଡପୁତି ବଲୁ ଝେକହାଲି ଅଣ୍ଡପେମାଞ୍ଜୁ; ଇଞ୍ଜା ଏଟକାତି ହାଡ଼ା ଜଲଲି କାହିକିଆଦୁ ।

୪୦ ସାମା ବାରେ କାମା ନେହୁଁ ତଲେ ସୁସି ତଲେ କିନାୟିମାନେ ।

୧୫

କ୍ରୀସ୍ତ ହାକିଟି ନିଜିନାୟି

୧ ନା ତାୟିୟାଁ ଅଡ଼େ ତାଜିସ୍ତାତେରି, ନାନୁ ମୀ ତାଣା ଆମିନି ନେହୁଁ କାରୁ ଝେକହାମାଚେଏଁ, ଆମିନି କାରୁ ମୀରୁ ତୀରିତଲେ ଆସାମାଚେରି ଆମିନି ତାଣା ତୀରିତଲେ ମାଞ୍ଜାମାଞ୍ଜେରି, ନାନୁ ଏନିକ୍ ମୀ ତାଣା ଝେକହାମାଚେଏଁ, ଏଦାଆଁ ମିଙ୍ଗେ ଅଣ୍ଡପି କିହିମାଞ୍ଜାଲ୍ ।

୨ ମିଙ୍ଗେ ଝେକହା ମାଞ୍ଜାନି ନେହୁଁ କାରୁ ମୀରୁ ଜାଣ୍ଡେ ଆସା ମାତିହୁଁ, ଇ ନେହୁଁ ବଲୁ ତାକି ମୀରୁ ଗେଲ୍ପି ଆହାମାଞ୍ଜେରି, ଆଆତ୍ ମୀରୁ ଉଜେଏ ନାମୁ ଗାଟାତେରି ଆହାମାଚେରି ।

୩ ଇତିହୁଁ ନାନୁ ଆମିନି ଜାପୁନାଣି ବେଟା ଆହାମାଚେଏଁ, ଏ ବିତ୍ରାଟି ଇ କାଜା କାତା ମିଙ୍ଗେ ହାହାମାଞ୍ଜାତେଏଁ, ଇତିହୁଁ କ୍ରୀସ୍ତ ଦାମ୍ବୁ ପତିତା ରାସ୍ତକି ଆହାମାନି ଲେହେଁ ମା ପାପୁ ତାକି ହାଡ଼େସି ।

୪ *ମୁସ୍ପି ଆଡ଼େସି, ଇଞ୍ଜା ଦାମ୍ବୁ ପତିତା ରାସ୍ତକି ଆହାମାନି ଲେହେଁ; ତାନିଦିନା ତାୟି ହାକିଟି ଝେଣ୍ଡେ ନିଜିତେସି ।

୫ *ଏଝାସି କେପା* ଅଡ଼େ ବାରଜାଣା ସୀସୁୟାଣି ତଞ୍ଜାଆଡେସି ।

୬ ତାୟି ରଣ୍ଡିଏ ଦେବା ପାସା ଝାଞ୍ଜାଟିଏ ଆଗାଡ଼ା ତାନି ଜେଟ ହାନି ତାୟିୟାଁଲ୍ ତଞ୍ଜାଆଡେସି; ଏଝାରି ବିତ୍ରାଟି ହାଡ଼େକା ଲକୁ ନୀଞ୍ଜୁପାତେକା ନୀତାମାନେରି, ସାମା ଏତେକା ଲକୁ ହାହାମାନେରି ।

୭ ଏଚେଟିଏ ଏଝାସି ଜାକୁବଲ୍ ଇଞ୍ଜା ତାୟି ବାରେ ପାଣ୍ଡୁଝି ଆଡ଼ାରାଲ୍ ତଞ୍ଜାଆଡେସି ।

୮ *ବାରେତି ତାୟି ଲେଞ୍ଜୁ ପୁରାଆଆନା ଜାନାଆଡ଼ି ଲେହେଁ ତାତେଏଁ ନାଙ୍ଗେ ଜିକେଏ ତଞ୍ଜା ଆୟାତେସି ।

୯ *ଇତିହୁଁ ମାହାପୁରୁତି କୁଲମିତି ଲକୁଇଁ ସାସି ହାହିମାଚାକି ପାଣ୍ଡୁଝି ଆହାମାନାରି ତାଣା ବାରେକିହାଁ ନାନୁ ଉଣାତେଏଁ, ଇଞ୍ଜା ପାଣ୍ଡୁଝିଆହାମାନି ଦରୁ ବେଟାଆହାଲି ପାଡ଼ା ଆଆଗାଟାତେଏଁ ।

୧୦ ସାମା ନାନୁ ଏନି ଆହାମାଲ୍, ଏଡ଼ି ମାହାପୁରୁ କାର୍ମାମେହୁନି ତାଣାଟି ଆହାମାନେ, ଇଞ୍ଜା ନା ତାକି ତାନି କାର୍ମାମେହୁନାୟି ଉଜେଏ ଆହା ହିଲେଏ, ସାମା ନାନୁ ଏ ବାରେଜାଣା କିହାଁ ହାରେକା କାମା କିହାମାଲ୍, ଆଡ଼ିଜିକେଏ ନାନୁ ଆଏ, ସାମା ମାହାପୁରୁତି କାର୍ମାମେହୁନାୟି ଏଦାଆଁ କିହାମାନେ ।

୧୧ ଏଦାଆଁତାକି ନାନୁ ଆପେ କି ଏଝାରି ଆପେରି ଏଲେକିହୁଁ ମାୟୁ ଝେସିମାନମି ଅଡ଼େ ମୀରୁ ଜିକେଏ ଏଲେକିହୁଁ ନାମାମାଞ୍ଜେରି ।

ମାର ହାକିଟି ନିଜିନାୟି

୧୨ କ୍ରୀସ୍ତ ହାକିଟି ନିଜାମାନେସି ଇଞ୍ଜା ଇ କାରୁ ଝେସପି ଆହିମାନେ, ଆତିହୁଁ ହାଡ଼ାରି ଝେଣ୍ଡେ ନିଜିନାୟି ହିଲେଏ ଇଞ୍ଜା ଏନିକ୍ ମୀ ବିତ୍ରାଟି ଏଚରଜାଣା ଏଲେ ଇଞ୍ଜାମାନେରି ?

୧୩ ହାଡ଼ାରି ଝେଣ୍ଡେ ନିଜିନାୟି ହିଲେଏ, ଇତିହୁଁ କ୍ରୀସ୍ତ ଜିକେଏ ଝେଣ୍ଡେ ନିଜା ହିଲଅସି ।

୧୪ ଇଞ୍ଜା କ୍ରୀସ୍ତ ହାକିଟି ଝେଣ୍ଡେ ନିଜା ହିଲଅସି, ମାୟୁ ଝେକହିମାନାୟି ବାରେ ଉଜେଏତାୟି, ଅଡ଼େ ମୀ ନାମୁ ଜିକେଏ ଉଜେଏତାୟି ।

୧୫ ଅଡ଼େ ମାୟୁ ମାହାପୁରୁତି ମିତି ଝେହୁନିଲେହେଁ ତଞ୍ଜାଆଡେନ, ଏନାଆଁତାକି ଇତିହୁଁ ମାୟୁ ମାହାପୁରୁ କପାଟି ଇ କାତା ସାକି ହାତମିମା କି କ୍ରୀସ୍ତଲ୍ ନିକହାମାନେସି, ସାମା ହାଡ଼ାରି ନିଜଅରି, ଆତିହୁଁ ଏଝାସି କ୍ରୀସ୍ତଲ୍ ଜିକେଏ ନିକହା ହିଲଅସି ।

୧୬ ଏଲେଆହୁଁ ହାଡ଼ାରି ନିଜାହିଲଅରି, ଆତିହୁଁ କ୍ରୀସ୍ତ ଜିକେଏ ନିଜା ହିଲଅସି ।

୧୭ ଇଞ୍ଜା କ୍ରୀସ୍ତ ନିଜା ହିଲଅସି ଇତିହୁଁ ମୀ ନାମୁ ଜିକେଏ ଉଜେଏତାୟି ଆଡେନ, ଇଞ୍ଜା ମୀରୁ ନୀଏଁ ପାତେକା ମୀ ପାପୁ ତଲେ ମାଞ୍ଜାମାଞ୍ଜେରି ।

୧୮ ଆତିହୁଁ ଆମ୍ବାଆରି କ୍ରୀସ୍ତ ତାଣା ନାମାମାଞ୍ଜାନା ହାହାମାନେରି, ଏଝାରି ଜିକେଏ ନାସା ଆହାମାନେରି ।

୧୯ ମାର ଝାରୁଇ ଇ ଜାହୁତାକି କ୍ରୀସ୍ତଲ୍ ଆସା କିହିମାନାୟି, ଆତିହୁଁ ମାର ବାରେ ମାଣ୍ଡିୟାଁ କିହାଁ କାର୍ମା ହିଲାଆଗାଟାତାୟି ।

୨୦ ସାମା ସାତାତଲେ କ୍ରୀସ୍ତ ହାଡ଼ି ଲକୁତି ମୁଲୁତି ପାଡ଼େୟି ଲେହେଁ ହାଡ଼ାରି ବିତ୍ରାଟି ଝେଣ୍ଡେ ନିଜାମାନେସି ।

* ୧୫:୪ ୧୫:୪ ମାତି ୧୨:୪୦; କାମା ୨:୨୪-୩୨ * ୧୫:୫ ୧୫:୫ ଲୁକ ୨୪:୩୪; ମାତି ୨୮:୧୭,୧୭; ମାର୍କି ୧୭:୧୪; ଲୁକ ୨୪:୩୭; ଜହ ୨୦:୧୯ * ୧୫:୫ ୧୫:୫ ପିତର * ୧୫:୮ ୧୫:୮ କାମା ୯:୩-୬ * ୧୫:୯ ୧୫:୯ କାମା ୮:୩

୨୧ ଇଚିହ୍ନି ମାଣ୍ଡସି ତାଣାଟି ହାନାୟି ଖାହାମାନାକି ଅଡ଼େ ମାଣ୍ଡସି ତାଣାଟିଏ ହାଡ଼ାରି ବିତ୍ରାଟି ଖେଣ୍ଡେ ନିଜିନାୟି ଜିକେଏ ଖାହାମାନେ □

୨୨ ଇଚିହ୍ନି ଆଦମ ତାଣାଟି ବାରେ ମାଣ୍ଡସିକ ହାକି ଖାଡ଼େ, ଏଲେକିହ୍ନିଏ କ୍ରୀସ୍ତ ତାଣାଟି ବାରେଜାଣା ଜୀସ୍ତୁ ବେଟାଆନେରି □

୨୩ ସାମା ବାରେଜାଣା ତାମି ପାଲି ଏତିସାରେ ତଲିତି ପାଡ଼େୟି କ୍ରୀସ୍ତ, ତାୟୁ କ୍ରୀସ୍ତତି ଖାନ୍ତିଦିନାତି କାଡ଼ାମାନାରି ଖେଣ୍ଡେ ନିଜିନେରି □

୨୪ ଏଚେଟିଏ କୁଗୁ ରାନ୍ତି ଦିନା ଖାନ୍ତେ, ଏତିବେଲାତା କ୍ରୀସ୍ତ ବାରେ କାଜାପାଣା, ବାରେ ଅଦିକାରା, ବାଡ଼ୟୁ ମ୍ଲେକ୍‌ହି ତାୟୁ ଆବା ମାହାପୁରୁକି ସାଲୁଝି କିନି ପାଣା ହେରପିନେସି □

୨୫ ମାହାପୁରୁ ବାରେ ସାଡ଼ୁୟାକ୍ ହାଉଝି କିହାଁ କ୍ରୀସ୍ତତି କଡ଼ାୟାଁ ଡ଼ଇ ଇଟାଆ ପାଡେକା ଏଝାସି ସାଲୁଝି କିନାୟିମାନେ □

୨୬ ତାୟୁତି ସାଡ଼ୁ ସମାନା ହାକିତି ଜିକେଏ ମ୍ଲେକ୍‌ନାୟି ମାନେ;

୨୭ ଏନାଆଁତାକି ଇଚିହ୍ନି ଦାମ୍‌ପତିତା ରାସ୍‌କି ଆହାମାନେ, “ମାହାପୁରୁ ବାରେତି ତାନି କଡ଼ାଁ ଡ଼ଇ ଲକ୍‌ନେସି,” ଇଞ୍ଜା ଏଚେତା ଏଝାସି ଏଲେକନେସି, “ବାରେ ଲକ୍‌ହାମାନେସି,” ଏଦି ସାଡ଼ା କ୍ରୀସ୍ତ ବାରେ ତାନୁ ଲକ୍‌ହେସି, ଏ ବାରେ ତାଣା ତାନୁ ଆଣ୍ଡା ହାଲଅସି □

୨୮ ଅଡ଼େ ବାରେତି କ୍ରୀସ୍ତ କଡ଼ାୟାଁ ଡ଼ଇ ଲକ୍‌ହି ଜେଟ, ଆମ୍ବାଆସି ବାରେତି ତାନି ତାଣା ଲକ୍‌ହେସି, ମୀରଏସି ଜିକେଏ ତାନି ଆବା ମାହାପୁରୁ ଡ଼ଇ ଡ଼ୟିନେସି; ଅଡ଼େ ମାହାପୁରୁ ବାରେତି ଲାକ ସାଲୁଝି କିନେସି □

୨୯ ହାଡ଼ାରି ନିଜାଆସାରେ, ଆମ୍ବାଆରି ହାଡ଼ାରି ତାକି ବାପ୍ତିସ୍ମାଁ ଅନେରି, ଏଝାରି ଏନାଆଁ କିନେରି ? ଆତିହ୍ନି ହାଡ଼ାରି ନିଜାଆସାରେ, ଏଝାରି ତାକି ଏନାଆଁତାକି ବାପ୍ତିସ୍ମା ଆନେରି □

୩୦ ଅଡ଼େ ମାରୁ ଜିକେଏ ଏନାଆଁତାକି ବାରେବେଲା ତଣ୍ଡୁ ତଲେ ନାସା ଆନ୍ତି ତାଣା ହାନାୟି ?

୩୧ ତାୟିୟାଁ ଅଡ଼େ ତାଜିସ୍ମାତେରି, ମା ପୁରୁ କ୍ରୀସ୍ତ ତାଣା ମିଜେତାକି ନାନୁ ଆମିନି ବଡ଼ପଣ ଆହିମାକ୍, ଏମ୍ବାତି ମାନ୍ତି କିହାଁ ଏଲେ ଇଞ୍ଜିମାକ୍, ନାନୁ ବାରେଦିନା ହାନ୍ତିଲେହେତି କସ୍ତୁ ବେଟାଆହିମାକ୍ □

୩୨ ଇଚିହ୍ନି ମାଣ୍ଡସିକ୍ ଅଣ୍ଡପିନି ଲେହେଁ ଏପିସିୟ ଗାଡ଼ାତା ନାନୁ ଖାରୁକ୍ “ଜାଡ଼ା ଜନ୍ତୟାଁ” ତଲେ କୁକୁ କିହାମାକ୍, ଆତିହ୍ନିଏ ଏମ୍ବାଆଁ ନାଜେ “ଏନ୍ତି ଲାବା ?” ସାମା ହାଡ଼ାରି ନିଜଅରି, “ଆତିହ୍ନିଏ ଖାଡ଼ୁ ମାରୁ ତିନ ଉନ ଇଚିହ୍ନି ଝିଏ ମାରୁ ହାନାୟି □”

୩୩ ମୀରୁ ନାଡ଼ି ଆଆଦୁ, “ଇଚିହ୍ନିଏ ପଲୁଆ ଗାଟାରି ତଡ଼ୁ ନେହ୍ନି ଲକ୍‌କୁତି ଗୁଣ୍ଡୁ ନସ୍ତୁ କିନେ □”

୩୪ ମୀରୁ ନେହ୍ନି କି ଜାଗ୍ରାତା ଆଦୁ, ପାପୁ କିଆଦୁ, ଇଚିହ୍ନିଏ ଆମ୍ବା ଆମ୍ବାଆରାକି ମାହାପୁରୁକ୍ ପୁନି ବୁଦି

ହିଲେଏ; ନାନୁ ମୀ ଲାଜା ତାକି ଇ କାତା ଖେସିମାଞ୍ଜାକ୍ □

ହାକିଟି ଖେଣ୍ଡେ ନିଜିନି ଆଜା

୩୫ ସାମା ଆମ୍ବାଆରି ଏଲେକନେରି, “ହାଡ଼ାରି ଏନ୍ତିକି ନିଜିନେରି ? ଏନ୍ତିଲେହେତି ଆଜା ତଲେ ଏଝାରି ଖାନ୍ତେରି ?”

୩୬ ବୁଦି ହିଲାଆ ଗାଟାତେରି, ମୀରୁ ଏନାଆଁ ମାଟିମାଞ୍ଜେରି ଏଦି ହାଆସାରେ ଖେଣ୍ଡେ ଜୀସ୍ତୁଆହାଁ ଗଜା ଆଏ □

୩୭ ଅଡ଼େ ଏମିନି ଆଜା ଆନେ ଏଦାଆଁ ମୀରୁ ମାଟିହିଲଅଡେରି, ସାମା ଗହୁଁୟାଁ ଆପୁ କି ଏନ୍ତି ଆନାଁ ଆପେ, ଏଦି ପାଡ଼େୟି ଲେହେଁ □

୩୮ ସାମା ମାହାପୁରୁ ତାନି ଅଣ୍ଡପୁ ଲେହେଁ ଏଝାରାକି ଆଜା ହୀନେସି, ଅଡ଼େ ବାରେ ପାଡ଼େୟି ତାକି ତାନି ଆଜା ହୀନେସି □

୩୯ ବାରେ ଆଜା ରଣ୍ଡିଏ ରଲେଏତି ଆଜା ଆଏ, ସାମା ମାଣ୍ଡସିୟାକି ରଲେତି ଆଜା, ଜନ୍ତୟାକି ରଲେତି ଆଜା, ଅଡ଼େ ପଗାୟାକି ଅର ରଲେତି ଆଜା, ଅଡ଼େ ମୀଣ୍ଡକା ତାକି ଅର ରଲେତି ଆଜା □

୪୦ ଲାକପୁରୁକି ଆଜା ମାନେ, ଅଡ଼େ ଦାର୍‌ତିକି ଆଜା ଜିକେଏ ମାନେ, ଲାକପୁରୁତି ଆଜା ରଲେତି ଅଜୁ, ଅଡ଼େ ଦାର୍‌ତିତି ଆଜାତି ଅଜୁ ଅର ରଲେତାୟି □

୪୧ ଖେଡ଼ାତି ଉଜେଡ଼ି ରଲେତାୟି, ଅଡ଼େ ଲେଞ୍ଜୁତି ଉଜେଡ଼ି ଅର ରଲେତାୟି, ଅଡ଼େ ହୁକାୟାତି ଉଜେଡ଼ି ରଲେତାୟି, ଇଞ୍ଜା ର ହୁକା ଟିଏ ଅର ହୁକାତି ଉଜେଡ଼ି ଅର ରଲେତାୟି □

୪୨ ହାଡ଼ାରି ନିଜିନାୟି ଜିକେଏ ଏଲେତାୟିଏ, ନାସା ଆନ୍ତିଲେହେଁ ମାଟ୍‌କି ଆନେ, ସାମା ନାସା ଆଆଗାଟାୟି ଲେହେଁ ନିଜିନେ;

୪୩ ଲଡ଼ାହିଲାଆ ଗାଟାୟି ଲେହେଁ ମାଟ୍‌କି ଆନେ ଏଦି ଗାଝୁରମି ତଲେ ନିଜିନେ; ବାଡ଼ୟୁ ହିଲାଆଗାଟାୟି ଲେହେଁ ମାଟ୍‌କି ଆନେ, ବାଡ଼ୟୁ ଗାଟାୟି ଆହାଁ ନିଜିନେ □

୪୪ ଇରୁଆତି ଆଜା ତଲେ ମୁସ୍‌ପିଆନେ ଜୀସ୍ତୁତି ଆଜା ତଲେ ନିଜିନେ; ସାମା ଇରୁଆତି ଆଜା ମାନେ ଇଚିହ୍ନିଏ ଜୀସ୍ତୁତି ଆଜା ଜିକେଏ ମାନେ □

୪୫ ଦାମ୍‌ପତିତା ରାସ୍‌କି ଆହାମାନେ, ତଲିତି ମାଣ୍ଡସି ଆଦମ ଜୀସ୍ତୁତି ମାଣ୍ଡସି କିହ୍ନି ଗାଡ଼ି ଆଡ଼େସି; ସାମା ତାୟୁତି ଆଦମ ପୁଣ୍ଡା ହାନି ଜୀସ୍ତୁ ଆଡ଼େସି □

୪୬ ସାମା ଜୀସ୍ତୁ ଗାଟାସି ନକେଏ ଆଏ, ଆଜା ତଲେତାସି ନକେଏ, ଅଡ଼େ ତାୟୁ ଜୀସ୍ତୁ ଗାଟାସି ଆଡ଼େସି □

୪୭ ନକେଏତି ମାଣ୍ଡସି ଆଦମ ଦାର୍‌ତିତି ମାନି ଇରୁଆ ତଲେ ଗାଡ଼ି ଆହାମାଚେସି, ଅଡ଼େ ତାୟୁତି ମାଣ୍ଡସି ଲାକପୁରୁତି ଖାହାମାଚେସି □

୪୮ ଆମ୍ବାଆରି ଇରୁଆ ତଲେ ଗାଡ଼ି ଆହାମାନେରି, ଏଝାରି ଇରୁଆଟି ଗାଡ଼ି ଆଡ଼ି ଏ ମାଣ୍ଡସିଲେହେଁ, ଇଞ୍ଜା

† ୧୫:୨୯ ୧୫:୨୯ ମୁଞ୍ଜିନାୟି

ଆମ୍ବାଆରି ଲାକପୁରୁତାରି ଏଞ୍ଜାରି ଲାକପୁରୁତି ଖାହାମାନି ଏ ମାଣସି ଲେହେତାରି □

୪୯ ଅଡ଼େ ମାର ଇରୁଆତି ଗାଡ଼ି ଆହାମାନି ଏ ମାଣସିତି ଖାଣା ଆସାମାନାୟି, ଏଲେକିହି ଏ ଏ ଲାକପୁରୁତି ମାଣସିତି ଖାଣା ଜିକେଏ ଆହନାୟି □

୫୦ ତାୟିୟା ଅଡ଼େ ତାଙ୍ଗିସ୍ମାତେରି ନାନୁ ଖେସିମାଞ୍ଜାଇଁ, ନେତେରି ଅଡ଼େ ଉଙ୍ଗା ମାହାପୁରୁତି ରାଜିତି ଅଦିକାରା କିହାଲି ଆଡେଏ, ସାମା ହାନାୟି ହାଆଗାଟାଣି ଅଦିକାରା କିହାଲି ଆଡେଏ □

୫୧ *ମେହଦୁ ନାନୁ ମିଙ୍ଗେ ର ଡ଼ଗୁମାନି କାତା ଖେସିମାଞ୍ଜାଇଁ, ମାର ବାରେ ଜାଣାତାୟି ହାଆୟି, ସାମା ମାର ବାଦଲୁଝି ଆନାୟି,

୫୨ ଦେବୁଣିଏ, କାନୁ ମିଟି କିନିଲେହେଁ, ତାୟୁତି ତୀଡ଼ି ମହୁରି କାଜା ହାଡ଼ା ଖେଟିସାରେ ମାର ବାରେତାୟି ଅର ଖାଣା ଆନାୟି; ଇତିହି କମୁ ତୀନେ ଅଡ଼େ ହାଡ଼ାରି ନାସା ଆଆନା ନିଙ୍ଗିନେରି, ଅଡ଼େ ମାର ବାଦଲୁଝି ଆନାୟି □

୫୩ ଇତିହି ଇ ମେଣ୍ଡିନି ଆଙ୍ଗାତି ମେଣ୍ଡିଆଗାଟି ହିମ୍ବୁରି ପରନାୟି ମାନେ, ଅଡ଼େ ଇ ହାନି ଆଙ୍ଗାତି ହାଆଗାଟି ହିମ୍ବୁରି ପରନାୟି ମାନେ □

୫୪ ସାମା ଇ ମେଣ୍ଡିନି ଆଙ୍ଗାତି ମେଣ୍ଡିଆଗାଟି ହିମ୍ବୁରି ଅଡ଼େ ହାନି ଆଙ୍ଗାତି ହାଆଗାଟି ହିମ୍ବୁରି ହୁଚିତି ଜେଟ, ଇ ରାଡ଼ାମାନି ବଲୁ ସାତା ଆନେ; “ହାକି ନାସା ଆହାମାନେ; ଜୀଣା ଆନାୟି ଆହାମାନେ □”

୫୫ “ଏ ହାକି ନୀ ଜୀଣା ଆନାୟି ଆମ୍ବିୟା ? ଏ ହାକି ନୀ ନାସାକିନି ବାଡ଼ୁୟୁ ଆମ୍ବିୟା ?”

୫୬ ହାକିତି ସାଡ଼ୁ ପାପୁ, ଅଡ଼େ ପାପୁତି ବାଡ଼ୁୟୁ ମସାତି ମୋରା;

୫୭ ସାମା ଏମିନି ମାହାପୁରୁ ମା ପ୍ରବୁ ଜୀସୁ କ୍ରୀସ୍ତତି ତାକି ମାଙ୍ଗେ ଜୀଣି କିୟାନେସି ଏଞ୍ଜାଣାକି ଜହରା ଆପେ □

୫୮ ଏଦାଆଁତାକି ଏ ନା ଜୀଞ୍ଜୁତି ତାୟିୟା ଅଡ଼େ ତାଙ୍ଗିସ୍ମାତେରି, ପ୍ରବୁତି ସେବାତା ମୀ କସ୍ତତଲେ କାମା କିନାୟି ଉଜେଏ ଆଏ, ଇଦାଆଁ ପୁଞ୍ଜାନା ପ୍ରବୁତି କାମାତା ତାରିଆହାଁ ବାଡ଼ୁୟୁ ତଲେ ସେବାତା ହାରେକା ହାରେକା ଜାଡ଼ୁ ଆଦୁ □

୧୭

ମାହାପୁରୁତି ଲକୁତାକି ଦାନା

୧ *ମାହାପୁରୁ ଲକୁ ତାକି ତାବୁୟା କୃଡ଼ିକିନି କାତା ନାନୁ ଏନିକି ଗାଲାତିୟା କ୍ରୀସ୍ତାନା କୁଲମିତା ଖେସାମାଚେଏ, ମୀରୁ ଜିକେଏ ଏଲେକିହି କିଦୁ □

୨ ମୀରୁ ବେଟାଆହିମାନି ଲେହେଁ ବାରେ ଖାଋାତି ମୂଲୁ ଦିନା ମୀରୁ ବାରେତେରି ମୀ ଆଡ଼ିନି ଲେହେଁ ମୀ ବିତ୍ରା ଏଚେକା ତାବୁୟା କୃଡ଼ିକିହାଁ ଇଟାଦୁ, ଆତିହି ନାନୁ ଖାଡ଼ିସାରେ ମିଙ୍ଗେ ଅଡ଼େ ତାବୁୟା ରାସାଲି ଲଡ଼ା ଆଏ □

୩ ଅଡ଼େ ନାନୁ ଖାଡ଼ିଜେଟ, ମୀରୁ ଆମ୍ବାଆରାଇଁ ଜଗେ ଇଞ୍ଜି ଆଡ଼ାମାଞ୍ଜେରି ନାନୁ ଏଞ୍ଜାଋାକି ଆକୁ ରାଡ଼ାହାଁ ଜିରୁସାଲମତା ମୀ ଦାନା ଅହାଲି ପାଣ୍ଡିଇଁ;

୪ ସାମା ନାଙ୍ଗେ ଜିକେଏ ହାଜାଲି ଲଡ଼ାଆନେ ଇତିହି ଏଞ୍ଜାରି ନା ତଲେ ଖାଡ଼ପେରି □

କାମାତାକି ପାଞ୍ଜୁଲତି ଅଣ୍ପୁ

୫ *ସାମା ନାନୁ ମାକିଦନିୟା ହାତି ତାୟୁ ମୀ ତାଣା ଖାଇଁ, ଏଦାଆଁତାକି ଇତିହି ନାଙ୍ଗେ ମାକିଦନିୟାଟି ହାନାୟି ମାନେ □

୬ ଆଆତ ନାନୁ ଖାଡ଼ିସାରେ ଏଚରଦିନା ମୀ ତାଣା ଡ଼ୟିଇଁ, ଇତିହି ପେନିବେଲା ହାଲୁଖେ ମାଞ୍ଜାଲି ଅଣ୍ପିମାଇଁ, ଏଡେତା ନାନୁ ଆମିନି ଟାୟୁତା ହାଇଁ, ଏମ୍ବାଆଁ ହାନାଟି ମୀରୁ ନାଙ୍ଗେ ଇତିଞ୍ଜାୟାଦେରି □

୭ ଇତିହି ନୀଏଁ ନାନୁ ହାନାଟି ମୀ ତାଣା ଗାଡ଼େକା ତାକି ତଞ୍ଜାଆହାଲି ଅଣ୍ପି ହିଲଅଁ, ଇତିହି ପ୍ରବୁ ନାଙ୍ଗେ ହେଲ ହିୟାତିହି, ନାନୁ ମୀ ତଲେ ଏଚରଦିନା ମାଞ୍ଜାଲି ଆସା କିହିମାଇଁ □

୮ *ସାମା ନାନୁ ପେଡ଼ିକସ୍ତ ଦିନା ପାତେକା ଏପିସିୟ ଗାଡ଼ାତା ଡ଼ୟିଇଁ;

୯ ଇତିହି ପ୍ରବୁତି କାମା କିହାଲି ଅସାରା ଦାରା ଦେପିଆହାମାନେ, ଆଆତ ଜିକେଏ ନାଙ୍ଗେ ଅପାଆଗାଟାରି ହାରେକା ମାନେରି □

୧୦ *ତିମତି ମୀ ତାଣା ଖାଡ଼ିସାରେ ଏଞ୍ଜାସି ଏନିକି ଆଜାଆନା ମୀ ତାଣା ଡ଼ୟିନେସି, ଏଦାଆଁତାକି ମୀରୁ ଅଣ୍ପପାଦୁ, ଇତିହି ନାନୁ ଏନିକି ଏଞ୍ଜାସି ଜିକେଏ ଏଲେକିହି ଏ ପ୍ରବୁତି କାମାକିନାସି □

୧୧ ଏଦାଆଁତାକି ଆମ୍ବାଆତେରି ଏଞ୍ଜାଣାଇଁ ହୀଣି କିଆଦୁ, ସାମା ଏଞ୍ଜାସି ଏନିକି ନା ତାଣା ଖାହାଲି ଆଡ଼ିମାନେସି, ଏଦାଆଁତାକି ଏଞ୍ଜାଣାଇଁ ହିଡ଼ଡ଼ି ଜୀଞ୍ଜୁତଲେ ଜିରୁ ତସା ପାଣ୍ଡାଦୁ; ଏଦାଆଁତାକି ଇତିହି ଏଞ୍ଜାସି ତାୟିୟା ତଲେ ଖାନ୍ନେସି ଇଞ୍ଜି ନାନୁ କାଡ଼ିମାଇଁ □

୧୨ ସାମା ତାୟି ଆପଲ ତାକି ଖେସିମାଞ୍ଜାଇଁ, ନାନୁ ଏଚକାତି ତାୟିୟା ତଲେ ମୀ ତାଣା ହାଜାଲି ଏଚେକା ବାତିମାଲିତେଏଁ, ସାମା ନୀଏଁ ଖାହାଲି ମନ କିଆତେସି, ସାମା ପାରୁ ସିନିକିହାନା ଏଞ୍ଜାସି ଖାନ୍ନେସି □

ଆକୁତି ରାନ୍ତି କାତା

୧୩ ମୀରୁ ଜାଗ୍ରାତା ଆହାଁ ନାମୁତା ତୀରିତଲେ ମାଞ୍ଜୁ, ଅଡ଼େ ସାସା ଗାଟାତେରି ଆହାନା ବାଡ଼ୁୟୁ ଆହଦୁ □

୧୪ ମୀ ବାରେ କାମା ଜୀଞ୍ଜୁ ନନାଣି ତଲେ ଆପେ □

୧୫ *ଏ ତାୟିୟା ଅଡ଼େ ତାଙ୍ଗିସ୍ମାତେରି ସିପାନ ଇଲୁ କୁଚମି ଆକାୟାତି ମୂଲୁଏ ନାମିତାରି; ଅଡ଼େ ମାହାପୁରୁ ଲକୁଣି ସେବା କିନି କାମାତାକି ହେରପା କତାମାନେରି ଏଦାଆଁ ମୀରୁ ପୁଞ୍ଜାମାଞ୍ଜେରି □

* ୧୫:୫୧ ୧୫:୫୧ ୧ତେସ ୪:୧୫-୧୭ * ୧୭:୧ ୧୭:୧ ରମି ୧୫:୨୫,୨୬ * ୧୭:୫ ୧୭:୫ କାମା ୧୯:୨୧ * ୧୭:୮ ୧୭:୮ କାମା ୧୯:୮-୧୦ * ୧୭:୧୦ ୧୭:୧୦ ୧କର ୪:୧୭ * ୧୭:୧୫ ୧୭:୧୫ ୧କର ୧:୧୭

୧୭ ମୀରୁ ଏଲେତି ଲକୁତି ଅଡ଼େ ତାମିତଲେ ଆଣ୍ଡାନା
 ଖାହୁତଲେ କାମା କିହିମାନାରାଇଁ ମାନି କିଦୁ, ଏଦାଆଁତାକି
 ନାନୁ ମିଙ୍ଗ ବାତିମାଲିମାଞ୍ଜାଇଁ □

୧୭ ସ୍ତ୍ରୀପାନ, ପର୍ତ୍ତନାତ, ଅଡ଼େ ଆକାୟିକ ଖାଡ଼ାକି
 ନାନୁ ହାରେକା ରାହାଁ ଆହିମାଇଁ, ଇଚିହିଁ ମୀରୁ
 ହିଲାଆତାକି ନାଙ୍ଗେ ଏନାୟି ଲଡ଼ା ମାଚେ, ଏଞ୍ଜାରି ଏଦାଆଁ
 ହୀହାମାଞ୍ଜାନେରି □

୧୮ ଇଚିହିଁ ଏଞ୍ଜାରି ମୀ ଜୀଞ୍ଜୁତି ଅଡ଼େ ନା ଜୀଞ୍ଜୁତି ରାହାଁ
 କିହାଁ ମାଞ୍ଜାନେରି; ଏଲେତି ଲକୁଇଁ ଜଗେ ଇଞ୍ଜିଁ ପୁଞ୍ଜାନା
 ମାନି କିଦୁ □

୧୯ *ଆସିୟା ଦେସାତା ମାନି କୁଲମିକା ମିଙ୍ଗେ ଜହରା
 କିହିମାଞ୍ଜାନେରି, ଆକ୍ଞିଲା ଅଡ଼େ ପ୍ରିୟିଲା ତାମି ଇଜ ରୁଣ୍ଡା
 ଆନି କୁଲମି ତଲେ ପ୍ରବୁ ତାଣା ମିଙ୍ଗେ ହାରେକା ଜହରା
 କିହିମାଞ୍ଜାନେରି □

୨୦ ଇମ୍ପାଆଁ ମାନି ବାରେ ତାୟିୟାଁ ଅଡ଼େ ତାଙ୍ଗିୟା ମିଙ୍ଗେ
 ଜହରା କିହିମାଞ୍ଜାନେରି □ ମୀରୁ ରଅତେରି ରଅଣାଇଁ
 ତାୟି ତାୟିୟାଁ ଲେହେଁ କ୍ରୀସ୍ତିତି ଜୀଞ୍ଜୁନହିଁ ସୁଦୁ ତଲେ
 ନଶୁଞ୍ଜି ଆହାନା ଜହରା କିଞ୍ଜିଆଦୁ □

୨୧ ନାନୁ ପାଞ୍ଜୁଲତେଏଁ ନା କେୟୁତି ରାଚାହାଁ ରାହାଁ ତଲେ
 ଜହରା କିହିମାଞ୍ଜାଇଁ □

୨୨ ଆମ୍ପାଆସି ମାହାପୁରୁଇଁ ଜୀଞ୍ଜୁ ନଅସି ଏଞ୍ଜାସି ବାକା
 ବେଟାଆପେସି, ମାରାନାତା ମା ପ୍ରବୁ ତବେ ଖାମୁ □

୨୩ ପ୍ରବୁ ଜୀସୁତି କାର୍ମାମେହନାୟି ମିଙ୍ଗେତାକି
 ଆୟାପେ;

୨୪ କ୍ରୀସ୍ତ ଜୀସୁ ତାଣାତି ନା ଜୀଞ୍ଜୁନନାୟି ମୀ ବାରେଜାଣା
 ତାକି ଆୟାପେ □ ଆମେନ୍ □

କରକ୍ତି ମଣ୍ଡଳୀ ନିମନ୍ତେ ପାତଲକ ଲିଖିତ ଦ୍ରାବିୟ ପତ୍ର କରକ୍ତି କୁଲମିତାକି ପାଞ୍ଚୁଲ ରାଚାମାନି ରୀ ଲମ୍ବର ଆକୁ ମୂଳୁ ହାଡ଼ା

କରକ୍ତି କୁଲମିତି ରୀ ଲମ୍ବର ଆକୁ ପାଣ୍ଡୁଓଆହାମାନି ପାଞ୍ଚୁଲ ତାଣ୍ଡାଟି ଜୀସୁ କ୍ରୀସୁ ଜାନୀତି ୫୫-୫୬ ବାସୀ ତାୟୁ ରାସକି ଆହାମାତେ ୧:୧ □ ମା ତାଣ୍ଡା ମାନି କରକ୍ତି କୁଲମିକି ରାଚାମାନି ଆକୁ ବିତ୍ରାଟି ଇଦି ଆହିମାନେ ପାଞ୍ଚୁଲତି ରୀ ଲମ୍ବର ଆକୁ □ ମେରାପୁନାରି ନାମିମାନେରି ଇଦାଆଁ ନକେଏ ପାଞ୍ଚୁଲ କରକ୍ତି କୁଲମିତି ଦାକା ହୀହାନା ରାଚାମାତେସି ୨:୩-୪ ପଦୁତା ଏଞ୍ଜାସି ଷ୍ଟେସିମାନେସି □

ପାଞ୍ଚୁଲ ମାକିଦନିୟତା ମାନି ବେଲାତା କରକ୍ତିତି ରୀ ଲମ୍ବର ଆକୁ ରାଚାମାନେସି ୨:୧୩ □ କରକ୍ତିତା ମାନି କୁଲମିତି କାତା ତିତସ ତାଣ୍ଡାଟି ନେହୁଁ କାକୁ ବେଟାଆହାନା ରାହାଁ ଆହିମାନେସି □ ଇ ଆକୁତା ପୁଃନି ମେରା ଅଣ୍ପୁଟି ଦାନା ହାନି କାତା ଜାପିନାୟି □ ଇ ଆକୁତା ଜିରୁସାଲମତା ମାନି କ୍ରୀସୁଇଁ ନାମାମାନି ଲକୁଇଁ ସାୟେମି କିହାଲି ଟାକାୟାଁ କୁଡ଼ିକିହାଲି ଷ୍ଟେସିମାନେସି ୮-୯ □ ଅଡେ ଜିକେଏ କୁଲମି ପାଞ୍ଚାଟି କଚେକା ମିତି ପାଣ୍ଡୁଓ ଆହାମାନାରି ଜାହାରାଇଁ କାଜାରି କିହାକତାଲି ପାଞ୍ଚୁଲ କପାଟି କୁଲମିତି ଏଚରଜାଣା କାଜାରାଇଁ ନିନ୍ଦା କାତା ଷ୍ଟେସିମାନେରି □ ଏଞ୍ଜାରି ପାଞ୍ଚୁଲତି ଅଦିକାରାତି ଆନାମାନା ଆହିମାନେରି □ ଏମିନିଗାଟାଣି ରୀ ଲମ୍ବର କରକ୍ତି ଆକୁତି ରାନିଞ୍ଜାକି ଏଞ୍ଜାସି ର କ୍ରୀସୁତି ଅଦିକାରା ତଲେ ପାଣ୍ଡୁଓ ଆଡ଼ାସି ଇଞ୍ଜୁଁ ଜାଣ୍ଡେତଲେ ଷ୍ଟେସିମାନେସି □

ପତିତା ମାନାୟି

- ୧ ପାଞ୍ଚୁଲ ଜହରା କିହାନା ଆକୁ ରାଚିନାୟି □ ୧:୧-୭
- ୨ ପାଞ୍ଚୁଲ ତାନି ହାନି ଜିରୁତି ବାଦଲି କିନାୟି ଇଞ୍ଜାଁ ଏଞ୍ଜାରି ତାଣ୍ଡାଟି ବେଟାଆହାମାନି କାତାତାକି ଷ୍ଟେଣ୍ଡେ ଷ୍ଟେହ୍ନାୟି □ ୧:୮-୭:୧୬
- ୩ ଜିରୁସାଲମତି ନାମୁଗାଟି ତାୟିୟାଁକି ଦାନା କୁଡ଼ିକିହାଲି ଷ୍ଟେହ୍ନାୟି □ ୮:୧-୯:୧୫
- ୪ ପାଞ୍ଚୁଲ ତାନି ପାଣ୍ଡୁଓଆହାମାନି ପାଣ୍ଡାଟି ଜାଣ୍ଡେ ଷ୍ଟେହ୍ନାୟି □ ୧୦:୧-୧୩:୧୦
- ୫ ଆକୁତି ରାପ୍ନି କାତା □ ୧୩:୧୧-୧୪

୧ ପାଞ୍ଚୁଲ ମାହାପୁରୁତି ଅଣ୍ପୁ ତଲେ କ୍ରୀସୁ ଜୀସୁ ତାଣ୍ଡାଟି ପାଣ୍ଡୁଓ ଆହାମାନାତେଏଁ ଇଞ୍ଜାଁ ମା ତାୟି ତିମତି କରକ୍ତି ଗାଡ଼ାତା ମାନି ମାହାପୁରୁତି କୁଲମି ଅଡେ ଆକାୟା ଦେସାତା ମାନି ବାରେ ମାହାପୁରୁ ଲକୁତାକି ଆକୁ ରାଚିମାନମି □

୨ ମା ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସୁ ତାଣ୍ଡାଟି କାର୍ମାମେହ୍ନାୟି ଇଞ୍ଜାଁ ହିଡ଼ଡ଼ି ମିଙ୍ଗେତାକି ଆୟାପେ □

ପାଞ୍ଚୁଲ ମାହାପୁରୁଇଁ ଜହରା କିନାୟି

୩ ମା ପ୍ରବୁ ଜୀସୁ କ୍ରୀସୁତି ଆବା ମାହାପୁରୁକି ଜହରା, ଏଞ୍ଜାସି କାର୍ମାମେହ୍ନି ଆବା ଅଡେ ଦୁକୁ ତକୁନି ମାହାପୁରୁ □

୪ ମାହାପୁରୁ ତାଣ୍ଡାଟି ଆମିନି ଦୁକୁ ତୁକ୍ନି ତାଣ୍ଡା ମାର ଦୁକୁ ତୁପ୍ତକି ଆହିମାନାୟି, ଏ ଦୁକୁ ତୁକ୍ନାଣି ତଲେ ଏନିକିହୁଁ ବାରେ ଲେହେଁତି ଦୁକୁ ବେଟାଆହିମାନି ଲକୁଣି ଦୁକୁ ତୁକ୍ହାଲି ଆଡ଼ିନାୟି, ଇଦାଆଁତାକି ଏଞ୍ଜାସି ବାରେ ଦୁକୁତା ମାଙ୍ଗେ ଦୁକୁ ତୁକ୍ନାଣି ହୀହାମାଞ୍ଜାନେସି

୫ ଇତିହୁଁ କ୍ରୀସୁତି ତାକି ମାର ଏନିକିହୁଁ ହାରେକା ଦୁକୁ କସୁ ହାରେକା ବେଟାଆନାୟି, ଏଲେକିହୁଁ ଏ କ୍ରୀସୁ ତାଣ୍ଡାଟି ମାହାପୁରୁତି ଦୁକୁ ତୁକ୍ନାୟି ହାରେକା □

୬ ସାମା ମାମ୍ବୁଦୁକୁ କସୁ ବେଟାଆଡ଼ିସାରେ ଏଦି ମୀ ତାକି ଦୁକୁ ତୁକ୍ନାୟି, ଅଡେ ଗେଲ୍ପି ଆହାଲିତାକି; ଇଞ୍ଜାଁ ମାମ୍ବୁଦୁକୁ ତୁପ୍ତକି ଆଡ଼ିହୁଁ, ଏଦି ମୀ ଦୁକୁ ତୁକ୍ହାଲି ତାକି; ମାମ୍ବୁ ଏନିଲେହେଁତି ଦୁକୁ କସୁ ବେଟାଆନମି ମୀରୁ ଏନିକିହୁଁ ସାସା ଅଡେ କସୁତଲେ ଦୁକୁ ବେଟାଆହି ମାଞ୍ଜେରି ମାମ୍ବୁ ଜିକେଏ ଏଲେକିହୁଁ ଏ ଦୁକୁ ତୁକ୍ନି କାମା କିହିମାନମି □

୭ ଅଡେ ମୀ ତାଣ୍ଡା ମା ବାର୍ସୁ ହାରେକା ମାନେ □ ମୀରୁ ମା ଦୁକୁ କସୁ ପାଣ୍ଡିନିତାଣା ଏନିକିହୁଁ ଆଣ୍ଡାମାଞ୍ଜେରି, ଏଲେକିହୁଁ ଏ ମାମ୍ବୁଦୁକୁ ତୁକ୍ନି ତାଣ୍ଡା ଆଣ୍ଡିଦେରି, ଇଞ୍ଜୁଁ ମାମ୍ବୁ ପୁଞ୍ଜାମାନମି □

୮ *ଇତିହୁଁ ଏ ତାୟିୟାଁ ଅଡେ ତାଞ୍ଜିସ୍ତାତେରି, ଆସିୟା ରାଜିତା ମାଙ୍ଗେତାକି ଆହାମାନି ସାସି ମୀରୁ ପୁନାଆନା ମାଞ୍ଜୁ ଇଞ୍ଜିହୁଁ ମାମ୍ବୁ ଅଣ୍ପି ହିଲଅମି; ମାମ୍ବୁ ମା ବାଡ଼ୁୟୁଟି ବେଟାଆହାମାନି ସାସି ସହଓ ଆହାଲି ଆଡ଼ାଆରେଟୁ ଆହାମାତମି, ଇଞ୍ଜାଁ ମାମ୍ବୁ ନୀତାମାଞ୍ଜାଲି ଜିକେଏ ଆସା ପିସାମାତମି;

୯ ହାଅ, ମାଙ୍ଗେ ପାୟାଲି ହୁକୁମି ହୀପ୍ତକି ଆହାମାନେ ଇଞ୍ଜୁଁ ଅଣ୍ପିମାତମି, ଏନିକିହୁଁ ମାମ୍ବୁ ମା ମୁହେଁ ବାର୍ସୁ କିହାକତାଆନା ଏମିନି ମାହାପୁରୁ ହାକିଟି ନିକ୍ନେସି ଏଞ୍ଜାଣି ତାଣ୍ଡା ବାର୍ସୁ କିନମି;

୧୦ ଏଞ୍ଜାସି ଆଜିହ୍ପେପତି ହାକିଟି ମାଙ୍ଗେ ଗେଲ୍ପାତେସି ଅଡେ ଗେଲ୍ପାନେସି, ଅଡେ ତାୟୁ ଜିକେଏ ଗେଲ୍ପାନେସି ଇଞ୍ଜୁଁ ତାନିତାଣା ମା ଆସା ମାନେ;

୧୧ ମୀରୁ ଜିକେଏ ମା ତାକି ପ୍ରାଡ଼ାନା କିହାଁ ମାଙ୍ଗେ ସାୟେମି କିହାମାଞ୍ଜାଦେରି, ଏନିକିହୁଁ ମାଙ୍ଗେ ଏମିନି କାର୍ମାତି ଦାନା ହୀପ୍ତକି ଆହାମାଞ୍ଜାନେ, ଏଦାଆଁତାକି ହାରେକା ଲକୁତି ଗୁଡ଼ିଟି ମା ତାକି ହାରେକା ଜହରା କିଓିଆହିମାନେ □

ପାଞ୍ଚୁଲ ତାନି ଅଣ୍ପୁ ବାଦଲି କିନାୟି

୧୨ ବାରେକିହାଁ ଦାର୍ତ୍ତିତା ମୀ ତାକି ମାମ୍ବୁମାଣ୍ଡିତି ବୁଦିତଲେ ତାକାଆନା ମାହାପୁରୁତି କାର୍ମାଟି ତାନି ସୁଦୁ ଅଡ଼େ ନାମୁତଲେ ତାକିମାଚମି ଇଞ୍ଜି ମା ଅଣ୍ପୁ ସାକି ହାହିମାଞ୍ଜାନେ, ଇଦି ମା ବଡ଼ପଣତି କାତା □

୧୩ ୱାବରଇ ମୀରୁ ଏନାଆଁ ପଡ଼଼ି ଆହାନା ତେଲ୍‌ହିଦେରି, ଏ ବାରେ ପିସ୍‌ପେ ମାମ୍ବୁ ମିଙ୍ଗେ ଅଡ଼େ ଏନାଆଁ ରାଡ଼ିମାଞ୍ଜଅମି,

୧୪ ଅଡ଼େ ମା ପ୍ରବୁ ଜୀସୁ କ୍ରୀସ୍ତତି ଦିନାତା ମାମ୍ବୁ ମୀ ତାକି ବଡ଼ପଣ ତସାଲି ଆଡ଼ିନମି, ଅଡ଼େ ମୀରୁ ଜିକେଏ ମା ତାକି ବଡ଼ପଣ ତସାଲି ଆଡ଼ିଦେରି, ମୀରୁ ନୀଏଁ ଇଚେକା ପୁଞ୍ଜାନା ବାରେ ପୁନାଆତି ଜିକେଏ ର ଦିନା ମୀରୁ ବାରେ ତାୟୁ ପାତେକା ପୁଞ୍ଜେରି ଇଞ୍ଜି ନା ଆସା □

୧୫ ଇ କାତା ନେହଁକଁ ପୁଞ୍ଜାମାନାକି ମୁଲୁଏ ମୀ ତାଣା ୱାହାଲି ତାକି ନାଙ୍ଗେ ଅଣ୍ପୁ ମାଚେ, ଆତିହଁ ମୀରୁ ରୀ ଦେବା ରାହାଁ ବେଟାଆଡେରିମା

୧୬ *ମୀ ତାଣାଟି ମାକିଦନିୟାତା ହାଜାନା ଅଡ଼େ ୱେଣ୍ଡେ ମାକିଦନିୟାଟି ମୀ ତାଣା ୱାହାନା ମୀ ସାୟେମି ତଲେ ଜୀହୁଦା ଦେସାତା ହାଜାଲି ଆଡ଼ିଇଁ, ଏଦାଆଁତାକି ଏ ନାମୁଟି ତଲିଏ ମୀ ତାଣା ହାଜାଲି ମନ କିହାମାଚେଏଁ □

୧୭ ଆତିହଁ ଇଲେତି ଅଣ୍ପୁ ଅଣ୍ପିନାୟି ନାନୁ ଏନାଆଁ ଆନାମାନା ଆହାନା କିହାମାଚେଏଁ ? ଇଞ୍ଜା ନାନୁ ଏନାଆଁ ତୀରିକିହା ତୁୟିଇଁ, ଏଦି ଏନାଆଁ ଏଦାଆଁ ଦାର୍ତ୍ତିତି ଅଣ୍ପୁ ତଲେ କିହିମାଇଁ, ଇଞ୍ଜା ନା କାତା “ହାଅ କି ଆଏ” ଇ ରୀ କାତା ରଣ୍ଡିଏ ଦେବା ହପୁଇଁ କି ?

୧୮ ମାହାପୁରୁ ଚିକାଣାତାସି, ଏଦାଆଁତାକି ନା କାତା ମିଙ୍ଗେତାକି “ହାଅ କି ଆଏ” ଇନି ରୀ କାତା ଆଏ □

୧୯ *ଇଚିହଁ କ୍ରୀସ୍ତ ଜୀସୁ ମାହାପୁରୁ ମୀରୁଏସି, ଆମ୍ବାଆସି ମା ତାଣାଟି ଇଚିହଁ ସିଲା, ତିମତି ଅଡ଼େ ନାନୁ ମୀ ତାଣା ୱେକ୍‌ହା ମାଚମି, ଏଞ୍ଜାସି “ହାଅ” ଅଡ଼େ “ଆଏ” ଇନାସି ଆହାହିଲଅସି, ଇଚିହଁ ଏଞ୍ଜାଣି ତାଣା ହାଅ ଆହାମାନେ □

୨୦ ଏନାଆଁତାକି ଇଚିହଁ ମାହାପୁରୁତି ବାରେ ଆଞ୍ଜାମାନାୟି ଏଞ୍ଜାଣି ତାଣା “ହାଅ” ମାନେ; ଇଦାଆଁତାକି ଜୀସୁ କ୍ରୀସ୍ତ ତାଣାଟି ମାହାପୁରୁଇଁ ଗାଞ୍ଜୁରମି କିହାଲି ମାର “ଆମେନ୍,” ଏଲେଆହଁ ଆପେ” ଇନାୟି □

୨୧ ତାନୁଏ ମାଙ୍ଗେ ଅଡ଼େ ମିଙ୍ଗେ କ୍ରୀସ୍ତ ତାଣା ତୀରି କିହାମାଞ୍ଜାନେସି, ଇଞ୍ଜା ମାଙ୍ଗେ ବର ହାହାମାଞ୍ଜାନେସି, ଏଞ୍ଜାସି ମାହାପୁରୁ;

୨୨ ଏଞ୍ଜାସି ତାନି ବୁରୁ ମୁଦ୍ରା ମାଙ୍ଗେ ୱେଟା ମାଞ୍ଜାନେସି, ଇଞ୍ଜା ଏଞ୍ଜାସି ମା ହିୟାଁ ବିତ୍ରା ସୁଦୁଜୀଞ୍ଜୁ ସିନାଲେହେଁ ହାହାମାଞ୍ଜାନେସି □

୨୩ ସାମା ନାନୁ ମାହାପୁରୁଇଁ ସାକି କିହାନା ନା ଜୀଞ୍ଜୁତି ମାନି କିହିମାଇଁ, ନାନୁ ମିଙ୍ଗେ କାର୍ମା ଆହାନା କରତ୍ତିତା ୱେଣ୍ଡେ ହାଜାହିଲଅଁ □

୨୪ ମୀ ନାମୁଟି ମୁହେଁ ମା ଅଦିକାରା ମାନେ, ଏଲେକଁ ଆଏ, ସାମା ମୀ ରାହାଁତାକି ମୀ ସାୟେମି କିନାତମି ଆହାମାନମି, ଏଦାଆଁତାକି ନାମୁତା ତୀରିଆହାନା ମାଞ୍ଜୁ □

୨

୧ ନାନୁ ମୀ ତାଣା ହାନାୟି ମିଙ୍ଗେତାକି ଅଡ଼େ ୱେଣ୍ଡେ କସ୍ତୁ ଆୟେଏ, ଇଦାଆଁ ମନତା ତୀରି କିଚେଏଁ □

୨ ନାନୁ ମିଙ୍ଗେ ଦୁକୁ ହିୟାଇଁ, ଆତିହଁ ନାନୁ ଆମ୍ବାଆରାଇଁ ଦୁକୁ ହୀଇଁ, ଏଞ୍ଜାଣି ପିସ୍‌ପେ ନାଙ୍ଗେ ଆମ୍ବାଆସି ରାହାଁ ହିୟାନେସି ?

୩ ଇଞ୍ଜା ନାନୁ ଆମ୍ବାଆରି ତାଣାଟି ରାହାଁ ପାଣ୍ଡନାୟି ମାନେ, ଏଞ୍ଜାରିତାଣା ନାନୁ ୱାହାନା ଏନିକଁ ଦୁକୁ ବେଟାଆଆଁ, ଏଦାଆଁତାକି ନାନୁ ଇ କାତା ରାଚାମାଚେଏଁ, ଏନାଆଁତାକି ଇଚିହଁ ନା ରାହାଁତା ମୀ ରାହାଁ ଆନେ, ଏଦି ମୀ ବାରେତାକି ନା ଅଣ୍ପୁ □

୪ ଇଚିହଁ ହାରେକା କସ୍ତୁ ଅଡ଼େ ହିୟାଁ କାଡ଼ାତାକି ହାରେକା ଦୁକୁତଲେ କାଣ୍ଡୁ ତୁକ୍‌ହିହଁ ମିଙ୍ଗେ ରାଚାମାଞ୍ଜାଚେଏଁ; ଏନିକଁ ମୀରୁ ଦୁକୁ ଆଦେରି, ଏଲେକଁ ଆଏ, ସାମା ମିଙ୍ଗେତାକି ନା ଜୀଞ୍ଜୁନନାୟି ହାରେକା ମାନେ, ଇ କାତା ମୀରୁ ଏନିକଁ ପୁଞ୍ଜେରି □

ମାଣ୍ଡିତି ଦହ ମ୍ଲେକ୍‌ନାୟି

୫ ସାମା ଆମ୍ବାଆସି ଦୁକୁ ହାହାମାନେସି, ଏଞ୍ଜାସି ନାଙ୍ଗେ ଦୁକୁ ହାହାମାଞ୍ଜଅସି, ସାମା ବାରେତେରି ମିଙ୍ଗେ ଦୁକୁ ହାହାମାଞ୍ଜାନେସି ନାନୁ ହାରେକା ଗାଡ଼ିକିହଁ ୱେହଅଁ □

୬ ମୀ ବିତ୍ରାଟି ହାରେକା ଲକୁ ତାଣାଟି ଏଞ୍ଜାସି ଏନି ତଣ୍ଡ ବେଟା ଆହାମାନେସି ଏଞ୍ଜାଣାକି ଏଚେକେଏ ସାରି □

୭ ଏଦାଣିତାକି ଏଲେତି ଲକୁ ଏଚେତା ହାରେକା ଦୁକୁତା ମେଦା ହାନେସି, ଏଦାଆଁତାକି ମୀରୁ ନୀଏଁ ଏଞ୍ଜାଣାଇଁ ପାପୁ ମ୍ଲେକ୍‌ହାନା ବାର୍ସୁ ହୀଦୁ □

୮ ଇଚିହଁ ଏଞ୍ଜାଣାଇଁ ଜୀଞ୍ଜୁ ନନାଣି ତହୁଦୁ ଇଞ୍ଜି ବାତିମାଲିମାଞ୍ଜାଇଁ □

୯ ଇଚିହଁ ମୀରୁ ବାରେ କାତାଟି ମାନୁଞ୍ଜି ଆହିମାଞ୍ଜେରି, ଇଞ୍ଜି ମିଙ୍ଗେତାକି ଏମ୍ବାତି ପାରମାଣା ଏନିକଁ ନାନୁ ବେଟାଆଇଁ, ଇ ବାରେତାକି ରାଚାମାଚେଏଁ □

୧୦ ଇଞ୍ଜା ମୀରୁ ଆମ୍ବାଆରି ଦହ ପିହ୍‌ଦେରି, ନାନୁ ଜିକେଏ ଏଞ୍ଜାଣି ଦହ ପିହ୍‌ଇଁ; ଇଚିହଁ ନାନୁ ଏନାଆଁ ଦହ ପିସାମାଇଁ, ଇଞ୍ଜା ଏମିନି ଦହ ପିସାମାଇଁ, ଏଦାଆଁ କ୍ରୀସ୍ତତି ନକିତା ମୀ ତାକି ପିସାମାଇଁ □

୧୧ ଏନିକଁ ସୟତାନ ମାଙ୍ଗେ ଲାଗେଏ କିହାଲି ପାରୁ ବେଟାଆଏ, ଇଚିହଁ ମୀରୁ ବାରେ ତାନି ଅଣ୍ପୁତି ପୁଞ୍ଜାମାନାୟି □

ତ୍ରୟାତା ପାଞ୍ଜୁଲ ମନତା କସ୍ତୁ ପାଣ୍ଡନାୟି

☆ ୧:୧୨ ୧:୧୨ କାମା ୧୯:୨୧ ☆ ୧:୧୯ ୧:୧୯ କାମା ୧୮:୫ ☆ ୨:୧୨ ୨:୧୨ କାମା ୨୦:୧

୧୨ *ଅଡ଼େ କ୍ରୀସ୍ତତି ନେହଁ କାରୁ ଝେକ୍‌ହାଲି ତାକି ନାନୁ ତୁୟାତା ଖାଡ଼ି ତାୟୁ ପ୍ରବୁତି କାମା କିହାଲି ଦାରା ଦେପି ଆହାମାତି ଜିକେଏ,

୧୩ ନାନୁ ନା ତାୟି ତିତସଇଁ ଏମ୍‌ଆଁ ମେହ୍‌ଆଲିଏ ନା ଜୀଝୁ ହିଡ଼ତି ଆଆତାକି ଏଝାରି ତାଣାଟି ହେଲ ବେଟାଆହାନା ମାକିଦନିୟାଁତା ହାଚେଏଁ □

କ୍ରୀସ୍ତ ତାଣାଟି ଜୀଣା ଆନାୟି

୧୪ ସାମା ମାହାପୁରୁଇଁ ଜହରା ଆପେ, ଏଝାସି ବାରେବେଲା ମାଙ୍ଗେ ଅହାନା କ୍ରୀସ୍ତ ତାଣା ଜୀଣାଆତି ଲେହେଁ ହାଜାମାନେସି, ଇଞ୍ଜା ବାରେ ଟାୟୁତା ତାନି ବୁଦି ଲେହେଁତି ଗାନ୍ଦା ମା ତାଣାଟି ଝେକ୍‌ହିମାନେସି □

୧୫ ଇତିହଁ ଗେଲ୍‌ପି ଆହିମାନି ଲକୁତାଣା ଇଞ୍ଜା ନାସା ଆହିମାନି ଲକୁତାଣା ମାର ମାହାପୁରୁ ନକିତା କ୍ରୀସ୍ତତି ହାରେକା ନେହଁ ଗାନ୍ଦା ଲେହେଁ ଆହାମାନାୟି □

୧୬ ରକଝାକି ଲକୁତାକି ହାକି ହାନାୟି ଅଡ଼େ ରକଝାକି ଲକୁତାକି ଜୀଝୁହାନି ଲେହେଁତି ନେହଁ ଗାନ୍ଦା ଲେହେଁ □ ସାମା ଇ ବାରେ କାମା କିହାଲି ଆମ୍ବାଆସି ଆଡ଼ିନେସି ?

୧୭ ହାରେକା ଲକୁ ବାଡ଼କାଲି ତାକି ମାହାପୁରୁତି କାରୁ ଝେକ୍‌ହି ମାନେରି, ମାମ୍ବୁ ଏଝାରିଲେହେଁ କିହିହିଲଅମି, ସାମା ତୀରପୁତଲେ ମାହାପୁରୁତି ହୁକୁମି ତଲେ ତାନି ନକିତା ମାମ୍ବୁ କ୍ରୀସ୍ତ ତାଣା ମାଞ୍ଜାନା କାତା ଜଲିମାନମି □

୩

ପୁଃନି ମେରାତି ହଲିୟା

୧ ମାର କି ଜାହାରାଇଁ ବତପଣ କିହାଲି ମାଟ୍‌ହା ମାନାୟି ? ଆମ୍ବା ଆମ୍ବାଆରି ଲେହେଁ ଏନାଆଁ ମୀ ତାଣା ଆଆତି ମୀ ତାଣାଟି ମା ତସ୍‌ପି ଆନାୟି ଲଡ଼ାମାନେ ?

୨ ମୀରୁତ ମା ହିୟାଁତା ରାସ୍‌କି ଆହାମାନାତେରି ଇଞ୍ଜା ବାରେକାଣା ପୁଞ୍ଜାମାନାୟି ଅଡ଼େ ପଡ଼ଝି ଆହାମାନି ମା ଆକୁ ଲେହେଁ;

୩ ଅଡ଼େ, ମୀରୁ ମା ସେବା କାମାତା ରାସ୍‌କି ଆହାମାନି କ୍ରୀସ୍ତତି ଆକୁ ଲେହେଁ, ଇଦି ତଞ୍ଜା ଆହିମାନେ; ଏଦି ସୀରା ତଲେ ରାସ୍‌କି ଆହାହିଲେଏ, ସାମା ଜୀଝୁତି ମାହାପୁରୁତି ସୁଦୁଜୀଝୁ ତଲେ ରାସ୍‌କି ଆହାମାନେ, ଝାଲି ପାଟାତା ଆଏ, ସାମା ଉୟୁଗାଟି ହିୟାଁ ପାଟାତା □

୪ କ୍ରୀସ୍ତ ତାଣାଟି, ମାହାପୁରୁ ନକିତା ବାସ୍‌ ଇଟାନା ମାଡ଼ି ଇଲେତି ଆଟ୍‌ଝା ନାମ୍ବୁ ମାନେ □

୫ ମାରୁ ମା ତାଣାଟି ଏନାଆଁ କିହାଲି ଆଡ଼ାଆୟି, ଏଲେକଁ ଆଏ, ସାମା ମାହାପୁରୁ ତାଣାଟି ଆଡ଼ିନି ବାଡ଼ୟୁ ମାନେ;

୬ ଏଝାସି ମାଙ୍ଗେ ରାସ୍‌କି ଆହାମାନି ମେରାତି ସେବା କିନାରି କିହାମାଞ୍ଜଅସି, ସାମା ନେହଁ ଜୀଝୁତି ଇତିହଁ ପୁଃନି ମେରାତି ସେବା କାମା କିହାଲି ବାଡ଼ୟୁ ହାହାମାଞ୍ଜାନେସି; ଇତିହଁ ରାସ୍‌କି ଆହାମାନି ରାଜିମାନା ହାଝିକିନେ ସାମା ନେହଁ ଜୀଝୁ ନୀତିକିନାୟି □

୭ ଅଡ଼େ ତୀସ୍‌ତି ଝାଲି ପାଟାତା ରାସ୍‌କି ଆହାମାନି ହାଝି କିନି ମସା ମେରାତି ସେବା କାମା ଇଲେତି ଗାଝୁରମି ତଞ୍ଜାଆହାମାରେ, ଇତିହଁ ଇସ୍ତାୟେଲ ଲକୁ ମସା ମୁମ୍ବୁତି ନାସା ଆନି ଉଜେଡ଼ି ତାକି ଏଝାଣି ମୁମ୍ବୁ ମେସାଲି ଆଡ଼ାଆତେରି,

୮ ଆଡ଼ିହଁ ନେହଁ ଜୀଝୁତି ସେବା କାମା ଏତେକା ଗାଡ଼ି ଗାଝୁରମି ଆଏକି ?

୯ ତଣ୍ଡ ଆଝିକିନି ସେବା କାମା ଗାଝୁରମି ଗାଟାୟି, ଆଡ଼ି ଦାମ୍‌ମୁତି ସେବା କାମା ଏଦାଆଁ କିହାଁ ଆଗାଡ଼ା ଗାଝୁରମି ଗାଟାୟି ଆନେ □

୧୦ ଇତିହଁ ଆମିନି ଗାଟାୟି ଗାଝୁରମି ଗାଟାୟି ମାରେ, ଏଦି ଏଦାନି କିହାଁ ଆଗାଡ଼ା ଗାଝୁରମି ଆନି କିହାଁ ଗାଝୁରମି ହିଲାଆଗାଟାୟି ଆଡ଼େ □

୧୧ ଗାଡ଼େକା ତାକି ନାସା ଆନାୟି ଗାଝୁରମି ବେଟାଆହଁ, କାଲ୍‌କାଲ୍‌କା ତାକି ମାନାୟି ଏତେକା ଆଗାଡ଼ା ଗାଝୁରମି ତଞ୍ଜାଆନେ □

୧୨ ଇତିହଁ ମାଙ୍ଗେ ଏଲେତି ବାସ୍‌ ମାନାକି ହାରେକା ସାସା ଆହାମାନମି □

୧୩ ଅଡ଼େ ଇସ୍ତାୟେଲ ଲକୁ ଏନିକଁ ଗାଡ଼େକା ତାକି ନାସାଆନି ଗାଝୁରମିତି ସିନିକିଅରି, ଏଦାଆଁତାକି ମସା ଏନିକଁ ତାନି ମୁମ୍ବୁତି ହିମ୍ବୁରି ପୁକ୍‌ହା କଡ଼ିମାଚେସି, ମାମ୍ବୁ ଏଲେକଁ କିହିହିଲଅମି □

୧୪ ସାମା ଏଝାରି ବୁଦିତି କାଣ୍‌କା ପଡ଼ଝି ଆହାମାନୁ, ଇତିହଁ ନୀଞ୍ଜୁପାତେକା ପ୍ଲାଃଇ ରାଜିମାନା ପତି ପଡ଼ଝି ଆନାଟି ଏ ହିମ୍ବୁରି ପିଡ଼ଗିନାୟି ନୀଏଁ ପାତେକା ତୁୟାମାନେ, ଇଞ୍ଜା କ୍ରୀସ୍ତ ତାଣାଟି ଏ ହିମ୍ବୁରି ଗୁଟା ଆହାମାନେ, ଏଦି ତଞ୍ଜା ଆହିହିଲେଏ □

୧୫ ସାମା ନୀଏଁ ପାତେକା ମସାତି ମେରା ପଡ଼ଝି ଆନାଟି ଏଝାରି ହିୟାଁ ହିମ୍ବୁରି ପୁପ୍‌କି ଆହାଁ ତୟିନେ □

୧୬ “ସାମା ଆମ୍ବାଆସି ଆପେସି ପ୍ରବୁ ଝାକି ଝେଶ୍ଟାଝାଡ଼ିହଁ ଏଝାଣି ପୁପ୍‌କି ଆହାମାନି ହିମ୍ବୁରି ଗୁଟାଆନେ □”

୧୭ “ପ୍ରବୁ” ଏ ଜୀଝୁ, ଇଞ୍ଜା ଏମ୍‌ୟା “ପ୍ରବୁତି ଜୀଝୁ” ମାନେ ଏମ୍‌ଆଁ ବାରେ ମେଲା ଆନାୟି ମାନେ □

୧୮ ସାମା ମାରୁ ବାରେତାୟି ମୁମ୍ବୁ ପୁକ୍‌ଆନା ଦାପେଣିତା ମେହ୍‌ନି ଲେହେଁ ପ୍ରବୁତି ଗାଝୁରମି ମେସି ମେସିହଁ ଗାଝୁରମିତି ହାରେକା ଗାଝୁରମି ଆହାନା ତାନି ଏ ଝାଣା ତଲେ ବାଦଲି ଆହିମାନାୟି; ଇଞ୍ଜା ପ୍ରବୁ ଆମ୍ବାଆସିକି ଜୀଝୁ ଏଝାଣି ତାଣାଟି ଇ ବାରେ ଆହିମାନେ □

୪

ଇର୍‌ଆ ତ:କା ବିତ୍ତା ନେହଁ ଜୀଝୁତି ଦନ

୧ ମାରୁ ମାହାପୁରୁତି କାର୍ମା ବେଟାଆହାନା ଇ ସେବାକିନି ପାଣା ବେଟାଆହାମାନାକି ସାସା ହିଲାଆ ଲକୁଲେହେଁ ଆହାହିଲାଆୟି,

୨ ସାମା ମାମୁ ଲାଜା ଗାଟି ତଞ୍ଜା ଆଆଗାଟି ଲାଗେଏତି କାମା ପିସାମାନମି; ଇଞ୍ଜା ମାମୁ ନାତି କିଅମି ଅଡ଼େ ମାହାପୁରୁ କାତାଟି ମିଟି କାଲହାନା ଝେସିହିଲଅମି, ମାହାପୁରୁ କାନୁତା ନେହଁ କାବୁତି ସାତା କିହଁ ଝେକହାନା ବାରେଜାଣାଟି ନେହଁ ଅଣ୍ପୁ ତାକି ନେହଁତମି ତଞ୍ଜା ଆହିମାନମି □

୩ ଏଦାଆଁତାକି ଇତିହଁ ମାରୁ ଝେକହାମାନି ନେହଁ କାବୁ ତରୁ ମାଟିହଁ, ଏଦି ଖାରଇ ଜାଙ୍ଗା ମାନାରାକି ତରୁମାନେ □

୪ ମାହାପୁରୁ ଖାଣା ଲେହେଁତି କ୍ରୀସ୍ତ ତାନି ଗାଝୁରମିଗାଟି ନେହଁ କାବୁତି ଉଜେଡ଼ି ଏନିକଁ ଇଲେତି ଲକୁକି ତଞ୍ଜା ଆଏ, ଏଦାଆଁତାକି ନାମାଆଗାଗାରି ବୁଦି ଦାରତିତି ପଲଆ ପେନୁ କାଣାୟା କିହାମାନେ □

୫ ମାମୁ ମୁାଙ୍ଗେତାକି ଝେସାକଡ଼ିହିଲଅମି, ସାମା କ୍ରୀସ୍ତଇଁ ପ୍ରବୁ ଇଞ୍ଜା ଅଡ଼େ ଜୀସୁ କ୍ରୀସ୍ତ ତାକି ଜାହାରାଇଁ ମୀ ହଲିୟାଙ୍ଗାତମି ଇଞ୍ଜା ଝେକହି ମାନମି,

୬ ଏଦାଆଁତାକି ଇତିହଁ ଆମିନି ମାହାପୁରୁ ଏଲେଇଞ୍ଜାମାଚେସି, “ଆନ୍ଦେରିଟି ଉଜେଡ଼ି ତଞ୍ଜା ଆପେ,” ଏଞ୍ଜାସି କ୍ରୀସ୍ତତି ମୁମ୍ତୁା ତଞ୍ଜା ଆହିମାନି ମାହାପୁରୁଟି ଗାଝୁରମିଗାଟି ବୁଦିତି ଉଜେଡ଼ି ତସାଲି ତାକି ମା ହିୟାତି ଉଜେଡ଼ି କିହାମାନେସି □

୭ ସାମା ମାରୁ ଖାରଇ ଇରଥା ତ:କାତା ଇ ଲାକପୁରୁତି ଦନ ବେଟାଆହାମାନାୟି □ ଇମ୍ପାଆଁ ପୁଣ୍ଡି ଆହିମାନେ ଇଲେତି ଲାକପୁରୁତି ବାଡ଼ୁୟୁ ମାଦି ଆଏ ସାମା ମାହାପୁରୁଖାୟି □

୮ ମାମୁ ବାରେଲେହେଁତି ଦୁକୁ କସ୍ତ ବେଟାଆହାମାନମି, ସାମା ମାମୁ ସୁଶୁକି ଆହି ହିଲଅମି □ ଏଚେ ଏଚେଲା ଆତାଜାକା ଆଡ଼ି ଜିକେଏ ନୀରାସା ଆହାହିଲଅମି □

୯ ମାମୁ ସାସ୍ତି ବେଟା ଆହିମାନମି ସାମା ମାହାପୁରୁ ମାଙ୍ଗେ ଏଚେଲା ପିସାମାଞ୍ଜଅସି □ ଏଚେ ଏଚେକା ମାଡ଼ା ବେଟାଆହି ମାନମି ସାମା ନାସା ଆହାହିଲଅମି □

୧୦ ଜୀସୁତି ଜୀଝୁ ଏନିକଁ ମା ତାଣା ତଞ୍ଜାଆନେ, ଏଦାଆଁତାକି ମାରୁ ବାରେ ବେଲା ମା ଆଙ୍ଗାତା ଜୀସୁତି ହାକି ତେକା ମାନାୟି □

୧୧ ଇତିହଁ ଜୀସୁତି ଜୀଝୁ ଏନିକଁ ମା ହାନି ଆଙ୍ଗାତା ତଞ୍ଜାଆନେ, ଏଦାଆଁତାକି ମାରୁ ନୀତାମାଟି ଜିକେଏ ବାରେବେଲା ଜୀସୁତି କସମି ହାକିତା ହେରପି ଆହିମାନାୟି □

୧୨ ଇଲାଆହଁ ମା ତାଣା ହାକି, ଅଡ଼େ ମୀ ତାଣା ଜୀଝୁ କାମା କିହିମାନେ □

୧୩ ରାସ୍ତି ଆହାମାନେ, “ନାନୁ ନାମିତାକି ଜଲିତେଏଁ □” ମାରୁ ଏ ନାମୁତି ଜୀଝୁ ବେଟାଆହାମାନାୟି, ଇଞ୍ଜା ମାରୁ ନାମାମାନାୟି ଏଦାଆଁତାକି ଝେକହି ଜିକେଏ ମାନାୟି □

୧୪ ମାମୁ ପୁଞ୍ଜାମାନମି, ମାହାପୁରୁ ପ୍ରବୁ ଜୀସୁଇଁ ହାକିଟି ଝେଶ୍ଟେ ନିକହାମାନେସି □ ଏ ମାହାପୁରୁ, ଜୀସୁତଲେ

ମାଙ୍ଗେ ଜିକେଏ ନିକହାନେସି ଅଡ଼େ ମୀ ତଲେ ମାଙ୍ଗେ ତାନି ତାଗେ ଅୟାନେସି □

୧୫ ମୀ ନେହେଁତାକି ଇ ବାରେ ଆହିମାନେ □ ମାହାପୁରୁଟି କାର୍ମାମେହନାୟି ଅଡ଼େ ହାରେ ଗାଡ଼ି ପାତାଆହାନା ଲକୁଣି ତୀଗିତେ, ଅଡ଼େ ହାରେକା ଲକୁ ରାହାଁ ଅଣ୍ପୁ ତଲେ ମାହାପୁରୁଇଁ ଗାଝୁରମି କିନେରି □

ନାମୁତି ଜୀଝୁ

୧୬ ଏଦାଆଁତାକି ମାମୁ ଖାହା ହିଲଅମି, ସାମା ମା ଦାରତିତି ଆଙ୍ଗା ମେଣ୍ଟିତି ଜିକେଏ ମା ହିୟା ବିତ୍ରାତି ଜୀଝୁ ପୁଞ୍ଜନାୟି ଆହିମାନେ □

୧୭ ଇତିହଁ ଇ ଗାଡ଼େକାଟି କସ୍ତ ହାରେକା ଗାଡ଼ି ମାଙ୍ଗେ ତାକି କାଲାକାଲା ରାଆଗାଟି ଗାଝୁରମି ତାନେ;

୧୮ ମାରୁ ତଞ୍ଜା ଆହିମାନାଣି ଗୁରି କିଆନା ତଞ୍ଜା ଆଆଗାଗାଣି ଗୁରି କିହିମାନାୟି; ଇତିହଁ ତଞ୍ଜା ଆହିମାନାୟି ଗାଡ଼େକା ତାକି, ସାମା ତଞ୍ଜା ଆଆଗାଗାୟି କାଲାକାଲାତାୟି □



୧୯ ମାରୁ ପୁଞ୍ଜାମାନାୟି, ଆମିନି ଦାରତିତି ତୁମୁ ଲେହେଁତି ଇଲୁତା ନୀଏଁ ମାରୁ ବାସା କିହାମାନାୟି, ଏଦି ନସ୍ତ ଆଡ଼ିସାରେ ମାହାପୁରୁ ମାଙ୍ଗେ ଲାକପୁରୁ ର କାଲାକାଲାଟି ଇଲୁ ମେଡ଼ି କିୟାନେସି □ ଏଦି ମାଣସି କେୟୁଟି କେପିତାୟି ଆଏ, ମାହାପୁରୁ ତାନୁଏ ଏଦାନି ଗାଡ଼ିକିତାସି □

୨ ଇ ଦାରତିତି ଇଲୁତା ମାଞ୍ଜାନା ମାରୁ ଲାକପୁରୁ ଇଲୁତି ହିମ୍ପରି ହୁଚାଲି ମନ କିହାନା ଡ଼ାହି ମାନାୟି □

୩ ସାମା ଲାକପୁରୁଟି ବାସା ଟାୟୁତା ହଡ଼ିସାରେ ମାରୁ ଆଙ୍ଗା ହିଲାଆଗାଗାତାୟି ଆଆନା ନାଗୁଡ଼ା ତଞ୍ଜା ଆଆୟି □

୪ ଇତିହଁ ମାରୁ ଇ ଦାରତିତି ତୁମୁତା ବାସା ଆହାନା ବଜୁଗାଟି ହିୟା ତଲେ ଡ଼ାହି ମାନାୟି; ଇତିହଁ ମାରୁ ଦାରତିତି ଆଙ୍ଗା ପିସାଲି ଅଣ୍ପିମାନାୟି ଏଦି ଆଏ, ସାମା ଜୀଝୁ ଏନିକଁ ଦାରତିତି ନାସାକିନେ, ଇଦାଆଁତାକି ଇ ହାନି ଆଙ୍ଗାଟି ମୁହେଁ ଲାକପୁରୁଟି ହିମ୍ପରି ହୁଚାଲି ମାରୁ ମନ କିହିମାନାୟି □

୫ ମାହାପୁରୁ ମାଙ୍ଗେ ଇ ବାଦଲଝି ଆନାଣି ତାକି ତିୟାରା କିହାଁ ମାଞ୍ଜାନେସି □ ଅଡ଼େ ଇଦାଣି ତୀରପୁକିନାଣି ଲେହେଁ ତାନି ସୁଦୁଜୀଝୁ ଏଞ୍ଜାସି ମାଙ୍ଗେ ହୀହାମାଞ୍ଜାନେସି □

୬ ଏଦାଆଁତାକି ମାମୁ ବାରେବେଲା ସାସା ଆସାମାନମି □ ମାମୁ ପୁଞ୍ଜାମାନମି, ଏଚରଦିନା ପାତେକା ଇ ଆଙ୍ଗାତା ବାସା କିହାମାନମି, ଏଚରଦିନା ପାତେକା ପ୍ରବୁତି ଇଲୁଟି ହେକ ମାଞ୍ଜାନା ନୀତା ବାଡ଼କିମାନମି,

୭ ଏଦାଆଁତାକି ଇତିହଁ ମାରୁ ତଞ୍ଜାଆହିମାନି ଦିଶ୍ପୁ ଲାକ ଆଏ ସାମା ନାମୁ ଲାକ ନୀତା ବାଡ଼କି ମାନାୟି □

୮ ଏଦାଆଁତାକି ଇଚିହ୍ନିଁ ମାମ୍ବୁ ସ୍ତାସା ଗାଟାତମି, ଇଞ୍ଜା ଇ ଆଙ୍ଗା ପିସାନା ପ୍ରବୁ ତଲେ ବାସା କିହାଲି ମାମ୍ବୁ ହାବେକା ରାହାଁ ।

୯ ଏଦାଆଁତାକି ଇମ୍ବାଆଁ ଜାହାରା ଇଲୁତା ମାଚିହ୍ନିଁ କି ହେକ ରାଜି ମାଚିହ୍ନିଁ ଜିକେଏ, ମାହାପୁରୁଇଁ ରାହାଁ କିନାୟି ଏ ମା ରଣିଏ ଅଣ୍ଡପୁ ।

୧୦ ଇଚିହ୍ନିଁ ନେହେଁ ଆପେ କି ଲାଗେଏ ଆପେ, ବାରେଜାଣା ଜାହାରା ଆଙ୍ଗା ତଲେ କିତି କାମାତି ଲେକାତଲେ ପାଡେୟି ବେଟାଆହାଲି ତାକି କ୍ରୀସ୍ତତି ନାହାଁୟି କିନି ଟାୟୁ ନକିତା ବାରେତାୟି ମାଙ୍ଗେ ନିକା ହାଜାଲି ଆଡେନ ।

କ୍ରୀସ୍ତ ତାଣାଟି ମାହାପୁରୁତି ତଣେସିଙ୍ଗା ଆନାୟି

୧୧ ପ୍ରବୁଇଁ ଆଜିନାଣି ପୁଞ୍ଜାମାନାକି ମାମ୍ବୁ ମାଣ୍ଡିୟାଁଇଁ ମାଡ଼ିକିହିଁ ମାନମି, ସାମା ମାମ୍ବୁ ମାହାପୁରୁ ନକିତା ତଞ୍ଜା ଆହାମାନମି ଇଞ୍ଜା ମୀ ଅଣ୍ଡପୁତା ଜିକେଏ ତଞ୍ଜା ଆହାମାନମି, ଇ କାତା ନାନ୍ଦୁ ଆସା କିହିମାଇଁ ।

୧୨ ମାମ୍ବୁ ମୀ ତାଣା ଅଡେ ବଡପଣ ତସାଲି କିହିହିଲଅମି, ସାମା ଲକୁତି ନେହ୍ନିଁ ଅଣ୍ଡପୁ ତାକି ବଡପଣ ତହୁନାଆନା ଖାରଇ ଏଞ୍ଜାରି ଆଙ୍ଗାତି ରାହାଁତାକି ବଡପଣ ତହୁନାଆନା ମୀରୁ ଖେଣ୍ଡେ ଖେସାଲି ଆଡିଦେରି, ଏଦାଆଁତାକି ମୀରୁ ମା ତାକି ବଡପଣ ତସାଲି ଆଡିଦେରି ଇଞ୍ଜା ଖେସିମାଞ୍ଜାନମି ।

୧୩ ମାମ୍ବୁ କି ବୁଦି ହିଲାଆ ଗାଟାତମି ? ଏଦି ମାହାପୁରୁ ତାକି ଆହାମାନେ ମାମ୍ବୁ କି ବୁଦିଗାଟାତମି ଆହାମାନମି ? ମା ନେହେଁ ମାଚିସାରେ, ମୀ ତାକି ଏଲେଆହ୍ନିଁ ମାନମି ।

୧୪ ଇଚିହ୍ନିଁ କ୍ରୀସ୍ତତି ଜୀଞ୍ଜୁ ନନ୍ଦି ତାଣାଟି ସାଲୁଞ୍ଜି ଆହିମାନାୟି, ଏଦାଆଁତାକି ମୀରୁ ଇ କାତା ଅଣ୍ଡପିମାନାୟି, ରଅସି ବାରେଜାଣା ତାକି ହାହାମାନାକି ବାରେଜାଣା ଏ ହାକିତା ଆଣ୍ଡାମାନେରି ।

୧୫ ଏଞ୍ଜାସି ବାରେଜାଣା ତାକି ହାହାମାନାକି ଆମିନି ଗାଟାରି ନୀତାମାନେରି, ଏଞ୍ଜାରି ଅଡେ ଜାହାରାତାକି ନୀତାଆନା ଏଞ୍ଜାଣି ତାକି ନୀତିନେରି, ଏଦାଆଁତାକି ଇଚିହ୍ନିଁ ଏଞ୍ଜାରି ତାକି ଏଞ୍ଜାସି ହାହାନା ଖେଣ୍ଡେ ନୀତାମାନେସି ।

୧୬ ଇଦାଆଁତାକି ମାମ୍ବୁ ଆମ୍ବାଆରାଇଁ ମାଣ୍ଡିସି ଅଣ୍ଡପୁ ତଲେ ବିଚାରା କିହିଲଅମି । ଦିନା ମାତେ ଏତିବେଲା ମାମ୍ବୁ କ୍ରୀସ୍ତଇଁ ଜିକେଏ ମାଣ୍ଡିସି ଅଣ୍ଡପୁ ତଲେ ଅଣ୍ଡପିମାତମି, ସାମା ନୀର୍ଏ ମାମ୍ବୁ ଅଡେ ଏଲେ କିହିହିଲଅମି ।

୧୭ ଇଦାଆଁତାକି ଆମ୍ବାଆସି କ୍ରୀସ୍ତ ତାଣା ମାନେସି ଆଡିହ୍ନିଁ ଏଞ୍ଜାସି ପୁଞ୍ଜନି ଗାଡ଼ି ଆହାମାନେସି । ପୁଞ୍ଜାଆୟି ବାରେ ମେଣ୍ଡଙ୍ଗାମାନେ, ମେହ୍ନୁ ପୁଞ୍ଜନାୟି ବାରେ ଆହାମାନେ ।

୧୮ ଇ ବାରେ ମାହାପୁରୁ ତାଣାଟି ଆହାମାନେ, ଏଞ୍ଜାସି କ୍ରୀସ୍ତ ତାଣାଟି ମାଙ୍ଗେ ତାନିତଲେ ଅଡେ ଆବହା

ମାଞ୍ଜାନେସି ଇଞ୍ଜା ତାନିତଲେ ସେବାକିନି ପାଣା ଆବହାଲି ଏଞ୍ଜାସି ମାଙ୍ଗେ ଦାୟିପତି ହୀହାମାଞ୍ଜାନେସି ।

୧୯ ଏ ଆଣ୍ଡିନି ବଲୁ ଇଦି, ମାହାପୁରୁ କ୍ରୀସ୍ତ ତାଣା ଦାରତିତି ତାନିତଲେ ଆବହାମାଚେସି; ଏଞ୍ଜାସି ଦାରତିତି ଲକୁତି ଦହ ଆହୁଆନା ଏ ଆଣ୍ଡିନି ବଲୁତି ମା ତାଣା ହେବପା ମାଞ୍ଜାନେସି ।

୨୦ ଏଦାଆଁତାକି ମାହାପୁରୁ ମା ଖାକିଟି ହାଡ଼ିମାଞ୍ଜାନାକି ମୀରୁ କ୍ରୀସ୍ତତି ଖାକିଟି ରାଜାତି କାରୁ ଖେହୁନାତାୟି ଆହାମାନାୟି; କ୍ରୀସ୍ତ ତଲେ ମୀରୁ ବାତିମାଲି ମାଞ୍ଜାନମି, ମାହାପୁରୁ ତଲେ ଅଡେ ଆଣ୍ଡାଦୁ ।

୨୧ ଇଚିହ୍ନିଁ କ୍ରୀସ୍ତକି ଇଚାୟି ପାପୁ ହିଲାଆତି ଜିକେଏ, ମାହାପୁରୁ ତାଙ୍ଗେ ମା ତାକି ପାପୁ ଗାଟାଣିଲେହେଁ କିତେସି, ମୀରୁ ଏନିକିଁ ତାନିତଲେ ଆଣ୍ଡାମା ମାହାପୁରୁତି ଦାମ୍ବୁତା ଆଣ୍ଡାଲି ଆଡିନାୟି ।



୧ ମାହାପୁରୁ ତଲେ ଆଣ୍ଡି ଆହାନା କାମା କିହିମାନାକି ମାମ୍ବୁ ମିଙ୍ଗେ ବାତିମାଲି ମାଞ୍ଜାନମି, ମୀ ଜୀଞ୍ଜୁତା ମାହାପୁରୁତି କାର୍ମାମେହୁନାଣି ଉଜେଏ କିଆଦୁ ।

୨ ମାହାପୁରୁ ଏଲେଇଞ୍ଜି ମାନେସି,
“ମିଙ୍ଗେତାକି କାର୍ମା ମେସ୍ତାନି ଦିନା ଖାହାଲିଏ ନାନ୍ଦୁ ମୀ ଗହାରା ଖେଚେଏ,
ଗେଲୁପିନି ଦିନା ନାନ୍ଦୁ ମୀ ସାୟେମି ଆୟାତେଏ”
ମେହ୍ନୁ, ଇଦି ଆହିମାନେ ମାହାପୁରୁତି କାର୍ମାମେହୁନାଣି ବେଟାଆନି ବେଲା । ନୀଞ୍ଜୁ ଆହିମାନେ ଗେଲୁପିଆନି ଦିନା ।

୩ ଏନିକିଁ ମା ସେବା କାମା ନିନ୍ଦା ଆଏ, ଏଦାଆଁତାକି ମାମ୍ବୁ ଆମ୍ବାଆରି କାମାତା ବାଦା ହୀଆପ ଇଞ୍ଜା ଅଣ୍ଡପିମାନମି ।

୪ ଏଦାଆଁତାକି ମାମ୍ବୁ ବାରେବେଲା ମାହାପୁରୁତି ସେବା କିନାରା ଲେହେଁ ତସାକତିମାନମି, ସାମା ଆଡ଼ି ତଲେ ବାରେଲେହେଁତି ବାଦାତା, ହିଲାଆ ବେଲାତା କସ୍ତ ଅରୁହିମାନମି,

୫ ମାମ୍ବୁ ମୁଞ୍ଜା ବେଟାଆହାନା, କାୟିଦିତା, ଲକୁ ନକିତା ନିନ୍ଦା ବେଟାଆହାନା, ଇଞ୍ଜା ଖାହୁ କାମାତା, ଇଦା କିଆନା, ରାନ୍ଦା ତିନାଆନା ମାଚମି,

୬ ସୁଦୁଟି, ବୁଦିଟି, ଅରୁହିନି ତାଣାଟି, କାର୍ମାମେହୁନି ତାଣାଟି, ସୁଦୁଜୀଞ୍ଜୁତା, କୁଟୁ ହିଲାଆନା ଜୀଞ୍ଜୁନାୟି,

୭ ଅଡେ ସାତା ନେହ୍ନିଁ ବଲୁତା, ମାହାପୁରୁତି ବାଡ଼ୁ ତଲେ, ଚିଞ୍ଜନି ଚେବୁ କେୟୁଟି ଦାମ୍ବୁତି ସାଜୁ ତଲେ,

୮ ଗାଞ୍ଜୁରନି ଅଡେ ଅପାଆ ତାଣା, ମାମ୍ବୁ ମୁଞ୍ଜି ବେଟାଆହି ମାନମି ଇଞ୍ଜା ଲାଜା ବେଟାଆହି ମାନମି; ଇଞ୍ଜା ନାଡ଼ିକିଞ୍ଜି ଆହିମାନମି, ଆଡିଜିକେଏ ସାତା ଗାଟାତମି ।

୯ ପୁଣ୍ଡି ଆଆତି ଲକୁ ଲେହେଁ, ଆଡି ଜିକେଏ ନେହ୍ନିଁ ପୁଣ୍ଡିଆଡି ଲକୁ, ହାଡାରି ଲେହେଁ ଆଡି ଜିକେଏ ମେହ୍ନୁ

☆ ୨:୫ ୨:୫ କାମା ୧୭:୨୩

ମାମୁ ନୀତାମାନମି, ମାମୁ ତୁଣ୍ଡ ବେଟାଆହାମାନମି ସାମା ହାହା ହିଲଅମି,

୧୦ ମାମୁ ଦୁକୁତଲେ ମାତିହୁଁ ଜିକେଏ ବାରେବେଲା ରାହାଁ ତଲେ ମାନମି, ମାମୁ କାକୁଲି ଗାଟାତମି ଲେହେଁ, ସାମା ହାରେକା ଲକୁତାକି ବାଡ଼କା ମାନମି, ମାଜେ ଏନାୟି ହିଲାଆଲେହେଁ ସାମା ମାମୁ ସାତାତଲେ ବାରେତି ଅଦିକାରା ଗାଟାତମି; ଇ ବାରେତାଣା ମାମୁ ମାହାପୁରୁତି ସେବା କିନାତମି ଲେହେଁ ଜାହାରାଇଁ ଜଗେ ଗାଟାତମି ଇଞ୍ଜିଁ ତସାକତି ମାନମି □

୧୧ କରନ୍ତିତା ମାନି ଜୀଞ୍ଜୁତି ତାୟିୟାଁ ଅଡ଼େ ତାଜିସ୍ମାତେରି, କୁଟୁ ହିଲାଆଲେହେଁ ମିଜେ ବାରେ ଝେସା ମାଞ୍ଜାନମି □ ମୀ ତାଣା ମା ହିୟାଁ ଦେତାମାନମି □

୧୨ ମିଜେତାକି ମା ଜୀଞ୍ଜୁନନାୟି ଉଣା ଆହା ହିଲେଏ ସାମା ମା ତାକି ମୀ ଜୀଞ୍ଜୁନନାୟି ଉଣା ଆହାମାନେ □

୧୩ ମିଜେ ନା ମୀରକା ମାସ୍କା ଇଞ୍ଜିଁ ଅଣ୍ଡାପାନା ଇ ବାରେ ଝେସିମାଞ୍ଜାଇଁ, ମାମୁ ଜୀଞ୍ଜୁନହୁଁ ମାଞ୍ଜାନାକି ମୀ ହିୟାଁ ଦେପି ଆଡ଼େ □

ଲାଗେଏ ତାଣାଟି ଜାଗ୍ରାତା କିନାୟି

୧୪ ମୀରୁ ନାମାଆଗାଟାରି ତଲେ ରଲେଏତାତେରି ଆଡ଼ି ଲେହେଁ କାମା କିଆଦୁ, ଦାମୁଁ କାମାତା ଲାଗେଏତି କାମା ଏନିକିଁ ଆଣ୍ଡିନେ ? ଅଡ଼େ ଆନ୍ଦେରି ତଲେ ଉଜେଡ଼ି ଏନିକିଁ ଆଣ୍ଡିନେ ?

୧୫ କ୍ରୀସ୍ତ ଇଞ୍ଜା ବିଲିୟାରୁ ଏନିକିଁ ଜାରୁ ଆନ୍ଦେରି ? ନାମିତାରି ଇଞ୍ଜା ନାମାଆତାରି ଆମିନି କାତାତା ରଣ୍ଡିଏ ଆନ୍ଦେରି ?

୧୬ *ମାହାପୁରୁତି ଇଲୁତା, ଏନିକିଁ ପେଣ୍ଡକାତି ପୂଜା ଆନ୍ଦେ ? ସାମା ମୀର ନୀତାମାନି ମାହାପୁରୁତି ଇଲୁତାୟି, ଇତିହୁଁ ମାହାପୁରୁ ତାନୁଏ ଏଲେଇଞ୍ଜା ମାନେସି,

“ନା ଲକୁତଲେ ନାନୁ ବାସା କିଇଁ,
ଅଡ଼େ ଏଞ୍ଜାରିତଲେ ମାଇଁ,
ନାନୁ ଏଞ୍ଜାରି ମାହାପୁରୁ ଆଇଁ,
ଅଡ଼େ ଏଞ୍ଜାରି ନା ଲକୁ ଆନ୍ଦେରି □”

୧୭ ଏଦାଆଁତାକି ପ୍ରୁ ଏଲେଇଞ୍ଜା ମାନେସି,
“ମୀରୁ ଏଞ୍ଜାରି ତାଣାଟି ହଟା ଝାଦୁ,
ଏଞ୍ଜାରି ତାଣାଟି ଏଟକା ଆଦୁ,
ଏନି ଲାଗେଏତି ଦିଶସୁ ତୀଗାଆଦୁ,
ଆତିହୁଁ ନାନୁ ମିଜେ ଆବାଇଁ,

୧୮ ନାନୁ ମୀ ଆବା ଆଇଁ,
ଅଡ଼େ ମୀରୁ ନା ମୀରକା ମାସ୍କାତେରି ଆନ୍ଦେରି,
ବାରେକିହାଁ ବାଡ଼ମୁଗାଟି ପ୍ରୁ ଇଦାଆଁ
ଝେସିମାଞ୍ଜାନେସି □”



୧ ଇତିହୁଁ, ଏ ତାୟିୟାଁ ଅଡ଼େ ତାଜିସ୍ମାତେରି, ଇ ବାରେ ଆଞ୍ଜାମାଟାଣି ମେଡ଼ା ଆହାମାନାକି ଝାଦୁ, ମୀର ମା

ଆଞ୍ଜା ଅଡ଼େ ଜୀଞ୍ଜୁତି ଲାଗେଏ ତାଣାଟି ଆବହା କତିନ, ଇଞ୍ଜା ମାହାପୁରୁଇଁ ଆଜାନା ସୁଦୁ ମାଣ୍ଡକିତା ନେହୁଁ ଆନ □

ପାଞ୍ଜୁଲତି ରାହାଁ

୨ ମୀ ହିୟାଁତା ମାଜେ ଟାୟୁ ହିୟାଦୁ, ମାମୁ ଆମ୍ବାଆରାଇଁ ଲାଗେଏ କିହାହିଲଅମି, ଆମ୍ବାଆରାଇଁ ନାସା କିହାହିଲଅମି କି ଆମ୍ବାଆରାଇଁ ବୁଡ଼ଝି କିହାହିଲଅମି □

୩ ନାନୁ ମିଜେ ଦହ ଦସାଲି ଇଦାଆଁ ଝେସିମାଞ୍ଜାଅଁ; ଇତିହୁଁ ନାନୁ ତଲିଏ ଝେସାମାଞ୍ଜାଇଁ, ମୀରୁ ମା ହିୟାଁତା ଏଚେକା ଟାୟୁ ବେଟାଆହାମାନାକି ମୀର ହାଡ଼ିହୁଁ ରଣ୍ଡିଏ ତାଣା ହାନ, ନୀତିତିହୁଁ ରଣ୍ଡିଏ ତାଣା ନୀତିନ □

୪ ମୀ ତାଣା ନାଜେ ହାରେକା ନାମୁ ମାନେ, ମିଜେତାକି ନାଜେ ହାରେକା ବଡ଼ପଣ ହଟି ମାଞ୍ଜାନେ; ନାନୁ ଦୁକୁ ତୁକହା ମାଇଁ, ମା ବାରେ କସ୍ତତା ନାନୁ ସାସା ଆହାମାଇଁ, ଅଡ଼େ ନା ହିୟାଁତା ରାହାଁ ହଟିମାଞ୍ଜାନେ □

୫ *ମାକିଦନିୟାତା ଏଜାଲିଏ ଜିକେଏ ପାଞ୍ଜାତା ଗଡ଼ହା ବିତ୍ତା ଆଜି, ଇଲେତି କସ୍ତ ବେଟାଆହାଲିଏ ମା ଆଞ୍ଜା ଜିକେଏ ଜମାଲି ପ୍ଲାଃଆଡେ □

୬ ସାମା ହେଲା ଗାଟାରାଇଁ ସାସା ହାନି ତିତସଇଁ ମାହାପୁରୁ ପାଣ୍ଡାନା ମାଜେ ସାସା ହିୟାତେସି □

୭ ଝାଉଁଇ ତାନି ଝାଡ଼ାକି ରାହାଁ ଆଏ, ସାମା ଏଞ୍ଜାସି ମୀ ତାଣା ହାଜାନା ଏମିନି ସାସା ବେଟାଆହାମାନେସି □ ଏମ୍ବାଟି ମାଜେ ସାସା ହିୟାତେସି, ଏଚେକା ନାଜେ ମେସାଲି ମୀରୁ ଅଣ୍ଡିମାଞ୍ଜେରି, ଏଚେକା ମୀରୁ ଦୁକୁ କିହିମାଞ୍ଜେରି, ମୀରୁ ନା ତାଣା ବାସୁଁ ଇଟାଲି ଏଚେକା ତିୟାରା ଆହାମାଞ୍ଜେରି, ଏଦାଆଁତାକି ନାନୁ ନୀଏଁ ହାରେକା ରାହାଁ ଆହିମାଇଁ □

୮ ନାନୁ ନା ତଲିତି ଆକୁତା ମିଜେ ଦୁକୁ ହାହାମାଞ୍ଜାତିହୁଁ ଜିକେଏ ଏଦାଆଁତାକି ଦୁକୁ ଆଏ; ଏ ଆକୁ ଗାଡ଼େକା ତାକି ମିଜେ ଦୁକୁ ହାହା ମାଞ୍ଜାନାଣି ମେସାନା ନାନୁ ଦୁକୁ ଆଡ଼ିଜିକେଏ

୯ ନୀଏଁ ରାହାଁ ଆହିମାଇଁ, ମୀରୁ ନୀଏଁ ଦୁକୁ ଆଡ଼େରି ଏଦାଆଁତାକି ଆଏ, ସାମା ମୀ ଦୁକୁ ମିଜେ ମନ ଝେଟ୍ପି କିତାକି ରାହାଁ ଆହାମାଇଁ; ଇତିହୁଁ ମା ତାଣାଟି ମୀଦି ଏନାୟିଝା ବୁଡ଼ଝି ଆଆପେ, ଏଦାଆଁତାକି ମୀରୁ ମାହାପୁରୁ ତାଣାଟି ଦୁକୁ ବେଟା ଆହାମାଞ୍ଜେରି □

୧୦ ମାହାପୁରୁ ତାଣାଟି ଝାନି ଦୁକୁ ଗେଲ୍ପାଲିତାକି ମନ ଝେଟ୍ପି କିଞ୍ଜିକିନେ, ଏଦାଆଁତାକି ଅଣ୍ଡିନାୟି ଲଡ଼ା ହିଲେଏ; ସାମା ଇ ଦାର୍ଡିତି ଦୁକୁ ହାଞ୍ଜିକିନେ □

୧୧ ମେହୁଦୁ ମାହାପୁରୁତି ମନତଲେ ଆମିନି ଦୁକୁ ବେଟାଆଡ଼େରି, ଏଦି ମୀ ତାଣା ଏଚେକା ରାହାଁଗାଟାୟି, ହାଅ, ମୀ ଦହ ହିଲାଆଗାଟାଣି ତସାମାନେ, ହାଅ ଏଚେକା ଅଣ୍ଡପୁ, ଏଚେକା ଆଜି, ଏଚେକା ମନ, ଏଚେକା ସେବା, ଲାଗେଏତାଣି ତଣ୍ଡ ହାହାଲି ଏଚେକା ଅଣ୍ଡପୁ, ଏ ବାରେ ତାଣାଟି ମୀରୁ ଅବହାତେରି ଇଞ୍ଜିଁ ତଞ୍ଜା ଆହିମାଞ୍ଜେରି □

☆ ୭:୧୭ ୭:୧୭ ୧କର ୩:୧୭; ୭:୧୯ ☆ ୭:୫ ୭:୫ ୨କର ୨:୧୩

୧୭ ଇଦାଆଁତାକି ନାନୁ ମୀ ତାଣା ଏ ଆକୁ ରାଢ଼ିତେଏଁ, ଆତିହୁଁ ଜିକେଏ ଆମ୍ବାଆସି ଲାଗେଏ କିହାମାନେସି, କି ଆମ୍ବାଆସି ଲାଗେଏତାଣି ଅରୁହା ମାନେସି, ଏଞ୍ଜାଣାକି ରାଢ଼ିତେଏଁ, ଏଡ଼ି ଆଏ, ସାମା ମାଙ୍ଗେ ତାକି ମୀ ରାହାଁ ଏନିକିଁ ମାହାପୁରୁ ନକିତା ମୀ ତାଣା ସାତେଏ ଇଞ୍ଜିଁ ତଞ୍ଜାଆନେ, ଏଦାଆଁତାକି ରାଢ଼ିତେଏଁ □ ଇତିହୁଁ, ମାମ୍ବୁ ସାସା ବେଟାଆହାମାନମି □

୧୮ ଅଡ଼େ ମା ବାସୁତା ମାମ୍ବୁ ତିତସ ରାହାଁତାକି ହାରେକା ରାହାଁ ଆଡ଼ମି, ଇତିହୁଁ ଏଞ୍ଜାଣି ଜୀଞ୍ଜୁ ମୀ ବାରେ ଜାଣା ତାଣାଟି ରାହାଁ କିହାମାଙ୍ଗେରି □

୧୯ ଆତିହୁଁ ଏନି କାତା ତିତସ ତାଣା ମୀ ତାକି ନାନୁ ବଡ଼ପଣ କିହାମାଙ୍ଗେ, ଆତୁଁ ଲାଜା ଆହାହିଲଅଁ, ସାମା ଏନିକିଁ ମାର ବାରେ କାତାତା ମିଙ୍ଗେ ସାତା ଝେସାମାଞ୍ଜାତମି, ଏଲେକିହୁଁ ତିତସ ନକିତା ମା ବଡ଼ପଣ ଆନାୟି ଜିକେଏ ସାତା ଇଞ୍ଜିଁ ପୁଣ୍ଡିଆହାମାନେ □

୨୦ ଇଞ୍ଜାଁ ମୀରୁ ଏନିକିଁ ଆଜି ଅଡ଼େ ତୀରଗିହୁଁ ଏଞ୍ଜାଣାଙ୍ଗେ ଆବାହାଁ ଏଞ୍ଜାଣି ତାଣା ବାରେଜାଣା ତେରି ମାନୁଞ୍ଜି ଆଡ଼େରି, ଏ ବାରେ ଅଣ୍ପାମା ମିଙ୍ଗେତାକି ତାନି ହିୟାଁତା ଜୀଞ୍ଜୁନନାୟି ହାରେକା ପାତା ଆଡ଼େ □

୨୧ ନାନୁ ବାରେ ତାଣାଟି ମିଙ୍ଗେ ହାରେକା ନାମାଲି ଆଡ଼ାଙ୍ଗେ ଏଦାଆଁତାକି ନାଙ୍ଗେ ହାରେକା ରାହାଁ ହଡ଼ିମାଞ୍ଜାନେ □



କ୍ରୀସ୍ତାନା ଲକୁ ଦାନା ହାନାୟି

୧ ଏ ମା ତାୟିୟାଁ ଅଡ଼େ ତାଙ୍ଗିସ୍ତାତେରି, ମାକିଦନିୟା କୁଲମିକାଣା ମାହାପୁରୁ ହାହାମାନି କାର୍ମାମେହୁନାଣି ବେଟାଆହାମାନେ, ଏଦାଆଁ ମାମ୍ବୁ ମିଙ୍ଗେ ଝେସିମାଞ୍ଜାନମି;

୨ ଏଞ୍ଜାରି ବେଟାଆହାମାନି ହାରେକା କସ୍ତଲେ ତାୟିପାରି କିଞ୍ଜି ଆହାମାନେରି; ଏଞ୍ଜାରି ହାରେକା ହାକି କାକୁଲି ଗାଟାରି ଇତିହୁଁ ଜିକେଏ; ଜାହାରା ଅଣ୍ପୁ ତଲେ ତାନି ଦାନା ହାନି ତାଣା ଏଞ୍ଜାରି ରାହାଁ ହାରେକା ମାତେ □

୩ ଏନାଆଁତାକି ଇତିହୁଁ ନାନୁ ସାକି ହୀହିମାଙ୍ଗେ, ଏଞ୍ଜାରି ଆଡ଼ିନି ପାତେକା, ସାମା ଏଞ୍ଜାରି ଆଡ଼ିନି ବାଡ଼ୁୟୁ କିହାଁ ଜିକେଏ ହାରେକା ଗାଡ଼ି ଦାନା ହାହାମାନେରି □

୪ ଜୀହୁଦାତା ମାନି ମାହାପୁରୁ ଲକୁତି ସେବା କାମାତା ଆଣ୍ଡିଆନି କାର୍ମାମେହୁନାଣି ମେଡ଼ା ଆହାଲିତାକି ଏଞ୍ଜାରି ଜାହାରା ଅଣ୍ପୁ ତଲେ ବାଡ଼ିମାଲିହୁଁ ମାଙ୍ଗେ ହେଲ ରାସ୍ତାତେରି;

୫ ଏଞ୍ଜାରି ଝାଞ୍ଜ ମା ଆସା କିହାମାନିଲେହେଁ କିହାହିଲାଆତେରି, ସାମା ମାହାପୁରୁ ମନତଲେ ସାଲୁଞ୍ଜି ଆହାନା ତଲିଏ ଜାହା ଜାହାରାଙ୍ଗେ ପ୍ରବୁ ତାଣା ଇଞ୍ଜାଁ ମା ତାଣା ହେର୍ପାତେରି □

୬ ତିତସ ମୀ ତାଣା ଏ କାର୍ମାମେହୁନି କାମା ଏନିକିଁ ମାଟୁହା ମାତେସି, ଏଲେକିହୁଁଏ ଏଦାଆଁ ରାପୁହାଲି ଏଞ୍ଜାଣାଙ୍ଗେ ସାସା ହୀତମି □

୭ ମୀରୁ ବାରେ ତାଣାଟି ନକିତା ଆହାମାଙ୍ଗେରି, ଇତିହୁଁ ନାମ୍ବୁ କହୁଗାଟାରି, ରୁଦି ଇଞ୍ଜାଁ ବାରେଲେହେଁତ ରାହାଁ, ମିଙ୍ଗେତାକି ମା ଜୀଞ୍ଜୁନନାୟି, ଏଲେକିହୁଁ ବାରେ କାତା ଏନିକିଁ ମୀ ତାଣା ହାରେକା ତଞ୍ଜା ଆହିମାନେ, ଏଲେକିହୁଁଏ ଇ କାର୍ମାମେହୁନି କାମା ଜିକେଏ ମୀ ତାଣା ହାରେକା ତଞ୍ଜାଆଡ଼େ □

୮ ନାନୁ ହୁକୁମି ହାନି ଲେହେଁ ଝେସିମାଞ୍ଜାଅଁ, ସାମା ଅର ଲକୁତି ରାହାଁ ଆହାଲି ତସାନା ମୀ ଜୀଞ୍ଜୁନନାୟି ସାତା କି ଆଏ ତାୟିପାରି କିହାଲି ଝେସିମାଞ୍ଜାଙ୍ଗେ □

୯ ଇତିହୁଁ ମା ପ୍ରବୁ ଜୀସୁ କ୍ରୀସ୍ତତି କାର୍ମାମେହୁନାଣି ମୀରୁ ପୁଞ୍ଜାମାଙ୍ଗେରି, ମୀରୁ ଏନିକିଁ ଏଞ୍ଜାଣି ହିଲାଆଗାଟି ତାଣାଟି ଦନ ଗାଟାତେରି ଆଡ଼େରି, ଏଦାଆଁତାକି ଏଞ୍ଜାସି ଦନଗାଟାସି ଆଡ଼ିଜିକେଏ ମୀ ତାକି ହିଲାଆଗାଟାସି ଆଡ଼େସି □

୧୦ ଏଦାଆଁତାକି ନା ଅଣ୍ପୁ ଇଦି, ଏ ବାରେ ମିଙ୍ଗେତାକି ନେହେଁ, ଏନିକିହୁଁ ଡାଣ୍ଡୁରୁଏ ମୀରୁ ମୂଲୁଏ କାମା ମାଟୁହେରି, ଏଡ଼ି ଆଏ, ସାମା ଏ କାମା କିୟାଲି ନକେଏ ଜିକେଏ ଅଣ୍ପାମାତେରି □

୧୧ ନୀଏଁ ଏ କାମା ଜିକେଏ ରାପୁରୁ, ମୀରୁ ଏ କାମା କିହାଲି ଏନିକିଁ ଅଣ୍ପାମାତେରି, ଏଲେକିହୁଁ ରାହାଁତି ଅଣ୍ପୁ ତଲେ ଏ କାମା ରାଡ଼େ □

୧୨ ଇତିହୁଁ ହାହାଲିତାକି ରାହାଁ ମାଟିହୁଁ ମାଣ୍ଡି ତାନି ଆଡ଼ିନିଲେହେଁ ଏନାଆଁ ହୀନେସି, ମାହାପୁରୁ ନକିତା ନେହାୟି ଆଡ଼େ □

୧୩ ଇତିହୁଁ ଏଟକାତାରି ଏନିକିଁ ସୁକୁ ବେଟାଆନେରି, ଇଞ୍ଜାଁ ମୀରୁ କସ୍ତ ବେଟାଆଦୁ, ଏଦାଆଁତାକି ନାନୁ ଇଦାଆଁ ଝେସିମାଞ୍ଜାଅଁ;

୧୪ ସାମା ସମାନା ଆହାଲିତାକି ନୀଏଁ ମୀ ବାଡ଼କୁ ତଲେ ଏଞ୍ଜାରି ଲଡ଼ା ମାନାଣି କିଞ୍ଜି ଆହିମାନେ, ଏନିକିହୁଁ ଏଞ୍ଜାରି ବାଡ଼କୁ ତଲେ ମୀ ହିଲାଆଗାଟାଣି ପୁରା କିଞ୍ଜିଆଡ଼େ, ଇଞ୍ଜାଁ ଇଲେଆହୁଁ ସମାନା ତଞ୍ଜାଆନେ,

୧୫ ଦାମ୍ବୁପତିତା ଏନିକିହୁଁ ରାସ୍ତକି ଆହାମାନେ, “ଆମ୍ବାଆସି ହାରେକା କୃଡ଼ି କିତେସି, ଏଞ୍ଜାଣିଞ୍ଜାୟି ହାରାଆତେ, ଇଞ୍ଜାଁ ଆମ୍ବାଆସି ଡ଼ଣା କୃଡ଼ି କିତେସି, ଏଞ୍ଜାଣାକି ଡ଼ଣା ଆଆତେ □”

ତିତସ ଅଡ଼େ ତାନି ଆର୍ବୁତାରି

୧୬ ମାହାପୁରୁକି ଜହରା ଆଡ଼େ, ଏଞ୍ଜାସି ମିଙ୍ଗେତାକି ତିତସ ହିୟାଁତା ରାହାଁ କିହାଲି ସମାନା ଅଣ୍ପିନି ମନ ହୀତେସି □

୧୭ ଇତିହୁଁ ଏଞ୍ଜାସି ଝାଞ୍ଜ ମା ବାଡ଼ିମାଲିତାଣି ଅପିତେସି, ଏଡ଼ି ଆଏ, ସାମା ଏଞ୍ଜାସି ତାନୁଏ ହାରେକା ରାହାଁ ଆହାଁ ମୀ ତାଣା ଝାହାଲି ଏଞ୍ଜାସି ମନ କିହିମାନେସି □

୧୮ ଏଞ୍ଜାଣିତଲେ ମାମ୍ବୁ ଅର ତାୟିଙ୍ଗେ ପାଣ୍ଡିମାଞ୍ଜାନମି; ଏଞ୍ଜାସି ନେହୁଁ କାରୁ ଝେକ୍ନି କାମାତାକି ତାନି ଗାଞ୍ଜୁରମି ବାରେ କ୍ରୀସ୍ତାନା କୁଲମିତା ଝେଙ୍ଗାମାନେ,

୧୯ ଖାର୍‌ଇ ଏଦି ଆଏ, ସାମା ଏଞ୍ଜାସି ଜିକେଏ ମା ସେବା ତଲେ ଆହିମାନି ଇ କାର୍ମାମେହନି କାମା ତଲେ ପ୍ରବୁତି ଗାଝୁରମି ଇଞ୍ଜା ରାହାଁ ଅଣ୍‌ପୁ ତାକି ମା ତଲେ ତାକିନାସି ଆହାଲିତାକି କୁଲମିକା ତଲେ ଆଡ଼ି ଆହାମାନେସି □

୨୦ ମା ତଲେ କିହିମାନି ଇ ସେବା କାମା ଲେହେଁ ହାରେକା ଦାନାତି କାତାତା ଆମ୍ବାଆସି ଏନିକିହିଁ ମାଲେ ଦହ ଦସ୍ତାଆପେସି, ଏଦାଆଁତାକି ଜାଗ୍ରାତା ଆହିମାନମି;

୨୧ ଇଚିହିଁ ଖାର୍‌ଇ ପ୍ରବୁ କାନୁତାକି ଆଏ, ସାମା ଲକୁ କାନୁତାକି ଜିକେଏ ଏନାୟି ନେହାୟି, ଏଦାଆଁ ବାରେ କିହାଲି ଅଣ୍‌ପିମାନମି □

୨୨ ଅଡ଼େ, ମାମ୍ବୁ ମା ଅର ତାୟିଇଁ ଜିକେଏ ଏଞ୍ଜାରିତଲେ ପାଣ୍ଡିମାଞ୍ଜାନମି, ଏଞ୍ଜାଣାଇଁ ମାମ୍ବୁ ହାରେକା କାତାତା ହାରେକା ଦେବା ତାୟିପାରି କିହାଁ ରାହାଁତଲେ କାମାକିନାସି ଇଞ୍ଜାଁ ନେହଁକିଁ ପୁଞ୍ଜାମାନମି, ଇଞ୍ଜାଁ ମା ତାଣା ଆଡ଼ି ନାନୁ କିହାଁ ମାନାକି ଏଞ୍ଜାସି ନୀଏଁ ହାରେକା ରାହାଁ ଆହାମାନେସି □

୨୩ ତିତସ କାତା ଆମ୍ବାଆସି ଖେଞ୍ଜାତିହିଁ, ଏଞ୍ଜାସି ନା ଆଡ଼ିତାସି ଇଞ୍ଜାଁ ମା ତାକି ନା ତଲେ କାମାକିନାସି; ଇଞ୍ଜାଁ ମା ତାୟିୟାଁ କାତା ଖେଞ୍ଜାତିହିଁ, ଏଞ୍ଜାରି କୁଲମିକା ତାଣାଟି ପାଣ୍ଡି ଆହାମାନାରି, ଅଡ଼େ କ୍ରାସ୍ତତି ଗାଝୁରମି ଖେଞ୍ଜା କିହି ମାନାରି □

୨୪ ଇଚିହିଁ ମା ଜୀଝୁନନାୟି ଇଞ୍ଜାଁ ମା କାତାତା ମା ବଡ଼ପଣତି ପାରମାଣା କୁଲମିକା ନକିତା ଏଞ୍ଜାରାକି ତହୁଡୁ □



ହାକିଗାଟି କ୍ରାସ୍ତାନା ଲକୁଣି ସାଝେମି

୧ ଜୀହୁଦାତା ମାନି ମାହାପୁରୁ ଲକୁଇଁ ସାଝେମି କିନି କାତା ଅଡ଼େ ମିଲେ ରାଚାଲି ଲଡ଼ା ଆଏ;

୨ ନାନୁ ପୁଞ୍ଜାମାଇଁ ମାରୁ ବାରେବେଲା ସାଝେମି କିହାଲି ତିୟାରା ଆହାମାଞ୍ଜେରି ଇଞ୍ଜାଁ ମାକିଦନିୟାତି ଲକୁ ତାଣା ମା ତାକି ନାନୁ ବଡ଼ପଣ ଆହିମାଇଁ □ ନାନୁ ଖେସାମାତେଏଁ, “ଆକାୟାତି ତାୟିୟାଁ ସାଝେମି କିହାଲି ହାଟି ବାସାଟିଏ ତିୟାରା ଆହାମାନେରି □” ମାରୁ ଏଲେକିଁ ସାଝେମି କିନାୟି ଏଞ୍ଜାରି ବିଦ୍ରାଟି ହାରେକା ଲକୁଣି ଜାଗ୍ରାତା କିହାମାନେ □

୩ ଆଡ଼ିଜିକେଏ ନାନୁ ତାୟିୟାଁଇଁ ପାଣ୍ଡିମାଞ୍ଜାଇଁ, ମା ତାକି ବଡ଼ପଣ ତହୁନାୟି ଏନିକିଁ ଉଜେଏ ଆଏ, ସାମା ନା କାତାଲେହେଁ ହାହାଲିତାକି ଜାଗ୍ରାତା ଆଦୁ,

୪ ଏଚେତା ଆପେ ନା ତଲେ ଆମିନି ଲକୁ ପାଟେ ମାକିଦନିୟାତି ଖାହାଁ ମା ଦାନା କୃତି କିହା ହିଲାଆ ଗାଟାଣି ମେସ୍ତିହିଁ ମାରୁ ପାଣ୍ଡି ଲାଜା ପିସାନା ମାମ୍ବୁ ଲୁ ଆଡ଼ି ନାନୁତା କାତାତାକି ଲାଜା ବେଟାଆନମି

୫ ମାରୁ ତଲିଏ ଆଞ୍ଜାମାଟି ଦାନା ଏନିକିଁ ଗୁରୁମୁରୁ ଆହିଁ ହୀନାୟି ଆଆନା ଜାହାରା ଅଣ୍‌ପୁ ତଲେ ଆନେ, ଏଦାଆଁତାକି ତଲିଏ ଏ ଦାନା କୃତିକିହାଲି ତିୟାରା କିହାଲି

ନକେଏ ମା ତାଣା ହାଜାଲିତାକି ନାନୁ ଏ ତାୟିୟାଁଣି ବାତିମାଲାଇଁ ଅଣ୍‌ପାମାତେଏଁ □

୬ ସାମା ଇ କାତା ସାତା, ଆମ୍ବାଆସି ରଚାଣି ବିଚା ମାଟିନେସି, ଏଞ୍ଜାସି ଇଚାଣି ତାସା ବେଟା ଆନେସି; ଅଡ଼େ ଆମ୍ବାଆସି ଗାଟି ବିଚା ମାଟିନେସି, ଏଞ୍ଜାସି ଗାଟି ତାସା ବେଟାଆନେସି □

୭ ବାରେଜାଣା ଜାହାରା ହିୟାଁ ଏନିକିଁ ଅଣ୍‌ପା ମାନେ, ଏଲେକିଁ କିପେରି, ମୁସ୍ତି କି ବାଲାମାତମି ତଲେ ଆଏ; ଏଦାଆଁତାକି ଇଚିହିଁ ମାହାପୁରୁ ଜାହାରା ଅଣ୍‌ପୁ ତଲେ ଦାନାହାନି ଲକୁଣି ଜୀଝୁ ନନେସି □

୮ ଅଡ଼େ, ବାରେ ଦିଶ୍‌ସୁ ବାରେବେଲା ହାରେପୁରେ ବେଟାଆହାଁ ମାରୁ ଏନିକିଁ ବାରେ ନେହଁ କାମାତାକି ହାରେକା ଇଞ୍ଜାଁ ହାରେକା ଦାନା କିହାଲି ଆଡ଼ିଦେରି, ଏଦାଆଁତାକି ମାହାପୁରୁ ମିଲେ ବାରେଲେହେଁଟି କାର୍ମା ହାରେପୁରେ ହାହାଲି ଆଡ଼ାନେସି □

୯ ଦାର୍ମୁପତିତା ରାସ୍‌କି ଆହାମାନେ, “ଏଞ୍ଜାସି କେୟୁ ଦେଚାନା ଦାନା ହାହାମାନେସି, ଏଞ୍ଜାସି ହିଲାଆ ଗାଟାରାକି ହାରେପୁରେ ହାହାମାନେସି; ଏଞ୍ଜାଣି ଦାର୍ମୁ ଏଚେଲାଞ୍ଜା ରାଏ □”

୧୦ ମାହାପୁରୁ ମାଟିନାଣାକି ବିଚା ଅଡ଼େ ତିଞ୍ଜାଲି ରାୟା ହୀନେସି, ଏଞ୍ଜାସି ମାଟାଲିତାକି ମିଲେ ବିଚା ହିୟାନେସି ଇଞ୍ଜାଁ ଏଦାଆଁ ପାଡ଼ିକିନେସି, ଅଡ଼େ ମା ଦାର୍ମୁତି ପାଡ଼େୟି ଗାଟି କିନେସି □

୧୧ ଏଲେକିଁ ମାରୁ ବାରେ ଦିଶ୍‌ସୁତା ବାଡ଼କାନା ଜାହାରା ଅଣ୍‌ପୁ ତଲେ ଦାନା କିହାଲି ଆଡ଼ିଦେରି, ଇଞ୍ଜାଁ ଏଦି ମା ତାଣାଟି ମାହାପୁରୁଇଁ ଜହରା କିନାୟି ଆନେ □

୧୨ ଇଚିହିଁ ଇ ଦାନା ହୀନି ସେବା କାମା ମାହାପୁରୁ ଲକୁତି ଲଡ଼ାମାନାଣି ପୁରା କିହିମାନେ, ଏଦି ଆଏ, ସାମା ଏଦାଆଁ ତଲେ ଜିକେଏ ମାହାପୁରୁତି କାମାତା ହାରେକା ଲକୁ ରାହାଁତଲେ ଜହରା କିହିମାନେରି □

୧୩ ଇଚିହିଁ ଇ ସେବା କାମାତି ପାରମାଣା ତାକି ଲକୁ ମିଲେ ଆବିମାଞ୍ଜାନି କ୍ରାସ୍ତତି ନେହଁ କାରୁତି ନାମୁ, ଇଞ୍ଜାଁ ମାହାପୁରୁତି ଲକୁ ଅଡ଼େ ବାରେତାକି ମା ଆଣ୍ଡିନାୟି ତୀର୍‌ପୁ ତାକି ମାହାପୁରୁତି ଗାଝୁରମି କିହିମାନେରି □

୧୪ ମିଲେ ମାହାପୁରୁତି ହାରେପୁରେ କାର୍ମାମେହନାଣି ତାକି ଏଞ୍ଜାରି ଜିକେଏ ହାରେକା ରାହାଁତଲେ ପ୍ରାଡ଼ାନାତା ମିଲେ ଅଣ୍‌ପିମାଞ୍ଜାନେରି □

୧୫ ମାହାପୁରୁତି ହାରେପୁରେ ଦାନା ତାକି ତାଲେ ଜହରା ଆପେ □



ପାଝୁଲ ତାନି ସେବା କାମାତାକି ଖେଣ୍ଡେଖେହନାୟି

୧ ନାନୁ ପାଝୁଲତେଏଁ ମା ନକିତା ସାପି ଆହା ମାନାତେଏଁ ସାମା ହେକ ମାନାଟି ବାଡ଼ୟୁ ତହୁନାତେଏଁ, ନାନୁଏ

କ୍ରୀସ୍ତ ଯୁଦ୍ଧଗାଟି ଅଣ୍ଠୁ ତଳେ ମିଙ୍ଗେ ବାଡ଼ିମାଲିହଁ ରାସିମାଞ୍ଜାଇ,

୨ ହାଅ ନାନୁ ପ୍ରାତାନା କିହିମାଇଁ, ମାର ମାଣ୍ଡସିତି ଅଣ୍ଠୁ ତଳେ ତାକିମାନାୟି ଇଞ୍ଜି ଅଣ୍ଠିମାନାରି କପାଟି ବାଡ଼ୁୟୁ ତସାଲି ଅଣ୍ଠପାମାଇଁ, ଇଞ୍ଜା ନାନୁ ଖାଡ଼ିସାରେ ଏଲେତି ବାଡ଼ୁୟୁ ତସାଲି ଆଏ;

୩ ମାର ଇ ଦାର୍ଡିତା ଆଙ୍ଗା ତଳେ ନୀତାମାନାୟି ସାତା, ସାମା ମାର ଦାର୍ଡିତି ଅଣ୍ଠୁ ତଳେ କୁକୁ କିହି ହିଲାଆୟି,

୪ ଇତିହଁ ମା ଜୁକୁତି ସାଜୁ ଆଙ୍ଗାଟି ଜୁତି ତଳେ ଆଏ, ସାମା କାଜା କଟା ଇଲୁ ମ୍ଲେକ୍‌ହାଲି ମାହାପୁରୁ ନକିତା ଏ ବାରେ ବାଡ଼ୁୟୁ ଆନେ;

୫ ମାମ୍ବୁ ମିତି ଅଣ୍ଠୁ କାତା ବାରେ ଅଡ଼େ ମାହାପୁରୁତି ରୁଦି କପାଟି ନିଜିନି ବତପଣ ତହୁନି କାଜା କାତାଟି ବାରେ ମ୍ଲେକ୍‌ନମି; ଅଡ଼େ ବାରେଲେହେତି ଅଣ୍ଠିମାନାସି ଆସାନା କ୍ରୀସ୍ତ ମାନି ଆୟାଲି ଦସ୍‌ପି କିହିମାନମି □

୬ ଏତିବେଲା ମୀରୁ ବାରେ ଖାକିଟି ମାନୁଞ୍ଜି ଆଦେରି, ଏତିବେଲା ମାମ୍ବୁ ମାନୁଞ୍ଜି ଆଆଗାଟାଣି ବାରେ ତଣ୍ଡ ହାନମି □

୭ ମୀରୁ ସାରିସୁଟୁ ପାଙ୍ଗାତା ତଞ୍ଜା ଆହିମାନାଣି ମେସିମାଞ୍ଜେରି □ ଆମ୍ବାଆସି ଜାହାରାଇଁ କ୍ରୀସ୍ତ ଲକୁଡେଏଁ ଇଞ୍ଜି ନାମିନେସି, ଆତିହଁ ଏଞ୍ଜାସି ଏନିକଁ କ୍ରୀସ୍ତ ଲକୁ, ମାମ୍ବୁ ଜିକେଏ ଏଲେକଁ କ୍ରୀସ୍ତ ଲକୁ, ଇଦାଆଁ ତାନୁଏ ଅଣ୍ଠପାପେସି □

୮ ଇତିହଁ ମା ଅଦିକାରା ତାକି ନାନୁ ଅଲପ ଗାଡ଼ି ବତପଣ ତସି ଜିକେଏ ଲାଜା ଆଅଁ; ମିଙ୍ଗେ ନାସଞ୍ଜି କିହାଲି ପ୍ରୁ ମାଙ୍ଗେ ଅଦିକାରା ହାଆନା ମିଙ୍ଗେ ତିୟାରା କିହାଲି ହାହାମାଞ୍ଜାନେସି □

୯ ନା ରାଡ଼ିତି ଆକୁୟାଁ ତଳେ ନାନୁ ମିଙ୍ଗେ ଆଜିକିହି ମାଞ୍ଜାନେସି ଇଞ୍ଜି ଅଣ୍ଠପାଆଦୁ □

୧୦ “ଏତରଜାଣା ଏଲେଇନେରି, ପାଞ୍ଜୁଲ ତାନି ଆକୁ ରାଡ଼ିନାଟି ଅଦିକାରା ଅଡ଼େ କାଜା ବାଡ଼ୁୟୁ ଗାଟାଇ, ସାମା ମା ତଳେ ଆଙ୍ଗାତା ମାନାଟି ଏଞ୍ଜାସି ବାଡ଼ୁୟୁ ହିଲାଆଗାଟାସି ଅଡ଼େ ତାନି କାତା ବାରେ ଉଜେଏତାୟି □”

୧୧ ମାମ୍ବୁ ହେକ ମାଞ୍ଜାନା ଆକୁତା ରାଡ଼ିନି କାତା ଏନିଲେହେତାୟି, ମୀ ତଳେ ମାଞ୍ଜାନା କିନି କାମା ଜିକେଏ ଏଲେତାୟିଏ ଇଞ୍ଜି ଲକୁ ଅଣ୍ଠପାପେରି □

୧୨ ଇତିହଁ ଆମ୍ବାଆରି ଜାହାରାଇଁ ବତପଣ ତସା କଡ଼ିନେରି, ଏଞ୍ଜାରି ତଳେ ମାଙ୍ଗେ ଲେକା କିହାଲି ଜିକେଏ ମା ସାସା ହିଲେଏ; ସାମା ଏଞ୍ଜାରି ତାମ୍ବୁତାମି ତାଣାଟି ଜାହାରାଇଁ ଲେକା କିହାନା ରୁଦି ହିଲାଆଗାଟାରି ତଞ୍ଜା ଆନେରି □

୧୩ ସାମା ମାମ୍ବୁ ହାନ୍ଦି ଗାଣ୍ଡା ହାଜାନା ବତପଣ ତହୁଅମି; ମୀରୁ ଜିକେଏ ମାହାପୁରୁ ମାଙ୍ଗେ ହେରପା ମାଞ୍ଜାନି କାମାଟି ହାନ୍ଦି ବିତ୍ରା ତାତେରି, ଏ ଲେକା ତଳେ ବତପଣ କିଦେରି □

୧୪ ଇତିହଁ ମୀରୁ ମା ହାନ୍ଦି ବିତ୍ରା ହିଲାଆତି ଲେହେଁ ମାମ୍ବୁ ହାନ୍ଦି ଗାଣ୍ଡା ମାନମି, ଏଦି ଆଏ; ଏନିଇତିହଁ

କ୍ରୀସ୍ତ ନେହଁ କାରୁ ଝେକ୍‌ହିହଁ ମାମ୍ବୁ ମୀ ତାଣା ଜିକେଏ ତଲିଏ ଖାହାମାଟମି;

୧୫ ମାହାପୁରୁ କିହାମାନି ମା କାମାଟି ପାଙ୍ଗାତା ଏଟକା ଲକୁତି କାମାତା ବତପଣ କିହିହିଲଅମି, ସାମା ମାମ୍ବୁ ଆସା କିହିମାନମି ମୀରୁ ନାମୁତା ପାତା ଆନାଣିତଳେ ମୀ ତାଣାଟି ମା କାମା ଅଡ଼େ ହାରେକା ପାତା ଆନେ □

୧୬ ମାମ୍ବୁ ଅର ରଅଣି ହାନ୍ଦି ବିତ୍ରା ଏଞ୍ଜାସି ତଲିଏ କିହାମାନି କାମାତାକି ବତପଣ ତହୁଆନା, ମାମ୍ବୁ ମୀ ତାଣାଟି ଅର ଦେସାତା ହାଜାନା ନେହଁ କାରୁ ଝେକ୍‌ହାଲି ଆଡ଼ିନମି ଇଞ୍ଜି ଆସା କିହିମାନମି □

୧୭ ସାମା ଦାମ୍ବୁପତିତା ରାସ୍‌କି ଆହାମାନେ, “ବତପଣ ତହୁନାସି ପ୍ରୁ କିତି କାମାତାକି ବତପଣ ତସ୍‌ପେସି □”

୧୮ ଜାହାରାଇଁ ନେହଁତେଏଁ ଇଞ୍ଜି ଅଣ୍ଠିମାନାସି ଏଞ୍ଜାସି ତାୟିପାରିତା ଜାଣା ଆଡ଼ାସି ଆଏ, ସାମା ପ୍ରୁ ଆମ୍ବାଆରାଇଁ ସାତା ନେହଁସି ଇଞ୍ଜି ଇନେସି ଏଞ୍ଜାସି ତାୟିପାରିତା ଜାଣା ଆଡ଼ାସି □

୧୧

ପାଞ୍ଜୁଲ ଅଡ଼େ ମିତି ଜାପ୍‌ନାରି

୧ ନାନୁ ରୁଦି ହିଲାଆ ଗାଟାତେଏଁ ଲେହେଁ ଇତେକା ଝେସାଲି ନାଙ୍ଗେ ହେଲ ହିୟାତିହଁ ନେହେଁ ଇଞ୍ଜି ଅଣ୍ଠିମାଇଁ, ମୀରୁ ନାଙ୍ଗେ ହେଲ ହିୟାଦେରି □

୨ ମାହାପୁରୁ ତାକି ହାରେକା ରାହଁତା ନାନୁ ମିଙ୍ଗେତାକି ହାରେକା ରାହଁ, ଇତିହଁ ନାନୁ ମିଙ୍ଗେ ସୁଦୁ ତାଆ ମାଙ୍ଗାଲେହେଁ ର ତକ୍ରା ତାଣା ଇତିହଁ କ୍ରୀସ୍ତ ଇ ବାହା ଆୟାଲି କାତା ହାହାମାଇଁ □

୩ ସାମା ରାତୁ ତାନି ସୁଦ୍‌ମି ତଳେ ହବାଇଁ ନାଡ଼ି କିଡେ, ଏଲେକିହଁ ଏଡେତା ଆପେ ମୀ ମନ କ୍ରୀସ୍ତ ତାଣା ମାନି ତୀରପୁତାୟି ଇଞ୍ଜା ସୁଦୁତା ମାନାୟି ନାସା ଆନେ, ଇଦାଆଁ ନାଙ୍ଗେ ଆଜି ହଡ଼ିମାଞ୍ଜାନେ □

୪ ଇତିହଁ ଆମିନି ଜୀସୁଇଁ ମାମ୍ବୁ ଝେକ୍‌ଆତମି, ଇଲେକିହଁ ଏଟକା ଜୀସୁଇଁ ଆମ୍ବାଆସି ଆପେ ଖାହଁ ଝେକ୍‌ନେସି, କି ଆମିନି ସୁଦୁଜୀସୁ ମୀରୁ ବେଟାଆଆଡେରି, ଇଲେକଁ ଏଟକାତି ର ସୁଦୁଜୀସୁ ବେଟାଆଡେରି, କି ଆମିନି ନେହଁ ବଲୁ ମୀରୁ ଆବାଆଡେରି, ଇଲେକଁ ଏଟକାତି ର ନେହଁ ବଲୁ ବେଟାଆଡେରି, ଏଲେଆଡ଼ିହଁ ମୀରୁ ଗାଡ଼ି ଅରହିନାତେରି □

୫ ଇତିହଁ ଏ କାଜାପାଣା ଗାଟି “ପାଣ୍ଡୁଞ୍ଜି ଆଡ଼ାରି” ତାଣାଟି ନାନୁ ଏନିକିହଁ ଜିକେଏ ଉଣା ତାତେଏଁ ଆଏ ଇଞ୍ଜି ଅଣ୍ଠିମାଇଁ □

୬ ସାମା ନାନୁ କାତା ଜଲାଇଁ ପୁନାଆତି ଜିକେଏ ରୁଦିତା ଉଣାତେଏଁ ଆଏ; ସାତାତଳେ ମାମ୍ବୁ ବାରେଲେହେତି ବାରେ କାତାତା ମିଙ୍ଗେତାକି ଇଦାଆଁ ଝେସ୍ତାତମି □

୭ ମୀରୁ ଏନିକଁ କାଜାତେରି ଆଦେରି, ଏଦାଆଁତାକି ନାନୁ ଜାହାରାଇଁ ଉଣା କିହାକତାନା ମୀ ତାଣା

ଉଦ୍ଦେଶ୍ୟେନେଫ ମାହାପୁରୁଷି ନେହ୍ କାନ୍ତୁ ଝେକ୍‌ହାତେର୍; ଏଲେକିୟାଲିଏ ନାନ୍ତୁ ଏନି ପାପୁ କିତେର୍ ।

୮ ମୀ ତାଣା କାମା କିହ୍ ମିଙ୍ଗେ ସେବା କିୟାଲି ଏଟ୍‌କା କୁଲମିଟି ବର୍ତନ ବେଟାଆହ୍ ଏଞ୍ଜାରି ତାଣାଟି ମୀଞ୍ଜା ଅହିମାଚେର୍ ।

୯ ମୀ ତାଣା ମାଟିବେଲା ନାଙ୍ଗେ ଏନାଆଁ ହିଲାଆତି ଜିକେଏ ଆମ୍ବାଆରାକି ବାଦା ହାହାହିଲଅଁ; ମାକିଦନିୟାଟି ଖାଡି ତାୟିୟା ନାଙ୍ଗେ ଲଡା ଆନାଣି ବାରେ ହିୟାତେରି, ମିଙ୍ଗେ ବଜୁ ହାଆରେଟୁ ନାନ୍ତୁ ଜାଗ୍ରାତା ଆହାମାଚେର୍, ଅଡେ ଜାଗ୍ରାତା ଆହ୍ ଡୟିକ୍ ।

୧୦ ନା ତାଣା ମାନି କ୍ରୀସ୍ତୁଟି ସାତାକ୍ ସାକି ଇଟାନା ଝେସିମାକ୍, ଆକାୟା ଗାଡାୟାଟି ନା ଇ ବଡପଣତି ଆମ୍ବାଆସି ଜିକେଏ ସାପି କିହାଲି ଆଡଅରି ଏନାଆଁକି ?

୧୧ ନାନ୍ତୁ ମିଙ୍ଗେ ଜୀଞ୍ଜନହ୍ ମୀଞ୍ଜାଆକି କି ? ମାହାପୁରୁ ପୁଞ୍ଜାମାନେସି ନାନ୍ତୁ ମିଙ୍ଗେ ଜୀଞ୍ଜ ନହ୍ ମୀଞ୍ଜାକ୍ ।

୧୨ ସାମା ବଡପଣ ଆନିତାଣା ମା ଲେହେଁ ତଞ୍ଜାଆହାଲି ଆମିନି “ଉଦ୍ଦେଶତି ପାଣ୍ଡୁଆଡାରି” ପାରୁ ପାରିମାନେରି ନାନ୍ତୁ ଏନିକ୍ ଏଞ୍ଜାରାକି ପାରୁ ହାଅଁ, ଇଦାଆଁତାକି ନାନ୍ତୁ ଏନାଆଁ କିହିମାକ୍, ଏଦାଆଁ କିହେମାକ୍ ।

୧୩ ଇତିହ୍ ଏଲେତି ଲକୁ ନାଡିକିନି ପାଣ୍ଡୁ ଆଡାରି, ଇଞ୍ଜା ଖାଣା ବାଦଲଞ୍ଜିକିହାଁ କାମାକିନାରି, ଏଞ୍ଜାରି କ୍ରୀସ୍ତୁଟି ପାଣ୍ଡୁ ଆଡାରି ଖାଣା ଆହନେରି ।

୧୪ ଇତିହ୍ ଏଡି କାବାଆନି କାତା ଆଏ, ଇତିହ୍ ସୟତାନ ତାନୁଏ ଉଦ୍ଦେଡିଡି ଦୁଡୁଡି ଖାଣା ଆହନେ ।

୧୫ ଏଚେଟିଏ ତାନି ହଲିୟାକ୍ ଜିକେଏ ଦାମ୍‌ଗାଟାରି ଖାଣା ଆହନେରି, ଆଡିହ୍ ଏଡି କାଜା କାତା ଆଏ; ରାନି ଦିନାତା ଏଞ୍ଜାରି ତାମି କିତି କାମା ତଲେ ଡଣ୍ଡ ବେଟାଆନେରି ।

ପାଣ୍ଡୁଆଡି ପାଣା ତାକି ପାଞ୍ଜୁଲ କସ୍ତୁ ବେଟାଆନାୟି

୧୬ ନାନ୍ତୁ ଅଡେ ଝେସିମାଞ୍ଜାକ୍, ଆମ୍ବାଆସି ନାଙ୍ଗେ ବୁଦି ହିଲାଆଗାଟାସି ଇଞ୍ଜ୍ ଅଣ୍ପାଆପେସି; ସାମା ମୀରୁ ଏଲେକ୍ ଅଣ୍ପାପେସି, ଆଡିଜିକେଏ ବୁଦିହିଲାଆଗାଟାସି ଲେହେଁ ନାଙ୍ଗେ ଆବାଦୁ, ଏନିଇତିହ୍ ନାନ୍ତୁ ଜିକେଏ ଅଲ୍‌ପ ବଡପଣ ତସାଲି ଆଡିକ୍ ।

୧୭ ନୀଏଁ ନାନ୍ତୁ ଏନାଆଁ ଝେସିମାକ୍ ପ୍ରବୁଡି ଅଣ୍ପୁ ତଲେ ଝେସିମାଞ୍ଜାଅଁ, ସାମା ବୁଦି ହିଲାଆ ଗାଟାଚେର୍ ଲେହେଁ ହାରେକା ସାସାତଲେ ବଡପଣ ତସାନା ଝେସିମାଞ୍ଜାକ୍ ।

୧୮ ହାରେକା ଲକୁ ଦାରତିତି ଲେହେଁ ବଡପଣ ଆହିମାନାକି ନାନ୍ତୁ ଜିକେଏ ବଡପଣ ତହ୍‌କ୍ ।

୧୯ ଇତିହ୍ ମୀରୁ ହାରେକା ବୁଦି ଗାଟାଚେରି ଇଞ୍ଜିହ୍, ରାହାଁ ତଲେ ବୁଦି ହିଲାଆଗାଟାକାକ୍ ଅର୍‌ହି ମାଞ୍ଜେରି ।

୨୦ ଆମ୍ବାଆସି ମିଙ୍ଗେ ହଲିୟାକ୍ କିହାନା ଇଟାନେସି, ମୀ ଦନ ମୀଞ୍ଜା ଅୟାନେସି; ମିଙ୍ଗେ ପାନ୍ଦାତା ମେଡହାଁ

ଆସ୍ତାନେସି, ତାହାରା ଆୟାନେସି କି ମୀ ଗେଏଲାତା ସାପ୍‌ଡା ଝେଟାନେସି ଏ ବାରେ ଅର୍‌ହି ମାଞ୍ଜେରି ।

୨୧ ନାନ୍ତୁ ଲାଜାତଲେ ଝେସିମାଞ୍ଜାକ୍, ମାର ବାଡୁୟୁ ହିଲାଆ ଗାଟାତାୟି ଆହାମାନାୟି । ଆଡି ଜିକେଏ ଏନି କାତାତା ଆମ୍ବାଆସି ସାସା ଗାଟାସି, (ନାନ୍ତୁ ବୁଦି ହିଲାଆନା ଝେସିମାକ୍) ନାନ୍ତୁ ଜିକେଏ ସାସା ଗାଟାଚେର୍ ।

୨୨ ଏଞ୍ଜାରି କି ଏଡି ଲକୁ ? ଇତିହ୍ ନାନ୍ତୁ ଜିକେଏ ଏଡି ଲକୁଚେର୍ । ଏଞ୍ଜାରି ଇସ୍ତାୟେଲ ଲକୁ ? ଇତିହ୍ ନାନ୍ତୁ ଜିକେଏ ଇସ୍ତାୟେଲ ଲକୁଚେର୍ । ଏଞ୍ଜାରି ଅବ୍ରାହାମତି କୁଡାତାରି ? ଇତିହ୍ ନାନ୍ତୁ ଜିକେଏ ଅବ୍ରାହାମ କୁଡାତାଚେର୍ ।

୨୩ ଏଞ୍ଜାରି କି କ୍ରୀସ୍ତୁଟି ସେବା କିନାରି ? ଇତିହ୍; (ନାନ୍ତୁ ବାୟା ଆଡିଲେହେଁ ଏଲେଇଞ୍ଜିମାକ୍), ନାନ୍ତୁ ଏଞ୍ଜାରି କିହାଁ ଆଗାଡା ନେହେଁ ସେବା କିନାଚେର୍, ନାନ୍ତୁ ଏଞ୍ଜାରି କିହାଁ ଗାଡି ଖାଣୁ କାମା କିହାମାକ୍, ହାରେକା କାୟିଦି ଇଲୁତା ମାଚେର୍, ହାରେକା ଇର୍‌ନି ମାଡା ବେଟାଆହା ମାଚେର୍, ଅଲେ ଅଲେ ହାକିତା ହେର୍‌ଞ୍ଜା ମାଚେର୍ ।

୨୪ ନାନ୍ତୁ ଜୀଞ୍ଜୁଦି ଲକୁ ତାଣାଟି ପାସା ଦେବା ତୀରିସି ନ ଗଟା ବେଡି ବାଡ଼ଗା ମାଡା ବେଟାଆହାମାକ୍;

୨୫ ରମ୍‌ଡି ଲକୁ ତାଣାଟି ତାନି ପାଲି ସାଟ୍‌ଣି ତ:ରିତଲେ ନାଙ୍ଗେ ଇର୍‌ହାତେରି, ର ପାଲି ନାଙ୍ଗେ ଖାଲକାତଲେ ଇର୍‌ହାତେରି, ତାନି ପାଲି ଜାଜା ଡାଡି ତାଣାଟି ଗେଲ୍‌ହା ମାକ୍, ର ଲାଆଁ ର ମାଦେନା ସାମ୍‌ଦୁରିତି ଏୟୁତା ମୁଞ୍ଜା ମାଚେର୍,

୨୬ ନାନ୍ତୁ ହାରେକା ଦେବା ଜିରୁ ତାକିନାଟି, କାତା ଆଜ୍ଜିନିତାଣା, ସର୍‌କା ତାଣାଟି, ନା କୁଡାଡି ଜୀଞ୍ଜୁଦି ଲକୁ ତାଣାଟି, ଏଟ୍‌କା କୁଡାଡି ଲକୁ ତାଣାଟି, କାଜା ନାୟକାଡି ଆଜିଟି, ଲକୁ ହିଲାଆ ଜାଡାଟି, କାଜା ସାମ୍‌ଦୁରି ଆଜିଟି, ଅଡେ ନାଡିକିନି ତଃଣେସିକା ଆଜିଟି ।

୨୭ ନାନ୍ତୁ ହାରେକା କାମା କିହାନା କସ୍ତୁ ବେଟାଆହାମାକ୍, ଏଚର ପାଲି ଲାଆଁୟା ଇଦା କିଆନା ହାକି ଅଡେ ଏକ୍‌କିଟି ମାଚେର୍, ଏଚର ପାଲି ଉପାସା ତଲେ, ପେନି ଇଞ୍ଜା ନାଗ୍‌ଡାଟି ମାଚେର୍ ।

୨୮ ଏଲେତି ବାରେ ବାଦା ପିସ୍‌ପେ ନାଙ୍ଗେ ଅଡେ ର କାଜା ବଜୁମାନେ, ଇତିହ୍ ବାରେଦିନା କୁଲମିକା ତାକି ନାନ୍ତୁ ଅଣ୍ପାମାକ୍ ।

୨୯ ଆମ୍ବାଆସି ବାଡୁୟୁ ହିଲାଆଗାଟାସି ଆଡିସାରେ ନାନ୍ତୁ ଜିକେଏ ବାଡୁୟୁ ହିଲାଆ ଗାଟାଚେର୍ ଆଏକି ? ଆମ୍ବାଆସି ପାପୁ କିତିହ୍ ନାନ୍ତୁ ହିୟାତା ଦୁକୁ ଆଅଁ କି ?

୩୦ ନା ବଡପଣ ତସାଲି ଲଡା ଆଡିହ୍, ନାନ୍ତୁ ନା ଆଡାଆଗାଟାଣି ତାକି ବଡପଣ ତହ୍‌କ୍ ।

୩୧ ନାନ୍ତୁ ମିଟି ଜଲି ହିଲଅଁ, ଏଦାଆଁ ପ୍ରବୁ ଜୀସୁ କ୍ରୀସ୍ତୁଟି ମାହାପୁରୁ ଅଡେ ଆବା ପୁଞ୍ଜାମାନେସି; ଏଞ୍ଜାସି କାଲିକାଲି ତାକି ଜହରା ।

☆ ୧୧:୨୩ ୧୧:୨୩ କାମା ୧୭:୨୩ ☆ ୧୧:୨୭ ୧୧:୨୭ କାମା ୯:୨୩; କାମା ୧୪:୫ ☆ ୧୧:୩୨ ୧୧:୩୨ କାମା ୯:୨୩-୨୫

୩୨ ☆ ଦମେସକତା ହାରେତା ରାଜାତି ସାଲକ୍ଷି କିନାସି ନାଙ୍ଗେ ଆସାଲି ଏ ଗାଡ଼ାତି ତାନି କାପୁ କାଃନି କସ୍କାଣି ପାଣ୍ଡାନା କାପି କିହିମାରେସି □

୩୩ ଇଞ୍ଜା ର ତାଲିତା କିଡ଼କିତି କାତି ଲାକଟି ନାଙ୍ଗେ ରେପହାଲିଏ ନାନୁ ଏଞ୍ଜାଣି କେୟୁଟି ଗେଲ୍ପିଆଡେଏଏ □

୧୨

ପାଞ୍ଚୁଲ ତଞ୍ଜାଆନାଣି ମେହନାୟି

୧ ବତପଣ କିନାୟି ନେହାୟି ଆଆତି ଜିକେଏ ନାଙ୍ଗେ ବତପଣ କିନାୟିମାନେ, ନାନୁ ପ୍ରବୁତି ମେହନାଣି ଅଡ଼େ ତଞ୍ଜାଆନାଣି ମିଙ୍ଗେ ଖେସ୍ତାଇ □

୨ ନାନୁ ର କ୍ରୀସ୍ତାନା ଲକୁଇଁ ପୁଞ୍ଜାମାଇଁ, ଏଞ୍ଜାସି ସଦ ବାସା ନକେଏ ଲାକପୁରୁତି ତାନି ପୁରୁ ପାତେକା ଅଡ଼ିଆଡେସି ଏଞ୍ଜାସି ଆଙ୍ଗା ତଲେ ମାରେସି କି ଆଙ୍ଗା ହିଲାଆନା ମାରେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି □

୩ ହାଅ ନାନୁ ଏଲେତି ର ଲକୁଇଁ ପୁଞ୍ଜାମାଇଁ, ଏଞ୍ଜାସି ପାରାଦିସତା ଅଡ଼ିଆଡେସି ଏଞ୍ଜାସି ଆଙ୍ଗା ତଲେ ମାନେସି କି ଆଙ୍ଗା ହିଲାଆନା ମାରେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି □

୪ ଏଞ୍ଜାସି ଲାକପୁରୁ ଅଡ଼ିଆଡେସି, ଅଡ଼େ ଇଲେତି ହାଡ଼ା ଖେରେସି, ଏଦାଆଁ ମାଣସି ଜଲ୍ଲାଲି ଆଡ଼ାଆଗାଟାୟି ଅଡ଼େ ଗୁଡ଼ିତା ଅହାଲି ଆଡ଼ାଆଗାଟାୟି □

୫ ଇଲେତି ର ଲକୁତାକି ନାନୁ ବତପଣ କିଇଁ, ସାମା ନା ତାକି ନାନୁ ନା ବାଡ଼ୟୁ ହିଲାଆଗାଟାଣି ପିସ୍ପେ ଅଡ଼େ ଏନାଆଁତାକିଞ୍ଜା ବତପଣ କିଅଁ □

୬ ବତପଣ ତସାଲି ଅଣ୍ଡପିତହଁ ଜିକେଏ, ନାନୁ ବୁଦି ହିଲାଆ ଗାଟାତେଏଁ ଆଅଁ, ଇତିହଁ ନାନୁ ସାତା କାତା ଖେହଇଁ, ସାମା ଲକୁ ନାଙ୍ଗେ ଏନିକଁ ମେସ୍ତାନେରି ଇଞ୍ଜା ନା ତାଣାଟି ଏନିକଁ କାତା ଖେନେରି, ନାଙ୍ଗେ ତଞ୍ଜା ଆହାମାନି କାତାତା ହାରେକା କାଜାୟି ଆହାମାନାକି ଏନିକଁ ନା କାତାତା ହାରେକା ଅଣ୍ଡପସି ଇଞ୍ଜା, ଇଦାଆଁତାକି ନାନୁ ସାପି ଆହାମାଇଁ □

୭ ନାନୁ ଏନିକଁ ଗାଡ଼ି ବତପଣ କିଅଁ, ଇଦାଆଁତାକି ନା ଆଙ୍ଗାତା ର ସାସ୍ତି ହୀପକି ଆୟାତେ, ନାଙ୍ଗେ ସାସ୍ତି ହୀହାଲି ସୟତାନତି ଦୁଡ଼ଇଁ ପାଣ୍ଡୁଆଡେ, ଏନିକଁ ନାନୁ ଗାଡ଼ି ବତପଣ ଆଅଁ □

୮ ଏ କସ୍ତ ନା ତାଣାଟି ହେକ ଆୟାଲି ତାନି ପାଲି ପ୍ରବୁଇଁ ବାଡ଼ିମାଲିହଁ ରୀସ୍ତେଏଁ □

୯ ଅଡ଼େ ଏଞ୍ଜାସି ନାଙ୍ଗେ ଏଲେଇଞ୍ଜାନେସି, “ନା କାର୍ମାମେହନାୟି ନିଙ୍ଗେତାକି ହାରେପୁରେ,” ଇତିହଁ ନୀ ବାଡ଼ୟୁ ହିଲାଆତାଣା ନା ବାଡ଼ୟୁ ହାରେ ଗାଡ଼ିଆହଁ ତଞ୍ଜାଆନେ, ଇତିହଁ ଏନିକଁ କ୍ରୀସ୍ତତି ବାଡ଼ୟୁ ନା ତାଣା ଡ଼ୟିନେ, ଏଦାଆଁତାକି ନା ବାଡ଼ୟୁ ହିଲାଆ ବେଲାତା ହାରେକା ରାହାଁ ତଲେ ବତପଣ ତହଇଁ □

୧୦ ଏଦାଆଁତାକି କ୍ରୀସ୍ତତି ତାକି ବାଡ଼ୟୁ ହିଲାଆଟି, ଲାଜା ପାଣ୍ଡନାଟି, ହାକି ବେଲାତା, ସାସ୍ତି ଖାନି ବେଲା, କସ୍ତତା ନାନୁ ରାହାଁଆଇଁ, ଇତିହଁ ଏତିବେଲା ବାଡ଼ୟୁ ହିଲାଆ ଗାଟାତେଏଁ ଏତିବେଲା ବାଡ଼ୟୁ ଗାଟାତେଏଁ □

କରିନ୍ତ ତାରାକି ପାଞ୍ଚୁଲ ଅଣ୍ଡପିନାୟି

୧୧ ନାନୁ ବୁଦି ହିଲାଆ ଗାଟାତେଏଁ ଲେହେଁ ଆହାମାଇଁ, ମୀରୁ ନାଙ୍ଗେ ଏଲେକିଞ୍ଜି କିୟାତେରି, ମୀରୁ ନାଙ୍ଗେ ନେହାସି ଇଞ୍ଜାନାୟି ମାତେ; ନାନୁ ଏନାତେଏଁ ଆଏ, ଆଡ଼ି ଜିକେଏ ଏ “କାଜା ପାଣ୍ଡୁଞ୍ଜି ଆହାମାନାରି” କିହାଁ ଉଣାତେଏଁ ଆଏ □

୧୨ ଆମ୍ବାଆସି ହାରେକା ସିନାୟାଁ, କାବାଆନି କାମା, ଅଡ଼େ ବାଡ଼ୟୁତି କାମା ପାଣ୍ଡୁଞ୍ଜି ଆହାମାନାରି ସିନାୟାଁଲେହେଁ, ଏ ବାରେ ସାତେଏ ମୀ ତାଣା ସାସାତଲେ କିଞ୍ଜିଆହାମାନେ □

୧୩ ଇତିହଁ ନାନୁ ମୀ ବଦୁ ଲେହେଁ ଆହାହିଲଅଁ, ଇ ରଣ୍ଡିଏ କାତା ପିସ୍ପେ ଅର କୁଲମିତି ଲକୁ କିହାଁ ମିଙ୍ଗେ ଅଡ଼େ ଏନିକଁ ଉଣା ମେସାମାଞ୍ଜାଇଁ, ଏ ନା ଦହ ଆସ୍ତାଆଦୁ □

୧୪ ମେହଦୁ ମୀ ତାଣା ଖାହାଲି ନୀଏଁ ତଲେ ତାନି ପାଲି ତିୟାରା ଆହିମାଇଁ, ଅଡ଼େ ନାନୁ ମିଙ୍ଗେ ଏନି ବଦୁ ହିୟଅଁ, ଇତିହଁ ନାନୁ ମୀ ଦନ ପାରାଆନା ମିଙ୍ଗେ ପାରିମାଞ୍ଜାଇଁ, ମୀରକା ମାସ୍କା ତାନି ଇୟା ଆବାକି କୃଡ଼ିକିଡ଼ ସାମା ଇୟା ଆବା ଦେଁ ତାନି ମୀରକା ମାସ୍କାକି କୃଡ଼ିକିନାୟି ମାନେ □

୧୫ ନାନୁ ମୀ ଜୀଞ୍ଜୁତାକି ହାରେକା ରାହାଁତଲେ ହୀଇଁ, ହାଅ ନା ଜୀଞ୍ଜୁ ଜିକେଏ ହୀଇଁ, ନାନୁ ମିଙ୍ଗେ ହାରେକା ଜୀଞ୍ଜୁନହଁ ମାଞ୍ଜାତିହଁ ଏନାଆଁ ମୀରୁ ନାଙ୍ଗେ ଉଣା ଜୀଞ୍ଜୁନହଁ ମାଞ୍ଜାଦେରି ?

୧୬ ସାମା ନାନୁ ଜାହାରାଇଁ ମିଙ୍ଗେ ବଦୁ କିୟାଆତେଏଁ, ସାମା ମୀ ବିତ୍ରାଟି ଆମ୍ବାଆରି ଏଲେଇଞ୍ଜାନେରି ନା ସୁତରି ମାନାକି ମିଙ୍ଗେ ମିତି ତଲେ ଆସ୍ତାତେଏଁ □

୧୭ ନାନୁ ମୀ ତାଣା ଆମ୍ବାଆରାଇଁ ପାଣ୍ଡାମାଞ୍ଜାଇଁ, ଏଞ୍ଜାରି ବିତ୍ରାଟି ରଅଣି ତଲେ ମୀ ତାଣାଟି ଏନି ଲାବା ବେଟାଆତେଏଁ କି ?

୧୮ ନାନୁ ତିତସଇଁ ହାଜାଲି ବାଡ଼ିମାଲ୍ଲା ମାତେଏଁ, ଇଞ୍ଜା ଏଞ୍ଜାଣିତଲେ ଅର ତାୟିଇଁ ମୀ ତାଣା ପାଣ୍ଡାତେଏଁ □ ତିତସ ମୀ ତାଣାଟି ଏନାଆଁ ଲାବା କିତେସି ? ମାମ୍ବୁକି ରଣ୍ଡିଏ ଜୀଞ୍ଜୁତଲେ ତାକିହିଲଅନି ? ମାମ୍ବୁଏନାଆଁ ରଣ୍ଡିଏ ପାଞ୍ଚୁଲିତା ତାକିହିଲଅନି ?

୧୯ ନୀଏଁ ପାତେକା ମୀରୁ ଅଣ୍ଡପିମାଞ୍ଜେରି, ମାମ୍ବୁମୀ ନକିତା ଜାହାରାଇଁ ନେହଁ କିହିମାନମି ? ମାହାପୁରୁ ନକିତା କ୍ରୀସ୍ତତି ସେବା କିନାତମି ଲେହେଁ ମାମ୍ବୁକାତା ଜଲିମାନମି, ଇଞ୍ଜା ଏ ଜୀଞ୍ଜୁତି ତାୟିୟାଁ ବାରେ କାତା ମୀ ନେହେଁତାକି ଖେସିମାନମି □

୨୦ ଇତିହଁ ଏଡ଼େତା ନାନୁ ମୀ ତାଣା ଖାଡ଼ିସାରେ, ମିଙ୍ଗେ ଏନିକଁ ମେସାଲି ମନ କିହିମାଇଁ ଏଲେକିହଁ ମିଙ୍ଗେ ମେସାଆସାରେ, ଅଡ଼େ ମୀରୁ ନାଙ୍ଗେ ଏନିକଁ

ମେସାଲି ମନ କିହାଁ ହିଲଅତେରି ଏଲେକ୍ ମେସାଦେରି, ଏଦାଆଁତାକି ନାନୁ ଆଜିମାଲ୍; ଇଚିହ୍ ମା ବିତ୍ରା ବାଦିବାଦା, ତାହାରା, କପା ଅଡେ ଗତି ଗତି ଆନାୟି, ରଅସି ରଆଣାଲ୍ ନିନ୍ଦା କିନାୟି, ସାକ୍ତି କାତା ଜଲିନାୟି, ବତପଣ ତସ୍ପି ଆହାଁ ଗଡ଼ହା ଆନେ;

୨୧ ଇଞ୍ଜା ନାନୁ ଅଡେ ଝେଣ୍ଡେ ଖାଡ଼ିସାରେ ନା ମାହାପୁରୁ ମୀ ତାକି ନାଙ୍ଗେ ଅଡେ ଲାଜା କିଞ୍ଜିକିୟାନେସି, ଇଞ୍ଜା ମୀ ବିତ୍ରା ତଲିଏ ପାପୁ କିହାମାନାରି ତାନି ଲାଗେଏତି କାମା, ଦାରିକାମା ଅଡେ ଦାରି କାମାତାକି ଜୁପକା ଆନାଣି ତାକି ନୀଏଁ ପାତେକା ମନ ଝେଟ୍ଟହା ହିଲଅରି ଏଞ୍ଜାରି ତାକି ନାନୁ ଦୁକୁଆହ୍ ଡାହାଲିଆନେ □

୧୩

ଜାଗ୍ରତା କିହାଁ ଜହରା ତଲେ ଆକୁତି ରାପ୍ନାୟି

୧ ନୀଏଁ ତଲେ ତାନି ପାଲି ନାନୁ ମୀ ତାଣା ଖାହିମାଲ୍, ଦାମ୍ପୁପତିତା ରାସ୍ତି ଆହାମାନେ, “ଆମିନି ଦହତି କାତା ନୀହାୟି କିନାୟି ରିଆରି କି ତାନି ଜାଣା ସାକିୟାଁ ତଲେ ତାରି କିଞ୍ଜିଆନେ”

୨ ଆମ୍ବାଆରି ନକେଏ ପାପୁ କିହାମାତେରି ଏଞ୍ଜାରାଲ୍ ଇଞ୍ଜା ବାରେତି ଏନିକ୍ ତଲି ରୀ ପାଲି ଝେସାମାଞ୍ଜାତେଏଁ, ନୀଏଁ ହେକ ମାଞ୍ଜାନା ଏଲେକିହ୍ ଏ ନକେଏ ଝେସିମାଞ୍ଜାଲ୍, ନାନୁ ଅଡେ ଖାଡ଼ିହ୍ ଏଞ୍ଜାରାଲ୍ ତଣ୍ଡ ହୀଆନା ପିହ୍ ଅଁ □

୩ ଏନିକ୍ କ୍ରୀସ୍ତ ନା ତାଣା ଜଲିମାଞ୍ଜାନେସି ମୀରୁ ଏଞ୍ଜାଣି ପାରମାଣା ପାରିମାଞ୍ଜେରି; ଏଞ୍ଜାସି ମିଙ୍ଗେତାକି ବାଡ଼ୁୟୁ ହିଲଆଗାଟାସି ଆଏ, ସାମା ମୀ ତାଣା ବାଡ଼ୁୟୁ ଗାଟାସି ଆନେସି,

୪ ଏଞ୍ଜାସି ବାଡ଼ୁୟୁ ହିଲଆତାକି ପାସି ମୁଣ୍ଡାତା ଏପକି ଆଡେସି, ଆଡ଼ିଜିକେଏ ମାହାପୁରୁ ବାଡ଼ୁୟୁଟି ଏଞ୍ଜାସି ନୀତାମାନେସି □ ମାମ୍ବୁ ଜିକେଏ ଏଲେକ୍ ତାନି ତାଣା ବାଡ଼ୁୟୁ ହିଲଆ ଗାଟାତମି, ସାମା ମାହାପୁରୁଟି ବାଡ଼ୁୟୁ ତାକି ମାମ୍ବୁ ମୀ ତାଣା ଏଞ୍ଜାଣିତଲେ ନୀତାମାନମି □

୫ ମୀରୁ ନାମ୍ବୁତଲେ ମାଞ୍ଜେରିକି ଆଏ, ଏ କାତାତା ଜାହା ଜାହାରାଲ୍ ତାୟିପାରି କିହାକତାଦୁ ଇଞ୍ଜା ଅଣ୍ପାଦୁ, କି ଜୀସୁ କ୍ରୀସ୍ତ ମୀ ତାଣା ମାନେସି, ଇଦାଆଁ କି ମୀରୁ ଜାହା ଜାହାରା କାତାତା ପୁଞ୍ଜାହିଲଅତେରି ? ଏଲେଆହ୍ ଆଡିହ୍ ମୀରୁ ତାୟିପାରି କିନି ତାଣା ଜୀଣା ଆହା ହିଲଅତେରି □

୬ ସାମା ନାନୁ ବାସୁଁ ଇଟାମାଲ୍, ମାରୁ ତାୟିପାରି କିଞ୍ଜିଆହା ଜୀଣା ଆହାମାନାୟି, ଇଦାଆଁ ମୀରୁ ପୁଞ୍ଜେରି □

୭ ମୀରୁ ଏନିକ୍ ଏନି ଲାଗେଏତି କାମା କିଅତେରି, ଇଦାଆଁତାକି ମାହାପୁରୁ ତାଣା ମାମ୍ବୁ ପ୍ରାତାନା କିହିମାନମି; ମାମ୍ବୁ ଏନିକ୍ ତାୟିପାରି କିଞ୍ଜି ଆହାଁ ଜୀଣା ଆହାମାନି ଲେହେଁ ତଞ୍ଜାଆନମି, ଇଦାଆଁତାକି ପ୍ରାତାନା କିହିଲଅମି, ସାମା ମାମ୍ବୁ ତାୟିପାରି କିଞ୍ଜି ଆହାଁ ଜୀଣା ଆଆଡିଲେହେଁ

ତଞ୍ଜା ଆଆଡି ଜିକେଏ ଏନିକ୍ ମୀରୁ ନେହ୍ କାମା କିଦେରି, ଇଦାଆଁତାକି ପ୍ରାତାନା କିହିମାନମି □

୮ ଇଚିହ୍ ମାମ୍ବୁ ସାତା କପାଟି ଏନାଆଁ କିହାଲି ଆଡ଼ିହିଲଅମି, ସାମା ସାତା ଖାକିଟି ଦେହେଁ ବାରେ କିହାଲି ଆଡ଼ିନମି □

୯ ଏଚିବେଲ୍ଲା ମାମ୍ବୁ ବାଡ଼ୁୟୁ ହିଲଆ ଗାଟାତମି ଆନମି ସାମା ମୀରୁ ବାଡ଼ୁୟୁ ଗାଟାତେରି ଆଦେରି, ଏଡେତା ମାଙ୍ଗେ ରାହାଁ ହଡାନେ; ମୀରୁ ଏନିକ୍ ବାରେ ଖାକିଟି ନେହାଁତେରି ଆଦେରି ଏଦାଆଁତାକି ଜିକେଏ ପ୍ରାତାନା କିହିମାନମି □

୧୦ ଏଦାଆଁତାକି ମୀ ତାଣାଟି ହେକ ମାଞ୍ଜାନା ନାନୁ ଇ ବାରେ ରାଡ଼ିମାଞ୍ଜାଲ୍, ଏନିକ୍ ମୀ ତାଣା ଖାହାନା ପ୍ରବୁ ନାଙ୍ଗେ ମ୍ବେକ୍ ହାଲି ହୀଆନା, ପାଡିକିହାଲି ହୀହାମାଞ୍ଜାନେସି, ଏ ଅଦିକାରା ଲେହେଁ ମୀ କପାଟି ନିଙ୍ଗାନା ବାଡ଼ୁୟୁ ତସାଲି ମିଙ୍ଗେ ଲଡା ଆଏ □

୧୧ ତାୟିୟାଁ ଅଡେ ତାଜିସ୍ତାତେରି, ରାହାଁ କିଦୁ, ନେହାଁତେରି ଆଦୁ, ରଅତେରି ରଅଣାଲ୍ ବାସୁଁ ହୀଞ୍ଜିଆଦୁ, ରଣ୍ଡିଏ ମନ ଆଦୁ, ହିଡ଼ି ତଲେ ବାସା ଆଦୁ, ଅଡେ ହିଡ଼ି ଇଞ୍ଜା ଜୀଞ୍ଜୁ ନନି ମାହାପୁରୁ ମୀ ତଲେ ଡୟିନେସି □

୧୨ କ୍ରୀସ୍ତାନା ତାୟିୟାଁ ଲେହେଁ ସୁଦୁଜୀଞ୍ଜୁ ନଞ୍ଜୁ ତଲେ ଜୀଞ୍ଜୁ ନଞ୍ଜିଆହାନା ମୀରୁ ମୀରୁଏ ରଅତେରି ରଅଣାଲ୍ ନଶ୍ତାନା ଜହରା କିଞ୍ଜିଆଦୁ □

୧୩ ଇଦାଆଁ ମାନି ମାହାପୁରୁ ଲକୁ ମିଙ୍ଗେ ଜହରା ଝେସିମାଞ୍ଜାନେରି □

୧୪ ପ୍ରବୁ ଜୀସୁ କ୍ରୀସ୍ତ କାର୍ମାମେହନାୟି ମାହାପୁରୁଟି ଜୀଞ୍ଜୁନନାୟି ଅଡେ ସୁଦୁଜୀଞ୍ଜୁ ତଲେ ଆଣ୍ଡିନାୟି ମୀ ବାରେତାକି ଆୟାପେ □

ଗାଳାତିୟ ମଣ୍ଡଳୀ ନିମନ୍ତେ ପାଠକଙ୍କ ଲିଖିତ ପତ୍ର ଗାଳାତିୟ କୁଲମିତାକି ପାଞ୍ଚୁଲ ରାଚାମାନି ଆକୁ ମୂକୁ ହାଡ଼ା

ଗାଳାତିୟ ଆକୁ ପାଣ୍ଡୁଆହାମାନି ପାଞ୍ଚୁଲ ତାଣାଟି ରାସ୍ତି ଆହାମାନେ ୧:୧ □ ଇ ଆକୁ ଜୀସୁ କ୍ରୀସ୍ତ ଜାର୍ନାତି ତାୟୁ ୪୮ ଟିଏ ୫୭ ବାର୍ଷା ବିତ୍ରା ଗାଳାତିୟ କୁଲମିତି ନାମିତି ତାୟିୟାକି ରାସ୍ତି ଆହାମାନେ □ ଗାଳାତିୟ ଲକୁ ରମିୟ ଦେସାତି ଗାଳାତିୟ ଇନି ଟାୟୁତା ବାସା କିହା ମାଣ୍ଡିନେରି □ ପାଞ୍ଚୁଲ ଇ ଆକୁ ରାଚିତି ବେଲ୍ୟ ଆମ୍ବିୟା ମାରେସି ଇଦାଆଁ ବୁଦିଗାଟାରି ଜିକେଏ ପୁଞ୍ଜାହିଲଅରି □ ସାମା ଏପିସିୟ ଆଆତ କରନ୍ତି ଇ ରୀ ଟାୟୁତା ମାଞ୍ଜା ଡୟିନେସି ଇଞ୍ଜ ଇନେରି □

ପାଞ୍ଚୁଲ ଗାଳାତିୟ କୁଲମିତି ଜୀହୁଦି ଅଡ଼େ ଜୀହୁଦିଆଆତି କ୍ରୀସ୍ତାନା ଲକୁଣି ଟାୟୁ ପୁଣ୍ଡି କିହାନା ଆକୁ ରାଚିମାନେସି □ ଏଞ୍ଜାସି ମିତି ଜାପୁନାରି ତାଣାଟି ହେକ ଆହାଲି ରାଚାମାନେସି, କ୍ରୀସ୍ତାନା ଲକୁଣି ପୁଞ୍ଜା ଫେରାତି ଜୀହୁଦି ହୁକୁମିତି ମାନ୍ତ୍ର ଆହାଲି ଅଡ଼େ ବାରେକିହାଁ ତଲୁ ଦାପିଆନି ଫେରା ଷେସିମାନେସି, କ୍ରୀସ୍ତାନା ଲକୁ ବିତ୍ରା ଏଚେକା ମାରେରି ଏମିନିଗାଟାରି ଜୀହୁଦି ଦାମୁତି ଆବିତାରି □ ଏଞ୍ଜାରି ଜିକେଏ ପାଞ୍ଚୁଲତି ପାଣ୍ଡୁଆହାମାନି ଅଦିକାରାତି ଷେଞ୍ଜିମାନେରି □ ପାଞ୍ଚୁଲ ଏଚେକା ପୁସ୍ତକା ତଲେ ତାନି ପାଣ୍ଡୁଆହାମାନି କାତା ଷେସାନା ଏଞ୍ଜାରାଈ ମୁଦା କିହାମାନେସି ୧:୧୧; ୨:୧୪ ଅଡ଼େ ଜୀସୁ କ୍ରୀସ୍ତ ଇ ନାମିସାରେ ଗେଲ୍ପି ଆନାୟି ଇ କାତା ଷେସାନା ନେହଁ କାବୁତି ଗେଲ୍ପି ମାନେସି ୨:୧୭ □ ମାଣ୍ଡିସି ଏନାଆଁ କିନେସି ଏମ୍ବାଟି ଆଏ ସାମା ମାହାପୁରୁତି କାର୍ମାଟି ଆନେ □

ପତିତା ମାନାୟି

- ୧ ପାଞ୍ଚୁଲତି ଜହରା □ ୧:୧-୫
- ୨ ପାଞ୍ଚୁଲତି ତଲିତି ଜୀସୁ ଅଡ଼େ ଜାପୁନି ଅଦିକାରା କାମା କିନାୟି □ ୧:୬-୨:୨୧
- ୩ ଫେରାତି କାମା ଅଡ଼େ ମାହାପୁରୁ କାର୍ମାଟି ଗେଲ୍ପି ଆନାୟି □ ୩:୧-୪:୩୧
- ୪ ନେହଁ କ୍ରୀସ୍ତାନା ଆହାନା ନୀତାଲି ଷେହ୍ନାୟି □ ୫:୧-୬:୧୦
- ୫ ପାଞ୍ଚୁଲ ଜହରା କିହାନା ଆକୁତି ରାପୁନାୟି □ ୬:୧୧-୧୮

ପାଞ୍ଚୁଲତି ଜହରା

✧ ୧:୧୩ ୧:୧୩ କାମା ୮:୩; ୨୨:୪,୫; ୨୬:୯-୧୧

୧ ନାନୁ, ପାଣ୍ଡୁଆତି ସୀସୁ ପାଞ୍ଚୁଲତେଏଁ, ପାଣ୍ଡୁ ଆହାଲିତାକି ନାନୁ ମାଣ୍ଡିସି ତାଣାଟି ଆଏ, ସାମା ଜୀସୁ କ୍ରୀସ୍ତ ତାଣାଟି ଇଞ୍ଜା ଆମିନି ଆବା ମାହାପୁରୁ ଏଞ୍ଜାଣାଈ ହାଡ଼ାରି ତାଣାଟି ନିକହାମାନେସି ଏଞ୍ଜାଣି ତାଣାଟି ବେଟାଆହାମାଈ, ୨ ନା ତଲେ ମାନି ନାମୁତି ବାରେ ତାୟି ତାଈସ୍ତା ଗାଳାତିୟା କୁଲମିତି ଜହରା କିହିମାଞ୍ଜାନେରି □

୩ ମା ଆବା ମାହାପୁରୁ ଇଞ୍ଜା ପ୍ରୁ ଜୀସୁ କ୍ରୀସ୍ତ କାର୍ମାମେହ୍ନାଣି ଅଡ଼େ ହିଡ଼ି ଜୀସୁ ମିଙ୍ଗେ ହୀୟାପେସି □

୪ ନୀଏଁତି ଇ ପାପୁତି ଦାରତିତା ମାଙ୍ଗେ ଗେଲ୍ପାଲିତାକି, ମା ଆବା ମାହାପୁରୁତି ଅଣପୁତି ମାନି କିହାନା, କ୍ରୀସ୍ତ ମା ପାପୁ ତାକି ଜାହାରାଈ ହେରପାକତିତେସି;

୫ କାଲ୍ୟାକାଲ୍ୟାତାକି ମାହାପୁରୁଈ ଗାଞ୍ଜୁରମି ଆପେ □ ଆମେନ □

ରଣ୍ଡିଏ ନେହଁ କାବୁ

୬ କ୍ରୀସ୍ତି କାର୍ମାତଲେ ଆମ୍ବାଆସି ମିଙ୍ଗେ ହାଟା ମାଞ୍ଜାତେସି, ଏଞ୍ଜାଣାଈ ମୀରୁ ଗାଡ଼େକେଏ ପିସାନା ଏଚକାତି ନେହଁ କାବୁତି ଆସାମାଞ୍ଜେରି, ଏଦାଣିତାକି ନାନୁ କାବା ଆହିମାଈ □

୭ ସାତାତଲେ, “ଏଚକାତି ନେହଁ କାବୁ” ଆଏ, ସାମା ଏଚରଜାଣା ମିଙ୍ଗେ ତୀରି ମାଞ୍ଜାଲି ହାଆନା, କ୍ରୀସ୍ତି ନେହଁ କାବୁତି କିଲିବିଲି କିହାଲି ଅଣପିମାନେରି □

୮ ସାମା ଆମିନି ନେହଁ କାବୁ ମାମ୍ବୁ ମୀ ତାଣା ଷେକହା ମାଟମି, ଇଞ୍ଜା ମାମ୍ବୁ କି ଲାକପୁରୁତି ଦୁଡୁୟା ଜିକେଏ ଏଦାଣି ପିସପେ ଏଚକାତି ନେହଁ କାବୁ ଷେକନେସି, ଆତିହଁ ଏଞ୍ଜାସି ବାକା ବେଟାଆପେସି □

୯ ଏନିକଁ ମାମ୍ବୁ ତଲିଏ ଷେସାମାନମି, ନୀଏଁ ଜିକେଏ ନାନୁ ଏଲେକିହଁଏ ଅଡ଼େ ଷେଶ୍ଚେ ଷେସିମାଞ୍ଜାଈ, ଆମିନି ନେହଁ କାବୁଈ ମୀରୁ ଆସାମାରେରି, ଏଦାଣି ପିସପେ ଆମିନି ଲକୁ ଏଚକାତି ନେହଁ କାବୁ ମୀ ତାଣା ଷେକହାନେସି ଏଞ୍ଜାସି ବାକା ବେଟାଆପେସି □

୧୦ ନୀଏଁ ନାନୁ ମାଣ୍ଡିସିୟା ନକିତା କି ମାହାପୁରୁ ନକିତା ନେହଁ ତଞ୍ଜାଆୟାଲି ଅଣପିମାଈ, ଏଡ଼ି ଏଚେଲା ଜିକେଏ ଆଏ □ ଇଚିହଁ ମାଣ୍ଡିସିୟାଈ ରାହାଁ କିହାଲି ଅଣପିମାଈ, ନାନୁ ନୀଏଁ ପାତେକା ମାଣ୍ଡିସିୟାଈ ରାହାଁ କିଞ୍ଜିକିହାଲି ଅଣପି ମାଟିହଁମା ନାନୁ କ୍ରୀସ୍ତି ହଲେଏଣାତେଏଁ ଆଆତେଏଁମା □

ପାଞ୍ଚୁଲ ଏନିକଁ ଆବୁଞ୍ଜି ଆନାୟି

୧୧ ତାୟି ତାଈସ୍ତାତେରି ଆମିନି ନେହଁ କାବୁ ନା ତାଣାଟି ଷେସପି ଆହାମାନେ, ଏଦାଣି ମିଙ୍ଗେ ନାନୁ ଷେସିମାଞ୍ଜାଈ ଏଡ଼ି ମାଣ୍ଡିସିୟା ତାଣାଟି ଆଏ;

୧୨ ନାନୁ ଏଦାଆଁ ମାଣ୍ଠି ତାଣାଟି ବେଟାଆହା ହିଲଅଁ କି ଜାପାହିଲଅଁ, ସାମା ଜୀସୁ କ୍ରୀସ୍ତ ତସାମାଜାନି ତାଣାଟି ବେଟାଆହାମାଲ୍ ।

୧୩ ନାନୁ ତଲି ଜୀହୁଦି ଦାମ୍ବୁତା ମାଟିବେଲା ଏନି ମାଣ୍ଠିକିତା ମାଚେଏଁ ମୀରୁ ଝେଞ୍ଜାମାଞ୍ଜେରି, ନାନୁ ମାହାପୁରୁତି କୁଲମିତି ହାରେକା ସାସ୍ତି ହାହିମାଚେଏଁ, ଅଡ଼େ ଏଦାଆଁ ମେକ୍‌ହାଲି ଅଣ୍ଠିମାଚେଏଁ ।

୧୪ ଅଡ଼େ ମା ଆକୁ ଆବାୟାଁ ପାଣାପାରୁ ମେରା ତାକି ରାହାଟି ମାନି କିହାଁ ନା ତଲେତି ହାରେକା ଲକୁ ବିଦ୍ରାଟି ଜୀହୁଦି ଦାମ୍ବୁତି ହାରେକା ମାନି କିହିମାଚେଏଁ ।

୧୫ ସାମା ମାହାପୁରୁ ନାନୁ ଜାନାଁ ଆଆ ନଚେଏ ତାନି କାର୍ମାମେହନାଣି ତଲେ ଆଚାନା ତାନି ସେବା କିହାଲି ହାଟାତେସି,

୧୬ ଅଡ଼େ ଜୀହୁଦିଆଆତି ଲକୁତାଣା ନେହଁ କାରୁ ଝେକ୍‌ହାଲି ତାକି ଏଟିବେଲା ନାଞ୍ଜେ ଏଝାସି ତାନି ମୀରୁଏଣାଲ୍ ତସ୍ତାତେସି, ଏ କାତା ପୁଞ୍ଜାଲିତାକି ନାନୁ ଏଟକା ମାଣ୍ଠି ତାଣା ହାଜା ହିଲାଆତେଏଁ ।

୧୭ ଇଲେକିହଁ ନା ନଚେଏ ଆମିନି ଗାଟାରି ପାଣ୍ଡିଆତି ସୀସୁ ଆହାମାଚେରି, ଏଝାରାଲ୍ ଆଣ୍ଡାଲି ତାକି ଜିରୁସାଲମତା ଜିକେଏ ହାଜା ହିଲାଆତେଏଁ । ସାମା ନାନୁ ଦେବୁଣିଏ ଆରବ ଦେସାତା ହାଜାମାଚେଏଁ; ଅଡ଼େ ତାୟୁ ଦମେସକତା ଝେଣ୍ଡା ଝାତେଏଁ ।

୧୮ ତାନି ବାର୍ସା ହାଟି ତାୟୁ ନାନୁ ପିତରଲ୍ ଆଣ୍ଡାଲି ତାକି ଜିରୁସାଲମତା ହାଚେଏଁ, ଇଞ୍ଜା ଏଝାଣିତଲେ ପନ୍ଦର ଦିନା ଏମ୍ବାଆଁ ମାଚେଏଁ ।

୧୯ ସାମା ପ୍ରବୁତି ତାୟି ଜାକୁବ ପିସ୍‌ପେ ପାଣ୍ଡି ଆହାମାନାରି ବିଦ୍ରା ଆମ୍ବାଆରାଲ୍ ମେହ୍‌ଆତେଏଁ ।

୨୦ ନାନୁ ମିଞ୍ଜେ ଏଦାଆଁ ରାଟିମାଞ୍ଜାଲ୍, ମାହାପୁରୁ ନକିତା ସାତା ଝେସିମାଞ୍ଜାଲ୍, ମିଟି ଝେସିମାଞ୍ଜାଅଁ ।

୨୧ ତାୟୁ ନାନୁ ସିରିୟା ଅଡ଼େ କିଲିକିୟାତି ହାରେକା ଟାମ୍ବାଣା ହାଚେଏଁ ।

୨୨ ଜୀହୁଦା ରାଜିତା ମାନି ନାମିତି କ୍ରୀସ୍ତାନା କୁଲମିତି ଲକୁ ନାଞ୍ଜେ ନେହଁ କଁ ପୁଞ୍ଜାମାଞ୍ଜାଆତେରି ।

୨୩ ଏଝାରି ଏଟକା ଲକୁ ତାଣାଟି ଝେଞ୍ଜାମାଚେରି, “ଆମିନି ମାଣ୍ଠି ତଲି ମାଞ୍ଜେ ସାସ୍ତି ହାହି ମାଞ୍ଜାତେସି, ଇଞ୍ଜା ମା ନାମୁତି ମେକ୍‌ହାଲି ଅଣ୍ଠିମାଚେସି, ଏଝାସି ନୀଏଁ ନାମୁତି କାତା ଝେକ୍‌ହି ମାନେସି ।”

୨୪ ଇଞ୍ଜା ଏଝାରି ନା ତାକି ମାହାପୁରୁଲ୍ ଗାଝୁରମି କିହିମାଚେରି ।

୧ *ସଦ ବାର୍ସା ତାୟୁ ନାନୁ ବର୍ନବା ତଲେ ଜିରୁସାଲମତା ଅଡ଼େ ଝେଣ୍ଡେ ହାଚେଏଁ, ଇଞ୍ଜା ତିତସଲ୍ ଜିକେଏ ନା ତଲେ ଅହାମାଚେଏଁ ।

୨ ନାନୁ ଏମ୍ବାଆଁ ହାନାୟିମାନେ ଇଞ୍ଜାଁ ମାହାପୁରୁ ତାଣାଟି ହୁକୁମି ବେଟାଆହାନା ହାଚେଏଁ; ଅଡ଼େ ନାନୁ ଏଟକା କୃତାତି ଲକୁତାଣା ଆମିନି ନେହଁ କାରୁ ଝେକ୍‌ହିମାଲ୍, ଏଦାଆଁ ଏଝାରାଲ୍ ଝେସ୍‌ସେଏଁ, ସାମା ନା ତଲିତି ଅଡ଼େ ନୀଏଁତି କାମା ଉଜେଏ ଆଏ, ଏଦାଆଁତାକି ଆମିନି ଗାଟାରି ମାନି ବେଟାଆହାଲି ଜଟେ ନାନୁ ଏଝାରାଲ୍ ଏଟକା କିହାନା ଝେସ୍‌ସେଏଁ ।

୩ ସାମା ନା ତଡ଼ୁ ତିତସ ଗ୍ରିକ୍ ଲକୁ ମାଟି ଜିକେଏ ଏଝାଣାଲ୍ ତଲୁ ଦାପି କିହାଲି ବାଲାମାତମି କିଝିଆହା ହିଲାଆତେ,

୪ ଆତିହଁ ଜିକେଏ ଏଟରଜାଣା ଲକୁ ଏଝାଣାଲ୍ ତଲୁ ଦାପି କିହାଲି ଅଣ୍ଠିମାଚେରି । ଏଝାରି ନାମିତି ତାୟିୟା ଇଞ୍ଜାଁ ତସା କତାନା ମେଣେଏ ପାରୁ ପାରିନି ଲେହେଁ ଜାଟୁତା ଆଣ୍ଡାମାଚେରି । କ୍ରୀସ୍ତ ଜୀସୁତାଣା ଆଣ୍ଡିତାକି ମାର ଆମିନି ମେଲା ବେଟାଆହାମାନାୟି, ଏଦାଆଁ ପୁଞ୍ଜାଲିତାକି ଏଝାରି ଅଣ୍ଡା ମାଚେ, ମାଞ୍ଜେ ଏଝାରି ଅଡ଼େ ଝେଣ୍ଡେ ମେରାତି ହଲିୟାଞ୍ଜା କିହାଲି ଅଣ୍ଠିମାଚେରି ।

୫ ସାମା ନେହଁ କାରୁତି ସାତା ଏନିକଁ ମୀ ତାଣା ତାରିଆହାନା ଡୟିନେ, ଏଦାଆଁତାକି ମାମ୍ବୁ ଗାଡ଼େକା ତାକି ଜିକେଏ ଏଝାରାକି ପାରୁ ହାହାହିଲାଆତମି ।

୬ ଆମ୍ବାଆରି ମାନିଗାଟାରି ଇଞ୍ଜାଁ ଝେଞ୍ଜା ମାଚେରି, ଏଝାରି ଏନିଲେହେଁତି ଲକୁ ମାଚେରି, ଏମ୍ବାଆଁ ନାଦି ଏନାୟି ହିଲେଏ; ମାହାପୁରୁ ଆମ୍ବାଆରି ପାରଡ଼ା ବାଟି କିଅସି, ଏ ମାନିଗାଟାରି ନାଞ୍ଜେ ଏନି ପୁଞ୍ଜି ବଲୁ ଝେସାମାଞ୍ଜାଅରି ।

୭ ଏଟକା ଝାକି ଏଝାରି ପୁଞ୍ଜାଲି ଆଡ଼ିତେରି, ପିତରଲ୍ ଏନିକଁ ଜୀହୁଦି ଲକୁତାଣା ନେହଁ କାରୁ ଝେକ୍‌ନି କାମା ହେର୍‌ପିତେସି ଏଲେକିହଁ ଏ ନାଞ୍ଜେ ଜିକେଏ ଜୀହୁଦିଆଆତି ଲକୁତାଣା ନେହଁ କାରୁ ଝେକ୍‌ନି ବଲୁ ହେର୍‌ପା ମାଞ୍ଜାନେସି ।

୮ ଏଦାଆଁତାକି ଇତିହଁ ଜୀହୁଦି ଲକୁତାଣା ପାଣ୍ଡି ଆହାମାନାରି କାମା କିହାଲି ଏନିକିହଁ ପିତରକି ମାହାପୁରୁ ବାଡ଼ୟୁ ହାହାମାନେସି, ଏଲେକିହଁ ଏ ଜୀହୁଦିଆଆତି ଲକୁତାଣା ଏ କାମା କିହାଲି ନାଞ୍ଜେ ମାହାପୁରୁ ବାଡ଼ୟୁ ହାହାମାଞ୍ଜାନେସି ।

୯ ଅଡ଼େ ଏଟିବେଲାତା ଏଝାରି ମାହାପୁରୁ ନାଞ୍ଜେ ହାହାମାଞ୍ଜାନି କାର୍ମାତି କାତା ପୁଚେରି, ଏଟିବେଲା କୁଲମିତି ମୁଣ୍ଡା ଲେହେଁତି କାଜାରି ଇଞ୍ଜାଁ ଝେଞ୍ଜାମାନେରି, ଜାକୁବ, ପିତର, ଅଡ଼େ ଜହନ ନାଞ୍ଜେ ଇଞ୍ଜାଁ ବର୍ନବାଲ୍ କାମାତା ଆଣ୍ଡାତମି ଇଞ୍ଜାଁ ଟିଞ୍ଜି କେୟୁ ଆସାନା ଆବାତେରି, ଏନିକିହଁ ନାନୁ ଅଡ଼େ ବର୍ନବା ଜୀହୁଦିଆଆତି ଲକୁତାଣା କାମା କିନମି ଅଡ଼େ ଏଝାରି

୨

ପାଝୁଲ ଅଡ଼େ ପାଣ୍ଡି ଆଡ଼ି ସୀସୁୟାଁ

☆ ୧:୧୪ ୧:୧୪ କାମା ୨୨:୩ ☆ ୧:୧୫ ୧:୧୫ କାମା ୯:୩-୬; ୨୨:୬-୧୦; ୨୬:୧୩-୧୮ ☆ ୧:୧୮ ୧:୧୮ କାମା ୯:୨୬-୩୦ ☆ ୨:୧ ୨:୧ କାମା ୧୧:୩୦; ୧୫:୨

ଜୀହ୍ୱାଦି ଲକ୍ଷ୍ମଣା କାମା କିନେରି □

୧୦ ଏଞ୍ଜାରି ଖାରଇ ଇଚେକା ବାତିମାଲ୍ଲା ମାଞ୍ଜାତେରି ମାମ୍ବୁ ଏଞ୍ଜାରି ଜାଟୁତା ମାନ୍ତି ହିଲ୍ଲାଆଗାଟାରାଇଁ ଅଶ୍ୱପିନମି; ଏ କାତାତା ନାନୁ ରାହ୍ନା ଆହାମାଚେଏଁ □

ପାଞ୍ଜୁଲ ପିତରଇଁ ଲାଗିନାୟି

୧୧ ସାମା କେପା*ଏଚିବେଲ୍ଲା ଆନ୍ତ୍ରିୟକିୟାତା ଖାହାମାଚେସି, ନାନୁ ଏଞ୍ଜାଣାଇଁ ବାରେ ଲକ୍ଷ୍ମ ନକିତା ଲାଗିଚେଏଁ, ଇଚିହଁ ଏଞ୍ଜାସି ଦହ୍ କିହିମାଚେସି □

୧୨ ଜାକୁବ ତାଣାଟି ଏଚେରଜାଣା ଖାଆ ନକେଏ ପିତର ଜୀହ୍ୱାଦିଆଆତି ତାୟି ତାଜିସ୍ତା ତଲେ ତିଞ୍ଜିମାଚେସି, ସାମା ଏଞ୍ଜାରି ଖାହାଲିଏ, ଏଞ୍ଜାସି ଏ ତାୟି ତାଜିସ୍ତାଇଁ ଆଜାନା ଜୀହ୍ୱାଦିଆଆତି ତାୟି ତାଜିସ୍ତାଇଁ ପସାନା ଏଚକା ଆଚେସି □

୧୩ ଇଞ୍ଜା ଏଚେରଜାଣା ଜୀହ୍ୱାଦି ତାୟିୟା ଜିକେଏ ପିତର ତଲେ ଆଣ୍ଡାନା ପୁଞ୍ଜି ପୁଞ୍ଜିହଁ ପୁନାଆତାରି ଲେହେଁ ନାଡ଼ିକିଞ୍ଜି ଆଚେରି, ଏଲେଆହଁ ବର୍ନବା ଜିକେଏ ଏଞ୍ଜାରି କାତା ଆସ୍ତେସି □

୧୪ ଏଚିବେଲ୍ଲା ନାନୁ ମେସ୍ତେଏଁ, ଏଞ୍ଜାରି ନେହଁ କାବୁତି ସାତା ତଲେ ତାକିହିଲଅରି, ଏଚିବେଲ୍ଲାତା ନାନୁ ବାରେ ଲକ୍ଷ୍ମ ନକିତା କେପାଇଁ ଏଲେଇଚେଏଁ, “ନାନୁ ଜୀହ୍ୱାଦି ଆହାନା ଜୀହ୍ୱାଦି ଲକ୍ଷ୍ମ ଲେହେଁ ଲେମ୍ବାଆନାହାଁ ଜୀହ୍ୱାଦିଆଆତି ଲକ୍ଷ୍ମଲେହେଁ ନୀଡ଼ିମାଞ୍ଜି, ଆତିହଁ ନାନୁ ଏନିକିହଁ ଜୀହ୍ୱାଦିଆଆତି ଲକ୍ଷ୍ମଣି ଜୀହ୍ୱାଦି ଲକ୍ଷ୍ମଲେହେଁ ଲେମ୍ବାଲି ବାଲମାତମି କିହିମାଞ୍ଜି □”

ନାମୁତଲେ ଗେଲ୍ପି ଆନାୟି

୧୫ ସାତେଏ ମାମ୍ବୁ ଜାନୀଟିଏ ଜୀହ୍ୱାଦି ଲକ୍ଷ୍ମତମି, “ଜୀହ୍ୱାଦିଆଆତି ଲକ୍ଷ୍ମ ଲେହେଁ ପାପୁ ଗାଟାତମି ଆଏ □”

୧୬ *ଆତିଜିକେଏ ମେରାତି କାମା ତଲେ ମାଣ୍ଡସି ତାରିଗାଟାସି ଆଆନା, ଜୀସୁ କ୍ରୀସ୍ତ ତାଣା ନାମାନା ତାରିଗାଟାସି ଆନେସି, ଇଦାଆଁ ପୁଞ୍ଜାନା ମାମ୍ବୁ ଜୀସୁ କ୍ରୀସ୍ତ ତାଣା ନାମା ମାନମି, ଏନିକଁ ମେରାତି କାମା ତଲେ ତାରିଗାଟାତମି ଆଆନା କ୍ରୀସ୍ତ ତାଣା ନାମାନା ତାରିଗାଟାତମି ଆନମି; ଇଚିହଁ ମସାତି ମେରାତି କାମା ତଲେ ଆମିନି ମାଣ୍ଡସି ତାରିଗାଟାସି ଆଅସି □

୧୭ ସାମା କ୍ରୀସ୍ତ ତାଣାଟି ତାରି ଗାଟାତାୟି ଆୟାଲି ଅଶ୍ୱପାନା ମାମ୍ବୁ ଜିକେଏ ପାପୁ ଗାଟାତମି ଇଞ୍ଜିହଁ ତଞ୍ଜା ଆଡମି, କ୍ରୀସ୍ତ ପାପୁତି ସେବା କିନାସି କି? ଏଡ଼ି ଏଚେଲ୍ଲାଞ୍ଜା ଆଆପେ □

୧୮ ଇଚିହଁ ନାନୁ ଏନି ମେରାତି ମ୍ଲେକ୍ତାମାଇଁ ଏ ବାରେତି ଅଡେ ଖେଣ୍ଡେ ଗାଡ଼ି କିଇଁ, ଆତିହଁ ନାନୁଏ ଜାହାରାଇଁ ଦହ୍ ଗାଟାଚେଏଁ ଇଞ୍ଜି ତସାକଡ଼ିମାଇଁ □

୧୯ ମାହାପୁରୁ ତାକି ନୀତାଲି ନାନୁ ମେରାତି ମେରାତାକି ପାସି ମୁଣ୍ଡାତା ହାହାମାଇଁ,

୨୦ ନାନୁ କ୍ରୀସ୍ତ ତଲେ ପାସି ମୁଣ୍ଡାତା ହାହାମାଇଁ; ନାନୁ ଅଡେ ନୀତା ହିଲଅଁ, ସାମା କ୍ରୀସ୍ତ ନା ତାଣା ନୀତାମାନେସି; ଅଡେ ନାନୁ ନୀଏଁ ଏମିନି ଆଜ୍ଞା ତଲେ ନୀତାମାଇଁ, ଏଡ଼ି ନାମୁତଲେ, ଇଚିହଁ ମାହାପୁରୁତି ଏମିନି ମୀରଏସି ନାଜେ ଜୀହ୍ୱାଦିଆଆତି ନା ତାକି ତାନି ଜୀହ୍ୱା ହୀହାମାନେସି, ଏଞ୍ଜାଣି ତାଣା ନାମାନା ନୀତାମାଇଁ □

୨୧ ନାନୁ ମାହାପୁରୁ କାର୍ମାମେହନାଣି ଉଜେଏ କିହିହିଲଅଁ; ଇଚିହଁ ମେରା ତଲେ ମାଣ୍ଡସି ମାହାପୁରୁ ନକିତା ତାରିଗାଟାସି ଆନେସି, ଆତିହଁ କ୍ରୀସ୍ତ ହାତାୟି ଉଜେଏତାୟି □

୩

ମେରା ଆଆତି ନାମୁ

୧ ଏ ବୁଦି ହିଲ୍ଲାଆଗାଟି ଗାଳାତିୟତି ଲକ୍ଷ୍ମତେରି! ଆମ୍ବାଆସି ମିଜେ ମାଡ଼ିଞ୍ଜି କିହାମାଞ୍ଜାନେସି? ମୀ କାଣ୍ଡକା ନକିତା ଜୀସୁ କ୍ରୀସ୍ତ ପାସି ମୁଣ୍ଡାତା ହାଡ଼ି କାତା ନେହଁ କଁ ତଞ୍ଜାଆହିମାଞ୍ଜାତେ □

୨ ନାନୁ ମୀ ତାଣାଟି ଇଚେକା ପୁଞ୍ଜାଲି ଅଶ୍ୱପିମାଇଁ; ମୀରୁ ମସା ମେରା ତଲେ କାମା କିତାକି କି ନେହଁ କାବୁ ଖେଞ୍ଜାନା ନାମିତାକି ସୁଦୁଜୀହ୍ୱା ବେଟାଆହାମାଚେରି?

୩ ମୀରୁ ଏନିଲେହେତି ବୁଦି ହିଲ୍ଲାଆଗାଟାଚେରି? ମାହାପୁରୁତି ଜୀହ୍ୱାତଲେ ମାଡ଼ହାନା; ଆଜ୍ଞାତି ବାଡ଼ୁ ତଲେ ରାପୁହାଲି ଅଶ୍ୱପିମାଞ୍ଜେରି?

୪ ମୀରୁ କି ଉଜେଏ ଇଚେକା କସ୍ତ ବେଟାଆହାମାଞ୍ଜେରି? ଏଡ଼ି ଏନାଆଁ ଉଜେଏତାୟି?

୫ ଇଚିହଁ ଆମ୍ବାଆସି ମିଜେ ଜୀହ୍ୱା ହୀହାମାଞ୍ଜାନେସି, ଅଡେ ମୀ ତାଣା କାବାଆନି କାମା କିନେସି, ଏଞ୍ଜାସି ମେରାତାକି କିନେସି କି ନାମୁତାକି ଖେଞ୍ଜାହାଁ କିନେସି?

୬ *ଅବ୍ରାହାମ କାତା ଅଶ୍ୱପାଦୁ, ସାସ୍ତେରିତା ରାସ୍ତକି ଆହାମାନେ, “ଏଞ୍ଜାସି ମାହାପୁରୁ ତାଣା ନାମିତେସି, ଇଞ୍ଜା ନାମାଲିଏ ତାରିଗାଟାସି ଆଚେସି □”

୭ *ଇଦାଆଁତାକି ଆମ୍ବାଆରି ନାମିନେରି ଏଞ୍ଜାରିଦେଁ ଅବ୍ରାହାମତି ମୀରକା ମାସ୍ତକା, ଇଦାଆଁ ମୀରୁ ପୁନାୟିମାନେ □

୮ ଅଡେ ମାହାପୁରୁ ଜୀହ୍ୱାଦିଆଆତାରାଇଁ ନାମୁତି ତାରିଗାଟାରି କିନେସି, ଏଦାଆଁ ଦାର୍ମୁ ପତିତା ନକେଏ ମେସାନା ଅବ୍ରାହାମ ତାଣା ନେହଁ କାବୁ ଖେସାନା ଏଲେଇଚେସି; “ନୀ ତାଣାଟି ଦାର୍ତତି ବାରେ କୁଲୁଡି ଲକ୍ଷ୍ମ ବର ବେଟାଆନେରି □”

୯ ଅବ୍ରାହାମ ନାମିତେସି ଇଞ୍ଜା ବର ବେଟାଆଡେସି, ଏଲେକିହଁଏ ଆମ୍ବାଆରି ନାମିନାରି ବାରେଜାଣା ଏଞ୍ଜାଣିଲେହେଁ ବର ବେଟାଆନେରି □

୧୦ ଇଚିହଁ ଏଚେକା ଲକ୍ଷ୍ମ ମସାତି ମେରା ଆସାନା କାମା କିନେରି, ଏଞ୍ଜାରି ବାକା ବେଟାଆନେରି, ଦାର୍ମୁପତିତା

* ୨:୧୧ ୨:୧୧ ପିତର † ୨:୧୪ ୨:୧୪ ପିତର ☆ ୨:୧୭ ୨:୧୭ ରମି ୩:୨୦; ରମି ୩:୨୨ ☆ ୩:୭ ୩:୭ ରମି ୪:୩ ☆ ୩:୭ ୩:୭ ରମି ୪:୧୭

ରାସ୍ତକି ଆହାମାନେ, “ଆମ୍ବାଆସି ଫେରା ପତିତା ରାସ୍ତକି ଆହାମାନି ବାରେ କାତାତି ମାନଓ ଆଅସି ଏଝାସି ମାହାପୁରୁ ତାଣାଟି ବାକା ବେଟା ଆନେସି □”

୧୧ ଫେରା ମାନଓ ଆହାନା ଆମ୍ବାଆସି ମାହାପୁରୁ ନକିତା ତୀରିଗାଟାସି ଆଅସି, ନେହଁକଁ ପୁଞ୍ଜାମାନାୟି, ରାସ୍ତକି ଆହାମାନେ, “ଇତିହଁ ତୀରିଗାଟାସି ନାମୁଟି ନୀତିନେସି □”

୧୨ ଅଡେ ନାମୁ ଫେରାତି ମୁଲୁ କାତା ଆଏ; ଫେରାତି ମୁଲୁ ଆହାମାନେ “ଆମ୍ବାଆସି ବାରେ ହୁକୁମି ମାନଓ ଆନେସି, ଏମ୍ବାଟି ଏଝାସି ନୀତିନେସି □”

୧୩ କ୍ରୀସ୍ତ ମା ତାକି ବାକା ବେଟାଆହାନା ଫେରାଟି ମାଙ୍ଗେ ଖାନି ବାକାଟି ପିସ୍ପି କିହାମାଞ୍ଜାନେସି; ଇତିହଁ ରାସ୍ତକି ଆହାମାନେ, “ଆମ୍ବାଆସି ପାସି ମୁଣ୍ଡାତା ଏପକି ଆନେସି ଏଝାସି ବାକା ଗାଟାସି □”

୧୪ ମାହାପୁରୁ ଅବ୍ରାହାମଇଁ ଆମିନି ବର ହୀହାଲିତାକି ଆଞ୍ଜାମାରେସି, ଜୀହୁଦିଆଆତି ଲକୁ ଜିକେଏ ଏନିକଁ ଏଦାଆଁ ବେଟାଆହାଲି ଆଡିନେରି, ଏଦାଆଁତାକି କ୍ରୀସ୍ତ ଇ କାମା କିହାମାନେସି, ଏଦାଆଁତାକି ମାର ଜିକେଏ ମାହାପୁରୁ ଝେସାମାନି ଲେହେଁ ନାମୁତଲେ ସୁଦୁଜୀଝୁ ବେଟାଆହାଲି ଆଡିନାୟି □

ଫେରା ଅଡେ ଆଞ୍ଜିନାୟି

୧୫ ଏ ତାୟି ତାଙ୍ଗିସ୍ତା, ନାମୁ ମାଣସିୟାଁ ଲେହେଁ ଝେସିମାଞ୍ଜାଇଁ; ରାଜିମାନା ମାଣସି ତାଣାଟି କିତି ଜିକେଏ, ରିଆରି ସନ୍ତକି କିହାନା ଏଦାଆଁ ତୀରି କିନେରି, ଏଚେତା ଏଦାନି ଆମ୍ବାଆସି ଏଟକା କିହାଲି ଆଡଅସି କି ଏମ୍ବାଆଁ ଏନାଆଁ କାଲହାଲି ଆଡଅସି □

୧୬ ମାହାପୁରୁ ଆଞ୍ଜାମାନାୟି ଅବ୍ରାହାମ ଇଞ୍ଜା ତାନି କୁଲୁ ତାକି ହୀପକି ଆହାମାରେ; ଏଝାସି ଏଲେଇଞ୍ଜା ହିଲଅସି, “କୁଡା ତାରାକି” ଏନିକଁ ହାରେକା ଲକୁତାକି ସାସ୍ତେରିତା ଝେସିଲେହେଁ ଆଏ, ଇତିହଁ ଏନିକଁ ରଅଣି କାତା ଝେସ୍ତେସି, ନୀ “କୁଡା ତାକି” ଏଝାସି କ୍ରୀସ୍ତ ଜୀସୁ □

୧୭ ନା ଅଣ୍ପୁ ଇଦି, ମାହାପୁରୁ ଅବ୍ରାହାମ ତଲେ ର ରାଜିମାନା କିହାମାରେସି, ଅଡେ ଏଦାଆଁ ତୀରିକିହାଁ ଇଟାଲି ଆଞ୍ଜାମାରେସି, ଆମିନି ଫେରା ସାରି ଖାଞ୍ଜା କଡେଦସ ବାର୍ଯା ତାୟି ହୀପକିଆଡେ, ଏଦିଏ ରାଜିମାନାତି ମାନି କିଆନା ମାହାପୁରୁତି ଆଞ୍ଜାମାନାଣି ଆଙ୍ଗାଲି ଆଡେଏ □

୧୮ *ମାହାପୁରୁତି ଆଞ୍ଜାମାନି ବର ଫେରା ମାନିକିନି ତାଣା ବାର୍ସୁ କିନେ, ଆତିହଁ ଏଦି ଅଡେ ଆଞ୍ଜାମାନାୟି ଆଏ; ସାମା ମାହାପୁରୁ ଆଞ୍ଜାନା ଅବ୍ରାହାମକି ଏଦାଆଁ ହୀହାମାନେସି □

୧୯ ଆତିହଁ ଫେରା ଏନାଆଁତାକି ହୀପକିଆଡେ ? ମାଣସିତି ଲାଗେଏତି କାମା ତସାଲି ତାକି ହୀପକିଆଡେ, ଇଞ୍ଜା ଅବ୍ରାହାମକି ଏମିନି କୁଡାତି ମେସାନା ମାହାପୁରୁ ଆଞ୍ଜାମାରେସି, ଏଝାସି ଖାନି ପାତେକା ଫେରା ଲଡା

ମାଚେ, ର ମାଣସିତି ମାନି ତଲେ ଲାକପୁରୁତି ଦୂତୁୟାଁ ସାୟେମିଟି ଫେରା ହୀପକି ଆହାମାଚେ □

୨୦ ସାମା ନୀର୍ସ ମାନିତି ମାଣସି ରଅସିଏ; ଅର ରଅସି ଆଏ, ସାମା ମାହାପୁରୁ ରଅସିଏ □

ଫେରାତି କାତା

୨୧ ଇତିହଁ ଫେରା ମାହାପୁରୁ ଆଞ୍ଜାମାନାଣି କପାଟି କାତା ଝେକନେ ? ଏଦି ଏଚେଲାଝା ଆଆପେ; ଇତିହଁ ଲକୁତାକି ଜୀଝୁ ହୀହାଲି ଆଡିନି ଇଲେତି ଫେରା ହୀପକି ଆହାମାଚିହଁମା, ଆତିହଁ ଫେରା ସାତେଏ ତୀରି ଗାଟାୟି ଆଡେମା □

୨୨ ସାମା ଦାର୍ମୁ ସାସ୍ତେରିତା ରାସ୍ତକି ଆହାମାନେ, “ବାରେ ମାଣସି କୁଡା ପାପୁତି ବାଡ଼ୁତା ମାନେରି, ଏଦାଆଁତାକି ଏନିକଁ ଜୀସୁ କ୍ରୀସ୍ତ ତାଣା ନାମିତି ପାଡେୟି ଲେହେଁ ଆଞ୍ଜାମାନି ବର କ୍ରୀସ୍ତଇଁ ନାମିତି ଲକୁ ବେଟାଆନେରି □”

୨୩ ସାମା ଏ ନାମୁ ଖାନି ନକେଏ, ତଞ୍ଜାଆହାଲି ହାଜିମାନି ଏ ନାମୁତି ଫେଡା ଆହାଲି, ମାର ମସା ଫେରାତା ଦସ୍ପି ଆହିମାଟାୟି □

୨୪ ଇଲେତି ନାମୁ ତାକି ମାର ଦାର୍ମୁ ଗାଟାତାୟି ଆହାଲିତାକି କ୍ରୀସ୍ତ ଖାନି ଦିନା ପାତେକା ଫେରା ମାଙ୍ଗେ ଜାପୁହାନାୟି ଲେହେଁ ମାଚେ □

୨୫ ସାମା ନୀର୍ସ ଏ ନାମୁ ଖାହାଲିଏ, ମାର ଅଡେ ଫେରାତି ବାଡ଼ୁତା ହିଲାଆୟି □

୨୬ ଇତିହଁ ମୀରୁ ବାରେକାଣା ଜୀସୁ କ୍ରୀସ୍ତଇଁ ନାମିନି ତାଣାଟି ମାହାପୁରୁତି ମୀରକା ମାସ୍କା ଆହାମାଞ୍ଜେରି □

୨୭ ଇଞ୍ଜା ମୀରୁ ଏଚେକା ଲକୁ କ୍ରୀସ୍ତ ଦରୁଟି ବାପ୍ତିସ୍ତ* ବେଟାଆହାମାଞ୍ଜେରି, ନୀର୍ସ ମୀରୁ ବାରେତେରି କ୍ରୀସ୍ତଇଁ ହିମ୍ପରିଲେହେଁ ପର୍ହାମାଞ୍ଜେରି □

୨୮ ଜୀହୁଦି ଆପେସି କି ଜୀହୁଦିଆଆତି ଲକୁ ଆପେସି, ହଲେଏସି ଆପେସି କି ହଲେଏସି ଆଆତାସି ଆପେସି, ଆବା ଆପେସି କି ଇୟା ଆପେ; ମୀ ବିତ୍ତା ଏନି ପାର୍ଡା ହିଲେଏ, ମୀରୁ ବାରେ କ୍ରୀସ୍ତ ଜୀସୁ ତାଣା ଆଣ୍ଡାନା ରଣ୍ଡିଏ ଆହାମାଞ୍ଜେରି □

୨୯ *ଅଡେ ମୀରୁ କ୍ରୀସ୍ତତି ଲକୁ, ଆତିହଁ ମୀରୁ ଅବ୍ରାହାମତି କୁଡାତେରି, ଆଞ୍ଜାମାନି ଲେହେଁ ଅଦିକାରା ଗାଟାତେରି ଆହାମାଞ୍ଜେରି □

୪

୧ ନାମୁ ଝେସିମାଞ୍ଜାଇଁ, ମୀରଏସି ଆବାତି ବାରେ ଦନୁତି ଅଦିକାରା ଗାଟାସି, ସାମା ବାରେତି ଅଦିକାରା ଗାଟାସି ଆଡିଜିକେଏ, ପାତାଆନି ପାତେକା ହଲେଏସି ଲେହେଁ ଆନେସି □

୨ ସାମା ଆବାତି ତୀରି କିହାମାନି ଦିନା ପାତେକା ଏଝାସି ତାଲି ତାଞ୍ଜି ଅଡେ ଗୁମୁସ୍ତାତି କାତାତା ଡୟିନେସି □

* ୩:୧୮ ୩:୧୮ ରମି ୪:୧୪ * ୩:୨୨ ୩:୨୨ମୁଞ୍ଜିନାୟି ☆ ୩:୨୯ ୩:୨୯ ରମି ୪:୧୩

୩ ଏଲେକିହି ଏ ମାର ଜିକେଏ ଏଚିବେଲା ଦାମ୍ଭୂତା ପାଡ଼ାଆହା ହିଲାଆତାୟି, ଏଚିବେଲା ଦାରତିତି ବାରେ ସାଲୁଝି କିନି ବାଡ଼ୁୟୁତା ହଲିୟା ମାଗାୟି □

୪ ସାମା ଦିନା ପୂରା ଆୟାଲିଏ, ମାହାପୁରୁ ତାନି ତାଣାଟିଏ ତାନି ମୀରଏଣାଲ୍ ପାଣ୍ଡାତେସି; ଏଞ୍ଜାସି ଇୟାନି ବାଣ୍ଡିଟି ଜାର୍ନା ଆହାନା ଜାହୁଦିୟା ମେରା ତଲେ ନୀତିତେସି,

୫ *ଏନିକିହି ଏଞ୍ଜାସି ମେରାତା ମାନି ଲକୁଣି ମୂଲୁ ହାହାନା ପିସ୍ପି କିନେସି, ଅଡେ ମାର ମାହାପୁରୁତି ମୀରକା ମାସ୍କାତି ଅଦିକାରା ବେଟାଆନାୟି □

୬ ଇଞ୍ଜା ମୀରୁ ମୀରକା ମାସ୍କାତେରି, ଅଡେ ମାହାପୁରୁ ମୀ ହିୟାତା ତୁୟାଲି ତାକି ତାନି ମୀରଏଣାତି ସୁଦୁଜୀସୁ ପାଣ୍ଡାତେସି, ଏ ଜୀସୁ ମୀ ତାଣା ମାଞ୍ଜାନା କାଜା ଗିୟାତଲେ "ଆବା ତାଞ୍ଜି ଇଞ୍ଜ" ହାଟିମାନେ □

୭ ଏଦାଆଁତାକି ମୀରୁ ଅଡେ ହଲିୟାଙ୍ଗା ଆଏ, ସାମା ମୀରକା ମାସ୍କାତେରି, ମୀରୁ ତାନି ମୀରକା ମାସ୍କାତେରି ଆହାମାନାକି ମାହାପୁରୁ ତାନି ମୀରକା ମାସ୍କାକି ଏନାଆଁ ଇଟାମାନେସି ଏ ବାରେ ମିଙ୍ଗେ ହିୟାନେସି □

ଗାଳତୀୟ ଲକୁତାକି ପାଞ୍ଚୁଲ ଅଣ୍ପିନାୟି

୮ ସାମା ମୀରୁ ନକେଏ ମାହାପୁରୁଲ୍ ପୁଞ୍ଜାହିଲାଆତେରି, ଅଡେ ଏମିନି ଗାଟାଇ ସାତା ମାହାପୁରୁ ଆଏ, ଏଞ୍ଜାଆଁତି ହଲିୟାଙ୍ଗା ମାଚେରି □

୯ ସାମା ମୀରୁ ନୀଏଁ ମାହାପୁରୁଲ୍ ପୁଚେରି; ଇଞ୍ଜା ମାହାପୁରୁ ମିଙ୍ଗେ ପୁଞ୍ଜାତେସି, ଆତିହିଁ ମୀରୁ ଏନିକି ଏ ବାଡ଼ୁୟୁ ହିଲାଆଗାଟାଇ ଅଡେ ଏନାଆଁ ହିୟାଲି ଆଡାଆଗାଟି ଦାରତି ଝାକି ଝେଣ୍ଡେ ହାଜାଲି ଅଣ୍ପିମାଞ୍ଜେରି, ମୀରୁ ଏନାଆଁତାକି ଝେଣ୍ଡେ ଏ ବାରେତି ହଲିୟାଙ୍ଗା ଆୟାଲି ଅଣ୍ପିମାଞ୍ଜେରି □

୧୦ ଦୁକୁତି କାତା, ମୀରୁ ତୀରି କିହାମାନି ଦିନା, ଲେଞ୍ଜୁ, ପାରୁ ଅଡେ ବାର୍ସା ମାନୁଝି ଆହିମାଞ୍ଜେରି □

୧୧ ମିଙ୍ଗେତାକି ନାନୁ କିହାମାନି କାମା ଏଚେତା ଉଜେଏ ଆନେ, ମୀ ତାକି ନାଙ୍ଗେ ହାରେକା ଆଜି ହଟିମାଞ୍ଜାନେ □

୧୨ ଏ ତାୟି ତାଞ୍ଜିସ୍ତାତେରି, ନାନୁ ମିଙ୍ଗ ବାଡ଼ିମାଲିମାଞ୍ଜାଲ୍, ମୀରୁ ନାଲେହେଁ ଆଦୁ, ଇଚିହିଁ ନାନୁ ଜିକେଏ ମୀ ଲେହେଁ ଆହାମାଲ୍, ମୀରୁ ନାଙ୍ଗେତାକି ଏନାଆଁ ଲାଗେଏ ପଲେଏ କିହାମାଞ୍ଜଅତେରି □

୧୩ ନାନୁ ତଲିଏ ମୀ ତାଣା ନେହିଁ କାରୁ ଝେକହାମାଚେଏଁ ମୀରୁ ପୁଞ୍ଜାମାଞ୍ଜେରି ଏଚେତା ନା ଆଙ୍ଗାତି ବାଦା ମାଞ୍ଜାନା ଝେକହାମାଚେଏଁ;

୧୪ ଅଡେ ନା ଆଙ୍ଗାତି ବାଦା ମିଙ୍ଗେତାକି କସୁଗାଟାୟି ଆହିମାଚିହିଁ ଜିକେଏ ମୀରୁ ନାଙ୍ଗେ ହାଣି ତଲେ ଅପଅମି ଇଞ୍ଜା ମାଞ୍ଜଅତେରି, ସାମା ମୀରୁ ମାହାପୁରୁତି ର ଦୁଡୁ ଲେହେଁ ଇଚିହିଁ କ୍ରୀସୁ ଜୀସୁଲ୍ ଆବିନି ଲେହେଁ ନାଙ୍ଗେ ଆବାତେରି □

୧୫ ମୀରୁ ଏଚେକା ରାହାଁ ମାଚେରି, ମୀ ଏ ରାହାଁ ଆଦ୍ଵିୟା ହାଚେ? ଇଚିହିଁ ନାନୁ ମୀ କାତା ଆଟ୍ଠା ତଲେ ଝେସାଲି ଆଡ଼ିଲ୍, ଏ ବେଲାତା ମୀରୁ ଜାହାରା କାନୁ ପିଡ଼ହାନା ନାଙ୍ଗେ ହିୟାତେରିମା □

୧୬ ସାମା ନୀଏଁ ନାନୁ ମିଙ୍ଗେ ସାତା ଝେସାଲିଏ, ମୀ ସାଡୁ ଆହାମାଲ୍ କି ?

୧୭ ଏଞ୍ଜାରି ମୀ ନେହେଁ ତାକି ହାରେକା ରାହାଁ ଗାଟାରି ଇଞ୍ଜା ତଞ୍ଜାଆହାଲି ଅଣ୍ପିମାନେରି, ସାମା ତାମି ସାତା ଅଣ୍ପୁ ତଲେ ଆଏ, ଏଞ୍ଜାରି ରଣ୍ଡିଏ ଅଣ୍ପୁ, ଏନିକିଁ ମୀରୁ ନା ତାଣାଟି ଏଟକା ଆହାନା ଏଞ୍ଜାରି ଝାକି ରାହାଁ ଆଦେରି □

୧୮ ଇଚିହିଁ ନାନୁ ମୀ ତାଣା ମାନି ବେଲାତା ଆଏ, ସାମା ବାରେ ବେଲାତା ନେହିଁ କାମାତାକି ଅଣ୍ପିନାୟି ନେହେଁ □

୧୯ ଏ ନା ଜୀସୁତି ମୀରକା ମାସ୍କାତେରି, ଏଚେ ପାତେକା କ୍ରୀସୁ ଲେହେଁ ଆଅତେରି, ଏଚେ ପାତେକା ନାନୁ ମୀ ତାକି ଜାନି କିନାଟି ଲୁଞ୍ଜିନି ବୀସା ଲେହେଁତି କସୁ ବେଟାଆହିମାଲ୍ □

୨୦ ନାନୁ ଏନିକିଁ ନୀଏଁ ମୀ ତାଣା ଝାହାନା ଅର ରଲେତି ହାଡ଼ା ଝେସାଲି ଆଡ଼ିତେଏଁମା, ଇଦି ନା ଅଣ୍ପୁ ମାଚେ; ଏନାଆଁତାକି ଇଚିହିଁ ନାନୁ ମୀ ତାକି ହାରେଏ ଅଣ୍ପିମାଲ୍ □

ହାଗାର ଅଡେ ସାରାନି ପୁଣ୍ଡିକିନାୟି

୨୧ ମସାତି ମେରାତା ମାଞ୍ଜାଲି ମନ କିହିମାଞ୍ଜେରି ମୀରୁ, ନାଙ୍ଗେ ଝେସ୍ତାଦୁ, ମେରାତା ଏନାଆଁ ରାସ୍କି ଆହାମାନେ, ଏଦାଆଁ ମୀରୁ ଝେଞ୍ଜା ହିଲଅତେରି ?

୨୨ ଇଚିହିଁ ରାସ୍କି ଆହାମାନେ, ଅବ୍ରାହାମତି ରୀ ମୀରକା ମାଚେରି ରଅସି ହଲେଣି ତାଣାଟି ଅଡେ ରଅସି ତାନି ତକ୍ତିନି ତାଣାଟି ଜାର୍ନା ଆହାମାଚେସି,

୨୩ ହଲେଣି ମୀରଏସି ଆଙ୍ଗାତି ଗୁଣ୍ଡୁତଲେ ଜାର୍ନା ଆଚେସି, ସାମା ଆମିନିଗାଟାସି ତାନି ତକ୍ତିନି ମୀରଏସି ମାହାପୁରୁ ଆଞ୍ଜାମାଟି ବାଡ଼ୁୟୁଟି ଜାର୍ନା ଆଚେସି □

୨୪ ଇଦାଆଁ ର ପୁଣ୍ଡି କିନି କାତାଲେହେଁ ଝେସିମାନେ, ଇ ରୀ ଇୟାସିକା ରୀ ରାଜିମାନା ଲେହେଁତାଇ; ଆମିନି ଗାଟାନି ମୀରକା ହଲିୟାଙ୍ଗା ଆୟାଲି ଜାର୍ନା ଆଚେରି, ଏ ହାଗାର ସିନୟ ହରୁଟି ଝାହାମାନି ରାଜିମାନା ଲେହେଁ □

୨୫ ହାଗାର ଆରବ ଦେସାତା ମାନି ସିନୟ ହରୁ ଲେହେଁ, ଏଦି ନୀଏଁତି ଜିରୁସାଲମ ଗାଡ଼ା ଲେହେଁ □ ହାଗାର ଲେହେଁ ଜିରୁସାଲମ ଅଡେ ଏଦାନି ସାଲୁଝି କିନାରି ନୀଏଁ ହଲିୟାଙ୍ଗା ଆହାମାନେରି □

୨୬ ସାମା ଲାକପୁରୁ ମାନି ଜିରୁସାଲମ ହଲେଣି ଆଆଗାଟାୟି, ଏଦି ମା ତାଲି

୨୭ ଏନାଆଁତାକି ଇଚିହିଁ ସାସ୍ତେରିତା ରାସ୍କି ଆହାମାନେ,

“ଆଲ ବାଞ୍ଛେଣି, ଏଚେଲା ପଦି ପଦା ଜାର୍ନା କିଆଗାଟି
 ଇୟା, ରାହାଁ କିମ୍ପୁ,
 ଜାର୍ନା କିନି ବେଲାତି ଲୁଞ୍ଜିନି ବୀସା ଏଚେଲା ପୁଞ୍ଜା
 ହିଲାଆତି ଜିକେଏ ନୀନୁ କାଜା ଗିୟାତଲେ ରାହାଁ
 କିମ୍ପୁ;

ଇତିହଁ ଡକ୍ତା ତଲେ ବାସା କିହିମାନି ଇୟାନି କିହାଁ
 ର ପିସ୍ତି ଇୟାନି କକାରି ପଦାୟାଁ ହାରେକା ଜାଣି
 ଆନେରି ଆନୁ □”

୨୮ “ଏ ନା ତାୟି ତାଜିସ୍ତାତେରି, ମୀରୁ ଇସାହାକ
 ଲେହେଁ ଆଞ୍ଜାମାନି ମାହାପୁରୁତି ମୀରକା ମାସ୍ତକାତେରି □

୨୯ ସାମା ଆମ୍ବାଆସି ଆଙ୍ଗାତି ଗୁଣ୍ଡୁ ତଲେ
 ଜାର୍ନା ଆଡେସି, ଏଞ୍ଜାସି ଏନିକଁ ଏଚିବେଲାତା
 ମାହାପୁରୁତି ସୁଦୁଜୀଞ୍ଜୁଟି ଆଞ୍ଜାମାନି ତାଣାଟି ଆମ୍ବାଆସି
 ଜାର୍ନା ଆହାମାନେସି, ଏଞ୍ଜାଣାକ୍ ସାସ୍ତି ହାହାମାତେସି
 ଏଲେକିହଁ ଏ ନୀର୍ବ ଜିକେଏ ଆହିମାନେ □

୩୦ ଦାମ୍ପୁ ପତି ଏନାଆଁ ଝେସିମାନେ ? ହଲେଣି ଇୟା
 ଅଡେ ଏଦାଣି ମୀରଏଣାକ୍ ପିହ୍ମୁ; ଇତିହଁ ହଲେଣି
 ମୀରଏସି ତାନି ବୀହା ଡକ୍ତିନି ମୀରଏଣା ତଲେ ଅଦିକାରା
 ଗାଟାସି ଆୟାଲି ଆଡଅସି □”

୩୧ ଏଦାଆଁତାକି ଏ ନା ତାୟି ତାଜିସ୍ତାତେରି, ମୀରୁ
 ହଲେଣି ମୀରକା ମାସ୍ତକା ଆଏ, ସାମା ବୀହା ଡକ୍ତିନି
 ମୀରକା ମାସ୍ତକାତାୟି □

୫

କ୍ରୀସ୍ତ ତାଣା ମେଲା ଆନାୟି

୧ ମୀରୁ ମେଲା ଆହାମାନାୟି, କ୍ରୀସ୍ତ ମାଙ୍ଗେ ମେଲା
 କିହାମାଞ୍ଜାନେସି □ ଇଦାଆଁତାକି ମୀରୁ ମେଲା ଆଡିତାଣା
 ତୀରିଆହାଁ ମାଞ୍ଜୁ □ ଅଡେ ଝେଣ୍ଡେ ହଲିୟାଙ୍ଗା ଜୁଝେଡିତା
 ମୀରୁ ଜାହାରାକ୍ ହେରପାକତାଆଦୁ □

୨ ନାନୁ ପାସ୍ତୁଲ ମିଙ୍ଗେ ଝେସିମାଞ୍ଜାକ୍, ମୀରୁ ମୀ ତଲୁ
 ଦାପିଆନାଣି ମାନି କିତିସାରେ, କ୍ରୀସ୍ତ ତାଣାଟି ମୀଦି ଏନି
 ଲାବା ହିଲେଏ □

୩ ନାନୁ ତଲୁ ଦାପି ଆହିମାନି ବାରେ ଜାଣାକ୍ ଝେଣ୍ଡେ
 ଝେସିମାକ୍, ଇତିହଁ ଏଞ୍ଜାସି ବାରେ ମସାତି ମେରା ମାନୁଞ୍ଜି
 ଆନାୟି ମାନେ □

୪ ମୀରୁ ଏତେକା ଲକୁ ମେରାଟି ମାହାପୁରୁ କାନୁତା
 ତୀରିଗାଟାତେରି ଆୟାଲି ଅଣ୍ଡିମାଞ୍ଜେରି, ମୀରୁ କ୍ରୀସ୍ତ
 ତାଣାଟି ଏଟକା ଆହାମାଞ୍ଜେରି, ଇଞ୍ଜା ମାହାପୁରୁ
 କାର୍ମାମେହ୍ନି ତାଣାଟି ଗୁଟା ଆହାମାଞ୍ଜେରି □

୫ ଇତିହଁ ମୀରୁ ମାହାପୁରୁତି ଜୀଞ୍ଜୁତଲେ ନାମୁ ତାକି
 ଦାମ୍ପୁଗାଟି ଲକୁ ଆନି ଆସାକ୍ କାଡିମାନାୟି □

୬ ଇଦାଆଁତାକି ଜୀସୁ କ୍ରୀସ୍ତ ତାଣା ଆଣ୍ଡାନା
 ନୀତାମାଟିସାରେ ତଲୁ ଦାପି ଆନାୟି କି ଦାପି
 ଆଆଗାଟାୟି ଏନାୟି ହିଲେଏ, ସାମା ନାମୁତା ଅଜିକିହଁ
 ମାଞ୍ଜାନା ଜୀଞ୍ଜୁ ନନାଣି ତଲେ କାମା କିନାୟି □

୭ ମୀରୁତ ନେହଁକଁ ନକିତା ହାଜିମାତେରି;
 ଆମ୍ବାଆସି, ମିଙ୍ଗେ ସାତାତି ମାନୁଞ୍ଜି ଆଆଦୁ ଇଞ୍ଜା
 ଆଙ୍ଗାତେସି ?

୮ ମିଙ୍ଗେ ହାଟାମାଞ୍ଜାନି ମାହାପୁରୁ ତାଣାଟି ଇଦି ଆହା
 ହିଲେଏ □

୯ *କାତାତା ମାନେ, ଇଚାୟି ପୁଲା ତ:କାଡି ଗୁଣ୍ଡା ବାରେ
 ପୁଲା କିନେ □

୧୦ ମୀରୁ ଏଟକାତି ଅଣ୍ଡପୁ ଅଣ୍ଡପଅତେରି, ଇଦାଆଁ ନାନୁ
 ମିଙ୍ଗେ ତାକି ପ୍ରବୁ ତାଣା ହାରେକା ନାମିମାକ୍; ସାମା ମିଙ୍ଗେ
 ଆମ୍ବାଆସି ନାଡି କିହାମାଞ୍ଜାନାସି ଏଞ୍ଜାସି ଆମ୍ବାଆସି ଆପେସି
 ମାହାପୁରୁ ଏଞ୍ଜାଣାକି ତଣ୍ଡୁ ହାନେସି □

୧୧ ନା ତାୟି ତାଜିସ୍ତାତେରି, ନାନୁ ନୀର୍ବ ପାତେକା
 ତଲୁ ଦାଃନି ମେରା ଝେକ୍‌ହିମାକ୍, ଆତିହଁ ଏନାଆଁତାକି
 ନୀର୍ବ ପାତେକା ସାସ୍ତି ବେଟାଆହିମାକ୍ ? ନାନୁ ସାତେଏ
 ଏଲେକଁ ଝେକ୍‌ହିହଁ, କୁସତା ହାଡି କ୍ରୀସ୍ତତି କାତା
 ଝେକ୍‌ନି ତାଣାଟି ନାଙ୍ଗେ ଏନି ବାଦା ଆଆତେମା □

୧୨ ନାନୁ ଅଣ୍ଡପିମାକ୍, ତଲୁ ଦାନାଣି ଏମିନିଗାଟାରି
 ମିଙ୍ଗେ ଏଲେକଁ କିଲିବିଲି କିହିମାଞ୍ଜାନେରି ଏଞ୍ଜାରି
 ପେକ୍‌ୟାଁ ଲେହେଁ ଆଡିହଁ ନେହଁ ଆଡେମା □

୧୩ ଏ ତାୟି ତାଜିସ୍ତା, ମୀରୁ ମେଲା ଆହାଲିତାକି ହାଟ୍‌କି
 ଆହାମାଞ୍ଜେରି; ସାମା ଜାଗ୍ରାତା, ଆଙ୍ଗାତି ଜୁପକା କାମା
 କିହାଲି ମୀ ଆଙ୍ଗାତି ପାରୁ ବେଟାଆଡିସାରେ ଏ ମେଲାତି
 ଲେମ୍ବାଆଦୁ, ସାମା ରଅତେରି ରଅଣାକ୍ ଜୀଞ୍ଜୁ ନଞ୍ଜିଆହାନା
 ସେବା କିଦୁ □

୧୪ ଇତିହଁ ବାରେ ମେରା ଇ ରଣ୍ଡିଏ ହୁକୁମିତା ତୀରି
 ଆନେ, “ନୀନୁ ନୀ ଆଟ୍‌ହିତାଣାକ୍ ନୀ ଜୀଞ୍ଜୁତି ଜୀଞ୍ଜୁନନ୍ତି
 ଲେହେଁ ଜୀଞ୍ଜୁନଦୁ □”

୧୫ ମୀରୁ ରଅତେରି ରଅଣାକ୍ ବାଦା ହାହାନା ନସ୍ତ କିଞ୍ଜି
 ଆହିମାଞ୍ଜେରି, ଆଡିହଁ ଜାଗ୍ରାତା ଆଦୁ, ଏନିକଁ ମୀରୁ
 ରଅତେରି ରଅଣି ତାଣାଟି ନାସା ଆଅତେରି □

ସୁଦୁଜୀଞ୍ଜୁ ଅଡେ ମାଣସିତି ଗୁଣ୍ଡୁ

୧୬ ନା ଅଣ୍ଡପୁ ଇଦି, ମୀରୁ ସୁଦୁଜୀଞ୍ଜୁ ତଲେ ତାକାଦୁ,
 ଆଡିହଁ ମୀରୁ ଆଙ୍ଗାତି ଜୁପକା ତଲେ କାମା କିଅତେରି
 □

୧୭ *ମାଣସିତି ମାଣ୍ଡକି ସୁଦୁଜୀଞ୍ଜୁ ଅପେଏ □
 ଏଲେକିହଁ ଏ ସୁଦୁଜୀଞ୍ଜୁ ମାଣ୍ଡସିତି ମାଣ୍ଡକିତି ଅପେଏ □
 ଏଞ୍ଜି ରିଣ୍ଡି ସାତୁ ଲେହେଁ □ ଇତିହଁ ମୀରୁ ଏନାଆଁ କିୟାଲି
 ଅଣ୍ଡପିଦେରି ଏଦାଆଁ କିୟାଲି ଆଡଅତେରି □

୧୮ ସୁଦୁଜୀଞ୍ଜୁ ମିଙ୍ଗେ ସାଲୁଞ୍ଜି କିୟାନେ, ଆଡିହଁ ମୀରୁ
 ଅଡେ ମସାତି ମେରା ତଲ ହିଲଅତେରି □

୧୯ ଆଙ୍ଗାତି ଅଣ୍ଡପୁ ତଲେ କିନି କାମା ବାରେ
 ନେହଁକଁ ପୁଞ୍ଜାମାଞ୍ଜେରି, ଏଞ୍ଜି ଦାରିକାମା, ଲାଗେଏ
 ପଲେଏ କାମା □

୨୦ ଅଡେ ଅପାଆଗାଟି କାମା, ପେଣ୍ଡକା ପୁଜା, ଲକୁଣି
 ପାୟିନାୟି, ଗୁଣି ଗାରଡି, ସାତୁ ଆନାୟି, ଗଡହା

* ୫:୯ ୫:୯ ୧କର ୫:୬ * ୫:୧୭ ୫:୧୭ ରମି ୭:୧୫-୨୩

କିନାହିଁ, ଆଙ୍କାରା ଆନାହିଁ, କାରବି ଆନାହିଁ, ଜାହାରାତାକି ଅଣ୍ଠପିନାହିଁ, ଗତି ଆହୁଁ ବାଗା ଆନାହିଁ, ନାଡ଼ିକିହାଁ ବାଗା କିନାହିଁ, ତାହାରା ଆନାହିଁ,

୨୧ କାଡୁ ଗହନାରି ତଲେ ଆଣ୍ଠାନା ରାହାଁ କିନାହିଁ ଇଲେତି ବାରେ କାମା କିନାହିଁ; ନାନୁ ତଲି ମିଙ୍ଗେ ଏନିକ୍ ହେସାମାଞ୍ଜାତେଏଁ, ଏଲେକିହୁଁ ନକେଏ ଜାଗ୍ରାତା କିହାଁ ହେସାମାଞ୍ଜାକ୍, ଆମ୍ବାଆରି ଇଲେତି କାମା କିନେରି, ଏଞ୍ଜାରାକି ମାହାପୁରୁ ରାଜିତା ଅଦିକାରା ହିଲେଏ ।

୨୨ ସାମା ସୁଦୁଜୀଞ୍ଜୁତି ପାଡ଼େୟି, ଜୀଞ୍ଜୁନନାହିଁ, ରାହାଁ ଆନାହିଁ, ହିଡ଼ଡ଼ି ଜୀଞ୍ଜୁତଲେ ମାନାହିଁ, ଅରୁହିନାହିଁ, ଲକୁକ୍ ସାୟେମି କିନାହିଁ, ସାତା ଗୁଣ୍ଡୁ, ମାନ୍ଦିଗାଟି ଲକୁ, ନାମୁତଲେ ମାନାହିଁ,

୨୩ ଅଡ଼େ ଜାହାରାକ୍ ଲକ୍ନାହିଁ, ଇ ବାରେ ନକିତା ମସାତି ଏନି ମେରା ହିଲେଏ ।

୨୪ ଆମ୍ବାଆରି ଜୀସୁ ଜ୍ରୀସୁ ତାଣା ମାନେରି, ଏଞ୍ଜାରି ତାମି ଆଙ୍ଗାତି ଅଣ୍ଠପୁ ଅଡ଼େ ଜୁପକା ବାରେ ମାଣ୍ଠସି ମାଣ୍ଠକିତି ପାସି ମୁଣ୍ଡାତା ଏକହାନା ହାଞ୍ଜି କିହାମାନେରି ।

୨୫ ମାର ସୁଦୁଜୀଞ୍ଜୁ ତଲେ ଜୀଞ୍ଜୁ ବେଟାଆହାମାନାହିଁ, ଆତିହୁଁ ସୁଦୁଜୀଞ୍ଜୁ ତଲେ ନୀଡିନ ।

୨୬ ମାର ବତପଣ ଆହାନା ରଅତଞ୍ଜି ରଅଣାକ୍ ବିତିବିତା କିଆପ ଅଡ଼େ ମାର ରଅତାହିଁ ରଅଣାକ୍ ତାହାରା ଆଆପ ।



ରଅସି ରଅଣି ବଜୁ ଡେକିନାହିଁ

୧ ଏ ତାହିଁ ତାଙ୍ଗିସ୍ତା, ଆମ୍ବାଆସି ଏନି ଦହ କିହାମାନାଣି ପୁଚିହୁଁ, ସୁଦୁଜୀଞ୍ଜୁ ବେଟାଆହାମାଞ୍ଜେରି ମୀରୁ, ମୀରୁ ଚିକାଣା ତଲେ ଏଲେତି ଲକୁଣି ଏଲେତି କାମା ପିସାଲି ଜାପ୍ଦୁ, ଏଡେତା ମୀରୁ ଜିକେଏ ପାନ୍ଦାତା ହେରୁଞ୍ଜିଦେରି, ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ ।

୨ ରଅତେରି ରଅଣି ବଜୁ ଡେକାଲି ସାୟେମି କିଞ୍ଜିଆଦୁ; ଏଲେକିତିହୁଁ ମୀରୁ ଜ୍ରୀସୁତି ମେରା ମାନଞ୍ଜି ଆଦେରି ।

୩ ଆମ୍ବାଆସି ଲାଗେଏ ଆହାନା ଜାହାରାକ୍ ନାନୁ କାଜାତେଏଁ ଇଞ୍ଜୁଁ ଅଣ୍ଠପା କତିନେସି ଏଞ୍ଜାସି ତାନୁଏ ତାଙ୍ଗେ ନାଡ଼ି କିହାକତିମାନେସି ।

୪ ସାମା ବାରେଜାଣା ଜାହାରା କିତି କାମାତି ତାହିପାରି କିପାସି, ଆତିହୁଁ ଏଞ୍ଜାସି ଅର ଲକୁ କିତି କାମାତାକି ଆଏ ସାମା ତାନୁଏ କିହାମାନାଣି ତାକି ବତପଣ କିଆପେସି ।

୫ ଏନିଇତିହୁଁ ବାରେଜାଣା ଜାହାରା ବଜୁ ଜାହାରାଏ ଡେକିନାହିଁ ମାନେ ।

୬ ସାମା ଆମ୍ବାଆସି ମାହାପୁରୁତି ବଜୁ ଜାପିନେସି, ଏଞ୍ଜାସି ତାଙ୍ଗେ ଜାପ୍ନାଣାକି ତାନି ତାଣା ମାନି ବାରେକିହାଁ ନେହୁଁ ବାଗା ହାପେସି ।

୭ ମୀରୁ ମିଙ୍ଗେ ନାଡ଼ିକିହା କତାଆଦୁ; ଆମ୍ବାଆସି ମାହାପୁରୁକ୍ ନାଡ଼ି କିହାଲି ଆଡ଼ଅସି, ଇତିହୁଁ ମାଣ୍ଠସି ଏଦାଆଁ ମାଟିନେସି ଏଦାଆଁ ଦାଃଆନେସି ।

୮ ଆମ୍ବାଆସି ଆଙ୍ଗାତି ଅଣ୍ଠପୁ ତାକି ମାଟିନେସି, ଏଞ୍ଜାସି ଆଙ୍ଗାତି ହାଞ୍ଜିକିନି ପାଡ଼େୟି ଦାଃଆନେସି; ସାମା ଆମ୍ବାଆସି ଜୀଞ୍ଜୁତାକି ମାଟିନେସି ଜୀଞ୍ଜୁଟି ଗାଡ଼ିଆଡ଼ି କାଲ୍ଲକାଲ୍ଲାତି ଜୀଞ୍ଜୁହୀନି ପାଡ଼େୟି ଦାଃଆନେସି ।

୯ ମାର ନେହୁଁ କାମା କିହାଲି ଝାହାଆପ; ଇତିହୁଁ ଝାହୁ ଆଆନା କାମା କିତିହୁଁ ସମାନା ବେଲାତା ତାସା ଦାଃନାହିଁ ।

୧୦ ଏନିଇତିହୁଁ ମାର ପାରୁ ସିନିକିହାନା ବାରେତାକି ଇତିହୁଁ ବାରେକିହାଁ ରଣ୍ଡିଏ କୁଟମିତା ଆଣ୍ଠାମାନି ନାମୁ ଗାଟାରାକ୍ ନେହୁଁ କିନାହିଁମାନେ ।

ଜାଗ୍ରାତା କିହାଁ ଜହରା ତଲେ ଆକ୍ରୁତି ରାପ୍ନାହିଁ

୧୧ ମେହୁଦୁ, ନାନୁ ଏନିକ୍ କାଜା କାଜା ଅଙ୍ଗରି ତଲେ ନା କେୟୁତଲେ ମୀ ତାଣା ରାଟାମାଞ୍ଜାକ୍ ।

୧୨ ଆମ୍ବାଆରି ଆଙ୍ଗାତି କାମା ତଲେ ଝେଙ୍ଗାଲି ମନ୍ କିନେରି, ଏଞ୍ଜାରି ମିଙ୍ଗେ ତଲୁ ଦାଃଆନାହିଁମାନେ ଇଞ୍ଜୁଁ ବାଲାମାତମି କିୟାନେରି, ଜ୍ରୀସୁତି ପାସିମୁଣ୍ଡା ତାକି ଏନିକ୍ ନିନ୍ଦା ବେଟାଆଅରି ଝାରୁଇ ଏଦାଣିତାକି ଏଲେକିନେରି ।

୧୩ ଇତିହୁଁ ଆମ୍ବାଆରି ତଲୁ ଦାଃନି ମେରା ତଲେ ମାନେରି, ଏଞ୍ଜାରି ତାମ୍ବୁଜିକେଏ ମସାତି ମେରା ମାନଞ୍ଜି ଆଅରି, ଇଞ୍ଜା ଏଞ୍ଜାରି ଏନିକ୍ ମୀ ଆଙ୍ଗା ତାକି ବତପଣ କିହାଲି ଆଡ଼ିନେରି, ଏଦାଆଁତାକି ଏଞ୍ଜାରି ମିଙ୍ଗେ ତଲୁ ଦାପି କିଞ୍ଜିକିହାଲି ଅଣ୍ଠପିନେରି ।

୧୪ ସାମା ନାନୁ ଝାରୁଇ ମା ଜୀସୁ ଜ୍ରୀସୁତି କୁସ ତାକି ବତପଣ ଆହିମାକ୍; ଇତିହୁଁ ଏଞ୍ଜାଣି କୁସ ତାକି ଦାରୁତି ନାଙ୍ଗେତାକି ହାହାମାନେ ଇଞ୍ଜା ନାନୁ ଦାରୁତି ତାକି ହାହାମାକ୍ ।

୧୫ ତଲୁ ଦାପି ଆନାହିଁ କି ଦାପି ଆଆଗାଗାହିଁ ଏନାହିଁ ହିଲେଏ, ସାମା ପୁଃନି ଗାଡ଼ି ଆନାହିଁ ଏଦି ବାରେ କିହାଁ ମୂଲୁତାହିଁ ।

୧୬ ଏଚେକା ଲକୁ ଇ ମେରା ତଲେ ତାକିନେରି, ଏଞ୍ଜାରି ଲାକ ଅଡ଼େ ମାହାପୁରୁତି ଇସାୟେଲ ଲକୁ ଲାକ ହିଡ଼ଡ଼ି ଅଡ଼େ କାମା ଆପେ ।

୧୭ ନୀଞ୍ଜୁଟିଏ ଆମ୍ବାଆସି ନାଙ୍ଗେ କସୁ ହିୟାଆପେସି, ଇତିହୁଁ ଜ୍ରୀସୁ ତାକି ବେଟାଆହାମାନି ଗାହାଁ ଗାରିୟାଁ ନା ଆଙ୍ଗାତା ମାନୁ ।

୧୮ ଏ ତାହିଁ ତାଙ୍ଗିସ୍ତା, ମା ପ୍ରୁ ଜୀସୁ ଜ୍ରୀସୁତି କାର୍ମାମେହନାହିଁ ମୀ ଜୀଞ୍ଜୁତା ଡ଼ୟାପେ । ଆମେନ୍ ।

ଏପିସୀୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର ଏପିସୀୟ କୁଲମିତାକି ପାଞ୍ଚୁଲ ରାଡ଼ାମାନି ଆକୁ ମୂଲୁ ହାଡ଼ା

ଏପିସୀୟ କୁଲମିତି ଆକୁ ପାଞ୍ଚୁଲ ରାଡ଼ାମାନେସି, ଜୀସୁ କ୍ରୀସ୍ତ ଜାର୍ନାଆଡ଼ି ୬୦ ବାର୍ସା ତାୟୁ କଲସିୟ କୁଲମିତାକି ରାଡ଼ିତି ବେଲା ରାସ୍କି ଆହାମାଚେ । ରାଡ଼ିନାସି ତାନୁଏ ପାଣ୍ଡୁଓଆହାମାନି ପାଞ୍ଚୁଲ ଇଞ୍ଜିମାନେସି ୧:୧ । କଲସିୟ ଆକୁତା ତାନି ଜହରା ହିଲାଆଡ଼ି ଜିକେଏ ବୁଦିଗାଟାରି ଏପିସୀୟ ଆକୁ ପାଞ୍ଚୁଲ ରାଡ଼ାମାନେସି ଇଞ୍ଜି ଇନେରି । ଅଡ଼େ ବାରେ କୁଲମିକା ତାକି ଆକୁ ହାସାଲି ରାସ୍କି ଆହାଡ଼ୟିନେ । ପାଞ୍ଚୁଲ ଇଦାଆଁ ଜିକେଏ ଖେସାମାନେସି ଇ ଆକୁ ରାଡ଼ିନି ବେଲାତା ଏଞ୍ଜାସି କାୟିଦିତା ମାଚେସି ୩:୧-୪:୧ ଅଡ଼େ ୬:୨୦ । ପାଞ୍ଚୁଲ ତୁକିକଇଁ ଏପିସୀୟ କୁଲମିତା ପାଣ୍ଡାମା ଏଞ୍ଜାଣି କେୟୁତା ଇ ଆକୁ ହାହାମାଚେସି ୬:୨୧-୨୨ ।

ଏପିସୀୟ ଏସିୟା ରାଡ଼ିତି ର କାଜା ଗାଡ଼ା ମାଚେ । ଏପିସୀୟ ଗାଡ଼ାତି ଗ୍ରିକ୍ ପେନୁ ଆଚେନି ଅଡ଼େ ଏଦାନି ଦେଖୁଡ଼ି ଖେଜିତାୟି ମାଚେ, କାମା ୯:୨୩-୩୧ । ଏପିସୀୟ କୁଲମି ନକେଏ ବାଡ଼ୟୁ ଗାଟାୟି ମାଚେ ତାୟୁ ରିହାଲି ମାଚୁହେ ଖେ ବଲୁ ୨:୧-୭ ।

ପାଞ୍ଚୁଲ ତାନି ଆଦା ଆକୁତା ମାହାପୁରୁ ଏନିକିଁ ତାନି ଲକୁଣି ଆଡ଼ିଚେସି, ଅଡ଼େ ଏନିକିଁ ଜୀସୁ ତାଣାଟି ପାପୁଡ଼ି ଗେଲପିଚେସି ଏଦାଆଁ ଖେସିମାନେସି । ପାଞ୍ଚୁଲ କୁଲମିତି ଆଜ୍ଞା ତଲେ ତୁକ୍‌ହାନା କ୍ରୀସ୍ତ ଏଦାନି ତାୟୁଁ ଅଡ଼େ କନତି ମୂଲୁ ଖାଲି, କୁଲମି ର ତକ୍ତି ଲେହେଁ କ୍ରୀସ୍ତଏ ତକ୍ତା । ଆକୁତି ତାୟୁ ବାଗାତା ପାଞ୍ଚୁଲ ପଡ଼ଓ ଆନାରାଇଁ କ୍ରୀସ୍ତ ତାଣା ରଣ୍ଡିଏ ଆହାଁ ଆଣ୍ଡାମାନି ଲକୁ ଲେହେଁ ନୀତାଲି ବାତିମାଲି ମାନେସି ।

ପତିତା ମାନାୟି

- ୧ ପାଞ୍ଚୁଲ ଜହରା କିହାନା ପୁଣ୍ଡି କିହା କଡ଼ିନାୟି । ୧:୧-୨
- ୨ କ୍ରୀସ୍ତ ତଲେ କୁଲମିତି ତୁକ୍‌ନାୟି । ୧:୩-୩:୨୧
- ୩ କ୍ରୀସ୍ତ ତାଣା ଏନିକିଁ ନୀତିନାୟି । ୪:୧-୬:୨୦
- ୪ ଜହରା କିହାନା ଆକୁତି ରାପ୍‌ନାୟି । ୬:୨୧-୨୪

୧ *ପାଞ୍ଚୁଲ, ମାହାପୁରୁତି ଅଣ୍ଡପୁ ତଲେ କ୍ରୀସ୍ତ ଜୀସୁତି ପାଣ୍ଡୁଓଆହାମାନାଚେଏ, ଏପିସୀୟତା ମାନି ମାହାପୁରୁ ଲକୁ ଇଞ୍ଜା କ୍ରୀସ୍ତ ଜୀସୁ ତାଣା ନାମୁତା ମାନି ଲକୁତାକି ଇ ଆକୁ ରାଡ଼ିମାଇଁ ।

* ୧:୧ ୧:୧ କାମା ୧୮:୧୯-୨୧; ୧୯:୧ * ୧:୬ ୧:୬ କଲସି ୧:୧୪

୨ ମା ଆବା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଅଡ଼େ ହିଡ଼ି ଜୀସୁ ମିଜେତାକି ଆୟାପେ ।

ସୁଦୁଜୀଞ୍ଜୁତି ବର ପାଣ୍ଡନାୟି

୩ ମା ପ୍ରବୁ ଜୀସୁ କ୍ରୀସ୍ତ ମାହାପୁରୁ ଅଡ଼େ ଆବାଇଁ ଜହରା ଆପେ । ଏଞ୍ଜାସି କ୍ରୀସ୍ତ ତାଣା ମାଜେ ବାରେ ଜୀଞ୍ଜୁତି ବର ତଲେ ଲାକପୁରୁ ବର ହାହାମାଜାନେସି ।

୪ ମାର ଏନିକିଁ ମାହାପୁରୁ ନକିତା ସୁଦୁ ଅଡ଼େ ଦହ ହିଲାଆଗାଟାତାୟି ଆନାୟି ଏଦାଆଁତାକି ଏଞ୍ଜାସି ଦାର୍ଡି ଗାଡ଼ି ଆଆ ନକେଏ ତାନି ତାଣା ମାଜେ ଆଡ଼ାମାଜାଚେସି ।

୫ ଅଡ଼େ ଏଞ୍ଜାସି ମାଜେ କ୍ରୀସ୍ତ ଜୀସୁ ତାଣାଟି ତାଜେତାକି ମୀରକା ମାସ୍କା କିୟାଲି ତାନୁଏ ତଲିଏ ତୀରି କିଚେସି; ଇଦି ଏଞ୍ଜାଣି ରାହାଁ ଅଡ଼େ ଅଣ୍ଡପୁ ।

୬ ମାହାପୁରୁତି କାର୍ମାମେହନାଣି ତାକି ଇଞ୍ଜା ତାନି ମୀରଏଣାଇଁ ଉଜେଏ ବେଟାଆନି ଦାନା ଲେହେଁ ବେଟାଆହାମାନାକି, ମାର ମାହାପୁରୁଇଁ ଜହରା କିହିମାନାୟି ।

୭ *କ୍ରୀସ୍ତ ହାଡ଼ି ତାଣାଟି ମାର ଗେଲପି ଆହାମାନାୟି, ଇଚିହଁ ମା ବାରେ ପାପୁ ମେଣ୍ଡାମାନେ, ମାହାପୁରୁତି କାର୍ମା ଏଚେକା କାଜାୟି ।

୮ ଏଞ୍ଜାସି ଏ କାର୍ମାମେହନାଣି ବାରେ ବୁଦି ଅଡ଼େ ଅଣ୍ଡପୁ ମାଜେ ହାଡ଼େକା ହାହାମାଜାନେସି ।

୯ ନକେଏ ଅଣ୍ଡପାମାନି ତାନି କାର୍ମାତଲେ ଏଞ୍ଜାସି ମାଜେ ତାନି ଅଣ୍ଡପୁ ତଲେ ତରୁମାନି ଅଣ୍ଡପୁତି ତସାମାଜାନେସି ।

୧୦ ଏନିକିଁ କାଲାତି ତାନି ଅଣ୍ଡପୁ ତଲେ ଲାକପୁରୁ କି ଦାର୍ଡିତା ମାନାଣି ବାରେ ଏଞ୍ଜାସି ତାଜେତାକି କ୍ରୀସ୍ତ ତାଣା ରଣ୍ଡିଏ କିନେସି ।

୧୧ ମାର ଜିକେଏ ଏଞ୍ଜାଣି ତାଣା ଅଦିକାରା ଲେହେଁ ଆହାମାନାୟି, ଇଚିହଁ ଏନିନି ମାହାପୁରୁ ତାନି ମନତି ଅଣ୍ଡପୁ ତଲେ ବାରେ କାତା ତୀରି କିନେସି, ଇଞ୍ଜା ଏଞ୍ଜାସି ତଲିଟିଏ ମନତା ତୀରି କିହାମାଟିଲେହେଁ ମାର ନକେଏ ଆଡ଼ଓ ଆଡ଼ାୟି

୧୨ ମାର ଏନିକିଁ କ୍ରୀସ୍ତ ତାଣା ନକେଏ ବାର୍ସୁ କିହା ମାଚାୟି, ମାର ବାରେତାୟି ମାହାପୁରୁ ଗାଞ୍ଜୁରମିତି ଜହରା କିନାତାୟି ଆନ ।

୧୩ ଏଞ୍ଜାଣି ତାଣାଟି ମୀରୁ ଜିକେଏ ସାତା ବଲୁ ଇଚିହଁ ମିଜେ ଗେଲପାନି ନେହଁ କାରୁ ଖେଜାନା ନାମାହାଁ ଆଜ୍ଞାମାନି ସୁଦୁଜୀଞ୍ଜୁ ତଲେ ବୁଟୁ ମୁଦ୍ରା ଆହାମାଜେରି;

୧୪ ମାହାପୁରୁ ତାନି ଲକୁତାକି ଏନାଆଁ ହାହାଲି ଆଜ୍ଞାମାନେସି ଏ ବାରେ ମାର ବେଟାଆନାୟି ସୁଦୁଜୀଞ୍ଜୁ ତାନି ବାୟିଦା ଲେହେଁ । ମାହାପୁରୁ ତାନି ଲକୁତାକି ଗେଲପି ଆନାଣି ହାନେସି ଇ ବାରେତାକି ମାହାପୁରୁତି ଗାଞ୍ଜୁରମି କିନ ।

ପାଞ୍ଚୁଲତି ପ୍ରାତାନା

୧୫ ଇଦାଆଁତାକି, ପ୍ରବୁ ଜୀସୁ ତାଣା ମୀ ନାମୁ ଇଞ୍ଜା ବାରେ ମାହାପୁରୁ ଲକ୍ଷୁତାକି ଜୀଞ୍ଜୁନନାୟି ମାନେ,

୧୬ ଏ କାତା ଝେଞ୍ଜାନା ମିଞ୍ଜେତାକି ନା ପ୍ରାତାନାତା ମାହାପୁରୁଇଁ ଜହରା କିହିମାଇଁ □

୧୭ ମା ପ୍ରବୁ ଜୀସୁ କ୍ରୀସ୍ତତି ମାହାପୁରୁ, ଗାଞ୍ଜୁରମିଗାଟି ଆବା, ଏଞ୍ଜାସି ମିଞ୍ଜେ ସୁଦୁଜୀଞ୍ଜୁତି ହିୟାନେସି ଏ ଜୀଞ୍ଜୁ ମିଞ୍ଜେ ରୁଦି ହିୟାନେ, ଅଡେ ମାହାପୁରୁଇଁ ମୀ ତାଣା ତଞ୍ଜି କିୟାନେ, ଆତିହୁଁ ମୀରୁ ଏଞ୍ଜାଣାଇଁ ପୁଞ୍ଜେରି □

୧୮ ଏମ୍ବାଟିଏ ମୀ ହିୟାତି କାଣ୍ଡା ଦେପି ଆଡିସାରେ, ତାନୁ ହାଟାମାଞ୍ଜାନି ବାସୁଁ ଏନାୟି, ମାହାପୁରୁ ଲକ୍ଷୁତାଣା ତାନି ଅଦିକାରାତି ଗାଞ୍ଜୁରମିଗାଟି ଦନ ଏନାୟି,

୧୯ ତାନି ଲକ୍ଷୁତାକି ତାନି ଆଞ୍ଜାମାନାୟି ହାରେକା କାଜା ବର ଅଡେ ନାମିମାନାତାୟି ମାର, ତାନି ବାଡ଼ୁୟୁତି କାମା କିନାତାୟି, ଇଞ୍ଜା ମାଞ୍ଜେତାକି ତାନି ବାଡ଼ୁୟୁ ଏତେକା କାଜାୟି ଇ ବାରେ ପୁଞ୍ଜାଲି ଆଡିଦେରି;

୨୦ ଏ ବାଡ଼ୁୟୁ କ୍ରୀସ୍ତ ତାଣା ତସାନା ଏଞ୍ଜାଣାଇଁ ହାଡାରି ତାଣାଟି ନିକହାନା ଲାକପୁରୁ ତାନି ଚିଃନି ଚଟତା କୁଟି କିହାମାନେସି □

୨୧ କ୍ରୀସ୍ତ ଲାକପୁରୁ ବାରେ ସାଲଞ୍ଜି କିନାସି, କାଜାପାଣା, ବାଡ଼ୁୟୁ, ମୁସ୍ତାଦାରିୟା ଲାକ ସାଲଞ୍ଜି କିନାସି, ଇ କୁଗୁତା ଅଡେ ଏ କୁଗୁତା ଏତେକା ଦରକା ଝେଞ୍ଜା ମାନୁ, ଏ ବାରେତି ମୁହେଁ ଏଞ୍ଜାଣି ପାଣା କାଜାୟି □

୨୨ *ମାହାପୁରୁ ବାରେ କ୍ରୀସ୍ତତି କତାୟା ତୁଇ ଇଟିତେସି, ଇଞ୍ଜା ଏଞ୍ଜାଣାଇଁ ବାରେତି କିହାଁ କାଜାସି କିହାନା କ୍ରୀସ୍ତାନା କୁଲମିକା ହେରପା ମାନେସି □

୨୩ ଏ କୁଲମିକା କ୍ରୀସ୍ତତି ଆଞ୍ଜା ଲେହେଁ, ଇତିହୁଁ ଆମ୍ବାଆସି ବାରେ କାମାତି ବାରେ ତାଣା ପୁରା କିନେସି □

୨

ହାକିଟି ଜୀଞ୍ଜୁ ପାଣ୍ଡନାୟି

୧ ମୀ ଦହ ଅଡେ ପାପୁ ତାକି ତଲି ଜୀଞ୍ଜୁତା ହାହାମାଞ୍ଜେରି,

୨ ଇତିହୁଁ ଏମିନି ଜୀଞ୍ଜୁ ନୀର୍ବ ଜିକେଏ କାତା ମାନଞ୍ଜି ଆଆଗାଟି ମୀରକା ତାଣା ଅଦିକାରା କିହାମାନେ, ଏ ଦାର୍ତତି ମନତଲେ ମୀରୁ ଜିକେଏ ତଲି କାଲ୍ଲା ଏ ଜିରୁତା ତାକିହୁଁ ଦହ କିହାନା ପାପୁତାକି ହାହାମାଞ୍ଜେରି □

୩ ଏ କାତା ମାନଞ୍ଜି ଆଆଗାଟି ମୀରକା ତଲେ ମାର ବାରେ ଏ ବେଲାତା ମା ଆଞ୍ଜାତି ମାଣ୍ଡକି ତଲେ ନୀତାନା ଆଞ୍ଜା ଅଡେ ମନତି କାମା କିହିମାତାୟି, ଇଞ୍ଜା ଏଚକାତାରି ଲେହେଁ ମାର ଜିକେଏ ମାହାପୁରୁ କପାତି ଲକ୍ଷୁ ମାତାୟି □

୪ ସାମା ମାହାପୁରୁ ହାରେକା କାର୍ମା ମେହନାସି; ଏଞ୍ଜାସି ମାଞ୍ଜେ ହାରେକା ଜୀଞ୍ଜୁ ନଞ୍ଜୁତା ଜୀଞ୍ଜୁ ନୟାତେସି,

୫ ଏଚେତା ମାର ପାପୁ ତାକି ହାହା ମାତାୟି, ଇଞ୍ଜା ମାଞ୍ଜେ କ୍ରୀସ୍ତ ଜୀସୁ ତଲେ ନିକହାତେସି, ଅଡେ ମାହାପୁରୁତି କାର୍ମାଟି ମୀରୁ ଗେଲପି ଆହାମାଞ୍ଜେରି □

୬ ଇଞ୍ଜା ତାନି ତଲେ ମାଞ୍ଜେ ହାକିଟି ନିକହାନା କ୍ରୀସ୍ତ ଜୀସୁ ତାଣା ଲାକପୁରୁ କୁଟି କିହାମାଞ୍ଜାନେସି □

୭ କ୍ରୀସ୍ତ ଜୀସୁ ତାଣା ମାଞ୍ଜେତାକି ଜୀଞ୍ଜୁନହାନା ଝାହିମାନି କୁଗୁତା ତାନି କାର୍ମାଟି ହାରେକା ଦନ ତସାଲି ମାହାପୁରୁ ଇଦାଆଁ କିତେସି □

୮ ଏନାଆଁତାକି ଇତିହୁଁ ମୀରୁ ନାମିତାକି ମାହାପୁରୁତି କାର୍ମାଟି ଗେଲପି ଆହାମାଞ୍ଜେରି; ଏଦି ମୀ ତାଣାଟି ଆହା ହିଲେଏ, ଏଦି ମାହାପୁରୁତି ଦାନା,

୯ ଏଦି ମୀରୁ କାମା କିତାକି ଆଏ, ଏଦାଆଁତାକି ଆମ୍ବାଆସି ବତପଣ କିଆପେସି □

୧୦ ଇତିହୁଁ ମାର ତାନି ତାଣାଟି ଗାଡ଼ି ଆହାମାନାୟି; ଆମିନି ନେହୁଁ କାମା କିଇଁ ଇଞ୍ଜୁଁ ମାହାପୁରୁ ତଲିଏ କିହାଲି ତାକି ତିୟାରା କିହାମାଚେସି ଏ ବାରେ ମାନଞ୍ଜି ଆହାଲି କ୍ରୀସ୍ତ ଜୀସୁ ତାଣାଟି ଗାଡ଼ି ଆହାମାନେ □

କ୍ରୀସ୍ତ ତାଣା ରଣ୍ଡିଏ ଆନାୟି

୧୧ ମୀରୁ ଏଚିବେଲା ତଲି ଆଞ୍ଜା ତଲେ ଜୀହୁଦିଆଆନା ମାଚେରି ଅଡେ ଆଞ୍ଜାତି ଅଣ୍ଡପୁତା କେୟୁତଲେ ତଲୁ ଦାପି ଆଡି ଲକ୍ଷୁ ତାଣାଟି ତଲୁ ଦାପି ଆଆତାରି ଇଞ୍ଜୁଁ ଝେଞ୍ଜିମାଚେରି □

୧୨ ଏଚିବେଲା ମୀରୁ କ୍ରୀସ୍ତ ତାଣାଟି ହେକ ମାଚେରି, ମୀରୁ ଏଚକା ଦେସାତାଚେରି ମାଚେରି, ଅଡେ ମାହାପୁରୁତି ଆଡିତି ଇସ୍ତାୟେଲ କୁଡ଼ାତା ଆଣ୍ଡାହିଲାଆଚେରି, ମାହାପୁରୁ ତାନି ଲକ୍ଷୁତାକି କିହାମାନି ରାକିମାନାତା ମୀ ଏଦି ବାଗା ହିଲାଆତେ, ମାହାପୁରୁ ଅଡେ ବାସୁଁ ହିଲାଆ ଲକ୍ଷୁ ଲେହେଁ ଦାର୍ତତିତା ବାସା କିହାମାଚେରି □

୧୩ ନଚେଏ ମୀରୁ ହେକ ମାଚେରି, ସାମା ନୀର୍ବ ମୀରୁ କ୍ରୀସ୍ତ ଜୀସୁ ତାଣାଟି ତାନି ନେତେରି ତଲେ ତାଗେ ଆହାମାଞ୍ଜେରି □

୧୪ ଏନାଆଁତାକି ଇତିହୁଁ ଏଞ୍ଜାସି ମା ହିଡ଼ଡ଼ି, ଏଞ୍ଜାସି ସାତୁ ଲେହେଁ ପାଡ଼ି କାତିନି କାତିତି ତିକହାନା ବାରେତି କାଲହା ମାନେସି,

୧୫ *ଜୀହୁଦି ଲକ୍ଷୁତି ପାଣାପାଟୁ ହୁକୁମିତି ମୋରାତି ତାନି ଆଞ୍ଜାଟି ହେକ କିହାମାନେସି, ଏନିକ୍ ଏଞ୍ଜାସି ହିଡ଼ଡ଼ି ହାହାନା ଜୀହୁଦି ଅଡେ ଜୀହୁଦିଆଆଡି କୁଡ଼ାତାରାଇଁ ତାନି ତାଣା ର ପୁଞ୍ଜି ଲକ୍ଷୁଲେହେଁ ଗାଡ଼ି କିନେସି □

୧୬ *ଅଡେ କୁସତା ହାହାନା ଜୀହୁଦି ଅଡେ ଜୀହୁଦିଆଆତାରି ସାତୁତି ନାସା କିହାନା ଏଦାଣି ତଲେ ରିଆରାଇଁ ରଣ୍ଡିଏ ଆଞ୍ଜା ଲେହେଁ ଗାଡ଼ିକିହାନା ମାହାପୁରୁ ତଲେ ଆଣ୍ଡିକିୟାନେସି □

☆ ୧:୨୨ ୧:୨୨ କଲସି ୧:୧୮ ☆ ୨:୧୫ ୨:୧୫ କଲସି ୨:୧୪ ☆ ୨:୧୭ ୨:୧୭ କଲସି ୧:୨୦

୧୭ ଅତେ ହେକ ମାଟି ଜୀହୁଦିଆଆତି ଲକୁଣି ଅତେ ତାନି ତାଗେ ମାନି ଜୀହୁଦି ଲକୁ ଇ ରିଆରି ତାଣା ଏଞ୍ଜାସି ଖାହାନା ହିଡ଼ଡ଼ିତି ନେହଁ କାରୁ ଝେକହେସି;

୧୮ ଏନାଆଁତାକି ଇତିହଁ କ୍ରୀସ୍ତତି ତାକି ବାରେ ଜୀହୁଦିୟାଁ ଅତେ ଜୀହୁଦିଆଆତି ଲକୁ ରଣ୍ଡିଏ ସୁଦୁଜୀଝୁଟି ଲାକପୁରୁ ଆବା ତାଣା ହାଜାଲି ଜିରୁ ବେଟାଆହାମାନାୟି □

୧୯ ଏଦାଆଁତାକି ମୀରୁ ଏଟକା ଦେସାତାତେରି ଇ ଦେସାତାତେରି ଆଏ, ସାମା ମାହାପୁରୁ ଲକୁତଲେ ଆଣ୍ଡାନା ଏଞ୍ଜାରି ଦେସାତି ଲକୁ, ଅତେ ମାହାପୁରୁ ଇଲୁ କୁଟମିତେରି □

୨୦ ମୀରୁ ପାଣ୍ଡୁଝି ଆହାମାନାରି ଅତେ ମାହାପୁରୁ ଅଣ୍ଡପୁତି ବଲୁ ଝେହନାରି ଇଟାମାନି ପୁନାଦି ମୁହେଁ ଇଟକି ଆହାମାଞ୍ଜେରି, କ୍ରୀସ୍ତ ଜୀସୁ ତାନୁଏ, ଏ କନତି ମୂଲୁ ଖାଲି □

୨୧ ଏଞ୍ଜାଣି ତାଣା ବାରେ ଇଲୁତି ବାରେ କାତିୟାଁ ଦୂର୍ସାନା ପ୍ରବୁ ତାଣା ର ସୁଦୁ ଆଞ୍ଜାମାନି ମାହାପୁରୁ ଇଲୁ ଲେହେଁ ପାତାଆହିମାନେ □

୨୨ ଏଞ୍ଜାଣି ତାଣା ମୀରୁ ଜିକେଏ ମା ତଲେ ଆଣ୍ଡାନା ସୁଦୁଜୀଝୁଟି ମାହାପୁରୁ ବାସାଆନ୍ତି ଇଲୁ ଲେହେଁ ଦସପି ଆହାମାଞ୍ଜେରି □

୨୧ ମାହାପୁରୁତି କାମା କିନି ବାଡ଼ୟୁ ତଲେ ନାଞ୍ଜେ ଏମିନି କାର୍ମାତି ଦାନା ହୀହାମାଞ୍ଜାନେସି ଏଦାଆଁତାକି ଏ ନେହଁ କାରୁତି ଝେକନାତେଏଁ ଆହାମାଞ୍ଜି □

୨୨ ମାହାପୁରୁ ଲକୁ ବିତ୍ରାଟି ନାନୁ ବାରେତି କିହଁ ଉଣାତେଏଁ ମାଟି ଜିକେଏ ଏଟକା କୃତାତି ଲକୁତାଣା ଏଜିକିହାଲି ଆଡାଆଗାଟି କ୍ରୀସ୍ତତି କାର୍ମାତି ନେହଁ କାରୁ ଝେକହାଲି ମାହାପୁରୁ ପାରୁ ହୀହାମାଞ୍ଜାନେସି,

୨୩ ଅତେ ବାରେ ଗାଡ଼ିକିତି ମାହାପୁରୁ ତାଣା ତଲି କାଲାଟିଏ ଡଗୁମାନି କାତାତାକି ଏଞ୍ଜାଣି ଅଣ୍ଡପୁ ଏନାୟି ଏଦାଆଁ ଉଜେଡ଼ିତା ତସାଲି ତାକି ମାହାପୁରୁତି କାର୍ମା ମେଡ଼ା ଆହାମାଞ୍ଜାନେ,

୨୪ ଏନିକିହଁ ନୀଏଁ କ୍ରୀସ୍ତାନା କୁଲମିତି କାମାଟି ଲାକପୁରୁତି ସାଲୁଝି କିନାରି ବାଡ଼ୟୁ ଗାଟି ମାହାପୁରୁତି ବୁଦି ନେହଁ କିଁ ପୁଞ୍ଜାଲି ଆଡ଼ିନେରି,

୨୫ ମାହାପୁରୁ ତାନି କାଲାକାଲାତି ଅଣ୍ଡପୁ ଲେହେଁ ମା ପ୍ରବୁ କ୍ରୀସ୍ତ ଜୀସୁ ତାଣାଟି ବାରେ କିହାମାନେସି □

୨୬ ଏ ପ୍ରବୁ ତାଣା ନାମାମାନାକି ମାର ଏଞ୍ଜାଣି ତାଣା ସାସାଟି ଆଜାଆନା ମାହାପୁରୁ ତାଣା ହାଜାଲି ସାସା ବେଟାଆହାମାନାୟି □

୨୭ ଏଦାଆଁତାକି ନାନୁ ମିଞ୍ଜେ ବାତିମାଲିମାଞ୍ଜାଞ୍ଜ, ମିଞ୍ଜେତାକି ନାନୁ ବେଟାଆହିମାନି ଦୁକୁ କସ୍ତ ତାକି ସାସା ପିହ୍‌ଆଦୁ, ସାତେଏ ଏଡ଼ି ମୀ ଗାଝୁରମି ତାକି ଆହାମାନେ □

୩

ଏଟକା ଲକୁତାଣା ପାଝୁଲତି କାମା

୧ ଇଦାଆଁତାକି ମୀ ଲେହେଁତି ଜୀହୁଦିଆଆତି ଲକୁତାକି କ୍ରୀସ୍ତ ଜୀସୁ ତାକି ଦସପି ଆହାମାନି ପାଝୁଲତେଏଁ □

୨ ମିଞ୍ଜେତାକି ନାଞ୍ଜେ ହୀହାମାଞ୍ଜାନି ମାହାପୁରୁତି କାର୍ମାଟି ସେବାକିନି କାମାଟି କାତା ମୀରୁ ଝେଞ୍ଜାମାଞ୍ଜେରି,

୩ ଅତେ ଡଗୁମାନି କାତା ମାହାପୁରୁ ତାନୁଏ ତସାନା ପୁଣ୍ଡି କିୟାତେସି, ଏନିକିଁ ନାନୁ ତଲି ଏ ବାରେ କାତା ଇଗାଣି ରାଟାମାଞ୍ଜି;

୪ ମୀରୁ ଏଦାଆଁ ପଡ଼ଝି ଆହାନା କ୍ରୀସ୍ତତି ଡଗୁମାନି କାତା ନାନୁ ଏନାଆଁ ତେଲହାମାଞ୍ଜି ଏଦାଆଁ ମୀରୁ ତେଲହାଲି ଆଡ଼ିଦେରି,

୫ ତଲି କାଲାତା ମାଣ୍ଡସିୟାଁ ତାଣା ତଞ୍ଜା ଆହାହିଲାଆତେ, ଏ ଡଗୁମାନାୟି ନୀଏଁ ସୁଦୁଜୀଝୁଟି ତାନି ସୁଦୁତି ପାଣ୍ଡୁଝି ଆହାମାନାରି ଅତେ ମାହାପୁରୁ ଅଣ୍ଡପୁତି ବଲୁ ଝେହନାରି ତାଣା ଏନିକିଁ ତଞ୍ଜା ଆହାମାନେ,

୬ ଏ ଡଗୁମାନି କାତା ଇଦି ନେହଁ କାରୁ ତାଣାଟି ଜୀହୁଦିୟାଁ ମାହାପୁରୁତି ବର ବେଟାଆନ୍ତି ଲେହେଁ, ଏଟକା କୃତାତାରି ଜିକେଏ ବାରେଜାଣା ଆଣ୍ଡାନା ର ଆଞ୍ଜା ଲେହେଁ ଆହାନା କ୍ରୀସ୍ତ ଜୀସୁ ତାଣାଟି ମାହାପୁରୁ ଆଞ୍ଜାମାନାଣି ବାରେ ବେଟାଆନେରି □

କ୍ରୀସ୍ତତି ଜୀଝୁନନାୟି

୧୪ ଏଦାଆଁତାକି ଆମିନି ଆବା ତାଣାଟି ଲାକପୁରୁ ଅତେ ଦାରତିତି ବାରେ କୁଟମି, ତାନି କୃତାତି ଦରୁ ବେଟାଆହାମାନେ,

୧୫ ଏ ମାହାପୁରୁ ଆବା ନକିତା ମେଣ୍ଡାକୁତାନା ପ୍ରାତାନା କିହିମାଞ୍ଜି □

୧୬ ଏନିକିଁ ଏଞ୍ଜାସି ତାନି ଗାଝୁରମିଗାଟି ଦନ ତାନି ସୁଦୁଜୀଝୁ ତଲେ ମିଞ୍ଜେ ମୀ ଅଣ୍ଡପୁତା ତୀରି ମାଣ୍ଡସି ଆହାଲି ବାଡ଼ୟୁ ହିୟାନେସି,

୧୭ ମୀ ନାମୁତଲେ କ୍ରୀସ୍ତ ମୀ ହିୟାତା ବାସା କିନେସି, ଏନିକିଁ ମୀ ଜୀଝୁ ନଝୁତା ପୁନାଦି ଅତେ ଆଟଝା ତଲେ ତୀରିଆହାନା ଏଜିକିହାଲି ଆଡାଆଗାଟି କ୍ରୀସ୍ତତି ଜୀଝୁ ନଝୁ,

୧୮ ଏଦାଆଁ ପୁଞ୍ଜୁ ଇଞ୍ଜା ବାରେ ମାହାପୁରୁ ଲକୁତଲେ ଏମ୍ବାତି ଅସାରା ଅତେ ଲାମ୍ବା ପାଡ଼ଣି ଅତେ ଗାଡ଼ୟୁତି ପୁଞ୍ଜାଲି ବାଡ଼ୟୁ ବେଟାଆନ୍ତି □

୧୯ ହାଅ ମୀରୁ ଏନିକିଁ କ୍ରୀସ୍ତତି ଜୀଝୁ ନନାଣି ପୁଞ୍ଜେରି ଆଡ଼ିହଁ ଜିକେଏ ଏଦାଆଁ ନେହଁ କିଁ ପୁଞ୍ଜାଲି ଆଏ, ଅତେ ଏଲେକିହଁ ମାହାପୁରୁତି ଗୁଣୁତଲେ ପାତାଆଦୁ □

୨୦ ଆମିନି ମାହାପୁରୁ ମା ହିୟାତା କାମା କିହିମାନି ତାନି ବାଡ଼ୟୁ ତଲେ ମାର ରୀହନାଣି ଅତେ ଅଣ୍ଡପିନାଣି କିହଁ ହା଼ରେକା ଆଗାଡ଼ା ହିୟାଲି ଆଡାନେସି,

☆ ୩:୪ ୩:୪ କଲସି ୧:୨୭,୨୭

୨୧ କୁଲମିଟି ଅଡ଼େ କ୍ରୀସ୍ତ ଜୀସ୍ତ ତାଣାଟି ଏ ମାହାପୁରୁତି ଗାଝୁରମି କାଲ୍ଲକାଲ୍ଲତାକି ମାଣ୍ଡମ୍ବେ □ ଆଫେନ୍ □

୪

ରଣ୍ଡିଏ ଆଙ୍ଗା

୧ ପ୍ରବୁତି ସେବାତାକି ନାନୁ କାୟିଦିତା ମାଇଁ, ମିଙ୍ଗେ ବାତିମାଲିମାଞ୍ଜାଇଁ, ଏନିକ୍ ନୀତାବାଡ଼କାଲି ତାକି ମାହାପୁରୁ ମିଙ୍ଗେ ହାଟାମାଞ୍ଜାନେସି, ଏଲେତି ମାଣ୍ଡକି ତଲେ ମାଞ୍ଜୁ □

୨ *ଇଚିହିଁ ବାରେଲେହେଁତି ଉଣା ଗାଟାତେରି, ସୁଦୁ ସୁଝାଲା, ହାରେକା ଅର୍ହିନାତେରି ଅଡ଼େ ଜୀଝୁନହାନା ରଅତେରି ରଅଣାଇଁ ଅର୍ହିନାତେରି ଆଦୁ;

୩ ମୀରୁ ବାରେଜାଣା ତେରି ହିଡ଼ଡ଼ିତି ତ:ରିତଲେ ଦସ୍ପି ଆହାନା ସୁଦୁଜୀଝୁ ବାଡ଼ୁଡ଼ିତି ରଣ୍ଡିଏ ଲେହେଁ ଆହାଲିତାକି ଜାଡ଼ୁ ଆଦୁ □

୪ ଆଙ୍ଗା ରଣ୍ଡିଏ, ସୁଦୁଜୀଝୁ ଜିକେଏ ରଣ୍ଡିଏ, ଏନିକ୍ ମୀରୁ ମୀ ହାଟାମାନି ରଣ୍ଡିଏ ବାସୁଁ ତଲେ ହାଟୁକି ଆହାମାଞ୍ଜେରି;

୫ ପ୍ରବୁ ରଅସିଏ, ନାମୁ ରଣ୍ଡିଏ ଅଡ଼େ ବାପ୍ତିସ୍ମ* ଜିକେଏ ରଣ୍ଡିଏ,

୬ ବାରେ ମାଣ୍ଡସିୟାଁତି ରଣ୍ଡିଏ ମାହାପୁରୁ ଅଡ଼େ ତାଞ୍ଜି; ଏଝାସି ବାରେତି ମୁହେଁ, ବାରେତି ବିତ୍ରା ଇଞ୍ଜା ବାରେତି ହିୟାଁତା ମାନେସି □

୭ ସାମା କ୍ରୀସ୍ତି ଦାନା ଏତେକା ବେଟାଆନାୟି ମାନେ ଏତେକା ମାଙ୍ଗେ ବାରେଜାଣା ତାକି ମାହାପୁରୁତି କାର୍ମାମେହନାୟି ହୀପକି ଆହାମାଞ୍ଜାନେ □

୮ ଦାମ୍ବୁ ସାସ୍ତେରିତା ରାସ୍କି ଆହାମାନେ,

“ଏଝାସି ଲାକ ହାଜାନା, ହାରେକା ଦସ୍ପି ଆହାମାନାରାଇଁ ତାନିତଲେ ଅଡ଼େସି;

ଅଡ଼େ ମାଣ୍ଡସିୟାଁକି ଏଟକା ଏଟକାତି ବର ହୀତେସି □”

୯ “ଏଝାସି ଲାକ ହାଚେସି” ଇଚିସାରେ ଏନାୟି ? ଏଲେଇଚିସାରେ ମୁଲୁଏ ଏଝାସି ଦାଡ଼ିତି ଡ଼ଇ ପାତେକା ରେଟା ଝାହାମାଚେସି □

୧୦ ଆମ୍ବାଆସି ଡ଼ଇପୁରୁ ଝାହାମାଚେସି, ବାରେ ଦାର୍ଡିଇଁ ତାନୁ ମାଞ୍ଜାନା ବାରେ ପୁରା କିହାଲିତାକି ଏଝାସି ଅଡ଼େ ଝେଣ୍ଡେ ଲାକପୁରୁ ହାଚେସି,

୧୧ ଏଝାସି ଲକୁତାକି ହାରେକା ଦାନା ହୀତେସି; ଆମ୍ବାଆରାଇଁ ପାଣ୍ଡୁଞ୍ଜି ଆଡ଼ାରି ଆହାଲି, ଆମ୍ବାଆରାଇଁ ମାହାପୁରୁ ଅଣ୍ଡପୁତି ବଲୁ ଝେକ୍ନାରି ଆହାଲି, ଆମ୍ବାଆରାଇଁ ନେହିଁ କାରୁ ଝେକ୍ନାରି ଆହାଲି, ଅଡ଼େ ଏଚର ଜାଣାଇଁ କୁଲମି ଜାଡ଼ୁ କିନାରି ଅଡ଼େ ଜାପ୍ନାରି ଆହାଲି ଦାନା ହାହାମାନେସି,

୧୨ ଏନିକ୍ ମାହାପୁରୁ ଲକୁତି ସେବା କାମାତାକି ତୀରି ଆହାଲି ଆଡ଼ିନେ ଇଞ୍ଜା କ୍ରୀସ୍ତି ଆଙ୍ଗା ପାତାଆହାଲି ଆଡ଼ିନେ

୧୩ ଏନିକ୍ ମୀରୁ ବାରେଜାଣା ନାମୁତା ଅଡ଼େ ମାହାପୁରୁତି ମୀରୁଏଣା କାତାତି ବୁଦିତା ରଣ୍ଡିଏ ଆହାଲି ଆଡ଼ିନାୟି, ଇଚିହିଁ କ୍ରୀସ୍ତ ଲେହେଁ ଆହାନା ପାତାଆଡ଼ି ଲକୁ ଲେହେଁ ଆନାୟି,

୧୪ ଗାଲି ଝାନାଟି ଅଡ଼େ ଏୟୁ ଉଣ୍ଡାତା ଦାକ୍ତିମାନି କକାରି ପଦାୟାଁ ଲେହେଁ ମୀରୁ ଇତାଲା ଆତାଲା ଆଆପ □ ଏଟକା ଲକୁଣି ଜିରୁ ବାଣି କିହିମାନି ନାଡ଼ିକିନି ଅଣ୍ଡପୁତି ଜାପ୍ନି ତାଣା ମୀରୁ ତରଗାଆପ □

୧୫ ସାମା ସାତାତି ଆସାନା ତାୟିଁ ଚୁଲେହେଁତି କ୍ରୀସ୍ତ ଏଝାଣି ତାକି ବାରେ ଜୀଝୁ ନଝୁତା ପାତାଆନ୍ □

୧୬ *ଏଝାଣି ତାଣାଟି ବାରେ ଆଙ୍ଗା ବାରେ ହାନ୍ତୁଲିକା ସାୟେମି ତଲେ ଅଡ଼େ ବାରେ ଆଙ୍ଗାତି କାମା କିନି ବାଡ଼ୁଡ଼ୁ ତଲେ ଦୁରୁଞ୍ଜି ଆହାନା ଜୀଝୁ ନଝୁତା ତାମି ନେହେଁତାକି ଜାହାରାଇଁ ପାଡ଼ି କିହିମାନ୍ □

କ୍ରୀସ୍ତ ତାଣା ପୁଝିନି ଜୀଝୁ

୧୭ ପ୍ରବୁ ଦରୁତଲେ, ନାନୁ ମିଙ୍ଗେ ଜାଗ୍ରାତା କିହାଁ ଝେସିମାଞ୍ଜାଇଁ, ନାମାଆତାରି ଏନିକ୍ ତାମି ମନତା ଉଜେଏତି ଅଣ୍ଡପୁ ତଲେ ନୀଡ଼ିନେରି ମୀରୁ ଏଲେକ୍ ନୀତାଆଦୁ,

୧୮ ଏଝାରି ତାମି ତାଣା ମାନି ମୁକୁଁ ତାକି ଜାହା ଜାହାରା ମନ ଆଟ୍ଝା ମାନାକି ଏଝାରି ମାହାପୁରୁ ହାହାମାନି ଜୀଝୁତି ବୁଦି ଆନ୍ଦେରି ଆହାମାନେ, ଅଡ଼େ ମାହାପୁରୁ ତାଣାଟି ଏଟକା ଆହାମାନେରି;

୧୯ ଏଝାରି ଆଟ୍ଝା ଆହାନା ଦନ ଜୁପକା ଆହାନା ବାରେ ଲାଗେଏତି କାମା କିହାଲି ଜାହାରାଇଁ ହେର୍ପା କତାମାନେରି □

୨୦ ସାମା ମୀରୁ କ୍ରୀସ୍ତାଇଁ ଏଲେକିହିଁ ଜାପାହିଲଅତେରି □

୨୧ ମୀରୁ ତାନି କାତା ସାତାତଲେ ଝେଞ୍ଜାମାଞ୍ଜେରି, ଅଡ଼େ ଜୀସ୍ତ ତାଣା ମାନି ସାତାତି ତାନିତଲେ ମାଞ୍ଜାନା ଜାପାମାଞ୍ଜେରି,

୨୨ *ଇଚିହିଁ, ମୀରୁ ମୀ ନଟେଏତି ମାଣ୍ଡକିତା ନାଡ଼ିକିନି ରାହାଁତା ହାରେ ହାରେକା ଲାଗେଏ ଆହିମାଚେ □

୨୩ ମୀ ମନତା ପୁଝିନି ଗୁଣୁ ଆହାନା □

୨୪ *ଏମିନି ପୁଝିନି ଗୁଣୁ ମାହାପୁରୁତି ଝାଣା ତଲେ ଦାମ୍ବୁ ଅଡ଼େ ସାତାତି ସୁଦୁତା ଗାଡ଼ି ଆହାମାଞ୍ଜେରି, ଏଦାଆଁ ପର୍ହାଲି ଜାପାମାଞ୍ଜେରି □

୨୫ ଇଦାଆଁତାକି ମିଚିତି ପିସାନା ମୀରୁ ବାରେଜାଣା ତେରି ନାମିତି ତାୟିୟାଁ ତଲେ ସାତା କାତା ଝେସ୍ପି ଆଦୁ, ଇଚିହିଁ ମୀରୁ ରଣ୍ଡିଏ ଆଙ୍ଗାତାୟି □

* ୪:୨ ୪:୨ କଲସି ୩:୧୨,୧୩ * ୪:୫ ୪:୫ମୁଞ୍ଜିନାୟି ☆ ୪:୧୭ ୪:୧୭ କଲସି ୨:୧୯ ☆ ୪:୨୨ ୪:୨୨ କଲସି ୩:୯ ☆ ୪:୨୪ ୪:୨୪ କଲସି ୩:୧୦

୨୬ କାର୍ବି ଆଦୁ, ସାମା ପାପୁ କିଆଦୁ; ଝେଡ଼ା ହାଲାଆ ନକେଏ କାର୍ବି ପିହ୍ଦୁ;

୨୭ ଅଡ଼େ ସୟତାନକି ଚାୟୁ ହାଆଦୁ □

୨୮ ସରୁ ଅଡ଼େ ସରୁ କିଆପେସି, ଇଚିହିଁ ହିଲାଆ ଗାଗାରାକି ହାହାଲିତାକି ଏନିକିହିଁ ତାନି ତାଣା ଏନାୟି ତୟିନେ, ଇଦାଆଁତାକି ତାନି କେୟୁତଲେ ନେହିଁ କାମା କିହାନା କସ୍ତୁ କିପେସି □

୨୯ ମୀ ଗୁଡ଼ିଟି ଏନି ଲାଗେଏତି କାତା ହଆପେ, ମୀ ଲଡ଼ାମାନି ଲେହେଁ ନେହିଁ କାତା ହପେ ଏନିକିହିଁ ଏଡ଼ି ଝେନାରାକି ନେହାୟି ଆନେ □

୩୦ ମାହାପୁରୁତି ସୁଦୁଜୀଝୁ ତଲେ ମିଙ୍ଗେ ଗେଲପିନି ଦିନାତାକି ବୁହୁ ମୁଦ୍ରା କିଝି ଆହାମାଞ୍ଜେରି ଏଦାଣି ଦୁକୁ ହାଆଦୁ □

୩୧ ବାରେଲେହେଁତି କୁରୁ ଅଣ୍ପୁ, କାର୍ବି, କପା, ଗଡ଼ହା ଅଡ଼େ ନିୟା, ଇଞ୍ଜା ବାରେଲେହେଁତି ଅପାଆଗାଟାୟି ମୀ ତାଣାଟି ହେକ ଆପେ □

୩୨ ☆ଅଡ଼େ, ରଅତେରି ରଅଣାଈଁ କାର୍ମା ଅଣ୍ପାଦୁ, ହିଡ଼ଡ଼ି ହିୟାଁ, ଅଡ଼େ ମାହାପୁରୁ କ୍ରୀସ୍ତ ତାଣା ମିଙ୍ଗେ ଏନିକିହିଁ ଦହ ପିସ୍ତାନେସି, ଏଲେକିହିଁ ରଅତେରି ରଅଣି ଦହ ପିହ୍ଦୁ □

୫

ଉଜେଡ଼ିତା ନୀତିନାୟି

୧ ମୀରୁ ମାହାପୁରୁତି ଜୀଝୁତି ମୀରକା ମାସ୍‌କାତେରି ଆହାମାନାକି, ମାହାପୁରୁ ଲେହେଁ ଆଦୁ;

୨ କ୍ରୀସ୍ତ ଏନିକିହିଁ ମିଙ୍ଗେ ଜୀଝୁ ନୟାତେସି, ଅଡ଼େ ମା ତାକି ମାହାପୁରୁ ତାକି ଗାନ୍ଧାଗାଟି ନେହିଁ ପୂଜାଲେହେଁ ଜାହାରାଈଁ ହେରପାକଡ଼ିତେସି, ମୀ ଜୀଝୁତା ଜିକେଏ ଏଲେକିହିଁ ଜୀଝୁ ନଝିଆହାନା ନୀତାଦୁ □

୩ ସାମା ଦାରିକାମା, ବାରେଲେହେଁତି ଲାଗେଏତି କାମା କି ଜୁପକା, ଈ ବାରେ ମୀ ତାଣା ଚାୟୁ ବେଟା ଆଆପେ; ଏଡ଼ି ମାହାପୁରୁ ଲକୁତାଣା ନେହାୟି ଆଏ;

୪ ଅଡ଼େ ଏନାୟି ଆଆଗାଟାୟି, ଅଜାଆତି କାତା, ଲାଗେଏତି କାତା, ଲକୁଣି ଲାଜା କିହାଁ କାକନାୟି ମୀ ବିତ୍ରା ତଞ୍ଜା ଆଆପେ, ସାମା ବାରେ କାତାତାକି ମାହାପୁରୁଈଁ ଜହରା କିଦୁ □

୫ ଇଚିହିଁ ମୀରୁ ସାତେଏ ପୁଞ୍ଜାମାଞ୍ଜେରି, ଏମିନି ଦାରି କାମାକିନାସି କି ଲାଗେଏତି କାମାକିନାସି କି ହାରେକା ଜୁପକା ଆନାସି ଏଞ୍ଜାସି ପେଣକା ବମାୟାଁତି ପୂଜା କିନାସି, ଏଲେତି ଲକୁକି କ୍ରୀସ୍ତ ଅଡ଼େ ମାହାପୁରୁତି ରାଜିତା ଅଦିକାରା ହିଲେଏ □

୬ ଆମ୍ବାଆସି ମିଙ୍ଗେ ଉଜେଏତି କାତ୍ରା ଝେସାନା ନାଡ଼ି କିୟାଆପେସି, ଏନାଆଁତାକି ଇଚିହିଁ ଈ ବାରେ ଲାଗେଏତି କାମାତାକି କାତା ମାନଝି ଆଆଗାଟି ମୀରକା ମୁହେଁ ମାହାପୁରୁତି କାର୍ବି ଝାନେ □

୭ ଇଦାଆଁତାକି, ମୀରୁ ଏଞ୍ଜାରିତଲେ ଏଞ୍ଜାରିଲେହେଁ ଆଆଦୁ;

୮ ଏନାଆଁତାକି ଇଚିହିଁ ମୀରୁ ତଲି ଆନ୍ଦେରି ଲେହେଁ ମାରେରି, ସାମା ନୀର୍ଏ ପ୍ରବୁତି ଲକୁ ଆଡ଼ାକି ଉଜେଡ଼ି ଲେହେଁ ଆହାମାଞ୍ଜେରି; ଉଜେଡ଼ିତି ମୀରକା ଲେହେଁ ତାକାଦୁ,

୯ ଇଚିହିଁ ବାରେଲେହେଁତି ନେହାୟି, ଦାମ୍ବୁଗାଟାୟି ଅଡ଼େ ସାତା ଉଜେଡ଼ିତି ପାଡ଼େୟି ଲେହେଁ,

୧୦ ପ୍ରବୁକି ଏନାୟି ନେହେଁ, ଏଲେତି କାମା କିହାଲି ଜାପାଦୁ;

୧୧ ଲକୁ ଆନ୍ଦେରିତା ଆମିନି ବାରେ ଲାଗେଏତି କାମା କିହିମାନେରି, ଏ ବାରେ କାମାତା ଆଣ୍ଡାଆଦୁ, ଇଞ୍ଜା ଏଞ୍ଜାରି ବାରେ କାମାତି ଦହ ତହ୍‌ଦୁ □

୧୨ ଏନାଆଁତାକି ଇଚିହିଁ ଏଞ୍ଜାରି ଏନାଆଁ ତ୍ତଗୁାନା କିନେରି, ଏ ବାରେ କାତା ଝେହ୍‌ନାୟି ଜିକେଏ ଲାଜାତି କାତା,

୧୩ ସାମା ବାରେ ଲାଗେଏତି କାମା ଉଜେଡ଼ି ତଲେ ତସ୍‌ପିଆନେ, ଏନାୟି ବାରେ ତଞ୍ଜାଆନେ ଏଡ଼ି ବାରେ ଉଜେଡ଼ି □

୧୪ ଏଦାଆଁତାକି ରାସ୍‌କି ଆହାମାନେ,

“ଇଦା କିହାମାନାତେରି, ନିଙ୍ଗାଦୁ,

ହାଡ଼ାରି ତାଣାଟି ନିଙ୍ଗାଦୁ,

ଅଡ଼େ କ୍ରୀସ୍ତ ମିଙ୍ଗେ ଉଜେଡ଼ି ହିୟାନେସି □”

୧୫ ଇଚିହିଁ ବୁଦି ହିଲାଆ ଗାଗାରିଲେହେଁ ଆଆନା ବୁଦି ମାନାରି ଲେହେଁ ମୀ ନୀତିନାଣି ତାକି ଜାଗ୍ରାତା ଆଦୁ, ବୁଦି ହିଲାଆଗାଟାତେରି ଲେହେଁ ଆଆନା ବୁଦି ଗାଟାତେରି ଲେହେଁ ଆଦୁ □

୧୬ ☆ ପାଗାତି ନେହିଁକିହିଁ ଲେମ୍ବାଦୁ, ଏନାଆଁତାକି ଇଚିହିଁ କାଲା ଲାଗେଏତାୟି □

୧୭ ଏଦାଆଁତାକି, ବୁଦି ହିଲାଆ ଗାଗାରିଲେହେଁ ଆଆନା ପ୍ରବୁତି ଅଣ୍ପୁ ଏନାୟି ଏଦାଆଁ ତେଲହାଦୁ □

୧୮ ଅଡ଼େ କାଡ଼ୁ ଗସାନା ହଡ଼ାଆଦୁ, ଏନାଆଁତାକି ଇଚିହିଁ ଏଞ୍ଜି ମିଙ୍ଗେ ନାସା କିୟାନୁ; ସାମା ପାରୁ, ସୁଦୁଜୀଝୁଟି ଜହରା କିହିଁ ରଅତେରି ରଅଣାଈଁ ବାସ୍‌ ହାଦୁ,

୧୯ ☆ଅଡ଼େ ମୀ ହିୟାଁ ମାହାପୁରୁ ତାକି ସୁଦୁଜୀଝୁ ତଲେ ଜହରା ପାରୁ ପାଡ଼ାଦୁ □

୨୦ ବାରେଡେଲା ବାରେ କାତାତାକି ପ୍ରବୁ ଜୀସ୍ତ କ୍ରୀସ୍ତତି ଦରୁତଲେ ଆବା ମାହାପୁରୁଈଁ ଜହରା କିଦୁ □

ଡକ୍ତି ଅଡ଼େ ଡକ୍ତା

୨୧ ଅଡ଼େ କ୍ରୀସ୍ତଈଁ ଆଜାନା ରଅତେରି ରଅଣାଈଁ ମାନି କିଦୁ □

୨୨ ☆ଏ ଆୟାସିକା ମୀରୁ ଏନିକିହିଁ କ୍ରୀସ୍ତଈଁ ମାନି କିହିମାନି ଲେହେଁ ମୀରୁ ମୀ ଡକ୍ତାୟାଣି ମାନି କିଦୁ,

☆ ୪:୩୨ ୪:୩୨ କଲସି ୩:୧୩ ☆ ୫:୧୬ ୫:୧୬ କଲସି ୪:୫ ☆ ୫:୧୯ ୫:୧୯ କଲସି ୩:୧୭,୧୭ ☆ ୫:୨୨ ୫:୨୨ କଲସି ୩:୧୮; ଧୈତ ୩:୧

୨୩ ଇଚିହଁ କ୍ରୀସ୍ତ ଏନିକଁ କୁଲମିତି ତାୟଁ ଚୁଲହେଁ, ତକ୍ରା ଜିକେଏ ଏଲେକଁ ତକ୍ରିନି ତାୟଁ ଚୁଲହେଁତାସି, ଇଞ୍ଜା କ୍ରୀସ୍ତ ତାନି ଆଜ୍ଞା ଲେହେଁତି କୁଲମିତି ଗେଲ୍ପିନେସି □

୨୪ ହାଅ, କୁଲମି ଏନିକିହଁ କ୍ରୀସ୍ତୁଇଁ ମାନି କିନେ, ଏଲେକିହଁ ତକ୍ରିସିକା ଜିକେଏ ବାରେ କାତାତା ତାନି ତକ୍ରାୟାଣି ମାନି କିପୁ □

୨୫ ☆ଏ ତକ୍ରାୟାତେରି, କ୍ରୀସ୍ତ ଏନିକଁ କୁଲମିତି ଜୀଝୁ ନଡେସି, ମୀରୁ ଜିକେଏ ଏଲେକିହଁ ମୀ ତକ୍ରିସିକାଣି ଜୀଝୁନପୁ; ଇଚିହଁ ଏଝାସି ଏଦାନାକି ତାନି ଜୀଝୁ ହୀଡେସି,

୨୬ ଏଝାସି କୁଲମିତି ବଲୁ ଅଡେ ଏୟୁତଲେ ନରହାନା ମାହାପୁରୁ ତାକି ସୁଦୁ କିହାନା ହେରପିଡେସି,

୨୭ ଏନିକଁ କୁଲମି ଗାହାଗାରି, ଅଡେ ଦହ ହିଲ୍ଲାଆଗାଟାୟି ଆହାନା ସୁଦୁ ଗାଟାୟି ଆନେ, ଅଡେ ଏଲେକିହଁଏ ଗାଝୁରମି ତଲେ ମାହାପୁରୁ ତାନି ତାଣା ଅନେସି □

୨୮ ଏଲେକିହଁ ତକ୍ରାୟା ଜିକେଏ ତାନି ତକ୍ରିସିକାଣି ଜାହାରା ଆଜ୍ଞା ଲେହେଁ ଜୀଝୁନନାୟି ମାନେ, ଆମ୍ବାଆସି ଜାହାରା ତକ୍ରିନି ଜୀଝୁ ନନେସି, ଏଝାସି ଜାହାରାଇଁ ଜୀଝୁ ନନେସି;

୨୯ ଆମ୍ବାଆସି ଜିକେଏ ଜାହାରା ଆଜ୍ଞାତି ନାନୁ ଅପଅଁ ଇଞ୍ଜିଁ ଇନଅସି, ସାମା ତାନି ଆଜ୍ଞା ତାକି ତିନେସି ଉନେସି ଅଡେ ଜାଡୁନୁ ଇଚିନେସି, କ୍ରୀସ୍ତ ଜିକେଏ କୁଲମିତାକି ଏଲେକିହଁ କିନେସି,

୩୦ ଏନାଆଁତାକି ଇଚିହଁ ମାର ତାନି ଆଜ୍ଞାତି ଆଜ୍ଞା ଉଡେଲି ତାୟି □

୩୧ ଦାମ୍ପୁପତିତା ରାସ୍ତକି ଆହାମାନେ, “ଇଦାଣି ତାକି ଆବାଟି ତାଲି ତାଞ୍ଜିଇଁ ପିସାନା ଜାହାରା ତକ୍ରି ତାଣା ଆଣ୍ଡିନେସି, ଅଡେ ଏ ରିଆରି ରଣ୍ଡିଏ ଆଜ୍ଞା ଆନେରି □”

୩୨ ଇ ଦାମ୍ପୁ ସାସ୍ତେରିତା ରାସ୍ତକି ଆହାମାନି ତାଣା ହାରେକା ଡରୁମାନି କାତା ମାନେ, ସାମା ନାନୁ କ୍ରୀସ୍ତ ଅଡେ କୁଲମିତି କାତା ଝେସିମାଞ୍ଜାଇଁ □

୩୩ ଏନାୟି ଆପେ, ମୀରୁ ବାରେଜାଣା ଜାହାରା ତକ୍ରିଇଁ ଜାହାରା ଜୀଝୁ ଲେହେଁ ଜୀଝୁନପୁ, ଇଞ୍ଜା ତକ୍ରି ଜିକେଏ ଜାହାରା ତକ୍ରାଇଁ ମାନି କିନାୟିମାନେ □



ତାଲି ତାଞ୍ଜି ଅଡେ କକାରି ପଦାଁ

୧ ☆କକାରି ପଦାୟାତେରି, ପ୍ରବୁତି ତାକି ମୀ ତାଲି ତାଞ୍ଜି କାତା ମାନୁଞ୍ଜି ଆଦୁ; ଇଚିହଁ ଏଦି ମିଙ୍ଗେ ତାକି ନେହାୟି □

୨ “ମୀ ତାଲି ତାଞ୍ଜିଇଁ ମାନି କିଦୁ, ଇଦି ମାହାପୁରୁ ଆଞ୍ଜାମାନି ର କାଜା ହୁକୁମି,

୩ ଏନିକିହଁ ମିଙ୍ଗେ ନେହଁ ଆନେ, ଇଞ୍ଜା ମୀରୁ ଦାରତିତା ହାରେକା ଦିନା ନୀଡିଦେରି □”

୪ ☆ତାଲି ତାଞ୍ଜି ତେରି, ମୀ କକାରି ପଦାଁଣି କପା କିଆଦୁ, ସାମା ଏଝାରାଇଁ ପ୍ରବୁତି କାତା ଜାପୁଦୁ ଅଡେ ସେଡନା ତଲେ ପହିକିଦୁ □

ହଲିୟା ଅଡେ ସାଝୁକାରି

୫ ☆ଏ ହଲିୟାଙ୍ଗାତେରି, ମୀରୁ ଏନିକଁ କ୍ରୀସ୍ତୁଇଁ ମାନୁଞ୍ଜି ଆହିମାଞ୍ଜେରି, ଏଲେକିହଁ ଆଜି ଅଡେ ତୀରୁଗିହଁ ତୀରି ହିୟାଁ ତଲେ ମୀ ଦାରତିତି ସାଝୁକାରିୟାଁ କାତା ଆହଦୁ;

୬ ମାଣସିଇଁ ରାହାଁ କିନିଲେହେଁ ତାନି ନକିତା ଏଦାଆଁ କିଆଦୁ, ସାମା କ୍ରୀସ୍ତୁତି ହଲିୟା ଲେହେଁ ହିୟାଁ ତଲେ ମାହାପୁରୁତି ଅଣ୍ଡପୁ ତୀରିକିଦୁ □

୭ ଝାରଇଁ ମାଣସିୟାଁତି ସେବା କିହିମାନମି ଇଞ୍ଜିଁ ଅଣ୍ଡପାନା ପ୍ରବୁତି ସେବା କିନିଲେହେଁ ରାହାଁତଲେ ଏଦାଆଁ କିଦୁ,

୮ ଇଦାଆଁ ପୁଞ୍ଜାନା, ଏଝାସି କଡିତି ହଲେଏସି ଆପେସି କି ହଚ୍ଲେଏସି ଆଆପେସି ପ୍ରବୁ ବାରେ ଲକ୍କୁକି ଏଝାରି ନେହଁ କାମାତାକି ଏଝାରି ଏନାଆଁ ବେଗାଆନାୟି ମାନେ ଏଦାଆଁ ହୀନେସି □

୯ ☆ଏ ସାଝୁକାରିୟାଁତେରି, ହଲିୟାଙ୍ଗାଣି ଲାଗେଏ ତଲେ ଲେମ୍ବାଆଦୁ କି ଏଝାରାଇଁ ଆଜିକିଆଦୁ; ମୀରୁ ଅଡେ ମୀ ହଲିୟାଙ୍ଗା ବାରେଜାଣା ତେରି ଲାକପୁରୁତି ପ୍ରବୁତି ହଲିୟାଙ୍ଗାତେରି; ଏଝାସି ବାରେଜାଣାତି ପାରଡ଼ା ବାତି କିଆନା ବିଚାରା କିନେସି □

ମାହାପୁରୁତି ଜୁଜୁକିନି ଜୁତି

୧୦ ତାୟୁତି କାତା ଇଦି, ପ୍ରବୁ ତାଣାଟି ବାଡ଼ୟୁ ବେଗାଆହାନା ଏଝାଣି ବାଡ଼ୟୁଟି ବାଡ଼ୟୁ ଗାଟାତେରି ଆଦୁ □

୧୧ ମୀରୁ ଏନିକଁ ସୟତାନତି ବାରେ ପଲ୍ଲଆ କାମାଟି ଜୀଣା ଆୟାଲି ଆଡିଦେରି, ଏଦାଆଁତାକି ମାହାପୁରୁ ହୀହାମାଞ୍ଜାନି ଜୁଜୁକିନି ଜୁତି ବାରେ ତୁରଦୁ □

୧୨ ଇଚିହଁ ମା ଜୁଜୁ ଦାରତିତାରି କପାଟି ଆଏ, ସାମା ଲାକପୁରୁତି କାଜାପାଣା କପାଟି, ସାଲୁଞ୍ଜି କିନାରି କପାଟି ଇ ଆନେରିତି ପାଣାଗାଟାରି କପାଟି ଅଡେ ହାଗୁ ପାକାତି ପଲ୍ଲଆ ଜୀଝୁୟାଁ କପାଟି ଜୁଜୁ କିହିମାନାୟି □

୧୩ ଏଦାଆଁତାକି ନୀଏଁ ମାହାପୁରୁ ହୀହାମାଞ୍ଜାନି ଜୁଜୁକିନି ଜୁତିତି ତୁରଦୁ, ଆତିହଁ ଲାଗେଏତି ବେଲ୍ଲାତା ମୀରୁ ସାତୁ ନକିତା ନିଚାଲି ଆଡିଦେରି ଇଞ୍ଜା ରାନି ପାତେକା ଜୁଜୁକିହଁ ତୀରିଆହାଁ ଡୟାଲି ଆଡିଦେରି □

୧୪ ଇଚିହଁ, ସାତାତି ଜାଟି ଟେଡେଲିତା ରୁପାକତାହାଁ, ଦାମ୍ପୁତି ବକ ପାଟା ଲେହେଁ ତୁରଦୁ,

☆ ୫:୨୫ ୫:୨୫ କଲସି ୩:୧୯; ୧ପିତ ୩:୭ ☆ ୬:୧ ୬:୧ କଲସି ୩:୨୦ ☆ ୬:୪ ୬:୪ କଲସି ୩:୨୧ ☆ ୬:୫ ୬:୫ କଲସି ୩:୨୨-୨୫ ☆ ୬:୯ ୬:୯ କଲସି ୪:୧; କଲସି ୩:୨୫

୧୫ ହିତ୍ତି ହୀନି ନେହ୍ କାରୁତାକି ଅଜିକିଝି ଆହାମାନି
ସେପୁୟାଁ କତାଣା ତୁରହାନା ତାଟା ଆହାମାଞ୍ଜୁ;

୧୬ ବାରେବେଲା ନାମୁତି ଆଡୁ ପାଟା ଆସାମାଞ୍ଜୁ, ଏଦାଣି
ତଲେ ମୀରୁ ସୟତାନତି ବାରେ ଡାଞ୍ଜିମାନି ଆପ୍କାତି ହିରୁ
ବାରେ ତୁପହାଲି ଆଡ଼ିଦେରି □

୧୭ ଅଡ଼େ, ଗେଲ୍ପିନି ଚପେରି ତାୟ୍ ତୁା ତୁରଦୁ ଅଡ଼େ
ସୁଦୁଜୀଞ୍ଜୁତି ହିୟାତି ମାହାପୁରୁତି ବଲୁତି କାଣ୍ଡା ଆହ୍ଦୁ;

୧୮ ବାରେଲେହେତି ପ୍ରାଡାନା ଅଡ଼େ ବାତିମାଲିନି ତାଣା
ବାରେବେଲା ସୁଦୁଜୀଞ୍ଜୁ ସାୟେମି ତଲେ ପ୍ରାଡାନା କିଦୁ,
ଇଞ୍ଜା ବାରେ ମାହାପୁରୁ ଲକୁତାକି କାପୁ କାଡାନା ପ୍ରାଡାନା
କିହେମାଞ୍ଜୁ □

୧୯ ଅଡ଼େ, ନାଞ୍ଜେତାକି ଜିକେଏ ପ୍ରାଡାନା କିଦୁ, ଏନିକ୍
ନେହ୍ କାରୁତାକି ଦୁତୁ ସମାନା ନାନୁ, ନାଞ୍ଜେ ଏ
ଡଗୁମାନାଣି ପୁଣ୍ଡି କିହାଲି ସାସାତଲେ ବଲୁ ଝେସାଲି
ମାହାପୁରୁ ନା ଗୁତିତା ନେହ୍ କାରୁ ହିୟାନେସି □

୨୦ ଅଡ଼େ ନାନୁ ଏନିକ୍ ଏମ୍ପାତି ସାତା କାତା ସାସାତଲେ
ଝେସାଲି ଆଡ଼ିଇ □

ଜହରା ଝେସାହାଁ ଆକୁତି ରାପ୍ନାୟି

୨୧ ✱✱ନା କାତା, ଇତିହ୍ ନାନୁ ଏନିକ୍ ମାଈ,
ଇଦାଆଁ ମୀରୁ ଜିକେଏ ଏନିକ୍ ପୁଞ୍ଜାଲି ଆଡ଼ିଦେରି,
ଇଦାଣି ତାକି ନା ଜୀଞ୍ଜୁତି ତାୟି ଅଡ଼େ କ୍ରୀସ୍ତତି କାମାତା
ନାମୁତି ହଲେଏସି ତୁକିକ, ନା ବାରେ କାତା ଏଞ୍ଜାସି
ଝେସାନେସି;

୨୨ ଏ ବାରେ କାତା ଝେସାଲି ନାନୁ ଏଞ୍ଜାଣାଇଁ ମୀ ତାଣା
ପାଣାତେସ୍, ଏନିକ୍ ମୀରୁ ମା ବାରେ କାତା ପୁଞ୍ଜାଲି
ଆଡ଼ିଦେରି ଅଡ଼େ ମୀ ହିୟାଁ ଏଞ୍ଜାଣି ତାଣାଟି ରାହାଁ ଆନେ
□

୨୩ ଆବା ମାହାପୁରୁ ଅଡ଼େ ପ୍ରୁ ଜୀସୁ କ୍ରୀସ୍ତାଇଁ ନାମିତି
ତାୟି ତାଞ୍ଜିସ୍ତାକି ହିତ୍ତି, ଜୀଞ୍ଜୁନନାୟି ଅଡ଼େ ନାମୁ
ହିୟାପେସି □

୨୪ ଏଚେକା ଲକୁ ମା ପ୍ରୁ ଜୀସୁ କ୍ରୀସ୍ତାଇଁ କାଲେଏ ଜୀଞ୍ଜୁ
ନନେରି, ମାହାପୁରୁତି କାର୍ମାମେହ୍ନାୟି ଏ ବାରେତାକି
ଆପେ □

ପିଲିପୀୟ ମଣ୍ଡଳୀ ନିକଟକୁ ପାଠକଙ୍କ ପତ୍ର ପିଲିପି କୁଲମିତାକି ପାଠୁଲ ରାଟାମାନି ଆକୁ ମୂଲୁ ହାଡ଼ା

ପିଲିପି ଜୀସୁ କ୍ରୀସ୍ତ ଜାର୍ନାଆଡ଼ି ୨୧ ବାର୍ଷା ତାୟୁ ପାଠୁଲ ପିଲିପି କୁଲମିତା ନାମିତି ତାୟିୟାଁ ତାଣା ଆକୁ ରାଟିମାନେସି □ ପାଠୁଲ ରମ୍ଭିତ କାୟିଦିତା ମାଟାଟି ଇ ଆକୁ ରାଟା ଡ଼ୟିନେସି୧:୧୩ □ ପିଲିପି ଗାଡ଼ା ବିତ୍ରା ଆହାମାନି କୁଲମିତାକି ଇ ଆକୁ ରାସ୍ତକି ଆହାମାଟେ □ ମାର ପାଣ୍ଡୁଆହାମାନି ପତିତା ଜିକେଏ ପିଲିପି ଆକୁତି କାତା ଇଟାଣି ପୁଞ୍ଜାଲି ଆଡ଼ିନାୟି □ ପିଲିପି ମାକିଦନିୟାତି ରାକ୍ତିତ କାଜା ଗାଡ଼ା ମାଟେ □ ଇଦି ମାକିଦନିୟାତା ଆଡ଼ି ମୂଲୁ କୁଲମି ମାଟେ □ ପାଠୁଲ ଅଡ଼େ ସିଲ୍ଲା ଆଣ୍ଡୁଆହାମାନା ଇ କୁଲମି ମାଟହା ମାଟେରି □ ଅଡ଼େ ଏମ୍ବାଆଁ ମାଟାଟି ର ଲାଆୟାଁ ତାକି କାୟିଦିତା ଇଟକି ଆହାମାଟେରି କାମା ୧୬ □

ପାଠୁଲ ଇ ଆକୁ ରାଟାଲି ହାଟେକା କାତା ଡ଼ୟିନେ □ ଏଞ୍ଜାସି କାୟିଦିତା ମାନି କାତା ଖେଞ୍ଜାନା ଲକୁ ଦାନା କୁଡ଼ି କିହାନା ପାଣ୍ଡାମାଟାକି କୁଲମିତି ଜହରା କିହାଲିତାକି ଆକୁ ରାଟିମାନେସି ୪:୧୦-୧୯ □ ଏଞ୍ଜାସି ତାନି କାୟିଦିତା ମାନି କାତା ଖେସାନା କୁଲମିତା ତିମତି ଅଡ଼େ ଏପାପ୍ରଦିତାଲ୍ଲ ହେରପି ମାନେସି, ନାମିତି ତାୟିୟାଁ ଏନିକ୍ ଏଞ୍ଜାରାଲ୍ଲ ମାନି ତଲେ ଆବିନେରି ଅଡ଼େ ଏଞ୍ଜାରି ନକିକିହା ଅନାଣି କାତା ମାନି କିନେରି୨:୧୯-୩୦ □

ପତିତା ମାନାୟି

- ୧ ପିଲିପି କୁଲମିତି ପାଠୁଲତି ଜହରା □ ୧:୧-୨
- ୨ ପାଠୁଲତି ମାଣ୍ଡକି ଅଡ଼େ ଏଞ୍ଜାଣି ଅଣ୍ଡପୁ □ ୧:୩-୨:୩୦
- ୩ ନାମିତି ତାୟିୟାଁ କ୍ରୀସ୍ତ ତାଣା ମାଞ୍ଜା ନୀତାଲି ଖେହ୍ନାୟି □ ୩:୧-୪:୯
- ୪ ପାଠୁଲ ଦାନା ତାକି ପିଲିପି କୁଲମିତା ଜହରା ଖେହ୍ନାୟି □ ୪:୧୦-୨୩

ପାଠୁଲତି ଜହରା ଅଡ଼େ ପ୍ରାତାନା

୧୧ *ପାଠୁଲ ଅଡ଼େ ତିମତି, କ୍ରୀସ୍ତ ଜୀସୁତି ରୀ ହଲିୟାଙ୍ଗା, ପିଲିପି ଗାଡ଼ାତା ମାନି କ୍ରୀସ୍ତ ଜୀସୁ ତାଣା ଡ଼ୟାମାନି ମାହାପୁରୁ ଲକୁ ଅଡ଼େ କୁଲମିତି କାଜାରି, ଇଞ୍ଜା କୁଲମିତି ସେବା କିନାରାକି ଇ ଆକୁ ରାସ୍ତକି ଆହାମାନେ □

୨ ମା ଆବା ମାହାପୁରୁ ଅଡ଼େ ପ୍ରୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍ନାୟି ଇଞ୍ଜା ହିଡ଼ି ଜୀସୁ ମିଙ୍ଗେତାକି ଆୟାପେ □

ପାଠୁଲତି ପ୍ରାତାନା

୩ ନାନୁ ମିଙ୍ଗେ ଏଟର ଦେବା ଅଣ୍ଡି ମାଞ୍ଜାଲ୍, ଏଟର ଦେବା ନା ମାହାପୁରୁଲ୍ ଜହରା କିହିମାଲ୍ □

୪ ନାନୁ ବାରେଦିନା ମିଙ୍ଗେତାକି ପ୍ରାତାନା କିନାଟି ନାନୁ ହାରେକା ରାହାତଲେ ପ୍ରାତାନା କିହିମାଲ୍,

୫ ଏନାଆଁତାକି ଇଟିହ୍ ମୀ ମୂଲୁ ଦିନାଟିଏ ନୀଏଁ ପାତେକା ନେହ୍ କାରୁ ଖେକ୍ହାଲି ମୀରୁ ନାଙ୍ଗେ ସାଢେମି କିହିମାଞ୍ଜାଦେରି,

୬ ଏନାଆଁତାକି ନାନୁ ଇ କାତାତି ସାତା ଇଞ୍ଜ୍ ଅଣ୍ଡିମାଲ୍, ଆମିନି ପ୍ରୁ ମୀ ତାଣା ଇ ନେହ୍ କାମା ମାଟହାମାନେସି, କ୍ରୀସ୍ତ ଜୀସୁତି ଖେଣ୍ଡାଞ୍ଜାନ୍ ଦିନା ରାନ୍ ପାତେକା ଏଞ୍ଜାସି ଏନାଆଁ କିନେସି □

୭ ଅଡ଼େ ମୀ ବାରେତାକି ନା ଇଲେତି ଅଣ୍ଡିମାୟି ମାନେ, ମୀରୁ ବାରେ ଏନିକ୍ ନା ତଲେ ନେହ୍ କାରୁ ଖେକ୍ନି କାୟିଦିତା ଆଣ୍ଡିମାଞ୍ଜାଦେରି, ଅଡ଼େ ଏମ୍ବାତି ସାତା ପାରମାଣା ତସାଲି ନା ତଲେ ଆଣ୍ଡାମାଞ୍ଜାଦେରି, ଏନାଆଁତାକି ନାନୁ ନା ହିୟାତା ମିଙ୍ଗେ ଆବାମାଞ୍ଜାଲ୍ □

୮ ମୀ ବାରେଜାଣା ତାକି ହାରେକା ଜୀସୁ ନନାଣି କ୍ରୀସ୍ତ ଜୀସୁ ତାଣାଟି ବେଟାଆହାମାଲ୍ ଇଞ୍ଜ୍ ଏଟିବେଲାତା ନାନୁ ଖେହ୍ଲ୍, ଏଦି ସାତା, ଏନାଆଁତାକି ମାହାପୁରୁ ନା ସାକି □

୯ ଅଡ଼େ, ନା ପ୍ରାତାନା କିନାୟି ଇଦି, ମୀ ଜୀସୁନନାୟି, ନେହ୍ ବୁଦି ପୁନାୟି, ଅଡ଼େ ବାରେ ନେହ୍ ଅଣ୍ଡପୁ ହାରେ ହାରେକା ପାତା ଆପେ,

୧୦ ଏନିକିହ୍ ମୀରୁ ଏନାୟି ନେହାୟି ଏନାଆଁ ଆଟାଲି ଆଡ଼ିଦେରି, ଆତିହ୍ ମୀରୁ କ୍ରୀସ୍ତ ଖାନ୍ ଦିନାତା ସୁଦୁ ଗାଟାଟେରି ଆଦେରି, ଅଡ଼େ ନିନ୍ଦା ଗାଟାଟେରି ଆଅଡେରି,

୧୧ ମାହାପୁରୁତି ଗାଢୁରମି ଇଞ୍ଜା ନେହ୍ ଖେହ୍ନାଣି ତାକି ମୀ ଜୀସୁ ଜୀସୁ କ୍ରୀସ୍ତ ହୀହାମାନି ବାରେ ନେହ୍ ଗୁଣ୍ଡୁ ବେଟାଆନେ □

କ୍ରୀସ୍ତ ତାଣା ନୀତିନାୟି

୧୨ ତାୟି ତାଜିସ୍ଲାତେରି, ନାଙ୍ଗେତାକି ଏନା ଏନାୟି ଆହାମାଞ୍ଜାନେ, ଏ ବାରେ ନେହ୍ କାରୁ ପାତାଆହାଲି ତାକି ଆହାମାନେ, ଇଦାଆଁ ନାନୁ ମିଙ୍ଗେ ପୁଣ୍ଡି କିହାଲି ଅଣ୍ଡିମାଲ୍;

୧୩ *ଇଟିହ୍ ନାନୁ କାୟିଦିତା ମାଟାୟି କ୍ରୀସ୍ତ ତାକି, ଏଦି ରାଜା ଇଲୁତା କାଃଆନି ବାରେ କସ୍ତକା ଇଞ୍ଜା ଏଟକାତି ବାରେଜାଣା ନକିତା ତଞ୍ଜାଆଡେ;

୧୪ ଅଡ଼େ ଜିକେଏ ହାରେକା ତାୟି ତାଜିସ୍ଲା ନାନୁ କାୟିଦିତା ମାନାକି, ମାହାପୁରୁ ତାଣା ବାର୍ସୁ ଇଟାନା ଆଜାଆନା ମାହାପୁରୁତି କାରୁ ଖେକ୍ହାଲି ହାରେକା ସାସା ଗାଟାରି ଆହାମାନେରି □

୧୫ ଆମ୍ବା ଆମ୍ବାଆରି ତାହାରା ଅଡ଼େ ଗଡ଼ହା ତାକି କ୍ରୀସ୍ତ କାତା ଖେକ୍ହି ମାନେରି ସାତା, ସାମା ଆମ୍ବା ଆମ୍ବାଆରି ସାତା ତଲେ କିହିମାନେରି;

୧୬ ନାଙ୍ଗେ ନେହଁ କାରୁତି ସାକି ଆହାଲିତାକି ମାହାପୁରୁ ଆଚାମାଞ୍ଜାତେସି, ଏଦାଆଁ ପୁଞ୍ଜାନା ସାତା ଜୀସୁ ନନାଣି ତାକି ଏଦାଆଁ କିନେରି,

୧୭ ଏଚକାତାରି ମାନ୍ତି ତଲେ କ୍ରୀସ୍ତତି ବଲୁ ଖେହ୍‌ଆନା ଜାହାରା ଲାବା ତାକି କିହିମାନେରି □ ନାନୁ କାୟିଦିତା ମାନାଟି ନା ହିୟାତା ହାରେକା କସ୍ତ ହାହାଲି ଏଞ୍ଜାରି ଏଦାଆଁ କିହିମାନେରି □

୧୮ ବାଦା ହିଲେଏ ? ତାହାରା ତଲେ ଆପେ କି ନେହେଁ ତଲେ ଆପେ କ୍ରୀସ୍ତ ସାତେଏ ଖେଜିମାନେସି, ଏଦାଆଁତାକି ନାନୁ ରାହାଁ କିହିମାଇଁ, ଅଡେ ଜିକେଏ ରାହାଁ କିହେମାଇଁ □

୧୯ ଇଚିହଁ ନାନୁ ପୁଞ୍ଜାମାଇଁ, ମୀ ପ୍ରାତାନା ଇଞ୍ଜା ଜୀସୁ କ୍ରୀସ୍ତତି ସୁଦୁଜୀସୁତି ସାୟେମି ତଲେ ନା ଗେଲ୍‌ପିନାୟି ଆନେ,

୨୦ ଏଦାଆଁତାକି ନା ରଣ୍ଡିଏ ଆସା ଅଡେ ବାର୍ସୁ ମାନେ, ନାନୁ ଏନ୍ତି କାତାତା ଜିକେଏ ଲାଜା ଆଅଁ, ସାମା କାଲେଏ ଏନିକଁ ଆହିମାଚେଏଁ, ନୀଏଁ ଜିକେଏ ଏଲେକଁ ହାରେକା ବାଡୁଲୁ ତଲେ ହାଡିହଁ କି ଜୀସୁ ମାଚିହଁ, କ୍ରୀସ୍ତଇଁ ନା ଆଙ୍ଗା ତଲେ ଗାଞ୍ଜୁରମି କିଇଁ □

୨୧ ଇଚିହଁ ନା ନୀତାମାନାୟି ଖାରଇ କ୍ରୀସ୍ତ, ଏଦାଆଁତାକି ନାନୁ ହାନାୟି ନାଙ୍ଗେତାକି ଲାବା □

୨୨ ସାମା ନାନୁ ଆଙ୍ଗା ତଲେ ନୀତା ମାଞ୍ଜାନା ହାରେକା ପାଡେୟି ଆୟାଲି ଆଡିଇଁ, ଆଡିହଁ ନୀତାମାନାଣି କି ହାନାଣି ବାଟି କିଇଁ ନାନୁ ପୁଞ୍ଜାଲି ଆଡିହିଲଅଁ □

୨୩ ନାନୁ ରୀ ଖାକି ରେସକି ଆହିମାଇଁ; ଇ ଜୀସୁତି ପିସାନା କ୍ରୀସ୍ତ ତଲେ ମାଞ୍ଜାଲି ଅଣ୍ଡିମାଇଁ, ଏଡି ହାରେକା ନେହାୟି;

୨୪ ସାମା ନାନୁ ଆଙ୍ଗା ତଲେ ମାନାୟି ମିଙ୍ଗେତାକି ହାରେକା ଲଡ଼ାମାନେ □

୨୫ ନାନୁ ନେହଁକଁ ପୁଞ୍ଜାମାଇଁ, ନାନୁ ତୁୟିଇଁ, ହାଅ ମୀ ନାମୁ ଅଡେ ରାହାଁତି ପାଡିକିହାଲି ମୀ ବାରେ ତଲେ ତୁୟିଇଁ,

୨୬ ଏନିକଁ ମୀ ବିତ୍ରା ନା ଖେଣ୍ଡା ଖାତାକି ନା ତାଣାଟି କ୍ରୀସ୍ତ ଜୀସୁ ତାଣା ମୀ ବଡପଣ ଗାଡିଆନେ □

୨୭ ନା ଅଣ୍ଡପୁ ଇଦି, କ୍ରୀସ୍ତତି ନେହଁ କାରୁତି ଜଗେତି ଲକୁ ଲେହେଁ ନୀତାଦୁ, ଏନିକଁ ନାନୁ ମୀ ତାଣା ଖାହାନା କି ହେକ ମାଞ୍ଜାନା ମୀ କାତା ଖେଞ୍ଜାହାଁ ପୁଞ୍ଜାଲି ଆଡିଇଁ, ମୀରୁ ବାରେତେରି ରଣ୍ଡିଏ ଜୀସୁ ରଣ୍ଡିଏ ଅଣ୍ଡପୁ ତଲେ ତାରିଆହାନା ନେହଁ କାରୁତି ନାମୁ ତାକି ଜୁଜୁ କିହିମାଞ୍ଜେରି,

୨୮ ଇଞ୍ଜା ମିଙ୍ଗେ କସ୍ତ ନିୟା ହାହିମାଞ୍ଜାନି ସାତୁୟାଇଁ ଏଚେଲାଖା ଆଜାଆଦୁ; ଏଡି ଏଞ୍ଜାରି ନାସା ଆନାୟି, ସାମା ମିଙ୍ଗେତାକି ଗେଲ୍‌ପିନାୟି ମାହାପୁରୁ ହାହାମାନି ର ସିନା;

୨୯ ଇଚିହଁ କ୍ରୀସ୍ତ ତାଣା ଖାରଇ ନାମାଲି ତାକି ମୀରୁ ପାରୁ ମେଡ଼ା ଆହାମାଞ୍ଜେରି, ଏଡି ଆଏ, ସାମା ଏଞ୍ଜାଣି ତାକି ଦୁକୁ ବେଟାଆହାଲି ଜିକେଏ କାର୍ମା ମେଡ଼ା ଆହାମାଞ୍ଜାନେ;

୩୦ ଅଡେ ନାନୁ ଏନିକଁ ଜୁଜୁ କିହିମାଚାଣି ମେସାମାଞ୍ଜାତେରି, ଇଞ୍ଜା ନୀଏଁ ଜିକେଏ କିହିମାନେସି ଇଞ୍ଜା ଖେଞ୍ଜିମାଞ୍ଜେରି, ଏଲେକିହଁ ମୀରୁ ଜିକେଏ ଜୁଜୁ କିଦୁ □

୨

କ୍ରୀସ୍ତତି ମାଣ୍ଡି ଅଡେ କାଜାପାଣା

୧ କ୍ରୀସ୍ତ ତଲେ ମାନାକି ମୀରୁ ଜୀସୁତା ବାର୍ସୁ ବେଟାଆହାମାଞ୍ଜେରି, ଅଡେ ତାନି ଜୀସୁନନାୟି ମିଙ୍ଗେ ସାସା ହାହିମାଞ୍ଜାନେ □ ମୀରୁ ସୁଦୁଜୀସୁତା ଆଣ୍ଡିମାଞ୍ଜେରି ପୁଞ୍ଜିମାଞ୍ଜେରି ଅଡେ ରଅତେରି ରଅଣାକି ମୀ ଜୀସୁନନାୟି ଅଡେ କାର୍ମାମେହ୍‌ନାୟି ମାନେ,

୨ ନାନୁ ମିଙ୍ଗେ ବାଡିମାଲିମାଞ୍ଜାଇଁ ମୀରୁ ରଣ୍ଡିଏ ଅଣ୍ଡପୁ ତଲେ, ରଣ୍ଡିଏ ଜୀସୁ ନନାଣି ତଲେ, ରଣ୍ଡିଏ ହିୟାଁ, ରଣ୍ଡିଏ ଅଣ୍ଡପୁ ଆହାନା ନାଙ୍ଗେ ରାହାଁ କିୟାଦୁ,

୩ ମୀରୁ ମିଙ୍ଗେତାକି ନେହାଁଣି ଜୁପକା ଇଞ୍ଜା ହାରେକା ବଡପଣ ତସାଲି ଏନାଆଁ କିଆଦୁ, ସାମା ସୁଦୁ ହିୟାଁ ଗାଟାତେରି ଆହାନା ଏଚକା ଲକୁଇଁ ନା କିହାଁ କାଜାସି ଇଞ୍ଜା ଅଣ୍ଡପାଦୁ;

୪ ମୀରୁ ବାରେତେରି ଖାରଇ ମିଙ୍ଗେତାକି ନେହଁ ଆନାଣି ଅଣ୍ଡପାଆନା ଏଚକା ଲକୁତି ନେହାଁଣି ଜିକେଏ ଅଣ୍ଡପାଦୁ □

୫ କ୍ରୀସ୍ତ ଜୀସୁତି ଏନିଲେହେଁତି ଅଣ୍ଡପୁ ମାଚେ ମୀ ଅଣ୍ଡପୁ ଜିକେଏ ଏଲେତାୟିଏ ଆପେ;

୬ ଏଞ୍ଜାସି ମାହାପୁରୁ ଆଡିହଁ ଜିକେଏ, ମାହାପୁରୁ ତଲେ ସମାନା ଆହଁ ମାଞ୍ଜାଲି ଅଣ୍ଡପାଆନା ତାନି ଏ ଅଦିକାରା ପିସ୍ତେସି,

୭ ସାମା ଏଞ୍ଜାସି ମାଣ୍ଡି ଖାଣା ଆହାନା ହଲେଏସି ଲେହେଁ ଆଡେସି □ ମାଣ୍ଡିଲେହେଁ ଆହାନା ମାଣ୍ଡି ଖାଣା ତଲେ ତଞ୍ଜାଆଡେସି;

୮ ଏଞ୍ଜାସି ମାଣ୍ଡିଲେହେଁ ତଞ୍ଜାଆହାନା ହାନି ପାତେକା, ହାଅ, ପାସି ମୁଣ୍ଡାତା ଲେପିଆହାଁ ହାନି ପାତେକା ହୁକୁମି ମାନୁଞ୍ଜି ଆଡେସି ଇଞ୍ଜା ତାନୁଏ ତାଙ୍ଗେ ଡ଼ଣା କିହା କଡିତେସି □

୯ ଏଦାଆଁତାକି ମାହାପୁରୁ ଏଞ୍ଜାଣାଇଁ ବାରେକିହାଁ କାଜାସି କିହାମାନେସି, ଇଞ୍ଜା ବାରେ ଦରକା କିହାଁ କାଜା ଦରୁ ଏଞ୍ଜାଣାକି ହାହାମାନେସି,

୧୦ ଏନିକଁ ଲାକପୁରୁ ଅଡେ ଦାର୍ଡିତା ଅଡେ ଦାର୍ଡିତି ତୁଇ ମାନାଇଁ;

ଏ ବାରେ ଜୀସୁ ଦରୁତା ମେଣ୍ଡାକୁତାନା ଜହରା କିନ୍ତୁ,

୧୧ ଅଡେ ଆବା ମାହାପୁରୁଟି ଗାଞ୍ଜୁରମି ତାକି ବାରେଜାଣା ତାନି ଗୁତି ତଲେ ଜୀସୁ କ୍ରୀସ୍ତ ପ୍ରବୁ ଇଞ୍ଜା ଜଳିନେରି □

☆ ୧:୩୦ ୧:୩୦ କାମା ୧୭:୧୯-୪୦

ଦାର୍ତ୍ତିତା ଉଦ୍ଦେଶ୍ୟ ଲେହେଁ ଡ଼ାଞ୍ଜାଦୁ

୧୨ ନା ଜୀଞ୍ଜୁତି ତଢ଼େଶ୍ୟିକ୍ଷା, ମୀରୁ ବାରେବେଲା ନାଞ୍ଜେ ମାନଞ୍ଜି ଆହିମାଞ୍ଜାଦେରି, ଇତିହିଁ ନା ନକିତା କିନିଲେହେଁ ଆଏ, ସାମା ନୀର୍ଦ୍ଦି ନା ହିଲାଆ ବେଲାତା ହାରେକା ଆଜିତଲେ ତୀରୁଗିହିଁ ମୀରୁ ଗେଲ୍ପି ଆହାଲି ତାଲି କାମା କିଦୁ

୧୩ ଇତିହିଁ ମିଞ୍ଜେ ତାନି କାମା କିହାଲିତାକି ଇତା ଅଡ଼େ ବାଡ଼ୁଲ୍ କିହାଲିତାକି ମାହାପୁରୁ ତାନୁଏ ମୀ ତାଣା କାଲେଏ କାମା କିହିମାନେସି □

୧୪ ମୁରୁ ମୁରୁ ଅଡ଼େ ବାଦିବାଦା ଆଆନା ମୀ ବାରେ କାମା କିଦୁ,

୧୫ ଏଲେକିତିହିଁ ମୀରୁ ଦହ ହିଲାଆଗାଟାତେରି ଅଡ଼େ ସୁଦୁ ଗାଟାତେରି ଆହାନା, ଇ ଲାଗେଏତାଣି ତଲେ ନାଡ଼ିକିନି ଲକୁ ବିତ୍ତା ମାହାପୁରୁତି ଦହ ହିଲାଆଗାଟି ମୀରୁକା ମାସକାତେରି ଆଦେରି; ଏଞ୍ଜାରିତାଣା ମୀରୁ ଜୀଞ୍ଜୁତି ବଲୁ ଆସାନା ଦାର୍ତ୍ତିତି ଉଦ୍ଦେଶ୍ୟ ଲେହେଁ ମୀରୁ ତଞ୍ଜା ଆହିମାଞ୍ଜେରି;

୧୬ ଏମ୍ବାଟି ନାନୁ ଉଦ୍ଦେଏ ହଟି ହିଲଅଁ କି ଉଦ୍ଦେଏ କାମା କିହିହିଲଅଁ, ଏ ବାରେତାକି କ୍ରୀସ୍ତୁତି ଦିନାତା ବତପଣା କିହାଲି ଆଡ଼ିଇଁ □

୧୭ ନା ନେତେରି ମୀ ନାମୁ ତାକି ସେବାତା ଗସାଲି ପୂଜା ହାନି ନେତେରିଲେହେଁ ଡ଼ାଞ୍ଜାଲି ଆହିମାନେ, ଆତିହିଁ ନାନୁ ରାହାଁ ଆହିମାଇଁ, ଅଡ଼େ ମୀ ତଲେ ଆଣ୍ଡାନା ରାହାଁ କିହିମାଇଁ,

୧୮ ଅଡ଼େ ଏଲେକିହିଁ ମୀରୁ ରାହାଁ କିଦୁ ଇଞ୍ଜା ନା ତଲେ ରାହାଁ କିଦୁ □

ତିମତି ଅଡ଼େ ଏପାପୁଦିତ

୧୯ ସାମା ନାନୁ ତିମତିଇଁ ତବେ ପାଣ୍ଡାଇଁ ଇଞ୍ଜିଁ ପୁରୁ ଜୀସୁ ତାଣା ଆସା କିହାମାଇଁ, ଏନିକିଁ ମୀ କାତା ଝେଞ୍ଜାନା ନାନୁ ଜିକେଏ ରାହାଁ ଆଇଁ □

୨୦ ଏଞ୍ଜାସି ରଅସିଏ ନା ଲେହେଁତି ଅଣ୍ପୁ ଗାଟାସି ଇଞ୍ଜା ଏଞ୍ଜାସି ସାତେଏ ମିଞ୍ଜେତାକି ଅଣ୍ପି ମାଞ୍ଜାନେସି □

୨୧ ଇତିହିଁ ବାରେଜାଣା ଜୀସୁ କ୍ରୀସ୍ତୁତି ସେବା କିହାଲି ଅଣ୍ପାଆନା, ଝାଞ୍ଜ ତାମି ନେହାଁଣି ପାରାଲି ଅଣ୍ପିନେରି □

୨୨ ତିମତି ତାୟିପାରି କିନିତାଣା ଜୀଣା ଆହାମାନାସି ଏଦାଆଁ ମୀରୁ ପୁଞ୍ଜାମାଞ୍ଜେରି; ମୀରୁଏସି ଆବାତି ସେବା କିନିଲେହେଁ, ଏଞ୍ଜାସି ନେହିଁ କାରୁ ଝେକ୍ନି କାମାତା ନା ତଲେ ସେବା କିହାମାଚେସି □

୨୩ ଇତିହିଁ ନାଞ୍ଜେତାକି ଏନାୟି ଆନେ, ଏଦାଆଁ ପୁଟିସାରେ ଏଞ୍ଜାଣାଇଁ ମୀ ତାଣା ପାଣ୍ଡାଇଁ ଇଞ୍ଜିଁ ଆସା କିହିମାଇଁ;

୨୪ ପୁରୁ ତାଣା ବାର୍ସୁ କିହିମାଇଁ ନାନୁ ଜିକେଏ ମୀ ତାଣା ତବେ ଝାଞ୍ଜିଁ □

୨୫ ସାମା ନାନୁ ନା ତାୟି, ନା ତଲେ କାମାକିନାସି, ନା ଝାକିଟି ଜୁଜୁ କିନାସି, ଇଞ୍ଜା ନା ଲଡ଼ାମାନାଣି ସାୟେମି କିହାଲି ମୀ ତାଣାଟି ପାଣ୍ଡୁଞ୍ଜିଆହାମାନି ସେବାକିନି ଏପାପୁଦିତାଇଁ ମୀ ତାଣା ପାଣ୍ଡାଲି ଅଣ୍ପିମାଇଁ;

୨୬ ଇତିହିଁ ଏଞ୍ଜାସି ବାରେତେରି ମିଞ୍ଜେ ମେସାଲି ହାରେକା ଅଣ୍ପିମାନେସି, ଅଡ଼େ ଏଞ୍ଜାସି ଆଡ଼ିହିଲଅସି ଇଞ୍ଜିଁ ଝେଟାକି ହାରେକା କିଲିବିଲି ଆହିମାନେସି;

୨୭ ହାଅ, ଏଞ୍ଜାସି ହାନିଲେହେଁ ଆହାମାଚେସି, ସାମା ମାହାପୁରୁ ଏଞ୍ଜାଣାଇଁ କାର୍ମା ମେସେସି, ଏଞ୍ଜାଣାଇଁଦେହେଁ ଆଏ ସାମା ଏନିକିଁ ନାଞ୍ଜେ ଦୁକୁ ଲାକ ଦୁକୁ ଝାଏ ଏଦାଆଁତାକି ନାଞ୍ଜେ ଜିକେଏ କାର୍ମା ଆୟାତେସି □

୨୮ ଏଦାଆଁତାକି ମୀରୁ ଏଞ୍ଜାଣାଇଁ ଝେଣ୍ଡେ ମେସାନା ରାହାଁ ଆଦେରି ଇଞ୍ଜା ନା ଦୁକୁ ଏନିକିଁ ଡ଼ଣା ଆନେ, ଏଦାଆଁତାକି ନାନୁ ଏଞ୍ଜାଣାଇଁ ପାଣ୍ଡାଲି ହାରେକା ଜାଡ଼ନୁ ଆଡ଼େଏଁ □

୨୯ ଏଦାଆଁତାକି ମୀରୁ ଏଞ୍ଜାଣାଇଁ ପୁରୁତି ଦରୁତଲେ ହାରେକା ରାହାଁତଲେ ଆବାଦୁ, ଇଞ୍ଜା ଇଲେତି ଗୁଣ୍ଡାଗାଟି ଲକୁଣି ମାନି କିଦୁ;

୩୦ ଏଦାଆଁତାକି ଇତିହିଁ ମୀରୁ ନାଞ୍ଜେ ଏମିନି ସାୟେମି କିହାଲି ଆଡ଼ାଆତାଣି, ଏଦାଆଁ କିହାଲି ଏଞ୍ଜାସି କ୍ରୀସ୍ତୁତି କାମାତା ତାନି ଜୀଞ୍ଜୁତି ବାଦା ହାହାନା ହାନିଲେହେଁ ଆହାମାଚେସି □

୩

ସାତା ତୀରିଗାଟାୟି

୧ ନା ତାୟି ଅଡ଼େ ତାଞ୍ଜିସ୍ତାତେରି, ବାରେତି ତାୟି ପୁରୁ ତାଣା ରାହାଁ କିଦୁ, ରଲେଏତି କାତା ଅଲେ ଅଲେ ରାଡ଼ାଲି ନାଞ୍ଜେତାକି ଝାହୁ ହଡ଼ିମାଞ୍ଜେଏ, ସାମା ଏ ବାରେ ମୀ ନେହେଁତାକି ଲଡ଼ାମାନେ □

୨ ଲାଗେଏ ପଲେଏ କାମାକିନାରି ତାଣାଟି, ନେସକାଟି ଜାଗ୍ରାତା, ଏ ତଲୁ ଦାଃଆନାରି ତାଣାଟି ଜାଗ୍ରାତା;

୩ ଏଦାଆଁତାକି ଇତିହିଁ ମୀରୁ ସାତେଏ ତଲୁ ଦାପି ଆହାମାନାତାୟି, ଇତିହିଁ ମୀରୁ ସୁଦୁଜୀଞ୍ଜୁତି ସାୟେମି ବେଟାଆହାନା ମାହାପୁରୁଇଁ ସେବା କିହିମାନାୟି, ଇଞ୍ଜା ଆଜ୍ଞାତି ଲଡ଼ା ଆନି ମେରା ବାର୍ସୁ କିଆନା କ୍ରୀସ୍ତୁ ଜୀସୁ ତାଣା ବତପଣା ଆନି □

୪ ନାନୁ ଆଜ୍ଞାତି ପାଣାପାରୁତା ଜିକେଏ ବାର୍ସୁ ଇଗାଲି ଆଡ଼ିତେଏମା; ଅଡ଼େ ଆମ୍ବାଆସି ଆଜ୍ଞାତି ମେରାତା ବାର୍ସୁ ଇଗାଲି ଆଡ଼ିତେଏମା ଇଞ୍ଜିଁ ଅଣ୍ପିନେସି, ଆତିହିଁ ନାନୁ ଏଞ୍ଜାଣି ଆଗାଡ଼ା ଆଡ଼ିଇଁ;

୫ ନାନୁ ଜାର୍ନା ଆହାଁ ଆଟାଦିନା ଆହାଲିଏ ତଲୁ ଦାପି ଆଡ଼ାତେଏ, ଇଞ୍ଜା ଇସାୟେଲ ଲକୁତି ବିନ୍ୟାମିନ କୃତାତା ଜାର୍ନା ଆଡ଼ାତେଏ, ମା ଆକୁ ଆବାୟାଁ ର ଏବୁୟ ଲକୁ ମାଚେରି, ମେରା ମାନଞ୍ଜି ଆନି ତାଣାଟି ନାନୁ ର ପାରୁସି ଲକୁତେଏ,

✦ ୩:୫ ୩:୫ ରମି ୧୧:୧; କାମା ୨୩:୭; ୨୭:୫

୬ ହାରେକା ରାହାତଲେ ନାନୁ କ୍ରୀସ୍ତାନା କୁଲମିତି ସାସ୍ତି ହୀନାତେଏ, ଇଞ୍ଜା ମସାତି ମେରାତି ଦାମ୍ଭୁତା ନାନୁ ଦହ୍ ହିଲାଆଗାଟତେଏଁ ତଞ୍ଜା ଆହିମାଚେଏଁ ।

୭ ସାମା ଏନାୟି ନାଜେତାକି ଲାବା ମାଚେ, ଏ ବାରେତି ନାନୁ କ୍ରୀସ୍ତତି କସମି ଉଜେଏତାୟି ଇଞ୍ଜା ଅଶ୍ପାମାକ୍ ।

୮ ନାନୁ ନା ପ୍ରବୁ ଜୀସୁ କ୍ରୀସ୍ତତି ବୁଦି ହାରେକା ଦାରାଗାଟାୟି ଇଞ୍ଜା ପୁଞ୍ଜାନା ଏଟକାତାଣି ଉଜେଏତାୟି ଇଞ୍ଜା ପିସାତୁସ୍ତେଏଁ; ଏଞ୍ଜାଣି କସମି ବାରେ ହିଲାଆଗାଟାଣି ଅରହିତେଏଁ ଅଡେ ଏ ବାରେ ତୁକ୍ ଗମ୍ବୁ ଲେହେଁ ଆଚେଏଁ, ଏନିକ୍ ନାନୁ କ୍ରୀସ୍ତକ୍ ମେଡାଆକ୍, ଇଞ୍ଜା ତାନି ଲକୁ ଇଞ୍ଜା ତଞ୍ଜା ଆକ୍ ।

୯ ଅଡେ ମସାତି ମେରା ମାନଞ୍ଜି ଆହାଁ ତୀରିଗାଟାଣି ମେଡା ଆଆନା, ଏନିକ୍ ନାନୁ କ୍ରୀସ୍ତ ତାଣା ନାମିନି ତାଣାଟି ମାହାପୁରୁ ହାହାମାଞ୍ଜାନି ନାମୁତି ତୀରିଗାଟାଣି ମେଡାଆକ୍,

୧୦ ଏନିକ୍ ନାନୁ ଏଞ୍ଜାଣାକ୍ ତାନି ଖେଣ୍ଡେ ନିଜିତି ବାଡୁୟୁ ଇଞ୍ଜା ଏଞ୍ଜାଣି ହାକିତା ଏଞ୍ଜାଣିଲେହେଁ ଦୁକୁ କସ୍ତତା ଆଣ୍ଡିନାଣି ପୁଞ୍ଜାଲି ଆଡିକ୍,

୧୧ ଏଦାଣିତାକି ହାଡ଼ାରି ତାଣାଟି ନାଜେ ନିକ୍ହାନେସି ଇଞ୍ଜା ଆସା କିହିମାକ୍ ।

ଗୁରି ଇଟାମାନି ଟାୟୁତା ହଣ୍ଡନାୟି

୧୨ ନାନୁ ନୀଏଁ ଏ ବାରେ ବେଟାଆହାମାକ୍ ଇଞ୍ଜା ନେହାଁତେଏଁ ଆହାମାକ୍, ଏଦି ଆଏ, ସାମା କ୍ରୀସ୍ତ ଜୀସୁ ତାଣାଟି ଆଡ଼ି ଆହାମାନାକି ଏଦାଆଁ ଆସାଲି ହଟିମାକ୍ ।

୧୩ ନା ତାୟି ଅଡେ ତାଜିସ୍ତା ନାନୁ ନୀଏଁ ପାତେକା ଆସାମାକ୍ ଇଞ୍ଜା ଅଶ୍ପି ହିଲଅଁ, ସାମା ନାନୁ ର କାମା କିହିମାକ୍, ଇଚିହ୍ ତାୟୁ ମାନି ବାରେ କାତା ହେକ କିହାନା ନକିତା ମାନାଣି ମେସାନା ହଟିମାକ୍,

୧୪ କ୍ରୀସ୍ତ ଜୀସୁ ସାୟେମି ତଲେ ଏମିନି ଲାକପୁରୁତି ବେଟାଆହାଲି ତାକି ମାହାପୁରୁ ନାଜେ ହାଟାମାଞ୍ଜାନେସି ଏ ଦାନା ବେଟାଆହାଲି ତାକି ଗୁରି କିହାମାନି ଟାୟୁ ଖାକି ଜୀସୁ ତୁସାନା ହଟିମାକ୍ ।

୧୫ ଏଦାଆଁତାକି ଖାଦୁ, ମାର ଏତେକା ଲକୁ ଟିକାଣା ଗାଟାତାୟି, ଇଲେତି ମନତଲେ ଅଶ୍ପିନ, ସାମା ଏ ବାରେ କାତାତାକି ମୀ ଏଟକାତି ଅଶ୍ପୁ ମାଚିହ୍, ଆଡିହ୍ ଇଦାଆଁ ଜିକେଏ ମାହାପୁରୁ ମୀ ନକିତା ପୁଶ୍ମି କିୟାନେସି;

୧୬ ନୀଞ୍ଜୁପାତେକା ମାର ଏମିନି ମେରା ମାନଞ୍ଜି ଆହାନା ଖାହାମାନାୟି, ଏଲେକିହ୍ ଏ ନକିତା ହାଜାଅନ ।

୧୭ ହାୟି ତାଜିସ୍ତା ମୀରୁ ବାରେ ଆଶୁଞ୍ଜି ଆହାନା ନା ଲେହେଁକି ତାକାଦୁ, ଇଞ୍ଜା ମା ତାଣା ଏମିନି ତୀରିଗାଟାଣି ମେସିମାଞ୍ଜେରି ଇଞ୍ଜା ଆମିନି ଗାଟାରି ଏଲେକିହ୍ ତାକିନେରି ଏଞ୍ଜାରାକ୍ ସିନିକିଦୁ ।

୧୮ ଇଚିହ୍ ହାରେକା ଇଲେକ୍ ମାନେରି, ଆମ୍ବାଆରି ମାଣକିତି କାତା ଅଲେ ଅଲେ ମିଜେ ଖେସାମାଞ୍ଜାକ୍, ଇଞ୍ଜା ନୀଏଁ ଜିକେଏ ମିଜେ ଡାହି ଡାହି ଖେସିମାଞ୍ଜାକ୍, ଏଞ୍ଜାରି ବାରେ କ୍ରୀସ୍ତତି ପାସି ମୁଣ୍ଡାତି ସାତୁ ଆହାମାନେରି;

୧୯ ଏଞ୍ଜାରି ବାରେ ନକିତା ନାସା ଆନାରି, ଆଜାତି ଅଶ୍ପୁ ଏଞ୍ଜାରି ମାହାପୁରୁ, ଏନାୟି ଲାଜାଗାଟାୟି ଏଦାଆଁତାକି ଏଞ୍ଜାରି ବଡପଣ କିନେରି, ଇଞ୍ଜା ଦାର୍ତି ତାଣି ବାରେ ଅଶ୍ପେ ମାନେରି ।

୨୦ ମାର ବାରେ ଲାକପୁରୁତି ଲକୁତାୟି, ଇଞ୍ଜା ଏମ୍ବାଟି ଜିକେଏ ମାଜେ ଗେଲ୍ପାନି ପ୍ରବୁ ଜୀସୁ କ୍ରୀସ୍ତତି ଖେଣ୍ଡେ ଖାନାଣି କାଟିମାନି;

୨୧ ଏଞ୍ଜାସି ତାନି ଏମିନି କାମା କିନି ବାଡୁୟୁଟି ବାରେତି ତାନି ତାଣା ଇଟାଲି ଆଡିମାନେସି, ଏମ୍ବାଟି ମା ବାଡୁୟୁ ହିଲାଆଗାଟି ଆଜାତି ତୀରି ମୁପ୍ହାନା ତାନି ଗାଞ୍ଜୁରମିଗାଟି ଆଜା ଲେହେଁ କିୟାନେସି ।



ହୁକୁମି ହୀନାୟି

୧ ଏଦାଆଁତାକି ଏ ନା ଜୀସୁତି ତାୟି ତାଜିସ୍ତା । ମିଜେତାକି ନାଜେ ଏତେକା ରାହାଁତି ଟପେରି ଲେହେଁ । ନାନୁ ଜାପ୍ହାତି ଲେହେଁ ପ୍ରବୁ ତାଣା ତୀରିଆହାଁ ନୀତାବାଡକାଦୁ ।

୨ ପ୍ରବୁ ତାଣା ରଣ୍ଡିଏ ଅଶ୍ପୁ ତଲେ ମାଞ୍ଜାଲି ଇୟଦିୟା ଅଡେ ସୁକ୍ତି ରିଣ୍ଡାସିକାଣି ବାତିମାଲିମାକ୍ ।

୩ ନା କାମାତା ଆଣ୍ଡାନା ମାନି ତଲେ କାମା କିନାତି, ନିଜେ ଜିକେଏ ବାତିମାଲିମାଞ୍ଜାକ୍ ଇ ରୀ ତାଜିସ୍ତାଣି ସାୟେମି କିମ୍, ଏନାଆଁତାକି ଇଚିହ୍ କ୍ଲେମେନ୍ସ ଅଡେ ନା ତଲେ କାମାକିନାରି ତଲେ ନେହ୍ କାରୁ ଖେକ୍ହାଲି ନା ତଲେ କାମା କିହାମାନୁ; ଇଞ୍ଜା ନା ତଲେ କାମା କିହାମାନାରି ଦରକା ଜୀସୁତି ପତିତା ରାସ୍କି ଆହାମାନୁ ।

୪ ପ୍ରବୁ ତାଣା ଆଣ୍ଡାନା କାଲେଏ ରାହାଁ କିଦୁ, ଅଡେ ଖେଣ୍ଡେ ଖେସିମାଞ୍ଜାକ୍ ରାହାଁ କିଦୁ ।

୫ ବାରେ ଲକୁ ନକିତା ମୀ ସୁଦୁ ସୁଞ୍ଜାଲା ଅଶ୍ପୁ ତଞ୍ଜା ଆପେ । ପ୍ରବୁ ଖାନାୟି ତାଗେ ଖାଡେୟିଏ ।

୬ ଏନାଆଁତାକି ଜିକେଏ ଅଶ୍ପାଆଦୁ, ସାମା ବାରେତାକି ପ୍ରାତାନା ଇଞ୍ଜା ଜହରା ତଲେ ମୀ ଲଡାମାନାଣି ମାହାପୁରୁ ନକିତା ଖେହ୍ଦୁ ।

୭ ଏଚେଟିଏ ତେଲ୍ହାଲି ଆଡାଆଗାଟି ମାହାପୁରୁତି ହିଡ଼ି ମୀ ହିୟାଁ ଅଡେ ଅଶ୍ପୁତା କ୍ରୀସ୍ତ ଜୀସୁ ସାୟେମି ତଲେ ଗେଲ୍ପାନା ଇଟାନେସି ।

୮ ଏ ତାୟି ତାଜିସ୍ତା, ଏନାୟି ନେହାୟି, ଏନାୟି ସାତା, ଏନାୟି ଲଡା ମାନାୟି, ଏନାୟି ଟିକାଣାତାୟି, ଏନା ଏନାୟି ଅଡିତାୟି, ଏନାୟି ଜୀଞ୍ଜୁନାୟି, ଏନାୟି ମନ କିତି ରାହା, ଏନାୟି ଜୀସୁତା ନେହାୟି, ଏନାୟି ସାତା ଗୁଣ୍ଡୁ ମାନେ ଏ ବାରେ କାତା ଅଶ୍ପେମାଞ୍ଜୁ ।

☆ ୩:୭ ୩:୭ କାମା ୮:୩; ୨୨:୪; ୨୬:୯-୧୧ ☆ ୩:୧୭ ୩:୧୭ େକର ୪:୧୭; ୧୧:୧

୯ ମୀରୁ ନା ତାଣାଟି ଏନାଆଁ ଜାପାମାଞ୍ଜେରି, ଖେଞ୍ଜାମାଞ୍ଜେରି, ଇଞ୍ଜା ନା ତାଣାଟି ମେସାମାଞ୍ଜେରି ଏ ବାରେ କିଦୁ; ଏମାଆଁ ହିଡ଼ଡ଼ି ହିୟାନି ମାହାପୁରୁ ମୀ ତଲେ ସାଢ଼େମି ଆୟାନେସି □

ଦାନା ତାକି ଜହରା

୧୦ ବାରେଡି ତାୟୁ ନା ତାକି ମୀ ଅଣ୍ପୁ ତଞ୍ଜା ଆହାମାନେ, ଏଦାଆଁତାକି ପ୍ରୁ ତାଣା ରାହାଁ କିହିମାଈ; ସାତେଏ ନା ତାକି ମୀ ଅଣ୍ପୁ ମାଚେ, ସାମା ପାରୁ ମେଡ଼ା ଆହି ହିଲାଆତେରି □

୧୧ ନାଈ ଏନାୟି ଉଣା ମାନାକି ଖେସିମାଞ୍ଜୁଅଁ, ଏନାଆଁତାକି ଇଚିହଁ ନାନୁ ଏନିଆହଁ ମାଚିହଁ ଜିକେଏ ରାହାଁତଲେ ମାଞ୍ଜାଲି ଜାପାମାଈ □

୧୨ ନାନୁ ହିଲାଆ ବେଲାତା ବାଡ଼କାଲି ଇଞ୍ଜା ହାରେପୁରେ ମାନି ବେଲାତା ଜିକେଏ ବାଡ଼କାଲି ପୁଞ୍ଜାମାଈ, ବାରେବେଲା ବାରେଖାକି ରାହାଁତଲେ ମାଞ୍ଜାଲି, ବାଣ୍ଡି ପାଞ୍ଜେ ତିଞ୍ଜାନା ଅଡ଼େ ହାକିଟି ଜିକେଏ ମାଞ୍ଜାଲି, ଇଞ୍ଜା ହାରେକା ବେଟାଆହାମାନାଣି ଲେମ୍ବାଲି ଇଞ୍ଜା ହିଲାଆ ବେଲାତା ନୀତାଲି ଜିକେଏ ଜାପାମାଈ □

୧୩ ନାଈ ବାଡ଼ୟୁ ହିୟାନି କ୍ରୀସୁ ତାଣାଟି ବାରେ କିହାଲି ଆଡ଼ିଈ □

୧୪ ଆଡ଼ିଜିକେଏ ମୀରୁ ନା କସୁତା ଆଣ୍ଡାମାନାକି ନେହଁ କାମା କିହାମାଞ୍ଜେରି □

୧୫ ପିଲିପିୟ ଲକୁତେରି, ମୀରୁ ଜିକେଏ ପୁଞ୍ଜାମାଞ୍ଜେରି, ନେହଁ କାରୁ ଖେକହାଲି ମାଡ଼ିହି ବେଲାତା ଏବେତା ନାନୁ ମାକିଦନିୟାଟି ହାଟାଟି ଏଚିବେଲା ମୀ ପିସ୍ପେ ଏମିନି କୁଲମି ନା ତଲେ ଆଣ୍ଡାନା ନା ତାଣାଟି ହାନାଣି ଅନାଣି ଲେକା ଇଟାହିଲାଆତେରି □

୧୬ ✠✠ଇଚିହଁ ନାନୁ ତେସଲନିକିତା ମାଚିବେଲାତା ଜିକେଏ ମୀରୁ ନା ଲଡ଼ା ମାଚାଣି ମେସାନା ହାରେକା ଦେବା ଦାନା ପାଣ୍ଡାତେରି □

୧୭ ନାନୁ ମୀ ତାଣାଟି ଦାନା ଅହାଲି ଅଣ୍ପି ହିଲଅଁ, ସାମା ଏମିନି ପାଡ଼େୟିଟି ମୀ ଲେକା ହାରେ ହାରେକା ପାଡ଼ାଆହିମାନେ, ଏଦାଆଁତି ନାନୁ ମେସାଲି ଅଣ୍ପିମାଈ □

୧୮ ନାନୁ ବାରେ ବେଟାଆହାମାଈ, ଇଞ୍ଜା ନାଈ ହାରେପୁରେ ମାନେ; ମୀ ତାଣାଟି ପାଣ୍ଡାମାଞ୍ଜାନାଣି ବାରେ ଏପାପ୍ରଦିତ ତାଣାଟି ବେଟାଆହାମାଈ, ଏ ବାରେ ନାଈତାକି ସାରି; ଏ ବାରେ ମାହାପୁରୁ ନକିତା ହେରପାନା ହୁଡ଼ିମାନି ଗାନ୍ଦାଗାଟି ଦୁପ୍ପଣି ଲେହେତାୟି □

୧୯ ଅଡ଼େ ନା ମାହାପୁରୁ କ୍ରୀସୁ ଜୀସୁ ତାଣା ତାନି ଗାଞ୍ଜୁରମି ଦନଟି ମୀ ଲଡ଼ାମାନାଣି ହିୟାନେସି □

୨୦ ମା ଆବା ମାହାପୁରୁକି କାଲାକାଲାତାକି ଗାଞ୍ଜୁରମି ଆପେ □ ଆମେନ୍ □

୨୧ କ୍ରୀସୁ ଜୀସୁ ଦରୁତଲେ ବାରେ ମାହାପୁରୁ ଲକୁଈ ଜହରା ଖେହ୍ଦୁ, ନା ତଲେ ଇ ଟାୟୁତା ମାନି ତାୟି ତାଈସ୍ତା ମିଈ ଜହରା ପାଣ୍ଡିମାଞ୍ଜାନେରି □

୨୨ ବାରେ ମାହାପୁରୁ ଲକୁ ଇଚିହଁ ବାରେକିହାଁ କାୟିସର ଇଲୁତା ମାନାରି ଏଞ୍ଜାରି ମିଈ ଜହରା ପାଣ୍ଡିମାଞ୍ଜାନେରି □

୨୩ ପ୍ରୁ ଜୀସୁ କ୍ରୀସୁଟି କାର୍ମାମେହ୍ନାୟି ମୀ ବାରେ ଜୀଞ୍ଜୁତା ମାଣ୍ଡେ □

ଜହରା କିହାନା ଆକୁତି ରାପ୍ନାୟି

✠ ୪:୧୭ ୪:୧୭ କାମା ୧୭:୧ ✠ ୪:୧୭ ୪:୧୭ ୨କର ୧୧:୯

କଲସିୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର କଲସିୟ କୁଲମିତାକି ପାଞ୍ଚଲ ରାଚାମାନି ଆକୁ ମୂଲୁ ହାଡ଼ା

କଲସିୟ ଆକୁ ଆହିମାନେ ପାଞ୍ଚଲ ତାଣାଟି ରାଚିତି ଆକୁ ୧:୧ □ ପାଞ୍ଚଲ ଜୀସୁ କ୍ରୀସ୍ତ ଜାର୍ନାଆଡ଼ି ୬୦ ବାର୍ଷା ତାୟୁ ଏଝାସି ରମ୍ ଗାଡ଼ାତି କାୟିଦିତା ମାଟାଟି ଈ ଆକୁ ରାଚାମାନେସି □ କଲସିୟ ଆକୁ ତଲେ ଏପିସିୟ ଅଡ଼େ ପିଲିପିୟ ଆକୁତି କାୟିଦିତି ଆକୁ ଇନେରି □ ଇଚିହିଁ ପାଞ୍ଚଲ କାୟିଦିତା ମାଟାଟି ଈ ଆକୁ ରାଚାମାଚେସି □ ଏଝାସି କଲସିୟ ଗାଡ଼ାତା ମାନି କୁଲମିତାକି ଈ ଆକୁ ରାଚାମାଚେସି □ ପାଞ୍ଚଲ ଈ କୁଲମିତି ମାଟୁହା ହିଲୀଆଚେସି ୨:୧ ସାମା ଝେସିମାନେ, ହାରେକା ଏମ୍ବାତି ଦାୟିପତି ମାନି କାତା ଏଝାସି ଝେସିମାନେସି □ ଏପାପସ୍ ଈ କୁଲମି କିହାମାଚେସି ଇଚିହିଁ ଏଝାସି କଲସିୟତାସି ମାଚେସି □

ପାଞ୍ଚଲ କଲସିୟ କୁଲମିତି ଏଚେକା ମିତି ଜାପ୍ନାରି କାତାତାକି ଅଣ୍ପିମାଚେସି □ ଏଝାସି ଈ କାତାତାକି ହାରେକା ଗାଡ଼ିକିହିଁ ରାଚାମାନେସି □ ଇମ୍ବାଆଁ ର ଗତି ଜୀହୁଦି କ୍ରୀସ୍ତାନା ଆମିନି ଗାଟାରି ଜୀହୁଦିଆଆଡ଼ି କ୍ରୀସ୍ତାନା ଲକୁଇଁ ପ୍ଲାଃଇ ମେରାତି ଜୀହୁଦି ପାଣାପାଟୁ, ଇଚିହିଁ ତଲୁ ଦାପିଆନି ମେରା ମାନୁଝି ଆହାଲି ବାଲାମାତମି କିହାଲି ଅଣ୍ପିମାଚେରି □ ପାଞ୍ଚଲ ବାରେକିହାଁ ଲଡ଼ାହିଲୀଆ କ୍ରୀସ୍ତାନା ଲକୁତି କାତା ରାଚିମାନେସି, ରଅସି ଆମ୍ବାଆସି ଜିକେଏ ଆପେସି କ୍ରୀସ୍ତତି ପିସ୍ପେ ମାହାପୁରୁ ତାଣା ନେହାଁସି ଆହାଲି ଆଡ଼ଅସି ୧:୧୫-୨୦ ଅଡ଼େ ମାଣ୍ଡସି ବାଦିବାଡ଼ା ତଲେ ଜାପ୍ନି କାତା ଉଜେଏତାୟି ୨:୮ □

ପତିତା ମାନାୟି

- ୧ ଜହରା କିହାନା ଆକୁତି ମାଟୁନାୟି □ ୧:୧-୨
- ୨ କ୍ରୀସ୍ତତି କାଜାପାଣା ଅଡ଼େ ମିତି ଜାପ୍ନାରି ଝେଣ୍ଡେ ଜଲିନାୟି □ ୧:୩-୩:୪
- ୩ ନେହିଁ କ୍ରୀସ୍ତାନା ଲକୁ ଆହାନା ନୀତାଲି ଝେହ୍ନାୟି □ ୩:୫-୪:୨
- ୪ ଆକୁତି ଏଟକା କୁଲମିତା ପଡ଼ଝି ଆହାଲି ଇଞ୍ଜା ଜହରା ତଲେ ଆକୁତି ରାପ୍ନାୟି □ ୪:୭-୧୮

୧ ପାଞ୍ଚଲ, ମାହାପୁରୁତି ଅଣ୍ପୁ ତଲେ କ୍ରୀସ୍ତ ଜୀସୁତି ପାଣ୍ଡୁଆହାମାନି ସୀସୁ ଅଡ଼େ ମା ତାୟି ତିମତି □

୨ କଲସିୟତା ମାନି ମାହାପୁରୁତି ଲକୁ ଇଞ୍ଜା କ୍ରୀସ୍ତ ତାଣା ନାମାମାନି ତାୟି ତାଲିସ୍ମାକି ଆକୁ ରାଚିମାନମି; ମା ଆବା

ମାହାପୁରୁ ତାଣାଟି କାର୍ମାମେହ୍ନାୟି ଅଡ଼େ ହିଡ଼ଡ଼ି ଜୀସୁ ମିଜେତାକି ଆୟାପେ □

ଜହରା ପ୍ରାତାନା

୩ ମାମ୍ବୁ ମିଜେ ତାକି ପ୍ରାତାନା କିହାନା ମା ପ୍ରବୁ ଜୀସୁ କ୍ରୀସ୍ତତି ଆବା ମାହାପୁରୁଇଁ କାଲେଏ ଜହରା କିହିମାନମି;

୪ ଏନାଆଁତାକି ଇଚିହିଁ ମାମ୍ବୁ କ୍ରୀସ୍ତ ଜୀସୁ ତାଣା ମୀ ନାମୁ ଅଡ଼େ ମାହାପୁରୁ ଲକୁଣି ଜୀସୁନହାଁ ମାନାଣି ଝେଞ୍ଜାମାନମି □

୫ ଏଚିବେଲା ନେହିଁ କାରୁତି ସାତା ବଲୁ ମୀ ତାଣା ମୂଲୁଏ ଝାଡ଼େ, ମୀରୁ ଏଦାନି ତାଣାଟି ହାପକିଆଡ଼ି ବାର୍ସୁତି କାତା ଝେଚେରି □ ମୀରୁ ଏନାଆଁ ବାର୍ସୁ କିଦେରି, ଏନାୟି ମୀ ତାକି ଲାକପୁରୁ ଇଟକି ଆହାମାନେ, ଏମ୍ବାଆଁ ମୀ ନାମୁ ଅଡ଼େ ଜୀସୁନନାୟି ତୟାମାନେ □

୬ ଏ ନେହିଁ କାରୁ ମୀ ତାଣା ଝାହାମାନେ, ଇଞ୍ଜା, ଏଦି ଏନିକିଁ ବାରେ ଦାରତିତା ପାଡ଼େୟି କାମ୍ବାନା ଅଡ଼େ ପାଡ଼ାଆହିମାନେ, ମୀରୁ ଆମିନି ଦିନା ଏଦାଆଁ ଝେଞ୍ଜାନା ସାତା ତଲେ ମାହାପୁରୁତି କାର୍ମା ମେଡ଼ାଆଚେରି, ଏ ଦିନାଟିଏ ମୀ ତାଣା ଜିକେଏ ଏଲେ ଆହିମାନେ □

୭ *ମା ତଲେ କାମା କିନି ଜୀସୁତି ତାୟି ଏପାପ୍ରା ତାଣାଟି ମାହାପୁରୁତି କାର୍ମାମେହ୍ନି କାତା ଜାପାମାଞ୍ଜେରି; ଏଝାସି ମିଜେ ତାକି କ୍ରୀସ୍ତତି ର ମାନି ତଲେ ସେବା କାମାକିନାସି; ଠ ଏଝାସି ସୁଦୁଜୀସୁ ତଲେ ମିଜେ ହାହାମାଞ୍ଜାନି ଜୀସୁ ନଝିଆନି କାତା ମାଜେ ଝେସାମାଞ୍ଜାନେସି □

୮ ଇଦାଆଁତାକି ମୀ କାତା ଝେଡି ଦିନାଟିଏ ମାମ୍ବୁ କାଲେଏ ମୀ ତାକି ପ୍ରାତାନା କିହିମାନମି □ ମୀରୁ ବାରେ ସୁଦୁଜୀସୁତି ବୁଦି ଅଡ଼େ ତେଲୁହିନି ବାଡ଼ୁଲୁ ତଲେ ମାହାପୁରୁତି ବାରେ ଅଣ୍ପୁ ଏନିକିହିଁ ମୀରୁ ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ତାକି ପ୍ରାତାନା କିହିମାନମି □

୯ ବାରେ ଜୀସୁତି ବୁଦିତା ପ୍ରବୁଇଁ ବାରେ ତାଣା ରାହାଁ କିୟାଲି ତାନି ଜଗେତି ମାଣ୍ଡକି ତଲେ ତାକାଦୁ, ଇଚିହିଁ ମାହାପୁରୁତି ବୁଦିତା ପାଡ଼ାଆହାନା ନେହିଁ କାମାତି ପାଡ଼େୟି ଆୟାଦୁ □

୧୦ ଇଞ୍ଜା ବାରେ କାମାତା ସାସାତଲେ ଅରହାଲି ତାକି ତାନି ଗାଞ୍ଜୁରମି ଇଞ୍ଜା କାଜାପାଣା ତଲେ ବାରେ ବାଡ଼ୁଲୁଟି ବାଡ଼ୁଲୁ ଗାଟାଚେରି ଆଦୁ,

୧୧ ଇଞ୍ଜା ଆମିନି ଆବା ମାହାପୁରୁ ଲକୁଣି ଉଜେଡ଼ି ରାଜିତା ଆଣ୍ଡାଲି ତାକି ଜଗେ କିହାନା ଅଦିକାରା ହାହାମାଞ୍ଜାନେସି, ଏଦାଆଁତାକି ଏଝାଣାଇଁ ରାହାଁତଲେ ଜହରା କିଦୁ □

୧୨ ଏଝାସି ମାଜେ ଆନେରିତି ବାଡ଼ୁଲୁଟି ପିସ୍ପି କିୟାଚେସି ଅଡ଼େ ତାନି ଜୀସୁତି ମୀରୁଏଣାତି ରାଜିତା ମାଜେ ତାତାଚେସି □

୧୩ *ଏ ମୀରୁଏଣି ତାଣାଟି ମାର ଗେଲପି ଆହାମାନାୟି ଇଚିହିଁ ମା ପାପୁ ବାରେ ମ୍ବେପକି ଆହାମାନେ □

☆ ୧:୨ ୧:୨ କଲସି ୪:୧୨; ପିଲିମ ୧:୨୩ ☆ ୧:୧୪ ୧:୧୪ ଏପିସି ୧:୭

କ୍ରୀସ୍ତ ଅଡ଼େ ତାନି କାମା

୧୫ କ୍ରୀସ୍ତ ତଞ୍ଜା ଆଥାଗାଟି ମାହାପୁରୁତି ତଞ୍ଜାଆନ୍ତି ଖାଣା ଗାଟାସି, ଏଞ୍ଜାସି ନଚେଏ ଜାର୍ନାଆଡ଼ି ମୀରଏସି, ଇଞ୍ଜା ବାରେ ଗାଡ଼ି ଆଡ଼ି କିହାଁ କାଜାସି,

୧୬ ତଞ୍ଜା ଆନାୟି ଅଡ଼େ ତଞ୍ଜା ଆଥାଗାଟାୟି ଲାକପୁରୁ ଅଡ଼େ ଦାରତିତା ବାରେ ଏଞ୍ଜାଣି ତାଣାଟି ଗାଡ଼ି ଆହାମାନେ, ସିଂଗାସାଣି କି କାଜାପାଣା କି ଅଦିକାରା କି ସାଲୁଞ୍ଜି କିନାୟି ବାରେ ଏଞ୍ଜାଣି ତାଣାଟି ଇଞ୍ଜା ଏଞ୍ଜାଣି ତାକି ଗାଡ଼ି ଆହାମାନେ;

୧୭ ବାରେ ଗାଡ଼ି ଆଡ଼ି ନଚେଏ କ୍ରୀସ୍ତ ମାଟେସି, ଇଞ୍ଜା ଏଞ୍ଜାଣି ତାଣା ଆଣ୍ଡାମାନାକି ବାରେ ଗାଡ଼ିଆଡ଼ାଇ ତାମ୍ବୁ ମୁନି ଗାୟିତା ମାନୁ □

୧୮ *କ୍ରୀସ୍ତ କୁଲମି ଲେହେତି ଆଙ୍ଗାତି ତାୟି ଲେହେତିସି, ଏ ଆଙ୍ଗାତି ଜୀଞ୍ଜୁ ବାଡ଼ୁୟୁ □ ବାରେ ତାଣା ନକିତା ଆହାଲି ତାକି ଏଞ୍ଜାସି ହାଡ଼ାରି ତାଣାଟି ନଚେଏ ନିଙ୍ଗାମାନେସି □

୧୯ ଏନାଆଁତାକି ଇତିହୁଁ ମାହାପୁରୁତି ଅଣ୍ଡପୁ ଲେହେଁ ମୀରଏସି ତାନୁଏ ମାହାପୁରୁତି ବାରେ ମାଣକି ଆସା କତାମାନେସି,

୨୦ *ଅଡ଼େ ତାନି ମୀରଏଣା କୁସତି ନେତେରି* ତଲେ ଏଞ୍ଜାସି ହିଡ଼ଡ଼ି ତାରି କିହାନା ଏଞ୍ଜାଣି ତାଣାଟି ତାନିତଲେ ବାରେ ଲକୁଣି କାଲନେସି, ହାଅ ଏଞ୍ଜାଣି ତାଣାଟି ଦାରତିତା ଅଡ଼େ ଲାକପୁରୁ ମାନାଣି ବାରେ କାଲୁଞ୍ଜି କିନେସି □

୨୧ ଅଡ଼େ ନଚେଏ ର ବେଲାତା ମନତା ଲାଗେଏତି କାମା କିହାନା ମୀରୁ ମାହାପୁରୁ ତାଣାଟି ଏଟକା ଅଡ଼େ ହେକ ମାଟେରି ଇଞ୍ଜା ମନତା ତାନି ସାତୁ ମାଟେରି,

୨୨ ସାମା ନୀର୍ବ୍ୟ ମାହାପୁରୁ ମିଙ୍ଗେ ଜିକେଏ ତାନି ନକିତା ସୁଦୁ ଗାଟାଟେରି, ନିନ୍ଦା ଅଡ଼େ ଦହ ହିଲାଆଗାଟାଟେରି କିହାଲି ତାନି ମୀରଏଣା ଆଙ୍ଗାତି ହାକି ତଲେ ମିଙ୍ଗ ତାନିତଲେ କାଲହା ମାଞ୍ଜାନେସି;

୨୩ ମୀରୁ ର ତୀରପୁ ଆଟ୍ଟା ପୁନାଦି ଲାକ ଡ଼ୟାଦୁ ଅଡ଼େ ନେହୁଁ କାରୁ ଖେନି ବେଲାତା ଏମିନି ବାର୍ସୁ ଇଟାମାଟେରି ଏମ୍ବାଟି ଇତାଲା ଆତାଲା ଆଆଦୁ, ଆତିହୁଁ ସାତେଏ ଏମ୍ବାଟି ପାଡ଼େୟି ବେଟାଆଦେରି; ଏ ନେହୁଁ କାରୁ ମୀରୁତ ଖେଞ୍ଜାମାଞ୍ଜେରି; ଏଡ଼ି ହାଗୁପାକା ଡ଼ଇ ମାନି ବାରେ ଗାଡ଼ି ଆଡ଼ିତାଣା ଏ ନେହୁଁ କାରୁ ଖେଙ୍ଗାମାନେ ଅଡ଼େ ନାନୁ ପାଞ୍ଜୁଲ ଏମ୍ବାଟି ନାମୁତି ହଲେଏଣାତେଏଁ □

କୁଲମିତା ପାଞ୍ଜୁଲତି କାମା

୨୪ ନାନୁ ମିଙ୍ଗେତାକି ଆମିନି ଦୁକୁ କସ୍ତ ବେଟାଆହି ମାଲ୍, ଏମ୍ବାଆଁ ନାନୁ ନୀର୍ବ୍ୟ ରାହାଁ କିହିମାଲ୍, ଇଞ୍ଜା କ୍ରୀସ୍ତତି ଦୁକୁ କସ୍ତ ଏନାୟି ଡ଼ୟାମାନେ ଏଦାଆଁ ନାନୁ କୁଲମିତାକି ଆଙ୍ଗା ତଲେ ଦୁକୁ କସ୍ତ ଅରହାନା ରାପ୍‌ହାଲି ସାୟେମି କିହିମାଲ୍ □

୨୫ ମାହାପୁରୁ ନାଙ୍ଗେ ସେବାକିନି କାମା ହେରପା ମାଞ୍ଜାନେସି, ଏଲେଆହୁଁ ଏ ଏ କୁଲମିତି ନାନୁ ର ସେବା କିନାତେଏଁ ଆହାମାଲ୍, ଏନିକଁ ନାନୁ ମାହାପୁରୁତି ବଲୁ ତାରିତଲେ ଖେକ୍‌କ୍‌କ୍‌,

୨୬ ଏ ନେହୁଁ କାରୁ ର ଡ଼ଗୁମାନି କାତା ତଲି କାଲା ଅଡ଼େ ଆକୁ ଆଦାୟାଁ ତାଣାଟି ଡ଼ଗୁମାଟେ, ସାମା ନୀର୍ବ୍ୟ ତାନି ଲକୁତାଣା ତସାମାନେସି □

୨୭ ଜୀହୁଦିଆଆଡ଼ି ଲକୁତାଣା ଏ ଡ଼ଗୁମାନି ଗାଞ୍ଜୁରମିଗାଟି ଦନ ଏନାୟି ଏଦାଆଁ ମାହାପୁରୁ ତାନି ଲକୁତାଣା ତସାଲି ଅଣ୍ଡପିତେସି; ଏ ଡ଼ଗୁମାନାୟି ଇଦି, ମୀ ତାଣା କ୍ରୀସ୍ତ ଏଞ୍ଜାସି ଗାଞ୍ଜୁରମି ଅଡ଼େ ବାର୍ସୁ ଲେହେଁତାସି;

୨୮ ମାମ୍ବୁ ଏ କ୍ରୀସ୍ତଲ୍ ଖେକ୍‌କ୍‌ହି ମାନମି, ଇଞ୍ଜା ବାରେଜାଣାଟି ସେଡ଼ନା ଇଞ୍ଜା ବାରେ ବୁଦିତଲେ ଜାପୁହି ମାନମି, ମାମ୍ବୁ ଏନିକଁ ମାହାପୁରୁ ନକିତା ତୀରପୁତି ଲକୁ ଲେହେଁ ତାଚାଲି ଆଡ଼ିନମି;

୨୯ ଏଦାଆଁ କିହାଲିତାକି ନା ତାଣା କାମା କିହିମାନି କ୍ରୀସ୍ତ ହାହିମାଞ୍ଜାନି କାଜା ବାଡ଼ୁୟୁତି ଲେୟାନା ନାନୁ ଜୀଞ୍ଜୁ ତୁସାନା କାମା କିହିମାଲ୍ □

୨

୧ ମୀ ତାକି ଲାଞ୍ଜୁଦିକିୟାତି ଲକୁ ଅଡ଼େ ନାଙ୍ଗେ ସାତେଏ ପୁଞ୍ଜାମାଞ୍ଜଅରି, ଏ ବାରେଜାଣା ତାକି ନାନୁ ଏଟେକା ଜୀଞ୍ଜୁ ତୁସାନା କାମା କିହିମାଲ୍, ଇ ବାରେ ମୀରୁ ପୁଞ୍ଜୁ ଇଞ୍ଜୁ ନାନୁ ଅଣ୍ଡପିମାଲ୍;

୨ ନା ଅଣ୍ଡପୁ ଇଦି, ଏନିକଁ ଏଞ୍ଜାରି ହିୟାଁ ରାହାଁ ଆନେ, ଇଞ୍ଜା ଏଞ୍ଜାରି ସାତା ବୁଦିତି ବାରେ ଦନ ବେଟାଆହାଲି ତାକି, ଇତିହୁଁ ମାହାପୁରୁତି ଡ଼ଗୁମାନାୟି କ୍ରୀସ୍ତ, ଏଞ୍ଜାଣାଲ୍ ପୁଞ୍ଜାଲିତାକି ରଅସି ରଅଣି ତଲେ ଜୀଞ୍ଜୁ ନଞ୍ଜି ଆନେରି □

୩ ଜୀସୁ କ୍ରୀସ୍ତ କୁଟିକାଡ଼ି ଏନାୟି ମାହାପୁରୁତି ବୁଦି ଅଡ଼େ ପୁନାଣି ଡ଼ଗୁମାନି ବାରେ ଦନ ଦେନେସି □

୪ ମିଙ୍ଗେ ଆମ୍ବାଆସି ନାଡ଼ିକିନି ଲେହେଁତି ମିଟି କାତା ଖେସାନା ନାଡ଼ି କିୟାଆପେସି, ଏଦାଆଁତାକି ନାନୁ ଇଦାଆଁ ଖେସିମାଞ୍ଜାଲ୍ □

୫ ଇତିହୁଁ ନାନୁ ଆଙ୍ଗା ତଲେ ହିଲାଆତି ଜିକେଏ ନା ଜୀଞ୍ଜୁତଲେ ମୀ ତାଣା ମାଞ୍ଜାମାଲ୍, ଇଞ୍ଜା ମୀ ନେହୁଁ କଁ କାରୁ ଆନାଣି ଅଡ଼େ କ୍ରୀସ୍ତ ତାଣା ତୀରପୁତଲେ ନାମାମାନାଣି ମେସାନା ରାହାଁ ଆହିମାଲ୍ □

କ୍ରୀସ୍ତ ତାଣା ଜୀଞ୍ଜୁ

୬ ଇତିହୁଁ ମୀରୁ କ୍ରୀସ୍ତ ଜୀସୁଲ୍ ପ୍ରବୁ ଇଞ୍ଜୁ ଏନିକଁ ନାମାମାଞ୍ଜେରି, ଏଲେକିହୁଁ ଏ ଏଞ୍ଜାଣି ତାଣା ମାଞ୍ଜାନା ନୀତାଦୁ;

୭ ଏଞ୍ଜାଣି ତାଣା ଜାଣେ ଡ଼ୟାଦୁ, ମୀ ଜୀଞ୍ଜୁତି ତାରିକିଦୁ ଇଞ୍ଜା ମୀରୁ ଜାପାମାନି ନାମୁତା ଏଞ୍ଜାଣି ତାଣା ବାଡ଼ୁୟୁ ବେଟାଆଦୁ □ ମୀ ହିୟାଁ ଜହରା କିନାୟି ଆପେ □

* ୧:୧୮ ୧:୧୮ ଏପିସି ୧:୨୨,୨୩ * ୧:୨୦ ୧:୨୦ ଏପିସି ୨:୧୬ * ୧:୨୦ ୧:୨୦ ନେତେରି ଇତିହୁଁ ମୀରଏଣା ହାକି

୮ ସିନକିଦୁ, ଏଚେତା ଆମ୍ବାଆସି କ୍ରୀସ୍ତତି ଜାପ୍ନାୟି ଲାଗେଏତି ମାଣ୍ଡସିତି ପାଣାପାରୁ ଅଡ଼େ ଦାର୍ତତି ମୂଲୁ ଜାପ୍ନି ପାଞ୍ଜି ସିନ କିନାୟି ଅଡ଼େ ଉଜେଏତି ନାଡ଼ିକିନି ତାଣାଟି ମିଜେ କାୟିଦି କିହା ଅୟାନେ;

୯ ଇଚିହ୍ନ କ୍ରୀସ୍ତ ତାଣା ମାହାପୁରୁତି ଗୁଣୁ ମାଣ୍ଡସି ଖାଣା ଆହାନା ବାସା ଆନେ □

୧୦ ଏଞ୍ଜାସି ବାରେ ସାଲ୍ଡି କିନାରି ଇଞ୍ଜା ଅଦିକାରା ବେଟାଆଡାରି ତାୟ୍ ଲେହେଁ, ଇଞ୍ଜା ଏଞ୍ଜାଣି ତାଣା ମାଞ୍ଜାନା ମୀରୁ ବାଡ଼ୁୟୁ ବେଟାଆହା ମାଞ୍ଜେରି □

୧୧ କ୍ରୀସ୍ତ ତଲେ ଆଣ୍ଡିତି ଜୀଞ୍ଜୁଏ ମୀ ତଲୁ ଦାପି ଆଡି ଲେହେଁତାୟି □ ଏ ତଲୁ ଦାପି ଆଡାୟି ମାଣ୍ଡସି କିତାୟି ଆଏ, ଏଦି କ୍ରୀସ୍ତ ତାଣାଟି ଆହାମାନେ □ ଏଦି ମାଣ୍ଡସିଲ୍ ପାପୁ ଆଙ୍ଗାଟି ଗେଲ୍ପି କିନେ □

୧୨ *ମୀରୁ ଏଚିବେଲା ବାପ୍ତିସ୍ମ* ବେଟାଆଡେରି ଏଚିବେଲା ମୀରୁ କ୍ରୀସ୍ତ ତଲେ ମୁସ୍ପିଆଡେରି, ଇଞ୍ଜା ଆମିନି ମାହାପୁରୁ କ୍ରୀସ୍ତଲ୍ ହାଡାରି ତାଣାଟି ନିକହେସି, ଏଞ୍ଜାଣି କାମା କିନି ବାଡ଼ୁୟୁଟି ନାମାଲିଏ ଏ ବେଲାତା ଏଞ୍ଜାସି ମିଜେ କ୍ରୀସ୍ତ ତଲେ ନିକହାଡେସି □

୧୩ *ମୀରୁ ଆଙ୍ଗାତା ପାପୁ ଗାଟାଡେରି ଜୀହୁଦି ଆଆମାଟାଟି ହାହାମାଡେରି, ମିଜେ ଜିକେଏ ମାହାପୁରୁ ତାନିତଲେ ମିଜେ ଜୀଞ୍ଜୁ କିହା ମାଞ୍ଜାନେସି, ମାହାପୁରୁ ମା ବାରେତି ପାପୁ ମେକହା ମାଞ୍ଜାନେସି;

୧୪ *ଏଞ୍ଜାସି ମେରାତା ମା କପାଟି ଆମିନି ଦହ ଦହନି ଆକୁ ମାରେ, ଏଦାଆଁ ଏଞ୍ଜାସି ମେକହାନା ପାସି ମୁଣ୍ଡାତା କୁଟିୟାଁ ଝେଟାନା ମା ତାଣାଟି ହେକ କିହାମାନେସି;

୧୫ ଅଡ଼େ ଏ ପାସିମୁଣ୍ଡା ଲାକ କ୍ରୀସ୍ତ ବାରେଲେହେଁତି ବାଡ଼ୁୟୁ ଇଞ୍ଜା ସାଲ୍ଡି କିନାଆଁ ତାଣାଟି ଜାହାରାଲ୍ ପିସ୍ପି କିହାକତାମାନେସି ଇଞ୍ଜା ଏଞ୍ଜାଆଁତି ଦସ୍ପାନା ତାନ୍ତୁ ଜୀଣାଆହାନା ହାନିବେଲାତା ବାରେ ଲକୁ ନକିତା ଏଞ୍ଜାଆଁତି ଲାଜା ବେଟାଆଡ଼ି କିହାମାନେସି □

୧୬ *ଏଦାଆଁତାକି ମୀ ତିନାୟି, ଉନାୟି, ପାର୍ବୁତାକି କ୍ଳୁଟି ଲେଞ୍ଜୁ ପାର୍ବୁ କି ଜମିନି ଦିନାତି ଆମ୍ବାଆସି ମିଜେ ବିଚାରା କିୟାଆପେସି □

୧୭ ଏ ବାରେ ଖାହିମାନି ଦିନାତା ଆହାଲି ହାଜିମାନି ସାୟ୍ ଲେହେଁ; ସାମା ଏମ୍ବାତି ସାତା କାତା କ୍ରୀସ୍ତ □

୧୮ ଇଞ୍ଜା ଆମ୍ବାଆସି ଜାହାରା ଉଣା ଆହାନା ଦୁଡୁୟାଁ ସେବାତା ରାହାଁ ଆହାନା ସେୟାଣା ହାପାନା ମେସାମାନାଆଁ ପାରାନା ଅଡ଼େ ଦାର୍ତତି ଅଣ୍ପୁ ତଲେ ଉଜେଏ ବଡପଣ ଆହାନା ଆମ୍ବାଆସି ତାୟ୍ ଲେହେଁତି କ୍ରୀସ୍ତ, ଏଞ୍ଜାଣାଲ୍ ଆହୁଆନା ମାହାପୁରୁ ବରଟି ଏଟକା କିୟାଆପେସି □

୧୯ *ଏଞ୍ଜାଣି ତାଣାଟି ବାରେ ଆଙ୍ଗା ହାନ୍ତୁଲିକା ଅଡ଼େ ଈଣାୟାଁଟି ନେହ୍ ଆହାନା ରଣ୍ଡି ରଣ୍ଡାଣି ତଲେ କାଲ୍ଡି ଆହାନା ମାହାପୁରୁ ହାତି ପାଡ଼ଣିତା ପାଡାଆହିମାନ୍ତୁ □

କ୍ରୀସ୍ତ ତଲେ ହାନାୟି ଅଡ଼େ ନୀଡିନାୟି

୨୦ ମୀରୁ କ୍ରୀସ୍ତ ତଲେ ହାହାମାଞ୍ଜେରି ଅଡ଼େ ଇ ଦାର୍ତତିତା ସାଲ୍ଡି କିହିମାନି ବାଡ଼ୁୟୁଟି ଗେଲ୍ପି ଆହାମାଞ୍ଜେରି □ ଆତିହ୍ନ ମୀରୁ ଏନାଆଁତାକି ଦାର୍ତତି ଲକୁ ଅଣ୍ପୁ ତଲେ ନୀଡିମାଞ୍ଜେରି ? ଏନାଆଁତାକି ମୀରୁ ଇଲେତି ମେରା ବାରେ ମାନି କିହିମାଞ୍ଜେରି,

୨୧ ଆତିହ୍ନ "ମାଣ୍ଡସି ଜାପ୍ନିମାନି ମେରା ଆହୁଆଦୁ, ଏଦାଆଁ ତିନାଆଦୁ, ଏଦାଆଁ ତୀଗାଆଦୁ ଦାର୍ତତି ଲକୁ ଲେହେଁ ଇଲେତି ପାଣାପାରୁ ଏନାଆଁତାକି ମାନୁଡ଼ି ଆହିମାଞ୍ଜେରି ?"

୨୨ ଏ ବାରେ ଆସି ଗାଡ଼େକା ତାଇ □ ଇଡ଼ି ଲେମ୍ବିସାରେ ଉଜେଏତାଇ ଆନ୍ତୁ □

୨୩ ଏଲେତି ଜାପ୍ନାୟି ଜାହାରା ଅଣ୍ପୁଟି ସେବା କିନାୟି, ଜାହାରାଲ୍ ଉଣା କିନାୟି ଇଞ୍ଜା ଆଙ୍ଗାତି ହାଡେକା କସ୍ତ ହାହାନା ବୁଦିତି ଦରୁ ବେଟାଆହାମାଲ୍ ସାମା ଏଦି ଉଜେଏତାୟି ଏଦାଆଁ ତଲେ ଆଙ୍ଗାତି ଅଣ୍ପୁ ରାହାଁ ଆନେ □

୩

୧ ମୀରୁ କ୍ରୀସ୍ତ ତଲେ ହାକିଟି ନିଜା ମାଞ୍ଜେରି, ଆତିହ୍ନ ମାହାପୁରୁଟି ଚିଃନି ଚଟତା କୁଗାମାନି କ୍ରୀସ୍ତତି ଆମିନି ବାସାଗାୟୁ, ଏ ଲାକପୁରୁ ମାନାଣି ପାରାଦୁ □

୨ ଦାର୍ତତିତା ମାନି ବାରେ କାତାତି ଅଣ୍ପାଆନା, ଲାକପୁରୁ ମାନାଣି ବାରେ ଅଣ୍ପାପାଦୁ □

୩ ଏନାଆଁତାକି ଇଚିହ୍ନ ମୀରୁ ହାହାମାଞ୍ଜେରି, ଅଡ଼େ ମୀ ଜୀଞ୍ଜୁ ମାହାପୁରୁ ତାଣା କ୍ରୀସ୍ତ ତଲେ ଡ଼ଗୁାମାନେ □

୪ ମା ଜୀଞ୍ଜୁ ଲେହେଁତାସି କ୍ରୀସ୍ତ, ଏଚିବେଲା ଏଞ୍ଜାସି ତଞ୍ଜାଆନେସି, ଏଚିବେଲା ମୀରୁ ଜିକେଏ ଗାଞ୍ଜୁରମିଟି ଏଞ୍ଜାଣିତଲେ ଆଣ୍ଡାନା ତଞ୍ଜା ଆଡେରି □

ପ୍ଲାଃଇ ଜୀଞ୍ଜୁ ଅଡ଼େ ପୁଃନି ଜୀଞ୍ଜୁ

୫ ଏଦାଆଁତାକି ମୀ ଦାର୍ତତି ଲାଗେଏ ପଲେଏ ତାଣାଟି ଇଚିହ୍ନ ଦାରିକାମା, ସୁଦୁ ଆଆତି କାମା, ଲାଗେଏତି ଜୁପକା, ପେଣକା ପୂଜା କିନାୟି, ଜୁପକା ଆନାୟି, ଇ ବାରେତାକି ହାଡ଼ି କିହାଁ କତାଦୁ;

୬ ଇ ବାରେ କାମାତା ଆଣ୍ଡା ମାଞ୍ଜାନା ଆମ୍ବାଆରି ମାହାପୁରୁଲ୍ ମାନି କିଅରି, ଏଞ୍ଜାରାକି ମାହାପୁରୁଟି କପା ଖାନେ;

୭ ତଲି ମୀରୁ ଜିକେଏ ଇଲେତି ପାପୁ କାମାତା ମାଞ୍ଜାନା ଏଲେକିହ୍ନ ନୀଡିମାଡେରି □

୮ ସାମା ନୀଏଁ ମୀରୁ ଜିକେଏ ଇ ବାରେ କାତା ଇଚିହ୍ନ, କପା, କାର୍ବି, ଇରସା ଇଞ୍ଜା ମୀ ଗୁଡିଟି ନିନ୍ଦା କାତା ଅଡ଼େ ଅପାଆଗାଟି ହାଡ଼ା ଜଲାଆଦୁ □

୯ *ମୀ ବିତ୍ତା ମିଟି କାତା ଝେସ୍ପି ଆଆଦୁ; ଏନାଆଁତାକି ଇଚିହ୍ନ ମୀରୁ ବାରେ ପ୍ଲାଃଇ ଗୁଣୁ ମାଣ୍ଡକି ପିସାମାଞ୍ଜେରି,

☆ ୨:୧୨ ୨:୧୨ ରମି ୬:୪ * ୨:୧୨ ୨:୧୨ମୁଞ୍ଜିନାୟି ☆ ୨:୧୩ ୨:୧୩ ଏପିସି ୨:୧-୫ ☆ ୨:୧୪ ୨:୧୪ ଏପିସି ୨:୧୫ ☆ ୨:୧୬ ୨:୧୬ ରମି ୧୪:୧-୬ ☆ ୨:୧୯ ୨:୧୯ ଏପିସି ୪:୧୭ ☆ ୩:୯ ୩:୯ ଏପିସି ୪:୨୨ ☆ ୩:୧୦ ୩:୧୦ ଏପିସି ୪:୨୪

୧୦ *ଅଡ଼େ ଏଲେତି ବାରେ କାମା ପିସାନା ପୁଃନି ଗୁଣୁ ପର୍ହାମାଞ୍ଜେରି; ଏ ପୁଃନି ଗୁଣୁ ମାଙ୍ଗେ ଗାଡ଼ିକିତାଣି ଖାଣା ତଲେ ବାରେ ବୁଦି ବେଟାଆହାଲି ତାକି ପୁଃନି ଗାଡ଼ି ଆହାମାଞ୍ଜେରି □

୧୧ ଏବେଟିଏ ଜୀହୁଦି ଲକୁ ଅଡ଼େ ଜୀହୁଦିଆଆତି ଲକୁ, ତଲୁ ଦାପିଆଡାରି କି ଦାପି ଆଆଡାରି, ଏଟକା ରାଜିତାରି, ସ୍ମୁଡ଼ିୟାତାରି, ହଲେଏସି, ହଲେଏସି ଆଆତାସି, ଇ ବାରେତି ବିତ୍ରା ଏନି ପାରୁଡ଼ା ହିଲେଏ, ସାମା କ୍ରୀସ୍ତ ବାରେତାକି ମାନେସି, ଇଞ୍ଜା ଏଞ୍ଜାସି ବାରେ ତାଣା ବାସା କିନେସି □

୧୨ *ମୀରୁ ମାହାପୁରୁତି ଲକୁତେରି; ଏଞ୍ଜାସି ମିଙ୍ଗେ ଜୀହୁନହ୍ନାନା ତାଙ୍ଗେତାକି ଆଚାମାଞ୍ଜାନେସି □ ଏଦାଆଁତାକି ମୀରୁ ହିଡ଼ଡ଼ି ହିୟାଁ, କାର୍ମାମେହନାଣି, ଉଣା ଆନାୟି, ସୁଦୁ ସୁଞ୍ଜାଲା ମାଣ୍ଡକି ଅଡ଼େ ଅରହିନାଣି ପରଦୁ □

୧୩ *ମୀ ବିତ୍ରା କସ୍ତ ଅରହି ଆଦୁ, ରଅସି ରଅଣି କପାଟି ଏନି କାତା ଜଲିନାୟି ମାଟିସାରେ ମୀରୁ ରଅତେରି ରଅଣି ଦହ ମ୍ଲେକ୍ତୁ; ପ୍ରବୁ ଏନିକିଁ ମୀ ଦହ ମ୍ଲେକ୍ତୁହା ମାଞ୍ଜାନେସି, ମୀରୁ ଜିକେଏ ଏଲେକିହୁଁଏ କିଦୁ □

୧୪ ଅଡ଼େ ଇ ବାରେ ଗୁଣୁତଲେ ଜୀହୁନନାୟି ମୀ ବିତ୍ରା ମାଣ୍ଡେ, ଇତିହୁଁ ଜୀହୁନନାୟି ବାରେ ଗୁଣୁତି ରୁଣ୍ଡି କିନେ □

୧୫ କ୍ରୀସ୍ତ ହିୟାତି ହିଡ଼ଡ଼ି ମୀ ହିୟାତି ସାଲଡ଼ି କିପେ □ ଇତିହୁଁ ଇ ହିଡ଼ଡ଼ି ତାକି ମାହାପୁରୁ ମିଙ୍ଗେ ରହେଏ ରଣ୍ଡିଏ ଆଙ୍ଗା ଆହାଲି ହାଟାମାଞ୍ଜାନେସି ଅଡ଼େ ବାରେବେଲା ମୀରୁ ମାହାପୁରୁଇଁ ଜହରା କିଦୁ

୧୬ *କ୍ରୀସ୍ତ ବିଲୁ ହାରେକା ମୀ ହିୟାତା ତୟାପେ; ବୁଦିତଲେ ମୀରୁ ରଅତେରି ରଅଣାଇଁ ହାରେପୁରେ ଜାପୁହାନା ସେଡନା ହାପକିଆଦୁ, ଇଞ୍ଜା ମୀ ସୁଦୁଜୀହୁ ତଲେ ମାହାପୁରୁଇଁ ଜହରା କିହୁଁ ହିୟାଁ ତଲେ ପାରୁ ପାଟାଦୁ □

୧୭ ଅଡ଼େ ମୀରୁ କାତାତାକି କାମାତା ଏନାଆଁ କିଦେରି, ଇତିହୁଁ ଏ ବାରେ ପ୍ରବୁ ଜୀସ୍ତୁ ଦରୁତଲେ କିହାନା ଏଞ୍ଜାଣି ଦରୁତଲେ ଆବା ମାହାପୁରୁଇଁ ଜହରା କିଦୁ □

ପୁଃନି ଜୀହୁତା ଆଣ୍ଡିନାୟି

୧୮ *ଏ ଡକ୍ରିସିକାତେରି, ମୀରୁ ମୀ ଡକ୍ରିୟାଣି ମାନି କିଦୁ, ଏନାଆଁତାକି ଇତିହୁଁ ମୀରୁ ପ୍ରବୁ ତାଣା ଆଣ୍ଡାମାନାକି ଏଲେ କିନାୟିମାନେ □

୧୯ *ଏ ଡକ୍ରିୟାତେରି, ମୀରୁ ମୀ ଡକ୍ରିସିକାଣି ଜୀହୁନଦୁ, ଏଞ୍ଜାସିକାଣି ହଲେଣିସିକା ଲେହେଁ ଲେମ୍ବାନା ଦୁକୁ ହାଆଦୁ □

୨୦ *ଆଡ଼େ କକାରି ପଦାୟାତେରି, ବାରେ କାତାତା ତାଲି ତାଞ୍ଜିତି କାତା ମାନଡ଼ି ଆଦୁ, ଏନାଆଁତାକି ଇତିହୁଁ ଇଦି ମାହାପୁରୁ ନକିତା ରାହାଁଟି ଲେମ୍ବିନାୟି □

୨୧ *ଏ ତାଲି ତାଞ୍ଜିତେରି, ମୀ କକାରି ପଦାଣି କାରବି କିଆଦୁ, ଏନିକିଁ ଏଞ୍ଜାରି ନୀରାସା ଆଅରି □

୨୨ *ଏ ହଲିୟାଙ୍ଗାତେରି, ମାଣ୍ଡିୟାଁ ରାହାଁ କିନିଲେହେଁ ଦାରଡିତି ସାଞ୍ଜୁକାରିୟାଁ ନକିତା ଏ କାମା କିଆଦୁ, ସାମା ମାହାପୁରୁଇଁ ଆଜାନା ହିୟାଁତି ସୁଦୁ ମାଣ୍ଡକି ତଲେ ବାରେ କାମାତା ଏଞ୍ଜାରାଇଁ ମାନଡ଼ି ଆଦୁ □

୨୩ ମୀରୁ ଏନି କାମା କିତି ଜିକେଏ ପ୍ରବୁକି କିନିଲେହେଁ ହିୟାଁ ତଲେ କିଦୁ, ମାଣ୍ଡିୟାଁ ତାକି କିନିଲେହେଁ କିଆଦୁ;

୨୪ ପ୍ରବୁ ତାନି ଲକୁତାକି ଇଟାମାନି ଦାନା ମିଙ୍ଗେ ହିୟାନେସି ଇଞ୍ଜିଁ ପୁଞ୍ଜାମାଞ୍ଜୁ, ଏନାଆଁତାକି ଇତିହୁଁ କ୍ରୀସ୍ତଏ ମୀ ସାତା ପ୍ରବୁ ଆମ୍ବାଆରି ସେବା କିହିମାଞ୍ଜେରି □

୨୫ *ଇତିହୁଁ ଆମ୍ବାଆସି ଲାଗେଏ କାମା କିନେସି ଏଞ୍ଜାସି ଲାଗେଏ କାମାତି ପାଡ଼େୟି ବେଟାଆଡେନସି, ଇତିହୁଁ ମାହାପୁରୁ ଲକୁତି ପାରୁଡ଼ା ବାଟି କିଆନା ନାହାଁୟି କିନେସି □

୪

୧ *ଏ ସାଞ୍ଜୁକାରିୟାତେରି ଲାକପୁରୁ ମୀ ସାଞ୍ଜୁକାରି ମାନେସି ଇଞ୍ଜିଁ ପୁଞ୍ଜାନା ମୀ ହଲିୟାଙ୍ଗାଇଁ ଜୀହୁନହ୍ନାନା ନେହୁଁକିଁ ଲେମ୍ବାଦୁ □

ଜାପୁନାୟି

୨ କାଲେଏ ପ୍ରାଡାନାତା ରଣ୍ଡିଏ ଅଣ୍ଡୁ ତଲେ ମାଞ୍ଜୁ, ଅଡ଼େ ମାହାପୁରୁଇଁ ଜହରା କିହୁଁ ଏମ୍ବାଆଁ ଜାଗ୍ରାତା ମାଞ୍ଜୁ;

୩ ମାଙ୍ଗେତାକି ଜିକେଏ ପ୍ରାଡାନା କିଦୁ, ଏନିକିଁ ନେହୁଁ କାରୁଡି କାତା ଝେକ୍ତୁହାଲି ମାହାପୁରୁ ମାଙ୍ଗେତାକି ଦାରା ଦେତାନେସି □ କ୍ରୀସ୍ତ ଆମିନି ଡ଼ଗୁମାନି କାତାତାକି ନାନୁ ନାଏଁ କାୟିଦି ଇଲୁତା ମାଇଁ □

୪ ନାନୁ ଝେକ୍ତୁନାଟି ନେହୁଁକିଁ ପୁଣ୍ଡିକିନିଲେହେଁ ଝେକ୍ତୁହାଲି ଆଡ଼ିଇଁ ଇଞ୍ଜିଁ ନାଙ୍ଗେତାକି ପ୍ରାଡାନା କିଦୁ □

୫ *ପାଗାତି ନେହୁଁକିଁ ଲେମ୍ବାନା ନାମାଆତି ଲକୁ ତାଣା ବୁଦିତି ମାଣ୍ଡକି ତଲେ ଲେମ୍ବାଦୁ □

୬ ମୀ ବଲୁ କାଲେଏ ନେହାୟି, ଅଡ଼େ, ଅଣ୍ଡିନାୟି, ଅଡ଼େ ହାରୁ ଲେହେଁ ମୀରୁ ଏନିକିଁ ବାରେଜାଣାତି ସାତା କାତା ଝେସାଲି ଆଡ଼ିଦେରି ଏ କାତା ମୀରୁ ପୁନାୟିମାନେ □

ରାନ୍ତି ଜହରା

୭ **ପ୍ରବୁତି କାମାତା ନା ତଲେ ନାମୁଟି ସେବା କାମା କିନି ଜୀହୁତି ତାୟି ତୁକିକ, ନା ବାରେ କାତା ମିଙ୍ଗେ ଝେସ୍ତାନେସି;

* ୩:୧୨ ୩:୧୨ ଏପିସି ୪:୨ * ୩:୧୩ ୩:୧୩ ଏପିସି ୪:୩୨ * ୩:୧୬ ୩:୧୬ ଏପିସି ୫:୧୯,୨୦ * ୩:୧୮ ୩:୧୮ ଏପିସି ୫:୨୨; ୧ପିତ ୩:୧ * ୩:୧୯ ୩:୧୯ ଏପିସି ୫:୨୫; ୧ପିତ ୩:୭ * ୩:୨୦ ୩:୨୦ ଏପିସି ୬:୧ * ୩:୨୧ ୩:୨୧ ଏପିସି ୬:୪ * ୩:୨୨ ୩:୨୨ ଏପିସି ୬:୫-୮ * ୩:୨୫ ୩:୨୫ ଏପିସି ୬:୯ * ୪:୧ ୪:୧ ଏପିସି ୬:୯ * ୪:୫ ୪:୫ ଏପିସି ୫:୧୭ * ୪:୬ ୪:୬ କାମା ୨୦:୪; ୨ପିତ ୪:୧୨ * ୪:୭ ୪:୭ ଏପିସି ୬:୨୧,୨୨

୮ ଏଦାଆଁତାକି ନାନୁ ଏଞ୍ଜାଣାକ୍ ମୀ ତାଣା ପାଣ୍ଡାତେଏଁ, ଏନିକ୍ ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି, ଇଞ୍ଜା ମୀ ବାରେତି ହିୟାଁ ଏଞ୍ଜାଣି ତାଣାଟି ରାହାଁ ବେଟାଆନେ □

୯ ✧ଏଞ୍ଜାଣିତଲେ ନାନୁ ନାମୁତା ଜୀଞ୍ଜୁତି ତାୟି ଅନିସିମକ୍ ପାଣ୍ଡାତେଏଁ, ଏଞ୍ଜାସି ମୀ ବିତ୍ରାଟି ରଅସି, ଏଞ୍ଜାରି ଇମ୍ପାଆଁ ଆହିମାନି ବାରେ କାତା ମିଙ୍ଗେ ଝେସ୍ତାନେରି □

୧୦ ✧ନା ତଲେ କାୟିଦିତା ମାନି ଆରିସ୍ତାର୍କ ଅଡ଼େ ବର୍ନବା କୁଟମିତି ତାୟି ମାର୍କ ଏଞ୍ଜାରି କାତା ମୀରୁ ହୁକୁମି ବେଟାଆହାମାଞ୍ଜେରି; ମାର୍କ ମୀ ତାଣା ଖାଡ଼ିସାରେ, ଏଞ୍ଜାଣାକ୍ ଆବାଦୁ, ଏଞ୍ଜାରି ମିଙ୍ଗେ ଜହରା ଝେସି ମାଞ୍ଜାନେରି,

୧୧ ଅଡ଼େ ଜୁସ୍ତ ଦରୁଟି ଝେଜିତି ଜୀସୁ ମିଙ୍ଗେ ଜହରା ଝେସିମାଞ୍ଜାନେସି, କ୍ରୀସ୍ତ ଦାମ୍ବୁତି ଆବାମାନି ଇ ତାନିଜାଣା ଜୀହୁଦି ବିତ୍ରାଟି ମାହାପୁରୁ ରାଜିତାକି ନା ତଲେ କାମାକିନାରି, ଏଞ୍ଜାରି ନାଙ୍ଗେ ହାରେକା ସାରେମି କିହାମାଞ୍ଜାନେରି □

୧୨ ✧ଏପାପ୍ପା ମୀ ବିତ୍ରାଟି ରଅସି, ଏଞ୍ଜାସି ମିଙ୍ଗେ ଜହରା କିହିମାଞ୍ଜାନେସି, ଏଞ୍ଜାସି କ୍ରୀସ୍ତ ଜୀସୁତି ର ହଲେଏସି ଇଞ୍ଜା ତାନୁ ପ୍ରାତାନା କିନାଟି ବାରେବେଲା ମିଙ୍ଗେ ତାକି ପ୍ରାତାନା କିହିମାନେସି, ଏନିକ୍ ମୀରୁ ନାମୁତା ନେହାଁତେରି ଆହାନା ମାହାପୁରୁତ ବୁଦି ଅଡ଼େ ଅଣ୍ପୁତି ତୀରେ ପୁଞ୍ଜାନା ଖୀତାଆନା ମାଞ୍ଜେରି □

୧୩ ଇଚିହଁ ଏଞ୍ଜାସି ମିଙ୍ଗେତାକି ଇଞ୍ଜା, ଲାଞ୍ଜୁଦିକିୟା ଅଡ଼େ ହିଏରାପଲିତା ମାନାରି ତାକି ହାରେକା କସ୍ତ ବେଟାଆହଁ କାମା କିହାମାନେସି, ଏଞ୍ଜାଣି ତାକି ନାନୁ ଇ ସାକି ହାହିମାଞ୍ଜାକ୍ □

୧୪ ✧ମା ଜୀଞ୍ଜୁତି ତାଙ୍ଗାଦର ଲୁକ ଅଡ଼େ ଦିମା, ମିଙ୍ଗେ ଜହରା ଝେସିମାଞ୍ଜାନେରି □

୧୫ ଲାଞ୍ଜୁଦିକିୟାତା ମାନି ତାୟି ତାଙ୍ଗିସ୍ତା, ତାଙ୍ଗି ନୁମ୍ପା ଅଡ଼େ ତାନି ଇଲୁତା ମାନି କୁଲମିତି ମା ଜହରା ଝେହ୍ତୁ □

୧୬ ଅଡ଼େ ମୀ ତାଣା ଇ ଆକୁ ପଡ଼ଞ୍ଜି ଆଡ଼ି ତାୟି ଲାଞ୍ଜୁଦିକିୟା କୁଲମିତା ଜିକେଏ ଏନିକ୍ ପଡ଼ଞ୍ଜି ଆନେରି, ଇଞ୍ଜା ଲାଞ୍ଜୁଦିକିୟାଟି ଆମିନି ଆକୁ ଖାନ୍ତେ ଏଦାଆଁ ମୀରୁ ଜିକେଏ ପଡ଼ଞ୍ଜି ଆଦେରି ଏଦାଆଁତାକି ଜାଗ୍ରାତା ଆଦୁ □

୧୭ ✧ଆକ୍ ପପକ୍ ଝେହ୍ତୁ, “ନୀନୁ ଆମିନି ପ୍ରବୁତି ସେବା କିନି ପାଣା ବେଟାଆହାମାଞ୍ଜି ଏଦାଆଁ ରାପ୍‌ହାଲି ଜାଗ୍ରାତା ମାନାମୁ □”

୧୮ ନାନୁ ପାଞ୍ଜୁଲ, ନା କେୟୁତଲେ ଇ ଜହରା ରାଡ଼ିମାକ୍, ନା କାୟିଦିତା ମାନାଣି ଅଣ୍ପାଦୁ, ମାହାପୁରୁତି କାର୍ମାନେହ୍ନାୟି ମୀ ବାରେତାକି ଆୟାପେ □

ତେସଲନିକୀ ମଣ୍ଡଳୀ ନିକଟକୁ ପାଉଲଙ୍କ ପ୍ରଥମ ପତ୍ର ତେସଲନିକି କୁଲମିତାକି ପାଞ୍ଚୁଲ ରାଫାମାନି ର ଲମ୍ବର ଆକୁ ମୁକୁ ହାଡ଼ା

ତେସଲନିକି ର ଲମ୍ବର ଆକୁ ପାଣ୍ଡୁଞ୍ଜିଆହାମାନି ପାଞ୍ଚୁଲ ତାଣାଟି ରାସ୍ତାକି ଆହାମାନେ ୧:୧ □ ଇଦି ଜୀସୁ କ୍ରୀସ୍ତ ଜାର୍ନାଆଡ଼ି ୫୧ ବାର୍ଷା ତାୟୁ ରାସ୍ତାକି ଆହାମାନେ □ ତେସଲନିକି ପିଲିପ ଦେସାଡ଼ି ର କାଜା ଗାଡ଼ା ମାଟେ □ ପାଞ୍ଚୁଲ ଏତେତା ଆକୁ ରାଫିମାନେସି ଏତିବେଲା ଏଞ୍ଜାସି କରନ୍ତି ଗାଡ଼ାଟି କୁଲମିତା ମାଟେସି □ ଏମିନି କୁଲମିତା ଖେଣ୍ଡେ ରୀ ଦେବାତାକି ମାହାପୁରୁ କାତା ଖେକ୍‌ହାଲି ହାଟେସି ଏତିବେଲା ତେସଲନିକି କୁଲମି ଗାଡ଼ି ଆହାମାଟେ କାମା ୧୭:୧-୧୦ □ ଏମ୍ବାଆଁ ଜୀହୁଦି ଅଡେ ଗ୍ରିକ୍ ଜଲିନି ଲକୁ ତାଣାଟି କୁଲମି ଆହାମାଟେ □ ତାୟୁ ଜୀହୁଦି ଲକୁ ତାହାରା ଆହାନା ପାଞ୍ଚୁଲ କପାଟି ନିଙ୍ଗାଲିଏ ତେସଲନିକି ଗାଡ଼ା ପିସାଲି ଆଡେ □

ପାଞ୍ଚୁଲ କରନ୍ତିତା ଏତି ତାୟୁ ତାନି ଆଟ୍‌ହିତାସି ତିମତି ତାଣାଟି ତେସଲନିକି କୁଲମିତି କାତା ବାରେ ଖେଟେସି □ ଏଞ୍ଜାରି ଜୀହୁ ନଞ୍ଜିଆହିମାନାଣି ଖେଞ୍ଜାନା ହାରେକା ରାହାଁ ଆହାନା ତାନି ଇ ରାହାଁ ତସାନା ରାଫାମାନେସି □ କ୍ରୀସ୍ତ ଖେଣ୍ଡା ଖାନି କାତା ଏଞ୍ଜାରି ତାନି ବିତ୍ରା ଅଣପିମାଟେରି ଅଡେ କ୍ରୀସ୍ତଇଁ ନାମାହାଁ ହାଡ଼ିହଁ କ୍ରୀସ୍ତ ଖେଣ୍ଡା ଖାନାଟି କାଲାକାଲାତି ଜୀହୁ ବେଟା ଆନେସି, ଇ ବାରେ କାତାଟି ପୁଣ୍ଡି କିହାଲି ରାଫିମାନେସି ୫:୬-୮ □

ପତିତା ମାନାୟି

- ୧ ଜହରା ତଲେ ପୁଣ୍ଡି କିହାନା ଆକୁତି ମାଟ୍‌ନାୟି □
- ୨ ତିମତି ତେସଲନିକିତି କାରୁ ଅଡେ କାମାତି କାତା ଖେହ୍‌ନାୟି □ ୨:୧-୩:୧୩
- ୩ କ୍ରୀସ୍ତଇଁ ନାମିତି ଲକୁ ଏନିକଁ ଜୀସୁ ଖେଣ୍ଡା ଖାନାଟି ଉଜେଡ଼ିତା ତୟିନେସି □ ୪:୧-୫:୧୫
- ୪ ତାୟୁତି କାତା ଖେସାନା ଆକୁତି ରାପ୍‌ନାୟି □ ୫:୧୬-୨୮

୧ ପାଞ୍ଚୁଲ, ସିଲା ଅଡେ ତିମତି ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସ୍ତ ତାଣା ମାନି ତେସଲନିକି କୁଲମିତା ମାନି ଲକୁତାକି ଆକୁ; ମାହାପୁରୁତି କାର୍ମାମେହ୍‌ନାୟି ଅଡେ ହିଡ଼ି ମିଙ୍ଗେତାକି ଆପେ □

ତେସଲନିକିତା ମାନାରି ନୀଡିନାୟି ଅଡେ ନାମିନାୟି

୨ ମା ପ୍ରାତାନାତା ମୀ ଦରକା ଆସାନା ବାରେତାକି ବାରେବେଲା ମାହାପୁରୁଇଁ ଜହରା କିହିମାନମି,

✱ ୨:୨ ୨:୨ କାମା ୧୭:୧୯-୨୪; କାମା ୧୭:୧-୯

୩ ମା ଆବା ମାହାପୁରୁ ନକିତା ମାମ୍ବୁ ମୀ ନାମୁତି କାମା, ଜୀହୁ ନଡି କାମା ଅଡେ ମା ପ୍ରବୁ ଜୀସୁ କ୍ରୀସ୍ତ ତାଣାଟି ମୀ ବାର୍ଷୁ ତଲେ ଅରହିନାୟି ଏନିକଁ ଆଟ୍‌ଞ୍ଜା □

୪ ଏ ମା ତାୟିୟାଁ ଅଡେ ତାଙ୍ଗିସ୍ତାଟେରି ମାମ୍ବୁ ପୁଞ୍ଜାମାନମି, ମାହାପୁରୁ ମିଙ୍ଗେ ଜୀହୁ ନହାଁ ମାଞ୍ଜାନେସି ଇଞ୍ଜା ତାନି ଲକୁ ଆହାଲି ଆଚାମାଞ୍ଜାନେସି □

୫ ଇତିହଁ ମା ନେହଁ କାରୁ ଖେକ୍‌ନାଣି ତଲେ ଆଏ, ସାମା ବାଡ଼ୁୟୁ, ସୁଦୁଜୀହୁ, ସାତା ତଲେ, ମୀ ତାଣା ଏଜା ମାଞ୍ଜାଟେ, ଇଞ୍ଜା ମୀ ତାଣା ମାଗାଟି ମୀ ତଲେ ମାମ୍ବୁ ଏନିକଁ ଲେମ୍ବା ମାଟମି, ଏଦାଆଁ ମୀରୁ ପୁଞ୍ଜାମାଞ୍ଜେରି □

୬ ଅଡେ, ମୀରୁ ହାରେକା ଦୁକୁତା ମାଞ୍ଜାହାଁ ଜିକେଏ ସୁଦୁଜୀହୁଟି ହୀପକି ଆହାମାନି ରାହାଁତଲେ ଏ ବଲୁ ଅପାକତାନା ମା ଜେଟ ଅଡେ ପ୍ରବୁ ଜେଟ ତାକିନାଟେରି ଆହାମାଟେରି,

୭ ଏନିକିହଁ ମୀରୁ ମାକିଦନିୟା ଅଡେ ଆକାୟାତା ମାନି ବାରେ ନାମୁଗାଟାରି ତାଣା ନାମୁତା ନେହଁ ଗୁଣ୍ଡୁ ତହ୍‌ନାଟେରି ଆହାମାଟେରି □

୮ ଇତିହଁ ତେସଲନିକିତି ନାମୁଗାଟାରି ତାଣାଟି ପ୍ରବୁତି ନେହଁ କାରୁତି କାତା ଖାରୁଇ ମାକିଦନିୟା ଅଡେ ଆକାୟାତା ଖେଙ୍ଗାମାନେ, ଏଦି ଆଏ, ସାମା ମାହାପୁରୁ ତାଣା ମୀ ନାମୁତି କାରୁ ଜିକେଏ ବାରେଞ୍ଜାକି ଖେଙ୍ଗାହାଟେ, ଏଦାଣି ତାକି ମାଙ୍ଗେ ଅଡେ ଖେସାଲି ଲଡ଼ା ହିଲେଏ □

୯ ଏନାଆଁତାକି ଇତିହଁ ଲକୁ ତାମ୍ବୁ ମା କାତା ଖେସପି ଆନେରି, ମୀ ତାଣା ମାମ୍ବୁ ଖାଡ଼ମି ଏନାଆଁ ଆହାମାଟେ, ଅଡେ ଏନିକଁ ମୀରୁ ପେଣ୍‌କା ବମାୟାଁଣି ପିସ୍ତେରି, ଇଞ୍ଜା ଜୀହୁଗାଟି ଅଡେ ସାତା ମାହାପୁରୁଇଁ ସେବା କିହାଲି,

୧୦ ଅଡେ ଏଞ୍ଜାସି ଜାହାରା ଆମିନି ମୀରୁଏଣାଇଁ ହାଡ଼ାରି ତାଣାଟି ଖାହିମାନି ମାହାପୁରୁତି କାରୁବିଟି ଗେଲପାଲି ନିକ୍‌ହାମାନେସି, ମା ଏ ଗେଲପାନି ଜୀସୁଇଁ ଲାକପୁରୁଟି ଖେଣ୍ଡା ଖାନାଣି କାପୁ କାଟାନା ତୟାଲି □

୨

ତେସଲନିକିତା ପାଞ୍ଚୁଲତି କାମା

୧ ଏ ତାୟିୟାଁ ଅଡେ ତାଙ୍ଗିସ୍ତାଟେରି, ମୀରୁ ଜାହାରାଇଁ ପୁଞ୍ଜାମାଞ୍ଜେରି, ମାମ୍ବୁ ମୀ ତାଣା ଖାହାମାନାୟି ଉଜେଏତାୟି ଆହା ହିଲେଏ;

୨ ସାମା ଏନିକଁ ମୀରୁ ପୁଞ୍ଜାମାଞ୍ଜେରି, ମାମ୍ବୁ ତେସଲନିକିତା ଖାନି ନକେଏ ପିଲିପିତା ହାରେକା ଦୁକୁ କସ୍ତ ଅଡେ ନିନ୍ଦା ବେଟାଆଡ଼ି ତାୟୁ ମୀ ତାଣା ଜୀହୁତି ପିସାହାଁ ମାହାପୁରୁତି ନେହଁ କାରୁ ଖେକ୍‌ହାଲି ତାକି ମା ମାହାପୁରୁ ତଲେ ସାସା ବେଟା ଆହାମାଟମି □

୩ ଏନାଆଁତାକି ଇତିହଁ ମା ଖେକ୍‌ନି କାତା, ଲାଗେଏତାୟି କି ନାଡ଼ିକିନି ଲେହେଁତାୟି ଆଏ □

୪ ସାମା ମା କେୟୁତା ନେହଁ କାରୁ ଖେକ୍‌ନି ବଲୁ ହେର୍‌ପି ଆହାଲିତାକି ମାର ଏନିକଁ ମାହାପୁରୁତି

ଅଦିକାରା ଜଗେ ଆହାମାନାୟି, ଏଲେକିହୁଏ ମାରୁ
ଝେକ୍‌ହମାନାୟି, ମା ହିୟାତି ମାହାପୁରୁ ତାୟିପାରି କିନାସି,
ମାଣସିକ ରାହାଁ କିହାଲିତାକି ଏଦାଆଁ କିଆନା ସାମା
ମାହାପୁରୁକ୍ ରାହାଁ କିହାଲିତାକି ଏଦାଆଁ କିହିମାନାୟି □

୫ ମାରୁ ନେହୁକ୍ ପୁଞ୍ଜାମାଞ୍ଜେରି, ମାମ୍ମୁ ଏଚେଲା
ଜିକେଏ ନାଡ଼ିକିନି ହାଡ଼ାୟା ତଲେ ଝେସାମାଞ୍ଜଅମି,
କି ଜୁପ୍‌କା ଆନିଲେହେତି କାତା ଝେସାମାଞ୍ଜଅମି, ଏ
ବାରେତାକି ମାହାପୁରୁ ସାକି ମାନେସି □

୬ ମାମ୍ମୁ ଆମ୍ବାଆରି ତାଣାଟି ଗାଞ୍ଜୁରମି ବେଟାଆହାଲି
ଅଣ୍ଡପି ହିଲାଆତମି, ଆଡ଼ିଜିକେଏ ମୀ ତାଣାଟି କି ଏଟ୍‌କା
ଆମ୍ବାଆରି ତାଣାଟି ଆପେ ଆମିନି ମାଣସି ତାଣାଟି
ଗାଞ୍ଜୁରମି ବେଟାଆହାଲି ଅଣ୍ଡପାହିଲଅମି □

୭ କ୍ରୀସ୍ତିତି ପାଣ୍ଡୁଆଡ଼ି ସୀସୁୟା ଲେହେଁ ମାମ୍ମୁ ମୀ
ତାଣାଟି ଗାଞ୍ଜୁରମି ବେଟାଆହାଲି ଅଣ୍ଡପିତମିମା, ସାମା
ତାଲି ଏନିକିହୁ ଜାହାରା କକାରି ପଦାଁଣି ଜୀଞ୍ଜୁନହାଁନା
ଜାଡ଼ନୁ କିନେ ମାମ୍ମୁ ଜିକେଏ ମିଙ୍ଗେ ଏଲେକିହୁଏ ଜାଡ଼ନୁ
କିୟାତମି □

୮ ଏଲେକିହୁଏ ମିଙ୍ଗେତାକି ମା ଜୀଞ୍ଜୁନହାଁନା ମାନାକି,
ମିଙ୍ଗେ ଖାରଇ ମାହାପୁରୁତି ନେହୁ ବଲୁତା ଆଣ୍ଡି
କିହାମାଞ୍ଜାଆତମି, ସାମା ମିଙ୍ଗେତାକି ଜାହାରାକ୍ ଦାନା
କିହାଲି ଜିକେଏ ମାମ୍ମୁ ତିୟାରା ଆହାମାତମି □ ମାରୁ
ଏଚେକା ଜୀଞ୍ଜୁ ନନାତେରି ମାଚେରି □

୯ ଏ ତାୟିୟା ଅଡ଼େ ତାଜିସ୍ତାତେରି, ମାମ୍ମୁ କାମାଲଡ଼ା
ଇଞ୍ଜା ଖାହୁ କାମା କିହାମାନାୟି ମୀ ଅଣ୍ଡପତା ମାନେ,
ଏନିକିହୁ ମାମ୍ମୁ ଆମ୍ବାଆତେରି ମିଙ୍ଗେ ବଜୁଲେହେଁ
ଆୟଅମି, ଇଦାଆଁତାକି ଲାଆଁ ମାଦେନା ଖାହୁ କାମା କିହାଁ
ମାହାପୁରୁତି ନେହୁ ବଲୁ ମୀ ତାଣା ଝେକ୍‌ହା ମାଚମି □

୧୦ ମାହାପୁରୁ ତାଣା ନାମିନାତେରି ମାରୁ, ମିଙ୍ଗେତାକି
ମାମ୍ମୁ ଏନିକିହୁ ସୁରୁ ତଲେ, ଦାମ୍ପୁତଲେ, ଦହ
ହିଲାଆଲେହେଁ ଲେମ୍ବାମାଞ୍ଜାତମି, ଏଦାଆଁ ମାରୁ ଅଡ଼େ
ମାହାପୁରୁ ସାକି □

୧୧ ଅଡ଼େ ମାରୁତ ପୁଞ୍ଜାମାଞ୍ଜେରି, ଆବା ଏନିକିହୁ
ଜାହାରା ମାରୁକା ମାସକାଣି ଜାପ୍‌ନେସି, ଏଲେକିହୁଏ
ମାମ୍ମୁ ମୀ ବାରେଜାଣା ତାକି ବୁଦିଜାପ୍‌ହାଁ ଅଡ଼େ ରାହାଁ କିହାଁ
ରଣ୍ଡିଏ ଅଣ୍ଡପୁ ତଲେ ବାତିମାଲା ମାଞ୍ଜାତମି,

୧୨ ଏନିକିହୁ ମିଙ୍ଗେ ହାଟାମାଞ୍ଜାନି ମାହାପୁରୁ ରାଜିତି
ଜଗେ ମାଣକି ତଲେ ତାକିଦେରି, ଇଞ୍ଜା ତାନି ଗାଞ୍ଜୁରମିତା
ଆଣ୍ଡାଲି ଆଡ଼ିଦେରି ଇଞ୍ଜା ବାତିମାଲି ମାଞ୍ଜାନମି □

୧୩ ଅଡ଼େ ଇଦାଆଁତାକି ମାମ୍ମୁ ଜିକେଏ ଜମାଆନା
ମାହାପୁରୁକ୍ ଜହରା କିହିମାନମି, ଏଚିବେଲା ମାରୁ ମାମ୍ମୁ
ଝେକ୍‌ହାମାନି ମାହାପୁରୁତି ବଲୁ ଆବିତେରି, ଏଚିବେଲା
ଏ ବଲୁକ୍ ମାଣସିତି ବଲୁ ଲେହେଁ ଆବାଆନା ସାମା
ମାହାପୁରୁତି ବଲୁଲେହେଁ ଆବାମାଚେରି, ଅଡ଼େ ସାତା

ତଲେ ଏଦି ମାହାପୁରୁତି ବଲୁ, ଇଞ୍ଜା ନାମିନାତେରି ମାରୁ,
ମୀ ହିୟାତା ଏଦି ଜିକେଏ କାମା କିହିମାନେ

୧୪ ଇତିହୁଏ ଏ ତାୟିୟା ଅଡ଼େ ତାଜିସ୍ତାତେରି, ମାରୁ
କ୍ରୀସ୍ତ ଜୀସୁ ତାଣା ମାନି ଜୀହୁଦା ଦେସାତି ମାହାପୁରୁ
କୁଲମିତା ଏନିଆହୁଏ ମାଚେରି ଏଲେ ଆହାମାଞ୍ଜେରି,
ଏଞ୍ଜାରି ଜୀହୁଦିଙ୍ଗା ତାଣାଟି ଆମିନି ଦୁକୁ ବେଟା
ଆହାମାଚେରି, ମାରୁ ଜିକେଏ ଜାହାରା କୃତାତି ଲକୁ
ତାଣାଟି ଏ ବାରେ ଦୁକୁ ବେଟାଆହି ମାଞ୍ଜେରି □

୧୫ ଏ ଜୀହୁଦି ଲକୁ ମା ପ୍ରବୁ ଜୀସୁକ୍ ଅଡ଼େ
ମାହାପୁରୁ ଅଣ୍ଡପୁତି ବଲୁ ଝେହନାରାକ୍ ପାୟାମାଚେରି,
ଅଡ଼େ ମାଙ୍ଗେଖା ସାସ୍ତି କିୟାତେରି, ଏଞ୍ଜାରି ମାହାପୁରୁତି
ରାହାଁ ଗାଟାରି ଆଏ! ବାରେ ନର ନାରିତି ସାଡ଼ୁୟା □

୧୬ ଇତିହୁଏ ଏଟ୍‌କା କୃତାତାରି ଗେଲ୍‌ପି ଆହାଲିତାକି
ଏଞ୍ଜାରିତାଣା ମାଙ୍ଗେ ନେହୁ କାରୁ ଝେକ୍‌ହାଲି
ହାହିମାଞ୍ଜାତେରି, ଇଞ୍ଜା ଏଞ୍ଜାରି ପାପୁତା ଜାହାରାକ୍
ନେଞ୍ଜିକିହାମାନେରି; ଏଞ୍ଜାରି ଲାକ ମାହାପୁରୁତି କାର୍‌ବି
ନିଙ୍ଗିତେୟିଏ □

**ପାଞ୍ଜୁଲ ଏଞ୍ଜାରିତାଣା ଅଡ଼େ ଝେଣ୍ଡେ ବେଟି ହାଜାଲି
ମନ କିନାୟି**

୧୭ ଏ ତାୟିୟା ଅଡ଼େ ତାଜିସ୍ତାତେରି, ମାମ୍ମୁ ହିୟାତା
ଆଏ, ସାମା ଆଙ୍ଗାତା ଗାଡ଼େକା ତାକି ମୀ ତାଣାଟି ଏଟ୍‌କା
ଆହାମାନାକି ମୀ ମୁମ୍ମୁ ମେସାଲି ଗାଡ଼ି ପଣ୍ଡୁ ତଲେ
ହାରେକା ଅଣ୍ଡପାମାଚମି □

୧୮ ଏଦାଆଁତାକି ମାମ୍ମୁ ମୀ ତାଣା ଖାହାଲି ଅଣ୍ଡପାମାଚମି,
ଏଦାଆଁ କିହାଁ ନାନୁ ପାଞ୍ଜୁଲ ର ଦେବା, ହାଅ, ରୀ ଦେବା
ଖାୟାଲି ଅଣ୍ଡପିମାଚେଏ, ସାମା ସୟତାନ ମାଙ୍ଗେ ଖାୟାଲି
ହାୟାଆତେ □

୧୯ ଇତିହୁଏ ମା ପ୍ରବୁ ଜୀସୁ ଝେଣ୍ଡାଞ୍ଜାନି ଦିନା ତାନି
ନକିତା ମା ବାସ୍ତୁ, ରାହାଁ କି ଟପେରି ଏନାୟି ? ଏଦି କି
ମାରୁ ଆଏ ?

୨୦ ମାରୁ ମା ରାହାଁ ଅଡ଼େ ମା ଗାଞ୍ଜୁରମି ଲେହେଁ ତାଚେରି
□

୩

୧ ଏଦାଆଁତାକି ମାମ୍ମୁ ଅରହାଲି ଆଡ଼ାଆନା ଆଡ଼ିନି
ଗାଡ଼ାତା ରଅତମି ତୟାଲି ତୀରି କିତମି* □

୨ ଇଞ୍ଜା ମିଙ୍ଗେ ସୂସ୍ତି କିହାଲି ଅଡ଼େ ମୀ ନାମୁତା ମିଙ୍ଗେ
ରାହାଁ ହାହାଲି କ୍ରୀସ୍ତିତି ନେହୁ କାବୁତି କାମାତା ମାହାପୁରୁ
ତଲେ ଆଣ୍ଡାନା କାମା କିନି ମା ତାୟି ତିମତିକ୍ ପାଣ୍ଡାତମି
□

୩ ଏନିକିହୁଏ ଆମ୍ବାଆରି ଇ ବାରେ କସ୍ତ ତାକି କିଲିବିଲି
ଆଅରି, ମାମ୍ମୁ ଏଦାଆଁତାକି ହେରପି ଆହାମାଚମି ଇଞ୍ଜା
ମାରୁଏ ପୁଞ୍ଜାମାଚେରି □

୪ ଇତିହୁଏ ମାଙ୍ଗେ ନିନ୍ଦା କସ୍ତ ବେଟାଆହାଲି ଆନେ,
ଇଦାଆଁ ମାମ୍ମୁ ମୀ ତାଣା ମାତି ବେଲାତେଏ ମିଙ୍ଗେ ନକେଏ

☆ ୨:୧୪ ୨:୧୪ କାମା ୧୭:୫ ☆ ୨:୧୫ ୨:୧୫ କାମା ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨ ☆ ୩:୧ ୩:୧ କାମା ୧୭:୧୫
* ୩:୧ ୩:୧ କାମା ୧୭:୧

ଏତର ପାଲି ଖେସାମାଞ୍ଜାତମି, ଇଞ୍ଜା ସାତେଏ ଏଲେ ଆହାମାନେ, ଇଞ୍ଜା ମୀରୁ ଏଦାଆଁ ପୁଞ୍ଜାମାଞ୍ଜେରି □

୫ ଏଦାଆଁତାକି ଏଚେତା ତାୟିପାରି କିନାସି ମିଞ୍ଜେ ତାୟିପାରି କିୟାନେସି ଅଡେ ମା ଖାହୁତି କାମା ଉଜେଏତାୟି ଆହାଡ଼ୟିନେ, ଇଦାଆଁ ଅଣ୍ପାଦାନା ନାନୁ ଜିକେଏ ଅରହାଲି ଆଡ଼ାଆନା, ମୀ ନାନୁ ଏଚେକା ମାନେ ଇଞ୍ଜା ପୁଞ୍ଜାଲି ତିମତିଇଁ ମୀ ତାଣା ପାଣ୍ଡାତେଏଁ □

୬ *ସାମା ନାଏଁ ତିମତି ମୀ ତାଣାଟି ମା ତାଣା ଖେଣ୍ଡା ଖାହାନା ମୀ ନାନୁ ଅଡେ ଜୀଞ୍ଜୁ ନନାଣି ରାହାତି କାରୁ ମାଞ୍ଜେ ଖେସାମାଞ୍ଜାନେସି, ମୀରୁ ମାଞ୍ଜେ ନେହଁକଁ ଅଣ୍ପାପମାଞ୍ଜାଦେରି, ଅଡେ ମାମ୍ମୁମିଞ୍ଜା ଏଚେକା ମେସାଲି ଅଣ୍ପାପି ମାନମି, ମୀରୁ ଜିକେଏ ମାଞ୍ଜା ମେସାଲି ଏଚେକା ଅଣ୍ପାପି ମାଞ୍ଜାଦେରି, ଏଲେକଁ ମାଞ୍ଜେ ନେହଁ କାରୁ ଖେସାମାଞ୍ଜାନେସି □

୭ ଏଦାଆଁତାକି ଏ ତାୟିୟାଁ, ମୀ ନାନୁଟି ମାମ୍ମୁମା ବାରେ ଦୁକୁ ଅଡେ କସ୍ତା ମୀ ତାକି ସାସା ବେଟା ଆହାମାନମି □

୮ ମାମ୍ମୁନାଏଁ ନୀତାମାନମି ଆତିହଁ ମୀରୁ ପ୍ରୁ ତାଣା ତାରିଆହାଁ ମାଞ୍ଜୁ □

୯ ହାଅ, ମାମ୍ମୁ ମାହାପୁରୁ ନକିତା ମୀ ତାକି ବେଟାଆହାମାନି ରାହାଁତାକି ରାହାଁ ଆହାମାନମି, ମାମ୍ମୁ ଏନିକଁ ଖେଣ୍ଡେ ହାନି ଦାନା ଲେହେଁ, ମୀ ତାକି ମାହାପୁରୁଇଁ ଏନିକଁ ଜହରା କିହାଲି ଆଡ଼ିନମି □

୧୦ ମୀ ନାନୁତା ଏନାୟି ଲଡ଼ାମାନେ, ଏଦାଆଁ ମିଞ୍ଜେ କିହାଲି ଅଡେ ମୀ ମୁମ୍ମୁମେସାଲି ଆଡ଼ିନମି ଏଦାଆଁତାକି ଲାଆଁ ମାଦେନା ବାରେ ହିୟାଁ ତଲେ ବାଡ଼ିମାଲି ରାସି ମାନମି □

୧୧ ମା ଆବା ମାହାପୁରୁ ତାନୁଏ ଅଡେ ପ୍ରୁ ଜୀସୁ ମାଞ୍ଜେ ମୀ ତାଣା ଖାୟାଲି ତବେ ଜିରୁ ତସ୍ତାପେସି □

୧୨ ଅଡେ, ମାମ୍ମୁମିଞ୍ଜେ ଜୀଞ୍ଜୁନହଁ ମାଞ୍ଜାନି ଲେହେଁ ମୀରୁ ରଅତେରି ରଅଣାଇଁ ଜୀଞ୍ଜୁ ନଞ୍ଜିଆହଁ ବାରେ ଲକୁଇଁ ଜୀଞ୍ଜୁ ନୟାଲି ପ୍ରୁ ମୀ ଜୀଞ୍ଜୁ ନନାଣି ଦିନାତାକି ଦିନା ପାଡ଼ି କିୟାପେସି □

୧୩ ଏଞ୍ଜାସି ମୀ ହିୟାଁତି ସୁସ୍ତି କିୟାପେସି ଏଚିବେଲ୍ଲା ମା ପ୍ରୁ ଜୀସୁ ତାନି ଲକୁତଲେ ଖେଣ୍ଡା ଖାନ୍ନାଟି ମୀରୁ ମା ଆବା ମାହାପୁରୁ ନକିତା ଦହ ହିଲାଆନା ସୁଦୁ ଗାଟାତେରି ତଞ୍ଜା ଆଦେରି □

୪

ମାହାପୁରୁ ରାହାଁ ଆନିଲେହେଁ ନୀଡ଼ିନାୟି

୧ ଏ ମା ତାୟିୟାଁତେରି, ମାହାପୁରୁଇଁ ରାହାଁ କିଞ୍ଜି କିୟାଲି ଏନିକଁ ନୀଡ଼ିନାୟି ମାନେ, ଏଦାଆଁ ମୀରୁ ମା ତାଣାଟି ଏନିକଁ ଜାପାମାଞ୍ଜେରି ଅଡେ ଏଲେକିହଁଏ ନୀତାମାଞ୍ଜେରି, ସାମା ଏଦାଣିକିହାଁ ହାରେକା ନେହଁ କିୟାଲି ମାମ୍ମୁପ୍ରୁ ଜୀସୁ ଦରୁତଲେ ମିଞ୍ଜେ ହାରେକା ବାଡ଼ିମାଲି ମାଞ୍ଜାନମି □

* ୩:୭ ୩:୭ କାମା ୧୮:୫

୨ ଏନାଆଁତାକି ଇତିହଁ ମାମ୍ମୁପ୍ରୁ ଜୀସୁ ତାଣାଟି ମିଞ୍ଜେ ଏନି ଏନି ହୁକୁମି ହାହାମାଞ୍ଜାତମି ଏଦାଆଁ ମୀରୁ ପୁଞ୍ଜାମାଞ୍ଜେରି □

୩ ମୀରୁ ସୁଦୁ ଗାଟାତେରି ଆହାଁ ମାଞ୍ଜୁ, ଇଦିଏ ମାହାପୁରୁତି ଅଣ୍ପାପୁ ତଲେ ମାଞ୍ଜୁ, ଅଡେ ବାରେ ଲେହେଁତି ଦାରିକାମାଟି ଏଚକା ଆହାନା ମାଞ୍ଜୁ □

୪ ମାହାପୁରୁଇଁ ପୁନାଆତି ଲକୁ ଲେହେଁ ଆଜ୍ଞାତି ଜୁପକାତି ଅଣ୍ପାପୁ ତଲେ ମାନାଆନା ମୀରୁ ରଅ ରଅତେରି ମୀ ମୀ ତକ୍ତି ତଲେ ଲକୁ କାନୁତା ସୁଦୁ ଅଡେ ମାନି ତଲେ ମାଞ୍ଜାଲି ପୁଞ୍ଜୁ □

୫ ଇଞ୍ଜା ମାହାପୁରୁଇଁ ପୁନାଆତି ଏଚକା କୃତାତି ଲକୁ ଲେହେଁ ଆଜ୍ଞାତି ଅଣ୍ପାପୁ ତଲେ ମାନାଆନା □

୬ ଏମ୍ମାଟିଏ ଇ ବାରେ କାତାତା ଆମ୍ମାଆସି ତାନି କ୍ରୀସ୍ତାନା ତାୟିଇଁ ଦହ କିଆପେସି, କି ନାଡ଼ି କିଆପେସି, ଏନାଆଁତାକି ଇତିହଁ ପ୍ରୁ ଏଲେ କିନାଣାଇଁ ତଣ୍ଡ ହାନେସି ଇଞ୍ଜା ମାମ୍ମୁତଲିଏ ମିଞ୍ଜେ ଖେସାନା ଜାଗ୍ରାତା କିହାଁ ସାକି ହାହାମାଞ୍ଜାତମି □

୭ ଇତିହଁ ମାହାପୁରୁ ମାଞ୍ଜେ ପଲ୍ଲଆଗାଟି କାମାତା ନୀତାଲି ଆଏ, ସାମା ସୁଦୁ ଗାଟାତାୟି ଆୟାଲି ଆଡ଼ାମାଞ୍ଜାନେସି □

୮ ଏନାଆଁତାକି ଇତିହଁ ଆମ୍ମାଆସି ଇ ଜାପୁନାଣି ଅପଅସି, ଏଞ୍ଜାସି ମାଣ୍ଡିଲିଆଏ, ସାମା ମିଞ୍ଜେ ମୀ ହିୟାଁତା ଆମିନି ମାହାପୁରୁ ସୁଦୁଜୀଞ୍ଜୁ ହାହାମାଞ୍ଜାନେସି ଏଞ୍ଜାଣାଇଁ ଅପଅସି □

୯ ତାୟିୟାଁ ଅଡେ ତାଞ୍ଜିସ୍ତାଣି ଜୀଞ୍ଜୁ ନନାଣି ରାଡ଼ାଲି ଲଡ଼ା ଆଏ, ଇତିହଁ ମୀରୁ ମୀରୁଏ ଜୀଞ୍ଜୁ ନଞ୍ଜିଆୟାଲି ମାହାପୁରୁ ତାଣାଟି ଜାପାମାଞ୍ଜେରି □

୧୦ ଅଡେ, ମୀରୁ ଏଲେକିହଁଏ ମାକିଦନିୟାତା ମାନି ବାରେ କ୍ରୀସ୍ତାନା ତାୟିୟାଁ ଅଡେ ତାଞ୍ଜିସ୍ତାଣି ଜିକେଏ ଜୀଞ୍ଜୁ ନହିମାଞ୍ଜେରି □ ସାମା ଆତିହଁ ଜିକେଏ ଏ ତାୟିୟାଁ ଅଡେ ତାଞ୍ଜିସ୍ତାତେରି, ମୀରୁ ଏନିକଁ ଅଡେ ଆଗାଡ଼ା କିହାଲି ରାହାଁ କିଦେରି,

୧୧ ଅଡେ ମିଞ୍ଜେ ହୀପକିଆହାମାନି ମା ହୁକୁମି ଲେହେଁ ମୀରୁ ଏନିକଁ ହିଡ଼ଡ଼ି ତଲେ ନୀତା ବାଡ଼କିଦେରି, ଜାହାରା କାମାତା ହିକିଦେରି ଅଡେ ଜାହାରା କେୟୁତଲେ କାମା କିହାଲି ପାଡ଼ାଆଡ଼ାୟି ଇଞ୍ଜା ଅଣ୍ପାପାଦୁ, ଇଦାଆଁତାକି ମାମ୍ମୁମିଞ୍ଜେ ବାଡ଼ିମାଲି ମାଞ୍ଜାନମି,

୧୨ ଏନିକଁ ପାଜ୍ଞାତି ଲକୁତାକି ମୀରୁ ନେହଁ ମାଣ୍ଡିକି ତହନାତେରି ଆଦେରି ଇଞ୍ଜା ମିଞ୍ଜେ ଏନାୟି ଜିକେଏ କାଡ଼ାରା ଆୟେଏ □

ପ୍ରୁଡ଼ି ଖେଣ୍ଡା ଖାନ୍ନାୟି

୧୩ ଏ ମା ତାୟିୟାଁ ଅଡେ ତାଞ୍ଜିସ୍ତାତେରି, ବାସୁଁ ହିଲାଆ ଏଚକାତି ବାରେ ଲକୁ ଲେହେଁ ମୀରୁ ଏନିକଁ ଦୁକୁ ଗାଟାତେରି ଆଅତେରି, ଇଦାଆଁତାକି ହାଡ଼ାରି କାତାତି ମୀରୁ ପୁନାଆନା ମାଞ୍ଜୁ ଇଦି ମା ଅଣ୍ପାପୁ ଆଏ □

୧୪ ଏହାଆଁତାକି ଇତିହାସି ମାର ନାମିନାୟି, ଜୀସୁ ହାହାନା ଖେଣ୍ଡେ ନିଜାମାନେସି, ଆତିହାସି ମାହାପୁରୁ ଜୀସୁ ତାଣାଟି ହାହାମାନି ଲକୁଣି ଏଲେଆହାସି ତାନିତଲେ ତାନେସି, ଇଦାଆଁ ଜିକେଏ ନାମିନାୟିମାନେ ।

୧୫ *ମାମୁ ପ୍ରବୁତି ବଲୁଲେହେଁ ମିଜେ ଇଦାଆଁ ଖେସିମାଜାନମି, ମାର ଏତେକା ଲକୁ ପ୍ରବୁତି ଖେଣ୍ଡେ ଖାନି ଦିନା ପାତେକା ନାତାହାଁ ତୟା ମାନାୟି, ମାମୁ ଏନିକି ଜିକେଏ ହାହାମାନି ଲକୁତି ନକିତା ହାଲଅମି ।

୧୬ ଏତେଟିଏ ପ୍ରବୁତି କାଜା ଦୁତୁତି ହୁକୁମି ହାହାମାନି ହାତା ଅଡେ ମାହାପୁରୁତି ତୀତି ମହୁରି ହାତାତଲେ ଲାକପୁରୁତି ରେଚା ଖାନେସି, ଇଞାହାଁ କ୍ରୀସୁଇଁ ନାମାହାଁ ହାହାମାନାରି ଏଞାରି ନଡେଏ ନିଜିନେରି;

୧୭ ଅଡେ ତାୟୁ ଏ ଦିନା ନାତାମାନି ଲକୁତାୟି ବାରେ, ଏଞାରିତଲେ ପ୍ରବୁଇଁ ବେଟାଆହାଲି ଦୁହା ତଲେ ଖାରଇ ହାଗୁତା ଅଞ୍ଜିଆନାୟି ଏଲେକିହାସି ଏ ମାର ପ୍ରବୁ ତଲେ କାଲିକାଲି ତାକି ତୟିନାୟି ।

୧୮ ଏହାଆଁତାକି ଇତିହାସି ଇ ବାରେ କାତା ଆସାନା ମୀରୁ ମୀରୁଏ ରଅତେରି ରଅଣାଇଁ ସାସା ହାଞ୍ଜି ଆଦୁ ।

୫

ପ୍ରବୁ ଖାନି ଦିନାତାକି ଜାଗ୍ରାତା ଆନାୟି

୧ ଏ ମା ତାୟିୟାଁ ଅଡେ ତାଜିସ୍ତା କାଲି ଅଡେ ତୀରି କିହାମାନି ବେଲାତି କାତା ମିଜେ ରାଚାଲି ଲଡା ଆଏ,

୨ *ଇତିହାସି ପ୍ରବୁ ଖାନି ଦିନା ଲାଆଁୟାଁ ତଂଗେଏସି ଖାନି ଲେହେଁ ଖାନେ ଇଞ୍ଜି ମୀରୁ ପୁଞ୍ଜାମାଞ୍ଜେରି ।

୩ ନୀଏ ବାରେଞାକି ହିଡ଼ି ଇଞ୍ଜା ଆଜି ହିଲେଏ ଇଞ୍ଜି ଲକୁ ଖେହୁନି ବେଲାତା ଦେବୁଣିଏ କକାରି ପଦା ଆନି ଇୟାନାକି ଲୁଞ୍ଜିନି ବୀସା ଲେହେଁ ଏଞାରାକି ନାସା ଖାନେ, ଅଡେ ଏଞାରି ଏମାଟି ଏନିଜିକେଏ ଗେଲପି ଆଅରି ।

୪ ସାମା ଏ ତାୟିୟାଁତେରି ମୀରୁ ଆନ୍ଦେରିତା ହିଲଅତେରି, ଏ ଦିନା ମୀରୁ ପୁନାଆରେଟୁ ତଂଗେଏସି ଖାନିଲେହେଁ ମୀରୁ କାଚାହିଲାଆ ବେଲାତା ଖାନେସି ।

୫ ମୀରୁ ବାରେଜାଣା ଉଜେଡି ଅଡେ ମାଦେନାତି ମୀରକା ଇଞ୍ଜା ମାସକାତେରି, ମୀରୁ ଆନ୍ଦେରି ଅଡେ ଲାଆଁୟାଁତି ମୀରକା ମାସକାତେରି ଆଏ;

୬ ଏହାଆଁତାକି ଖାଦୁ ମାର ଏଟକାତାରି ଲେହେଁ ଇଦା କିଆପ, ମାର ଜାଗ୍ରାତା ଆହାଁ ସେଡନା ତଲେ ତୟିନ ।

୭ ଇତିହାସି ଆମାଆରି ଇଦା କିନେରି, ଲାଆଁୟାଁ ଇଦା କିନେରି, ଅଡେ ଆମାଆରି କାଡୁ ହୁଡିନେରି ଲାଆଁୟାଁ ହୁଡିନେରି,

୮ *ସାମା ମାର ମାଦେନାତି ମୀରକା ମାସକା ଆହାମାନାକି ଜୀସୁ ନନି ଲେହେଁତି ନାମୁତି ବକ ପାଟା ତୁରହାଁ, ଗେଲପିଆନି ବାସୁତି ଟପେରି ତାୟୁଁ ତୁରହାଁ ଜାଗ୍ରାତା ତଲେ ତୟିନ ।

୯ ମାହାପୁରୁ ମାଜେ ତାନି କାରବି ତାକି ତଣ୍ଡ ହିୟାଲି ଆଏ, ସାମା ମା ପ୍ରବୁ ଜୀସୁ କ୍ରୀସୁ ତାଣାଟି ଗେଲପିଆୟାଲି ଆଚାମାଜାନେସି ।

୧୦ ଏଞାସି ମା ତାକି ହାଡେସି, ମାର ହାଡିହାସି କି ଜୀସୁତଲେ ମାତିହାସି ମାର ଏନିକି ଏଞାଣିତଲେ ନୀଡିନାୟି ।

୧୧ ଏହାଆଁତାକି ନୀଏ କିହିମାନି ଲେହେଁ, ମୀରୁ ରଅତେରି ରଅଣାଇଁ ସାସା ଅଡେ ସାୟେମି କିଞ୍ଜିଆଦୁ ।

ଜାପୁନାୟି ଅଡେ ଜହରା କିହାଁ ଆକୁତି ରାପୁନାୟି

୧୨ ଏ ତାୟିୟାଁ ଅଡେ ତାଜିସ୍ତାତେରି, ମାମୁ ମିଜେ ବାତିମାଲି ମାଜାନମି, ଆମାଆରି ମୀ ତାଣା ଖାହୁତଲେ କାମା କିନେରି ଇଞ୍ଜା ପ୍ରବୁତି କାମାତା ମୀ ସାଲଞ୍ଜି କିନାରି ଲେହେଁ ମିଜେ ସେଡନା ହିୟାନେରି, ଏଞାରାଇଁ ମାନଞ୍ଜି ଆଦୁ,

୧୩ ଅଡେ ଏଞାରି ମୀ ତାଣା କିହିମାନି କାମାତାକି ଏଞାରାଇଁ ହାରେକା ଜୀସୁନଦୁ । ମୀରୁ ମୀରୁଏ ହିଡ଼ି ତଲେ ମାଞ୍ଜୁ ।

୧୪ ଏ ମା ତାୟିୟାଁ ଅଡେ ତାଜିସ୍ତାତେରି, ମିଜେ ବାତିମାଲି ମାଜାନମି ନିସ୍ତା ଗାଟାରାଇଁ ଜାଗ୍ରାତା କିଦୁ, ଆଜି ଗାଟାରାଇଁ ସାସା ହାଦୁ, ବାଡ଼ୟୁ ହିଲାଆଗାଟାରାଇଁ ସାୟେମି କିଦୁ, ଅଡେ ବାରେଜାଣା ତାକି ସୁଦୁ ଗାଟାତେରି ଆଦୁ,

୧୫ ଜାଗ୍ରାତା ଆଦୁ ଲାଗେଏ କିୟାତାଣାଇଁ ଖେଣ୍ଡେ ଲାଗେଏ କିଆଦୁ, ସାମା ବାରେବେଲା ମୀରୁ ମୀରୁଏ ରଅତେରି ରଅଣାକି ଅଡେ ବାରେ ଲକୁତାକି ନେହାଁ କିୟାଲି ଅଣ୍ଡପେମାଞ୍ଜୁ ।

୧୬ ବାରେବେଲା ରାହାଁ ଆଦୁ ।

୧୭ କାଲେଏ ପ୍ରାତାନା କିହେ ମାଞ୍ଜୁ ।

୧୮ ମୀରୁ ଏନିଆହାସି ମାତିହାସି ଜିକେଏ ମାହାପୁରୁଇଁ ଜହରା କିଦୁ, ଇତିହାସି ମୀରୁ କ୍ରୀସୁ ଜୀସୁ ତାଣା ଆଣ୍ଡାନା ଏଲେକିହାସି ଏ ନୀତାନା ମାଞ୍ଜୁ ଇଞ୍ଜି ମାହାପୁରୁତି ଅଣ୍ଡପୁ ।

୧୯ ମାହାପୁରୁତି ଜୀସୁଇଁ ଆଂଗାଆଦୁ;

୨୦ ମାହାପୁରୁ ବଲୁ ଖେହୁନାଣି ଉଜେଏ ଇଞ୍ଜି ଇନାଆଦୁ ।

୨୧ ବାରେ ତାୟିପାରି କିହାନା ଏନାୟି ନେହାୟି ଏହାଆଁ ଆହୁଦୁ ।

୨୨ ବାରେ ପଲୁଆ ତାଣାଟି ଏଟକା ଆଦୁ ।

୨୩ ହିଡ଼ି ହାନି ମାହାପୁରୁ ମିଜେ ବାରେ ଖାକିଟି ସୁଦୁ ଗାଟାତେରି କିୟାପେସି, ମୀ ଜୀସୁ, ପୁଣ୍ଡା, ଅଡେ ମୀ ଆଜା ବାରେତି ମା ପ୍ରବୁ ଜୀସୁ କ୍ରୀସୁ ଖାନି ପାତେକା ଦହ ହିଲାଆଗାଟାୟି ଆହା ମାଜାଲି ହିୟାପେସି ।

୨୪ ଆମାଆସି ମିଜେ ଆଚାମାଜାନେସି ଏଞାସି ଟିକାଣା ଗାଟାସି ଏଞାସି ଇ ବାରେ କିନେସି ।

୨୫ ଏ ତାୟିୟାଁ ମାଜେତାକି ପ୍ରାତାନା କିଦୁ ।

☆ ୪:୧୫ ୪:୧୫ ୧କର ୧୫:୫୧,୫୨ ☆ ୫:୨ ୫:୨ ମାତି ୨୪:୪୩; ଲୁକ ୧୨:୩୯; ୨ପିତ ୩:୧୦ ☆ ୫:୮ ୫:୮ ଏପିସି ୨:୧୩-୧୭

୨୬ ବାରେ ତାୟିୟାଁଇଁ ସୁଦୁଜୀଝୁତି ନଶ୍ରିନି ଲେହେଁ
ବାରେଜାଣାତି ଜହରା କିଦୁ □

୨୭ ବାରେ ତାୟିୟାଁ ନକିତା ଇ ଆକୁ ପଡ଼ଝି ଆହାଲିତାକି
ନାନୁ ପ୍ରବୁତି ଦରୁତଲେ ମିଙ୍ଗେ ପାରମାଣା କିହିମାଞ୍ଜାଇଁ □

୨୮ ମା ପ୍ରବୁ ଜୀସୁ କ୍ରୀସ୍ତତି କାର୍ମାମେହ୍ନାୟି ମିଙ୍ଗେ
ଆୟାପେ □

କୁଲମିକି ପାଞ୍ଚଲ ରାଚାମାନି ରୀ ଲମ୍ବର ଆକୁ ତେସଲନିକି କୁଲମିତାକି ପାଞ୍ଚଲ ରାଚାମାନି ରୀ ଲମ୍ବର ଆକୁ ମୂଲୁ ହାଡ଼ା

ତେସଲନିକି ରୀ ଲମ୍ବର ଆକୁ ପାଞ୍ଚଲ ତାଣାଟି ରାସ୍ତକି ଆହାମାନେ ୧:୧ □ ତେସଲନିକି ମୂଲୁ ଆକୁ ରାଚିତି ଏରରଦିନା ତାମ୍ଭୁ ଇଚିହଁ କ୍ରୀସ୍ତ ଜାର୍ନାଆଡ଼ି ୫୧ ବାସୀ ତାମ୍ଭୁ ଇ ଆକୁ ରାସ୍ତକି ଆହାମାନେ □ ଏଚିବେଲତା ପାଞ୍ଚଲ କରନ୍ତି କୁଲମିତା ମାଚେସି କାମା ୧୭:୧-୧୦ □

ତେସଲନିକିତା ମାନି କ୍ରୀସ୍ତାନା ଲକୁ କ୍ରୀସ୍ତ ଖେଣ୍ଡେ ଖାନି କାତାତି ନେହଁ କଁ ପୁନାଆନା ତାନି ଅଣ୍ଡପୁତା କିଲିବିଲି ଆହିମାଚେରି □ ଏଞ୍ଜାର ତାମ୍ଭୁ କୁଞ୍ଜିତ କାମା ପିସାନା ନିସ୍ତା ଆଚେରି ଇଞ୍ଜା ଅର କ୍ରୀସ୍ତାନା ଲକୁ ଏଞ୍ଜାରାଇଁ ସାଝେମି କିହିମାଚେରି □

ଏରରଜାଣା କ୍ରୀସ୍ତ ଖେଣ୍ଡା ଖାନାଣି ଆଜିମାଚେରି, ଇ କାତା ପୁଞ୍ଜାନା ପାଞ୍ଚଲ ଇ ରୀ ଲମ୍ବର ଆକୁ ରାଚିମାନେସି, ଇଚିହଁ କ୍ରୀସ୍ତ ଖାଆ ନଚେଏ ହାଚେରକା ଲାଗେଏ ପଚେଲଏ ଆହିମାଚେ, ଇଞ୍ଜା ଏଞ୍ଜାରାଇଁ ବାତିମାଲିହଁ ରାଚିମାନେସି □ ମୀରୁ ନାମୁତା ପାତାଆହାନା ମାଞ୍ଜେମାଞ୍ଜୁ, ଦୁକୁ କସ୍ତ ବେଟାଆହାଲି ଅରୁହାଦୁ, ନା ଆଚିହିତାରି ଖାହୁ ତଲେ କାମା କିତିଲେହେଁ ମୀରୁ ଜିକେଏ ନାମୁତି କାମା କିଦୁ ଇଞ୍ଜା ଏଞ୍ଜାରାଇଁ ବାତିମାଲିହଁ ରାଚିମାନେସି □

ପତିତା ମାନାୟି

- ୧ ପାଞ୍ଚଲ ତାଜେ ଅଡ଼େ ତାନି ଆଚିହିତାରାଇଁ ପୁଣ୍ଡିକିନାୟି □ ୧:୧-୨
- ୨ ତେସଲନିକି କୁଲମିତାକି ଜହରା ଅଡ଼େ ପ୍ରାତାନା □ ୧:୩-୧୨
- ୩ ରାନି ଦିନାତି କାତା □ ୨:୧-୧୭
- ୪ ଏଞ୍ଜାରି ନିସ୍ତା କପାଟି ଅଡ଼େ କାମା କିହାଲି ଖେହ୍ନାୟି □ ୩:୧-୧୫
- ୫ କୁଲମିତି ଜହରା କିହାନା ଆକୁତି ରାପ୍ତନାୟି □ ୩:୧୭-୧୮

୧ *ପାଞ୍ଚଲ, ସିଲ୍ଲା ଅଡ଼େ ତିମତି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣା ମାନି ତେସଲନିକିତି କୁଲମିକି ଆକୁ ରାଚିମାନମି □

୨ ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ନାମେହ୍ନାୟି ଅଡ଼େ ହିଡ଼ତି ଜୀଞ୍ଜୁ ମିଜେତାକି ଆୟାପେ □

ଜୀସୁ ଖେଣ୍ଡେ ଖାନାୟି ଅଡ଼େ ନାହାୟି କିନାୟି

୩ ଏ ମା ତାୟିୟାଁ ଅଡ଼େ ତାଜିସ୍ତାତେରି ମୀ ତାକି ମାମ୍ଭୁ ବାରେଦିନା ମାହାପୁରୁଇଁ ଜହରା କିନାୟି

* ୧:୧ ୧:୧ କାମା ୧୭:୧ * ୨:୧ ୨:୧ ୧ତେସ ୪:୧୫-୧୭

ଲଡ଼ାମାନେ, ଏଲେଆନାୟି ନେହେଁ, ମୀ ନାମୁ ଅଡ଼େ ରଅତେରି ରଅଣାଇଁ ଜୀଞ୍ଜୁନନାୟି ଦିନମି ତାକି ଦିନମି ପାତାଆହିମାନେ □

୪ ଏଚେଟିଏ ମୀରୁ ଆମିନି ବାରେ ସାସ୍ତି ଇଞ୍ଜା କସ୍ତ ବେଟା ଆହାମାଞ୍ଜେରି, ଏମ୍ବାଟି ମୀରୁ ଅରୁହାନା ନାମୁତଲେ ମାଞ୍ଜେ ମାଞ୍ଜେରି, ଏଦାଆଁତାକି ମାମ୍ଭୁ ମାହାପୁରୁ କୁଲମିକାଣା ମିଜେ ତାକି ବଡ଼ପଣ ଆହିମାନମି □

୫ ମାହାପୁରୁତି ଆମିନି ରାଜିତି ତାକି ଦୁକୁ ବେଟାଆହି ମାଞ୍ଜେରି, ଏଦିଏମ୍ବାଆଁ ଜଗେ ଇଞ୍ଜା ତଞ୍ଜାଆହାଲି ଇଦିଏ ମାହାପୁରୁତି ନେହଁ ନାହାୟିତି ପାରମାଣା □

୬ ଏଚିବେଲା ମିଜେ କସ୍ତ ହାହିମାଞ୍ଜାତି ଲକୁକି ବାଦୁଲି ଲେହେଁ କସ୍ତ ହୀନାୟି ଇଞ୍ଜା କସ୍ତ ବେଟାଆହି ମାଞ୍ଜେରି ମୀରୁ, ମିଜେ ମା ତଲେ ଜମିକିୟାନମି, ଇଦିଏ ମାହାପୁରୁ ନକିତା ନେହଁ କାତା;

୭ ଇଚିହଁ ପ୍ରବୁ ଜୀସୁ ଏଚିବେଲା ଜାହାରା ବାଡ଼ୁୟି ଗାଟି ଦୁଦୁୟାଁ ତଲେ ତଞ୍ଜା ମାନି ହିରୁ ଗୁଦ୍‌ଖା ତଲେ ଲାକପୁରୁତି ତଞ୍ଜାଆନେସି □

୮ ଆମ୍ବାଆରି ମାହାପୁରୁଇଁ ପୁଞ୍ଜାହିଲଅରି, ଅଡ଼େ ମା ପ୍ରବୁ ଜୀସୁ କ୍ରୀସ୍ତତି ନେହଁ କାବୁ ମାନୁଡ଼ି ଆଅରି, ଏଞ୍ଜାରାଇଁ ଏଞ୍ଜାସି ଏଚିବେଲା ତଣ୍ଡ ହୀନେସି □

୯ ଇଚିହଁ, ଆମିନି ଦିନା ଏଞ୍ଜାସି ଜାହାରା ଦାର୍ମୁଗାଗାରି ତଲେ ଗାଞ୍ଜୁରମି ବେଟାଆହାଲି ଇଞ୍ଜା ନାମାମାନି ମାହାପୁରୁ ଲକୁ ତାଣାଟି କାବାଆନି ସିନାଲେହେଁ ଆହାଲି ଖାନେସି □ ଇଚିହଁ ମୀରୁ ମାମ୍ଭୁ ହାହାମାଞ୍ଜାନି ସାକିତି ନାମାମାଞ୍ଜେରି □

୧୦ ଏ ଦିନା ଏଞ୍ଜାରି ତଣ୍ଡ ବେଟାଆନେରି, ଇଚିହଁ ପ୍ରବୁତି ତାଗେଟି ଇଞ୍ଜା ତାନି ବାଡ଼ୁୟିଗାଟି ଗାଞ୍ଜୁରମିତି ହେକ ହାଜାନା କାଲକାଲା ତାକି ନାସା ଆନେରି □

୧୧ ଏଦାଆଁତାକି ମା ମାହାପୁରୁ ଏନିକଁ ମିଜେ ହାଚାମାଞ୍ଜାନି ଜଗେ ଇଞ୍ଜାନେସି, ଏଦାଆଁତାକି ମାମ୍ଭୁ ଜିକେଏ ବାରେବେଲା ମିଜେତାକି ପ୍ରାତାନା କିହିମାନମି; ଏନିକଁ ନାମୁତି ବାରେ କାମା ନେହଁ କଁ କିହାଲି ଆଡ଼ିଦେରି □

୧୨ ଏଲେଆଡ଼ିହଁ ମା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତତି କାର୍ନାମେହ୍ନାଣି ଲେହେଁ ପ୍ରବୁ ଜୀସୁତି ଦରୁ ମୀ ତାଣା ଗାଞ୍ଜୁରମି ଆନେ, ଅଡ଼େ ମୀରୁ ତାନିତାଣାଟି ଗାଞ୍ଜୁରମି ବେଟାଆଚେରି □

୨

ଲାଗେଏତି ମାଣ୍ଡସି

୧ *ତାୟିୟାଁ ଅଡ଼େ ତାଜିସ୍ତାତେରି, ପ୍ରବୁ ଜୀସୁ କ୍ରୀସ୍ତ ଖେଣ୍ଡେ ଖାନାଣି ଅଡ଼େ ମାର ତାନିତଲେ କୃତା ଆନାଣି ତାକି ମିଜେ ବାତିମାଲି ମାଞ୍ଜାନମି □

୨ ପ୍ରବୁତି ଦିନା ଏଗାଞ୍ଜାତେୟିଏ ଇଞ୍ଜିହଁ ମୀ ଏନି ଜୀଞ୍ଜୁ କି ବଲୁ କି ମା ତାଣାଟି ରାସ୍ତକି ଆହାମାନେ ଇଞ୍ଜା

ଅଣ୍ଠପାନା ଆମିନି ଆକୁ ତଲେ ଗାଡ଼େକେଏ ଗୁଚା ଆଆଦୁ କି କିଲିବିଲି ଆଆଦୁ □

୩ ଆମ୍ବାଆସି ଏନିକିହିଁ ଜିକେଏ ମିଙ୍ଗେ ନାଡ଼ି କିୟାଆପେସି, ଏନାଆଁତାକି ଇଚିହିଁ ମୁଲୁଏ ଦାମ୍ବୁ ବିତ୍ରା ଗଡ଼ହା ଆନେ, ଅଡ଼େ ନାସାକିନି ଦାମ୍ବୁ ହିଲାଆ ମାଣସି ତଞ୍ଜା ଆନାୟି ମାନେ, ଆଆତଁ ପ୍ରବୁତି ଦିନା ଝାଏ □

୪ ଇଝାସି ଏ ଦାମ୍ବୁ ହିଲାଆଗାଟି ମାଣସି ପୂଜା ବେଟାଆହିମାନି ପେଣକା କି ମାହାପୁରୁ କପାଟି ନିଜିନେସି ଅଡ଼େ ବାରେଡି କିହିଁ ଜାହାରାଇଁ ହାରେକା ଗାଝୁରମି କିହାକଡିନେସି, ଇଲେକିହିଁ ମାହାପୁରୁତି ଇଲୁତା ଜିକେଏ କୁଗାନା ଏଝାସି ନାନୁ ମାହାପୁରୁତେଏଁ ଇନେସି □

୫ ମୀରୁ ଏଦାଆଁ ଅଣ୍ଠପି ହିଲଅଡେରି କି ? ନାନୁ ମୀ ତଲେ ମାଟିବେଲା ମିଙ୍ଗେ ଇ ବାରେ କାତା ଝେସାମାଞ୍ଜାତେଏଁ □

୬ ତାରିକିହା ମାନି ଦିନା ଏଝାସି ତଞ୍ଜାଆନେସି, ଆଡ଼ିଜିକେଏ ତାନୁ ଝାନାଣି ଏନାୟି ଆଜିମାନେ ଏଦାଆଁ ମୀରୁ ପୁଞ୍ଜାମାଞ୍ଜେରି □

୭ ଏ ପାପୁତା ଡ଼ଗୁମାନି ବାଡ଼ୁୟୁ ନାଏଁ ଜିକେଏ କାମା କିହିମାନେ, ସାମା ଏନାୟି ଆନାୟି ମାନେ ଏ ଆଜ୍ଞା ମାନାସି ଗୁଚା ଆଆପାତେକା ଝାଏ □

୮ ଏଡିବେଲା ଲାଗେଏଡି ଜୀଝୁଗାଟି ମାଣସି ତଞ୍ଜାଆନେସି, ଏଝାଣାଇଁ ପ୍ରବୁ ଜୀସୁ ଗୁଡିଟି ହନି ଉକଅଡ଼ି ତଲେ ପାୟିନେସି ଇଞ୍ଜା ତାନୁ ଝେଣ୍ଡେ ଝାନାଟି ତଞ୍ଜାଆନି ଉଜେଡ଼ି ତଲେ ନାସା କିନେସି □

୯ ସୟତାନତି ବାଡ଼ୁୟୁ ହାପକି ଆହାମାନି ଲେହେଁ ବାରେଲେହେଁଟି ମିଡିତି ବାଡ଼ୁୟୁ, ସିନା ଇଞ୍ଜା କାବାଆନି କାମା, ଅଡ଼େ ନାସା ଆହିମାନି ଲକୁତାଣା ବାରେଲେହେଁଟି ଦାମ୍ବୁ ନାଡ଼ି କିନାଆଁ ତଲେ ଲାଗେଏଡି ମାଣସି ଝାନେସି,

୧୦ ଇଞ୍ଜା ନାସା ଆନାରାଇଁ ବାରେଲେହେଁଟି ଲାଗେଏ ଗାଟି ନାଡ଼ିକିନି କାମା କିନେସି, ଏନାଆଁତାକି ଇଚିହିଁ ଗେଲ୍‌ପିଆୟାଲି ସାତାଡି ଜୀଝୁ ନଆନା ଅପାଆଗାଗାରି ନାସା ଆନେରି □

୧୧ ଇଦାଆଁତାକି ଏଝାରି ଏନିକିଁ ମିଡିତାଣି ନାମିନେରି, ଏଦାଆଁତାକି ମାହାପୁରୁ ଏଝାରିତାଣା ନାଡ଼ିକିନି ବାଡ଼ୁୟୁ ପାଣ୍ଡାମାଞ୍ଜାନେସି □

୧୨ ଏନିକିହିଁ ଆମ୍ବାଆରି ସାତାଡି ନାମାଆନା ଦାମ୍ବୁ ହିଲାଆଗାଟି ତାଣା ରାହାଁ ଆହାମାନେରି, ଏଝାରି ବାରେଜାଣା ଡ଼ଣ୍ଡ ବେଟାଆନେରି □

ଗେଲ୍‌ପିଆୟାଲି ହାଟ୍‌କି ଆହାମାଞ୍ଜେରି

୧୩ ମା ପ୍ରବୁତି ଜୀଝୁତି ତାୟିୟାଁ ଅଡ଼େ ତାଜିସ୍ତାତେରି, ମିଙ୍ଗେତାକି ବାରେଦିନା ମାହାପୁରୁଇଁ ଜହରା କିନାୟି ମା କାମା, ଏନାଆଁତାକି ଇଚିହିଁ ମାହାପୁରୁ ଜୀଝୁତି ସୁଦୁ ଇଞ୍ଜା ସାତାଡି ନାମୁତଲେ ଗେଲ୍‌ପି ଆହାଲି ମିଙ୍ଗେ ମୁଲୁତି ପାଡ଼େୟିଲେଁ ବାଟି କିହାମାଞ୍ଜାନେସି □

୧୪ ଏଦାଆଁତାକି ଜିକେଏ ଏଝାସି, ମାମ୍ବୁ ଝେକହାମାନି ନେହିଁ କାରୁତଲେ ମା ପ୍ରବୁ ଜୀସୁ କ୍ରୀସ୍ତତି ଗାଝୁରମି ବେଟାଆହାଲି ମିଙ୍ଗେ ହାଟାମାଞ୍ଜାନେସି □

୧୫ ଏଲେଆହିଁ ଏ ଏ ମା ତାୟିୟାଁ ଅଡ଼େ ତାଜିସ୍ତାତେରି ତାରିଆହାଁ ମାଞ୍ଜୁ, ଅଡ଼େ ମାମ୍ବୁ ଝେସ୍ତାତି ବଲୁ କି ଆକୁ ତଲେ ମୀରୁ ଏନାଆଁ ଜାପାମାଞ୍ଜେରି, ଏଦାଆଁ ଜାଣ୍ଡେ ଆସାଁ ମାଞ୍ଜୁ □

୧୬ ମା ପ୍ରବୁ ଜୀସୁ କ୍ରୀସ୍ତ ତାନୁଏ ଅଡ଼େ ମା ଆବା ମାହାପୁରୁ ଅଡ଼େ ମାଙ୍ଗେ ଜୀଝୁନହାଁନା ତାନି କାର୍ମାଟି କାଲାକାଲାତି ସାସା ଅଡ଼େ ନେହିଁ ବାସୁଁ ହାହାମାଞ୍ଜାନେସି □

୧୭ ଏଝାସି ତାନୁଏ ମୀ ହିୟାଁ ସୁସ୍ତି ହାହାଁ ମିଙ୍ଗେ ବାରେଲେହେଁଟି ନେହିଁ କାମା ଇଞ୍ଜା ବଲୁତା ତାରିକିୟାପେସି □

୩

ମା ତାକି ପ୍ରାତାନା କିଦୁ

୧ ବାରେଡି ତାୟୁ, ଏ ମା ତାୟିୟାଁ ଅଡ଼େ ତାଜିସ୍ତାତେରି ମାଙ୍ଗେ ତାକି ପ୍ରାତାନା କିଦୁ, ଏନିକିଁ ପ୍ରବୁତି ନେହିଁ ବଲୁ ମୀ ତାଣା ଆଡ଼ି ଲେହେଁ ବାରେଝାକି ଝେଙ୍ଗା ହାଜାନା ଗାଝୁରମି ପାଣ୍ଡନେ,

୨ ଅଡ଼େ ଏନିକିଁ ମାମ୍ବୁରୁଦି ହିଲାଆ ଗାଟାରି ଅଡ଼େ ଦହଗାଟାରି ତାଣାଟି ଗେଲ୍‌ପି ଆନମି, ଏନାଆଁତାକି ଇଚିହିଁ ବାରେ ତାଣା ନେହିଁ ବଲୁ ନାମା ହିଲଅରି □

୩ ସାମା ପ୍ରବୁ ଟିକାଣାତାସି, ଏଝାସି ମିଙ୍ଗେ ତାରି କିହାନା ଲାଗେଏ ପଟ୍‌ଲଏ ତାଣାଟି ଗେଲ୍‌ପାନେସି □

୪ ମାମ୍ବୁ ମିଙ୍ଗେ ଏନିକିଁ ହୁକୁମି ହାହିମାଞ୍ଜାନମି, ଏ ବାରେ ମୀରୁ କିହିମାଞ୍ଜେରି, ଅଡ଼େ କିଦେରି, ଇଦି ମୀ ତାକି ପ୍ରବୁ ତାଣା ମା ଆଡ଼ଝା ନାମୁ ମାନେ □

୫ ଅଡ଼େ ପ୍ରବୁ ମୀ ହିୟାଁତି ମାହାପୁରୁତି ଜୀଝୁ ନନାଣି ଇଞ୍ଜା କ୍ରୀସ୍ତତି ସାସା ବେଟାଆହାଲି ସାୟେମି କିୟାପେସି □

ବାରେଜାଣା କାମା କିନାୟିମାନେ

୬ ଏ ମା ତାୟିୟାଁ ଅଡ଼େ ତାଜିସ୍ତାତେରି, ମାମ୍ବୁ ପ୍ରବୁ ଜୀସୁ କ୍ରୀସ୍ତତି ଦରୁତଲେ ମାମ୍ବୁ ମିଙ୍ଗେ ଇ ହୁକୁମି ହାହିମାଞ୍ଜାନମି, ଆମିନି ତାୟି ମା ତାଣାଟି ଜାପାମାନିଲେହେଁ ମାଣକିତା ମାନାଆନା ନିସ୍ତା ତଲେ ନୀଡିନେସି, ଏଝାଣି ତାଣାଟି ଜାହା ଜାହାରାଇଁ ଏଟ୍‌କା କିଦୁ □

୭ ଇଚିହିଁ ମାମ୍ବୁ ଏନିକିଁ କିହି ମାଟମି ଏଲେକିଁ ମୀରୁଝା କିନାୟିମାନେ, ଏଦାଆଁ ମୀରୁ ମୀରୁଏ ନେହିଁକିଁ ପୁଞ୍ଜାମାଞ୍ଜେରି, ଏନିକିଁ ମାମ୍ବୁ ମୀ ତାଣା ନିସ୍ତା ତଲେ ନୀଡି ହିଲାଆତମି □

୮ ମାମ୍ବୁ ଉଜେଏ ଆମ୍ବାଆରି ରାନ୍ଦା ଡ଼ିଞ୍ଜି ହିଲାଆତମି, ସାମା ମିଙ୍ଗେ ବଲୁ ଆଆପେଝା ଇଞ୍ଜିଁ ଲାଆଁ ମାଦେନା ଝାହୁରାଡା ଅଡ଼େ କସ୍ତତଲେ କାମା କିହି ମାଟମି;

୯ ମା ତାଣ୍ଡାଟି ଏନାଆଁ ବେଟାଆହାଲି ମା ଅଦିକାରା ହିଲେଏ, ଏଡି ଆଏ, ସାମା ଏନିକି ମୀରୁ, ମାମ୍ବୁ କିହିମାଟିଲେହେଁ କିଦେରି; ଇଦାଆଁତାକି ମାମ୍ବୁ ମୀ ନକିତା ଜାହାରାଇଁ ନେହଁ ମାଣ୍ଡକି ତସାଲି ତାକି ଏଲେକିତମି □

୧୦ ଇଚିହଁ ମୀ ତଲେ ମାମ୍ବୁ ମାଟାଟି ମିଙ୍ଗେ ଇ ହୁକୁମି ହିୟାତମି, “ଆମ୍ବାଆସି କାମା କିହାଲି ମନ କିଅସି, ଏଞ୍ଜାସି ରାନ୍ଦା ଜିକେଏ ତିନାଆପେସି □”

୧୧ ଇଚିହଁ ମୀ ତାଣ୍ଡା ଏଚେକା ଲକୁ ନିସ୍ତା ତଲେ ନୀତିମାଞ୍ଜେରି ଇଞ୍ଜା ଏଞ୍ଜାରି ଏନି କାମା କିଆନା ଉଜେ ଉଜେଏ ଏଚକା ଲକୁତି କାତା ଅଣ୍ଡିମାନେରି, ଇଞ୍ଜା ମାମ୍ବୁ ହୁଞ୍ଜାମାନମି □

୧୨ ଇଲେତାରାଇଁ ନେହଁ ଆହଁ ନୀତାଲି ଅଡେ ତାମି ରାନ୍ଦା ତାମ୍ବୁ ନେହଁ ଅଣ୍ଡୁ ତଲେ କାମା କିହାଲି, ମାମ୍ବୁ ଜୀସୁ କ୍ରୀସ୍ତ ଦରୁତଲେ ସେଡନା ଅଡେ ହୁକୁମି ହାହିମାଞ୍ଜାନମି □

୧୩ ସାମା ଏ ମା ତାୟିୟାଁ ଅଡେ ତାଙ୍ଗିସ୍ତାତେରି ମୀରୁ ନେହଁ କାମା କିୟାଲି ଏଚେଲାଞ୍ଜା ଝାହାଆଦୁ □

୧୪ ଇ ଆକୁତା ମାମ୍ବୁ ରାଚାମାନାଣି ଆମ୍ବାଆସି ମାନଞ୍ଜି ଆଅସି, ଏଞ୍ଜାଣାଇଁ ଗୁରି କିଦୁ, ଅଡେ ଏଞ୍ଜାସି ଏନିକି ଲାଜା ବେଟା ଆନେସି, ଏଦାଣିତାକି ଏଞ୍ଜାଣିତଲେ ଆଣ୍ଡାଆଦୁ;

୧୫ ଆଡିଜିକେଏ ଏଞ୍ଜାଣାଇଁ ସାତୁ ଲେହେଁ ମେହୁଆଦୁ, ସାମା ଏଞ୍ଜାଣାଇଁ ତାୟିଲେହେଁ ମେସାନା ସେଡନା ହୀଦୁ □

ଆକୁତି ରାପ୍ନି କାତା

୧୬ ହିଡଡି ଜୀଞ୍ଜୁହାନି ପ୍ରବୁ ତାନୁଏ, ବାରେବେଲା ଅଡେ ବାରେ ଝାକିଟି ମିଙ୍ଗେ ହିଡଡି ହିୟାପେସି □ ପ୍ରବୁ ମୀ ବାରେଜାଣା ତଲେ ମାନାପେସି □

୧୭ ନାନୁ ପାଞ୍ଜୁଲତେଏଁ, ନା କେୟୁତଲେ ରାଚାନା ଜୀଞ୍ଜୁତି ଜହରା କିହିମାଞ୍ଜାଇଁ; ନା ବାରେ ଆକୁତା ନା ସିନା ହାନି ଲେହେଁ ରାଚିମାଞ୍ଜାଇଁ, ନା ରାଚିନାୟି ଏଲେତାୟି □

୧୮ ମା ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହନାୟି ବାରେତେରି ମିଙ୍ଗେ ଆୟାପେ □

ତୀନଥୁକ ନିକଟକୁ ପାଉଲକ ପ୍ରଥମ ପତ୍ର ତିନିତ ତାଣା ପାଞ୍ଚୁଲ ରାଚାମାନି ର ଲମ୍ବର ଆକୁ ମୂଳୁ ହାଡ଼ା

ମୂଳୁ ପତି ତିନିତ ର ଲମ୍ବର ଆକୁ, ପାଣ୍ଡୁଆଡ଼ି ପାଞ୍ଚୁଲ ତାଣାଟି ତାନି ସୀସୁ ତିନିତକି ରାସକି ଆହାମାନେ □ ଜୀସୁ କ୍ରୀସୁ ଜାର୍ନାଆଡ଼ି ୨୧-୨୪ ବାର୍ଯା ତାୟୁ ର ଲମ୍ବର ତିନିତ ରାସକି ଆହାମାଣ୍ଡିନେ □ ଇଦି ପାଞ୍ଚୁଲତି ଜୀସୁ ରାନ୍ଦି ବେଲ୍ଲାତା ରାସକି ଆହାମାଣ୍ଡିନେ □ ପାଞ୍ଚୁଲ ତିନିତ ତଲେ ହାରେକା ଜାଟୁ ମାଚେସି, ଏଞ୍ଜାସି ହାରେକା ଦେବା ତିନିତକି ମାର୍‌ଏସି ଇଞ୍ଜି ଇଞ୍ଜା ମାନେସି ପିଲିପି ୨:୨୨; ତିନିତ ୧:୨, ୧:୧୮ □

ଇଦି ପାଞ୍ଚୁଲ ରାଚାମାନି ସାରିଗଟା ଆକୁ ବିଦ୍ରାତି କୁଲମିତି ପିସାନା ର ମାଣ୍ଡିକି ଝେସିମାନେ □ ଅଡ଼େ ତାନିଗଟା ଆକୁ ତିନିତ ରୀ ଲମ୍ବର ଆକୁ, ତିତସ, ଅଡ଼େ ପିଲିମନ □ ର ଲମ୍ବର ତିନିତତା କୁଲମିତି ହାରେକା ପ୍ରାତାନା କିନି ମେରାତି କାତା ୨:୧-୧୫, କୁଲମିତି କାଜା ଲକୁତି ଜଗେତି କାତା ୩:୧-୧୩ ଅଡ଼େ ମିତି ଜାପ୍‌ନାରି କାତାତା ଜାଗ୍ରାତା କିନି କାତା ରାସକି ଆହାମାନେ ୧:୩-୧୧; ୪:୧-୫; ୬:୨-୫ □ ପାଞ୍ଚୁଲ ତିନିତକି ଏନିକିହିଁ କୁଲମିତି ନେହିଁ ସାଲ୍‌ଝି କିନାସି ଆହାଲି ଜାପ୍‌ହି ମାଚେସି ଏ କାତା ରାସକି ଆହାମାନେ □

ତିନିତ ର ଲମ୍ବର ଆକୁତା ହାରେକା ପାଣା ପାଟୁୟା ମାନୁ, ଏଞ୍ଜି କୁଲମିତି ସାଲ୍‌ଝି କିନାରାକି ନୀଞ୍ଜୁ ଝିଏତି କୁଲମିକାଣି ନେହିଁ କିଁ ଜାଡ଼ୁ କିହାଲି ସାୟେମି କିନୁ □

ପତିତା ମାନାୟି

- ୧ ପାଞ୍ଚୁଲ ତିନିତକି ଜହରା କିହାଁ ମାଟ୍‌ନାୟି □ ୧:୧-୨
- ୨ ପାଞ୍ଚୁଲ ତିନିତକି ମିତି ଜାପ୍‌ନାରି କାତାତା ଜାଗ୍ରାତା କିନାୟି □ ୧:୩-୧୧
- ୩ ପାଞ୍ଚୁଲ କ୍ରୀସୁ ତାକି ଏଚେକା ନେହିଁ ତସାମାନେସି ଏଦାଆଁ ଝେସାନା ଆକୁତି ରାଚିନାୟି □ ୧:୧୨-୧୯
- ୪ ପାଞ୍ଚୁଲ ତିନିତକି ପ୍ରାତାନାତି ପାଣାପାଟୁ ଅଡ଼େ ସାଲ୍‌ଝି କିନାରି କାତା ଜାପ୍‌ହାମାନେସି □ ୨-୩
- ୫ ପାଞ୍ଚୁଲ ତିନିତକି ଏଚେକା ତାୟୁତି କାତା ଝେସାନା ଆକୁ ରାଚିନାଣି ରାପ୍‌ନାୟି □ ୪-୬

୧ ନାନୁ ପାଞ୍ଚୁଲ, ମା ଗେଲ୍‌ପାନି ମାହାପୁରୁ ଅଡ଼େ ବାସ୍‌ହି ହୀନି କ୍ରୀସୁ ଜୀସୁ ହୁକୁମି ତଲେ ପାଣ୍ଡୁ ଆହାମାନାତେସି □

୨ *ନାନୁତା ନା ଦାମ୍‌ତି ଜୀସୁତି ମାର୍‌ଏଶାତି ତିନିତ; ଆବା ମାହାପୁରୁ ମା ପ୍ରବୁ ଜୀସୁ କ୍ରୀସୁ ତାଣାଟି ଜୀସୁନନାୟି କାର୍ମାମେହନାୟି ଅଡ଼େ ହିଡ଼ି ନିଜେତାକି ଆୟାପେ □

ମିତି ଜାପ୍‌ନାରି ତାଣାଟି ଜାଗ୍ରାତା

୩ ନାନୁ ମାକିଦନିୟାତା ହାଜିମାଚାଟି ମିଜେ ଝେସାମାଞ୍ଜାତି ଲେହେଁ, ନାନୁ ଏପିସିୟ ଗାଡ଼ାତା ଡ଼ୟାମୁ ଏମାଆଁ ଏଚରଜାଣା ଲାଗେଏତି କାତା ଜାପ୍‌ହିମାନେରି ଏମାଟି ଏଞ୍ଜାରାକି କାହି କିମୁ,

୪ କହୁୟାଁ ଇଞ୍ଜା ରାଆଗାଟି ଆକୁ ଆବାୟାଁ ଦରକାଣି ଆହୁଆପେରି ଇଞ୍ଜି ଏଞ୍ଜାରାକି ଝେହମୁ, ଏ ବାରେ ନାନୁ ତାକି ମାହାପୁରୁତି କାମାତାକି ଆଆନା ସାମା ବାଦିବାଡ଼ା କିଞ୍ଜିକିନେ □

୫ ସୁଦୁ ହିୟାଁ, ନେହିଁ ଅଣପୁ ଅଡ଼େ କୁଟୁ ହିଲ୍ଲାଆ ନାନୁଟି ହିତିମାନି ଜୀସୁ ନନାଣି ଜାଗ୍ରାତା କିହାଲିତାକି ନାନୁ ଇ ହୁକୁମି ହାହିମାଞ୍ଜାକି □

୬ ଏଚରଜାଣା ଇ ବାରେ କାତାତି ବାଣା ଆହାନା ଉଜେଏତି କାତା ଆସାନା ଏଚକା ଜିରୁ ହାଜିମାନେରି;

୭ ଏଞ୍ଜାରି ମେରା ଜାପ୍‌ନାତମି ଇଞ୍ଜି ଅଣପିନେରି, ସାମା ଏଞ୍ଜାରି ଏନାଆଁ ଝେହନେରି, ଅଡ଼େ ଏନାଆଁ ଜାଣେନାଜା ଜାପ୍‌ନେରି, ଏଦାଆଁ ତାମ୍‌ସୁ ତେଲ୍‌ହଅରି □

୮ ମାମ୍‌ସୁ ପୁଞ୍ଜାମାନମି; ମେରାତି ନେହିଁ କିଁ ଲେମ୍‌ସାରେ, ଏଦି ନେହେଁ □

୯ ସାମା ମେରା ଦାମ୍‌ଗାଟି ଲକୁତାକି କିଞ୍ଜିଆଆନା, ଜାହାରା ମନ, ଅଡ଼େ ମାନଝି ଆଆଗାଟାରି, ଦାମ୍‌ ହିଲ୍ଲାଆ ଗାଟାରି, ଅଡ଼େ ପାପୁ ଗାଟାରି, ଲାଗେଏତାରି, ଦାମ୍‌ତି ନାମାଆଗାଟାରି, ତାଲି ତାଞ୍ଜିକି ପାୟିନାରି, ଲକୁଣି ପାୟିନାରି,

୧୦ ଦାରି କିନାରି, ଆବା ଆବାୟାଁ ଦହ କିଞ୍ଜିଆନାରି, ଲକୁଣି ପାରିନାରି, ମିତି ସାକି ହାନାରି, ଅଡ଼େ ମିତି କାତାତାକି ପାର୍‌ମାଣା କିନାରାକି, ଅଡ଼େ ଆମ୍‌ଆରି ନେହିଁ ଜାପ୍‌ନାଣି, ତାକି ନିଜିନେରି, ଏଦାଆଁତାକି ମେରା ମାନଝି ଆଆଗାଟାରିକି ହୀପକି ଆହାମାନେ,

୧୧ ଇଦି ନା ତାଣା ହେରପି ଆହାମାନାୟି ହାରେକା ନେହେଁ ମାହାପୁରୁତି ଗାଞ୍ଜୁରମିଗାଟି ନେହିଁ କାରୁତି ଜାପ୍‌ନି ଲେହେଁ ଆନେ □

ମାହାପୁରୁତି କାର୍ମା ତାକି ଜହରା

୧୨ ନାଜେ କାମାତା ବାଡ଼ୁୟୁ ହାହାମାଞ୍ଜାନି ମା ପ୍ରବୁ କ୍ରୀସୁ ଜୀସୁକି ଜହରା କିହିମାକି, ଏନାଆଁତାକି ଇତିହିଁ ନାଜେ ଏଞ୍ଜାସି ମାନ୍‌ଗାଟାଟି ଇଞ୍ଜି ଅଣପାନା ସେବା କାମା ହେରପା ମାଞ୍ଜାନେସି □

୧୩ *ଆଡ଼ିଜିକେଏ ତଲି ନାନୁ ଜୀସୁକି ନିନ୍ଦା କିନାତେସି, ଡ଼ଣ୍ଡ ହୀନାତେସି, ଅଡ଼େ ଲାଗେଏ କିନାତେସି ମାଚେସି; ସାମା ନାନୁ ନାମା ହିଲ୍ଲାଆତାକି ବୁଦି ହିଲ୍ଲାଆଲେହେଁ ଏଦାଆଁ କିହିମାଚେସି ଇଞ୍ଜି କାର୍ମା ବେଟାଆଡ଼େସି;

* ୧:୨ ୧:୨ କାମା ୧୭:୧ * ୧:୧୩ ୧:୧୩ କାମା ୮:୩; ୯:୪,୫

୧୪ ଅଡ଼େ ମା ପ୍ରବୁତି କାର୍ମା କ୍ରୀସ୍ତ ଜୀସୁ ତାଣାଟି ନାମୁ ଅଡ଼େ ଜୀସୁ ନନ୍ତି ତାଣାଟି ନାଙ୍ଗେତାକି ହାରେକା ଆୟାତେ

୧୫ ପାପୁ ଗାଟାରାଇଁ ଗେଲ୍‌ପାଲିତାକି କ୍ରୀସ୍ତ ଜୀସୁ ଦାରୁତିତା ଖାଡ଼େସି, ଇ ବଲ୍ଲୁ ସାତା ଅଡ଼େ ବାରେଖାକି ଆବିନାୟି ଅଡ଼େ ନାମିନାୟି; ଏ ପାପୁ ଗାଟାରି ବିତ୍ରାଟି ନାମୁ ବାରେକିହାଁ କାଜା ପାପୁ ଗାଟାତେଏ

୧୬ ଆଡ଼ିଜିକେଏ ଆମିନି ଗାଟାରି ଖାହିମାନି ଦିନାତା କାଲାକାଲାତି ଜୀସୁ ବେଟାଆହାଲି ଜୀସୁ କ୍ରୀସ୍ତ ତାଣା ନାମିନେରି, ଏଞ୍ଜାରି ନକିତା ତସ୍‌ପି ଆହାଲି ନାମୁ ର କାଜା ପାପୁ ଗାଟାତେଏ, ନା ତାଣା ଏଞ୍ଜାସି ଏନିକି ତାନି କାଲେଏତି ଅରୁହିନାଣି ତହୁନେସି ଏଦାଆଁତାକି ନାମୁ କାର୍ମା ବେଟା ଆଡ଼େଏ

୧୭ ଏରେଲାଖା ନାସା ଆଆଗାଟାୟି ଇଞ୍ଜା ତଞ୍ଜାଆଆଗାଟି ରଣ୍ଡିଏ ମାହାପୁରୁ ଆମ୍ବାଆସି କାଲାକାଲାତି ରାଜା ଏଞ୍ଜାଣାକି ମାନି ଅଡ଼େ ଗାଞ୍ଜୁରମି କାଲାକାଲା ତାକି ଆପେ ଆମେନ

୧୮ ତିମତି, ନା ମୀରଏଣାତି, ନିଙ୍ଗେତାକି ତଲି ଖେସିମାଞ୍ଜାତି ଲେହେଁ ନାମୁ ନିଙ୍ଗେ ଇ ହୁକୁମି ହାହିମାଞ୍ଜାଇଁ, ଏନିକି ନାମୁ ଇ ବାରେ କାତାତଲେ ନେହଁ ଜୁଜୁ କିହାଲି ଆଡ଼ିଦି

୧୯ ଦାମ୍‌ ଅଡ଼େ ନାମୁ ନେହଁ ଅଣ୍‌ପୁ ଆହମ୍‌; ଏଦାଆଁ ପିସା ମାନାକି ଏତରଜାଣାତି ନାମୁ ଲେହେଁତି ଜାଜା ଡୀହା ହାଜାମାନେ,

୨୦ ଏଞ୍ଜାରି ବିତ୍ରାଟି ହୁମନାୟ, ଅଡ଼େ ଆଲେକ୍‌କାଣ୍ଡାର ମାନେରି, ଏଦାଆଁତାକି ନାମୁ ଏଞ୍ଜାରାଇଁ ସୟତାନ କେୟୁତା ହେରପିତେଏ, ଏନିକି ଇ ରିଆରି ପାଣା ବେଟାଆହାନା ମାହାପୁରୁଇଁ ନିନ୍ଦା କିଅରି

୨

କୁଲମିତା ପାଣାପାଟୁ

୧ ଇଦାଆଁତାକି ନା ବାତିମାଲିନାୟି ମାହାପୁରୁଇଁ ଜହରା କିନି ବେଲାତା, ଦେସାତି ପାଣାଗାଟାରି,

୨ ଏଦାଆଁତାକି ବାରେ ଲକୁତାକି ରାଜାୟା ସାଲ୍‌ଖି କିନାରି, ବାରେତାକି ପ୍ରାତାନା, ଗହାରା ଅଡ଼େ ଜହରା କିଦୁ, ମାର ଏନିକି ମାହାପୁରୁ ଆଜିତଲେ କିଲିବିଲି ଆଆନା ଡ଼ୟିନାୟି ଅଡ଼େ ଏଟ୍‌କା ଲକୁ ତାଣା ନେହଁ ମାଣ୍‌କି ମାଞ୍ଜାନା ସୁକୁ ଅଡ଼େ ହିଡ଼ି ତଲେ ନୀତାଲି ଆଡ଼ିନାୟି

୩ ଇଲେତି ପ୍ରାତାନା ମା ଗେଲ୍‌ପାରି ମାହାପୁରୁ ନକିତା ଲଡ଼ା ଆନାୟି ଅଡ଼େ ଅପିନାୟି ଆନେ

୪ ବାରେଜାଣା ଏନିକି ଗେଲ୍‌ପିଆନାଣି ଅଡ଼େ ସାତାତି ବୁଦି ବେଟାଆନେରି ଇଞ୍ଜା ଏଞ୍ଜାସି ଅଣ୍‌ପି ମାନେସି

୫ ଇତିହଁ ରଣ୍ଡିଏ ମାହାପୁରୁ ମାନେସି, ଅଡ଼େ ମାହାପୁରୁ ଇଞ୍ଜା ମାଣ୍‌ସିୟାଁ, ମାଦିତି ମାଣ୍‌ସି ରଅସିଏ ମାନେସି, ଏଞ୍ଜାସି ଜୀସୁ କ୍ରୀସ୍ତ, ର ମାଣ୍‌ସି

୬ ଏଞ୍ଜାସି ମାଣ୍‌ସିୟାଁ ଗେଲ୍‌ପାଲିତାକି ତାନ୍‌ଏ ହେରପି ଆଡ଼େସି, ଇଦାଆଁତାକି ସମାନା ବେଲାତା ତଞ୍ଜାଆହାନା, ମାହାପୁରୁ ବାରେ ମାଣ୍‌ସିୟାଁ ଗେଲ୍‌ପାଲି ଅଣ୍‌ପି ମାନେସି ଇଦାଆଁ ସାକି ହାହାମାନେସି

୭ ଏଦାଆଁତାକି ନାମୁ ର ନେହଁ କାରୁ ଖେକ୍‌ନାତେଏ, ପାଣ୍ଡି ଆହାମାନାତେଏ, ଇଞ୍ଜା ନାମୁ ଅଡ଼େ ସାତାତା ଏଟ୍‌କା କୃତାତି ଲକୁ ତାଣା ଜାପ୍‌ନାତେଏ ଆୟାଲି ମାହାପୁରୁ ନାଙ୍ଗେ ଆଟାମାଞ୍ଜାତେସି, ନାମୁ ସାତା ଖେସିମାଞ୍ଜାଇଁ ନାମୁ ମିତି ଖେସିମାଞ୍ଜାଅଁ

୮ ଏଦାଆଁତାକି ନା ଅଣ୍‌ପୁ ବାରେଜାଣା ଆବାୟା କୃତା ଆନାଟି, ସୁଦୁ ଅଣ୍‌ପୁ ତଲେ କେସା ପେରହାନା, କପା ଇଞ୍ଜା ଡାହାରା ଆଆନା, ପ୍ରାତାନା କିପାରି

୯ ଏଲେକିହଁ ଏ ଇୟାସିକା ଜିକେଏ ତାୟି ଅଜି କିହାନା, ଅଡ଼େ ବାଂଗାରା ସାଜୁ ତୁରୁଆନା, କି ଦାରାଗାଟି ହିମ୍‌ରିକା ତଲେ ତାମ୍‌ତାମ୍‌ଜେ ଅଜି କିହାକତାଆନା, ମାନି ଅଡ଼େ ନେହଁ ବୁଦିତଲେ ଡ଼ଣା ଦାରାତି ହିମ୍‌ରିକା ହୁତାନା,

୧୦ ଦାମ୍‌ଗାଟି ଇୟାସିକା ରାହାଁ ଅଣ୍‌ପୁଟି ନେହଁ କାମାତି ଅଜୁତା ତାମ୍‌ତାମ୍‌ଜେ ଅଜି କିହା କତାପୁ

୧୧ ଇୟାସିକା ପାଲେଏ ମାଞ୍ଜାନା ସୁଦୁଗାଟି ଅଣ୍‌ପୁ ତଲେ ଜାପାପୁ

୧୨ ନାମୁ ଇୟାସିକାଣି ଜାପ୍‌ହାଲି କି ଆବାୟା ମୁହେଁ ସାଲ୍‌ଖି କିହାଲି ହେଲ ହାହି ହିଲଅଁ, ସାମା ଏଞ୍ଜି ପାଲେଏ ମାନାପୁ

୧୩ ଏନିକିତହଁ ମାହାପୁରୁ ନକେଏ ଆଦମଇଁ ଗାଡ଼ିକିତେସି ଅଡ଼େ ତାୟି ହବାଇଁ

୧୪ ଅଡ଼େ ଆଦମ ନାଡ଼ିକିଞ୍ଜି ଆହା ହିଲାଆତେସି, ସାମା ଇୟା ନାଡ଼ିକିଞ୍ଜି ଆହାନା ମାହାପୁରୁଟି ମେରାଟି ଦହ ଗାଟାୟି ଆଡ଼େ;

୧୫ ସାମା ଇୟାସିକା ତାମ୍‌ଜେ ଡ଼ଣା କିହାଁ କତାନା ନାମୁତଲେ ଜୀସୁ ନଞ୍ଜିଆହାନା, ସୁଦୁଜୀସୁ ତଲେ ମାଞ୍ଜାନା କକାରି ପଦାଁ ଜାନି କିହାନା ଗେଲ୍‌ପି ଆନୁ

୩

କୁଲମିତି କାଜାରି

୧ ଇ କାତା ସାତା, ଆମ୍ବାଆସି କ୍ରୀସ୍ତାନା କୁଲମିତା ଜାଡ଼ୁ କିନି ପାଣା ବେଟାଆହାଲି ଅଣ୍‌ପିମାଟିସାରେ, ଏଞ୍ଜାସି ନେହଁ କାମା କିଇଁ ଇଞ୍ଜା ଅଣ୍‌ପିନେସି

୨ ଇଦାଆଁତାକି କୁଲମିତି କାଜାସି ଦହ ହିଲାଆଗାଟାସି ଆନାୟି ମାନେ, ରଣ୍ଡିଏ ତକ୍‌କିନି ତକ୍‌କା, ଟିକାଣାତାସି, ନେହଁ ଅଣ୍‌ପୁ ଗାଟାସି, ପୁନାଆତି ଗତାୟାଣି ସେବା କିନାସି, ଅଡ଼େ ନେହଁ କି ଜାପ୍‌ନାସି ଆନାୟି ମାନେ

୩ ଅଡ଼େ କାଡ଼ୁ ଗ୍ରାହନାସି କି ଗଡ଼ହା କିନାସି ଆଆନା, ସୁଦୁ ସୁଞ୍ଜାଲା, କପା ଇଟାଆଗାଟାସି, ଅଡ଼େ ଦନ ଜୁପ୍‌କା ଗାଟାସି ଆଆୟି ମାନେ,

✧ ୨:୭ ୨:୭ ୨ତମ ୧:୧୧ ✧ ୨:୯ ୨:୯ ୧ପିତ ୩:୩

୪ ଏଞ୍ଜେଲ୍ ତାମ୍ଭେ ଲକ୍ଷ୍ମ କୁଟମିତି ନେହୁଁକଁ ସାଲୁଝି କିନାସି, ଅଡ଼େ କକାରି ପଦାଣି ତୀରପୁତଲେ ଜାଡ଼ନୁ କିନାୟିମାନେ □

* ଆମ୍ଭାଆସି ତାମ୍ଭେ ଲକ୍ଷ୍ମ କୁଟମିତି ନେହୁଁକଁ ଜାଡ଼ନୁ କିହାଲି ଆଡ଼ଅସି, ଏଞ୍ଜେଲ୍ ଏନିକଁ ମାହାପୁରୁ କୁଲମିତି ଜାଡ଼ନୁ କିନେସି ?

୨ ଏଞ୍ଜେଲ୍ ପୁଃନି ନାମିତାସି ଆଆୟି ମାନେ, ଇତିହୁଁ ଏଡ଼େତା ପାଟେ ନାନୁ କାଜାତେଏଁ ଇଞ୍ଜୁଁ ବଡ଼ପଣ ଆହାନା, ସୟତାନ ଡ଼ଣ୍ଡ ପାଣ୍ଡିଲେହେଁ ଡ଼ଣ୍ଡ ବେଟା ଆନେସି □

୩ ଅଡ଼େ ଏଞ୍ଜେଲ୍ ନାମାଆଗାଟାରି ତାଣାଟି ଜିକେଏ ମାନ୍ତି ବେଟାଆନାୟି ମାନେ, ଆଆତଁ ଲାଜା ବେଟାଆହାନା ସୟତାନ ପାନ୍ଦାତା ହେରନେସି □

କୁଲମିତି ସାୟେମି କିନାରି

୮ ଏଲେକିହୁଁଏ କୁଲମିତି ସେବା କିନାରି ନେହୁଁ ଅଣ୍ଡୁ ତଲେ ନାମୁତା ଡ଼ଗୁମାନାଣି ଆସାନା ତୀରିତଲେ ମାଞ୍ଜାନା ନାଡ଼ି କିନାସି ଆଆପେସି,

୯ କାଡ଼ ଗୁସିହୁଁ ଡ଼ୟିନାସି, ଉଜେଏତି ଦନଡ଼ି ଜୁପକା ଆଆୟି ମାନେ

୧୦ ଏଞ୍ଜେଲ୍ ସେବା ପାଣା ପୁଃଆ ନକେଏ ଏଞ୍ଜେଲ୍ ତାୟିପାରି କିଝିଆପାରି, ଅଡ଼େ ଏଞ୍ଜେଲ୍ତାଣା ଏନି ଦହ ତଞ୍ଜା ଆଆତିହୁଁ, କୁଲମିତି ସାୟେମି କିନାରି ଆପେରି □

୧୧ ଏଲେକିହୁଁଏ ଏଞ୍ଜେଲ୍ ଡ଼କ୍ରିସିକା ଜିକେଏ ନେହୁଁ ଗୁଣୁ ଗାଟାକଁ* ଆହାନା ସାକ୍ତି ହିଲାଆଗାଟାକ୍ ଆହାନା ତୀରପୁ, ପାଲେଏ ମାଞ୍ଜାନା ବାରେ କାମା ଟିକାଣା ତଲେ କିପୁ □

୧୨ ସେବା କିନାରି ରଣ୍ଡିଏ ଡ଼କ୍ରିସିକା ଡ଼କ୍ରିଆପେରି, ଅଡ଼େ ଏଞ୍ଜେଲ୍ ତାମି କକାରି ପଦାୟାଣି ଅଡ଼େ ତାମି ଲକ୍ଷ୍ମ କୁଟମିତି ନେହୁଁକଁ ସାଲୁଝି କିପେରି □

୧୩ ଇତିହୁଁ ଆମିନି ଗାଟାରି ନେହୁଁକଁ ସେବା କାମା କିହାମାନେରି, ଏଞ୍ଜେଲ୍ କୁଲମିତା ମାନ୍ତିଗାଟାରି ଇଞ୍ଜୁଁ ଝେଜିନେରି ଅଡ଼େ କ୍ରୀସ୍ତ ଜୀସୁ ତାଣା ନାମୁତା ହାରେକା ସାସା ବେଟାଆନେରି □

ଡ଼ଗୁମାନି କାଜା କାତା

୧୪ ଇ ଆକୁ ରାଡ଼ିନି ବେଲାତା, ନାନୁ ନୀ ତାଣା ତବେ ଝାହାଲି ଆସା କିହିମାକ୍;

୧୫ ସାମା ନା ଝାନ୍ଦାୟି ଝେଡ଼ା ଆତିହୁଁ, ମାହାପୁରୁ ଲକ୍ଷ୍ମ କୁଟମିତା ଇତିହୁଁ ସାତାତି ମୁଣ୍ଡା ଅଡ଼େ ପୁନାଦି ଲେହେଁ ଜୀଝୁତି ମାହାପୁରୁ କୁଲମିତା, ଏନି ମାଣ୍ଡକିତା ମାନାୟି ମାନେ, ଏଦାଆଁ ନାନୁ ଏନିକଁ ପୁଞ୍ଜାଲି ଆଡ଼ିଦି, ଇଦାଆଁତାକି ଇ ବାରେ କାତା ନାନୁ ରାଡ଼ିମାଞ୍ଜାକ୍ □

୧୬ ମାହାପୁରୁ ଦାମ୍ଭୁତି ବାରେ କାତା ହାରେକା କାଜାୟି, ଇଦାଆଁ ବାରେ ଲକ୍ଷ୍ମ ଝେକ୍ନେରି □ ଏଦି ଇଦି,

କ୍ରୀସ୍ତ ମାଣ୍ଡସି ଝାଣା ଆହାନା ତଞ୍ଜାଆଡ଼େସି, ସୁଦୁଜୀଝୁତା ଦାମ୍ଭୁଗାଟାସି ଇଞ୍ଜୁଁ ଝେଜିତେସି, ଦୁଡୁୟା ତଲେ ତଞ୍ଜାଆଡ଼େସି,

ଏଡ଼କା ଲକ୍ଷ୍ମତାଣା ଝେଜିତେସି, ଦାରଡ଼ିତା ନାମୁଗାଟାସି ଆଡ଼େସି, ଇଞ୍ଜା ମାହାପୁରୁ ଗାଝୁରମି ତଲେ ଲାକପୁରୁ ଅଝିଆଡ଼େସି □



ମିତି ଜାପୁନାରି

୧ ସୁଦୁଜୀଝୁ ତୀରିତଲେ ଝେସିମାଞ୍ଜାନେ, ଜୁଗୁ ରାନ୍ତି ବେଲାତା ଏଡ଼େକା ଲକ୍ଷ୍ମ ଲାଗେଏତି ନାଡ଼ିକିନି ଜାପୁନି ତାଣାଟି କୁଲମିତି ନାମୁଟି ହେକ ଆନେରି,

୨ ଏଞ୍ଜେଲ୍ ଏତରଜାଣା ନାଡ଼ିକିନାରି, ଏଞ୍ଜେଲ୍ ଅଣ୍ଡୁ ହାତାୟି,

୩ ଏଞ୍ଜେଲ୍ ବୀହା କିନାୟି ଅଡ଼େ ଏନି ଏନି କାଦି ତିନାୟି ଇଞ୍ଜୁଁ ନେହେଁ ଆଏ ଇଞ୍ଜିମାନେରି □ ସାମା ଆମିନି କ୍ରୀସ୍ତକ୍ ନାମିତି ଲକ୍ଷ୍ମ ସାତାତି ପୁଞ୍ଜାମାନେରି, ଏଞ୍ଜେଲ୍ ମାହାପୁରୁ ଗାଡ଼ିକିତି ବାରେ କାଦି ତାକି ଏଞ୍ଜେଲ୍ ଜହରା କିହାନା ଏଦି ନେହାୟି ଇଞ୍ଜୁଁ ତିଞ୍ଜାଲି ଆଡ଼ିନେରି □

୪ ଇତିହୁଁ ମାହାପୁରୁ ଗାଡ଼ିକିତି ଆସି ବାରେ ନେହାୟି, ଇଞ୍ଜା ମାହାପୁରୁକ୍ ଜହରା କିତିସାରେ ଏନାୟି ଜିକେଏ ତିନାଆଗାଟାୟି ଆଏ □

* ଏନାଆଁତାକି ଇତିହୁଁ ମାହାପୁରୁଟି ବଲୁ ଅଡ଼େ ପ୍ରାଡ଼ାନା ତଲେ ଏଦାଆଁ ସୁଦୁ କିଝିଆନେ □

ଜୀସୁ କ୍ରୀସ୍ତି ନେହୁଁ ସେବା କିନାସି

୨ ଇ ବାରେ କାତା ମୀରୁ ତାୟି ତାଜିକ୍ ଜାପୁହିସାରେ କ୍ରୀସ୍ତ ଜୀସୁଟି ର ନେହୁଁ ସେବା କିନାତେରି ଆଦେରି, ଇଞ୍ଜା ମୀରୁ ଆମିନି ନାମୁ ଅଡ଼େ ନେହୁଁ କାତା ଆସାମାଞ୍ଜେରି, ଏଲେତି ବଲୁ ତଲେ ପାତା ଆଦେରି;

୩ ସାମା ଉଜେଏ ଝେହୁନି କାତାୟାଁ ଝେନାଆନି, ମାହାପୁରୁକ୍ ଆଜାନା ନୀତାମାଞ୍ଜାଲି ଜାପାମୁ,

୮ ଇତିହୁଁ ଆଜାତି ପାଡ଼ି କିନାୟି ଗାଡ଼େକା ତାକି ଲାବା ଆନେ, ସାମା ମାହାପୁରୁକ୍ ଆଜିନାୟି ଇ କାଲାତା ଅଡ଼େ ଝାହିମାନି କାଲାତି ଜୀଝୁତାକି ମାହାପୁରୁ ଆଞ୍ଜାମାନି ଲାବାଗାଟାୟି ଆନେ □

୯ ଇ କାତା ନାମିନାୟି ଅଡ଼େ ବାରେ ଲକ୍ଷ୍ମ ଅପିନାୟି □

୧୦ ଇଦାଆଁ ତାକି ମୀରୁ ମନ ହାହାନା ଝାହୁ ତଲେ ଜୀଝୁ ତୁସାନା କାମା କିହିମାନାୟି, ଏନାଆଁତାକି ଇତିହୁଁ ଆମିନି ଜୀଝୁଗାଟି ମାହାପୁରୁ ବାରେ ମାଣ୍ଡସିକ୍ ଇତିହୁଁ ନାମିନାରାକ୍ ଗେଲ୍ପିନାସି, ତାମି ତାଣା ମା ବାସୁଁ ମାନେ □

୧୧ ନାନୁ ଇ ବାରେ କାତା ହୁକୁମି ହାହାନା ଜାପୁମୁ □

୧୨ ନୀ ଦାଂଗଣା ବେଲାତି ଆମ୍ଭାଆସି ହାଣି କିୟାଆପେସି, ସାମା ନୀ କାତାତା, ନୀ ଲେମ୍ପିନି ତାଣା,

* ୩:୧୧ ୩:୧୧ ଇୟାସିକା ସେବା କିନାକ୍ † ୩:୧୨ ୩:୧୨ ରଣ୍ଡିଏ ବୀହା ଡ଼କ୍ରି

ନୀ ଜୀଝୁ ନନ୍ଦି ତାଣା, ନୀ ନାମୁତା, ଇଞ୍ଜା ନୀ ସୁଦୁତା, ନାମିନାରାକି ନୀନୁ ନେହଁ ତହ୍ନାତି ଆମ୍ବୁ □

୧୩ ନୀନୁ ନୀ ତାଣା ଖାଆ ପାତେକା ନୀନୁ ଦାମ୍ବୁ ପତିଇଁ ପଡ଼଼ି ଆହାନା, ମାହାପୁରୁ କାତା ଝେକ୍ମୁ, ଇଞ୍ଜା ଜାପୁନି ତାଣା ମନ୍ ହୀହାନା ମାନାମ୍ବୁ □

୧୪ ମାହାପୁରୁ ବଲୁ ଝେକ୍ହା ମାଞ୍ଜାନି କୁଲମିତି କାଜାରି ନୀ ତାୟଁ ତୁା କେସ୍ତା ଇଗାନା ନିଙ୍ଗେ କାର୍ମାତି ଦାନା ହୀହାମାଞ୍ଜାନେରି, ଏଦାଆଁ ହେଲା କିଆନି □

୧୫ ନୀ ପାତା ଆହିମାନାୟି ଏନିକଁ ବାରେ ଲକୁ ନକିତା ତଞ୍ଜାଆନେ, ଏଦାଆଁତାକି ଇ ବାରେ କାତାତା ମନ୍ ହୀହାନା ଏ ବାରେ କିହେମାନାମ୍ବୁ □

୧୬ ନିଙ୍ଗ ତାକି ଅଡ଼େ ନୀ ଜାପୁନାଣି ତାକି ଜାଗ୍ରାତା ଆମ୍ବୁ, ଇ ବାରେ କାମା କିହଁ ମାନାମ୍ବୁ, ଇତିହଁ ଏଦାଆଁ କିତିସାରେ ନୀନୁ ନୀ ଗେଲ୍ପିନାଣି ଅଡ଼େ ନୀ କାତା ଝେଞ୍ଜି ମାନାରାଇଁ ଜିକେଏ ଗେଲ୍ପିଦି □

୫

ନାମିନି ଲକୁତି ଦାୟିପତି

୧ ବୁଡ଼ହା ଲକୁଣି ଲାଗାଆନି, ସାମା ଏଞ୍ଜାଣାଇଁ ଆବା ଇଞ୍ଜି ଅଣ୍ପାଦାନା ଲେମ୍ବାମ୍ବୁ; ଅଡ଼େ ଦାଂଗଣା କକାରାଇଁ ତାୟିଲେହେଁ ମେହ୍ମୁ,

୨ ବୁଡ଼ହି ଇୟାସିକାଣି ତାଲି ଇଞ୍ଜିହଁ ଅଡ଼େ ଡାଆସିକାଣି ସୁଦୁ ମନ୍ତଲେ ତାଙ୍ଗିସ୍ତା ଇଞ୍ଜିହଁ ଅଣ୍ପାଦାନା ଏଲେକଁ ସିନିକିମ୍ବୁ □

୩ ଏନାଆଁ ହିଲାଆଗାଟି ରାଣ୍ଡେଣି ଇୟାସିକାଣି ମାନି କିମ୍ବୁ □

୪ ସାମା ଆମିନି ରାଣ୍ଡେଣି ଇୟା କି ମୀରକା ମାସ୍କାକି ତାଙ୍ଗା ମୀରକା ମାସ୍କା ମାତିହଁ, ଏଞ୍ଜି ନକେଏ ତାମି ଲକୁ କୁଟମି ତାରାଇଁ ମାନି କିହାଲି ଲକ୍ନାୟି ମାନେ, ତାଲି ତାଞ୍ଜିଇଁ ନେହଁ କିହାଲି ଜାପାପୁ; ଏନିକିତିହଁ ଇଦି ମାହାପୁରୁ ନକିତା ନେହାୟି □

୫ ଆମିନି ରାଣ୍ଡେଣି ଇୟା ରଣ୍ଡିଏ ମାନେ ଅଡ଼େ ଆମ୍ବାଆରି ଜାଡ଼ନୁ ଅନାରି ହିଲଅରି ଏଞ୍ଜି ମାହାପୁରୁ ତାଣା ବାସ୍ତୁ ଇଗାନା ଲାଆଁ ମାଦେନା ବାତିମାଲିହଁ କାଲେଏ ପ୍ରାତାନା କିପୁ;

୬ ସାମା ଆମ୍ବାଆୟି ଆଙ୍ଗାତି ରାହାଁତା ମୁଞ୍ଜାନା ତୟିନି ରାଣ୍ଡେଣିସିକା ଏଞ୍ଜି ଜୀଝୁତଲେ ମାତିହଁ ଜିକେଏ ହାଡ଼ି ଲେହେଁତାଇଁ □

୭ ଏଞ୍ଜି ଏନିକଁ ଦହ୍ ହିଲାଆଗାଟାଇଁ ଆନୁ, ଇଦାଆଁତାକି ଇ ବାରେ କାତା ଜିକେଏ ଜାପୁମ୍ବୁ □

୮ ସାମା ଆମ୍ବାଆସି ତାନି ପାଡ଼ିତି ଲକୁ ଅଡ଼େ ତାମି ଲକୁ କୁଟମିତି ଲକୁଣି କେରଅସି, ଏଞ୍ଜାସି ନାମୁତି କାତାଇଁ ଆବାହିଲଅସି, ଇଞ୍ଜା ଏଞ୍ଜାସି ନାମାଆଗାଟାଣି କିହାଁ ହାରେକା ଲାଗେଏ ଆନେସି □

୯ ଆମିନି ରାଣ୍ଡେଣି ତାନିକଡ଼ି ବାର୍ଯାଟିଏ ଉଣା ଆଏ, ଅଡ଼େ ରଣ୍ଡିଏ ତକ୍ରାଇଁ ବୀହା ଆହାମାନେ, ଏଞ୍ଜାସିକା ଦରୁ ରାଡ଼ାମ୍ବୁ,

୧୦ ଅଡ଼େ ନେହଁ କାମାତାକି ଝେଙ୍ଗାମାନେ, ଅଡ଼େ ଏଦି ମୀରକା ମାସ୍କାଣି ପହିପାତି କିହାନା, ପାଡ଼ିତି ଗତାୟାଣି ସେବା କିହିମାନେ, ମାହାପୁରୁ ଲକୁତି କତାୟାଁ ନରହା ମାନେ, ଦୁକୁ ଗାଗରାଇଁ ଦୁକୁ ଡୁକ୍ହିମାନେ, ଅଡ଼େ ବାରେ ନେହଁ କାମା କିହାଲି ରାହାଁ ଆହିମାନେ, ଆତିହଁ ଏଦାନି ଦରୁ ରାଣ୍ଡେଣିସିକା ଆକୁତା ରାସ୍କି ଆପେ □

୧୧ ସାମା ଡାଆ ରାଣ୍ଡେଣିସିକା ଦରୁ ରାଡ଼ାଆନି, ଇତିହଁ ଏଞ୍ଜି ଆଙ୍ଗାତି ରାହାଁତା ଜୁପକା ଆହାନା କ୍ରୀସ୍ତ ତାଣାଟି ଏଟକା ଆହାନା ବୀହା ଆୟାଲି ମନ୍ କିନୁ;

୧୨ ଏଞ୍ଜି ତାମି ତଲିତି ଆଞ୍ଜାମାଟାଣି ମାନି କିହାହିଲାଆକି, ତଣ୍ଡ ଗାଟାଇଁ ଆନୁ,

୧୩ ଅଡ଼େ ଜିକେଏ ଏଞ୍ଜି ଇଲୁତାକି ଇଲୁ ରେଜିହଁ ନିସ୍ତା ଆହାଲି ଜାପୁନୁ, ଅଡ଼େ ଖାରଇ ନିସ୍ତା ଆଏ, ସାମା ଲାଗେଏ ପଲେଏତି ପୁସ୍ପନିକା, ଅଡ଼େ ସାକ୍ତି ଜଲାଇଁ ଜାପାନା ଉଜେ ଉଜେଏତି ଲଡ଼ାହିଲାଆ କାତାୟାଁ ବାସ୍ତୁ ଆନୁ □

୧୪ ଇଦାଆଁତାକି ନା ଅଣ୍ପୁ ଡାଆ ରାଣ୍ଡେଣିସିକା ବୀହା ଆପୁ, କକାରି ପଦାଁ ଆପୁ, ଇଲୁ କୁଟମିତି ଲେମ୍ବାପୁ, ଇଞ୍ଜା ନିନ୍ଦା କିହାଲି ସାତୁୟାଁକି ଏନି ପାରୁ ହୀଆପୁ;

୧୫ ଇତିହଁ ନୀଏଁ ଜିକେଏ ଆମ୍ବା ଆମ୍ବାଆୟି କ୍ରୀସ୍ତ ତାଣାଟି ହେକ ଆହାନା ସୟତାନତି କେଟ ହାଜାମାନୁ □

୧୬ ଅଡ଼େ ଆମିନି ନାମାମାନି ଇୟାସିକା ଇଜ ରାଣ୍ଡେଣିସିକା ମାତିହଁ, ଆତିହଁ ଏଞ୍ଜି ଏଞ୍ଜାସିକା ଜାଡ଼ନୁ ଅପୁ, ଅଡ଼େ କୁଲମିତାକି ବକୁ କିଆପୁ, ଏନିକଁ କୁଲମି ଏନାଆଁ ହିଲାଆଗାଟି ରାଣ୍ଡେଣିସିକାଣି ଜାଡ଼ନୁ ଅନେ □

୧୭ ଆମିନି ପ୍ରାତିନାଙ୍ଗା କୁଲମିତି ନେହଁ କଁ ଜାଡ଼ନୁ କିନେରି, ବାରେକିହାଁ ଆମିନି ଗାଗାରି ବଲୁ ଝେକ୍ହାଲି, ଅଡ଼େ ଜାପୁହାଲି ଖାହୁ ତଲେ କାମା କିନେରି, ଏଞ୍ଜାରି ରୀ ଗୁଣୁ ମାନି ବେଟାଆନି ଜଟେ □

୧୮ ଦାମ୍ବୁ ପତିତା ରାସ୍କି ଆହାମାନେ, “ନପୁଁନି କଡ଼ି ମୁତିତା କତ୍ରା ଦହ୍ଆନି” ଅଡ଼େ “କାମାକିନାସି ତାନି କାମାତି ପାଡ଼େୟି ବେଟାଆନାୟି ମାନେ □”

୧୯ ରିଆରି କି ତାନି ଜାଣା ସାକିୟାଁ ହିଲାଆନା ଆମିନି ପ୍ରାତିନା କପାଟି ଏନି କାତା ଝେସ୍ତାତିହଁ ଆହ୍ଆନି □

୨୦ ଆମିନି ଗାଗାରି ଦହ୍ କିନେରି, ଏଞ୍ଜାରାଇଁ ବାରେ ଲକୁ ନକିତା ଲାଗାମ୍ବୁ, ଏନିକଁ ଏଦାଆଁ ମେସାନା ଏଟକାତି ଲକୁ ଆଜିନେରି □

୨୧ ନାନୁ ମାହାପୁରୁ, ନକିତା ଅଡ଼େ କ୍ରୀସ୍ତ ଜୀସୁ ନକିତା ଅଡ଼େ ମାହାପୁରୁ ଆଡ଼ିତି ଦୁତୁୟାଁ ନକିତା ଜାଣ୍ଡେ ହୁକୁମି ହୀହିମାଞ୍ଜାଇଁ ନୀନୁ ତଲିତିଲେହେଁ ଆଆନା ଇ ବାରେ ମାନଞ୍ଜି ଆମ୍ବୁ, ଅଡ଼େ ଆମ୍ବାଆରାଇଁ ପାର୍ଡା କିଆନା ଇ ବାରେ କାମା କିମ୍ବୁ □

✧ ୫:୧୮ ୫:୧୮ ମାତି ୧୦:୧୦; ଲୁକ ୧୦:୭

୨୨ ଦାଗା ଆହାନା କେନ୍ଦୁ ଇଚାହାଁ ମାହାପୁରୁତି ସେବା କାମାତାକି ଆମ୍ବାଆରାଇଁ ଜିକେଏ ଆଟ୍‌ଆନି □ ଏଟ୍‌କା ଲକ୍ଷୁତି ପାପୁତା ଜାହାରାଇଁ ଆଟ୍‌ଆନି □ ନୀନୁ ଜାହାରାଇଁ ସୁଦୁ କିହାକତାମୁ □

୨୩ ନୀ ବାଣ୍ଡି ଆଗି ହିଲାଆକି ଅଡେ ନୀ ଆଜ୍ଞାତା ଅଲେ ଅଲେ ରଗ ଆହିମାନାକି ଖାରଇ ଏନ୍ଦୁ ଗହ୍‌ଆନି ଅଜ୍ଞୁରି ରାସା ଇଚରା ଲାକା ଗହ୍‌ମୁ □

୨୪ ଏଚରଜାଣାତି ପାପୁ ନୀହାଁୟି କିଆ ନକେଏ, ତଞ୍ଜାଆନେ, ଅଡେ ଏଚରଜାଣାତି ପାପୁ ତାୟୁ ତଞ୍ଜାଆନେ □

୨୫ ଏଲେକିହୁଏ ସାତା କାମା ତଲିଏ ତଞ୍ଜାଆନେ, ଅଡେ ଏନା ଏନାୟି ତଞ୍ଜା ଆଏ, ଏଦି ତରୁନା ତୟାଲି ଆଡେଏ □



୧ ଏମିନି ଲକ୍ଷୁ ହଲିୟାଜ୍ଞା ଜୁଝେଡିତା ହେରୁଖାମାନେରି, ଏଞ୍ଜାରି ତାମି ସାଞ୍ଜୁକାରିୟାଁ ନେହୁଁକ୍ ମାନି ବେଟାଆନାରି ଇଞ୍ଜୁ ଅଣ୍‌ପାପେରି, ଏନିକ୍ ମାହାପୁରୁ ଦରୁ ଅଡେ ଜାପୁନି ତାଣାଟି ନିନ୍ଦା ଆଏ □

୨ ଅଡେ ଆମିନି ଗାଟାରି ସାଞ୍ଜୁକାରିୟାଁ କ୍ରୀସ୍ତାନା ଆହାମାନେରି, ଏଞ୍ଜାରି ଏଞ୍ଜାରାଇଁ ମା ତାୟି ଇଞ୍ଜୁ ଅଣ୍‌ପାନା ହାଣି କିଆପେରି, ସାମା ହାରେକା ଜାତନୁ ତଲେ ଏଞ୍ଜାରି ସେବା କିପାରି, ଇଚିହୁ ଆମିନି ଗାଟାରି କାମା ତଲେ ଲାବା ବେଟାଆନେରି, ଏଞ୍ଜାରି ନାମିନାରି ଅଡେ ମା ଜୀଞ୍ଜୁ ନନାରି, ଇ ବାରେ କାତା ଜାପୁହାନା ଖେହ୍‌ମୁ □

ମିତି ଜାପୁନାୟି ଅଡେ ସାତା ଦନ

୩ ଆମ୍ବାଆସି ଅର ରଲେତି କାତା ଜାପୁହାନା ମା ପ୍ରୁ ଜୀସୁ କ୍ରୀସ୍ତତି ନେହୁଁ ବଲୁ ଅଡେ ମାହାପୁରୁ ଆଜିନି କାତାତି ଜାପୁନାଣି ଆହୁଅସି,

୪ ଆଡିହୁ ଏଞ୍ଜାସି ଲାଗେଏତି ବଡପଣ ଗାଟାସି, ବୁଦି ହିଲାଆଗାଟାସି, ବାଦିବାଦା, ଅଡେ ଗଡହା କିନିତାଣା ମୁଞ୍ଜାମାନେସି; ଏମ୍ବାଟିଏ ତାହାରା, ଗଡହା, ରଅଣାଇଁ ଉଜେଏ ନିନ୍ଦା କିନାୟି, ଲାଗେଏ ଆନାମାନା ଆନାୟି ହନେ,

୫ ଇଞ୍ଜା ବୁଦି ହିଲାଆ ଗାଟାରି ଅଡେ ସାତାତି ପିସା ମାନାରି ବିତ୍ତା କାଲେଏ ବାଦିବାଦା ହନେ, ଇଚିହୁ ମାହାପୁରୁଆଜିନାୟି ଏଦି ଲାବା ବେଟାଆନି ଜିରୁ ଇଞ୍ଜୁ ଏଞ୍ଜାରି ଅଣ୍‌ପିନେରି □

୬ ମାହାପୁରୁଆଜିନା, ନୀତିନାୟି ନେହେଁ ଆଡିସାରେ ସାତେଏ ଏଦି ଲାବାଗାଟାୟି;

୭ ଏନାଆଁତାକି ଇଚିହୁ ମାର ଦାରୁତିତା ଏନାଆଁ ତାଟା ହିଲାଆୟି, ଅଡେ ଇ ଦାରୁତିତି ଏନାଆଁ ଅହାଲି ଆଡାଆୟି;

୮ ଇଦାଆଁତାକି ବାଣ୍ଡିତି କାଦି ଆଜ୍ଞା ତାକି ହିମ୍ବିରକା ମାତିହୁଁ ଇଚେକେଏ ସାରି □

୯ ସାମା ଆମ୍ବାଆରି ଗାଡି ବାଡକାଲି ଅଣ୍‌ପିନେରି, ଏଞ୍ଜାରି ତାୟିପାରି କିନି ତାଣା ଅଡେ ପାନ୍ଦାତା ହେରୁଖାନା,

ଅଡେ ବୁଦି ହିଲାଆଗାଟି ନାସାକିନି ଅଣ୍‌ପୁତି ପାନ୍ଦାତା ହେରୁନେରି, ଇ ବାରେ ମାଣ୍‌ସିଇଁ ବୁଡ଼ି ଆନିଞ୍ଜାକି ଅଡେ ନାସା ଆନିଞ୍ଜାକି ଅନେ □

୧୦ ଏନାଆଁତାକି ଇଚିହୁ ଦନତି ଜୁପକା ବାରେ ଲାଗେଏତି ମୁଲୁ; ଆମ୍ବା ଆମ୍ବାଆରି ଏମ୍ବାଆଁ ଜୁପକା ଆହାନା ଦାମ୍‌ତି ନାମୁ ପିସାନା ଜିରୁ ବାଣା ଆହାମାନେରି, ଇଞ୍ଜା ହାରେକା ବୁକୁତଲେ ତାମି ହିୟାଁତା ବୁକୁ କିହାମାନେରି □

ପାଞ୍ଜୁଲତି ରାପୁନି କାତା

୧୧ ସାମା ଏ ଡିମତି ନୀନୁ ର ମାହାପୁରୁ ଲକ୍ଷୁତି, ନୀନୁ ଇ ବାରେ ତାଣାଟି ହେକ ଆହାନା ଦାମ୍‌ ଗାଟାତି, ମାହାପୁରୁଆଜି ଆଜିନାୟି, ନାମିନାୟି, ଜୀଞ୍ଜୁନନାୟି, ସାସା, ଅରୁହିନାୟି, ଇ ବାରେ ନେହୁଁ ଗୁଣ୍ଡୁତା ତାକାମୁ □

୧୨ ନାମୁତି ନେହୁଁ ଜୁଜୁତା ଜୀଞ୍ଜୁ ତୁସାନା ଜୁଜୁ କିମ୍, କାଲାକାଲାତି ଜୀଞ୍ଜୁ ଆସାନା ଇଟାମୁ; ଏନାଆଁତାକି ନୀନୁ ହାଟକି ଆହାମାଞ୍ଜି ଅଡେ ହାରେକା ସାକିୟାଁ ନକିତା ନେହୁଁ ସାକି ହାହାମାଞ୍ଜି □

୧୩ ଏବାରେତି ଜୀଞ୍ଜୁହାନି ମାହାପୁରୁ ନକିତା, ଅଡେ ପଡିୟ ପିଲାତ ନକିତା ନେହୁଁ ସାକି ହାନି କ୍ରୀସ୍ତ ଜୀସୁ ନକିତା ନାନୁ ନିଜେ ହୁକୁମି ହାହିମାଞ୍ଜାଇଁ,

୧୪ ନୀନୁ ମା ପ୍ରୁ ଜୀସୁ କ୍ରୀସ୍ତତି ଖାନି ଦିନା ପାତେକା ଦାମ୍‌ତି ମେରା ମାନୁଞ୍ଜି ଆହାନା ଏନି ପାପୁ ଅଡେ ନିନ୍ଦା ହିଲାଆଗାଟାଟି ଆହାଁ ତୟାମୁ □

୧୫ ଏଞ୍ଜାସି ହାରେକା ନେହାଁସି, ରଅସିଏ ବାରେକିହାଁ କାଜା ସାଲୁଞ୍ଜି କିନାସି, ଏଞ୍ଜାସିଏ ରାଜା କିହାଁ ରାଜା ଅଡେ ପ୍ରୁ କିହାଁ ପ୍ରୁ,

୧୬ ଏଞ୍ଜାସିଏ ରଅସି ହାଆଗାଟାସି ଅଡେ ମେସାଲି ଆଡାଆଗାଟି ଉଜେଡିତା ମାନେସି, ଏଚେଲାଞ୍ଜା ଏଞ୍ଜାଣାଇଁ ଆମ୍ବାଆସି ମେସାହିଲଅସି କି ମେସାଲି ଆଡଅସି, ଏଞ୍ଜାସି ତାରିକିତି ଦିନାତା ଏନାଆଁ ତହୁନେସି; କାଲାକାଲାତାକି ତାମି ସାମ୍‌ମି ଅଡେ କାଜାପାଣା ତଞ୍ଜା ଆପେ □ ଆମେନ୍ □

୧୭ ଆମିନି ଗାଟାରି ଇ ଜୁଗୁତା ବାଡକିତାରି, ଏଞ୍ଜାରି ଏନିକ୍ ଆଜ୍ଞାରା ଆଅରି ଅଡେ କାଲେଏ ତୟାଆ ଦନ ଲାକ ବାର୍ସୁ ଇଟଅରି, ସାମା ଆମିନି ମାହାପୁରୁ ଏ ବାରେ ଲେମ୍ବାଲି ତାକି ମାଜେ ଲଡାମାନାଣି ହିୟନେସି, ଏଞ୍ଜାଣି ତାଣା ବାର୍ସୁ ଇଚିନେରି,

୧୮ ଅଡେ ଏଟ୍‌କା ଲକ୍ଷୁତି ସାୟେମି କିହାନା ନେହୁଁ କାମା ତଲେ ବାଡକୁ ଗାଟାରି ଆନେରି ଅଡେ କେନ୍ଦୁ ଦେଚାନା ଅଡେ ରାହାଁଟି ଦାନା ହାହାଲି ଅଣ୍‌ପିନେରି, ଏନାଆଁତାକି ଏଞ୍ଜାରାଇଁ ହୁକୁମି ହୀମୁ;

୧୯ ଇଲେ କିତିସାରେ ଏଞ୍ଜାରି ତାମି ଖାହିମାନି ଜୀଞ୍ଜୁତାକି ନେହୁଁ ପୁନାଦି କିହାମାନେରି, ଏନିକ୍ ଏଞ୍ଜାରି ସାତା ଜୀଞ୍ଜୁ ବେଟାଆନେରି □

☆ ୬:୧୩ ୬:୧୩ ଜହ ୧୮:୩୭

୨୦ ଏ ତିମତି, ନିଜେ ଏନା ଏନାୟି ହୀପକି
 ଆହାମାଞ୍ଜାନେ, ଏଦାଆଁ ଜାତୁକୁ କିହାଁ ଇଟାମୁ; ଉଜେଏତି
 କାତାୟାଁ ଅଡ଼େ ସାତା କାତାତି ବୁଦିତାଣି ବାସ୍ ଆନାରି
 ତାଣାଟି ହେକ ଆମୁ;

୨୧ ଆମ୍ବା ଆମ୍ବାଆରି ଏଦାଆଁ ପୁଞ୍ଜାନା ମାନୁଞ୍ଜି ଆଆନା
 ନାମୁତି ଜିରୁ ବାଣା ଆହାମାନେରି □ କାର୍ମାନେହ୍ନାୟି ନୀ
 ତଲେ ମାଣ୍ମେ □

ତୀର୍ଥାତ୍ମକ ନିକଟକୁ ପାଠକଙ୍କ ଦ୍ରୀତିୟ ପତ୍ର

ଡିମତି ତାଣା ପାଠୁଲ ରାଚାମାନି ରୀ ଲମ୍ବର ଆକୁ ମୂଲୁ ହାଡ଼ା

୨ତମ ଆକୁ ପାଠୁଲ ତାଣାଟି ତାନି ସୀସୁ ଡିମତି ତାଣା ରାଚାମାନି ଆକୁ □ ଡିମତି ରୀ ଲମ୍ବର ଆକୁ ପାଠୁଲତି ବାରେଡି କିହାଁ ତାମ୍ଭୁ ରାଚିଡି ଆକୁ □ ଇଦି ପାଠୁଲତି ଜୀଝୁ ରାନି ବେଲ୍ଲାତା ରାସ୍ତକି ଆହାମାଣ୍ଡିନେ □ ଏଡିବେଲ୍ଲାତା ଏଝାସି ରମ୍ ଗାଡ଼ାତି କାୟିଦି ଇଲ୍ଲୁତା ମାଚେସି ୧:୧୭ ପାଠୁଲ ଡିମତି ତଲେ ହାରେକା ଜାରୁ ମାଚେ, ଅଡେ ବାରେବେଲ୍ଲା ଏଝାଣାଲ୍ଲ ମୀରଏଣା ଲେହେଁ ରାଚିମାନେସି ପିଲିପି ୨:୨୨; ୧ଡିମ ୧:୨; ୧:୧୮ □

ଇଦି ପାଠୁଲ ରାଚାମାନି ସାରିଗଟା ଆକୁ ବିତ୍ରାଟି କୁଲମିତି ପିସାନା ର ମାଣ୍ଡିକି ରାଚିମାନେସି □ ଅଡେ ଏଡକାଡି ତାନିଗଟା ଆକୁ ଡିମତି ମୂଲୁ ଆକୁ, ତିତସ, ଅଡେ ପିଲିମନ □ ଡିମତି ରୀ ଲମ୍ବର ଆକୁ ରାଚିଡି ବେଲ୍ଲାତା ରମ୍ ଗାଡ଼ାତା ସାଲ୍ଲୁଡି କିନାରି ହାରେକା ସାସ୍ତି ହାହିମାଚେରି □ ଇଲେଡି ସାସ୍ତି ଆହିମାଚାକି ପାଠୁଲ କାୟିଦିତା ତୁୟାମାଚେସି □ ମୂଲୁଡି ଆକୁ ଲେହେଁ ପାଠୁଲ ଡିମତିଲ୍ଲ ମିତି ଜାପ୍ପନାରି ତାଣାଟି ଜାଗ୍ରାତା ଆହାଲି ଝେସିମାନେସି □ ୧ଡିମ ୧:୧୭-୧୮ ପାଠୁଲ ଡିମତିଲ୍ଲ ଏଲେଇଞ୍ଜି ମାନେସି ତାମ୍ଭୁ ହାରେକା କସ୍ତି ଦିନା ମାନେ ୩:୧ □

ପତିତା ମାନାୟି

- ୧ ପାଠୁଲ ଡିମତିଲ୍ଲ ଜହରା କିହାନା ମାଚ୍ନାୟି ଅଡେ ଏଝାଣାଲ୍ଲ ସାସା ହାନାୟି □ ୧:୧-୧୮
- ୨ ପାଠୁଲ ଡିମତିଲ୍ଲ କସ୍ତି ଅରହାଲି ସାସା ହାହିମାନେସି □ ୨:୧-୧୩
- ୩ ଡିମତିଲ୍ଲ ଏଚେକା କାତା ଝେହ୍ନାୟି □ ୨:୧୪-୨୬
- ୪ ରାନି ଦିନାତା ଗଟଝି ଆନାଆଁ ଅଡେ ସାତା ଜିରୁ ବାଡି କିହାଲି ଜାଗ୍ରାତା କିନାୟି □ ୩:୧-୪:୮
- ୫ ପାଠୁଲ ଡିମତିଲ୍ଲ ଏଚେକା ଅଣ୍ଡୁଡି କାତା ଝେସାନା ଆକୁଡି ରାପ୍ପନାୟି □ ୪:୯-୨୨

୧ ନାନୁ ପାଠୁଲ, କ୍ରୀସ୍ତ ଜୀସୁ ତାଣା ମାନି ଜୀଝୁଡି ଆଞ୍ଜାମାନି ଲେହେଁ, ମାହାପୁରୁ ଅଣ୍ଡୁ ତଲେ କ୍ରୀସ୍ତ ଜୀସୁଡି ର ପାଣ୍ଡୁଡି ଆହାମାନାଚେସି □

୨ *ଡିମତି, ନା ଜୀଝୁଡି ମୀରଏଣାଟି ଆବା ମାହାପୁରୁ କ୍ରୀସ୍ତ ଜୀସୁ ତାଣାଟି କାର୍ମାମେହ୍ନାୟି ଅଡେ ହିଡ଼ି ଜୀଝୁ ନିଜେଡାକି ଆୟାପେ □

ମାହାପୁରୁଲ୍ଲ ଜହରା ଅଡେ ବାର୍ସୁ ହାନାୟି

☆ ୧:୨ ୧:୨ କାମା ୧୭:୧ ☆ ୧:୫ ୧:୫ କାମା ୧୭:୧ ☆ ୧:୧୧ ୧:୧୧ ୧ଡିମ ୨:୭

୩ ମା ତଲିଡି ଆକୁ ଆବାୟାଁ ଲେହେଁ ନାନୁ ସୁଦୁ ଅଣ୍ଡୁ ତଲେ ମାହାପୁରୁଲ୍ଲ ସେବା କିହିମାଲ୍ଲ, ନାନୁ ଏ ମାହାପୁରୁ ତାଣା ଲାଆଁ ମାଦେନା ପ୍ରାତାନାତା ନୀ ଦରୁ ରାଚାହାଁ ମାହାପୁରୁଲ୍ଲ ଜହରା କିହିମାଲ୍ଲ;

୪ ଏଡିକିଁ ନା ରାହାଁ ଗାଡିଆନେ, ଇଦାଆଁଡାକି ନୀ କାଣ୍ଡୁ ଅଣ୍ଡୁପାନା ନିଜେ ମେସାଲି ତାକି ହାରେକା ମନ କିହିମାଲ୍ଲ;

୫ *ଇଡିହଁ ଆମିନି କୁରୁ ହିଲ୍ଲାଆଗାଟି ନାମ୍, ମୀ ବାୟି ଲୟି ଅଡେ ମୀ ଇୟା ଇଝୁନିକି ତାଣା ମାଚେ, ଅଡେ ନୀ ତାଣା ଜିକେଏ ମାନେ ଇଞ୍ଜିହଁ ନା ହାରେକା ନାମ୍, ନୀ କୁରୁ ହିଲ୍ଲାଆ ନାମୁଡି କାତା ନାନୁ କାରୁ ବେଟାଆହାମାଲ୍ଲ □

୬ ନାନୁ ନୀ ଲାକ କେୟୁ ଇଟାଡି ବେଲ୍ଲାତା ନାନୁ ମାହାପୁରୁ ତାଣାଟି ଆମିନି ବର ବେଟାଆଡି ଏଦାଆଁ ଜାଡ଼ୁ କିହାଁ ଇଟାଲି ନାନୁ ନିଜେ ଅଣ୍ଡୁ କିହିମାଞ୍ଜାଲ୍ଲ □

୭ ଇଡିହଁ ମାହାପୁରୁ ମାଜେ ଆଜିନି ଜୀଝୁ ହାହାମାଞ୍ଜଅସି, ସାମା ବାଡ଼ୁୟୁ, ଜୀଝୁ ନନାଣି, ଅଡେ ନେହଁ ଅଣ୍ଡୁ କିନି ଜୀଝୁ ହାହାମାଞ୍ଜାନେସି □

୮ ଏଦାଆଁଡାକି ମାର ପ୍ରବୁଡି କାତାତା ସାକି ହାହାଲି ଅଡେ ନାନୁ ପ୍ରବୁ ତାକି କାୟିଦି ଇଲ୍ଲୁତା ଦସ୍ପି ଆହାମାଲ୍ଲ, ନା ତାକି ଲାଜା ଆଆନି, ସାମା ମାହାପୁରୁ ହାହାମାଞ୍ଜାନି ବାଡ଼ୁୟୁ ତଲେ ନେହଁ କାରୁ ଝେକହାଲି ବେଟାଆହାମାନି କସ୍ତି ଅରହାମ୍ □

୯ ଏଝାସି ମାଜେ ଗେଲ୍ପା ମାଞ୍ଜାନେସି, ଅଡେ ନା ନେହଁ ଲକୁଡେରି ଇଞ୍ଜିହଁ ହାଟାମାଞ୍ଜାନେସି; ଅଡେ ମା କିହାମାନି କାମା ଲେହେଁ କିହାଁ ମାଞ୍ଜଅସି, ସାମା ତାନି ଅଣ୍ଡୁ ତଲେ ତାନୁ କାର୍ମା ମେସ୍ତାନି ଲେହେଁ କିହାଁ ମାଞ୍ଜାନେସି; ଏ କାର୍ମା ତଲି କାଲ୍ଲା ନକେଏ କ୍ରୀସ୍ତ ଜୀସୁ ତାଣାଟି ମାଜେ ହୀଝି ଆହାମାଚେ,

୧୦ ସାମା ନୀଏଁ ମା ଗେଲ୍ପାନି କ୍ରୀସ୍ତ ଜୀସୁ ଦାର୍ଡିତା ଝାହାମାନାକି ମାଜେ ତସାମାଞ୍ଜାନେସି; ଏଝାସି ହାକିଡି ମ୍ପେକହା ମାନେସି; ଅଡେ ତାନି ନେହଁ କାରୁତଲେ ଜୀଝୁ ଅଡେ ହାଆଗାଟାଣି ଉଜେଡିତା ତସାମାନେସି □

୧୧ *ଇ ନେହଁ କାରୁ ଝେକହାନା ତେଲ୍ଲିକିହାଲି ମାହାପୁରୁ ନାଜେ ର ପାଣ୍ଡୁଡିଆଡି ସୀସୁ ଇଞ୍ଜା ଜାପ୍ପନାସି ଲେହେଁ ହେରପା ମାଞ୍ଜାନେସି □

୧୨ ଏଦାଆଁଡାକି ନାନୁ ଇ ବାରେ ଦୁକୁ ବେଟା ଆହିମାଲ୍ଲ; ଆଡିକିକେଏ ନାନୁ ଆଜା ହିଲଅଁ, ଇଡିହଁ ନାନୁ ଆମ୍ବାଆରି ତାଣା ନାମାମାଲ୍ଲ, ଏଝାଣାଲ୍ଲ ପୁଞ୍ଜାମାଲ୍ଲ, ଅଡେ ନାନୁ ତାନି କେୟୁତା ଏଦାଆଁ ହେରପାମାଲ୍ଲ, ବିଚାରା ଦିନା ଝାନି ପାଚେକା ଏଦାଆଁ ଏଝାସି ଜାଡ଼ୁ ତଲେ ଇଟାଲି ଆଡିମାନେସି, ଇଦାଆଁ ନାନୁ ତୀରପୁଡିଲେ ନାମିମାଲ୍ଲ □

୧୩ ନା ତାଣାଟି ଆମିନି ନେହଁ ବଲୁ ଝେଞ୍ଜାମାଞ୍ଜି, କ୍ରୀସ୍ତ ଜୀସୁ ତାଣାଟି ନାମ୍ ଇଞ୍ଜା ଜୀଝୁ ନନାଣି ଏଦାଆଁ ନେହଁ କିଁ ଆସା ମାନାମ୍ □

୧୪ ଆମିନି ନେହଁ କାତାତି ଦାୟିପତି ନିଜେ ହାପକି ଆହାମାଞ୍ଜାନେ, ମା ତାଣା ବାସା କିହିମାନି ସୁଦୁଜୀଞ୍ଜୁତି ବାଡ଼ୁରୁ ତଲେ ଏ ବାରେତି ଜାଡ଼ୁ କିହା ଇଗାମୁ □

୧୫ ନାନୁ ପୁଞ୍ଜାମାଞ୍ଜି; ପୁଗେଲ ଅଡ଼େ ହର୍ମଗେନା ତଲେ ଆସିୟାତି ବାରେ ଲକୁ ନାଜେ ପିସା ମାଞ୍ଜାନେରି □

୧୬ ଅନିସିପର କୁଟମିତି ପ୍ରବୁ କାର୍ମା ମେସପେସି, ଏନାଆଁତାକି ଇତିହଁ ଏଞ୍ଜାରି ଅଲେ ଅଲେ ଖାହାନା ନା ଦୁକୁ ତୁକହାତେରି, ଇତିହଁ ନାନୁ କାୟିଦି ଇଲୁତା ମାତିହଁ ଜିକେଏ ଲାଜା ଆହାହିଲଅରି,

୧୭ ରମ୍ ଗାଡ଼ାତା ଏଜାଲିଏ ଏଞ୍ଜାସି ନାଜେ ପାରାନା ନା ତାଣା ଖାତେସି,

୧୮ ରାନ୍ତି ଦିନାତା ଏନିକଁ ମାହାପୁରୁ ତାଣାଟି କାର୍ମା ବେଟାଆନେସି, ଏଲେକଁ ମାହାପୁରୁ ଏଞ୍ଜାଣାକି କାର୍ମା ଆପେସି, ଅଡ଼େ ଏଞ୍ଜାସି ଏପିସିୟ ଗାଡ଼ାତା ନାଜେ ଏନିକଁ ସେବା କିହାମାଞ୍ଜାନେସି, ଏଦାଆଁ ନାନୁ ନେହଁ କଁ ପୁଞ୍ଜାମାଞ୍ଜି □

୨

କ୍ରୀସ୍ତ ଜୀସୁତି ନେହଁ ଜୁଜୁ କିନାସି

୧ ଏଦାଆଁତାକି ଏ ନା ଜୀଞ୍ଜୁତି ମୀର୍ଏଣାତି, କ୍ରୀସ୍ତ ଜୀସୁତଲେ ଆଣ୍ଡିତାକି ତାନି କାର୍ମାମେହ୍ନି ତାଣାଟି ଆମିନି ବାଡ଼ୁରୁ ମୋଡ଼ା ଆନେ ଏମ୍ବାଆଁ ନାନୁ ବାଡ଼ୁରୁ ଗାଟାତି ଆମୁ,

୨ ଅଡ଼େ ହାରେକା ସାକିୟାଁ ନକିତା ଆମିନି ବାରେ କାତା ନା ତାଣାଟି ନାନୁ ଖେଞ୍ଜାମାଞ୍ଜି, ଅଡ଼େ ଏମିନିଗାଟାରି ଏଟକା ଲକୁଣି ଜିକେଏ ଜାପହାଲି ଆଡ଼ିନାରି, ଏଲେତି ନାମୁଗାଟି ଲକୁ ନକିତା ଇ ବାରେ ହେରପାମୁ □

୩ ନାନୁ କ୍ରୀସ୍ତ ଜୀସୁତି ର ନେହଁ ଜୁଜୁ କିନାସି ଲେହେଁ ଏଞ୍ଜାଣି ତାକି କସ୍ତ ଅରହାମୁ □

୪ ଆମ୍ବାଆସି ଜୁଜୁକିନି କାମାତା ମାଞ୍ଜାନା, ଦାର୍ତତିତି ଏଟକା କାମାତା ହେରପି ଆଅସି, ଏନିକଁ ଏଞ୍ଜାସି ତାନି ମୁହେଁତି କାଜାଣାକ୍ ରାହାଁ କିନେସି □

୫ ଅଡ଼େ ଆମ୍ବାଆସି କାହୁ ତାକି ବାଡ଼ହାରା ଆନେସି, ଏଞ୍ଜାସି ମେରା ତଲେ କାହାଆସାରେ ଜୀଣା ଆଅସି □

୬ ଆମିନି ତାସା କାମାକିନାସି ଖାହୁ ତଲେ କିନାସି, ଏଞ୍ଜାସି କାମାତି ମୁଲୁତି ବାଗା ବେଟାଆନାୟି ମାନେ □

୭ ନାନୁ ଏନାଆଁ ଖେସିମାଞ୍ଜାକ୍, ଏଦାଆଁ ଅଣପାମୁ; ଇତିହଁ ପ୍ରବୁ ନିଜେ ବାରେ ପୁଞ୍ଜାଲି ବୁଦି ହିୟାନେସି □

୮ ନା ତାଣାଟି ଖେସପିଆହାମାନି ନେହଁ କାବୁ ଲେହେଁ ହାଡ଼ାରି ତାଣାଟି ନିଜିତାଣି ଅଡ଼େ ଦାଞ୍ଜୁଦ କୁଡ଼ାତା ଜାର୍ନା ଆହାମାନି ଜୀସୁ କ୍ରୀସ୍ତକ୍ ଅଣପାମୁ □

୯ ଇ ନେହଁ କାବୁତାକି ନାନୁ ଦହଗାଟି ଲକୁ ଲେହେଁ କାୟିଦି ଇଲୁତା ଦସପିଆନ୍ତି ପାତେକା କସ୍ତ ବେଟା ଆହିମାକ୍; ସାମା ମାହାପୁରୁତି ବଲୁ ଦସପି ଆହା ହିଲେଏ □

୧୦ ଇଦାଆଁତାକି ମାହାପୁରୁ ଆଡ଼ାମାନି ଲକୁ ଜିକେଏ ଏନିକଁ କାଲାକାଲାତି ଗାଞ୍ଜୁରମି ତଲେ କ୍ରୀସ୍ତ ଜୀସୁ

ହାହାମାନି ଗେଲପି ଆନାଣି ବେଟାଆନେରି, ଏଦାଆଁତାକି ନାନୁ ଏଞ୍ଜାରି ତାକି ଇ ବାରେ ସାସାତଲେ କସ୍ତ ଅରହିମାକ୍ □

୧୧ ଇ କାତା ସାତା
“ମାର କ୍ରୀସ୍ତ ତଲେ ହାହାମାନାୟି,
ଅଡ଼େ ଏଞ୍ଜାଣିତଲେ ଜିକେଏ ନୀଡିନାୟି;

୧୨ ଅଡ଼େ ମାର ସାସାଆସାଁ କସ୍ତ ଅରହିନାୟି,
ଆତିହଁ ଏଞ୍ଜାଣିତଲେ ଜିକେଏ ସାଲୁଞ୍ଜି କିନାୟି;

ମାର ଏଞ୍ଜାଣାକ୍ ପୁଞ୍ଜାହିଲଅମି ଇନାୟି,
ଆତିହଁ ଏଞ୍ଜାସି ଜିକେଏ ମାଜେ ପୁଞ୍ଜାହିଲଅଁ
ଇଞ୍ଜାନେସି;

୧୩ ଏଚେତା ମାର ନାମାଆ ଗାଟାତାୟି ଆନାୟି,
ଆଡ଼ିଜିକେଏ ଏଞ୍ଜାସି ବାରେବେଲା ଟିକାଣାତାସି,
ଇତିହଁ ଏଞ୍ଜାସି ଜାହାରାକ୍ ଆଏ ଇଞ୍ଜାଲି ଆଡ଼ଅସି
□”

ନାମୁତି କାମାକିନାସି

୧୪ ନାନୁ ବାରେ ନାମୁ ଗାଟାରାକ୍ ଇ ବାରେ କାତା ମାହାପୁରୁକ୍ ଅଣପି କିମୁ, ସାସ୍ତେରିତି କାତା ଉଜେଏ ବାଡ଼ିବାଦା ଆନ୍ତି ତାଣାଟି ଜାଗ୍ରାତା କିମୁ, ଇଲେତି ବାଡ଼ିବାଦା ଆମ୍ବାଆରାକ୍ ନେହଁ କିଏ, ସାମା ଆମ୍ବାଆରି ଏମ୍ବାଆଁ ମନ ହାନେରି ଏଞ୍ଜାରି ନାସା ଆନେରି □

୧୫ ସାତା ବଲୁ ଟିକାଣା ତଲେ ଲେମ୍ବାନା, ଆମିନି କାମାକିନାସି କାମାତା ଏନିକଁ ଲାଜା ଆଅସି, ଏଞ୍ଜାଣିଲେହେଁ ମାହାପୁରୁ ନକିତା ଜାହାରାକ୍ ତାୟିପାରିତା ଜୀଣା ଆହାମାନି ଲେହେଁ ତସାଲି ଜାଡ଼ୁ କିମୁ □

୧୬ ସାମା ଲାଗେଏତି ଉଜେଏତି କାତାୟାଁ ବାସଁ ଆନ୍ତି ତାଣାଟି ହେକ ଡ଼ୟାଦୁ; ଇତିହଁ ଆମ୍ବାଆରି ଏଲେତି କାମା କିନେରି, ଏଞ୍ଜାରି ଲାଗେଏତି କାମାତା ହାରେକା ପାତା ଆନେରି,

୧୭ ଅଡ଼େ ଏଞ୍ଜାରି କାତା ସୀରନ୍ତି ଗାହାଁ ଲେହେଁତାୟି; ଏଞ୍ଜାରି ବିତ୍ରାଟି ହୁମନାୟ, ଅଡ଼େ ପିଲିତ, ଇ ରିଆରି ମାନେରି □

୧୮ ଏଞ୍ଜାରି ହାହାନା ଖେଣ୍ଡେ ନିଜିତାୟିଏ ଇଞ୍ଜଁ ସାତାତି ପିସାମାନେରି, ଅଡ଼େ ଏତରଜାଣାତି ତାନି ନାମୁତି ତୀରି ମୁପୁହି ମାନେରି □

୧୯ ଆଡ଼ିଜିକେଏ, ମାହାପୁରୁ କେପିତି ପୁନାଦି ଆଟ୍ଞା ଆହାନା ଡ଼ୟାମାନେ, ଅଡ଼େ ଏ ଖାଲିତା ଇ ବୁଟୁ ମୁଦ୍ରା ଆହାମାନେ, “ପ୍ରବୁ ତାନି ଲକୁଣି ପୁଞ୍ଜାମାନେସି” ଅଡ଼େ, “ଆମ୍ବାଆସି ପ୍ରବୁତି ଦରୁ ଆହନାସି, ଏଞ୍ଜାସି ଲାଗେଏ ତାଣାଟି ହେକ ମାଣ୍ଡେସି □”

୨୦ ର କାଜା ଇଜ ଖାରଇ ବାଂଗାରା ଖେଣ୍ଡିତି ତ:କା ମାଣ୍ଡି ମାନୁ, ଏଚେକା ଆଏ, ଅଡ଼େ ମାରକା ଇଞ୍ଜା ଇରଆତି ତ:କା ମାଣ୍ଡି ଜିକେଏ ମାନୁ; କଚେକା ତ:କା ମାଣ୍ଡି କାଜା କାଜା କାମାତାକି ମାନୁ, ଅଡ଼େ କଚେକା ଉଜେଏ ଦିନା ଲେମ୍ବାଲି ତାକି ମାନୁ □

୨୧ ଇଦାଆଁତାକି ଆମ୍ବାଆସି ଏ ବାରେ ତାଣାଟି ଜାହାରାକ୍ ଅଟହା କଡ଼ିନେସି, ଏଞ୍ଜାସି ହେରପି ଆହାନା, ସାଞ୍ଜୁକାରି

କାମାତା ପାତ୍ରାଆନେସି, ଏଞ୍ଜେଲି ବାରେ ନେହ୍ କାମାତାକି ଆଚା ଇଟାମାନି ମାନ୍ନିଗାଟି ତ:କା ମାଣ୍ଡି ଲେହେଁ ଆନେସି □

୨୨ ସାମା ନୀନୁ ଦାଂଗ୍‌ଣା ବେଲା ଲାଗେଏତି ଜୁପକାଟି ହେକ ଆମ୍ବୁ, ଆମ୍ବାଆରି ସୁଦୁ ହିୟାଁ ତଲେ ପ୍ରବୁ ତାଣ୍ଡା ପ୍ରାତାନା କିନେରି, ଏଞ୍ଜେରିତଲେ ଦାମ୍ବୁ, ନାମ୍ବୁ, ଜୀଞ୍ଜୁ ନନାଣି, ଅଡେ ହିଡ଼ଡ଼ି ଜୀଞ୍ଜୁ ଜେଚ ହାଲାମ୍ବୁ □

୨୩ ବୁଦି ହିଲାଆ ମୁକୁଁ ଗାଟାରି ବାଦିବାଦା ଗଡ଼ହା କିନେ, ଇଦାଆଁ ପୁଞ୍ଜାନା ଏ ବାରେ ତାଣ୍ଡାଟି ହେକ ଆମ୍ବୁ □

୨୪ ମାହାପୁରୁତି ହିଲେଏସି ଗଡ଼ହା କିନାୟି ନେହେଁ ଆଏ, ସାମା ବାରେଜାଣାତି ହିଡ଼ଡ଼ି ହାଡ଼ା ଜାପୁନାସି, ଅଡେ ଅରୁହିନାସି ଇଞ୍ଜାଁ ମା କପାଟି ନିଜିନି ଲକୁଣି ହିଡ଼ଡ଼ି ହାଡ଼ାତଲେ ଜାପୁନାସି ଆନାୟି ମାନେ,

୨୫ ଅଡେ ଗଡ଼ହା ଗାଟାରାଇଁ ସୁଦୁ ସୁଞ୍ଜାଲା ତଲେ ଲେମ୍ବିନାସି ଆନାୟି ମାନେ, ଆତିହ୍ ଏଞ୍ଜେରି ସାତାତି ବୁଦି ପୁଞ୍ଜାଲି, ମାହାପୁରୁ ଏଞ୍ଜେରାଇଁ ମନ ଖେଟ୍‌ନି ଅଣ୍ଡପୁ ହୀନେସି,

୨୬ ଅଡେ, ଆମିନି ସୟତାନ ଏଞ୍ଜେରାଇଁ ତାନି ଅଣ୍ଡପୁ ତଲେ କିହାଲି ଦସପାମାନେ, ଏମ୍ବାଟି ଏଞ୍ଜେରି ସେଡନା ଆହାନା ଏ ପାନ୍ଦାଟି ଗେଲ୍‌ପି ଆନେରି □

୩

ରାନ୍ତି ଦିନାତି କାତା

୧ ସାମା ଇଦାଆଁ ପୁଞ୍ଜାମାଞ୍ଜୁ, ରାନ୍ତି ଦିନାତା ନାସା ଆନି ଦିନା ଖାନେ;

୨ ଇତିହ୍ ଲକୁ ତାମ୍ବୁ ଜାହାରାଇଁ ଅଣ୍ଡପା କଡିନେରି, ଦନ ଜୁପକା, ଜୀଞ୍ଜୁତା ବଡପଣ, ଆଙ୍କାରା, ନିନ୍ଦା କିନେରି, ତାଲି ତାଞ୍ଜି କାତା ଆହ୍‌ଅରି,

୩ ରାହାଁ ଆଆଗାଟାରି, ଦାମ୍ବୁ ହିଲାଆ ଗାଟାରି, ଜୀଞ୍ଜୁ ନଆଗାଟାରି, ଆଣ୍ଡୁଞ୍ଜି ଆନାୟି ହିଲାଆ ଗାଟାରି, ଲାଗେଏ କାତା ଖେସାନା ଲକୁଣି ନାଡ଼ିକିନାରି, ଦେବୁଣିଏ କପା ଆନାରି, ବାଡ଼ୁୟୁ ତସାନା ଆଜି କିନାରି, ନେହ୍ କାତାତି ଅପାଆଗାଟାରି ଆନେରି;

୪ ଅଡେ ଏଞ୍ଜେରି ହୀରୁ ଦାଃଆନାରି, ତାୟୁ ଏସ୍‌କି ଅଣ୍ଡପାଆ ଗାଟାରି, ବଡପଣ ଗାଟାରି ଆନେରି, ଅଡେ ମାହାପୁରୁ ଜୀଞ୍ଜୁ ନନାରି ଆଆନା ଦାର୍‌ତିତି ରାହାଁତି ଜୀଞ୍ଜୁ ନନାରି ଆନେରି;

୫ ଏଞ୍ଜେରି ମାହାପୁରୁତି ଆଜିନି ମେରା ଆହ୍‌ନେରି ସାମା ଏମ୍ବାଟି ବାଡ଼ୁୟୁତି ଆସାଲି କୁନେରି; ଇଲେତି ଲକୁ ତାଣ୍ଡାଟି ହେକ ମାନାମ୍ବୁ □

୬ ଇତିହ୍ ଇଞ୍ଜେରି ତାଣ୍ଡା ଇଲେତି ଲକୁ ମାନେରି, ଏମିନିଗାଟାରି ଇଲକା ତାକି ଇଲକା ହଡ଼ିହ୍ ପାପୁତି ବଜୁତା ଅଡେ ତାନି ମନତି ଜୁପକା ଗାଟି ଅଣ୍ଡପୁ ତଲେ ତାକିନି ବୁଦି ହିଲାଆଗାଟି ଇୟାସିକାଣି ତାନି ତାଣ୍ଡା ଇତିନେରି;

୭ ଇ ଇୟାସିକା କାଲେଏ ଜାପିମାଟି ଜିକେଏ, ଏଚେଲା ସାତାତି ପୁଞ୍ଜାଲି ଆଡ଼ାଉ □

୮ ଏନିକ୍ ଜନିସି ଅଡେ ଜାମ୍ବିସ୍ ମସା କପାଟି ନିଙ୍ଗାମାଚେରି, ଏଲେକିହ୍ ଏଞ୍ଜେରି ଜିକେଏ ସାତାତି ଆକ୍‌ନେରି, ଏଞ୍ଜେରି ତାୟୁ ଲାଗେଏ ଆହାମାନେ ଅଡେ ଏଞ୍ଜେରି ଦାମ୍ବୁତି ନାମ୍ବୁ ଉଜେଏ ଆହାମାନେ □

୯ ସାମା ଏଞ୍ଜେରି ଅଡେ ହାରେକା ଆଗାଡ଼ା ହାଲଅରି; ଇତିହ୍ ଏ ରିଆରି ଏଞ୍ଜେରି ବୁଦି ହିଲାଆଗାଟାରି ଇଞ୍ଜେରି ଦିନା ବାରେଜାଣା ପୁନେରି, ଜନିସି ଅଡେ ଜାମ୍ବିସ୍ ଜୀଞ୍ଜୁତା ଏନାୟି ଗଟେଞ୍ଜି ଆହାମାଚେ, ଏଞ୍ଜେରି ଜୀଞ୍ଜୁତା ଏଦିଏ ଆନେ □

ରାନ୍ତିବେଲାତି କାତା

୧୦ ସାମା ନୀନୁ ନା ଜାପୁନାଣି, ମାଣ୍ଡକି, ନା ଅଣ୍ଡପୁ, ନା ନାମ୍ବୁ, କସ୍ତୁ ଅରୁହିନାଣି, ଜୀଞ୍ଜୁ ନନାଣି, ଅରୁହିନାୟି,

୧୧ ସାସ୍ତ୍ରୀ ବେଟା ଆଡ଼ାଣି, ଦୁକୁ କସ୍ତୁ ବେଟା ଆଡ଼ାଣି, ଇ ବାରେ ଆସାମାଞ୍ଜି; ଆଡ଼ିୟକିୟା, ଇକନିୟ, ଅଡେ ଲୁସ୍ତାତା, ନା ତାକି ଏଲେକିହ୍ ଏ ନିନ୍ଦା କସ୍ତୁ ଆହାମାଚେ; ଏଦାଆଁ ନୀନୁ ଅରୁହା ମାଚେଏ, ଅଡେ ପ୍ରବୁ ନାଲେ ଏ ବାରେଟି ଗେଲ୍‌ପା ମାଞ୍ଜାତେସି □

୧୨ ସାତେଏ ଆମିନି ଗାଟାରି କ୍ରୀସ୍ତ ଜୀସୁ ତାଣ୍ଡାଟି ଦାମ୍ବୁ ଜୀଞ୍ଜୁ ନୀତାଲି ଅଣ୍ଡପିନେରି, ଏଞ୍ଜେରି ନିନ୍ଦା ବେଟାଆନେରି □

୧୩ ସାମା ଲାଗେଏତି କାମାକିନାରି ଅଡେ ନାଡ଼ିକିନାରି ନାଡ଼ି ଆହାନା ହାରେକା ଲାଗେଏତି କାମା କିନେରି □

୧୪ ସାମା ନୀନୁ ଏନା ଏନାଆଁ ଜାପାମାଞ୍ଜି, ଅଡେ ଆମିନି କାତା ବାରେ ସାତେଏ ନାମାମାଞ୍ଜି, ଏ ବାରେ ତାଣ୍ଡା ତୀରିତଲେ ମାନାମ୍ବୁ, ଇତିହ୍ ନୀନୁ ପୁଞ୍ଜିମାଞ୍ଜି, ଆମିନି ଗାଟାରି ତାଣ୍ଡାଟି ଏ ବାରେ ଜାପାମାଞ୍ଜି;

୧୫ ଅଡେ ଆମିନି ଦାମ୍ବୁ ସାସ୍ତ୍ରୀ କ୍ରୀସ୍ତ ଜୀସୁ ତାଣ୍ଡା ନାମ୍ବୁଟି ନିଲେ ଗେଲ୍‌ପିକିନି ବୁଦି ହିୟାଲି ଆଡ଼ାନେ, ଏଦାଆଁ ନୀନୁ ଉଣା ଖେଡ଼ାଟିଏ ପୁଞ୍ଜାମାଞ୍ଜି □

୧୬ ବାରେ ଦାମ୍ବୁ ସାସ୍ତ୍ରୀରତା ରାସ୍‌କି ଆହାମାନି ବାରେ ବଲୁ ମାହାପୁରୁ ଜଲିତାୟି, ଅଡେ ଜାପୁନାୟି, ଲାଗିନାୟି, ତୀରିକିନାୟି, ଅଡେ ଦାମ୍ବୁତା ନୀତାଲି ସାୟେମି କିନାୟି,

୧୭ ଏନିକ୍ ମାହାପୁରୁତି ଲକୁ ତୀରପୁ ଆହାନା ବାରେ ନେହ୍ କାମାତା ଜଟେ ଗାଟାରି ଆନେରି □

୪

୧ ନୀନୁ ମାହାପୁରୁ ନକିତା, ଅଡେ ଆମିନି କ୍ରୀସ୍ତ ହାଡ଼ାରାଇଁ ଇଞ୍ଜାଁ ନୀତାମାନାରାଇଁ ନୀହାୟି କିହାଲି ହାଜିମାନେସି, ତାନି ଖେଣ୍ଡେ ଖାନାଣି ଅଡେ ରାଜିତି ମାନ୍ନି କିହାନା ହୁକୁମି ହାହିମାଞ୍ଜାଇଁ,

୨ ମାହାପୁରୁ ବଲୁ ଖେକମ୍ବୁ, ନେହ୍ ବେଲାତା କି ଲାଗେଏତି ବେଲାତା ବଲୁ ଖେକହାଲି ତିୟାରା ଆହା

☆ ୩:୧୧ ୩:୧୧ କାମା ୧୩:୧୪-୫୨; କାମା ୧୪:୧-୭; କାମା ୧୪:୮-୨୦

ମାନାମୁ, ନୀନୁ ବାରେ କସ୍ତ ଅର୍ହାନା ଜାପୁହିହିଁ
ଲୀଗାମୁ, ଅଡ଼େ ଦାକା ହୀହାନା ସାସା ବାସୁଁ ହୀମୁ □

୩ ଇତିହିଁ ଦିନା ଖାନ୍ଦେ, ଏତିବେଲ୍ଲା ଲକୁ ନେହିଁ
ଜାପୁନାଣି ଖେଞ୍ଜାଲି ଅପଅରି, ସାମା ତାମି କୀର୍କା ତାକି
ସୁଦୁ ସୁଖାଲା ହାଡ଼ା ଖେଞ୍ଜାଲି ମନ୍ ହୀନେରି ଇଞ୍ଜା କାତା
ଜୁପକାତାକି ଲାଗେଏତାଣି ଜାପୁନାରାଇଁ କୁଡ଼ି କିନେରି □

୪ ଅଡ଼େ ସାତା କାତାତି ଖେଞ୍ଜାଲି କୁହାନା ଅଣ୍ପାନା
ଖେହ୍ନି ପୁସ୍ପନିକାଣି ମନ୍ ହୀନେରି □

୫ ସାମା ନୀନୁ ବାରେ ତାଣା ସେଡ଼ନା ଆମୁ, କସ୍ତତି
ଅର୍ହାନାମୁ, ମାହାପୁରୁତି ନେହିଁ କାରୁ ଖେକ୍ମୁ କାମା ପୂରା
କିମୁ ଅଡ଼େ ନୀ ସେବା କାମା ରାପୁମୁ □

୬ ଇତିହିଁ ନୀଏଁ ଜିକେଏ ନା ଜୀଞ୍ଜୁ ଗସାଲି ତାକି
ଝାକ୍‌ହିମାନି ଲେହେଁ ହେରପି ଆହିମାନେ, ନା ହାନି ଦିନା
ଏଗାଝାଡ଼େୟିଏ □

୭ ନୀନୁ ନେହିଁ ଜୁଜୁତା ଜୀଞ୍ଜୁ ତୁସାନା ଜୁଜୁ କିହିମାଇଁ,
ନାଞ୍ଜେତାକି କେପାମାନି ପାହେରି ରାଝେତାକି ହଟାମାଇଁ,
ନୀନୁ ନାମୁତି ଜାଣେ ଆସାମାଇଁ;

୮ ନାଞ୍ଜେତାକି ଦାମୁତି ଗପେରି ଇଚ୍ଚି ଆହାମାନେ,
ଏଦାଆଁ ଏ କାଜା ନୀହାୟି ଦିନାତା ନୀହାୟି କିନି ପ୍ରବୁ
ନାଞ୍ଜେ ହିୟାନେସି, ଝାରଇ ନାଞ୍ଜେ ଆଏ, ତାନି ଖେଶ୍ଟା
ଝାନାଣି ନେହିଁ ମନ୍‌ତଲେ କାତାମାନି ବାରେଜାଣା ତାକି
ଜୀଞ୍ଜୁନହାଁନା ହୀନେସି □

ତାନି କାତା ଖେହ୍ନାୟି

୯ ତବେ ନା ତାଣା ଝାହାଲି ଜାଗ୍ରାତା ଆମୁ;

୧୦ *ଇତିହିଁ ଦିମା ନାଞ୍ଜେ ପିସାହାଁ ନୀଏଁତି
ଦାର୍ତ୍ତିତି ଜୀଞ୍ଜୁନହାଁନା ତେସଲନିକିତା ହାଜାମାନେସି,
କ୍ରେସ୍‌କେନସ୍ ଗାଲାତିୟାତା ଅଡ଼େ ତିତସ ଦଲମତିୟାତା
ହାଜାମାନେରି □

୧୧ *ଅଡ଼େ ଲୁକ ରଅସିଏ ନା ତଲେ ମାନେସି □ ମାର୍କଇଁ
ନୀ ତଲେ ତାତିହିଁ ଝାମୁ, ଇତିହିଁ ନା ସେବା କାମାତା
ସାୟେମି କିୟାନେସି □

୧୨ *ନୀନୁ ତୁକିକଇଁ ଏପିସିୟତା ପାଣ୍ଡା ମାଇଁ □

୧୩ *ତୁୟାତା କାର୍ପ ତାଣା ଆମିନି ଉସମି ସକା ପିସା
ଝାହାମାଇଁ, ନୀନୁ ଝାନାଟି ସକା ଅଡ଼େ ପତିୟା ବାରେକିହାଁ
ତଲୁ ପତିୟା ତାତିହିଁ ଝାମୁ □

୧୪ *ପିତାତା ବେବାରାଗାଟି ଆଲେକ୍‌ଜାଣ୍ଡାର ନାଞ୍ଜେ
ହାରେକା କସ୍ତ ହୀହାମାଞ୍ଜାନେସି; ପ୍ରବୁ ଏଝାଣାଇଁ ତାନୁ
କିତି କାମା ଲେହେଁ ପାଡ଼େୟି ହୀନେସି;

୧୫ ନୀନୁ ଜିକେଏ ଏଝାଣି ତାଣାଟି ଜାଗ୍ରାତା ଆହା
ମାନାମୁ, ଇତିହିଁ ଏଝାସି ମାର ଖେକ୍‌ନି କାତା କପାଟି
ନିଜାମା କାହି କିହିମାଞ୍ଜାତେସି □

୧୬ ତଲି ମୁଲୁ ନାଞ୍ଜେ ନୀହାୟି କିୟାତାଟି ଆମାଆରି
ନା ଝାକିଟି ଆଆଡେରି, ସାମା ବାରେଜାଣା ନାଞ୍ଜେ
ପିସାତେରି, ଏଦାଆଁ ମାହାପୁରୁ ଏଝାରି କପାଟି ଦହ
କିଆପେସି □

୧୭ ସାମା ପ୍ରବୁ ନା ତଲେ ମାଞ୍ଜାନା ନାଞ୍ଜେ
ବାଡ଼ୁୟି କିୟାତେସି, ଅଡ଼େ ନୀନୁ ସିହ୍‌କ୍‌ୱାନ୍‌ନି ଗୁଡ଼ିଟି
ଗେଲ୍‌ପିଆଡେସି, ଏନିକିଁ ନା ତାଣାଟି ନେହିଁ କାରୁ
ବାରେ ତାଣା ଖେଜିନେ ଅଡ଼େ ଜୀଞ୍ଜୁଦିଆଆତି ଲକୁ
ବାରେଜାଣା ଏଦାଆଁ ଖେଞ୍ଜାଲି ଆଡ଼ିନେରି;

୧୮ ପ୍ରବୁ ନାଞ୍ଜେ ବାରେ ଲାଗେଏ କାମାଟି
ଗେଲ୍‌ପାନେସି, ଅଡ଼େ ନାଞ୍ଜେ ଗେଲ୍‌ପାନା ତାନି ଲାକପୁରୁ
ରାଜିତା ଅୟାନେସି; ଏଝାଣି ଗାଞ୍ଜୁରମି କାଲାକାଲା ତାକି
ଆପେ! ଆମେନ୍ □

ରାନିବେଲାତି ଜହରା

୧୯ *ପ୍ରିସ୍‌ଲିଲା ଅଡ଼େ ଆକ୍‌ଝିଲା ଇଞ୍ଜା ଅନିସିପର ଇଲୁ
କୁଚମିକି ନା ଜହରା ଖେହ୍ମୁ □

୨୦ *ଏରାସ୍ତ କରଡ଼ି ଗାଡ଼ାତା ତୟା ମାନେସି, ସାମା
ତୁପିମ ଆଡ଼ିହିଲାଆକି ନୀନୁ ଏଝାଣାଇଁ ମିଲିତତା ପିସା
ଝାଡେସି □

୨୧ ନୀନୁ ପେନିବେଲା ଝାଆ ନକେଏ ଝାଡ଼ିହିଁ ନେହିଁ
ଆଡେମା □ ଇୟୁରୁଲ, ପୁଦେନସ୍, ଲିନ, କ୍ଲାଞ୍ଜୁଦିୟା, ଅଡ଼େ
ବାରେ କ୍ରୀସ୍ତାନା ତାୟିୟା ନିଞ୍ଜେ ଜହରା ଖେସିମାଞ୍ଜାନେରି
□

୨୨ ପ୍ରବୁ ନୀ ଜୀଞ୍ଜୁତା ମାଣ୍‌ସେସି, ମାହାପୁରୁତି
କାର୍ମାମେହ୍‌ନାୟି ମୀ ବାରେତାକି ଆୟାପେ □

* ୪:୧୦ ୪:୧୦ କଲସି ୪:୧୪; ପିଲିମ ୧:୨୪; ୨କର ୮:୨୩; ଗାଲା ୨:୩; ତିତସ ୧:୪ * ୪:୧୧ ୪:୧୧ କଲସି ୪:୧୪; ପିଲିମ ୧:୨୪; କାମା ୧୨:୧୨,୨୫;
୧୩:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪ * ୪:୧୨ ୪:୧୨ କାମା ୨୦:୪; ଏପିସି ୬:୨୧,୨୨; କଲସି ୪:୭,୮ * ୪:୧୩ ୪:୧୩ କାମା ୨୦:୬
* ୪:୧୪ ୪:୧୪ ୧ତିମ ୧:୨୦; ରମି ୨:୬ * ୪:୧୯ ୪:୧୯ କାମା ୧୮:୨; ୨ତିମ ୧:୧୭,୧୭ * ୪:୨୦ ୪:୨୦ କାମା ୧୯:୨୨; ରମି ୧୬:୨୩; କାମା
୨୦:୪; ୨୧:୨୯

ତୀତସକ ନିକଟକୁ ପାଉଲକ ପତ୍ର ତିତସ ତାଣା ପାଞ୍ଚଲ ରାଚାମାନି ଆକୁ ମୂଳୁ ହାଡ଼ା

ପାଞ୍ଚଲତି ସାରିଗଟା ଆକୁ ବିତ୍ରା ତିତସ ଆକୁ କୁଲମି ପିସପେ ର ମାଣସିତି ଝେସିମାନେ, ଏଟକାତି ତାନିଗଟା ଆହିମାନୁ, ତିମତି ମୂଲୁ ଆକୁ, ତିମତି ରା ଲମ୍ବର ଆକୁ ଅଡେ ପିଲିମନ □ ଇ ଆକୁ କ୍ରୀସ୍ତ ଜର୍ନାଆଡ଼ି ୨୩ ଟିଏ ୨୫ ବିତ୍ରା ରାସକି ଆହାମାନେ □

ତିତସ ଏଟକା କୃତାତାସି ଆହାନା କ୍ରୀସ୍ତାନା ଆହାମାତି ର ଦାଂଗଣେଏସି ମାଚେସି, ଏଞ୍ଜାସି ମାହାପୁରୁ କାତା ଝେହନି ପାଞ୍ଚଲ ତଲେତାସି □ କ୍ରିତିତା ମାନି ମାହାପୁରୁ କୁଲମି ସାଲୁକି କିହାଲି ପାଞ୍ଚଲ ଏଞ୍ଜାଣାଲ୍ ଏମ୍ବାଆଁ ପିସାନା ଇ ଆକୁ ପାଣ୍ଡାନା ତାନିଗଟା ନେହକ୍ ଅଣ୍ପାଲି ରାଡ଼ିମାନେସି □ ର କାତା ଇଦି କ୍ରିତିତା ମାନାରି ବିତ୍ରାଟି ହାରେକା ଲକୁ ଲାଗେଏ ପଲେଏ ଅଣ୍ପୁ ଗାଟାରି ମାଚାକି ଏନିଲେହେତି ଅଣ୍ପୁ ଗାଟାରାଲ୍ କୁଲମିତି କାଜାରି କିହାନା ଇଟିନାୟି ମାନେ □ ଅର କାତା ଇଦି ବୁଡ଼ହାୟାଲ୍, ବୁଡ଼ହସିକାଣି, ତାଆସିକାଣି, ଦାଂଗଣାୟାଣି, ହଲିୟାକାଣି ଏନିକ୍ ଗତି ଗତି କିହାନା ଜାପୁହାଲି ଆନେ □ ତାମୁତି କାତା ଇଦି କ୍ରୀସ୍ତାନା ଆହାମାନାରି ଏନିକ୍ ନୀତିନାୟି ମାନେ □ ଏଞ୍ଜାରି ଜୀଞ୍ଜୁ ନନାରି ଅଡେ ସୁଦୁଗାଟାରି ଆପେରି, ଲାଗେଏତି କାତାୟା ପିସପେରି, ଗଡ଼ହା କିଞ୍ଜି କିହାନା କୁଲମିତି ଗତି ଗତି କିଆପେରି □

ପତିତା ମାନାୟି

- ୧ କୁଲମିତା ଦାମ୍ବୁଗାଟାରାଲ୍ ଆଚାଲି ଝେହନାୟି □ ୧:୧-୧୬
- ୨ ଦାମ୍ବୁ ଜୀଞ୍ଜୁତଲେ ନୀତାଲି ଅଡେ ଜାପୁହାଲି ଝେହନାୟି □ ୨:୧-୩:୧୧
- ୩ ତାମୁତି କାତା ଅଡେ ଜହରା ତଲେ ଆକୁତି ରାପୁନାୟି □ ୩:୧୨-୧୫

୧ ପାଞ୍ଚଲ, ମାହାପୁରୁତି ହଲେଏଶାତେଏଁ ଇଞ୍ଜା ଜୀସ୍ତ କ୍ରୀସ୍ତ ତାଣାଟି ପାଣ୍ଡୁ ଆହାମାନାତେଏଁ □

ମାହାପୁରୁ ଆଚାମାନି ଲକୁତି ନାମୁ ପାତିକିହାଲି ଅଡେ କାଲାକାଲାତି ଜୀଞ୍ଜୁ ମେଡାଆନି ଆସାତି ଦାମ୍ବୁତି ନାମୁତା ସାତାତି ଜାଗ୍ରାତା କିହାଲିତାକି ନାମୁ ପାଣ୍ଡୁ ଆହାମାଲ୍ □

୨ କାଲାକାଲାତି ଜୀଞ୍ଜୁତି ଆସା ହୀହାଲିତାକି, ଏନିନି ମାହାପୁରୁ ଆଞ୍ଜାମାଚେସି, ଏଞ୍ଜାସି ଏଚେଲା ମିତି ଜଲାଆଗାଟାସି □

୩ ଏ କାଲାକାଲାତି ଜୀଞ୍ଜୁ ସାତା ମାହାପୁରୁ, ହାରେକା କାଲା ନକେଏ ଆଞ୍ଜାନା ସମାନା ବେଲାତା ତାନି ବଲୁ

ଝେକ୍ନି ତାଣାଟି ତସାମାନେସି; ଏ ବଲୁ ଝେକ୍ନି ବଲୁ ମା ଗେଲପାନି ମାହାପୁରୁ ହୁକୁମି ତଲେ ନା ତାଣା ହେରପି ଆହାମାଞ୍ଜାନେ □

୪ *ନା ସମାନା ନାମିତାସି ଅଡେ ନାମୁତା ନା ଜୀଞ୍ଜୁତି ମୀରଏସି ତିତସ ତାଣା ଇ ଆକୁ ରାଡ଼ିମାଲ୍ □

ଆଚା ମାହାପୁରୁ ଅଡେ ମାଚେ ଗେଲପାନି କ୍ରୀସ୍ତ ଜୀସ୍ତ ମିଚେ କାର୍ମା ଅଡେ ହିଡ଼ି ହିୟାପେସି □

କ୍ରିତିତା ତିତସ କାମା କିନାୟି

୫ ନାମୁ ଝେସ୍ତାତିଲେହେଁ ରାଆତି କାମାତି ରାପୁହାଲି ତାକି, ଅଡେ ବାରେ ଗାଡ଼ାତା ପ୍ରାତିନାକାଣି କାମା ହେରପାଲି ତାକି ନାମୁ କ୍ରିତିତା ନିଚେ ପିସା ଝାୟାତେଏଁ;

୬ *ଆମ୍ବାଆସି ଦହ ହିଲାଆଗାଟାସି, ରଣ୍ଡିଏ ଡକ୍ନି* ଡକ୍ନା, ଆମ୍ବାଆରି ମୀରକା ମାସକା ନାମିତାରି, ଅଡେ ଲାଗେଏ ପଲେଏତି କାମା କିଅରିକି ମାନୁଞ୍ଜି ଆଆଗାଟି କାମା କିଅରି ଏଞ୍ଜାରାଲ୍ ଆଚାହାଁ ପ୍ରାତିନା କିମୁ □

୭ ଇତିହକ୍ କାଜାସି, ମାହାପୁରୁତି ଗୁମୁସ୍ତା ଆହାଁ ଦହ ହିଲାଆଗାଟାସି ଆନାୟି ମାନେ; ଏଞ୍ଜାସି ଜାହାରା ମନତଲେ କିନାସି କି ଦେବୁଣିଏ କାରବି ଆନାସି କି କାଡ଼ ଗହନାସି କି ଗଡ଼ହା କିନାସି କି ଦନ ଜୁପକା ଗାଟାସି ଆଆନା,

୮ ଏଞ୍ଜାସି ଗତାୟାଣି ଆକ୍ରା କିନାସି, ଏନାୟି ନେହାୟି ଏଦାଆଁ ଜୀଞ୍ଜୁ ନନାସି, ଜାହାରାଲ୍ ଲକନାସି, ଦାମ୍ବୁଗାଟାସି, ସୁଦୁଗାଟାସି, ଇଞ୍ଜା ମେରା ମାନୁଞ୍ଜି ଆନାସି ଆପେସି □

୯ ଅଡେ ଏନିକ୍ ଏଞ୍ଜାସି ଲକୁତାକି ନେହାଣି ଜାପୁହାନା ରାହାଁ ହୀହାଲି ଇଞ୍ଜା ମାହାପୁରୁ କାତା କପାଟି ଝେହନାରାଲ୍ ଲାଗାଲି ଆଡ଼ିନେସି, ଇଦାଆଁତାକି ଜାପାମାନି ନାମିନି ବଲୁ ଜାଣେ ଆସାଁ ମାଞ୍ଜୁ □

୧୦ ଇତିହକ୍ ହାରେକା ନାମାଆଗାଟି ଲକୁ, ଉଜେଏତି କାତାତଲେ ନାଡ଼ିକିନାରି ମାନେରି, ହାରେକା ଜୀହୁଦି କ୍ରୀସ୍ତାନା ଲକୁ ବିତ୍ରାଟି ମାନେରି □

୧୧ ଲାଗେଏତି କାତାଟି ଏଞ୍ଜାରି ଗୁତି ମୁଦା କିନାୟିମାନେ, ଏନାଆଁତାକି ଇତିହକ୍ ଏଞ୍ଜାରି ଦନ ଜୁପକାତାକି ଲାଗେଏତି କାତା ଜାପୁହିହକ୍ ର ର ଲକୁ କୁଟମିତି ମାହାପୁରୁ ଜିରୁ ବାଣି କିନେରି □

୧୨ ଏଞ୍ଜାରି ବିତ୍ରାଟି ରଅସି ଏଞ୍ଜାରି ମାହାପୁରୁ ଅଣ୍ପୁତି ବଲୁ ଝେହନାସି ଏଲେ ଇଞ୍ଜାମାନେସି, କ୍ରିତିତା ବାସା ଆହାମାନାରି ବାରେବେଲା ମିତି ଝେହନାରି, ଜନ୍ତ ସମାନା ଅଡେ ନିସ୍ତା ଇଞ୍ଜା ଟିଣ୍ଡିକାଞ୍ଜୁୟାଁ □

୧୩ ଇ କାତା ସାତା □ ଏଦାଆଁତାକି ଏଞ୍ଜାରାଲ୍ ଗାତି ଦାକା ହୀହାଁ ଲାଗାମୁ, ଏନିକ୍ ଏଞ୍ଜାରି ନାମୁତା ପାତା ଆନେରି □

୧୪ ସାତାତି ପିସାମାନି ଲକୁତି ମେରା, ଜୀହୁଦି ଲକୁତି କହୁୟାଁ, ମନ ହୀଅରି ଏଦାଆଁତାକି ଏଞ୍ଜାରାଲ୍ ଜାପୁମୁ □

୧୫ ଅଟ୍ଟି ଆଡ଼ି ଲକୁତାକି ବାରେଏ ଅତିନେ, ସାମା ପଲୁଆ ଗାଟାରାକି, ମାହାପୁରୁଲ୍ ନାମାଆ ଗାଟାରାକି

* ୧:୪ ୧:୪ ୨କର ୮:୨୩; ଗାଲା ୨:୩; ୨ତିମ ୪:୧୦ * ୧:୨ ୧:୨ ୧ତିମ ୩:୨-୭ * ୧:୨ ୧:୨ ରଣ୍ଡିଏ ବୀହା ଡକ୍ନି

ଏନାୟି ଜିକେଏ ଅଡେଏ, ଇଚିହ୍ ଏଞ୍ଜାରି ମନ ଅଡେ ଅଣ୍ପୁ ବାରେ ପଲ୍ଲଆଗାଟାୟି □

୧୭ ଏଞ୍ଜାରି ମାହାପୁରୁଇଁ ପୁଞ୍ଜାମାନମି ଇଞ୍ଜି ଜଲିନେରି, ସାମା ଏଞ୍ଜାରି କାମା ତଲେ ମାହାପୁରୁଇଁ ପୁନାଆତି ଲେହେଁ ଆନେରି, ଏଞ୍ଜାରି ଅପାଆଗାଟାରି, ଅଡେ କାତା ଆହୁଆଗାଟାରି ବାରେ ନେହ୍ କାମାତା ପାଡ଼ାଆଅରି □

୨

ନେହ୍ ଦାମ୍ବୁ ଜାପୁନାୟି

୧ ମା ଦାମ୍ବୁତି କାତାୟା ନେହ୍ କାମ୍ ଜାପୁମୁ □

୨ ବୁଡ଼ହା ଆବାୟାଇଁ ତଣେ ଆୟାଲି, ନେହ୍ ଅଣ୍ପୁ, ନେହ୍ ବୁଦି, ଅଡେ ନାମୁ, ଜୀଞ୍ଜୁନନାୟି, ଇଞ୍ଜା ଅରୁହିନି ତାଣା ବାଡ଼ୟୁ ଆୟାଲି;

୩ ଅଡେ ବୁଡ଼ହା ଇୟାସିକାଣି ଜିକେଏ ଏଲେକିହ୍ ଏ ସାକ୍ତି ଗାଟାଇ ଇଞ୍ଜା କାଡ଼ୁ ଗହନାଇ ଆଆନା ସୁଦୁଜୀଞ୍ଜୁ ତଲେ ନୀତାନା ନେହ୍ କାତା ଜାପୁହାଲି ବାତିମାଲିହ୍ ଝେହ୍ମୁ;

୪ ଏଦାଆଁତାକି ତାଆ ଆୟାସିକା ତାମି ତକ୍ରାୟାଣି, ମୀରକା ମାସକାଣି ଜୀଞ୍ଜୁ ନହାଁ,

୫ ଜାହାରାଇଁ ସାପି ଆୟାଲି, ଅଡ଼ହା କତାନା, ଇଲୁତି ନେହ୍ କାଲେମାଲି, ନେହ୍ ଗୁଣ୍ଡୁ, ଇଞ୍ଜା ଜାହାରା ତକ୍ରାୟାଁ କାତା ମାନଞ୍ଜି ଆୟାଲି, ଜାପୁମୁ, ଏନିକ୍ ମାହାପୁରୁତି ବଲୁ ନିନ୍ଦାଆଏ □

୬ ଏଲେକିହ୍ ଏ ଦାଂଗଣାୟାଣି ବାରେ କାତାତା ନେହ୍ ବୁଦି ଆହାଲି ରାହାଁ କିଞ୍ଜି କିମୁ;

୭ ନୀ ବାରେ ମାଣକିତା ସାତା କାମାତି ନେହ୍ ଗୁଣ୍ଡୁ ତହ୍ମୁ, ଜାପୁନି ତାଣା ଆଡ଼ଞ୍ଜା ଅଡେ ମାନିଗାଟି ମାଣ୍ଡି ଆହାନା ନେହ୍ ହାଡ଼ା ତଲେ ଝେହ୍ମୁ □

୮ ଏନିକ୍ ମିଙ୍ଗେ ଲାଗେଏ କିହାଲି ଅଣ୍ପିମାନି ଲକୁ ମିଙ୍ଗେ ଝେଣ୍ଡେ ଝେସାଲି ଆଡ଼ାଆନା ଲାଜା ବେଟାଆନେରି □

୯ ହଲିୟାଙ୍ଗା ତାମି ସାଞ୍ଜୁକାରି କାତା ମାନଞ୍ଜି ଆହା ତୁୟାପେରି, ଅଡେ ବାରେ କାମାତା ସାଞ୍ଜୁକାରିଇଁ ରାହାଁ କିନାରି ଆପେରି, ଏଞ୍ଜାରି ଝେଣ୍ଡେ ଜଲ୍ଲାଆପେରି,

୧୦ ଏନାଆଁ ସରୁ କିଆନା ନେହ୍ ନାମୁତଲେ ଟିକାଣା କାମା ତସ୍ପାରି, ଆତିହ୍ ମାଙ୍ଗେ ଗେଲ୍ପାନି ମାହାପୁରୁତି ଦାମ୍ବୁ ଜାପୁନାଣି ନେହାୟି ଇଞ୍ଜି ଝେଙ୍ଗି କିନେରି □

୧୧ ଇଚିହ୍ ବାରେ ମାଣ୍ଡି କୃତାଇଁ ଗେଲ୍ପାଲି ମାହାପୁରୁତି କାର୍ମାମେହନାଣି ତସାମାନେସି,

୧୨ ଅଡେ ମାର ଏନିକ୍ ଲାଗେଏତି ଦାମ୍ବୁ, ଦାରୁତିତି ଜୁପକା ପିସାନା ଇ ନୀର୍ବତି ଜୁଗୁତା ନେହ୍ ବୁଦି, ଦାମ୍ବୁ ଅଡେ ମାହାପୁରୁତି ଆଜିତଲେ ନୀତିନ,

୧୩ ଅଡେ ଏ ରାହାଁତି ବାସୁଁ ମା କାଜା ମାହାପୁରୁ ଗେଲ୍ପାନି କ୍ରୀସ୍ତ ଜୀସୁତି ଗାଞ୍ଜୁରିମି ତଞ୍ଜାଆନାଣି କାଡ଼ିହ୍ ତୁୟିନ, ଇଦାଆଁତାକି ମାଙ୍ଗେ ଜାପୁହି ମାଞ୍ଜାନେ □

୧୪ ଏ କ୍ରୀସ୍ତ ଜୀସୁ ମା ବାରେ ଲାଗେଏ ପଲେଏ ତାଣାଟି ଗେଲ୍ପି କିୟାଲି ଅଡେ ତାଙ୍ଗେତାକି ସାତା କାମାତାକି ରାହାଁତି ତାନି ଲକୁ ଲେହେଁ ଅଡ଼ହାଲି ତାନୁଏ ମା ତାକି ହେରପି ଆଡେସି □

୧୫ ଇ ବାରେ କାତା ଜଲିହ୍ ବାରେ ଅଦିକାରା ତଲେ ସାସା ହୀମୁ, ଅଡେ ଦାକା ହୀମୁ □ ଏନିକ୍ ଆମ୍ବାଆରି ନିଙ୍ଗେ ହୀଣି କିୟାଆପେରି □

୩

କ୍ରୀସ୍ତାନା ଲକୁତି କାମା ଇଞ୍ଜା ଗୁଣ୍ଡୁ

୧ ଦେସାତି ସାଲଞ୍ଜି କିନାରି ଅଦିକାରା ବେଟାଆହା ମାନାରି ତୁଇ ମାଞ୍ଜାନା, ଏଞ୍ଜାରାଇଁ ମାନି କିହାନା, ଅଡେ ବାରେ ନେହ୍ କାମା କିହାଲି ଜାଗ୍ରାତା ଆଦୁ,

୨ ଆମ୍ବାଆରାଇଁ ନିନ୍ଦା କିଆନା, ଆମ୍ବାଆରି କପାଟି କାମା କିଆନା, ବାରେ ଲକୁ ନକିତା ଉଣା ଆହାଲି, ସୁଦୁ ସୁଞ୍ଜାଲି ତସାଲି ବାରେ ଲକୁ ନକିତା ଅଣ୍ପି କିମୁ □

୩ ଇଚିହ୍ ମାର ଜିକେଏ ନକେଏ ବୁଦିହିଲାଆ ଗାଟାତାୟି, କାତା ଆହୁଆ ଗାଟାତାୟି, ଲାଗେଏତି ଜିରୁଟି ହାଜିମାଚାୟି, ଏନି ଏନି ଜୁପକା ଅଡେ ସୁକୁ ଦୁକୁତି ହଲିୟା ମାଚାୟି, ତାହାରା ଅଡେ ତାହାରା ତଲେ ମାଚାୟି ଇଞ୍ଜା ଅପୁଞ୍ଜି ଆଆଗାଟି ଲକୁ ଆହା ଅପୁଞ୍ଜି ଆହି ହିଲାଆତାୟି □

୪ ସାମା ଏଚିବେଲା ମାଙ୍ଗେ ଗେଲ୍ପାନି ମାହାପୁରୁତି କାର୍ମା ଅଡେ ମାଣ୍ଡି ଜାଡ଼ି ତାକି ତାନି ଜୀଞ୍ଜୁନନାୟି ତଞ୍ଜାଆଡେ,

୫ ଏଚିବେଲା ଏଞ୍ଜାସି ମା କିତି ଦାମ୍ବୁ କାମାତାକି ଆଏ, ସାମା ତାନି କାର୍ମାତଲେ ପୁଞ୍ଜି ଜାର୍ନାତି ଏୟୁତଲେ ନରହାନା, ତାନି ସୁଦୁଜୀଞ୍ଜୁ ତଲେ ପୁଞ୍ଜି ଗାଡ଼ିକିହାଁ ଗେଲ୍ପାମାଞ୍ଜାନେସି,

୬ ଏ ନେହ୍ ଜୀଞ୍ଜୁତି ମାଙ୍ଗେ ଗେଲ୍ପାନି ଜୀସୁ କ୍ରୀସ୍ତ ତାଣାଟି ହାରେପୁରେ ମା ଲାକ ହୀୟାତେସି,

୭ ଏନିକ୍ ମାର ତାନି କାର୍ମାମେହନାଣି ତଲେ ଦାମ୍ବୁ ଗାଟାତାୟି ଆହାନା ବାସୁଁ ତଲେ କାଲ୍ଲାକାଲ୍ଲାତି ଜୀଞ୍ଜୁତି ଅଦିକାରା ଆନାୟି □

୮ ଇ କାତା ସାତା ଆନେ □ ଅଡେ ଏନିକ୍ ମାହାପୁରୁଇଁ ନାମିନାରି ବାରେ ନେହ୍ କାମାତି ଅଣ୍ପିହ୍ କିନେରି, ଏଦାଆଁତାକି ଇ ବାରେ ଜାଣ୍ଡେତଲେ ଜାପୁମୁ ଇଞ୍ଜି ନା ଅଣ୍ପୁ, ଇ ବାରେ ଲକୁତାକି ନେହାୟି ଇଞ୍ଜା ଅଜିତାୟି □

୯ ସାମା ଲେନିପନିଏ ବାଦିବାଦା କାତା ଜଲିନି ତାଣାଟି, ଆକୁ ଆବାୟା ଦରକା ତାକି, ଗଡ଼ହା ଅଡେ ମେରାତାକି ଗଡ଼ହାଟି ହେକ ମାନାମୁ, ଇଚିହ୍ ଏ ବାରେ ଲାବା ହିଲାଆ ଉଜେଏତାଇ □

୧୦ ଜିରୁ ବାଣି କିନି ଲକୁଇଁ, ର ଦେବା ରୀ ଦେବା ଦାକା ହୀହାଁ ଜାଗ୍ରାତା କିଦୁ, ଅଡେ ତାୟୁ ଏଞ୍ଜାଣି ତାଣାଟି ହେକ ଆଦୁ;

୧୧ ଇଲେତି ଲକ୍ଷ୍ମ ତାମି ଜିରୁ ବାଣାଆହା ମାନେରି,
 ଇଞ୍ଜା ପାପୁ କିହ୍ନା ଜାହାରାତି ଦହ କିନେରି, ଇଦାଆଁ ମୀରୁ
 ପୁଞ୍ଜାମାଞ୍ଜେରି □

ରାନ୍ତି ବେଲ୍ଲାତା ଜାପ୍ପନାୟି

୧୨ ☆ଏତିବେଲ୍ଲା ନାନୁ ମୀ ତାଣା ଆତମା କି ତୁକିକଇଁ
 ପାଣ୍ଡାଇଁ, ଏତିବେଲ୍ଲା ନିକପଲିତା ନା ତାଣା ଖାହାଲି ଜାତ୍ତୁ
 ଆମ୍ବୁ, ଇଚିହ୍ନୁଁ ପେନିଞ୍ଜେଡ଼ା ରାଞ୍ଜେ ଏମ୍ବାଆଁ ମାଞ୍ଜାଲି
 ଅଣ୍ପାମାଇଁ □

୧୩ ଅକିଲା ଜିନା, ଅଡ଼େ ଆପଲକି ଏନାୟି ଲଡ଼ାମାନେ
 ଏଦାଆଁ ହୀହାନା ଜିରୁ ତହ୍ମୁ, ଏନିକ୍ତୁଁ ଏଞ୍ଜାରି ଜିରୁତା
 ଏଞ୍ଜାରାକି ଏନାୟି ଲଡ଼ା ଆଆପେ □

୧୪ ମା ଲକ୍ଷ୍ମ ଜିକେଏ ଲଡ଼ାମାନି ତୀର୍ପୁ କାମାତା
 ଲେମ୍ବୁଞ୍ଜି ଆହାଲି ଜାପ୍ପନାୟି ମାନେ, ଏନିକ୍ତୁଁ ଏଞ୍ଜାରି
 ପାଡ଼େୟି ହିଲାଆ ଗାଟାରିଲେହେଁ ଆଅରି □

୧୫ ନା ତଲେ ମାନି ବାରେଜାଣା ନିଙ୍ଗ ଜହରା
 କିହିମାଞ୍ଜାନେରି □ ନାମୁତା ଆମ୍ବାଆରି ମାଞ୍ଜେ ଜୀଞ୍ଜୁ
 ନହିମାଞ୍ଜାନେରି ଏଞ୍ଜାରାଇଁ ଜହରା କିଦୁ, ଅଡ଼େ
 ମାହାପୁରୁତି କାର୍ମାମେହ୍ନାୟି ମୀ ବାରେତାକି ଆପେ □

☆ ୩:୧୨ ୩:୧୨ କାମା ୨୦:୪; ଏପିସି ୬:୨୧,୨୨; କଲସି ୪:୭,୮; ୨ତିମ ୪:୧୨

ପିଲିମନଙ୍କ ନିକଟକୁ ପାଉଲଙ୍କ ପତ୍ର ପିଲିମନ ତାଣ୍ଡା ପାଖୁଲ ରାଚାମାନି ଆକୁ ମୂକୁ ହାଡ଼ା

ପିଲିମନ ଆକୁ ପାଖୁଲ ତାଣ୍ଡାଟି ରାସ୍ତି ଆହାମାନେ ୧:୧
 □ ପାଖୁଲ ରମ୍ ଗାଡ଼ାତି କାୟିଦି ଇଲୁତା ମାଚାଟି ଇ ଆକୁ
 ରାଚାମାନେସି □ ଏଞ୍ଜାସି ରମ୍ ଗାଡ଼ାତା ମାଚେସି କ୍ରୀସ୍ତ
 ଜାର୍ନାଆଡ଼ି ୬୧ ବାର୍ଯା ତାୟୁ ଇ ଆକୁ ରାଚା ତୁୟିନେସି □
 ଏତିବେଲାତା କଲସିୟ କୁଲମିତାକି ରାଚା ତୁୟିନେସି □
 ଏଞ୍ଜାସି ଇ ଆକୁ ପିଲିମନ ଇନି ର ମାଣ୍ଡସିକ ରାଚିମାନେସି
 □ ପିଲିମନ କୁଲମିତି କାଜାସି ଅଡେ ହଲିୟାଜାତି
 ସାଖୁକାରି ମାଚେସି □ ଏଞ୍ଜାରି ବିତ୍ରାଟି ଅନିସିମ ଇନି ର
 ହଲେଏସି ମାଚେସି ଏଞ୍ଜାସି ପିଲିମନ ତାଣ୍ଡାଟି ହଟାତୁସା
 ମାଚେସି ଏଞ୍ଜାସି ପାଖୁଲ ତାଣ୍ଡାଟି କ୍ରୀସ୍ତାନା ଆହାମାଚେସି
 □ ରମିୟ ଲକ୍ଷୁତି ମୋରା ତଲେ ଅନିସିମଇଁ ହାନ୍ତି ଡଣ୍ଡ
 ହାନାୟି ମାଚେ □

ଅନିସିମଇଁ କାର୍ମାମେସାନା ଏଞ୍ଜାଣାଇଁ ହଲେଏସି ଲେହେଁ
 ଆଏ ସାମା କ୍ରୀସ୍ତାନା ତାୟିଲେହେଁ ଝେଣ୍ଡେ ଆବାମୁ ଇଞ୍ଜୁ
 ପିଲିମନଇଁ ବାଡ଼ିମାଲିହଁ ଇ ଆକୁ ରାଚିମାନେସି ୧:୧୩-
 ୧୪ □

ପତିତା ମାନାୟି

- ୧ ପିଲିମନଇଁ ଜହରା ଝେହ୍ନାୟି □ ୧:୧-୩
- ୨ ଅନିସିମଇଁ କ୍ରୀସ୍ତାନା ତାୟିଲେହେଁ ଆବାଲି
 ଏଲେଇନାୟି □ ୧:୪-୨୧
- ୩ ଆକୁତି ରାପ୍ନି କାତା □ ୧:୨୨-୨୫

୧ ନାନୁ ପାଖୁଲ, ଜୀସୁ କ୍ରୀସ୍ତ ତାକି ଦସ୍ପି
 ଆହାମାନାଚେଏଁ, ତାୟି ତିମତି, ମା ତଲେ କାମା କିହିମାନି
 ଜୀସୁତି ପିଲିମନ,

୨ *ଅଡେ ତାଜି ଅପ୍ପିୟା ଇଞ୍ଜା ମା ତଲେ ଜୁଜୁକିନି
 ଆକ୍ ପପ ଇଞ୍ଜା ମୀ ଇଜ ମାନି କୁଲମିତାକି ଆକୁ
 ରାଚାମାଇଁ;

୩ ମା ଆବା ମାହାପୁରୁ ଅଡେ ପ୍ରୁ ଜୀସୁ କ୍ରୀସ୍ତ ତାଣ୍ଡାଟି
 କାର୍ମାମେହ୍ନାୟି ଅଡେ ହିଡ଼ଡ଼ି ମିଜେତାକି ଆୟାପେ □

ପିଲିମନ ଜୀସୁନନାୟି ଅଡେ ନାମିନାୟି

୪ ନାନୁ ନା ପ୍ରାତାନାତା ମୀ ଦରୁ ଆସାନା କାଲେଏ ନା
 ମାହାପୁରୁଇଁ ଜହରା କିହିମାଇଁ,

୫ ପ୍ରୁ ଜୀସୁ କ୍ରୀସ୍ତ ଇଞ୍ଜା ବାରେ ମାହାପୁରୁ ଲକ୍ଷୁତାକି
 ମୀ ଜୀସୁନନାୟି ଅଡେ ନାମୁତି କାତା ଝେଞ୍ଜାନା

୬ ଏଲେକିହଁଏ ମୀ ନାମୁତଲେ ଆଣ୍ଡୁ ଆନାୟି,
 ମାଜେ ହୀପ୍‌କିଆଡ଼ି ବାରେ ନେହଁ କାତାତି ପୁନାଣି
 ତଲେ କ୍ରୀସ୍ତ ତାଣ୍ଡା କାମା ଆନେ □

୭ ଏଦାଆଁତାକି ଇଚିହଁ, ଏ ନା ତାୟି, ମାହାପୁରୁ ଲକ୍ଷୁତି
 ହିୟାଁ ମୀ ତାଣ୍ଡା ସୁସ୍ତି ମୋଡ଼ା ଆହାମାନାକି ନାନୁ ମୀ ଜୀସୁ
 ନନି ତାଣ୍ଡା ରାହାଁ ଅଡେ ସାସା ବେଟା ଆହିମାଇଁ □

ଅନିସିମ ତାକି ବାଡ଼ିମାଲିନାୟି

୮ ଆତିହଁ ଏନାୟି ନେହାୟି, ଏ କାବୁତାକି ନିଜେ
 ହୁକୁମି ହାହାଲି କ୍ରୀସ୍ତତି ହଲେଏଣା ଲେହେଁ ଆଡ଼ିଜିକେଏ
 ନାଜେ ହାଡ଼େ ପୁରେ ସାସା ମାନେ,

୯ ଆଡ଼ିଜିକେଏ ନାନୁ ବୁଡ଼ହା ପାଖୁଲ ଜୀସୁ ନନାଣି ତାକି
 ମିଜେ ବାଡ଼ିମାଲିମାଞ୍ଜାଇଁ, କ୍ରୀସ୍ତ ଜୀସୁ ତାକି ନୀଏଁ ନାନୁ
 ଦସ୍ପି ଆହାମାଇଁ,

୧୦ *ନାନୁ ଇଲେକଁ ଦସ୍ପି ଆହାମାନାଟି ନା ମୀରଏସି
 ଅନିସିମ ତାକି ନିଜେ ବାଡ଼ିମାଲିମାଞ୍ଜାଇଁ;

୧୧ ଏଞ୍ଜାସି ନକେଏ ନିଜେ ଅଡେ ନାଜେତାକି ଲଡ଼ା
 ହୀଆଗାଟାସି ମାଚେସି, ସାମା ନୀଏଁ ନିଜେତାକି ଅଡେ
 ନାଜେତାକି ଜିକେଏ ଲଡ଼ା ଗାଟାସି ଆହାମାନେସି □

୧୨ ନାନୁ ଏଞ୍ଜାଣାଇଁ ନୀ ତାଣ୍ଡା ଝେଣ୍ଡେ ପାଣ୍ଡିମାଞ୍ଜାଇଁ,
 ଏଞ୍ଜାସି ନା ହିୟାଁ ଲେହେଁ □

୧୩ ନେହଁ କାବୁତାକି ନାନୁ କାୟିଦିତା ମାଞ୍ଜାନା
 ଏଞ୍ଜାଣାଇଁ ନୀ କିନି ଜାଡ଼ନୁ ନାଜେ କିହାଲି ତାକି ତାଗେ
 ଇଟାଲି ଅଣ୍ଡପିମାଚେଏଁ,

୧୪ ସାମା ନାନୁ ରାକି ଆଆପାତେକା ନାନୁ ଏଦାଆଁ
 କିହାଲି ଅଣ୍ଡପାଆତେଏଁ, ଏନିକଁ ନୀ ନେହଁ କାମା ନୀ
 ମନତଲେ କିନିଲେହେଁ ଆଆନା ନେହଁ ଅଣ୍ଡପୁ ତଲେ
 ଆନେ □

୧୫ ଆତିହଁ ଇଦି ଆହାଲି ଆଡ଼ିନେ, ଏନିକଁ
 ନାନୁ ଏଞ୍ଜାଣାଇଁ ହଲେଏଣା ଲେହେଁ ମେହ୍‌ଆନା ସାମା
 ହଲେଏଣା କିହାଁ କାଜାସି ଲେହେଁ, ଇଚିହଁ ଜୀସୁତି
 ତାୟିଲେହେଁ କାଲେଏତାକି ବେଟାଆଡ଼ି, ଏଦାଆଁତାକି
 ଏଞ୍ଜାସି ଏଚରଦିନା ତାକି ଏଟକା ଆହାମାଚେସି;

୧୬ ସାମା ଏଞ୍ଜାସି ଝାରୁଇ ହଲେଏସି ଆଏ, ନୀଏଁ ଏଞ୍ଜାସି
 ଜୀସୁତି ତାୟି, ଇଚିହଁ ଆଜା ତଲେ ଅଡେ ମାହାପୁରୁ
 ତାଣ୍ଡା ନିଜେତାକି ଏବେକା ଜୀସୁ ନନାସି ଆଅସି □

୧୭ ଏଦାଆଁତାକି, ନାନୁ ନାଜେ ନା ତଡ଼ତୁସି ଇଞ୍ଜୁ
 ଅଣ୍ଡପି ମାଞ୍ଜାସାରେ, ଆତିହଁ ନାଜେ ଆବାତି ଲେହେଁ
 ଏଞ୍ଜାଣାଇଁ ଆବାମୁ □

୧୮ ଇଚିହଁ ନିଜେତାକି ଏନି ଲାଗେଏ କିହାମାଞ୍ଜାତଁ
 କି ନୀ ତାଣ୍ଡା ରୀଣା ଆହା ମାଞ୍ଜାତିହଁ, ଏଦାଆଁ ନା ଦରୁତା
 ରାଚାମୁ □

୧୯ ନାନୁ ପାଖୁଲତେଏଁ, ନା କେୟୁତଲେ ଇଦାଆଁ
 ରାଚିମାଇଁ, ନାନୁ ଏଦାଆଁ ଝେଟହାଇଁ □ ନାନୁଏ ନା ତାଣ୍ଡା
 ରୀଣା ମାଞ୍ଜି, ଇ କାତା ଅଡେ ନାନୁ ଝେସାଲି ଅଣ୍ଡପି ହିଲଅଁ
 □

୨୦ ହାଅ, ତାୟି, ପ୍ରୁ ତାଣ୍ଡା ଆଣ୍ଡିତଁ ନୀ ତାଣ୍ଡାଟି ନା
 ଲାବା ଆୟାନେ, କ୍ରୀସ୍ତତି ତାଣ୍ଡା ନା ଜୀସୁତା ବାର୍ସୁ ହିୟାମୁ
 □

* ୧:୨ ୧:୨ କଲସି ୪:୧୭ * ୧:୧୦ ୧:୧୦ କଲସି ୪:୯

୨୧ ନାନୁ ନା ଝେସ୍ତାତିଲେହେଁ କିଦି ଇଞ୍ଜିଁ ନାନୁ ମାନାକି
ନାନୁ ଇ ଆକୁ ରାଡ଼ିମାଈ; ସାତେଏ ନାନୁ ପୁଞ୍ଜାମାଈ,
ନାନୁ ଏଚେକା ଝେସିମାଞ୍ଜାଈ, ନାନୁ ଏଦାଣିକିହା ଆଗାଡ଼ା
ଜିକେଏ କିଦି □

୨୨ ଇଦାଆଁ ତଲେ ନା ଡ଼ୟିନି ଇଲୁ ଜିକେଏ କିହାନା
ଇଟାମୁ, ଇଚିହଁ ମୀ ପ୍ରାଡ଼ାନା ତଲେ ମୀରୁ ନାଞ୍ଜେ
ଝେଣ୍ଡେ ବେଟା ଆୟାଦେରି, ଇଦାଆଁ ନାନୁ ଆସା କିହିମାଈ
□

ରାନ୍ତିବେଲାତି ଜହରା

୨୩ ☆କ୍ରୀସ୍ତ ଜୀସୁ ତାକି ନା ତଲେ କାୟିଦି ଇଲୁତା ମାନି
ଏପାପ୍ତା

୨୪ ☆ଇଞ୍ଜା ନା ତଲେ କାମା କିହିମାନି ମାର୍କ, ଆରିସ୍ତାର୍କ,
ଦିମା ଅଡ଼େ ଲୁକ ନିଞ୍ଜେ ଜହରା କିହିମାଞ୍ଜାନେରି □

୨୫ ମା ପ୍ରବୁ ଜୀସୁ କ୍ରୀସ୍ତତି କାର୍ମାମେହ୍ନାୟି ନେହଁ
ଜୀସୁ ମୀ ତଲେ ମାଣ୍ଡିମ୍ବେ □

ହିବୁମାନଙ୍କୁ ଲିଖିତ ପତ୍ର ଏହି ଲକ୍ଷ୍ୟତାକି ରାଠିତି ଆକୁ ମୁକୁ ହାଡ଼ା

ଏହି ପତ୍ର ର ରାହାଁ ହାନି ପତି □ ପୁଃଈ ମେରାତି ହାରେକା ମାହାପୁରୁ ଅଣପୁତି ବଲୁୟାଁ ପୁଃଈଆଇ ଆହାମାନି କାତା ଇମ୍ପାଆଁ ମେସାଲି ଆଡ଼ିମାନାୟି □ ଇ ପତି ର ନେହଁ କାତାତି ଝେହ୍ନି ପତି □ ଇମ୍ପାଆଁ ତାନିକଡ଼ିତିଏ ହାରେକା ପୁଃଈ ମେରାତି କାତାୟାଁ ରାସ୍‌କି ଆହାମାନୁ □ ଜୀସୁ କ୍ରୀସ୍ତ ଏନିକଁ ମାହାପୁରୁ ଅଣପୁତି ବଲୁ ଅଡ଼େ ଜୀହୁଦି ପୂଜେରାଜା କାମା ପୂରା କିତେସି ଇମ୍ପାଆଁ ମାର ମେସାଲି ଆଡ଼ିମାନାୟି □

ଇଦାଆଁତାକି ଇ ପତି ଜୀହୁଦି କ୍ରୀସ୍ତାନା ଲକ୍ଷ୍ୟି ସାସା ଅଡ଼େ ବାର୍ସୁ ହାନି ପତି □ ଏହି ପତି ଝେସିମାନେ, ଜୀସୁ ଏନିକଁ ମେରାତି ପୂରା କିତେସି, ଏନିକଁ ପୂଜେରାଜା ଅଡ଼େ ଝେଶ୍ଟେ ପୂଜା ହାହାଲି ଲଡ଼ା ହିଲେଏ □ ଜୀସୁ କ୍ରୀସ୍ତ ବାରେ କାଲେଏତାକି ରଣିଏ ଦେବା ପାପୁତି ପୂଜା ହାତେସି □ ନୀର୍ଦ୍ଦତି ଜୁଗୁତି କ୍ରୀସ୍ତାନା ଲକ୍ଷ୍ୟି ଏହି ପତି ସାସା ଅଡ଼େ ବାର୍ସୁ ତସିମାନେ □ କ୍ରୀସ୍ତ ମାଜେ ମାହାପୁରୁ ତାଣା ବାର୍ସୁ କିଝିକିହାଲି ଆଡ଼ାମାଜାନେସି □ ଅଡ଼େ ଏଝାଣି ତାଣା ବାର୍ସୁ ଇଟାନା ତାକିନ ୧୨:୨ □

ଏହି ପତି ଆମ୍ପାଆସି ରାଡ଼ାମାନେସି ପୁଣ୍ଡି ଆହା ହିଲେଏ, ସାମା ବୁଦିଗାଟାରି ଏଲେ ଇଞ୍ଜିମାନେରି ପାଣ୍ଡିଆହାମାନି ପାଝୁଲ, ଲୁକ, ଆଆତଁ ବର୍ନବା ଆହାଡ଼ୟିନେରି □ ଇଦାନି ରାଠିତି କାଲମି ଜିକେଏ ପୁନାଆତାୟି, ସାମା ହାରେକା ଲକ୍ଷ୍ୟି ଏଲେଇନେରି ଇଦି ଜୀସୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ସା ତାୟାଁ ରାସ୍‌କି ଆହାମାନେ □ ଇତିହଁ ଜିରୁସାଲମ ଇଲୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ସା ତାୟାଁ ନାସା ଆଡ଼େ ସାମା ଇ ଆକୁତି ରାଠିନାସି ଇଦି ନାସା ଆଆତିଲେହେଁ ରାଠିମାନେସି □ ଏହି ପତି ରମ୍ ଗାଡ଼ାତା ରାସ୍‌କି ଆହାମାଚେ ୧୩:୨୪ ଅଡ଼େ ହାରେକା କୁଲମିକାଣା ବାଠିକିଝି ଆହାମାଚେ □

ପତିତା ମାନାୟି

- ୧ ଜୀସୁ କ୍ରୀସ୍ତ ମାହାପୁରୁ ଅଣପୁତି ବଲୁ ଝେହ୍ନାସି ଅଡ଼େ ଦୂତୁୟାଁ କିହାଁ ଜିକେଏ କାଜାସି □ ୧:୧-୪:୧୩
- ୨ ଜିରୁସାଲମତା ସେବା କିହିମାନି ପୂଜେରାଜା କିହାଁ ଜିକେଏ ଜୀସୁ କାଜାସି □ ୪:୧୪-୭:୨୮
- ୩ ମାହାପୁରୁ ମସାକି ମେରା ହାହାନା ତାନି ଲକ୍ଷ୍ୟତଲେ କିହାମାତି ରାଢ଼ିମାନା କିହାଁ ଜୀସୁତି ସେବା କାମା କାଜାୟି □ ୮:୧-୧୦:୩୧
- ୪ ଜୀସୁଇଁ ବାରେ ତାଣା କାଜାସି କିହାନା ଝେସାମାନେସି □ ୧୦:୩୨-୧୩:୧୭
- ୫ ସାସା ଅଡ଼େ ବାର୍ସୁତି କାତା ଝେସାନା ଜହରା ତଲେ ଆକୁତି ରାପ୍‌ନାୟି □ ୧୩:୧୮-୨୫

ମୀରଏଣା ତାଣାଟି ମାହାପୁରୁତି ବଲୁ

୧ ମାହାପୁରୁ ତଲି କାଲମାତା ଏଟକା ଏଟକା ଟାୟାତା ଅଡ଼େ ଏଟକା ଏଟକାଟି ମାହାପୁରୁ ଅଣପୁତି ବଲୁ ଝେହ୍ନାରି ତାଣାଟି ମା ଆକୁ ଆବାୟାଁଣି କାତା ଝେସାମାଚେସି,

୨ ସାମା ଇ ରାନ୍ଦି ବେଲମାତା ମୀରଏଣା ତାଣାଟି ମାଜେ କାତା ଝେସାମାଜାନେସି □ ଏଝାଣାଇଁ ଏଝାସି ବାରେତି ମୁହେଁ କାଜାସି କିହାଁ ଆଡ଼ାମାନେସି, ଏଝାଣି ତାଣାଟି ହାଗୁପାକା ଦାର୍ଡି ବାରେ ଗାଡ଼ିକିତେସି;

୩ ଏ ମୀରଏସି ତାନି ଡ଼ାଞ୍ଜିମାନି ଗାଝୁରମିତି ଉଜେଡ଼ି ଅଡ଼େ ଏଝାଣି ଝାଣା ମାନେ, ଏଝାସି ତାନି ବାଡ଼ୁୟାଁ ଗାଟି ବଲୁ ତଲେ ବାରେ ଦାର୍ଡିତି ସାଲଝି କିନେସି, ଇଞ୍ଜା ମା ପାପୁ ବାରେ ମ୍ଲେକ୍‌ହି ତାୟାଁ ଲାକପୁରୁତି ବାଡ଼ୁୟାଁ ଗାଟି ମାହାପୁରୁତି ଟିଝନି ଟଟତା କୁଗାମାନେସି □

ମାହାପୁରୁ ମୀରଏସି ବାରେକିହାଁ କାଜାସି

୪ ମୀରଏସି ଏନିକଁ ଲାକପୁରୁତି ଦୂତୁୟାଁ କିହାଁ ହାରେକା କାଜା ଦରୁତି ଅଦିକାରା ବେଟାଆହା ମାନେସି, ଏଲେକିହଁଏ ଏଝାସି ଏଝାସିକା କିହାଁ ହାରେକା କାଜାସି ଆହାମାନେସି □

୫ ଇତିହଁ ମାହାପୁରୁ ଦୂତୁୟାଁ ବିତ୍ରାଟି ଆମ୍ପାଆରାଇଁ ଏତେଲ୍ଲା ଏଲେଇଞ୍ଜା ହିଲଅସି,
“ନୀନୁ ନା ମୀରଏଣାଟି,
ନୀଞ୍ଜୁଟିଏ ନୀନୁ ନୀ ତାଞ୍ଜିତେଏଁ”
ଅଡ଼େ ଜିକେଏ ମାହାପୁରୁ ଏଲେଇଚେସି,
“ନୀନୁ ମୀ ଆବାତେଏଁ ଆହାମାଇଁ,
ଅଡ଼େ ନୀନୁ ନା ମୀରଏଣାଟି ଆଡ଼ି □”

୬ ଅଡ଼େ ମାହାପୁରୁ ତାନି ପାଣ୍ଡା ମୀରଏଣାଇଁ ଅଡ଼େ ଝେଶ୍ଟେ ଦାର୍ଡିତା ପାଣ୍ଡାତେସି, ଏ ବେଲମାତି ସିନିକିହାନା ଏଲେଇନେସି, “ମାହାପୁରୁତି ବାରେ ଦୂତୁୟାଁ ଏଝାଣାଇଁ ଜହରା କିପେରି □”

୭ ର ଝାକିଟି ମାହାପୁରୁ ଦୂତୁୟାଁ କାତା ଏଲେଇଞ୍ଜା ମାନେସି,
“ମାହାପୁରୁ ତାନି ଦୂତୁୟାଁଇଁ ଗାଲି ଲେହେଁତି ଜୀଝୁ ହାନେସି,
ଅଡ଼େ ତାନି ସେବା କିନାରାଇଁ ହିରୁ ଗୁଦ୍‌ଝା ଲେହେଁ କିନେସି □”

୮ ଅରଝାକି ମାହାପୁରୁ ତାନି ମୀରଏଣା ତାକି ଏଲେଇଞ୍ଜା ମାନେସି,
“ଏ ମାହାପୁରୁ ନୀ ସିଂଗାସାଣି କାଲକାଲ୍ଲା ତାକି ଡ଼ୟିନେ,
ଅଡ଼େ ନୀନୁ ସାଲଝି କିନାୟି ନୀହାୟି ତଲେ ଆଡ଼େନ □”

୯ ନୀନୁ ଦାମ୍‌ ଗାଟାଣାଇଁ ଜୀଝୁ ନହଁ ମାଞ୍ଜି ଅଡ଼େ ଦାମ୍‌ ହିଲ୍ଲାଆଗାଟାରାଇଁ ଅପାହିଲଅତି,
ଏଦାଆଁତାକି ମାହାପୁରୁ ନୀ ମାହାପୁରୁ ନିଜେ ଆଡ଼ାମାନେସି,

ମୀ ତଣ୍ଡେସିଙ୍ଗା କିହାଁ ନିଙ୍ଗେ ହାରେକା ରାହାଁତି ନିହୁଁ
ଝାକ୍‌ହାନା ନିଙ୍ଗେ ଆଚାନେସି □

୧୦ ଏଝାସି ଅଡେ ଝେସିମାନେସି,
“ଏ ପ୍ରବୁ, ନାନୁ ମୂଲୁଏ ଦାରତିତି ପୁନାଦି ଗାଡ଼ିକିତି,
ଅଡେ ହାଗୁପାକା ବାରେ ନୀ କେୟୁତଲେ କେପିତି
□”

୧୧ “ଏ ବାରେ ର ଦିନା ମେଣ୍‌ଙ୍ଗାହାନେ, ସାମା ନାନୁ
କାଲେଏ ଡ଼ୟିଦି;
ଅଡେ ଏ ବାରେ ପ୍ଲାଝଇ ହିମ୍ବରିକା ଲେହେଁ ଗେଞ୍ଜା
ହାନୁ

୧୨ ଅଡେ, ନାନୁ ହିମ୍ବରି ଲେହେଁ, ହାଅ, ହିମ୍ବରି ଲେହେଁ
ମୁଦାକିଦି
ଅଡେ ଏଝି ବାରେ ହିମ୍ବରିକା ଲେହେଁ ବାଦଲି ଆନୁ;
ସାମା ନାନୁ ବାରେବେଲା ଏଝାତିଏ,
ଅଡେ ନୀ ଜୀଝୁ ଏଚେଲାଝା ରାଏ □”

୧୩ ମାହାପୁରୁ ତାନି ଦୁତୁୟାଁଇଁ ଏଚେଲାଝା ଏଲେଇଞ୍ଜା
ହିଲଅସି,
“ନାନୁ ନୀ ସାତୁୟାଁଣି ନୀ କତାୟାଁ ଡ଼ଇ ଇଟାଆ ପାତେକା
ନାନୁ ନା ଚିନି ଚଟତା କୁଗାମାନାମୁ □”

୧୪ ଆତିହୁଁ ଲାକପୁରୁତି ଦୁତୁୟାଁ ଆମ୍ବାଆରି ? ଏଝାରି
ଆହିମାନେରି ମାହାପୁରୁତି ସେବା କିନାରି ମାଣ୍‌ସିୟାଁଇଁ
ସାୟେମି କିହାନା ଗେଲ୍‌ପାଲିତାକି ମାହାପୁରୁ ତାଣାଟି
ପାଣ୍ଡୁଆଡ଼ି ଜୀଝୁୟାଁ □

୨

ଗେଲ୍‌ପିନାୟି

୧ ଏଦାଆଁତାକି, ମାର ଝେଞ୍ଜାମାନି କାତାତି ହାରେକା
ଝେଞ୍ଜାଲି ମନ ହାନାୟି ମାନେ, ଆଆତୁଁ ମାର ଏଚେତା
ଜିରୁ ବାଣ୍‌ସି ଆଆୟି □

୨ ଇତିହୁଁ ନଚେଏ ଲାକପୁରୁତି ଦୁତୁୟାଁ ତାଣାଟି
ଏଲେଇଞ୍ଜା ମାନେସି, ଏଦି ସାତା ଇଞ୍ଜୁଁ ତୀରିଆହାଁ
ମାନେ, ଅଡେ ଆମ୍ବାଆରି କାତା ଆହୁଆନା ମାନଝି
ଆହାହିଲଅରି, ଏଝାରି ତାମ୍ବୁ ବେଟାଆନି ଡ଼ଣ୍ଡ
ବେଟାଆହାମାନେରି □

୩ ଆତିହୁଁ ଇଲେତି ଗେଲ୍‌ପିନାୟିଇଁ ହେଲା କିତିହୁଁ
ମାର ଏନିକିଁ ଗେଲ୍‌ହିନାୟି ? ଏଦି ନଚେଏ ପ୍ରବୁ
ତାଣାଟି ଝେସ୍‌ପି ଆହାଁ ଝେଞ୍ଜାମାନି ଲକୁ ତାଣାଟି ମା ତାଣା
ଝେସ୍‌ପିଆହାମାନାୟି ସାତା ଆହାମାନେ;

୪ ଏଦାଆଁତାକି ମାହାପୁରୁ ଜିକେଏ ତାନି ମନତଲେ
ହାରେକା ସିନାୟାଁ ଅଡେ କାବାଆନି କାମାୟାଁ ଇଞ୍ଜା,
ବାଡ଼ମୁଗାଟି କାମାୟାଁ ଅଡେ ସୁଦୁଜୀଝୁତି ଏଚକା ଏଚକାତି
ଦାନା ହାହାନା ସାକି ହାହାମାନେସି □

ଜୀସୁ ମାଣ୍‌ସି ଝାଣା ଆଡେସି

୫ ମାହାପୁରୁ ଆମିନି ପୁଝନି ଦାରତିତି ଗାଡ଼ି କିନେସି,
ଅଡେ ଆମିନି ଦାରତିତି କାତା ମାମ୍ବୁ ଝେସିମାଞ୍ଜାନମି,

ଏଦାନି ଅଦିକାରା କିହାଲି ଏଝାସି ଲାକପୁରୁତି ଦୁତୁୟାଁ
କେୟୁତା ହେରପା ହିଲଅସି □

୬ ସାମା ରଅସି ର ଚାୟୁତା ସାକି ହାହାମାନେସି;
“ଏ ମାହାପୁରୁ, ମାଣ୍‌ସି ଆମ୍ବାଆସି, ନାନୁ ଏଝାଣାଇଁ
ଅଣ୍‌ପିମାଞ୍ଜି ?

ମାଣ୍‌ସି ମୀରଏସି ଆମ୍ବାଆସି ନାନୁ ଏଝାଣି ଜାଡ଼ନୁ
ଅହିମାଞ୍ଜି ?

୭ ନାନୁ ଏଝାଣାଇଁ ଲାକପୁରୁତି ଦୁତୁୟାଁ କିହାଁ ରଚାଣି ଡ଼ଣା
କିହାମାଞ୍ଜି;

ନାନୁ ଏଝାଣାଇଁ ଗାଝୁରମି ଅଡେ ମାନିତି ଚପେରି
ଡୁରଝି କିହାମାଞ୍ଜି,

୮ ନାନୁ ବାରେ ଏଝାଣି କତାୟାଁ ଡ଼ଇ ଇଟାମାଞ୍ଜି □
ସାତେଏ ମାହାପୁରୁ “ବାରେତି” ଇତିହୁଁ ଏନାଆଁଝା
ପିହୁଆନା ବାରେତି ତାନି କତାଁ ଡ଼ଇ ଇଟାମାନେସି;
ଆଡ଼ିଜିକେଏ ମାର ନୀଏଁ ପାତେକା ବାରେ ତାନି ଡ଼ଇ
ଆହାମାନାଣି ମେସି ହିଲାଆୟି ସାତା □

୯ ମାର ମେସିମାନାୟି ଲାକପୁରୁତି ଦୁତୁୟାଁ କିହାଁ “ଇଚାନି
ଢ଼ଣା” କିଝିଆହା ମାଚେସି, ଏଝାଣାଇଁ ଇତିହୁଁ ଜୀସୁଇଁ
ହାକିତି ଦୁକୁ ବେଟା ଆହାମାନାକି ଗାଝୁରମି ଅଡେ
ମାନିତି ଚପେରି ଡୁରହା ମାନାଣି ମେସିମାନାୟି, ଏନିକିଁ
ମାହାପୁରୁତି କାର୍ମାଟି ବାରେ ମାଣ୍‌ସିୟାଁ ତାକି ଏଝାସି
ହାକିତି ଝାଣ୍ଡା ମାନେସି □

୧୦ ଇତିହୁଁ ଆମ୍ବାଆରି ତାକି ଇଞ୍ଜା ଆମିନି ଗାଟାଣା
ତାଣାଟି ବାରେ ଗାଡ଼ି ଆହାମାନେ, ହାରେକା ମୀରକାଣି
ଜୀସୁତି ଗାଝୁରମି ପାଣ୍ଡୁପି କିହାଲି, ଜୀସୁ ଦୁକୁ କସ୍ତ
ବେଟାଆହାନା ଏଝାରାଇଁ ଗେଲ୍‌ପିନି ଜିରୁତା ଅନେସି □

୧୧ ଆମ୍ବାଆସି ପାପୁଟି ସୁଦୁ କିନେସି ଅଡେ ଆମ୍ବାଆରି
ସୁଦୁ ଆନେରି, ଏଝାରି ବାରେ ରଣ୍ଡିଏ ତାଞ୍ଜିତି ମୀରକା;
ଏଦାଆଁତାକି ଏଝାରାଇଁ ଜୀସୁ ତାୟି ତାଞ୍ଜି ଇଞ୍ଜାଲି ଲାଜା
ଆଅସି,

୧୨ ଏଝାସି ମାହାପୁରୁଇଁ ଏଲେଇଞ୍ଜି ମାନେସି,
“ନାନୁ ନା ତାୟି ତାଞ୍ଜିସ୍ତା ନକିତା ନୀ ବାରେ କାମା
ଝେକଇଁ,

ବାରେ କୁଲମି ନକିତା ନୀ ଜହରା ପାରୁ ପାଡ଼ିଇଁ □”

୧୩ ଅଡେ ଝେଣ୍ଡେ ଏଲେଇଞ୍ଜି ମାନେସି, “ନାନୁ ଏଝାଣି
ତାଣା ନା ନାମୁ ତୀରି କିଇଁ □” ଅଡେ ସିନିକିଦୁ “ମାହାପୁରୁ
ନାଙ୍ଗେ ହାହାମାଞ୍ଜାନି ମୀରକା ମାସ୍‌କା ନା ତଲେ ମାନେରି
□”

୧୪ ଏନାଆଁତାକି ଇତିହୁଁ ମୀରକା ଡ଼ଙ୍ଗା ଅଡେ
ନେତେରିତି ଆଙ୍ଗାତା ଆଣ୍ଡାମାନାକି କ୍ରୀସ୍ତ ଜିକେଏ
ଏଲେକିହୁଁଏ ମାଣ୍‌ସି ଝାଣା ଆଡେସି, ଏନିକିଁ ତାନି
ହାକିତି ସୟତାନଇଁ ନାସା କିନେସି; ଇତିହୁଁ ହାକି
ସୟତାନତି ଅଦିକାରାତା ମାଚେ □

୧୫ ଇଞ୍ଜା ହାକିତି ଆଜିତଲେ ଆମ୍ବାଆରି କାଲେଏତାକି
ହଲିୟାଙ୍ଗା ଆହାନା ଦସ୍‌ପି ଆହାମାଚେରି, ଏଝାସି
ଏଝାରାଇଁ ଗେଲ୍‌ପିନେସି □

୧୭ ଇଚିହ୍ନ ଏଞ୍ଜେଲ ସାତେଏ ଲାକପୁରୁତି ଦୃଢ଼ୟାଣି ସାୟେମି କିଆନା ଅବ୍ରାହାମତି ମୀରକାଣି ସାୟେମି କିହିମାନେସି □

୧୭ ଏଦାଆଁତାକି ଏଞ୍ଜେଲି ବାରେ ଖାକିଟି ତାମି ତାୟିୟାଁ ଲେହେଁ ଆନାୟି ମାଚେ, ଏନିକ୍ ଏଞ୍ଜେଲି ବାରେ ଲକୁତି ପାପୁତି ବାଦୁଲି ପୂଜା ହାହାଲିତାକି ମାହାପୁରୁତି ସେବା କାମାତା ର କାର୍ମାମେହ୍ନି ଅଡ଼େ ନାମୁତି କାଜା ପୂଜେରା ଆନେସି □

୧୮ ଇଚିହ୍ନ ଏଞ୍ଜେଲି ତାନୁ ତାୟିପାରି କିଞ୍ଚି ଆହାଁ ଦୁକୁ ବେଟାଆହା ମାନାକି ତାୟିପାରି କିଞ୍ଚି ଆହିମାନି ଲକୁଣି ସାୟେମି ଆହାଲି ଆଡ଼ିମାନେସି □

୩

ଜୀସୁ ମସା କିହାଁ କାଜାସି

୧ ଏଦାଆଁତାକି ଏ ନା ସୁଦୁଗାଟି ତାୟିୟାଁ ଅଡ଼େ ତାଲିସ୍ତା ମୀରୁ ଆମିନି ମାହାପୁରୁତି ହାଟ୍ଟି ଆହାମାନି ତାଣା ଆଣ୍ଡାମାନାତେରି ମା ନାମୁତଲେ ପାଣ୍ଡୁଞ୍ଚିଆହାମାନି କାଜା ପୂଜେରା ଜୀସୁତି କାତା ଅଣ୍ଡପାଦୁ;

୨ ମସା ଏନିକ୍ ମାହାପୁରୁ ଇଲୁତା ମାନିତଲେ କାମା କିହାମାଚେସି, ଜୀସୁ ଜିକେଏ ଏଲେକିହ୍ନ ତାଙ୍ଗେ ଆଡ଼ାମାନି ମାହାପୁରୁ ନକିତା ମାନିଗାଟାସି ଆଡ଼େସି □

୩ ଇଲୁ କିହାଁ ଇଲୁ କେପିତାସି ଏନିକ୍ ମାନି ବେଟା ଆନେସି, ଏଲେକିହ୍ନ ଏ ମସା କିହାଁ ଜୀସୁ ହାଟ୍ଟେକା ଗାଞ୍ଜୁରମିତି ଜଗେ ଆହାମାନେସି □

୪ ଇଚିହ୍ନ ବାରେ ଇଲୁକା ଆମ୍ବାଆରି ଆଆତ୍ ଆମ୍ବାଆରି ତାଣାଟି କେପ୍ଡି ଆନୁ, ସାମା ମାହାପୁରୁ ବାରେତି ଗାଡ଼ି କିନାସି □

୫ ମସା ମାହାପୁରୁ ଇଲୁତା ହଲେଏସି ଲେହେଁ ନାମୁତଲେ ସେବା କାମା କିହାମାଚେସି, ଇଞ୍ଜାଁ ଏମିନି କାତା ମାହାପୁରୁ ତାୟି ଖେସାଲି ମନ କିହାମାଚେସି ଏ କାତେଏ ଇଦି □

୬ ସାମା ଜୀସୁ କ୍ରୀସୁ ତାନି ଆବା ଇଲୁତି ମୁହେଁ ମୀରଏଣା ଲେହେଁ ମାନିଗାଟାସି; ଇଞ୍ଜାଁ ମୀରୁ ମା ସାସାତଲେ ଆଞ୍ଜାମାନାଣି ବେଟାଆନାୟି ଇଞ୍ଜାଁ ମା ବାସୁତି ତାୟି ପାତେକା ଜାଣ୍ଡେ ଆସା ଡ଼ୟିନ, ଆତିହ୍ନ ମୀରୁ ଜିକେଏ ଏଞ୍ଜେଲି ଇଲୁ ଲେହେଁ ଆନାୟି □

ମାହାପୁରୁ ଲକୁତାକି ଜମିନାୟି

୭ ଏଦାଆଁତାକି ସୁଦୁଜୀଞ୍ଜୁ ଖେସିମାନିଲେହେଁ, “ନୀଞ୍ଜୁ ମୀରୁ ଏଞ୍ଜେଲି ହାଡ଼ା ଖେଞ୍ଜେରି,

୮ ଆତିହ୍ନ ମୀ ଆକୁ ଆବାୟାଁ ଲେହେଁ ମୀ ହିୟାଁତି ଆଟ୍ଟା କିଆଦୁ, ଲକୁ ହିଲାଆ ବାଟାତା ଏ ଦିନା ଏଞ୍ଜେଲି ମାହାପୁରୁଇଁ ତାୟିପାରି କିହାନା

ଏଞ୍ଜେଲି କପାଟି ନିଜାମାଚେରି,

୯ ଏ ବାଟାତା ମୀ ଆକୁ ଆବାୟାଁ ନାଙ୍ଗେ ତାୟିପାରି କିହାଁ ନାଙ୍ଗେ ମେସ୍ତାତେରି,

ଅଡ଼େ ରୀ କଡ଼ି ବାର୍ସା ପାତେକା ମା କାମା ସିନିକିତେରି □

୧୦ ଇଦାଆଁତାକି ନାନୁ ଇ କୁଡ଼ାତି ଲକୁଇଁ କାର୍ବି ଆହାନା ଏଲେଇଚେସି,

‘ଏଞ୍ଜେରି ବାରେବେଲା ହିୟାଁତା ମାନି ହିଲାଆ ଗାଟାରି, ଏଞ୍ଜେରି ନା ଜିରୁ ପୁଞ୍ଜାହିଲଅରି □’

୧୧ ଇଦାଆଁତାକି ନାନୁ ନା କପାଟି ପାରମାଣା କିତେସି, ନାନୁ ଆମିନି ଦେସାତା ଏଞ୍ଜେରାଇଁ ଜମାଲି ହୀତେସିମା ଏ ଦେସାତା ଏଞ୍ଜେରି ଏଚେଲାଞ୍ଜା ହଡ଼ାଲି ଆଡ଼ଅରି □”

୧୨ ଏ ତାୟି ତାଲିସ୍ତା, ଜାଗ୍ରାତା, ପାପୁ ଅଡ଼େ ନାମାଆଗାଟି ହିୟାଁ ମୀ ଆମ୍ବାଆରି ତାଣା ହିଲେଏ, ଏନିକ୍ ମୀରୁ ଜୀଞ୍ଜୁଗାଟି ମାହାପୁରୁ ତାଣାଟି ହେକ ଆଅଡ଼େରି □

୧୩ ସାମା ଏଚେତା ପାପୁ ତଲେ ନାଡ଼ିକିଞ୍ଚି ଆହାନା ମୀ ବିଡ଼ାଟି ଆମ୍ବାଆରି ହିୟାଁ ଆଟ୍ଟା ଆଏ, ଇଦାଆଁତାକି ନୀଞ୍ଜୁ ଦିନା ମାନାଟିଏ ବାରେଦିନା ରଅତେରି ରଅଣାଇଁ ବାସୁତି କାତା ଜଲାନା ସାୟେମି କିଦୁ;

୧୪ ଇଚିହ୍ନ ନକେଏ ମା ଆମିନି ନାମୁ ମାଚେ, ଏଦାଆଁ ତାୟି ପାତେକା ଜାଣ୍ଡେ ଆସା ଡ଼ୟିନାୟି ଆତିହ୍ନ କ୍ରୀସୁ ତାଣା ଆଣ୍ଡାମାନା ଡ଼ୟିନାୟି □

୧୫ ଦାମୁ ସାଟ୍ଟେରିତା ରାସ୍ତିକି ଆହାମାନେ, “ନୀଞ୍ଜୁ ମାହାପୁରୁତି ହାଡ଼ା ଖେଟିସାରେ, ଏନିକ୍ କାର୍ବି କିଞ୍ଚିକିନି ଟାୟିତା ଆହାମାଚେ, ଏଲେକିହ୍ନ ମୀ ଆକୁ ଆବାୟାଁ ଲେହେଁ ହିୟାଁତି ଆଟ୍ଟା କିଆଦୁ □”

୧୬ ଆତିହ୍ନ ଆମ୍ବାଆରି ମାହାପୁରୁତି ହାଡ଼ା ଖେଞ୍ଜାନା ଏଞ୍ଜେଲାଈଁ କାକ୍ତି କିହାମାଚେରି, ମସା ତାଣାଟି ଆମିନି ଗାଟାରି ମିସର ଦେସାଟି ହଡ଼ା ଖାହାମାଚେରି, ଏଞ୍ଜେରି ବାରେ ଆଏକି ?

୧୭ ଅଡ଼େ ଆମ୍ବାଆରି ମୁହେଁ ରୀ କଡ଼ି ବାର୍ସା ପାତେକା ଏଞ୍ଜେଲି କାର୍ବି ଆହାମାଚେସି, ଆମ୍ବାଆରି ପାପୁ କିହାମାଚେରି, ଆମ୍ବାଆରି ମଡ଼ା ଲକୁ ଡ଼ୟାଆ ବାଟାତା ରିହାମାଚେ, ଏଞ୍ଜେରି ଆଏକି ?

୧୮ ମାହାପୁରୁ ଏଚିବେଲା ପାରମାଣା କିହାନା ଏଲେଇଞ୍ଜାମାଚେସି, ଏଞ୍ଜେରି ଏଚେଲାଞ୍ଜା ମାହାପୁରୁତି ଜମିନି ତାଣା ହଡ଼ଅରି, ଏଚିବେଲା ଏଞ୍ଜେଲି ଆମ୍ବାଆରି କାତା ଏଲେଇଞ୍ଜାମାଚେସି ? ଆମ୍ବାଆରି କାତା ମାନୁଞ୍ଚି ଆହା ହିଲାଆତେରି, ଏଞ୍ଜେରି ତାକି ଏ କାତା ଏଲେଇଞ୍ଜାମାଚେସି □

୧୯ ଇଲେକିହ୍ନ ନାନୁ ମେସିମାଈଁ, ଏଞ୍ଜେରି ନାମାଆତାକି ଏ ଆଞ୍ଜାମାନି କିଶାନ ଦେସାତା ହଡ଼ାଲି ଆଡ଼ାଆତେରି □

୪

୧ ଏଦାଆଁତାକି ଖାଦୁ ମୀରୁ ଜାଗ୍ରାତା ଆନ, ଏଚେତା ତାନି ଜମିନି ତାଣା ହଡ଼ାଲି ଆଞ୍ଜାମାଟି ଜିକେଏ ମୀ ତାଣାଟି ଆମ୍ବା

ଆମ୍ଭାଆରି ଏମ୍ବାଟି ଏବଂକା ଆନିଲେହେଁ ତଞ୍ଜା ଆହିମାନେରି
□

୨ ଇତିହାସି ଏଞ୍ଜାରି ନକିତା ଏନିକି, ମା ନକିତା
ଜିକେଏ ଏଲେକିହାସି ନେହା କାବୁ ଖେପକି
ଆହାମାଚେ, ସାମା ଖେନାରି ନାମୁଟି ଖେଞ୍ଜାମାନି କାତା
ଆହାଆଲିଏ, ଏଡି ଏଞ୍ଜାରି ତାକି ଲାବା ଆଆତେ □

୩ ଅଡେ ମା ବିତ୍ରାଟି ଆମ୍ଭାଆରି ନାମିନେରି, ଖାରଇ
ଏଞ୍ଜାରି ମାହାପୁରୁ ଆଞ୍ଜାମାନି ଜମିନି ଦେସାତା ହାଜାଲି
ଆଡିନେରି, ଏନିକି ଏଞ୍ଜାସି ଖେସାମାନେସି,
“ଏଦାଆଁତାକି ନାନୁ ନା କପା ତାକି ପାରମାଣା କିତେଏଁ,
ଏଞ୍ଜାରି ମା ଜମିନି ଖାରାତା ହତଅରି □”

ଦାର୍ତ୍ତି ଗାଡ଼ିକିତି ବେଲଟିଏ ବାରେ କାମା ରାହାମାଚେ □

୪ ଇତିହାସି ଜମିନି ଦିନାତି କାତା ଏଞ୍ଜାସି ର ଗାୟତା
ଇଲେକିହାସି ଖେସାମାନେସି; “ମାହାପୁରୁ ସାତା ଦିନାତା
ତାନି ବାରେ କାମା ରାପୁହାନା ଜମିତେସି;”

୫ ଅଡେ ଇ ବାରେ କାତା ମାହାପୁରୁ ଖେଣ୍ଡେ ଏଲେଇଞ୍ଜା
ମାନେସି, “ଏଞ୍ଜାରି ମା ଜମିନି ତାଣା ହଡାଲି ଆଡଅରି □”

୬ ଆମିନି ଗାଟାରି ମୁଲୁଏ ନେହା କାବୁ ଖେଞ୍ଜାମାଚେରି,
ଏଞ୍ଜାରି ମାହାପୁରୁ କାତା ମାନୁଞ୍ଜି ଆଆତାକି ଏ ଜମିନି*
ତାଣା ହାଜାଲି ଆଡାଆତେରି, ନାଏଁ ଏ ଜମିନାଣି†
ଏବଂକାତାରି ବେଟାଆହାମାନେରି □

୭ ଅଡେ ର ଦିନା, ଇତିହାସି “ନୀଞ୍ଜୁ ଦିନା” ଆଚାନା,
ଇଚେକା କାଲା ତାୟୁ ଦାଧୁଦତି ସାସ୍ତେରିତା ଏଲେଇଞ୍ଜି
ମାନେସି, ଏନିକି ନକେଏ ଖେସପି ଆହାମାନେ,
“ନୀଞ୍ଜୁ ମାରୁ ଏଞ୍ଜାଣି ହାଡା ଖେଞ୍ଜେରି,

ଜାହାରା ହିୟା ଆବଂଖା କିଆବୁ □”

୮ ଇତିହାସି ଜିହସୁୟ ଏଞ୍ଜାରାକି ଜମାଲି ହାତିହାସି ମା,
ଆଡିହାସି ମାହାପୁରୁ ଅର ଜମିନି ଦିନାତି କାତା
ଜଲାଆତେସିମା □

୯ ଏଲେକିହାସି ଇ କାତା ସାତା ମାହାପୁରୁ ତାନି ବାରେ
କାମାଟି ଜମିତି ଲେହେଁ ତାନି ଲକୁତାକି ଜମିନି ଦିନା ତାରି
କିଞ୍ଜିଆହାମାନେ □

୧୦ ଇଦାଆଁତାକି ମାହାପୁରୁ ତାନି କାମାଟି ଏନିକି
ଜମିତେସି, ଆମ୍ଭାଆସି ମାହାପୁରୁଟି ଜମିନି ଦେସାତା ହଡା
ମାନେସି, ଏଲେକିହାସି ଏ ଏଞ୍ଜାସି ଜିକେଏ ତାନି କାମାଟି
ଜମିନାଣି ମେଡ଼ିକିହା ମାନେସି □

୧୧ ଇଦାଆଁତାକି ମା ବିତ୍ରାଟି ଆମ୍ଭାଆସି ଏନିକି
ନାମାଆତାକି ଏ ଲକୁତି ଲେହେଁ ଏ ଜମିନି ତାଣା ହଡାନା
ଡୟଅସି, ଇଦାଆଁତାକି ଆଡିନି ପାତେକା ଜାଡୁନୁ ଆନି □

୧୨ ଇତିହାସି ମାହାପୁରୁଟି ବଲୁ ଜୀଞ୍ଜୁଗାଟାୟି ଅଡେ
କାମା କିନାୟି ଇଞ୍ଜା ରିକଞ୍ଜାକି ଦାରାଗାଟି ଖାହୁନି କାଣ୍ଡା
କିହା ହାରେକା ଖାସ୍ତାୟି, ଅଡେ ହିୟା ଅଡେ ଜୀଞ୍ଜୁ
ଇଞ୍ଜା ହାୟୁଲି ଅଡେ ତୁମକାତି ନିଜେଡ଼ି ପାତେକା ହଡାଲି
ଆଡିନେ □ ଏ ବଲୁ ମାଣ୍ଡସିତି ତରୁମାନି ଅଣ୍ଡପୁତି ବାରେ
ନାହାୟି କିନାୟି □

୧୩ ମାହାପୁରୁ ନକିତା ଏନାୟିଖା ତଞ୍ଜା ଆଆଗାଟାୟି
ଆଏ, ସାମା ଗାଡ଼ି କିହାମାନି ମାହାପୁରୁ ନକିତା ମାଙ୍ଗେ
ଲେକା ହାନାୟି ମାନେ, ଏଞ୍ଜାଣି ନକିତା ବାରେ ଦେପି
ଆଡାୟି ଅଡେ ପୁକିଆତାୟି □

ଜୀସୁ କାଜା ପୂଜେରା

୧୪ ଏଦାଆଁତାକି ଲାକପୁରୁ ହାଜାମାନେସି, ଆମ୍ଭାଆସି
ମାହାପୁରୁ ମାରଏସି ଜୀସୁ ଏଞ୍ଜାସି ମା କାଜା ପୂଜେରା
ଆହାମାନାକି, ଖାବୁ ମାର ମା ନାମୁତି ଜାଣ୍ଡେତଲେ ଆହୁନ
□

୧୫ ଆମ୍ଭାଆସି ମା ଦହ ପୁଞ୍ଜାଲି ଆଡିନେସି, ଏଲେଡି
କାଜା ପୂଜେରା ଏଞ୍ଜାସି ଆଏ □ ସାମା ମା କାଜା ପୂଜେରା,
ମା ଲେହେଁ ବାରେଖାକି ତାୟିପାରି ଆହାମାଚେସି,
ଆଡିଜିକେଏ ଏଞ୍ଜାସି ପାପୁ କିହାହିଲାଆତେସି

୧୬ ଏଦାଆଁତାକି ଖାବୁ, କାର୍ମା ମେଡ଼ା ଆହାଲିତାକି
ଅଡେ, ଏ ବେଲାତେଏ ସାୟେମି କିନାଣି କାର୍ମାମେହୁନାଣି
ବେଟାଆହାଲି ତାକି ମାର ସାସାତଲେ କାର୍ମାମେହୁନି
ସିଂଗାସାଣି ନକିତା ହାନ □

୫

୧ ଇତିହାସି ବାରେ କାଜା ପୂଜେରାଙ୍ଗା ଜାହାରା ଲକୁ
ତାଣାଟି ଆବଂଖି ଆନେରି, ଏଞ୍ଜାସି ଏଞ୍ଜାରି ଖାକିଟି ପାପୁ
ମେକହାଲି ପୂଜା ଅଡେ ଦାନା ହେରପାନା ମାହାପୁରୁଟି
ସେବା କିନେସି □

୨ ଏଞ୍ଜାସି ବୁଦି ହିଲାଆ ଗାଟାରି ଅଡେ ନାଡ଼ିକିଞ୍ଜି
ଆହିମାନି ଲକୁଣି ଅରହିନାଣି ତସାଲି ଆଡିନାସି, ଇତିହାସି
ଏଞ୍ଜାସି ତାନୁଏ ଜିକେଏ ବାଡ଼ୟୁ ହିଲାଆଗାଟାସି;

୩ ଅଡେ ଖାରଇ ଏବଂକା ଲକୁତି ପାପୁ ତାକି ଏଞ୍ଜାସି ପୂଜା
କିହାଲି ଆନେ ଏଡି ଆଏ ସାମା ତାନି ପାପୁ ତାକି ଜିକେଏ
ତାନୁ ପୂଜା କିହାଲି ଆନେ □

୪ ଅଡେ ଆମ୍ଭାଆରି ଇ କାଜା ପୂଜେରା ପାଣାତି ତାୟୁ
ଅହାକତାଲି ଆଡଅରି, ସାମା ହାରଣ ଏନିକି ଆବଂଖି
ଆହାମାଚେସି, ଏଲେକିହାସି ଏ ମାହାପୁରୁ ତାଣାଟି ଏଞ୍ଜାସି
ଆବଂଖି ଆନାୟି ମାନେ □

୫ ଏଲେକିହାସି ଏ କ୍ରୀସ୍ତ ଜିକେଏ କାଜା ପୂଜେରା ପାଣାତି
ଗାଧୁରମି ତାନୁଏ ପାରା ହିଲାଆତେସି, ସାମା ମାହାପୁରୁ
ଏଞ୍ଜାଣାକି ଏ ଗାଧୁରମି ପାଣା ହାହାମାଚେସି, ଇତିହାସି
ଏଞ୍ଜାସି ଏଞ୍ଜାଣାଇଁ ଏଲେଇଞ୍ଜାମାଚେସି,

“ନାନୁ ନା ମାରଏଣାତି;

ନୀଞ୍ଜୁ ନାନୁ ନୀ ତାଞ୍ଜି ଆହାମାଇଁ □”

୬ ଏଲେକିହାସି ଏ ଅଡେ ର ତାଣା ଜିକେଏ ଏଲେଇଞ୍ଜି
ମାନେସି,

“ନାନୁ ମଲକିସେଦକ ଲେହେଁ କାଲେଏଡି ପୂଜେରା ଆଡି
□”

୭ ଆମ୍ଭାଆସି ଏଞ୍ଜାଣାଇଁ ହାକିଟି ନୀଟହାଲି
ଆଡିମାନେସି, ଏଞ୍ଜାସି ତାନି ଆଙ୍ଗା ତଲେ ନୀତା ମାଟାଟି,

* ୪:୨ ୪:୨ ଆଞ୍ଜାମାନି ଦେସା କିଶାନ † ୪:୨ ୪:୨ ଆଞ୍ଜାମାନି ଦେସା କିଶାନ ☆ ୫:୨ ୫:୨ ମାତି ୨୭:୩୭-୪୭; ମାର୍କ ୧୪:୩୨-୪୨; ଲୁକ ୨୨:୩୯-୪୨

ମାହାପୁରୁ ନକିତା ହାରେକା ଡାହି ଡାହି ଅଡ଼େ କାଣ୍ଡୁଲେ ପ୍ରାତାନା ଅଡ଼େ ବାତିମାଲିହିଁ ହେରପା ମାରେସି, ଇଞ୍ଜା ତାନୁଏ ଜାହାରାଇଁ ଉଣା କିହାକତିନାସି ଅଡ଼େ ତାରିତାସି ମାତାକି ମାହାପୁରୁ ଏଞ୍ଜାଣି ରୀସ୍ତାଣି ଖେରେସି,

୮ ଏଞ୍ଜାସି ମାହାପୁରୁ ମୀରୁଏସି ଆଡ଼ିଜିକେଏ ବୁକୁତି ଅରହାନା ମାନୁଞ୍ଜି ଆହାଲି ଜାପିତେସି □

୯ ଇଲେଆହିଁ ତାରିଆହାନା ତାନି ହୁକୁମି ମାନୁଞ୍ଜି ଆନାରାକି କାଲେଏ ଗେଲପିନାସି ଆନେସି;

୧୦ ଏଦାଆଁତାକି ଏଞ୍ଜାସି ମାହାପୁରୁ ତାଣାଟି ମଲ୍ଲକିସେଦକତି ମେରାଲେହେଁ କାଜା ପୂଜେରା ଇଞ୍ଜା ଅଦିକାରା ବେଟା ଆଡ଼େସି □

ନାମୁ ଉଣାଆନ୍ତି କାତା

୧୧ ଜୀସୁ କ୍ରୀସ୍ତତି କାତା ମାଙ୍ଗେ ହାରେକା ଖେହନାୟି ମାନେ, ସାମା ମିଙ୍ଗେ ତେଲ୍ଲହି କିୟାଲି ହାରେକା କସ୍ତ, ଇତିହିଁ ମୀ ଜୀସୁତା ଖେନାୟି ହାରେକା ଉଣା ବାଡ଼ୁୟି ମାନେ □

୧୨ ଇତିହିଁ ଇଚର ଦିନା ବିତ୍ରା ମୀରୁ ଜାପୁନାତେରି ଆନାୟି ମାଟେ, ଆଡ଼ିଜିକେଏ ମାହାପୁରୁତି ବଲୁ ଏଟକା ଲକୁ ଜାପୁହାଲି ତାକି ମିଙ୍ଗେ ଲଡ଼ା ଆହିମାଞ୍ଜାନେ; ଖାଜିତି ରାନ୍ଦା ଲଡ଼ା କିଆନା ପାଲୁ ମିଙ୍ଗେତାକି ଲଡ଼ା ଆହିମାଞ୍ଜାନେ □

୧୩ ଆମ୍ବାଆସି ପାଲୁ ଗହନାସି ଏଞ୍ଜାସି ନେହାଁଣି ଲାଗେଏତି କାତା ପୁଞ୍ଜାଲି ଆଡ଼ଅସି, ଇତିହିଁ ଏଞ୍ଜାସି ଉଣା କକାସି □

୧୪ ସାମା ପାତାଆଡ଼ି ଲକୁ, ଇତିହିଁ ଆମ୍ବାଆରି ବୁଦିତଲେ ନେହାଁଣି ଲାଗେଏତାଣି ଆଚାଲି ଆଡ଼ିନେରି, ଏଞ୍ଜାରାକି ଖାଜିତି ରାନ୍ଦା ଲଡ଼ାମାନେ □



୧ ଏଦାଆଁତାକି ଖାଦୁ ମାର କ୍ରୀସ୍ତତି ମୁଲୁଏ ଜାପିତି କାତା ପିସାନା, ତାରିତଲେ ପାତାଆହାନା, ହାହାମାନି କାମାଟି ମନ ଖେହନା, ମାହାପୁରୁ ତାଣା ନାମିନ,

୨ ବାପ୍ତିସ୍ତତି* କାତା ଜାପୁନାୟି, ତାୟିଁତୁା କେୟୁ ଇତିନାଣି, ହାତାରି ଖେଣ୍ଡେ ନିଙ୍ଗିନାୟି, କାଲେଏତି ଡ଼ଣ୍ଡୁତି ପୁନାଦି ଖେଣ୍ଡେ କିନାୟିମାନେ □

୩ ନାଏଁ ମାର ନକିତା ହାନାୟିମାନେ, ହାଅ, ମାହାପୁରୁତି ହେଲ ଆଡ଼ିସାରେ ମାର ଇଦାଆଁ କିନ □

୪ ଆମିନି ଗାଗାରି ନାମୁତି ଉଣା କିହାମାନେରି, ଏଞ୍ଜାରି ଅଣ୍ପାନା ଖେଣ୍ଡା ଖାହାଲି ଆଡ଼ିନେରିକି ? ଏଞ୍ଜାରି ମାହାପୁରୁ ଉଜେଡ଼ିତା ବାସା କିହିମାରେରି, ଲାକପୁରୁ ଦାନାତି ଖାଣ୍ଡାନା, ସୁଦୁଜୀସୁତା ଆଣ୍ଡାମାରେରି,

୫ ମାହାପୁରୁତି ନେହିଁ ବଲୁ ଇଞ୍ଜା ଖାହିମାନି ଜୁଗୁତି ବାଡ଼ୁୟି ଡ଼ାକ୍ନାଣି ଏଞ୍ଜାରି ଖାଣ୍ଡା ମାନେରି,

୬ ଏଞ୍ଜାରି ସାତାତି ପିସାନା ଲାଗେଏ ଆନେରି, ଆଡ଼ିହିଁ ମନତି ବାଦଲି କିଞ୍ଜିକିହାଲି ଅଡ଼େ ଖେଣ୍ଡେ ଏଞ୍ଜାରାଇଁ

ପୁଃନି କିଞ୍ଜିକିହାଲି ଆଡ଼ାଆୟି, ଏଦାଆଁତାକି ଏଞ୍ଜାରି ତାନି ନାସା ଆହାଲିତାକି ମାହାପୁରୁ ମୀରୁଏଣାଇଁ ପାସି ମୁଣ୍ଡାତା ଏକହାନା ଲକୁ ନକିତା ଏଞ୍ଜାଣାଇଁ ଲାଜା କିହିମାନେରି □

୭ ଇତିହିଁ ଆମିନି ବୁମି ପିୟୁ ରିନି ଏୟୁ ଗହନେ ଇଞ୍ଜା ଆମିନି ତାସା କିନାରାକି ଲଡ଼ା ଆନ୍ତି ଆର୍ନା କାମ୍ବି କିନେ, ଏ ବୁମିତି ମାହାପୁରୁ ବର ହୀନେସି □

୮ ସାମା ଏମ୍ବାଆଁ ହାପୁକା ଅଡ଼େ ଜାଡ଼ା ନେୟିଁନେ, ଆଡ଼ିହିଁ ଏଡ଼ି ଏନ୍ତି ଲାଡ଼ା ଆଏ, ଏଡ଼ି ମାହାପୁରୁତି ବାକା ବେଟାଆନେ, ଅଡ଼େ ତାୟୁ ହିରୁତା ଡ଼ାଞ୍ଜାହାନେ □

୯ ସାମା ଏ ଜୀସୁତି ତାୟିୟାଁ, ମାମ୍ବୁ ଇଲେକିଁ କାତା ଖେସ୍ତି ଜିକେଏ ମୀ ତାଣା ମା ହାରେକା ନାମୁ ମାନେ; ମୀରୁ ଗେଲପିଆହାଲି ମାହାପୁରୁତି ବର ବେଟାଆହାମାଞ୍ଜେରି □

୧୦ ଇତିହିଁ ମାହାପୁରୁ ମୀ କାମା, ଅଡ଼େ ମାହାପୁରୁ ଲକୁଣି ସେବା କିହିମାନାଣି ଅଡ଼େ ନାଏଁ ଜିକେଏ କିହିମାନାଣି ଅଡ଼େ ତାନି ଦରୁ ତାକି ମୀରୁ ଆମିନି ଜୀସୁନହିଁ ମାଞ୍ଜେରି, ଏଦାଆଁ ମାହାପୁରୁ ବାଣ୍ଡି ଆନେସି ଇଲେତି ଦାମ୍ବୁ ହିଲାଆଗାଗାସି ଏଞ୍ଜାସି ଆଏ □

୧୧ ସାମା ମାଦି ରଣ୍ଡିଏ ଅଣ୍ପୁ, ମୀରୁ ତାୟୁ ପାତେକା ମାଙ୍ଗେତାକି ମୀ ଜୀସୁନନାୟି କାଲେଏ ଡ଼ୟାପେ ଆଡ଼ିହିଁ ମୀ ବାରେ ଆସା ପୂରା ଆନେ □

୧୨ ଏନ୍ତିକିଁ ମୀରୁ ନିସ୍ତା ଆଆନା ଆମ୍ବାଆରି ନାମୁ ଅଡ଼େ ସାସାତଲେ ଆଞ୍ଜାମାନାଣି ଅଦିକାରା କିହିମାନେରି ଏଞ୍ଜାରିଲେହେଁ ଆଦୁ □

ମାହାପୁରୁତି ଆଞ୍ଜିନାୟି ସାତା ଆନେ

୧୩ ଇତିହିଁ ମାହାପୁରୁ ଏଚିବେଲା ଅବ୍ରାହାମାଇଁ ଆଞ୍ଜାମାରେସି, ଏଚିବେଲା ଏଞ୍ଜାସି ତାନି ଆଞ୍ଜାମାନାଣି ମାନୁଞ୍ଜି ଆହାଲି ପାରମାଣା କିହାମାରେସି, ଏଞ୍ଜାଣି କିହାଁ ଆମ୍ବାଆସି କାଜାସି ହିଲାଆକି ଏଞ୍ଜାସି ତାନି ଦରୁତଲେ ପାରମାଣା କିହାଁ ଏଲେଇଞ୍ଜାମାରେସି,

୧୪ ଏଞ୍ଜାସି ଏଲେଇରେସି, “ନାମୁ ନିଙ୍ଗେ ସାତେଏ ବର ହିୟାଇଁ ଅଡ଼େ ନୀ କୃଡ଼ାତି ହାରେକା ପାଡ଼ିକିଇଁ □”

୧୫ ଅଡ଼େ ଇଲାଆହିଁ ହାରେକା ଅରହାନା ଅବ୍ରାହାମ ଆଞ୍ଜାମାନାଣି କାଚାମାଚାକି ଏଦାଆଁ ମେଡ଼ା ଆହାମାରେସି □

୧୬ ମାଣ୍ଡସିୟାଁ ଏଞ୍ଜାରି କିହାଁ କାଜା ଦରୁତଲେ ପାରମାଣା କିନେରି, ଅଡ଼େ କାତା ତାରି କିହାଲି ଏଞ୍ଜାରି ବାରେ ଗଡ଼ହା ପାରମାଣା ତଲେ ତାରି ଆନେ □

୧୭ ମାହାପୁରୁ ଆମ୍ବାଆରାଇଁ ଇ ବାରେ ହୀଇଁ ଇଞ୍ଜା ଆଞ୍ଜାମାରେସି, ଏ ଆଞ୍ଜାମାନାଣି ମାନୁଞ୍ଜି ଆହାଲି ତାନି ଆଞ୍ଜାମାନାଣି ତାକି ପାରମାଣା କିହାମାରେସି □

୧୮ ଏନ୍ତିକିଁ ଆମିନି ରୀ ବାଦଲି ଆଆଗାଟି କାତାତି ମାହାପୁରୁ ମିତି ଖେସାଲି ଆଡ଼ଅସି, ଏଦାଣି ତଲେ ନକିତି ବାସ୍ତୁତି ଆସାଲି ତାକି ବାସା ଟାୟୁତା ମାର ହଟି ମାନାୟି, ଇଞ୍ଜା ମାର ବାଡ଼ୁୟି ରାହାଁ ବେଟାଆନାୟି □

* ୬:୨ ୬:୨ମୁଞ୍ଜିନାୟି

୯୯ ଏୟୁ ଜାଜା ଦହନି ଲହ ମୁଣ୍ଡାଲେହେଁ, ଏ ବାସୁ ମା ଜାହୁତି ଗୋଲପି କିନାୟି ଅଡେ ଆଜ୍ଞାନାୟି, ଏଦି ମାହାପୁରୁ ଇଲୁତି ଏଟକା କିନି ହିମ୍ବର ଲେଟାମାନି ଟାୟୁତା ହଡାନା ଆଟ୍ଠା ଅଡେ ତାରି ଆହାମାନେ,

୧୦ ଅଡେ, ଜୀସୁ ଏ ଟାୟୁତା ମଲ୍‌କିସେଦକ ଲେହେଁ କାଲ୍‌କାଲ୍‌ତି କାଜା ପୂଜେରା ଆହାନା ମା ନକିତା ତାକିନି ଲେହେଁ ହଡାମାନେସି □



ମଲ୍‌କିସେଦକତି ପୂଜେରା ପାଣା

୧ ଈ ମଲ୍‌କିସେଦକ ସାଲେମ ଦେସାତି ରାଜା ଅଡେ ବାରେକିହାଁ କାଜା ମାହାପୁରୁତି ପୂଜେରା ମାଚେସି □ ଅବ୍ରାହାମ ଅଡେ ତାନି ତଡୁଡୁରି, ସାରି ଜାଣା ରାଜାୟା ତଲେ ଜୁଜୁତା ଜୀଣା ଆହାଁ ଖେଣ୍ଡେ ଖାହିମାତି ବେଲାତା ମଲ୍‌କିସେଦକ ଅବ୍ରାହାମଇଁ ବେଟାଆହାନା ବର ହୀତେସି;

୨ ଅବ୍ରାହାମ ଜିକେଏ ଏଝାଣାକି ଜୁଜୁତା ଜୀଣାଆହାମାତି ଆସ୍ତିତି ଦସ ବାଗାତି ର ବାଗା ହୀହାମାଚେସି □ ମଲ୍‌କିସେଦକ, ଇଚିହଁ “ଦାମ୍‌ପୁତି ରାଜା” ଅଡେ ସାଲେମତି ରାଜା, ଇଚିହଁ “ହିଡଡିତି ରାଜା □”

୩ ଏଝାଣି ତାଲି ତାଞ୍ଜି ଆକୁ ଆବାୟାଁ ଦରୁକା କି ଏଝାଣି ଜାର୍ନା ଦିନା କି ଜାହୁତି ରାତି ଦିନା ଆମ୍ବିୟାଝା ରାସ୍‌କି ଆହାହିଲେଏ; ଏଝାସି ମାହାପୁରୁ ମୀର୍‌ଏସି ଲେହେଁ କାଲ୍‌କା କାଲ୍‌କା ପୂଜେରା ଆହାମାଚେସି □

୪ ଅଣ୍‌ପାରି କିଦୁ, ମଲ୍‌କିସେଦକ ଏଚେକା କାଜାସି ମାଚେସି, ଆକୁ ଅବ୍ରାହାମ ଜୁଜୁତା ଜୀଣାଆହାନା ତାଚାମାତି ଆସ୍ତିତି ହାରେକା ନେହଁ ଆସ୍ତିତି ଦସ ବାଗାତି ର ବାଗା ଏଝାଣାକି ହୀହାମାଚେସି □

୫ ଲେବି କୃତାତି ମୀର୍‌କା ବିତ୍ରାତି ଆମିନି ଗାଟାରି ପୂଜେରା ପାଣା ବେଟାଆନେରି, ଏଝାରି ମସାତି ମେରାଲେହେଁ ଇସ୍ରାୟେଲ ଲକୁ ତାଣାଟି ଇଚିହଁ ତାମି ତାୟିୟାଁ ତାଣାଟି ଦସ ବାଗାଟି ର ବାଗା ବେଟାଆହାଲି ହେଲ ବେଟା ଆହାମାନେରି, ଏଝାରି ଅବ୍ରାହାମ ଆଜ୍ଞାଟି ଜାର୍ନା ଆଡିଜିକେଏ ତାମି ଲକୁ ତାଣାଟି ଦସ ବାଗାଟି ର ବାଗା ଅନେରି;

୬ ମଲ୍‌କିସେଦକ ଲେବି କୃତାତାସି ଆଏ, ଆଆଡି ଜିକେଏ ଏଝାସି ଅବ୍ରାହାମ ତାଣାଟି ଦସ ବାଗାଟି ର ବାଗା ଅଡେସି, ଇଞ୍ଜା ମାହାପୁରୁ ଆଞ୍ଜାମାନାଣି ବେଟାଆନାକି ବର ହୀତେସି □

୭ ବର ହୀନାସି ବର ବେଟାଆନାଣି କିହାଁ କାଜାସି, ବାରେଜାଣା ଇଦାଆଁ ପୁଞ୍ଜାମାଞ୍ଜେରି □

୮ ଇଲେକିହଁ ହାନ୍ତି ମାଣ୍‌ସିୟାଁ ଦସ ବାଗାଟି ର ବାଗା ଅହିମାନେରି ଏଝାରି ଜିକେଏ ର ଦିନା ହାନେରି, ସାମା ଏଚିବେଲାତା ଆମ୍ବାଆସି ଅବ୍ରାହାମତି ଦସ ବାଗାଟି ର ବାଗା ଅହାମାଚେସି ଏଝାଣି କାତା ସାକି ହୀପକି ଆହିମାନେ, ଏଝାସି ହାହା ହିଲଅସି □

୯ ମାର ଏଲେଇଞ୍ଜାଲି ଆଡିନାୟି, ଦସ ବାଗାଟି ର ବାଗା ଅହିମାନି ଲେବି ତାନୁ ଜିକେଏ ଅବ୍ରାହାମ ତାଣାଟି ଦସ ବାଗାଟି ର ବାଗା ହୀହାମାନେସି □

୧୦ ଏନାଆଁତାକି ଇଚିହଁ ଅବ୍ରାହାମଇଁ ମଲ୍‌କିସେଦକ ଆଣ୍ଡିତାଟି ଲେବି ଏଚିବେଲାତା ଜାର୍ନା ଆହା ହିଲଆତେସି ସାମା ଲେବି ଏଝାଣି ଆଜ୍ଞା ବିତ୍ରା ମାଚେସି □

୧୧ ଈ ଲେବିୟ ଲକୁତି ପୂଜେରା ପାଣା ତଲେ ଇସ୍ରାୟେଲ କୃତାତି ଲକୁ ତାକି ମସାତି ମେରା ହୀପକି ଆହାମାଚେ □ ଅଡେ ଲେବି ଲକୁତି କାମା ନେହଁ କିହାଲି ଆଡିତିହଁମା, ହାରଣାଟି ଅଦିକାରାଗାଟି ଈ ଲେବି ପୂଜେରାଜ୍ଞା ପିସାନା ମଲ୍‌କିସେଦକ ଅଦିକାରା ଲେହେଁ ଅର କୃତାତି ପୂଜେରା ଲଡା ହିଲଆତେ □

୧୨ ଇଚିହଁ ପୂଜେରା ପାଣା ବାଦଲି ଆନେ, ଆଡିହଁ ମସା ମେରା ଜିକେଏ ବାଦଲି ଆନାୟି ମାନେ □

୧୩ ଇଚିହଁ ଆମ୍ବାଆରି ତାକି ଈ ବାରେ ଖେସ୍‌ପି ଆହାମାନେ, ଏଝାସି ଅର କୃତାତି ଲକୁ ମାଚେସି, ଆମିନି କୃତାତାରି ଆମ୍ବାଆସି ଏଚେଲାଝା ପୂଜା ପିଣ୍ଡାତି ସେବା କାମା କିହାଲି ଆଣ୍ଡାହିଲଅରି □

୧୪ ଇଚିହଁ ଇଦି ସାତା ମା ପ୍ରୁ ଜୀହୁଦା କୃତାଟି ଜାର୍ନା ଆହାମାନେସି ଇଞ୍ଜା ମସା ଈ କୃତାତି ପୂଜେରା ପାଣା ତାକି ଏନାଆଁ ଖେସାହିଲଅସି □

ମଲ୍‌କିସେଦକ ଲେହେଁ ଅଡେ ର ପୂଜେରା

୧୫ ଅଡେ ଇଦି ଇମ୍ବାଟି ଜିକେଏ ନେହଁ କଁ ପୁନାୟି, ମଲ୍‌କିସେଦକ ଲେହେଁ ଅଡେ ର ପୂଜେରା ହଡାମାନେସି □

୧୬ ଏଝାସି ଆଜ୍ଞା ତଲେତି ମସା ମେରାଟି ପୂଜେରା ଆହାହିଲଅସି ସାମା ରାଆଗାଟି ଜାହୁତି ବାଡ଼ୟୁଟି ପୂଜେରା ପାଣା ମେଡିକିଝି ଆହାମାନେସି □

୧୭ ଇଚିହଁ ଦାମ୍‌ପତିତା ଏଝାଣି ତାକି ଇଲେକଁ ଦାମ୍‌ପୁ ସାସ୍ତେରିତା ସାକି ହୀପକି ଆହାମାନେ; “ନୀନୁ ମଲ୍‌କିସେଦକ ଲେହେଁ କାଲ୍‌କାଲ୍‌ତି ପୂଜେରା ଆଡି □”

୧୮ ଇମ୍ବାଆଁ ତଲିତି ହୁକୁମି ବାଡ଼ୟୁ ହିଲଆଗାଟାୟି, ଉଜେଏତାୟି ଲାକା ଏଦି ମେଣ୍‌ଜା ହାଜାମାନେ □

୧୯ ଏନାଆଁତାକି ଇଚିହଁ ମସାତି ମେରା ଏନାଆଁଝା ତାରି କିହାଲି ଆଡାଆତେ □ ଅରଝାକି ବାରେକିହାଁ ହାରେକା ନେହଁ ବାସୁଁ ହଡାମାନେ, ଏ ବାସୁଁଟି ମାର ମାହାପୁରୁ ତାଗେ ହାଜାଲି ଆଡିନାୟି □

୨୦ ମା ତାକି ମାହାପୁରୁତି ପାର୍‌ମାଣା ହାରେକା ମାନେ □ ହାରଣା କୃତାତି ପୂଜେରା ପାଣାତା ଆଡ଼ି ଆଡାଟି ଇଲେତି ଏନି ପାର୍‌ମାଣା ହୀପକି ଆହାହିଲଆତେ □

୨୧ ସାମା କ୍ରୀସ୍ ପୂଜେରା ଆନି ବେଲାତା ମାହାପୁରୁ ପାର୍‌ମାଣା କିହାନା ଏଝାଣାଇଁ ଏଲେଇଞ୍ଜାମାଚେସି,

“ପ୍ରୁ ର ପାର୍‌ମାଣା କିହାମାନେସି, ଏଝାସି ତାନି ଅଣ୍‌ପୁତି ବାଦଲି କିଅସି, ନୀନୁ କାଲ୍‌କାଲ୍‌ତି ପୂଜେରା ଆଡି □”

୨୨ ପ୍ରଭୁ ଇଲେକ୍ସ ପାରମାଣା କିହାମାନାକି ଜୀସୁ ଅଡ଼େ
ର ହାରେକା ନେହ୍ ରାଜିମାନା କିନାସି ଆହାମାନେସି □

୨୩ ପ୍ଲାଃଇ ତାଣା ଜିକେଏ ଏଟକା ପୂଜେରାଜା ହାନାରି
ଆହାମାନାକି ଏଞ୍ଜାରି ହାଡ଼ି ତାୟୁ ଏଟକାତାରି ପୂଜେରା
ପାଣା ବେଟାଆନେରି ଏଦାଆଁତାକି ଏଞ୍ଜାରି ହାରେକା □

୨୪ ସାମା ଜୀସୁ କାଲକାଲ୍ଲା ନୀତାମାନାକି, ଏତେଲାଞ୍ଜା
ବାଦଲି ଆଆ ପୂଜେରା ପାଣା ବେଟାଆହାମାନେସି □

୨୫ ଏଦାଆଁତାକି ଏଞ୍ଜାଣି ତାଣାଟି ଆମିନି ଗାଟାରି
ମାହାପୁରୁ ତାଗେ ହାନେରି, ଏଞ୍ଜାରାକି ଏଞ୍ଜାସି ହାରେପୁରେ
ନୀର୍ବ ଅଡ଼େ କାଟ୍ଲେଏ ଗେଲ୍ପାଲି ଆଡ଼ିମାନେସି,
ଏନାଆଁତାକି ଇଚିହ୍ ଏଞ୍ଜାରି ତାକି ମାହାପୁରୁ ତାଣା
ଗହାରା କିହାଲି ଏଞ୍ଜାସି କାଟ୍ଲେଏ ନୀତାମାନେସି □

୨୬ ଏନାଆଁତାକି ଇଚିହ୍ ଇଲେତି କାଜା ପୂଜେରା
ମା ତାକି ନେହ୍ସି, ଆମ୍ବାଆସି ସୁଦୁଗାଟାସି, ଦହ
ହିଲାଆଗାଟାସି, ଲାଗେଏତି ସିନା ହିଲାଆଗାଟାସି ପାପୁ
ଗାଟାରି ତାଣାଟି ଏଟକା ଆହାମାନାସି, ଲାକପୁରୁ
ଅଞ୍ଜିଆଡ଼େସି □

୨୭ ଏ କାଜା ପୂଜେରା ଲେହେଁ ବାରେଦିନା ନଟକଏ
ତାନି ପାପୁ ତାକି ଅଡ଼େ ତାୟୁ ଲକୁତାକି ବାରେଦିନା ପୂଜା
ହୀହାଲି ଲଡ଼ା ହିଲେଏ, ଇଚିହ୍ ତାଙ୍ଗେ ପୂଜା ହୀତାକି
ଏଞ୍ଜାସି ରଣ୍ଡିଏ ପାଲି ଇଦାଆଁ କିହାମାନେସି □

୨୮ ଏନାଆଁତାକି ଇଚିହ୍ ମସାତି ମେରା ବାଡ଼ୁୟୁ
ହିଲାଆଗାଟି ମାଣ୍ଡିଲ୍ କାଜା ପୂଜେରା ପାଣାତା ଆଡ଼ିନେ,
ସାମା ଆମିନି ପାରମାଣାଟି ବଲୁ ମସାତି ମେରା
ଜେଟ ଆହାମାଟେ, ଏଡ଼ି କାଲକାଲ୍ଲା ତାକି ତୀରିଗାଟି
ମୀର୍ଏଣାଲ୍ ଆଡ଼ିମାନେ □

୮

ଜୀସୁ ମା କାଜା ପୂଜେରା

୧ ମାମ୍ବୁ ଏନାଆଁ ଝେସିମାଞ୍ଜାନମି ଏମ୍ବାତି କାଜା
କାତା ଇଦି, ମାଙ୍ଗେତାକି ଇଲେତି ର କାଜା ପୂଜେରା
ମାନେସି, ଏଞ୍ଜାସି ଲାକପୁରୁ କାଜା ଗାଞ୍ଜୁରମିଗାଟି ମାହାପୁରୁ
ସିଂଗାସାଣିତି ଚିଃନି ଚଟତା କୁଗାମାନେସି □

୨ ଏଞ୍ଜାସି ବାରେତି କିହାଁ ସୁଦୁ ଗାୟୁତା ଇଞ୍ଜା ଆମିନି
ସାତା ତୁମ୍ବୁ ଇଲୁ ମାଣ୍ଡି କେୟୁଟି କେପି ଆଥାନା ପ୍ରଭୁ
ତାଣାଟି ତୀରି ଆହାମାନେ ଏମ୍ବାତି ସେବା କାମା କିନେସି
□

୩ ଇଚିହ୍ ବାରେ କାଜା ପୂଜେରାଜା ଦାନା ଅଡ଼େ
ଜନ୍ତୁତି ଡାକାହାଁ ପୂଜା କିହାଲି ଆଡ଼ି ଆହାମାନେରି,
ଇଦାଆଁତାକି ଇ କାଜା ପୂଜେରାକି ଜିକେଏ ପୂଜା
ହେର୍ପାଲି ତାକି ଲଡ଼ାମାନେ □

୪ ଜୀସୁ କ୍ରୀସୁ ଦାର୍ଡିତା ମାଚିହ୍ ମା, ପୂଜେରା ଜିକେଏ
ଆୟାଲି ଆଡ଼ାଆତେସିମା, ଏନାଆଁତାକି ଇଚିହ୍ ଜୀହୁଦି
ଲକୁତି ମେରା ଲେହେଁ ଦାନା ହେର୍ପିନେରି ଇଲେତି
ପୂଜେରାଜା ଏମ୍ବାଆଁ ମାନେରି;

୫ ପୂଜେରାଜା ଆମ୍ବାଆରି ସେବା କିନେରି, ଏଡ଼ି
ଲାକପୁରୁତି କାତା ପୁଣ୍ଡିକିନିଲେହେଁତି ସାୟ୍ ସମାନା,
ମସା ଏଚିବେଲା ପୂଜା କିହାଲିତାକି ର ତୁମ୍ବୁ କେପିନି
ବେଲାତା ଏଞ୍ଜାଣାଲ୍ ମାହାପୁରୁ ଏଲେଇଞ୍ଜାମାଟେସି,
“ଜାଗ୍ରାତା, ହରୁତା ନିଙ୍ଗେ ଆମିନି ହୁକୁମି ତସ୍ପି
ଆହାମାଞ୍ଜାଟେ, ଏଲେକିହ୍ ଏ ବାରେ କେପାମୁ □”

୬ ସାମା ନୀର୍ବ ଜୀସୁକି ଆମିନି ପୂଜେରା କାମା ହୀପୁକି
ଆହାମାନେ, ଏଡ଼ି ଏଟକାତି ପୂଜେରାଜା କାମା କିହାଁ
କାଜାୟି □ ଏଲେକିହ୍ ଏ ମାହାପୁରୁ ଅଡ଼େ ମାଣ୍ଡିୟା
ମାଦି ଏଞ୍ଜାସି ଆମିନି ରାଜିମାନା କିହାମାନେସି ଏଡ଼ି
କାଜାୟି, ଇଚିହ୍ ଇ ମେରାତା ହାରେକା କାଜା କାତା
ହୀହାଲି ଆଞ୍ଜାମାନାୟି ମାନେ □

୭ ଇଚିହ୍ ତଲିତି ରାଜିମାନା ଏଡ଼ି ଦହ
ହିଲାଆଡ଼ିହ୍ ମା, ତାୟୁ ଅଡ଼େ ଅର ରାଜିମାନା ଲଡ଼ା
ଆଆତେମା □

୮ ସାମା ମାହାପୁରୁ ତାନି ଲକୁଇଁ ଦହ ଦସାନା ଏଞ୍ଜାରାଲ୍
ଏଲେଇଞ୍ଜି ମାନେସି,

“ପ୍ରଭୁ ଏଲେଇଞ୍ଜି ମାନେସି, ମେହ୍ଦୁ ର ଦିନା ଝାହିମାନେ,
ଏଚିବେଲା ନାନୁ ଇସ୍ତାୟେଲ କୃଡ଼ା ଅଡ଼େ ଜୀହୁଦା
କୃଡ଼ା ତଲେ ର ପୁଃନି ରାଜିମାନା ତୀରି କିଇଁ;

୯ ଆମିନି କାଲତା ନାନୁ ଏଞ୍ଜାରି ଆକୁୟାଣି କେସ୍ତା ଆସାନା
ମିସର ଦେସାଟି ହପୁହା ତାଟାମାଟେଏଁ,
ଏ ବେଲାତା ଏଞ୍ଜାରିତଲେ ନାନୁ ଆମିନି ରାଜିମାନା
କିହାମାଟେଏଁ, ଇ ରାଜିମାନା ଏଲେକିହ୍ ଆଏ;
ଇଞ୍ଜା ଏଞ୍ଜାରି ନା ରାଜିମାନାତା ତୀରି ଆହ୍
ମାନାଆତେରି,

ଇଞ୍ଜା ନାନୁ ଏଞ୍ଜାରାଲ୍ ମନ ହୀଆତେଏଁ, ପ୍ରଭୁ ଇ
କାତା ଏଲେ ଇଞ୍ଜିମାନେସି □

୧୦ ପ୍ରଭୁ ଏଲେଇଞ୍ଜି ମାନେସି,
ତାୟୁ ନାନୁ ଇସ୍ତାୟେଲ କୃଡ଼ା ତଲେ ଇ ରାଜିମାନା
କିଇଁ, ଏଡ଼ି ଇଦି,

ନାନୁ ଏଞ୍ଜାରି ମନତା ନା ମେରା ହୀଇଁ,
ଏଞ୍ଜାରି ହିୟାତା ଏ ବାରେ ରାଚିଲ୍,
ଅଡ଼େ ଏଞ୍ଜାରି ମାହାପୁରୁ ନାନୁ ଆଇଁ,
ଅଡ଼େ ଏଞ୍ଜାରି ନା ଲକୁ ଆନେରି □

୧୧ ମାହାପୁରୁଇଁ ପୁଞ୍ଜୁ ଇଞ୍ଜି ଏଞ୍ଜାରି ବିଡ୍ରାଟି ରଅସିଞ୍ଜା ତାନି
କୃଡ଼ାତି ଗାଡ଼ାତାରାଲ୍ ଝେହ୍ଅସି,
ଇଞ୍ଜା ତାନି ତାୟୁଇଁ କି ପାଡ଼ିତାରାଲ୍ ଜାପୁଅରି,
ଏନାଆଁତାକି ଇଚିହ୍ ଡ଼ାଟାଟିଏ କାଜାରି ପାତେକା
ଏଞ୍ଜାରି ବାରେଜାଣା ନାଙ୍ଗେ ପୁଞ୍ଜାମାନେରି □

୧୨ ନାନୁ କାର୍ମାମେସାନା ଏଞ୍ଜାରି ବାରେ ପାପୁ ମେକ୍ଇ,
ଅଡ଼େ ଏଞ୍ଜାରି ଲାଗେଏ କିନାଣି ଏଚେଲାଞ୍ଜା ଅଣ୍ପପ୍ଆଁ
□”

୧୩ ମାହାପୁରୁ ର ପୁଃନି ରାଜିମାନା କିତାକି ତଲିତି
ରାଜିମାନାଲ୍ ପ୍ଲାଃଇ ରାଜିମାନା କିହାମାନେସି; ଇଞ୍ଜା ଅଡ଼େ
ଆମିନି ପ୍ଲାଃଆୟି ଲଡ଼ା ହୀଆଗାଟାୟି ଆହାମାନେ, ଏଡ଼ି
ଗାଡ଼େକେଏ ମେଣ୍ଡିନେ □



ଦାର୍ତ୍ତି ଅଡ଼େ ଲାକପୁରୁତି ପ୍ରାତାନା

୧ ସାତେଏ ଏ ତଲିତି ରାଜିମାନା ଜିକେଏ ପ୍ରାତାନା କିନି ମେରା ଅଡ଼େ ର ଦାର୍ତ୍ତିତି ସୁଦୁ ଟାୟୁ କିଞ୍ଚି ଆହାମାତେ □

୨ ଏଦି ର ତୁମୁ ତଲେ କେପିତି ଇଲୁ ଆହାମାତେ, ଏମ୍ବାତି ତଲିତି ବାକ୍ରା ଇଞ୍ଜି ଇନେରି ଏମ୍ବାଆଁ ର ଦୀଞ୍ଚି ସଡ଼ା, ର ପିଣ୍ଡା ଅଡ଼େ ମାହାପୁରୁକି ହେରପାମାନି ରୁଟି ମାତେ, ଏଦାନି ସୁଦୁ ଟାୟୁ ଇନେରି □

୩ ଏମ୍ବାଆଁ ଲେଟାମାଟି ରୀ ଟାଟିନି ହିମ୍ବରକା ତାୟୁଞ୍ଚି ଆମିନି ତୁମୁ ମାତେ, ଏଦାଆଁ ହାରେକା ସୁଦୁ ବାକ୍ରା ଇଞ୍ଜି ଇନେରି;

୪ ଏମ୍ବାଆଁ ବାଂଗାରା ତଲେ ଖାରି କିହାମାଟି ଦୁପ୍ପଣି ହୁଡିନି ର ପିଣ୍ଡା ଅଡ଼େ ବାଂଗାରା ତଲେ ଖାରି କିହାମାଟି ରାଜିମାନା ପେଡ଼ା ମାତେ □ ଏ ରାଜିମାନା ପେଡ଼ାତା ମାନା ଇଟକି ଆହାମାଟି ର ବାଂଗାରା ମୁତା ଅଡ଼େ ହାରଣାଞ୍ଚି ଆକୁ ଗାଲୁହାମାଟି ବାଡ଼ଗା ଇଞ୍ଜା ରାଜିମାନା ରାସ୍ତକି ଆହାମାଟି ରୀ ଖାଲି ପାଟାୟାଁ ମାତୁ,

୫ ରାଜିମାନା ପେଡ଼ା ଲାକ ମାହାପୁରୁ ନକିତା ନିଟାମାନି ଲେହେଁ ଗାଞ୍ଜୁରମିଗାଟି ଜଡ଼େକା କିରୁବ ଦୁତୁୟାତି ବମା ମାତୁ, ଏଞ୍ଚି ପାପୁ ମେଣ୍ଡକି କିନି ଟାୟୁତି ପୁକ୍ତହାମାତୁ; ଏଞ୍ଚି ପାପୁ ମେଣ୍ଡକି ଟାୟୁ ଲାକ ମାଟାୟାଁ ପୁକ୍ତହାମାତୁ, ଏ ବାରେତି କାତା ନୀଏଁ ନେହଁ କଁ ଖେସାଲି ଲଡ଼ା ହିଲେଏ □

୬ ଏମ୍ବାଆଁ ଇଲେତି ମେରା ମାନେ; ପୂଜେରାଜା ଦିନାତାକି ଦିନା ତୁମୁତି ତଲିତି ବାକ୍ରା ବିତ୍ରା ତାମି ସେବା କାମା କିନେରି,

୭ ସାମା ତାୟୁତି ବିତ୍ରା ବାକ୍ରାତା ଖାରଇ କାଜା ପୂଜେରା ବାସୀ ତାକି ରଣ୍ଡିଏ ଦେବା ହଡ଼ନେସି, ତାନି ପାପୁ ଇଞ୍ଜା ଲକୁତି ପୁନାଆତି ପାପୁ ତାକି ମାହାପୁରୁକି ପୂଜା ହେରପାଲି ଏଞ୍ଚିସି ନେତେରି ଅହାନା ହାରେକା ସୁଦୁ ଟାୟୁତା ହଡ଼ନେସି □

୮ ଇଦାଆଁତାକି ସୁଦୁଜୀଞ୍ଚୁ ମାଜେ ଜାପୁହି ମାଞ୍ଜାନେ, ନକିତି ସୁଦୁ ତୁମୁ ମାନି ପାତେକା ହାରେକା ସୁଦୁ ଟାୟୁତା ହଡ଼ାଲି ଜିରୁ ତଞ୍ଜାଆହାଁ ହିଲେଏ □

୯ ଇ ତଲିତି ବାକ୍ରା ନୀଏଁ କାଲା ତାକି ପୁଣ୍ଡି କିଞ୍ଚିକିନି ସିନା, ଅଡ଼େ ଏଲେକିହଁଏ ଦାନା ଅଡ଼େ ପୂଜା ଇ ବାରେ ହୀପକିଆନେ, ସାମା ଇ ବାରେ ସେବା କିନାରାଇଁ ନେହଁ ଅଣ୍ଡପୁତି ଦାନା ହାହାଲି ଆଡେଏ;

୧୦ ଇତିହଁଏ ଏ ବାରେ ଖାରଇ ତିନାଣି ଉନାଣି ଅଡ଼େ ଅଟହାଲି ଆଜା ତାକି କିନି କାମାୟାଁ ସାମା ମାହାପୁରୁତି ପୁଃନି ମେରା ଆନି ପାତେକା ଇଦି ବାରେ ଲଡ଼ାଗାଟାୟି ଆହାମାତେ □

୧୧ ସାମା କ୍ରୀସ୍ତ ନୀଏଁ ନେହଁ କାମାତି କାଜା ପୂଜେରା ସମାନା ଆହାନା ଖାହାମାନେସି, ଇଞ୍ଜା ଏମିନି ତୁମୁ ଇଲୁତା ଏଞ୍ଚିସି ତାନି ସେବା କାମା କିହାମାନେସି, ଇ ଇଲୁ ଦାର୍ତ୍ତିତା ମାନି ତୁମୁ ଇଲୁ କିହାଁ ହାରେକା କାଜାୟି ଅଡ଼େ

ନେହାୟି, ଏଦି ମାଣ୍ଡସି କେୟୁତଲେ କେପାଆତି ତୁମୁ ଇଲୁ, ଏଦି ତଞ୍ଜାଆହାମାନି ଦାର୍ତ୍ତି ବିତ୍ରା ହିଲିଆତେ □

୧୨ କ୍ରୀସ୍ତ ଗରି କି ବାଟା କଡ଼ି ନେତେରି ତଲେ ଆଏ, ସାମା ଜାହାରା ନେତେରି ତଲେ ରଣ୍ଡିଏ ଦେବା ସୁଦୁ ଟାୟୁତା ହଡ଼ାନା କାଲାକାଲାତାକି ଗେଲ୍ପି ଆନାଣି କିହାମାନେସି □

୧୩ ଆମ୍ବାଆରି ପାଣାପାଟୁ ମାନଞ୍ଚି ଆଆନା ପାପୁ କିନେରି, ଏଞ୍ଚାରି ପଲୁଆ ଗାଟାରି ଲାକ ଗରି ଅଡ଼େ ବାଟା କଡ଼ିତି ନେତେରି ତଞ୍ଜାନା ହୁଡିତି ଦାର୍ତ୍ତି ତଲେ ଏଞ୍ଚାରି ଆଜାତି ବାରେ ପାପୁ ସୁଦୁ କିହାମାତେରି,

୧୪ ଇଦି ସାତା ଆହାମାନେ, ଇତିହଁଏ କ୍ରୀସ୍ତି ନେତେରି ସାତା ଆଏ, କି କାଲେଏତି ଜୀଞ୍ଚୁତି ସାୟେମି ତଲେ ଏଞ୍ଚାସି ଜାହାରାଇଁ ମାହାପୁରୁ ନକିତା ର ଦହ ହିଲିଆ ପୂଜାଲେହେଁ ହେରପିତେସି, ତାନି ନେତେରି ଏତେକା ଗାତି ନୀତାମାନି ମାହାପୁରୁଇଁ ସେବା କିହାଲି, ହାଞ୍ଚି କିନି କାମାଟି ମା ଜୀଞ୍ଚୁତି ଅଣ୍ଡପୁତି ସୁଦୁ କିନେ □

୧୫ ଇଦାଆଁତାକି କ୍ରୀସ୍ତଏ ପୁଃନି ରାଜିମାନାତି ମାଦିତାସି ଆହାମାନେସି, ଏନିକଁ ମୂଲୁ ରାଜିମାନାତି ପାପୁ ମେଣ୍ଡହାଲି ତାକି ହାହାମାନାକି ମାହାପୁରୁ ହାଟାମାନି ଲକୁ କାଲାକାଲାତି ଅଦିକାରା ଆହାଲି ଆଞ୍ଜାମାନି ଗେଲ୍ପି ଆନାଣି ବେଟାଆନେରି □

୧୬ ଇତିହଁଏ ରାଜିମାନା କିଞ୍ଚି ଆହାମାଟି ରାଜିମାନା ଆହାମାନି ମାଣ୍ଡସିତ ହାନି ପାରମାଣା ଲଡ଼ାମାନେ □

୧୭ ଇଞ୍ଜା ହାଡ଼ିସାରେ ରାଜିମାନା କିହାମାନାୟି ବାଡ଼ୁଲୁ ଆନେ, ଇତିହଁଏ ରାଜିମାନା କିହାମାନାସି ନୀତାମାନି ପାତେକା ଏଦି ଏତେକା ଜିକେଏ କାମାତା ଖାଏ □

୧୮ ଏଦାଆଁତାକି ତଲିତି ରାଜିମାନା ଜିକେଏ ନେତେରି ହିଲିଆନା ତୀରି ଆହାହିଲିଆତେ □

୧୯ ତଲିଏ ମସା ମେରାତି ହୁକୁମି ଲକୁତାଣା ଖେକ୍‌ହେସି, ତାୟୁ ଏଞ୍ଚାସି କଡ଼ି ଅଡ଼େ ଗରିତି ନେତେରି ଏୟୁତଲେ ଆଟହାନା ଏସବ ଜାଡ଼ାତି ଆକା ଅଡ଼େ ନେତେରି ଖାଣାଗାଟି ମେଣ୍ଡା ବାଣାୟାଁ ତଲେ ମେରା ପତି ଅଡ଼େ ବାରେ ଲକୁ ଲାକ ତଞ୍ଜିତେସି □

୨୦ ଏଞ୍ଚାସି ଏଲେଇତେସି, “ଏମିନି ରାଜିମାନା ମାନଞ୍ଚି ଆହାଲି ମାହାପୁରୁ ମିଜେ ହୁକୁମି ହାହାମାଞ୍ଜାନେସି, ଇ ନେତେରି ଏ ରାଜିମାନାତି ତସିମାନେ □”

୨୧ ଅଡ଼େ ଜିକେଏ ଏଲେକିହଁଏ ଏଞ୍ଚାସି ତୁମୁ ଇଲୁ ଅଡ଼େ ମାହାପୁରୁ ସେବାତାକି ବାରେ ଲଡ଼ାମାନି ଦିଣ୍ଡୁ ଲାକ ଜିକେଏ ନେତେରି ତଞ୍ଜିତେସି □

୨୨ ସାତେଏ ମସାତି ମେରା ତଲେ ବାରେ ନେତେରି ତଲେ ଅଟହା କିଞ୍ଚିଆନେ, ଅଡ଼େ ନେତେରି ଖାକ୍‌ଆନା ପାପୁ ମେଣ୍ଡକେଏ □

କ୍ରୀସ୍ତି ହାକିଟି ପାପୁ ମେଣ୍ଡକିନେ

୨୩ ଏଦାଆଁତାକି ଲାକପୁରୁ କେପିତି ବାରେ ଦିଣ୍ଡୁ ପୁଣ୍ଡିକିନିଲେହେଁ ପୂଜା ତଲେ ଅଟଞ୍ଚି ଆନାୟି ମାତେ; ସାମା ଲାକପୁରୁ କେପିତି ବାରେ ଦିଣ୍ଡୁ ଇ କାଜା ପୂଜା ତଲେ ଅଟନାୟି ମାନେ □

୨୪ ଏନାୟି ମାଣ୍ଡସିୟାଁ କେୟୁଟି କେପାଆତାୟି ଇଲେତି ସୁଦୁ ଚାୟୁତା କ୍ରୀସ୍ତ ହାଜାମାନେସି, ଇଦି ସାତା କାତା, ଏଞ୍ଜାସି ଲାକପୁରୁ ହାଜାମାନେସି, ଏମ୍ବାଆଁ ଏଞ୍ଜାସି ମା ଝାକିଟି ନାଏଁ ମାହାପୁରୁ ନକିତା ମାନେସି □

୨୫ ଜୀହୁଦିୟାଁ କାଜା ପୂଜେରାଜା ଏନିକ୍ ବାର୍ସା ତାକି ବାର୍ସା ଏଚକା ଲକୁ ତାକି ପୂଜା ହାନି ନେତେରି ଅହାନା ସୁଦୁ ଚାୟୁତା ହଡ଼ନେରି, ଏଲେକିହ୍ ଏ କ୍ରୀସ୍ତ ଅଲେ ଅଲେ ତାଜେ ପୂଜା କିହାଲି ଏଦି ଏମ୍ବାଆଁ ହାଜାହିଲଅସି □

୨୬ ଆଡିହ୍ ଦାର୍ତ୍ତି ଗାଡ଼ିଆଡ଼ି ବେଲାଟିଏ ଅଲେ ଅଲେ ତାଜେ ହାହାଲି ଆଡେମା; ସାମା ନାଏଁ ଏଞ୍ଜାସି ଜୁଗୁ ରାନି ବେଲାତା ତାନୁଏ ପୂଜାଲେହେଁ ହେରପାକତାମାନାକି ପାପୁ ହେକ କିୟାଲି ତଞ୍ଜା ଆହାମାନେସି □

୨୭ ବାରେ ଲକୁତାକି ଏନିକ୍ ରଣ୍ଡିଏ ଦେବା ହାନାୟି, ଅଡେ ଏଦାନି ତାୟୁ ନାହାୟି ମାନେ □

୨୮ ଏଲେକିହ୍ ଏ କ୍ରୀସ୍ତ ଜିକେଏ ହାରେକା ଲକୁତି ପାପୁ ଡେକା ଅହାଲି ରଣ୍ଡିଏ ଦେବା ପୂଜା ଆହାଲି ହେରପାକତିତେସି, ଅଡେ ଝେଣ୍ଡେ ପାପୁ ତାକି ଆଏ, ସାମା ଆମିନି ଗାଟାରି ଏଞ୍ଜାଣାକ୍ କାଟାମାନେରି, ଏଞ୍ଜାରାକ୍ ଗେଲ୍ପାଲିତାକି ତଞ୍ଜାଆନେସି □

୧୦

୧ ଇଡିହ୍ ମସାତି ମେରା ଝାହିମାନି ଦିନାତି ନେହ୍ ସାୟିଲେହେଁ ଆହାନା ଏ ବାରେଡି ଝାଣା ଆଆତାକି ପୂଜେରାଜା ବାର୍ସା ତାକି ବାର୍ସା ଏ ରଣ୍ଡିଏ ରଲେଡି ପୂଜା କିହିମାନାକି ପ୍ରାତାନା କିନାରାକ୍ ଏଚେଲାଝା ତୀରି କିହାଲି ଆଡଅରି □

୨ ଏଲେକିହ୍ ମାହାପୁରୁତି ସେବା କିନାରି ସାତେଏ ପାପୁଟି ନରଞ୍ଜି ଆଡିହ୍ ମା, ଆଡିହ୍ ଏଞ୍ଜାରି ଅଡେ ଜାହାରାକ୍ ପାପୁ ଗାଟାତମି ଇଞ୍ଜ୍ ଅଣ୍ପାଆତେରିମା, ଅଡେ ବାରେ ପୂଜା କିନାୟି ତୁଜିତେମା □

୩ ସାମା ଏଲେକ୍ ଆଆନା ବାର୍ସା ତାକି ବାର୍ସା ପୂଜା କିହିମାନାକି ମାଣ୍ଡସିକ୍ ତାନି ପାପୁତି ଅଣ୍ପି କିଞ୍ଜିଆହିମାନେ □

୪ ଇଡିହ୍ ବାଟା କଡ଼ିତି ନେତେରି ଆପେ କି ଗରିଡି ନେତେରି ଆପେ ଏଦି ଏଚେଲାଝା ମା ପାପୁ ମେକ୍‌ହାଲି ଆଡେଏ □

୫ କ୍ରୀସ୍ତ ଦାର୍ତ୍ତିତା ଝାହାନା ଏଲେଇଞ୍ଜାମାଚେସି, “ନାନୁ ପୂଜା ଅଡେ ଦାନା ହାନାଣି ରାହାଁ ଆଆଡି, ସାମା ନାନୁ ନାଜେତାକି ର ଆଜା କେପିଡି;

୬ ପାପୁତି ମେକ୍‌ହାଲି ନାନୁ ହିରୁତା ହୁଡିନି ପୂଜା ଅଡେ ଜନ୍ତ ଡାକିନାଣି ରାହାଁ ଆଆଡି □

୭ ଏଚିବେଲା ନାନୁ ଏଲେଇଚେଏଁ, ମାହାପୁରୁ, ନାନୁ ଇମ୍ବାଆଁ ମାକ୍, ନୀ ଅଣ୍ପୁତି କାମା କିହାଲି, ଏନିକିହ୍ ସାସ୍ତେରିତା ନା କାତା ରାସ୍‌କି ଆହାମାନେ □”

୮ ଏଞ୍ଜାସି ତଲିଏ ଝେସ୍ତେସି, “ନାନୁ ମାଣ୍ଡସିତି ପାପୁ ମେକ୍‌ହାଲି ପୂଜା କିନାଣି, ଦାନା ଇଞ୍ଜା ଜନ୍ତୁତି ହିରୁତା ହୁଡିନାଣି ଅପିହିଲଅତି; ଏ ବାରେ ନିଜେ ରାହାଁ କିୟାଲି ଆଡେଏ □” ଇ ବାରେ ପୂଜା ମେରାଲେହେଁ କିଞ୍ଜି ଆହାମାତି ଜିକେଏ,

୯ ଅଡେ ଜିକେଏ ଏଞ୍ଜାସି ଏଲେଇଚେସି, “ମାହାପୁରୁ ମେହ୍‌ମୁ, ନାନୁ ନୀ ମନଲେହେଁ କାମା କିହାଲି ଝାହାମାକ୍” ଏଦାଆଁତାକି ମାହାପୁରୁ ଇ ବାରେ ପୂଜା ଅପାଆନା, ଏଦାଣି ପିସାନା କ୍ରୀସ୍ତୁତି ପୂଜା ଅପିତେସି □

୧୦ ଜୀସୁ କ୍ରୀସ୍ତ ରଣ୍ଡିଏ ଦେବା କାଲାକାଲାତାକି ତାନି ଆଜାତି ହେରପାନା ମାହାପୁରୁତି ମନତଲେ କାମା କିହାଲିଏ, ତାନି ଏ ପୂଜାଟି, ମାର ବାରେ ଜାଣାତାୟି ପାପୁଟି ଗେଲ୍ପି ଆହାନା ସୁଦୁ ଗାଟାତାୟି ଆହାମାନାୟି □

୧୧ ଅଡେ ଜିକେଏ ବାରେ ଜୀହୁଦି ପୂଜେରାଜା ବାରେଦିନା ସେବା କାମା କିହାଲି ଅଲେ ଅଲେ ରଲେଏଡି ପୂଜା ହାହାଲି ନିନେରି; ଇ ବାରେ ଏଚେଲା ପାପୁ ମେକ୍‌ହାଲି ଆଡେଏ □

୧୨ ସାମା କ୍ରୀସ୍ତ ପାପୁ ତାକି ରଣ୍ଡିଏ ଦେବା ତାଜେ ପୂଜା ଅହାଲି ହେରପାକତିତି ତାୟୁ କାଲେଏତାକି ମାହାପୁରୁ ଚିଃନି ଚଟତା କୁରିତେସି;

୧୩ ମାହାପୁରୁ ତାନି ସାତୁୟାକ୍ ଏଞ୍ଜାଣି କତାୟାଁ ଡଇ ଇଟାଆ ପାତେକା ଏଞ୍ଜାସି ଏମ୍ବାଆଁ କାଟିମାନେସି □

୧୪ ଇଡିହ୍ ଝାରିକ୍ ରଣ୍ଡିଏ ପୂଜା ହାଡି ତାଣାଟି ଏଞ୍ଜାସି ପାପୁଟି ସୁଦୁ ଆହାମାନି ଲକୁକ୍ କାଲେଏ ତାକି ତୀରି କିହାମାନେସି □

୧୫ ସୁଦୁଜୀସୁ ଜିକେଏ ମାଜେ ସାକି ହାହାନା ଝେସିମାଞ୍ଜାନେ □

୧୬ ଇଡିହ୍ ପ୍ରୁ ଇ କାତା ଏଲେଇଞ୍ଜି ମାନେସି, “ଏ ଝାନ୍ତି ଦିନା ନାନୁ ଏଞ୍ଜାରିତଲେ ଆମିନି ପୁଃନି ରାଜିମାନା କିକ୍,

ଏଦି ଇଦି, ନାନୁ ଏଞ୍ଜାରି ହିୟାତା ମସାତି ମେରା ହାକ୍, ଇଞ୍ଜା ଏଞ୍ଜାରି ମନତା ଏ ବାରେ ରାଡିକ୍ □”

୧୭ ଅଡେ ଏଞ୍ଜାସି ଏଲେଇଞ୍ଜି ମାନେସି, “ନାନୁ ଏଞ୍ଜାରି ପାପୁ ଅଡେ ଲାଗେଏଡି କାମାୟାଁ ଏଚେଲାଝା ଝେଣ୍ଡେ ଅଣ୍ପଅଁ □”

୧୮ ଇଦାଆଁତାକି ବାରେ ପାପୁ ଦହ୍ ମେଣ୍ଡିସାରେ ଅଡେ ଏଚେଲାଝା ପୂଜା ହାହାଲି ଲଡା ଆଏ □

ମାହାପୁରୁ ତାଗେ ହାନାୟି

୧୯ ଏଦାଆଁତାକି ଏ ତାୟିୟାଁ ଅଡେ ତାଜିସ୍ତା, ଜୀସୁ ହାହାମାନାକି ମାର ସୁଦୁ ଚାୟୁତା ହଡାଲି କାଜା ଅଦିକାରା ବେଟା ଆହାମାନାୟି,

୨୦ ଏଞ୍ଜାସି ଲେଟାମାନି ତାନି ଆଜା ଲେହେଁଡି ଚାଟିନି ହିମ୍ପରି ତଲେ ମାଜେତାକି ର ପୁଃନି ଇଞ୍ଜା ନୀଡିନି ଜିରୁ ଦେଟାମାନେସି □

୨୧ ମାହାପୁରୁ ଇଲୁ ନୀର୍ଦ୍ଦୟ ମା କାଜା ପୂଜେରା ତାଣା ମାନେ,

୨୨ ଏଦାଆଁତାକି ଖାଦୁ, ମାର ସୁଦୁ ହିୟାଁ ଅଡେ ଆବ୍‌ଖା ନାମୁଟି ମାହାପୁରୁ ନକିତା ହାନ; ଇଚିହିଁ ମାର ନୀର୍ଦ୍ଦୟ ପାପୁ ଅଣ୍‌ପୁଟି ଅବ୍‌ଖି ଆହାମାନାୟି ଅଡେ ମା ଆଜା କ୍ରୀସ୍ତତି ନେତେରି ତଲେ ନରଝି ଆହାମାନେ □

୨୩ ମାର ଝେକ୍‌ହାମାନି ଆସା ବାର୍ସୁତି ବାଡ଼ୟୁ ତଲେ ଆହନ, ଏଦାଆଁତାକି ଇଚିହିଁ ମାହାପୁରୁ ଆଜ୍ଞାମାନେସି, ଏଞ୍ଜାସି ଟିକାଣାତାସି;

୨୪ ଅଡେ ଜୀଝୁ ନଝି ଆହାଲି ଇଞ୍ଜା ନେହିଁ କାମା କିଝି କିହାଲିତାକି ରଅତାୟି ରଅଣାକ୍ ବାୟେମି କିହାଲି ମନ ହାନ,

୨୫ ଅଡେ ଆମ୍ବା ଆମ୍ବାଆରି ମାହାପୁରୁ କୁଲମି ପ୍ରାତାନାତା ରୁଣ୍ଡା ଆହାଲି ହେଲା ଆନେରି, ମାର ଏଲେକ୍ କିଆପ; ସାମା ରଅତାୟି ରଅଣାକ୍ ବାର୍ସୁ ହାଝିଆନ, ଏଦାଆଁତାକି ଇଚିହିଁ ପ୍ରୁ ଝାନି ଦିନା ତାଗେ ଝାହିମାନେ ଇଞ୍ଜା ମେସିମାନାୟି □

୨୬ ମା ନକିତା ସାତା ତଞ୍ଜା ଆଡ଼ି ଜେତ ମାର ପୁଞ୍ଜି ପୁଞ୍ଜିହିଁ ପାପୁ କିହିମାନାୟି, ଆଡ଼ିହିଁ ଏନି ପୂଜା ପାପୁଟି ଗେଲ୍‌ପାଲି ଆଡେତଏ,

୨୭ ଆଡ଼ିହିଁ ମାର ଝାହିମାନି କାଜା ନାହାୟି ନକିତା ମାହାପୁରୁକ୍ ଅପାଆଗାଟି ଲକୁ ତାକି ମାନି ହିରୁତା ନାସା ଆନାଣି ଆଜାନା ଡ଼ୟିନି ପିସ୍‌ପେ ମାଡ଼ି ଅଡେ ଏବ୍‌କା ଏନି ତଣ୍ଡୁ ହିଲେଏ □

୨୮ ଆମ୍ବାଆସି ମସା ମେରାତି ମାନଝି ଆଆସାରେ, ଏଞ୍ଜାସି କାର୍ମା ମେସ୍‌ପି ଆଆନା ରିଆରି କି ତାନି ଜାଣା ସାକି ତଲେ ଦହଗାଟାସି ଇଞ୍ଜା ପୁଞ୍ଜାନା, ଏଞ୍ଜାଣାକ୍ କାର୍ମା ମେହ୍‌ଆନା ହାନି ତଣ୍ଡୁ ହାଝିଆନେ □

୨୯ ଇଞ୍ଜା ଅଣ୍‌ପାଦୁ ଆମ୍ବାଆସି ମାହାପୁରୁ ମାରଏଣାକ୍ କଡ଼ା ଡ଼ଇ ଝିସାମାନେସି, ପୁଝନି ରାଜିମାନାତି ଆମିନି ନେତେରି ତଲେ ଏଞ୍ଜାସି ସୁଦୁ ଆହାମାଚେସି, ଏଞ୍ଜାଣାକ୍ ଉଣା ଇଞ୍ଜା ଅଣ୍‌ପାମାନେସି ଅଡେ କାର୍ମା ହାନି ଜୀଝୁଟି ଅପାହିଲଅସି, ଏଞ୍ଜାସି ଏଚେକା ହାରେଏ ତଣ୍ଡୁ ବେଟାଆଅସି □

୩୦ ଇଚିହିଁ ମାର ପୁଞ୍ଜାମାନାୟି, “ବାଦୁଲି ଅନାୟି ନା ଅଦିକାରା, ନାନୁ ତାନି କାମାତି ପାଡେୟି ହାକ୍” ଆମ୍ବାଆସି ଇ କାତା ଏଲେଇଞ୍ଜା ମାନେସି, ଏଞ୍ଜାଣାକ୍ ନାନୁ ପୁଞ୍ଜାମାକ୍, ଅଡେ ଜିକେଏ “ପ୍ରୁ ତାନି ଲକୁକ୍ ନାହାୟି କିନେସି □”

୩୧ ନାତାମାନି ମାହାପୁରୁ କେୟୁତା ହେରଝିନାୟି ଏଡ଼ି ହାରେକା ଆଜିହ୍‌ପେତାୟି □

୩୨ ସାମା ଉଜେଡ଼ି ମେସ୍ତି ତାୟୁ ଏଚିବେଲାତା ମାରୁ ହାରେକା ଦୁକୁ କସ୍ତ ବେଟାଆହାନା ହାରେଝି ଆହାହିଲଅଡେରି, ମାରୁ ଏ ତଲି କାଲାତି ଅଣ୍‌ପାଦୁ; ସାମା ମାରୁ ଏଚେଲାଝା ହାରେଝି ଆହା ହାଲଅଡେରି □

୩୩ ରକଝାକି ଅପାଆ ଗାଟାଡେରି ଅଡେ କସ୍ତତା ଲାଜା କିଝିଆହିମାଚେରି, ଅରଝାକି ଏଲେକିହିଁ ଏ ମାହାପୁରୁ

ଲେସିମାନି ଲକୁତଲେ ଆଣ୍ଡିମାଚେରି □

୩୪ ଇଚିହିଁ ମାରୁ କାୟିଦି ଗାଟାରି ତଲେ ଆଣ୍ଡାନା ଦୁକୁ ବେଟା ଆହାମାଚେରି, ଅଡେ ମିଙ୍ଗେ ମୀ ହାରେକା ନେହିଁ କାଲେଏତି ବାଡ଼କୁ ମାନେ, ଇଦାଆଁ ପୁଞ୍ଜାନା ରାହାତଲେ ମୀ ଦନ ମାଣ୍ଡାତା ଅନାଣି ମାରୁ ଅରହିମାଚେରି □

୩୫ ଇଦାଆଁତାକି ମାରୁ, ମୀ ସାସା ପିହ୍‌ଆଦୁ ଇଚିହିଁ ଏମ୍ବାଟି ହାରେକା ଦାନା ମାନେ □

୩୬ ମାହାପୁରୁଟି ଅଣ୍‌ପୁ ପୂରା କିହାନା ଏଞ୍ଜାସି ଆଜ୍ଞାମାନାଣି ବେଟାଆହାଲି ଆଡ଼ିଦେରି, ଏଦାଆଁତାକି ମାରୁ ସାସା ଆସାନା ଡ଼ୟାଦୁ □

୩୭ ଇଚିହିଁ ଦାର୍ମୁପତିତା ରାସ୍‌କି ଆହାମାନେ,

“ଇଚିହିଁ ହାରେକା ଉଣା ବେଲା ମାନେ, ଆମ୍ବାଆସି ଝାନାୟି ମାନେ, ଏଞ୍ଜାସି ଝାନେସି; ଅଡେ ଏଞ୍ଜାସି ଝେଡ଼ା କିଅସି □

୩୮ ନା ଦାର୍ମୁଟି ମାଣ୍ଡସି ନାମୁତଲେ ନୀଡ଼ିନାସି, ସାମା ଆମ୍ବାଆସି ନା ତାଣାଟି ଗୁଟା ଆନେସି, ଆଡ଼ିହିଁ ଏଞ୍ଜାଣି ତାଣା ନା ଜୀଝୁ ରାହାଁ ଆଏ □”

୩୯ ସାମା ଆମ୍ବାଆରି ନାସା ଆହାଲି ଝେଣ୍ଡେ ଗୁଟା ଆନେରି, ମାମ୍ବା ଏଞ୍ଜାରି ଗଚିତି ଲକୁ ଆଏ, ସାମା ଆମ୍ବାଆରି ଜୀଝୁଟି ଗେଲ୍‌ପି ଆହାଲି ନାମିନେରି, ମାମ୍ବା ଏଞ୍ଜାରି ଗଚିତି ଲକୁତମି □

୧୧

ନାମୁ

୧ ନାମୁ ଇଚିହିଁ ଆସା କିହିମାନାଣି ବାରେ ସାତେଏ ବେଟାଆନାୟି, ଇଞ୍ଜା ତଞ୍ଜାଆଆଗାଟାୟି ସାତେଏ ମାନେ ଇଞ୍ଜା ପୁନାୟିଏ ନାମୁ □

୨ ତଲିତି ମା ଆକୁୟାଁ ମାହାପୁରୁକ୍ ନାମାଲିଏ ମାହାପୁରୁ ତାଣା ଝେଙ୍ଗିତେରି □

୩ *ମାର ନାମୁଟି ପୁନାୟି, ବାରେ ଦାର୍ଡି ମାହାପୁରୁଟି ବଲୁ ତଲେ ଗାଡ଼ି ଆଡେ, ଅଡେ ଏନାୟିଝା ତଞ୍ଜା ଆଆଗାଟି ତାଣାଟି ତଞ୍ଜା ଆନାୟି ଗାଡ଼ି ଆହା ହିଲେଏ □

୪ ନାମୁଟି ହେବଲ ମାହାପୁରୁ ନକିତା କୟିନ କିହାଁ ନେହିଁ ପୂଜା ହେରପିତେସି ଇଞ୍ଜା ଏଦାଣି ତଲେ ଏଞ୍ଜାସି ଦାର୍ମୁଗାଟାସି ଆଡେସି; ମାହାପୁରୁ ତାନୁଏ ତାନି ଦାନାତାକି ସାକି ହାତେସି, ଅଡେ ଏଞ୍ଜାସି ହାଡ଼ି ଜିକେଏ ନୀଞ୍ଜୁପାତେକା ନାମୁଟି କାତା ଆହିମାନେସି □

୫ ନାମୁଟି ହନକ ହାଆନା ମାହାପୁରୁ ତାଣା ଅଝିଆଡେସି ଇଞ୍ଜା ମେଣ୍ଡିକିତେସି; ଅଡେ ଏଞ୍ଜାସି ତଞ୍ଜା ଆଆଡେସି, ଇଚିହିଁ ମାହାପୁରୁ ଏଞ୍ଜାଣାକ୍ ଅହାନା ମେଣ୍ଡିକିତେସି, ଏଞ୍ଜାସି ମାହାପୁରୁଟି ରାହାଁ ଗାଟାସି, ମେଣ୍ଡିକିନି ନକେଏ ଏଞ୍ଜାସି ଏ କାତା ଝେଞ୍ଜାମାଚେସି;

୬ ଅଡେ ନାମୁ ହିଲାଆନା ଆମ୍ବାଆସି ମାହାପୁରୁକ୍ ରାହାଁ କିହାଲି ଆଡ଼ଅସି, ଇଚିହିଁ ମାହାପୁରୁ ସାତେଏ ମାନେସି ଇଞ୍ଜା, ଅଡେ ଏଞ୍ଜାସି ତାଙ୍ଗେ ପାରିନାରାକ୍ ତାନି କିତି

କାମାତି ପାଠେଇଁ ହୀନେସି, ଇଦାଆଁ ଏଞ୍ଜାଣି ତାଣା ଖାନି ଲକୁ ନାନିନାୟିମାନେ □

୭ ନାମୁଟି ନହ ଏ ବେଲା ପାତେକା ତଞ୍ଜା ଆଆଗାଟି କାତାତାକି ହୁକୁମି ବେଟାଆହାନା ଆଜିତଲେ ତାନି କୁଟମି ଗେଲ୍‌ପାଲିତାକି ର ଜାଜା କେପିତେସି, ଇଞ୍ଜା ଏ ନାମୁତଲେ ଏଞ୍ଜାସି ଦାରତିତି ଦହ କିହାନା ନାମୁତଲେ ମାହାପୁରୁ ନକିତା ଦାମ୍‌ଗାଟାସି ଆଡେସି □

୮ ନାମୁଟି ଅବ୍ରାହାମ ମାହାପୁରୁ ତାଣାଟି ହାଟ୍‌କି ଆହାଲିଏ, ଆମିନି ଦେସା ଏଞ୍ଜାସି ବେଟାଆହାଲି ହାଜିମାରେସି, କାତା ମାନଞ୍ଜି ଆହାନା ଏମ୍‌ଆଁ ହାଜାଲି ହଡେସି, ଏଞ୍ଜାସି ଏମ୍‌ୟା ହାଜିମାନେସି, ଏଦାଆଁ ଏଞ୍ଜାସି ପୁନାଆନା ଜିକେଏ ହଡାହାରେସି □

୯ ନାମୁଟି ଏଞ୍ଜାସି ଏଟକା ଦେସାତାରିଲେହେଁ ଆଞ୍ଜାମାନି ଦେସାତା ବାସା କିତେସି, ଏଞ୍ଜାସି ତୁମୁତା ବାସା କିତେସି ଅଡେ ଏଞ୍ଜାଣିଲେହେଁ ମାହାପୁରୁ ଆଞ୍ଜାଲିଏ ଇସାହାକ ଅଡେ ଜାକୁବ ଜିକେଏ ତୁମୁ ଇଲୁତା ବାସା କିତେରି □

୧୦ ଇତିହ୍ ଆମିନି ଗାଡ଼ା କାଲେଏ ତାକି ପୁନାଦି ଲେହେଁ ଅଡେ ମାହାପୁରୁ ତାନୁଏ କେପାମାନେସି, ଅବ୍ରାହାମ ଏ ଗାଡ଼ା ବେଟାଆହାଲି କାଟାମାରେସି □

୧୧ ନାମୁତଲେ ସାରା ବାଞ୍ଜେଣି ଆହାଁ ତାନୁଏ ଜିକେଏ ଆଞ୍ଜାମାନାଣାଲ୍ ଦୁତି ବୁଡ଼ହି ଆହାମାଟି ଜିକେଏ ପୁରାମାସା ଆହାଲି ବାଡ଼ୁଲୁ ବେଟାଆଡେ;

୧୨ ଅବ୍ରାହାମ ଦୁତି ବୁଡ଼ହା ଆହାମାଟି ଜିକେଏ ଏଞ୍ଜାଣି ତାଣାଟି ହାଗୁତି ହୁକାୟାଁ ଅଡେ ସାମ୍‌ଦୁରିତି ବାଞ୍ଜାଲି ଲେହେଁ ଏଜିକିହାଲି ଆଡାଆଗାଟି ର ହାରେକା କୁଡ଼ା ଜାନ୍‌ଆଡେରି □

୧୩ ଏ ବାରେଜାଣା ମାହାପୁରୁଲ୍ ନାମାହାଁ ହାଡେରି; ଏଞ୍ଜାରି ମାହାପୁରୁ ଆଞ୍ଜାମାଟାଣି ପୁଞ୍ଜାଆତି ଜିକେଏ ହେକଟି ଏ ବାରେ ମେସାନା ରାହାଁ ଆଡେରି ଇଞ୍ଜା ଦାରତିତା ମାମ୍‌ବୀଦେସା ଅଡେ ବାସା କିହାମାନମି ଇଞ୍ଜା ଜଲିତେରି □

୧୪ ଇତିହ୍ ଆମିନି ଗାଟାରି ଇଲେତି କାତା ଜଲିନେରି, ଏଞ୍ଜାରି ତାନି ଅଡେ ର ଦେସା ପାରିମାନେରି ଇଞ୍ଜା ଖେସିମାନେରି □

୧୫ ଏଞ୍ଜାରି ଆମିନି ଦେସା ପିସା ଖାହାମାରେରି, ଏ ଦେସାତି ଅଡେ ଅଣ୍‌ପି ହିଲାଆଡେରି □ ଏଞ୍ଜାରି ଅଣ୍‌ପିତିହ୍‌ମା ଏ ଦେସାତା ଖେଣ୍ଟେ ହାଜାଲି ଆଡିତେରିମା □

୧୬ ସାମା ଏଞ୍ଜାରି ର ହାରେକା ନେହାଁଣି ଇତିହ୍ ଲାକପୁରୁ ଦେସାତି ଅଣ୍‌ପିମାରେରି; ଏଦାଆଁତାକି ମାହାପୁରୁଲ୍ ଏଞ୍ଜାରି ମା ମାହାପୁରୁ ଇଞ୍ଜା ଖେଜି କିହାଲି ଲାଜା ଆହା ହିଲାଆଡେରି, ଇତିହ୍ ଏଞ୍ଜାସି ଏଞ୍ଜାରି ତାକି ର ଗାଡ଼ା ତୀରି କିହାମାନେସି □

୧୭ ନାମୁତଲେ ଅବ୍ରାହାମ ତାୟିପାରି କିଞ୍ଜିଆହାଁ ଇସାହାକଲ୍ ପୂଜା କିହାଲି ହେରପିତେସି, ଆମିନି ମାଣସି ଆଞ୍ଜାମାଟାଣି ମେଡ଼ା ଆହାମାରେସି, ଆମ୍‌ଆରାଲ୍ ଏଲେଇଞ୍ଜାମାରେସି,

୧୮ “ଇସାହାକ ତାଣାଟି ନୀ କୁଡ଼ା ଖେଜିନେରି, ଏ ମାଣସି ତାନି ରଣ୍‌ପିଏ ମୀରଏଣାଲ୍ ଡାକିନି ପୂଜା ହାହାଲି ହାଜିମାରେସି □”

୧୯ ଇସାହାକଲ୍ ମାହାପୁରୁ ହାଡାରି ତାଣାଟି ଜିକେଏ ନିକହାଲି ଆଡିନେସି ଇଞ୍ଜା ଅଣ୍‌ପାମାରେସି, ଇଞ୍ଜା ଅବ୍ରାହାମ ସାତେଏ ଇସାହାକଲ୍ ହାକିଟି ଖେଣ୍ଟେ ବେଟାଆଡେସି □

୨୦ ନାମୁତଲେ ଇସାହାକ ଖାହିନି ଦିନାତା ନେହ୍ ଆପେ ଇଞ୍ଜା ଅଣ୍‌ପାନା ଜାକୁବ ଅଡେ ଏସାଞ୍ଜୁଲ୍ ବର ହାଡେସି □

୨୧ ନାମୁତଲେ ଜାକୁବ ହାନି ବେଲାତା ଜସେପତି ରୀ ମୀରକାଣି ବର ହାଡେସି, ଇଞ୍ଜା ତାନି କୁଡ଼ା ବାଡ଼ଗାତା ଗେଣ୍ଡାନା ମାହାପୁରୁଲ୍ ଜହରା କିତେସି □

୨୨ ଜସେପ ହାନି ବେଲାତା ନାମୁତଲେ ଇସ୍ରାୟେଲ ଲକୁ ମିସର ଦେସାଟି ହଡାହାନି କାତା ଖେସୁସି □ ଇଞ୍ଜା ତାନି ପେଡ଼କା ତୁମ୍‌କା ତାକି ହୁକୁମି ହାଡେସି □

୨୩ ନାମୁତଲେ ମସାତି ତାଲି ତାଞ୍ଜି ଏଞ୍ଜାଣି ଜାନ୍‌ଆଡି ଦିନାଟିଏ ଏଞ୍ଜାଣାଲ୍ ର ଅଜିତି କକାସି ଇଞ୍ଜା ମେସାନା ରାଜା ହୁକୁମି ଆଜାଆନା ତାନି ଲେଞ୍ଜୁ ପାତେକା ଏଞ୍ଜାଣାଲ୍ ଡକୁହାନା ଇଟାମାରୁ □

୨୪ ମସା ନାମୁତଲେ ପାତାଆଡି ଡାୟୁ ପାର ରାଜା ମାଞ୍ଜାଟି ମୀରଏସି ଇଞ୍ଜା ଖେଜାଲି କୁଡେସି □

୨୫ ଗାଡ଼େକା ତାକି ପାପୁ ତଲେ ରାହାଁ ବେଟାଆନାଣି କିହାଁ ମାହାପୁରୁ ଲକୁତଲେ ଦୁକୁ କସ୍ ଅରହିନାୟି ନେହାୟି ଇଞ୍ଜା ଅପିତେସି □

୨୬ ବାରେ ମିସର ଦେସାତି ଦନ କିହାଁ କ୍ରୀସ୍ତୁତି ନିନ୍‌ଆ ବେଟାଆନାୟି ବାରେକିହାଁ କାଜା ଦନ ଇଞ୍ଜା ଅଣ୍‌ପିତେସି, ଇତିହ୍ ଏଞ୍ଜାସି ଖାନି ଦିନାଣା ବେଟାଆନି ଦନତି ସିନିକିତେସି □

୨୭ ମସା ନାମୁତଲେ ରାଜା କପାତି ଆଜାଆନା ମିସର ଦେସା ପିସାହାରେସି, ଇଞ୍ଜା ଆମ୍‌ଆସି ମେହ୍‌ଆଗାଟି ମାହାପୁରୁଲ୍ ମେସିଲେହେଁ ଅରହାନା ଡୟିତେସି □

୨୮ ନାମୁତଲେ ଏଞ୍ଜାସି ପିସ୍‌ପିଆନି ପାର୍ବୁତି ଅଡେ ନେତେରି ତାଞ୍ଜିନି ମେରା ମାନଞ୍ଜି ଆଡେସି, ଏନିକ୍ ପାଣ୍‌ଖା ମୀରକାଣି ପାୟିନାୟି ଇସ୍ରାୟେଲ ମୀରକାଣି ତୀଗେଏ □

୨୯ ଇସ୍ରାୟେଲ ଲକୁ ନାମୁତଲେ ଖାୟିତି ବୁମିତା ତାକିନି ଲେହେଁ ସୁପ ସାମ୍‌ଦୁରି ଗାଣ୍‌ତେରି, ସାମା ମିସର ଦେସାତାରି ଏଲେକ୍ ଗାଣ୍‌ତାଲି ଅଣ୍‌ପାନା ସାମ୍‌ଦୁରିତା ମୁଞ୍ଜାନା ହାଡେରି □

୩୦ ଇସ୍ରାୟେଲ ଲକୁ ନାମୁତଲେ ସାତା ଦିନା ପାତେକା ଜିରିହ ଗାଡ଼ାଟି କଟା ସାରିସୁଟୁ ରେଚିତାୟି ବିଡ଼ହାହାରେ □

୩୧ ନାମୁତଲେ ରାହାବ୍ ଦାରେଣି ଦେସା ସିନିକିହାଲି ମେଣେଏ ଖାହାମାଟାରାଲ୍ ଗାୟୁ ହୀତାକି ମାହାପୁରୁଲ୍ ମାନଞ୍ଜି ଆଆଗାଟାରି ତଲେ ନାସା ଆଆନା ହିଡ଼ି ବେଟାଆଡେ □

୩୨ ଅତେ ଆଗାଡ଼ା ଏନାଆଁ ଖେସ୍ତାଇଁ, ଗିଦିୟନ, ବାରକ୍, ସାମ୍ବନ୍, ଜିପ୍ତହ, ଦାହୁଦ, ସାମୁୟେଲ ଅତେ ମାହାପୁରୁ ଅଶ୍ପୁତି ବଲୁ ଖେହ୍ନାରି କାତା ମିଙ୍ଗେ ଖେସାଲି ବେଲା ହାଲେଏ ।

୩୩ ନାମୁତଲେ ଏଝାରି ହାରେକା ରାଜିୟାଣି ଜୁଜୁ କିହାନା ଜୀଣା ଆଡେରି, ଦାମ୍ବୁକାମା କିତେରି, ମାହାପୁରୁ ଆଞ୍ଜାମାନାଣି ବେଟାଆଡେରି, ସିଃହ୍ କ୍ଲୀଠନିୟାଁ ଗୁତି ମୁଦା କିତେରି ।

୩୪ ଏଝାରି ଆଜିହପେତି ତାଞ୍ଜିନି ହିରୁ ତୁପହେରି, ଟୁଣ୍ଡି ତାଣାଟି ପିସ୍ପିଆଡେରି, ଏଝାରି ବାଡ଼ୟୁ ହିଲାଆ ବେଲାତା ବାଡ଼ୟୁ ବେଟାଆଡେରି, ଜୁଜୁତା ଜୀଣା ଆଡେରି, ଅତେ ମାହାପୁରୁଇଁ ନାମାଆତାରି ଜୁଜୁକିନି କସ୍କାଣି ଜୀଣାଆହାନା ପେରହାତୁସ୍ତେରି ।

୩୫ ନାମୁତି ଆୟାସିକା ତାମି ଲକୁ ବିତ୍ରାଟି ହାଡ଼ାରାଇଁ ନିପୁକି ଆହାନା ଖେଣ୍ଡେ ବେଟାଆଡ଼ୁ; ଏତରଜାଣା ଖେଣ୍ଡେ ନିଜିନାଣି ମେଡ଼ା ଆହାଲିତାକି ଗେଲ୍ପି ଆହାଲି ମନ କିଆନା ଆଜିହପେତି କସ୍ତ ବେଟାଆଡେରି ।

୩୬ ଏତର ଜାଣାଇଁ ନିନ୍ଦା କିହାନା କାକ୍ହେରି, ଏତର ଜାଣାଇଁ ସାଟ୍ଟି ତ:ରି ତଲେ ଖେତେରି, ଏତର ଜାଣାଇଁ ହିକ୍ଟିୟାଁ ତଲେ ଦସାନା କାୟିଦି ଇଲୁଟି ତାୟିପାରି କିଝି ଆଡେରି ।

୩୭ ଆମ୍ବାଆରି ଝାଲକାତଲେ ପାୟୁଝି ଆଡେରି, ଆମ୍ବାଆରି କର୍ତ୍ତ ତଲେ ରୀ ଗାଣ୍ଡୁ। କିହ୍ ରାଡ଼ପିଆଡେରି, ଇଞ୍ଜା କାଣ୍ଡାତଲେ ପାୟୁଝି ଆଡେରି, ଆମ୍ବା ଆମ୍ବାଆରି ମେଣ୍ଡା ଅତେ ଗରି ତଲକା, ହୁଚାନା ରାନ୍ଦାକୁଚା ବେଟାଆଆନା କସ୍ତ, ଲାଗି ବେଟାଆହ୍ ଇତାଲା ଆତାଲା ରେତେରି ।

୩୮ ଏଝାରି ଦେସାଟି ଲକୁ ହିଲାଆ ତାଣା, ହରକାଣା, ପାଝୁୟାଣା ଅତେ ଗାଣ୍ଡାଣା ବାସା କିତେରି; ଦାର୍ଡିତା ଏଝାରାକି ନୀତାଲି ଜଗେ ହିଲାଆତେ ।

୩୯ ଏଝାରି ନାମୁତଲେ ଇ ବାରେ ନେହ୍ ଖେଙ୍ଗାମାତି ଜିକେଏ ଆଞ୍ଜାମାତାଣି ବେଟାଆଆଡେରି,

୪୦ ଇତିହ୍ ମାହାପୁରୁ ମାଙ୍ଗେତାକି ହାରେକା ନେହ୍ଣାଣି କିହ୍ ଇଟାମାନେସି, ଏନିକ୍ ଏଝାରି ମା ତଲେ ଏନିକ୍ ତାରି ଆନେରି ଇଞ୍ଜା ମାହାପୁରୁତି ଅଶ୍ପୁ ମାତେ ।

୧୨

ମାହାପୁରୁ ମା ଆବା

୧ ଇଦାଆଁତାକି ଇତେକା କାଜା ହାଗୁଲେହେଁ ସାକି ହାହାମାନାରି ମା ସାରିସୁରୁ ମାନାକି, ଝାଦୁ ମାର ବାରେତି ବଜୁ ଅତେ ଆଙ୍ଗାମାଞ୍ଜାନି ପାପୁ ପିସାନା ନାମୁତା ନକିନାସି ଅତେ ତାରିକିନି ଜୀସୁଇଁ ସିନିକିହାନା ସାସାତଲେ ମା ନକିତା ତାରିଆହାମାନି ଟାୟୁତା ହାଣନ ।

୨ ମା ନାମୁ ତାକି ନକିନାସି ଅତେ ନାମୁତା ବାସୁକିନି ଜୀସୁଇଁ ମାର ସିନିକିନ । ଏଝାସି ନକିତା ମାନି ରାହ୍ ବେଟାଆହାଲି ପାସି ମୁଣ୍ଡାତା ଲାଜା ବେଟାଆହାନା ହାନ୍ତି

ପାତେକା ଅର୍ହତେସି ଇଞ୍ଜା ଏଝାସି ନୀର୍ବ ମାହାପୁରୁତି ସିଂଗାସାଣି ଟିଃନି ଟଟତା କୁଗାମାନେସି ।

୩ ମୀରୁ ଏନିକ୍ ମୀ ମନତା ଝାହୁ ଝାହୁଅତେରି; ଇଦାଆଁତାକି ପାପୁ ଗାଗାରି ତାଣାଟି ତାନି କପାଟି ଏତେକା କସ୍ତ ଅର୍ହତେସି, ଏଝାଣି କାତା ମୀରୁ ଅଶ୍ପାଦୁ ।

୪ ମୀରୁ ପାପୁ କପାଟି ଜୁଜୁ କିହାନା ନୀର୍ବ ପାତେକା ମୀ ନେତେରି ହାନି ପାତେକା ଆଙ୍ଗା ହିଲଅତେରି ।

୫ ମାହାପୁରୁ ମିଙ୍ଗେ ମୀରକାତେରି ଲେହେଁ ଖେସାମାଞ୍ଜାନି, ସାସାହାନି କାତା ବାଣାଆଡେରି କି ?

“ଏ ନା ମୀରଏଣାଟି, ପ୍ରବୁ ସାଲଝି କିୟାନାଣି ଉଜେଏତାୟି ଇଞ୍ଜା ଇନାଆନି, ଆଆତ ଏଝାଣି ତାଣାଟି ଦାକା ବେଟାଆଡ଼ିସାରେ ସାସା ପିହ୍ଆନି;

୬ ଏନାଆଁତାକି ଇତିହ୍ ପ୍ରବୁ ଆମ୍ବାଆରାଇଁ ଜୀଝୁ ନନେସି, ଏଝାଣାଇଁ ଜାଗ୍ରାତା କିହ୍ ଜାପ୍ନେସି ଅତେ ଆମିନି ମୀରଏଣାଇଁ ଆବିନେସି, ଏଝାଣାଇଁ ସାସି ହାନେସି ।”

୭ ନେହ୍ଣାତେରି ଆହାଲି କସ୍ତ ଅର୍ହି ମାଞ୍ଜେରି, ମାହାପୁରୁ ମିଙ୍ଗେ ମୀରକା ଲେହେଁ ଲେମ୍ବିମାଞ୍ଜାନେସି, ଇତିହ୍ ଆବା ଆମ୍ବାଆରାଇଁ ତଣ୍ଡ ହୀଅସି ଇଲେତି ମୀରଏସି ଆମ୍ବାଆସି ମାନେସି ?

୮ ସାମା ଆମିନି ତଣ୍ଡତା ବାରେ ଆଣ୍ଡିନେରି, ଇଞ୍ଜା ମୀରୁ ଏମ୍ବାଆଁ ଆଣ୍ଡାଆତାତେରି, ଆତିହ୍ ମୀରୁ ମୀରକା ଆଆନା ଦାରେଣି ମୀରକା ଆଦେରି ।

୯ ଅତେ ଜିକେଏ, ମା ଦାର୍ଡିତି ତାଞ୍ଜିୟାଁ ମାଙ୍ଗେ ସାସି ହାୟାତି ଜିକେଏ ଏଝାରାଇଁ ମାର ମାନି କିତାୟି, ଆତିହ୍ ମା ଲାକପୁରୁତି ଆବାଇଁ ଏତେ ହାରେକା ମାନଝି ଆହାନା ଜୀଝୁ ବେଟା ଆଆୟି ?

୧୦ ମା ଦାର୍ଡିତି ତାଞ୍ଜିୟାଁ ତାମି ଅଶ୍ପୁତା ନେହ୍ ଆନିଲେହେଁ ମାଙ୍ଗେ ଗାଡ଼େକା ଦିନାତାକି ସାସି ହିୟାତେରି; ସାମା ମାର ଏନିକ୍ ମାହାପୁରୁତି ସୁଦୁତା ଆଣ୍ଡାଲି ଆଡ଼ିନାୟି, ଇଦାଆଁତାକି ମାହାପୁରୁ ମା ନେହ୍ ତାକି ମାଙ୍ଗେ ତଣ୍ଡ ହିୟାନେସି ।

୧୧ ମାର ସାସି ବେଟାଆନାୟି ରାହ୍ଗାଗାୟି ଆଆନା ଦୁକୁ ଗାଗାୟି ଆନେ, ଆଡ଼ିଜିକେଏ ଆମିନି ଗାଗାରି ଏମ୍ବାଟି ଜାପାମାନେରି, ତାୟୁ ଏଝାରାକି ହିଡ଼ିତି ପାଡ଼େୟି ଲେହେଁ ଦାମ୍ବୁତି ପାଡ଼େୟି ବେଟାଆନେରି ।

ଖେହ୍ନାୟି ଇଞ୍ଜା ଜାଗ୍ରାତା କିନାୟି

୧୨ ଇଦାଆଁତାକି ମୀରୁ ବାଡ଼ୟୁ ହିଲାଆ କେସ୍ତା ପେର୍ଦୁ ଅତେ ବାଡ଼ୟୁ ହିଲାଆ ମେଣ୍ଡାୟାଁ ବାଡ଼ୟୁ କିଦୁ ।

୧୩ ସଲକେ ଜିରୁତା ତାକାଦୁ; ଆତିହ୍, ମୀ ସଟା ଆଡ଼ି କତା ଆଡ଼ାଆଗାଗାୟି ଆଆନା ନେହ୍ ଆନେ ।

୧୪ ବାରେଜାଣା ତଲେ ହିଡ଼ି ତଲେ ମାଞ୍ଜାଲି ଅଶ୍ପାଦୁ, ଅତେ ସୁଦୁଗାଗାସି ଆଆନା ଆମ୍ବାଆସି ପ୍ରବୁଇଁ ମେସାଲି ଆଡ଼ଅସି, ଏମ୍ବାଆଁ ତୀରେତଲେ ସିନିକିଦୁ ।

୧୫ ଏତେତା ଆମ୍ବାଆସି ମାହାପୁରୁତି କାର୍ମାମେହନି ତାଣାଟି ନସ୍ତୁ ଆନେସି ଇଞ୍ଜା ଏନି କାମ୍ବେଲି ତାକି ନେୟାନା ପାତା ଆହାଁ ମିଙ୍ଗେ ନସ୍ତୁ କିୟାନେ ଅଡେ ଏମ୍ବାଟି ହାରେକା ପଲ୍ଲଆ ଗାଟାରି ଆନେରି;

୧୬ ଏସାଝୁ ଲେହେଁ ଆମ୍ବାଆସି ଦାରିଗାଟାସି କି ଦାମ୍ବୁ ହିଲାଆଗାଟାଣି ଲେହେଁ ଆଆପେସି; ଏଝାସି ର ଅଲିତି ରାନ୍ଦା ତାକି ତାନି କାଜା ମୀରଏଣି ପାଣା ପାରଟା ମାତେସି □

୧୭ ମୀରୁ ଏଦାଆଁ ପୁଞ୍ଜାମାଞ୍ଜେରି, ତାୟୁ ଏଝାସି ଆବା ତାଣାଟି ବର ବେଟାଆହାଲି ଅଣ୍ଡପିତିହଁ ଜିକେଏ ବେଟାଆହାଲି ଆଡାଆତେସି, ଅଡେ ମନ ଝେଟହାଲି ତାକି କାଣ୍ଡୁ ବକ୍ତହଁ ପାରାଲି ଅଣ୍ଡପିତେସି ଆଡିଜିକେଏ ଏଦାଆଁ କିହାଲି ପାରୁ ବେଟାଆଆତେସି □

୧୮ ଇସାୟେଲତି ଲକୁ ଲେହେଁ ମୀରୁ ସିୟନ ହରୁତା ଡଞ୍ଜାମାଟି ହିରୁ, କିଟିକିଟି ଆନେରି, ରୁଝାଗାଲି,

୧୯ ତୀଡ଼ି ଉକିନି ହାଡ଼ା ଇଞ୍ଜା କାତା ଝେହନି ହାଡ଼ା ତାଗେ ଝାଆତେ, ଝେନାରି ଏ ହାଡ଼ା ଝେଞ୍ଜାନା ଏନିକଁ ଏଝାରାକି ଅଡେ ଏନି କାତା ଝେସ୍ପି ଆଏ, ଇଦାଆଁ ବାଟିମାଲ୍ଲା ମାଚେରି;

୨୦ “ଇଚିହଁ ଏନି ଜନ୍ତ ଜିକେଏ ଏ ହରୁତି ତୀଗିନେ, ଆତିହଁ ଏଦାନି ଝାଲ୍ଲକାତଲେ ଇରହାନା ପାୟିଝିଆନେ □” ଇ ଆମିନି ହୁକୁମି ହୀପକି ଆହାମାଚେ, ଏଦାଆଁ ଏଝାରି ଅରହାଲି ଆଡାଆତେରି;

୨୧ ଏଦି ଆଜିହପେ ତଞ୍ଜା ଆହିମାଚାକି ମସା ଜିକେଏ ଏଲେଇଚେସି, “ନାନୁ ଜିକେଏ ଆଜିତାକି ତୀରଗିମାଲ୍ଲ □”

୨୨ ସାମା ମୀରୁ ସିୟନ ହରୁ ଅଡେ ନୀତାମାନି ମାହାପୁରୁତି ଗାଡ଼ା, ଇଚିହଁ ଲାକପୁରୁତି ଜିରୁସାଲମତା, ହାରେକା ଦୂତୁୟାଁ ଝାହାମାଚେରି ଏମ୍ବାଆଁ ଝାହାମାଞ୍ଜେରି □

୨୩ ଅଡେ ଏ ପାଣ୍ଡା ମୀରକାତି କୁଲମି ଆମ୍ବାଆରି ଦରୁ ଲାକପୁରୁ ରାସ୍ତକି ଆହାମାନେ ଅଡେ ବାରେଡି ନୀହାଁୟି କିନି ମାହାପୁରୁ ନକିତା ତୀରିକିଝି ଆହାମାନି ଦାମ୍ବୁତି ଜୀଝୁୟାଁ □

୨୪ ପୁଞ୍ଜି ରାଜିମାନା ମାଦିତି ଜୀସୁ, ଇଞ୍ଜା ଆମିନି ଡଞ୍ଜାମାନି ତାନି ନେତେରି, ହେବଲ ନେତେରି କିହାଁ ହାରେକା ନେହଁ, ଏ ନେତେରି ତାଗେ ଝାହାମାଞ୍ଜେରି □

୨୫ ହେଣ୍ଡୁ, ଆମ୍ବାଆସି କାତା ଝେସିମାଞ୍ଜାନେସି ଏଦାଆଁ ଝେନଅମି ଇନାଆଦୁ, ଇଚିହଁ ଆମ୍ବାଆସି ଦାର୍ଡିତା ହୁକୁମି ହୀତେସି, ଏଝାଣାଲ୍ଲ ତାକି ଗେଲ୍ପି ଆଆତେରି, ଆତିହଁ ଆମ୍ବାଆସି ଲାକପୁରୁତି ହୁକୁମି ହୀହିମାଞ୍ଜାନେସି, ଏଝାଣି ତାଣାଟି ଏଟକା ହାଟିସାରେ ମାର ଗେଲ୍ପିଆଆୟି, ଇଦି ଏଚେକା ସାତା ଆଏ ?

୨୬ ଏଚିବେଲା ଏଝାଣି ହାଡ଼ା ଦାର୍ଡିଲ୍ଲ ଝୀଟ୍ଟହେ, ସାମା ନୀଏଁ ଏଝାସି ପାରମାଣା କିହାଁ ଝେସାମାଞ୍ଜାନେସି, “ନାନୁ ଅଡେ ଝେଣ୍ଡେ ଝାରଇ ଦାର୍ଡିଲ୍ଲ ଝୀଟ୍ଟଲ୍ଲ, ଏଦି ଆଏ ସାମା ହାଗୁ ପାକାଲ୍ଲ ଜିକେଏ ଝୀଟ୍ଟଲ୍ଲ □”

୨୭ ଅଡେ ଝେଣ୍ଡେ ଇଞ୍ଜାଁ ଇନି ତାଣାଟି ଇଦାଆଁ ପୁଞ୍ଜିମାନାୟି, ଆଟ୍ଟା ଗାଟାୟି ଡୟାଲି ତାକି ଝୀଡିନାୟି, ଇଚିହଁ ଗାଡ଼ି ଆହାମାନାୟି ବାରେ ତିରି ମୀଣ୍ଡନେ □

୨୮ ଇଦାଆଁତାକି ଝୀଦୁ ଝୀତାଆଗାଟି ରାଜିତି ବେଟାଆହାନା ମାର ଏ କାର୍ମାତି ପିହ୍ଆପ ଇଞ୍ଜା ରାହାତଲେ ଆଜି ଅଡେ ମାନିଟି ମାହାପୁରୁ ରାହାଁ ଆନିଲେହେଁ ଜହରା କିନ □

୨୯ ଏନାଆଁତାକି ଇଚିହଁ ମା ମାହାପୁରୁ ନାସାକିନି ହିରୁ ଲେହେଁତାସି □

୧୩

ମାହାପୁରୁଲ୍ଲ ରାହାଁ କିନାୟି

୧ କ୍ରୀସ୍ତାନା ତାୟିୟାଁ ଅଡେ ତାଲ୍ପିସ୍ତା ରଅତେରି ରଅଣାଲ୍ଲ ଜୀଝୁ ନଦୁ □

୨ ପୁନାଆତି ଗତାୟାଣି ସେବା କିହାଲି ବାଣା ଆଆଦୁ, ଇଚିହଁ ଏଲେକିତାକି ଏଚରଜାଣା ପୁନାଆନା ଲାକପୁରୁତି ଦୂତୁୟାଣି ସେବା କିହାମାନେରି □

୩ କାୟିଦିତା ମାନାରାଲ୍ଲ ମୀରୁ ଏଝାରିତଲେ କାୟିଦିତା ମାନି ଲେହେଁ ଅଣ୍ଡପାଦୁ ଇଞ୍ଜା ଆଙ୍ଗା ତଲେ ମାନାକି ଦୁକୁ କସ୍ତ ବେଟାଆହିମାନାରି ତଲେ ସମାନା ଦୁକୁ କସ୍ତ ବେଟାଆହାଲି ଅଣ୍ଡପାଦୁ □

୪ ବୀହା ବାରେ ଲକୁ ନକିତା ନେହାୟି ଆପେ, ଇଞ୍ଜା ତକ୍ତି ଅଡେ ତକ୍ତା ମାନି ତଲେ ଡୟାପୁ, ଏନାଆଁତାକି ଇଚିହଁ ମାହାପୁରୁ ଲାଗେଏତି କାମା ଅଡେ ଦାରିକାମା କିନାରାଲ୍ଲ ନୀହାଁୟି କିନେସି □

୫ ତାକିନି ତାକୁତା ଦନ ଜୁପକା ଆଆଦୁ, ମିଙ୍ଗେ ଏନାୟି ମାନେ, ଏମ୍ବାଆଁ ରାହାଁତଲେ ମାଞ୍ଜୁ, ଇଚିହଁ ମାହାପୁରୁ ଏଲେଇଞ୍ଜା ମାନେସି, “ନାନୁ ନିଙ୍ଗେ ଏଚେଲାଝା ପିସ୍ତା, ନାନୁ ନିଙ୍ଗେ ଏଚେଲାଝା ବାଣାଆୟଅଁ □”

୬ ଇଦାଆଁତାକି ମାର ସାସାତଲେ ଏଲେଇଞ୍ଜାଲି ଆଡିନାୟି,

“ପ୍ରୁ ନା ସାୟେମି ଆନାସି,

ନାନୁ ଇଚାଣି ଆଜଅଁ,

ମାଣ୍ଡସି ନାଙ୍ଗେ ଏନାଆଁ କିହାଲି ଆଡାନେସି ?”

୭ ଆମିନି ଗାଟାରି ମିଙ୍ଗେ ମାହାପୁରୁତି ବଲ୍ଲୁ ଝେସାମାଞ୍ଜାତେରି, ମୀରୁ ଏଲେତି କାଜାରାଲ୍ଲ ମାନି କିଦୁ; ଏଝାରି ଏନିକଁ ନୀତାମାଚେରି ଇଞ୍ଜା ହାଚେରି, ଏଦାଆଁ ଅଣ୍ଡପାନା ଏଝାରି ନାମିତି ଲେହେଁ ମୀରୁ ଜିକେଏ ନାମାଦୁ □

୮ ଜୀସୁ କ୍ରୀସ୍ତ ରେଝଏନି, ନୀଞ୍ଜୁ ଅଡେ କାଲେଏ ତାକି ସମାନା ଡୟିନେସି □

୯ ଏଟକା ଅଡେ ଅର ରଲେତି ଜାପ୍ନି ତାଣା କିଲିବିଲି ଆଆଦୁ, ଇଚିହଁ ତିନି ରାନ୍ଦାତା ଆଏ, ସାମା ମାହାପୁରୁ କାର୍ମାଟି ହିୟାଁ ତୀରି ଆନାୟି ନେହେଁ; ଆମିନି ଗାଟାରି ତିନି ରାନ୍ଦାତି ମେରା ମାନିଝି ଆନେରି, ଏଝାରାକି ଏନି ଲାଟା ଆଏ □

୧୦ ମା ଇଲେତି ର ପୂଜାପିଣ୍ଡା ମାନେ, ଆମିନି ପୂଜା ପିଣ୍ଡାତି ଦଣ୍ଡୁକୁ ତୁମ୍ଭେ ଇଲୁତା ସେବାକିନି ପୂଜେରାଜା ତିଞ୍ଜାଲି ଅଦିକାରା ହିଲେଏ □

୧୧ ଇଚିହଁ ଜୀହୁଦିୟାତି କାଜା ପୂଜେରା ପାପୁ ତାକି ହେରପାମାନି ଜନ୍ତତି ନେତେରି ସୁଦୁ ଚାୟୁତା ଅନେସି; ସାମା ଏ ଜନ୍ତତି ଆଜା ବାରେ ସାମ୍ବଣ୍ଡା ପାଜାତା ତାଚାହଁ ହୁଡ଼ିଆନେ □

୧୨ ଇଦାଆଁତାକି ଜୀସୁ ଜିକେଏ ତାନି ନେତେରି ତଲେ ଏନିକଁ ଲକୁଣି ସୁଦୁ କିନେସି, ଇଦାଆଁତାକି ଗାଡ଼ା ପାଜାତା ହାଡ଼େସି □

୧୩ ଇଦାଆଁତାକି ଖାଦୁ, ମାର ଜିକେଏ ଏଞ୍ଜାଣିଲେହେଁ ନିନ୍ଦା ଅରହାନା ଗାଡ଼ା ପାଜାତା ଏଞ୍ଜାଣି ତାଣା ହାନ □

୧୪ ଏନାଆଁତାକି ଇଚିହଁ ଇମ୍ପାଆଁ ବାରେ ଦିନାତାକି ମାଜେ ତୁୟିନି ଗାଡ଼ା ହିଲେଏ, ସାମା ମାର ତାୟୁ ଖାହିମାନି ଗାଡ଼ାତି ବେଟାଆହାଲି ପାରିମାନାୟି □

୧୫ ଇଦାଆଁତାକି ଖାଦୁ, ମାର ଜୀସୁ ତାଣାଟି ମାହାପୁରୁଙ୍କ ଜହରାତି ପୂଜା କିନ, ଇଚିହଁ ତାନି ଦରୁ ଜଲିମାନି ଗୂତିତି ବାରେଦିନା ହେରପିନ □

୧୬ ଏଟକା ତାରାଙ୍କ ସାୟେମି କିହାଲି ବାଣା ଆଆଦୁ, ଇଚିହଁ ଇଲେତି ପୂଜା କାମାତା ମାହାପୁରୁ ରାହଁ ଆନେସି □

୧୭ ମୀ କାଜାରାଙ୍କ ମାନୁଡ଼ି ଆହାନା ଏଞ୍ଜାରାଙ୍କ ମାନି କିଦୁ, ଇଚିହଁ ଆମିନି ଗାଟାରି ମାହାପୁରୁକି ଲେକା ହାନାୟି ମାନେ, ଏଞ୍ଜାରିଲେହେଁ ଏଞ୍ଜାରି ମୀ ଜୀସୁତି କାଡ଼ିମାନେରି, ଏନିକଁ ଏଞ୍ଜାରି ଏଦାଆଁ ଦୁକୁତଲେ କିଆନା ରାହଁତଲେ କିହାଲି ଆଡ଼ିନେରି; ଦୁକୁତଲେ କିତିସାରେ ମିଜେ ଏନି ଲାବା ହିଲେଏ □

୧୮ ମାଜେତାକି ପ୍ରାତାନା କିଦୁ, ଇଚିହଁ ମା ନାମୁ ମାନେ, ମା ଅଣ୍ଡୁ ନେହାୟି ଆପେ, ଅଡ଼େ ବାରେ କାମାତା ନେହଁ ମାଣ୍ଡକି ଆହାଲି ମାମ୍ପୁ ଅଣ୍ଡପିମାନମି □

୧୯ ଅଡ଼େ ନାନୁ ମୀ ତାଣା ଏନିକଁ ତବେ ଖାୟାଲି ଆଡ଼ିକ୍, ଏଦାଆଁତାକି ମାହାପୁରୁ ତାଣା ପ୍ରାତାନା କିହାଲି ନାନୁ ମିଜେ ହାରେକା ବାଡ଼ିମାଲିମାଞ୍ଜାଙ୍କ □

ରାନି ପ୍ରାତାନା

୨୦ ଆମିନି ହିଡ଼ଡ଼ି ହିୟାନି ମାହାପୁରୁ କାଲାକାଲା ତୁୟିନି ରାଜିମାନାତି ନେତେରି ତାକି, କାଜା ମେଣ୍ଡା ଗଡ଼ୁ ଇଚିହଁ ମା ପ୍ରବୁ ଜୀସୁଙ୍କ ହାଡ଼ାରି ତାଣାଟି ନୀଟହା ମାନେସି;

୨୧ ଏଞ୍ଜାଣି ନକିତା ଏନାୟି ନେହାୟି, ଏଦାଆଁ ଏଞ୍ଜାସି ମା ହିୟାତା ଜୀସୁ କ୍ରୀସୁ ତାଣାଟି ରାପୁହାନା ତାନି ମନଲେହେଁ କିହାଲି ମିଜେ ବାରେ ନେହଁ କାମା କିୟାପେସି □ ଏଞ୍ଜାଣାକି କାଲାକାଲାତି ଗାଡ଼ୁରମି ଆପେ □ ଆମେନ୍ □

ଆକୁତି ରାନି କାତା

୨୨ ଏ ତାୟି ତାଜିସ୍ତା, ନାନୁ ମିଜେ ବାଡ଼ିମାଲିମାଞ୍ଜାଙ୍କ, ଇ ଜାଗ୍ରାତା କିଞ୍ଜିକିନି କାତା ସାସା ଇଚାନା ମନ ହୀଦୁ,

ଇଞ୍ଜା ନାନୁ ରାହଁ କିହାଲି ଇ ଉଣା ଆକୁ ମିଜେ ରାଡ଼ାମାଙ୍କ □

୨୩ ମା ତାୟି ତିମତି କାୟିଦିତି ତବେ ପିସ୍ପି ଆହାମାନେସି ଇଞ୍ଜା ପୁଞ୍ଜେରି, ଏଞ୍ଜାସି ତବେ ଖାଡ଼ିସାରେ ଏଞ୍ଜାଣିତଲେ ନାନୁ ମୀ ତାଣା ବେଟିଖାହାଲି ଖାଙ୍କ □

୨୪ ମୀ ବାରେ କାଜାରାଙ୍କ ଅଡ଼େ ମାହାପୁରୁ ଲକୁଙ୍କ ଜହରା ଖେହ୍ଦୁ □ ଏମିନି ତାୟିୟା ଇଚାଲି ଦେସାଟି ଖାହାମାନେରି, ଏଞ୍ଜାରି ମିଜେ ଜହରା ଖେସିମାଞ୍ଜାନେରି □

୨୫ ମାହାପୁରୁତି କାର୍ମାମେହ୍ନାୟି ବାରେତେରି ମିଜେତାକି ଆୟାପେ □

ଯାକୁବଙ୍କ ପତ୍ନୀ ଜାକୁବ ରାଜାମାନି ଆକୁ ମୂଲୁ ହାଡ଼ା

ଇ ଜାକୁବ ପତିତି ଜାକୁବ ଇନାସି ରାଜାମାନେସି □
ଏଞ୍ଜିସି ଜୀସୁ କ୍ରୀସୁ ତାୟି ଆହାମାଣମିନେସି, ଏମ୍ବାଆସିକି
କୁଲମିତି ସାଲୁଞ୍ଜି କିନାସି ଅଡ଼େ ଜିରୁସାଲମତା ବେରଣି
କିନାସି ମାରେସି କାମା ୧୫:୧୩ □ ପାଞ୍ଜୁଲ ଗାଲା ୨:୯
ଜାକୁବଇଁ କୁଲମିତି “ତୁଡ଼ିୟା ମୁଣ୍ଡା” ଇଞ୍ଜାମାନେସି □
ଜୀସୁ କ୍ରୀସୁ ଜାର୍ନାଆଡ଼ି ୫୦ ବାର୍ସା ତାୟି ଇ ଜାକୁବ
ପତି ରାସ୍ତକି ଆହାମାରେ ଇଞ୍ଜିଁ ବୁଦିଗାଟାରି ଏଲେ
ଇଞ୍ଜିମାନେରି □ ଜାକୁବ ଜିରୁସାଲମତି କୁଲମି ସାଲୁଞ୍ଜି
କିନାସି ମାରିବେଲାତା ଇ ପତିଇଁ ରାଜାମାନେସି □

ଜାକୁବ ତାନି ପତିତା “ଇତାଲା ଆତାଲା ଦେସାଣା
ରାଞ୍ଜାଣା ବିଚାଣା ଆହାମାନି ବାର ଗଟା କୁଲୁ ଲକୁ” କାତା
ରାଜାମାନେସି ୧:୧ □ ଜାକୁବ ଝେହ୍ନି କାତା ବାରେ
କ୍ରୀସୁନା ଲକୁକି ଲଡ଼ାମାନେ ସାମା “ବାର ଗଟା କୁଲୁ
ଲକୁ” ଇଚିସାରେ ଜୀହୁଦି କ୍ରୀସୁନା ଲକୁ □ ଏନାଆଁତାକି
ଇଚିହଁ ଇ ପତି ପଡ଼ୁଆନି ବାରେ ଲକୁତାକି ହାରେକା
କାତା ଏପହାଲି ତାକି ରାସ୍ତକି ଆହାମାନେ □ ଜାକୁବ
ନାମୁ ଅଡ଼େ କାମାତି କାତା ଝେସାମାନେସି □ କାମାତା
ସାତା ନାମୁ ତଞ୍ଜାଆନେ ୨:୧୭ □ ଏଞ୍ଜିସି ବାଡ଼କୁ ଗାଟି
ଲକୁତି ପାର୍ଡ଼ା ବାଟି କିନାଣି ୨:୧-୪ ଅଡ଼େ ମାର ଏନାଆଁ
ଜଲିନାୟି ଜାଡ଼ନୁ ତଲେ ଜଲ୍ଲାଲି ଝେସାମାନେସି ୩:୧-୧୨

ପତିତା ମାନାୟି

- ୧ ଜାକୁବ ତାନି ପତି ପଡ଼ୁ ଆନାରାଇଁ ଜହରା କିନାୟି □ ୧:୧
- ୨ କ୍ରୀସୁନା ଲକୁଣି କସ୍ତ ବେଲାତା ସୁସ୍ତି ତଲେ ମାଞ୍ଜାଲି ଝେହ୍ନାୟି □ ୧:୨-୨୭
- ୩ କାମା ତଲେ ନାମୁତି ତହ୍ନାୟି ମାନେ □ ୨:୧-୨୭
- ୪ ଜଲିନି ବଲୁୟିତି ବାଡ଼ୁଲୁ □ ୩:୧-୧୨
- ୫ ମାହାପୁରୁତି ବୁଦି ଦାରତିତି ବୁଦି କିହ୍ନା ହାରେକା ପାର୍ଡ଼ା ମାନେ □ ୩:୧୩-୪:୧୦
- ୬ ବତପଣ ଆନି କାତା □ ୪:୧୧-୫:୭
- ୭ ଜାକୁବ ରାନି ବେଲାତା ନେହେଁତାକି ଜାପିନି କାତା ରାଡ଼ିନାୟି □ ୫:୭-୨୦

୧ *ନାମୁ ଜାକୁବ, ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସୁତି ହଲେଏସି, ଦାରତିତା ଇତାଲା ଆତାଲା ଆହାମାନି ମାହାପୁରୁ ଲକୁଇଁ ଜହରା □

ନାମୁତି ତାୟିପାରି କିନାୟି

* ୧:୧ ୧:୧ ମାତି ୧୩:୫୫; ମାର୍କ ୬:୩; କାମା ୧୫:୧୩; ଗାଲା ୧:୧୯

୨ ଏ ନା ତାୟିୟାଁ ଅଡ଼େ ତାଜିସ୍ତା, ମୀରୁ ଏଚିବେଲା ତାୟିପାରି କିନି ତାଣା ତାୟିପାରି କିଞ୍ଜିଆଦେରି, ଏଚିବେଲା ଏଦି ହାରେକା ରାହାଁତି କାତା ଇଞ୍ଜିଁ ଅଣପାଦୁ;

୩ ତାୟିପାରି କିନାଣି ଜୀଣା ଆନି ନାମୁ ଏଦି ଅରହାଲି ହାୟାନେ, ଇଦାଆଁ ପୁଞ୍ଜାମାଞ୍ଜେରି □

୪ ଅଡ଼େ, ମୀରୁ ଏନିକଁ ଏନି ଗୁଣୁତା ଉଣା ଆଆନା ନେହଁଁ ତୀରି ଅଡ଼େ ସୁଦୁ ଗାଟାତେରି ଆଦୁ, ଏଦାଆଁତାକି ଅରହିନାୟି ହାରେପୁରେ କାମା କିନେ □

୫ ସାମା ମୀ ବିତ୍ରା ଆମ୍ବାଆରାକି ବୁଦି ଉଣା ମାଟିସାରି, ଆମିନି ମାହାପୁରୁ ଦହ ଆହୁଆନା ବାରେତାକି ହାରେପୁରେ କେୟୁ ଦେତାନା ଦାନା କିନେସି, ଏଞ୍ଜାଣି ତାଣା ପ୍ରାଡ଼ାନା କିପାସି, ଏମ୍ବାଟିଏ ଏଞ୍ଜାଣାକି ହାପକିଆନେ □

୬ ସାମା ଏଞ୍ଜିସି ଇଚାଣି ଆନାମାନା ଆଆନା ନାମୁତଲେ ପ୍ରାଡ଼ାନା କିପାସି, ଇଚିହଁ ଆମ୍ବାଆସି ଆନାମାନା ଆନେସି, ଏଞ୍ଜିସି ଗାଲି ତଲେ ଇତାଲା ଆତାଲା ଆହିମାନି ସାମ୍ପୁରିତି ତୀରି ଆଆଗାଟି ଏୟୁ ଉଣ୍ଡା ଲେହେଁତାସି □

୭ ଏଲେତି ଲକୁ ପ୍ରବୁ ତାଣାଟି ଏନାଆଁ ବେଟାଆଇଁ ଇଞ୍ଜିଁ ଆସା କିଆପେସି;

୮ ଏଞ୍ଜିସି ରୀ ମନ ଗାଟାସି, ଇଞ୍ଜାଁ ତାନି ବାରେ କାମାତା ତୀରି ଆଆଗାଟାସି □

ବାଡ଼କୁ ଗାଟାସି ଅଡ଼େ ବାଡ଼କୁ ହିଲାଆଗାଟାସି

୯ ବାଡ଼କୁ ହିଲାଆଗାଟି ତାୟି ତାନି କାଜାପାଣା ତାକି ରାହାଁ କିପାସି,

୧୦ ବାଡ଼କୁ ଗାଟାସି ତାନି ଉଣା ଆହିମାନାଣି ତାକି ବତପଣ କିପେସି, ଏନାଆଁତାକି ଇଚିହଁ ବାଡ଼କୁ ଗାଟାସି ଜାଡ଼ାତି ପୁୟୁବଣ୍ଡା ଲେହେଁ ତୁଲା ହାନେସି □

୧୧ ଏନିକଁ ଝେଡ଼ା ଲାଇଁ ହତାସାରେ ଜାଡ଼ା ଏନିକଁ ଝାୟାହାନେ ଅଡ଼େ ଏଦାନି ପୁଞ୍ଜା ତୁଲିନୁ ଇଞ୍ଜାଁ ତାନି ଅଜୁତି ଝାଣା ମେଣ୍ଡାହାନେ, ଏଲେକିହଁଏ ବାଡ଼କୁ ଗାଟାସି ଜିକେଏ ତାନି ବାରେ କାମାତା ଝାଡ଼ିନେସି □

ତାୟିପାରି ଅଡ଼େ ଜୁପକା ତହ୍ନାୟି

୧୨ ଆମିନି ଗାଟାସି ତାୟିପାରି କିନାଣି ଅରହିନେସି ଏଞ୍ଜାଣାକି ନେହେଁ, ଇଚିହଁ ମାହାପୁରୁ ତାନୁ ଜୀଞ୍ଜୁ ନନି ଲକୁଣି ଆମିନି ଜୀଞ୍ଜୁଗାଟି ଟପେରି ହାହାଲି ଆଞ୍ଜାମାନେସି, ତାୟିପାରି କିତାଣି ଜୀଣାଆଡ଼ି ଜେଟ ଏ ଲକୁ ଏ ଆଞ୍ଜାମାନି ଟପେରି ବେଟା ଆନେସି □

୧୩ ଆମ୍ବାଆସି ତାୟିପାରି କିଞ୍ଜି ଆଡ଼ିସାରେ, “ନା ଇ ତାୟିପାରି କିଞ୍ଜି ଆନାୟି ମାହାପୁରୁ ତାଣାଟି ଆହିମାନେ” ଇଞ୍ଜିହଁ ଇନାଆପେସି, ଇଚିହଁ ମାହାପୁରୁ ଲାଗେଏତି ପାନ୍ଦାଟି ତାୟିପାରି କିଞ୍ଜି ଆସି, ଅଡ଼େ ଏଞ୍ଜିସି ତାନୁଏ ଆମ୍ବାଆରାଇଁ ତାୟିପାରି କିଅସି □

୧୪ ସାମା ମାଣସି ତାନି ଲାଗେଏତି କାମା ତଲେ ଜୁପକା ଅଡ଼େ ନାଡ଼ିକିଞ୍ଜି ଆହାନା ତାୟିପାରି କିଞ୍ଜିଆନେସି;

୧୫ ଅଡ଼େ ତାୟୁ ଲାଗେଏତି କାମା ପୂରାମାସା ଆହାନା ପାପୁତି ଜାନ କିନେ, ଇଞ୍ଜା ପାପୁ ଗାଡ଼ି ପାତାଆହାନା ହାକିତି ଜାନ କିନେ □

୧୬ ଏ ନା ଜୀଝୁତି ତାୟିୟା ଅଡ଼େ ତାଜିସ୍ତା ମୀରୁ ନାଡ଼ି ଆଆଦୁ □

୧୭ ବାରେ ନେହୁଁ ଦାନା ଅଡ଼େ ବାରେ ତୀରିତି ବର ଲାକଟି; ଇତିହୁଁ ଉଜେଡ଼ି ଗାଡ଼ିକିତି ଆବା ତାଣାଟି ଖାନ୍ନେ, ଆମ୍ବାଆରି ତାଣା ଏନି ବାଦଲି ଆନାୟି କି ଇଚାୟିଖା ସାୟୁଁ କିହାନା ଆନ୍ଦେରି ଆନାୟି ହିଲେଏ □

୧୮ ମାର ଏନିକଁ ତାନି ଗାଡ଼ି ଆଡ଼ି ତାଣାଟି ରଲେଏତି ର ମୁଲୁତି ପାଡ଼େୟି ଲେହେଁ ଆନାୟି, ଏଦାଆଁତାକି ଏଞ୍ଜାସି ତାନି ଅଣପୁ ତଲେ ସାତା ବଲୁ ତଲେ ମାଙ୍ଗେ ଗାଡ଼ି କିୟାତେସି □

ଝେନାୟି ଅଡ଼େ କାମା କିନାୟି

୧୯ ଏ ନା ଜୀଝୁତି ତାୟିୟା ଅଡ଼େ ତାଜିସ୍ତା, ମୀରୁ ଇଦାଆଁ ପୁଞ୍ଜାମାଞ୍ଜେରି, ମୀରୁ ବାରେତେରି ଝେଞ୍ଜାଲି ଜାଗ୍ରାତା ଆଦୁ, ଇଞ୍ଜା ଝେସାଲି ଦାଗା ଆଆଦୁ ଅଡ଼େ ଦେବୁଣିଏ କପା ଆଆଦୁ,

୨୦ ଇତିହୁଁ ମାଣ୍ଡସିତି କପା ମାହାପୁରୁତି ନକିତା ଦାମ୍ବୁ କିହାଲି ଆଡେଏଏ □

୨୧ ଏଦାଆଁତାକି, ମୀରୁ ବାରେ ପଲ୍ଲଆ ଗାଟାଣି ଅଡ଼େ ବାରେ ଲାଗେଏତାଣି ପିସାତୁହୁଦୁ, ଆମିନି ମାହାପୁରୁ ହିୟାତି ବଲୁ, ମୀ ଜୀଝୁତି ଗେଲ୍ପାଲିତାକି ଆଡ଼ିନେ, ଏଦାଆଁ ସୁଦୁଗାଟି ଅଣପୁ ତଲେ ଆହୁଦୁ □

୨୨ ସାମା ମୀରୁ ଏଞ୍ଜାଣି ବଲୁ ଝେନାତେରି ଆହାଁ ଜାହାରାକ୍ ନାଡ଼ି କିହାକତାଆନା, ବଲୁଡ଼ି କାମା କିନାତେରି ଆଦୁ □

୨୩ ଇତିହୁଁ ଆମିନିଗାଟାସି ବଲୁଡ଼ି କାମା କିନି ଲକୁ ଆଆନା ଖାଉଇ ଝେନି ଲକୁ ଆନେସି, ଆତିହୁଁ ଏଞ୍ଜାସି ଦାପେଣିତା ତାନୁଏ ତାନି ମୁମ୍ବୁ ସିନିକିହା କଡ଼ିମାନି ମାଣ୍ଡସି ଲେହେଁତାସି,

୨୪ ଏଡେତା ଏଞ୍ଜାସି ତାଙ୍ଗେ ସିନିକିତି କ୍ରେଟ ହାଜାନା, ଏଞ୍ଜାସି ଏମ୍ବାଟି ହଡ଼ା ହାତି ତାୟୁ ଏନିଲେହେଁତି ମାଣ୍ଡସି ଦେବୁଣିଏ ବାଣାଆନେସି □

୨୫ ସାମା ଆମ୍ବାଆସି ତୀରପୁ ଇତିହୁଁ ଗେଲ୍ପାଲି ଆଡ଼ିନି ନେହୁଁ ମେରାତି ସିନିକିହାନା ମେରାତି କାମା କିନେସି, ଅଡ଼େ ଆଜିତାକି ଝେନି ଲକୁ ଆଆନା କାମାକିନାସି ଆନେସି, ଏଞ୍ଜାସି ତାନି କାମାତା ନେହାସି □

୨୬ ଇତିହୁଁ ଆମ୍ବାଆସି ଜାହାରାକ୍ ତୀରି ଗାଟାତେଏଁ ଇଞ୍ଜୁଁ ଅଣପା କଡ଼ିନେସି, ଇଞ୍ଜା ତାନି ଝେନ୍ଦରିତି ଲକ୍‌ଆନା ତାନୁ ତାନି ହିୟାତି ନାଡ଼ି କିନେସି, ଇତିହୁଁ ତାନି ଦାମ୍ବୁକାମା କିନାୟି ଉଜେଏତାୟି □

୨୭ ତାଲି ତାଞ୍ଜି ହିଲାଆ କକାରି ପଦାଣି ଅଡ଼େ ରାଣ୍ଡେଣି ଇୟାସିକାଣି ତାନି ଦୁକୁ କାକୁଲି ବେଲ୍ୟାତା ସାଝେମି କିନାୟି ଅଡ଼େ ଦାରତିତା ମାନି ବାରେ ଲାଗେଏତି କାମାଟି

ଗେଲ୍ପା କଡ଼ିନାୟି, ଇଦି ମା ମାହାପୁରୁ ଅଡ଼େ ଆବା ନକିତା ନେହାୟି ଅଡ଼େ ସୁଦୁ ଦାମ୍ବୁତି କାମା □

୨

ପାରଡ଼ା ବାଟି କିନାୟି

୧ ଏ ନା ତାୟିୟା ଅଡ଼େ ତାଜିସ୍ତା, ମା ଗାଝୁରମିଗାଟି ପୁବୁ ଜୀସୁ ଜୀସୁ ତାଣା ନାମା ମାନାତେରି ମାଣ୍ଡସିୟାତି ମୁମ୍ବୁ ମେସାନା ଲେମ୍ବାଆଦୁ □

୨ ଇତିହୁଁ ରଅସି ବାଂଗାରା ମୁଦି ଅଡ଼େ ଦାରାଗାଟି ନେହୁଁ ଅଜିତି ହିମ୍ବୁରି ହୁଚାନା କୁଟମି କୃଡ଼ା ଆହାମାନି ତାଣା ଖାନ୍ନେସି, ଅଡ଼େ ର ହିଲାଆଗାଟାସି ଗେଞ୍ଜାମାନି ମାହୁଁତି ହିମ୍ବୁରି ହୁଚାନା ଖାନ୍ନେସି,

୩ ଅଡ଼େ, ମୀରୁ ଦାରାଗାଟି ଅଜିତି ହିମ୍ବୁରି ହୁଚିତି ଲକୁଇଁ ମାନି କିହାଁ ଏଲେଇଞ୍ଜେରି, “ଇମ୍ବାଆଁ ନେହୁଁ ଟାୟୁତା କୁଗାମୁ,” ଅଡ଼େ ହିଲାଆଗାଟାଣାକ୍ ଏଲେଇଞ୍ଜେରି “ଏମ୍ବାଆଁ ନିଚାମାନାମୁ, ଆଆତଁ ନା କତାୟାଁ ଡ଼କକା କୁଗାମୁ,”

୪ ଆଆତଁ ମୀରୁ ମୀ ବିତ୍ତା କାଜା ଲକୁ ଉଣା ଲକୁ ପାରଡ଼ା ବାଟି କିଝି ଆହାଁ ଏଟକା ଏଟକା କିହାଁ ଲାଗେଏତି ନାହାଁୟି କିହିମାଞ୍ଜେରି □

୫ ଏ ନା ଜୀଝୁତି ତାୟିୟା ଅଡ଼େ ତାଜିସ୍ତା, ଝେଞ୍ଜୁ, ମାହାପୁରୁ ଇ ଦାରତିତା ବାଡ଼କୁ ହିଲାଆଗାଟାଣାକ୍ ତାନି ନାମୁତା ଦନ ଗାଟାରି ଆହାଲି, ଅଡ଼େ ତାନି ଜୀଝୁନହୁଁ ମାନାରାକ୍ ଆମିନି ରାଜି ହୀହାଲି ଆଞ୍ଜାମାନେସି, ଏମ୍ବାତି ଅଦିକାରା କିହାଲି ଆଟା ହିଲଅସି ?

୬ ସାମା ମୀରୁ କାକୁଲି ଗାଟାଣାକ୍ ଅପିହିଲଅତେରି □ ବାଡ଼କୁ ଗାଟାରି ମୀ ମୁହେଁ ରାଜି କିୟଅରି କି ? ଅଡ଼େ ମିଙ୍ଗେ ନାହାଁୟି ପାଙ୍ଗାତା ରେଜା ଅୟଅରି କି ?

୭ ଆମିନି କାଜା ଦରୁତଲେ ଝେଙ୍ଗା ମାଞ୍ଜେରି, ଏନାଆଁ ଏଞ୍ଜାରି ଏ ଦରୁତି ନିନ୍ଦା କିଅରି □

୮ ମୀରୁ ମୀ ପାଡ଼ିତି ଲକୁଣି ମୀ ଜୀଝୁତି ଜୀଝୁ ନନି ଲେହେଁ ଜୀଝୁନଦୁ, ସାଝେରିତା ରାସ୍‌କି ଆହାମାନି ମାହାପୁରୁ ରାଜିତି ମେରା ସାତେଏ ମାନୁଝି ଆଦେରି, ଆତିହୁଁ ମୀରୁ ନେହୁଁ କିହିମାଞ୍ଜେରି,

୯ ସାମା ଲକୁ ମୁମ୍ବୁ ମେସାନା ଲେମ୍ବାମାଞ୍ଜେରି, ଆତିହୁଁ ମୀରୁ ପାପୁ କିହିମାଞ୍ଜେରି, ଅଡ଼େ ଏ ମେରା ତଲେ ଦହ ଗାଟାତେରି ଇଞ୍ଜୁଁ ତଞ୍ଜା ଆହିମାଞ୍ଜେରି □

୧୦ ଆମ୍ବାଆସି ବାରେ ମସାତି ମେରା ମାନୁଝି ଆହାଁ ରଣ୍ଡିଏ ମେରାତି ଉରିନେସି, ଇତିହୁଁ ଏଞ୍ଜାସି ବାରେ ମେରାତି ଦହ ତଲେ ତଣ୍ଡ ବେଟା ଆନେସି □

୧୧ ଆମିନି ମାହାପୁରୁ ଦାରିକାମା କିଆଦୁ ଇଞ୍ଜୁଁ ଝେସା ମାଟାସି, ଏଞ୍ଜାସି ଲକୁଣି ପାୟାଆଦୁ ଇଞ୍ଜୁଁ ଜିକେଏ ଝେସାମାନେସି, ମୀରୁ ଦାରିକାମା କିଆନା ଲକୁଣି ପାୟାଦେରି ଇତିହୁଁ ମେରାତି ଉରିନାତେରି ଆଦେରି □

୧୨ ଗେଲ୍‌ପିଆଡ଼ି ମସାତି ମେରାଟି ମୀରୁ ନାହାଁୟି କିଞ୍ଚିଆଦେରି, ଇଦାଆଁ ପୁଞ୍ଜାନା ଏଲେତି କାତା ଜଲ୍ଲାଦୁ ଇଞ୍ଜା କାମା କିଦୁ □

୧୩ ଇତିହୁଁ ଆମ୍ବାଆସି କାର୍ମା ମେହୁଅସି ମାହାପୁରୁ ଏଞ୍ଜାଟାକ୍ କାର୍ମା ମେହୁଆନା ନାହାଁୟି କିନେସି, ସାମା କାର୍ମା ମେହୁନାସି ନାହାଁୟିତା ଜୀଣା ଆନେସି □

ନାମୁ ଅଡ଼େ କାମା

୧୪ ଏ ନା ତାୟିୟାଁ ଅଡ଼େ ତାଙ୍ଗିସ୍ତା, ଆମ୍ବାଆସି ନାଙ୍ଗେ ନାମୁ ମାନେ ଇଞ୍ଜୁଁ ଇନେସି, ସାମା ଏଞ୍ଜାଣି କାମା ହିଲେଏ, ଆତୁଁ ଏଦି ଏନି ଲାବା ? ଇଲେତି ନାମୁ ଆମ୍ବାଆରାକ୍ ଗେଲ୍‌ପାଲି ଆଡ଼ିନେ କି ?

୧୫ ଏତିବେଲା ର ତାୟି କି ତାଙ୍ଗିନାକି ହୁଚାଲି ହିମ୍ବରି କି ତିଞ୍ଜାଲି ରାଦା ହିଲାଆତିହୁଁ,

୧୬ ଇଞ୍ଜା ମୀ ବିତ୍ରାଟି ଆମ୍ବାଆତେରି ତାନି ଆଙ୍ଗାତି ଲଡ଼ାମାନାଣି ହାଆନା, “ମାହାପୁରୁ ନିଙ୍ଗେ ବର ହିୟାପେସି, ବାଣ୍ଡି ପାଞ୍ଜାହାଁ ହିଡ଼ଡ଼ିଟି ନେହୁଁ କି ହାଲାମୁ” ଇଞ୍ଜୁଁ ଇତିହୁଁ ଏଦି ଏନି ଲାବା ?

୧୭ ଏଲେକିହୁଁଏ, କାମା ହିଲାଆସାରେ ନାମୁ ହାଡ଼ାୟି □

୧୮ ସାମା ଆମ୍ବାଆସି ଏଲେଇନେସି, “ରଅଣି ନାମୁ ମାନେ ଅଡ଼େ ରଅଣି କାମା ମାନେ;” କାମା ହିଲାଆନା ନୀ ନାମୁ ତସ୍ତାମୁ, ଅଡ଼େ ନାମୁ କାମା ତଲେ ନା ନାମୁତି ତସ୍ତାକ୍ □

୧୯ ମାହାପୁରୁ ରଅସିଏ, ଇଦାଆଁ ମୀରୁ ନାମିମାଞ୍ଜେରି; ଏଦି ନେହୁଁ କାତା, ବୃତୁୟାଁ ଜିକେଏ ନାମାହାଁ ଆଜିତାକି ତୀରୁଗିମାନୁ □

୨୦ ସାମା ଏ ବୁଦି ହିଲାଆଗାଟାତେରି, କାମା ହିଲାଆନା ନାମୁ ଉଜେଏତାୟି, ଇଦାଆଁ ପୁଞ୍ଜି ହିଲଅତେରି ?

୨୧ ମା ଆକୁ ଅବ୍ରାହାମ, ପୂଜାପିଣ୍ଡା ଲାକ ତାନି ମୀରୁଏଣା ଇସାହାକକ୍ ପୂଜା କିହିମାଟାଟି କାମା ତଲେ ଦାମ୍‌ଗାଟାସି ଇଞ୍ଜୁଁ ଝେଙ୍ଗା ହିଲାଆତେସି ?

୨୨ ମୀରୁ ମେସିମାଞ୍ଜେରି, ଅବ୍ରାହାମତି ନାମୁ ତାନି କାମାତା ତଞ୍ଜାଆଡ଼େ, ଅଡ଼େ କାମା ତଲେ ନାମୁ ପୂରାଆଡ଼େ;

୨୩ ଏତେଟିଏ ସାସ୍ତେରିତି ଇ ବଲୁ ସାତା ଆଡ଼େ, ଅବ୍ରାହାମ ମାହାପୁରୁ ତାଣା ନାମିତେସି, ଅଡ଼େ ତାଙ୍ଗେତାକି ଏଦି ଦାମ୍‌ଗାଟାସି ଇଞ୍ଜୁଁ ଝେଙ୍ଗିତେସି, ଇଞ୍ଜା ଏଞ୍ଜାସି ମାହାପୁରୁତି ତଣେଏସି ଇଞ୍ଜୁଁ ଝେଙ୍ଗିତେସି □

୨୪ ଇତିହୁଁ ମାଣ୍ଡି ଖାରଇ ନାମୁଟି ଆଏ, ସାମା ତାନି କାମାଟି ଦାମ୍‌ଗାଟାସି ଆନେସି ଇଞ୍ଜୁଁ ମୀରୁ ପୁଞ୍ଜିମାଞ୍ଜେରି □

୨୫ ଏଲେକିହୁଁଏ ଦାରେଣି ରାହାବ୍ ଦାମ୍‌ଗାଟାୟି ଇଞ୍ଜୁଁ ଝେଙ୍ଗାମାଟେ, ଏଦି ପାରୁ ପାରାଲି ମେଣେଏ ଖାହାମାଗାରାକ୍ ତାନି ଇଜ ଅହାନା ଇଟିତେ ଇଞ୍ଜା ଏବ୍‌କା ଜିରୁଟି ପାଣ୍ଡାଲି ସାୟେମି କିହାମାଟେ □

୨୬ ଇତିହୁଁ ଜୀଞ୍ଜୁ ହିଲାଆସାରେ ଆଙ୍ଗା ହାଡ଼ି ମାଡ଼ହା, ଏଲେକିହୁଁଏ କାମା ହିଲାଆସାରେ ନାମୁ ଜିକେଏ ହାଡ଼ାୟି □

୩

ଝେନ୍ଦରିତି ଲକ୍‌ନାୟି

୧ ଏ ନା ତାୟିୟାଁ ଅଡ଼େ ତାଙ୍ଗିସ୍ତା, ମୀରୁ ହାରେକା ଜାପୁନାତେରି ଆଆଦୁ; ଜାପୁନାତାୟି ମାର, ମାର ଅର ଲକୁ କିହାଁ ହାରେକା ତଣ୍ଡ ପାଣ୍ଡନାୟି ଇଦାଆଁ ପୁଞ୍ଜାମାଞ୍ଜୁ □

୨ ଇତିହୁଁ ମାର ଏନି ଏନି କାମାତା ପୁଟି କିହିମାନାୟି, ସାମା ଆମ୍ବାଆସି ମାହାପୁରୁ ବଲୁତା ପିଟଞ୍ଜି ଆଅସି, ଆତିହୁଁ ଏଞ୍ଜାସି ନେହୁଁ ମାଣ୍ଡସି, ଅଡ଼େ ଏଞ୍ଜାସି ତାନି ବାରେ ଆଙ୍ଗାତି ତାନୁଏ ଲକ୍‌ହାଲି ଆଡ଼ିମାନେସି □

୩ ମାର ଗଡ଼ାୟାଁଣି ଲକ୍‌ହାଲି ତାକି ତାନି ଗୁଡିତା ବାକେରି କାଟିକିହିମାନାୟି, ଅଡ଼େ ଏଦାନିତଲେ ମାର ତାନି ବାରେ ଆଙ୍ଗାତି ଝେନ୍ଦୁହି ମାନାୟି □

୪ ଏୟୁ ଜାଜାତି କାତା ଜିକେଏ ଅଣ୍ଡପାଦୁ, ଏଦି ଏତେକା କାଜାୟି ଅଡ଼େ କାଜା ଗାଲି ତଲେ ତାକିତୁଁ ଜିକେଏ, ଜାଜାତି ତାୟୁଞ୍ଜାକି ମାନି ର ଉଣା ମାରା ତଲେ ତାକିନେ, ଏ ମାରା ଆହୁନାସି ଆମ୍‌ୟାଞ୍ଜାକି ମନ କିନେସି ଏନିକା ହାନେ □

୫ ଏଲେକିହୁଁଏ ଝେନ୍ଦରି ଜିକେଏ ଆଙ୍ଗାତି ର ଉଣା ବାଟା ଆତିହୁଁ ଜିକେଏ, ଏଦି କାଜା ବତପଣତି କାତା ଜଲ୍ଲାଲି ଆଡ଼ିନେ □ ମେହୁଦୁ ର ଉଣା ହିରୁ ପୁୟାଁ ତଲେ ଏତେ କାଜା ଜାତା ଝେହାହାନେ □

୬ ଝେନ୍ଦରି ଜିକେଏ ହିରୁ ଲେହେଁତାୟି; ଏଦି ମା ଆଙ୍ଗା ବିତ୍ରା ବାରେ ଲାଗେଏ ପଲେଏ ତାଣାଟି ସାଲୁଞ୍ଜି ଆହିମାନେ, ଏଦି ବାରେ ଆଙ୍ଗାତି ଲାଗେଏ କିନେ, ଅଡ଼େ ତାନୁ ନକଟି ହଡ଼ିମାନି ହିରୁତଲେ ଡ଼ାଞ୍ଜାନା ଗାଡ଼ି ଆହାମାନି ଦାରତିତି ହୁଡିନେ □

୭ ଇଞ୍ଜା ବାରେ ଲେହେଁତି ଜନ୍ତୁ ଜିଝେଡ଼ି, ପଟା କାଟି, ବାଣ୍ଡିତଲେ ତାକିନାଲ, ଅଡ଼େ ଏୟୁତି ଜନ୍ତୁ, ମାଣ୍ଡସି ଏ ବାରେ ଜନ୍ତୁୟାଁଣି ଲକ୍‌ହାଲି ଆଡ଼ିମାନେସି □

୮ ସାମା ଝେନ୍ଦରିତି ଆମ୍ବାଆସି ଲକ୍‌ହାନା ସାପି କିହାଲି ଆଡ଼ଅସି, ଏଦି ପଲୁଆ ଗାଟାୟି ଇଞ୍ଜା ଲଙ୍ଗାଆ ଗାଟାୟି, ଅଡ଼େ ଏଦିଏମ୍ବାଆଁ ହାନିମାନି ବୀସା ମାନେ □

୯ ଝେନ୍ଦରି ତଲେ ପ୍ରୁ ଆବାକ୍ ଜହରା କିହିମାନାୟି, ଇଞ୍ଜା ଏ ଝେନ୍ଦରି ତଲେ ମାହାପୁରୁ ଲେହେଁ ଗାଡ଼ି ଆଡ଼ି ମାଣ୍ଡସିକ୍ ବାକା ଇଟି ମାନାୟି;

୧୦ ଏ ରଣ୍ଡିଏ ଗୁଡିଟି ଜହରା କିନାୟି ଅଡ଼େ ବାକା ହାନି କାତା ହଡ଼ିମାନେ ଏ ନା ତାୟିୟାଁ ଅଡ଼େ ତାଙ୍ଗିସ୍ତା ଏଲେଆନାୟି ନେହେଁ ଆଏ □

୧୧ ର ଜାରଣାଟି ଡ଼ାକ୍‌ନି ଅଡ଼େ କାମ୍ବେଲି ଏୟୁ ହନୁ କି ?

୧୨ ଏ ନା ତାୟିୟାଁ ଅଡ଼େ ତାଙ୍ଗିସ୍ତା, ତୟା ମାରୁନୁତା ଜୀତ ପାଡ଼େୟି ଅଡ଼େ ଅଙ୍ଗୁରିମାଡ଼ାତା ତୟା ପାଡ଼େୟି

ଆୟାଲି ଆଡ଼ିନେ କି ? ଏଲେକିହିଁଏ ହାରୁ ଜାରଣା ଡାକ୍ନି ଏୟୁହାହାଲି ଆଡେଏ □

ମାହାପୁରୁ ତାଣାଟି ଝାନ୍ତି ବୁଦି

୧୩ ମୀ ବିତ୍ତା ବୁଦିଗାଟାସି ଅଡେ ତେଲ୍‌ହିନାସି ଆମ୍ବାଆସି ମାନେସି ? ଏଝାସି ବୁଦିଗାଟାସି ଲେହେଁ ଉଣା ଆହାନା ଇଞ୍ଜା ସୁଦୁଗାଟାସି ଆହାନା ତାନି ନେହିଁ ମାଣ୍‌କି ତଲେ କାମା ତସ୍‌ପେସି □

୧୪ ସାମା ମୀ ହିୟାଁତା ଗାତି ତାହାରା, କପା ଅଡେ ଝାରୁଇ ଜାହାରାତାକି ଅଣ୍‌ପିନାୟି ମାନେ, ଆତିହିଁ ସାତାତି କପାଟି ବତପଣ ଆଆଦୁ ଅଡେ ମିଟି ଜଲ୍‌ଆଦୁ □

୧୫ ଇଲେତି ବୁଦି ମାହାପୁରୁ ତାଣାଟି ଝାଏ, ଏଦି ଇ ଦାର୍‌ତିତାୟି, ମାଣ୍‌ସିତି ଅଣ୍‌ପୁ ଗାଟାୟି ଅଡେ ଲାଗେଏ ପଲେଏତି ବୁଡୁୟାଁ ଝାୟି □

୧୬ ଇତିହିଁ ଆମିନି ତାଣା ତାହାରା ଅଡେ ଜାହାରାତାକି ଅଣ୍‌ପିନାୟି ମାନେ, ଏ ଚାୟୁତା ବାରେଲେହେଁତି ଲାଗେଏତି କାମା ମାନେ □

୧୭ ସାମା ଲାକଟି ଝାନ୍ତି ବୁଦି, ତଲିଏ ସୁଦୁଗାଟାୟି, ତାୟୁ ହିଡ଼ି ଜୀଝୁଗାଟାୟି ଅଡେ ସୁଦୁ ସୁଝାଲା, ମାନଝି ଆନାୟି, କାର୍‌ମାମେହନାୟି ଅଡେ ନେହିଁ ପାଡ଼େୟିକା ତଲେ ନେଞ୍ଜାମାନାୟି, ଆନାମାନା ଆଆଗାଟାୟି ଅଡେ କୁରୁ ହିଲାଆଗାଟାୟି □

୧୮ ଅଡେ ହିଡ଼ି ହାନି ଲକୁ ତାଣାଟି ହିଡ଼ିତି ବିଚା ମାର୍‌ଝିଆନେ, ଦାର୍‌ମୁଗାଟି ପାଡ଼େୟି ଦାପି ଆନେ □

୪

ଦାର୍‌ତି ତଲେ ତଣେ ଦହନାୟି

୧ ମୀ ତାଣା ମାତାଗଡ଼ି ଅଡେ ଗଡ଼ହା ଆମ୍ବିଟି ଝାହିମାନେ ? ଏଝି ମୀ ତାଣା ମାନି ସୁକୁତି ଅଣ୍‌ପୁଟି ଝାହିମାନୁ ଏଝି ବାରେ ବେଲା ଗଡ଼ହା କିଝିକିହିମାନୁ □

୨ ମୀରୁ ଏନାଆଁ ବେଟାଆହାଲି ଅଣ୍‌ପା ମାଞ୍ଜେରି, ଏଦାଆଁ ବେଟା ଆଆସାରେ ଲକୁଣି ପାୟାଲି ଅଣ୍‌ପା ମାଞ୍ଜେରି, ଏନାଆଁ ବେଟାଆହାଲି ହାରେକା ଜୁପ୍‌କା ଆନେ ଏଦାଆଁ ବେଟା ଆଆସାରେ ଗଡ଼ହା ଅଡେ ମାତାଗଡ଼ି କିହିମାଞ୍ଜେରି, ଏନାଆଁତାକି ଇତିହିଁ ମୀରୁ ମାହାପୁରୁଇ ରାସି ହିଲଅଡେରି;

୩ ମୀରୁ ରାସିମାଞ୍ଜେରି ସାମା ବେଟାଆହି ହିଲଅଡେରି, ଏନାଆଁତାକି ଇତିହିଁ ମୀରୁ ମୀ ଆଙ୍ଗାତି ଜୁପ୍‌କାଟି ଲେମ୍‌ଲି ତାକି ପାପୁ କାମା କିହାଲି ରାସିମାଞ୍ଜେରି □

୪ ଏ ଦାରେଣିସିକାଡେରି, ମୀରୁ ପୁଞ୍ଜାହିଲଅଡେରି ? ଦାର୍‌ତିତି ତଣେ ଆନାସି ଏଝାସି ମାହାପୁରୁତି ସାଡୁ, ଇତିହିଁ ଆମ୍ବାଆସି ଇ ଦାର୍‌ତିତି ତଣେ ଆହାଲି ଅଣ୍‌ପିନେସି; ଏଝାସି ମାହାପୁରୁତି ସାଡୁ □

୫ ମୀରୁ ଏନାଆଁ ଦାର୍‌ମୁ ପତିତା ରାସ୍‌କି ଆହାମାନି ବଲୁ ଉଜେଏ ଇଞ୍ଜି ଅଣ୍‌ପିମାଞ୍ଜେରି କି, “ମାହାପୁରୁ ଆମିନି

ଜୀଝୁତି ମା ତାଣା ବାସା ଆହାଲି ହୀହାମାଞ୍ଜାନେସି, ଏଝାସି ମାଞ୍ଜେ ବାରେ ଝାକିଟି ସାଲଝି କିହାଲି ଅଣ୍‌ପିମାନେସି □”

୬ ସାମା ମାହାପୁରୁ ହାରେକା କାର୍‌ମାମେହନାଣି ହିୟାନେସି; ଏଦାଆଁତାକି ସାସ୍ତେରିତା ରାସ୍‌କି ଆହାମାନେ, “ମାହାପୁରୁ ଆଙ୍କାରା ଆନାରି କପାଟି ନିଙ୍ଗିନେସି, ସାମା ଜାହାରାଇଁ ଉଣା କିହା କତାମାନାରାଇଁ କାର୍‌ମା ମେହନେସି, ମାହାପୁରୁତି କାର୍‌ମା ହାରେକା ବାଡ଼ୁୟୁ ଗାଟାୟି □”

୭ ଏଦାଆଁତାକି ମୀରୁ ମାହାପୁରୁ ତାଣା ହେରପା କତାଦୁ; ଅଡେ ସୟତାନଇଁ ଆବାଆଦୁ, ଆତିହିଁ ଏଦି ମୀ ତାଣାଟି ହେକ ହାନେ □

୮ ମାହାପୁରୁ ତାଗେ ଝାଦୁ ଆତିହିଁ ଏଝାସି ମୀ ତାଗେ ଝାନେସି, ଏ ପାପୁ ଗାଟାଡେରି, ମୀ କେସ୍‌ଲୀ ନେହିଁ କିଁ ନରଦୁ, ଅଡେ ରୀ ଅଣ୍‌ପୁ ଗାଟାଡେରି, ମୀ ହିୟାଁତି ଅଡ଼ହା କତାଦୁ □

୯ ହିୟାଁ କାଡ଼ି କିହାଁ ଦୁକୁତଲେ ଡୀଦୁ; ମୀ କାକ୍‌ନାୟି ଡୀକିତା ଅଡେ ମୀ ରାହାଁ ଦୁକୁତା ତୀରି ମିପେ □

୧୦ ପ୍ରବୁତି ନକିତା ମୀରୁ ମିଙ୍ଗେ ଉଣା କିହାକତାଦୁ, ଏଡେଟିଏ ଏଝାସି ମିଙ୍ଗେ କାଜା ଲକୁ କିୟାନେସି □

ଏଡ଼କା ଲକୁଣି ନୀହାଁୟି କିଆଦୁ

୧୧ ଏ ତାୟି ତାଙ୍ଗିସ୍‌ଲା, ମୀରୁ ରଅଡେରି ରଅଣା କପାଟି ନିନ୍ଦା କାତା ଜଲ୍‌ଆଦୁ; ଆମ୍ବାଆସି ତାୟି କପାଟି ନିନ୍ଦା କାତା ଜଲ୍‌ନେସି କି ନୀହାଁୟି କିନେସି, ଏଝାସି ମସା ମେରା କପାଟି ଜଲ୍‌ମାନେସି, ଇଞ୍ଜା ଏମ୍ବାତି ନୀହାଁୟି କିହିମାନେସି □ ସାମା ମୀରୁ ମସା ମେରାତି ନୀହାଁୟି କିଦେରି, ଇତିହିଁ ମୀରୁ ମସା ମେରାତି ମାନଝି ଆନାଡେରି ଆଆନା ଏମ୍ବାତି ନୀହାଁୟି କିନାଡେରି □

୧୨ ମାହାପୁରୁ ରଅସିଏ ମେରା ହୀନାସି ଅଡେ ନୀହାଁୟି କିନାସି, ଏଝାସି ଗେଲ୍‌ପାଲି ଅଡେ ନାସା କିହାଲି ଆଡ଼ିମାନେସି; ସାମା ନୀନୁ ଆମ୍ବାଆତି, ନୀ ଆଡ଼ିହାଣାଇଁ ନୀହାଁୟି କିହିମାଞ୍ଜି ?

ବତପଣ କିଆଦୁ

୧୩ ନୀଏଁ ମେହଦୁ, ଆମ୍ବାଆଡେରି ଏଲେ ଇଞ୍ଜିମାଞ୍ଜେରି, “ନୀଞ୍ଜୁ କି ଝିଏ ମାମ୍‌ଏ ଗାଡ଼ାତା ହାନମି ଇଞ୍ଜା ଏମ୍ବାଆଁ ର ବାର୍‌ସା ପାଡେକା ଡୟାନା ବେବାରା କିହାଁ ଗାତି ଲାଡ଼ା କିନମି;”

୧୪ ସାମା ଝିଏ ଏନାୟି ଆନେ, ଏଦାଆଁ ମୀରୁ ପୁଞ୍ଜାହିଲଅଡେରି, ମୀ ଜୀଝୁ ଏନିକିଁ ଗାଡ଼େକା ତଞ୍ଜାଆହାନା ଗାଡ଼େକା ମେଣ୍‌ଙ୍ଗାହାନି ଉକ୍‌ଅଡ଼ି, ମୀରୁ ଏଲେତାଡେରି □

୧୫ ଇଦାଆଁତାକି ମୀରୁ ଏଲେଇନାୟି ମାନେ, “ପ୍ରବୁତି ଅଣ୍‌ପୁ ଆଡ଼ିସାରେ ମାର୍‌ ଜୀଝୁତଲେ ନୀତା ମାଞ୍ଜାନା ଇଦାଆଁ କିନ ଆଆତ୍‌ ଏଦାଆଁ କିନ □”

୧୬ ସାମା ମୀରୁ ନୀଏଁ ମୀ ବତପଣ ତସାକଡ଼ିମାଞ୍ଜେରି; ଇଲେତି ବତପଣ ଲାଗେଏତାୟି □

୧୭ ଏନାଆଁତାକି ଇଚିହଁ, ଆମ୍ବାଆସି ନେହଁ କାମା କିହାଲି ପୁଞ୍ଜାନା କିଅସି ଏଞ୍ଜାସି ପାପୁ କିନେସି □

୫

ବାଡ଼କୁ ଗାଟାରାଇଁ ଜାଗ୍ରାତା କିନାୟି

୧ ଏ ବାଡ଼କୁ ଗାଟାତେରି ନା କାତା ଖେଞ୍ଜୁ, କସ୍ତତି ଦିନା ଖାହିମାନେ ଏଦାଆଁତାକି ଦୁକୁଆହଁ ତୀଦୁ ଇଞ୍ଜା କାନିକାର୍ମା ଆଦୁ □

୨ *ମୀ ବାରେ ଦନ ସୀରହା ହାଚେୟିଏ, ଅଡ଼େ ମୀ ହିମ୍ବିକାଇଁ ଲୀମ୍ବୁ ତିରେୟିଏ,

୩ ଅଡ଼େ ମୀ ବାଂଗାରା ଇଞ୍ଜା ଖେଣ୍ଡି କିରଞ୍ଜୁ ଆଡ଼େୟିଏ; ଏଚେଟିଏ ଏ କିରଞ୍ଜୁ ମୀ କପାଟି ସାକି ହୀହାନା ହିରୁ ଲେହେଁ ମୀ ଆଜ୍ଞା ଜିକେଏ ନାସା କିୟାନେ, ଇ ରାନି ବେଲୀତା ମିଜେତାକି ଦନ କୁଡ଼ି କିହାମାଞ୍ଜେରି □

୪ ହେଣ୍ଡୁ, ମୀ ଗୁଡ଼ୟାତି ତାସା ଦାଃଆନାରାକି ନାଡ଼ିକିହାନା ଆମିନି କୁଲି ହୀହା ହିଲଅତେରି, ଏଡ଼ି ଗାତି କାଲୁଞ୍ଜି ଆହିମାନେ, ଅଡ଼େ ତାସାତି ଦାଃଆନାରି ତୀନାୟି ବାରେ ବାଡ଼ମୁଟି ପ୍ରବୁତି କିୟଁ ତୁ ଏଗା ହାଚେୟିଏ □

୫ ମୀରୁ ଦାରତିତି ସୁକୁ ଅଡ଼େ ରାହାଁତା ନୀତାମାଞ୍ଜେରି, ମୀରୁ ହାକିତି ଦିନାତାକି ଜାହାରାଇଁ ଆଜ୍ଞା କିହାମାଞ୍ଜେରି □

୬ ମୀରୁ ଦହ ହିଲାଆଗାଟାରାଇଁ ଦହ କିହାନା ପାୟିମାଞ୍ଜେରି; ଏଞ୍ଜାସି ମିଜେ ଖେଣ୍ଡେ ଏନାଆଁ କିୟଅସି □

ସାସାତଲେ ପ୍ରାତାନା କିନାୟି

୭ ଏଦାଆଁତାକି ଏ ତାୟି ତାଜିସ୍ତା, ପ୍ରବୁତି ଖାନି ଦିନା ପାତେକା ସାସାତଲେ କାଟାନା ମାଞ୍ଜୁ, ର ତାସା କିନାସି ଏନିକଁ ତାନି ବୁମିତି ପାଡ଼େୟି ବେଟାଆହାଲି ତାକି ମୁଲୁତି ପିୟୁ ଅଡ଼େ ତାୟୁତି ପିୟୁ ରିନି ଦିନା ପାତେକା ସାସାତଲେ କାପୁ କାଟାନା ତୟିନେସି □

୮ ମୀରୁ ଜିକେଏ ଏଲେକଁ ସାସାତଲେ ମାଞ୍ଜାନା ମୀ ହିୟାଁତି ସୁସ୍ତି କିଦୁ, ଇଚିହଁ ପ୍ରବୁତି ଖାନି ଦିନା ତାଗେ ଖାଡ଼େୟିଏ □

୯ ଏ ତାୟି ତାଜିସ୍ତା, ମୀରୁ ଏନିକଁ ନୀହାଁୟି କିଞ୍ଜି ଆଅଡ଼େରି, ଏଦାଆଁତାକି ରଅଡ଼େରି ରଅଣା କପାଟି ଏନି କାତା ଜଳାଆଦୁ, ସିନିକିଦୁ, ନୀହାଁୟି କିନାସି ଦୁଖେରିତା ନିରାମାନେସି □

୧୦ ଏ ତାୟି ତାଜିସ୍ତା, ଆମିନି ମାହାପୁରୁ ଅଣ୍ଟପୁତି ବଲୁ ଖେହନାରି ପ୍ରବୁ ଦରୁଟି କାତା ଖେସାମାଚେରି, ଏଞ୍ଜାରାଇଁ ମୀରୁ ଅଣ୍ଟପାଦୁ, ଦୁକୁ କସ୍ତ ବେଟାଆନାଟି ସାସା ଅଡ଼େ ଅରହାଲି ଜିରୁ ତସାମାଞ୍ଜାନେରି □

୧୧ ମେହ୍ଦୁ ଆମ୍ବାଆରି କସ୍ତ ଅରହା ମାଚେରି, ମାମ୍ବୁ ଏଞ୍ଜାରାଇଁ ନେହାଁରି ଇଞ୍ଜା ଇନମି, ମୀରୁ ଆୟୁବତି ଅରହିନାଣି ଖେଞ୍ଜାମାଞ୍ଜେରି, ଅଡ଼େ ପ୍ରବୁ ତାୟୁତି କାମା

ମେସାନା ପୁଞ୍ଜାମାଞ୍ଜେରି, ଏଞ୍ଜାସି କାର୍ମା ମେହ୍ନାସି ଅଡ଼େ ଜୀଞ୍ଜୁ ନନାସି □

୧୨ *ଏ ନା ତାୟି ତାଜିସ୍ତାତେରି, ମୀରୁ ପାରମାଣା କିଞ୍ଜୁଏ କିଆଦୁ, ଲାକପୁରୁତି ଦରୁତଲେ ପାରମାଣା କି ଦାରତିତି ଦରୁତି ପାରମାଣା କି ଏଟକାତି ଏନି ଦରୁ ଆସାନା ପାରମାଣା କିଆଦୁ, ସାମା ମୀଦି ହାଅ ଇନି କାତା ହାଅ ଆପେ ଇଞ୍ଜା ଆଏ ଇନି କାତା ଆଏ ଆପେ, ଏନିକଁ ମୀରୁ ନୀହାଁୟି ଦିନାତା ତଣ୍ଡ ଗାଟାତେରି ଆଅଡ଼େରି □

୧୩ ମୀ ବିତ୍ରାଟି ଆମ୍ବାଆସି ଦୁକୁ କିହିମାନେସି? ଆତିହଁ ଏଞ୍ଜାସି ପ୍ରାତାନା କିପାସି, ଆମ୍ବାଆସି ରାହାଁଟି ମାନେସି? ଇଚିହଁ ଏଞ୍ଜାସି ଜହରା ପାରୁ ପାଟାପେସି □

୧୪ *ଆମ୍ବାଆସି ମୀ ବିତ୍ରାଟି ଆଡ଼ାଆ ଗାଟାସି ମାତିହଁ ଏଞ୍ଜାସି କୁଲମିତି ପ୍ରାତିନାଜାଣି ହାଟାପେସି; ଇଞ୍ଜା ଏଞ୍ଜାରି ପ୍ରବୁତି ଦରୁତଲେ ନିୟୁଁ ଖାକହାନା ଏଞ୍ଜାଣି ତାକି ପ୍ରାତାନା କିପାରି □

୧୫ ଏ ନାମୁଗାଟି ପ୍ରାତାନା ରଗା ଗାଟାଣାଇଁ ନେହଁ କିନେ, ଇଞ୍ଜା ପ୍ରବୁ ଏଞ୍ଜାଣାଇଁ ନିକନେସି, ଇଞ୍ଜା ଏଞ୍ଜାସି ପାପୁ କିହାମାଚିହଁ, ଆତିହଁ ଏଞ୍ଜାଣି ପାପୁ ମେଣ୍ଡାକି କିଞ୍ଜିଆନେ □

୧୬ ଏଦାଆଁତାକି ମୀରୁ ରଅଡ଼େରି ରଅଣା ନକିତା ମୀ ପାପୁ ଖେକ୍ଦୁ, ଅଡ଼େ ନେହଁ ଆହାଲିତାକି ରଅଡ଼େରି ରଅଣି ତାକି ପ୍ରାତାନା କିଦୁ, ଆତିହଁ ମୀରୁ ନେହଁ ଆଡ଼େରି, ଏନାଆଁତାକି ଇଚିହଁ ଦାମ୍ବୁ ଗାଟାଣି ପ୍ରାତାନା ହାରେକା କାଜା କାମା କିହାଲି ଆଡ଼ିନେ □

୧୭ ଏଲିୟ ଜିକେଏ ମା ଲେହେଁତି ଦୁକୁ ସୁକୁ ଗାଟି ମାଣ୍ଡସି; ଏଞ୍ଜାସି ପିୟୁ ଆଆପେ ଇଞ୍ଜା ରଣ୍ଡିଏ ମନତଲେ ପ୍ରାତାନା କିତେସି, ଅଡ଼େ ତାନି ବାର୍ଯା ସ ଲେଞ୍ଜୁ ପାତେକା ଏ ବୁମିତା ପିୟୁ ଆଆଡେ □

୧୮ ଇଞ୍ଜା ଏଞ୍ଜାସି ଅଡ଼େ ଖେଣ୍ଡେ ପ୍ରାତାନା କିହାଲିଏ ହାଗୁଟି ପିୟୁ ରୀତେ, ଅଡ଼େ ବୁମିତା ଆନା କାମ୍ବିତେ □

୧୯ ଏ ନା ତାୟିୟା ଅଡ଼େ ତାଜିସ୍ତା, ମୀ ବିତ୍ରାଟି ଆମ୍ବାଆସି ସାତା ଜିରୁଟି ବାଣା ଆତିହଁ ଅଡ଼େ ଆମ୍ବାଆସି ଏଞ୍ଜାଣାଇଁ ଖେଣ୍ଡେ ଖେଟହା ତାନେସି,

୨୦ *ଆତିହଁ ଆମ୍ବାଆସି ପାପୁ ଗାଟାଣାଇଁ ତାନି ପଲୁଆ ଜିରୁଟି ଖେଟହା ତାନେସି, ଏଞ୍ଜାସି ଏଞ୍ଜାଣି ଜୀଞ୍ଜୁଟି ହାକିଟି ଗେଲପିନେସି, ଇଞ୍ଜା ହାରେକା ପାପୁତି ମ୍ବେପକି କିନେସି, ଇଦାଆଁ ମୀରୁ ପୁଞ୍ଜୁ □

☆ ୫:୨ ୫:୨ ମାତି ୬:୧୯ ☆ ୫:୧୭ ୫:୧୭ ମାତି ୫:୩୪-୩୭ ☆ ୫:୧୪ ୫:୧୪ ମାର୍କ ୬:୧୩ ☆ ୫:୨୦ ୫:୨୦ ପିତି ୪:୮

ପିତରଙ୍କ ପ୍ରଥମ ପତ୍ର ପିତର ରାଚାମାନି ର ଲମ୍ବର ଆକୁ ମୂଳୁ ହାଡ଼ା

ପିତର ର ଲମ୍ବର ଆକୁ ପାଣ୍ଡୁଆତି ପିତର ରାଚାମାରେସି □ ପିତର ଏଞ୍ଜାସି ଆମ୍ବାଆସି ଅଡେ ଆମ୍ବାଆରାକି ତାନି ଆକୁ ରାଚିମାରେସି ଏ କାତା ଝେସାନା ତାନି ଆକୁ ରାଚାଲି ମାଟ୍‌ହେସି □ ଏଞ୍ଜାସି ଆମ୍ବାଆରାକି ପୁଣ୍ଡି ମେସ୍‌ପି ଆଆତି ଲକୁ ଇଞ୍ଜି ଇରେସି ଏ ବାରେ କ୍ରୀସ୍ତୁକି ନାମିତି ଲକୁଣି ଆକୁତା ଝେକ୍‌ହେସି ୧:୧; ୧:୧୭; ୨:୧୧ □ ଏଞ୍ଜାସି ତାନି ଆକୁତି ପତ୍ରଞ୍ଜି ଆନାରାକି ଏଲେକିହିଁ ଝେସେସି ଏନାଆଁତାକି ଇଚିହିଁ ଏଞ୍ଜାରି ହାରେକା ଦେବା ଇତାଲା ଆତାଲା ଦେସାଣା ହଣ୍ଡି ଆହାମାରେରି □ ଇଚିହିଁ ଇ ଆକୁ ଏଚର ବାଚା ପାଞ୍ଜୁଲ ଏପିସିୟ କୁଲମିକି ରାଚାମାନି ଆକୁ ଲେହେତାୟି, ହାରେକା ଲକୁ ନାମିମାନେରି ଏପିସିୟତି ତାୟୁ ର ଲମ୍ବର ପିତର ପତି ଜୀସୁ କ୍ରୀସ୍ତୁ ଜାର୍ନାଆତି ୨୫ ବାର୍ସା ତାୟୁ ରାସ୍‌କି ଆହାମାରେ □ ପିତର ଇ ଆକୁତି ରମ୍‌ଟି ରାଚିତେସି, ଆମିନିଗାଗାଣି ଏଞ୍ଜାସି ବାବିଲନ ଇରେସି ୫:୧୩ □

ମିଙ୍ଗେ ରାହାଁ କିହିଁ ଅଡେ ସାକି ହାହିଁ ଇଦି ଏ ମାହାପୁରୁତି ସାତା କାର୍ମାମେହ୍‌ନାୟି ଇଞ୍ଜି ପିତର ଝେସାନା ଇ ଆକୁତି ରାଚିତେସି ୫:୧୨; ୧ପିତ ୨:୧୧-୩:୭; ଏପିସି ୫:୧୮-୨:୯ ଅଡେ କଲସିୟ ୩:୧୮-୪:୨ ହାରେକା ରଲେଏତି କାତା ରାସ୍‌କି ଆହାମାନେ □ ଇ ବାରେ ତାନିଗଟା ଆକୁତା ଇଲୁ କୁଟମିତା ଆଣ୍ଡି ଆହାନା ତୟିନାୟି ଅଡେ କାଜା ଲକୁତି ମାନଞ୍ଜି ଆହାନା ତୟାଲି ଜାପୁଞ୍ଜି ଆହାମାନେ □ ଏଚିବେଲାତା ସାସ୍ତି ଝାନ୍ଦେ ତାରିଆହାନା ମାଞ୍ଜାଲି ଏଞ୍ଜାସି କ୍ରୀସ୍ତୁକି ନାମିତି ଲକୁଣି ସାସା ହାହିମାନେସି ଏନାଆଁତାକି ଇଚିହିଁ ଜୁଗୁ ରାନ୍ତି ଦିନା ତାଗେ ଝାଡେୟିଏ ୪:୧ □

ପତିତା ମାନାୟି

- ୧ ପିତର ତାଙ୍ଗେ ଝେକ୍‌ହା କତିନାୟି ଅଡେ ତାନି ଆକୁତି ପତ୍ରଞ୍ଜି ଆନାରାକି ଝେହ୍‌ନାୟି □ ୧:୧-୨
- ୨ ଗେଲ୍‌ପି ଆନାୟି ବାରେ ଲକୁତାଣା ଏଜାମାନାକି ଅଡେ ତାନି ଜୀସୁ ଏନାୟି ଇଞ୍ଜି ପୁଞ୍ଜାମାନାକି ଏଞ୍ଜାସି ମାହାପୁରୁକି ଜହରା କିନାୟି □ ୧:୩-୨:୧୦
- ୩ କ୍ରୀସ୍ତୁକି ନାମିତି ଲକୁ ଏନିକିହିଁ ଇ ଦାର୍‌ତିତା ନାତିନାୟି ଅଡେ ଏନିକିହିଁ କି ତକ୍ରା ଅଡେ ତକ୍ରା ଇଞ୍ଜା ସାଞ୍ଜୁକାରି ଅଡେ ହଲେଏସି ନେହିଁ କି ତୟିନେରି ଏ କାତା ଏଞ୍ଜାସି ଜାପୁନାୟି □ ୨:୧୧-୪:୧୧
- ୪ ପିତର ଏଞ୍ଜାରାକି ସାସ୍ତି ଝାଡିସାରେ ତାରିଆହାନା ତୟାଲି ସାସା ହାନାୟି □ ୪:୧୨-୫:୧୧
- ୫ ପିତର ତାନି ଆକୁ ରାପୁନାୟି □ ୫:୧୨-୧୪

୧ ନାନୁ, ପିତର, କ୍ରୀସ୍ତୁ ଜୀସୁ ତାଣାଟି ପାଣ୍ଡୁଆହାମାନି ସାସ୍ତି, ପତ୍ର, ଗାଲାତିୟା, କାପାଦକିୟା, ଆସିୟା ଅଡେ ବେତନିୟାଁ ରାକିତା ଇତାଲା ଆତାଲା ବାସାଆହାମାନି ମାହାପୁରୁ ଆଚାମାନି ଲକୁତାକି ଆକୁ ରାଚିମାକି,
 ୨ ଆବା ମାହାପୁରୁତି ତଲିତି ବୁଦିତଲେ ସୁଦୁଜୀଞ୍ଜୁ ତଲେ ସୁଦୁ ଆହା ମାନି ଗାଟାତେରି ଅଡେ ଜୀସୁ କ୍ରୀସ୍ତୁତି ନେତେରି ତାଞ୍ଜିଞ୍ଜି କିହାକତାଲି ଆଚ୍‌ଞ୍ଜି ଆହାମାନେରି □ ମିଙ୍ଗେତାକି ମାହାପୁରୁତି କାର୍ମାମେହ୍‌ନାୟି ଇଞ୍ଜା ହିଡ଼ି ଆପେ □

ଜୀଞ୍ଜୁତି ବାର୍ସୁ

- ୩ ମା ପୁରୁ ଜୀସୁ କ୍ରୀସ୍ତୁତି ଆବା ଅଡେ ମାହାପୁରୁକି ଜହରା; ଇଚିହିଁ ଏଞ୍ଜାସି ତାନି କାର୍ମାଟି ଜୀସୁ କ୍ରୀସ୍ତୁକି ହାକିଟି ନିକହାନା ମାଙ୍ଗେ ପୁଞ୍ଜି ଜୀସୁ ହାହାମାଞ୍ଜାନେସି, ଏଦି ମାଙ୍ଗେତାକି ନୀତିନି ବାର୍ସୁ ହାହାମାଞ୍ଜାନେ,
 ୪ ଏଦାଆଁତାକି ମାହାପୁରୁ ତାନି ଲକୁତାକି ଆମିନି ଦାରାଗାଟି ବର ଇଟାମାନେସି, ଏଦାଆଁ ବେଟାଆହାଲି ମାର କାପୁ କାଚାମାନାୟି, ଏଞ୍ଜାସି ଲାକପୁରୁ ମିଙ୍ଗେତାକି ଏଦାଆଁ ଜାଡୁ ତଲେ ଇଟାମାନେସି, ଏମ୍ବାଆଁ ଏଦି ନସ୍ତ ଆଏ କି ଝାଡେଏ □
 ୫ ଆମିନି ଗେଲ୍‌ପିନାୟି ରାନ୍ତି ଦିନାତା ତଞ୍ଜାଆହାଲି କିଞ୍ଜିଆହାମାନେ, ଏଦାଆଁ ବେଟାଆହାଲି ତାକି ମୀରୁ ମାହାପୁରୁତି ବାଡ଼ୟିତା ନାମୁତଲେ ଜାଗ୍ରାତା କିଞ୍ଜି ଆହାମାଞ୍ଜେରି □
 ୬ ଏଦାଆଁତାକି ମୀରୁ ରାହାଁ କିଦୁ, ଆଡିଜିକେଏ ନୀଏଁ ଗାଡେକା ତାକି ହାରେକା ତାୟିପାରି କିନି ତାଣାଟି ଦୁକୁ କସ୍ତ ବେଟାଆନାୟି ମିଙ୍ଗେତାକି ଲଡ଼ାଆନ୍ଦେ,
 ୭ ଏନିକିଁ ଗାଡେକା ନସ୍ତ ଆନି ବାଂଗାରା ହିରୁତା ହୁଡିନି କିହାଁ ହାରେକା ଦାରା ମୀ ତାୟିପାରି କିଞ୍ଜିଆଡ଼ି ନାମୁ, ଏଦି ଜୀସୁ କ୍ରୀସ୍ତୁ ତଞ୍ଜାଆନି ବେଲାତା ମାନି ତଲେ ଜହରାତି, ଗାଞ୍ଜୁରମି ଅଡେ ମାନି ବେଟାଆନାୟି □
 ୮ ନୀଏଁ ମୀରୁ ଏଞ୍ଜାଣାକି ମେସା ହିଲାଆତି ଜିକେଏ ଜୀଞ୍ଜୁନହିଁ ମାଞ୍ଜେରି, ଇଞ୍ଜା ନୀଏଁ ମେହ୍‌ଆତାଁ ଜିକେଏ ତାନି ତାଣା ନାମାହାଁ ଝେସାଲି ଆଡ଼ାଆରେଟୁ ଗାଞ୍ଜୁରମିତି ରାହାଁତା
 ୯ ରାହାଁ ଆହାନା ଏ ନାମୁତି ପାଡେୟି ଲେହେଁ ମୀ ଜୀଞ୍ଜୁତି ଗେଲ୍‌ପିନାଣି ବେଟାଆହାମାଞ୍ଜେରି □
 ୧୦ ଇ ଗେଲ୍‌ପିନି କାତା ମାହାପୁରୁ ଅଣ୍ଡପୁତି ବଲୁ ଝେହ୍‌ନାରି ମନ୍ ହାହାନା ପାରିହିଁ ସିନିକିତେରି, ଆମ୍ବାଆରି ଏମିନି କାର୍ମାମେହ୍‌ନାୟି ମିଙ୍ଗେ ଆନାୟି ମାଟେ, ଏ ତାୟୁତି କାତା ଝେସାହାଁ ତସାମାରେରି,
 ୧୧ କ୍ରୀସ୍ତୁତି ଦୁକୁ ବେଟାଆନାଣି ଇଞ୍ଜା ଅଡେ ତାୟୁତି ଗାଞ୍ଜୁରମି ବେଟାଆନାଣି ନକେଏ ପାର୍‌ମାଣା ହାନାସି ଇଞ୍ଜା ଏଞ୍ଜାରିତାଣା ମାନି କ୍ରୀସ୍ତୁତି ଜୀସୁ ଏ ବାରେ ଏଚିବେଲା ଝାନ୍ଦେ ଅଡେ ଏନିକିଁ ଝାନ୍ଦେ ଏଞ୍ଜାରି ପୁଞ୍ଜାଲି ନକେଏ ଅଣ୍ଡପାମାରେରି □

୧୨ ଏହାରି ଏ ବାରେ କାତା ତାମି ତାକି ସେବା କିଆନା ମୀ ଲାବା ତାକି ସେବା କିହିମାଚେରି, ଇଦି ଏହାରିତାଣା ତଞ୍ଜା ଆହାମାଚେ, ଇଞ୍ଜା ଏ ବାରେ କାତା ଲାକପୁରୁଟି ପାଣ୍ଡୁଆହାମାନି ସୁଦୁଜୀଞ୍ଜୁତି ବାଡ଼ୁତୁ ତଲେ ମୀ ନକିତା ନେହଁ କାବୁ ଝେହ୍ନାରି ତାଣାଟି ନୀର୍ବ୍ୟ ମିଜେ ଝେସ୍ପି ଆହିମାଞ୍ଜାନେ; ଏ ବାରେ କାତା ଦୁତୁୟା ଜିକେଏ ପୁଞ୍ଜାଲି ଅଣ୍ପି ମାନେରି □

ସୁଦୁଜୀଞ୍ଜୁ ତଲେ ମାଞ୍ଜାଲି ହାଟ୍ଟି ଆନାୟି

୧୩ ନେହଁ କାମା କିହାଲି ତିୟାରା ଆଦୁ □ କାପୁ କାଚାନା ଜୀସୁ କ୍ରୀସ୍ତ ତଞ୍ଜା ଆନି ବେଲାତା ଆମିନି ବର ମିଜେ ହାପକି ଆୟାନେ, ଏଦାଆଁତାକି ତୀରେତଲେ ବାସ୍ତୁ ଇଟାଦୁ □

୧୪ ମାହାପୁରୁଇଁ ମାନି କିଦୁ, ମୀରୁ ତଲି ପୁଞ୍ଜାହିଲାଆତି ବେଲାତା ଆମିନି ଲାଗେଏ ପଲେଏତି ଜୁପକା ତଲେ ମାଚେରି ନୀର୍ବ୍ୟ ଏଲେଆଆଦୁ □

୧୫ ସାମା ମିଜେ ହାଟ୍ଟାମାଞ୍ଜାନି ମାହାପୁରୁ ଏନିକଁ ସୁଦୁଗାଟାସି ମୀରୁ ଜିକେଏ ଏଲେକଁ ମୀ ବାରେ ମାଣ୍ଡକିତା ସୁଦୁ ଗାଟାଚେରି ଆଦୁ □

୧୬ ଦାମ୍ବୁପତିତା ରାସ୍ତକି ଆହାମାନେ, “ମୀରୁ ସୁଦୁ ଗାଟାଚେରି ଆଦୁ, ଏଦାଆଁତାକି ଇଚିହଁ ନାନୁ ସୁଦୁ ଗାଟାଚେର୍ସି □”

୧୭ ଅଡ଼େ ଆମ୍ବାଆରି ମୁମ୍ବୁମେହ୍ନାଆନା ବାରେ ଲକ୍ଷୁତି ଏହାରି କାମା କିହାମାନିଲେହେଁ ନୀହାୟି କିନେସି, ଏହାଣି ତାଣା ପ୍ରାତାନା କିନାଟି ଆବା ଇଞ୍ଜା ହାଟ୍ଟିଚିହଁ, ମୀରୁ ଇ ଦାର୍ତ୍ତିତା ବାସାଆହାମାନି ପାଚେକା ମାନି ତଲେ ଏହାଣାଇଁ ଆଜାନା ମାଞ୍ଜୁ;

୧୮ ଇଚିହଁ ମୀରୁ ପୁଞ୍ଜାମାଞ୍ଜେରି ମୀ ଆକୁ ଆବାୟାଁ ତାଣାଟି ବେଟାଆହାମାନି ଉଜେଏତି ମାଣ୍ଡକି ତଲେ ନୀତିନି ତାଣାଟି ମୀରୁ ଝେଣ୍ଡି କି ବାଂଗାରା ଲେହେଁତି ନାସା ଆନି ଆସ୍ତି ତଲେ ପିସ୍ପି ଆହାହିଲଅଚେରି,

୧୯ ସାମା ଏନି ସିନା ଅଡ଼େ ଦହ୍ ହିଲାଆଗାଟି ମେଣ୍ଡା ତାଲୁ ଲେହେଁତି କ୍ରୀସ୍ତତି ଗାତି ଦାରାଗାଟି ନେଚେରି ତଲେ ପିସ୍ପି ଆହାମାଞ୍ଜେରି □

୨୦ ଦାର୍ତ୍ତି ଗାଡ଼ିଆଡ଼ି ନକେଏ ମାହାପୁରୁ ଏହାଣାଇଁ ଆଡ଼ିଚେସି ଇଞ୍ଜା ଇ ରାନି ଜୁଗୁତା ଏହାସି ମିଜେତାକି ତଞ୍ଜା ଆହାମାଞ୍ଜାନେସି;

୨୧ ଆମିନି ମାହାପୁରୁ ଏହାଣାଇଁ ହାକିଟି ନିକ୍ହାନା ଗାଞ୍ଜୁରମି ହାହାମାନେସି, ଏହାଣି ତାଣାଟି ମୀରୁ ଏ ମାହାପୁରୁଇଁ ନାମିମାଞ୍ଜେରି, ଇଦାଆଁତାକି ମୀ ବାରେ ନାମ୍ବୁ ଅଡ଼େ ବାସ୍ତୁ ମାହାପୁରୁ ତାଣା ଆଟ୍ଟା ଆହାମାନେ □

୨୨ ନୀର୍ବ୍ୟ ମୀରୁ ସାତାତି ମାନୁଞ୍ଜି ଆହାନା କୁରୁ ହିଲାଆ ତାୟିଇଁ ଜୀଞ୍ଜୁ ନହାଲି ତାକି ମୀ ହିୟାଁତି ଅଟ୍ଟହା କତାମାନାକି ମୀ ବାରେ ହିୟାଁ ତଲେ ମୀରୁ ରଣ୍ଡିଏ ମନତଲେ ରଅଚେରି ରଅଣାଇଁ ଜୀଞ୍ଜୁନଦୁ □

୨୩ ଇଚିହଁ ମୀରୁ ନାସା ଆନି ପାଡ଼େୟିଟି ଆଏ, ସାମା ଏଚେଲା ନାସା ଆଆଗାଟି ପାଡ଼େୟିଟି, ଇଚିହଁ ମାହାପୁରୁତି ଜୀଞ୍ଜୁ ଅଡ଼େ ବାରେବେଲା ତୁୟିନି ବଲୁ ତଲେ ଝେଣ୍ଡେ ଜାର୍ନା ଆହାମାଞ୍ଜେରି □

୨୪ ଦାମ୍ବୁ ସାଡ଼େସ୍ପିତା ରାସ୍ତକି ଆହାମାନେ, “ଇଚିହଁ ଦାର୍ତ୍ତିତା ବାରେ ଲକ୍ଷୁ ଗାକଁ ଜାଡ଼ା ଲେହେଁତାରି, ଏହାରି ଅଜୁ ବାରେ ଜାଡ଼ାତି ପୂଜା ଲେହେଁତାୟି □ ଗାକଁ ଜାଡ଼ା ହାୟାହାନେ ଇଞ୍ଜା ପୂଜା ବାରେ ତୁଲାହାନୁ □

୨୫ ସାମା ମାହାପୁରୁତି ବଲୁ କାଲାକାଲାତାକି ତୁୟିନେ □” ଇଦି ଏ ନେହଁ କାବୁତି ବଲୁ, ଆମିନି ଗାଟାୟି ମୀ ତାଣା ଝେପକି ଆହାମାଚେ □

୨

ଜୀଞ୍ଜୁତି ଝାଲି ଅଡ଼େ ସୁଦୁଗାଟି କୃତା

୧ ଇଚିହଁ ପ୍ରବୁ କାର୍ମା ମେହ୍ନାସି ଇଞ୍ଜାଁ ମୀରୁ ନୀର୍ବ୍ୟ ପୁଞ୍ଜିମାନାକି, ଇଞ୍ଜା ବାରେ ଲାଗେଏ ପଲେଏତାଣି, ନାଡ଼ି କିନାଣି, କୁରୁ, ଲକ୍ଷୁଣି ତାହାରା ଇଞ୍ଜା ଲକ୍ଷୁଣି ନିନ୍ଦା କାତା ଜଲିନାଣି ପିହ୍ଦୁ,

୨ ପୁଞ୍ଜି ଜାର୍ନାଆଡ଼ି କୁଗି କକାରି ପଦାଁଲେହେଁ ଏଦାଆଁ ଆଣ୍ଡାଆତି ପାଲୁ ଗସାଲି ଅଣ୍ପିଦେରି, ଆତିହଁ ମୀରୁ ପାତାଆହାନା ଗେଲ୍ପି ଆଦେରି □

୩ ଦାମ୍ବୁପତିତା ରାସ୍ତକି ଆହାମାନେ, “ମାହାପୁରୁ ଏଚେକା କାର୍ମା ମେହ୍ନାସି, ଏଦାଆଁ ମୀରୁ ପୁଞ୍ଜାମାଞ୍ଜେରି □”

୪ ଜୀଞ୍ଜୁଗାଟି ଝାଲି ଲେହେଁତି ପ୍ରବୁ, ଏହାଣାଇଁ ମାଣ୍ଡସିୟାଁ ତାଣାଟି ଅପାଆଚେରି ସାତା, ସାମା ମାହାପୁରୁ ତାଣା ଆଡ଼ି ଆହାନା ଗାତି ଦାରାଗାଟାସି ଆଚେସି □

୫ ତାନି ତାଣା ହାହାନା ମୀରୁ ଜିକେଏ ଜୀସୁ କ୍ରୀସ୍ତ ତାଣାଟି ମାହାପୁରୁ ନକିତା ନେହଁ ଜୀଞ୍ଜୁତି ପୂଜା ହାହାଲିତାକି ସୁଦୁଗାଟି ପୂଜେରାଜା ଲେହେଁ ଆହାଲିତାକି ଜୀଞ୍ଜୁତି ଝାଲି ଲେହେଁ ଆହାନା ର ପ୍ରାତାନା ଇଲୁ ଲେହେଁ ଆଦୁ □

୬ ଇଚିହଁ ଦାମ୍ବୁ ପତିତା ରାସ୍ତକି ଆହାମାନେ; “ନାନୁ ସିୟନତା ର ଆଡ଼ି ଆହାମାନି ଅଡ଼େ ଦାରାଗାଟି କନତି ମୂଲୁ ଝାଲି କିହାମାଇଁ ଇଞ୍ଜା ଆମ୍ବାଆସି ଏହାଣି ତାଣା ନାମିନେସି ଏହାସି ଏଚେଲାଝା ଲାଜା ବେଟାଆଅସି □”

୭ ମୀରୁ ପ୍ରବୁଇଁ ନାମିମାଞ୍ଜେରି, ମୀରୁ ଏ ଦାରାଗାଟି ତାଣା ଆଣ୍ଡାମାଞ୍ଜେରି, ସାମା ଆମ୍ବାଆରି ନାମଅରି, “ଇଲୁ କେପିନାରି ଆମିନି ଝାଲିତି ଅପାଆଚେରି, ଏଦି ଏହାରିକି ଇଲୁ କନତି ମୂଲୁ ଝାଲି ଆଡ଼େ □”

୮ ଅଡ଼େ ଦାମ୍ବୁପତିତା ରାସ୍ତକି ଆହାମାନେ, “ଏ ଝାଲିତା ହାରେକା ଲକ୍ଷୁ ପୁଟି କିନେରି,

ଏ ପାକା ଖାଲି ଏଞ୍ଜରାଲ୍ ଡଲ ତରଗି କିନାୟି ଆନେ;”

ମାହାପୁରୁ ବଲୁ ଆହୁଆତାକି ଏଞ୍ଜରି ଏମ୍ପାଆଁ ବାଦା ବେଟାଆନେରି ଇଞ୍ଜା ଏଦାଆଁତାକି ଏଞ୍ଜରି ମାହାପୁରୁ ତାଣାଟି ଆଡ଼ି ଆହାମାଟେରି □

୯ ସାମା ଆମ୍ପାଆସି ମିଙ୍ଗେ ଆନେରିଟି ତାନି କାବାଆନି ଉଜେଡିତା ହାଟାମାଞ୍ଜାନେସି, ମୀରୁ ଏନିକ୍ ଏଞ୍ଜାଣି ଗୁଣୁ ପାଡିଦେରି, ଏଦାଆଁତାକି ମୀରୁ ମାହାପୁରୁ ଆଟାମାଞ୍ଜାନି କୁଡାତେରି, ରାଜାତି ସେବାକିନି ପୂଜେରାଙ୍ଗା, ମାହାପୁରୁ ସେବାତାକି ଏଟକା ଆହାମାନି ସୁଦୁ କୁଡାତେରି, ଇଞ୍ଜା ମାହାପୁରୁତି ଲକୁତେରି ଆହାମାଞ୍ଜେରି □

୧୦ “ତଲି ମୀରୁ ମାହାପୁରୁତି ଲକୁ ଆହା ହିଲାଆତେରି, ସାମା ନୀର୍ବ ମୀରୁ ମାହାପୁରୁତି ଲକୁ ଆହାମାଞ୍ଜେରି, ତଲି ମୀରୁ ମାହାପୁରୁତି କାର୍ମା ବେଟାଆହା ହିଲାଆତେରି, ସାମା ନୀର୍ବ ତାନି କାର୍ମାଆନାଣି ବେଟାଆହାମାଞ୍ଜେରି □”

ମାହାପୁରୁତି ହଲିୟାଙ୍ଗା

୧୧ ଏ ଜୀଞ୍ଜୁତି ତାୟି ତାଙ୍ଗିସ୍ତା, ନାନୁ ମିଙ୍ଗେ ଇ ଦାର୍ଡିତା ଏଟକା ଦେସାତାତେରି ଇଞ୍ଜା ହେକ ଦେସାଟି ଖାହାମାନାତେରି ଇଞ୍ଜା ଅଣ୍ପାନା ବାତିମାଲିମାଞ୍ଜାଲ୍, ମୀରୁ ମୀ ଆଙ୍ଗାତି ଜୁପକାଟି ହେକ ଆଦୁ, ଏଞ୍ଜି ମୀ ଜୀଞ୍ଜୁ କପାଟି ଜୁଜୁ କିହେମାନୁ □

୧୨ ମୀରୁ ଜୀହୁଦିଆଆତି ଲକୁତାଣା ମୀ ମାଣକି ଦହ ହିଲାଆଗାଟାୟି ଆପେ, ଏନିକ୍ ଏଞ୍ଜରି ନୀର୍ବ ମିଙ୍ଗେ ପାପୁ ଦହ ଗାଟାତେରି ଇଞ୍ଜା ନିନ୍ଦା କିୟାନେରି, ତାୟୁ ଜୀଞ୍ଜୁ ଖାନ୍ତି ଦିନାତା ମୀ ନେହ୍ କାମା ମେସାନା ମାହାପୁରୁଲ୍ ଜହରା କିନେରି □

୧୩ ପ୍ରୁ ତାକି ବାତିମାଲିମାଞ୍ଜାଲ୍, ମୀ ମୁହେଁ ସାଲୁଞ୍ଜି କିନାରାଲ୍ ମାନୁଞ୍ଜି ଆଦୁ □

୧୪ ବାରେତି କିହାଁ କାଜା ରାଜା ଆପେସି, ଲାଗେଏ ପଲେଏତାରାଲ୍ ଡଣ୍ଡ ହାହାଲି ଅଡେ ନେହ୍ କାମା କିନାରାଲ୍ ରାହାଁ କିହାଲିତାକି ତାନିତାଣାଟି ପାଣୁଞ୍ଜିଆହାମାନି ସାଲୁଞ୍ଜି କିନାସି ଆପେସି, ଏଞ୍ଜରାଲ୍ ମାନି କିଦୁ □

୧୫ ଇଚିହ୍ ମୀରୁ ନେହ୍ କାମା କିହାଁ ବୁଦି ହିଲାଆ ଉଜେଏତି କାତା ଖେହ୍ନାରାଲ୍ ସାପି କିଦୁ, ଏଡି ମାହାପୁରୁତି ଅଣ୍ପୁ □

୧୬ ମୀରୁ ମେଲା ମାନାତେରି ଆଡିଜିକେଏ ଏ ମେଲା ଆହାମାନି ତାଣାଟି ଲାଗେଏ ପଲେଏ ଲେମ୍ପାଆଦୁ, ସାମା ମାହାପୁରୁତି ହଲିୟା ଆହାମାନା ନେହ୍ କାମା କିଦୁ □

୧୭ ବାରେ ଲକୁଲ୍ ଆବାଦୁ, ଜୀସ୍ତାନା ତାୟି ତାଙ୍ଗିଲ୍ ଜୀଞ୍ଜୁନଦୁ, ମାହାପୁରୁଲ୍ ଆଜାଦୁ, ରାଜାଲ୍ ମାନି କିଦୁ □

ଜୀସ୍ତ କସ୍ତି ଜାପିନାୟି

୧୮ ହଲିୟାଙ୍ଗାତେରି ମୀରୁ ଆଜିତଲେ ମୀ ସାଞ୍ଜୁକାରିୟାଲ୍ ମାନୁଞ୍ଜି ଆଦୁ, ଖାରଇ ନେହାଁରାଲ୍

ଅଡେ କାର୍ମା ମେହ୍ନାରାଲ୍ ଆଏ, ସାମା ଲାଗେଏତି ସାଞ୍ଜୁକାରିୟାଲ୍ ଜିକେଏ ଏଲେକ୍ ମାନୁଞ୍ଜିଆଦୁ □

୧୯ ଇଚିହ୍ ଆମ୍ପାଆସି ମାହାପୁରୁଲ୍ ନାମିତାକି ଲାଗେଏତାଣି ତାକି ଦୁକୁ କସ୍ତ ବେଟାଆହାମା ଅର୍ହିନେସି, ଆଡିହ୍ ଏଡି ରାହାଁତି କାତା □

୨୦ ମୀରୁ ମୀ ଦହ ତାକି ଡଣ୍ଡ ବେଟାଆଡେରି, ଏମ୍ପାଆଁ ଏନି ଲାବା ? ସାମା ନେହ୍ କାମାତାକି କସ୍ତ ଅର୍ହିତିହ୍, ମାହାପୁରୁ ମିଙ୍ଗେ ବର ହିୟାନେସି □

୨୧ ମାହାପୁରୁ ତାଣା ବାରେତାକି ହାଟକିଆହା ମାଞ୍ଜେରି, ଇଚିହ୍ ମୀରୁ ଏନିକ୍ ଜୀସ୍ତୁତି ପାଞ୍ଜୁଲି ତଲେ ତାକିଦେରି ଏଦାଆଁତାକି ଏଞ୍ଜାସି ଜିକେଏ ମିଙ୍ଗେତାକି ଦୁକୁ କସ୍ତ ଅର୍ହିନା, ମିଙ୍ଗେତାକି ଏଲେଆହାଲି ତସାମାଞ୍ଜାନେସି;

୨୨ ଏଞ୍ଜାସି ଏନି ପାପୁ ଦହ କିହାହିଲାଆତେସି କି ଏଞ୍ଜାଣି ଗୁଡିଟି ମିଟି କାତା ଏତେଲାଞ୍ଜା ହଟାହିଲାଆତେ □

୨୩ ଏଞ୍ଜାସି ନିନ୍ଦା ବେଟାଆହି ମାଟାଟି ଖେଣ୍ଡେ ନିନ୍ଦା କିଆତେସି; ଦୁକୁ କସ୍ତ ବେଟାଆହି ମାଟାଟି ଖେଣ୍ଡେ କସ୍ତ ହିୟାଲ୍ ଇଞ୍ଜା ଆଜି ତସାନା ଖେହ୍ଆତେସି, ସାମା ସାତା ନୀହାୟି କିନି ମାହାପୁରୁ ତାଣା ତାନି ବାରେତି ହେର୍ପିତେସି □

୨୪ ମାର ଏନିକ୍ ପାପୁ ତାକି ହାହାନା, ଦାର୍ମୁତାକି ଜୀଞ୍ଜୁତଲେ ନୀଡିନାୟି, ଏଦାଆଁତାକି ଏଞ୍ଜାସି ପାସି ମୁଣ୍ଡା ଲାକ ତାନି ଆଙ୍ଗା ତଲେ ମା ବାରେ ପାପୁ ତେକା ଅଡେସି, ଏଞ୍ଜାଣି ରାହାଁତି ମୀରୁ ନେହ୍ ଆହାମାଞ୍ଜେରି □

୨୫ ଇଚିହ୍ ମୀରୁ ଜିରୁ ବାଣାଆହାମାନି ମେଣ୍ଡାୟା ଲେହେଁ ଆହାମାଟେରି, ସାମା ନୀର୍ବ ମୀରୁ ଜୀଞ୍ଜୁତି ଗଡୁ କୁଲମିତି କାଜାଣା ଢେଟ ଢେଟ ତାକାଲି ମୀରୁ ଖେଣ୍ଡା ଖାହାମାଞ୍ଜେରି □

୩

ଡକ୍ରି ଡକ୍ରି କାତା

୧ *ଏଲେକିହ୍ ଏ ଏ ଡକ୍ରିସିକାତେରି, ମୀରୁ ମୀ ଡକ୍ରିୟାଲ୍ ମାନୁଞ୍ଜିଆଦୁ, ଏନିକିହ୍ ଏଞ୍ଜାରି ବିଡାଟି ଆମ୍ପା ଆମ୍ପାଆରି ମାହାପୁରୁ କାତା ନାମାଆତି ଜିକେଏ ମୀ ନେହ୍ ମାଣକି ମେସାନା, ମୀରୁ ଖେହ୍ଆନା ଜିକେଏ ମାହାପୁରୁ ତାଣା ନାମାଲି ଆଡିନେରି □

୨ ଏନିକ୍ ଏଞ୍ଜାରି ବିଡାଟି ଆମ୍ପା ଆମ୍ପାଆରି ବଲୁଡି ମାନୁଞ୍ଜି ଆଆତି ଜିକେଏ ମୀ ମାହାପୁରୁତି ଆଜି ଅଡେ ମାଣକି ମେସାନା କାତା ଖେନାଆନା ଜାହାରା ଡକ୍ରିନି ସୁଦୁଗାଟି ମାଣକି ମେସାନା ନାମିନେରି □

୩ *ତାୟୁ ବାଣାୟା ହାରେକା ଅଜିକିହ୍ କିଶହା କତାନା, ବାଂଗାରା ତୁରହାନା, ଅଜିତି ହିମ୍ପୁରିକା ହୁଡିନାୟି, ଖାରଇ ଇ ବାରେ ତଲେ ମୀ ଆଙ୍ଗାଟି ଅଜି କିହାକତାଆଦୁ,

* ୩:୧ ୩:୧ ଏପିସି ୫:୨୨; କଲସି ୩:୧୮ * ୩:୩ ୩:୩ ଫିଡର ୨:୯

୪ ମୀ ହିୟାଁତା ଏମିନି ହିଡ଼ଡ଼ି ଜୀଝୁତି ଗୁଣୁ ମାହାପୁରୁ ନକିତା ହାରେକା ଦାରାଗାଟାୟି, ଏଦିଏ ମୀ ନାସା ଆଆଗାଟି ଅନୁ ଆପେ

୫ ଏନାଆଁତାକି ଇଚିହିଁ ତଲି କାଲାତି ସୁଦୁଗାଟି ଇୟାସିକା ଜିକେଏ ମାହାପୁରୁ ତାଣା ବାସୁଁ ଇଗାନା ତାନି ତକ୍ରାୟାଁଇଁ ମାନିକିହାଁ ଜାହାରାଇଁ ଅଜିକିହା କଡ଼ିମାରୁ □

୬ ଏଲେକିହିଁଏ ସାରା ଜିକେଏ ଅବ୍ରାହାମଇଁ ମାନଝି ଆହାଁ ଏଝାଣାଇଁ ନା ପ୍ରୁ ଇଞ୍ଜିମାତେ; ମୀରୁ ଜିକେଏ ନାଏଁ ଏନାଆଁ ଆଜାଆନା ନେହିଁ କାମା କିତିହିଁ ଏଦାଣି ମାସକାତେରି ଆଦେରି □

୭ *ତକ୍ରାୟାଁତେରି, ଏଲେକିହିଁଏ ମୀ ତକ୍ରିସିକାଣି ମୀ କିହାଁ ବାଡ଼ୁୟାତା ଉଣାଗାଟାଇଁ ଇଞ୍ଜିଁ ପୁଞ୍ଜାନା ଏଝାସିକାଇଁ ମାନି କିଦୁ, ଇଞ୍ଜିଁ ଏଝାସିକା ତଲେ ଆଣ୍ଡାନା ବୁଦିତଲେ ଡୟାଦୁ, ଏଝି ଜିକେଏ ମୀ ତଲେ ମାହାପୁରୁ ତାଣା କାଲାକାଲା ଜୀଝୁତି କାର୍ମାତି ଦାନା ବେଟାଆନୁ, ଏନିକଁଁ ମୀ ପ୍ରାତାନା କିନିତାଣା ବାଦା ଝାଏ □

ନେହିଁ କାମାତାକି କସ୍ତ ପାଣ୍ଡନାୟି

୮ ତାୟୁତି କାତା ଇଦି, ମୀରୁ ବାରେଜାଣା ତେରି ରଣ୍ଡିଏ ଅଣ୍ଡପୁ ତଲେ ବାରେଡି ସୁକୁ ଦୁକୁତା ଆଣ୍ଡି ଆନାୟି, ତାୟି ତାଜିଇଁ ଜୀଝୁନନାୟି, ନେହିଁ ହିୟାଁ ଅଡ଼େ ଜାହାରାଇଁ ଉଣା କିହାକତାଦୁ □

୯ ଲକୁ ମିଙ୍ଗେ ଲାଗେଏ କିୟାତିହିଁ ଜିକେଏ ଏଝାରାଇଁ ଝେଣ୍ଡେ ଲାଗେଏ କିଆଦୁ, ନିନ୍ଦା କିୟାତିହିଁ ଝେଣ୍ଡେ ନିନ୍ଦା କିଆଦୁ, ସାମା ଏଝାରାଇଁ ବର ହୀଦୁ, ଏନାଆଁତାକି ଇଚିହିଁ ଏଲେକିହାଲି ମାହାପୁରୁ ମିଙ୍ଗେ ଆଚାନା ହାଟାମାଞ୍ଜାନେସି □

୧୦ ଦାମ୍ବୁ ସାପ୍ତେରିତା ରାସକି ଆହାମାନି ଲେହେଁ
“ଆମ୍ବାଆସି ଜୀଝୁତା ସୁକୁ ତଲେ ଡୟାଲି ଇଞ୍ଜିଁ ରାହାଁତି ଦିନାୟାଁ ମେସାଲି ଅଣ୍ଡପିନେସି,
ଏଝାସି ଲାଗେଏ ପଲେଏ କାତାୟାଁ ତାନି ଝେନ୍ଦରିଟି ଜଲ୍ଲାଆପେସି,
ଅଡ଼େ ମିଟି କାତାୟାଁ ତାନି ଗୁଡିଟି ଏଚେଲାଝା ହଆପୁ □

୧୧ ଏଝାସି ଲାଗେଏ ପଲେଏ ତାଣାଟି ହେକ ଆହାନା ନେହିଁ କାମା କିପେସି,
ଇଞ୍ଜିଁ ତାନି ବାରେ ହିୟାଁ ତଲେ ହିଡ଼ଡ଼ି ଜୀଝୁ ପାରାନା ଏ ଜିରୁଟି ତାକାପେସି □

୧୨ ଏନାଆଁତାକି ଇଚିହିଁ ଦାମ୍ବୁ ଗାଟାରାକି ପ୍ରବୁତି କାନୁ ମାନେ,
ଇଞ୍ଜିଁ ଏଝାରି ପ୍ରାତାନାତି କାର୍କା ଅତାହାଁ ଝେନେସି,
ସାମା ପାପୁ ଗାଟାରି କପାଟି ପ୍ରୁ ନିଙ୍ଗିନେସି □”

୧୩ ମୀରୁ ନେହିଁ କାମାତାକି ରାହାଁ ଗାଟାତେରି ଆଦେରି, ଆତିହିଁ ଆମ୍ବାଆସି ମିଙ୍ଗେ ଲାଗେଏ କିୟାଲି ଆଡାନେସି ?

୧୪ *ସାମା ନେହିଁ କାମା କିହାନା କସ୍ତ ବେଟାଆତି ଜିକେଏ, ଏଦି ମୀ ତାକି ନେହେଁ, ଆମ୍ବାଆସି ମିଙ୍ଗେ ଆଜି କିୟାତିହିଁ ଆଜିତାକି ଆତାଜାକା ଆଆଦୁ;

୧୫ ସାମା କ୍ରୀସ୍ତଇଁ ପ୍ରୁ ଇଞ୍ଜିଁ ମୀ ହିୟାଁତା ସୁଦୁ ତଲେ ମାନି କିଦୁ, ଆମ୍ବାଆସି ଏଚେଲାଝା ମୀ ତାଣା ମାନି ବାସୁଁତି କାତା ପୁଞ୍ଜାଲି ଝେଞ୍ଜାତିହିଁ, ଏଝାଣାଇଁ ଝେଣ୍ଡେ ଝେସାଲି ମୀ ଅଣ୍ଡପୁ ତଲେ ଡୟାରା ଆହାମାଞ୍ଜୁ,

୧୬ ସାମା ଝେହ୍ନାଟି ସୁଦୁ ଅଡ଼େ ମାନିଗାଟି ଅଣ୍ଡପୁ ତଲେ ଆଜାଆନା ନେହିଁ ବୁଦିଟି ଝେହ୍ନୁ, ମୀରୁ କ୍ରୀସ୍ତ ତାଣା ଆଣ୍ଡାନା ନେହିଁ ମାଣ୍ଡକି ମାନାକି ମିଙ୍ଗେ ନିନ୍ଦା କିହାନା ଦହ ଦହନାରି ଏମ୍ବେଏ ଲାଜା ପାଣ୍ଡପେରି ଇଞ୍ଜିଁ ମୀରୁ ତାରିଡି ଅଣ୍ଡପୁ ତଲେ ମାଞ୍ଜୁ □

୧୭ ଏନାଆଁତାକି ଇଚିହିଁ ଲାଗେଏ ପଲେଏ କାମାତାକି ଦୁକୁ ବେଟାଆନି କିହାଁ ମାହାପୁରୁ ଇଚା ଆତିହିଁ, ନେହିଁ କାମାତାକି ଦୁକୁ ବେଟାଆନାୟି ନେହେଁ □

୧୮ କ୍ରୀସ୍ତ ମିଙ୍ଗେ ମାହାପୁରୁ ତାଣା ତାତାଲି ତାକି ଏଝାସି ଦାମ୍ବୁଗାଟାସି ଆହାନା ଦାମ୍ବୁ ହିଲାଆ ଗାଟାରି ତାକି ପାପୁ ତାକି ରଣ୍ଡିଏ ଦେବା ହାଡେସି, ଏଝାସି ଆଜ୍ଞା ତଲେ ହାଡେସି ସାତା, ସାମା ଜୀଝୁତଲେ ନାଡିଡେସି,

୧୯ ଏମ୍ବାଟିଏ ଏଝାସି ସୁଦୁଜୀଝୁ ତଲେ ମାଞ୍ଜାନା ଦସ୍ପି ଆହାମାଟି ଜୀଝୁୟାଁ ତାଣା ହାଜାନା ମାହାପୁରୁ ବକୁ ଝେକହେସି;

୨୦ ତଲି କାଲାତା ନହ୍ ଜାଜା କେପିଟି ବେଲା, ମାହାପୁରୁ ସାସାତଲେ କାଟିମାଚେସି, ଆଡିଜିକେଏ ଏଝାଣାଇଁ ମାନଝି ଆଆତେରି, ଏ ଜାଜାତା ହାରେକା ଲକୁ ଆଏ, ଆଟା ଜାଣା ହଡାନା ଏୟୁଟି ଗେଲ୍ପି ଆଡେରି;

୨୧ ଏ ଏୟୁ ଇ କାଲାତି ବାପ୍ତିସ୍ତ* ଇଚିହିଁ ଏଦି ମା ଆଜ୍ଞାଟି ମାଟି ନରନାୟି ଆଏ, ସାମା ମାହାପୁରୁ ତାଣା ନେହିଁ ଅଣ୍ଡପୁ ବେଟାଆହାଲି ପ୍ରାତାନା କିନାୟି, ଇଞ୍ଜିଁ ଜୀସୁ କ୍ରୀସ୍ତ ହାକିଟି ନିଙ୍ଗିତାକି ଗେଲ୍ପି ଆନାୟି □

୨୨ ଏ ଜୀସୁ କ୍ରୀସ୍ତ ଲାକପୁରୁ ହାଜାନା ମାହାପୁରୁଟି ଟିଃନି ଟଟତା କୁଗାମାନେସି, ଏମ୍ବାଆଁ ଦୁଡୁୟାଁ, ପାଣା ବେଟାଆଡାରି ଅଡ଼େ ବାଡ଼ୁୟାଁ ଗାଟାରି, ଏଝାଣାଇଁ ମାନଝି ଆହାନା ତାନି ଡଇ ମାନେରି □



ମାହାପୁରୁ ତାକି ନୀଡିନାୟି

୧ କ୍ରୀସ୍ତ ଆଜ୍ଞା ତଲେ ଦୁକୁ କସ୍ତ ବେଟାଆହା ମାନାକି ମୀରୁ ଜିକେଏ ଏଲେକିହିଁଏ ଏଝାଣି ଲେହେଁତି ଅଣ୍ଡପୁ ତଲେ ଜାହାରାଇଁ ଡୟାରା କିହାକତାଦୁ, ଏନାଆଁତାକି ଇଚିହିଁ ଆମ୍ବାଆସି କ୍ରୀସ୍ତ ତାକି ଆଜ୍ଞାତା ଦୁକୁ କସ୍ତ ବେଟା ଆହାମାନେସି, ଏଝାସି ପାପୁଟି ହେକ ଆହାମାନେସି,

* ୩:୨୭ ୩:୨୭ ଏପିସି ୫:୨୫; କଲସି ୩:୧୯ * ୩:୧୪ ୩:୧୪ ମାତି ୫:୧୦

* ୩:୨୧ ୩:୨୧ମୁଞ୍ଜିନାୟି

୨ ଏନିକ୍ ମୀରୁ ଦାରତିତା ନୀତାମାନି ପାତେକା ପାପୁଗାଟି ମାଣସିତି ଲାଗେଏ ଜୁପକାତି ଅଣ୍ପୁ ତଲେ ନୀତାଆନା ମାହାପୁରୁତି ଅଣ୍ପୁ ଲେହେଁ ନୀତାଦୁ □

୩ ହାରେକା ଦିନା ମୀରୁ ନାମାଆଗାଟାରି ଇଟା ତଲେ କାମା କିହାଁ ମୀରୁ ଏରେ କାଲା ଲାଗେଏ ପଲେଏ କାମାତା, ଲାଗେଏତି ଜୁପକା, କାଡ଼ୁ ବୁଡୁ ଆନାୟି, କାଡ଼ୁ ଗସାନା ରାହାଁ କିନାୟି, କାଡ଼ୁ ଗସାନା ହଟିନାୟି, ଇଞ୍ଜା ଅପାଆଗାଟି ପେଣକା ବମାୟାଣି ପୁଜା କିହିମାଚେରି,

୪ ମୀରୁ ନୀର୍ଏ ଏଞ୍ଜାରିତଲେ ଏ ବାରେ ଲାଗେଏ ପଲେଏ କାମାତା ରାହାଁତଲେ ଆଣ୍ଡିହିଲଅଚେରି, ଏଦାଆଁତାକି ଏଞ୍ଜାରି ଆତାଜାକା ଆହାନା ମିଙ୍ଗେ ହାରେକା ନିନ୍ଦା କିୟାନେରି □

୫ ସାମା ଆମିନି ମାହାପୁରୁ ନୀତାମାନାରାଈଁ ଅଡେ ହାଡାରାଈଁ ନୀହାୟି କିହାଲି ହାଜିମାନେସି, ଏ ମାହାପୁରୁ ନକିତା ଏଞ୍ଜାରି ତାମି ବାରେ କିତି କାମାତି ଲେକା ହାନାୟି ମାନେ □

୬ ଏଦାଆଁତାକି ହାଡାରି ତାଣା ଜିକେଏ ମାହାପୁରୁତି ନେହଁ କାବୁ ଝେସପିଆଡେ, ଏନିକ୍ ଏଞ୍ଜାରି ମାଣସିୟାଁ ଲେହେଁ ଆଜା ତଲେ ନୀହାୟି କିଝି ଆତିହଁ ଜିକେଏ ମାହାପୁରୁ ଲେହେଁ ଜୀଝୁତଲେ ନୀତିନେରି □

ମାହାପୁରୁତି ଦାନା ଅଡେ ନେହଁ ଗୁମୁସା

୭ ଏ ବାରେତି ରାନ୍ତି ଦିନା ତାଗେ ଝାଡେୟିଏ, ଏଦାଆଁତାକି ମୀରୁ ନେହଁ ବୁଦି ଗାଟାଚେରି ଆଦୁ, ଇଞ୍ଜା ମାହାପୁରୁ ତାଣା ପ୍ରାତାନା କିୟାଲି ତାକି ଜାଗ୍ରାତା ଆହାନା ମାଞ୍ଜୁ □

୮ ବାରେତି କିହାଁ ମୀରୁ ରଅଚେରି ରଅଣାଈଁ ହାରେକା ଜୀଝୁନଦୁ, ଏଦାଆଁତାକି ଇତିହଁ ଏଲେତି ଜୀଝୁନନାୟି ହାରେକା ପାପୁତି ପୁକ୍ନେ □

୯ ଗୁରୁମୁରୁ ଆଆନା ରଅଚେରି ରଅଣାଈଁ ଗତାୟାଁ ଲେହେକି ସେବା କିଦୁ □

୧୦ ବାରେଜାଣା ଚେରି ଏନିକ୍ ମାହାପୁରୁ କାର୍ମାତି ଦାନା ବେଟାଆହାମାଞ୍ଜେରି, ଏଲେକିହଁ ଏ ମୀରୁ ମାହାପୁରୁ ମେରାତି ନେହଁ ଗୁମୁସାୟାଁ ଲେହେଁ ଆହାନା ଏ ବାରେ ଦାନା ତଲେ ରଅଚେରି ରଅଣାଈଁ ସେବା କିଝିଆଦୁ □

୧୧ ଆମ୍ବାଆସି ଝେକନେସି ମାହାପୁରୁତି ନେହଁ କାବୁ ଝେକନାସି ଲେହେଁ ଝେକପେସି; ଇଞ୍ଜା ଆମ୍ବାଆସି ସେବା କିନେସି ମାହାପୁରୁ ତାଣାଟି ବାଡୁୟୁ ବେଟାଆହାମାନି ଲେହେଁ ସେବା କିପାସି □ ଏନିକ୍ ଜୀସୁ କ୍ରୀସୁ ତାଣାଟି ମାହାପୁରୁ ଗାଝୁରମି ବେଟା ଆନେସି; ଇଞ୍ଜା କାଲାକାଲାତି ଗାଝୁରମି ଅଡେ କାଜାପାଣା ଏଞ୍ଜାଣିଝାୟି □ ଆମେନ୍ □

କ୍ରୀସ୍ତାନା ଲକୁତି ଦୁକୁ କସ୍ତ

☆ ୫:୨ ୫:୨ ଜହ ୨୧:୧୫-୧୭

୧୨ ଏ ନା ଜୀଝୁତି ତଣେସିଙ୍ଗାଚେରି, ନୀର୍ଏ ମିଙ୍ଗେ ହିରୁତା ତାୟିପାରି କିନି ଲେହେଁ ହାରେକା ଦୁକୁ କସ୍ତ ଝାହାମାନେ, ଏଦି ମାଙ୍ଗେ ଝାନାୟି ହିଲାଆତେ ଇଞ୍ଜା ଅଣ୍ପାଆଦୁ □

୧୩ ସାମା କ୍ରୀସ୍ତତି ଦୁକୁ କସ୍ତତା ମୀରୁ ଏଚେକା ଆଣ୍ଡାମାଞ୍ଜେରି ଏଚେକେଏ ରାହାଁ ଆଦୁ, ଏନିକ୍ ଏଞ୍ଜାଣି ଗାଝୁରମି ତଞ୍ଜାଆନି ବେଲାତା ଜିକେଏ ମୀରୁ କାଜା ରାହାଁତା ରାହାଁ ଆଦେରି □

୧୪ ସାମା ମୀରୁ କ୍ରୀସ୍ତତି ଦରୁ ତାକି ନିନ୍ଦା ବେଟାଆଦେରି ଆତିହଁ ମୀରୁ ନେହାଁଚେରି, ଇତିହଁ ଗାଝୁରମିଗାଟି ଜୀଝୁ, ଇତିହଁ ମାହାପୁରୁତି ଜୀଝୁ ମୀ ତାଣା ଡୟାମାନେ □

୧୫ ଏଦାଆଁତାକି ମୀ ବିତ୍ରାଟି ଲକୁଣି ପାୟିନାରି, ସରୁ କିନାରି, ଦହ କାମା କିହାନା, ଲକୁଇଁ ସାକ୍ତି କାତା ଜଳିନାରି ଆହାନା ସାସ୍ତି ବେଟାଆପେରି □

୧୬ ସାମା ଆମ୍ବାଆସି କ୍ରୀସ୍ତାନା ଲକୁ ଆହାମାନାକି ସାସ୍ତି ବେଟା ଆନେସି, ଆତିହଁ ଏଞ୍ଜାସି ଲାଜା ଆଆପେସି, ସାମା ଇ କ୍ରୀସ୍ତ ଦରୁ ତାକି ମାହାପୁରୁଈଁ ଜହରା କିପେସି □

୧୭ ଇତିହଁ ମାହାପୁରୁ ଇଲୁଟିଏ ନୀହାୟି କିଝି ଆହାଁ ବିଚାରା କିନି ଦିନା ଝାନେ; ଇତିହଁ ମାହାପୁରୁ ନକେଏ ମାଙ୍ଗେ ନୀହାୟି କିୟାତିହଁ, ଆତିହଁ ତାମି ନେହଁ କାବୁ ମାନଝି ଆହାହିଲଅରି ଏଞ୍ଜାରି ତାୟୁତି ତଣ୍ଡ ଏଚେକା ଆଜିହପେତାୟି ଆଏ □

୧୮ ସାସ୍ତେରିତା ରାସ୍କି ଆହାମାନେ, “ଦାମ୍ବୁଗାଟାସି କସ୍ତତଲେ ଗେଲପି ଆନେସି, ଆତିହଁ ଦାମ୍ବୁ ହିଲାଆ ଗାଟାରି ଅଡେ ପାପୁଗାଟି ଲକୁ ଏନିକ୍ ମୁମୁ ଚୁହୁନେରି ?”

୧୯ ଇତିହଁ ଆମ୍ବାଆରି ମାହାପୁରୁତି ଅଣ୍ପୁ ଲେହେଁ ଦୁକୁ କସ୍ତ ବେଟାଆନେରି, ଏଞ୍ଜାରି ନେହଁ କାମା କିହାନା ଏଞ୍ଜାଣି ତାଣା ହାରେପୁରେ ବାସ୍ତୁ କିପାରି, ଆତିହଁ ଏଞ୍ଜାରାଈଁ ଗାଡ଼ିକିତି ମାହାପୁରୁ ବାରେବେଲା ତାନି ଆଞ୍ଜାମାନି କାମା ଲେହେଁ କିନେସି □



ମାହାପୁରୁତି ମେଣ୍ଡାୟାଁ

୧ ଇତିହଁ ନାନୁ ମୀ ତଲେତି ର କୁଲମିତି ପ୍ରାତିନାତେର୍ଏ, ଅଡେ କ୍ରୀସ୍ତତି ଦୁକୁ ବେଟାଆହାମାନି ତାଣାଟି ସାକି ଇଞ୍ଜା ଝାହିମାନି ଗାଝୁରମିତା ଆଣ୍ଡିନାତେର୍ଏ ନାନୁ, ମୀ ତାଣା ମାନି ପ୍ରାତିନାଙ୍ଗାଣି ବାତିମାଲିମାଈଁ,

୨ ☆ମୀ ତାଣା ମାନି ମେଣ୍ଡାୟାଁଣି ଜାଡ଼ନୁ କିଦୁ ମାହାପୁରୁ ମିଙ୍ଗେ ହେରପାମାଞ୍ଜାନି ମାନ୍ଦାତି ପହିକିଦୁ, ଗୁତାଗୁତା କିନାକି ଆଏ, ସାମା ରାହାଁ ଅଣ୍ପୁ ତଲେ ମାହାପୁରୁ ଅଣ୍ପୁତି ଲେହେଁ ଜାଡ଼ନୁ କିଦୁ, ଝାରଇ ତାବୁୟାଁ ବେଟାଆନି ଆସା ତାକି ଆଏ, ସାମା ସାତା ସେବାକିନି ଅଣ୍ପୁ ତଲେ କାମା କିଦୁ □

୩ ଅଡ଼େ ଆମ୍ବାଆରି ଦାୟିପତି ମୀ କେୟୁତା ହୀପକି ଆହାମାଞ୍ଜାନେ, ଏଞ୍ଜାରି ମୁହେଁ ସାଲୁଞ୍ଜି କିନାତେରି ଆଆନା ଏ ମାନ୍ଦାତି ମାନି ଗାଟାତେରି ଆହାନା କିଦୁ □

୪ ଏଚେଟିଏ “କାଜା ଗଡ଼” ତଞ୍ଜାଆନି ଦିନାତା ମୀରୁ ଗାଞ୍ଜୁରମିତି ଏଚେଲା ଖାଡ଼ାଆଗାଟି ଟପେରି ବେଟାଆଦେରି □ ତାନି ଉଜେଡ଼ି ଏଚେଲା ଖାଡ଼େଏ □

୫ ଏ ଦାଂଗ୍‌ଣାୟାତେରି, ଏଲେକିହିଁଏ ମୀରୁ ଜିକେଏ ମୀ ପ୍ରାଚିନାଙ୍ଗାଣି ମାନୁଞ୍ଜି ଆଦୁ, ମୀରୁ ବାରେଜାଣା ତେରି ରଅତେରି ରଅଣି ନକିତା ସୁଦୁଗାଟି ଅଣ୍‌ପୁତି ହିମ୍‌ପୁରି ଲେହେଁ ପରୁଦୁ, ଦାମ୍‌ନୁ ସାଢ଼େସ୍‌ରିତା ରାସ୍‌କି ଆହାମାନେ, “ଇଚିହିଁ ମାହାପୁରୁ ତାହାରା ଗାଟାରି କପାଟି ନିଙ୍ଗାନା ସୁଦୁ ଗାଟାରାଇଁ କାର୍‌ମା ମେହ୍‌ନେସି □”

୬ *ମାହାପୁରୁତି ବାଡ଼ୟୁଗାଟି କେୟୁ ଡ଼ଇ ମୀରୁ ମିଙ୍ଗେ ଉଣା କିହାକତାଦୁ, ଏନିକିହିଁଏ ଏଞ୍ଜାସି ତାୟୁ ସମାନା ଦିନାତା ମିଙ୍ଗେ କାଜାତେରି କିୟାନେସି;

୭ ମୀ ଅଣ୍‌ପୁତି ବଦୁ ବାରେ ମାହାପୁରୁ ତାଣା ହେର୍‌ପାଦୁ ଇଚିହିଁଏ ଏଞ୍ଜାସି ମିଙ୍ଗେତାକି ଅଣ୍‌ପିନେସି □

୮ ସେଡ଼ନା ଆହାନା ଜାଗ୍ରାତା ମାଞ୍ଜୁ, ଏନାଆଁତାକି ଇଚିହିଁଏ ଆମ୍ବାଆରାଇଁ ଗୁହ୍‌ଇଁ ଇଞ୍ଜିଁ ମୀ ସାଡ଼ୁ ସୟତାନ ଡୁକିମାନି ସିହ୍‌କ୍ଳାଠନି ଲେହେଁ ପାରିହିଁ ରେଜିମାନେ □

୯ ମୀରୁ ନାମୁତା ତୀରି ମାଞ୍ଜାନା ସୟତାନଇଁ ପେର୍‌ଦୁ, ଏନାଆଁତାକି ଇଚିହିଁଏ ଇ ଦାର୍‌ଡିତା ମାନି ମୀ ନାମିତି ତାୟିୟାକି ଇଲେଡି ଦୁକୁ କସ୍ତୁ ଆହିମାନେ □

୧୦ କ୍ରୀସ୍ତ ତଲେ ଆଣ୍ଡାନା ତାନି କାଲ୍‌କାଲ୍‌କାତି ଗାଞ୍ଜୁରମିତା ଆଣ୍ଡାଲି କାର୍‌ମାମେହ୍‌ନି ମାହାପୁରୁ ମିଙ୍ଗେ ହାଟାମାଞ୍ଜାନେସି, ମୀ ଗାଡ଼େକାଟି ଦୁକୁ କସ୍ତୁ ବେଟାଆଡ଼ି ତାୟୁ ଏଞ୍ଜାସି ତାନୁଏ ମିଙ୍ଗେ ତୀରି ଆଟ୍‌ଞ୍ଜା, ବାଡ଼ୟୁ, ଅଡ଼େ ଏଚେଲା ଗୁଟା ଆଆଗାଟି ବାସ୍‌ନୁ ମିଙ୍ଗେ ହିୟାନେସି □

୧୧ ବାରେ ବାଡ଼ୟୁ ଜୁଗୁ ଜୁଗୁତାକି ଏଞ୍ଜାଣିଞ୍ଜାୟି □ ଆଫେନ୍ □

ରାନିବେଲାତି ଜହରା

୧୨ *ସିଲାଇଁ ନାମୁତି ତାୟିଲେହେଁ ନାନୁ ଜୀଞ୍ଜୁନହ୍‌ନା ତାନିତାଣାଟି ନାନୁ ଇ ଉଣା ଆକୁ ରାଟାମାଇଁ □ ମାହାପୁରୁତି ସାତା କାର୍‌ମାଟି ସାକି ହାହାନା ମିଙ୍ଗେ ରାହ୍‌ନି କିୟାନାୟି ନା କାମା □ ଏ କାର୍‌ମା ମେହ୍‌ନିତାଣା ଆଟ୍‌ଞ୍ଜାତଲେ ମାଞ୍ଜୁ □

୧୩ *ମାହାପୁରୁ ତାକି ଆଟ୍‌ଞ୍ଜି ଆହାମାନି ବାବିଲନତା ମାନି କୁଲମି ଅଡ଼େ ନା ଦାମ୍‌ନୁତି ମୀରୁଏସି ମାର୍କ ଜିକେଏ ମିଙ୍ଗେ ଜହରା କିହିମାଞ୍ଜାନେରି □

୧୪ କ୍ରୀସ୍ତାନା ଲକୁ ଲେହେଁ ଜୀଞ୍ଜୁନହ୍‌ନା ଜହରା କିଦୁ □ କ୍ରୀସ୍ତ ତାଣା ମାନି ଲକୁକି ହିଡ଼ଡ଼ି ଆପେ □

☆ ୫:୬ ୫:୬ ମାତି ୨୩:୧୨; ଲୁକ ୧୪:୧୧; ୧୮:୧୪ ☆ ୫:୧୨ ୫:୧୨ କାମା ୧୫:୨୨,୪୦ ☆ ୫:୧୩ ୫:୧୩ କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪

ପିତର ଲିଖିତ ଦ୍ୱୀତୀୟ ପତ୍ର ପିତର ରାଚାମାନି ରୀ ଲମ୍ବର ଆକୁ ମୁକୁ ହାଡ଼ା

ପିତର ରୀ ଲମ୍ବର ଆକୁତି ପାଣ୍ଡୁଞ୍ଚିଆଡ଼ି ପିତର ରାଚାମାଚେସି, ସାମା ହାରେକା ବୁଦିଗାଟାରି ନୀଏଁ ଓଏ ଇଦି ସାତା ଇଞ୍ଜି ନାମିହିଲଅରି । ଇଦାଆଁ ପିତର ତାଣାଟି ଆମ୍ବାଆସି ଆପେ ରାଚାମାଣ୍ଡିନେସି । ରାଚାମାନାସି ଏଲେଇଞ୍ଜି ମାନେସି, ଏଞ୍ଜାସି ଜୀସୁ ଇ ଦାବୁତିତା ନୀତାମାଚାଣି ଅଡ଼େ ମୁମ୍ବୁ ବାଦଲି ଆହାମାଚାଣି ତାନ୍ଦୁଏ ମେସାମାଚେସି ୧:୧୭-୧୮ । ଇ ଆକୁତି ପିତର ରାଚାମାଚିସାରେ ଏଞ୍ଜାସି ରମ୍ଭା ମାଞ୍ଜାନା ତାନ୍ଦୁ ହାଡ଼ି ନକେଏ ଜୀସୁ କ୍ରୀସୁ ଜାର୍ନାଆଡ଼ି ୨୫-୨୯ ବାସା ତାନ୍ଦୁ ରାଚାମାଚେସି । ପିତର ରୀ ଲମ୍ବର ଆକୁତି ତାନ୍ଦୁ ପିତର ରାଚିତି କାଲମି ଖେସାନା ଏଲେଇଚେସି ଇଦି ରୀ ପାଲିତି ଆକୁ ୩:୧ । ଏଞ୍ଜାସି ଇ ଆକୁତା ବାରେ କ୍ରୀସ୍ତାନା ଲକୁତି ଦରୁ ଖେକହେସି ।

କ୍ରୀସ୍ତଇଁ ନାମିତି ଲକୁ ନେହଁକଁ ନୀତାବାଡ଼କାଲି ସାସା ହୀହାଲି ଅଡ଼େ ମିଚିତାଣି ଜାପୁନାରି ତାଣାଟି ଜାଗ୍ରାତା କିହାଲି ଇ ଆକୁ ପିତର ରାଚାମାନେସି ୨ ପାର୍ବୁ । ପିତର ଏଞ୍ଜାରାଇଁ ଜୀସୁ ତବେ ଖାହାହିଲଅସି ଇଞ୍ଜିମାନି ଲକୁ କାତା ଆହୁଆଦୁ ଇଞ୍ଜି ସାସା ହୀତେସି । ଏଞ୍ଜାସି ତସାନା ଖେସେସି ମାହାପୁରୁ ନିସ୍ତା ଆହୁ କାମାକିନାସି ଆଏ ସାମା ଏଞ୍ଜାସି ବାରେଜାଣାଟି ଗେଲପି ଆହାଲି ଅଣ୍ଡିମାନେସି ୨ପିତ ୩:୮-୯ । ଏଦାଆଁତାକି ନେହଁ ମାଣକିତି ଜୀସୁତଲେ ନୀତିନାୟି ମାନେ ୩:୧୪ ।

ପତିତା ମାନାୟି

- ୧ ପିତର ତାଙ୍ଗେ ଖେକହା କତିନାୟି ଅଡ଼େ ତାନି ଆକୁତି ପଡ଼ଞ୍ଚି ଆନାରାଇଁ ଖେହୁନାୟି । ୧:୧-୨
- ୨ ଏଞ୍ଜାସି ଏଞ୍ଜାରାଇଁ ନେହଁକଁ ନୀତାବାଡ଼କାଲି ଅଣ୍ଡି କିହିମାନେସି ଏନାଆଁତାକି ଇତିହଁ ମାହାପୁରୁ ମାଙ୍ଗେ ବାଡ଼ୁଛୁ ହୀହାମାଞ୍ଜାନେସି । ୧:୩-୨୧
- ୩ ଏଞ୍ଜାସି ମିଚି ଜାପୁନାରି ତାଣାଟି ଜାଗ୍ରାତା ଆହାଲି ଖେସାମାନେସି ଅଡ଼େ ଜୁଗୁ ରାନ୍ଦି ଦିନାତା ଏଞ୍ଜାରାକି ଏନାଆଁ ଆନେ ଇଞ୍ଜି ଖେସାମାନେସି । ୨:୧-୨୨
- ୪ କ୍ରୀସ୍ତଇଁ ନାମିତି ଲକୁଣି ଜୀସୁ ଖେଣ୍ଡେ ଖାନ୍ଦି ଦିନା ପାତେକା ନେହଁ ଜୀସୁତଲେ ତିୟାରା ଆହା ମାଞ୍ଜାଲି ସାସା ହୀହାନା, ପିତର ତାନି ଆକୁ ରାପୁନାୟି । ୩:୧-୧୭

୧ ସିମନ ପିତର, ର ହଲେଏସି ଅଡ଼େ ପାଣ୍ଡୁଞ୍ଚି ଆହାମାନାସି, ମା ମାହାପୁରୁ ଅଡ଼େ ଗେଲପାନି ଜୀସୁ କ୍ରୀସ୍ତ ଦାମ୍ଭୁତାକି ଆମିନି ଗାଟାରି ମା ଲେହେଁ ହାରେକା

ଦାରାଗାଟି ନାମୁ ବେଟା ଆହାମାନେରି, ଏଞ୍ଜାରିତାଣା ଆକୁ ରାଚିମାଇଁ ।

୨ ମାହାପୁରୁ ଅଡ଼େ ମା ପ୍ରବୁ ଜୀସୁତ ବୁଦିତଲେ ମିଙ୍ଗେତାକି କାର୍ନାମେହୁନାୟି ଅଡ଼େ ହିଡ଼ି ଜୀସୁ ହାରେକା ଗାତି ଆୟାପେ ।

ମାହାପୁରୁ ହାଡ଼ିନାୟି ଅଡ଼େ ଆଚିନାୟି

୩ ଆମ୍ବାଆସି ତାନି ଗାଞ୍ଜୁରମି ଅଡ଼େ ନେହଁ ଗୁଣୁତଲେ ମାଙ୍ଗେ ହାଚାମାଞ୍ଜାନେସି, ମାହାପୁରୁ ତାନି ବୁଦିତଲେ ଲାକପୁରୁତି ବାଡ଼ୁଛୁଟି ମାଙ୍ଗେ ଜୀସୁ ଅଡ଼େ ଦାମ୍ଭୁତି ଜିରୁ ତାକି ବାରେ ଲଡ଼ାମାନାଣି ହୀହାମାଞ୍ଜାନେସି ।

୪ ଏଦାଆଁ ତଲେ ଏଞ୍ଜାସି ମାଙ୍ଗେ ଗାତି ଦାରା ଅଡ଼େ ହାରେକା ଲଡ଼ାଗାଟି ଆଞ୍ଜାମାନି ଦାନା ହୀହାମାଞ୍ଜାନେସି, ଏନିକଁ ଏ ବାରେ ତଲେ ମୀରୁ ଲାଗେଏତି ଅଣ୍ଡପୁତା ଆହିମାନି ଆମିନି ନାସା ଆନି ଦାବୁତିତା ମାଞ୍ଜେରି, ଏମାଟି ଗେଲପି ଆହାନା ଲାକପୁରୁତି ଗୁଣୁତଲେ ଆଣ୍ଡାଦୁ ।

୫ ଇଦାଆଁତାକି ମୀରୁ ହାରେକା ଜାଡ଼ୁନୁତି ନାମୁତଲେ ନେହଁ ଗୁଣୁ, ଅଡ଼େ ସାତା ଗୁଣୁତଲେ ବୁଦି,

୬ ବୁଦିତଲେ ଆଙ୍ଗାତି ଲକ୍ନାୟି, ଆଙ୍ଗାତି ଲକ୍ନାଣି ତଲେ ସାସା, ସାସାତଲେ ଦାମ୍ଭୁତି କାମା କିନାୟି,

୭ ଦାମ୍ଭୁତି କାମାକିନାଣି ତଲେ ତାୟିୟାଁଇଁ ଜୀସୁନନାୟି, ତାୟିୟାଁଇଁ ଜୀସୁ ନନାଣି ତଲେ ବାରେ ଲକୁଇଁ ଜୀସୁ ନନାଣି ଆବୁଦୁ ।

୮ ଇ ନେହଁ ଗୁଣୁୟାଁ ମିଙ୍ଗେ ଲଡ଼ାମାନେ; ଇ ବାରେ ମୀରୁ ବେଟାଆହାମାନି ପ୍ରବୁ ଜୀସୁ କ୍ରୀସ୍ତ ବୁଦି ମିଙ୍ଗେ ପାରସାଡ଼ା ଅଡ଼େ ବାରେ ମେଡ଼ି କିହାମାଞ୍ଜାନେ ।

୯ ସାମା ଇ ବାରେ ଗୁଣୁ ଆମ୍ବାଆରି ତାଣା ହିଲେଏ, ଏଞ୍ଜାସି ହେକ ମେସାଲି ଆଡ଼ାଆ କାଣା ଆହାମାନେସି, ଅଡ଼େ ତାନି ନକେଏ କିତି ବାରେ ପାପୁଟି ନରୁଞ୍ଚି ଆଡ଼ାଣି ଏଞ୍ଜାସି ବାଣ୍ଡି ଆହାମାନେସି ।

୧୦ ଇଦାଆଁତାକି, ଏ ତାୟି ତାଙ୍ଗିମ୍ବା, ମାହାପୁରୁ ମିଙ୍ଗେ ଆଚାନା ହାଚାମାଞ୍ଜାନାଣି ଅଡ଼େ ମନତି ଅଣ୍ଡପୁ ତାରି କିହାଲି ହାରେକା ଜାଡ଼ୁ ଗାଟାଚେରି ଆଦୁ; ଇଲେ କିତିସାରେ ମୀରୁ ଏଚେଲା ଜିକେଏ ମୀ ନାମୁତା ଉଣା ଆଅତେରି ।

୧୧ ଇଞ୍ଜା ଇଲେକିହଁଏ ମା ପ୍ରବୁ ଅଡ଼େ ଗେଲପାନି ଜୀସୁ କ୍ରୀସ୍ତ କାଲକାଲାତି ରାଜିତା ରାହାତଲେ ହାଜାଲି ମିଙ୍ଗେ ହୀପକି ଆୟାନେ ।

୧୨ ଇଦାଆଁତାକି ମୀରୁ ଇ ବାରେ କାତା ପୁଞ୍ଜାମାଞ୍ଜେରି ଅଡ଼େ ମୀରୁ ବେଟାଆହାମାନି ସାତାତା ନେହଁକଁ ତାରି ଆହାମାଞ୍ଜେରି, ଆଡ଼ିଜିକେଏ ନାନୁ ଇ ବାରେ କାତା କାଲେଏ ମିଙ୍ଗେ ଅଣ୍ଡପି କିଞ୍ଚିକିହାଲି ଜାଗ୍ରାତା ତୟିଇଁ ।

୧୩ ନାନୁ ନୀତାମାନି ପାତେକା ଇ ବାରେ କାତା ତାକି ମିଙ୍ଗେ ସେଡ଼ନା କିହାଲି ନାନୁ କିନାୟି ମାନେ ଇଞ୍ଜି ଅଣ୍ଡପିମାଇଁ ।

୧୪ ମା. ପ୍ରଭୁ ଜୀସୁ କ୍ରୀସ୍ତ ନାଙ୍ଗେ ଏନିକ୍ ସେସାମାଞ୍ଜାନେସି, ଏଲେକିହିଁ ନାଙ୍ଗେ ଦାପେ ଇ ନା ଆଙ୍ଗା ଲେହେତି ତୁମ୍ଭୁ ପିସାଲି ଆନେ,

୧୫ ଅଡ଼େ ନା ହାଡ଼ି ତାୟୁ ଜିକେଏ ମୀରୁ ଏନିକ୍ ଇ ବାରେ କାତା କାଲେଏ ଅଣ୍ପୁତା ଇଚିଦେରି, ଇଦାଆଁତାକି ନାନ୍ତୁ ଅଣ୍ପିମାଈ ।

କ୍ରୀସ୍ତ ଗାଞ୍ଜୁରମି ମେସ୍ତାରି ସାକି

୧୬ ଇଚିହିଁ ମାନ୍ସୁ ଏଚିବେଲ୍ଲା ମା. ପ୍ରଭୁ ଜୀସୁ କ୍ରୀସ୍ତ ବାଡ଼ୁୟୁ ଅଡ଼େ ଖାହିମାନି କାତା ମିଙ୍ଗେ ପୁଣ୍ଡି କିୟାତମି, ଏଚିବେଲ୍ଲା ଏନି ସୁତମି ତଲେ କେପିତି ପୁସ୍ପଦନିକା ଆସା ହିଲ୍ଲାଆତମି, ସାମା ତାନି ଗାଞ୍ଜୁରମିତି କାଣ୍ଡା ତଲେ ମେସ୍ତା ସାକିୟା ଆହାମାଚମି ।

୧୭ ଏଚିବେଲ୍ଲା କାଜା ଗାଞ୍ଜୁରମିତି ଏଞ୍ଜାଣାକି ଇ ହାଡ଼ା ଖାଡ଼େ, ଏଚିବେଲ୍ଲା ମାନ୍ସୁ ଏମ୍ବାଆଁ ମାଚମି, “ଇଞ୍ଜାସି ନା ଜୀସୁତି ମୀରୁଏସି ଇଞ୍ଜାଣି ତାଣେଏ ନା ହାରେକା ରାହାଁ ମାନେ ।” ଏଚିବେଲ୍ଲା ଏଞ୍ଜାସି ଆବା ମାହାପୁରୁ ତାଣାଟି ସାମ୍ବୁ ମି ଅଡ଼େ ଗାଞ୍ଜୁରମି ବେଟାଆଡ଼େସି;

୧୮ ମାନ୍ସୁ ତାନିତଲେ ଏ ସୁଦୁ ହରୁ ଲାକ ମାଚିବେଲ୍ଲାତା ମାନ୍ସୁ ହାଗୁ ଲାକଟି ଝେଙ୍ଗିତି ଇ ହାଡ଼ା ଝେଞ୍ଜାମାନମି ।

୧୯ ଏମ୍ବାଆଁ ମାହାପୁରୁ ଅଣ୍ପୁତି ବଲୁ ଝେକ୍ନାରି ଝେକ୍ନାମାଚି ମାହାପୁରୁ ଅଣ୍ପୁତି ବଲୁ ମାଙ୍ଗେତାକି ହାରେକା ଆବ୍‌ସା ଆଡ଼େ; ମୀରୁ ଏଦାଆଁ ଆନ୍ଦେରିତା ଡ଼ାଞ୍ଜାମାନି ଦୀଞ୍ଜି ଲେହେଁ ଅଣ୍ପିପାନା ଲାଆଁ ଝେୟାଆ ପାତେକା ମୀ ହିୟାଁତା ଝେୟାଜାରା ହୁକା ହୁଆ ପାତେକା ଏଦାଣି ମନ ହାତିହିଁ ନେହେଁ ଆନେ ।

୨୦ ମୀରୁ ବାରେଚି କିହାଁ ତଲିଏ ଇଦାଆଁ ପୁଞ୍ଜୁ, ଦାମ୍ବୁ ପତିତା ରାସ୍‌କି ଆହାମାନି ମାହାପୁରୁ ବଲୁତି ଜାହାରା ବୁଦିତଲେ ତେଲ୍‌ହାଲି ଆଡ଼ାଆୟି ।

୨୧ ଇଚିହିଁ ଆମିନି ମାହାପୁରୁ ଅଣ୍ପୁତି ବଲୁ ଝେକ୍ନାରି ଖାଞ୍ଜୁ ତାମ୍ବୁ ମାଣ୍ଡସି ଅଣ୍ପୁତି ଆମ୍ବାଆସି ଜିକେଏ ଝେକ୍ନା ହିଲ୍‌ଅରି, ସାମା ମାହାପୁରୁ ପାଣ୍ଡିତି ମାଣ୍ଡସିୟା ସୁଦୁଜୀସୁତି ସାଲ୍‌ଞ୍ଜି ଆହାନା ଏଞ୍ଜାରି ଅଣ୍ପୁତି ବଲୁ ଝେସାମାଚେରି ।

୨

ମିଚି ଜାପ୍‌ନାରି

୧ ସାମା ଲକୁ ତାଣାଟି ମିଚି ମାହାପୁରୁ ବଲୁ ଝେକ୍ନାରି ହଡ଼େରି; ଏଲେକିହିଁଏ ମୀ ବିତ୍ତାଟି ମିଚି ଜାପ୍‌ନାରି ହନେରି; ଏଞ୍ଜାରି ନାସା ଆନିଲେହେତି ନାଡ଼ିକିନି ଅଣ୍ପୁ, ଡ଼ଗୁନା ଝେକ୍ନାହାନା ଏଞ୍ଜାରାଈ କତାମାନି ପ୍ରଭୁଈ ଜିକେଏ ପୁଞ୍ଜାହିଲ୍‌ଅମି ଇନେରି, ଅଡ଼େ ଜାହାରାଈ ଦେବୁଣିଏ ନାସା କିୟାନେରି ।

୨ ଅଡ଼େ ହାରେକା ଲକୁ ଏଞ୍ଜାରି ଲାଗେଏ କାମାଟି ଦ୍ରେଟ ହାନେରି, ଇଞ୍ଜା ଇଞ୍ଜାରି ତାକି ସାତାତି ଜିରୁ ନିନ୍ଦା ବେଟାଆନେ ।

୩ ଏଞ୍ଜାରି ଦନ ଜୁପକାତାକି ମିଚି ଜାପ୍‌ହାନା ମୀ ତାଣାଟି ତାବୁୟାଁ ଲାବା ବେଟାଆହାଲି ଅଣ୍ପିନେରି, ଏଞ୍ଜାରି ତଣ୍ଡୁ ତଲି କାଲ୍‌ାଟିଏ ଆହିମାନେ ଅଡ଼େ ହାରେକା ଦିନାଟିଏ ମାହାପୁରୁ ଏଞ୍ଜାରାଈ ବିଚାରା କିହାମାନେସି, ଏଞ୍ଜାରି ନାସା ଆନାୟି ଖାଡ଼େୟିଏ ।

୪ ଇଚିହିଁ ମାହାପୁରୁ ପାପୁ କିଚି ଦୁଡୁୟାଁଈ ପିହ୍‌ଆନା ହିରୁ ଗାଡ଼ୁୟୁତା ମେଡ଼ହା ମାନେସି, ଏମ୍ବାଆଁ ଏଞ୍ଜାସିକା ନାହାଁୟି ଆନି ଦିନା ପାତେକା ଆନ୍ଦେରି ଗାଡ଼ୁୟୁତା ଇଟାମାନେସି ।

୫ ମାହାପୁରୁ ପୁଞ୍ଜୁ ଦାର୍‌ଚିତି ଜିକେଏ ପିସାହିଲ୍‌ଅସି, ସାମା ଦାମ୍ବୁ କାତା ଝେକ୍ନି ନହ ଇଞ୍ଜା ତାନିତଲେ ସାଡ଼ା ଜାଣାଈ ଗେଲ୍‌ପାନା ପାପୁତି ଦାର୍‌ଚିତି ଏୟୁତଲେ ବାଡ଼ଞ୍ଜି କିଡ଼େସି;

୬ ଏଞ୍ଜାସି ସଦମ ଅଡ଼େ ଗମରା ଗାଡ଼ାତି ଦାର୍‌ମ୍ବୁ ମ୍ବୁପ୍‌ହାନା ନାସା କିହାଲି ତଣ୍ଡୁତି ହୁକୁମି ହୀଡ଼େସି ଅଡ଼େ ଏଞ୍ଜାରାଈ ତାୟୁ କାଲ୍‌ାଟି ଦାମ୍ବୁ ହିଲ୍ଲାଆଗାଟାରି ପୁଣ୍ଡିକିନିଲେହେଁ କିଡ଼େସି ।

୭ ଅଡ଼େ ପାପୁ ଦହଗାଟି ଲକୁତି ଲାଗେଏ ପଲେଏ କାମାଟି ହେକ ଆହାମାନି ଦାମ୍ବୁଗାଟି ଲଟ୍‌ଈଁ ମାହାପୁରୁ ଗେଲ୍‌ପିଡ଼େସି,

୮ ଏ ଦାମ୍ବୁଗାଟାସି ଏଞ୍ଜାରିତଲେ ବାସା କିହାଁ ଏଞ୍ଜାରି ଲାଗେଏତି କାମା ମେସା ଅଡ଼େ ଝେଞ୍ଜାନା ଦିନମି ତାକି ଦିନମି ଦାମ୍ବୁଗାଟାସି ଆହାନା ହାରେକା ଦୁକୁ ବେଟାଆହିମାଚେସି ।

୯ ଇଲେକିହିଁଏ ପ୍ରଭୁ ଦାମ୍ବୁଗାଟାରାଈଁ ତାୟିପାରି କିନି ତାଣାଟି ଗେଲ୍‌ପାଲି ଇଚିହିଁ ଦାମ୍ବୁ ହିଲ୍ଲାଆଗାଟାରାଈଁ, ଆମ୍ବାଆରି ଆଙ୍ଗାତି ଲାଗେଏତି କାମାତା ସାଲ୍‌ଞ୍ଜି ଆହାନା ପ୍ରଭୁଈ ମାନି କିଅରି, ଏଞ୍ଜାରାଈଁ ବିଚାରା ଦିନାତି ତଣ୍ଡୁ ତାକି ଇଟାଲି ପୁଞ୍ଜାମାନେସି ।

୧୦ ଇଚିହିଁ ଆମ୍ବାଆରି ମାହାପୁରୁତି ଅଦିକାରାତି ହୀଣି କିହାନା ଜାହାରା ଆଙ୍ଗାତି ଜୁପକାତା ଡ଼ୟିମାନେରି, ଏଞ୍ଜାରି ଏ କାଜା ନାହାଁୟି ଦିନା ପାତେକା ଏନିକ୍ ତଣ୍ଡୁ ହାହାନା ଇଟାଲି ଆନେ । ଏ ମିଚି ଜାପ୍‌ନାରି ଆଜାଆ ଗାଟାରି, ଏଞ୍ଜାରି ଲାକପୁରୁ ଗାଞ୍ଜୁରମି ଗାଟାରାଈଁ ମାନି କିଆନା ଏଞ୍ଜାରାଈଁ ଲାଜା କିହିମାଞ୍ଜେରି ।

୧୧ ଆଡ଼ିଜିକେଏ ହାରେକା ବାଡ଼ୁୟୁ ଅଡ଼େ କାଜାପାଣା ବେଟାଆହାମାନି ଦୁଡୁୟାଁ ପ୍ରଭୁ ନକିତା ଏଞ୍ଜାରି କପାଟି ନିଙ୍ଗାମା ନିନ୍ଦାକିହିଁ ବିଚାରା କିଅରି ।

୧୨ ସାମା ଇଞ୍ଜାରି ବୁଦି ହିଲ୍ଲାଆ ଜନ୍ତ ଲେହେଁତାରି, ଏଞ୍ଜାରିଲେହେଁ ଇ ମିଚି ଜାପ୍‌ନାରି ଜିକେଏ, ଏମ୍ବାଆଁ ଏଞ୍ଜାରି ପୁଞ୍ଜାଲି ଆଡ଼ଅରି ଏଦାଆଁ ଏଞ୍ଜାରି ନିନ୍ଦା କିନେରି, ସାମା ଏଞ୍ଜାରି ଜାଡ଼ାତି ଜନ୍ତ ଲେହେଁ ନାସା ଆନେରି,

* ୧:୧୭ ୧:୧୭ ମାଚି ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫

୧୩ ଏଞ୍ଜରୀ ଲାଗେଏତି କାମା କିହାମାଟିସାରେ ଲାଗେଏ କମାତି ପାଡ଼େୟି ବେଟାଆନେରି □ ଏନାୟି ଏଞ୍ଜରୀ ଆଙ୍ଗା ତାକି ନେହେଁ ହନେ, ଏଦାଆଁ ଏଞ୍ଜରୀ ମାଦେନା କିହାନା ରାହାଁ ବେଟାଆନେରି □ ଏଞ୍ଜରୀ ଜାହାରା ନାଡ଼ି କିଞ୍ଜିଆନ୍ତି କାମାତା ରାହାଁ କିହେଁ ମୀ ତଲେ ତିଞ୍ଜାଲି କୃତା ଆନେରି □

୧୪ ଏଞ୍ଜରୀ କାଣ୍ଡା ଦାରି କାମାତା ନେଞ୍ଜା ତୁୟିନୁ, ପାପୁ ପିସାଲି ମନ କିଅରି, ଏଞ୍ଜରୀ ତିକିତାକାଗାଟି ହାରେକା ଲକୁଇଁ ଜୁପକା ତହନେରି, ଏଞ୍ଜରୀ ହିୟାଁ ଦନତି ଜୁପକାତା ତୁୟିନେ, ଏଞ୍ଜରୀ ବାରେ ବାକା ବେଟାଆନାରି □

୧୫ ଆମ୍ବାଆସି ଲାଗେଏତି ବାଡ଼କୁ ଜୁପକାତି ଜୀଞ୍ଜୁ ନନ୍ତି ବିୟରା ମୀରଏସି ବିଲିୟମତି ଜେଟ ଜେଟ ହାଚେସି ଅଡ଼େ ସାତା ଜିରୁ ପିସାନା ଲାଗେଏ ଜିରୁ ହାଚେସି □

୧୬ ସାମା ଏଞ୍ଜସି ତାନି କିତି ଦହତାକି ଲାଗି ବେଟାଆଡ଼େସି, ଇଞ୍ଜା ର ଜଲଲି ଆଆଗାଟି ଗାଡ଼ଦେ ମାଣସି ହାଡ଼ାତଲେ ଜଲଲହାଁ ମାହାପୁରୁ ଅଣ୍ଟପୁତି ବଲୁ ଖେହନି ତାଣାଟିଏ ସାପି କିଡେ □

୧୭ ଇ ମିତି ଜାପୁନାରି ଏୟୁ ଖାୟିତି ଜାରୁଣା ଲେହେଁତାରି ଅଡ଼େ କାଜା ଗାଲିତା ଉମ୍ବିନି ହାଗୁ ଲେହେଁତାରି, ମାହାପୁରୁ ଏଞ୍ଜରାକି ହାଡ଼େଏ ଆନେରିଗାଟି ଟାୟୁ ଇଟାମାନେସି □

୧୮ ଇତିହେଁ ଏଞ୍ଜରୀ ଉଜେଏତି ବଡ଼ପଣଟି ତାହାରା କାତାୟାଁ ଖେହନେରି ଇଞ୍ଜା ନାଡ଼ିକିନି ମାଣ୍ଡକିଗାଟି ଲକୁ ତାଣାଟି ଗେଲପି ଆହାମାନି ଲକୁଣି, ତାମି ଆଙ୍ଗାତି ଜୁପକାଟି କାମା କିହାନା ପାନ୍ଦାତା ମେଡ଼ନେରି;

୧୯ ଏଞ୍ଜରୀ ଏଞ୍ଜରାକିଁ ମେଲା ଆହାନା ମାଞ୍ଜାଲି ଆଡ଼ିଦେରି ଇଞ୍ଜେଁ ଆଞ୍ଜନେରି, ସାମା ଏଞ୍ଜରୀ ତାମ୍ବୁ ନାସା କିଞ୍ଜିକିନି କାମାତି ହଲିୟାଙ୍ଗା ଆନେରି; ଏନାଆଁତାକି ଇତିହେଁ ଆମ୍ବାଆସି ଆମ୍ବାଆରି ତାଣା ହାଡ଼ି ଆନେସି ଏଞ୍ଜସି ଏମ୍ବାତି ହଲେଏସି ଆନେସି □

୨୦ ଇତିହେଁ ଏଞ୍ଜରୀ ପ୍ରୁ ଅଡ଼େ ଗେଲପିନି ଜୀସୁ ଜୀସୁତି ରୁଦିତଲେ ଦାରୁଡ଼ିତି ଲାଗେଏତି ତାଣାଟି ଗେଲପି ଆହାନା ଖେଣ୍ଡେ ଏମ୍ବାତି ପାନ୍ଦାତା ଦସ୍ପି ଆହାନା ହାଡ଼ି ଆନେରି, ଆତିହେଁ ଏଞ୍ଜରାକି ତଲିତି ତଣ୍ଡୁ କିହାଁ ତାୟୁତି ତଣ୍ଡୁ ହାରେକା କସ୍ତାଗାୟି ଆନେ □

୨୧ ଇତିହେଁ ଦାମ୍ବୁତି ଜିରୁ ପୁଞ୍ଜାନା ଏଞ୍ଜରାକି ହେରପି ଆହାମାନି ସୁରୁ ହୁକୁମି ପିହୁନି କିହାଁ ଏଦାଆଁ ଏଚେଲାଞ୍ଜା ପୁଞ୍ଜାହିଲାଆତିହେଁ ନେହେଁ ଆଡ଼େମା □

୨୨ “ନେଃଉଡ଼ି ତାନୁ କାକ୍ଞାନା ଖେଣ୍ଡେ ତିଞ୍ଜାଲି ଇଞ୍ଜା ନରଞ୍ଜି ଆହାମାନି ପାଜି ଅଡ଼େ ଖେଣ୍ଡେ ଲାଦିତା ତେରମ୍ବାଲି ହାନେ” ଏଞ୍ଜରାକି ଏ ଖେକ୍ହାମାନି ସାତା କାତା ଏଞ୍ଜରାକି ଆହାମାନେ □

୩

ପ୍ରୁ ଖେଣ୍ଡେ ଖାନ୍ତି ଦିନା

* ୩:୩ ୩:୩ ଜାହୁଦା ୧:୧୮ * ୩:୧୦ ୩:୧୦ ମାତି ୨୪:୪୩; ଲୁକ ୧୨:୩୯; ୧ଡେସ ୫:୨; ଖେ ବଲୁ ୧୬:୧୫

୧ ଏ ଜୀଞ୍ଜୁତି ତାୟି ତାଙ୍ଗିସ୍ତା, ନାନୁ ନୀଏଁ ମୀ ତାଣା ଇ ରୀ ଲମ୍ବର ଆକୁ ରାଡ଼ିମାକ୍, ଇଦାଆଁତାକି ଇ ରୀ ଆକୁତା ନାନୁ ମିଙ୍ଗେ ଏ ବାରେ ଅଣ୍ଟପି କିହାନା ମୀ ସୁବୁ ମନତି ପାଡ଼ିକିହାଲି ଅଣ୍ଟପିମାକ୍ □

୨ ମୀରୁ ଏନିକେଁ ସୁବୁଗାଟି ମାହାପୁରୁ ଅଣ୍ଟପୁତି ବଲୁ ଖେହନାରି ତାଣାଟି ତଲି କାଲ୍ଲାତା ଖେସାମାନି ବାରେ ବଲୁ ଇଞ୍ଜା ପାଣ୍ଡୁଖି ଆହାମାନାରି ତାଣାଟି ଖେସପିଆହାମାନି ପ୍ରୁ ଇଞ୍ଜା ଗେଲପାନାଣା ହୁକୁମି ଅଣ୍ଟପୁତା ଇଟାଦୁ □

୩ *ତଲିଏ ମୀରୁ ଇ କାତା ପୁଞ୍ଜୁ, ଇ ରାନ୍ତି ବେଲାତା ଏଚରଜାଣା ତାମି ଲାଗେଏ ପଲେଏ କାମା ତଲେ ତାକିନେରି; ଏଞ୍ଜରୀ ମିଙ୍ଗେ ଲାଜା କିୟାନେରି □

୪ ଏ ଲାଜା କିୟାନାରି ଖାହାନା ଏଞ୍ଜରୀ ମିଙ୍ଗେ ଲାଜାକିହେଁ ଏଲେଇଞ୍ଜାନେରି “ଜୀସୁ ଖେଣ୍ଡେ ଖାକ୍ ଇଞ୍ଜେଁ ଖେସାମାଞ୍ଜାତେସି ଆତିହେଁ ଏଞ୍ଜସି ଏଚେଲା ଖାନ୍ତେସି ? ଇତିହେଁ ମା ଆକୁ ଆଦାୟାଁ ହାଡ଼ି ଦିନାଟିଏ ନୀଏଁ ପାଡେକା ବାରେ ଦାରୁଡ଼ିତି ଗାଡ଼ି ଆଡ଼ି ଦିନାଟିଏ ଏନିକେଁ ମାଡେ, ଏଲେକିହେଁ ଏ ନୀଏଁ ଜିକେଏ ତୁୟାମାନେ □”

୫ ଏଞ୍ଜରୀ ପୁଞ୍ଜା ପୁଞ୍ଜାନା ବାଣ୍ଡି ଆନେରି, ତଲି କାଲ୍ଲାତା ମାହାପୁରୁ ହୁକୁମି ହାଚେସି ଅଡ଼େ ହାଗୁପାକା ଅଡ଼େ ଦାରୁଡ଼ି ଗାଡ଼ି ଆଡ଼େ ଅଡ଼େ ଦାରୁଡ଼ି ଏୟୁ ତାଣାଟି ଏୟୁ ଗୁରତାନା ଗାଡ଼ି ଆଡ଼େ □

୬ ଅଡ଼େ, ଏଞ୍ଜାଣି ତାଣାଟି ଏ ତଲି କାଲ୍ଲାତି ଦାରୁଡ଼ି ଏୟୁତଲେ ନାସା ଆଡ଼େ;

୭ ସାମା ନୀଏଁତି ହାଗୁପାକା ଅଡ଼େ ଦାରୁଡ଼ି ଏ ମାହାପୁରୁତି ବଲୁ ତଲେ ଲାଗେଏ ପଲେଏତି ଲକୁତି ନୀହାୟି ଅଡ଼େ ନାସାତି ଦିନା ପାଡେକା କୃତି ଆହାନା ହିରୁତା ହୃତାଲି ଇଟକି ଆହାମାନେ □

୮ ସାମା ଏ ଜୀଞ୍ଜୁତି ତାୟି ତାଙ୍ଗିସ୍ତା, ମାହାପୁରୁ ନକିତା ର ଦିନା ର ମାଣା ବାର୍ସା ସମାନା ଅଡ଼େ ର ମାଣା ବାର୍ସା ର ଦିନା ସମାନା; ଇ କାତାତି ଏଚେଲା ବାଣା ଆଆଦୁ □

୯ ହାଡ଼େକା ଲକୁ ପ୍ରୁ ଖେଣ୍ଡେ ଖାନ୍ତି ଦିନା ମାନେୟିଏ ଇଞ୍ଜେଁ ଅଣ୍ଟପିନେରି, ସାମା ପ୍ରୁ ତାନୁ ଏଲେଇଞ୍ଜା ମାନାଣି ଏଚେଲାଞ୍ଜା ଖେଡ଼ା କିଅସି; ଏନିକେଁ ଆମ୍ବାଆରି ନାସା ଆଅରି, ସାମା ବାରେଜାଣା ମନ ଖେବ୍ହା କଡ଼ିନେରି; ଇଦାଆଁ ଅଣ୍ଟପାନା ଏଞ୍ଜସି ମୀ ତାକି କାର୍ନା ମେସି ମାଞ୍ଜାନେସି □

୧୦ *ମାହାପୁରୁ ଖାନ୍ତି ଦିନା ର ସରୁ ଖାନ୍ତି ଲେହେଁ ଖାନ୍ତେ, ଏ ଦିନା ହାଗୁପାକା କାଜା ହାଡ଼ାତଲେ ମେଣ୍ଡାହାନେ, ଅଡ଼େ ଦାରୁଡ଼ିତା ମାନି ବାରେ ଦିଶୁ ଗାଡ଼ି ଖେସାନା ରୁୟାହାନୁ, ଇଞ୍ଜା ଦାରୁଡ଼ି ଅଡ଼େ ଏମ୍ବାଆଁ ମାନି ଆସି ବାରେ ହିରୁତା ତୀଞ୍ଜାହାନେ □

୧୧ ଇ ବାରେ ଇଲେଆହେଁ ମେଣ୍ଡାହାନାକି, ମାହାପୁରୁତି ବିଚାରା ଦିନାତା ହାଗୁପାକା ତୀଞ୍ଜାହାଁ

ମେଣ୍ଡାହାଣେ ଅଡ଼େ ଦାର୍ତ୍ତିତ୍ତି ବାରେ ଦିଶ୍ଵ ହାରେକା
 ଝେସାନା ରୁୟାହାଣେ,

୧୨ ପ୍ରବୁ ଝାନି ଦିନା କାପୁ କାଟାଡ଼ୟିନି ଲକୁ, ଏଦି
 ଏନିକି ତବେ ଝାନେ, ଇଦାଆଁତାକି ମୀରୁ ଜାଗ୍ରାତା
 ଆଦୁ, ଏ ଦିନା ହାଗୁଲକ ମାନି ଝେଡ଼ା ଲେଞ୍ଵୁ ହୁକାୟା
 ଝେସାହାନାକି ଝିରଲହାନୁ □

୧୩ ଝମାର ମାହାପୁରୁ ଆଞ୍ଜାମାନି ଲେହେଁ ର ପୁଝନି
 ହାଗୁପାକା ଅଡ଼େ ପୁଝନି ଦାର୍ତ୍ତିକି କାଟାମାନାୟି, ଆମିନି
 ଗାଟାୟି ଦାମ୍ବୁତଲେ ବାସାଆନି ଟାୟୁ ଆନେ □

୧୪ ଇଦାଆଁତାକି ଏ ଜୀଝୁତି ତାୟି ତାଜିସ୍ଵା, ମୀରୁ
 ଇ ବାରେ କାଟିମାନାକି ମାହାପୁରୁ ନକିତା ଏନିକି
 ପାପୁ ହିଲାଆଗାଟାତେରି ଅଡ଼େ ଦହ ହିଲାଆଗାଟାତେରି
 ଆହା ହିଡ଼ତି ତଲେ ମାନାତେରି ଆହୁଁ ତଞ୍ଜା ଆଦେରି,
 ଏଦାଆଁତାକି ଜାଡ଼ନୁ ତଲେ ମାଞ୍ଜୁ;

୧୫ ଅଡ଼େ, ମା ପ୍ରବୁତି ହାରେକା ଅରୁହିନାୟି
 ଗେଲ୍ପାନାୟି ଇଞ୍ଵୁ ଅଶ୍ପାଦୁ, ମା ଜୀଝୁତି ତାୟି ପାଝୁଲ
 ଜିକେଏ ମାହାପୁରୁ ହାହାମାନି ବୁଦିତଲେ ମିଜେତାକି
 ଏଲେକିଁ ରାଟା ମାଞ୍ଜାନେସି □

୧୬ ଏଝାସି ତାନି ରାଟାମାନି ବାରେ ଆକୁତା ଇ
 ବାରେ କାତା ରାଟାନା ଏଲେକିଁ ଝେସାମାନେସି; ଏ
 ବାରେ ଆକୁତା ଏଚେକା କାତା ମାନେ, ଏମିନିଗାଟାଣି
 ତେଲ୍ହାଲି ଆଡ଼ାଆୟି, ଇଞ୍ଵା ପୁନାଆଗାଟି ଇତାଲା
 ଆତାଲା ଅଶ୍ପୁଗାଟି ଲକୁ, ତାମ୍ବୁ ନୁସା ଆୟାଲି ଏଟକାତି
 ସାସ୍ଵେରିତା ଏନିକିଁ ରାସ୍କି ଆହାମାନେ, ଏ ବାରେ ତାଣା
 ଜିକେଏ ଏଲେକିଁ ଉଜେଏତି କାତା ଝେହ୍ନେରି □

୧୭ ସାମା ଜୀଝୁତି ତାୟି ତାଜିସ୍ଵାତେରି, ମୀରୁ ଇଦାଆଁ
 ବାରେ ତଲିଟିଏ ପୁଞ୍ଜାମାଞ୍ଜେରି, ଏଦାଆଁତାକି ଜାଗ୍ରାତା,
 ଏନିକିଁ କିଲିବିଲି କିନି ଲକୁ ତାଣାଟି ନାଡ଼ି କିଝି ଆଆନା
 ମୀରୁ ଆଟ୍ଝା ନାମୁତା ଉଣା ଆଅତେରି □

୧୮ ସାମା ମା ପ୍ରବୁ ଅଡ଼େ ଗେଲ୍ପାନି ଜୀସୁ କ୍ରୀସ୍ତତି
 କାର୍ମା ଅଡ଼େ ବୁଦିତା ପାତାଆଦୁ □ ଏଝାଣାକି ନୀଏଁ ଅଡ଼େ
 କାଲାକାଲାତାକି ଗାଝୁରିମି ଆପେ □ ଆନେନ୍ □

ଯୋହନଙ୍କ ପ୍ରଥମ ପତ୍ର ଜହନ ରାଡ଼ାମାନି ର ଲମ୍ବର ଆକୁ ମୁକୁ ହାଡ଼ା

ଜହନ ରାଡ଼ିତି ର ଲମ୍ବର ଆକୁତି ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷା ତାୟୁ ପାଣ୍ଡୁଆହାମାନି ଜହନ ରାଡ଼ାମାନେସି । ଜହନ ଜାହାରାଲ୍ ଇ ଆକୁତି ରାଡ଼ାମାଲ୍ ଇଞ୍ଜିଁ ଖେସି ହିଲଅସି, ସାମା ଜହନ ତଲିତି ଆକୁତା ଏଞ୍ଜାସି ଜୀସୁ କ୍ରୀସ୍ତତି ନୀତାମାଚାଣି ଅଡ଼େ ହାହାନା ଖେଶ୍ରେ ନିଞ୍ଜିତାଣି କାନୁ ତଲେ ମେସାମାନମି ଇଞ୍ଜିଁ ସାକି ହାହିମାନେସି ୧:୧-୩ । ଜହନତି ର ଲମ୍ବର ପତି ଅଡ଼େ ଜହନ ରାଡ଼ିତି ନେହ୍ କାକୁତି କାତା ରଣ୍ଡିଏ ସମାନା ଲେହେଁ ଆହିମାନେ । ଏତିବେଲାତା ଏଞ୍ଜାସି ଏପିସିୟ ଗାଡ଼ାତା ମାଚେସି ଏମ୍ବାଆଁ ଏଞ୍ଜାସି ଜହନ ରାଡ଼ିତି ନେହ୍ କାକୁ ଅଡ଼େ ଜହନ ର ଲମ୍ବର ଆକୁ, ଜହନ ରା ଲମ୍ବର ଆକୁ, ତାନି ଲମ୍ବର ଆକୁ ରାଡ଼ାମାଚେସି ଇଞ୍ଜିଁ ନାମିମାନେରି ।

ବୁଦିଗାଚାତମି ଇଞ୍ଜାକତିମାନି ର ଗତିତି ଲକୁ ତାଣ୍ଡାଟି କୁଲମି କସ୍ତ ବେଟାଆହି ମାଚାଟି ଜହନ କ୍ରୀସ୍ତାନା ଲକୁକି ଇ ଆକୁ ରାଡ଼ିମାଚେସି । ଏଞ୍ଜାରି ନାମୁ ଜୀସୁ ସାତେଏ ମାହାପୁରୁ ମାଚେସି ସାମା ଦାରତିତା ମାଚିବେଲାତା ଏଞ୍ଜାସି ଉଞ୍ଜା ଅଡ଼େ ନେତେରିତି ମାଣସି ହିଲଆତେସି । ଜହନ ଜୀସୁ କ୍ରୀସ୍ତଲ୍ କାନୁ ତଲେ ମେସାମାନି ସାକି ଅଡ଼େ ତାନି କେୟୁ ଏଞ୍ଜାଣାଲ୍ ତୀଗାମାନାକି ଏଞ୍ଜାସି ଇଦାଆଁ ରାଡ଼ାମାନେସି, ୧:୧-୩ । ଜହନ ଇ ଆକୁତି ରାଡ଼ିନି କାତା ଆହିମାନେ ତାନି ରାହାଁତି ହାରେପୁରେ କିନାୟି ୧୯୫୩ ୧:୪ ଅଡ଼େ ନାମୁ ଗାଟାରାଲ୍ ପାପୁ ପିସାଲି ତାକି ୧୯୫୩ ୨:୧ ଅଡ଼େ ମିତି ଜାପୁନାରି ତାଣ୍ଡାଟି ନାମୁ ଗାଟାରାଲ୍ ଗେଲ୍ପାଲି ୧୯୫୩ ୨:୨୭ ନାମୁ ଗାଟାରାଲ୍ ଗେଲ୍ପି ଆହାମାଞ୍ଜେରି ଇଞ୍ଜାଲି ୫:୧୩ ।

ପତିତା ମାନାୟି

- ୧ ଆକୁତି ପୁଣ୍ଡିକିନାୟି ଅଡ଼େ ରାଡ଼ିମାନି କାତା ଖେହ୍ନାୟି । ୧:୧-୪
- ୨ ମାହାପୁରୁ ଏନିକିଁ ଉଜେଡ଼ି ଅଡ଼େ ଜୀସୁ ଲେହେଁ ନୀତାଲି ଖେସାମାନେସି । ୧:୫-୩:୧୦
- ୩ ରଅସି ରଅଣାଲ୍ ଜୀସୁ ନନାଣି ଖେଶ୍ରେ ଅଣ୍ଡି କିନାୟି । ୩:୧୧-୫:୧୨
- ୪ ଆକୁତି ରାପୁନାୟି । ୫:୧୩-୨୧

ଜୀସୁତି ବଲୁ

୧ *ମୁଲୁଏ ଆମ୍ବାଆସି ମାଚେସି, ମାମୁ ଏଞ୍ଜାଣି ବଲୁ ଖେଞ୍ଜାମାନମି, ଆମ୍ବାଆରାଲ୍ ମା କାନୁ ତଲେ ମେସାମାନମି, ଆମ୍ବାଆରାଲ୍ ନେହିକିଁ ସିନିକିହା ମାନମି

* ୧:୧ ୧:୧ ଜହ ୧:୧ * ୧:୨ ୧:୨ ଜହ ୧:୧୪

ଅଡ଼େ ମା କେୟାତଲେ ତୀଗାମାନମି, ଏ ଜୀସୁଲେହେଁତି ବଲୁତି କାତା ଖେସିମାଞ୍ଜାନମି ।

୨ *ଏ ଜୀସୁ ତଞ୍ଜାଆଡ଼େ, ଇଞ୍ଜା ମାମୁ ମେସ୍ତମି ଅଡ଼େ ସାକି ହାହିମାଞ୍ଜାନମି; ଆମିନି କାଲ୍ଲକାଲ୍ଲାତି ସୁଦୁଜୀସୁ ଆଡ଼ା ତଲେ ମାଚେ, ଅଡ଼େ ମା ତାଣ୍ଡା ତଞ୍ଜାଆଡ଼େସି ଏଞ୍ଜାଣି କାତା ମିଞ୍ଜେ ଖେସିମାଞ୍ଜାନମି ।

୩ ମାମୁ ଏଦାଆଁ ମେସାମାନମି ଅଡ଼େ ଖେଞ୍ଜାମାନମି, ଏଦାଆଁ ମିଞ୍ଜେ ଜିକେଏ ଖେସିମାଞ୍ଜାନମି, ଏନିକିଁ ମୀରୁ ଜିକେଏ ମା ତଲେ ଆଣ୍ଡାଲି ଆଡ଼ାଦେରି; ଅଡ଼େ ମା ଆଣ୍ଡାମାନାୟି ଆଡ଼ା ଅଡ଼େ ତାନି ମୀରଏଣା ଜୀସୁ କ୍ରୀସ୍ତ ତଲେ ମାନେ ।

୪ ମା ରାହାଁ ଏନିକିଁ ହାରେ ପୁରେ ଆଡ଼େ ଇଦାଣିତାକି ଇ ବାରେ ମାମୁ ରାଡ଼ିମାଞ୍ଜାନମି ।

ମାହାପୁରୁ ଉଜେଡ଼ି

୫ ମାମୁ ଏଞ୍ଜାଣି ତାଣ୍ଡାଟି ଆମିନି କାକୁ ଖେଞ୍ଜାମାନମି, ଅଡ଼େ ଖେସିମାଞ୍ଜାନମି, ଏ କାକୁ ଇଦି, ମାହାପୁରୁ ଉଜେଡ଼ି, ତାନି ତାଣ୍ଡା ଆଦେରି ହିଲ୍ଖୁଏ ହିଲେଏ ।

୬ ମାମୁ ଆଦେରିତା ମାଞ୍ଜାନା ମାହାପୁରୁ ତଲେ ଆଣ୍ଡୁଆହା ମାନାୟି ଇଞ୍ଜିଁ ଖେସ୍ତୁହ୍, ମାର ମିତି ଖେହ୍ନାତାୟି, ଅଡ଼େ ମାର ସାତା ତଲେ ତାକିହିଲଆୟି ।

୭ ସାମା ଏଞ୍ଜାସି ଏନିକିଁ ଉଜେଡ଼ିତା ବାସା ଆହାମାନେସି, ମାର ଜିକେଏ ଏଲେକିହ୍ ଏ ଉଜେଡ଼ିତା ତାକିନାୟି, ଆଡ଼ିହ୍ ମାର ରଅସି ରଅଣି ତଲେ ଆଣ୍ଡୁଆହାୟି ମାନେ, ଅଡ଼େ ତାନି ମୀରଏଣା ଜୀସୁ ନେତେରି ମା ବାରେ ପାପୁତି ନହ୍ନାନେ ।

୮ ମା ତାଣ୍ଡା ପାପୁ ହିଲେଏ ଇଞ୍ଜିଁ ଖେହ୍ନାୟି, ଆଡ଼ିହ୍ ମାର ମାଞ୍ଜେଏ ନାଡ଼ି କିହାକତିମାନାୟି, ଅଡ଼େ ମା ତାଣ୍ଡା ସାତା ହିଲେଏ ।

୯ ସାମା ମାମୁ ପାପୁ କିହାମାନମି ଇଞ୍ଜିଁ ମାହାପୁରୁ ନକିତା ଖେହ୍ନାୟି, ଆଡ଼ିହ୍ ଏଞ୍ଜାସି ମା ପାପୁ ବାରେ ମ୍ଲେକ୍ହାଲି ଅଡ଼େ ବାରେ ଲାଗେଏ ପଲେଏ ତାଣ୍ଡାଟି ଅଡ଼ିହାଲି ନାମୁ ଅଡ଼େ ତୀରିଗାଟାସି ।

୧୦ ମାର ପାପୁ କିହା ହିଲଆୟି ଇଞ୍ଜିଁ ଇନାୟି, ଆଡ଼ିହ୍ ମାର ମାହାପୁରୁଲ୍ ମିତି ଗାଟାସି କିହିମାନାୟି, ଅଡ଼େ ତାନି ବଲୁ ମା ତାଣ୍ଡା ହିଲେଏ ।

୨

କ୍ରୀସ୍ତ ଗେଲ୍ପାନାସି

୧ ଏ ନା ମୀରକା ମାସ୍କାତେରି ମୀରୁ ଏନିକିଁ ପାପୁ କିଅତେରି, ଇଦାଆଁତାକି ଇ ବାରେ ମୀ ତାଣ୍ଡା ରାଡ଼ିମାଞ୍ଜାଲ୍ । ସାମା ଆମ୍ବାଆସି ପାପୁ କିନେସି, ଆଡ଼ିହ୍ ମା ଖାକି ଆହାନା ଆଡ଼ା ତାଣ୍ଡା ବାଡ଼ିମାଲିନାସି ରଅସି ମାନେସି, ଏଞ୍ଜାସି ଦାମ୍ବୁଗାଟି ଜୀସୁ କ୍ରୀସ୍ତ ।

୨ କ୍ରୀସ୍ତ ମା ପାପୁ ତାକି, ୱାର୍‌ଇ ମା ପାପୁ ତାକି ଆଏ, ସାମା ଦାର୍‌ତିତି ବାରେ ଲକ୍ଷ୍ମି ପାପୁ ତାକି ଡାକିତି ପୂଜାଲେହେଁ ଆଡେସି □

୩ ମାର ମାହାପୁରୁତି ହୁକୁମି ମାନୁଷି ଆନାୟି, ଆତିହଁ ଏମ୍ବାଟି ପୁଞ୍ଜାଲି ଆଡିନାୟି, ଏଞ୍ଜାଣାଲ୍ ସାତାତଲେ ପୁଞ୍ଜାମାନାୟି □

୪ ତାନି ହୁକୁମି ମାନୁଷି ଆଆନା ଆମ୍ବାଆସି ନାନୁ ଏଞ୍ଜାଣାଲ୍ ପୁଞ୍ଜାମାଲ୍ ଇଞ୍ଜଁ ଜଲିନେସି, ଏଞ୍ଜାସି ମିଟି ଗାଟାସି ଏଞ୍ଜାଣି ତାଣା ସାତା ହିଲେଏ □

୫ ସାମା ଆମ୍ବାଆସି ତାନି ହୁକୁମି ମାନୁଷି ଆନେସି, ଏଞ୍ଜାଣି ତାଣା ମାହାପୁରୁତି ସାତା ଜୀଞ୍ଜୁନନାୟି ପୂରା ଆହାମାନେ, ଏମ୍ବାଟିଏ ମାର ପୁଞ୍ଜାଲି ଆଡିନାୟି ମାର ମାହାପୁରୁ ତାଣା ମାନାୟି □

୬ ଆମ୍ବାଆସି ନାନୁ ମାହାପୁରୁ ତଲେ ଡୟିଲ୍ ଇଞ୍ଜଁ ଇନେସି, ଏଞ୍ଜାସି ଜୀସୁ କ୍ରୀସ୍ତ ନୀତା ମାଟିଲେହେଁ ନୀତିନାୟି ମାନେ □

ପୁଞ୍ଜନି ହୁକୁମି

୭ ✧ ଏ ନା ଜୀଞ୍ଜୁତି ତଣେସିଙ୍ଗାତେରି ନାନୁ ମୀ ତାଣା ଏନି ପୁଞ୍ଜନି ହୁକୁମି ରାଡିମାଞ୍ଜାଅଁ, ସାମା ତଲିଟିଏ ଆମିନି ପୁଞ୍ଜଲ ହୁକୁମି ବେଟା ଆହାମାଞ୍ଜେରି, ଏଦାଆଁ ରାଡିମାଞ୍ଜାଲ୍; ମୀରୁ ଆମିନି ବଲୁ ୱେଞ୍ଜାମାଞ୍ଜେରି, ଏଡିଏ ପୁଞ୍ଜଲ ହୁକୁମି □

୮ ଅଡେ ନାନୁ ନୀଏଁ ମିଙ୍ଗେ ପୁଞ୍ଜନି ହୁକୁମି ଲେହେଁ ରାଡିମାଞ୍ଜାଲ୍, ଇତିହଁ ଏଡି କ୍ରୀସ୍ତ ତାଣା ଅଡେ ମୀ ତାଣା ଜିକେଏ ସାତା ଇଞ୍ଜଁ ତଞ୍ଜାଆନେ, ଇତିହଁ ଆନେରି ଗୁଟା ଆହିମାନେ ଅଡେ ସାତା ଉଜେଡି ତଞ୍ଜାଆଡେୟିଏ □

୯ ଆମ୍ବାଆସି ତାନି ତାୟି ତାଙ୍ଗିଲ୍ ଅପାଆନା ନାନୁ ଉଜେଡିତା ମାଲ୍ ଇଞ୍ଜଁ ଇନେସି ଏଞ୍ଜାସି ନୀଏଁ ପାତେକା ଆନେରିତା ମାଞ୍ଜାମାନେସି □

୧୦ ଆମ୍ବାଆସି ତାନି ତାୟି ତାଙ୍ଗିଲ୍ ଜୀଞ୍ଜୁ ନନେସି ଏଞ୍ଜାସି ଉଜେଡିତା ମାଞ୍ଜାମାନେସି, ଇଞ୍ଜା ଏଞ୍ଜାଣି ତାଣା ପୁଟି କିନାୟି ଏନାୟି ହିଲେଏ □

୧୧ ସାମା ଆମ୍ବାଆସି ତାନି ତାୟିଲ୍ ଅପିହିଲଅସି ଏଞ୍ଜାସି ଆନେରିତା ମାନେସି, ଅଡେ ଆନେରିତା ତାକି ତାକିହଁ ଆମ୍ବିୟାଞ୍ଜାକି ହାଜିମାନେସି, ଏଦାଆଁ ପୁନଅସି, ଇତିହଁ ଆନେରି ତାନି କାଣ୍‌କାଣି କାଣା କିହାମାନେ □

୧୨ ଜୀଞ୍ଜୁତି କକାରି ପଦାଁତେରି ନାନୁ ମିଙ୍ଗେ ରାଡିମାଞ୍ଜାଲ୍, ଏନାଆଁତାକି ଇତିହଁ କ୍ରୀସ୍ତ ଦରୁତଲେ ମୀ ପାପୁ ବାରେ ମେଣ୍‌କାମାନେ □

୧୩ ତାଞ୍ଜଁତେରି ନାନୁ ମିଙ୍ଗେ ରାଡିମାଞ୍ଜାଲ୍, ଏନାଆଁତାକି ଇତିହଁ ଆମ୍ବାଆସି ମୂଲୁଟିଏ ମାନେସି, ଏଞ୍ଜାଣାଲ୍ ମୀରୁ ପୁଞ୍ଜାମାଞ୍ଜେରି, ଏ ଡାଆ ଦାଂଗ୍‌ଶାୟାଁତେରି ନାନୁ ମିଙ୍ଗେ ରାଡିମାଞ୍ଜାଲ୍, ଇତିହଁ ମୀରୁ ବାରେ ଲାଗେଏ ପଲେଏ ତାଣାଟି ଜୀଣା ଆହାମାଞ୍ଜେରି □

୧୪ କକାରି ପଦାଁତେରି ନାନୁ ମିଙ୍ଗେ ରାଡିମାଞ୍ଜାଲ୍ ଏନାଆଁତାକି ଇତିହଁ ମୀରୁ ଆବା ମାହାପୁରୁଲ୍

ପୁଞ୍ଜାମାଞ୍ଜେରି, ଏ ଆବାୟାଁତେରି ନାନୁ ମିଙ୍ଗେ ରାଡିମାଞ୍ଜାଲ୍ ଏନାଆଁତାକି ଇତିହଁ ଆମ୍ବାଆସି ମୂଲୁଟିଏ ମାନେସି ଏ କ୍ରୀସ୍ତଲ୍ ପୁଞ୍ଜାମାଞ୍ଜେରି, ଏ ଡାଆ ଦାଂଗ୍‌ଶାୟାଁତେରି ନାନୁ ମିଙ୍ଗେ ରାଡିମାଞ୍ଜାଲ୍ ଏନାଆଁତାକି ଇତିହଁ ମୀରୁ ବାଡ଼ୁ ଗାଟାତେରି, ଅଡେ ମାହାପୁରୁତି ବଲୁ ମୀ ତାଣା ମାନେ ଅଡେ ମୀରୁ ଲାଗେଏ ପଲେଏତାଣି ଜୀଣା ଆହାମାଞ୍ଜେରି □

ଦାର୍‌ତିତି ଜୀଞ୍ଜୁ ନଆଦୁ

୧୫ ଦାର୍‌ତିତି ଅଡେ ଏମ୍ବାଆଁ ମାନାଣି ବାରେଡି ଜୀଞ୍ଜୁ ନଆଦୁ, ଆମ୍ବାଆସି ଦାର୍‌ତିତି ଜୀଞ୍ଜୁ ନନେସି, ଏଞ୍ଜାଣି ତାଣା ମାହାପୁରୁ ଆବାତି ଜୀଞ୍ଜୁନନାୟି ହିଲେଏ □

୧୬ ଇତିହଁ ଆଙ୍ଗାତି ଜୁପ୍‌କା, କାନୁତି ଜୁପ୍‌କା, ଅଡେ ଦନତି ବଡପଣ, ଦାର୍‌ତିତା ମାନାୟି ଇ ବାରେ ମାହାପୁରୁ ଆବା ତାଣାଟି ୱାହାହିଲେଏ ସାମା ଦାର୍‌ତିତି ଗାଡି ଆହାମାନେ □

୧୭ ଦାର୍‌ତି ଅଡେ ଏମ୍ବାଆଁ ମାନି ଜୁପ୍‌କା କାଲେଏ ତାକି ଆଏ, ସାମା ଆମ୍ବାଆସି ମାହାପୁରୁତି ଇଟାତି ମାନୁଷି ଆନେସି ଏଞ୍ଜାସି କାଲେଏ ତାକି ତୀରି ଆନେସି □

କ୍ରୀସ୍ତତି ସାଦୁ

୧୮ ଜୀଞ୍ଜୁତି କକାରି ପଦାଁତେରି ରାଡି କାଲା ଏଗାଞ୍ଜାଡେୟିଏ, ନାଡିକିନି କ୍ରୀସ୍ତ ୱାଡେସି ଇଞ୍ଜଁ ମୀରୁ ଏନିକଁ ୱେଞ୍ଜାମାତେରି, ଏଲେକିହଁଏ ନୀଏଁ ଜିକେଏ ହାରେକା ନାଡିକିନି କ୍ରୀସ୍ତାୟି ନିଜିତେରିଏ; ଇଦାଆଁତାକି ମାର ପୁଞ୍ଜିମାନାୟି ଜୁଗୁ ରାଡି କାଲା ଏଦାତେୟିଏ □

୧୯ ଏଞ୍ଜାରି ମା ବିଡାଟି ହଡେରି, ସାମା ମା ଗୁଟିତି ଲକୁ ହିଲାଆତେରି; ଏଞ୍ଜାରି ମା ଗୁଟିତି ଲକୁ ଆଡିହଁ ମା, ଏଞ୍ଜାରି ମା ତଲେ ଡୟିତେରିମା; ସାମା ବାରେ ମା ଗୁଟିତି ଲକୁ ଆଏ, ଇଦି ଏନିକଁ ତଞ୍ଜାଆନେ, ଇଦାଆଁତାକି ଏଞ୍ଜାରି ହଡାହାତେରି □

୨୦ ସାମା ମୀରୁ ଏ ସୁଦୁ ଗାଟାଣା ତାଣାଟି ବର ବେଟାଆହାମାନାକି ମୀରୁ ବାରେତେରି ବୁଦି ବେଟାଆହାମାଞ୍ଜେରି □

୨୧ ମୀରୁ ସାତାତି ପୁଞ୍ଜାହିଲାଆକି ନାନୁ ମିଙ୍ଗେ ରାଡିମାଞ୍ଜାଲ୍ ଏଡି ଆଏ, ସାମା ମୀରୁ ସାତାତି ପୁଞ୍ଜାମାନାକି ଅଡେ ସାତାଟି ଏତେଲାଞ୍ଜା ମିଟି ହଏ ଇଞ୍ଜଁ ମୀରୁ ପୁଞ୍ଜାମାନାକି ନାନୁ ମିଙ୍ଗେ ରାଡିମାଞ୍ଜାଲ୍ □

୨୨ ଜୀସୁଲ୍ କ୍ରୀସ୍ତ ଆଏ ଇଞ୍ଜଁ ଆମ୍ବାଆସି ୱେହ୍‌ନେସି, ଏଞ୍ଜାଣି ତାଣାଟିଏ ମିଟି ୱେହ୍‌ନାସି ଆମ୍ବାଆସି ? ଅଡେ ଆମ୍ବାଆସି ଆବା ଅଡେ ମୀରୁଏଣାଲ୍ ଇ ରିଆରାଲ୍ ଜିକେଏ ଅପଅସି ଏଞ୍ଜାସିଏ ନାଡିକିନି କ୍ରୀସ୍ତ □

୨୩ ଆମ୍ବାଆସି ମୀରୁଏଣାଲ୍ ଅପଅସି ଏଞ୍ଜାସି ଆବାଲ୍ ବେଟାଆହାହିଲଅସି, ଆମ୍ବାଆସି ମୀରୁଏଣାଲ୍ ଆବିନେସି, ଏଞ୍ଜାସି ଆବାଲ୍ ଜିକେଏ ବେଟାଆହାମାନେସି □

୨୪ ମୀରୁ ତଲିଟିଏ ଏନାଆଁ ୱେଞ୍ଜାମାଞ୍ଜେରି, ଏଡି ମୀ ତାଣା ଡୟାପେ, ମୀରୁ ତଲିଟିଏ ଏନାଆଁ ୱେଞ୍ଜାମାଞ୍ଜେରି,

ଏହି ମୀ ତାଣା ଡ଼ୟିତିହଁ, ଆତିହଁ ମୀରୁ ଜିକେଏ କାଲେଏ ଆବା ଅଡ଼େ ମୀରଏସି ଜୀସୁ ତାଣା ଡ଼ୟିଦେରି □

୨୫ ଅଡ଼େ କ୍ରୀସ୍ତ ମାଜେ ଏନାଆଁ ଆଞ୍ଜାମାଞ୍ଜାନେସି ଏଡ଼ି କାଲାକାଲାତି ଜୀସୁ □

୨୬ ଆମ୍ବାଆସି ମିଜେ ନାଡ଼ି କିୟାଲି ଅଣପାନେରି, ଏଞ୍ଜାରି ତାଣାଟି ଜାଗ୍ରାତା ଆହାଲି ନାନୁ ମୀ ତାଣା ଇ ବାରେ ରାଡ଼ିମାଞ୍ଜାଇଁ □

୨୭ ସାମା ମୀରୁ ଏଞ୍ଜାଣି ତାଣାଟି ଆମିନି ସୁରୁଜୀସୁତି ବରୁ ବେଟାଆହାମାଞ୍ଜେରି, ଏଡ଼ି ମୀ ତାଣା ଡ଼ୟାମାନେ, ଇଞ୍ଜା ଆମ୍ବାଆସି ମିଜେ ଜାପୁହାନେସି, ଏଡ଼ି ମିଜେତାକି ଲଡ଼ା ହିଲେଏ, ସାମା ଏଞ୍ଜାଣି ତାଣାଟି ଆମିନି ବରୁ ବେଟାଆହାମାଞ୍ଜେରି ଏଡ଼ି ମିଜେ ଆମିନି କାତା ଜାପୁହାନେ, ଏଡ଼ି ସାତା, ମିଟି ଆଏ; ଇଦାଆଁତାକି ଏ ଜାପୁନାଣି ତଲେ ଏଞ୍ଜାଣି ତାଣା ଡ଼ୟାଦୁ □

୨୮ ନା ଜୀସୁତି ମୀରକା ମାସ୍କାତେରି, କ୍ରୀସ୍ତ ତଲେ ଆଣ୍ଡାନା ଡ଼ୟାଦୁ, ଏନିକଁ ଏଞ୍ଜାସି ଏତିବେଲା ତଞ୍ଜାଆନେସି, ଏତିବେଲା ତାନୁ ଖାନାଟି ତାନି ନକିତା ମାରୁ ଲାଜା ଆଆନା ସାସା ମେଡ଼ାଆନାୟି □

୨୯ କ୍ରୀସ୍ତ ଦାମ୍ବୁଗାଟାସି, ଇଦାଆଁ ପୁନାୟିମାନେ, ଆତିହଁ ଆମ୍ବାଆସି ଦାମ୍ବୁକାମା କିନେସି, ଏଞ୍ଜାସି ଏଞ୍ଜାଣି ତାଣାଟି ଜାର୍ନା ଆହାମାନେସି, ଇଦାଆଁ ଜିକେଏ ପୁଞ୍ଜୁ □

୩

ମାହାପୁରୁତି ମୀରକା ମାସ୍କା

୧ *ମେହ୍ନୁ ଆବା ମାଜେ ଏନିକଁ ଜୀସୁ ନନାଣି ହୀହାମାଞ୍ଜାନେସି, ମାରୁ ମାହାପୁରୁତି ମୀରକା ମାସ୍କା ଇଞ୍ଜଁ ଖେଜିନାୟି, ଅଡ଼େ ମାରୁ ଏଲେକିହଁ ଏ ଆହାମାନାୟି □ ଇଦାଆଁତାକି ଦାରୁତି ମାଜେ ପୁଞ୍ଜିମାଞ୍ଜେଏ, ଇତିହଁ ଏଡ଼ି ଏଞ୍ଜାଣାଇଁ ଜିକେଏ ପୁଞ୍ଜା ହିଲାଆତେ □

୨ ଏ ନା ଜୀସୁତି ତଣେସିଙ୍ଗା, ନୀର୍ବ ମାରୁ ମାହାପୁରୁତି ମୀରକା ମାସ୍କାତାୟି, ଅଡ଼େ ତାୟୁ ଏନି ଆନାୟି, ଏଡ଼ି ନୀର୍ବ ପାତେକା ତଞ୍ଜା ଆହା ହିଲେଏ, ମାରୁ ପୁଞ୍ଜାମାନାୟି, କ୍ରୀସ୍ତ ଏତିବେଲା ତଞ୍ଜାଆନେସି, ଏତିବେଲା ମାରୁ ଜିକେଏ ଏଲେକିହଁ ଏ ଆନାୟି, ଇତିହଁ ଏଞ୍ଜାସି ଏନିଲେହେକି ମାରୁ ଏଲେକିହଁ ଏ ଏଞ୍ଜାଣାଇଁ ମେହ୍ନାୟି □

୩ ଅଡ଼େ ଆମ୍ବାଆସି ଜିକେଏ କ୍ରୀସ୍ତ ଜୀସୁ ତାଣା ଇ ବାସ୍ତୁ ଇଟାମାନାସି, ଏଞ୍ଜାସି ଏନିକଁ ସୁଦୁଗାଟାସି, ଏଞ୍ଜାସି ଏଲେକିହଁ ଏ ତାଜେ ଅବହା କଡ଼ିନେସି □

୪ ଆମ୍ବାଆସି ପାପୁ କିନେସି, ଏଞ୍ଜାସି ମାହାପୁରୁତି ହୁକୁମି ଡ଼ରିନାସି, ଏନିଇତିହଁ ହୁକୁମି ଡ଼ରିନାୟିଏ ପାପୁ □

୫ *ମାରୁ ପୁଞ୍ଜାମାନାୟି, କ୍ରୀସ୍ତ ପାପୁ ଡ଼େକା ଆହାଲି ଖାଡ଼େସି, ଇଞ୍ଜା ଏଞ୍ଜାଣି ତାଣା ପାପୁ ହିଲେଏ □

୬ ଆମ୍ବାଆସି କ୍ରୀସ୍ତ ତାଣା ଡ଼ୟିନେସି, ଏଞ୍ଜାସି ପାପୁ କିଅସି; ସାମା ଆମ୍ବାଆସି ପାପୁ କିନେସି, ଏଞ୍ଜାସି କ୍ରୀସ୍ତଇଁ ମେସାହିଲଅସି କି ଏଞ୍ଜାଣାଇଁ ପୁଞ୍ଜାହିଲଅସି □

୭ ନା ଜୀସୁତି କକାରି ପଦାତେରି ଆମ୍ବାଆରି ମିଜେ ନାଡ଼ି କିୟାଆପେରି; ଆମ୍ବାଆସି ଦାମ୍ବୁକାମା କିନେସି, କ୍ରୀସ୍ତ ଏନିକଁ ଦାମ୍ବୁଗାଟାସି, ଏଞ୍ଜାସି ଜିକେଏ ଏଲେକଁ ଦାମ୍ବୁଗାଟାସି ଆନେସି;

୮ ଆମ୍ବାଆସି ପାପୁ କିନେସି, ଏଞ୍ଜାସି ସୟତାନତି ଜାର୍ନା ଆଡ଼ାସି, ଇତିହଁ ସୟତାନ ତଲିଟିଏ ପାପୁ କିହଁ ଖାହିମାନେ, ସୟତାନତି କାମା ନାସା କିୟାଲି ମାହାପୁରୁ ମୀରଏସି ଖାଡ଼େସି □

୯ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଞ୍ଜାସି ପାପୁ ଅଡ଼େ ଖେଣ୍ଡେ କିଅସି, ଇତିହଁ ମାହାପୁରୁତି ଗୁଣ୍ଡୁ ଏଞ୍ଜାଣି ତାଣା ମାନେ, ଅଡ଼େ ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନାକି ପାପୁ କିହାଲି ଆଡ଼ଅସି □

୧୦ ଆମ୍ବାଆରି ମାହାପୁରୁତି ମୀରକା ମାସ୍କା ଅଡ଼େ ଆମ୍ବାଆରି ସୟତାନତି ମୀରକା ମାସ୍କା, ଏଡ଼ି ତଞ୍ଜାଆନେ; ଆମ୍ବାଆସି ଦାମ୍ବୁକାମା କିଅସି, ଇଞ୍ଜା ତାୟି ତାଜିଇଁ ଜୀସୁ ନଅସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାହିଲଅସି □

ରଅସି ରଅଣାଇଁ ଜୀସୁନନାୟି

୧୧ *ଇତିହଁ ରଅସି ରଅଣାଇଁ ଜୀସୁନନାୟି ମାନେ ଇ ହାଡ଼ା ମୂଲୁଟିଏ ଖେଞ୍ଜା ମାଞ୍ଜେରି;

୧୨ ପାପୁତି ମୀରଏସି କୟିନ, ଏଞ୍ଜାଣିଲେହେଁ ଆଆଦୁ, ଏଞ୍ଜାସି ତାନି ତାୟି ହେବଲଇଁ ପାୟିଡେସି; କୟିନ ଏଞ୍ଜାଣାଇଁ ଏନାଆଁତାକି ପାୟିଡେସି ? ଇତିହଁ ତାନି କାମା ପାପୁ ଗାଟାୟି, ଅଡ଼େ ହେବଲତି କାମା ଦାମ୍ବୁଗାଟାୟି ମାଟେ □

୧୩ ନା ତାୟି ତାଜିସ୍ତାତେରି ଦାରୁତି ଲକୁ ମିଜେ ଅପାଆତଁ ଜିକେଏ ମୀରୁ କାବା ଆଆଦୁ □

୧୪ *ମାରୁ ପୁଞ୍ଜାମାନାୟି, ମାରୁ ହାକିତି ଜୀଣାଆହାନା ଜୀସୁ ବେଟାଆହାମାନାୟି, ଇତିହଁ ମାରୁ ତାୟି ତାଜିସ୍ତାଣି ଜୀସୁନହଁ ମାନାୟି, ଆମ୍ବାଆସି ଜୀସୁ ନଅସି, ଏଞ୍ଜାସି ହାହାଲି ମାନେସି □

୧୫ ଆମ୍ବାଆସି ଜାହାରା କ୍ରୀସ୍ତାନା ତାୟି ତାଜିଇଁ ଅପଅସି, ଏଞ୍ଜାସି ଲକୁଣି ପାୟିନାସି; ଅଡ଼େ ଲକୁଣି ପାୟିନାରି ତାଣା କାଲାକାଲାତି ଜୀସୁ ଡ଼ୟେଏ, ଇଦାଆଁ ମୀରୁ ପୁଞ୍ଜାମାଞ୍ଜେରି □

୧୬ ଜୀସୁ କ୍ରୀସ୍ତ ମା ତାକି ଜୀସୁ ହୀତାକି ମାରୁ ଜୀସୁନନାୟି ଏନାୟି ଇଞ୍ଜଁ ପୁଞ୍ଜାମାନାୟି; ଅଡ଼େ ତାୟି ତାଜି ତାକି ମା ଜୀସୁ ଜିକେଏ ହୀନାୟି ମାନେ □

୧୭ ସାମା ଆମ୍ବାଆସି ଦାରୁତିତା ଦନ ଗାଟାସି ଆହାନା ତାନି ତାୟିତି ଲଡ଼ାମାନାଣି ମେସାନା ଜିକେଏ ଏଞ୍ଜାଣାଇଁ କାର୍ନା ମେହ୍ନଅସି ଇତିସାରେ, ତାନି ହିୟାତା ମାହାପୁରୁତି ଜୀସୁନନାୟି ମାନେ ଇଞ୍ଜଁ ଏନିକଁ ଏଲେଇନାୟି ?

☆ ୩:୧ ୩:୧ ୯୫୩ ୧:୧୭ ☆ ୩:୫ ୩:୫ ୯୫୩ ୧:୨୯ ☆ ୩:୧୧ ୩:୧୧ ୯୫୩ ୧୩:୩୪ ☆ ୩:୧୪ ୩:୧୪ ୯୫୩ ୫:୨୪

୧୮ ନା ମୀରକା ମାସକା ଖାଦୁ, ମାର ଜଳା ଜକଡ଼ି ତଲେ ଜୀଝୁ ନଥାନା କାମା ଅଡ଼େ ସାତା ତଲେ ଜୀଝୁ ନନାଣି ତହୁନାୟି ମାନେ □

୧୯ ଏଲେ କିତିସାରେ ମାର ସାତାତି ମୀରକା ମାସକାତାୟି ଇଦାଆଁ ପୁଞ୍ଜାମାନାୟି, ଅଡ଼େ ଏନି କାତା ମା ହିୟାଁ ମାଙ୍ଗେ ଦହ କିୟାନେ, ଏ କାତାତା ଏଞ୍ଜାଣି ନକିତା ମା ହିୟାଁ ସୁସ୍ତି କିୟାଲି ଆଡ଼ିନାୟି;

୨୦ ଏମିନି କାମାତା ମା ହିୟାଁ ମାଙ୍ଗେ ଦହ ଦସ୍ତାନେ, ଏମ୍ବାଟି ଏଞ୍ଜାଣି ନକିତା ଏ କାତାତାକି ମା ହିୟାଁତି ସୁସ୍ତି କିହାଲି ଆଡ଼ିନାୟି; ଇଚିହଁ ମାହାପୁରୁ ମା ହିୟାଁତିଏ କାଜାସି, ଏଞ୍ଜାସି ବାରେ ପୁନେସି □

୨୧ ନା ଜୀଝୁତି ତ଼ଣେସିଙ୍ଗା ମା ହିୟାଁ ମାଙ୍ଗେ ଦହ ଦସ୍ତାଆଡ଼ିହଁ, ଆଡ଼ିହଁ ମାର ମାହାପୁରୁ ନକିତା ସାସାତଲେ ନିତାଲି ଆଡ଼ିନାୟି □

୨୨ ଅଡ଼େ ମାର ଏନାଆଁ ରୀହୁନାୟି, ଏ ବାରେ ଏଞ୍ଜାଣି ତାଣାଟି ବେଟାଆହି ମାନାୟି, ଇଚିହଁ ମାର ତାନି ହୁକୁମି ମାନଞ୍ଜି ଆହିମାନାୟି, ଅଡ଼େ ତାନି ନକିତା ଏନାୟି ନେହାୟି ଏନାଆଁ କିହିମାନାୟି □

୨୩ *ତାନି ହୁକୁମି ହୀହାମାନିଲେହେଁ, ମାର ତାନି ମୀରଏସି ଜୀସୁ କ୍ରୀସ୍ତ ଦରୁତଲେ ନାମିନାୟି ଅଡ଼େ ତାନି ହୀତି ହୁକୁମି ତଲେ ରଅତାୟି ରଅଣାଲ୍ ଜୀଝୁନନାୟି □

୨୪ ଆମ୍ବାଆସି ମାହାପୁରୁତି ହୁକୁମି ମାନଞ୍ଜି ଆନେସି, ଏଞ୍ଜାସି ମାହାପୁରୁ ତଲେ ଡ଼ୟିନେସି, ଅଡ଼େ ମାହାପୁରୁ ଏଞ୍ଜାଣି ତାଣା ଡ଼ୟିନେସି; ଇଞ୍ଜା ମାହାପୁରୁ ମା ତାଣା ଡ଼ୟିନେସି, ଇଦାଆଁ ମାର ତାନି ହୀହାମାଞ୍ଜାନି ଜୀଝୁତଲେ ପୁଞ୍ଜାମାନାୟି □

୪

ସାତା ମାହାପୁରୁତି ଜୀଝୁ ଅଡ଼େ ମିତି ଜୀଝୁ

୧ ନା ଜୀଝୁତି ତାୟି ତାଜିସ୍ତା, ବାରେ ଜୀଝୁୟାଁଲ୍ ନାମାଆଦୁ, ସାମା ଏଞ୍ଜାରି ବେଟାଆହାମାନି ଜୀଝୁୟାଁ ମାହାପୁରୁ ତାଣାଟି ଖାହାମାନୁ କି ଆଏ ଇଦାଆଁ ନେହଁକଁ ତାୟିପାରି କିଦୁ, ଏନାଆଁତାକି ଇଚିହଁ ଦାର୍ତତିତା ହାରେକା ମିତି ମାହାପୁରୁ ବଲୁ ଖେହନାରି ହଟାମାନେରି □

୨ ଇଲେ କିତିହଁ ମୀରୁ ମାହାପୁରୁତି ଜୀଝୁତି ପୁଞ୍ଜାଲି ଆଡ଼ିଦେରି, କ୍ରୀସ୍ତ ଜୀସୁ ମାଣସି ଆଙ୍ଗା ଖାଣା ତଲେ ଖାହାମାନେସି, ଇଦାଆଁ ଆମିନି ଜୀଝୁ ଜଲିନେ, ଏଡ଼ି ମାହାପୁରୁ ତାଣାଟି ଖାହାମାନେ □

୩ ଅଡ଼େ ଆମିନି ଜୀଝୁ ଜୀସୁଲ୍ ନାନୁ ପୁଞ୍ଜାହିଲଅଁ ଇଞ୍ଜଁ ଜଲିନେ, ଏଡ଼ି ମାହାପୁରୁ ତାଣାଟି ଖାହାହିଲେଏ; ସାମା ଏଡ଼ି ନାଡ଼ିକିନି କ୍ରୀସ୍ତତି ଜୀଝୁ, ଆମିନି ଜୀଝୁତି ଖାନ୍ କାତା ମୀରୁ ଖେଞ୍ଜାମାଞ୍ଜେରି, ଇଞ୍ଜା ଏଡ଼ି ନୀଏଁ ଜିକେଏ ଦାର୍ତତିତା ଖାଡ଼େୟିଏ □

୪ ଜୀଝୁତି କକାରି ପଦାଁତେରି, ମୀରୁ ମାହାପୁରୁ ତାଣାଟି ଜାର୍ନା ଆଡ଼ାତେରି, ଅଡ଼େ ମୀରୁ ନାଡ଼ିକିନି ବଲୁ ଖେହନାରାଲ୍ ଜୀଣା ଆହାମାଞ୍ଜେରି, ଇଚିହଁ ମୀ ତାଣା ଆମ୍ବାଆସି ମାନେସି, ଏଞ୍ଜାସି, ଦାର୍ତତିତା ଆମ୍ବାଆସି ମାନେସି ଏଞ୍ଜାଣି କିହାଁ କାଜାସି □

୫ ନାଡ଼ିକିନାରି ଦାର୍ତତିତି ଖାହାମାନେରି, ଇଦାଆଁତାକି ଏଞ୍ଜାରି ଦାର୍ତତିତି କାତା ଖେହନେରି, ଅଡ଼େ ଦାର୍ତତିତାରି ଏଞ୍ଜାରି କାତା ଖେନେରି □

୬ ସାମା ମାର ମାହାପୁରୁ ତାଣାଟି ଜାର୍ନା ଆହାମାନାୟି; ଆମ୍ବାଆସି ମାହାପୁରୁଲ୍ ପୁନେସି, ଏଞ୍ଜାସି ମା କାତା ଖେନେସି; ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାହିଲଅସି, ଏଞ୍ଜାସି ମା କାତା ଖେନଅସି, ଏମ୍ବାଟି ସାତାତି ଜୀଝୁ ଅଡ଼େ ନାଡ଼ିକିନି ଜୀଝୁ ପୁଞ୍ଜାଲି ଆଡ଼ିନାୟି □

ଜୀଝୁ ନଞ୍ଜିଆନାୟି

୭ ନା ଜୀଝୁତି ତ଼ଣେସିଙ୍ଗା, ରଅତେରି ରଅଣାଲ୍ ଜୀଝୁନଦୁ, ଇଚିହଁ ଜୀଝୁନନାୟି ମାହାପୁରୁ ତାଣାଟି ଖାନ୍, ଆମ୍ବାଆସି ଜୀଝୁ ନନେସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି, ଇଞ୍ଜା ଏଞ୍ଜାସି ମାହାପୁରୁଲ୍ ପୁଞ୍ଜାମାନେସି □

୮ ଆମ୍ବାଆସି ଜୀଝୁ ନଅସି, ଏଞ୍ଜାସି ମାହାପୁରୁଲ୍ ପୁନଅସି, ଏନାଆଁତାକି ଇଚିହଁ ମାହାପୁରୁ ଜୀଝୁ ନନାସି □

୯ ଇମ୍ବାଆଁ ମାହାପୁରୁତି ଜୀଝୁନନାୟି ତଞ୍ଜା ଆହାମାନେ, ଏଞ୍ଜାସି ତାନି ରଣ୍ଡିଏ ମୀରଏଣାଲ୍ ଦାର୍ତତିତା ପାଣ୍ଡାତେସି, ଏନିକଁ ମାର ଏଞ୍ଜାଣି ତାଣାଟି କାଲ୍ଲକାଲ୍ଲାତି ଜୀଝୁ ବେଟାଆନାୟି □

୧୦ ମାର, ମାହାପୁରୁଲ୍ ଜୀଝୁ ନତାୟି, ଏଡ଼ି ଆଏ, ସାମା ଏଞ୍ଜାସି ମାଙ୍ଗେ ଜୀଝୁ ନୟାଁତେସି, ଇଞ୍ଜା ତାନି ମୀରଏଣାଲ୍ ମା ପାପୁ ତାକି ପୂଜା ଆହାଲି ପାଣ୍ଡାତେସି; ଏଡ଼ି ଏମ୍ବାଟିଏ ଜୀଝୁନନାୟି ତଞ୍ଜା ଆହି ମାନେ □

୧୧ ନା ଜୀଝୁତି ତ଼ଣେସିଙ୍ଗା, ମାହାପୁରୁ ମାଙ୍ଗେ ଏନିକଁ ଜୀଝୁ ନହାଁ ମାଞ୍ଜାନେସି, ମାର ଜିକେଏ ରଅତାୟି ରଅଣାଲ୍ ଜୀଝୁ ନଞ୍ଜିଆନାୟି ମାନେ □

୧୨ ଆମ୍ବାଆସି ଏରେଲାଞ୍ଜା ମାହାପୁରୁଲ୍ ମେସାହିଲଅସି; ସାମା ମାର ରଅତାୟି ରଅଣାଲ୍ ଜୀଝୁନଞ୍ଜିଆନ, ଆଡ଼ିହଁ ମାହାପୁରୁ ମା ତାଣା ମାନେସି, ଅଡ଼େ ତାନି ଜୀଝୁନନାୟି ମା ତାଣା ମାନେ □

୧୩ ମାର ମାହାପୁରୁ ତାଣା ମାନାୟି ଅଡ଼େ ଏଞ୍ଜାସି ମା ତାଣା ମାନେସି, ଇଦାଆଁ ମାର ପୁଞ୍ଜାମାନାୟି, ଇଚିହଁ ଏଞ୍ଜାସି ମାଙ୍ଗେ ତାନି ଜୀଝୁ ହୀହାମାଞ୍ଜାନେସି □

୧୪ ମାହାପୁରୁ ଆବା ତାନି ମୀରଏଣାଲ୍ ଦାର୍ତତିତି ଲକୁଣି ଗେଲ୍ପିନାସି ଆହାଲିତାକି ପାଣ୍ଡାତେସି, ଇଦାଆଁ ମାର ମେସାମାନାୟି ଅଡ଼େ ସାକି ହାହି ମାନାୟି □

☆ ୩:୨୩ ୩:୨୩ ଜହ ୧୩:୩୪; ୧୫:୧୨,୧୭

୧୫ ଆତ୍ମାଆସି ଜୀବୁଇଁ ମାହାପୁରୁତି ମୀରୁଏସି ଇଞ୍ଜିଁ
ଝେକ୍‌ନେସି, ମାହାପୁରୁ ଏଞ୍ଜାଣି ତାଣା ମାନେସି, ଅଡ଼େ
ଏଞ୍ଜାସି ମାହାପୁରୁ ତାଣା ମାନେସି □

୧୬ ଅଡ଼େ ମାଞ୍ଜେତାକି ମାହାପୁରୁତି ଆମିନି ଜୀଝୁନନାୟି
ମାନେ, ଏଦାଆଁ ମାରୁ ପୁଞ୍ଜାମାନାୟି ଅଡ଼େ ନାମାମାନାୟି □
ମାହାପୁରୁ ଜୀଝୁ ନନାସି; ଆତ୍ମାଆସି ଜୀଝୁ ନହଁ ମାନେସି
ଏଞ୍ଜାସି ମାହାପୁରୁ ତାଣା ମାନେସି ଅଡ଼େ ମାହାପୁରୁ ଏଞ୍ଜାଣି
ତାଣା ଡ଼ୟିନେସି □

୧୭ ଦାମ୍ଭୁତି ଜୀଝୁତା ନୀତାମାନାକି ମାହାପୁରୁତି
ଜୀଝୁନନାୟି ମା ତାଣା ତୀରି ଆହାମାନେ, ମାରୁ ନୀହାୟି
ଦିନାତା ସାସା ବେଟାଆନାୟି, ଇତିହଁ କ୍ରୀସ୍ତ ଏନିକଁ
ମାନେସି, ମାରୁ ଜିକେଏ ଇ ଦାରୁତିତା ଏଲେକିହଁଏ
ମାନାୟି □

୧୮ ଜୀଝୁ ନନି ତାଣା ଆଜି ଡ଼ୟେଏ, ସାମା ସାତା
ଜୀଝୁନନାୟି ଆଜିତି ହେକ କିନେ, ଇତିହଁ ଆଜି
ଡ଼ଣ୍ଡ ବେଟାଆନାଣି ତଲେ ଆଣ୍ଡାମାନେ, ଇଞ୍ଜା ଆତ୍ମାଆସି
ଆଜିନେସି ଏଞ୍ଜାସି ଜୀଝୁ ନନି ତାଣା ତୀରିତାସି ଆଏ □

୧୯ ମାହାପୁରୁ ତଲିଏ ମାଞ୍ଜେ ଜୀଝୁ ନୟାତାକି ମାରୁ
ଜୀଝୁ ନହିମାନାୟି □

୨୦ ଆତ୍ମାଆସି ନାନୁ ମାହାପୁରୁଇଁ ଜୀଝୁ ନହଁ ମାଇଁ
ଇଞ୍ଜାନା, ଏଞ୍ଜାସି ତାନି ନାମିତି ତାୟି ତାଞ୍ଜିଇଁ ଅପଅସି,
ଆତିହଁ ଏଞ୍ଜାସି ମିତି ଝେହନାସି, ଇତିହଁ ଆମିନି
ତାୟିଇଁ ମେସାମାନେସି, ଏଞ୍ଜାଣାଇଁ ଜୀଝୁ ନଅସି, ଇତିହଁ
ଆମିନି ମାହାପୁରୁଇଁ ମେସାହିଲଅସି, ଏଞ୍ଜାଣାଇଁ ଜୀଝୁ
ନହାଲି ଆଡ଼ଅସି □

୨୧ ଆତ୍ମାଆସି ମାହାପୁରୁଇଁ ଜୀଝୁ ନନେସି, ଏଞ୍ଜାସି ତାନି
ତାୟିଇଁ ଜିକେଏ ଜୀଝୁ ନପେସି, ଇ ହୁକୁମି ମାମ୍ବୁ କ୍ରୀସ୍ତ
ତାଣାଟି ବେଟା ଆହାମାନମି □

୫

ଦାରୁତିତା ଜୀଣା ଆନାୟି

୧ ଆତ୍ମାଆସି ଜୀବୁଇଁ କ୍ରୀସ୍ତ ଇଞ୍ଜିଁ ନାମିନେସି, ଏଞ୍ଜାସି
ମାହାପୁରୁ ତାଣାଟି ଜାର୍ନା ଆହାମାନେସି; ଆତ୍ମାଆସି
ଜାର୍ନାକିତି ଆବାଇଁ ଜୀଝୁ ନନେସି, ଏଞ୍ଜାସି ତାନିତାଣାଟି
ଜାର୍ନା ଆହାମାନି ଲକୁଣି ଜିକେଏ ଜୀଝୁ ନନେସି □

୨ ମାରୁ ଏତିବେଲା ମାହାପୁରୁଇଁ ଜୀଝୁନନାୟି ଅଡ଼େ
ତାନି ହୁକୁମି ମାନୁଝି ଆନାୟି, ଏତିବେଲା ଏଦାଆଁ ତଲେ
ମାରୁ ମାହାପୁରୁତି ମୀରୁକା ମାସ୍‌କାଇଁ ଜୀଝୁ ନହିମାନାୟି
ଇଞ୍ଜିଁ ପୁଞ୍ଜାଲି ଆଡ଼ିନାୟି □

୩ *ମାହାପୁରୁଇଁ ଜୀଝୁନନାୟି ମା ତାଣା ମାନେ,
ଇତିହଁ ମାରୁ ଏଞ୍ଜାଣି ହୁକୁମି ମାନୁଝି ଆନ, ଏଞ୍ଜାଣି ହୁକୁମି
ମାନୁଝି ଆନାୟି ହାରେକା କସ୍ତ ଆଏ

୪ ଆତ୍ମାଆସି ମାହାପୁରୁ ତାଣାଟି ଜାର୍ନା ଆହାମାନେସି,
ଏଞ୍ଜାସି ଦାରୁତିତି ଜୀଣାଆନେସି, ଅଡ଼େ ଏଦାଆଁ ଦାରୁତିତି
ଜୀଣା ଆହାମାନେସି, ଏଡ଼ି ମା ନାନୁ □

୫ ଜୀଝୁ ମାହାପୁରୁ ମୀରୁଏସି, ଇଦାଆଁ ଆତ୍ମାଆସି
ନାମିନେସି, ଏଞ୍ଜାଣି ପିସ୍‌ପେ ଆତ୍ମାଆସି ଦାରୁତିତି ଜୀଣା
ଆନେସି ?

ଜୀସ୍ତ କ୍ରୀସ୍ତ ତାକି ସାକି

୬ ଜୀସ୍ତ କ୍ରୀସ୍ତ ଏୟୁ ଅଡ଼େ ନେତେରିତି ଖାହାମାଚେସି,
ଝାରୁଇ ଏୟୁତଲେ ଆଏ, ସାମା ଏୟୁ ଅଡ଼େ ନେତେରି ଇ
ରୀ କୁଡ଼ା ତଲେ ଖାହାମାଚେସି; ଅଡ଼େ ସୁଦୁଜୀଝୁ ଜିକେଏ
ଏମ୍ବାତି ସାକି ହାହିମାନେ, ଇତିହଁ ଜୀଝୁଏ ସାତା □

୭ ଇ ତାନି ଜାଣା ସାକି ମାନୁ □
୮ ସୁଦୁଜୀଝୁ, ଏୟୁ ଅଡ଼େ ନେତେରି ଏଝି ରଣ୍ଡିଏ ସାକି
ହାହିମାନୁ □

୯ ମାରୁ ଲକୁ ହାତି ସାକି ନାମିନାୟି, ଆତିହଁ
ମାହାପୁରୁ ହାତି ସାକି ଏଦାଣିକିହାଁ ହାରେକା କାଜାୟି,
ଅଡ଼େ ମାହାପୁରୁତି ସାକି ଇଦି, ଏଞ୍ଜାସି ତାନି ମୀରୁଏଶା
ଝାକିତି ସାକି ହାହାମାନେସି □

୧୦ ଆତ୍ମାଆସି ମାହାପୁରୁ ମୀରୁଏଶା ତାଣା ନାମିନେସି,
ଏଞ୍ଜାସି ତାନି ହିୟାତା ଇ ସାକି ବେଟାଆହାମାନେସି;
ଅଡ଼େ ଆତ୍ମାଆସି ମାହାପୁରୁତି ସାକି ନାମଅସି, ଏଞ୍ଜାସି
ମାହାପୁରୁଇଁ ମିତି ଗାଟାସି କିହାମାନେସି, ଇତିହଁ
ମାହାପୁରୁ ତାନି ମୀରୁଏଶା ଝାକିତି ଆମିନି ସାକି
ହାହାମାନେସି, ଏମ୍ବାଆଁ ଏଞ୍ଜାସି ନାମାହିଲଅସି □

୧୧ *ଏ ସାକି ଇଦି, ମାହାପୁରୁ ମାଞ୍ଜେ ରାଆଗାଟି ଜୀଝୁ
ହାହାମାଞ୍ଜାନେସି, ଅଡ଼େ, ଏ ଜୀଝୁ ତାନି ମୀରୁଏଶା ତାଣା
ମାନେ □

୧୨ ଆତ୍ମାଆସି ମାହାପୁରୁ ମୀରୁଏଶାଈଁ ବେଟାଆହାମାନେସି,
ଏଞ୍ଜାସି ଜୀଝୁ ବେଟାଆହାମାନେସି; ଆତ୍ମାଆସି ମାହାପୁରୁ
ମୀରୁଏଶାଈଁ ବେଟାଆହାହିଲଅସି, ଏଞ୍ଜାସି ଜୀଝୁ ଜିକେଏ
ବେଟାଆହାହିଲଅସି □

ରାଆଗାଟି ଜୀଝୁ

୧୩ ମାରୁ ମାହାପୁରୁ ମୀରୁଏଶା ଦରୁ ନାମାମାଞ୍ଜେରି,
ମାରୁ ଏନିକଁ ପୁଞ୍ଜାମାଞ୍ଜେରି, ରାଆଗାଟି ଜୀଝୁ ବେଟା
ଆହାମାଞ୍ଜେରି, ଇଦାଆଁତାକି ନାନୁ ମିଞ୍ଜେ ଇ ବାରେ
ରାଟାମାଞ୍ଜାଇଁ □

୧୪ ଇଞ୍ଜା ମାରୁ ମାହାପୁରୁ ଅଣପୁତି ଲେହେଁ ପ୍ରାତାନା
କିନାୟି, ଆତିହଁ ଏଞ୍ଜାସି ମା ପ୍ରାତାନା ଝେଞ୍ଜାନେସି,
ଇଞ୍ଜିଁ ମାହାପୁରୁ ତାଣା ମା ବାସୁଁ ମାନେ □

୧୫ ଅଡ଼େ ମାରୁ ଏଞ୍ଜାଣି ତାଣା ଏଦାଆଁ ପ୍ରାତାନା
କିନାୟି, ଏଦାଆଁ ଏଞ୍ଜାସି ଝେଞ୍ଜାନେସି ଇଞ୍ଜିଁ ମାରୁ
ପୁଞ୍ଜାମାନାୟି, ଆତିହଁ ଏଞ୍ଜାଣି ତାଣା ମାରୁ ଏଦାଆଁ
ପ୍ରାତାନା କିହିମାନାୟି, ଏ ବାରେ ବେଟାଆହାମାନାୟି,
ଇଦାଆଁ ଜିକେଏ ପୁଞ୍ଜାମାନାୟି □

* ୫:୩ ୫:୩ ଜହ ୧୪:୧୫ * ୫:୧୧ ୫:୧୧ ଜହ ୩:୩୭

୧୬ ମୀ ନାମିତି ତାୟି କି ତାଜିକ୍ ପାପୁ କିହିମାନାଣି ମେହ୍‌ଦେରି ଇଚିସାରେ, ଅଡ଼େ ଏ ପାପୁ ହାଫି କିନାୟି ଆଏ, ଏ ତାୟି ତାଜି ତାକି ମାହାପୁରୁ ତାଣା ପ୍ରାତାନା କିରୁ, ଅଡ଼େ ମାହାପୁରୁ ଏନିକ୍ ହାନ୍‌ହଗେତି ପାପୁ କିହାହିଲାଆ ଲକୁଣି ଜୀଝୁ ହୀନେସି, ଏଲେକିହି ଏ ଏଝାରାକି ଜିକେଏ ଜୀଝୁ ହୀନେସି, ହାନ୍‌ହଗେତି ପାପୁ ମାନେ ଇଞ୍ଜି ଏଝାରି ତାକି ପ୍ରାତାନା କିହାଲି ଝେସିହିଲଅଁ □

୧୭ ବାରେ ଲାଗେଏତି କାମା ପାପୁ, ସାମା ବାରେ ପାପୁ ହାଫି କିଏ □

୧୮ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନାସି, ଏଝାସି ପାପୁ କିଅସି, ଏନାଆଁତାକି ଇଚିହି ଏଝାସି ମାହାପୁରୁ ତାଣାଟି ଜାର୍ନା ଆହାଁ ଜାହାରାକ୍ ଗେଲପା କଡିନେସି, ଅଡ଼େ ପାପୁତି ଜୀଝୁ ଏଝାଣାକ୍ ତୀଗେଏ, ଇଦାଆଁ ମାର ପୁଞ୍ଜାମାନାୟି □

୧୯ ମାର ମାହାପୁରୁ ତାଣାଟି ଜାର୍ନା ଆହାମାନାତାୟି ଇଞ୍ଜା ବାରେ ଦାର୍ତିକ୍ ସୟତାନ ଲକ୍‌ହାମାନେ, ଇଦାଆଁ ମାର ପୁଞ୍ଜାମାନାୟି □

୨୦ ମାର ପୁଞ୍ଜାମାନାୟି, ମାହାପୁରୁ ମୀରଏସି ଝାହାମାନେସି, ଇଞ୍ଜା ଏଝାସି ମାଜେ ସାତାତାଣାକ୍ ପୁଞ୍ଜାଲି ରୁଦି ହାହାମାଞ୍ଜାନେସି; ଅଡ଼େ ମାର ଏ ସାତାଗାଟାଣି ତାଣା, ଇଚିହି ତାନି ମୀରଏସି ଜୀସୁ କ୍ରୀସ୍ତ ତାଣା ନୀତାମାନାୟି, ଏଝାସି ସାତା ମାହାପୁରୁ ଅଡ଼େ ରାଆଗାଟି ଜୀଝୁ ଗାଟାସି □

୨୧ ନା ଜୀଝୁତି ମୀରକା ମାସ୍‌କାତେରି ପେଟ୍‌କା ବମାୟାଁ ତାଣାଟି ମୀରୁ ହେକ ଆହାନା ମାଞ୍ଜୁ □

ଯୋହନଙ୍କ ଦ୍ଵୀତୀୟ ପତ୍ର ଜହନ ରାଚାମାନି ରୀ ଲମ୍ବର ଆକୁ ମୂଳୁ ହାଡ଼ା

ରୀ ଲମ୍ବର ଜହନ ଆକୁତି ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ସା ତାୟୁ ପାଣ୍ଡୁଆହାମାନି ଜହନ ତାଣାଟି ରାସ୍ତକି ଆହାମାନେ □ ଜହନ ଜାହାରାକ୍ ଆକୁ ରାଚିତାସି ଇଞ୍ଜିଁ ଖେସିଆନା କୁଲମିତି ପ୍ରାଚିନାତେଏଁ ଇଞ୍ଜିଁ ଖେସିମାନେସି □ ଜହନ ରୀ ଲମ୍ବର ଆକୁତି ଜହନ ରାଚିତି ନେହଁ କାବୁତଲେ ସମାନା ମାନେ □ ଇ ପତିତା ଜୀସୁ ଏନିକଁ ରଅସି ରଅଣାକ୍ ଜୀସୁ ନନ୍ଦି କାତା ଖେସାମାରେସି, ଜୀସୁତି ହୁକୁମିତି ହାରେକା ମାନି କିହିମାନେସି □ ଏଲେକିହଁଏ ଜୀସୁତି ହୁକୁମି ମାନଞ୍ଜି ଆନାୟି ଆହିମାନେ ଏଞ୍ଜାଣାକ୍ ଜୀସୁନନାୟି ଜହ ୧:୫-୬; ଜହ ୧୫:୯-୧୦ □

ଏଚିବେଲ୍ମାତା ଏଞ୍ଜାସି ଏପିସିୟ ଗାଡ଼ାତା ମାରେସି ଏମ୍ବାଆଁ ଏଞ୍ଜାସି ଜହନ ରାଚିତି ନେହଁ କାବୁ ଅଡ଼େ ଜହନ ମୂଳୁ ଆକୁ, ଜହନତି ରୀ ଲମ୍ବର, ଅଡ଼େ ଜହନ ତାନି ଲମ୍ବର ଆକୁ ରାଚାମାରେସି ଇଞ୍ଜିଁ ଲକୁ ନାମିମାନେରି □ ଜହନ ଇ ଆକୁତା ଆଚାମାନି ଇୟା ଅଡ଼େ ତାନି ମୀରକା ମାସ୍କା ଇଞ୍ଜିଁ କୁଲମିତି ରାଚିମାନେସି □ ଜହନ ଇ ଆକୁ ରାଚିନି କାତା ଆହିମାନେ ନାମୁତା ମାନି ଲକୁଣି ସାସା ହାନାୟି ଅଡ଼େ ମିତି କାତା ଖେହନାରି ତାଣାଟି ଜାଗ୍ରାତା କିହାଲି ରାଚାମାନେସି □

ପତିତା ମାନାୟି

- ୧ ଜହନ ଆକୁ ପତ୍ରଞ୍ଜି ଆନାରାକ୍ ଜହରା କିନାୟି □ ୧:୧-୩
- ୨ କୁଲମିତି ସାସା ହୀହାନା ମାହାପୁରୁତି କାଜା ହୁକୁମିତି ଅଣ୍ଡପି କିନାୟି □ ୧:୪-୬
- ୩ ମିତି ଜାପୁନାରି ତାଣାଟି ଜାଗ୍ରାତା କିନାୟି □ ୧:୭-୧୧
- ୪ କୁଲମିତି ନାମୁଗାଟି ଲକୁଣି ଜହରା କିହାନା ଆକୁତି ରାପୁନାୟି □ ୧:୧୨-୧୩

୧ ନାନୁ, କୁଲମିତି ପ୍ରାଚିନାତେଏଁ, ମାହାପୁରୁ ଆଚାମାନି ଇୟା ଅଡ଼େ ତାନି ମୀରକା ମାସ୍କାକି ଇ ଆକୁ ରାଚିମାକ୍, ନାନୁ ଏଞ୍ଜାରାକ୍ ସାତା ଜୀସୁ ନହଁମାକ୍, ଅଡ଼େ ଖାରକ୍ ନାନୁ ଆସୁ, ସାମା ସାତାଟି ପୁଞ୍ଜାମାନି ବାରେଜାଣା ଜୀସୁନହଁ ମାଞ୍ଜାନେରି □

୨ ଆମିନି ସାତା ମା ହିୟାତା ଡ଼ୟାମାନେ ଅଡ଼େ କାଲ୍ମକାଲ୍ମାତାକି ମା ତାଣା ଡ଼ୟିନେ □

୩ ଆଚା ମାହାପୁରୁ ଅଡ଼େ ତାନି ମୀରଏଣା ଜୀସୁ କ୍ରୀସ୍ତ ତାଣାଟି କାର୍ମାମେହନାୟି, ହିଡ଼ଡ଼ି ଜୀସୁ ହୀହାନା, ସାତା ଅଡ଼େ ଜୀସୁ ନଞ୍ଜିଆହାନା ଡ଼ୟିଦେରି □

☆ ୧:୫ ୧:୫ ଜହ ୧୩:୩୪; ୧୫:୧୨,୧୭

ସାତା ଅଡ଼େ ଜୀସୁନନାୟି

୪ ନୀ ମୀରକା ମାସ୍କା ବିତ୍ରାଟି ଏତରଜାଣା ଆଚା ତାଣାଟି ମାକ୍ ହୀହାମାଞ୍ଜାନି ହୁକୁମି ଲେହେଁ ସାତାଟି ତାକିନି ତାକୁ ମେସାନା ନାନୁ ହାରେକା ରାହାଁ ଆହିମାକ୍ □

୫ *ଏ ଜୀସୁତି ଇୟା ନାନୁ ନୀଏଁ ନିକ୍ଷେ ର ପୁଞ୍ଜନି ହୁକୁମି ରାଚିମାଞ୍ଜାକ୍ ଏଡ଼ି ଆସୁ, ସାମା ତଲିଟିଏ ବେଟାଆହାମାନି ହୁକୁମି ରାଚାନା ବାଚିମାଲିମାଞ୍ଜାକ୍, ମାର ରଅତାୟି ରଅଣାକ୍ ଜୀସୁନନାୟି ମାନେ □

୬ ମାର ତାନି ହୁକୁମି ମାନଞ୍ଜି ଆହାନା ମାଞ୍ଜେ ମାନାୟି, ଇଦିଏ ଜୀସୁ ନନ୍ଦି କାତା, ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଲେଆହଁଏ ମାଞ୍ଜୁ, ଇଦି ଏ ହୁକୁମି □

୭ ନାନୁ ଖେସିମାକ୍, ଇଚିହଁ ଆମିନି ଗାଟାରି ଜୀସୁ କ୍ରୀସ୍ତ ମାଣସି ଖାଣା ତଲେ ଖାହାହିଲଅସି ଇଞ୍ଜିଁ ଇନେରି, ଇଲେତି ହାରେକା ନାଡ଼ିକିନାରି ଦାର୍ଡିତା ହଚା ଖାହାମାନେରି, ଇଲେତି ଲକୁ ନାଡ଼ିକିନାରି ଅଡ଼େ ନାଡ଼ିକିନି କ୍ରୀସ୍ତ □

୮ ସାମା ମୀ ତାକି ମାମୁ କିହାମାନି କାମାତି ପାଡ଼େୟି ବାରେ ଜାକ୍ ଆନା ଏନିକଁ ଏମ୍ବାଟି ହାରେ ପୁରେ ବଡ଼ ବେଟାଆଦେରି ଏଦାଆଁତାକି ଜାଗ୍ରାତା ଆଦୁ □

୯ ଆମ୍ବାଆସି କ୍ରୀସ୍ତ ଜାପୁହା ମାନାଣି କିହାଁ ଆଗାଡ଼ା ଗାଣ୍ଡନେସି, ଏଞ୍ଜାସି ମାହାପୁରୁକ୍ ବେଟାଆହାହିଲଅସି; ଆମ୍ବାଆସି କ୍ରୀସ୍ତ ଜାପୁହା ମାନାଣି ତଲେ ଡ଼ୟିନେସି, ଏଞ୍ଜାସି ଆଚା ଅଡ଼େ ମୀରଏସି ଇ ରିଆରାକ୍ ଜିକେଏ ବେଟାଆହାମାନେସି □

୧୦ ଆମ୍ବାଆସି ଇଲେକଁ ଜାପୁନାଣି ଆସାନା ମୀ ତାଣା ଖାଅସି, ଏଞ୍ଜାଣାକ୍ ମୀ ଇଜ ହାଚାଆଦୁ, ଇଞ୍ଜା ନେହଁମାଞ୍ଜି କି ଜିକେଏ ଇନାଆଦୁ;

୧୧ ଏନାଆଁତାକି ଇଚିହଁ ଆମ୍ବାଆସି ଏଞ୍ଜାଣାକ୍ ନେହଁମାଞ୍ଜି କି ଇନେସି, ଏଞ୍ଜାସି ତାନି ଲାଗେଏତି କାମାତା ଆଣ୍ଡିନାସି ଆନେସି □

ଆକୁତି ରାଚି କାତା

୧୨ ନାନୁ ମିକ୍ଷେ ହାରେକା କାତା ରାଚିନାୟି ମାନେ, ସାମା ଆକୁତା ଇଞ୍ଜା ସୀରା ତଲେ ରାଚାଲି ଅଣ୍ଡପି ହିଲଅଁ; ମୀ ତାଣା ଖାହାନା ମୁମୁମେସ୍ପି ଆହାନା ଗୁଡ଼ି ତଲେ ଜଲ୍ଲକି ଆୟାଲି ଆସା କିହିମାକ୍, ଏନିକଁ ମା ରାହାଁ ହାରେକା ଆନେ □

୧୩ ମାହାପୁରୁ ଆଚାମାନି ନୀ ତାକିନି ମୀରକା ମାସ୍କା ମିକ୍ଷେ ଜହରା କିହିମାଞ୍ଜାନେରି □ ଆନେନ୍ □

ଯୋହନଙ୍କ ତୃତୀୟ ପତ୍ର ଜହନ ରାଚାମାନି ତାନି ଲମ୍ବର ଆକୁ ମୂକୁ ହାଡ଼ା

ଜହନତି ତାନି ଲମ୍ବର ଆକୁ ଜୀସୁ କ୍ରୀସ୍ତ ଜାର୍ନାଆତି ୫୦ ଟିଏ ୧୦୦ ବାର୍ସା ତାୟୁ ପାଣ୍ଡୁଆହାମାନି ଜହନ ତାଣାଟି ରାସ୍ତି ଆହାମାନେ □ ଜହନ ଜାହାରାକ୍ ଆକୁ ରାଚିତାସି ଇଞ୍ଜିଁ ଖେହ୍‌ଆନା କୁଲମିତି ପ୍ରାଚିନାତେଏ ଇଞ୍ଜିଁ ଖେସିମାନେସି ୧:୧; ୨ଜହ ୧:୧ □ ଇମ୍ବାଆଁ ପୁଞ୍ଜାଲି ଆହିମାନେ ଏଞ୍ଜାସି ଏପିସିୟ ଗାଡ଼ାତା ମାଚିବେଲାତା ଜହନ ରାଚିତି ନେହ୍ କାବୁତଲେ ତାନିଗଟା ଆକୁ ଜିକେଏ ରାଚାମାନେସି ଇ ନାମ୍, ଇଚିହ୍ ଜହନତି ତଲିତି ଆକୁ, ରୀ ଲମ୍ବର ଜହନ, ଅଡ଼େ ତାନି ଲମ୍ବର ଜହନ □ ଜହନ ଗାୟସ ଦରୁ ଇନି ର ନାମ୍‌ଗାଟି ତାୟିକ ଇ ଆକୁ ରାଚାମାନେସି □

ଏଞ୍ଜାସି ଗାୟସକ୍ ର ତଡ଼େଏସି ଇଞ୍ଜାନା ଏ ରାକ୍ତିତା ରେଜିମାନି କ୍ରୀସ୍ତାନା ତାୟିୟାକ୍ ଜୀସୁ ନହାଲି ହୁକୁମି ହାହିମାନେସି □

ପତିତା ମାନାୟି

- ୧ ଜହନ ଜାହାରାକ୍ ଖେସାକତିନାୟି □ ୧:୧
- ୨ ଗାୟସକ୍ ସାସା ହାହାନା ରେଜିମାନି କ୍ରୀସ୍ତାନା ତାୟିୟାକ୍ ଆବାନା ଜୀସୁ ନହାଲି ଖେହ୍‌ନାୟି □ ୧:୨-୮
- ୩ ତାୟିଗେପିସ୍ ଅଡ଼େ ତିମିଟିଅସ୍ କାତା ଖେହ୍‌ନାୟି □ ୧:୯-୧୨
- ୪ ଆକୁତି ରାପ୍‌ନାୟି □ ୧:୧୩-୧୪

୧ *ନାନୁ, କୁଲମିତି ପ୍ରାଚିନା ଜହନତେଏ, ନାନୁ ସାତା ତଲେ ଜୀସୁ ନହ୍ ମାନି ନା ଜୀସୁତି ଗାୟସକ୍ ଜହରା ପାଣ୍ଡାନା ଇ ଆକୁ ରାଚିମାକ୍ □

୨ ଏ ନା ଜୀସୁତି ତଡ଼େ ନାନୁ ଜୀସୁତା ଏନିକ୍ ନେହ୍ ଆହ୍ ମାଞ୍ଜି ଏଲେକିହ୍ ନାନୁ ବାରେ ଖାକିଟି ନୀ ନେହ୍ ଆପେ ଅଡ଼େ ନୀ ଆଙ୍ଗା ଜିକେଏ ନେହ୍ ମାଣ୍ଡେ ଇଞ୍ଜିଁ ନାନୁ ପ୍ରାତାନା କିହିମାକ୍ □

୩ ନାନୁ ବାରେଦିନା ସାତା ତଲେ ତୟିମାଞ୍ଜି, ଏଲେକିହ୍ ଏ ଏଚରଜାଣା ନାମିତି ତାୟିୟା ଖାହାନା, ନାନୁ ତାରିତଲେ ସାତାତା ନୀତାମାନାଣି ସାକି ହିୟାଲିଏ ନାନୁ ହାରେକା ରାହାଁ ଆଡ଼େଏ □

୪ ନା ମାରକା ମାସ୍କା ସାତା ଅଡ଼େ ସାତା ତଲେ ନୀତାମାନାଣି ଖେଞ୍ଜାନା, ଏଚେକା ରାହାଁ ଆହିମାକ୍, ଏଦାଣିକିହାଁ ଆଗାଡ଼ା ନାଙ୍ଗେ ଅଡ଼େ ଏନି ରାହାଁ ହିଲେଏ □

ଗାୟସ କିତି କାମାତାକି ଜହରା

* ୧:୧ ୧:୧ କାମା ୧୯:୨୯; ରମି ୧୭:୨୩; ୧କର ୧:୧୪

୫ ଏ ନା ଜୀସୁତି ତଡ଼େ ନାନୁ କ୍ରୀସ୍ତାନା ତାୟିୟା ତାକି ଅଡ଼େ ଏଚକା ଦେସାତି କ୍ରୀସ୍ତାନା ତାୟିୟା ତାକି ନାନୁ ଅଡ଼େ ଟିକାଣା ତଲେ ସେବା କାମା କିହିମାଞ୍ଜି □

୬ ଏଞ୍ଜାରି ଇମ୍ବାଆଁ ମା କୁଲମିତା ନୀ ଜୀସୁ ନତି କାତା ଖେସିମାନେରି; ନାନୁ ଏଞ୍ଜାରାକ୍ ମାହାପୁରୁତି ରାହାଁ ଆନିଲେହେଁ ତାନି ଜିରୁ ତାକି ଲଡ଼ାମାନାଣି ହାହାନା ସାୟେମି କିମ୍ପୁ □

୭ ଏନାଆତାକି ଇଚିହ୍ ଏଞ୍ଜାରି ନାମାଆଗାଟାରି ତାଣାଟି ଏନାଆଁ ରାହ୍‌ଆନା କ୍ରୀସ୍ତତି ସେବା କାମାତାକି ହଟାମାନେରି □

୮ ଏଦାଆତାକି ମାର ଏନିକ୍ ଏଞ୍ଜାରାକ୍ ସାୟେମି କିହାନା ସାତାତି ତସାଲି ଏଞ୍ଜାରି ସେବା କାମାତା ଆଣ୍ଡିନାୟି ମା କାମା □

ଦିୟତ୍ରପା ଅଡ଼େ ଦିମତିୟ

୯ ନାନୁ କୁଲମିତାକି ର ଇଚାଣି ଆକୁ ରାଚିତେଏ, ସାମା ଦିୟତ୍ରପା କୁଲମିତି କାଜାସି ଆହାଲି ଅଣ୍ଡପାନା, ନା କାତା ଖେଞ୍ଜାହିଲଅସି □

୧୦ ନାନୁ ଖାଡ଼ିସାରେ ଏଞ୍ଜାସି କିହାମାନି ବାରେ ଲାଗେଏତି କାମା ଖେହ୍‌କ୍, ଏଞ୍ଜାସି ଏନିକ୍ ମା କପାଟି ଲାଗେଏତି କାତା ଖେସାନା ମାଙ୍ଗେ ନିନ୍ଦାକିହ୍ ମିତି କାତା ଖେସିମାନେସି, ଖାରୁଇ ଏଚେକେଏ ଆଏ, ସାମା କ୍ରୀସ୍ତାନା ତାୟିୟା ଖାଡ଼ିହ୍ ଅପିହିଲଅସି କି ଆମ୍ବାଆରାକ୍ ଅପାଲି ହାହି ହିଲଅସି, ଅଡ଼େ ଆମ୍ବାଆରି ଆବିନାରି ଏଞ୍ଜାରାକ୍ କୁଲମିତି ହପୁହାଲି ଅଣ୍ଡପମାନେସି □

୧୧ ଏ ନା ଜୀସୁତି ତଡ଼େତି, ନାନୁ ଲାଗେଏ ପଲେଏତାଣି ଆହ୍‌ଆନା, ସାମା ନେହ୍ କାମାତି ଆହ୍‌ମ୍, ଆମ୍ବାଆସି ନେହ୍ କାମା କିନେସି ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି; ଆମ୍ବାଆସି ଲାଗେଏ ପଲେଏ କାମା କିନେସି ଏଞ୍ଜାସି ମାହାପୁରୁକ୍ ପୁଞ୍ଜାହିଲଅସି □

୧୨ ବାରେଜାଣା ଦିମିତିୟକ୍ ନେହାଁସି ଇନେରି, ଏଞ୍ଜାସି କିହାମାନି ସାତା ନେହ୍ କାମା ଜିକେଏ ଏଦାଆଁ ତସିମାନେ, ମାମ୍ ଜିକେଏ ଏଦାଆଁ ସାକି ହାହିମାନି, ଇଞ୍ଜା ମାମ୍ ଖେହ୍‌ନି କାତା ସାତା ଇଞ୍ଜିଁ ନାନୁ ପୁଞ୍ଜାମାଞ୍ଜି □

ଜହରା ତଲେ ଆକୁ ରାପ୍‌ନାୟି

୧୩ ନାନୁ ନିଙ୍ଗେ ହାରେକା କାତା ଖେସ୍ତାନାୟିମାନେ ସାମା ଏଦାଆଁ ଆକୁତା ସୀରା କାଡ଼ିତଲେ ରାଚାଲି ଅଣ୍ଡପି ହିଲଅଁ □

୧୪ ମାର ମୁମ୍ ମେସପି ଆହାମା ଜଲ୍‌କି ଆୟାଲି ଆଡ଼ିନାୟି ଇଞ୍ଜିଁ ଆସା କିହିମାକ୍ □

୧୫ ମିଙ୍ଗେତାକି ହିଡ଼ି ଆୟାପେ, ତଡ଼େସିଙ୍ଗା ମିଙ୍ଗେତାକି ଜହରା ପାଣ୍ଡିମାଞ୍ଜାନେରି, ବାରେଜାଣାଟି ଦରୁ ଆସାନା ଜହରା ଖେହ୍‌ମ୍ □

ଯିହୁଦାକ ପତ୍ର ଜାହୁଦା ରାଚାମାନି ଆକୁ ମୁକୁ ହାଡ଼ା

ରାଚାମାନି ଜାହୁଦା ଦରୁତଲେ ଇ ପତିଇଁ ଜାହୁଦା ଆକୁ ଇନେରି □ ଜାହୁଦା ଜାହାରାଇଁ ଜାକୁବ ତାୟି ଇଞ୍ଜି ଖେସାମାନେସି, ଜାକୁବ ଜାସୁକି ତାୟି ମାଚେସି, ଏଦାଆଁତାକି ଜାହୁଦା ଜିକେଏ ଜାସୁକି ତାୟି ଆନେସି ୧ □ ଇ ଆକୁ ଆମିନି କୁଲମିତାକି ରାସ୍‌କି ଆହାମାଚେ ଇଞ୍ଜି ମାର ନେହଁକ ପୁଞ୍ଜାହିଲାଆୟି ଅଡେ ଇମ୍‌ଆଁ ହାରେକା ପୁଞ୍ଜା ଫେରାତି କାତା ମାନୁ, ଜାହୁଦା ଆକୁତି ଜାହୁଦି ଲକୁ ପଡ଼଼ି ଆନାରି ମାଚେରି □ ଆତିହଁ ଜିକେଏ, ଏଞ୍ଜାସି ମାହାପୁରୁ ଆବା “ହାଚାମାନି ଲକୁ, ଜାହୁନହାଁମାନି ଲକୁ, ଅଡେ ଜାସୁ କ୍ରାସୁକି ତାରି କିହାମାନି ଲକୁତି” କାତା ଖେସାମାନେସି ୧ □ ଇ ଆକୁ ଜାସୁ କ୍ରାସୁ ଜାନାଆଡ଼ି ୬୦ ବାର୍‌ସା ତାୟି ରାସ୍‌କି ଆହାମାଚେ □

ମିତି ଜାପ୍‌ନାରି ତାଣାଟି ହେକ ମାଞ୍ଜାଲି ବାରେ ଇ ପତି ରାଚାମାନେସି ଜାହୁଦା ୪ □ ଏଞ୍ଜାସି ପୁଞ୍ଜା ଫେରାତା ଗଟ଼ି ଆଡ଼ି କାତା ଆଚ୍‌ହାମାନେସି ଅଡେ ତାନି ରୁଜୁବାଡ଼ିତି ଆଚ୍‌ଞ୍ଜା କିହାମାନେସି □ ଇ ଆକୁତା ପିତରତି ରୀ ଲମ୍‌ର ଆକୁତା ମାନି ନାଡ଼ି କିନାଣି ଜାପ୍‌ନାରି କାତା ଜାହୁଦା ୪; ୨ପିତ ୨:୧ ଅଡେ ଜିକେଏ ଦୂତୁୟାଁ, ସଦମ ଅଡେ ଗମରାତି କାତା ରାଚାମାନେସି □

ପତିତା ମାନାୟି

- ୧ ଜାହୁଦା ତାନି ପତି ପଡ଼଼ି ଆନାରାଇଁ ଜହରା କିନାୟି □ ୧-୨
- ୨ ଏଞ୍ଜାସି ମିତି ଜାପ୍‌ନାରି କାତା ଖେହ୍‌ନାୟି □ ୩-୪
- ୩ ପୁଞ୍ଜା ଫେରାତି କାତା ଅଡେ ଲକୁତି କାତା ଖେହ୍‌ନାୟି □ ୫-୧୬
- ୪ ଏଞ୍ଜାସି ଏଞ୍ଜାରାଇଁ ଏନାଆଁ କିନାୟିମାନେ ଇଞ୍ଜି ଖେହ୍‌ନାୟି □ ୧୭-୨୩
- ୫ ମାହାପୁରୁଇଁ ଜହରା କିହାନା ଆକୁ ରାପ୍‌ନାୟି □ ୨୪-୨୫

୧ ନାନୁ ଜାହୁଦାଚେଏଁ, କ୍ରାସୁ ଜାସୁତି ହଲେଏସି ଅଡେ ଜାକୁବତି ତାୟି, ଆବା ମାହାପୁରୁ ଆଚା ମାନାଚେରି ଅଡେ ତାନି ଜାହୁ ନନାଚେରି ଇଞ୍ଜା ଜାସୁ କ୍ରାସୁ ତାକି ଆଚ୍‌ଞ୍ଜି ଆହାମାନାଚେରି ମିଜେତାକି ଇ ଆକୁ ରାଚିମାଞ୍ଜାଇଁ □

୨ ମିଜେତାକି ମାହାପୁରୁତି କାର୍‌ମାଚେହ୍‌ନାୟି ଅଡେ ହିଡ଼ି ଜାହୁ ଇଞ୍ଜା ଜାହୁନନାୟି ହାରେପୁରେ ଆୟାପେ □

ମିତି ଜାପ୍‌ନାରି

୩ ଏ ନା ଜାହୁତି ତଣେସିଜା ମାର ବାରେ ଜାଣାତାୟି ଏମିନି ଗେଲ୍‌ପି ଆନି ତାଣା ଆଣ୍ଡାମାନାୟି, ଏ କାତା ମିଜେ

ତାକି ରାଚାଲି ଅଶ୍‌ପିମାଚେଏଁ □ ସାମା ମାହାପୁରୁ ତାନି ଲକୁଣି କାଲାକାଲାତାକି ହାହାମାନି ନାମୁ ଖାକିତି ଜୁଜୁ କିହାଲି ମିଜେ ରାହାଁ କିଞ୍ଜି କିୟାଲି ଲଡ଼ାମାନେ ଇଞ୍ଜି ଅଶ୍‌ପିଚେଏଁ □

୪ ଏନାଆଁତାକି ଇଚିହଁ ଏଚରଜାଣା ମାହାପୁରୁଇଁ ମାନଞ୍ଜି ଆଆଗାଟାରି ମେଣେଏ ମୀ ବିତ୍ରା ଖାହାମାନେରି, ଏଞ୍ଜାରି ମାହାପୁରୁ କାର୍‌ମାଚେହ୍‌ନି କାତା ତିରିମ୍‌ପୁହାନା ତାମ୍‌ତାମ୍‌ ଅଶ୍‌ପିତି ଲେହେଁ ଲାଗେଏ ପଲେଏତି କାମା କିହିମାନେରି, ଅଡେ ଜାସୁ କ୍ରାସୁ ରଅସିଏ କାଜାସି ଅଡେ ପ୍ରୁ, ଏଞ୍ଜାରି ଏଞ୍ଜାଣାଇଁ ଅପଅରି, ଏଞ୍ଜାରି ବେଟାଆନି ତଣ୍ଡତି କାତା ତଲି କାଲାଟିଏ ଦାମ୍‌ପତିତା ରାସ୍‌କି ଆହାମାନେ □

୫ ପ୍ରୁ ତଲିଏ ଏଚରଜାଣା ତାନି ଲକୁଣି ମିସର ଦେସାଟି ପିସପି କିଚେସି, ସାମା ଏଞ୍ଜାରି ବିତ୍ରାଟି ନାମାଆଗାଟାରାଇଁ ନାସା କିଚେସି, ଇଚିହଁ ବାରେ କାତା ପୁଞ୍ଜାମାଟି ଜିକେଏ ମିଜେ ଅଡେ ଖେଣ୍ଡେ ଅଶ୍‌ପି କିଞ୍ଜି କିୟାଲି ଅଶ୍‌ପିମାଇଁ □

୬ ଅଡେ ଏମିନି ଦୂତୁୟାଁ ମାହାପୁରୁ ହାହାମାଟି ପାଣା ପିସାନା ତାନି ବାସାଆନି ଟାୟି ପିସୁ ମାହାପୁରୁ ଏ ଦୂତୁୟାଁଇଁ ନାହାଁୟି କିନି ଦିନା ପାଚେକା ଆନ୍ଦେରି ଟାୟିତା କାଲାକାଲା ତାକି ହିକ୍‌ଣିୟାଁ ତଲେ ଦସା ଇଟାମାନେସି □

୭ ଏଲେକିହଁଏ ସଦମ ଅଡେ ଗମରା ଅଡେ ତାନି ସାରିପୁଟୁ ମାଟି ଗାଡ଼ାୟାଁତାରି, ଦାରିକାମା ଅଡେ ତାନି ବିତ୍ରା ଲାଗେଏ ଅଡେ ଅପାଆଗାଟି ଲାଜା ଆନି କାମା କିଚେରି, ଏଦାଆଁତାକି କାଲାକାଲା ତାକି ଡ଼ାଞ୍ଜିମାନି ହିଚୁତା ସାସି ବେଟାଆଚେରି, ମା ବାରେଜାଣା ତାକି ଜାଗ୍ରାତା କିଞ୍ଜିକିନି କାତା ଲେହେଁତାୟି ଇଞ୍ଜି ମାରୁ ଅଶ୍‌ପାଦୁ □

୮ ଏଲେକିହଁଏ ହାପାନା ହେଣ୍‌ନାରି ଜିକେଏ, ଅପାଆଗାଟି କାମା ତଲେ ତାନି ଆଜାତି ଲାଗେଏ କିହିମାନେରି, ଅଡେ ମାହାପୁରୁତି ଅଦିକାରାତି ଅପାଆନା ଲାକପୁରୁତି ଦୂତୁୟାଁଇଁ ନିନ୍ଦା କିହିମାନେରି □

୯ *ସାମା ବାରେକିହାଁ କାଜା ଦୂତୁ ମିକାୟେଲ ମସାତି ମାଡ଼ହା ତାକି ସୟତାନ ତଲେ ବାଦିବାଦା ଆଡ଼ାଟି ନିନ୍ଦା କିହାନା ଏଦାନି ବିଚାରା କିହାଲି ସାସା କିଆନା, ଖାର୍‌ଇ ଏଚେକା ଏଲେଇଚେ, “ପ୍ରୁ ନିଜେ ଦାକା ହିୟାପେସି □”

୧୦ ସାମା ଇ ଲକୁ ତାମ୍‌ପୁନାଆଗାଟାଣି ବାରେ ନିନ୍ଦା କିନେରି, ଇଞ୍ଜା ରୁଦି ହିଲାଆଗାଟି ଜନ୍ତୁ ଲେହେଁ ତାମ୍‌ସୁ ତାନି ଆଜାତି ଅଶ୍‌ପୁ ତଲେ ପୁଞ୍ଜାମାନି ତାଣାଟି ନାସା ଆନେରି □

୧୧ ଆୟଡ଼ା, ଏଞ୍ଜାରି ତଣ୍ଡ ବେଟାଆନାରି, ଇଚିହଁ ଏଞ୍ଜାରି କୟିନ ଜିରୁତା ହାଜାମାନେରି, ତାବୁୟାଁ ଜୁପକାତାକି ଏଞ୍ଜାରି ବିଲିୟମ ଦହ୍ କିତିଲେହେଁ ଦହ୍ କିହାମାନେରି, ଏଞ୍ଜାରି କରହ୍ ଲେହେଁ ହଆଗାଟି ଗଡ଼ହା କିହାନା ଏଞ୍ଜାଣିଲେହେଁ ନାସା ଆନେରି □

୧୨ ଏଞ୍ଜାରି ଲାଜା ଆଆନା ମୀ ତଲେ ତିଞ୍ଜା ଉଣ୍ଡାନା ମୀ ରାହାଁତି ବଜିତା ଆଣ୍ଡାନା ମାହଁତି ଗାରି ଲେହେଁତାରି,

* ୧:୯ ୧:୯ ଖେ ବଲୁ ୧୨:୭

ଏଞ୍ଜରୀ ଖାରଇ ଜାହାରା ତାକି ଅଣ୍ଠିନେରି, ଏଞ୍ଜରୀ ଗାଲି
ଝେନି ପିୟୁ ରାଆଗାଟି ଦୁନ୍ଦା ଲେହେଁତାରି, ଏଞ୍ଜରୀ ତାକି
ମେଗାନା ପେନିବେଲା ପାଡ଼େୟି ଆୟାଆଗାଟି ଖାୟିତି
ମାରୁନୁ ଲେହେଁତାରି □

୧୩ ଏଞ୍ଜରୀ ସାମ୍ବୁରି ଖାଡ଼ିସାରି ହନି ମାଡ଼ିଗାଟି
ପମ୍ବୁଲି ଲେହେଁ ଏଞ୍ଜରୀ ଲାଜାଗାଟି କାମାୟାଁ ତଞ୍ଜାଆନେ,
ଏଞ୍ଜରୀ ତାମି ଟାୟୁ ପିସାନା ଇତାଲା ଆତାଲା ରେନି
ହୁକାୟାଁ ଲେହେଁତାରି, ଏଞ୍ଜରୀକି ମାହାପୁରୁ କାଲେଏତାକି
ଆନ୍ଦେରିଗାଟି ଟାୟୁ ତିୟାରା କିହାଁ ଇଟାମାନେସି □

୧୪ ଆଦମ ଟିଏ ସାଡ଼ା ଲମ୍ବର ମାଣସି ହନକ, ଜିକେଏ
ତାୟୁ ଆନି କାତା ଏଞ୍ଜରୀ ତାକି ଝେକ୍‌ହା ମାରେସି,
“ମେହ୍‌ମୁ ପ୍ରୁ ତାନି ମାଣା ମାଣା ସୁଦୁଗାଟି ଦୁହୁୟାଁ ତଲେ
ଝାନେସି □”

୧୫ ମେହ୍‌ମୁ ପ୍ରୁ ନୀହାଁୟି କିୟାଲି ଝାନେସି, ଏଞ୍ଜସି
ଦାମ୍ବୁ ହିଲାଆଗାଟାରାଇଁ ତାମି ପଲ୍‌ଆ କାମାତାକି ଅଡ଼େ
ଏଞ୍ଜରୀ ମାହାପୁରୁଇଁ ମାନଝି ଆଆନା ଏଞ୍ଜାଣି କପାଟି ଝେସି
ଅପାଆଗାଟି କାତାତାକି ଏଞ୍ଜରୀଇଁ ଦହଗାଟାରି କିହାନା
ତଣ୍ଡ ହାନେସି □

୧୬ ଇ ଲକୁ ବାରେବେଲା ତାମ୍ବୁ ତାମ୍ବୁ ଏଚେକା
ବେଟାଆଡ଼ି ଜିକେଏ ରାହାଁ ଆଅରି □ ଏଞ୍ଜରୀ ଖାରଇ
ତାମି ଲାଗେଏ ପଲେଏତି ଅଣ୍ଠପୁ ତଲେ ସାଲଝି ଆନେରି;
ଏଞ୍ଜରୀ ବଡ଼ପଣ ତସାନା କାଜା କାତା ଝେହ୍‌ନେରି, ଅଡ଼େ
ଲାଡ଼ା ବେଟାଆହାଲି ଜୁପକା ତସାନା ଲକୁ ନକିତା ଅଜିତି
କାତା ଝେହ୍‌ନେରି □

ଜାଗ୍ରାତା ଅଡ଼େ ଜାପ୍‌ନି କାତା

୧୭ ସାମା ଏ ନା ଜୀଞ୍ଜୁତି ତଣ୍ଡେସିଙ୍ଗା ମା ପ୍ରୁ ଜୀସୁ
କ୍ରୀସ୍ତତି ପାଣ୍ଡ଼ି ଆହାମାନାରି ତଲିଟିଏ ଏମିନି ବାରେ କାତା
ଝେସାମାନାଣି ବାରେ ଅଣ୍ଠପାଦୁ □

୧୮ ଏଞ୍ଜରୀ ଏନିକ୍ ମିଙ୍ଗେ ଝେସାମାଞ୍ଜାତେରି ରାନ୍ତି
ବେଲା ମାହାପୁରୁଇଁ ମାନଝି ଆହାନା ତାମି ଅଣ୍ଠପୁ ତଲେ
ମାଞ୍ଜାନା ନିୟା କାତା ଝେହ୍‌ନାରି ହନେରି ଇଞ୍ଜା ଲାଜା
କିହାନା ଏଲେଇଞ୍ଜାନେରି □

୧୯ ଏଞ୍ଜରୀ ଗଡ଼ହା କିଝି କିହାଁ ଜାଟୁ ତିକ୍‌ନେରି, ଅଡ଼େ
ଆଙ୍ଗାଡ଼ି ଅଣ୍ଠପୁଟି ସାଲଝି ଆହାନା, ମାହାପୁରୁତି ନେହ୍
ଜୀଞ୍ଜୁ ବେଟାଆଆତାରି □

୨୦ ସାମା ଏ ତଣ୍ଡେସିଙ୍ଗା ମୀରୁ ମୀ ତୀରିଗାଟି ନାମୁଗାଟି
ଦାମ୍ବୁତି ଇଲୁ ପାଡ଼ିକିହାଁ କତାଦୁ, ଅଡ଼େ ସୁଦୁଜୀଞ୍ଜୁ ତଲେ
ପ୍ରାତାନା କିଦୁ □

୨୧ ମା ପ୍ରୁ ଜୀସୁ କ୍ରୀସ୍ତତି କାର୍ମାଟି କାଲାକାଲାତି
ଜୀଞ୍ଜୁ ହିୟାନେସି, ମୀରୁ ଏତାଆଁ ବେଟାଆହାଲି କାତାନା
ମାହାପୁରୁ ଜୀଞ୍ଜୁନହ୍ ମାଞ୍ଜାନି ତାଣା ମାଞ୍ଜେମାଞ୍ଜୁ □

୨୨ ଆନାମାନା ଆନି ଲକୁଣି କାର୍ମାମେସାନା ନାମୁତା
ପାଡ଼ିକିଦୁ □

୨୩ ଏଟକା ତାରାଇଁ ହିରୁଟି ଡ଼େଝିତି ଲେହେଁ ଗେଲ୍‌ପାଦୁ,
ଆଙ୍ଗାଡ଼ି ପାପୁ କାମାତା ମାହାମାନି ହିମ୍ବରକା ଅପାଆଦୁ,

ଏଚର ଲକୁଣି କାର୍ମା ମେସ୍ତମି ଜିକେଏ ଏଞ୍ଜରୀଇଁ ଆଜିନାୟି
ମାନେ □

ଜହରାତି ପାଟୁ

୨୪ ଆମ୍ବାଆସି ମିଙ୍ଗେ ପୁଟିକିନି ତାଣାଟି ଗେଲ୍‌ପାଲି
ଆଡ଼ାନେସି, ଅଡ଼େ ତାନି ଗାଞ୍ଜୁରମିତି ହାରେକା ରାହାଁତଲେ
ନକିତା ତାଚାଲି, ମାଙ୍ଗେ ଦହ୍ ହିଲାଆଗାଟି ଲକୁ ଲେହେଁ
କିହାଲି ଆଡ଼ାନେସି □

୨୫ ଏ ମା ପ୍ରୁ ଜୀସୁ କ୍ରୀସ୍ତ ତାକି ମା ଗେଲ୍‌ପାଲି
ମାହାପୁରୁ ରଅସିଏ, ଗାଞ୍ଜୁରମି, କାଜାପାଣା, ବାଡ଼ୁରୁ
ଅଡ଼େ ସାଲଝି କିନାୟି କାଲେଏତାୟି, ନୀଏଁ, ଅଡ଼େ ଜୁଗୁ
ଜୁଗୁତାକି ଏଞ୍ଜାଣିଝାୟି □ ଆମେନ୍ □

ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜହନଇଁ ତସାହାଁ ଝେକ୍‌ହି ବଲ୍ଲୁ ମୂଲୁ ହାଡ଼ା

ଝେକ୍‌ହି ବଲ୍ଲୁ ପୁଃନି ମେରାତି ରାତି ପତି □ ଇଦି ଜିକେଏ ଜହନ ତାଣାଟି ଜୀସୁ କ୍ରୀସୁ ଜାର୍ନାଆତି ୯୫ ବାସୀ ତାୟୁ ରାସୁକି ଆହାମାଚେ ୧:୧ □ ଏଝାସି ଜହନତି ନେହୁଁ କାବୁତଲେ ତାନିଗଟା ଆକୁ ପତିୟାଁ ରାଚାମାଚେସି ଏଝି ୧ଜହ, ୨ଜହ ଅଡ଼େ ୩ଜହ □ ଜହନ ଆମିନି ଗାଟାଣାଇଁ ଜୀସୁ ହାରେକା ଜୀସୁ ନହୁଁ ମାଚେସି □ ଜହନ ଏୟୁ ମାଦମାନି ବୁମିତି ପାଡ଼ମସ ଟାୟୁତା ମାନି ବେଲାତା ଇ ଝେକ୍‌ହି ବଲ୍ଲୁ ରାଚାମାଚେସି, ଇଚିହୁଁ ଜୀସୁ କ୍ରୀସୁତି ନେହୁଁ କାବୁତାକି ଏଝାଣାଇଁ ଏମ୍ବାଆଁ ଅଝିଆହାମାଚେ ଜହ ୧୩:୨୩ □

ଜୀସୁ ଝେଣ୍ଡା ଖାନି ଦିନା ତାଗେ ଝାହି ମାନାକି ଜୀସୁ କ୍ରୀସୁ ତାଣା ନାମୁତଲେ ମାଞ୍ଜାଲି ପଡ଼ଝି ଆନାରାକି ସାସା ଅଡ଼େ ଆସା ହାହାଲିତାକି ଇ ଝେକ୍‌ହି ବଲ୍ଲୁ ରାଚିତେସି ୧:୩; ୨୨:୭ □ ଏଝାସି ବାରେ ନାମିତି ଲକୁ ଅଡ଼େ ବାରେକିହାଁ ସାଡ଼ାଗଟା କୁଲମିତାକି ରାଚିମାନେସି ୨-୩ □ ଜହନ ତାନି ରାଚିନି ତାଣା ମାହାପୁରୁ ଅଣ୍ଟପୁତି ବଲ୍ଲୁ୧:୩ ଅଡ଼େ ତାନି ମେସାମାନି ହାରେକା ସିନାୟାଁତି କାତା ରାଚିମାନେସି □ ଇ ପତିତି ଏଚେକା ତାଣା ପୁଃଈ ପତି ତଲେ ସମାନା ମାନାଣି, ଜିକ ୬:୧-୮ ମେସାଲି ଆଡ଼ିନାୟି □ ସାଡ଼ାଗଟା ତାଡ଼ି ଅଡ଼େ ସାଡ଼ାଗଟା ଗିନାୟାଁ ଏମିନି ଗାଟାଇଁ ମାହାପୁରୁ ମିସରତି ଲକୁଣି ଡ଼ଣ୍ଡ ହାହାଲିତାକି କସୁୟାଁ ପାଣ୍ଡାନେସି ହାନାୟି ୭-୯ □

ଝେକ୍‌ହି ବଲ୍ଲୁ ରାନି ବେଲାତି କାତା ଝେସିମାନେ, ଜୀସୁ ତାୟୁ ଜୀଣା ଆନେସି ଅଡ଼େ ଆମିନି ଗାଟାରି ଏଝାଣି ତାଣା ବାସୁଁ ଇଚିନେରି ଏଝାରି ବାରେବେଲା ଏଝାଣିତଲେ ଡ଼ୟିନେରି □ ଇ ପତି ନିଜେ ଜାଗ୍ରାତା କିୟାପେ ଅଡ଼େ ଆସା ହିୟାପେ, ଇଚିହୁଁ ଜୀସୁ ତବେ ଝେଣ୍ଡା ଝାହିମାନେସି □

ପତିତା ମାନାୟି

- ୧ ଜହନ ତାଜେ ପୁଣ୍ଡିକିନାୟି ଅଡ଼େ ତାୟୁତି କାତା ମେହନାୟି □ ୧:୧-୨୦
- ୨ ସାଡ଼ାଗଟା କୁଲମିକାକି ଜୀସୁ କ୍ରୀସୁ ତାଣାଟି ଜହନତି କାବୁ □ ୨:୧-୩:୨୨
- ୩ ସାଡ଼ାଗଟା ବୁଟୁ ମୁଦ୍ରା ଅଡ଼େ ସାଡ଼ାଗଟା ତାଡ଼ି □ ୪:୧-୧୧:୧୯
- ୪ ମାରକା ଅଡ଼େ ସାଡ଼ାଗଟା ତାର୍କାଗାଟି ରାଚୁ ତଲେ ଜୁଜୁ □ ୧୨:୧-୧୪:୨୦
- ୫ ସାଡ଼ାଗଟା କପାଗାଟି ଗିନାୟାଁ □ ୧୫:୧-୧୬:୧୮

- ୬ ମାହାପୁରୁ ଲାକପୁରୁ ତାନି ସାଡ଼ୁଇଁ ଜୀଣା ଆନାୟି □ ୧୭:୧-୨୦:୧୫
- ୭ ପୁଃନି ଲାକପୁରୁ ଅଡ଼େ ପୁଃନି ଦାରତି □ ୨୧:୧-୨୨:୨୧

୧ ଜୀସୁ କ୍ରୀସୁତି ଝେକ୍‌ହି ବଲ୍ଲୁ; ଝେଡ଼ା ଆଆନା ଏନାୟି ଗଟଝି ଆନେ ଏଦାଆଁ ବାରେ ଏଝାସି ଏନିକ୍ ତାନି ହଲିୟାକାଣି ଝେହନେସି, ଏଦାଆଁତାକି ମାହାପୁରୁ ଇଦାଆଁ ଜୀସୁ ନକିତା ହେରପିତେସି, ଅଡ଼େ ଏଝାସି ତାନି ଦୁଡ଼ୁଇଁ ପାଣ୍ଡାନା ତାନି ହଲିୟା ଜହନଇଁ ଏଦାଆଁ ଝେସ୍ତେସି □

୨ ଏ ଜହନ ମାହାପୁରୁତି ବଲ୍ଲୁ ଅଡ଼େ ଜୀସୁ କ୍ରୀସୁତି ସାକି କାତା ଇଚିହୁଁ ଏଝାସି ଏନାଆଁ ମେସ୍ତେସି ଏ ବାରେ କାତାତି ସାକି ହାହିମାନେସି □

୩ ଆମ୍ବାଆସି ଇ ପତି ପଡ଼ଝି ଆନେସି ଇଞ୍ଜା ମାହାପୁରୁତି ବଲ୍ଲୁ ଝେଞ୍ଜାନା, ଇ ପତିତା ରାସୁକି ଆହାମାନାଣି ବାରେ ମାନଝି ଆନାରି ନେହାଁରି, ଏନାଆଁତାକି ଇଚିହୁଁ ଇ ବାରେ ଗଟଝି ଆନି କାଲମି ତାଗେ ଝାଡ଼େୟିଏ □

ସାଡ଼ାଗଟା କୁଲମିକି ଜହରା କିନାୟି

୪ ନାନୁ ଜହନତେସୁଁ, ଆସିୟାତା ମାନି ସାଡ଼ାଗଟା କୁଲମିକାଣି ଜହରା ଝେସାନା ରାଚିମାଞ୍ଜାଇଁ, ମାହାପୁରୁତି କାର୍ମାମେହନାୟି ଅଡ଼େ ହିଡ଼ଡ଼ି ଜୀସୁ ମିଜେ ଆୟାପେ, ନୀସୁଁ ଆମ୍ବାଆସି ମାନେସି ତଲି ମାଚାସି ଅଡ଼େ ଜିକେଏ ତାୟୁ ଦିନା ଝାନେସି, ଅଡ଼େ ତାନି ରାଜିତି ସିଂଗାସାଣି ନକିତା ନିଚାମାନି ସାଡ଼ାଗଟା ଜୀସୁୟାଁ ତାଣାଟି,

୫ ଜୀସୁ କ୍ରୀସୁ ନାମୁତି ସାତା ସାକି ହାନାସି, ହାଡ଼ାରି ବିଡ଼ାଟି ତଲିଏ ଜାର୍ନା ଆଡ଼ାସି, ଅଡ଼େ ଦାରତିତି ରାଜାୟାଁଣି ସାଲଝି କିନାସି □ ଏଝାସି ମାଜେ ଜୀସୁ ନହାଁମାଞ୍ଜାନେସି, ଅଡ଼େ ତାନି ନେତେରିଟି ମାଜେ ପାପୁଟି ଗେଲପାଡ଼େସି □

୬ ଅଡ଼େ ମାଜେ ର ରାଜାତି କୁଲୁଲେହେଁ କିହାନା ଆଚା ମାହାପୁରୁ ନକିତା ପୂଜେରା ଲେହେଁ ଆଚାମାଞ୍ଜାନେସି, ତାନି ଗାଝୁରମି କାଜାପାଣା କାଲକାଲା ତାକି ଆପେ □ ଆମେନ୍ □

୭ ନେହଦୁ ଏଝାସି ଦୁୟା ତଲେ ଝାହିମାନେସି, ଏଚେଟିଏ ବାରେ କାଣକା ଏଝାଣାଇଁ ମେହନୁ, ଅଡ଼େ ଏଝାଣାଇଁ ଗୁକ୍‌ହା ମାଚାରି ଜିକେଏ ମେହନେରି, ଦାରତିତାରି ବାରେ କୁଡ଼ା ଏଝାସି ଝାହିମାନାକି ଡ଼ାନେରି ଏଦି ସାତା ଆନେ □ ଆମେନ୍ □

୮ ବାରେ ବାଡ଼ୁୟୁ ଗାଟି ପ୍ରବୁ ମାହାପୁରୁ ଝେସିମାନେସି, ନାନୁ ମାଟ୍‌ନାତେସୁଁ ଅଡ଼େ ରାପୁନାତେସୁଁ, ଆମ୍ବାଆସି ନୀସୁଁ ମାନେସି ତଲିଏ ମାଚେସି ଅଡ଼େ ତାୟୁ ଦିନା ଝାନାସି ନାନୁ ଏଝାତେସୁଁ □

କ୍ରୀସୁଇଁ ମେହନାୟି

୯ ନାନୁ ଜହନତେସୁଁ, ମୀ ତାୟିତେସୁଁ, ଜୀସୁତି ସୀସୁ ଆହାଁ ତାନି ରାଜି ଲକୁତାକି ଝାହିମାନି କସୁ ଅରହାଲି ନାନୁ ମୀ ତଲେତି ର ମାଣ୍‌ସିତେସୁଁ □ ଜୀସୁ ତସାମାନି ସାତା

☆ ୧:୪ ୧:୪ ଝେ ବଲ୍ଲୁ ୪:୫ ☆ ୧:୭ ୧:୭ ଝେ ବଲ୍ଲୁ ୫:୧୦ ☆ ୧:୭ ୧:୭ ମାତି ୨୪:୩୦; ମାର୍କ ୧୩:୨୭; ଲୁକ ୨୧:୨୭; ୧ତେସ ୪:୧୭; ଜହ ୧୯:୩୪,୩୭; ମାତି ୨୪:୩୦

ଇଞ୍ଜା ମାହାପୁରୁତି ବଲ୍ଲୁ ଝେସିମାତାକି ନାଈ ପାତ୍‌ମସ୍
ସାମଦୁରି ମାଦି ମାନି ଚାୟୁତା ପାଣ୍ଡାମାଞ୍ଜାତେରି □

୧୦ ପ୍ରବୁତି ଦିନାତା ସୁଦୁଜୀଝୁ ନା ଲାକ ରେତାଞ୍ଜାତେ,
ଅଡେ ନାନୁ ତାୟୁ ଝାକିଟି ତୀତ୍ରି ମହୁରି ଲେହେତି କାଜା
ଗିୟାତଲେ ଏଲେ ଇଞ୍ଜିମାତି ର ହାଡ଼ା ଝେଚେସି □

୧୧ ନାନୁ ମେସିମାନାଣି ରାଚାମୁ ଅଡେ ଈ ପତିତି ଈ
ସାଡାଗାଟା କ୍ରୀସ୍ତାନା କୁଲମି ଇତିହସି ଏପିସି, ସ୍ପର୍ନା,
ପର୍ଗମ, ତୁୟାତିରା, ସାଦି, ପିଲାଦେଲ୍‌ପିୟା ଅଡେ
ଲାଝୁଦିକିୟାତି କୁଲମିତା ପାଣ୍ଡାମୁ □

୧୨ ଆମ୍ବାଆସି ନା ତଲେ କାତା ଆହିମାନେସି, ଇଦାଆଁ
ମେସାଲି ଝେଣ୍ଡେ ସିନିକିତେସି, ଇଞ୍ଜା ସାଡାଗଟା ବାଂଗାରା
ଦୀଝିୟାଁ,

୧୩ ଇଞ୍ଜା ଏ ଦୀଝିୟାଁ ମାଦିଏ ମାଣ୍ଡିସି ମାରଏଣା ଲେହେତି
ର ମାଣ୍ଡିସି; ଏଞ୍ଜାଣି ପାଞ୍ଚଆନାୟା ପାତେକା ହିମ୍ବୁରି ପୁକ୍‌ହା
ମାଚେ ଅଡେ ବକତା ବାଂଗାରା ପାଟାତି ତ:ରି ରୁପାମାଚେ;

୧୪ ଏଞ୍ଜାଣି ତାୟୁ ରୁଣାୟାଁ ଅପହି ଲୁଲୁ ଅଡେ ପେଣ୍ଡି
ମାରୁ ଲେହେତି ଦବ୍‌ଲା, ଅଡେ ଏଞ୍ଜାଣି କାଣ୍ଡକା ହିରୁ ଲେହେତି
ଡ଼ାଞ୍ଜି ମାରୁ □

୧୫ ତାନି ପାଞ୍ଚଆନାୟାଁ ହଲୁତା ହୁଡିତି ପିତାଡ଼ା ମୁସିମାନି
ଲେହେତି ମିଣ୍ଡିସି ମାରୁ, ଅଡେ ତାନି ଗିୟାଁ ଲଦ ଲଦ ଇଞ୍ଜା
ରିହିମାନି ଏୟୁଡି ହାଡ଼ା ଲେହେତିୟାଁ □

୧୬ ତାନି ଚିଃନି କେୟୁତା ସାଡାଗଟା ହୁକାୟାଁ ମାରୁ,
ତାନି ଗୁଡିଟି ରିକଞ୍ଜାକି ଦାରାଗାଟି କାଣ୍ଡା ହଡେ, ତାନି
ମୁମୁ ମାଦେନା ବେଲା ଡ଼ାଞ୍ଜିମାନି କାରା ଲେହେତି ଉଜେଡି
ଗାଟାୟାଁ □

୧୭ ନାନୁ ଏଞ୍ଜାଣାଲ୍ ମେସପନିଏ ହାଡିଲେହେତି ତାନି
କତାୟାଁ ତୁଇ ରିତେସି, ଏମ୍ବାଟିଏ ଏଞ୍ଜାସି ନା ଲାକ ତାନି
ଚିଃନି କେୟୁ ଇଟାନା ଇଲେ ଇଞ୍ଜାତେସି, ଆଜାଆନି ନାନୁ
ମାର୍‌ନାତେସି ଅଡେ ରାପ୍‌ନାତେସି □

୧୮ ଆଜାଆଦୁ ନାନୁ ନୀତା ମାନାତେସି ହାଡ଼ାତେସି, ନାନୁ
କାଲା କାଲେଏତାକି ନୀତାମାଲ୍, ହାନାୟାଁ ଅଡେ ହାଡ଼ାରି
ରାଜିତି କୁଟିକାଡ଼ି ନା କେୟୁତା ମାନେ □

୧୯ ଇତିହସି ନାନୁ ଏନାଆଁ ମେସାମାଞ୍ଜି, ଅଡେ ଏନାୟାଁ
ନୀସି ଆହିମାନେ ଇଞ୍ଜା ଇଦାଣି ଜେଚ ଏନାୟାଁ ଆନେ ଈ
ବାରେ ରାଚା ଇଟାମୁ □

୨୦ ନା ଚିଃନି କେୟୁତା ମେସାମାନି ସାଡାଗଟା ହୁକାୟାଁ
ଅଡେ ସାଡାଗଟା ବାଂଗାରା ଦୀଝି ସଡ଼ାୟାଁତି ଡ଼ଗୁମାନି
କାତା ଇଦି, ସାଡାଗଟା ହୁକାୟାଁ ସାଡାଗଟା କୁଲମିତି
ଦୁଦୁୟାଁ, ଅଡେ ସାଡାଗଟା ବାଂଗାରା ଦୀଝି ସଡ଼ାୟାଁ
ସାଡାଗଟା କୁଲମିକା □

୨

ଏପିସି କୁଲମିତାକି କାବୁ

☆ ୧:୧୦ ୧:୧୭ ଝେ ବଲ୍ଲୁ ୨:୮; ୨୨:୧୩ ☆ ୨:୭ ୨:୭ ଝେ ବଲ୍ଲୁ ୨୨:୨ ☆ ୨:୮ ୨:୮ ଝେ ବଲ୍ଲୁ ୧:୧୭; ୨୨:୧୩ ☆ ୨:୧୧ ୨:୧୧ ଝେ ବଲ୍ଲୁ ୨୦:୧୪; ୨୧:୮

୧ “ଏପିସି କୁଲମିତି ଦୁତୁ ତାଣା ରାଚାମୁ, ଆମ୍ବାଆସି
ଚିଃନି କେୟୁତା ସାଡାଗଟା ହୁକାୟାଁ ଆସାମାନେସି ଅଡେ
ସାଡାଗଟା ବାଂଗାରା ଦୀଝି ସଡ଼ାୟାଁ ମାଦି ରେଜିମାନେସି,

୨ ଏଞ୍ଜାସି ଏଲେଇଞ୍ଜି ମାନେସି, ନାନୁ କିହାମାନି କାମା
ନାନୁ ପୁଞ୍ଜାମାଲ୍, ନାନୁ ଏନିକି ଝାହୁଡଲେ କାମା
କିହିମାଞ୍ଜି, ଅଡେ ଏଚେକା ଅରହିମାଞ୍ଜି ଏଦାଆଁ ପୁଞ୍ଜାମାଲ୍,
ନାନୁ ଲାଗେଏ ପଲେଏ କାମା କିନାରାଲ୍ ଅପିହିଲଅତି,
ଅଡେ ପାଣ୍ଡି ଆଆନା ମାମୁ ପାଣ୍ଡି ଆହାମାନମି ଇଞ୍ଜା
ଝେସା କତିନେରି, ନାନୁ ତାୟିପାରି କିହାଁ ଏଞ୍ଜାରି ମିତି
କାତା ଝେହନାରି ଇଞ୍ଜା ପୁଞ୍ଜିମାଞ୍ଜି □

୩ ନା ଦରୁ ତାକି ଦୁକୁ କସ୍ତ ଅରହିମାଞ୍ଜି ଇଞ୍ଜା
ଝାହାହିଲଅତି ଇଦାଆଁ ଜିକେଏ ନାନୁ ପୁଞ୍ଜାମାଲ୍ □

୪ ଆତିହସି ଜିକେଏ ନୀ କପାଟି ନା ଈ କାତା ମାନେ,
ତଲି ଜୀଝୁନହସି ମାଞ୍ଜାତିଲେହେତି ନୀସି ଜୀଝୁନହସି
ମାଞ୍ଜାଅତି □

୫ ଅଡେ ନାନୁ ଏନିକି ତୁଇ ତରଗା ମାଞ୍ଜି ଏଦାଆଁ
ଅଶପାନା ନୀ ପାପୁ ପିସାହାଁ ମନ ଝେଟ୍‌ମୁ ଅଡେ
ତଲିତିଲେହେତି ସାତା କାମା କିମୁ, ଆଆତ ଏଚେତା ନାନୁ
ହିୟାଁ ଝେଟ୍‌ଅତି, ନାନୁ ନୀ ତାଣା ତବେ ଝାହାନା ନୀ ଦୀଝି
ନୀ ତାଣାଟି ଏଟକା ଗୁଟିକିୟାଲ୍ □

୬ ଆଡିଜିକେଏ ନୀ ତାଣା ର ନେହସି ଗୁଣୁ ମାନେ
ନାନୁ ଏନିକି ନିକଲାୟତାରି ବାରେ କାମା ଅପିହିଲଅତି
ଏଲେକି ନାନୁଞ୍ଜା ଅପିହିଲଅତି □”

୭ ☆ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ
ଆମ୍ବାଆରି କାର୍‌କା ମାନୁ ଏଦାଆଁ ଝେଣ୍ଡାସି □ ଆମ୍ବାଆସି
ଜୀଣା ଆନେସି, ଏଞ୍ଜାଣାଲ୍ ନାନୁ ମାହାପୁରୁ ରାଜିତା ମାନି
ଜୀଝୁଗାଟି ମାର୍‌ନୁତି ପାଡେୟାଁ ତିଞ୍ଜାଲି ହୀଲ୍ □”

ସ୍ପର୍ନା କୁଲମିତାକି କାବୁ

୮ ☆ “ସ୍ପର୍ନା କୁଲମିତି ଦୁତୁ ତାଣା ରାଚାମୁ, ଆମ୍ବାଆସି
ତଲିତାସି ଅଡେ ତାୟୁତାସି, ଆମ୍ବାଆସି ହାହାମାଚେସି
ଅଡେ ଝେଣ୍ଡେ ନୀତିତେସି, ଏଞ୍ଜାସି ଏଲେଇଞ୍ଜି ମାନେସି □

୯ ନାନୁ ନୀ ବାରେ କସ୍ତ ଅଡେ ହାକି କାକୁଲି ପୁଞ୍ଜାମାଲ୍,
ସାମା ନାନୁ ବାଡକୁ ଗାଟାତି ଅଡେ ଆମ୍ବାଆରି ଜୀହୁଦି ଲକୁ
ଆଆନା ମାମୁ ଜୀହୁଦି ଲକୁତମି ଇଞ୍ଜା ଇନେରି, ଏଞ୍ଜାରି
ସୟତାନ ଗତିତାରି ଏଞ୍ଜାରି ନିନ୍ଦା ଜିକେଏ ନାନୁ ପୁଞ୍ଜାମାଲ୍
□

୧୦ ମାରୁ ଏନିନି ଦୁକୁ ବେଟାଆହାଲି ହାଜି ମାଞ୍ଜେରି,
ଏ ବାରେ ଆଜାଆଦୁ; ମେହୁଦୁ ମିଙ୍ଗେ ତାୟିପାରି କିହାଲି
ସୟତାନ ମୀ ବିଡ୍ରାଟି ଆମ୍ବା ଆମ୍ବାଆରାଲ୍ କାୟିଦିତା
ଇଚିନେ, ଅଡେ ମାରୁ ଦସ ଦିନା କସ୍ତ ବେଟାଆଡେରି □
ମାରୁ ହାନି ପାତେକା ନାମୁତଲେ ମାଞ୍ଜୁ, ଆତିହସି ନାନୁ
ମିଙ୍ଗେ ଜୀଝୁତି ଟପେରି ହିୟାଲ୍ □”

୧୧ * “କୁଲମିତି ସୁଦୁଜୀଝୁ ଏନାଆଁ ଝେସିମାନେ, ଝେଞ୍ଜାଲି କୀର୍କା ମାଟିସାରେ ଝେଣ୍‌ମାସି, ଆମ୍ବାଆସି ଜୀଣା ଆନେସି ଏଝାଣାଲ୍ ଅର ଦେବାତି ହାକି ତଲେ ନସ୍ତ କିହାଲି ଆଡେଏ ଽ”

ପର୍ଗମ କୁଲମିତାକି କାବୁ

୧୨ “ପର୍ଗମ କୁଲମିତି ଦୁତୁ ତାଣା ରାଡ଼ାମ୍ବୁ, ଆମିନି ଗାଟାଣି ତାଣା ରିକଝାକି ଦାରା ଗାଟି କାଣ୍ଡା ମାନେ ଏଝାସି ଏଲେଇଞ୍ଜି ମାନେସି ଽ

୧୩ ଆମିନି ତାଣା ସୟତାନତି ସିଂଗାସାଣି, ଏମ୍ବାଆଁ ନୀନୁ ବାସା କିହିମାଞ୍ଜି, ଇଦାଆଁ ନାନୁ ପୁଞ୍ଜାମାଲ୍, ଆତିହ୍ ଜିକେଏ ନୀନୁ ନା ଦରୁତି ଆଡ଼ଝା ତଲେ ଆସାମାଞ୍ଜି, ଅଡେ ନା ସାକି ଆଡ଼ିପା ଏଟିବେଲ୍ଲା ମୀ ତାଣା ସୟତାନତି ବାସା ଗାୟତା ପାୟୁଡ଼ି ଆହାମାରେସି, ମୀରୁ ନା ତାଣା ନାମାମାନାକି ଏଟିବେଲ୍ଲାତା ଜିକେଏ ନାଞ୍ଜେ ପୁଞ୍ଜାହିଲ୍ ଆଁ ଇଞ୍ଜାଆତି ଽ

୧୪ ଆଡ଼ିଜିକେଏ ନୀ କପାଟି ର କାତା ମାନେ, ଇତିହ୍ ଆମିନି ବିଲିୟମ ପେଣ୍‌କା ବମାୟାକି ଡାକାମାନି ବଗୁ ତିନି ତାଣାଟି ପାପୁ ଅଡେ ଦାରିକାମା କିଝିକିନି ପାନ୍ଦା ମେଡ଼ହାଲି ଇସ୍ତାୟେଲ୍ ମୀରୁକା ବାଲ୍ଲକଲ୍ ଜାପୁହା ମାରେସି, ଏଲେତି କାମା କିନି ଲକୁ ମୀ ବିତ୍ରାଟି ଏଚରଜାଣା ତାକିନାରି ମାନେରି ଽ

୧୫ ଏଲେକିହ୍ ଏ ନିକଲ୍ଲୟ ଜାପୁନାଣି ଆସାମାନି ଲକୁ ମୀ ବିତ୍ରା ମାନେରି ଽ

୧୬ ଏଦାଆଁତାକି ମୀ ପାପୁ ପିସାନା ହିୟାଁ ଝେଟ୍‌ବୁ ଆଆତ୍ ନାନୁ ମୀ ତାଣା ତବେ ଝାହାନା ନା ଗୁତିଟି ହନି କାଣ୍ଡାତଲେ ଏଝାରି କପାଟି ଜୁକୁ କିଲ୍ ଽ”

୧୭ * “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରି କୀର୍କା ମାନୁ ଏଦାଆଁ ଝେଣ୍‌ମାସି ଽ ଆମ୍ବାଆସି ଜୀଣା ଆନେସି ଏଝାଣାକି ଡ଼ଗୁମାନି ମାନା ତିଞ୍ଜାଲି ହୀଲ୍ ଅଡେ ଏଝାରି ବିତ୍ରାଟି ବାରେଜାଣାତି ପୁଝନି ଦରୁ ରାସକି ଆହାମାନି ର ଦବଲ୍ଲା ଝାଲି ହୀଲ୍, ଏ ପୁଝନି ଦରୁ ଏନାୟି ଝାଲି ଆନାଣା ପିସପେ ଆମ୍ବାଆସି ପୁନଅସି ଽ”

ତୁୟାତିରା କୁଲମିତାକି କାବୁ

୧୮ “ତୁୟାତିରା କୁଲମିତି ଦୁତୁ ତାଣା ଇଲେଇଞ୍ଜି ରାଡ଼ାମ୍ବୁ, ମାହାପୁରୁତି ଆମିନି ମୀରୁଏଣା କାଣ୍‌କା ଡ଼ାଞ୍ଜିମାନି ହିରୁ ଲେହେଁ ଇଞ୍ଜା ପାଝଆନା କତାୟାଁ ମୁସିମାନି ପିତାଡ଼ା ଲେହେଁ ଏଝାସି ଏଦାଆଁ ଏଲେଇଞ୍ଜି ମାନେସି ଽ

୧୯ ନାନୁ ନୀ କାମା, ଜୀଝୁ ନନାଣି, ନାମୁତଲେ ସେବା କିନାଣି, ଅରହିନାଣି ପୁଞ୍ଜାମାଲ୍, ଅଡେ ନୀ ତଲିତି କାମା କିହାଁ ନୀଏଁ ହାରେକା ଗାତି କାମା କିହିମାଞ୍ଜି, ଇଦାଆଁ ଜିକେଏ ପୁଞ୍ଜାମାଲ୍ ଽ

୨୦ ଆଡ଼ିଜିକେଏ ନୀ କପାଟି ର ଇତି କାତା ମାନେ, ଜିଜେବଲ୍ ଦରୁଗାଟି ଆମିନି ଇୟା ଜାହାରାଲ୍ ମାହାପୁରୁ ଅଣ୍‌ପୁତି ବଲ୍ଲୁ ଝେକ୍‌ନାତେଏଁ ଇଞ୍ଜି ଝେସାକତାନା, ନା

ସେବା କିନାରାଲ୍ ଦାରିକାମା ଅଡେ ପେଣ୍‌କା ବମାୟାକି ଡାକାମାନି ବଗୁ ତିଞ୍ଜାଲି ଜାପୁହାନା ଲାଗେଏ କିଝି କିହାମାନେ, ମୀରୁ ଏଦାଣି ଅରହି ମାଞ୍ଜେରି ଽ

୨୧ ନାନୁ ଏଦାନାକି ତାନି ପାପୁ କାମା ପିସାନା ମନ ଝେଟ୍‌ହାଲି ହୀତି ଜିକେଏ, ତାନି ଦାରିକାମା ପିସାଲି ମନ କିଆଡେ ଽ

୨୨ ଇଦାଆଁତାକି ନାନୁ ଏଦାନି ମାଡ଼ ହୁଞ୍ଜିକିଲ୍, ଅଡେ ଆମିନି ଗାଟାରି ଏଦାନିତଲେ ଦାରିକାମା କିନେରି, ଏଝାରି ତାନି ପାପୁ କାମାଟି ହିୟାଁ ଝେଟ୍‌ଆତ୍ ନାନୁ ଏଝାରାଲ୍ ଆଜିହପେତି ସାସି ହୀଲ୍ ଽ

୨୩ ଅଡେ ନାନୁ ତାନି ମୀରୁକା ମାସକାଲ୍ ହାକି ତଲେ ନାସାକିଲ୍, ଏଚେଟିଏ ନାନୁ ବାରେ ଲକୁତି ହିୟାଁ ଅଡେ ମନତି ଅଣ୍‌ପୁ ପୁନାତେଏଁ, ଅଡେ ବାରେଜାଣାକି ତାନି କାମାଟି ପାଡେୟି ହୀନାତେଏଁ ଇଞ୍ଜି ବାରେ କୁଲମିକା ପୁଞ୍ଜାନୁ ଽ”

୨୪ “ସାମା ମୀରୁ ତୁୟାତିରାତା ଏଚରଜାଣା ମାନାତେରି ଏ ଲାଗେଏତି ଜାପୁନାଣି ଆସା ହିଲଅତେରି, ଇଞ୍ଜା ଏଚକାତାରି ଏନାଆଁ ସୟତାନତି ଡ଼ଗୁମାନି କାତା ଇଞ୍ଜି ଇନେରି, ଏଦାଆଁ ମୀରୁ ଜାପାହିଲଅତେରି, ନାନୁ ଏଝାରି ଲାକ ଏନି ପୁଝନି ବଦୁ ହୀଅଁ ଽ

୨୫ ଇତିହ୍ ମୀ ତାଣା ଏନାୟି ମାନେ ଏଦାଆଁ ନା ଝାନ୍ତି ଦିନା ପାତେକା ତାରିତଲେ ଆସାମାଞ୍ଜି ଽ”

୨୬ ଆମ୍ବାଆସି ଜୀଣା ଆନେସି, ଅଡେ ତାୟୁ ପାତେକା ନା କାମା କିନେସି, ନାନୁ ଏନିକିହ୍ ନା ଆଡ଼ା ତାଣାଟି ଅଦିକାରା ବେଟାଆହାମାଲ୍, ଏଲେକିହ୍ ଏ ଏଝାଣାକି ଏ ଦେସାତି ଅଦିକାରା ହୀଲ୍ ଽ

୨୭ ଏଝାସି ବାରେ କୁଡ଼ାତି ଲକୁଣି ଲହ୍ ବାଡ଼ଗା ତଲେ ସାଲ୍‌ଝି କିନେସି ଅଡେ ଇରଥା ତ:କାୟାଁ ଲେହେଁ କୁଟୁକୁଟା କିନେସି ଽ

୨୮ ଅଡେ ନାନୁ ଏଝାରାକି ଝେୟାଜାରା ହୁକା ଜିକେଏ ହୀଲ୍ ଽ

୨୯ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରାକି କୀର୍କା ମାନୁ ଏଦାଆଁ ଝେଣ୍‌ମାସି ଽ”

୩

ସାଦ୍ କୁଲମିକି କାବୁ

୧ “ସାଦ୍ କୁଲମିତି ଦୁତୁ ତାଣା ରାଡ଼ାମ୍ବୁ, ଆମ୍ବାଆସି ମାହାପୁରୁତି ସାଡ଼ାଗଟା ଜୀଝୁୟାଁ ଅଡେ ସାଡ଼ାଗଟା ହୁକାୟାଁ ଆସାମାନେସି ଏଝାସି ଏଲେଇଞ୍ଜି ମାନେସି, ନାନୁ ମୀ କାମା ବାରେ ପୁଞ୍ଜାମାଲ୍ ମୀରୁ ଦରୁ ତାକି ଜୀଝୁ ଗାଟାତେରି, ସାମା ସାତା ତଲେ ହାଡ଼ାତେରି ଽ

୨ ଜାଗ୍ରାତା ଆଦୁ ଅଡେ ମୀ ତାଣା ଏନାୟି ମାନେ ଏ ବାରେ ଡ଼ଗୁନି ନକେଏ ଏଝାଆଁ ବାଡ଼ୟୁ କିଦୁ, ଇତିହ୍ ନାନୁ ମୀ ବାରେ କାମା ନା ମାହାପୁରୁ ନକିତା ଦହ୍ ହିଲାଆଗାଟାୟି ତଞ୍ଜା ଆହା ହିଲେଏ ଽ

☆ ୨:୧୭ ୨:୧୭ ଜହ ୭:୪୮-୫୦

୩ ☆ଏଦାଆଁତାକି ମୀରୁ ଏନିକିଁ ଜାପାମାଞ୍ଜେରି ଅଡ଼େ ଝେଞ୍ଜାମାଞ୍ଜେରି ଏଦାଣି ଅଣ୍‌ପାନା ମାନଝି ଆଦୁ ଇଞ୍ଜା ପାପୁଟି ହିୟାଁ ଝେଟ୍‌ଦୁ; ମୀରୁ ଜାଗ୍ରାତା ଆଆତିହିଁ ନାନୁ ସରୁଲେହେଁ ମୀ ତାଣା ଝାଈ, ଏଦାଣି ଏନିଜିକେଏ ମୀରୁ ପୁଞ୍ଜାଲି ଆଡ଼ଅଡ଼େରି □

୪ ସାମା ସାଦିଁତା ମୀ ବିତ୍ତା ଏତରଜାଣା ମାନେରି, ଏଝାରି ତାମି ହିମ୍ବରକା ମାହିଁ କିହାଁ ହିଲଅରି, ଏଝାରି ଅପ୍‌ନି ହିମ୍ବରକା ହୁଚାନା ନା ତଲେ ତାକିନେରି, ଏନାଆଁତାକି ଇତିହିଁ ଏଝାରି ପାଡ଼ା ଆଡ଼ାରି □

୫ ☆ଆମ୍ବାଆରି ଜୀଣା ଆନେରି ଏଝାରି ଏଲେତି ଅପ୍‌ନି ହିମ୍ବରକା ହୁଚନେରି, ଅଡ଼େ ନାନୁ ଏଝାରି ଦରୁ ଜୀଝୁଗାଟି ପତିଟି ଏଚେଲାଝା ମେକ୍‌ଅଁ, ଇଞ୍ଜା ନାନୁ ନା ଆଡ଼ା ଅଡ଼େ ତାନି ଦୁହୁୟାଁ ନକିତା ନା ତଲେତାରି ଇଞ୍ଜିହିଁ ଏଝାରି ଦରୁ ଝେକ୍‌ଇଁ □

୬ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ, ଆମ୍ବାଆରି କୀର୍କା ମାନୁ ଏଦାଆଁ ଝେଣ୍‌ମାସି □”

ପିଲାଦେଲ୍‌ପିୟା କୁଲମିତାକି କାରୁ

୭ “ପିଲାଦେଲ୍‌ପିୟା କୁଲମିତି ଦୁହୁ ତାଣା ରାଡ଼ାମ୍ବୁ, ଆମ୍ବାଆସି ସୁଦୁଗାଟାସି ଅଡ଼େ ସାତାତାସି ଆମିନିଗାଟାଣି କେୟୁତା ଦାଝୁଦତି କୁଟିକାଡ଼ି ମାନେ, ଏଝାସି ଦାରା ଦେତିସାରେ ଆମ୍ବାଆସି ସୁଣ୍ଡାଲି ଆଡ଼ଅସି, ଅଡ଼େ ଦାରା ସୁଣ୍ଡିସାରେ ଆମ୍ବାଆସି ଦେଚାଲି ଆଡ଼ଅସି,

୮ ଏଝାସି ଏଲେଇଞ୍ଜି ମାନେସି ନାନୁ ମୀ କାମା ପୁଞ୍ଜାମାଈ, ସିନିକିଦୁ ନାନୁ ମୀ ନକିତା ର ଦାରା ଦେଚାମାଈ, ଏଦାଆଁ ଆମ୍ବାଆସି ସୁଣ୍ଡାଲି ଆଡ଼ଅସି, ଇତିହିଁ ମୀ ବାଡ଼ୁୟୁ ଉଣା ମାଟି ଜିକେଏ ନା ଜାପ୍‌ନାଣି ମୀରୁ ମାନଝି ଆହାମାଞ୍ଜେରି, ଇଞ୍ଜା ନା ଦରୁ ଏଚେଲା ପୁଞ୍ଜାହିଲଅମି ଇଞ୍ଜିଁ ଇଞ୍ଜାହିଲଅଡ଼େରି □

୯ ମେହ୍‌ଦୁ ଆମ୍ବାଆରି ଜୀହୁଦି ଲକୁ ଆଏ, ସାମା ମିତି ତଲେ ଜୀହୁଦି ଲକୁତମି ଇଞ୍ଜିଁ ଇଞ୍ଜିମାନେରି ଇଲେତି ସୟତାନ ଗତିତି ଲକୁଣି ନାନୁ ମୀ କଡ଼ାଣା ଜହରା କିଝି କିୟାଈ, ଇଞ୍ଜା ନାନୁ ମିଙ୍ଗେ ଜୀଝୁନହିଁ ମାଞ୍ଜାଈ ଇଞ୍ଜିଁ ଏଝାରି ପୁଞ୍ଜାଲି ଆଡ଼ିନେରି □

୧୦ ନା ହୁକୁମି ତଲେ ସାସା ଆସାନା ମାଞ୍ଜେରି, ଇଦାଆଁତାକି ଦାର୍‌ତିତି ଲକୁଣି ତାୟିପାରି କିହାଲି ବାରେ ଦାର୍‌ତିତା ଆମିନି ତାୟିପାରି କିନି ଦିନା ଝାନ୍‌ନେ, ଏମ୍ବାଟି ନାନୁ ଜିକେଏ ମିଙ୍ଗେ ଗେଲ୍‌ପାଈ □

୧୧ ନାନୁ ତବେ ଝାହିମାଈ ମୀ ଜୀଣାଆଡ଼ି ଟପେରି ଏନିକିଁ ଆମ୍ବାଆସି ମୀଞ୍ଜା ଅୟଅସି ଏଦାଆଁତାକି ମୀ ତାଣା ଏନାୟି ମାନେ ଏଦାଆଁ ତାଟା ତଲେ ଆସାଁ ଡ଼ୟାଦୁ □

୧୨ ☆ଆମ୍ବାଆସି ଜୀଣା ଆନେସି ନାନୁ ଏଝାଣାଈ ନା ମାହାପୁରୁ ଇଲୁତି ମୁଣ୍ଡାଲେହେଁ କିଈ, ଏଝାସି ଏମ୍ବାଟି ପାଈମାତା ହାଲଅସି, ନାନୁ ନା ମାହାପୁରୁତି ଦରୁ ଅଡ଼େ

ଲକପୁରୁଟି ଝାହାମାନି ପୁଝନି ଜିରୁସାଲମ ମା ମାହାପୁରୁଟି ଗାଡ଼ାତି ଦରୁ ଇଞ୍ଜା ନା ପୁଝନି ଦରୁ ତାନି ଲକ ରାଡ଼ିଈ □”

୧୩ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ, ଆମ୍ବାଆରି କୀର୍କା ମାନୁ ଏଦାଆଁ ଝେଣ୍‌ମାସି □”

ଲାଝୁଦିକିୟା କୁଲମିକି କାରୁ

୧୪ “ଲାଝୁଦିକିୟା କୁଲମିତି ଦୁହୁ ତାଣା ରାଡ଼ାମ୍ବୁ, ଆମ୍ବାଆସି ସାତା ଇଞ୍ଜା ନାମୁଗାଟାସି ଅଡ଼େ ସାତା ସାକି ହୀନେସି, ଅଡ଼େ ଆମ୍ବାଆସି ମାହାପୁରୁ ଗାଡ଼ିକିତାଣି ମୁଲୁଏ ଗାଡ଼ିକିତାସି ଏଝାସି ଏଲେଇଞ୍ଜି ମାନେସି □

୧୫ ନାନୁ ମୀ କାମା ପୁଞ୍ଜାମାଈ, ମୀରୁ ହିଡ଼ଡ଼ି ଆଏ କି ଉସମି ଜିକେଏ ଆଏ, ମୀରୁ ହିଡ଼ଡ଼ି କି ଉସମି ଆହାମାଟି ନେହିଁ ଆଡ଼େମା □

୧୬ ସାମା ମୀରୁ ହିଡ଼ଡ଼ି କି ଉସମି ଆଆନା କାଝିନି ଆହାମାନାକି ନାନୁ ମିଙ୍ଗେ ନା ଗୁଡ଼ିଟି ହୁପାଲି ହାଜିମାଈ □

୧୭ ନୀନୁ ଏଲେ ଇଞ୍ଜିମାଞ୍ଜି, ‘ନାନୁ ବାଡ଼କୁ ଗାଟାଡେଏଁ ନାଙ୍ଗେ ହାରେକା ଦନ ମାନେ; ନାଙ୍ଗେ ଏନାୟି ଲଡ଼ା ହିଲେଏ □’ ସାମା ନୀନୁ କାର୍ମା କାକୁଲି ଗାଟାତି ଅଡ଼େ ସାୟେମି ହିଲଆଗାଟାତି, ହାକି ଗାଟାତି, କାଣା ଅଡ଼େ ନାଗୁଡ଼ା ଗାଟାତି, ଇଦାଆଁ ପୁଞ୍ଜାହିଲଅତି;

୧୮ ଇଦାଆଁତାକି ନାନୁ ନିଙ୍ଗେ ଈ କାତା ଝେସିମାଞ୍ଜାଈ ନୀନୁ ବାଡ଼କୁ ଗାଟାତି ଆହାଲିତାକି ହିରୁତା ହୁଡ଼ିତି ବାଂଗାରା ଅଡ଼େ ନୀ ନାଗୁଡ଼ାତି ଲାଜା ଏନିକିହିଁ ତଞ୍ଜା ଆଏ ଇଦାଆଁତାକି ହୁଚାଲି ଦବ୍‌ଲା ହିମ୍ବରି ଇଞ୍ଜା କାଣ୍‌କା ମେସାଲି ତାକି କାଣ୍‌କାଣାଁ ରୁବାକଡିନାଣି ନା ତାଣାଟି କତାମୁ □

୧୯ ☆ନାନୁ ଏଚେକା ଲକୁଣି ଜୀଝୁ ନଈଁ ଏଝାରାଈଁ ଦାକା ଅଡ଼େ ତଣ୍ଡ ହାଈଁ ଏଦାଣିତାକି ରାହାଁ ଆହାଁ ମନ ଝେଟ୍‌ହା କତାମୁ □

୨୦ ମେହ୍‌ମୁ ନାନୁ ଦୁଝେରି ତାକିତା ନିଚାନା ଦାରା ଝେଟିମାଈଁ ଆମ୍ବାଆସି ନା ଗିୟାଁ ଝେଞ୍ଜାନା ଦାରା ଦେନେସି ଆଡ଼ିଁ ନାନୁ ବିତ୍ତା ହଡ଼ାନା ତାନି ତାଣା ହାଈଁ ଅଡ଼େ ନାନୁ ଏଝାଣିତଲେ ରାନ୍‌ଦା ତିଈଁ ଅଡ଼େ ଏଝାସି ନା ତଲେ ରାନ୍‌ଦା ତିନେସି □

୨୧ ନାନୁ ଏନିକିହିଁ ଜୀଣାଆହାନା ନା ଆଡ଼ା ତଲେ ସିଂଗାସାଣିତା କୁଗାମାଈଁ ଏଲେକିହିଁଏ ଆମ୍ବାଆସି ଜୀଣା ଆନେସି ନାନୁ ଏଝାଣାଈଁ ନା ତଲେ ନା ସିଂଗାସାଣିତା କୁଗାଲି ହାଈଁ □”

୨୨ “ସୁଦୁଜୀଝୁ କୁଲମିକାଣି ଏନାଆଁ ଝେସିମାନେ, ଆମ୍ବାଆରି କୀର୍କା ମାନୁ ଏଦାଆଁ ଝେଣ୍‌ମାସି □”



ଲକପୁରୁ ପ୍ରାଡ଼ାନା

☆ ୩:୩ ୩:୩ ମାତି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲୁ ୧୨:୧୫ ☆ ୩:୫ ୩:୫ ଝେ ବଲ୍ଲୁ ୨୦:୧୨; ମାତି ୧୦:୩୨; ଲୁକ ୧୨:୮ ☆ ୩:୧୨ ୩:୧୨ ଝେ ବଲ୍ଲୁ ୨୧:୨ ☆ ୩:୧୯ ୩:୧୯ ଏଡ଼ି ୧୨:୬

୧ ଏଚେଟିଏ ନାନୁ ମେସ୍‌ସେସ୍, ମେହ୍‌ଦୁ ଲାକପୁରୁଟି ର ଦାରା ଦେପିଆହାମାନେ; ଅଡ଼େ ତୀତ୍ରି ମହ୍‌ରି ହାଡ଼ାଲେହେଁ ନା ତଲେ ନଚେଏ ଜଲିମାଗାଣି ଝେଞ୍ଜା ମାଚେସ୍, ଏଦି ଏଲେଇଞ୍ଜାତେ “ଇମ୍‌ଆଁ ନିଙ୍ଗା ଖାମ୍, ଏନାୟି ଇଦାଆଁ ତାୟୁ ଗଟଝି ଆଚେ ଏ ବାରେ ନିଙ୍ଗେ ନାନୁ ତସ୍‌ଆଇଁ □”

୨ ଏ ଦେବୁଣିଏ ସୁଦୁଜୀଝୁ ନାଙ୍ଗେ ଆଲଗାତେ, ମେହ୍‌ଦୁ ଲାକପୁରୁ ର ସିଂଗାସାଣି ମାଚେ, ଇଞ୍ଜା ସିଂଗାସାଣି ଲାକ ରଅସି କୁଗାମାନେସି □

୩ କୁଗାମାନାଣି ଖାଣା ହୀରା ଅଡ଼େ ମାଣିକ୍ୟ ଇନି ଦାରାଗାଟି ଖାଲି ଲେହେଁ, ଅଡ଼େ ସିଂଗାସାଣିତି ମରକତ ଇନି ଦାରା ଗାଟି ଖାଲକା ଲେହେଁ ସାରିସୁରୁ ର ଦାରଣକି ଗୁରଚାମାଚେ □

୪ ଅଡ଼େ ସିଂଗାସାଣି ସାରିସୁରୁ କଡ଼େ ସାରିଗଟା ସିଂଗାସାଣି ମାନୁ, ଅଡ଼େ ସିଂଗାସାଣିୟାଁ ଲାକ କଡ଼େ ସାରି ଜାଣା ପ୍ରାତିନାଙ୍ଗା କୁଗାମାନେରି, ଏଝାରି ଦବ୍‌ଲା ହିମ୍‌ରିକା ହୁଚାମାନେରି ଇଞ୍ଜା ଏଝାରି ତାୟୁଁ ତୁ ବାଂଗାରା ଚଢ଼େପରି □

୫ *ସିଂଗାସାଣିଟି ବିଲିବାଲା ମ୍ପିହ୍‌ନାୟି ଅଡ଼େ ହାଗୁ ଗୁଣି ହାଡ଼ା ହଡ଼େ, ଅଡ଼େ ସିଂଗାସାଣି ନକିତା ହିଚୁଗାଟି ସାଡ଼ାଗଟା ଦୀଝିୟାଁ ତାଞ୍ଜିମାଚୁ, ଇ ସାଡ଼ାଗଟା ହିଚୁ ବନ୍ଦାୟାଁ ମାହାପୁରୁତି ସୁଦୁଜୀଝୁୟାଁ

୬ ସିଂଗାସାଣି ନକିତା ଦାପେଣିଲେହେଁ ର ନେହ୍‌ ସାମ୍‌ଦୁରି ତଞ୍ଜାଆହିମାଚେ, ସିଂଗାସାଣି ସାରିସୁରୁତି ମାଦିଏ ସାରିଗଟା ଜନ୍ତୁ ଜୀଝେଡ଼ିକା, ଏଝାସିକା ନକିତା ଅଡ଼େ ତାୟୁତା କାଣ୍‌କା ମାଚୁ □

୭ ନକିତି ଜନ୍ତୁ ସିହ୍‌ କାଝଆନି ଲେହେଁ, ଅଡ଼େ ରୀ ଲମ୍‌ର ଜନ୍ତୁ ବାଚା କଡ଼ି ଲେହେଁ, ତାନି ଲମ୍‌ର ଜନ୍ତୁତି ମୁମ୍‌ ମାଣସିତି ମୁମ୍‌ ଲେହେଁ, ଅଡ଼େ ସାରି ଲମ୍‌ର ଜନ୍ତୁ ଲାକ ଉମ୍‌ମାନି ଲେଡ଼ ଚୁଲେହେଁ ତଞ୍ଜାଆହିମାଚେ □

୮ ବାରେ ଜନ୍ତୁୟାଁକି ସି ଗଟା ମାରାୟାଁ ଏ ମାରାୟାଁ ବିତ୍ତା ଅଡ଼େ ପାଙ୍ଗାତା କାଣ୍‌କା ମାନୁ ଏଝି ଲାଆଁ ମାଦେନା ଜମାଆନା ଏଲେଇଞ୍ଜି ମାନୁ □

“ସୁଦୁ, ସୁଦୁ, ସୁଦୁ, ବାରେ ବାଡ଼ୁଗାଟି ମାହାପୁରୁ, ଆମ୍‌ଆସି ତଲିଏ ମାଚେସି ନାଏଁ ମାନେସି ଅଡ଼େ କାଲେଏ ମାନେସି, ଏ ପ୍ରବୁ □”

୯ ଜନ୍ତୁୟାଁ ଏଚିବେଲା ଏ ସିଂଗାସାଣିତା କୁଗାମାନି କାଲାକାଲାତି ଜୀଝୁଗାଟି ମାଣସିଇଁ ଗାଝୁରମି ସାମ୍‌ମି ଅଡ଼େ ଜହରା କିନେରି □

୧୦ ଏଚିବେଲା କଡ଼େ ସାରି ଜାଣା ପ୍ରାତିନାଙ୍ଗା ସିଂଗାସାଣିତା କୁଗାମାନି ମାଣସିଇଁ ମେଶ୍‌କୁତାନା କାଲେଏ ନୀତାମାନି ମାଣସିଇଁ ଜହରା କିତେରି, ଇଞ୍ଜା ସିଂଗାସାଣି ନକିତା ତାନି ଚଢ଼େପରିକା ଇଚାନା ଏଲେଇଚେରି □

୧୧ ମା ପ୍ରବୁ ଅଡ଼େ ମାହାପୁରୁ □
ନାନୁ ଗାଝୁରମି ସାମ୍‌ମି ଅଡ଼େ ବାଡ଼ୁ
ବେଟାଆହାଲି ଜଗେ ଗାଗାଟି □

ଏନାଆଁତାକି ଇଚିହ୍‌ ନାନୁ ବାରେ ଗାଡ଼ିକିହା ମାଞ୍ଜି □
ଅଡ଼େ ନୀ ଅଣ୍‌ପୁ ତଲେ ବାରେ ଗାଡ଼ି ଆହାମାନୁ,
ଅଡ଼େ ଜୀଝୁତଲେ ନୀତାମାନୁ □



ରୁପିନି ପତି ଅଡ଼େ ମେଶ୍‌ ଡାଲୁ

୧ ନାନୁ ସିଂଗାସାଣିତା କୁଗାମାନାଣି ଚିଝନି କେୟୁତା ର ପ୍ଲୁଝଇ ପତି ମେସ୍‌ସେସ୍, ଏଦି ରିକଝାକି ରାସ୍‌କି ଆହାମାଚେ ଇଞ୍ଜା ସାଡ଼ାଗଟା ମୁଦ୍ରା ଝେପି ଆହାମାଚେ □

୨ ଅଡ଼େ ନାନୁ ବାଡ଼ୁଗାଟି ର ଲାକପୁରୁତି ଦୁଡୁଇଁ ମେସ୍‌ସେସ୍, ଏଝାସି କାଜା ଗିୟାଁତଲେ ଏଲେଇଚେସି, ଆମ୍‌ଆସି ଇ ମୁଦ୍ରା ହୁକ୍‌ହାନା ପତିତି ଦେଚାଲି ପାଡ଼ାଆନେସି □

୩ ସାମା ପତିତି ଦେଚାଲି, ଏମ୍‌ଆଁ ଏନାୟି ରାସ୍‌କି ଆହାମାନେ, ସିନିକିହାଲି ଲାକପୁରୁ, ଦାରୁତିତା ଅଡ଼େ ତାଡ଼େପୁରୁତା ଆମ୍‌ଆସି ସାସା କିଆତେସି □

୪ ଏ ପତିତି ଦେଚାଲି କି ଏଦାଆଁ ସିନିକିହାଲି ଆମ୍‌ଆସି ସାସା କିଆଲିଏ ନାନୁ ହାରେକା ତୀତେସ୍ □

୫ ଏମ୍‌ଗାଟିଏ ପ୍ରାତିନାଙ୍ଗା ବିତ୍ତାଟି ରଅସି ନାଙ୍ଗେ ସାସା ହାହାନା ଏଲେଇଞ୍ଜାତେସି, “ତୀଆନି, ସିନିକିମୁ ଜୀହୁଦା ଗଟିତି ଦାଝୁଦ କୁଡ଼ାତି ସିଝହ୍‌ ଜୀଣା ଆହାମାନେସି; ଏଝାସି ଇ ପତିତି ସାଡ଼ାଗଟା ମୁଦ୍ରା ଦେଚାଲି ଅଡ଼େ ଏ ରୁପିତି ପତି ଏକହାଲି ପାଡ଼ା ଆହାମାନେସି □”

୬ ଏଚେଟିଏ ନାନୁ ସିନିକିତେସ୍ ସିଂଗାସାଣି, ଅଡ଼େ ପ୍ରାତିନାଙ୍ଗା ମାଦିଏ ସାରିଗଟା ଜନ୍ତୁ ତଲେ ର ମେଶ୍‌ ଡାଲୁ ନିଚାମାନାଣି ମେସ୍‌ସେସ୍, ଏ ମେଶ୍‌ ଡାଲୁ ପାୟୁଝି ଆଡ଼ି ଲେହେଁ ତଞ୍ଜାଆହିମାଚେ, ଏଦାନାକି ସାଡ଼ାଗଟା କମ୍‌କା ଅଡ଼େ ସାଡ଼ାଗଟା କାଣ୍‌କା ମାଚୁ, ଏ କାଣ୍‌କା ଦାରୁତିତି ବାରେଝାକି ପାଣ୍‌ଝି ଆହାମାଟି ମାହାପୁରୁତି ସାଡ଼ାଗଟା ସୁଦୁଜୀଝୁୟାଁ □

୭ ମେଶ୍‌ ଡାଲୁ ସିଂଗାସାଣିତା କୁଗାମାନାଣି ତାଗେ ହାଜାନା ଏଝାଣି ଚିଝନି କେୟୁଟି ଏ ରୁପିତି ପତି ଅଡ଼େସି □

୮ ଏ ପତି ଅହାଲିଏ ସାରିଗଟା ଜନ୍ତୁ ଅଡ଼େ କଡ଼େ ସାରି ଜାଣା ପ୍ରାତିନାଙ୍ଗା ଏ ମେଶ୍‌ ଡାଲୁ ନକିତା ମୁନୁ କୁତାହାଁ ଜହରା କିତେରି, ଏ ବାରେଜାଣା ତାକି ର ସେରୁଜିଁ ଅଡ଼େ ମାହାପୁରୁ ଲକୁ ପ୍ରାତାନାତି ଦୁପା ଦୁପଣି ନେଞ୍ଜାମାନି ର ବାଂଗାରା ଗିନା ମାଚେ □

୯ ଏଝାରି ର ପୁଝନି ପାରୁ ପାଟିମାଚେରି;

“ନାନୁ ଏ ରୁପିତି ପତି ଅହାଲି ଅଡ଼େ ଏମ୍‌ଗାଟି ମୁଦ୍ରା ଦେଚାଲି ପାଡ଼ା ଆନାତି,

ନାନୁ ପାୟିଝିଆହାମାଟି, ନୀ ନେତେରିଟି ବାରେ ଗଟି, ବାରେ ହାଡ଼ା, ଦେସା,

ଅଡ଼େ ବାରେ କୁଡ଼ାତି ଲକୁଇଁ ମାହାପୁରୁ ତାକି କଡ଼ାମାଞ୍ଜି,

☆ ୪:୫ ୪:୫ ଝେ ବଲ୍ଲୁ ୮:୫; ୧୧:୧୯; ୧୭:୧୮; ଝେ ବଲ୍ଲୁ ୧:୪ ☆ ୫:୧୦ ୫:୧୦ ଝେ ବଲ୍ଲୁ ୧:୭

୧୦ ☆ନୀନୁ ଏଝାରାଇଁ ରାଜାୟାଁ କୁଡ଼ା ଅଡ଼େ ମାହାପୁରୁ
ସେବା କିୟାଲି ପୂଜେରାଜା କିହାମାଞ୍ଜି □

ଏଝାରି ଦାରତିତି ସାଲୁଝି କିନେରି □”

୧୧ ଏମ୍ବାଟିଏ ନାନୁ ସିନିକିତେଏଁ, ସିଂଗାସାଣି, ଜନ୍ତୁୟାଁ
ଅଡ଼େ ପ୍ରାଚିନାଜା ସାରିସୁଟୁ ହାରେକା ଦୂତୁୟାଁତି ହାଡ଼ା
ଝେଚେଏଁ, ଏଝି ମାଣା ମାଣା ଅଡ଼େ ଲାକେ ଲାକେ ଜାଣା
ନିଚାମାରୁ □

୧୨ ଏଝି କାଜା ଗିୟାଁତଲେ ପାଡ଼ିମାରୁ;
“ପାୟୁଝି ଆହାମାନି ମେଣ୍ଡା ଡାଲୁଦେଁ, କାଜାପାଣା, ଦନ,
ବୁଦି, ବପୁ, ସାମ୍ବୁମି, ଗାଝୁରମି,
ଜହରା ବେଟାଆହାଲି ପାଡ଼ାଆନେସି □”

୧୩ ଅଡ଼େ ନାନୁ ଲାକପୁରୁ, ଦାରତି, ତାଡ଼େପୁରୁ ଅଡ଼େ
ସାମ୍ବୁରିତା ମାନି ବାରେ ଜୀଝୁ ଗାଟାଇ ଇଞ୍ଜା ଦାରତିତା
ମାନି ବାରେ ଜୀଝୁ ଗାଟାଇ ପାରୁ ପାଡ଼ିମାନାଣି ଝେଚେଏଁ □
ଏଝି ପାଡ଼ିମାରୁ;

“ସିଂଗାସାଣିତା କୁଗାମାନି ମାଣ୍‌ସିଇଁ ଇଞ୍ଜା ତାନି ମେଣ୍ଡା
ଡାଲୁଇଁ ଜହରା କିଦୁ;
ତାନି ସାମ୍ବୁମି, ଗାଝୁରମି ଅଡ଼େ ବାଡ଼ୁୟୁ
କାଲାକାଲାତାୟି □”

୧୪ ଏଚେଟିଏ ସାରିଗଟା ଜନ୍ତୁ ପାଲି ଆସାନା ଏଲେଇରୁ,
“ଆମେନ” ଅଡ଼େ ପ୍ରାଚିନାଜା ମୁନୁ କୁତାହାଁ ଜହରା
କିତେରି □



ସାତା ଗଟା ସାଲିୟାଁ

୧ ଅଡ଼େ ନାନୁ ମେଣ୍ଡା ଡାଲୁଇଁ ସାତାଗଟା ମୁଦ୍ରା ବିତ୍ରାଟି
ର ଲମ୍ବର ମୁଦ୍ରା ଦେତାଣି ମେସ୍ତେଏଁ, ଅଡ଼େ ସାରିଗଟା
ଜନ୍ତୁ ବିତ୍ରାଟି ର ଜନ୍ତୁ ହାଗୁ ଗୁଣ୍‌ନି ହାଡ଼ାତଲେ ହାଡ଼ିମାଟାଣି
ଝେଚେଏଁ “ଝାମ୍ବୁ!”

୨ ଏମ୍ବାଟିଏ ନାନୁ ସିନିକିତେଏଁ ଅଡ଼େ ର ଦବ୍‌ଲା
ଗଡ଼ା ଇଞ୍ଜା ତାନି ଲାକ ହଟାମାଟାଣି କେୟୁତା ର ଆମ୍ବୁ
ଆସାମାଚେସି, ଅଡ଼େ ଏଝାଣାକି ର ଟପେରି ହାପକିଆଡ଼େ,
ଅଡ଼େ ଏଝାସି ଜୀଣା ଆହାଁ ଜୀଣା ଆୟାଲି ହଟାହାଚେସି □

୩ ମେଣ୍ଡା ଡାଲୁ ଏଚିବେଲା ରୀ ଲମ୍ବର ମୁଦ୍ରା ଦେତେସି,
ଏଚିବେଲା ଅଡ଼େ ରୀ ଲମ୍ବର ଜନ୍ତୁ ଏଲେଇଟାଣି ଝେଚେଏଁ
“ଝାମ୍ବୁ.”

୪ ଏମ୍ବାଟିଏ ଅଡ଼େ ର ଗଡ଼ା ହଟା ଝାଡ଼େ, ଏଦି ନେତେରି
ଝାଣାଗାଟାୟି; ଲକୁ ଏନିକିଁ ତାମ୍ବୁ ତାମ୍ବୁ ପ୍ରାୟୁଝି ଆନେରି,
ଏଦାଆଁତାକି ଦାରତିତି ହିଡ଼ତି ହେକ କିହାଲି ତାନି ଲାକ
ହଟାମାନାଣାକି ବାଡ଼ୁୟୁ ହାପକିଆଡ଼େ ଅଡ଼େ ଏଝାଣାକି
କାଜା କାଣ୍ଡା ହାପକିଆଡ଼େ □

୫ ମେଣ୍ଡା ଡାଲୁ ଏଚିବେଲା ତାନି ଲମ୍ବର ମୁଦ୍ରା ଦେତେସି,
ଏଚିବେଲା ତାନି ଲମ୍ବର ଜନ୍ତୁ ଏଲେଇଞ୍ଜିମାନାଣି
ଝେଚେଏଁ, “ଝାହାଁ ସିନିକିମୁ” ଏମ୍ବାଟିଏ ନାନୁ ସିନିକିତେଏଁ,

ମେହଦୁ ର କାଡ଼ିନି ଗଡ଼ା; ଅଡ଼େ ଏମ୍ବାଆଁ ହଟାମାନାଣି
କେୟୁତା ର କେଜି ତୁକ୍‌ନାୟି ମାଚେ □

୬ ଅଡ଼େ ନାନୁ, ସାରିଗଟା ଜନ୍ତୁଟି ଗୁଡ଼ିଟି ହଡ଼ି ଲେହେଁତି
ର ହାଡ଼ା ଝେଚେଏଁ; “ର ଟାକା ତାକି ର କେଜି ଗହଁ ଅଡ଼େ
ତାନି କେଜି କାଝିଆ ଜନାୟାଁ ମେଡ଼ା ଆନୁ ସାମା ମୀରୁ
ଜୀତ ମାରୁନୁତି ନିୟୁଁ ଅଡ଼େ ଅଲୁରି ରାସା ନସ୍ତ କିଆଦୁ □”

୭ ମେଣ୍ଡା ଡାଲୁ ଏଚିବେଲା ସାରି ଲମ୍ବର ମୁଦ୍ରା ଦେତେସି,
ଇଞ୍ଜା ନାନୁ ସାରି ଲମ୍ବର ଜନ୍ତୁ ଏଲେ ଇଞ୍ଜିମାଟାଣି
ଝେଚେଏଁ, “ଝାମ୍ବୁ!”

୮ ଏମ୍ବାଟିଏ ନାନୁ ସିନିକିତେଏଁ ଦାରମ୍ବୁ ଝାଣାଗାଟି ଗଡ଼ା,
ତାନି ଲାକ ହଟାମାଟାଣି ଦରୁ ହାକି, ଏଝାଣି ଜେଟ ଜେଟ
ଦାରତି ହାଜିମାଚେ, ଏଝାରାକି ଦାରତିତି ସାରି ବାଟା ବିତ୍ରା
ର ବାଟା ମୁହେଁ କାଣ୍ଡା, ହାକି, ରଟା ଅଡ଼େ ଜାଡ଼ାତି ଜନ୍ତୁ
ଜୀଝେଡ଼ିକା ତଲେ ପାୟାଲି ବାଡ଼ୁୟୁ ହାପକିଆଡ଼େ □

୯ ମେଣ୍ଡା ଡାଲୁ ଏଚିବେଲା ପାସା ଲମ୍ବର ମୁଦ୍ରା ଦେତେସି,
ଏଚିବେଲା ଆମିନି ଲକୁ ମାହାପୁରୁତି ବଲୁ ତାକି ଅଡ଼େ
ଏଝାରାକି ହାପକି ଆହାମାନି ସାକି ତାକି ହାହାମାଚେରି,
ଏଝାରି ଜୀଝୁୟାଁ ନାନୁ ପୂଜାପିଣ୍ଡା ଡ଼ଇ ମେସ୍ତେଏଁ □

୧୦ ଏଝାରି କାଜା ଗିୟାଁତଲେ ହାଡ଼ିହଁ ଏଲେ
ଇଞ୍ଜିମାଚେରି, “ସୁଦୁ ଅଡ଼େ ସାତା ପୁରୁ, ନୀନୁ ଏଚରଦିନା
ପାତେକା ଦାରତିତି ଲକୁଇଁ ନୀହାୟି କିଆନା ମାଙ୍ଗେ
ପାୟାଲି ତାକି ଏଝାରାକି ତଣ୍ଡୁ ହାଆନା ପିହ୍‌ଦି ?”

୧୧ ଏଚେଟିଏ ଏ ବାରେଜାଣା ତାକି ଦବ୍‌ଲା ହିମ୍ବୁରିକା
ହାପକିଆଡ଼େ, ଇଞ୍ଜା ଏଝାରି ତଲେତି ତାୟିୟାଁ ସେବା
କିନାରି ଏଚରଜାଣା ପାୟୁଝି ଆନି କାତା ପାୟୁଝି
ଆଆପାତେକା ଏଝାରାକି ଅଡ଼େ ଏଚରଦିନା ଜମାଲି
ଝେସପିଆଡ଼େ □

୧୨ ☆ମେଣ୍ଡା ଡାଲୁ ସ ଲମ୍ବର ମୁଦ୍ରା ଦେତିମାଟାଟି ନାନୁ
ମେସ୍ତେଏଁ; ଦେବୁଣିଏ ଆଜିହପେତି ବୁମି ଝାଡ଼ିତେ □
ଝେଡ଼ା କାଡ଼ିନି ଝାଣା ହିମ୍ବୁରି ଲେହେଁ ଆଡ଼େ, ଅଡ଼େ ଲେଞ୍ଜୁ
ନେତେରି ଝାଣା ଆଡ଼େ □

୧୩ କାଜା ଗାଲି ଏନିକିଁ ମାରୁନୁଇଁ ଝାବ୍‌ହିସାରେ
ହିଲିଲି ତୟା ପାଡ଼େୟିକା ତରଗିନି ଲେହେଁ ହାଗୁଲାକତି
ହୁକାୟାଁ ଦାରତିତା ତରଗା ହାରୁ □

୧୪ ହାଗୁପାକା ତଲୁ ପତି ରୁପୁଝି ଆଡ଼ି ଲେହେଁ
ରୁପୁଝିଆହାଁ ମେଣ୍ଡାଜାହାଚେ □ ଅଡ଼େ ହରକା ଇଞ୍ଜା
ସାମ୍ବୁରି ବିତ୍ରାମାନି ଇଚି ଇଚି ଦେସାୟାଁ ତାନି ଟାୟୁଟି
ଗୁଟା ଆହାହାରୁ □

୧୫ ଅଡ଼େ ଦାରତିତି ରାଜାୟାଁ, ସାଲୁଝି କିନାରି, ଜୁଜୁକିନି
କାଜାରି, ଦନ ଗାଟାରି, ବାଡ଼ୁୟୁ ଗାଟାରି, ହଲିୟାଜା ଅଡ଼େ
ହଲିୟାଜା ଆଆତାରି ଏଝାରି ବାରେଜାଣା ପାଝୁତା ଇଞ୍ଜା
ହରକାତି କାଜା ଝାଲକା ପାରଡ଼ା ଡ଼ଇ ହାଜାନା ଡ଼ୁଚିତେରି
□

୧୬ ☆ଅଡ଼େ ଏଝାରି ହରକା ଇଞ୍ଜା ଝାଲକାଣି ହାଡ଼ିହଁ
ଏଲେଇଚେରି, “ମା ମୁହେଁ ତରଗାନା ସିଂଗାସାଣିତା

☆ ୬:୧୭ ୬:୧୭ ଝେ ବଲ୍ଲୁ ୧୧:୧୩; ୧୭:୧୮; ମାଡ଼ି ୨୪:୨୯; ମାର୍କ ୧୩:୨୪,୨୫; ଲୁକ ୨୧:୨୫ ☆ ୬:୧୭ ୬:୧୭ ଲୁକ ୨୩:୩୦

କୁଗାମାନାଣି ତାଣାଟି ଅଡ଼େ ଫେଣ୍ଡା ତାଲୁ କପାଟି ମାଙ୍ଗେ ଡ଼କୁହାମୁ □

୧୭ ଇଚିହ୍ନି ଏଞ୍ଜାରାକି ଆଜିହପେତି କପାଟି ଦିନା ଏଦାତେୟିଏ, ଇଞ୍ଜା ଏମ୍ବାଆଁ ଆମ୍ବାଆସି ନିଚାଲି ଆଡ଼ିନେସି ?”



ଇସ୍ରାୟେଲତି ୧୪୪,୦୦୦ ଲକୁ

୧ ଏଚେଟିଏ ନାନୁ ଦାରତିତି ସାରି କନତା ସାରିଗଟା ଦୁତୁୟାଁଇଁ ନିଚାମାନାଣି ମେସ୍ତେସ୍, ଅଡ଼େ ଦାରତିତି ସାରିଖାକିତି ଗାଲି ଆଙ୍ଗାମାନେରି, ଏଚେଟିଏ ଦାରତି ସାମଦୁରି ଅଡ଼େ ଆମିନି ମାର୍‌ନୁ ମୁହେଁ ଗାଲି ଖାଆପେଞ୍ଜା ଇଞ୍ଜି ଗାଲିତି ଆଙ୍ଗାମାନେରି □

୨ ଅଡ଼େ ନାନୁ ର ଦୁତୁଇଁ ଝେଡ଼ା ହପୁଞ୍ଜାକିଟି ହଚାଞ୍ଜାତାଣି ମେସ୍ତେସ୍, ଏଦାନି କେୟୁତା ଜୀଞ୍ଜୁତି ମାହାପୁରୁତି ବୁଟୁ ମୁଦ୍ରା ମାଚେ, ଏ ଦୁତୁ ଦାରତି ଅଡ଼େ ସାମଦୁରି ନସ୍ତ କିହାଲିତାକି ସାରିଗଟା ଦୁତୁକି ଅଦିକାରା ହାହାମାଚେ, ଏଦି କାଜା ଗିୟାତଲେ ହାଟାନା ଏଲେଇଚେ,

୩ “ମାମୁ ମାହାପୁରୁତି ସେବା କିନାରି ମୁଞ୍ଜୁତା ବୁଟୁ ମୁଦ୍ରା ନାବଗାଆ ପାଚେକା ମାରୁ ଦାରତି, ସାମଦୁରି, କି ମାରକାଣି ନସ୍ତ କିଆଦୁ □”

୪ ଏଚେଟିଏ ମୁଞ୍ଜୁତା ବୁଟୁ ମୁଦ୍ରା ନାବଗା କଡିତାରି ୧୪୪,୦୦୦ ଲକୁ ମାଚେରି ଇଞ୍ଜି ନାନୁ ଝେଚେସ୍ ଏଞ୍ଜାରି ଇସ୍ରାୟେଲତି ବାର କୁଡ଼ାତି ଲକୁ ମାଚେରି □

୫ ଜୀହୁଦା କୁଡ଼ାଟି ବାର ମାଣା ଲକୁଇଁ ବୁଟୁ ମୁଦ୍ରା କିହାମାନେସି, ରୁବେନ୍ କୁଡ଼ାଟି ବାର ମାଣା, ଗାଦ କୁଡ଼ାଟି ବାର ମାଣା,

୬ ଆସେର୍ କୁଡ଼ାଟି ବାର ମାଣା, ନପ୍ତାଲି କୁଡ଼ାଟି ବାର ମାଣା, ମନସି କୁଡ଼ାଟି ବାର ମାଣା,

୭ ସିମିୟନ କୁଡ଼ାଟି ବାର ମାଣା, ଲେବି କୁଡ଼ାଟି ବାର ମାଣା, ଇସାକାର କୁଡ଼ାଟି ବାର ମାଣା,

୮ ସୁବୁଲୁନ୍ କୁଡ଼ାଟି ବାର ମାଣା, ଜସେପ କୁଡ଼ାଟି ବାର ମାଣା, ବିନ୍ୟାମିନ୍ କୁଡ଼ାଟି ବାର ମାଣା ଲକୁଇଁ ବୁଟୁ ମୁଦ୍ରା କିହାମାନେସି □

ଗାଡି ମାନ୍ଦା ଲକୁ

୯ ଏଚେଟିଏ ନାନୁ ସିନିକିତେସ୍ ମେହ୍‌ଦୁ ବାରେ ଜାଡି, ବାରେ କୁଡ଼ା, ବାରେ ଦେସା, ବାରେ ହାଡ଼ା, ଏଜିକିହାଲି ଆଡ଼ାଆଗାଟି ର ମାନ୍ଦା ଲକୁ ଅଜିତି ଦବ୍‌ଲା ହିମ୍ବରକା ହୁଚାନା କାଜୁରି ମାଟାୟା କେୟୁତା ଆସାନା ସିଂଗାସାଣି ଅଡ଼େ ଫେଣ୍ଡା ତାଲୁ ନକିତା ନିଚାମାନେରି □

୧୦ ଏଞ୍ଜାରି କାଜା ଗିୟାତଲେ ଏଲେଇଚେରି, “ଞ୍ଜାରକ ସିଂଗାସାଣିତା କୁଗାମାନି ମାହାପୁରୁ ଅଡ଼େ ଫେଣ୍ଡା ତାଲୁ ମାଙ୍ଗେ ଗେଲ୍‌ପାନାସି □”

୧୧ ସିଂଗାସାଣି, ପ୍ରାଟିନାଙ୍ଗା ଅଡ଼େ ବାରେ ସାରିଗଟା ଜନ୍ତ ସାରିସୁଟୁ ଲାକପୁରୁତି ଦୁତୁୟାଁ ନିଚାମାନେରି, ଅଡ଼େ

ସିଂଗାସାଣି ନକିତା ମୁନୁ କୁତାନା ମାହାପୁରୁଇଁ ଜହରା କିହାନା,

୧୨ ଏଲେଇଚେରି, “ଆମେନ୍ ନେହାୟି, ଗାଞ୍ଜୁରମି, ବୁଦି, ଜହରା, ସାମ୍‌ମି, ଅଦିକାରା ଅଡ଼େ ବାଡ଼ୁୟୁ, କାଲାକାଲା ତାକି ମା ମାହାପୁରୁଞ୍ଜାୟି! ଆମେନ୍ □”

୧୩ ଅଡ଼େ ପ୍ରାଟିନାଙ୍ଗା ବିଡ୍ରାଟି ରଅସି ନାଙ୍ଗେ ଝେଞ୍ଜାତେସି, “ଦବ୍‌ଲା ହିମ୍ବରକା ହୁଚାମାନି ଇ ଲକୁ ଆମ୍ବାଆରି ? ଅଡ଼େ ଏଞ୍ଜାରି ଏମ୍ବିଟି ଖାହାମାନେରି ?”

୧୪ ନାନୁ ଏଞ୍ଜାଣାଇଁ ଏଲେଇଚେସ୍, “ଏ ନା ପ୍ରୁ ନାନୁଏ ଏଦାଆଁ ପୁଞ୍ଜାମାଞ୍ଜି” ଏମ୍ବାଟିଏ ଏଞ୍ଜାସି ଏଲେଇଞ୍ଜାତେସି, “ଇଞ୍ଜାରି ଆଜିହପେତି ସାସ୍ତି ଅର୍‌ହାନା ହଚା ଖାହାମାନେରି, ଇଞ୍ଜା ଫେଣ୍ଡା ତାଲୁତି ନେତେରି ତଲେ ଏଞ୍ଜାରି ତାମି ହିମ୍ବରକା ରାଟାନା ଦବ୍‌ଲା କିହାମାନେରି □

୧୫ ଏଦାଆଁତାକି ଏଞ୍ଜାରି ମାହାପୁରୁ ଇଲୁତି ସିଂଗାସାଣି ନକିତା ନିଚାମାନା ଲାଆଁ ମାଦେନା ଏଞ୍ଜାଣି ଜହରା କିନେରି, ଇଞ୍ଜା ସିଂଗାସାଣିତା କୁଗାମାନାସି ଏଞ୍ଜାରାକି ବାସାଟାୟୁ ହାନେସି □

୧୬ ଏଞ୍ଜାରାକି ଏଚେଲାଞ୍ଜା ହାକି କି ଏସ୍‌କି ଆଏ; ଇଞ୍ଜା କାରା କି ଏନି ଝେହ୍‌ନାୟି ତୀଗାଲି ଆଡ଼େଏ □

୧୭ ଇଚିହ୍ନି ସିଂଗାସାଣି ମାଦିତି ଫେଣ୍ଡା ତାଲୁ ଏଞ୍ଜାରି ଫେଣ୍ଡା ଗଡ଼ୁ ଆନେସି □ ଅଡ଼େ ଜୀଞ୍ଜୁହାନି ଏୟୁ ହଚିମାନି ତାଣା ଏଞ୍ଜାରାଇଁ ତାକିକିହା ଅନେସି, ଅଡ଼େ ମାହାପୁରୁ ଏଞ୍ଜାରି କାନୁତି ବାରେ କାଣ୍ଡୁ ଚେଜାତୁହନେସି □”



ସାଡ଼ା ଲମ୍ବର ସୀଲି

୧ ଫେଣ୍ଡା ତାଲୁ ଏଚିବେଲା ସାଡ଼ା ଲମ୍ବର ମୁଦ୍ରା ଦେତି ଦେବୁଣିଏ ଲାକପୁରୁ ଆଦା ଗଟା ପାଚେକା ସାପିଆଡ଼େ □

୨ ଏମ୍ବାଟିଏ ନାନୁ ମାହାପୁରୁ ନକିତା ନିଚାମାନି ସାଡ଼ା ଜାଣା ଦୁତୁୟାଁଇଁ ମେସ୍ତେସ୍, ଏଞ୍ଜାରାକି ସାଡ଼ାଗଟା ତୀଡ଼ି ମହ୍‌ରି ହାପ୍‌କି ଆଡୁ □

୩ ଏମ୍ବାଟିଏ ଅଡ଼େ ର ଦୁତୁ ଞ୍ଜାହାଁ ପିଣ୍ଡା ନକିତା ନିତେସି, ଏଞ୍ଜାଣି କେୟୁତା ବାଂଗାରା ଦୁପ୍‌ଣି ସାଡ଼ଞ୍ଜା ମାଚେ, ଅଡ଼େ ସିଂଗାସାଣି ନକିତି ବାଂଗାରା ପୂଜାପିଣ୍ଡା ଲାକ ବାରେ ମାହାପୁରୁ ଲକୁତି ପ୍ରାଟାନା ତଲେ ହେର୍‌ପାଲି ତାକି ହାରେକା ଦୁପ୍‌ଣି ହାପ୍‌କିଆଡ଼େ □

୪ ଏମ୍ବାଟିଏ ଲାକପୁରୁ ଦୁତୁ କେୟୁତି ଦୁପ୍‌ଣି ବୟ୍‌ ମାହାପୁରୁ ଲକୁତି ପ୍ରାଟାନା ତଲେ ଆଣ୍ଡାନା ମାହାପୁରୁ ନକିତା ଏଗାତେ □

୫ ତାୟୁ ଏ ଦୁତୁ ଦୁପ୍‌ଣି ସାଡ଼ଞ୍ଜାତା ପୂଜା ପିଣ୍ଡାତି ହିଚୁତଲେ ନେଞ୍ଜିକିହାନା ଦାରତି ଲାକ ଡ଼ାଞ୍ଜିତେସି, ଏମ୍ବାଟି ହାଗ୍‌ ଗୁଣ୍‌ତେ ବିଜା ରିନିହାଡ଼ା ଝେଞ୍ଜିତେ ଇଞ୍ଜା ବୁମି ଞ୍ଜାଡିତେ □

ତୀଡ଼ି ଡ଼କିନାୟି

✧ ୨:୧୪ ୨:୧୪ ମାତି ୨୪:୨୧; ମାର୍କ ୧୩:୧୯

୬ ଏଚିବେଲା ସାତା ଜାଣା ତୀତ୍ରି ଆସାମାନି ଦୁତୁୟାଁ ସାତା ଜାଣା ତୀତ୍ରି ଉକାଲି ତିୟାରା ଆଡେତରି □

୭ ର ଲମ୍ବର ଦୁତୁ ତାନି ତୀତ୍ରି ଉକିତେସି ଏଚେଟିଏ ନେତେରି ତଲେ ଆକ୍‌ୟାଁ ଅଡେ ହିରୁ ଆଣ୍ଡି ଆହାଁ ଦାରତି ଲାକ ରିତୁ, ଇଞ୍ଜା ବାରେ ମାର୍‌ନୁ ମାଡା, ହିଇଲି ଜାଡା ତଲେ ଦାରତିତି ତାନି ବାଗାଟି ର ବାଗା ବାରେ ଝେହା ହାଚେ □

୮ ଏଚେଟିଏ ରୀ ଲମ୍ବର ଦୁତୁ ତାନି ତୀତ୍ରି ଉକିନି ଦେବୁଣିଏ ଡାଞ୍ଜିମାନି ର କାଜା ହରୁ ଲେହେଁତାୟି ସାମ୍‌ଦୁରି ଲାକ ରୀତେ ଇଞ୍ଜା ସାମ୍‌ଦୁରିତି ଏୟୁ ତାନି ବାଗାଟି ର ବାଗା ନେତେରି ଆହାହାଚୁ □

୯ ସାମ୍‌ଦୁରିତା ମାନି ତାନି ବାଗାଟି ର ବାଗା ଜୀଝୁ ଗାଟାଇ ହାହାହାଚୁ, ଅଡେ ସାମ୍‌ଦୁରିତା ମାନି ଜାଜାୟାଁ ତାନି ବାଗାଟି ର ବାଗା ଜାଜାୟାଁ ବିଡ଼ହାହାଚୁ □

୧୦ ତାନି ଲମ୍ବର ଦୁତୁ ତୀତ୍ରି ଉକିତେସି, ଇଞ୍ଜା ଦେବୁଣିଏ ହିରୁ ବନ୍ଦାଲେହେଁ ଡାଞ୍ଜିମାନି ର କାଜା ହୁକା ହାଗୁଟି ତାନି ବାଗା କାତା ଅଡେ ଉସାଣାଁ ରୀତେ □

୧୧ ଏ ହୁକାତି ଦରୁ “କାମ୍‌ଲି” ଏଚେଟିଏ ତାନି ବାଗାଟିଏ ର ବାଗା ଏୟୁ କାମ୍‌ଲି ଆଚୁ, ଇଞ୍ଜା ହାଚେରକା ଲକୁ ଏୟୁ ଗସାନା ହାଚେରି, ଇଚିହିଁ ଏଝି କାମ୍‌ଲି କିଝି ଆହାମାଚୁ □

୧୨ ସାରି ଲମ୍ବର ଦୁତୁ ତୀତ୍ରି ଉକିତେସି ଇଞ୍ଜା ଝେଡା, ଲେଞ୍ଜୁ, ହୁକାୟାଁତି ବାରେ ତାନି ବାଗାଟି ର ବାଗା ନସ୍ତୁ ଆଚୁ, ଇଞ୍ଜା ତାନି ବାଗାଟି ର ବାଗା ଉଜେଡି ଉଣା ଆଡେ, ଇଞ୍ଜା ଲାଆଁୟାଁ ମାଦେନା ତାନି ବାଗାଟି ର ବାଗା ଉଜେଡି ଉଣା ଆଡେ □

୧୩ ତାୟୁ ନାନୁ ମେସ୍‌ସେଏଁ, ହାଗୁତି ମାଦି ଉମ୍‌ମାନି ର ଲେଡୁ କାଜା ହାଡାତଲେ ଏଲେଇଞ୍ଜିମାଚାଣି ଝେଚେଏଁ, “ଆହା! ଦାରତିତା ବାସା ଆହାମାନି ଲକୁ ଆଜିହପେତି ତଣ୍ଡ ବେଟାଆନାରି, ଇଚିହିଁ ଅଡେ ତାନି ଜାଣା ଦୁତୁୟାଁ ତୀତ୍ରି ଉକାଲି ହାଜିମାନେରି □”



୧୪ ଏଚେଟିଏ ପାସା ଲମ୍ବର ଦୁତୁ ତୀତ୍ରି ଉକିତେସି ନାନୁ ର ହୁକା ହାଗୁଟି ଦାରତିତା ରିତାଣି ମେସ୍‌ସେଏଁ, ଏଝାଣାକି ତାଡେପୁରୁତି କୁଟିକାଡି ହାପକି ଆହାମାଚେ □

୧୫ ଏଝାସି ଏ ତାଡେପୁରୁ ଗାଡ଼ୟୁ ଦେଚାଲିଏ ଏମ୍‌ପାଟି କାଜା ହଲୁତା ହନିଲେହେଁ ବୟଁଁ ହଚାଝାଚେ, ଇଞ୍ଜା ଏ ହିରୁ ଗାଡ଼ୟୁତି ବୟଁଁଁ ତାକି ଝେଡା ଇଞ୍ଜା ହାଗୁ ଆନ୍ଦେରି ଆଡେ □

୧୬ ଏ ବୟଁଁଁଟି ଗପ୍‌ଏରିକା ହଚାନା ଦାରତିତା ଝାଡୁ, ଏଝାସିକାକି ଦାରତିତି କାଚାକୁପିତା ମାନି ବାସାତି ବାଡ଼ୟୁ ହାପକିଆଡେ □

୧୭ ଏଝି ଦାରତିତି ମାରକା ଗଚା ଜାଡାତି ନସ୍ତୁ କିଆନା, ଆମ୍‌ପାଆରି ମୁଞ୍ଚୁତା ମାହାପୁରୁତି ବୁଚୁ ମୁଦ୍ରା ହିଲାଆଡେ ଏଝାରାଇଁ କସ୍ତ ହାହାଲି ଏଲେଇଶ୍‌ମି ଆଡେ □

୧୮ ଏଝାରାଇଁ ପାୟାଆନା ପାସା ଲେଞ୍ଜୁ ତାକି କସ୍ତ ହାହାଲି ଗପ୍‌ଏରିକାକି ଅଦିକାରା ହାପକିଆଡେ, କାଚାକୁପି କାଚିତେ ଇଚିସାରେ ଏନିକଁଁଁ ବାସା ଆନ୍ଦେ ଏ କସ୍ତ ଏଲେତାୟି □

୧୯ ଏଚିବେଲା ଲକୁ ହାହାଲି ଅଣ୍ଡିନେରି ସାମା ହାଅରି, ଏଝାରି ହାହାଲି ଅଣ୍ଡିନେରି, ସାମା ହାକି ଏଝାରି ତାଣାଟି ହଚାଡୁହ୍‌ନେ □

୨୦ ଏ ଗପ୍‌ଏରିକା ଜୁଜୁତା ହାଜାଲି ତିୟାରା ଆହାମାନି ଗଡାୟାଁ ଲେହେଁ ତଞ୍ଜାଆହିମାଚୁ, ଏଝାସିକା ତାର୍କାଣା ବାଂଗାରା ଗପେରି ଲେହେଁ ପିଡ଼ଗି ଆହାମାଚେ, ଏଝାସିକା ମୁମ୍‌ମାଣ୍ଡିସି ମୁମ୍‌ଲେହେଁ ମାଚେ □

୨୧ ଇୟାସିକା ତାୟୁଁଁଁ ବାଣାୟାଁ ଲେହେଁ ଏଝାସିକା ବାଣାୟାଁ, ସିହିଁଁଁ କ୍ଷାନ୍ତି ପାଲକା ଲେହେଁତି ତାନି ପାଲକା ମାଚୁ □

୨୨ ତାନି ବକତା ଲହ ପାଟା ଲେହେଁତି ପାଟା, ତାନି ମାରାୟାଁ ଝାଡିମାନି ହାଡା ଜୁଜୁ ତାକି ଗଡାୟାଁ ରାତାୟାଁଣି ରେଜା ଅହିମାନି ଲେହେଁତି ହାଡା □

୨୩ କାଚାକୁପିତି ଲେଂଗୁଣି ଇଞ୍ଜା ବାସା ସୂଜା ଲେହେଁ ଏଝାସିକାକି ଲେଂଗୁଣି ଅଡେ ବାସା ସୂଜା ମାଚେ, ପାସା ଲେଞ୍ଜୁ ତାକି ମାଣ୍ଡିୟାଁଇଁଁ ସାସ୍ତି ହିୟାଲି ଏଝାସିକା ଲେଂଗୁଣିକାଣା ବାଡ଼ୟୁ ବେଟାଆହାମାଚୁ □

୨୪ ଏଝାସିକା ମୁହେଁ ର ରାଜା ସାଲ୍‌ଝି କିହିମାନେସି, ଏଝାସି ତାଡେପୁରୁ ଗାଡ଼ୟୁତି ଦୁତୁ, ଏଦାନି ଦରୁ ଏଡି ହାଡାତଲେ ଆବାଦନ୍ ଅଡେ ଗ୍ରିକ୍ ହାଡାତଲେ ଅପଲିୟନ୍ ଇଚିସାରେ “ନାସା କିନାଇ □”

୨୫ ତଲିତି ଆଜିହପେତି ତଣ୍ଡ ଉଣା ଆଡେ ଅଡେ ଜଡେକା ଆଜିହପେତି ତଣ୍ଡୟାଁ ଝାହିମାଚୁ □

୨୬ ସ ଲମ୍ବର ଦୁତୁ ତୀତ୍ରି ଉକିତେସି, ଇଞ୍ଜା ନାନୁ ମାହାପୁରୁ ନକିତି ବାଂଗାରା ପୂଜା ପିଣ୍ଡାତି ସାରିଗଟା କମ୍‌କା ବିଡ଼ାଟି ର ହାଡା ଝେଚେଏଁ □

୨୭ ଏଝାସି ତୀତ୍ରି ଆସାମାନି ସ ଲମ୍ବର ଦୁତୁଇଁଁ ଏଲେଇଚେସି, “ପରାଡୁ କାଜା କାତାତା ଦସ୍‌ପି ଆହାମାନି ସାରି ଜାଣା ଦୁତୁୟାଁଇଁଁ ପିସ୍‌ପି କିମୁ □”

୨୮ ଏମ୍‌ପାଟିଏ ମାଣ୍ଡିୟାଁଇଁଁ ତାନି ବାଗାଟି ର ବାଗା ଲକୁଇଁଁ ପାୟାଲି ତାକି ତିୟାରା ଆହାମାନି ଆମିନି ସାରି ଜାଣା ଦୁତୁୟାଁଇଁଁ ଏ ଦିନା, ଲେଞ୍ଜୁ, ଅଡେ ବାସା କିଝି ଆହାମାଚେ ଏଝାରାଇଁଁଁ ପିସ୍‌ପି କିଝିଆଡେ □

୨୯ ଗଡାୟାଁଁଁ ଲାକ କୁଗାନା ଜୁଜୁ କିନାରି ରୀ କଟି ମାଚେରି ନାନୁ ଝେଚେଏଁ □

୩୦ ଅଡେ ନାନୁ ଗଡା ଇଞ୍ଜା ଏମ୍‌ପାଆଁ ହଚାମାନାରାଇଁଁ ମେସ୍‌ସେଏଁ, ଏଝାରି ବକ ପାଟା ହିରୁ ଅଡେ ନୀଲି, ହାଚେରି ଝାଣା; ଗଡାୟାଁଁଁ ତାର୍କା ସିହିଁଁଁ କ୍ଷାନ୍ତି ତାର୍କା ଲେହେଁ, ଇଞ୍ଜା ଏଝାସିକା ଗୁଡିଟି ହିରୁ, ବୟଁଁଁ, ଅଡେ ଗାନ୍ଦାଗୁଣା ହଚିମାଚେ □

୧୮ ଏଞ୍ଜାସିକା ଗୁଡିଟି ହିରୁ, ବୟ୍, ଅଡେ ଗାନ୍ଦାଗୁଣ୍ଡା ଲେହେଁ ଇ ତାନିଗଟା ତଣ୍ଡୟାଁ ହତୁ, ଇ ତଣ୍ଡୟାଁଟି ମାଣସିୟାଁ ତାନି ବାଗାଟି ର ବାଗା ପାୟ୍‌ଝି ଆଡେରି □

୧୯ ଏନାଆଁତାକି ଇଚିହଁ ଗଡ଼ାୟାଁତି ବାଡ଼ୟ୍ ତାନି ଗୁଡି ଅଡେ ଲେଂଗୁଣିତା ମାଚେ, ଇଚିହଁ ଏଞ୍ଜାସିକା ଲେଂଗୁଣିକା ତାୟ୍ ଗାଟି ରାଚୁ ଲେହେଁ ମାଚାକି ତାନି ଲେଂଗୁଣିକା ତଲେ ଲକୁଣି ନସ୍ତୁ କିହିମାରୁ □

୨୦ ଆମିନି ଲକୁ ଇ କସ୍ତତଲେ ପାୟ୍‌ଝି ଆହା ହିଲାଆଡେରି, ଏଞ୍ଜାରି ତାନି କେୟ୍‌ତଲେ କିତି କାମାତାକି ମନ ଝେଟ୍‌ପି କିଆଡେରି, ଇଚିହଁ ବୁଡ଼ୟାଁଣି ପୂଜା, ଅଡେ ମେସାଲି, ଝେଞ୍ଜାଲି, ତାକାଲି ଆଡ଼ାଆଗାଟି ବାଂଗାରା, ଝେଣ୍ଡି, ପିତାଡ଼ା, ଝାଲକା ଅଡେ ମାରକା ତଲେ କେପିତି ପେଣ୍ଡକା ବମାୟାଁଣି ପୂଜା କିହାଲି ପିହିଆଡେରି □

୨୧ ଅଡେ ଏଞ୍ଜାରି ଲକୁଣି ପାୟିନାୟି, ଗୁଣି ଗାର୍ଡ଼ି, ଦାରିକାମା, ଅଡେ ସରୁ କାମା କିନିତାଣାଟି ମନ ଝେଟ୍‌ଆଡେରି □

୧୦

ଲାକପୁରୁତି ଦୂତୁ ଅଡେ ରୁପିତି ଉଣା ପତି

୧ ଏଚେଟିଏ ନାନୁ ର ବାଡ଼ୟ୍‌ଗାଟି ଦୂତୁଇଁ ଲାକପୁରୁତି ରେଟା ଝାହିମାଗାଣି ମେସ୍ତେଏ, ଏଞ୍ଜାଣି ସାରିସୁରୁ ଦୂନ୍ଦା ଇଞ୍ଜା ତାନି ତାୟ୍ ଲାକ ଦାରଣକି ଅଡେ ତାନି ମୁମ୍ ଝେଡ଼ା ଲେହେଁ ଅଡେ ତାନି କଡ଼ାୟାଁ ହିରୁ ମୁଣ୍ଡାଲେହେଁ ତଞ୍ଜାଆହିମାରୁ;

୨ ତାନି କେୟ୍‌ତା ଦେପି ଆହାମାନି ର ଉଣା ତଲୁ ପତି, ଏଞ୍ଜାସି ତାନି ଚିଃନି କଡ଼ା ସାମ୍‌ଦୁରିତା ଅଡେ ଚେବୁ କଡ଼ା ଦାର୍‌ତିତା ଇଟାମାଚେସି;

୩ ସିହଁକ୍ଟାଃନି ଗାଜ୍‌ନିଲେହେଁ କାଜା ହାଡ଼ାତଲେ ହାଟିତେସି, ଏଞ୍ଜାସି ହାଟାଲିଏ ଏଲେକିହଁ ଏ ସାଡ଼ାଗଟା ହାଗୁ ଗୁଣ୍ଡନାଇ ତାନି ହାଡ଼ା ଝେଜ୍‌ କିତୁ □

୪ ଏ ସାଡ଼ାଗଟା ହାଗୁ ଗୁଣ୍ଡନାଇ ଝେସାଲିଏ ନାନୁ ରାଟିଇଁ ଇଞ୍ଜା ତିୟାରା ଆଡେଏ, ଏଚେଟିଏ ନା ତାକି ହାଗୁଟି ଇ ହାଡ଼ା ଝେଚେଏ, “ଏ ସାଡ଼ାଗଟା ହାଗୁ ଗୁଣ୍ଡନିତାଣାଟି ଏନାଆଁ ଝେଞ୍ଜାମାଞ୍ଜି ଏଦାଆଁ ରାଟାଆନା ଡ଼କୁହା ଇଟାମୁ □”

୫ ଏଚେଟିଏ ଆମିନି ଦୂତୁଇଁ ସାମ୍‌ଦୁରି ଅଡେ ଦାର୍‌ତି ଲାକ ନିଚାମାଗାଣି ନାନୁ ମେସାମାଚେଏ, ଏଞ୍ଜାସି ତାନି ଚିଃନି କେୟ୍ ଲାକପୁରୁ ଝାକି ଦାସାନା

୬ ଆମ୍ବାଆସି ଲାକପୁରୁ, ଦାର୍‌ତି, ସାମ୍‌ଦୁରି, ଅଡେ ଏମ୍ବାଆଁ ମାନାଣି ବାରେ ଗାଡ଼ି କିହାମାନେସି, ଏ କାଲେଏ ତାକି ନୀତାମାନାଣି ଦରୁଟି ପାର୍‌ମାଣା କିହାନା ଏଲେଇଚେସି, “ଅଡେ ଝେଡ଼ା ଆଏଦେଁ”

୭ ଏଚିବେଲାତା ସାଡ଼ା ଲମ୍‌ର ଦୂତୁ ତୀଡ଼ି ଉକିନେସି, ମାହାପୁରୁ ଅଣ୍‌ପୁତି ବଲ୍ଲୁ ଝେକ୍‌ନାରି ଅଡେ ତାନି ସେବା

କିନାରାଇଁ ନେହଁ କାରୁ ଝେସାମାଚେସି, ଏଚିବେଲା ମାହାପୁରୁ ତାନି ଡ଼ଗୁାମାନି ଅଣ୍‌ପୁ ପୁରା କିନେସି □

୮ ଇଞ୍ଜା ନାନୁ ଲାକପୁରୁଟି ଆମିନି ହାଡ଼ା ଝେଞ୍ଜା ମାଚେଏ, ଅଡେ ଝେଣ୍ଡେ ନା ତାକି ଏଲେଇଞ୍ଜି ଝେଜ୍‌ତେ, “ହାଲାମୁ, ସାମ୍‌ଦୁରି ଅଡେ ଦାର୍‌ତି ଲାକ ନିଚାମାନି ଦୂତୁ କେୟ୍‌ତା ଆମିନି ତଲୁ ପତି ଦେପିଆହାମାନେ ଏଦାଆଁ ଅମୁ □”

୯ ଏଚେଟିଏ ନାନୁ ଏ ଦୂତୁ ତାଗେ ହାଜାହାଁ ଏ ଉଣା ତଲୁ ପତିତି ରୀସ୍ତେଏ, ଏଞ୍ଜାସି ନାଜେ ଏଲେଇଞ୍ଜାତେସି, “ଇଦାଆଁ ଅହାଁ ତିନାମୁ; ଇଦି ନୀ ବାଣ୍ଡିତି କାମ୍‌ଲି କିୟାନେ ସାମା ନୀ ଗୁଡି ତାକି କିରୟାଁ ଲେହେଁ ଆନେ □”

୧୦ ଏଚେଟିଏ ନାନୁ ଦୂତୁ କେୟ୍‌ଟି ଏ ଉଣା ତଲୁ ପତି ଅହାଁ ତିଚେଏ, ଏଦି ନା ଗୁଡି ତାକି କିରୟାଁ ଲେହେଁ ଆଡେ, ସାମା ଏଦାଆଁ ତିଚି ତାୟ୍ ନା ବାଣ୍ଡି କାମ୍‌ଲି ଆହାହାଚେ □

୧୧ ଏଚେଟିଏ ନାଜେ ଏଲେଇଞ୍ଜି ଝେସ୍ତାତେସି ହାଚେକା ଗଟି, କୁଡ଼ା, ହାଡ଼ା ଗାଟାରି ଅଡେ ରାଜାୟାଁ କପାଟି ତାୟ୍ ଏନାୟି ଗଟ୍‌ଝି ଆନେ ଏଦାଆଁ ନାନୁ ଅଡେ ଝେଣ୍ଡେ ଝେହ୍‌ନାୟି ମାନେ □

୧୧

ରିଆରି ସାକି ହାନାରି

୧ ଏଚେଟିଏ ନାଜେ ଲାଟିନି ଲେହେଁତି ର ବାଡ଼ଗା ହୀପକିଆଡେ, ରଅସି ନାଜେ ଏଲେଇଞ୍ଜାତେସି, “ହାଲାମୁ, ମାହାପୁରୁ ଦେଝୁଡ଼ି, ପୂଜାପିଣ୍ଡା ଲାଟାମୁ ଅଡେ ଆମ୍ବାଆରି ଏମ୍ବାଆଁ ପ୍ରାଡ଼ାନା କିନେରି ଏଞ୍ଜାରାଇଁ ଏଜିକିମୁ □

୨ *ସାମା ଦେଝୁଡ଼ି ପାଜାଟି ଆଂଗେଣିତି ପିହିମୁ ଏଦାଆଁ ଲାଟାଆନି, ଇଚିହଁ ଏଦି ଜୀହୁଦିଆଆତାରାକି ହୀପକି ଆହାମାନେ, ଏଞ୍ଜାରି ରୀ କଡ଼ି ରୀ ଲେଞ୍ଜୁ ପାତେକା ମାହାପୁରୁ ସୁତୁ ଗାଡ଼ାତି କଡ଼ାତଲେ ଝିସାନା ଦୂଡ଼ି କିନେରି □

୩ ଅଡେ ନାନୁ ନା ରୀ ସାକିୟାଁଇଁ ପାଣ୍ଡିଇଁ ଏଞ୍ଜାରି ବାସ୍ତାୟାଁ ପର୍‌ହାନା ୧,୨୬୦ ଦିନା ପାତେକା ମାହାପୁରୁ ଅଣ୍‌ପୁତି ବଲ୍ଲୁ ଝେକ୍‌ନେରି □”

୪ ଏଞ୍ଜାରି ଦାର୍‌ତିତି ପ୍ରବୁତି ନକିତା ନିଚାମାନି ରୀ ଜୀତ ମାରକା ଅଡେ ରୀ ଦୀଝି ସଡ଼ାୟାଁ ଲେହେଁତାରି □

୫ ଆମ୍ବାଆସି ଏଞ୍ଜାରାଇଁ ନସ୍ତୁ କିହାଲି ଅଣ୍‌ପିନେସି, ଆତିହଁ ଏଞ୍ଜାରି ଗୁଡିଟି ହିରୁ ହଡ଼ାହାଁ ଏଞ୍ଜାରି ସାଡ଼ୁୟାଁଇଁ ନାସାକିନେ, ଆମ୍ବାଆସି ଏଞ୍ଜାରାଇଁ ନସ୍ତୁ କିହାଲି ଅଣ୍‌ପିତିହଁ, ଏଞ୍ଜାସି ନାସା ଆନେସି □

୬ ଏଞ୍ଜାରି ମାହାପୁରୁ ବଲ୍ଲୁ ଝେକ୍‌ନାଟି ଏନିକଁ ପିୟୁ ଆଏ ଏଦାଆଁତାକି ହାଗୁଡି ସୁଣ୍ଡାଲି ଅଦିକାରା ହୀପକି ଆହାମାନେ, ଏଚର ଦେବା ଏଞ୍ଜାରି ମନ ଆନେ ଏଚର ଦେବା ଏଞ୍ଜାରି ଏୟୁଣି ନେତେରି ମ୍ପୁହାଲି ଅଡେ ଦାର୍‌ତିତି ଏନି ଇଚି ଏଲେତି ମର୍‌ଡ଼ି ତଲେ ତଣ୍ଡ ହୀହାଲି ଏଞ୍ଜାରାକି ଅଦିକାରା ମାନେ □

☆ ୧୧:୨ ୧୧:୨ ଲୁକ ୨୧:୨୪ ☆ ୧୧:୭ ୧୧:୭ ଝେ ବଲ୍ଲୁ ୧୩:୫-୭; ୧୭:୮

୭ ☆ଏଞ୍ଜର ସାକି ହୀହାଲି ରାଡ଼ି ତାୟୁ ତାଡ଼େପୁରୁ
ଗାଡ଼ୁୟୁଟି ର ଜନ୍ତ ହଚାଞ୍ଜାହାନା, ଏଞ୍ଜରତଲେ ଜୁଜୁ କିନେ
□

୮ ଏମ୍ବାତି ଏମିନି କାଜା ଗାଡ଼ା ସୁଦୁଜୀଝୁ ତଲେ ସଦମ
ଅଡ଼େ ମିସର ଇଞ୍ଜିଁ ଇନେରି, ଏମିନିତାଣା ତାମି ପ୍ରବୁ
ଜିକେଏ ପାସିତା ହାହାମାଚେସି, ଏ କାଜା ଗାଡ଼ାତି
ଆଂଗେଣିତା ଏଞ୍ଜର ମାଡ଼ହାୟାଁ ତୟିନୁ □

୯ ଅଡ଼େ ବାରେ ଦେସା ଗତି, ହାଡ଼ା, ଇଞ୍ଜା କୁଲୁତି
ଲକୁ ତାନିଦିନା ଆଦା ପାତେକା ଏଞ୍ଜର ମାଡ଼ହାୟାଁଇଁ
ମେହ୍‌ନେରି ଅଡ଼େ ଏ ମାଡ଼ହାୟାଁଇଁ ମୁସାଲି ହେଲ ହୀଅରି
□

୧୦ ଏଚେଟିଏ ଦାର୍ତତିତା ବାସା ଆହାମାନାରି ଏଞ୍ଜରି
ହାଡ଼ି କାବୁ ଝେଞ୍ଜାନା ତିଞ୍ଜି ଉଣ୍ଡିହଁ ରାହାଁ କିନେରି, ଅଡ଼େ
ରଅସି ରଅଣାକି ରାହାଁତଲେ ବେଟୁ ହୀପକି ଆନେରି,
ଇଚିହଁ ଇ ରୀ ମାହାପୁରୁ ଅଣ୍ଡପୁତି ବଲ୍ଲୁ ଝେହ୍‌ନାରି
ଦାର୍ତତି ଲକୁଣି କସୁ ହୀହମାଚେରି □

୧୧ ତାନିଦିନା ଆଦା ତାୟୁ ମାହାପୁରୁ ତାଣାଟି ଜୀଝୁତି
ଗାଲି ଖାହାଁ ଏଞ୍ଜରି ଆଜାତା ହଚେ, ଏଚେଟିଏ ଏଞ୍ଜରି
କଡ଼ାଣି ବାଡ଼ୁୟୁ କିହାନା ନିତେରି, ଅଡ଼େ ଆମ୍ବାଆରି ଇ
କାମାତି ମେସ୍ତେରି ଏଞ୍ଜରି ଆଜାହାଚେରି □

୧୨ ଏଚେଟିଏ ଏଞ୍ଜରି ଲାକପୁରୁଟି ର କାଜା ହାଡ଼ାତଲେ
ଏ ରିଆରାକି ଏଲେ ଇଞ୍ଜିମାଚାଣି ଝେଚେରି, “ଇମ୍ବାଆଁ
ଝାଦୁ” ଏଚେଟିଏ ଏଞ୍ଜରି ତାମି ସାଡ଼ୁୟାଁ ଏଞ୍ଜରାଇଁ
ମେସ୍‌ପନିଏ ଦୁହା ତଲେ ଲାକପୁରୁ ହାଚେରି □

୧୩ ☆ଏ ଦେବୁଣିଏ ବୁମି ହାଚେରକା ଝାଡ଼ିତେ ଅଡ଼େ
ଗାଡ଼ାତି ଦସ ବାଗାଟି ର ବାଗା ନାସା ଆଡ଼େ, ଅଡ଼େ
୭,୦୦୦ ଲକୁ ହାଚେରି, ଇଞ୍ଜା ଏଚେକା ଲକୁ ନୀତାମାଚେରି
ଆଜିତାକି ଲାକପୁରୁତି ମାହାପୁରୁଇଁ ଗାଝୁରମି କିତେରି □

୧୪ ରୀ ଲମ୍ବର ଆଜିହ୍‌ପେତି ତଣ୍ଡ ରାଡ଼େ, ସାମା ତାନି
ଲମ୍ବର ଆଜିହ୍‌ପେତି ତଣ୍ଡ ତବେ ଝାହିମାନେ □

ସାତା ଲମ୍ବର ତୀତ୍ରି ମହୁରି

୧୫ ତାୟୁ ସାତା ଲମ୍ବର ଦୁତୁ ତୀତ୍ରି ଉକିତେସି ଇଞ୍ଜା
ଲାକପୁରୁ କାଜା ହାଡ଼ାତଲେ ଇ ହାଡ଼ା ଝେଞ୍ଜିତେ, “ମା
ପ୍ରବୁ ଅଡ଼େ ଏଞ୍ଜାଣି ମସିହା ଦାର୍ତତି ସାଲୁଝି କିନି
ଅଦିକାରା ନୀଏଁ ତାନି କେୟୁତା ଅହାମାନେସି, ଏଞ୍ଜାସି
କାଲେଏ ତାକି ରାଜି କିନେସି □”

୧୬ ଏଚେଟିଏ ମାହାପୁରୁ ନକିତା ଜାହା ଜାହାରା
ସିଂଗାସାଣିତା କୁଗାମାନି କଡ଼େ ସାରି ଜାଣା ପ୍ରାତିନାଙ୍ଗା ମୁନୁ
କୁତାହାଁ ମାହାପୁରୁଇଁ ଜହରା କିହାଁ,

୧୭ ଏଲେଇଚେରି,
“ପ୍ରବୁ, ବାରେକିହାଁ ବାଡ଼ୁୟୁଗାଟି ମାହାପୁରୁ, ନୀନୁ ନୀଏଁ
ଅଡ଼େ ତଲିତାତି,
ମାମୁ ନିଙ୍ଗେ ଜହରା କିହିମାଞ୍ଜାନମି;

☆ ୧୧:୧୩ ୧୧:୧୩ ଝେ ବଲ୍ଲୁ ୬:୧୨; ୧୬:୧୮ ☆ ୧୧:୧୯ ୧୧:୧୯ ଝେ ବଲ୍ଲୁ ୮:୫; ୧୬:୧୮; ଝେ ବଲ୍ଲୁ ୧୬:୨୧ ☆ ୧୨:୭ ୧୨:୭ ଜୀହୁଦା ୧:୯
☆ ୧୨:୯ ୧୨:୯ ଲୁକ ୧୦:୧୮

ଏନାଆଁତାକି ଇଚିହଁ ନୀନୁ ନୀ କାଜା ବାଡ଼ୁୟୁ ତଲେ
ସାଲୁଝି କିୟାଲି ଅଦିକାରା ନୀଞ୍ଜୁଟିଏ ଅହାମାଞ୍ଜି □

୧୮ ଜୀହୁଦିଆଆତାରି କାର୍‌ବି ଆହାମାଚେରି,
ସାମା ନୀଏଁ ନୀ କପା ଆନି ଦିନା ଝାଡ଼େ,
ଇଞ୍ଜା ହାଡ଼ାରି ନୀଏଁ ନୀହାଁୟି କିଝିଆନେରି,
ଇଞ୍ଜା ନୀ ହଲିୟାଙ୍ଗା ମାହାପୁରୁ ଅଣ୍ଡପୁତି ବଲ୍ଲୁ ଝେହ୍‌ନାରି,
ମାହାପୁରୁ ଲକୁ, ଅଡ଼େ ନୀ ଦରୁତି ଆଜିନି କାଜାରି
ଇଚାରି ବାରେ ଲକୁ ଦାନା ବେଟାଆନେରି,
ଅଡ଼େ ଆମ୍ବାଆରି ଦାର୍ତତି ନାସା କିନେରି ଏଞ୍ଜାରି
ଜିକେଏ ନାସା ଆନେରି □”

୧୯ ☆ଏଚେଟିଏ ଲାକପୁରୁ ମାନି ମାହାପୁରୁ ଇଲୁତି ଦାରା
ଦେପିଆଡ଼େ, ଅଡ଼େ ତାନି ଇଲୁତା ମାନି ରାଜିମାନାତି
ପେଡ଼ା ତଞ୍ଜାଆଡ଼େ, ଅଡ଼େ ବିଲିବାଲା ମିହ୍‌ନାୟି, ହାଚେରକା
ଗିୟାଁ, ହାଗୁ ଗୁଣ୍ଡି ହାଡ଼ା, ଇଞ୍ଜା ବୁମି ଝାଡ଼ିତେ ଅଡ଼େ
ହାଚେରକା ଆଜିୟାଁ ରିତୁ □

୧୨

ଆୟାଟି ଅଡ଼େ ରାଚୁ

୧ ତାୟୁ କାବାଆନି ଲେହେଁତି ସିନା ହାଗୁତା ତଞ୍ଜାଆଡ଼େ,
ର ଆୟାଟି ଲେଞ୍ଜୁ ଲାକ ନିଚାମାଚେ ଅଡ଼େ ଝେଡ଼ାତି
ଉଜେଡ଼ି ପର୍‌ହାମାଚେ □ ଏଦାଣି ତାୟୁଁ ତୁ ବାରଗଟା
ହୁକାୟାଁଗାଟି ଟପେରି ମାଚେ □

୨ ଏଦି ପୁରା ମାସା ଆହାନା ଜାନିକିନି ବେଲାତା
ଲୁଞ୍ଜିନି ବୀସା ତାକି କସୁ ବେଟାଆହିମାଚେ □

୩ ଏଚିବେଲା ହାଗୁ ଲାକ କାବାଆନି ର ସିନା
ତଞ୍ଜାଆଡ଼େ, ଏମ୍ବାଆଁ ପାଟୁ ଝାଣାଗାଟି କାଜା ରାଚୁ ଏ
ରାଚୁକି ସାଡ଼ାଗଟା ତାର୍‌କା, ଇଞ୍ଜା ଦସଗଟା କମ୍‌କା, ଅଡ଼େ
ତାର୍‌କା ଲାକ ସାଡ଼ାଗଟା ଟପେରିକା ମାଚୁ □

୪ ତାନି ଲେଂଗୁଣି ତଲେ ହାଗୁତି ତାନି ବାଗା ହୁକାୟାଁଣି
ଦାର୍ତତି ଲାକ ମେଡ଼ହେ, ଇଞ୍ଜା ଏ ରାଚୁ, ଜାନିକିନି
ଦେବୁଣିଏ ଇୟାନି ତାଲୁତି ଗୁସାଲି ଏଦାନି ନକିତା ନିତେ
□

୫ ଆମ୍ବାଆସି ବାରେ କୃଡ଼ାତି ଲକୁଣି ଲହ୍‌ ବାଡ଼ୁଗା ତଲେ
ସାଲୁଝି କିନେସି ଇଲେତି ର କକାଣି ତାଲୁଇଁ ଏ ଇୟା
ଜାନିକିତେ, ଅଡ଼େ କକାଣି ତାଲୁଇଁ ମାହାପୁରୁ ଇଞ୍ଜା ତାନି
ସିଂଗାସାଣି ନକିତା ପେର୍‌ହା ଅଝିଆଡ଼େ □

୬ ଅଡ଼େ ଏ ଇୟା ଲକୁ ହିଲାଆ ବାଗାତା ହଚେ, ଏମ୍ବାଆଁ
୧,୨୬୦ ଦିନା ପାତେକା ପହିକିଝି ଆୟାଲି ମାହାପୁରୁ
ତାଣାଟି ଏମ୍ବାଆଁ ଏଦାନାକି ର ଚାୟୁ କେପି ଆହାମାଚେ □

୭ ☆ଏମ୍ବାଟିଏ ଲାକପୁରୁ ଜୁଜୁ ଆଡ଼େ, ମିକାୟେଲ ଅଡ଼େ
ତାନି ଦୁତୁୟାଁ ଏ ରାଚୁ ତଲେ ଜୁଜୁ କିତୁ, ଏଚେଟିଏ ଏ ରାଚୁ
ଅଡ଼େ ତାନି ଦୁତୁୟାଁ ଜିକେଏ ଜୁଜୁ କିତେରି □

୮ ସାମା ରାଚୁ ଇଞ୍ଜା ତାନି ଦୁତୁୟାଁ ଜୀଣା ଆହାଲି
ଆଡ଼ାଆଡୁ, ଇଞ୍ଜା ଲାକପୁରୁ ଏଝି ଚାୟୁ ବେଟାଆଆଡୁ □

୯ ☆ଏତିବେଳା ଦାର୍ତ୍ତିତ ନାଡ଼ିକିନି ପଲ୍ଲୁଆ ପେନ୍ଦୁ ଇଞ୍ଜା ସୟତାନ ଦରୁଟି ଝେକ୍‌ତି କାଜା ରାଚୁ ଏ ପ୍ଲୁଃଇ ନାଗା, ଏଦି ତାନି ଦୁତୁୟା ତଲେ ଦାର୍ତ୍ତିତା ମେଡ଼ପି ଆଡେ □

୧୦ ଏଚେଟିଏ ଲାକପୁରୁଟି ଏଲେଇଞ୍ଜି ର କାଜା ହାଡ଼ା ଝେଚେଏ, ନୀଏ ମାହାପୁରୁ ତାଣାଟି ଗେଲ୍‌ପିନାୟି ଏଗାଝାଡେ, ତାନି ରାଜି ଅଡେ ବାଡ଼ୁୟୁ ଇଞ୍ଜା କ୍ରୀସ୍ତୁଟି ଅଦିକାରା ଝାହାମାନେ, ଇତିହ୍ ଆମିନି ସାତୁ ମା ତାୟି ତାଲ୍‌ସ୍ତା କପାଟି ନିଙ୍ଗାନା ଲାଆଁ ମାଦେନା ମାହାପୁରୁ ନକିତା ଦାଝା କିହିମାଚେ, ଏଦି ଲାକପୁରୁଟି ଦାର୍ତ୍ତିତା ମେଡ଼ପି ଆହାମାନେ □

୧୧ ଏଝାରି ମେଣ୍ଡା ତାଲୁତି ନେତେରି ତଲେ ଅଡେ ଝେକ୍‌ହାମାନି ସାତା କାତାତଲେ ଜୀଣା ଆହାମାନେରି ଇଞ୍ଜା ଏଝାରି ହାହାଲିତାକି ଜିକେଏ ତାନି ଜୀଝୁଇଁ ଜୀଝୁ ନହାଁ ହିଲାଆତେରି □

୧୨ ଏଦାଆଁତାକି ଏ ଲାକପୁରୁ ଅଡେ ଏମ୍ବାଆଁ ବାସା ଆହାମାନାତେରି ରାହାଁ ଆଦୁ, ସାମା ଦାର୍ତ୍ତି ଅଡେ ସାମଦୁରି ମୀରୁ ତଣ୍ଡ ବେଟା ଆନାତେରି ଏନାଆଁତାକି ଇତିହ୍ ତାନି ବେଲା ହାରେକା ଓଣା ମାନେ ଇଞ୍ଜା ପୁଞ୍ଜାନା ପଲ୍ଲୁଆ ପେନ୍ଦୁ ସୟତାନ ହାରେକା କପାତଲେ ମୀ ତାଣା ରେଟା ଝାହାମାନେ □

୧୩ ରାଚୁ ଜାହାରାଇଁ ଦାର୍ତ୍ତିତା ମେଡ଼ପି ଆହାମାନାଣି ମେସାନା ଏ କକାଣି ତାଲୁଇଁ ଜାନ କିତି ଇୟାନି ଜେଟ ଜେଟ ପେରହା ଅଡେ □

୧୪ ଏଚେଟିଏ ଏ ଇୟା ରାଚୁ ଗୁଡିଟି ଏନିକ୍ ଗେଲ୍‌ପିଆହାଁ ତାନି ବାର୍ସା ସ ଲେଞ୍ଜୁ ପାତେକା ପହିକିଝି ଆନେ, ଏଦାଆଁତାକି ଲକୁ ହିଲାଆ ବାଟାତି ତାନି ଚାୟୁତା ଓମ୍ବାହାଜାଲି ଲେଡ଼ତୁ ରୀ ମାରାୟାଁ ହୀପକି ଆତୁ □

୧୫ ଏଚେଟିଏ ଏ ଇୟାନି ଅଝି କିୟାଲି ରାଚୁ ତାନି ଗୁଡିଟି ର କାଜା କାତା ଏୟୁ ହପ୍‌ହେ □

୧୬ ସାମା ଏ ଇୟାନି ସାୟେମି କିହାଲି ଦାର୍ତ୍ତି ତାନି ଗୁଡିଟି ଦେଟାନା ରାଚୁ ଗୁଡିଟି ହଡି କାତା ଏୟୁଣି ଗୁସ୍ତେ □

୧୭ ଏଚେଟିଏ ରାଚୁ ଏ ଇୟାନି ହାରେକା କପା ଆହାଁ ତାନି କୁଡାତାରି ଏଚେକା ଲକୁ ମାହାପୁରୁଟି ହୁକୁମି ମାନଝି ଆହାଁ ଜୀସ୍ତୁଟି କାତା ଝେସିମାନେରି, ଏଝାରିତଲେ ଜୁଜୁ କିହାଲି ହାଚେ □

୧୮ ଇଞ୍ଜା ରାଚୁ ସାମଦୁରି ଗାଟୁଟି ବାଃଲିତା ନିତେ □

୧୩

ରୀ ଜନ୍ମୟାଁ

୧ ☆ଏଚେଟିଏ ନାନୁ ସାମଦୁରି ମାଦିଟି ହଚାଝାହିମାନି ର ଜନ୍ମ ମେସ୍ତେଏ, ଏଝାଣାକି ଦସଗଟା କମ୍‌କା ଅଡେ ସାତାଗଟା ତାର୍‌କା, ତାନି କମ୍‌କାଣା ଦସଗଟା ଟପେରିକା ଇଞ୍ଜା ତାର୍‌କା ଲାକ ମାହାପୁରୁ ନିନ୍ଦାକିନି ର ର ଦରକା ମୀରୁ □

☆ ୧୩:୧ ୧୩:୧ ଝେ ବଲ୍ଲୁ ୧୭:୩,୭-୧୨

୨ ଏ ଜନ୍ମ ତୀରିରେଙ୍‌ଣା କ୍ଳାଠନି ଲେହେଁ ତଞ୍ଜାଆହିମାଚେ, ତାନି କତାୟାଁ ଅଃଅଡି କତାୟାଁ ଲେହେଁ ଇଞ୍ଜା ଗୁଡି ସିହ୍‌କ୍ଳାଠନି ଗୁଡି ଲେହେଁ ଏ କାଜା ରାଚୁ ଜନ୍ମକି ତାନି ବାଡ଼ୁୟୁ, ସିଂଗାସାଣି, ଅଡେ ବାରେ ଅଦିକାରା ହୀତେ □

୩ ଏ ଜନ୍ମତି ତାୟୁଁ ତୁ ଆମିନି ହାନ୍‌ଲେହେଁଟି ଗାହାଁ ତଞ୍ଜାଆହିମାଚେ, ସାମା ଏ ଗାହାଁ ନେହ୍ ଆଡେ, ଅଡେ ଦାର୍ତ୍ତିତା ମାନାରି ବାରେ କାବା ଆହାଁ ତାନି ଜେଟ ହାଚେରି □

୪ ଅଡେ କାଜା ରାଚୁ ଜନ୍ମକି ତାନି ଅଦିକାରା ହୀତାକି ଏଝାରି ରାଚୁଇଁ ଜହରା କିତେରି, ଏଝାରି ଏ ଜନ୍ମଇଁ ଜିକେଏ ଜହରା କିହାଁ ଏଲେଇଚେରି, “ଆମ୍ବାଆସି ଇ ଜନ୍ମ ଲେହେଁ ଆନେସି ଅଡେ ଆମ୍ବାଆସି ଏଦାଣି ତଲେ ଜୁଜୁ କିହାଁ ଜୀଣା ଆନେସି □”

୫ ଏଦାନାକି ଆକାରା ଅଡେ ମାହାପୁରୁ ନିନ୍ଦାତି କାତା ଝେସାଲି ଗୁଡି ହୀଝିଆଡେ, ଅଡେ ରୀ କଡି ରୀ ଲେଞ୍ଜୁ ପାତେକା ସାଲଝି କିୟାଲି ଅଦିକାରା ହୀପକିଆଡେ □

୬ ଏମ୍ବାଟିଏ ଏଦି ତାନି ଗୁଡି ଏକ୍‌ହାନା ମାହାପୁରୁ ନିନ୍ଦା କାତା ଜଲାନା, ମାହାପୁରୁ ଦରୁ, ମାହାପୁରୁ ବାସାଆନ୍ତି ଚାୟୁ, ଅଡେ ଲାକପୁରୁ ବାସା ଆହାମାନାରାଇଁ, ବାରେଟି ନିନ୍ଦା କିତେ □

୭ ବାରେ ମାହାପୁରୁ ଲକୁଇଁ ଜୁଜୁ କିହାଁ ଜୀଣା ଆହାଲି ଅଦିକାରା ହୀଝିଆହାମାଚେ, ଅଡେ ବାରେ ଗଟି, କୁଡା, ହାଡ଼ା, ଦେସା, ଲାକ ଅଦିକାରା ହୀଝିଆହାମାଚେ □

୮ ଆମ୍ବାଆରି ଦରୁ ଦାର୍ତ୍ତିତ ଗାଡି ଆଆ ନକେଏ ପୂଜା ମେଣ୍ଡା ତାଲୁତି ଜୀଝୁଗାଟି ପତିତା ରାସ୍‌କି ଆହାହିଲେଏ, ଦାର୍ତ୍ତିତା ବାସା କିହାମାନି ଏ ବାରେ ଲକୁ ଏ ଜନ୍ମଇଁ ଜହରା କିନେରି □

୯ “ଆମ୍ବାଆରାକି କୀର୍‌କା ମାନୁ ଏଝାସି ଝେଣ୍‌ମ୍ବାସି!

୧୦ ଆମ୍ବାଆସି ଦସାହାଁ ଅନେସି, ଏଝାସି ଏଲେକିହ୍ ଏ ଦସପି ଆନେସି, ଆମ୍ବାଆସି କାଣ୍ଡାତଲେ ପାୟିନେସି, ଆଡିହ୍ ଏଝାସି ଏଲେଆହ୍ ଏ କାଣ୍ଡାତଲେ ପାୟୁଝି ଆନେସି, ଏତିବେଲାତା ମାହାପୁରୁ ଲକୁତାକି ନାନୁ ଅଡେ ଅରହିନାୟି ଲଡ଼ାମାନେ □”

୧୧ ଏଚେଟିଏ ନାନୁ ର ଜନ୍ମଇଁ ବୁମି ବିତାଟି ହଚାଝାଡ଼ାଣି ମେସ୍ତେଏ, ମେଣ୍ଡା ତାଲୁ ଲେହେଁ ଜଡେକା କମ୍‌କା, ଅଡେ ଏଦି ରାଚୁ ଲେହେଁ କାତା ଆହିମାଚେ □

୧୨ ଏ ଜନ୍ମ ନକେଏତି ଜନ୍ମ ନକିତା ତାନି ବାଡ଼ୁୟୁ ତସାନା ଏମିନି ନକେଏତି ଜନ୍ମକି ହାନ୍‌ଲେହେଁଟି ଗାହାଁ ମାଡ଼ାମାଚେ, ଏଦାନି ଜହରା କିହାଲି ଦାର୍ତ୍ତି ଅଡେ ଏମ୍ବାଆଁ ବାସା ଆହାମାନାରାଇଁ ବାଲାମାତମି କିନେ □

୧୩ ଏ ଜନ୍ମ କାବାଆନ୍ତି କାମାୟାଁ କିନେ, ଏଦି ବାରେ ଲକୁ ନକିତା ହାଗୁଟି ଦାର୍ତ୍ତିତା ହିଚୁ ରିଝିକିନେ □

୧୪ ଇଞ୍ଜା ଏ ତଲିତି ଜନ୍ମ ନକିତା ଆମିନି କାବାଆନ୍ତି କାମା କିହାଲି ଅଦିକାରା ବେଟାଆହାମାଚେ, ଏମ୍ବାଟି ଦାର୍ତ୍ତିତା ବାସାଆହାମାନି ଲକୁଣି ନାଡ଼ିକିହାଁ, ଆମିନି ଜନ୍ମ

କାଣ୍ଡାତଲେ ଗାହାଁ ଆହାମାଟି ଜିକେଏ ନୀତିତେ, ଏଦାନି ର ବମା କିହାଲି ଏଞ୍ଜାରାଇଁ ଏଲେଇନେ □

୧୫ ଏ ଜନ୍ମତି ବମା ଏନିକ୍‌ ଜଲ୍ଲାଇ ଆଡ଼ିନେ ଅଡେ ଏଚେକା ଲକୁ ଜନ୍ମତି ବମାତି ଜହରା କିଅରି, ଏଞ୍ଜାରି ଏନିକ୍‌ ପାୟୁଝି ଆନେରି, ଏଦାଆଁତାକି ତାୟୁତି ଜନ୍ମକି ତଲିତି ଜନ୍ମତି ବମାକି ଜୀଝୁ ହାହାଲି ଅଦିକାରା ହୀପକିଆଡେ □

୧୬ ଅଡେ ଏ ଜନ୍ମ ଉଣା, କାଜାରି, ବାଡକୁ ଗାଟାରାଇଁ, ହାକି ଗାଟାରାଇଁ, ହଲିୟାକ୍‌, ହଲିୟାକ୍‌ ଆଆତାରାଇଁ, ବାରେଜାଣାତି ତାମି ଚିଝନି କେୟୁତା ଆଆତ୍‌ ମୁଞ୍ଜୁତା ର ସିନା ଇଟା କତାଲି ବାଲାମାତମି କିନେ □

୧୭ ଅଡେ ଏ ସିନା ଇଚିହ୍‌ ଜନ୍ମତି ଦରୁ ଆଆତ୍‌ ତାନି ଦରୁତି ଲମ୍ବର ଇଟା କତାଆତି ଲକୁଣି ଏନାଆଁ କତାଲି କି ପାରଗାଲି ହୀଏ □

୧୮ ଏ ବାରେତାକି ବୁଦି ଲଡ଼ାମାନେ, ଆମ୍ବାଆରାକି ବୁଦି ମାନେ ଏଞ୍ଜାସି ଏ ଜନ୍ମତି ଲମ୍ବର ଏଜିକିପାସି, ଏନାଆଁତାକି ଇଚିହ୍‌ ଏଦି ର ମାଣସିତି ଲମ୍ବର ଅଡେ ଏ ଲମ୍ବର ଆହିମାନେ ସ ଝାଞ୍ଜା ତାନିକଡ଼ି ସ □

୧୪

ମେଣ୍ଡା ତାଲୁ ଅଡେ ତାନି ଲକୁ

୧ *ଏଚେଟିଏ ନାନୁ ସିନିକିହାଁ ମେସ୍‌ସେଏଁ, ଅଡେ ମେଣ୍ଡା ତାଲୁ ସିୟନ ହରୁତା ନିଚାମାନେ, ଅଡେ ଆମ୍ବାଆରି ମୁଞ୍ଜୁତା ମେଣ୍ଡା ତାଲୁ ଇଞ୍ଜା ତାନି ଆବାତି ଦରୁ ରାୟକି ଆହାମାଟେ ଇଲେତି ଲକୁ ସାଡ଼ାକଡ଼ି ସାରି ମାଣା ଲକୁ ତାନିତଲେ ନିଚାମାଟାଣି ମେସ୍‌ସେଏଁ □

୨ ଅଡେ ଲାକପୁରୁଟି ଲଦ ଲଦ ଆହି ରିନି ଏୟୁ ଇଞ୍ଜା ହାଗୁ ଗୁଣିଲେହେଁତି ର କାଜା ହାଡ଼ା ଝେଚେଏଁ, ଆମିନି ହାଡ଼ା ନାନୁ ଝେଚେଏଁ ଏଦି ସେରକ୍‌ ଡ଼ିଡ଼ିହମାନାରି ହାଡ଼ାଲେହେଁ ଝେକ୍‌ମାଟେ □

୩ ସିଂଗାସାଣି ସାରିଗଟା ଜନ୍ମ ଅଡେ ପ୍ରାତିନାକ୍‌ ନକିତା ର ପୁଝନି ପାରୁ ପାଟିମାଚେରି, ଅଡେ ଦାରତିଟି କଡ଼ଝି ଆହାମାନି ସାଡ଼ାକଡ଼ି ସାରି ମାଣା ଲକୁ ପିସପେ ଆମ୍ବାଆରି ଏ ପାରୁ ପାଟାଲି ଆଡ଼ାଆଚେରି □ ବାରେ ମାଣସି କୃଡ଼ା ବିଡ଼ାଟି ଝାଝଇ ଏଞ୍ଜାରିଦେଁ ଗେଲ୍‌ପି ଆହାମାଟେରି □

୪ ଏଞ୍ଜାରି ଇୟାସିକା ତଲେ କାଲ୍‌ହାନା ତାମ୍ବୁ ଡୁହାରାଇଁ ଦହ କିହାଁ କତା ହିଲାଆଚେରି, ଇଚିହ୍‌ ଏଞ୍ଜାରି ଅଟହାରି, ମେଣ୍ଡା ତାଲୁ ଆମ୍ବିୟାଞ୍ଜାକି ହାନେ ଏଞ୍ଜାରି ତାନି କେଟ ହାନେରି, ଏଞ୍ଜାରି ମାହାପୁରୁ ମେଣ୍ଡା ତାଲୁତି ତଲିତି ପାଡେୟି ସମାନା ମାଣସିୟା ବିଡ଼ାଟି ଗେଲ୍‌ପି ଆହାନା ମେଣ୍ଡା ତାଲୁ ନକିତା ହେରପିଆହାମାନେରି □

୫ ଏଞ୍ଜାରି ଗୁଡିତା ଏନି ମିତି ଜଲିନାୟି ହିଲେଏ, ଏଞ୍ଜାରି ଦହ ହିଲାଆ ଗାଟାରି □

ତାନି ଜାଣା ଦୂଡୁ

୬ ଏଚେଟିଏ ନାନୁ ହାଗୁଡି ମାଦି ଉୟିମାନି ର ଦୂଡୁଇଁ ମେସ୍‌ସେଏଁ, ଏଞ୍ଜାସି ଦାରତିତା ବାସାଆହାମାନି ବାରେ ଗଟି, କୃଡ଼ା, ହାଡ଼ା ଅଡେ ଦେସାତି ଲକୁତାଣା ଝେକ୍‌ହାଲି କାଲାକାଲା ତାକି ଡ଼ିୟିନି ନେହ୍‌ କାରୁ ଝେକ୍‌ହି ମାନେସି □

୭ ଏଞ୍ଜାସି କାଜା ଗିୟାତଲେ ଏଲେଇଚେସି, “ମାହାପୁରୁଇଁ ଆଜାଦୁ ଅଡେ ଏଞ୍ଜାଣାଇଁ ଗାଝୁରମି ହୀଦୁ, ଇଚିହ୍‌ ମାଣସିତି ନୀହାୟି କିନି ଦିନା ଏଗାଞ୍ଜାଡେ, ଅଡେ ଆମ୍ବାଆସି ହାଗୁ, ଦାରତି, ସାମ୍‌ଦୁରି ଇଞ୍ଜା ଜାରଣା ଏୟୁତି ଗାଡ଼ିକିହା ମାନେସି, ଏଞ୍ଜାଣାଇଁ ଜହରା କିଦୁ □”

୮ *ତାନି ତାୟୁ ଅଡେ ର ଦୂଡୁ ଇଚିହ୍‌ ରୀ ଲମ୍ବର ଦୂଡୁ ଝାହାନା ଏଲେଇଚେସି, “ଆମିନି କାଜା ଗାଡ଼ା ବାବିଲନ ବାରେ କୃଡ଼ାତି ଲକୁଇଁ ତାନି ଦାରିକାମା କିଝିକିନି କାଡୁ ଉଟହାନା ହଟିକିହାମାଟେ, ଏଦି ରିହା ହାଜାମାନେ □”

୯ ଏଦାଣି ତାୟୁ ଅଡେ ର ଦୂଡୁ ଇଚିହ୍‌ ତାନି ଲମ୍ବର ଦୂଡୁ ଝାହାନା କାଜା ଗିୟାତଲେ ଏଲେଇଚେସି, “ଆମ୍ବାଆସି ଏ ଜନ୍ମ ଅଡେ ତାନି କିହାମାନି ବମାତି ଜହରା କିନେସି ଅଡେ ମୁଞ୍ଜୁତା କି କେୟୁତା ତାନି ସିନା ଇଟା କଡିନେସି,

୧୦ ଏଞ୍ଜାସି ମାହାପୁରୁତି କପାଗାଟି ସଲ୍ଲାତା ଝାକ୍‌ହାମାନି ହାରେକା କାରବିତି କାଡୁ ଗହନେସି, ଆମ୍ବାଆରି ଇ କାମା କିନେରି ଏଞ୍ଜାରି ବାରେ ମେଣ୍ଡା ତାଲୁ ଅଡେ ସୁଦୁ ଲାକପୁରୁତି ଦୂଡୁୟା ନକିତା ହିରୁ ଅଡେ ଗାନ୍ଦାଗାଟି ଗୁଣ୍ଡା ତଲେ କସ୍‌ ବେଟା ଆନେସି □

୧୧ ଇଲେତି ଲକୁଣି କସ୍‌ ହାନି ହିରୁ ବୟ୍‌ କାଲାକାଲା ତାକି ହଚେମାନେ, ଆମିନି ଗାଟାରି ଜନ୍ମ ଅଡେ ବମାତି ଜହରା କିନେରି ଅଡେ ତାନି ଦରୁ ଇଞ୍ଜା ସିନା ବେଟା ଆହାମାନେରି, ଏଞ୍ଜାରି ଲାଆଁ ମାଦେନା ଜମାଲି ବେଟାଆଅରି □”

୧୨ ଇମ୍ବାଆଁ ମାହାପୁରୁ ଲକୁ ଇଚିହ୍‌ ମାହାପୁରୁତି ହୁକୁମି ମାନଝିଆନେରି, ଇଞ୍ଜା ଜୀୟୁଇଁ ନାମିନେରି, ଏଞ୍ଜାରାକି ଅଟହିନାୟି ଲଡ଼ାମାନେ □

୧୩ ଇଞ୍ଜା ଲାକପୁରୁଟି ଇ ହାଡ଼ା ଝେଚେଏଁ, ଇ କାତା ରାଟାମ୍ବୁ, “ନୀଏଁ ଆମ୍ବାଆରି ମାହାପୁରୁ ତାଣା ମାଞ୍ଜାନା ହାନେରି, ଏଞ୍ଜାରି ନେହେଁ □” ଅଡେ ନାନୁ ଝେଚେଏଁ ସୁଦୁଜୀଝୁ ଝେସିମାଞ୍ଜାନେ, “ଏଞ୍ଜାରି ତାମି କାମାତି ଝାହୁଟି ଜମିନେରି, ଇଚିହ୍‌ ଏଞ୍ଜାରି କାମାତି ପାଡେୟି ଏଞ୍ଜାରିତଲେ ଡ଼ିୟିନେ □”

ତାସା ଦାନାୟି

୧୪ ଅଡେ ନାନୁ ମେସ୍‌ସେଏଁ, ଇଚାୟି ଦବ୍‌ଲା ହାଗୁ ଇଞ୍ଜା ଏଦାଣି ଲାକ କୁଗାମାନେସି ର ମାଣସି ମୀରଏସି ଲେହେଁତାସି; ତାନି ତାୟୁଁ ତୁ ବାଂଗାରା ଟପେରି, ଇଞ୍ଜା କେୟୁତା ର ଝାହୁନି କଟାଡ଼ଝେଲି □

୧୫ ଏମ୍ବାଟିଏ ମାହାପୁରୁତି ଇଲୁଟି ର ଦୂଡୁ ଝାହାନା ହାଗୁତା କୁଗାମାନାଣାଇଁ କାଜା ଗିୟାତଲେ ଏଲେଇଚେସି,

☆ ୧୪:୧ ୧୪:୧ ଝେ ବଲ୍ଲୁ ୭:୩ ☆ ୧୪:୮ ୧୪:୮ ଝେ ବଲ୍ଲୁ ୧୮:୨

“ନୀ କଚାତଝେଲି ଆସାନା ତାସା ଦାମ୍ନୁ □ ଦାର୍ତତି ତାସା ଦାଃନି କାରୁ ଏଗାଝାତେୟି □”

୧୬ ଇଦାଆଁ ଝେଞ୍ଜାନା ହାଗୁତା କୁଗାମାନି ମାଣସି ତାନି କଚାତଝେଲି ଅଗିତେସି ଇଞ୍ଜା ଦାର୍ତତି ତାସା ବାରେ କୁଡ଼ିକିଝିଆଡେ □

୧୭ ଏଦାଆଁ ତାୟୁ ଲାକପୁରୁତି ମାହାପୁରୁ ଇଲୁଟି ଅଡେ ର ଦୁତୁ ହଚାଝାଡେସି, ଏ ଦୁତୁ କେୟୁତା ଜିକେଏ ଝାହ୍‌ନି କଚାତଝେଲି ମାରେ □

୧୮ ଅଡେ ପୂଜା ପିଣ୍ଡାତି ହିରୁ ଅଦିକାରାତା ମାନି ର ଦୁତୁ କଚାତଝେଲି ଆସାମାନି ଅର ଦୁତୁଇଁ କାଜା ଗିୟାତଲେ ଏଲେଇରେସି, “କଚାତଝେଲି ଅଗାନା ଦାର୍ତତି ଅଞ୍ଜୁରି ବାଡ଼ାଟି ଅଞ୍ଜୁରିକା ବାରେ ଡଡ଼ହା ତୁହ୍‌ମ୍; ଏଝି ବାରେ କାମ୍‌ମାନୁ □”

୧୯ ଏମ୍‌ଗାଟିଏ ଦୁତୁ ଦାର୍ତତିତା ତାନି କଚାତଝେଲି ଅଗାନା ଅଞ୍ଜୁରିମାଡ଼ାୟାଟି ଅଞ୍ଜୁରି ଡଡ଼ହେ ଇଞ୍ଜା ଏଝାସି ମାହାପୁରୁ କାର୍‌ବିତି ଅଞ୍ଜୁରି ପାଡ଼ିକିନି ଦନିତା ମେଡ଼ହେସି □

୨୦ *ଗାଡ଼ାତି ପାଞ୍ଜାତା ମାନି ଏ ଦନିତା ଅଞ୍ଜୁରି ପାଡ଼ିକିଝିଆଡେ ଇଞ୍ଜା ଏମ୍‌ଗାଟି ଗଡ଼ାୟା ବାକେରି ପାତେକା ନିଞ୍ଜାମା ତାନି ଝାଞ୍ଜା କିଲମିଟର ହେକ ପାତେକା ଇଞ୍ଜା ରା ମିଟର ଲାକ ପାତେକା ନେତେରି ଝାଞ୍ଜିତେ □

୧୫

ସାଡ଼ାଗଟା ରଗ କିନି ସାଡ଼ାଗଟା ଦୁତୁୟା

୧ ଏମ୍‌ଗାଟିଏ ନାନୁ ହାଗୁତା ଅଡେ ର କାବାଆନି ଲେହେଁତି ସିନା ମେସ୍‌ସେଏଁ, ସାଡ଼ାଗଟା ଦୁତୁୟା ସାଡ଼ାଗଟା ରଗୟା ତାନି କେୟୁତା ଆସାନା ତଞ୍ଜାଆତୁ, ଏ ରଗୟା ମାହାପୁରୁତି କପା ତହ୍‌ନାୟି ରାନାୟି ମାରେ □

୨ ଅଡେ ନାନୁ ମେସ୍‌ସେଏଁ, ହିରୁ କାଲ୍‌ହି ଦାପେଣି ଲେହେଁତି ସାମ୍‌ଦୁରି, ଆମ୍‌ଆରି ଜନ୍ତ, ଏଦାନି ବମା ଇଞ୍ଜା ଏଦାନି ଦରୁତି ଲମ୍‌ରଟି ଜୀଣା ଆଡ଼ାରି, ଏଝାରି ମାହାପୁରୁ ହାହାମାନି ସେରଞ୍ଜି ଆସାନା ଗାଜୁ ଲେହେଁତି ସାମ୍‌ଦୁରି ଗିରୁତା ନିଚାମାରେରି □

୩ ଏଝାରି ମାହାପୁରୁ ହାତି ରାମଗଟା ଝେଟିହ୍‌ ମାହାପୁରୁତି ସେବାକିନି ମସାତି ପାରୁ ଇଞ୍ଜା ମେଣ୍ଡା ଡାଲୁତି ପାରୁ ପାଡ଼ିହ୍‌ ଏଲେ ଇଞ୍ଜା ମାନେରି,

“ବାରେତି କିହାଁ ବାଡ଼ୟୁ ଗାଟି ପ୍ରବୁ ମାହାପୁରୁତି,
ନୀ କାମା ଏଚେକା କାଜାୟି ଅଡେ କାବା ଆନାୟି,
ବାରେ ଲକୁତି ରାଜାତି,

ନୀ କାମାତି ଜିରୁ ବାରେ ନାହାଁୟି ଗାଟାୟି ଇଞ୍ଜା ସାଡ଼ାତାୟି □

୪ ପ୍ରବୁ! ନିଜେ ଆମ୍‌ଆସି ଆଜାଆ ଗାଟାସି ମାନେସି ?

ଆମ୍‌ଆସି ନୀ ଗାଝୁରମି ଝେକ୍‌ଆଗାଟାସି ମାନେସି ?

ଇଟିହ୍‌ ନୀନୁ ରଅତିଏ ସୁଦୁ ଗାଟାତି;

ବାରେ କୁଡ଼ାତି ଲକୁ ଝାହାନା ନୀ ପୂଜା କିନେରି,

ଏନାଆଁତାକି ଇଟିହ୍‌ ନୀ ଦାମ୍‌ଗାଟି ନାହାଁୟିତି କାମାୟା ବାରେଜାଣା ମେସାମାନେରି □”

୫ ଏମ୍‌ଗାଟିଏ ନାନୁ ମେସ୍‌ସେଏଁ, ଲାକପୁରୁତି ସାକି ହାନି ତୁମ୍‌ ଦେଝୁଡ଼ିତି ଦାରା ଦେପିଆଡେ

୬ ସାଡ଼ାଗଟା କସ୍‌ୟା ଆସାମାନି ସାଡ଼ାଗଟା ଦୁତୁୟା ଲାକପୁରୁତି ଦେଝୁଡ଼ିତି ହଚାଝାଡେରି; ଏଝାରି ଅପହି ମିହ୍‌ନି ହିମ୍‌ରକା ହୁଚାମାରେରି ଇଞ୍ଜା ଏଝାସିକା ବକ ସାରିସୁରୁ ବାଂଗାରା ପାଟା ଦସାମାରେରି □

୭ ସାରିଗଟା ଜନ୍ତୟା ବିଡ଼ାଟି ର ଜନ୍ତ କାଲେଏତାକି ନୀତାମାନି ମାହାପୁରୁ କପାତଲେ ନେଞ୍ଜାମାନି ସାଡ଼ାଗଟା ବାଂଗାରା ଗିନାୟା ଏ ସାଡ଼ାଗଟା ଦୁତୁୟାକି ହାତେସି □

୮ ମାହାପୁରୁତି ଗାଝୁରମି ଅଡେ ତାନି ବାଡ଼ୟୁଟି ହଟିମାନି ବୟ୍‌ ଦେଝୁଡ଼ିତା ନେଞ୍ଜାହାଚେ; ସାଡ଼ାଗଟା ଦୁତୁୟା ତାଚାମାନି ସାଡ଼ାଗଟା ରଗୟା ରାଆ ପାତେକା ଏ ଦେଝୁଡ଼ି ବିଡ଼ା ଆମ୍‌ଆସି ହଡ଼ାଲି ଆଡ଼ାଆଡେସି □

୧୬

ମାହାପୁରୁ କପାତି ସାଡ଼ାଗଟା ଗିନାୟା

୧ ଏଚେଟିଏ ନାନୁ ଝେଚେଏଁ, ଦେଝୁଡ଼ିତି ରଅସି କାଜା ଗିୟାତଲେ ଏ ସାଡ଼ାଗଟା ଦୁତୁୟାକି ଝେସିମାରେସି, “ହାଜୁ, ସାଡ଼ାଗଟା ଗିନାୟାଣା ନେଞ୍ଜାମାନି ମାହାପୁରୁତି କପାତି ଦାର୍ତତି ଲାକ ଝାକ୍‌ଦୁ □”

୨ ଏଚେଟିଏ ମୂଲୁତି ଦୁତୁ ହାଜାନା ତାନି ଗିନାତା ଏନାୟି ମାରେ, ଦାର୍ତତି ଲାକ ଝାକ୍‌ହେସି; ଏ ଦେବୁଣିଏ ଆମ୍‌ଆରି ତାଣା ଜନ୍ତତି ସିନା ମାରେ, ଇଞ୍ଜା ତାନି ବମାତି ପୂଜା କିହାମାରେରି, ଏଝାରି ଆଞ୍ଜାତା ହାରେକା କସ୍‌ଗାଟି ବାସା ପଟ୍‌କାୟା ହତୁ □

୩ ଏଚେଟିଏ ରୀ ଲମ୍‌ର ଦୁତୁ ତାନି ଗିନାତାଣି ସାମ୍‌ଦୁରି ଲାକ ଝାକ୍‌ହେ; ଇଞ୍ଜା ସାମ୍‌ଦୁରିତି ଏୟୁ ହାଡ଼ି ଲକୁତି ନେତେରିଲେହେଁ ଆତୁ, ଇଞ୍ଜା ସାମ୍‌ଦୁରିତା ମାଟି ବାରେ ଜନ୍ତୟା ହାହାହାତୁ □

୪ ତାନି ଲମ୍‌ର ଦୁତୁ ତାନି ଗିନାତା ଏନାୟି ମାରେ, କାତା ଇଞ୍ଜା ଉସା ଏୟୁ ଲାକ ଝାକ୍‌ହେସି; ଇଞ୍ଜା ଏ ଏୟୁ ବାରେ ନେତେରି ମିଶ୍‌ହା ହାତୁ □

୫ ଏଚିବେଲାତା ନାନୁ ଝେଚେଏଁ, ଏୟୁ ଲାକ ଅଦିକାରା ବେଟାଆହାମାନି ଦୁତୁ ଏଲେଇଞ୍ଜିମାରେସି, “ନୀନୁ ସୁଦୁ ଗାଟାତି, ନୀଏଁ ମାନାତି ଅଡେ ତଲିଏ ମାଟାତି; ନୀନୁ ତୀରପୁତଲେ ନାହାଁୟି କିହାମାଞ୍ଜି □

୬ ଏଝାରି ମାହାପୁରୁ ଲକୁଇଁ ଇଞ୍ଜା ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନାରି ଆମିନି ନେତେରି ବକ୍‌ହାମାରେରି, ଏଦାଆଁ ମୀରୁ ଏଝାରାଇଁ ଉଚ୍‌ହାମାଞ୍ଜି □ ଏଝାରି ଏନାଆଁ ବେଟାଆନାଣି ବେଟାଆହାମାନେରି □”

୭ ଏଚେଟିଏ ପୂଜା ପିଣ୍ଡାଟି ର ହାଡ଼ା ଝେଚେଏଁ, ବାରେତି କିହାଁ ବାଡ଼ୟୁଗାଟି ମାହାପୁରୁ ପ୍ରବୁ! ନୀ ନାହାଁୟି ବାରେ ସାଡ଼ା ଅଡେ ଟିକାଣାତାୟି □

୮ ସାରି ଲମ୍ବର ଦୃତୁ ତାନି ଗିନାତା ମାଚାଣି ଝେଡ଼ା ଲାକ ଝାକ୍‌ହେସି, ଏଦାଆଁତାକି ଝେଡ଼ା ହାରେକା ଡ଼ାଞ୍ଜାନା ଲକୁଣି ହୁଡ଼ିତେ ।

୯ ଏତିବେଲା ଲକୁ କଣ୍ଟା ହାଟି କାରାତା ଝେହାହାରେରି, ଅଡ଼େ ଇ ସାସ୍ତି ଲାକ ଅଦିକାରା ମାନି ମାହାପୁରୁ ଦରୁତି ନିନ୍ଦାକିତେରି । ସାମା ହିୟାଁ ବାଦଲି କିହାଁ ଏଝାଣି ଗାଝୁରମି କିଆତେରି ।

୧୦ ପାସା ଲମ୍ବର ଦୃତୁ ତାନି ଗିନାତା ମାଚାଣି ଜନ୍ତତି ସିଂଗାସାଣି ଲାକ ଝାକ୍‌ହେସି, ଜନ୍ତତି ରାଜିତା ଆନ୍ଦେରି ଆହାହାରେ, ଇଞ୍ଜା ଲକୁ କସ୍ତତଲେ ତାମି ଝେନ୍ଦରିକା କାଚା କଡ଼ିତେରି ।

୧୧ ଅଡ଼େ ଏଝାରି ଆଜାତି ରାଣାରାକା ତାକି ଇଞ୍ଜା ପଟ୍ଟକାୟାଁ ବୀସା ତାକି ଲାକପୁରୁତି ମାହାପୁରୁଇଁ ବାକା ଇଟିତେରି । ସାମା ତାମି ଲାଗେଏତି କାମାଟି ମନ ଝେଟ୍‌ଆତେରି ।

୧୨ ସ ଲମ୍ବର ଦୃତୁ ତାନି ଗିନାତା ମାଚାଣି ପରାଡ଼ କାଜା କାଡ଼ା ଲାକ ଝାକ୍‌ହେସି, ଏ କାଡ଼ାତି ଏୟୁ ଝାୟାହାଚୁ, ଝେଡ଼ା ହପୁ ଝାକିଟି ଝାହିମାନି ରାଜାୟାଁକି ଜିରୁ ପାରୁଲିଆଡ଼େ ।

୧୩ ଏଚେଟିଏ ନାନୁ ମେସ୍‌ସେସ୍, ପାନାୟାଁଲେହେଁ ତଞ୍ଜାଆହିମାନି ତାନିଗଟା ଲାଗେଏତି ଜୀଝୁୟାଁ । ଏଝି ରାଚୁ ଗୁଡ଼ିଟି, ଜନ୍ତ ଗୁଡ଼ିଟି, ମିଟି ବଲ୍ଲୁ ଝେହ୍‌ନାରି ଗୁଡ଼ିଟି ହଡ଼ାଝାହିମାଚୁ ।

୧୪ ଏ ଲାଗେଏତି ଜୀଝୁଗାଟି ବୁଡୁୟାଁ କାବାଆନ୍ତି କାମା କିହାଲି ଆଡ଼ିନୁ, ଏଝି ବାଡ଼ୁୟୁ ଗାଟି ମାହାପୁରୁତି ଦିନାତା ଜୁନୁ କିହାଲିତାକି ଦାରୁତିତି ରାଜାୟାଁଣି କୁଡ଼ିକିହାଲି ହାଚାହାଚୁ ।

୧୫ *ଝେଞ୍ଜୁ! ନାନୁ ସରୁଲେହେଁ ଝାକ୍‌, ଆମ୍ବାଆସି ଜାଗ୍ରାତା ଆହାଁ ସରୁ ତାଣାଟି ଜାହାରା ହିମ୍ବରକା ଡ଼କୁହାଲି ଆଡ଼ିମାନେସି, ଏଝାସି ନେହେଁ । ଏଝାସି ନାଗୁଡ଼ା ଆହାଁ ରେଅସି, ଅଡ଼େ ଏଝାସି ଲାଜା ବେଟାଆଅସି ।

୧୬ ପଲ୍‌ଆ ଜୀଝୁୟାଁ ଏ ବେଲାତା ଦାରୁତିତି ରାଜାୟାଁଣି ଆମିନି ଚାୟୁଡ଼ା କୁଡ଼ିକିତୁ ଏବି ହାଡ଼ାତଲେ ଏଦାନି ଦରୁ ଆମାଗାଡେନ ।

୧୭ ସାତା ଲମ୍ବର ଦୃତୁ ତାନି ଗିନାତା ମାଚାଣି ଗାଲି ଲାକ ଝାକ୍‌ହେସି, ଏଚେଟିଏ ଦେଝୁଡ଼ିତି ସିଂଗାସାଣିଟି ର କାଜା ହାଡ଼ା ଝେଜ୍‌ଜିତେ, “ଇଦାଆଁ କିଝିଆତେ!”

୧୮ *ଦେବୁଣିଏ ବିଲିବାଲା ଆହୁଁ ମ୍ବିସ୍ତେ ଇଞ୍ଜା ହାଗୁ ଗୁଣ୍ଡି ହାଡ଼ା ଆଡେ, ଇଞ୍ଜା ହାରେକା ବୁମି ଝୀଡ଼ିତେ, ଇଚିହୁଁ ଦାରୁତିତା ମାଣ୍‌ସିୟାଁ ଗାଡ଼ିଆଡ଼ି ଦିନାଟିଏ ଏଚେଲାଝା ଇଲେତି ବୁମି ଝୀଡ଼ାହିଲାଆଡେ, ଇଦି ବାରେକିହାଁ ଆଜିହ୍‌ପେତି ବୁମି ଝୀଡ଼ିନାୟି ମାଚେ ।

୧୯ ଏମ୍ବାଟିଏ ଏ କାଜା ଗାଡ଼ା ତାନି ବାଗା ତଲେ ବାଗା ଆଡେ ଅଡ଼େ ଦାରୁତିତି ବାରେ ଗାଡ଼ାୟାଁ ବିଡ଼ହାହାଚୁ,

ଅଡ଼େ କାଜା ଗାଡ଼ା ବାବିଲନତି ମାହାପୁରୁ ବାଣା ଆହା ହିଲାଆଡେସି, ଏଝାସି ତାନି ଗହ୍‌ନି ସଲାଟି ତାନି ହାରେକା କପାଗାଟି କାଡ଼ୁ ଏଦାଣି ଉଡ଼ହେସି ।

୨୦ *ସାମ୍‌ଦୁରି ମାଦି ମାନି ଦେସାୟାଁ ମେଣ୍‌ଜାହାଚୁ ଇଞ୍ଜା ହରକା ବାରେ ଡ଼ଗୁା ହାଚୁ ।

୨୧ *ରୀ କଡ଼ି ଦସ କେଜି ବଜୁଗାଟି ଆଜିୟାଁ ହାଗୁ ଲାକଟି ମାଣ୍‌ସିୟାଁ ଲାକ ରିତୁ, ଲକୁ ଇ ମରଡ଼ି ତାକି ମାହାପୁରୁଇଁ ନିନ୍ଦାକିତେରି ।

୧୭

ଝେଜ୍‌ଜିତି ଦାରେଣି

୧ ଏମ୍ବାଟିଏ ସାଡ଼ାଗଟା ଗିନାୟାଁ ଆସାମାନି ଦୃତୁ ବିତ୍ରାଟି ରଅସି ନା ତାଗେ ଝାହାନା ଏଲେଇଞ୍ଜାଡେସି, “ଇମ୍ବାଆଁ ଝାମୁ ହାରେକା କାଡ଼ା ଦାରି ଗାଡ଼ି ଆହାମାନି ଦାରେଣି ଲେହେଁତି କାଜା ଗାଡ଼ା ଏନ୍ତି ସାସ୍ତି ବେଟାଆଡେନ ଏଦାଆଁ ତସ୍ତାଇଁ ।

୨ ଦାରୁତିତି ରାଜାୟାଁ ଏ ଦାରେଣି ତଲେ ଦାରିକାମା କିହାମାନେରି, ଇଞ୍ଜା ଦାରୁତିତା ବାସା ଆହାମାନାରି ବାରେ ଦାରି କାମାଲେହେଁତି କାଡ଼ୁ ଗୁସାହାଁ ହଡ଼ାମାନେରି ।

୩ *ଏତିବେଲାତା ସୁଦୁଜୀଝୁ ନା ତାଣା ଝାଡ଼େ ଇଞ୍ଜା ଏ ଦୃତୁ ନାଜେ ବାଝଲି ବୁମିତା ଅୟାଡେସି । ଏମ୍ବାଆଁ ନାନୁ ମେସ୍‌ସେସ୍, ର ପାଚୁ ଝାଣାଗାଟି ଜନ୍ତ ଲାକ ର ଇୟା କୁଗାମାଚେ । ଏ ଜନ୍ତତି ଆଜାତା ମାହାପୁରୁ ନିନ୍ଦାକିନି ଦରକା ରାସ୍‌କି ଆହାମାଚୁ, ଅଡ଼େ ଏଦାନାକି ସାଡ଼ାଗଟା ତାକାଁ ଇଞ୍ଜା ଦସଗଟା କମ୍‌କା ମାଚୁ ।

୪ ଏ ଇୟା ହେୟାଁ ଲେହେଁତି ଝାଣା ଅଡ଼େ ପାଚୁ ଝାଣାଗାଟି ହିମ୍ବରି ହୁଚାମାଚେ, ଇଞ୍ଜା ଏଦି ବାଂଗାରା ଅଡ଼େ ଗାଡ଼ି ଦାରାଗାଟି ମଣି, ମୁଲ୍‌ଜା ତଲେ ସାଜୁ ଆହାମାଚେ, ତାନି ନାଡ଼ିକିନି ପାଡ଼େୟିକା ଲେହେଁ ଅପାଆଗାଟି ଦିଣ୍‌ସୁ ଇଞ୍ଜା ଦାରିକାମା କିନି ଲାଗେଏତି କାମା ତଲେ ନେଞ୍ଜାମାନି ର ବାଂଗାରା ଗିନା ଏଦି ଆସାମାଚେ ।

୫ ଏଦାନି ମୁଞ୍ଜୁଡ଼ା ଡ଼ଗୁାମାନି ର ଦରୁ ରାସ୍‌କି ଆହାମାଚେ, “କାଜା ଗାଡ଼ା ବାବିଲନ ଦାରୁତିତି ବାରେ ଦାରି ଇଞ୍ଜା ଅପାଆଗାଟି କାମାଟି ତାଲି ।

୬ ନାନୁ ଅଡ଼େ ମେସ୍‌ସେସ୍, ଏ ଆୟାଟି ମାହାପୁରୁ ଲକୁ ଇଞ୍ଜା ଜୀସୁ ତାଣା ମାନି ତଲେ ମାଞ୍ଜା ସାକି ହାହାନା ହାହାମାନି ଲକୁତି ନେତେରି ଗସାନା ହଡ଼ାମାଚେ । ନାନୁ ଏଦାନି ମେସାନା ହାରେକା କାବା ଆଡେଏଁ ।

୭ ଅଡ଼େ ଦୃତୁ ନାଜେ ଏଲେଇଞ୍ଜାଡେସି, “ଏଦାଆଁତାକି କାବା ଆହିମାଞ୍ଜି ? ନାନୁ ଏ ଆୟାଟି ଅଡ଼େ ସାତା ଗଟା ତାକାଁ ଇଞ୍ଜା ଦସଗଟା କମ୍‌କା ଗାଟି ଏଦାଣି ଡ଼େକାମାନି ଜନ୍ତତି ଡ଼ଗୁାମାନି କାଡ଼ା ନାନୁ ନିଜେ ଝେସିମାଞ୍ଜାଇଁ, ଝେନାମୁ ।

☆ ୧୭:୧୫ ୧୭:୧୫ ମାତି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲୁ ୩:୩ ☆ ୧୭:୧୮ ୧୭:୧୮ ଝେ ବଲ୍ଲୁ ୮:୫; ୧୧:୧୩,୧୯ ☆ ୧୭:୨୦ ୧୭:୨୦ ଝେ ବଲ୍ଲୁ ୭:୧୪ ☆ ୧୭:୨୧ ୧୭:୨୧ ଝେ ବଲ୍ଲୁ ୧୧:୧୯ ☆ ୧୭:୩ ୧୭:୩ ଝେ ବଲ୍ଲୁ ୧୩:୧ ☆ ୧୭:୮ ୧୭:୮ ଝେ ବଲ୍ଲୁ ୧୧:୭

୮ *ଜନ୍ତୁ ର ଦିନା ନୀତାମାତେ; ନୀଏଁ ଅଡ଼େ ନୀତାହିଲେଏ, ସାମା ତବେ ତାଡ଼େପୁରୁଟି ନିଙ୍ଗା ଖାନେ ଇଞ୍ଜା ଅର ଦେବା ନାସା ଆନେ □ ଦାର୍ତ୍ତି ଗାଡ଼ି ଆଡ଼ି ନକେଏ ଆମ୍ବାଆରି ଦରୁ ଜୀଝୁତି ପତିତା ରାସ୍‌କି ଆହାହିଲେଏ, ଦାର୍ତ୍ତିତା ବାସାଆହାମାନି ବାରେ ଲକୁ ଜନ୍ତୁଇଁ ମେସାଁ କାବାଆନେରି □ ଏଦି ର ଦିନା ନୀତାମାତେ, ନୀଏଁ ଅଡ଼େ ହିଲେଏ, ସାମା ଅଡ଼େ ର ଦେବା ତଞ୍ଜାଆନେ □”

୯ “ଇ ବାରେ କାତା ତେଲ୍‌ହାଲି ତାକି ରୁଦି ଲଡ଼ାମାନେ □ ଜନ୍ତୁତି ସାତାଗଟା ତାକାଁ ସାତେଏ ସାତାଗଟା ହରକା, ଆମିନି ଲାକ ଆୟାଟି କୁଗାମାନେ □ ଏଝାରି ଜିକେଏ ସାତା ଜାଣା ରାଜାୟାଁ ଲେହେ □

୧୦ ଏଝାରି ବିତ୍ରାଟି ପାସାଜାଣା ମେଶ୍‌ଜା ହାଜାମାନେରି, ନୀଏଁ ରଅସି ମାନେସି, ଅଡ଼େ ରଅସି ନୀଏଁ ପାତେକା ଖାହାହିଲଅସି, ଏଝାସି ଖାଡ଼ିସାରେ ଗାଡ଼େକା ତାକିଏ ସାଲୁଝି କିନେସି □

୧୧ ଅଡ଼େ ଆମିନି ଜନ୍ତୁ ର ଦିନା ନୀତାମାତେ, ଏଦି ଆଟା ଲମ୍ବର ରାଜା, ଏ ବାରେ ରାଜାୟାଁ ବିତ୍ରାଟି ରଅସି ଇଞ୍ଜା ଏଝାସି ଜିକେଏ ତବେ ନାସା ଆନେସି □”

୧୨ “ମୀରୁ ମେସାମାନି ଦସଗଟା କମ୍‌କା, ଦସ ଜାଣା ରାଜାୟାଁ ଲେହେ, ଏଝାରି ନୀଏଁ ପାତେକା ସାଲୁଝି କିହାହିଲଅରି □ ସାମା ଜନ୍ତୁ ତଲେ ସାଲୁଝି କିହାଲିତାକି ର ଗଂଟା ତାକି ଏଝାରାକି ବାଡ଼ୁୟୁ ହାପୁକିଆନେ □

୧୩ ଏଝାରି ରଣ୍ଡିଏ ଅଣ୍ଡୁ ତଲେ ମାଞ୍ଜାନା ତାନି ବାଡ଼ୁୟୁ ଅଡ଼େ ଅଦିକାରା ଏ ଜନ୍ତୁକି ହୀନେରି □

୧୪ ଏଝାରି ମେଶ୍‌ଜା ତାଲୁ ତଲେ ଜୁଜୁ କିନେରି, ଅଡ଼େ ମେଶ୍‌ଜା ତାଲୁ ଏଝାରାଇଁ ଜୀଣା ଆନେ, ଇଚିହଁ ଏଝାସି ପ୍ରବୁ କିହାଁ ପ୍ରବୁ ଅଡ଼େ ରାଜା କିହାଁ ରାଜା, ଅଡ଼େ ଆମିନି ଗାଟାରି ଏଝାଣିତଲେ ମାନେରି ଏ ହାଟାମାନାରି, ଆଟାମାନାରି ଅଡ଼େ ନାମୁଗାଟାରି ଜିକେଏ ଜୀଣା ଆନେରି □”

୧୫ ଦୁତୁ ନାଜେ ଅଡ଼େ ଏଲେଇଞ୍ଜାତେସି, “ନୀନୁ ଆମିନି ଏମୁଣି ମେସି, ଆମିନି ଲାକ ଏ ଦାରେଣି କୁଗାମାନେ, ଏଦି ଆହିମାନେ ଏଟ୍‌କା ଏଟ୍‌କାତି ଦେସା, କୁଡ଼ା, ଗତି ଇଞ୍ଜା ହାଡ଼ାଗାଟି କୁଲମି □

୧୬ ନୀନୁ ମେସାମାନି ଦସଗଟା କମ୍‌କା ଇଞ୍ଜା ଏ ଜନ୍ତୁ, ଦାରେଣିନି ଅପାଡ଼; ଏଝି ଏଦାନି ତାଣାଟି ବାରେ ପିସ୍‌ପିକିହା ଅହାନା ନାଗୁଡ଼ା କିହାନା ପିହ୍‌ନୁ □ ଏଝି ଏଦାନି ଉଙ୍ଗା ତଞ୍ଜାନା ହିରୁତା ହୁତାନା ନାସା କିନୁ □

୧୭ ଏନାଆଁତାକି ଇଚିହଁ, ମାହାପୁରୁ ତାନୁ ଅଣ୍ଡାମାନାଣି କିହାଲିତାକି ଏଝାଆଁତାକି ଇ ଅଣ୍ଡୁ ହାହାମାନେସି □ ଏଝି ରଣ୍ଡିଏ ମନ ଆହାନା କାମା କିନୁ ଇଞ୍ଜା ମାହାପୁରୁଟି ବଲ୍ଲୁ ସାତାତଲେ ଆଆପାତେକା ରାଜିତି ସାଲୁଝି କିନି ବଲ୍ଲୁ ଏ ଜନ୍ତୁ କେୟୁତା ପିସାହାନେସି □”

୧୮ “ଇଞ୍ଜା ଆମିନି ଆୟାଟି ମେସି, ଏଦି ଆହିମାନେ, ଦାର୍ତ୍ତିତି ରାଜାୟାଁଣି ସାଲୁଝି କିହିମାନି ଏ କାଜା ଗାଡ଼ା □”

୧୮

ବାବିଲନ ନାସା ଆନାୟି

୧ ଏଚେଟିଏ ନୀନୁ ଅଡ଼େ ର ଦୁତୁଇଁ ଲାକପୁରୁଟି ରେଚା ଖାହିମାଚାଣି ମେସେସି; ଏଝାସି କାଜା ଅଦିକାରା ଗାଟାସି, ତାନି ଗାଝୁରମି ତାକି ଦାର୍ତ୍ତି ବାରେ ଉଜେଡ଼ି ଆହାହାଚେ □

୨ *ଏଝାସି କାଜା ହାଡ଼ାତଲେ କାଲୁଝି ଆହଁ ଏଲେଇଚେସି, “କାଜା ଗାଡ଼ା ବାବିଲନ ମେଶ୍‌ଜାତେ! ଏଦି ବାରେ ମେଶ୍‌ଜାତେ! ଏଦି ବୁଡୁୟାଁ ବାସାଟାୟୁ ଅଡ଼େ ପଲ୍‌ଆ ଜୀଝୁୟାଁ ଅଡ଼େ ପଲ୍‌ଆ କାମାୟାଁ, ଇଞ୍ଜା ଅପାଆଗାଟି ପଗାୟାଁତି ବାସାଟାୟୁ ଆହାମାନେ □

୩ ଇଚିହଁ ବାରେ ଜାଡ଼ିତାରି ତାନି ଦାରି କାମାଲେହେଟି କାଡ଼ୁ ଗସାମାନେରି, ଦାର୍ତ୍ତିତି ରାଜାୟାଁ ତାନିତଲେ ଦାରିକାମା କିହାମାନେରି, ଅଡ଼େ ଦାର୍ତ୍ତିତି ବେବାରା ଗାଟାରି ତାନି ଜୁପକାଟି ବାଡ଼କୁ ଗାଟାରି ଆହାମାନେରି □”

୪ ଏଚେଟିଏ ନୀନୁ ଲାକପୁରୁଟି ଅଡ଼େ ର ହାଡ଼ା ଏଲେ ଇଞ୍ଜାମାନାଣି ଝେଚେସି, “ଏ ମା ଲକୁଚେରି! ଏଦାଆଁତାକି ଏଦାନି ତାଣାଟି ହଟା ଖାଡ଼ୁ!

ମୀରୁ ଏନିକଁ ଏଦାନି ପାପୁତା ଆଣ୍ଡୁଅତେରି; ଇଞ୍ଜା ତାନି ତଣ୍ଡୁତି ବାଗା ବେଟାଆଅତେରି;

୫ ଏନାଆଁତାକି ଇଚିହଁ ଏଦାନି ପାପୁ ବାରେ ଲାକପୁରୁ ପାତେକା ଏଜାମାନେ, ଅଡ଼େ ଏଦି କିହାମାନି ଲାଗେଏତି କାମା ମାହାପୁରୁ ମନତା ଅଣ୍ଡାମାନେସି □

୬ ଏଦି ମିଙ୍ଗେ ଏନି କିହାମାଞ୍ଜାନେ ଏଲେକଁ ମୀରୁ ଏଦାନାକି କିଦୁ; ତାନି କିହାମାନାଣି କିହାଁ ରୀ ଗୁଣ୍ଡୁ ଝେଟ୍‌ଦୁ, ଏଦି ଆମିନି ସଲ୍‌ତା କାଡ଼ୁ ଆଟ୍‌ହାମାନେ, ଏମାଆଁ ରୀ ଗୁଣ୍ଡୁ କାଡ଼ୁ ତାନି ସଲ୍‌ତା ଆଟ୍‌ଦୁ □

୭ ଏଦି ଏଚେକା ତାନି ଗାଝୁରମି କିହାମାନେ ଅଡ଼େ ବତପଣ ତଲେ ମାଞ୍ଜାମାନେ, ଏଲେକଁ ଏଦାନାକି ଦୁକୁ କସ୍ତ ହୀଦୁ; ଏନାଆଁତାକି ଇଚିହଁ ଏଦି ଜାହାରାଇଁ ମନତା ଝେସା କଡ଼ିମାନେ,

‘ନୀନୁ ରାଣି ଆହାଁ କୁଗାମାଇଁ, ନୀନୁ ରାଣ୍ଡେଣିତେସି ଆଏ, ନାଜେ ଏଚେଲାଝା ଦୁକୁ କିହାଲି ଆଏ □’

୮ ଇଦାଣିତାକି ର ଦିନା ବିତ୍ରା ତଣ୍ଡୁ ପାଣ୍ଡନେ, ଇଚିହଁ ହାକି, ଡ଼ାକି, ଅଡ଼େ କାର୍‌ଝୁ ଆନେ, ଅଡ଼େ ଏଦି ହିରୁତା ଝେହାହାନେ, ଇଚିହଁ ଏଦାନି ନୀହାୟି କିନସି ପ୍ରବୁ ମାହାପୁରୁ ବାରେ ବାଡ଼ୁୟୁ ଗାଟାସି □”

୯ ଦାର୍ତ୍ତିତି ବାରେ ରାଜାୟାଁ ତାନିତଲେ ଦାରିକାମା କିହାନା ରାହାଁଟି ନୀତାମାନେରି, ଏଝାରି ଏଦାନି ହୁଡ଼ିମାନି

☆ ୧୮:୨ ୧୮:୨ ଝେ ବଲ୍ଲୁ ୧୪:୮

ହିରୁ ବୟ୍‌ ଫେହ୍‌ନେରି, ଇଞ୍ଜା ଏଦାନି ତାକି ଦୁକୁ ଆହାଁ ଡାନେରି;

୧୦ ଏଞ୍ଜାରି ଏଦାନି କାକୁଲିଟି ଆଜିତାକି ହେକ ନିଚାନା ଏଲେଇନେରି, “ଆୟଡା, ଆୟଡା, କାଜା ଗାଡା, ବାଡ଼ୁୟୁ ଗାଟି ଗାଡା ବାବିଲନ ନୀନୁ ବାକା ପଣ୍ଡାଣାଟି, ଇଚିହ୍‌ ରଣ୍ଡିଏ ଗଂଟା ବିଡ୍ରା ନୀ ତଣ୍ଡା ଖାଡେ □”

୧୧ ଅଡେ ଦାରତିଡି ବେବାରା ଗାଟାରି ଏଦାନି ତାକି ଦୁକୁ ଆହାଁ ଡାନେରି, ଏନାଆଁତାକି ଇଚିହ୍‌ ଆମ୍ବାଆରି ଏଞ୍ଜାରି ପାର୍‌ନି ଦିଶ୍‌ସୁ କଡଅରି,

୧୨ ଇଚିହ୍‌ ବାଂଗାରା, ଝେଣ୍ଡି, ଦାରା ଗାଟି ମଣି ଅଡେ ମୁନ୍ତାୟାଁ, ସିଲ୍‌କୁ ହିମ୍ବରକା, ହେୟାଁ ଖାଣାଗାଟି ହିମ୍ବରକା, ପାରୁ ହିମ୍ବରକା, ଏଟକା ଏଟକାତି ଅଜିତି ହିମ୍ବରକା, ଚନ୍ଦନ ଇଞ୍ଜା ଏଦାନି ଲେହେଁତି ଗାନ୍ଦା ଗାଟି ମାରକା, ହାତି ପାଲକା, ଦାରା ଗାଟି ଝେସକା, ପିତାଡା, ଲହ୍, ଅଜିତି ତ୍ତସୁପା ଖାଲକାତଲେ କେପିତି ବାରେ ଆସ୍ତି □

୧୩ ଡାକନି ସାଲି, ଗାନ୍ଦାଗାଟି ଆସ୍ତି, ଦୁପ୍‌ଣି, ଗାନ୍ଦାଗାଟି ରୁବିନି ନିୟୁଁ, ଗାନ୍ଦାଗାଟି ଦୁପ୍‌ଣି, କାଡ଼ୁ ନିୟୁଁ, ଗୁଣ୍ଡା, ଗହ୍, କଡିୟାଁ, ମେଣ୍ଡାୟାଁ, ଗଡାୟାଁ, ରାତାୟାଁ, କଡାମାନି ହଲିୟାଙ୍ଗା, ଅଡେ ମାଣ୍ଡସିୟାଁତି ଜାସ୍ତି □

୧୪ “ନୀ ଜାସ୍ତିତି ଜୁପକା ଗାଟି ଅଣ୍ଡପୁତି ପାଡେୟିକା ନୀ ତାଣାଟି ମେଣ୍ଡାଙ୍ଗା ହାରୁ, ଅଡେ ବାରେ ଡାକନାୟି, ରାହାଁତି ବାରେ ନୀ ତାଣାଟି ଏଟକା କିଞ୍ଚି ଆହାଁ ନାସା ଆହାମାନେ, ଅଡେ ଏଚେଲାଞ୍ଜା ଏ ବାରେ ମେଡା ଆୟେଏ □”

୧୫ ଇ ବାରେ ଦିଶ୍‌ସୁତି ବେବାରା କିନାରି ଏ କାଜା ଗାଡା ତଲେ ବାଡ଼କୁ ଗାଟାରି ଆହାମାଚେରି, ଏଞ୍ଜାରି ଏଦାନି କସ୍ତି ଆଜିତାକି ହେକ ନିଚାନା ଦୁକୁତଲେ ଡାହ୍‌ ଏଲେଇନେରି □

୧୬ “ଆୟଡା! କାଜା ଗାଡାଟି! ନିଚେତାକି ଏଚେକା ଆଜିହପେତି କସ୍ତି ଖାଡେ, ନୀନୁ ଅଜିତି ହିମ୍ବରକା, ହେୟାଁ ଖାଣାଗାଟି ହିମ୍ବରକା, ପାରୁ ହିମ୍ବରକା ହୁଟାମାଟି, ଅଡେ ବାଂଗାରା, ଦାରାଗାଟି ମଣି ଇଞ୍ଜା ମୁନ୍ତାୟାଁ ତଲେ ମିଶ୍‌ସି ମାଟି ସାଜୁୟାଁ ତୁରହାମାଟି □

୧୭ ଇଚିହ୍‌ ରଣ୍ଡିଏ ଗଂଟା ବିଡ୍ରା ଏ ବାରେ ଦନ ମେଣ୍ଡାଙ୍ଗାହାଚେ □

ଏୟୁ ଜାଜାୟାଁ ସାଲ୍‌ଞ୍ଚି କିନାରି ଏମ୍ବାଆଁ କୁଗାମାନାରି ତଂଗାୟାଁ ସାଲ୍‌ଞ୍ଚି କିନାରି ଇଞ୍ଜା ସାମ୍‌ଦୁରିତା ଇତାଲା ଆତାଲା ରେଜିହ୍‌ ବେବାରା କିନାରି ହେକ ନିଚାନା,

୧୮ ଏ ଗାଡାତି ହୁଡିମାନି ହିରୁ ବୟ୍‌ ଫେସାନା କାଜା ଗାଟାରି ଗାଡାମାନେ ଏଲେଇନେରି, ଇ କାଜା ଗାଡା ଲେହେଁ ଆମିନି ଗାଡାମାନେ □

୧୯ ଏଞ୍ଜାରି ତାମି ତାକାଁ ଲାକ ଦୁଡି ଡାଞ୍ଜା କଡାନା ଦୁକୁତଲେ ଡାହ୍‌ ଡାହ୍‌ ଏଲେଇଚେରି, ଆୟଡା ଏ କାଜା ଗାଡାତି, ନିଚେ ଏଚେକା ଆଜିହପେତି ତଣ୍ଡା ଆଡେ, ନୀ ବାଡ଼କୁ ତଲେ ସାମ୍‌ଦୁରିତି ଜାଜାଣା ରେଜିହ୍‌ ବାଡ଼କା ମାଚେରି, ନୀଏଁ ରଣ୍ଡିଏ ଗଂଟା ବିଡ୍ରା ଏ ବାରେ ମେଣ୍ଡାଙ୍ଗାହାଚେ □”

୨୦ ଲାକପୁରୁ, ମାହାପୁରୁ ଲକୁ, ପାଣ୍ଡି ଆହାମାନାଚେରି, ମାହାପୁରୁ ଅଣ୍ଡପୁତି ବଲ୍ଲୁ ଝେହ୍‌ନାଚେରି, ମୀରୁ ଏଦାନି ନାସା ଆନାଣି ତାକି ରାହାଁ ଆଦୁ, ଏନାଆଁତାକି ଇଚିହ୍‌ ମାହାପୁରୁ ମିଚେ କିହା ମାଞ୍ଜାନାଣି ତାକି ବାଦୁଲି ଅହାମାନେସି □

୨୧ ଏଚେଟିଏ ତାୟୁ ର କାଜା ଦୁଡୁ, ର ଜେତାଖାଲି ଲେହେଁତି ର ଖାଲି ସାମ୍‌ଦୁରି ଲାକ ମେଡହାନା ଏଲେଇଚେସି, “ଇଲେକ୍‌ କାଜା ଗାଡା ବାବିଲନ ମେଡପି ଆନେ, ଅଡେ ଏଡି ଏଚେଲାଞ୍ଜା ତଞ୍ଜା ଆଏ □

୨୨ ସେରଙ୍ଗିୟାଁ ଅଡେ ପାଟିନାରି ହାଡା, ପୀରୁଡି ଡକିନାରି, ତୀଡି ଡକିନାରି ହାଡା ଏଚେଲାଞ୍ଜା ଏଦାନି ତାଣା ଝେଚେଏ, ନେହ୍‌ ନେହ୍‌ ସାଜୁ ଇଞ୍ଜା ଏଟକାତି ଆସ୍ତି କେପିନାରି ନୀ ତାଣା ତଞ୍ଜା ଆଅରି, ଅଡେ ଜେତାଖାଲକା ତଲେ ନୁୟୁଁ ନାୟି ଏଚେଲାଞ୍ଜା ହାଡା ଝେଚେଏ □

୨୩ ଦୀଞ୍ଜିୟାଁତି ଉଜେଡି ନୀ ତାଣା ଏଚେଲାଞ୍ଜା ଡାଞ୍ଜେଏ, ବୀହା ଆନି ମାସକା ଅଡେ ବୀହା ଆନି କକାରି ହାଡା ନୀ ତାଣା ଏଚେଲାଞ୍ଜା ଝେଚେଏ, ଏନାଆଁତାକି ଇଚିହ୍‌ ନୀ ତାଣା ବେବାରା କିନାରି ଦାରତିତା କାଜାରି ମାଚେରି, ଅଡେ ନୀ ମାୟାମନ୍ତରତା ବାରେ କୁଡାତି ଲକୁ ମୁଞ୍ଜା ହାଜାମାଚେରି □”

୨୪ ଗାଡାତା ମାହାପୁରୁ ଅଣ୍ଡପୁତି ବଲ୍ଲୁ ଝେହ୍‌ନାରି, ମାହାପୁରୁ ଲକୁ, ଇଞ୍ଜା ଦାରତିତା ପାୟୁଞ୍ଚିଆହାମାନି ଲକୁତି ନେଚେରି ଏଦାନି ତାଣା ତଞ୍ଜାଆହାମାଚେ □

୧୯

୧ ଏଚେଟିଏ ଲାକପୁରୁ ର କାଜା ମାନ୍ଦା ଲକୁତି ହାଡାଲେହେଁତି ର କାଜା ହାଡା ଏଲେଇଞ୍ଜିମାଚାଣି ଝେଚେଏ, “ହାଲେଲୁୟା! ଗେଲ୍‌ପିନି, ଗାସୁରମି ଅଡେ କାଜାପାଣା ମା ମାହାପୁରୁଖାୟି □

୨ ଇଚିହ୍‌ ଏଞ୍ଜାଣି ନୀହାଁୟି ସାତା ଅଡେ ନେହାୟି, ଆମିନି କାଜା ଦାରେଣି ତାନି ଦାରିକାମା ତଲେ ଦାରତିତି ଲକୁଣି ପଲ୍‌ଆ କିହାମାଚେ, ମାହାପୁରୁ ଏଦାନି ତଣ୍ଡା ହୀହାନା ତାନି ହଲିୟାଙ୍ଗାଣି ପାୟିତି ନେଚେରିତି ବାଦୁଲି ଅଡେସି □”

୩ ଅଡେ ଏଞ୍ଜାରି ରୀ ପାଲି ଏଲେଇଚେରି “ହାଲେଲୁୟା! ଏ ଗାଡା ଝେହିମାନି ବୟ୍‌ କାଲାକାଲାତାକି ହଚେମାନେ □”

୪ ଏଚେଟିଏ କଡେ ସାରି ଜାଣା ପ୍ରାଟିନାଙ୍ଗା ଅଡେ ସାରିଗଟା ଜନ୍ତୟାଁ ମୁନୁ କୁତାନା ସିଂଗାସାଣିତା କୁଗାମାନି ମାହାପୁରୁଇଁ ଜହରା କିହାନା ଏଲେଇଚୁ, “ଆମେନ୍ ହାଲେଲୁୟା □”

ମେଣ୍ଡା ଡାଲୁତି ବୀହା ବଜି

୫ ଏଚିବେଲା ସିଂଗାସାଣିଟି ର ହାଡା ହଚାନା ଝେଚିଡେ, “ଏ ମାହାପୁରୁତି ହଲିୟାଙ୍ଗାଚେରି, ଏଞ୍ଜାଣାଇଁ ଆଜିନି କାଜାରି ଇଚାରି ବାରେଜାଣା ଚେରି ମୀରୁ ମାହାପୁରୁଇଁ ଜହରା କିଦୁ □”

୭ ଅଡ଼େ ନାନୁ କାଜା ମାୟା ଲକୁ ଲେହେଁତି ହାଡ଼ା, ଲଦ ଲଦ ରିହିମାନି ଏୟୁ ଲେହେଁତି ହାଡ଼ା, ଅଡ଼େ ହାଗୁ ଗୁଣ୍‌ହିମାନି କାଜା ହାଡ଼ାଲେହେଁ ଏଲେଇଞ୍ଜି ଝେସିମାନାଣି ଝେଚେସି, “ହାଲେଲୁୟା! ଇଚିହିଁ ପ୍ରବୁ ମା ବାଡ଼ୟୁଗାଟି ମାହାପୁରୁ ରାଜା ଆହାନା ପାଣା ବେଟା ଆହାମାନେସି □

୮ ଖାଦୁ ମାର ରାହାଁ ଆନ, ଇଞ୍ଜା ଏଝାଣି ଗାଝୁରମି ତାକି ଏଝାଣାଇ ଜହରା କିନ, ଏନାଆଁତାକି ଇଚିହିଁ ମେଣ୍ଡା ତାଲୁତି ବାହା ଆନି ଦିନା ଏଦାତେୟିଏ, ଇଞ୍ଜା ଏଝାସି ବାହା ଆନି ମାଞ୍ଜା ତିୟାରା ଆହାମାନେ □

୯ ଏଦାନାକି ମିହୁନି ଅଡ଼େ ଅପନି ହିମ୍ବରି ହୁଚାଲି ହାପକି ଆଡୁ;” ଏ ଦବ୍‌ଲା ହିମ୍ବରି ଇଚିହିଁ ମାହାପୁରୁ ଲକୁତି ଦାମ୍‌ କାମାୟାଁ □

୧୦ ✱ଏଚିବେଲା ଦୁତୁ ନାଞ୍ଜେ ଏଲେଇଞ୍ଜାତେସି, “ରାଚାମୁ, ଆମିନି ଗାଟାରି ମେଣ୍ଡା ତାଲୁତି ବାହା ବଜିତା ହାଟୁକି ଆହାମାନେରି, ଏଝାରାକି ନେହେଁ” ଅଡ଼େ ଏଝାସି ନାଞ୍ଜେ ଏଲେଇଞ୍ଜାତେସି, “ଇ ବାରେ ମାହାପୁରୁତି ସାତା ବଲ୍ଲୁ □”

୧୧ ଏଚେଟିଏ ନାନୁ ଏଝାଣାଇ ଜହରା କିହାଲି ତାନି କଡାୟାଁ ତଇ ରିତେସି, ଏଚେଟିଏ ଏଝାସି ନାଞ୍ଜେ ଏଲେଇଞ୍ଜାତେସି, “ଜାଗ୍ରାତା, ଇଲେ କିଆନି, ନାନୁ ଜୀସୁ ଅଡ଼େ ମୀ ସାକି ଇଞ୍ଜା ମୀ ତାୟିୟାଁ ତଲେ ର ହଲେଏଣା ଲେହେଁ; ନାନୁ ମାହାପୁରୁଇଁ ଜହରା କିମ୍ପୁ,” ଜୀସୁତି ସାକି ଏଦି ସାତା, ମାହାପୁରୁ ବଲ୍ଲୁ ଝେହ୍‌ନାରି ଜୀଝୁ □

ଦବ୍‌ଲା ଗଡ଼ା ମୁହେଁ କୁଗାମାନାସି

୧୨ ଏଚେଟିଏ ନାନୁ ଲାକପୁରୁତି ଦେପିଆହାମାନାଣି ମେସ୍‌ସେସି, ଏମ୍‌ଆଁ ର ଦବ୍‌ଲା ଝାଣାଗାଟି ଗଡ଼ା ମାଚେ, ଏମ୍‌ଆଁ ହଚାମାନାଣି ଦରୁ ନାମିତାୟି ଅଡ଼େ ସାତାତାୟି; ଏଝାସି ନେହିଁକିଁ ନାହାୟି କିନେସି, ଅଡ଼େ ଜୁଜୁ କିନେସି □

୧୩ ଏଝାଣି କାଣ୍‌କା ହିଚୁ ଗୁଦ୍‌ଝା ଲେହେଁତାଇ, ତାନି ତାୟିଁତୁ ହାଚେକା ଚପେରିକା, ଅଡ଼େ ଏଝାଣି ର ଦରୁ ରାସକି ଆହାମାନେ, ଏ ଦରୁ ଏଝାଣି ପିସପେ ଆମ୍‌ଆରି ପୁନଅରି □

୧୪ ଏଝାସି ନେଚେରିତା ଉଡ଼ହା ମାନି ର ହିମ୍ବରି ହୁଚାମାନେସି, ଇଞ୍ଜା ଏଝାଣି ଦରୁ “ମାହାପୁରୁତି ବଲ୍ଲୁ □”

୧୫ ଲାକପୁରୁତି ଜୁଜୁ କିନାରି ଅପନି ଦବ୍‌ଲା ହିମ୍ବରିକା ହୁଚାନା ଦବ୍‌ଲା ଝାଣା ଗଡ଼ାୟାଁ ଲାକ କୁଗାନା ତାନି ଜେଚ ହାଚେ □

୧୬ ✱ଏଝାଣି ଗୁତିଟି ଝାସି କାଣ୍ଡା ହନେ, ଏ କାଣ୍ଡାତଲେ ବାରେ ଦେସାତି ଲକୁଇଁ ଟୁଣନେସି; ଏଝାସି ଏଝାରାଇଁ ଲହ ବାଡ଼ଗା ତଲେ ସାଲ୍‌ଝି କିନେସି, ଅଡ଼େ ଏଝାସି ତାନୁଏ ବାରେ ବାଡ଼ୟୁଗାଟି ମାହାପୁରୁ କାଜା କପା ଲେହେଁତି ଅଞ୍ଜୁରି ପାଡ଼େୟିକା ପାଟିନି ଗାଡ଼ୟୁତା ମାନି ପାଡ଼େୟିକା ଝିହନେସି □

୧୭ ଏଝାଣି ହିମ୍ବରିତା ଅଡ଼େ ଏଝାଣି କୁଦ୍‌ଗୁତା ଇ ଦରୁ ରାସକି ଆହାମାନେ, “ରାଜା କିହାଁ ରାଜା ଅଡ଼େ ପ୍ରବୁ କିହାଁ ପ୍ରବୁ □”

୧୮ ଏଚେଟିଏ ନାନୁ ର ଦୁତୁଇଁ ଝେଡ଼ା ଲାକ ନିଚାମାନାଣି ମେସ୍‌ସେସି; ଏଝାସି ହାଗୁତି ମାଦି ଉମ୍‌ମାନି ବାରେ ପଚାୟାଁଣି କାଜା ହାଡ଼ାତଲେ ହାଚାନା ଏଲେଇଚେସି, “ଖାଦୁ ମାହାପୁରୁତି କାଜା ବଜିତା କୃତା ଆଦୁ □

୧୯ ଏନିକିଁ ମୀରୁ ରାଜାୟାଁ, ଜୁଜୁ ତାକି କାଜାରି, ବାଡ଼ୟୁ ଗାଟାରି, ଗଡ଼ାୟାଁ ଅଡ଼େ ଗଡ଼ା ଲାକ କୁଗାମାନାରି, କଡାମାନି ହଲିୟାଞ୍ଜା, ହଲିୟାଞ୍ଜା ଆଆତାରି, କାଜାରି ଅଡ଼େ ଇଚାରି ବାରେତି ଉଞ୍ଜା ତିଞ୍ଜେରି □”

୨୦ ତାୟୁ ନାନୁ ଜନ୍ତୁତି ଅଡ଼େ ଦାରତିତି ରାଜାୟାଁଣି ଅଡ଼େ ଏଝାରି ଜୁଜୁ କିନାରାଇଁ, ଏଝାରି ଗଡ଼ାୟାଁ ଲାକ କୁଗାମାନାରି ଇଞ୍ଜା ଏଝାରି ଜୁଜୁ କିନାରି କପାଟି ଜୁଜୁ କିହାଲି କୃତା ଆହାମାନାଣି ମେସ୍‌ସେସି □

୨୧ ଏ ଜୁଜୁତା ଜନ୍ତୁ ଅଡ଼େ ଏଦାନି ନକିତା କାବାଆନି କାମା କିହିମାନି ଏ ନାଡ଼ିକିନି କ୍ରୀସୁଇଁ ଆସାନା ଦସପିଆଡେ □ ଆମିନି ଲକୁତାଣା ଏ ଜନ୍ତୁତି ସିନା ମାଚେ ଇଞ୍ଜା ଆମ୍‌ଆରି ଏଦାନି ବମାତି ପୂଜା କିହିମାଚେରି, ଜନ୍ତୁ ତାନି କାବାଆନି କାମା ତଲେ ଏଝାରାଇଁ ନାଡ଼ି କିହାମାଚେ □ ଜନ୍ତୁ ଇଞ୍ଜା ନାଡ଼ିକିନି କ୍ରୀସୁଇଁ ଡ଼ାଞ୍ଜିମାନି ହିଚୁତା ଜୀଝୁତଲେ ମେଡ଼ପିଆଡେ □

୨୨ ଅଡ଼େ ଏଚେକା ଡ଼ୟିତି ଲକୁ ଗଡ଼ା ଲାକ କୁଗାମାନାଣି ଗୁତିଟି ହଚିମାନି କାଣ୍ଡାତଲେ ପାୟୁଝିଆଡେରି; ଏଚେଟିଏ ବାରେ ପଚାୟାଁ ଏଝାରି ଉଞ୍ଜା ତିଞ୍ଜାନା ବାଣ୍ଡି ପାଞ୍ଜିତୁ □

୨୦

ର ମାଣା ବାର୍ସାତି ରାଜି କିନାୟି

୧ ଏଚେଟିଏ ନାନୁ ର ଦୁତୁଇଁ ଲାକପୁରୁତି ରେଚା ଝାହିମାଚାଣି ମେସ୍‌ସେସି, ଏଝାଣି କେୟୁତା ତାଡ଼େପୁରୁ ଗାଡ଼ୟୁତି କୁଚିକାଡ଼ି ଅଡ଼େ ର କାଜା ହିକଣି ମାଚୁ □

୨ ଏଝାସି କାଜା ରାଚୁତି, ଏ ପ୍‌ୟୁଈଇ ନାଗା, ଇଚିହିଁ ଦିୟାବଲ ଅଡ଼େ ସୟତାନତି ଆସାନା ର ମାଣା ବାର୍ସା ପାଡେକା ଦସପା ଇଚିତେସି □

୩ ଅଡ଼େ ଏଦାନି ତାଡ଼େପୁରୁ ଗାଡ଼ୟୁତା ମେଡ଼ହାନା ଗାଡ଼ୟୁତି ଦୁଝେରି ସୁଣ୍ଡାନା ଏଦାନି ଲାକ ହାକିତି ମୁଦ୍ରା ଝେଡେସି, ଇଞ୍ଜା ଏନିକିଁ ଏଦି ର ମାଣା ବାର୍ସା ରାଆ ପାଡେକା ଦେସାତି ଲକୁଣି ନାଡ଼ି କିହାଲି ଆଡେଏ; ଅଡ଼େ ତାୟୁ ଗାଡ଼େକା ତାକି ପିସପି କିଝି ଆନେ □

୪ ଏଚେଟିଏ ନାନୁ ଏଚରଗଟା ସିଂଗାସାଣିୟାଁ ମେସ୍‌ସେସି, ଏ ବାରେ ଲାକ ଏଚରଜାଣା କୁଚିତେରି, ଏଝାରାକି ନାହାୟି କିହାଲି ଅଦିକାରା ହାପକିଆଡେ, ଅଡ଼େ ଜୀସୁତି କାତା ଇଞ୍ଜା ମାହାପୁରୁତି ବଲ୍ଲୁ ତାକି ଆମ୍‌ଆରି ତାର୍କା ଦାପି ଆହାମାଚୁ, ଇଞ୍ଜା ଆମ୍‌ଆରି ଏ ଜନ୍ତୁ ଅଡ଼େ ତାନି ବମାତି ଜହରା କିହାଁ ହିଲାଆଚେରି ଅଡ଼େ ତାନି ସିନାତି ମୁଞ୍ଜୁତା

କି କେନ୍ଦ୍ରତା ବେଟାଆହା ହିଲାଆଡେରି, ଏଞ୍ଜାରି ଜୀଝୁୟାଁ ମେସ୍‌ସେର୍ସ; ଏଞ୍ଜାରି ଝେଣ୍ଡେ ନୀତାନା କ୍ରୀସ୍ତ ତଲେ ର ମାଣା ବାର୍ସା ପାଡେକା ସାଲଞ୍ଜି କିଡେରି □

୫ ଅଡେ ଏଚେକା ହାଡି ଲକୁ ଏ ର ମାଣା ବାର୍ସା ରାଆ ପାଡେକା ନୀତାଆଡେରି, ଇଦିଏ ତଲିତି ହାକିତି ନିଜିନାୟି □

୬ ଆମ୍ବାଆରି ମୂଲୁ ଝେଣ୍ଡେ ନିଜିନି ତାଣା ଆଣ୍ଡିନେରି ଏଞ୍ଜାରି ନେହେଁ, ଅଡେ ଏଞ୍ଜାରି ସୁଦୁଗାଟାରି; ଅଡେ ଏଞ୍ଜାରି ମୁହେଁ ତାୟୁତି ହାକିତି ଏନି ଅଦିକାରା ହିଲେଏ, ସାମା ଏଞ୍ଜାରି ମାହାପୁରୁ ଅଡେ କ୍ରୀସ୍ତ ପୂଜେରାଜ୍ଞା ଆହାନା ଏଞ୍ଜାଣିତଲେ ର ମାଣା ବାର୍ସା ପାଡେକା ସାଲଞ୍ଜି କିନେରି □

ସୟତାନତି ହାଡ଼ି ଆନାୟି

୭ ଏ ର ମାଣା ବାର୍ସା ରାଡିସାରେ ସୟତାନ ଦସ୍‌ପି ଆହାମାତି ଇଲୁଟି ପିସ୍‌ପି ଆନେ □

୮ ଏଚେଟିଏ ସୟତାନ ଦାର୍ଡିତି ସାରିସୁଟୁ ମାନି ଦେସାତାରାଇଁ ଇଚିହଁ ସାମ୍‌ଦୁରିତି ବାଃଲି ସମାନା ହାଡେକା ଗର୍ ଅଡେ ମେଗର୍ ଏଞ୍ଜାରାଇଁ ନାଡିକିହାନା ହୁଜୁ ତାକି କୁଡିକିହାଲି ହଡାହାନେ □

୯ ଏଞ୍ଜାରି ଦାର୍ଡିତି ସାରିସୁଟୁ ହାଜାନା ମାହାପୁରୁ ଲକୁ ବାସାଆନି ତାଣା ଅଡେ ମାହାପୁରୁ ଜୀଝୁ ନହାଁମାନି କାଜା ଗାଡାତା ମୁଚିଡେରି, ଏଚିବେଲା ଲାକପୁରୁଟି ହିରୁ ରିହାନା ଏଞ୍ଜାରାଇଁ ନାସା କିଡେ □

୧୦ ଆମିନି ସୟତାନ ଏଞ୍ଜାରାଇଁ ନାଡି କିହାମାଡେ, ଏଦାନି ହିରୁ ଅଡେ ଗାନ୍ଦାଗୁଣ୍ଡା ତଲେ ଡଞ୍ଜିମାନି ଗାଡ଼ୟୁତା ମେଡ୍‌ପିଆଡେ, ଏମ୍ବାଆଁ ଏ ଜଡ଼ ଇଞ୍ଜା ମାହାପୁରୁ ବଲ୍ଲୁ ମିଚି ଝେହ୍‌ନାସି ଜିକେଏ ମାନେସି; ଅଡେ ଏଞ୍ଜାରି ଏମ୍ବାଆଁ ଲାଆଁ ମାଦେନା କାଲାକାଲା ତାକି ତଣ୍ଡ ବେଟାଆନେରି □

ରାନି କାଲାତି ନୀହାଁୟି

୧୧ ଏଚେଟିଏ ନାନୁ ର କାଜା ଦବ୍‌ଲା ସିଂଗାସାଣି ଇଞ୍ଜା ଏମ୍ବାଆଁ ରଅସି କୁଗାମାନାଣି ମେସ୍‌ସେର୍ସ; ଏଞ୍ଜାଣି ନକିଚି ଦାର୍ଡି ଅଡେ ହାଗୁପାକା ହଟାଡୁସୁ, ଏଞ୍ଜାସିକାକି ଅଡେ ଟାୟୁ ମେଡ଼ା ଆଆଡେ □

୧୨ ଅଡେ ନାନୁ ଇଚାରି କାଜାରି ବାରେ ହାଡ଼ାରାଇଁ ସିଂଗାସାଣି ନକିତା ନିଚାମାନାଣି ମେସ୍‌ସେର୍ସ, ଅଡେ ପଡିୟାଁ ବାରେ ଦେପିଆଡୁ; ତାୟୁ ଜୀଝୁତି ପତି ଇଞ୍ଜାଁ ଅଡେ ର ପତି ଦେପିଆଡେ; ଏ ପତିଣାଁ ରାସ୍‌କି ଆହାମାନି ଲେହେଁ ହାଡ଼ାରି ତାନି କିତି କାମା ଲେହେଁ ନୀହାଁୟି କିଞ୍ଜି ଆଡେରି □

୧୩ ସାମ୍‌ଦୁରି ତାନିତାଣାଟି ହାଡ଼ାରାଇଁ ହେରପିଡେ, ଇଞ୍ଜାଁ ହାକି ଅଡେ ତାଡେପୁରୁ ତାନି ତାଣା ହାଡ଼ାରାଇଁ ହେରପିଡୁ; ଇଞ୍ଜାଁ ଏଞ୍ଜାରି ବାରେ ତାନି କିତି କାମା ତଲେ ନୀହାଁୟି କିଞ୍ଜି ଆଡେରି □

୧୪ ଏଚେଟିଏ ହାକି ଅଡେ ତାଡେପୁରୁଟି* ହିରୁତଲେ ଡଞ୍ଜିମାନି ଗାଡ଼ୟୁତା ମେଡ୍‌ପିଆଡେ, ଇ ତାୟୁତି ହାକି ଇଚିହଁ ହିରୁ ଗାଡ଼ୟୁ □

୧୫ ଆମ୍ବାଆରି ଦରୁ ଜୀଝୁତି ପତିତା ରାସ୍‌କି ଆହା ହିଲାଆଡେ ଏଞ୍ଜାରାଇଁ ଡଞ୍ଜିମାନି ହିରୁ ଗାଡ଼ୟୁତା ମେଡ୍‌ପିଆଡେ □

୨୧

ପୁଃନି ହାଗୁପାକା ଅଡେ ପୁଃନି ଦାର୍ଡି

୧ *ଏମ୍ବାଟିଏ ନାନୁ ର ପୁଃନି ହାଗୁପାକା ଅଡେ ପୁଃନି ଦାର୍ଡି ମେସ୍‌ସେର୍ସ, ଇଚିହଁ ତଲିତି ହାଗୁପାକା ଅଡେ ତଲିତି ଦାର୍ଡି ମେଣ୍ଡାକା ହାଜାମାଡେ, ଇଞ୍ଜାଁ ସାମ୍‌ଦୁରି ଅଡେ ହିଲାଆଡେ □

୨ *ଅଡେ ନାନୁ ସୁଦୁ ଗାଡ଼ା ଇଚିହଁ ପୁଃନି ଜିରୁସାଲମତା ତାନି ବୀହା ଆନି ତକ୍ରାଇଁ ବେଟାଆୟାଲି ତିୟାରା ଆହାମାନି ଡ଼ାଆ ମାଙ୍ଗାଲେହେଁ ଲାକପୁରୁଟି ମାହାପୁରୁ ତାଣାଟି ରେଚାଞ୍ଜାହି ମାଚାଣି ମେସ୍‌ସେର୍ସ □

୩ ଅଡେ ନାନୁ ସିଂଗାସାଣିଟି ର କାଜା ହାଡ଼ା ଏଲେ ଇଞ୍ଜିମାଚାଣି ଝେଚେର୍ସ, “ମେହ୍‌ଦୁ ମାଣ୍ଡିୟାଁ ତାଣା ମାହାପୁରୁଟି ବାସାଟାୟୁ ମାନେ, ଏଞ୍ଜାସି ଏଞ୍ଜାରିତଲେ ବାସା ଆନେସି, ଇଞ୍ଜାଁ ଏଞ୍ଜାରି ଏଞ୍ଜାଣି ଲକୁ ଆନେରି,

୪ ଅଡେ ମାହାପୁରୁ ତାନ୍‌ଏ ଏଞ୍ଜାରିତଲେ ତୁୟିନେସି, ଇଞ୍ଜାଁ ଏଞ୍ଜାରି କାନୁତି ବାରେ କାଣ୍ଡୁ ଜେଜାତୁହ୍‌ନେସି; ଏମ୍ବାଆଁ ହାକି ଅଡେ ଝାଏ; ଦୁକୁ, ଡ଼ାକି, ଇଞ୍ଜାଁ ବୀସା ଅଡେ ତୁୟେଏ; ଇଚିହଁ ପୁଃଆୟି ବାରେ ମେଣ୍ଡାକା ହାଜାମାନେ □”

୫ ଏଚେଟିଏ ସିଂଗାସାଣିତା କୁଗାମାନାସି ଏଲେଇଚେସି, “ମେହ୍‌ମୁ ନାନୁ ବାରେ ପୁଃନି କିହିମାଇଁ!” ଅଡେ ଏଞ୍ଜାସି ଏଲେଇଞ୍ଜାଡେସି, “ରାଡ଼ାମୁ, ଏମ୍ବାଆଁତାକି ଇଚିହଁ ଇ ବାରେ କାତା ସାତାତାୟି ଅଡେ ନାମୁଗାଟାୟି □”

୬ ଏଞ୍ଜାସି ନାଙ୍ଗେ ଅଡେ ଏଲେଇଞ୍ଜାଡେସି, “ବାରେ ରାଡେୟିଏ, ନାନୁ ଆଲ୍‌ପା ଅଡେ ଅମେଗା, ମାଟ୍‌ନାଡେର୍ସ ଅଡେ ରାପ୍‌ନାଡେର୍ସ, ଆମ୍ବାଆସି ଏସ୍‌କି ଗାଟାସି ଏଞ୍ଜାଣାକି ଜୀଝୁହାନି ଜାର୍‌ଣାଟି ତାବୁୟାଁ ହୀଆନା ଏୟୁ ଗସାଲି ହାଇଁ □

୭ ଆମ୍ବାଆସି ଜୀଣା ଆନେସି, ଏଞ୍ଜାସି ଇ ବାରେଡି ଅଦିକାରା ଆନେସି; ନାନୁ ଏଞ୍ଜାଣି ମାହାପୁରୁ ଆଇଁ, ଇଞ୍ଜାଁ ଏଞ୍ଜାସି ନା ମୀର୍‌ଏସି ଆନେସି □

୮ ସାମା ଆମ୍ବାଆରି ଆଜିନାରି, ନାମୁ ହିଲାଆ ଗାଟାରି, ଅପାଆଗାଟି କାମାକିନାରି, ଲକୁଣି ପାୟିନାରି, ଦାରି କିନାରି, ଗୁଣି ଗାଡ଼ି କିନାରି, ପେଣ୍ଡକା ବମାୟାଁ ପୂଜା କିନାରି, ଏଞ୍ଜାରି ଅଡେ ବାରେ ମିଚି କାତା ଝେହ୍‌ନାରି, ହିରୁ ଅଡେ ଗାନ୍ଦାଗୁଣ୍ଡା ତଲେ ଡଞ୍ଜିମାନି ଗାଡ଼ୟୁତା ଟାୟୁ ବେଟାଆନେରି, ଏଦି ତାୟୁତି ହାକି □”

* ୨୦:୧୪ ୨୦:୧୪ ହାଡ଼ାରି ମାନି ଦେସାତି ☆ ୨୧:୧ ୨୧:୧ ୨ପିତ ୩:୧୩ ☆ ୨୧:୨ ୨୧:୨ ଝେ ବଲ୍ଲୁ ୩:୧୨

ପୁଅନି ଜିରୁସାଲମ

୯ ଏଚେଟିଏ ସାଡ଼ାଗଟା ଦୂତୁୟାଁ ତାୟୁତି ସାଡ଼ାଗଟା ତଣ୍ଡୟାଁଇଁ ଆସାମାନି ସାଡ଼ାଗଟା ଗିନାୟାଣା ସାଡ଼ାଗଟା ଦୂତୁୟାଁ ବିତ୍ରାଟି ର ଦୂତୁ ନା ତାଣା ଖାହାନା ଏଲେଇଞ୍ଜାତେସି, “ଇମ୍ପାଆଁ ଖାମ୍ପୁ, ବାହା ଆହିମାନି ତାଆମାଜ୍ଜା ଇଚିହିଁ ମେଣ୍ଡା ତାଲୁତି ଡକ୍‌ନି ନିଜ ତସ୍ତାଲ୍ଲି □”

୧୦ ଏଚେଟିଏ ଏ ଦୂତୁ ନାଜେ ସୁଦୁଜୀଝୁ ବାଡ଼ୟୁତି ର କାଜାୟି ଅଡ଼େ ପାଡ଼ାଆଡ଼ି ହରୁତା ଅହାନା ଏ ସୁଦୁ ଗାଡ଼ା ଜିରୁସାଲମତି ତସ୍ତାତେସି, ଏଦି ଲାକପୁରୁଟି ଇଚିହିଁ ମାହାପୁରୁ ତାଣାଟି ରେଚା ଖାହିମାଚେ,

୧୧ ଅଡ଼େ ଏଦି ମାହାପୁରୁଟି ଗାଝୁରମି ତଲେ ମୁସିମାଚେ, ଏଦାନି ଉଜେଡ଼ି ହାରେକା ଦାରାଗାଟି ମଣି ଅଡ଼େ ଝେଡ଼ାତି ଅପ୍‌ନି ଦାପେଣିଲେହେଁ □

୧୨ ଏଦାନି ସାରିସୁଟୁ ର କାଜାୟି ଅଡ଼େ ପାଡ଼ାଆଡ଼ି କଟା ମାନେ, ଏମ୍ପାଆଁ ବାରଗଟା ଦୁଝେରିକା, ଏ ଦୁଝେରିକାଣା ବାରଜାଣା ଦୂତୁୟାଁ ଇଞ୍ଜା ଦୁଝେରିକା ଲାକ ଇସାୟେଲ ମାରକାତି ବାର କୃଡ଼ାତି ଦରକା ରାସ୍‌କି ଆହାମାନେ □

୧୩ ଝେଡ଼ା ହପୁଝାକି ତାନିଗଟା ଦୁଝେରିକା, ଚିଃନିଝାକି ତାନିଗଟା ଦୁଝେରିକା, ଚେବୁଝାକି ତାନିଗଟା ଦୁଝେରିକା, ଅଡ଼େ ଝେଡ଼ା କୃଡ଼ନି ଝାକି ତାନିଗଟା ଦୁଝେରିକା □

୧୪ ଏ ଗାଡ଼ାତି କଟା ବାରଗଟା ପୁନାଦିକା ଇଟ୍‌କି ଆହାମାନୁ, ଏ ଝାଲକା ଲାକ ମେଣ୍ଡା ତାଲୁ ତାଣାଟି ବାରଜାଣା ପାଣ୍ଡୁଝି ଆହାମାନାରି ବାରଗଟା ଦରକା ରାସ୍‌କି ଆହାମାନୁ

୧୫ ନା ତଲେ କାତା ଆହିମାଟି ଦୂତୁତି କେୟୁତା ଗାଡ଼ାତି, ଇଞ୍ଜା ଏମ୍ପାତି ଦୁଝେରିକା ଅଡ଼େ ସାରିସୁଟୁଟି କଟା ଲାଟାଲି ର ବାଂଗାରା ବାଡ଼ଗା ମାଚେ □

୧୬ ଏ ଗାଡ଼ାତି ସାରି କନ, ତାନି ଲାମ୍ପା ଅଡ଼େ ଅସାରା ରଣ୍ଡିଏ ସମାନା; ଏଝାସି ଏ ଗାଡ଼ାତି ଏ ବାଡ଼ଗା ତଲେ ଲାଟାଲିଏ ବାର ମାଣା ବାଡ଼ଗା ଆଡେ; ଏମ୍ପାତି ଲାମ୍ପା ଅସାରା ଅଡ଼େ ପାଡ଼ଣି ଜିକେଏ ସମାନା ଆଡେ □

୧୭ ଅଡ଼େ ତାୟୁ ଏଦି ଗାଡ଼ାତି ସାରିସୁଟୁ କଟା ଲାଟାଲିଏ ଏଦି ମାଣ୍‌ସିତି ଲେକାତଲେ ସାଡ଼ାକଡ଼ି ସାରି ହାଡ଼ା ଆଡେ, ଦୂତୁ ଏ ଲେକାତଲେ ଲାଟି ମାଚେସି □

୧୮ ଏ ସାରିସୁଟୁଟି କଟା ଝେଡ଼ାତି ଅପ୍‌ନି ଦାପେଣି ଲେହେଁତି ମଣି ତଲେ କେପି ଆହାମାନେ, ଅଡ଼େ ଗାଡ଼ା ଅପ୍‌ନି ଦାପେଣି ଲେହେଁତି ସୁଦୁ ବାଂଗାରା ତଲେ କେପି ଆହାମାନେ □

୧୯ ଗାଡ଼ାତି ସାରିସୁଟୁ କଟାତି ପୁନାଦି ଏଟକା ଏଟକାତି ହାରେ ଦାରାଗାଟି ମଣି ଝାଲକାତଲେ ଅଜିକିଝି ଆହାମାନେ, ତଲିତି ପୁନାଦି ଜାସପର, ରା ଲମ୍ବର ପୁନାଦି ନିଲକାନ୍ତମଣି, ତାନି ଲମ୍ବର ପୁନାଦି ବଦୁଜ୍ୟମଣି, ସାରି ଲମ୍ବର ପୁନାଦି ମରକତମଣି,

୨୦ ପାସା ଲମ୍ବର ପୁନାଦି ପଲକମଣି, ସ ଲମ୍ବର ପୁନାଦି ମାଣିକ୍ୟ ମଣି, ସାଡ଼ା ଲମ୍ବର ପୁନାଦି ପୁସପରାଗମଣି, ଆଟା ଲମ୍ବର ପୁନାଦି ପିରଜମଣି, ନ ଲମ୍ବର ପୁନାଦି

ଗମେସଦକ ମଣି, ଦସ ଲମ୍ବର ପୁନାଦି ଇସୁନିୟମଣି, ଏଗାର ଲମ୍ବର ପୁନାଦି ଦାରଣାକି ଝାଣାଗାଟି ମଣି, ବାର ଲମ୍ବର ପୁନାଦି ନେହିଁ ଗାନ୍ଧାଗାଟି ମଣି ମାଚେ □

୨୧ ବାର ଗଟା ଦୁଝେରିକାଣାଁ ବାରଗଟା ମୁକ୍ତାୟାଁ, ର ଦୁଝେରିତି ର ମୁକ୍ତା ତଲେ କେପି ଆହାମାନୁ; ଅଡ଼େ ଗାଡ଼ାତି ଆଂଗେଣିକା ନେହିଁ ଦାପେଣି ଲେହେଁତି ସୁଦୁ ବାଂଗାରା ତଲେ ଆହାମାନୁ □

୨୨ ନାନୁ ଏ ଗାଡ଼ାତା ଏଦି ଦେଝୁଡ଼ି ଜିକେଏ ମେହଆଡେଏଁ, ଇଚିହିଁ ପ୍ରବୁ ବାରେ ବାଡ଼ୟୁ ଗାଟି ମାହାପୁରୁ ଅଡ଼େ ମେଣ୍ଡା ତାଲୁଏ ଏମ୍ପାତି ଦେଝୁଡ଼ି ସମାନା □

୨୩ ଉଜେଡ଼ି ତାକି ଏମ୍ପାଆଁ ଝେଡ଼ା କି ଲେଞ୍ଜୁତି ଲଡ଼ା ଆଏ, ଇଚିହିଁ ମାହାପୁରୁଟି ଗାଝୁରମିଏ ଏମ୍ପାଆଁ ଉଜେଡ଼ି କିନେ, ଅଡ଼େ ମେଣ୍ଡା ତାଲୁ ଏମ୍ପାତି ଦୀଝିଁ ସମାନା □

୨୪ ଏମ୍ପାତି ଉଜେଡ଼ି ତଲେ ବାରେ ଦାରତିତି ଲକୁ ତାକିନେରି, ଅଡ଼େ ଦାରତିତି ରାଜାୟାଁ ତାନି ହାରେକା ଦନ ଏ ଗାଡ଼ା ବିତ୍ରା ତାନେରି □

୨୫ ଏମ୍ପାତି ଦୁଝେରିକା ମାଦେନା ବେଲା ଦେପି ଆହାଁ ତୟିନୁ; ଏଝି ଏଚେଲା ଜିକେଏ ସୁଣ୍ଡକି ଆଡ଼, ଇଚିହିଁ ଏ ଟାୟୁତା ଲାଆଁୟାଁ ଇନାୟି ହିଲେଏ □

୨୬ ବାରେ କୃଡ଼ାତି ଲକୁ ତାନି ଗାଝୁରମି ଅଡ଼େ ହାରେକା ଦନ ଏ ଗାଡ଼ାତା ତାନେରି □

୨୭ ଏଦି ପଲ୍‌ଆ ଗାଟାରି କି ଅପାଆଗାଟି କାମାକିନାରି, ମିଟି ଜଲ୍‌ନାରି ଆମ୍ପାଆରି ଏମ୍ପାଆଁ ହଡ଼ାଲି ଆଡ଼ଅରି; ସାମା ଆମ୍ପାଆରି ଦରୁ ମେଣ୍ଡା ତାଲୁତି ଜୀଝୁତି ପତିତା ରାସ୍‌କି ଆହାମାନେ, ଏଝାରି ହଡ଼ାଲି ଆଡ଼ିନେରି □

୨୨

୧ ତାୟୁ ଦୂତୁ ନାଜେ ଜୀଝୁହାନି ଏୟୁତି ର କାତା ତସ୍ତାତେସି, ଏଦି ଅପ୍‌ନି ଦାପେଣିଲେହେଁ ଉଜେଡ଼ି, ଅଡ଼େ ମାହାପୁରୁ ଇଞ୍ଜା ମେଣ୍ଡା ତାଲୁତି ସିଂଗାସାଣିଟି ହଡ଼ାନା ଗାଡ଼ାତି ଜିରୁ ମାଦିଟି ହାଜିମାନେ □

୨ ଏ କାତାତି ରିକଝାକି ବାର ଦେବା ପାଡ଼େୟି ଆୟିନି ଜୀଝୁତି ମାର୍‌ନୁ ମାନେ, ଏମ୍ପାଆଁ ଲେଞ୍ଜୁ ତାକି ଲେଞ୍ଜୁ ପାଡ଼େୟି ଆୟିନେ, ଇଞ୍ଜା ଏ ମାର୍‌ନୁତି ଆକା ବାରେ କୃଡ଼ାତାରାଇଁ ରଟି ନେହିଁ କିନାଇ □

୩ ଏମ୍ପାଆଁ ଏଦି ବାକା ଡ଼ୟେଏ, ମାହାପୁରୁ ଅଡ଼େ ମେଣ୍ଡା ତାଲୁତି ସିଂଗାସାଣି ଗାଡ଼ା ମାଦିଏ ଡ଼ୟିନେ, ଇଞ୍ଜା ଏଝାଣି ହଲିୟାଜ୍ଜା ଏଝାଣି ସେବା କିନେରି □

୪ ଏଝାରି ତାନି ମୁମ୍ ମେହନେରି, ଇଞ୍ଜା ତାନି ଦରୁ ଏଝାରି ମୁଞ୍ଜୁତା ରାଡ଼ିନେସି □

୫ ଏମ୍ପାଆଁ ଲାଆଁୟାଁ ଆଏ, ଏଝାରିକି ଦୀଝିଁ କି ଝେଡ଼ାତି ଉଜେଡ଼ି ଲଡ଼ା ଆଏ, ଇଚିହିଁ ପ୍ରବୁ ମାହାପୁରୁ ଏଝାରି ମୁହେଁ ଉଜେଡ଼ି ଲେହେଁ ଆନେସି, ଇଞ୍ଜା ଏଝାରି କାଲାକାଲା ତାକି ରାଡ଼ି କିନେରି □

ଜୀସୁ ଝେଣ୍ଡା ଝାନାୟି

୬ ଏତେଟିଏ ଦୂତ ନାଜେ ଏଲେଇତେସି, “ଇ ବଲ୍ଲୁ ସାତା ଇଞ୍ଜା ନାମୁଗାଟାୟି; ଏନାୟି ଗାଡ଼େକେଏ ଗଟ୍‌ଝି ଆନେ, ଏ ବାରେ ତାନି ସେବା କିନାରାଇଁ ତସାଲି ତାକି, ପ୍ରବୁ, ମାହାପୁରୁ ଅଣ୍‌ପୁତି ବଲ୍ଲୁ ଝେହନାରି ଜୀଝୁୟାତି ମାହାପୁରୁ, ତାନି ଦୂତୁଇଁ ପାଣ୍ଡାମାଞ୍ଜାନେସି □”

୭ “ମେହ୍‌ମୁ ନାନୁ ତବେ ଝାହିମାଇଁ; ଆମ୍ବାଆସି ଇ ପତିତି ବଲ୍ଲୁତି ମାନୁଝି ଆନେସି ଏଝାସି ନେହେଁ □”

୮ ନାନୁ ଜହନତେଏଁ, ଇ ବାରେ ଝେତି ଅଡ଼େ ମେସ୍ତି ତାୟୁ ଆମିନି ଦୂତ ନାଜେ ଏ ବାରେ ତସାତେସି, ନାନୁ ଏଦାନି ଜହରା କିହାଲି ତାନି ପାଞ୍ଚଆନା କତାଣା ରିତେଏଁ □

୯ ସାମା ଏଝାସି ନାଜେ ଏଲେଇଞ୍ଜାତେସି, “ଜାଗ୍ରାତା ଏଲେକିଆନି, ନାନୁ ଜିକେଏ ନୀ ତଲେ ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନି ନୀ ତାୟିୟାଁ ତଲେ, ଅଡ଼େ ଇ ପତିତା ରାସ୍‌କି ଆହାମାନି ବଲ୍ଲୁତି ବାରେ ମାନୁଝି ଆନାରି ତଲେ ର ହଲେଏଣା ଲେହେଁ; ମାହାପୁରୁଇଁ ଜହରା କିମୁ □”

୧୦ ଅଡ଼େ ଏଦି ନାଜେ ଏଲେଇଞ୍ଜାତେସି, “ନାନୁ ଇ ପତିତି ତାୟୁ ଗଟ୍‌ଝି ଆନି ବଲ୍ଲୁତି ସାଲି କିଆନି, ଏନାଆଁତାକି ଇତିହଁ କାଲମି ଏଦାତେୟିଏ □

୧୧ ଆମ୍ବାଆସି ଦାମ୍‌ନୁ ହିଲାଆଗାଟାସି, ଏଝାସି ଅଡ଼େ ଦାମ୍‌ନୁ ହିଲାଆ କାମା କିପାସି, ଆମ୍ବାଆସି ଲାଗେଏ କାମା କିନେସି, ଏଝାସି ଅଡ଼େ ଲାଗେଏ କାମା କିପାସି, ଆମ୍ବାଆସି ଦାମ୍‌ନୁଗାଟାସି, ଏଝାସି ଅଡ଼େ ଦାମ୍‌ନୁଗାଟାସି ଆପେସି, ଆମ୍ବାଆସି ସୁଦୁଗାଟାସି, ଏଝାସି ଅଡ଼େ ସୁଦୁ ଆପେସି □”

୧୨ “ମେହ୍‌ମୁ, ନାନୁ ତବେ ଝାହିମାଇଁ, ବାରେଜାଣା ତାକି ତାନି କାମାତି ଲେକାତଲେ ପାଡ଼େୟି ହାହାଲି ନା ଦାନା ନା ତାଣା ମାନେ □

୧୩ *ନାନୁ ଆଲ୍‌ପା ଅଡ଼େ ଅମେଗାତେଏଁ, ନକିତାତେଏଁ ଇଞ୍ଜା ତାୟୁତାତେଏଁ, ମୂଲୁତାତେଏଁ ଅଡ଼େ ରାପ୍‌ନାତେଏଁ □”

୧୪ ଜୀଝୁତି ମାର୍‌ନୁତି ଅଦିକାରା ଆୟାଲି ଅଡ଼େ ଦୁଝେରିତି ଗାଡ଼ାତା ହଡ଼ାଲି ତାକି ଆମ୍ବାଆରି ତାନି

ହିମ୍‌ପୁରିକା ରାଟାମାନେରି ଏଝାରି ନେହେଁ □

୧୫ ସାମା ରେଜିମାନି ନେସ୍‌କା ଲେହେଁତାରି, ଗୁଣି ଗାରଡ଼ି କିନାରି, ଦାରିକାମା କିନାରି, ଲକୁଣି ପାୟିନାରି, ପେଣ୍‌କା ବମାୟାଣି ପୂଜା କିନାରି, ମିଟିକାତାତି ଜୀଝୁ ନନାରି, ମିଟି କାମାତି କିହାଲି ରାହାଁ ଆନାରି ବାରେ ପାଙ୍ଗାତା ଡ଼ୟିନେରି □

୧୬ “ନାନୁ ଜୀସୁତେଏଁ, ମାହାପୁରୁ କୁଲମିକା ତାକି ମିଙ୍ଗେ ଇ କାତା ଝେସାଲି ନା ଦୂତୁଇଁ ପାଣ୍ଡାମାଞ୍ଜାଇଁ, ନାନୁଏ ଦାଝୁଦତି ମୂଲୁ ଅଡ଼େ କୁଡ଼ାତାତେଏଁ; ଏ ଉଜେଡ଼ିତି ଝେୟାଜାରା ହୁକାତେଏଁ □”

୧୭ ସୁଦୁଜୀଝୁ ଅଡ଼େ ବାହା ଆନି ଡ଼ାଆ ମାଙ୍ଗା ଏଲେଇନୁ, “ଝାମ୍‌ନୁ!”

ଆମ୍ବାଆସି ଝେନେସି ଏଝାସି ଏଲେଇଣ୍‌ମାସି, “ଝାମ୍‌ନୁ!” ଏସ୍‌କି ଗାଟାସି, ଝାପାସି, ଆମ୍ବାଆସି ମନ କିନେସି; ଏଝାସି ଜୀଝୁହୀନି ଏୟୁ ଉଜେଏ ଗସ୍‌ପେସି □

ରାନ୍‌ କାତା

୧୮ ଆମ୍ବାଆରି ଇ ପତିତା ମାନି ତାୟୁ ଗଟ୍‌ଝି ଆନି କାତାତି ଝେନେରି, ନାନୁ ଏଝାରାଇଁ ଜାଗ୍ରାତା କିହଁ ଝେସିମାଇଁ, ଆମ୍ବାଆସି ଇ ପତିତା ଏନାଆଁ ଆଟ୍‌ନେସି, ଆତିହଁ ମାହାପୁରୁ ଇ ପତିତା ରାସ୍‌କି ଆହାମାନି ତଣ୍‌ୟାଁ ଏଝାଣାକି ହୀନେସି;

୧୯ ଅଡ଼େ ଆମ୍ବାଆସି ଇ ପତିତି ବଲ୍ଲୁତି ମେକ୍‌ନେସି, ଆତିହଁ ମାହାପୁରୁ ଇ ପତିତା ରାସ୍‌କି ଆହାମାନି ଜୀଝୁତି ମାର୍‌ନୁ, ଅଡ଼େ ସୁଦୁ ଗାଡ଼ାତି ତାନି ବାଗା ମେକ୍‌ନେସି □

୨୦ ଆମ୍ବାଆସି ଇ ବାରେତାକି ସାକି ହୀହିମାନେସି, ଏଝାସି ଏଲେଇଞ୍ଜି ମାନେସି, ସାତା, “ନାନୁ ତବେ ଝାହିମାଇଁ!” ଆମେନ୍ □ ପ୍ରବୁ ଜୀସୁ ଝାମ୍‌ନୁ □

୨୧ ପ୍ରବୁ ଜୀସୁତି କାର୍‌ମାମେହ୍‌ନାୟି ବାରେତାୟି ମାଜେ ଆୟାପେ □ ଆମେନ୍ □

☆ ୨୨:୧୩ ୨୨:୧୩ ଝେ ବଲ୍ଲୁ ୧:୮; ଝେ ବଲ୍ଲୁ ୧:୧୭; ୨:୮